

SC.2LP6.6.



- MAG 160







L

1

TRIBUNAL  
CONFESSARIORUM,  
*E T*  
ORDINANDORUM.

THE UNITED STATES OF AMERICA

AND THE DISTRICT OF COLUMBIA

# TRIBUNAL CONFESSARIORUM, ET ORDINANDORUM

DECLINATO PROBABILISMO; COMPLECTENS

stylo brevi, clara, ac firma Sententia, omnes usitatores materias Theologico-morales juxta probabiliora, ac inconcussa Dogmata Angelici, ac Quinti Ecclesiæ Doctoris, D. THOMÆ AQUINATIS Ordinis Prædicatorum, ejusque invictissimæ Scholæ.

## S E R V I E N S

OMNIBUS THEOLOGIS MORALIBUS, POTISSIMUM IIS,

qui sive pro animarum cura, aut Ordinum susceptione: sive pro imponenda Theologiæ Moralis studio coronide, vel defendendis Thefibus moralibus methodo Thomistica arguere, examinare, aut responsa dare cupiunt. Ipsi etiam pœnitentibus, cujuscumque sint conditionis, perutile, ac necessarium.


Opera, ac studio

P. FR. MARTINI VVIGANDT

Ord. Prædic. SS. Theologiæ Magistri, ejusdemque in celeberrima, & antiquissima Universitate Viennensi Doctoris, ac quondam studii Generalis in Conventu Primi Moderatoris, seu Regentis.

IN HAC TERTIA EDITIONE VENETA

A quibusdam mendis expurgatum, iis, quæ in Appendice præcedentis Editionis notabantur, suo loco appositis.



VENETIIS, MDCCXVII.

Apud Nicolaum Pezzana.

SUPERIORUM PERMISSU, AC PRIVILEGIO.

*[Faint, illegible handwritten text, possibly bleed-through from the reverse side of the page]*



SANCTO SANCTORUM,  
SACERDOTI IN ÆTERNUM,  
VERBO INCARNATO

*Se, & verba sua Auctor consecrat.*



Sancte Sanctorum, Sacerdos æternæ, Judex Supreme; VERBUM CARO FACTUM; Benignis auribus percipe verba mea, quibus Sacerdotum tuorum TRIBUNAL ex sua infirmitate, inaccessibili adrepat, seque humillimè subternit MAJESTATIS TUÆ Solio. Felicitatem etenim quærit in suo principio, & centro. Redit ad fontem, unde exivit. Ex alieno liberalis; quod tuum est, TIBI tribuo. Verba, quæ, & quot amplectitur, tua sunt, qui es Dux omnis Verbi. Doctrina mea, quæ in eis est, non est mea, sed est illius VERBI, quod è Crucis pulpito paucis verbis, BENE SCRIPSISTI DE ME, THOMA, omnia THOMÆ AQUINATIS verba censuravit, approbavit, justificavit. TU VERBUM Patris es, Thomas ( Adverbium Filii ) BENE tuum, cruciat Verbum bonum. Verba Thomæ à VERBO Patris probata sunt, testimonio indefinito, ideòque universali. Ergo absque omni prorsus errore scripsit, qui censuratur, dum nec fallere, nec falli potest, qui censurat, & probat. Quidni proin TRIBUNALIS hujus verba, infinitis TITULIS VERBO Patris debita, singulari sacrarem TIBI submissione? Judicium namque est mundi, ea propter ad Supremum appellat Judicem. TRIBUNAL Confessoriorum est, Tu ligandi, atque solvendi potestatem dedisti; aperis, & nemo claudit; claudis, & nemo aperit. Examen Ordinandorum est, Tu Summus es Sacerdos, cujus Sponsa Ecclesia est, sicut castrorum acies ordinata: tuique Sacerdotii Character noster est participium. TU VERBUM divinum es, munus, quod offero, divina sapit, quia Theologicum est. TU VERBUM practicum es, portans omnia VERBO virtutis tuæ, quo Cœli firmati sunt: ideòque Theologiam practicam TIBI dedico. Tu brevitatem amas. VERBUM es abbreviatum, hinc Theologiam abbreviatam immensi quodammodo Theologici Moralismi Synopsis TIBI confesco. TIBI, inquam, qui scientiarum Dominus es, cujus Sapientiæ non est numerus: qui Sapientia tua attingis à fine usque ad finem fortiter, & disponis omnia suaviter in numero, pondere, & mensura. TIBI, qui scibilis universi es ALPHA, & OMEGA; Theologorum omnium Vox, & Echo; Prophetarum

rum inspirator; Apostolorum Magister; Evangelistarum Doctor; Doctorum vita. Doctores sine hoc VERBO sunt sicut corpus sine anima, in ipso vivimus, movemur, & sumus. Hoc VERBUM Doctorum Sol, & radius est, sine quo VERBO sunt sicut Caelum sine Sole, sicut Sol sine radio. Hoc VERBUM Doctorum ignis, ardor, & flamma est, sine quo VERBO sunt sicut ignis sine ardore, uti ardor sine flamma. Hoc VERBUM totius Theologiæ radix, medulla, & succus est, sine quo VERBO Theologi sunt sicut arbor sine radice, radix sine medulla, sine succo. Tu, O SUMME SACERDOS, VERBUM es, quod Davidem Citharædum verbis implevit, & in momento Psalmistam fecit: VERBUM es, quod Amos Pastori armentario verba ad prophetandum, Danieli abjecto puero verba ad judicandum, Petro Piscatori, Saulo Persecutori, Matthæo Teloneario verba ad prædicandum inspiravit. Hoc VERBO ineruditi Piscatores, nec periti in Grammatica, nec armati in Dialectica, verbis impleverunt mundum. Hujus VERBI in carne visibiliter nobiscum versantis verba erant gemmulae, quibus nos perditos redemit: erant Lacrymae, quibus nos immundos lavit: erant rores, quibus nos aridos irrigavit. Rem verbo. VERBUM quidem unicuique es, O JESU, quod Pater in tota loquitur æternitate, attamen omnia loqueris, omnia vides, audis omnia, operaris omnia; sine quo Verbo qui se putat aliquid scire, nihil scit, sed in omni scibili cæcutit, surdescit, obmutescit. Hæc verba sunt, quibus balbuties mea TE VERBUM Patris prædicat; quoniam autem, O REDEMPTOR SANCTIS-SIME, omni laude major es, laudet TE pro me scientiæ tuæ abyssus inscrutabilis. Laudet TE pro me TUA altissima Sapientia, TUA latissima Misericordia, TUA profundissima Justitia, TUA incircumscripta Magnitudo. Tu verò, SANCTE SANCTORUM, SALVATOR MISERICORDI-S-SIME, dum ex nihilitatis meæ abysso affurgens ad Augustissimum gloriae tuæ Thronum TRIBUNALIS mei verba adgeniculatus depono, ea gratiose recipe verbo. Verba mea Tuum petunt alloquium, & gratiæ Favonium. TIBI ea dicata volo, & consecrata, qui solus potens es Verbo Zoilorum (quorum infinitus est numerus) confundere verba, contundere ora. Oculis misericordiæ tuæ inspicere cordis mei sensa, quibus Opus hoc TIBI submitto; affectum æstima, non censum. Vile munus est, quapropter ab infinita supereminentiæ Tuæ clementia pretium emendicat. Si TRIBUNALIS Hujus verba forsan aliquo sint aspersa nævo, non intres in iudicium cum servo tuo, Domine, sed verbo misericors absterge. Laboris mei mercedem quæro non aliam nisi TE, Domine. Tu laborem hunc meum propitio Sideris tui aspectu irradia, meque pro eo, quod offero in tempore, recipe ad TE in beata Æternitate. Ita orat, & adorat TE, tua, O Jesu Salva-tor, Sacerdos æterne.

*Vilis Creatura, pulvis, & cinis.*

Fr. MARTINUS VVIGANDT  
Ord. Prædic.

P R Æ-



## PRÆFATIO AD LECTOREM.



**Q**uoniam fundamentum, & ianua virtutum, omnisque gratia, ac spiritualis consolationis principium est conscientia puritas, ac cordis munditia, ad quam principaliter, & præcipue per puram, veram, integram, & perfectam Confessionem peccatorum acceditur, merito Tu, quisquis es, Christi Sacerdos, in foro Poli Judex, Doctor, & Medicus, conticentiis judicandis, docendis, medendisque præfectus, promovendæ cordium munditiæ, ac virtutibus plantandis destinatus, merito, inquam, in hoc omnium ponderosissimo Salutis negotio, in ætæternitatis itinere, dictante prudentia, & imperante Charitate, indubie dogmata, & medicamenta certa eliges præ minüs certis: sicut iter confecturus, ni desipiat, equum habilem eligit præ claudio, navim firmam præ cariosa; viam securam præ incerta. Hinc Duce, ac Doctore tibi opus est, ne ingrediaris viam latam, quæ ducit ad perditionem. Angelo ergo Custodi te committe, & hic non sit alius, quàm ille, cujus in Opusculi 64. Procemio ipssissima sunt hæc verba, quibus hanc ad te Præfationem exordior: Non est is alius quàm Angelicus Ecclesiæ Doctor Thomas de Aquino, qui Clementis VIII. effato suos Tomos sine ullo prorsus errore conscripsit. Cujus doctrinam Urbanus VI. vocat *veridicam*. Ille Thomas, de cujus Tomis Innocentius Papa, Huius, ait, Doctoris Sapiencia præ cæteris, excepta Canonica, tantam habet Sententiarum veritatem, ut nunquam, quicquam tenuerit, inveniatur a tramite veritatis deviasse. Tutissima ergo sunt, & inconcussa hujus Angelici Doctoris dogmata, ab eo, qui nec fallere, nec falli potest, è Cathedra Crucis censurata, & approbata: Bene scripsisti de me, Thoma. Quæ Sententia est indefinita, ore Dei prolata, æquivalens universali. Agnovit hoc præclarissimus ille Jesuita Petrus Labbe in hæc Angelici Magistri prorumpens encomia: *Angelorum Discipulus, & penè amulus fuit, multa ab Angelis didicit, quædam Angelos docere potuit. Aut Theologiam ad terras deduxit è cælo, aut scivit in via, quod videtur in patria.*

Ergo, benevole Lector, & Conscientiarum moderator, ne in modernarum laxitatum lubricitates labaris, ne in infinitarum probabilitatum labyrintho a vero devies, Ecce Angelicus noster Præceptor se tibi jungit ut Custodem Angelum in hoc Tribunali Theologico-morali, in quo remissis novitatibus antiquiorum Patrum, ac Doctorum (quorum lingua loquitur) semiora, ac seniora tibi porrigit sensa. Quibus si parueris, in condonandis peccatis eris fidelis servus, & prudens. Accipe proinde, & amplectere hoc Angelico-Thomisticum animæ Tribunal, ab Angelo Custode Theologiæ per me, omnium Discipulorum ejus infimum, & indignissimum, tibi erectum. Fateor ultrò, quòd in hoc opere meum est, nihil est, nisi quòd in eo omnes materias morales, Casuum Resolutioni servientes, contraham, ac more in Examine

consueto, &, ut dici solet, *propter Juniores*, rudi, simplici, immò simplicissimo stylo, proponam: & juxta illius (de quo Joannes XXII. testatur: *Quot Articulos scripsit, tot miracula fecit*) nimirum altè fati Angelici Præceptoris mei mentem decidam. Et si enim plurimas Cæsum Summas, & Summulas a Thomistis editas, nec minùs extraneas, videre sit, & quidem nonnullas nimis syncopatas, ut qui eis student, sæpè nec sciri sui rationem reddere valeant: Vix tamen in hisce Germaniæ nostræ partibus invenies unum Thomistam Dominicanum, omisiss speculationibus, moralia omnia ea serie, ac ordine, quo in *Summa Divi Thomæ Aquinatis* sese sub- & consequuntur, succinctè tractantem. Et hinc Fratribus nostris, sive ad Theologiæ moralis Coronidem, sive ad Animarum curam, rigorosumque pro ea examen aspirantibus sæpè non modica se objicit difficultas. Cum namque ex omni materia morali rigidè sint examinandi, vel omnes Tractatus ad manum non habent: vel, si habent, immensum chaos oculis cernunt, quo terrentur; vel si in Scholis eos audiverint, speculativis ad praxim non conducentibus subtilitatibus (in quibus non omnia possumus omnes) permixti sunt, immò abundant. Illis ergo hoc *Tribunal* nolui respergere, quod purè practicum, & morale est. Si pauca quædam inveneris, quæ tuum (respective) caput excedunt, v.g. de constitutivo peccati, & similia, oculos ad faciliora converte, & perpende, quòd teste Operis hujus frontispicio pluribus debitor sim, & quòd ex his clarescant alia eis annexa. Observo, paucis exceptis, post binum brevem Tractatum Prooemialem, ordinem Quæstionum *Angelici Doctoris in Summa*; incipiendo a 1. 2. & addendo, in quo loco S. Doctor de hac, vel illa materia tractet, ut possis, si placuerit, ad fontem ipsum, ex quo hos rivulos reduxi, recurrere. Multis multorum DD. Auctoritatibus, Sententiarumque allegationibus (quæ juniorem de hujus, vel illius Sententiæ amplexu non rarò perplexum faciunt) chartam cum tua nausea, & sine fructu replere nolui, nisi fors, ubi Quæstio nonnihil controversa est. Sufficit tibi invicta Auctoritas S. Thomæ, & Thomistarum. In Causis, & Casibus gravioribus crebrò exprimam, quæ Sententia mihi minùs, quæ magis probabilis sit. Quæ tutior, non tamen semper probabilior, nec necessariò sequenda. Quæ Sententia mihi probabilior, si & tibi talis videatur, tu, non ob meam, sed Thomisticæ Auctoritatis, ac rationis pondus, eam amplectere. Sin minùs, cave.

Dividitur hoc *Tribunal* in sedecim Tractatus. Hi subdividuntur in diversa particularia Examina. Hæ in Quæstiones, & Quæstiunculas pro materiarum diversitate.

Advertis indubiè, *Lector Benevole*, scopum, & intentionem meam, quæ non aliò collineat, nisi ut Theologorum moralium præcipuè Sacerdotum, ad curam animarum aspirantium, profectui serviam, ne, sicut populus, sic sit Sacerdos, rudis, Legis Dei ignarus, stupidus, charactere sacerdotali indignus.

Audite hæc Sacerdotes, & auscultate judicium, Osee 5. *Quia tu scientiam*

*tiam repulisti, repellam te, ne Sacerdotio fungaris mihi. Osee 4. ait Dominus ad Sacerdotem Curatum, Sanguinem commissi Gregis de manu ejus requirens. Ut ergo labia Sacerdotis custodiant scientiam. Malach. 2. & ne, dum cæcus Sacerdos populo cæco ducatum præstat, ambo in foveam cadant æternæ damnationis: Matth. 15. Pro subsidio cape hunc meum laborem, qui, si tibi placet, bene est; utere eo ad famosiorum Casuistarum intelligentiam. Si displicet, vade tu, Zoile, & fac melius. Hoc unicum suadeo, probabiliorissimum amplectere, non quàm meum, sed quàm aliorum Sen- & Saniorum, quorum non sum dignus corrigiam calceamentorum solvere. Cæterùm si quid in hoc Opus irrepsisset a genuino Matris Ecclesiæ, vel Angelici Doctoris sensu alienum, millies revocatum esto.*

---

# NOI REFFORMATORI

Dello Studio di Padoa.

**H**Avendo veduto per la Fede di revisione, & approbatione del P. F. Vincenzo Maria Mazzoleni Inquisitor General nel Libro intitolato *Tribunal Confessariorum, & Ordinandorum P. F. Martini Vviggandt Ordinis Predicatorum*; non v'esser cos' alcuna contro la Santa Fede Cattolica, & parimente per Attestato del Segretario Nostro niente contro Principi, & buoni costumi, concediamo Licenza à Nicolò Pezzana Stampator, che possi esser Stampato, osservando gl' ordini in materia di Stampe, e presentando le solite copie alle Pubbliche Librarie di Venetia, e di Padoa.

Dat. 18. Marzo 1705.

( *Ferigo Marcello Proc. Ref.*  
( *Giolamo Venier Kav. Proc. Ref.*  
(

Agostino Gadaldini Segr.

# I N D E X I.

Ostendens Quæstiones, & materias, quæ in hoc Opere, seu Tribunali tractantur.

Prologus demonstrat securitatem doctrinæ Doctoris Angelici, rationem, ac methodum totius Operis.

## TRACTATUS PRIMUS Proœmialis.

*De requisitis in Confessario.*

### EXAMEN UNICUM. Fol. 2.

*De Examine, Potestate, Virtutibus, Scientia, Officio, & obligatione Confessarii.*

**A**N sit obligatio sistendi se examini pro Cura, ac Confessionum audientia, fol. 2. num. 1.

Quid de Religioso? Prælato? Doctore promot? n. 2.

An hoc Examen sit Episcopo liberum. n. 3. An illud possit remittere. n. 4.

Quæ in hoc praxis quorundam Ordinarium, aut Examinatorum ab eis deputatorum. Ibid.

Reverentia Ordinis Prædicat. in hoc erga Ordinarios. n. 5.

Obligatio, & onus conscientiae examinantium in eodem Ordine pro Cura, vel confessionum audientia. n. 6.

Obligatio examinandorum in eodem Ordine de quoribus se sistendo Examini. n. 7.

Quid sit Cura animarum, quid Confessio, quid Confessarius. n. 8.

Quid sit potestas Clavium, quotuplex, & a quod data? n. 9.

Virtutes Confessarii. n. 10.

Prudentia, & Scientia Confessarii, quæ, quanta, & quotuplex. n. 11.

Obligatio Confessariorum indoctorum ad se qualificandum, & Superiorum ad compellendum eos ad hoc. n. 12.

Quid de Pœnitente studiosè quærente Confessarium ignorantem? & quid si doctior haberi non possit? n. 13.

Munia Confessarii. n. 14.

Confessarius Zelotypus. n. 15.

Obligatio Confessarii ad iudicandum in particulari esse, vel non esse mortale. n. 16.

An ei liceat sub confessione, præsertim longæ, parumper dormire? ibidem.

Obligatio Confessarii ad examinandum pœnitentem. n. 17.

Obligatio se præparandi ad hanc functionem. n. 18.

Quæ debeat esse dispositio Sedis Confessionalis. n. 19.

Aliqua observanda in confessionibus mulierum. n. 20.

Quantum negotii S. Ignatio fecerit spirituale gubernium trium solummodo Monialium. num. 21.

Cur Patres Societatis non soleant suscipere curam specialem earundem? ibid.

## TRACTATUS II.

& Proœmialis.

*De Conscientia.*

### EXAMEN I. fol. 10.

*De quidditate, divisione, & obligatione conscientiae, & in specie de conscientia erronea, ac dubia.*

Obligatio Confessarii ad studendum huic Tractatui. n. 1.

Omnis homo habet conscientiam, nolens volens. Circa hoc ridiculum factum Bessi. n. 2.

Quid, & quotuplex sit conscientia. nu. 3. & 6.

An homo melioris ingenii sit melioris conscientiae. n. 4.

An Conscientia maueat in homine dormiente. n. 5.

Con-

## Index Tractatum, & Examinum.

Conscientia erronea, & error quid, & quotuplex, ejusque obligatio. *n.7.*

Quid de conscientia erronea circa impossibile. *n.8.*

Quid si sit contra præceptum Prælati. *n.9.*

Dubium, vel conscientia dubia quid, & quotuplex, an liceat eam ea operari. *n.10.*

Quomodo reformanda. *n.11.*

Ad reformandam conscientiam erroneam, & dubiam Regulæ, & universalis principia. *n.12.*

Melior conditio possidentis in materia iustitiæ. *n.13.*

Non verò aliarum virtutum. *n.14.*

Varii circa hoc dubium casus, in quibus est amplectenda pars tutior, ac Legifavens. *num.15.*

### EXAMEN II. fol.16.

#### *De Conscientia Scrupulosa.*

Quid, & quotuplex Scrupulus, & an sit idem quod conscientia scrupulosa. *n.1.*

An liceat agere contra scrupulum, vel conscientiam scrupulosam. *n.2.*

Quomodo intelligatur illud dictum Gregorii, Bonarum mentium est culpam agnoscere, ubi culpa non est. *ibid. ad 1. Oppon.*

Scrupulorum causæ, effectus & signa. *num.3.*

Eorum reformatio, & remedia. *n.4.*

Specialiter pro scrupuloso circa Breviarium. *n.5.*

Scrupulosi culicem excolantes, camelum glutientes. *n.6.*

### EXAMEN III. fol.19.

#### *De Conscientia Probabili.*

Quid sit conscientia, & sententia probabilis? & quotuplex? quæ, & quot principia probabilitatis? *n.1.*

An unus Doctor faciat Sententiam prædicæ probabilem. *n.2.*

An saltem respectu hominis rudis, imperiti, & rustici. *n.3. & 4.*

An ad faciendam probabilitatem prædicam principaliter concurrat Ratio, vel Auctoritas. *n.5.*

Quid sint opinio tutior, minus tuta, probabilior. *n.6.*

Quid sentiendum de sequela Opinionis ab intrinseco minus probabilis, sed probabilioris ab extrinseco. Vel quæ in se est minus probabilis, sed operanti videtur probabilior. *n.7.*

Quid si Opinio judicetur probabilis, & opposita probabilior se non offerat? *n.8.*

Licet aliquando sequi Sententiam probabiliorē, quæ non sit tutior. *n.9.*

Ex duabus Opinionibus æquæ probabilibus in praxi sequenda est tutior. *n.10.*

Generaliter tenemur sequi in moralibus, & in praxi probabiliorē cognitam, ut talem, faventem præcepto, dum concurrat probabilis, libertati favens. *n.11.*

Probatior hoc ex Doctore Angelico. *n.12.*

Ex Subili. *n.13.*

Quodnam ea super re fuerit votum Sanctissimi Domini Papæ Alexandri VIII. *n.14.*

De præclarissimo Opere Reverendiss. Patris Thyrri Gonzalez Præpositi Gen. S. J. demonstrantis in eo Sententiam Probabilistarum perperam attribui Patribus Societatis ut Auctoribus. *n.15.*

Rationes suas sequelam Sententiæ probabilioris. *n.16. & 19.*

Effugia Advertariorum. *n.17.*

Quæ impugnantur. *n.18.*

De quodam Cancellario Parisiensi, in agone vim probabilitatis experiri finaliter volente, & damnato. *n.20.*

Proponuntur argumenta Probabilistarum. *n.21.*

& solvuntur in sequentiis.

Thomistæ non sunt Auctores Probabilitatis. *n.22.*

Quid si homo rudis consulat duos Confessarios, quorum unus asserit esse licitum, alter illicitum. *n.23.*

Quomodo vir doctus teneatur librare fundamenta sententiæ sequendæ. *ibid.*

Quid faciet Confessarius, cui ex improvviso venit casus in Confessionali. *ibid.*

Quæ quoad praxim differentiant Probabilistam, & Probabilioristam, cum neuter sit omnino certus. *n.24.*

Dantur casus, in quibus Probabilistæ sunt Probabilioristæ. *n.25.*

Quam sententiam teneatur sequi minister Sacramenti. *n.26.*

Quam Medicus, & Chirurgus. *n.27.*

Quam Judex, & an hic stante æquali probabilitate possit judicare in favorem amici. *num.28.*

Quam Sententiam teneatur sequi Medicus, & Judex conscientie, seu Confessor. *n.29.*

An se licite possit accommodare Opinioni penitentis. *n.30.*

Præsertim si is esset doctior Confessorio. *n.31.*

An possit saltem dissimulare cum penitente bonæ fidei in usu Probabilissimi, vel improbabilissimi. *n.32.*

Quam Sententiam teneatur sequi Princeps in bello, in tributa imponendo, in mutatione monetæ. *n.33.*

Quam subditus, dum circa rem præceptam

# Index Tractatum, & Examinum.

pram sunt contrariæ Opiniones. n.34.  
Quam Advocatus. n.35.

## TRACTATUS III.

De ultimo fine hominis. De voluntario, & involuntario. De actuum humanorum circumstantiis, ac moralitate. Ex prima Secunda Anglici Doctoris.

### EXAMEN I. fol. 33.

De ultimo hominis fine, actibus humanis, ac voluntario, & involuntario in iis reperto.

Ratio, cur Confessarius in hoc Tractatu imprimè debeat esse versatus. n.1.

Quis sit ultimus finis hominis. n.2.

In quo formaliter consistat beatitudo. n.3.

An possit consistere in aliquo bono creato. n.4.

Eadem voluntas simul non potest efficaciter tendere in plures fines ultimos totales. n.5.

Quis sit finis ultimus hominis mortaliter peccantis. n.6.

Aut venialiter. n.7.

Quid sint actiones animales humanæ hominis. n.8.

Per quas actiones obtineatur finis ultimus. ibid.

Quid sit voluntarium, an sit idem quod liberum. n.9.

Quotuplex. n.10.

Quatuor causæ involuntarii. Prima, violentia. n.11.

Secunda, metus. n.12.

Quotuplex sit metus, & quæ requirantur ad metum, qui cadit in virum constantem. ib.

Quomodo, quæ ex metu fiunt, sint voluntaria. n.13.

Quid de observantia mandatorum Dei ex metu. n.14.

De omissione jejunii, vel Missæ ex metu. n.15.

De juramentis, votis, testimoniis, promissionibus, contractibus, ex metu gravi factis. n.16. & 18.

De Reclamatione contra Professionem ex gravi metu factam. n.17.

De restitutione eorum, quæ sunt extorta per metum. n.19.

Metus reverentialis an sit gravis. ibid.

Remedium juris contra atroces minas, quæ sunt causa metus. n.20.

Tertia involuntarii causa, scilicet concupiscentia, quid, & quotuplex sit? quomodo causet involuntarium? n.21.

An gravius peccet, qui accedit ad deformem, quam qui ad pulchram. n.22.

Quarta involuntarii causa, scilicet ignoran-

tia, quotuplex sit? nimirum negativa, privata juris, & facti, antecedens, & invincibilis; concomitans, consequens, & vincibilis. n.23. Quæ, & quomodo causet involuntarium. n.24.

### EXAMEN II. fol. 42.

De Circumstantiis humanorum actuum.

Quid, & quot sint circumstantiæ, ex Verbo: Quis, quid, ubi, quibus auxiliis, &c. n.25.

Explicatur ly Quis. ibid.

Quæ circumstantiæ, nimirum in aggravantes intra eandem speciem sint necessario continentæ. n.26.

Proponuntur argumenta Sententiæ affirmantis. ibid.

Solvuntur argumenta Adversariorum. n.27.

Resolvuntur varii casus ex circumstantia Quis nimirum de explicando statu poenitentis: de annexo voto Professionis, vel sacri Ordinis: de circumstantia Sponsalium cum aliojam contractuum in peccato carnis: de triplici cognitione: de circumstantia infidelitatis in peccato carnis: de Confessario cognoscente filiam confessionis. n.28.

Decreta Pontificia contra Confessarios sollicitantes. n.29.

An Confessarius possit absolvere suam complicem carnis. ibid. Not.2.

Resolutio plurium casuum ex eadem circumstantia, nimirum de annexo voto utriusque complicis, vel unius: de consanguinitate: de peccatis parentum in filios, & e contra. n.30.

Circumstantia Quid explicatur. nu. 31. Ubi n.32. Quibus auxiliis. n.33. Cur. nu.34. Quomodo. n.35. Quando. n.36.

An scientia Confessarii sit mera circumstantia officii ejus. n.37.

### EXAMEN III. fol. 48.

De actuum humanorum moralitate.

Quid formaliter sit moralitas, & in quo consistat. n.38.

Quæ, & quot sint regulæ morum. n.39.

Quæ, & quot principia moralitatis. ib.

Quot, quæ, & quid sint species moralitatis. n.40.

An detur species media. ibid.

An moralitas, ut sic respectu specierum sit quid univocum, vel analogum. n.41.

Datur actus humanus indifferens secundum speciem. n.42.

Non tamen in individuo. n.43.

Solvuntur argumenta Adversariorum. nu. 44. & seq.

Cur homo interdum egeat recreatione etiam corporali, & quid de hoc sentierit. S. Joann. Evang. n.45.



## Index Tractatum, & Examinum.

Circa ludos est aliqua virtus, nimirum Eutrapelia. [n.46.](#)

Idem actus humanus potest quidem simul habere duplicem speciem bonitatis, vel duplicem malitiae, non tamen simul speciem boni, & mali. [n.47.](#)

Solvuntur argumenta [Adversariorum. n.48.](#)  
Non potest homo per eundem actum simul placere Deo, & diabolo. [n.49.](#)

Quid sit Politicus, & Politia, ac quotuplex. [n.50.](#)

An quis possit esse ambidexter inter Deum, & diabolum, vel neutralis. [n.51.](#)

Quae obligatio hominis voluntatem suam in omni re conformandi voluntati divinae. [n.52.](#)

An actus externus interno addat specialem malitiam, aut bonitatem, praemium, vel supplicium. [n.53.](#)

Solvuntur objectiones [Adversariorum. n.54.](#)

### TRACTATUS IV.

*De virtutibus, vitiis, & peccatis.  
Ex eadem Prima Secunda.*

#### EXAMEN I. fol.58.

*De essentia, subjecto, divisione, ac proprietate virtutis.*

Ratio cur Confessarius teneatur habere notitiam virtutis, & vitii. [n.1.](#)

Quid sit virtus, variae ejus definitiones. [n.2.](#)  
Ejus subjectum. [n.3. & seqq.](#)

Quid sit appetitus sensitivus, & quotuplex. [n.4.](#) Quid passio. [n.5.](#)

Variae passiones explicantur, nimirum amor, odium, delectatio, fuga, tristitia, audacia, timor, ira. [ibid.](#)

Respectu cuius boni appetitus rationalis indigeat habitu virtutis. [n.6.](#)

Variae divisiones, & subdivisiones virtutis. [n.7.](#)

In homine iusto ad minus tot sunt virtutes infusae quot acquisitae. [n.8.](#)

Subiectum virtutis infusae, sive sit circa actiones sive circa passiones. [n.9.](#)

Proprietates virtutum. [n.10.](#)  
Duplex medium virtutis. [ibid.](#)

Solvuntur Objectiones. [ibid.](#)  
An, & quomodo virtutes theologiae consistant in medio. [n.11.](#)

Quomodo virtutes sint connexae. [n.13.](#)  
Solvuntur oppositiones. [n.14.](#)

An deus virtus sine Charitate. [n.15.](#)  
An virtutes in via acquiruntur, an intellectuales, aut etiam theologiae maneat in Patria. [n.16.](#)

#### EXAMEN II. fol.67.

*De vitiis, & peccatis, eorumque distinctione, causis, & effectibus.*

Quid sit vitium, an idem sit quod peccatum, an omne vitium, ac peccatum sit contra naturam. [n.17.](#)

Solvuntur Oppositiones. [n.18.](#)  
Definitio peccati quae. [n.19.](#)

Peccato omissionis applicata. [ibid.](#)  
Sensus illius axiomatis. Non omnia sunt mala quia prohibita, sed, &c. [n.20.](#)

Variae divisiones peccati. [n.21.](#)  
Constitutivum peccati commissionis problematicae defenditur. [n.22. & seqq.](#)

Fundamenta Sententiae defendentis positivum. [n.23.](#)

Defendentis privativum. [n.24.](#)  
Utriusque Sententiae argumenta solvuntur. [n.25. & 26.](#)

Prima causa peccati, & circa hoc error Manichaeorum. [n.27.](#)

Sensus illius Joann. 1. Sine ipso factum est nihil. [ibid.](#)

Unde peccata specificentur, & specie multiplicentur. [n.28.](#)

De peccato omissionis. [n.29.](#)  
Solvuntur Oppositiones. [n.30.](#)

An actus indifferens, qui est causa omissionis praecipui, exinde contrahat specialem malitiam. [n.31.](#)

Unde desumatur distinctio numerica peccatorum. [n.32. & 33.](#)

Unde primaria peccatorum gravitas, eorum aequalitas, & inaequalitas. [n.34.](#)

An peccatum eo gravius sit, quo praestantiori opponitur virtuti. [n.35.](#)

An peccata spiritualia sint graviora carnalibus. [n.36.](#)

An peccatum aggravetur ex circumstantia, vel damno illato. [n.37.](#)

Solvuntur oppositiones. [n.38.](#)  
An ex conditione personae, in quam peccatur. [n.39.](#)

An ex magnitudine personae peccantis. [n.40.](#)  
Quod sit subjectum peccati. [n.41.](#)

Solvuntur objectiones. [n.42.](#)  
In appetitu sensitivo intrinseca libertas participata. [n.43.](#)

Si nullus ad sit consensus voluntatis, nullum, nec veniale peccatum est in appetitu sensitivo. [n.44.](#)

Solvuntur Opposita. [n.45.](#)  
Quid sint motus sensualitatis primò, vel secundò primò, quid delectatio, de consensu in illam. [n.46. & 47.](#)

Regula ad dignoscendum, an delectatio sit de sola cogitatione, vel etiam de re ipsa. [n.48.](#)

Quid

# Index Tractatum, & Examinum.

Quid dicendum de oblatione venere: extra matrimonium, si sit in voluntate. *n.49.*  
 De advertentia ad delectationem mortalem, aliudve peccatum requisita. *n.50.*  
 Si quis dubitet de habita advertentia. *n.51.*  
 Doctrina S. Thomae de modo constituendi complacentiam habitam in memoria peccati. *n.52.*  
 Ejusdem doctrina de cogitationibus inhonestis. *n.53.*  
 Et motibus carnis. *n.54.*  
 Cujus speciei sit delectatio mortalis. *n.55.*  
 Quid si fiat cum quadam praecisione objecti? *n.56.*  
 Quando quis confectus habere advertentiam interpretativam. *n.57.*  
 Quid dicendum de illis, qui se delectant in prohibitis, sub conditione, si prohibita non essent. *n.58.*  
 Quid de viduo, vidua, sponsa, ac sponsa se delectante. *n.59.*  
 Quid de conjugatis, maxime in absentia compartis. *n.60.*  
 Quid de illis, qui sub specie spiritualis mortificationis mulieres nudatas discipiunt. *n.61.*  
 Quanta resistentia requiratur, & quae media adhibenda, ut delectatio, & tentatio carnis non imputentur ad culpam. *n.62.*  
 Quae sint causae delectationis venereae, quas homo tenetur vitare, & in quibus motus impuri solent praevideri, & excitari. *n.63.*  
 De impuriscantilenis, ac libris amorum, vel gestorum lascivorum Ovidii, Martialis, Catulli, Tibulli. *n.64.*  
 De causa peccati. *n.65. & 67.*  
 De malo Deo Manichaeorum. *n.66.*  
 Omnisio ut sit peccaminosa, requiritur actus concomitans. *n.68.*  
 Solvitur obiectio. *ibid.*  
 De causa interna, & externa peccati. *n.69.*  
 An diabolus possit cogere ad peccatum. *ib.*  
 An omnia peccata fiant ex suggestionem diaboli. *n.70.*  
 An diabolo sit liberum tentare, vel non tentare. *n.71.*  
 De errore intellectus pro requisito ad culpam voluntatis. *n.72.*  
 Solvuntur Obiectiones. *ibid.*  
 Quid de oblatione in opere prohibito sub mortali, sed commisso, & exultato per invincibilem ignorantiam, uti erat accessus Jacob ad Liram. *n.73.*  
 Quae Regulae distinguendi inter mortale, & veniale. *n.74.*  
 An veniale possit fieri mortale. *n.75.*  
 Allegantur varia peccata venialia. *n.76.*  
 An peccatum veniale sit cum solo Originali. *li. n.77.*  
 De variis effectibus peccati. *n.78.*

Dantur peccata poenam eternam indacencia. *n.79.*  
 Quae poena est partim finita, partim infinita. *n.80.*  
 An veniale per accidens ponatur in eternum. *n.81.*  
 Quid si veniale in hac vita sit remissum, sed poena temporalis ei debita nonnulla soluta? *n.82.*  
 Possent innocentes eternam damnari, Beati è Caelo deturbari, damnati beari, per absolutam Dei potentiam? *n.83.*  
 De poena puerorum cum solo Originali decedentium. *n.84.*  
 Qua sententia condemnabantur illi pueri. *n.85.*

## TRACTATUS V.

De vitis Capitalibus in genere, & in specie.

## EXAMEN L fol. 103.

De vitis Capitalibus in genere, & de Superbia in specie.

An hæc doctrina Confessario sit scitu necessaria. *n.1.*  
 Quid, quod sint vitia, vel peccata Capitalia. *n.2.*  
 Quid sit Superbia, an peccatum, & quidem speciale. *n.3.*  
 An mortale, & quae species ejus. *n.4.*  
 An dicendum sit superbus ille homo vilis, qui industrie colligit pecunias, ut ascendat ad Nobilitatem. *n.5.*  
 Grados Superbiae, qui, & quotplex. *n.8.*  
 Filiae ejus. *n.7.*  
 De Praesumptione. *ibid.*  
 De Ambitione. *n.2.*  
 De vanagloria. *n.9.*  
 Regulae cognoscendi, quando, & quantum peccatum sit vana gloria. *n.10.*  
 Quid si quis martyrizetur ex vana gloria. *n.11.*  
 Filiae inanis gloriae. *n.12.*  
 De inobedientia. *ibid.*  
 De astantia. *n.13.*  
 De hypocrisis. *n.14.*  
 De contentione, pertinacia, discordia, & novitatem inventionem. *n.15.*  
 Filiae novitatus. Ubi & variè de ornatu vestium. *n.16.*  
 De feminis in vestitu nuda pectora praesentibus, & de moderno turrito eorum ornamento capitis. *n.17.*  
 De fucorum. *n.18.*  
 De femina utente veste virili, & è contra. *n.19.*  
 De fideis capillis. *n.20.*



## Index Tractatum, & Examinum.

De ſecularitate veſte religioſa. [n. 21.](#)  
De Religioſa, vel Moniali non deſerente ha-  
bitum ſibi ex vi Regulæ competentem. [n. 22.](#)  
Quomodo ſe geret Confefſarius cum feminis  
in ornatu excedentibus. [n. 23.](#)  
De Curioſitate. [num. 24.](#)

### EXAMEN II. fol. 109.

#### De Avaritia, & Luxuria.

Avaritia quid, & quantum peccatum. [num.](#)

[25.](#) Luxuria quid, quantum, & quando pecca-  
tum, an poſſit excuſari ratione ignorantie,  
violentie, pudoris, metus. [v. ar. in](#) oppreſ-  
ſione. [n. 26.](#)

Virginitas quoad materiale, & formale,  
quid. [Ibid.](#) in fine.

Casus de puella Monacha ante Profeſſio-  
nem, vel inveſtitionem occultè deſtorata, an  
poſſit conſecrari, aut velari inter Virgin. [n. 27.](#)

Ubi etiam explicatur, quotuplex ſit Velum  
apud Moniales. Sed quodnam in eo caſu re-  
medium. [num. 28.](#)

Ubi declaratur, quid ſi ſolùm fuiſſet pel-  
luta, aut ſi virilia clauſtrum pudoris fuerint  
ſolùm ingreſſa ſine reſolutione feminis..

Quæ, & quot ſint ſpecies Luxuriæ. [n. 29.](#)

Quid fornicatio ſimplex, de ejus intrinſeca  
malitia, & gravitate. [Ibid.](#)

Ejus impuritas, & poena. [num. 30.](#)

Quid ſi quis negat ſe eſſe patrem prolis, vel  
ſi plures rem habuerint cum eadem. [ibid.](#)

Adulterium quid, & quantum peccatum,  
ejuſque poena. [n. 31.](#)

Idem de inceſſu. [num. 32.](#)

De ſupro. [n. 33.](#)

An poenitens, ſive puella, ſive m. teneantur  
exprimere, quòd illo actu primò perdiderint,  
aut alicui abſtulerint florem virginitatis. [n. 34.](#)

De raptu. [n. 35.](#)

De ſacrilegio. [n. 37.](#)

De vitio contra naturam. [num. 36.](#)

De ejus ſpeciebus. [n. 38.](#)

De mollicie, ſeu pollutione. [ibidem.](#)

Varii caſus de pollutione, præſertim ſi  
aliciui eveniat vigilant, ſine gravi commo-  
tione carnis. [ibid.](#)

De Sodomia, ejuſque poena. [n. 39.](#)

De beſtialitate, & poenae ejus. [num. 40.](#)

De alio vitio contra naturam. [n. 41.](#)

De meretricio, & Lupanariis, quid ſint,  
an toleranda, an, & quomodo licitum ſit  
elocare domos meretricibus. [n. 42.](#)

Solvuntur objectiones. [num. 43.](#)

De licet receptione quæſus pro uſu cor-  
poris. [num. 44.](#)

De concubinato, ſive laicorum, ſive Cle-  
ricorum. [n. 45.](#)

De [M. ſi](#) Sacerdotis concubinaſi non au-  
dienda. [num. 46.](#)

De Sepultura Concubinarum. [num. 47.](#)

De imagine Concubinae retenta. [ibid.](#)

Quis ſentus Scripturae dicentis antiquos PP.  
habuiſſe Concubinas. [num. 48.](#)

De Choreis, oculis, amplexibus, caſti-  
bus, litteris amatoriis, & muneriſus. [n. 49.](#)

De periculo, & occaſione peccandi. [n. 50.](#)

De periculo familiaritatis ſermonum,  
etiã ſpirituum. [n. 51.](#)

De conſuetudine peccandi. [num. 52.](#)

### EXAMEN III. fol. 125.

#### De Invidia, & Gula.

Quid, & quantum peccatum ſit invidia.  
[num. 53.](#)

Quid, & quantum peccatum ſit Gula. [n. 54.](#)

Ejus ſpecies. [ibid.](#)

Species gulæ. [n. 55.](#)

An licitum ſit veſci humana carne, vel ſan-  
guine. [n. 56.](#)

Vel ſumere medicinas ex eis conſectas; vel  
utiſſe ſermeo, aut ſanguine effuſo homi-  
nis. [n. 57.](#)

Quid de Liſtoribus pro ſua functione hauſtu  
ſanguinis ſe animantibus. [n. 58.](#)

An ſaltem in extrema neceſſitate liceat co-  
medere carnes, humanas. [num. 59.](#)

Quid Miſſionario agendum cum Anthro-  
pophagis. [num. 60.](#)

Hauſtus vini eſſe licitus. [n. 61.](#)

In qua ætate. [ibid.](#)

Cur vocetur Lac Senum. [ibid.](#)

Ebrietas quid, & quantum peccatum ſit. [n. 62.](#)

Quid de Lethargo a pari ad ebrietatem. [n. 63.](#)

Ut ebrietas ſit mortalis, non requiritur  
quòd ſit aſſidua, nec quòd privet ratione. pro  
longo tempore. [n. 64.](#)

Solvuntur oppoſita. [ibid.](#)

Dantur caſus, in quibus ebrietas a mortali  
exculatur. [n. 65.](#)

Quid ſi quis crapulatus, ratione adhuc utens  
ſciat eam eclipſandam, ſi exeat è domo. [n. 66.](#)

Quid ſi vomat, titubet, grefſu vacillet, do-  
mos gyrrari putet. [n. 67.](#)

Quid dicendum de ſepitru religioſo, ut ir-  
religioſe vocetur. [n. 68.](#)

Signa completæ ebrietatis. [n. 69.](#)

Quid de haluſionibus ingeſcentibus, ut eger-  
ant, generoſius peradi. cauſa, ac ebrietatem  
vitandi cauſa. [n. 70.](#)

An ſo, vel alium inebriare liceat ex Medi-  
corum conſilio, ſaltem ad recuperandam ſa-  
nitatem, ad evadendam mortem, vel aliud  
malum. [n. 71.](#)

Solvuntur Oppoſitiones. [n. 72.](#)

An peccent, qui dant ulteriusrem hauſtum  
jam

## Index Tractatum, & Examinum.

jam bene potis, quos prævident plenè inebriandos. [num.73.](#)

Vel qui potant in cauponis sub officio divino. [num.74.](#)

De provocatione ad haustu æquales. [n.75.](#)  
Si ex urbanitate. *ibid.*

Gloriantes quòd alios inebriarint, quomodo peccent. *ibidem.*

An sit licitum bibere in sanitate aliorum, etiam Dei, aut Sanctorum. [n.76.](#)

De benedictione S. Joannis in Conviviis Germanorum. [num.77.](#)

Facili in ebrietate impudentur ad culpam. [num.78.](#)

An ebrietas contrahat specialem malitiam ex hoc, quòd canit morbos corporales. [n.79.](#)

Ridiculum factum cujusdam Confessarii Hispanici circa ebriosum poenitentem. [n.80.](#)

An ebrius sit capax Eucharistiæ in agone. [num.81.](#)

Dux breves historiæ de duobus moribundis famosis potatoribus. *ibidem.*

Qui ob ebrietatem non possunt fungi suo officio, pro quos sunt stipendiati, v.gr. Consiliarii, Belli duces, Professores, Medici, &c. an peccent non solum contra sobrietatem, sed etiam contra justitiam, ita ut ob id teneantur ad restitutionem. [n.82.](#)

De Canonico, seu Beneficiato ob ebrietatem impotente ad Horas, an teneatur restituere. [n.83.](#)

Idem de illis qui deciduntur quoad quotidianas distributiones. [n.84.](#)

### EXAMEN IV. fol. 135.

#### *De Jejunio.*

Quid sit jejunium, cujus virtutis actus, & quantæ obligationis. [n.85.](#)

An omnes teneantur ad jejunium, vel quibus de causis aliqui excusentur. [n.86.](#)

An teneantur pueri. [n.87.](#)

An Juvenes Religiosus. [num.88.](#)

An amentes. *ibid.*

An itinerantes, & laborantes. [num.89.](#)

An pauperes. [num.90.](#)

An senes. [num.91.](#)

An equitantes. [n.92.](#)

Quatuor causæ potissimum excusantes a jejunio. [num.93.](#)

Tria requisita ad jejunium. [n.94.](#)

Solvuntur Objectiones. *ibid.*

Quid de usu butyri; lardi, adipis, &c. [n.95.](#)

An parvas materias in carne exculet. [n.96.](#)

Quid de Chocolata. [n.97.](#)

An a fractione jejunii exculet parvas materias sine carne. [num.98.](#)

An plures materiae parvæ constituant unam notabilem. *ibid.*

De Collatione, seu vesperrina refectiuncula, ejus qualitate, & quantitate. [n.99.](#)

Dispensatus ad esum carnum an possit pluries comedere eas eadem die. [num.100.](#)

An ex malitia eas comedens peccet toties, quoties eadem die comedit. [n.101.](#)

De jejunio feræ 6. & Sabbati, & quid si Natalis Domini incidat in talem diem. De jejunio Rogationum, Adventus, Quadragesimæ, Cænenæ Domini, Vigiliæ Paschatis, Quatuor Temporum. [n.102.](#)

Fatigatus ex labore recreationis causa assumpto, an teneatur jejunare. [n.103.](#)

Varii casus de jejunio. [num.104.](#)

### EXAMEN V. fol. 143.

#### *De Ira, & Acedia, ac Peccato in Spiritum Sanctum.*

Quid sit ira, & quantum peccatum. [n.105.](#)  
An sit vitium capitale, & quas habeat filias. [n.106.](#)

Acedia, quid & quantum peccatum sit. [n.107.](#)  
Quas habeat filias. [n.108.](#)

Peccatum in Spiritum Sanctum, quid & quoruplex sit. [n.109.](#)

An sit idem quod peccatum ex certa malitia. *ibidem.*

In quo sensu dicatur irremissibile. [n.110.](#)

### TRACTATUS VI.

#### *De Legibus. Ex eadem Prima Secunda.*

### EXAMEN I. fol. 146.

#### *De Lex in communi.*

Cur Confessarius teneatur habere notitiam Legum. [n.1.](#)

Sub qua differentia Leges considerent Theologus, & Jurista. *ibid.*

Quid sit Lex, & quæ ejus definitio. [n.2.](#)

Quotuplex. [n.3.](#)

Quomodo differt a præcepto. [n.4.](#)

Divisio præcepti in affirmativum, & negativum. [n.5.](#)

Actus Legis. [num.6.](#)

Quid sit promulgatio Legis, an sit de essentia ejus, aut an illi det virtutem obligandi. [n.7.](#)

Solvuntur Opposita. [n.8.](#)

### EXAMEN II. fol. 149.

#### *De Lex æterna, & naturali.*

An detur Lex æterna, & naturalis. [n.9.](#)  
Quid sit Lex æterna, an sit omni creaturæ rationali nota, an omnium aliarum Legum causa? [num.10.](#)

## Index Tractatum, & Examinum.

An omnes creaturæ etiam infernatæ subdantur Legi æternæ. [n.11.](#)

Quid sit Lex naturalis, quæ ejus definitio? num.12.

Solvuntur, quæ contra definitionem opponuntur. ibid.

An possit mutari, vel dispensari saltem a Deo. num.13.

An patitur saltem Epikeiam. n.14.

An omnia Decalogi præcepta spectent ad Legem naturæ, sintque omnia immutabilia, & indispensabilia. n.15.

Solvuntur Objectiones. n.16.

An in adulto possit dari invincibilis ignorantia Legis naturæ, & Decalogi. [n.17.](#)

Vel alicujus Legis divinæ positivæ, ib. in fine.

### EXAMEN III. fol.155.

*Speculum peccatorum super Decalogum.*

Quis sit Legislator Decalogi. [n.18.](#)

Quodnam sit primum præceptum, quid per illud præcipiatur, quomodo contra illud peccetur. n.19.

Quidnam sit secundum præceptum, quid per illud præcipiatur, quomodo contra illud peccetur. [n.20.](#)

Idem quæritur de Tertio. n.21.

De Quarto. num.22. De Quinto. [n.23.](#)

De Sexto. [n.24.](#) De Septimo. [n.25.](#)

De Octavo. num.26. De Nono, & Decimo. num.27.

### EXAMEN IV. fol.159.

*De peccatis, vel peccandi modis plurimum  
Statutum in Particulari.*

Peccata Regum, & Principum terræ, similiaque Dominorum temporalium. n.28.

Peccata Episcoporum. [n.29.](#)

Judicum. n.30.

Advocatorum, & procuratorum. n.31.

Notariorum, seu Tabellionum, ac Scribarum. [n.32.](#)

Peccata Rei, seu accusati, & appellantis. num.33.

Peccata accusatoris, ac denuntiatoris. n.34.

Peccata testium. [n.35.](#)

Peccata apparitoris, Custodis vinearum, vel confinium. Item Telonearii. [n.36.](#)

Peccata militum. [n.37.](#)

Peccata Belli-Ducis. [n.38.](#)

Gubernatoris, seu Profecti, Confuvis, Confiliarii, majoris Scabini, & respectivè similium. num.39.

Peccata Magistrorum, Doctorum, seu Professorum. n.40.

*Tribunni Confessariorum.*

Scholasticorum, seu Discipulorum. [n.41.](#)

Peccata Testatoris. [n.42.](#)

Testamentarii, seu Executoris Testamenti, hæredis, Legatarii. n.43.

Tutoris, Curatoris, Hospitalarii. [n.44.](#)

Peccata Mercatorum, & servorum. n.45.

Opificum, & artificum. [n.46.](#)

Cauponum. n.47.

Medici, Chirurgi, Pharmacopolæ. n.48.

Peccata parentum erga filios. n.49.

Filiorum, puerorum, & servorum. [n.50.](#)

Conjugum, viduarum, & psonorum. [n.51.](#)

Peccata Clericorum, Sacerdotum, Beneficiatorum, Canonicorum, Parochorum, Confessariorum, Concionatorum. [n.52.](#)

Peccata Religiosorum, & Monialium, ac eorumdem Prælatorum. [n.53.](#)

### EXAMEN V. fol.169.

*De Lege Humana.*

Cujus sit condere Leges humanas, five Ecclesiasticas, five Civiles. [n.54.](#)

An forma sit capax Jurisdictionis Ecclesiasticæ. [n.55.](#)

De Abbatibus, an possit præcipere in virtute Sanctæ Obedientiæ. n.56.

An possit suspendere suos Clericos, aut conferre Beneficia. ibid.

An possit suarum Monialium vota supererogatoria irritare. ibid.

Quanta debeat esse promulgatio Legis humanæ, ut obliget, five Ecclesiastica, five civilis. num.57.

An valor Legis dependeat ab acceptance populi. [n.58.](#)

An potestas saltem Ecclesiastica possit directe præcipere actus internos. n.59.

Solvuntur Oppositiones. [n.60.](#)

An finis Legis cadat sub lege, vel præcepto. [num.61.](#)

Quædam præcepta possunt impleri, licet operans habeat malum finem. [n.62.](#)

Quæ intentio sufficiat ad impleandum præceptum affirmativum. ibid.

Deo eo, qui facit actum præceptum cum intentione non satisfaciendi præcepto, sed actum repetendi. ibid.

An Lex humana, etiam civilis, possit obligare in conscientia sub mortali; & cum periculo vitæ. [n.63.](#)

Solvuntur Objectiones. [n.64.](#)

An omnes Leges humanæ obligent sub culpæ eorum Deo imputabili. [n.65.](#)

Quomodo, & quando transgressor Legis pœnalis teneatur subire pœnam, & an per propriam cooperationem. [n.66.](#)

Documenta, & regulæ ad cognoscendum, quod transgressio Legis humanæ sit peccatum

b

mor-

## Index Tractatum, & Examinum.

mortale ; & quid quoad hoc valeat intentio Legislatoris, nimirum, an in materia gravi possit obligare sub veniali. *n.67.*

Solvuntur Objectiones. *n.68.*

Regula cognoscendi, quando Lex humana obliget cum periculo vitæ. *n.69.*

De Lege abstinentiæ Carthusianorum. *num.70.*

De Lege Monialium ad non egrediendum è Clausura. *n.71.*

De Lege aliis prohibente ingressum. *n.72.*

Circa hoc varii casus. *ibid.*

De ingressu Confessarii, Visitatoris, & Medici. *nu.73.*

De Confessario in casu, quo debent administrari Sacramenta in Clausura. *n.74.*

Vel legere Missam pro solatio infirmæ, diu decumbentis. *n.75.*

Quis possit dare licentiam ingrediendi Clausura. *n.76.*

Cujus sit Clausura Monialium promovere, conservare, visitare. Item an Episcopi prohibitu, aut visitationis, vel electionis causa, possint intrare, ut Clausura inspiciant, an rite servetur. *n.77.*

Circa hoc quatuor casus resolvuntur, nimirum de ingressu matris ob filiam graviter decumbentem, vel prolesuram. De ingressu mulieris medicæ. De ingressu Monialis itinerantis, aut fugitivæ. De ingressu infantium, & amentium. *n.78.*

Solvuntur Objectiones. *n.79.*

Quid sentiendum de Lege tributorum, & vestigialium. *n.80.*

Resolvitur casus, de consilio Principis circa impositionem tributi injulli, quid faciendum parti minori, consentiente parte majore. *num.81.*

An omnes teneantur Lege humana, etiam ipse Legislator. *n.82.*

An, & quomodo Clerici, ac Religiosi Lege civili. *n.83.*

An absentes, & peregrini. *n.84.*

An Pueri. *n.85.*

An amentes, & Lunatici. *n.86.*

An infideles, & hæretici teneantur Legibus Ecclesiæ Romanæ. *n.87.*

An subditus aliquando possit uti Epikia, & agere contra verba Legis. *n.88.*

De Consuetudine, ejusve vi ad Legem inducendam, vel abrogandam. *n.89.*

De dispensatione, & facultate dispensandi in Legibus humanis. *n.90.*

An valeat dispensatio data sine iusta causa. *num.1.*

Quæ sint justæ causæ dispensandi. *ibid.*

An dispensatio explicanda sit rigorosè, aut favorabiliter. *ibid.*

An dispensatio, vel quæcunq; alia gratia, aut privilegium expiret morte concedentis. *n.92.*

Quid, & quotuplex sit privilegium, an per illud cesset Lex. *n.93.*

Quomodo privilegium cesset. *n.94.*

Brevis explicatio communicationis privilegiorum inter Religiosos. *n.95.*

Huc ulque ex Prima Secundæ.

## TRACTATUS VII.

*De virtutibus Theologicis Fidei, Spe, & Charitate. Ex Secunda Secunda Angelici Doctoris.*

## EXAMEN I. fol. 194.

*De Fide, & Fidei Regula.*

Cur Confessor teneatur habere noticiam virtutum Theologicarum. *n.1.*

Quid sit Fides Theologica, & quotuplex. *num.2.*

De objecto formali ejus. *n.3.*

Ad illud sit divina revelatio activa, vel passiva. *n.4.*

An ad fidem divinam sufficiat revelatio privata. *n.5.*

An virtualis. *n.6.*

In quid fiat ultima resolutio assensus fidei. *num.7.*

An Fidei Theol. possit subesse falsum, & Deus mentiri. *n.8.*

Solvuntur Opposita. *ibid.*

An mysteria Fidei sint evidenter credibilia. *num.9.*

Solvuntur Objectiones. *n.10. & 11.*

An cum Fide insula stet evidentiæ in attestante. *n.12.*

Solvuntur Objectiones. *ibid.*

An articuli Fidei successu temporis creverint. *n.13.*

De Symbolo Fidei. *n.14.*

Quid, & quotuplex sit Regula Fidei. *n.15.*

An possit admitti hæc propositio : Credo in Ecclesiam. *n.16.*

Quid sit Ecclesia, an sit visibilis, an infallibilis. *n.17.*

Quæ sint notæ veræ Ecclesiæ. *n.18.*

An Papa sit infallibilis etiam sine Concilio. *num.19.*

An sit suprâ Concilium. *n.20.*

An sine ejus auctoritate possit congregari Concilium. *n.21.*

An Papa possit alteri in foro fori committere iudicium sup. à se. *n.22.*

Quid agendum in casu, quo Papa, ut privatus Doctor erraret, fieretque hæreticus. *n.23.*

Quid si non constaret de legitima electione ejus, si teneretur captivus sine spe liberationis; si fieret amens. *n.24.*

An S.Scriptura sit Regula fidei, & sola Controversiarum Iudex. *n.25.*

# Index Tractatum, & Examinum.

An A Catholici habeant legitimam sacram  
Scripturam. n. 16.  
De Traditionibus. n. 17.

## EXAMEN II. fol. 107.

*De interno, & externo actu Fidei, ac de credendis.*

De interno, & externo actu Fidei, ac de credendis. Fides est necessaria, ac sola sufficiens ad salutem. n. 28.

Doctrina S. Th. de puero ab infantia in sylvis nutritio. n. 29.

An puer in primo instanti usus rationis tenetur se convertere in Deum. n. 30.  
Solvuntur Objectiones. n. 31.

De auxiliis sufficientibus in eodem casu. ibid.

Quæ necessariò sint credenda. n. 32.

Quando determinatè obliget præceptum credendi. n. 33.

An negans unum Fidei articulum perdat fidem circa omnes. n. 35.

Solvuntur Objectiones. ibid.

An Theologus discredens desinat esse Theologus. ibid.

An exterior Fidei confessio semper sit ad salutem necessaria, sic ut nunquam, etiam externe solum, liceat eam negare. n. 36.

Præsertim tempore persecutionis. n. 37.

## EXAMEN III. fol. 115.

*De virtutibus Fidei oppositis, nimirum Infidelitate, Hæresi, Apostasia, Blasphemia, & Schismate.*

Quid, & quotuplex sit Infidelitas. n. 38.

Inheles, & Hæretici quomodo teneantur inquirere de vera Fide. n. 39.

An quælibet actio hominis infidelis sit peccatum. n. 40.

Quot, & quæ sint species infidelitatis. n. 41.

An Principi Catholico liceat in suis Provinciis permittere libertatem conscientiarum. n. 42.

An liceat cum infidelibus disputare, aut commercium habere. n. 43.

In eadem domo cum eis, v.g. Judæis habitare, ad eorum convivia accedere, azyma comedere, judæo medico uti, eis famulari, eorum infantes lactare, &c. ibid.

Quid sentiendum de lectione librorum hæreticorum, & infidelium. n. 44.

An liceat infidelibus aliqua vendere, quibus utuntur ad suos ritus. n. 45.

An Principi Christiano liceat infideles vocare in auxilium, vel eos in bello juvare. n. 46.

Quid, & quotuplex sit hæresis, quæ poena ejus. n. 47.

Propositiones Fidei repugnantes sunt diversæ. nu. 48.

Dubius in fide an sit hæreticus. n. 49.

An hæretici sint tolerandi, vitandi, an possit cum eis disputari, an eorum libri possint legi, templa frequentari, conciones audiri, funera comitari, Cæna fidei sumi, proles ex fonte levare. n. 50.

Quid, & quotuplex sit Apostasia, & quæ ejus poena. n. 51.

Quomodo differat ab hæresi. ib. R. 2. Varii casus de dimissione habitus religiosi. ib.

Quis possit Apostatas Religiosos absolvere. num. 52.

Quid specialiter sentiendum de Apostasia a sacro Ordine. n. 53.

De Clerico dimittente, vel occultante habitum animo vagandi. n. 54.

De Clerico deferente solam tonsuram sine habitu clericali. n. 55.

Quid si ex nullo signo externo cognosci possit esse Clericum ib. R. 6.

De recentate ab Ordinibus minoribus ad Laicatum. n. 56.

Minorista non habens beneficium, an peccet non portando Clericam. ibid.

Quid si beneficium habeat, & non portet eam. n. 57.

Quid sit Schisma, in quo differat ab hæresi, quæ ejus poena. n. 58.

Quid sit blasphemia, & quantum peccatum. num. 59.

An in ea detur paritas materiæ. n. 60.

Quid si fiat ex consuetudine. ibid.

## EXAMEN IV. fol. 119.

*De Spe, & Timore, ac virtutibus Spei oppositis, nimirum de Desperatione, & Prasumptione.*

Quid, & quotuplex sit Spes Theologica, quod ejus obiectum, & subiectum. n. 61.

Quid, ac quotuplex sit timor, quod obiectum ejus. n. 62.

Quid desperatio, & quod obiectum ejus. n. 63.

An desperatio possit esse cum fide. n. 64.

An desperatio in damnatis sit peccatum. n. 65.

An una desperatio sit gravior altera. n. 66.

An sciens certò suam damnationem possit adhuc sperare beatitudinem. n. 67.

Solvuntur Opposita. n. 68.

Quando obliget præceptum spei. n. 69.

An peccet, qui libenter Deo cedens Celum, desiderat perpetuò manere in Terra. n. 70.

Quid sit præsumptio, & an peccatum. n. 71.

## EXAMEN V. fol. 125.

*De Charitate, & ordine diligendorum.*

Quid sit Charitas, quod obiectum, & præceptum ejus. n. 72.

b 2 Quan-

## Index Tractatum, & Examinum.

Quando id obliget. [ibid. R. 5. & 6.](#)

An Charitas sit virtutum omnium præstantissima, earumque forma, ut nulla perfecta virtus possit esse sine illa. [n. 73.](#)

An amittatur per unicum peccatum mortale. [oum. 74.](#)

Quem magis diligat: ubi id resolvitur de Deo, Proximo, Parentibus, filiis. [n. 75.](#)

An inimici sint diligendi, & quæ dilectionis signa eis exhibenda. [n. 76.](#)

Resolutio variorum casuum circa hoc. [n. 77.](#)

Quis modus reconciliandi inimicos. [n. 78.](#)

An magis meritorium sit diligere inimicum, quam amicum. [n. 79.](#)

Solvuntur Objectiones. [n. 80.](#)

An pro spirituali salute Proximi liceat peccare, vel optare carentiam suæ beatitudinis. [num. 81.](#)

Solvuntur Opposita. [n. 82.](#)

An homo teneatur aliquando pro salute corporali, vel spirituali proximi exponere corpus suum. [n. 83.](#)

Resolvitur rarus casus de Sacerdote oblitricante in necessitate. [n. 84.](#)

### EXAMEN VI. [fol. 246.](#)

*De effectibus Charitatis externis quoad eleemosynam, & correctionem fratrem.*

Quid, & quotuplex sit eleemosyna. [n. 86.](#)

An, & quando sit in præcepto. [n. 87.](#)

De eo, qui communem pauperum inhumaniter repellit. [n. 88.](#)

An Episcopi, Canonici, Parochi, &c. strictius teneantur dare eleemosynas. [n. 89.](#)

An possit iuste fieri eleemosyna ex injuste acquisitis. [n. 90.](#)

Fidus mendicium peccet, & teneatur ad restitutionem. [n. 91.](#)

An eleemosynam dare possit, qui est subpotestati alterius. [n. 92.](#)

An eleemosyna sit magis danda propinquo-ribus. [n. 93.](#)

An eleemosyna in extrema necessitate sit danda absolute, vel possit dari sub conditione, ut restituat, dum ad pinguorem fortunam pervenerit. [n. 94.](#)

An Religiosi suæ sustentationis gratia teneantur manibus operari. [n. 95.](#)

Vel an liceat eis medicare. [n. 96.](#)

Qui sit correctio fraterna, an, & quando sit in præcepto. [n. 97.](#)

An obliget omnes homines, etiam subditos, an verò solos Prælatos, etiam peccatores. [num. 98.](#)

An in ea sit servandus ordo, sic ut reus primo moneatur, dein adhibeantur testes, tandem dicatur Ecclesiæ. [n. 99.](#)

Solvuntur Objectiones. [n. 100.](#)

De speciali hac in re Statuto Soc. Jes. [n. 101.](#)  
De eo, qui correctionem fratrem omittit ex timore, tepiditate, verecundia, &c. an peccet, &c. [ibid.](#)

An quis teneatur corrigere eum, qui ex ignorantia invincibili facit, quod malum est. [num. 102.](#)

An liceat permittere aliquem labi in pejora, ut consulat resipiscat. [n. 103.](#)

### EXAMEN VII. [fol. 254.](#)

*De vitiis Charitatis Oppositis, Odio, Discordia, Contentione, Seditione, Scandalo, Schismate, Bello, Duello.*

Quid, & quotuplex sit odium. [n. 104.](#)

An sit peccatum, & omnium gravissimum. [num. 105.](#)

Solvuntur Objectiones. [ibid.](#)

An odium Proximi sit gravius cæteris peccatis in proximum commissis. [n. 106.](#)

An omne peccatum proximi sit peccatum. [num. 107.](#)

An liceat de alterius malo gaudere, vel de bono dolere. [n. 108.](#)

An proximo malum procurare iustus de causis, & modis. [n. 109.](#)

Optare ei mortem. [n. 110.](#)

Saltem gratia temporalis emolumenti, vel cum debita moderatione. [n. 111.](#)

Infirmi impatientia an peccaminosa. [n. 112.](#)

Imprecari malum animalibus proximi an peccatum sit. [n. 113.](#)

An species mali, quod proximo optavi, vel de quo gravissus sum, sit consistenda. [n. 114.](#)

Discordia quid, & quando peccatum sit. [num. 115.](#)

Idem de contentione. [n. 116.](#)

Quid, & quotuplex sit bellum, ac quomodo licitum. [n. 117.](#)

Assignantur iustæ causæ belli. [n. 118.](#)

Solvuntur Objectiones. [ibid.](#)

An in bello liceat hostes spoliare, occidere, in servitutem redigere, etiam innocentes. [n. 119.](#)

De infantibus. [ibid.](#)

An sic capti possint fugere. [ibid.](#)

Spolia militum cujus sit. [n. 120.](#)

Princeps, vel gregarius miles quam sententiam possit, aut debeat sequi in bellando. [num. 121.](#)

An possit dari libellum ex utraque parte iustum. [n. 122.](#)

An Princeps oblata satisfactione teneatur desistere a bello, et si jam ceptum sit. [n. 123.](#)

An Clericis, & Episcopis liceat bellare. [num. 124.](#)

An Clerici in spiritualibus assistentes militibus gaudeant spoliis. [n. 125.](#)

An in bello iusto liceat utriusque. [n. 126.](#)

An

## Index Tractatum, & Examinum.

An liceat bellare in die festo. *n.127.*  
 An Princeps sine damnificatorum consensu possit remittere damna ab ipse illata, præsertim Ecclesiis. *n.128.*  
 An fides hosti, etiam infideli, & hæretico, sit servanda. *n.129.*  
 Repressaliæ quid, & an licitæ sint. *n.130.*  
 Duellum quid, & quotuplex, & an licitum sit. *n.131.*  
 Resolvuntur varii casus circa duellum. *num.132.*  
 De torneamentis, hastiludio, & agitatione taurorum. *n.133.*  
 De rixa, & seditione. *n.134.*  
 Quid, quotuplex, & quale peccatum sit scandalum. *n.135.*  
 An cadat in viros perfectos. *n.136.*  
 An bona spiritualia sint dimittenda propter scandalum. *n.137. & 139.*  
 Solvuntur Objectiones. *n.138.*  
 Resolvuntur circa hoc nonnulli casus. *num.140.*

An bona temporalia sint propter scandalum dimittenda. *n.141.*  
 An alterius peccato materialiter cooperari sit peccatum scandalum. *n.142.*  
 Circa hoc varii casus. *ibid.*  
 Specialis casus de Domino Catholico suum pagum catholicum vendente Hæretico. *n.143.*  
 Plures casus circa Quæsitum resolvuntur. *num.144.*  
 An liceat ab altero petere, vel ei consilium, quod ipse sine peccato non est facturus. *num.145.*  
 Circa hoc varii casus, nimirum de petente Sacramenta a malo ministro, mutuum ab usurario, aut juramentum a pejeraturo, vel ablationem maleficii per maleficium, &c. *ibid.*

### TRACTATUS VIII.

*De Jure, & Justitia. Ex eadem Secunda Secunda.*

#### EXAMEN I. fol. 275.

*De Justitia, ejus objecto, speciebus, utri & de Judicio, præsertim temerario, ac Suspensione.*

Cur Confessario necessaria sit noticia hujus Tractatus. *n.1.*

Quid, & quotuplex sit Jus, & an sit objectum Justitiæ. *n.2.*

Quid sit Jus Naturæ, & Gentium, quæ utriusque differentia. *n.3.*

Quid sit Justitia, qualis virtus quæ species ejus. *nu.4.*

An, & quæ sint speciei subjectivæ, & perfectæ. *nu.5.*

Solvuntur Objectiones. *n.6.*

*Tribunal Confessariorum.*

De Justitia æconomica, & vindicativa. *num.7.*

De variis differentiis inter Justitiam commutativam, & distributivam. *n.8.*

An Justitia Legalis sit virtus generalis, vel specialis. *n.9.*

An judicare sit licitum, & actus Justitiæ, & an sit peccatum, si fiat in peccato. *n.10.*

Quid sentiendum de judicio temerario. *num.11.*

Quid de suspensione. *n.12.*

Solvuntur Opposita. *n.13.*

An dubia in meliorem partem sint interpretanda, & quomodo. *n.14.*

Circa hoc gravis casus. *n.15.*

An Princeps teneatur semper judicare secundum verba Legis. *n.16.*

Judicium usurpatum an semper sit invalidum. *num.17.*

#### EXAMEN II. fol. 286.

*De Dominio.*

Quid, & quotuplex sit Dominium. *n.18.*

Quid sit titulus, usus, usufructus, emphyteusis, feudum, superficies. *n.19.*

Quid servitus, & possessio. *n.20.*

An in rebus unico usu consumptilibus dominium distinguatur ab usu. *n.21.*

Solvuntur Oppositiones. *ibid.*

De subjectione domini. *n.22.*

De dominio Religiosorum. *n.23.*

De eorum peculio, aut deposito, ac annuo proventu. *ibidem.*

Regula cognoscendi an, & quando Religiosus peccet contra paupertatem. *n.24.*

Quæ licentia Religioso hac in re sit necessaria. *ibid.*

Varii casus circa hoc. *n.25.*

Regula pro directione Prælati in danda licentia Religioso circa temporalia. *n.26.*

Calus de Religioso, in cujus camera post obitum deprehenditur bursa multorum florenorum. *n.27.*

De bonis Religiosorum beneficiatorum, vel ad alium Ordinem transeuntium, ejectorum, fugitivorum, apostatarum. *n.28.*

An monasterium teneatur ex delicto, vel debito Religiosi. *n.29.*

An incapacitas domini in Religioso oriatur ex natura Voti, vel ex Constitutione Ecclesiæ. *num.30.*

De dominio Clericorum, in primis quoad patrimonialia. *n.31.*

Quoad quasi Patrimonialia, quasi Clericalia, & verè Clericalia. *n.32.*

De dominio proventuum beneficii quoad illam partem, quæ honestæ sustentationi sufficit. *n.33.*



## Index Tractatum, & Examinum.

Quomodo Clerici possint aliquid donare suis  
Contanguineis egentibus, vel suis filiis, si ve-  
ligitis, siue spuris. [n.34.](#)

An possint testari ad causas profanas. [n.35.](#)  
De periculoso statu Clericorum plura simul  
beneficia tenentium. [n.36.](#)

Circa hoc aliqui casus. [n.37.](#)

De obiecto domini, in primis, an unus  
homo sit verè dominus alterius hominis, vel  
vitæ suæ, aut membrorum. [n.38.](#)

An famæ. [num.39.](#)

### EXAMEN III. [fol. 301.](#)

*De modo acquirendi dominium rerum, quæ vel  
communes sunt, vel dominium amiserunt, vel  
nunquam dominium habuerunt*

De dominio animalium manufactorum, ac  
manufacturorum, seu cicuratorum sylvestrium.  
[num.40.](#)

Quid de Venatione. [n.41.](#)

De Piscatione, & Aucupio. [n.42.](#)

De Columbariis. [n.43.](#)

De Lignatione, & Pallione. [n.44. & 45.](#)

De dominio gemmarum, & venarum metal-  
licarum inventarum. [n.46.](#)

Thesauri inventi. [n.47.](#)

Casus de sciente latere in agro thesaurum,  
agrum; e mente autem illum eruat. [n.48.](#)

Quid si lateat in re mobili emptæ, v. gr. in  
saccolana pleno. [nu.49.](#)

De dominio bonorum incertorum, seu per-  
ditorum, si inveniuntur. [nu.50.](#)

De accessione, alluvione, inædificatione.  
[num.51.](#)

### EXAMEN IV. [fol. 307.](#)

*De acquisitione domini per præscriptionem à pro-  
missionem, donationem, testamentum, ludum,  
& sponsionem.*

Quid sint præscriptio, & usucapio, quo-  
modo, & cum quibus conditionibus dominium  
transferant. [nu.52.](#)

Idem quæritur de promissione. [n.53.](#)

Quid si fiat sub conditione turpi. [n.54.](#)

An promissio, vel donatio merè interna  
transferat dominium. [n.55.](#)

Solvuntur Oppositiones. [n.56.](#)

Quid, & quotuplex sit donatio, & qui do-  
nare possint, an infantes, furiosi, amentes,  
filiifamilias, impuberes, Religiosi, Uxores,  
&c. [nu.57.](#)

Circa hæc casus de Uxore, & Marito. [n.58.](#)

De donationibus inter conjuges; Item inter  
parentes, & liberos. [n.59.](#)

Casus de donatione a Patre facta filio, an res  
donata sit commutanda pro hæreditate. [n.60.](#)

De quantitate, ultra quam non potest do-  
nari. [nu.61.](#)

De valore donationis omnium bonorum.  
[num.62.](#)

An donatio liberè facta, sit revocabilis.  
[num.63.](#)

Quid, & quotuplex sit testamentum, quas  
requirat solemnitates, qui sint ejus capaces,  
an sit revocabile. [n.64.](#)

An sit validum, si careat solemnitate Juris.  
[num.65.](#)

Solvuntur Objectiones. [n.66.](#)

An ultima voluntas circa piæ causas, ac mo-  
nasteria possit mutari, & a quo. [n.67.](#)

Quotuplex sit hæres, quis hæredum ordo in  
succedendo, quæ legitima portio cujuslibet.  
[num.68.](#)

An Parentes uni filio legitimo possint plùs  
relinquere, quàm alii. [n.69.](#)

An omisso fratre, vel consobрино possit in  
testamento institui hæres extraneus. [n.70.](#)

De successione conjugum. [n.71.](#)

De causis ex hæredationis. [n.72.](#)

De Executoribus Testamenti. [n.73. & 74.](#)

De Confessario Testatoris. [n.75.](#)

De Ludo, & Sponsione. [n.76.](#)

De conditionibus justitiæ Ludi. [n.77.](#)

An quis possit lucrari in ludo vetito. [n.78.](#)

An liceat ludere pro re spiritali. [n.79.](#)

An, qui non potest perdere, possit lucrari.  
[num.80.](#)

### EXAMEN V. [fol. 323.](#)

*De Restitutione in genere, & in specie, de ea  
quod bona animæ, corporis, famæ, & ho-  
noris.*

Quid sit Restitutio, cujus speciei justitiæ  
actus; quanta ejus necessitas. [n.81.](#)

Quæ, & quot sint radices restitutionis. [n.82.](#)

Quomodo restituere debeat, qui alium  
damificavit in bonis spiritalibus. [n.83.](#)

Qui alium induxit ad peccatum. [n.84.](#)

Qui retraxit a Religione. [n.85.](#)

Qui injustè negavit votum ad Professionem.  
[num.86.](#)

Qui injustè impedit a consecutione Offi-  
cii, vel Beneficii. [n.87.](#)

Quomodo, qui alium lædit in bonis corporis,  
occidendo, vel mutilando. [n.88.](#)

Solvuntur Objectiones. [n.89.](#)

Specialiter de compensatione damnorum  
realium. [n.90.](#)

Quibus in casu homicidii, vel mutilationis sit  
restituendum. [n.91.](#)

De obligatione hæredum lædentis. [n.92.](#)

Quid si ambo se provocassent. [n.93.](#)

Quid si occisus ante mortem condonavit  
restitutionem. [n.94.](#)

De



## Index Tractatum, & Examinum.

De restitutione in causa stupri, cum promissione ficta Matrimonii. **n. 95.**

In casu adulterii. **n. 96.**

Circa hoc difficilis casus. **n. 97.**

Casu prolis expositæ, quæ alienis alitur expensis. **ibid.**

De restitutione famæ, & honoris. **n. 98.**

Et **103. Ulque ad n. 104.**

Quid sit detractio. **n. 99.**

Quid contumelia. **n. 100.**

Quid furratio. **n. 101.**

Derisio. **n. 102.**

Quis modus restituendi famam. **n. 104.**

Cum quanto periculo teneatur diffamator restituere. **n. 105.**

**De detractioe per libellum famosum. n. 106.**

An liceat se, vel alium infamare ad evadendam gravia tormenta. **n. 107.**

### EXAMEN VI. fol. 334.

*De restitutione in specie quoad bona fortuna, nimirum quid; cui; activè, & passivè: de ordine, quo: de tempore, quo: de culpa, ex qua restituendum sit: ac de causis a restitutione excusantibus.*

An sufficiat restituere simplum. **n. 108.**

Resolvuntur varii casus. **n. 109.**

De restitutione resfuitivæ etiam bona fide acquisite. **n. 110.**

An possit furi reddi. **n. 111.**

Solvuntur Objectiones. **n. 112.**

De restitutione fructuum rei resfuitivæ. **n. 113.**

De cooperantibus damno. **n. 114.**

Quot modi sint cooperandi. **ibid.**

Quis sit ordo inter obligatos ad restitutionem. **n. 115.**

Quid si dominus rei sit ignotus, mortuus, vel multum distans. **n. 116.**

An, & quomodo restitutio possit fieri per Confessarium, & an hic in quibuldam casibus teneatur restituere loco pœnitentis. **n. 117.**

Quo ordine sit Creditoribus restituendum. **n. 118. & seqq.**

An præferenda sit restitutio debitorum ex delicto. **n. 119.**

An creditor valdè egens titulo paupertatis possit alius præferri. **n. 120.**

De concursu plurium hypothecariorum. **num. 121.**

An statim sit restituendum. **n. 122.**

Casus de pœnitente, qui restitutionem promisit, & non fecit. **n. 123.**

Quæ culpa requiratur ad obligationem restitutionis. **n. 124.**

De obligatione ex quasi contractu. **n. 125.**

Quæ causæ excusent a restitutione. **n. 126.**

Ulque ad finem Tractatus.

Casus de debitore, qui non potest statim restituere absque gravi jactura status justè acquisiti. **n. 127.**

An in cessione bonorum possit quis sibi retinere, quantum sufficit ad vitam parcè degendam. **n. 128.**

De compensatione, præsertim occulta. **n. 129.**

An, & quomodo a restitutione excuset ingressus Religionis. **n. 130.**

Solvuntur, quæ opponuntur. **n. 131.**

## TRACTATUS IX.

*De vitiis Justitiæ oppositis. Ex eadem Secunda Secunda.*

### EXAMEN I. fol. 348.

*De acceptioe Personarum.*

Quid, & quantum peccatum illa sit. **n. 1.**

An ad hoc peccatum in officiis, & beneficiis Ecclesiasticis vitandum, votum sub mortali sit dandum digniori. **n. 2.**

An Nobilitas faciat dignum Beneficio Ecclesiastico. **n. 3.**

Quæ præterea sint requisitæ conditiones. **n. 4.**  
Casus de eo, qui recipit Canonicatum (cui annexitur Ordo sacer) cum intentione Ordinem non suscipiendi. **n. 5.**

Quid si in causa Beneficii Nobilis non ita litteratus præferatur non Nobili, sed litterato. **n. 6.**

An, & quando sit acceptio Personarum Beneficium dare consanguineo. **n. 7.**

Vel ad contrahendum Matrimonium facilius dispensare cum divitibus, quàm cum inferioribus. **n. 8.**

Aut unum alteri præferre in exhibitione honoris, & reverentiæ. **n. 9.**

Quid de Medico ob majora munera divites præferente pauperibus? **ibid.**

Acceptio personarum in judiciis. **n. 10.**

In collatione Officiorum secularium. **n. 11.**

Et quid de eorum venditione. **ibid.**

### EXAMEN II. fol. 352.

*De homicidio, & mutilatione.*

An sit licitum, etiam privatæ personæ, occidere malefactores, præsertim bannitos. **n. 12.**

An Tyrannum. **n. 13.**

Quid de Assassinis, & proditoriis occidentibus, quinam illi sint, & an gaudeant immunitate Ecclesiæ. **n. 14.**

Quid sit illa immunitas. **ib. R. 3.**

Quæ sint crimina non gaudentia immunitate. **n. 15.**

An immunitate gaudeat, qui confugit ad Sacram Eucharistiam, dum a Sacerdote portatur per plateam: vel qui per cœmeterium

## Index Tractatum, & Examinum.

ducitur, & in eo proclamat ad immunitatem. n.16.

Reus ad Ecclesiam confugiens, unde alendus. n.17.

Cujus auctoritate ex Ecclesia sit extrahendus, qui non gaudet immunitate. n.18.

An Clericis liceat se immiscere causæ sanguinis. n.19.

Quantum hoc sit eorum peccatum. n.20.

An in aliquo casu liceat seipsum occidere, mutilare, castrare, vel castrari facere. n.21.

De castratione servandæ castitatis gratia. num.22.

Vel ad retinendam teneram vocem pro musica, ac divino cultu. n.23.

An in aliquo casu pro bono communiceat occidere innocentem. n.24.

An liceat pro conservatione vitæ, aut famæ procurare abortum. n.25.

Quot tempore foetus animetur. n.26.

Sidubitetur, an sit mas, vel foemina. n.27.

An sit licitum occidere invasorem vitæ, bonorum, pudicitie, famæ, &c. n.28.

Casus de eo, qui dedit causam invasioni. n.29.

Item de eo, qui bona temporalia diripit per alios. n.30.

### E X A M E N III. fol.359.

#### *De Furto.*

Quid, quantum peccatum sit, & quomodo differat a rapina. n.31.

Quæ materiæ quantitas faciat mortale. n.32.

Præsertim si auferatur ditissimo, etiam Regi. ibid.

Solvuntur Objectiones. n.33.

De auferente acum Sartori pauperi; De comedente uvam vinea alterius. De auferente rem modicam, sed domino per gratiam. n.34.

An, quomodo, & quando graviter peccetur per furta minuta. n.35.

De furto Uxorum, filiorum, famulorum, Sartorum, &c. n.36.

An liceat furari propter necessitatem. n.37.

### E X A M E N IV. fol.363.

#### *De Injustitia Judicis.*

An Judex possit judicare non subditum. num.38.

Quid de Clericis respectu Judicis sæcularis. n.39.

An Judex possit ferre Sententiam contra probatum nocentem, quem privata scientia scit esse innocentem. n.40.

Solvuntur Objectiones. n.41.

Quid Judex in eo casu teneatur facere, ut innocentem liberet. n.42.

An Judex possit judicare aliquem non accusatum, aut non auditum. n.43.

An possit remittere poenam. n.44.

An ei liceat acceptare munera, vel sportulas. n.45.

Circa hoc duo casus. n.46.

### E X A M E N V. fol.367.

#### *De Injustitia accusatoris, & accusati.*

Quid sit accusatio, quomodo differat a denuntiatione, & an cadat sub obligatione. n.47.

Denuntiatio quotuplex, & quando obliget. n.48.

An quilibet homo admittatur ad accusandum, & per quid accusatio reddatur injusta. n.49.

An, & quando teneatur accusatus sateri crimen. n.50.

Solvuntur Objectiones. n.51.

Quid faciendum Confessario, in casu, quo reus veritatem negat. n.52.

Præsertim si ex fuga se salvaverit. ibid.

An accusator liceat se defendere calumniosè, dolosè, &c. aut ministris Justitiæ resistere, præsertim si sit innocens, probatus tamen nocens. n.53.

An ei liceat carceres rumpere, an, si ad mortem famis, vel veneni sit condemnatus, possit venenum sumere, aut panem oblatum reculare. n.54.

### E X A M E N VI. fol.371.

#### *De Injustitia Testis, & Advocati.*

Qui possint, ac debeant testari, aut non. num.55.

Qui, & quot testes faciant probationem. ibidem.

Quantum peccatum sit falsum testimonium. ibid.

An innocens morti adjudicatus peccet provocando ad tribunal Dei. n.56.

De officio, obligatione, qualitate, ac scientia Advocati. n.57.

Quam causam possit tueri. n.58.

De ejus stipendio. ibid.

### E X A M E N VII. fol.373.

#### *De fraude in Contractu Emptionis, & Venditionis.*

Quid, & quotuplex sit contractus, quid emptio, quod justum in ea pretium. n.59.

De læsione ultra dimidium. n.60.

Resol-

## Index Tractatum, & Examinum.

Resolvuntur casus de vendente carius ob solutionem dilatam, & emente vilius ob anticipatam. Desciente pretium mercium mox esse minuendum. De Consiliario Principis id scient ex consilio, præsertim si id revelet suis amicis. *n.61.*

Variis casus. *ibid.*

An venditio reddatur illicita ob vitium rei. *n.62. & 63.*

De auro alchymico. *ibid. n.62.*

Resolvuntur varii casus, v.g. de frumento ad corruptionem disposito, de vendente vinum Mosellanum pro Rhenano, aut vinum aqua, aut vinoviliori mixtum, aut pro vero vino vendente expresum è pomis; De eo, qui triticum ponit in loco humido, ut turgeat: aut illud paleis miscet. *n.64.*

De eo, cui commissum est, ut hoc, vel illud vendat determinato pretio, vendit autem cariori, an possit excessum retinere. *n.65.*

Cui pereat res emptæ. *ib. Q.6.*

An mercatura sit licita, etiam Clericis. *n.66.*

De Monopoliis. *ib. R.4. & 5.*

### EXAMEN VIII. fol. 379.

*De Usura in Mutuo.*

Quid sit Mutuum, quid, & quotuplex usura, & quantum si peccatum. *n.67.*

An nullo, aut quotitulo possit aliquid accipi promutuo. *n.68.*

Resolvuntur circa hoc sedecim casus. *n.69.*

Quid sentiendum de Censibus, eorumque pretio, & in specie quid de Censu germanico quinque pro 100. *n.70. & seq.*

Quotitulo emptor Censui redimibilis (præsertim utrimque) possit recipere totum Capitale postquam tantundem, vel plus jam recepit in pensionibus. *n.71.*

Solvuntur variz objectiones contra licitatem emptionis, Censui, præsertim *5.* pro 100. *n.72.*

An licita sit Olla fortunæ. *n.73.*

An emptio Chirographorum minori pretio sit usuraria. *n.74.*

An contractus *Mohatra* sit usurarius. *n.75.*

An usurarii etiam mentales, eisque cooperantes teneantur restitutionem. *n.76.*

Quæ sint pœnæ Usurarium. *n.78.*

### EXAMEN IX. fol. 389.

*De variis Contractibus, ut sequitur.*

De Monte pietatis. *n.79.*

De Cambio. *n.80.*

De Contractu Societatis. *n.81. & 82.*

De Locatione, & conductione. *n.83.*

Casus, an famulis extra tempus servitium

delerentibus, vel ægrotantibus, debeatur integramerces. *n.84.*

De Pignore, & Hypotheca. *n.85.*

De Fideiussione. *n.86.*

De Transactione. *n.87.*

De Mandato. *n.88.*

De Depósito. *n.89.*

De Commodo. *n.90.*

De Precario. *n.91.*

## TRACTATUS X.

*De Religione, & vitiis ei oppositis. Ex eadem Secunda Secunda.*

### EXAMEN I. fol. 393.

*De Essentia Religionis, & Objecto.*

Cur Confessarius teneatur scire, quæ in hoc Tract. traduntur. *n.1.*

Quid sit Religio, an vera virtus, quod ejus objectum. *n.2.*

An sit una specie infima virtus. *n.3.*

Solvuntur Opposita. *n.4.*

An specie differat ab aliis virtutibus, an sit virtus theologica, vel moralis, ac moralium præstantissima. *n.5.*

An aliis imperet. *ibid.*

Solvuntur Objectiones. *n.6.*

### EXAMEN II. fol. 396.

*De Actibus Religionis.*

Quos actus habeat Religio. *n.7.*

Quid sit Devotio. *n.8.*

Quid Oratio. *n.9.*

Adoratio. *n.10.*

Quotuplex, & quibus debeatur. *ibid.*

De Adoratione Crucis. *n.12.*

De Sanguine Christi adhuc apparente in Spinis, Lancea, Sindone, Sudario. *n.13.*

Vel asservato in vitreis ampullis in quibusdam Ecclesiis. *ibid.*

De cultu eorum, qui in fama Sanctitatis obierunt, sed canonizati nondum sunt. *n.14.*

De corporibus Beatorum, quæ alii asserunt esse in hoc, alii in illo loco. *ibid.*

De Sacrificio. *n.15.*

De Oblatione. *n.16.*

An Parochus possit aliquid prætere de oblationibus, quæ sunt in Ecclesiis Regularium. *n.17.*

Quid in casu Sepulturæ. *ibid.*

De portione Canonica funerali. *ib.*

De Decimis. *n.18.*

Quo jure in quibusdam locis Decimæ spectent ad Laicos. *n.19.*

An Clerici teneantur dare Decimas. *nu.20.*

Au

# Index Tractatum, & Examinum,

An Religiosi. n.21.  
An defraudans Decimas teneatur ad restitutionem. n.22.  
De actu Religiosis, qui est adjuratio divini Nominis. n.23.  
De adjuratione dæmonum. ib.  
De facto S. Brixii, qui pro sua innocentia adjuravit infantem, qui locutus eum defendit. ibid.

## EXAMEN III. fol. 402.

### De Voto.

Quid, & quotuplex sit votum. n.24.  
Casus de voto personali, in quo per alium potest impleri. n.25.  
De voto succurrendi Terræ Sanctæ. n.26.  
Vota a Communitatibus facta quomodo ligent Successores. n.27.  
De divisione voti in simplex, & solemne; in simplex, temporale, & perpetuum; in penale, & non penale. n.28.  
Quot, & quæ sint requisita ad obligationem voti. n.29.  
An obligent vota facta ex ignorantia, errore, vi, seu metu. n.30.  
Quæ sit materia voti. n.31.  
De hoc varii casus. ibid.  
Quanta sit obligatio voti, & quid sentiendum in casu, quo quis dubitat, an voverit, vel non habuit intentionem se obligandi, vel saltem non implendi, vel obligandi se solum leviter in materia gravi. n.32.  
Solvuntur Objectiones. n.33.  
Ex quo possit cognosci materia voti esse gravem, vel levem. n.34.  
Ad quid teneatur, qui vovit ingredi Religionem, in qua ætate quis possit eam vovere, quo tempore quodvis votum sit implendum. n.35.  
Quid faciendum illi, cui votum ex toto, vel ex parte est factum impossibile. n.36.  
Quid si solum difficile. ibid. in fine.  
Quæ sint causæ voti impletionem differendi, & an liceat vacare suis negotiis temporalibus occasione voti Peregrinationis. n.37.  
Quot modis tollatur votum. n.38.  
De irritatione Voti. n.39.  
De dispensatione, & causis dispensandi. n.40.  
De Votis Papæ reservatis. n.41.  
De interpretatione Voti. n.42.  
De commutatione. n.43.  
Quæ Regulæ in easervandæ. n.44.  
Quid Religiosi in hoc possint. n.45.  
An peccet, quem pœnitet vovisse. n.46.  
Quid Papa possit circa Vota solemnia, n.47.  
Solvuntur Objectiones. n.48.

## EXAMEN IV. fol. 412.

### De Juramento, Perjurio, Mendacio, Sacrilegio, Maledictione.

Quid, cujus virtutis actus, quotuplex, & quantæ obligationis sit juramentum, & quid sit perjurium. n.49.  
Quando non obliget juramentum. n.50.  
Quid de juramento coacto. n.51.  
An juramentum in re levi obliget sub mortali, ita ut in perjurio non detur parvitas materiæ. n.52.  
An in re gravi obliget cum periculo vitæ. ib.  
An reus ex carcere dimissus, jurans se rediturum, teneatur redire. n.53.  
An liceat juramentum exigere ab eo, qui creditur pejeraturus, vel per falsam Deum a Pagano. n.54.  
An liceat sic jurare: Hoc tam verum est, quam Evangelium, aut quam quoddam Deus sit unus. n.55.  
Quomodo juramentum tollatur. n.56.  
Quid, & quotuplex sit mendacium, quantum, & an in omni casu sit peccatum. n.57.  
Solvuntur opposita. n.58.  
An liceat saltem mentiri ad se, vel alium a morte præservandum. n.59.  
An teneamur semper dicere veritatem, item an liceat uti restrictione mentali, vel æquivocatione. n.60.  
De duabus Propositionibus in materia restrictionis, & æquivocationis ab Innoc. XI. damnatis. n.61.  
Circa hanc rem resolvuntur casus de Confessario, de reo, de adultera, stricto gladio, vel sub alia pœna examinatis. n.62.  
Alii casus. n.63.  
An illa complimenta, Sum servus, Dominus, mihi mandet ut servo, sint mendacia. ib.  
Quid, & quotuplex sit sacrilegium, ac quantum peccatum. n.64.  
De maledictione, seu imprecatione. n.65.

## EXAMEN V. fol. 422.

### De Horis Canonis, & celebratione Fæstorum.

Quid, & quot sunt Horæ Canonice, quo jure institutæ, quo tempore, loco, ordine, ac situ corporis persolvendæ. n.66. usque ad 68.  
Casus de illo, qui vespere præcedenti orat Matutinum, & lequenti manè Laudes. n.67.  
An sit mortale omittere unicam Horam, etiam parvam, ut Vesperas Sabbati Sancti, aut notabilem partem, & quæ illa sit. n.68.  
De obligatione persolvendi ea, quæ Episcopus ordinans injungit. n.69.

De

## Index Tractatum, & Examinum.

De obligatione Dominicanorum ad Officium B. V. ac Defunctorum, & Psalmos Graduales, &c. [n.70.](#)

Qui, quo, & quotuplex titulo teneantur dicere Horas Canonicas. [n.71.](#) & seqq.

Quid hoc sit, Beneficium Horas omittentem *pro rata omissionis* fructus non facere suos. [n.72.](#)

Quibus debeant restituere, quid si beneficium sit tenue. *ibid.*

Quid si beneficiatus nihil percipiat. [n.73.](#)

Quid si Beneficium sit quidem collatum, sed nondum possessum; quid de primis sex mensibus; De primo anno, quo fructus Beneficii subtrahuntur. *ibid.*

Specialia de Beneficiato simplici. [n.74.&75.](#)

Au, qui habet duo Beneficia compatibilia, teneatur bis dicere horas. [n.76.](#)

De obligatione Religiosorum ad Horas. [n.77.](#)

Specialiter eorum, qui ad Sæculum sunt ejeti, ad trirames damnati, ad matrimonium dispensati, vel adhuc Novitii, aut sunt Conversi, seu Laici. [n.78.](#)

De obligatione Monialium ad Horas. [n.79.](#)

Equitum Commendatorum, v.gr. Meliten-  
sium. [n.80.](#)

Canonicarum sæcularium. [n.81.](#)

Quæ in & attentio requiratur ad Horas. [n.82.](#)

Solvuntur Objectiones. [n.83.](#)

Quam gravis sit obligatio Religiosorum comparandi in Choro, & quot Religiosi faciant Chorum. [n.84.](#)

Quanta sit obligatio Canonicorum ad Chorum. [n.85.](#)

Quid de illis, qui per annum rarissime in Choro comparent, cum tamen possent. [n.86.](#)

An lucrentur distributiones, si sub Officio divino legant Missam. [n.87.](#)

Quo Breviario utendum. [n.88.](#)

An infirmus, qui non potest perolvere totum, teneatur ad partem. [n.89.](#)

An, qui non potest per se, teneatur per alium. [n.90.](#)

Quid de cæco, & surdo, aut de eo, qui habet solum Diurnum, non verò Breviarium. *ib.*

An, dum est de feria, liceat orare de Sancto, aut breve officium de Resurrectione. [n.91.](#)

Quid de pulsante Organum, aut inquirente psalmos sub Horis. [n.92.](#)

An excommunicatus teneatur dicere Horas. [n.93.](#)

Quis cum aliquo possit dispensare in Horis. [n.94.](#)

An Sacerdos ante Missam teneatur dicere Matutinum. Item an liceat Horas privatim dicere sub Missa præcepta. [n.95.](#)

Quæ sint causæ excusantes a Breviario. [n.96.](#)

Quid sit Festum, a quo institutum, quando incipiat, quodnam de eo præceptum, tum

ad agendum, tum ad omittendum. [n.97.](#)

Quæ opera in festo ex præcepto sint facienda. [n.98.](#)

Cujus partis Missæ omissio sit mortalis. *numer.99.*

Calus de eo, qui audit medietatem duplicis Missæ. [n.100.](#)

De confabulatione, aliave occupatione sub Missa. [n.101.](#)

Degarritione sub alio officio divino, v.g. sub Vespers. [n.102.](#)

Causæ excusantes ab auditione Missæ. [n.103.](#)

A quibus operibus ex præcepto sit abstinendum in Festo. [n.104.](#)

Quid sit opus servile. [n.105.](#)

Quæ sint legitimæ causæ excusantes a celebratione festi. [n.106.](#)

An festa obligent extra territorium, & itinerantes. [n.107.](#)

### EXAMEN VI. fol.436.

*De viriis oppositis Religioni.*

Quid sit Superstitio, & quæ species. [n.108.](#) & seqq.

De Idololatria. [n.109.](#)

De Divinatione. [n.110.](#)

De Præstigio, & Divinatione somniorum, accausis eorum. [n.111.](#)

De Necromantia, Divinatione per Pythones, Geomantia, Hydromantia, Aeromantia, Pyromantia, Haruspicio. [n.112.](#)

De Astroantia, seu Astrologia judiciaria, de Chiromantia, & Physiognomia. [n.113.](#)

De Augurio, & Omine. [n.114.](#)

De Sortilegio. [n.115.](#)

De vana observantia, ejusque speciebus. [n.116. & seqq.](#)

De arte Notoria. *ibid.*

De observatione Sanitatum. [n.117.](#)

Eventuum. [n.118.](#)

De Incantationibus. [n.119.](#)

De Magia. [n.120.](#)

De Invulnerabilitate. [n.121.](#)

De Translatione Sagarum, & equitatione earum. [n.122.](#)

De Tentatione Dei. [n.123.](#)

### EXAMEN VII. fol.441.

*De Simonia.*

Quid, quotuplex, & quantum peccatum sit. [n.124.](#)

Quæ ejus materia, ac pretium. [n.125.](#)

Qua ratione licite accipiat pretium pro administratione Sacramentorum, pro Missa, precibus, benedictionibus, aut adu Jurisdictionis spiritualis. [n.126.](#)

Pro

## Index Tractatum, & Examinum.

Pro Sepulturis. num. 127.

Pro ingressu Religionis. *n. 128.*

An Novitius egrediens teneatur Monasterio solvere expensas pro ipso in victu, vestitu, aut medicinis factas. *n. 129.*

De renunciatione bonorum a Novitio facta. *n. 130.*

An Novitius de bonis suis ante Professionem disponere teneatur adhibere solemnitates Juris civilis. *n. 131.*

Quid si Professus nullam fecerit dispositionem. *ibid.*

Quid si anno Probationis non expleto in lethali morbo faciat Professionem. *ibid.*

Quomodo Simonia committitur in Beneficiis. *n. 132. & seqq. usque ad n. 135.*

Quid de illo pacto, Ego te eligam in Provinciale, sic tamen, ut me eligas in Priorem. *n. 133.*

Calus, quo quis Collatori dat pecuniam eo pacto, ut obtineat Beneficium pro suo confanguineo de Simonia nihil sciente. *n. 134.*

De Jure Patronatus. *n. 135.*

An Papa possit incurrere Simoniam. *n. 136.*

An sit Simonia, dare pecuniam pro Matrimonio, vel pro Decimis. *n. 137.*

Vel pro doctore Theologiæ, functione Ludimagistri, Aeditui, Organistæ, Cantoris Laici. *n. 138.*

De horum officiorum venditione. *ibid.*

De Simoniacorum obligatione ad restituendum. *n. 139.*

De pœnis eorum. *n. 140.*

Specialiter circa ingressum Religionis. *n. 141.*

Et Simoniam confidentialem. *n. 142.*

### TRACTATUS XI.

*De Sacramentis in communi, & in specie de Baptismo, & Confirmatione. Ex Tertia Parte Doctoris Angelici.*

#### EXAMEN I. fol. 450.

*De Essentia, & necessitate Sacramentorum.*

An, & cur Confessor teneatur scire doctrinam Theologorum de Sacramentis. *n. 1.*

Quid sit Sacramentum, quod, & quotuplex ejus significatum. *n. 2.*

An Sacramenta consentent ex determinatis rebus sensibilibus ut materia, & verbis ut forma. Et quotuplex sit eorum materia. *n. 3.*

An absolute sint possibilia Sacramenta insensibilia. *n. 4.*

An omnes Sacramentorum Novæ Legis materiæ, & formæ sint a Christo determinatæ. *n. 5.*

Specialis difficultas de Sacramento Ordinis. *n. 6.*

Quæ mutatio materiæ, & formæ invalidet Sacramentum. *n. 7.*

An in omni Statu homini necessaria fuerint Sacramenta. *n. 8. 9. & 10.*

#### EXAMEN II. fol. 456.

*De Sacramentorum Veteris, & Nova Legis causalitate, & effectu.*

Quomodo Sacramenta Veteris Legis causaverint gratiam. *n. 11.*

Quomodo Sacramenta Novæ Legis eam causent, nimirum an physice. *n. 12.*

Quomodo recedente fictione. *n. 13.*

Solvuntur Objectiones. *n. 14.*

Quando Sacramenta causant gratiam. *n. 15. usque ad 19.*

Specialiter Eucharistia. *n. 16.*

Calus, quo quis in ea sumit plures particulas. *n. 18. in fine.*

Quam gratiam per se causent Sacramenta Novæ Legis. *n. 19. & 20.*

Quid sit gratia; & de ejus divisione in gratiam gratum facientem, & gratis datam, in habitualem, & actualem, in sacramentalem, & communiter dictam. Eodem. *n. 19.*

Quantam gratiam causent, & quæ dispositio requiratur ex parte recipientis. *n. 21. & seqq.*

Specialia de effectu Eucharistiæ. *n. 22.*

Solvuntur Objectiones. *n. 23.*

#### EXAMEN III. fol. 464.

*De Characterē.*

Quæ, & cur non omnia Novæ Legis Sacramenta imprimant Characterem. *n. 24.*

Quid sit Character, in quo sit prædicamentum. *n. 25.*

An imprimatur indelebiliter, cui subiecto; & quæ sint ejus munera. *n. 26.*

An in Christo sit Character. *n. 27.*

#### EXAMEN IV. fol. 466.

*De causa principali, ac minus principali Sacramentorum. De intentione Ministrī. De Sacramentorum numero, ordine, &c.*

An omnia Novæ Legis Sacramenta sint a solo Christo instituta, eorumque effectum operetur Christus ut Homo. *n. 28.*

An potestas instituendi Sacramenta potuerit puro homini communicari. *n. 29.*

Qui sint Sacramentorum ministri, an etiam Beati, & Angeli. *n. 30.*

An Beatus possit recipere Sacramenta. *n. 31.*

Quid, & quotuplex sit intentio ad Sacramenti consecrationem requisita. *n. 32.*

An

## Index Tractatum, & Examinum.

An ad Sacramenti valorem sufficiat sola exterior materiæ, & formæ applicatio, mentaliter eam annullando. [n.33.](#)

Solvuntur Objectiones. [n.34.](#)

An intentio introducendi novam ritum in Ecclesiam invalidet Sacramentum. [n.35.](#)

Quæ intentio requiratur in suscipiente. [n.36.](#)

An mali ministri conficiant vera Sacramenta, liceatque ea ab ipsis petere, &c. [n.37.](#)

Quæ dispositio requiratur, & sufficiat in ministro Sacramenti, ut non peccet. [n.38.](#)

Specialis calus de Sacerdote celebrante. [n.39.](#)

De aliis Sacramentis præter Eucharistiam. [n.40.](#)

Cur in Nova Lege non sint plura, nec pauciora Sacramenta, quam septem. [n.41.](#)

De eorum ordine. [n.42.](#)

Præminencia. [n.43.](#)

Necessitate. [n.44.](#)

Differentiis. [n.45. & 46.](#)

Tria in quovis Sacramento considerata, res tantum, Sacramentum tantum, utrumque simul. [n.47.](#)

### EXAMEN V. [fol. 478.](#)

*De Baptismo, ejus Ministro, necessitate, subiecto, & effectu, &c.*

Quid sit Baptismus. [n.48.](#)

Quando institutus. [ibid.](#)

Quando inceperit obligare. [n.49. & 50.](#)

Solvuntur Opposita. [ibid.](#)

Quando cessaverit Lex antiqua. [n.50.](#)

Quæ sit materia, & forma Baptismi. [n.51.](#)

Quis minister. [n.52.](#)

An Christus aliquos baptizaverit. [n.53.](#)

Sacerdos vocatus ad baptizandum moribundum infantem, & ad absolvendum adultum, quem præferet. [n.54.](#)

Quanta sit necessitas Baptismi. [n.55.](#)

Solvuntur Objecta. [n.56.](#)

Calus de infante periclitante in pelle Scudina. [n.57.](#)

Vel cujus perfecta natiuitas non potest expectari. [ibid.](#)

Si periclitetur in utero, & ad intus manu tangi, & ablui possit. [n.58.](#)

De Baptismo monstri. [ib.](#)

Quis sit effectus Baptismi. [n.59.](#)

Quid sit esse Christianum, & quod signum ejus. [n.60.](#)

An idem sit esse Christianum, & esse Catholicum. [ibid.](#)

Explicatur diversus modus formandi crucem. [n.61.](#)

An liceat baptizare pueros infidelium, invitæ parentibus. [n.62.](#)

De Baptismo furiosorum, & amentium. [n.62.](#)

Dormientium. [n.64.](#)

In quoloco Baptismus sit conferendus. [n.65.](#)

Quo tempore. [n.66.](#)

De nomine imponendo Baptizato. [n.67.](#)

De Patrinis. [n.68.](#)

An proles in necessitate ab Obstetrice baptizata debeat rebaptizari. [n.69.](#)

Vel si sit baptizata a ministro hæretico, vel exposita ad portam Ecclesiæ, aut Hospitalem; Vel si sit Hæreticus adultus ad fidem conversus. [ibid.](#)

De matris ex illicito concubitu parientis obligatione ad nominandum Parentem, dum examinatur a Parocho baptizato. [n.70.](#)

Varii calus pro instructione Parochi, & talispuerperæ. [ibid.](#)

Quotuplex sit Baptismus. [n.71.](#)

De præminencia Baptismi Sanguinis. [n.72.](#)

De ejus causalitate gratiæ ex opere operato. [n.73.](#)

Solvuntur Objectiones. [n.74.](#)

De Martyre lethaliter vulnerato, sed miraculose in vita conservato. [n.75.](#)

An ei debeat privilegium impeccabilitatis. [ibid.](#)

Quæ mors, vel mortis causa Martyrem faciat. [n.76.](#)

De morte a quibusdam Martyribus spontè quaesita, & tamen ad martyrium sufficiente. [n.77.](#)

### EXAMEN VI. [fol. 489.](#)

*De Sacramento Confirmationis, ejus materia forma, necessitate, ministro, subiecto, effectu, &c.*

Quid sit Confirmatio, a quo instituta, quæ ejus materia, & forma. [n.78.](#)

De ejus necessitate. [n.79.](#)

Quodnam sit ejus subiectum, quis minister, quis effectus. [n.80.](#)

De intentione, ac dispositione ad hoc Sacramentum requisita. [n.81.](#)

De loco, in quo conferendum, de ætate confirmandi. [ibid.](#)

De Patrinocujus. [n.82.](#)

De alapa, quæ ei infligitur. [n.83.](#)

## TRACTATUS XII.

*De Eucharistia. Ex eadem tertia Parte S. Thoma.*

### EXAMEN I. [fol. 492.](#)

*De essentia, unitate, necessitate, ac institutione Eucharistia.*

Quid sit, & in quo essentialiter consistat Eucharistia. [n.1.](#)

Sol-



# Index Tractatum, & Examinum.

Solvuntur Objectiones. n.2.  
 An sit unum Sacramentum, vel plura. n.3.  
 An sit necessaria ad salutem etiam parvulis. n.4.  
 An sit convenienter instituta, ubi n.5.

## EXAMEN II. fol. 495.

*De materia remota Eucharistia.*

Quæ sit illa. n.6.  
 An panis azymus, vel fermentatus. n.7.  
 De aceto, agresta, & vino miraculosè facto. n.8.  
 De admixtione modicæ aquæ. n.9.  
 De quantitate materiæ consecrabilis, ejusque præsentia. n.10.  
 De conversione aquæ in vinum, & Sanguinem. n.11.  
 Solvuntur Objectiones. n.12. & 13.  
 Varii casus de casu, quo aqua per accidens non converteretur in vinum, proinde nec in Sanguinem. n.14.  
 Cur Dominicani apponant aquam statim ab initio Missæ. ibid. in fine.  
 An saltem cum dispensatione, Papæ possit una species licet consecrari sine altera. n.15.  
 Varii casus circa hoc. n.16.

## EXAMEN III. fol. 499.

*De Præsentia Christi in Eucharistia, & accidentibus remanentibus.*

An Christus in hoc Sacramento sit secundum veritatem. n.17.  
 Solvuntur Objectiones. n.18.  
 An in Eucharistia maneat aliquid de pane, vino, & quid illud. n.19.  
 An substantia annihilatur. ibid.  
 & An forma panis sit accidens. n.20.  
 Quid virtute verborum fiat præsentia in quavis specie. n.21.  
 An etiam anima Christi, an Divinitas, an Verbum divinum. n.22.  
 An Pater, & Spiritus S. n.23.

## EXAMEN IV. fol. 502.

*De forma, effectu, usu, & ministro Eucharistia.*

Quæ Verba sint de essentia formæ. n.24.  
 Solvuntur Opposita. n.25.  
 An verba formæ proferantur recitative, seu historice, vel formaliter, & significative. n.26.  
 An verbis insit aliqua virtus physica. ib. R.2.  
 Pro quo supponantur *ly Hoc & Hic* ib. R.5.  
 Varii casus de repetitione formæ. n.27.  
 Quis sit effectus hujus Sacramenti. n.28.

An possit applicari aliis non sumentibus. n.29.  
 Quot sint modi manducandi Christum. n.30.  
 An, & Angeli eum manducant. n.31.  
 An, & quando Communioni præmittenda sit Confessio. n.32.  
 Quando censeatur non esse copia Confessarii. ib.  
 An Laicus copiam Confessarii non habens, & tamen lumens teneatur confiteri, quamprimum occasionem habuerit. ib. R.5.  
 Quantum, & cujus speciei peccatum sit indigna Communio. n.33.  
 An Eucharistia sit deneganda peccatoribus. n.34.  
 Casus, quo Sacerdos Communionem distribuens videt scæminam, Hostiam ex ore extrahentem, & strophiliolum involventem. n.35.  
 An Eucharistia sit danda non habentibus usum rationis. n.36.  
 An eurgemienis, seu obfessis. n.37.  
 An ludo, & muto a nativitate. n.38.  
 An pollutio impediat S. Communionem. n.39.  
 An actus conjugal. n.40.  
 An cibis, vel potus præsumptus. n.41.  
 Casus, in quibus non jejuno licet communicare. n.42.  
 An Sacerdoti non jejuno liceat consecrare obdandum Viaticum. n.43.  
 Quale jejunium prærequiratur ad Eucharistiam. n.44.  
 De prævia comestione terræ, papyri, &c. ib.  
 An prærequiratur somnus, vel cibi digestio. n.45.  
 Quanta mora debeat esse inter Communionem, & cibos postea sumendos. ibid.  
 De expunctione; De vestitu communicantis. Quid sit gladius. ib.  
 In qua ætate pueri obligentur ad S. Communionem. n.46.  
 Quot tempore anni ad eam teneantur fideles. n.47.  
 De Communione Paschali prævenienda, vel supplenda. ib. R.5.  
 Ubi Communio Paschalis sit peragenda. n.48.  
 An quis teneatur communicare in articulo mortis, præsertim si paulo ante morbum communicaverit. n.49.  
 De reo morte puniendo. ib.  
 Quid intelligatur per articulum mortis. n.50.  
 An esset obligatio ad Communionem, si Ecclesia eam non præcepisset. n.51.  
 An liceat Eucharistiam sumere quotidie etiam sæpius. n.52.  
 An omni die Dominica. ib. R.2.  
 Decretum S. Congregationis circa frequentiam Communionis, etiam Monialium, item circa Communionem infirmorum, vel etiam bene



## Index Tractatum, & Examinum.

bene valentium, in lecto tamen cubantium, quibusclam afferebatur Eucharistia. n.53.

An liceat omnino a Communionem cessare.

n.54.

An Christus suum corpus sumperit. n.56.

An illud sumperint Discipuli, etiam Judas. n.57.

n.57.

Et quidem Corpus Christi passibile. n.58.

An Christus fuisset mortuus in Eucharistia, si hæc tempore Mortis ejus fuisset servata.

n.59.

Quis sit minister Eucharistiæ. n.60.

An Sacerdos unicam Hostiam a se consecratam possit imponere Monstrantiæ, & sumere veterem. n.61.

Quando debeat habere præsentem hostias minores, si quas consecrare voluerit. ibid. Not.2.

An in aliquocasu possit partem suæ hostiæ dare communicato. ibid. Not.3.

Casus, quo ante sumptionem in Eucharistia miraculosè apparent species veræ carnis, & sanguinis. n.62.

An Sacerdoti liceat omnino cessare a celebratione, & quoties teneatur celebrare per annum. n.63.

Quid sit Curatus. n.64.

Si infirmus, leprosus, epilepticus. n.65.

Quotidie celebrandum in Ecclesiis Collegiatis, &c. n.66.

An Missa Sacerdotis mali ejusdem valoris sit ac boni. n.67.

Quomodo Eucharistia sit asserenda in Ecclesiis etiam Monialium. n.68.

De Lampade ante Venerabile. ibid.

### EXAMEN V. fol. 517.

*De Eucharistia ut est Sacrificium.*

An Missa sit verum Sacrificium. n.65.

An, & ultima Domini Cœna, ejusque mors in cruce. n.70.

Quomodo differant Sacrificium Crucis, Cœnæ, & Missæ. n.71.

Quis sit principalis offerens. n.71.

In qua actione consistat essentia Sacrificii Missæ. n.73.

Solvuntur Objectiones. n.74.

Estne Missa infiniti valoris. n.75.

Solvuntur, quæ opponuntur. n.76.

An per unicam Missam possit evacuari totum Purgatorium. ib. ad 2.

An pro una Missa liceat accipere plura stipendia, vel parte stipendii retenta, reliquam dare alteri, ut legat; vel Missas anticipatè dicere pro stipendio expectato. n.77.

An Missa pro pluribus oblata æquè proficiat singulis, ac si offerretur pro uno tantum. n.78.

Quis ex Missa majorem recipiat utilitatem. num.79.

De reductione Missarum. n.80.

De effectibus Missæ, & causalitate ejus. n.81.

An sit utilis facere legi pro se Missas ante, vel post mortem. n.82.

## TRACTATUS XIII.

*De Sacramento Pœnitentiæ, & partibus ejus. Ex eadem tertia Parte.*

### EXAMEN I. fol. 553.

*De essentia, & institutione Sacramenti Pœnitentiæ, ejusque partibus in generali: & de Pœnitentiâ ut est virtus.*

Cur Confessor teneatur callere doctrinam Theologorum de Sacramento Pœnitentiæ. n.1.

Quid sit Sacramentum Pœnitentiæ, quando, & a quo institutum. n.2.

Quæ, & quot partes ejus. n.3.

Quæ materia remota, & proxima. n.4.

Quæ forma. n.5.

An invocatio SS. Trinit. manuum impositio, signum Crucis, sint de essentia ejus. n.6.

An forma necessariò proferenda sit voce humana, an sit precatória tantum. n.7.

Quis sit genuinus sensus ejus. n.8.

An hoc Sacram. sit de necessitate salutis. n.9.

An virtus Pœnitentiæ sit verè talis, & specialis. n.10.

An sit pars iustitiæ. n.11.

An sit virtus moralis, & per se infusa. n.12.

De objecto ejus materiali. n.13.

De formali. n.14.

De subiecto. Item an sit, vel fuerit in Christo, Deipara, Innocentibus, Angelis, Beatis. n.14.

### EXAMEN II. fol. 128.

*De effectû Pœnitentiæ.*

An ille sit, remissio peccati, ita ut nullum peccatum sit quod per eam remitti nequeat. numer.16.

Quis sensus, quando Scriptura dicit, peccata Parentum imputari filiis. n.17.

An post Pœnitentiam nihil de peccato maneat, nullæ reliquiæ, aut pœna. n.18.

An mortale possit remitti sine omni Pœnitentiâ. n.19.

Saltem per Dei potentiam absolutam. n.20.

Unum mortale an possit remitti sine alio. n.21.

Solvuntur Objecta. ibid.

Quomodo remittantur venialia in, vel extra hoc Sacramentum. n.22.

Quomodo per alia Sacramenta. n.23.

Quo-

## Index Tractatum, & Examinum.

Quomodo ea tollat dilectio Dei, an sicut cum illis. n.24.

Quomodo tollantur per Sacramentalia. n.25.

Solvuntur Opposita. n.26.

An alicui manenti in mortali possit remitti veniale. n.27.

An, & quando homini iusto morienti in veniali illud remittatur. n.28.

An venialia remittantur in Inferno. n.29.

An peccata dimissa redeant per peccatum lequens. n.30.

Vel saltem redire possint per Dei potentiam. n.31.

An redeant saltem ratione ingratitude. n.32.

An, & quando ingratitude sit speciale peccatum. n.33.

An homo interdum teneatur confiteri peccata iam confessa. ibid.

An merita hominis per peccatum mortificata reviviscant per Pœnitentiam. n.34.

An homo relurgat in æquali virtute ac erat antea. n.35.

An ad pristinam dignitatem. n.36.

An & opera mortua reviviscant. n.37.

### EXAMEN III. fol. 536.

*De Contritione.*

Quid, & quotuplex sit contritio. n.38.

In quo actu essentialiter consistat. n.39.

Cujus virtutis actus sit. n.40.

In quo conveniant, & differant contritio, & attritio. n.41.

An differant specie essentiali, & una possit fieri altera. n.42.

Solvuntur Objectiones. ibid.

An attritio ex metu gehennæ sit actus honestus. n.43.

Quas requirat conditiones, & sufficiat ad justificationem. n.44.

An adeam requiratur actus Charitatis saltem imperfectus. n.45.

An requirantur tot contritiones, quot sunt commissæ mortalia. n.46.

Quomodo debeat esse dolor summus. n.47.

An de uno peccato debeat esse major dolor, quam de alio. n.48.

An sit verè contritus, qui dolet se non satis dolere. n.49.

Quando obliget præceptum contritionis. n.50.

Obligat per se, & per accidens. n.51.

### EXAMEN IV. fol. 540.

*De Confessione, ejus quidditate, & necessitate.*

Quid sit Confessio, & cujus virtutis actus. num.52.

Quæ sit materia confessionis, an etiam peccata dubia, aut non commissæ. n.53.

Quis sentus illius dicti S. Gregorii: Bonarum mentium est, ibi culpam agnoscere, ubi culpa non est. n.54.

An, & quando obliget confessio. n.55.

Quos, an etiam eos, qui in mundo superiorem non habent. n.56.

An, & quomodo Papa possit dispensare in hoc præcepto. ibid. R.7.

An B. Virgo fuerit confessa. ibid. ante R.7.

Quomodo computetur annus annuæ confessionis, an præceptum impleatur per confessionem sacrilegam. n.57.

An, & quando pueri teneantur. ibid. R.3.

An Papa. ibid. R.4.

An habens sola venialia. ibid. R.5.

An præceptum confessionis sit distinctum, & independens a præcepto Communionis. n.58.

An aliquando sit præveniendum, vel supplendum, dum est neglectum. ib. R.1. & 2.

An una confessione possit satisfieri pro duobus annis. ibid. R.4.

An ad implendum hoc præceptum vel teneatur quis confiteri per internuntium Sacerdoti abienti. n.59.

An per epistolam, per nuntius, per interpretem. n.60.

An peccata omissa sint confitenda statim habita copia Confessarii. n.61.

An interdum teneamur eadem peccata bis confiteri. ibid.

### EXAMEN V. fol. 544.

*De Ministro Confessionis.*

Quis sit Minister hujus Sacramenti, quæ potestas ejus, & quando hæc ei detur. n.62.

Quotuplex sit potestas ejus. n.63.

Quis intelligatur per Ordinarium. ibid.

Quid sit approbatio, an hæc necessaria sit omni Confessario. n.64.

A quo jurisdictionem accipiat Confessarius Papæ. n.65.

An Regulares possint ab Episcopo approbari, si non sint a suis Superioribus præsentati. num.66.

An Episcopus eis possit approbationem denegare. n.67.

Facultatem confessiones audiendi adimere. num.68.

Vel restringere. ibid. R.9. & 10.

An, qui est approbatus pro una Diocesi, sit approbatus pro omnibus. ibid. R.12.

Virtutes Confessarii Monialium. n.69.

A quo is approbandus. n.70. & 71.

Quid tempore Jubilæi. n.72.

An Moniales teneantur casibus Episcopo relatis. n.73.

Quis

## Index Tractatum, & Examinum.

Quis de exemptis. *n.74.*  
 Quis exemptas a reservatis absolvat. *n.75.*  
 An Confessio sit facienda proprio Sacerdoti. *num.76.*  
 De vagabundis, & peregrinis. *n.77.*  
 An Parochus, aut Religiosus incolae suae Diocesis possit absolvere extra illam. *n.78.*  
 Quinam possint sibi eligere Confessarium. *num.79.*  
 An Parochus simplici Sacerdoti possit delegare vices suas. *n.80.*  
 Cujus Episcopi licentia sit Confessario in quovis casu necessaria. *ibid. R.7.*  
 Quid in approbatione Regularium significet illa clausula, *de consensu Parochorum.* *n.81.*  
 An quilibet Sacerdos, etiam simplex, possit absolvere a venialibus. *n.82.*  
 Confessarii Regularium a quo approbandi. *num.83.*  
 An in itinere possint absolvi ab extraneo. *ibid.*  
 Etiam a reservatis. *n.84.*  
 Varii casus de hoc. *ibid.*  
 Fratres Clerici Ord. Præd. professionem valide possint absolvi a solo illo Patre, qui eis in Magistrum, & Confessarium datus est. *n.85.*  
 Quid de Fratribus Laicis, & Novitiis. *ibid.*  
 Summa Decreti Clementis X. de privileg. Regul. quod incipit: *Superius.* *n.86. & seqq.*  
 De facultate Regularium prædicandi in suis Ecclesiis. *Eodem n.86.*  
 De facultate incolae Diocesis audiendi extra illam. De Confessario Monialium. De Confessario familiarium Monasteriorum. De approbatione Regularium limitanda, vel non An eis necessaria etiam sit licentia Parochi. *n.87.*  
 De revocatione approbationis Regularium. *num.88.*  
 De Confessione Paschali apud eos. *ib.*  
 De eorum suspensione ab audientia confessionum. *ibid.*  
 An possint absolvere a casibus Episcopaliibus. *ibid. & n.89.*  
 An possint absolvere advenientes ex alia Diocesi, præsertim a reservatis in ea. *Eodem. num.89.*  
 An a censuris saltem in foro conscientiae. *ibid.*  
 Cujus sit interpretari privilegia Regularium. *ibid.*  
 An ad valorem absolutionis sufficiat præsumptio rationis Superioris. *n.90.*  
 Quid dicendum de jurisdictione dubia, probabili, ex titulo colorato, & errore communi. *n.91.*  
 An quilibet Sacerdos a quovis casu possit absolvere in articulo mortis. *n.92.*  
 De absolutione moribundi, qui dedit, vel non dedit signa doloris. *n.93.*  
 Solvuntur Objectiones. *n.94.*  
*Tribunal Confessoriorum.*

Quomodo possit confiteri furdus, mutus &c. vel qui est alienae linguae. *n.95.*  
 Vel infirmas, qui non possunt relinquere solus. *num.96.*  
 Recidivi an possint absolvi, vel sine absolutione dimitti. *n.97.*  
 Solvuntur Oppositiones. *n.98.*  
 Quid faciendum Confessario, qui in absolvendo commisit errorem. *n.99.*

### EXAMEN VI. fol. 358.

#### *De qualitate Confessionis.*

Quæ sint qualitates ad legitimam Confessionem requisitæ. *n.100.*  
 An possit dari Confessio valida, & informis. *num.101.*  
 De integritate Confessionis. *n.102.*  
 Varii casus, in quibus Confessio licite dimidiatur. *ibid. R.3.*  
 An possit dimidiari ratione concursus Pœnitentium. *n.103.*  
 An ratione verecundiae. *n.104.*  
 Casus de illis, qui habent duos Confessarios, quorum uni confitentur mortalia, alteri venialia. *n.105.*  
 Ad quem Confessarium debeat recurrere, qui in Confessione omisit aliquid mortale. *num.106.*  
 An possit, aut debeat exprimi persona Complicis. *n.107.*  
 Casus de Sponsa, & Sponsa carnaliter commixtis, eidem confitentibus, uno peccatum confitente, altero tacente. *n.108.*

### EXAMEN VII. fol. 361.

#### *De Sigillo Confessionis.*

Quid sit hoc Sigillum, & quo jure obliget. *n.109.*  
 Varia de Secreto naturali. *n.110.*  
 An Sigillum Confessionis obliget in omni casu. *n.111.*  
 In Solutionibus Objectionum resolvuntur diversi casus. *ibid.*  
 Quid si revelatio possit cedere in bonum totius Ecclesiae. *n.112.*  
 An possit fugere Confessor, cui Pœnitens dicit, quod eum velit occidere. *n.113.*  
 An respectu fractionis Sigilli detur parvitas materiae. *n.114.*  
 An saltem de licentia pœnitentis possit Confessor revelare ejus peccatum in Confessione auditum. *n.114. & 115.*  
 Solvuntur Opposita. *n.116.*  
 Quid si simul sciat extra Confessionem. *num.117.*  
 Perquam confessionem quis teneatur ad  
c                      Sigil-

## Index Tractatum, & Examinum.

Sigillum, & an sub eo cadat omne, quod ex confessione scitur. [n.118.](#)

Qui teneantur ad Sigillum, an & ipse pœnitens. [n.119.](#)

An Confessario liceat notitia confessionis uti ad externum pœnitentis regimen, ad negandum votum pro electione, beneficio, aut officio, vel ad loquendum de peccatis cum pœnitente. [n.120.](#)

An ad corrigendum Complicem ex petitione pœnitentis. [121.](#)

Resolvuntur quinque casus. 1. De denegata schedula Confessionis Paschalis teste. 2. De Confessario, qui in Confessione audivit futurum incendium, & monet in genere. 3. An Confessor ad explicandum suum peccatum possit exprimere peccatum alterius. 4. Vel Confessionis notitia uti ad evitandum malum proprium. De duobus Confessariis ejusdem Pœnitentis, an inter se possint loqui de peccatis ejus in bonum ipsius. [n.122.](#)

### EXAMEN VIII. fol. [566.](#)

*De satisfactione, ejus quidditate, & qualitate.*

Quid, & quotuplex sit Satisfactio. [n.123.](#)

An homo possit condigne satisfacere pro temporali pœna peccati. [n.124.](#)

Conditiones ad Satisfactionem requisitæ. [num.125.](#)

An, & quomodo unus homo possit satisfacere pro alio. [n.126. & 127.](#)

An Satisfactio sit vera pars Sacramenti Pœnitentiæ, causans effectum ex opere operato. [num.128.](#)

Quid si impleatur in peccato mortali. [num.129.](#)

An sortiatur suum effectum sublata fisione. [ibid.](#)

An opera mortua saltem allevient Pœnam Inferni, vel Purgatorii. [n.130.](#)

An Confessarius teneatur injungere pœnitenti Satisfactionem, & ille eam acceptare, vel an possit eam remittere ad Purgatorium. [n.131.](#)

Quando pœnitens eam teneatur implere. [num.132.](#)

Quid sit opus alligatum diei. [n.133.](#)

Doctrina Tridentini de qualitate Pœnitentiæ. [n.134.](#)

Sensus binæ illius Maximæ quorundam Confessariorum: Tutius est, animam cum parva pœnitentia impleta mittere ad Purgatorium, quàm, &c. Facilius est Deo reddere rationem de nimia misericordia, quàm &c. [ibid. R.2.](#)

Pœnitentia debet esse commensurata peccatori, peccato, & fini. [n.135.](#)

An Pœnitentia debeat esse pœnalis, & quæ opera sint pœnalia. [n.136.](#)

An pro pœnitentia gulofo possit imponi moderata comestio ciborum delicatorum. [n.137. 1](#)

An opera injungenda debeant esse externa, & consilia, & an possint impleri eodem tempore, quo alius actus cadit sub præcepto; an possint injungi opera Defunctis applicanda. [num.138.](#)

Quomodo pœnitens teneatur ad circumstantias operis injuncti. [n.140.](#)

Quid si pœnitentia injuncta pœnitenti facta sit impossibilis, vel sit ejus oblitus. [n.141.](#)

Quis injunctam pœnitentiam possit commutare, & an ratione hujus commutationis repetenda sit confessio. [n.142.](#)

## TRACTATUS XIV.

*De Censuris, Casibus reservatis, Indulgentiis, & Extrema Unctione. Ex eodem Supplemento Tertia Partis.*

### EXAMEN I. fol. [574.](#)

*De Censuris in genere, & in specie.*

Quid possit ferre Censuras. [n.1.](#)

Quid sit Censura. [ibid. R.4.](#)

Quotuplex. [n.2.](#)

Quæ peccata sint materia censuræ. [n.3.](#)

An censuram debeat præcedere admonitio. [num.4.](#)

Quid, & quotuplex sit Excommunicatio, & quiseffectus ejus. [n.5.](#)

Ob quam causam incurrat excommunicatio minor, & major. [n.6.](#)

Excommunicatio major multiplex. [n.7.](#)

De anathemate. [ibid. in fine.](#)

An in Ecclesia sit potestas excommunicandi. [num.8.](#)

An excommunicatus possit excommunicare. [ibid. R.7.](#)

Quis possit excommunicari, & qua forma facienda sit excommunicatio. [n.9.](#)

Quæ causæ excusent ab incurso excommunicationis. [n.10.](#)

Quomodo, vel quando liceat communicare cum excommunicato. [n.11.](#)

An sit licitum audire Missam Sacerdotis excommunicati. [n.12.](#)

An excommunicatus in recitatione horarum possit dicere, *Dominus vobiscum*. [ib. R.4.](#)

An excommunicati sint vitandi. [ib. R.5.](#)

An semper sit mortale eis communicare. [num.13.](#)

Quid faciendum Sacerdoti celebranti, dum sub sua Missa videt intrare excommunicatum. [num.14.](#)

Quis possit absolvere ab excommunicatione, & quomodo. [n.15.](#)

An ab ea possit absolvi invitatus, contra max, ab-

# Index Tractatum, & Examinum.

absens, ignorans, &c. [n.16.](#)

Verba absolutionis ejus, & quæ observanda. [n.17](#)

An mortui possint ab ea absolvi. [n.18.](#)

Casus, in quo excommunicati se mutuò absolvere possunt. [n.19.](#)

Quid, & quotuplex sit Suspendio. [n.20.](#)

Quis possit suspendere, & ob quam causam. [ibid. R.3.](#)

An debeat præmitti admonitio. [ib. R.4.](#)

Quis ab ea possit absolvere. [n.21.](#)

Quæ sint communiores Suspensiones a Jure. [n.22.](#)

Quid, & quotuplex sit, ac quomodo fiat Deposito, vel Degradatio. [n.23.](#)

Quid, & quotuplex sit Interdictum. [n.24.](#)

Quis possit interdiceret, & ob quam causam. [ibid. R.3. & 4.](#)

Quis sit effectus interdicti. [ib. R.5.](#)

An interdicti populo, comprehendantur Clerici, Religiosi, & innocentes. [n.25.](#)

Tempore interdicti localis defecto flaudum est *Capiti*, Alma Mater. [n.26.](#)

Plures casus de interdicto. [ibid.](#)

De Cessatione a divinis. [ib. R.4.](#)

Quid sit Irregularitas, & quis effectus ejus. [n.27.](#)

Quotuplex sit. [n.28.](#)

De Bigamia. [n.29.](#)

De corpore vitiat. [n.30.](#)

Irregularitas an contrahatur ex gibbo, claudicatione, defectu oculi. [n.31.](#)

Ex impedimento lingue. [n.32.](#)

De Hermaphrodito. [n.33.](#)

De castrato. [n.34.](#)

De mutilato. [n.35.](#)

De epileptico. [n.36.](#)

De dæmoniaco, ac se talem fingente. [n.37.](#)

De abstermio. [n.38. & 39.](#)

De irregularitate illegitimitatis. [n.40.](#)

Servitutis. [n.41.](#)

Ætatis. [n.42.](#)

Prolis expositæ. [n.43.](#)

Ex defectu animæ, v.g. in amentibus, phreneticis, encephalitis. [n.44.](#)

Ex defectu lenitatis in homicidio. [n.45.](#)

Præsertim voluntario, & justo. [n.46.](#)

In casu defectionis innocentis, vel Reipublicæ. [n.47.](#)

Vestimæ, & honoris. [n.48.](#)

Plures hæc de re casus. [n.49.](#)

De Irregularitate ex judicio sanguinis, vel effusione ejus. [n.50.](#)

Vel ex homicidio injusto, aut casuali. [n.51.](#)

Quis dispense in Irregularitatibus. [n.52.](#)

Specialis casus de Sacerdote, qui, si nūq̃ in irregularitate celebret, incurrit grave periculum vitæ, vel famæ. [n.53.](#)

E X A M E N II. fol. 30a.

*De Casibus reservatis.*

Quid, & quotuplex sit casus, quid reservatio, quæ causa ejus. [n.54.](#)

Quis possit reservare. [n.55.](#)

Conditiones requisitæ ad reservationem. [n.56.](#)

Si dubitetur de reservatione, vel non sit legitima causa ejus. [n.57.](#)

An ad incurrendam reservationem requiratur notitia ejus. [n.58.](#)

De peregrinis, & vagis quoad reservationem. [ibid. R.2.](#)

Casus de eo, qui habens casus in sua Diocesi reservatos vadit ad aliam, ubi reservati non sunt. [n.59.](#)

Quid sit Religiosus vadens ad alium Conventum, vel Provinciam. [n.60.](#)

An excommunicatio in territorio lata contra eos, qui sunt extra, liget illos. [n.61.](#)

An casum reservatio, aut data ab his absolvi licentia cesset per mortem Episcopi reservantis, vel eo excommunicato. [n.62.](#)

An Superior debeat esse tacilis in danda licentia absolvi a reservatis. [n.63.](#)

An ipse possit audire sola reservata, & ab his absolvere. [ib. R.4.](#)

An licentiam possit limitare. [n.64.](#)

Quid si post obtentam licentiam absolvi permittens laboret in nova reservata. [n.65.](#)

Peccata, vel casus reservati in specie, qui sint respectu Sæcularium, Clericorum, Religiosorum. [n.66.](#)

Casus reservati Papæ intra Bullam Censuræ. [n.67.](#)

Extra Bullam. [n.68.](#)

Excommunicationes Papæ non reservatæ. [n.69.](#)

Casus Episcopales. [n.70.](#)

Quis possit a reservatis absolvere. [n.71.](#)

Privilegium respectu Casuum Papalium. [n.72.](#)

An vi illius possint absolvi ipsi Religiosi. [n.73.](#)

Quid si idem casus sit Papæ, & Episcopo reservatus. [ibid. R.7.](#)

Privilegium Ordinis nostri respectu Contrarium Rolarii. [n.74.](#)

An quis possit a reservatis absolvi per accidens, seu indirectè cum onerositerum se sistendi, & in quibus casibus. [n.75.](#)

An teneatur iterum se sistere, qui ab his fuit absolutus in articulo, vel periculo mortis. [n.76.](#)

An reservatio tollatur per confessionem invalidam. [n.77.](#)

An post Jubilæum possit quis absolvi a reservatis, quorum in Jubilæo fuit oblitus. [ib. R.2.](#)

An Confessarius compariens, quod malè

c 2 absol-

## Index Tractatum, & Examinum,

absolverita reservatis, possit ab iis absolvere  
ablentem. *n.78.*

An Superior reservationem possit tollere  
extra confessionem. *ibid.*

### EXAMEN III. fol. 601.

*De Indulgentiis.*

Quid sit Indulgentia, & an detur hic the-  
saurus in Ecclesia. *n.79.*

An in Ecclesia sit, & penes quem hunc the-  
saurum dispensandi. *n.80.*

An Papa possit lucrari Indulgentias aliis  
concessas. *n.81.*

Quotuplex sit Indulgentia. *n.82.*

Quam severas, & quas penitencias assignent  
antiqui sacri Canones. *n.83.*

Quomodo intelligatur Indulgentia plurium  
millium annorum, siquæ fors aliquando data  
fuit. *n.84.*

Vel si Indulgentiæ plenariæ superaddatur  
partialis. *n.85.*

Quid sint Indulgentiæ Stationum Romæ. *n.86.*

Quid Jubilæum, seu Annus Sanctus. *n.87.*

Quæ cæremonia fiant in ejus inchoatione.  
*n.88.*

De suspensione aliarum Indulgentiarum eo  
anno. *n.89.*

Resolutio quatuor Casuum circa Jubilæum.  
*n.90.*

An ad concessionem Indulgentiæ requira-  
tur iusta causa. *n.91.*

Quomodo Indulgentia detur pro temporali-  
bus. *ibid. R.3.*

Quæ conditiones requirantur in lucrante.  
*n.92.*

Quid si opera impleantur in peccato veniali,  
aut ex eis aliquid modicum omittatur. *n.93.*

Plures casus hac de re. *n.94.*

De intentione lucrandi. *n.95.*

An Indulgentiæ a lucrante possint appli-  
cari aliis, etiam defunctis, iisque concedi a  
Papa. *n.96.*

An effectus Indulgentiarum sit infallibilis.  
*n.97.*

Quid si anima, pro qua Indulgentiæ, & suf-  
fragia sunt, non esset in Purgatorio. *n.98.*

An translatio festo transferantur Indulgen-  
tiæ. *n.99.*

De Bulla Cruciatæ. *n.100.*

### EXAMEN IV. fol. 608.

*De Sacramento Extrema Unctionis.*

An Extrema Unctio sit verum Novæ Legis  
Sacramentum. *n.101.*

Quando a Christo institutum. *n.102.*

Quomodo definatur. *n.103.*

Quæ sit ejus materia. *n.104.*

Quid si Sacerdos oleum non benedictum mi-  
sceat benedictio. *n.105.*

Vel si utatur oleo vetere. *ibid.*

Quæ corporis partes sint inungendæ. *ib.*

An Episcopis, aut Sacerdotibus infirmis et-  
tiam sint inungendæ manus. *n.106.*

An unctio sit faciendæ sub forma crucis. *nu.*  
*107.*

De ordine unctionum, de quantitate olei  
infundendi. *ibid.*

An unctio sit necessariò faciendæ immediato  
contactu ministri. *ibid.*

Quæ sit forma hujus Sacramenti. *n.108.*

Quis sit effectus ejus, & quando is causetur.  
*n.109.*

Quodnam sit subjectum capax extremæ Un-  
ctionis. *n.110.*

An & puer infirmus. *ibid. R.2.*

An amens. *ibid. R.3.*

An quicunque infirmus. *ibid. R.4.*

An homo sanus. *n.111.*

An Laborans morbo non lethali. *ib. R.7.*

De dispositione recipientis. *ib. R.8.*

Quis sit minister hujus Sacramenti. *n.112.*

An possit conferri a pluribus. *ib. R.2. & 3.*

Quanta sit necessitas hujus Sacramenti. *n.*  
*113.*

Quanta sit obligatio Parochorum ad illud  
ministrandum. *n.114.*

Præsertim tempore Pestis, tum quoad hoc,  
tum quoad Sacramentum Pœnitentiæ, & Eu-  
charistiæ. *n.115. & 116.*

De quibus mediis præservativis tempore  
pestis sibi providere debeat Sacerdos pestiferis  
infernens. *n.117.*

An Magistratus civilis teneatur ad illa me-  
dia concurrere. *n.118.*

An, & quomodo Religiosi tunc teneantur  
pestiferis servire. *n.119.*

## TRACTATUS XV.

*De Sacramento Ordinis. Ex eodem Supplem.*  
*3.p. sive Tribunal Ordinandorum.*

### EXAMEN I. fol. 615.

*De Examine consurandorum, & Ordinandorum*  
*ac de prima Tonsura, ejus materia, forma,*  
*subjecto, ministro, officio, effectibus, fine, obli-*  
*gatione, ac de tempore collationis ejus.*

An sit obligatio ad sistendum se Examini. *n.1.*

An sufficiat Examen pro forma. *ibid.*

An ipse Episcopus debeat illi interesse, &  
quis Episcopus debeat examinare dimissos. *ib.*

Quæ scientia sit necessaria Ordinando,  
Tonsurando, Minoristæ, & ex quibus mate-  
riis sit examinandus. *n.2.*

Quid



## Index Tractatum, & Examinum.

Quid sit prima Tonſura, quæ ejus materia, & forma, quod ſubjectum. *n.3.*

Quis miniſter primæ Tonſuræ. *ibid. R.4.*

Quod officium, quis effectus primæ tonſuræ. *num.4.*

Quis finis, quid ſi quis nolit ultra aſcendere, immò retrocedat. *ibid. R.7.*

Quæ obligatio. *ibid. R.8.*

Quod tempus collationis ejus. *ibid. R.9.*

Quid ſit Clericus, vel Clericatus, quæ ejus propria veſtis. *num.5.*

Quæ privilegia. *ibid. R.3.*

Quæ in ſpecie ſint Clericis prohibita. *n.6.*

### E X A M E N II. fol.618.

*De Ordine in genere, de ejus eſſentia, exiſtentia, inſtitutione, diſpoſitione, materia, & forma, effectum, ſubjecto, requiſitis, miniſtro, tempore, & loco Ordinationis.*

An detur Sacramentum Ordinis, quid ſit, & quando inſtitutum. *n.7.*

Quot ſint Ordines. *num.8.*

An bene dividantur in ſacros, & non ſacros. *num.9.*

An omnes ſint Sacramenta. *ibid.*

Quæ, & quotuplex ſit materia, ac forma Ordinis. *n.10.*

Quis contactus requiratur. *n.11.*

Quis, & quotuplex effectus cujuſvis Ordinis. *ibid. R.4.*

Quod ſit ſubjectum capax Ordinis. *n.12.*

An Deipara habuerit Ordines, an fuerit præſens in ultima Cœna. *ibid.*

De Diaconiſſis, & Presbyteriſſis in primitiva Eccleſia. *ibidem.*

De Joanna Papiffa. *ibid.*

De Hermaphrodito. *num.13.*

De pueris, & amentibus. *n.14.*

Varia requiſita ex parte ipſius Ordinationis. *num.15.*

De titulo honeſtæ ſuſtentationis Clerici. *num.16.*

De Titulo Menſæ. *num.17.*

Quis titulus eorum, qui dimittuntur ex Societate, exiſtentes in ſacris. *n.18.*

Quis ſit miniſter Ordinum. *num.19.*

De Epifcopo, qui renuntiavit Epifcopatui. *num.20.*

Quot modis poſſit quis dici proprius Epifcopus, & Ordinandus ejus ſubditus. *n.21.*

Quis poſſit dare Reverendas, ſeu diſmiſſorias. *num.22.*

De jejuniis Epifcopi ordinaturi. *n.23.*

De tempore Ordinationum. *n.24.*

De interſitiis. *num.25.*

De loco Ordinationum. *num.26.*

### E X A M E N III. fol.627.

*De Ordinibus Minoribus in genere, & in ſpecie.*

Quam ſcientiam debeant habere, & ex quibus ſoleant examinari, qui volunt ſuſcipere Minores. *n.27.*

Quot ſint Ordines minores, cur vocentur minores, & non ſacri, quæ ſint requiſita ad ſuſceptionem eorum, quæ obligationes. *num.28.*

De eſſentia, officio, materia, forma, & inſtitutione Oſtiariatus. *n.29.*

Idem de Leſtoratu. *num.30.*

De Exorciflatu. *n.31.*

De Acolythatu. *num.32.*

Quæ ſint, & quid ſignificent veſtes omnium Ordinum, etiam Epifcopatus. *n.33.*

### E X A M E N IV. fol.630.

*De Ordinibus Majoribus in genere, & in ſpecie de Sub. & Diaconatu.*

Eos ſuſcepturi, quæ debeant ſcire, & ex quibus ſoleant examinari. *num.34.*

Quid ſit Subdiaconatus, quod ejus officium, materia, forma, obligatio.

Plures de eo caſus. *ibid.*

Subjectum capax. *num.36.*

Quæ veſtis illius. *ibid.*

Diaconiſcientia, & Examen. *num.37.*

Quid ſit Diaconatus, quod ejus officium, quæ materia, & forma. *num.38.*

Plures de eo caſus. *ibid.*

Quando Diacono imprimatur Character. *num.39.*

De inſtitutione, & obligatione ejus. *ibid. R.6. & 7.*

De Subjecto. *ibid. R.8.*

De veſte. *num.40.*

An Diaconus miniſtrans in mortali, vel non jejunos, peccet. *num.41.*

### E X A M E N V. fol.633.

*De Ordine Presbyteratus, ſeu Sacerdotii.*

Eum ſuſcepturus quæ debeat ſcire, & ex quibus examinari ſoleat. *num.42.*

Quid ſit Presbyteratus, quod ejus officium, materia, forma, obligatio, ſubjectum, & veſtis. *num.43. 44. & 45.*

Varii caſus circa celebrationem obſervandi. *num.46. 47. & 48.*

# Index Tractatum, & Examinum.

## EXAMEN VI. fol. 637.

*De Missa, ejus definitione, pro quibus, quo tempore, & loco, cum quibus sacris vasis possit legi; quæ & qualis dicenda, & quod stipendium pro ea.*

Quid sit Missa, vel Eucharistia, vel Sacramentum? n. 49.

Pro quibus possit offerri? n. 50. & 51.

Quo tempore. n. 52.

Quoties. n. 53. 54. & 55.

Ubi varii casus examinantur. num. 56.

Ubi Missa celebranda? n. 57. 58. 59. & 60.

Quomodo Ecclesia violata reconcilianda? num. 61.

De sacris vestibus Sacerdotis. n. 62.

De apparatu ad Missam requisito n. 63. & 64.

Qualis Missa sit legenda pro diversitate temporis. Varii casus examinantur. num. 65. 66. 67. 68. & 69.

De fructu Missæ, & applicatione speciali. num. 70. 71.

De ritu Missalis servando. num. 72.

De stipendio pro Missa, videatur Tract. 12.

Exam. n. 76. 77 & 78.

## EXAMEN VII. fol. 648.

*De Missa abruptione, interpolatione, partium omissione, caremoniis, & defectibus in ea occurrere valentibus.*

An, & quomodo liceat Missam inceptam abruptere, vel reassumere? n. 73. & 74.

An aliquid in ea omittere, vel addere, vel mutare? n. 75.

Qua voce dicenda? n. 76.

Explicantur singulæ partes, accæremoniæ Missæ a. n. 77. usque ad 92.

Expediuntur dubia circa Canonem Missæ agitari solita. n. 92.

Quomodo emendandi sint defectus, qui in Missa possunt contingere. a. num. 93. usque ad 98.

## EXAMEN VIII. fol. 659.

*De Hierarchia Ecclesiastica, Episcopatu, & Cœlibatu Clericorum.*

An detur, & ad quem spectet Hierarchia Ecclesiastica? num. 98.

Qualis, & cuius scientiæ debeat esse promovendus ad Episcopatum? num. 99.

Quid sit Episcopatus, an Ordo a Presbyteratu distinctus. num. 101. & 102.

Quomodo Episcopus, qui non est Sacerdos. num. 103.

Quodnam Episcopi officium. num. 105.  
Quenam sint Statuta Concilii Trid. circa beneficia, & parochias. num. 106. 107.

Quæ circa Julpatronatus. num. 108.

Quæ sit materia, & forma consecrationis Episcopi. num. 109.

Quænam ætas in consecrando requiratur. num. 110.

De Ministro consecrationis Episcopalis. num. 111.

An Episcopus possit recusare, vel abdicare Episcopatum. num. 112. 113. & 114.

An, & quomodo teneatur ad residentiam. num. 115.

Quomodo se debeat habere circa bona suæ Ecclesiæ. num. 118.

Religiosus ad Episcopatum assumptus qualiter se debeat habere circa vota Religionis suæ. num. 119. 120.

De electione Prælatorum Ecclesiæ. n. 123. 124.

Quid sit Cardinalatus. n. 125.

Patriarchatus, & Primatus. n. 126.

Archiepiscopatus. n. 127.

De Cœlibatu Clericorum in Ecclesia latina, quo jure sit SS. Ordinibus annexus. num. 128. & seqq.

Cur non servetur in Ecclesia græca. n. 131.

## TRACTATUS XVI.

& Ultimus.

*De Sacramento Matrimonii.*

## EXAMEN I. fol. 674.

*De Matrimonio, quatenus est in officium natura, & quatenus est Sacramentum.*

An teneatur Confessarius scire doctrinam de Matrimonio. num. 1.

In quo essentia Matrimonii consistat. n. 2.

An sit de præcepto, & ad naturalem hominis inclinationem. n. 4.

Polygamia an sit contra Legem naturæ. n. 5. & 6.

Ulus Matrimonii per copulam carnalem an sit licitus, meritorius, vel de essentia, aut perfectione Matrimonii. n. 7.

An Matrimonium sit verum Sacramentum. n. 8.

Quænam sit ejus definitio, materia, & forma. num. 9.

Quis ejusdem minister. n. 10.

An Fideles possint contrahere Matrimonium in ratione veri contractus, non tamen Sacramenti. num. 11. & 12.

An Matrimonium inter absentes contractum sit validum, & Sacramentum. n. 13. & 14.

EXA-



## Index Tractatum, & Examinum.

### EXAMEN II. fol. 683.

#### *De Matrimonio quantum ad Sponsalia.*

Quid sint Sponsalia, & quomodo obligent in variis casibus. [n. 15.](#)

Quænam ætas, quæ deliberatio ad illa requiratur. [n. 16. & 17.](#)

Possint ne parentes, vel tutores pro filiis ante expletum septennium Sponsalia contrahere. [num. 18.](#)

De effectu, & obligatione Sponsaliorum. [num. 19. & 20.](#)

Quando sint nulla, vel solubilia, per varios casus examinatur. [n. 21. ad 29. inclusive.](#)

### EXAMEN III. fol. 691.

#### *De consensu circa Matrimonium.*

An consensus expressus contrahentium indispensable requiratur ad valorem Matrimonii. [n. 30. & 31.](#)

Etiā in ratione vinculi tantum. [n. 32.](#)

An, & quomodo Matrimonia coactè, vel ex metu contracta, sint, vel non, sint valida. [n. 33. & 34.](#)

Quo jure ex metu contracta sint invalida. [num. 36.](#)

An possit fieri Matrimonium per consensum conditionatum, & quomodo? ubi varii casus ventilantur de consensu, & contractibus conditionatis. [a n. 38. usque ad 42.](#)

### EXAMEN IV. fol. 699.

#### *De objecto consensus, & bonis Matrimonii.*

Quodnam sit objectum essentialē consensus Matrimonii.

Quid sentiendum de Matrimonio inter B. Virg. & S. Josephum. [num. 43. & 44.](#)

Quænam sint bona Matrimonii, quibus ejus usus exculatur, atque honestus redditur. [n. 45.](#)

An, & quomodo ratum sit indissolubile quoad vinculum, etiā prout est in officium naturæ. [ibid. & n. 46.](#)

An per Libellum repudiū vinculum Matrimonii fuerit solutum. [n. 47.](#)

An, & quo jure dissolvatur Matrimonium per Professionem in Religione. [n. 48. 49.](#)

Quantum temporis concedatur post Matrimonium contractum, non consummatum, ad ingressum in Religionem. [num. 50.](#)

An Matrimonium infidelium dissolvatur etiā quoad vinculum, uno eorum ad Fidem converso, & quo jure? Item quid de Matrimonio Hæreticorum, si alteruter ad fidem veram convertatur. [num. 51.](#)

An crimen aliquod solvat illud vinculum ibidem.

An per mortem naturalem unus conjugis. [num. 52.](#)

### EXAMEN V. fol. 708.

#### *De impedimentis Matrimonii in generali.*

Quotuplex sit impedimentum Matrimonii in genere, quis habeat potestatem illud ponendi, vel dispensandi in illo. [num. 53.](#)

Quæ sint impedimenta impediencia. [n. 54.](#)

Quænam sint dirimentia. [n. 55.](#)

An Matrimonium, quod ex defectu consensus fuerat invalidum, fiat validum non nisi per novum utriusque consensum. [n. 56.](#)

An ad validandum Matrimonium, ratione impedimenti dirimentis antea nullum, sufficiat renovare consensum, tacendo parti innocentem nullitatem. [num. 57.](#)

An Matrimonium ratione impedimenti nullam, contractum tamen coram Parocho, & Testibus, ablato impedimento sit coram iisdem de novo celebrandum. [num. 58.](#)

Quid si conjuges dubitent de valore Matrimonii, vel si unus eorum nullitatem sciat, potestne peti, vel reddi debitum. [n. 59. 60.](#)

Qualiter debeat consistere de morte unius conjugis, ut alter superstes possit ad alias transire nuptias. [num. 61.](#)

An Confessarius teneatur monere conjuges, quos scit invalidè contraxisse. [num. 62.](#)

### EXAMEN VI. fol. 714.

#### *De Impedimentis Matrimonii in speciali.*

Quid sentiendum de impedimento Erroris, & Servitutis. [n. 63. & 64.](#)

Proles cujusnam conditionem sequantur, patris, an matris. [num. 65.](#)

Quomodo votum solemne castitatis dirimat Matrimonium. Ubi varii casus circa hoc dubium enucleantur. [num. 66. 67. & 68.](#)

Quomodo sacri Ordines Matrimonium impediunt, vel dirimant. Varii casus. [n. 69.](#)

Quomodo consanguinitas Matrimonium dirimat. Ubi varii casus examinantur: & præfigurantur arbor, atque Schema consanguinitatis. [num. 70.](#)

Quo jure consanguinitas dirimat Matrimonium, an possit, vel non possit in ea dispensari. [num. 71.](#)

Quid sentiendum de impedimento Affinitatis. Ubi varii casus discutuntur scitu necessarii. [n. 72. 73. & 74.](#)

Quomodo cognatio spiritualis, & legalis dirimat Matrimonium. [n. 75.](#)

Quomodo illad dirimant impedimenta, quæ

## Index Tractatum, & Examinum.

quæ dicuntur cultus disparitas. *n.76. & 77.*

Vis. *num.78.*

Ligamen. *num.79.*

Honestas. *num.80.*

Quid sit, & qualiter Matrimonium dirimat impotentia. Ubivarii casus examinantur a *num.81* usque ad *88.*

De impedimento Claustrinitatis. *n.88.*

Quænam Parochi præsentia requiratur, & sufficiat. *n.89.*

Quid de vagabundis dicendum. *n.90.*

Quid si Parochus, vel Testes vi, aut dolo induci assistant. *num.91.*

An possit validè contrahi sine Parochi præsentia. *num.93.*

Quid dicendum de Matrimoniis Hæreticorum, vel coram ministro hæretico contractis. *num.94.*

An Sacerdos possit licitè assistere Matrimoniis Hæreticorum suæ parochiæ subditorum. *num.95.*

Quid de Matrimoniis contractis sine præviis proclamationibus, an sint clandestina. *n.96.*

Quid sit raptus, & quando dirimat Matrimonium. *num.97.*

## EXAMEN ULTIMUM.

fol. 73r.

*De quibusdam Matrimonio superuenientibus, vel annexis, puta de fornicatione, redditione debiti, bigamia, & illegitimitate prolium.*

Utrum, & quando liceat viro dimittere uxorem propter fornicationem. *n.98.*

Quibus de causis possit fieri divortium. *n.99.*

Quomodo conjuges possint perdere jus petendi debitum, & quis in eocum ipsis dispensare possit. *n.100.*

Quid dicendum de obligatione reddendi debitum. *n.101.*

Varii casus circa hoc. *ibid. & num.102.*

Explicantur peccata, quæ in usu Matrimonii committi possunt. *num.103.104. & 105.*

Quomodo Confessarius puellam nubere volentem debeat instruere circa usum Matrimonii, si de hoc consulatur. *n.106.*

*Quid dicendum de prolihus illegitimis. n.107.*

Quomodo legitimari possint. *num.108.*

An parentes illegitimas teneantur alere, & ex quibus mediis? *n.109.*





# TRACTATUS PRIMUS.

E T

## PROOEMIALIS.

*De Requisitis in Confessario.*



Ulla est disciplina, vel ars, etiam illiberalis, ac mechanica, cujus in Magistrum antequam quis creetur, non sit Candidato subeundum examen; vel opere ipso, sive artefacto comprobandum, quod eos in arte fecerit progressus, ut Magistrorum Catalogo possit merito accenseri: Nam sunt plerique (ait S. Gregor. in Prolog. Pastor) qui dum metiri nesciunt, quæ non didicerunt, docere concupiscunt: qui pondus Magisterii tantò levius æstimant, quantò vim magnitudinis illius ignorant. Et his vix! & vel maxime vix illis, qui se, inscitiamque suam metiri nesciunt, cum qua animarum curæ, muneri, angelicis etiam humeris formidando, se accingunt; sæpè quod stupidiore, eò ad id promptiores: quæstui temporali interdum magis, quàm spiritali inhiantes. Hinc non mirum, quod animarum Curæ applicandi priùs citentur ad Tribunal, rigide examinandi, an Magisterio digni, inque aliorum Doctores, ac Judices sint creandi, necne. Pro quorum eruditione, Sit

# EXAMEN UNICUM.

*De Examine, Potestate, Virtutibus, Scientia, Officio, & obligatione Confessarii.*

*De quibus Angelicus Doctor agit partim in Supplemento 3. Partis, qu. 8. & 18. & 19. partim extra Summam in Opusc. 64. & 65. de Officio Sacerdotis, & cautela in Confessione habenda, ac de modo confitendi, compositis.*

**Q**UÆRO I. Ad Curam animarum aspirans, tenerine te prius sistere examini, in quo tenteris, ac judiceris, an ad arduum, & tremendum hoc officium sis aptus, necne?

I. Respondeo. Tutissimè, & probabilissimè verbis Concilii Trid. Sess. 13. cap. 15. *Quamvis Presbyteri in sua ordinatione potestatem absolvendi à peccatis accipiant, decernit tamen sancta Synodus, nullum, etiam Regularem, posse confessiones secularium, etiam Sacerdotum, audire, nec ad id idoneum reputari, nisi aut Parochiale Beneficium, aut ab Episcopis per examen, si ita illis videbitur, aut alias idoneus iudicetur: & approbationem, quæ gratis datur, obtineat: privilegii, & consuetudine quacunque, etiam immemorials, non obstantibus.*

Ex his Concilii Trident. verbis ad Quæsitum Respondeo sub distinctione. Si cui legitimè est collatum beneficium curatum, seu habens annexam curam animarum, non indiget alio examine, approbatione, vel expositione: & sic fit in Parochiis; eo ipso enim, quòd Episcopus talem censuerit idoneum pro administratione Officii Parochialis (quod iudicium etiam solet fieri per examen) eum approbavit, & exposuit ad audiendas Parochianorum confessiones: nisi fortè in ea Diocesi obssaret specialis Constitutio Synodalis, ut scribitur esse in Diocesi Constantiensis. Verùm Religiosus, etiam exemptus, non Parochus, speciali examini se sistere teneat.

II. *Sed quid, si Religiosus ad Curam animarum, sive ad confessionum audientiam aspirans, sit Superior, seu Prælatuſ alicujus Monasterii, vel Provincie, si Licentiatuſ, vel Doctor Theologiæ, si Publicus Professor, nonne eo ipso est liber ab examine?*

Dico. Non est, si Parochiali beneficio careat.

*Ratio.* Quia Concil. Trident. universaliter definit, nullum Sacerdotem, etiam Regularem, posse secularium, etiam Sacerdotum, confessiones audire, nisi, &c. ut ante. Ubi autem Lex non

distinguit, neque nos distinguere debemus: ut ajunt Jura. Et licet tali viro non desit scientia, fortè tamen deest experientia, & prudentia ad hoc conscientiarum necessaria: cujus proinde examen Episcopo committitur.

*Est ne ergo Episcopis examen illud semper liberum?*

III. *Affirmo*, juxta quod revocando privilegia à seipso 1567. quoad hoc concessa definivit S. Pius V. Anno 1571. octavo Idus Augusti in Bulla, quæ incipit. *Romani Pontificis Providentia*. In qua sic statuitur. Hac nostra perpetua Constitutione decernimus, & declaramus, decretum Concilii Tridentini de Approbatione Regularium, audiendis confessionibus secularium præpositorum, observari debere etiam in omnibus Regularibus quorumvis Ordinum, etiam mendicantium, etiam si sint Lectores, aut in Theologia, etiam de Superiorum suorum licentia, graduati, vel promoti, vel à suis Magistris Generalibus, vel Provincialibus Ministris, secularium Confessionibus audiendis expositi. Volumus tamen, eos, qui semel ab Episcopo in Civitate, & Diocesi sua prævio examine approbati fuerint, ab eodem Episcopo iterum non examinari, ab Episcopo autem successore pro majori conscientia suæ quiete examinari denuò poterunt, hæc ibi. De quibus redibit sermo infra in Tract. de Pœnitent. circa Bullam Clementis X. quæ incipit: *Superna*. Vide in Tract. 13. num. 86. & seqq.

IV. *Sed nonne Episcopus, ejusque Vicarius hoc examen Religiosis, graduatis, ac promotis, potest remittere?*

Dico. Potest remittere omnibus, de quorum sufficientia, & idoneitate se moraliter certum æstimat, præsertim Graduatis, promotis, ordinariis Professoribus.

*Ratio.* Quia discretio (quæ est Mater virtutum) honestas, & æquitas postulat, ut non examinentur tales, qui habent publicum fuz scientiæ testimonium. Et ideò notanter dicit

Con-

Concil. Trid. cit. *Si ita illis videbitur, aut aliis idoneis judicetur.*

Hæc non considerant illi Examinatores, qui tam stridi juris, immò stridioris observantiæ sunt, ut indifferenter omnes, sine personarum respectu, graduatos, Doctores, Priores, Guardianos, Provinciales, &c. examinent. Quam tamen in re ego eos uetiquam carpo. Alii è contra discretiores Characterem Candidati respiciunt, ac sine examine idoneos declarant, quos vox populi (quæ est vox Dei) canonizat. Nec immeritò, præsertim si tales sint, qui per complures annos, vel in Universitatibus, vel in monasteriis Theologiam docuerunt. Sunt alii, qui (ne juris sui videantur ignorantes, vel prodigi) unica quæstione Candidatum expediunt. Alii hunc Ordinarii, aut Generales Vicarii adhuc mitiores, qui Sacerdotes Regulares, nullo enim gradu insignitos modò offerant, vel mittant authenticam Superiorum attestacionem de idoneitate domi per rigorosum examen explorata, ad confessionum audientiam admittunt, & aliquando etiam absentes, per literas rogati.

V. Hæc de re in Constitutionibus nostris dist. 1. cap. 12. lit. B. circa finem sic legitur: Declaramus in Caplt. Bonon. 1564. ex Trid. Concilio sic fuisse statutum: Prælati Ordinis diligenter attendant, quæ circa Reverendis. Episcoporum observantiæ ad Sancta Synodo fuerunt statuta. Et si expositos ad confessiones, aut promovendos ad Ordines velint examinare, humiliter pareant, neque ipsis contradicentibus etiam in Ecclesiis nostris prædicare præsumant. Et si in aliquo horum durius aliquando cum Fratribus nostris agere videantur, æquo animo fuillineant, nec de ea requæstiones habeant, aut lites intendant. Cæterùm si non ferenda gravamina interim occurrant, consulatur Reverendissimus Generalis Magister, vel illius Provincie Superior Prælatos: & secundùm eorum consiliùm de opportuno remedio provideatur. Hæc ibi. Vide infrà loco citato dictam Bullam Clementis X.

Quantam obligationem habent Superiores Regularium, & Examinatores, qui sunt ex Ordine, ut non nisi idoneos Episcopis præsentent pro confessionum audientia?

VI. Dico: Scire hoc debent ex suis propriis Statutis. In nostro Ordine Romæ 1589. ex auctoritate Apost. Sixti V. ut patet in ordinationibus auctoritate Apost. editis. Ordinar. 4. sancirum est sic: Nullus admittatur ad sæcularium, vel Fratrum confessiones audiendas, nisi pariter per quinque examinatores, vel, ubi tot non suppetunt idonei Patres, per tres ad minus, sufficiens judicatus fuerit, præcipientes ipsis, sive Prædicatorum, sive Confessorum Examinatoribus respectivè sub eodem præcepto formali, eademque excommunica-

tionis latæ sententiæ pœna, ut, per vota secretæ sua dantes suffragia, lecluso omni particulari affectu, insufficientes excludant, & sufficientes, ac idoneos tantummodò admittant. Hæc ibi. Idem fuit confirmatum Romæ 1601. Conf. Vallisoleti. 1605 Conf. 3. & Parisiis 1611. Conf. 27. ubi ita additur: Volumusque eandem ordinationem inviolabiliter observari sub pœna excommunicationis tam à Præsentibus Conventuum, ne quemquam aliter ad prædicandum, aut confessiones audiendum admittant: quàm à Prædicatoribus, & Confessariis, ne aliter dictis officiis fungi *Præsumant*. Hæc ibi. Idem vide in Constit. nostris dist. 2. c. 12.

Tenentur Confessarii Regulares intra Ordinem sæpius se examini siftere?

Dico, ut ante, sciens hoc ex propriis Statutis: In nostro Ordine Valentie 1647. Ord. 4. sic fuit statutum. Ordinamus, quòd qui imposterum approbandi erunt ad audiendas Confessiones tam Fratrum, quàm sæcularium, & monialium, nisi aliàs sint Graduati, vel in Studio Generali Prædicatores, vel Lectores instituti, tribus vicibus, de triennio in triennium, in aliquo Conventu, ubi vigeat Studium Theologiæ, examinentur: & solum post tertium examen simpliciter approbati esse censentur, declarantes, quòd aliàs quantum ad formam, & locum examinis servetur usus Provinciarum. Hæc ibi. Plura familia vide in nostro Fontana de Confessoribus, lit. C.

QUÆRO II. Quid est cura animarum? quid Confessio? quid Confessarius? à quo is approbandus?

VIII. Resp. Curare animas, seu earum curam gerere, est prædicare, ac docere ea, quæ salutis sunt necessaria; ac tollere morbos anime, nimirum peccata, administrando Sacramenta ad sanandas, seu curandas animas à Christo instituta.

Resp. 2. Cura animarum, seu potestas curandi est duplex. Una ordinaria, quæ competit ex vi officii, v.g. Episcopis, Parochis, &c. altera delegata, uti est in Religiosis. De quo redibit sermo in tract. 13. de Pœnit. Vide ibidem. Exam. 5. n. 63.

Resp. 3. Confessio definitur infrà in dicto Tract. quòd sit legitima, ac sacramentalis accusatio de propriis peccatis ad eorum veniam virtute clavium obtinendam coram Sacerdote facta.

Quæcunque hic quæri, ac dici possent de Sacramento Pœnitentiæ, discutiantur in cit. Tr. xlii. nimirum de essentia, institutione, necessitate, ac partibus ejus in generali, materia, & forma, & de virtute Pœnitentiæ in Examine 1. ejusdem Tract. vide ibid. num. 2. & seqq. De effectu pœnitentiæ in Exam. 2. vide num. 16. & seqq. De contritione in speciali in Exam. 3. vide

num. 38. & seqq. De confessione, ejus necessitate, & quidditate in Exam. 4. vide num. 52. & seqq. De qualitate confessionis in Exam. 6. De Sigillo confessionis in Exam. 7. vide totum. De satisfactione in Exam. 8. vide fusè ibid. Quæ omnia ibi velut in proprio loco tractantur.

*Resp. 4.* Confessarius definitur, quod sit, Sacerdos habens potestatem clavium, vel, prædictus potestate ligandi, & solvendi in foro sacramentali, seu sacramentaliter consentiens; Approbandus à Superiore in eodem foro.

Quæ circa ministrum Confessionis, seu Confessarium dici possunt, vide num. 62. & seqq. in dicto Tract. xii. Exam. 5. nimirum, quis sit minister, & quotuplex, ac quæ ejus potestas, & quotuplex. Quid sit approbatio, quid jurisdictionis, à quo danda. De Confessariis Regularium, item monialium; & similia plura ibidem tractantur nu. 64. & nu. 66. & nu. 69. & seqq.

**QUÆRO III.** Quid est clavis, seu potestas clavium, cujus meministi? & quomodo differt à Charactere Sacerdotali? & à quo data est?

Ante *Resp.* Suppono dari in Ecclesia claves. Quod S. Thom. in Supplemento tertie Partis q. 17. ar. 1. in fud. Cont. probat ex illo Christi ad Petrum Matth. 16. *Tibi dabo claves regni Cælorum*: Hoc supposito.

*IX. Resp. 1.* Clavis benè definitur, quod sit potestas ligandi, & solvendi, qua Juxta Ecclesiasticus dignos recipere, indignos excludere debet à regno. Ita S. D. q. 17. cit. a. 2.

*Declarat hoc ibidem.* Secundum Philosophum in 2. de anima, potentie per actus definiuntur, unde cum clavis sit potentia quedam, oportet, quod per actum, sive usum suum definiatur: & quod in actu objectum exprimitur, à quo actus recipit speciem: & modum agendi, ex quo apparet potentia ordinata: actus autem potestatis spiritualis non est, ut cælum aperiat absolute, quia jam est apertum (puta per Passionem Christi, prout dicit S. Th. art. 1. ad 1.) sed, ut quantum ad hunc aperiat, quod quidem ordinatè fieri non potest, nisi idoneitate ejus (cui aperiendum est) pensata. Et ideo in prædicta definitione clavis ponitur genus, scilicet potestas, & subiectum potestatis, scilicet Juxta Ecclesiasticus: & actus, scilicet excludere, & recipere, secundum duos actus materialis clavis, qui sunt, aperire, & claudere: cujus objectum tangit in hoc, quod dicit, à regno: modus autem in hoc, quod dicit, dignos, & indignos, in illis, quos actus exercetur, pensatur. Hæcibi.

Idem explicat Angel. Doctor ibid. art. 1. in c. dicens: *In corporalibus clavis dicitur instrumentum*

*sum, quo ostium aperitur, regni autem ostium nobis per peccatum clauditur: & ideo potestas, qua tale obstaculum removetur, dicitur clavis, puta metaphorice, ut ibid. ait in fine corp.*

Adde ex eodem artic. quod sanctissima Trinitas, seu Deus habet claves auctoritatis, Christus ejus excellentie, Ecclesia, seu ministri ejus, claves ministerii. Sicut ergo clave materiali ostium aperitur, & clauditur, ita clave hac spirituali, dignis, idest, verè poenitentibus, cælum aperitur: indignis verò clauditur, seu clausum relinquitur.

Ex quo patet, quare vocetur potestas ligandi, & solvendi, dignus enim absolute, seu verè poenitens, à vinculis peccatorum solvitur; indignus ligatur, seu manet, ac relinquitur ligatus. Vel ut paulò aliter ait S. D. q. 18. art. 3. in corp. solvit Sacerdos, in quantum peccata dimittit: ligat, in quantum non absolvit, sed ligatos ostendit: solvit poenā, quam remittit: ligat ad poenā, quæ remanet, & quam imponit.

*Resp. 2.* Potestas clavium, quæ est idem, quod potestas jurisdictionis, realiter moraliter distinguitur à potestate Ordinis, seu à Characterē Sacerdotali.

*Ratio* videatur in cit. Tract. 13. de Poenit. infra Exam. 5. q. 1. & 2. num. 62. Ubi etiam dabitur definitio potestatis jurisdictionis.

*Resp. 3.* Potestatem clavium Christus Ecclesie promissit Matth. 16. illis verbis. *Tibi dabo claves. Quodcumque solveris, & ligaveris super terram, erit solutum, & ligatum & in cælis.* Dedit autem actu Joan. 20. quando Apollolis dixit: *Accipite Spiritum S: quorum remiseritis peccata, remittuntur eis: quorum retinueritis, retenta sunt.* Et tunc instituit Sacramentum poenitentie, ut dicitur Tract. 13. cit. Exam. 1. n. 2. resp. 3.

*Quare in plurali vocantur claves, cum sit una clavis, quæ aperit, & quæ claudit: una potestas, quæ solvit, & quæ ligat?*

*Dico* cum Angel. Doctore cit. qu. 17. art. 3. in corp. in essentia, ac realiter esse unam clavem, ac potestatem, vocari autem in plurali claves ex comparatione ad diversos actus, quorum unus alterum præsupponit, & uterque auctoritatem, ac potestatem quandam exigit. Quorum actum unus, est iudicium discretionis de idoneitate consentiens, ob quam potest solvi, & ad regnum recipi: vel de idoneitate, ob quam ligatur, & à regno Dei excluditur, seu regnum ei non aperitur. Alter actus est ipsa aqualis absolutio, seu apertio regni, aut receptio ad regnum, vel exclusio ab illo.

Explicat hoc noster Soto in Tract. de instructione Sacerdotum, ubi cum S. Thoma qu. 17. ar. 3. ad 2. aliam vocat clavem scientie, aliam

aliam potestatis. Per primam non intelligitur scientia in quovis Confessario requisita, hæc enim, proh dolor! multis deest: unde eam non vocat scientiam, sed clavem scientiæ, estque ipsa potestas cognoscendi, inquirendi, & judicandi dignum, vel indignum absolutione. Per clavem potestatis intelligitur ipsa auctoritas absolvendi, vel retinendi peccata; admittendi, vel excludendi à regno. Potest etiam distingui, quod alia sit clavis Ordinis, alia jurisdictionis. Prima est ipse character Sacerdotalis, seu potestas Ordinis, nimirum super Corpus Christi verum in Eucharistia consecrandum: quæ datur in Ordinatione. De altera patebit infra loco citato de Pœnit.

Ex his colligitur, quid sit, hoc, vel illud dictum, aut factum subijcere clavibus Ecclesiæ, est enim idem ac subijcere iudicio Confessarii, ac potestati ligandi, & solvendi per sacramentalem confessionem.

**QUÆRO IV.** Quibus Virtutibus Confessarius debet esse instructus, ut dignè animarum curam gerat?

**X. Resp.** Cum Sacerdos in dimittendis hominum peccatis Dei Vicarium agat, accedat clavigerum, omnibus eum virtutibus instructum esse, maximè convenit. Sex tamen potissimum virtutes in eo resplendere debent.

*Prima virtus est* **Integritas** mentis, nimirum, ut sit *integer vita, sceleris quærens*, mundus in conscientia, nulla censura innodatus. Dum ergo Sacerdos sacro huic ministerio, confessionali nimirum se accingit, emundet prius propriam conscientiam à sordibus peccatorum, maximè mortalium: ne, dum alios mundat, ipse sordescat.

*Teneris* ergo confiteri, priusquam confessionem excipias, si in mortaliis, & copiam Confessarii habes?

*Dice* esse de confilio, & me optimè facturum: non tamen est de præcepto, sed sufficit elicere contritionem. De quo infra Tract. xi. num. 38. Ubi etiam patebit differentia, cur celebratur Missam teneatur in eocasu prius confiteri.

De hac ptima Confessarii virtute Angel. Doctor. cit. opuscul. 65. sic ait. *Munditia vita* necessaria est, ut in nullo eorum sit iudicandum, quæ in aliis est iudicare paratus: juxta illud Domini: *Qui sine peccato est, primus in illam lapidem mittat.*

*Secunda virtus est* mansuetudo, quia Confessor comparet tanquam agnus Dei, qui tollit peccata mundi. Unde S. Thomas in cit. Opuscul. 65. inquit: *Dum penitens confiteretur, Sacerdos se exhibeat benevolens, affabilem, & humanum, ut penitens non impediarur in confessione: confortet ipsum, utendo diversis experimentis ad sanandum agrotum nunc levian o, &*

*Tribunal Confessoriorum.*

*consolando per spem venia, & gaudium vite æternæ. Subdit autem S.D. si penitens inuavibus non moveatur: Postea terrendo per pœnas æternas, & incendia gehennæ ostendendo: sicut videris expedire.*

*Tertia est humilitas*, quæ etiam seipsum peccatorem agnoscat, sibi, suisque viribus diffidat, & confidat tantum in illum, qui dicit: *Sine me nihil potestis facere.* Joan. 15.

*Quarta est Charitas*, quæ est vinculum perfectionis, Coloss. 3. & Finis præcepti Charitas. 1. Timoth. 1. Et, Amanti nihil difficile.

*Quinta est Justitia*, quæ dignos solvat, indignos liget, in sensu ante explicato: cogatque penitentem, ut faciat, ac restituat, quod ex justitia debet: ne se in justitiæ reum faciat.

*Sexta est Oratio*, seu sedulitas in orando. Nam *Oratio* oranti est subsidium, Deo sacrificium, demonibus flagellum, ait S. Augustinus.

Ex dictis, & dicendis patet, quid sit respondendum querenti: Quæ, & quot sunt (præter potestatem absolvendi requisita ex parte Confessarii, ut debet hoc officium administret? Et solet responderi: Tria sunt, nimirum *Scientia, Prudentia* (de quibus statim dicetur) & *bonitas*, quæ idem est ac jam explicata mentis integritas, complectiturque reliquas prædictas virtutes.

**QUÆRO V.** Quæ prudentia, & scientia in Confessario requiruntur?

**II. Resp. 1.** Indubitatum est, singularem prudentiam, & scientiam in Confessario requiri.

*Ratio* patet ex præfatione hujus libri circa finem. Tum quia Dominus sanguinem commissi gregis de manu Sacerdotis requirit. Tum ne, dum cæcus cæco ducatur præstat, ambo in foveam cadant. Tum talem, quia triplex officium Confessario incumbens: cujus fiet mentio in R. ad Q. 8. ) absque singulari prudentia, & scientia administrari nequit.

*Resp. 2.* Quanta scientia in sacerdote sufficiat, ut sacramentum penitentis sine peccato administret, per unam certam regulam definiri non potest, sed debet relinqui arbitrio boni viri prudenter considerantis qualitatē loci, ubi confessiones sunt excipiendæ.

*Ratio* Quia potest quis in uno loco v. gr. in pago, & pro hominibus simplicibus esse idoneus, qui in aliquo emporio, vel loco celebri non subsisteret ob frequentes casus in contradibus, judiciis, matrimoniis, &c. Item majori scientia debet pollere is, qui exponitur pro toto Regno, quam qui tantum pro una Diocesi, non adeo protētia. Et minor scientia sufficit in eo, qui exponitur pro loco, ubi sunt multi viri literati, quos possit consulere, quam ubi nullus est talis.

*Resp.3.* Duplex in præfenti Scientia considerari potest. Una eminens, & perfecta, altera mediocris, & sufficiens. Prima etsi sit optima, non tamen est absolutè necessaria: altera verò omnibus necessaria est, & sufficit.

*Declaratur.* Ad posteriorem scientiam requiritur, ut sacerdos præter essentialia, ac integralia sacramenti poenitentiae, sciat *Primo* dignoscere bonum à malo, & distinguere inter lepram, & non lepram, quia aliàs iudicabit bonum malum, & malum bonum. Hanc verò distinctionem sciet ex eo, an actio sit con-vel difformis rectæ rationi, legi divinæ, præceptis Ecclesiæ, &c. *Secundo* ut sciat discernere inter peccatum mortale, & veniale, seu, ut Theologi loquuntur, inter lepram, & lepram. Quia non cognito morbo infirmum curare nequit. *Tertio* noscere debet circumstantias speciem mutant, & intra eandem speciem notabiliter aggravantes, vel diminuentes. De quibus infra. Unde S. Thom. in cit. Opusc. ait: *Inquirat diligenter Sacerdos circumstantias peccatorum, tempus, modum, locum, & causam, &c. ut poenitentes ex ignorantia, vel verecundia non celent peccata.* *Quarto* à quibus peccatis possit absolvere, necne. Hinc scire debet peccata, casus, ac censuras reservatas, saltem communiores. Et, si auditur esset Clericus, debet etiam scire, in quibus casibus incurrat ab iis irregularitas, ac suspensio, & quomodo, aut per quem hoc vinculum possit tolli: qualiter ipsi Clerici in hoc vinculo se debeant gerere. *Quinto* scire debet, in quibus casibus sit iteranda confessio, & imponenda restitutio. *Sexto* quando poenitenti absolutio sit deneganda, vel saltem differenda. *Septimo* debet esse instructus circa peccata cogitationis examinanda. *Octavo* quas, aut quantas poenitentias debeat imponere, ut ex errore non imponat falsas poenitentias, per quas anima ad inferna trahuntur, ut loquitur S. Thom. in Opusc. 67. Quod ulterius sic explicat: Sacerdos consideret qualitatē peccati, & peccantis, ut, si est senex, aut juvenis, aut dives, aut pauper, debilis, aut fortis, si est bene compos, aut compunctus, & alia: & omnibus bene consideratis imponat epœnitentiam, prout arbitrio suo viderit expedire. Ita tamen, quod Juvenibus, maxime mulieribus, non imponantur itenera, & vagationes propter ætatis fragilitatem: quia in eundo, & redeundo mulier juvenis audit, & videt aliquid, per quod colligit venenum mortis, & infundit aliis: quia non solum tactu, & ejus affectu, sed & aspectu quæcunque appetitur, & quilibet appetit concupiscentiam seminarum. Masculis autem injungat poenitentiam, scilicet, genuflexiones, & alias satisfactiones in Ecclesia facien-

das, ad tollendam malam consuetudinem de non veniendo ad Ecclesiam diebus Dominicis, & festivis. Hæc ibid. S. Th. qui circa quantitatem poenitentiae statim subdit:

Sit autem Sacerdos ita cautus, ut non imponat poenitentiam ita gravem, & auferam poenitentiam, ut poenitens totum dimittat: sicut adolescens, qui fascem dejecit à tergo, quem super humeros portare non potuit: ut 26. q. 7. Alligant. Sed nec ita levem imponat, ne peccator contemnat peccatum, & ut ex levitate poenitentiae relabatur libentius in peccatum: ut 50. dist. c. 1. Faciat ergo quoddam temperamentum ex misericordia, & severitate, ut poenitentia non sit nimis dissoluta, nec nimis rigida: Ut dist. 45. Sunt namque. Tamen tutius est ponere minorem debito, quam majorem, quia melius excusamur apud Deum propter multam misericordiam, quam propter nimiam severitatem: ut 26. qu. 7. Alligant in fin. qui talis defectus in Purgatorio supplebitur, 25. dist. Qualis. Sed tamen reiteranti peccatum gravius est poenitentia injungenda, vulnus enim iteratum, si incurrat, gravius est ad sanandum. Ut de pen. dist. 4. Hæc S. D.

*Non* debet Confessarius in occurrentibus difficultatibus saltem posse dubitare, & in dubio doctiores, vel libros consulere. Si ergo occurrat casus, in quo Confessarius ex se ipso non est sufficiens ad resolvendum, moneat poenitentem, esse rem non modici momenti, esse eam prius bene ponderandam cum aliorum doctorum consilio, an velit eorum iudicio stare, & proximè redire: quod si affirmer, & absolutio commodè, ac sine nota differri possit, differatur: si non possit, absolvatur pro hac vice cum onere redeundi. De omnibus dictis pundis redibit sermo in decursu hujus Tribunalis in propriis locis.

Scientia eminens, & perfecta ultra hæc omnia probè callet totam Theologiam moralem, & sacramentalem, utriusque juris peritiam, & Constitutiones Synodales illius Regionis, in qua confessiones audit. Hæc non necessariò requiritur in omni Confessario, bene tamen in Episcopis per se ipsos judicantibus, ac definitivis, in Vicariis Generalibus, in Confessariis Ecclesiasticis, & similibus: quia ad hos Clerici, & Curati inferiores recurrunt.

*Resp.4.* Ad prudentiam spectant diversa à Confessario observanda. *Primo* ut prudenter admoneat poenitentem, ut, seposito omni humano timore, omnia peccata cum suis circumstantiis exprimat. *Secundo* prudenter procedat in injungendo poenitentiam, secundum dicta: quia in præscribendo opportuna remedia. *Tertio* caveat Confessor, ne enorme peccatum audiens hæreat similis attonito, vel gestu



motu; suspirio, aliove simili modo det judicium indilcretæ dilplicitiæ, ne hoc pacto pœnitentem terreat ab enarrandis aliis enormibus delictis. *Quarid* ne audito uno, alterove peccato, in ipso limine confessionis exaggeret, seu penitentem exprobrat peccatorum gravitatem, miserum statum, &c. hoc enim commodius fit ceteris omnibus peccatis recensitis.

*Resp. 6.* Scientia in Confessario requisita, five sit eminens, five sufficiens, est triplex, scilicet Scientia potestatis, juris, & facti.

*Declaratur.* Ad scientiam potestatis spectat, scire, super quæ peccata, censuras, causas matrimoniales, jejunia, juramenta, vota solvenda, commutanda, vel dispensanda, habeat potestatem, & jurisdictionem. *Ad scientiam juris*, putâ, passivi (per quam intelligo notitiam obligationis, quam ipse Confessarius habet ad certa officia in suo ministerio peragenda) ad hanc inquam spectat nosse, an, & quando Confessarius obligetur pœnitentem de peccatorum numero, ac circumstantiis examinare, ad dolorem, si desit, excitare: restitutionem injungere, sigillum servare, quomodo possit defectus in confessionum audientia fortè commissos emendare, eodem jure tenetur scire ordinarios modos, quibus homo contra Dei, aut Ecclesiæ leges, contra proprium statum, & officium peccare potest. Item quomodo teneatur fungi triplici officio. De quo postea ad Q. 8.

Tandem *ad scientiam facti* spectat scire, an penitens commiserit mortale, vel veniale, unum, vel plura. Procius cognitione sciat 1. Quibus peccatis ex genere suo insit malitia mortalis, vel venialis. 2. Quæ circumstantiæ speciem mutant, quæ verò intra eandem notabiliter aggravent. 3. Quæ circumstantiæ ex mortali faciant veniale, vel, & contra. 4. Unde desumatur distinctio specifica, & numerica peccatorum. De quo vide infra Tractat. de vitiis, & peccatis.

**QUÆRO VI.** Teneturne Confessarius sub mortali se qualificare, aut peccatne mortaliter, audiendo confessiones sine sufficienti scientia?

*XII. Resp. Affirmativè.* Patet tum ex illo 1. Cor. 14. *Qui ignorat, ignorabitur*, tum ex S. Thom. Opusc. 65. ubi ex sententia Salvatoris adducit illud; *Si cæcus cæcum præsumat ducere secum, in foveam duñtor primus cadit, inde secutor.* Item ibidem ait. *Certe cum videbimus medicos corporum revolvere quotidie, & legere libros physicales, & medicinales, in quibus docentur curare corpora moritura, magna stultitia est, non legere libros Sanctorum, medicinales animarum; in quibus docentur curare animas in æternum vitæuras.* Majus est damnum unius animæ, quàm de morte inenarrabilem corporum.

*Ut 24. qu. 3. Si habeas. Circa finem.*

*Ratio.* Tum quia lex naturalis dicit, quemlibet teneri tanta polle scientia, quanta requiritur ad suum munus rectè obeundum, ut patet ex S. Tho. 1. 2. qu. 76. a. 2. in c. Tum etiam, quia aliàs Confessarius le, & pœnitentem exponit periculo lapsus in foveam æternæ damnationis. Et hæc sententia est tutissima, & probabilissima.

Sequitur ex his, quòd Superiores Confessariorum, five Episcopi sint, five Regulares, sub eodem onere teneantur suos subditos ad illam qualificationem compellere, exhortari importunè, opportunè. Cæteroquin utriusque Væ! Quia Superioribus incumbit attendere, ne per suos animæ pereant.

Nonne illos Confessarios, qui se ineptos judicant, approbatio, vel obedientia ad audientias confessiones à Superioribus imposita, coram Deo excusat?

*Dico*, quòd non. *Ratio.* Quia Superior scientiam non infundit, & obedientia illa supponit obligationem se qualificandi.

*Sed si quis dubitet de sua capacitate?*

*Dico*, potest stare iudicio examinatum, qui eum idoneum censuerunt, vel ut talem approbarent: nisi fortè illam scientiam, quam in examine ostendit, per negligentiam perdidit. Item potest se conformare præcepto Superioris, si hic eum idoneum censet, & sciat, Prælatum id muneris non injungere ex passione, ira, &c.

**QUÆRO VII.** Quid sentis de eo, qui studiosè quærit ignorantem, & stupidum Confessarium? Vel de casu, in quo non est alius?

*XIII. Resp. 1.* ad 1. p. certum esse, quòd graviter peccet illi confitendo.

*Ratio.* Et si ad hæc debita materia, forma, & jurisdictione, attamen penitens videtur esse indispotitus, ex eo, quòd peccatorum suorum gravitatem videatur velle tegere, nec de illis ex animo dolere: cum sciens, & volens absolutionem petat ab eo, quem scit esse in idoneum. Præterquam quòd ante probatum sit, talem confessiones audiendo mortaliter peccare: cui peccato ille cooperatur. Ergo.

*Resp. 2.* Juxta S. Anton. 3. p. tit. 17. cap. 6. sunt tres casus, in quibus imperitus Confessarius excusatur.

*Primus est*, quando is, qui confitetur, est sibi ipsi valde sufficiens, ad peccatorum suorum gravitatem, cum omnibus circumstantiis Confessario explicandam: esseque vir timoratus conscientiæ. *Secundus est*, quando confitentes sunt personæ spirituales, solitè sæpius confiteri, & communiter solis venialibus subiacent. *Tertius est*, quando penitens est in articulo mortis, & non adest alius confessorius præter imperitum.

Addi potest, idem esse de casu ( extra articulum mortis ) quo non esset copia peritorum Confessoriorum, præstat enim, imperitum Confessarium confessiones audire, quam populum longo tempore hoc sacramento destitui. Pariter idem est de Confessario Christianorum, qui vel vincit, vel etiam soluti degunt apud infideles v.g. Turcas, &c. si peritior haberi nequeat.

**QUÆRO VII.** Quæ sunt munia Confessarii, ad quæ obligatur?

**XIV. Resp.** Tria maxime sunt, nimirum officium Judicis, Doctoris, & Medici.

*Declaratur.* Præcipuum inter hæc tria est officium Judicis, apertè à Christo indicatum illis verbis Jo. 20. *Quorum remiseritis peccata, &c.* Ex vi hujus officii Confessarius aliquando ( ut postea specialiter explicabitur ) tenetur pœnitentem de peccatis examinare: an mortalia, vel venialia sint, judicare: solvere, vel ligare: id est, absolutionem dare, vel denegare, aut differre; pœnitentiam, & (sicalus petat) onus restitutionis imponere. *U. Doct.* tenetur pœnitentem instruere in mysteriis præcipuis fidei, in reformanda conscientia, ac in requisitis ad confessionem, si in eis deficiat.

Tandem *ut medicus* tenetur vinum, & oleum vulneribus fauciat, seu pœnitentis infundere: id est, medicinas spirituales præscribere, remedia curandis animi morbis opportuna applicare, si non imperando ( quod non semper est necesse, saltem suadendo, monendo, &c. Unde à culpa excusabiles non sunt illi Confessarii, qui vi implicitè, vel explicitè se refectunt, quo remedio pœnitentem à talis, vel talis peccati recidiva præservent, sed auditis peccatis, etiam grandibus, pœnitentem cum uno, alterove *Pater, & Ave* dimittunt absolutum: si tamen coram Deo sit absolutus. Quales Confessarii pro dolor! apud non paucos habent plausum, & accursum, sed ad suam, & pœnitentium perditionem.

*Sunt ne laudandi illi Confessores, qui ex quadam Zelotypia ægrè ferunt, si sui pœnitentes confiteantur aliis?*

**XV. Dico** esse meritò vituperandos. *Ratio.* Quia nemo venit ad Confessarium, nisi Pater quiescens traxerit illum, qui si eum trahat ad alium Confessarium, prior conqueri non debet. *Excipitur,* si pœnitens neglecto prudente confessario, iter ad idiotam, ad hunc enim non traheretur à Patre cœlesti, sed ab Angelo tenebrarum: juxta dicta ad Q. 7.

*Quari hic possit, quæ intentio ad absolvendum requiratur in Confessario? Sed hoc in Tract. de Sacram. in communi.*

**QUÆRO IX.** Teneturne Confessarius omnia pœnitentis peccata audire, & in particulari determinatè semper judicare, hoc vel illud est mortale, aut veniale? Vel licetne sub

confessione, si longa sit, parum dormire?

**XVI. Resp. 1.** Certum est, Confessarium teneri omnia peccata audire, nec licere sub audientia Confessionum dormire: immò nec dormitare. Hinc Confessarius graviter peccat, si propter voluntariam dormitationem aliquod mortale peccatum non percipit.

*Ratio* desumitur ex officio Judicis, qui tenetur audire causam hominis rei, ne erret in ferenda sententia, & pœnitentia infligenda.

Hinc pœnitens advertens Confessarium dormitare, tenetur eum monere, vel tacere, vel non audita repetere: secus non absolvitur. Aliud est, si non advertat, & bona fide procedat: tunc enim ab auditis directè, & à non auditis indirectè absolvitur.

Eadem est ratio de Confessario voluntariè distracto. De mutò ex se patet, cum non possit proferre formam absolutionis. Surdus absolvere validè potest, si peccata intelligat per signa, vel scriptum.

*Resp. 2.* Tutissimum est, si Confessarius ( utpote tantæ doctrinæ ) in particulari exactè judicet, quasi determinatè mentaliter dicendo: in hoc pœnitens peccavit mortaliter, in isto venialiter. Probabilius tamen est, non esse tam strictam Confessarii obligationem.

*Ratio 1. p.* Quia tunc perfectius est judicium.

*Ratio 2. p.* Quia illud est moraliter impossibile. Contingit enim: quòd iri, etiam doctissimi, vix interdum possint tam exactum ferre judicium. Ergo.

Ex quo sequitur, quòd satis sit audire, & intelligere omnia peccata (licet interdum dubitetur, an hoc vel illud mortale sit) ut in satisfactione imponenda possit propòsibili sufficienter recordari statum pœnitentis.

*Resp. 3.* Non est opus angi, vel scrupulari Confessarium, si eo momento ( quo pœnitentiam injungere, & absolutionem dare vult ) sine sua culpa non habeat distinctam singulorum peccatorum memoriam.

*Ratio.* Quia hoc in Confessione longa v.g. generali, præsertim per aliquot horas protracta, videtur impossibile. Hinc sufficit, quòd recorderetur majoris partis peccatorum, & cognoscat statum Pœnitentis.

*Quid si ergo pœnitens confiteatur peccata mortalia, quæ nec ipse, nec Confessarius dignosceret, sed tantum putaret esse venialia?*

*Dico.* Si pœnitens verè de illis doleat, valida est confessio, & absolutio.

*Ratio.* Quia nihil deest, quod ad Sacramenti valorem requiritur.

**QUÆRO X.** Teneturne Confessor pœnitentem examinare?

**XVII. Resp. 1.** Si Confessarius videat, pœnitentem

tentem in se disponendo, & examinando moraliter sufficientem diligentiam adhibuisse (quod potest colligi, vel ex statu Personæ confitentis, vel ex tempore post priorem confessionem elapso) non est necesse eum examinare, nisi Confessorius certò sciret, vel probabiliter crederet, latere grave aliquod peccatum non expressum.

*Ratio.* Quia esset multiplicare entia sine necessitate.

*Resp. 2.* Si penitens sit literatus, non est facile examinandus. Si tamen Confessor advertat, ex inadvertentia omitti aliquam circumstantiam necessariam exprimendam, discretè est monendus, ut exprimat.

*Ratio 1. p.* est quæ ante.

*Ratio 2. p.* Quia aliquo Confessor non satisfaciit triplici officio ante mentionato, ut consideranti patebit.

*Resp. 3.* Dum homines rustici, rudes, & inepti se sistant in confessionali sine ullo prius facto examine, quod facile quis advertit, dum subinde tacent, nec ullum peccatum exprimunt, nisi prius interrogati, non debet Confessor facile eos dimittere inauditos, sed brevis, & discretis questionibus adjuvare. Præsertim circa illas materias, in quibus præsumitur illos magis delinquere, aut saltem speciem, & numerum confiteantur, licet tam exactè omnia peccata non explicant.

*Ratio.* quæ ante est data pro 2. p. R. 2.

*Resp. 4.* Confessor interrogando circa res impuras, cautè debet agere, ne in earum examine descendatur ad particulares modos, vel circumstantias: ex quo posset fieri, ut Penitens in confessionali de similibus aliquid disceret, quòd ante non sciebat, vel caperet occasionem turpis tentationis, aut scandali; vel etiam suspitionis, quasi Confessarius delectetur tali notitia, & examine.

Ita Angel. Doctor cit. Opusc. 65. dicens: *Verumtamen dum Sacerdos inquiris de peccatis, aut de circumstantiis peccatorum, ita cautè inquiras, ut non instruas eum ad peccandum, quia nulli debemus parare laqueum. 17. dist. de viduis. Sub nullo.*

*Ratio.* Tum ne pareatur laqueus animabus. Tum ne Confessor ex Doctore sanctitatis fiat Doctor peccati.

*Resp. 5.* Interrogationes à Confessario factæ non sint molestæ, & longæ, nec fiant de illis, quæ non sunt ad rem, considerata qualitate, & statu Personæ. Hinc artifex non est interrogandus de quibuscunque fraudibus, v.g. Sartor de iis, quas alii factores solent committere, si ipse sit vir timoratus conscientie.

*Ratio* est data pro R. 4.

**QUÆRO XI.** Debetne Confessor, confessiones excepturus, ad hanc functionem piè se disponere?

*XVIII. Resp.* Affirmativè, ut dignè hoc sa-

cramētum administret; unde in Q. 4. requiruntur in eo variae virtutes, & ante requisita fuit debita intentio, inferius in loco proprio explicanda. Præterea debet implorare assistentiam Spiritus Sancti.

*Ratio* patet ex arduitate, & sanctitate hujus functionis.

*Debetne Confessor* suam functionem exercens stare, vel sedere, & penitens steterè, vel licetne inter ambulandum?

*Dico.* Confessio sacramentalis facienda est Confessore sedente, penitente autem genuflexo, ac capite discooperto, nisi gravis necessitas, vel infirmitas, excuset. Sacerdos celebraturus, si vult confiteri, confiteatur, antequam sacras vestes (saltem stolam, ac manipulum induat: Penitens (idem est de communicaturo) si sit gladius; gladium deponat ad interim.

*Ratio.* Quia ita decet iudicis auctoritatem, & penitentis humilitatem: ne penitens videatur Cœlum velle intrare, ut dici solet, cum ocreis, & calcaribus.

*Requiritur ne* specialis dispositio ipsius Confessionalis?

*XIX. Ad hoc R.* cum S. Tho. in Opusc. cit. dicte. Curet autem Sacerdos residere in tali loco, quando audit confessionem, maxime mulierum, quòd ab aliis videatur manifestè, sed à nemine audiatur, ne laici, qui Clericis oppidò sūt infesti, & sunt proni ad suspicandum malum, ex sinistra suspitione cordis percutiantur; sed à nullo audiantur, quæ ibi dicuntur, ut illud iudicium soli Sacerdoti Confessori, & penitenti confitenti sit notum. Sufficit autem in illo divino officio testimonium Dei, & sanctorum Angelorum, qui illic assistunt, & coram quibus illud iudicium agitur. Hæc S. D.

Optimè etiam ordinatum est, quòd Confessionalia à lateribus Ecclesiæ extra Chorum, locis decentibus, cum fenestellis, crate aliqua distinctis, aptè collocentur. De hoc vide nostras Constit. Dist. 1. c. 10. lit. C. circa finem.

*Estne singulari* quod observandum Sacerdoti in confessione mulierum?

*XX. Ad hoc R.* cum Angelico Doctore, qui adhuc Novitius à fratribus suis, eum iterum secularizare volentibus, violentè raptus, carceri inclusus, impudicam mulierem Virginittis labefactandæ causa immixtam, titione fugavit, in trophæum victoriæ ab Angelis zona Virginittatis præcinctus: ille inquam in Opusc. sæpius cit. 65. sic angelicè discurre: Caveat sacerdos, ne, dum audit confessionem mulierum, respiciat vultum earum, nec advertat qualitatè membrorum: propter quod bonum est, & congruum, ut mulier teneat in confessione locum magis imum, & sacerdos magis altum, ut non de facili se videant mutuo; ne insidiante diabolo, illa impeditur in Confessione propter verècundiam, vel sacerdos insidiatur ex illicita

licita cogitatione : propter quod etiam sacerdos expedita confessione juvenularum mulierum, non immoretur illa inmiscere verba, quæ confessionem perturbent, vel non adjuvent: nec ultra quàm necesse est excogitare confessionem earum, inquirendo vitiosè motus membrorum, & ulus: quia, ubi talis efca jacet, antiqui hostis stimuli non defunt ad tentandum. 8t. dist. Oportet. Nec recipiat sacerdos manus mulierum in manus suas, sicut aliqui stulti faciunt, vel fecerunt, nec aliquo modo tangat mulierem: quia bonum est omninò sacerdoti non tangere. Ut 32. dist. Hospitiolum. Hæc S. D.

XXI. Magna ergo prudentia, & cautela Confessario est adhibenda in Confessionibus mulie-

rum, etiam spiritualium, ac Religiosarum. In hujus rei tellem ad voco Sanctum Ignatium Loyolam, qui aliquando fallus est, tres Moniales, quarum aliqualem curam susceperat, plus sibi negotii facillivisse, quàm totius Societatis gubernium. Quamobrem meritò cavit, ne sua Societas unquam deinceps speciale talium Personarum curam susceperet. *Beatus ille, qui procul negotiis*, Quilibet Conscientiæ moderator cordi sumat illud S. Gregorii: *Artem regimè animarum*. Ergo peccata generosè arguat, non accipiat personas, sed causas. Non blandiatur, ut noceat, quod diabolo est peculiare: sed corripiat, ut profit, quod proprium est Dei, cujus Vicarius est Confessor.

## TRACTATUS II. ET PROŒMIALIS.

*De Conscientia.*

**L** Conscientia bona titulus est Religionis, ager benedictionis, hortus deliciarum, gaudium Angelorum, aula DEI, habitaculum Spiritus sancti, liber signatus, ac in die iudicii aperiendus, ait Hugo Viçt. lib. 2. de an. c. 9. In hoc libro probè versatus esse debet Confessarius, ut ritè suo fungatur officio: cùm (ut ex præcedenti Tract. & Examine constat) sit Conscientiæ Moderator, Juxdex, Doctor, & Medicus. *Haurit aquam cribro, qui discere vult sine libro* hoc Conscientiæ.

De quo Angelicus Magister tractat in Summa breviter 1. p. q. 79. ar. 13. & 1. 2. q. 19. a. 5.

Extra Summam in 4. Sent. d. 24. q. 2. a. 4. & de Veritate q. 17. per quinque art. Et alibi.

### EXAMEN I.

*De quidditate, divisione, & obligatione Conscientiæ, & in specie de conscientia erronea, & dubia.*

**II. QUÆRO I.** Habes ne Conscientiam?

*Respondeo.* Habeo, & habet eam omnis homo, quantumvis sceleratus. *Conscientia grave pondus*, ut agnovit ethnicus Cicero 3. de nat. Deor. quod onus nemo non sentit. Conscientia piorum solatium, impiorum carnifex est. Hæc rodit, hæc mordet, acculat, testificatur.

*Conscientia mille testes*, ait Beroaldus. Pro quo servit illud de Bello, quem post occisam matrem, relict Plutarchus, hirsutinus nidos hæc deturbasse: quod diceret, ab eis parricidium suum vulgari, & garriri.

**QUÆRO II.** Quid, & quotuplex est Conscientia?

**III. Resp. 1.** Conscientia bene definitur à Thomistis, quod sit *dictamen rationis, seu iudicium intellectus practici, dictans, quid hoc, & nunc sit agendum, vel omittendum*: ly hoc, & nunc idem est, ac, pensatis omnibus circumstantiis. Ita colligitur ex S. Tho. 1. p. qu. 79. a. 13. in c. Ut patebit ex referendis.

**Resp. 2.** Conscientia propriè loquendo non est potentia, sed actus. Ita S. D. loc. cit.

*Ratio datur ibidem tum in Sed cont. quia Con-*

Conscientia potest deponi, non autem potentia: tum in corp. ex ratione hominis, & etiam ex his, quæ secundum communem usum loquendi conscientiz attribuantur. Conscientia enim secundum proprietatem vocabuli importat ordinem conscientiz ad aliquid. Nam conscientia dicitur cum alio scientia. Sed applicatio conscientiz ad aliquid fit per actum. Ergo ex ratione nominis patet, quod conscientia sit actus.

Idem apparet ex his, quæ conscientiz attribuantur. Dicitur enim conscientia testificari, ligare, vel infligare, vel etiam accusare, vel etiam remordere, sive reprehendere. Et hæc omnia consequuntur applicationem alicuius nostræ cognitionis, vel conscientiz ad ea, quæ agimus. Quæ applicatio fit tripliciter. Uno modo secundum quod recognoscimus aliquid nos fecisse, vel non fecisse. Et secundum hoc conscientia dicitur testificari. Alio modo applicatur, secundum quod per nostram conscientiam iudicamus aliquid esse faciendum, vel non faciendum. Et secundum hoc dicitur conscientia ligare, vel infligare. Tertio modo applicatur secundum quod per conscientiam iudicamus, quod aliquid sit bene, vel non bene factum. Et secundum hoc conscientia dicitur excusare, vel accusare; seu remordere. *Subsumo*. Sed hæc omnia dicunt actu. Ergo.

*Estne homo melioris ingenii etiam melioris conscientiz?* Videtur quod sic, dixisti enim, quod conscientia sit actus intellectus, sed homo quod est ingeniosior, eo meliorem habet intellectum. Ergo & eo meliorem conscientiam.

IV. *Distinguo* dicendo, posse esse melioris conscientiz naturaliter, physice, & in se ipsa sumptæ, non verò sumptæ moraliter, & cum extensione ad voluntatem, qualiter hic debet sumi: estque actus intellectus, non speculativi sed practici, voluntatem connotantis. Hinc homines doctissimi sæpe pessimas habent conscientias in secundo sensu: in primo autem perfectas. Ex quo etiam

Colligitur, cur conscientia dicatur bona, vel mala, cum tamen bonum non sit objectum intellectus, sed voluntatis.

*Manetne in te conscientia si dormias?* Videtur quod non. Quia dixisti, quod conscientia sit actus intellectus, sed homo in somno nullum habet actum intellectus. Ergo.

V. *Affirmo*, quod maneat in dormiente, idem est de homine distracto. Ad impugnationem dist. min. nullum habet actum actualiter, & formaliter, C. min. virtualiter, propter semel factam, & non retractatam determinationem voluntatis ad operandum. N. min. & N. conf. Hinc S. Thomas. 1. 3. cit. ad 3. ait: Actus etsi non semper maneat, manet tamen semper in sua causa, quæ est potentia, & habitus. Habitibus autem, ex quibus conscientia informatur, etsi multi sunt, omnes tamen efficaciam habent ab

uno primo principio, scilicet ab habitu primorum principiorum, qui dicitur Synderesis. Unde specialiter hic habitus interdum conscientia nominatur. Hæc ibi. Pro quo vide in Philosophia, quod Synderesis sit habitus primorum principiorum practicoorum, seu attingens illa, uti sunt: *Quod tibi non vis fieri, alteri ne feceris. Omne bonum est faciendum, omne malum est fugiendum*. Sicut habitus attingens illa prima principia speculativa, *Quodlibet est, vel non est: Omne totum est majus sua parte*, vocatur intelligentia.

Subdit S. Tho. in fine corp. Quia habitus est principium actus, & consuetum est, quod causæ, & effectus per invicem nomenentur, nomen conscientiz attribuitur primo habitui naturali, scilicet Synderesi. Et ad 1. ait: Quando conscientia dicitur spiritus, ponitur pro mente, quia est quoddam mentis dictamen.

Ad 2. ibidem S. D. explicat, quomodo conscientia, si non sit potentia, possit dici coinquinata? Unde ait: Inquinatio dicitur esse in conscientia, non sicut in subiecto, sed sicut cognitum in cognitione, inquantum scilicet aliquis scit se esse inquinatum. Hæc ibi.

VI. *Resp. 3.* Ad principale Q. Conscientia ex parte objecti dividitur in bonam, veram, & rectam (quæ idem sunt) & in malam, falsam, & erroneam, quæ etiam idem sunt.

*Declaratur*. Prima est, quæ reverà attingit veritatem, bonitatem, seu rectitudinem operationis: seu quæ iudicat bonum, quod in re est tale: & iudicat malum, quod in re tale est. Altera est, quæ reverà non attingit objectum, ut est in se, sed iudicat bonum malum, & malum bonum.

*Resp. 4.* Conscientia ex parte assensus, seu ex modo assentiendi dividitur in certam, probabilem, seu opinativam, & in dubiam, ac scrupulosam.

*Declaratur*. Conscientia certa est, quæ absque omni prorsus formidine oppositi, & ex motivis certis de hoc objecto determinatè iudicat esse bonum: de illo autem, esse malum. *Probabilis*, seu opinativa est, quæ quidem determinatè iudicat, hoc est bonum, hoc est malum: at tamen cum formidine oppositi, & ex motivis solum probabilibus, & non certis. *Dubia* seu anceps est, quæ suspendit iudicium, seu assensum circa bonitatem, ac malitiam objecti, nulli parti determinatæ adhaerens: nec dicit ita, nec non. *Scrupulosa* est, quæ ex levibus, immò levissimis, & interdum quasi nullis rationibus, vel ratiunculis, aut anxietate suspicatur, vel inducitur ad suspicandam alicubi malitiam, vel formidinem peccati.

QUÆRO III. Conscientia erronea, ac error quotuplex est, & obligatæ?

VII. *Resp. 1.* Est duplex, nimirum, vincibilis,

lis, ideòque culpabilis; & invincibilis, ac ideò inculpabilis.

*Declaratur.* Error vincibilis est, qui potuit, & debuit adverti, seu qui adhibito studio, diligentia, vel aliorum consilio potuit vinci, & hic à culpa non excusat, sive sit ignorantia juris (quæ explicabitur infra Tract. 3. Exam. 1. n. 23.) sive facti. Error invincibilis est, qui vel oritur ex omnimoda inadvertentia, & oblivione naturali, seu omnino involuntaria: vel si adiunctam habuerit advertentiam, attamen adhibito etiam sufficienti studio, diligentia, & consilio vinci, aut deponi non potuit. Et hic error est omnino inculpabilis, potestque etiam vocari speculativus.

*Resp. 2.* Probabilis est, quòd conscientia erronea, sive sit vincibilis sive invincibilis (modò non sit deposita) distans determinatè, aliquid esse præceptum, vel prohibitum, cum tamen non sit, obligat ad sui sequelam sub tali peccato, puta mortali, vel veniali, & ejusdem speciei, quale per conscientiam proponitur. Ita Angel. Doctor. 1. 2. q. 19. a. 3. universaliter pronuntians: *Omne, quod est contra conscientiam, peccatum est.* Et Quodl. 3. a. 17. ait: *Omnis conscientia, sive recta, sive erronea, sive in per se malis, sive in indifferentibus est obligatoria: ita ut, qui contra conscientiam agit, peccet.*

*Ratio.* Operari contra præceptum Dei, quod reverà est, vel esse certò, ac firmiter esse existimatur, est peccatum: quia lex naturæ dictat, Deo tanquam naturæ Auctori, & supremo Superiori esse obediendum; & licet tale præceptum fortè in re non detur, tamen operans, quantum est de se, reverà consentit in peccatum. *Subsumo:* Sed ita est de eo, qui operatur contra conscientiam erroneam, sive ex errore invincibili, sive vincibili: licet enim vincibilis sit, nondum tamen est victa nec deposita. Ergo homo huic conscientie, Dei præceptum intimanti, se non conformando, quantum est in se, illud contemnit: Ergo peccat.

Notanda hic est 1. differentia inter errorem (idem est de ignorantia) seu erroneam conscientiam, & rectam quoad obligationem. Nam, ut docet S. D. q. 17. de verit. a. 4. Conscientia recta ligat simpliciter, & perse, erronea verò secundum quid, & per accidens. Quia recta ligat absolute, & in omnem eventum; erronea verò sub conditione, seu ex suppositione, quia creditur esse recta. Nam operans absolute tenetur ad non operandum juxta illam, ex suppositione verò, quòd victa, & deposita non sit, tenetur operari secundum illam. Ubi

Notanda secundò est differentia inter conscientiam erroneam, invincibilem, & vincibilem, quòd licet utraque obliget, prior tamen excuset à peccato, non verò altera. Unde sive quis conscientiam erroneam viuci-

bilem sequatur, sive non; sive juxta, sive contra eam agat, peccat. Quia agit contra conscientiam.

*Oppono* contra hanc secundam differentiam. Ergo talis homo sit perplexus, quia non potest se juvare: peccat enim, quòdcumque agat.

Ad hoc negatur illatum: quia talis potest se juvare, nimirum illam conscientiam, utpote vincibilem, deponendo: uti & potest, ac tenetur eam deponere, semel autem deposita non amplius agat.

*Ergone* committitur tunc duplex peccatum, unum nimirum non deponendo conscientiam, quam tamen deponere tenetur: alterum v. g. mendacii?

*Dico* esse unum peccatum. Quia ignorantia formaliter non est peccatum, sed causa peccati. Potest tamen interdum ignorantia esse specialia peccatum, ut si quis ignoret ea, quæ omnino scire tenetur. De quo vide in Tract. & Exam. priorè ad Q. 6. n. 12.

*Sed quid,* si quis erroneè judicaret se teneri ad aliquod impossibile, v. g. incarceratus ad audiendam Missam?

VIII. *Non peccaret.* Quia impossibile non est obligatio. Error ergo debet esse circa materiam possibilem.

*Obligatio* Conscientia erronea in vi legis æternæ (cujus infra Tract. 6. n. 9. dabitur explicatio) utpote à qua omnes leges particulares derivantur?

*Affirmo,* quòd obliget in virtute ejus, & derivetur ab illa, sed putativè solum, & erroneè.

**QUÆRO IV.** Conscientia erronea obligatne contra præceptum Prælati? Sit exemplum, Religiosus habet conscientiam sibi distantem, esse mandatum Prioris, ut visitet infirmum, sive præceptum illud in re detur, sive non? Provincialis verò præcipit, ne ullus Religiosus eo die exeat ex Conventu.

*IX. Resp. 1.* Cum tutiore, & probabiliore sententia, quòd, si præceptum Prælati sit superius ad præceptum, seu obligationem, quam conscientia sive vera, sive erronea, sive vincibilis, sive invincibilis distat, tunc obliget, & præferendum sit præceptum Prælati, v. g. Provincialis in casu posito. Ita patet ex S. Tho. 1. 2. q. 19. art. 5. ad 2.

*Ratio.* Quando concurrunt duo præcepta opposita, quorum unum est majus altero, & servari nequit utrumque, cessat minus, & servandum est majus: sed sic est in casu posito. Ergo.

*Resp. 2.* Si conscientia distet aliquid tamquam obligatorium de lege naturali, vel divina positiva, contra præceptum Prælati, tunc potius sequenda est conscientia, quam præceptum Prælati: sive error sit invincibilis, sive



vincibilis; modò non sit depositus. Ita S.Th. q. 17. de Verit. a. 5. in c.

*Ratio* est, quæ ante.

*Resp. 3.* Quandodictamen conscientia, & præceptum Prælati sibi invicem repugnant; subditus sub mortali tenetur quærere rationes ad deponendam propriam conscientiam, eamque (dictis rationibus inventis) deponere, ac Prælati sine conscientia contradictione obedire. Ita S.Th. cit. de Verit.

*Ratio.* Quilibet tenetur vitare periculum peccandi, juxta illud Eccl. 3. *Qui amat periculum, peribit in illo*: sed talis esset in periculo peccandi, utpotè inter duo præcepta obligantia sibi contraria. Ergo si conscientiam suam cognoscit esse erroneam, tenetur eam reformare, deponere, & amplecti conscientiam rectam. Si verò id nondum cognoscit, tenetur inquirere, an sit erronea, nec ne.

Ex quo patet, quomodo conscientia erronea sit reformanda. De quo vide Q. 5. R. 5. & ad Q. 6.

**QUÆRO V.** Quotuplex est dubium, aut conscientia dubia? licetne cum ea operari? quomodo est reformanda?

*X. Resp. 1.* Conscientia dubia, vel dubium dividitur primò in dubium positivè, & aliud negativè tale. *Primum* est, quando ex æquilibris mediis, & motivis positivis, pro utraque parte pugnantibus, suspenditur judicium. *Secundum* est, quando judicium suspenditur ex nullius motivi pro utraque parte apparentia.

*Dividitur 2.* in dubium speculativum, & practicum. Speculativum dicitur, non quasi non sit practicum, sed quia procedit modo magis abstracto, & universaliori, ipsum operis exercitium cum omnibus circumstantiis (à quibus hic, & nunc pendet consideratum non determinando: ut si absolute quis dubitet, an in die jejunii liceat vesci ovis, & lactiniis. Practicum est, quando dubitatur de operatione hic, & nunc exercenda, ut si quis dubitet, an in hac patria, loco, tempore, itinere, servitio, occasione liceat.

*Dividitur 4.* in dubium juris, & dubium facti, ut dum dubitatur de jure, seu lege, an extet, vel de ipso facto.

*Dividitur 4.* in dubium vincibile, quod est culpabile, ac invincibile, quod est inculpabile. Cujus intelligentia patet ex dictis de errore.

*Dividitur 5.* in dubium rationale, ortum ex ratione non futili, sed prudente: & irrationale, quod nulla, vel non prudentia ratione nititur.

*Resp. 2.* Probabilius est, non esse peccatum operari cum conscientia speculative dubia, habente annexum judicium practicum de honestate operationis.

*Ratio.* Quia, qui sic operatur, prudenter judicat, in his circumstantiis felicitè, & honestè operari. Seu, cum dubio speculative stat rectum, & certum judicium de honestate.

Exemplum sit in milite: is enim speculative potest dubitare, an bellum, quod à Principe; cui servit, geritur, sit iustum: attamen practice potest formare hoc judicium certum, nimirum, quòd sibi liceat parere Principi ad bellum vocanti: cum ipse non sit determinans, an bellum sit iustum, necne.

*Resp. 3.* Tutius, & probabilius est, quòd operari cum conscientia practice dubia, sit peccatum, & quidem tale ejusque speciei, quale esse dubitatur: sive mortale, sive veniale.

*Ratio.* Tum, quia cum dubio practico non stat, certum prudentia dictamen de honestate operis, quia suspendit omne judicium. Tum etiam, quia, ut dictum est, *qui amat periculum, peribit in illo*, seu qui se committit periculo peccandi, peccat; quia eodem præcepto, quo prohibetur aliquod opus, prohibetur etià ejus occasio, & periculum: de quo infra Tract. 5. Exam. 2. nu. 50. sed homo, cum dubio practico operans, committit se periculo proximo peccandi. Ergo. Min. prob. Quia malitia adus est ei saltem interpretativè voluntaria, nam perinde ipsi est, an adus sit honestus, vel turpis (cum non habeat majora motiva pro una quam pro altera parte) Ergo ei perinde est, an Deum offendat, vel non. Ergo peccat.

*Oppono 1.* Committere se periculo etiam præviso, sæpè est adus virtutis, ut si quis disputet cum hæreticis, ut eos convertat: si quis ex charitate instruat meretrices, ut resipiscant. Ergo.

*Secundò.* Nulla cognitio sufficit ad peccandum, nisi proponat objectum ut malum: sed conscientia practice dubia non proponit objectum ut malum. Ergo non sufficit ad peccatum.

*Ad 1. R.* Si in Domino consiliis firmiter credas te evasurum, & periculo non succubiturum, bene agis: secus, peccas, & periculum fugere teneris.

*Ad 2. dist. maj.* nisi proponat ut malum vel certò, vel saltem dubiè, C. semper certò, N. & sic dist. min. N. conleq.

*XI. Resp. 4.* Ad principale Q. Practice dubitans antequam operetur, tenetur conscientiam reformare juxta R. 5. & seq. & dubium deponendo in conscientiam certam redigere, vel ab operatione abstinere.

*Ratio.* Tum ratione periculi. Tum quia in tali dubio tutior pars est eligenda.

*Resp. 5.* Dubium (idem est de errore) non potest deponi temere, & pro libitu, nec ad levem favorabilis alicujus rationculæ apparentiæ, sed ex rationabili fundamento: estque veritas diligenter inquirenda, quam si exle, & proprio Marte nequeat invenire, ut contingit in illiterata-

teratis, oportet libros, aut viros doctos, ac timoratos consulere, sique vel ex aliquo titulo, textu, vel Regula Juris, aut gravi rationum pondere, prudentum judicio, adrationabilem dubii depositionem, conscientiam reformare.

*Ratio, quæ antè pro R.4.*

**QUÆRO VI.** Danturne universalia quædam Principia, ac Regulæ Juris, juxta quæ conscientia erronea, vel dubia possit reformari?

**XII. Resp. 1.** Sint in primis illa universalissima principia: *Quod tibi non vis fieri, alteri ne feceris. Quod tibi vis fieri, alteri feceris.* Verum quia hæc principia plurimùm distant à practico dictamine prudentiæ ad conscientiam requisito, quod procedit circa singularia: adeoque attendit ad omnes particulares circumstantias. Ideò

*Resp. 2.* Sunt adhuc alia principia, ac Regulæ Juris Canonici, ex prioribus deductæ, quæ ad dubia explicanda, & ad actiones nostras regulandas maximè deserviunt.

*Prima Regula est:* In pari delicto, vel causa potior est conditio possidentis. Ut si Petrus bona fide possideat agrum, postea verò dubitatur, an reverà sit illius, vel Cognati ejus, expenduntur argumenta, & rationes utriusque, ac reputantur pares, Petrus autem ultra has rationes pro se allegat possessionem agri, in hac parè causa ager ad judicandum est Petro.

*Ratio hujus Regulæ patet ex prob. r. R. ad Q. 7.*

*Secunda Regula.* In dubiis tutior pars est eligenda. Dicitur autem pars tutior, vel tutior, in cuius electione nullum malum, aut peccatum est: vel si, quod malum in ea lateat, erit tamen levius. Ceterùm illa particula *lytutior pars* potest accipi dupliciter. 1. comparativè, ita ut altera pars, quæ est dubia, sit etiam tutior. 2. adverbialitè, ita ut una pars nullatenus sit tanta. In hoc secundo sensu loquimur in præseuti, sic ut pars dubia, seu non tanta sit relinquenda, & non dubia velut tutior amplectenda.

*Ratio hujus explicationis, & distinctionis est.* Quia si *lytutior* deberet intelligi comparativè, hæc secunda Regularissima materiis posset applicari: rarò enim utraque pars tanta est. Vel si tanta est, regula opus non habet. De hac Regula rediit sermo in hoc Exam. ad Q. 8. & in Exam. 3. ad Q. 3. R. 3.

*Opposito.* Gradus comparativus supponit positivum. Ergo sententia, tutiori opposita, est tuta.

*Ad hoc dist. ant. supponit in eo, quod comparatur. G. in extremo comparisonis semper, N. ant. & conf. Nam 1. Cor. 7. dicitur. Melius est nubere, quàm uri, & tamen uri non est bonum*

in gradu positivo. Sed sensus est. Si nubere, & uri inter se comparantur, unum, scil. nubere est bonum, ac tutum, immò melius, & tutius adverbialitè; uri verò est non tutum, immò malum.

*Tertia Regula.* Cùm partium, seu litigantium jura sunt obscura, reo favendum est potius quàm alicui.

Hæc regula vera est, tam in causa criminali, ut si unus contra alium agat de homicidio, de quo est dubium: quàm in causa civili, ut si unus agat contra alium ratione debiti, de quo dubitatur. Fundatur hæc Regula in prima, nimirum in jure possessionis, quo reus alicuiorem in præseuti excedit. Est autem possessio, vel facta, vel rei temporalis. Vid. Exam. 3. Q. 3. R. 1. ad 3. Oppos.

Excipit ab hac Regula S. Antoninus 1. p. tit. 2. 20. quando causa, quam actor favet, est favorabilis, seu pia, ut matrimonium, libertas, dos, testamentum, tunc enim favendum est potius alicui, ut definitur c. si quis accepit, 33. q. 1.

*Quarta Regula.* In obscuris, quod est verisimilius, vel quod plerumque consuevit fieri. Ut, contraxit quis cum vidua, & longo tempore habitavit cum illa, quæ dicit se non esse cognitam. In hoc obscuro viduæ præsumitur esse cognita, quia sic in matrimonio consuevit fieri.

*Quinta Regula.* In obscuris minimum est sequendum. Sensus est. Si juxta præcedentem Regulam sciri nequeat, quod sit verisimilius, inspicendum est, quod est minimum.

*Rationem hujus Regulæ dat S. Antonin. loco citato.* Si quis intellexit de maximo, non est dubium etiam sensisse de minimo, quia minimum continetur in maximo, non è contra.

Hæc Regula locum habet *Primò* in pœnis, juxta illam juris Regulam. *In pœnis benignior est interpretatio facienda. Secundo.* In dubio de quantitate injungendæ pœnitentiæ; præstat enim errare in mediocritate, quàm in excessu: & juxta S. Chrysost. melius est, habere reddere rationem Deo de nimia misericordia, quàm de nimia severitate. Sed vide de hoc infra de pœnitentia sacramentali, Tract. 13. num. 134. R. 2. *Tertiò.* Cùm quis in conscientia perplexus est inter duo mala, eligendum est minus: juxta sensum Regulæ sequentis. Quæ est

*Sexta.* Ex duobus malis minus est eligendum. Intelligitur de malis pœnæ, & damni, neutiquam verò de malis culpæ, seu de peccato. De hoc enim procedit illud: *Non nisi facienda mala (etiam minima) ne eveniant bona.*

*Septima est.* Dubia sunt in meliorem partem interpretanda. Quia quilibet est habendus bonus, donec probetur malus. De quo infra, dum



dum agatur de judicio temerario, Tracl. 8. Exam. 1. n. 17.

**QUÆRO VII.** Circa primam Regulam. Etsi melior conditio possidentis in materia justitiæ, idest, quando duæ partes litigant de jure, vel dominio alicujus rei? Seu, etsi legitima possessio sufficiens titulus, non solum in foro fori, sed etiam in foro conscientie ad reformandam, seu practice deponendam conscientiam dubiam de licita retentione, & usu rei possesse? Exemplum hujus Quæstioni ante est datum pro eadem Regula prima.

**XIII. Resp.** Probabilius affirm. cum Gonet in Dissert. de Probabilitate. Item cum nostro Ildesphonso in 1. 2. Tracl. de conf. citante 28. Doctores partim Thomistas, partim extraneos.

**Ratio 1.** Juxta adductam Regulam, quæ est 6j. in 6. In pari delicto, & causa melior est conditio possidentis, quia possidens (nimirum bona fide, ut supponitur) ultra jus dubium proprietatis (in quo ambo sunt pares) habet etiam jus possessionis, quo alter caret; quod jus, cum ex natura sua sit quoddam exercitium, & complementum domini, parit pro possessore præsumptionem juris, quod sit dominus rei. *Subsumo:* sed si possessor deberet v.g. agrum alteri cedere, vel cum eo dividere, non esset melioris conditionis, ut patet. Ergo. Majus illius declarat. Cum jura ipsa in se sint cognitum difficillima, ad lites finiendas, & sumptus impediendos, ductu luminis naturæ homines inter se conveniunt, ut, ubi jura sunt paria, & manifesta veritas nequit deprehendi, res adjudicetur illi, qui, cum sit æqualis jure, est potior possessione. Quod institutum toti hominum universitati est perutile.

**Ratio 2.** ex absurdo. Nam posito, hominem de dominio, & proprietate rei possesse dubitantem (ut tutiore partem teneat, & à peccati periculo se eximat) teneri ad restitutionem in foro conscientie, quæro, cui restituet? indubie illi, qui de jure proprietatis cum eo competit, & contendit: sed hoc non potest dici, quia & ille versatur in dubio, ut suppono. Ergo etiam ille tenetur deinde restituere, qui est vitiosus circulus. Vel uterque debebit rem deferre, aut inter se dividere, vel pauperibus dare. Quod tamen nullo jure est præceptum, nec ulla praxi receptum, quia possessor habet meliorem titulum, non solum quoad partem, sed etiam quoad totum. Ergo.

**QUÆRO VIII.** Tenetne eadem Regula, & data resolutio extra materiam justitiæ, seu in materia aliarum virtutum, v.g. temperantiæ, obedientiæ, Religionis, voti, censure, Sacramentorum, &c. ut si quis dubitet se fecisse votum, aut juramentum, se teneri ad jejuniū,

vel delegitimitate sui Prælati, &c. in titulo libertatis, quam possidet, possit dubium deponere, & non obedire, non jejunare, votum non implere sine peccato?

**XIV. Resp.** Cum tutiore, & probabiliore sententia nostri Gonetii, Mercorii, Vincentii Baronii, Prosperi Fagnani, & plurium aliorum contra modernos Probabilistas: Regula illa, *melior est conditio possidentis*, non tenet extra materiam justitiæ, sed in aliarum virtutum materia tenet, & teneri debet illud: *In dubiis pars tutior est eligenda.* Hinc in illis possessione libertatis non sufficit ad deponendum dubium.

**Ratio 1.** Idem in materia justitiæ melior est conditio possidentis, quia in dubio possessor præsumitur esse verus dominus, qui enim rem suam alienat, censetur rei dominum facere eum, cui eam tradit, seu quem in ejus possessionem immittit. *Subsumo:* Sed nemo prudens ex titulo libertatis præsumit, sibi competere dominium, quo possit annullare legem, vel factum aliquod. Quæ enim, & quam ridicula consequentia? Ego sum liber: Ergo lex non est lata, vel non est justa, quando de ea dubitatur. Quod est dubium Juris. Item: Ego sum liber. Ergo homicidium non commisi, quando de eo dubitatur. Quod est dubium facti. Ego sum liber. Ergo votum non feci. Ergo matrimonium non contraxi, dum de eo dubitatur. Ergo in materia aliarum virtutum non licet amplecti partem benignam, seu faventem libertati, in causa dubii.

Not. tamen si qui incidit rationabile motivum, vi cujus dubium practice deponere possit, deponat, si postea aliquod dubium maneat, erit merè speculativum, ut patet ex dictis ad Q. 5. R. 2. & 5.

**Ratio 2.** Pro certa lege stat possessio; sed est certa lex juris naturalis, & divini, qua homini prohibetur, ne se exponat periculo offendendi Deum. Ergo pro hac lege stat possessio: *Subsumo:* sed quoties dubium est; ex parte minus tuta est periculum offendendi Deum. Ergo lex vetans talis periculi susceptionem est in possessione. Ergo est servanda. Ergo ut periculum hoc evadatur, pars tutior est eligenda.

Confirmatur. Sicut ex duobus malis minus est eligendum, ut dictum est ad Q. 6. Regulæ 6. si nimirum eorum necessario eligendum sit: ita ex duobus objectis, quorum unum necessario non est peccatum, de altero verò dubitatur, an sit peccatum, eligendum est illud, quod certo non est peccatum. Ergo.

Hæc doctrina est vera tam de dubio juris, quam facti, ac in utroque dubio pars tutior est eligenda: nec fortè fiat id, quod reverà peccatum est.

**XV. Ex hæcenus dictis sequitur: Primò. Dubitans**

bitans se excommunicationem, aut irregularitatem incurrisse, si dubium non possit ex rationabilibus motivis deponere, tenetur à sacro ministerio abstinere, & segerere ut excommunicatum, vel irregularem, ac petere absolutionem, vel dispensationem.

*Secundo.* Dubitans, an lex sit lata, vel an iusta, an lex excommunicationem imponens sit usu recepta, debet judicare esse talem.

*Tertio.* Dubitans, an casus sit reservatus, non potest ab eo absolvi.

*Quarto.* Dubitans, an peccatum mortale commiserit, vel commissum confessus sit, tenetur illud sub dubio confiteri.

*Quinto.* Dubitans, an beneficium sit nimis tenue, tenetur officium recitare.

*Sexto.* Dubitans de voto, ejusve obligatione, tenetur voto.

*Septimo.* Dubitans de potestate Prælati, tenetur ei obedire.

*Octavo.* Dubitans, an sive die Jovis, sive die Sabbati sit transacta media nox, tenetur abstinere à carnibus. Pro quo

Nota ex Gonet, quod Adversarii inter diem Jovis, & Sabbati, quoad obligationem jejunii media nocte planè ridiculam hanc dent differentiam, nimirum quod in primo casu libertas vescendi carnibus slet pro die Jovis, in secundo verò præceptum abstinentiæ slet pro Sabbato. Quæ differentia cum Gonet sic impugnatur: Posset luxuriosus in sui favorem facile respondere, quod sicut in dubiis melior est conditio possidentis, ita etiam ex alia Regula, *odia sunt restringenda, & favores ampliandi*, sed est valde odiosum, quod quis obligetur ad castitatem, ad quam servandum se obligatum certò non scit, sed dubitat. Ergo non tenetur ad illam. In quo illato quantum non latet venenum! quantum peccati periculum! offensa piarum aurium! & tamen ex Adversariorum doctrina clarè sequitur.

*Nonò.* Dubitans de valore matrimonii nequit debitum petere.

Hæ tutiores, & probabiliore sequelæ contra Probabilitas (earum è diametro oppositum ex suis principiis inferentes) inferuntur ex doctrina, & fundamentis Probabiliorum, quorum Catalogo adscribor. Et fundantur in binâ Ratione Responsionis datæ ad Q. 8.

## EXAMEN II.

### De Conscientia Scrupulosa.

**QUÆRO I.** Unde denominatur, & quid est scrupulus, ac Conscientia scrupulosa, & quod duplex?

*I. Resp. 1.* Scrupulus Conscientiæ dicitur talis per metaphoram desumptus à Scrupulo materiali, qui est exiguus lapillus in calceo positus, pedem vexans, & crucians. Sic Scrupulus Conscientiæ est levis quedam ratiuncula, suspicio, & exiguum argumentum, formidinem, & apparentiam peccati (ubi peccatum non est) faciens, animum vexans, & angens, cujus solutio non statim occurrit.

*Resp. 2.* Scrupulus est duplex, nimirum speculativus, & practicus. *Primus* consistit in sola cognitione, ut cum contra cognitionem speculativam alicujus rei occurrit quoddam leve argumentum, aut dubium, cujus solutio menti non statim occurrit. *Scrupulus practicus est*, qui versatur circa actiones, & res agendas in particulari. Et de hoc (cum ille solus propriè sit scrupulus conscientiæ) in præsentia agitur. Hic autem potest esse, vel de præteritis, ut si quis angatur in penso Canonico, an talem, vel talem Psalmum oraverit totum. Vel de futuris, si nimirum angatur de eo, quod acturus est, an non sit malum. Vel de præsentis, ut si angatur de eo, quod actu agit.

*Resp. 3.* Scrupulus, propriè loquendo, non est idem quod conscientia scrupulosa, nec est conscientia.

*Ratio.* Conscientiam est judicium rationis practicæ, unde conscientia scrupulosa, seu ex scrupulis formata est tale judicium, quo quis levis motivis inducitur censet, se hoc, vel illud absque peccato non posse facere, vel non fecisse. *Subsumo*: Sed scrupulus propriè non est judicium rationis, sed solum levis anxietas, & molesta suspicio, conscientiam absque sufficienti ratione perturbans; & inquietans. Ergo.

Nota: Conscientiam scrupulosam minùs propriè aliquando sumi pro rationabili, & rectè fundato dubio, an hoc, vel illud liceat. Vel, ut alii loquuntur, Scrupulus aliquando vocatur formido orta ex iustis, & maxime urgentibus causis, quæ alteram opinionem faciunt omninò improbabilem, ut cum quis sine legitima auctoritate plura habens beneficia, angitur, an sit licitum. Ex quo patet; à filiis huius sæculi malè vocari scrupulosos, qui nolunt furari cum furantibus, adulterari cum adulterantibus? &c.

**QUÆRO II.** Licetne agere contra scrupulos, & conscientiam scrupulosam?

*II. Resp. 1.* Non peccat, qui agit contra scrupulos cognitos, ut tales. 1. immò aliquando est consilii. 3. aliquando præcepti, eos contemnere, & contra illos agere. Præsertim si accedit Confessarii, alteriusve probi, ac prudentis viri judicium.

*Ratio 1. p.* Qui in operando habet judicium certum (saltem moraliter) ut potè prudens de honeste-

honestate operationis, non peccat: sed agens contra scrupulos, quos verè novit esse tales, habet adhuc iudicium certum, & prudens de honestate operis, hoc enim non excluditur per Scrupulos, cum in eis nullum sit fundamentum, sed levis, & inanis anxietas. Ergo non peccat, &c.

Dixi. *Quos verè novit esse Scrupulos*; si enim non noscat verè esse tales, agendo contra illos peccat: quia agit contra conscientiam. Potest autem eos cognoscere vel studio, vel oratione, vel prudentum consilio.

*Ratio 2. p.* Formidines multis modis nocivas, conscientiam turbantes, quietem tollentes, devotionem impediens expellere, saltem est consilii: sed hoc fit agendo contra Scrupulos cognitos ut tales. Ergo.

*Ratio 3. p.* Præcepti est, impedire (cum fieri potest), gravia animæ suæ damna, sed ex scrupulorum angustiis sæpe oriuntur gravia animæ damna, v.g. desperatio, dispositio ad alia peccata, impedimentum spiritualis profectus animæ, inhabilitas ad exequenda ea, ad quæ quis sub peccato tenetur. Ergo qui scrupulorum pertinaciam aliter vincere nequit, tenetur contra eos agere per conscientiam certam, licet Scrupuli actu moveant in contrarium.

*Resp. 2.* Non licet agere contra Conscientiam scrupulosam, seu ex scrupulis formatam.

*Ratio.* Quia hæc includit iudicium rationis practicæ, & sic homo agere contra conscientiam, quod non licet. Ergo.

Talis ergo conscientia, quamprimum cognoscitur, tanquam erronea est deponenda, qua deposita, potest quis contra eam operari: si autem tunc scrupulus aliquis maneat, ille est merè speculativus. De quo ante.

*Oppono 1.* in favorem scrupulorum. S. Gregorius ait. *Bonarum mentium est, ibi culpam agnoscere, ubi culpa non est.*

2. Juxta dicta tutior pars est eligenda. Ergo.

3. Periculosissimum est in eo statu vivere, in quo quis non auderet mori, sed si essem in articulo mortis, nollem hoc, vel illud facere, de quo scrupulus. Ergo nec modò.

*Ad 1.* ait S. Thom. in Suppl. 3. p. qu. 6. art. 4. ad 1. Agnoscere culpam, ubi culpa non est, potest esse dupliciter. Uno modo, ut intelligatur quantum ad substantiam actus, & sic non est verum, non enim ad bonam mentem pertinet, sed ad errantem, ut se aliquem actum commississe, agnoscat, quem non commisit. Alio modo quantum ad conditionem actus, & sic verum est, quod Gregorius dicit, quia iustus in actu, qui de se bonus videtur, formidat, ne aliquis defectus ex parte sua fue-

*Tribunal Confessionarium.*

rit. Et sic dicitur Job 19. Verebar omnia opera mea. Et ideo ad bonam mentem etiam pertinet, ut habeat formidinem, & quam corde tener, lingua accuset. Hæc ibi.

*Ad 2.* patet ex dictis, quomodo tutior pars sit eligenda, non enim requiritur certitudo speculativa (quam scrupulosi plerumque quaerunt) sed sufficit practica, & moralis.

*Ad 3.* Major verificatur de iis, qui sunt in statu peccati mortalis, vel in periculo ejus: de aliis non est sic.

**QUÆRO III.** Quæ sunt scrupulorum causas, effectus, signa?

*III. Resp. 1.* Variæ sunt scrupulorum causæ. *Prima* est naturalis quorundam complexio, frigida, melancholica, timida, ex qua facile oboritur suspicio mali.

*Secunda.* Debilitas capitis, orta velex melancholia, vel ex nimis vigiliis, abstinentiis, solitudine, &c. causans inconstantiam in semel facta determinatione.

*Tertia.* Permissio divina in poenam præcedentium peccatorum.

*Quarta.* Tentatio diaboli.

*Quinta.* Scrupulorum societas, & conversatio. *Talis enim quisque censetur, qualis est quo cum versatur,* ait S. Hieron.

*Sexta* est ignorantia, qua quis nescit distinguere inter licitum, & illicitum.

*Septima.* Pertinacia proprii iudicii, prudentis viri consilio acquiescere renuentis, & quæ est *Octava causa*, in moralibus omnimoda, & speculativam certitudinem quaerentis.

*Resp. 2.* Effectus scrupulorum sunt, continua perturbatio, & angor, quo semper cruciantur in acquirenda in omnibus omnimoda certitudine in moralibus, in repetendis ferè quotidie confessionibus, iterandis horis Canonicis, Psalmis, aut certis Psalmi versibus. Ex qua continua anxietate sequitur desperatio de vita rectè instituenda: immò aliquando ædium, quo tandem iugum Christi non suave, sed durum apprehendunt. In quibusdam solet excussis scrupulis sequi nimia laxitas. De nonnullis solet dici, quod sint scrupulosi in confitendo, sed non in agendo, seu committendo.

*Resp. 3.* Scrupulorum signa potissimum sunt tria. *Primum* est: Creberrimè de aliquo agendo, vel omittendo dubitare, suisque dubiis interrogationibus alios (in re etiam inutilissima) continuo incommodare.

*Secundum* est: Non solum dubitare, sed etiam ex quibusdam, non solum infirmis, sed & ridiculis argumentis sibi persuadere, aliquid esse illicitum.

*Tertium* est: Contra proprium, aut viri prudentis, & timorati iudicium adhuc hæsitare.

B

Præ-

Præsertim si contra prudentis viri consilium hæsitans, sit idiota.

**QUÆRO IV.** Quomodo scrupulosi hominis conscientia est reformanda, seu quæ sunt scrupulorum remedia?

**IV. Resp.** Remedia esse diversa. *Primum est.* Si scrupuli oriantur ex prima causa, adducta in R.1. fiat vitiorum humorum purgatio. Si ex secunda causa, subtrahantur occasiones melancholiæ, & exhalentur spiritus honestis recreationibus.

*Secundum.* Si scrupuli putentur oriri ex tertia, & quarta causa, optima medicina est, devota, & continuata oratio. De qua vide S. August. suprà Tract. 1. Q. 4. de sexta Virtute Confessarii. Sed hoc remedio ( ut noster Sylvelter ait ) scrupulosi parum utuntur, & male. Item servit generosa resistentia diabolo facta.

*Tertium.* Si oriantur ex quinta causa, fiat ejus oppositum.

*Quartum.* Si ex 6. vel 7. causa nascantur, studio, & prudentiorum consilio suganda est ignorantia, & frangenda proprii capricii pertinacia. Vel ut Sylvelter in Summa. Verbo Scrupulus, scribit. Quarta Regula est obedientia, non solum ad Prælatos, sed etiam ad sapientes, formando conscientiam super diis eorum. Sicut in Ordine Prædicatorum Frater mortuus apparet scrupuloso de suis scrupulis sciscitanti, dixit: Confule discretos, & acquiesce illis. Similiter & discipulus B. Bernardi, non valens propter scrupulos celebrare, credidit ei dicenti: Vade, in fide mea celebres; & omnino liberatus est. Et si dicat scrupulosus: Da mihi Bernardum in Prælatum, & credam ei, dicit Cancellarius, eum falli, quia non est obediendum Prælato ut homini, sed ut Deo, cujus vices quilibet Prælatas gerit, nisi contra Deum præcipiat, scilicet aperte.

*Quintum* remedium est: Si scrupuli proveniant ex octava causa, fiat oppositum. Ubi universaliter contra omnes scrupulos servit doctrina antedata ad Q.2.

*Sextum* est, non toties repetere confessiones, sed postquam suo ( si reditus sit ) vel prudentis Confessarii iudicio Confessio generalis facienda esse videatur, non fiat nisi semel: sicut nec audiatur pœnitens, si de peccatis jam confessis iterum, iterumque consulere tentet: hoc enim modo scrupuli non extirpantur, sed nutriuntur.

*Oppono.* Ergo talis pœnitens scrupulosus exponitur periculo manendi fortè in quibusdam peccatis.

*Neq.* hoc. Nam dato, quòd aliqua peccata non fuisset confessus, attamen ob grave suum damnum, & ob periculum perpetuo hærendi in tanta anxietate, exculatur ab omnimoda

integritate confessionis, cum moraliter id non possit, utpotè cum tanto suodamno, eò quòd semper nova peccata ei videantur pullulare, adeoque continuo crescat ille angor, & sæpè minores causæ ab integritate materiali confessionis excusent.

Ex hoc sequitur, quòd scrupulosus non debeat liquida confiteri sub mortali, nisi de quo certus est, & jurare potest, quòd sit mortale: uti nec tenetur confiteri malas suggestiones, nisi certus sit, quòd iis consensum, vel complacentiam præberit.

*Quomodo juvandi sunt,* qui vexantur scrupulis circa per solutionem Breviarii, vel pœnitentiæ sacramentalis?

**V. Dico.** Si ab initio habuerint intentionem actualem ( de qua alibi ) cum intentio virtualis sufficiat, non tenentur, immò nec expedit repetere, quæ orantur, licèt in fine alicujus Psalmi non recordentur, an principium, vel præcedentes Psalmos, aut Versus recitarint; licèt enim repetant, plerumque æquè angustiantur. Eodem modo juvandi sunt, qui anxiantur circa defectum doloris de peccatis in Confessionibus præteritis.

*Septimum* remedium est. Ut credulitas illa, qua scrupulosus credit aliquid non esse peccatum, v.g. dum credit se hunc Psalmum orasse, hoc peccatum esse confessum, cogitationi venereæ non consensisse, &c. habeatur pro certitudine, ut docet noster Medina 2. qu. 19. art. 6. dub. ult. Cajetanus, &c. Quia quod apud ipsos est credulitas, apud ipsosmet, si scrupulis impediti non essent, haberetur pro certitudine, ait Cajetanus, & ex eo noster Ildephonus.

*Octavum.* Ut scrupulosus caveat, ne scrupulo vincatur, eoque devidus formet prædicum erroneum, vel dubium conscientie dictamen.

*Nonum,* Scrupulosus, si vir doctus sit, iisdem utatur consiliis, & mediis, quæ ipse suggereret aliis contra scrupulos suis similes.

**VI.** Notandum, hæc omnia de solis scrupulosi timorata conscientie intelligenda esse, ut optime, & piè notat egregius Thomista Sylvius. Nam si quantum minorum malorum scrupulis angentur, in majoribus verò essent laxi, culicem excolantes, & Camelum glutientes ( quales erant Judæi, non audentes introire in Prætorium Pilati Joann. 18. & tamen non verentes Christum innocentissimum, etiam ipso festo Paschæ ad mortem querere ) hi aliter tractandi essent, monendo, ut & graviorum peccatorum ( quæ committunt, & non curant ) sibi conscientiam faciant, eaque magis devitent, Sacramentum pœnitentiæ sæpius recipiant; simul eis injungendo ipsociales, & graviores pœnitentias contra peccata, quæ

quæ non æstimant, uti deberent. Idem est de illis scrupulosis, qui in præteritis recognoscendis, & futuris cavendis tepidi sunt: tales enim acriori egent lixivio.

## EXAMEN III.

## De Conscientia Probabili.

**QUÆRO I.** Quid, & quotuplex est conscientia, vel sententia probabilis, seu opinativa, & quæ, ac quot sunt principia probabilitatis?

*I. Resp. 1.* Probabile, seu opinio, vel sententia probabilis est, quæ habet motiva, & argumenta aliqua, veritatem ejus suadentia, cum formidine tamen alterius oppositæ opinionis. Ita S. Thom. 2. p. qu. 79. art. 9. dicens: *Opinio significat actum intellectus, qui fertur in unam partem contradictionis cum formidine alterius.* Opinio ergo, seu sententia probabilis non habet evidentiam, sicut scientia: nec certitudinem speculativam, sicut fides Theologica, sed meram veritatis apparentiam, & verisimilitudinem.

*Resp. 2.* Posse aliquid esse probabile tantum quoad fe, quod non est probabile quoad nos, & e contra: vel utroque modo simul. Probabile tantum quoad fe est, quod à parte rei habet sufficientia argumenta, propter quæ ei prudenter assensus dari possit, sed non habet ea actu in intellectu, eò quod non innoverint. Sicut à pari de credibilitate nostræ fidei patet in hominibus rudibus ab infantia in hæresi educatis. Probabile quoad nos est, quod illa motiva etiam habet in intellectu assentientis. Hinc probabile quoad fe, sæpè est improbabile, & falsum quoad nos, & e contra.

*Resp. 3.* Scut etiam posse dupliciter quoad nos esse probabilem. *Primo* speculative, dum nimium ex probabili motivo fertur judicium de re aliqua secundum se, & abstractè spectata, seu non consideratis hic, & nunc prudentiali judicio circumstantiis. *Secundo* practicè, quando nimium omnibus circumstantiis per prudentiam hic, & nunc consideratis fert intellectus judicium de actu hic, & nunc exercendo, vel omitiendo, eo ferè modo, quod dictum est de dubio speculative, & practico.

*Resp. 4.* Practicè probabile duobus modis, seu ex duplici principio potest esse tale. *Primo* intrinsecè, id est, à ratione. *Secundo* extrinsecè, id est, ab auctoritate.

*Sensu est.* Generaliter duo sunt principia probabilitatis, scilicet ratio, seu rationes, ac motiva, à quibus desumitur probabilitas intrinsecà. Deinde auctoritas, seu suffragia, ac testimonia Doctorum, à quibus desumitur probabilitas

extrinsecà. Doctorum inquam, qui post diligentem veritatis inquisitionem, id est, post accuratum studium, & diligens examen rationum, & fundamentorum pro una, & altera parte citrà passionem, & culpam judicant actum esse licitum. Præsertim si ex professo eadere in speciem tradent.

*Resp. 5.* Rationes, ac motiva, quæ faciunt probabilitatem intrinsecam, ex diversis locis, seu principiis formari possunt.

*Primo* ex lege, ejusque explicatione, ac concordia Doctorum circa illam.

*Secundo* ex consuetudine, quæ non solum est optima legum interpret, sed & (si legitime est introducta) pro lege tenetur.

*Tertio* ex possessione, de qua Examen præcedenti Q. 7. & Q. 8. ubi ostensum, quomodo sit melior conditio possidentis.

*Quarto* ex necessitate, quæ legem non habet, & sæpè aliquid lege positiva humana illicitum facit esse licitum.

*Quinto* ex effectibus, damnis, absurdis, quæ operationem sequuntur, & secutura prudenter timeantur.

*Sexto* ex fine, natura, aut proprietate alicujus objecti.

*Quid sentis de argumento à pari, estne illud sufficiens ad constituendam practicam probabilitatem in materiis morum?*

*Dico:* Non est, si nullis aliis argumentis adjuvetur, immò contra sincereorem morum disciplinam servit laxandis conscientiis. Sit exemplum in illa opinione, quam Caramuel in sua Theologia (ut ipse vocat) fundamentalis, disputativè proponit, aſt Alexander VII. damnavit. Unico officio matutino possum satisfacere duplici præcepto, nimirum pro die præſenti, & crastino. Quod sic probatur à pari. Possum uno jejunio satisfacere voto, & præcepto Ecclesiæ, vel Confessarii. Ergo similiter. Sed negatur Conſeq.

*Dixi, in materia morum.* Quia in Concertationibus Scholasticis argumentum à pari valde aptum est ad exercenda ingenia.

**QUÆRO II.** Facitne unus Auctor, seu Doctor sententiam practicè probabilem, & ut sit probabilis, requiritur ne, ut concurret utrumq; ante in R. 4. assignatum principium, & quodnam est principalius?

*II. Resp. 1.* Loquendo de probabilitate extrinsecà, potest vir doctus firma ratione ductus facere sententiam practicè probabilem, quando talis doctrina nondum fuit ventilata, & non repugnat communi Doctorum sententiæ.

Hoc à nemine negari potest. Immo potest interdum in Ecclesia esse Doctor tam celebris, ut ejus sola auctoritas multorum aliorum rationibus, & auctoritatibus præponderet, ac sententiam probabilem faciat. Et talis est Doctor noster Angelicus, qui unus pro decem millibus

computatur, ejusque dogmata Alexander VII. in Brevis ad Academiam Lovan. dato declaravit *mississima, & inconemissa*.

III. *Resp. 2.* Ut homo rudis, & imperitus (qui Doctorum hinc inde sententias scire non potest, nec tenetur) formet conscientiam practice probabilem, sufficit auctoritas unius viri, juxta inculpabilem prudentem exilimationem, pii, & docti, v.g. Parochi, aut Confessarii, vel alterius. Nec hoc ab ullo negabitur.

*Ratio 1.* Talis homo consulens format prudens iudicium de assensu, quia in viro docto, & pio ratione doctrinæ præsumitur veracitas in cognoscendo, quia non possit facile falli, & ratione pietatis præsumitur veracitas in dicendo, quia fallere non velit. Ergo.

*Ratio 2.* Ellet onus nimis grave, & communi fidelium praxi contrarium, si homines, præteritum rudes, tenerentur plurimum sententias explorare, & inquirere, quæ ex illis receptæ, quæ rejectæ, quæ communes, quæ singulares. Ergo.

IV. *Quid* si alicui puero, vel puellæ rusticæ dubitanti, an aliquid sit licitum, ad Parochum, vel Confessarium non pateat accessus, potestne interrogare parentes, vel alium rusticum, eorumque consilium tuta conscientia sequi.

*Affirmo.* Licet enim parentes fortè errarent, puella tamen excusaretur ob invincibilem ignorantiam.

Not. tamen hanc probabilitatem non esse simpliciter, & absolute talem, ac respectu totius Communitatis, sed solum secundum quid, & respectivam, nimirum respectu alicujus particularis idiote.

*Resp. 3.* Singularis sententia si antiqui, si recentioris Auctoris, quæ communi aliorum sententiæ repugnat, non facit universaliter pro communi usu, & praxi sufficientem probabilitatem, & opinionem in praxi tutam. Ita cum tutori & probabiliori sententia S. Th. Quodl. 3. a. 10. Jo. à S. Th. Ildephoni, Genesi, & aliorum Thomistarum contra Probabilistas, qui pariter S. Th. ex cit. quodl. & art. pro le adducunt, sed cum injuria Angel. Doct. cum ibi non habeat verba, quæ illi proferuntur his formabilibus: *Potest quisquam amplecti opinionem, quam à Magistro audivit, in his, quæ ad mores pertinent. Sed potius hæc sunt ejus verba: in his, quæ pertinent ad fidem, & bonos mores, nullus excusatur, si sequatur erroneam opinionem alicujus Magistri.*

*Ratio.* Quia sententia unius Auctoris, communi aliorum repugnans, est presumptuosa, & temeritatis vitio notata. Nam velle plus sapere, quàm omnes alii. temeritate non caret. Supposito decreto Alexandri VII. Sententia moderni Auctoris non facit probabilitatem, & opinionem tutam. Vide oppositiones post R. 5. solvendas.

*Resp. 4.* Ut opinio sit probabilis, debet concurrere utrumque probabilitatis principium, nimirum ratio, & auctoritas.

*Ratio.* Si opinio habeat rationes, sed non patronos, seu defensores, signum est, quod sunt nimis leves, & nihil probent: si habet graves Auctores, sed non rationes, non est opinio, sed fides, quæ præcisè assentitur propter auctoritatem dicentis. Ergo.

V. *Resp. 5.* Ad constituendam opinionem probabilem, simpliciter, absolute, & attentæ rerum naturæ, principaliter deservit ratio, seu motivum ex ratione petitum. Attamen de facto, & regulariter, præcipue in moralibus, magis deservit auctoritas.

*Ratio 1. p.* Quia auctoritas in ratione fundatur.

*Ratio 2. p.* Quia utriusque partis rationes, & fundamenta ponderare, ac discutere, longum tempus requirit, paucis possibile, immò imperitis est impossibile: auctoritas verò est obvia libris, vel doctos viros consulere volentibus. Ergo.

*Oppos. 1. contra R. 3.* Si liber sit censuratus, & approbatus, saltem tunc sententia unius Auctoris est probabilis pro communi praxi.

2. Sententia probabilis est, quæ non levi nititur fundamento, sed auctoritas unius viri docti, & pii non est leve fundamentum, cum cuilibet in sua arte, quam proficitur, sit credendum. Ergo.

3. Opinio particularis Doctoris, probabilis ratione nixa, præferenda est opinionibus multorum, si sit in favorem causæ piæ, v.g. in favorem valoris matrimonii, ut docent Hostiensis, Abbas, Felinus, Decius, Mascardus. Ergo.

4. Quod asserunt plures, quàm 16. Auctores, hoc est probabile; sed unius gravis, & pii Doctoris auctoritatem sufficere ad probabilitatem extrinsecam, docent plures quàm 16. Auctores à Caramuele citati. Ergo.

*Ad 1.* Negatur assumptum. Quia Censores librum aliquem approbantes regulariter non intendunt omnibus sententiis in eo contentis assensum practicam probabilitatem, sed tantum testari, quod non contineat aliquid contra fidem, bonos mores, & Ecclesiæ constitutiones.

*Ad 2. dist. min.* Si spectetur absolute, & secundum se, C. min. si comparetur cum omni retrò antiquitate, & tota Doctorum universitate, cui solus contradicit, N. min. & conf.

*Ad 3. dist. ant.* in quantum est unus Doctoris, N. ant. in quantum eadem opinio à pluribus aliis judicatur probabilior, prob. ant. & N. conf. Nam causæ piæ in omni jure, omniumque sententia sunt favorabiles, & antependendæ.

*Ad 4. dicitur 1. retorquendo argumentum.* Quod asserunt plures quàm 10. Auctores, in-

ter

ter quos est Angelicus Doctor, qui unus pro 10. millibus reputatur, hoc est probabilius; sed sic est de sententia nostra. Ergo hæc non tantum est tutior, & probabilior: quam unice sequendam esse, postea probabitur. *Secundo* dist. ma. quoad illam particulam, *hoc est probabile*, distinctione data ad 2. *Tertio* dicitur, multos ex illis DD. loqui juxta sensum R. 1. Vel de Doctore, qui est omni exceptione major, ut dictum est, esse D. Thomam Aquinatem.

Not. 1. loquendo de probabilitate extrinseca, non esse præcisè attendendum Doctorem numerum, sed & eorum qualitatem, scientiam, eminentiam; posset enim quis incidere in tales, qui promoti sunt apud illos, qui dicunt, Aurum, & argentum ejus maneat apud vos, asinus laureatus revertatur in patriam suam. Verumtamen cæteris paribus præstat, quod sint multi.

Not. 2. non esse mirum, quod interdum creascit numerus Auditorum probabilistarum in favorem alicujus sententiæ, dum in suis scriptis, & libris sibi invicem adulantur, sese extollunt, & ut muli mutuum scabunt, ait Gonet, ut patet in Diana, & Caramuele. Primus enim alterum deprædicat virum doctissimum, acutissimum ingenii, non solum scholasticæ, & moralis Theologiæ, sed & politioris literaturæ peritissimum: è contra Caramuel Dianam vocat Agnum Dei, qui abstulit peccata mundi per suum probabilissimum. Addit, quod quærenti, an hoc, vel illud liceat, sufficit respondere: *Diana dixit*. Sed cavendus hic est lapsus offensionis, & petra scandali, ne nimis laxentur conscientiæ. Quamobrem consideretur, in quanto numero sint sententiæ per Sedem Apostolicam damnatæ, quarum damnationi causam dedit nimia sentiendi licentia.

QUÆRO III. Quid sentis de sequela sententiæ probabilis, concurrente, vel non concurrente sententiæ æquæ, vel magis probabilis?

Fateor, in præsentia Quæsito maxime verum est illud Pachymeri hist. lib. 8. *Theologus inter se rixantibus, in periculo est populus*. Quæ tunc circa probabilitatem inter Theologos sint rixæ, abundè notum est, & patebit ex dicendis. Ad omne periculum evadendum.

VI. *Pramitto* 1. quod aliud sit, opinionem esse tutiorem, minus tutam; probabiliorem. *Tutior dicitur*, quæ magis recedit à periculo peccandi, seu Deum offendendi. Vel, ut alii explicant, est illa, quæ favet præcepto, & stat pro legis observatione, ad quam movet, seu quæ negat actum esse licitum: sic enim tollit omne periculum (etiam solum materialiter) transgrediendi legem. *Opinio*, seu *sententia probabilior* est, quæ (eò quod nitatur firmitioribus argumentis, sive ex ratione, sive ab auctoritate petitis) apparet conformior veritati, seu verior: & quod validiores rationes, & quod gra-

Tribunal Confessoriorum.

viores Auctores pro se habet, eò probabilior evadit. *Minus tuta* dicitur, quæ favet libertati contra legem, & dictata dum esse licitum, seu non imponit necessitatem abstinendi ab actione, estque in periculo, ac saltem materialiter contra legem agatur, cum fortè à parte rei talis actus legi divinæ non sit conformis, habeatque tunc inhonestatem saltem materiale, excusante invincibili ignorantia, non imputabilem ad culpam. Sicut è contra inhonestatem formalem habet actus, qui scienter est diffornis legi.

Hinc sententia minus tuta sæpè est simpliciter tuta, si nimirum sit simul probabilior: sic enim caret omni periculo inhonestatis saltem formalis. Item sententia tutior sæpè est minus probabilis, ejusque opposita, seu minus tuta est probabilior. Sicut in quorundam sententia lapsus in peccatum mortale, habita copia Confessoris, tenetur sub præcepto statim confiteri: in aliorum sententia tenetur homo omni die Dominica elicere contritionem. Quæ sententiæ indubiè sunt tutissimæ, quia longissimè recedunt à periculo peccandi, etiam materialiter, & tamen non sunt probabiles, nec in praxi universali servantur, licet leviori possint: è contra sententia, quæ tenet, circumstantias intra eandem speciem notabiliter aggravantes esse necessario confitendas, est tutior, & (ut infra probabitur) probabilior simul. Ex quo patet, quod esse tutiorem, & probabiliorem aliquando quidem, sed non semper, & necessariò in eadem connectitur sententia.

VII. *Pramitto* 2. quod cum Gonetò est apud omnes ferè certum, posse aliquem licite, & tuto sequi sententiam ex ratione, seu motivo intrinseco sibi visam minus probabiliter, at tamen probabiliorem ex motivo extrinseco, seu ex auctoritate, ex qua fit certa moraliter, & absolute hic, & nunc probabilior. Pro quo videatur R. 5. ad Q. 2. Similiter quamvis non liceat sequi opinionem minus probabilem in concursu alterius cognitæ ut probabilioris: si tamen opinio in feminis probabilis videatur alicui probabilior, non peccat eam in praxi sequendo, quia excusat ignorantia invincibilis; & ita contingere potest in dispensationibus Papæ circa vota solemnia, ac matrimonium ratum. His præmissis.

VIII. *Resp.* 1. Dum homo tenetur operari, potest sine peccato sequi sententiam probabilem, quæ dicitur aliquod licite fieri posse: quando facta (juxta conditiones rei, & personæ) sufficiente diligentia, alia tutior, & probabilior non apparet; licet fortè hæc opinio sit contraria, & diffornis legi divinæ: modò hujus diffornitatis habeat ignorantiam invincibilem. Quæ an, & quomodo possit dari, dicitur infra in Tract. 6. de legibus, Exam. a. n. 17. Ita teneo cum communi, & probabili-

B 3 riten-



ri sententia S. Thom. quodl. 8. art. 1. 3. & 1. 2. qu. 76. art. 3. contra singularem, & improbabilem sententiam Vvendrochii Theologi Salisburgensis, & rigidiorum Jansenistarum asserentium, quod ignorantia, etiam invincibilis, à peccato non excuset, & probabilitas (licet sententia probabilior non concurrat) nunquam possit esse tuta morum regula.

*Ratio.* Juxta communem parœmiam, ultra possemus tenetur. nec Deus id exigit: sed in moralibus non est possibile habere semper evidentiam, & certitudinem perfectam, & mathematicam. Ergo.

Hinc Papa Alexander VIII. 1690. 7. Decemb. inter 31. propositiones damnavit, & hanc nu. 3. *Non licet sequi opinionem vel inter probabiles probabilissimam.* Hic ergo Papa damnavit in usu opinionum probabilium nimium rigorem; sicut Innocentius XI. Anno 1579. damnaverat extremum nimiam indulgentiam, & laxitatem, inter 65. propositiones damnando, & hanc num. 3. *Generatim dum probabiliter, sive intrinseca, sive extrinseca quantumvis tenuis, modo à probabilitatis finibus non exeat, confisi aliquid agimus, semper prudenter agimus.*

IX. Resp. 2. Potest homo aliquando sine peccato in operando sequi sententiam, quam respectu alterius judicat probabiliorem, licet non sit tutior, seu licet non stet pro lege, sed faveat libertati. Ita probabilis Thomistæ.

*Ratio.* Quia homo non semper tenetur eligere id, quod à periculo peccandi magis recedit, si non sit conformatum rationi, & veritati, ut antea in præmissis primo dictum est fieri in sententia tutiori, minus tamen probabilis. Ergo. ant. pat. tum in bino exemplo ibidem posito, tum etiam quia aliàs sequeretur, omnes illas opiniones, etiam improbabiles, vel saltem minus probabiles (juxta quas plures contractus sunt illiciti) semper in praxi esse sequendas, ut potè tutiores; quod tamen nullus asserere audet: quia per hoc tollerentur plurima hominum commercia; vix enim est actio, vel contractus aliquis, de quo non sit aliqua opinio dampnans eum. Tum tandem quia supra in Exam. 1. hujus Tract. Q. 6. & Q. 7. probavimus, quod in materia iustitiæ in pari delicto, & causa melior sit conditio possidentis, ita ut possessor, incipiens dubitare, an ager v. g. sit suus, vel Cognatus sui, ex titulo legitimæ possessionis possit dubium deponere, nec teneatur eum dare, vel dividere cum Cognato, licet hoc esset tutius. Ergo.

X. Resp. 3. Concurrentibus in materia morali (quæ subest periculo peccati, præsertim mortalitatis) duabus opinionibus æquæ probabilibus, tenetur homo eligere tutiorem. Quæ resolutio tutior est, & probabilior, proæque fiat tauta auctoritas, quanta adducetur pro R. sequente.

*Ratio.* In dubiis tutior pars est eligenda, ut habet axioma Canonistarum. c. ad audientiam, de homicidio. Vel, ut dicitur c. juvenis, de sponsalibus. In his, quæ dubia sunt, quod certius existimamus, tenere debemus. Subsumo. Sed homo videns duas opiniones æquæ probabiles, est dubius, quænam sit vera. Ergo (cùm sciat, unam earum necessario debere esse falsam) non potest tuta conscientia eligere, quam voluerit, sed, relicta, quæ faveat libertati, tenetur amplecti eam, quæ faveat legi, & hæc est tutior.

Not. dictum axioma non tantum se extendere ad unum, alterumve casum, nec solum esse de consilio, ut putant probabilistæ, dicentes, hominem esse in Possessione libertatis, quia non est spoliansus in dubiis, cùm in iis sit melior conditio possidentis, aut ipsi: sed extendit se præfatum axioma ad omnem materiam, in qua peccati periculum latet, maxime mortalitatis, quod homo in omni casu vitare tenetur, ut æternum perire velit. Proinde illud axioma est de præcepto naturali, quæ obligamur non solum vitare ea, quæ certò Deum offendent, sed & quæ dubiè. Cæterum quod non melior sit conditio possidentis in materiis aliarum virtutum, extra iustitiam, nec in iis ratione possessionis libertatis liceat prædicte deponere dubium, patet ex Resp. ad Q. 8. in hoc Tract. Exam. 1. De Judice in casu æqualis probabilitatis dicitur in hoc Exam. ad Q. 7.

XI. Resp. 4. In omni materia morali, quæ subest periculo peccati, tenetur homo in conscientia, relicta sententia minus probabilis, quæ libertati faveat, sequi probabiliorem concurrentem, cognitam ut talem, quæ faveat præcepto. Ita sentio contra modernos Probabilistas, juxta quos quæcunque opinio, favens libertati (eo ipso quod secundum se probabilis videatur, eo ipso quod à viris doctis defendatur) potest esse regula morum, seu operationis, etiam in concursu tutioris, aut manifestè probabilioris.

Teneo hanc sententiam partim ut tutiorem, partim ut probabiliorem, tum ratione, tum auctoritate. Fatentur multi Probabilistæ, suam sententiam ab intrinseco quidem, seu ex motivis rationum esse minus probabilem, contentundum tamen eam fieri probabiliorem ab extrinseco, seu ex pondere auctoritatis. Ergo imprimis concedunt, positam resolutionem esse probabiliorem ab intrinseco. Quod verò etiam sit probabilior ab extrinseco, videre est in nostro Gonct in Dissertat. Theol. de opinionum probabilitate art. 2. ubi eandem tenens, in libro de praxi opinionum pro ea refert 20. Auctores, inter quos est noster Doctor Angelicus, qui unus stat pro 10. millibus, & hic Quodl. 8. ar. 13. agens de eo, qui habet plures Præbendas, habet sententiam docet. De quo iterum Quodl. ib. 9.



ar. s. docet, quæstionem, an sit licitum habere plures Præbendas, periculose determinari, quia ambigua est, dum Theologi Theologus, & Juriste Juris inveniuntur contraria sentire.

XII. Sed si in concursu sententiæ probabilioris, cognita ut talis, liceret in praxi amplecti minus probabilem, nullum in hoc esset peccati periculum: quia per probabilitatem homo excusaretur à peccato. Ergo hæc sententia est de mente S. Thomæ. Unde Amadæus Guimenius pendens doctrinam Sancti Thomæ cit. Quodl. 8. ait: *Hæc si vera sunt, va operantibus ex opinione probabili.*

XIII. Angelico ad stipulatur Doctor Subtilis in 3. dist. 25. q. 1. n. 8. clare inquit: *Cum habens duas opiniones contrarias perplexus sit, periculose se determinat ad unam, nisi re diligenter inspecta illam probabiliorem agnosceret.* Et in 4. dist. 11. q. 6. ait: *Cum multis sit probabilior pars negativa, non sine peccato aliquis se exponit dubio, sequendo affirmativam minus probabilem.* Quid clarius?

Inter eosdem Auctores est S. Bonaventura Doctor Seraphicus, Alensis irrefragabilis, noster Cajetanus ingeniosus, noster S. Antoninus consiliorum datus, noster Vincent. Baronius, noster Martinez de Prado, noster Aravio.

Addit his non solum multos alios Doctores domesticos, & extraneos, sed & proximæ Rotæ Romanæ, & Congregationis Concilii. Univerſitatem Piclavienſem. Integras Religiones, Dominicanam, Sanctissimæ Trinitatis, Theatinam. Item auctoritatem Alexandri VII. qui anno 1655. in Generalibus nostris Comitibus Romæ publicavit votum, ac desiderium suum ad cæteros nostros Theologos ( quotquot in orbe terrarum sunt ) deferendum, quos significabatur, *radere Sanctitatem suam novarum opinionum huius sæculi in materia morali, quibus Disciplina Evangelica resolvitur, ac conscientia cum gravi animarum periculo illudis: maximeque velle, à Theologis nostris, in Ecclesia hoc morbo laborantis remedium, opus parare ex se veriori, & tuta doctrina D. Thomæ, qua hæc morum licentia, quæ in diebus grassatur, quasi cautior cohibetur.*

XIV. Adducit idem Gonet pro hac resolutione Auctoritates S. Scripturæ, SS. Patrum, Gregorii, Chrysostomi, Bernardi, &c. quæ in ipso videntur.

XV. In ejusdem nostræ sententiæ favorem præclarissimum librum anno 1694. publici juris fecit modernus Reverend. Præpositus Generalis Soc. Jesu Thyrsus Gonzalez, in cujus Proæmio, seu introductione num. 7. probat, sententiam illam Probabilistam de usu opinionis benignæ in concursu probabilioris perperam appellari Jesuitarum, tantumque abesse, ut hæc doctrina prodierit ex Societate, ut potius ex Societate prodierint primi ejus impu-

gnatores, ut ait nu. 9. immò per paucos fore in Societate Theologos ( n. 46. ) qui distinctius interrogati, an liceat in praxi sequi opinionem probabilem minus tutam in concursu probabilioris, respondere audcant, id nobis licere: sed plerisque responsuros, id nequaquam licere.

XVI. Ratio 1. De facto non licet sequi sententiæ probabilem probabilitate quavis tenui, & exigua, ut patet ex propositione ab Innoc. XI. damnata, posita immediatè ante R. 1. Ergo nec quæcumque aliam in concursu probabilioris. Vel si licet sequi aliquam, licet sequi omnem. Prob. conf. Ideò juxta Probabilitas reliqua sententia probabiliori licet in praxi sequi probabilem, aliquam saltem, quia nititur fundamento, quod aliquibus DD. visum fuit prudens, & grave. Sed fundamentum cuiuscumque opinionis probabilis, etiam probabilitate tenui, illis DD. qui eam defenderunt, fuit visum prudens, & grave ( ne dicatur à Probabilistis egisse imprudenter ) licet aliis non videatur tale. Sicut etiam sententia aliqua probabilior videtur uni, & non alteri. Ergo licet sequi vel omnem opinionem probabilem, vel nullam.

Ex quo cum prædicto Gonzalez infertur, quòd licet moderna probabilistam doctrina per decretum Innocentii XI. non sit facta, videatur tamen illo infirmatum ejus fundamentum à priori.

Ratio 2. Ut aliqua operatio sit licita, & honesta, requiritur, quòd ultimum iudicium, seu dictamen conscientia, quòd dirigitur, excludat formidinem, seu sit morali certitudine certum de honestate, & licitate actus, aliàs homo imprudenter agit, juxta illud Eccles. 37. *Ante omnia opera verax verbum præcedat, & ante omnem actum consilium stabile.* Subsumo. Sed qui relicta sententia probabiliori in praxi, seu in operando sequitur minus probabilem libertati faventem, non habet tale iudicium. Ergo peccat Min. prob. De illa opinione non habet intellectus iudicium prudens, & certum, contra quam rationes magis urgent, quòd sit falsa, quàm quòd ex suis propriis motivis sit vera: sed sic est de sententia probabili in concursu probabilioris, ut constat, quia homo manifestè experitur, se vehementius inclinari ad assensum sententiæ probabilioris, & exercitè in ea cognoscit majorem verisimilitudinem, seu veritatis apparentiam, & aliunde scit duas contradictorias non posse esse simul veras. Ergo.

XVII. Contra hanc Rationem insurgunt Probabilistæ. Primò dicentes, eam laborare quadam ignorantia, nimirum distinctionis, qua benignior sententiæ Patroni sententiam probabilem distinguunt in eam, quæ est certò probabilis, & in eam, quæ est solum probabiliter probabilis.

Prima, dicitur, est, quam esse probabilem, est certum: Secunda, quam esse probabilem, solum est probabile. Certitudinem in prima, quod sit probabilis, dicunt desumi tum ex fundamentis, quibus innititur, tum ex DD. qui eam tuentur, & simul ex cæteris (saltem pro majori numero) qui etsi oppositam teneant, affirmant tamen eam esse probabilem. Oportio solum probabiliter probabilis, ajunt, est, quæ ab aliquibus DD. non sanè pluribus defenditur, & à cæteris, saltem ut plurimum non judicatur probabilis. Primam sentiunt licere sequi in concursu probabilioris, non secundam.

Secundò insurgunt dicendo, quod adducta ratio solum probet, judicium speculative, & directum non esse certum de operationis licetitate, at tamen judicium practicum, & reflexum de ea esse moraliter certum. Licet enim in concursu sententiæ probabilioris speculative, & directæ judicem, hæc actio v.g. pingere in die festo, offerre pecuniam pro beneficio, non ut pretium, sed solum ut motivum, &c.) probabilior est illicita; at tamen de licetitate actionis practice certificor per judicium reflexum; quod fit diversis modis, v.g.

*Prima* reflexio fit formando hoc judicium reflexum; Qui probabiliter incedit, tutò incedit, seu qui sequitur sententiam probabilem tutò operatur: sed licet sententia opposita sit probabilior, mea tamen, quam sequor, est probabilis. Ergo tutò ago.

2. Mihil illicitum est id, quod prudenter judico, & quod multi graves DD. sentiunt licere: sed hæc sententiam probabilem pro praxi prudentem tenent multi graves DD. Ergo.

3. In dubiis melior est conditio possidentis: sed in conflictu sententiarum sum in possessione libertatis meæ. Ergo possum amplecti sententiam probabilem mihi placitam.

4. Lex non sufficienter promulgata non obligat, sed lex prohibitiva contractus, qui secundum probabilem sententiam non est usurarius. licet secundum probabiliorem talis sit, non est sufficienter promulgata, quia inter DD. contrahitur. Ergo non obligat. Ergo contra legem possum sequi sententiam probabilem libertati faventem.

5. Idem judicium reflexum potest fieri de ignorantia legis, eo ipso enim, quod lex disputatur, an extet, ejus existentia non est certa. Sed

XVIII. *Ad 1.* Impugnationem inflauando datam Rationem R. quod dictam distinctionem non ignoraverim, sed probè noverim eam mihi evincere, nec argumentum solvere, sed in suo robore relinquere. Nam imprimis certum est, quod omne probabile sit incertum. Ergo certò probabile est certò incertum. Ecce quam incertum argumentum, quod obijcitur. Dein se, dato, quod sententia sit certò probabilis, non tamen per hoc excedit fines probabilitatis, nec

tollitur, quod rationes contra eam urgeant illam magis esse falsam, quam veram, ut magis patebit ex dicendis. Ergo Ratio nostra manet in suo vigore.

*Ad 2.* Impugnationem R. committi in ea petitionem principii, quia hoc est in questione, ac disputatur, an hoc judicium reflexum, prout ibi primo modo explicatur, sit moraliter certum. Quomodo enim possum moraliter esse certus de honestate actus, si opposita sententia videatur mihi certior, & verior, quæ dicit esse illicitum? Unde nego illam maj. qui probabiliter incedit, tutò incedit. Vel dist. non concurrente opposita sententia moraliter certiore, ac verius similiore, C. ea concurrente. N.

Ex quo patet ad primam reflexionem.

*Ad secundam* dist. min. ut paulò ante. Unde temeritas est, & non prudentia nisi carnis (quæ stultitia est apud Deum) amplecti partem minus verisimilem, quando ad sunt majora fundamenta ad judicandum, quod sit falsa, quam quod sit vera: quod divinæ legis transgressionem sit propior, quam ab ea remotior. Profectò res hæc periculosa est.

*Ad 3.* ostensum est supra, quod maj. tantum sit vera in materia stultitiæ, & non aliarum virtutum.

*Ad 4. & 5.* N. min. quomodo enim est possibile, quod tibi lex non sit sufficienter promulgata, aut quod habeas ejus ignorantiam, si tu ipse iudices, probabilis esse, quod extet. Unde licet DD. de legis existentia disputent, si tamen asserant, & tu cum eis sentias, veriusimilem esse, quod extet, inexcusabiles.

*Ratio 3.* pro R. 4. Quod mediat inter duo extremas uni comparatur, videtur esse alterum: sic Angeli, qui inter Deum, & hominem sunt medii, comparati Deo, sunt materiales, comparati nobis, sunt immateriales: tepidum comparatum calido videtur esse frigidum, comparatum frigido, videtur esse calidum. Sed opinio minus probabilis mediat inter improbabilem, & probabiliorem. Ergo licet comparata improbabili, probabilis videatur; comparata tamen probabili, censetur improbabili.

XIX. *Ratio 4.* Qui amat periculum, peribit in illo, id est, qui se committit periculo peccandi, peccat pro quantitate culpæ mortalis, vel venialis; sed qui relicta sententia probabiliori, cognita ut tali (præsertim si simul sit tutior) sequitur minus probabilem, & verisimilem, committit se periculo peccandi, ut patet ex dictis, præsertim ad secundam reflexionem Adversariorum. Ergo.

*Ratio 5.* sit purè moralis, & ad hominem ex nominato Gonzalez. Qui rectè operatur, potest coram supremo Judice se operationis defensionem opponere, & modum suum operandi defendere: sed hoc nequit is, qui sequitur sententiam probabilem relicta probabili, cogni-

cognita ut tali. Ergo. Min. prob. Judici interroganti, cur secutus sis sententiam illam, maxime tibi favorabilem, cum viderit, oppositam esse absolutè, & simpliciter verisimiliorem auctoritate, & ratione, si respondeat, Domine, sectatus sum illam opinionem, quam 1. Auctores graves illum ut gravem docuerunt; statim Judex opponet: Serve nequam, hæc tibi responso non proderit. Quid referebat ad securitatem tuæ conscientie scire, quod 12. Auctores contractum illum defendebant ut licitum, si simul sciebas 20. graviores docere illum esse illicitum, & auctoritas illorum majoris erat apud te momenti, cur minore auctoritatem majori prætulisti? nonne sciebas, facilius esse, quod decipiantur 12. quam 20. Doctores? Si respondeas: Domine, secutus sum opinionem illorum 12. Doctorem, quia nitebantur fundamento gravi, & prudenti, utpotè quo moti sunt viri sapientes, & probi, statim Deus respondebit: Serve nequam, ex ore tuo te judico, nam illud fundamentum idè fuit grave, & prudens respectu illorum DD. quia ipsis apparuit verisimilius fundamentum sententiæ contrariæ, tibi autem è contra fundamentum sententiæ contrariæ apparuit absolutè, & simpliciter, ut sensibilibus verisimilius, Cur ergo contempsisti sententiam, quæ in tua æstimatione nitebatur fundamento majori, ut sectareris sententiam, cujus fundamentum tibi apparuit minus verisimile? Ergo non motus es ad sectandam sententiam tibi favorabilem à momentis rationis, nec à pondere auctoritatis, quia ipse agnoscebas majus auctoritatis, & rationis pondus in sententia stante pro meo præcepto, & lege. Ergo in operando non meam legem, & voluntatem, sed carnem, & sanguinem consuluisti. Cur habens urgentissima fundamenta ad tibi persuadendum, veram esse sententiam, stantem pro me lege, sectatus es sententiam tibi favorabilem, quam esse falsam illa fundamenta tibi urgentissime suadebant, & pro cuius veritate minora tibi fundamenta apparebant comparativè ad fundamenta alterius? Quid ad hæc respondere potest homo ille? obmutescet planè, & omnis iniquitas opprobriabit os suum. Ita ille.

XX. Hujus examinis, & iudicii rigorem expertus est ille Philippus Cancellarius Parisiensis, relicta probabiliori, & tutiore sententia sequens probabilem, & minus tutam de beneficiorum pluralitate. Qui (ut gravissimi Auctores scribunt) in agone existentis, admonitus, ut hanc sententiam dimitteret, & oppositam amplecteretur, dixit, velle se experiri vim probabilis opinionum, & videre, an hæc sufficiat ad damnationem. Expertus est, nam post paucos dies apparens in specie tetrae umbræ Episcopo Parisiensi, testatus est,

se esse damnatum ob tres causas, & inter has allegavit sequelam probabilitatis de pluralitate beneficiorum. Quæ experientia utinam multos cum effectu terreret, ut alieno damno saperent.

Ratio 6. videatur in probatione R. ad Q. 8. nu. 29. in hoc Exam.

Ratio 7. videatur in prob. R. ad Q. 9. ibidem num. 30.

XXI. Oppono 1. contra R. 4. Omnes Thomistæ Dominicani jurant in verba Angelici sui Magistri: sed sunt Thomistæ Dominicani, qui tenent, quod liceat sequi sententiam probabilem relicta probabiliori, ut Joan. à S. Thom. Barthol. Medina. Idelphonfus, &c. Ergo hæc est mens S. Thomæ.

2. Jugum Christi suave est, & onus ejus leve, Matth. 11. Item mandata ejus graviora non sunt, 1. Joan. 5. Sed sententia Probabilioristarum imponit jugum grave, & scrupulis plenum, onusq; importabile, immò impossibile; quis enim semper poterit judicare, maxime si de indoctis, vel de mediocriter doctis loquamur, quæ sententia sit probabilior? debent enim omnes rationes, omnia motiva, & auctoritates pro, & contra expendi, ac librari: quod paucissimis est possibile. Ergo.

3. Jura iniqui: Opinio benignior, & suavior præferri debet. 1. benignius, ff. delegibus. Ergo.

4. Non tenemur amplecti id, quod est melius, sed sufficit amplecti, quod est bonum, quia aliàs nemini liceret nubere, sed debent omnes Religionem proficere, quia status religiosus est perfectior: sed quamvis id, quod est probabilius, sit melius; quod tamen probabile est, bonum est. Ergo sufficit.

5. Quod licet in scholis docere, hoc licet sequi, & aliis consulere: sed opinionem probabilem licet in scholis docere. Ergo.

6. Eadem est ratio de sententia probabiliori, ac de probabiliori: sed licet sequi hanc. Ergo & illam. Prob. maj. Sententia probabilior etiam non habet omnimodam certitudinem, nec excludit formidinem de opposito. Ergo. Conf. pat. quia idè dictum est, non licere sequi sententiam probabilem.

7. In dubiis melior est conditio possidentis: sed sententia Probabilioristarum jam multorum annorum tractu est in possessione. Ergo.

XXII. Ad 1. vide solidas Thomistarum vindicias in nostro Contenson Tom. 3. Dissert. 6. cap. 2. ubi solidè ostendit, injuriam Thomistis facere eum, qui probabilitatis Auctores, aut defensores eos nuncupat; tantam, quæ nunc grassatur, laxitatem colluvium nullo veterum Thomistarum testimonio fulciri, sed expressè damnari ab omnibus antiquis S. Thomæ Discipulis, quos ibi adducit, pro-

probatque, omnes Thomistas usque ad finem Seculi decimiquinti nostræ sententiæ addictos esse, & de Angelica Dominicani Ordinis Schola, ejusque sensu, non esse ferendum judicium ex singularibus privatorum hominum, & juniorum DD. sententiis, sed ex Thomistis antiquioribus, utpotè ipsi Angelico præceptorum vicinioribus. Unde diss. min. sed sunt Thomistæ, pauci, & juniores, Transeat; multi & seniores, ac saniores, N. min. & conf.

Dixi, *transeat*. Quia etiam pauci illi Thomistæ (inter quos sunt tres illi nominati) tot clausulis, exceptionibus, ac Regulis sententiam suam afficiunt, ut re ipsa à sententia nostra non differant, sed sequelam sententiæ suo judicio verisimilioris tradiderint. Sæpè enim aliqua opinio specificativè, ac in se est minus probabilis, attamen ut subjectivè existens in mente operantis citrà culpam videtur magis probabilis ex motivo, quod suo judicio prævalet motivis sententiæ oppositæ: item sententiæ, quæ uni magis, alteri videtur minus probabilis: nec etiam eundem in quovis intellectu habet statum.

Ad 2. Imprimis objecto textui oppono alium ex Matth. 7. ubi dicitur, quòd sit *arcta via, & angusta porta, quæ ducit ad vitam*: esset verò lata, & omnino ampla in sententia Probabilistarum. Cæterum jugum Christi, & ejus mandata, ut explicat S. August. *non sunt gravia amanti, sed non amanti gravia sunt*. Si quæ in eis sit difficultas, uti est in dilectione inimicorum, in Confessione auriculari, &c. merita Christi nobis collecta, & parata eam alleviant.

Deinde N. miu. Nemo enim negat, quemlibet hominem doctum, & indoctum, pro modulo suo, & juxta suum captum teneri sufficiens adhibere diligentiam, an res, quam vult exequi (si dubium, vel suspicio mali de ea illi occurrat) prohibita sit, necne? quam si adhibeat, legem implevit à peccato, saltem formali, excusatus. Vir indoctus, ut huic obligationi satisfaciat, debet consulere doctos, sibi non suspectos de malè suadendo ex malitia, vel negligentia. Rusticus v.g. aut vetula, consulat suum Parochum, aut Confessarium, ut dictum est ad Q. 2. ante R. 3. in hoc Examen. Qui si fortè erraret in consulendo, consilium petens, & juxta illud agens, esset in conscientia excusatus: ipse autem Confessarius, si sibi non fideret, deberet ea de re doctiores consulere.

XXIII. Si homo rudis consulat duos Confessarios, quorum unus dicit rem esse licitam, alter illicitam, sequatur sententiam illius, cuius auctoritas in ejus æstimatione prævalet, illius enim sententia erit, quoad ipsum verisimilior, seu probabilior, si sit pro, si contra legem. Cæterum ut vir doctus huic obligatio-

ni faciat satis, non requiritur, quòd omnes rationes anxie conquistat, pro, & contra libret, Auctores utriusque sententiæ diu, & scrupulosè expendat quantæ sint auctoritatis, sanctimoniz, ac pietatis, (hoc enim esset onus grave) sed sufficit, quòd facta diligenti veritatis inquisitione, & fundamentis utriusque sententiæ expensis, hæc sententia (licet sit benignior, & libertati faveat) ipsi manifestè appareat verisimilior.

Unde objectio solum probat, non teneri nos ad sequelam sententiæ probabilioris, quæ absolute, & in fatalis, ad hoc enim requireretur dicta rationum, & auctorum libratio: nos verò contendimus solum de ea, quæ nobis rationabiliter apparet probabilior. Si Confessori in ipso Confessionali ex improvviso eveniat casus, circa quem tam citò, quoad sequelam opinionis probabilioris se resolvere nequeat, differat, & poenitentem redire jubeat.

Ad 3. Resp. 1. Regulam exponi in l. semper ff. novitas, de Reg. Juris, nimirum tenere in dubiis facti, de Reg. delicti, v.g. facti homicidii, & in infligendis pœnis, aliique casibus ibi expressis: quia in dubio reo favendum potius est quàm auctori, ut dictum est in hoc Tractat. Exam. 1. ad Q. 6. Regula tertia. Id ipsum patet ex Regula secunda ibidem adducta, quæ dicit, quòd in dubiis utroque pars sit eligenda, tutius autem est, favere reo quàm auctori; si enim faveo auctori, expono me periculo condemnandi innocentem; si reo, sum in periculo absolvendi delinquentem; sed, cum verò tutius est primò. Sicut facilius Deo possumus reddere rationem de excessu in misericordia, quàm de nimio rigore iustitiæ: Deo enim proprium est misereri semper, & parcere, uti Ecclesiastice orat.

Secundò dico, Juristas non in eodem sensu intelligere opinionem benignam, in quo eam intelligunt Theologi: hi enim per eam intelligunt opinionem faventem libertati, & concupiscentiæ contra legem: Juristæ verò intelligunt opinionem piam, id est, faventem causis piis, testamento, Religioni, Sacramento, Orphanis, viduis, egenis, pupillis, peregrinis.

Tertio dico, sensum esse, quòd leges subinde patiantur Epikheiam, id est, benignam interpretationem, attendendo potius ad mentem, quàm ad verba Legislatoris, quando nim. in aliquo particulari casu, non prævisso, neque juxta verborum rigorem observari, ut patebit in Tract. 6. de legibus. Exam. 5. num. 88.

Ad 4. dist. min. pro 2. p. Probabile est bonum, præcisè, ac secundum se sumptum, seu non concurrente probabiliori, C., concurrente illo, N. Patet ex ante dictis ad 1. & 2. reflexionē.

*Ad 5. dist. min. eodem modo.* Vel paulò aliter sic: Si illa opinio Professori appareat verisimilior, quàm opposita, C. min.; secus, N. Dixi enim antea, quod opinio, quæ unius iudicio est minus probabilis, alterius iudicio interdum sit probabilior.

**XXIV. Ad 6. N. maj.**, ad prob. dist. ant. Non habet certitudinem speculativam, C. practicā, N. Est ergo differentia inter Probabiliorism, & Probabilism, quòd primus facit quantum est in se, sequendo sententiam, quæ verisimiliorem non invenit; qui autem facit quod est in se, seu quantum potest, licet erraret, in omnium sententia excusatur ob invincibilem ignorantiam. Secus est de Probabilism, qui ultro fateri debet, veritatem magis urgere contra se, quàm pro se.

Addi potest, non nocere, quòd nec Probabiliorism omni formidine careat; vult enim Deus, ut in timore, & tremore operemur salutem nostram; alii majores conscientie remorsus merito, & rationabiliter pati debet Probabilism, quia non facit quantum est in se, exponitque se periculo formalis peccati, ut constat ex dictis. Immo illa obiectio probat nimium, nimirum nec probabilissimam sententiam sequi licere; ob eandem rationem.

*Ad 7. dico 1.* ex supradictis constare, illam regulam solum habere locum in materia iustitiæ, non aliarum virtutum.

*Secundo dist. maj.* Si sit possessio legitima, & quietà, ut potè quæ sola titulum facit, ut dicitur in Trad. de Jure, & Iustitia, C. maj. secus, N. maj. & sic dist. min. N. conf. Probabilism autem nunquam fuit in possessione quietà, sed ubique terrarum à viris eruditis, & sanctissimis Episcopis, Parochis, Doctoribus, &c. fuit turbatus, oppugnatus, immò diversis Diocesium proscriptus: uti ad longum ostendit noster Contensonius cit. Dissert. 6. c. t.

**QUÆRO IV.** Nonne sunt aliqui casus, in quibus benignioris sententiæ Patroni nobiscum tenent, sequendam esse probabiliorē, ac tutiorem?

**XXV. Resp.** Sunt: nimirum si quæstio, vel opinioniones contrariæ versentur circa valorem Sacramenti, aut existentiam sacri delicti, v.g. homicidii, quod à tali, vel tali esse commissum alii testes affirmant, alii negant. De quo vide antea dicta ad 3. opposit. Item ubi intervenit speciale præceptum charitatis, iustitiæ, vel Religionis, quo tenemur abstinere ab actione, quæ probabile proximo, vel in temporalibus, vel in spiritualibus, periculum imminere prævidetur: tunc enim Adversarii nobiscum sentiunt, tenendam esse partem tutiorem, quæ sola in tali casu est prædicte probabilis, & probabilior. Pro quo vide dicenda ad Q. 1. in hoc Exam.

*Ratio.* Illa solum opinio est prædicte probabilis, ex qua possum formare certam conscientiam de honestate, ut deponere prædicam formidinem de formali inhonestate operationis: sed talis in proposito est sola opinio tutior. Ergo hæc sola est amplectenda. Min. prob. Formalis inhonestas in hoc casu confurgit ex proximo periculo damni proximi, & invaliditatis Sacramenti, vel simili capite: sed qui in casu notato non sequitur sententiam tutiorem, committit se tali periculo proximo, cum non sit certus, ne ex sua actione sequatur damnum, vel invaliditas Sacramenti. Ergo. Maj. prob. Eadem lege charitatis, iustitiæ, vel Religionis, quæ damnum proximi prohibetur, vel veri, accerti Sacramenti confessio præcipitur, etiam prohibet proximum periculum damni inferendi, aut verum Sacramentum non conficiendi: sed datur certa charitatis, iustitiæ, vel Religionis obligatio ad damnum proximi vitandum, & ad verum Sacramentum conficiendum, & pro certa lege fiat possessio. Ergo etiam est certa obligatio ad vitandum tale periculum.

**QUÆRO V.** Quam sententiam tenetur sequi minister Sacramenti in confessione ejus?

**XXVI. Resp.** In confessione Sacramenti extracausam necessitatis non licet uti materia, vel forma probabili, incerta, vel dubia, v.g. in administratione Baptismi adhibendo aquam rosaceam, vel cerevisiam valde tenuem (posito quòd hæc sit materia dubia) aut hanc formam, quæ est dubia: Baptizo te in nomine Christi: sed circa Sacramentorum substantiam tenetur minister sequi sententiam certiorē, tutiorem, & probabiliorē. Quod verum est de quocunque Sacramento.

*Ratio.* Tum quia opposita sententia inter 65. ab Innocentio XI. damnata est prima. Tum etiam quia valor Sacramentorum non dependet à morali estimatione ministri, sed requirit physicam positionem eorum, quæ à Christo sunt determinata. Tum tandem, quia ex præcepto Religionis tenemur cavere periculum frustrandi institutionem Christi, & ex præcepto Charitatis tenemur vitare damnum, non minus spirituale, quàm temporale proximi: cui tamen in exponitur ex dubio valore Sacramenti. Ergo tenenda est sententia tutior, seu de valore Sacramenti certior, quæ nimirum Ecclesiæ est recepta, & hæc sola est prædicte probabilior, licet fortè opposita esset probabilior speculative.

*Dixi 1. extracausam necessitatis.* Quia in casu necessitatis (uti praxis Ecclesiæ testatur) favor, & reverentia Sacramenti cedit favori periclitantis

tantis animæ, ac melius est, salutem hominis morituri facere dubium, quàm omnino relinquere desperatam.

Dixi 2. circa substantiam Sacramentorum, seu circa materiam, & formam, hanc enim Ecclesia supplere nequit, uti supplere potest Jurisdictionem, hanc namque dat Ecclesia. Hinc in Tract. 13. de pœnit. Exam. 5. nu. 91. dicitur, quòd, si quis sacerdos habeat Jurisdictionem solum probabilem, cum titulo colorato, à legitimo Superiore collato, nec destitit aliquid ex jure divino requisitum, valide absolvat. In quo casu Ecclesia, seu Papa supplet defectum, id est, tribuit Jurisdictionem.

*Oppono.* Ergo in aliquo saltem casu juxta Probabilioristas licet alicui (nim. dicto Confessario, qui & ipse fors Probabiliorista est) sequi sententiam probabilem de sua Jurisdictione.

*Ad hoc Resp.* subdistinguentia probabilioris concurrente, N. 3. secus, G. Vide dicenda loco citato.

**QUÆRO VI.** Quam sententiam tenetur sequi Medicus, vel Chirurgus in curando ægrotos?

*XXVII. Resp.* Per se loquendo in conscientia obligantur, relidis mediis incertis, ac probabilibus, applicare certa, ac probabiliora.

*Ratio* est ante data ad Q. 4. quæ hic applicetur.

*Ex hoc sequitur*, gravissimè peccare illos medicos, qui divitibus, vel potentibus parcentes, medicinam aliquam (de cujus virtute fluctuant) primò probant in infirmo non extremè decumbente in hospitali, aut in paupere monacho alicujus monasterii.

Dixi in *Resp. per se loquendo*. Nam in casu, quo salus ægroti est omnino desperata, atque certò præsumitur moriturus, potest ei applicari medicina, de qua dubitatur, an sit obvel profutura.

*Ratio.* Quia dubia, & probabilis spes salutis est præferenda certæ morti. Porro si eo non obstante ægrotus moriatur, per accidens est respectu Medici, ac præter intentionem ejus: quia aliunde certò erat jamjam moriturus.

**QUÆRO VII.** Quam sententiam tenetur sequi Judex? Potestne judicare in favorem amici, præsertim stante æquali probabilitate?

*XXVIII. Resp.* r. Judex sive inferior, sive supremus (quando opiniones versantur circa jus) tenetur semper sequi probabiliorē.

*Ratio.* Omnis Judex (cùm non sit dominus rei, de qua controversatur, v.g. agri, vel majoratus, sed solum minister justitiæ) tenetur rem adjudicare illi, pro quo stat plenior probatio, fortior titulus, clarius jus, melior conditio possidentis: sed hæc non habentur, nisi ubi est sententia probabilior. Ergo. Vide pro R. 3. Not.

*Resp.* 2. Si favor amici non sit privatus, sed juris, certum est, Judici licere in favorem ejus judicare.

*Ratio.* Quia Jura docent, in dubiis reo potius favendum esse quàm actori, meliorem esse conditionem possidentis, judicandum esse pro causa pia, pro persona miserabili, pro valore matrimonii. Sed talis titulus potest stare pro amico. Ergo.

*Resp.* 3. Si (quod vix unquam fiet) jura partium videantur omnino æqualia, seu utraque pars controversa æquè probabilis, ac neutra in jure mereatur specialem favorem, non potest Judex salva conscientia judicare in favorem amici.

*Ratio.* Tum quæ est data pro R. 1. Tum etiā, quia hoc judicium esset scandalosum, toti Reipublicæ damnosum, judicibus corrumperendis, ac pervertendis aptissimum.

Esset ergo in eo casu (si Judex aliud medium non videat) partibus litigantibus imponenda transactio, ne Judex videatur esse acceptor Personarum, seu respicere carnem, & sanguinem.

Dixi in R. 3. quod vix unquam fiet. Vix enim fieri potest, ut ex una parte non sit plenior probatio, testes numero plures, vel integriores. Sed de hoc plura tradunt Juristæ.

Not. inter 65. propositiones ab Innoc. XI. damnatas esse hanc n. 2. Probabiliter existimo, Judicem posse judicare juxta opinionem minus probabilem.

**QUÆRO VIII.** Quam sententiam tenetur sequi Medicus, & Judex conscientia, seu Confessarius?

*XXIX. Resp.* Probabiliorē. *Ratio* sufficienter constat ex omnibus probationibus pro R. 4. ad Q. 3. in hoc Exam. positis. Specialem verò dat noster Mercorius à pari ad mox dicta: Medicus in applicandis medicinis, & Judex in ferendis sententiis tenetur sequi sententiam probabiliorē, ut Adversarij admittunt, & ante probatum est: sed Confessarius est medicus, & Judex conscientia sui pœnitentis, immò quilibet extra confessionem, dum vult operari, est quodammodo Judex suæ conscientia circa operis honestatem, seu an aliquis actus sit licitus, vel illicitus. Ergo Confessarius, dum curat, & judicat suos pœnitentes, tenetur sequi sententiam magis probabilem: uti & quilibet homo in ferendo judicio practico de actus licitate.

Confirm. Absurdum est, exactiorem exigere mensuram pro tribunali, in quo agitur de re temporali, nimirum sententiam verisimiliorē, & magis fundatam, quàm pro foro conscientia, in quo agitur de salute æternæ animæ: sicut merito rideretur, qui pro ponderando plumbo stateram exigeret exactiorem, quàm pro auro. Ergo.

Nec obstat dicere, esse disparitatem, quia

ex opinione solum probabili Judicis, & Medici sequitur, vel est periculum, ne sequatur damnum tertii, quod non sequitur ex eo, quod quis sequatur sententiam probabilem de honestate alicujus actionis. Non, inquam, obstat; quia sicut ex primo sequitur, vel sequi potest damnum tertii, ita ex secundo damnum animæ, seu transgressio legis divinæ, & injuria Creatoris: cujus periculum homo etiam vitare tenetur à fortiori. Si quis dixerit est, transgressiorem, & injuriam solum materiale, dicam ego, etiam in priori casu esse damnificationem solum materiale; vel utrobique formalem.

**QUÆRO IX.** Confessarius teneturne, aut potest absolvere pœnitentem, qui juxta sententiam minus probabilem scienter fecit contrarium, in probabili sententia Confessarii docti, & prudentis, peccaminosum? vel potestne se accommodare sententiæ pœnitentis?

**XXX. Respondeo,** cum tutiori, & probabiliori sententia: Si pœnitens in suam opinionem semel, ac iterum mala fide sit relapsus, non potest Confessarius eum absolvere, nisi sit paratus corrigi. Unde tenetur eum monere, ac instruere de sequela sententiæ probabilioris, licet antea etiam bona fide procellerit, & pœnitens tenetur parere. Nec potest Confessarius ejus sententiam amplecti.

**Ratio 1.** & 4. p. sufficienter patet ex iis, quibus probatum est, non licere utrum sententiæ probabilis in concursu probabilioris, ex quo fit, quod ille pœnitens sit iudicialis.

**Secunda pars,** quod nimirum Confessarius debeat talem pœnitentem instruere, patet ex suprâ in Tract. 1. ad Q. 8. explicato officio Confessarii, ut Doctoris, & Medici.

**Ratio 3. partis,** quod nimirum ille pœnitens teneatur parere, est 1. Pœnitens tenetur parere Confessario in omnibus, quæ illi jubet, & labe non errante: sed in casu posito clavis sacerdotis non errat. Ergo. Maj. pat. quia Confessarius est à Christo institutus Judex pro peccatorum causis in foro pœnitentiali diffiniendis. Min. etiam constat. Quia sententiam veriorum, & probabiliorem suadendo non errat clavis sacerdotis; si enim (ut Adversarii contra non asserunt) non erret suadendo minus probabilem, multo minus errat suadendo probabiliorem.

**Ratio 2. pro 3. p.** Egrotus per omnia tenetur amplecti certas medicinas medicis, & reus tenetur parere juxta sententiæ Judicis: sed Confessarius est medicus, & Judex pœnitentis. Ergo.

Not. hoc, vel maximè verum esse, si Confessarius sit vir doctus, & prudens: nec refert, an sit proprius pœnitentis pastor, vel non: in quo aliqui frustra distinguunt, neuter enim

potest contra sententiam propriam, id est, non à se excogitatam, sed quam ipse cum gravibus DD. tenet ut probabiliorem, se accommodare sententiæ minus probabili pœnitentis.

Confr. ex eo, quia in præcedentibus probavimus, quod sententia minus probabilis favens libertati non naneat probabilis prædictæ respectivè ad operantem in concursu probabilioris, quæ manifestè ei repræsentatur, ut verisimilior ratione, & auctoritate, sed judicetur falsa. Ergo.

**Oppono 1.** Judicium Sacramenti Pœnitentiæ non est institutum ad condemnandum, sed ad absolvendum reum legitime se accusantem: sed illi reus legitime accusat. Ergo.

2. Confessor debet credere pœnitenti prole, & contra sedicenti, cùm ipsemet sit reus, accusator, & testis. Ergo.

**Ad hoc R. t.** instaurando rationem datam: juxta Conc. Trid. Sess. 14. cap. 6. absolutio est à iustis actus judicialis, quod à sacerdote sententia pronuntiatur: sed Judex non potest proferre sententiam juxta opinionem Rei, quam respectu suæ sententiæ judicat esse falsam. Ergo.

Deinde **ad 1. N. min.** Ratio negationis est mox dicta.

**Ad 2. Ant.** est verum de iis, quæ spectant ad pœnitentem, ut talis est, id est, in questione facti, seu delicti, nimirum an hoc, vel illud peccatum fecerit, vel non? an hæc, vel illa circumstantia addit, aut non? falsum verò de illis, quæ ad eum, ut talem non spectant, id est, in questione juris, an hoc, vel illud sit peccatum, an mortale? an veniale? an sit, vel non sit obligatio restituendi? an hæc, vel illa sententia prædictæ sit probabilis, &c.

**XXXI. Sed quid,** si pœnitens vir probatus, & timoratus, esset multò doctior Confessore, judicaretq; sine pravo affectu, suam sententiam esse probabiliorem opinione, quam aliis Confessor æstimat verisimiliorem.

**Resp.** In hoc casu non lum contrarius.

**Oppono.** Ergo jam in aliquo casu Confessor potest se accommodare sententiæ minus probabili pœnitentis contra suam probabiliorem.

**Distinguo,** in sensu composito, id est, propriam sententiam retinendo, N. eam deponendo, & sententiam pœnitentis velut verisimiliorem amplectendo, C.

**QUÆRO X.** Potestne Confessarius saltem dissimulare, ac permittere, ut pœnitens, qui hæcenus bona fide, & sine scrupulo ex errore egit, maneat in sua opinione minus probabili, aut etiam in sententia falsa, & improbabili, sicque eum absolvere, ne monitus licenter peccet, qui ante ob ignorantiam fortè non peccabat? v.g. talem contrarium ineundo, re-  
stitutionem non faciundo. talem occasionem

non



non vitando: præsertim in casu, quo dubitatur, an admonitio sit profutura?

XXXII. *Resp.* cum veriore, & tutiore sententia. Non potest.

*Ratio* 1. Quia Confessor nequit absolvere aliquem, nisi iudicet eum dignum, ac ritè dispositum ad absolutionem: sed hoc Confessor non potest iudicare de homine illo, utpote de quo præsumitur, quod non velit intelligere, ut bene agat. Ergo.

*Ratio* 2. Quia aliàs Confessor non satisfaciet officio Doctoris, ad quod tenetur, ut suprà dictum est. Ergo.

*Oppono* S. August. cujus verba leguntur in Iure Canonico, c. si quis autem, de pœnit. dist. 7. ait: *Si scirem non tibi prodesse, non te admonerem, non te tererem.* Ergo.

*Ad hoc Resp.* 1. Opponendo ex jure: Utiliùs scandalum nasci permittitur, quàm veritas vici relinquitur. c. qui scandalizaverit, de Reg. Juris. Item. Error, cui minimè resistitur, approbatur. c. error. *Secundo* dico, hæc verba non esse S. Augustini, & graves Auctores, verba illa referentes, quoad hoc à Collectore Canonum esse deceptos, ait enim potius S. August. *Si scirem non tibi prodesse, non te admonerem*, id est, non ita exaggerarem pericula dilationis pœnitentiæ: agit enim de illis, qui pœnitentiam differunt ulq; ad finem vitæ, seu ad tempus ultimæ infirmitatis.

*Tertiò* dico, illa verba non servire ad nostrum casum, sed magis quadrare ad probandum, quod nullus ex lege charitatis obligetur ad faciendam correctionem fraternam, quando scit eam non esse profuturam. Nam verum quidem est, quoddis, qui solum ex communi charitatis lege tenetur proximi errorem corrigere, potius debeat tacere, & dissimulare, si prævideat correctionem non profuturam, sed proximum potius in descalandizandum, & capturum occasione committendi novum peccatum. Verum dispar est ratio de Confessario: tum quia ex vi officii ei incumbit docere pœnitentes, quorum animas de manu ejus requirit Dominus: tum etiam quia ex conscientia tenetur non absolvere indignos, ac indispuestos, quales sunt, de quibus est sermo; quia nolunt intelligere, ut bene agant; immò ex veritate scandalum sumunt. Vide de matrimonio. Tract. ult. Exam. §. Q. 8. nu. 62. & locis ibi citatis.

**QUÆRO XI.** Quam sententiam tenetur sequi Princeps in bello, in impositione tributi, vestigalium, aut aliorum onerum, in mutatione monetæ, &c. ? Pro intelligentia ante R.

XXXIII. Notat tria noster Hacquetius in Tract. de Conf. Controvers. 21.

*Primum est.* In consultationibus Princeps duo observet pro securitate conscientie. 1. Consiliarios habeat, non magis notos, familiares, beneficiatos, sed magis timoratos, &

sapientes, & dum materiam consilii proponit, voluntatem suam non insinuet præviè se se, nec per alios, sed indifferenter, ut quilibet liberè veritatem exprimat. 2. In re gravi, existente opinionum diversitate, in eligendis opinionibus non sit contentus auctoritate opinionum, sed petat sibi dicte rationes, & fundamenta, ex quibus perpensis cognoscat, quid pro conscientia sit securus.

*Secundum est.* In impositione alicujus gravaminis, v.g. tributi, tria præcipuè sunt discutienda. 1. Necessitas Reipub. ut gravamen non excedat illam. Circa Principis facultates, & bona, an sufficiant, necne: an à ministris fortè usurpata. 3. An exactio fiat cum oppressione pauperum, & convertatur in eos usus, ob quos est imposita: vel an ministrorum malitia rapiatur, aut dissipetur. Unde & Princeps tenetur bona sua vindicare, & Consiliarii Principem in impositione gravaminum excedentem admonere.

*Tertium est.* Causa minuendi valorem monetæ solet esse vitium ipsius, quia nimirum majorem habet valorem moralem, & extrinsecum, quàm intrinsecum, & legitimum. Causa verò augendi valorem in moneta, est vel inopia, & defectus pecuniæ in Regno, vel superabundans valor intrinsecus. Hic non disputatur de variis causis, quæ subesse possunt pro mutatione monetæ, & de congruentiis, vel incongruentiis, quæ inde sequi possunt, sed solum agitur de modo, quo formari possit conscientia, & rectum judicium circa mutationem monetæ, augendo, vel decrecendo: quam mutationem à Principibus ob legitimas causas fieri posse, supponitur. His ex Hacquetio præmissis.

*Resp.* 1. In bello, & impositione tributorum, & novorum onerum non sufficit pro securitate conscientie Principis sola causa, & opinio probabilis, sed debet Princeps duci certa, & evidente necessitate in imponendis novis cœnibus, ita ut propriæ facultates pro ea non sufficiant, & in bello sententia probabilior. Hæc est tutior, ac probabilior, communiorque, etiam inter Adversarios, sententia.

*Ratio est data ad Q. 4.* ex cujus resolutione hæc sequitur, uti & ex Q. 3. nam in bello, & dictis gravaminibus populus spoliatur re sua, quam possidet, cogiturque, quod suum est, Principi dare. Ergo in solo casu probabilioris, & dubii melior est conditio populi possidentis, quàm Principis tributum imponentis, ait dictus Auctor.

Confir. ex eodem: Princeps non est dominus facultatum subditorum, sic ut pro libitu, aut ex quocunque motivo de illis disponere possit, sed solum in ordine ad bonum commune, quando hoc sine dispendio facultatum

sub-



subditorum conservari non potest. Ergo.

*Resp. 2.* Probabilius, & tutius est, quod in mutatione monetæ (ex qua timetur damnum Reip.) non possit Princeps sequi sententiam probabilem relicta probabiliori. Est communis inter Doctores etiam Adversarios, & docetur à S. Thom. de Reg. Princ. c. 13. & sequitur ex R. ad Q.

*Ratio.* Quia in illa mutatione est periculum damni multitudinis, & Reip. in commutationibus, commerciis, & omnibus aliis precio æstimabilibus, omnia enim hæc pecunia regulantur, & mensurantur, & si valor monetæ diminuitur, perdit tota Communitas de substantia in pecuniis possessa; si augeatur, illud augmentum solum est pro Rege, vel pro particularibus Personis possidentibus. Ergo nisi sit evidens, & certa utilitas Reip. quæ damnum illud compenset, non potest Princeps monetam mutare.

**QUÆRO XII.** Quam sententiam tenetur sequi subditus, dum Prælatum aliquid præcipit, de quo sunt contrariæ opiniones?

**XXIV. Resp. 1.** Superiori legitime præcipienti debet subditus obedire in omnibus, in quibus manifeste non relucet peccatum; uti sunt omnia illa, de quibus est controversia inter DD. an sit licita, vel illicita.

Ita docet S. Bernardus in Tract. de præcep. & dispensat. dicens: *Sive Deus, sive homo Vicarius Dei mandatum quodcumque tradiderit, pari profecto obsequendum est cura, pari reverentia deferendum: ubi tamen Deo contraria non præcipit homo.*

*Ratio.* Tum quia Superior est in possessione facultatis præcipienti; tum quia ita secum fert ipsa natura obedientiæ.

*Resp. 2.* Si subditus iudicet, probabile esse, quod actus aliquis impetratus sit malus, probabilis verò esse, quod sit licitus, debet obedire.

*Ratio* est tum ex dictis, & probatis de sequela sententiæ probabilioris; tum etiam, quia opposita sententia aperit viam ad eludenda præcepta Superiorum, ad eversionem vim Legû, & Constitutionum Ecclesiæ; quia subditus doctrina illa imbutus, in re (de qua sunt contrariæ opiniones, an sit licita, vel illicita) licet possit, non tamen tenebitur obedire Superiori legitime præcipienti. Quod est in maximum præjudicium obedientiæ, præsertim religiosæ, totiusque Religionis.

*Resp. 3.* Quando subditus probabilis iudicat, rem sibi præceptam esse contra præceptum divinum, non potest obedire, nec Prælatum eum ad obediendum obligare, in sensu composito hujus judicii, seu retinendo illud.

*Ratio.* Nemini licet agere, nec potest quis obligari ad agendum contra suam conscientiam: sed hoc heret in eo casu, ut patet. Ergo.

*Resp. 4.* In hoc casu subditus non potest obedire formando hoc dictamen conscientiæ: Obediendum est homini magis quam Deo, licet præcipiat contraria Deo. 2. Nec potest obedire iudicando: Dei voluntas est, ut suæ leges tamdiu solum obligent, quamdiu non adest probabilitas in contrarium.

*Ratio 1. p.* Quia hoc esset impium, & stultum iudicium.

*Ratio 2. p.* Quia esset inaudita legum divinarum illusio, & everasio.

*Resp. 5.* In casu R. 3. si in re præcepta manifeste non cernatur ratio peccati, debet subditus opinionem suam deponere, suumque iudicium iudicio prudentis Superioris submittere, & humiliter obedire, de licetitate actus præcepti nullatenus dubitando, vel scrupulando, nec modò iudicium suum suspendendo, sed judicando, & determinando, probabilis esse, licere (nisi aperte cernatur esse malum) quod Superior timoratus, & prudens sine pravo affectu præcipit.

Hoc nos docuit B. Humbertus Quintus Generalis Ordinis nostri in lib. 5. de eruditione Religiosorum, dicens: *Quod à Superiore præcipitur, sic accipiendum est, ac si à Deo præcipitur.*

*Ratio.* Tum quia communiter dicitur, quod obedientia debet esse cæca. Tum etiam quia auctoritas Superioris vicem Dei tenentis (in quibus verbis insinuat dispartitas inter Superiorem, & quemque alium Theologum, cuius sententiæ non teneor me semper submittere) sat rationabiliter movet subditum, ut probabilis iudicet, licitum esse, quod ille præcipit; licet ante judicavit, sententiam Prælati esse minùs probabilem, minùsque tutam.

*Sed dic mihi,* hæc obligatio se subiiciendi iudicio Prælati oritur ex ejus majori doctrina, & sapientia?

*Minimè;* sed ex ejus munere, & auctoritate, qua Deus eum Vicarium suum fecit, adeoque specialiter ei assinit, eumque singulariter dirigit (quod non potest dici de quocunque alio Theologo, ut mox dixi) adeoque non est presumendus inhonestæ percipere, nisi manifestè ratio inhonestæ cernatur.

**QUÆRO XIII.** Quam sententiam salva conscientia potest tueri Advocatus?

**XXXV. Resp.** Advocatus in iudicio fori externi potest salva conscientia tueri sententiam probabilem, etiam concurrente probabiliori, & ex æquè probabilibus utramlibet, seu quam maluerit. Ita habet communis opinio DD.

*Ratio 1.* Quia Advocatus non fert sententiam, nec decedit jus uti Iudex, sed solum proponit merita causæ loco sui clientis, qui est actor, & litigans: sed actor habet jus in foro externo exponendi suas rationes probabiles.

Ergo

Ergo etiam hoc licite potest facere per Advocatum. *Quia hoc potest quis facere per alium, quod potest facere per seipsum; ut habet Regula Juris 86. in 6.*

*Ratio 2.* Causa, quæ à principio videbatur minus probabilis, in decursu litis sæpè fit probabilior ad inventis novis scripturis, testibus, aut aliqua adversæ partis confessione, vel visis, & ponderatis aliis Juris Capitulis. Ergo licet eum defendere.

*Opposio 1.* Quando jus est dubium, favendum est reo. Item: In pari causa melior est conditio possidentis, ut habent Regulæ Juris suprà adductæ. Ergo Advocatus nequit patrocinari causæ minus probabili contra reum, & possessorem.

2. Non licet inclinare Judicem in eam partem, contra quam tenetur ferre sententiam, quia hoc esset inducere ad peccatum: sed Advocatus defendens causam minus probabilem, sic inclinat Judicem. Ergo peccat.

3. Saltem id non licet Advocato in causis gravibus, seu magni momenti, uti sunt vita, fama, omnium bonorum possessio, magnus status, v.g. Majoratus. Ergo. Prob. ant. Proximo in gravissima, seu extrema necessitate existentis, tenentur omnes, quantum possunt, succurrere, & Advocatus (de quo id specialiter docet S. Th. & cum eo omnes Theologi 2. 2. qu. 71. art. 3.) patrocinium præstare: sed in casu, quo periclitatur vita, fama, aut tota substantia proximi, ille est in gravissima, seu extrema necessitate. Ergo omnes (etiam actor, & ejus Advocatus) tenentur ei succurrere. Sed causam probabilem defendendo contra eum, ei non

succurrunt, immò potiùs per talis causæ victoriam eum in talem necessitatem inducunt. Ergo peccant saltem contra charitatem.

*Ad 1. Resp.* ibi sermonem esse de Judice, non de Advocato.

*Ad 2. dist. maj.* Non licet inclinare positivè, & suadendo, vel quocunque modo efficiendo, C. maj. negativè, nimirum solum ostendendo merita suæ causæ (quod est proprium Advocati officium) & in ejus favorem sine fraude argumenta, ac jura allegando, N. maj. quia aliàs tota forma judiciaria tolleretur. Et sic dist. min. N. conf.

*Ad 3.* N. ant. licet enim aliqui DD. pèdistinguant inter causas minoris, & majoris momenti, asserantque licere Advocato tueri partem minus probabilem in causis minoribus, non verò in majoribus antè nominatis, sive civiles sint, sive criminales. Verum noster Ildephonfus priorem sententiam bene vocat magis piam, & valde consulendam: alteram verò in rigore Theologico ait videri sibi magis probabilem, oballatas rationes. Unde ad prob. dist. maj. Si proximus ad istam necessitatem inducatur injustè, aut ex infortunio, C. maj. si justè, aut juridicè ab habente auctoritatem, v. gr. à Judice juxta merita causæ; uti fieret in præfenti, N. maj. & sic dist. min. N. conf. Exemplum est in eo, qui justè damnetur ad suspendium, vel ad perpetuos carceres, sive ut fame pereat: in quo casu non omnes tenentur illi damnato succurrere eum liberando, vel panem offerendo.

Plura de Advocato vide infra Tract. 9. Exam. 6. Q. 3. & 4. num. 57. & seqq.



# TRACTATUS III.

*De ultimo fine hominis. De voluntario, & involuntario.  
De actuum humanorum circumstantiis, ac moralitate.*

*Ex Prima Secunda Angelici Doctoris à Quæstione 1. usque ad 21. inclusivè.*

**C**ommunis est parcemia: *Quidquid agis, prudenter agas, & respice finem*, maxime ultimum; quia ab ejus bonitate intenta dimanat noitrorum actuum humanorum bonitas. Qua de re instruit nos Angelicus Doctor in 1. 2. q. 1. & seqq. Quæstionibus, agens prius de ultimo fine, ac beatitudine hominis, acturus postea de iis, per quæ homo ad hunc finem potest pertingere, vel ab eo deviare; uti sunt virtutes, & peccata. Sit ergo

## EXAMEN I.

*De ultimo hominis fine, actibus humanis, & voluntario, ac involuntario in iis respecto.*

*De quibus S. Doctor agit à Q. 1. usque ad Q. 6. inclusivè.*

**I.** **C**um Confessarius erga poenitentem Doctoris fungatur officio, si eum inveniat didam Parcemiam, *Quidquid agis, &c.* minus considerantem, de ultimo fine minus sollicitum, tenetur indubiè conscientiz Doctor Clientis conscientiam tangere, illumque de hac ultima actionum nostrarum meta erudire. Quare

**QUÆRO I.** Quis est finis ultimus hominis, & in quo consistit?

**II. Respondeo 1.** Est æterna beatitudo, ad hanc homo creatus est ab eo, qui 1. Timoth. 2. *vult omnes homines salvos fieri*, eamque homo in omni actione sua tenetur quærere. Per actus bonos eam obtinet, per malos ab ea deviat. Beatitudo est duplex, una objectiva, quæ est ipse Deus, ut patebit ex R. 3. altera formalis, quæ est illa actio qua priorem, seu objectum beatificum nimirum assequimur actu, & in re. Hæc ex se patent.

**Respondeo 2.** Beatitudinem formalem Scotistæ dicunt esse actum voluntatis, scilicet amorem, Thomistæ verò probabilis tenent esse actum intellectus, nimirum visionem Dei ut est in se, quæ ideo beatifica dicitur.

*Tribunal Confessariorum.*

**III. Ratio Thomistarum est.** Beatitudo formalis essentialiter, & metaphysicè sumpta (sicut summi debet) consistit in tali actione, quæ ex intrinseco suo conceptu est omnium prima consuetudo, & possessio finis, seu summi Boni: sed talis actio non est actus voluntatis, seu amor, sed solius intellectus. Ergo. Min. prob. Illius potentiz operatio est per se primò consecutiva, & possessiva objecti, cujus proprium munus est, objectum ad se, & intra se trahere, ac intimè sibi prælens facere: sed hoc est proprium munus intellectus, non voluntatis. Min. prob. Ex Philosophia constat, quòd inter voluntatem, & intellectum hæc sit differentia, quòd voluntas sit potentia cæca, ejusque actus solum sit pondus, & inclinatio in objectum, à quo ipsa trahitur: è contra intellectus (de quo Arist. dicit, quòd intelligendo sit omnia, quæ intelligit, puta, non in esse entitativo, sed in esse intelligibili) per species trahit res intra se. Ergo voluntas non est attractiva, seu affectiva objecti, bene tamen intellectus.

Nota tamen, non negari à Thomistis, quòd actus voluntatis, nimirum amor, delectatio, & fructio, beatitudinem formalem consequantur tamquam inseparabiles proprietates, spectentque ad ejus statum, perfectionem, seu integritatem, & habeant se, seu Deum Beato uniant, per modum prosecutionis, sive profectivæ, qui per actum intellectus ei jam fuit unitus consecutivè. Per quem intellectus actum etiam ipsa voluntas Beati satiatur radicaliter (sicut per actum voluntatis satiatur formaliter) essentia autem beatitudinis formalis consistit in unione

C illa

illa consecutiva, & satiatione radicali. Hinc & intellectus attingit Deum sub ratione boni, non in quantum ly sub dicit rationem formalem sub qua ( sic enim spectat ad voluntatem ) sed in quantum rationem formalem, qua assequibilis est. Hæc speculativa sunt. Proinde pluribus talibus omisitis, quæ in ad. videntur.

IV. Resp. 3. Nulla res creata, vel creabilis potest esse vera creaturæ rationalis beatitudo objectiva, sed solus Deus.

\*Ratio. Angel. Doctor hic q. 2. art. 8. Beatitudinem definit, quod sit bonum totaliter quietans, & satians appetitum, nimirum rationalem. S. August. lib. 5. de Civit. quod sit verum omnium sperandarum cumularum plenitudo. Boetius l. 3. consol. quod sit status bonorum omnium aggregatione perfectus. Sublimo: Sed nulli rei creatæ, vel creabili, nec toti rerum creabilium universitati, seu collectioni dicta prædicata competere possunt, Ergo. Min. prob. Creaturæ, quæcunque illa sit, manet semper bonum particulare, limitatum, & mutilum; Item, cognitio effectus est homini naturale desiderium cognoscendi causam: sed omne bonum creatum: si dividitur, si collectivè sumptum, quantacunque etiam perfectione polleat, est effectus Dei. Ergo potest, & petit appetitus extra tale bonum se extendere ad cognitionem, & amorem Creatoris. Ergo ab ea non satiatur. Unde optimè S. August. libr. 13. Confess. cap. 8. ait: *Creatura rationali non sufficit ad beatam requiem, quidquid Deo minus est.*

QUÆRO II. Estne possibile, ab eadem voluntate simul efficaciter appeti plures ultimos fines totales, & adæquatos, ac simpliciter ultimos?

V. Dicitur 1. in tit. ab eadem voluntate, & simul, quia de diversis voluntatibus, vel etiam de eadem pro diverso tempore, id non est negandum. Dicitur 2. efficaciter, id est, se, & omnia sua referendo in ultimum finem, nam posse simul ferri in alium finem ultimum inefficaciter, & secundum quid, patebit postea Q. 3. num. 7. ex dicendis de peccante venialiter. Dicitur 3. fines totales, de partialibus enim id conceditur, ut constabit ex dicendis; ad Oppon. 2. de pluribus Diis Gentilium. Hoc præmissio.

Resp. esse impossibile, & manifestam impli-

cantiam. Ita S. D. hic q. 1. art. 5. in c. Ratio. Impossibile est, idem esse, & non esse. Quod Axioma est Aristotelis 4. Metaph. tex. 9. & est primum omnium principiorum in Philosophia, in quod velut in fontem omnia alia reducuntur, & probantur, ut docet Sancti. Tom. 2. 2. qu. 1. art. 7.

in c. dicens: *Omnia principia reducuntur ad hoc sicut ad primum. Impossibile est, simul affirmare, & negare, nimirum idem prædicatum de eodem secundum idem, seu secundum eandem rationem: alioquin enim duæ propositiones contradictoriæ essent simul veræ, quod repugnat. Subiungo: Sed, si eadem voluntas posset simul efficaciter appetere plures fines totales, & simpliciter ultimos, lequeretur, idem simul esse, & non esse. Ergo. Min. prob. Nam quilibet istorum finium esset simpliciter ultimus, & totalis, ut supponitur, & non esset, quod prob. Finis simpliciter ultimus, & totalis est, qui propter seipsum appetitur, & cetera omnia propter ipsum. 1. Ethic. c. 2. vel ut ait S. Th. cit. qui ita implet totum hominis appetitum, ut nihil extra ipsum appetendum relinquatur: sed si voluntas simul efficaciter appeteret plures fines simpliciter ultimos, & totales, v. g. finem A. & finem B. tunc propter neutrum expeteretur cetera omnia, neuter super omnia diligeretur, extra quemlibet aliquid appetibile restaret, nimirum alter finis. Ergo.*

Oppono 1. Pater in divinis est finis ultimus simpliciter. Item Filius, item Spiritus Sanctus. Ergo sunt tres fines ultimi simpliciter.

2. Deus est finis ultimus simpliciter; saltem apprehensus, si sit Deus falsus: sed Gentiles coluerunt plures Deos, ut Apollinem, Martem, Venerem, &c. Item 2. R. 11. celebratur Idolium speciem habens Pavonis, aliud speciem habens equi, Phasiani, Hirci, Galli, &c. Item 1. R. 12. vitulus aureus. Et Jud. 16. Idolium formam piscis infernæ, & speciem formæ mulieris referens supernæ. Ergo.

Ad 1. N. conf. Sicut enim non sequitur: Pater est Deus, Filius est Deus, & Spiritus Sanctus. Ergo sunt tres Dei; sed solum sequitur: Ergo Deus est trinus; Ita in præsentia non sequitur, esse tres fines ultimos: sed finem ultimum esse trinum. Ubi in memoriam revocanda est illa Regula Dialecticorum, quod nomina numeralia primitivæ speciei, v. g. duo, tres, tria, &c. addita substantivo in concreto, vel adjectivo substantivè sumpto, multiplicent tam formale, seu naturam, quam materiale, seu suppositum: nomina verò derivativæ speciei v. g. binus, trinus, &c. sola supposita, siue personas multiplicent. Ex quo fit, quod, si ly bonus sumatur purè adjectivè, dicantur in divinis esse tres boni, secus, si sumatur substantivè.

Ad 2. dist. min. dicendo, quod Gentiles coluerunt plures Deos, vel eos subordinando unitamquam supremo, & ultimo v. g. Jovi, vel

vel si unum ad alterum non ordinaverint, non fuerunt fines simpliciter, & absolute ultimi, ac totales (de quibus hic est sermo) sed in certo tantum ordine, & causa, v. g. Mars in bello, Venus in lascivia, seu generatione, Ceres pro terræ fecunditate, Apollo pro scientia, Neptunus pro arte nautica. Vel unus populus hunc, alter illum Deum voluit: hic verò loquimur de eadem voluntate.

Nota, quod hic dicitur secundum rem, etiam dicendum esse secundum intellectum, nimirum nec intellectus, purus, sano, apprehendi posse plures fines simpliciter ultimos, ac totales, nisi omnem Deum, ac finem ultimum destruendo, & hoc ob rationem pro R. datam. Vide infra in hoc Tract. Examen 3. n. 47. An idem actus humanus possit simul esse bonus, & malus moraliter. Item de Politico. ibid. num. 50.

QUÆRO III. Quis est finis ultimus hominis mortaliter, vel venialiter peccantis?

VI. Resp. 1. Homo mortaliter peccans, delicto Deo Creatore suo, Creaturam, & quidem seipsum sibi Deum, ac finem ultimum præstitit: Ita S. D. loco citando. Et de Verit. q. 28. art. 1.

Ratio. Inordinatus amor sui est causa omnis peccati, ut ait S. Thom. infra q. 77. art. 4. Et S. Auguſt. a S. D. ibidem citatus inquit. Sicut amor Dei adificat civitatem celestem usque ad contemptum sui, ita amor sui adificat civitatem Babylonis usque ad contemptum Dei. Et Arist. 9. Ethic. c. 4. & 8. Præsumptivus sui gratia agit, & tanto magis, quanto pravius est. Ergo homo mortaliter peccans pro fine ultimo habet seipsum. Prob. conf. Finis ultimus respectu agentis est, causa cuius, gratia, & amore sui agit, quidquid agit: Sed homo mortaliter peccans gratia, & amore sui agit, quidquid agit. Ergo. Min. pat. tum ex verbis SS. Auguſt. & Thomæ, uti & Arist. tum ex eo, quia omnis inclinatio (utpotè appetitus secundum naturam) tendit in bonum illius naturæ, in qua radicitur: sed affectus hominis mortaliter peccantis est inclinatio naturæ sibi relicte, sicut contra affectus hominis iusti, vi gratiæ, & charitatis, est inclinatio naturæ participativè divinæ. Ergo sicut hic nonnisi in bonum divinum, ita ille non tendit nisi in bonum proprium.

Ex his colligitur sensus verborum S. Hieron. in Psalm. 80. dicentis: Cui Deus venter est, ei Deus venter est. Quæcumque vitia habemus, & quotiescumque peccata, tot recentes habemus Deos. Tractus sum, ira mihi Deus est. Vidi mulierem, & concupivi, libido mihi Deus est; unusquisque enim, quod cupit, & veneratur, hoc illi Deus est. Quæ verba quidem

probant, quod peccator mortalis pro fine ultimo habeat creaturam, sed posset ex eis quis simul probare, quod habeat simul plures ultimos fines, seu Deos, & quidem tot, quot habet peccata.

Verum juxta dicta peccator in omnibus suis peccatis est ipse sibi solus, & unicus Deus. Distinguendum autem est inter finem ultimum cui, qui respectu hominis mortaliter peccantis est ipse peccator secundum se, & in natura consideratus: sic enim quæcumque bona vult, ultimatè sibi vult, & intuitui sui diligit universa, & inter finem ultimum cuius gratia, formalem, huncque vel in abstracto, qui respectu prædicti peccantis est bonum proprium, & commoditas ipsius: vel in concreto, sicutque est ipsemet peccator, ut affectus, vel efficiendus tali bono. Hinc patet intelligentia verborum S. Hieronymi: loquitur enim de ira, libidine, cæterisque vitiis in concreto, & non in abstracto, non enim libidinose, sed ipse libidinose sibi Deus, & ultimus finis est. Pro quo

Nota, non requiri inter finem cui, & cuius gratia distinctionem realem entitativam, sed sufficere realem formalem, quæ etiam in præsentem intercedit, petitque, & potest peccator consequi seipsum in ratione finis: seipsum, inquam, non materialiter, & in natura spectatum, sed sumptum formaliter, hoc est, ut affectum, vel efficiendum bonis creatis.

VII. Resp. 2. Iustus venialiter peccans præter Creatorem (in quem ratione gratiæ, & charitatis habitualiter conversus manet) non diligit creaturam velut finem ultimum simpliciter, sed secundum quid tantum. Ita S. D. citando.

Ratio. Impossibile est, idem esse, & non esse, ut explicatum est in prob. R. ad Q. 2. Sed si iustus venialiter peccans pro fine simpliciter ultimo non retineret Deum ratione gratiæ, & charitatis, sequeretur, idem esse, & non esse. Ergo. Min. prob. In primis homo sic peccans esset ratione charitatis, conversus, in Deum, ut ultimum finem: deinde non esset, quia ratione peccati venialis haberet pro fine ultimo simpliciter creaturam. Quod cum dicendum non sit, dicendum est, finem simpliciter ultimum (etsi finis secundum quid ultimus in creatura collocetur) respectu hominis iusti venialiter peccantis manere Deum: ita ut in aliquo vero sensu verum sit dicere, peccatum veniale in homine iusto habitualiter referri in Deum, ut docet S. D. 2. 2. q. 24. art. 10. ad 2. dicens: Quod amat in peccato veniali (putà ab hominæ iusto) propter Deum amatur habitu, etsi non actu.

In quo autem hæc habitualis relatio consistat,



stat, non est una omnium mens. Probabilius consistit in hoc, quod in charitate potestate sit, peccata venialia prohibere, ne fiant: quæ etiam de facto impediret, si ejus fini adverterentur, quæ potestas est quidam modus relationis, & domini indirecti, qui enim habet potestatem impediendi aliquid, ne fiat, quamvis de facto non impediatur, censetur habere dominium super illud.

Nec oblat dicere, charitas etiam potest prohibere, ne fiant peccata mortalia, & tamen ob hoc de his dici nequit, quod habitualiter referantur in Deum. Non, inquam, obstat. Quia ut aliquid dicatur habitualiter referri in Deum per charitatem, debet charitati posse coexistere: sed non possunt ei coexistere mortalia, ut potest mortem animæ afferentia, bene tamen venialia, ut potest quæ veniam facile merentur, etsi enim hæc a Deo non nihil divertant, non tamen avertunt, nec amicitiam divinam tollunt. Ergo.

*Oppono 1. contra R. 1. Si quis rationem ultimi finis, & summi Boni attribueret creaturæ, esset hæreticus: sed non omnis mortaliter peccans est hæreticus. Ergo nec habet pro ultimo fine creaturam.*

2. Homo mortaliter peccans ratione naturæ manet conversus in Deum, Ergo idem, quod prius. Vel certe habebit duos ultimos fines simpliciter, quod ante negatum est.

*Ad 1. maj. est vera, si quis creaturæ rationem summi Boni attribueret speculative, formaliter, & in actu signato: secus verò si solum attribuat in actu exercito, interpretative, seu ex Parte modi operandi, ut communiter fit in peccantibus mortaliter.*

*Ad 2. con. ant. & N. utramque conf. Sciendum autem est, alium esse finem, in quem homo ordinatur naturali necessitate, seu ratione naturæ à Deo conditæ, alium verò in quem fertur libera voluntate. Priori modo homo, etiam mortaliter peccans, manet conversus in Deum, ut in ultimum finem: secundum autem modo per peccatum mortale a Deo, ut ultimo fine descedit, & ad creaturam, seu ad seipsum se convertit; descedit, inquam, à Deo, etiam ut ab Auctore naturali. Supposita enim elevatione naturæ humanæ ad finem supernaturalem, is, qui directè peccat contra Deum ut Auctorem gratiæ, etiam indirectè, & ex consequenti peccat contra eum, ut Auctorem naturæ. Ex quo*

Sequitur, quod talis peccator simul habeat duos fines ultimos, & totales, sed diversi ordinis, & rationis mox explicatæ, quod non repugnat dictis ad Q. 2. quia ibi agitur de pluribus finibus ejusdem ordinis, & in quorum quolibet homo tendit libera voluntate.

**QUÆRO IV.** Potestne hominum verum

finem ultimum, nimirum Beatitudinem obtinere, vel ab ea deviare per quascumque actiones? & quid sunt actus humani?

*VIII. Resp.* Non potest. *Declaratur.* Triplex est genus actionum ab homine elicitarum. Aliæ sunt actiones convenientes homini secundum gradum genericum, seu ut animal est, & dicuntur secundum se potius animales, quia sunt ei cum brutis communes, ut ambulare, nutrire, crescere, & generare, &c. quæ secundum se præcisè sumptæ non sunt ad propositum.

Aliæ sunt actiones humana convenientes homini, ut homo est, & ut a brutis distinguatur: quæ distinctio fit per hoc, quod homo per rationem, & voluntatem sit Dominus suarum actionum, quod idem est, ac agere ex prævia rationis deliberatione, seu habere facultatem, positis omnibus ad agendum requisitis actum ponendi, vel non ponendi. Et per tales actiones homo potest Beatitudinem obtinere, si sint de genere bonorum; vel ab ea derivare, si sint de genere malorum: solis enim actibus voluntariis, & liberis debetur præmium, vel supplicium, seu ut habet axioma Theol. In naturalibus, id est, in voluntariis, & non liberis, nec meremur, nec demeremur.

Tandem aliæ sunt actiones hominis, & sunt, quæ quidem absolute ab homine, ut à principio procedunt, sed indeliberatè, ut si quis absque omni deliberatione aliquid oret, vel non advertens barbam fricat, nasum tabaco pabulet, &c. quas aliqui non male vocant actiones humanas quoad substantiam, & si deliberatè fiant, sunt tales etiam quoad modum. Qui modus addi etiam potest pluribus actionibus primi generis.

**QUÆRO V.** Ut hoc magis explicetur, dic mihi, quid, & quod duplex est voluntarium, & an sit idem, quod liberum.

*IX. Resp. 1. Voluntarium a S. Thom. qui de eo agit hic q. 6. & ab Arist. bene definitur, esse id, quod est à principio intrinseco, cum cognitione finis. Ubi loco generis ponitur ly id, estque idem quod actus, non enim loquimur hic de objecto voluto, quod dicitur voluntarium denominative extrinsece. Ly à principio intrinseco ponitur loco differentiæ, quia per hoc voluntarium differt à violento, quod in Physica definitur esse id, quod est à principio extrinseco, passo non consentiente vim, seu propensionem, sed positive resistentem. Ubi passum est subiectum, quod patitur violentiam. Ly cum cognitione finis ponitur etiam loco differentiæ, per hoc enim voluntarium differt à naturali, uti est v.g. motus lapidis deorsum, vegetatio, & progerminatio herbarum terræ, maxime non cultæ. Ipoate sua*

flua progeminantis flores, quæ actiones sunt quidem à principio intrinseco, & possunt dici spontaneæ, non tamen voluntariæ (nisi metaphorice) defectu cognitionis: Quæ cognitio est duplex, scilicet sensitiva, & rationalis. Prima est in brutis, secunda in hominibus, & quia prima est imperfectior secunda, voluntarium in brutis repertum est imperfectius voluntario, quod est in homine.

*Oppono* contra voluntarium brutorum. Voluntarium dicitur à voluntate; sed in brutis non est voluntas. Ergo nec voluntarium.

*Ad hoc* dist. maj. quantum ad nominis impositionem, & denominationem voluntarii, quæ defumitur à principali, C. maj. quantum ad rem ipsam significatam, N. maj. & sic dist. min. N. conf. Itaque quantum ad rem ipsam voluntarium verè reperitur in brutis, ut patet ex definitione ejus. Et licet in majori rigore in hominibus vocetur voluntarium, tamen usu jam est trasnlatum ad significandum spontaneum (qui terminus in omni rigore loquendo magis eis deberetur) brutorum.

*Resp. 2.* Voluntarium, & liberum non sunt formaliter idem, nec habent se convertibiliter, sed voluntarium latius patet.

*Ratio.* Liberum præter proceßum à voluntate, cum cognitione finis requirit etiam indifferentiam judicii, & facultatem ad posse agere, & non agere, ut explicatum est ad Q. 4. Hinc omne liberum quidem est voluntarium, non tamen è contra, quia voluntarium est quid superius, & ideo latius patens. Nam pueri, amentes, & bruta agunt voluntarie, non tamen liberè: amor beatificus est voluntarius, sed non liber. Sicut omnis homo est animal, non tamen è contra.

*X. Resp. 3.* Voluntarium variè dividitur. Nam *Primo*: Voluntarium aliud est necessarium, quod est à voluntate non indifferente, sed ad unum determinata, exemplum cujus est in amore beatifico. Aliud liberum, quod est à voluntate ad utrumlibet indeterminata, uti est amor hominis in via.

*Secundo.* Voluntarium aliud est formale aliud virtuale. Primum est à voluntate actu influente, alterum est virtus, vel effectus prioris, seu est ipsum voluntarium actuale non retradatum, quatenus permanet in aliquo suo effectu, prout id solet explicari de intentione virtuali. Sicut dum quis semel actu formali se resolvit ad peregrinandum usque Romam, licet in toto itinere super hunc actum se non reflexat, manet voluntarius virtualiter: quia prima voluntas manet virtualiter in suo effectu, scilicet in continuatione itineris.

*Tertio* potest mihi aliquid esse voluntarium. *Tribunal Confessoriorum.*

physicè, ut, quod ipse per me facio, v.g. percussio à me ipso facta; vel moraliter, ut si fiat ex meo mandato, consilio, petitione, &c.

*Quarto* est aliquid voluntarium voluntate propria, de quo patet ex jam dictis; vel voluntate aliena, ut si voluntas alterius moraliter habeatur pro voluntate propria. Sicut in contractibus voluntas Tutoris habetur pro voluntate pupilli. Idem est de Procuratore respectu sui Principalis, de filio impubere respectu Patris. Et eodem modo peccatum Adami fuit nobis voluntarium in ipso, ut in Capite ex pacto voluntates nostras in sua continente.

*Quinto.* Voluntarium aliud est expressum, quo actu formali, & expresso à voluntate procedit; aliud interpretativum, quod fictione, aut statuto juris, aut per Epikejam, seu prudentum consilio à voluntate procedere censetur.

*Sexto.* Aliud est voluntarium in se, aliud in alio, ut in causa, vel ut in continente. Primum est, quod in se ipso terminat volitionem, ut si quis expressè intendat loqui blasphemias. Alterum verò, quod in se non est formaliter volitum, sequitur tamen ex alio objecto, quod est volitum in seipso, five illud sit alterius causa, ut si quis sciat se habere consuetudinem blasphemandi in ebrietate, & tamen voluntariè se inebriat, blasphemia est ei voluntaria in causa: five sit aliquod torum continens in se alterum, ut si quis occidat prægnantem, sciens esse talem, occisio fortis, licet explicitè non intenta, dicitur ei voluntaria in alio, ac implicitè.

*Septimo.* Voluntarium aliud est directum, aliud indirectum. Primum est, quod ex positivo voluntatis influxu procedit, five immediatè, ut furtum à furè; five mediatè, ut mors ex porredione veneni. Indirectum (quo nomine Moralistæ, sæpè etiam intelligunt voluntarium in causa) propriè est illud, quod positivè expressè à voluntate non procedit, ei tamen imputatur, eo quod habeat facultatem, & obligationem malum aliquod impediendi, & non impedit, ut si submergatur navis nauta dormiente tempore magnæ tempestatis, quam prævidit.

*QUÆRO VI.* Quæ sunt causæ involuntarii?  
*XI. Resp.* Sunt quatuor, nimirum violentia, metus, concupiscentia, ignorantia, ut docet S. Thom. hic q. 6. a. 5. & seq.

*Explicatur Prima Involuntarii causa, scilicet violentia.*

Violentum iam ante in R. ad Q. 5. fuit definitum: Quod sit causa involuntarii probatur ex S. Thom. cit. a. 5. Quia voluntarium

petit esse a principio intrinseco, ut patet ex ejusante data definitione: violentum autem est à principio extrinseco, passio non inclinante, sed pro viribus resistente, ut ante fuit explicatum. Exemplum est in stupro sœminæ per vim oppressæ, nec interius, nec exterius contentientis? sed pro possibili resistentis, seque defendentis; quod ei omnino est involuntarium, consequenter nec ei ad culpam imputatur.

Not. hic esse sermonem de violentia simpliciter tali, quæ agens extrinsecum in passio totis viribus resistente, & consideratis omnibus circumstantiis absolute respuente, aliquid efficit, vel impedit: quæ si nimirum inferatur rebus cognoscentibus, etiam vocatur coactio, non cognoscentia enim non dicuntur cogi, sed solum violentari, v. gr. lapis sursum projectus. Et hæc violentia, quia tollit omne voluntarium, tollit etiam omne meritum, & demeritum, ac Sacramentorum validitatem. Est autem altera violentia, & coactio secundum quid talis, quando nimirum agens extrinsecum ex se non est sufficiens ad causandum effectum, nisi etiam voluntas patientis efficaciter cooperetur, licet ineffaciter, seu secundum aliqualem inclinationem, non verò totis viribus renitatur: Vel sic; Est, quando voluntas in his quidem circumstantiis absolute vult, conditionatè tamen illud non vellet, puta, si tales circumstantiæ deessent. Sicut mercator tempore tempestatis, ut vitam servet, absolute vult projicere merces in mare, quas nollet projicere, si deesset periculum vitæ, & hæc violentia secundum quid talis est in metu. De quo Q. 7.

Colligitur ex dictis, violentum non esse idem quod necessarium, quia necessarium potest esse voluntarium, ut patet ex dictis de amore beatifico. Item violentum non est convertibiliter idem cum involuntario. Quia involuntarium latius patet, cum possit etiam causari ex ignorantia. Secus est de violento. Omne ergo violentum, seu coactum, simpliciter tale, est involuntarium sed non e contra.

*Secunda involuntarii causa, scilicet metus.*

De quo S. D. q. 6. a. 6.

QUÆRO VII. Quid, & quotuplex est metus? causatne involuntarium simpliciter, & cur?

XII. Resp. 1. Metus à S. Thoma infra q. 41. bene definitur, quod sit *passio, qua refugimus malum futurum, cui resisti non potest*. Dividitur in levem, & gravem. Metus levis est, quo timetur malum leve, aut grave ex causa levi, vel improbabili, diciturque à Juristis cadere in virum inconstantem, ac personas leves, & meticulosas, à concepta sententia facile dimovibiles: ut si quis metu pluvie, luti, pulveris, &c. in die festo omittat Missam. Me-

tus gravis est, quo timet quis grave malum, qualia mala sunt mors, mutilatio, enormia verbera, exilium, servitus, durus carcer, damnatio ad trirèmes, amissio omnino, vel notabilis partis bonorum, infamia moraliter indelebilis, excommunicatio injusta, ablatio instrumentorum artis, sine quibus victus haberi non potest. Et hic metus dicitur à Juristis *cadere in virum constantem*, non quod solus vir ejus capax sit, sed quia tantus est, ut viros etiam fortes, prudentes, & aliàs valde constantes, terrere, conturbare, dejicere, ac perplexos reddere possit. Dividitur iterum metus in eum, qui est ab intrinseco, & qui est ab extrinseco; qui explicabitur infra Tract. ult. Exam. 3. Q. 2. n. 33.

Resp. 2. Ut metus sit gravis, requiritur 1. Ut grave malum a timente apprehendatur futurum, non ex ratione levi, sed valde probabili. 2. Ut is, qui malum illud minatur, sit potens illud exequi: aliàs enim erit *vana sine viribus ira*. 3. Quod sit solitus tales minas exequi. 4. Ut malum illud non possit à timente facile evitari. 5. Consideranda est qualitas Personæ timentis, nam respectu pueri, vel mulieris potest esse metus gravis, qui respectu viri est levis. Sicut idem dici solet de tentationibus.

Resp. 3. Metus potest dupliciter se habere ad operationem. *Primo* causaliter, ita ut verè sit causa actus, v.g. projectionis mercium, sic ut homo verè agat ex metu, seu impulsu ejus; quia *ly ex, & per* significant causalitatem. Et hoc iterum dupliciter, nimirum, ut vel sit causa totalis ejus, ita ut absente metu non poneretur actus, & in hoc solo sensu metu ca. usat involuntarium. Vel, ut sit ejus causa partialis, ut si cum aliis quibusdam causis impellat ad actum, ita tamen, ut talis actus poneretur, licet metus ille non adesset, & in hoc sensu metus non causat involuntarium. *Secundo* metus potest ad operationem se habere merè concomitanter, ita ut operationem quidem comitetur, ad eam tamen non impellat. Sicut si Martyr moriatur cum metu mortis, non tamen ex metu mortis, sed ex obedientia, & amore Dei. Et in hoc sensu metus etiam non causat involuntarium, quia *ly cum* non significat causalitatem, sed meram simultatein, & concomitantiam.

XIII. Resp. 4. Quæ, in sensu explicato, sunt ex metu gravi, sunt mixta ex voluntario, & involuntario, ita ut simpliciter sint voluntaria, & secundum quid involuntaria: Exemplum est in dicta projectione mercium.

Ratio 1. pro 1. p. Quod fit ex efficaci voluntate, & intentione operantis, est simpliciter voluntarium, ut patet ex definitione voluntarij: sed ita fit in casu posito, quia mercator re vera sciens, & volens projicit merces in mare, ut hoc medio vitam salvet. Ergo.



*Ratio 1.* Ubi est liberum, ibi est voluntarium, quia ab inferiori ad superius affirmativè est bona consequentia, v.g. Est homo : Ergo est animal; liberum autem est quid inferius ad voluntarium, ut patet ex dictis pro R. 2. ad Q. 5. *Subsumo* : Sed quod sit ex metu, est liberum, nam dictus mercator potest projicere, & non projicere merces. Ergo, Idem patet in Petro, qui ex metu, & tamen libere negavit Christum, quicum negando peccavit : peccatum autem est liberum. Ergo.

*Ratio 2. p.* Ut aliquid sit involuntarium secundum quid, sufficit, voluntatem, & inefficaciter reniti : sed hoc fit in calu posito. Ergo.

**QUÆRO VIII.** Hæc doctrina estne etiam vera de obervantia mandatorum Dei, ac dolore de peccatis concepto ex metu gehennæ ?

*XIV. Resp. negativè. Ratio :* Quia tales actus, ut sint honesti, non debent esse involuntarii etiam secundum quid.

Sensus ergo doctrinæ antea datæ est, quod tunc aui admisceatur involuntarium secundum quid : quando malum, (ex cuius metu quis operatur) non causatur ex ipso affectu, & voluntate operantis; quale malum respectu dictæ projectionis mercium est submersio in mare. Sed malum, scilicet gehenna, ex cuius metu, quis observaret mandata, ac doleret de peccatis, si causetur, causatur ex proprio peccaminolo hominis affectu ad bonum creatum, ut patet. Ergo observantia illa, ac dolor non habent admixtum involuntarium ut, involuntarium etiam secundum quid.

Fateor tamen, si illi actus essent taliter involuntarii, vel si homo ita esset affectus, ut haberet conditionatam voluntatem non desistendi a peccato, non servandi mandata, si gehenna non esset, hoc ipso dolor ille careret debita honestate morali, essetque peccaminosus; quia esset, ut vocant, serviliter servilis, nimirum præcisè ex formidine pœnæ. De his plura vide infra de attritione ex metu gehennæ Tract. 13. Examen 3. Q. 3. num. 43. & seqq.

*XV. Quomodo resolvitur hunc casum :* Ex metu gravi omittit quis Missam in die festo, vel non jejunit in die jejunii, peccatne ?

*Ratio dubitandi est.* Quia voluntaria legis transgressio est peccatum, sed hæc est in calu posito, quia metus gravis juxta dicta relinquit voluntarium simpliciter. Ergo. Sed

*Resp.* Quod non peccat. *Ratio :* Quia in calu posito cessat obligatio legis, quia leges humanæ (uti sunt illæ de audienda Missa, & de jejuniis) non obligant, quando sine gravi iactura servari nequeunt, nec censetur esse alia mens pœnæ Matris Ecclesiæ : adeoque earum transgressio in calu posito solum est materialis ;

formalis enim est tunc, quando obligatio legis viget. Ex quo patet ad Rationem dubitandi; maj. enim solum est vera de transgressione formali. Excipitur casus, quo metus incuteretur in contemptum legis.

*Licetne* ob gravem metum facere peccatum mortale, vel saltem veniale ?

*Dico,* non licere. Præstat enim mori, quam sumum Bonum offendere. De quo inferius plura.

**QUÆRO IX.** Juramenta, vota, matrimonia, promissiones, &c. si ex gravi metu fiant, tenent, seu obligantne ?

*Ratio dubitandi est,* quia metus gravis relinquit voluntarium simpliciter.

*XVI. Resp. 1.* Juramentum metu gravi, immoderato extortum (modò sine peccato, & damno proximi possit servari) dicitur validum in c. si verò, de iurejurando. Potest tamen ab eo peti absolutio, nec confirmat contractus alias invalidos.

*Ratio 1. p.* Patet ex reverentia divini nominis in tellem vocati. Vide infra de juramento Tract. X. Examen 4. num. 49. R. 8. & num. 50.

*Ratio 2. & 3. p.* Quia, ut DD. inquirunt, unum juramentum nequit sanare duplex vitium, nimirum vitium involuntarii, & nullitatis contractus.

*Resp. 2.* Vota solemnia, matrimonia gravi metu injustè incusso extorta, testimonium testimonium in testamentis, &c. licet ipso jure naturali non sint irrita ex defectu voluntarii simpliciter. 2. Sunt tamen nulla jure positivo, & usu Ecclesiæ.

*Primam partem* probat Ratio dubitandi adducta, & patet ex eo, quia libertas, quæ sufficit ad peccatum mortale, ordinariè, & quantum est de se, etiam sufficit ad contractum, & votum : sed ad peccatum mortale sufficit voluntarium ex metu, ut ante dictum est. Ergo.

*Ratio 2. p.* Quia legislatores consultò, & rationabiliter voluerunt tales contractus irritare, tum ad vitanda multa incommoda, nimirum jurgia, lites, &c. tum in pœnam illius, qui injustè metum incussit. De votis ex metu vide infra Tract. 10. Exam. 3. Q. 3. n. 10. De Matrimonio ex metu vide Tract. ult. Exam. 3. num. 33.

Contra 2. p. opponi posset, quod jus naturæ sit immutabile, adeoque & id, quod jure naturæ est validum, lege positiva non possit annullari. Sed ad hoc patebit infra Tract. sexto de legibus, Exam. 2. n. 12. ante R. 1. Ubi dicitur, aliqua esse de jure naturæ solum permissivè.

*XVII.* Notandum hic specialiter est de votofolenni, seu Professione ex gravi metu emissâ, quod, nisi votens metum passus intra

quingennium à facta professione reclamaverit, eo ipso non audiatur, ut statuit Concil. Trid. sess. 2. de Reg. c. 19. quia tunc præsumitur ratificasse professionem, quæ ratificatio nisi accesserit, est Religiosus solum putativus, nec in conscientia obligatus: non, inquam, auditur, nisi tacerit ex justa causa, v.g. quia metus fuit continuatus; vel ex ignorantia, ut si Professionis nullitatem non scivit, & tunc, si reclamare velit, debet petere restitutionem in integrum, ac licentiam reclamandi. Unde solet dici, quod non possit reclamare, nisi *Pa-pa aperit os*. Porro hæc reclamatio est facienda, & causæ nullitatis exponendæ coram legitimo Superiore, nimirum Prælo Monasterii, & simul coram Ordinario loci. De quo consule Canonistas.

XVIII. *Resp.* 3. Contractus, v.g. emptiones, venditiones, translationes, concessiones, promissiones, donationes, contractuum rescissiones (quos jus positivum non annullavit) si ex gravi, & iniuriolo metu facti sint, nec juramento firmati, possunt in foro conscientiæ in integrum revocari ab eo, qui gravem metum iniuste passus est.

*Ratio.* Quia alter ei fecit injuriam. Ergo teneatur eum restituere in pristinum statum, & injuriam passus habet jus urgendi hanc restitutionem, potestque licite rem suam recuperare aperte, vel occultata uti compensatione, si aliter nequeat, & scandalum desit.

Dixi 1. quos *jus positivum non annullavit*. Nam ex dictis patet, esse aliqua, si ex gravi metu fiant, ipso jure positivo nulla, ut testimonia in testamentis, l. 4. de testam. Matrimonia, c. *veniens*, de sponsal. Votum solemne, juxta Trid. cit. Absolutio de excommunic. ex metu c. unic. de his, quæ vi, in 6. Jurisdiclio ex metu data, vel prorogata, l. 2. ff. de judiciis, c. ubi periculum, de electionibus in 6. Auctoritas Tutorum l. 1. §. ult. ff. de auctor. Tutor. Addunt aliqui Casus, etiam votum simplex ex gravi metu factum non tenere, sed authenticè de hoc in jure non constat, ut docet Sylvest.

Dixi 2. *nec juramento firmati*, quia aliàs contractus ex reverentia divini nominis erunt servandi ut validi.

*Quid si injuriam passus nolit rescindi contractum?*

*Dico*, quod tunc alter teneatur servare contractum.

*Ratio.* Quia contractus jure naturæ est validus. Ergo tenet utque dum per injuriatum, juri suo cedentem, vel per Superiorem rescindatur.

QUÆRO X. Extorta per metum levem suntne in utroque foro restituenda? Item quid censet de metu reverentiali?

XIX. *Resp.* 1. ad 1. p. Si metus verè fuerit

causa sine qua non, tunc sic extorta sunt saltem in foro conscientiæ restituenda, juxta sententiam tutiorem, & probabiliorum Sylvestri, Navarri, &c. 2. Sed in foro externo ob similem metum non conceditur actio.

*Ratio* 1. p. Qui talem metum est passus, est iniuste privatus sua libertate. Ergo est restituendus in pristinum statum.

Excipitur votum, quod, licet fiat ex levi metu, est validum, nec potest propria voventis voluntate rescindi. Idem est de Matrimonio, ut patet in propriis locis.

*Resp.* 2. ad 2. p. Sola reverentia Parentibus, vel Dominis debita non est metus gravis, seu (ut alii loquuntur) iustus, & sufficiens ad contractus irritandos, nisi concurrant alia adminicula, ex quibus possit colligi, fuisse reverè invitum; uti sunt valde importunæ persuasiones, periculosæ, ac atroces minæ, gravia odia, &c. ita ut modesta contradictio nihil effecisset. Item, loquendo de Matrimonio, inæqualitas contrahentium. His adminiculis concurrentibus potest metus reverentialis censeri iustus, seu gravis.

QUÆRO XI. Estne aliquod remedium juris contra atroces minas, ex quibus metus nasci solet, & quod illud?

XX. *Resp.* Est, & vocatur cautio de non offendendo, consistitque in hoc, quod Juxex requiratur, ut minantem citet, eique severè prohibeat, ne ullam violentiam, aut injuriam contra talem attentet, immò eum discedere non sinat, nisi prius Adversario securitatem spondeat verbis, vel juramento, pignoribus, fidejussoribus, &c. attenta Personæ qualitate.

*Tertia involuntarii causa, scilicet Concupiscentia.* De qua S. D. q. 6. a. 7.

QUÆRO XII. Quid, & quotuplex est concupiscentia? cautatne involuntarium, minuendo, vel tollendo libertatem?

XXI. *Resp.* 1. Per concupiscentiam cum S. Thoma intelligopassionem appetitus sensitivi prosequentis bonum sensibile, ac delectabile, ut sunt amor, desiderium, spes, gaudium, five voluptas, &c. Est autem duplex concupiscentia: Una antecedens, puta, actum voluntatis, eumque præveniens, tanquam ejus causa, ut cum in aliquo, visa puella, accenditur libido, voluntatem rapiens ad delectationem, quasi naturaliter, seu ex seurgens. Alia est consequens, puta, actum voluntatis, seu ab ipsa voluntate præviè operante excitatus, ut cum quis deliberatè vult affici venerea delectatione, ut promptius per hoc in operationem venerem feratur, eamque eo magis concupiscat. Et de hac supponitur, quod non causetur involuntarium, cum ex actu libe-

libero voluntatis sequatur, & causetur.

*Resp. 2.* Concupiscentia antecedens non tollit, nec minuit, sed potius causat, & auget voluntarium imperfectum, seu communiter sumptum, sive prout commune est homini, & bruto, & non est formaliter idem cum libero, ut explicatur in R. 1. ad Q. 5.

*Ratio.* Quia facit, ut voluntas cum majori impetu, complacentia, ac intentione feratur in amplexum boni sensibilis, ac delectabilis. Ergo.

Not. Voluntarium tollere, non esse idem ac illud minuere. Illud tollere, est facere, ut non maneat essentia voluntarii: illud verò minuere, est facere, quòd maneat essentia voluntarii dematur aliquid de ejus perfectione accidentali: sicut contra illud augere, est facere, quòd ejus perfectio crescat.

*Resp. 3.* Concupiscentia antecedens aliquando minuit, immò omnino tollit voluntarium perfectum, seu liberum, quo homo differt a bruto.

*Ratio.* Quia vehemens passio oculum, seu judicium rationis ita turbat, ut parum, vel nihil attendat ad propositionem finis, ac mediorum, cum sæpè absorbeat rationem, ut homo non sciat, quid agat, immò amementem faciat, ut ait S. D. ad 3. quod etiam patet in motibus primoprimis, & in iis, qui ex amore, vel ira rediguntur ad insaniam: ubi non salvatur cognitio indifferens, seu indifferens iudicii: sine qua non datur libertas. Ergo.

Ex quo sequitur, quòd talis passio etiam minuat, vel tollat rationem peccati, ut potè, quæ non est sine voluntario; & eo diminuto diminuitur. Ut patebit in frà Traç. 4. Exam. 2. Q. 24. nu. 72.

XXII. *Opposito* contra R. 2. juxta mentem S. Thom. is, qui accedit ad mulierem sædam, & deformem gravius peccat, quàm ille, qui accedit ad pulchram. Ergo etiam est magis voluntarius. *Subsumo:* Sed accedens ad pulchram accedit cum majori concupiscentia. Ergo concupiscentia minuit voluntarium, & non auget, quia aliàs etiam deberet augere peccatum, quod tamen juxta S. Thomam minuit in accedente ad pulchram.

*Resp.* In hac oppositione fieri transitum à voluntario perfecto, seu libero ad imperfectum, seu in communi sumptum, & solum probat, quòd quia concupiscentia diminuit peccatum, etiam diminuat liberum: quod non negatur. Unde admissio ant. (eo quòd ad sædam accedens accedat cum majori libertate, cum passio, seu concupiscentia non sit tanta) dist. primum conf. Ergo est magis voluntarius voluntario perfectior, seu libero, C. conf. imperfecto, N. conf. Et concessa min. sub. dist. alterum conf.

Ergo minuit voluntarium liberum, C. conf. imperfectum, N. conf.

*Quarta involuntarii causa, scilicet ignorantia.*  
De qua S. D. q. 6. ar. 8.

QUÆRO XIII. Quotuplex est, & quænam causat involuntarium?

*XXIII. Resp. 1.* Ignorantia *Primo* dividitur in eam, quæ est puræ negationis, seu negativæ talis, eo quòd sit in subiecto ad sciendum, inepto, vel simpliciter, ut in lapide: vel pro certo tempore, ac statu, v. gr. amente, vel infante. Et hæc juxta S. Thomam in frà q. 76. ar. 2. potius dicenda est nescientia, quàm ignorantia. Et in ignorantiam, quæ est privationis, seu privativæ talis, quæ est carentia scientiæ in subiecto apto ad sciendum ea, quæ quis potest, aut tenetur scire. Item in eam, quæ dicitur ignorantia pravæ dispositionis, quæ est positiva deceptio, & contrarius veritati error, seu dispositio, vel habitus scientiæ omnino contrariæ, sive habitus falsorum principiorum, ac opinionum, qualls est in Judæis, hæreticis, aliisque errantibus.

*Resp. 2.* Ignorantia *secundo* à Juristis dividitur in eam, quæ est juris, ut si quis ignoret extare legem de excommunicatione percussoris Clerici; & in eam, quæ est facti, ut si quis ignoret ipsum opus à se factum, vel aliquam circumstantiam ejus, v. gr. esse Clericum, quem percussit, licet sciat extare illam legem. Ignorantia juris alia est juris divini, alia humani. Prima iterum alia est juris divini positivi, alia juris divini naturalis. Secunda alia est juris Canonici, seu Ecclesiastici, alia juris civilis, ac Imperatorii. Ignorantia facti alia est facti proprii, ut si ignoret esse Clericum eum, quem tu percussisti; alia facti alieni, ut si ignores Clericum esse eum, quem alius percussit. Ignorantia iterum alia est invincibilis, alia vincibilis. Procuus intolligentia.

*Resp. 3.* Ignorantia à Theologis dividitur *tertio* (de qua divisione maxime queritur in præfenti) in antecedentem, concomitantem, & consequentem. Antecedens est, quæ nec directè, nec indirectè est voluntaria, & ideo vocatur antecedens, quia antecedit omnem actum voluntatis, soletque à Theologis appellari iusta, probabilis, inculpabilis, invincibilis; quia moralis diligentia superari, ac tolli non potest, vel quòd nunquam in mentem venerit dubitare, aut cogitare de opposito: vel etsi in mentem venerit, tamen adhibita diligenti inquisitione non potuit haberi cognitio veritatis, & depelli ignorantia; & hæc ignorantia est causa operis, seu causa faciendi id, quod nullatenus voluntas vellet, si non ignoraretur; quod ex eo colligitur, quia habita cognitione facti statim poeniter fecisse,

v.g. dum quis adhibita omni diligentia ignorans amicum per viam transire, explodit bombardam, & occidit eum.

Hæc ignorantia antecedens causat involuntarium simpliciter. *Ratio.* Quia causat effectum omnino nolitum, ac voluntati, vel formali, vel virtuali, vel saltem interpretativæ totaliter repugnantem.

Ignorantia concomitans est, quæ merè per accedens, & concomitantem se habet ad actum, & ad operandum non movet, nec ab eo retrahit: quia voluntas eodem modo se gereret scientia præsentem, ac se gerit ea absente. Et hæc ignorantia non causat positivè, & actu voluntarium, nec positivè, vel contrariè involuntarium, sed causat voluntarium negativum, seu non voluntarium.

XXIV. *Declaratur exemplo.* Cajus ardentè exoptat necem Titii inimici sui, qui casu obambulavit per sylvam; Cajus putans esse feram, explodit bombardam, & putans, quod interficiat feram, occidit Titium inimicum suum. Hæc occisio in primis non est actu positivè voluntaria. *Cujus ratio est.* Quia voluntarium actu debet esse a principio intrinseco, cum actuali cognitione: sed hic deest actualis cognitio, nimirum inimici. Ergo. Deinde non est positivè actu involuntaria. *Ratio.* Quia non est contra inclinationem actualem voluntatis. Ergo est voluntaria negativè, id est, nec est secundum actualem inclinationem voluntatis, nec est contra illam, sed merè indifferenter se habet. Si enim scivisset inimicum ibi latitare, eum occidisset, sic enim fuit habitualiter, immò actualiter conditionate refolutus.

Tandem ignorantia consequens est, quæ consequitur ad actum voluntatis tanquam volita, & ut effectus ejus. Unde cum sit voluntaria, est etiam culpabilis, si sit circa rem scitu necessariam, soletque vocari injusta, improbabilis, vincibilis, cum potuerit, & debuerit vinci, seu tolli, ac posita scientia haberi. Per eam homo ignorat, quæ scire potest, & tenetur, & tunc est speciale peccatum in confessione explicandum.

Hæc ignorantia causat voluntarium simpliciter, & involuntarium secundum quid.

*Ratio 1. p. est.* Qui vult antecedens, vult etiam consequens, ex eo sequi natum, & qui est causa causæ, quatenus talis, est etiam causa causati: sed ignorantia consequens est directè, vel indirectè volita (ut mox dicetur) in quo differt ab antecedente; & talis effectus ex ea sequi natus est. Ergo & effectus simpliciter voluntarius est.

*Ratio 2. p.* Quia ille ignorans sæpè non produceret effectum, si scientiam haberet, nisi forte, ut vult Contenson loquitur, esset ingens

malitiæ cumulus, qualis fortè fuit in illis, qui dicebant Job 21. Scientiam viarum tuarum nolumus; ut effreni impetu sine remorsu omnibus flagitiis se dederent.

Dixi ignorantiam consequentem posse esse directè, vel indirectè volitam. Directè, quando nimirum voluntas expressè vult aliquid ignorare, ut liberius possit peccare, ut patet ex citat. Job 21. Et hæc ignorantia dicitur affectata. Indirectè, quando voluntas expressè quidem non vult ignorare, præmittit tamen, seu non curat addicere ea, quæ potest, & tenetur scire. Et hæc dicitur ignorantia crassa, supina, & malæ electionis.

An, & quomodo ignorantia minuat, vel tollat peccatum, dicitur infra Tract. 4. Examine 2. Q. 24. nu. 71. R. 1. & 2.

## EXAMEN II.

*De circumstantiis humanorum actuum.*

*De quibus S. D. agit. Q. 7. per 4. art.*

**P**RIUS est rem esse in se, quam ab accidentibus circumstari, seu vestiri, proinde prius debuit explicari substantia voluntarii, in actibus humanis reperti, & deinde explicanda sunt ejus accidentia, seu circumstantiæ, quæ à circumstans, ac substantiam afficiendo nomen habent; suntque actuum humanorum accidentia, non in esse naturali, vel physico, v.g. quod furtum fiat manu sinistra, vel dextra, ante, vel post prandium: sed in esse moris, sic ut addat novam, vel augeat malitiam actus, v.g. furtum in magna, vel parva quantitate, vel si fiat è loco sacro.

**QUÆRO I.** Quid est, & quot sunt circumstantiæ?

**XXV. Respondet 1.** Circumstantia juxta S. Th. est particularis conditio, seu accidentalis affectio actionis humanæ in genere moris, eum quasi circumstans, eique superveniens. Sicut furtum prius habet, quod sit ablatio rei alienæ, quam quod fiat in loco sacro.

**Resp. 2.** Septem sunt circumstantiæ, comprehenduntur à S. Thoma hoc Verbo:

*Quis. Quis. Ubi. Quibus auxiliis. Cur. Quomodo. Quando.*

*Explicatur Circumstantia. Quis.*

Ly Quis denotat personam operantem, non quidem quoad substantiam, & secundum se, sed quoad conditionem, qualitatem, statum, officium, &c. nimirum, quod sit vel Ecclesiasticus, vel Religiosus, vel voto obstrictus, Uxoratus, Prælati, Parochus, Judex, &c. Nam ex his conditionibus aliquando accedit

NOVA

nova species malitiæ. Si enim conjugatus fornicetur, peccat non tantum contra temperantiam, sed etiam contra iustitiam. Si Religiosus, & Clericus, peccat simul contra Religionem, & sit sacrilegium. Prælati, Parochi, Judex, &c. quibus est officio incumbit, si negligant subvenire lubditis egentibus, peccant non tantum contra misericordiam, sed etiam contra iustitiam. Aliquando autem ex dictis conditionibus peccatum augetur intrinsecus eandem speciem. Nam, cæteris paribus, peccatum Personæ sanctioris, sublimioris, doctioris, est gravius, v.g. peccatum hominis fidelis est gravius peccato infidelis. Peccatum Episcopi est gravius peccato Religiosi; Clerici, quàm Sæcularis, ut S. Thomas probat infra q. 73. ar. 10. intelligens hoc de peccatis, quæ sunt ex perfecta deliberatione, non quæ ex subreptione proveniunt propter infirmitatem humanæ naturæ. Vide infra Tract. 4. Exam. 3. nu. 40.

QUÆRO II. Quænam circumstantiæ sunt necessario confidende? nimirum, an speciem mutant, an solum aggravantes, an minuentes, & quid sunt?

XXVI. Resp. 1. Circumstantiæ aliæ sunt impertinentes, quæ peccatum nec augent, nec minuunt, v.g. furari dextra, vel sinistra, ante, vel post prandium. Has non est opus exprimere in confessione, ut patet ex dictis ante Q. 1. in hoc Exam. Aliæ sunt circumstantiæ speciem mutant, seu novam peccati speciem addentes, & tales sunt, quæ habent speciem repugnantiam, cum recta ratione, diversam ab ea, quæ est in peccato secundum se, ita ut in actu peccati sit formaliter duplex malitia; talis est circumstantia loci sacri in furto, & voti castitatis in peccato carnis, inducens speciem sacrilegii. Ubi

Notabreviter, quod, ut circumstantia diversificet speciem, non sit opus, ut sit volita per se primò, directè, & expressè, sed sufficit, quod sit volita per se secundò, indirectè, & implicite, ut contingit in eo, qui furatur in loco sacro, optans, quod res ablata non esset in loco sacro; aut qui accedit ad uxorem alienam, volens, quod non esset aliena.

Aliæ sunt circumstantiæ intrinsecus eandem peccati speciem notabiliter aggravantes, & tales sunt, quæ non afferunt speciem repugnantiam cum recta ratione, sed, quam inveniunt, abritrio prudentum valde augent, per easque peccans ordinarius peccandi modum intrinsecus eandem speciem multum excescit, uti sunt, v.g. magna intensio, ac vehementia in odio, magna quantitas in furto.

Aliæ sunt circumstantiæ intrinsecus eandem speciem notabiliter peccatum diminuents, sicut diminueret gravis metus, & vehemens passio;

cum diminuant voluntarium, ut patet ex dictis in Examine præcedenti.

Resp. 2. Non tantum circumstantiæ speciem mutant, sed necessario exprimendæ in confessione, ut sit integra, sed & notabiliter intrinsecus eandem speciem aggravantes, immò & notabiliter diminuents.

Prima pars à multis Catholicis negatur, estque definita in Trid. Sess. 14. de pœnit. cap. 5. Ubi definit. 1. *Iniuriam esse à Domino integram peccatorum confessionem.* 2. *Opotere à penitentibus omnia peccata mortalia, quærum post diligentem sui discussionem conscientiam habent, in confessione recenseri, etiam si oculatissima sint.* 3. *Cum universa mortalia peccata, etiam cogitationis, homines ira filios, & Dei inimicos reddant, necessum est, omnium etiam veniam cum aperta, & reerunda confessione a Deo querere.* 4. *Etiā eas circumstantias in confessione explicandas esse, quæ speciem peccati mutant, quod sine illis peccata ipsa, neque à penitentibus integrè exponantur, nec iudiciis innotescant, & fieri nequeat, ut de gravitate rectè censere possint, & penam, quam oportet, pro illis penitentibus imponere.* 5. *Impium est, confessionem, quæ hac ratione fieri præcipitur, impossibilem dicere, aut carnificem illam conscientiarum appellare; constat enim, nihil aliud in Ecclesia à penitentibus exigi, quam ut, sicut quæque diligentiùs se excusserit, & conscientia sua sinus omnes, & latera exploraverit, ea peccata censentur, quibus se Dominum, & Deum suum mortaliter offendisse meminert.*

Circa secundam partem Doctores inter se dissentiunt, verum data resolutio Thomisti (quorum tamen aliqui contradicunt) est communior, tutior, probabilior, ac Tridentino conformior. Quamvis autem Adversarii pro se etiam adducant Angelicum Doctorem ex 4. d. 16. q. 3. ar. 2. quæst. 5. sitamen ejus verba bene ponderentur, magis favet nostræ resolutioni, ut videre est Goneto in Tract. de pœnit. ubi pro hac sententia varios adducit Auctores.

Ratio 1. Ideò juxta Concil. Trid. exprimendæ in confessione sunt circumstantiæ speciem mutant, quia aliàs Confessarius non posset de gravitate peccatorum rectè judicare, nec pro eis congruam imponere penam, seu satisfactionem. *Subsumo:* Sed eadem ratio id probat de circumstantiis intrinsecus eandem speciem notabiliter aggravantibus. Ergo. Min. prob. Aliud iudicium ferendum est de eo, aliq; penitentia imponenda est illi, qui commisit incestum in primo gradu, v.g. cum matre, filia, vel sorore, quàm qui in quarto; qui tamen in incestu sunt ejusdem speciei in genere moris. Idem est de eo, qui furatus est centum millia florenorum, respectu illius, qui furatus est duos

duos ducatos : sicut & de eo, qui per integrum annum vehementissimo odio alium fuit profecutus, respectuejus, qui tantum per horam. Ergo

Confr. 1. Sæpè fit, quodd circumstantiæ non mutant speciem magis aggravent peccatum in individuo, quàm quæ speciem mutant; quia furari ex Ecclesia unum ducatum, non est tantum peccatum, quantum est furari extra Ecclesia centum millia. Ergo si &c.

Confr. 2. Concil. Trid. ait: *Necessum est, omnium veniam cum aperta, & veracunda confessione à Deo quarere.* Item: *Postquam conscientia sua sinus omnes, & latebras exploraverit, &c.* Subsumo: Sed non est aperta, & veracunda confessio, nec panduntur omnes conscientia sinus, & latebræ, seu peccata, quibus homo Deum mortaliter se offendisse meminit, si explicata tantum peccati substantia, maxima ejus gravitas taceatur. Ergo. vid. R. ad Oppon. j. ubi hoc confirmatur.

Confr. 3. Licet Jura, & Concil. Trid. pro hac sententia non sint manifesta, & expressa, deducitur tamen ex ipsa ratione Concilii per bonam consequentiam, ut jam satis ostensum. Hinc in Catechismo Romano jussu S. Pii V. edito, de Sac. Pœnit. §. *Sed quoniam* docetur, juxta mentem Concilii Trid. non modo peccata omnia, sed & circumstantias, quæ peccati gravitatem valde augent, & minuunt, explicandas esse.

*Ratio secunda hujus partis est.* Teneor explicare non tantum speciem, sed & numerum peccatorum mortalium. Ergo etiam circumstantias valde aggravantes. Prob. conf. Licet hæc sint circumstantiæ peccati secundum speciem, & quidditatem sumpti, spectant tamen ad ejus differentiam numericam, & substantiam individuaalem, & sic; licet non constituent formaliter diversa peccata, bene tamen virtualiter, seu æquivalenter, cum faciant peccatum moraliter æquivalere pluribus numero distinctis. Ergo si teneor explicare numerum peccatorum, teneor etiam explicare tales circumstantias.

*Tertia pars* de circumstantiis notabiliter diminuentibus, sequitur ex dictis, quod nimirum sint necessario confitendæ, non ad excusandas excusationes in peccatis, sed ob eandem rationem recti iudicii, & satisfactionis imponendæ, cum illæ ordinariæ peccandi modum multum diminuant.

*Exemplum.* Peccat quis ex gravimetu, ex ignorantia, ex vehementissima passione, teneor hoc confiteri: cum enim ibi minuat voluntarium, minuitur etiam culpa. Si verò quis precibus Amici inductus neglexerit, v.g. Sacrum, non est opus id explicare, cum non sit circumstantia notabiliter diminuens.

Intelligenda hæc sunt de circumstantiis diminuentibus intrâ eandem speciem; si enim

ita diminuerent, ut ex mortali facerent veniale, v.g. furando solum unum obolum, vel committendo furtum etiam notabile, sed ex inadvertentia inculpabili, tunc non est dubium, quin sint confitendæ: quia aliis præiutens confiteretur aliquod peccatum non commissum, quod esset mentiri in confessione, cederetque in injuriam Sacramenti.

XXVII. *Oppono 1. contra 2. p. Concil. Trid.* cit. postquam dixit, circumstantias speciem mutantem esse confitendas, subdit primò: *Impium est, confessionem, qua hac ratione fieri præcipitur, impossibilem, aut carnisficinam conscientiarum appellare.* Subsumo: Sed data resolutio inducit talem carnisficinam, ob difficultatem cognoscendi circumstantias notabiliter aggravantes. Ergo. *Subdit secundò: Confitear enim, nihil aliud à penitentibus, &c.* Ergo solum teneor explicare circumstantias speciem mutantem.

2. Trid. nullam facit mentionem de exprimendis circumstantiis aggravantibus. Ergo non teneor eas confiteri.

3. Lex in dubio legis lætæ non obligat: sed est dubium de lege, diclarum circumstantiarum confessionem præcipiente, an extet. Ergo non teneor eas confiteri.

4. Contra eum, qui ius clarum potuit dicere, & non dixit, interpretatio est faciendâ, juxta Reg. 57. in 6. Sed Conc. Trid. facile potuisset loqui clariùs. Ergo contra illud faciendâ est interpretatio, quod nimirum circumstantias aggravantes non voluerit comprehendere.

5. Lex pœnalis non est extendenda ad alios casus, ac circumstantias, cum odiosa sint restringenda. Ergo idem, quod priùs.

6. Christus tantum præcepit confiteri peccata quoad speciem, & numerum: sed circumstantiæ aggravantes non dant speciem, nec faciunt numerum. Ergo non sunt necessario confitendæ.

7. Communiter dicitur, illas tantum circumstantias esse necessario confitendas, quæ in infinitum aggravat: sed tales solum sunt, quæ speciem mutant. Ergo.

8. De eo, quod est de necessitate confessionis, est præceptum divinum: sed hoc non datur de confessione circumstantiarum aggravantium, ubinam enim extat? Ergo.

*Ad 1. N. min. subf.* Cum enim circumstantiæ, de quibus loquimur, sint notabiles, & insigniter aggravent, facile cognoscuntur: quia tunc multum aggravant, quando homo suum ordinariû peccandi modum notabiliter excedit, nimirum vel in intentione, aut duratione actus v.g. odii, aut in quantitate, v.g. furti. Dum verò Concil.

2. subdit. *nihil aliud exigi*, non excludit obligationem confitendi etiam circumstantias, sed solum insinuat, hominem non debere ang,

angi, si, postquam omnes conscientia sinus discusserit, nihil aliud occurrat, licet forte aliquid fecerit, cujus non recordatur, sed quod diligenter se examinanti non occurrat, eadem confessione intelligantur inclusa.

Ad 2. vel negatur conf. eo quod sit argumentum negativum, quod non concludit. Vel dist. ant. Non facit mentionem explicitè, C. implicitè, N. ant. & conf. Solutio patet ex 1. prob.

Ad 3. neganda esset maj. propter ea, quæ dicta sunt supra Tract. 1. Exam. 1. num. 15.

Sed transeat maj. & N. min. ob probationes nostras.

Ad 4. dist. maj. Si mens legislatoris non sufficienter ex verbis ejus colligatur, C. maj. secus N. maj. & sic dist. min. N. conf. Itaque nihil aliud convincitur, nisi quod nostra resolutio non sit de fide. Quod autem C. Trid. non tam expressè locutum fuerit de circumstantiis aggravantibus, sicut de speciem mutantibus, est ideo, quia nolebat definire de fide id, quod adhuc erat in varia opinione Doctorum. Cum quo stat, quod hæc sententia sit probabilior, & menti Conc. Trid. conformior, uti sat probant adductæ rationes.

Ad 5. dist. ant. sicut ante. In cujus confirmationem servit, quod, licet verba in pœnalibus extra proprium verborum significatum extendi non debeant, non aliter, ff. deleg. 3. & de pœnit. d. 1. extendi tamen debent, quando non facta extensione eluderetur mens legislatoris. C. quam, & regula certum, in fine, de reg. jur. in 6. & gloss. ibid. *Subsumo*: Sed si in præsentii verba Trid. non extenderentur ad circumstantias notabiliter aggravantes, eluderetur mens ejus, ut patet ex 1. prob. Ergo.

Ad 6. dist. maj. Loquendo de specie peccatorum præcisè quidditative, & numero tantum formali, N. maj. de specie cum indifferentia individuali, ac de numero virtuali, C. maj. & sic dist. min. N. conf. Solutio hæc constat ex secunda probatione sententiæ nostræ. Cui addi potest, quod Christus Joan. 30. Instituens tribunal pœnitentiæ iis verbis, *quorum remiseritis*, &c. nullas circumstantias, sive speciem mutant, sive aggravantes expresserit, nec hoc erat necessarium: cum enim Apostolos, eorumque Successores ibi fecerit iudices, ut rectè iudicent, indubie Christus voluit, ut gravitatem peccatorum cognoscant.

Ad 7. N. min. Quia cum omne peccatum mortale habeat quandam infinitatem ex infinitate Dei bonitate læsa, & offensa, omnis circumstantia notabiliter aggravans (ita ut separata faceret mortale) aggravat quodammodo in infinitum, licet non in eo rigore, quo circumstantiæ speciem mutant, ait noster Nugno.

Ad 8. N. min. Quia præceptum divinum de confitendis hujusmodi circumstantiis, sequitur ex ipsa institutione Sacramenti Pœnitentiæ, eo ipso, quod sit institutum per modum iudicii, ut patet ex R. ad 6.

Resolvuntur varii calus ex data explicatione Circumstantiæ *Quis*.

XXVIII. 1. Pœnitens non tenetur in confessione explicare suum statum, nisi quando graviter contra eum excessit, v.g. Religiosus fuit mentitus, Paterfamilias fregit jejunium, ob hoc præcisè non tenetur exprimere conditionem Religionis, vel Patrisfamilias: tenentur tamen, si contigisset cum scandalo proximi: quia esset nova species peccati nimirum scandali. Si verò status pœnitentis Confessario jam esset notus, non est opus exprimere: quia illa expressio inter dum esset ridicula.

Nec tamen ex hoc inferatur: Ergo etiam, si quædam pœnitentis peccata Confessario jam sint uota, non sunt necessario confitenda. Nam disparitas est, quam dat Nugno, si conditio personæ Confessario jam sit nota, dum se accusat de substantia actus, etiam accusat se de persona, adeoque se de hac circumstantia accusat virtualiter, & consequenter, ne utique verò de peccatis Confessario jam notis.

2. Religiosus professus, habens sacrum Ordinem Diaconatus, vel Subdiaconatus, peccans contra castitatem, tenetur exprimere utramque circumstantiam, nimirum Religionis, & Ordinis sacri, in sententia probabiliori S. Tho. juxta quam votum solemne Clericale saltem est circumstantia notabiliter aggravans respectu voti monachalis. Ergo juxta antedicta, est necessario confitenda. Satisfaceret tamen dicendo, se esse in sacris, quia ex Diaconatu non videtur ad Subdiaconatum addi circumstantia ita notabiliter aggravans: secus est de Sacerdotio, hujus enim circumstantia esset necessario exprimens.

3. Si quis fornicatus sit cum alterius sponsa de futuro, uterque tenetur exprimere illam circumstantiam propter injuriam, quæ sit sponso.

4. Explicanda in confessione est circumstantia cognationis, non solum carnalis, sed & legalis ortæ ex adoptione alicujus in filium, vel filiam: uti & cognationis spiritualis, ortæ ex Baptismo, & Confirmatione, item impedimenti publicæ honestatis, si quis cum persona ita sibi juncta copulam habuit. De ea cognatione, & impedimento vide Tract. de Matrim.

5. Si fidelis carnaliter peccavit cum infideli, v.g. cum femina Judæa, vel Turcica, sed non baptizata, tenetur id explicare. Tum, quia dum Ecclesia prohibet matrimonium fidelis cum infideli, facit hoc ex motivo specialis turpitudinis talis carnalis commercii. Tum etiam,

etiam, quia ultra hoc, quod fit contra virtutem castitatis, est simul contra decus Religionis, pertinetque ad sacrilegium.

6. Confessarius, carnaliter cognoscens suam, vel suas poenitentes, seu filias spirituales, tenetur confiteri hanc circumstantiam. Tum, quia est sacrilegium, tum etiam, quia reductivè spectat ad incestum, vel potius est spirituale stuprum juxta S. Thom. 2. 2. q. 154. art. 10. ad 2. Idem est à fortiori dicendum de Parocho carnaliter cognoscente suam Parochianam. Quia hæc circumstantia repugnat proprio ejus officio, & statui, vi cuius tenetur promovere salutem ovium. Pro quo

XXIX. Not. 1. Emanasse decreta Pontificia, per quæ poenitentibus à Confessario in confessione ad Venerem sollicitatis imponitur obligatio tales Confessarios denunciandi Inquisitoribus, aut locorum Ordinariis. Item inter 28. propositiones ab Alexandro damnatas, esse etiam has duas: *Confessarius, qui in sacramentali Confessione tribuit chartam postea legendam, in qua ad Venerem incitat, non censetur sollicitasse in confessione: ac proinde non est denunciandus.* Altera est: *Modus evadendi obligationem denuntiationis est, si sollicitatus confiteatur cum sollicitante, (idest, sollicitanti) hic potest illum absolvere, sine onere denuntiationis.*

Hac in re attendat Confessarius, an sit in loco, ubi dictæ Bullæ sint receptæ, bene enim docet Gobat in sua Theol. experim. Tract. 7. n. 576. has Bullas, etsi sanctissimas, in Germania non esse receptas, nec ab Episcopis publicatas: an quia Germanæ mulieres non videntur induci posse, ut sollicitatæ accedant vel Episcopos, qui sunt magni Principes; vel eorum Vicarios in spiritualibus Generales, qui sæpius sunt vel Episcopi titulares simul, vel Canonici Cathedralis, & hoc ipso majores, quam ut sceminiæ præsumant cum iis de ejusmodi loqui: an verendum, ne, si præscripti processus observetur, forte majus scandalum sit oriturum: tum ratione pusillorum, tum ratione vicinorum hæreticorum.

Not. 2. Quodd nulla quidem extet universalis lex, quæ Sacerdoti demat jurisdictionem in complicem, attamen planè non expedit, ut complicem audiat, & absolvat, ne detur occasio liberius relabendi. Si ergo puella complex præ pudore non audens alteri confiteri, semel, aut iterum Sacerdoti complici confiteretur, supposito vero dolore, & emendationis proposito, erit valida absolutio; sed si sæpius prædicetur, præsumitur nulla, non defectu jurisdictionis, sed doloris. Dixi: *Lex universalis.* Quia alicubi, ut Mediolani, datur talis lex particularis.

XXX. 7. Si uterque carnalis complex habeat votum castitatis, exprimendum est; quia est duplex sacrilegium. Item si unus, vel uterque præter votum castitatis adhuc habeat speciale votum, non admitrendi v. gr. mollietatem, tenetur id exprimere. Quod videtur esse certum. Quia enim in tali materia maximè sentit difficultatem, ita arcte se adstringit, ut eam vinceret.

8. Exprimenda est circumstantia consanguinitatis, quando aliquid fit contra consanguineum per injuriam, famæ, vel honoris læsionem, & à fortiori, si sit odium, hoc enim directè militat contra amorem Parentum.

*Ratio.* Quia superaddit peculiarem malitiam contra virtutem pietatis, ac reverentiæ Progenitoribus, & Consanguineis debetur.

Hæc doctrina maxime intelligitur in casu, quo filius Parentem percuteret, contumeliis afficeret, occideret, &c. Si enim Patri furaretur, hæc circumstantia non est necessariò exprimenda, nisi forte esset tam grave, ut etiam pietati repugnaret, vel exinde notabiliter lederentur fratres: ubi etiam onus restitutionis incumbere potest.

Idem est de peccatis Parentum in filios, cum hac tamen differentia, quodd facilius peccet filius in Patrem, quam è contra. Nam percussio, vel contumelia, quæ in filio contra Patrem esset grave, eadem in Parente contra filium potest esse leve, vel nullum peccatum propter auctoritatem paternam, & potestatem corrigendi, ac reprehendendi. Eadem est ratio de Avis, Proavis, &c. Uxore, marito, fratre, sorore, &c. sic tamen, ut non omne, quod sufficeret ad mortale, si fieret contra Parentes, sufficiat etiam ad mortale, si fiat contra fratrem.

De pluribus hujusmodi circumstantiis hic exempla poni possent, sed illa inveniuntur in propriis locis in decursu hujus operis, maxime infra de delectatione morosa, de speciebus luxuriæ, infidelitatis, &c. ubi videantur.

#### Explicatur Circumstantia Quid.

XXXI. Hæc denotat materiam, circa quam adus versatur; vel effectum, non quidem secundum essentiam, sed quoad qualitates accidentales, v. g. in furto, rem esse alienam non est circumstantia, sed est obiectum specificationis ejus: sed esse rem sacram, vel esse ablatam in majore, vel minore quantitate, est circumstantia; prima speciem mutat: altera aggravat. Huc etiam reduci possent intentio habita in peccato, sed de ea patebit in Circumstantia Cur.

Prima alia, quæ hic adduci possent, dicuntur infra de occasione, & periculo peccandi Tract. 5. Exam. 2. num. 50. De consuetudine



tudine peccandi. ibid. n. 52. De concubinato. ibid. nu. 45. De blasphemia Tract. 7. Exam. 3. num. 59. De scandalo. Tract. 7. Exam. 7. num. 135. De sacrilegio lococitando.

*Explicatur Circumstantia Ubi.*

XXXII. Hæc designat locum delicti; nam subinde si peccatum fiat publicè, trahitur ad speciem scandalici: si in loco sacro, ad speciem sacrilegii, ut patet tum in furto, tum in casu, quo quis equos, aliavè pecora duceret in Ecclesiam tanquam in stabulum. Vel si quis in ea exerceret lascivas comœdias, negotiationes profanas, nundinas, aut publicum mercatum, &c.

De hac circumstantia Angel. Doctor Opusc. 64. sic ait: Confessio debet esse plena, quia debet continere circumstantias aggravantes peccata, quæ sunt, locus, in quo peccati, quia gravior est peccare in Ecclesia, aut in loco sacro, quàm in domo, & gravior est, cogitare aliquid inhonestum, quando dicis Missam, vel Officium, vel quando Horas, quàm quando scribis; & gravior est respicere, vel tangere animo impudico corpus hominis sub pannis, quàm manum, vel pedem; quia magis libidinosa delectatio est ibi. Et sic facies differentiam inter locum, & locum. Hæc S.D.

Huc enim spectat Circumstantia *coram quo*, de qua S. Thom. ibidem sic inquit: Gravior est dicere, & facere aliquid coram eo, qui potest ex hoc sumere occasionem peccandi, quàm illud dicere, & facere occultè: & gravior est simulare se esse patientem, habendo iram in corde, quàm ostendere se esse turbatum sicut est, non dando tamen alicui turbationis, vel mali exempli occasionem, ut dicit Gregor. Et ideo non sufficit dicere, fui iratus de verbo mihi dicto, sed debet dicere, & addere, & simulavi me esse patientem in verbis, & signis exterioribus, ut reputarer humilis, ubi eram superbus; ita quòd cum illa simulatione addidi mendacium ad iram, quam occultavi. Adhuc est gravior, tangere Bertam osculando, quàm in eodem loco tangere cum pede: quia iste modus tangendi est magis impudicus. Unde non sufficit dicere, tetigi Bertam impudicè, sed oportet dicere locum corporis, si tetigisti manum, vel pedes supra pannos, vel ad nudum: & dicas modum, scilicet cum ore, manu, vel cum pede. Hæc ibi.

Vide infrà de Sacrilegio. Tract. 10. Exam. 4. nu. 64. ubi dicuntur, quæ hic spectant.

*Quibus Anxiliis.*

XXXIII. Per hanc circumstantiam intelliguntur instrumenta, & media, quibus quis ad patrandum peccatum est usus, v. g. fiveno, gladio, vel alia ratione aliquem occidit. Hæc (quando contingit specialem malitiam,

vel graviter augent) poenitentis tenetur exprimere, v. g. si ad fornicandum, ad furandum, vel aliter proximo nocendum usus quis sit opè magi, seu doemonis. Si habuit cooperatores, quia tunc solet addele peccatum scandalici. Vel si adhibuit instrumentum valdè crudele in alicujus occisione, quia ex eo saltem fit notabilis aggravatio.

*Circumstantia Cui.*

XXXIV. Significat causam finalem, non quidem intrinsecam, & substantialem actus, sed extrinsecam, & ab ipso operante adjectam, quæ necessariò est exprimenda in confessione, v. g. furatur quis, ut possit adulterari, licet adulterium reipsum non sequatur, ob rationem dandam infrà in hoc Tract. Exam. 3. nu. 47. R. 2. Quando finis intentus, ob quem quis præceptum transgreditur, est indifferens, vel etiam bonus, v. g. si quis die festo omittat Sacrum, ut legat librum spiritualem, ut studeat, ut ludat, spatium vadat, &c. licet aliqui asserant, non tantum ipsam diem festi transgressionem, sed & circumstantiam finis esse exprimendam, probabilis est non teneri. *Ratio est:* Cum enim studium, vel ambulatio non sit quid in se malum, sed tantum in quantum est causa talis omissionis, patet, quòd tota malitia consistit in omissione Sacri. Ergo ea explicata, totum peccatum sufficienter explicatur. Excipio, si talis in studio poneret finem ultimum, tunc enim esset speciale peccatum.

Angel. Doctor Opusc. 64. de intentione habita in peccatis sic discurrit: Gravior est facere quodecumque peccatum cum intentione provocandi aliquem ad simile, aut aliquid aliud peccatum, quàm ad faciendum sibi ipsi tantum, ut si fecisti aliquem actum cum oculis, aut manibus adversus aliquem, vel aliquam personam, ut provocares eam ad malum, & sic de aliis peccatis studiosè factis, non tantum in damnum facientis, sed etiam in proximi detrimentum. Quæ peccata non sufficiunt confiteri, nisi explicentur intentiones maliciosæ. Tales rectè assimilantur demoniis, & sunt inimici Christi, quia student animas perdere, pro quarum salute Christus Sanguinem suum effudit. Item descensus de peccato in peccatum diligentius est perscrutandus, quia non est ita grave unum peccatum simplex sicut est illud, cujus occasione plura alia peccata sunt commissa. Unde si studiosè fecisti aliquem defectum tali modo, quòd alius fuit culpatus de hoc, & non excusasti in nocentem, sed permisisti eum injustè pati: vel si pro defensione unius mendacii verba injuriosa protulisti, aut incurristi plura alia mendacia: aut pro exultatione unius mendacii commisisti

per-

perjurium, & ob hoc fuit suspicio de alio, vel facta iniusta punitio, aut ortum odium, vel turbatio inter aliquos: omnia hæc, & similia, quæ ex peccato primo sunt consecuta, debent cum primo principali peccato plenius explicari. Hæc ibi.

*Circumstantia Quomodo.*

XXXV. Designat modum actus moralis, v. g. intentionem, aut remissionem, aut quod fiat cum maiore, vel minore advertentia. Hæc circumstantia necessariò est explicanda, quando modus actionis circa idem obiectum singularem affert malitiam; tunc enim sunt duo peccata, saltem virtualiter, vel etiam moraliter formaliter, ut patet in furto, & rapina, de quibus infra in loco proprio; quæ specie differunt. Proinde exprimendum est, si in furto fuit violentia. Idem est de detractione, & contumelia, de oppressione mulieris; de modo occisionis, ut si quem occidisti, hoc non contentus, ei pellem abstraxisti, vel in frusta dissecasti. Plura hic dici possent de peccatis conjugum in modo utendi Matrimonio, sed de hoc infra in proprio loco, nimirum Tract. 16. Exam. 7. nu. 103.

*Circumstantia Quando.*

XXXVI. Indicat tempus, vel diem, seu conditionem diei ferialis, vel solemnis. Non est necessariò explicanda circa quodvis peccatum, ut patet ex praxi fidelium, de hoc non semper se accusantium, & Confessariorum nõ interrogantium, v. g. quod, vel an in die festo fornicati fuerint, occiderint, odio habuerint, se inebriaverint, &c. Potest tamen esse, quod in quibusdam valde sacris diebus peccatum specialem contrahat malitiam, ut si quis die Jovis sancto, die Parasceves, in die Paschatis institueret ludos, choreas publicas, &c. sicut in Bacchanalibus.

Angel. Doctor Opusc. cit. docet, exprimendum esse tempus, in quo peccasti; quia gravior est caveri à Missa, vel otiari in die Dominico, vel in festo solemnium, quàm in die alio simplici; & gravius est quodcumque peccatum in magna solemnitate, quàm alio tempore; & gravius est, non vacare orationi, vel esse dissolutum in lingua, vel relaxatum in gula, quando homo debet communicare; & in die, quo homo communicat, quàm in alio tempore. Hæc ibi.

Huc reducitur circumstantia durationis, seu moræ in peccato, de qua S. D. ibidem ait. Quoniam ibi majus est peccatum, ubi major mora contrahitur, sive sit delectatio corporalis, sive mentalis, sive iram, sive odium teneas per mensem, aut annum, & diligenter est mora examinanda in peccato cogitationis, quia videndum est, si in ipsa mora ratio succumbat sensualitati consentiendo in opus voluntate

deliberata, si posset; & tunc non est minor culpa, quàm si peccatum opere perfecisset: quia sic voluntas pro facto reputatur. Si autem succumbat ratio, consentiendo in delectationem tantum, quàm non vult in opus procedere, sed vult tantum interius in delectatione voluptuari: tunc, licet ibi non sit plenus consensus, tamen est peccatum mortale, sicut dicit Augustinus, sed est minus grave, quàm primum, ubi est consensus in delectationem, & in opus. Hæc ibi.

*Oppono contra numerum septenarium Circumstantiarum.* Danturenim plures. 1. Duratio actus. 2. Circa quid. 3. Quoties. Ergo.

*Resp.* Omnes reduci ad præfatas, vel certe non esse meras circumstantias. Hinc duratio actus reducitur ad *Quando*, ut ibidem dictum est. *Circa quid* reducitur ad *Quid*. Tandem numerus peccatorum, qui significatur per ly *quoties*, non est propriè circumstantia, hæc enim actum humanum non multiplicat, sed solum modificat, Pro quo

Not. Quod explicandus sit numerus peccatorum certus, vel saltem (si aliter non sciatur) probabilis; addendo, *circiter*, seu *plus minus*. An quis postea teneatur certum numerum denud conteri, si eum deprehendat, dicitur Tract. 13. de Pœnit. Exam. 4. nu. 53.

*Estne etiam sufficiens scientia Confessarii mera circumstantia officii ejus?*

*Dico.* Ita quidem sibi persuadent nonnulli Confessarii audaces, & parum timorati, sed cum æternæ salutis suæ, & pœnitentium periculo, & toto aberrantes Cœlo. Nam inter necessaria Confessarii requisita principem locum tenet scientia, juxta quam in hoc tremendo Tribunali fungendum sit officio Judicis, Medici, & Doctoris, ut ostensum est supra in Tract. 1.

## EXAMEN III.

*De actuum humanorum moralitate, seu bonitate, ac malitia. De qua S. D. agit 1. 2. q. 18. usque ad 21. inclusive.*

**A**ctui humano (in hoc Tract. Exam. 1. ad Q. 4. explicato) in ordine physico, seu in esse naturæ constituto, supervenit moralitas: à qua redditur bonus, vel malus, meritorius, vel demeritorius. Ejus proinde notitia Confessario ex vi officii Judicis est pernecessaria. Unde

**QUÆRO I.** Quid formaliter, & essentialiter est moralitas in actu humano?

**XXXVIII. Resp. 1.** Libertas est quidem fundamentum moralitatis, eique velut substratum

stratum necessariò præsupponitur . 2. Formaliter tamen in ea non consistit . 3. Nec formaliter sunt idem, actus humanus , & actus moralis .

1. Pars est S. Thom. in 2. d. 14. a. 2. dicentis: *Ibi incipit genus moris , ubi incipit dominium voluntatis .*

*Ratio .* Actus moralis, ex eo quod dictus , quia subijcitur , ac dirigitur à regulis morum, scilicet Lege, & ratione, ut proprietatem habet hoc, quod sit laude, vel vituperationis dignus, meritorius, vel demeritorius: sed hoc non habet sine libertate, juxta illud suprà adductum axioma: *in naturalibus , id est, non liberis, nec meremur, nec demeremur.* Ergo.

*Ratio 2. & 3. p.* Actus liber, seu humanus, & actus moralis habent specificativa formaliter diversa. Ergo non sunt formaliter idem libertas, & moralitas, actus liber, & actus humanus: Prob. ant. Actus moralis specificatur à fine, seu objecto sub ratione conformis, vel difformis cum regulis morum; actus verò humanus, seu liber specificatur quidem ab eodem objecto, sub alia tamen ratione formali, nimirum sub ratione indifferenter proposita, dicitur enim humanus, quia sit cum libertate, ac dominio voluntatis; moralis verò, quia tendit in objectum, regulis morum (statim assignandis) con-vel dissonum. Ergo, licet in eodem actu se comitentur, non tamen formaliter idem.

*Resp. 2.* Probabilior sententia Thomistarum est, quod moralitas non consistat in denominatione extrinseca, nec in ente, seu relatione rationis, nec in relatione reali prædicamentali: velut in ratione formali, sed in ordine reali, intrinseco, transcendentali, seu in tendentia actus ad objectum, ut subsans regulis morum.

Ex quo facile patet definitio moralitatis.

*Ratio totius asserti.* Juxta principium Thomistarum à S. Thom. sæpè, præsertim in hac 1. 2. qu. 54. a. 2. in c. inculcatum: *Qua distinguuntur secundum ordinem ad aliquid, distinguuntur secundum ordinem eorum, ad qua dicuntur*, id est, quod essentialiter dicit ordinem ad aliquid, ab eo habet speciem, ita ut ordo ad illud sit formale constitutivum, & distinctivum ejus, in eoque ordine formaliter consistat, ut patet in omnibus potentiis, v.g. intellectu, visu, &c. & habitibus, ut scientiis, & actibus, speciem suam formaliter intrinsece fortitibus ab ordine ad objectum, & ab objecto extrinsece. *Subsumo*: Sed omnis actus ex intimis, ut ita dicam, visceribus, seu ex propria natura inclinatur in suum objectum, ut specificabile in suum specificativum. Ergo ab ordine ad illud habet speciem. Ergo idem dici debet de actu morali quatenus tali

*Tribunal Confessionarium.*

sive bono, sive malo; & consequenter moralitas formaliter consistit in præfato ordine. Ergo non in aliquo extrinseco, aut à ratione confuso.

Quòd autem non in ordine prædicamentali, est, quia juxta Thomistas in Logica ordo prædicamentalis per se realem existentiam sui termini; moralitas autem potest in actum refundi ab objecto apprehenso in re etiam impossibili, ut patet in peccato Luciferi appetentis similitudinem cum Altissimo. Ergo moralitas formaliter est ordo transcendentalis, seu tendentia actus humani ad objectum, non physice sumptum, sed ut subsans regulis morum, quibus si sit conforme, habetur bonitas; si difforme, habetur malitia moralis.

Not. Quòd moralitas ab ipsa entitate physica actus humani distinguatur realiter modaliter, tanquam modus à suo subiecto, cum sint diversi ordinis, scilicet physici, & moralis: etsi aliàs verum sit, quòd relatio transcendentalis (si sit in eodem ordine cum suo subiecto) ab eo nullatenus distinguatur realiter.

QUÆRO I. Quæ, & quot sunt Regulæ morum? quæ, & quot principia moralitatis?

XXXIX. *Ratio 1.* Juxta S. Th. duplex est regula morum, seu actuum moralium. Una remota, prima, suprema, & extrinseca. Et hæc est ipsa lex æterna Dei, in mente Dei existens. De qua infra Tract. 6. Exam. 2. n. 9. & 10. Cujus ratio est: Quia prima Regula est illa, quæ omnino indifferens est, & in quam cætera reducuntur: sed talis est sola lex æterna Dei, ut patet. Ergo. Altera Regula est proxima, secunda, & intrinseca, & hæc est nostra conscientia, seu dictamen rationis, ab æterna Dei lege descendens, ut radius ab ea participatus, seu applicatio ejus, & in vi Regulæ primæ actus nostros dirigens. Quia proprior Regula non potest assignari. Ergo.

*Resp. 2.* Juxta S. Thom. tria sunt moralitatis principia, nimirum Objectum, Circumstantia, Finis.

*Declaratur.* Objectum non sumitur hic in eo amplo sensu, quo significat omne id, quod volitum est (cum etiam circumstantia, quæ talis, possit esse volita) sed prout est id, ad quod actus humanus ex propria natura, seu per se primò ordinatur. Sicut objectum justitiæ est jus alienum reparandum, cum sit virtus jus suum cuique tribuens; objectum furti est res aliena invito Domino auferenda. Ab objecto proinde, ejusque moralitate, velut à primario, & specifico moralitatis principio in actum humanum refunditur moralitas, nimirum bonitas, vel malitia moralis specifica, & essentialis. *Ratio* est ante data pro R. 2. ad Q. 1.

De secundo moralitatis principio, scilicet de circumstantia sufficienter actum est in Exa-

mine præcedenti. Quæ, si speciem mutet, induit rationem objecti, & dat speciem; si vero intrâ eandem speciem aggravet, manet circumstantia, & bonitatem, vel malitiam, quam invenit, augeat.

Circa tertium moralitatis principium, sciendum, quod finis (quoad præfens) est duplex. Unus est finis operis, seu ad quem opus, sive actus ex natura sua ordinatur, & hic est idem quod objectum, nec habet distinctam ab eo considerationem. Alter (de quo hic est sermo) est finis operantis, qui non ab opere, sed ab operante intenditur, cum sit motivum voluntatis ejus, & est præcipua inter actus humani circumstantias, & speciale habet considerationem, tribuitque speciale moralitatem, nimirum bonitatem, vel malitiam. Primus finis vocatur etiam intrinsecus, alter extrinsecus.

*Exemplum.* Occidit quis hominem Clericum ex fine auferendi ei mille imperiales. Finis operis, sive objectum hujus actus, est injusta ablatio vitæ, repugnans charitati, & justitiæ. Finis operantis, est ablatio pecuniæ, repugnans justitiæ. Circumstantia speciem mutans, pariterque in rationem objecti transiens est violatio personæ sacræ; quæ est sacrilegium, repugnans virtuti Religionis. Circumstantia notabiliter aggravans est illa magna pecuniæ quantitas. Quæ omnia in confessione sunt exprimenda. Idem patet in actu virtutis, v.g. temperantiæ, ut si quis jejundet in pane, & aqua per integrum annum, ad satisfaciendum pro suis peccatis, seu eorum poenitentiam. Finis operis respectu jejunii est edomatio passionum: finis operantis, est satisfactio pro peccatis: circumstantia aggravans, seu meritum augens est, quod fiat in cibo tam tenui, & tempore tam longo.

Colligitur ex his, quod in eodem actu physice sumpto plures bonitates, vel malitiæ morales specie distinctæ dari possunt, ob diversas con-vel diffinitivitates ad regulas morum.

QUÆRO III. Quot, & quæ sunt species moralitatis? & quomodo dehiuntur?

XI. *Resp.* 1. Moralitas adæquate dividitur in bonitatem, & malitiam moralem, & actus moralis in bonum, & malum, velut in duas species essentielles, ita ut indifferentia objectiva (cujus postea fiet mentio in R. 1. ad Q. 4.) non sit vera, completa, & perfecta species ejus, media inter utramque. Ita patet ex S. Th. hic q. 18. a. 5. in c. dicente: *Differentia boni, & mali, circa objectum considerata, comparatur per se ad rationem, scilicet secundum quod objectum est ei conveniens, vel non conveniens. Unde manifestum est, quod bonum, & malum diversificantur in actibus moralibus: differentia enim per se diversificantur speciem.*

*Ratio 1. p.* Moralitas ut sic est quoddam superius, commune, & abstractum, quod per bonitatem, & malitiam velut per differentias specie diversificatur. Ergo. Probantur propterea. Esse conformem regulis rationis, & essetis difforme, specie differunt: Sed bonitas moralis consistit in illa conformitate, malitia in diffinitivitate, ut patet ex S. Th. Ergo.

*Ratio 2. p.* Ad veram, & perfectam moralitatem actus non sufficit, quod actus cadat sub lege æterna, ut est ratio divinæ voluntatis, quæ actus ipsius Dei in creaturarum productione, & gubernatione gubernantur, qualiter sub ea etiam cadit actus indifferens secundum speciem, sed requiritur, ut cadat sub lege æterna, ut per dictam rationis à nobis participatam, & actus nostros liberos regulante, quia causa universalis, & prima influit mediante causa secunda, & particulari. *Subjunctum:* Sed actus humanus secundum speciem indifferens, ut talis, non cadit sub lege æterna secundo modo. Ergo. Min. prob. Lex æterna, & dictamen rationis propriæ, & perfectæ non exercent munus regulæ morum, nisi præcipiendo, vel prohibendo, vel etiam permittendo positive, qualis permissio est: v. gr. dispensatio in jejunio: permissio autem merè negativa non est verè, & propriè actus veræ legis, sed solum improprie, & metaphorice. Cujus ratio est: Quia lex propriè dicta assert necessitatem, seu obligationem, in hoc enim differt à consilio. *Subjunctum:* Sed circa actum ex objecto indifferenter, ut talem, id est, secundum speciem præcisè (quia aliud est in individuo) lex, & ratio non veratur præcipiendo, prohibendo, aut positive permittendo, sed merè negative. Ergo.

Ex quo fit, quod, dum S. Thomas asserit, inter bonum, & malum dari medium, scilicet indifferens, loquitur de medio negativo, nimirum per exclusionem bonitatis, & malitiae.

Not. Auctores contrarios facile posse nobiscum conciliari, nam nos non negamus, & ipsi fatentur, indifferenter esse speciem moralitatis imperfectam, incompletam, negativam, & statum quandam tendentiæ in bonum, vel malum, ad quod in exercitio ejus fine adjuncto determinari potest, & ad id capax est.

*Resp.* 2. Bonitas moralis formaliter consistit in ordine, seu respectu transcendentali ad objectum regulis morum consonum, pro quo revidenda sunt dicta in hoc Exam. ad Q. 1. specialiter R. 2. de moralitate, ut sic. Malitia moralis, quod attinet cum iis, qui constitutivum formale peccati commissionis ponunt in aliquo positivo, sentio, quod consistat in ordine transcendentali, seu tendentiæ actus ad objectum regulis morum dissonum: quæ ob-

jectum

jectum respectu furti v. gr. est ablatio rei alienæ invito domino. Cum iis verò, qui constitutum formale ejusdem peccati asserunt consistere in privativo, dico, quod consistat in privatione, seu carentia ordinis, sive tendentiæ ad objectum regulis morum consonum. De quo infra. Ex his facile est cuilibet, formare utriusque speciei definitionem.

*Esne ergo divisum, nimirum moralitas, ut sic, respectu dictarum specierum quid univocum, vel analogum?*

XLII. *Hujus decisio* dependet ex Tractatu seqq. ubi agitur de constitutivo peccati commissionis. Pronunc dico: Sive illud sit quid positivum, sive quid privativum, nihil probat contradam doctrinam. Si enim sit quid positivum, dico moralitatem esse quid superius univocum ad suas species, quia facta hac suppositione æqualiter ab illis participatur, & si quæ æqualitas appareat, ea non in rationem communem, sed in differentias contrahentes refundenda est. Si autem dicatur consistere in mera privatione, dico, moralitatem esse solum quid superius, analogum ad bonitatem, & malitiam: quia positivo, & privativo nihil datur commune superius univocum.

QUÆRO IV. Daturne actus humanus, non solum ex sua specie, sed etiam in individuo, seu in exercitio, sive suis circumstantiis vestitus, indifferens: id est, nec bonus, nec malus moraliter?

XLII. *Resp. 1.* Indubitatum est, & patet ex S. Thom. hic qu. 18. a. 8. quod dantur actus humani, seu liberi secundum suam speciem indifferentes, id est, ex parte sui objecti præcisè considerati, & ut à fine operantis, ac à circumstantiis distincti; nec determinatè boni, nec mali moraliter, sed ad utrumque indifferentes: sic ut ex adjuncto, nimirum ex fine operantis, ac circumstantiis, in individuo, sive exercitio possint fieri moraliter boni, vel mali.

*Ratio S. D. est:* Quia dantur aliqui actus, quorum objectum nihil includit ad rationem pertinentem tanquam ei con-vel disforme, quales actus sunt fricare barbam, levare festucam, ire ad campum, egerere alvi stercore, capitis purgamenta naribus projicere, spueri rheumata jacere, &c. qui actus præcisè secundum se, nec sunt boni, nec mali moraliter. Ergo.

Dixi moraliter, quia bonitas naturalis, seu physica illis actibus non negatur, sed de ea hic non est sermo. Dixi 1. præcisè secundum se, seu ex parte objecti, si enim quis vadat ad campum, sanitatis gratia deambulando, est actus moraliter bonus; si ad surandum fruges, est moraliter malus.

*Resp. 2.* Quod dixi, intelligi de indifferentia ad malitiam, vel bonitatem morale ordinis naturalis, seu sumpta in ordine ad finem naturalem.

*Declaratur.* Nam si loquamur in ordine ad finem supernaturalem, adhuc magis indubitatum est, dari actus neque bonos, neque malos, ac indifferentes licet fine sint boni in ordine naturali, ut patet, si infidelis, v. gr. Turca, vel Judæus, vel etiam Catholicus in mortali constitutus bono animo det eleemosynam.

XLIII. *Resp. 3.* Probabilius est contra Scotistas, & quoddam alios, sentire cum Thomistis, quod nequeat dari actus humanus in individuo, in exercitio, seu ut omnibus circumstantiis vestitus, indifferens, seu nec bonus, nec malus moraliter. Itaque clare Angel. Doctor cit. q. 18. a. 9.

*Ratio.* Actus humanus quisque in individuo, seu in exercitio, vel ordinatur ad aliquem finem, vel non? Si ad nullum? erit malus, ut ex dicendis patebit. Si ad aliquem finem ordinatur, vel ordinatur ad finem bonum, & honestum? & tunc etiam actus erit determinatè moraliter bonus; vel ad finem malum? & tunc actus erit malus. Vel fieret propter finem merè indifferentem, v. gr. propter longum quoniam, ut solemus dicere, & tunc etiam erit malus, æquæ ac si ad nullum finem ordinaretur. Quod prob. Ille actus est malus, quem homo deliberatè elicit, nec tamen in eo agit, ut à brutis differens, & juxta rationalis naturæ inclinationem: Sed in actu ad nullum, vel ad merè indifferentem finem relato, non ageret homo, ut à brutis differens, & juxta naturæ rationalis inclinationem: hæc enim inclinatio est bonum proprium rationis, quod est bonum honestum. Ergo actus est malus.

Vel homo actum illum eliceret propter finem delectationis, aut delectabilis commoditatis, & tunc etiam esset malus, quia fieret ordine præpostero, & inverso; natura enim non instituit operationes propter delectationes, sed è contra recreationes propter operationes; oportet enim dormire, ut possimus vigilare; oportet edere, bibere, secreteare, &c. ut possimus ed alacris omnibus ad majorem De gloriam operari. Unde in malo statu sunt, qui vivunt, ut bibant, & non bibunt, ut in bonis operibus vivant. Ergo.

Immo ex opposito sequitur, eum, qui sola delectationis gratia comederet usque ad saturitatem: Sicut & conjuges sola delectationis causa exercentes actum conjugii, non peccare venialiter; Cum tamen utraque hæc propositio ab Innoc. XI. anno 1679. inter 65. Propositiones sit damnata num. 8. & 9.

Diverſa Adverſariorum argumenta ſolvuntur ex R. 1. & 2. ſi bene penetrantur. Nihilominus contra R. 3.

XLIV. *Oppono* 1. Nulla eſt ſpecies, quæ ſub ſe non contineat, vel continere poſſit aliquod individuum: Sed juxta R. 1. aliquid actus eſt indifferens ſecundum ſuam ſpeciem. Ergo etiam aliquis actus individualis poteſt eſſe indifferens.

2. Dic, ubi extat præceptum, quo jubemur omnes actus humanos dirigere in finem honeſtum? Nam non teneor ſemper deliberatè agere, cum id non ſit in mea poteſtate, quia præ intentionem diſtrahor, & cor meum derelinquit me. Ergone teneor ſemper actum deliberatum dirigere ad finem honeſtum. Certè ex oppoſita ſequentia ſcrupuli ſcrupulis accuſantur.

3. Poteſt quis fricare barbam, vel manum, quia ſibi ſic placet, & ex eo ſolum, ut libertatem ſuam exerceat, ut ſit pro ratione voluntas. Ergo.

4. Potell quis ſic ſe reſolvere: Volo ire ſpatiatum, ut eam ſpatiatum: quod nec eſt juxta, nec contra legem.

5. Generaliter quæro: Quid ſentis de obambulationibus, verbis jocos, vexationibus, riſu, clamoribus diſcurſibus, conviviis, complimentis, non pleudopoliticis, ſed ſinceris, falſis, &c. ſuntne actus virtutis? & cujus?

6. Si omnes tales actus debeant ſemper referri ad bonum finem, & ex eo ſunt boni, ac virtuoſi, poteruntne eſſe materia voti?

*Ad 1. Reſpondet S. Thom. a. 9. cit. ad 1. dicens:* Aliquem actum eſſe indifferentem ſecundum ſuam ſpeciem, poteſt eſſe multipliciter. Uno modo ſic, quod ex ſua ſpecie debeatur ei, quod ſit indifferens, & ſic procedit ratio: ſed tamen illo modo nullus actus ex ſua ſpecie eſt indifferens, non enim eſt aliquod obiectum humani actus, quod non poſſit ordinari vel ad malum, vel ad bonum per finem, vel circumſtantiam. Alio modo poteſt dici indifferens ex ſua ſpecie, quia non habet ex ſua ſpecie, quod ſit bonus, vel malus; unde per aliquid aliud poteſt fieri bonus, vel malus. Sicut homo non habet ex ſua ſpecie, quod ſit albus, vel niger, nec tamen habet ex ſua ſpecie, quod non ſit albus, aut niger: poteſt enim albedo, vel nigredo ſupervenire homini aliunde quam a principiis ſpeciei. Hæc ibi. Ex quibus diſt. min. Daturus indifferens ex ſpecie, ita ut indifferencia ex ſpecie ſua ſit ei debita. N. min quia aliis nunquam poſſet in individuo determinari. Datur, &c. in alio ſenſu aſſignato ex S. Th. C. min. Et diſt. conf. Si eſſet ex ſpecie indifferens in primo ſenſu, C. ſi ſit, uti eſt, ſolum in ſecundo ſenſu, N. conſ.

*Ad 2. dico, eſſe præceptum naturale, red quod ad primum Decalogi, quo nos, & omnia noſtra, ſaltem virtualiter in Deum, ut in ultimum finem referre tenemur. Dici etiam poteſt, actum ſic non relatum eſſe contra naturalem rationalem hominis inclinationem operandi, ut homo eſt, & à brutis diſſert: quæ inclinatio eſt quid præpoſitum ad omnia præcepta naturalia, & virtutes morales, tanquam eorum fundamentum.*

*Eſtne ergo præceptum negativum?*

*Aſſeruo.* Nim. non facies opus, per verbum otioſum, ſeu ſine fine rationi conſono. Unde obligat ſemper, & pro ſemper, non quidem abſolutè, quaſi homo teneatur ſemper operari, & quidem deliberatè, ſed ex ſuppoſitione, nimirum toties quoties homo ex deliberata voluntate agit.

*Ad 3. Reſp.* Cum Gonet, quod, ſi ſemel aut bis id heret, eſſet actus bonus, quia haberet finem bonum, ſcilicet exercitium libertatis, quam aliquando, etiam circa actum ex obiecto indifferentem exercere honeſtum eſt. Si verò talis actus ex eodem motivo ſæpius iteraretur, non haberet honeſtatem, ſed otioſitatem: ad cujus ſpeciem omnes ſimiles actus reducuntur.

Huic R. non obſtat hæc inſtantia: Circumſtantia indebiti finis eſt communis omnibus actibus inordinatis. Ergo non dat particularem ſpeciem. Non, inquam, obſtat. Licet enim ſit circumſtantia communis, atamen (ut ait noſter Barthol. Medina) ſi transferat actum de bono, aut indifferente in malum, dat ſpeciem particularem otioſitatis; ſicut levare feſſucam propter Deum, licet hæc circumſtantia, propter Deum ſit communis, dat tamen ſpeciem particularem virtutis Religionis?

*Ad 4. Eſt actus vana, & in ſpecie otioſitatis, repugnans juri, ac præcepto in prob. explicato.*

*Ad 5. Reſp.* Similes commoditates ad recta ratione moderatam corporis, & animi recreationem relatas reduci ad finem aliquis virtutis. Nam S. Th. 2. 2. qu. 168. a. 1. ait: In quantum per exteriores motus ordinamur ad alios, pertinet eorum moderatio ad amicitiam, vel aſſabilitatem. In quantum verò exteriores motus ſunt ſigna interioris diſpoſitionis, pertinet eorum moderatio ad virtutem veritatis, ſecundum quam aliquis talem ſe exhibet in verbis, & factis, qualis eſt interioris. Hæc ibi.

XLV. In art. 2. ibid. Angel. Doctor pulcherrimam ad propoſitum tradit moralitatem in c. dicens: Sicut homo indiget corporali quiete ad corporis reſocillationem, quia non poteſt continuè laborare, propter hoc quod habet finitam virtutem, quæ determinatis

labo-



laboribus proportionatur: ita etiam est ex parte animæ, cujus etiam est virtus finita, ad determinatas operationes proportionata. Et ideo quando ultra modum suum in aliquas operationes se extendit, laborat, & ex hoc fatigatur. Ita S. Doct. qui pollicetur ibi magis ostendit, corpori, & animo deberi suam quietem, & refocillationem, subdit

Sicut in Collationibus Patrum legitur, quod B. Joannes Evangelista, cum quidam scandalizarentur, quod eum cum discipulis suis ludentem invenirent, dicitur mandasse unicorum, qui arcum gerebat, ut sagittam traheret. Quod cum pluries fecisset, quæsit, utrum hoc continuè facere posset? qui respondit: Quod si hoc continuè faceret, arcus frangeretur. Unde B. Joannes subintulit, quod similiter animus hominis frangeretur, si nunquam à sua intentione relaxaretur. Hujusmodi autem dicta, vel facta, in quibus non queritur nisi delectatio animalis, vocantur ludicra, vel jocosa. Et ideo necesse est, talibus interdum uti, quasi ad quandam animi quietem. Et hoc est, quod Philosophus dicit in 4. Ethic. 28. quod in hujus vitæ conversatione quædam requies cum ludo habetur. Et ideo oportet interdum aliquibus talibus uti.

Circa quæ tamén (pergit loqui S. Tho.) videntur tria esse præcipuè cavenda. Quorum primum, & principale est, quod prædicta delectatio non queratur in aliquibus operationibus, vel verbis turpibus, vel nocivis. Alterum, ne totaliter gravitas animæ resolvatur. 3. Sicut in omnibus aliis humanis actibus, ut congruat personæ, & tempori, & loco.

XLVI. Iterum post pauca subdit: Et ideo circa ludos potest esse aliqua virtus, quam Philosophus Eutrapeliam nominat. Et dicitur aliquis Eutrapelus à bona conversatione, quia scilicet bene convertit aliqua dicta, vel facta in solatium, & in quantum per hanc virtutem homo refrenatur ab immoderantia ludorum, sub modestia continetur. Hæc S. Doct.

Contra hoc objicit sibi S. D. Virtus est, quam Deus in nobis sine nobis operatur: sed Chrysostrmus dicit; Non dat Deus ludere, sed diabolus. Audi, quid aliquando ludentes passi sunt: Sedit populus manducare, & bibere, & surrexerunt ludere: Ergo circa ludos non potest esse virtus.

Solvit hoc dicendo, quod verbum illud Chrysostrmi est intelligendum de illis, qui inordinatè ludis utuntur, & præcipuè qui finem in delectatione ludi constituunt. Sicut de quibusdam dicitur Sap. 15. Æstimaverunt esse ludum vitam nostram. Contra quos dicit Tul-

lius in 1. de Offic. Non ita generatè à natura sumus, ut ad ludum, & jocos facti esse videamur, sed ad severitatem potius, & ad quædam studia graviora, atque majora. Hæc ibi. Ubi ad 3. denuò citat Tullium dicentem: *Ludo, joco uti quidem licet sed sicut somno, id est, moderatè: sum, cum gravibus, scripsi quæ rebus satisfecerimus.*

Ad 6. Resp. Actus illos non esse materiam voti. Nam ut dicitur infra Tract. 10. Exam. 3. ad Q. 1. votum debet esse de meliori bono: Sed quamvis tales actus, v. gr. ire ad campos, deambulare sanitatis gratia, fricare manus ad depellendum frigus, &c. sint boni, non tamen sunt de meliori bono, cum melius sit, mortificationis gratia ab illis abstinere: sicut à simili patet in haustu boni vini. Ergo non sunt materia voti.

Sed summe materia Confessionis sacramentalis?

Dico: Ordinariè non sunt, eò quod communiter fiant sine deliberatione, solo naturæ, aut imaginationis impulsu: adeoque tunc non sunt boni, nec mali moraliter. Si autem deliberatè fierent, nec ad bonum finem formaliter, aut virtualiter (quæ virtualis ordinatio sufficit) ordinarentur, non esset magis ridiculum (quo termino, & argumento aliqui nos oppugnant) istos actus sic exercitos confiteri, quam alios actus vanos, & otiosos sermones: nisi fors ridiculum videatur iis, qui habent conscientiam tam latam, ut communi proloquio, plautrum fœni invehi possit; de minimo cum Præatore non curantes, non nisi, immò vix, de gravissimis se accusantes.

QUÆRO V. Potestne idem actus simul habere duplicem speciem bonitatis, aut duplicem speciem malitiæ moralis, vel oppositas species moralitatis, sicut sit simul bonus, & per eum quæ talem homo serviat Deo, & simul malus, sic ut per eum quæ talem homo serviat diabolo?

XLVII. Resp. 1. Potest unus, & idem actus humanus simul habere duplicem speciem bonitatis, unam ex fine operantis: alteram ex objecto. Ita S. Thom. q. 18. a. 4.

Ratio. Idem actus potest procedere à duplici virtute, ab una elicite, ab altera imperative. Ergo participat utriusque virtutis honestatem, v. gr. jejuna quæ ex fine penitentis, seu, ut satisfaciatur pro suis peccatis, hoc jejunium, vel electio jejunii elicitur à temperantia, imperatur à penitentia.

Resp. 2. Potest in eodem actu reperiri duplex species malitiæ moralis, una ex fine, altera ex objecto.

Ratio. Quia idem actus potest procedere à duplici vitio; ab uno elicite, ab altero imperative; ut si quis fornicetur, ut furetur,

adest species luxuriæ, & furti.

*Resp. 2.* Idem actus humanus non potest simul, & semel habere oppositas species moralitatis, ita ut sit bonus ex fine, & malus ex objecto, vel e converso, v. gr. si quis furetur, ut det eleemolynam, vel det eleemolynam, ut accipietur vanam gloriam. Ita S.D. qu. 19. a. 7. ad 2. & 3.

*Ratio* fundata in S. Thom. loco citato ad 3. Bonum ex integra causa, & malum vero ex quocunque defectu. Quod axioma, præcipue in moralibus serviens, communiter attribuitur S. Dionysio c. 4. de div. nom. ex quo illud adducit S. Thom. qu. 18. art. 4. ad 3. & cit. qu. 19. art. 7. ad 3. Et sensus ejus est, quod in moralibus unicuique singularis defectus, v. gr. alicujus vitiosæ circumstantiæ, puta, vanæ gloriæ, totum opus (aliàs secundum se, & ex objecto bonum) in exercitio corruptat, reddatque ex integro malum. *Subsumo*: Sed si quis ob finem accupandæ inanis gloriæ pro medio eligat eleemolynam, vel ob finem dandæ eleemolynæ pro medio eligat furtum, integra horum actuum causa non est bona, sed utrobique concurrat defectus. Ergo. Minus prob. In primo casu medium (quod est eleemolyna) etsi bonum sit secundum se, non tamen est formaliter bonum in exercitio, eo quod finis non sit bonus, media autem, si quam bonitatem habeant, ut talia eam habent à fine, quia eliguntur propter finem: in secundo casu finis (qui est eleemolyna) etiam in exercitio non est bonus. Quia, quod est causa mali, est malum: Sed tunc finis, scilicet eleemolyna, est causa mali, nimirum furti. Ergo est malus.

*Oppone* 1. contra R. 3. Actus ille fieret quidem malus simpliciter, maneret tamen bonus secundum quid, ut volunt Cajet. Serra, & alii. Ergo.

2. De medico non curat. Prætor, ut communiter loquuntur Jurisconsulti, & parum pro nihilo reputatur: Sed dum quis ob vanam gloriam facit opus bonum, est defectus modicus. Ergo pro nihilo reputandus est. Ergo non corrumpit totum opus.

3. Actus, quo impletur præceptum, est moraliter bonus: Sed per actum ex objecto bonum, malo fine factum, potest impleri præceptum, etiam supernaturale, v. gr. in die festo Missam audiendi ex vana gloria. Ergo ille actus est simul bonus, & malus moraliter.

4. Qui ex vana gloria audit Missam, quando tenetur, melius facit quam ille, qui planè non audit: Sed qui facit melius facit etiam bene, quia gradus comparativus supponit positivum. Ergo.

5. Quid, si quis ex vana gloria subiret martyrium?

*Ad 1. Resp.* N. ant. & inflaturatur Ratio. Sicut bonum simpliciter confurgit ex integra causa simpliciter, sic bonitas moralis secundum quid confurgit ex causa secundum quid, seu partiali, quæ est Regula morum: sed prædicti actus nec secundum quid subint Regulis morum, scilicet Legi, & Rationi, seu prudentiæ, tum quia sunt imprudenter, tum quia alioquin tales actus aliquo modo reducerentur in Deum, ejusque legem. Ergo actus nec secundum quid sunt moraliter boni, sed si quæ bonitas eis inest, est solum naturalis.

*Ad 2. Resp.* Jurisconsultos loqui de Præatore terrestri, & hoc non timorato; non verò de cœlesti, apud quem valet illud: *Modicum fermentum totam farinam, cui inicitur, massam corrumpit.*

*Ad 3. dist. maj.* Si impleatur præceptum, quod est non tantum de substantia, sed etiam de modo actus, qualia præcepta sunt ea, quæ disponunt de interiori hominis relictudine de justificatione, ac interna animæ munditia, ver. gr. præcepta de credendo, sperando, diligendo, poenitendo, in corde non machinando, rep. alienam non concupiscendo, C. maj. si impleatur præceptum, quod est de actu humano præcisè quoad substantiam, seu bonitatem objectivam materiale, ut sunt, de dauda eleemolyna, de jejunando, de audiendo Sacro, N. maj. Et sic dist. min. N. conf. In his ergo præceptum potest impleri per actum etiam malum, v. gr. ex vana gloria factum, non ut malus est, sed ut objectivè bonus est. Vide dicenda Tract. 5. Exam. 1. num. 9. de inani gloria, ubi multa dicuntur, quæ hic servantur. Item dicenda in Tract. 6. de Legibus, Exam. 3. n. 61. An modus virtutis, vel præcepti cadat sub præcepto?

*Ad 4. Resp.* Quod talis nec bene, nec melius, nec pejus faciat, sed minus malè; adeoque & comparativus, & positivus excluditur. Vel dici potest, quod faciat melius materialiter tantum, non verò formaliter moraliter.

*Ad 5. patebit* infra Tract. 5. Exam. 1. de vana gloria, num. 11.

Not. Dum hic dictum est, eundem actum non posse esse simul bonum, & malum, sermonem esse de bonitate actus ex opere operantis, non verò de ea, quam aliqui actus (ut constat in Sacramentis, & Martyrio) habent ex opere operato. Hæc enim bonitas ab illo actu, si nullum ex essentialibus requisitis desit, excludi nequit. Item esse sermonem de fine, v. gr. vana gloria, respectu eleemolynæ, ut formaliter exercente rationem causæ finalis; si enim merè per accidens, & concomitanter concurrat, nec sit finis, nec circumstantia actus, eum non viciat, ut si esset specialis aliquis, & distinctus actus.



XLIX. *Rep.* 4. ad principale quæsitum : Implicat, quod homo per eundem actum serviat, placeatque Deo, & simul diabolo.

Hoc sequitur ex dictis, & docetur illis verbis Matth. 6. *Nemo potest duobus dominis servire*, nimirum simul, ac dominis contrarias voluntates habentibus, uti sunt Deus, & diabolus: nulla enim comparatio lucis ad tenebras, nec potest quisquam particeps esse mentis Dei, & demoniorum. Prohorum explicatione.

QUÆRO VI. Quid ergo sentis de Politico?

Ante R. Not. Politicum à moderni (quod dolenter referimus) temporis Politico de finiri, quod sit *animal rationale, ita serviens Deo, ut non offendant diabolum*.

L. *Resp.* Politia inferius Tract. 4. Exam. 1. ad Q. 4. num. 7. descripta, est idem ac peritia gubernandi Rempub. unde & civilis scientia, & à Cicerone civilitas vocatur. Hæc, quantum ad præsens attinet, alia est vera, seu non fucata, non ficta, vel simulata, sed sincera, moderno tempore nuncupata urbanitas in conversando. In hac ex abundantia cordis os loquitur, interrogatio, & responsio calu consentiunt. Hæc est fecunda parens omnis boni. Unde Polit. 3. lect. 9. dicitur: *Recta politia finis est feliciter vivere*. Altera est falsa, & simulata, seu Pseudo-Politia, & de hac intelligitur data definitio. Quæ quid bona sit, si sit, transeat, sed res definita est pessima. Simile est in definitione furti, furis, latronis, &c. De tali Pseudo-Politico ita loquitur S. Hieron. epist. 59. *Monstruosa res, speciem habere columbinam, & mentem caninam; Professionem ovinam, & intentionem lupinam: intus esse Neronem, & foris apparere Catonem. Novum monstrum, nova chimera*. Hinc est illud principium cuiusdam mali Politici, Venceslai de Maroschovia: *Politium decet expendere, non tantum quid sit agendum, vel quid omitendum, sed etiam quid sit simulandum. Totus mundus fuco utitur. Ergo cum vulpibus est vulpinandum. Accinit Rhythmistæ*:

*Annis mille jam peractis,*

*Fides nulla est in pactis;*

*Mel in ore, verba lactis,*

*Fel in corde, fraus in factis.*

Politici tales, qui omnia agunt fictis, & fucatis complimentis. Discipuli sunt damnati (utinam nunquam nati illius famosi Machiavelli, qui metitur omnia sola utilitate, & privato interesse, qui docet satis esse pietatem, & Religionem simulare, sicque velut Judas Mcariotes, pacis osculo, & simulata amicitia tradit Jesum, sub ovino vellere, ut

lupus dilacerat oves Christi. Hic Machiavellus (cujus lectio à Sede Apostolica sub gravissima excommunicatione lata sententiæ est prohibita) docet, quod flaverint venti, navim esse vertendam, in necessitate intrepidè peccare licere, virtutem justitiæ in sola necessitate consistere, fidem datam solum esse servandam, quamdiu eam servare est utile, licere specioso prætextu alios occidere, &c. Tandem nefanda ejus fuit doctrina, *post omnia animam hominis in morte sicut animam bruti cadere*.

L.I. Quid ergo tandem fiet cum Pseudo-Politico, si in definitionis supra datæ sensu pertinaciter persistat, & per actus erronea sua imaginatione simul bonos, & malos Deum inter, & hominem ambidexter esse contendat?

Dico: Regnum, seu cor in seipsum divinum desolabitur, & mittetur in tenebras exteriores, ubi est stectus, & stridor dentiym in æternum.

Quid si habeas pœnitentem tibi dicentem: Si non possum per actus meos ita servire Deo, ut non offendam diabolum, vel è contra, nonnè possum saltem inter utrumque esse neutralis, nec uni, nec alteri serviendo, seu adhærendo?

Dico: Sine atheismo, ac evidenti salutis æternæ dispendio non potest. Quia non est medium, contra me est: ait Christus Luc. 11. Christus, aut socium habere necesse est, aut hostem media via nulla est. Et ut pulchrè non nemo ait: *Neutralitas nec amicos parit, nec inimicos tollit*.

QUÆRO VII. Teneturne homo voluntatem suam, ut recta sit, in omnibus conformare voluntati divinæ?

LII. *Resp.* Non tenetur semper in voluto materiali, licet deliberatè agat, & sibi de voluntate Dei in particulari ex effectibus, aut certa revelatione constet; nisi poneretur præceptum de hoc in specie volendo. Tenetur tamen in omni voluto formali. Ita S. Tho. qu. 19. a. 9. Ante prob.

Not. objectum à Deo volitum posse dupliciter considerari. 1. in se, materialiter, & absolute, v. gr. fames, mors, pestis, bellum, &c. non considerando rationem, motivum, aut scopum, ob quem Deus hoc facit, v. gr. ob majorem suam gloriam, Attributorum manifestationem, peccatorum emendationem, &c. & hoc dicitur volitum materiale. 2. Potest sumi, ut subsistat huic motivo, & sic dicitur volitum formale. Hoc notato.

Ratio i. p. Voluntas non tenetur amplecti objectum, nisi hoc ei repræsentetur, ut bonum: Sed non omnia sic repræsentantur, v. gr. flagella, quibus Deus nos punit, pestis, mors, fames, secundum se materialiter sumpta

non repræsentantur ut nobis bona, immò ut nociva. Ergo ea materialiter sumpta licite refugimus, & tolli à Deo petimus. Item si Deus mihi revelaret Parentis mei mortem, immò æternam damnationem, non solum non teneor, sed nec licite possum eam mortem absolute sumptam appetere.

*Ratio 2. p. Quia præcepto obediendum est. Ergo.*

*Ratio 3. p. Conformari divinæ voluntati in voluto formali, est, intendere eundem scopum, seu finem, quem intendit Deus, nimirum Deigloriam, ut dictum est in Not. Sed ad hoc tenemur in omni actu deliberato, ut sit virtuosus; nam ut arguit Angel. Doctor in c. 2. 9. cit. primum in quolibet genere est mensura, & ratio omnium, quæ sunt illius generis, Voluntas autem divina est prima. Ergo. Etergo in voluto formali voluntas nostra sit (utinam!) sicut Heliotropium, quod non immerito sponsa Solis appellatur, eo quod, uti sponsa ad omnem sponsum nutum, & nictum, ita illud ad omnem Solis motum tam stricta religione caput circumagat, ut quasi inferiora falsi dicens, à Sole, etiam nubibus tecto, obtutum nunquam avertat. Cnjus est (sit & nostrum) hoc Lemma; *Ad solum Solem.* Exemplo Sancti illius Neapolitani, & Carthaginensis Episcopi, quem Martyrologium Romanum die 26. Octob. celebrat, cui nomen S. *Quod vult Deus*, in omni eventu usus hac phrasi: *Quod vult Deus.* Cum toto Clero à Genesio Ariano Rege in lacerrimam navim injectus sine reme, sine velo, dixit: *Quod vult Deus*, & insperatè Neapolim appulit, ibique ut Confessor in exilio moriens dixit: *Quod vult Deus.* Quamobrem usque hodie appellatur. *Quod vult Deus.**

**QUÆRÆ VIII.** Actus externus habetne moralitatem, id est, bonitatem, vel malitiam distinctam ab ea, quæ est in actu interno? & distinctum inde præmium, vel supplicium?

**LIII.** Certum est, quod actus externi sint verò, & propriè morales, seu boni, vel mali moraliter.

*Ratio 1.* Laus & vituperium est proprietates actus morales: Sed actus externi (uti videre est in variis Scripturæ locis) sunt digni laude, vel vituperio, præmio, vel supplicio. Ergo.

*Resp. 2.* Certum pariter est, quod actus externus aliquando per accidens aui interno superaddat speciale malitiam, nimirum ratione damni, aut scandalii secuti: quæ de causa sæpe in foro fori punitur. Quod damnum, vel scandalum non sequitur ex actu merè interno, ut patet. Item quod aliquando ei addatur aliquid bonitatis ex speciali prærogativa, privilegio, vel institutione; qualiter effectus

Sacramentorum ex opere operato sequuntur, non ad desiderium recipiendi, sed ad solos actus externos receptionis: Item aureola martyrii datur soli externo actui ejus, & solum martyrium externum cavet gratiam ex opere operato, non verò votum ejus. Professio solemnitas externa dirimit matrimonium ratum, &c.

*Resp. 3.* Aui externo, ex sua specie non indifferenti, intrinsecè convenit aliqua bonitas, vel malitia objectiva: seu, illius actus objectum est intrinsecè bonum, vel malum.

*Ratio:* Per bonitatem, vel malitiam objectivam nihil aliud intelligitur, quàm proportio, vel improporatio, seu conformitas, vel difformitas objecti ad rationem, ut Regulam morum: Sed aui externo ex sua specie non indifferenti, v.g. eleemosynæ, convenit intrinsecè talis conformitas, nimirum subveniregenti; externo autem furto, aut fornicationi convenit intrinsecè illa difformitas; ideòque aliqua dicuntur intrinsecè bona, alia intrinsecè mala. Ergo.

*Resp. 4.* Aui externo per se, & secundum se, ac ut præcisè est executio actus interni, seu ut formaliter est operatio, non inest nova, & specialis moralitas, seu bonitas, vel malitia moralis (quæ ad differentiam objective vocatur formalis) distincta ab ea, quæ inest aui interno: sed eadem bonitas, vel malitia formalis utrumque actum denominat; internum intrinsecè, externum extrinsecè: ita ut moraliter ex utroque fiat unus actus, licet physicè sint diversi. Ita Angel. Doctor hic q. 20. a. 1. 3. & 4.

*Ratio:* Ubi non est nova libertas, non est nova moralitas, cum illa saltem sit fundamentum, & radix moralitatis, licet non sit ejus ratio formalis, ut probatum est suprà: Sed in actibus externis (uti nec in membris) non est nova libertas, cum membra externa, quibus actus externi procedunt, despotice pareant voluntati. Ergo nec nova moralitas.

*Resp. 5.* Aui externo non correspondet novum præmium essentialiter beatitudinis, consistens in visione beatifica, sed tantum secundum quid, nec nova poena essentialis, sed solum accidentalis.

*Ratio 1.* Quia juxta dicta, & probata homo per actum externum præcisè non redditur simpliciter melior, vel pejor, quia non assert novam bonitatem, vel malitiam. Ergo nec essentialiter beatior, nec, ut ita dicam, damnatior.

*Ratio 2. pro R. 4. & 5.* Apud Deum voluntas reputatur pro facto, ut habet communis Pœnemia, in bono, & in malo. Nam qui videtur mulierem ad concupiscendam eam, jam macharius est eam in corde suo. Matth. 5. Ecce

ante oculos Dei nunquam vacua est manus à munere, si fuerit arca cordis repleta bona voluntate, ait Gregor. M. hom. 5. in Evang. Et hoc patet Luc. 21. ubi duo æra minuta pauperis viduæ præferuntur oblationibus divitum. *Subsumo*: Sed si actus externus interno adderet specialem intrinsecam bonitatem, vel malitiam, & consequenter novum præmium, vel supplicium essentiale, tunc apud Deum voluntas non reputaretur pro facto. Ergo.

Ex dictis sequitur homi- & Pontificidii, æternæque damnationis reum fuisse illum, qui veneno tinxit Crucifixi pedes, quos noster S. Pius V. omni vespere osculari solebat. Item duplicis maritidii ream fuisse mulierem, quæ marito, bis propinato veneno, vitam non solum non ademit, sed servavit. Item, parato ad martyrium deesse solum præmium accidentale, quod dicitur aureola, correspondens soli actui externo martyrii ex privilegiis: esse tamen martyrem sine sanguine quoad præmium essentiale.

LIIV. *Oppono* 1. contra R. 4. & 5. Juxta dicta apud Deum voluntas reputatur pro facto. Ergo saltem Scotista oppositam sententiam tenens, magis merebitur, vel demerebitur per actum externum præcisè.

2. Si actus externus non addit specialem malitiam. Ergo non teneor eum confiteri, sed solum internum.

3. Ergo non est major malitia in actu externo fornicationis, vel furti, quam in materia

horum actuum, v.g. in pecunia, ac corpore mulieris.

4. Quomodo ergo salvas definitionem peccati, quæ dicitur esse dictum, factum, vel concupitum; ejusque definitionem in peccatum cordis, oris, operis? & verba S. Augustini l. 13. de Trin. c. 5. Mala voluntate, vel sola miser quique efficitur, sed inferior potestate, quæ desiderium malæ voluntatis impletur?

*Ad* 1. dist. conf. Magis merebitur per accidens, & ex conscientia erronea, Transeat; Per se, N. Unde si Scotista hoc discursu probet se magis mereri, & magis peccare, probabit eo Thomista se minus peccare, & æquè mereri.

*Ad* 2. N. conf. Cum enim actus internus, & externus in genere moris sit unus actus, externus in confessione est exprimendus tanquam consummatio malitiæ interioris.

*Ad* 3. admitto, si sit sermo præcisè de malitia objectiva, non de formali, quæ denominativè potest reperiri in operationibus, non verò in rebus v.g. pecunia.

*Ad* 4. R. nos non tollere peccata oris, & operis, nec S. Tho. infra q. 72. a. 7. de iis agens dicit, quod illa sint peccata ex se, & ex propriis meritis, seu ex speciali malitia, distincta ab ea, quæ est in actu interno, sive in peccato cordis. Porro S. Aug. dicens, hominem implendo malam voluntatem fieri miseriorem, verum dicit, tum propter novam malitiam accidentalem, tum propter varia incommoda actui externo præcisè correspondentia v.g. damnum, scandalum, onus restitutionis, censuræ Ecclesiasticæ, &c.



## TRACTATUS IV.

*De virtutibus, vitiis, & peccatis. Ex 1.2. à  
Quæst. 56. usque ad 90, exclusivè.*

**P**ostquam cum Angelico Doctore consideravimus actus humanos tum in esse physico, tum in esse moris; examinanda sunt eorum principia, quæ sunt habitus; nimirum virtus, ut principium actus boni; vitium, ut principium actus mali.

## EXAMEN I.

*De essentia, Subiecto, Divisione, ac Proprietate virtutis.*

*S. Tho. à Q. 56. usque ad Quæst. 71. exclusivè.*

**Q**UÆRO I. Teneturne Confessarius habere notitiam virtutis, & vitii?

**I. Respondeo t. Quinimò. Ratio.** Tum quia Confessor est iudex, ac debet discernere inter virtutum, & vitiorum actus, velut inter lepram, & non lepram: est Doctor, ideoque poenitentem docere debet viam, & amorem virtutis, de qua Plato ait: *Si oculis cerneveris, mirabilia sapientia amores excitavit.* Tum etiam, quia peccata sunt materia remota sacramenti poenitentiae, & materia ejus proxima sunt actus poenitentis, qui sunt actus virtutis, nimirum Poenitentiae. Ergo.

**QUÆRO II.** Quid est, & quomodo definitur virtus?

**II. Ante Resp.** Suppono hic non esse questionem de virtute in larga significatione, in qua quævis perfectio, vel mediata, ut robur, & sanitas, vel immediata ad operandum ordinata, ut activitas instrumenti, calor in igne, qualitas, qua Caelum influit in sublunaria, &c. dicitur virtus. Vel in qua committitur pro alicujus virtutis obiecto, aut effectu, in quo sensu Aristot. virtutem vocat *ultimum potentia*, & miracula vocantur virtutes, id est, effectus virtutis, seu potentie Dei. Et Joel. 2. legitur: *Ficus, & vinea deriderunt virtutes suas.* Hinc in præsentis questionis est de virtute, prout sumitur pro aliqua dispositione, vi, aut facultate potentiis creaturæ rationalis superaddita, perficiente eas ad eliciendas operationes bonas, ut tales. Hoc supposito.

**Resp.** Variæ sunt definitiones virtutis. Quarum prima, & optima est, quam S. Th. hic q.

55. ar. 4. tradit ex S. Augustino: *Virtus est bona qualitas mentis, qua rectè vivitur, qua nullus malè utitur; quam Deus in nobis sine nobis operatur.*

**Declaratur.** Bonitas definitionis constat ex eo, quia constat genere, & differentia. *Ly qualitas* est genus, nimirum remotum. Si cui placet virtutem definire per genus proximum, pro *ly qualitas* ponatur *ly habitus*, & tunc convenientior erit definitio, ait S. Thom. Per *ly bona* differt virtus à vitio. Per *ly mentis* denotatur subiectum virtutis, quod est potentia rationalis, nimirum, vel essentialiter talis, uti est intellectus, & voluntas: vel saltem talis participativè, uti in homine est appetitus sensitivus, qui ut subest rationi dicitur participativè rationalis, five Mens, estque subiectum virtutis, ut dicitur posseà. Et per hoc virtus differt à qualitatibus purè corporeis. Per *ly qua rectè vivitur*, id est, per quem immediatè elicimus operationes vitales rectas, differt à qualitatibus non immediatè operativis, uti in corporalibus sunt fanitas, pulchritudo, &c. in spiritualibus ipsa gratia habitualis.

Per *ly qua nullus malè utitur*, differt ab opinatione, & fide humana, quæ sæpè propendunt, & serviunt in malum.

Restantes particule definitionis conveniunt solis virtutibus per se infusis. De quibus posseà nu. 7. R. 3.

Quæ particule si auferantur, reliquum definitionis erit commune omnibus virtutibus, & acquisitis, & infusis, ait Angelicus Doctor.

Oppono contra illas particulas *Qua nullus malè utitur*. Qui de aliquo dono superbit, eo malè utitur: Sed multi de virtute, v.g. Religionis, superbiunt, aut ea utuntur ad adorandum ex vana gloria. Ergo.

**Ad hoc Respondet S. D. art. cit. ad 5. dicens:** *Virtute potest aliquis malè uti tanquam obiecto, puta, cum malè sentit de virtute, cum odit eam, cum superbit de ea: non autem tanquam principio usus, ita scilicet, quod actus virtutis sit malus.* Cæterum actus virtutis ex vana glo-

gloria factus fit in individuo malus, ut patet ex dictis suprà de moralitate.

*Secunda Virtutis definitio est: Virtus est habitus, qui facit bonum habentem, & opus ejus bonum reddit. Ita Aristot. 2. Ethic. c. 6. In qua definitione, si per ly bonum non intelligitur præcisè bonitas moralis, sed ea, quæ cuicumque habitui virtutis in suo ordine competit, non tantum virtutibus moralibus, ac Theologicis convenit, sed & suo modo intellectuales, v.g. scientiæ. Verum hic præcipuè de morali intelligitur.*

*Tertia definitio: Virtus est habitus electivus in mediocritate consistens, prout sapiens, & prudens determinaverit. Ita Aristot. loco mox citato. Hæc definitio convenit locis virtutibus moralibus, ejusque intelligentia patebit, dum infra in hoc Exam. nu. 10. & 11. explicabitur, quomodo virtus consistat in medio.*

*Quarta: Virtus est dispositio perfecti ad optimum. Ita Aristot. 3. Phyl. c. 3. Sensus est, quod virtus sit qualitas, seu dispositio constituens perfectum, seu in esse perfectio, ac complens potentiam ad eliciendum actum: actus enim dicitur optimum potentia. Quia actus est ultimum potentia complementum, cum quolibet sit propter suam operationem, ut habet commune Axioma.*

**QUÆRO III.** Quodnam est subjectum immediatum virtutis.

*III. Prænotandum verba S. Thom. hic q. 55. artic. 2. in cap. 2. Virtus humana, de qua loquimur, non potest pertinere ad corpus, sed tantum ad id, quod est proprium animæ. Unde virtus humana non importat ordinem ad esse, sed magis ad agere, & idè de ratione virtutis est, quod sit habitus operativus. Ex quoq. seq. art. 1. in cap. infert, quod virtus humana est in potentia animæ, sicut in subjecto immediato, & proximo, non verò in essentia animæ, nisi mediata, utpotè, quæ juxta S. Thom. non est immediatè operativa, sed operatur mediantibus potentiis intellectivis, intellectu, voluntate, &c. Hoc prænotato.*

*Respondeo 1. Intellectus speculativus, id est, sumptus secundum se, & absque omni ordine ad voluntatem, seu ut præveniens motionem voluntatis, est subjectum virtutis secundum quid talis. Quales virtutes sunt Intelligentia, scientia, sapientia, &c. de quibus agitur in Philosophia, ubi videantur.*

*Ita S. D. hic quæst. 56. art. 3. in corp. ubi notat, quod virtus sit duplex. Una simpliciter talis, quæ nimirum facit actum bonum simpliciter, absolute, seu sine addito, redditque simpliciter bonum habentem, & non solum dat facultatem agendi, sed etiam facit, quod aliquis rectè ea facultate utatur, seu dat rectum illius usum, ut patet ex prima, & se-*

*cunda virtutis definitione ante data. Sicut iustitia non solum facit, quod homo sit promptæ voluntatis, seu facultatis ad iusta operandum, sed etiam facit, ut iuste operetur. Alia est virtus secundum quid tantum, quia non reddit opus bonum, nec habentem bonum simpliciter, sed in quadam facultate tantum, compariturque vitia voluntatis, ut patet in Theologo peccatore, & talis virtus est scientia. Non enim dicitur simpliciter aliquis homo bonus ex hoc, quod est sciens, vel artifex, sed dicitur bonus solum secundum quid, puta, bonus Grammaticus, aut bonus faber: quia scientia præcisè sumpta non respicit finem honestum; quem respicit virtus simpliciter talis:*

*Resp. 2. Intellectus, secundum quod habet ordinem ad voluntatem rectam, seu prout est inobis à voluntate per boni honesti, & moralis affectum, live intellectus practicus, est subjectum virtutis simpliciter, nimirum prudentiæ, & fidei Theologicæ formatæ. Ita S. Thom. loco mox citato. Et Ratio patet ex data prima definitione virtutis simpliciter talis, in quadam qualitas mentis.*

*Declaratur exemplum datum de prudentia, & fide. Cum enim prudentia sit recta ratio agibilium, ait S. Thom. citatus, requiritur ad prudentiam, quod homo se bene habeat ad principia hujus rationis agendorum, quæ sunt fines, ad quos bene se habet homo per suam voluntatem. Fides verò potest considerari dupliciter. Primò præcisè, & secundum se, & ut est informis, & sic est virtus secundum quid, ac imperfecta. Secundò, ut formata per charitatem, quæ est in voluntate, & taliter habet rationem virtutis perfectæ, ac simpliciter.*

*Resp. 3. Appetitus sensitivus, tam secundum partem concupiscibilem, quam irascibilem, prout est in homine potens politice obedire rationi, est subjectum virtutis simpliciter talis; non tamen membra externa. Ita S. Tho. hic q. 56 art. 4. contra Scotum. Ante prob. & declarat.*

*IV. Prænotandum, quod appetitus sensitivus (quem Theologi sensualitatem vocant) definiatur, quod sit inclinatio ad bonum apprehensum per sensum, sequitur enim cognitionem sensitivam in bruto, & in homine, sicut voluntas sequitur cognitionem intellectivam, & est inclinatio in bonum apprehensum per intellectum, seu rationem, & ob id vocatur appetitus rationalis. Est ergo appetitus sensitivus quasi quidam impulsus vitalis in animali, quo ex iis, quæ per sensum apprehendit, se movet, vel ad fugiendum, vel ad prosequendum, ut patet in cane, cui dum ostenditur baculus, fugit; dum panis, accedit, & prosequitur.*

*Dividuntur in partem Concupiscibilem, & Irascibilem, velut in facultates realiter distinctas.* Concupiscibilis est, quo animal concupiscit bona per sensum apprehensiva, & abhorret à malis ipsi oppositis, habetque sex motus, qui dicuntur passionibus, eò quòd fiant cum alteratione, & passione corporis, nimirum amor, odium, desiderium, fuga, gaudium, & tristitia, seu dolor. Appetitus irascibilis est, quo animal conatur, & se excitat ad bona ardua, seu difficilia, & contra mala, quibus boni possessio vel impeditur, vel turbatur. Et hæc facultas est propugnatrix partis concupiscibilis, eamque defendit, & habet quinque impetus, vix passionibus, scilicet spem, desperationem, timorem, audaciam, & iram.

V. Ex quibus colligitur definitio passionis tradita à S. Thom. quòd nimirum sit *motus, seu commotio appetitiva virtutis sensibilis ex imaginatione boni, vel mali cum transmutatione corporalis.* Et in hoc differt à motu, seu actu appetitus rationalis, seu voluntatis, qui secundum se non infert alterationem corporis, v.g. amor voluntatis. Est enim duplex amor (quod proportionabiliter dicitur de odio) unus intellectivus, seu affectus voluntatis, quo sibi complacet in bono per intellectum apprehensum. Nec de hoc hic est sermo. Alter sensitivus, & hic est passio appetitus sensitivi, qua sibi complacet in bono sensitivo, seu per sensum apprehensum. Proportionabiliter idem dicitur de duplici desiderio, quod in hoc differt ab amore, quòd sit tantum boni absentis, amor verò boni absentis, vel præsentis. Delectatio sive gaudium est solum de bono presenti, & possessio. Fuga habet se oppositè ad desiderium. Tristitia, seu dolor est affectus causatus ex apprehensione, nimirum sensitiva, mali præsentis.

Ut explicentur dicti motus partis Irascibilis, Spes, ut passio, definitur sic: *Est passio, qua appetitus tendit in bonum sensibile futurum arduum, seu difficile, adeoque rariè possibile.* Sicut è contra desperatio est de impossibili, definiturque, quòd sit passio, qua appetitus recedit à bono arduo, adeoque impossibili, impossibilitatem non metaphysicam sed moralem, sicut ea dicimus impossibilia, quæ superant nostrum conatum. Spes est duplex, eo serè modo, quo diximus de amore.

Audacia definitur, quòd sit passio, qua appetitus insurgit in malum terribile, id est, magnum, fugandum, & superandum. Sicut audacia erigit animum contra mala, ex spe superandi, eò quòd animal sentiat vires suas esse superiores malo; ita timor deicit animum ob difficultatem evadendi, & quòd animal sentiat vires suas esse minores, adeoque succumbit. Hinc timor definitur, quòd sit passio,

qua appetitus succumbit ingratiæ malo, seu futuro terribili, ac vix evitabili. De timore vide infra Tract. 7. Exam. 4. nu. 61. Ira definitur ab Aristot. 1. 1. de anima, c. 1. quòd sit appetitus ultionis aperta cum fervore, seu ebullitione sanguinis circa cor. Dixi aperta, quia proprium obiectum iræ est vindicta, seu ultio iniuriæ, non qualiscunque, sed aperta, quia iratus vult, ut iniurianti innotescat, se esse illi, qui ob illatam injuriam noceat; ut sic eum illatæ injuriæ pœniteat. De Ira vide supra Tract. 5. Exam. 5. num. 105. His scitu necessariis præmissis

Declaratur 1. R. 3. cum S. Thom. art. 4. cit. in c. ad 1. paucis transpositis. Irascibilis, & concupiscibilis dupliciter considerari possunt. Uno modo secundum se, prout sunt partes appetitus sensitivi communes nobis, & brutis, & hoc modo non competit eis, quòd sint subiectum Virtutis. Alio modo possunt considerari, in quantum participant rationem per hoc, quòd naturæ sunt rationi obedire, & sic possunt esse subiectum virtutis humanæ, sic enim sunt principium actus humani, poniturque ab Aristot. in 3. Ethic. c. 10. in Irascibili fortitudo, quæ eam moderatur, & passiones ejus, v.g. audaciam, & timorem, definiturque fortitudo à S. Thom. quòd sit *virtus existens in Irascibili, coercitiva timoris, & audacia moderativa instantibus periculis.* Et in Concupiscibili ponitur temperantia, quæ eam moderatur, ac passiones ejus, nimirum concupiscentias, & delectationes, ac bene definitur, quòd sit *virtus, qua moderatur appetitus circa delectabilia secundum rationem, & gustum, prout rectam rationem docet, ob specialem honestatem, qua est in tali moderatione.*

Declarat hoc 2. S. D. assignans differentiam, cur in corpore, ac membris ejus non sint veræ virtutes, in R. ad 3. dicens: Alia ratione regitur corpus ab anima, & Irascibilis, & Concupiscibilis à ratione. Corpus enim ad nutum obedit animæ absque contradictione, in his, in quibus natum est ab anima moveri: Unde Philos. dicit in 1. Polit. quòd anima regit Corpus despotico principatu, id est, sicut Dominus servum. Et ideo totus motus corporis refertur ad animam, & propter hoc in corpore non est virtus, sed solum in anima. Sed Irascibilis, & Concupiscibilis non obediunt ad nutum rationi, sed habent proprios motus suos, quibus interdum rationi repugnant. Unde in eodem libro Philosophus dicit, quòd ratio regit Irascibilem, & Concupiscibilem principatu politico, quo scilicet reguntur liberi, qui habent in aliquibus propriam voluntatem. Et propter hoc etiam oportet in Irascibili, & Concupiscibili esse aliquas

VIR.

virtutes, quibus bene disponantur ad actum. Hæc S.D.

VI. *Resp. 4.* Appetitus rationalis, seu voluntas est subiectum virtutis simpliciter talis, ita ut etsi non indigeat habitu virtutis respectu boni proprii, saltem ordinis naturalis; bene tamen respectu boni divini, seu supernaturalis, uti & respectu boni alieni, etiam naturalis. Ita clarè S. Thom. q. cit. ar. 6.

*Ratio.* Habitus ponuntur ad superandas difficultates, ut habet commune Axioma, ut iis mediantibus potentia, aliàs obiecto improporcionata, illud attingat. *Subsumo 1.* Sed voluntas non habet difficultatem ad attingendum bonum rationis proprium, seu privatum, id est, sui suppositi, non solum physicum, sed & morale, ac honestum ordinis purè naturalis; tum quia hoc non excedit proportionem, ac vires voluntatis, tum quia voluntas est ipsamet inclinatio rationalis, seu in bonum rationis, saltem proprium: quod autem est tale per se, non indiget fieri tale per aliud. *Subsumo 2.* Sed bonum supernaturale, seu divinum excedit proportionem volentis, etiam quoad totam speciem humanam, & transcendit limites humanæ naturæ, bonum verò proximi excedit quantum ad individuum, ut loquitur S. Thom. Eo ipso enim, quod voluntas est radicata in hoc numero supposito, determinatur per propriam differentiam individualement ad bonum proprii suppositi. Ergo voluntas non indiget habitu virtutis respectu boni proprii moralis naturalis, quale bonum est v. gr. moderatio propriarum passionum, quod proinde bonum respicitur, & attingitur a solis virtutibus in appetitu sensitivo residentibus, ut ante dictum est. Et ergo voluntas indiget habitibus virtutum, v. gr. fidei, spei, charitatis, &c. respectu boni supernaturalis. Et Ergo respectu boni alieni, etiam naturalis, nimirum proximi, indiget virtute, quamobrem in ea ponitur iustitia, & ejus species, de quibus infra.

Notat hic bene Contensonius noster, esse quasdam virtutes morales, quæ non solum moderantur passiones, sed etiam respiciunt alterum, & idè eas geminare necesse est; & alteram in voluntate, alteram in appetitu collocare. Sic humilitas, prout importat subjectionem ad Deum, etque pars iustitiæ, residet in voluntate; prout vero moderatur inordinatum excellentiæ appetitum, quæ moderatio est bonum proprii suppositi, residet in appetitu sensitivo. Sic liberalitas, & magnificentia, quatenus temperant passiones pecuniarum inordinatè amantes, sunt in appetitu; quatenus verò se extendunt ad alios, in quorum utilitatem sumptus fiunt, in voluntate recipiuntur.

QUÆR. IV. Quæ est divisio Virtutis? VII. De hoc Quæsitio agit Ang. Doctor qu. 57. & seqq.

*Resp. 1.* Dividitur virtus in intellectualem, quæ perficit intellectum in ordine ad verum; & in moralem, quæ voluntatem, & appetitum afficit ad attingendum honestum; & in Theologicam, quæ unicè occupatur circa Deum propter Deum.

Virtus intellectualis subdividitur in intelligentiam primorum principiorum, sapientiam, scientiam, prudentiam, & artem. De quibus agitur in Philolophia. An virtus intellectualis sit simpliciter virtus, vel secundum quid? vide in R. 1. & 2. ad Q. 3. in hoc Exam.

Virtus Theologica subdividitur in fidem, spem, & charitatem. De quibus infra in 2.2. velut in proprio loco.

Virtus moralis (cui præter definitionem mox datam etiam convenit quadruplex definitio data in R. ad Q. 2.) dividitur in quatuor virtutes Cardinales, prudentiam, iustitiam, fortitudinem, temperantiam. Quæ, ut explicat S. Thom. de virtut. ar. 1. idè vocantur Cardinales, quia super eas voluit tota conditionis humanæ ratio, iisque velut cardinibus universa vitæ honestas, & politice series, & moles subnixæ est. Fortitudinis, & temperantiæ definitio est data antè ad Q. 3. num. 5. in Declarat. prima. De iustitia specialiter agitur in 2.2. qu. 57. Tract. 8. Prudentia, quæ à S. Chrysost. in Psal. 13. meritis vocatur *Lucerna animæ*, & *cogitationum Regina*: *corum, quæ bona, & honesta sunt, Magistra*, Prudentia inquam bene definitur ab Arist. & S. Thom. quod sit *recta ratio agibilium*, id est, virtus rectificans intellectum ad bene se habendum circa agibilia, seu (quod idem est) circa eligibilia, seu moralia. Cum enim intellectus sit Rex, ac Dux appetitus, & voluntatis, ut rectè agat, regat, ac præcipiat, aliqua virtute indiget; Et hæc est prudentia. Quæ

Subdividitur in monasticam, id est, personalem privatam, & quasi solitariam, quæ respicit agibilia circa propriam personam, & in prudentiam gubernatricem cujusdam corporis politici, seu Communitatis. Et hæc posterior iterum

Subdividitur in Oeconomiam, Politicam, & Militarem. *Oeconomica* regit familiam sub uno quasi tecto, & convivio, ejusque finis est, filios ritè educare, servis bene uti, pacem in familia tuari, possessiones conservare, legitimo quæstui studere. *Politica* respicit plures familias ad constituendam civitatem, vel regnum sub iisdem legibus convenientes; ejusque finis est pax, & tranquillitas publica. Tandem prudentia *militaris*, seu



*Polemica* regit multitudinem hominum congregatam ad unum particulare negotium, scilicet ad hostes oppugnandos, ad victoriam reportandam.

Subdividitur prudentia politica in politicam simpliciter dictam, qua homines, ut membra ipsos regunt in obediendo Præfedis in ordine ad bonum commune; & in Architectonica, quæ est in ipso Principe, seu Regente, juxta tres celebres regiminum modos; penes quos ea iterum potest subdividi in *Monarchicam*, qua unus multitudo præest, *Aristocraticam*, qua pauci, & Magnates regunt; in *Democraticam*, qua multi, ut populus, Remp. regunt.

*Respondeo 2.* Virtus moralis solet etiam dividi in heroicam, & communem, seu vulgarem. Prima est, quæ prorumpit in actum, qui superat communem modum operandi humanum, qui actus etiam vocatur heroicus propter excellentiam. Altera est, quæ elicitur a communem, & ordinariam.

*Resp. 3.* Virtutes iterum aliæ sunt acquisite, quæ nimirum studio, seu labore, & iteratis assibus nostris acquiruntur, v.g. habitus temperantiæ acquisitus per frequentiora jejunia; aliæ infusæ, quas (ut dictum est ad Q. 2. num. 2. in prima definitione virtutis) *Deus in nobis sine nobis operatur*, seu infundit cum gratia justificante, cujus sunt proprietates, adeoque cum ea connexæ, uti non solum sunt virtutes Theologicæ, sed & morales, v.g. fortitudo, justitia, prudentia, &c. sic ut detur prudentia (idem est de fortitudine, & justitia) acquisita, & infusa.

*Not.* Virtutem posse esse infusam dupliciter, nimirum, vel per se, vel per accedens. Per se infusa est, quando ex natura sua petit à Deo infundi; uti sunt virtutes Theologicæ, & aliæ, quarum in natura nullum est principium, quo possint acquiri. Per accedens infusa est, quando ex propria natura habet, quod per actus nostros acquiri possit, sed per accedens ex aliqua dispensatione Dei infunditur; qualiter Christo Domino, & Adamo virtutes ex genere suo acquisibiles fuerunt infusæ.

**QUÆRO V.** Suntne in quovis homine tot virtutes morales infusæ, quot acquisite? & in quo subjecto resident? in voluntate, vel in appetitu sensitivo?

*VIII. Resp. 1.* In homine iusto ad minus tot sunt virtutes infusæ quot acquisite.

*Ratio.* Quia eadem materiæ, quæ ut per rationem, & prudentiam naturalem, seu acquisitam regulatæ, sunt objecta virtutum moralium acquisitarum, ut regulatæ per rationem supernaturalem, & prudentiam infusam sunt objecta formalia virtutum moralium infusa-

rum: Sed hæc objecta, etsi materialiter sint idem, formaliter tamen specie differunt, & penes ea, ut talia virtutes diversificantur. Ergo.

*Explicat hoc pulchrè Gonet noster per exempla.* Moderatio passionum, & delectationum gustus, & tactus vel potest elici, ut expedit ad rectum usum rationis naturalis, & ad vitam corporalem secundum regulam naturalis rationis, & sic est objectum naturale, & temperantiæ naturalis, seu acquisitæ. Vel prout expedit ad vitam supernaturalem gratiæ secundum regulas fidei, & prudentiæ infusæ, quæ (ut eo efficacius caro subiciatur spiritui, & pro peccatis satisfiat) sæpe dicitur maiorem abstinentiam, & sic est objectum supernaturale, & temperantiæ supernaturalis, ac infusæ. Si homines servant iustitiam, quatenus sunt cives unius humanæ societatis naturalis, habetur objectum specificans iustitiam acquisitam; si verò, quatenus sunt cives Sanctorum, & domesticæ Dei, præditi supernaturali lumine, & ad acquirendam civium cælestium societatem, habetur objectum supernaturale, specificans iustitiam infusam. Idem patet in fortitudine, si nimirum subeat mortem ex motivo præcisè naturali, v.g. pro defensione patriæ: vel ex motivo supernaturali, ut contingit in vero martyrio. Idem de Religione patebit infra Tract. 10. Exam. 1. num. 3.

*IX. Resp. 2.* Virtutes morales infusæ versantur circa actiones, quæ sunt ad alterum, uti sunt iustitia, ejusque species, ac Religio, residet in sola voluntate. Quæ versantur circa passiones, v.g. fortitudo, temperantia, &c. subiectantur in appetitu sensitivo, & non in voluntate.

*Ratio 1. p.* Quia appetitus sensitivus, ex eo, quod sit materialis, tantum potest attingere bonum proprium, non verò alienum, maxime si sit supernaturale.

*Ratio 2. p.* Virtus in illa potentia residet, cujus actus mediante ea virtute eliciuntur: Sed appetitus sensitivus, non verò voluntas, mediantibus virtutibus infusis circa passiones versantibus, elicit suos actus, v.g. mediante fortitudine, ac temperantia elicit moderatos timores, temperatas audacias, moderatum usum circa delectabilia gustus, & tactus, ut patet, cum illi non sint actus voluntatis. Ergo.

*Oppono 1. contra 2. p.* Spirituale nequit recipi in corporeo: Sed appetitus sensitivus est corporeus, dicitur autem virtutes sunt spirituales, cum sint proprietates gratiæ sanctificantis, quæ spiritualis est. Ergo.

*2.* In definitione virtutis superius data dicitur, quod sit qualitas mentis: Sed appetitus sensitivus non est mens, ut constet. Ergo in eo nulla est virtus spiritualis.



*Ad 1. N. maj. & oppositum patet in anima rationali, quæ recipitur in corpore. Vel dist. maj. nequit recipi in subiecto corporeo, ut ab eo perficiatur, seu ex sua indigentia, C. maj. ut subiectum perficiat, & evehat, seu ex indigentia subiecti, N. maj. & concessa min. dicit similiter conf. Vel aliter dist. maj. Spirituale, quod eminenter, & ut quo non est corporeum, C. maj. sit ut, uti à pari ex Philosophia constat de anima rationali, N. maj. & sic dist. min. N. conf.*

*Ad 2. patet in forma Responsio supra in explicatione ejusdem definitionis in hoc Exam. num. 2.*

**QUÆRO VI.** Quæ sunt Virtutum proprietates, Theologo morali, & Confessario maxime sic necessariæ?

*X. Resp. 1.* Omisissis aliis, potissimæ sunt duæ, scilicet mediocritas, & connexio. De quibus S. Thomagist hic q. 64. & 65. De virtutum connectione dicam postea specialiter ad Q. 8. num. 13. Pro explicatione mediocritatis.

*Resp. 2.* Omnes Virtutes morales consistunt in medio, & quidem, quæ circa passiones sunt, ut temperantia, fortitudo, &c. in medio rationis; illæ verò quæ immediate, & directè versantur circa actiones, ut iustitia, ejusque partes, seu species, &c. secundum rationem suam specificam in medio rei. ante Prob.

*Not.* Quòd Theologi in Virtutibus distinguant duplex medium; Unum rationis, alterum rei. Primum est, quod non ex rei natura est præfixum, nec est pro omni homine, loco, & tempore fixum, & determinatum, sed variatur variatis loci, temporis, ac personæ circumstantiis, adeoque non est idem apud omnes homines, v. gr. ponamus, quòd comedere bovem sit medium, ac proportionatum giganti, quia non est plus, nec minus debito: attamen respectu alterius hominis non erit medium sed excessus: si verò dicto giganti solum apponeretur unus assus anser, vel lepus, esset defectus; necesse ergo est, ut inter hæc extrema, scilicet inter defectum, & excessum sit medium. Ex quo ab opposito patet, medium rei esse illud, quod ex natura rei est fixum, & pro omni homine, ac loco idem. Hoc notato

*Prima pars:* quòd scilicet omnis virtus moralis consistat in medio, patet ex ejus tertia definitione superius ad Q. 2. data, & clarè docetur à S. Thom. hic q. 64. art. 1.

*Ratio:* Medium constituendum est ibi, ubi potest peccari per nimium, vel per parum, id est, per excessum, vel per defectum: Sed sic potest peccari in obiecto cuiusvis virtutis moralis, ut patet inductive. Ergo.

*Secunda pars:* Quòd scilicet Virtutes morales, quæ sunt circa passiones, habeant medium rationis, docetur à S. Thom. cit. qu. 64.

artic. 2. & constat etiam ex dictis. Cujus

*Ratio est:* Quia earum medium taxatur à ratione, seu prudentia, & variatur juxta varietatem temporis, & personarum, immò juxta diversitatem complexionis ejusdem personæ pro diverso tempore; ut patet in temperantia, quia non semper eadem cibi quantitas etiam eidem homini est accommodata. Idem est de fortitudine, cui non potest una certa regula præfigi ad aggrediendum ardua. Ergo.

*Tertia pars,* quòd scilicet iustitia petat medium rei, docetur à S. D. ibidem.

*Ratio.* Quia obiectum iustitiæ est indivisibile, & ad nullius circumstantiæ variationem variabile, cum ex natura sua petat, ut reddatur tantum, quantum debetur, (si fieri possit) faciendo æqualitatem rei ad rem, æqualitatem, inquam, vel arithmeticam, seu quantitatis ad quantitatem, quam tenet iustitia commutativa, sicut mutuantur decem florenos debent reddi decem: vel æqualitatem proportionis ad proportionem, quam tenet iustitia distributiva, quæ non dat cuilibet æqualiter, sed juxta meritum, & dignitatem: ita ut habenti meritum ut duo, detur præmium ut duo; habenti meritum ut viginti, detur præmium ut viginti.

*Dixi in R. 2.* quòd iustitia medium rei petat secundum rationem suam specificam; si enim consideretur secundum generalem rationem virtutis moralis, medium rationis etiam in ea admittendum est: cum actus iustitiæ, non minus ac aliarum virtutum moralium, sit regulandus per rectam rationem, ac prudentiam: ut nimirum reddat debito tempore, ac loco.

*XI. Oppono contra 1. p. Pœnitentia est virtus moralis:* Sed hæc non consistit in medio. Ergo non omnis virtus moralis consistit in medio. Prob. Min. Medium virtutis moralis debet esse inter duo extrema, quorum unus sit defectus, alterum excessus: Sed, licet in pœnitentia possit esse defectus, nequit tamen esse excessus; quantumcunque enim quis doleat, peccatum semper maiore dolore est dignum. Ergo.

Idem potest obici de virtute Religionis, quæ est virtus moralis, ejusque actus, & obiectum est cultus divinus, in quo non potest esse excessus: quia Deus semper majori cultu dignus est. Ergo.

*Ad Oppos. de pœnitentia dist. ultimam Min.* In ea non potest esse excessus præcisè quantum est ex parte obiecti, C. Min. quantum est ex parte subiecti, N. Min. & Conf. Licet ergo obiectum pœnitentiæ, scilicet peccatum, majori semper dolore dignum sit, contingit tamen, pro dolor! ex parte subiecti pœnitent-

tentis, ut aliqui de insignissimis peccatis minus, ac par est, doleant, sicque est defectus: vel quod propter ea mori, ac angustia se immergant, ut exemplo Caini, & Proditoris Judæ de spe veniæ desperantes suicidæ fiant, & crepent medii. Cum ergo omnis penitens circa se ipsum veretur puniendo se, omnis autem punitio juxta S. Thom. in 4. diff. 4. q. 1. ar. 1. q. 4. prudentia debeat moderari, medium, seu moderamen in penitentia statuendum est penitenti.

Eodem modo R. ad illud de Religione, quia etiam in cultu Dei ex parte subiecti colentis læpedit defectus, vel excessus, ut si nimirum falsus Deus colatur pro vero, ut faciunt Ethnici, & Pagani: vel licet colatur verus Deus, non tamen colitur modo honesto, debito, & conveniente, sed vel superfluis ceremoniis a Deo rejectis, ut faciunt Judæi; vel ad salutem animæ nil conducentibus, & in errore contra fidem fundatis, ut faciunt Turcæ, & Hæretici.

Contra hanc solutionem fortis est Instantia. In exercitio Virtutum Theologicarum etiam potest esse excessus ex parte subiecti, v. gr. amantis, sperantis, credentis, ut si quis continuato amoris divini, & contemplationis exercitio ita insisteret, ut inde debilitaretur corpore, fieretque impotens ad plura, vel si quis nimium de bonitate divina confidens præsumeret se beatitudinem consecutum sine labore, & meritis. *Subsumo*: Sed propter hoc virtutes Theologicæ non sunt morales. Ergo nec Penitentia, Religio, &c. idè sunt morales. Vel data solutio non subsistit. Pro solutione hujus Instantiæ.

QUÆRO VII. Virtutes Theologicæ consistuntne in medio?

XII. *Respondet* cum S. Thom. hicq. 64. art. 4. per se, & ex parte obiecti non consistunt in medio, sed solum per accidens, & ex parte subiecti.

*Ratio*. Quia ex parte obiecti in exercitio harum virtutum non potest peccari per excessum, sed solum ex parte subiecti, ut probat facta Instantia. Unde S. Thom. cit. art. 4. in Sed cont. sic arguit: In omnibus, in quibus consistit virtus in medio, contingit peccare per excessum, sicut & per defectum: Sed circa Deum, qui est obiectum virtutis Theologicæ, non contingit peccare per excessum, dicit enim Eccles. 43. *Benedicentes Dominum exaltate illum, quantum potestis, majorem enim omni laude*. Ergo Virtus Theologica non consistit in medio.

*Declarat hoc in c. dicens. Numquam potest homo tantum diligere Deum, quantum diligere debet, nec tantum credere, aut sperare in ipsum, quantum debet. Unde multo minus potest*

*ibi esse excessus, & sic bonum talis virtutis non consistit in medio, sed tantum est melius, quantum magis acceditur ad summum. Et hanc S. D. dicit esse mensuram ex parte ipsius virtutis Theologicæ, nimirum Deum ipsum. Subdit. Alia Regula, vel mensura virtutis Theologicæ est ex parte nostræ, quia etsi non possumus ferri in Deum quantum debemus, debemus tamen ferri in ipsum credendo, sperando, & amando secundum mensuram nostræ conditionis. Unde per accidens potest in virtute Theologica considerari medium, & extrema ex parte nostræ.*

*Oppono contra r. p. Spes*, quæ est virtus Theologica, medium est inter desperationem, & præsumptionem. Similiter etiam fides incedit media inter contrarias hæreses. Nam confiteri in Christo unam Personam, & duas naturas, medium est inter hæresim Nestorii, qui asserit duas Personas, & duas naturas, & hæresim Eutychii, qui dicit unam Personam, & unam naturam. Ergo virtus Theologica consistit in medio.

*Ad hoc S. Theob. ibidem ad 3. ait*: Spes est media inter præsumptionem, & desperationem ex parte nostræ, in quantum scilicet aliquis presumere dicitur ex eo, quod sperat a Deo bonum, quod excedit suam conditionem; vel non sperat, quod secundum suam conditionem sperare posset; non autem potest esse superabundantia spei ex parte Dei, cujus bonitas est infinita. Similiter etiam fides est media inter contrarias hæreses, non per comparisonem ad obiectum, quod est Deus, cui non potest aliquis nimis credere, sed in quantum ipsa opinio humana est media inter contrarias opiniones. Hæc ibi.

Ex his Instantia ante Q. 7. facta solvitur in forma; Potest esse excessus ex parte subiecti, per accidens solum respectu, C. maj. per se respectu, N. maj. & concessa min. N. conf. Disparitas ergo est, quia conditio subiecti ingreditur ipsam rationem virtutis moralis. Ergo respicitur ab ea per se. Prob. ant. Virtus moralis respicit suum obiectum, ut regulatur regula prudentiæ humanæ, saltem infusæ, quæ est finita, & per se considerat omnes conditiones individuales, inter quas est conditio subiecti, quod proinde etiam debet respici à penitentia, quæ eligit dolere de peccatis secundum rectam rationem, quando, quomodo, & quatenus oportet. Ergo si quod medium in ea statuitur, etiam ex parte subiecti, hoc simul se tenet ex parte obiecti. Verum virtutes Theologicæ per se solum respiciunt obiectum, ut regulatur, & mensuratur à divina perfectione, quæ est infinita: unde nunquam attingunt obiectum suum, ita ut non sit melius magis, & magis illud attingere. Ergo ex natura sua non habent extrema, nec medium,

dium, sed merè per accidens ex imperfectio-  
ne objecti.

**QUÆRO VIII.** Quomodo intelligitur al-  
tera virtutum proprietates, scilicet connexio  
earum? Ante R.

Not. non esse hic quæstionem de virtutibus  
intellectualibus, has enim non esse necessa-  
rio connexas, patet: cum in Philosopho  
peccatore sit scientia sine prudentia, & ars  
possit esse sine scientia: nec esse quæstionem  
de Theologicis, nam de fide est, fidem, &  
spem (nimirum informem) posse esse sine  
charitate, ut probat S. D. hic q. 65. art. 4. &  
patet in peccatore fideli, & non desperan-  
te. Sermo ergo est de virtutibus moralibus,  
non quidem insulis (cum enim omnes illæ  
sine proprietates gratiæ, omnes simul sunt  
inter se, & cum gratia) sed de acquisitis,  
& naturalibus. Et hæc adhuc dupliciter pos-  
sunt considerari: 1. In statu imperfecto. 2. In  
statu perfecto. Quod S. D. cit. art. 1. sic ex-  
plicat: *Virtus moralis imperfecta, ut temperan-  
tia, vel fortitudo, nihil aliud est, quam ali-  
qua inclinatio in nobis existens ad opus aliquod  
de genere bonorum faciendum, sive talis inclina-  
tio sit in nobis a natura, sive ex assuetudine, &  
hoc modo accipiendæ virtutes morales, non  
sunt connexæ: Videmus enim aliquem ex natura-  
li complexionem, vel ex aliqua consuetudine esse  
promptum ad opera liberalitatis, qui tamen non  
est promptus ad opera castitatis. Perfecta autem  
virtus moralis est habitus inclinans in bonum opus  
bene agendum, & sic accipiendæ virtutes mor-  
ales, dicendum est, eas connexas esse.*

Dixi. Est habitus, quia virtus imperfecta  
potest dici, quod sit in subiecto per modum  
dispositionis mobilis, & non tribuat firmam  
facultatem vincendi tentationes, & alia, quæ  
rectitudinem impediunt; si verò hanc firmita-  
tem tribuat, est virtus perfecta.

Notat ulterius Sanctus Thomas, virtutes  
Cardinales posse accipi primò tanquam genera-  
les quasdam conditiones ad quodvis perfectum  
virtutis opus concurrentes, sic ut discre-  
tium pertineat ad prudentiam, rectitudo ad  
iusticiam, moderantia ad temperantiam, firmi-  
tudo animi ad fortitudinem. Et secundum  
hoc manifestè apparet ratio connexionis;  
quia perfectum virtutis opus debet esse dis-  
cretum, rectum, moderatum, & stabile.  
Possunt secundò accipi hæc virtutes magis pro-  
priè, nimirum pro specialibus habitibus, quo-  
rum cuilibet suum proprium correspondet ob-  
jectum, circa quod affectum rectificet. Et in  
hoc sensu pro decisione quæritur.

*Resp.* Virtutes morales acquisitæ in esse per-  
fecto ita inter se sunt connexæ, ut, qui una  
caret, nullam in statu perfecto habeat. Ita  
clare S. D. q. 65. art. 1. probat ex S. Augustino  
Gregorio, Tullio, contra Scutum.

*Tribunal Censurarum.*

*Ratio. S. Thoma:* Prudentia perfecta non est  
sine comitatu omnium virtutum moralium:  
Sed perfecta virtus moralis nequit esse sine  
perfecta prudentia, cum iuxta definitionem sit  
habitus electivus prout prudentia dictave-  
rit. Ergo. Maj. prob. Principium, quofun-  
damentaliter nititur perfecta prudentia, est  
appetitus perfectè rectificatus circa fines:  
Sed hic non habetur, nisi homo habeat om-  
nes virtutes morales, cum nulla sit, quæ  
non aliquid contribuat ad perfectam, ac in-  
tegram appetitus rectitudinem. Ergo. Maj.  
prob. Prudentia iuxta suam definitionem est  
recta ratio agibilium, seu eligibilium (ubi  
N. B. quod electio sit circa media, sicut  
prævia intentio est circa finem) Sed nequit  
esse recta ratio eligibilium nisi appetitus sit  
rectificatus, id est, rectè affectus circa  
fines, quia eligibilia, seu media dependent  
ab intentione sui finis. Ergo.

*Declaratur ulterius.* Per virtutem moralem  
perfectam intelligi debet illa, quæ est in  
tali statu, ut tribuat non solum vim prom-  
ptæ, & delectabiliter operandi, sed & firmam  
facultatem omnibus rectitudinem cor-  
ruptibilibus obstandi: Sed id nequit, nisi  
habeat omnes virtutes morales. Ergo. Min.  
prob. Experientia probat, quod homo man-  
suetus fiat crudelis ex libidine, seu ex de-  
fectu virtutis castitatis. Sicut David fuit  
mitissimus, & tamen ex impudico amore  
Bethsabee, ejus maritum exposuit neci.  
Iustus Iudex si non sit simul liberalis, sed  
avarus, muneribus facile corrumpitur. Ho-  
mo fortis, sed voluptuosus, facile emollitur  
voluptatibus illecebris, ut constat in Anni-  
bale, quem non Romana virtus, sed Cam-  
panæ delitiæ fregerunt. Ergo si homo ha-  
beat omnes virtutes morales, nunquam ha-  
bebit rectum appetitum, nec firmum judi-  
cium de bono.

Ex his colligitur quod materiæ morales  
ita inter se sunt connexæ, ut defectus unius  
redundet in aliam. Item omnes virtutes ac-  
quiri, vel perdiri simul, non quidem quoad  
substantiam, sed quoad statum perfectionis:  
adeoque non posse impensè coli perfectè unam,  
nisi habeant omnes, si nimirum sint tales,  
quarum subiectum est capax.

**XIV. Oppono 1.** Totà definitio virtutis con-  
venit temperantiæ sine fortitudine. Ergo po-  
test sine ea acquiri.

2. Una scientia potest acquiri sine alia.  
Ergo & virtus.

3. Virtutes, de quibus hic agitur, non  
acquiruntur nisi per proprios actus: Sed po-  
test homo exercere actum unius virtutis sine  
actu alterius. Ergo & acquirere unam sine  
altera. Min. prob. Pauper potest exercere  
actum humilitatis, non tamen potest actum

E

libe-

liberalitatis; ac magnificentiae, & si conjugatus sit, nequit exercere adum virginitatis: immo omnium virtutum objecta non simul occurrunt. Ergo.

4. Fundamentum datæ resolutionis est valde ruinosum; Prudentia enim est prior virtutibus moralibus, cum hæ per illam acquirantur. Ergo prudentia est perfecta sine illis.

Ad 1. dist. conf. Ergo potest acquiri in esse imperfecto, C in esse perfecto. N.

Contra. Nihil reale advenit uni virtuti ex societate alterius. Ergo.

Dist. ant. In recto, C in obliquo. N. Status ergo ille perfectus habetur, non per novæ intrinsicæ perfectionis adventum, sed per simultaneam aliarum virtutum in eodem subiecto coexistentiam. Sicut cum socio potest quis trahere currum, quem non potest sine illo; sic facilitas operandi ante requisita habetur cum aliis virtutibus, non sine illis.

Ad 2. N. Conf. Quia scientiæ (idem est de artibus) verlantur circa materias disparatas, & in una simplici mensura non adunantur.

Contra. Subiectum variis perfectionibus partialibus perfectibile potest perfici ab una sine alia, ut patet in scientiis. Ergo.

Dist. ant. Si perfectiones non sint connexæ, C. secus, N.

Ad 3. dist. min & conf. sicut ad 1. Ad prob. dist. ant. Non potest exercere adum liberalitatis, magnificentiae, virginitatis externum, C. ant. internum, subdistinguo: absolutum, C. ant. conditionatum, ut si nimirum haberet occasionem, & facultatem, aut si suo statui conveniret, N. ant. Et hoc sufficientiam quoad virginitatem quoad formale in conjugato. De quo vide Tract. 5. Exam. 1. ant. n. 27. Quamvis fortè melius dici possit, nos hic loqui de virtutibus subiecto non repugnantibus, ut ante dictum est. Et illi adus conditionati sufficientiunt etiam ad acquisitionem illarum virtutum, quarum materia non occurrit, nisi in certo statu, uti sunt prædictæ: aliarum autem precipuarum virtutum omni statui communium materię, & objecta faciliè cuius occurrunt, etiam simul in unico sæpè negotio; simul, inquam, si non simulate physica, & in unico instanti; saltem simulate morali, seu brevi temporis spatio.

Ad 4. R. Prudentiam esse aliis virtutibus priorem, & posteriorem: priorem in genere causæ directivæ, posteriorem in genere causæ dispositivæ. Vel, esse priorem in esse imperfecto, posteriorem in esse perfecto. Et hoc ob rationes adductas.

Scotus, ut suam sententiam salvet, docet, tot esse prudentias specie distinctas, quot sunt virtutes morales, ita ut alia sit prudentia regulativa iustitiæ, alia temperantiæ, &c. Sed re-

futatur à Gonet hic disput. 6. art. 1. §. 1. ubi videri potest.

QUÆRO IX. Virtutes morales acquisite retinentne veram rationem virtutis sine charitate?

XV. Resp. Veræ virtutes quoad essentiam, seu substantiam possunt acquiri, ac conservari sine charitate, v.g. Iustitia, Temperantia, Fortitudo, &c. non tamen virtutes simpliciter, & perfectè tales, seu quoad statum perfectionis. Ita S. Doctor q. 65. art. 2.

Ratio utrinque partis. Per frequentes adus acquiritur habitus: Sed homo in peccato mortali, adeoque sine gratia, & charitate, existens, non semper operatur malè, sed potest se exercere circa virtutum moralium, v.g. Iustitiæ, Temperantiæ, &c. materias, ut ipse S. D. exemplificat in Gentilibus Iustitiam servantibus. Ergo potest acquirere aliquem habitum. Sed hic habitus respicit determinatum objectum, quod est de genere bonorum, & eique conveniunt definitiones virtutis superius ad Q. 2. traditæ. Ergo est virtus; Non perfecta, quia non habet adiunctam perfectam prudentiam, hæc enim corrumpitur per peccatum, nec facit habentem simpliciter bonum; nemo enim in peccato mortali existens potest dici simpliciter bonus, & caret ordine ad ultimum finem verum, tam naturalem, quam supernaturalem, saltem quantum est ex parte operantis. De quo vide Tract. 3. Exam. 1. Q. 3. nu. 7. ad opposit. Præterea charitas est forma virtutum perfectarum. De quo vide Tract. 7. Exam. 5. n. 73. uti, & de hie informi, ibid. Exam. 1. nu. 2. R. 2. Ergo sine charitate est virtus saltem imperfecta, attamen vera quoad substantiam, respiciens finem ultimum verum saltem ex parte operis. Imperfecta, inquam, & quidem tam imperfecta, ut vix mereatur nomen virtutis, ut potè habens potius statum dispositionis, quam habitus, cum faciliè sit mobilis à subiecto ob pravam appetitus dispositionem, quia non habet firmam facultatem obfistendi omnibus relictudinem appetitus impediens.

QUÆRO X. Manentne in Patria virtutes in via acquisite? aut virtutes intellectuales, scientia, & ars? vel saltem virtutes Theologicæ.

XVI. Resp. r. ad r. p. cum S. Thom. hic qu. 67. art. 1. in c. dicente: Virtutes morales in futura vita non manent quantum ad id, quod est materiale in eis, non enim habebunt in futura vita locum concupiscentiæ, & delectationes ciborum, & venerorum, neque etiam timores, & audaciæ circa pericula mortis, neque etiam distributiones, & communicationes rerum, quæ veniunt in usum præsentis vitæ; sed quantum ad id, quod est formale, remanebunt in Beatissimâ post hanc vitam.

vitam, in quantum ratio uniuscujusque perfectissima erit circa ea, quæ ad ipsam pertinent secundum statum illum. Hæc S.D.

*Resp. 2.* ad 2. p. cum S. Thom. qu. cit. ar. 2. Virtutes intellectuales post hanc vitam manent quidem in omnibus quoad formales, quod est in ipsis, nimirum quoad species intelligibiles in intellectu possibili servatas: non tamen manent quoad materiale, id est, quoad phantasmata: è quibus species per intellectum agentem extrahuntur. Quia in patria non fiet cognitio per conversionem ad phantasmata, sed videbimus Deum sicuti est, & omnia ad statum nostrum spectantia, in ipso Deo, seu in essentia divina, ut in specie, mediante lumine gloriæ.

*Resp. 3.* ad 3. p. cum S.D. qu. cit. art. 3. & 4. In patria non manet fides, nec spes, sed charitas.

*Ratio.* Non fides propter obscuritatem, quæ non stat cum clara visione. Unde S. Aug. Ser. 27. de verb. Apost. ait: *Quid est fides? credere, quod non vides.* Deinde non spes. *Quod enim videt quis, tenet, ac possidet, quid sperat?* Rom. 8. Spes enim est de bono arduo, ac difficili, adepto tamen possibili, quod non est respectu Beatorum, ut potest, qui jam sunt in possessione Beatitudinis. Sed *charitas nunquam excidit*, ait Apostolus 1. Cor. 13. nec evacuatur per gloriæ perfectionem, sed eadem numero manet, ait S.D. art. 6. cum de ejus ratione non sit aliqua imperfectio: potest enim esse habitus, & non habitus, visus, & non visus.

## EXAMEN II.

*De vitiis, & peccatis, eorumque distinctione causis, & effectibus.*

S. Thomas 1. 2. qu. 71. usque ad qu. 90. exclusivè.

**D**OCTRINAM hanc Confessario esse scitu necessariam, patet ex R. ad Q. I. Exam. præcedenti. Unde.

**QUÆRO I.** Quid est vitium? estne idem, quod peccatum? estne omne vitium, & peccatum contra naturam hominis?

*XVII. Resp. I.* Vitium rectè sic definiri potest. Est mala qualitas mentis, qua malè vivitur, qua nemo bene utitur. Vel est *Dispositio imperfecti ad perfectum.* Quæ definitiones intelliguntur opposito modo ad definitiones virtutis in Exa. præced. ad Q. 2. datas. In qua nimirum virtute sicut in venit bonitas, ita in vitio, & peccato est malitia. Quæ an formaliter sit mera privatio bonitatis, dicetur infra.

*Resp. 2.* In communi modo loquendi vitium, & peccatum sumuntur quidem pro eodem, attamen propriè loquendo non sunt idem. Vitium enim significat habitum, vel dispositionem permanentem, peccatum verò significat actum, qui ab habitu vitioso procedit, vel eum generat.

*Resp. 3.* Omne vitium, & peccatum est contra naturam hominis, non quidem sensitivam (quam pro dolor! sequuntur multi nimis) sed rationalem.

*Ratio.* Quia, ut loquitur S. Thomas hic qu. 71. ar. 2. omne vitium, & peccatum est contra ordinem rationis, quatenus homines sumus, & à brutis distinguimur. Ergo.

*XVIII. Oppono t. contra 3. R.* Potentia peccandi est homini naturalis. Nam Sap. 12. dicitur: *Erant naturalis malitia eorum.* Ergo peccatum non est contra, sed juxta naturam.

2. Si peccatum est contra naturam hominis, sequitur, quod sit ei violentum.

3. Aliqua peccata, nimirum bestialitas, sodomia, &c. dicuntur in hoc ab aliis differre, quod sint contra naturam. Ergo non omnia.

*Ad 1. N. ant.* Quia posse peccare non est potentia, sed defectus potentiae: homo ergo nullam habet potentiam ad peccandum ordinatam. Illud Sap. 12. intelligitur, vel de peccato originali, quod cum natura traducitur, vel si de actuali, & personali, ly *naturale* accipitur pro eo, quod est consuetudinarium. Quia, ut dicitur solet, *consuetudo est altera natura.*

*Ad 2. N. seq.* quia violentia juxta physicos, debet esse ab extrinseco passio positivè resistente, ut patet in motu lapidis sursum: voluntas verò dum peccat, se ipsam ab intrinseco ad bonum sensibile inclinat: licet etiam interdum externa moventia, v.g. objectum, diabolus, mundi voluptates, &c. non desint. Unde est illud: *Mundus, Caro, & demonia*, diversa movent prælia.

*Ad 3. dist. ant.* Differunt, quod sint contra naturam ex ratione quadam speciali, & ant. ex ratione generali tantum, N. ant. & conf. Vitiæ ergo, & peccata in hoc non differunt, quod aliqua sint, aliqua non sint contra naturam, sed in hoc omnia conveniunt, hominemque ordine rationis inverso faciunt comparari jumentis insipientibus. Habent tamen hoc sodomia, & bestialitas, quod dicantur peccata contra naturam ex ratione etiam speciali, & per Antonomasiæ: eo quod habeant maximam, & gravissimam turpitudinem, repugnantque homini, non tantum secundum speciem, ut homo est; sed etiam secundum genus, ut animal est, cum etiam bruta à similibus abhorreant: ut non immerito S. Bernardus dicat, hominem per ea fieri *bestiis bestiorem.*

**QUÆRO II.** Quid est, & quomodo definitur peccatum?

XIX. *Resp.* cum Sancto Thoma hic q. 71. a. 6. ex Sancto Augustino lib. 23. contra Faull. cap. 27. *Est dictum, factum, vel concupitum contra legem æternam.* Ubi tamen N.B. quod dictum, factum, vel concupitum, non sumatur hic pro rebus dictis, factis, vel concupitis, sed pro ipsis dicendi, faciendi, vel concupiscendi actibus, qui secundum se sunt materiale peccati, & difformitas ad legem in iis reperia, est formale.

*Dars definitio convenitne peccato veniali, & peccato omissionis?*

*Ratio dubitandi est,* quia juxta S. Thomam peccatum veniale non est contra, sed præter legem, & in peccato omissionis nihil sit, nihil dicitur, sed solum aliquid omittitur. Quo non obstante.

*Affirmo utrumque,* sic, ut illa definitio primario quidem conveniat peccato mortali, secundario tamen peccato veniali nullum enim peccatum est, quod non sit contra aliquam legem, saltem imperfectam. Unde quando S. Thom. docet, peccatum veniale esse præter legem, non negat esse contra, sed solum ita loquitur, quia non est perfectè contra ordinem, aut finem legis, qui est charitas, juxta illud 1. Timoth. 1. *Finis præcepti charitas:* ut potè cum quæ fiat, nec eam destruit.

Peccato omissionis data definitio convenit in hoc sensu, ut sit non dictum, non factum, non concupitum, juxta legem Dei æternam. Unde hæc negotiationes in illa definitione virtualiter subintelliguntur.

*Ratio.* Quia in moralibus negatio sæpè reputatur pro facto, juxta illud Sancti Ambrosii: *Si non parvisti, occidisti,* nimirum elurientem, cum potuisti. Ex his soluta est ratio dubitandi. Quid sit lex æterna Dei, dicitur in frâ de Legibus.

XX. *Quid si omne peccatum sit contra aliquam legem (ut dixisti in definitione) & lege prohibuitur, quomodo ergo salvus illud antiquum. Axioma: Non omnia sunt mala, quia prohibita, sed aliqua sunt prohibita, quia mala?* Ergo aliqua sunt mala aut prohibitionem legis, uti sunt actus intrinsecè niali, v.g. mendacium, odium Dei, &c. sicute contra, v.g. comedere carnes die veneris, est præcisè malum quia prohibitum?

*Ad hoc R.* cum S. Thom. hic num. 71. a. 6. ad 4. dicente: *Cum dicitur, quid non omne peccatum, idè est malum, quia est prohibitum, intelligitur de prohibitione facta per jus positivum. Si autem referatur ad jus naturale, quod continetur primo quidem in lege æterna, secundario vero in naturali judicio rationis humana, tunc omne peccatum est malum, quia prohibitum: ex hoc enim ipso, quod est inordinatum, juri naturali repugnat.*

Sunt ergo mala, antequam prohibeantur

per legem positivam, divinam, vel humanam, non verò ante legem æternam Dei, & naturalem. Dum verò dicitur, quod sint mala intrinsecè, & ante omnem legem, essent quæta, licet nulla daretur lex, id solum verum est de malitia fundamentali, & initiativa, per quam ex sua natura divinis Attributis, rationalis naturæ perfectioni repugnant, & quæ Deo fundamentum præbet, ut ea lege æterna prohibeat, ac naturali, non autem verificatur de malitia formali, & completa, sed hanc habent post prohibitionem.

Magis hæc patebunt in frâ in tractat. 4. de Legibus. Exam. 1. ubi explicabitur, quid sit lex æterna, naturalis, & positiva: quæ duæ posteriores à prima derivantur, suntque veluti radius ab ea participatus, sicut quidquid immediatè est contra eas, sit etiam mediatè contra legem æternam, seu contra mentem, & voluntatem Dei.

QUÆRO III. Quæ sunt species, seu divisiones peccati.

XXI. *Resp.* esse diversas. Prima ex Sancto Thoma hic q. 81. art. 5. est divisio in peccatum Originale, & personale. Primum derivatur ab Adamo, ut Capite, & ab eo originatur, seu per originem, five generationem transfunditur in posteros. Alterum est, quod propria personæ peccantis voluntate committitur.

Secunda divisio juxta S. D. quæst. 86. art. 1. & 2. est in peccatum actuale, quod est actus malus, ac Regulis morum difformis: & habituale, quod est macula in anima ex peccato actuali relicta, in eaque remanens, usque dum abstergetur per poenitentiam, & gratiam satisficientem.

Tertia ex q. 72. a. 5. est in peccatum commissionis, & omissionis. Primum consistit in effusione actus mali, ac Regulis morum difformis, adeoque pagnat cum præcepto negativo, & ponitalem, qui jubetur non poni, uti est occisio hominis iniusta, contra illud: *Non occides.* Peccatum omissionis verò est carentia, seu privatio actus debiti, seu lege præcepti, pagnatque cum præcepto affirmativo, & onnititalem, qui jubetur poni: uti est omisio Missæ in die festo.

Quarta quæst. 88. art. 1. est in peccatum mortale, & veniale. Mortale à morte dictum est quod infert mortem animæ privans eam vitam supernaturalem, quæ est gratia, & charitas, & ab ultimo fine avertit, inducitque reatum poenæ æternæ. Veniale, à venia dictum, quia propter suam levitatem veniam faciliè obtinet, est, quod gratiam, & charitatem non tollit, sed solum ejus fervorem diminuit: nec ab ultimo fine avertit, sed parum quasi divertit, retardatque ab ejus consecratione, ac inducit reatum poenæ temporalis, solven-

dæ, vel in hac vita, vel in altera in Purgatorio.

*Quinta divisio* qu. 72. art. 1. est in peccata carnalia, & spiritalia. Carnalia perficiuntur in delectatione carnali, v. gr. gula & luxuria consummantur in delectatione ciborum, & venereorum. Spiritualia consummantur in delectatione spiritali, v. gr. superbia, invidia, &c. in sola apprehensione alicujus rei concupitæ, vel jam ad votum habitæ. Vide infra Quæst. 10. quæ ex his sint graviora num. 36. in hoc Exam.

*Sexta* ex quæst. 72. art. 4. est in peccata, quæ committit homo in Deum, Proximum, & in seipsum. Si enim homo Deo non det debitum honorem, & reverentiam, est Peccatum in Deum, uti est sacrilegium, hæresis, blasphemia, &c. Si homo suas passiones ratione non regulet, peccat in seipsum, ut patet in gulofo, luxurioso, &c. Si non reddat proximo jus debitum, aut si lædat ejus jus, peccat in ipsum, ut patet in homicidis, furibus, adulteris, &c.

*Septima* juxta S. D. ibid. art. 7. est, in peccatum cordis, oris, & operis, ut patet ex data definitione peccati, *dictum*, ore; *factum*, opere: *concupiscentum*, corde. Si hæc tria procedant ab eodem motivo circa idem obiectum, ita ut unum sit præparatio ad alterum, & in neutro fistat, constituunt unam perfectam peccati speciem, v. g. iracundus ex hoc, quod appetit vindictam, primò perturbatur in corde, secundò prorumpit in verba contumeliosa: tertio procedit ad opera injuriola, v. g. baculando, colaphizando, &c. Item homo venereus primò de fornicatione meditatur, secundò verbis mulierem sollicitat, tandem in opere cum ea peccat.

Verùm si hæc peccata ita fiant, ut peccator in quolibet fistat, sunt necessariò specialiter explicanda in confessione, v. gr. delectatur quis in turpi cogitatione, nec ultra progreditur, est peccatum cordis: aliud delectatur in locutione impudica, nec ultra progreditur, est peccatum oris: si ad rem faciat, est peccatum operis. Est enim hæc species perfecta non distinguantur, cum (ut supponitur) versentur circa idem obiectum: distinguuntur tamen numero propter actuum interruptionem.

*Octavo* aliud est peccatum ex infirmitate, seu passione, quod committitur ex gravi tentatione, & motione appetitus sensitivi, voluntatem trahentis ad consensum, sicut Petrus peccavit, ex timore negando Christum. Aliud est peccatum ex ignorantia, nimirum culpabili, & vincibili, qualiter peccavit Saulus persequens Ecclesiam Dei, ut de seipso testatur 1. Timoth. 1. Tandem aliud est peccatum ex certa malitia, seu de industria, *Tribunal Confessoriorum.*

quod nulla passione incitante, & nulla ignorantia excusante, sed plena libertate, ac planelibera voluntate committitur: qualiter peccavit Judas vendendo Salvatorem. De his agit S. Thomas hic qu. 76. & 77. & 78. Vide in hoc Exam. n. 72.

*Novo.* Aliud peccatum consistit in excessu, ut si quis plus: aliud in defectu, ut si quis minus faciat, v. gr. comedat, quàm recte ratio dicat. Cum enim virtus moralis, ut supra dictum, medium teneat, omnis recessus à medio est vitiosus, hæc autem recessus sit, vel per excessum, vel per defectum; ut patet in dato exemplo.

*Decimo.* Alia sunt peccata propria, & aliena. Propria sunt, quæ motu proprio, nullo alio homine suadente, vel instigante, à nobismetipsis committuntur. Aliena sunt, quæ licet à nobis non committantur, nobis tamen imputantur, quia sumus eorum causa moralis ratione dati consilii, præcepti, suasionis, adulationis, protectionis, aut ob defectum correctionis. Quæ videri possunt in Catechismo, uti & peccata in Cælum clamantia, & de quibus infra Tract. 5. Exam. 5. nu. 109. peccata in Spiritum Sanctum.

**QUÆRO IV.** Quodnam est formale, & essentialē constitutum peccati commissionis? estne quid positivum, vel privativum?

**XXII.** Hoc quæsitum non deservit quidem ad praxim Confessarii, quia tamen in hoc Opere (ut ex ejus frontispitio patet) pluribus debitor sum, illud est discutendum.

Dixi 1. in titulo: *Formale constitutum.* Quia certum est, quod peccatum commissionis pro materiali sit quid positivum, nimirum realis, & physica entitas actus, v. gr. in furto physica subreptio rei alienæ, non considerando ordinem ad Regulas morum, nimirum ad rationem, vel legem, quæ talem actionem prohibet. Dixi 2. *Peccati commissionis.* Quia peccatum omissionis, cum nihil positivum sit, indubitatum est, quod consistat in solo privativo, nimirum in privatione conversionis debita ad obiectum conforme rationi. Dixi 3. *Estne quid positivum, vel privativum?* quia in peccato commissionis multa possunt considerari. 1. Physica entitas ante explicata. 2. Ipsius actus moralitas, considerando actum in ordine ad suum obiectum, ut subsans regulis morum, nimirum rationi, & legi prohibenti. Ex hoc deinde sequuntur variae privationes, ut privatio debiti finis, & rectitudinis debite inesse actui humano, & quam privationem aliqui DD. tenent esse ipsam essentialē peccati moralitatem. Item sequitur privatio gratiæ, & justitiæ, aversio ab ultimo fine, &c. Quæstio hæc est de secunda consideratione. Quia autem in hujus Quæstitione



Thomistæ inter se sunt divisi, & proutaque sententia adducunt fortia Angelici Doctoris testimonia, adducam, & solvam utriusque sententiæ fundamenta; ut quilibet possit eam problematice defendere. His præmissis.

*Resp.* An formale constitutum peccati commissionis consistat in positivo, nimirum in positiva habitatione, seu tendentia ad objectum rectæ rationi dissentaneum: vel in privativo, nimirum in privatione rectitudinis debitæ inesse actui: asseritur neganti, & negatur asserenti.

*Fundamenta Sententiæ defendentis positivum.*

XXIII. Angelicus Doctor 1. p. qu. 48. art. 1. ad 2. expresse loquens de constitutivo peccati in genere, & linea morali, ait: *Malum, quod est differentia constitutiva, in moralibus est quoddam bonum adiunctum privationi alterius boni, tanquam fundans eam.* Et qu. 1. de malo ad 12. ait: *Malum positivè aliquid dicit, secundum quod actus voluntatis denominatur malus à voluto.* Et qu. 2. art. 11. ad 13. inquit: *Peccatum non est privatio pura, sicut tenebra, sed est aliquid positivum.* Et in 2. Sent. d. 37. qu. 2. art. 2. ad 4. dicit: *Ipsa privatio, qua aliquid malum dicitur, non potest esse differentia, nec genus, sed unusquisque actus specificatur per aliquid positivè dictum.* Et 2. 2. q. 6. a. 2. ad 2. ait: *Deformitas (peccati) non solum importat privationem debitæ formæ, sed contrariam dispositionem.* Unde deformitas se habet ad actum, sicut falsitas ad fidem. Sed dispositio contraria est quid positivum. Ergo. Quod repetit 3. cont. Gent. cap. 9. dicens: *Malum, & bonum sunt contraria; secundum quod accipiuntur in genere morali.* Et quæst. 1. de malo artic. 1. ad 4. *In moralibus magis, quam in naturalibus malum contrarium bono dicitur.* Et post pauca ibidem. *Et hoc malum contrarium propriè bono, & hac contrarietas ex actibus in habitum transiit.*

Tandem hic qu. 72. art. 9. ad 1. docet, quod peccatum non forisiat speciem ex parte privationis, vel averſionis, sed ex conversione, id est, ex ordine transcendentali ad objectum actus. *Subsumo 1.* Sed conversio, & ordo ad objectum est quid positivum. Ergo specificativum, & distinctivum peccati commissionis est quid positivum. *Subsumo 2.* Sed idem est constitutivum, & distinctivum. Ergo formale constitutum peccati est quid positivum.

2. Rationes variz id probant. Quarum prima est mox infinuata ex eo, quod idem sit constitutivum, & distinctivum, quod in peccato esse positivum, probatum est ex S. Thoma.

*Secunda Ratio.* Oppositio contraria essentialiter petit extrema positiva, ut patet in calore, & frigore, albo, & nigro, in hoc

enim differt ab oppositione privativa exigente unum extremum positivum, & alterum negativum. *Subsumo.* Sed inter actum bonum, & malum non solum est oppositio privativa, sed & contraria, non solum in esse naturæ, & entitatis physicæ, sed etiam in linea morali, ut patet ex S. Thom. cit. Ergo.

*Tertia Ratio.* Quidquid dicitur de genere, dicitur de qualibet specie contenta sub illo, ut patet in animali, quod est genus respectu hominis, equi, bovis, &c. veluti specierum, de quibus dicitur omne, quod dicitur de animali, nimirum esse vivens sensibile. *Subsumo:* Sed iuxta dicta Tract. 3. Exam. 3. Q. 3. moralitas ut sic est genus, vel quid superius respectu bonitatis, & malitiæ. Ergo quod dicitur de moralitate ut sic, dicitur etiam de speciebus: *Subsumo:* Sed ibidem Q. 1. probatum est, & adducitur ab Adversariis, quod moralitas ut sic consistat in aliquo positivo. Ergo & dictæ species.

*Quarta Ratio.* Malitia peccati formaliter consistit in illo, in quo peccatum formaliter contrariatur legi, & præcepto, ut patet ex supra data ex S. Aug. peccati definitione, iuxta quam est *contra legem.* Sed peccatum legi non semper contrariatur in aliquo privativo. Ergo. Min. prob. peccatum contrariatur præcepto in illo, quod per præceptum prohibetur: Sed per præceptum non semper prohibetur privatio, sed etiam actus positivus. Ergo.

*Quinta Ratio.* Privatio rectitudinis est carentia ejus in subiecto apto, in hoc enim differt à negatione, quæ est carentia formæ in subiecto inepto: Sed malitia actus intrinsecè mali, v. g. odii, mendacii, &c. non est carentia rectitudinis in subiecto apto. Ergo. Min. prob. Actus intrinsecè malus est essentialiter incapax rectitudinis. Ergo.

*Sexta Ratio.* Malitia peccati concipitur esse formaliter ante privationem rectitudinis. Ergo. Prob. ant. Malitia consistit formaliter in difformitate ad rectam rationem: Sed pro signo antecedente privationem rectitudinis concipitur actus formaliter esse difformis rectæ rationi. Ergo. Min. prob. Fundamentum privationis est prius ipsa: Sed tendentia in objectum rectæ rationi difforme est fundamentum, ad quod sequitur privatio rectitudinis, ideo enim privatur, quia tendit in objectum. Ergo.

*Confir. 1.* Tendentia ad objectum rectæ rationi dissonum ante privationem debitæ rectitudinis est in genere moris, quia ad moralitatem sufficit habitudo ad objectum substantis regulis morum. Ergo. Prob. ant. Privationes tantum causantur per accidens, & ad positionem alterius. Ergo.

*Confir. 2.* Actus bonus ex tendentia ad objectum regulis morum conforme, habet suam boni-



bonitatem moralem. Ergo actus malus ex tendentia ad obiectum difforme suam malitiam.

Confirm. 3. Reclitudo actus non distinguitur ab ipsa positiva tendentia eius. Ergonec irreclitudo.

*Septima Ratio.* Si malitia peccati commissio- nis non confisteret formaliter in aliquo positi- vo, esset idem iuxta Adversarios, quia aliàs Deus esset causa peccati formaliter sumpti, cum sit causa omnis entis positivi, quæ tamen sequela est hæretica; Sed hoc non sequitur. Ergo. Prob. min. Datur aliquod ens positivum, cuius Deus non est causa. Ergo. Prob. ant. Vitalitas talis, seu secundum explicitam rationem vitalitatis, est quid positivum: Sed illa ut talis non est à Deo, sed à principio conjuncto, licet causerit à Deo secundum implicitam rationem entis. Ergo.

Confirmatur hæc Ratio. Moralitas, nimi- rum bonitas, & malitia moralis, etiam positi- va, ab entitate physica actus distinguitur realiter modaliter, seu tanquam modus à suo subiecto, ut patet ex dictis Tract. 3. Exam. 3. num. 38. Ergo divina causalitas potest attinge- re entitatem physicam actus peccaminosi, quæ est bonum quoddam, absque hoc, quod attingat malitiam, seu tendentiam ad obiectum re- ctæ rationi dissonum, ut potest non conten- tam intrâ sphaeram objecti causalitatis divi- næ.

*Fundamenta Sententia defendentis priva- tivum.*

XXIV. Ex Sacra Scriptura, & SS. PP. in quibus semper peccatum exprimitur nomini- bus privationem significantibus, Vocatur ni- hilum. Amos 6. *Cacitas*. Isa. 42. *Tenebra*. Psalm. 77. & alibi, *aversio*, *vanitas*, &c. S. Dionys. c. 4. de div. nom. peccatum vocat *privationem boni*: Et S. Gregor. Nazianz. Orat. 4. ait: *Credo nullam mali essentiam esse*. Et S. August. 11. de civ. c. 9. *Mali nulla natura est, sed amissio boni mali nomen accipit*.

2. Ex S. Thom. Qui suprâ in hæc 1. 2. qu. 18. a. 1. in c. ait: *Omnis actio, in quantum habet aliquid de esse, in quantum habet de bonitate; in quantum verò NB. deficit ei aliquid de plenitudine essen- di, quæ debetur actioni humana, in quantum defi- cit a bonitate, & sic dicitur mala*. Ethic. qu. 71. a. 6. *Actus humanus, quod sit malus, habet ex hoc NB. quod caret debita commensuratione, quam ca- rentiam ibi agnoscit pro formali in peccato*. Nam postquam duo in peccato distinxit, nimirum materiale, seu substantiam actus humani, & formale, concludit in fine corp. artic. dicens: *Aliud autem, quod pertinet ad rationem mali, quod est quasi formale in pecca- to, cum dixit (scilicet S. August.) contra legem æternam*. Item 2. 2. quæst. 10. art. 3. ait: *Omnis peccatum NB. formaliter consistit in NB.*

*aversione à Deo*. Et quæst. 118. art. 1. in c. ait: *Corruptio, vel privatio boni formaliter se habet in peccato, conversio autem ad bonum commuta- bile materialiter*. Quid clarius his S. Thomæ testimoniis?

Aliud multò evidentius habetur in 2. Sent. dist. 37. art. 1. ubi, postquam docuerat, sub- stantiam dici dupliciter, uno modo, prout significat rationem primi Prædicamenti: secundo modo, prout significat essentiam, sive naturam, subdit, non esse dubium, pec- cata primo modo non esse substantias. De- inde subiungit. *Sed secundo modo accipiendo substantiam, potest esse dubium, utrum pecca- tum substantia sit, eo quod in actu peccati duo est considerare, scilicet ipsum actum, qui essentia quadam est, in eo, quod actus est, & sic proculdubio substantia est: vel etiam NB. ipsam pri- vationem ordinis, per quam malus est; & quia privationes essentiam non habent, idem ex parte illa peccatum substantia non est; & quia pec- catum dicitur peccatum NB. secundum quod pri- vatum est debito ordine, idem peccatum, absolu- tē loquendo, dicitur substantia non esse*. Et post pauca: *Peccatum hominis, secundum quod est actus quidam, est ens quoddam, quod intellectui capi potest, & aliqua differentia ad speciem de- terminatur*: Sed NB. in quantum rationem pec- cati habet ex privatione rectitudinis, neque est ens, neque differentiam habet, sed per privationem debita formadicitur. Hæc clarè S. Thomas. Ergo.

3. Id probant *Rationes*. Quarum prima est: *Omnis defectus, quæ talis formaliter consti- tuitur per privationem, prout inductive patet in omnibus defectibus, ac deformitatibus, tam naturalibus, ut sunt v.g. cæcitas, clau- dicatio, &c. quàm artificialibus, v.g. in pi- ctura, ædificio, &c.* Et hoc idem. Quia in tantum aliquid dicitur defectuosum, in quan- tum ipsi aliquid deest, in suo genere debi- tum: si enim nihil ipsi deest, sed habeat omnem perfectionem in suo genere sibi debi- tam, non est defectuosum, sed perfectum. *Subsumo*. Sed peccatum, seu malum morale est formaliter defectus moralis. Ergo forma- liter constituitur per privationem. Min. subf. prob. Defectus, ac defectuosum est, cui ali- quid debitum deest, iuxta dicta: Sed pecca- to, ut tali, & formaliter sumpto aliquid deest ei debitum. Ergo. Min. prob. Actui humano in genere moris est debita reclitudo moralis: Sed hæc deest peccato formaliter sumpto. Ergo.

Confr. 1. In illo signo rationis, in quo con- cipitur tendentiam actus humani, priorem privatione rectitudinis debetæ, vel hæc ten- dentia habet omnia in genere moris sibi de- bita, vel non? si habet? non est mala, nec defectuosa, sed bona, & perfecta. Si non

E 4 habet?

habet? Ergo formaliter dicitur privationem.

*Si respondeatur* concipi defectuosam contrariè, non privativè; quæ distinctio postea explicabitur.

*Contra est*, & resumitur argumentum. Tendentia contrariè defectuosa, vel habet omnia sibi debita, vel non? si non habet? Ergo est defectuosa privativè. Si habet? Ergo est formaliter bona, & perfecta. Quis verò hoc admittit de formali peccati?

Confir. 2. Malum naturale concipitur formaliter tale, in quantum intrinsecè caret bonitate, & perfectione naturali sibi debita, & actus in genere artis defectuosus, dicitur formaliter talis præcisè per privationem rectitudinis artificialis, seu per defectum intrinsecum a regulis artis, secluso quocunque alio. Ergo similiter malum morale, seu actus in genere moris defectuosus est formaliter talis præcisè per privationem rectitudinis ei debitæ, seu cuius est capax.

*Secunda Ratio.* Peccatum habituale formaliter consistit in privatione debitæ rectitudinis. Ergo & actuale. Prob. conf. Peccatum habituale homicidii v. gr. & actuale sunt ejusdem speciei. Ergo habent idem constitutivum.

*Tertia Ratio.* A principio formaliter, & privativè defectivo, quatenus tali procedit effectus formaliter, & privativè defectuosus, sicut à principio positivo procedit effectus positivus, à respectivo respectivus, &c. Sed peccatum procedit à principio formaliter, & privativè defectivo. Ergo Min. prob. Principium, à quo peccatum formaliter quatenus tale procedit, est voluntas, ut destituta debito ordine, & regula rationis. Sed voluntas sub illo conceptu est principium privativè deficiens. Ergo.

*Quarta Ratio.* Si peccatum commissionis formaliter consistit in aliquo positivo. *Sequitur* 1. quodd Deus sit causa peccati. Prob. Quia Deus tanquam causa universalissima sua causalitate attingit omne ens. *Sequitur* 2. quod peccatum non sit maximum malum, ut tamen reverà est. Prob. seq. Summum malum consistit in privatione summi boni. Ergo si peccatum pro formali sit quid positivum, non erit summum malum. Ex quo *Sequitur* 3. peccatum omissionis ex genere suo esse gravius peccato commissionis: Sed hoc non est dicendum, ut patet ex S. Thom. 2. 2. qu. 79. ar. 4. Ergo, Prob. seq. mai. Privatio ex genere suo est majus malum, quàm ens positivum. Ergo.

*Quinta Ratio.* Deus habet ideam cuiuscunque entis positivi: Sed non habet ideam peccati formaliter accepti, ut docet S. D. 1. p. 9. q. 15. a. 3. ad 1. Ergo.

Confir. Omnes ens positivum per se, & directè cognoscitur a Deo: Sed peccatum non cognoscitur a Deo per se, sed per bo-

num oppositum, juxta S. Thom. 1. p. q. 15. a. 10. Ergo.

*Sexta Ratio.* Peccatum in ratione offensæ Dei est malum infinitum, ob quam rationem non potest purus homo pro eo ex perfecta iustitia satisfacere, ut docetur 3. p. in Tract. de Incarn. Sed ordo, seu conversio ad creaturam est finita, & limitata, sicut ipsa creatura, seu obiectum creatum, a quo speciem sumit. Ergo peccatum non in illa, sed in averfione a bono infinito (quæ est aliquid privativum) formaliter consistit.

Confir. r. Peccato ratione suæ malitiæ correspondet, & debetur poena infinita damni in inferno: Sed hæc non correspondet ratione habitudinis, tendentiæ, seu conversionis ad obiectum creatum, illi enim correspondet poena sensus, quæ est finita. Ergo ratione averfionis à Deo, Ergo in hac formaliter consistit.

Confir. 2. Illud est formale constitutivum peccati, per quod magis, vel minus graduatur, seu aggravatur: Sed hoc fit per averfionem à Deo. Ergo illa est formale constitutivum. Min. prob. Potest aliquod peccatum intensissimum quidem esse ex parte conversionis, quod tamen non sit tam grave, ut aliud, & hoc solum ex eo, quia minus recedit à Deo, v. gr. si quis ardentius appeteret libidinem, quàm alius infidelitatem, vel desperationem, is, qui non tam intentè appeteret infidelitatem, gravius peccaret, & quidem solum ex eo, quia magis per eam recederet à Deo, ageretque contra majorem virtutem. Ergo.

*Solvuntur fundamenta Sententiæ defendentis positivum.*

XXV. Ad R. quodd Angel. Doctor in omnibus illis locis non loquatur de malo morali, seu peccato abstractè, & reduplicativè sumpto, uti hic loquendum est, sed sumpto concretè, & specificativè, quod non est contra me: sic enim admitto, quodd sit quoddam bonum, non pura privatio, sed quid positivum, quodd contrariè opponatur bono, quodd speciem habeat ex parte conversionis. Concretè enim, & specificativè includit materiale peccati, nimirum actum physicum. Hæc R. est S. Doctoris mox citandi.

Ad 2. nimirum ad 1. *Rationem* dist. hæc propositio: Idem est formale constitutivum peccati, quod est ejus formale specificativum; Est constitutivum peccati in esse mali morali, & peccati ut sic, N. in effectu mali, in specie determinata constituiti, C. Hæc, & prior solutio patet ex S. Thom. in 2. d. 34. art. 2. ad 3. dicente: *Malum per se, vel abstractè sumptum non est differentia specifica, sed malum per accidens, vel concretè acceptum.* Et post pauca: *Mala alio specificantur ex ordine ad finem indebitum; cui admittitur privatio finis*

*nis debiti, ex quoratio mali incidit. Idem docet S. Bonav. in 2. d. 42. art. 3. quæst. 1. dicens: Est aversio des conversioni, quod sit peccatum, conversio tamen dat aversioni, quod sit tale peccatum. Quod NB.*

*Contra.* Non sola aversio, sed & conversio est formaliter mala. Ergo.

*Dist. ant.* Per malitiam, quæ sit ipsa conversio, N., quæ sit aversio, seu adjuncta privatio debita rectitudinis, C.

*Contra.* Ex his sequitur, quod peccata formaliter inter se non distinguantur per aliquid formale, sed per materiale, quod est intelligibile. Prob. seq. Juxta te formale in peccato est aversio, materiale verò est conversio: Sed admissum est, quod peccata formaliter distinguantur per conversionem. Ergo.

*Ad hoc neg. seq. ad prob. dist. maj. pro 2. p.* Conversio est materiale in peccato, comparata ad abstractam, & reduplicatam rationem malitiæ, C. ad peccatum concretè, & specificativè sumptum, N.

*Ad 2. Rationem* patet solutio in forma ex R. ad 1.

*Ad 3. dist. maj.* Dicitur de specie concretè sumpta, & quatenus includit gradum genericum, C. maj. De specie abstractè sumpta, & ut explicante solum gradum differentialem. N. maj. Ita patet in animali, nam de homine non prædicatur vivens sensibile ratione differentie, scilicet rationalitatis, sed ratione generis, scilicet animalis. Et concessa min. distinct. similiter conf. Unde & malitia moralis concretè sumpta includit quid positivum, ut patet ex dictis, sed non abstractè sumpta.

*Ad 4. Rationem* N. min. ad prob. dist. min. Non prohibetur privatio, ut quod, C. ut quo, N. Ergo non semper contrariatur legi in privatio, ut quod, C. ut quo, N.

*Ad 5. N. min. ad prob. dist. ant.* Est incapax ex ratione specifica, in quantum est actus odii Dei, mendacii, &c. C. ant. ex ratione generica, & in quantum est actus humanus à voluntate procedens, N. Sicut motui tibiæ curvæ, in quantum est vitalis, debita est rectitudo, attamen in quantum procedit formaliter à tibia curva, est ejus incapax. Ita similiter.

*Ad 6. N. ant. ad prob. N. min. ad hujus prob.* N. min. Negatur ergo, quod in aliquo signo rationis antecedente privationem rectitudinis actus possit concipi, ut tendens in obiectum rectæ rationi dissonum. Quia in ipso elici, seu in elicientia sui, & ex vi ejus, in sensu (ut ita dicam intransitivo) habet, quod sit debita rectitudine privatus, & ideo formaliter malus. Unde hic non datur fundamentum formaliter morale, quod sit prius malitia resultante. Ad prob. insinuatam dist. hæc propo-

sitio: Ideo actus privatur rectitudine, quia tendit, &c. tendentia, quæ privationem includat, immò sit ipsa privatio, C. quæ ab ea præscindat. N. Exemplum est, fiduciam, Ignis ideò habet virtutem calefaciendi, quia habet calorem, non est sensus, quod calor præscindat à virtute ignis, sed sit ipsa virtus, in sensu intransitivo, non autem quasi virtus calefactiva, ut distincta fluat à calore. Ita similiter tendentia in obiectum rectæ rationi dissonum est ipsa privatio rectitudinis, & non prior ipsa.

*Ad 1. Confirm.* N. ant. vel potius suppositum, quia juxta dicta ante privationem rectitudinis non datur tendentia moralis in obiectum malum. Ad prob. R. verum esse, quod privatio in peccato etiam sequatur ad quid positivum velut ad fundamentum, nimirum ad materiale peccati, seu actum liberum hominis. Sicut supra dictum, quod libertas, quæ est quid physicum, sit fundamentum moralitatis.

*Ad 2. Confirm.* dist. ita tamen, ut tendentia in obiectum rectæ rationi conforme sit ipsa bonitas, C. ut ab ipsa præscindat, vel distinguatur, N. ant. Similiter dist. conf. Sensus solutionis patet ex R. ad 6.

*Ad 3. Confirm.* concessio ant. N. conf. vel potius suppositum; supponit enim, quod in peccato detur positiva tendentia moralis, præscindens à privatione, & prior illa: quod negatur.

*Ad 7. Rationem* ante R. præmitto, certum esse de deo, quod Deus, ut pote per essentiam bonus, iustus, & rectus, cui odio sunt impii, & impietas ejus, nec causa effectiva esse potest ullius rei, quæ ad ipsum, ut ad finem ordinabilis non est; licet sit causa approbativa, & effectiva materialis, seu actus peccati, cum ille sit quid physicum, & effectus causæ secundæ, physice causalitatis capax, & intra sphaeram objecti potentie Dei comprehensus: attamen respectu formalis peccati (sive hoc sit quid positivum, sive privativum) habet le merè permissivè. Facit suodecreto, & præmotione hominem volentem effectivè, non defectivè; facit operantem modo limitato effectivo, non defectivo. Etsi enim malitia quibuldam actibus, ut patet in odio Dei, mendacio, &c. sit intrinseca, non tamen est intrinseca illis vel omni formalitate, sed ut formaliter procedentibus à causa defectiva, & modo defectivo. Simile est in motu tibiæ curvæ, qui quoad substantiam quidem reducitur in virtutem motricem naturalem, non tamen quoad defectum claudicationis, qui licet posset dici intrinsecus motui, ut procedenti à tibia curva, non tamen, ut procedenti ab anima, vel natura.

Hinc corrui illud argumentum. *Qui vult ante-*

*antecedens, vult etiam consequens.* Qui est causa formæ, est etiam causa privationis ad eam secutæ. Est enim solum verum de eo, quod sequitur ex vi antecedentis, & formæ, ut à tali causa posita.

*Oppono 1.* Deus non efficit id, quod prohibet: Sed prohibet non solum formale peccati, sed & ipsum actum, immò nisi hunc prohiberet, frustra prohiberet malitiam. Ergo.

*2.* Deus non potest esse causa moralis, v.gr. per consilium, actus materialis peccati. Ergo multò minùs causa physica. prob. conf. Quia causa physica fortius movet, quàm moralis. Ergo ù &c.

*3.* Ergo licitum est homini desiderare, & à Deo petere materiale peccati. Prob. Licet, vellet id, quod Deus vult.

*Ad 1. dist. min.* Prohibet ipsum actum præcisè secundum se, N. ut substat malitiæ, C. Nec idè Dei prohibitio est frustranea, quia malitia solum sequitur ad actum, ut procedit ab homine liberè deficiente.

*Ad 2.* N. conseq. ad prob. dist. ant. Fortius movet quoad illa, quæ spectant ad lineam physicam, C. ad morale, N. Disparitas ergo est: Quia consilium extendit se ad plures lineas, nimirum ad & physicam, & ad moralem, ac defensionem. Unde respicit actum humanum à voluntate hic, & nunc exercendum cum omnibus circumstantiis ad eum concurrentibus, sive spectet ad lineam physicam, sive ad moralem, & defensionem.

Ex quo fit, quòd voluntas creata non peccet sequendo motionem, & influxum Dei in materiale peccati, sed peccat faciendo actum, ut est fundamentum malitiæ moralis.

*Ad 3.* N. ant. ad prob. dist. Si loquamur de volito formali, C. de materiali universaliter, N. Solutio patet ex dictis suprà Tract. 3. Exam. 3. num. 52.

Vide dicta Tract. 7. Exam. 1. Q. 7. num. 8. Ubi constat, an Deus possit esse causa erroris, falsitatis, &c. Et Tract. 10. Exam. 4. Q. 7. num. 58. an possit esse causa mendacii. Addendum, quòd quando in S. Scriptura Deus dicitur *creans malum* Isaïæ 45. *Decernere peccata.* Act. 2. & 4. *Creare impios* ad ostensionem suæ iustitiæ Prov. 6. *Pacere vasa in contumeliam,* Rom. 9. *Indurare,* vel *excacare homines,* ibid. *Præcepisse Semet, ut malediceret David,* 2. R. 16. *Judæ, Quod facis, fac citius* Joann. 13. Sensus est, vel intelligi de malo poenæ, quòd absolute in se bonum, respectivè tantum dicitur malum, in quantum privat aliquo commodo temporali. Vel, si de malo culpæ sit sermo, intelligi de decreto permissivo. Præceptum etiam interdum accipitur pro permissione. Sicut Marci 10. Lex permittens libellum repudiij vocatur *præceptum,* Verba Christi ad Judam non erant juben-

tis, sed scientis, & permittentis. His præmissis

*Resp. ad 7. cum Confirm. 1.* hanc sententiam de privativo non fundari, saltem principaliter in eo, quòd Deus esset causa peccati, sed in alijs rationibus adductis. 2. Mantuenco, quòd sequatur, Deum fore causam peccati, quia illud positivum deberet esse aliquid ens, cujus passio est bonum, & sic malum esset bonum; quæ est aperta contradictio. 3. N. min. ad prob. N. ant. ad hujus prob. dist. min. Vitalitas, reduplicata ratione formali, sub qua vitalitatis, quatenus denominat viventem, non est à Deo, C. min. quia, ut sic debet esse à principio conjuncto, limitato, proximo; Deus autem est principium extrinsecum. Si consideretur ratio quæ, seu actus, qui est vitalis, & specificativè, vel etiam vitalitas, quæ talis, & secundum explicitam rationem vitalitatis, sub qua est perfectio participata à Deo, non tamen considerando rationem sub qua denominationis, N. min. & dist. conf. Verum reduplicata ratio malitiæ moralis, nec secundum rationem, quæ potest esse à Deo. Cujus Ratio est. Quia aliàs Deus (quod est contra Trident.) non magis diceretur concurrere ad actum nostri meriti, quàm peccati. Quia actus meritorius quàm talis, secundum rationem, sub qua denominat merentem, etiam non est à Deo. Deus enim per nostra opera non meretur, sicut per nostram vitam non vivit, & per nostram visionem non videt.

*Ad Confirm. N. ant. pro ea parte,* quæ dicit, malitiam moralem esse modum reale positivum. Hoc enim à nobis negatur, & ibi non probatur.

*Solvuntur fundamenta Sententia defendentis privativum.*

XXVI. *Ad 1. ex S. Scriptura,* & SS. PP. R. nos non negare, quòd per peccatum fiat aversio à Deo, recessus, privatio, &c. licet enim hæc non sint formale constitutum, sunt tamen ejus complementum, vel proprietas. Sicut equus optimè appellatur irrationalis, licet irrationalitas (utpote omni bruto conveniens) non sit differentia ejus constitutiva, sed aliquid ipsam consequens. Unde sicut, cum SS. PP. fidem explicant per obscuritatem, non improprie, sed verè eam explicant, etsi non explicant rationem formalem fidei. Sic etiam, dum peccatum explicant per privationem, tanquam per proprietatem, vel effectum consecutum, verè, & non improprie explicant illud; est enim privatio ejus effectus nobis magis notus.

*Secundo R.* peccatum vocari *nihilum* solum in sensu morali, nimirum, vel quia quasi annihilat, seu destruit nostra merita, vel quia apud Deum nullius est valoris, seu æstimationis. Sicut

cut & in Sacra Script. peccatores dicuntur *redditi ad nihilum*. Quando peccatum vocatur averſio, dicitur talis eſſe contrarie, non privative, uti poſtea in R. ad 1. dicitur de defectu. Quando appellatur cecitas, tenebræ, &c. locutio eſt non in ſenſu formali, ſed cauſali, quia nimirum eſt cauſa, & radix ejus, uti & privationis. Vel dicitur eſſe privatio, & cecitas in fieri, non autem formaliter in facto eſſe. Sicut mors in facto eſſe eſt pura privatio vite, attamen mors in fieri eſt quid poſitivum, nimirum poſitiva cauſa ſeparationis animæ à corpore. Sic in peccato illa poſitiva tendentia in obiectum rectæ rationi diſſonum eſt privatio rectitudinis, & mors animæ in fieri, quia eſt cauſa horum effectuum.

Tandem quando SS. PP. dicunt, quod peccati nulla ſit eſſentia, nulla natura, hoc loquendi modo volunt exterminare errorem Manichæorum (de quo inſrâ Q. 22. R. 2. n. 66.) aliorumque hæreticorum, qui ponebant eſſe duas naturas, ſeu ſubſtantias, unam boni, alteram mali: ſentiebantque, quod malum ſit natura per ſe ſubſiſtens, contra hos aſſerunt, mali nulla eſt natura per ſe ſubſiſtens, ideſt, nulla datur ſubſtantia per ſe mala, malum enim accidenter advenit actibus humanis. Unde eſt quid accidentale morale, & talis eſt ejus natura. Cum enim S. Auguſt. peccato actuali aſſignet bonam definitionem, debet etiam in eo admittere eſſentiam.

Huic Opponi poteſt 1. Univerſalis negatio eſt malignantiæ tæ, & tollit, quidquid poſt ſe invenit: Sed SS. PP. dicendo, *nulla eſt mali natura*, utuntur negatione univerſali. Ergo.

2. Ideo SS. PP. nullam peccati agnoſcunt eſſentiam, quia in ejus formali nullam, vel minimam agnoſcunt umbram boni: Sed naturalis accidentaliter habet bonitatem à Deo participatam, non minus ac ſubſtantialis. Ergo.

Ad 1. *Reſp.* explicatur min. quod SS. PP. utuntur quidem negatione univerſali, ſed conformiter, & proportionate contra ſententiam hæreticorum, qui quia volebant eſſe naturam ſubſtantialem mali, ideò aſſerebant, nulla eſt mali natura ſubſtantialis. Vel ſi qui SS. PP. ſint, qui hæreticos non oppugnant, loquuntur de peccato habituali, vel de actuali in facto eſſe, & accipiunt effectum pro cauſa, ſcilicet privationem pro peccato.

Ad alteram N. maj. Ideo namque Patres ita loquuntur, ut oppugnent dictos hæreticos ſtatuentes ſubſtantialem naturam mali.

Ad 2. ex S. Thom. ante R. Not. defectum, deficientiam, & averſionem, ac carentiam eſſe duplicem. Una eſt moralis, & contraria, quæ eſt per ordinem ad obiectum pravam, ſeu finem inordinatum, & contrarium ordini,

ſeu tendentiæ ad debitum finem, & obiectum regulatum. Sive, eſt poſitiva tendentia contra Deum, quæ in peccato, alicui virtuti Theologicæ oppoſita, reperitur formaliter, in aliis verò interpretative, & virtualiter. Vel, ut alii loquuntur, eſt ipſum facere contra legem, & quæ poſitiva tranſgreſſio. Altera eſt privativa ex priori per modum effectus, & proprietatis conſecuta. In eodem ſenſu eſt duplex inordinatio, deviatio, reſceſſus, fuga, aberratio, non obſervantia legis. Nec hæc diſtinctio eſt nova, vel noviter inventa in Schola D. Thomæ. Nam S. D. ut probatum eſt antea, admittit oppoſitionem contrariam inter actum bonum, & malum, non ſolum in eſſente, ſed etiam in eſſe morali. Et S. Auguſt. in definitione peccati commiſſionis dicit eſſe *contra legem*, ubi *ly contra* propriè ſumptum dicit quid poſitivum. Ex quibus patet, quod averſio contraria non ſitiple actus conversionis ad creaturam, qui eſt bonus, ſed ſuper hunc fundata converſio, ſeu tendentia moralis poſitiva ad obiectum pravam, ex qua reſultat privatio rectitudinis debita. Hoc notato

*Reſp.* S. Thomam loqui de privatione morali, de defectu, carentia, & averſione (non illa privativa) ſed contraria modò explicata, & hanc vult eſſe formalem in peccato commiſſionis, & habere ſe in illo, ſicut rationale ſe habet in homine. Ad ultimum locum ex 2. Sent. R. cum noſtro Bartholom. Medina, quod cum Concilia, & SS. PP. contra Manichæos definiunt, peccatum non eſſe naturam aliquam, & omnem naturam eſſe bonam, ſtatuunt, peccatum non eſſe in rebus, & in naturis, quas Deus condidit, ſed in abuſu voluntatis noſtræ: non tamen negant, quod motus voluntatis, quo malè utitur rebus, ſit quædam entitas, à noſtra voluntate prodiens, deficient tamen, putà, deficientia contraria. Hæc ergo nec eſt ens, nec habet differentiam, intellectu conceptibilem, ut rebus, ſeu naturis inexiſtente, ſed iis ex voluntatis abuſu ſuperveniens: explicaturque per privationem moralem, & carentiam contrariam, quæ eſt quid poſitivum.

Ad 3. & primam Rationem, bene ibidem Reſpondetur; min. enim eſt vera de defectu contrario, non de privativo. Ad prob. & 1. Conſir. dicitur, quod peccato formaliter ſumpto nihil deſit, cujus eſt capax, ſed habet omnia ad rationem peccati requiſita, ut quaſi dici poſſit eſſe perfectum peccatum, ſicut ſolet dici, talem, vel talem eſſe inſignem latronem. Hinc ex eo, quod peccato, ut tali nihil deſit, cujus eſt capax, non ſequitur, quod ſit bonum, quia non eſt capax bonitatis, ſed malitiæ. Nec bonitas eſt paſſio entis cuſcuſque, ſed ſolius entis perfectivi, non defectivi. Ex quo ſequitur, quod ens poſitivum aliud ſit bonum, aliud malum.

*Ad 2. Confir.* N. conf. Disparitas patet ex probationibus, quæ offendunt, cur malum morale consistat in aliquo positivo. Hinc malum, ut sic æquivocè dicitur de malo naturæ, vel artis, & de malo morali, seu culpa. Quòd si arguens contendat, ulterius instando, etiam in malo naturæ, & artis distinguere aliquam positivam tendentiam contra regulas naturæ, & artis, *Tendens*, & tunc nihil erit contra nos, sed paritas.

*Ad 2. Rationem* R. N. conf. ad prob. dist. ant. Sunt ejusdem speciei in esse moris, C. in generantis, & linea naturæ uti hic loquimur, N. Eodem modo solvitur hoc: Peccatum commissionis, & omissionis sunt ejusdem speciei, si eidem virtuti contrariantur, & ex eodem motivo procedant, ut dicitur postea: Sed peccatum omissionis formaliter est privatio. Ergo & peccatum commissionis.

Exemplum pro declaratione solutionis sit. Communiter in materia de voto docetur à Theologis, omnia peccata contra votum esse ejusdem speciei, v.g. unus facit votum de eundo ad Ecclesiam, alius vovet, non exire de domo, uterque votum frangit, primus omittendo, secundus committendo. Sunt peccata ejusdem speciei, & tamen unus formaliter est quid positivum, alterum privativum.

*Contra.* Ideò hæc peccata in genere naturæ essentialiter distinguuntur, quia unum consistit in privatione, alterum in forma positiva: Sed idem est in genere moris. Ergo.

*Resp.* N. conf. quia Syllogismus laborat æquivocatione, quia ly in *genere moris*, de quo fit mentio in min. habet duplicem intelligentiam. 1. Ut morale dicatur per ordinem, seu tendentiam ad objectum, ut subllans regulis morum: & sic est quid positivum. 2. Per ordinem ad morale, seu prudentum ælimationem, laudemque, & vituperium. Cùm ergo genus entis, ac naturæ sumatur in ordine ad esse, & in essendo maxima sit differentia inter privativum, & positivum, ideo peccata habituale, & actuale, peccatum omissionis, & commissionis sub hac ratione specie differunt. Verùm sub secunda consideratione parùm, aut nihil diversitatis inducunt, si eidem contrariantur virtuti, & ex eodem oriuntur motivo.

*Ad 3. Rationem*, N. min. utriusque Syllogismi, quia ex dictis patet, quòd voluntas peccans habeat se contrariæ.

*Ad 4. Rationem* negatur prima sequela. Ad prob. dist. ant. Deus causat omne ens perfectivum, C. defectivum morale. N. *Secunda Sequela* negatur pariter. Ad prob. dist. ant. In privatione, id est, in carentia, vel contrariè vel privativè sumpta, C. solum privativè sumpta, N. In utraque consistit summum ma-

lum, in prima formaliter, in secunda consecutivè. Quantitas ergo alicujus mali respectu naturæ rationalis pensanda est ex contrarietate ad regulam rationis: quia ergo positiva tendentia contra rectam rationem maxime illi contrariatur, ideò & illa dicitur maximum malum. *Negatur & tertia Sequela.* Ad prob. N. maj. loquendo, uti hic loquimur, de ente positivo malo. Vel aliter dist. maj. quàm ens positivum, quod non est proxima radix privationis, C. secus, N. Ad do, quòd peccatum omissionis præcisè dicit privationem, peccatum autem commissionis præter eam dicit positivam deficientiam. Ergo est gravius.

*Ad 5. Rationem* dist. maj. Entis positivi; cujus est causa efficiens, & exemplaris, C. maj. cujus non est, N. falsitas enim etiam est ens positivum contrariè oppositum vero, & tamen non habet ideam in Deo. Ratio solutionis est. Quia idea est forma objecta intellectui, seu intrinsecus existens, ad quam respiciens artifex operatur.

*Ad Confir.* dist. maj. Positivum, cujus Deus perse, & directè est causa, C. maj. cujus non est, uti non est respectu positivi moralis, quod est formale peccati, N.

*Ad 6. Rationem.* Duplex est sententia, etiam inter Thomistas; aliqui enim sentiunt peccatum mortale esse simpliciter, & intrinsecè infinitum, sed hoc intelligunt de peccato in quantum est formalis, & passiva offensæ Dei, ipsi Deo moraliter inexistentis, gravitas enim offensæ crescit juxta dignitatem ejus, qui offenditur, quia est reflexiva super ipsum, ut etià patet in humanis; gravius enim peccat, qui percutit Principem, quàm qui rusticum. Sed sub hac ratione non est hic sermo de peccato. Alii tenent, offensam peccati solum esse infinitam objectivè, & extrinsecè, quia objectum, scilicet Deum, solum attingit extrinsecè. De quo fusè agit in Tra. de Incarn. Verùm, nec ex secunda sententia sequitur, quòd purus homo quantacunque gratia ornatus possit condignè pro mortali satisfacere, quia eadem sententia docet, quòd peccatum mortale, licet non sit simpliciter infinitum, sit tamen comparativè ad satisfactionem puri hominis, superioris ordinis, nimirum divini: quia offensæ est in eodem ordine cum offenso. Sed de hoc vide in dicto Tra. Hinc negari potest conseq. concessa maj. & min. quia in maj. peccatum aliter sumitur quàm in min.

*Ad 1. Confir.* dist. maj. peccato ratione ejus quod dicit in recto, & formaliter, N. maj. quod dicit in obliquo, seu de connotato, quod est averfio, C. maj. & concessa min. & prima conf. negatur secundam conseq.

*Ad 2. Confir.* N. min. ad prob. dicitur, quòd gravitas peccati semper sumatur ex pejore objecto,

jeſſo, ad quod fit converſio, prout ex ipſa ſequi nata eſt averſio; quia ergo peccatum inſidelitatis, & deſperationis pro obſectio, ad quod convertitur, ſeu pro materia ſuæ tendentiæ habet ipſum reſcſum à Deo, quatenus Deus ſibi videtur valde gravis, & tædioſus, aut non poſſibilis conſequi, aut non veraciter ſatisficere, &c. & hic reſcſus ſub apparentia cujuſdam boni eſt obſectio voluntatis peccantis, ideo ab eo diſta peccata graduantur, ſeu magis aggravantur. Deinde ex peſſima ad hunc reſcſum velut ad obſectio converſione ſequitur averſio formalis omni peccato communis, in ea tamen peccatum formaliter conſiſtere non poteſt. *Ratio* Quia ſe habet ex parte termini à quo, id eſt, Deum, ejuſque legem reſpicit, ut terminum à quo ſui reſcſus.

XXVII. Ex diſtiſſicienter Colligitur 1. quòd licet peccatum ſit quædam natura poſitiva deſiciens, non tamen ſit neceſſe, quòd referatur ad unum ſummum malum, omnium malorum cauſam, quemadmodum Manichæi conſtituebant unum Deum, omnium malorum auctorem: ſed oportet (ut explicat diſtus Medina) ut referatur in voluntate deſicientem. Unde eſt memorabilis illa ſententia D. Auguſtini: *Non quæres cauſam peccati extra tuam voluntatem*.

Colligitur 2. intelligentia S. Auguſtini, qui explicans illud Joan. 1. *Sine ipſo factum eſt nihil per ly nihil intelligit peccatum*.

QUÆRO V. Unde, vel à quò peccata habent ſuam ſpeciem, ſeu diſtinctionem, ac multiplicationem ſpecificam? habentne ab obſectio? vel etiam ex præceptis, quibus opponuntur, ita ut actus diverſis præceptis prohibitus habeat plures ſpecie malitias?

XXVIII. *Reſp.* 1. Peccata ſpeciem, & ſpecificam diſtinctionem fortiuntur ab obſectio formalibus, ita ut ordo ad obſectio ut diſforme Regulis morum ſit ſpeculativum, conſtitutivum, & diſtinctionem peccati in ſeipſum: extrinſecum vero ſit ipſum obſectio. Ita clare S. D. hic q. 72. a. 1.

*Ratio* huius videatur Tract. 3. Exam. 1. n. 38. R. 2.

Hinc furtum ſpecie diſtinguitur à fornicatione, quia ejus obſectio, ſcilicet ablati rei alienæ, ſive alieni juris læſio invito domino, ſpecie diſtincta ab obſectio fornicationis.

Hæc doctrina ſuo modo etiam verificatur de peccato omiſſionis, nimirum, quod ſicut peccatum commiſſionis ſuam ſpeciem ab obſectio formali habet directè, ſic peccatum omiſſionis ſuam ſpeciem ab eo habet indirectè. Cùm enim non ſit quid poſitivum, ſed privativum, & formaliter conſiſtat in privatione converſionis, vel tendentiæ ad obſectio con-

forme Regulis morum, ſequitur, quòd ſuam ſpeciem indirectè habeat ab obſectio. *Ratio*. Quia privatio ſuam ſpeciem, & diſtinctionem accipit à forma poſitiva, qua privat. Sed forma peccato omiſſionis poſitiva eſt aliquis actus virtutis, & hinc actus ſuam ſpeciem ab obſectio habet directè. Ergo omiſſio ab ejuſmodi actus obſectio ſpeciem habet indirectè, directè autem à privatione tendentiæ actus ad obſectio rationi conſonum.

*Reſp.* 2. ad 1. p. quæſiti ſub diſtinct. Si actus ſit contra plura præcepta ſolùm materialiter diverſa, eſt formaliter loquendo in eo ſolùm unica ſpecie peccati, ſeu malitiæ. Si verò ſit contra plura præcepta formaliter diverſa, habet tot malitias ſpecie diverſas, quot præceptis adverſatur. Antec. prob.

Not. Præcepta aliqua dupliciter poſſe eſſe diverſa. 1. Materialiter ſolùm, & entitativè, quando nimirum tantum diſtinguuntur ex parte præcipientis, verſantur autem circa idem obſectio formale, habentque idem motivum: quale, verb. grat. eſt præceptum divinum, & humanum non furandi. 2. Formaliter, quando ſcilicet præcepta ponuntur ex diverſo motivo, & hæc diverſa ratio motiva debet attendi ex ſine proximo, non autem ex remoto, verb. grat. præceptum jejunii quadrageſimalis pro ſineremoto habet diſponere homines, ut faciliùs orationi, & divinis laudibus vacent, proximum verò ejus motivum eſt temperantia. Unde hoc jejunium ratione Præcepti Eccleſiaſtici eſſicitur materia neceſſaria temperantiæ, ita ut, qui illud frangit, peccet contra virtutem temperantiæ, non autem contra virtutem Religionis, cujus ſolùm eſt ſinis remotus. Hoc notato

*Prima pars* docetur, & probatur à Sancto Thoma hic quæſt. 72. artic. 6. ad 1. dicente: *Peccatum non habet ſpeciem ex parte averſionis, quia ſecundum hoc eſt negatio, vel privatio, ſed ex parte converſionis, ſecundum quod eſt actus quidam. Unde ſecundum diverſa præcepta legiſ non diverſificantur peccata ſecundum ſpeciem*.

*Declaratur exemplis.* 1. Furtum contra præceptum divinum, & humanum eſt unicum ſpecie peccatum. 2. Qui in aliquo die Quadrageſimæ, in quo ſimul incidit Vigilia alicujus Apoſtoli; vel 4. Temporum, non jejunat, tantum committit unum peccatum. 3. Id eſt de eo, qui negligenter non audit Sacrum in die Dominico, in quem ſimul cadit feſtum de præcepto. 4. Idem eſt de Religioſo profeſſo, in ſacris Ordinibus conſtituto, omittere horas canonicas. Quia præcepta non ſunt formaliter diverſa, cùm in primo exemplo ſit idem motivum juſtitie, in ſecundo temperantiæ, in tertio, & quarto virtutis Re-



Religionis. 5. Idem est, si unus actus sit preceptus, vel prohibitus à diversis Prælati subordinationis ex motivo ejusdem virtutis obedientiæ.

*Oppono.* S. Thom. qu. 2. de malo, ar. 6. in c. ait: Si aliqua essent peccata, quia prohibita, in his rationabile esset, ut secundum differentiam præceptorum specie peccata differrent: quia in istis peccatis tota malitia desumitur per ordinem ad præceptum. Ergo eo multiplicato multiplicantur.

*Ad hoc* Cajetanus dicit, S. Thomam mutasse sententiam lococitato in Summa, cui standum, velut ultimæ voluntati. Alii dicunt, S. Thom. non loqui assertive, quia dicit solum esse rationabile, vel probabile. Nostra verò resolutio est probabilior, præcepta enim solum sunt materialiter plura, quia ponuntur ex eodem motivo.

Nota tamen, non negari, quod ex multiplicitate legum, ac præceptorum possit confluere circumstantia notabiliter aggravans, necessarii (ut supra probatum est) explicanda in confessione, ut patet in Religioso professo, & sacris initiato, omittente Breviarium.

*Ratio 2. partis* patet ex Not. ante prob. 1. p. Quia actus humani, ac morales, sive boni, sive mali diversificantur juxta diversa objecta formalia: Sed ubi sunt diversa legum, ac præceptorum motiva, ibi sunt diversa objecta formalia, cum sit diversa ratio con-vel diffinitivatis ad Regulas morum. Ergo etiam in actu confluit diversa species malitiæ, vel bonitatis moralis.

*Declaratur exemplis.* 1. Si jejunium quadragesimale à Prælato præcipiatur in meritum obedientiæ, & à Confessario propænitentia in confessione, illud frangens, triplex eodem actu committit peccatum, nimirum contra tres virtutes, Temperantiæ, Obedientiæ, Pœnitentiæ. 2. Si quis Religiosus ex voto, ac professione (uti FF. Minimi) teneatur abstinere carnibus, & comedat eas in Quadragesima, duplex committit peccatum, unum sacrilegii, frangendo votum; alterum impenitentiarum. 3. Si quis Religiosus Franciscanus in Quadragesima feria sexta comederet carnes, eodem actu duo committeret peccata, supposito quod Ecclesia, & Ordo illud jejunium præcipiant ex diverso motivo: Ecclesia ex motivo temperantiæ, Ordo ex motivo cultus passionis Christi, vel alio. Immo Cajetanus 2. 2. qu. 88. ar. 5. censet esse tria peccata, nimirum contra virtutem Religionis, rationem voti; contra obedientiam, ratione præcepti in Regula contenti; dein contra Temperantiæ ab Ecclesia intentam. 4. Si persona sacra committeret adulterium, esset in uno peccato triplex

species malitiæ, quia ageret contra tria precepta formaliter distincta. Quorum primum ex motivo castitatis prohibet accessum ad non suam. Secundum ex motivo Religionis prohibet transgressionem voti. Tercium ex motivo iustitiæ prohibet usurpationem injuriarum rei, seu uxoris alienæ. 5. Violenta percussio Clerici in loco sacro, vel effusio sanguinis in eo, est duplex peccatum, nimirum iniustitiæ, & sacrilegii.

**QUÆRO VI.** Peccatum commissionis, & peccatum omissionis, differuntne specie? & quando, seu quo tempore committitur peccatum externum omissionis.

*XXIX. Resp. ad 1. p.* Quæsti, verbis S. Thomæ hic qu. 72. art. 6. In peccatis invenitur duplex differentia, una materialis, & alia formalis. Materialis quidem attenditur secundum naturalem speciem actuum peccati, formalis autem secundum ordinem ad unum finem proprium, quod est obiectum proprium. Unde inveniuntur aliqui actus, materialiter specie differentes, qui tamen formaliter sunt in eadem specie Peccati, quia ad idem ordinantur: sicut ad eandem speciem homicidii pertinet jugulatio, lapidatio, & perforatio, quamvis actus sint specie differentes secundum speciem naturæ. Sic ergo, si loquamur de specie peccati omissionis, & commissionis materialiter, differunt specie, largè tamen loquendo de specie, secundum quod negatio, vel privatio speciem habere potest. Si autem loquamur de specie peccati omissionis, & commissionis formaliter, sic non differunt specie, quia ad idem ordinantur, & ex eodem motivo procedunt: avarus enim ad congregandam pecuniam & rapit, & non dat ea, quæ dare debet. Similiter gulosus ad satisfaciendum gulæ, & superflua comedit, & jejunia debita prætermittit. Hec S. D. Si autem peccatum commissionis, & omissionis habent diversa motiva, & fines, indubiè in genere moris specie formaliter differunt, ut patet in furto, & omissione Missæ præceptæ; secus, sunt ejusdem speciei in genere moris.

Ex his colligitur, quid sit peccatum omissionis: Est enim inordinata omissio actus præcepti.

*Secundæ partis Quæsti* sensus est, an peccatum omissionis imputetur homini solum tunc, quando erat tempus operandi, vel an statim dum se exponit periculo non implendi præceptum, vel quando quis se impotentem reddit ad operandum: v. gr. tempore audiendi Missam de præcepto vacat quis lulul, à quo tamen potest desistere; vel se dat somno, prævidens se non evigilaturum, nec excitandum; vel se inebriat, ut fiat impotens. Pro quo.



*Resp. 2.* Probabilius est, quod propriè, & verè non sit omisio, nec dicatur homo omittere, nisi tunc quando est tempus implendi præceptum affirmativum. Ita S. D. hic qu. 71. ar. 5. ad 3. dicens: *Peccatum omissionis contrariatur præcepto affirmativo, quod obligat semper, sed non ad faciem, & ideo solus pro tempore illo aliquis cessando ab actu peccat, pro quo præceptum affirmativum obligat.*

*Ratio.* Omittere culpabiliter, est, non facere, quod quis tenetur facere: Sed ante illud tempus, quo præceptum affirmativum obligat, homo tenetur operari. Ergo.

*Resp. 3.* Qui dat causam peccati, ponendo impedimentum impletionis præcepti affir. vel se exponit periculo illud omitendi ( juxta exemplum ante positum de homine dormiente, vel se inebriante tempore Sacri ) eo ipso peccat. Hoc tamen non est formaliter peccatum omissionis.

*Ratio 1. p.* patebit infra Traçt. 5. Exam. 2. num. 50.

*Ratio 2. p.* est eadem, quæ pro R. 2.

*Resp. 4.* Si opera ab ebro in ebrietate facta, vel omissa, v.g. vulneratio, blasphemia, omisio Sacri præcepti, &c. fuerint ab eo prævita, peccat tunc, licet non sit mentis compos. Non tamen habet aliam, seu majorem malitiam, quam causæ præcedentis, quam voluntariè posuit.

*Ratio 1. p.* Ut opus sit peccaminosum ( idem est de omissione ) sufficit, quod sit volitum in sua causa.

*Ratio 2. p.* Tanta est malitia, v.g. ut unum, vel duo, quanta est libertas, quia hæc est radix moralitatis, ut supra dictum est: Sed illa opera, & omissiones non habent aliam libertatem, quam suæ causæ, ut constat. Ergo nec malitiam.

XXX. *Oppos. 1. contra R. 2. & 4.* Ad peccatum actuale requiritur voluntarium actuale: Sed in omissione tempore somni, vel alterius impotentie, non adest voluntarium actuale. Ergo nec peccatum actuale. Maj. patet ex ratione mox data pro 2. p. R. 4.

2. Est Regula Theologorum, quod illa libertas sufficit ad bonum, quæ sufficit ad peccatum mortale: Sed libertas, quæ est in ebro, non sufficit ad bonum, v.g. ad meritum, ad faciendum votum, ad confessionem sacramenti, ad persolvendas horas canonicas. Ergo nec ad peccatum.

3. Ergo idem homo potest simul esse in gratia, & in Peccato mortali, immò & in excommunicatione majore, si esset annexa actu externo; Ecclesia enim solum judicat de externis. Prob. sequ. Ex casu, quo quis emisit sagittam in Clericum, intendens eum occidere, sed, antequam Clericus à sagitta percutiatur, verè contrito corde de hoc pec-

nitens; ille ratione veræ contritionis est in gratia, & ratione occisionis Clerici est in peccato mortali, & excommunicatus.

*Ad 1. dist. maj.* vel actualitate formalis, vel virtuali, C. maj. semper formalis, N. maj. Et sic dist. min. N. conf.

*Contra.* Omisio, vel actus tantum habet de culpa, quantum de libertate: Sed omisio Sacri, in somno, vel ebrietate contingens, non est libera in se, sed solum in causa. Ergo nec est peccatum in se, sed solum in causa.

*Dist. min.* Non est libera in se, libertate in eam à voluntate immediatè, & directè derivata, C. min. in eam mediatè, & indiretè derivata ex causa, N.

*Ad 2. R.* Theologos illam Regulam non intelligere universaliter de omni casu. Unde Angel. Doctor hic qu. 71. art. 5. ad 1. ait: Plura requiruntur ad bonum, quàm ad malum, eò quod bonum contingit ex tota integra causa, malum autem ex singularibus defectibus, ut Dionys. dicit cap. 4. de div. nom. Et ideo peccatum potest contingere, sive aliquis faciat, quod non debet, sive non faciendo, quod debet: sed meritum non potest esse, nisi aliquis faciat voluntariè, quod debet. Hæc ibi. Addit hic Barthol. Medina duo. Homicidium prævisum ebro imputari, quia tenebatur, & poterat illud cavere, & non cavet: sed dicere officium divinum, & emittere votum nulla ratione fuerunt ebro voluntaria. 2. Homo, qui non est mentis compos sæpe numero potest implere præceptum divinum, ut si ebrius ex præcedenti volitione baptizatur, si quis in phrenesim lapsus à peccatis absolvatur, &c.

*Ad 3. N.* seq. cum enim voluntas mala sit retractata, occiso illi homini quoad Deum non imputatur; unde est ingratia, & non in peccato; excommunicatus est solum in foro fori, seu quoad Ecclesiam, non quoad Deum.

XXXI. *Quid si quis actum præceptum, v. gr. Sacrum omittat ponendo actum de se indifferenter, v. gr. lulum; vel ex objecto bonum, v. gr. studium, hic actus contrahitne ex hoc speciale malitiam, propter quam debet exprimi in confessione?* Dixi, actum indifferenter, vel bonum. Quia certum est, quod si actus ex objecto sit malum, v. gr. furtum tempore audiendi Sacri commissum, habet malitiam à malitia omissionis Sacri distinctam, in confessione necessario exprimendam.

*Dico 1.* Si actus ille omissioni culpabili conjungatur causaliter, id est, si sit causa, & occasio omissionis assumpta ex intentione, ut per eum impediatur impletio præcepti, ut si quis ex affectu deambulandi in campo, deam-

deambulet tunc, quando Sacrum est audiendum actus eo ipso est malus, 2. Malitia tamen non est distincta à malitia omissionis, quam causat, nec actus est necessarius exprimendus in confessione.

*Ratio 1. p.* Quod est formaliter, vel virtualiter causa mali, seu omissionis peccaminolæ, est peccaminolus: Sed ille actus est causa, &c. omissionis, &c. Ergo.

*Ratio 2. p.* Tum quia non est praxis Fidelium, quod de illo actu, vel causa omissionis, v.g. lusu, studio, otio, ne exercitium se accusent. Tum etiam, quia nova, & distincta malitia non oritur nisi ex nova oppositione cum distincta virtute, & præcepto: Sed hanc actus ex objecto bonus, vel indifferens, v.g. studium, aut lusus, dum est causa culpabilis omissionis Missæ, non habet. Ergo. Min. prob. Ille actus non ex alia ratione est malus, quam quia repugnat præcepto audiendi Missam, quod, sicut directè præcipit auditionem Sacri, ita indirectè prohibet actus cum eo incompatibiles. Ergo.

Ex quo sequitur, quod quidem ille actus sit inordinatus, & quod careat rectitudine studiofratis, uti & debita circumstantia, at tamen illa inordinatio non tenet se inrà materiam, & objectum virtutis studiofratis, sed Religionis, cui omnis sacri adversatur. Similiter carentia rectitudinis studiofratis in eo actu non oritur ex directa oppositione cum studiofrate, sed ex indirecta oppositione cum præcepto, & virtute Religionis. Ex eodem capite oritur, vel non oritur carentia debite circumstantiæ, v.g. temporis.

*Dico 2.* Si actus ille, v.g. studium ad omissionem solum se habeat concomitanter, seu per accedens, id est, non ex dicto actu, vel intentione, nullam exinde malitiam contrahit.

*Ratio.* Tum quia nec formaliter, nec virtualiter est causa omissionis, quia habet se per accedens ad illam. Tum etiam, quia, licet Missam impediat materialiter, & physice, quia se non compatiuntur, non tamen formaliter, & moraliter, quia moraliter sequitur ex vi alterius mali actus, seu propositi, & sequeretur sine studio.

**QUÆRO VII.** Unde desumitur distinctio, seu pluralitas numerica peccatorum?

*XXXII. Resp. 1.* Probabilius non à præceptis, sed ab objectis, numero, & adæquatè distinctis.

*Ratio.* Peccata specie diversificantur ex specifica diversitate objectorum, ut ante probatum est. Ergo etiam numerum multiplicatur ex numerica eorundem diversitate in genere moris. Prob. conf. Actus humanus, uti est peccatum, sicut ex ratione sua specifica respicit objectum secundum speciem sumptum, ita

ex ratione individuali respicit objectum in esse moris numericè sumptum. Ergo.

*Oppono.* Juxta antedicta, formalis diversitas præceptorum sufficit, ut exinde peccata specie distinguantur. Ergo etiam diversitas numerica præceptorum sufficit, ut exinde peccata distinguantur.

*Negatur conf.* Disparitas est. Quia, ut dictum est, quando præcepta sunt formaliter diversa, semper ad eam specificam diversitatem motivi, & objecti, seu rei præceptæ: quando verò præcepta solum materialiter differunt, non ad eam numericam diversitatem objecti, seu rei præceptæ, sed tantum præcipientis. Vide infra Tract. 10. Exam. 3 n. 11. R. 4. de Missa in die festo audienda ex voto.

*Declaratur 1.* data resolutio. Sensus est r. Quod peccatum possit esse idem numero, licet sit prohibitum præceptis numero distinctis, uti idem jejunium pro eodem die potest præcipi pluribus præceptis numero tantum distinctis, ex eodem motivo, v.g. temperantiæ procedentibus, cujus transgressio sit unicum numero peccatum, etsi gravius. 2. Sensus est, quod plures actus physice distincti sint unicum numero peccatum, si habeant inter se moralem unitatem, connexionem, seu subordinationem, tendendo ad eundem finem, seu objectum adæquatam: contra si unus physice actus versatur circa plura objecta, ejusdem quidem rationis, quæ tamen inter se dictam moralem unitatem, connexionem non habent, habet tot malitias numero distinctas, quod sunt objecta. Exemplum utriusque patet ex dicendis, nimirum tum in pluribus actibus, v.g. oculis, tactibus, &c. in ordine ad unam copulam fornicariam: tum in eo, qui eodem actu scopeti plures occidit.

*Declaratur 2.* per exempla. *Primum est:* Qui cum conscientia peccati mortalis (puta, de quo contritionem antea non elicit) plurimum hominum confessiones excipit, tenetur quantum potest (ut probabilius, & tutius docent Thomistæ) explicare numerum personarum, quas absolvit, suntque commissa tot sacrilegia, quot absolutiones in eo peccati statu datæ sunt. *Ratio.* Quia hic nulla apparet unitas moralis, eò quod cuiusvis poenitentis absolutio fit integrum, & completum Sacramentum.

*Opponi potest,* quod ad sit unitas moralis, in eo sita, quod Confessarius omnes audiat eadem intentione, fine, loco, tempore.

Verum hæc in præsentia ad moralem unitatem non sufficiunt, si ex parte objecti nulla sit moralis connexio. Quia aliàs eodem argumento posset probari, quod Sacerdos eadem Nocte Nativitatis Domini eodem fine, intentione, loco, & continuo tempore in peccato mort.

mort. legeret tres Missas, solum committeret unum peccatum. Item quod qui eodem fine, loco, & tempore iniuste occideret plures homines, aut qui eadem nocte, loco, fine, cum eadem femina sæpius peccaret, solum unum committeret peccatum; quod non debet admitti. Ergo.

*Secundum exemplum.* Qui uno actu, seu ictu plures occidit, infamavit, aut quovis modo læsit, tot commisit peccata, seu in uno peccati actu tot habet malitias numero moraliter distinctas, quot sunt personæ læsæ: quarum proinde numerum debet in confessione exprimere.

*Ratio.* Quia sunt objecta numero moraliter adæquate distincta, nullam inter se connexionem, aut dependentiam moralem habentia, scilicet personæ læsæ. Ita probabilis, & tutius Thomistæ.

3. Actus minus principales, seu circumstantiæ communiter concomitantes, vel præcedentes actum principalem, cum eo unum numero peccatum constituunt, nec sunt necessario explicandi in confessione; juxta sententiam probabiliorum, etsi non tutiorem.

*Ratio.* Quia omnes illi actus, etsi sint mortaliter mali, quia tamen ad actum principalem ordinantur, eique conjunguntur (ut suppono) ob moralem unitatem cum eo unum constituunt peccatum. Et ita res se habet in tactibus, amplexibus, osculis, copulam fornicariam præcedentibus, modo inter hos actus, & copulam ipsam non longa intercedat mora.

An verò hoc etiam extendendum sit ad tactus, oscula, & amplexus, immediate copulam subsequentes, variant Doctores: aliqui enim putant, eos actus esse nova peccata, adeoque in confessione esse explicandos. Rationem dant, quia tales actus subsequentes sunt principia alterius copulæ. Ergo efficiunt novum peccatum. Et hoc quidem est tutius pro confessionis integritate. Verum probabilis est oppositum. *Ratio.* Quia illi tactus, vel actus sunt complementum copulæ habitæ, sicut actus illam præcedentes sunt ejus initium. Ergo sicut hi non sunt necessario confitendi, ita nec illi.

Hoc tamen intelligo de illis actibus, qui immediate copulam sequuntur, si enim notabilis mora intercedat, aut fiant cum intentione novæ copulæ, non nego esse novum peccatum. Quod idem dico, si forte actus principalis non sequeretur. Idem est de actibus non habentibus aliquam connexionem cum actu principali, ut si quis ad peccandum cum aliqua fuerit usus speciali quadam arte, vel potionem; nam tunc est speciale peccatum, specialiter in confessione explicandum.

4. Si quis una voluntate peccaminosa, uno

*Tribunal Confessionarium.*

iræ impetu, circa idem objectum, seu personam, & intra eandem speciem, seu plures ejusdem speciei blasphemias, aut contumelias, vel circa eandem rem plura juramenta repeteret, esset unicum peccatum, nec horum actuum numerus necessarius esset in confessione exprimendus, ab rationem ante datam. Secus est, si fieret cum reflexione super singulos actus.

5. Si quis haberet voluntatem non jejunandi tota Quadragesima, non solum unum, sed plurima committeret peccata; adeoque non satisfaceret, dicendo, habui voluntatem non jejunandi; sed debet addere, tota Quadragesima: quia una jejunii omisso cum altera non habet moralem connexionem. Idem est de fornicatione, quæ habuit voluntatem pluribus se prostituendi.

XXXIII. Resp. 2. ad Q. 7. Peccata tam interna quam externa distinguuntur, ac multiplicantur numero, & voluntate peccandi moraliter interrupta, aut renovata.

*Ratio.* Quia tunc tollitur moralis unitas actuum, & objectorum.

*Dic mihi:* Quomodo cognoscis, quod voluntas moraliter censetur interrupta?

*Hoc cognosco* ex eo, quod actus voluntatis nec formaliter in se, nec virtualiter in aliquo suo effectu, nec in prudenti hominum arbitrio seu moraliter perseveret.

*Sed unde hoc cognoscis?*

*Hoc cognosco* ex diversis Regulis. Quarum prima est, si plures actus successivè ponantur circa plura objecta completè, & totaliter distincta, ut si, postquam furatus es a Joanne, fueris, vel intendas furari a Philippo. 2. Si homo priorem voluntatem revocet, ac retrahat per penitentiam. 3. Deliberatè cessando ab aliquo actu, ut si ad delectationem morosam paulò ante voluntariè derelictam redeas, duo peccata committis: secus si eam dereliqueris ex aliqua distractione in deliberata. Hinc fieri potest, quod homo eodem die, voluntatem interrumpendo, ac renovando, committat mille peccata odii, internæ infidelitatis, seu hæresis, morosæ delectationis, &c. 4. Quando actus nullam ad invicem dicunt subordinationem, vel dependentiam, ut patet ex dictis ante in exemplo tertio. 5. Quando inter plures actus, nullo voluntatis effectu inter se connexionem tantum temporis intercedit, ut prudentum judicio censentur discontinuari: actuum enim discontinuatio in genere moris non fit per quamlibet physicam interruptionem. Sicut si sub Missa fiat concio, non ideo dicitur interrumpi; nec prandium, si sub eo legantur nova, aut aliæ literæ.

QUÆRO VIII. Unde desumitur essentialis, & primaria quantitas, seu gravitatis æqualitas, ac inæqualitas peccatorum?

F

XXXIV.

XXXIV. *Resp.* Ab objectis; Ita S. Tho. hic qu. 73. a. 3.

*Ratio.* Peccatum ab eo habet suam gravitatem essentiali, a quo habet suam differentiam specificam; Sed, ut probatum est antea ad Q. 7. hanc habet ab objecto. Ergo, &c.

*Declaratur* cum S. Doct. locit ad dicente: Ratio ordinat omnia in agibilibus ex fine, & ideo quantum peccatum contingit in actibus humanis ex altiori fine, tanto peccatum est gravius: objecta autem adu sunt fines eorum, & ideo secundum diversitatem objectorum attenditur diversitas gravitatis in peccatis. Sicut patet, quod res exteriores ordinantur ad hominem sicut ad finem, homo autem ordinatur ulterius in Deum, sicut in finem. Unde peccatum, quod est circa ipsam substantiam hominis, sicut homicidium, est gravius peccato, quod est circa res exteriores, sicut furtum: & adhuc est gravius peccatum, quod immediate contra Deum committitur, sicut infidelitas, blasphemia, & huiusmodi. Et in ordine quorumlibet horum peccatorum, unum peccatum est gravius altero, secundum quod est circa aliquid principalis, vel minus principale. Hæc S. Doct.

Hinc inter peccata, quæ sunt immediate contra Deum, odium Dei gravius est, quam infidelitas, vel blasphemia: quia objectum odii Dei est ipse Deus in se ipso, qualiter non est objectum aliorum peccatorum. Item inter peccata contra substantiam hominis homicidium gravius est quam mutilatio. Inter peccata circa res exteriores adulterium est gravius peccatum quam furtum, cum habeat pro objecto rem alteri magis conjunctam, scilicet ejus uxorem: simplex vero furtum pro objecto habet res magis separatas.

Nota tamen, quod, licet verum sit, quod malitia specifica ex graviore, & rationi magis dissona objecto sit ex genere suo major ea, quæ sumitur ex objecto minus gravi, in individuo tamen contingere possit, quod ex adjunctis circumstantiis peccatum ex objecto gravius, fiat in exercitio levius, & e contra. *Sit exemplum* Furtum ex genere suo est levius homicidio, & tamen furari ærarium publicum, vel frumentum, quod servatur ad necessariam sustentationem Reip. in individuo est gravius peccatum, quam occidere omnem plebeum: Item occidere homines gravius peccatum est, quam unum perjurium, licet hoc sit gravius ex parte objecti. Quod NB.

QUÆRO IX. Estne peccatum eo gravius essentialiter, & secundum speciem, quod præstantiori virtuti opponitur?

XXXV. *Resp.* cum S. Thom. hic q. 73. a. 4.

*Ratio.* Quia supra probatum est, quod gra-

vitas essentialis defumatur ab objectis: Sed quod præstantiori virtuti opponitur peccatum, eo gravius, & rationi magis repugnans habet objectum. Ergo. Min. prob. Quod præstantior est virtus, eo dignius, & rationi conformius objectum habet. Ergo peccatum ei oppositum habet objectum eo magis disforme rationi.

Ex quo sequitur, quod Idololatria, & odium Dei sint peccata graviora homicidio.

Circa hanc S. Thomæ doctrinam interpretes Discipuli ejus nonnullas ponunt conditiones. Est enim vera ex genere suo, & cæteris paribus. *Prima conditio est*, ut intelligatur de oppositione secundum objectum primum, & principale talis virtutis. Nam odium proximi opponitur præstantissimæ virtuti, scilicet charitati, & tamen non est omnium peccatorum gravissimum, immo non est gravius hæresi, quæ opponitur fidei, quam charitas antecellit. *Ratio.* Quia odium proximi opponitur charitati, solum ut tendit in objectum secundarium.

*Secunda conditio est.* Ut oppositio cum virtute inferiori non includat simul oppositionem cum virtute superiori. Hinc adulterium, quod opponitur castitati, quæ est virtus ignobilior iustitia, cui opponitur furtum, non inde fit levius peccatum, immo est gravius, quia includit oppositionem cum utraque illa virtute.

*Tertia.* Peccata venialia contra præstantiorem virtutem commissa indubiè sunt leviora mortalibus contra virtutem ignobiliorem commissis.

4. Ob circumstantiam nocuenti insigniter notabilis, peccatum ignobiliori virtuti oppositum potest esse gravius. Sic homicidium, quod opponitur iustitiæ, est gravius peccatum, quam omisso Missæ præcepto, quæ est contra virtutem Religionis, præstantiorem iustitia.

QUÆRO X. Peccata spiritualia (suprà in hoc Exam. num. 21. descripta) suntne graviora carnalibus?

XXXVI. *Resp.* cum S. Thom. a. 5. dicente: Peccata spiritualia sunt majoris culpæ, quam carnalia.

*Declarat*, & probat hoc S. D. ibid. dicens: Non est sic intelligendum, quasi quodlibet peccatum spirituale sit majoris culpæ quolibet peccato carnali, sed quia, considerata hac sola differentia spiritualitatis, & carnalitatis graviora sunt, quam cætera peccata, cæteris paribus. Cujus.

*Ratio* Triplex potest assignari. Prima quidem ex parte subiecti, nam peccata spiritualia pertinent ad spiritum, cuius est converti ad Deum, & ab eo averti: peccata vero carnalia con-

consumuntur in delectatione carnalis appetitus: ad quem principaliter pertinet, ad bonum corporale converti. Et ideo peccatum carnale, in quantum huiusmodi, habet plus de conversione, propter quod etiam est maioris adhæronis; sed peccatum spirituale habet plus de aversione, ex qua procedit ratio culpæ. Et ideo peccatum spirituale, in quantum huiusmodi, est maioris culpæ.

*Secunda Ratio* potest sumi ex parte ejus, in quem peccatur, nam peccatum carnale, in quantum huiusmodi, est in corpus proprium, quod est minus diligendum secundum ordinem charitatis, quam Deus, & proximus, in quos peccatur per peccata spiritualia.

*Tertia Ratio* potest sumi ex parte motivi, quia quanto est gravius impulsivum ad peccandum, tanto est minus minus peccat, peccata autem carnalia habent vehementius impulsivum, id est, ipsam concupiscentiam carnis, nobis iunctam. Hæc S. D. Ergo.

Notat hic noster Contenson dicens: Non ita pridem agebat sapiens Prælati, dolere se plurimum, quod in Communitatibus laxioris discipline advertisset peccata hominum, in aliis strictioris foris vitam profitentibus, peccata demonum, id est, spiritualia, invidiam, superbiam, ambitionem, &c. & alia, quæ Scotus vocat *luxurias spirituales*.

QUÆRO XI. Aggravaturne peccatum ex circumstantia? vel ex majori nocumento, quod infert?

XXXVII. Resp. 1. cum S. Thom. hic ar. 7. affirm. de circumstantia, quod nimirum peccatum aggravet, vel essentialiter, si illud transferat in aliam speciem: vel accidentaliter, nimirum intrâ eandem speciem, Sed de hoc sufficenter actum est supra Tract. 3. Exam. 2. n. 25. & seqq.

Resp. 2. cum S. Thom. ar. 8. Potest essentialis gravitas peccati augeri ex majori nocumento, quod proximo infertur, sive in bonis fortunæ, quæ sunt externa, sive in bonis animi, sive corporis.

*Ratio.* Quia per majus damnum, quod proximo infertur, actus peccati interdum trahitur ad speciem scandalii, vel injustitiæ, nimirum furti, vel detractionis, &c. Ergo tunc variatur obiectum, ab obiecto autem desumitur gravitas essentialis, ut Q. 8. probatum est. Ergo.

Declarat hoc S. D. dicens: Nocumentum tripliciter se habere potest ad peccatum. Quandoque enim nocumentum, quod provenit ex peccato, est prævisum, & intentum, sicut dum aliquis aliquid operatur animo nocendi alteri, ut homicida, vel fur, & tunc directè quantitas nocumenti adauget gravitatem peccati, quia tunc nocumentum per se est obiectum peccati. Quandoque autem nocumentum

est prævisum, sed non intentum, sicut cum aliquis transiens per agrum, ut compendiosius vadat ad fornicandum, infert nocumentum his, quæ sunt seminata in agro: scienter, licet non animo nocendi, & sic etiam quantitas nocumenti aggravat peccatum, sed indirectè, in quantum scilicet ex voluntate multum inclinata ad peccandum procedit, quod aliquis non prætermittit facere damnum sibi, vel alii, quod simpliciter non vellet. Quandoque autem nocumentum nec est prævisum, nec intentum, & tunc si per accidens se habeat ad peccatum, non aggravat peccatum directè, sed propter negligentiam considerandi nocumenta, quæ consequi possent, imputantur homini ad poenam mala, quæ eveniunt præter ejus intentionem, si fidat operam rei illicitæ. Si verò nocumentum per se sequatur ex actu peccati, licet non sit intentum, nec prævisum, directè peccatum aggravat: quia quæcunque per se consequuntur ad peccatum, pertinent quodammodo ad ipsam peccati speciem, puta, si aliquis publicè fornicetur, sequitur scandalum plurimorum, quod quamvis ipse non intendat, nec fortè prævideat, directè per hoc aggravatur peccatum. Hæc S. D. Vide infra Tract. 8. de Rest. Exam. 6. de culpa requisita ad obligationem restituendi, num. 124.

Ex his Colligitur, quod sæpè contingat aliquid esse intentum ex parte operis, licet non intendatur ex parte operantis, si nimirum operi necessaria danteatur.

XXXVIII. Oppono 1. Ergo gravius peccat, qui mulierem seducit ad fornicandum, quam si illam occidat, ob gravius nocumentum, ut potè in vita spiritali (quæ melior est corporali) illatum.

2. Christus prævidebat ex sua prædicatione, & miraculis futura Judæorum varia peccata v. gr. blasphemias, detractiones, &c. & tamen non desistebat.

Ad 1. Nil illatum. Disparitate dat S. Tho. hic ad 3. dicens: *Primo.* Homicida intendit directè nocumentum proximi, fornicator autem, qui provocat mulierem non intendit nocumentum, sed delectationem. *Secundo.* Homicida est per se, & sufficiens causa corporalis mortis, spiritualis autem mortis nullus potest alteri esse causa per se sufficiens: quia nullus spiritualiter moritur, nisi propria voluntate peccando. Hæc ibi.

Ad 2. Resp. Quod peccata Judæorum non sequebantur ex prædicatione Christi, sed ex propria eorum malitia. Sicut ex sola petulantia laici juvenis oritur, si labatur in turpem amorem puellæ honestæ juxta statum suum se ornantis.

QUÆRO XII. Aggravaturne peccatum ex conditione personæ, in quam peccatur?

XXXIX. *Resp. affirm. cum S. Thom. hic ar. 9. Ubi hoc fit*

*Declarat, & probat.* Persona, in quam peccatur, est quodammodo obiectum peccati; dictum est autem supra, quod prima gravitas peccati attenditur ex parte obiecti, ex quo quidem tantò attenditur major gravitas in peccato, quantò obiectum ejus est principalior finis. Fines autem principales humanorum actionum sunt, Deus ipse, homo, & proximus, quicquid enim fecimus, propter aliquid horum facimus, quamvis etiam horum trium unum subaltero ordinetur. Potest igitur ex parte horum trium considerari major, vel minor gravitas in peccato, secundum conditionem personæ, in quam peccatur. Primum quidem ex parte Dei, cui tantò magis aliquis homo conjungitur, quantò est virtuosior, vel Deo sacratior, & idè injuria, tali personæ illata, magis redundat in Deum, secundum illud Zach. 2. Qui vos tetigerit, tangit pupillam oculi mei. Unde peccatum fit gravius ex hoc, quòd peccatur in personam magis Deo conjunctam, vel ratione virtutis, vel ratione officii.

Ex parte etiam sui ipsius manifestum est, quòd tantò aliquis gravius peccat, quantò aliquis magis in conjunctam personam, seu naturali necessitudine, seu beneficiis, seu quacunque conjunctione peccaverit: quia videtur in se ipsum magis peccare, & pro tanto gravius peccat, secundum illud Ecclesiasti. 14. Qui sibi nequam est, cui bonus?

Ex parte verò proximi tantò gravius peccatur, quantò peccatum plures tangit. Et idè peccatum, quod fit in personam publicam, puta, Regem, vel Principem, qui gerit personam totius multitudinis, est gravius quàm peccatum, quod committitur contra personam privatam. Unde specialiter dicitur Exod. 22. Principi populi tui non maledices. Et similiter injuria, quæ fit alicui famosæ personæ, videtur esse gravius ex hoc, quòd in scandalum, & in tribulationem plurimorum redundat. Hæc S. D. Qui ex ultimis verbis ibidem insert, quòd Deus, si gravius punit eum, qui contra excellentiores personas peccat, exinde tamen non dicatur acceptor personarum, punit enim ob rationem ultimis verbis insinuatam.

*Declaratur ulterius per exempla.* Occisio Sacerdotis est gravius quàm Diaconi. Horribilius est occidere Patrem, vel Matrem, quàm alios. Gravius est percutere Magistrum, quàm condiscipulum; Doctorem, quàm rusticum; Principem, quàm subditum: immò percussio, quæ respectu hominis vulgaris esset venialis, si fiat Principi, potest esse mortalis, Quoad nocumentum, quod quis sibi ipse in-

fert, ait S. D. ad 2. Si quis sibi ipsi insert in his, quæ subsunt dominio propria voluntatis, sicut in rebus possessis, habet minus de peccato, quàm si alteri inferatur: Sed in his, quæ non subsunt dominio voluntatis, sicut sunt naturalia, & spiritualia bona, est gravius peccatum, nocumentum sibi ipsi inferre: gravius enim peccat, qui occidit seipsum, quàm qui alterum.

Not. quòd quamvis ex parte obiecti, seu ex genere suo gravius sit peccatum, quòd fit in personam Deo magis conjunctam, v. gr. occidere Sacerdotem, quàm quod fit in personam peccanti conjunctiorem, v. gr. occidere parentem; & gravius sit, interficere parentem quàm Regem: quia primus peccat contra præstantiorem virtutem, scilicet Religionem, & peccat peccato sacrilegii; secundus contra pietatem, & iustitiam, quæ sunt minores virtutes: tertius contra iustitiam tantum, quamvis, inquam, ex genere suo graviora sint, in individuo tamen gravius peccatum est occidere Patrem, aut Matrem quàm Sacerdotem, aut virum sanctum, eò quòd juxta S. Thom. 2. 2. qu. 26. a. 7. & 8. homo teneatur magis ex charitate diligere parentes. Similiter etiam ratione alterius circumstantiæ potest esse gravius peccatum, occidere Regem, quàm parentem, si nimirum ex vita Regis pendeat salus Reipublicæ occidendo Regem, occiderentur multi, & ipsa Resp. pateretur. Eadem de causa potest in individuo majus esse peccatum occidere Sacerdotem quàm parentem, si nimirum ex vita Sacerdotis pendeat vita spiritualis multorum. Nequit ergo hic certa statui Regula, sed attentis omnibus circumstantiis prudenter mensuranda est peccatorum gravitas.

QUÆRO XIII. Aggravaturne peccatum ex magnitudine personæ peccantis?

XL. *Resp. affr. cum S. Thom. hic ar. 10. sic dicitur:* Duplex est peccatum: quoddam ex subreptione proveniens propter infirmitatem humanæ naturæ, & tale peccatum minus imputatur ei, qui est major in virtute, eò quòd minus negligit hujusmodi peccata reprimere, quæ tamen omnino subterfugere infirmitas humana non finit: alia verò peccata sunt ex deliberatione procedentia, & ista peccata tantò magis alicui imputantur, quantò major est. Et hoc potest esse propter quatuor.

Primum quidem, quia facilius possunt resistere peccato majores, puta, qui excedunt in scientia, & virtute. Unde Dominus dicit, Luc. 12. quòd servus sciens voluntatem Domini sui, & non faciens, plagis vapulabit multis.

Secundo propter ingratitudinem, quia omne bonum, quo aliquis magnificatur, est



est Dei beneficium, cui homo sit ingratus peccando, & quantum ad hoc quælibet majoritas, etiam in temporalibus bonis, peccatum aggravat, secundum illud Sap. 6. Potentes poterunt tormenta patientur.

*Tertio* propter specialem repugnantiam actus peccati ad magnitudinem personæ. Sicut si Princeps iustitiam violet, qui ponitur iustitiae custos; & si Sacerdos fornicetur, qui castitatem vovet.

*Quarto* propter exemplum, sive scandalum, quia, ut Gregorius dicit in Pastoralibus, in exemplum culpa vehementer extenditur, quando pro reverentia gradus peccator honoratur. Ad plurimum etiam notitia perveniunt peccata Magnorum, & homines ea magis indignè ferunt. Hæc Sancti Doct.

Quæri hic posset, & resolvi cum S.D. q. 73. a. 1. an. & quomodo omnia peccata sunt connexa. Sed de hoc vide infra Tract. 13. Exam. 2. n. 21. in R. ad 2. oppos.

**QUÆRO XIV.** Quodnam est subiectum proximum peccati, non physicè, sed moraliter sumpti; estne sola voluntas? vel etiam intellectus? & appetitus sensitivus? an membra externa?

**XLI.** Dixi in titulo, *Proximum*, quia non nego, subiectum remotum peccati esse ipsam creaturam rationalem. Dixi 2. *peccati non physicè sumpti*. Certum enim est, quod ipse, actus physicus peccati subiectionem in potentiis, ac membris externis, v.g. impudicus tactus in manu, vel alia corporis parte, aspectus in oculo, &c. Quæstio ergo est de formali ratione malitiæ, ac deformitatis peccati. Quid sit appetitus sensitivus, & quomodo dividatur, vide Tract. 4. Exam. 1. num. 4.

Suppono etiam, omne peccatum debere esse voluntarium, & liberum, est enim in genere moris, juxta S. Th. autem in 2. d. 24. q. 3. a. 2. *Ibi incipit genus moris, ubi primum dominium voluntatis invenitur*. Et S. Augustinus. 1. 1. 2. Retract. cap. 13. dicit: Peccatum addo voluntarium malum esse, ut nullo modo sit peccatum, si non sit voluntarium. Et Ser. 12. de verb. Dom. *Potes autem perdere, & nolens, potes & domum: bonum autem, quo bonus es, nec injuriis accipis, nec injuriis amittis*. His præmissis

*Resp.* probabilius est, quod peccatum formaliter sumptum non solum sit in voluntate, sed etiam in intellectu, seu ratione, ac in appetitu sensitivo, non tamen in potentiis, vel membris externis. Ita cum S. Th. hic q. 74. per 4. art.

*Ratio 1.* Contraria sunt circa idem, putà, subiectum, ut arguit S. Th. hic a. 2. cum ab eodem subiecto se expellant: Sed peccatum Tribunal Confessoriorum.

contrariatur virtuti. Ergo ubi est virtus, ibi potest esse peccatum. *Subsumo*: Sed juxta S. Thomam, ut patet ex dictis supra in hoc Tract. Exam. nu. 3. & seqq. non tantum in voluntate, sed etiam in intellectu practico, & in appetitu sensitivo (non tamen in membris externis, utpote despotice subiectis) sunt veræ virtutes. Ergo, & peccata.

*Ratio 2.* Juxta S. Th. in eodema. 2. *Ejusdem potentia est actus, cujus est habitus*: Sed non solum in voluntate, sed etiam in intellectu, seu ratione, ac in appetitu sensitivo dantur habitus formaliter virtuosos, in intellectu quidem infidelitas, hæresis, imprudentia, error, &c. sicut in eo sunt virtutes eis oppositæ, scilicet fides, prudentia, &c. in appetitu vero ira, intemperantia, &c. uti & oppositæ eis virtutes, nimirum mansuetudo, temperantia, &c. secus de membris externis. Ergo & actus peccaminosi formaliter.

*Ratio 3.* Potentia, quæ est libera, & cujus actus ex propria ratione talis potentia potest esse inordinatus, potest esse proprium, & proximum subiectum peccati, seu formalis malitiæ moralis, ut arguit S. D. qu. 74. ar. 3. Sed in primis intellectus est potentia (altem radicaliter libera. Deinde idem intellectus, uti & appetitus sensitivus (idem est de actibus) ex communicatione cum voluntate participant ab ea formalem intrinsecam aliquam libertatem, ac differentiam, vi cujus objecto suo non tam immobiliter adherent, quia ab ipso possint dimoveri ex voluntatis imperio, cui parent solum politice, & ea invita sæpe in actus suos prorumpunt. Hanc verò indifferentiam non habent membra externa, cum despotice pareant voluntati. Item actus intellectus, & appetitus sensitivi ex propria ratione possunt esse inordinati. Quod sic prob. Erroneum dictamen intellectus deordinans, & deficiens ab ultimo fine, & lege æterna, est actus inordinatus ex propria ratione ipsius intellectus, ut malè voluntatem dirigentis, & radicaliter indifferens. Item motus sensualitatis (quia ex propria ratione appetitus sensitivi tendunt in objectum à recta ratione prohibitum, & turbant iudicium rationis, ejusque imperio obstantur) etiam ex propria ratione suæ potentia habent inordinationem quandam, qua de causa etiam utraque potentia indiget habitibus bonis, quibus adjuvantur in suis actibus, ut promptius voluntatis rectæ imperio pareant; secus est de membris externis. Ergo subsistit data resoluto.

Vide dicta de Regimine politico, & despotico supra in hoc Tract. Exam. 1. Q. 3. R. 3. nu. 5. in Declarat. 5.

**XLI.** *Oppono 1.* Una numero malitia non potest intrinsecè subiectioni in duobus

potentiis: Sed S.Th. hic a.1. in fine corp. ait, quod peccatum sit in voluntate sicut in subiecto: Ergo non in intellectu, vel appetitu. Maj. prob. Unitas numerica accidentis sumitur a subiecto, Unde juxta Thomistam idem numero accidens nequit etiam divinitus esse in pluribus subiectis realiter distinctis. Ergo.

2. Juxta S.Th.1.2.q.20.a.3. actus exteriores non habent distinctam bonitatem, vel malitiam formalem: bea, quæ est in actu voluntatis: Sed actus intellectus, & appetitus sensitivi sunt actus a voluntate externi. Ergo malitia moralis non est in intellectu, & appetitu, sed in sola voluntate.

Ad 1. dist. min.1. Aliquod peccatum, C. universaliter omne, N. Quia in articulis seqq. S.Th. expressè dicit, quod in sensualitate, & intellectu fit peccatum. 2. Dato, quod loquatur de omni peccato, vult, quod si sermo sit de malitia totali, & adæquata, v.g. hæresis, quam dixisse in intellectu, vel luxuriæ, quæ est in appetitu sensitivo, ea subiecitur in intellectu, & voluntate (idem est de voluntate, & appetitu) sicut in subiectis partialibus, unitas autem numerica accidentis non a subiecto partiali, sed a totali desumenda est, sic ut pars malitiæ intrinsecæ, & formaliter sit in voluntate, & pars in intellectu, vel appetitu: quæ partiales malitiæ moraliter uniantur, & faciunt unam totalem. 3. Dico, quod omne peccatum radicaliter, originativè, primariò, & principaliter sit in voluntate: in intellectu autem, & appetitu minus principaliter, & secundariò: quibus etiam libertas solùm inest secundariò, utpotè participata, intrinseca tamen.

Ad 2. dist. min. Sunt actus externi, tales de quibus loquitur S.Th. N. min. secus, C. min. & N. conf. Quia S. Doct. loco cit. per actus exteriores intelligit actus membrorum exteriorum; de iis enim præcisè ponit exemplum in singulis ferè articulis, v.g. de occisione, de ambulatione, &c.

Dixisti autem, quod appetitus sensitivus habeat quandam intrinsecam libertatem a voluntate participatam.

XLIII. Quo fundamento hoc asseris?

Fundamento hoc asserendi constat ex dictis, quæ ostendunt, quod sensualitas non sit potentia purè naturalis, nullo modo rationi obediens, uti est vegetativa: neque obediens ad nutum, seu despoticè, aut merè serviliter, uti membra externa obediunt rationi, & servi Domino: sed politicè, sicut subditi parenti Principi, valentes rebellare. Et hoc lamentabilis experientia docet, nimirum nos etiam nolentes pati passionem, tentari nolentes, & irasci nolentes, & non posse gaudere volentes, Paucis multa: Potentia, quæ

superiori potest ex vi sua obedire, & contradicere, habet intrinsecam libertatem, saltem participatam: Sed, ut ex dictis patet, appetitus sensitivus potest superiori scilicet Rationi obedire, vel resistere. Ergo.

Accedit ex S.Th. q.74.a.3. ad 1. Si cogitativa in homine, uti & reminiscencia, ex conjunctione ad portionem hominis superiorem habet, quod discurret, & syllogismus conficiat, uti sæpè in nobis experimur, etiam in somno, cur ex conjunctione ad eandem superiorem hominis partem scilicet ad rationem, non deberet appetitui sensitivo concedi hæc participata excellentia, nimirum obedientia ad rationem, & libertas?

QUÆRO XV. Estne appetitus sensitivus, seu sensualitas ita subiectum peccati, ut omnis ejus motus in rem illicitam sit peccatum mortale, vel saltem veniale, etiam nullo voluntatis consensu, sive formali, sive interpretativo, accedente?

XLIV. Resp. Probabilior est sententia negativa. Quæ quoddam peccatum mortale est, contra hæreticos, certa verò apud omnes Catholicos. Quoad veniale, est contra nonnullos DD. etiam Thomistas, nimirum Cajetanum, & Gonetum, qui in appetitu sensitivo admittunt aliquam formalem libertatem, & intrinsecè incurrentem, participatam tamen ex conjunctione ad voluntatem: quæ licet non sufficiat ad peccatum mortale, ajunt, benè tamen ad veniale, ita ut motus concupiscentiæ præveniens omnem actualem motionem, & consensum voluntatis, etiam interpretativum, sit peccatum veniale juxta illos DD. quorum sententia ab aliis censuratur esse magis ingeniosa quam vera.

Prima pars de peccato mortali constat tum ex illo Matth. 15. ubi dicitur, quod illa coingunt hominem, quæ de corde exeunt. Tum ex Trid. Sess. 5. de peccato Orig. sic definiente. Manere in baptizatis concupiscentiam, vel fomitem, hæc S. Synodus fatetur, & sentit, quæ cum ad agonem relicta sit, nocere non consentientibus, & viriliter per gratiam Christi repugnantibus, non valet: & hæc concupiscentiam, quam aliquando peccatum Apostolus appellat, S. Synodus declarat, Ecclesiam Catholicam nunquam intellexisse, peccatum appellari, quod verè, & propriè in renatis peccatum sit, sed quia ex peccato est, & ad peccatum inclinat: si quis autem contrarium senserit, anathema sit. Hæc Concil. Fomes ergo, seu concupiscentia est radix peccati, non peccatum formaliter.

Ratio: Quia lex Dei (cujus jugum suave est) non obligat ad impossibile. Item, in naturalibus (seu in iis, quæ nobis non sunt libera) nec meremur, nec demeremur: Sed motus concupiscentiæ.



piſcentiæ omnem voluntatis conſenſum prævenientes vitare, eſt impoſſibile, & ſæpè proveniunt ex cauſis merè naturalibus, ut patet in quibuſdam motibus carnis. Ergo non ſunt formaliter peccata.

*Secunda pars*, de veniali, etiam colligitur ex verbis Tridentini citatis. Quia proſectò concupiſcentia noceret renatis non conſentientibus, ſi abſque nulla ratione voluntatis, ejuſque conſenſu formali, virtuali, ac interpretativo, in ſenſualitate eſſet libertas ſufficiens ad peccatum veniale. Unde S. Thom. hic qu. 74. a. 2. ad 1. clariffimè ait: *Non peccatur niſi voluntate, ſicut primo movente, aliis autem potentiis peccatur, ſicut ab ea motis.*

Ratio clarè colligitur ex eis, quæ ſuppoſui n. 41. ante R. Quia omne peccatum, etiam veniale, eſt in genere moris: Sed genus moris, juxta S. Th. ibi citatum, ibi incipit, ubi invenitur dominium voluntatis. Item patet, nullo modo poſſe eſſe peccatum, niſi fit voluntarium. Ergo.

Hæc Angelici Doctōris verba explicat Gonet. de motione voluntatis, non actuali, ſed ſaltem aptitudinali: ſeu de voluntate primo movente, non actu ſed potentia.

Contrà. Ultrò admiſſa in hac Gonetii explanatione, probò, quòd cum ea ſtet, voluntatem ſaltem interpretativè conſentire. Nam S. Doct. in 2. d. 24. qu. 3. a. 2. docet: *quòd motus præcedentes rationem ex eo ſunt peccata, quantum Ratio poteſt impedire, & debet*, quod Gonet non negat. *Subſumo*: Sed voluntas non poteſt (potentia nimirum proxima, de remota enim hic non eſt quæſtio, quia aliàs etiam motus primò primi eſſent peccata venialia) voluntas, inquam, non eſt potens motum ſenſualitatis reprimere ſine actu formali, vel interpretativo. Ergo non eſt peccatum, niſi adſit talis actus. Si enim voluntas motum aliquem poſſit cohibere, & teneatur, & non cohibet, interpretativè conſentit. Præſertim cum adſit aliqua intellectus advertentia, quæ negari nequit, cum voluntas non ſeratur in incognitum.

XLV. *Oppono* 1. S. Thom. hic a. 3. ad 1. attribuit appetitui ſenſitivo in nobis præ aliis animalibus quandam excellentiam. ſcilicet, quod natus eſt obedire rationi, & quantum ad hoc poteſt eſſe principium actus voluntarii, & per conſequens peccati. Et in ante dictis jam læpius in eo admiſſa fuit aliqua participatæ libertatis prærogativa. *Subſumo*: Sed potentia libera poteſt peccare. Ergo.

2. S. Thom. hic a. 4. expreſſè docet, in ſenſualitate poſſe eſſe peccatum veniale, non verò mortale: Sed ibi loquitur de appetitu ſenſitivo præciſè ſumpto. Ergo in eo, quà tali poteſt eſſe peccatum veniale. Prob. min. Quia dependenter à voluntatè poteſt in ſen-

ſualitate etiam eſſe peccatum mortale. Ergo.

3. Si Ratio vigilaret, poſſet omnes motus ſenſualitatis impedire. Ergo ſi non vigilet, nec impediatur, illi motus ſunt peccata.

Ad 1. R. S. Thomam appetitui illam excellentiam, & libertatis prærogativam quidem attribuire, dependenter tamen a voluntate, & influxu ejus. Unde libertas, quam cum S. Thom. in appetitu ſenſitivo admiſi, ut participatam ex conjunctione voluntatis, non eſt talis niſi in actu primo, quæ nequit exire in actum ſecundum, niſi ex conſenſu, ſeu licentia voluntatis, moventis, aut non prohibentis, vel negligentis, ſaltem interpretativa.

Ad 2. N. min. Ad prob. diſt. ant. Poteſt eſſe, ſi adſit advertentia rationis perfectæ, C. min. ſolum imperfectæ, N. min. & conſ. Vult ergo S. Th. quòd in ſenſualitate poſſit eſſe peccatum ſolum veniale, ſi adſit advertentia rationis ſolum imperfectæ, non tamen negat poſſe in ea eſſe mortale, ſi adſit advertentia rationis perfectæ.

Ad 3. diſt. conſ. Si ratio etiam ſemper poſſet vigilare, C. conſ. Cum non ſemper poſſit, N. conſ. Cum enim corpus, quòd corrumpitur, aggravet animam, & deprimat ſenſum multa cogitantem, impoſſibile in hac vita rationi eſt ſemper ita vigilare, ut nulli concupiſcentiæ motus inſurgant.

Plura de hac re dici poſſent, ac meritò deberent, ſed quia ad fines Philoſophicos accedendum foret, & ſpeculativa varia immiſcenda, præſtixum moralitatis ſcopum offendere nolens, omiſſis illis, pergo ad ea, quæ cum dictis connexionem habent. Unde

QUÆRO XVI. Motus ſenſualitatis primò primi, aut ſecundò primi, & delectatio moroſa quid ſunt? ſuntne peccata? præſertim conſenſus in eam?

XLVI. *Reſp.* 1. Motus inordinati ſenſualitatis, ſeu concupiſcentiæ ſunt triplices: Alii vocantur primò primi, ſic dicti, quia omnem rationis advertentiam præcedunt, & naturaliter (ſeu non liberè ſed quaſi ex ſeipſis) in appetitu ſenſitivo excitantur, ut ſunt lubitanei, & repentini motus iræ, vel carnis, &c. hi non ſunt peccata, nec mortalia, nec venialia.

Ratio. Quia nullo modo ſunt liberi. Ita probat ratio adducta pro 1. p. R. ad Q. 15.

Alii motus vocantur ſecundò primi, ſic dicti, quia ſunt cum aliquali, & ſemi-plena advertentia, ac deliberatione, ſuntque peccata venialia. *Ratio*. Quia ſunt imperfectè liberi, nec ſunt ex plena advertentia rationis.

Tandem alii vocantur plenè deliberati, quibus nimirum ex prævia plena rationis advertentia voluntas conſentit. Et hi ſi ſint circa

objectum illicitum, & lege Dei prohibitum in materia gravi, sunt peccata mortalia. *Ratio.* Quia peccata speciem, & gravitatem sumunt ab objecto, ut supra probatum est.

*Ratio 2.* Delectatio morosa est voluntaria, seu deliberata complacentia de objecto aliquo inhonesto, per cogitationem apprehenso, ut presente.

*Declaratur.* Dixi 1. *Voluntaria*, seu *deliberata*, ut insinuetur, dici morosam, non ob moram temporis, quo quis cogitationi immoratur, cum etiam in instanti contingere possit, sed propter morositatem, seu torporem, ac negligentiam voluntatis; quæ licet malitiam plenè advertat, possitque, ac deberet motum reprimere, morosè tamen ei inhaeret, in ea quæ sibi placeat: Dixi 2. *De objecto inhonesto*, seu re illicita, nam quoddè delectatio de cogitatione rei inhonestæ non sit semper peccatum, potest adicetur. Dixi 3. *Apprehenso ut presente*. Si enim delectatio, seu complacentia sit de re ut futura, seu opere malo, ut exequendo data occasione, est gravior, & distinctum peccatum, ut potè consensus in opus, potestque vocari delectatio operosa. Hinc delectatio morosa est simplex complacentia de re inhonestæ, ver. gr. de actu fornicationis, delectabiliter representato. Vocatur *simplex*, quia est sine efficaci desiderio operis.

XLVII. *Resp.* 3. De consensu cum S. Th. hic q. 74. a. 8. Consensus in delectationem præcisè de cogitatione rei illicitæ non est ex genere suo, seu secundum se peccatum mortale, sed vel veniale, vel aliquando nullum. Potest tamen aliundè, & ex accidente fieri mortale.

*Ratio 1. p.* Quia delectatio est talis in bonitate, vel malitia, quale est objectum, seu res, de qua est, quæ si sit quid mortale, est mortalis, si veniale, venialis. *Subsumo:* Sed cogitatio secundum se non est peccatum, vel objectum mortale, sed interdum veniale, ut si quis inutiliter de ea cogitet: interdum sine omni peccato, ut si quis utiliter cogitet de ea, v. gr. ad concionandum, ad disputandum, &c. Ergo.

*Secunda pars* constat ex casu; quo quis cum notabili periculo consensus in ipsum opus malum, talis cogitationi immoraretur (ut facile fieri potest in materia carnis propter objecti delectabilis vehementiam, & lubricam appetitus vitii propensionem) vel cum neglectu ejus, ad quod sub præcepto tenetur.

*Resp.* 4. Delectatio morosa (seu consensus in eam) de ipso opere illicito, est peccatum mortale, si opus sit tale, v. gr. fornicatio; est autem veniale, si opus sit tale, v. g. mendacium jocosum.

*Ratio* patet ex dictis, quia gravitas peccati sumitur ab objecto.

Not. tamen, quò delectatio de opere adhuc dupliciter possit fieri. 1. Ut sit de opere ipso, ut in se malum est, & sic semper est mala pro qualitate objecti. 2. Ut præcisè sit de modo aliquo artificioso, vel indifferente, ut si artificiosus modus ab alio in duello adhibitus alicui placeat, idè præcisè, ut eo possit uti in bello iusto, detestando injustum, & hoc nullum est peccatum. Vel, si quis rideat super ingeniosa furta alicujus, aut super gestus hominis ebrii, sine complacentia in ipsam ebrietatis, vel furti malitiam, non excedit veniale.

XLVIII. *Quomodo*, & ex quo potes scire, quò delecteris de sola cogitatione inhonestæ, & non de re ipsa?

*Dico.* Id colligo ex tribus. 1. Si homo reflexè advertat se habere complacentiam in sola cogitatione, & expressè ei displiceat inhonestas operis. 2. Si cogitatio rei illicitæ sit orta ex occasione licita, v. gr. ex opere medico, chirurgico, Casuum lectione, Confessionum audientia, &c. 3. Si modus delectabilis, & artificiosus, quem cernis in rebus turpibus te, non magis afficiat, quàm si esset in rebus piis, aut indifferenteribus.

XLIX. *Estne* omnis delectatio venerea extra matrimonium peccatum mortale, five sit appetitu sensitivo, five fiat in voluntate, ita ut ibi nulla detur parvitas materiæ.

*Affirmo: Ratio.* Delectatio sensualis venerea est voluptas orta in appetitu sensitivo ex commotione spirituum generationi servientium, quibus substantia feminis incallescens resolvitur: Sed hanc voluptatem, & resolutionem extra matrimonium querere, est intrinsecè malum, & pro objectorum diversitate est vel inchoata mollities, vel peccatum contra naturam, vel fornicatio, &c. Ergo. Deinde amor operis mortaliter mali, est peccatum mortale: Sed licet delectatio fiat in sola voluntate, est tamen amor operis mortaliter mali. Ergo est peccatum mortale.

*Quæ, & quantæ* advertentia requiritur, ut delectatio morosa sic peccatum. Idem quæro de quocunque alio peccato.

*L. Dico 1.* Deliberatio, seu advertentia est duplex. Una est plena, & perfecta, quæ adest, quando homo advertit, non solum ad operationem quoad entitatem naturalem ejus, v. g. ad esum carni, sed etiam ad ejus prohibitionem, ac malitiam, aut periculum transgressionis legis. Alia est imperfecta, quæ est tunc, quando homo non plenè advertit ad malitiam actus, & hæc reperitur in semidormientibus, somi-ebriis, aut magna passione obrutis, &c. qui inter bonum, & malum imperfectè discernunt.

*Dico 2.* Ut aliquid in individuo imputetur ad culpam mortalem, debet adfuisse plena, & perfecta deliberatio.

*Ratio.* Peccatum mortale est quid perfectum in genere mali moralis. Ergo etiam debet esse quid perfectum in genere actus humani, seu liberi. Item tollit amicitiam cum Deo, & facit hominem aeterno supplicio dignum. Ergo majorem requirit deliberationem quam peccatum veniale. Ergo perfectam.

Nota tamen, sufficere plenam advertentiam malitiæ in communi. Nam qui operatur in dubio, an opus sit mortale, vel veniale, mortaliter peccat, ut patet supra in Tract. de Conscientia, quia se exponit periculo peccandi mort. Pariter non excusatur, qui operatur cum inadvertentia affectiva, id est, cum quis potest, & tenetur advertere. Ut patet ex dictis supra de Ignorantia, Tract. 3. Exam. 1. nu. 23. & 24.

*Sed quid, si quis dubitet, an habuerit plenam advertentiam, aut fuerit plenè sui compos?*

*LI. Dico 3.* Si sit homo timoræ conscientie, potuissetque tentationem facile in opus deducere, id tamen non fecerit, sed pro viribus resistit, timens Dei offensam, soleatque quando tentationes oboriuntur, animum ad Deum convertere, anxietatem deponat, & censeat, se plenum consensum non dedisse.

**QUÆRO XVII.** Quæ est doctrina S. Tho. circa modum confitendi complacentiam peccati, cogitationes in bonas, & motus carnis?

*LI. Resp.* Angelicus Doctor in Opusculo 64. id explicat, cujus ipsissima hic refero verba.

*De complacentia habita in memoria peccati.*

Sciendum est, quòd quando cogitas de injuriis receptis, & in illa memoria turbaris intrà te cum aliqua mora, & appetis vindictam fieri, aut factam esse, aut dolere, quòd non fuit facta per te, aut per alium: aut imaginaris aliquid facere, aut aliquem motum tenere animo vindicativo, hæc omnia sunt confitenda, & alia quæcunque similia, si sentis in mente tua, ratione istius injuriæ. Si autem rememorando mala præterita, quæ fecisti, non haberes dolorem, sed potiùs delectationem in eis, & propter hanc delectationem facis moram ibidem, non credo expedire, quòd specifies ipsa peccata rememorata, si aliàs integrè confessus es ea, & si non habuisti aliud, quàm delectationem in mente, sufficit dicere: Mihi venerunt ad memoriam quædam vindictæ, vel injuriæ, quas feci, vel quædam peccata gravia, quæ commisi, de quibus non solum non habui dolorem in tali cogitatione, sed de ipsis cum multa complacentia cogitavi, & si aliud tibi occurrit in carne, vel in mente pro-

pter dictam complacentiam, quòd tibi videatur aggravare peccatum, ipsum etiam debes confiteri, v. g.

Si de peccato luxuriæ per te factò habuisti memoriam, & de hoc habuisti motum carnis, & poenitudinem, quia ipsum peccatum non fecisti pluries, vel cum pluribus: tunc enim debes sic dicere; Ex imaginatione, quam habui de quodam peccato luxuriæ habui motum carnis, & complacentiam in mente, & appetivi illum fecisse multoties, & cum multis personis, & sic non oportet te indicare Confessor, te jam fecisse illud peccatum, nisi fortè aliàs idem indicasses, & nisi pro majore humilitate, & merito velis ipsum ei similiter explicare. Si autem recordaris te habuisse opportunitatem faciendi aliquid peccatum, quòd non fecisti, & in illa recordatione non gaudes te evasisse illud peccatum, nec regratiaris Deo; qui custodivit te ab ipso, & absulit opportunitatem, & voluntatem faciendi ipsum, & omnia ista sunt plenius referenda. Videtur enim in hoc magna ingratitudo, & peccati commissio voluntaria. Sed si in prædicta recordatione peccatorum, & maxime carnalium, non posses vitare complacentiam, & motus carnis, dum velles ea studiosè recolere, causa te ipsum excitandi ad compunctionem, & dolorem, consulto tibi, quòd non ea specialiter recolas, nec etiam alia peccata, quæ non potes sine complacentia recolere; Sicut est vindicta facta per te, vel per alium de inimico tuo, aut damnum, aut mors ejus, quem occidisti.

Debes ergo omnia peccata tua, si vis confiteri generaliter sub duobus, scilicet superbia, & delectatione carnis, confitendo dicere sic: Corde meditando, & ore proferendo, dico meam culpam de superbia, quam habui contra Deum, & proximum, irascendo, invidendo, alios provocando, mundi gloriam appetendo, proximos judicando, Dei creaturam contemnendo, me ipsum bonum reputando, alios vilificando, de Dei operibus, ac iudiciis, & ejus permissionibus murmurando, bonas ejus inspirationes, & omnia beneficia negligendo, impetus vitiosos sectando, blasphemando, & nomen Dei in vanum proferendo, & linguam meam contra veritatem per mendaciationes, & simulationes, per duplicitates, & adulationes, per juramenta, & multa alia verba vitiosa taxando, otiosè, ac accidiosè vivendo, de me nimis confitendo, de fide dubitando, de occultis Dei operibus rationem præsumptuosè quærendo: plus, quàm oportet, sapere de Deo, & de proximo, & de sæculo scire cupiendo, gratiam Dei non humiliter affectando, dona Dei occulta temerariè propalando: non in veritate, sed in hypocrisi, & falsitate coram Deo,

Deo, & hominibus ambulando, & multa alia per superbiam mentaliter, & corporaliter exercendo. Hæc S.Thom. In cuius verbis

Notanda sunt illa, si aliud tibi occurrit, quod videtur aggravare peccatum, debes confiteri.

Resp. Dum dicit, quod non sit opus in confessione exprimere peccatum (de quo quis delectatur) fuisse se olim a se commissum, si jam sit ritè confessum, non tamen negat S.D. sed supponit, speciem peccati esse exprimendam. 2. Quod ponit casum de eo, qui in speciali, & distincta recognitione peccatorum, maxime carnalium, non possit vitare complacentiam, dicitque illi licere, a signato modo generalius confiteri: quod proinde non debet extendi ad quemcunque casum.

*De Cogitationibus inhonestis.*

LIII. S.Doctor ait: Plerique dubitant, si cogitationes inhonestæ sint exterius explicandæ. Credo, quod hoc facere sit puritatis, & perfectionis, & magni meriti, sed non credo esse necessitatis semper, nisi quando ex nimia mora facta in cogitatione illa homo sentiret se inclinari ad faciendum, & perficiendum cogitatum, si oportunitatem haberet, quam vellet: aut si pollueretur ex illa vehementi cogitatione morosa, aut si inordinatè afficeretur ad aliquam personam, & de ipsa multum molesteretur in cogitatione, habendo motus carnis, & imaginando aliquos actus impudicos cum ipsa persona. Hunc enim affectum inordinatum debes exprimere cum cogitationibus, & motibus carnis præcedentibus, dicendo affectum sic; Habui affectum sensualem, & inordinatum ad quandam mulierem, vel quandam juvenem talis conditionis, & hunc affectum concepi ex complacentia habita in aspectu, & colloctione, ac præsentia corporali ipsius. De ipso, vel de ipsa habui tot vicibus, ac multoties imaginationes turpes, respiciendo eam oculis corporeis, vel mentis faciem, vel aliam partem corporis ejus, & imaginando cum ipsa persona habere amplexus, & oscula, vel talem actum impudicum, & in his feci moram, per magnum spatium habendo motus carnis libidinosos. Et specialiter accidit mihi in oratione existendo, aut Missam dicendo, & semper fui negligens ad laborandum pro posse ad expellendum talia per propositum, propter nimiam delectationem, quam habebam: nec curavi, quantum potui refragare oculos ab aspectu illius personæ: quando habui præsentiam ejus. Quicunque igitur tales, & tali modo cogitationes, & affectus exprimeret vitiosos, ab eis citò liberaretur: dummodo cum tali confessione continuaret orationem, & custodiam sensuum, quia dæmon

non potest sustinere humilitatem puræ confessionis, cum sit superbus, & immundus, & omnis humilitatis, & munditiæ inimicus. Et ideo non est melior, & facilius modus ad evadendas tentationes superbiæ, & luxuriæ, quam omnes cogitationes vitiosas, cum suis circumstantiis concurrentibus in carne, vel in mente sæpè, & clarè detegere Confessori, & toties exprimere, quoties renovantur. Hæc ibi.

*De motibus carnis.*

LIV. Sic ait Angelicus. Sciendum est, quod motus in carne, qui non provenit ex cogitatione impudica abique voluntate, & sine causa, scilicet visus, vel auditus, sine aliqua causa extrinseca inhonestâ, sine dubio provenit ex nimia repletione prius facta in cibo, & potu. Quidam tamen putant, quod provenit ex nimia vigilia, quod potest esse, maxime, quando constat eis, quod non provenit eis ex aliqua causa prædicta. Et ideo oportet, hominibus esse parum in dicta quoad qualitatem, & quantitatem, quando de talibus molestatur contra voluntatem, & cum displicentia. Nam intrâ corpus oritur causa, quia secundum Hieron. corpus, & genitalia proxima sunt. Et hoc intelligo, quando non à causa exteriori, & tunc oportet cavere ipsum ab aspectibus, & colloctione, & ab approximatione personarum, in quarum præsentia sensit se sensualiter delectari: alioquin ille, qui videtur motus naturalis, fieret vitiosus: Et quamvis sit securum confiteri tales motus procedentes sine causa vitiosa, quorum intemperantia videtur causa, dum tamen per ipsos non turbetur amor, & desiderium puritatis in corde, corporalibus castitas non maculatur. Si verò procedunt à causa vitiosa, confitenda sunt, causæ, locus, & tempus, mora contracta in eis, & vices motuum: sicut supra de circumstantiis peccatorum dictum est. Non enim sufficit generaliter dicere culpam de motibus, sed debet dicere sic: Dum essem in Ecclesia, vel in oratione, vel dum audirem Missam, aut Prædicationem, cogitavi talem actum turpem, aut habui memoriam alicujus personæ, in cuius aspectu jam habui unam concupiscentiam, aut inordinatum amorem: aut apexi in Ecclesia talem personam cum complacentia impudica, cuius causa habui motus carnis impudicos toties, & per tantam moram. Et si dixisti illi aliqua verba gratiosa prolixè, aut fecisti aliquid servitium maritaliosè, ut scilicet haberes complacentiam libidinalem, & motus carnales per majorem moram, totum confiteri debes, maxime si verba non dixisses, aut servitium non fecisses sic prolixè, si de istius præsentia delectationem non habuisses. Hæc S.D.

QUÆ-

**QUÆRO XVIII.** Delectatio morosa estne ejusdem speciei cum opere externo? & quid, si fiat cum præcognitione objecti?

*LV. Resp. 1.* Indubitatum est, quod sic absolute interroganti, respondendum sit affirmative propter testimonium Christi Matth. 5. *Qui videt mulierem ad concupiscendam eam, jam macharus est eam in corde suo.*

*Ratio.* Quia actus sumit speciem ab objecto: Sed delectatio morosa, & actus externus habent idem obiectum. Ergo

*Resp. 2.* Certum etiam est, quod si quis delectationi suæ ex intentione præfigat qualitatem personæ, v.g. conjugatæ, vel religiosæ: vel sit circa bestiam, aut personam ejusdem sexus, peccatum fortiatur speciem adulterii, sacrilegii, sodomizæ, &c. & non præcisè simplicis fornicationis.

*Ratio* est, quæ antea.

*Resp. 4.* Idem est, si delectationi adjunctus sit consensus in opus, nimirum tunc indubitatè esse ejusdem speciei cum opere externo.

*Ratio.* Consensus pro suo objecto specificativo respicit ipsum opus ut est, vel erit a parte rei, spectatum cum omnibus circumstantiis invincibiliter non ignoratis. Ergo habet illas, & tot species malitiæ, quot & quas habet opus externum.

*LVI. Resp. 5.* Delectatio morosa venerea circa personam conjugatam, consanguineam, religiosam, absque consensu in opus, & sine formali oblatione de qualitate personæ (ut potè quam tibi imaginari præcisè sub ratione fœminæ pulchræ) non contrahit solum partem malitiæ, scilicet simplicis fornicationis, sed contrahit eandem, & totam speciem malitiæ, quæ esset in ipso opere, si id fieret, nimirum adulterii, vel incestus, sacrilegii, &c. quæ circumstantiæ proinde omnes in confessione sunt exprimendæ.

Hæc Sententia est contra nonnullos intrâ, & extra scbolam S. Thomæ, est tamentum, & probabilior propter auctoritatem, & rationem S. Doctoris hic q. 74. ar. 8. ad 4. dicentis. *Delectatio, quæ habet actum exteriorum pro obiecto, non potest esse absque complacentia exterioris actus secundum se, etiam si non statuat implendum.* Et qu. 15. de verit. ar. 5. banc sententiam sic probat: Non sola voluntas operis, sed etiam delectatio de opere sequitur naturam ipsius operis, quod est finis intrinsecus ipsius, delectationes quippe sunt propter operationes. Ergo

Not. quod dicitur hic de morosa delectatione, idem dicendum est de impuris tactibus, osculis, amplexibus, &c.

*Ratio, & declaratio* hujus sententiæ est, quæ simul excludit fundamentum Adversariorum. Licet verum sit, quod delectatio sumat speciem ab objecto, non quomodocunque, sed

ut apprehenso, & cognito, possit autem persona conjugata, aut religiosa apprehendi, ut scemina pulchra, præciscendo à statu conjugii, vel voti, eo ipso tamen, quod oblectans cognoscat illas circumstantias, aut invincibiliter non ignoret, & eligat magis de venero opere, cum persona talibus circumstantiis à se cognitis affecta delectari, quàm affectum retrahere, eo ipso, inquam, tales circumstantiæ implicite, & interpretativè sunt volitæ, & in objecto formali contentæ. *Subsumo:* Sed ad peccatum mort. sufficit advertentia (idem est de consensu) interpretativa, ab aliis dicta virtualis, in co sita, quod licet quis actualiter malitiam non advertat, possit tamen, & teneatur advertere. Ergo. Min. prob. Tum quia in moralibus interpretativum æquivallet formali, tum etiam, quia juxta Theologos aliqua peccata dicuntur fieri ex certa malitia, & aliqua ex passione, aut ignorantia: Sed si ad peccatum mort. non sufficeret advertentia interpretativa, sed virtualis, omnia peccata fierent ex malitia, quia fierent ex certa scientia, & expressa malitiæ advertentia. Ergo

*Sed dic.* quando censetur quis posse advertere, & cum non advertat, habere advertentiam interpretativam?

*LVII. Dic.* Tunc, quando habet judicium expeditum, & non (instar amentium, ebriorum, aut vehementi passione laborantium) absorptum, seu alligatum, ita ut advertat se habere reflexionem supra seipsum, & interrogatus mox posset respondere de re, quæ cogitat.

*Oppos.* Dixisti antea, posse hominem sine peccato, saltem gravi, delectari de duello (idem est de furto) ut ingenioso, licet non ut injusto. Idem est de verbis, & joci, quæ facitis, non ut impuris. Cur non à pari de persona sacra, non quæ tali, sed ut pulchra?

*Disparitas* patet ex S. Thom. ante adducto, quia delectatio de opere sequitur naturam operis, & opus à circumstantiis personæ non præciscit: ast in exemplis objectis delectatio non est de opere, sed de modo operis, qui tantum per accidens materiæ inhonestæ conjungitur, cum in rebus etiam bonis reperiri possit.

**QUÆRO XIX.** Quid sentis de illis, qui oblectantur prohibitis, sub conditione si non essent prohibita? & in specie quid de actu, si hæc esset mea uxor, accederem ad eam? Quid de vidua, sponso, vel conjugato, se oblectante circa copulam habitam, vel futuram?

*LVIII. Respondet 1.* Qui de objecto malo delectatur sub conditione, quæ malitiam operis non aufert, nec adferre potest, uti nequit in actibus intrinsecè malis, nec ulla circumstantia coonestabilibus, ut sunt, fornicatio, mendacium, &c. v.g. dicit quis, vellem fornicari,

cari, mentiri, &c. si non esset peccatum, probabilius peccat juxta objecti gravitatem, nimium mortaliter, si illud est tale.

*Ratio.* Actus illi sunt intrinsecè mali, nec potest (saltem prædicè) malitia ab eis præscindi. Ergo conditio velut impossibilis habetur pro non adjecta. Ergo.

*Resp. 3.* Loquendo de illis, quæ non sunt intrinsecè mala, nec prohibita quia mala, sed mala, quia prohibita, uti est v. gr. comestio carni die Veneris, & similia, à quibus (ut loquuntur DD.) conditio malitiam auferre potest: item loquendo de eo, qui cum delectatione eliceret hunc actum: Si hæc esset mea uxor accederem ad eam, secus non. De his, inquam, loquendo probabilior mihi videtur sententia Cajetani (dum agit de illo conditionato actu uxorio) distinguentis inter desiderium delectationis, & delectationem ipsam. Sub qua distinctione teneo, quod licet quis licetè possit desiderare in præfatis delectari (quamvis ut plurimum sit actus vanus, & venialiter malus) sua illa conditione, ipsa tamen voluntaria delectatio sit mortalis juxta qualitatem objecti.

*Ratio.* Quia desiderium potest fieri cum conditione super opus, delectatio tamen voluntaria, quam quis in præfati de tali opere accipit, non fertur cum sed sine conditione. Ergo est de re illicita, & peccatum.

*Declarat hoc Barthol. Medina* observando, quod cum aliquis desiderat actum conjugii conditionaliter cum aliqua, id est, si esset sua, non peccat, quoniam tale desiderium habet objectum rationi consentaneum: Sed cum delectatur quis de hujusmodi actu conditionato cogitato, delectatio ipsa non spectat ad objectum desideratum, & cogitatum, quatenus est conditionale, ac per hoc redit ad naturam sui generis, scilicet delectationis morosæ de illicito concubitu, ac si illa conditio non esset cogitata. Vide Not. pro R. 5.

*Subdit.* Et quod hæc doctrina sit ex necessitate amplectenda, vel ex hoc demonstratur, quia aliquo omnia repleverunt libidinibus, & delectationibus: nam & Religiosus possit habere istas delectationes, & Monachus in istis delectationibus conditionalibus occupari. Ita ille. Quod ipsum etiam applicari potest ad alios actus conditionales, quorum fit mentio in R. 2. De quibus videatur *Ratio*, & declaratio data pro R. 5. ad Q. 18.

Nec est eadem ratio sicut de eo, qui sperat se habiturum puellam in uxorem, is enim habet pro objecto actum bonum, scilicet conjugii, & absolute, non sub conditione futurum: hic autem, qui delectatur de actu cogitato cum aliqua, si esset sua uxor, habet pro objecto actum malum, scilicet non conjugii, cum de

facto sine conditione de illo delectetur, sicque actus ille sit actus fornicationis, ut ait præfatus Auctor.

*LIX. Resp. 3.* Sividuus, vidua, sponsus, aut sponsa, delectatione præcisè rationali, id est, non secuto, vel intento ullo motu carnis, seu concupiscentiæ sensualis, gaudent de legitimo actu matrimoniali, formaliter ut præterito, aut futuro, eumque approbent propter bonum aliquem effectum, v. gr. ad liberos honestè procreatos, aut procreandos, hæreditatem adeptam, vel adipiscendam, si nullatenus eum sibi imaginentur ut præsentem, non peccant.

*Ratio.* Quia objectum talis complacentiæ non est malum, nec per se excitat motus libidinosos, seu carnis. Si tamen periculum pollutionis adesset, peccarent mortaliter ex hoc accidente.

*Resp. 4.* Prædicti graviter peccant, si copulam sibi imaginentur ut præsentem, & ex ejus, ut præfatis imaginatione se delectent sensualiter, excitando in se voluptatem carnalem, id est motus carnis, appetitus sensitivi, seu sensualitatis.

*Ratio.* Talia non licent, nisi ad actum conjugii legitime consummandum, qui actus tali viduæ, aut sponso, vel impossibilis, vel illicitus est, ut patet. Ergo.

*Resp. 5.* Si prædicti, sponsus, aut vidua, delectarent se in copula imaginata ut præfatis, delectatione ut silente in appetitu rationali, id est, in voluntate, & non redundante in appetitum sensitivum, tamen peccarent juxta probabilior sententiam.

*Ratio.* Illa rationalis delectatio de copula, ut præfatis per se est causa impurorum motuum carnis. Ergo.

Nota, hanc distinctionem esse etiam adhibendam circa illum actum uxorio conditionatum, de quo in R. 2.

*IX. Resp. 6.* Loquendo de conjugatis, certum est primo, quod mortaliter peccant, si in actu conjugii delectabiliter sibi imaginentur aliam personam, quasi cum ea rem haberent.

*Ratio.* Quia objectum talis delectationis reputat rectæ rationi.

Certum est 2. eos mortaliter peccare, si in absentia comparsis de copula maritali se oblectent cum periculo pollutionis. *Ratio* patet infra Tract. 5. Exam. 2. num. 50.

Verum difficultas est, casu quo desit hoc periculum. Docent quidem aliqui DD. quod conjuges in absentia comparsis carnaliter erga compartem absentem se oblectantes, venereos motus excitando, possint excusari ratione statuti matrimonialis. Tutor tamen, & probabilior est sententia nostri Sylvestri, & aliorum asserentium, quod graviter peccent. Præsertim quia & Doctores oppositæ sententiæ valde timide



midè illi adhærent: fatentur enim, non satis liquere, quòd matrimonium delectationes carnales, ulum matrimonii non concomitantes, nec ad eum disponentes, à mortali excuset.

*Ratio* patet ex his modò dictis. Nam conjugatis non licet quocunque modo frui delectationibus carnis, nisi in quantum sunt præambula, vel dispositiones corporis ad actum inde consummandum, vel eum comitantur. Sicut nec eis licet solitariè per tactus impudicos excitare tales delectationes. Ergo nec licet eis per cogitatum copulæ habitæ, habendæ, aut imaginariæ præsentis delectationes carnales commovere, eisve indulgere, cum & istæ nec disponent ad usum matrimonii, nec eum comitentur.

**LXI.** *Quid censet* de illis, qui sub specie spiritualis mortificationis faciunt mulieres coram se nudari, ut eas discipulent?

*Dico* cum Sylvestro. Non est dubium, eos mortaliter peccare, si libido principaliter sit in causa. Idem est, si id faciant ex curiositate venustatis videndi: immò licet faciant ex stulta intentione mortificandi, nequeunt excusari à mortali.

*Ratio.* Quia est contra naturalem honestatem, fitque cum periculo lapsus, & scandalum.

**QUÆRO XX.** Ut delectatio morosa, & carnis tentatio homini non imputetur ad culpam, saltem mortalem, quam resistendam, & quæ media teneatur adhibere?

**LXII. Resp. 1.** Quia motus carnis, quos advertit, habet se merè negativè, ac permissivè, eos positivè, nec approbans, nec positivè improbens, nec ullam, simplicem quidem, internam animi displicentiam iis opponens, peccat mortaliter.

*Ratio.* Quia exponit se probabili periculo consensus, qui autem amat periculum, peribit in illo Eccles. 3.

*Resp. 2.* Si desit periculum consensus, non tenetur homo adhibere media extraordinaria, ac difficilia, ut si sunt jejunia, cilicia, flagella corporis, &c. nec tenetur desistere, si sit in occupatione aliqua honesta, vel sibi utili, v.g. studio casuum, concionis, opere artis medicæ, vel chirurgicæ, si exinde tentationes insurgant, modò alia in sequenti R. assignanda media opponat, etsi in effectu non coerceat, dum modò couetur.

*Ratio.* Quia tunc desit ratio voluntarii.

*Resp. 3.* Qui absque rationabili causa, v.g. studii, vel operis chirurgici, ex sola sui animi, & constanti concupiscentia, motus carnis ex naturali proclivitate exortos, dum eos plenè advertit, non conatur reprimere, sed quasi contempnit, & negligètim permittit, nec adhibet remedia saltem ordinaria, v.g. animum, ac phantasiam applicando ad alia, nimirum, vel ad preces, vel ad studia, ad alios discursus de novellis, de historiis: vel se applicando cuidam honesto luvui, labori manuali, &c. talis, inquam, pec-

cat mortaliter. Quæ media, scilicet eorum aliquod, vel aliqua, præter internam simplicem displicentiam, sub mortali sunt adhibenda. Hæc sententia est tutior, & probabilior, habet tamen diversos Adversarios.

*Ratio.* Suprà probatum est, quòd ad peccatum mortale sufficit consensus interpretativus: Sed homo morosam delectationem, aut carnis tentationem plenè advertens, & nullum ex mediis saltem ordinariis opponens, interpretativè in eam consentit. Ergo mort. peccat. Min. prob. Qui delectationem, vel tentationem reprimere potest, & tenetur, & non reprimat, interpretativè ei consentit, ut patet: Sed homo, de quo est sermo, potest eam reprimere, ut supponitur, & tenetur: quod prob. Ratio habet naturalem obligationem impediendi inordinatas inclinationes potentiarum inferiorum sibi subditarum, & hoc idè, quia Natura eam constituit ad illas regendas, in quo regimine si deficiat, peccat, cum regere possit: *Subsumo:* Sed delectatio venerea habet gravem inordinationem, ac deformitatem, ut patet ex dictis. Ergo.

Nec est, quòd Adversarii fugiant ad simplicem displicentiam, putantes eam sufficere ad excusandum à peccato. Non, inquam, per hoc se salvant. Quia ut suprà Traç. 3. Exam. t. n. 13. ostensum est, simplex displicentia non tollit voluntarium absolutum. Cujus exemplum ibi datum est in mercatore, ex metu naufragii impotente merces in mare. Ergo cum illa manet delectatio morosa interpretativè voluntaria, nisi etiam alia adhibeantur media.

**QUÆRO XXI.** Quæ sunt causæ delectationis venereæ, quas homo tenetur vitare? & in quibus motus impuri solent prævideri, aut excitari?

**LXIII. Resp. 1.** Aliquæ causæ sunt honestæ, utiles, necessariæ, v.g. studium pro disputatione, vel concione de luxuria, confessionum audientia, curatio corporum circa partes pudendas: ex quibus adibus sequi potest carnis tentatio, erectio virgæ, morosa delectatio, pollutio, &c. Adeandem causam refertur earundem partium purgatio à sordibus. Has ergo causas non tenetur homo vitare, seculo periculo consensus.

*Ratio t.* Tunc illi motus obsceni, nec directe (ut supponitur) sunt voluntarii, nec indirectè. Quod prob. Voluntarium indirectum, & interpretativum est, cum non facio, vel non impedio, quod præter posse etiam teneor facere, vel impedire: Sed habens justam, & rationabilem causam ponendi adus præfatos (ex quibus motus inordinati carnis conflunt.) non tenetur eos non ponere. Ergo.

*Ratio.* Effectus, qui per accidens, & præter intentionem sequitur, non imputatur ei, qui prosequitur suum jus: Sed homo distans adiones



nes exercens prosequitur suum jus, & effectus sequitur præter intentionem, nec actio illa est causa proxima, & notabiliter, ac per se influens. Ergo non tenetur desistere, si advertat impuros motus exinde confluere.

*Dixi. Secluso periculo consensus*, putà proximo; de quo quid sentiendum, dicitur Tract. 5. Exam. 2. nu. 50.

*Resp. 2.* Alię sunt causę indifferentes, ut equitare, se balneare, comedere calida, jacere in molli lecto, certo situ uti in eo, &c. & de his est eadem ratio, quę de prioribus. Præsertim si qua in eis sit occasio peccati, solum est remota, quę quamdiu manet talis, non est necessariò vitanda, ut dicitur infra loco mox citato.

*Resp. 3.* Alię sunt causę peccaminosę, vel mortales, vel veniales, intrā, vel extra genus luxurię. Harum aliquę sunt proximę, & per se influentes, v.g. voluntariè impure cogitationes, tactus, oscula, aspectus libidinosi, id est, animo impuro, seu venereę delectationis captandę gratia facti, qui semper sunt peccata mortalia. Idem est de aspectu propriorum verendorum. Tandem alię sunt causę remotę, & per accidens, v.gr. liberior potus, &c. Ex his, qui exercet actionem ex natura sua turpem, & mortaliter culpabilem in genere luxurię, in eaque prævidet vel pollutionem, vel motum lascivum, peccat mortaliter peccato mollietiei. Et ita est de pollutione, sive in vigilia, sive in somno secuta ad prævios obscenostatus, aspectus, cogitationes, &c.

*Ratio.* Qui est causa causę per se, est etiam causa causati: Sed talis actio est causa per se motus libidinosi. Ergo qui, &c.

*Resp. 4.* Si motus obscenus, aut pollutio præter intentionem sequatur, aut prævideatur ex causa solum remota, & quę est extra genus luxurię, v.g. ex liberiore potu, motus ille non est grave peccatum, licet illa actio, ex qua sequitur, ut voluntaria inebriatio, aliundē sit mortalis.

*Ratio.* Non est gravis obligatio vitandi omnes causas remotas, & per accidens tales, respectu alicujus effectus, vel actus prohibiti, nisi sit periculum consensus, præsertim si talis effectus non sequatur ex vitata causā: Sed impuri motus carnis, vel pollutio sequuntur in casu posito magis ex naturę inhritate, ac proclivitate, quàm ex tali causa remota, v.g. liberiore potu. Ergo.

Not. quoddē peccato veniali nec Adversarii dubitent, adeoque consiliosissimum est, pro possibili vitare omnes causas etiam remotas motus libidinosi.

*Oppono.* Ad voluntarium interpretativum in causa sufficit, quoddē effectus prævideatur in causa, quam homo potest, & tenetur vitare: Sed ebrietatem, v.g. homo tenetur vi-

tare. Ergo motus venereus in ea prævisus fit interpretativè voluntarius.

*Ad hoc diss. maj.* In causa; quam vitare tenetur, debito proveniente ex præcepto, quo talis effectus prohibetur, C. maj. aliundē, N. maj. Sed tenetur vitare ebrietatem, ex distincto præcepto, nimirum sobrietatis, C. min. ex præcepto castitatis, N. min. & conf. Ebrietas ergo vitanda est ex præcepto sobrietatis, præceptum verò castitatis causas remotas venereę commotionis non prohibet. Ergo illa non fit interpretativè voluntaria.

LXIV. Ex hæcenus dictis constat, an excusentur, aut quàm graviter peccent, qui legunt, cantant, vel audiunt impuras cantilenas. Qui legunt, vel legi audiunt libros amorum, vel gestorum lascivorum, Ovidii, Martialis, Catulli, Tibulli, &c. nisi sint purgati à locis incentivis ad libidinem. Qui aspiciunt, vel aspicere affectant secretiora scemina, vel viri, &c.

QUÆRO XXII. Peccatum habetne causam; & quam?

Ante R. Not. de causa subjectiva peccati sufficienter actum esse in hoc Exam. ad Q. 14. nu. 41. Item, quoddē Deus non sit causa efficiens peccati, patet ex dictis circa Q. 4. dum egimus de constituto peccati.

LXV. Peccatum habet causam, & quidem etiam per se, si sumatur pro materiali, seu pro actu: per accidens verò, si sumatur pro ipsa inordinatione, deformitate, seu carentia rectitudinis: quam suprà diximus esse formale peccati. Ita S. Thom. hic q. 65. art. 1. in c. dicens. *Peccatum est quidam actus inordinatus, ex parte igitur actus potest habere per se causam, sicut & quilibet alius actus; ex parte autem inordinationis habet causam eo modo, quo negatio, vel privatio potest habere causam.*

*Declarat hoc subdens;* Negationis alicujus potest duplex causa assignari. Primò quidem defectus causę affirmationis, id est, ipsius causę negatio est causa negationis secundum se ipsam, ad remotionem enim causę sequitur remotio effectus, sicut obscuritatis causa est absentia Solis. Alio modo causa affirmationis, ad quam sequitur negatio, est per accidens causa negationis consequentis: sicut ignis causando calorem ex principali intentione, consequenter causat privationem frigiditatis, quorum primum potest sufficere ad simplicem negationem. Sed cum inordinatio peccati, & quodlibet malum non sit simplex negatio, sed privatio ejus, quod aliiquid natum est, & debet, nunquam abesse, nisi propter causam aliquam impediendam. Et secundum hoc conluevit dici, quoddē malum, quod in quada-

dam privatione consistit, habet causam deficientem, vel agentem per accidens: omnis autem causa per accidens reducitur ad causam per se. Cum igitur peccatum ex parte inordinationis habeat causam agentem per accidens, ex parte autem actus habeat causam agentem per se, sequitur, quod inordinatio peccati consequatur ex ipsa causa actus. Hæc S.D. Vide suprà in hoc Exam. nu. 26. ad 2. ubi inordinationem, aversionem, & carentiam distincti in contrariam (quæ est formale peccati) & in privativam.

LXVI. Prima causa peccati non est Deus aliquis malus, uti fingebant Manichæi, statuantes duos Deos: unum summum bonum, à quo omnia bona, & unum malum, malorum omnium causam.

*Ratio.* Quia nulla datur natura per se mala, ut dictum est suprà num. 24. Et certè talis Deus est merum figmentum, estque hic error dudum confutatus à S. Augustino.

LXVII. *Resp. 3.* Causa peccati est solum nostrum liberum arbitrium, in eo sensu, quem dat S. Thom. verbis adductis subdens: *Voluntas carens directione regula rationis, & legis divina, intendens aliquod bonum commutabile, causat quidem actum peccati per se, sed inordinationem actus per accidens, & præter intentionem; provenit enim defectus ordinis in actu ex defectu directionis in voluntate.*

*Prima pars* patet ex S. Thoma adducto in hoc Exam. Q. 1. 5. pro 2. p. R. n. 44. Et *Ratio utriusque partis est.* Tum quia peccatum, cum sit defectus, petit causam defectuosam, talis autem est nostra voluntas in sensu prædicto. Tum etiam, quia ut habet commune axioma, *nemo intendens malum operatur*, sed semper intendit aliquod bonum, si non realiter, saltem apparenter tale. Ergo malum ut malum consequitur per accidens, seu præter intentionem peccantis.

Not. hoc etiam verum esse de eo, qui peccat ex certa malitia, nam & is non vult peccatum præcisè sub ratione mali, sed quatenus in eo percipit aliquam delectationem, iudicans legis transgressionem sibi ratione consuetudinis (quæ dicitur altera natura) esse suavem, per eamque jugum Dei quodammodo excuti, se quasi independentem esse, &c. & in hoc differt à peccante ex infirmitate, cuius iudicio peccatum apparet esse bonum, non ut est transgressivum Legis, sed ut est fativum passionis prædominantis, cui ex infirmitate succumbit. Idem verum est de diabolo, nam & ille non vult peccatum sub ratione mali, & ut formaliter est injuria Dei, sed prout per illud sumit vindictam de Deo, in qua habet delectationem, ut bonum apparet.

LXVIII. *Resp. 4.* Non solum in peccato commissionis (de quo ante) sed & in peccato omis-

sionis voluntas per se, & directè est causa aliquis actus, ex quo omisso sequitur: ipsius autem omissionis ut peccaminosæ pariter est causa per accidens.

Constat tum à pari ex dictis, tum vel maxime ex illa difficultate, an omisso, ut sit voluntaria, & moralis, necessariò requiratur aliquem actum per se, & directè à voluntate volitum, v. gr. lusum, ambulationem, &c. tanquam occasionem sui, & causam per accidens? pro cuius decisione.

*Resp. 6.* Quamvis omisso, ut sit voluntaria, considerata secundum speciem, seu essentiam suam, & ut se habet per modum operis, se potius non operis, non requirit actum vel interiorum, sive exteriorum sui in specie constitutum. 2. Considerata tamen in individuo, seu in exercitio, & ex parte operantis, ut sit voluntaria, libera, & humana, necessariò, & indispensabiliter requirit actum concomitantem ad junctum, velut sui causam, & occasionem.

Hæc distinctio conciliat duo loca S. Thomæ, in quorum uno, scilicet r. 2. q. 6. ar. 3. docet voluntarium posse esse sine omni actu: in altero autem nimirum q. 71. ar. 5. docet, voluntarium non posse esse abique omni actu.

*Ratio 1. p.* Intelligibile est, quod negatio, vel privatio pro suo specifico constituto peccat aliquid positum: quia egrederetur limites naturæ, vel essentiae suæ, nec maneret negatio.

*Ratio 2. p.* Nulla potentia potest ferri extra sphaeram sui objecti, ut unanimiter docent Philosophi, & Theologi, & patet experientia, cum nec visus sonum, nec auditus percipere possit colore: intelligitur autem de sphaera objecti adæquati, seu intensivi, & extensivi. *Subsumo:* Sed si voluntas posset voluntariè, & liberè omittere sine omni alio actu concomitante, directè volito, omissionem occasionante, tunc voluntas ferretur extra sphaeram sui objecti adæquati. Ergo. Min. prob. Obiectum adæquatum voluntatis est bonum, & finis: Sed voluntas nequit ferri in bonum, & finem, nisi ratione alicujus actus. Ergo si feratur in aliquid sine actu, fertur extra objecti sui sphaeram. Min. prob. Causalitas finis est appeti: Sed non datur appeti sine appetere, quod est actus voluntatis. Ergo. Min. est vera. Et ergo nequit actus liber, auditio Missæ, suspensio, seu omitti sine alio actu libero suspendente, indeterminate sumpto, quiscunque demum ille fuerit, v. g. actus ludendi, gaudiendi, bibendi, venandi, volendi otari, dormire, cogitationes aliò divertere, &c. qui actus sit à voluntate directè volitus, & ratione ejus, sive in illo, velut in causa, aut occasione, sit indirectè volita omisso v. g. Missæ.

Ex quo Colligitur, hic solum esse sermonem

nem de voluntario indirecto, volito in alio (de quo supra) Certum enim est, quod voluntarium directum, cum à voluntate, ut ab agente, procedat, sine omni actu esse nequeat.

*Oppono contra 2. p. R. 5.* Libertas contradictionis (quæ etiam in voluntate nostra datur) versatur inter duos terminos, quorum unus est negativus, alter positivus, scilicet agere, & non agere; in quod differt à libertate contrarietatis, quæ versatur inter duos extrema opposita positiva, nimirum inter bonum, & malum, amorem, & odium. *Subsumo:* Sed si voluntas nostra non posset liberè omittere sine omni actu, sed tantum ratione alicujus actus, non haberet unum terminum negativum, sed semper utrumque positivum. Ergo.

*Ad hoc dist. maj.* Si prædicti termini considerentur formaliter, & immediatè, C. maj. Si spectentur præsuppositivè, causaliter, vel occasionaliter, N. maj. & sic dist. min. N. conf. Libertas ergo contradictionis specificatur à terminis formaliter, & secundum essentiam, ac speciem suam sumptis, & sic habet unum terminum positivum, & alterum negativum. Cum quosq. quod ad hanc libertatem adæquatè exercendam requirantur duo termini positivi, unus secundum essentiam, alter occasionaliter: sicut è contra libertas contrarietatis essentialiter petit utrumque terminum positivum. Eodem modo solvitur illud, quod solet opponi de differentia inter præcepta negativa, & affirmativa. Vide supra Q. 6. n. 31. an ille actus, si de se sit indifferens, vel ex objecto bonus, ex eo, quod est causa omissionis culpabilis, fiat malus.

**QUÆROXXIII.** Daturne causa interna, & externa peccati, & quæ est illa? an & diabolus, & quomodo?

**LXIX. Resp. 1.** cum S. Thom. q. 65. a. 2. Intellectus, & voluntas sunt causæ interiores actus peccati immediatæ, mediæ verò interiores, sunt imaginatio, seu apprehensio, & appetitus sensitivus.

*Declarat hoc S. D.* Sicut dictum est, per se causam peccati oportet accipere ex parte ipsius actus, actus autem humani potest accipi causa interior, & mediata, & immediata. Immediata quidem causa humani actus est Ratio, & Voluntas, secundum quam homo est liber arbitrio, causa autem remota est apprehensio sensitivæ partis, & etiam appetitus sensitivus. Sicut enim ex judicio rationis voluntas movetur ad aliquid secundum rationem, ita etiam ex apprehensione sensus appetitus sensitivus in aliquid inclinatur, quæ quidem inclinatio interdum trahit voluntatem, & rationem. Sic igitur duplex causa peccati interior potest assignari, una proxima, ex parte rationis, & voluntatis: alia verò remota, ex parte imaginationis, vel appetitus sensitivi. Sed quia supra dictum est, quod causa peccati est aliquid bonum apparens, mo-

tivum cum defectu debiti motivi, scilicet regulæ rationis, vel legis divinæ, ipsum motivum, quod est apparens bonum, pertinet ad apprehensionem sensus, & appetitum: ipsa autem absentia debite regulæ pertinet ad rationem, quæ nata est hujusmodi regulam considerare; sed ipsa perfectio voluntarii actus peccati pertinet ad voluntatem, ita quod ipse voluntatis actus præmissis suppositis jam est quoddam peccatum. Hæc S. Thomas.

Not. ex dicto Medina, quod intellectus, & voluntas non dicantur causæ immediatæ peccati, ex eo, quod primò ad peccatum concurrant, sed dicuntur causæ peccati immediatæ, quoniam peccatum in illis immediatè consistit: peccatum enim non est, nisi voluntas liberè consentiat; estque ipsa sola causa peccati quoad exercitium, intellectus verò, sensus, & appetitus solum proponunt obiectum pulchrum, & elegans, ac determinant quoad specificationem.

*Resp. 2.* cum S. Thom. ibid. a. 3. Potest aliquid exterius (ut homo, vel dæmon peccatum persuadens, & exteriora bona, appetitum sensitivum moventia) esse causa peccati, non tamen ad peccandum sufficienter inducens.

*Declarat hoc S. D.* Sicut dictum est, causa interior peccati est Voluntas, ut perficiens actum peccati; & Ratio, quantum ad carentiam debite regulæ, & appetitus sensitivus inclinans. Sic ergo aliquid extrinsecum tripliciter potest esse causa peccati, vel quia moveret immediatè ipsam voluntatem, vel quia moveret rationem, vel quia moveret appetitum sensitivum. Voluntatem autem interiùs movere non potest, nisi Deus, qui non potest esse causa peccati. Underelinquitur, quod nihil exterius potest esse causa peccati, nisi vel in quantum movet rationem, sicut homo, vel dæmon persuadens peccatum: vel sicut movens appetitum sensitivum, sicut aliqua sensibilia exteriora movent appetitum sensitivum. Sed neque persuasio exterior in rebus agendis ex necessitate movet rationem, neque etiam res exterius propositæ ex necessitate movent appetitum sensitivum, nisi fortè aliquo modo dispositum, & tamen etiam appetitus sensitivus non ex necessitate movet rationem, & voluntatem. Unde aliquid exterius potest esse aliqua causa movens ad peccandum, non tamen sufficienter inducens, sed causa sufficienter complens peccatum est sola voluntas. Ita S. D.

*Respondet 2.* Diabolus non potest directè, vel sufficienter homini esse causa peccandi, cum ad id necessitando. Ita S. D. qu. 80. art. 1.

*Ratio S. D.* Quia diabolus eatenus solum potest esse causa peccati, quatenus appetibile aliquid sensui proponit, vel rationi persuadere

dere nititur; nec potest liberam hominis voluntatem necessitare. Quia motio per modum suadentis, & obiectum solum proponens non tollit indiffereniam iudicii, adeoque nec libertatem voluntatis.

*Resp. 4.* Diabolus potest inducere ad peccatum, hominem interius intligendo, imaginarias quasdam formas offerendo, & in appetitu sensitivo passionem concitando, suadendo, argumentando perorando, &c. Ita patet ex S. Tho. q. 80. ar. 2.

*Ratio ibid.* Natura corporalis spiritali naturaliter obedit, quoad motum localem. Ergo diabolus omnia illa causare potest, quæ ex motu locali corporum inferiorum provenire possunt, nisi virtute divina reprimatur. *Subsumo:* Sed, quod aliquæ formæ repræsententur imaginationi, quod passimata turben- tur, & moveantur, quod passionem (in quibus homo affectus, & illeclus iudicat revera bonum, quod non est, quia amans facile persuasionem inclinatur erga amatum) excitentur, hoc quandoque sequitur ad motum localem. Ergo. Min. prob. Philosophus in lib. de somniis, c. 3. textu 2. docet, quod cum animal dormierit, descendente plurimo sanguine ad principium sensitivum, simul descendunt motus, sive impressiones relicte ex sensibilibus motionibus, quæ in sensibilibus speciebus conservantur, & movet principium apprehensivum, ita quod appareat, ac si tunc principium sensitivum a rebus ipsis exterioribus immutaretur. Ergo.

Ex his colligit Confessarius, quid iudicare debeat de mulierculis asserentibus se miras, immò divinas habere visiones, quæ ex dæmonum illusione causantur, & ex spirituum, humorumque commotione, dum vigilantes rem tam vehementer apprehendunt, ut videatur ipsis agi coram oculis: nec est impossibile, vigilantem pati idem, quod patitur somnians, ut constat in phreneticis.

*Resp. 5.* Diabolus nullo modo potest homini inducere necessitatem ad peccandum. Ita S. D. ibid. ar. 3.

*Declarat hoc:* Diabolus propria virtute, nisi refrænetur à Deo, potest aliquem inducere ex necessitate ad faciendum aliquem actum, qui de suo genere peccatum est, non autem potest inducere necessitatem peccandi. Quod patet ex hoc, quia homo movetur ad peccandum non resistit, nisi per rationem, cuius usum totaliter impedire potest, movendo imaginationem, & appetitum sensitivum, sicut in arreptitiis. Sed tunc ratio sic ligata, quidquid homo agat, non imputatur ei ad peccatum: Sed si Ratio non sit totaliter ligata, ex ea parte, quæ est libera, potest resistere peccato. Ita S. D. Ergo.

*LXX. Fiantne omnia hominum peccata ex suggestionem diaboli?*

*Tribunal Confessorium.*

*Dico ex S. Th. ibid. ar. 4.* Est quidem dæmon occasio omnium peccatorum, cum primum hominem ad peccandum induxit, unde tota infesta est humana natura, & proclivis ad peccandum facta, non tamen singula peccata ex illius suggestionem fiunt.

*Ratio S. D.* fumitur ex Origene. Quia, etsi diabolus non esset, homines haberent appetitum ciborum, & venerorum, & similibus, qui potest esse inordinatus, nisi Ratione ordinetur: quod subiacet libero arbitrio.

*Etsi diabolus liberum nos tentare, & ad malum instigare?*

*LXXI. Affirmo. Ratio.* Etsi dæmon habeat arbitrium inflexibile, & immutabile in malo, seu animum oblinatum in aversione ab ultimo fine; circa media tamen, quæ ipse ex sua malitia in Dei offensam ordinat) liberè se habet. Ergo potest tentare, & non tentare, potest hoc, vel illo modo. Simile est in Angelis beatis, hi enim etsi non sint liberi in amore Dei, bene tamen in exequendis iis, quæ Deus eis mandat, v. gr. in custodia hominum.

*QUÆRO XXIV.* Ante omne peccatum præceditne, saltem in aliquo priori naturæ, in intellectu aliquis defectus, error prædictus, ignorantia, inadvertentia, seu inconsideratio? Item ignorantia, & passio suntne causa peccati, vel excusant?

*LXXII. Resp. 1.* ad 1. p. affirmative cum S. Thom. qu. 77. ar. 2. in c. Unde & Gregor. M. l. 15. moral. c. 23. ait: *Omnis peccator stultus fuit in culpa.*

*Ratio:* Voluntas est potentia cæca, sequens in omnibus ductum rationis. Ergo non fertur in obiectum, nisi prout ab intellectu propositum, sive proponat malum sub ratione boni, illud aliqua boni apparentia vestiendo: sive bonum sub ratione mali fugiendi.

*Nonne multi peccant cum actuali remorsu conscientiæ, scientes malum, & exultantes in rebus pessimis? quomodo in eorum intellectu est defectus, vel error?*

*Dico.* Scientia illi mali non est practica, & in actu exercito, sed speculativa tantum, & in habitu. Unde in praxi omnis peccator est imprudens, & stultus.

Ex hoc solvitur illud, quod opponi potest, nimirum ex hac sententia sequi, omne peccatum esse hæresim. Quia iudicare esse licitum, quod est illicitum, est hæreticum. Non enim hoc sequitur: Eset quidem hæresis, si speculative sic iudicaretur, peccator verò hoc iudicium solum habet practice: quod non sufficit. Vide Tra. 3. Exam. 1. Q. 3. n. 7. in R. ad 1. oppositionem.

Difficultas hic se offert, quomodo in hac sententia possit salvari differentia inter peccata ex ignorantia, infirmitate, & malitia: eo quod iuxta hanc sententiam unica omnium illorum

G causa

causa esset ignorantia, error, & inadvertentia intellectus?

Salvatur ergo differentia per hoc, quod licet omni peccato commune sit, quod fiat ex prævio errore pratico intellectus, est tamen discrimen propter diversam dispositionem pravam, quæ est causa formandi iudicium erroneum in intellectu, & pravam electionem in voluntate. Diversitas autem huius prævæ dispositionis consistit in hoc, quod in peccato ex ignorantia facta causa formandi tale iudicium sit ignorantia vincibilis, & culpabilis. In peccato ex infirmitate, vel passione sit vehemens passio, intellectum obscurans, & voluntatem posse trahens. Tandem in peccato ex certa malitia sit sola voluntatis inordinatio, & malitia. Vide in hoc Exam. n. 21.

Opponi hic posset, quomodo in intellectu Angeli ante primum ejus peccatum potuerit præcedere defectus, vel inconsideratio. Sed hoc vide in 1. p. in Tract. de Angelis circa finem.

Resp. 2. ad Q. 24. An, & quando ignorantia, & concupiscentia, seu passio sit, excuset, vel diminuat peccatum, colligi sufficienter potest ex dictis Tract. 3. Exam. 1. nu. 21. 22. & 23. ubi explicata sunt quatuor causæ involuntarii, inter quas sunt ignorantia, & concupiscentia, seu passio. Quia verò omne peccatum est voluntarium, in tantum ignorantia (idem est de passione) potest diminueri peccatum, in quantum diminuit voluntarium, ut ait S. D. hic qu. 75. ar. 4. ubi de hoc tractat.

LXXVIII. Dic mihi. Si quis faceret opus sub mortali prohibitum, quod tamen ratione invincibilis ignorantia à culpa excusatur, qualis fuit accessus Jacob ad Liam, & si quis plenè ebrius committeret homicidium, vel adulterium, delectatio morosa de tali opere essetne peccatum mortale sublata ignorantia?

Affirmo, probabilius. Ratio. Tota causa, quare tale opus non fuerit peccatum, est, quia non fuit voluntarium, & hoc ratione ignorantia: Sed si quis, sublata ignorantia, in eo opere sibi complacet, tunc fit voluntarium. Ergo talis complacentia erit mortalis. Min. pat. à pari. Quia communiter docent Theologi, quod etiam morbi, & alii defectus naturales, qui non sunt in nostra potestate, possint nobis esse voluntarii propter liberam, & patientem ipsorum sufferentiam. Ergo similiter.

Ex quo sequitur, quod si Jacob fuisset delectatus de accessu ad Liam, aut ebrius de homicidio, vel adulterio à se patratu, uterque mortaliter peccasset: licet utriusque opus ratione ignorantia antea fuerit sine culpa. Vide supra de morosa delectatione.

QUÆRO XXV. Quid sunt, & in quo differunt peccatum mortale, & veniale? quæ sunt

signa, vel regulæ unum ab altero distinguendi? potestne unum fieri alterum?

LXXIV. Ad 1. & 2. partem. Quæsti patet R. supra in hoc Exam. n. 21. Unde ad tertiam Quæsti partem R. tres communiter tradi regulas addistinguendum mortale à veniali.

Prima est. Si sacræ literæ tradant, tale, vel tale esse Deo execrandum, abominabile, esse dignum æterna morte, excludere à regno Dei, ut patet ad Gal. 5. vel cui comminatur va! iudicandum esse mortale. Secunda regula. Est Traditio Ecclesiæ, communis PP. & fidelium consensus, ex quo colligimus, quod violatio jejunii, seu bina refectio in die prohibito sit peccatum mortale: refectio verò cæpta paulo ante meridiem sit solum veniale. Tertia est Ratio naturalis ita esse dictans, saltem lumine supernaturali illustrata. Quæ enim directè, & graviter charitatem Dei, & proximi lædunt, censenda sunt mortalia; quæ leviter venialia. Hac enim ratione iudicamus unam ægritudinem, aut injuriam esse altera majorem.

Not. attendendam etiam esse quantitatem deliberationis, materiam aut damni illati, uti & genus peccati, tenorem verborum præcepti, an prohibitio fiat vulvi gravi, vel levi pœna, &c. Unde aliqui DD. benè dicunt, peccatum mortale non posse à quoquam committi sine grandi corruptione sui, aut contemptu Dei, vel gravi læsione proximi, & consensum in illud esse tam impium, ut celari, vel ignorari non possit. Hinc Confessor non præcipit se in iudicando aliquid esse mortale. Consideret etiam, an peccatorem num statim facili poenituerit, hoc enim probabile signum est, non consensisse.

Resp. 2. Venialia indirectè, & per accidens disponunt ad mortale. Hoc S. Th. hic q. 88. a. 3. probat ex illo Eccl. 19. Qui spernit minima, paulatim defuit. Subsumit: Sed ille, qui peccat venialiter, videtur minima spernere. Ergo paulatim disponitur ad hoc, ut totaliter defluat per mortale.

Not. hanc dispositionem fieri per hoc, quod venialia generent vitiosam assuetudinem, minuant fervorem charitatis, & divinorum auxiliorum abundantiam, ac vires ad vincendas tentationes, faciant difficultates in observantia mandatorum Dei, &c.

Resp. 3. Idem numero actus physicus potest primò esse peccatum veniale, & postea mortale.

Ratio. Idem actus voluntatis ob deliberationem imperfectam, primò potest esse venialis, si verò accedat advertentia perfecta, fit mortalis: puta, in materia graviter repugnante Legi, &c.

Resp. 4. Peccatum mortale ex genere, potest fieri veniale ex accidentibus tribus modis. 1. Ex subre-

subreptione, seu propter defectum deliberationis, v.g. ira ex genere suo est mortalis, aut si sit ex subito motu, est venialis. 2. Defectu iudicii sufficientis ad mortale, ut contingere potest in semidormientibus, & crapulatis. 3. Ob parvitatem rei, seu materiæ, v.g. furtum ex genere suo est mortale, furari autem solum duos, aut tres denarios, est veniale.

Not. dari aliqua peccata, in quibus non datur levitas materiæ, seu quæ non possunt esse venialia defectu materiæ, licet possint esse talia ex alio capite v.g. ex defectu sufficientis deliberationis, & advertentis. Talia sunt, blasphemia, perjurium, luxuria, &c.

LXXV. *Resp. 5.* Peccatum veniale ex genere potest fieri mortale ex accidenti quinquemodis. 1. Si in peccato veniali constituitur ultimus finis. 2. Si quis veniale ordinaret ad mortale, v.g. verbum otiosum ad fornicandum. 3. Ex conscientia erronea dicente esse mortale. 4. Ex contemptu, 5. Dispositivè, ut dictum est in R. 2. & hoc ratione periculi, quod qui amat, peribit in illo.

*Resp. 6.* Peccatum veniale in suo genere, seu speciei non potest ita aggravari, ut fiat mortale, aut æqualeat illi: nec ex plurimis venialibus potest unquam fieri, integrari, seu constari unum mortale. Ita S. D. hic ar. 4.

*Ratio 1. p.* Ea, quæ sunt ordinis inferioris, quantumcumque intrā propriam speciem aggravantur, vel augeantur, nunquam possunt pertingere ad ea, quæ sunt ordinis superioris: Sed malitia peccati venialis est ordinis inferioris, & diversæ speciei à malitia peccati mortalis, cum hæc sit averfiva ab ultimo fine. Ergo.

*Ratio 2. p.* Peccatum mortale privat gratia, & charitate, occidit animam, avertit ab ultimo fine, inducit reatum poenæ æternæ, damni, & sensus: Sed hoc non potest convenire venialibus quantumcumque multiplicatis, nisi dispositivè (quod jam admisimus est) qualiter explicari debent SS. PP. si videantur esse contrarii. Ergo.

*Oppono.* Plura furta levia multiplicata, & simul sumpta juxta Thomistas faciunt unum mortale. Ergo.

*Diff. ant.* ratione sui, N. ratione notabilis quantitatis materiæ, & damni, C. Ultimum ergo furtum, quod pervenit ad magnam quantitatem materiæ, est peccatum mortale. Licet enim tale furtum sit rei levis secundum se, ex connotatione tamen furtorum præcedentium, cum quibus moraliter unitur, & quæ fur cognoscit, & advertit, sit furtum reigravis, & virtute eorum proximo infertur grave damnum. Vide intrā Tract. 9. Exam. n. 35.

QUÆRO XXVI. Potestne assignare aliqua peccata venialia?

LXXVI. Ratio hujus Quæriti, est lamen-

tabilis illa experientia, qua docemur, quòd diversi, qui de modico non curant cum Prætoribus, quos non terret luxuria, nisi sit adulterium, vel inceltus; non injuria, nisi homicidium; non vaniloquium, nisi adjunctum habeat perjurium, aut blasphemiam; non crapula, nisi sit ad vomitum: quibus inculpatus est strepitus, quo ingurgitati, ac obruti vix pedibus stare possunt, capita à pariete ad parietem allidunt, &c. Pro quorum instructione

*Resp.* cum S. Augustino, cujus hæc sunt verba de decem cordis cap. 11. ubi loquitur de quotidianis, seu venialibus peccatis, quæ per linguam committuntur. Verbum durum, aut cum labitur aliquis in risum immoderatum, aut in hujusmodi nugæ quotidianas, &c. his adduntur ab eodem. Si vir cum propria uxore coeat voluptatis explendæ causâ, & plus, quam necessitas procreandorum liberorum cogat. In ipsis etiam alimentis, quæ utique concessa sunt, si fortè excedis modum, & amplius accipis, quam necesse est, peccas. Quotidiana sunt ista, ait, quæ dico? sed tamen peccata sunt.

Idem in Ser. 4. de an. fidelium defunctorum: Quæ autem, inquit, sint minuta peccata, licet omnibus nota sint, tamen quia longum est, ut omnia replicentur, opus est, ut ex eis aliqua nominemus. Quoties aliquis in cibo, aut potu plus accipit, quam necesse sit, ad minuta peccata noverit pertinere: quoties plus loquitur quam oportet, aut plus tacet quam expedit. Quoties pauperum importunè petentem exasperat. Quoties, cum corpore sit sanus, aliis jejulantibus prandere voluerit, aut somno deditus ad Ecclesiam tardius surgit. Quoties, excepto desiderio filiorum, uxorem suam cognoverit. Quoties in carcere clausus, & vinculis positus tardius requisiverit, infirmos tardius visitaverit. Si discordes ad concordiam revocare neglexerit. Si plus aut proximum, aut uxorem, aut filium, aut servum exacerbaverit, quam oportet. Si amplius fuerit blanditus, quam expedit. Si cuicumque majori personæ, aut ex voluntate, aut necessitate adulari voluerit. Si pauperibus esurientibus cibum non dederit, aut nimirum delitiosa, aut sumptuosa sibi convivia præparavit. Si se in Ecclesia, aut extra Ecclesiam fabulis otiosis, de quibus in die iudicii ratio reddenda est, occupaverit. Si, dum incautè juramus, & hoc per aliquam necessitatem implere non poterimus: utique perjuramus. Et, cum omni facilitate, vel temeritate maledicimus, & cum aliquid suspicamur temerè, quod tamen plerumque non ita, ut credimus, probatur, delinquimus. Hæc, & similia his ad minuta peccata pertinere non dubium est, quæ sicut jam dixi, enumerari vix possunt, & à



quibus non solum populus Christianus, sed etiam nullus Sanctorum immunis esse potuit aliquando, aut poterit. Hæc Augustinus.

LXXXVII. Quæri hic posset, an peccatum veniale in aliquo homine possit esse cum solo originali? sed hujus negativa decisio dependet ex alia difficultate (infra Tract. 7. Exam. 2. n. 30. & 31.) affirmative decidenda, an nimirum sub mortali teneatur in primo instanti usus rationis se convertere in Deum? Si se convertat, accipit gratiam, qua à peccato, si in aliquo, etiam Originali, sit, mundatur. Si se non convertat, peccat mortaliter, consequenter peccatum veniale non erit, sed mortale actuale cum Originali. Pro conclusione hujus Tractatus

QUÆRO XXVII. & ultimò: Quinam sunt effectus peccati?

LXXXVIII. Resp. Effectus peccati, præsertim originalis sunt: 1. Diminutio boni naturæ. 2. Quatuor vulnera animæ. 3. Mors, & alii defectus corporales. 4. Reatus pœnæ. Ita S. D. q. 85. & 87.

Prima pars declaratur ex S. Thoma q. 85. ar. 1. Inter naturæ bona aliud (ut potest originalis justitia) in totum sublatum est per peccatum: aliud (cujusmodi sunt principia naturæ, ex quibus ex ipsa natura constituitur, & proprietates ex his causatæ, ut sunt potentie animæ, & his similia) nec sublatum est, nec diminutum per peccatum: aliud denique (cujusmodi est ipsa naturalis inclinatio ad virtutem) sublatum quidem non est, valde tamen diminutum per peccatum. Quia per actus humanos fit quedam inclinatio ad similes actus: Sed ex inclinatione in unum contrarium diminuitur inclinatio ad aliud, peccatum autem est contrarium virtuti. Ergo.

Not. hanc diminutionem non fieri, sic, quasi re ipsa tollatur aliquid naturale, vel proprietates naturæ humanæ, quia hæc cum suis proprietatibus est incorruptibilis, & naturalia manent integra in se post peccatum: sed solum fit per modum impedimenti, & obiaculi, quia per peccatum homo elongatur à Deo in regionem dissimilitudinis, & peccata dividunt inter nos, & Deum. Sicut i. Solem inter, & aerem ponatur obiaculum, aer fit inhabilis ad recipiendam lucem, & quò plura obiacula ponuntur, eo inhabilior efficitur.

Secunda pars declaratur ex art. 3. Quatuor sunt potentie animæ, quæ, ut virtutum, ita & vitiorum subjecta esse possunt, pro quorum debito ordine per peccatum delitutum (quæ delitutum vulnerat naturæ dicitur) numero quatuor naturæ vulnera (ignorantia in intellectu, malitia in voluntate, infirmitas in irascibili, & concupiscentia in concupiscenti) convenienter enumerantur. Sunt

ergo hæc quatuor vulnera ex peccatis, etiam actualibus, consequentia, in quantum per peccatum & Ratio hebetatur, præcipue in agendis, & voluntas induratur ad bonum, & major difficultas bene agendi accrescit, & concupiscentia magis exardescit.

Tertia pars declaratur ex art. 5. Mors, cæteri que in humana natura corporales defectus (cum sint præter intentionem peccantis) per se effectus peccati primi parentis dici nequeunt, sed per accidens tantum, prout removens prohibens causæ nomen fortitur, quia scilicet per peccatum primi parentis sublata originali justitia, quæ omnem deordinationem, & defectum prohibebat. Ea ergo per peccatum primi parentis subtrahitur, sicut humana natura, quoad animam fuit vulnerata per deordinationem potentiarum, ut autè dictum est, ita etiam est corruptibilis effectus per deordinationem ipsius corporis. Et hinc illi defectus corporales.

Quarta pars declaratur ex S. Thoma hic q. 87. ar. 1. Ex rebus naturalibus ad res humanas derivatur, ut id, quod contra aliquid insurgit, ab eo detrimentum patitur; videmus enim in rebus naturalibus, quod unum contrarium vehementius agit altero contrario superveniente, propter quod aquæ calidæ magis congelantur, ut dicitur in 2. Meteor. Unde in hominibus hoc ex naturali inclinatione invenitur, ut unusquisque deprimat eum, qui contra ipsum insurgit. Sed homo peccando maxime insurgit contra Deum, cum agat contra ordinem rationis, legisque humanæ, & divinæ. Ergo merito deprimitur à Deo, hæc autem depressio est pœna.

LXXXIX. Danturne peccata æternæ pœnæ reatum inducentia?

Affirmo cum S. Thoma hic q. 87. ar. 3. de peccatis charitatem tollentibus, uti sunt mortalia.

Ratio S. D. Manente causa manet effectus, necessariò ab ea dependens: Sed in iis, qui moriuntur in impenitentia finali, seu in peccato mortali, manet in æternum causa pœnæ nimirum culpa, non quidem quoad actum, sed quoad maculam. Ergo.

LXXX. Debenturne peccato mortali pœna infinita secundum quantitatem?

Dico cum S. Thoma q. cit. a. 4. Sicut peccatum ex parte averſionis ab infinito bono infinitum est, finitum autem ex parte conversionis ad bonum creatum, & commutabile; sic & pœna peccato correspondens, partim finita, partim infinita dici debet.

Declaratur hoc S. Thoma. Pœna proportionatur peccato, in peccato autem duo sunt, quorum unum est averſio ab incommutabili bono, quod est infinitum: unde ex hac parte

Pœna



peccatum est infinitum. Aliud, quod est in peccato, est inordinata conversio ad commutabile bonum, & ex hac parte peccatum est finitum, tum quia ipsum bonum commutabile est finitum, tum etiam quia ipsa conversio est finita: non enim possunt actus creaturæ esse infiniti. Ex parte igitur averſionis respondet peccato pœna damni, quæ etiam est infinita: est enim amissio infiniti boni, scilicet Dei. Ex parte autem inordinatæ conversionis respondet ei pœna sensus, quæ est finita.

*Peccatum veniale* in hac vita nondum remissum homini, qui in eo simul, & in mortali moritur, punitur in inferno pœna æterna saltem per accidens, & concomitanter?

*LXXXI. Affirmo* cum S. Th. hic qu. 87. ar. 5. ad 3. dicente: *Æternitas pœna non respondet quantitati culpæ, sed irremissibilitati ipsius*. Subsumo: Sed culpa venialis in inferno non est irremissibilis. Ergo. Min. patet. Quia nullum, etiam veniale, peccatum delege Dei ordinariè remittitur, nisi formaliter per actum poenitentia, vel virtualiter, nimirum per actum charitatis sit retractatum: Sed hæc retractatio non potest fieri in inferno, quia damnati sunt perpetuò obstinati in malo, denegaturque eis omne supernaturale auxilium. Ergo. Vide in Tract. 13. de Pœnit. Exam. 2. n. 29.

Conſir. Tandiu non exſolvitur pœna, quamdiù non remittitur culpa, ad quam necessariò sequitur, quia, ut ante dictum, manente causa manet effectus: Sed in inferno culpa venialis per accidens, & concomitanter (non per se, seu ex natura sua) fit irremissibilis, nimirum propter conjunctionem cum mortali irremissibili. Ergo etiam per accidens nimirum ratione ad iuncti peccati mortalis punitur æterna pœna.

*LXXXII. Sed quid, si peccatum veniale in hac vita quidem sit remissum, sed homo moritur, pœna temporali ei respondente nondum exſoluta, punitur in inferno pœna temporali, vel æterna, si simul in mortali homo decedat?*

*Dico*, quòd temporali. Ita S. Thom. tum loco cit. ubi æternitatem pœnæ attribuit, non quantitati culpæ, sed irremissibilitati ejus, talis autem culpa venialis jam est remissa. Ergo ejus pœna nec per accidens fit æterna. Tum etiam in 4. dist. 22. qu. 1. ar. ad 5. ubi rejecta opposita opinione, dicit: *Ideo alii dicunt, quòd pœna, cujus aliquis est debitor, post culpam remissam in inferno punitur temporaliter*. Nec propter hoc sequitur, quòd in inferno sit redemptio: quia pœna, quæ solvitur, non redimitur. Nec est inconveniens, quòd quantum ad aliquod accidentale pœna inferni minuaturs usque ad diem iudicii: Sic ut etiam arguetur, nimirum ex consortio damnatorum.

*Tribunal Confessoriorum.*

*Ratio*. Si Deus pœnam temporalem culpæ jam remissæ debitam mutaret in æternam, etiam per accidens, punitur ultra condignum, quia non est condignitas culpæ ad pœnam: Sed hoc non debet dici de clementissimo Deo, cui proprium est misereri semper, & parcere. Ergo.

Ex dictis patet differentia inter hunc: & priorem casum, in hoc enim culpa jam est dimissa, in illo non.

*LXXXIII. Possesse Deus* per absolutam suam potentiam, tanquam Dominus vitæ, & mortis, aliquem innocentem punire pœna æternæ inferni, vel gehennæ? beatos à Cœlo in infernum deturbare, damnatos in Cœlum evehere?

*Dico* 1. Potest Deus per absolutam suam potentiam innocentem, immò & beatum à Cœlo deturbare in gehennam ignis. 2. Hæc tamen non esset propriè pœna, seu punitio, aut damnatio, nec innocens ille diceretur propriè damnatus.

*Ratio* 1. p. Tum quia Deus est absolutus Dominus vitæ, & mortis. Tum etiam quia Deus absolutè, juxta omnes, potest innocentem, & beatum annihilare. Ergo similiter. Dixi, *absolutè*, quia ex suppositione decreti de innocentis præmiando, & beato in Cœli gaudiis conservando nunquam fiet.

*Ratio* 2. p. Ubi non est culpa, non est propriè damnatio, vel punitio. Et certè a ratione, justitia, & infinita Dei misericordia alienum est, innocentem punire, vel maxime gravissimis, & æternis inferni tormentis.

Ex quo sequitur, quòd flagelia huius vitæ innocentibus inflicta propriè non sint pœnæ, sed medicinæ.

*Dico* 2. Potest Deus reprobos; ac damnatos per potentiam suam absolutam in Cœlum evehere.

*Ratio*. Quia absolutè potest Deus peccatum eis remittere; in hoc enim nulla apparet implicantia.

*LXXXIV. Decedentes* cum solo Originali, ut pueri non baptizati, puniuntur sola pœna damni, consistente in carentia visionis beatificæ, absque omni pœna sensus, quæ est afflictiva?

*Affirmo* cum Angelico Doctore 3. p. qu. 1. ar. 4. ad 2. dicente: *Peccato Originali in futura retributione non debetur pœna sensus*.

*Ratio*. Quia pœna debet proportionari culpæ: Sed culpæ originali non proportionatur pœna sensus. Ergo Min. prob. Pœna sensus culpe proportionatur ratione inordinatæ conversionis ad bonum commutabile: Sed hæc non datur in pueris usu rationis carentibus, benè tamen averſio. Ergo.

Hinc dum S. Aug. & alii, pœnam parvulorum vocant ignem, gehennam, tormenta, &c. nihil

aliud volunt significare (ut explicat S. Thom.) quàm divinæ gloriæ privationem quam per excessum, & hyperbolicè tam duris vocabulis significarunt, ut magis execrabilem efficerent errorem Pelagianorum, asserentium, nullum in parvulis esse peccatum.

LXXXV. *Qua ergo sententia condemnabuntur parvuli? nonne illa, Ite maledicti in ignem æternum, &c.* Vel in quoloco poena ponetur, quia non datur locus medius pro ipsis, quia Judex dixit, Ibunt isti in combustionem, Iusti verò invitam æternam?

Dico 1. Certum est, quòd parvuli non baptizati comparebunt in iudicio, quia Apoc. 1. *Veniet, & videbit eum omnis oculus, condemnabuntur autem illa mitiori sententia: Nisi quis renatus fuerit ex aqua, & Spiritu Sancto, non potest intrare in regnum &c.*

Dico 2. Verissimum est, quòd illorum parvulorum animæ detineantur in Limbo sub-

tus terram, ubi tamen nulla afficiuntur tristitia; tum quia ille locus non est eis datus in poenam, sed quia illis melior non debetur: sicut & Patres inibi erant ante adventum; tum quia ex illo loco non impediuntur à suis intellectualibus operationibus, ait Medina noster, ex quo adde, quòd sciant se nunquam habuisse per gratiam jus ad gloriam, & poenam hanc esse iustissimam, nullo proprio demerito inducam, idèòque omnem displicentiam esse inutilem. Hinc patienter sustinent, & ab omni interiori tristitia abstinent.

*Quid si homo mansisset in puris naturalibus, carentia divinæ visionis essetne tunc poena?*

Dico, quòd non. Sed illa exclusio à gloria esset mera negatio, & defectus naturalis. Ratio: Quia in eo statu homo non fuisset elevatus ad finem, seu felicitatem supernaturalem. Vide in suppl. 3. p. q. 66. ar. 4. & 5. & 6. & 7. ubi, & quid sit Limbus Patrum, & puerorum.

## TRACTATUS V.

### *De vitiis capitalibus in genere, & in specie.*

*De quibus in communi agit S. D. hic, nimirum in 1. 2. q. 84. art. 4. in specie vero diversis in locis sua Summa, citandis in decursu hujus Tractatus, qui hic revocatur, & præcedenti annectitur: connexionis, & maioris claritatis gratia.*

**P**roloquium huic Tractatui præfigo ex verbis Angelici Doctoris cit. q. 84. a. 3. in c. sic discurrentis; Capitale dicitur à capite, caput autem propriè quidem est quoddam membrum animalis, quod est principium, & directivum totius animalis. Unde metaphoricè omne principium directivum caput vocatur, & etiam homines, qui alios dirigunt, & gubernant, capita aliorum esse dicuntur. Dicitur ergo vitium capitale, uno modo à capite propriè dicto, & secundum hoc peccatum capitale dicitur peccatum, quod capitis poena punitur; sed sic non intendimus agere de capitalibus peccatis, sed secundum quod alio modo dicitur peccatum capitale, prout metaphoricè signat principium, vel directivum aliorum. Et sic dicitur vitium capitale, ex quo alia vitia oriuntur; & præcipuè secundum principium causæ finalis, quæ est formalis origo: & idèò vitium capitale non solum est principium aliorum, sed etiam est directivum, & quodammodo ductivum aliorum. Semper enim ars, vel habitus, ad quem pertinet finis, principatur, & imperat circa ea, quæ sunt ad finem. Unde Greg. 31. moral. hujusmodi vitia capitalia Ducibus exercituum comparat. Hæc S. Thomas.

## E X A M E N I.

## De Superbia.

**Q**UÆRO I. Estne hæc doctrina Confessario scitu necessaria?

*I. Respondeo* affirm. *Ratio.* Quia Confessarii munus est, rationalem Dei imaginem, per peccata deformatam, reformare per opera poenitentiae: reformatio autem, ut debet fiat in membris, necesse est, ut primò fiat in capite, velut cæterorum Principe; *accessorium enim sequitur suum principale:* sunt autem quædam vitia cæterorum capita, & fontes. Ergo. Et consequenter Confessor gratis reformabit sine hac doctrina, quia *ignoti nulla cupido.*

*Declaratur* ulterius à simili ex pugna corporali: Prostrato Goliatho, è vestigio omnes Philistiæ se in fugam dederunt. Cur? Quia erat eorum caput. Truncato Holoferne, fuga se salvarunt Assyrii. Cur? Quia exercitus erat decapitatus. Rex Syriæ contra Israelitas bellaturus militibus suis præcepit, ut in neminem, nisi in solum Regem arma converterent, illum unicè impetere tantquam caput belli: quo præfationis fore dubitandum de victoria. Ergo similiter in pugna spiritali, cum unus animæ hostis sit alio ferocior, unum vitium cæterorum caput, & Dux, in hunc Ducem est primò collimandum, arma vertenda; hoc caput maxime impetendum est. Considerandum, quæ passio in animum nostrum maxime prædominetur, quo vitio maxime exorbitemus, quæ prava consuetudo altissimas in nobis radices egerit; & ibi reformatio animæ exordienda est; accessorium sequitur suum principale.

**QUÆRO II.** Quid, & quot sunt vitia, seu peccata capitalia?

*II. Resp.* cum S. D. loco cit. Vitia capitalia dicuntur, quia ex iis velut ex capitibus, seu fontibus plura alia derivantur, seu oriuntur; Ut ex Prologo patet. Hæc paritas sumitur à capite naturali, quod in cætera corporis membra influit vitam, motum, vigorem, &c. Sunt autem septem, memoris causa comprehensa hac dictione *Saligia*, sic, ut cuius litteræ hujus dictionis secundum ordinem correspondeat unum vitium capitale, v.g. S. Superbia. A. Avaritia. L. Luxuria. I. Invidia. G. Gula. I. Ira. A. Accidia. Ex his aliqua dicuntur carnalia, nimirum luxuria, & gula: alia spiritalia, nimirum cætera quinque. Quæ distinctio est explicata supra Tract. 4. Exam. 2. n. 21.

Estne idem peccatum capitale, ac peccatum mortale?

*Non est*, ut ex dictis patet. *Ratio.* Peccatum capitale dicitur, quod est caput, fons, aut radix

aliorum: Sed hoc non dicitur de quovis mortali. Unde nec omnia capitalia semper sunt mortalia, nec e contra mortalia semper capitalia: interdum tamen capitale simul est mortale, ut ex dictendis constabit. Agendum nunc de quovis vitio capitali in specie.

## Superbia.

De qua S. Thom. agit 2. 2. q. 162. per 8. ar. & alibi. *Magna miseria superbus homo*, ait S. August. Superbia Nabuchodonosorem bestiam, Angelum fecit Diabolum. Si, ut supra ex Gregor. M. dictum est, *omnis peccator stultus est in culpa*, id maxime verum est de superbo, qui se putat aliquid esse, cum nihil sit. Unde apud Germanos est proverbium, *stultus, und stolt machen auf einem Solz.* De quo.

**QUÆRO III.** Superbia estne peccatum, & quidem speciale? & quid est?

*III. Resp.* I. Superbia est peccatum. *Ratio* S. D. loco cit. ar. 1. dicentis. Superbia nominatur ex hoc, quod aliquis per voluntatem tendit supra id, quod est. Unde dicit Isidorus: Superbus dictus est, quia super vult videri, quam est: qui enim vult supergredi, quod est, superbus est. Habet autem hoc Ratio recta, ut voluntas uniuscujusque feratur in id, quod est proportionatum sibi; & idè manifestum est, quod superbia importat aliquid, quod advertebatur rationi rectæ; hoc autem facit rationem peccati: quia secundum Dionys. malum animæ est, præter rationem esse. Ita S. D. Ex quo patet, quod superbire sit super se ire.

*Resp.* 2. Superbia benè definitur à S. Thom. cit. a. 2. in c. quod sit *inordinatus appetitus propriæ excellentiæ.* Velut S. Aug. ar. 1. ad 2. S. Thom. citatus loquitur, *est perversa celsitudinis appetitus*, quia perversè imitatur Deum, odit namque cum sociis æqualitatem sub illo, sed impingere vult sociis dominationem suam pro illo, ait ibid. Inordinatio hujus appetitus patet ex dictis pro R. 1.

*Resp.* 3. Superbia in diverso sensu est peccatum speciale, ac generale, sive capitale.

*Declarat* hoc S. D. ar. 2. dicens: peccatum superbiæ potest dupliciter considerari. Uno modo secundum propriam speciem, quam habet ex ratione proprii objecti. Et hoc modo superbia est speciale peccatum, est enim inordinatus appetitus propriæ excellentiæ, ut dictum est. Alio modo potest considerari secundum redundantiam quandam in alia peccata, & secundum hoc habet quandam generalitatem, in quantum scilicet ex superbia oriri possunt omnia peccata duplici ratione. Uno modo per se, in quantum scilicet alia peccata ordinantur ad finem superbiæ, qui est propria excellentia, ad quam potest ordinari omne id, quod quis inordinatè appetit: alio modo

indirectè, & quasi per accidens, scilicet removendo prohibens, in quantum scilicet homo per superbiam contemnit divinam legem, per quam prohibetur à peccando, secundum illud Jer. 2. Confregisti jugum, rupisti vincula, dixisti: Non serviam. Hæc S. D.

Sensus horum verborum non est, quod omnia peccata semper actu oriantur ex superbia, sed aptitudine. Unde subdit: Sciendum tamen, quod ad hanc generalitatem superbiæ pertinet, quod omnia vitia interdum ex superbia oriri possint; non autem ad eam pertinet, quod omnia vitia semper ex superbia oriantur. Quamvis enim omnia præcepta legis possit quis transgredi quacunque peccato ex contemptu, qui pertinet ad superbiam, non tamen semper ex contemptu aliquis præcepta divina transgreditur, sed quandoque ex ignorantia, quandoque ex infirmitate. Et inde S. Augustinus dicit: Multa perperam fiunt, quæ tamen non fiunt superbiè.

Paulò aliter, & eleganter S. D. hoc explicat ibid. ad 2. dicens: Quandoque aliquis committit aliquod peccatum secundum effectum, sed non secundum affectum. Sicut ille, qui ignoranter occidit Patrem, committit parricidium secundum effectum, sed non secundum affectum, quia hoc non intendebat. Et secundum hoc, transgredi præceptum Dei, dicitur esse contra Deum superbiè secundum effectum quidem semper, non autem semper secundum affectum. Ita S. Thomas.

QUÆRO IV. Superbia estne peccatum mortale? & quæ sunt species ejus?

IV. Resp. 1. Superbia est peccatum mortale ex genere suo, id est, intrinsecum suum genus, seu speciem, & absque accidente, sive præcisè ex objecto suo potest esse peccatum mortale, in individuo tamen non semper est pecc. mort. sed aliquando veniale: Ita S. D. hic. ar. 5. in corp.

Ratio ejus est. Ratio superbiæ consistit in hoc, quod homo non velit subijci Deo, & ut explicat ad 2. quod inordinatè se præferat Proximo, aut ab ejus subjectione se subtrahat, in quo etiam derogatur divinæ Regulæ, ex qua sunt hominum ordines instituti, prout scilicet unus eorum sub alio esse debet. *Subsumo.* Sed hoc ipsum, quod est non subijci Deo, habet ex objecto rationem peccati mortalis; hoc enim est averti à Deo. Ergo superbia secundum genus suum est peccatum mortale. *Subdit S. Doctor:* Sicut tamen in aliis, quæ ex genere suo sunt peccata mortalia, puta, in fornicatione, & adulterio, sunt aliqui motus, qui sunt peccata venialia propter eorum imperfectionem, quia scilicet præveniunt rationis iudicium, & sunt præter ejus consensum; puta, plenum, & perfectum. Ita etiam aliqui motus superbiæ sunt peccata venialia, dum eis Ratio non consentit, puta, plene.

Ex his patet, superbiam completam necessariò in confessione explicandam esse, quæ est exactu, & intentione, ac ex contemptu, quo quis Legi Dei, & legitimi Superioris renuit se submittere. Sicut superbia imperfecta est, quando quis in affectu suo quidem se magnificat, non tamen usque adeò, ut nolit se submittere Deo, & omnibus, quæ sunt de necessitate salutis.

Resp. 2. S. Th. q. cit. ar. 4. ex S. Gregor. assignat quatuor species superbiæ. 1. Estimare, se bonum habere a se ipso. 2. Desuper sibi datum credere pro suis accepisse meritis. 3. Jactare se habere, quod non habet. 4. Despectis cæteris singulariter videri appetere habere, quod non habet.

Quomodo resolvitur hunc casum? Potestne sine peccato superbiæ, aut alterius speciei, homo pauper, & infimæ classis, ita inihiare pecuniis (modo tamen licito) lucrandis, ut e sua vili conditione emergat ad sublimiorem, immò ad emendum etiam Comitatum?

V. Dico cum nostro Cajetano, & Corrado: si quæ Personæ inveniantur eximii ingenii, vel a natura dotatæ, vel exercitatione etiam auctæ, quæ se habere sentiunt animum nobilem, & ingenuum ad altiora tendentem quamvis ignobiliter nati sint; tamen si dominia appetant, & ad hoc pecunias per media licita accumularent, ut hujusmodi dignitates pretio æstimabiles emant, a rationis recte tramite non recedunt. Ergo nec peccant.

Et hoc experientia probat de quibusdam militibus in bello, qui etsi e vili, & rustica stirpe prognati, tamen tam fortes se exhibuerunt, ut meritò supra reliquos possint, tanquam Domini, ac Rectores eorum, immò & dignitates magnas emerint.

#### Gradus Superbiæ.

QUÆRO V. Qui, & quot sunt?

VI. Resp. Angelicus Doctor q. cit. ar. 4. ad 4. ex S. Bernardo assignat duodecim gradus superbiæ per oppositionem ad totidem gradus humilitatis. *Primus* gradus humilitatis (ait) est, corde, & corpore semper humilitatem ostendere, defixis in terram aspectibus, cui opponitur curiositas, per quam aliquis curiosè ubique, & inordinatè circumspicit. *Secundus* gradus humilitatis est, ut pauca verba, & rationalia loquatur aliquis, non clamorosa voce, contra quem opponitur levitas mentis, per quam scilicet homo superbiè se habet in verbo. *Tertius* gradus humilitatis est, ut non sit facilis, & promptus in risu, cui opponitur ineptia tititia. *Quartus* gradus humilitatis est taciturnitas usque ad interrogationem, cui opponitur jactantia. *Quintus* gradus humilitatis est tenere, quod communis Regula Monasterii habet, cui opponitur sin-

gula.



gularitas, per quam scilicet aliquis sanctior vult apparere. *Sextus* gradus humilitatis est, credere, & pronuntiare se omnibus viliorē, cui opponitur arrogantia, per quam scilicet homo se aliis præfert. *Septimus* gradus humilitatis est, ad omnia inutilem, & indignum se confiteri, & credere, cui opponitur præsumptio, per quam scilicet aliquis reputat se sufficientem ad majora. *Octavus* gradus humilitatis est confessio peccatorum, cui opponitur defensio eorumdem. *Nonus* gradus humilitatis est, induris, & asperis patientiam amplecti, cui opponitur simulata confessio, per quam scilicet aliquis non vult subire penam pro peccatis, quæ simulatè confitetur. *Decimus* gradus humilitatis est obedientia, cui opponitur rebellio. *Undecimus* gradus humilitatis est, ut homo non delectetur facere propriam voluntatem, cui opponitur libertas, per quam homo delectatur libere facere, quod vult. *Ultimus* gradus humilitatis est timor Dei, cui opponitur peccandi consuetudo, quæ implicat Dei contemptum. Hæc ibi.

*Filie Superbia.*

QUÆRO VI. Quot sunt, & quæ?

VII. *Resp.* Præcipue, & ad quas aliæ reducuntur, sunt tres, nimirum Præsumptio, Ambitio, vanagloria.

*Præsumptio*, prout de eahic agitur, definitur, quòd sit inordinatus appetitus eorum, vel aggradiendi ea, quæ sunt supra vires, & merita nostra, seu est vitium ad hoc inclinans, &c. Aliquando est peccatum veniale, aliquando mortale, si nimirum Deo notabilem irreverentiam, aut proximograve damnum inferat, v.g. si homo præsumat exercere Jurisdictionem Ecclesiasticam, Decanalem, Prioralem, &c. vel potestatem Ordinis sacri, vel officium Consilarii, siue in foro fori, siue in foro poli, Confessarii, Advocati, Medici, &c. sine debita peritia. De præsumptione, ut est peccatum in Spiritum S. agit S. Tho. 2. 2. q. 21. Vide infra in hoc Tract. Exam. s. nu. 109.

VIII. *Ambitio*, de qua S. D. agit 2. 2. q. 131. per duos art. definitur, quòd sit inordinatus appetitus honoris, seu vitium inclinans ad eum &c. Est peccatum mortale, si quis in re gravi appetat honorem excellentiam, quam non habet, vel de re, quæ est peccatum mortale: vel si in ea ponat ultimum finem. Hinc mortaliter peccat, qui ratione honoris Ecclesiasticas ambiunt dignitates, vel beneficia, præsertim curata, quibus sunt indigni defectu scientiæ, aut aliter requisiti. Dixi ratione honoris. Nam S. D. loco mox citato ar. 2. ad 2. ait: *Si quis inordinatè appeteret dignitatem, non ratione honoris, sed propter debitum dignitatis usum suam facultatem excedentem, non esset ambitiosus, sed magis præsumptuosus.*

IX. *Vanagloria*, de qua S. D. agit 2. 2. q. 132. per 5. ar. definitur, quòd sit inanis manifestatio propriæ excellentiæ apud homines, cujus ut ante dictum, superbia est inordinatus appetitus. Vel, est vitium inclinans ad, &c. Audiatur S. Tho. q. cit. ar. 1. in c. sic discurrens: *Proprie per nomen gloriæ designatur, quòd bonum alicujus deveniat in multorum notitiam, & approbationem: largius tamen accepto nomine gloriæ, etiam paucorum, vel unius, aut sui solius, dum scilicet aliquis proprium bonum suum considerat, ut dignum laude. Quòd autem aliquis bonum suum cognoscat, & approbet, non est peccatum; dicitur enim 1. ad Cor. 2. ut sciamus, quæ à Deo donata sunt nobis. Similiter etiam non est peccatum, quòd aliquis velit bona opera sua ab aliis approbari. Dicitur enim Matth. 5. Luceat lux vestra coram hominibus, &c. Et ideo appetitus gloriæ de se non nominat aliquid vitiosum, sed appetitus inanis, & vanæ gloriæ, vitium importat. Nam quodlibet vanum appetere, vitiosum est. Potest autem gloria dici vana tripliciter. Uno modo ex parte rei, de qua quis gloriam querit, puta, cum quis querit gloriam de eo, quod non est, vel de eo, quod non est gloria dignum sicut de aliqua refragili, & caduca. Alio modo ex parte ejus, a quo quis gloriam querit, puta, hominis, cujus judicium non est certum. Tertio ex parte ipsius, qui gloriam appetit, qui scilicet appetitum gloriæ suæ non refert in debitum finem, puta, ad honorem Dei, vel proximi salutem. Hæc S. D. Qui ergo gloriatur, in Domino glorietur, ut monet Apostolus.*

Hinc peccat graviter, qui de gravi; leviter, qui de levi peccato gloriatur, v.g. leviter salutem peccat, qui se Doctorem esse gloriatur (sine tamen alterius damno) & non est. Sicut & qui gloriatur se esse insignem lulorem pilæ, cum etiam talis sit; quia est res omnino caduca.

Ex quo scis, quando, & quantum peccatum sit vana gloria?

X. *Id scis*, ex Regulis, quas statuit Angelicus Doctor q. cit. ar. 2. in c. dicens: Ex hoc aliquid peccatum est mortale, quòd charitati contrariatur, peccatum autem inanis gloriæ, secundum se consideratum, non videtur contrariari charitati quantum ad dilectionem proximi. Quantum ad dilectionem Dei potest contrariari charitati dupliciter. Uno modoratione materiæ, de qua quis gloriatur, puta, cum quis gloriatur de aliquo falso, quod contrariatur divinæ reverentiæ, secundum illud Ezech. 28. Elevatum est cor tuum, & dixisti: Deus ego sum. Et 1. ad Cor. 4. Quid habes, quod non accepisti? si autem accepisti, quid gloriaris, quasi non acceperis? Vel etiam cum quis bonum temporale, de quo quis gloriatur, præfert Deo. Quod prohibet.

hibetur Jerem. 9. Non gloriatur sapiens in sapientia sua, &c. sed in hoc gloriatur, qui gloriatur, scire, & nosse me. Aut etiam cum quis præfert testimonium hominum testimonio Dei sicut contra quosdam dicitur, Joan. 12. Qui dilexerunt magis gloriam hominum, quam Dei.

Alio modo ex parte ipsius gloriantis, qui intentionem suam refert ad gloriam (nimirum hominum) tanquam ad ultimum finem, in quem scilicet ordinat etiam virtutis opera; & pro quo consequendo non præmittit facere etiam ea, quæ sunt contra Deum. Et sic est peccatum mort. Quod ibidem probat ex S. August. Si autem amor humanæ gloriæ, quamvis sit inanis, non repugnet charitati, neque quantum ad id, de quo est gloria, neque quantum ad intentionem gloriam quærentis, non est peccatum mort. sed veniale. Hæc S.D.

Ex his patet, venialiter peccare eos, qui ad aucupandam vanam apud homines gloriam dant elemosynas, cantant, prædicant, orant, Missam frequenter audiunt, ad usus iustitiae exercent, putant, si præcisè moneant intra limites vanæ gloriæ, & non accidat magna irreverentia Dei, aut damnum proximi, & non habeant eam pro fine ultimo, sed proximo tantum. An satisfaciatur præcepto de audienda Missa, qui eam audit ex vana gloria, vide Tract. 3. Exam. 3. numer. 48.

Quid si quis ex vana gloria pro Christo subiret mortem, essetne verus Martyr?

XI. Dico, Vanam gloriam de le quidem esse peccatum veniale, attamen sine ulla necessitate, ac honesto motivo ipsam profundere vitam, culpa mortali non vacat; Proinde talis non esset verus Martyr. Dein, dato, & non concesso, quod etiam in hoc casu solum esset peccatum veniale, non tamen esset verum martyrium, hoc enim debet procedere non solum ex motivo naturali (quia aliàs homo ille pateretur, ut Philosophus, non ut Christianus) sed etiam ex motivo honesto supernaturali, quale non est vana gloria.

Ratio patet infra Tract. 11. Exam. 5. nu. 76. ubi offendetur, quæ mors, vel mortis causa Martyrem faciat.

Ex dictis sequitur, de facto nullum Martyrem subisse mortem ex vana gloria, ut ex causa finali. Dixi, ut ex causa finali, quia vanæ gloriæ affectus duobus modis potest concurrere ad actum ex obiecto bonum, v.g. ad elemosynam, ad Baptismi receptionem, ad martyrium, &c. 1. ut vana gloria sit causa finalis talis actus, & tunc ille actus vitatur, ut supra Tract. 3. Exam. 3. nu. 47. probatum est. 2. ut solum habeat concomitantem, ita ut nec sit causa finalis, nec circumstantia actus, ut si ex bono opere factio occasionaliter ita largat affectus in-

nis gloriæ; & tunc ex eo opus non pravatur, nec privatur sua bonitate, & merito, quod NB.

*Filias inanis gloriæ.*

QUÆRO VII. Quod sunt, & quæ?

XII. Resp. cum S. Tho. 2. 2. q. 132. a. 5. sunt septem, scilicet Inobedientia, Jactantia, Hypocrisis, Contentio, Pertinacia, Discordia, Novitatum præsumptio. Quæ suo ordine declarantur.

Inobedientia est vitium inclinans ad non exequendum, deliberato animo, præceptum legitimi Superioris iuxta præcipientis; in quo etiam mortaliter peccari potest, ut patet ex S. Th. 2. 2. q. 105. ar. 1. ubi docet, quod non obedire divinis præceptis, & Superiorum mandatis sit peccatum mort. quando contrariatur dilectioni Dei, si nimirum homo præceptum contemnat. Et ar. 2. docet, quod una inobedientia, etiam mortalis, sit gravior altera, quod enim superior est ille, qui præcipit, eo gravior est inobedientia. Item eo gravior, quo magis de intentione præcipientis est id, quod præcipit: iterum tanto est gravior quanto præceptum datur de meliori. Unde gravior peccat, qui est inobediens Deo, quam qui homini: gravior peccat, qui est inobediens præcepto de dilectione Dei, quam qui præcepto de dilectione proximi. Et ad 2. ibid. docet, quod inobedientia, cui adhibetur oblatio, sit peccatum in Spiritum S.

Not. ex S. D. ibid. q. 104. a. 1. ad 1. Si obedientia propriè accipitur, secundum quod per intentionem respicit formalem rationem præcepti, erit specialis virtus, & inobedientia peccatum speciale: secundum hoc enim ad obedientiam requiritur, quod impleat aliquis actum iustitiæ, vel alterius virtutis intendens implere præceptum; & ad inobedientiam requiritur, quod actualiter contemnat præceptum. Si vero obedientia largè accipitur pro executione cuiuscunque, quod potest cadere sub præcepto, & inobedientia pro omissione ejusdem ex quacunque intentione; sic obedientia erit generalis virtus, & inobedientia generalis peccatum.

XIII. Jactantia, de qua S. D. agit 2. 2. q. 112. per duos art. de eaque Plinius l. 11. c. 32. scribit: *Chamaeleon maximum habet pulmonem, & nihil aliud intus, ita quidem præter ostentationem, & ventosam jactantiam nihil habens.* Desinitur, quod sit manifestatio propriæ excellentiæ per verba, quibus homo se extollit supra id, quod est, vel supra id, quod de eo opinatur: seu est vitium ad hoc inclinans. Aliquando est mortalis, aliquando venialis, pro gravitate, vel levitate rei, de qua quis se jactat, v.g. de mortali, ut adulterio à se commissio vel de nobilitate, scientia, &c. Species peccati, de quo se jactasti, est necessarius explicanda in confessione, si sit peccatum mortale.

XIV. Hy-

XIV. *Hypocritis*, de qua agit S.Th. 2. 2. q. 111. per 4. ar. de eaque intelligi possunt, quæ dicta sunt Tract. 3. Exam. 3. n. 50. & 51. illa, inquam, est, quando quis per falsa facta, vel signa exteriora simulat se habere, quod non habet, aut quod habet, significat se habere excellentius, quam habeat: unde est similis illi, qui facit falsam monetam. Vel, est vitium inclinans ad ita simulandum. Quando fit peccatum mortale, vel veniale, explicat Ang. Doctor loco mox cit. ar. 3. dicens: Si aliquis non curet sanctitatem habere, sed solum sanctus apparere, sicut consuevit accipi in sacra Scriptura, est peccatum mortale: nullus enim totaliter privatur sanctitate, nisi per peccatum mortale. Si autem dicatur hypocrita ille, qui intendit simulare sanctitatem, à qua deficit per peccatum mortale, non est mortale, sed quandoque veniale. Quod discernendum est ex fine, qui si repugnet charitati Dei, vel proximi, erit mortale, puta, cum simulat sanctitatem, ut falsam doctrinam disseminet, vel ut adipiscatur Ecclesiasticam dignitatem indignus, vel quæcunque temporalia bona, in quibus finem constituit. Si vero finis intentus non repugnet charitati, erit peccatum veniale, puta, cum aliquis in ipsa fictione delectatur. Hæc S.D.

Horrenda hypocritis est illa, de qua S. Ambrosius in quodam Serm. ait: *Læter plerumque sub tristi amictu lascivia, & deformis horror vili vestis obtegitur, ut secreta petulantium regantur animorum.*

XV. *Contentio*, de qua Vide Tract. 7. Exam. 7. num. 116.

*Pertinacia*, de qua agit S.D. 2. 2. q. 138. ar. 2. & docet ex Isidoro, quod pertinax aliquis sit, qui imprudenter tenet, ac defendit suam sententiam, quasi ad omnia tenax, ad ostentandum suum iudicium capritiosus, nolens credere intelligentiori. Si quis sit pertinax in rebus fidei, vel spectantibus ad bonos mores, contra communem DD. sententiam, vel Ecclesiæ auctoritatem, aut si cedat in notabile damnum proximi, est peccatum mortale, in cæteris solum veniale.

*Discordia*, de qua Vide Tract. & Exam. cit. num. 118.

*Novitatum præsumptio*, seu *inventio*, de qua S.D. agit 2. 2. q. 32. ar. 5. est directa manifestatio propriæ excellentiæ, per novas, ac insolitas res, v. gr. epulas, ludos, vestes admirationem habentes: nova enim, & insolita homines mirari solent. Qui tales novitates invenit, vel introducit, prævidens suo exemplo alios inducendos, ut sumptus faciant supra vires, ut postea non possint alere suos, aut non satisfacere Creditoribus, peccant mort. Idem est de iis, qui inveniunt, & introducunt vestes ad libidinem provocantes, vel cedentes in contemptum Religionis, æque

graviter peccant in utroque casu talibus novitatibus utentes.

### Filia Novitatis.

QUÆRO VIII. Quot sunt, & quæ?

XVI. Resp. Specialiter sunt duæ, scilicet superfluous ornatus vestium, & curiositas. Explicatur.

*Ornatus vestium*. De hoc agit S.D. 2. 2. q. 169. per 2. ar. ubi ar. 1. in c. contra vanitatis vestium amatores, & amatrices ex S. Greg. sic arguit: Sunt nonnulli, qui cultum subtilium, pretiosarumque vestium non putant esse peccatum. Quod si culpa non esset, nequaquam sermo Dei tam vigilanter exprimeret, quod dives, qui torquetur apud inferos, bysso, & purpura indutus fuisset.

Cajetanus noster assignat septem capita, seu causas, ex quibus potest esse peccatum in ornatu exteriori.

1. Ex fine ornantis se. Nam si quis ornet se ob superbiam, inanem gloriam, aut ad provocandum ad malum, &c. ornatus est peccatum juxta malitiam ipsius finis, ita ut, si finis sit peccatum veniale, puta, si ornet se, ut appareat pulchrior, ditior, nobilior, &c. etiam ipse ornatus sit vanitas, ac peccatum veniale. Si vero finis sit peccatum mortale, ut, si intendat provocare ad malam concupiscentiam, ornatus est peccatum mortale,

2. Ex immoderata sollicitudine, & affectu ad ornatum, quæ sollicitudo si sit tanta, ut propterea negligat necessaria ad salutem, propter ornatum omitendo, v.g. Missam in die festo, tunc ornatus sit peccatum mortale. Si nulla mortalis circumstantia adit, culpam venialem non excedit.

3. Ex consuetudine, vel lege vetante. Ubi Cajetanus ait, duo esse consideranda. 1. Qualitatem legis, an nimirum obliget sub mortali, quod cognosci potest ex gravitate pœnæ oppositæ, v. g. si esset pœna excommunicationis. 2. An fiat ex, vel sine contemptu legis, si enim lex sit levis, & desit contemptus non incurritur mortale. Consuetudo, nisi in legem transierit, communiter inducit peccatum veniale; quia non legale, sed morale debitum habet. Si autem in legem transierit sine pœna aliqua, transgressio est venialis, si contemptus desit. Huc spectat stulta præsumptio eorum, qui utuntur veste simili eorum, qui illis sublimiores sunt, ut si Idiota vestiat uti Doctor: plebeus ut Eques; & similes à modestia politica exorbitantes. Ad cujus politicæ observantiam prudenter docet noster Sylvester, quod homo nobilitate minor, immò genere infimus, Nobili tamen æqualis in divitiis, non possit se ornare uti Nobilis, nisi saltem in moribus, & exercitiis se habeat ut Nobilis: secus, si vi-



vilis exerceret officia, nimirum rusticana, aut mechanica.

4. Ex qualitate ornatus in se. Hinc utens veste per adjecta certa signa ad turpia incitante, vel tam brevi, ut videri possint: aut tam tenui, ut transpareant partes secretiores viri, vel mulieris, mortaliter peccat: quia hæc per se ad luxuriam provocant.

XVII. *Quid sentis* de sceminis in vestitu ordinario nuda pectora, seu media ubera ostentantibus?

*Dico.* Si non fiat ex ullo fine mortaliter malo, sed præcisè, ut appareant pulchræ, vel pulchriores, ubi est communis modus sic incendi, non peccant saltem mortaliter, nisi adesset lex sub mortali vetans. *Ratio.* Quia pulchritudinem ostendere non est mortale, quæ licet summa esset, per se tamen, & ex natura sua ad luxuriam non provocat, licet subinde alluciat ex malitia aspicientis. Nihilominus sit laus Deo, quod post diuturna Verbi Dei Præconum fulmina hic vestitus, certè minus incens, Germaniæ partibus exularit. Minus, seu levius peccare videtur devotus scemineus sexus in suo moderno phantastico capitis ornamento, quo ad risum magis, quam ad peccatum movet. Sanè, cum infimæ sortis sceminæ hodie eo utantur, virtuosos, & nobili Gynecæz indignum est.

*Quid censet de fuco? De quo Resp.*

XVIII. 5. Peccatum in ornatu externocognosci potest ex fuco, & fideis coloribus. Audiatur Apostolus Doctor loco cit. ar. 2. ad 1. dicens: Apostolus non prohibet mulieribus conjugatis ornari, ut placeant viris suis, ne detur eis occasio peccandi cum aliis. Unde Apost. 1. ad Timoth. 2. dicit: Mulieres in habitu ornato cum verecundia, & sobrietate ornantes se, non in tortis crinibus, aut auro, aut margaritis, aut veste pretiosa. Per quod datur intelligi, quod sobrius, & moderatus ornatus non prohibetur mulieribus, sed superfluis, inverecundis, & impudicus. Hæc S. D.

Ad propositum verò ibid. ad 2. ait: Mulierum fucatio est quædam species fictionis, quæ non potest esse sine peccato. Unde Augustinus dicit: Fucari pigmentis, quo vel rubundior, vel candidior appareat, adulterina fallacia est, qua non dubito etiam ipsos maritos nolle decipi: quibus solis, scilicet maritis, permittendæ sunt sceminæ ornari secundum veniam, non secundum imperium. Non semper tamen talis fucatio est cum peccato mortali, sed solum quando fit propter lasciviam, vel in Dei contemptum.

Addit: Sciendum tamen, quod aliud est fingere pulchritudinem non habitam, & aliud occultare turpitudinem ex aliqua causa proveniente, puta, ægritudine, vel aliquo hujusmodi: hoc enim est licitum. Quia secundum Apo-

stolum 1. ad Cor. 12. quæ putamus ignobiliora membra esse corporis, his honorem abundantiorum circumdamus. Hæc ibi.

*Quid iudicas* de scemina utente veste virili, vel e contra?

XIX. *Dico* cum S. D. ibid. ad 3. Cultus exterior debet competere conditioni personæ secundum communem consuetudinem; & ideo de se vitiosum est, quod mulier utatur veste virili, aut e converso. Et præcipue, quia hoc potest esse causa lasciviz, & specialiter prohibetur in lege, potest quandoque hoc fieri sine peccato propter aliquam necessitatem, vel causa occultandi se ab hostibus, vel propter defectum alterius vestimenti, vel propter aliud hujusmodi. Ita S. Tho.

*Quid de fideis capillis?*

XX. *Disco* de illis, sicut de fideis, de se enim non est malum portare capillos alienos, vel, ut dicitur, mortuos. Et si fiat ad abscondendam accidentalem turpitudinem, non est peccatum; si verò fiat malo fine, est mortale, vel veniale, sicut est ipse finis. Veniale, v.g. si quis eis uteretur, fingendo esse proprios: quia esset mendacium operis. Illis uti ad commodum ornatum, vel ob commoditatem, ut, si cui noceret alitare, vel asferre detestato capite, nullum est peccatum; si autem non est peccatum, uti aliena lana, vel lino. Quæ de causa etiam non peccant, qui tales ornatus conficiunt.

*Quid tener* de Sæculari, qui utitur veste Religiosa?

XXI. *Dico.* Si ea utatur in opprobrium Religionis, vel ad turpia, aut larvatus, peccat graviter; secus, si solum ex aliqua levitate, seu oblectatione, sine malo fine, & absque notabili damno Religionis, vel proximi.

*Quid de Religio*, vel Religiofa non deferente habitum ex vi Regulæ competentem?

XXII. *Dico.* Si in habitu suæ Religionis, seu in forma ejus excedat graviter, peccat mortaliter; venialiter verò, si excessus sit modicus. Patet consideranti vocationem Religiofi. Vide infra de Apostasia Tract. 7. Exam. 3. num. 51. quod Religiofus habitum suæ Religionis temerè dimittens, vel alterius Religionis habitum deferens peccet mortaliter, & sit excommunicatus.

*Sexta causa*, quam Cajetanus ponit, est ex pretiositate ornatus. Quod enim pretiosum est uni, non est pretiosum alteri, quem ex vi conditionis decet facere magnos sumptus in vestibus, annulis, monilibus, &c. ideo si ornatus relatus ad personam, est excessus in pretio, non est sine peccato; Communiter tamen talis excessus superbus, stultus, & vanus, videtur esse venialis: non enim propter illam Majoribus æquantur, quia pretiosè, sicut illi ornantur.

7. Ex scandalo, id est, ex occasione peccandi,

candi, mulier enim superflue ornata facile concupiscitur. Si tamen ex parte mulieris non sit intentio provocandi ad sui concupiscentiam, nec ei placeat, quod aliquis ad impurum ejus amorem alliciatur, licet placeat, quod laudetur, non idem mortaliter peccat: mortaliter tamen peccant, qui eam impure adstant, est enim oculo accepta, non data. Vide infra de scandalo Tract. 7. Exam. 7. num. 137. & seqq.

*Quomodo in talibus casibus se debet gerere Confessarius?*

**XXIII. Resp. 1.** Si Confessario clarè constet de mortali, & poenitens nolit abstinere, neganda est absolutio: si clarè constet non esse mortale, sed solum veniale, absolvendus est, licet abstinere nolit.

*Ratio 1. p.* Quia subiectum est incapax absolutionis propter continuum affectum peccati mortalis.

*Ratio 2. p.* Venialia non sunt de necessitate confessionis.

*Resp. 2.* Si Confessarius non possit clarè percipere, vel judicare, an sit mortale, nec ne, persuadendum est pro viribus, ut abstineant.

*Ratio.* Ne exponant se periculo peccati mortalis, fortè enim esset mortale.

*Quid si poenitens sit doctior Confessario, & teneat non esse mortale?* De hoc vide in Tract. de Confitentia num. 31.

**XXIV. Tandem Curiositas,** de qua S. Th. agit 2. 2. q. 167. per duos art. & insinuat, quòd sit vitium movens ad nimis, vel immoderatè sciendum, seu appetitus inordinatus sciendi, sive per interlectum, sive per sensum. Est peccatum, quia protrahit appetitum cognoscendi plus, quàm recta Ratio dicat. Et saltem semper est veniale, si homo appetat scire aliqua, non præfigendo debitum finem (nimirum Dei gloriam, suam, aut proximi salutem) uti sit in ludicris, jocis, facetiis, &c.

Mortale: si potest diversis modis. 1. Ex fine, si nimirum finis intentus sit mortalis, ut, si quis appetat aliquid videre, audire, scire, legere, propter luxuriam, vel in grave damnum proximi. 2. Propter eos, quorum, v.g. demonum, magorum, &c. ope vult talia cognoscere. 3. Propter ea, quæ vult cognoscere, ut, si Virgo aliqua, Religiosa, vel Religiosa curiosè vellet nosse, quanta sit delectatio copulæ carnalis, licet nolle experiri; si enim & hoc vellet, esset adhuc speciale peccatum luxuriæ. Item qui ex proposito vellet audire peccatum ejus, qui confitetur. Item qui (nisi fortè ad impugnandum) appeteret audire incantationes, divinationes, & similia prohibita: similis enim est culpa discere, & docere. Quantum ad ipsas res visas, vel cognitatas, ut communiter accidit iis, qui petunt videre (& hoc cum periculo consensus, pollutionis, aut

sine rationabili causa) fœminas nudas, aut genitalia cujusvisque sexus: vel videre, aut audire mulieres in loco sibi periculoso, v.g. in prostibulo, & lupanari. Videre, immò solum velle videre homines coeuntes, semper est peccatum mortale, quia est notabilis causa commotionis sensualitatis. Secus est de coitu brutorum, & aspectu pudendorum eorum, ob rationem oppositam. Si tamen, & in hoc casu quis adverteret periculum lapsus in mortale, sub mortali tenetur abstinere. Si quis confricaret pudenda brutorum ad videndum eorum semen, mortale esset ob proximius periculum. 5. Propterea, quæ curiositatem omittuntur, ut, si quis, v.g. Parochus, vel similis curiosè legendo Poetas, comœdias, &c. negligat scire, quæ ex vi officii, & necessariò scire tenetur. 6. Ratione modi, ut si ad curiosam sciendam adhibeat prohibita, v.g. superstitiosa, vel impudica tactus. 7. Ratione scandalii, quando nimirum similia cognoscendo, videndo, proximo est occasio ruinæ in peccatum mortale.

## EXAMEN II.

### De Avaritia, & Luxuria.

**A**varus, ut loquitur S. August. in Epist. similis est inferno, qui quoscunque devoraverit, nunquam dicit: Satis est. Hujus ergo infernalis vitii natura, & gravitas examinanda. De quo Angel. Doctor tractat in 1. 2. q. 118. per oct. art.

#### Avaritia.

**QUÆRO I.** Quid est, & quantum peccatum?

**XXV. Resp. 1.** Avaritia definitur, quòd sit appetitus inordinatus divitiarum: seu, vitium inclinans ad inordinatum appetitum pecunie; Per pecuniam intelligendo, quidquid pecunia æstimabile est. Bona enim exteriora debet homo appetere ordinatè, id est, secundum mensuram conditionis suæ, vel suorum: sicut medicina queritur secundum sanitatem.

*Resp. 2.* Peccato avaritiæ potest tripliciter peccari, nimirum inordinatè appetendo, acquirendo, retinendo. Pro cuius majori intelligentia.

*Resp. 3.* Avaritia potest dupliciter sumi. 1. Prout opponitur iustitiæ, & sic est appetitus accipiendi, vel retinendi alienum, quod, si est in re gravi, clarum est esse mortale, & teneri ad restitutionem. In hoc sensu ulnariorum, feneratorum, fures, aliosque fraudulentos dicimus avaros: uti & omnes illos, qui habent voluntatem acquirendi divitias per fas, & nefas, vel cum peri-

periculo transgrediendi præceptum obligans sub mortali, v.g. eleemosynæ in necessitate extrema. 2. Prout opponitur liberalitati, & sic dicitur inordinatus appetitus pecuniæ, & communiter est peccatum veniale ratione parvitaris. In hoc sensu dicuntur avari, qui valde accurate attendunt ad rem domesticam, vivunt valde parcè, dolent de crebris expensis, minutissima quæque reservant, omnia vertunt ad aliquod emolumentum. Nihilominus his, & cunctis in divitiis propendentibus cautela opus est, ob pericula in hoc vitio latentia.

### Luxuria.

Luxuria (ut loquitur Eusebius) hominem quasi bestificat, & ut ita dicam, pejorem bestia facit. De nullo alio peccato legitur dixisse Deum, se poenitere fecisse hominem. De hoc bestiali vitio Angelicus Præceptor (cui castitatis zona renes cinxit manus Angelica) agit 2.2.q.153. per 3. art.

**QUÆRO II.** Quid est luxuria? estne peccatum mortale? vel veniale aliquando ob materiæ parvitatem? aut excusabile propter ignorantiam, vim, aut metum?

**XXVI. Resp. 1.** Luxuria cum S. Tho. benè definitur, quòd sit inordinatus appetitus, vel usus venereorum, seu venereæ voluptatis; Vel, est vitium inclinans ad talem appetitum, vel usum. Dicitur, *inordinatus*, id est, contra rectam rationem, qualis semper est, si sit extra matrimonium. Est peccatum mortale.

*Ratio* patet ex dicendis postea de fornicatione.

**Resp. 2.** Indubitata est doctrina non dari parvitatem materiæ in rebus venereis deliberatis.

*Ratio.* Omnis delectatio venerea extra matrim. semper graviter pugnat contra rectam rationem.

Ex quo sequitur, quòd actus imperfecti in genere luxuriæ sint quidem interdum solum peccata venialia, non ob parvitatem materiæ, sed ob defectum advertentiæ, & consensu. Hinc omnis deliberata voluptas venerea visu, auditu, tactu, osculo, amplexu, vel etiam sola cogitatione percepta est peccatum mortale. Pro intelligentia videantur, quæ dicta sunt de delectatione morosa Tract. 4. n. 46. & seqq. & de Curiositate in 1. Exam. n. 24.

**Resp. 3.** Copula carnalis extra matrim. non potest à mortali excusari propter ignorantiam, licet esset solum soluti cum soluta, seu fornicatio simplex, aut cum publica meretrice.

*Ratio.* Quia esset ignorantia juris naturalis, & divini omnino manifesti. De qua vide in Tract. 6. de legibus, Exam. 2. n. 17. Et contrarium asserere, est hæresis, ut definiit Concil. Viean.

**Resp. 4.** Metus, minæ mortis, aut infamiæ, pudor vociferandi, &c. non excusant in præfenti à mortali.

*Ratio.* Homo debet potius pati omnia mundi mala, & mille millies mori quam consentire in malum omnium malorum maximum, quale est, unicum etiam, peccatum mortale (præsertim luxuriæ) & secutura ex eo æterna damnatio.

**Resp. 5.** Vis absoluta alicui personæ pro viribus, v. gr. propriis membris, pedibus, aut manibus, vel clamando (licet irritò conatu) resistenti illata, excusat, si omnis interior consensus sit. Et Virgo sic oppressa, ac deflorata, attamen semper animo, etiam sub ipso actu venereæ voluptatis (quam fortè sensu, seu carne percipit) contradicens, virginitatem non perdit quoad formale, & quoad Deum.

*Ratio.* Peccatum debet esse voluntarium. Sed illa copula, & delectatio, si quæ esset, foret omnino involuntaria, ut supponitur. Ergo. Et ita clarè docet S. Tho. 2.2.q. 64. ar. 5. in c. dicens: *Non est crimen mulieris per violentiam violata, si consensus non adsit: quia non inquinatur, nisi de consensu mentis, ut dixit Lucia: Si me feceris invitam violari, castitas mihi duplicabitur ad coronam.*

Not. quod Virginitas possit dupliciter considerari. 1. Quoad materiale, & hoc est integritas carnis, seu claustrii virginialis non relecti, & hoc solum in casu posito tolleretur, & quidem violenter. 2. Quoad formale, & hoc est firmum propositum perpetuò abstinendi ab omni voluntaria venerea delectatione, & opere, nimirum extra matrimonium.

**XXVII. QUÆRO III.** Puella quædam Monacha ante investitionem, aut sacram Professionem est occultè sive voluntariè sive involuntariè deflorata, de quo post Deum nulli constat, nisi ipsi, & complici, ac Confessario, potestne illa succipere sine peccato suæ Congregationis velum, ac consecrari? aut quod in eo casu remedium? Ante R.

Suppono 1. Nec viduæ, nec alteri fœminæ corruptæ prohibitum esse Religionis ingressum, ejusve professionem.

Suppono 2. Præter velum Novitiatus, seu probationis, quod communiter est album, daturque in susceptione habitus, dari etiam velum nigrum, & hoc quintuplex, ut notat noster Sylvester. *Primum* est Professionis, quod datur completo Novitiatu solis sororibus choralibus, dum professionem emittunt; & non potest dari nisi expleto decimosexto ætatis anno. *Secundum* est Consecrationis, quod anno 25. ætatis datur; & dari potest à solo Episcopo. *Tertium* est Ordinationis, quod non amplius est in usu, ut separatim detur: dabatur antehac anno

ætatis 40. ad hoc, ut quasi Diaconissæ possent in choro inchoare horas, & legere Homilias. *Quartum* Prælationis, quod Abbatissis dabatur anno ætatis 60. quæ ætas nunc non amplius est necessaria, sed sufficit 30. annorum. *Quintum* est velum continentię, ac observantię, quod est viduarum, & etiam potest dari Virginibus, licet è contra velum virginale non possit dari viduę, etiam ex dispensatione Episcopi.

Suppono 3. Non esse in omni Religione, ac Monasterio consuetam dictam Virginum consecrationem, seu benedictionem. Quod Ordinem nostrum concernit, Constitutiones Sororum nostrarum cap. 16. in fine sic dicunt *Nolumus, quod aliqua Sorores benedicantur, cum S. Dominicus P. N. hoc ordinis dicatur circa illas, quia fuerunt tempore suo, & huiusmodi benedictio soleat esse aliquibus occasio, ut super alias se exollant. His præmissis.*

*Resp. 1.* Cum tutiori, & probabiliori sententia. Fœmina occulte, etiam per vim, violata non potest consecrari, & velari inter Virgines absque peccato mortali, quod committit tum ipsa, quæ consecratur, tum ille, qui scienter eam consecrat. Ita cum Anglico Doctore in 4. dist. 38. quæst. 1. artic. 5. ad 5.

*Ratio.* In Sacramentis, & sacramentalibus scienter, etiam occulte, & ad vitandum scandalum, committere falsitatem, & falsionem, est Ecclesię injuriosum, & gravis irreverentia, adeoque peccatum mortale, v.g. consecrare Episcopum, qui talis esse non potest, consecrationi falsis, & aquæ supponere id, quod falsum, & aqua non est, esset enim sacrilegium: Sed consecratio Virginum censetur inter Sacramentalia Ecclesię. Ergo consecrationi supponere Virginem, quæ Virgo non est, mortale est.

Nec in hoc Episcopus potest dispensare, licet ex valde rationabili causa possit dispensare, ut, si quæ talis esset sic consecrata, vel post consecrationem fornicaretur,ungeretur tamen talibus officiis, quæ Virginibus consecratis præcisè juxta monasterii consuetudinem solent demandari, à quibus ante dispensationem debent abstinere.

*Hoc totum intelligendum est de Puella, quæ aliquoties consensit, si enim nullo modo consensit, & propositum Virginitatem perpetuo servandi inviolabiliter servet, secundum S. Thom. 2. 2. qu. 152. art. 1. ad 1. & 3. uti etiam in supplemento qu. 96. art. 2. ad 4. per hoc Virginitatem non perdit.*

XXVIII. *Resp. 2.* ad Q. 3. Ad tollendum in eo casu scandalum, & ad consulendum famę illius puellę non licet adhibere illud remedium, quod aliqui suggerunt, nimirum in Orationibus in Cæremonia consecrationis dici

solitis, nomen Virginitatis mutare in nomen castitatis, & continentię: Vel saltem ut Episcopus intrā mentem ly Virginitas accipiat pro eodem quod significat castitas, & continentia. Nec subsistit ratio Doctorum hoc medium suggerentium, quæ est hæc, quod communi sermone etiam illæ, quæ occulte sciuntur corruptę, vocentur Virgines sine mendacio in allegato sensu.

*Ratio 1.* est, quæ data est pro R. 1. hic applicanda.

*Ratio 2.* est Cajetani sic argumentis: Remedium hoc vanum est, quia si officium consecrationis Virginum perspicitur, apparebit, quod aut oportet Virginem consecrare per illud, aut illud omittere, sicut per officium, quo consecratur Episcopus, oportet Episcopum consecrare, & similia. Nec puto (ait Cajet.) Doctorem aliquem, qui officium huiusmodi viderit, hoc consuluisse.

*Ratio 3.* Per hanc nominis mutationem famę talis mulieris non videtur satis consultum, cum aliquæ saltem personę, idioma Latinum intelligentes solant interesse, & id advertere, & saltem id adverteret Episcopus consecrans, cui hæc nominis mutatio suggeritur.

*Resp. 3.* Si nullo remedio (quod certè non facile occurrit) famę talis puellę succurri possit, patienter ferat, sique contenta velo viduali. Confessarius ante investitionem, aut professionem ab ea consultus, debet illam instruere, quod à Consecratione humiliter abstinere teneatur.

*Sed quid, si Episcopus id solum sciret ex confessione?*

*Dico.* Deberet eam consecrare. *Ratio.* Ne frangat sigillum. Sed mulier mortaliter peccaret, ut probat *Ratio* adducta pro R. 1.

*Quid si solum fuisset voluntarie polluta, si gnaculo non reformato?*

*Dico* posset consecrari post peractam pœnitentiam.

*Ratio.* Licet illa mulier Virginitatem amisserit quoad Deum, & ut virtus est, seu licet non maneat Virgo quoad virtutem, bene tamen quoad statum, prout in præsentia fuit, ad quod sufficit esse Virginem quoad carnis integritatem, quam quæ retinet, communi usu ab omnibus vocantur Virgines.

Eadem resolutio patet ex Pontificali Romano dicente, Pontificem debere inquirere de vita, & conscientia, & carnis integritate.

*Quid si membrum virile solum in- & egrediatur claustra pudoris sine resolutione seminis?*

*Dico* cum Corrado, non amitti Virginitatem corporalem in facto esse.

*Ratio.*

*Ratio.* Quia delectatio venerea completur in sola resolutione seminis, & per eam completè referatur sigillum, virili ingrediente.

*Species. Luxuria.*

**QUÆRO IV.** Quot sunt, & quæ?

**XXIX.** *Resp.* cum Sancti Thomæ. 2. 2. quæst. 154. articuli. 1. Sex potissimum sunt species luxuriæ, scilicet Fornicatio simplex. Adulterium. Incestus. Stuprum. Raptus. Vitium contranaturam. Quæ suo ordine explicantur.

*Fornicatio simplex* est coitus soluti cum soluta jam deflorata, ita ut uterque sit solutus, id est, liber ab omni vinculo, non solum conjugii, sed & consanguinitatis, affinitatis, Ordinis, Religionis, & voti, ac cuiuscumque impedimenti, possitque inter eos esse matrimonium. Licet in largo sensu interdum pro quovis illicito coitu accipiat. Hic autem est sermo de ea propriè sumpta.

Fornicatio simplex est intrinsecè mala, peccatum mortale, mala, inquam, non præcisè quia prohibita lege positiva, sed prohibita, quia mala.

*Declarat hoc, & probat Angelicæ puritatis Emulator S. Thomas 2. 2. quæst. 154. articuli. 2. hoc discursu.* Absque omni dubio tenendum est, quod fornicatio simplex sit peccatum mortale, non obstante, quod Deuter. 23. super illud, Non erit meretrix, &c. dicit Glossa. Ad meretrices prohibet accedere, quarum est venalis turpitudine. Non enim debet dici venialis, sed venalis, quod est propriè meretricum. Ad hujus autem evidentiam considerandum est, quod mortale est omne peccatum, quod committitur directè contra vitam hominis; fornicatio autem simplex importat inordinationem, quæ vergit in nocuum mentis vitæ ejus, qui est ex tali concubitu nasciturus. Videmus enim in omnibus animalibus, in quibus ad educationem proles requiritur cura maris, & femine, quod in eis non est vagus concubitus, sed maris ad certam feminam, unam, vel plures, sicut patet in omnibus avibus. Secus autem est in animalibus, in quibus sola femina sufficit ad educationem fœtus, in quibus est vagus concubitus: ut patet in canibus, & hujusmodi aliis animalibus. Manifestum est autem, quod ad educationem hominis non solum requiritur cura matris, a qua nutritur, sed multò magis cura patris, a quo est instruendus, & defendendus, & in bonis tam interioribus, quam exterioribus promovendus. Et ideo contra naturam hominis est, quod utatur vago concubitu, sed oportet,

quod sit maris ad determinatam feminam, cum qua permaneat, non per modicum tempus, sed diù, vel etiam per totam vitam. Et inde est, quod naturaliter est maribus in specie humana sollicitudo de certitudine proles, quia eis imminet educatio proles: hæc autem certitudo tolleretur, si esset vagus concubitus. Hæc autem determinatio certæ femine matrimonium vocatur, & ideo dicitur esse de jure naturali. Et paucis omisiss subdit S. D. Unde cum fornicatio est concubitus vagus, utpotè præter matrimonium existens, est contra bonum proles educandæ, & ideo peccatum mortale. Nec obstat, si aliquis fornicando aliquam cognoscens sufficienter provideat proli de educatione: quia id, quod cadit sub legis determinatione, judicatur secundum id, quod communiter accidit, & non secundum id, quod in aliquo casu potest accidere. Hæc ibi.

*Oppono.* Nullum peccatum cadit sub præcepto divino: Sed Osee 1. præcipitur Domino: Vade, sume tibi uxorem fornicationum, & fac tibi filios fornicationum. Ergo.

*Ad hoc R.* quod Deus dominium corporis mulieris transfulerit in Oseam, sicut illa, quæ ante erat fornicaria, per consensum Prophetæ, & mandatum Dei, fuerit facta ejus legitima uxor. Vocatur autem fornicaria, quia antea fuerat talis, & filii ex tali matrimonio progeniti vocantur filii fornicationis propter matris opprobrium. Nec est insolitum in S. Scriptura, quod res retineat nomen ab eo, quod fuit; sicut Eva post formationem suam vocatur ab Adamo, hoc nunc os ossibus meis, quia ex osse facta est, & ante formationem erat os. Item serpens à Moyse ex virga productus, appellatur adhuc virga Exod. 7. *Devoravit Virga Aaron virgas eorum.* Hostia post consecrationem adhuc appellatur panis, quia fuit talis, ita pariter est de illa muliere.

*Esne fornicatio gravissimum peccatum?*

*Dico* cum S. Th. loco citato ar. 3. Licet fornicatio sit gravior illis peccatis, quæ sunt contra externa hominis bona, est tamen minus homicidio, & illis peccatis, quæ directè committuntur contra Deum.

*Declarat hoc S. D.* Gravitas alicujus peccati potest attendi dupliciter. Uno modo secundum se, alio modo secundum accedens. Secundum se quidem attenditur gravitas peccati ex ratione suæ speciei, quæ consideratur secundum bonum, cui peccatum opponitur: fornicatio autem est contra bonum hominis nascituri. Et ideo secundum speciem est peccatum gravius peccatis, quæ sunt contra bona exteriora, sicut

sicut est furtum, & alia hujusmodi, minus autem peccatis, quæ sunt directè contra Deum, & peccato, quod est contra vitam hominis jam nati, sicut est homicidium. Hæc ibi.

XXX. *Cur in quibusdam locis ita impunè grassatur simplex fornicatio, si sit tantum peccatum?*

*Dico.* Hoc non facit eam esse licitam, nec ab ea tollit rationem peccati; quia per illam impunitatem (quæ est solum quoad homines, & in foro fori, non quoad Deum) non approbatur, sed solum toleratur, & dissimulatur ad cavenda majora mala, nimirum adulteria: & peccata contra naturam, ne calidiores Nationes labantur in illa. Quod autem inter duo mala (quorum utrumque nequit vitari) dissimulanter possit tolerari id, quod est minus, nemo negat. Vide de Lupanaribus in hoc Exam. n. 42.

*Quæ est pœna fornicationis simplicis, cui nimirum stuprum non annectitur?*

*Dico.* Tam contra Clericos quàm Laicos est arbitraria, seu ad arbitrium Judicis, juxta loci consuetudinem. Fornicator licet non teneatur ad matrimonium cum complice, debet tamen alere prolem.

*Sed quid si neget se esse patrem?*

*Dico.* Si confessus, vel convictus sit de copula, eo ipso præsumitur esse pater (licet se esse neget) nisi alium monstrat.

*Quid si plures cum eadem femina habuerint commercium?*

*Dico.* Tunc est recurrendum ad circumstantias, nimirum cui magis correspondeat, vel tempus partus, vel physiognomia, &c. immo interdum in favore prolis (ne defectu alimentorum intereat) creditur juramento mulieris.

XXXI. *Adulterium est violatio alieni thori, ut quando vir congregatur cum uxore alterius, vel è contra. Peccatur proinde per illud etiam contra justitiam, & committitur, si ve uterque peccans, si ve unus tantum sit conjugatus: quod necessariò in confessione est explicandum. Si enim uterque sit conjugatus, committitur duplex injustitia, nimirum una contra proprium, altera contra complices conjugem. De Sponso carnaliter peccante vide infra de sponalibus.*

Pœna adulterii antehac fuit capitalis, quæ dein in foeminas mitigata, ac conversa in intrusionem in monasterium, nunc autem ulu locorum est arbitraria, nimirum, vel pecuniaria, vel fustigationis, carceris, relegationis, &c. Judices in puniendis adulteriis negligentes, graviter peccant.

XXXII. *Incestus est coitus cum persona sanguine, vel affinitate conjuncta, intrà gradus, in quibus non potest contrahi matrimonium. Qui gradus in confessione est exprimendus,*

*Tribunal Confessoriorum.*

licet enim specie non distinguantur, enormiter tamen aggravant, præsertim in primo, & secundo gradu.

Pœna incestus moderno tempore, usu locorum, etiam est arbitraria, interdum tamen punitur morte, ut si sit commissus cum iis, cum quibus jure divino, & naturali nequit iniri matrimonium, v.g. cum filia, matre, fratre, sorore, &c.

XXXIII. *Stuprum est illicitum, uti est extra matrimonium virginum, id est, antea a nemine carnaliter cognitarum, defloratio, seu, est coitus illicitus, quo primò tollitur flos virginittis, seu violatur claustrum, si ve signaculum virginale. In largo sensu stuprum accipitur pro quovis illicito coitu. Hic de eo agitur in prima, seu propria significatione. Cui S. Thomas loco cit. art. 6. addit, intelligi de Virgine existente sub cura Parentum; & in corp. contra alios DD. (qui tenent, stuprum non esse speciem luxuriæ distinctam à simplici fornicatione) sic arguit, paucis mutatis: Ubi circa materiam alicujus vitii occurrit aliqua specialis deformitas, ibi debet poni determinata species illius vitii: Sed luxuria est peccatum circa venerea, & in Virgine, sub custodia Patris existente, occurrit specialis deformitas, si corrumpatur. Ergo est determinata species luxuriæ. Min. patet tum ex parte puellæ, quæ ex hoc, quod violatur, nulla passione conjugal præcedente, impeditur à competente matrimonio, & ponitur in vi meretriciandi: tum ex parte Patris, qui de ejus custodia sollicitudinem gerit, & potest actione injuriarum agere contra stupratorem. Ergo.*

*Oppono.* Inferre injuriam magis spectat ad injustitiam, quàm ad luxuriam: Sed qui committit stuprum, alteri facit injuriam, nimirum Patri Puellæ. Ergo stuprum non est species luxuriæ.

*Ad hoc S. Thom. art. 6. cit. art. 3. dicit: Nihil prohibet, unum peccatum ex adjunctione alterius deformius fieri, sit autè deformius peccatum luxuriæ ex peccato injustitiæ, quæ videtur concupiscentia esse inordinatio, quæ à delectabili non abstinet, ut injuriam vitet: habet autem duplicem injuriam annexam. Unam quidem ex parte Virginis, quam et si non vi corrumpat, tamen eam seducit, & sic tenetur ei satisfacere, ut patet Exod. 22. Aliam verò injuriam facit Patri puellæ, unde & ei secundum legem tenetur ad pœnam. Deut. 22. Hæc S. D. Unde Major est verà de injuria præcisè sumpta, secus si sit libidini mixta, uti in præsentia: uti satis indicat S. D. verbis adductis. Simile est in adulterio, per quod etiam fit injuria conjugi innocenti, & tamen est verà species luxuriæ.*

*Quid si puella, eiusque Pater faciliè consentiant, & desit omnis vis, fraus, & dolus;*

H cum



cū m scienti, & volenti non fiat injuria?

*Dico.* Ubi S.Tho. non distinguit, neque ego distinguere volo: Sed S.Thom. non distinguit, an vis addit, vel non addit, sed fundat se in hoc, quod stuprum habeat specialem concupiscentie inordinationem. Ergo siue addit, siue non addit vis, aut fraus, est species luxuriæ, exprimens in confessione. Præterquam quod inspicienda sunt ea, quæ se habent per se, non quæ per accidens, per se autem Patri fit injuria. De restitutione ex causa stupri vide Tract. 8. Exam. 5. num. 95.

*Ergone* pœnitens in confessione tenetur exprimere, se illo actu primo perdidisse, vel abstinuisse florem Virginitatis?

XXXIV. *Affirmo* cum tutiore, & probabiliori sententia, & præfata S.Thomæ doctrina. Unde puella cum primo actu, quo Virginitatis florem perdidit, & vir, quo eum puellæ abstulit, tenetur hanc circumstantiam exprimere.

*Ratio.* Quia juxta S.Tho. stuprum est distincta species luxuriæ; & dato, quod specie non distinguatur à fornicatione simplici, notabiliter tamen aggravat juxta adductam rationem S.Doctoris.

*Teneturne* vir etiam de ipso explicare, se illo actu suam propriam Virginitatem violasse?

*Dico.* non teneri. *Ratio.* Quia prædicta mala non in viris sed in solis fœminis reperiuntur.

*Teneturne* etiam hanc circumstantiam exprimere puellæ, quæ solo actu interiori consentiunt in fornicationem?

*Affirmo* cum tutiore, & probabiliori sententia, si adhuc verè fuerint Virgines. Si tamen illius jacturam semel fecerint, vel sint meretrices, ad id non ampliùs tenentur.

*Ratio 1. p.* Quia in probabiliori sententia Thomistarum actus externus nullam malitiam essentialiter addit interno. Ergo si externus est exprimens, etiam internus. Maxime cum tales puellæ hoc facili negotio, & absque pudore possint insinuare, immò cum magna gloria, titulo nimirum servandæ Virginitatis.

*Ratio 2. p.* Quia per hoc confessio redderetur odiosa.

*Teneturne* Confessarius etiam de hoc interrogare, loquendo de actu, siue interno, siue externo?

*Affirmo.* Sed interroget cautè, & valde modestè, ne videatur nimis curiosus, & curiosis interrogationibus confessionem reddat odiosam. *Ratio.* Quia juxta dicta est nova species peccati.

Pœna stupri est vel excommunicatio, vel fustigatio, vel introitus in Monasterium; in Clerico carcer, suspensio, depositio, vel degradatio, pro qualitate personæ. Stuprum violentum longè

severius puniendum est, cuicumque honestæ fœminæ, etiam viduæ, violentia inferatur.

XXXV. *Raptus*, prout de eo hîc loquimur, non est raptus rerum, quæ est injusta ablatio rei alienæ per vim, diciturque rapina, & inde dicuntur raptores nimirum divitiarum: sed sermo hic est de raptu personarum, qui licet aliquando in largo sensu promiscuè accipitur pro stupro, attamen in sua propria significatione est, cum puella violenter contra ejus, vel parentum voluntatem abducitur, ut corrupta habeatur in uxorem, vel in concubinam. Est etiam raptus, si abducta abutatur, ea renitente. Unde cum S.Thom. loco citato art. 7. sic potest definiri: Raptus est violentia facta mulieri, vel parentibus propter coitum assequendum, etiam matrimonialem. Unde juxta S.Th. loco cit. est raptus, si violentia fiat mulieri, licet non patri: vel si fiat patri, licet non mulieri, putà, quia consensit: siue inferatur Virgini, siue puellæ corruptæ, aut viduæ, vel maritatæ: quæ omnia in confessione sunt explicanda. Item si Sanctimoniali, tunc autem simul est sacrilegium. Aliquando idem actus est simul stuprum, & raptus, ut si quis violentiam inferat Virgini, eam abductam deflorando.

De hoc Raptu, in quantum est impedimentum dirimens matrimonium fiet sermo in Tract. de matrim. Exam. 6. Q. 14. n. 97.

Pœna hujus raptus de Jure Canonico, & juxta Conc. Trid. est, quod Raptor, & omnes ei consilium, auxilium, vel favorem præbentes sint ipso jure excommunicati, & perpetuò infames: & si Clerici fuerint, de proprio gradu decedant, teneaturque Raptor raptam convenienter dotare, pro arbitrio Judicis.

Not. varias circumstantias circa peccatum carnis occurrere posse, necessariò explicandas in Confessione, ut ratione voti, complicis, cognationis, infidelitatis, sollicitationis in Confessionali, &c. quas vide supra Tract. 3. Exam. 2. n. 25.

XXXVI. *Vitium contra naturam* juxta S.Tho. loco cit. artic. 1. r. est actus veneris repugnans non solum rationi rectæ, quod est commune omni vitio luxuriæ, immò cuicumque peccato, sed etiam ipsi ordini naturalis actus veneris, qui convenit humanæ speciei, quæ est, ut sit inter masculum, & fœminam ejusdem speciei, nimirum humanæ, in vase, & situ debito, quod in hoc vitio (ex quo nulla fœqui potest generatio) non servatur. Cùm autem id pluribus modis contingere possit, vitium hoc est species luxuriæ subalterna, continens sub se plures species infimas. De quibus postea num. 38.

XXXVII. *Sacrilegium* à nonnullis recensetur inter species luxuriæ, attamen propriè species ejus non est, cùm etiam reperiri possit in alio



in alio genere peccati, v.gr. furti, homicidii, &c. In præfenti per facilegium intelligitur ille actus luxuriæ, quo violatur corpus personæ Deo consecratæ per votum, vel professionem Religionis, sive sit vir, sive mulier: quam circumstantiam uterque complex de se ipso, & de complice in Confessione exprimere debet.

*Declarat hoc S. D. loco citato ar. 10. ad 2. dicens: Sacrilégium potest concurrere cum diversis luxuria speciebus. Si enim aliquis abutatur Persona sibi conjuncta secundum spirituales cognitionem ex Baptismo, & Confirmatione, ut patet in Patrinis, commisit sacrilegium ad modum incestus. Si abutatur Virgine Deo sacrata, in quantum est sponsa Christi, cum quo fecit spirituale matrimonium, ut ait art. 1. ad 3. est sacrilegium per modum adulterii spiritualis. In quantum vero est sub spiritualis Patris cura constituta, erit quoddam spirituale stuprum. Et, si violentia inferatur, erit spiritualis raptus, qui etiam secundum leges civiles gravius puniuntur, quam alius raptus. Unde Justinianus Imperator in Cod. l. 9. tit. 13. dicit: Si quis, non dicam rapere, sed attentare tantummodo matrimonii conjugendi causa sacratissimas Virgines ausus fuerit, capitali poena feriatur. Hæc S. D. De Jure Canonico autem ille, qui rapit, vel violat Monialem, si sit Laicus, seu Sæcularis, excommunicatur: si sit Clericus, deponitur, & in monasterium detruditur, ipsa verò Monialis in carcerem, vel arctius in Monasterium includitur ad agendas poenitentiam. Plura de Sacrilégio vide Tract. 10. Exam. 4. Q. 10. n. 64.*

*Species vitii contra naturam.*

**QUÆRO V.** Dixisti antea, vitium contra naturam esse speciem subalternam, seu genus, quot ergo, & quas habet sub se species infimas?

**XXXVIII. Resp.** cum S. Thom. citato ar. 11. Sunt quatuor, nimirum mollietis, sodomia, bestialitas, & vitium contra naturam. Quæ quarta species reinnet naturam sui generis. Explicantur suo ordine.

*Mollietis, seu pollutio, sive immunditia, est, quando absque omni concubitu causa delectationis veneræ procuratur effusio seminis. Est semper (dum voluntaria est) & in omni casu peccatum mortale, etsi procuraretur gratia sanitatis, quia frustratur finis à natura in semine intentus, scilicet alterius individui generatio; estque contra naturam; quia ob causam ex genere suo est gravius, quam rem habere cum sorore, matre, aut moniali. Et licet hoc peccatum tam abominandum sit: tamen, pro dolor! multi, ei omnino affueti, tam parvi illud faciunt, quam spueri in terram.*

*Dixi dum est voluntaria, puta, sive directè, sive indirectè, & in causa, licet eveniat in somno. Vide Tract. 4. Exam. 2. num. 63. ubi dictum est, quæ sint causæ mollietis, quas homo vitare tenetur. Cæterum Regula generalis est: Si causa pollutionis sit mortalis, v.gr. tactus, vel delectatio de ea, &c. Vel venialis, v.gr. verbum otiosum inconsideratè dictum, vel sine omni culpa, v.gr. cura Medici, &c. pollutio secuta etiam est talis.*

*Si quis sub actuali pollutione imaginaretur sibi quandam personam, teneretur in confessione eam circumstantiam exprimere?*

*Affirmo.* Exprimere ergo debet, an sit nupta, monialis, virgo, vidua, consanguinea, &c. *Ratio.* Quia obiectum dat speciem actuali.

*Quid si duo se mutuo polluerent, teneretur uterque exprimere tales condiciones si iis affecti sint.*

*Affirmo.* Ratio est eadem. Et hoc verum est, etiam dato, quod alterum pollens nullam sentiret delectationem, juxta dicta paulò supra.

*Quid sentis de distillatione ex se in somnis eveniente?*

*Dico.* Si homo ante somnum ei nullam dederit causam culpabilem, & evigilans non det complacentiam, sed potius eliciat displicentiam, detestationem, &c. omni caret culpa. Secus, si causam dederit, vel in ea complacuerit.

*Ratio.* Quia sub hac distinctione est, vel non est voluntaria.

*Licetne gaudere de pollutione inculpabili in somno habita?*

*Dico.* Nunquam licet. *Ratio* patet, tum quia delectatio de pollutione exponit hominem magno periculo consentiendi, tum etiam ex eo, quia idè pollutio in somno habita excusatur, quia non fuit voluntaria, sed per se cutam complacentiam sit voluntaria, sicut etiam de accessu Jacob ad Liam dictum est Tract. 4. Exam. 2. num. 73.

*Nota tamen non esse peccatum gaudere de bono ex tali pollutione subsecuto secundum se sumpto, ut abstrahit ab illa causa, v.gr. de sanitate.*

*Estne peccatum gaudere de pollutione secuta ex audientia Confessionum, vel desiderare, ut sequatur ex illa?*

*Nullatenus licet. Ratio.* Pollutio, quæ ex audientia Confessionum sequitur, idè excusatur, quia ejus causa excusatur, & caret culpa: Sed ex hoc capite in caput posito non excusatur, quia est simul directè voluntaria. Ergo.

*Quid judicas de illis, qui etiam vigilantes sine carnis commotione, & immunda cogitatione patiuntur fluxum è membro secreto?*

*Resp.* Cum Angelico Doctore Opusc. 64. H 2 de

de fluxu libidinis sic discurrere : Quibusdam contingit conscientiae dubietas, & perturbatio magna, unde ipsis vigilantibus, absque ulla commotione carnis, & cogitatione immunda, humor quidam per membrum secretum egreditur sine delectatione, & quasi insensibiliter, ita ut multi de hoc non perpendant, nisi cum pannos fenserint madefactos. Cujus causam aliqui ignorantes turbantur, & errant, putantes, se pollutos esse : & ideo sciendum est, quod illius humoris effusio non est pollutio, quia, ut dicunt Medici, sine libidinosa delectatione, & carnis commotione nullus potest pollui vigilando. Ad ipsos tamen humoris effusionem videtur naturalis conditio causam exhibere primariam, sed deinde aliam, quod ad naturam disponit, causa vitiosa, & evitabilis perficit, & consummat. Quibusdam hoc evenire agnovi ob solam praesentiam, & allocationem alicujus personae in cuius conspectu quis habuit complacentiam sensualem, & vanam, seu ad quam inordinato amore afficitur, aut per tactum impudicum levem, aut imaginando aliquos actus impudicos fortiter, & morose : in his enim casibus, & aliis similibus multi inveniuntur habere calefactiones, & commotiones carnis libidinosas, dictumque humorem emittere, velint nolint : sed eas causas, & similes, quae sunt evitabiles, debet quilibet fugere, & evitare pro posse, maxime qui sentit de hoc se passionatum, seu ad hoc naturaliter inclinatum, five ex vitio mentis, five ex debilitate naturae : & qui huiusmodi causas non evitaverit pro posse, vel juxta posse, relinquendo amicitiam, & familiaritatem personarum, ad quas inordinatè afficitur, fugiendo etiam allocationes, & aspectum personarum, licet non credant, ipsum per dictam effusionem peccare mortaliter, nisi forte aliter concupisceret, aut impudicè tangeret personam, quae est causa illius effectus : tamen credo, eum graviter peccare, & magno peccati mortalis periculo : & ideo consilium do illi, quod absque dilatione morosa ipse sibi violentiam faciat in hac parte, fugiendo personas huiusmodi, atque cum eis omnem opportunitatem loci, & temporis evitet. Hic itaque praedictus fluxus, qui à quibusdam vocatur libido, si potest evitari ipsius occasio, & studiosè non evitetur, est omnino confitendus cum suis occasionibus, & negligentia habita circa ipsas. Si verò contingit ex causa, quae vitari non potest, sicut quando audiuntur verba impudica ex casu, vel loquitur cum ipsa, vel sedet juxta eam, de cuius praesentia habet complacentiam vanam, & ab ea separari non valet : in his, & similibus credo sufficere, quod tam de occasione habita, & impotentia vitandi, quam de fluxu illius libidinis dolor est simpliciter habendus : quia tamen dubi-

tar de talibus, quae spectant ad conscientiae puritatem, quandoque valde proficuum est, poteris hoc confiteri, ob quietudinem mentis, & pacem : quamvis expedire non credam. Hæc S. D.

Nota, quoad hæcenus dicta, & dicenda, esse nonnullas sententias à Sede Apostolica damnatas. Nam inter propositiones ab Alexandro VII. damnatas est hæc num. 24. Mollities, sodomia, & bestialitas, sunt peccata ejusdem speciei insignæ, ideoque sufficit dicere in Confessione, se procurasse pollutionem. Et num. 25. Qui habuit copulam cum soluta, satisfacit Confessionis præcepto dicens : Commisi cum soluta grave peccatum contra castitatem ; non explicando copulam. Et inter propositiones ab Innocentio XI. damnatas est hæc num. 48. Tam clarum videtur, fornicationem secundum se nullam involvere malitiam, & solum esse malam, quia interdicta, ut contrarium omnino rationi dissonum videatur. Et n. 49. Mollities jure naturæ prohibita non est. Unde si Deus eam non interdixisset, sæpè esset bona, & aliquando obligatoria sub mortali. Et num. 50. Copula cum conjugata, consentiente marito, non est adulterium, adeoque sufficit in confessione dicere, se esse fornicatum.

XXXIX. *Sodomia*, seu vitium sodomiticum, maxime abominandum, nomen habens à Sodomia civitate, quæ propter illud cum tota illa Regione, igne cælestis delapso est concremata : juxta S. Thomæ est coitus inter masculum, & masculum, vel feminam, & feminam : ita ut non servetur debitus sexus. Si sodomitæ essent affecti aut nominatis conditionibus, conjugii, voti, consanguinitatis, &c. id in confessione explicandum est, uti & au fuerit agens, vel patiens, quia agens committit simul pollutionem, non verò patiens quæ talis. Si tamen & hunc in eo actu pollui contingeret, id pariter exprimere deberet. Si quis simile quid attentaverit cum femina, pariter exprimere debet, quia est alia, saltem imperfecta, species sodomiae : licet enim servetur debitus sexus, non tamen debitum vas, sodomia enim semper fit extra vas naturale. Alii coitum viri cum femina extra vas naturale reduciunt ad vitium contra naturam. De quo postea ex S. Thoma.

Pœna hujus horridi criminis de jure civili, & in foro sæculari erat gladius. Ex Constitutionibus pœnalibus Caroli V. est ignis, seu comburium. De Jure Canonico autem Laici Sodomitæ excommunicantur, Ecclesiastici beneficiis privantur, & deponuntur. Hodie ex Constitutione S. Pii V. de anno 1568. Ecclesiastici hoc dirum nefas exercentes omni privilegio Clericali, Beneficio, Dignitate, & Officio Ecclesiastico, ejusdem Constitutione-

nis auctoritate privantur, sicut per Judicem Ecclesiasticum degradati mox tradantur potestati seculari, quæ de iisdem capiat iudicium, quod in laicos, huic vitio intricatos, legitimis reperitur sanctionibus constitutum.

XL. *Bestialitas* juxta S. Thom. citatum, est concubitus, seu coitus cum re, scilicet animata, alterius speciei, nimirum cum bestia, seu bruto. Et hoc est nefandissimum, ac mortalissimum scelus, in cujus confessione species animalis, an nimirum fuerit vacca, canis, &c. non est necessarium exprimenda: licet enim physice differant speciei, moraliter tamen, quoad præsens, sunt ejusdem speciei. Sub hoc peccato (ut ex definitione S. Thomæ patet) continetur infandus coitus magorum, ac sagarum cum dæmone incubo, vel succubo, qui præter peccatum contra naturam, est adhuc speciale peccatum contra Religionem, nimirum peccatum societatis, & commercii cum diabolo infensissimo Dei, & humani generis hoste. Quod sine omni dubio in confessione est exprimendum, uti & an dæmon se stiterit in forma viri, vel femineæ, consanguineæ, conjugatæ, monialis, &c. tunc namque præter diabolicam bestialitatem, per affectum ad talem, vel talem personam additur specialis malitia, v.g. incestus, adulterii, &c.

Pœna de Jure civili huic sceleri debita est vivum comburium. Et Levit. 24. de ejus pœna sic legitur: *Qui cum jumento, vel pecora coevertit, morte moriatur, pecus quoque occidat; mulier, qua succubuerit cuilibet jumento, simul interficiatur cum eo.*

XLI. *Vitium contra naturam* est, quando quis coit cum sexu scæmineo, & ejusdem speciei, sed ut loquitur S. Thom. art. 11. citat. non servatur naturalis modus concubendi, aut quantum ad instrumentum non debitur, aut alios monstruosos, & bestiales concubendi modos. Ubi S. Thom. videtur velle, quodd, ubi sexus est debitus, licet etas, seu locus sit indebitus, non sit Sodomia (puta, perfecta) sed peccatum contra naturam, quod est, ubicunque non potest sequi generatio, nisi (ut Sylvester noller intelligit) raro, ut si mulier præbeat terga, vel supergrediatur, viro succumbente. Dixi, quodd didici coitus non sit *sodomia perfecta*, potest tamen admitti, quodd sit species ejus imperfecta, & reductiva, prout ante insinuatum est.

Falsidiosa hæc sunt; qui de iis plura desiderat, inspicat alios AA. fusius de his lubricis tractantes. Quæ peccata possunt committi in usu conjugii, vide infra Tract. 16. Exam. 7. nu. 103. & seqq.

### *Meretricium, & Lupanaria.*

QUÆRO VI. Quid sunt? Suntne licita, vel saltem toleranda? Estne peccatum meretricibus, quæ talibus, locare domos?

XLII. Meretricium est turpis quæstus venalis corporis scæminæ. Cum enim meretrix dicatur à merendo, dictus quæstus est illud lucrum, quod mulier ex turpi ulu corporis meretur. Lupanaria sunt ædes talium meretricum, se prostituentium.

Resp. 2. Meretricium semper, in omni casu, & actu, est peccatum mortale: necula meretrix in meretricandi proposito persistens est capax absolutionis. Possunt etiam meretricio admisceri plures aliæ species peccatorum, v.g. adulterii, incestus, sacrilegii, &c. necessario explicandæ in Confessione.

Ratio patet ex dictis de fornicatione.

Resp. 3. Moraliter peccant illi Caupones, qui in suis domibus, vel annexis tuguriolis permittunt meretrices, ut eo plures ibi divertant hospites.

Ratio: Quia sunt participes alieni peccati. Sicut ergo non licet alicui vendere gladium, vel venenum, quo credit eum usurum ad alium occidendum, ita similiter.

Resp. 4. Mortale peccatum est, quærere tributum, portorium, ac lucrum ex turpi lucro, & opera meretricum, immo est execrandum piaculum, etiam Barbaris, à fortiori Christianis indignum.

Ratio est eadem, quæ ante.

Resp. 5. Potestati publicæ licitum est, in aliqua civitatis parte permittere Lupanaria: sed ut in ea habitent meretrices.

Hæc est probabilior sententia fundata in S. Augustino mox citando, & in S. Thom. qui 2. 2. qu. 10. art. 11. in c. sic discipulis: Humanum regimen derivatur à divino regimine, & ipsum debet imitari, Deus autem quamvis sit omnipotens, & summè bonus, permittit tamen aliqua mala fieri in Universo, quæ prohibere posset, ne eis sublati majora bona tollerentur, vel etiam pejora mala sequerentur. Sic ergo & in regimine humano illi, qui præsent, rectè aliqua mala tolerant, ne aliqua bona impediuntur, vel etiam ne aliqua mala pejora incurran- tur. Sicut Augustinus dicit in l. 2. de ordine c. 4. tom. 1. Ausser meretrices de rebus humanis, turbaveris omnia libidinibus. Hæc S. D. Qui etiam 1. 2. qu. 101. art. 3. ad 2. ait: *Sapientis Legislatoris est, minores transgressiones permittere, ut majores caventur.* Et ita in Urbe, seu Romæ, ubi, Papaciente, & patiente, permittuntur Lupanaria. Idem fit in aliis quibusdam civitatibus.

Dixi. *Permittuntur*, non approbantur, sed tolerantur ad majora mala cavenda, v.g. adul-  
teria,

teria, sodomiam, & ne scemine honeste sollicitentur. Hinc meretricium, nec est, nec esse potest ibi, vel alibi licitum, sed manet semper, & in quovis actu est peccatum mortale. Sicut Deus olim Judæis permittebat exercitium usurarum ad alienos, & tamen erat peccatum mortale.

*Resp. 6.* Meretricibus in ea civitatis parte (in qua Potestas publica non permittit eas habitare) domos locare, est peccatum mortale.

*Ratio.* Quia locans agit in re gravi contra justam legem, & consuetudinem loci, & est causa, quod tantum virus serpat ulterius.

Majus difficultas est, an etiam illi sint in conscientia tuti, & a culpa immunes, qui exstruunt, vel locant domos meretricibus in ea civitatis parte, ubi potestate publica eis permittitur habitare? Vel an, sicut meretricium solum permittitur, non autem sic licitum, ita & locatio domorum facta meretricibus. Profectione.

*Resp. 7.* Tutius esse meretricibus (in ea civitatis parte, ubi Potestas publica eas tolerat) domos non elocare.

*Ratio 1.* Quia clarum est, tunc nullam fieri participationem alieni peccati, nec cooperationem ad illud.

*Ratio 2.* Finis in permissione meretricii pretenfus, nimirum refragari libidinis, & ne sollicitentur honeste, non videtur obtineri. Nam libido non extinguitur, sed accenditur ejus usu juxta Magistrum in 4. sent. dist. 24. addito male sensualitatis inclinationi habitu, quia duo vincula fortiora sunt uno.

*Confirm. 1.* Viri prudentes ajunt, quod illi, qui sunt apti ad sollicitandas honestas, non adeant meretrices; vel quod, quod magis meretricibus sunt astricti, eo magis sollicitent honestas, ob majorem vitii impetum, ut scribit Navarrus in Manuali.

*Confirm. 2.* Sicut, juxta proverbium, occasio facit fures, ita & fornicarios, & Adolescentes hac occasione citius discunt peccare, quam discerent, si lupanaria non permitterentur.

*Resp. tamen 8.* Prædicè probabilius est, mortaliter non peccare eos, qui in ea civitatis parte, ubi meretrices tolerantur, eis domos locant, non eo sine principali, vel minus principali, ut meretricentur, ut ex meretricio lucrum reportent, sed præcisè ad vivendum, cum vera, & sincera coram Deo displicentia meretricii. Ita Navarrus, qui Romæ scripsit, & Joan. Major ab eo citatus.

*Rationes Navarri quoad praxim convincentes sunt tres. Prima.* Ex consuetudine totius fere Christiani orbis. 2. Quia præfatum dictum S. Augustini ab omnibus receptum vix potest exequi sine domorum locatione. 3. In Urbe, sciente, & patiente Papa, locantur, & semper consueverunt locari domus meretrici-

bus. Et Confessarii absolvunt, & semper absolvent locatores earum sine proposito abstinendi à tali locatione. Ergo.

*Ratio 4.* his addi potest à pari: In locis, ubi Catholici, Hæretici, & Judæi vivunt permixti, sciente Magistratu, licitum est Judæis elocare domos, etiam pro Synagogis, & Synagogas ædificare, ac reparare, uti & Hæreticis templis; & tamen peccant in illis. Ergo similiter.

*XLIII. Oppono 1. contra R. 8.* Non licet elocare domum usurario, quia abuteretur illa. Ergo nec meretrici.

2. Dare alicui occasionem peccandi, & juvare ad peccandum, est peccatum, ut patet in vendente gladium, aut venenum ei, quem credit eo usurum ad homicidium: Sed hoc fit elocando domum meretrici. Ergo.

3. Et si liceat domum elocare peccatori, v.g. aleatori, ad exercendam artem, cujus exercitium non habet inseparabiliter annexum peccatum, non tamen id licet, si habeat peccatum ita annexum: Sed exercitium artis meretricandi habet inseparabiliter annexum peccatum mortale. Ergo. Min. pat. ex suprâ distis de fornicatione.

*Ad 1.* dist. ant. Usurario ut tali, & ex fine, sive principali, sive minus principali, usuras exercendi, Cant. præcisè ad vivendum, & inhabitandum, Nant & dist. similiter conf. Solutio patet ex ipsamet R. 8.

*Ad 2.* dist. maj. Dare occasionem proximam, & juvare proximè, ut fit in exemplis ibi allatis, C. maj. remotè solum, ut fit in præsentia, N. maj. & sic dist. min. N. conf. Paulò aliter dici potest, quod cooperatio ad peccatum in præsentia solum sit materialis, non formalis. Pro quo vide Tract. 7. Exam. 7. nu. 142.

*Ad 3.* Resp. sicut ad primum.

**XLIV. Potestne meretrix licite retinere, quod accepit pro usu corporis?**

*Affirmo* probabilius cum S. Thom. 2. 2. q. 61. ar. 5. ad 2. dicente: Cum quis dat meretrici propter fornicationem, mulier potest sibi retinere, quod ei datum est: sed si superflue aliquid per fraudem, vel dolum extorsisset, teneatur restituere. De quo plura vide Tract. 8. Exam. 4. n. 54.

*Concubinatus.*

**QUÆRO VII. Quid, & quantum peccatum est? quæ ejus poena?**

*XLV. Resp. 1.* Concubinatus propriè est fornicatio assidua, seu frequens, & consueta cum eadem persona, sive soluta, sive ligata, sive habitando simul sub eodem tecto, & convivendo, ac si essent conjugati: sive separatim quidem habitando, at tamen sese frequentando, & publicè conversando modo uxorio, ut loquitur Sylvester, seu cum jisdem familiaritatis signis, quæ inter conjuges esse solent. Ex quo facile eruitur, quod sit Concubinus, & Concubina.

*Resp.*

*Resp. 2.* Concubinitus est peccatum mortale.

*Ratio* patet tum ex data ejus definitione, tum ex verbis S. Thomæ ejusque fundamentis, quibus probat, fornicationem simpliciter esse peccatum mort. quæ vide suprà in hoc Exam. n. 29.

*Resp. 3.* Concubiniarius non tantum notorius, & publicus (de quo id simul probat ratio scandalici) sed & occultus, absolvi non debet, nec potest, si concubinam dimittere nolit, licet forsitan hæc ejus oblectamento, & rei domesticæ valde proficua sit. Ita post decretum Alexandri VII. tenet communis sententia.

*Ratio.* Manere in continuo affectu peccati mortalis, & proxima voluntaria occasione peccandi mortaliter est peccatum continuum mortale, faciens hominem abolutionis incapacem.

Præterea Anno 1666. ab Alexandro VII. damnata fuit hæc propositio num. 41. *Non est obligandus Concubiniarius ad eiiciendam Concubinam, si hæc nimis utilis est ad oblectamentum Concubinarij, vulgo regalo, dum deficiente illa nimis agere vitam, & alia epulæ adio magno Concubinarij afficerent, & alia famula nimis difficile inveniretur.*

*Resp. 4.* Si Concubiniarius uno, duobus, aut tribus annis non fuerit confessus, & confiteatur, Concubina adhuc domi retenta, promittatque se eam statim ejecturum, potest absolvi.

*Ratio.* Cum ille pœnitens hæcenus non promiserit emendationem, adeoque non frerit emendationis propositum, credi potest primum hoc propositum esse sincerum, & non fictitium.

*Resp. 5.* Si confessus in eiicienda Concubina, ut promiserat, defecit, non est absolvendus, quia adhuc manet voluntariè in occasione proxima peccandi peccato luxuriæ; ac proinde est indispositus propter affectum scilicet peccandi; & licet hunc forsitan deposuisset, manet tamen in occasione proxima peccandi peccato scandalici, quandiu eam non eiicit. Ita Silv. V. Concubiniarius q. 2. & alij. Novissimè verò Mag. Pisanus ad Propos. 61. damnatam ab Innocentio XI. num. 10. Et juxta hanc responsionem intelligenda est responsio quarta, & tota doctrina a responsione prima usque ad nonam.

*Resp. 6.* Si Concubiniarius p'uries monitus de eiicienda Concubina, non paruit, nec per rariorem lapsum, emendationis speciemina dedit, licet dicat se habere firmum propositum eiiciendi, non est absolvendus, antequam re ipsa eam ejecerit.

*Ratio.* Quia propositum, & promissum, quod tam longo tempore caret executione, quæ tam facile fieri potest, & debet, coniungitur;

cum periculo proximo, seu proxima voluntaria occasione peccandi mortaliter, non est sincerum, nec ferium. Ergo. De his plura vide de recidivis Tract. 13. Exam. 5. n. 97. & 98.

*Resp. 7.* Si Concubiniarius graviter decumbat, & præter Concubinam non habeat, nec facile habere possit hominem ei necessariam ministrantem, nullum autem ergo Concubinam amplius affectum gerat, promittatque se eam proximè ejecturum; vel si ipsa esset facta notabiliter deformior, aut laboret aliquo turpi morbo horrorem causante, potest absolvi, si in utroque casu deficit scandalum.

*Ratio:* Occasio proxima tunc censetur sublata.

*Resp. 8.* Concubina, quæ non definit invisere suum Concubinam in infirmitate, sed vult ipsi in agone porrigere candelam, non est absolvenda.

*Ratio.* Quia graviter, & quasi continuo scandalizat.

*Nota.* Quæ dicuntur hic de Concubino, proportionabiliter intelligenda esse de Concubina, quia sicut in dictis casibus Concubinus teneretur ejicere Concubinam, sic ipsa teneretur discedere, seu domum vitare, licet Concubinus eam non eiiciat.

*Resp. 9.* Concubiniarii in quibusdam Diocesisibus (quarum Praxis est observanda) per Constitutiones Synodales sunt excommunicati. Et defacto ubique terrarum, si ter ab Episcopo legitime moniti se non emendent, saltem sunt excommunicandi: & Concubinæ (invocato, si opus est, brachio sæculari) in exilium relegandæ, seu extra Diocesim proscrubendæ, ut patet ex Conc. Trid. Sess. 24. c. 8. de reform. matrim. Quomodo per privationem fructuum, officiorum, beneficiorum, per suspensionem, &c. puniendi sint Clerici, etiam Episcopi, Concubinas, aut alias mulieres (de quibus possit haberi suspicio) in domo, vel extra detinuites, patet ex Trid. Sess. 25. cap. 14.

**QUÆRO VIII.** Sacerdos Concubiniarius, legendo Missam, fitne irregularis? & peccantne, qui eam audiunt?

**XLVI.** Certum est, quod talis Sacerdos Concubiniarius, si ve notorius, si ve occultus, quoad Deum, & quoad se sit suspensus: adeoque mortaliter peccet celebrando.

*Ratio.* Quia est in peccato mortali, ejusque continuo affectu.

*Resp. 2.* Notorius Concubiniarius, & vagus fornicarius sacerdos est ipso jure suspensus, & ideo Missam legendo fit irregularis: super quo dispensari nequit nisi à Papa. Dixi, notorius, id est, publicus, cujus crimen est evidens, & nulla potest tergiversatione celari. Idem est de Diaconis, Subdiaconis, immò &

Minoris illis, si autem proprium sui Ordinis exercent, ait Navarr. & Sylvest. Qui posterior addit; Multi Doctores volunt, quod requiratur monitio, aliter non sit ipso facto excommunicatus, nec incurrat irregularitatem: sed primum est verius.

*Resp. 3.* Si Sacerdos Concubinarius, de quo est sermo, agat quidem poenitentiam, accedat ad vitio, fungatur autem suo officio ante dispensationem, peccat mortaliter toties quoties.

*Ratio.* Quia in re gravi est inobediens Ecclesiae.

Not. tamen, quod non incurrat novam irregularitatem, sed indigeat absoluitone à suspensione, quam dare potest Episcopus.

*Resp. 4.* Qui sunt causa, ut Sacerdos, qui est notorius Concubinarius, dicat Missam, & eam sine iusta causa audiant, peccant mort. Ita S. Thom. quodl. 11. art. 8.

*Ratio.* Quia sunt causa inducens Sacerdotem ad peccandum mort. nimirum ad indignè sacrificandum.

Hoc tamen solum intelligitur de iis, qui sciunt, & scire possunt, ac debent legem illam, quae prohibet audire Missam Sacerdotis Concubinarum, & fornicarii notorii. Secus est, si ab iis non inducatur Sacerdos, sed ipse ex se promittat, ac paratus sit, nec sit publicè excommunicatus, de quo eis constat.

*XLVII. Dic mihi,* ubi feliciendus est publicus Concubinarius sine poenitentia in tali peccato mortuus?

*Dico.* Extra locum sacrum, ut optimè docet noster Card. Turrecrem. *Ratio:* Cum obierit impenitens in peccato mortali notorio, non est dignus sepultura in loco sacro.

*Effectus* grave peccatum, si Concubinarius haberet imaginem suae Concubinae, vel è contra?

*Affirmo.* Quia esset continuum fomentum, & incentivum libidinis.

*Teneturne* quis domo expellere scæminam, quam (propter aliquam imprudentem ejus actionem) plebs credit esse concubinam, cum tamen non sit?

*Affirmo teneri,* si plebs suspicionem aliter eximere non possit, eamque possit dimittere sine suo gravi detrimento.

*Ratio.* Quantum ad scandalum proximi idem est, realiter concubinarius esse, aut ob dictam actionem reputari talem.

*XLVIII. Quomodo* intelligitur Sacra Scriptura, dum refert, quod antiqui Patres habuerint Concubinas?

*Dico* habuisse eas tunc, quando ad Generis humani multiplicationem ex Dei dispensatione licita erat Polygamia, seu uxorum pluralitas. Unde illæ Concubinae erant legitimæ Veterum Patrum Conjuges, compellabantur

autem eo nomine, quia in matrimonium erant ductæ sine solemnitate, nec potiebantur ullo familiæ gubernio, ad differentiam aliarum uxorum principalium, quibus auctoritas super familiam competeat. Vide de Polygamia.

*Sed quid dicis* ad illum textum Concilii Toletani, relatum in c. 4. & c. 5. dist. 34. *Christianis aut uxorem, aut pro uxore Concubinam habere licere.*

*Dico.* Cum Scortatio (ut supra probatum) jure naturæ sit prohibita, ibi per Concubinam non intelligitur Scortum, sed Uxor per verba quidem de præsentis desponsata, sed sine instrumentis dotalibus, aliisque solemnitatibus, olim saltem in foro externo, & de jure civili ad matrimonium requisitis: defectu quarum in eodem foro, & jure vocabatur Concubina, quæ tamen in foro poli, seu coram Deo revera erat legitima uxor.

*Chorea, Oscula, Amplexus, Tactus, Littera amoris, Munera.*

**QUÆRO IX.** Quid de his sentis?

*XLIX.* Chorea, sive saltus ex genere suo, seu per se, ex se, & ex natura sua non est peccatum, nec indicium libidinis, sed signum lætitiæ. Si ergo fiat debito tempore, & loco, honesto fine, & modo, non debet culpari, licet frequenter fiat. Dum verò à Ss. Patribus culpat, est propter abusum, qui est vitiosus, & periculosus; ratione cujus periculi quilibet seipsum mensurat, & consideret: 1. Quomodo, qua intentione Choreas ducat, an ex libidine, an decentis lætitiæ, ac honestæ recreationis gratia? 2. an sibi noceat aspectus mulieris, cum qua conversatur? 3. quos tactus, & quo animo faciat, aut manum intorqueat? 4. qui, & an veneri discursus interveniant? 5. quas levitates (in quibus mille, saltem venialia, peccata latent) exerceat? Et similia, ex quibus id, quod ex se malum non est, vitari potest; uti & vitiantur Chorea ratione loci prohibiti, ut si fiat in Ecclesia, esset enim magna irreverentia Dei: & ratione temporis, ut si fiat sub officio divino, aut cum impedimento ejus in die festo. Si autem fiant officio divino totaliter peracto, & non ex consuetudine, nec pro majori parte diei, non vitiantur saltem mortaliter. Item vitiantur ratione personarum saltantium, ut si sint Clerici, Religiosi, Moniales, &c. ex quo casu mille scandala pullulare possunt. Proinde magna opus est cautela. Tandem ratione pravæ, v.g. lascivæ intentionis; & ratione modi, putæ, impudici.

*Resp. 2.* Oscula, amplexus, & tactus, licet secundum suam speciem non sint peccata mortalia, ut tamen libidinosi sunt, inter mortalia numerantur. Ita S. D. 2. q. 154. art. 4.

*Declarat hoc in c.* Aliquid dicitur esse peccatum

catum mortale dupliciter. Uno modo secundum speciem suam, & hoc modo osculum, amplexus, vel tactus, secundum suam rationem non nominant peccatum mortale: possunt enim hæc absque libidine fieri, vel propter consuetudinem Patriæ, vel propter aliquam necessitatem, aut rationabilem causam. Alio modo dicitur aliquid esse peccatum mortale ex sua causa, sicut ille, qui dat eleemosynam, ut aliquem inducat ad hæresim, mortaliter peccat propter intentionem corruptam: dictum est autem supra, quod consensus in delectationem peccati mortalis est peccatum mortale, & non solum consensus in actum. Et ideo cum fornicatio sit peccatum mortale, & multo magis aliæ luxuriæ species, consequens est, quod consensus in delectationem talis peccati sit peccatum mortale, & non solum consensus in actum. Et ideo cum oscula, & amplexus hujusmodi propter delectationem hujusmodi fiunt, consequens est, quod sint peccata mortalia, & sic solum dicuntur libidinosi. Hæc ibi. Quibus adde, quod si oscula, amplexus, & tactus, careant omni libidine, prava intentione, & circumstantia, ut, si præcisè fiant amicitie honestæ gratia, &c. careant culpa etiam veniali.

Not. 1. quod non solum sit mortale, tactus ex genere suo impudicus facere, sed etiam est mortale eos pati. Quod & verum est de eo, qui patitur tactus non impudicus, credit tamen, vel dubitat, tot fieri malo animo, si sine scandalo eos possit vitare.

Not. 2. Inter 45. propositiones ab Alexandro VII. damnatas esse hanc n. 40. *Est probabilis opinio, quæ dicit esse tantum veniale, osculum habitum ob delectationem carnalem, & sensibilem, quæ ex osculo oritur, secluso periculo consensus ulterioris, & pollutionis.*

Resp. 3. Qui recipit, vel mittit litteras amatorias, ac munuscula, seu donaria (idem est de componentibus, vel canentibus cantilenas, ac pingentibus imagines) turpis amoris, ac libidinis gratia, mortaliter peccat.

Ratio: Quia intentio iudicat omnes, ut dicitur sol. 1. Sed illa in præteriti est mortalis. Ergo.

Resp. 4. Confessario incumbit tales obligare ante absolutionem, ut dona illa dent pauperibus, & litteras comburant.

Ratio. Quia talia renovant memoriam libidinis.

Quid sentis de servis, & ancillis russicorum, qui non memores, quod die præcedenti portarint, vel sequenti portaturi sint pondus diei, & æstus, adeoque quiete indigerent, tamen medias sæpe noctes ducendo in omnes sese visitant ad fenestras (quod germanicè ipsi in quibusdam locis vocant *senfsterien*, accusantque se hoc modo: *Pater, ich hab gesenfteriet*)

(subinde etiam per fenestras intrant, tota, vel media nocte condormiunt amicitie causa: & tamen interdum vix de talibus se accusant, etiam examinati?)

Dico, Confessarius hic debere considerare duo. 1. illud: Intentio iudicat omnes, ut ante dixi. 2. Illud Eccles. 3. Qui amat periculum, peribit in illo. Si iram approprietur igni, facile flammam concipit.

*Periculum, & Occasio peccandi.*

QUÆRO X. Quid de istis censet?

L. Ante R. Not. Periculum, sive occasionem peccandi esse duplicem. Una est proxima, altera remota. Proxima est, quæ semper, vel frequenter homines similis conditionis ad tale peccatum inducit. Vel, quæ posita homo moraliter quasi infallibiliter statim, aut quasi statim labitur. Occasio remota est, in qua homo non tam frequenter, & non tam infallibiliter labitur in peccatum. Supponitur autem hic, quod, qui versatur in occasione solum remota, possit, & debeat absolvi: quia cum ea fiat firmum propositum abstinendi à peccatis. Hoc notato.

Resp. 1. Qui versatur in periculo, seu occasione proxima peccandi mortalis, non est absolvendus, nisi firmiter statuat occasionem illam deserre.

Ratio: Tum quia, qui amat periculum, peribit in illo; tum etiam quia, nisi id statuat, judicandus est non habere sincerum de peccatis dolorem, nec serium emendationis propositum.

Resp. 2. Talis tenetur in Confessione exprimere speciem peccati mortalis, cujus occasionis, seu periculo proximo se exposuit.

Ratio. In moralibus idem est, exponere se periculo proximo peccati mortalis, & actu illud committere, suntque ejusdem speciei.

Resp. 3. Qui sunt juris sui, & sunt in proximo periculo, seu occasione peccandi, ac teste experientia vident se continere non posse, tenentur absolute expellere personam cum qua versantur. 2. Si expellere eam nequeant, ipsi abire debent, licet ex hoc infamia sui, aut aliorum sequatur: Et hoc Confessarius talibus penitentibus tenetur consulere, nec aliter eos potest absolvere. Ita docet Anglicæ puritatis Doctor Aquinas quodl. 17. art. 12. & ex eo Corradus, & alii.

Ratio 1. p. Patet ex dictis supra de Concupinatio.

Ratio 2. p. Quia præstat, famam, honorem, opes, & vitam ipsam millies perdere, quam Summum Bonum offendere.

Resp. 4. Cum Corrado. Probabilis est, quod, qui sui juris non sunt, v.g. filii, & filię familiæ,



miliis, uxor, mancipia, &c. non teneantur domum relinquere, quandiu tamen sunt in sola consuetudine, & non in occasione proxima peccandi, & exequantur remedia à Confessario præscripta. 2. Teneantur tamen provili resisteri, quasvis occasiones, nimirum conversationem, alioquia, &c. tollere, clamoribus (si opus fuerit) se defendere, nec ullo metu (exemplo Sufannæ) consentire. 3. Quod nisi se facturos promittant, non absolvantur. 4. Quæ omnia si non juvent, separationem (quæ omnino impossibilis non est) quærere tenentur.

*Ratio 1. p.* Quia id nimis durum, & difficile est,

*Ratio 2. p.* Ne ament periculum, & pereant in illo.

*Ratio 3. p.* Quia propter affectum peccati mort. sunt incapaces abolitionis. Ergo.

*Ratio 4. p.* eisdem, quæ pro 2. p. R. 3.

Consideranda, & prædicanda hoc in negotio sunt verba, & opera Sufannæ à Senecionibus lascivis tentatæ. Dan. 13. v. 12. & 23. dicentis; *Angustia sunt mihi undique, si enim hoc egero, mors mihi est: si autem non egero, non fugiam manus vestras: sed melius mihi est absque opere incidere in manus vestras: quam peccare in conspectu Domini.*

Ex his à paritate diversi resolvuntur casus.

1. Si quis in facie Ecclesiæ sint conjugati, matrimonium autem ratione alicuius impedimenti dirimentis deprehendatur esse nullum, & cohabitatio sit sacra, seu occasio, & periculum proximum peccati mort. ita ut continere nequeant, separandi sunt, licet sequatur scandalum, quod est acceptum; nec aliter sunt absolvendi.

2. Quibus Choroæ (de quibus antea) sunt periculum proximum peccandi mortaliter, tenentur sub mortali eas vitare: secus, non possunt absolvi.

3. Idem dicendum est de visu (de quo propheta Thren. *Oculus meus depraedatus est animam meam*) oculis, amplexibus, &c.

4. Idem est de aspicientibus coitus bestiarum vel genitalia aliorum hominum: uti & de iis, qui curant scæminas in partibus segretioribus, aut iis infundunt clysteria. Si enim experientia didicerint, in hoc esse sibi periculum proximum consensus, seu peccati mortalis, tenentur sub mortali occasione fugere. Nam bona fortunæ (quibus illi Curatores sæpe intendunt) debemus cum Apostolo arbitrari ut stercora, ut Christum, & salutem animæ lucrificiamus.

5. Idem est de Sponso, & Sponsa, qui, parentibus dissimulantibus, & ob id (cum alieni peccati se participes faciant) gravi reprehensione dignis, liberè inter se, solus & sola, conversantur, & plurimas turpitudines ante Ma-

trimonii contractum committunt. Idem est de iisdem, quando Sponso (antequam Sponsam introducat in domum) non permittitur aliquo tempore matrimonii usus. Vide propositiones damnatas, adducendas postea num. 52.

*Periculum familiaritatis scæminarum, etiam spiritualium.*

QUÆRO XI. Quodnam tuum de hoc iudicium?

II. *Resp.* Iudicium de hoc non est meum, sed illius, qui scæminam impudicam, a qua ad Venerem sollicitabatur, titione fugavit, nimirum Angelici Doctoris mei Opulc. 64. sic scribentis: Quoniam multi videntur negligere, ut agnoscant affectus suos vitiosos, & per consequens non curant confiteri, cum tamen diligenter sint perscrutandi, & cum suis vitiis, orientibus ex ipsis, exprimendi. Ideò prætermittere non intendo, quod multi nimis afficiuntur ad seipso, quidam ad aliquas personas, quidam ad honores, quidam ad divitias temporales. Et quia hæc sunt sicut murus inter Deum, & animam, ideò nullus homo, habens aliquid de prædictis, potest in via Dei proficere, nec habere puram orationem, & maxime, quando est carnalis affectio ad personam: & de hoc intendo loqui modò. Nam talis affectio multos spirituales sub specie amicitie spiritualis a statu orationis impedit, & impedit. Hæc est inquietudo mentis pestifera, orationem mentis, & oris inficiens, & dispergens, & affectus contrarios orationi in mentem generat, & exercet. Nam sicut oratio pura mentem purificat, & illuminat: legitificat, fortificat, & impinguat: sic carnalis affectio, & immunda mentem inficit, & obscurat, contristat, debilitat, & siccatur, & corpus ejusdem maledictionibus implicat.

Et quoniam spiritualibus loquor, propter quos ista scribuntur, noverint ipsi, quod licet carnalis affectio sit omnibus periculosa, & dampnosa, eis tamen perniciofa est magis maxime, quando conversantur cum persona, quæ spiritualis videtur. Nam quamvis eorum principium videatur esse purum, frequens tamen familiaritas domesticum est periculum, delectabile detrimentum, & malum occultum, bono colore depictum. Quæ quidem familiaritas quanto plus crescit, tantò plus infirmatur principale motivum, & utriusque puritas maculatur. Non tamen de hoc statim pendunt, quia sagittarius à principio non mittit sagittas venenatas, sed solum aliquoties vulnerantes, & amorem augmentantes.

Ad tantum verò in brevi deveniunt, ut non jam velut Angelus, sicut cœperant, se invicem alloquantur: & videant, sed tanquam carne vestiti se mutuò intueantur. Exinde unus incipit appetere alterius præsentiam corporalem,

lem, quia forma, vel species corporis, in utriusque mente concepta, incitat eos ad volendum præsentiam corporalem, qua inest eis præsentia mentalis: sicque spiritualis devotio paulatim convertitur in corporalem, & carnalem, & ipsorum mentes, quæ solebant in oratione cum Deo absque intermedio loqui, nunc inter se, & Deum alter ponit alterius corporalem effigiem. Et non minus horrendum est, cum hi proprium errorem percipere, & emendare deberent, ipsi potiùs, nutrimento erroris, totum illud iudicant ex maxima charitate procedere, & sibi invicem mentientes referunt, quod in oratione unus alteri præsentatur, ac si pro se invicem orare cogantur gratia, & virtute divina: ac per hoc consolationem simpliciter sensualem, quam habent in illarum præsentatione de se invicem facta in oratione, æstimant, affirmant, ac asserrunt esse gratiam spirituales, & divinam.

Quales autem illusiones recipiant à Sagittario lupadicto, specialiter mulieres, quæ citiùs fidem adhibent illusioni mentali, esset horribile, & quasi impossibile declarare. Sentiant namque in oratione præfata, & repræsentatione mentali calorem quandam ignitum à Sagittario illo illatum, quem credunt, & dicunt esse ignem charitatis, à Spiritu Sancto transfusum, volente conjungere spiritum unius spiritui alterius vinculo charitatis, cum inde sit ignis libidinosi amoris, prout sequentia manifestant, & tamen deliberant, se tanquam spirituales unitos posse securius, ac prolixius sibi loqui; atque in hoc tempus non perdere sed lucrari.

Proinde modos insolitos, & cautelas mirabiles ad invenerunt, quibus procurant sibi frequenter colloqui, allegantes unus alteri causas, utilitate, ac necessitate deprecas, cum tamen in veritate nihil aliud sit, nisi onus, cui Ratio jam succumbit. Sic itaque carnali concupiscentia, seu complacentia excæcati, tempus, quod olim consueverunt in oratione expendere, ac spiritualiter occupare, nunc in huiusmodi familiaritatibus, & colloquiis perdunt: & sic, quod dolendum est, allocutiones divinas pro carnalibus commutantes, à modo, nisi mora serotina cogente, aut alia inevitabili causa, non possunt ab invicem discedere: & tunc invite, & tristes discedunt. Hec autem tristitia est certissimum indicium, quod carnis vinculo sunt alligati: & per hoc visitationes, & consolationes divinæ à carnalibus, & diabolicis discernuntur.

Denique quamvis se multis exponant periculis, & multa mala incurrant, dum obtinebratis conscientiis iudicant, sibi tanquam spiritualibus quædam esse licita, quæ fieri nequeunt absque periculo, & peccato. Putavi

tamen melius esse non multa de hoc calamo exarare, hæc tamen tacere non valeo, quin aliquantulum referam maxima: quia non longè à temporibus istis similia contigerunt.

Tandem spirituales prædicti quandoque se deduci permittunt, ut se invicem familiariter tangerent sub specie charitatis, referantes sibi invicem immensum cordis amorem, quem imprudenter charitatem appellant. Sed in hac referatione amoris est summum periculum, quia ex hoc fabricantur sagittæ, quæ mentes eorum vulnerant mortaliter, ac venenant. Et quod super omnia videtur mihi horrendum, Deo Angelis, hominibus, ac dæmonibus, fuerunt aliquæ, spirituales nomine, spiritu luxuriæ imbutæ, quæ in exultationem suæ libidinis præsumperunt dicere, se habuisse in illis actibus impudicis magna sententiam de Deo. Quod nihil aliud iudico esse, nisi quoddam incitamentum, inductivum ad similia securius intrandum, & pejora perpetrandum.

Dic mihi, qui talibus credis, & adhæres, si isti sunt verè spirituales, ut asseris, quid aliud loqui, aut facere deberent, nisi quod à Spiritu Sancto procedere potest, vel procedit? ab illo autem nihil procedit noxium, sed solum quod utile, & honestum. Quid enim ad Spiritum Sanctum de tactibus, & osculis? aut qualem honorem inde consequitur Deus? & quæ utilitas, aut quæ necessitas tibi ad salutem, vel alteri, ut hos tactus facias, vel patiaris? quæ conventio spiritus ad libidinem carnis? quæ igitur tua præsumptio, ut hanc contumeliam inferas Spiritui Sancto, scilicet attribuyendo ei tuæ impudiciæ sectorem, quem vix dæmones patiuntur? quæ iniqua temeritas tua, mulier hypocrita, à facie Dei projecta, ut dicas, delectationem carnis libidinosam esse gratiam, & consolationem divinam? Recede ergo fera pessima de finibus meis, quia dæmones nequeunt tuam præsentiam sustinere.

Hæc itaque, Fratres charissimi, non incongruè huic operi sunt inserta, ut sciat unusquisque, quod hæc venenosa affectio sub colore spiritus acquisita, summè impedit puritatem confessionis, & cordis munditiam, ut sic hanc fugiat, tanquam vitiosam rubiginem, quæ vix potest aboleri de mente, sialicubi fuerit applicata. Præcipue, quia tales personæ, quæ diù sunt hac flagitta percussæ, quasi nunquam purè, & integrè continentur: eò quod ipsum morbum, despectibilem in persona spirituali, vercundantur toties detegere plenè, & integrè Confessori, quia verenter exprimere aliquas circumstantias, tali affectioni annexas, quas, vel tacent, vel exprimunt imperfectè, utentes verbis operientibus dictum morbum, occupationem mentis quasi continuum circa personam dilectam in oratione, & in cunctis actibus suis: & imaginationes turpes de ipsa vana com-  
pla-

placencia cordis in memoria, & aspectu mentali ipsius, negligentiam in evitando ejus presentiam, &c.

Propterea sæpe mutant Confessorem, aut vellent mutare, si possent, sic quia tristes sunt, & acediosi frequenter tam ratione affectionis fluctuantis in mente, quam ratione confessionis imperfectæ, contristantur. Sed quod pejus est, cum ipsi debeant querere medicos spirituales cautos, peritos, ac expertos, qui scirent illam ægritudinem, & causas ejus agnoscerent, & congruum remedium adhiberent, non solum non faciunt, sed potius, si semel ad aliquem talem pervenerint, ipsum ex tunc fugiunt, nec revertuntur ad ipsum. Quærent ergo Confessores idiotas, & simplices, qui nec morbum intelligunt, nec causas ejus agnoscunt, nec ideo sciunt congruam adhibere medicinam.

Tantum de hac materia dixisse sufficiat, ut per hoc animentur per viam puram, & immaculatam incedere, & fugere periculosam pestem, familiaritatem mulierum spiritualium, quæ non melius, quam fugiendo, vitatur; satis enim posset quis hac sagitta percussus se jejuniis, vigiliis, ac disciplinis affligere, & orare, qui si non fugiat personam, & omnem occasionem despiciat, nunquam curabitur ab illo morbo, sed magis augebitur illud vulnus. Propter quod sequamur consilium B. Hieronymi dicentis: Fœminam, quam vides bene conversantem, mente dilige, non corporali frequentia: quia initium libidinis in visitatione mulierum est, & mundus cum mulieribus non melius quam fugiendo vincitur: quia cum cæteris vitiis, & morbis quis possit resistere, huic tamen non potest nisi per fugam. Et alibi: Si mulier potuit vincere eum, qui jamerat in Paradiso, non est mirum, si eos impediat, qui nondum ad Paradisum pervenerunt. Et idem: Solus cum sola non sedas in secreto absque arbitrio, & teste. Et iterum: Ne sub eodem tecto cum muliere maneris, nec in præterita castitate confidas, quia nec tu Sampsonem fortior, nec Salomone sapientior. Si forte dicas, jam corpus mortuum est, dico tibi, quoniam diabolus vivit, cujus status prunas extinctas ardere facit. Item idem dicit: Omnes Virgines Christi, & puellas aut equaliter dilige, aut equaliter ignora. Item B. Aug. dicit: Sermo brevis, & rigidus cum mulieribus est habendus. Nec tamen, quia sanctiores, ideo minus cavendæ, quod enim sanctiores fuerunt, eo magis alliciunt & sub pretextu blandi sermonis immiscet se viscus impissimæ libidinis. Crede mihi, Episcopus sum, Episcopo loquor, non mentior: Cedròs Libani, id est, contemplationis altissimæ homines, & gregum arietes, id est, magnos Prælatos Ecclesiæ, sub hac specie corruisse seperi,

de quorum casu non magis præsumebam, quam Hieronymi, & Ambrosii. Sicut etiam ait Bernardus: Quotidie conversaris cum muliere, & continens visputari, est, quod sis, maculam tamen suspicionis portas. Scandalum mihi, tolle materiam, & causam scandalii: quia vix homini illi, per quem scandalum venit. Hec Angelicus Doctor.

*Consuetudo peccandi.*

QUÆRO XII. Quid de illa sentis?

LII. Resp. 1. Consuetudinarius, seu qui habet consuetudinem in certo genere peccandi, verb. grat. mentiendi, jurandi, blasphemandi, aut visa quacunque formosa muliere se delectandi, si sit peccatum ex objecto, & genere suo mortale, tenetur sub mortali conari, ut talem pravam consuetudinem retrahat, & extirpet.

*Ratio est eadem, quæ suprà de periculo proximo est data.*

Resp. 2. Talis consuetudinarius, v.g. homo assuetus jurare, si per hoc exponatur proximo periculo pejorando (prout fieri communiter potest) mortaliter peccat, quamdiu sermō non proponit hanc consuetudinem extirpare. *Ratio est, quæ ante.*

Resp. 3. Homo assuetus, v.g. blasphemare, & contra hanc consuetudinem sermō jam conatus, si ineliberat, & subito motu blasphemet, non peccat mortaliter.

*Ratio.* Quia non blasphemat voluntariè, sive in se, sive in sua causa.

Resp. 4. Si talis advertat se blasphemare ex inadvertentia, & tamen à blasphemia non desistat, peccat mortaliter toties quoties. Idem est de omni eo, qui non proponit removere talem malam inclinationem.

*Ratio.* Tunc blasphemia (idem est de alio peccato) est volita in sua causa.

Resp. 5. Potest interdum esse casus, quod penitens teneatur exprimere consuetudinem peccandi, non quidem ut novum peccatum, et circumstantiam notabiliter aggravantem, sed ut Confessarius (qui debet fungi officio Doctoris, Judicis, & Medici) bene cognoscat statum penitentis, præsertim si de eo interroget.

*Ratio patet ex officio Confessarii.*

Not. inter Propositiones ab Innoc. XI. damnatas esse has. Inprimis n. 58. Non tenemur Confessario interroganti fateri peccata alicujus consuetudinem. Et n. 60. Penitenti habenti consuetudinem peccandi contra legem Dei, naturæ, aut Ecclesiæ, etsi emendationis spes nulla appareat, nec est neganda, nec differenda absolutio: dummodò ore proferat se dolere, & proponere emendationem. Et n. 61. Potest aliquando absolvi, qui in proxima occasione peccandi versatur, quam potest, & non vult occidere, quinimò dirigere, & ex proposito querit,

aut

aut ei se ingerit. Et n. 61. Proxima occasio peccandi non est fugienda, quando causa aliqua utilis, aut honesta non fugiendi occurrit. Et n. 63. Licitum est querere directè occasionem proximam peccandi pro bonispirituali; vel temporali, nostro, vel proximi.

## EXAMEN III.

## De Invidia, &amp; Gula.

**I**nvidia fortunę comes est. Vipera est, quę dum ut eo exire incipit, proprię matris dilacerat viscera. Papilio est, qui sibi comburit alas, dum vult extinguerelucem. Invidia, ait quidam, *In claustronascitur, in aula nutritur, in hospitali moritur.* Tract. de ea S. Thom. 2.2. q. 36. per 4. art.

*Invidia.*

**QUÆRO I.** Quid est? an, & quantum peccatum?

**LIII. Respondeo 1.** Invidia propriè est tristitia de bono alterius, in quantum ab invideo estimatur diminutionem proprię glorię, vel excellentię, ut definit S. D. art. 1. in corp. Unde, si quis tristet de bono alterius, in quantum sibi imminet ex hoc periculum alicujus nocumenti, ut si tristet de exaltatione sui inimici, timens ne eum lædat, non est invidia, sed effectus timoris. Invidia ergo propriè est de illis bonis, in quibus est gloria, & in quibus homines amant honorari; & in opinione esse ut S. D. explicat ex Philosopho.

**Resp. 2.** Invidia propriè non est ad inferiores sed ad æquales, vel majores.

**Declarat** hoc præclare S. D. ibidem ad 1. dicens: Quia invidia est de gloria alterius, in quantum diminuit gloriā, quam quis appetit, consequens est, ut ad illos tantum invidia habeatur, quibus homo vult se æquare, vel præferre in gloria: hoc autem non est respectu multum à se distantium, nullus enim, nisi infans, studet se æquare, vel præferre in gloria his, qui sunt multo eo majores, puta, plebeus homo Regi, vel etiam Rex plebeo, quem multum excedit. Et ideo his, qui multum distant, vel loco, vel tempore, vel statu, homo non invidet: sed his, qui sunt propinqui, quibus cernitur æquare, vel præferre. Nam cum illi excedunt in gloria, accidit hoc contra nostram voluntatem, & inde causatur tristitia. Hęc S. D. Ex quo patet, hic non esse fermonem de invidia fraternę gratię, qua quis tristet de divinę gratię diffusione, seu participatione in fratre: quia illa est peccatum in Spiritum Sanctum, & gravissimum. De qua infra in hoc Tractat. Exam. 5, n. 109.

**Resp. 3.** Juxta S. Thom. 2.3. Invidia ex genere, seu objecto suo est peccatum mortale: in individuo sæpè est veniale.

**Ratio 1. p.** Invidia secundum rationem objecti contrariatur charitati, cum tendat contra bonum proximi, quem, & quod tenemur diligere.

**Secunda pars** patet in motibus imperfectis tum hujus peccati, tum aliorum.

*Gula.*

*De qua agit S. Thomas 2.2. q. 148. per 6. art.*

**Quæro II.** Quid est, & quantum peccatum?

**LIV. Resp. 1.** Gula juxta S. Thom. 2.1. est inordinatus appetitus cibi, & potus. Vel est vitium inclinans ad edendum, & bibendum inordinatè. Et est peccatum. Cujus *Ratio est.* Quia recedit ab ordine rationis, & mensura per eam constituta.

**Resp. 2.** Licet gula sit vitium capitale. 2. habeatque quinque hias. 3. non tamen est peccatum ex genere suo mortale. 4. potest tamen mortale esse variis modis.

**Ratio 1. p. exa. 5. S. Thom.** Quia ex vitio gulę (quod est circa delectationem tactus, quę sunt præcipue inter alias) homo multipliciter provocatur ad peccandum: ex eoque alia vitia oriuntur secundum rationem causę finalis, in quantum scilicet habet finem multum appetibilem. Uti patebit ex mox dicendis.

**Ratio 2. p.** Filiz illius sunt: Incepta lætitię, scurrilitas, immunditia, multiloquium, & hebetudo mentis circa intelligentiam. **Quę**

**Declaratur** ex S. Thom. 2.6. Gula propriè consistit circa immoderatam delectationem, quę est in cibis, & potibus. Ergo filiz gulę sunt illa vitia, quę ex hac immoderata cibi, & potus delectatione consequuntur. Hęc autem posunt accipi vel ex parte animę, vel ex parte corporis. Ex parte animę quidem quadrupliciter. **Primò** quantum ad rationem, cujus acies hebetatur ex immoderatione cibi, & potus, ideoque filia gulę est hebetudo mentis circa intelligentiam, propter fumositate ciborum, perturbantes caput: sicut e contrario abstinencia confert ad sapientię perceptionem. **2. Quantum** ad appetitum, qui, sopito per cibi, & potus immoderantiam gubernaculorum rationis, multipliciter deordinatur: & quantum ad hoc ponitur incepta lætitię. **3. Quantum** ad inordinatum verbum, & sic ponitur multiloquium. Unde Gregorius dicit in Pastor. Nisi gulę deditos immoderata loquacitas raperet, dives ille, qui epulatus quotidie splendē dicitur, in lingua gravius non arderet. **4. Quantum** ad inordinatum actum, & sic ponitur scurrilitas, id est, jocularitas quędam proveniens ex deflectione rationis, quę sicut non potest cohibere verba, ita nec exteriores gestus. Ex quo ritus

sus movetur. Tandem ex parte corporis ponitur inordinatitia, quæ potest attendi, siue secundum inordinatam emissionem quarumcunque superfluitatum, vel specialiter seminis.

*Tertia, & 4. pars* declarantur ex C. a 2. Vitium gulæ proprie consistit in concupiscentia inordinata cibi, & potus, ordo autem rationis concupiscentiam ordinantis dupliciter tolli potest: Uno modo, quantum ad ea, quæ sunt ad finem, prout scilicet non sunt ita commensurata, ut sint proportionata fini. Alio modo quantum ad ipsum finem, prout scilicet concupiscentia hominem avertit à fine debito. Si ergo inordinatio concupiscentiæ accipitur in gula secundum aversionem à fine ultimo, sic gula erit peccatum mortale. Quod quidem contingit, quando delectationi gulæ inhæret homo tanquam fini, propter quem Deum contemnit, paratus scilicet contra præcepta Dei agere, ut delectationes huiusmodi assequatur. Si verò in vitio gulæ intelligatur inordinatio concupiscentiæ tantum secundum ea, quæ sunt ad finem, utpote quia nimis concupiscit delectationes ciborum, non tamen ita, quod propter hoc faceret aliquid contra legem Dei, est peccatum veniale. Hæcibi.

Ex quibus patet, quando gula sit peccatum mortale. 1. Ex dictis, si ejus delectationi homo inhæreat ut ultimo fini, & propter eam paratus sit agere contra Dei, aut Ecclesiæ præceptum, v.g. frangendo jejunium, votum, obedientiam &c. uti faciunt, *quoniam Deus venter est*. 2. Si quis excedat advertenter cum notabili, seu gravi sanitatis nocumento, non verò si credatur esse modicum: sicut febricitans subinde vult potius pati augmentum febris, quam molestiam sitim. 3. Si in potu (de quo postea) excedat usque ad completam ebrietatem, aut in cibo voluntariè usque ad vomitum scandalosum, vel sanitati graviter nocivum, uti fit in iis, qui bibunt, ut vomant, & revomant, ad cavendam ebrietatem, ne ab aliis in potando videantur viti. Quod est superbestiale. De quo infra in hoc Exam. n. 70. 4. Ratione finis, v.g. ad luxuriandum, vel ad pollutionem in somnis, etiam sanitatis gratia, procurandam. 5. Dum quis scienter in altero est horum causæ.

Not. inter Propositiones ab Innocent. XI. damnatas esse hanc n. 8. cuius jam supra (de actu indifferenti) fuit facta mentio, nimirum, Comedere, & bibere ad satietatem ob solam voluptatem, non est peccatum, modò non obfit valetudini, quia licet potest appetitus naturalis suis actibus frui.

*Quæ sunt species gulæ?*

IV. Dico. S. D. a. 4. eas assignat hoc versu:  
*Præproperè, laute, nimis ardentè, studiòse.*

*Declarat hoc dicens.* Sicut dictum est, gula importat inordinatam concupiscentiam edendi, in esu autem duo considerantur, scilicet ipse cibus, qui comeditur, & ejus comestio. Potest ergo inordinatio concupiscentiæ attendi dupliciter: Uno quidem modo, quantum ad ipsum cibum, qui sumitur, & sic quantum ad substantiam, vel speciem cibi quærit aliquis cibos *lautes*, id est, pretiosos. Quantum ad qualitatem quærit cibos nimis accuratè præparatos, id est, *studiòse*. Quantum ad quantitatem excedit *nimis* edendo. Alio verò modo attenditur inordinatio concupiscentiæ, quantum ad ipsam summptionem cibi, vel quia prævenit debitum tempus comedendi, quod est *præproperè*, vel quia non servat modum debitum in edendo, quod est *ardentè*. Isidorus comprehendit primum, & secundum sub uno, dicens, quod gulosus excedit in cibo secundum quid, quantum, quomodo, & quando. Ita S. D.

*Quod tenes de fame, & siti, spectantne ad has gule species?*

Dico, quod non. *Ratio:* Quia non pertinent ad appetitum sensitivum: seu animale, sed ad naturalem. Est ergo (ut ait S. D. art. 1. ad 3.) duplex appetitus. Unus quidem naturalis, qui pertinet ad vires animæ vegetabilis, in quibus non potest esse virtus, & vitium, eo quod non possint subici rationi: & ad talem appetitum pertinet esuries, & sitis. Est autem & alius appetitus sensitivus, in cuius concupiscentia vitium gulæ consistit.

LVI. *Licetne vesci carnis humanis? aut humano sanguine?*

Dico. Peccat mortaliter qui carnes humanas (idem est de sanguine) extra maximam necessitatem (qualis esse potest in obsidione, vel si alicui præciperetur sub pena mortis) comedit, vel alteri comedendas dat, licet ea de causa neminem occidat, vel occidi faciat.

*Ratio.* Quia est inhumanum, & contra instinctum naturæ: similia abhorrentis, repugnatque pietati de sanctis debetæ.

LVII. *Licetne extra causam extremæ necessitatis, depellendi morbi causâ, uti medicamentis ex humana carne confectis? aut lacte femineo (quod phthisicis dicitur prodelle) aut effuso hominis sanguine, quem solent haurire, qui laborant morbo caduco?*

Affirmo. *Ratio:* Quia est rationabilis causa.

LVIII. *Excusanturne Lectores haustu sanguinis se animantes, ut bene administrent suum officium?*

Dico, quod non, nisi ignorantia inculpabili laborent.

*Ratio.* Tum quia sapit magnam crudelitatem, tum quia non est causa rationabilis, quia ad

ad ita animandum dantur alia media, ut, haustus generosi vini, vel cremati, &c.

LIX. *Tenetur* homo in cuiuscunque alterius cibi defectu in extrema necessitate, v. g. in obfusione, comedere carnes humanas, ut vitam servet?

*Dico*, non teneri. *Ratio*: Quia est medium nimis difficile, ut potest contra naturam.

LX. *Quid ageres* cum Gentilibus Anthropophagis (qui sunt certi populi in Scythia, humanis vescentes carnibus, germanicè *Menschenfresser*) si apud eos fungereris officio Missionarii, & ipsi peterent a te baptizari, absque proposito abstinendi perpetuò ab usu humana rum carnium, etiam hominum in bello iusto interfectorum?

*Dico*. Nisi illum morem, & propositum mutarent, non baptizarent.

*Ratio*. Quia non essent contriti, nec satis attriti, manerentque in continuo affectu peccati mortalis: quæ ponerent obicem gratiæ sacramentali.

QUÆRO III. Usus, seu haustus vini estne licitus?

LXI. *Resp.* affirmativè si moderatus est. Ita Angelicus Doctor 2. 2. q. 149. art. 3. probat ex Apostolo 1. ad Timoth. 5. dicente: *Noli adhuc aquam bibere, sed modico vino utere propter stomachum tuum, & frequentes tuas infirmitates.* Et Eccli. 31. legitur: *Exultatio animæ, & cordis vinum moderatè sumptum.* Dicitur moderatè, quia omnis excessus vitiosus est. In quo sensu idem Apostolus Roman. 14. ait: *Bonum est non manducare carnem, & non bibere vinum.*

*Ratio S. Thom.* Nullus cibus, aut potus secundum se est illicitus, quia ut Dominus dicit Matth. 15. Non, quod intrat in os, coinquinat hominem. Ergo bibere vinum secundum se non est illicitum. Potest tamen reddi illicitum per accidens, nimirum, vel ex conditione bibentis, qui viuo facile leditur, vel quia ex speciali voto obligatur ad vinum non bibendum: vel ex modo bibendi, quia nimirum excedit mensuram, vel ex parte aliorum, qui ex hoc scandalizant, ait S. D.

Hinc optimè existimabat Plato 2. de Leg. Legem sanciendo esse, ut pueri usque ad 18. etatis annum vini usum prorsus nescirent, cum è renon sit ignem igni addere, usque dum virili accendi robore, vino per duos labores evaporando sint idonei; Postmodum vino moderatè utantur usque ad annum etatis 36. Postea liberius conviviis interesse licebit. Bonum vinum profectò Senes conservat, estque præsentissimum contra senectutis duritiem remedium. Unde Lac Senum dicitur. De immo derato ejus usu ait Propertius:

*Vino forma perit, vino corrumpitur ætas.*

*Ebrietas gula species.*

*De qua agit S. Thomas 2. 2. quæst. 150. per quatuor art.*

Quantò melior a finis ebrioso est! quantò canis præstantior! omnes certè animantes, quæ rationis expertes sunt, cum bibunt, & comedunt ultra, quàm satis est, etiam si mille homines cogerent, nunquam biberent. Pejores ergo irrationalibus vos estis, qui inebriamini. Ita in hoc vitium invehitur S. Chrysost. hom. 50 in Matth.

QUÆRO IV. Quid est ebrietas? quantum peccatum? Ebrius estne idem, acebriosus?

LXII. *Resp.* 1. Ebrietas est peccatum, & definitur, quod sit voluntarius excessus in potu inebriante usque ad amissionem usus rationis. Cui definitioni frustra à quibusdam DD. additur *ly voluptatis gratia*. Unde sine ea est ebrietas Theologica.

Dixi, *In potu inebriante*, quiscunque ille potus sit. Nam in omnibus potibus inebriare valentibus est una, & eadem ratio impediendi usum rationis: & illa potuum diversitas per accidens se habet, ut patet ex S. Thom. q. 149. art. 2. ad 3.

*Declaratur* 1. p. & definitio S. Thom. q. 150. a. 1. dicentis, Ebrietas dupliciter potest accipi. Uno modo prout significat ipsum defectum hominis, qui accidit ex multo vino potato: ex quo fit, ut non sit compos rationis, & secundum hoc ebrietas non nominat culpam, sed defectum poenalem consequentem ex culpa. Alio modo ebrietas potest nominare actum, quo quis in hunc defectum incidit, qui potest causare ebrietatem dupliciter. Uno modo ex nimia vini fortitudine præter opinionem bibentis, & sic etiam ebrietas potest accidere sine peccato, præcipuè si non ex negligentia hominis contingat. Et sic creditur Noe inebriatus fuisse, ut legitur Gen. 9. Alio modo ex inordinata concupiscentia, & usu vini; Et sic ebrietas ponitur esse peccatum, & continetur sub gula, sicut species sub genere: dividitur enim gula in commestationem, & ebrietatem. Hæc ibi.

*Ratio 2. p.* Sanctus Thomas culpam, & rationem ebrietatis constituit in hoc, quod homo immoderatè concupiscat, & sumat potum inebriantem, ut patet ex verbis mox adductis. Sed hoc subsistit, licet quis in potu excedat sine voluptate, seu delectatione, immò cui potus est ingratus, vel si excedat sanitatis gratia, vel ex complacencia Amici, vel ad evadendam mortem intentatam, nisi se inebriet; de quo postea num. 71. Ergo. Deinde nec penitentes se accusant, quod voluptatis gratia se inebriant, nec Confessarii de hoc interrogant. Verum tamen est, quod excessus in potu, qui est ebrietas, ordinariè fiat voluptatis causa.

damnat peccati mortalis. Ergo nec brevi mora ebrius damnandus est.

2. Sialicui furarer magnam pecuniæ quantitatem, post horæ quadrantem certissimè restituebam, & nullo damno illi interea obveniente, non pecco mortaliter. Ergo nec, si mihi furer usum rationis pro quadrante horæ.

*Ad 1. N. conf.* Quia in illis casibus frequenter, immò communiter post brevem moram sit restitutus usus rationis.

*Ad 2. N. conf.* Disparitas est. Tum quia is (cui sum furatus) est dominus pecuniæ, unde pro tam brevi tempore bona fide præsumet ejus consensum: homo autem non est dominus rationis suæ, ut dictum est. Tum etiam, quia usus rationis est in supremo genere bonorum, & ejus carentia malum longè gravius: quivis enim vir prudens mallet carere usu plurimum aureorum, quàm per breve tempus usu rationis, ex cujus privatione fit bestiae similis.

**QUÆRO VI.** Scisne assignare aliquos casus, in quibus ebrietas à mortali excusatur defectu voluntarii?

*LXV. Resp. affirm. ex Sancti Thom. ar. 2. sic loquente:* Culpa ebrietatis consistit in immoderato usu, & concupiscentia vini (ubi nomine vini S. D. intelligit quemvis potum inebriare potentem) hoc autem contingit esse tripliciter: Uno modo sic, quòd nesciat potum esse immoderatum, & inebriare potentem, & sic ebrietas potest esse sine peccato. Alio modo sic, quòd aliquis percipiat potum esse immoderatum, non tamen æstimet esse inebriare potentem: & sic ebrietas potest esse cum peccato veniali. Tertio modo potest contingere, quòd aliquis bene advertat potum esse immoderatum, & inebriantem, & tamen magis vult ebrietatem incurrere, quàm à potu abstinere: & talis propriè dicitur ebrius; quia moralia recipiunt speciem non ab eis, quæ per accidens eveniunt præter intentionem, sed ab eo, quod est per se intantum: & sic est mortale, quia homo sciens, & volens se privare usu rationis, quo secundum virtutem operatur. Hæc S. D.

**LXVI. Peccarne mortaliter**, qui evacuat mensuram vini, sciens per eam sibi auferendum esse usum rationis, si exeat foras in liberam aulam, vel ventum, non verò si maneat domi?

*Dico.* Qui benedistinguit, bene docet. Vel is, de quo quæritur, priusquam ebibit, firmiter conclusit domi manere, vel non? Si sic? non peccat mortaliter.

*Ratio:* Quia ex vi hujus propositi deest omne proximum periculum securitæ carentiæ usus rationis. Si non? peccat mortaliter.

*Tribunal Confessorium.*

*Ratio.* Quia tunc adest hoc periculum. Ob quam eandem rationem mortaliter peccat, si propositum mutet, & vino evacuato exeat domo.

**LXVII. Quid sentis** de eo, qui post potum largiorem in recreatione sumptum, licet adhuc possit discernere inter bonum, & malum, attamen phantasia aliquid ei est turbata, sequitur vomitus, lingua titubabat, oculis objecta duplicantur, domus ei gyryri videntur, in incessu ad icamnia, sedes, vel parietes se tenere debet, ne lapsu graviore ruat?

*Dico.* Est mortale, tum propter scandalum, tum propter periculum, tum quia aliquo modoligatus, & impeditur eis usus rationis.

**LXVIII. Quid sentis** de strepitu religioso, ut à nonnullis irreligiosis solet vocari?

*Dico.* Si limites religiositatis notabiliter non excedas, sed tantum in cerebro nonnihil incalescas, exilarescas, illumineris, retineas rationis usum, etsi secundum quid læsum, non excedit culpam venialem.

*Ratio* est, quia non est plena, & completa ebrietas.

**LXIX. Sumne aliqua signa**, ex quibus completa ebrietas potest notari?

*Sunt*, v.g. si non recordetur, quæ dixerit, vel fecerit, aut quomodo domum redierit: si talia fecerit, qualia facere non consuevit, v.g. præter morem turpia loquendo, vel querendo, aut blasphemando, domum turbando, uxorem baculando, &c.

**QUÆRO VII. Peccatne mortaliter**, qui ventri, etiam reluclanti, tantum potus infundit, quantum scit ad ebrietatem sufficere, sed eructat, seu evomit, antequam in stomacho calefiat, & calidos vapores in caput evibret, quo medio ebrietatem, seu usum rationis carentiam impedit?

**LXX. Ante R. duo suppono.** 1. Talem, nemine dubitante, saltem peccare venialiter. 2. In eo casu posse raro pro certo sciri, quòd carentia usus rationis non sit securata: quia communiter tantum ingeritur, ut vini efficacia vomitum non possit impediri. His suppositis.

*Dico.* Graviter peccare, saltem propter scandalum.

**QUÆRO VIII. Licetne se**, vel alium inebriare sanitatis recuperandæ, vel servandæ gratia ex consilio Medicorum, aliud remedium non restare assentientium; vel ad evadendam mortem, quam quis stricto gladio minuitur, aut ad præcavendum aliud grave malum, v.g. civitatis prodicionem?

**LXXI. Resp.** Absolutè in nullo casu esse licitū. Et fratrè distinguunt Adversarii in præsentem inter ebrietatem materialem, & formalem, di-



cendo, esse tantum materiale, eò quod non fieret causa voluptatis, sed sanitatis, vel vite conservandæ gratia: esset enim ebrietas formaliter talis. Idem teneo de casu, quo quis se inebriaret ad procurandum vomitum, quem iudicat sibi salubrem. Ita colligitur ex S. Thom. postea citando in Oppos. 1. quem Adversarii putant favere sibi, sed magis favet nobis.

**Ratio 1.** Ad ebrietatem formalem sufficit voluntariè se ingurgitare usque ad completam privationem ulus rationis, etiam sine voluptate, ut patet ex dictis pro R. 2. ad Q. 4. in Ratione 2. par. quæ hic est applicanda.

**Ratio 2.** Ebrietas est intrinsecè mala non minus a luxuria. Ergo in nullo casu licet, nec ulla circumstantia potest honestari. Sicut etsi mollities ex consilio Medicorum esset necessaria ad sanitatem, vel vitam servandam, non idèò excusatur à mortali.

**Ratio 3.** Juxta Apostolum non sunt facienda mala, ut eveniant bona. Nec licet alium inducere ad faciendum malum, ut eveniat bonum. Ergo.

Audiat S. Augustinus Ser. 232. de Temp. dicens. *Solent ebriosi ita se excusare, ut dicant: Persona potens me cogit, ut amplius bibam, & in convivio Regis non potui aliud facere. Ad excusandas excusationes in peccatis ista prærendimus, & quod implere nolumus, non potuisse nos dicimus. Nolle, in culpa est nostra, & non posse præteritur. Etiam si ad hoc veniretur, ut tibi diceretur: Aut bibas, aut morieris, melius erat, ut caro tua sobria occideretur, quam per ebrietatem anima moreretur.*

**LXXII. Oppos. 1.** S. Thom. hic ar. 2. ad 3. ait: Cibus, & potus est moderandus, secundum quod competit corporis valetudini, & idèò, sicut quandoque contingit, ut cibus, vel potus, qui est moderatus sano, sit superfluous infirmo: ita etiam potest è converso contingere, ut ille, qui est superfluous sano, sit moderatus infirmo. Et hoc modo cum aliquis multum comedit, vel bibit secundum consilium medicinæ ad vomitum provocandum, non est reputandus superfluous cibus, vel potus. Nec tamen ad vomitum provocandum requiritur, quod sit potus inebrians, quia etiam potus aquæ tepidæ vomitum causat: & idèò propter hanc causam non excusaretur aliquis ab ebrietate. Hæc ibi. Ubi S. Doct. docet, licere se inebriare propter vomitum sanitati necessarium.

2. Potus sanitati necessarius non est immoderatus. Sed ille potus esset sanitati necessarius. Ergo.

3. Regula, secundum quam sumendus est

cibus, & potus, est necessitas vitæ præsentis, ac corporis valetudo. Ergo si in aliquo casu vita præsens non possit aliter conservari, aut sanitas non aliter recuperari, nisi se inebriando, id licitum est: eritque ebrietas solum materialis.

4. Qui ex rationabili causa narrat peccatum alienum, committit solum materiale detractationem. Ergo similiter.

**Ad 1.** R. quod S. Doct. magis faveat nobis per ultima verba illa: *Et idèò propter hanc causam non excusaretur aliquis ab ebrietate.* Solum ergo docet S. Thomas (ut explicat Sylvius) quod ex consilio Medici liceat comedere, & bibere usque ad vomitum, si ita petat ratio sanitatis: quia id, quod tunc sumitur abundantius, licet fortè sit superfluous sano, non tamen est superfluous huic ægroto. Sed non dicit S. Thom. quod propter vomitum liceat se inebriare, immò oppositum exprimit dicens: *Nec tamen ad vomitum procurandum requiritur, &c.* ut supra.

**Ad 2.** dist. maj. Si non impediatur bonum rationis, C. secus, N. Cum enim omnes virtutes morales ordinentur ad conservandum bonum rationis, officium temperantiæ circa cibi, potusque summptionem versantis est, eam ita moderari, ut bono rationis non præjudicet.

**Ad 3.** dist. ant. Conformiter tamen ad conservandum, & non turbandum bonum rationis, de quo S. Thom. quæst. 141. ar. 6. ait: *Bonum hominis est secundum rationem esse, C. ant. secus, N. ant. & conf.*

**Ad 4.** N. conf. Idèò enim ille non est detractor formalis, quia ad formalem detractationem requiritur detrahendi intentio, nimirum vel directæ, vel indirectæ, formalis, vel virtualis, aut interpretativa, quarum intentionum nulla est in casu posito. In præsentem autem est intentio virtualis, vel interpretativa saltem, se inebriandi, seu usu rationis privandi.

**QUÆRO IX.** Peccantne Caupones dando potum ulteriorem hospitibus, quos prævident inebriandos? idem quæro de famulore specu Domini?

**LXXXIII. Resp.** Probabilius non peccant, si dent ex rationabili causa, v.g. ad evitanda gravia damna, injurias, minas, querelas, &c. non intendendo eorum ebrietatem, sed horum malorum evitacionem. Præsertim si ipsi non dantibus, darent alii.

**Ratio:** Dare ab bibendum est res indifferens. Ergo si quis dato potu abutatur, ejus malitiæ tribuendum est, & evitatio proprii gravis damni est iusta causa præbendi.

Nota tamen, totum esse relinquendum libertati bibentis, ut bibat quantum voluerit, nec licere

cere instigare. Unde fit, quod præbens potum, non nisi materialiter cooperetur intemperantiæ ejus. Pro quo vide infra de scandalo.

**LXXIV. *Esne mortale***, in cauponis, seu tabernis potare sub officio divino?

**Dico.** Secundum se non est, nisi veniale. Si fiat necessitate, nullum est peccatum. Mortale est, si fiat cum scandalo, quod est tunc, quando in tabernis publicè potatur, clamando, cantando, saltando, nugando, &c. Potestque notabiliter aggravari ex circumstantia valde magnæ solemnitatis.

**QUÆRO X.** Quid censet de provocatione ad hauustus æquales?

**LXXV. *Resp.*** Est peccatum grave.

**Ratio** Est, quia scienter inducere ad mortale, est mortale.

**Quid** si fiat ex urbanitate, & causa amicitiae?

**Dico.** Si invitatus ex propinatione hujus urbane poculi prævideatur verè inebriandus, est peccatum mort. Ita S. Thom. ar. 1. ad 3. dicens: Sicut ille, qui inebriatur, excusatur à peccato, si ignoret fortitudinem vini: ita etiam ille, qui invitat aliquem ad bibendum, excusatur à peccato, si ignoret talem esse conditionem bibentis, ut ex hoc potu inebrietur. Sed si ignorantiæ desit, neuter à peccato excusatur. Hæc ibi.

**Ratio 1.** Quia non licet aliquem invitare ad peccatum.

**Ratio 2.** Amicus invitans, vel putat, invitatum suæ invitationis acquieturum, vel non? Si sic? est causa peccati alterius: Si non? invitando potius agit simulatorem, quam amicum.

**Quid** tenet de iis, qui gloriantur, quod alios inebriarint?

**Dico.** Siglorientur de ipsa formali inebriatione, quâ tali, & in ea complacentiam habeant, peccant mort. toties, quoties.

**Ratio.** Jactare se de peccato mortali, est mortale. Vide de jactantia supra in hoc Tract. Exam. 1. num. 13.

Audiant helluones illi S. Augustinum, ubi supra: *Quicumque ad bibendum pronus fuerit, vel in convivio suo alios adjuvare, vel cogere voluerit, pro se, & pro illis in iudicio reus erit. De ebrietate per ambitionem contendunt, cujus Antiochum Legis diabolus habens, victoria verò premium peccatum.*

**QUÆRO XI.** Estne licitum bibere in sanitatem aliorum? etiam Dei, aut Sanctorum Angelorum, aut hominum?

**LXXVI. *Resp.*** 1. Certum est, quod propinare, vel bibere in alterius sanitatem ea intentione, ut hoc bibendi modo Deus honoretur, & inducatur ad servandam, vel dandam sanitatem, sit peccatum mort. & actus superstitionis.

**Ratio:** Quia negari nequit, quod quando

quis aliquid facit propter Deum, quod non spectat ad Deigloriam, & est præter Dei, ac Ecclesiæ institutionem, & communem ejus consuetudinem, sit actus superstitionis juxta S. Th. 2.2. q. 93. ar. 2. in c. Sed ritus bibendi hic descriptus est talis. Ergo.

**Resp. 2.** Probabilius est, quod propinare, vel bibere in sanitatem alterius, cum mentali, vel vocali voto, seu precatone, sanitatem ipsi optando, vel ejus memoriam excitando, secundum se non sit peccatum, sed laudabile.

**Ratio.** Tum quia sic fert communis, ac usitatissima consuetudo, non solum in convivii timoratorum sæcularium, sed & Clericorum, ac Regularium, quos modestia plurimum commendat. Tum quia etiam, quia alteri vivere, seu precari sanitatem, vel boni amici memoriam excitare non est malum, sed laudabile.

**Resp. 3.** Dicto ritui bibendi potest admisceri, & sæpe admiscetur peccatum.

**Ratio:** Si enim fiat cum periculo crapulæ, ebrietatis, invaletudinis, & quæ sit gravis læsio, & mortalis, vel venialis culpa, tunc ille ritus eandem malitiam contrahit. Quod omnibus bene notandum est.

**Resp. 4.** Gravissime peccant, qui potant in honorem, vel sanitatem Dei, Sanctorumve in Cælis.

**Ratio:** Quia est maxima injuria Dei, & Sanctorum. Ita S. Augustin. cit. Ser. 238. dicens: illud porro quale peccatum sit, quod jam transacto convivio, expleta est, cum jam amplius bibere non possunt, tum quasi novelli, quasi ipsa hora supervenerint, diversis nominibus incipiunt bibere, non solum vivorum hominum, sed etiam Angelorum, & in reliquorum Sanctorum honorem, æstimantes, quod maximum illis honorem impendant, si se in illorum nominibus nimia ebrietate sepe liant; ignorantes, quod nullus tam gravem injuriam sanctis Angelis, & sanctis hominibus agnoscitur irrogare, quam illi, qui in eorum nominibus bibendo, per ebrietatem suas animas probantur occidere. Hæc ille. O stultitiam hominum! qui ebrietatem sacrificium putant, exclamat S. Ambrosius, serm. de Elia, & jejuniis.

**QUÆRO XII.** Censetne Germanos laude, vel vituperio dignos, dum sua convivia claudunt cum poculo, seu benedictione S. Joannis? **LXXVII. *Resp.*** Consequenter ad ante dicta, quod probabilius sit, Germanos in hoc laudandos potius esse, quam vituperandos.

**Declaratur.** Dixi per se, id est, si Germani observent illud: *Sic modus in rebus, sint certi denique fines*, seu si servent modum, non excedant in quantitate, attendant ad debitum finem, utantur hoc poculo tanquam sincere ami-

citæ symbolo, optando, ut S. Joannes, assiduis mutuz charitatis Præco, suis meritis eam firmet: & qui venenum innoxius hausit, benedictionem impetret, ut cibis, & potus corporis, & animæ conducatur. Si autem bibones propter excessum pro benedictione maledictionem reportent, est per accidens, & ex malitia bibentium, ipsi hoc unice imputandum. *Cape sibi hoc*, quicumque hoc bibendi ritu usus fueris.

Notum satis est, quod non semel hæretici, etiam Prædicarii, post plurima in aliorum sanitate evacuata pocula, oblatum à Catholicis S. Joannis poculum, seu benedictionem bibere recusantes, repentina in itinere subierint supplicia, ex equo decidendo, gulam, vel tibia frangendo, &c.

**QUÆRO XIII.** Ebrietas excusaturne a peccato, seu, actiones, & omissiones (quæ, si fierent ab homine rationis compote, essent vera peccata) si fiant ab ebriis, v.g. blasphemia, homicidium, omisso Missæ in die festo, &c. suntne propriè peccata?

**LXXVIII. Resp.** Excusatur si sit involuntaria, & inculpabilis, & quod minus est voluntaria, eo magis à peccato excusatur: aggravat autem, si sit simpliciter voluntaria.

*Declaratur ex S. Th. ar. 4. in Sed cont. dicentes:* Loth excusatur ab incestu propter ebrietatem, ut Augustinus dicit contra Faust. lib. 22. c. 44. tom. 6. Et in c. ait S. Thom. In ebrietate duo attenduntur, scilicet defectus consequens, & actus præcedens. Ex parte autem defectus consequentis, in quo ligatur usus rationis, ebrietas habet excusatur à peccato, in quantum causat involuntarium per ignorantiam. Sed ex parte actus præcedentis videtur esse distinguendum, quia si ex actu illo præcedente subsecuta est ebrietas sine peccato, tunc peccatum sequens totaliter excusatur a culpa, sicut fortè accidit Loth. Si autem actus præcedens fuit culpabilis, sic non totaliter aliquis excusatur à peccato sequenti, quod scilicet redditur voluntarium ex voluntate præcedentis actus, in quantum scilicet aliquis dans operam rei illicitæ incidit in sequens peccatum. Diminuitur tamen peccatum sequens, sicut & diminuitur ratio voluntarii. Unde Aug. dicit contra Faustum, quod Loth culpandus est, non quantum ille inaccessus, sed quantum ebrietas meruit. Hæc S. Th. qui, ut patet, Lothum excusat sub dubio, & Augustinus eum culpatur ex parte.

Sententia verborum S. Thomæ est: Si ebrietas est omnino involuntaria, mala, ante nullatenus volita, quæ in ea fiunt, non sunt formaliter peccata, nec imputantur ad culpam: cum enim sint facta ab impotente rationis, non sunt voluntaria. Si ebrietas fuit quidem voluntaria, & culpabilis, mala autem illa non fuerint prævisa, nec potuerit prudenter cogitari, quod

essent secuta, nec sint solita ab ebriis exerceri, etiam non sunt formaliter peccata, nec ad culpam imputantur: quia nec in se, nec in causa sunt voluntaria. Secus si fuerint prævisa, vel facile potuerint prævideri, vel cogitari, quod essent securura, vel per se soleant sequi ad ebrietatem, aut ipse in illo statu patrare soleat, & sæpius se patraficiat. Quia tunc illa opera habent virtutalem influxum voluntatis, adeoque sunt voluntaria. Vide supra Tract. 3. Exam. r. n. 21. & 23. quomodo excuset passio, & ignorantia. Idem Tract. 4. Exam. 2. n. 37. de gravitate peccati ex damno.

**QUÆRO XIV.** Ebrietas præter peccatum contra sobrietatem, contrahitne specialem malitiam, in confessione exprimendam, seu mortalem, ex eo quod sit causa multorum morborum corporalium?

**LXXIX.** Ante R. Supponitur, ut certum ex lamentabili experientia, quod ebrietas multorum malorum sit secunda parens. Nam memoriam auferit, sensum dissipat, corrumpit sanguinem, infirmat nervos, cerebrum onerat, viscera resolvit, balbutire facit linguam, confundit intellectum, oculos caligantes, & lippos facit, causas vertigines, capitis dolorem, membrorum tremorem, podagram, chiram, &c.

*Ratio dubitandi circa hoc Quæsitum est*, quia nec poenitentem de hoc se accusant, nec Confessarii eos de hoc examinant, saltem apud Germanos, quæ proinde saltem Natio videtur in hoc excusabilis, cum non tam sæpè ex præcedenti crapula dolores capitis sentiat. Nec Germanis cedunt Ungari, immò juxta plurimum sententiam plurimum superant. Hoc præmissis.

**Resp. 1.** Qui experiuntur ex crapula, & ebrietate, se in graves morbos sæpius incidere, quam non incidere, vix à mortali excusari possunt, si sint Germani, si Ungari, si Itali.

*Ratio:* Quia scienter (experientia docti) se conjungit in proximum periculum talium malorum, nec habent jus se eis subiacendi, cum non sint domini valetudinis suæ.

**Resp. 2.** Qui (cujuscunque, & quantumcunque sit) Natio sit) prævidet, ex suo intemperanti potu sibi eventuram magnam stomachi nauseam, aut magnum capitis dolorem, per octo, vel sex dies duraturum, si juxta probabilior sententiam mortaliter peccat: teneturque id specialiter exprimere in confessione.

*Ratio.* Quia sibi ipsi graviter nocet.

*Not.* Si poenitens id non exprimat, Confessarium, id scientem, vel advertentem, sub gravi onere teneri eum monere, & conscientiam peccati facere.

**Resp. 3.** Si tale malum, non nisi uno die durare soleat, non animum talem damnare peccati mortalis.

*Ratio:*

*Ratio:* Deus, & natura non videatur, tam rigidè imperare conſervationem integræ valetudinis, ut omnis ille mort. peccet ex eo, quod rei inutili, & illicitæ vacet, prævidens valetudinem ſuam exinde turbendam per unicam diem.

*Reſp.* 4. Probabilius, ac tutius eſt, contra charitatem propriam mortaliter peccare eum, qui nimio potu ſibi cauſat podagram, vel chira-gram, octo, vel pluribus diebus duraturam.

*Ratio:* Tum quia homo non eſt dominus membrorum ſuorum. Tum etiam, quia in omnium ſententia mort. peccaret, qui hoc grave malum (quo tot corporis, & animæ functiones impediuntur) per aliquam medicatam potionem alteri cauſaret. Ergo à fortiori ſi ſibi cauſet. Et hac in parte Confefſarii monendo, increpando tenentur officio ſuo fungi, ut diſtum pro R. 2.

LXXX. *Quid ſentis* de illo Confefſario Hiſpano, qui, quid crapula, vel ebrietas ſit, nunquam expertus, per ſæpe autem Germanos penitentes de immodico potu ſe in Confefſionali accuſantes Pragæ audierat, abſolveratque, aſt tandem quid recreationis hic lateat, diſcere cupiens, curavit ſibi generoſum aſſerri vinum, cum bellariſiſimè exaſperantibus, evacuavit non modicam quantitatem; ſed ſuperato hoc liquido labore, incipiebat ex fumigante vino intellectus obtundi, ſenſus confundi, oculi caligare, caput vertigine gravari, ædes ipſi videbantur gyriari, vel labacere: & altero die tantum expertus eſt capitis dolore, triduo ſævientem, ut vix eſſet tolerabilis. Malo ſuo edoctus, redeuntibus cum ſimili materia Germanis, non aliam inſunxit penitentiam, quàm hanc: *Vade, & te denuò inebria*, ratus, omnes tanto obrui dolore, eumque ſat gravem eſſe penitentiam, pro tantilla vini illecebra?

*Dico.* Dato, quòd non ſit fabula, vel jocus, qui reſertur, Confefſarium illum in Theologia morali, quæ ſufficienter tractat de intemperantia, gula, ebrietate, &c. non fuiſſe ſat exercitatum, ut officii ratio exigat, adeòque nonniſi ex craſſa ignorantia eum latuiſſe, quòd immoderatus potus ſit peccatum ſaltem veniale. Hinc peccavit 1. ſe voluntariè inebriando; peccavit 2. Sacramento gravem irrogando injuriam, per tam infulſam penitentiam, quæ aliàs eſt pars integralis Sacramenti. Peccavit 3. penitentes denuò ad immoderantiam potus adſtringendo.

QUÆRO XV. Poſſetne ebrio moribundo dari Euchariftia, eique ſic mortuo Sacra Sepultura?

LXXXI. *Reſp.* 1. Si ebrietas ſit completa, & voluntaria, non poſſet ei licitè dari Euchariftia; bene tamen, ſi ſit incompleta, relinquens potentiam diſcernendi inter bonum, & malum: licet fortè pedibus ſtare nequeat.

*Tribunal Confefſariorum.*

*Ratio 2. p.* Quia tunc non eſt diſpoſitus, cum ſit in peccato mortali ebrietatis, eſſetque Communio ſacrilega, & mitteretur canibus.

*Ratio 2. p.* Quia tunc non conſtat, quòd ſit in mortali. Præſertim hoc verum eſt, ſi priùs fuerit conſeſſus (tunc enim ſtandum eſſet iudicio Sacerdotis) & deſit omne periculum irreverentiæ.

*Reſp.* 2. An ei, qui in plena, voluntaria, adeòque culpabili ebrietate mortuus eſt, debeat denegari ſepultura in loco ſacro, ſervanda eſt praxis cujuſlibet Diœceſis: quia alicubi conceditur ob graves cauſas, v. gr. ad cavendam offenſam magnorum agnatorum.

Notanda hic breviter illa hiſtoria de heluone jam morituriſſe, ad quem accurrit ſacerdos, & clamavit: *Divina: divina*, reſpondit Echo ex ebrio: *Vina: vina*, & mortuus eſt. *Qualis vita, mors eſt ita.* Fuit & alius, qui in Balænam, bellum marinam capaciſſimam converti optabat, modò Mare Creticum in merum Creticum, aut in Euripum vini converteretur, ſcilicet id unum in votis habens, ut tale mare vinoſum noctes, dieſque influeret in os ejus.

QUÆRO XVI. Qui pro ſtipendio, adeòque cum induſtria tenentur agere ſuum officium, v. gr. Belli Dux, Conſiliarius Principis, Senator, Profeſſor Academicus, Ludimagiſter, Parochus, Concionator ſtipendio conductus (idem eſt de Medico alicuius Monafterii, raro inſirmos viſitante, ſalariato tamen) ſi ex vini intemperantia, & exinde orta corporis inſirmitate, jam uno, jam duobus, jam pluribus diebus, aut ſeptimanis ſint inhabiles ad peragenda ſua officia, committuntne præter peccatum contra ſobrietatem etiam peccatum contra juſtitiam, ſpecialiter in Confefſione explicandam, ſi præviderint hanc inſirmitatem, & inde oriturum functioni impedimentum, & aliorum damnum?

LXXXII. *Reſp.* affirm. cum probabiliore ſententia. *Ratio.* Quia voluntariè lubtrahunt aliis, ſive Communitati, aut Eccleſiæ id; quod velut ex juſtitia debitum tenentur præſtare. Idem eſt de iis, qui ſcienter comedunt aliquid nocivum, quo ſciunt ſe impediendos ab officio ex juſtitia debito.

*Sed quid*, ſi Profeſſor, Concionator, Ludimagiſter, &c. poſſit ſupplere per alium.

*Dico.* Si præſciat, vices ſuas ab alio promptiſſimè, & cum Auditorum, ac Superiorum ſatiſfactione, non tantùm ſuppleri poſſe, ſed & ſupplendas eſſe: probabilius excuſatur à mort. peccato injuſtitia.

*Ratio* patet ex Regula 62. Juris in 6. Qui facit per alium (nimirum in ſenſu mox explicato) perinde eſt, ac ſi faciat per ſeipſum.

*Teneturne ergo ad restitutionem illi, de quibus mox fuit sermo?*

*Dico.* Si morbus ex nimio potu causatus non sit diuturnus, vel creber, vel videtur non teneri, vel certe videtur ab Ecclesia, Communitate, vel Principe condonari. Si verò sit diuturnus, aut valde frequens, probabilius videtur, quòd spectata rei natura teneatur ad restitutionem Reip. Principi, Ecclesiae damnum passæ faciendam.

*Ratio:* Ex contractu, *de, ut facias*; lex iustitiae illos verè, ac rigidè obligat ad munus suum cum moralidiligentia obeundum. Ergo, si hæc moralis diligentia desit, tenentur ad restitutionem prorata temporis neglecti. Dixi, *spectata rei natura*, idest, per se loquendo, sicut in fiant, vel fundatè, aut rationabiliter præsumant, eam non fuisse mentem eorum, qui stipendia fundarunt; vel condonari à Principe, Rep. Ecclesia, &c. non tenentur.

*Oppono:* Hæc restitutio est inaudita, & nulloatenus in praxi.

*Resp.* Transat. Hoc namque esse potest, idè, vel quia non omnino liquidum est, illos diuturnos, aut frequentes morbos oriri ex potu immoderato. Vel quia extraordinaria diligentia compensant, quod neglexerunt.

**QUÆRO XVII.** Beneficiatus, v. gr. Canonicus, ratione morbi ex ebrietate contracti impotens ad perfolutionem pensu canonici, seu horarum, teneturne ad restitutionem?

**LXXXIII.** *Resp.* 1. Probabilius est, quòd, qui præter horas, seu pensum Canonicum habet ratione beneficii sui labores tantos, ut censeantur facile esse digni universis beneficii fructibus, non teneatur quidquam de fructibus restituere, modò, ut fieri solet, tempore morbi ex ebrietate contracti labores illos per alium suppleat.

*Ratio:* Dignus est operarius mercede sua, & qui altari, seu Ecclesiae inservit, de altari vivat.

*Resp.* 2. Qui in fraudem pensu canonici se inebriaret, ut inde contraheret infirmitatem, nec à peccato, nec ab onere restitutionis excusaretur. *Ratio:* Fraus, & dolus nemini patrocinantur.

*Resp.* 3. Tutius est, Canonicos Ecclesiarum Cathedralium, & Collegiatarum, & similes Beneficiatos (quorum totus, vel ferè totus labor consistit in recitatione Horarum Canoniarum) per se, seu spectata rei natura, teneri ad restitutionem fructuum, dum Breviarium omittunt ratione morbi ex ebrietate contracti, cuius certum periculum præviderunt, & tamen se inebriarunt.

*Ratio:* Juxta Canonistas, & Juristas datum ob causam, causam non secuta restitui debet: sed ut habet commune Axioma Ca-

nonistatum, & Theologorum, *Beneficium datur propter Officium*, seu propter recitationem Officii, seu pensu canonici. Ergo recitatione horarum non secuta, fructus Beneficii debent refundi. Idem clariùs patet ex descriptione sententiæ tutoris data supra Tract. 3. Exam. 3. num. 6. Verùm consideretur sequens. 4. R.

*Resp.* 4. Prædicè probabilius est, Canonicos in R. 3. de pectis non obligari ad proventuum diei, vel diebus, quibus in casu posito horas omittunt, correspondentium restitutionem.

*Ratio* 1. Bulla S. Pii V. edita super obligatione restitutionis, in casu neglecti pensu canonici, illos solùm ad restitutionem obligat, qui Officium divinum non dixerint, cessante legitimo impedimento: Sed gravis infirmitas est legitimum impedimentum, in sententia omnium, qui agunt de causis Beneficiatos Officium non recitantes à restitutione excusantibus. Nec facile invenietur aliquis Doctor, qui distinguat inter eum, qui sua culpa, & eum, qui culpabiliter infirmitatem gravem contraxit. Ergo. Quid sit de casu, quo fieret in fraudem, patet ex R. 2.

*Ratio* 2. Licet indubitatum sit, Papam distis Canonicis restitutionem imperare posse, Germaniæ tamen praxis offendit, re ipsa imperatam non esse. Vel certe Ecclesia eis hanc restitutionem condonat, sicut & condonat illi, qui primis sex mensibus omittit Breviarium, ut patet in Extrav. S. Pii V. quæ incipit: Et proximo Lateranensi.

*Quid ergo Respondes ad fundamentum Responsi. tertie?*

*Distinguo maj.* Debet restitui per se loquendo, & si alter restitutionem non condonet, C. maj. Si restitutio remittatur, uti in nostro casu Ecclesia remittit, ut dictum est. N. maj. simile est de casu, quo Tabellarius 20. aureos accepit, cum obligatione literas portandi Romam, quos tenetur reddere, si non portet, licet per lethalem infirmitatem inculpabiliter fuerit impeditus.

*Sed quid iudicas de quotidianis distributionibus, seu (ut vocant) Præsentis, quæ dantur beneficiatis, & Canonicis Choro præsentibus, & juxta usum Ecclesiarum, etiam propter infirmitatem absentibus, lucrantur ne eas Canonici in R. 3. descripti?*

**LXXXIV.** *Dico.* Certum est, quòd si tales Beneficiati, etiam dum sunt sani, chorum non frequentent, nullas præsentias lucrentur, dum sunt infirmi, sive culpabiliter, sive inculpabiliter. 2. Si verò alias chorum sedulo frequentent, & istæ præsentie constituent magnam proventuum partem, prædicè probabilius videtur, quòd eas lucrentur in morbo, etiam culpabiliter (sine fraude tamen) contracto.

Ratio

*Ratio 1. p.* Quia tunc causa absentie potius est prava voluntas, quam infirmitas.

*Ratio 2. p.* Defumitur tum ex Ecclesiæ benignitate, tum ex eo, quia licet tales Canonici rectè possint dici esse causa impediendi, rectissime tamen potest, & debet Deus dici esse causa ejus. Nam verè Dominus non tantum vivificat, sed & mortificat, 1. Reg. 2. Adde, raturum videri esse, quod tales Beneficiati, vitio crapulæ dediti (nolentes intelligere, ut bene agant) agnoscant, se ipsos sibi eum morbum causasse, aut eum previdisse studentes calicibus epotandis. Hæc de Beneficiatis occasione hujus materiæ; plura de iis videtur de dominio Clericorum in Tract. 8. Exam. 2. n. 32. & seqq. tum de obligatione eorum ad horas in Tract. 10. Exam. 5. n. 71. & seqq. & n. 85. ac seqq.

## EXAMEN IV.

### De Jejunio.

De quo S. Doctor agit 2. 2. q. 147.  
per 8. art.

**U**T contraria juxta se posita magis elucescant; postquam actum est de gula, & ebrietate, placet quoque huc ex 2. 2. reducere doctrinam S. Thomæ de jejunio. De quo

**QUÆRO I.** Quid? cujus virtutis actus? & quantæ obligationis est? Ante R.

**LXXXV.** Not. ex S. Thom. jejunium esse quadruplex, nimirum 1. Naturæ. 2. Spiritus. 3. Virtutis. 4. Ecclesiæ. *Primum* (quod suo loco dicitur requiri ad sumptionem Eucharistiæ) est abstinentia ab omni cibo, & potu, ita ut nihil à media nocte sumptum sit. *Secundum* est abstinentia à peccatis. De quo Isaïæ 58. *Hoc est jejunium, quod elegi, dissolve colligationes impietatis.* Quod est jejunium solum metaphoricè. *Tertium* est abstinentia à cibo, & potu juxta regulam temperantiæ, quæ, utpote virtus moralis, consistit in mediocritate juxta dicta suprâ. *Quartum* est, de quo hic præcisè loquimur. Pro cujus explicatione.

*Resp. 1.* Jejunium Ecclesiasticum est abstinentia à cibo juxta Regulam ab Ecclesia præscriptam. Obligat sub mortali.

*Prima pars, & Regula Ecclesiæ* patebit ex assignandis ad hoc jejunium requisitis.

*Ratio 2. p.* Ecclesia potest, & intendit graviter obligare.

*Resp. 2.* Jejunium est actus virtutis, nimirum Abstinentiæ. Ita S. D. ar. 1. & 2.

*Ratio 1. p.* Ex hoc aliquis actus est virtuosus (ait S. D. ar. 1.) quod per rationem ordinatur ad aliquod bonum honestum: Sed jejunium or-

dinatur ad finem honestum. Ergo. Min. prob. Jejunium ordinatur 1. ad reprimendas concupiscentias carnis. Unde S. Hier. lib. 2. cont. Jovin. ait: *Sine Cerere, & Baccho friget Venus*, id est, per abstinentiam cibi, & potus tepescit Luxuria. 2. Ad hoc, ut mens elevetur ad contemplanda cælestia. Unde dicitur Dan. 10. quod post trium hebdomadarum jejunium accepit à Deo revelationem. 3. Ad satisfaciendum pro peccatis, Joel 2. *In jejunio, fletu, & planctu.* Ergo.

Notanda hic sunt verba S. Th. ar. 1. ad 3. dicentis: Jejunium naturæ, quo quis dicitur jejunus, antequam comedat, consistit in pura negatione, unde non potest poni adus virtutis, sed solum illud jejunium, quo quis ex rationabili proposito à cibis aqualiter abstinet. Unde primum dicitur jejunium jejunii, secundum verò jejunium jejunantis, quasi ex proposito aliquid agentis. Hæc ibi.

*Ratio 2. p.* ex a. 2. Omnis adus virtuosus, qui est circa aliquam materiam, pertinet ad illam virtutem, quæ in illa materia constituit medium: Sed jejunium versatur circa cibos, & in his abstinentia constituit medium. Ergo.

Notatamen ex R. ad 2. quod nihil prohibet actum unius virtutis pertinere ad aliam virtutem, secundum quod ad ejus finem ordinatur, vel imperatur, ut patet ex dictis suprâ de virtutibus. Unde jejunium potest imperativè spectare ad Religionem, Castitatem, Pœnitentiam, aliamve virtutem.

**QUÆRO II.** Tenentur omnes jejunare, vel quibus de causis aliqui excusantur, v. gr. pueri, itinerantes, laborantes, pauperes, lenes?

**LXXXVI.** Non omnes, qui jejunia Ecclesiæ non servant, peccant mortaliter. S. D. ar. 3. ad 2.

*Declarat hoc S. D. ibidem dicens:* Præcepta, quæ per modum communis statuti proponuntur, non eodem modo obligant omnes, sed secundum quod requiritur ad finem, quem Legislator intendit. Cujus auctoritatem si aliquis, transgrediendo statutum, contemnat: vel hoc modo transgrediatur, ut impediatur finis, quem intendit, peccat mort. Si autem ex aliqua rationabili causa quis statutum non servet, precipuè in casu, in quo etiam Legislator adesse, non decerneret esse servandum, talis transgressio non constituit peccatum mortale. Et inde est, quod non omnes, qui non servant jejunia Ecclesiæ, peccant mortaliter. Hæc ibi.

*Resp. 2.* Ad jejunia Ecclesiæ omnes communiter obligantur, nisi in eis fuerit aliquid specialis impedimenti, a. 4. in fine c.

*Declarat hoc S. D. ibid.* Legislator in suis statutis attendit id, quod communiter, & in pluribus accidit, si quid autem ex speciali causa in aliquo inveniatur, quod observantiæ statu-



tuti repugnet, non intendit Legislator talem ad statuti observantiam obligare: in quo tamen est discretio adhibenda. Nam si causa sit evidens, per se ipsum licite potest homo statuti observantiam præterire, præsertim consuetudine interveniente, vel si de facili non posset recursum ad Superiorem haberi. Si verò causa sit dubia, debet aliquis ad Superiorem recurrere, qui habet potestatem in talibus dispensandi. Et hoc est observandum in jejuniis ab Ecclesia statutis. Hæc ibi.

*Resp. 3.* Pueri non tenentur ad jejunia Ecclesiæ.

**LXXXVII.** *Declarat hoc ibid. ad 2. dicens:* In pueris maximè est evidens causa non jejunandi, tum propter debilitatem naturæ, ex qua provenit, quod indigent frequenti cibo, & non multo simul assumpto: tum etiam, quia indigent multo nutrimento propter necessitatem augmenti, quod sit de residuo alimenti. Et idè quamdium sunt in statu augmenti, quod est (ut in pluribus) usque ad finem tertii septennii, non tenentur ad Ecclesiastica jejunia observanda. Conveniens tamen est, ut etiam in hoc tempore se ad jejunandum exerceant plus, vel minus, secundum modum suæ ætatis. Quandoque tamen magna tribulatione imminente, in signum poenitentiae arduioris, etiam pueris jejunia inducuntur. Sicut etiam de jumentis legitur Jo. 3. Homines, & jumenta non gustent quicquam, nec aquam bibant. Hæc ibi.

Ex quo Colligitur, quod pueris usque ad septennium completum possint sine peccato dari carnes, quia ante non obligantur legibus Ecclesiæ: eo expleto usque ad finem tertii septennii, seu usque ad annum 21. inclusivè tenentur abstinere à carnibus (nisi alia causa excuset) possunt tamen bis comedere cibos elusiales. Completo anno 21. tenentur etiam ad unicam tantum refectioem.

**LXXXVIII.** *Quid tenes de juvene Religioso, qui annum 21. non complevit?*

*Dico.* Si est Novitius, clarum est, non teneri ad unicam refectioem, vel ad jejunium Ordinis sub peccato. Si est professus, tenetur vel sub pœna, vel sub culpa, prout dicitur, & obligat Regula Ordinis, cui per Professionem sponte se subjecit, & privilegio ætatis cessit.

*Quid de amentibus?*

*Possunt eis dari carnes secluso scandalo. Ratio.* Quia Legibus Ecclesiæ non tenentur.

**LXXXIX.** *Resp. 4. ad Q. 2. De itinerantibus, & laborantibus S.D. ar. 4. ad 3. sicut:* Circa peregrinos, & operarios distinguendum videtur, quia si peregrinatio, & operis labor commodè districi possit, aut dimini abque detrimento corporalis salutis, &

exterioris status, qui requiritur ad conversationem corporalis, vel spiritualis vitæ, non sunt propter hoc Ecclesiæ jejunia prætermittenda; sicut enim imminet necessitas statim peregrinandi, & magnas dietas faciendi, vel etiam multum laborandi, vel propter conversationem vitæ corporalis, vel propter aliquid necessarium ad vitam spirituales, & simul cum hoc non possint Ecclesiæ jejunia observari, non obligatur homo ad jejunandum: quia non videtur fuisse intentio Ecclesiæ statuentis jejunia, ut per hoc impediret alias pias, & magis necessarias causas. Videtur tamen in talibus recurrendum esse ad Superiores dispensationem, nisi forte ubi est ita consuetum, quia ex hoc ipso, quod Prælati dissimulant, videtur annuere. Hæc ibi. De quibus plura posset, dum ageretur de causis à jejunio excusantibus.

**XC.** *Resp. 5. De pauperibus S.D. ibidem ad 4. ita ait:* Pauperes, qui possunt sufficienter habere, quod eis sufficiat ad unam comestioem, non excusantur propter paupertatem a jejunii Ecclesiæ: a quibus tamen excusari videntur illi, qui frustatim elemosynam mendicant, qui non possunt simul habere, quod eis ad victum sufficiat. Ita S.D. De quo plura loco mox dicto.

**XCI.** *Resp. 6. In Senibus (ait valdè bene noster Sylvester) nullum tempus ab aliquo determinatum est, in quo ab obligatione absovantur: unde excusari solum possunt eo modo quo infirmi, & debiles, de quibus est eadem ratio secundum Inuoc. & Astenf. Et hæc Sententia Antonini, Sylvestri, Navarri, &c. est tutior, & probabilior, & meritò practicanda.*

*Ratio.* Quia senectus non habet ita definitum tempus ætatis, sicut adolescentia. Nam differentia est: Quia omnes homines per pueritiam, & adolescentiam crescunt, & augentur. Ergo pro omnibus debuit definiri tempus, tanquam adolescentiæ finis, quo per se loquendo incipit obligari. Verum obligatione jejunii semel contracta non potest quis dici deobligatus, nisi ob aliquam mutationem, v.g. infirmitatem, impotentiam, senectutem, quæ etiam infirmitas virium est: *Subsumo:* Sed non omnes homines (sicut æquè, nimirum ad annum 21. adolescent) ita eodem anno, v.g. 60. senescunt, sed alii citius, v.g. anno 50. quo sunt impotentes, alii serius, v.g. anno 70. Ergo non debuit determinari certus ætatis annus, quo senex à lege jejunii eximatur.

Nota tamen, quod si quis ratione senii sit exemptus à jejunio, per hoc tamen (nisi aliæ causæ accedant) non eo ipso liceat ei comedere carnes, sed solummodo secundam refectioem sumere. Quod idem dicendum est de iis, qui excusantur ob quatuor causas mox alligandas.



**QUÆRO III.** Quæ, & quot præcipiuntur caulæ excusantes à jejunio?

**XCII. Resp.** Sunt quatuor, nimirum. Impotentia, Paupertas, Labor, Pietas. Quæ suo ordine explicantur.

*Impotentia* eximit juvenes, & senes in sensu explicato. Huc referendi sunt debiles, & qui incenati non possunt ullatenus dormire, vel sentiunt gravem capitis dolorem, aut vertiginem. Item mulieres gravidae, ac lactantes, quæ tamen non eo ipso possunt carnes comedere, sed solum bis refici, nisi petant dispensationem. Sine qua tamen, si mulier grvida, ob vehementes desideria carniæ, proli timens, carnes comedit, excusatur.

*Paupertas* eximit eos (ut in R. s. ex S. Thom. dictum est) qui ostiatim frustatim elemosynam colligunt, vel aliunde habent prandium valde imperfectum. Hi enim non peccant sæpius comedendo.

*Labor*, nimirum talis, qui corpus notabiliter macerat, uti est, in Fabris ferrariis, Lignariis, fossoribus, messoribus, aratoribus, seminatoribus, Sutoribus, Lapidid, Curforibus, pedibus iter agentibus, &c. quorum labor cum jejunio stare non potest, juxta sensum R. 4. Idem est de illis, qui per integram Quadragesimam quotidie concionantur saltem per horam, quia labor est magnus.

Hinc non excusantur Sartores, Barbitonfores, Sculptores, Pictores, Lectores, Consiliarii, Scripatores, Senatores, Belli Duces, &c. Idem est de illis artificibus, quorum opere potius sunt ingenii, quam virium corporaliū. Confessarios, etiam valde gravatos, & eos, qui in Quadragesima semel, aut bis in hebdomada concionantur, absolute exemptos non judico, sed ad arbitrium boni viri, & prudentis.

*Quid de equitantibus?*

**CXIII. Dico:** Alexander VII. nu. 31. damnavit hanc propositionem: *Excusantur absolute à præcepto jejunii omnes illi, qui iter agunt equitando, utcumque iter agant, etiamsi iter necessarium non sit, & etiamsi iter unius diei consistant.* Si ergo equitatio sit ad plures dies, & ex vitio equi valde molesta, relinquitur arbitrio viri prudentis.

*Pietas*, quæ complectitur officia spiritualia, & opera misericordiæ non compatibilia cum jejunio, v.g. per longum iter pedestre loca sacra visitare, concionari, de quo ante dictum. Religiosi Chorum, etiam frequenter, in modum noctuæ frequentantes, non excusantur, uti nec Musici, nisi forte esset Musicus ex hac arte se, quosque sustinentans, & vocem aliter conservare non valens, nisi per binam perfectam refectionem. Qui tamen casus est rarissimus, quia vox facilius conservatur moderatè biben-

do, faciendū tamen differentiam in potu. Unde est illud; *Cantores amant humores.*

*Quinta* his addi potest causa, nimirum dispensatio Superioris, v.g. Episcopi quoad suos subditos, alteriusve Prælati: quæ maxime debet peti in dubio de potentia jejunandi. Potest etiam prælati dispensare cum semetipso, non enim est deterius conditionis, quam subditus. Nomine Superioris etiam potest intelligi proprius Curatus, seu Parochus, si Episcopus adiri non possit, ait Corradus. Si necessitas sit evidens, dispensatione opus non est, ut patet ex S. Tho. art. 4.

Not. inter Propositiones ab Alexandro VII. damnatas esse hanc nu. 23. Frangens jejunium Ecclesiæ, ad quod tenetur, non peccat mortaliter, nisi ex contemptu, vel inobedientia hoc faciat, putā, quia non vult se subicere præcepto. Et hanc n. 30. Omnes Officiales, qui in Republica corporaliter laborant, sunt excusati ab obligatione jejunii, nec debent se certificare, an labor sit compatibilis cum jejunio.

**QUÆRO IV.** Quot, & quæ sunt requisita ad jejunium?

**XCIV. Resp.** Triasunt, nimirum delectus ciborum, unica refectio, & certum refectiois tempus. Quæ suo ordine explicantur.

*Delectus ciborum* est de essentia jejunii, & significat abstinentiam à carnibus, & ab iis, quæ à carne originem trahunt.

*Ratio* datur ab Angelico Doctore ar. 8. in c. Jejunium ab Ecclesiā est institutum ad reprimendas concupiscentias carnis, & ideo illos cibos jejunantibus interdixit, quæ in comedendo maxime habent delectationem, & maxime provocant ad venerea: Sed hujusmodi sunt carnes animalium in terra quiescentium, & respirantium, & quæ ex eis procedunt, sicut lacticia ex gressilibus, & ova ex avibus. Ergo. Min. prob. Quia talia magis conformantur humano corpori. Ergo plus delectant. Item magis conferunt ad humani corporis nutrimentum, & ideo ex eorum comestione plus superfluit, ut vertatur in materiam seminis, cuius multiplicatio est maximum incitamentum luxuriæ. Ergo.

Not. tamen ex Resp. S. Th. ad 2. a. cit. quod Ecclesiā insituentis jejunium attendit ad id, quod communius accidit, elus autem carniū communiter est magis delectabilis, quam piscium, quamvis aliter se habeat in aliquibus æquè delectabiliter comedentibus pisces, quam carnes. Et carnes Ecclesiā principaliter interdixit, quam ova, & lacticia, quia elus carniū interdicitur in quolibet jejunio, in Jejunio autem quadragesimali universaliter interdicitur etiam ova, & lacticia, ut explicat S. D. ad 3. circa quorum abstinentiam in aliis Jejniis apud diversas Nationes diversæ exilunt con-

consuetudines, quas quisque observare debet secundum morem eorum, quibuscum vivit.

*Oppono 1.* Si ratio S. Tho. aliquid probaret, debuisset etiam vinum prohiberi in jejunio, quia de illo dicitur Prov. 20. Luxuriosa res est vinum. Et ad Ephes. 5. Nolite inebriari vino, in quo est luxuria.

2. Etiam pisces excitant ad Venerem, maxime conchylia. Unde dicitur: Venus e mari nascitur, luxuria ardet in undis.

*Ad 1.* S. D. ar. 8. ad 1. ait: Ad aqum generationis tria concurrunt, scilicet calor, spiritus, & humor. Ad calorem quidem maxime cooperatur vinum, & alia calefacientia corpus, sed ad humorem maxime cooperatur elus carniū, ex quibus multum de alimento generatur: alteratio autem caloris, & multiplicatio spirituum cito transit, sed substantia humoris diu manet. Et ideo magis interdicitur jejunantibus elus carniū, quam vini, vel leguminum, quæ sunt inflativa. Hæc ibi.

*Ad 2.* R. Dato hoc, tamen carnes magis incitant ad Venerem. Unde Ecclesia adhuc benè fecit prohibendo incentivum principale.

XCV. *Quid censet de butyro; lardo, adipē, seu sagimine?*

*Dico,* licere usum butyri, & casei, ubi est consuetudo, non tamen lardi, & sagiminis.

*Prima pars* patet ex vi consuetudinis. *Ratio 2.* p. 8. Si tanta in communi datur licentia à Theologis, periculum est, ne illa cum gravi scandalo, & jejunii Ecclesiastici præjudicio facile extendatur ad sarcimina, & jusculum ex carnis, &c.

Fateor tamen, quod pauperibus usus lardi, & adipis facile permitti possit (uti, & famulis, & famulabus, quibus in diebus juniorum similia à quibusdam heris solent apponi loco butyri) ut comedant, & cum iis coquant.

Nota inter Propositiones ab Alexandro VII. damnatas esse hanc n. 32. Non est evidens, quod consuetudo non comedendi ova, & lacticia in Quadragesima obliget.

XCVI. *Excusantne à mortali parvitas materię in comestione carnis, v. g. parvus bolus?*

*Afirmo.* Unde non peccant coqui in die jejunii gultantes ea, quæ coquant ex carnis. Nec videtur disparitas, cur in aliis Ecclesiæ præceptis, ut de horis canonicis, de audienda Missa, &c. parvitas materię excuset, & non in jejunio quoad comestionem carnis.

*Unica exceptio* est etiam de essentia jejunii. Nam ut arguit S. Thom. art. 6. in cap. Jejunium ab Ecclesia instituitur ad concupiscentiam refrenandam, ita tamen ut natura salvetur: Sed ad hoc sufficit una refectio, per quam homo potest naturæ satisfacere, & tamen concu-

piscentiæ aliquid detrahit, diminuendo comestionum vices. Ergo.

*Oppono 1.* Ecclesia jejunantibus non taxat quantitatem cibi. Ergo nec debuit taxare numerum comestionis.

2. Non taxat numerum potus, seu bibitionis. Ergo nec comestionis.

3. Electuaria, seu confecturæ ex Saccharo, melle, &c. Sunt quidam cibi, & tamen Ecclesia non prohibet ea sumi post comestionem. Ergo.

Hæc suo ordine solvit S. D. ar. citato *Ad 1.* ait: Quantitas cibi non potuit eadem omnibus taxari propter diversas corporum complexiones, ex quibus contingit, quod unus majori, alter minori cibo indiget, ut patet suprà Tract. 4. Exam. 1. nu. 10. in Not. Sed ut plurimum omnes possunt naturæ satisfacere per unicam comestionem.

*Ad 2.* inquit: Ecclesia non intendit præcipere abstinentiam potus, qui magis sumitur ad alterationem corporis, & digestionem ciborum assumptorum, quam ad nutritionem, licet aliquo modo nutriet. Et ideo licet jejunantibus pluries bibere. Si quis tamen immoderate potu utatur, potest peccare, & meritum jejunii perdere: sicut etiam si cibum immoderate in una comestione assumat. Hæc ibi.

*Quid sentis de hispanica potione chocholæ?*

XCVII. *Dico.* Si componatur (uti Auctores eam describunt) ex saccharo, & aliis ingredientibus substantialibus cibis, amygdalis, nucibus, aniso, &c.: & sumatur in magna quantitate, frangit jejunium. *Ratio:* Quia tunc per se ordinatur ad nutritionem, habetque rationem cibi. Unde non solet sumi interdum, sed manè, & sero, dum corpus refectioe indiget. Si autem posset ita temperari, ut retineret rationem potus, non frangeret. Ex quo colligitur, quid dicendum de Lymoneade, & Hippocras.

*Ad 3 dicit,* quod electuaria etiam si aliquo modo nutriet, non tamen principaliter assumuntur ad nutrimentum, sed ad digestionem ciborum. Unde non solvunt jejunium, sicut nec aliarum medicinarum assumptio, nisi forte aliquis in fraudem electuaria in magna quantitate assumat per modum cibi. Ita S. D.

*Excusantne parvitas materię sine carnis sumpta extra mensam?*

XCVIII. *Afirmo.* Et ideo famuli in mensa ministrantes, & Lectores mensæ excusantur, si ante, vel sub ministerio suo modicum sumant. Et per hoc jejunium Ecclesiæ differt à jejunio Eucharistico.

*Sed pices materię parvæ constituuntne unam notabilem?*

*Afirmo.*

*Affirmo* in eo ferè sensu, quò infrà dicitur de furtis minutis, eò quòd, dum advertenter fiunt, habeant morale continuationem. Unde ab Alexandro VII. damnata est hæc Propositio num. 29. In die jejunii, qui sæpius modicum quid comedit, etsi notabilem quantitatem in finem comederit, non frangit jejunium.

*Prandium* debetne esse continuum?

*Affirmo* de continuatione morali. Hinc si quis (non in fraudem jejunii) à medio prandio surgat cum animo illud resumendi intrà modicum tempus, non peccat.

*Tempus refectiōis* olim erat vespertinum, nimirum hora nona (ut patet ex S. Tho. a. 7.) quæ nunc est Tertia pomeridiana. Verum quia posterioribus sæculis homines ob animi, & corporis debilitatem in jejunio illo non perseverabant, cœna mutata est in prandium, ejusque tempus est undecima, vel circiter.

*Quando* incipit dies jejunii?

*Dico*. Computatur à media nocte in mediam noctem, terminatur autem media nox, & incipit ad primum horologii, etiam quadrantis præmissi, idum. De eo, qui die Jovis, vel Sabbati dubitat, an transierit media nox, vide Tractat. 2. Exam. 1. nu. 25.

*Hora refectiōis* estne de essentia jejunii?

*Dico*. Olim fuit mortale notabiliter anticipare horam refectiōis, verum si spectetur moderna Ecclesiæ consuetudo, quæ cœnam mutavit in prandium, tertium illud requisitum, nimirum tempus, non videtur esse de substantia jejunii, sed vel est accidentarium, vel requisitum secundarium, sic, ut hoc tempus sine justa causa prævenire, sit leve; ex causa, nullum peccatum. Sed NB. quòd talis præveniens (nisi ex alio capite excusetur) teneatur de cætero illo die jejunare, æquè ac si debito tempore prandium sumpisset.

**QUÆRO V.** Si de essentia jejunii est unica refectio, quomodo potest esse licita serotina collatio, seu collatiuncula?

**XCIX. Resp. 1.** Postquam, ut dictum, hora refectiōis in die jejunii fuit mutata, & cœna in maturiorem refectiōem, nimirum in prandium verla, per consuetudinem fuit introducta serotina refectiuncula, cœnula, ac collatiuncula magis dicenda, quàm cœna, vel refectio. 2. Quæ cœnula tam, quoad qualitatem, quàm quoad quantitatem per solam piorum, & timoratorum consuetudinem est merienda.

*Ratio 1. p.* Quia aliàs difficile esset noctu somnum capere.

*Ratio 2. p.* Quia diversæ sunt hominum complexiones, ita ut, quod uni est parum, alteri sit multum, & è contra. Ergo non potest in præfenti una certa statui Regula.

*Resp. 2.* Quoad qualitatem consuetudo timoratorum est, ut sumatur modicum de pa-

ne, fructibus, herbis, aliisve cibis levioribus, ut sunt ficus, uva passa, nuces, pyra, poma, confecturæ, &c. vel etiam modicum de pisce per fimum liccato, aut per acetum macerato, de lauca aceto, & oleo mixta, loco fructuum. Nec refert, quòd herbæ ad tollendam cruditatem sint prius elixatæ, sine tamen adhibitione condimenti.

*Resp. 3.* Cibis propriè coctis, & conditis, præsertim calidis, etiam sine excessu, abique justa causa, in collatiuncula vesci, est peccatum, sed non plùs quàm veniale. Si causa justa addit, v. gr. stomachi infirmitas, nullum est peccatum.

*Ratio 1. p.* Quia concoctio ignis cum condimentis, & calor, materiam subiectam plurimum mutant, & ex ea faciunt cibum nutritioni magis servientem.

*Ratio 2. & 3. p.* Quia, vel excessus non est gravis, vel justa causa excusat.

*Resp. 4.* Quoad quantitatem certum est, quòd debeat esse modica. De cætero una pro omnibus Regula statui non potest, sed est habenda ratio tum Regionum, quarum alie sunt frigidiores, alie calidiores: tum personarum, quarum alie sunt magis abstemie, alie magis edaces; alie robustiores, alie teneriores: alie otiosæ, vel saltem gravi labori non deditæ, alie diurnis, aut nocturnis occupationibus gravatæ; ut proinde necesse sit, pro quovis in individuo quantitatem decerni prudenti judicio.

*Resp. 5.* Probabilius est, quòd ille (nisi ex alia justa causa excusetur) faciat mortalem excessum nocturnæ refectiunculæ, qui notabiliter excedit quartam partem illius quantitatis, quæ sufficit ad integram cœnam.

*Ratio:* Quia moraliter talis excessus censetur esse gravis.

*Resp. 6.* Probabilius est, peccatum saltem veniale esse, in meridie sine justa causa sumere collatiunculam, prandio in vespere reservato: si autem fiat ex rationabili causa, v. g. obiter, ob debilitatem, &c. nullum est peccatum.

*Ratio 1. p.* Quia est contra consuetudinem Ecclesiæ, cujus morem oportet esse uniformem.

2. Pars patet: Quia justa causa excusat.

**QUÆRO VI.** Qui est dispensatus ad esum carnum, estne totaliter à jejunio liber, ita ut possit eodem die pluries comedere carnes? Item qui ex malicia comedit carnes, peccatne mort. toties, quoties eas comedit, vel solum in prima comestione?

*C. Resp. 1.* Dum in Quadragesima ab Episcopodatur generalis dispensatio in esu carnum, tutius, & probabilius est cum Medina, & Corrado contra Cajetan. dicere, dispensatos (si salva sanitate cum una carnum comestione possint contentari) ex vi dispensationis tantum semel posse comedere carnes, & teneri sumere

mere collatiunculam in cibo esuriali. Idem est de eo, qui in particulari ad carnes dispensatus est ad præservandum se ab infirmitate, cum de præsentati sanus sit, ut sit in Principibus.

*Ratio 1.* In præsentati standum est intentioni dispensantis, dispensatio enim tantum fit, ubi est iusta causa, & non ultra: Sed à quovis timorata conscientia viro hæc meritò censetur esse rationabilis intentio dispensantis, ut vesperi fiat collatiuncula. Ergo. Min. probum ex ratione secunda statim ponenda, tum etiam, quia mentem dispensantis oportet sic intelligere ad cavendos nimios abusus, ad scandalum tollendum, ad ædificandos, & confirmando eos, qui carnibus abstinent. Ergo.

*Ratio 2.* Qui præceptum non potest servare in totum, tenetur in quantum potest, ut infra dicitur de recitatione horarum: quam obrem etiam Rustici, licet ob labores non teneantur abstinere à secunda refectioe perfecta, tenentur tamen abstinere à carnibus: Sed tales dispensati possunt (ut suppono) se contentare cum unica carnum refectioe, sine sanitatis præiudicio. Ergo.

Dixi. *Qui est dispensatus ad se præservandum ab infirmitate*, ut quia cibaria quadragesimalia nocent; nam si quis sit dispensatus ob infirmitatem præsentem, vel ad sanitatem recuperandam, potest pluries in die carnibus refici Consilio Medici, ut docet Corduba, & videtur colligi ex verbis S. Thomæ relatis pro R. 2. ad Q. 2.

*Oppono* cum Cajet. Quando res componitur ex duabus partibus essentialibus, earum una destructa destruit totum, ut patet in homine composito ex anima, & corpore, quorum uno pereunte perit homo: Sed jejunium componitur ex duabus partibus essentialibus, scilicet ex abstinentia à carnibus, & unica refectioe. Ergo una v.g. sola abstinentia à carnibus sublata aufertur totum jejunium, consequenter dictus dispensatus non tenetur vespere jejunare.

*Ad hoc R. maj.* esse veram in physicis, ex quibus est exemplum de homine: secus in moralibus, in quibus est jejunium, votum, horæ canonice, &c. de quibus in proprio loco dicitur infra, quòd, qui non potest totum, teneatur ad partem sibi possibilem.

*CI. Resp. ad Q. 6.* Certissimum est, toties peccare aliquem, quoties in die jejunii comedit carnes sine iusta causa. Ita communiter DD.

*Ratio:* Quia fundatè, & rationabiliter hæc censetur esse meas Ecclesiæ carnes prohibentis, ut prohibitionis sensus sit: *Ne comedantur carnes*, id est, nunquam comedantur in ulla die parte, ita ut sit præceptum negativum obligans in eo sensu semper, & ad semper.

Ergo licet quis manè carnes comederit, præceptum adhuc obligat, & observatu possibile est pro aliis diei partibus. Nam qui præceptum non potest implere in totum, tenetur in quantum potest, ut ante dictum.

*Resp. 2.* Probabilius etiam videtur, eum, qui postquam in unodie jejunium per secundam plenam refectioem sine carnibus jam fregit, adeoque mortaliter peccavit, in tertia refectioe (idem est de quarta) etiam sine carnibus de novo mortaliter peccat. Est contra diversos DD. præcedens assertum admitteutes.

*Ratio* est eadem, quæ pro R. 2. modò benè applicetur. Cui adde, quòd Ecclesiæ secundam refectioem non prohibuit solum limitatè, seu præcisè quatenus per eam violatur illa pars constitutiva jejunii, nimirum unica refectio, qua violata impossibile sit amplius jejunare, adeoque non obliget (quod est fundamentum Adversariorum) sed prohibuit Ecclesiæ secundam refectioem absolutè, seu absolute præcepit unicam refectioem. Ergo quoties fit nova plena refectio in unodie, toties violatur præceptum.

**QUÆRO VII.** Quid tenes de Jejunio Feriæ 6. & Sabbati, & de casu, quo festum Natalis Domini incidit in feriam 6. præsertim, an Religiosi tunc possint comedere carnes, sicut Sæculares? & quid de aliis temporibus, v. g. Rogationum, Adventus, Quadragesimæ, de Coena Domini, Vigilia Paschatis, quatuor Temporibus?

*CII. Resp. 1.* In feria sexta, & Sabbato tenemur sub mortali ad abstinentiam à carnibus. Bis autem refici cibis esurialibus, peccatum non est, nisi votum, vel Regula obstat. In quibuldam Galliæ partibus consuetudo permittit esum carnum in die Sabbati à Natali Domini usque ad Purificationem B. V. In Hispania concessum est comedere in Sabbato intestina, & extremitates pecorum.

Not. quòd Galli, & Hispani extrà illa loca (in quibus ea consuetudo viget) non possint eo die carnes, & intestina comedere: contra si Germanus, vel quis alterius Nationis ad illa loca perveniat, etiam solum: ut itinerans, potest frui eodem privilegio, juxta illud; *Si fueris Romæ, Romano vivito more, quòd si sis alibi, vivito sicut ibi*. Unde S. August. in epist. 118. cap. 2. adducit Ambrosium sibi respondentem his verbis: Cum Romam venio, Sabbato jejuno, cum Mediolani sum, non jejuno. Sic & tu, ad quamcunque Ecclesiam veneris, ejus morem serva, si cuiquam non vis esse scandalo, nec quemquam tibi.

*Resp. 2.* Si dies Natalis Domini cadat in feriam 6. ob festi excellentiam licitas est esus carnis, ut patet in c. *explicari, de observ. jejun.*  
Et

Et à fortiori si cadit in Sabbatum, ob eandem rationem. Quia ubi est eadem ratio, est eadem juris dispositio.

*Resp. 3.* In illo casu Religiosis, quibus ex sua Regula elus carnis est prohibitus, non licet comedere carnes.

*Ratio:* Quia ibi excipiuntur, quibus ex voto, vel Regula prohibitus est elus carnis. Pro quo

Nota, quòd aliquorum Religiosorum Regula, ac Statuta non obligant sub culpa, sed sub pœnantum, uti est in Ordine nostro. Quare si Dominicanus illo die privatim extra Communitatem, secluso scandalo, & contemptu, comederet carnes, incurreret pœnam, sed non culpam coram Deo.

*Resp. 4.* Abstinencia à carnibus in diebus Rogationum, in pluribus locis non est de præcepto, sed solum de consilio. In quibusdam verò, ut in Belgio, vi consuetudinis ibi introductæ est de præcepto, obligante sub mortali. De Adventu pœtet ex consuetudine cuiuslibet loci. Religiosi suam in similibus obligationem debent scire ex propriis statutis.

*Resp. 5.* Quadragesima ab Apostolis primò est instituta ad imitationem Christi, qui jejunavit 40. diebus, & 40. noctibus. De hoc Jejunio Angel. Doctor artic. 5. in c. dicit: Jejunium ad duo ordinatur, scilicet ad deletionem culpæ, & ad elevationem mentis ad superna, & idè illis temporibus fuerunt specialiter jejunia indicenda, in quibus oportebat homines à peccato purgari, & mentem fidelium elevare in Deum per devotionem. Et paucis omisiss: In festo autem Paschæ oportet maxime mentem hominis per devotionem elevare ad æternitatis gloriam, quam Christus resurgendo inchoavit. Et idè immediatè ante Solemnitatem Paschalem Ecclesia statuit esse jejunandum. Et eadem ratione in Vigiliis præcipuarum Festivitatum, in quibus præparari nos oportet ad Festa futura devotè celebranda.

*Resp. 6.* Jejunium Quadrages. obligat sub mortali. In Dominicis diebus licita est secunda refectio perfecta.

*Pœtet* ex consensu omnium Catholicorum. Vide dicenda ex S. Tho. in R. 8.

*Resp. 7.* In quibusdam locis est consuetudo, ut in Vigilia Nativitatis Domini, & in die Cænz Domini collatio vespertina sit paulò largior quam aliis diebus. Hoc nonnulli extendunt ad Vigiliam Paschat. & Pentecostes, eò quòd (ut ipsi ajunt) sint jejunia lætitiæ ob Festivitatem, quæ in Vigilia incipit. Sed consuetudo stat in contrarium.

*Resp. 8.* Tempore Paschali, & per totum annum in die Dominico non est jejunium.

*Ratio* datur à S. Thom. ar. 5. ad 3. dicente:

jejunia, quæ præcepto Ecclesiæ instituuntur, sunt magis jejunia afflictionis, quæ non conveniunt in diebus lætitiæ. Propter quod non est jejunium ab Ecclesia institutum ipso toto Paschali tempore, nec etiam in diebus Dominicis, in quibus si quis jejunaret contra consuetudinem populi Christiani, quæ ut Augustinus dicit, est pro lege habenda, non esset à peccato immunis, quamvis ipsum jejunium secundum se consideratum omni tempore sit laudabile, secundum quod Hyeron. dicit ad Lucinum: Utinam omni tempore jejunare possemus. Hæc S. D.

*Resp. 9.* De jejunio 4. Temporibus S. Thomas ibid. in c. ait: Similiter etiam consuetudo Ecclesiastica habet, ut in singulis Quartis anni sacri Ordines conferantur, ad quorum susceptionem oportet per jejunium præparari, & eos, qui ordinant, & eos, qui ordinandi sunt, & etiam totum populum, pro cuius utilitate ordinantur. Unde & legitur Luc. 6. quòd Dominus ante Discipulorum electionem exivit in montem orare. Quod exponens Ambrosius dicit: Quid te facere convenit, cum vis aliquod Officium pietatis adoriri, quando Christus missurus Apostolos prius oravit? Hæc ibi.

**QUÆRO VIII.** Si quis sit defessus ex labore ob recreationem assumpto, v. gr. ex ludo pilæ, venatione, piscatione, &c. excusatur ne à jejunio?

*Chil. Resp.* Probabilius distinguendum est ex S. Thom. 2.2. quæst. 71. art. 1. in c. Talis, vel prævidet, aut prævidere debuit, se fatigandum, & ad jejunium impotentem fore ex impedimento voluntariè, id est, sine pia utilitate, aut necessitate à seposito, vel non prævidet? Si prævidet, peccavit mortaliter in sua causa, non jejunando, & a fortiori, si formaliter intenderit se fatigare, ut non jejunaret. *Ratio:* Quia esset in fraudem jejunii. Si non prævidet, nec prævidere moraliter potuit, live in se, live in sua causa, mortaliter non peccavit non jejunando. *Ratio* sumitur ex defectu voluntarii.

*Oppono* contra 1. p. Qui utitur jure suo, non peccat: Sed talis utitur jure suo, quod habet ad gaudendum honesta recreatione. Ergo nec peccat.

*Diff. maj.* Qui utitur sine læsione alterius, Cum ea, N. in præsentia autem talis utitur jure suo cum læsione juris Ecclesiæ, quòd illa habet in subditum, ut jejunet.

**QUÆRO IX.** Quomodo resolvitis hos casus?

**CIV. 1.** Qualiter peccat, qui habet voluntatem violandi jejunium per totam Quadragesimam?

2. Caupo in loco Catholico potestne in die jejunii peregrino hæretico apponere car-

carnes, vel cœnam? Vel potestne carnes apponere Opifex suis famulis hæreticis? Vel famulus Catholicus carnes præparare Domino suo hæretico?

3. Existens inter hæreticos potestne licitè edere carnes?

4. Potestne modicum cibi sumi propter amicam rogantem? vel Cœna præberi alicui debitori Summam pecuniæ serenti?

5. Exiens è loco jejunii ad alium locum, ubi non est jejunium, potestne manè jentare, vel etiam carnes comedere?

6. Conjuges excusanturne aliquando à jejunio?

7. Excusanturne faciliùs fœminæ, quàm viri?

8. Qui non habet vinum, vel non alium cibum esuriale, quàm olera, vel solum panem, excusanturne à jejunio, sic ut possit edere carnes?

9. Quia alium, aliunde certò cœnaturum, invitata Cœnam, peccatne invitando?

10. Subinitium Quadragesimæ est quis dispensatus à jejunio ob morbum, post quindecim verò totaliter sanatur, potestne talis frui illa dispensatione pro reliqua parte Quadragesimæ?

Ad 1. patet R. suprâ Tract. 4. Exam. 2. ante num. 33.

Ad 2. R. quòd ille Caupo peccet mort. peccato scandali, attamen (secluso aliorum scandalo) excusari potest, si inde timeat grave malum, vel adsint graves minæ, vel peccatum fieret absque cooperatione ejus; estò ad malitiam deberet le habere merè permixtivè. Idem est de Opifice respectu famulorum hæreticorum, qui pariter peccat, sed excusari potest, si alios famulos habere non possit, & hi eum deserere volunt, nisi eis det carnes, ex quorum discessu patietur grave damnum. Idem est de coquo Catholico Domini Lutherani, in eodem sensu. Quæ omnia fusiùs patent infra de scandalo. Tract. 7. Exam. 7. num. 142. & seqq.

Ad 3. R. negativè, si nimirum cibi esuriales haberi possint, & nullum grave malum timeatur. Est tamen licitum (secluso scandalo) ad grave malum evitandum. Quia Ecclesia non intendit suos subditos obligare cum tanto incommodo. Cæterum si Princeps hæreticus in signum hereseos præciperet esum carniarum, non liceret, etiam ad evadendam mortem: quia esset implicita abnegatio fidei. Idem est, si quis appositis carnis diceret; *Qui se Lutheranum profectur, comedat ex his carnisbus*. Quia esset negatio fidei saltem externa; nisi exterius protestaretur.

Ad 4. pro 1. p. R. posse sumi modicum, non solum una, sed & altera vice, non ita ex intentione comedendi (nisi sortè, ut non

noceat potus) quàm in obsequium amici, & urbanitatis causa, modò quantitas non excedatur, cujus excessus sit periculum, invitanti urbano amico amicè, & urbanè respondendum est: Habeme excusatum, quia est dies jejunii.

Ad alterum R. affirmativè de collatione, sed negativè de perfecta cœna, nisi is, qui Summam pecuniæ fert, importunè peteret, & simul timeretur damnum, v. gr. ne impossetur tuam Officinam declinet, aut sequentibus annis census difficulter solvat.

Ad 5. Imprimis est certum, esse peccatum, si fiat cum scandalo, vel exeat quis in fraudem jejunii. Item certum est, quòd, antequam exeat, non possit comedere carnes. Sed ex causa manè jentare in cibo esuriali, & in alio loco, ubi non est jejunium, vespèri carnes comedere, peccatum non est, ut probabitur infra Tract. 6. Exam. 5. nu. 84. Vide etiam de celebratione festorum Tract. 10. Exam. 5. nu. 107.

Ad 6. Si conjux ex jejunio fiat non solum aliquantulum (quod NB.) sed notabiliter impotens ad redditionem debiti conjugalis, excusatur à jejunio, sic, ut saltem possit bis refici, abstinendo tamen à carnibus. Ratio: Quia præceptum iustitiæ, divinum, & naturale, præponderat præcepto humanæ de jejunio. Dixi, sed notabiliter Quia uterque conjux habet jus ad exercendum se in operibus spiritalibus, licet aliquantulum debilitetur potentia reddendi debitum.

Quid si vir Uxorì præcipiat, ut frangat jejunium?

Dico: Obidere non licet. Ratio: Quia obediendum magis est Ecclesiæ quàm marito. Si tamen exinde timeret gravia mala, v. gr. discordias, &c. excusaretur à jejunio. Ratio: Quia lex Ecclesiæ non obligat cum tanto incommodo. Si autem vir id præciperet in contemptum Fidei, vel jejunii, parere non posset absque mortali. Ratio antè est data in R. ad 3. casum de negatione Fidei.

Ad 7. Nolo Fœminarum patrocinium, vel favorem suscipere, sed æqualance, & mensuras pondero, & judico quoad jejunium cum viris, quos in R. 6. ejusque ratione ad Q. 2. dixi judicandos, non quoad ætatem naturalem, sed quoad vires.

Ad 8. Non potest comedere carnes, si ex cerevisia (quæ esset loco vini) & oleribus non timeat grave nocuum mentis sanitatis, sed sine vino, & carnisbus naturam sustentare possit. Qua in replurimum efficit, & juvabit generosa resolutio. Hinc etiam non admitto, quòd, qui solum uno die nullum haberet cibum nisi panem, eò ipso possit comedere carnes, si sit robustus, & communibus cibis aluetus. Excipi potest casus, quo alicui time-

retur



reus nocuementum sanitatis, v.g. qui assuetus est epulari quotidie splendide.

*Ad 9.* Talis non peccat, si solum urbanè in-  
viret, & non importune urgeat. Si verò ne-  
cessitas, eum aliunde absolute resolutum esse ad  
Cœnam, peccat mort. *Ratio:* Quia, quan-  
tum est de se, dat ei occasionem peccandi  
mortaliter.

*Ad 10.* Tutius, & probabilis R. negativè.  
*Ratio:* Quia dispensatio rationabiliter debet  
intelligi sic, ut subintelligatur conditio: Si,  
& quamdiu indiges.

## EXAMEN V.

*De Ira, & Acedia, ac peccato in  
Spiritu Sanctum.*

**I**Ra est brevis stultitia, furor currens, & e-  
brietas in anima, inquit Ethici. Per iram  
gratia vitæ socialis amittitur, quia quise ex  
humana ratione non temperat, necesse est,  
ut bestialiter vivat. Tractat de ea S.Tho. 2.2.  
q. 158. per octo art.

*Ira.*

**QUÆRO I.** Quid est? Est ne peccatum?  
& quantum?

*CV. Resp. 1.* Ira dicitur duo, unum de materi-  
ali, quod est accessio sanguinis circa cor, ut  
explicatur est Tract. 4. Exam. 1. n. 5. Alterum  
de formali, & hoc est appetitus vindictæ. Et  
passio appetitus sensitivi, à qua vis irascibilis  
(de qua loco mox citato actum est) denomina-  
tur, ut ait S.Tho. art. 1. Ubi addit, quod Ira  
possit se bene, vel malè habere: si enim vindi-  
cta est iusta, seu appetitus ejus ordinatus, id  
est, si adit secundum rectam rationem, nimi-  
rum pro conservatione iustitiæ, & boni com-  
munis, vindicando, seu puniendo delicta,  
tunc irasci est laudabile, meritorium, & actus  
iustitiæ vindicativæ. Unde. Psal. 4. *Irascimini,  
& nolite peccare.* Si autem ordinem rationis  
excedit, est peccatum, definiturque, quod sit  
appetitus inordinatus vindictæ, seu, vitium  
inclinans ad eam, & sic conveniunt ei prædi-  
cata ante ex Ethicis adducta. Hæc vocatur Ira  
per vitium, & mala; primaverò Ira per ze-  
lum, & bona appellatur a S.Thom. art. 1. ad 2.  
ubi de Ira per zelum eleganter sic loquitur ex  
S. Gregorio 5. moral. cap. 33. Curandum sum-  
mopere est, ne Ira, quæ ut instrumentum vir-  
tutis assumitur, menti dominetur, ne quasi  
domina præeat, sed velut ancilla ad obse-  
quium parata à rationis tergo nunquam re-  
cedat. Addit ex eodem: Ira per zelum ratio-  
nis oculum turbat, sed Ira per vitium ex-  
cæcat.

*Respondet a.* Vitium Iræ ex genere suo est  
mortale.

*Declaratur ex S.Tho. art. 3.* Motus Iræ potest  
esse inordinatus, & peccatum dupliciter.  
Uno modo ex parte appetibilis, utpotè cum  
aliquis appetit iniustam vindictam; & sic ex  
genere suo Ira est peccatum mortale, quia  
contrariatur Charitati, & Iustitiæ: potest  
tamen contingere, quod talis appetitus sit  
peccatum veniale propter imperfectionem ac-  
tus. Quæ quidem imperfectio attenditur,  
vel ex parte appetentis, puta, cum motus Iræ  
prævenit iudicium rationis: vel etiam ex par-  
te appetibilis, puta, cum aliquis appetit in  
aliquo modico se vindicare, quod quasi nihil  
est reputandum, ita quod etiam si ad infera-  
tur, non esset peccatum mortale, puta, si  
aliquis parum trahat aliquem puerum per ca-  
pillis, vel aliquid huiusmodi. Alio modo po-  
test esse motus Iræ inordinatus quantum ad  
modum irascendi, utpotè si nimis ardentem  
irascitur interius: vel si nimis exterius ma-  
nifestet signa Iræ; & sic Ira secundum se non  
habet ex suo genere rationem peccati morta-  
lis, potest tamen contingere, quod sit pec-  
catum mortale, puta, si ex vehementia Iræ  
aliquis excidat à dilectione Dei, & proxi-  
mi. Hæc S.D. Vide infra Tract. 7. Exam. 7.  
num. 115. & 116. de discordia, contentione,  
&c.

*Quomodo differunt Ira, & Iracundia, iras-  
tus, & iracundus?*

*Dico.* In hoc differunt, quod Ira, & Iratus  
dicant actum, iracundia verò, & iracundus  
habitu, qui est vitium Iræ antea defini-  
tum; quando nimirum quis in Ira est habi-  
tuatus per frequentatos actus. Unde S.Tho.  
1. p. q. 63. art. 4. ad 3. docet, aliquos esse natura-  
liter iracundos, id est, per consuetudinem,  
quæ est altera natura.

**QUÆRO II.** Ira velut vitium capitale  
habetne filios.

*CVI. Resp.* cum S.Thom. art. 7. Habet sex  
filias, quæ sunt: Indignatio, & tumor men-  
tis, quæ perficiuntur in corde; Clamor,  
Blasphemia, Contumelia, quæ perficiuntur  
ore; Rixa, quæ committitur opere exte-  
rno.

*Indignatio* est, cum quis non vult alium vi-  
dere, nec cum eo conversari, reputans eum  
sua conversatione indignum. Communiter  
est peccatum veniale, nisi vel fiat cum magno  
scandalo, vel cedat in notabilem contemp-  
tum, aut grave damnum, vel odium talis per-  
sonæ. Potest etiam sine omni culpa fieri, si ni-  
mirum fiat ex rationabili causa, v.g. propter  
correctionem, & ne indignans ex alterius ma-  
la conversatione, & exemplo labatur in pec-  
catum.

*Tumor mentis* est, ut ait S. Thom. dum  
quis



quis diversas excogitat vias vindictæ, estque mortalis, vel venialis, juxta quantitatem vindictæ intentæ.

*Clamor* est, dum homo in modo loquendi (per quem intelligitur inordinata, & confusa locutio) iram suam demonstrat. Quod si fiat sine gravi scandalo, est peccatum veniale.

*Blasphemia* est, qua quis prorumpit in verba Dei injuriosa. De qua agitur infrâ Tract. 7. Exam. 3. nu. 59. & seqq.

*Consumelia* efficit verba injuriosa proximo. De qua agitur infrâ Tract. 8. Exam. 5. nu. 100.

De Rixa agitur Tract. 7. Exam. 7. nu. 134.

### *Acedia.*

Si juxta S. Augustinum peccator non est dignus pane, quo vescitur, id maximè de acedioso homine verum est. Etenim Acedia (ut S. Gregor. loquitur) est de virtutum laudabili exercitio utriusque hominis languida dejectio. Vel, ut ait Damascenus, tristitia aggravans mentem, ut nihil boni ei agere libeat. De hoc vitio agit S. D. 2. 2. qu. 35. per 4. art.

**QUÆRO III.** Quid est, & quantum peccatum?

**CVII. Resp. 1.** In vulgari acceptione acedia sumitur pro pigritia, quatenus hominem facit pigrum, ignavum, ac tardum ad prosequendum bonum divinum. Solet etiam in communi sumi pro tristitia de bono spirituali. Sed utraque significatio est nimis generalis, quia juxta autrumque est generale peccatum, omne enim peccatum refugit bonum spirituale virtutis ei oppositæ, v.g. superbia refugit bonum spirituale humilitatis, luxuria bonum castitatis, &c. In quantum ergo est vitium speciale, unum ex 7. Capitalibus (ut de eo agitur hic) definitur à S. Thom. ar. 1. quod sit tristitia, seu tædium, vel, *virium inclinans ad tristandum de bono spirituali divino, quatenus est divinum, in eo, qui tristatur.*

Explicatur definitio. Dicitur 1. *de bono spirituali*, ut ab hac definitione excludatur tristitia de bono temporali. Dicitur 2. *de bono divino*, ut excludatur tristitia de bonis spiritualibus virtutum moralium, nam si quis tristetur de hoc, quod debeat alteri reddere jus suum, quod est bonum justitiæ; vel moderatè edere, ac bibere, quod est bonum temperantiæ, non peccat peccato acediæ, sed illius vitii, quod contrariatur virtuti, de cuius bono tristatur. Dicitur 3. *quatenus divinum est*. Nam tristici de bono opere præcisè ratione annexi laboris, vel difficultatis, uti est in jejuniis, propter esuriem; & in auditione Missæ, si ad eam valde tempestivè debeat surgere, non peccat peccato acediæ, juxta S. Thom. ar. 2. Dicitur 4. *in eo, qui tristatur*,

seu quatenus bonum divinum participativè est in homine, consentiens in charitate, & amicitia, colloquio, vel conversatione cum Deo. Nam tristici de bono divino, quatenus est in ipso Deo, spectat ad odium Dei, non ad acediam.

*Sed dic, quæso, mihi, unde hoc vitium vocatur acedia? unde est hæc Etymologia?*

*Est ex hoc:* Sicut acidum frigidificat, & tepescit calorem, ita hoc vitium tepescit in homine boni sui divini spiritualis amorem, ut patet ex S. Tho. ar. 1. & ingenerat tædium operandi.

*Resp. 2.* ad Q. 3. Acedia ex genere suo est peccatum mortale, & est semper tale, si sit deliberata, & perfecta, v.g. si quis tristetur, quod sit creatus, vel vocatus ad gratiam, merita, gloriam, &c. vel si ex tristitia optet sibi, non esse, aut mori, vel esse bestiam; Veli propter eam omittat aliquid, quod est necessarium ad salutem animæ, vel corporis.

*Ratio est* ex S. Thom. a. 3. Peccatum mortale est, quod spirituales vitam tollit, quæ est per charitatem, secundum quam Deus nos inhabitat. Ergo illud peccatum est mortale, quod secundum se, seu secundum propriam rationem contrariatur charitati: Sed acedia est talis. Ergo. Prob. Min. Proprius effectus charitatis est gaudium de Deo: Acedia autem est tristitia de bono spirituali, in quantum est bonum divinum. Ergo.

Ex his patet, quod etiam mortalissimè peccent illi, qui toti in amorati huic mundo, de liberatè eliciunt hunc actum. Modò Deus me perpetuò relinqueret in terra, ejusque delitibus, Cælum Deo lubens relinquerem.

*Resp. 3.* cum S. Tho. eodem ar. 3. Si motus acediæ sit in sola sensualitate propter repugnantiam carnis ad spiritum, non excedit peccatum veniale.

*Ratio:* Quia deest consensus rationis saltem plenus, estque acedia solum inchoata.

**QUÆRO IV.** Acedia quas habet filias?

**CVIII.** Habet sex juxta S. Thom. ar. 4. Et sunt.

1. *Malitia*, quæ est, quando ex tristitia, vel tædio rerum spiritualium tam malus quis efficitur, ut eas impugnet, aut nihil, vel parum curet, doleat se esse Christianum, se nosse Deum, vel res fidei. Et hoc ex genere suo est mortale, & semper est tale, si fiat seriò, & deliberatè. Unde malitia non accipitur hic prout est genus vitiorum, ait S. Thom.

2. *Rancor mentis*, qui non accipitur hic pro odio, sed in quantum est amaritudo contra eos, qui ad spiritualia inducunt, ut sunt Confessarii, Concionatores, &c. Est veniale, si desit scandalum, & illis non optetur grave malum.

3 *Pufflanimitas* est parvitas animi, qua homo fugit opera spiritualia ardua, suam tamen potentiam non excedentia. Est veniale, nisi homo ex ea omittat aliquid, ad quod tenetur sub mortali.

4 *Desperatio*, De qua infra Tract. 7. Exam. 4. num. 63.

5 *Torpor circa præcepta*, tepide ea observando, id est, non cum fervore, uti homo potest, & debet. Huc referuntur, otium, pigritia, somnolentia, &c. Torpor communiter est peccatum veniale. Unde Doctores dicentes eum esse peccatum mort. videntur loqui de eo valde stricte, si nimirum sit tantus, ut ex eo homo seipsum negligat, vel omittat id, ad quod sub gravi præcepto tenetur.

6 *Evagatio mentis* circa illicita, circa quæ versatur, estque tunc, quando homo ex tædio a spiritualibus se transfert ad delectabilia exteriora. De ejus gravitate, vel levitate judicandum est ex ipsismet objectis illicitis, uti supra dictum est de cogitationibus morosis.

#### *Peccatum in Spiritum Sanctum.*

**QUÆRO V.** Quid, & quotuplex est? Estne idem ac peccatum ex certa malitia?

*CIX. Resp.* ex S. Thom. 2. 2. qu. 14. ubi de hoc peccato agit per 4. art. & art. 1. definit, esse peccatum contra bonitatem Spiritui sancto attributam commissum.

*Declaratur* verbis S. Doctoris sic dicentis: Spiritui Sancto appropriatur bonitas, sicut Patri potentia, & Filio sapientia. Unde peccatum in Patrem dicitur esse, quando peccatur ex infirmitate; peccatum in Filium, quando peccatur ex ignorantia; peccatum in Spiritum Sanctum, quando peccatur ex certa malitia, id est, scienter, ex illa electione mali.

*Pergit S.D.* Quod quidem contingit dupliciter: Uno modo ex inclinatione habitus vitiosi, qui malitia dicitur, & sic non est idem, peccare ex malitia, quod peccare in Spiritum Sanctum, nec est speciale peccatum, sed, ut ait ad 3. est quædam generalis conditio peccati. Alio modo contingit ex eo, quod per contemptum abiicitur, & removetur id, quod electionem peccati poterat impedire. Sicut spes abiicitur per desperationem, & timor per præsumptionem, &c. hæc autem omnia, quæ peccati electionem impediunt, sunt effectus Spiritus Sancti. Et ideo sic ex malitia peccare, est peccare in Spiritum Sanctum. Ita S.D.

Ex quibus patet R. ad 3. p. Quæ sit.

*Resp.* 2. Peccata in Spiritum Sanctum sunt sex, nimirum. Desperatio, Præsumptio, Agnitæ veritatis impugnatio, Fraternalis gratiæ invidia, Impenitentia, Obstinatio.

*Tribunal Confessionarium.*

*Declarat hoc S.D.* art. 2. in c. Species peccati in Spiritum Sanctum distinguuntur secundum remotionem, vel contemptum eorum, per quæ potest homo ab electione peccati impediri. Quæ quidem sunt vel ex parte divini iudicii, vel ex parte donorum ipsius, vel ex parte ipsius peccati: avertitur enim homo ab electione peccati per considerationem divini officii, quod habet iustitiam cum misericordia, uti & per spem, quæ confurgit ex consideratione misericordiæ, remittentis peccata, & præmiantis bona: & hæc tollitur per desperationem. De qua, uti & de præsumptione agitur infra Tract. 7. Exam. 4. n. 63. & 71.

Item avertitur homo a peccato per timorē, qui confurgit ex consideratione divinæ iustitiæ punientis peccata, & hic tollitur per præsumptionem, dum scilicet aliquis præsumit, se gloriam posse adipisci sine meritis, vel veniam sine penitentia. Dona Dei, quibus retrahimur a peccato, sunt duo, quorum unum est agnitio veritatis, contra quod ponitur impugnatio veritatis agnitæ, dum scilicet aliquis veritatem agnitam fidei impugnatur, ut licentius peccet. Aliud est auxilium interioris gratiæ, contra quod ponitur invidentia fraternalis gratiæ, dum scilicet aliquis non solum invidet personæ fratris, sed etiam invidet gratiæ fratri crescenti in mundo.

Ex parte peccati sunt duo, quæ hominem a peccato retrahere possunt. Quorum unum est inordinatio, & turpido actus, cuius consideratio inducere solet in homine penitentiam de peccato commisso: & contra hoc ponitur impenitentia, non quidem eo modo, quo dicitur permanentiam in peccato, usque ad mortem; sic enim non est speciale peccatum, sed peccati circumstantia, sed accipitur hic, secundum quod importat propositum non penitendi. Aliud est parvitas, & brevis boni, quod quis in peccato quærit, cuius consideratio inducere solet hominem ad hoc, quod ejus voluntas in peccato non confirmetur. Et hoc tollitur per obstinationem, quando scilicet homo firmat suum propositum in hoc, quod peccato inhæreat. Ergo sunt sex, &c.

**QUÆRO VI.** Peccatum in Spiritum Sanctum estne remissibile?

*CX. Resp.* cum S. Thoma loco cit. art. 3. in c. Est remissibile.

*Ratio* patebit in Tract. 13. de Pœnit. Exam. 2. num. 16. ubi probabitur, nullum esse peccatum tam grave, quod per veram penitentiam remitti non possit.

*Oppono:* Matth. 12. dicitur: Qui dixerit verbum contra Spiritum Sanctum, non remittetur ei neque in hoc sæculo, neque in futuro. Et S. August. lib. 1. de Ser. Dom. in monte, c. 44. ait: Tanta est labes hujus peccati, quod humiliter deprecandi subire non potest.

K

Ad

*Ad hoc R. verbis S. Tho. art. 3. cit.* Hoc peccatum dicitur irremissibile, non quod non remittatur serio poenitenti, sed quia, in quantum est de se, habet meritum, ut non remittatur. Sicut aliquis morbus dicitur incurabilis secundum naturam morbi, per quam tollitur id, per quod morbus potest curari, puta, cum morbus tollit virtutem naturæ, vel inducit fastidium cibi, & medicinæ, licet talem morbum Deus possit curare. Ita etiam peccatum in Spiritum Sanctum dicitur irremissibile secundum suam naturam, in quantum excludit ea, per quæ

fit remissio peccatorum. Per hoc tamen non præcluditur via remittendi, & sanandi omnipotentis, & misericordis Dei, per quam aliquando tales miraculose spiritualiter sanantur. Hæc S. D.

Paulo aliter, & breviter dicitur, non esse remissibile, nisi ægrè admodum, seu difficulter, quia tales peccatores raro agunt sinceram poenitentiam, ut docet S. D. 3. p. qu. 86. art. 1. ad 3. Subdens, dicit etiam irremissibile, quia pro tali peccato punitur aliquis, & in hoc seculo, & in futuro. Videloco antecitato ex Tract. 13.

# TRACTATUS VI.

*De Legibus.*

*Ex Prima Secundæ à Quæst. 90. usque ad 109. inclusivè.*

**N**on sine causa Tractatui de peccatis subnectitur Tractatus de Legibus, cum, ( teste Apostolo ad Rom. 6. ) peccati cognitio habeatur per legem. Quia juxta S. Augustinum peccatum est dictum, factum, vel concupitum contra Legem. De quo supra actum est. Sit ergo

## EXAMEN I.

*De Lege in communi.*

*De qua Angel. Doctor agit Quæst. 90. per 4. art.*

**Q**UÆRO I. Teneturne Confessarius habere notitiam Legum?

*I. Respondeo affirm.* Ratio: Quia, ut supra dictum est, Confessarius fungitur officio Doctoris, eiusque est, ad exemplum Christi, facere, & docere, ut poenitens ab eo discat declinare à malo, & facere bonum, quasi a facie colubri fugere peccatum, & currere in odorem unguentorum virtutis. Idem est finis Legum, puta, prout a Theologo considerantur, non verò prout a Jurisprudente, qui politicam gubernationem, & communem Reip. pacem respicit. Leges hominem a vitiis avocant, avocat & Confessarius. Leges in foro conscientis ad internam sanctitatem informant, informat & Confessarius. Leges hominem ad ultimi finis supernaturalis (qui Deus est) consecutionem ducunt, ducit & Confessarius. Ergo.

**QUÆRO II.** Quid est Lex, & quotuplex?  
*II. Resp. 1.* Lex propriè sumpta bene definitur à S. Thoma hic q. 90. art. 4 in fine corp. quod sit *Ordinatio rationis ad bonum commune, ab*

*eo, qui curam communis habet, promulgata.*

Dixi, Lex propriè, seu strictè sumpta, si enim sumatur in ampla, & impropria significatione, per eam lubinde intelligitur naturalis impulsus, vel inclinatio alicujus rei. Sic dicitur Lex fomitis, id est, inclinatio ejus, & concupiscentia adversus spiritum, seu rationem. Sic dici potest, gravia Legem habere, ut tendant deorsum, levia sursum; uti & aquas, ne transeant fines suos. Idem est de inclinatione brutorum. In præsentia autem Lex sumitur propriè, id est, in quantum est humanorum actuum mensura, & regula, dirigens eos in bonum commune, & finem ultimum, qui est æterna felicitas.

*Explico singulas definitionis particulas.* Dicitur 1. *Ordinatio.* Cujus particulæ sensus liquet ex immediatè dictis, quia dirigere, regulare, & ordinare in præsentia idem sunt. Dicitur 2. *Rationis,* id est, intellectus practici, non autem præcisè speculantis, nec purè suadentis, consulentis, rogantis, &c. sed imperantis. Unde est ordinatio obligatoria. Nam ut S. D. art. 1. in corp. ait: Lex a ligando dicitur. Dicitur 3. *ad bonum commune,* quia *Regnum non est propter Regem, sed Rex propter Regnum,* ait Arist. 3. Polit. id est, propter communem Regni utilitatem, non propter suam privatam, leges condit. Et S. Basil. hom. 11. in Prov. ponit hanc differentiam inter Regem, & tyrannum, quod prior communi, alter propriæ utilitati studeat. Et S. Th. ar. 2. in Sed

Sed Cont. citat Isidorum dicentem: Lex a nullo privato commoda, sed pro communi utilitate civium conscripta. Et in c. ait: *Ultimus finis est humane vite felicitas, vel beatitudo, unde oportet, quod Lex maximè respiciat ordinem, qui est in beatitudine.* Rursus: *Cum omnis pars ordinetur ad totum, sicut imperfectum ad perfectum, unus autem homo est pars communitatis perfecta, necesse est, quod Lex propriè respiciat ordinem ad felicitatem communem.* Hæc S. D. loquens de fine intrinseco, seu operis, sive Legis secundum se; per accidens enim est, si Legislator legem (etiam iustam) à se positam, ad proprium interesse detorqueat. Dicitur 4. *ab eo, qui curam Communitatis habet.* Ubi per Communitatem intelligitur, v.g. Regnum, Civitas, Ordo Religiosus, &c. quæ sunt Communitates completæ, & perfectæ. Per eum verò, qui curam habet, intelligitur persona publica, habens potestatem jurisdictionis, & politicam. Unde S. D. art. 3. ait: *Non cuiuslibet ratio est factiva Legis.* Rationem dat: *Quia Lex principaliter respicit bonum commune: Ordinare autem in bonum commune, vel est totius multitudinis, vel alicujus ejus vices gerentis.* Ergo. Et ad 2. ait: *Lex ut efficaciter ducat ad virtutem, debet habere vim coactivam:* Sed hanc habet multitudo, vel persona publica, ad eam enim pertinet poenas infligere. Ergo. Dicitur 5. *promulgata*, id est, publicè, seu per potestatem publicam intimata. De quo Q. 3.

III. Resp. 2. Lex variè dividitur. 1. Alia est æterna, alia naturalis. De quibus Examine seq. 2. Alia positiva, seu ab aliquo liberè posita, nimirum a Deo, vel homine, a cujus placito hæc lex pendet. Unde dividitur in divinam, & humanam. Lex divina alia est vetus, alia nova, id est, Veteris, & Novi Testamenti. Lex humana dividitur in Ecclesiasticam, & civilem. Prima est lata a Magistratu Ecclesiastico, unde sunt Leges Canonice, seu sacri Canones, sive Jus Pontificium. Lex civilis est lata a Magistratu Sæculari; Vocatur civilis, quia est pro bono civium posita. Tales sunt Leges Imperatorie, seu Jus Cæsareum, sive Imperiale. Datur etiam Jus Gentium. De quo infra Tract. 8. Exam. 1. n. 3. Tandem Leges aliæ sunt merè poenales, aliæ merè præceptive, aliæ mixtæ. De quibus infra Exam. 5. in hoc Tract. n. 63. in Not. 2.

Estne Lex idem quod præceptum, vel in quo differunt?

IV. Dico. Et si in lata, larga, seu ampla, ac vulgari acceptione, vel significatione interdum pro eodem sumuntur, propriè tamen idem non sunt, sed differunt. 1. Lex per se primò, & immediatè respicit bonum commune, & ponitur Communitati, ut patet ex ejus definitione; præceptum verò non soli Communitati, sed

& singularibus personis poni potest. 2. Lex tantum ponitur ab habente curam Communitatis, prout etiam ex definitione patet; præceptum verò, velut adus potestatis gubernativæ potest poni a quovis Superiore, Domino, Patrefamilias, &c. Hinc regulariter apud Religiosos solum Capitulum generale potest ferre Leges; quilibet autem Prælati, etiam inferior, potest præcipere, ut testatur praxis in Ordine nostro Prædicatorio. 3. Lex ex natura sua est perpetua, præceptum verò per se est temporale, & expirat expirante præcipiente, seu cum morte ejus, sive naturali, sive civili, seu dum expirat ejus officium, seu gubernium. Unde præcepta nostri P. Provincialis expirant expirante ejus Officio, nisi per Capitulum, vel per Successorem confirmantur.

Quomodo intelligitur communis illa divisio præcepti in affirmativum, & negativum?

V. Dico 1. Vocatur præceptum affirmativum, quia affirmat, actum esse faciendum, eumque præcipit, explicaturque per ly *Facies*, vel *fac hoc*, v.g. *Honora Patre, & Matrem.* Vocatur negativum, quia negat, seu prohibet actum fieri, & explicatur per ly *Non facies*, v.g. *Non mœchaberis.*

Dico 2. S. Thom. 1. 2. q. 71. art. 5. ad 3. & q. 100. ar. 10. in c. & ad 2. docet differentiam inter hæc præcepta; Quòd nimirum præcepta affirmativa obligant semper, sed non ad semper; negativa verò obligant utroque modo. Et 1. 2. q. 3. art. 2. in c. docet, quòd præcepta affirm. etsi semper obligant, non tamen ad semper, obligant autem pro loco, & tempore secundum circumstantias debitas, secundum quas oportet actum humanum limitari ad hoc, quòd sit actus virtutis. Quod ibi exemplificat in actu confessionis fidei. De quo infra in Tract. de fide.

Rationem dat ibid. q. 33. art. 2. in corp. Quia præcepta negativa Legis prohibent actus peccatorum, qui sunt secundum se mali, nec unquam ullo modo, aliquo tempore, vel loco possunt beneficii, quia secundum se sunt conjuncti malo fini. Ergo præcepta negativa obligant semper, & ad semper. Affirmativa verò sunt de actibus virtutum, ad quos inducunt, qui non quolibet modo fieri debent, sed observatis debitis circumstantiis, quæ requiruntur ad hoc, ut sit actus virtuosus, ut nimirum fiat, ubi debet, & quando debet, & secundum quod debet. Ergo hæc præcepta non obligant pro tempore, id est, pro omni tempore, sed pro tempore debito, & congruo. Quod ibi exemplificat in præcepto correctionis fraternæ. De quo vide in proprio loco.

Nota ex S. D. 2. 1. quæ est 44. art. 3. ad 3. quòd omne præceptum affirmativum habeat annexum præceptum negativum, seu virtute in-

cludat illud, v.gr. præceptum dilectionis Dei, scilicet *diliges Dominum Deum tuum*, includit illud: *Ne oderis Deum tuum*. Unde 1.2. qu. 10. art. 4. ad 2. ait: Præcepta affirmativa distinguuntur a negativis, quando unum non comprehenditur in alio, sicut in honoratione parentum non includitur, quod nullus homo occidat, nec e converso: & propter hoc dantur diversa præcepta super hoc. Sed quando affirmativum comprehenditur sub negativo, vel e converso, non dantur super hoc diversa præcepta. Sicut non datur aliud præceptum de hoc, quod est, non furtum facies, & de hoc, quod est, conservare rem alienam, vel restituere eam. Et eadem ratione non sunt diversa præcepta de credendo in Deum, & de hoc, quod non credatur in alienos Deos. Hæcibi.

*Quinam sunt actus Legis?*

VI. Dico ex S. Thom. hic qu. 92. art. 2. Secundum tres humanorum actuum (quos Lex diligit) differentias, tres etiam nominantur Legis actus. Imperat siquidem Lex actus virtuosos, & prohibet vitiosos, permittit indifferentes, & parum bonos, vel parum malos. Quartus autem Legis actus, qui est punire, secundum hoc sumitur, per quod Lex ad obediendum inducit, quod est timor pœnæ.

Ex quo patet, quod sint quatuor actus Legis, scilicet præcipere, prohibere, permittere, punire: non quod omnes illi actus simul, & semper convenient uni, & eidem Legi, sed toti Legum collectioni. Et ab his actibus Leges denominantur, ut aliæ sint præceptivæ, aliæ prohibitivæ, aliæ permissivæ, aliæ pœnales. Leges permissivæ (quibus permittuntur minora mala ad evitanda majora) potissimum habent locum in humanis, & civilibus. Nam nec Lex æterna permittitulla mala, ut docet S. August. lib. 7. de lib. arbit. c. 5; & 6. nec Lex naturæ, utpote quæ ea punit per remorem conscientie, sicut Lex divina punit mala vel in hac, vel in altera vita. Deus ergo dicitur permittere mala, quia non punit ea in hoc mundo, reservans eorum pœnam pro altero. Vide, Tract. 3. Exam. s. nu. 40: quod aliqua sit, & quid sit permissio positiva.

Solent opponi plures actus Legis. Verum illi omnes reducuntur ad illos quatuor. Ut 1. Taxare pretia rerum, reducitur enim ad prohibere, prohibetur enim, ne carius merces vendantur. 2. Irritare contractus, nisi fiant sub certis conditionibus, qui actus reducitur partim ad Legem præcipientem, in quantum præscribit formam in contractibus servandam; partim ad prohibentem, quatenus prohibet aliter valide contrahi. 3. Actus præscriptionis, & usucapionis, quibus per leges transferuntur rerum dominia, illi enim reducuntur ad Le-

gem præcipientem, in quantum præcipitur, quod hic, & non ille sit dominus rei. Tandem revocatio Legis; verum hæc propriè non spectat ad Legem, quia de ratione Legis propriè est inducere obligationem, hæc autem per revocationem tollitur. Ergo.

QUÆRO III. Quid est promulgatio Legis? etne de essentia ejus? aut datne Legi virtutem obligandi?

VII. Resp. 1. Promulgatio est auctoritativa intimatio, seu publica, & solemniter propositio Legis ab habente auctoritatem, facta per vocem præconis, vel publicam, & authenticam scripturam valvisæfixam, vel Communitati prælectam.

Differt a divulgatione Legis, hæc enim fit per alterius, vel aliorum relationem, aut per simplicem, seu privatam notitiæ communicationem. Hinc si Lex aliqua jam esset concepta, scripta, a Legislatore subscripta, nondum tamen solemniter promulgata, attamen tibi privata notitia constaret, cras esse publicandam, immò etsi ipse interfuisses consilio, nondum te obligat, ut dicitur. Porro quanta debeat esse promulgatio, dicitur infra in hoc Tract. 6. Exam. s. nu. 57.

Secunda pars Quæsti movetur propter duo Juris Axiomata, specietenus saltem sibi contradicentia. Unum est: *Leges prius conductur, quam promulgantur*. Alterum, a S. Thom. artic. 4. in Sed Cont. citatum, est: *Leges insistentibus, cum promulgantur: firmantur, cum moribus utentium comprobantur*. Pro decisione.

Resp. 4. ex S. Thoma hic qu. 90. art. 4. Promulgatio, saltem aliqualis, est necessaria, ut Lex quæcunque, naturalis, æterna, divina, humana, habeat virtutem in actu secundo obligandi: attamen ante eam est essentialiter Lex.

Ratio S. Thom. ibid. Lex imponitur subditis per modum Regulæ, & mensuræ: Sed Regula, & mensura actu non regulat, aut mensurat, nisi imponatur, seu applicetur regulandis, five mensurandis; & ante actum secundum mensurationem in se est verè mensura. Ergo licet Lex ante applicationem sit verè Lex, & obliget in actu primo, ut tamen habeat virtutem obligandi in actu secundo, oportet, quod applicetur hominibus per eam regulandis: Sed hæc applicatio fit per hoc, quod in subditorum notitiam deducitur per promulgationem. Ergo.

Resp. 3. Ad præfata Juris Axiomata concilianda, & rationem S. Thomæ explicandam, bene dicitur, Legem ante promulgationem condi, & habere suam essentiam, ac rationem Regulæ, ac mensuræ aptitudinalis, cum virtute obligandi in actu primo: sic ut verba definitionis non dicant actum, sed potes-

potentiam; sicut Regula, & mensura ante aequalem regulationem, & mensurationem verè habet essentiam, quæ consistit in posse mensurare. Dum autem Leges promulgantur, instituantur, & usu firmanur in hoc sensu, quod nimirum accipiant rationem Regulæ, ac mensuræ actualis cum virtute obligandi in actu secundo, & perfectionem, seu firmitatem accidentalem ex usu, qui facit, eam per non ulum, aut contrariam consuetudinem non posse enervari. Veldici potest, quod actualis promulgatio non sit quidem de essentia Legis, sit tamen conditio necessariò requisita, ut Lex in actu secundo obliget.

• VIII. *Oppono* 1. contra R. 2. Non apparet, quomodo sit promulgata Lex naturalis, an verbo, an scripto, maxime illis hominibus, qui vivunt in locis desertis. Idem *Oppono* de Lege æterna Dei, quia nulla creatura fuit ab æterno, cui potuisset promulgari.

*Oppono* 2. contra R. 2. Quod ponitur in definitione rei, est de essentia ejus: Sed in definitione Legis antè ex S. Thom. data expressè ponitur promulgatio per *ly promulgata*. Ergo.

*Ad* 1. Respondet S. D. cit. art. 4. ad 1. dicens: *Promulgatio Legis natura est ex hoc ipso, quod Deus eam mentibus hominum infernit naturaliter cognoscendam, seu impressit tabulæ humani cordis.* Unde Psalm. 4. *Signatum est super nos lumen vultus tui, id est legis tue, Domine.* Super nos, inquit, id est, super omnes homines, etiam super illos Anthropophagos, in sylvis habitantes, nudè incedentes, humanis carnibus vescentes (ut supra dictum) more pecorum cum quibuscunque obviis fœminis (& è contra) coeuntes. Hi enim lumini super se signato oculos claudunt, promulgationi Legis naturæ non parent. Ubi

Notanda sunt verba S. Thom. quæst. 14. de Verit. art. 11. ad 1. dicentis: si quis in sylvis nutritus ductum rationis naturalis sequeretur in appetitu boni, & fuga mali, certissime tenendum est, quod ei vel Deus per internam inspirationem revelaret, quæ ad credendum sunt necessaria, vel aliquem fidei prædicatorem ad eum mitteret, sicut misit Petrum ad Cornelium Centurionem *Ad* 19. Hæc S. D. Vide infra Tract. 7. Exam. 2. num. 19.

*Ad* illud de Lege æterna patebit R. num. 9. sequente.

*Ad* 2. dist. maj. Quod ponitur, ut prædicatum constitutum, C. maj. solum ut conditio necessariò requisita, N. maj. Et sic dist. min. N. conf. Exemplum est: Si definiam, obiectum voluntatis esse bonum apprehensum, apprehensio non est de essentia boni velut

*Tribunal Confessionarium.*

obiecti, sed est conditio intrinsecè necessariò requisita. Ita etiam de promulgatione Legis.

## E X A M E N II.

*De Lege æterna, & naturali,*

*De prima agit S. Thom. hic qu. 93. per sex art.*

*De secunda q. 94. pariter per sex art.*

**Q**UERO I. Dubitasne de *an est*, seu de existentia Legis æternæ, & naturalis?

*IX. Resp.* Non dubito, sed indubitatè suppono ex S. Thom. hic q. 91. art. 1. & 2.

*Ratio.* S. D. de existentia Legis æternæ est: Lex nihil aliud est, quàm dictamen rationis practicæ in Principe, qui gubernat aliquam Communitatem perfectam: Sed Deus est Princeps, gubernans totam Communitatem hujus Universi. Ergo in eo est aliqua Lex, qua eam gubernat. Sed divina Ratio nihil concepit in tempore, sed habet æternum conceptum, Prov. 8. Ergo illa Lex est æterna.

De existentia Legis naturalis sic ait: Cùm Psal. 4. dixisset: Sacrificatè sacrificium iustitiæ, quasi quibusdam quærentibus, quæ sunt iustitiæ opera? Subjungit: Multidicunt, quis ostendit nobis bona? Cui quæstioni respondens, ait: Signatum est super nos lumen vultus tui, Domine. Quasi lumen rationis naturalis, quo discernimus, quid sit bonum, & quid malum, quod pertinet ad legem naturalem, nihil aliud sit, quàm impressio divini luminis in nobis.

*Oppono:* Lex imponitur subditis, & debet esse promulgata: Sed ab æterno nemo fuit præter Deum. Ergo nemini ab æterno potuit Lex poni, vel promulgari. Ergo non datur Lex æterna.

*Solutio* patet ex S. D. q. 91. art. 1. ad 1. sic dicente: Ea, quæ in se ipsis non sunt, apud Deum existunt, in quantum sunt, ab ipso cognita, & præordinata, secundum illud Rom. 4. Qui vocat ea, quæ non sunt, tanquam ea, quæ sunt. Sic igitur æternus divinus Legis conceptus habet rationem Legis æternæ, secundum quod a Deo ordinatur ad gubernium rerum ab ipso præcognitarum. Hæc ibi. Et ad 2. ait: Promulgatio fit & verbo, & scripto, & utroque modo Lex æterna habet promulgationem ex parte Dei promulgantis. Quia & Verbum divinum est æternum, & scriptura Libri vitæ est æterna. Sed ex parte creaturæ audientis, aut infipientis non potest

K 3 esse

esse promulgatio æterna. Ita S.D. Unde dist. min. Nemo fuit ut physice existens in propria duratione mensura. C. ut à Deo cognitus, & præordinatus, vel etiam ut existens in mensura æternitatis, N.

Addo, quòd, ut antedictum, promulgatio solum fit conditio, ut Lex in actu secundo obliget, & ejus defectus non tollat, quin Lex in se sit essentialiter Lex, cum virtute obligandi in actu primo.

**QUÆRO II.** Quid est Lex æterna? estne omni creaturæ rationali nota? & omnium aliarum Legum causa?

**X. Resp. 1.** Lex æterna est ratio divinæ sapientię, secundum quod est directiva omnium actionum, & motuum. Ita definit etiam S.Th. hic q. 93. art. 1. in fine corp.

Not. quòd Lex æterna per rationem differat à Providentiā, & Ideis divinis. Nam Lex æterna per se primò respicit bonum commune totius Universi, Providentiā Dei verò bonum singulare cuiusvis creaturæ. Item: Lex in sua ratione dicit vim obligandi, non verò providentiā. Ideæ divinæ respiciunt res ut creabiles, seu earum entitates, Lex verò ut gubernandas, eorumque motus, & actiones, ac ordinem illarum in finem.

**Resp. 2.** Lex æterna est omni creaturæ rationali nota. Ita S. Thomas q. 93. art. 2.

*Declaratur ex eodem:* Duplitter aliquid cognosci potest: Uno modo in seipso, alio modo in sub effectu, in quo aliqua similitudo ejus invenitur. Sicut aliquis non videns Solem in sua substantia, cognoscit ipsum in sua irradiatione. Sic Legem æternam, secundum quod in se ipsa est (qualiter est idem cum essentia divina) nullus cognoscere potest, nisi solus Deus, & Beati Deum per essentiam videntes: tamen omnis creatura rationalis (pro sua quævis capacitate) ipsam cognoscit in effectu, seu secundum aliquam ejus irradiationem, vel majorem, vel minorem: invisibilia Dei per ea, quæ sunt, intellectu conspiciendo: omnis enim cognitio veritatis est quædam irradiatio, & participatio Legis æternæ, quæ est veritas incommutabilis. *Subsumo:* Sed omnes homines (etiam dum primò veniunt ad usum rationis) de quo infra Tract. 7. Exam. 2. nu. 30. aliquoties saltem cognoscunt veritatem, ad minùs quantum ad communia principia Legis naturalis, v.gr. bonum est faciendum, malum est fugiendum. Ergo omnes Legem æternam pro modulo suo agnoscunt, saltem in actu exercitio, si non in actu signato. Idem patet ex antedictis ad Oppon. 1. num. 8.

**Resp. 3.** Omnes aliæ Leges derivantur a Lex æterna. Ita S.D. art. 3. Cujus est hæc

**Rat. 1.** Lex æterna est Ratio divinæ Sapientię, &c. ut suprà. *Subsumo:* Sed divina sapientiā Prov. 8. dicit: Per me Reges re-

gnant, & Legum Conditores justæ decernunt. Ergo.

**Ratio 2.** Lex importat rationem quandam directivam actuum ad finem: Sed in omnibus moventibus ordinatis oportet, quòd virtus secundi moventis derivetur a virtute moventis primi, quia movens secundum non movet, nisi in quantum movetur a primo, ut patet in Regentibus subordinatis: Lex autem æterna est Ratio gubernationis in supremo gubernante. Ergo omnes rationes gubernationis (quæ sunt Leges) quæ sunt in inferioribus gubernantibus, a Lex æterna derivantur.

**QUÆRO III.** Subduntur ne Legi æternæ omnes creaturæ totius Universi, naturales, insensatæ, irracionales, rationales, &c.

**XI. Resp. affirm. cum S.D. ar. 4. & 5. & 6.** Sensus est: Quòd, si Lex sumatur latè, & amplè (ut est solum movens, & ordinans) omnes creaturæ subiciuntur Legi æternæ. Unde S.D. art. 4. ait: *Quæcumque divina gubernationi subduntur, subiciuntur etiam Legi æternæ.* Sed omnes res, etiam insensatæ, subduntur divinæ gubernationi, ut patet: unde Prov. 8. dicitur: *Legem ponebat aquis, ne transirent fines suas.* Ergo & Legi æternæ in dicto sensu. Si verò Lex æterna sumatur propriè, & stricte, ut est precipiens, & obligans, materia ei subiecta sunt soli actus humani, seu morales creaturæ rationalis.

**Ratio.** Tum quia sola creatura rationalis est capax Legis in rigore sumptæ, uti & obedientiæ, ratione indifferente libertatis: tum etiam, quia, ut suprà dictum est, omnes actus humani suam bonitatem, vel malitiam habent per ordinem conformitatis, vel difformitatis ad Legem Dei æternam, & aliàs ab ea descendentes: sic ut illa sit Regula saltem remota nostrorum actuum. Ergo.

**Oppon. 1.** Quod Lex regitur, non est fortuitum, vel casuale, nec inordinatum: Sed dantur casualia, fortuita, inordinata, ut monstra, & peccata. Ergo non omnia subduuntur Legi Dei.

**2.** Videntur dari homines exleges, quia Apostolus 1. Timoth. 1. & ad Gal. 5. ait: *Si spiritui ducimini, non estis sub lege.* Ergo.

**Ad 1. dist. maj.** Non est casuale respectu ejus, cujus lege regitur. C. maj. respectu alterius, N. Et sic dist. min. N. conf. Quæ ergo sunt casualia, solum sunt talia per ordinem ad causas secundas, & particulares, respectu Dei autem nihil est casuale. Unde monstra, & defectus naturales, sicut sunt ex Dei providentiā, ita & sub sunt Legi æternæ. Peccata sunt à Deo ut permittente, non ut causante, vel approbante.

**Ad 2. N. ant.** Verbum illud Apostoli (ait S.D. art. 6. ad 1.) intelligitur, ut esse sub Lexe



Lege intelligatur ille, qui nolens obligationem Legis subditur quasi cuidam ponderi. Unde Glossa ibidem dicit: Sub lege est, qui timore supplicii, quod lex minatur, non amore iustitiæ à malo opere abstinere; & hoc modo spirituales viri non sunt sub lege. Quia per charitatem, quam Spiritus Sanctus cordibus eorum infundit, voluntariè id, quod Legis est, implent. Ita S. Tho. De quopura vide infra in hoc Tract. Exam. s. n. 82. R. r.

**QUÆRO IV.** Quid est Lex naturalis? estne mutabilis mutatione propriè dicta, aut dispensabilis?

**XII.** Præmittendum, quod Lex, vel jus naturæ aliud sit merè permissivum, id est; nec præceptivum, nec prohibitivum. Aliud est positivum, seu positivè præcipiens, vel prohibens. Huius secundi generis sunt præcepta Decalogi. Et de his est quæstio. Primi generis verò mutabilia sunt, qualia sunt v. g. esse liberum, seu non esse mancipium, bona temporalia esse divisa, vel communia. Hæc enim natura non præcipit, nec prohibet, sed permittit. Unde bonorum divisio, & servitus introducta est iure gentium, & eodem iure hæc sunt mutabilia, quia tamen mutatione non facta Lex naturæ dicitur, nullum in legitima possessione esse turbandum. Hoc præmissis

*Resp. 1.* Lex naturalis est dictamen quoddam rationis naturalis, à Natura, seu ab Autore naturæ inditum, dictans, quid bonum sit, vel malum, quid agendum, quidve omittendum.

*Declaratur breviter:* Dicitur inditum ab Autore naturæ, quia omnis Lex debet esse lata ab alio, ut superiore. Dicitur dictamen, putà, non merè ostensivum boni, & mali, sed & præceptivum, habet enim se per modum imperii: *Fac hoc.*

*Oppono 3.* Definitio, quæ convenit alteri à definito, non est bona. Sed hæc definitio convenit alteri nimirum Conscientiæ. Ergo.

1. Lex naturalis sæpè appellatur ipsum lumen naturale. Ergo non consistit in actu.

3. Si Lex naturalis est actus, ergo non manet, postquam actus transiit, sed extinguitur cum illo.

*Ad 1. N. min.* Differentia est, quia Lex naturalis est dictamen, & Regula generalis, Conscientia verò est dictamen pradicum in particulari. Item Conscientia est applicatio Legis naturalis, ac divinæ, humanæque ad particularem operationem, ipsa verò est principium applicabile.

*Ad 2. dist. ant.* Lex naturalis causaliter sumpta, C. formaliter, N. ant. & conf. Quando ergo Lex naturæ vocatur habitus, sumitur causa pro effectu, seu pro actu, quia causa eliciens illud dictamen pradicum, seu imperium, est syndereis, quæ est habitus primorum principiorum

moralium, seu pradicorum, uti sunt: Omne bonum est faciendum. Omne malum est fugiendum. Quod tibi non vis fieri, alteri ne feceris, ratione cuius causæ, seu habitus dictamen illud manet virtualiter, licet non formaliter. Ex his

*Ad 3. patet distinctio.* Pro quo vide de conscientia Tract. 2. Exam. 1. n. 5.

**XIII.** *Resp. 2. ad Q. 4.* Probabilior sententia cum S. Tho. hic ar. 5. docet, quod Lex naturalis non possit ulla potestate, etiam divina, mutari mutatione, vel dispensatione propriè dicta, bene tamen improprie, seu ex parte materiæ. Ante prob.

*Not. 1.* ex S. Tho. cit. art. 5. Lex naturalis potest intelligi mutari dupliciter. Uno modo per hoc, quod ei aliquid addatur, & sic nihil prohibet, Legem naturalem mutari, multa enim illi sunt superaddita ad humanam vitam utilia, nimirum tam per legem divinam, quam per humanam. Alio modo potest intelligi mutatio Legis naturalis per modum subtractionis, ut scilicet aliquid desinat esse de lege naturali, quod ante erat de illa. Et de hoc secundo modo est difficultas. Pro quo

*Not. 2.* mutationem idem est de dispensatione) Legis dupliciter posse fieri. 1. Formaliter, & propriè, ut si obiectum Legis maneat in iidem circumstantiis, in quibus terminabat intentionem Legislatoris, & tamen tollatur obligatio ejus. 2. Materialiter, & improprie, si nimirum Legis obiectum, materia, & circumstantiæ ita varientur, ut Legislatoris intentio, consequenter & Legis obligatio ad illud non amplius se extendat.

Alii cum Gonet paulò aliter hoc explicant, dicentes, mutationem Legis propriè dictam esse, si ipsa mutetur in se, ut si expiret finito tempore, v. g. uno anno, pro quo præcisè est lata: vel si de iusta fiat iniusta; vel si a Superiore abrogetur, aut per dispensationem ab eo restringatur. Mutationem Legis improprie, vel largè sumptam dicunt esse, si fiat mutatio ex parte materiæ desinentis subiacere obligationi Legis. Quæ mutatio maxime locum habet in iis, quæ à libero humanæ voluntatis (quæ mutabilis est) placito dependent, ut sunt vota, iuramenta, &c. His notatis.

*Rario 1. p. est:* Quod est per se, & intrinsecè bonum, non potest per ullam potestatem fieri malum, & è contra, quod est intrinsecè malum, non potest ullatenus fieri bonum: Sed quod Lex naturæ jubet, aut vetat, est per se, & intrinsecè bonum, vel malum. Ergo per nullam formalem mutationem, vel dispensationem potest se aliter habere. Min. prob. Quæ Lege naturæ prohibentur, vel imperantur, non idèò sunt mala, quia prohibentur; nec idèò bona, quia imperantur: sed prohibentur, vel imperantur, quia per se, & ex natura sua sunt mala, vel bona,

ita ut bonitas, vel malitia actus non pendeat ab extrinseca voluntate Dei, sed ex natura ipsius objecti suis circumstantiis vestiti, ut patet in præceptis de honorando parentes, de non mendo, non fornicando, &c. Videatur S. Thom. 1. 2. q. 71. art. 6. ad 4.

Confirm. Lex naturæ non est ad tempus lata, nec potest fieri injusta, nec abrogari, seu aboleri per contrariam legem, consuetudinem, vel delictum, & hoc ob rationem mox datam. Ergo. Vide infra de dispensatione in hoc Tract. Exam. s. num. 90.

Ratio 2. p. Materia Legis naturæ non semper eodem modo se habet, sed ob occurrentes interdum alias circumstantias variatur. Ergo etiam tunc sequitur, ut id, quod antea erat de Lege naturæ, non amplius sit. Ant. declaratur ab exemplis, quæ hic ventilari solent. *Primum* est de Israelitis auferentibus bona Ægyptiorum, Exod. 12. *Secundum* de dispensatione Dei cum Abrahamo, ut interficeret, & immolaret filium suum Isaac, Gen. 22. Ubi Deus sua potestate mutavit materiam Legis, id est, bona Ægyptiorum donavit Israelitis, transferendo eorum dominium in illos. Item erat Dominus vitæ innocentis Isaci. Ergo alteri poterat dare facultatem occidendi. *Tertium* est: Deus, & auctoritate Dei Papa potest mutare materiam juramenti, ac voti (saltem simplicis) quæ est fundamentum obligationis: hæc enim materia est actus humanus, ac liber voluntatis nostræ, super quam Papa habet potestatem. Ergo potest eam mutare, ac Legis obligationi subtrahere, obligatio quoque tollitur sublato fundamento. Sed hæc est materialis mutatio, ac impropria dispensatio Legis. Ergo. *Quartum*. Lex naturæ dicitur, depositum, vel arma esse reddenda, si autem potantur in damnum tertii, per hanc circumstantiam mutatur materia Legis, & depositarius non tenetur reddere. Solet hic etiam adduci exemplum de Osea, cui Deus iussit, ut acciperet uxorem fornicariam, & de libello repudii, sed de primo vide supra de fornic. Tract. s. Exam. 1. nu. 29. De secundo vide Tract. 16. Exam. 4. n. 47.

Ad hæc ut materialis mutatio cadat in omnia Legis naturæ præcepta, patebit negativè ex dicendis postea ad Q. 5.

Eadem materialis mutatio est in matrimonio clandestino. Item in Lege utraparionis, qua non accipitur alienum, sed pro tranquillitate Reipublicæ, & ne dominia rerum sint incerta, supremus Magistratus dominium rei de uno transferat in alium. De quo infra.

XIV. *Notæ*. Lex naturæ patitur interpretationem, vel Epikejam?

Ante R. Nota, quod licet interpretatio, & Epikeja in largo, & vulgari sensu accipiantur pro eodem, propriè tamen idem non sunt:

quia interpretatio est simplex declaratio Legis, ac verborum, quibus lata est, quorum sensus non est omnino clarus. Epikeja, verò juxta Philosophum 5. Ethic. cap. 10 propriè est *emendatio Legis*, ubi deficit propter universale. Nam cum Lex sit universalis, Legislator autem non possit omnes casus prævidere, fit, ut in aliquo erret, & tunc contra verba Legis est præsumpta voluntate Legislatoris utimur Epikeja, eò quod ille censetur nolle in hoc casu obligare, & ita se explicaret, si adesset. Hoc notato

Dico. Lex naturalis patitur quidem simplicem interpretationem, seu declarationem, non tamen propriè dictam Epikejam.

Ratio. Epikeja est emendatio legis, ubi deficit, &c. & interpretatur mentem Legislatoris, quando ab ipso met non potest haberi. Sed Lex naturæ nequit emendari, nec deficere, ob rationem num. 13. R. 2. pro 1. p. datam. Et ratio naturalis, quæ est Legislatrix, etiam eam explicat, si qua declaratione indigeat, ut patebit in exemplis mox dandis. Ergo.

Confirm. Non omnia Legis naturæ præcepta sunt æquè facilia intellectu, & nota, sed aliqua sunt declaranda, v. gr. Lex naturæ dicitur, suum cuique relinquendum, non esse occidendum, secretum esse servandum, alienum esse restituendum, &c. & tamen ipsa ratio naturalis, quæ hæc leges tulit, eas declarat, nimirum in extrema necessitate licere ab alio accipere necessaria vitæ, licere occidere aggressorem cum moderamine inculpatæ tutelæ, secretum non esse servandum, si vergat in perniciem Reipublicæ, alienum non esse restituendum, si restitutio cedat in damnum tertii. Ergo.

QUÆRO V. Spectantne omnia Decalogi præcepta ad Legem naturæ, ut sint immutabilia, & dispensabilia?

XV. Resp. 1. affirm. ad 1. partem Quæstioni, excepto tertio præcepto de sanctificatione Sabbati, præcisè quantum ad determinationem temporis.

Ratio: Omnia, quæ in Decalogo præcipiuntur, vel prohibentur, sunt intrinsecè bona, vel mala, ut patet in cultu Dei, honore parentum, furto, adulterio, &c. suntque prohibita, quia mala; vel præcepta, quia bona. Ergo.

De sanctificatione Sabbati vide Tract. 10. Exam. s. nu. 97. Hæc doctrina est contra aliquos Juristas, sentientes, prima principia practica per se nota esse tantum de jure naturæ, conclusiones verò ex iis deducas, nimirum præcepta Decalogi, esse de jure gentium. Quæ sententia potest cum nostra conciliari dicendo, jus gentium dupliciter accipi posse. 1. propriè, strictè, ac effective, id est, a Gentibus effectum, seu

seu institutum. Largè impropiè, seu subiectivè, idest, ab omnibus gentibus velut subiectis observatum. Si Juristæ loquantur de Jure gentium in secunda acceptione (quia sic idem est, quod jus naturæ, juxta illud Tullii: In omni re omnium gentium consensus Lex naturæ putanda est) libenter teneo cum illis, non verò in prima significatione.

*Resp. 2.* Omnia Decalogi præcepta sunt simpliciter indispenfabilia, nullo excepto. Ita S. D. q. 100. a. 8.

*Declarat, & probat hoc dicens.* Sicut dictum est, tunc in præceptis debet fieri dispensatio, quando occurrit aliquis particularis casus, in quo, si verbum Legis observaretur, contrariaretur intentioni Legislatoris: intentio autem cujuslibet Legislatoris ordinatur primò quidè, & principaliter ad bonum commune, secundò autem ad ordinem justitiæ, & virtutis, secundum quem bonum commune conservatur, & ad ipsum pervenitur. Si qua ergo præcepta dentur, quæ contineant ipsam conservationem boni communis, vel ipsum ordinem justitiæ, & virtutis, hujusmodi præcepta continent intentionem Legislatoris, idèò indispenfabilia sunt, putà, si poneretur hoc præceptum in aliqua Communitate, quòd nullus destrueret Rempublicam, neque proderet civitatem hostibus, sive quòd nullus faceret aliquid injustè, vel malè, hujusmodi præcepta essent indispenfabilia. Sed si alia præcepta traderentur, ordinata ad ista præcepta, quibus determinatur aliqui speciales modi, in talibus præceptis dispensatio posset fieri, in quantum per omissionem hujusmodi præceptorum in aliquibus casibus non fieret præjudicium primis præceptis, quæ continent intentionem Legislatoris: putà, si ad conservationem Reipublicæ statueretur in aliqua civitate, quòd de singulis vicis aliqui vigilarent ad custodiam civitatis obsessæ, posset cum aliquibus dispensari propter aliquam majorem utilitatem. Præcepta autem Decalogi continent ipsam intentionem Legislatoris, scilicet Dei; nam præcepta primæ tabulæ, quæ ordinant ad Deum, continent ipsum ordinem ad bonum commune, & finale, quod Deus est. Præcepta autem secundæ tabulæ continent ordinem justitiæ inter homines observandæ, scilicet, ut nulli fiat indebitum, & cuilibet reddatur debitum, secundum hanc enim rationem sunt intelligenda præcepta Decalogi. Et idèò sunt omnino indispenfabilia. Hæc S. D. juxta sensum in R. 2. ad Q. 4. antè traditum.

*Resp. 3.* Aliqua Decalogi, ac Legis naturæ præcepta nec materialiter possunt mutari, nec impropiè dispensari, sed materia eorum absoluta est invariabilis.

*Ratio.* Quia quorundam materia habet essentialem convenientiam, vel essentialem

repugnantiam cum Lege æterna Dei, & ratione. Talia sunt præcepta de colendo uno vero Deo, de non mentiendo, non blasphemando, &c.

*Resp. 4.* Præcepta non solum primæ, sed & secundæ tabulæ formaliter, & propriè sunt indispenfabilia.

*Ratio* est, quam dat S. D. citato art. 8. ad 2. dicens: Sicut Apostolus dicit 1. ad Timoth. 2. Deus fidelis permanet, negare se ipsum non potest, negaret autem se ipsum, si ordinem suæ justitiæ auferret, cum ipse sit ipsa sua justitia: & idèò in hoc Deus dispensare non potest, ut homini liceat non ordinatè se habere ad Deum, vel non subdì ordini justitiæ ejus, etiam in his, secundum quæ homines ad invicem ordinantur.

XVI. *Oppos. 1.* Inter præcepta Decalogi est observatio Sabbati: Sed in eo fuit dispensatum, dicitur enim 1. Mach. 2. Et cogitaverunt in die illa dicentes: Omnis homo quicumque venerit ad nos in bello in die Sabbatorum, pugnemus adversus eum. Ergo.

2. Præcepta Decalogi non magis sunt de jure naturæ, quam sit monogamia; seu unitas uxoris: Sed in hac dispensavit Deus concedendo antiquis Patribus polygamiam, seu uxorum pluralitatem. Ergo & in illis potest.

*Ad 1.* S. D. citato a. 8. ad 4. ait: Illa excogitatio magis fuit interpretatio præcepti, quam dispensatio. Non enim intelligitur violare Sabbatum, qui facit opus, quod est necessarium ad salutem humanam; sicut Dominus probat Matth. 12. Ita ibid.

*Ad 2.* Respondet Sanctus Doctor in Supplement. q. 65. a. 2. ad 1. dicens: Jus naturæ semper, & ubique, quantum est de se, habet eandem potentiam, sed per accidens propter aliquod impedimentum quandoque, & alicubi potest variari. Sicut Philosophus in 2. Ethic. Exemplum ponit de aliis rebus naturalibus. Semper enim, & ubique dextra est melior, quam sinistra secundum naturam: sed propter aliquod accidens contingit aliquem esse ambidextrum, quia natura nostra variabilis est. Et similiter etiam est de naturali iusto, ut ibidem Philosophus dicit. Hæc ibi. Mutavit ergo Deus in dispensatione Polygamiam materiam præcepti dominium corporis ad usum matrimonii dividendo ab una in plures: quod poterat tanquam absolutus humani corporis dominus.

Not. ex Cornejo, quòd licet ea, quæ pertinent ad primariam juris naturæ præcepta, sint prorsus invariabilia, adeò ut nullo prorsus tempore, nulloque reieventu variari possint, vel mutari, uti sunt illa principia: Bonum est faciendum, malum est fugiendum; attamen inter illa, quæ pertinent ad secundaria Legis naturæ præcepta (qualia sunt præcepta De

Decalogi, hæc enim ex prioribus tanquam principii, ut conclusiones per immediatam consequentiam facillimè, etiam sine Præceptore, deducuntur) quædam sunt omnino immutabilia, ut præcepta primæ Tabulæ, præsertim de colendo uno vero Deo, & per ipsum non vanè jurando. Quædam verò possunt variari, ut sunt aliqua, quæ cadunt sub præceptis secundæ Tabulæ, ad proximum pertinentia, quorum materia variari potest variatis circumstantiis. Cujus rei exempla patent ex antea dictis, tum de reddendo deposito, tum de ablatione rei alterius in extrema necessitate, & patet etiam in præcepto honorationis Parentum, quibus, si sint proditores Patriæ, opera pietatis justè denegantur. Et de Polygamia id ipsum immedieat ante hoc Not. ostensum est.

Ex his R. 1. ad 2. Oppos. diff. min. dispensavit propriè, N. impropiè, C. Quare autem in quibusdam Decalogi præceptis, nec impropiè possit dispensari, patet ex dictis pro R. 3. Quoad præsens servit bene explicatio Patris Cornejo; Licet enim præcepta juris naturæ sint per se immutabilia, hoc est, talia, ut objecto, fine, & circumstantiis debitis manentibus mutari nequeant, illis tamen aliquo modo mutatis possunt ipsa præcepta mutari. Et quia quodam post Adventum Christi cessat urgens necessitas primarii finis matrimonii (qui est multiplicatio fidelium ad cultum Dei) quæ necessitas vigebat tempore Legis mosaicæ, & ante ipsam temporibus Abraham: ideo nunc est contra Legem naturæ habere plures uxores, tunc verò minime: eratque solum mutatio materię Legis mutatis circumstantiis. De Polygamia vide plura infra Tract. 16. Exam. 1. n. 5. Item quomodo Deus possit dispensare in Matrimonio rato, non consummato, illud, per Professionem solemnem dissolvere, cum tamen pure naturæ indissolubile sit. Vide in eodem Tract. Exam. 4. n. 48.

QUÆRO VI. Potestne dari invincibilis ignorantia Legis naturæ, & Decalogi in homine habente usum rationis?

XVII. Quid sit ignorantia invincibilis, vide Tract. 3. Exam. 1. n. 23.

Not. Præcepta Legis naturæ ad tres classes posse reduci, sicut in prima classe sunt illa universalissima non tam præcepta, quàm præceptorum omnium principia: *Bonum est faciendum, Malum est fugiendum. Quod tibi non vis fieri, &c.* In secunda classe sunt, quæ ex ipsi solo rationis naturalis lumine per facilem discursum deducuntur, uti in Decalogo sunt, v. g. Præcepta Deum colendi: Parentes honorandi, non jurandi, non fornicandi, non mentendi, &c. Et horum transgressio potest interdum vestiri aliqua circumstantia præteristi

honesti finis, v. g. mentiri ad salvandam vitam, furari ad dandam elemosynam, occidere agnizantem, ne diu patiatur, se polluere sanitatis gratia, &c. in tertia classe sunt alia quæ ex primis non nisi longo, & difficili discursu deducuntur, & ab his plurimum distant, uti sunt præcepta, quæ prohibent certos contractus, qui reverà usurarii, vel simoniaci sunt, sed tales evident non apparent, sed inter ipsos DD. controversia est, an tales sint. Hoc notato

Resp. Probabilis est, quod in homine adulto usum rationis habente non possit dari ignorantia invincibilis, seu inculpabilis præceptorum primæ, aut secundæ classis, bene tamen tertiæ. Ita videtur colligi ex S. Thom. 2. 4. & 6. Prima, & secunda Pars intelligitur, et si transgressio vestitur circumstantia finis secundum se honesti.

Ratio 1. p. Quia ista principia sunt per se nota, non tantum secundum se, sed etiam quoad nos, seu sunt conjunctissima lumini naturali intellectus practici, sicut illa principia speculativa, v. g. *Totum est majus sua parte: Quodlibet est, vel non est*, sunt conjunctissima intellectui speculativo. Ergo sicut hæc non possunt ignorari ab intellectu speculativo, ita nec illa inculpabiliter à practico.

Ratio 2. p. Præcepta secundæ classis licet sint conclusiones ex primis deductæ, deducuntur tamen ex his cum summa facilitate, nemine externis docente, sed vis solius rationis naturalis. Ergo non possunt invincibiliter ignorari, nisi pro brevi illa mora, seu tempore, quo illa deductio, seu discursus formatur (ut aliqui distinguunt) quæ distinctio paràm, vel nihil facit ad praxim.

Declaratur ulterius hæc 2. p. primò ex S. Tho. art. 4. & 6. Admissio quod dentur barbaræ, & incultæ Gentes, quædam præcepta secundæ classis, & Decalogi ignorantes, sibi persuadentes, quod liceat occidere (ut apud Germanos olim latrocinium non reputabatur iniquum, ut refert S. Thom. art. 4.) Item quod liceat furari, fornicari, se polluere, &c. hæc tamen ignorantia est invincibilis, & culpabilis. Ergo Prob. ant. pro 2. p. Illa ignorantia est culpabilis, & vincibilis, quæ oritur ex hominis culpa, non solum originali, sed & personali. Sed dicta ignorantia oritur ex propria culpa personali, nimirum ex pravis habitibus, consuetudine, pravis affectibus, concupiscentiis, & passionibus, quas aliqui voluntariè non reprimunt, & sic illuminationi divinæ, & Legis naturæ radiis culpabilem obicem ponunt ex quo hæc ignorantia, licet non directè & in se, bene tamen indirectè, & in sua causa (quæ sunt dicti pravi affectus) est voluntaria.

Declaratur 2. & ostenditur, quod non solum non possit dari ignorantia invincibilis ad usum Legi naturæ repugnantium, secundum se, &

ab-

absolutè sumptorum, sed etiam, ut aliqua honesti finis circumstantia vestitorum, ut explicatum est ante in Not. ante R. ostenditur, hanc ignorantiam esse invincibilem, quia facile potest vinci per illud commune principium quòd cuius homini natura inferuit: *Non sunt faciènda mala, ut veniant bona*. Deinde loquendo de speciebus luxuriæ, v.g. mollietate, fornicatione, &c. ipse pudor à natura inditus dicitur, à similibus esse abstinendum, præsertim inter Christianos, & in locis, ubi pueri timorati educantur: dicitur, inquam, etiam in istis locis: ubi fornicatio, & lupanaria impunè permittuntur. De quo supra.

*Quid ergo faceres*, si ad tuum Confessionale veniret unus simplicitati, rudis rusticus, saltem sub veniali se acculans de mille pollutionibus, uti, & de fornicationibus, quas non censuit esse mortales, ex eo, quia vidit meretricium impunè grassari?

*Resp.* Quoad praxim curarem, ut repeteret omnes præcedentes confessiones in eo statu factas, difficile enim est iudicare, an in talibus ignorantia sit invincibilis. Hinc observent animarum Pastores, & Confessarii, Concionatores, Catechistæ, &c. quid, & quantum ex vi officii sui incumbit circa instructionem ovium suarum, præsertim in talibus, & similibus ignorantiaæ casibus.

*Declaratur 3.* & specialiter ostenditur, non posse dari ignorantiam invincibilem huius præcepti. Quòd Deus sit colendus. Et quidem ex ante dictis, & ex illo Psal. 4. *Signatum est super nos*, &c. patet, Legem naturalem esse omnibus hominibus ingentitam, sed primum, & universale fundamentum Legis naturæ est hæc veritas: Extat Deus, & est colendus, ut supremus, & unicus Iudex, malorum vindex, bonorum retributor, nemini enim non dicitur natura, mala esse puniendæ, bona præmiandæ ab aliquo superiore, & cum non detur processus in infinitum, Natura tandem devenit ad unum supremum. Et hoc apud gentes etiam incultas, & agrestes.

Hinc Atheistæ, quia divino Soli clarè splendenti oculos malitiosè claudunt, eum etiam in meridie non vident, non quia non possunt, sed quia nolunt: qui verberibus potius, quàm verbis; igne magis, quàm ratione sunt convincendi.

*Ratio 3. p.* Illi excusantur ab observantia Legis, quibus Lex non est sufficienter intimata, seu promulgata: Sed præcepta tertiæ classis (cum à primis universalissimis principiis plurimum distent, & ex iis non nisi magno labore, ac discursu, cujus homines rudes, simplices, & ignari sunt incapaces, deducantur: & etiam inter ipsos DD. de iis jurgia sint) non sunt omnibus sufficienter intimata. Ergo in aliquibus hominibus potest dari invincibilis

ignorantia eorum, etiam ad longum tempus, & fortè per totam vitam.

Hujus tertiæ partis Oppositum tenuerunt aliqui antiqui cum nostro B. Alberto Magno quorum tamen sententia potest cum nostra conciliari, distinguendo inter leges, seu præcepta Juris naturæ juxta præfatas tres classes:

Ex dictis inferitur, posse à fortiori in quibusdam hominibus dari ignorantiam invincibilem alicujus Legis divinæ positivæ, v.g. de receptione Sacramentorum quorundam in tali, vel tali casu.

## E X A M E N III.

*Et Speculum peccatorum super Decalogum.*

*De quo tractat Angelicus Doctor infra q. 100. per 12. art.*

**H**oc Examen. serviet Confessori, uti sciat, poenitentem, ubi necesse fuerit, examinare: serviet poenitenti, ut sciat pro paranda Confessione sive particulari, sive generali, conscientiam suam discutere.

**QUÆRO.** Quis Legislator posuit Leges, vel præcepta Decalogi? Quot, & quæ sunt? Scis ne assignare modos peccandi contra illa? *XVIII. Resp.* Legisatrix Decalogi est ipsa rationalis natura, seu Rationalis, & Deus, ut Auctor naturæ. *Ratio* est eadem, quæ data est pro R. i. ad Q. s. Exam. 2. n. 1 s. præcepta Decalogi sunt decem, idem enim Decalogus vocatur. Quænam illa sunt, & quomodo contra ea peccetur, patebit ex dicendis.

*Primum Decalogi Præceptum,*  
Ego sum Dominus Deus tuus. Non habebis Deos alienos coram me, nec facies tibi sculptile, ut adores illud.

*XIX.* Hoc præcepto jubemur, Deum diligere, & colere, qui cultus maximè fit per actus virtutum Theologicarum, quæ sunt Fides, Spes, & Caritas, & per actus Religionis, quæ est virtus moralis, immò moralium præstantissima.

*Peccatur contra hoc Præceptum*  
*Primo* Deum super omnia, & ex toto corde non amando, & res creatas inordinato amore prosequendo.

2. Non sperando in Deum, uti fas est, diffidentiam admittendo circa ejus bonitatem, desperando, vel de ejus misericordia præsumendo.

3. Deo debitas grates pro beneficiis non persolvendo, mandata Dei violando, vel servando, ac peccata vitando præcise ex metu gehennæ, seu timore servili.

4. In Dei servitio, ac Sanctorum Patrum

norum veneratione, tepidum, inconstantem, & acediosum exhibendo, vel per excessum Sanctos, vel Deiparam, uti Deum adorando.

5. Sacramenta indignè, vel sine debita preparatione suscipiendo, negligendo, illudendo, spernendo.

6. Beneficia Ecclesiastica pro re temporali vendendo, emendo, procurando, confidencialiter tenendo: aut quovis alio modo Simoniam exercendo.

7. Preces cum culpabili distractione, ac irreverenter peragendo, res divinas, aut sacras irreverenter tractando; in loco sacro indevote se habendo, obambulando, confabulando, ridendo, nugastando, &c.

8. Adversa animo patienti non tolerando. In adversis contra Deum murmurando, quasi non sit iustus, clemens, &c. blasphemando.

9. Dedono aliquo naturali, vel supernaturali superbiendo, vel illud suis viribus attribuendo, de propriis meritis presumendo.

10. Idololatriam committendo, v.g. demonem, Solem, Lunam, aliamve creaturam, ut Deum colendo, etiam solum exterius.

11. In rebus fidei hæsitando, dubitando, vel articulum Fidei omnino negando, etiam ex metu, aut solo opere externo. Præsumptuose mysteria fidei scrutando, aut de iis disputando.

12. Deum tentando, à Deo, vel Sanctis miracula expetendo, aut volendo, ut miraculose succurrant, cum tamen sit alia juvandi via. Item superstitione aliqua utendo.

13. Seipsum, vel alium circumcidendo, aut alia cæremonia judaica, vel mahometica Fidei nostræ contraria utendo, licet interius eam detestetur.

14. Utendo ope demonis, velut Spiritus familiaris, ut vel admoneat, vel pandat, aut renunciet, quid ab aliis, vel alibi, v.g. in castro hostium, agatur, vel similia permittendo, non puniendo, &c.

15. In loco (ubi vestis, vel aliud signum est Nota, cuius Religionis aliquis sit) deferendo vestem, quæ est signum Judæi, vel Saraceni, &c.

16. Falsas reliquias pro veris colendis proponendo, vel falsas votivas imagines offerendo, ut alios ad idem alliciat, licet devotionem per hoc augere intendat.

17. Dæmones, vel Magos consilii, vel auxilii causa corde, ore, opere, vel pacto invocando, aut adjuvando. Necromantiam, vel aliquam artem magicam discendo, vel discere volendo. Libros de hoc tractantes non comburendo.

18. Ope dæmonis, vel maleficiorum thesaurum investigando, vel proximo damnum inferendo per aliquas invocationes tacitas, aut expressas, vel incantationes. Incantatio-

nem incantatione; maleficium maleficium dissolvendo, vel alium, etiam ad id paratum, inducendo ad illud.

19. Divinatores interrogando ratione alicuius secreti, v.g. furti, vel tentando id cognoscere fortibus, aleis, chartis, libro, cribro, astrolabio, &c. Ad conservanda, curanda, inveniendâ animalia uti incantationibus, vana observatione, verbis sacris, aut profanis. Consulendo Ægyptios, seu, ut vocant, Cingaros de sua fortuna.

20. Res sacras, v.g. Oleum sacrum, aquam baptismalem, verba consecrationis, aram, vel hostiam consecratam, &c. ad maleficia adhibendo, vel ex malo fine, aut sine rationabili causâ gestando.

21. Ad sanitatis restitutionem adhibendo alicui media omnino disparata, seu nulla ad id virtute pollentia, nullam cum effectu connexionem habentia, v.g. cingulo metiendo, vimen findendo, arborem aperiendo, super certam herbam urinando, &c.

22. Servando, aut pingendo fidas imagines Sanctorum, vel Deiparæ, aut tales, quæ Sanctis, Papæ, Ecclesiæ, vel ejus Prælati sunt injuriosæ.

23. Ex somniis firmiter tenendo, hoc, vel illud eventurum, Thesaurum se inventurum, talem uxorem ducturum, se nunquam fore interficiendum, vel propter hoc omittendo solita pietatis officia.

24. Deferendo certa signa, characteres, Brevia, viquorum credit, se nunquam in pugna vulnerandum, aut non succubiturum, subita morte non moriturum, igne, vel aqua se non periturum, &c.

25. Reliquias, etiam veras, gestando cum quadam vana observantia, v.g. in vaseculo, quod sentit necessariò debere esse trigonum, vel rotundum.

26. Tenendo, grave malum sibi imminere ex eo, quòd audiatur garritus avium, ululatus luporum, &c. vel quòd obviaverit sibi aliqua vetula, vel mulier gravis.

27. Credendo, hominem sub tali, vel tali fidere natum cogi ad bene, vel malè agendum. Observando, diem Lunæ v.g. meliorem esse pro exitu è domo, quàm diem Veneris. Pedem sinistram necessariò prius calceandum esse quàm dextrum, vel eo post somnum prius terram esse contingendam, vel è contra.

28. Sumendo prunas ignitas, candens ferum, aquam ferventem, vel ignem intrando, ad probanda in innocentiam.

29. Non conando scire ea, quæ scire, vel explicitè credere est de necessitate salutis. Vel filios, aut subditos suos ad id discenda non compellendo, superstitiosa eos docendo, &c.

Hæc

Hæc sunt potissima peccata contra primum Decalogi præceptum, quæ tamen omnia non semper sunt mortalia: de quantitate culpæ judicare poterit Confessor, & plures peccandi modos inveniet, si consuluerit proprium locum in hoc Tribunali, seu Opere morali, in quod hæc, vel illa reagitur, quærendo in Indice, v.g. de charitate, amore, fide, spe, odio, inidelitate, hæresi, desperatione, superstitutione, sacrilegio, tentatione Dei, simonia, malificio, &c. Idem moneo circa ea, quæ dicuntur circa alia Decalogi Præcepta, uti & in Examine sequenti de peccatis, vel peccandi modis plurium statuum in particulari.

*Secundum Decalogi Præceptum.*

*Non assumes nomen Domini Dei tui in vanum.*  
Hoc Præcepto prohibetur vanè jurare, blasphemare, malè vovere, &c.

*Peccatur contra hoc*

XX. *Primo.* Malè jurando, nimirum sine judicio, necessitate, &c. vel joco; aut benè juratum malè adimplendo. Vel jurando, se malum facturum, aut bonum opus omitturum.

2. Pejerando, seu jurando id, quod reverà scitur esse falsum, vel saltem dubitatur de veritate. Vel jurando ex consuetudine, ex levitate, &c.

3. Alium ad malè jurandum, vel pejerandū inducendo, vel jurando per Deos falsos, aut per membra Dei, talia ei attribuendo, Deo, vel sanctis malè precando.

4. Blasphemando, seu injuriosa verba in Deum, vel Sanctos effutendo, perfectiones Dei Creaturæ attribuendo.

5. Nomine Dei, & Sanctorum in profanis discursibus abutendo.

6. Malè vovendo, vel votum malè implendo, vel impletionem sine rationabili causa differendo; vel omninò omittendo, vel vovendo, aut jurando sine animo implendi, aut se obligandi.

7. Vovendo sub conditione, & faciendo, ne conditio impleatur.

8. In Religione vota solemnia, vel unum ex illis violando.

*Tertium Decalogi Præceptum.*

*Memento, ut diem Sabbati sanctifices.*

Festa sanctificantur cessando ab opere servili, audiendo Missam, Deum orando, jejunando, aliaque Ecclesiæ præcepta, ad hoc tertium reducia, observando.

*Peccatur contra hoc*

XXI. *Primo.* Faciendo, vel fieri mandando in die Festo opera servilia per duas, vel tres horas, vel ultra, subditos semel, aut sæpius ad ea adigendo, Festorum Vigiliis, seu jejunia violando.

2. Missam, vel notabilem ejus partem negligendo, subea dormiendo, aut culpabiliter se distrahendo, etiam sola cogitatione, garriendo, literas, vel novellas legendo, oculis circumvagando, Concionem ex mera negligentia omittendo.

3. Dies festos in popinis consumendo, in iis nugando, cum scandalo vociferando, præsertim sub divino Officio.

4. Horas Canonicas (supposita obligatione) quotidie non recitando, sed totaliter, vel notabilem partem omittendo, aut inde votè, sine in vel attentione eas orando.

5. Tempore ab Ecclesia vetito nuptias celebrando.

6. Annuum Confessionem, & Paschalem Communionem omittendo. Vel faciendo eam sacrilegè, nimirum cum peccato mortali, sive affectu ejus.

7. Locum sacrum, v.g. Templum, vel Cæmeterium violando, aut polluendo, verita ibi exercendo, furando, rapiendo, vel privata, aut indebita auctoritate extrahendo eum, qui ad Ecclesiæ asylum, seu immunitatem confugit.

*Quartum Decalogi Præceptum.*

*Honora Patrem, & Matrem, ut sis longævus super terram.*

Nomine Patris, & Matris intelliguntur, non tantum ii, qui nos genuerunt, sed & illi, qui sunt loco Parentum, ut Curatores, Tutores, Magistri, Domini respectu famulorum, Superiores, &c.

*Peccatur contra hoc*

XXII. *Primo:* Parentibus vel iis qui vice eorum sunt, ac Superioribus debitam reverentiam, & amorem non exhibendo.

2. Juxta Superiorum mandata transgrediendo, præsertim ex contemptu. Contra eorum Ordinationes murmurando. Eos spernendo; Eorum vitia injustè propalando.

3. Parentes vel consanguineos pauperes despiciendo, non agnoscendo, eis non subveniendo.

4. Parentibus, vel Superioribus mortem optando. Duris, asperis, injuriis, irrisoriis verbis eos excipiendo, vel indignis gestibus aspersionando.

5. Eos occidendo, mutilando, percutiendo ex, vel sine ira. Eorum æconomicam directionem turbando.

6. In necessitate, etiam spiritali, eis non succurrendo, præsertim defunctis per suffragia, & orationes.

7. Parentibus rationabiliter contradicentibus cum hac in individuo matrimonium contrahendo.



8. Parentum defunctorum debita, vel legata, cum possis, & teneris, non solvendo.

9. Idem proportionabiliter est de Parentibus erga filios; & de Dominis erga famulos, quoad curam, exemplum, correctionem, provisionem, salarium. Vel si eos ad Statum Religiosum, vel matrimoniale cogant. Similiter idem est de conjugibus inter se, & erga se invicem.

*Quintum Decalogi Præceptum.*

*Non Occides.*

Prohibetur hoc præcepto occisio proximi tum spiritualis, quæ sit, eum ad mortem animæ, seu ad peccatum inducendo per scandalum; tum corporalis, directa, vel indirecta; per homicidium. Et similia, quæ huc reducuntur, uti est lesio in fama, honore, &c.

*Peccatur contra hoc.*

XXIII. *Primo.* Super proximum cum nimia de se presumptione, ambitione, vel vana gloria se effendendo.

2. Ejus prosperitati sive in corpore, sive in bonis, honore, fama, &c. invidendo, eum à morte, aut periculo, cum possis, non liberando, in necessitate ei non succurrendo. Odio, vindicta, suspitione, vel temerario iudicio insequendo.

3. Proximum ledendo verbis, inhonestis agnominibus, maledictionibus, imprecationibus, convitiis, irrisione, sublatione, &c.

4. Eundem offendendo detractione, murmuratione, asperis, ac mordacibus verbis. Vel consilio, iussione, laudatione, &c. incitando ad adversarios contra ipsum, vel discordias seminando.

5. Proximum scandalizando, seu in dando occasionem ruine spiritualis aliquo verbo, vel facto; Vel fraternam correctionem omittendo.

6. Plus equo irascendo, corrigendo, percutiendo, vulnerando, mutilando, occidendo, per se, vel per alios. Damnum bonis fortunæ inferendo, inhonorando, &c.

7. Domesticos suos, eorumque correctionem negligendo, eis sustentationem debitam denegando.

8. Immoderato cibo, vel potu sibi ipsi, aut alteri damnum in sanitate inferendo, seu ipsum, vel alios inebriando, ad ebrietatem, provocando, &c.

9. Occisionis spiritualis, vel corporalis periculo se, aut alium temerè exponendo, illud optando, se, vel alium, mutilando, castrando vel ad hoc cooperando.

10. Militando in bello injusto.

11. Noxia comedendo, vel bibendo, vel alteri ad fumendum dando.

12. Ad abortum, vel sterilitatem coop-

rando physicè, aut moraliter.

13. Cum periculo suffocationis, sive oppressionis juxta se ponendo in lecto tenellam prolem.

*Sextum Decalogi Præceptum.*

*Non machaberis:*

Hoc præcepto vetantur omnes Luxuriæ species. Item Oscula, tactus, amplexus, & similia illicita a matoria.

*Peccatur contra hoc*

XXIV. *Primo.* Cogitationes obscenas voluntariè accersendo. Cum morosa dilectione iis inhiendo, complacentiam, vel consensum præbendo. Illis, ac motibus carnis ansum, & occasionem præbendo, eorum causas non impediendo.

2. Turpia, vel pudenda in se, vel alio aspiciendo.

3. Verbalis civa (idem est de cantilenis) proferendo cum delectatione, aut voluntate peccandi, aut alium ad peccatum inducendi.

4. Opere ipso contra castitatem peccando, in quacunque ex speciebus supra adductis.

5. Fidem conjugii frangendo.

6. Literis amatoriis, osculis, amplexibus, impudicis affectibus, tactibus, copula, molitie, seu pollutione, aut alio vitio contra naturam.

7. Similium peccatorum periculo se exponendo.

8. Meretrices pro se, vel aliis detinendo, iis domum locando, juxta sensum superius explicatum.

9. Alios, vel alias ad similia recensita lasciva invitando, vel seducendo verbo, opere, exemplo, ornatu, &c.

10. In subditis similia tolerando, non corrigendo. In similibus semper explicanda est species Luxuriæ.

*Septimum Decalogi Præceptum.*

*Non furtum facies.*

Interdicitur hoc præcepto omnis injusta ablatio, vel detentio rei alienæ domino justè invito, damnificatio, fraus in quibuscunque contrahibus, &c.

*Peccatur contra hoc*

XXV. *Primo.* Volendo injustè ab alio aliquid accipere, retinere, vel quovis modo eum in bonis fortunæ damnificare, res ejus destruendo, v.g. segetes conculcando, &c.

2. Actu injustè auferendo, retinendo, & quantum licet fiat inter parentes, & filios, virum, & uxorem, famulum, & dominum.

3. Restitutionem sub mortali debitam negligendo.

4. In emptione, vel venditione fraudem committendo.

5. Injustos contractus faciendo, usuram, vel simoniam exercendo. Idem est de immoderato, ac injusto lusu, sponfione, &c.

6. Ad furtum, rapinam, aut quamvis fraudem cooperando.

7. Alium in dominio, aut legitima possessione injustè turbando.

8. Promissum, vel donatum non tradendo, vel donando quod non est suum. Fidem in contractu datam non servando.

9. Testamentum, uti fas est, non exequendo præsertim pia legata.

10. Rem furtivam scienter emendo, aut de ea participando.

11. Bona incerta, & inventa non reddendo cur, & ubi oportet.

12. Operariorum mercedem, monetam, mensuram, pondera, &c. falsificando. Idem est de quibusvis mercibus.

13. Iusta tributa, vectigalia, decimas, cambia, &c. defraudando.

14. Indignum, vel minus dignum (ubi dignior in conscientia erat eligendus) eligendo. Vel aliquem a consecutione Beneficii, Officii, aut Dignitatis injustè impediendo.

15. Ecclesiam, Officiam, Professuram, Advocatiam, vel Cathedralam, cui quis præstet, sua culpa servitio suo privando, vel negligenter administrando.

*Oratorum Decalogi Præceptum.*

*Non loqueris contra proximum tuum falsum testimonium.*

Hoc præcepto vetantur maximè peccata lingue, præsertim quæ fiunt in iudicio à Iudice, reo teste, Advocato. Reduci etiam huc possunt suspiciones, & temeraria iudicia, quibus homo intra semetipsum proximo dat falsum testimonium. Item calumnia, maledictio, derisio, &c.

*Peccatur contra hoc*

XXVI. *Primò.* Temerariè suspicando, vel iudicando. Item calumniando, deridendo maledicendo, sulurrando, simulando, detrahendo, &c.

1. Alteri falso corde adulando se iactando.

2. Mendacium jocosum, officiosum, vel perniciosum dicendo.

3. Secretum revelando.

4. Falsum testimonium dando, sive falsum dicendo, sive veritatem celando.

5. Injustè iudicando, testificando, accusando, veritatem contra Juris ordinem negando, fallaciter advocando.

*Nonum Præceptum.*

*Non concupiscis uxorem proximi tui.*

Circa hoc nihil singulare occurrit, cum reducatur ad sextum.

*Decimum.*

*Non concupiscas rem proximi tui, non domum, non agrum, non servum, non ancillam, non bovem, non asinum, non omnia, quæ illius sunt.*

Reducitur ad septimum.

XXVII. Hi sunt potissimi modi contra Decalogum peccandi: si qui desint, eos docebit praxis, uti & revisio cujusvis materie, vel casus (quem in hoc Examine obiter tetigimus) in proprio loco hujus Tribunalis, ut suprà jam monui. His Confessor, vel penitens addere potest Examen ex quinque præceptis Ecclesiæ, ex septem peccatis Capitalibus, & peccatis in Spiritum S. de quibus suprà: ex peccatis alienis, de quibus in Catechismo. Item plura incident, si discutiatur ipsius penitentis status, conditio, officium, juxta ea, quæ suggerentur in sequenti Examine.

**EXAMEN IV.**

*De peccatis, vel peccandi modis plurium Statuum in particulari.*

**QUÆRO.** Scisne assignare talia peccata, vel peccandi modos?

*Resp.* Scio, & assigno, prout sequuntur. Non quod omnes peccandi modos assignare intendam, sed communiores. Si ergo penitenti se recolligenti occurrant peccata hic non specificata, de illis se tenetur acculare.

*Peccata Regum, & Principum terra, aliorumque Dominorum temporalium.*

XXVIII. Peccant *Primò:* Regiam, aliamque temporalem potestatem, Dominationem, jurisdictionem usurpando, idest, injustè tenendo. Provinciæ dominium, totum, vel ex parte, aut jus primogenituræ injustè possidendo.

2. Injustè bellando, aliena territoria invadendo, injustè acquisita non restituendo. Vide peccata militis, & belli Ducis.

3. Inter subditos seditiones excitando, eos novis actionibus, contributionibus, vectigalibus, personarum, ac jumentorum servitiis onerando.

4. In propriam privatam, non boni communis, utilitatem novas leges pœnales, vel multas statuendo.

5. Creditoribus non satisfaciendo. Metu, vel precibus cogendo subditos ad dandas pecunias, vel ad se obligandos Creditoribus pro debitis pro bono communi non contractis.

6. Ex vindicta subditos ad militiam evocando, vel per milites opprimendo.

7. Sub-

7. Subditi iustitiam non administrando, eorum, præsertim miserabilium personarum, pauperum, viduarum, pupillorum causas negligendo.

8. Inauditum, vel malè auditum condemnando. Juribus Ecclesiæ præjudicando.

9. Peccata publica, & abusus cognitos, ac impedibiles in suis terris non impediendo, tollendo, prohibendo, & præsertim in sua Aula, ac Palatio, & maxime vetitos ludos, morum turpitudinem, superbiam, luxuriam, duella, usuras, simonias, iniquos contractus, &c.

10. Contra voluntatem læsi, lædenti condonando poenam.

11. Non congregando, vel reservando pecunias pro necessitatibus publicis, ut pro bello justo, reparandis viis, pontibus, &c.

12. Quærendo magis Interesse privatum, præsertim ex bonis in sequestro depositis, vel oppignoratis, vel ex bonis Ecclesiæ, defunctorum, &c.

13. Faciendo prodigas, & profusas largitiones, quibus bonum commune graviter læditur, communia onera notabiliter augmentur, Rex, & Regnum in gravem indigentiam redigitur.

14. Idem est de ruina Regni ex nimio Principis ludo, & lusu, quo magnam pecuniæ Summam perdit.

15. Cum notabili subditorum periculo, vel damno silvas venatorias habendo, venationes exercendo, &c.

16. Arces contra hostes, & invasores non muniendo. Grassatorum, Latronum, & aliorum, vias infecuras redditum, exterminationem negligendo.

17. Officia indebitè vendendo, indignis conferendo. Indignos pro Beneficiis præsentando.

18. Subditos ad matrimonium cogendo. Hæc sunt communiora peccata Regum, & Principum. Si principes sit simul Episcopus, vel Prælatus Ecclesiasticus, examinet etiam se ex peccatis Episcoporum, & Clericorum.

#### *Peccata Episcoporum.*

**XXIX.** Peccat *Primò* Episcopus Episcopatum desiderando ob solos redditus Ecclesiasticos, ut ob finem principalem: eademque ex causa pinguorem appetendo. Vel ex mera ambitione, & principaliter ob propriam excellentiam, & honorem. Vel principaliter ob Consanguineorum utilitatem, & non propter commune bonum Ecclesiæ, qui est finis reclusus. Vel obtinendo per simoniam, aut favorem humanum.

2. Sine legitima causa injunctam Prælatutam reculando.

3. Subditos novis impositionibus, litibus infestando; pauperum causis non sat invigilando.

4. Ultimas fidelium voluntates, seu legata illegitimè commutando.

5. Gregem personaliter deferendo, etiam metu periculi, cum sua præsentia sit ei necessaria, nec possit per alium æquè bene suppleri.

6. Non inquirendo subditorum defectus, ut corrigantur, dum vel per famam, vel per alium legitimum modum ei innotescunt. Oves negligenter pascendo, Magistros ad docendum non instituendo.

7. Actus Episcopales, v.g. Ordinationem, Chrismationem, &c. committendo alteri non Episcopo. Vel statis temporibus sine legitima causa eos omittendo, vel in mortali exercendo; vel simoniacè.

8. Scienter consecrando non Virgines ut Virgines.

9. Non residendo absque causa rationabili.

10. Non interessendo divino Officio, Dominicis saltem diebus.

11. Non visitando Diocesim, vel in visitatione de Ecclesiarum statu debitè non inquirendo, aut providendo. In eadem visitatione Ecclesiis, vel subditis nimios sumptus faciendo.

12. Non instituendo in Ecclesia Cathedrali Concionatores opere, & sermone potentes.

13. Non celebrando annuatim Synodum, in eaque Clericos non corrigendo, ubi correctio est necessaria.

14. Non providendo de idoneis Ministris, Vicario, Consiliariis, Assessoribus, Notario, &c.

15. Negligenter exequendo testamenta, & pia legata, quorum executio ad Episcopum est devoluta.

16. Nepotismum fovendo, Consanguineos ditando ex redditibus Ecclesiæ, nec eos pro debito dispensando Ecclesiæ, pauperibus, fabricæ. In victu, & vestitu excedendo. Ex proventibus Ecclesiæ ad sui memoriam conservandam sumptuosa palatia ædificando.

17. Exemptorum privilegiis præjudicando.

18. Infamiam sibi impositam non remonstrando esse falsam.

19. Clausuram monialium violando, aut violari permitiendo: per seipsum ingrediendo, dum non potest: vel aliis ingrediendi licentiam dando.

20. Negligenter exequendo ea, quæ Episcopi incumbunt ex vi Concilii Trid. De quibus Vide Tract. 15. Exam. 8. n. 105. & seqq.

Hæc sunt potissima peccata Episcopi, qui sit simul Princeps terræ. Examinet etiam se ex antea adductis peccatis Principum, uti & peccatis Clericorum. Item (si Religiosus sit) Religiosorum. De quibus postea. Item examinet se ex peccatis contra Decalogum, quod observandum est omnibus, quorum peccata adhuc recensentur.

*Peccata Judicum.*

XXX. Peccant *Primò* Judices, judicando injustè, seu contra jus, sive humanum, sive divinum, non servando ordinem juris, dilationes non necessarias concedendo, vel superfluas dando.

2. Judicando temerariè, seu ex talibus probationibus, quæ ad judicandum non sufficiunt.

3. Exercendo judicium usurpatum, seu judicando personam, aut actum sibi non subditi-um; vel qui est alterius fori.

4. Pœnas rei injustè remittendo, vel commutando.

5. Justitiam, præsertim petitam negando, negligendo, vel injustè differendo. Non restituendo expensas, & damna ex tali dilatione, vel denegatione partibus illata.

6. Judicando ex odio, ambitione, metu, mundano timore, &c.

7. Acceptando munera.

8. Judicando in favorem consanguinitatis, affinitatis, amicitiae, vel intuitu damni, aut commodi proprii.

9. Interrogando ea, ad quæ reus respondere non tenetur.

10. Subornando accusatorem, & testes. Judicando non accusatos. Reos torquendo sine sufficientibus iudiciis.

11. Exercendo strepitus forenses in die festo, aut loco sacro absque ulla necessitate. Non servando interdicta Ecclesiae.

12. Judicando, præsertim in re gravi, sine sufficiente scientia: vel suscipiendo hoc officium, cum sit ei impar.

13. Appellationem, quam concedere debet, non concedendo: vel admittendo, dum eam admittere non debet.

14. Exequendo scienter sententiam Judicis superioris nullam, invalidam, vel continentem errorem intolerabilem.

15. Personis miserabilibus, aliisque indigentibus Advocato non providendo, nec incarceratis de necessariis vitæ.

16. Contra Legem, Superioris jussum, aut justam Partis requisitionem in suo judicio admittendo excommunicatum, etiam Actorem, Advocatum, vel Testem.

*Peccata Advocatorum, & Procuratorum.*

XXXI. Peccant *Primò*, hoc munus suscipiendo, & agendo sine sufficiente scientia Causas susceptas, vel necessariam pro earum defensione studium negligendo.

2. Scienter defendendo causam injustam. Vel suscipiendo tot causas, ut non possint omnibus satisfacere.

3. Suscipiendo indifferenter quamcunque causam, ejus merita, seu justitiam, aut injustitiam non examinando.

*Tribunali Confessoriorum.*

4. Prosequendo defensionem causæ in ipso processu repetere tanquam injustæ. Violando prælitum juramentum.

5. Clientem non monendo de dubietate, vel periculo causæ, si deprehendant eam esse talem. Veleundem, victoriæ reportandæ causæ, instruendo ad mentientium, fallendum, &c.

6. Supra constitutam mercedem aliquid a Cliente exigendo.

7. Ad extorquendas pecunias fingendo majores in processu causæ adhibitos esse labores. Acceptando munera.

8. In præjudicium Clientis secreta gravis momenti revelando parti adversæ.

9. Non restituendo Clienti damna, sive per negligentiam, sive per non necessarias expensas, vel aliter illata.

10. Serviundo utrique vicissim parti in eadem causa.

11. Recusando patrocinari causis miserabilium personarum alium Patronum non habentium, & ob hoc de causa periclitantium.

12. Testes subornando, Judicem corrumpendo, nimias dilationes faciendo.

13. Cognita causæ injustitia Clienti suadendo ut faciat fœdus, seu compositionem cum Adversario, & non compensando damna per hoc consilium parti adversæ illata.

14. Paciscendo de aliquota parte causæ, si reportetur victoria. Plura Vide de Notariis.

*Peccata Notariorum, seu Tabelliarum, ac Scribarum.*

XXXII. Peccant *Primò*, Ignorando officii sui partes, & obligationem.

2. Pejerando, vel juramentum prælitum violando. Falsa instrumenta consciendo, vera lacerando: aut ea consciendo pro contrafactibus illicitis, v.g. usurario, simoniaco, &c.

3. In examine testium plus, vel minus scribendo, quam ipsi edixerunt, vel eos intelligendo, sive per se, sive per alium, ut dicant, quæ non sunt dicenda.

4. Infideliter Judici referendo, quæ in Examine dicta, vel gesta sunt, ea celando, obsecrando, palliando, &c.

5. Tribunalia non frequentando cum alterius damno.

6. Negligenter se habendo in asserendis scripturis, & ex hoc causam dando multiplicationi litium.

7. Scripturas occultando, comburendo, lacerando, in alicujus favorem in eis aliquid immutando; vel etiam lucra causa.

8. In litibus motu, & difficlem se exhibendo, impeditum fingendo, ut pecunias a Partibus emulget.

9. Paciscendo cum apparitoribus ad facien-

das informationes, aut danda mandata, sine mandato Judicis, aut Partium requisitione.

10. Subornando delatorem criminis causa lucri ex multa, vel alios docendo similes lucrandi modos.

11. Permittendo, ut Amanuenses mercedem exigant ab una parte, quam altera pars jam solvit.

12. Scribendo testamentum ejus, qui non erat potens ad condendum. Committendo crimen falsi.

13. Recusando opem ferre pauperibus. Pluravide Advocatis, & Procuratoribus.

*Peccata Rei, seu accusati, & appellantis.*

XXXIII. Peccat reus *Primò* negando veritatem, quando a legitimo Judice servato juris ordine, interrogatur, toties quoties.

2. A fortiori peccat negando veritatem juridice probatam.

3. Calumniosè se defendendo, fraude interrogationem eludendo. Ad se defendendum Accusatori, vel Judici falsum crimen imponendo.

4. Ministris Justitiæ post justam condemnationem resistendo, eos mutilando, occidendo.

5. Custodes carceris impugnando, donis corumpendo, decipiendo, aut inducendo, ut conniveant sibi quoad fugam.

6. Nulla violentia illata, sumendo potionem mortiferam, etiam post latam mortis sententiam.

7. Metu tormentorum, etiam gravissimum, satendo crimen non commissum, ob quod mutilatione, vel morte punietur.

8. Injustè, vel ex vindicta citando Judicem, vel Accusatorem ad tribunal Dei.

9. Injustè appellando ad Judicem superiorem, nimirum in causa justæ damnationis.

*Peccata Accusatoris, & Denunciatoris.*

XXXIV. Peccat *Primò* accusando, qui non habet jus accusandi, sed ab accusando est prohibitus.

2. Accusando per calumniam, prævaricationem, vel tergiversationem, id est, falsum crimen ex malitia imponendo, vel etiam verum, sed occultum, nec probabile in judicio; vel probatum per falsos testes. Inchoata accusatione colludendo cum reo, fraudulenter crimen occultando, legitimas probationes non adducendo, falsas exceptiones acceptando. Vela cæpta lite præter juris ordinem desistendo, cum tamen eam prosecui possit.

3. Denuntiando, vel accusando, non ex zelo justitiæ, sed ex passione, odio, inimicitia.

4. Non accusando, vel denunciando, dum ad unum ex his tenetur.

*Peccata Testium.*

XXXV. Peccant *Primò* recusando dare testimonium, dum ad id auctoritate superioris secundum ordinem juris requiruntur. Vel jurando se nolle tunc testari.

2. Testando non ex zelo justitiæ, sed pravo affectu, odio, &c.

3. Testimonium falsum dicendo, vel verum tacendo, vel simpliciter testando, dum de veritate dubitat; vel non revocando, dum reperit falsitatem.

4. Testando de re, quam solum scit ex confessione, vel per injuriam, vel sub secreto naturali: dum res illa, nec proximo, nec bono communi nocet. Vel detegendo, quod detegere non debet.

5. Testando contra eos, contra quos non potest, vel dum est jure prohibitus testari.

6. Senon offerendo, vel se occultando, absentando, vel fingendo impeditum, aut jure prohibuitum, dum ejus testimonium ad justitiæ manutentionem est necessarium.

*Peccata Apparitoris, Custodis Vinearum, aut Confinium, Telonearii.*

XXXVI. Peccat *Primò* violando juramentum, quod præstitit de fidelitate in suo munere servanda.

2. Spe compensationis præmonendo eum (ut sibi caveat) de quo capiendum habet mandatum. Non prodendo damnificantes.

3. Querendo, vel capiendum aliquem, non ex zelo justitiæ, sed vel causa lucri, vel ex passione, odio, &c.

4. Prætextu sui officii vexando, vel molestando innocentes. In lustratione domorum asperius agendo ad extorquendas pecunias, vel munuscula.

5. Intuitu munusculorum connivendo peccatis Tabernariorum, aut aliorum. Expensas in hospitibus factas integrè non solvendo. Exigendo, vel accipiendo aliquid super taxatam diurnam mercedem.

6. Plura negotia eodem die expediendo, & ex hac causa pro singulis tantundem exigendo, quantum debetur pro expeditionibus plurium dierum.

7. Permittendo importari, & exportari veritas merces, præsertim in confinibus Regnorum, Provinciarum, Civitatum, &c.

Hæc proportionabiliter applicari possunt Custodibus, Teloneariis, &c.

*Peccata Militum.*

XXXVII. Peccant *Primò* faciendo se adscribi militiæ, ut accipiant pecuniam, & postea aufugiant. Tempore necessitatis a militia se absentando, infirmitatem fingendo.

2. Fraudibus utendo in accipiendo stipendio .

3. Hospitem suum vexando ad pecunias extorquendas . Contra Hospitis tractamentum injustè conquerendo . Hospitum assignatum intuitu pecuniæ acceptæ deferendo , mutando , &c .

4. Injustas prædas faciendo , vel Commilitonia auferendo . Damna injustè illata non restituendo . Innocentes infestando , vel directè occidendo , mutilando , &c .

5. Concubinas pro se , aut aliis tenendo .

6. Se inebriando , illicito lusu ludendo , in lusu fraudibus utendo .

7. Superstitionibus utendo , per eas se invulnerabiles faciendo . Blasphemando , jurando , Deum , vel Sanctos abnegando .

8. Duellando , ad duellum alios excitando , vel etiam solum provocando , secundando , spectando , &c .

9. Bellando non ex zelo justitiæ , sed ex injusta vindicta , & odio , utendo illicitis insidiis , vel stratagematibus .

10. Relolvendo se ad bellandum quocunque bello , sive justo , sive injusto . Vel bellando cum dubio practico de justitia belli .

11. Exercendo torneamenta , ferarum agitationes , periculosa hæsiludia , &c .

*Peccata Belli Ducis .*

XXXVIII. Peccat *Primo* injustum bellum inchoando , vel continuando . Bellando absque recta intentione , & modis , vel insidiis illicitis , & injustis .

2. Damna non necessaria inferendo , & injustè illata , sive propriis , sive alienis subditis , non compensando . Innocentes directè vexando , occidendo , &c .

3. Injustas prædas faciendo , vel militibus facere permittendo . Sine necessitate bellando in die festo .

4. Oblata justa satisfactione a bello cæpto non desistendo . Infideles in auxilium vocando contra Christianos .

5. Damna ab hoste Ecclesiis , vel subditis suis illata sine eorum consensu absque necessitate remittendo .

6. Fidem publicam , etiam hosti datam non servando . Juramentum violando .

7. Repressalias injustas faciendo , vel concedendo .

8. Dissimulando in militibus crimina , quæ facillè posset emendare , & sic se faciendo participem alienorum peccatorum .

9. Duella , torneamenta , &c . permittendo .

10. Militibus stipendium subtrahendo , &c . Ultra hæc Belli dux se examinet ex peccatis militum . Ex utrisque examinare se possunt alii Officiales Belli .

*Peccata Gubernatoris , Præfetti , Consulis , Consiliarii , Senatoris , vel Scabini majoris , &c . respectivè .*

XXXIX. Peccat *Primo* hunc Magistratum ambiendo , emendo , vel obtinendo sine sufficiente scientia , & peritia , vel per favores , & dona , non communis , sed privatæ utilitatis gratia .

2. Violando juramentum præstitum de fidelis muneris sui administratione , Regni , vel Provinciæ Legum , privilegiorum , vel consuetudinum conservatione .

3. Bona Reip . sibi , vel suis amicis appropriando , vel leviori pretio emendo . Officia gratis conferenda vendendo , vel indignis dando . Confilia , vel judicia negligendo .

4. Non invigilando Officialibus sibi subditis , ut justitiam servent , sed eorum injustitias dissimulando .

5. Negotia publica negligendo , privatis potius commodis inihiando . Factiones excitando , alios injustè turbando , populum novis oneribus , seu exactionibus gravando . Ex depositis , vel pignore lucrum quærendo .

6. Creditoribus debita , Operariis mercedem non solvendo , pauperum causas negligendo , viduas , & pupillos opprimendo . Non dando pauperibus , quæ eis relicta sunt .

7. Chyrographa Creditorum Reip . vili pretio emendo , & sibi plenam , vel longè meliorem solutionem ex bonis Reip . faciendo .

8. Non providendo de annona , nec attendendo ad ejus pretium , quovenditur ; nec ad ejus qualitatem , seu bonitatem , vel vitium , ac defectum .

9. Non visitando , vel fideliter visitari faciendo loca publica pro tali provisione deputata , an ad sit sufficiens provisio in carnibus , vino , frumento , pane , &c . Idem est de necessariis bellicis , & Hospitalibus , sive militum , sive civium . Idem est etiam de visitatione carcerum , ut in carceratis dentur necessaria .

10. Incarcerando injustè , vel nimis severe , ac inhumanè . Non invigilando vigiliis , & Excubiis , an ubique rectè hant .

11. Permittendo latrones , grassatores , maleficos , vel alios infames , ac flagitiosos homines ; Vel alia crimina in tabernis . Permittendo publica peccata , v . g . Concubinariorum , Circulatorum , præstigatorum ; lasciva spectacula , ac comædias .

12. Usurpando bona Ecclesiæ , aut præjudicando ejus immunitati , ac libertati .

13. Acceptando munera in favorem offerentium , vel propinquorum injustè judicando , votando , suffragando , eligendo . Secretum Reip . non servando .

14. Se , vel suos propinquos a tributis , ve-



Magistris, vel militum hospitio injustè eximendo: vel eis revelando diminutionem monetarum, vel taxarum frumenti, aut vini in Consilio conclusam, ut per hanc notitiam damnum evitent. Eadem notitia utendo peccant etiam ipsi Consiliarii, vendendo statim currente adhuc majore pretio plus frumenti, quam aliàs erant vendituri.

Plura vide suprà de peccatis Principis, Belli Ducis, militis.

*Peccata Magistrorum, sive Doctorem, & Professorum.*

XL. Peccant *Primo* Professuram ambitiosè, vel sine sufficiente doctrina quærendo, & obtinendo per fraudes, pecunias, favores: vel dignioribus eam præripiendo.

2. Tenendo, vel legendo libros prohibitos sine licentia. Ostentationis gratia, vel arroganter curiosa, vel prohibita tradendo, aut utilia omittendo.

3. Ad suam Scholam admittendo non admitteños, v.g. Sacerdotes, vel Religiosos ad medicinam, aut jus civile sine debita licentia.

4. Docendo, vel defendendo sententias falsas, periculosas, scandalosas, temerarias, &c.

5. Lectiones sine rationabili causa omittendo. Discipulorum profectum negligendo, suo malo exemplo eos scandalizando, ad malum inducendo. Se solum laudando, cæteros Professores contemnendo, eis detrahendo: modis illicitis eorum Discipulos ad ferahendo.

6. Indignos ad gradum admittendo, alicujus promotionem ad gradum malevolè impediendo.

7. In Academia dissensiones excitando, fovendo, &c. ejus leges, statuta, aut privilegia, vel suum juramentum violando.

8. Exigendo pecuniam, ac stipendium ab Auditoribus, dum jam habent beneficium, vel stipendium publicum ob id muneris collatum.

*Peccata Scholasticorum, sive Discipulorum.*

XLI. Peccant *Primo* studendo ob finem (præsertim mortaliter) malum. Ex causa injusta eligendo Magistrum minus idoneum.

2. Studendo negligentem, vel doctrinam prohibitis. Condiscipulos ad id seducendo. Vel eos vilipendendo. In Schola dissensiones excitando, fovendo, &c. Statuta Academia violando.

3. Promotiones dignioribus præripiendo, præsertim fraude, dolo, &c. aut gradum non obtentum sibi arrogando.

4. Pecunias studiorum causa datas malè dilapidando, per computationes, lusus, meretrices, &c.

5. Professori non obediendo, eum non honorando, inhonorando, irridendo, debitum salarium ei non solvendo.

6. Contra veritatem contendendo, ne verus videatur.

7. Pravorum familiaritate utendo.

*Peccata Testatoris.*

XLII. Peccat ille *Primo* testamentum scienter nullum faciendo. Solemnitates fraudulentè omittendo. Vel illud condendo, cum non possit, sed jure sit prohibitus.

2. Legitimos hæredes, præsertim necessarios, & egentes, excludendo; vel legitimam denegando, aut minuendo, aut extraneum in hæredem instituendo.

3. Sine justa causa uni proli plus quam alteri relinquendo.

4. Exhæredando, vel hæreditatem filii, sive nepotibus minuendo, idè quia amplectuntur statum Religiosum.

5. Testamentum, vel legatum mutando, aut in alium transferendo ex vindicta, odio, aliove pravo affectu; sive ob alterius blanditias.

6. Non jubendo in testamento, ut solvantur debita, & restituantur aliena. Non intendendo per testamentum Dei honorem, & animæ suæ salutem.

*Peccata Testamentarii, seu Executoris testamenti, Hæredis, Legatarii.*

XLIII. Peccat *Primo* executionem committendo alteri contra voluntatem Testatoris. Exequendo illud contra tenorem testamenti.

2. Executionem, præsertim quoad causas pias longo tempore differendo, & sine justa causa; & per hoc Legatariis faciendis expensas, ac inferendo damna, eaque non relarciendo.

3. Prius exequendo donationes gratuitas defuncti, quam solvendo debita, cum Creditorum damno, vel periculo.

4. Hæres peccat quærendo, vel accipiendo ex hæreditate id, quod sibi non debetur, quocunque modo hæredibus præjudicando, non implendo vota realia defuncti; non solvendo ejus debita, vel damna ab eo coallii illata.

5. Legatarius peccat, legata pia debito tempore, & modo non solvendo. Non impleto pacto, vel conditione, quam Legator posuit, legatum retinendo, & non tradendo alteri, quem Legator nominavit, supposito, quod sit conditio a Jure rejecta.

Hæredi applicari possunt, quæ sunt dicta de Testamentario: Legatario autem, quæ de utroque.

*Peccata Tutoris, Curatoris, & Hospitalarii.*

XLIV. Peccat *Primo* non conservando, nec defendendo bona sui pupilli, vel minoris. Sine necessitate illa alienando, ea de-

terio-



teriorando. Actionem, vel jus ejuscolpabili-  
ter perdendo.

2. Res mobiles quæ si afferventur, nullam  
utilitatem parient non vendendo, & pretium  
in rem fructiferam non convertendo.

3. Non refituendo damna per hanc negli-  
gentiam illata. Negligendo instructionem Pu-  
pilli in bonis moribus.

4. Cum venderentur sub auctione aliqua  
Pupillorum bona, ante aliorum emptorum  
adventum faciendo accelerari ipsam auctionem,  
ut res sibi minore pretio maneret,  
quam alioquin venderetur.

5. Pupillis, aut viduis non providendo de  
neceffariis.

Hæc proportionatè poffunt applicari Hol-  
pitalario.

*Peccata Mercatorum.*

XLV. Peccant *Primò* faciendo injufta cam-  
bia. Utendo ufura palliata, aut variis hujus  
palliis modis.

2. Sinelicitia Papæ ferrum, vel arma por-  
tando ad infideles.

3. Illicitè tenendo monopolia. Convenien-  
do cum aliis, ne aliqua vendant, nifi pretio  
tanto, vel alijs pretium iniquum exigendo.

4. Mutuando propter utilitatem pretio esti-  
mabilem, ex vi mutui accipiendam.

5. Vectigalia, & gabbellas juftas fraudando.  
Falfam, vel diminutam monetam fcienter dan-  
do probona.

6. In focietate cum aliis fideliter non agen-  
do, fed occultata lucra retinendo.

7. Utendo dolofis menfuris, ponderibus, &c.  
In mercantia utendo perjuris, mendacijs, &c.  
Scienter emendo res furtivas.

8. Sine neceffitate diebus feftis negotiando,  
feu mercando, præfertim notabili tempore.

9. Agendo mediatorem malorum contra-  
ctuum.

10. Vendendo talia, quibus homines commu-  
niter malè utuntur, quibus etiam præfument  
ementem malè ufurū, v.g. venenum, larvas, &c.

11. Vendendo merces vitiatas, non decla-  
rando vitio.

12. Merces carius vendendo illis, qui earum  
valorem non nofcunt.

13. Merces alicui venditas ftatim ab eodem  
iterum emendo longè viliori pretio. Vel ven-  
ditas merces, antequam è domo efferantur,  
deteriorando, materiam corruptam admi-  
fcendo, &c.

14. Triticum ponendo in loco humido, ut  
fic turgescens plures impleat modios.

15. Ordinario pretio alteri vendendo Capita-  
le, cujus debitorem occultè fcit non effe fol-  
vendo, ut ei mutuent pecunias, ut ipfe acci-  
piat folutionem.

16. Non refituendo damna in his, & fi-  
milibus cafibus illata.

*Tribunal Confefforium.*

*Peccata Opificum, & Artificum.*

XLVI. Peccant *Primò* infideliter agendo in  
executione fui operis, alios fallendo, gravando,  
unam rem pro alia tradendo, decipiendo in  
fubftantia, quantitate, qualitate rei traditæ.

2. Aliis artis suæ Magiftris invidendo, de-  
trahendo, &c.

3. Mentiendo, jurando, pejerando, aliquid  
ad certum diem promittendo, & ex culpa pro-  
missis non ftando.

4. Opificium suum injufto pretio vendendo.

5. Pro fuo opere plus materiæ requirendo, ut  
reliquum sibi retineat, vel retinendo, quod  
aliunde ex data materia superfluum est.

6. Novos modos, vel formas ad malum fi-  
nem excogitando, vel irrationabilem propter  
hoc mercedem exigendo.

7. Tyrones, qui pro sua instructione dant  
pecuniam, non bene instruendo; vel in alijs  
præter artem occupando.

*Peccata Campanum.*

XLVII. Peccant *Primò* detinendo in sua, vel  
vicina domo meretrices in gratiam hofpitum  
adventantium, ob quod sunt in continuo pec-  
cato mortali.

2. Vinum vendendo ei, quem fciant certò  
inebriandum.

3. In die prohibito apponendo cibos illi,  
quem fcit peccare comedendo illos.

4. Vendendo vinum (idem est de frumento)  
propter dispositionem, quam habet ad corrup-  
tionem, non diù in sua bonitate permanfu-  
rum; si vendens fciat, vel dubitet illud diù af-  
servari non poffe, & non manifeflet hoc vitium.

5. Vendendo vinum aqua mixtum pretio pu-  
ri vini, vel mixtum vino longè viliori, vel per  
artem deductum ad generofitatem vini hispa-  
nici. Vel si sit mustum ex pyris expreffum, vel  
fimiles fraudes adhibendo.

6. Non refituendo damna per hoc illata.

7. Se, vel alios inebriando, ad hauftus  
æquales provocando.

*Peccata Medici, Chirurgi, Pharmacopoli.*

XLVIII. Peccant Medicus, & Chirurgus  
*Primò*, præfumendo mederi periculofo morbo  
fine fufficiente ftudio, fcientia, peritia, appro-  
batione, vel non cognita qualitate morbi: vel ea  
cognita negligenter fe habendo in cura, non  
ftudendo, nec aliorum confilia capiendo, in-  
firmum raro, vel nunquam vifitando: præfer-  
tim ex pravò affectu, odio, &c.

2. Medicinas periculoſas, dubias, &c. ap-  
plicando. Ratione majoris lucri morbos pro-  
trahendo.

3. Medicinas fupra confuetum pretium ta-

xando, & in hoc cum Pharmacopolis colludendo. Injustum stipendium exigendo.

4. In favorem Pharmacopolarum superfluas medicinas præscribendo.

5. Infirmi mortem per quasdam medicinas accelerando. Cum notabili vitæ ejus periculo periculofam experientiam faciendo, medicinas probando, &c.

6. Consulendo aliquid infirmo in præjudicium salutis æternæ, v.gr. pollutionem.

7. Vendendo, præscribendo, vel dando pharmacum ad faciendum abortum, vel ad impediendam conceptionem fœtus.

8. Non maturè monendo ægrum in morbo periculoso, ut sibi provideat de medicinis spiritualibus, seu animæ: nimirum sacramentis: præsertim non apertè dicendo mortem esse vicinam, cum sit, & efficiat.

9. Aliorum Medicorum, Chirurgorum. Pharmacopolarum famæ detrahendo, eorum curas, aut medicinas contemnendo.

10. Cum malè habentibus sine sufficiente causa in jejuniis Ecclesiasticis dispensando, vel potius eos dispensatos declarando.

11. Pauperum alium Medicum, vel Chirurgum non habenti, succurrere recusando.

Hæc proportionabiliter applicari possunt Pharmacopolæ, qui ultra hæc peccat: In medicinarum confessione omittendo aliquid eorum, quæ Medicus præscripsit. Item non dicendo quod tales, vel tales species non habeat. Ponendo unum pro alio, v.gr. mel pro saccharo. Pharmaca vitata, corrupta, &c. Vel alienis mixta vendendo pro puris, & incorruptis. Venenosa dando, vel vendendo eis, quos scit, vel præsumit, aut dubitat eis malè uluros. In venditione aromatum utendo injustis mensuris, vel ponderibus, vel aliàs malè mensurando. Vendendo pretio irrationabili. Subornando Medicos, ut faciant taxam majorem, quàm præ est.

#### *Peccata Parentum erga filios.*

**XLIX. Peccant Primò**, notabiliter minuendo legitimam filiorum per liberales donationes, vel proles sine legitima causa exheredando.

2.\* Non consulendo salutem spirituali eorum per media vitæ spirituali necessaria, eos non instruendo, nec instrui faciendo in rudimentis fidei, in modo orandi, crucem formandi, sacramenta recipiendi. Non adstringendo eos ad Missam, Concionem, Catechesim, Scholam, &c.

3. Non removendo filios ab occasione peccandi, convivendo eorum vitiis, amatoris illecebris, impuris amoribus, lusbis, computationibus, rixis, duellis, &c.

4. Permittendo filiam sponfam vacare impudicis tactibus cum sponso, vel è contra.

5. Proles abique necessitate exponendo.

6. Proles tenellas secum nocte ad lectum ponendo, & sic periculo oppressionis exponendo in somno.

7. Filium, vel filiam ad matrimonium, vel statum religiosum cogendo. Illis dando malum exemplum per ebrietatem, luxuriam, blasphemias, mendacia, rixas, & contentiones, &c.

8. Prolibus (etiam spuris) alimenta, ac vitæ necessaria non suppeditando. Nimis crudeliter castigando.

#### *Peccata filiorum, puerorum, servorum, & vicissim Dominorum.*

**L. Peccant Primò** se præbendo inobedientes, aut molestos Patri, Matri, Magistro, Præceptoribus, animarum Curatoribus, eos percutiendo, inhonorando, vel non honorando. Aliis detrahendo.

2. Vota non implendo, mendaciter, irrationabiliter, aut cum dubio de veritate jurando, maledicendo, imprecando, alios injuriis afficiendo, nomen diaboli frequenter, proferendo.

3. Furando, gulæ serviendo, & ludo, pecunias inutiliter impendendo, dilapidando lusbis, aut meretricio, vel computationibus.

4. Turpia cantando, loquendo, &c. rixando, duellando, alios irridendo. Tempus otiosè transigendo. Missam, Lectiones, seu scholas, ac confessionem omittendo. Plura vide de peccatis scholasticorum.

Hæc proportionatè applicari possunt. 1. Pueris, qui tamen (præsertim puellæ) non facili, nisi à longè, de carnalibus sint examinandi, ne adhuc incorrupti discant. 2. Servis, qui ultra hæc peccant infideliter serviendo, bona Domini destruendo, dilapidando, non meliorando, vel augendo, ubi possunt, & tenentur, ea perire, vel deteriorari permittendo, secreta domestica externis propalando, pigritando, murmurando, Dominis obloquendo, &c.

E contra Domini peccant negligendo procurare ea, quæ spectant ad salutem spirituales servorum, vel etiam corporalem, præsertim ingravi infirmitate. Sine justa causa eos impediendo ab audienda Missa, Concione, &c. cogendo eos laborare in die festo. Non puniendo, vel corrigendo eorum vitia, præsertim in re lubrica cum ancillis. Non dando necessariam victum. Defraudando mercedem. Eos asperè tractando, percutiendo, &c. contumeliis afficiendo, præsertim vocando nominibus indignis, à quibus aures bonorum abhorrent, uti sunt, canis, diabolus: &c. Eos immodicis laboribus gravando, &c.

#### *Peccata Conjugum, Viduarum, Sponsorum.*

**LI. Peccant Conjuges Primò** matrimonium sciens-

scienter contrahendo cum impedimento dirimente, vel impediēte: Item, sic consummando. Vel etiam cum dubio impedimento.

2. Contrahendo cum hæretico, vel heretica. Vel in peccato mortali, aut excommunicato.

3. Copula carnali utendo præcisè voluptatis gratia, vel modo, aut situ ad generationem non congruo, vel tempore menlruui, aut dum uxor est grāvīda, cum periculo abortus, vel gravis damni. Excedendo limites verecundiæ in blanditiis carnalibus.

4. Injustè, & sine rationabili causa negando debitum.

5. Actum conjugalem exercendo in loco sacro, vel tali, ubi ab aliis videri potest. Item ante benedictionem sponsæ.

6. Petendo dum petens non habet jus perendi debitum, ut si habeat votum simplex castitatis; vel si illud exigat, dum ratione adultærii est eo jure privatus.

7. Consortem verbis, vel factis exacerbando, percutiendo, cum ea contendendo, in zelotipia vivendo.

8. Domus, seu rei domesticæ curam, five œconomiam negligendo. Bona conjugis dissipando, alienando, malè insumendo, externis largiendo, &c.

9. Uxor peccat, supra maritum se extollendo. Maritus peccat uxoris insolentiam, & peccantis licentiam non coercendo.

10. Peccant conjuges non cohabitando, sed se propria auctoritate separando.

11. Vidua peccat sensualiter, & carnaliter se delectando de copula carnali habita ut præfente.

12. Sponsi peccant, si sibi promittendo matrimonium, vel nuptias fraudulenter protrahendo. Item carnaliter se erga se invicem delectando, tactus impudicos faciendo. Opere ipso inter se, vel cum alio, aut alia peccando.

*Peccata Clericorum, Sacerdotum, Beneficiorum, Canonicoꝝ, Parochorum, Confessorioꝝ, Concionatoꝝ.*

LII. Peccant Primò Beneficiū, Canonica- tum, Parochiam, Cathedram, obtinendo simoniacè.

2. Simoniacè, vel ab Episcopo simoniaco recipiendo Ordinem, vel ante legitimam ætatem, aut in peccato mortali, in excommunicatione, irregularitate, suspensione, sine dimissoriis. Exercendo Ordinem in censura, vel peccato mortali. Simoniam committendo in sacramentis.

3. Non frequentando Chorum, seu divina, dum urget obligatio. Non deferendo tonsuram, & habitum clericalem. Sine sacris vestibus, & Ordinem exercendo, vel Sacramenta ministrando.

4. Exercendo officia sæcularia, ut Advocati in foro civili, Procuratores, Medici, Mercatoris, Histrionis, &c. ludos, choreas, venerationes faciendo, larvas portando, arma sine necessitate ferendo, causæ sanguinis se immiscendo.

5. Horas Cænonicas omitiendo; pro iis, dum tenetur, non restituendo; sub eis voluntariè se distrahendo, aut opera manualia exercendo sub eisdem: eas non integrè promutnando. Debitum in- & attentionem non servando. Ordinem horarum sine justa causa imputando. Eas plus æquo differendo. Matutinum (dum commodè potest) Missæ non præmittendo.

6. In Sacramentis (maximè in Baptismo puerorum) debitam intentionem, materiam, formam, & ritum non servando, vel non intelligendo.

7. Sine dispensatione celebrando bis in die, vel non jejuniè, vel in mortalibus, non præmittendo confessionem, dum fuit copia Confessarii, vel celebrando tempore, & loco inconvenienti, five in altari fracto, corporali, aut calice immundo, vino acetoso, panecorrupto, nimis festinanter, sine debitis cæremoniis, intentione, attentione, reverentia, devotione, potiùs lucri causa, post pollutionem mortalem. Vel ad superstitiones, maleficia, ad alterius mortem. Non celebrando saltem in majoribus festis per annum. Effundendo aliquid ex calice, &c.

8. Sine legitima causa, & dispensatione tenendo plura Beneficia, vel Canonicatus.

9. Pro pluribus stipendiis dicendo solùm unicam Missam.

10. Paramenta, & vasa Ecclesiæ, vel altaris, sacrarium, baptisterium, &c. in immunditia, seu sordibus relinquendo.

11. Suspectam personam domi tenendo. Vivendo in concubinato præsertim notorio, meretricio, ebrietate, seditionibus, aliarumve scæminarum familiaritatibus, præsertim cum scandalo.

12. Reddītus Ecclesiasticos non bene dispensando pauperibus, aut fabricæ Ecclesiæ, aut aliis piis causis, sed potiùs suis consanguineis, eos ditando; vel proventus illos luxui vestium aut conviviorum, &c. infundendo.

13. Parochi peccant curam animarum obtinendo, dum sunt incapaces, & indigni, vel eam negligenter administrando, ita ut Parochianus aliquis moriatur sine sacramentis. Item peccant infirmos non visitando, non consolando, non hortando ad recipienda sacramenta, ad condendum testamentum, &c.

14. Recusando Parochianorum, legitimè petentium, Confessiones audire, Conciones sine justa causa, vel Catechesim, ac Christianæ doctrinæ explicationem omitiendo. De modo ritè

confitendi, communicandi, Missam attentè audiendi, ac obligatione ad ista, non instruendo. Pro Parochianis Missam non applicando.

15. Negligendo crebram renovationem Eucharistiæ, seu Monstrantiæ, Cibarii, uti & suo tempore sacri Olei, ac Chrismatis. Idem est deluminate SS. Venerabile.

16. Non residendo in sua Parochia, vel loco Canonatus, sive Beneficii. Oves deferendo, etiam tempore contagionis, seu pestis, sive personaliter, sive quoad servitiæ.

17. Confessarius peccat, cum incapacitate hoc munus suscipiendo, vel confessiones audiendo tantum lucriti temporalis gratia, aut sine legitima facultate.

18. Sigillum frangendo. Pœnitentem intrâ, vel extra confessionale ad malum sollicitando. Non examinando, vel instruendo, ubi est necesse. Vel indiscretis interrogationibus eum docendo mala, quæ non sciuit.

19. Confessiones audiendo, perfunctoriè, nimis properanter, non attendendo ad singula peccata; eorum gravitatem non discutendo, nec pœnitenti exaggerando.

20. Pœnitentiam, vel indiscretam, seu nimis gravem, vel nimis modicam injungendo. Non curando, ut debitas medicinas præscribat, præsertim recidivis.

21. Indifferenter quoscunque, & a quibuscunque peccatis absolvendo, non considerando, an possit, necne; an sint reservata: &c. Vel absolvendo, quos oportebat sine absolutione dimittere.

22. In dubiis non consulendo doctiores, seu libros. Errorem, vel defectum in absolutione commissum non emendando, dum emendari potest.

23. Absolvendo eos, qui sunt in occasione proximi peccati mortalis, vel quos scit certò sibi mentiri, vel non monendo de nullitate confessionis nuper factæ, dum advertit eam fuisse invalidam, licet sit alteri facta.

24. Non monendo pœnitentem de restitutione, absolvendo nolentem restituere, dum tenetur, & potest. Absolvendo conditionaliter, v.gr. sub conditione restitutionis, vel non relapsus.

25. Concionator peccat prædicando sine facultate, & licentia sive Episcopi, sive Superioris sui. In Concionibus mentiundo; aliis, maxime Prælatæ, detrahendo; curiosa, vaniloquia, ridicula miscendo; magis intendendo suam vanam gloriam, & ostentationem, aut lucrum temporale, quàm Dei honorem; & animarum salutem; Item prædicando falsa miracula, aut falsas, aut indiscretas indulgentias, vel simoniacè, &c.

*Peccata Religiosorum, & Monialium, ac eorundem Prælatorum.*

LIII. Peccant Primò Religiosi, & Moniales ingrediendo Religionem simoniacè; non habendo rectam intentionem, sed solum ad fugiendos labres; ad acquirendum victum, & amicum.

2. Examinatoribus ante ingressum, vel instante Professione, veritatem non dicendo, tacendo impedimenta, ut infirmitates, debita, ligamen conjugii, vel alterius Professionis, votum Ordinis arctioris, servitutem, &c.

3. Alfos per mendacia, aut austeritatis tacendo, ad ingressum inducendo, vel a meliore Religione avercendo.

4. In visitatione Prælati non revelando quæ revelanda sunt.

5. Principales Ordinis cæremonias ignorando, vel omitiendo. Tempus otiosè, vel inutilibus, aut mundanis occupationibus transigendo.

6. Habitum temerè dimittendo, aut vestem sibi convenientem cum tonsura non portando.

7. Clausuram violando sive peregressum, sive per ingressum, aut aliorum, aut aliarum introductionem.

8. Castitatem, Paupertatem, Obedientiam, Officium, Regulam, Statuta, &c. non observando, transgrediendo, ex consuetudine, contemptu, &c.

9. Malè eligendo, nimirum magis ex passione, & ex privato commodum, quàm ex zelo justitiæ, ac boni communis. Votum sine justa causa denegando in receptione ad Ordinem.

10. Sacramenta, Confessiones, Communionem, preces, vel horas omitiendo. Quod & Moniales concernit. Pro Benefactoribus non orando.

11. Inordinatum affectum gerendo erga res temporales, erga Consanguineos, Affines, quoscunque alios. Pacem turbando, impatentiam, dissolutionem, murmura exercendo.

12. Sine licentia ab uno Ordine ad alium transeundo.

13. Faciendo se consecrari in Virginem cum non sit.

Prælati, & Prælatæ Regularium peccant Primò Religiosæ disciplinæ observantiam non solum in se, sed & in subditis negligendo, eis quoad Chori frequentationem, sejuniorum, Regulæ, statutorum observationem, & in similibus bono exemplo non prælucendo, eis nimium indulgendo in potu, cibo, somno, otio, vagationibus, recreationibus, externis (præsertim cum altero sexu) conversationibus, familiaritatibus, &c. non tollendo abusus, & vanitates in vestibus, tonsura, &c.

2. Nimias quibufdam concedendo exemptiones à Chori, & communis menſæ ſequela. Contra paupertatem quoad pecunias, ſive recipiendas, ſive expendendas nimium indulgendo. Qua in re etiam ipſi ſubditi ſe examinent. Item non curando, ut Chorus perſolvatur devotè cum debitis pauiſ, & cæremoniis, ac conſuetis oratione mentali.

3. Subditiſ de victu, & amiſſu non providendo. Bona Monaſterii dilapidando per luſus, convivia, munera, donationes, &c. Ea ſine Superiorum licentia, & Capituli conſenſu alienando, diruendo, permutando in re gravi.

4. Abſolvendo, à caſibus Papaliſ, à quibus non poteſt.

5. Non attendendo, ut juniores Religioſi, in iis, quæ Ordinis ſunt, debite probentur, & inſtruantur. Capitula non celebrando. Malos non puniendo, bonos non premiando, indignos officiis præſciendo, dignos amovendo.

6. Infirmorum curam non gerendo in medicinis corporalibus ſive ſpiritalibus. Suffragia mortuorum, Monſtrantiæ, ac Ciborii crebriorem renovationem, Lampadem ante Venerabile negligendo.

7. In Electionibus factiones, ſeu diſcordiam fovendo.

Plura plurium variæ conditionis hominum peccata deprehendes in hoc opere, ut eligentium, divinantium, augurum, planetariorum, Locantium domos, vel pecunias, Conduſtorum, Captivorum, nutrientium columbas, Venatorum, Piſcatorum, Cædentium ligna, paſcentium pecora. Depositariorum, ſeminarum, hæreticorum, &c. Hæc facile invenies in Indice Operis quærendo quemlibet terminum juxta Alphabetum.

## E X A M E N V.

### De Lege humana.

De qua Angelicus Doct̃or agit 1. 2.

q. 95. 96. & 97.

Quid, & quotuplex ſit Lex humana, vide Examen 1. n. 3.

**Q**UÆRO I. Cujus eſt condere leges humanas, ſive Eccleſiaſticas, ſive civiles?

LIV. Rep. 1. Papa habet poteſtatem Legislativam pro tota Eccleſiâ, immediate à Chriſto collatam Petro, Matth. 16. Tu es Petrus, & ſuper hanc Petram ædificabo Eccleſiam meam. Quibus verbis Petrus (idem eſt de Succelloribus) jure divino, utpotè immediate à Chriſto ſuiſ ſacris Chriſti Vicarius in terris. Ergo ac-

cepit ſupremam Jurisdictionem, & poteſtatem gubernativam, quæ nequit eſſe ſine Legislativa.

Rep. 2. Epifcopi, alique Prælati habentes Jurisdictionem quaſi Epifcopalem, habent poteſtatem condendi leges pro ſuis Dioceſibus, ac ſubditis datam à Chriſto ſolum mediatè.

Ratio. Quia ſunt Rectores ſolum alicujus Eccleſiæ particularis, non verò univerſalis.

Rep. 3. Papa habet quidem poteſtatem condendi leges civiles pro ſtatu, ſeu Dominio Eccleſiaſtico, id eſt, pro terris, ac Regnis, quæ ſunt Patrimonium S. Petri, & à Principibus Eccleſiæ donata: extra verò illa circa alias provincias directè civiliter diſponere nequit.

Ratio. Papa in ſuis terris non ſolum gerit ſe ut Princeps Eccleſiaſticus, ſed ut ſimul Sæcularis, & Politicus: extra verò ſolum ut Eccleſiaſticus utitur poteſtate clavium.

Dixi directè. Quia poteſtas indirecta civiliter diſponendi circa alia imperia, & Reges, non debet Papæ denegari, in quantum ſubordinantur fini ſalutis animarum, quem Papa directè reſpicit: in quibufdam autem caſibus ei aliter conſulere nequit. Hinc Sedes Apoſtolica sæpè regna de uno in alterum tranſiit, pro bono communi Eccleſiæ, & ipſius Regni. Item Leges illas civiles, quæ illegitimis proliſus alimenta denegant, & præſcriptionem cum mala fide permiſerunt, correxerit, & abrogavit.

Rep. 4. Imperator habet poteſtatem condendi leges civiles pro ſolo, & toto Imperio Romano. Quilibet Princeps, aut Reſpublica ſupremam habens Jurisdictionem, ut Veneta, &c. habet eam pro ſolo, & toto ſuo Regno, Principatu, ſeu terris: ſic ut extra non ligent, niſi etiam alibi acceptentur; & ſpeciali alterius Provincie Conſtitutione roborentur.

Ratio patet ex ipſo ſupremi Principis, ac Jurisdictionis charactere.

Opono 1. Quivis homo ex natura ſua naſcitur liber, & non ut alteri ſubjeſtus. Ergo unus homo alteri nequit ponere leges.

2. Videtur ſufficere Lex naturalis, & divina poſitiva. Ergo.

Ad 1. diſt. conf. In ſtatu naturæ integræ, id eſt, ſi perſeveraſſet ſtatus innocentie, in quo erat Adam ante lapſum, & in quo nulla erat rebellio carnis contra ſpiritum, aut ſpiritus, ſeu rationis contra Deum, D. conf. In ſtatu naturæ corruptæ, ſubdiſt. Non data, vel tranſlata adhuc ex communi conſenſu populi in alterum poteſtate, C. ſecus, N. conſeq.

Ad 2. N. ant. Quia Lex naturalis, & poſitiva divina multa in moribus humanis reliquit indeterminata. Ergo pro ulteriori morum diſciplina neceſſe erat, ea determinari per Leges humanas; velut per radios, & rivulos à Lege Dei æterna, & naturali derivatos.

QUÆ-

**QUÆRO II.** *ſcœmina eſtne capax Jurisdictionis ſpiritualis, ſeu Eccleſiaſtica?*

**L.V. Reſp.** Probabilior eſt ſententia negans, decia in c. *nova*, 10. *de penit. & remiſſ.* ubi ſic legitur: Nova quædam noſtris ſunt auribus inſtimata, quod Abbatiſſæ moniales proprias benedicant, iſparumque quoque confeſſiones in criminalibus audiunt, & legentes Evangelium præſumunt publicè prædicare. Cùm igitur id abſonum ſit pariter, & abſurdum, mandamus, quatenus, ne id de cætero fiat, curetis firmiter inhibere: quia licet Beatiffima Virgo Maria dignior, & excellentior fuerit Apoſtoliſ univerſis, non tamen illi, ſed illis Dominus claves Regni Cælorum commiſit. Hæc ibi.

Et S. Th. in 4. d. 19. q. 1. q. 3. ad 4. ait: Mulier ſecundum Apoſtolum eſt in ſtatu ſubjectionis, & ideo quia ipſa non poteſt habere aliquam Jurisdictionem ſpiritualem, quæ etiam ſecundum Philoſophum in 8. Ethic. corruptio urbanitatis eſt, quando ad mulierem pervenit dominium. Unde mulier non habet neque clavem Ordinis, neque clavem Jurisdictionis, ſed mulieri committitur aliquis uſus clavium; ſicut, habere correctionem in ſubditas mulieres. Hæc ibi. Et diſt. 25. q. 2. q. 1. ad 1. ait: *De Abbatiſſis tamen dicitur, quod non habent prælationem ordinariam ſed quaſi ex commiſſione.* Dein ſubdit: *Deborah præſuit in temporalibus, non in ſacerdotalibus: ſicut & nunc mulieres poſſunt temporalibus dominari.* Ita S. D. Si enim ſit, uti eſt, capax Regiæ ſucceſſionis, & gubernationis, cur non & poteſtatis legiſlativæ? dum enim in l. *ſamina*, ff. de R. 1. dicitur, ſcœminas ab omnibus officiis civilibus, vel publicis remotas eſſe, & ideo nec Judices eſſe poſſe, nec magiſtratus gerere, ſermo non eſt de ſcœminis præcellentibus, ut ſunt Regiæ, ſed de iis, quæ ſunt fortis inferioris. Vide Tract. 14. Exam. 1. n. 1. R. 2.

*Ratio ſententia noſtræ eſt:* Clavis Jurisdictionis ſpiritualis nequit eſſe in eo, niſi qui habet, ſeu habere poteſt clavem Ordinis, cùm ex illa dimanet: Sed hanc ſcœmina habere non poteſt, cùm nec Ordinis, nec primæ Tonſuræ capax ſit, ut probatur infra in Tract. 15. Exam. 2. nu. 10. ubi & dicitur de Joanna Papiſſa. Porro poteſtas Eliſabethæ Angliæ fuit quoad gubernium ſpirituale uſurpata, & inſuſta. Ergo ſcœmina non eſt capax Jurisdictionis ſpiritualis. Ita noſter Donatus, cum quo ex his

*Infero*, Abbatiſſam in ſuas ſubditas habere ſolùm poteſtatem quandam maternam, domeſticam, & civilem, qualem habet mater in filios, Magiſtratus in cives, ac proinde poteſt ſuis monialibus præcipere; & ejuſque præcepta obligant ſub mortali, ſi ſint circa materiam gravem.

**LVI. Sed nonne poteſt aliquid præcipere in virtute ſanctæ obedientiæ, & ſub præcepto**

formali? Ratio dubitandi eſt, quia moniales vovent obedire Abbatiſſæ:

*Dico:* In rigore non poteſt. *Ratio:* Moniales vovent obedire Abbatiſſæ juxta poteſtatem, cujus ipſa eſt capax, ait Donatus, quæ eſt ſicut poteſtas matris familias, cujus eſt imponere præcepta temporalia, ſpectantia ad politicam, & pacificam domus gubernationem, juxta Regulam, & Statuta ſua, quorum obſervantiam debet promovere: obligant tamen in ſcientia.

*Nonne* Abbatiſſa poteſt ſuos Clericos ſuſpendere ab officio, & beneficio? vel beneficia conferre?

*Dico:* Non poteſt ſic, ut ſuſpenſi miniſteria obeundo irregularitatem incurrant, nec ſuſpenſio illa eſt cenſura propriè dicta, cùm eam mulier ferre non poſſit. Poteſt tamen ſuos Clericos ſuſpendere improprie in quantum ſuſpenſio eſt quædam prohibitio, ne quis fungatur ſuo munere. Hinc etiam Abbatiſſa non poteſt jure ordinario, ſed ſolùm ex Apoſtolicæ Sedis privilegio, cum Capituli ſui conſenſu, conferre beneficia, inſtituere Clericos in Eccleſiis ad ſuum monaſterium ſpectantibus, dando eis poſſeſſionem, ac titulum, non verò jurisdictionem ligandi, & ſolvendi. *Quia nemo dat, quod non habet.*

*Poteſtne* Abbatiſſa irritare vota ſupererogationis ſuarum monialium, facta ſine, vel cum conſenſu ejus?

*Dico.* Ex cauſa rationabili poteſt vi poteſtatis ante explicatæ.

*Poteſtne* ſubditas benedicere?

*Dico.* Poteſt privatè, ſicut mater filias, non verò ſolemniter, quaſi publicè, & ex officio: uti nec poteſt publicè prædicare, vel in Miſſa Evangelium legere, quamvis illud legere poſſit ipſa, vel alia in Matutinis; a quo Diaconiſſa vocatur. De quo infra in Tract. De Ordine.

Not. tamen, quòd Papa, Generalis, vel Provincialis Ordinis, vel Epicoſcopus, ſub cujus obedientia moniales vivunt, poſſit Abbatiſſæ, ſeu Prioriſſæ committere aliquem uſum jurisdictionis, ſaltem indirectè, ut ſi Provincialis cum moniali diſpenſet in lege jejunii ſub conditione relata in arbitrium Abbatiſſæ, quoties illa judicaverit adeſſe cauſam non jejunandi: vel ſi monialiſſe imponatur præceptum obediendi Abbatiſſe in tali cauſa ſinem ſpiritualem concernente aliquid præcipienti.

**QUÆRO III.** Quanta debet eſſe promulgatio Legis humanæ, ut obliget?

**LVII. Reſp. 1.** Ut obliget Lex Imperatoria, debet elabi biſtre, & quidem poſt publicationem in ſingulis Imperii Provinciis factam. Ita habetur in Nov. 66.

*Reſp. 2.* Lex Pontificia ſi Romæ ſit promulgata, licet non publicetur in partibus, habet vim obli-



obligandi pro tota Ecclesia, nisi aliud exprimitur, aut obset consuetudo, vel privilegium, ut aliqui describunt habere Reges Hispaniæ, & Galliæ, ut nimirum, Diplomata pontificia in eorum provinciis non obligent; nisi in iis sint publicata, immò publicari nequeant sine consensu Regis.

Ita colligitur ex praxi Curie Romanæ, nam causæ ex toto Orbe ad eum devolutæ judicantur secundum Bullas Romæ tantum publicatas, & non in partibus, seu in aliis locis, nec Corpori Juris insertas.

Cui ergo Bullæ Pontificis postea publicantur in partibus? hoc enim videtur esse supervacuum, si publicatio Romæ facta sufficit ad obligandum.

Dico, fieri ad melius esse, non ut simpliciter necessarium. Fit ergo idcirco, ut in partibus ultramontanis tollatur ignorantia Legis, & virtus intensiva mandandi, acquisita Romæ, sed extradiffundat, & extendat. Pro quo

Not. quod promulgatio Legis sit duplex. Una essentialis, & sufficiens, quæ fit, quando Princeps, ut Persona publica suis subditis in Curia existentibus legem per modum imperii proponit, & intimat, & hæc promulgatio sufficit, ut Lex obliget, quantum est de se, etsi non sufficiat ad tollendam ab omnibus subditis ignorantiam legis, qui proinde, dum eam invincibiliter ignorant, ab ejus transgressione excusantur: & tamen Lex obligat, quod ex eo constat, quia aliàs ignorantia Legis improprie diceretur excusare: excusatio enim supponit obligationem. Altera est promulgatio solemnis, vel solemnior, & accidentalis, ad tollendam ignorantiam subditorum ordinata, quæ fit, quando Lex iussu Principis per Præcones in omnibus Provinciis, aut præcipuis earum civitatibus publicatur; quæ non est de essentia legis. Sic Lex Evangelica, seu lex Christi de Baptismo hoc secundo modo promulgata est in & a die Pentecostes ab Apostolis velut Christi Præconibus, & Lex Moisaica a Moysè toti populo proposita quinquagesimo die a Paschate Judæorum. Primo autem modo Lex Christi de Baptismo ab ipso Christo in die Resurrectionis fuit promulgata verbis illis ad Discipulos: *Euntes in mundum universum docete, &c. baptizantes* &c. ut dicitur infra de Bapt. Lex moisaica verò ab ipso Deo tanquam Principe, & Legislatore, quando eam dedit Moysi in monte Sina.

Quid sentis de Lege Episcopali?

Dico. Sufficit esse promulgatam in Ecclesia Matrice.

Sed quid de illis Bullis Pontificiis, quæ aliquas Auctorum sententias damnant, ut scandalosas, temerarias, &c.

Dico: Præter publicationem Romæ factam non requiritur publicatio in aliis Dioecibus, sed sufficit, quomodocunque damnatio illa, vel

sententia innotescat. Et hoc magis indubitatum est quam de legibus.

*Ratio:* Omnes fideles tenentur se submittere declarationi definitivæ Summi Pontificis, ex Cathedra loquentis, qualiter est Regula infallibilis, non solum in credendis, sed & in agendis, quæ proponit; tenentur, inquam, quomodocunque illa declaratio eis innotescat. *Subsumo:* Sed dictæ Bullæ non sunt solum præceptivæ, sed & veritatis declaratoriæ, exponentes, quid sit Juris divini, & naturalis, non statuentes jus novum. Ergo.

QUÆRO IV. Valor, & efficacia legis dependetne ab acceptance populi?

LVIII Resp. Probabilius est, quod per se loquendo non dependeat, licet sit Lex civilis.

*Ratio imprimis de Lege Ecclesiastica est:* Quia potestas Legislativa Papalis (ut antedictum) data est immediate a Christo: & quæ est in Episcopo, est quidem immediate a Papa, est tamen a Christo mediate: quæ verò est in quibusdam Prælati inferioribus, data est ab Episcopo, adeoque nullibi est a populo. Ergo nec in exercitio ejus obligatio a populo dependet.

*Ratio de Lege civili est 1.* Qui in utroque foro, nimirum tam poli quam fori tenetur Legi obedire, in ejus placito, seu facultate non est, eam acceptare, vel reicere, immò tenetur eam recipere: Sed Legi iustæ, & rationabili Superioris tenetur populus in utroque foro obedire, ut de foro poli probatur postea. Ergo.

*Ratio:* Quando populus in Principem transfert absolutam potestatem gubernandi, non reservat sibi facultatem acceptandi, vel non acceptandi legem: Sed per se loquendo populus ita transfert. Ergo. Dixi per se loquendo. Si enim populus ea conditione, id est, reservata facultate acceptandi, vel non acceptandi leges, gubernium transferret in Principem, est locus contradictioni.

Quomodo ergo excusas illos, qui non acceptant illam Legem Concilii Trid. de abstinence a lasciviis, & ovis in Quadragesima, & similibus Legibus.

*Excusio sic:* Lex sæpè continet notabile gravamen, & quidem, quod majus est pro una, quam pro altera Provincia, & prudenter potest præsumi; Legislatorem non voluisse populo imponere tam grave onus, quia ut S. Thom. q. 95. ar. 3. ex Iudoro docet, *Lex debet esse honesta, iusta, possibilis secundum naturam, secundum consuetudinem patriæ, loco, temporeque conveniens*, &c. Hinc contingit, tales leges non fuisse in Dioecibus publicatas, earumque obligationem ex tacito Legislatoris consensu, & connivencia suspensam; tandem præscriptam. Non ergo excusantur per hoc, quasi valor Legis a consensu populi pendeat.



quali valor Legis a consensu populi pendeat. *Oppono.* Gratianus dicit: Leges insinuantur, cum promulgantur; firmanur, cum moribus utentium comprobantur.

Ad hoc patet R. suprà in hoc Tract. Exam. 1. num. 7.

**QUÆRO V.** Potestne potestas saltem Ecclesiastica directè præcipere actus merè internos?

*LIX. Resp.* Probabilius negativè cum S. Tho. q. 100. ar. 9. in c.

*Ratio S. D. est.* Illud directè cadit sub præcepto legis, ad quod lex cogit, nimirum metu pœnæ, quia præceptum Legis habet vim coactivam: Sed Ecclesia non potest cogere ad actus purè internos, nec pro iis pœnam infligere. Ergo nec potest eos directè præcipere. Min. prob. Pœna Legis non infligitur nisi pro iis, de quibus Legislator habet iudicare, quia ex iudicio Lex punnit: Sed Legislator humanus nō habet iudicare, nisi de actibus exterioribus, quia *homines vident ea, quæ parent*. 1. Reg. 16. Solius autem Dei est iudicare de interioribus, quia est scrutans corda, & renes. Psal. 7. Ergo.

*Declaratur* ulterius sub distinctione: Alii sunt actus purè mentales, seu merè interni, & per se occulti, consistentes in sola interiori cogitatione, nec sunt ullo signo externo manifestati. Et de his procedit data resolutio, & probatio. Unde etiam simoniaci, hæretici, & usurarii purè mentales non incurrunt pœnas iuris. Alii sunt actus *per accidens* occulti, attamen externi, sed secretè, seu nemine videntè, facti, qui proinde nullo teste, vel documento possunt probari. Et licet defectu probationis iudicium humanum per accidens effugiant, sub sunt tamen jurisdictioni Ecclesiæ. Hinc si ferretur censura in eum, qui fecerit furtum sacrilegum, eam incurrat furans sacrilegè, etiam occultissimè, seu nemine vidente. Idem est de eo, qui sine licentia occultè legit libros hæreticos. Tandem alii sunt actus *mixti*, id est, partim externi, partim interni, in quibus ad moralem operis externi perfectionem necessaria est quædam interna animi præparatio, v.g. attentio, vel intentio: & hosi actus internos potest Ecclesia præcipere indirectè, dum tale opus externum præcipit directè: ut patet in exemplis mox dandis. Et huius

*Ratio est:* Quia, ut loquuntur Canonistæ, *de connexis idem est iudicium*, dicere volo: Quando duo sunt connexa, sic, ut unum sit de morali perfectione, ac integritate alterius, qui unum potest præcipere directè, potest & alterum indirectè: Sed Ecclesia directè præcipit opus externum, v.g. celebrationem Missæ, administrationem, ac receptionem Sacramentorum, horarum Canonicarum recitationem, &c. quæ valide, aut rectè non perficiuntur si-

ne interiori devotione, attentione, intentione, aut (ut in Sacramento Pœnitentiæ) contritione. Ergo hos actus internos Ecclesia præcipit indirectè.

*LX. Oppono.* 1. contra 1. p. Ecclesia in Sacramento Pœnitentiæ remittit peccata merè interna. 2. Subinde ea reservat. 3. Dispensat in votis purè mentalibus. Ergo.

*Ad 1. & 2. R.* id fieri auctoritate Christi, seu Dei, quam pro foro pœnitentiæ datam esse constat ex S. Scriptura, non autem constat, Ecclesiæ de facto esse datam (an absolute potuerit dari non disputo) potestatem præcipiendi, aut puniendi actus purè internos: immò ex Ecclesiæ praxi colligitur, datam non esse. *Ad 3. R.* dispensationem illam non posse fieri, nisi volens per exteriorem manifestationem voluntariè se submittat Ecclesiæ: quæ tunc habet jurisdictionem super actum internum externè manifestatum.

*Quid ergo sentis* de illis Religiosis, quibus Regula sua, vel Statuta præcipiunt actum internum Orationis mentalis, seu Meditationis?

*Dico 1.* Ad evitandum periculum peccati mortalis Prælati bene facerent talem actum, ut purè internum, non præcipiendo sub rigore præcepti, sed solum exteriorem vacationem.

*Ratio:* Ne laqueus injiciatur conscientis.

*Dico 2.* Si quibusdam Religiosis Statuta strictè præcipiunt Orationem purè mentalem, valet præceptum.

*Ratio:* Quia tales Religiosi per votum obedientiæ, etiam quoad actus internos voluntariè se subdiderunt suis Superioribus, & statutis.

**QUÆRO VI.** Finis Legis caditne sub lege, aut modus Præcepti, ac Virtutis sub præcepto?

*LXI. Ant. R.* Not. quoddam finis Legis est, *facere homines virtuosos*, ut patet ex S. Th. q. 92. art. 1. & finis præcepti est Caritas 1. Timoth. 1. v. 5. Hinc quæstio est, an si quis legem impleat quidem, sed non virtuosè, immò potius cum intentione mala, ac in statu peccati mortalis, tamen satisfaciatur, vel sit reus transgressionis? Hoc notato.

*Resp. 1.* Modus operandi ex habitu virtutis non cadit sub præcepto Legis sive divini, sive humanæ. Ita S. D. q. 100. art. 9. in fine corp.

*Rationem* dat dicens: Neque enim ab homine, neque a Deo punitur tanquam præcepti transgressor, qui debitum parentibus honorem impendit, quamvis non habeat habitum pietatis.

*Resp. 2.* Modus operandi scienter, volenter, deliberatè, & ex intentione cadit sub lege, saltem divina. Ita S. D. ibid.

*Rationem* dat, dicens: Quod enim aliquis facit ignorans, per accidens facit. Deinde: Homo, dum operatur ut homo, debet operari modo humano, id est, deliberatè, & ex intentione, ac advertenter.

*Resp. 3.* Plura sunt præcepta, quæ homo potest implere, licet non sit in Charitate; seu, modus Charitatis non cadit universaliter sub lege, vel præcepto. Ita S.D. cit. q. 100. ar. 10. ubi sic discutitur.

Quidam dixerunt absolute, modum Charitatis esse sub præcepto, alii verò dixerunt non esse: utrique autem, quantum ad aliquid, verum dixerunt, actus enim Charitatis dupliciter considerari potest: Uno modo, secundum quod est quidam actus per se, & hoc modo cadit sub præcepto legis, quod de hoc specialiter datur, scilicet Diliges Dominum Deum tuum, & diliges proximum tuum: & quantum ad hoc primum verum dixerunt. Non enim est impossibile hoc præceptum observare, quia homo potest se disponere ad Charitatem habendam, & quando habuerit eam, potest ea uti. Alio modo potest considerari actus Charitatis, secundum quod est modus actuum aliarum virtutum, hoc est, secundum quod actus aliarum virtutum ordinantur ad Charitatem, quæ est finis præcepti. 1. Tim. 1. intentio autem finis est quidam modus actus ordinati in finem. Et hoc modo verum est, quod secundi dixerunt, quòd modus Charitatis non cadit sub præcepto, id est, in hoc præcepto, Honora Patrem, non includitur, quòd honoretur Pater ex Charitate. Unde qui honorat Patrem, licet non habeat Charitatem, non efficitur transgressor hujus præcepti, sed illius, quod est de actu Charitatis. Hæc S.D.

*Ratio* datur ibidem in Sed Cont. Ex opposita sententia sequitur, quòd quicumque non habet Charitatem, peccat mort. in omni opere, quod facit, quantumcunque sit de genere bonorum; quod est inconveniens. Ergo.

Not. ex S. Thom. ibid. ad 1. cum illa duo præcepta (nimirum de Dei, & Proximi dilectione, & de Parentum honoratione) sint affirmativa, non obligantia ad semper, possunt pro diversis temporibus obligare; & ita potest contingere, quòd aliquis implens præceptum de honoratione Parentum, tunc non transgreditur præceptum de omissione modi Charitatis.

*LXII. Resp. 4.* Finis, & intentio Legislatoris (qui est facere homines bonos, & virtuosos) non cadit sub præcepto universaliter, sed sunt diversa præcepta, quæ possunt impleri, licet operans habeat malum finem, aut viciis circumstantiam, ut dare elemosynam, dicere horas, audire Missam, &c. in latu peccati mort. vel ex vana gloria.

*Declarat* ex Gonet Tomuli octavi, parte 1. Disput. 4. art. 1. in R. ad Object. 2. Leges sunt dupliciter differente, aliquæ dantur de actibus humanis præcisè quoad substantiam, & entitatem physicam, vel (quod idem est) quoad bonitatem objectivam materiale, ut sunt,

quæ præcipiunt succurrere indigenti, audire Sacrum, & similes; & hæc impleri possunt per actum, qui nullam habet bonitatem formalem, seu ex parte subiecti, dum modò circa materiam bonam, seu objectum materialiter bonum veretur, licet operans sit, & maneat in peccato mortali. Aliæ sunt leges, quæ dantur de fine, & modo prædictorum actuum, & consequenter de eorum honestate, & bonitate formali, uti sunt illæ, quæ disponunt de interiori rectitudine hominis, ac de his, quæ pertinent ad directionem cordis, & ad ipsam iustificationem, & munditiam interioriorem, uti sunt dilectio Dei, penitentia, contritio, &c.

*Ratio* 1. Partis hujus declarationis est eadem, quæ pro *Resp. 3.*

*Ratio 2. p.* Quia interna cordis mundities per illos nequit obtineri, nisi sint boni bonitate formali, seu ex parte subiecti, ac Charitate formati, quales etiam actus fidei, ac spei formatæ.

Ex his sequitur, & cum dictis fiat, nullius præcepti impletionem esse meritoriam apud Deum, si fiat sine Charitate, ut probat S.D. infra q. 114. ar. 4.

*Resp. 5.* Ut satisfiat alicui præcepto, v.g. non occidendi, non mæchandi, non comedendi carnes, &c. non requiritur aliqua intentio, sed sola omissione impletur, licet nulla super illud fiat reflexio, etiam ab homine usus rationis compute.

*Ratio:* Quia pro objecto non habet actum morale, & humanum, sed solum omissionem.

*Resp. 6.* Probabilis est, quòd, ut satisfiat præcepto affirmativo, sufficiat, & necessariò requiratur, voluntariè, seu advertenter ponere opus, quod præceptum est, licet, non adit expressa voluntas, seu mentalis signatio, ac reflexa intentio satisfaciendi præcepto ut tali.

*Ratio.* Lex non plus præcipit, nisi voluntariam operis executionem. Ergo satisfiat per intentionem ponendi opus, quod præceptum est, licet non adit reflexa intentio ponendi formaliter, ut præceptum est. Quod exemplificari potest in recitatione horarum, jejuniis, auditione Missæ, &c. v.g. voluntariè audio Missam in die, qui est festus, sed ignoro esse festum, quod tamen postea rescio, non est opus de novo audire Missam; sed, si involuntariè. Vide de intentione infra Tract. 11. Exam. 4. n. 32 & seqq.

*Quid tenses* de eo, qui in die festo audit Missam, vel orat horas, cum absoluta intentione præceptum illo actu non implendi, sed aliam Missam audiendi, & horas repetendi?

*Resp.* Talis non satisficit, nisi de novo Missam audiat, & horas repetat. *Ratio.* Quia primam Missam, & horas Deo quasi liberalitè donavit. Sicut ergo, qui mihi debet centum imperiales, si det mihi centum, non animos solvendi, sed gratis donandi, non solvit debitum: ita similiter.

**QUÆRO VII.** Potestne Lex humana, etiam civilis, obligare in conscientia, & quidem sub mortali, ac cum periculo vitæ? Ante R.

**LXIII.** Nota 1. Sermonem esse de Lege iustæ, quando autem iusta sit, explicat S. Thom. q. 94. art. 4. in c. dicens: Dicuntur leges iustæ, & ex fine, quando scilicet ordinantur ad bonum commune, non verò ad Auctoris propriam cupiditatem, & gloriam; Et ex Auctore, quando scilicet Lex lata non excedit potestatem ferentis; Et ex forma, quando scilicet secundum æqualitatem proportionis imponuntur subditis onera, in ordine ad bonum commune. In iustæ dicuntur ex opposito. Subdit S. D. r. Leges iniustæ non obligant in foro conscientiæ, nisi forte propter vitandum scandalum, velurbationem, propter quod etiam homo iuri suo debet cedere, secundum illud Matth. 5. Qui angariaverit te mille passus, vade cum eo alia duo: & qui abstulerit tibi tunicam, da ei & pallium. Subdit 2. Alio modo leges possunt esse iniustæ per contrarietatem ad bonum divinum, sicut leges Tyrannorum inducentes ad idololatriam, vel ad quodcunque aliud, quod sit contra legem divinam, & tales leges nullo modo licet observare; quia, sicut dicitur Act. 4. Obedire oportet Deo magis, quam hominibus.

Not. 2. Leges esse in triplici differentia. 1. Est Lex merè pœnalis, quæ verbis expressis nihil prohibet, vel præcipit, sed præcisè statuit pœnam contra transgressores, hoc v. g. tenore: Qui hoc, & hoc fecerit, v. g. frumentum è Patria evertet, vel in eam non invexerit, solvat pœna decem Imperiales. 2. Alia est merè præceptiva, vel prohibitiva, præcipiens, vel prohibens aliquem actum, non statuendo pœnam contra transgressores, uti est illa v. g. de audiendo Sacro diebus festis. 3. Est Lex mixta, prohibens actum, & simul taxans pœnam. Et hæc iterum est duplex, una mixta copulativè, quæ nimirum actus prohibitioni addicit pœnam, non addendo particulam diminutivam *Vel*, v. gr. nemo frumentum evehat sub pœna decem Imperialium. Altera mixta disjunctivè perly *Vel*, v. gr. nemo frumenta evehat, vel pro multa, seu pœna solvat decem Imperiales, id est, nisi velit subire hanc pœnam.

Not. 3. ex S. Thom. 1. 2. qu. 87. art. 7. & 2. 2. qu. 103. art. 4. Pœnam posse dupliciter considerari. 1. Simpliciter, stricte, & rigorose, & sic dicit intrinsecum ordinem ad culpam propriam, etiam theologicam, seu supponit eam, vel actuale, vel originale. 2. Magis late, in quantum solum dicit aliquam pœnalitatem, vel molestiam pro bono communi inflictam, & sic non necessario præsupponit culpam theologicam (quæ est talis coram Deo) sed solum politicam, seu civilem, quæ est talis coram homine. His prænotatis scitu necessariis,

*Resp.* Probabilius est, quod Lex humana iusta, non solum Ecclesiastica, sed & civilis, possit habere, & de facto sæpè habeat vim obligandi in conscientia, seu sub culpa Theologica, etiam mortali, licet simul constituat pœnam, immò & cum dispendio, seu periculo vitæ.

Est contra hæreticos concedentes quidem Prælati Ecclesiasticis uti, & Politicis, facultatem ferendi leges pro conservatione pacis, & disciplinæ inter cives, negantes tamen, eas obligare in conscientia, quam dicunt soli Deo subici, & ab eo solo posse ligari. Item contra Joannem Gerson, qui legibus humanis, maxime Ecclesiasticis, quidem non negat vim obligandi in conscientia, vult tamen, hanc vim eas habere a solo Deo, seu Christo. Legislatores verò humanos obligationem a Deo impostam solum declarare, leges condendo. Sicut infirmus (ait ipse) tenetur obedire Medico, non ut imperanti, sed solum ut declaranti id, ad quod ægrotus Lege naturali, & divina tenetur.

Favet menti nostræ S. scriptura Matth. 18. Si quis Ecclesiam non audierit, sit tibi sicut, &c. Luc. 10. Qui vos spernit, me spernit. Et 1. Cor. 10. dicit Apostolus: Præcipio ego, non Dominus. Et 1. Pet. 2. Subditio estote omni humane creature, sive Regi quasi præcellent, sive Ducibus ab eo missis, &c. hæc enim voluntas Dei.

*Ratio est*, quam insinuat S. Thom. hic q. 94. art. 4. Quidquid ab alio derivatur, in quantum huiusmodi, participat illius virtutem, & efficaciam, sicut quod derivatur ab igne, participat calorem: Sed omnes leges iustæ, tam civiles, quàm Ecclesiasticæ, etiam pœnales, derivantur à Lege æterna, ut probatum est suprâ Exam. 2. nu. 10. Lex autem æterna habet vim obligandi, & obligat in conscientia: alquando sub veniali, ut patet in prohibitione mendacii officiosi: alquando sub mortali, ut constat in prohibitione mendacii graviter perniciosi: alquando cum dispendio vitæ, ut dum cives, & milites probono Reip. tenentur tenere stationem periculolam. Ergo idem possunt Leges humane, Ecclesiasticæ, & civiles.

Dixi in R. licet simul statuat pœnam, nimirum copulativè. Nam quod Lex humana statuat pœnam temporalem, non est incompatibile cum obligatione ad culpam, seu in conscientia, licet eam non exprimat: immò apposito pœnæ ad hoc tendit, ut Lex ed accuratius servetur, & actus præceptus fiat, prohibitus omittatur. Et hinc in Concil. Lateran. extat Lex, quæ statuitur, ut Beneficiati, qui post sex menses ab obtento beneficio non recitant horas, fructus non faciant (suos: quæ Lex licet sit pœnalis, cum privet fructibus, tamen obligat in conscientia. Ergo Lex humana, etiam pœnalis, obligare potest sub culpa, nisi Legislator cou-

contrarium exprimat. Ita probabilius docent Soto, Sylvester, Gonet, &c. Vide in Not. 2. quomodo Lex pœnalis mixta describitur.

**LXIV. Oppono 1.** contra rationem datam: Si Leges nostræ deriventur a Lege æterna Dei, *Sequitur* 1. esse Leges divinas, & non humanas. Vel saltem *Sequitur* 2. quod non obligent virtute accepta ab homine, sed a solo Deo, & solum declarent obligationem Legis divinæ, ut vult Gerlon, exemplificans hoc iur Medico, ut dicitur. Ergo.

2. Contra 2. p.R. Potestas Principis politici est merè temporalis, ejusque finis non est salus animarum, sed tantum salus Reip. & tranquillitas civium. Ergo non potest ligare in conscientia. Prob. conf. Inferior non potest ligare in foro superiori: Sed forum conscientie (forum poli dictum) est superius civili. Ergo.

*Ad 1. Resp.* negando utramque sequelam. Primam quidem, quia ad hoc esset necesse, ut Leges nostræ a Lege æterna derivarentur immediate, sicut Lex divina, & naturalis ab ea originantur; Leges autem humanæ ab ea solum derivantur mediatè, nimirum mediante discursu humano, deducto ex Legibus, & principiis naturalibus, ac divinis, quorum sunt conclusiones: *Conclusio* autem *sequitur partem debiliorem*, ut ait Dialecticus. Ex quo fit, quod omnis, qui peccat contra Legem humanam immediate, contra Legem æternam peccet mediatè. . . . *Secunda Sequela* negatur idèò, quia licet vis obligandi Legum humanarum sit a Deo, seu Lege æterna remotè, radicaliter, & mediatè, & ut a principio universali, est tamen simul a potestate humana, ut a principio proximo, & particulari: cum enim Princeps, sive sæcularis, sive Ecclesiasticus, respectu suorum subditorum fungatur auctoritate publica (in quod differt à Medico) est in eorum potestate Legislativa Deo subordinata. Exemplum est in effectu, qui est a causa prima, & secunda.

*Ad 2. Oppos. dist. ant.* Ex parte ejus, quod respicit per se primò, C. ant. per se secundò, & ex consequenti, N. ant. & dist. similiter conf. Quia ad pacem Reip. Principibus etiam sæcularibus necessaria est potestas ferendi leges obligantes in conscientia: quia multi timorata conscientia ad Legis observantiam magis urgentur formidine culpæ, quam pœne temporalis. Ad prob. conf. dist. maj. Inferior non potest, &c. si a superiore ad id non acceperit potestatem, C. maj. si acceperit, uti res se habet in præfenti, cum omnis Lex justa a Lege æterna Dei derivetur, ut probatum est supra, N. maj. & concessa min. dist. conf.

**QUÆRO VIII.** Obligantne omnes Leges humanæ in conscientia, seu sub culpa, si non mortali, saltem veniali? dubium enim est de quibusdam Legibus pœnalis.

**LXV. Resp.** Probabilius negativè. *Ratio:*

Quia Constitutiones Ordinis FF. Prædicatorum sunt veræ Leges, ut patet, si eis applicetur definitio legis: Sed illæ, ut tales non obligant ad culpam. Ergo. Min. patet tum ex Constitutionum nostrarum Prologo, tum ex S. Thoma 2. 2. q. 186. art. 9. ad 1. dicente: In Religione Fratrum Prædicatorum transgressio, vel omisio ex suo genere non obligat ad culpam, neque mortalem, neque venialem, sed solum ad pœnam taxatam sustinendam, quia per hunc modum ad talia observanda obligantur, qui tamen possunt venialiter, vel mortaliter peccare ex negligentia, vel libidine, vel contemptu. Hæc S. D. subdens ad 2. Non omnia, quæ continentur in lege, traduntur per modum præcepti, sed quædam proponuntur per modum ordinationis cuiusdam, vel statuti obligantis ad certam pœnam.

*Oppono:* Ergo non omnis Lex justa, saltem pœnalis, obligat sub culpa theologica, nimirum in Ordine Prædicatorum.

*Ad hoc R.* verum esse in eocasu, quo Legislator exprimit, & expresse declarat, se præcisè obligare velle ad pœnam, uti fit in nostris Constitutionibus. Servit hic illa Regula Juris: *ubi non est culpa, non est pœna, nisi subsit causa*. Ex qua Regula patet, posse statui pœnam (adeoque & legem pœnalem) non propter culpam theologicam, sed ob aliam causam. Sic captivo ad mortem justè damnato, & carcere fugienti gravis statuta est; & infligitur pœna, & tamen coram Deo non peccavit fugiendo & carcere. Item si quis teneret, irregularitatem, quam incurrit bigamus, & Judex, justè etiam damnamus reum ad mortem, esse pœnam, deberet sentire, eam infligi sine culpa, & tamen non sine causa. Nam causa est, quia in matrimonio bigami non significatur perfectè unio Christi cum Sponsa Ecclesia, quæ est unius ad unum: & in actu præfati Judicis receditur à significatione mansuetudinis Christi. Alia Responsio patet supra nu. 63. in Not. 3.

**QUÆRO IX.** Dum agimus de Lege pœnali, dic mihi, quando, & quomodo transgressores tenentur subire pœnam taxatam? tenenturne ante, vel post sententiam Judicis, & per propriam cooperationem.

**LXVI. Resp. 1.** Loquendo de pœnis merè privativis latæ sententiæ, ut sunt excommunicatio, irregularitas, suspensio, privatio vocis activæ, & passivæ, idem est de lege Ecclesiæ, quæ statuit impedimentum criminis respectu matrimonii, &c. transgressores iis ligatur ante sententiam Judicis, non verò si sint sententiæ ferendæ.

*Ratio* hujus patet ex ipso textu Legis, si nimirum addat, vel non addat has particulas, *ipso facto, ipso-jure*.

*Opponi potest;* Lex naturæ distat, quod nemo debeat condemnari inauditus.

Sed

Sed hoc verum est de condemnatione per sententiam Judicis, cujus est examinare reum, & testes, non verò de condemnatione per Legem; quæ relinquitur conscientie ipsius rei, seu condemnati, cujus est discutere an pœnam incurrerit, necne.

*Resp. 2.* Loquendo de pœnis activis, seu ad sui executionem requirentibus aliquam actionem, ut sunt spoliatio bonorum, exilium, pœna mortis, &c. probabilius est, quòd transgressor non teneatur eas subire ante sententiam Judicis. Ita S. Thom. 2. 2. q. 62. ar. 3.

*Ratio.* Esse executorem pœnæ, præsertim gravis, & acerbæ, in seipso nimis durum, & rigidum est, ac naturæ repugnat, & bono communi sufficit, pœnam pati post sententiam Judicis: Lex autem humana, ut supra dictum est, debet esse accommodata humanæ conditioni. Dixi, *gravis, & acerba.* Nam in quibusdam Ordinibus Religiosi pro pœnitentia tenentur recitare aliquas preces, vel moderatè se castigare, & hoc, licèt Prælatus id non declaret.

*Resp. 3.* In probabiliori sententia transgressor Legis pœnalis post sententiam Judicis tenetur in conscientia, seu sub peccato, subire pœnam, etiam activam, & in seipso exercere actionem, si sit talis, quæ non sit nimis crudelis, & injuriola, & commodius fiat ab ipso reo, ut sunt scalam patibuli conscendere, colum gladii præbere, è Regno, vel urbe egredi, pecuniam solvere, &c. non verò sit crudelis, & melius exerceatur a ministro justitiæ, sed sufficit esse paratum eam pati, v.g. strangulationem, suspensionem, veneni in se infusionem, &c.

*Ratio* est, quæ ante. Et ita docet S. Thom. 2. 2. q. 69. ar. 4. ad 2. dicens; Nullus ita condemnatur, quòd sibi inferat mortem, sed quòd ipse mortem patiatur, & idèd non tenetur facere id, unde mors sequatur, quòd est manere in loco, unde ducatur ad mortem; tenetur tamen non resistere agentis, quin patiatur, quòd justum est eum pati. Sicut etiam, si aliquis sit condemnatus, ut fame moriatur, non peccat, si cibum occultè ministratum sumat, quia non sumere esset se ipsum occidere. Hæc S. D. putà, indirectè, ad quòd homo non tenetur in quovis casu. Vide Tract. 9. Exam. 2. nu. 1.

**QUÆRO X.** Dic mihi aliqua documenta, & Regulas, ex quibus cognosci possit, transgressionem Legis humanæ esse peccatum mortale? & quid quoad hoc valeat intentio Legislatoris?

**LXVII.** *Resp. 1.* Transgressio Legis humanæ, etiam in minimis, si fiat ex contemptu, semper est peccatum mortale. & hic contemptus semper specialiter in Confessione est explicandus.

Hæc est tutior, & probabilior opinio; intel-

ligitur autem non de contemptu secundum quid, sed simpliciter tali, quem S. Thomas explicat, & hanc sententiam probat 2. 2. q. 186. ar. 9. ad 3. dicens: *Tunc committit aliquis, vel transgreditur ex contemptu, quando voluntas ejus renuit subitici ordinationi Legis, vel Regula, & ex hoc procedit ad faciendum contra Legem, vel Regulam; quando autem est converso propter aliquam particularem causam, puta, concupiscentiam, vel iram, inducitur ad aliquid faciendum contra statuta Legis, vel Regula, non peccat ex contemptu, sed ex aliqua alia causa, etiamsi frequenter ex eadem causa, vel alia simile peccatum iteret; frequentia tamen peccati dispositivè inducit ad peccatum.* Hæc ibi.

*Ratio 1.* Contemptus Legislatoris, ut talis, ac potestatis Legislativæ, est peccatum mortale, etiam in minimis, juxta S. Thom. 2. 2. q. 147. art. 3. ad 2. dicentem: *Si quis auctoritatem Legislatoris, transgrediendo statutum, contemnit, peccat morte.* Et hoc idèd: Quia contemptus Legislatoris creati, uti talis, ejusque potestatis legislativæ est contemptus ipsius Dei, qui ei potestatem dedit, ut testatur ipse Christus Luc. 10 dicens; *Qui vos audit, me audit; qui vos spernit, me spernit: contemptus verò Dei, etiam in minimis, est peccatum mortale.* Subsumo: Sed qui ex contemptu, etiam in minimis, transgreditur legem, contemnit Legislatorem ut talem, ejusque potestatem. Ergo peccat mortaliter.

*Ratio 2.* Constitutiones nostræ sunt quid minimum in genere legum, cum sub nulla culpa, si vè mortali, si vè veniali eis se obligent, ut patet ex dictis antèd. num. 65. Sed qui eas transgreditur ex contemptu, peccat mortaliter, ut legere in Declarationibus super Prologum Constitutionum nostrarum Litt. N. idèdque patet ex S. Bernardo dicente: *Neglectus est semper culpabilis, contemptus verò damnabilis.* Ergo.

Dixi notanter, *Contemptus Legislatoris ut talis.* Quia aliud est contemnere rem præceptam, secundum se, & materialiter sumptam, & Legislatorem, ut privatum hominem, hoc enim potest esse veniale, & contemptus levis, & aliud est, contemnere rem formaliter ut præceptam, quia sic involvit Legislatorem, ejusque potestatem ut talem; & est contemptus simpliciter, ac mortalis. Et hæc transgressio habet duplicem malitiam, quarum una est contra virtutem, contra quam est transgressio, v.g. contra veracitatem, si quis ex contemptu Legis mentiretur officiosè: altera contra virtutem obedientiæ, & remotè contra virtutem humilitatis: quia omnis contemptus nascitur ex superbia. Hinc tale mendacium non solum esset officiosum, sed & perniciosum, ut potè cedens in gravem injuriam proximi, nimirum Superioris, imò & Dei, qui in Superiore contemnitur.

*Resp.*



*Resp. 2.* Ut Lex humana obliget sub mortali, requiritur materia gravis, nec potest materiam levem præcipere sub mortali.

*Ratio :* Quia oppositum videtur esse inordinatum, & irrationabile. Vide R. ad 7. Op. pos. nu. 68.

*Resp. 3.* Quatuor solent assignari regulæ cognoscendi gravitatem, vel levitatem materiæ respectu Legis humanæ.

*Prima* delimitur ex magna utilitate, quæ in Communitatem redundat ex observantia Legis, licet ejus materia secundum se videatur esse levis: fit enim gravis ratione hujus circumstantiæ, seu commodi. Hinc non est dubitandum, valere leges, quæ apud quosdam Religiosos pro certo tempore sub mortali præcipiunt silentium, aut prohibent alterius cameræ ingressum. Item usus unius pomi Adamo prohibitus secundum se est levis, erat tamen res gravis sub ea formalitate, quæ substat legi divinæ, quæ eum prohibebat in speciale signum subjectionis, & recognitionis supremi domini, ac beneficiorum.

*Secunda* Regula sumitur ex appositione gravis pœnæ, uti in spiritualibus est excommunicatio major, privatio sepulturæ Ecclesiasticæ, pœna suspensionis, interdicti, irregularitatis, &c. In temporalibus pœna mortis, mutilationis, infamiz, exilii, acerbis cruciatibus, confiscatio bonorum, &c.

*Tertia* est prudentum virorum existimatio.

*Quarta* sumitur ex tenore verborum, quibus Lex ponitur, v.g. Præcipimus in virtute Spiritus Sancti, & sanctæ obedientiæ, & sub formalis præcepto, qui est mos nostri Ordinis, vel sub interminatione divini judicii, sub indignatione Dei, & Sanctorum, &c. nam materiæ levi non censetur apponi gravis pœna. Hinc solus usus verbi imperativi non indicat materiam gravem sub mortali obligantem: quia tale verbum est commune omni materiæ. Nam S. Aug. in Regulâ ait: *Hæ sunt, quæ præcipimus, ut observetis in Monasterio constituti;* & tamen non omnia illius Regulæ præcepta obligant sub mortali.

*Resp. 4.* Ad obligationem sub mortali in lege humana præter materiæ gravitatem requiritur intentio Legislatoris, qui, licet materia in se gravis sit, si tamen non intendat obligare sub mortali, sed solum sub veniali, idque declaret, & sic in materia præcisè dependente a suo placito, Lex sub mortali non obligat. Hæc sententia est contra aliquos intra, & extra scholam D. Thomæ, videtur tamen mihi cum Gonet, & aliis practicè probabilior.

*Ratio 1.* Actus agentium moralium non operantur ultra intentionem ipsorum: Sed Legislator humanus, legem condens, agit ut agens morale: Ergo lex non obligat ultra ipsius intentionem.

*Tribunal Confessoriorum.*

*Ratio 2.* Qui potest majus, potest etiam minus in eodem genere: Sed Legislator ad rem gravem potest obligare sub mortali. Ergo & sub veniali, quod est peccatum minus. Item Ecclesia rem sæpe proponit solum sub consilio; item potest eam prohibere sub sola pœna (ut patet in nostris Statutis) licet res secundum se aliquando ad mortale sufficiat. Ergo & sub solo veniali.

*Ratio 3.* Lex Ecclesiæ de jejunio, & auditione Missæ certis diebus est in materia gravi: Sed in potestate Ecclesiæ est, ut illa Lex solum obliget sub veniali. Ergo. Min. prob. 1. Constitutiones Religiosorum sunt veræ Leges, ut supra probatum, & quidem apud quosdam non merè pœnales, & tamen non semper obligant sub mortali, sed sæpè solum sub veniali, licet sint de re ad mortale sufficiente, si strictius præcipiatur, v.g. de jejunio certis diebus, de audiendo Sacro, &c. Ergo. Prob. 2. Hæ Religiosorum Leges versantur circa eandem materiam, circa quam est Lex Ecclesiæ, nimirum circa auditionem Sacri, & jejunium: Sed Lex aliquorum Religiosorum quoad similia solum obligat sub veniali, ut patet ex S. Thom. 2. 2. q. 186. art. 9. ad 1. Ergo & Lex Ecclesiæ potest.

Confirm. hæc secunda probatio Minoris: Lex Ecclesiæ, & Religiosorum versantur circa eandem materiam, & eodem modo. Ergo si, &c. Prob. ant. Si non, &c. id esset idè, quia prout in Religione præcipitur, non est res gravis, sicut est, quatenus præcipitur ab Ecclesia: Sed, quatenus præcipitur in Religione, etiam est res gravis. Ergo. Min. prob. Sub mortali nihil potest obligare nisi sit grave: Sed dicta materia, v.g. jejunii, etiam prout in Religionibus præcipitur, obligat quandoque sub mortali, ut patet in jejunio Franciscanorum a Festo Omnium SS. ulque ad Nativitatem Domini. Ergo.

LXVIII. *Opposito 1.* Contra R. 4. Juxta dicta: obligatio legis humanæ derivatur a Lege æterna, & naturali, ad certam materiam applicata; Sed lex æterna, & naturalis, in materia gravi semper graviter obligant. Ergo Legislator creatus non potest ejus restringere obligationem. 2. Legislator humanus solum se habet per modum conditionis, obligationem Legis naturalis ad certam materiam applicantis: Sed conditio applicans non potest minuire virtutem agentis, ut patet in applicatione ligni ad ignem, ignis enim agit naturaliter, non liberè. Ergo.

3. Quod ad legem sequitur naturaliter, seu ut necessaria proprietas, non potest ab ea separari: Sed obligatio sic sequitur ad Legem. Ergo.

4. Quia aliàs radix peccati venialis, aut mortalis posset esse voluntas hominis, nimirum Legislatoris, cum tamen sit ipsa natura objecti. Ob quam rationem.

5. Deus non potest rem gravem præcipere

M sub

sub obligatione levi. Ergo multò minus homo.

6 In voto non potest materia, secundum se obligans sub mortali, ex Voventis intentione obligare sub veniali. Ergo nec in Lege.

7 Juxta dicta res levis ex intentione Legislatoris nequit obligare graviter. Ergo nec res gravis leviter.

Ad 1. patet R. suprà n. 64. ad 1. Oppos.

Ad 2. Transfert maj. & dist. min. non potest à priori, C. min. a posteriori, N. min. & conf. Nam & applicatio ligni ad ignem prout est major, vel minor, facit lignum magis, vel minus, seu citius, aut tardius comburi. Dixi, *Transfert*, propter ea, quæ dixi loco mox citato de differentia Medici a Legislatore.

Ad 3. dist. maj. Quod sequitur in impedibiliter, C. maj. impedibiliter, ut in præsentibus rationes assignatas, N. maj. Ad omnem ergo legem, etiam merè poenalem, sequitur aliqua obligatio; quod autem sit tanta, vel talis, potest impediri, & de facto impeditur in nostris, & aliorum Religiosorum Statutis: licet enim proprietas physica absoluta non possit impediri, bene tamen moralis.

Ad 4. R. sicut ad 1.

Ad 5. N. ant. Si enim id asseratur de homine, a fortiori asserendum est de Deo, si sermo sit de iis, quæ præcisè a placito Dei dependent, non verò de eis, quæ ex natura rei prohibentur, ut potè quia habent intrinsicam, & essentialem gravem malitiam, v. g. fornicatio, &c. quæ Deus non potest prohibere sub veniali.

Ad 6. concessio ant. de quo infra Tract. 10. Exam. 3. n. 32. R. 4. datur disparitas. Quia votum fit Deo, ut Superiori, per illud acquirenti novum jus in voventem juxta naturam promissionis. Ergo sine placito Dei non potest voti obligatio relaxari, nec a Prælati relaxatur, nisi in potestate Dei: Lex verò respicit subditum, quem proinde Legislator potest stringere moderatius, vel arctius. Præterea Obligatio voti quoad conscientiam, licet voluntatem hominis supponat, est tamen magis naturalis, & divina, et quæ immediatè à jure divino, quia homo non habet jurisdictionem in se ipsum: e contra obligatio Legis humanæ solum remotè est à Jure divino, & naturali, & Legislator pro libito habet potestatem in subditum.

Ad 7. N. conf. Disparitas est: Quia rei levi imponere obligationem sub mortali, est imponere gravamen ultra suam potestatem, quod est irrationabile, ac subditis onerosum, ac odiosum, odiosa autem sunt restringenda: at rei gravi imponere obligationem levem, est gravamen, quod posset imponi totum, alleviare, quod ex causis potest esse rationabile: estque favorabile, & accommodum humanæ fragilitati; favores verò sunt ampliandi.

QUÆRO XI. Scisne aliquam Regulam ad dignoscendum, quando Lex humana obliget cum periculo vitæ? & quid in hoc passu sentis de lege abstinentiæ Carthusianorum a carnibus, ac Lege clausuræ Monialium in casu periculo-sæ infirmitatis?

LXIX. Ante R. Suppono ut certum, quòd Lex humana non semper obliget cum dispendio vitæ. Ratio: Quia Lex humana non tam stricte obligat, ac divina: Sed hæc non semper ligat cum periculo vitæ, & quidem ex benignitate Legislatoris. Ergo nec illa, & hoc simul ex defectu potestatis. Min. probo ex facto Davidis, qui 1. Reg. 21. comedit panes propositionis, ne moreretur fame, quos non nisi solis Sacerdotibus licebat edere. Et Matt. 12. Christus apud Phariseos excusavit suos Discipulos, quòd propter necessitatem in Sabbato velle-ret spicas, quod erat lege prohibitum. Item integritas Confessionis sacramentalis est de jure divino, & tamen non semper obligat cum notabili detrimento. Idem patet in obligatione voti, & restitutionis. Hoc supposito

Resp. 1. Potissima Regula cognoscendi, an Lex humana obliget cum periculo vitæ, est: Si Legis observantia prudenter judicetur esse majus bonum, quàm propriæ vitæ conservatio, tunc obligat cum dispendio vitæ; si verò propriæ vitæ conservatio (uti contingere potest in Principe, Belli Duce, &c.) censetur esse boni majus, non obligat. Ratio est: Quia ex duobus malis minus eligendum, & bonum majus minori præferendum est.

Altera Regula esse potest, si transgressio Legis humanæ cum metu mortis alicui incutiat in contemptum Legislatoris, v. g. Ecclesiæ in statuto jejunii, vel auditionis Missæ, tunc enim oportet magis mori, quàm legem violare. Exemplum est in Eleazaro, qui laudabiliter maluit mori, quàm carnes porcinas comedere. Ratio est: Quia majoris momenti est defensio Fidei, & Ecclesiasticæ potestatis, quàm conservatio propriæ vitæ.

LXX. Probabilior est sententia nostri Aravio, Gonetii, & aliorum, quòd Lex abstinentiæ Carthusianorum a carnibus respectu periculo-sæ infirmi obliget cum dispendio vitæ.

Ratio ex dictis est: Quia vita unius Carthusiani debet cedere conservationi stricteioris observantiæ, ac disciplinæ in toto Ordine illo. Unde & legitur, quòd sancta illa Carthusianorum Lex ortum habeat ex miraculo, quo carnes pro quodam ejusdem Ordinis infirmo præparatæ, in pisces sunt conversæ.

Nonne idem sentis de aliis Religiosis quoad sua Statuta?

Affirmo, si ex eorum violatione notabiliter labet a claretur religiosa disciplina. Ratio est, quæ ante.



**LXXI. Resp. 3.** Quod concernit Clausuram Monialium in causa, vel calu egressus, Concil. Tri. Sess. 25. c. 5. de Regul. solūm statuit, ut Moniales ē Monasterio non egrediantur, etiam ad breve tempus, nisi ex legitima causa ab Episcopo approbata. Verūm S. Pius V. postea huic devoto semineo sexui omnem perclusit viam, statuens tantūm tres egressus causas. *Prima* est incendium, cui æquiparatur ingens inundatio, & incurfus hostium infidelium. *Secunda* est, si Monialis lepra sit infecta, ut extrā curetur, ne alias inficiat. *Tertia* ob eandem rationem est, si qua incipiat laborare epidemia, vel peste.

*Ad egressum ex his causis sufficienter licentia proprii Prælati?*

*Ad hoc* dico, attendendam esse loci consuetudinem; sentiunt enim aliqui, requiri approbationem Episcopi, quod negant alii, tenentes esse consuetudine contraria abrogatam.

*Resp. 4.* Præter causas a S. Pio V. statutas dantur adhuc aliæ ad egressum Monialium sufficientes per consuetudinem receptæ. *Prima* est: Si Monialis deferatur ad aliud monasterium, ut illi præficiatur: vel alio officio penitus necessario fungatur. 2. Correctionis gratia, si nimium in hoc monasterio scandalici causa sit, & ibi corrigi nequeat. Sed hæc translatio non temere, & facile, sed gravissimo iudicio, & urgente necessitate est facienda. 3. Si vel ob loci incommoditatem, aut aliam rationabilem causam, omnes Moniales ex uno in aliud monasterium migrare oporteat.

An etiam in his casibus necessaria sit licentia Episcopi, attendatur loci consuetudo. Quia diversi DD. plane ipsius Papæ licentiā requirunt.

*Nunquid* Constitutio S. Pii V. potest extendi ad omnem lethalem morbum, intrā monasterium medicorum iudicio incurabilem?

*Affirmant* aliqui DD. Monialem posse egredi de licentia sui Prælati, & Episcopi. *Rationem dant:* Quia Lex humana non obligat cum dispendio vitæ. Alii negant, ex eo, quia S. Pius V. solūm expresse causas, quæ inferunt monasterii nocuum commune, non verò privatum unius personæ: Nec refert, dicunt, quod unus, ac alterius Monialis vita exponatur periculo, pro bono communi inviolatæ clausuræ: & ne per exemplum aliis Sororibus incipiat dominari Mercurius, seu spiritus vagadi.

Verūm ego in hoc passu censeo, diversarum Religionum, ac monasteriorum approbatas consuetudines esse attendendas, quia in aliis strictior, in aliis laxior clausura servatur. Et in nostra Germania exempla quotidiana docent, Moniales cum suorum Superiorum licentia, non solū ob vitæ periculum, sed aliis etiam de causis, æquibuldam monasteriis egredi.

De monasteriis Monialium nostri Ordinis in nostris Constitutionibus dist. 2. c. 18. in fine

sic legitur: Si quis Sæcularis, vel Regularis in aliquod prædictorum monasteriorum intrare, vel Sorores aliquæ inde exire sine licentia Magistri Ordinis auct fuerint, ipso facto sententiam excommunicationis incurrunt, a qua non nisi per Papam, vel Magistrum Ordinis, vel ab aliquo Fratre, cui prædictus Magister facultatem concesserit, absolvi possint. Hæc ibi. Plura patebunt ex more dicendis.

*Sed quid sentis de ingressu clausuræ Monialium?*

**LXXII. Dico:** Omnibus tam viris, quàm mulieribus prohibitum est, monasteria Monialium, & mulieribus monasteria virorum ingredi, vel in ea admitti. Et intrantes ultra casus necessarios (qui casus sunt de opera Confessarii, Medici, Chirurgi, Architedi, Opificum, &c.) & sine licentia, peccant mort. & incurrunt excommunicationem Papalem, ipsi, & Superiores utriusque sexus, admittentes, vel ingredi permittentes, etiam sub prætextu facultatis, vel Privilegii Papalis; Religiosi autem eos, etiam abque tali prætextu admittentes, incurrunt ipso facto suspensionem a divinis, privationem Officiorum, inhabilitatem ad alia impossibilia obtinenda, ex variis Motibus plurium Pontificum, præsertim Gregorii XIII. & S. Pii V. Quid Tridentinum statuerit, patebit ex dicendis. De censura hac redibit sermo infra inter casus reservatos Tract. 14. Exa. 2. num. 68.

Hinc non sunt audiendi illi DD. qui cæternas monasteria virorum sine scandalo, & pravo sine ingredientem mortali excusant: eo quod, ut ajunt, hoc nullo jure statuatur. Nam Bulla S. Pii V. Bullaria inserta clarè loquitur. Nihilominus circa Reginas attendenda est consuetudo loci: non enim videntur comprehendendi dictis Decretis. Idem est de ancillis eas ex more associantibus. Hoc tamen extendi non debet ad Ducissas, Marchionissas, Comitissas, &c. nisi (quod Greg. XIII. in Extrav. *Quæ Sanctimonialium quietem*, &c. concessit pro Regnis Hispaniæ) sint ipsorum monasteriorum Fundatrices, vel dotatrices.

Similiter audiendi non sunt, qui dicunt, prohibitionem S. Pii V. solū esse latam contra eas, quæ prætextu privilegii, & licentiæ monasteria intrant. Nam S. Pius V. vivæ vocis oraculo Anno 1568. die 27. Jan. contrarium declaravit Cardinali Alexandro Cribello.

*Quid intelligis per Monasterium, seu Clausuram?*

*Dico,* intelligi claustrum, dormitorium, & officinas interiores, ut patet ex Innoc. IV. & Gregor. IX. qui in causa ingressus ita explicant Regulam Minorum. Hinc dictas Pontificum Leges non violant mulieres, quæ Sacrarium, & hortos monasterii contiguos intrant, dummodo intrent non per portam Conventus, sed per

aliam propriam. Unde dum Greg. XIII. in suo Motu proprio vetat intrare *Monasteria, & loca*, hæc pro eodem sumit. Hinc & in nostro Capitulo Generali, celebrato 1686. Confirm. 4. sic legitur : *Confirmamus, quod in postremo Capitulo ordinatum est Ordinatio. 5. de strictis in nostris Conventibus clausura, ab ingressu feminarum sub excommunicatione interdicto : comprehendendum sub clausura omnes cameras, & officinas, quæ, licet extra commune dormitorium existant, nihilominus à Religiosis inhabitantur.* Vide ibid. pœnam Superiorum admittentium fœminas ad clausuram. Et ut adducit nos de la Crux in Glossa, & declarat. super nostras Constit. dist. 2. c. 1. ubi ponitur pœna gravioris culpæ introducentibus mulieres in hortos, in dormitorium, in cameras, vel alias Officinas interiores. Ex quo patet, quod etiam introductio ad hortos claustrum contiguos severè sit prohibita. Præterquam quod magni scandali occasio esse possit.

*Daturne parvitas materiæ in fractione clausuræ?*

*Affirmo* probabilius contra aliquos; si fiat sine contemptu, & scandalo, ac malo fine, ut, si quis ingrediatur medio corpore, manens in limine, seu partim intrâ, partim extrâ, vel si per valde brevem moram ingrediatur ad duos pedes, & statim regrediatur. Quod etiam de egressu intelligendum.

*Ratio* est à pari de aliis legibus purè humanis. *Quid* tenes de ingressu parvularum puellarum viduis, & instructionis gratia? aut viduæ cohabitare volentis.

*Dico* 1. Puellæ ab anno 7. usque ad 25. educationis gratia, cum Superioris, & Superiorissæ consensu in monasterio Monialium commorari possunt, modò, quod NB. habitent in loco a dormitorio, & laboratorio Monialium separato, & famulatum secum non introducant.

*Ratio* : Quia sub hac distinctione turbant, vel non turbant regularem observantiam.

Notandum tamen seriò, quod puellæ admittantur per Sorores Religiosas nullatenus in mundi vanitatibus, vestium luxu, capitis ornatu, &c. sed in ornatu spiritus, seu animæ sint instruendæ. Nec permittendæ ad libitum in- & egressi.

*Dico* 2. De vidua, etiam honesta, in habitu sæculari Monialibus, etiam perpetuò, convivere volente bene resolvit negativè Tamburinus de Jure Abbatis. disp. 24. qu. 14. num. 3. sentiens, nec Episcopum ad hoc posse dare licentiam.

*Ratio* : Quia per viduam (a fortiori, per nuptam) facilius divulgantur mores sæculares in claustrum, quàm per didas puellas. Attendenda est rationabilis Consuetudo loci, & qualitas clausuræ, ac monasterii.

*Quid de Cœsario? Visitatore? Medico, &c.?*

LXXXIII. *Dico* 1. Confessarius (idem est de Medico, & similibus) si (nimirum cum Socio, ubi haberi potest) necessitatis causa intret, cessante causa, ultra unum, alterumve *Pater noster*, &c. moram trahere non debet, sed ad summum infra horæ quadrantem egredi, nisi moraliter velit peccare : attamen modicum ultra manendo non videtur incurrere censuram, cum enim hæc sit lata in eos, qui sine licentia ingrediuntur, tanquam odiosa non est extendenda ad eos, qui sunt ingressi cum licentia, quæ modicum abutuntur. Sciant etiam Confessarius, & Socius, quod intrâ clausuram propter infirmam pernoctare non audeant, (nisi forte in casu valde raro, & urgente, & tunc se non separent) nec in locis monasterio contiguis, in quibus (uti in Parlitorio) sit occasio conversandi, aut loquendi cum Monialibus. Sed cum clausura in omnibus monasteriis non sit æqualiter in flore, & rigore fervetur praxis, quæ viget, scientibus Superioribus.

*Dico* 2. In Constitutionibus Sororum Ordinis nostri sic dicitur c. 30. Licitum est Magistro Ordinis, vel Priori Provinciali fore tempus visitationis ingredi monasteria sororum, una dumtaxat vice in anno : ita tamen, ut si unus ex illis monasterium visitando ingrediatur, alter eodem anno ingredi non possit, juxta tenorem Bullæ ab Alexandro VII. editæ, quæ incipit. *Fidei sacrarum Virginum*, &c. ubi hoc etiam cavetur, ut Magister Ordinis cum duobus sociis, jam verò Prior Provincialis non nisi cum uno socio monasteria ingrediatur. Vide Q. 12. quod possit etiam cum duobus. Et Greg. XIII. in quadam Constit. quæ incipit : *Dubius, quæ emergunt*, &c. data Romæ apud S. Petrum die 23. Decemb. 1581. Superioribus Regularibus facultatem concedit ingrediendi monasteria Monialium, in casu scilicet necessitatis : si verò aliquis extra omnem necessitatem ingrediatur, pœnam excommunicationis, ac privationem officii supra eundem decernit. Hæc ibi.

*Dico* 3. Didic. Sororum nostrarum Constitutiones ibidem sic habent : Quando aliquis prædictorum ingreditur, Priorissa cum tribus antiquioribus eum semper comitetur, aliæ verò non discurrant, sed sint in Capitulo, vel in Ecclesia, vel in alio loco honesto omnes, præter illas, quæ necessariò occupantur in aliquibus officiis, donec regressus fuerit extra domum. Nulla loquatur cum aliquo ingrediendum seorsim ab aliis, nisi forsan occasionaliter cum aliquo prædictorum, qui possunt, & debent intrare, & hoc de licentia, exceptis Priorissa, & tribus fororibus ad hoc deputatis. Priorissa, & prædictæ tres Sorores simul stent, & simul vadant binæ, & binæ. Loquantur autem cum illis, quos ex aliqua causa contigerit ingredi, de expedientibus, breviter, & suc-

cinctē. Item, si oportet intrā terminos Sororum aliqua opera fieri necessaria, poterunt intrare operarii aliqui de licentia Prioris, Provincialis, vel Vicarii: & tunc Priorissa, & Superiorissa, & Procuratrix, vel aliae tres de sororibus antiquioribus, & maturis, ad hoc deputatae, Operariis loqui poterunt, ita tamen, quod una ab aliis duabus audiatur, aliae verò nullo modo loquantur eis nec etiam ad eos accedant. Hæcibi.

*Quomodo se habeat Confessarius, si intrā claustrum infirmæ Moniali debeat ministrare Sacramenta?*

**LXXIV. Dico:** Hic ibidem nostris præscribitur modus: Si aliquam ita infirmam contingerit, quod ad locum consuetum Confessionis, ac Communionis venire non possit, si desideret confiteri, tenebitur Confessarius ad cameram infirmæ venire, associatus Priorissa, & duabus aliis Sororibus antiquioribus, & interea dum infirma confitebitur, focius Confessarii cum eo, monasterium ingressus, manebit penes Priorissam, & illas duas Sorores supradictas in loco remotiori, dummodò tamen Confessarium infirmæ assistentem commodè videre possit juxta Bullam Alexandri VII. Si verò etiam communicare oportuerit, Sacerdos in superpelliceo cum stola Corpus Christi deferens reverenter, præcedentibus eum duabus sororibus cum cereis, & una cum aqua benedicta, & alia campanulam deferente, associantibus nihilominus aliquibus de maturioribus sororibus ad infirmariam vadat, & infirmam communicet, prout in Ordinario continetur. Si autem aliqua soror infirmetur in tantum, quod eam inungi oporteat, tunc sacerdos indutus, ut supra de Communione dictum est, Oleum sacrae Unctionis deferat, & una sorore crucem portante, præcedentibus duabus cum cereis ad infirmariam vadat, & totus Conventus eum processionaliter antecedit, intrans autē sacerdos infirmariam dicat: *Pax huic domui:* & cætera fiant, sicut notatum est in Ordinario, ita tamen quod absterisiones cum stupis fiant, vel a Priorissa, vel ab aliqua sorore, cui injunxerit. Cavendum est autem, ne defacili multiplicantur ingressus, modò causa Communionis, modò causa Unctionis, sine magna necessitate: sed simul fiat utrumque. Cum autem simul communicari, & inungi aliquam oportuerit, soror aliqua crucem portet, & Pater focius sacram deferat Unctionem, & primò fiat Communio, deinde Unctio; & in illo casu remaneat Convēntus in infirmaria usque ad completionem Officii. Porro ubi copia Ministrorum supradictorum non habetur in promptu, vel propter aliquam necessitatem festinare oporteat, omnia Ministrorum assistentia, omnique alio apparatu, ac solemnitate fiant omnia eo

*Tribunal Confessarium.*

modo, quo melius perfici poterunt.

**LXXV. Estne Monialium Confessario, vel Superiori licitum intrā claustrum in infirmaria, vel cellula vicina aperta in altari portatili decedenter præparato legere Missam pro solatio infirmæ Monialis?**

**Dico 1.** Non licet saltem ordinariè, nec in ordinariis, etiam gravibus infirmitatibus, quamvis sit magna festis.

Ita patet ex Trident. Sess. 25. cap. 5. sic statuente: *Ingredi intrā septa monasterii nemini liceat cujuscumque generis, aut conditionis, sexus, vel ætatis fuerit, sine Episcopi, vel Superioris licentia in scriptis obrenta, sub excommunicationis pena ipso facto incurrenda.* Dare autem tantum Episcopus, vel Superior licentiam debet in casibus necessariis, neque alius alio modo possit, etiam vigore cujuscumque facultatis, vel indulgentiæ concessi, vel in posterum concedendi. In præsentī autem non est casusurgens, vel necessarius pro ingressu, quia Moniales, tam graviter infirmæ, ut ad Chorum, vel Crates accedere nequeant, ad Missam audiendam non tenentur. Unde & sacra congregatio Rituum anno 1605. die 22. Augusti declaravit, ne in Monialium infirmaria sacrificium Missæ celebrari permittatur. Ex quibus patet, quod per Trid. sit revocatum privilegium in hoc casu a Leone X. concessum Monialibus S. Claræ.

**Dico 2.** In casu raro, & extraordinario infirmitatis per plures annos durantis, & vix curabilis, ita ut infirma ad Crates accedere, vel deferri nullatenus possit, probabiliter est cum debito Superiorum consensu id licere, saltem aliquoties in anno in magnis festivitibus, in quibus infirma specialiter petit sacram Communionem. Ita a fortiori debent docere illi, qui tenent id licere toties, quoties Moniales juxta suam Regulam tenentur communicare, nimirum Miranda, qui citat Rodriguez, & Probabilem. Item Pelizarius.

**Ratio:** Tum quia hoc nullibi reperitur jure prohibitum, nec dictum privilegium Leonis X. quoad hunc rarum casum videtur revocatum per Trident. aut per illam Cardinalium declarationem, quia ad hunc casum non censentur se extendere, qui videtur esse sat urgens, ac necessarius, ne infirma tot annis careat solatio sacrae Missæ, durum enim certè esset eo tamdiu carere. Tum etiam, quia non violatur claustra; supponitur enim, quod Confessarius, vel Prælatum aliunde teneatur, & debeat ingredi ad sacram Communionem infirmæ dandam, immò id per Celebrationem fieret cum majori reverentia, ac decencia, & sine discursibus, qui debent fieri in asportatione Sacramenti. Tum tandem quia Cellæ claustrales regulariter sunt loca decen-

ria, & honesta, nec sunt privata domus, sed ad Ecclesiam pertinentes, unde non comprehenduntur in decreto Trid. quo prohibet celebrari in privatis domibus. Pro majori dictorum intelligentia

**QUÆRO XII.** Quisnam potest dare licentiam non servandi Legem clausuræ, ac ingrediendi?

**LXXVI.** Hæc quæstio movetur propter adducta verba Concilii Trid. loquentis disjunctivè, *sine Episcopi, vel Superioris licentia*, ita ut alterutrius licentia videatur sufficere. Unde

*Resp.* Probabilior sententia est, quod licentia ingrediendi Monialium monasteria non exempta, sed pleno jure Episcopis subjecta, ab ipsis est causa necessaria dari possit: secus est de monasteriis exemptis Regularium, quæ ingrediendi licentia dari potest, & debet a Superioribus eorundem.

*Ratio:* Quia hoc aperte innuit modus loquendi Concilii sub disjunctio. Idem clare legitur in Bulla S. Pii V. incip. *Ut Mendicantium Ordines*, §. 7. Quæ est per Greg. XIII. sit revocata quoad illa, quæ sunt contra, non verò quoad ea, quæ sunt juxta Conc. Trid. Unde & Constitutiones nostræ Auctoritate Apostolica approbatæ dist. 1. c. 1. Lit. L. post relata Concilii Trid. verba, subdit: *Cui decreto inhærens Sacra Congregatio Cardinalium, Concilii Trid. interpretum, consuevit licentias ingrediendi intra septa Monialium ex mera tantum necessitate concedendas, quoad monasteria Regularibus subjecta, pertinere tantum ad ipsos Superiores Regulares.* Anno 1597. die 19. Jul.

Quamobrem post decretum Concilii Trid. Bononiæ 1564. istud habetur: *Admonemus, Reverendos Provinciales, ut circa ingressum ad monasteria Monialium magnam custodiam adhibeant, & quando gravis necessitas pro sui executione officii intrare compulerit, unum tantum, aut duos, ut plurimum socios, eosque graves secum adducant. Inferioribus autem Monialium Præfatis ipsi Provinciales Leges præscribant, quando eis, & cum quibus sociis ingredi liceat: super quo eorum conscientias oneramus.* Hæc ibi.

Verum eadem Sacra Congregatio 3. Nov. 1610. aliter sic statuit: *Monialium monasteriorum exemptorum, & Regularibus subjectorum septa nemini ingredi liceat, nisi licentia in casibus necessariis concedenda, ne dum a Superioribus Regularibus, sed etiam a locorum Ordinariis obtenta fuerint. Non obstantibus quibuscumque contrariis Legibus, Statutis, consuetudinibus etiam immemorabilibus.*

Tandem, ut tolleretur omnis difficultas, quæ ex hoc decreto fortè posset oriri, negotio iterum in eadem sacra Congregatione proposito, & Sanctissimo Papæ relato die 21. Maii 1630. Sanctitas sua declaravit, hujusmodi licentias a

Superioribus Regularibus non esse petendas in illis locis, in quibus adesse consuetudo, ut istæ ab Episcopis tantum concedantur: hoc enim casu statuit, & decrevit, talem consuetudinem esse observandam, & ipsorum Episcoporum tantummodo licentias sufficere, etiam privative quoad ipsos Regulares, &c. Standum ergo est his declarationibus. De quibus (ait nolter Donatus Tom. 4.) ego nullatenus dubito; tum quia fuerunt sub diversis Pontificibus multoties uniformiter repetitæ; tum etiam quia videntur renovatæ per decretum ejusdem sacre Congreg. jussu Urbani VIII. editum 15. Nov. 1623. Et

*Ratio est:* Quia consuetudo legitime præscripta veterem Legem abrogat, & novum privilegium infert.

*Debetne licentia ista, necessario haberi in scriptis?*

*Affirmo* juxta clara verba Concilii Trid. Hoc tamen probabilius practicè intelligendum est de casibus extraordinariis, & quidem etiam in foro conscientie, non verò de repentinis, & ordinariis, uti est, ingressus Medicorum, Chirurgorum, Operatorum, &c.

*Ratio 1. p.* Tum ut evitetur periculum incurrendi excommunicationem, tum etiam, ut licentia detur rarius, & maturius.

*Ratio 2. p.* Tum quia esset valde onerosum toties petere, & dare licentiam in scriptis: tum etiam quia non semper est facilis accessus ad Superiorem. Ergo sufficit consensus naturalis requisitus, ore tenus datus, vel præsumptus ex rationabili legitime præscripta consuetudine.

**QUÆRO XIII.** Cujus est clausuram Monialium promovere, conservare, visitare? Item possuntne Episcopi prolibitu, aut visitationis, vel electionis causa intrare, ut clausuram inspiciant, an ritè servetur?

**LXXVII.** *Resp.* 1. Conc. Trid. Sess. 25. de Reg. c. 5. decernit, Bonifacii Octavi Constitutionem (quæ incipit: Periculoso) renovans sancta Synodus universis Episcopis subobtestatione divini judicii, & interminatione maledictionis æternæ præcipit, ut in omnibus monasteriis sibi subiectis, ordinaria; in aliis verò Sedis Apostolicæ auctoritate, clausuram Sanctimonialium, ubi violata fuerit, diligenter restitui; & ubi inviolata est, conservari maxime procurant: inobedientes, atque contradictores per censuras Ecclesiasticas, aliasque pœnas, quacunquæ appellatione postposita, compescentes, invocato etiam ad hoc, si opus fuerit, auxilio brachii secularis. Quod auxilium ut prebeatur, omnes Christianos Principes hortatur Sancta Synodus, & sub excommunicationis pœna, ipso facto incurrendæ, omnibus Magistratibus secularibus injungit. Hæc ibi.

Subjungit in hæc ejusdem Cap. Et quia monaste-

naſteria Sanſimonialium extra mœnia urbis, vel oppidi conſtituta, malorum hominum prædæ, & aliis facinoribus ſine ulla ſæpe custodia ſunt expoſita, curent Episcopos, & alii Superiores, ſi ita videbitur expedire, ut Sanſimoniales ex iis ad nova, vel antiqua monaſteria intrâ urbes, vel oppida frequentia reducantur, invocato etiam auxilio, ſi opus fuerit, brachii ſæcularis. Impedientes verò, vel non obediētes per cenſuras Eccleſiaſticas parere compellant. Ita Concil.

*Reſp. 2.* Episcopos, & alii Monialium Superiores Prælati poſſunt quidem in calu neceſſario, v.g. viſitationis, vel ſimilis rei gratia cum ſe ipsis (uti cum aliis) diſpenſare ad ingreſſum clauſuræ ſibi ſubjectæ: attamen in tutiori, & probabiliore ſententia prohibitu, ſine juſta, & legitima cauſa, ac urgente neceſſitate id non poſſunt. Ita apertè colligitur ex ante adductis verbis Tridentini: *Ingreſſi nemini liceat, & cujuſcumque conditionis fuerint.*

*Ratio 1. p.* Tum quia in nullo jure expreſſo videtur prohibitum, tum etiam quia, ut dicitur in ſrâ num. 90. qui in ſimilibus poteſt diſpenſare cum aliis, poteſt & ſecum, ex juſta tamen cauſa.

*Ratio 2. p.* Juxta Legem, illud, ſc. ad L. *Aquilianam, cum multis ſimilibus*, ubi eſt eadem ratio, idem eſſe juſ, conſendum eſt. Et juxta l. non poſſunt, ſ. de Legibus, valet argumentum à ſimili. *Subjumo*: Sed quoad hoc eadem, aut ſaltem ſimilis ratio diſtat, quòd Episcopos, & Monialium Prælatos non debeant ſine legitima cauſa, ac neceſſitate ingreſſi clauſuram; ut nimirum Monialium quieti conſulatur. Ergo.

Confirm. ex Bulla extrav. Gregorii XIII. incip. *Dubiis, qua emergunt*, edita 1581. die 23. Dec. in qua; facta hæc Episcopis, & Prælatiſ prohibitionem, ſubditur: *Quod ſi contra fecerint, eadem auctoritate Apoſtolica ſtatimur*, atque decernimus, qui Pontificaliſ dignitatis fuerint, eos pro prima vice, qua contra fuerint, ingreſſu Eccleſia interdicit; pro ſecunda, à munere pontificali, & a divinis ſuſpenſos, ac deinceps ipſe factis, abſque alia declaratione excommunicatis exiſtere: Regulares verò omni officio, ac miniſterio privates excommunicationi ſimiliter ſubjacerent. Non obſtante ſubjunctumque, &c.

*Reſp. 3.* De ſaſſo juxta probabiliorem ſententiam procurare obſervantiam clauſuræ Monialium, etiam exemptarum non ſpectat ad ſolos Episcopos, etiam ut Sedis Apoſtolice Delegatos, ſed ſimul, conjunctim, & cumulative ad ipſos, & ad proprios Monialium exemptarum Prælatos.

Ita patet clarè ex Coſtitutione S. Pii V. incip. *Cura paſtoralis*, edita 1566. Kalendas Junii, ubi Ordinariis locorum mandat, ut in monaſteriis Monialium ſibi ordinario jure ſubjectis,

*ſua; in his verò, qua ad Romanam mediata, vel immediata ſpectant Eccleſiam, Sedis Apoſtolice auctoritate, unâ (NB.) cum Superioribus eorundem clauſuram, ut præmittitur, quamprimum potuerint, ſervari procurent.* Hinc etſi Episcopos poteſtatem viſitandi clauſuram exemptam Monialium non habeat dependenter a Prælatiſ Regularibus, eam tamen licitè exercere non poteſt ſine illis: niſi moniti, ut, quæ ad clauſuram pertinent, procurent, reculeant, vel tardent procurare: quia in hoc calu poſſet Episcopos Moniales Regularibus ſubjectas in iis, qua clauſuram concernunt, toties viſitare, quoties verè cognoverit expedire, ut Sacra Congregatio Concilii cenſuit 17. Julii 1597. ſeu quoties, & quando opus fuerit, ut dicitur in Bulla: *Inſcrutabili*; non autem ſi nulla appareat neceſſitas, vel ſuadeat utilitas: hoc enim eſſet ſine cauſa inquietare moniales, & abuti ſua poteſtate.

*Reſp. 4.* Episcopos, prætextu videudi, an clauſura ſit violata, non poſſunt licitè intrare monaſterium Monialium ſibi non ſubjectarum, niſi ſit publicum, quòd ſit violata, & ſemel, iterumque monerit ordinarios earum Prælatos. Unde poſſunt tantum videre, vel viſitare exterius.

*Ratio*: Quia Concil. Trid. expreſſè prohibet ingreſſi, niſi in calu urgente, & neceſſario, qui in præſentem eſt.

*Reſp. 5.* Nec poſſunt Episcopos intrare ad conſecrandas, vel benedicendas Sorores. Nec ad faciendam electionem, vel Confirmationem in Abbatiffæ, nec ad faciendam exhortationem, vel ad indicendam, aut faciendam viſitationem Sororum.

*Ratio*: Quia hæc omnia poſſunt fieri ad crates. Ergo non eſt caſus neceſſarius, & urgens a Tridentino requiſitus.

*Reſp. 6.* Tutius, & probabilius ad mentem Tridentini eſt, quòd nec ordinariis prælatiſ Monialium ingreſſus clauſuræ ſit licitus præciſè ad faciendam electionem, exhortationem, viſitationem Sororum, vel ad eam indicendam.

*Ratio eſt quæ ante. Dixi, præciſè.* Si enim concurreret ſimul alia cauſa, ut ad clauſuram interiorem perluſtrandam, ad viſitandas infirmas, ad videndum an ædificia, dormitoria, officinæ, &c. ſint religioſe, ac convenienter aptata: vel ſi quid tale ſit, quod ad crates commodè fieri non poteſt, licitus eſt ingreſſus.

QUÆRO XIV. Quomodo reſolvitur hoc caſus?

LXXVIII. 1. Episcopos, vel Prælatos poteſtne dare Matri licentiam ingreſſendi clauſuram, ut inviſat ſuam filiam graviter decubentem; vel ut interſit ejus Profeſſioni, aut Inveſtitioni?

2. Poteſtne deficiente medico mulier medi-

ca intrare moaasterium virorum, ut curet Religiosum periculosè infirmum, exire ooo valeotem?

3. Mooialis itioerans, vel fugitiva potest hoc recipi ad clausuram alterius monasterii sui Ordinis?

4. Possuntne recipi infantes, aut amentes?

R. ad 1. negativè, juxta quoadam expressam Declarationem Cardinalium.

Ratio: Quia oon est casus necessarius, præsens enim Matris non curabit infirmam, & filia loco solatii ob amoris teneritudinem magis affligetur.

Ad 2. Probabilius affirmo cum nostro de la Cruz, si fiat saltem cum licentia Prioris de consilio discretorum, associantibus quibusdam secularibus, ut sic vitetur scaodulum.

Ratio: Quia observantia clausuræ solum est de Lege humana, conservatio autem vitæ est de jure naturæ.

Ad 3. R. negativè pro utraque parte. Ratio: Quia non est casus necessarius a Tridentino requisitus, possunt enim tales Sniores ad interim extra clausuram accommodari. Uode non possunt ad clausuram admitti sine speciali consensu Sedis Apostolicæ, & ita habet praxis Romana. Fortè tamen ad id licentiam dare potest Nuocius Apostolicus illius Provincie. Consuli etiam potest Ordinarius loci, si fortè speciali quadam facultate possit eam quoad hoc.

Ad 4. De infantibus R. quod possint ad clausuram admitti, & Moniales ooo peccent eos admittendo, putà, qui sunt doli expertes, seu discretiores, ac usu ratiois carentes. Secus est de amentibus adultis.

Ratio 1. p. Quia insantes non possunt Moniales inquietare, nec eis esse occasio peccati. Hinc illa supra adducta verba Trideotioi, cuiuscumque ætatis, intelliguntur de illis, qui habent ulum ratiois.

Ratio 2. p. Licet amentes adulti reverà sicut iocapaces obligationis Legis, ac peccati, prohibeatur tamen admitti intrà septa monasterii Mooialium idèò, quia possunt illis esse occasio peccati, & tumultus, inter illas excitando turbas, jocando, turpiter loquendo, vel agendo. Ergo Mooiales mortaliter peccant immò excommuicationem iocurrunt eos admittendo.

LXXIX. Opposio 1. contra hoc de amentibus. Etiam infantes malculi Monialibus, & infantes foemellæ Monachis possunt esse occasio peccandi per tactus, oscula: Sed hoc oon obstatote possunt illi admitti; Ergo & amentes a Monialibus.

2. Admittere aliquem ad clausuram, cui ingressus non est prohibitus, noo est peccatum: Sed iogressus clausuræ amentibus non est prohibitus, quia non sunt capaces Legis. Ergo.

3. Hominem usu rationis carentem admit-

tere ad clausuram, idem est, ac admittere brutum: Sed Mooialibus licet admittere brutum. Ergo.

4. Amentibus in die jejunii non taotum semel, sed sæpius licet dare carnes, & hoc idèò, quia non teoetor Lege Ecclesiastica jejuii, aut abstinentiæ. Ergo similiter.

Ad 1. dist. maj. Possunt esse occasio proxima, & perse, N. maj. Quia communiter, & perse loquendo ad infantes ooo habetur affectus libidinofus. Possunt esse occasio valde remota, & solum per accidens, nimirum præcisè ex malitia hujus, vel illius Monialis infante per tactus, aut aspectus in partibus secretinribus abutentis, C. maj. & concessa mln. N. conf. Fateor tamè optimè, & prudèntissimè facturus Monialium Superiores, si severè prnhiberent malculorum ad eas iogressus. Et eadem ratione in aliquibus locis sanctis eis prnhibetur catuli, & alia quædam bruta Monialium usui oon necessaria.

Ad 2. dist. maj. Si ex illa admissione non possint sequi mala, absurda, & inconvenientia, uti ostensum est magis ordioari posse sequi ex admissione amentium, quam infantium ad clausuram, C. maj. secus, N. maj. Bene enim stat, quod is, qui amentem ad aliquos adus inducit, graviter peccat, licet amens Legis, & peccati incapax sit.

Ad 3. dist. maj. Si præcisè consideretur carentia usus rationis, C. maj. Si simul consideretur occasio malorum, & inconvèioetium, N. maj.

Ad 4. N. conf. Disparitas est: Quia ex ono non sequuntur mala, quæ ex altero. Item ingressus monasterii Monialium in amente adultum non potest aliqua ratione cohonestari, sicut ministratio cibaliàs prohibiti, nimirum vel ratioe morbi, vel ne humor melancholicus amentiam augeat, aut vitæ periculum causet.

QUÆRO XV. Quid sentis de Lege tributorum, & vestigalium?

LXXX. Aote R. Suppoo 1. hæc, & similia nomina, vestigal, tributum, gabella, collecta, præstatio, accisa, stipendia, talia, pedagia, &c. licet pro lincorum, & occasiooium, vel rerum diversitate varientur, quoad præfatos tamen a DD. pncodem sumuntur, cum eadem sit ratio tractandi de uno, ac de alio. Significat autem censum, vel pensum aliquod ex subditorum bonis, agris, domibus, pecnribus, mercibus, &c. vel etiam ratione transitus præstandum Principi terræ pro sua, ac Reipublicæ oecessitate.

Suppoo 2. Ut tributa sint iusta, requiri r. Ut sint imposita ab habente auctoritatem, v. gr. a Capite Reipublicæ perfectæ, aut a consuetudine immemoriali. 2. Ut oon imponantur ad ditandus Reges, aut io luxum eorum, vel res vanas, sed ad congruam Principis sustentationem, & commuèam utilitatem, ver. gr. ad



ad iustum bellum, ad viarum reparationem, &c. qua causa cessante cesset tributum: cui consuetudo etiam immemoralis ob stare nequit. 3. Ut in solvendis tributis servetur proportio in ordine ad necessitatem communem, & ad subditos, ita ut parva, & brevi necessitate non petantur tributa magna, & diuturna: nec tantum a pauperibus, quantum a divite. 4. Ut non imponantur Personis privilegiatis, seu exemptis sine licentia Papæ, v.g. Religiosis utriusque sexus, aut Clericis majorum Ordinum, vel etiam minorum, si beneficium habeant. Nam ab eis exigentes, & ad id consilientes, auxilium, faventes, exequentes, &c. excommunicantur. Addunt aliqui insignes Doctores, ut Cajetanus, Navarrus, &c. hanc conditionem, ut scilicet non imponantur illis, quæ vehuntur ad proprium usum. Sed praxis huic salutare doctrinæ obstat, ut patet in tributo dicto *accisa*, quod in quibusdam locis imponitur vino, oleo, carnibus ad proprium usum destinatis; uti, & pecoribus domi privatim saginatis, & mactatis. Res sanè dura, & nisi necessitas excuset, periculosa: Utinam saperent, & hæc prædictæ intelligerent quorundam Principum Consilarii in gabellis excogitandis, & Principi suo suggerendis dexterrimi. His suppositis

*Resp. 1.* Leges iustæ tributorum, & vestigalium non sunt purè penales, sed obligant in foro conscientiæ, non tantum ad solvendum, sed etiam ad non solvendum, & defraudatum restituendum. Hæc est sententia tutor, & probabilior apud Thomistas, & multos extraneos, qui tamen non negant, posse in aliquo casu a Principe cuidam loco in poenam alicujus delicti imponi legem cujusdam tributi purè poenalem.

*Ratio 1.* Quia obediendum est iustis Legibus. Unde Apostolus ad Rom. 13. ait: *Necessitate subditi estote, etiam propter conscientiam, idem enim (ubi notetur connexio cum eo, quod dixit de conscientia) & tributa præstatis. Reddite ergo omnibus debita, cui tributum, tributum; cui vestigal, vestigal.*

*Ratio 2.* Leges tributorum, & vestigalium fundantur tum in iustitia legali, qua pars iuxta viarum suarum proportionem tenetur in subsidium communis necessitatis: tum in commutativa, qua propter onera, & curam boni publici, suo principi, vel Magistratui subditi debent sustentationem, & congruos redditus. Ergo.

*Resp. 2.* Si communi fama, ac populi persuasionem tributum, aut vestigal censetur esse iniquum, aut sub prætextu congruæ sustentationis, vel alterius necessitatis impositum, cedat in usus non necessarios, v.g. ad nutriendam pompam superfluum, vel ad avaritiam, &c. non obligant in conscientia: si ve ad solvendum, si ve ad non solvendum restituendum. Ita Sylvester, & alii.

*Ratio:* Quia Lex iniusta secundum se non ligat in conscientia. Dixi, secundum se, quia bene monet dictus Auctor, quod in hoc casu possit pericari ratione mendacii, perjurii, vel scandalii, & huiusmodi: adeoque ratione scandalii vitandi, & publicæ tranquillitatis causa quilibet indistincte tenetur.

*Resp. 3.* Si quis iniuste esset a Principe damnificatus, vel Princeps esset ejus debitor, & non posset ulla alia via a Principe, hujus debiti conficere, rehabere suum, potest sibi, secusulo scandalo, & alio quovis peccato, satisfacere non solvendo gabellas, licet quidam tertius eas emerit: nisi iudicet, hunc emptorem graviter damnificandum. Ita Sylvester, & alii.

*Ratio ejusdem est:* Tum quia illi communiter gabellas emunt minori pretio, propter similes fraudes, quas sciunt communiter fieri: tum etiam, quia Princeps non potest alteri vendere meum, sed meum est jus retinendi mihi illud, quod aliis Principi deberem, si ille mihi non deberet. Ergo.

*Resp. 4.* Si non aperte constet de iustitia, nec de iniustitia gabellæ, aut vestigalium, sed dubitetur, tutius, & probabilius est, subditos in conscientia teneri solvere.

*Ratio patet ex illo generali principio: In dubiis presumendum est pro Principe, seu Superiore; a quo si semel recedatur, ruet tota boni Regiminis ratio. Nec valet, quod alii dicunt, hoc principium solum verificari, quando non agitur de interesse Regis. Non, inquam, valet, quia interesse Regis quod talis, est interesse ipsius Regni. Nam Rex propter Regnum, non è contra; ut supra dixi. Unde in favorem subditorum etiam hic non valet illud: *Melior est conditio possidentis*; de quo in Tract. 2. de conscientia Exam. 1. nu. 12. & 13.*

LXXXI. *Quomodo* resolvitur hunc casum? In cujusdam Principis consilio tractatur de impositione alicujus tributi iniusti, major pars Consiliariorum consentit. Quid faciet pars minor, votis inferior? nonne salva conscientia etiam potest consentire, quia plurima votavalerent?

*Dico:* Non potest sine mortali: *Ratio:* In nullo casu licet approbare malum, vel positivè ad illud concurrere. Si minor pars, sciens se non consentiente majorem partem sua vota retractaturam, tamen consentiret, peccaret non tantum contra Charitatem, sed & contra iustitiam, adeoque tenetur ad restitutionem. *Ratio:* Quia esset causa efficax iniustitiæ. Si autem minor pars, sciens, se non consentiente, tributum tamen esse imponendum, consentiret, peccaret mortaliter, sed solum contra charitatem, non contra iustitiam. *Ratio:* quia non est causa efficax iniustitiæ, ut potè, quæ nihilominus fieret. Simile in eligente indignum, quia aliunde



declingeretur. Vide Tract. 2. Exam. 3. n. 33. quam sententiam teneatur sequi Princeps in impositione tributorum.

QUÆRO XVI. Teneturne omnes lege humana, etiam ipse Legislator, Princeps, Monarcha? Clerici, & Religiosi lege civili, vel dicecesana? & quomodo peregrini, vagi, pueri, amentes? vel danturne homines exleges?

LXXXII. Resp. 1. Nulli dantur in hac vita homines, etiam iusti exleges. Ita S. D. q. 96. a. 5. in Sed Cont. sic arguens: Apostol. Rom. 13. dicit *Omnis anima potestatis sublimioribus subdita sit*. Sed non videtur esse subditus potestati, qui non subiicitur legi, quam fert potestas. Ergo omnes homines debent esse legi subditi, consequenter non dantur homines exleges.

*Declarat* hoc ulterius S. D. in c. Lex de sui ratione duo habet. Primò quidem, quòd est regula humanorum actuum; secundò, quòd habet vim coactivam. Dupliciter ergo aliquis homo potest esse Legi subiectus: uno modo, sicut regulatum regulæ, & hoc modo omnes illi, qui subduntur potestati, subduntur legi, quam fert potestas. Alio modo dicitur aliquis subiectus Legi, sicut coactum cogenti: & hoc secundo modo homines virtuosos, & iusti non subduntur Legi, sed soli mali; quod enim est coactum & violentum, est contrarium voluntati, voluntas autem bonorum consonat legi, à qua malorum voluntas discordat. Et in hoc sensu in R. ad 1. explicat. S. D. illud 1. ad Tim. 1. Iustus non est positus Lex. Vide sup. in hoc. Tractat. Exam. 2. n. 11. ad Oppos. 2.

Resp. 2. Princeps, & Monarcha tenetur suis legibus quoad vim directivam, est autem solutus à his quoad vim coactivam.

*Declarat*, & probat hoc Sanctus Doctor ibidem ad 3. dicens: Princeps dicitur esse solutus à Lege, quantum ad vim coactivam Legis: nullus enim propriè cogitur à se ipso. Lex autem non habet vim coactivam, nisi ex Principis potestate. Sic igitur Princeps dicitur esse solutus à Lege, quia nullus in ipsum potest iudicium condemnationis ferre, si contra Legem agat. Unde super illud Psal. 50. Tibi soli peccavi, &c. dicit Gloss. quòd Rex non habet hominem, qui sua facta diiudicet. Sed quantum ad vim directivam Legis Princeps subditur Legi propria voluntate, secundum quod dicitur, *extra de constit. C. cum omnes*: Quod quisque juris in alterum statuit: ipse eodem uti debet. Et Sapientis dicit auctoritas: Patere Legem, quam ipse tuleris. Improperatur etiam his à Domino: Quid cupit, & non faciunt, & qui aliis onera gravia imponunt, & ipsi nec digito volunt ea movere, ut dicitur Matth. 23. Unde quantum ad Dei iudicium Princeps non est solutus à Lege, quantum ad vim directivam ejus, sed debet voluntarius, non coactus Le-

gem implere. Est etiam Princeps supra Legem, in quantum, si expediens fuerit, potest Legem mutare, & in ea dispensare pro loco, & tempore. Hæc ibi.

Ex his patet, quòd, & quomodo Papa teneatur ad jejunium, confessionem annuam, &c. & Rex ad certa mercium pretia à se statuta. Fateor tamen, si Lex esset circa materiam, cujus observantia conditionem Principis dedecreret, v. g. de non portando gladio, &c. eum non ligaret, etiam quoad vim directivam. Hinc data resolutio tantum intelligitur de materia, quæ subditis, & Principi est communis, non quæ subditis est propria.

Dixi in R. 2. *Princeps, & Monarcha*, sive sit Ecclesiasticus, sive secularis. Est autem Monarchia Principatus unius, seu quando unus præest absolutus, & independens à aliis. Et hic tenetur suis Legibus, quoad solam vim directivam. Nam si loquamur de Regimine Aristocratico, ubi Optimates dominantur, ejusque Leges vocantur *Senatus consultum*: vel si loquamur de Regimine Democratico, ubi summa potestas est penes cæterum populi, ejusque Leges vocantur *Plebiscita*: non est dubium, quemlibet tum ex Optimatibus, tum ex populo teneri Legibus, etiam vi coactiva: quia quilibet illorum respectu totius cætus, est verus subditus.

LXXXIII. Resp. 3. Clerici, ac Religiosi Legibus pro communi Reipublicæ gubernio latis, suo statui, ac immunitati non præjudicantibus tenentur indirectè, ac sola vi directivæ directè orta ex Lege naturali, & Ecclesiastica, quæ vult, ut qui sentit commodum (Reipublicæ) sentiat etiam onus, saltem quod suo statui non præjudicat: non verò tenentur indirectè, ac vi coactiva.

Ratio 1. p. est hic inserta perly, *Qui sentit commodum &c.*

Ratio 2. p. Quia Clerici, ac Religiosi non sunt subditi foro civili.

Resp. 4. Tutius, & probabilius videtur, quòd Religiosi exempti, quoad ea, quæ suo statui, & privilegiis non præjudicant, & ad communem observantiam, ac totius populi devotionem spectant, ut sunt, festa, publicæ Processiones, jejunia, &c. sub peccato mortali in re gravi teneantur Legibus Episcoporum saltem indirectè, & ex naturali aequitate ratione conformitatis cum aliis.

2. Licet non directè, & ex vi earum.

Ita de festis, & censuris, ac Processionibus Sess. 25. c. 12. statuitur à Tridentino decernente: Censuræ, & interdicia, nedum à Sede Apostolica emanata, sed etiam ab Ordinariis promulgata, mandante Episcopo à Regularibus in eorum Ecclesiis publicentur, atque serventur. Dies etiam festi, quos in diebus suis servandos idem Episcopus præceperit, ab exemptis omnibus

bus, etiam Regularibus, servantur. Et cap. 13. Exempti autem omnes, tam Clerici sæculares, quam regulares quicunque, etiam Monachi, ad publicas Processiones vocati, accedere compelluntur: iis tantum exceptis, qui in strictiori clausura perpetuò vivunt. Hæc Concilium. Quod ibi præmittit, omnes Religiosorum, & Clericorum controversias de præcedentia in Processionibus, vel Sepulturis, & similibus, esse componendas ab Episcopo, amota omni appellatione.

*Ratio* 1. p. de obligatione indirecta est. Quia Ratio, & æquitas naturalis dicit, quod pars debeat habere conformitatem cum toto.

*Ratio* 2. p. Quia Religiosi exempti non sunt subditi Episcopo, sed habent Superiores, jurisdictionem quasi Episcopalem habentes, immediate subiectos Papæ.

LXXXIV. *Resp.* 5. Qui sunt in territorio alieno, sive transeundo, sive immorando, non tenentur Leges particulares sui territorii servare. 2. Nisi sint tales, qui ex officio tenentur esse præsentés, aut quibus absentia, seu omisio moraliter imputatur.

*Ratio* 1. p. Nullum agens agit extra suam sphaeram; sed sphaera activitatis Legislatoris est proprium territorium. Unde est illud ex jure: *Extra territorium jus dicenti non paratur impune*. Ergo extra illud non habet jurisdictionem saltem aequalem in subditum peregrinantem, sed solum habitualem.

*Secunda pars* patet ex eo, quia Parochus extra Diocesim vagans peccat contra Leges Diocesanas, non faciendo ea quæ sunt Officii Pastoralis. Idem est de Clerico non comparante ad Synodum.

*Resp.* 6. Probabilius, & tutius est peregrinos, & advenas teneri servare Leges territorii, per quod transeunt, v.g. in celebratione festi audiendo Sacrum, abstinendo ab onere servilli, vel à cibis prohibitis in die jejunii, si sint ibi toto manè respectu festi, vel toto die respectu abstinentiæ, nisi ex alio capite excusentur. Idem à fortiori dicendum est de vagis, id est, nulli domicilium habentibus, vel diu morantibus.

*Ratio* datur à Gonet; Si brevis absentia sufficit ad Viatores extendendos à subiectione Legis proprii territorii, à quo discedunt, debent quoque sufficere ad illos subiiciendos legibus alieni territorii, per quod transeunt: *par enim est, ut sentiat onus, qui sentit commodum*, ut habet Regula Juris.

Sequitur ex dictis, 1. eum, qui manè discedit ex territorio, ubi ligat Lex jejunii, & vespere venit ad locum, ubi non est jejunium, posse in cœna comedere carnes: qui non tenetur ad Legem particularem sui territorii: Nec censetur quis ex dolo agere, qui utitur jure suo, nisi expressè dolum, seu fraudem intendat.

Sequitur 2. Eos à fortiori, statim subiecti Legibus particularibus loci, qui ad eum veniunt animo ibi perpetuò, vel ad longum tempus, vel ad aliquot menses, aut septimanas manendi alicujus negotii tractandis causa, v.g. Legatos, Studiosos, Mercatores, &c.

Sequitur 3. à fortiori, advenas, & peregrinos teneri Legibus communibus loci, ad quem veniunt, licet illi in propria Patria non vigeant, v.g. quidam Mediolanensis veniens in Germaniam primis quatuor diebus Quadragesimæ tenetur ad jejunium, à quo Mediolani esset immunis.

*Ratio*: Quia illa immunitas est consuetudo, vel privilegium locale à jure communi exorbitans. Ergo debet restringi ad terminos loci.

LXXXV. *Resp.* 7. Pueri dum pervenerunt ad usum rationis (quod censetur communiter fieri circa septennium) statim incipiunt subiecti Legibus, non solum Divinis, sed & Ecclesiasticis, excepta Lege jejunii, & Communionis. Est communis sententia.

*Ratio*: Quia ante usum rationis Lex non censetur promulgata. Exceptio à Lege jejunii, & Communionis patet in propriis locis.

Not. tamen, quod illud *statim* non debeat sumi physice, sed moraliter, præsertim quoad Leges Ecclesiasticas. Ecclesia enim veluti pia mater non videtur velle pueros ad auditionem Missæ, v.g. obligare, mox, ut sunt capaces Rationis, nisi ad summum sub veniali: & hoc idè, quia adhuc imperfectè apprehendunt, tum mysteria, tum præceptum ipsum. Ex quo fit, quod faciliè negligant ea, quæ ad præcepti impletionem requiruntur. Hinc & DD. in diversas abeunt sententias, dum aliqui sentiunt, pueros post septennium statim obligari Ecclesiæ Legibus, tempus obligationis expressè non determinantibus, ut sunt Leges auditionis Missæ, annuæ Confessionis, &c. de jejunio enim determinant. De Confessione vide Tracl. 3. Exam. 4. n. 57.

Hæc, ut plurimum determinanda sunt iudicio prudentum, Confessariorum, ac Parentum, qui scient, uti tenentur, attendere, an pueri discernant bonum à malo, an erubescant de mendacio, aut commissa impudicitia, &c. aliis enim citius, aliis tardius iudicium maturescit. Illis firmiter assentiunt, qui tenent, pueros post, vel etiam ante septennium obligari præcepto divino Confessionis in articulo mortis, posito quòd aliquid commiserint, cui peccatum mortale subesse possit, ne exponantur periculo æternæ damnationis.

LXXXVI. *Resp.* 8. Ametēs, & lunatici habentes lucida intervalla obligantur, omnibus Legibus pro eo tempore, quo utuntur ratione. Idem est de ebriis, dormientibus, ignorantibus culpabilitatem, pro tempore ebrietatis, dormitionis, &c.

*Ratio:* Quia non est rationabilis causa deobligationis, cum ebrii, dormientes, ignorantes, culpabiliter tales, sua culpa se conserint in eum statum, in quo Legis obligatio eis est impossibilis. Sicut etiam non apparet ratio, curamentis lucida intervalla habentes, pro illo tempore lucidi non teneantur: ad sunt enim omnia ad obligationem requisita.

*Resp. 9.* Qui permanentes carent usu rationis, nullis tenentur Legibus. *Ratio:* Quia juxta S. Thom. q. 17. de verit. a. 3. Lex est quoddam vinculum rationale.

*Tenenturne infideles, & hæretici Legibus Ecclesiæ Catholicæ?*

**LXXXVII.** *Affirmo* de hæreticis, nego de infidelibus. *Ratio:* Quia infideles, cum non sint baptizati, Ecclesiam nondum sunt ingressi, & Ecclesia nullam adhuc habet in eos jurisdictionem. Hæretici verò per Baptismum veluti janua, Ecclesiam sunt ingressi, & ejus jurisdictioni subiecti. Licet enim non agnoscant subditos Papæ, & Ecclesiæ, hoc fit via facti, non juris. Item licet in pœnam suæ rebellionis ab Ecclesia sint ejecti, & excommunicationi, possunt tamen ab ea cogi redeundum: & ipsi continuo redire tenentur. Hinc toties peccant, quoties Leges Ecclesiæ transgrediuntur, nisi aliqui, nimirum hæretici materiales, excusentur ratione invincibilis ignorantie.

Hæc doctrina scitu necessaria est Confessori in calu, quoaliquem hæreticum vult reducere ad Ovilæ Ecclesiæ Romanæ, ut eum erudiat profacienda prima Confessione sacramentali.

**QUÆRO XVII.** Potestne subditus interdum uti Epikēja, seu agere contra verba Legis?

**LXXXVIII.** *Resp. affirm.* cum S. Tho. q. 194. a. 6. Declaratur, & *Ratio* datur ex eodem ibidem. Omnis Lex ordinatur ad communem salutem, ut suprà dictum est, & in tantum obtinet vim, & rationem Legis: secundum quod verò ab hoc deficit, virtutem obligandi non habet: Sed contingit multoties, quòd aliquid observari communi saluti est utile, ut in pluribus, quod tamen in aliquibus casibus est maxime nocivum; cum enim Legislator humanus non possit omnes singulares casus intueri, proponit Legem secundum ea, quæ in pluribus accidunt. Ergo si emergant casus in quo observatio talis Legis sit damnosa communi saluti, non est observanda.

Explicat hoc exemplo: Si in civitate obfessa statuatur Lex, quòd portæ civitatis maneant clausæ, hoc est utile communi saluti, ut in pluribus: si tamen contingat casus, quòd hostes insequantur aliquos cives, per quos civitas, conservatur, damnosissimum esset civitati, nisi eis portæ aperirentur. Ergo in hoc casu esset portæ aperienda contra verba Legis, ut salvaretur utilitas communis, quam

Legislator intendit. Subdit deinde S. Tho. Si periculum non sit subitum, sed patiat moram non pertinet ad quemlibet, ut interpretetur, quid civitati sit utile, vel inutile, sed solum ad Principes, qui in hujusmodi casibus habent auctoritatem in Legibus dispensandi.

Not. quòd sit triplex interpretatio Legis: 1. Authentica, quæ fit auctoritate illius, qui Legem tulit; & habet vim Legis. 2. Ufualis, quæ fit usu, & consuetudine, quæ inde dicitur *Optima Legum interpret.* 3. Doctrinalis, quæ fit per doctrinam, seu interpretationem Doctorum, & non habet quidem propriè vim Legis, non tamen ei deest pondus auctoritatis, *Cujus virtutis actus est interpretatio Legis?*

*Dico:* Est actus virtutis, quæ est species iustitiæ, juxta S. Tho. 2. 2. q. 120. a. 2. in c. cui virtuti nomen, *Epikēja*, dicta latine *aquitas*, quæ est virtus dirigens actiones in casibus, in quibus Leges, & Regulæ operandi deficiunt. Plura de hoc vide suprà in hoc Tract. Exam. 2. num 14.

**QUÆRO XVIII.** Quid est consuetudo? potestne abrogare, aut inducere Legem, seu habere vim Legis?

**LXXXIX.** *Resp. 1.* Consuetudo bene definitur: *Jus quoddam moribus hominum institutum, quòd pro Legē suscipitur, cum deficit lex.* Unde consuetudo propriè non est ipse frequens hominum usus, sed jus ex eo ortum: unde differt à corruptela, seu abusu, in quo non est jus. Dixi, *Cum deficit Lex*, quæ tripliciter potest deficere. 1. Cum planè non est Lex. 2. Cum sit inutilis. 3. Dum est dubia, vel obscura.

*Resp. 2.* Consuetudo est triplex. 1. Secundum Legem, & hæc Legem vel confirmat, vel saltem interpretatur, ac declarat, si sit dubia, vel obscura. Unde, ut ante dictum, est illud: *Consuetudo est optima Legum interpret.* & sic valet contra tertium defectum. Altera est præter Legem, seu inducitur moribus utentium, ubi Lex non est, quæ præcipiat, aut prohibeat; & sic valet contra primum defectum. Tertia consuetudo est contra Legem, seu quæ aliquid obtinet, quod repugnat præcepto, vel prohibitioni Legis; & sic valet contra secundum defectum. Et de hac potissimum est difficultas.

*Resp. 3.* Consuetudo habet triplicem vim, nimirum interpretandi, abrogandi, ac inflituenti Legem. Ita sequitur ex dictis, & docetur à S. Tho. q. 97. art. 3. in c.

*Ratio* S. D. est; Lex proficiscitur à ratione, ac voluntate Legislatoris: Sed hæc non tantum manifestatur verbo, sed & facto. Ergo sicut Lex potest declarari, abrogari, introduci verbo, ita & facto, seu actibus multiplicatis. Et ad 2. ostendit, quod is, qui incipit primò agere contra legem, non agit malè, dicens: Leges humanæ in aliquibus casibus deficiunt, ut supra

suprà dictum; unde possibile est, quandoque præter legem agere, in casu, scilicet, in quo deficit Lex, & tamen actus non erit malus; & cum tales casus multiplicentur propter aliquam mutationem hominum, tunc manifestatur per consuetudinem, quod Lex ulterius non est utilis. Hæc ibi.

*Resp. 4.* Ut consuetudo Legem abroget, & ipsa vim Legis obtineat, diversæ requiruntur conditiones.

*Prima est*, ut sit iusta, ac rationabilis, ita ut non sit contra aliquam Legem naturalem, vel divinam, ut patet clarè ex cit. S. Tho. ad 1. Unde si quid fiat contra has Leges, est corruptela, ut patet in toleratione Lupanarium, de qua suprà; item ut non præiudicet communi utilitati, ut constat ex definitione Legis.

*Secunda.* Actus consuetudinem non introducant, nisi sint externi, à populo, ac Principe cogniti. *Tertia.* Debent esse actus voluntatis: Unde si alicubi esset consuetudo celebrandi festum alicuius Sancti, quia corpus eius ibi creditur esse sepultum, si postea rescitur, non esse ibi sepultum, consuetudo non amplius obligat. 4. Si Princeps, vel qui præest Communitati, reclamet contra consuetudinem, non obtinet vim Legis, nec Legem abrogat; adeoque requiritur ejus consensus saltem tacitus, seu præsumptus, consensu in hoc, quod non contradicat, cum tamen facile possit. Quamobrem Leges Ecclesiæ in his locis, ubi Catholici, & hæretici sunt mixti, non abrogantur per contrariam consuetudinem hæreticorum, 5. Ut servetur à majore parte populi nimirum à duobus partibus populi, si eum divides in tres loquendo de folis, qui Lege tenentur, sicque non computantur infantes, à mentes, extranei, &c.

*Sexta conditio est*, ut consuetudo non inducatur ex sola devotione, sed cum animo se, aliosque obligandi: quia aliàs nunquam erit Lex, ad hanc enim Legislatore requiritur intentio obligandi. Exemplum consuetudinis ex devotione est in receptione cinerum in feria 4. ante Domin. 1. Quadr. Item in more quotidie ter pulsandi propter Salutationem Angelicam, & audiendi tres Missas in Natali Domini. In dubio, an sit mera devotio, an verò Lex sub peccato obligans, quid sit faciendum, vide in Tractat. 2. de conscientia. Exam. 1. num. 15. 7. Ut non sit præcisè inchoata, nec per contrarium actum interrupta (quia aliàs de novo esset reincipiendum) sed ut sit frequentia actuum continuata, & tandem completa, ac perfecta.

*Octavo* requiritur certum tempus: hinc si consuetudo inducatur à populo cum consensu Principis solum tacito, seu præsumpto (nam si sit expressus, consuetudo illico obtinet vim Legis) servandum est tempus à Jure requisi-

tum, Princeps enim præsumitur velle servare ea, quæ jure communi statuta sunt. Ceterum, cum nec in jure civili, nec in Canonico ullum certum tempus legatur determinatum pro inducenda consuetudine (ut discurret Gonet; hinc sit, quod tempus à Jure requisitum ad præscriptionem (de qua infrà Tract. 8. Exam. 4. n. 52.) requiri censeatur ad consuetudinem. Unde juxta hanc Regulam consuetudo contra Legem civilem requiritur decem annos: contra Ecclesiasticam, quadraginta. Sed hoc est pro foro; nam pro foro poli sufficit. si videamus, prudentes, & timoratae conscientie, viros plerosque talem, vel talem morem servare.

*Potestne* per actus illicitos Lex humana abrogari? Dixi *abrogari*, quod enim pereos non possit institui, patet ex prima conditione?

*Affirmo* cum Cajetano, & Soto. Et in casu licet primi, qui contra Legem justam egerunt, peccarint (nisi ex alio capite excusentur) attamen consuetudine jam completa non amplius erit in peccatum. Et ita est de illis locis, ut in Belgio, in quibus à festo Nativitatis Domini usque ad festum Purific. B. V. velsecutur carnibus in Sabbato. Licet ergo medium, quo consuetudo fuit inducitur, non fuerit rationabile, ipsa tamen postea est rationabilis, si habeat præfatas conditiones. Et in hoc differt à præscriptione; ad hujus enim etiam inchoationem requiritur bona fides, & hoc ideo, ne daretur occasio rapiendi rem alienam, eamque statuto tempore retinendi, & ita præscribendi, quod esset absurdum.

**QUÆRO XIX.** Potestne in Legibus humanis dispensari? & à quo?

**XC.** Ante R. Not. quod dispensatio (prout de ea hic agitur) definitur: Est *juris communis relaxatio facta ab eo, qui habet potestatem relaxandi*, seu auctoritatem publicam super jus: ita ut Lex communis respectu unius, vel alterius relaxetur, manente ejus vigore, seu obligatione respectu cæterorum. Differt ab *irrationatione*, ut patet infrà Tract. 10. de Relig. Exam. 3. n. 39. Differt ab *abrogatione*, quia per eam tota Lex; & à *derogatione*, quia per eam aliquod Legis tollitur respectu omnium. Ab *Epikieja*, seu Legis interpretatione, quia hæc, ut ante dictum, potest etiam fieri à subditis, saltem usualis; dispensatio verò est actus jurisdictionis, ideoque Superioris. Differt à *simplicilicentia*, qualis est, v. gr. in monasterio, ut nemo exeat, nisi cum licentia; hæc enim nihil aliud est, nisi positio conditionis, quam lex requirit, quæ conditio est positio, & concessio exitus: dispensatio autem est directa exemptio à Lege. Differt ab *absolutione*, quia dispensatio est contra Legem communem, ut patet ex ejus definitione: absolutio verò (si absolvendus sit ea dignus, non est contra, sed

secundum illam. Tandem à privilegio differt, quòd hoc aliquando fit præter, & non contra jus: si autem sit contra jus, tunc est idem quòd dispensatio. Quæ quia debet esse causa, non verò privilegium necessarium, ex hoc patet altera differentia. Hoc prenotato

*Resp. 1.* Legislator humanus potest proprie dispensare in sua Lege, seu quæ suæ auctoritati innititur, licet sit à Superiore confirmata. Ita S. Tho. 2. 2. q. 97. a. 4.

*Ratio:* Quia ejusdem potestatis est, Legem condere, ac tollere, ex toto, vel ex parte. Ergo. Dixi. *Licet sit confirmata.* Quia illa confirmatio habet se per modum auctæ approbationis, sine animo inducendi novam obligationem, nisi confirmans sibi reservaret facultatem dispensandi.

*Resp. 2.* Legislator potest secum dispensare in sua Lege, uti & in Legibus prædecessorum suorum, cum quibus parem habet potestatem: à fortiori in legibus suorum inferiorum, v. g. Judicum.

*Ratio est,* tunc eadem, quæ est data pro R. 1. tum quia *par in parem non habet imperium*, bene tamen in subordinatum.

*Declaratur ulterius,* quòd, & quomodo Legislator possit etiam secum dispensare: Principis prudentiæ conceditur gubernatio totius Reipublicæ, quæ est majoris momenti, quàm dispensatio Legum. Ergo etiam potest illi permitti iudicium de æquitate causæ, ut secum dispense. An autem hæc sit dispensatio propriè dicta (de quo potest dubitari, cum Legislator solum indirecè obligetur sua Lege, & nemo propriè possit exercere jurisdictionem in seipsum) parum facit ad praxim. Saltem hoc certum est, quòd dispensatione aliis à sedata ipse gaudere possit (cessat enim tunc Lex naturæ, vi cuius tenebatur se conformare toti) adeoque secum saltem indirecè dispense. Non enim in similibus debet esse deterioris conditionis, quàm subditi. Ex his

Sequitur 1. Papam posse dispensare ex plenitudine suæ potestatis in omnibus Legibus (si nihil Legis divinæ involvant) ac Statutis priorum Pontificum (utpote quibus est par) ac Conciliorum generalium, cum sit super illa, tanquam Caput.

Sequitur 2. quod Papa, sicut potest frui indulgentiis, quas aliis concessit, ita & dispensatione Legis jejunii Quadragesimalis, voti, juramenti, &c.

*Opponit.* 1. Papa non potest seipsum absolvere à peccatis, nec excommunicare. Ergo, nec secum dispensare. 2. Nemo sibiipsi potest conferre beneficium, seu præbendam. Ergo similiter.

*Ad 1.* N. conf. Quia illi actus personales, vel ex jure divino, vel ex natura rei requirunt personarum distinctionem.

*Ad 2.* etiam N. conf. Quia in jure specialiter prohibetur, ne quis sibiipsi conferat beneficium, ad evitandam labem avaritiæ.

*Resp. 3.* Prælati inferior per se loquendo cum suis subditi non potest dispensare in Lege superioris Prælati, bene tamen per accedens & in certis casibus, v. g. Episcopus in lege Papali, non tamen Papa in Lege divina.

*Ratio 1. & 3. p. est:* Tum quia potentia inferior per se non potest impedire superiorem in agendo, tum quia S. D. docet, Legislatorem posse dispensare in Lege, quæ innititur suæ auctoritati, qualis non est Lex superioris. Similiter nec Lex divina innititur auctoritati Papæ, licet enim sit Vicarius Christi, non tamen Succesor nec æqualis in potestate.

*Secunda pars declaratur assignando casus, & mentem Tridentini.* Hoc enim Sess. 24. cap. 6. expressè concedit Episcopis Potestatem dispensandi in omnibus irregularitatibus occultis, & suspensionibus ex delicto occulto provenientibus (excepta ea, quæ oritur ex homicidio voluntario, & exceptis aliis ad forum contentiosum deductis) & in quibuscunque casibus occultis, etiam Sedi Apostolicæ reservatis. Excipitur etiam irregularitas ex bigamia, & iudicio languinis, ac illegitimis natalibus. De quibus infra de censuris in proprio loco.

Dindè interpretativè per legitimam consuetudinem Episcopis commissum est, ut dispensent. *Primo* in omnibus votis simplicibus, si quinque excipias Papæ reservata, de quibus infra in Tract. 10. Exam. 3. n. 4. *Secundo* in causis levioribus. 3. In casibus frequentissimè occurrentibus, ut in Lege jejunii, abstinentiæ, in celebratione festorum. 4. In impedimentis matrimonio supervenientibus (nam in iis, quæ antecedunt solus Papa dispensat) seu post matrimonium cum bona fide, saltem alterius conjugis, contractum, deprehensis, si non sit facilis recursus ad Papam, aut ejus Delegatum, nec conjuges possint sine gravi scandalo, aut infamia separari. 5. Ex benigna interpretatione, & præsumpto consensu Pontificis in casu magnæ necessitatis, & periculi infamiæ, scandali, &c. & si facile nequeat esse dictus recursus, potest Episcopus dispensare etiam in impedimento dirimente, aliàs dispensabili, ante matrimonium, ut si hoc Confessario à sponsa detegeretur immediate ante nuptias, & non esset aliud modus evadendi. 6. Hoc reducit casus maximæ utilitatis, in quo etiam ille recursus fieri nequit. Plures casus adduntur ab Auctoribus, in quibus videantur.

**QUÆRO XX.** Potestne, quis facultate dispensandi præditus, valide, aut licite in sua, vel Superioris Lege dispensare sine iusta causa?

**XCI. Resp. 1.** Probabilius est, quòd Legislator in propria Lege, vel alius ei æqualis pos-

sit sine iusta causa dispensare validè, sed non licitè: sic, ut dispensans peccet, dispensatus verò licitè possit frui data dispensatione, nisi fortè per accidens sequatur scandalum, vel damnum tertii, cuius causam vitare tenetur; vel fuisset ad eam cooperatus positivè, eam petendo, consulendo, &c. Ita S. Thom. cit. 4. dicens: Si absque ratione pro sola voluntate licentiam tribuat, non erit fidelis in dispensatione, aut erit imprudens; infidelis quidem, si non habet intentionem ad bonum commune; imprudens autem, si rationem dispensandi ignoret. Hæc ibi.

*Ratio:* Quia Lex in esse, fieri, & conservari dependet a voluntate sui Auctoris, cum liberè eam posuerit. Ergo, sicut eam valdè sine iusta causa potest tollere totaliter, ut subditi ad eam non amplius teneantur, ita & restringere per dispensationem. Peccaret tamen dispensans, quia esset infidelis, & imprudens, ut ait S. D. Exceptiones in R. r. factæ patent ex se ipsis, nam in talibus casibus etiam dispensatus non esset in conscientia tutus, v. g. si quis sine legitima causa esset dispensatus in pluralitate beneficiorum, nam hæc potest præjudicare Ecclesiæ, & omnia Ecclesiarum bona sunt Dei; vel si eligiosus sine legitima causa dispensetur ad ingressum laxioris Religionis; vel si Ecclesiæ curatæ Præfatus ex dispensatione statuat talis, qui habilis non est, qui potest præesse, sed non prodesse.

Nota proinde, quòd sine iusta causa dispensans peccet ex genere suo mortaliter, nimirum contra iustitiam: potest tamen in aliquo casu esse veniale, si materia sit levis.

*Resp. 2.* Probabilius, & tutius est, quòd si inferior in lege superioris sine iusta causa dispenset (uti in certis casibus posse ante dictum est) dispensatio invalida sit, & nulla, nec dispensatus possit ea frui tuta conscientia.

*Ratio:* Quia inferior Prælati circa Legem superioris nihil potest, nisi ex eiusdem expressa, vel præsumpta voluntate: Sed nemo prudens præsumet, superiorem inferiori dare facultatem in ipsiusmet Superioris Lege dispensandi sine iusta causa. Ergo.

Ex quo fit, quòd si Papa absque legitima causa cum aliquo dispensaret in voto, iuramento, aut aliis, quæ sunt de iure divino, aut naturali, dispensatio esset nulla, nec dispensatus ea potest licitè uti; Ethoc ob rationem datam.

*Oppono* contra hanc rationem: Qui in propria Lege dispensat, etiam habet potestatem a populo, de quo similiter non potest præsumi, quòd det potestatem dispensandi sine iusta causa. Ergo.

Diff. ant. habet potestatem totam, & pro omni casu, C. ant. pro uno, vel altero solum casu, uti alter, N. Bene ergo stat, quòd, qui habet potestatem dispensandi in omni casu, ea in aliquo

casu abutatur, & tamen dispensatio sit valida: ait qui censetur eam alteri dare pro aliquo solum speciali casu, non præsumitur eam dare, nisi in casu, & causa rationabili.

*Quid* si dispensatio sit obtenta ex causa falsa, valetne?

*Non valet. Ratio:* Concessio facta sub conditione non est valida, nisi ponatur conditio: Sed dispensatio facta propter aliquam causam, unicè, vel principaliter motivam, esset quasi conditionata. Ergo non valet, nisi verificetur illa conditio, seu causa.

*Sed quid*, si causa a principio sit vera, sed postea ex toto, vel ex parte cesset, re adhuc integra, id est, dispensatione executioni nondum data? Sit duplex casus: *Primus est:* Episcopus habet a Papa delegatam potestatem (ad preces alicujus Comitis) dispensandi in impedimento dirimente, ut filius Comitis contrahat cum aliqua Comitissa ad sedandas lites, quæ cessant ante dispensationem, an nihilominus possit dispensare? *Secundus casus est:* Cum Petro est dispensatum, ut ratione infirmitatis possit comedere carnes in Quadragesima, sed is circa medium Quadragesimæ recipit perfectam sanitatem, an dispensatio duret pro tota Quadragesima?

*Ad utrumque* probabilis R. negativè. *Ratio:* Quia cessante causa adæquata, vel principali dispensationis, cessat & ipsa.

*Quænam* sunt iustæ causæ dispensandi?

*Dico* esse varias. 1. Est circumstantia temporis, quia cum tempore mutantur & homines, & hominum conditiones. 2. Magna utilitas Ecclesiæ, vel boni publici, ut scilicet alii revertantur ad bonum, a quo sunt averfi. 3. Qualitas personæ, meriti, scientiæ, &c. cum alius æquè dignus non sit. 4. Necessitas. 5. Pietas. 6. Eventus rei. 7. Scandalum multitudinis. Ita Sylvest. qui addit; Sed quia casus sunt innumerabiles, nec in hoc dari potest certa Regula, standum in hoc est arbitrio boni viri, judicantis causam esse rationabilem.

*Estne* dispensatio explicanda rigorosè, seu per modum Legis odiosæ, aut favorabiliter?

*Dico*, esse restringendam instar rei odiosæ, nec trahendam in consequentiam. *Ratio:* Tum quia, quæ à jure communi exoritur, non sunt trahenda in consequentiam, ut habet Regula Juris: Sed sic est de dispensatione, ut patet ex ejus definitione. Ergo. Tum etiam a pari: Quia vulnus naturale corporis est res odiosa. Ergo etiam vulneratio moralis, uti est dispensatio, quæ, Can. *Ipsa pietas, causa* 23. vocatur vulnus, seu vulneratio Legis communis. Et omnis recessus a jure communi est odiosus.

*Qui* habet potestatem dispensandi in Lege, potestne eam commutare in aliud onus?

*Affirmo*, a fortiori. *Ratio* dabitur infra de



de voto. Tract. 10. Exam. 3. num. 43.

**QUÆRO XXI.** Potestas dispensandi expiratne cum morte concedentis se adhuc integra seu si dispensatio nondum sit executioni mandata? Et hoc quæro de quacunque alia gratia, seu privilegio, v.g. à reservatis absolvendi, vota commutandi, Confessarium eligendi, beneficium conferendi, legitimandi illegitimos, suscipiendi Ordines, &c.

**XCII. Resp. 1.** Licet iurisdicatio delegata contentiosa, seu fori externi, expiret morte concedentis, re adhuc integra, ut patet c. gratum, & c. licet undique de officio deleg. non tamen iurisdicatio fori interni.

**Ratio:** De prima sic statuunt Leges, de secunda praxis, & intentio consentiens.

**Resp. 2.** Generalis est Regula ex iure, quod gratia facta non expirat per mortem Superioris concedentis, vel per amotionem ejus ab officio, re adhuc integra, bene tamen gratia facienda.

**Declaratio:** Gratia facta est, si facultas, v.g. absolvendi, dispensandi, commutandi, beneficium conferendi, &c. sit concessa in gratia ipsius Delegati, seu Commissarii, v.g. Confessarii, & non penitentis, quod cognoscitur ex eo, quando datur pro personis incertis, & in facultatis concessione nulla persona absolvenda, vel dispensanda, &c. in particulari nominatur, sed Delegato absolute, in ejusque favorem, absolute, & incommuni pro certis casibus datur facultas: quia tunc est gratia actu facta Confessario. Et hac potest uti post mortem Papæ, vel Episcopi concedentis. Gratia facienda verò est tunc, quando facultas datur, non in favorem Commissarii, sed alterius certæ personæ, v.g. penitentis, & est tunc, quando in facultatis concessione nominatur in particulari persona absolvenda, dispensanda, seu in ordine, ad quam facultas est exercenda; tunc enim non est gratia Confessario facta, ut constat, nec actu facta penitenti, quia ipsi adhuc per Confessarium est facienda: Et hæc expirat, si concedens expiret, antequam Delegatus facultatem dispensandi, commutandi, absolvendi, beneficium conferendi, &c. det executioni.

**Ratio,** & disparitas utriusque gratiæ usus est. Quia in primo casu gratia est omnino perfecta, & nullius executione eget respectu ejus in cuius favorem concessa est, v.g. respectu dispensandi, absoluturi, beneficium collaturi, &c. & habet rationem donationis, quæ non expirat per mortem donantis: at in secundo casu eget executione Commissarii, ut gratia alteri fiat, quia mandatur fieri ei, in cuius favorem conceditur, & sic habet vim commissarii, & mandati, quod perit morte mandantis, re adhuc integra.

**Quæritur** ad hunc casum? Episcopus conce-

dit Penitentem facultatem, vi cuius se faciat ab aliquo Confessario, quicumque ille sit, in Legge, v.g. jejunii, aut dispensari, vel illud commutari, antequam verò dispenseetur, expirat Episcopus?

**Dico:** Non expirat morte concedentis. **Ratio:** Quia est gratia ipsi penitenti jam immediate facta, non facienda, sed solum per alium exequenda.

**QUÆRO XXII. & ultimum.** Quid, & quotuplex est privilegium? cessatne Lex per illud?

**XCIII. Resp. 1.** Privilegium dicitur, quasi privans Legem, seu ab ea eximens, sive in aliquo, aut aliquorum favorem data, quasi *privata Lex speciale aliquid indulgens*, ut patet ex S. Th. hic q. 96. a. 1. ad 1. Proprie tamen non est Lex. **Ratio.** Quia Lex ligat, privilegium verò non ita ligat, ut non possimus licite illo non uti. Quomodo privilegium differat à dispensatione, patet supra n. 90. ante R. 1.

**Resp. 2.** Privilegium est multiplex 1. Aliud est reale, quod nimirum immediate datur rei, muneris, dignitati, causæ piæ, alicui Ecclesiæ, Statui, v.g. Clericali, vel Regulari, conditioni pupillicum, Scholasticorum, &c. & hoc perpetuat cum re, loco, officio, vel statu, cuius est. Aliud est personale, quod immediate datur personæ, ut si quis eximatur à Legge vestigalis, aut tributis: vel si detur alicui facultas absolvendi à reservatis, &c. Et de hoc est Regula Juris in 6. Privilegium personale personam sequitur, & cum persona extinguitur. 2. Aliud est generale, quo in quocunque loco, aliud locale, quo in certo solum loco uti concessum est. 3. Aliud affirmativum, quod datur facultas aliquid agendi, aliud negativum quo datur facultas aliquid omittendi. 4. Aliud est gratiosum, seu gratis: ac sine privilegiati meritis concessum; aliud remunerativum, quod est præmium meritorum. Aliud conventionale, datum cum interventu pacti, aut conventionis. 5. Aliud est favorabile, ex quo alteri nullum sequitur damnum, ut si quis privilegiatur ad esum lacticiniorum in Quadragesima. Aliud odiosum, opposito modo se habens, ut si cum aliorum onere quis eximatur à Legge tributis, accisæ, &c.

Ex his patet, quomodo per privilegium Lex cesset se extendere ad aliquos, nimirum privilegiatos, ad quos ante se extendebat.

**Nonne** requiritur notitia privilegii, ut illud habeat suos effectus?

**Dico,** non requiri in eo, contra quem obtinetur, bene tamen in privilegiato, si tamen subest periculum peccati. Sicut consanguinei, qui petierunt dispensationem contrahendi in gradu prohibito, non possunt contrahere, si ignorent, dispensationem esse datam: licet sit petita.

**Not.** tamen ex Sylvestro, posse esse casum, ut quis gaudeat privilegio, cuius nondum ha-



habet scientiam, si constet, eam esse voluntatem concedentis. Immo si quis per se, vel per alium obtinet aliquod privilegium Papale, v.gr. ne a suo Episcopo possit excommunicari, mox, ut hoc privilegium fuerit bullatum, incipit habere suos effectus, licet privilegiato nondum innotuerit. Quia præter voluntatem concedentis, adest etiam voluntas privilegiati acceptantis saltem per alium.

*Quomodo cessat privilegium?*

**XCIV. Dico** ; Cessat variis modis. 1. Moræ concedentis, attamen in sensu explicato supra in hoc Exam. num. 92. 2. Præscriptione, ac non usu. Præscriptio privilegii contra Ecclesiam Romanam requirit non usum 100. annorum ; contra alias Ecclesias 40. annorum ; contra monasteria, loca, personas, vel alia bona Religiosorum, 60. annorum ; contra personam privatam, 10. annorum, ut probat notæ de la Cruz lib. 3. c. 3. dub. 2. ubi bene notat, ut hæc præscriptio currat, duo requiri, nimirum ut habeatur noticia talis privilegii, & voluntas non utendi illo. Deinde, ut infra huius præscriptionis tempus occurrat casus, de quo privilegium loquitur : quia aliàs esset non usus merè negativus, qui privilegio non obest, nam ad ejus cessationem requiritur non usus privativus, sicut cum quis eo potestuti, & non vult. 3. Cessat per abusum in excessu privilegii, vel per usum contrarium, qui est quædam tacita renuntiatio, ut si privilegiatus sine protectione se voluntariè subiiciat Legi, a qua erat exemptus. 4. Per renuntiationem liberè factam ab aliquo, qui est adæquatum subiectum privilegii. Dixi, *adæquatum*, quia unius, alteriusve renuntiatio, non sufficit, ut cesset privilegium toti cuidam Ordini, vel Statui concessum. Hæc renuntiatio alia est expressa, alia (quæ ex dictis patet) tacita. 5. Per revocationem (puta, si sit privilegium merè gratuitum) ejus, qui concessit, vel alterius illi æqualis, factam, vel expressè, nimirum per illam clausulam, *Non obstantibus privilegiis, &c.* vel tacitè, idest, per Legem, seu sententiam, privilegio contrariam. 6. Per expirationem ; Quia cessante principali motivo (idem est de tempore)

sub quo privilegium est concessum, cessat & ipsum. Sicut & personale extinguitur cum persona, aut antedictum.

**XCv. Quid censetur de communicatione privilegiorum inter Religiosos?**

**Dico 1.** Communicatio privilegiorum inter Religiosos consistit in hoc, quod privilegium uni Religioni, v.gr. Dominicanæ, concessum, censetur etiam datum aliis Religionibus, & e contra.

**Dico 2.** Omnes Religiones, siue sint, siue non sint mendicantes, communicant in privilegiis, nisi expressè in Bulla fiat restrictio. Ita concesserunt diversi Summi Pontifices ; intelligitur autem sic, ut privilegia concessa Generali unius Ordinis censentur etiam concessa Generali alterius ; quæ Provinciali, vel Prioribus unius, etiam sint concessa Prælati aliarum Religionum. Idem est, si uni toti Religioni detur :

Nec obstat, quod aliquæ Religiones sint juniores aliis, v. gr. Jesuitæ, Minimi, & alii, quibus postea diversa privilegia sunt concessa : in quibus tamen Religiosi seniores communicant. Quia plures Pontifices a nostro de la Cruz lib. citat cap. 4. citati de novo concesserunt privilegia aliorum Religiosorum. Et postea Gregor. XIV. Bulla 3. determinavit, Cistercienses frui posse privilegiis Societatis, concedendo eis communicationem omnium privilegiorum omnium Ordinum. Immo idem Gregorius Ordini Cruciferorum specialiter concessit, ut fruatur privilegiis Societatis. Ergo & aliæ Religiones gaudent isto privilegio. Prob. conf. Quia communicant in privilegiis Cisterciensium, & Cruciferorum.

*Quid verò, si ante Gregorium XIV. Societati Jesu fuisset concessum aliquod privilegium, exprimendo, non esse communicabile aliis Religionibus?*

**Dico** : Id nihil obest, quin de facto alii Religiosi in eo communicent per extensionem dicti Gregorii XIV. utpote, quæ absolute, & sine restrictione concessit, & communicavit omnia privilegia Societatis Jesu.

## T R A C T A T U S VII.

De virtutibus Theologicis Fide, Spe, & Charitate, & vitiis oppositis.

Ex Secunda Secunda Angelici Doctoris a Quæst. I. usque ad 45.

**S**eriò monet nos S. Ambros. lib. 6. Exam. c. 7. *Attende qualem animam, ac mentem habeas, cui dixit Deus: Ego, ego, Jerusalem, pinxi muros tuos. Illa anima a Deo pingitur, quæ habet in se virtutum gratiam enitentem*: picta autem est elegantissime, si refulgeat Virtutibus Theologicis omnium præstantissimis, eò quòd, ut ipsa nominis Dicælogia præferret, immediatè se occupent circa ipsum Primum, & Summum omnis Creaturæ Opificem Deum, credendo, sperando, amando. De quibus, earumque oppositis vitiis agendum est.

## E X A M E N I.

De Fide, & Fidei Regula, S. Tho.  
a Quæst. I. usque ad 10.

**Q**UÆRO I. Teneturne Confessarius habere notitiam virtutum Theologicarum?  
I. Resp. Hoc extra omne dubium est. Ratio: Quia spurius certè esset ille Vicarius Christi, nimirum Confessarius, qui humanarum virtutum apparatus contentus humi reperet, & divina animo non verlaret, nec pœnitentium animis imprimeret, quorum Doctorem se proficitur, & Medicum: hoc autem maxime fit in Theologicarum virtutum Schola, ut patet ex nominis Etymologia, in Prologo innotuata.

**Q**UÆRO II. Fides Theologica quid, ac quotuplex est, & quod objectum ejus?

II. Ante Resp. Nota, quòd ly *fides* diversas habeat significationes; nam significat: tubinde idem, quòd conscientia quod fiducia, fidelitas, veritas, seu veracitas; sed hæc significationes non sunt ad propositum, sed sumitur hic pro habitu intellectus, quo assentimus alicui veritati præcisè propter auctoritatem dicentis; qui dicens, si sit homo, dicitur fides humana; si Deus, est fides divina, & Theologica; De qua hic est sermo. Hoc notato

Resp. I. Fides est *sperandarum substantia verum, argumentum non apparentium*, ut definit Apostolus Hebr. 11. & adducit S. Thom. hic q. 4. ar. 1. dicens: Licet quidam dicant, prædicta Apostoli verba non esse fidei definitionem, quia definitio indicat rei quidditatem, & essentiam; tamen, si quis rectè consideret omnia, ex quibus fides potest definiri, in prædicta descriptione tanguntur, ut ibidem fuse ex-

plicat. Dicitur autem *substantia*, non quòd sit de prædicamento substantiæ, cum fides sit accidens, sed prout substantia significat idem, quod prima inchoatio, basis, ac fundamentum cujusvis rei; est enim fides prima inchoatio totius vitæ supernaturalis, & ordine generationis prima inter omnes virtutes supernaturales, quia nihil est in voluntate, nisi prius sit apprehensum ab intellectu, in quo fides residet; licet charitas eam præcedat ordine dignitatis, & imperii, tanquam aliarum virtutum forma, earum adus perficiens, informans, & ad ultimum finem dirigens, velut ad suum objectum. Dicitur *argumentum non apparentium*, id est, facit certò, seu sine formidine assentiri veritatibus clarè non apparentibus, sed oblecturè revelatis: Ex quibus patet differentia ab opinione, quæ est cum formidine; & a scientia, quæ habet evidentiam, seu claritatem. Si quis ergo (subdit S. Thom. ibidem) in forma definitionis hujusmodi verba reducere velit, potest dicere; Fides est *habitus mentis, quo inchoatur vita æterna in nobis, faciens intellectum assentire non apparentibus*. Vel: Fides est *virtus divinitus infusa, qua mysteriis à Deo revelatis quantumlibet obscuris intellectus humanus firmiter assentitur*. Addi potest, si scripta illa sint, siue non sint.

Resp. 2. Fides alia est formata, alia informis. Utraque iterum vel est Theologica, vel Catholica, seu universalis.

Declaratur prima divisio: Si fides habeat adjunctam gratiam, & charitatem, uti est in homine iusto, dicitur formata, & sic est virtus perfecta, id est, non solum quoad substantiam sed etiam quoad statum, & perfectionem, ex vi charitatis, quæ est omnium virtutum forma, nimirum extrinseca. Unde Apostol. ait: Fides, qua per dilectionem operatur.

Si verò fides sit in peccatore, adeoque sine gratia, & charitate, dicitur informis (idem est de spe: nam sicut hæc non tollitur nisi per desperationem, ita nec fides, nisi per infidelitatem, quod his duabus virtutibus speciale est) & charitate adveniente fit formata, sine qua virtus, seu informis, est imperfecta.

*Suntne ergo duo, vel idem habitus?*

Est unus habitus quoad entitatem, qui mutat solum quoad statum, & modum perfectionis. Unde S. Thom. qu. 4. art. 5. ad 3. ait: *Fides formata, & informis non differunt specie (puta essentiali) differunt autem sicut perfectum, & imperfectum in eadem specie. Unde fides informis non pergit ad perfectam rationem virtutis.*

*Sed qua ratio; quòd fides formata, & informis differant solum specie accidentali, & non essentiali?*

*Rationem* dat S. Thom. art. 4. in c. Habitibus diversificantur secundum illud, quod per se ad habitum pertinet: Sed fides est perfectio intellectus. Ergo non potest specie diversificari nisi per aliquid pertinens ad intellectum. Sed distinctio fidei formatæ, & informis est secundum id, quod pertinet, non ad intellectum, sed ad voluntatem, nimirum secundum charitatem. Ergo.

*De rationem*, cur fides informis (idem est de spe) maneat vera virtus, licet imperfecta?

*Ratio* patet ex S. Thom. art. 5. in c. Quia fides etiam informis adhuc infallibiliter tendit in suum objectum, quod est verum supernaturale. Cur verò sit virtus imperfecta, patet ex dictis. Quia ut virtus sit perfecta, debet ejus actus efficaciter tendere, & a charitate dirigi in ultimum finem: Sed hoc deest actui fidei, & spei informis. Ergo.

Secunda divisio in Resp. 2. data, explicabitur infra in hoc Exam. num. 5.

III. *Resp. 3.* Objectum adæquatum formale quod fidei est Deus, in quantum est prima veritas in essendo; seu est ipsa Deitas, seu essentia Dei, quatenus excedit naturalem cognitionem. Objectum formale quod, seu ratio formalis *sub qua*, seu medium assentiendi est infallibile testimonium Dei, seu est auctoritas Dei, sive prima veritas in dicendo, seu revelando, non præcisè, sed prout complectitur veritatem in cognoscendo. Tandem objectum materiale fidei est omne illud, quod divina revelatione nobis innotescit; uti sunt, quæ continentur in Symbolo Apostolico, vel reducuntur ad illud.

Supponit 1. hæc *Resp.* quòd humana ratio non ingreditur rationem objecti formalis fidei, de qua hic agitur, quia aliàs non esset virtus purè theologica, quia hujus objectum formale debet esse quid purè divinum.

Supponit 2. Objectum alicujus habitus, vel potentia aliud esse materiale, quod non attingitur ratione sui, sed ratione alterius, eique substat. Aliud objectum formale, quod per se, & ratione sui attingitur, alia verò nimirum materiali ratione illius, aut per ordinem ad illud, & hoc est duplex: scilicet objectum formale *Quod* nunc expositum, & objectum formale *quo*, sed ratio formalis *sub qua*, mediante quo, aut sub cujus lumine attingitur primum. Sic respectu visus objectum formale *quo* est lux; Formale *quod* est color; Materiale est corpus, in quo est color.

Supponit 3. Quòd, ut notat Gonet, intellectus noster triplicem in Deo distinguit veritatem. *Prima* est veritas in essendo, seu transcendentalis, quæ est passio entis. Per hanc Deus est verus Deus, a Diis fictis distinctus. *Secunda* est veritas in cognoscendo, & hæc est ipsa infinita Dei Sapientia, qua tam certè cognoscit omnia, etiam ipsa cordium arcana, ut falli non possit. *Tertia* est veritas in dicendo, seu infinita Dei veracitas, ac infallibilitas in dicendo, ex qua habet, quod neminem fallere possit. His præmissis

*Ratio* primæ partis est: Objectum adæquatum formale est, quod per se, ac ratione sui respicitur, & in ordine ad quod respiciuntur omnia objecta partialia: Sed omnia alia, quæ fides attingit, ut, *ea, quæ pertinent ad Humanitatem Christi, & ad Sacramenta Ecclesie, vel ad quasunque creaturas*, cadunt sub fide, seu respiciuntur ab ea, in quantum per hæc ordinantur ad Deum, & eis assentimus propter divinam veritatem, ait S. Thom. qu. 1. art. 1. ad 1. etiam ipsa peccata, non ut alia, seu in quantum committuntur, sed in quantum puniuntur, vel prout sunt objectum fugæ, ac detestationis. Ergo.

*Oppono.* S. Thom. art. 1. cit. in c. Deum numerat inter objecta materialia fidei. Ergo non est objectum formale. *Ad hoc dico*, quòd Deus possit considerari, vel comparative ad alia objecta revelata, ad Deum relata, & sic est objectum formale *quod*, vel comparative ad ipsam revelationem, ut rationem formalem *sub qua*, seu motivum formale assentiendi, & respectu hujus habet se materialiter. Et hoc vult S. Thomas.

*Ratio* secundæ partis est: Illud est objectum formale *sub quo* fidei, quod est medium, motivum, & causa assensus; quia omnis fides inititur testimonio, & auctoritati dicentis, non quia justus, aut sapiens est, sed quia verax est. *Subsumo*; Sed medium, & motivum assentiendi rebus fidei nostræ est veritas prima, ut revelans, & testificans. Ergo illa est objectum formale *sub quo* fidei.

Confirm. Fides summè certa, & infallibilis debet habere motivum summè certum, & in-

fallibile : Sed fides nostra est talis; quod nemo Catholicus negat. Ergo. *Subsumo* : Sed non habet motum summè certum, & summè infallibile, nisi complecteretur veritatem in cognoscendo, & dicendo simul, quia ab una habet, quod non possit falli, ab altera, quod non velit fallere. Ergo.

*1<sup>a</sup> Oppono* : Veritas prima in dicendo resolvitur ultimè in primam veritatem in essendo. Ergo non est motum formale saltem ultimum nostræ fidei. Probant. Quærenti, cur Deus sit prima veritas in dicendo, datur ulterior ratio hæc, quia est prima veritas in essendo. Ergo.

*Ad hoc dist. ant.* Resolvitur in esse rei, seu ut in causam virtuales in essendo, conc. ant. in esse objecti, seu ut in ultierius motum assentiendi, neg. ant. & conseq. Deus enim non potest nos movere ad assensum fidei, in quantum in se, & quoad severax est, sed in quantum nobis loquitur.

*Ratio 1. p.* est : Objectum materiale est, quod substat formali : Sed omne, & quod actu a Deo revelatum est, substat revelationi Dei, seu primæ veritati in dicendo. Ergo.

**QUÆRO III.** Objectum formale fidei est, ne divina revelatio activa, vel passiva?

*IV. Resp.* Est revelatio activa (prout indistincta a prima veritate revelante) quatenus est actus Dei formaliter immanens, & virtualiter transiens, & directus ad nobis loquendum; non verò est revelatio passiva, si per eam intelligatur signum aliquod creatum, per quod revelatio nobis innoscat, vel auctoritas, ac definitio Ecclesiæ, credendorum propositio, species intelligibiles, lumen intellectus, apprehensio objecti, seu apparentia suasiva mysterii : attamen revelatio passiva est conditio extrinseca applicans : si verò in alio sensu accipitur pro forma extrinsecè denominante rem passivè revelatam, est etiam objectum formale fidei.

*Ratio* : Virtus adæquatè theologica, & fides summè infallibilis debet habere objectum formale formaliter adæquatè divinum, & motivum assentiendi summè infallibile : Sed talis virtus est fides, qua de causa dicitur divina. Ergo debet habere tale objectum, & motivum. Sed sola revelatio activa est talis, non verò passiva in primo sensu, quia est quid creatum, bene tamen in secundo, quia sic in recto est ipsa revelatio activa extrinsecè terminata ad objectum revelatum : in primo tamen sensu mysteria credenda nobis applicat, seu proponit. Ergo.

*Oppono* : Licet auctoritas Ecclesiæ, quam habet a doctrina, & sanctitate Fidelium, non sit divina, bene tamen quatenus est organum Spiritus S. per eam loquentis, ejusque assistentiam infallibilem habet. Ergo saltem sub hac ratione potest spectare ad objectum formale fidei.

*Ad hoc neg. conseq.* Quia, ut dixi, formale motum fidei debet esse divinum formaliter; item debet reperiri in omne ejus adus : Sed auctoritas Ecclesiæ, in quantum regitur a Spiritu S. non est formaliter, sed solum directivè divina, nec est in omni actu fidei : quia auctoritas Ecclesiæ non erat respectu fidei Angelorum, Prophetarum, Apostolorum, &c. Ergo.

**QUÆRO IV.** Ad fidem infusam, seu divinam, sufficitne revelatio Dei priuata?

*V. Resp.* Distinguendo cum Thomistis fidem : Sic ut alia sit Theologica, seu divina, quæ nil aliud dicit, quàm assensum rei obscuræ, innixum Auctoritati, seu testimonio Dei, licet objectum revelatum credatur solum ab uno, illo nimirum, cui revelatio est facta; adeoque est fides priuata, & particularis. Alia verò sit Fides Catholica, idest, uniuersalis, cum sit de objecto, quod tota Ecclesia credit. Ad primam fidem sufficit revelatio priuata, uti etiam personæ priuatæ, v.g. S. Birgittæ a Deo facta.

*Ratio est* : Quia habet objectum formale fidei, ante explicatum; suppono enim veritatem revelatam esse talem, quæ ordinetur ad Deum, & concernat communem Ecclesiæ utilitatem. Ad fidem Catholicam, seu uniuersalem necessariò requiritur revelatio publica, idest, facta toti Ecclesiæ, vel personis in ea habentibus auctoritatem, fidei doctrinam manifestandi, uti erant Prophetæ, & Apostoli, & nunc est Papa. *Ratio est* : Quia tota Communitas, vel Ecclesia non obligatur credere fide divina id, quod proponitur a priuata persona.

*Dixi, Suppono esse veritatem, quæ ordinetur ad Deum, &c.* Si enim veritas priuatæ personæ revelata non ordinaretur ad Deum, nec cerneret communem Ecclesiæ utilitatem (quæ revelatio vocatur priuata ex parte rei, seu materiæ, sicut prior vocatur talis ex parte personæ, quæ est priuata) ut si Deus alicui reuelaret, quot sint arenæ in littore maris, quot arborescent in sylva, quot capilli sint in capitibus hominum totius mundi; hæc revelatio non sufficeret ad fidem Theologicam, etiam priuatam, ob rationem insinuatam.

*Dic mihi*, si revelatio priuata in sensu explicato sufficit ad fidem divinum, si quistali revelationi discrederet, essetne hæreticus?

*Dico.* Non esset : Quia hæreticus solum est, qui pertinaciter negat veritatem ab uniuersali Ecclesia creditam, peccaret tamen mortaliter, & esset infidelis Deo, utpotè ejus testimonio fidem negaret.

**QUÆRO V.** Diستا revelatio ad fidem requisita, debetne necessariò esse formalis, vel sufficit virtualis?

*VI. Ante R. Nota*, revelationem formalem diuidi in formalem, & virtuales. Formalis fit

fit duobus modis. *Primo* explicitè, seu expressis verbis; exemplum est in iis Scripturæ locis, ubi legitur, quod *Deus sit Trinus*, quod *Verbum sit Caro factum*. *Secundo* confusè, quando nimirum in aliquo explicitè revelato, ut in toto, continetur aliud ut pars, sive substantialis, sive accidentalis, sive subiectiva, v.g. anima in homine, propositio particularis in universalis. Hoc secundo modo revelatum est, quod Christus habeat animam, pedes, caput. Revelatio virtualis consistit in hoc, quod aliquid radicaliter, & virtute continuatur in alio formaliter revelato, habeatque infallibilem connexionem, naturali evidente discursu ex eo deducibilem, v.g. in hac veritate formaliter explicitè revelata, *Christus est homo*, virtualiter continetur hæc: *Christus habet voluntatem creatam*, & ex ea deducitur hoc discursu: *Omnis homo habet creatam voluntatem: Sed Christus est homo. Ergo Christus habet voluntatem creatam*. Ubi Maj. est naturalis: Min. est de fide.

Quæritur ergo, an hæc Conclusio sit de fide?

*Ratio dubitandi est*: Quia Conclusio scientifica non est de fide; Sed ista Conclusio est scientifica, nimirum Theologica. Ergo non est de fide; vel certè sequitur, quod omnis Conclusio Theologica sit de fide; quia nulla est, quæ non sit virtualiter revelata, cum in omni discursu Theologico saltem una Præmissa sit de fide. Conclusio verò continetur virtualiter in Præmissis. Hoc notato

*Resp.* Sufficit virtualis. *Ratio*: Tum quia dantur plures veritates fidei solum virtualiter revelatæ, uti sunt illæ ab Ecclesia contra hæreticos definitæ, v.g. quod in Christo sit unitas personæ, quod in eo præter voluntatem divinam sit etiam creata, &c. Tum etiam, quia tales veritates substantiæ rationi formali, sub qua fidei, nimirum auctoritati, ac revelationi Dei, ut motivo formali, cuius lumen sed diffundit ad veritatem evidentem connexionem. Ergo.

Not. tamen, quod hæc annexio necessariò debet esse evidens, quia aliàs non excludit omnem formidinem, qua debet carere fides: non tamen est necesse, quod sit evidentia physica, sed sufficit moralis. Unde supposita revelatione, quod Deus totum mundum puniverit diluvio, tenemur etiam credere, quod etiam puniverit Armeniam, licet de ejus existentia solum habeamus evidentiam, & certitudinem moralem.

Ad rationem dubitandi dist. Maj. Conclusio scientifica, & scientifica reduplicativè, seu sub hac formalitate, C. maj. Quia scientifica, materialiter, ac specificativè sumpta, at sub alia formalitate, N. Maj. & sic dist. min. N. Conf. Eadem ergo propositio, seu veritas sub diversa ratione est Conclusio Theologica, seu scientifica, & est de fide. Scientifica est, in quantum moti-

vum assentiendi est discursiva Connexio ex præmissis artificiosè dispositis; sic enim non innitur præcisè auctoritati divinæ, adeoque spectat ad scientiam Theologiæ. De fide est, in quantum præcisè innitur divinæ revelationi; discursus verò syllogisticus solum est conditio veritatem illam applicans, & manifestans.

Ex quo patet, quomodo revelatio virtualis sub diversa ratione spectat ad rationem formalem sub qua fidei, ac Theologiæ.

QUÆRO VI. In quid sit ultima resolutio sensus Fidei nostræ?

VII. Sensus quæsitus est, an homo possit veritatibus a Deo revelatis supernaturali assensu fidei assentiri, pro ultimo formali motivo, ad assensum determinante, sumendo auctoritatem Ecclesiæ, non quidem, ut præcisè est congregatio hominum (sic enim non est regula infallibilis) sed quatenus est columna, & firmamentum veritatis, habens in proponendo res fidei infallibilem assistentiam Spiritus sancti, & Auctoritatem non humanam, sed divinam.

Supponitur autem, quod fides ex sua specie, seu essentia non necessariò petat resolvi in Auctoritatem Ecclesiæ, etiam ut regulæ proponentis, ut patet in fide Angelorum, Prophetarum, Apostolorum.

*Resp. 1.* Motivum formale, in quod assensus fidei ultimatè resolvitur, est sola auctoritas Dei, seu prima veritas revelans. Hinc quærenti, cur credis Deum esse Trinum? respondendum est, Quia Deus ipse hoc testatus est.

*Ratio* patet probationibus datis num. 3. pro 1. v. par. & nu. 4.

*Resp. 2.* Motivum formale ultimum assensus fidei non potest esse auctoritas Ecclesiæ etiam sensu paulò ante explicato; admitto tamen, quod assensus fidei ultimatè resolvatur in eam velut in fidei regulam, & conditionem motivi formalis applicativam.

*Prima pars* patet ex dist. n. 4. in R. ad Oppon. Fateor quidem, quod Ecclesia in præfato sensu sit columna, & firmamentum veritatis: Sed Columna requirit priorem basim, & fundamentum, cui insit. Et quamvis Ecclesia posset in eodem etiam dici fundamentum veritatis, non tamen est fundamentum primum, quod infallibilitatem habet a se, cum hoc sit sola auctoritas Dei (revelantis) sed solum secundum; quod non sufficit.

*Secunda pars* est S. Aug. in lib. contra Epist. fundamenti, C. 4. dicentis: *Evangelio non crederem, nisi me Ecclesia auctoritas commoveret*. Et

*Ratio est*: Quia certum est, quod ad assensum fidei necessariò prærequiritur credendorum propositio; Ergo prærequiritur regula proponens, & quidem infallibilis: Sed talis solum est Ecclesia, quæ Timoth. 3 vocatur Columna,

& firmamentum veritatis; multum enim phantaziant hæretici, dum pro ista regula statuunt suum privatum spiritum, seu privatam (ut putant) revelationem; tum quia motivum fidei debet esse uniforme, & universale, ut per illud omnes in unitatem fidei conveniant: Sed ille privatus spiritus non est uniformis, quia ipsosmet hæreticos scindit in plures sectas, & schismata, ac loquitur contradictoria. Ergo.

Tum etiam, quia motivum fidei non potest esse falsum: Sed revelatio illa privata potest esse falsa, quia solum putativè est revelatio. Ergo.

*Oppono:* Videris committere circulum; Quia credis Evangelio, live Deo, quia Ecclesia testatur esse Verbum Dei. Credis Ecclesie auctoritatem, quia Evangelium, seu Deus testatur.

*Distinguo:* Committi circulum irregularem, & vitiosum, N. regularem, C. Nam circuire ex uno in alterum, unum ex altero inferre, aut in alterum resolvere sub diversa ratione, aut in diverso genere causæ, non est circulus vitiosus; Sed hoc fit in præsentî, Ergo. Prob. min. Quia Auctoritatem Ecclesie resolvo in testimonium Dei tanquam in motivum formale; testimonium Dei resolvo in Ecclesie auctoritatem, ut irregulam, & conditionem applicantem. Ergo. Hinc sicut Christus commendavit Joannem, & Joannes Christum: Et in naturalibus materia causat formam, & forma materiam, cum causæ sint sibi invicem causæ, & vapor est causa pluvie, & pluvia est causa vaporis: Item vestes calefaciunt corpus, & corpus calefacit vestes. Ita similiter.

**QUÆRO VII.** Fidei Theologicæ potestne subesse falsum?

VIII. *Resp.* cum S. Thom. hic q. 1. art. 3. negativè. Unde fides nostra est certissima, & certior quovis assensu scientifico.

*Ratio est* ex S. Thom. hic q. 1. art. 3. Nihil potest subesse alicui potentie, habitui, vel actui nisi mediante ratione formali objecti, sicut color non potest videri nisi per lucem, & Conclusio cognosci non potest nisi per medium demonstrationis, & quod certius est hoc medium, eo certior est habitus, vel actus. *Subjuncto:* Sed, ut ex dictis patet, ratio formalis objecti fidei est veritas prima. Ergo nihil potest cadere sub fide, nisi in quantum stat sub veritate prima, ut revelatum ab illa. Sed sub ea nullum potest stare, nec ab ea revelari falsum, quia mentiretur, mentiri autem est intrinsecè malum, & sic non esset prima veritas: deinde prima veritas utpotè divina, est certior omni medio, & objecto formali cuiusque scientiæ creatæ. Ergo.

Hæc eadem ratio probat, quod Deus non possit falsum dicere per alium, quia quod quis

facit per alium, per se ipsum facisse censetur, ut habet Regula Juris. Item probat, id non posse etiam per absolutam suam potentiam.

*Oppono* 1. Aliqua Scripturæ loca insinuant, quod Deus aliquos inducat in errorem, & deceptionem.

2. Deus in natura assumpta potuit pati, & mori, cur non mentiri?

3. Deus per suos Prophetas Ezechie mortem, & Ninivitæ prædixit subversionem, quæ tamen non sequebantur. Ergo.

4. Luc. ult. de Christo dicitur, *Finxit se longius ire.* Ergo.

*Ad 1.* *Resp.* intelligi permissivè, sicut docetur de peccatis, & de induratione, ex cæcatione.

*Ad 2.* est disparitas, quia pati, & mori sunt defectus naturales, & ad Deum ordinabiles; at mentiri, & peccare est defectus moralis, & a Deo deordinans.

*Ad 3.* diff. ant. prædixit absolute, N. Comminatorie, & conditionate, nisi Ninivitæ egerint poenitentiam, nisi Ezechias rogaverit Deum, Cant. & N. Conseq.

Aliter dici potest, has prædictiones intelligi, & veras esse secundum ordinem causarum secundarum, ut S. D. 2. 2. qu. 171. art. 6. ad 2. explicat, dicens: *Sensus Prophetiæ est, quod inferiorum causarum dispositio, seu naturalium, seu humanarum actuum hoc habet, ut talis effectus eveniat; & secundum hoc intelligitur verbum Isaia dicentis: Morietur, & non vivet, id est, dispositio corporis tui ad mortem ordinatur.* Et quod dicitur Iona 3. *Ninive subvertetur, id est, hoc merita ejus exigunt, ut subvertatur.* Subdit. *Dicitur Deus poenitere metaphorice in quantum ad modum poenitentis se habet, prout scilicet mutat sententiam, putà, conditionatam, vel comminatoriam.*

*Ad 4.* S. Thom. infra qu. 111. art. 1. ad 1. ait ex S. Aug. Non omne, quod fingimus, mendacium est; sed quando id fingimus, quod nihil significat, tunc est mendacium. Quod autem fictio nostra refertur ad aliquam significationem, non est mendacium, sed aliqua figura veritatis. Et subjungit exemplum de figuratis locutionibus, in quibus fingitur quædam res, non ut asseratur ita esse, sed camproponimus, ut figuram alterius, quod asserere volumus. Sic ergo Dominus in Evangelio finxit se longius ire, quia composuit motum suum, quasi volentis longius ire, ad aliud figuratè significandum, scilicet quod ipse ab eorum fidelibus erat, ut Gregorius dicit. Vel, ut August. dicit: Quia, cum longius recessurus esset, ascenden- do in Cælum, per hospitalitatem quodammodo retinebatur in terra. Hæc ibi. Plura de hoc infra Tract. 10. Exam. 4. num. 57. & 60. ubi agitur de mendacio, & restrictione mentali, & æquivocatione.

QUÆ.

**QUÆRQ VIII.** Myſteria noſtrę Fidei ſuntne evidenter credibilia?

**IX.** An. R. Not. multũ differre, eſſe evidenter credibile, & eſſe evidenter verum, aut evidenter eſſe poſſibile. Ut obiectũ ſit evidenter verum, neceſſe eſt, ut obiectũ in ſe ipſo, ſive ejus quidditas, ac connexio prædicatorum eſſentialium clare, & manifeſte appareat, ſeu videatur; & dum in hoc nulla apparet implicantia, ſeu contradictio, eſt etiam evidenter poſſibile. Hęc evidẽtia, ſeu claritas non ſtat cum fide, hęc enim cũ innatur motivo extrinſeco, ſcilicet teſtimonio dicentis, neceſſariò petit ( ſi non ut prædicatum eſſentiale, ſaltem ut conditionem ) obſcuritatem ex parte rei revelate. Sed ut aliquid ſit evidenter credibile, ſufficit, quòd ejus credibilitas manifeſte videatur per argumenta, ac motiva, quę perſuadent, ac convincunt, rationi, & prudentiæ omnino eſſe conformẽ, ut credatur, & in hoc conſiſtit evidẽtia credibilitatis, quę differt ab evidẽtia in atteſtante, de qua poſtea. Sicut ergo aliquid propter rationes ( quarum probabilitas eſt manifeſta ) dicitur evidenter probabile, licet per hoc in ſe, ſeu ex parte obiecti non ſit evidens. Ita ſimiliter: Hoc notato

*Reſp.* Myſteria fidei Chriſtiane ſunt evidenter credibilia fide divina, non tantũ comparative ad alias Sęctas, ſed etiam abſolute, & ſecundũ ſe. Ita probabilius Thomiſtę:

*Ratio:* Juxta dicta, evidẽtia credibilitatis eſt judicium quoddam evidens, quo intellectus judicat, & clare videt, ac convincitur, fidem prudentem adhiberi poſſe alicui propoſitioni, licet non convincatur ad evidẽtiam veritatis, utpote obſcurę. *Subſumo:* Sed tale judicium habemus de myſteriis noſtrę fidei, judicium, inquam, prudentiæ humanę, ut ea credamus fide divina. Ergo. Pro. min. assignando motiva talis judicii: Intellectus noſter illud clare judicat eſſe credendum fide divina, quod communiter a viris doctis, & timoratis aſſeritur dictũ a Deo. 2. Pro. cujus deſenſione multa Chriſtianorum millia, & milliones conſtantiffimę graviffimum ſubierunt martyrium. 3. In cujus confirmationem plurima ſunt patrata miracula. 4. Quod concordat cum Prophetarum Vaticiniis: Sed ſic ſe habent myſteria noſtrę Fidei, quę etiam roborantur ex ſtabilitate Eccleſię Catholicę; nulla enim Monarchia tam diũ perſiſtit ſub iſſdem Legibus, ac doctrina Chriſti per continuam ſucceſſionem Summorum Pontificum a tempore S. Petri uſque huc. Ergo.

**X.** *Oppono 1.* Quam evidẽtiam credibilitatis ſalvas in pueris, & rudibus ruſticis?

**2.** Fides noſtra continet multa Deo indigniſſima, horrore plena, ut, Deum in utero mulieris portatum, ex ea natum, in cunis

jacuiſſe, &c. vaguiſſe, frigniſſe, eluriſſe, &c. In Euchariftia a nobis manducari, dentibus rodi, &c. Ergo fides noſtra potiũs eſt evidenter incredibilis.

**Ad 1. R.** Evidẽtiam credibilitatis non in omnibus eſſe æqualem, ſed majorem vel minorem juxta credentium capacitatem. Hinc in pueris, & rudibus plerumque ſufficit, quòd audiant, fidei myſteria a parentibus, paſtoribus, Episcopis, a tota Communitate doceri, credi, prædicari, perpetuò credita, & prædicata eſſe.

**Ad 2. diſt. Ant.** Si conderentur indebitę, & ſine modo, ac circumſtantiis, cum quibus facta ſunt, Tranſeat; cum iis, neg. Nam fidei noſtrę myſteria facta ſunt cum circumſtantiis, in quibus divina Majestas, & Omnipotentia maxime relucent, ut explicat Gonet: Conceptus eſt Chriſtus, ſed de Spiritu S. Natus, ſed ex Virgine: In præſepio reclinatus, ſed a Regibus adoratus: In cunis vagiit, ſed tunc Herodem Regem, totamque Jerolymam perterruit. Vixit inter homines, ſed infinita inter eos patravit miracula. Crucifixus eſt, ſed conſtitenda ejus Majestatis ſenſum ( ut verbis magni Leonis utar ) Sol obſcuravit luminibus, & terra gravius concuſſa, accepturunt. Denique mortuus eſt, ſed virtute propria paulò poſt reſurrexit.

Quod concernit manducationem Euchariftię, nullus ingeritur horror, quia Chriſtus non manducatur ſub propria Specie, ſed ſub Speciebus talium rerum, quibus communiter veſcimur: nec ipſe dentibus teritur, nec læditur, nec corrumpitur, cũ ſit in Euchariftia modò indiviſibili, ut explicatur in Tractat. de Euchariftia, & omnes illę adiones exerceantur circa ſpecies ſacramentales.

**XI. Explica:** Si veritates fidei noſtrę ſint clare, & evidenter credibiles, unde eſt, quòd non omnes eas credant, v.g. Turcę, hæretici? quod enim eſt evidenter credibile, ab omnibus debet credi.

Item non capio, cur Thomiſtę requirant piam motionem voluntatis, qua intellectus captivatur in obſequium fidei. Nam ad quid ea, ſi myſteria fidei ſint clare credibilia?

**Dico:** Si Sol in meridie ſit clare viſibilis, cur non videtur ab iis, qui oculos claudunt, aut ligatos habent, vel ſunt in tenebroſo carcere, in quem lumen ingredi nequit? Myſteria ergo fidei noſtrę non creduntur ab omnibus, vel quia oculos, & aures claudunt Apoſtolię prædicationi; vel quia eis omnino nondum ſunt, vel non ſat ſufficienter explicata; ut contingit etiam hæreticis, vel formalibus, vel materialibus.

**Ad alterum R.** eſſe idẽd, quia per evidẽtiam credibilitatis intellectus ſolũm convinci-



tur ad sententiandum, quod mysteria Fidei sint fide digna, immò dignissima quia verò cum hoc fiat invidentia, seu obscuritas ex parte objecti, retrahens intellectum, ne expedite iudicet ea esse in seipsis vera, ideò requiritur dicta pia motio?

**QUÆRO IX.** Cum fide infusa statnevidentia inattestante?

**XII.** Ante R. Not. illud dici evidens in attestante, quod licet in seclare non cognoscatur, uti sit per claram scientiam (quam cum fide respectu ejusdem objecti stare posse negant Thomistæ) constat tamen ita esse, quia evidenter cognoscimus, quod ille testificetur, quem evidenter scimus non posse mentiri, uti scimus de Deo. Hoc notato

*Resp.* Probabilius affirm. cum S. Tho. q. 5. art. 1. in c. Ratio est: Assensus, quem doaliciu veritati, quæ in se, seu ex parte objecti manet obscura, nec clare apparet connexio prædicati cum subiecto, quem, inquam, do unicè propter Dei loquentis auctoritatem, est adus fidei Theologicæ: Sed sic est, licet adit evidentia inattestante. Ergo. Maj. est S. Tho. loco mox citato dicentis: *illa sola manifestatio excludit fidei rationem, per quam redditur apparens, vel visum id, de quo principaliter est fides* Min. etiam constat: nam quamdium motivum assentiendi est merè extrinsecum, tamdiu veritas manet obscura in se ipsa: Sed licet revelatio sit evidens, motivum tamen est merè extrinsecum, scilicet auctoritas Dei. Ergo.

*Opponit.* Fides, cum essentialiter sit obscura, non comparitur evidentiam. Ergo.

2. Ex quo sequitur evidenter veritas rei attestate, ex eo etiam sequitur evidentia ejusdem rei, adeoque fidem tollit: Sed ex evidentia testimonii divini evidenter sequitur veritas attestatæ. Ergo & evidentia rei.

3. Effectus creati sunt aliquid extrinsecum Deo, & tamen per eos Deus scientificè demonstratur a posteriori. Ergo similiter.

*Ad 1. dist. Ant.* Evidentiam objecti in seipso, & quoad rationes intrinsecas, C. Ant. in testificante, & quoad rationes extrinsecas, N. Ant. & Conf. Unde sub hac diversitate rationis veritas fidei est evidens, & invidens. Vel dico sic: Objectum, quod credo, est invidens: & testimonium, cui credo, est evidens esse divinum: & hoc propter signa, quæ nemo potest facere, nisi Deus, ut si in constellationem aliquid veritatis mortuus, maxime quadriduanus, resuscitetur: sic cæco nato visus reddatur, uti Christus fecit.

*Ad 2. dist. Maj.* Ex quo sequitur per locum intrinsecum, C. maj. per locum solum extrinsecum, ut est in præsentia auctoritas Dei, N. maj.

*Ad 3. dist. Ant.* Sunt quid extrinsecum in essendo, C. ant. in cognoscendo, N. An. Effectus

ergo propter intrinsecam habitudinem, & annexionem, quam habet cum sua causa (in cuius virtute continetur) est in cognoscendo medium intrinsecum ad cognitionem causæ.

*Dic mihi:* Quinam habent illam evidentiam inattestante?

*Dico:* Habent eam omnes Fideles, majorem, vel minorem pro subiecti capacitate, quia cognoscunt signa, quæ Christus in confirmatione suæ doctrinæ fecit, non posse esse, nisi a Deo. Habebat eam Deipara in conceptione Verbi divini, tum propter multa grandia prodigia, quæ Deus in hujus veritatis confirmationem edidit, tum quia sciebat, se solius Dei operatione concepisse, & peperisse. Habebat eam supremus Angelus, ut Viator, in revelatione mysteriorum supernaturalium, utpote qui clare cognoscebat se in iis a solo Deo illuminari posse. Habuerunt eam Apostoli, innumerorum prodigiorum Christi oculati testes.

**QUÆRO X.** Creveruntne Articuli Fidei secundum successionem temporum?

**XIII.** *Resp.* Sub distinctione cum S. Tho. hic qu. 1. art. 7. in c. dicente: *Quantum ad substantiam articuloꝝ Fidei, non est factum eorum augmentum per temporum successionem, quia quicumque posteriores crediderunt, continebantur in Fide præcedentium Patrum, licet implicite: Sed quantum ad explicationem crevit numerus articuloꝝ, quia quædam explicite cognita sunt a posterioribus, quæ a prioribus non cognoscebantur explicite.* Unde Dominus Moysi dicit Exod. 6. *Ego sum Deus Abraham, Deus Isaac, Deus Jacob, & nomen meum Adonai non indicavi eis. Et David dicit: Super senes intellexi. Et Apostolus icit ad Ephes. 3. In aliis generationibus non est agnitus mysterium Christi, sicut nunc revelatum est sanctis Apostolis, & Prophetis.*

Colligitur ex dictis, in Conciliis, vel a Summo Pontifice nihil decerni spectans ad Fidem, quod non habeatur in sacra Scriptura explicite, vel implicite, aut ex Apostolorum Traditione: quia Ecclesiæ non fiunt novæ revelationes, sed revelationes ante occultas Ecclesia manifestat.

**QUÆRO XI.** Quid, & quotuplex est Symbolum Fidei, & cuius est illud ordinare?

**XIV.** *Resp. 1.* Symbolum juxta S. Th. hic q. 1. art. 9. in c. est *Collectio sententiarum nostræ Fidei, seu summa veritatum nostræ Fidei, sive regula ejus.* Et est triplex. 1. Symbolum Apostolorum ab ipsis Apostolis conditum, & traditum. 2. Nicænum, nimirum in Concilio Nicæno contra Arianos compositum, postea in Concilio Constantinopolitano editum contra Macedonium, & explicatum in Ephefino contra Nestorium. 3. Est S. Athanasii, quod licet a privata persona per modum cuiusdam doctrinæ, & non

& non per modum Symboli sit editum, fuit tamen auctoritate Summi Pontificis pro regula Fidei approbatum, & receptum juxta S.Th. art. 10. ad 3.

*Resp. 2.* Nova editio Symboli spectat ad solam auctoritatem Summi Pontificis. Ita S.Th. q. 1. a. 10. Cujus Ratio est: Editio Symboli ordinatur contra insurgentes errores in materia Fidei. Ergo ad illius auctoritatem pertinet editio Symboli, ad cujus auctoritatem pertinet finaliter determinare ea, quæ sunt Fidei, ne sint in nobis schismata: Sed hoc pertinet ad auctoritatem Summi Pontificis, ut potest, qui præest toti Ecclesiæ. Ergo.

**QUÆRO XII.** Quid, & quotuplex est regula Fidei?

*XV. Resp. 1.* Regula Fidei est signum quoddam sensibile commune permanens, per quod infallibiliter nobis innoscitur, & proponitur divina revelatio, ut conveniamus in stabilem Fidei unitatem. Dari Regulam Fidei non negant hæretici, sed in ea assignanda a nobis dissentiant.

*Resp. 2.* Regulæ Fidei sunt quinque. *Primò* Ecclesia in sensu explicato supra n. 7.

2. Concilium generale sumptum cum Papa, ut explicabitur n. 20.

3. Papa ut loquens ex Cathedra etiam solus, seu sine Concilio, ut patet ibi n. 19.

4. S. Scriptura, de qua n. 25.

5. Traditiones, de quibus infra n. 27.

Potestne admitti hæc propositio: Credo in Ecclesiam?

*XVI. Dico cum S. Thom. q. 1. ar. 9. ad 3. dicente:* Siquidem, in sanctam Ecclesiam Catholicam, hoc est intelligendum, secundum quod Fides nostra refertur ad Spiritum S. qui significat Ecclesiam; ut sit sensus: Credo in Spiritum S. sanctificantem Ecclesiam. Sed melius est, & secundum communem usum, ut non ponatur in sed simpliciter dicatur sanctam Ecclesiam Catholicam. Hæc S. D. Hoc autem non est ideo, quasi Ecclesia non sit columna, & firmamentum veritatis, sed quia ista propositio, *Credo in Ecclesiam*, dixit, motum formale credendi respectu nostræ fidei esse Ecclesiam, quod est falsum. Unde & S. Aug. Tract. 17. in Joannem ait: *Credimus Paulum, sed non in Paulum*, quia motivum formale credendi non est Paulus, sed prima veritas revelans.

**QUÆRO XIII.** Quid est Ecclesia, estne visibilis, infallibilis? & quot sunt characteres, seu nota veræ Ecclesiæ, extra quam non est salus?

*XVII. Sermo* est de Ecclesia militante in terris, non de triumphante in Cælis, nec de patiente in Purgatorio.

*Resp. 1.* Ecclesia est Societas, seu Congregatio Fidelium, seu baptizatorum sub uno Capite

Christo in Cælis, & Vicario ejus in terris, Pontifice Romano, inter se eodem cultu communicantium.

*Resp. 2.* Ecclesia est visibilis. Est de fide.

*Ratio est:* Quia in sacra Scriptura vocatur *lucerna*, non sub modio, sed super candelabrum, & *ciuitas supra montem posita*; *Tabernaculum in Sole positum*, &c.

Item Pastores Ecclesiæ sunt visibiles, visibiliter visibilia Sacramenta ministrant, oves visibiles visibiliter docent. Ergo & Ovis est visibile.

*Resp. 3.* Universalis Ecclesia Christi est infallibilis regula Fidei, seu nequit errare, nec erravit unquam in rebus Fidei, quod etiam verum est de Concilio Oecumenico, seu generali sumpto unà cum Papa ut Capite. Est de Fide, & patet ex sacra Scriptura: quia Matth. 16. dixit Christus: *Super hanc petram ædificabo Ecclesiam meam, & porta inferi*, per quas intelligitur Dæmonis potentia, & altutia in disseminandis erroribus, & hæresibus, non prevalebunt adversus eam. Et 1. ad Tim. 3. dicitur *columna, & firmamentum veritatis*. Quod non esset, si errare posset. Nam ille error refunderetur in Christum, qui Matth. ult. dixit: *Ecce ego vobiscum sum usque ad consummationem sæculi*. Et in Spiritum Sanctum cujus perpetua assistentia Ecclesiæ promissa est. Joannis 14. *Regabo Patrem, & alium Paracletum dabo vobis, ut maneat vobiscum in æternum, Spiritum veritatis*. Et Luc. 22. dixit Christus ad Petrum: *Regabo pro te, Petre, ut non deficiat fides tua*, &c.

Dixi 1. *Universalis Ecclesia*, quia non nego aliquam particularem Ecclesiam errare posse.

Dixi 2. *Hoc etiam verum esse de Concilio Oecumenico*, quia non nego posse errare Concilium Episcopale, vel diœcesanum, quod constituitur ex Parochiis unius Diœcesis ab Episcopo congregatis: uti & Provinciale, in quo Episcopis Suffraganeis suis præsidet Archiepiscopus: uti & Nationale, in quo sub uno Primato, aut Patriarcha multarum Provinciarum Episcopi conveniunt. Ratio mox dabitur.

Dixi 3. *Sumpto unà cum Papa*. Quia assistentia Spiritus Sancti non est promissa nisi toti Ecclesiæ: Sed Concilium acephalum, seu sine Summo Pontifice ut Capite, non est tota Ecclesia, ut nec Concilium Provinciale, aut Nationale. Ergo.

*Ratio est:* Si Ecclesia jam semel defecisset, ex Christi Sponsa meretrix facta, & deprehensa, ut adultera (quæ sunt columnæ hæreticorum) *Sequitur* 1. falsa esse omnia, quæ de sempiterna conjunctione Christi cum Ecclesia a Prophetis, & Apostolis sunt prædicta tum locis ante citatis, tum Osee 2. *Sponsabo te mihi in sempiternum*. *Sequitur* 2. Christum aliquot

aliquot sæculis non habuisse Sponsam, sed adulteram. *Sequitur 3.* Ex hac adultera natos esse Lutherum, & Calvinum, adeoque eos non esse legitimos, sed spurios Ecclesię filios, & Ecclesiam reformatam esse eorum novercam; ac spuriam matrem. *Sequitur 4.* Ipsos etiam Reformatos non esse de sua fide securos, quod enim sensim, & occulte deficiendo (ut ipsi mentiuntur) contingit Ecclesię Pontificię, etiam ipsorum Ecclesię contingere potest.

*XVIII. Resp. 4.* Characteres, seu notę verę Ecclesię sunt 4. nimirum esse (ut Concilium Nicęnum agnovit) unitam, Sanctam, Catholicam, & Apostolicam.

*Prima nota.* Ecclesia nota est unitas, ut patet Joannis 6. *Fiet unus corpus, & unus Pastor.* Et Ephes. 4. *Unum corpus, & unus spiritus, una fides, unus Baptismus, unus Deus, &c.*

*Secunda nota* est Sanctitas; non quod omnia Ecclesię membra sint sancta: quia in domo Dei dantur vasa aurea, & fictilia, Virgines prudentes, & fatuę: sed quia ejus doctrina est purissima, & omnes, qui eam prestantur, sunt sancti: & Sacramenta ejus, ac cęremonię nihil redolent nisi Sanctitatem.

*Tertia nota* est: Esse Catholicam, seu universalem, diffusam a Solis Ortus usque ad Occasum.

*Quarta est:* Esse Apostolicam, id est, fundatam super Apostolos, utpotę primos Fidei Christi Pręcones.

*Resp. 5.* *Ha nota* conveniunt soli Ecclesię Romanę, non illi particulari, quę est Romę, sed toto orbe diffusę juxta definitionem in *Resp. 1.* datam.

*Declaratur.* In primis Ecclesia Romana, id est, Romano Pontifici per totum orbem adhęcens, est una. Tum unitate Capitii, ad quod omne dubium, si quod in materia Fidei, ac morum oriatur, decidendum refertur. Tum unitate Sacramentorum, septenario numero comprehensorum. Tandem. Unitate credendorum. Licet enim Theologi circa multa in Theologia, quę ab Ecclesia nondum sunt definita, in diversas abeant sententias, non tamen circa articulos Fidei, sed circa eos per totum orbem est omnimoda concordia, nisi fortę quis ex invincibili ignorantia aliquid non teneret, ut articulum Fidei. Verum Lutheranis, & Calvinistis deest unitas tum Capitii visibilis, tum & credendorum, ac Sacramentorum, cum aliqui Lutherani duo, alii tria admittant; & aliqui Calvinistę, ut Genevenses, verum Christi descensum ad inferos negent, alii veró, Anglici nimirum, credant: isti Regem, immó & Reginam militantis Ecclesię caput esse contendunt, illi pernegent.

*Secundó* Romanę Ecclesię convenit Sanctitas, prout insinuatum est in explicatione secundę notę: Nam nihil docet, quod non ten-

dat ad sanctitatem, ut patet tum in doctrina, quam profitetur, tum in Sacramentis, Confessione, Sacrificio Missę, votis, Professione Religionis, Conciliis Evangelicis, jeuniis, cultu Sanctorum, miraculis, &c. quę omnia referentur non est hujus instituti, sed quę sanctę, scilicet, vixerint Lutherus, & Calvinus, quomodo, dum miraculis doctrinam suam confirmare, dęmones expellere, mortuos suscitare tentabant, fuerint delusi, in specie Calvinus, dum è vivo mortuum fecit, ex authenticis historiis fat constat.

*Tertio* Ecclesia Romana est Catholica, seu Universalis, cum etiam extra Europam, & antiquum Orbem in omnibus quatuor partibus novi Orbis, nimirum ad Orientem in Indiis, ad Occidentem in America, ad Septentrionem in Japonia, ad Meridiem in Brasilia, Ecclesię Romanę fides sit plantata, & in dies magis per Missionarios plantetur, & gloriosis martyriis confirmetur. E contra Secta Lutherana hæret in aliquo angulo Germanię, vel Regnorum septentrionalium; Calvinistica in quodam angulo Gallię, Anglię, Belgii, Zuingliana in angulo Helvetię, &c.

*Quartó* est Apostolica, quia probat, & tenet successionem suorum Episcoporum; & Pastorum (adeoque & doctrinę) ab ipsismet Apostolis usque huc line ulla interruptione. De quo nulla Secta Acatolica gloriari potest.

**QUÆRO XIV.** Papa estne infallibilis regula Fidei, & morum, etiam sine Concilio, dum loquitur ex Cathedra, non solum circa ea, quę sunt juris, sed etiam quę sunt facti? Item estne supra Concilium, & hoc ab eo, non ab alio congregandum? Ante Resp.

**XIX.** Nota, Papam dupliciter considerari posse. *Primó* est privata persona, seu ut scribit, aut docet tanquam Doctor privatus, & particularis, & sub hac ratione non est dubium, quin possit errare, immó de facto aliqui errarunt. *Secundó* ut gerit publicam Personam supremae Potestatis, & Vicarii Christi, & vice seu nomine Christi agit, loquens ex Cathedra, quibus verbis non intelligitur materialis Cathedra, sed dicitur Papa loqui ex Cathedra, quando secundo modo se gerit, ac publica negotia, nimirum in materia fidei, aut morum tractat, inque suis Decretis utitur terminis Apostolicam auctoritatem significantibus. Hoc notato

*Resp. 1.* Papa sub secunda formalitate sumptus seu ut ex Cathedra loquens, etiam sine Concilio, non potest errare in iis, quę juris sunt, quoties aliquid definit, sive ad fidem, sive ad mores spectans. Est de fide.

*Ratio est 1.* In omni republica bene ordinata præter leges scriptas est aliquis animatus Jurex, cujus sit leges interpretari, & juxta earum interpretationem sententiam ferre. Unde

Deut.

Deut. 17. divina lege statuitur, ut, quodcunque ambiguum, & difficile acciderit, deferatur ad Sacerdotes Levitici Generis, ab iisque exquiratur sententia. *Subsumo*: Sed nemo Christianorum dubitat, Rem publicam Christianam a Christo esse optime, & sapientissime ordinatam. Ergo præter librum Legis, qui est S. Scriptura, tanquam norma, & regula, dedit ei aliquid animatum Judicem, cum auctoritate controversias circa fidem exortas dirimendi. *Subsumo*; Sed hic non est alius quam Pontifex Romanus, legitimus Petri Successor, & hic est infallibilis, quia enim Christus volebat suam Ecclesiam perpetuo duraturam, eam, dicendo, *Tu es Petrus, &c.* non fundavit super solam personam Petri, sed & super Successores ejus: & dicendo, *Rogavi pro te, Petre, ut non deficiat fides tua, &c.* in aliquando *conversus confirma Fratres tuos*, perpetuam assistentiam non promissit soli Petro, sed & legitimis Successoribus ejus, & quidem Independentem à Concilio: mandatur enim Petro, ut ipse Fratres suos, id est, Concilium confirmet. Ergo Papa ex Cathedra loquens non potest errare.

Dixi in R. r. *Sive ad mores spectans*, cujus sensus est, quod Papa non solum non possit errare proponendo credenda, pro vero, & revelato approbando id, quod est falsum, sed nec in proponendo agenda, turpia pro honestis, honesta pro turpibus approbando, adeoque nec possit errare in approbatione alicujus status Religiosi, nec in Canonizatione Sanctorum, quia Religiosorum Ordinum approbatio, qua perfectionis via determinatur, & Sanctorum invocatio ad universæ Ecclesiæ mores spectant. Nec ergo in his Papa errare potest, qui etiam pro illis habet assistentiam Spiritus Sancti Joann. 16. *Ille docebit vos omnem*, N. B. *omnem, veritatem*. Et aliàs certè Christus Ecclesiæ lux non sufficienter providisset.

*Resp. 2.* Pontifex etiam ut talis, cum cætu suorum Consiliariorum, & cum Concilio Generali potest errare in questionibus, seu controversiis, ac decisionibus particularis cujusdam facti (in Scriptura non revelati) ad fidem non pertinentis, & pendentes ex testimoniis, ac informatione hominum.

Ita S. Thom. quodl. 9. a. 16. in c. dicens: *In sententiis, quæ ad particularia facta pertinent, ut cum agitur de possessionibus, vel de criminibus, vel de hujusmodi, possibile est, judicium Ecclesiæ errare propter falsos testes*. Dixi ad particularia facta; Quia circa questiones facti quæ concernunt publicam Ecclesiæ instructionem, & utilitatem, uti involvitur in Canonizatione Sanctorum, Papa nequit errare, quia in his assistentia perpetua Spiritus Sancti a Christo promissa facit, ne testimonium humanum aliàs fallibile fallatur.

*Ratio etiam est 1.* Quia ab actu ad potentiam est bona consequentia: Sed de factis quidam Pontifices, & Concilia ob malas informationes errarunt in questionibus facti cujusdam particularis, & quod unus Pontifex statuit, alter revocavit, quorum alterutrum errasse necesse est. Ergo. Min. patet insipienti Auditoribus plura afferentes exempla, inter cætera hæc: Ad instantiam Monachorum Ratisbonensium Leo IX. pronuntiavit Corpus S. Dionysii à Gallia translatum esse Ratisbonam, quod Gallia negat. Zacharias Papa persuasione quorundam Cosmographorum circumventus excommunicavit S. Vigilium, eo quod docuerit, dari Antipodas, propter quod tamen Antipodæ non desierunt esse. Et Cardinalis de Turre Cremata docet, Patres Sextæ Synodi generalis errasse ex falsis rumoribus, & non bene intellectis Honorii epistolis, Honorium damnasse, & annumerasse Hæreticis Monothelitis.

*Ratio 2. est.* Suprà probatum est, fidei non posse subesse falsum, uti nec id, quod non innotescit ex verbo Dei scripto, aut Traditione, ab Apostolis, & PP. usque ad nos derivata: quia Ecclesiæ non habet novas revelationes, sed antiquas solum proponit, & explanat. *Subsumo*: Sed quoad questiones, non juris, sed facti particularis, in Scriptura non revelati, decisionibus Summorum Pontificum, & Conciliorum propter malas informationes potest subesse falsum: hinc fieri posset, sententiam daminari, quæ non deberet: alicum excommunicari, qui apud Deum est innocens, &c. quamobrem etiam de factis diplomatibus pontificis inseritur clausula hæc: Si preces veritate nitantur. Et supponitur, quod facta, de quibus est sermo, non constant ex verbo Dei scripto, nec ex Traditione. Ergo.

Dixi: *facti in Scriptura non revelati*. Si enim in ea expressum, & revelatum sit, ad Fidem pertinet, ut patet 2. Thimo. 2. de hæresi Hymenæi, & Phileti. Ergo.

*XX. Resp. 3.* Summus Pontifex, ut talis, simpliciter, & absolute est supra totam Ecclesiam, & super Concilium Generale, secundum se, & sine Papa sumptum: si autem sumatur Concilium Generale simul cum Papa, est paris auctoritatis cum ipso.

*Ratio est*: Pastor est supra gregem, Rector est supra subditos. Caput est supra membra, & Christi Vicarius est supra eos, super quos est Christus, & quos, aut quorum Statuta, potestate à Christo subdita, confirmat: Sed Papa est pastor, Rector, & Caput Ecclesiæ, & Christi, qui est supra Concilia, Vicarius, ab eoque habet auctoritatem confirmandi Concilia, ut patet ex citatis verbis Christi ad Petrum *Et in aliquando conversus confirma Fratres tuos* Ergo est supra Concilium.

*Oppono 1.* Concilium Constantiense Sess. 4. definit, Concilium Generale habere à Christo immediatam auctoritatem, cui omnes obedire tenentur, etiam si Papalis dignitas existant. Quod & de facto Joann. XXIII. Gregorium XII. & Benedictum XIII. deposuit, & elegit Martinum V.

2. Ratio dicat, quod totum est majus sua parte, & potentia agendi est tempore principalior in toto quam in partibus: Sed Ecclesia, seu Concilium est quoddam totum, & Papa solum est pars. Ergo Concilium est supra, &c.

*Ad 1.* dico, Definitionem Concilii Constantiensis intelligi non absolute, sed solum in certo casu, nimirum tempore schismatis, quando nescitur quisnam sit verus Papa, quia dubius Papa haberetur pro non Papa. Ergo exinde non probatur, quod Concilium habet potestatem supra Papam.

*Ad 2.* dist. maj. Est majus quantitate molis, & si sermo sit de corpore naturali, C. maj. si sermo sit de corpore morali, vel politico, ac de quantitate virtutis, subdist. si virtus a toto derivetur in partes, C. maj. si contra ab una parte principali fluat in totum, ut in presenti derivatur à Papa, cui Christum eam dedit, N. maj. & applicata dist. ad min. N. Conseq.

Not. has duas propositiones ab Alexandro VIII. 1690. esse damnatas, nimirum num. 29. Futilis, & toties convulsa est assertio de Pontificis Romani supra Concilium Oecumenicum auctoritate, atque in Fidei questionibus decernendis infallibilitate. Et num. 30. Ubi quis invenerit doctrinam in Augustino clare fundatam, illam absolute potest tenere, & docere, non respiciendo ad ullam Pontificis Bullam.

XXI. *Respondeo 4.* Nullum Concilium Generale legitime congregatur nisi auctoritate Summi Pontificis, qui extra Urbem non solet ei interesse, vel præsidere personaliter, sed per Legatos.

Hæc R. sequitur ex ratione præcedentis R. Hinc dum legitur, quod Imperatores Concilia congregaverint, id, vel attentatum fuit via facti, non juris; Vel ad Papæ instantiam, ut brachio sæculari, ac potentia Imperatoris Concilii libertas, & auctoritas defenderetur. Similiter, quod primis trecentis annis non fuerint celebrata Concilia, non fuit ideo, quia Imperatores non erant Christiani, seu defuncti potestatis, sed defectu opportunitatis, tunc enim ob assiduas persecutiones Christianis non licebat ex diversis Provinciis in unum locum convenire.

QUÆRO XV. Potestne Papa alteri in foro fore committere iudicium supra se?

XXII. *Resp.* Nego de iudicio coactivo, affirmo de iudicio discretivo, seu discussivo.

*Ratio 1. p. est:* Qui prima Sedes a nemine iudicatur, cum non habeat superiorem in terris cui obedientiam præstet. Ergo tota ejus causa reservatur iudicio Dei; Nec potest à Papa ad Concilium appellari, ut patet n. 20.

*Secunda pars patet ex diversorum Pontificum factis, Sixti III. Leonis III. & IV. Symmachi, &c. qui, cum accusarentur, causas suas in Concilio Episcoporum ducunt, & examinatorum voluerunt. Immo legitur, quod Leo Papa 3 in querelis contra se propositis se subiecerit iudicio discretivo Imperatoris Ludovici, & Legatorum ejus, non ex necessitate juris, sed virtute humilitatis, ad comprobandam suam innocentiam. An, & quando Papa in foro Penitentiali, quod est favorabile, & necessarium post Baptismum, se alteri possit subicere, vide infra in Tract. 13. de Pœnit.*

QUÆRO XVI. Quid agendum in casu, qui possibilis est, quo Papa, credendo, vel docendo, ut Doctor particularis fieret hæreticus, ut contigit Honorin. I. & Marcello, qui thus adhibuit Idolis. Et Petrus Christum negavit?

XXIII. *Resp.* Non esset eo ipso depositus, seu auctoritate Papali privatus, sed post duas monitiones, nisi rescipisceret, deponendus per Concilium Generale, non quidem per potestatem auctoritativam, ut potest quam non habet, ut dictum est, sed per potestatem ministerialem.

*Ratio 1. p. est:* Quia dignitas Papalis est de Jure divino, & post Deum nemo in terris est supra Papam. Ergo solus potest eam tollere, ut homine: Sed nullibi constat, quod in casu hæresis eo ipso Deus eam tollat. Ergo.

*Declaratur ulterius hæc pars:* Papa cadens in hæresim, cum vita spirituali (quæ est gratia) ac vitali motu fidei careat, desinit quidem esse membrum vivum Ecclesiæ quoad se, ut privatus homo est, & sit membrum putridum ejus, non tamen desinit esse Caput Ecclesiæ, in ratione cujus constituitur per auctoritatem jurisdictionis, donec deponatur, quia in officio Capitis in ordine ad Ecclesiam non erravit, nec quoad hoc assensum divinum amisit. Ergo.

*Ratio 2. p. est:* Quia ipse S. Clemens refert, a S. Petro sibi dictum, Summum Pontificem eo nullo aliud crimen esse deponendum, quâ ob hæresim, & hoc post duas monitiones, ut habetur ex Apostolo ad Titum 3. dicente: *Hæreticum hominem post unam, & secundam correctionem devotam indubio ob periculis: hoc autem foret majus respectu Papæ, quàm alterius. Ergo esset deponendus per Ecclesiam, seu Concilium Generale: Non auctoritativè, quia Concilium non habet auctoritatem super Papam, sed instrumentaliter, seu ministerialiter, hoc est, cum ad altius tribunal in terra non sit recursus, Concilium potest declarare eum esse maxime nocivum Ecclesiæ, & esse talem, quem*

quem omnes debent vitare, nec pro Capite habere, quia in omnium sententia, Jure naturæ licitum est subditis Superiorem totius Communitati nocivum refugere, & excludere. Ergo.

*Sed quis in eo casu congregabit Concilium, cujus congregatio juxta ante dicta spectat ad solum Papam?*

*Disco:* Dum Ecclesia habet verum, ac certum Pontificem, & hunc Fidei Romanæ professorem, ab eo solo Concilium generale convocari potest, & quidquid sine eo in Concilio fieret, esset nullum: Dum verò Pontifex est dubius, & incertus, uti est tempore schismatis, vel a Fide caderet in hæresim, tunc sine ejus consensu potest Concilium convocari, non quidem auctoritative per aliquem Prælatum particularem, sed communi consensu Prælatorum Ecclesiæ, saltem partis eorum, qui habent jus comparandi in Concilio, promoventibus hoc negotium sacro Cardinalium Collegio, & secularibus etiam Ecclesiæ Principibus.

Colligitur ex his, quòd licet Collegium Cardinalium Papam eligat, non tamen potest se solo, Papam hæreticum factum, etiam ministerialiter deponere, sed hoc spectat ad totam Ecclesiam in Concilio congregatam.

**QUÆRO XVII.** Quid agendum in his tribus casibus. 1. Si non constet delegitima electione Papæ. 2. Si Pontifex detineretur captivus sine liberationis. 3. Si incideret in amentiam perpetuam?

*XXIV. Resp.* In primo casu esset agendum, sicut quando est Papa dubius, & incertus, de quo constat ex dictis, essetque procedendum ad novam electionem. In secundo casu illa detentio non sufficit ad creandum novum Pontificem; sicut nec sufficiebat detentio Petri per Herodem. In tertio casu esset procedendum sicut Sede vacante, quia desinente vita rationali (licet naturalis maneat) Pontifex moraliter est mortuus.

**QUÆRO XVIII.** S. Scriptura, seu Verbum Dei scriptum Bibliis nostris vulgatis contentum estne regula Fidei, & sola controversiarum Fidei judex?

*XXV. Resp.* 1. ad 1. quæsitam partem affirmativè. Est de Fide juxta Trid. Sess. 4. ubi assignantur omnes libri Canonici; & omnia in iis contenta Spiritus Sanctus locutus est.

*Resp. 2.* Licet sacra Scriptura (præter cæteras Regulas in præf. n. 15. assignatas) sit norma, & Regula, secundum quam est iudicandum, ipsa tamen sola non est controversiarum fidei Judex. Est contra Lutheranos, & Calvinistas.

*Ratio est 1.* Multa creduntur, ut de Fide, quæ tamen in S. Bibliis non sunt scripta, v.g. de remedio peccati Originalis ante, vel post Abraham pro semellis, vel iis, qui non attingebant octavam diem; Uti & de perpetua Vir-

ginitate Deiparæ; Item ipsimet hæretici credunt, certos solum libros esse Canonicos, & tamen in Scriptura sacra non est expressum a Spiritu Sancto, quinam illi sint, & non alii. Uti nec, quòd baptizati non sint rebaptizandi, Ergo.

*Ratio 2.* Judex inter litigantes ita debet pronuntiare sententiam, ut uterque litigantium clarè sentiat, quæ sit decisio Judicis, ut unus fateatur esse pro se, alter contra se, aliàs non erit finis litum: Sed Scriptura licet in multis sit clara, & perspicua, non tamen in omnibus. Ergo. Min. prob. 1. Ipsi Lutherani, & Calvinistæ (quæ tamen in hoc conveniunt, quòd S. Scriptura sit clara, & perspicua, & ad omnes controversias dirimendas sufficiens, nec ulli falsitatem subesse possit) a tot annis inter se litigant de variis controversiis, v.g. de reali præsentia Christi in Eucharistia, & tamen Scriptura hanc litem hæcenus non potuit dirimere, nec ulli pars usque hoc lapsa est, nec fatebitur, sententiam contra se esse latam. Ergo.

Prob. 2. eadem min. S. Petrus Epist. 1. c. ult. loquens de Epistolis D. Pauli, dicit: *In quibus sunt quædam difficultates intellectus, quæ indocti, & instabiles depravant.* Et ad quid aliàs tot Commentaria super Scripturas? quis credit, eas omni plebeo, & cerdonibus esse perspicuas? Et quòd privatus Spiritus, qui (ut putant hæretici) cuivis in aurem loquitur, sit phantasticus, jam ostendi supra num. 7.

Fateor, ait Psal. 118. *Lucerna pedibus meis verbum tuum.* Et Psal. 119. *Præcepum Domini lucidum, illuminans oculos.* Verum hoc intelligitur de Verbo Dei explicato, perspecto, & cognito; antequam verò explicetur, manet obcurum.

**QUÆRO XIX.** Habentne A Catholicis legitimam S. Scripturam?

*XXVI. Resp. negativè. Ratio:* Si Lutherani, & Calvinistæ haberent legitimam sacram Scripturam, ejusque librorum Canonem, deberent eam habere per Traditionem, quia immediate a Deo eam non acceperunt: Sed non admittunt Traditiones. Ergo nec habent legitimam S. Scripturam. Vel certè nolentes volentes debent admittere Traditiones de Fide, quia fide tenent hanc, & non aliam esse legitimam S. Scripturam.

*Declaro ulterius:* Dicunt A Catholicis, quòd legitimam Scripturam acceperint a Luthero; & Calvino, sed dicant, a quo illi acceperint: Dicent: ab illis, qui eo tempore vixerunt. Sed quinam illi? Erant A Catholicis Pontificii. Ergo acceperunt ab illis: Ergo Catholici tempore Lutheri, & Calvini, &c. habebant legitimam S. Scripturam: Sed non habebant illam, quam nunc habent Lutherani, cum a Luthero sit reformata, ut ipsi asserunt. Ergo.

Confirmatur: Si A Catholicis legitimam Scri-

Scripturam acceperunt ab Ecclesia Romana, curam arguunt hæreseos, & Apostasiz? Cur ei quosdam esse libros apocryphos obcrudunt?

*Si Respondeant*, se veritatem Scripturæ haurire ex græcis, hæbreisquæ fontibus manet argumentum, quia admittunt Traditionem, per quam solameos fontes acceperunt, & quidem a Catholicis Pontificiis. Item, cur fontes græci, ac hæbrei non potuerunt ante Lutherum ita depravari, ut depravatos asserunt Latinos, cum pluribus fuerint objecti, & expostiti hostibus, ac tot annorum lapsu æquæ potuerint corrumpi?

Item inflamus: Vel sentiunt suam textus græci, & hæbreici explicationem esse infallibilis veritatis, vel non? Si non, ergo totam credentium multitudinem decipiunt in negotio salutis, & in primo fundamento incertos faciunt. Si sic, ergo admittunt dari aliquos S. Scripturæ interpretes infallibiles, & qui errare non possunt, quod aliis negant.

Si cum aliis Respondeat recurrendo ad ipsā S. Scripturam, quod nimirum hæc dicat, ac in diversis locis ipsamet testetur, se esse verbum Dei. *Contra est*: Quo pacto probabunt has ipsas sententias, quæ id asserunt esse verbum Dei? Etiam Alcoranus Mahometicus, & Talmud hæbraicus hoc sibi dant testimonium, an propter hoc ei credimus?

*Si cum aliis Respondeant*, S. Scripturam sua velut ex fronte, & divina, quam spirat, indole, agnoscere posse, non fecus ac Solem ex lumine, ita ut illa sit, quæ simul & cernitur, & qua oculi intellectus nostri irradiantur.

*Contra est*: Baptizato adulto, ac primis Fidei rudimentis imbuendo hinc libros Talmudicos, inde sacra nostra Biblia propone, putasne nativa hæc ab illis luce distinctus est? Si ex hoc Sole tanta lux effulgeat, cur adem Gentes non festinant? aut si solis pateat renatis, cur eam in his libris non æquæ observat Lutherus, & Calvinus, qui tamen sibi in multis contradicunt? Cur ex his non nullus, quos alii repudiant, admittunt alii?

**QUÆRO XX.** Traditiones sunt ne admittendæ, & quidem ut infallibilis Regula Fidei?

**XXVII. Resp. 1.** Traditio est doctrina non scripto sed verbo, seu vivæ vocis oraculo tradita, sive de aure in aurem propagata.

*Resp. 2.* Traditio est triplex. Prima divina, quæ est immediatè a Christo, & censetur esse tunc, quando aliquid in S. Scriptura non expressum, a tota Ecclesia temerè tanquam de Fide, vel in praxi servatur, superatque omnem humanam potestatem, uti sunt aliqua circa institutionem, & consecrationem Sacramentorum, quæ Christus viva voce Apostolis tradidit, de quibus patebit postea ex Trident. 2. Alia traditio est Apostolica ex tam habens ab Aposto-

lis cum assistente Spiritu Sancti, & censetur esse tunc, quando aliquid Conciliorum, & pontificum Decretis antiquius a tota Ecclesia creditur, vel in praxi tenetur, quod Apostolicam potestatem non excedit, ut mixtio aquæ cum vino in sacrificio Missæ, observatio Quadragesimæ, cultus diei Dominicæ, & non Sabbati, quamvis, & prior possit dici Apostolica in hoc sensu, quod a Christo per Apostolos ad nos trans derivata. 3. Est Ecclesiastica, quæ post tempora Apostolorum invaluit longo, & antiquo Ecclesiæ usu, ab Ecclesiæ Prælatibus introducta.

*Resp. 3.* De Fide est, admittendas esse in Ecclesia Traditiones divinas, & Apostolicas, tanquam infallibilem regulam Fidei, ostendentem credenda Fide divina.

*Ratio est*: Nam Apostolus Paulus 2. Thess. 2. clarè ait: *Tenete Traditiones, quas accepistis sive per sermonem, sive per Epistolam nostram.* Ergo saltem aliquas Traditiones hæretici necessarii tenentur admittere, & credere aliquid, quod in sacra Scriptura non est expressum. Et indubitatum est, plura esse talia: Unde ante mortem dixit Christus Joann. 14. *Multa habeo vobis dicere, sed non potestis portare modo, quæ Apostolos docuit post Resurrectionem, Ad. 1. Per dies quadraginta apparet eis, & loquens de Regno Dei.* Unde & Trident. ad Traditiones recurrit Sess. 14. c. t. de Sacramento extremæ Undionis. Et de Canone Missæ Sess. 22. cap. 4. Et de Sacramento Matrimonii Sess. 24. in præmio. Circa numerum librorum Canonicorum Sess. 4. in decreto. Quod enim hi, & non alii sint Canonici, habemus præcise ex Traditione, nec in Scriptura est expressum. Nam in primis loquendo de Veteri Testamento multis libri perierunt. Quia 1. Paralip. ult. dicitur: *Gesta a David, & novissima scripta sunt in libro Samuelis Vidensis.* Et in libro Nathan Prophetæ, atque in Volumine Carad. Vidensis. Et 4. Reg. 4. dicitur: *Locutus est Salomon tria millia Parabolarum, & fuerunt carmina ejus quinque millia, quæ omnia non extant.*

Deinde si loquamur de novo Testamento, certum est, perisse Epistolam D. Pauli ad Laodicenses, cuius ipse meminit Coloss. ult. Et unde constat, quod in Nova Legen non sunt plura Evangelia Petri, Andreæ, Bartholomæi, Thomæ? Unde constat, Evangelium, quod modò legitur, non esse supposititium, ut dicunt Mahometani? vel depravatum, ut olim dicebant Manichæi, & nunc Anabaptistæ? Certè in sacra Scriptura hæc non sunt expressa. Ergo admittendæ sunt Traditiones.

Confirm. 1. Plura sunt dogmata Fidei, quæ hæretici nobiscum credunt, & tamen non sunt expressa in Scripturis sacris, sed habentur ex sola Traditione; nimirum 1. Symbolam Fidei esse verè Canonicum, & Apostolicum. 2. Spiritum Sanctum procedere etiam à Filio, habetur



## E X A M E N II.

tur ex Symbolo Athanasii: quia Scriptura solum dicit Joan. 15. *Qui a Patre procedit*. 3. Infantes esse baptizandos, & non solos adultos. 4. Baptizatos ab hæreticis non esse rebaptizandos. 5. In Baptismo pronuntiari debere hanc formam, Ego te baptizo in nomine Patris, &c. 6. Deiparam mansisse semper Virginem, etiam post partum. Ergo.

Confirm. 2. Ritus Ecclesiæ non nisi ex Traditione habentur, v.g. quod Exorcismus, & aliæ cæremoniæ adhibeantur in Baptismo; & quod in eo fiat trina immersio. Quod Chrisma singulis annis renovetur. Quod in Calice Eucharistico aqua vino misceatur. Quod Eucharistia sumatur à jejunis. Quod in Sacrificio Missæ oretur pro defunctis. Quod signum Crucis formetur in fronte. Quod aqua benedicatur. De quibus, & similibus Tertull. in lib. de Corona militis c. 4. ait: *Harum, & aliarum ejusmodi disciplinarum, si legem expositæ Scripturarum, nullam invenio. Traditioni prætenditur auctrix, consuetudo confirmatrix, & Fides observatrix*. Et licet multorum rituum observatio non sit simpliciter ad salutem necessaria, est tamen ad eam necessarium ea non contemnere, & credere, ea esse bene instituta.

Resp. 4. Traditiones Apostolicæ habent parem cum sacra Scriptura auctoritatem, nec hæc sine illis est sufficiens Regula Fidei. Traditiones purè Ecclesiasticæ, licet non sint paræ auctoritatis cum Apostolicis, merito tamè à Christianis sunt servandæ, nec sine temeritate possunt negari, vel in dubium revocari.

Ratio prima partis est: Verbum Dei viva voce prolatum, & scripto non expressum est æquè infallibile, ac si esset litteris exaratum, quia suam infallibilitatem ab atramento, aut characteribus non sortitur. Ergo potest æquè esse infallibilis Regula Fidei, ac Verbum Dei scriptum.

2 Pars patet ex probatione R. 2. & 3. n. 27.

3 Pars patet ex antedictis.

Opponunt hæretici aliqua Scripturæ loca, quibus dicitur, Verbo Dei nihil addendum esse, mandatum Dei per Traditiones irritum fieri, & juxta SS. PP. in Scriptura S. inveniri omnia, quæ ad Fidem spectant. Verum in iis Scripturæ locis sermo est de Traditionibus Scripturæ contrariis. SS. PP. verò sic loquentes, Scripturam non accipiunt stricte pro solis libri canonicis, sed amplè pro Verbo Dei, prout completitur omnem veritatem à Deo revelatam. Plura hæc de re vide in Controversiis.

De actu interno, & externo Fidei, ac de credendis.

De quibus S. Thom. hic q. 2. & 3.

**D**uplex est actus fidei, nimirum internus, qui sola mente: Externus, qui ore, vel opere tanquam fidei internæ pro-seu confessionis perficitur.

**QUÆRO I.** Fides estne necessaria, & sola sufficiens ad salutem?

**XXVIII.** Ante R. Not. dupliciter aliquid posse ad salutem esse necessarium, etiam simpliciter, & non solum ad melius esse. *Primò* necessitate mediæ, & est illud, sine quo finis, v.g. salus, simpliciter obtineri nequit: & hæc necessitas, vel est ex natura rei, propter intrinsecam connexionem talis mediæ cum tali fine: vel ex institutione, juxta quam debet adhiberi, vel in re, ut Baptismus respectu parvulorum, vel in voto, ut Baptismus respectu adultorum, quibus impossibilis est in re. *Secundò* necessitate præcepti, & est illud, sine quo quidem finis absolute haberi potest, sed quia de eo extat præceptum, est observatio necessarium, ut Communio in Paschate. Ulterior utriusque necessitatis differentia est, quod ab his, quæ sunt necessaria necessitate præcepti, possit excusare ignorantia, vel impotentia, ut pater de Communione Paschali, sine Salutis dispensatio: secus est de his, quæ sunt necessaria necessitate mediæ, ut patet in Baptismo, sine cujus reali susceptione parvulus salvari nequit. Hoc notato

Resp. 1. Omnibus adultis usum rationis habentibus, aliquis actus internus fidei divinæ Theologicæ est necessarius necessitate mediæ in re, Adultis amentibus, uti & parvulis necessaria in re necessitate mediæ est fides habitualis. Ita Apostolus Hebr. 1. dicens: *Sine fide impossibile est placere Deo*, nimirum, vel habituali, vel actuali juxta sensum hujus 1. R. Unde Trid. Sess. 6. cap. 8. definit: *Fides est humana salutis initium, fundamentum, & radix omnis justificationis*.

Ratio 1. Quia Adultus usus rationis capax juxta cursum ordinarium non justificatur, nec salvatur, nisi per proprios actus tendat in Deum ut finem supernaturalem: Sed hoc nequit, nisi habeat actum internum fidei, quia nihil voluitur quin præcognitum, finis autem supernaturalis cognoscitur per fidem. Ergo adultis actus internus fidei est necessarius necessitate mediæ. Et quia actus fidei est primus, ac initium totius vitæ supernaturalis, non potest in alio actu priore, ejusve virtute contineri. Ergo non potest haberi in voto, sed debet haberi in re ad disse-

differentiam Baptismi, & similium respectu adultorum. Cum autem amentes, & parvuli ejus non sint capaces, eis non est necessarius. Quia tamen & hi non possunt salvari sine gratia sanctificante, & huic habitus fidei Theologicæ instar proprietatis necessarius fidei annexus, non salvantur sine habitu fidei in re.

Resp. 2. Contra hæreticos. Sola fides adultos non justificat; nec salvat, sed requiruntur etiam pii motus voluntatis. Ita D. Jacobus in sua Epistola cap. 2. clarè dicens: *Quid prodest, Fratres mei, si fidem quis dicat se habere, opera autem non habeat? nunquid si expectet salvari eum? Et subdit: Videtis, quoniam ex operibus justificatur homo, & non ex fide tantum.* Et tandem concludit: *Sicut enim corpus sine spiritu mortuum est, ita fides sine operibus mortua est.* Quod testimonium tam perspicuum est, ut hæretici coacti sint negare Epistolam illam esse canonicam.

Ratio congruentiæ est: Quia homo, dum peccat, a Deo per voluntatem avertitur. Ergo ut peccatum ei remittatur, debet per actum voluntatis ad Deum reverti. Ergo non sufficit actus intellectus ut est fidei. Unde Luc. 17. dicitur: *Nisi poenitentiam egeritis, omnes simul peribitis.* Et Apostolus 1. Cor. 3. *Si habuerimus fidem, &c. charitatem autem non habuerimus, nihil mihi prodest.*

Quomodo ergo explicas loca Scripturæ, & SS. PP. in quibus fides dicitur esse forma justificans & salvificans, & opera excluduntur?

Explico 1. Intelligi in sensu ante pro R. 1. insinuat ex Concilio Tridentino. Secundò intelligi de fide viva, & quæ per dilectionem operatur, seu opera habet adjecta. Dum opera excluduntur, sermo est de operibus non ex gratia, sed solis viribus naturæ factis.

XXIX. Quomodo cum R. 1. salvas doctrinam S. Thomæ de Verit. q. 14. art. 1. ad 1. de puerobus infantia in sylvis nutritio docentis, quod si lequeretur ductum rationis naturalis in prosecutione boni, & fuga mali, certissimè tenendum esse, quod Deus illum justificaret: Sed ille puer nullam haberet fidem, quia non haberet ullam notitiam mysteriorum Fidei. Ergo adultis ad salutem non est necessarius actus fidei.

Ad hoc N. min. nam S. D. ibidem docet, certissimè tenendum esse, quod Deus talem puerum de mysteriis ad salutem necessariò credendis esset illuminaturus vel per internam inspirationem, vel per ministerium alicujus Prædicatoris, Angeli, vel hominis; prout Deus de facto fecit Eunuchum Reginæ Candacis Ad. 8. mittendoei Philippum; & Cornelio, adeum mittendo D. Petrum, Ad. 10. Et S. Dionys. cap. 9. de cœlesti Hierarch. refert, multis Gentilibus beneficio Angelorum mysteria Fidei fuisse revelata, eosque salva-

tos. Prout etiam patet ex Angelico Doctore hic quæst. 1. art. 7. ad 3. ubi addit: invenitur etiam in historiis Ramanorum, quod tempore Constantini Augusti, & Helenæ Matris ejus inventum fuit quoddam sepulchrum, in quo jacebat homo, auream laminam habens in pectore, in quo scriptum erat: Christus nascetur ex Virgine, & ego credo in eum, & Sol; sub Helenæ, & Constantini temporibus iterum me videbis.

Quomodo cum hac solutione salvare potes communem doctrinam, quæ dicit, omni homini debere patere aditum ad salutem absque miraculo, quia præfatus modus instructionis videtur esse miraculosus?

Dico, non esse propriè miraculosum; licet sit rarus, & extraordinarius. Ratio est: quia ad generalem Dei providentiam in ordine gratiæ spectat, non permittere, ut boni perant, adeoque & hominem in casu talis necessitatis sic illuminari, quamvis sit de raro contingentibus: sicut ad generalem providentiam Auditoris naturæ spectat, citrà miraculum providere etiam in casibus raro contingentibus. Immo ordo gratiæ connaturalis exigit, ut non ponentibus obicem dentur auxilia saltem sufficientia, quando obligatio alicujus præcepti supernaturalis urget: quia aliàs homo obligaretur a Deo ad aliquid impossibile, quod non stat cum infinita ejus bonitate.

Quid sensis de hoc: Homo baptizatus obtento usu rationis, aliquandiu vivere potest non eliciendo actum fidei, & non peccando mortaliter & sic mori in innocentia baptismali, adeoque salvari, & tamen esset adultus?

Ad hoc nego, talem non peccare, & salvari; quia omnis hominis usu rationis obtento statim sub mortali tenetur se, & omnia sua in Deum convertere, ut patebitur statim dicendis ad Q. 2. quod non fit sine actu Fidei.

QUÆRO II. Teneturne omnis homo in primo instanti usus rationis sub mortali per actum fidei, & charitatis se convertere in Deum habetque ad hoc a Deo auxilia sufficientia? Ante Resp.

XXX. Nota 1. Pervenire aliquem ad usum rationis nil aliud esse, quàm pertingere ad illum statum, in quo expeditam habet facultatem ad discernendum inter bonum, & malum morale, seu peccatum, quæ facultas pueris tunc ineffe censetur, quando malè agendo se abscondunt, vel erubescunt.

Not. 2. Per primum instans rationis non intelligi unicum momentum temporis, sed instans indivisibile physicum, seu mathematicum, sed instans morale, seu moralem illam temporis, quæ moraliter, seu prudenter judicio sufficit, ut (pro diversitate tamen ingenii in uno citius quàm in altero maturefcentis)

puer

puer in eo deliberet, ac se determinet, an amplecti velit bonum honestum, vel eo relicto bonum sensibile, seu delectabile?

Not. 3. Duplicem posse dari conversionem in Deum, unam explicitam, seu formalem, quæ consistit in actu dilectionis Dei cogniti ut talis, seu per fidem, & sic est supernaturalis: vel per lumen naturale rationis, & sic est conversionis naturalis: alteram solum implicitam, & virtuale, quæ fit per propositum sequendi in omnibus bonum honestum, in quo Deus, ut boni huius Auctor, & finis virtualiter, & implicitè continetur.

Nota 4. Certum esse saltem in aliquo, nimirum in secundo sensu assignando, quod Deus omnibus hominibus viatoribus, etiam reprobis, sive adultis, sive parvulis det media; seu auxilia sufficientia ad salutem, quia aliis non salvaretur illud Apostoli 1. Timoth. 2. *Deus vult omnes homines salvos fieri*, qui enim vult finem, etiam vult media. Verum ly dare potest dupliciter sumi 1. quatenus est correlativum ad recipere, & dicit receptionem, seu impressionem gratiæ, sive auxiliorum in homine; & sunt vel interna, ut pii motus, inspirationes, vel illuminationes interinæ: vel externa, v. gr. Sacramenta recepta, & hæc auxilia aliquando sunt proxima, quæ homini dant facultatem proximam operandi bonum, & consequendi salutem; aliquando remota, quæ proximè quidem disponunt ad aliquos actus præliminares, remotè tamen solum ad salutem; si enim homo actus illos præliminares eliceret, acciperet ultiora gratiæ auxilia, ad credendum v. g. & prænitendum, &c. Secundò potest ly dare sumi prout idem est ac præparare, ac omnibus in communi offerre, pro omnibus instituire, & quantum est ex parte sua, conferre paratum esse; & hoc modo, ut dixi, certum est, quod Deus omnibus det media, & auxilia sufficientia, uti sunt Sacramenta, passio Christi, prædicatio, &c.

Nota 5. Quòd in prænam peccati mortalis actualis, vel Originalis multi homines auxiliis intrinsecis, seu auxiliorum sufficientium receptione priventur, non quod peccatum sit ratio necessitatis, sed quòd ex eo fumatur ratio sufficiens huius denegationis. Nam multi Christiani grandiora patrant scelera quàm infideles, & tamen Christianis plura auxilia dantur, quàm infidelibus. Ratio ergo efficax ex divina voluntate, quæ, cuius vult, miseretur, & cui vult, dona sua gratuita largitur, vocat, iustificat, salvat sine injuria alterius; per hoc enim, quod uni fiat gratia, alteri non fit injuria. Hoc notabile patet partim in parvulis, vel in utero matris, vel post ortum, sine Baptismo decedentibus; partim etiam in adultis peccatoribus morientibus in somno, amentia, ebrietate

*Tribunal Confessoriorum.*

etiam involuntaria, phrenesi, apoplexia, in infidelitate. Omnibus tamen his auxilia oblata, & præparata non desunt. His notatis

Resp. 1. Tutius est, & probabilius, quòd homo, seu puer in primo instanti moralis usus rationis sub mortali teneatur se convertere in Deum, ut ultimum finem per actum dilectionis, & fidei, si fide cognoscatur. Ita S. Thom. 1. 2. quæst. 89. ad 6. in c. dicens: *Cum usum rationis habere inceperit, non omnino excusatur a culpa venialis, & mortalis peccati; sed primum, quod tunc homini cogitandum occurrit, est, deliberare de se ipso, & se quidem se ipsum ordinaverit ad debitum finem, per gratiam consequetur remissionem Originalis peccati.* Si verò non ordinet se ipsum ad debitum finem, secundum quod in illa ætate est capax discretionis, peccabit mortaliter, non faciens, quod in se est. Et ad 3. ait: *Ab aliis peccatis mortalibus potest puer, incipiens habere usum rationis, per aliquod tempus abstinere, sed a peccato omissionis prædicta non liberatur, nisi, quàm citè potest, se converteret ad Deum.* Primum enim, quod occurrit homini discretionem habenti, est, quòd de se ipso cogitet, ad quem se, & alia ordinet sicut ad finem, finis enim est prior in intentione; & ideo hoc est tempus, pro quo obligatur ex Dei præcepto affirmativo, quo Dominus dicit: *Convertimini ad me, & ego convertar ad vos.* Zach. 1. Hæc S. D. & cum eo omnes Thomistæ nemine excepto, ut ait Gonet: licet in hoc differant, an illa conversio debeat esse explicita, & formalis, vel sufficiat implicita, & virtualis.

Declarantur verba S. Thom. ex dicto Gonet: Venire ad usum rationis, non est discernere inter bonum, & malum in abstracto, sed relativè ad se ipsum, discernendo quid sibi, ut fini cui bonum sit, vel malum. Ergo, ut finis aliorum, quæ sunt extra ipsum, homo sibi ipsi in illo instanti primò occurrit tanquam is, cui bonum proseguendum sit. Verum homo respectu aliorum, quæ sunt extra ipsum, non est finis ultimus, sed solum intermedius, ultra relatus ad Deum, ut finem simpliciter ultimum omnium creaturarum. Ergo ex quo homo est finis aliorum, sibi primò occurrit, ex quo verò non est finis ultimus, sibi primò occurrit deliberare de se ad ultimum finem ordinato; deliberatio enim non est de fine, sed de iis, quæ sunt ad finem, de fine verò est intentio, & eo intento deliberatur de mediis.

Ratio est: Homo legem justam, sufficienter sibi promulgatam, tenetur statim acceptare, & ei se subiicere, quia aliis non agnoscit se subditum, sed potius rebellem, & id potest, quia non datur lex ad impossibile, sed in primo morali instanti usus rationis per dictamen synderesis, & lumen naturale rationis,

O a Deo

a Deo intimatur lex naturalis, quæ dicitur, sequendum esse bonum honestum, seu conforme rationi, & præferendum bono utili, ac delectabili, seu sensibili. Unde S. Cyrillus, alique Sancti Patres illud Joann. 1. *illuminat omnem hominem venientem in hunc mundum*, intelligunt de illuminatione in primo instanti usus rationis, cum enim in eo homo incipiat vivere ut homo, dicitur moraliter venire in mundum, licet physice jam ante sit in illo. Ergo tunc homo statim ex vi præcepti naturalis sub mortali tenetur hanc legem amplecti, sequere resolvere ad prosecutionem boni honesti, sed sic resolvere virtualiter, & implicitè se convertit ad Deum, ut patet ex Not. 3. Ergo tenetur se convertere ad Deum saltem implicitè. *Subsumo*: Sed hæc conversio fit per actum dilectionis, qui est actus voluntatis. Ergo tenetur in eodem sensu Deum diligere; Sed nihil volitum quin præcognitum. Ergo præsupponitur actus intellectus Deum cognoscentis. Ergo sit sit conversio supernaturalis, de qua statim plura, præcedit actus fidei, ad quemque est obligatio; Si naturalis, præcedit actus rationis naturalis, Deum naturaliter cognoscentis.

Confirm. Maxime consentaneum est rationi, ut homo tunc terminum præfigat viæ, quando viam aggreditur. Sed juxta explicationem dicti Joannis 1. homo in primo instanti usus rationis propriè incipit esse viator. Ergo ratio dicitur, ut in eodem sibi præfigat terminum, seu finem; Sed finis ultimus omnis creaturæ est Deus. Ergo, si hunc sibi non præfigat, mortaliter peccat.

*Resp. 2.* De facto, seu supposita elevatione naturæ humanæ ad ordinem, seu finem supernaturalem, dicta lex de diligendo Deo in primo instanti usus rationis, per se loquendo, obligat ad actum supernaturalem, seu ad formalem, & explicitam conversionem in Deum, ut Auctorem, & finem supernaturalem, a qua tamen multi per acciden. excusantur: aut nemo excusatur a conversione naturali saltem implicita, & amore virtuali, & dantur ad hoc actus a Deo auxilia sufficientia. Hæc Resp. conciliat duas oppositas sententias Thomistarum, quarum ante memini.

*Ratio 1. p. est*: Tum quia actus voluntatis, uti est amor, debet proportionari actui intellectus, ad quem sequitur: Sed supposita elevatione per se cognoscit homo Deum per lumen supernaturale fidei, & ut Auctorem supernaturalem, ac explicitè. Ergo amor secutus debet esse supernaturalis, & explicitus. Tum etiam, quia S. D. citatus dicit, per talem conversionem hominem justificari; quod posse magis explicabitur. Ergo debet esse supernaturalis. Tum tandem, quia supposita elevatione homo in primo instanti usus rationis obligatur vivere honestè honestate proportionata naturæ, non se-

cundum se, sed ut elevatæ, quæ est honestas supernaturalis. Item per se obligatur præceptis non solum naturalibus, sed & supernaturalibus; & peccando recedit non solum a Deo, ut ultimo fine naturali, sed & supernaturali; Ergo.

*Dixi, honestas supernaturalis*, quæ est bonitas conveniens homini secundum rationem regulatam inspirato lumine transeunte fidei, & prudentia supernaturali, velut regula, quæ mundo, & natura superior est, sicut honestas naturalis est bonitas conveniens homini secundum rationem regulatam lumine lyndereis, & prudentia naturali.

*Ratio 2. p. est*: Nihil volitum quin præcognitum, & eo modo (scilicet implicitè, vel explicitè) volitum, vel amatum, quo præcognitum: Sed multi tunc pueri, nimirum in lylvis, & apud barbaras Gentes, educati, qui in primo instanti morali usus rationis explicitè non cognoscunt Deum, ut Auctorem supernaturalem, nec Evangelium, vel mysteria Fidei sunt eis prædicata, sed invincibiliter pro tunc ignorant illa. Ergo excusantur ab amore explicito Dei, ut Auctoris gratiæ.

*Dico, ut Auctoris gratiæ*, quia ut Auctor naturæ non potest invincibiliter ignorari, ut probavi suprâ. Ergo eò ipso, quod cognoscitur bonum esse amandum, etiam cognoscitur amandum esse ejus Auctorem Deum, & ad hoc habent auxilium sufficientes.

Aliud ex de pueris inter Christianos, & Catholicos, salutis animarum studiosos, educatis, qui, antequam annos discretionis attingant, a parentibus, vel instructoribus de Deo, & Fidei nostræ mysteriis multa audiunt, sicque in primo usus rationis instanti fidei lumine irradiati explicitum de Deo judicium formare possunt. Ergo hi tenentur ad amorem explicitum Dei, ut Auctoris gratiæ. Quod totum patet ex ipso S. Thom. cit. dicente: *Secundum quod in illa ætate est capax*.

Vel paulo aliter dico: Omnis homo perveniens ad usum rationis perfectum, nedum intrat ordinem naturæ, sed etiam intrat ordinem gratiæ, quales sunt, qui Evangelio sibi prædicato, vel mysteriis Fidei explicatis, a Deo de illis illuminantur, tenetur in eo instanti ad conversionem supernaturalem; alii ad naturalem tantum.

Tertia, & 4. pars patet: ex probatione R. r. XXXI. *Oppono*: Lex illa de se convertendo in Deum in primo instanti usus rationis non consistit ex S. Scriptura, sed est a S. Thoma inventa, & perique extra Scholam S. Thom. eam negant, nec homines, etiam timorati, de ejus legis transgressione, etiam sub dubio, se accusant. Et certè hæc sententia hominem scrupulis obtruncare, ac intricare potest de lege non impleta. Ergo.

*Ad hoc dico, ut ex S. Thom. cit. patet: Sacra Scriptura huic legi Zach. 1. satis faveret; nullum enim aptius tempus legi de conversione hominis per fidem, & charitatem in Deum, (quo per se obliget) potest assignari, ut patet tum ex prob. R. 1. Tum etiam: Si enim quis assignet tempus mortis, quante illud non liget, est serum nimis: Si solos dies Dominicos, & Festivos, id asseritur sine fundamento: Si præcisè tempus gravis tentationis contra charitatem, & fidem, tunc solum per accidens, & omnibus communis est obligatio eliciendi actum fidei, & charitatis. Ergo tempus, quo obliget per se, est dictum instans, pro quo vide Q. 4. num. 33. Hinc S. Thom. non invenit hanc legem, sed tantum assignavit tempus, quo liget. Cujus sententiam sequuntur etiam multi extra Scholam S. Thom. Quod verò alii dissentiant, est, vel quia opposita sententia ipsis videtur probabilior, vel saltem probabilis, cujus sequelam esse licitam sentiunt; quia de causa de hujus legis transgressione senon accusant; Ut nec illi, qui hanc sententiam tenent, nam si supponunt, se in primo instanti honesta fuisse secutos, ut & supponere possunt, cum de opposito non constet, & ideo scrupulis locus non est.*

*Sed Instans illud, & lex a pueris etiam sagacissimis non dignoscitur, quomodo ergo in eo se possunt convertere in Deum?*

*Distinguo: Non cognosci quidem in actu signato, bene tamen exercitè, quando, & quia in eo instanti per dictamen synderesis practicè pueris proponitur obligatio prosequendi bonum, adeoque & amandi ejus Auctorem. Pater tamen, hanc ipsam propositionem non relicto ullo vestigio, cum eodem instanti evanescere, ut homo sine novo discursu denuò non assequatur cognitionem ejus.*

*Explicat ulterius cit. verba S. Thom. dicentis, Hominem per dictam conversionem consequi remissionem peccati, seu justificari; quod certè de conversione naturali verificari nequit, nisi apud Semipelagianos.*

*Explico 1. ex R. 2. Sensus est, quòd quia supposita elevatione naturæ humanæ in sensu composito, seu potentia consequente, homo per se loquendo non potest se convertere in Deum conversione naturali sine supernaturali, si nimirum de mysteriis supernaturalibus jam sit illuminatus: ideo S. Thom. dicit: Quòd homo (ut potè) pertingens ad usum rationis perfectum etiam in ordine gratiæ, ut antequam bar) præceptum tunc implens, justificetur, non ratione conversionis naturalis, sed supernaturalis, ad gratiam, quia peccatum tollitur, disponens. Quod proinde non verificatur de illis, qui per accidens, seu defectu cognitionis Dei, ut Auditoris gratiæ, se convertunt in eum conversio nesciunt naturaliter.*

*Explico 2. cum quibusdam Thomistis: Si puer*

*(etiam apud infideles) veniens ad usum rationis faciat, quòd est in se, & convertatur in Deum, ut Auctorem naturæ, ad providentiam Dei spectat, eum etiam de mysteriis supernaturalibus gratuitò edocere, eique dare auxilium fidei sufficiens, consistens in pia cogitatione supernaturali; cui si consentiat, justificabitur a peccato Originali; si dissentiat, peccabit mortaliter. Quod intelligitur eo modo, quòd dixi nu. 39. de puero in sylvis nutritò, sicut in eodem instanti temporis fit conversio naturalis, & supernaturalis; & utraque fiat per auxilium supernaturale; licet enim per auxilium naturale non possit elici actus supernaturalis, bene tamen è contra per auxilium supernaturale actus naturalis, & hoc propter eminentiam, & virtutalem ejus continentiam. Hæc explicatio admittit aliquid plus, quàm 2. pars Resp. 2.*

*Oppono 1. contra primam explicationem: Sequitur ex ea, quòd nulli, etsi reprobo, venienti ad usum rationis perfectum, id est, tam intrà ordinem naturæ, quàm gratiæ, seu qui de mysteriis fidei est instructus, denegentur auxilia sufficientia: Sed hoc non videtur diceudum, quia illa multis denegantur. Ergo.*

*Oppono 2. contra 2. explic. Sequitur ex ea contra S. Thomam, non dari infidelitatem negativam, quam Thomistæ admittunt in illis, ad quorum aures prædicatio Evangelii nondum pervenit, qui habent ignorantiam invincibilem, & inculpabilem mysteriorum nostræ Fidei. Probat ut seq. Si cuilibet homini in primo instanti usus rationis detur auxilium sufficiens, scilicet illustratio fidei, est inculpabilis, si ei non consentiat, & ignorantia mysteriorum sit vincibilis, adeoque est infidelitas privativa. Ergo.*

*Ad 1. dist. maj. dicendo, esse veram de auxiliis sufficientibus supernaturalem saltem extrinsecis, oblati, & præparatis, non verò semper de intrinsecis, receptis, sive effectivè datis, prout dare est correlativum ad recipere. Pro quo*

*Not. 1. Dupliciter posse aliquid alicui esse possibile. 1. per potentiam intrinsecam, seu quæ inest ipsi subiecto. 2. per potentiam extrinsecam, quæ inest alteri, per quem potest agere, recipiendo tamen ab eo vires intrinsecas, ad quas dandas semper est promptus, & paratus, uti est Deus respectu cuiusvis hominis. Unde ait Apollolus: *Omnia possum in eo, qui me confortat.**

*Not. 2. ex Godoy, quòd ab extrinsecò posse consequi salutem stet dupliciter: Primò posse de potentia absoluta, & hoc modo illud etiam convenit Angelis, & hominibus damnatis, quòd tamen non sufficit, ut quis dicatur esse in statu salutis. 2. De potentia ordinaria, id est, secundum modum ordinarium causarum naturalium, aut moralium, quòd posse non solum*

fundatur in potentia Dei, sed etiam tum in libertate arbitrii, qua non gaudet Angeli post lapsum, nec homines damnati, cum inflexibiliter adhæreant malo, & continuo peccent, cum tamen teneantur peccatum vitare, & non possunt vitare sine auxilio gratiæ, sed eo carent ex sua culpa: tum in virtute passionis, & meritorum Christi, quæ pro Angelis, ac hominibus damnatis, nec quoad sufficientiam a Christo fuerunt applicata, nec a Patre cœlesti pro iis acceptata.

Ad 2. N. maj. ad prob. dist. ant. Si detur illustratio de mysteriis distincte, Cant. si solum cōfused, N. ant. & conf. Non ergo æquæ expresse, ac distincte cuius pueri ad usum rationis venienti representatur ultimus finis supernaturalis, uti nec naturalis. Si puer circa duos articulos, nimirum existentia Dei, & Providentia, seu quod Deus sit, & inquirentibus se remunerator sit, Hebr. 11. in omni statu ad credendum necessarios, in primo instanti sufficientem accipiat illustrationem, eod quod tunc tam distincte, & expresse proponantur, ut ad assensum induci possit, puer autem huic vocationi, & interno lumini oculos claudat; & non pareat, non excusatur, nec manet infidelis negativæ, sed fit talis privativæ, & peccat non credendo: si verò finis ultimus pueri representetur tam confusè, ut præcisè apprehendat rationem honesti supernaturalis, quod ante exposui, & non illustretur circa alia mytheria necessariò credenda, peccat quidem mortaliter, si illud respuat, & amplectatur bonum sensibile, non tamen peccat peccato infidelitatis, sed manet infidelis negativæ.

Oppono contra hanc solut. Qui potest, & tenetur credere duos præfatos articulos, non credendo fit infidelis privativæ, seu peccat peccato infidelitatis: Sed omnis homo habens usum rationis tenetur duos illos articulos credere distincte, & potest. Ergo. Min. probatur pro 2. p. Juxta dicta. Deus omni homini dat auxilia sufficientia, saltem extrinseca, ad salutem, quibus potest eam acquirere, & præcepta implere. Ergo potest credere.

Ad hoc dist. maj. Qui potest potentia proxima, & intrinseca, quæ in præsentia esset, si adesset illustratio distincte circa dicta mytheria, C. maj. Qui potest potentia solum extrinseca, uti est in præsentia defectu distinctæ propositionis credendorum, N. maj. Et sic dist. min. N. conf. Patet autem ex Not. quodd & ob quam causam, auxilia sufficientia intrinseca multis a Deo denegentur, qui tamen tenentur ad actum præcepti, quia potentia intrinseca carent ex sua culpa. Infidelitas ergo negativa non est peccatum personale formaliter, defectu voluntarii personalis, sed est pœna peccati Originalis; uti & motus primæ sensualitatis.

Quid sentis de hominibus iustis, qui nullum

unquam commiserunt peccatum mortale, an illis Deus semper det auxilia sufficientia intrinseca proxima, quando urget impletio præcepti sub mortali obligantis?

Affirmo; Quia in iis non est ratio denegandi, nimirum peccatum, sive Originale, sive actuale mortale; si tamen Deus vellet denegare ex alio capite sibi noto, v.g. ad ostendendum suum supremum dominium, & creaturæ infirmitatem, potest.

Quid ergo censet de peccatoribus, dum urget præceptum? Si enim dicas, eos habere auxilia merè extrinseca, & oblata, dicam ego eos non posse culpári. Nam infidelibus negativis idè infidelitas non imputatur ad culpam, quia licet habeant auxilia externa, & præparata ad credendum, non tamen habent interna, nimirum internam fidei illustrationem.

Dico, præter auxilia extrinseca, & oblata eis dari intrinseca saltem remota, in Not. 4. explicata, in quo differunt ab infidelibus negativis. Hinc Trid. Sess. 6. cap. 11. ex S. Aug. l. de nat. & grat. cap. 43. dicit: *Deus impossibilia non jubet, sed jubendo monet, & facere quod possis, & petere quod non possis; & adjuvat ut possis.* Quibus verbis possibilitas servandi præcepta Dei refunditur in admonitionem, & adiutorium Dei, quæ significant auxilium internum.

QUÆRO III. Quænam sunt necessariò, explicitè, vel implicitè credenda? Ante Resp.

XXXII. Not. 1. Fidem esse duplicem, unam explicitam, qua veritas aliqua fidei attingitur speciatim in seipsa, v.g. quod Deus sit Trinus, & unus: aliam implicitam, qua credo aliquid ut implicitè, aut virtualiter contentum in alio explicitè credito. Sicut qui explicitè profitetur, se credere, quidquid credit Ecclesia, implicitè credit omnes ejus veritates.

Not. 2. Non omnes æqualiter teneri ad fidem explicitam, sed majores, v.g. Episcopi, Magistri, Doctores, Superiores, Pastores, &c. cum minoribus mytheria fidei debeant explicare, debent habere majorem credendorum notitiam, & plura explicitè credere; prout S. Thom. hic qu. 3. art. 6. in Sed Cont. explicat ex Job 1. ubi dicitur, quod boves arabant, & asina pascebantur juxta illos; quia videlicet minores, qui significantur per asinos, debent in credendis adhærere majoribus, qui per boves significantur, ut exponit S. Gregor. in 2. moral. Et in corp. ait: Explicatio credendorum fit per revelationem divinam, credibilia enim rationem naturalem excedunt, revelatio autem divina ordine quodam ad inferiores pervenit per superiores, ut ibi magis explicat. His notatis.

Resp. 1. In omni statu fuit ad vitam æternam necessarium necessitate mediæ explicitè cre-



credere, quod sit Deus, & remunerari sit bonorum operum. Ita S. Thom. q. 2. ar. 5. citaus illud ad Hebr. 11. *Accedentem ad Deum oportet credere, quia est, & quia inquirentibus se remunerator est.*

*Ratio est:* Cum nihil voluit quin præcognitum, ut aliquis tendat in certum finem, debet cum cognoscere: Sed Deus ut Remunerator, & Glorificator est finis ultimus hominis. Ergo.

Not. In hoc, quod Deus sit Remunerator, implicitè continentur, & creduntur hæc tria. 1. Quod Deus habeat omnium rerum providentiam. 2. Quod opera nostra bona ei placeant, mala displiceant. 3. Quod anima nostra sit immortalis, cui post hanc vitam Deus opera bona remuneret.

*Resp. 2.* Post sufficientem Evangelii promulgationem, ad salutem æternam cuiusvis hominis, fides explicita Christi Salvatoris, seu Verbi incarnati, uti & mysterii Sanctissimæ Trinitatis est necessaria necessitate mediæ. Ita colligitur ex illo Joan. 17. *Hæc est vita æterna, ut cognoscant te solum Deum verum, & quem misisti Jesum Christum.* Idem docet S. D. hic q. 2. art. 7. & 8.

*Ratio 1. p. est:* Quia perfectior fides in Christum requiritur post adventum Christi, quam ante: Sed ante sufficebat implicita. Ergo nunc requiritur explicita.

*Quid dicendum* de illis, qui habent invincibilem ignorantiam Evangelii, quia respectu eorum perinde est, ac si non esset sufficienter promulgatum.

*Ad hoc* patet ex dictis, quod propter invincibilem ignorantiam non peccent peccato infidelitatis, eoquæ (si servaverint totam legem naturæ, & ex auxilio supernaturali eis dato fecerint totum, quod est in se) a Deo illuminandos esse, vel ab ipso met interius, vel per externam prædicationem.

*Ratio 2. p. est:* Quia mysterium Verbi incarnati, ut potè secundæ personæ) non potest explicitè credi sine mysterio SS. Trinitatis.

*Resp. 3.* Fides explicita mysterii Sanctissimæ Trinitatis, & Incarnationis est omnibus fidelibus etiam necessaria necessitate præcepti divini. Ita constat Marci ult. ubi Christus de mysterio Trinitatis loquens ait: *Qui verò non crediderit, condemnabitur.* Et 1. Joan. 3. dicitur: *Hoc est mandatum, ut credatis in nomine Filii ejus Jesu Christi.*

Not. tamen, quod rudibus sufficiat scire, in divinis esse tres personas distinctas, sub nomine Patris, Filii, & Spiritus Sancti, easque esse unum Deum, & secundam personam assumptisse naturam humanam, ut homines liberaret a peccatis. De doctioribus jam dictum est Not. 2.

*Resp. 4.* Omnes Fideles ex præcepto tenentur explicitè credere 12. articulos fidei contentos in vulgato Symbolo.

*Tribunal Confessionarium.*

*Ratio est:* Quia in iis continentur præcipua Fidei Christianæ mysteria. Hinc parentibus, & animarum curatoribus strictè incumbit, ut pueri Symbolum, uti & ea, quorum fiet mentio, addiscant. Interim absolutè necesse non est, ut rudiores illud sciant recitare memoriter eo ordine, & verbis, quibus communiter proponitur, sed sufficit illud scire, quoad substantiam, ita ut de singulis articulis interrogati rectè possint respondere; licet non sciant omnes circumstantias, v.g. Christum tertio die resurrexisse, passum esse sub Pontio Pilato, &c.

*Resp. 5.* Omnibus Fidelibus ex præcepto etiam est necessaria fides explicita eorum, quæ spectant ad Baptismum, Eucharistiam cum reali præsentia Christi in ea; & ad Confessionem sacramentalem.

Cæterorum Sacramentorum fides explicita non est necessaria nisi illis, qui ea suscipiunt, vel ministrant.

*Resp. 6.* Idem (quod in R. 5.) dico de iis, quæ pertinent ad Decalogum, & Orationem Dominicam, ac Salutationem Angelicam. Non quod quisvis homo maxime simplex teneatur ea scire verbatim, ut sunt conscripta; sed quoad sensum, & pro modulo suo, quantum capax est, sive crassiori Minerva saltem.

*Ratio est:* Quia ex Decalogo, & præceptis Ecclesiæ quilibet debet discere, quid sibi sit agendum, quidve omittendum. Deinde ex Oratione Dominica, & Salutatione Angelica discit, quid a Deo petere, ac sperare debeat. Ergo debet ea scire.

*Essent eadem obligatio*, nimirum sub mortali, sciendi formare crucem?

*Affirmo:* Nam nemo non reprehenderet graviter adultum nescientem formare signum S. Crucis, nisi fortè ut puer a parentibus abstractus, & inter barbaros enutritus fuisset.

*Resp. 7.* Quilibet Fidelis in illo articulo, *Credo, quidquid sancta mater Ecclesia credendum præcipit, & tradit*, tenetur implicitè credere omnes Fidei articulos.

*Ratio:* Quia aliàs non est Fidelis.

**QUÆRØ IV.** Cum præceptum credendi sit affirmativum, adeoque non obliget semper, & pro semper, quando per sed determinatè obligat?

**XXXIII. Resp. 1.** Hæc propositio ab Alexandro VII. anno 1665. 24. Septembris est damnata: *Homo nullo unquam vita sua tempore teneatur elicere actum fidei, spei, & charitatis ex vi præceptorum divinarum ad eas virtutes pertinentium.*

*Resp. 2.* Præceptum credendi per se, & ratione sui non obligat in probabiliori sententia, nisi tunc quando homo de aliqua fidei veritate est sufficienter instructus. Et hoc etiam in primo morali instanti usus rationis, ut patet ex dictis



nu. 30. art. 31. postquam autem semel actualiter credidit, postea per se loquendo, sufficit habitualiter credere, hoc est quod in promptu habeat fidem, ut assensum præstet, quando fuerit necessarium.

*Resp. 3.* Preceptum fidei per accidens obligat, quando quis tenetur elicere contritionem, vel actum dilectionis Dei super omnia, hinc enim actus elici nequeunt sine actu fidei. Item quando urget gravis tentatio, quæ videtur non posse vinci sine actu fidei. Item quando quis tenetur debito modo, & magna cum fiducia orare Deum, quod non videtur posse fieri prævia fide. Plura tempora assignantur ab aliis. Vide dicta num. 31.

**QUÆRO V.** Qui negat unicum fidei articulum, negatne, ac perdit totam fidem, vel retinetne fidem informem circa articulos, quos non negat?

*XXXIV. Resp.* Probabilius est, quod non retineat fidem etiam informem. Ita S. Thom. hic q. 5. art. 3.

*Ratio S. D.* Destructo objecto formali fidei implicat manere fidem ab eo specificatam: Sed per actum infidelitatis circa unicum fidei articulum respectu ejus destruitur objectum formale fidei infusæ. Ergo & fides. Probatur min. Objectum formale fidei infusæ est prima Veritas, seu Deus, ut infallibilis Regula, per Scripturam, & Ecclesiæ propositionem manifestata: Sed respectu ejus, qui scienter, & cum pertinacia unum etiam fidei articulum negat, prima Veritas, ut per Ecclesiæ proposita non manet regula infallibilis, sed fit fallibilis; quia tenet, eam revelasse, & Ecclesiæ proposuisse falsum. Ergo.

Ex hac ratione patet differentia fidei ab aliis habitibus intellectualibus, v. gr. Logices, Physices, &c. in quibus ei si quis erret circa alias Conclusiones, ob hoc non perdit scientiam circa alias. Et hoc ideo ait S. D. ibidem ad 2. *Quia in diversis Conclusionibus unius scientia sunt diversa media, per quæ probantur, quorum unum potest cognosci sine alio, & ideo homo potest scire quasdam Conclusiones unius scientia ignoratis aliis: sed omnibus articulis fidei inhaeret fides propter unum medium, scilicet propter Veritatem primam. Et qui ab hoc medio decidit, totaliter fide caret.*

*Not.* Intelligi hoc de materiali diversitate, seu multiplicatione mediorum, seu motivorum in scientiis. Negari enim non potest, quod ab illis abstrahatur una ratio formalis secundum speciem, a qua scientia habet suam unitatem specificam.

Similiter ex dictis patet differentia fidei divinæ ab humana, quæ non perditur per hoc, quod quoad unum alicui homini discredam.

*Ratio est:* Quia motivum fidei humanæ, scilicet auctoritas dicentis, non est in omnibus infallibilis sicut divina.

*XXXV. Oppono 1.* Ex data R. sequitur, Theologum, qui fieret hereticus, amittere scientiam Theologiæ: Sed hoc est falsum. Ergo Maj. pat. Quia articuli fidei sunt principia Theologiæ. Min. verò prob. Talis æquè potest Theologiam defendere, ac docere, in ea syllogizare (excepto illo, in quo est hereticus) ac ante. Ergo non perdidit Theologiam.

*Oppono 2.* Qui negat unum articulum fidei, reliquis æquè firmiter adhæret, ac ante. Ergo circū illos retinet fidem.

*Ad 1.* Concessa seq. N. min. Ad prob. dist. ant. Potest æquè in rei veritate, N. putativè, seu existimatè, vel ex consuetudine, C. Talis ergo alios articulos tenet solum propria voluntate, & iudicio, seu per opinionem quandam, ut ait S. D. loco cit. in fine Corp. & ad 1. fide humana, non verò divina nisi erronè existimata. Et ex illa fide humana potest eadem tem Conclusiones deducere, quas deduceret ex fide divina, si eam adhuc haberet. In hoc enim nullum invenitur inconveniens, ait noster Ferre, nam bene possunt supernaturalia tractari naturaliter, sicut scibilia multoties tractantur probabiliter. Ex quibus patet ad 2. *Sed nonne* per frequentatos actus talis Theologus generabit in se habitum ejusdem speciei cum habitu Theologiæ nostræ?

*Minime*, quia illi actus, seu assensus non habent idem objectum formale, ac nostri assensus Theologici, ut patet ex probat. Unde S. Dionysius Cap. 2. de div. nom. ait: *Theologus esse non potest, qui fidelis non est.* Remanet ergo, & augetur in tali Theologo quoddam fidei acquisitum simulacrum, non verum fidei aurum, sed aurichalcum, (ut loquitur Contenton) non eandem facilitatem ingerens, sed similem. Vel fortè verius dici potest, ait idem Auctor, solum esse eandem facilitatem extrinsecam, quæ provenit ex remotione impedimentorum, & exercitio actuum, non verò intrinsecam ab habitu ingeneratam.

*Quomodo est possibile*, quod habitus corrumpatur per unicum actum vitiosum contrarij? Oppositum enim videtur in virtutibus moralibus.

*Dico*, id fieri, si pereat ratio formalis objecti, sicut ea respectu fidei divinæ perit per unicum actum infidelitatis.

De virtutibus moralibus vide supra Tract. 4. Exam. 1. n. 1. quod virtutes morales infusæ quæ gratia habituali perdantur per unicum peccatum mortale, acquisitæ verò sine gratia, & charitate vix mereantur nomen virtutis, licet quoad substantiam sint tales, cum retineant suum objectum. Alia difficilis objectio videatur in Gonet hic disp. 4. art. 2. §. 3. object. 3.

**QUÆRO VI.** Exterior confessio fidei estne ad salutem necessaria?

*XXXVI. Resp. 1.* In nullo casu licitum est verbo, vel signo veram fidem negare, aut falsam profiteri, etiam exterius tantum.

Ita docet ipse Christus Matth. 10. *Qui me negaverit coram hominibus, negabo & ego eum coram patre meo, & licet exterius solum simulet se v.g. Mahometanum, vel Lutheranum, & sic quoad Deum infidelis, aut hæreticus non sit, mentitur tamen in regravissima. Ergo mortaliter peccat.*

Hinc & S. August. lib. contr. mendacium. c. 2. contra S. Hieronymum, & alii SS. PP. docent, peccasse Jehu 4. Reg. 10. simulantem se velle colere Baal, ut facilius ejus cultores cognosceret, & interficeret. Nec obstat, quod ibidem dicatur studiosè egisse, fueritque a Deo remuneratus. Nam, ut S. Tho. inf. q. 111. a. 2. r. ad 2. ait: *Commendatur, & temporaliter remuneratur a Deo, non pro simulatione, sed pro zelo, quo destruxit cultum Baal.*

Resp. 2. Præceptum de confitenda exterius Fidei est affirmativum obligans quidem semper, sed non pro semper, obligat autem pro loco, & tempore secundum circumstantias debitas.

Ita S. D. hic q. 3. ar. 2. in c. Ubiponit duos casus hujus obligationis. *Primus est: Si confessio fidei sit necessaria ad honorem Dei, & per omissionem confessionis subtrahatur honor debitus Deo. Secundus est, Utilitas proximis existentis in periculo fidei, cui tua publica confessione succurrere potes.*

*Ratio utriusque casus est: Quia præceptum de exercitio actus cujusque virtutis obligat, quando incipit esse necessarium ad finem charitatis erga Deum, proximum, & erga se ipsum. Ergo si prævideas, ex tua taciturnitate, dissimulatione, fuga, &c. securum esse Fidei Catholicæ contemptum, proximorum scandalum, seu ruinam; & contra verò ex tua publica confessione magnum fidei nostræ incrementum, aut cultum Dei (cui vita corporalis merito sit postponenda) teneris publicè Fidem confiteri.*

Ibidem ad 3. ait S. D. *Si ex manifesta Fidei confessione signatur turbatio infidelium, non verò utilitas Fidelium, non est laudabile in tali casu Fidem publicè confiteri. Unde Dominus dicit Matth. 7. Nolite Sanctum dare canibus, neque margaritas vestras spargere ante porcos, ne converti discurrant vos.*

XXXVII. Resp. 3. Quia Tyranno, seu magistratu ex odio Fidei Christianos, vel Catholicos persequente interrogatus de Fide, negat se esse Christianum, vel Catholicum, vel tacet, peccat mortaliter.

Patet tum ex citatis verbis Christi, tum ex data ratione. Cui adde, quod in eo casu præceptum Tyranni secundum se sumptum non obligat directè, & per se, ad confitendam Fidem publicè, sed præceptum divinum in his temporibus, & loci circumstantiis, ubi honor Deo debitus, & loci circumstantiis, ubi honor Deo debitus, & loci circumstantiis, ubi honor Deo debitus, & loci circumstantiis, ubi honor Deo debitus.

Dixi t. *Interrogatus a Magistratu*; si enim interrogetur a personis privatis, non est tanta obligatio, nec ita periclitatur honor Dei, & utilitas proximi. Quia a Quis, qui eorum Magistratu sunt, multò magis zelantur, quàm qui exercentur inter privatas personas.

Dixi 2. *ex odio Fidei persequente*; si enim persecutio esset ex alia ratione, nimirum quia Tyrannus crederet, Christianos esse homines sceleratissimos, tunc non peccaret mortaliter, qui se negaret esse Christianum, interrogatus; quia interrogatio interpretanda est juxta animum interrogantis: Sed animus interrogantis tunc non est de Fide. Ergo.

Resp. 4. Si Imperator Turcarum ferret Legem, ut Christiani tantum certo signo, quo a Turcis distinguantur animo occidendi Christianos, adeoque ex odio Fidei peccant mortaliter, qui in illis locis signo Fidei contestativo non uterentur. Idem est, si Rex Angliæ talem legem ferret contra Catholicos. Ratio patet ex dictis, quia facto negaret Fidem, & portando signum contestativum Fidei alienæ, etiam solum exterius, mentirentur in regravissima. Sed nonne licet alicui tunc a fugere ex iis locis?

Affirmo, quia ipsa fuga testatur se esse Christianum; nisi esset Episcopus, vel similis Pastor animarum, cui non licet deserere oves.

Resp. 5. Si illa lex esset lata ob alias causas, v.g. ob bonum publicum, ne hominibus diversarum Religionum confusio (ut dignosci nequeant,) Respublica turbetur, vel signa non sint peculiariter instituta ad hoc, ut per ea honor deferatur Sectæ, vel Auctorij ejus, non peccat mortaliter, qui ob tuendam vitam omitteret signum Christiani, & portaret signum Saraceni, vel Turcæ. Patet ex dictis.

Resp. 6. Si res Fidei nostræ a Paganis, vel hæreticis irrideantur, aut malè tractentur eorum Catholicos, tunc hic, etiam cum periculo vitæ, tenetur Fidem publicè confiteri, & pro viribus Fidem defendere.

Patet ex primo casu S. Thomæ ante posito: Plura de hæresi in Examine sequenti.

## E X A M E N III.

De vitiis oppositis Fidei, & Confessioni ejus, nimirum de Infidelitate, de qua S. D. agit qu. 10. De hæresi qu. 11. De Apostasia qu. 12. De Blasphemia qu. 13. & 14. De Schismate, de qua infra qu. 39. per 4. articulos.

QUÆRO I. Quid, & quotuplex est Infidelitas? Estne peccatum?

**XXXVIII.** *Resp.* Infidelitas est contraria Fidei, & est triplex: Negativa, privativa, contraria. Prima non est peccatum, bene tamen secunda, & tertia.

*Declaratur ex S. Th. hic q. 10. art. 1.* Infidelitas negativa est mala carentia Fidei, seu pura negatio in eo, qui nihil audit de Fide, vel audit ita obiter, ut mysteria Fidei non sint ei ostensa evidenter credibilia, & hæc non est peccatum, sed est poena peccati Originalis, defectu voluntarii personalis, nec propter eam homines damnantur, sed propter peccatum Originale, & alia peccata, quæ sine Fide remitti non possunt. Vide dicta Exam. præcedenti, num. 28. Verum N. B. ut in aliquo dicatur esse infidelitas negativa, non solum debet carere fide, sed & omni excellentiore cognitione mysteriorum fidei: hinc quia Christus, & Beati habent excellentiorem cognitionem articulorum Fidei, nimirum claram visionem, licet fidem, ut potest ratione obcuritatis statui beatifico repugnantem, non habeant, non sunt infideles negativè.

*Infidelitas privativa* est carentia fidei in eo, qui potuit, & debuit credere, sed non voluit, fide sufficienter sibi propoſita: licet in intellectu nullum positivum errorem habeat.

*Infidelitas contraria* est carentia Fidei in eo, cui etſi Fides sufficienter sit propoſita, non tamen vult credere, se vel expreſſe, ac formaliter aliquam Fidei veritatem negat, vel allerit errorem ei contrarium. Utraque hæc infidelitas est peccatum mortale.

*Ratio est:* Quia omnis homo Fidem, extra quam non est salus, sufficienter sibi propoſitam sub mortali tenetur acceptare.

**QUÆRO II.** Infideles, & hæretici quomodo tenentur inquirere de vera Fide?

**XXXIX.** *Resp.* 1. Infideles, qui aliquid audierunt de Fide Christiana per famam, rumorem, vel per aliqualem prædicationem, non tamen exactam, & sufficientem, uti sit inter Turcas, & similes barbaros, tenentur sub gravi præcepto adhibere sufficientem diligentiam, ut median- te aliquo Doctore veniant ad sufficientem Fidei cognitionem. Si sufficienti diligentia adhibita adhuc non habeant sufficientem Fidei cognitionem, excusantur a peccato infidelitatis.

Idem proportionabiliter intelligo de hæreticis horum temporum comparative ad fidem Romano-Catholicam, qui tamen utpote nobis viciniore difficilius excusantur.

*Ratio est:* Quia licet illa imperfecta propositio non fuerit sufficiens ad convincendum, fuit tamen sufficiens ad rationabiliter dubitandum, & ad movendum, ut repellatur ignorantia: Sed nemini licet manere in tam gravi dubio practico. Ergo.

*Resp.* 2. Infidelis non tenetur universaliter præbere auditum cuivis homini, eum de

alia Religione erudire volenti.

*Ratio est:* Quia infidelis non habet aliud lumen quam naturale: Sed hoc non dicitur, quemvis hominem in materia Religionis esse audiendum, quia aliàs æquè esset audiendus Judæus, aut Lutheranus. Ergo.

*Resp.* 3. Licet infidelis Evangelium explicitè audiat ab aliquo Prædicatore verè Christiano, non statim credendo non committit peccatum infidelitatis, nisi prædicator edat testimoniis ad credibilitatem convincendam sufficientia.

Prima pars patet ex illo Eccles. 19. *Qui cito credit, levis est corde.* 2. pars constat ex eo, quia in re tanti momenti (uti est cultus veri Dei) tenetur homo sequi dogma omnium probabilissimum, aliàs amabit periculum, & peribit in illo. Non deesse in eo casu auxilium credendi supernaturalis sufficiens, patet in Examine præcedenti, n. 31.

**QUÆRO III.** Estne quælibet actio hominis infidelis peccatum?

**XL.** *Resp.* Negativè cum S. Tho. hic q. 10. a. 4. *Ratio ejus est:* Quia peccatum mortale tollit quidem gratiam gratum facientem, non tamen totaliter corrumpit bonum naturæ: Sed infidelitas (in sensu ad q. 1. dato) est peccatum mortale. Ergo ratione ejus infideles quidem carent gratia sanctificante, & non possunt facere opera meritoria vitæ æternæ, cum hæc debeant dirigi fide infusa, manet tamen in eis aliquid bonum naturæ, & lumen rationis naturalis. Ergo possunt facere opera naturaliter moraliter bona, v.g. dare elemosynam, solvere debita, &c. Ergo non peccant in quavis actione.

**QUÆRO IV.** Quot, & quæ sunt species infidelitatis?

**XLI.** *Resp.* Cum S. Tho. q. 10. a. 5. Secundum comparationem ad Fidem tres sunt species infidelitatis, scilicet Paganismus; Judaismus, & hæresis; ad eas cæteræ omnes reducuntur.

*Ratio S. D. est:* Cum peccatum infidelitatis consistat in renitendo Fidei, hoc potest contingere dupliciter. Quia aut renititur Fidei nondum susceptæ, & talis infidelitas est Paganorum, sive Gentilium: aut renititur Fidei Christianæ susceptæ, vel in figura, & sic est infidelitas Judæorum; vel explicitè, seu in ipsa manifestatione veritatis, & sic est infidelitas hæreticorum. Ergo.

Dixi, secundum comparationem ad fidem. Nam si species infidelitatis distinguantur secundum errorem in diversis, quæ ad fidem pertinent, ait S. D. tunc non sunt determinatæ species infidelitatis, possunt enim errores in infinitum multiplicari.

Species, quæ præter prædictas possunt assignari, sunt: *Primo* Atheismus negans omnem Deum, verum hic reducitur ad Paganismum, ut species materialis, quia Paganismus aliquando est sine cognitione veri Dei. Si sine, tunc est

est Atheismus. *Secundò* dabitur Antichristianismus, qui Christum negabit, & omnibus Sectis, adeoque etiam Paganismo, & Judaismo adversabitur, proinde non videtur ad eos posse reduci. Sed *dicto* reducendum ad Iudaismum, quia Antichristus erit de sanguine Judæorum, nimirum ex tribu Dan, ideoque vetus Testamentum admittitur, factas in eode Messia promissiones in se impletas esse contendet. Nec persequetur omnes sectas, sed tantum eas, quæ omnino non conveniunt cum ipso.

*Tertio*: Mahometismus quò reducitur? *Dico* reduci ad Paganismum, Mahometani enim non renituntur fidei susceptæ, vel in figura, vel explicitè profitendo se habere fidem Christi. Nec obstat, uti opponi possit, quòd in multis articulis cum vera Fide conveniant; hoc enim non est ex eo, quasi Mahometani eam Fidem, ut a Christianis derivatam professi sint, sed quia eorū Dux prohibuit eam illis proposuit, ut amplectendā.

*Quarto*: Possibilis est quædam infidelitas Philosophica, uti aliquibus loqui placet, quæ esset in eo, qui esset conditus in puris naturalibus, & vellet colere unum Deum præcisè, ut ratione naturali cognitum, qui certè videtur necesse hæreticus, nec Paganus, nec Judæus. Sed, *dico*, hæc infidelitas philosophica manifestè esset Paganismus, quia adverteretur Fidei, nullo adhuc modo susceptæ.

*Quinto*: Sit casus, quòd homo baptizatus deficiat a toto Evangelio, uti fit in Renegatis a pud infideles. *Dico*, talem formaliter fore hæreticum, quia renititur Fidei semel explicitè susceptæ, manetq; in eo character baptismalis immò & aliorum Sacramentorum, si ea receperit: erit tamè in eo calum materialiter Iudaismus, vel Paganismus; quòd si ad quempiam ex eis deflexerit pœnitens, in Confessione tenetur exprimere, in quam speciem infidelitatis lapsus sit.

**QUÆRO V.** Licetne Christiano, aut Catholico Principi in suis Provinciis permittere libertatem conscientia, tolerando infideles, & hæreticos?

*XLII. Resp. 1.* Principes Christiani licitè quandoque permittunt in suis Provinciis infideles, id est, nunquam baptizatos, v.g. Judæos, nimirum negativè se habendo, non verò positive approbando eorum ritus.

*Ratio*: Quia permittitur tum Judæorum assert Ecclesiæ specialè utilitatem, nam ab iis etiā, ut ab inimicis Ecclesiæ habet testimonium veritatis; fateatur enim Messiam esse promissum, & admittunt Vetus Testamentum, ex quo nos probamus promissionem illam esse impletam.

*Resp. 2.* Permissio hæc non est licita, nisi cum certis conditionibus. 1. Ut Judæi suos ritus non exercent cum scandalo Christianorum, & Blasphemia Christiani nominis. 2. Ut novæ Synagogæ non erigantur, nec quæ semel in Ecclesias consecratae sunt, resituantur, sed

antiquæ solum conserventur, modò non sint vicinæ Ecclesiis Christianorum. 3. Ut in die Pasceves in Publicum non exeant, sed janias, & fenestras clausas habeant. 4. Ut utantur signo aliquo distinctivo, quo a Fidelibus discernantur.

*Resp. 3.* Facilius permittuntur infideles, v.g. Judæi, quàm hæretici.

*Ratio*: Quia hæretici inducunt majus perversionis periculum, quàm Judæi, vix enim auditum est, Christianum transisse ad Judæos. Ergo.

*Resp. 4.* Infideles, qui nunquam Fidem Christi susceperunt, uti sunt Gentiles, & Judæi, non possunt a Christianis Principibus directè compelli ad Fidem nostram: possunt tamen cogi, ut Fidem non impendant blasphemias, vel malis persuasionibus, vel etiam apertis persecutionibus, nec resistant prædicationi Evangelii: vel etiam potest eis negari habitatio in terris Christianorū, nisi se convertant: Ita S. Th. hic q. 10. a. 8.

*Ratio 1. p.* Quia, qui non est baptizatus, (cùm baptismus sit janua Ecclesiæ) quoad animam, & supernaturalia non subest Jurisdictioni Ecclesiæ, vel Christianorum Principum, sed solius Dei. Ergo.

Confirmatur. Omnes quidem totius mundi homines tenentur legem Christi suscipere, adeoque possunt ad hoc compelli, alii non a quolibet, sed solum ab eo, qui ad hoc habet jurisdictionem: Sed qui non sunt baptizati quoad supernaturalia, non subest Jurisdictioni ullius hominis. Ergo.

*Secunda pars* patet exemplis diversarum Principum nimirum Sisebuti Regis Hispaniæ, quoad Judæos; Constantini, quoad Paganos; Caroli Magni quoad infideles Saxones. Et *Ratio est*: quia omnis Res publica bene ordinata debet habere potestatem reprimendi suos impugnatores, & hostes. Ergo.

*Resp. 5.* Hæreticis, & a Fide suscepta Apostatis licitè quandoque ad vitanda majora mala negativè permittitur libertas conscientia.

Colligitur ex S. Tho. ar. cit. ad 1. Ubi respondens ad exemplum Evangelii de parabola zizaniorum ex sententia Aug. Epist. 48. sic ait: *Quod ergo Dominus dicit, Sinite utraque crescere usque ad messem, qualiter intelligendum sit, apparet ex hoc, quòd subditur: Ne forte colligentes zizania, eradicetis simul cum eis, & triticum.*

*Ratio est*, Prudenti dictat, non solum mala esse cohibenda, sed etiam diciat, ex duobus malis minus esse eligendum; & ordo charitatis postulat, ut correctio non fiat sine fructu: Sed si ex coactione hæreticorum, & Apostatarum sequeretur dissidium, & schisma in populo, & Provincia, Periculum oppressio, &c. hoc esset majus malum, quàm eorum permissio, & correctio heret sine fructu. Ergo.

Confirm. Licet Principi Christiano incumbat, de vera Religione in suo regno promovenda esse sollicitum, id tamen debet fieri se-

cundum Regulas prudentiæ, & abique detrimento Fidelium. Ergo.

*Resp. 6.* Infideles, qui quandoque Fidem Christi susceperunt, sicut hæretici, & omnes baptizati Apostolatæ, corporaliter possunt compelli, ut impleant, quod promiserunt; & teneant, quod semel susceperunt, Ita S. D. art. cit. in fine Corp.

*Ratio.* Licet princeps non possit compellere subditos ad servandam legem superioris ordinis, quam nondum receperunt, bene tamen quando eam receperunt: Sed omnes Fideles in Baptismo se obligarunt ad Fidem Christi, vel per se ipsos, aut adulti; vel per Paternos, ut parvuli, in quo differunt ab infidelibus. Ergo.

**QUÆRO VI.** Licetne cum infidelibus disputare, vel communicare, seu commercium habere? Ante R.

**XLIII.** Nota, duplicem esse communicationem; unam civilem, & politicam, seu materiale; alteram formalem, quæ potest fieri, vel quod Fidelis ingerat se operibus infidelitatis, vel quod infideles admittantur ad exercitia nostræ Fidei. Hoc notato

*Resp. 1.* Qui Fidem Christi semel suscepit, & ex motivo dubitationis Fidei suæ cum infidelibus disputat, mortaliter peccat, & est infidelis. Ita S. Tho. q. 10. a. 9.

*Ratio.* Quia dubius in Fide est hæreticus, ut patebit in sequentibus.

*Resp. 2.* Ex parte audientium aliquando licet, aliquando non licet publicè de Fide disputare cum infidelibus.

*Declarat hoc S. D. q. 10. a. 7. in c. dicens. Si dispenses aliquis de Fide ad confutandum errores, vel etiam ad exercitium, laudabile est. Ex parte verò audientium considerandum est, utrum illi, qui disputationem audiunt, sint instructi, & firmi in Fide, aut simplices, & turbantes, & quidem coram sapientibus in Fide firmis, nullum periculum est disputare de Fide. Sed circa simplices est distinguendum; Quia, aut sunt solliciti, seu pulsati ab infidelibus: puta, Judæis, vel hæreticis, seu Paganiis natiensibus corrumpere in eis Fidem: Aut omnino non sunt solliciti super hoc, sicut in terris in quibus non sunt infideles. In primo casu necessarium est publicè disputare de Fide, dummodò inveniatur aliqui ad hoc sufficientes, & idonei, qui errores confutare possint. Per hoc enim simplices in Fide firmabuntur, & tollentur infidelibus decipiendi facultas, & ipsa taciturnitas eorum, qui resistere deberent pervertentibus Fidei veritatem, esset erroris confirmatio. Unde Gregorius in secundo Pastoralis: Sicur incuncta locutio in errorem pertrahis, ita indiscretum silentium eos, qui errandi poterant, in errore detinet. In secundo verò casu periculosum est publicè disputare de Fide coram simplicibus, quorum Fides ex hoc firmior, quia nihil*

diversum audierunt ab eo, quod credunt. Et idem non expedit eis, ut verba infidelium audiant disputantium contra fidem. Hæc S. D.

Quomodo non liceat disputare cum Hæreticis, vide infra de hoc Exam. n. 50.

*Resp. 3.* Communicatio formalis, id est, in operibus infidelitatis (idem est de Hæresi) Jure divino, & naturali est prohibita. Patet ex multis Textibus Scripturæ, & Juris. Ratio est: quia talis communicatio est superstitiosa, & intrinsecè mala.

*Resp. 4.* Jure naturali prohibita est omnis illa communicatio cum infidelibus, & hæreticis, ex qua imminet periculum perversionis in se, aut in aliis periculum scandalum. Ratio est: Quia, qui amat periculum, peribit in illo.

Sequitur ex hoc, malè agere illos parentes, qui prætextu mercaturæ, studium, aut politicæ conversationis proles suas mittunt ad Hæreticos, communiter enim aliquid de moribus ex fermento eorum imbibunt, & corrumpunt. Pariter malè agunt, qui Hæreticis famulantur, cum apud Catholicos æquè, vel ferè æquè commodè famulatum habere possint.

*Resp. 5.* Communicatio infidelium, etiam hæreticorum, cum fidelibus in rebus divinis quandoque est Jure divino, & naturali prohibita, tanquam intrinsecè mala, ut patet in admissione ad participationem Sacramentorum, per eam enim Sacramentis maxima inferitur injuria: quandoque est permixta tanquam indifferens, aut etiam conveniens, ut si speretur eorum conversio, juxta mox dicenda.

Sequitur ex hoc 1. Licet infidelis conversus ad Fidem possit manere in priori matrimonio cum infideli, sine contumelia Creatoris cohabitante: attamen baptizato non licet cum infideli Matrimonium contrahere, tum ab periculo perversionis, tum ob irreverentiam Sacramenti Matrimonii. De quo infra.

2. Judæis, & hæreticis potest tribui panis & aqua benedicta, &c. si ab sit periculum irreverentiæ. 3. Possunt admitti ad Concinnem nostram, & ad Missam, saltem ulque ad Offertorium exclusive, si non sit hæreticus publicè, id est, per sententiam Judicis denunciatus, & desit dictum periculum, ac speretur utilitas spiritualis. 4. Licet privatim pro eis orare, ac de mysteriis nostræ Fidei eos instruere.

*Resp. 6.* Communicatio civilis, ac politica cum infidelibus, & hæreticis non est intrinsecè mala, nec Jure divino, aut naturali prohibita.

*Ratio.* Quia ibi secundum se nullum subest periculum.

*Resp. 7.* Lege Ecclesiastica prohibitum est. Primo sub excommunicatione, ne Fideles in eadem domo cohabitent Judæis, aut Saracenis, id est, quibuscumque non baptizatis. C. Judæis, per quod

quod tamen non prohibetur habere servos Judæos, ut patet ex c. *Esse Judæos*.

2. In Concilio Agatenſi C. 40. inhihetur, ne Fideles accedant ad convivia Judæorum, & ne hos invitent ad ſua. Non peccat tamen, qui caſu, & præter intentionem convenit cum Judæis in eadem menſa.

3. C. nullus 18. q. 1. prohibetur, ne Fideles comedant azyma Judæorum.

4. Ibidem, ne utantur Medico Judæo, niſi eſſet caſus gravis neceſſitatis.

5. Ne in eodem balneo cum Judæis laventur, nimirum per modum ſocietatis, id eſt, ex intentione ſocietatem querendo.

6. In C. ad hæc de Judæis, vetatur Fidelibus, ne ſamulætur Judæis, niſi loco operæ ad modicum tempus, & ne Judæos eligant ad officia.

7. Ne nutrices Chriſtianæ nutrant Judæorum infantes in trã domos ipſorum. In his caſibus le vitas materiæ excuſare poteſt.

*Reſp. 8.* Turcis, aliſque nominis Chriſtiani inimici, vel hæreticis per Sedis Apoſtolicæ ſententiam expreſſe, & nominatim declarati deſerre, vel transmittere arma, ferrum, chalybem, equos, milites, naves, vel navium ligna, & ſimilia, quibus Catholicos impugnant; vel quoquo modo eorum bella auxilio, vel conſilio adjuvare, prohibitum eſt ab Eccleſia ſub excommunicatione latæ ſententiæ, Papæ reſervata in Bulla Cœnæ, de qua in trã Tract. 14. Exam. 3. n. 67.

**QUÆRO VII.** Quid ſentis de leſione librorum hæreticorum, & infidelium?

*XLIV. Reſp. 1.* Antiqui libri, ab Ethnicis conſcripti, propter ſermonis elegantiam, & verborum proprietatem, permittuntur, Judæorum verò, & Maurorum, ſive Thalmuc, ſive alii codices de eorum erroribus agentes prohibiti ſunt, non minus, ac hæreticorum.

*Ratio* discriminis eſt: Quia antiqui Gentilium libri continent errores, niſi omnino evidentes, eos, quibus non eſt periculum perverſionis; alii verò continent errores occultos, & latentes, quibus Fideles faciliùs ſeducuntur. Ergo.

*Reſp. 2.* Jure quidem naturali prohibitum eſt legere libros hæreticorũ, quando eſt periculum ſubverſionis, Jure autem Eccleſiaſtico generaliter omnibus etiam doctiſſimis viris illicitum eſt eos legere abſque licentia Sedis Apoſtolicæ, licet, eos intendat reſutare.

*Ratio 1. p. eſt:* Quia natura prohibet ſeipſum exponere periculo ſubverſionis.

*Secunda pars* patet ex Bulla Cœnæ, quæ ſub excommunicatione latæ ſententiæ generaliter omnibus, nemine excepto, prohibet, ne libros hæreticorum hæreſim ex profeſſo continentes, vel de Religione ex profeſſo tractantes, ſine auctoritate Sedis Apoſt. ſcienter legant, retineant, imprimant, vel quomodo-

libet defendant ex quavis cauſa, publicè, vel occultè, quovis ingenio, vel colore.

Sequitur ex hoc 1. Nominè legentium etiam intelligi eos, qui ſcienter viſu percurrunt partem notabilem libri, qualis juxta communem ſententiã eſt Proœmium, Epistoła Dedicatoria, vel una pagina ex reliquis, ſi liber ſit magnus.

2. Comprehendi etiam eos, qui audiunt legi, ſi ſint cauſa leſionis.

3. Non comprehendi eos, qui legunt, ſed non intelligunt.

4. Parùm referre, an liber ſit impreſſus, vel manu ſcriptus; unde ad cenſuram incurrendam ſufficit, ſcienter legere hæreticorum quaterniones, ut ſcripta quæcunque, hæreſim continentia, aut de Religione traſtantes; cùm hæc omnia ad libros reducuntur, & librorum appellatione veniant, ait noſter de la Cruz.

5. Non comprehendi eos, qui legunt litteras ſeu Epistołas hæreticorum, hæreſim continentes, quia illę in acceptione ſaltem vulgata nec dicuntur libri, nec reducuntur ad libros. Idem eſt de Concionè hæretica, eò quòd ſolùm contineat unum, alterumve ſolum.

6. Non comprehendi libros hæreticorum, qui ex profeſſo hæreſim non continent, aut de Religione non traſtant: licet hinc inde hæreſim aliquam immiſceant.

7. Non comprehendi libros Catholicorum in quibus hæreſes, vel hæreticorum argumenta referuntur.

8. Ut ex *ly ſcienter* conſtat, non comprehendi ignorantès librum eſſe hæreticum, aut hæreſim continere, vel de Religione traſtare.

*Sed explicat.* Quinam dicuntur libri de Religione traſtantes?

*Explico* cum de la Cruz, & dico, intelligi omnes libros, qui ad Fidei expoſitionem ſpeſtant, & conſequenter eos, quibus divina Scriptura, vel aliqua pars illius explicatur, eos etiam qui Theologiam ſcholasticam totam, vel partem illius traſtant. Item qui traſtant de cultu Deo debito, de Religione Chriſtiana, de ſtatu Religionis, ac de Eccleſiaſticis: Quia Religio non ſolùm accipitur pro virtute, cujus proprium eſt Deo cultum exhibere, ſed etiam pro congregatione hominum Deum colentium, complectente ſtatum Chriſtianorum, ſtatum Clericorum, & Religioſorum.

**QUÆRO VIII.** Peccantne Fideles infidelibus vendendo aliqua, quibus utuntur ad ſuos ritus. Ante R.

Notandum ea, de quibus quæritur, eſſe duplicia, nimirum aliqua, quorum ulus eſt ſecundùm ſe bonus, ut veſtes, & cibi communes; alia verò, quorum ulus per ſe, ſeu ex inſtitutione ſua eſt, ordinatus ad ſuperſtitionem, ut idolum, veſtis Sacerdotis infidelis, &c. Hoc notato.

*Reſp. 1.* Fideles non poſſunt licetè infidelibus vendere, vel parare ea, quę per ſe ad eorum

rum ritus sunt instituta. Ita docet, & probat S.Tho. infrà q.169. a.2. ad 4. dicens: Si qua ars est ad faciendum aliqua opera, quibus homines uti non possunt abique peccato, per consequens artifices talia faciendo peccarent, ut potest præbentes directæ aliis occasionem peccandi, puta, si quis fabricaret Idola, vel aliqua ad cultum idololatricæ pertinentia. Hæc S.Tho. Cum hoc fiat, quod si quis fidelis haberet Idolum, vel valde artificiosè; vel ex pretiosa materia factum, posset hoc retinere, vel alteri fidei vendere in signum antiquitatis, vel victoriæ contra infideles reportatæ.

*Resp.2.* Fideles licet possunt infidelibus vendere, & parare ea, quorum usus secundum se est bonus, licet sciant, quod infideles eis malè, nimirum ad ritum, vel Sacrificia sua usuri sint. ut sunt, v.g. pannus, sericum, candelæ. Ita S.Th. loc. cit. fubdens: Si qua verò ars sit, cujus operibus homines possunt bene, & malè uti (sicuti gladii, sagittæ, & alia hujusmodi) usus talium artium non est peccatum. Hæc ille.

*Ratio est:* Quia Fidelis in eo casu, nec indirectè vult ritum Infidelis, nec potest, nec tenetur eum impedire, cum toleretur a Republica. Ex quo patet differentia, cur non liceat vendere gladium, vel venenum illi, de quo scitur, quod sit eis utilis ad necem alterius. Quia saltem ex charitate tenetur defendere proximum, & hoc peccatum a Republi. non toleratur.

Colligitur ex dictis, an liceat, vel non liceat, hæretico vendere hostias, & vinum pro sua Cœna. **QUÆRO IX.** Licetne Principi Christiano infideles vocare in auxilium, vel in bello eos juvare?

*XLVI. Resp.1.* Si Princeps Christianus bellum gerat contra alios infideles, v.g. Turcas, licet in auxilium vocat infideles, v.g. Perlas, aut si idem necessaria subministrat, ut communiter sentiunt DD. saltem cum consensu Summi Pontificis, & si magna subit causa, & hoc commercium Christianos per accidens non exponat periculo perversionis.

*Ratio.* Quia tunc lex canonica prohibens communicationem cum infidelibus cessat tanquam obligare.

*Resp.2.* Si Princeps Christianus justum bellum gerat contra alium Principem Christianum, per se quidem, & ex natura rei illicitum non est in auxilium vocare infideles (sicut pro suis, & rerum suarum defensione licitum est conducere milites) & sic velut instrumento justæ defensionis eorum opera uti, si non possit aliter se defendere, & desint periculose circumstantiæ, ut morum, & Fidei Christianæ corruptio, Christianorum in servitutem abductio. Verum quia hæ circumstantiæ rarò desunt, coram toto orbe Christiano scandalosum esse censetur, & incurritur excommunicatio latæ sententiæ, cujus facta est mentio in Resp.8. ad Q.6.

Quæri hic potest, an pueri Judæorum, aliorumque infidelium in vitis parentibus sint baptizandi. Sed de hoc infrà de Baptismo. Tract. XI. Exam.5. n.62.

*Hæresis.*

*De qua S.Tho. 2.2. q.11. per 4. art.*

**QUÆRO X.** Quid est Hæresis, ac quotuplex? esse peccatum, & quæ pena ejus?

*XLVII. Resp.1.* Hæresis definitur, quod sit error pertinax, manifestè contrarius Fidei Catholicæ in eo, qui Fidem Christi professus est. Ita colligitur ex S.Tho. hic. 1. & 2.

*Declaratur:* Ly error ponitur loco generis, puta, error in intellectu. Hinc si quis exterioris propositionis hæreticas proferat, simulando Hæreticorum Cœnam sumat, Gentilium Idola ex metu mortis adoret, vera fide interiori retenta, gravissimè quidem peccat, attamen in foro poli hæreticus non est, licet in foro fori ab Ecclesia (quæ de solis exterioribus judicat) ut talis habeatur, & puniatur. Dicitur 2. *Pertinax*, seu voluntarius cum certa scientia. Unde pertinaciter errare in præsentem non est idem, quod mordicus suum errorem tueri, sed est, cum retinere, etiam quando scit contrarium teneri à reliqua universali Ecclesia Christi, cui suum judicium præfert, ubi est manifesta pertinacia. Vel melius dico, pertinaciam esse tunc, quando (licet obiectum, v.g. ipsa infallibilis auctoritas Ecclesiæ Romanæ, evidentur, sufficienter credibiliter proponatur, ita ut prudenter de eo non possit dubitare) tamen tenet oppositum, à quo nolit dimoveri ullo casu, nisi saltem evidentur clarè convictus. Pro quo vide suprà, quod mysteria Fidei nostræ sint evidentur credibilia, salva essentiali obscuritate. Item quod Ecclesia Romana sola habeat notas veræ Ecclesiæ.

Dicitur 3. *Contrarius Fidei Catholicæ*, id est, Romanæ, seu veritatibus, sive in Scriptura, sive ab Ecclesia, nimirum Papa, ex Cathedra loquente, vel universalis Concilio, ad credendum propositis. Pro quo vide suprà datas Regulas Fidei.

Dicitur 4. *In eo, qui Fidem Christi professus est*, seu suscepit, etià solù in Baptismo; quibus verbis excluduntur Pagani, & Judæi, hi enim non sunt heretici, cum nunquam suscepint Fidem Christi. De Cathecumenis, id est, qui Baptismum desiderant, si desinant, dico sub dist. nimirum, quod sint verè heretici coram Deo, quia reverà cum pertinacia recedunt à Fide Christi interiori sincerè recepta, ut suppono: non tamen sunt verè heretici coram Ecclesia, nec excommunicantur, quia Ecclesia non procedit nisi contra illos, qui per Baptismum velut per januam intraverunt.

*Resp.2.* Hæresis est peccatum mortale, ut patet ex ipsa definitione. Ejus pena est excommunicatio.



municatio major latæ sententiæ, Papæ reservata quæ, ut incurratur, requiritur

1. Ut sit hæreticus formalis, & non purè materialis, seu ex ignorantia credens aliquam propositionem hæreticam.

2. Ut hæresis non consistat purè in animo, sed signo aliquo externo sit prodita. Quia Ecclesia in iudicio fori externi non iudicat de internis, nec punit solas cogitationes, sed tamen peccatum mortale.

3. Ut manifestetur cum animo defendendi hæresim: si enim fiat causa querendæ instructionis, non incurritur censura. Ex his

*Resp. 3.* Hæresis alia est purè mentalis, de qua mox dictum; alia externa, quæ, si sit merè externa, seu simulata, patet de ea in Declaratione R. 1. Si fidem etiam internam excludat, censuram incurrit.

*Resp. 2.* Hæretici externi aliquando sunt occulti, aliquando manifesti, siue id possit, siue non possit in iudicio probari. Qui hæresim animo conceptam verbo, vel signo sufficiente declarat, quantumcumque in occulto, etiam nemi-ne evidente, vel audiente, censuram incurrit.

*Ratio:* Quia in eo casu est actus, ex natura sua in iudicio probabilis, & solum per accidens occultus.

*Resp. 5.* Nihil interest, verbis, vel factis hæresis manifestetur, in sensu explicando.

*Declaratur:* Si quis ex inordinato motivo hæretico, verbis non expresso, diebus vetitis carnes comedat, diebus festis Missam omittat, ad Elevationem in Missa non assurgat, imago-nes conculet, &c. si in his actibus, consideratis circumstantiis loci, temporis, & personæ, &c. homines talem actum moraliter accipiant pro signo hæretico, incurritur censura; si vero morali hominum iudicio nulla sit suspicio de hæresi, ut quia homines putant carnes comedi- ex necessitate, Missam non audiri, ad Eleva- tionem non assurgere ex oblivione, imagines con- culcari ex subito motu iræ, censura non incur- ritur.

Breviter dico: Non sufficiunt signa, quæ ali- quem leviter de Fide suspectum faciunt: suffi- cient tamen regulariter ea, quæ vehementem, & violentam faciunt suspicionem.

*Resp. 6.* Hæresis (uti & hæreticus) alia est formalis, alia materialis, ut ante insinuat. Formalis est; si sit cum pertinacia, explicata in declaratione R. 1. Altera, quando quis ex simplicitate, vel invincibili ignorantia credit aliquid, quod putat veræ Fidei esse conforme, cum tamen sit ei contrarium, et sit paratus errorem deponere, quamprimum aliter fuerit instructus. Et tales hæretici merè materiales adhibita morali diligentia iudicati tales, nec peccant peccato hæresis, nec incurrunt cen- suram, possuntque præmissa sufficienti instru- ctione a locorum Parochis absolvi, edita etiam

prius, si id fieri potest, coram testibus Fidei professione: nisi consuetudo Diocesana habeat quoddam tales mittantur ad eos, qui habent facultatem absolvendi hæreticos formales. In absolutione eorum pro cautela potest adhiberi conditionalis. Si v.g. *absolvo te à vinculo Ex- communicationis, & speciatim ob hæresim, si quam incurristi.* Uti & pro cautela securus erit sem- per, petere prius licentiâ, si sit occasio petendi.

*Resp. 7.* Qui ex ignorantia crassa, immò & affectata superius explicata tenet aliquam propo- sitionem contrariam Ecclesiæ Romanæ, cu- ius tamen auctoritatem agnoscit, corrigi pa- ratus data sibi instructione, non est hæreti- cus, nec incurrit censuram, quia non est per- tinax. Peccat tamen graviter propter negli- gentiam, qua non curat, aut non vult scire, quod tenetur scire.

Dixi, *Cujus auctoritatem agnoscit*, unde hoc non tenet in illis, qui alienam ab Ecclesiâ Ro- mana, v.g. Zuinglii, vel Lutheri sectam pro- fitentur ex crassa, vel affectata ignorantia ali- cuius, vel aliquarum veritatum catholicarum, hi enim hæreticis formalibus annumerandi sunt. Quia culpabiliter impugnant auctori- tatem Ecclesiæ, in cuius fide baptizati sunt, in quod differunt ab eo, qui laborat ignorantia in- vincibili juxta R. 6.

*Not.* Non esse de necessitate Confessionis, ut peccitens exprimat, an, vel quod inciderit in hæresim Lutheri, vel Zuinglii, vel Galvini, quia circumstantia auctoris non mutat speciem, nec notabiliter aggravat, sed suffi- cit explicare, quod tot veritates Fidei toties negaverit. Si tamen sit simul Apostata a Fide, tenetur id confiteri, quia Apostasia notabili- simè aggravat.

XLVIII. Pro majori dictorum intelligentia *Not.* Propositiones Fidei repugnantes alias est hæreticæ, alias erroneæ, suspectas, malè so- nantes, scandalosæ, & temerariæ. Hæreticæ est, quæ manifestè repugnat Fidei Catholicæ. Erroneæ est, quæ repugnat propositioni mani- festè per necessariam consequentiam deducæ ex una de Fide. Hinc propositiones veritatis in Theologia demonstratis contrariæ, sunt erro- neæ, si tamen nondum sint formaliter definitæ ab Ecclesiâ, nec sint Traditiones, nec contineantur in Scriptura sacra: quia alias essent hæ- reticæ. Suspecta dicitur, quæ licet absolute possi habere bonum sensum, consideratis tamen circumstantiis (ubi, & quando dicatur) suspicio- nem gignit hæreseos, seu hæresim sapit, ut, si quis in libris Arianorum reperiat hanc propo- sitionem, quæ aliàs est Catholica: *Pater ma- jor me est:* est suspecta, & hæresim sapit. Ma- le sonans, seu piarum aurium offensiva vocatur, quæ, licet absolute prolata possit habere bonum sensum, tam malè tamen profertur, ut offendant, v.g. si quis dicat, Papam non bene

vocari Sanctissimum, scandalosa est, quæ non tantum male sonat, sed etiam præbet occasionem ruinæ, ut si quis publicè explicaret varia inconvenientia pullulantia ex Confessione. Vel si quis Auditoribus non traderet, vel explicaret materiam de prædestinatione. Tandem temeraria est, quæ in doctrina Fidei, & morum profertur sine aliqua auctoritate contra communem Doctorum sententiam.

**QUÆRO XI.** Dubius in Fide estne hæreticus?

**XLIX. Resp. 1.** Qui involuntariè dubitat, dubio non consentiendo, sed potiùs dolendo de illo (quod est sufficiens signum negati consensus) si illud per actum Fidei promptè repellat, meritum sibi acquirit: si negligenter se habeat ad repellendum sine periculo consensus, peccat venialiter. Talia ordinariè sunt dubia simplicium. Idem est de iis, quibus sæpè incidunt cogitationes hæreticæ, & blasphemiar, quas ferè detestantur, & contra eas protestantur.

**Resp. 2.** Qui voluntariè dubitat ex igno- rantia crassa, orta ex culpabili negligentia sciendi, quod talis articulus sit indubitatus, & ab Ecclesia definitus, peccat quidem mortaliter ratione ignorantie, ut ante dictum est, sed non ratione hæresis. *Ratio*, quia non est pertinax.

**Resp. 3.** Qui de aliquo Fidei articulo est dubius solum negativè, id est, suspendit iudiciũ, per se, & simpliciter non est hæreticus.

*Ratio:* Quia non habet iudiciũ, cum illud suspendat. Ergo nec habet iudiciũ erroneum. Secus est, si idè suspendat, quia virtualiter iudicat, non liquere de certitudine objecti.

**Resp. 4.** Probabilis est, quod formaliter hæreticus sit, qui voluntariè, seu deliberatè, positivè, sive affirmativè, adeoque pertinaciter dubitat de aliquo Fidei articulo, v. g. qui affirmat, reverà dubium esse, ad detur Purgatorium, cum tamen sciat, ita credi a tota Ecclesia.

*Ratio:* Quia talis positivè negat infallibilitatem Ecclesiæ. Ergo negat positivè articulum Fidei. Et de illo verum est illud in iure. *Dubius in Fide est hæreticus*, qui proinde non potest a quovis absolvi.

Fateor tamen eos, qui inter hæreticos nati, & educati, mysteria Fidei Orthodoxæ invincibiliter ignorant, non peccare dubitando ulque dum instruantur, & rectè apprehendant Fidei nostræ argumenta, & credibilitatem. Vide infrà de blasphemia hæreticali in hoc Exam. n. 59. R. 3.

**QUÆRO XII.** Hæretici suntne tolerandi, vitandi? possuntne legi eorum libri, cum eis disputari, eorum templa licitè frequentari, Conciones audiri, funera comitari, Cœna fidei sumi, proles ex fonte levari?

**1. Resp. 1.** De toleratione hæreticorum, &

libertate conscientiarum sufficienter dictum est ad Q. 5. & 6. n. 42. & 43. & de electione hæreticorum librorum ad Q. 7. ubi vide n. 44.

**Resp. 2.** Hæreticus non est necessariò vitandus sed licet cum eo agere, cõverlari, negotiari (seculo periculo scandali, & perversionis) nisi sit publicè, & nominatim denunciatus. Ita constat ex Concilio Constantiens. De hoc plura in Tractatu de Censuris.

**Resp. 3.** Laicis, seu Sæcularibus non licet cum hæreticis de Fide disputare. Ita constat ex c. 2. §. inhibemus. Et ex Alexandro IV. cap. quicunque de hæreticis, in 6. ubi oppositum facientes excommunicantur. Quam censuram Sylvester, Bannes, Sylvius, &c. tenent, esse lenientiar ferendæ. Pro quo

Not. Quòd hæc prohibitio contraria consuetudine sit abrogata in locis, ubi hæretici, & Catholici vivunt mixti inter se: Uti nec tenet in casu necessitatis, ut si quis hæreticus cum magno scandalo, & periculo perversionis audientium, contra Fidem Catholicam multa effutiret, in quo casu Laicus idoneus, absente Clerico, iure naturæ teneretur se opponere, & Fidem defendere. Nec in casu, quo ipsimet Catholici in communi colloquio honoris, & exercitii causa, inter se de rebus Fidei disputant. Pro quo

**Resp. 4.** Probabilis est, dictum Ecclesiæ præceptum debere intelligi de formali disputatione, & publica: ex conditio, seu ex professio instituta, contra Fidei Catholicæ inimicos ad aliquem errorem confutandum, vel ad confirmandos vacillantes in Fide.

*Ratio:* Odiosa sunt restringenda: Sed hoc præceptum est odiosum. Ergo est restringendum, nimirum ad formalem publicam disputationem.

**Resp. 5.** Clericis, ac Religiosis capacibus, & doctis licitum est contra hæreticos, formaliter, & publicè de Fide disputare. *Ratio:* Quia nullo iure hoc eis est inhibitum. Debet tamen ad assertionabilis causa, nimirum, ut speretur fructus in hæretico, cum quo; vel in auditoribus, coram quibus disputatur.

**Resp. 6.** Non peccat Catholicus si seculo scandalo, & perversionis periculo intret templum, vel audiat Conciones hæreticorum, v. g. servus ad comitandum suum Dominum, vel vir doctus ad confundendos hæreticorum errores, vel filia recens clam converta, quæ sine gravi damno nondum publicè potest se Catholicam declarare, si comitetur Matrem ad Concionem Prædicatũ.

*Ratio*, quia adeest iusta causa, & necessitas.

*Sed quid si heret ex sola curiositate?*

*Dico*, peccare saltem venialiter, si desit præfatum periculum.

**Resp. 7.** Non peccat Catholicus (in locis mixtæ Religionis) si intersit hæreticorum

Ma-

Matrimonii, & funeribus.

*Ratio:* Quia hæc sunt solum ex honore politico, & Ecclesia tolerat, sciens, & non contradicens, & oppositum turbaret pacem, & tranquillitatem Reipublicæ.

*Resp. 8.* In nullo casu, nec ex gravi metu licitum est Catholicis occultis, etiam solum simulatè, & exterius, hæreticorum Cœnam sumere, eorum cœmonii se ingerere, Psalmos cum illis in templis eorum publicè cantare. Idem potest applicari Catholicis inter Saracenos viventibus; & hoc tutius, & probabilius est.

*Ratio:* Licet illa Cœna, & Psalmorum cantatio sit quodammodo indifferens, ex circumstantiis tamen personarum loci, & temporis, vel quorundam subinde verborum ab hæreticis adiutorum, determinat ad professionem sectæ hæreticæ. Vel dato, quod vera Fides interius retineatur, committitur tamen factio, & opere grande mendacium. Hinc debes malle mori, quam sic fœdari.

*Resp. 9.* Si Princeps hæreticus publico edicto præcipiat suis subditis Catholicis, ut frequentent hæreticorum templa, intersint cœmonii, precibus, Concioni, tutius, ac probabilius est, quod non possint licitè obedire, etiam solum materialiter, id est, nudè intertollendo ad evadendam pœnam, eorumque cœmonii non communicando.

Ita declaravit S. Pius V. in Rescripto ad Catholicos Angliæ. *Et Ratio est:* Quia in his circumstantiis frequentare hæreticorum templa continet cultum superstitionum; quia tale præceptum Principis tendit ad augmentum sectæ hæreticæ. Ergo ejus observatio cedit in injuriam Fidei Catholicæ nisi forsitan ex alio motivo fieret, & rarò, ac deesset omne periculum subversionis, ac scandali. De hæreticorum prolihus è sacro fonte levandis, vide infra de Baptismo.

Quæri hic potest, quisnam ab hæresi possit absolvere? Sed hoc colligitur ex dictis pro diversitate hæresis formalis, vel materialis, purè mentalis, aut externæ, adeoque, quod sit, & quando sit casus Papæ reservatus. Et de hoc redibit sermo. §2. & in Tractatu de Censuris, & Casibus reservatis.

### Apostasia.

De qua S.D. 2.2. q. 12. per duos articulos.

QUÆRO XIII. Quid, & quotuplex est, & quæ ejus pœna.

LI. Ante *Resp.* Not. quod Apostasia ex vi nominis sit idem quod retrocessio: unde sumi potest generaliter, & sic omne peccatum est apostasia, ut potè retrocessio a Deo, ejusque mandatis, ut patet ex S. Thom. a. r. nos autem eam hic sumimus propriè, & specialiter. Unde

*Resp. 1.* Apostasia propriè accepta est retro-

cessio a bono, quod quis solemniter professus est, ut patet ex S. D. ibidem. Unde tres sunt species Apostasiæ, nimirum a Fide, quam quis professus est in Baptismo, ab Ordine sacro, seu statu Clericali, quem solemniter suscepit, & a Religione, quam per solemnia vota professus est, & sine legitima facultate sine proposito revertendi dedit. Apostasia a Fide potest esse totalis, & sic vel est Paganismus, vel Judaismus; vel potest esse partialis, & sic est Hæresis. Hinc omnis Apostasia a Fide est hæretica, sed non è contra, propriè loquendo.

*Resp. 2.* Apostasia a Fide non differt specie essentiali ab hæresi, sed tantum accidentaliter, est tamen gravior hæresi, & exprimenda in Confessione. Ita S. Tho. a. r. ad 3.

*Ratio:* Quæ conveniunt in eadem definitione essentiali, non differunt specie essentiali: Sed sic est de hæresi, & Apostasia a Fide. Ergo Min. prob. Hæresis definitur, quod sit error pertinax contrarius Fidei Catholicæ in eo, qui profitetur Fidem Christi. Sed hæc definitio convenit Apostasiæ a Fide, quod enim sit error circa paucos, aut plures, ut in hæresi, quæ saltem admittit aliquas Fidei Catholice veritates, vel circa omnes articulo uti sit in Apostasia, qua desectitur ad Judaismus, vel Paganismus, hoc habet se de materiali, & insert solum majorem gravitatem accidentalem, & majus scandalum, cum nomen Christiani totaliter exuat. Ergo. Responso secunda tota est vera. Et quæcunque supra sunt dicta de hæresi, ejusque pœna, etiam dicenda sunt de Apostasia.

Sequitur ex hoc, quod si quis Catholicus secularis amplectatur Lutheranismum, vel Calvinismum, propriè non sit dicendus Apostata, sed hæreticus. Et Religiosus id attentans, vel Clericus, si vocetur Apostata, propriè hoc intelligitur de Apostasia a Religione, vel Ordine sacro.

*Resp. 3.* Religiosus, qui sine Superiorum licentia post solemnem Professionem simpliciter a sua Religione recedit cum animo nunquam redeundi, Fide Christi retenta, est verè Apostata, licet habitum non dimittat. Ita probabilius teneo cum Cajet. Sylvestro, & communi Canonistarum. An etiam excommunicatur, dicam Responso sequenti.

*Ratio.* Sicut Monachum non facit solus habitus, sed Monasticæ vite professio, ita Apostatam non facit sola habitus dimissio (licet hæc sit vehemens inditium Apostasiæ) sed a monastica Professione recessus: Sed ille, de quo in *Resp. 3.* animo, & opere totus recedit a professione sua, obedientiæ jugum excutit, in bonorum temporalium dispensatione Prælato subesse renuit. Ergo, &c.

*Resp. 4.* An is, de quo in *Resp. 3.* ipso facto excommunicatur, cum ex jure communi non colligatur, sciendum est ex Religiosorum pri-

vilegiis, & propriis Statutis cuiusvis Religionis. Nostræ Constitutiones Dist. t. c. 20. lit. a. sic habent: *Quicumque, NB, Quicumque apostataverit, ipso facto sit excommunicatus, quam excommunicationem ferimus ex nunc presenti Statuto.* Quod autem ibi non sit fermoda casu, quo dimittitur habitus, ex hoc patet, quia de novo postea ibidem specialiter declaratur sic: *Quilibet Religiosus teneatur deferre paterne habitum suæ Religionis, cum procedit in publicum. Quicumque autem temerè habitum suæ Religionis dimiserit, peccat mortaliter, & est excommunicatus de iure. C. ut periculosa tit. de Apostata.*

*Resp. 5.* Religiosus sine debita licentia à Religione discedens, cum animo tamen redeundi, etsi habitum dimittat animo divagandi, peccat quidem mortaliter, & ipso facto est excommunicatus, ut patet ex mox dictis, & dicendis, non tamen est apostata, sed fugitivus.

*Ratio:* Quia non recedit simpliciter à Religione, dimittit tamen temerè habitum.

*Resp. 6.* Qui sine legitima causa, & licentia, habitu suæ Religionis dimisso, transit ad aliam Religionem sive strictiorem, sive laxiorem, excepta Carthusiana, peccat quidem mortaliter, & ipso facto excommunicatur, non est tamen propriè apostata.

*Ratio 1. & 2. partis est:* Quia ex hoc transitu ex natura resequitur magna perturbatio, & scandalum in ea Religione, quæ deseritur. Hinc Martinus V. tulit pœnam excommunicationis contra Religiosos mendicantes transientes ad aliquam Religionem Monachalem, excepta Carthusiana.

*Ratio 3. partis est:* Quia talis non recedit ab aliis, quæ Religionis sunt essentialia, uti sunt tria vota; hæc enim in quavis Religione servantur. Ergo.

*Resp. 7.* Contra Religiosos habitum suum temerè dimittentes est excommunicatio lata in cap. cit. ut periculosa, quam incurrit etiam is, qui suæ Religionis habitu dimisso assumit quemcunque alium, ut, occultata persona, & ne cognoscatur, possit liberè per vicos, & plateas vagari, licet id faciat solum ad modicum tempus.

*Ratio:* Motivum huius Canonis est temeraria habitus dimissio, & materia ad vagandum: Sed juxta arbitrium prudens hæc adest in hoc casu. Ergo ipso facto excommunicatur.

Dixi, temerè dimittentes, id est, causa evagandi. Unde non incurritur,

1. Si habitus dimittatur causa somni, quietis, infirmitatis, balnei, &c.

2. Non incurritur à Religiosis aliorum Ordinum, qui in Terra sancta ad interim assumunt habitum S. Francisci, in ea Religione cogniti, ut securè possint loca sacra ibidem invisere.

3. Religiosus licitè assumit habitum alterius Religionis ob singularem necessitatem, & ex consensu Prælati illius ad præstandum necessarium aliquod obsequium, pro quo non adest alius, v.g. ad disputandum publicè, vel concionandum in eo habitu.

4. Religiosus cum licentia extra claustrum degens, vel noctu iter agens, urgente necessitate, potest licitè dimittere, vel potius occultare habitum religiosum, si rationabiliter timeat, ne eum deferendo det scandalum, & noceat bono nomini suæ Religionis.

5. Non sunt condemnandi Religiosi, qui ob transitum per infidelium, aut hæreticorum loca, Religionis suæ habitum vel occultant, vel ad tempus deponunt ratione periculi.

*Ratio:* Quia non est temeraria, sed rationabilis illa habitus dimissio, vel occultatio.

*Resp. 8.* Religiosus occultans habitum si id faciat dolosè, aut malo animo, nimirum vagandi causa, est excommunicatus. Ita communiter Canonistæ. Et habetur ex Glossa in Clement. De vita, & honestate Clerici.

*Ratio:* Licet enim materialiter habitus non dimittatur, formaliter tamen, seu moraliter, & arbitrio prudentum deponitur, cum non appareat signum distinguens Religiosum à Sæculari, vel Clerico, nec adest rationabilis causa, ut supponitur.

*Resp. 9.* Religiosus professus temerè dimittens habitum intrâ claustrum, non incurrit dictam excommunicationem. Cap. ut periculosa.

*Ratio.* Cessante causa formali cessat legis dispositio, maxime si sit pœnalis, adeoque odiosa, & restringenda: Sed sic est in casu. Ergo. Min. prob. Causa finalis dicti Canonis est libera vagatio: Sed hæc cessat in casu posito, ut patet. Ergo.

*Quid sentis de iis, qui Religiosum apostatam, licet habitum juxta Resp. 3. non dimittat, scienter recipiunt, occultant, defendunt.*

*Dico,* certum esse, quod saltem mortaliter peccent. Excommunicationem quod concernit, nosse Donatus Laynensis To. 1. Tract. 6. de Apostatis. qu. 12. docet, & probat, quod non tantum alii Regulares, sed & Sæculares, qui in suis domibus tales Apostatas, vel fugitivos tenent, occultant, aut favorem iis impendunt, ut in tali statu permaneant, ipso facto sint excommunicati.

Dixi, ut in tali statu permaneant, si enim eos non teneant aut occultent eo malo fine, sed quia sunt ipsorum consanguinei, amici, aut in necessitate constituti, censuram non incurunt, & interdum non peccant mortaliter, si nimirum in aliquo casu esset rationalis causa.

QUÆRO XIV. Possuntne Prælati Regu-

larium suos Apostatas sponte reversionis, vel ad Ordinem reducos, ab incurfu censuris absolvere, five a Fide, five solum a Religione defecerint?

**LII. Resp. 1.** Scire hoc debent Regularium Prælati ex Ordinis sui privilegiis, & Statutis. Nostræ Constitutiones in Prologo, Text. 2. lit. f. sic habent: Priores in Conventu suo, & in eorum absentia Superiores, & eorum Vicarii omnes Fratres nostri Ordinis ad eorum Conventus declinantes, ab omnibus peccatis, & censuris, tam a Jure quàm ab homine generaliter prolati, Sedi Apostolicæ specialiter non reservatis, possunt absolvere. Hæc ibi.

Et dist. 1. Cap. 14. text. 3. lit. C. Quilibet Prior in suo Conventu, cum habeat jurisdictionem quasi Episcopalem, potest quemcumque Fratrem Ordinis nostri, etiam hospitem, ad Conventum suum venientem a quocunque peccato, & ab omni sententia Juris, & Judicis, generaliter, & non in particulari prolata, absolvere, nisi fortæ talis esset excessus, ut meriti Sedes Apostolica esset consulenda. Hæc ibi.

Et post pauca: Cum verò Magister Ordinis curam animarum omnium Fratrum nostri Ordinis plenè, & liberè habeat, ipsosque Fratres auctoritate propria ligare, & absolvere possit, ut patet per privilegia, omnes Fratres Ordinis ab omnibus excessibus, & censuris etiam Sedi Apostolicæ reservatis, potest absolvere, nisi essent hæretici relapsi, vel Schismatici, aut litteras Apostolicas falsificantes, vel ad infideles prohibita attulissent. Hæc ibi.

Nostræ de la Cruz lib. 1. de Stat. Relig. Dub. 14. Concl. 1. & 2. ostendit, quòd olim potuerint, sed nunc Prælati Regulares non ampliùs possunt suos subditos absolvere a Casibus Bullæ Cœnæ, Hæresi, & aliis.

**Rationem dat:** Quia ista Bulla quotannis promulgatur, & in illa expressè revocantur contraria privilegia Mendicantium, & aliorum ordinum sub quavis forma concessa. Hinc pro absolutione ab hæresi vel recurrendum est Romam, vel ad Illustrissimos DD. Nuntios ejusvis Provinciæ, vel quilibet Provincialis deberet à Roma sibi providere de facultate suos Apostatas a Fide, dum redeunt, absolviendi per se, vel per alium.

**Resp. 2.** Prælati Regulares possunt absolvere suos subditos, etiam relapsos, ab hæresi occulta, & in foro conscientie tantum.

Ita Anno 1617, in sacra Pœnitentiaria fuisse responsum refert ex Filiuccio noster Donatus Tom. 2. Traç. 1. r. qu. 18.

**Ratio:** Tum quia aliis Prælatorum Regularium subditis non esset bene provisum, & essent illi pejoris conditionis quàm sæculares subditi Episcoporum. Tum etiam, quia quæ in Jure conceduntur Episcopis, censetur

*Tribunal Confessoriorum.*

etiam concessa Prælati Regularibus pro suis subditis, nisi oppositum exprimat: Sed a Concil. Trident. Sess. 14. de reform. c. 6. Episcopis restituitur facultas subditos suos absolviendi a Casibus Bullæ Cœnæ occultis, nimirum ab hæresi per se ipsos, ab aliis vero per se, vel per Vicarium ad id specialiter deputandum. Ergo idem competit Prælati Regularium.

Hinc Regularium Privilegiis nihil quoad hoc est derogatum quoad absolutionem pœnitentium Religiosorum in foro animæ, & quoad occulta, sed solum quoad Sæculares. De quibus inter propositiones ab Alexandro VII. 1665. damnatas & hæc n. 4. Prælari Regulares possunt in foro conscientia absolvere quoscunque Saculares ab hæresi occultis, & ab excommunicatione propter eam incursum.

**Quid intelligis** per casus occultos in Trid. loc. cit.

**Intelligo** eos, qui in Judicio probari non possunt, sed sola delinquentis confessione manifestantur. Unde Episcopus potest absolvere hæreticum, qui solus absque ullo teste hæresim aut verbo, aut signo aliquo exteriore sufficienter exprexit, & eum, cujus hæresis judicialiter probari nequit.

*Apostasia a Clericatu, seu sacro Ordine.*

**QUÆRO XV.** Quid de ea sentis?

**LIII. Ante R. Not.** Apostasia a sacro Ordine est, cum quis a perfectiori Statu Clericali, quem in manu Episcopi, edito etiam Continentiæ voto, assumpserat, ad Statum Conjugii, vel Laicæ conversationis, dimisso suo habitu, propria temeritate se transfert. Hoc notato

**Resp. 1.** Retrocedere a Statu Clericali (sive quis sit in Sacris, sive in Minoribus tantum) ex dispensatione Papæ obtenta ex legitima causa, nullum est peccatum, sive transitus fiat ad Statum militare, sive ad matrimoniale. Hoc patet per se.

**Resp. 2.** Ab Ordine sacro sine legitima causa ex dispensatione retrocedere ad vitam Laicalem seu sæcularem, est peccatum mortale, & apostasia, licet uxor non ducatur.

**Ratio:** Quia peccatur in re gravi, & illa retrocessio est una ex specibus apostatiæ in R. r. ad Q. 13. adductis. Immo si talis uxorem duceret, peccaret simul contra votum solemne castitatis, & matrimonium esset nullum.

**LIV. Resp. 3.** Probabilius, & tutius est, quòd Clericus majorum Ordinum, qui animo vagandi per vicos, & plateas ad malum, dimittit, aut occultat habitum, ita ut a circumstantibus cognosci non possit (licet ad breve tempus id faciat) peccet mortaliter. Ita cum Bannes de la Cruz, &c.

P

*Ratio*

*Ratio:* Quia est temeraria dimissio habitus, & quoad hoc videtur esse eadem ratio de Clerico, ac Religioso, cum Jura utrumque ad Status sui habitum portantum obligent.

*Dixi, temeraria,* qualis non est, si Clericus habitum dimittat ad tuendam vitam, v. gr. si moretur inter hæreticos, vel ob honorem, aut divitias, etiam alienas, tuendas, aut dimittat ad breve tempus ex rationabili causa, v. gr. ratione balnei, honesti ludii, vel repræsentationis, recreationis: ubi tamen venialia subinde intervenire possunt.

*L.V. Resp. 4.* Probabilis est, quod Clericus majorum Ordinum, deferendo sine justa causa folam tonsuram abique habitu Clericali, peccet mortaliter.

*Ratio:* Quia ista dimissio habitus sub gravissimis poenis vetita est in C. præcipimus. 21. qu. 4. Et in Clem. Quoniam: de vita, & honest. Cleric. Et hæc sententia maxime vera est, ait de la Cruz, quando illius Status non potest nosci alio signo externo; nam si alio signo externo noscatur, erit peccatum veniale, ait Bannes. Quodnam hoc signum sufficiens sit, pensandum est ex more Patriæ.

*Resp. 5.* Clericus facilius peccat mortaliter (saltem in Germania) non gestando habitum Clericalem, quam non gestando coronam.

*Ratio:* Ita loquitur communis hominum apprehensio. Nam si homines videant aliquem Parochum, in cujus vertice nec vestigium coronæ appareat per sex, vel octo septimanas, ex eo non ita scandalizabuntur, nec damnabuntur peccati mortalis: dato etiam quod in ea Diocesi Constitutiones Synodales mandent eam quovis mense saltem renovari; at si videant Clericum instar Lanionis, Venatoris, Senatoris, &c. id est, in habitu omnino profano publicè per plateas, & campos triduo, quatruiduo incedere, vix erit, qui non graviter offendatur.

*Resp. 6.* Si Clericus, in Sacris constitutus, habitum suum ita dimittat, ut status ejus nullo signo externo, cujus in prob. R. 4. fuit facta mentio, possit cognosci, peccat mortaliter, licet id non faciat animo occultandi personam. Hoc est tutius, & probabilius.

*Ratio:* Causa principalis, ob quam Jura Clericis præcipiunt gestare habitum Clericalem, est dignitas, & excellentia Sacramentorum, ut eorum ministri decenter incedant, velut a plebeis, & Laicis segregati, ut Laici eos sciant præ cæteris honorare. Ergo si Clericam sine justa causa, & ex mera quasi laicandi libidine non portant, quantum est ex parte sua gravem Sacramentis irrogant injuriam, violando eorum dignitatem. Ergo mortaliter peccant.

*Dixi, si nullo signo externo possit cognosci status ejus,* ubi intelligitur signum, statum, & con-

ditionem personæ manifestans; unde non sufficit cognosci ex facie, & gestibus. Immo et si posset ex tali signo status cognosci, si tamen ex non gestatione habitus sequeretur scandalum, ejus vitandi gratia teneretur totum habitum deferre. Alia ratio patebit ad R. 8.

*Addo,* quod hoc de omnibus quidem, qui sunt in Sacris, sed maxime de Sacerdotibus verum sit. Sacerdos enim cum præ omnibus plus quam Angelica intus refulgeat dignitate, ut loquitur noister Corradus, necesse est, ut per specialia signa eam foris ostendat, ut ei reverentia exhibeatur, quæ exhiberi nequit, si ut Laicus, seu purus Sæcularis, sive ut unus de plebe incedat, & dignitatem suam vilipendio exponat, immo periculo despectus, percussiois, interfectionis. Ergo.

*LVI. Retrocesso ab Ordinibus minoribus ad Laicatum sine bona intentione, & justa causa, est quidem peccatum, sed ad summum veniale.*

*Prima pars* patet: Quia ut opus aliquod non sit vitiosum, debet fieri ex bona intentione, seu bono fine; Vide Tract. 15. Exam. 1. num. 4.

*Secunda pars* etiam constat: Quia Clericus minorum Ordinum nec voto, nec Juramento nec præcepto, Statui Clericali adstrictus est. Nec adeest contemptus formalis, ut suppono, nec virtualis, eo quod adsit justa causa. Ergo.

Tota Resp. etiam patet a paritate Novitii egredientis & Religione.

*Resp. 7.* Clericus minorum Ordinum non habens beneficium, si tonsuram, & habitum clericalem non portet, peccat quidem, sed solum venialiter.

*Ratio 1. p.* Quia in Jure præcipitur, ut omnis Clericus, etiam minorum Ordinum, deferat habitum, & tonsuram clericalem. Ergo, qui non defert, peccat.

*Ratio 2. p.* Talis Clericus non est perfecte in statu clericali, nec alitur ex bonis Ecclesiæ. Ergo saltem sub mortali non tenetur portare insignia ejus.

*LVII. Resp. 8.* Probabilius, & tutius est, quod Clericus minorum Ordinum, immo primæ Tonsuræ, habens præstimoniam, pensionem, dignitatem Ecclesiasticam, aut beneficium, ex quo honestè sustentari potest, teneatur deferre tonsuram, & habitum clericalem sub peccato mortali, & privatione beneficiorum, ac pensionum, & ipso facto declaratur privatus a Sixto V. in motu incipiente: *Cum sacrosancta*, edito 5. Idus Januarii 1588. ut adducit de la Cruz citans nostrum Bannes 2. 2. q. 12. ar. 3. & Ledesma c. 9. de Ordine.

*Ratio:* Talis Clericus alitur ex bonis Ecclesiæ. Ergo natura didat, quod teneatur portare insignia ejus, quam aliàs profecto videtur vilipendere.

Hæc ratio à fortiori probat de iis, qui sunt in Sacris, sed, proh dolor! non est pusillus Grex eorum tam in Sacris, quam in Minoribus existentium, quia ad hanc salutarem doctrinam obfuscescunt, magno animas suas periculo expolentes.

Nec refert, quod multi inter illos sint Prænobiles, Perillitres, Illustriissimi, quia Nobilitas Clericos a præceptis Ecclesiæ non eximit, quibus statum hunc eligendo sponte sua se subdiderunt: nec Ecclesia, nec Deus personarum acceptores est: *Et vera est nobilitas, clarum virtutibus esse.* Habent Religiosi, etiam Mendicantes, filios Regia Stirpe progenitos, nec tamen hi mendicantium Ordinum insignia seu habitum etiam pilosum gestare erubescunt.

#### Schisma.

De hoc quidem S. D. tractat infra q. 39. per 4. art. Cum tamen Schisma ad Hæresim, ac Apostasiam propè accedat, de eo hic aliquid dicendum est. Unde

QUÆRO XVI. Quid est Schisma, & in quo ab hæresi differt, & quæ ejus pœna?

LVIII. Resp. 1. Nomen Schismatis à scissura animorum vocatum est, scissio autem unitati opponitur, unde & peccatum Schismatis directe, & per se opponitur unitati. Et ideo propriè Schismatici dicuntur, qui propria sponte, & ex intentione se ab unitate Ecclesiæ separant, qui Summo Pontifici subesse renuunt, & qui membris Ecclesiæ, ei subiectis, communicare reculant. Ita S. Th. loc. cit. a. 1. in c. ut, si aliquod Regnum constitueret sibi specialem Episcopum, vel Patriarcham, cui in spiritualibus obediat, aut alios speciales Religionis cultus adhibeat, nolens parere mandatis Summi Pontificis, Pontificatum tamen Romanum, aut ullum alium Fidei articulum non negans. Et hoc vocatur Schisma purum; si vero aliquem Fidei articulum neget, dicitur Schisma hæresi mixtum.

Resp. 2. Differentiam hæresis, & Schismatis explicat S. D. ar. 1. cit. ar. 3. dicens: Hæresis, & Schisma distinguuntur secundum ea, quibus utrumque per se, & directe opponitur. Nam hæresis per se opponitur Fidei, Schisma autem per se opponitur unitati Ecclesiasticæ charitatis. Et ideo sicut fides, & charitas sunt diversæ virtutes, quamvis, quicunque caret fide, caret charitate, ita etiam Schisma, & hæresis sunt diversa vitia, quamvis, quicunque est hæreticus, sit etiam Schismaticus, sed non convertitur. Et hoc est, quod S. Hieronymus dicit: Inter Schisma, & Hæresim hoc inter se arbitror, quod hæresis perversum dogma habet, Schisma, ab Ecclesia separat. Et tamen, sicut amissio charitatis est via ad amittendam fidem, ita etiam Schisma est via ad hæresim. Unde

Hieronymus subdit, quod Schisma à principio aliqua in parte potest intelligi diversum ab hæresi. Cæterum nullum Schisma est, quod non sibi aliquam hæresim confingat, ut rectè ab Ecclesia recessisse videatur. Hæc S. Thomas.

Resp. 3. Pœna Schismaticorum est excommunicatio latæ sententiæ, reservata in Bulla Cœnæ. Et merito, quia, per quæ peccat quis, per ea debet puniri: Sap. 17. ut arguit S. Th. ar. 4. in c. Schismaticus autem peccat, separando se à communione membrorum Ecclesiæ. Ergo.

Ex quo infertur, absolutiones Sacramentales a Schismatico sacerdote datas esse nullas, defectu Jurisdictionis, utpote qua propter excommunicationem caret.

Explica ulterius: Si quis solum segregaret se ab Ecclesia quadam particulari, denegans obedientiam alicui certo Episcopo, paratus tamen obedire Summo Pontifici, essetne Schismaticus?

Dico: Non esset: Schisma enim est separatio ab Ecclesia universali.

Quid ergo, si quis renueret subesse Papæ, ut privatus homo est, ex particulari aliquo odio contra eum, aut ejus familiam, vel nollet obedire uni speciali mandato ob specialem ejus difficultatem, v.g. de sejunio?

Dico: Non est Schisma, quia ad hoc requiritur resistèntia facta Summo Pontifici ut tali.

#### Blasphemia.

S. Thom. 2. 2. q. 3. per quatuor art.

QUÆRO XVII. Quid de ea sentis?

LIX. Resp. 1. Blasphemare est Deo aliquid denegare, quod ei convenit; vel attribuire, quod ei non convenit, dicendo: Deus non est justus, Deus est miser: ut patet ex S. Th. ar. 1. in c. qui ibidè ad 3. explicat, esse etiam blasphemiam, creaturæ attribuire, quod Deo proprium est, v.g. Omnipotentiam. Quidquid enim est Deo proprium, est ipse Deus (arguit S. Th.) sed creaturæ attribuire id, quod est proprium Deo, est Deum dicere creaturam: Ergo.

Paulò aliter dici potest: Blasphemia committitur, quando proferuntur verba, vel exercentur signa contra Deum, aut Sanctos, quibus inhonorantur, seu vilipenduntur, etiam solum mentaliter.

Resp. 2. Blasphemia ex genere suo est peccatum mortale. S. Thom. ar. 2.

Ratio: Tum quia Levit. 24. dicitur: Qui blasphemaverit nomen Domini, morte moriatur: Sed pœna mortis non infertur nisi pro peccato mortali. Ergo. Tum etiam quia blasphemia secundum genus suum repugnat divinæ charitati; quia ut patet ex definitione, derogat divinæ bonitati, quæ est objectum charitatis. Ergo.



*Oppone:* Omne peccatum mortale debet opponi alicui præcepto Decalogi.

*Ad hoc R.* cum S. Thoma ad 2. dicente: Cum blasphemia opponatur Confessioni fidei, (ut patebit postea) estus prohibitio reducitur ad prohibitionem infidelitatis, quæ intelligitur in eo, quod dicitur: *Ego sum Dominus Deus tuus*, &c. Vel prohibetur per id, quod dicitur: *Non assumes nomen Domini Dei tui in vanum*. Magis enim in vanum assumit nomen Dei, qui aliquid falsum de Deo asserit, quam qui per nomen Dei aliquid falsum confirmat. Ita S.D.

*Resp. 3.* Blasphemia alia est communiter dicta, quæ ex dictis patet, & opponitur virtuti Religionis: alia hæreticalis, ut si quis seriò, & pertinaciter dicat: Deus non est iustus, est maledictus, renego D. Petrum, & Sanctos; Vel si dicat, eos non esse Sanctos, eos apud Deum nihil posse. Et hæc non tantum Religionis, sed & Confessioni fidei opponitur, juxta S. Thom. ar. 1. in c. & ad 2. & de ea assero, quidquid dixi de hæresi, modò addit error in intellectu cum pertinacia. Si enim quis ore dicat, maxime in ira, Deus est iniustus, quod tamen in corde non tenet, est quidem peccatum mortale, sed non est hæresis, nec blasphemia hæreticalis.

*Resp. 4.* In peccato blasphemiarum necessariò explicandum est, an sit in Deum, Beatam Virginem, vel Sanctos. Ita tutior & probabilior sententia.

*Ratio:* Quia blasphemia in Deum virtuti Latriæ: quæ est in Sanctos, virtuti Dulciæ; quæ est in Beatam Virginem, repugnat virtuti Hyperdulciæ. Ergo specie differunt. Et hoc si quis neget, negare tamen non audeat, quin ex tali capite blasphemia notabiliter aggravetur. Sanctum tamen illum, in quem quis blasphemavit, exprimere non est necesse; licet enim unus Sanctus sit major altero, non tamen inde notabiliter aggravatur.

*Resp. 5.* Probabilius, & tutius est, exprimendam etiam esse qualitatem blasphemiarum, nimirum an blasphemavit, Deo aliquid tribuendo, quod non habet, ut appellando crudelem, Tyrannum, maledicendo Deum, exprobrando ipsi etiam quod habet, sed irreverenter, & cum irrisione, & contemptu, v.g. membra Christi, pedes, nasum, velper ea turpiter jurando, vel id quod Deo est proprium, creaturæ tribuendo.

*Ratio:* Quia licet hæc non differant specie, ut patet ex S. Thom. artic. 1. ad 3. peccatum tamen in sua specie notabiliter aggravatur.

*Resp. 6.* Blasphemia non tantum committitur verbo, sed etiam facto, ut si quis contra Deum, in aerem expuat, vel, ut Ju-

lianus Apostata, suum sanguinem projiciat in contemptum Dei. Ubi etiam explicandus in Confessione est modus blasphemiarum, nimirum an fuerit expressa voluntas inferendi Deo, vel Sanctis convicium, an implicita. Et tali facto etiam potest quis se hæreticum contestari.

*LX. Resp. 7.* In blasphemia formali, seu quæ sit ex perfecta deliberatione, non datur parvitas materiæ, propter quam fiat peccatum veniale.

*Ratio:* Nam materia blasphemiarum ex se est gravissima, quia per eam peccatur in Deum, vel in Sanctos, ut dicunt ordinem ad Deum; Vel ergo convicium, quod contra Deum dicitur, est contra divinum Intellectum, & sic ponitur in Deo error, vel falsitas. Vel est contra Voluntatem divinam, & sic ponitur in Deo malitia. Vel est contra divinam essentiam, & sic ponitur in Deo malum naturæ, quæ omnia sunt materia gravissima. Ergo.

*Resp. 8.* Indeliberatè blasphemans ex consuetudine, quam advertit, & ex notabili negligentia non curat emendare, peccat mortaliter: secus si nitatur contra eam.

*Ratio:* Quia talis blasphemia est voluntaria in sua causa in primo, secus in secundo casu.

Ex quibus patet, quomodo Confessarius debeat judicare de iis, qui non Deo, sed homini indignando proferunt mortem Dei, septem Sacramenta, vulnera, Sanguinem Christi, &c. non enim committitur communiter blasphemia, sed vanus usus divini nominis, qui saltem est grave veniale, vel interdum mortale, vel ratione scandali, periculi incidendi in blasphemias, vel ratione scandali.

Pro quo ulterius Not. blasphemiam duobus modis heri posse. 1. Sic, ut blasphemans non advertat id, quod dicit, vel facit, esse blasphemiam, ut si verba erumpant ex subito motu, & non advertatur eorum significatio, & hæc indeliberatio, & subreptio excusata mortali. Sic, ut blasphemans verborum significationem consideret, attamen ex passione, deliberationem omnino completam antecedente, ea proferat; & in hoc casu blasphemans a mortali non excusatur, ut nec is, qui ex subito motu iræ alterum occidit; quia gravitas materiæ eum cogit ad deliberationem, eo ipso, quod advertit ad id, quod facit.

*Quid iudicis de iis, qui passim dicunt:* Hoc tam verum est, quam quod Deus extet, tam verum est, quam quod Verbum Caro factum sit; Hoc tam verum est, quam Evangelium; estne blasphemia?

Ratio dubitandi est, quia veritatem objecti creati æquare cum divina, est mortale; immò hæreticum.

*Dico:*

*Dico:* Si homo per tales locutiones ab'olutè intenderet æquare infallibilitatem veritatis creatæ, & increatæ, peccaret mortaliter, & esset hæreticus, sed hoc nunquam, vel rarò contingit. Committitur ergo vanus usus divini nominis, quialiquando veniale, aliquando mortale peccatum est, ut antedictum. Ex quo patet ad rationem dubitandi.

## E X A M E N IV.

*De Spe, ac Timore, & vitiis Spei oppositis, nimirum de desperatione, & præsumptione.*

*De quibus S. D. agit, nimirum de Spe q. 17. & 18. De Timore q. 19. 20. & 21.*

**Q**UÆRO I. Spes Theologica, quid, ac quotuplex est, ac quod objectum ejus, & subiectum?

**LXI.** Ante R. Not. Spem aliquando improprie, & latè accipi. Pro expectatione cujuscunque eventus futuri, sive boni, sive mali, & sic de ea hic non est questio: Sumitur verò strictè, & proprie in ordinem ad bonum tantum, & sic dividitur in sensibilem (quæ est in parte irascibili, etiam brutis conveniens, de qua actum est supra Tract. 4. Exam. 1. n. 5.) & in intelligibilem, seu intellectualem, quæ est in appetitu rationali, & postea definitur, sumiturque hic pro habitu: licet aliquando accipiat pro objecto, ut ad Tit. 3. *Expectantes beatam Spem*; ut Psal. 90. *Tues, Domine, Spes mea*: aliquando pro actu, ut Rom. 8. *Spe salvi facti sumus*. Revidendæ hic sunt definitiones virtutis Tr. 4. Exam. 1. traditæ num. 2.

2. Item, quod in hoc Tractatu Exam. 1. diximus de fide, cur dicatur Theologica: quodd alia sit formata, & alia informis, & tamen quoad entitatem unus habitus solo perfectionis modo diversus; hoc ipsum enim etiam de Spe verificatur. Hoc notato

*Resp. 1.* Spes Theologica definitur sic: Est virtus Theologica qua voluntas viatoris fertur in Deum, ut beatitudinem suam obtentu arduam, divino tamen auxilio assequibilem. Spes alia est formata, alia informis, ut loco citato diximus de fide, ubi vide. Definitio clarescit ex dicendis.

*Resp. 2.* Objectum formale, quod ad æquatum Spei, seu per se primò terminativum est ipse Deus in quantum est beatitudo nostra objectiva: Beatitudo formalis, seu clara Dei visio a Beato elicita non intrat rationem objecti for-

*Tribunal Confessoriorum.*

malis, sed solum est conditio requisita in obliquo connotata. Ita docet S. Th. hic q. 17. ar. 2. in c. Quid sit objectum formale quod, quo & materiale, Vide Exam. 1. post R. 3. ad Q. 2. n. 3. in hoc Tract.

*Ratio prima, & secunda partis est:* Virtus purè Theologica debet habere objectum ad æquatè divinum; Sed Spes est talis virtus. Ergo. *Subsumo:* Sed beatitudo formalis est quid creatum, objectiva verò est quid purè divinum. Ergo. *Ratio secunda partis:* Objectum formale, quod ad æquatum Spei est, in quod Spes per se primò tendit, & in omnia alia ratione illius: Sed in Deum, ut est beatitudo nostra objectiva, Spes per se primò tendit, & omnia alia ratione illius, tamquam in media ad illius consecutionem, seu ut in objecta materialia, & secundaria. Ergo.

*Ratio 3. partis.* Beatitudo objectiva actum Spei non terminat, nisi ut possidenda: Sed ut talis connotat saltem in obliquo claram visionem, quia per eam possidetur, & prehenditur. Ergo.

*Resp. 3.* Objectum motivum, seu formale quo Spei Theologicæ est Deus ut auxiliator, seu Omnipotentia, ut auxilians in superanda arduitate, seu divinum auxilium activè sumptum.

*Ratio:* Motivum formale Spei est id, cui illa innititur, & quo homo premunitur contra desperationem. Sed illud est auxilium divinum juxta illud Psal. 17. *Deus meus, adjutor meus, & sperabo in eum*. Ergo.

*Dixi 1. auxilium activè sumptum:* si enim sumatur passivè, est quid creatum; quod nequit esse ratio formalis virtutis Theologicæ.

*Dixi 2. in superanda arduitate:* hæc enim ex parte objecti essentialiter connotatur.

*Resp. 4.* Objectum materiale, & secundarium Spei complectitur omnia bona supernaturalia absentia, & ardua, divino auxilio assequibilia.

*Ratio:* Quia hæc omnia Spes attingit, quatenus referuntur ad objectum suum primum assequendum.

*Respondet 5.* Habitus Spei non erat in Christo ut Viatore; nec est in Beatis, nec in damnatis. Ita S. D. qu. 18. ar. 2. & 3.

*Ratio:* Quia in illis deficit objectum Spei; hoc enim est bonum arduum futurum, Christus verò ut potè primo conceptionis instanti clarè Deum videns, adeoque beatus, jam erat in termino, & beatitudinem possidebat: idem est nunc de aliis Beatis: respectu damnatorum non est, nec potest apprehendi ut futura. Ergo.

*Sed nonne continuatio gloriæ, vel gloria corporis sufficit ad objectum Spei in Beatis?*

*Dico:* Non sufficiunt: Quia neutrum est bonum arduum; non continuatio gloriæ, quia

hæc beato debetur ex intrinseca ratione beatitudinis, & æternitatis participatæ: nec gloria corporis, quia hujus jam possident radicem, nimirum gloriam animæ.

*Resp. 6.* Habitui Spei est in Angelo, & homine viatore, etiam peccatore, excepto hæretico, & desperante. Item est in animabus, quæ sunt in Purgatorio, & erat in iis, qui erant in Limbo.

*Ratio:* Quia respectu Angeli, & hominis viatoris, etiam peccatoris, uti & animarum in Purgatorio & Limbo, manet obiectum Spei jam explicatum, quod non destruitur nisi per suum oppositum, nimirum per desperationem, cum per eam tollatur ejus radix, ac fundamentum, quod est Fides, definita, quoddam sperandarum substantia verum.

*Oppono:* Animæ in Limbo habebant, & in Purgatorio habent certitudinem de sua Salute. Ergo non Spem.

*Nego conf.* Quia illa certitudo non aufert rationem obiecti ardui nondum habiti, quia aliàs etiam Spes non debuisset poni in B.V. quia & illa erat certissima de sua Salute.

**QUÆRO II.** Quid, & quotuplex est timor, & quod obiectum ejus?

*LXII. Resp. 1.* Timor potest tripliciter considerari. 1. Ut est passio appetitus sensitivi, nam hic naturaliter refugit malum, sub qua ratione de eo actum est supra. 2. Ut est vitium fortitudini oppositum, quo homo refugit malum, quod secundum rectam rationem non esset fugiendum. 3. Ut est donum Spiritus Sancti, quo frænatur mens hominis, ne per Spem in præsumptionem erigatur.

*Resp. 2.* Juxta Sancti Thomæ hic quæst. 19. artic. 2. Timor est quadruplex, nimirum timor filialis, quo quis convertitur in Deum timore culpæ, seu offensæ, nam filiorum est timere offensam patris, ait S. Doct. *Servilis*, quo quis convertitur in Deum propter timorem pœnæ, & pœnæ. *Mundanus*, seu *humani*, quo quis propter malum temporale (quod timet) a Deo recedit: quod semper malum, & peccatum est juxta Sancti Thomæ quæst. 19. ar. 3. in c. Ex his solus timor filialis est timor castus, & donum Spiritus Sancti. Quod concernit timorem fervilem, si pœna timeatur tanquam principale motivum, malus est, & Charitati opponitur, ut benedixit S. D. artic. 3. Si verò pœna non timeatur ut principale motivum, sed ordinatur in Deum ut in finem, bonus est, & honestus, ut patet supra Tract. 13. Exam. 3. num. 43. & 44.

*Resp. 3.* Timor castus, & filialis habet pro obiecto immediato culpam, non secundum propriam rationem, ut culpa, & voluntaria,

est, in quantum est a causa extrinseca, v.g. tentatione dæmonis, vel alio inducente.

*Ratio:* Obiectum immediatum timoris debet habere rationem ardui, ac terribilis, quod timeatur: Sed culpa ut talis, & ut voluntaria, cum sic subiacet nostro beneplacito, non habet rationem terribilis, bene tamen ut habet causam extrinsecam, quia ut talis non subiacet voluntati nostræ. Ergo.

### Desperatio.

*Duplex vitium virtuti Spei opponitur: unum per defectum, nimirum desperatio; aliud per excessum, nimirum presumptio. De utroque aliqua sunt dicta de peccatis in Spiritum Sanctum Tractat. 5. Exam. 5. num. 109.*

**QUÆRO III.** Quid est desperatio, & quod obiectum ejus?

*Resp. 1.* Peccatum desperationis consistit in actu voluntatis, seu est motus appetitus, oppositus Spei, conformiter se habens ad estimationem falsam, quod Deus peccatori pœnitenti veniam denegat, vel quod peccatores ad se non convertat per gratiam justificantem, nec eis conferat auxilia ad obtinendam Salutem, ut explicat S. Th. q. 20. art. 1. Quoties ergo homo talem actum deliberat elicit, toties mortaliter peccat. Vel definitur sic: *Desperatio est fuga voluntatis, qua quis refugit Salutem æternam acquirere per media ordinaria, eo quod judicet, eam obtentu sibi esse impossibilem.*

*Resp. 2.* Obiectum desperationis est æterna beatitudo.

*Ratio:* Sicut Spes est prosecutio obiecti sperati, ita desperatio est fuga illius: Sed obiectum speratum, seu æterna beatitudo est obiectum Spei. Ergo etiam est obiectum desperationis.

**QUÆRO IV.** Desperatio potestne esse cum fide, seu sine infidelitate?

*LXIII. Resp. affirm. Rationem dat S. Doct. quæst. 20. ar. 2. dicens:* Remoto posteriori non removetur prius: Sed spes est posterior fide. Ergo remota spe potest remanere fides: Quod autem sublata fide non maneat spes, patet ex ratione data pro R. 6. ad Q. 1. Nam sublato priori tollitur posterior.

**QUÆRO V.** Desperatio in damnatis estne peccatum?

*LXIV. Resp. Negative cum S. Th. hic ar. 2. ad 3. dicente:* Damnati non sunt in statu sperandi propter impossibilitatem redditus ad beatitudinem, & ideo quod non sperent, non imputatur eis ad culpam, sed est pars damnationis ipsorum.

**QUÆRO VI.** Nonne una desperatio est: gravior altera?

*LXV. Resp. Affirm. secundum gravitatem obiecti, circa quod versatur. Sic gravissimum pecc-*

peccatum est, desperare de salute; gravius de remissione peccatorum; minus grave de emendatione vite propter experimentum propriæ fragilitatis, & difficultatum aliis probatarum: adhuc minus est desperare de consecutione temporalium, nolendo se committere divinæ providentiæ: leve verò, de impetrando per orationem, quod peritur ob propriam indiguitatem. Judicium, quo quis judicat, Salutem sibi esse impossibilem, non est secundum se desperatio, si tamen ad eam consequendam conetur adhibere proportionata media,

Notandum bene, quòd desperatio, ut sit verè talis, debet esse plenè deliberata, & moralis; unde a mortali excusari possunt, qui desperant, seu quasi desperant ex superabundante melancholia, animum ita dejiciente, ut sint quasi sui impotes, & cerebrum lædant.

**QUÆRO VII.** Si Deus (uti per absolutam potentiam potest) alicui ceriò, & absolute revelaret, quòd ob peccata sit damnandus, cui revelationi homo ille prudenter non potest dissentire, possent, & teneretur adhuc sperare suam beatitudinem Spe Theologica? Hæc Q. quidem parùm facit ad praxim, explicat tamen uberius naturam virtutis spei. Unde ante R.

**LXVI. Oppono 1.** Quòd ille, cui Deus suam damnationem revelaret, posset suam salutem, & ea, quæ ad vitanda peccata sunt necessaria, adhuc concupiscere, ac desiderare concupiscentia aliqua supernaturali. *Ratio est:* Quia concupiscentia, & desiderium non respiciunt bonum ut assequendum, & futurum, sed secundum se, & ut possibile absolute, nec sunt actus aggressivi ad vincendam arduitatem; in casu autem dictæ revelationis beatitudo adhuc apparet bona, & absolute possibilis. Verùm non esset ea Spes Theologica; quando enim hæc deficit circa objectum primum, nequit manere circa secundarium: Sed in dicto casu deficeret circa objectum primum, ut probabitur. Ergo etiam circa secundarium, uti sunt media, quibus vitantur peccata.

**Oppono 2.** Quòd is, cui Deus non tantum revelaret damnationem, sed & peccatum pro quo damnabitur, pro hoc peccato vitando teneretur adhuc sperare, ac petere auxilium sufficiens, sicut & teneretur habere displicentiam de illo peccato: auxilium verò efficax posset quidem desiderare, non tamen sperare, nec teneretur hoc a Deo petere, quia auxilium efficax datur ad actuale peccati evitacionem, quam homo in casu prudenter apprehendere non posset: pro aliis verò peccatis vitandis teneretur sperare auxilium sufficiens, & efficax ob

rationem oppositam. His suppositis

*Resp.* Negative de Spe Theologica, contra aliquos Thomistas, inter quos est Contenton.

**Ratio 1.** Motus Spei non fertur in beatitudinem tantum, ut speculative possibilem, sed ut possibilem in praxi, ut arguit noster Ferre; ideo enim dicitur, quòd objectum Spei sit beatitudo futura, seu de qua quis possit prudenter judicare, quòd sit eam assecutus in re, sed hoc non salutar in casu posito. Ergo. Maj. non negatur ab adversariis, & expresse docetur à S. Th. 1.2. q.40. art. 1. in c. & non obcurè hic quæst. 17. art. 2. in c. Min. prob. Ut quis prudenter judicet, beatitudinem esse futuram, debet carere judicio distante non esse futuram: Sed homo in nostro casu tali judicio non caret, immò habet illud, ut supponitur. Ergo.

Notand. ex dicto Auctore, quòd possibilitas speculativa consistat in non repugnantia prædicatorum, & terminorum, & in potentia absoluta Dei, & de hac tantum convincitur, dum opponitur, quòd talis homo habet auxilia sufficientia, est in gratia, habet habitum spei, potest aliquandiu manere in gratia, & charitate, & bene operari; hæc enim faciunt beatitudinem solum esse assequibilem, spes verò eam recipit prudenter judicatam, ut futuram, seu assequendam: esse verò possibile practice est, esse in tali dispositione, quòd quis prudenter judicare possit, se illud consecuturum: objectum enim spei est bonum arduum, possibile, futurum.

**Ratio 2.** In tantum quis Spe Theologica potest sperare beatitudinem, in quantum prudenter potest judicare, se esse unum ex illis, in quibus adimplenda est divina promissio: Sed in casu posito homo hoc non potest prudenter judicare, cum sit certissimus de opposito. Ergo non potest beatitudinem sperare. Ergo, nec teneretur, quia nemo teneretur ad impossibile.

Quid adversarii ad has rationes respondeant, vatebit ex oppositione prima.

**LXVII. Oppono 1.** cum Contenton: Salus æterna non est minus futura reprobis post revelationem, ac ante. Ergo ruit totum fundamentum. Prob. Ant. Salus potest esse certò futura dupliciter: nimirum, vel certitudine absoluta, cui non possit subesse fallum; vel certitudine conditionata, id est, ex vi bonorum operum a gratia oblata elicitorum, per quæ salutem consequetur homo, si velit, seu nisi per ipsum steterit: si verò eam non obtineat; erit ex sola malicia liberabitur, non ex defectu divinæ Misericordiæ. *Subsumo:* Sed reprobis ante revelationem non habet certitudinē absolutam, cui sua spes innitatur, cum de

facto non sit salutem consecutus. Ergo habet solum conditionatam mox explicatam: Sed hanc retinet etiam post revelationem, quia etiam post eam in gratia, & charitate existens potest talia opera exercere per auxilia sibi a Deo data. Ergo.

Illustrat hanc rationem Contenson exemplo in Schola S. Thomæ celebri; Deus vult conditionatè per voluntatem antecedentem salutem reprobi, & vult absolutè per voluntatem consequentem ipsum non salvari absque aliqua pugna in iudicio divino de eodem pronuntiant. Ergo & reprobis in casu posito potest sub diversa ratione judicare salutem conditionatè sibi esse futuram, absolutè non futuram.

*Oppono 2.* cum eodem: Ratio, quare reprobis ante revelationem potest, & tenetur sperare, seu motivum sperandi non est ignorantia suæ reprobationis; quia illa nec possibilitatem, nec futuritionem salutis causat, nec divina præscientia, aut revelatio necessitat, vel ordinem rerum immutat. Ergo obiectum Spei eodem modo respectu illius reprobi se habet ante, ac post revelationem, consequenter post eam æquè potest sperare.

Confirm. Ad sperandam Beatitudinem non requiritur, quòd sit futura in re, ut patet in reprobis viatoribus verè eam sperantibus. Ergo.

Ex hac sententia *Sequitur 1.* quod homo cogatur desperare. Prob. seq. Quia salus ei repræsentatur æquè impossibilis, ac damnatione executæ: Sed ea executæ cogitur homo desperare. Ergo. *Sequitur 2.* Quòd homo teneatur velle suam damnationem. Prob. Quia homo tenetur se conformare divinæ voluntati certò cognitæ. Ergo. *Sequitur 3.* Talem hominem post revelationem non teneri ad observantiam legis, & posse cuiusvis vitio sine culpa se dedere. Prob. Qui non tenetur ad prosequendum finem, etiam non tenetur prosequi media: Sed homo, non potens sperare finem salutis, non tenetur ad prosecutionem huius finis. Ergo nec ad media. Sed hæc media sunt observantia legis, & bona opera, etiam adus Spei Theologicæ. Ergo. *Sequitur 4.* Quòd si Deus alicui revelaret futurum peccatum, etiam auferretur spes, adeoque & obligatio illud evadendi: & sic non peccasset Petrus Christum negando, nec Judæum tradendo. Quia Christus Petro id prædixit Matth. 26. *Antequam Gallus caneret, ter me negabis.* Et Judæi ibidem: *Qui insingit manum in parapsidè, hic me tradet.* Respondens autem Judas, qui tradidit eum, dixit: *Namquid ego sum Rabbi? At illi: Tu dixisti.*

*Oppono 4.* Possum, & licet mihi, efficaciter conari in oppositum illius, quod cognosco absolutè Deum velle, ut si Deus absolutè mihi revelaret mortem Patris mei, possem adhuc adhi-

bere remedia, sicque conari ad vincendam mortem. Ergo similiter in casu posito.

5. Cum absoluta revelatione damnationis stat potentia, saltem antecedens, ad salutem consequendam. Ergo etiam ad sperandum. Prob. Conf. Majus quid est consequi salutem, quàm eam sperare. Ergo si, &c. Patet Conf. nam qui potest majus, potest etiam minus. Imò dictæ revelationi magis opponitur consecutio salutis, quàm ejus spes. Ergo.

6. Hæretici, licet non habeant fidem, consequenter, nec spem in fide fundatam, tenentur adhuc, & possunt sperare. Ergo similiter.

7. Tali homini esset revelatum, quòd sit damnandus ob propria peccata. Ergo adhuc teneretur, ac posset sperare. Prob. Conf. Si Deus alicui ad alicujus adus elicentiam ob propria peccata denegaret non solum auxilium efficax, sed & sufficiens, talis adhuc teneretur; licet enim sit impotens, attamen est talis sua culpa, ut patet in eo, qui projiceret Breviarium in mare, qui tamen teneretur orare horas: Sed in casu posito, si homo est impotens ad sperandum, est talis sua culpa, ut suppono. Ergo.

Confirm. Ponamus, quòd Deus homini illi revelet, quòd sit damnandus propter peccatum desperationis, quod revelationem sublequetur, saltem tunc adhuc teneretur sperare. Prob. Si non teneretur, non peccaret non sperando, & sic cassam faceret Dei revelationem: Sed hoc non admittitur. Ergo.

*Ad 1. Opposit. N. Ant. Ad prob. Transseat totus Syllogismus.* Et N. ult. min. quia bona opera, & auxilia non præcontinent in se Beatitudinem, ut futuram, nisi Deus ea velit continuare usque ad finem vitæ, seu cum poenitentia, & gratia finali, in qua homo discedit, velitque eam operibus dare ut præmium: Sed hæc voluntas Dei in casu posito non est, ut supponitur. Ergo ex vi illorum operum non potest formari prudens iudicium de futuritione Salutis, sed solum de possibilitate speculativa ejus, quæ ad spem Theologicam non sufficit. Unde ad Beatitudinem in re consequendam talia media sunt omnino enervata. Hinc illa certitudo conditionata, *Consequenter homo per hæc opera Salutem, si ipse velit*, non subsistit in Theologia Thomistica, hæc enim non admittit, quòd efficacia gratiæ habeatur ex sola cooperatione creaturæ, sed utitur illo Apostoli: *Non est currentis, neque volentis, sed solius Dei miserentis.* Unde & voluntas antecedens, quæ Deus omnes vult salvare, est inefficax, nec facit salutem omnium hominum esse futuram.

*Contra:* Christus ut homo multa sciebat absolutè non esse futura, quæ tamen efficaciter poterat intendere, ut essent. Ergo absoluta præ-

scientia-

scientia de non fututione eventus non tollit, quin ille possit efficaciter intendi. Prob. Ant. Quia Christus erat liber. Ergo. *Ad hoc N. Ant.* loquendo de iis, ut loqui debemus, quæ Christus evidenter scivit non esse futura, quia aliis Christus efficaciter potuisset aliquid intendere contra efficaciam, & absolutum decretum Dei, quod implicat. Nec id potest ulla libertas creata, etiam Christi, (ut potest absolutum Dei decreto subiecta) Non, inquam, potest potentia consequente.

*Ad 2. Oppos. diff. Ant.* Non est motivum, ita tamen ut sit conditio, *sine qua non*, C. Ant. ut nec sit conditio, N. Ant. & Conf. Licet enim divina præsentia non necessitet, nec mutet ordinem rerum, ex ejus tamen revelatione nascitur diversum judicium de affectione objecti, ex cuius iudicio diversitate mutatur tendentia voluntatis. Nam licet revelatio sit extrinseca respectu objecti, iudicium tamen ex illa formatum non habet se extrinsecè ad movendam voluntatem, sed est applicatio intrinseca objecti, ex cuius mutatione mutatur voluntas. Unde & nunc in prædictis ignorantia reprobationis non est ratio formalis sperandi, sed est conditio, *sine qua non* sit applicatio rationis formalis objecti spei ad voluntatem.

*Ad confirm. diff. ant.* Non requiritur, ut sit futura in re, id est, effectivè cum actuali eventu, C. ant. Secundum prudens iudicium, N. ant. & Conf. Itaque objectum spei alicui esse futurum, non intelligitur, quod sit futurum in re cum actuali eventu, sed secundum iudicium practicum, & prudentiale, cum de opposito non conflet, & hoc iudicium potest quidem habere reprobos, suam damnationem ignorans, non verò is, cui certò est revelata; a quo proinde præceptum spei tollitur.

Ex quibus solvuntur hæc instantiæ. 1. Omnis viator tenetur tendere ad suum terminum, eumque sperare: Sed talis homo est viator, & terminus ad quem hominis viatoris est Beatitudo, viator verò constituitur per fidem, & spem. Ergo. Nam *solvitur dicendo*, illam esse veram, si possit habere dictum iudicium: Vel dico, talem esse solum viatorem negativè, id est, non esset in termino, non verò positivè, quia positivè non moveretur ad consecutionem Beatitudinis. 2. Per revelationem objectum spei non mutatur, sed eodem modo se habet, ac ante. *Solvitur dicendo*, esse solum verum de objecto quoad se, non verò comparative ad hunc hominem.

*Ad 3. Oppos. diff. primam seq.* Cogitur desperare negativè, C. positivè, N. Desperatio ergo duplex est. Una negativa, quæ est mera omisso præcepti spei, quod homo implere non potest, adeoque nec est moralis, nec peccaminosa. Altera positiva, quæ est actus formalis, & expressus desperationis, quo quis vel iudicat,

quod Misericordia Dei peccata non remittat, & sic est hæresis. Vel existimat, quod Deus sit tam severus, ut absolute, & non propter peccata propria tantum, nolit alicui in particulari misereri, & sic est blasphemia.

Ex quo patet, quod talis homo, nec præcepto affirmativo spei teneatur, nec negativo de non omitendo actum spei, quod in priori occluditur. De actu, seu executivè damnatis (de quibus ibidem fit mentio) est disparitas, & N. maj. quia desperatio est pars damnationis ipsorum, ut dictum est in R. ad Q. 5. n. 65.

*Ad 2. Seq. pat. R. supra Tract. 3. Exam. 3. num. 52.*

*Ad 3. Seq. admitto*, quod talis homo non teneatur ad observantiam legis, seu præcepti de actu spei, bene tamen aliorum præceptorum; unde nego, quod cuivis vitio sine culpa se dedere possit. Ad prob. diff. maj. Non tenetur prosequi media, quorum ratio formalis objectiva non manet, C. maj. si hæc maneat, N. maj. Trans. min. & diff. simul conf. Licet ergo talis homo non teneatur ad præceptum spei, bene tamen aliarum legum, & præceptorum, ac bonorum operum, quia manet eorum ratio formalis objectiva, non autem spei, ut probatum est.

*Contra S. D. dicit: Per spem præmii inducitur homo ad observantiam præceptorum.* Ergo etiam talis homo tenetur præcepto spei, ut alia præcepta possit observare.

Ad hoc dico S. D. velle, quod spes præmii sit quidem medium, sed non unicum, seu unicè necessarium, quia ipsa objectiva aliorum præceptorum hominis potens est movere ad observantiam eorum.

Ex dictis etiam solvitur instantia, quæ solet obijci ex illo textu S. Scripturæ: Si vis ad vitam ingredi, serva mandata.

*Ad 4. Seq. N. ant.* disparitas patet ex dictis ad 3. sequel. quia cum revelatione futuri peccati fiat honestas, & ratio formalis motiva aliorum præceptorum, & alia ad eorum observantiam requisita; cum revelatione verò damnationis non manet hæc ratio formalis respectu spei, quia deficit futuritio. Unde homo, de quo est casus, ne quidem potestate antecedente posset præceptum spei implere, nec dictum prudentiale iudicium de fututione elicere ob rationem mox insinuatam; bene tamen id posset, quoad alia præcepta, & bona opera, si non formaliter, ut media ad Beatitudinem, saltem ut secundum se bona, & honesta sunt. Hinc graviter peccavit Petrus negando, & Judas tradendo Christum.

*Ad 4. Oppos. diff. ant.* Licet efficaciter efficaciam imperfecta, & secundum quid tali, nimirum per modum desiderii, C. ant. efficaciam simpliciter tali, uti est in Spe, N. Ant. & Conf. Solutio patet ex suppos. 1. Itaque in



impossibile, seu in oppositum illius, quod quis evidenter cognoscit, Deum absolute velle, non potest homo tendere efficaciter, nisi efficacia imperfecta, & secundum: quid, quæ solum efficacia desiderii: ad Spem autem requiritur efficacia, qua voluntas intendat victoriosè superare arduitate rei consequendæ: ad quod requiritur motus aggressivus. Hinc patri (de quo ibi fit mentio) medicina potest adhiberi ex desiderio; non ex spe evadendi mortem, quod etiam in nostro casu jam est admissum.

*Ad 5 Oppos.* N. Conf. ad probationem dicitur verum esse, si cætera sint paria. Disparitas est. Quia ad posse salvari sufficit possibilitas salutis, quæ manet cum dicta revelatione, uti & auxilia sufficientia: verum ad posse sperare requiritur futuritio objecti prudenter apprehensa, ut dictum est; quæ in casu revelationis non manet. Paulò aliter dici potest, quòd talis homo possit salvari loquendo de salute speculative, non verò practice possibili; sed est idem dicere.

Ex dictis faciliè solvuntur hæ instantiæ. 1. Possibilitas salutis petit possibilitatem medium: Sed inter hæc est, Ergo. 2. Ordinatus ad salutem æternam, etiam est ordinatus ad Spem ejus. Ergo.

*Ad 6.* N. Conf. Disparitas est; Quia hæretici possunt errores suos relinquere, & fidem veram tanquam spei regulam, ac basim amplecti, & sic objectum spei sub ratione futuri attingere: at ille, cui facta est a Deo absoluta revelatio suæ damnationis, hanc notitiam non potest deponere, quia tenetur Deo credere: idèque Beatitudinem sub ratione futuri non potest prudenter apprehendere.

Notandum hic, quòd si homo, de quo agimus, revelationi divinæ non crederet, heret infidelis, & amitteret fidem circa omnia alia credibilia, qui enim unum Fidei articulum sufficienter propositum negat, omnes, & totam fidem negat, ut probatum est supra.

*Ad 7.* N. Conf. ad prob. N. Ant. si enim Deus velit hominem obligare ad aliquem actum, saltem aliquod auxilium sufficiens illi debet. Ad illud de Breviario dico esse verum, quamdium, non retractatur mala voluntas, qualesiò retractata, abjectio Breviarii non est ampliùs voluntaria.

*Ad Conf.* N. Ant. ad prob. pat. diff. ex R. ad 3. Oppos. Ex hæcenus dictis faciliè solvuntur hæ instantiæ: Supposita dicta revelatione homo tenetur adhuc se amare, se non perdere, imminens maximum malum cavere, cum non sit Dominus vitæ corporis, vel animæ. Ergo tenetur adhuc quærere Beatitudinem: Sed hæc quæritur sperando. Ergo. 2. Physicè prædeterminatus ad aliquem actum retinet potentiam antecedentem ad oppositum, immodè etiam

physicè esset prædeterminatus ad desperandum, potest adhuc, & tenetur adhuc sperare. Ergo & in hoc casu. Prob. Conf. Quia prædeterminatio fortius movet, quam mera externa revelatio. 3. Qui per divinam revelationem esset certus de præmotione physica, sibi deneganda ad præcepti impletionem, adhuc tenetur implere. Ergo similiter. 4. Si Deus absolute alicui revelaret, quòd non sit facturus restitutionem rei furtim ablatæ, talis adhuc teneretur restituere. Ergo similiter. 5. Qui habet habitum Spei Theologicæ, potest sperare: Sed talis homo, quamdiù est in gratia, habet habitum Spei Theologicæ formatæ, cum hæc sit proprietas Gratiæ sanctificantis. Ergo.

QUÆRO VIII. Quando nam obligat præceptum Spei?

LXIX. Revideantur, quæ dicta sunt in hoc Tract. Exam. 2. ad Q. 2.

*Resp. 1.* Homo in primo instanti usus rationis (ut supra probavimus) tenetur sibi præstituerè ultimum finem, & se, omnes suos actus, fidem, spem, & amorem suum illi consecrare, adeoque & actum Spei elicere, cujus præceptum tunc per se obligat.

*Resp. 2.* Præceptum Spei per accidens obligat. 1. Quoties volumus Deum orare, vel de peccatis poenitere, quia hoc virtutum actus sine Spe non possumus debite exercere. 2. Quando gravem tentationem desperationis non possumus aliter vincere. 3. Quando quis respicit a nefando desperationis flagitio, tenetur actum Spei elicere, ut horrendum peccatum retractet. 4. In receptione cujuslibet Sacramenti, quia per illud gratiam consequitur, quæ proinde speranda est, cujus tamen actus omisso non est speciale peccatum in Confessione exprimentum. Tandem bonus Christianus crebrò in actum Spei prorumpere debet.

LXX. Peccatne, qui Deo libenter cedens cælum, desiderat perpetuò manere in terra?

*Dico:* Si deliberatè id desideret, peccat mortaliter contra præceptum Spei divine, qua quilibet homo obligatur Deum, & divina præ omnibus sibi concupiscibilibus concupiscere. Sanè homotalem actum eliciens vel est Atheista, vel Atheismo vicinus.

#### Præsumptio.

*Alterum vitium, quod Spei opponitur per excessum, est Præsumptio, de quo vide Tract. 5. Exam. §. no. 10. & de eo agit S. D. hic Q. 21.*

QUÆRO IX. Quid est Præsumptio, & an peccatum?

LXXI. *Resp. 1.* Præsumptio importat quandam immoderantiam, seu excessum spei; & defini-



finitur, quoddam sit virtutum, vel alius voluntatis, quod bona supernaturalia inordinatè expellantur, v.g. gratia, gloria, & similia. Sicut (ut ait S.D. art. 1. in c.) cum aliquis sperat, se veniam obtinere sine penitentia, vel gloriam sine meritis.

Resp. 2. Cum S. Thom. ibid. subdente. Hæc præsumptio est propriè species peccati in Spiritum Sanctum, quia scilicet per huiusmodi præsumptionem tollitur, vel contemnitur adiutorium Spiritus Sancti, per quod homo revocatur a peccato.

S.D. art. 2. in c. hoc magis explicat dicens; Præsumptio habet se conformiter intellectui falso, sicut & desperatio. Sicut enim falsum est, quod Deus poenitentibus non indulget, vel quod peccantes ad poenitentiam non convertat, ita falsum est, quod in peccato perseverantibus veniam concedat, & a bono cessantibus opere gloriam largiatur, cui existimationi conformiter se habet præsumptionis motus. Et ideo præsumptio est peccatum, minus tamen quam desperatio, quoniam magis proprium est Deo, misereri, & parcere, quam punire, propter ejus infinitam Bonitatem: illud enim secundum se Deo convenit, hoc autem secundum nostram præcatur. Ita S. Thomas.

Et ad 2. ibid. ait: Præsumptio non importat superexcessum Spei ex hoc, quod aliquis nimis sperat de Deo (cujus potentia, & misericordia est infinita) sed ex hoc, quod sperat de Deo aliquid, quod Deo non convenit. Et ad 3. dicit: peccare cum proposito perseverandi in peccato sub spe veniæ, ad præsumptionem pertinet. Et hoc non diminuit, sed augeat peccatum. Peccare autem sub spe veniæ quandoque percipiendæ, cum proposito abstinendi a peccato, & poenitendi de peccato, hoc non est præsumptionis, sed hoc peccatum diminuit: quia per hoc videtur habere voluntatem minus firmatam ad peccandum. Hæc ibi.

Effertur peccatum præsumptionis, & specialiter in Confessione exprimendum, peccatum grave iterare ideo, quia primum simile admittit, eadem opera expiandum?

Dico: Quoddam sit gravis præsumptio, & circumstantia necessariò exprimenda.

Ratio: Quia talis præsumptio, & sibi pollicetur, quod tam facile plurimum peccatorum mortalium remissionem sit accepturus, quam unius. Ergo.

De Præsumptione etiam actum est supra Tractat. 5. Exam. 1. num. 7. & 15. Sed sub alia ratione.

## EXAMEN V.

De Charitate, de qua S. Thomas agit q. 13. per 8. art. & de ordine diligendorum, de quo q. 26. per 13. art.

QUÆRO I. Charitas quid est, quod obiectum eius, ac præceptum?

LXXII. Resp. 1. Charitas definitur, quoddam sit virtus Theologica, qua voluntas Deum diligit tanquam summum bonum propter se, & proximum propter Deum.

Resp. 2. Obiectum formale Charitatis tam quod, seu terminativum, quam quo, seu motivum, est sola Bonitas divina, non verò ut abstracta a creatura, & increata.

Ratio: Virtus purè Theologica debet habere obiectum formale purè divinum: Sed Charitas est virtus purè Theologica. Ergo.

Respond. 3. Obiectum materiale primum Charitatis est Deus, secundarium est proximus, nimirum homo, & Angelus Beatitudinis capax.

Ratio: Quia Deus diligitur propter se, & proximus propter Deum. Dixi, Beatitudinis capax, ad excludendos dæmones, & homines damnatos.

Resp. 4. Eadem specie virtus Charitatis est, qua Deus propter se, & proximus diligitur propter Deum.

Ratio: Quia utraque hæc dilectio habet idem obiectum formale, ut pulchre explicat S.D. hic q. 25. art. 1. ubi videtur. Quia ratio diligendi proximum est Deus.

Oppono: Juxta S. Thom. infra q. 103. ar. 3. Cultus Latræ, quo Deum colimus, specie differt a cultu Dulciæ, quo colimus Sanctos propter Deum. Ergo similiter.

Nego Conseq. Disparitas est, quia respectu dulciæ, qua colimus Sanctos propter Deum, Deus solum est motivum extrinsecum, motivum enim intrinsecum est propria, & intrinsecum Sanctorum excellentia: respectu verò dilectionis proximi divina bonitas se habet, ut motivum intrinsecum.

Resp. 5. Præceptum charitatis per se obligat omnem hominem in primo instanti morali usus rationis. Pro quo revidenda sunt, quæ diximus de præcepto Fidei in hoc Tractat. Exam. 2. in R. ad Q. 2. ad Q. 4. Et Exam. præcedenti in R. ad Q. 8. de præcepto Spei.

Resp. 6. Præceptum Charitatis obligat, quocumque est periculum labendi in odium Dei, nisi adus Charitatis eliciatur. Item, dum quis in peccato mortali existens non habens copiam Confessarii exponitur periculo vitæ, tunc enim tenetur elicere perfectam contritionem (cum sine ea non possit salvari)

vari) hæc autem includit Charitatem. Item obligat quemvis constitutum in articulo mortis, & hoc ex præcepto naturæ, quo iubemur in eo articulo omni meliori modo animæ consulere; consulitur autem optimè per actum Charitatis. Tandem obligat in periculo aliàs succumbendi tentationi contra quamcunque virtutem a Charitate distinctam.

QUÆRO II. Eſſe Charitas virtutum omnium præſtantiffima, & aliarum forma, ita ut nulla vera virtus poſſit eſſe ſine illa?

LXXIII. Ante R. Not. 1. ex S. Thom. 3. p. qu. 50. ar. 5. quodd, aliquid eſſe ſimpliciter tale, dupliciter intelligitur. 1. Quia eſt abſolutè tale, i. eſt, ſine addito. 2. Quia eſt omnibus modis tale. Unde fit, quodd aliquid ſimpliciter, ſeu abſolutè ſit perfectius altero, non tamen omnibus modis: aliquando verò utroque modo. Sicut corpus incorruptibile ſimpliciter, & abſolutè eſt perfectius corpore corruptibili, non tamen omnibus modis, quia corpus corruptibile poteſt informari ab aliqua forma, modo quidem corruptibili, aſt ſic, ut forma in entitate excedat corpus incorruptibile, qualis forma eſt anima rationalis: & contra ſubſtantia ſpiritualis non ſolum abſolutè, ſed omnibus modis eſt perfectior quàm corporea, nec ſub ulla ratione ab ea exceditur.

Not. 2. Charitatem poſſe dupliciter accipi. 1. In eſſe entis, ſive in eſſe habitus, & qualitatibus ſecundum phyſicam entitatem. 2. In eſſe moris, & virtutis, & ſub propria ratione Charitatis, ſeu amicitie erga Deum, & in quantum eſt radix meriti.

Not. 3. Quodd perfectio entitativa habitus, vel actus, ex parte principii ſumatur quidem ex modo, quo potentia procedit; quia tamen modus potentie ordinatur ad attingendum obiectum, completè, & adæquatè ſumitur ex illo, prout terminatur ad obiectum, ſeu prout includit attingentiam obiecti, in qua perfectio, & ſpecificatio actus compleatur. His notatis

Reſpondeo 1. Charitas non ſolum in genere moris, & virtutis, ſed etiam in eſſe entis, eſt ſimpliciter abſolutè perfectior Fide, aliisque habitibus ſupernaturalibus, qui ſunt in homine Viatore. 1. Pars eſt contra Lutherum, quicquid doceat hominem per ſolam Fidem iuſtificari, docet, cam in eſſe moris eſſe perfectiorem charitate: ſed obſtant multa Sacræ Scripturæ loca, ut 1. Cor. 12. & 13. *Major horum eſt Charitas* Matth. 22. &c. quæ loca ſaltem convincunt maiorem perfectionem in eſſe moris.

Ratio 1. parrieſt: Inter virtutes Theologicas, & alias ſupernaturales illa ſimpliciter in eſſe moris eſt perfectior, quæ perfectius attingit Deum, juxta S. Thom. hic q. 23. ar. 6. in corp.

quæ hominem facit Deo gratum, bonum, & perfectum, tanquam Chriſtianæ perfectionis Summa, & ad quam ordinantur omnia præcepta, ac conſilia tam Veteris quàm Novæ Legis, & a qua procedit omne meritum. *Subſumo 1.* Sed Charitas perfectius attingit Deum quàm Fides, & Spes (idem conſequenter eſt de aliis virtutibus) quia Fides attingit Deum in quantum ex ipſo nobis provenit cognitio veri: Spes, ſecundum quodd ex eo nobis provenit adeptio boni; Charitas verò ſic attingit Deum, ut in ipſo ſiſtat, juxta illud Joann. 14. *Qui manet in Charitate, in Deo manet.* Ergo. *Subſumo 2.* Sed Charitas eſt Chriſtianæ perfectionis Summa, eſt amicitia cum Deo, & de ea dicitur 1. ad Timoth. 1. *Finis præcepti Charitas*, & ab ea procedit omne meritum, & ultima diſpoſitio ad gratiam. Ergo.

Not. 3. quodd duplex ſit amor, unus amicitie, ſeu benevolentie; alter amor concupiſcentie. Primus eſt, quo quis vult bonum ipſi amato, ſeu terminatur ad bonum amici, ut bonum ipſius eſt, & hic eſt de ratione Charitatis, ut ſi amem Deum propter bonitatem, qua ſibi, ſeu in ſe ipſo non verò qua mihi bonus eſt. Secundus eſt, quo quis vult bonum amici, in quantum redundat in bonum ipſiusmet amantis, & quaſi in intereſſe ipſius.

Ratio 2. parrieſt ex S. D. pro 1. parte jam eſt inſinuata, quæ etiam probat de eſſe entis. Et quodd S. Thom. hanc excellentiam præ Fide attribuat Charitati, clarè patet; quia art. 6. cit. ſibi hoc obicit argumentum; Altioris potentie altior eſt virtus, ſicut & altior operatio: Sed intellectus, in quo eſt fides, eſt altior voluntate, in qua eſt Charitas. Ergo Fides eſt altior Charitate. Quodd argumentum, ut conſtat, loquitur de excellentia phyſica: unde niſi S. Thomas agnoſceret in Charitate maiorem perfectionem in eſſe entis, ſeu phyſicam, potuiſſet unico verbo illud diluere, dicendo, non eſſe contra ſe, eodd quodd agat ſolum de maiore perfectione morali; noluit tamen hoc dicere, ſed aliter reſpondet, dicens: Operatio intellectus completur, ſecundum quodd intellectus eſt in intelligente. Et ideò nobilitas operationis intellectualis attenditur ſecundum meſuram intellectus. Operatio autem voluntatis, & cujuſlibet virtutis appetitive perficitur in inclinatione appetitus ad rem, ſicut ad terminum: ideò dignitas operationis appetitive attenditur ſecundum rem, quæ eſt obiectum operationis. Ea autem, quæ ſunt infra animam, nobiliori modo ſunt in anima, quàm in ſeipſis: quia unumquodque eſt in aliquo per modum ejus, in quo eſt, ut habetur in libro de cauſis. Quæ verò ſunt ſupra animam, nobiliori modo ſunt in ſeipſis, quàm ſint in anima. Et ideò eorum, quæ ſunt infra nos, nobilior eſt cognitio, quàm di-

dilectio. Propter quod Philosophus in 7. Ethic. prætulit virtutes intellectuales moralibus. Sed eorum, quæ sunt supra nos, & præcipue dilectio Dei, cognitioni præfertur. Et ideo Charitas est excellentior Fide. Hæc S. Thomas. Quæ verba clarè probant de perfectione physica.

Iterum S. D. sibi obicit aliud argumentum: Illud, per quod alius operatur, videtur esse inferius eo, sicut minister, per quem operatur dominus, est inferior domino: Sed *Fides per dilectionem operatur* ad Gal. 5. Ergo Fides est excellentior Charitate. Respondet dicens: *Fides non operatur per dilectionem, sicut per instrumentum, ut dominus per servum, sed sicut per formam propriam. Et ideo Ratio non sequitur.*

Not. Charitati non esse essentiale, quod reguletur per Fidem, ac cognitionem obscuram, sed convenire hoc ei solum per accidens pro statu vite: Sed, quia est prima proprietas gratiæ sanctificantis (quæ est semen gloriæ) per se petit regulari lumine gloriæ, ac clara visione Dei. Ex quo solvitur hæc instantia: Regula est perfectior regulato: Sed Fides est Regula Charitatis. Ergo.

*Resp. 2.* Simpliciter vera virtus sine Charitate esse non potest. Ita S. D. hic q. 23. ar. 7.

*Ratio S. D. est:* Virtus vera simpliciter est illa, quæ ordinatur ad principale bonum hominis, nimirum ad ultimum finem; sicut etiam Philosophus in 8. Ethic. dicit: Quod virtus est dispositio perfecti ad optimum: Sed sola Charitas ordinat hominem simpliciter, & perfectè ad ultimum finem verum, ab hoc enim homo in peccato mortali existens est aversus. Ergo.

In R. ad 1. ibid. ait S. D. Sine Charitate potest quidem esse aliquis actus bonus ex suo genere, non tamen perfectè bonus, quia deest debita ordinatio ad ultimum finem. Plura de his dicta sunt supra Tract. 4. Exam. 1. ad Q. 9. n. 15.

*Resp. 3.* Charitas est omnium aliarum virtutum forma. Ita S. D. ar. 8.

*Ratio ejus est:* In moralibus, quod actui dat ordinem ad finem, dat ei & formam, quia finis est objectum, & quasi forma voluntatis, quæ est principium actuum moralium: Sed, ut dictum est, per Charitatem omnium aliarum virtutum actus ordinantur ad ultimum finem. Ergo ipsa dat formam aliarum virtutum actibus, seu est virtutum forma, non quod sit forma essentialis, vel exemplaris, sed magis effectiva, ut ait S. D. ad 1. in quantum ab ea imperantur ad finem Charitatis. Et in hoc sensu Charitas etiam dicitur aliarum virtutum finis, ut ait ad 3. Et sub alia diversa ratione dicitur earum fundamentum, & radix, in quantum nimirum ab ea sustentantur, & nutriuntur, ut inquit ad 2.

**QUÆRO III.** Charitas amittiturne per unicum peccatum mortale?

*LXXIV. Resp.* affirm. cum S. Thoma hic q.

24. ar. 12. *Ratio ejus est:* Unum contrarium per aliud contrarium superveniens tollitur: Sed quodvis peccatum mortale contrariatur Charitati secundum propriam rationem, quæ consistit in hoc, quod Deus diligitur super omnia, & quod totaliter se illi subiciat, omnia sua referendo in ipsum. Ergo impossibile est simul stare in eodem.

**QUÆRO IV.** Quem ordinem servat Charitas inter diligendos, seu quem debet magis diligere? De hoc S. D. agit hic q. 26. per 13 ar.

*LXXV. Ante R. Not. 1.* quod, magis diligere, possit contingere dupliciter. 1. Magis intensivè, quando nimirum quis fortiori conatu, ac majori fervore diligit unum quam alium: quæ majoritas pensatur ex parte subiecti amantis. 2. Appretiativè, quando nimirum quis ita diligit unum præ alio, ut paratus sit potius alium relinquere, quam huic displicere, & eum offendere: sicque hæc majoritas pensatur ex parte amici amati, juxta majorem æstimationem ejus. Sicut subinde aliqua domicella intensivè magis amat catellum quam pretiosam gemmam aut hanc magis appretiativè.

*Not. 2.* quod per proximum intelligatur omnis homo capax beatitudinis, sive sit Gentilis, Judæus, Turca, hæreticus, sive Catholicus, sive inimicus: & hunc proximum tenetur homo diligere sicut seipsum. Quæ dilectio consistit in duobus. 1. Ut quis erga ipsum habeat interiorum affectionem propter nostram similitudinem, & propter præceptum Christi. Ut illius bonum procuremus, & impediamus malum, quando commode possumus; ut magis patebit in sequentibus. His notatis

*Resp. 1.* Licet Charitas ex natura sua inclinet ad diligendum Deum magis intensivè, quam seipsum, & proximum; de facto tamen, & in exercitio aliquando inclinat ad diligendum magis intensivè seipsum, & proximum, ac ideo non obligat, ut Deum diligamus magis intensivè.

*Ratio 1. p. est:* Omnis habitus ex natura sua immediatus, & intensivè inclinat in objectum primum, quàm in secundarium, & Charitas ex sua natura inclinat ad magis diligendum id, quod est melius, & diligibilius: Sed Deus est objectum primum Charitatis, & melius: proximus verò est objectum secundarium. Ergo.

*Declaratur ulterius.* Licet Charitas secundum se considerata semper inclinet ad intensivè diligendum Deum, quàm seipsum, & proximum, non tamen considerata, ut nobis infusa, quia nobis infunditur juxta modum nostrum, qui est operari liberè; proinde possumus habitu Charitatis in exercitio interdum erga Deum remissivè, uti, quàm erga proximum, manente radicali inclinatione ad diligendum intensivè Deum. Idem patet in aliis habitibus. Ex his solvi potest

potest hæc instantia: quod rei convenit ex natura, semper ei convenit. Item habitus magis inclinatur erga objectum formale, quam materiale: Sed Charitatis ex natura convenit magis inclinare erga Deum, & Deus est objectum ejus formale, proximus verò est objectum materiale. Ergo.

*Ratio 2. p.* Homo habens Charitatem potest majori fervore, non solum ex propriis viribus, sed etiam ex Charitate causato, conari ad dilectionem sui ipsius, & proximi, quam Dei, qui est ratio formalis diligendi proximum. Ergo. Prob. ant. Intensio dilectionis non est attendenda per comparisonem ad rationem diligendi, sed per comparisonem ad subjectum, seu hominem, quid diligit. Ergo. Ant. est S. Th. hic q. 26. ar. 7. in c. Et patet: quia aliis cum eadem intentione dilectionis Dei non posset unus proximus ex Charitate intensius diligi, quam aliter, quia respectu utriusque est eadem ratio formalis diligendi: Sed hoc est falsum. Ergo.

*Ratio 3. p. est:* Præceptum Charitatis ad sui implementationem nullam requirit determinatam intentionem, sed impletur actu quantumvis remisso, veræ dilectionis Dei, quia per eum homo adhæret Deo tanquam ultimo fini, & ut loquitur Apost. 1. Cor. 6. *efficitur unus Spiritus cum eo.* Et certe opposita sententia requiritur actum intensissimum, hominem subjicit multis scrupulis, cum talis actus non bene possit cognosci. Ergo.

*Resp. 2.* Homo obligatur ex Charitate plus appetitativè diligere Deum, quam seipsum, & proximum. Est de Fide, & inculcatur in variis Sacrae Scripturae locis.

*Ratio:* Homo obligatur ex Charitate diligere Deum super omnia: Sed non potest Deum diligere super omnia, nisi ipsum diligit plus appetitativè, quam se ipsum, & proximum, qui enim creaturam pluris aestimat, quam Creatorem, non diligit eum super omnia. Ergo.

*Resp. 3.* Ex Charitate magis diligendi sunt, qui nobis sunt conjunctiores, quam qui his sunt meliores. Ita S. D. q. 26. ar. 7.

*Ratio:* Licet meliores actu plus participant rationem diligendi, scilicet bonitatem supernaturalem, & conjunctionem cum Deo, ita tamen, qui sunt nobis conjuncti, illa ratione non carent, & insuper in eis invenitur vinculum naturale consanguinitatis, vel quia concives sunt, quod Charitas etiam respicit. Ergo.

Not. Quod tota præsens doctrina de ordine Charitatis solum intelligatur, quantum est ex parte Charitatis, & rebus ipsis secundum se consideratis: nam ex aliqua circumstantia fieri potest, ut ordo ille non sit servandus. Item intelligitur de necessitate extrema, extra hanc enim licet ordinem præterire, & interdum majus bonum velle amico, quam parenti, aut fra-

tri, dummodò homo non deficiat in exercitio debito secundum præceptum aliarum virtutum, scilicet Orationis, Eleemosynæ, &c. in quibus Charitas ordinem ponit. Unde hic solum determinatur, quoniam in extrema necessitate sit magis diligendus, ita ut ei præ alio in consimili necessitate constituto sit succurrendum.

*Resp. 4.* Parentes, & filii sunt magis diligendi quam quivis alius, licet sit insignis benefactor, qui cum a morte, aut alia gravi calamitate liberavit.

*Ratio:* Inhumanum videtur relinquere patrem bonum, aut filios pios, & subvenire amicis particularibus quantumlibet magnis; ut enim ait S. Thomas infra q. 31. ar. 3. ad 3. nullius benefactoris beneficium est tantum sicut Parentum, & ideo parentes in compensandis beneficiis sunt omnibus aliis præferendi, nisi necessitas ex alia parte præponderaret, vel alia conditio. Ergo.

Deinde licet parentes nihil debeant filiis, sed filii parentibus, filii tamen sunt aliquid parentum. Ergo sicut quilibet cuicunque benefactori debet præferre seipsum, ita & filium.

*Resp. 5.* Per se loquendo magis diligendus est pater, quam mater, & pater carnalis magis, quam spiritalis, & pater magis, quam filius.

*Ratio 1. p. est:* ut arguit S. Th. ar. 10. Pater & mater amantur, ut principia quædam naturalis originis: Sed pater habet excellentiorem rationem principii utpotè agentis, quam mater, quæ est principium per modum patientis, & materis. Ergo.

Hoc intelligendum est, ait S. Th. ibid. in c. per se, nimirum de patre in quantum pater est, quia per accidens potest fieri oppositum, ut si intercurreret ratio boni communis, aut mater esset valde benefica erga filios tam in temporalibus, quam in spiritualibus; pater verò vitiosus, & circa curam filiorum negligens.

*Ratio 2. p.* Licet Religiosus in exercitiis monasticis debeat magis cooperari Patri spirituali, quam carnali, extra tamen hæc exercitia majori debito obstringitur Patri carnali, quam spiritali: quia ratio debiti gratitudinis, & pietatis erga Patrem carnalem longe antiquior est, quam erga Patrem spirituale. Ergo prius solvenda est, dum tempus occurrit, modò Religiosus non deficiat in exercitiis spiritualibus sui status erga Patrem spirituale. Idem dicendum est de Patribus spiritualibus, & carnalibus.

*Ratio 3. p.* Tum quia pater filio communicat propriam speciem: Sed ex hac communicatione nascitur majus debitum diligendi patrem. Ergo. Tum etiam, quia, licet filius sit aliquid patris, non tamen est ipse pater.

ter. Ergo licet quis in casu necessitatis non teneatur deferere seipsum propter patrem, bene tamen filium.

*Resp. 6.* Pater, & mater sunt magis diligendi, quam uxor, hæc tamen magis diligenda est, quam filius. Ita S. D. ar. 11.

*Ratio:* In primis debetur erga parentes est antiquius: & ratio boni, quæ est objectum dilectionis, eminentior est in parentibus, quia hi diliguntur sub ratione principii. Ergo pater, & mater magis diligendi sunt, quam uxor. Deinde uxor diligitur ut comprincipium ad filiorum procreationem, filius autem diligitur ut effectus: Sed comprincipium habet rationem excellentioris boni, quam effectus. Ergo uxor est magis diligenda, quam filius.

*Oppono 1.* Nullus dimittit remaliquam, nisi pro re magis dilectâ: Sed Gen. 2. dicitur, quod propter uxorem relinquet homo Patrem, & Matrem. Ergo magis debet diligere uxorem. 2. Apost. ad Ephes. 5. dicit, quod viri debent diligere uxores sicut seiplos: Sed homo debet magis diligere seipsum, quam Parentes. Ergo & uxorem.

Utrumque solvit S. Thomas ar. 11. dicens: Non quantum ad omnia deseritur Pater, & Mater propter uxorem; in quibusdam enim magis debet homo assilire parentibus, quam uxori: sed quantum ad unionem carnalis copulæ, & cohabitationis, relictis Parentibus homo adhæret uxori.

In verbis Apostolicis non est intelligendum, quod homo debeat diligere uxorem suam equaliter sibi ipsi, sed quia dilectio, quam aliquis habet ad seipsum, est ratio dilectionis, quam quis habet ad uxorem sibi conjunctam. Hæc S. D.

*Resp. 7.* Benefactor insignis, qui aliquem a morte, aut alia gravi calamitate, cum ingenti periculo vitæ, aut magnis suis expensis liberavit, magis diligendus est, quam frater, soror, aut consanguineus in 1. & 3. gradu.

*Ratio:* Major ratio debiti est erga talem benefactorem, quam erga quemcunque consanguineum. Ergo. Ant. prob. Ibi est major ratio debiti, ubi est major ratio boni, quæ est formalis ratio diligendi: Sed major ratio boni est in tali benefactore, quam in consanguineis. Ergo. Min. prob. Ibi est major ratio boni, ubi est ratio principii: Sed hæc est in benefactore, quia beneficiatus est quasi quoddam opus benefactoris, unde consuevit dici de aliquo: Ille est factura illius, ait S. Thom. ar. 12. in c. Ergo.

**QUÆRO V.** Suntne peccatores, & inimici diligendi, & quæ dilectionis signa eis exhibenda?

**LXXVI.** *Resp. 1.* Peccatores sunt ex Charitate diligendi. Ita S. D. h. c. q. 2. ar. 6. juxta distinctionem mox dandam.

*Ratio S. D. est;* S. August. dicit in 1. de doctr.

Christi. Cum dicitur, Diliges proximum tuum, manifestum est, omnem hominem, nimirum gratiæ, & beatitudinis capacem, proximum esse: Sed peccatores non desunt esse homines, quia peccatum non tollit naturam. Ergo.

*Declarat* hoc S. Thom. dicens: In peccatoribus duo possunt considerari, scilicet natura, & culpa; secundum naturam quidem, quam a Deo habent, capaces sunt beatitudinis, super cujus communicatione Charitas fundatur. Et ideo secundum naturam suam sunt ex Charitate diligendi, sed culpa eorum Deo contrariatur, & est beatitudinis impedimentum. Unde secundum culpam sunt odiendi quicunque peccatores etiam Pater, & Mater, & propinqui, ut habetur Luc. 14. Hæc S. D.

Et juxta hoc explicat illud Psal. 118. *Iniquos odio habui*, id est, in quantum iniqui sunt, seu iniquitatem ipsorum. Et hoc est perfectum odium, de quo Psal. 138. *Perfesso odio oderam illos*. Ita in R. ad 1. In R. ad 2. docet S. D. quod, quando peccatores in maximam malitiam incidunt, & insanabiles sunt, de quibus magis præsumitur aliorum nocumentum, quam eorum emendatio, secundum legem divinam, & humanam præcipiantur occidi. Et tamen hoc facit Jdex non ex odio ipsorum, sed ex amore Charitatis, quod bonum publicum præfertur vitæ singularis personæ. Ex quo intelligitur sensus illius Exod. 23. *Maleficos non patieris vivere*.

In R. ad 3. explicat S. Thom. in quo sensu Sancti peccatoribus optant mala, juxta illud Psal. 9. Convertantur peccatores in infernum. Et ait, posse intelligi tribus modis; uno modo per modum prænuntiationis, non per modum optationis, ut sit sensus: Convertantur peccatores in infernum, id est. Convertentur. Alio modo per modum optationis, ut tamen desiderium optantis non referatur ad poenam hominum, sed ad justitiam punientis, secundum illud Psal. 57. *Lætabitur justus, cum viderit vindictam*; quia nec ipse Deus punientis lætatur in perditione impiorum, ut dicitur Sap. 1. sed in sua justitia, quia justus Dominus, & justitias dilexit. Tertiò, ut desiderium referatur ad remotionem culpæ, non ad ipsam poenam; ut scilicet peccata destruantur, & homines remaneant. Hæc S. D.

In R. ad 5. S. D. explicat, quomodo liceat cum peccatoribus convivere; & dicit, hoc infirmis quidem est vitandum propter periculum, quod eis imminet, ne ab eis subvertantur; perfectis autem, de quorum corruptione non timetur, laudabile est, quod cum peccatoribus conversentur, ut eos convertant. Si enim Dominus cum peccatoribus manducabat, & bibebat, ut dicitur Matth. 9. convicius tamen peccatorum, quantum ad consortium peccati, vitandus est.

est omnibus. Et sic dicitur 2. Cor. 6. Exite de medio eorum, & immundum ne tetigeritis, scilicet secundum peccati consensum. Hæc S.D.

Resp. 2. Probabiliter est, quod ex præcepto naturali omnes tenemur diligere inimicos nostros, eisque exhibere signa dilectionis communia, non tamen specialia, nisi in præparatione animi, & casu necessitatis. Hæc S.D. qu. 25. ar. 8. & 9.

Intelligitur proportionabiliter juxta mox dicta, & patet ex multis S. Scripturæ locis, in quibus monemur, & jubemur non querere ultionem, oblivisci iniuriæ, non reddere malum pro malo. Et specialiter Matth. 5. dicit Christus: Audivistis, quia dictum est antiquis: Diliges proximum tuum, & odio habebis inimicum tuum. Sed circa hunc textum.

Not. 1. Christum non voluisse dicere, quod apud antiquos fuerit lex, aut legi insertum, quod inimici sunt odio habendi, sed dicendo, audivistis, quia dictum est antiquis, &c. significare voluit, quod antiqui Judæi ex illo Lev. 9. diliges amicum, intulerint hanc consequentiam: Ergo odio habebis inimicum tuum, contra illud Exodus 23. Si occurreris bovi inimici tui, aut asino erranti, reduc eum. Si videris asinum inimici tui jacere sub onere, non pertranabis, sed sublevaris cum eo. Quia ergo Judæorum illatio pessima fuit in lege veteri, non aliter concessum fuit odium inimico, quam in lege Nova, sed æque prohibuit in sensu explicando, nimirum ut inimicus est. Unde Christus dicendo, Ego autem dico vobis, diligite inimicos vestros, non corripit legem, cum nulla fuerit lex de inimicis habendis, sed corripit malum intellectum legis.

Not. 2. ex S. Thom. q. 25. a. 8. circa sensum Responsionis 2. inimicum posse dupliciter considerari. 1. Ut inimicus est, faciens cum peccato aliquod malum proximo. 2. Ut est proximus, seu homo, & confrater, eiusdem naturæ confors, & beatitudinis capax. Primo modo inimicum non esse diligendum, certum est, quia hoc esset velie malitiam ejus: unde loquimur de 2. modo.

Not. 3. Signa dilectionis, & beneficia, alia esse communia, quæ nimirum quibuscvis hominibus communiter exhibentur, ut sunt communes orationes; communes elemosynæ, mercium expositarum venditio, distributio bonorum communium, si hæc fiat ex debito, si ve ex mera liberalitate, v.g. totum aliquod collegium, vel familiam invitando ad prandium; item refectio, responsio, &c. vel, ut alii loquuntur, communia dilectionis signa sunt, quæ Christiano debentur a quovis Christiano in communi, concivi a concive, cognato a cognato, &c. Specialia dilectionis signa sunt, quæ præstantur determinatis personis, aut singularibus amicis, v.g. salutare, alloqui, æ-

grotum invisere, mœstum consolari, hospitio excipere, familiariter cum aliquo agere, vitrum vini, ut Germanis solemne est, in camera charitatis propinare. Cæterum supponitur hic, quod ob aliquas circumstantias occurrentes, v.g. ratione scandali, &c. contingere possit, quod teneatur inimico majora dilectionis signa exhibere, quam præceptum charitatis absolute, & secundum se (qualiter de eo loquitur Resp. 2.) præscribat. His notatis, 1. pars, quod scilicet tenemur diligere inimicos, patet ex adductis verbis Christi.

2. pars, quod scilicet tenemur præcepto naturali, patet ex illo Legis naturæ proprio. Quod tibi non vis fieri, alteri ne feceris. Nemo autem vult, ut sibi reddatur malum pro malo a particulari homine, sed ut sibi in necessitate excellenti succurratur. Unde & ipsi infideles hanc obligationem non ignorant, ut patet ex libr. 28. Dialogorum Platonis, ubi ait; Nulli faciendum est malum, etiam si ab ipso passus sis injuriam.

Ex quo clare patet, quod aliqui male distinguunt, dicentes, quod de dilectione inimicorum solis perfectis detur præceptum, minoribus autem solum consilium: patet, inquam, quia a præceptis naturæ nemo eximitur.

Item patet solutio hujus Instantiæ. Unaquæque res naturaliter odio habet id, quod est sibi contrarium: Sed inimici sunt nobis contrarii. Ergo. Min. enim est vera de inimicis in quantum sunt inimici, non verò ut sunt homines, & beatitudinis capaces, ut distinguit S. Thom. ar. 8. ad 2.

3. pars, quod scilicet tenemur inimicis exhibere communia signa dilectionis, est S. Thom. q. 25. ar. 9. dicentis, & eam sic probantis: Sunt quædam signa, vel beneficia dilectionis, quæ exhibentur proximis in communi, puta, cum aliquis orat pro omnibus fidelibus, vel pro toto populo, aut aliquod beneficium impendit toti Communitati, & talia inimicis exhibere est de necessitate præcepti, si enim non exhiberentur inimicis, hoc pertineret ad livorem vindictæ. Ita S.D. Idem patet ex adducto principio Legis naturæ: *Quid tibi non vis fieri, &c.* Nos autem vellemus nobis exhiberi communia signa dilectionis. Immo esset occasio de novo scandalizandi, tum alios id advertentes, tum ipsum inimicum, odii fomitem ei subministrando.

Ultima pars de signis specialibus est etiam S. Thom. ar. mox citato, ubi subdit; Alia sunt beneficia, vel dilectionis signa, quæ quis exhibet particulariter aliquibus personis, & talia inimicis exhibere non est de necessitate salutis, nisi secundum præparationem animi, ut scilicet subveniant eis in articulo necessitatis secundum illud Prov. 25. Si esurierit inimicus tuus, cibi illum, si sitis, da illi potum; sed quod propter articulum necessitatis hujusmo-

di beneficia aliquis inimicis exhibeat, pertinet ad perfectionem charitatis. Hæc S. D.

<sup>1</sup> *Ratio etiam est*: Quia specialia dilectionis signa, & extra calum necessitatis est nobis liberum (seculo scandalo) exhibere, cui volumus, nec tenemur exhibere etiam iis, qui non sunt inimici, nec offendimus illos ea non exhibendo: Ast in præparatione animi, & calu necessitatis tenemur ea exhibere omni proximo. Ergo & inimico.

Ex dictis sequuntur hæc resolutiones.

LXXXVII. 1. Si tibi obviet inimicus tuus, non teneris illum salutare, vel alloqui, quia hæc sunt signa dilectionis specialia, & adus liberi inter personas æqualis conditionis. Et licet inimicus sit aliis valde notus, aut conjunctus, negatio allocutionis, aut salutationis non esset peccatum mortale, quia solum opponitur affabilitati, quæ ad veniale obligat. Hoc autem solum est verum per se loquendo, quia ex circumstantiis posset esse mortale; si nimirum cederet in magnam injuriam, aut alii scandalizarentur, aut si salutatione posset quis inimicum sibi, & Deo reconciliare.

2. Si inimicus tibi obvians te salutet, teneris eum salutare, eoquod hoc spectat ad communia amoris signa; nisi inimicus esset notabiliter inferioris conditionis, ut servus respectu viri Nobilis, filius respectu Patris, subditus respectu Prælati, tunc enim Præsumendum est talem negationem non fieri animo malevolæ. Sed in his omnibus opus est prudentia, & circumspeditione circumstantiarum, quia alii ordinari inde lumunt malum exemplum, præsertim si plures adfint, & resalutentur omnes excluso inimico.

3. Qui toti Communitati præstat beneficium, non potest excipere inimicum, quia ipsi, in quantum est pars Communitatis, competit jus gaudendi beneficiis communibus, nisi fors etiam plures excluderentur non inimici, tunc enim etiam inimici sine scandalo possunt excludi: vel etiam, nisi qui beneficium præstat, sit Jux, vel Prælati, qui potest delinquentem punire excipiendo illum, si delictum sit tale, ut tali mereatur privari gratia.

4. Si inimicus tuus sit in extrema indigentia, teneris ipsum alere, excipitur inimicus Reipublicæ injustum contra eam bellum gerens, quem, cum possis occidere, alere non teneris, nisi quando sunt induciæ in bello, tunc enim non licet eum occidere.

5. Si inimico tuo, qui verè, & non ex vana tua apprehensione talis est, desideres aliquid malum temporale (quod non sit justogravius) in quantum ipsi conducit, v.g. morbum, vel adversitatem, ut emendetur a peccatis, & nullatenus ex vindicta, non est peccatum; si

*Tribunal Confeſſionum.*

verò ex vindicta super eum ores Psalmum 108. mortaliter peccas.

6. Querere vindictam inimici publicam, non ex livore, sed ex zelo justitiæ, & boni communis, & seculo scandalo est omnino licitum, modò omnis pravus affectus sit depositus, nec extra judicium eum ullo modo lædas, sive in fama, sive in rebus externis; hoc enim non licet.

7. Si depositò interiori odio ex ejus aspectu, memoria, vel illatæ injuriæ mentione insurgat aliquis motus, seu passio indeliberata, non est peccatum, vel ad summum veniale; quæ tamen potest fieri mortalis, si procederet ex renovato interno gravi odio.

QUÆRO VI. Quis modus reconciliandi inimicos?

LXXXVIII. *Resp.* 1. Is, qui proximum offendit, tenetur proxima occasione pro ratione circumstantiarum loci, temporis, personarum, negotiorum, omnibus postpositis, procurare reconciliationem.

Hoc est expressum Domini præceptum Matth. 5. Si offers munus tuum ad altare, & ibi recordatus fueris, quòd frater tuus habet aliquid adversum te, relinque munus tuum ante altare, & vade prius reconciliari fratri tuo, &c.

*Resp.* 2. Si uterque offendit, seu læsit, is, qui prior causam dedit, provocando alterum, prior esse debet in procuranda reconciliatione; ad quam procurandam per se loquendo, nisi aliæ circumstantiæ adfint, non tenetur ille, qui planè non læsit, sed solum qui læsus est. Ita constat ex citatis verbis Christi, Si frater tuus habet aliquid adversum te, id est, si eum læsisti, offendiſti, &c.

*Resp.* 3. Qui læsus est, tenetur reconciliationem rationabiliter oblatam acceptare. Ita: Jubaet Deus LUC. 17. Si peccaverit in te frater tuus, increpa illum, & si poenitentiam egerit, dimitte illi. Et si septies in die peccaverit in te, & septies in die conversus fuerit ad te, dicens, Pœnite me, dimitte illi.

Dixi rationabiliter oblatam, quòd sit, quando, qui offendit, agnoscat culpam, deprecatur pro modulo suo, & loci consuetudine, paratus damnum illatum refarcire, &c.

*Resp.* 4. Si offensus videat inimicum suum esse omnino oblitum, nec posse ullatenus induci, ut ipse prior de reconciliatione agat, videtur offensus in eo statui teneri per accidens, & ad tollendum scandalum, vel si ex alio capite hoc esset inimico debitum, ad id teneri, ut vincat in bono malum, juxta præceptum Apost. Rom. 12.

*Resp.* 5. Si offensus etiam in casu debiti talia denegat inimico, non statim condemnandus est peccati mortalis, si nimirum solum neget



neget ex aliqua animi aversione, sine periculo gravis scandali, vel damni, & non ex gravi interno odio, quo grave malum desideret ei, qui læsit. In his omnibus Confessario magna opus est prudentia; nec potest una certa regula statui.

**QUÆRO VII.** Estne magis inmeritorium diligere inimicum, quam amicum?

**LXXIX.** Ante R. Not. Si dilectio inimici procedat ex Charitate intensa, amici verò ex Charitate remissa, certum est, dilectionem inimici esse magis meritoriam: quæstio autem præsens est hæc, si tanta intensio diligatur inimicus, quanta amicus propter Deum, ita ut uterque actus sit intensivè æqualis, v.g. ut fex, & tota differentia solum consistat in hoc, quod unus, qui diligitur, sit amicus, alter inimicus, quæ horum actuum sit magis meritorius? Hoc Notato

*Resp.* Simpliciter, & absolute loquendo, seu per se, & cæteris paribus dilectio amici est melior, & magis meritoria quàm inimici. Ita S. Th. hic q. 27. ar. 7. in c.

*Ratio S. D. est:* Ille actus simpliciter, & absolute est melior, consequenter magis meritorius, qui est melioris, & excellentioris objecti, & in quo est major ratio virtutis; ad hanc enim sequitur major bonitas, & ad hanc major ratio meriti, tanquam proprietatis bonitatis: Sed sic est dilectio amici. Ergo. Min. prob. pro 1. parte: Dilectio amici tendit in ipsum, quatenus est amicus tam Dei, quàm noster in actu, dilectio verò inimici tendit in ipsum, quatenus est amicus tam Dei, quàm noster, solum in potentia: Sed amicus in actu est objectum melius, & excellentius. Ergo. Prob. eadem min. pro 2. parte, scilicet, quod in dilectione amici sit major ratio virtutis: In eo actu est major ratio virtutis, in cuius actu oppositum est major ratio peccati, quia gravius peccatum majori virtuti contrariatur: Sed major ratio peccati est in actu opposito dilectioni amici, quàm inimici, ut docet S. Thom. ar. 7. citato dicens: *Peius est odire amicum, quàm inimicum.* Ergo.

**LXXX.** Oppono 1. Diligere inimicum meretur mercedem, diligere verò amicum non meretur mercedem. Ergo primum est melius. Prob. ant. pro 2. parte Matth. 5. dicitur: Si diligitis eos, qui vos diligunt, quam mercedem habebitis? Ergo.

2. Tanto aliquid est magis meritorium quantum ex majori Charitate procedit: Sed dilectio inimicorum procedit ex majori Charitate. Ergo. Min. prob. S. Aug. in Enchirid. c. 74. ait: Diligere amicum est Charitatis imperfectæ, diligere inimicum est perfectiorum filiorum Dei. Et S. Chrysostomus ait: Tantum nobis non præstat pro amicis oratio, quantum pro inimicis deprecatio. Et S. Bernard. explicans illud, Majorem Charitatem nemo habet, &c. ait: Tu, Domine, majorem habuisti, quia pro inimicis vitam perdidisti. Ergo.

3. Ubi est major conatus ad bonum, ibi vi-

detur esse majus meritum; quia unusquisque propriam mercedem accipiet secundum suum laborem, ut dicitur 1. ad Cor. 3. Sed majori conatu indiget homo ad hoc, ut diligat inimicum, quia hoc est difficilius. Ergo.

Confirm. Fortior est illa Dei dilectio, quæ animum hominis extendit ad remotiora: Sed inimicus est remotior ab amante, amicus verò conjunctior. Ergo.

Præterea Martyrium ideo dicitur excellentissimus actus Charitatis, quia Martyr agit rem difficillimam, nimirum, quia patitur mortem, quæ a Philosopho dicitur, terribilium omnium terribilissimum: Ergo excellentia actus debet pensari ex difficultate objecti, non verò ex sola bonitate.

4. Actus virtutis heroicæ est magis meritorius quàm ille, qui non est talis: Sed dilectio inimici, non verò amici, est actus virtutis heroicæ. Ergo. Min. prob. Si quis inimico benefaciat, mirantur omnes. Ergo signum est, quod sit, &c.

5. Opera Consilii sunt magis meritoria, quàm quæ sunt præcepti, ut communiter dici solet: Sed dilectio inimici solum est de consilio, saltem extra necessitatem extremam, dilectio verò amici est de præcepto. Ergo.

Ante solutiones audiantur verba S. Th. cit. ar. 7. in c. Ratio diligendi proximum ex Charitate, Deus est. Cùm ergo quæritur, quid sit melius, vel magis meritorium, utrum diligere amicum, vel inimicum, dupliciter istæ dilectiones comparari possunt. Uno modo ex parte proximi, qui diligitur; alio modo ex parte rationis, propter quam diligitur. Primo quidem modo dilectio amici præeminet dilectioni inimici, quia amicus & melior est, & magis conjunctus, unde est materia magis conveniens dilectioni. Et propter hoc actus dilectionis super hanc materiam transiens melior est. Secundo autem modo dilectio inimici præeminet propter duo. Primum quidem quia dilectionis amici potest esse alia ratio, quàm Deus, sed dilectionis inimici solum Deus esse ratio. Quia præsupposito, quod uterque propter Deum diligitur, fortior ostenditur esse Dei dilectio; quæ animum hominis ad remotiora extendit, scilicet usque ad dilectionem inimicorum: sicut virtus ignis tantò ostenditur esse fortior, quantò ad remotiora diffundit suum calorem. Tanto ergo ostenditur Dei dilectio esse fortior, quantò propter ipsam difficiliorem implem. Sicut & virtus ignis tantò est fortior, quantò comburere potest materiam minùs combustibilem. Sed sicut idem ignis in propinquiora fortius agit, quàm in remotiora, ita etiam Charitas ferventius diligit conjunctos, quàm remotos. Et quantùm ad hoc dilectio amicorum secundum se considerata est ferventior, & melior, quàm dilectio inimicorum. Hæc S. D. qui

qui per paritatem ignis fortius in propinquiora agentis dat aliam ad hoc probationem: ex ejusque verbis, uti & ex Not. ante R. multa solvuntur argumenta; loquimur enim de dilectione amici per se, secundum se, & absolute spectata, ac ceteris paribus; nec negamus, dilectionem inimici aliquando posse esse magis meritoriam ex accidente (si nimirum procedat ex intensiore Charitate) & esse signum interdum latentis majoris Charitatis: nos autem supponimus ejus æqualitatem. Hoc præmissis

*Ad 1. Opposit.* N. min. Ad prob. ait S. D. ar. cit. Verbum Domini est per se intelligendum; tunc enim dilectio amicorum apud Deum mercedem non habet, quando propter hoc solum amantur, quia amici: & hoc videtur accidere, quando sic amantur amici, ut inimici non diligantur. Est tamen meritoria amicorum dilectio, si propter Deum diligantur, & non solum quia amici sunt. Hæc S. D.

*Ad 2. & 3.* patet ex dictis. Min. enim est utrobique vera aliquando, non semper, quia circa duo objecta, quorum unum est difficilius altero, possunt versari adus intensivè æquales, & potest objectum minus difficile esse majoris bonitatis objectivè. Et sic explicantur Auctoritates. Et in eodem sensu ad Confirm. dist. maj. Immoderato torqueri potest ex paritate ignis fortius agentis in propinquiora.

Ad illud de Martyrio eodem modo dist. ant. nimirum quod aliquando, non tamen semper sit adus excellentissimæ Charitatis, puta, imperatus ab ea, quia multi sancti Confessores sunt excellentioris Charitatis, quam quidam Martyres. Hoc tamen verum est, quod Charitas, dum est valde excellens, manifestius ostenditur in Martyrio, quam in alia operatione, quam Charitas imperavit. Unde non omnis adus virtutis difficilius, est semper excellentior.

*Ad 4.* eodem modo dist. min. Itaque difficultia virtutum opera homines admirantur, & magnificant, quia ex illis maxime clarescit, quod homo diligit Deum ut finem supernaturalem; faciliora verò virtutum opera non ita mirantur ob rationem oppositam, licet forte de facto fiant ex majore dilectione.

*Ad 5.* Transfert maj. N. min. ut patet ex R. n. 76. in hoc Exam.

Dixi, *transfert*, quia potest negari, nam S. Th. infra q. 184 a. 3. docet, quod perfectio vitæ Christianæ per se, & essentialiter consistat in observatione præceptorum dilectionis Dei, & proximi, instrumentaliter autem, & secundario solum in consiliis.

**QUÆRO VIII.** Licetne pro spirituali bono proximi subire, vel optare aliquid malum spirituale nimirum peccatum, aut gratiæ, vel beatitudinis carentiam?

LXXXI. *Resp.* 1. Probabilius, & tutius

est, quod pro nullo bono spirituali etiam totius mundi licitum sit homini subire, vel optare aliquid malum culpæ, etiam venialis tantum. Ita clarè S. Th. hic. q. 26. ar. 4. in fine C. conformiter ad verba Apost. Rom. 3. *Et sic ut ajunt quidam, nos dicere, Faciamus mala, ut veniant bona, quorum damnatio justa est.*

*Ratio:* Implicat esse licitum, & simul esse peccatum: Sed hoc sequeretur, ut patet consideranti. Ergo.

*Opposit.* Est Regula Juris: Ex duobus malis minus est eligendum: Sed culpa venialis est minus malum, quam perditio totius mundi. Ergo.

Ad hoc dico, hanc Regulam intelligi de malis poenæ, & damni quorum unum necesse est fieri ab eodem eligente, ex his enim amplectendum est minus.

*Resp. 2.* Bona spiritualia consilii, seu supererogationis licet, immò aliquando tenetur, quis omittere pro salute tam spirituali, quam corporali proximi.

*Ratio:* Quia ad talia opera aliunde homo minime tenetur, ut supponitur. Ergo.

Ex quo sequitur 1. Preces ex devotione consuetas potest quis, & tenetur omittere, ut serviat infirmo.

2. Potest, & tenetur quis omittere ingressum Religionis ad subveniendum Parentibus indigentibus; vel si sustentet multos pauperes, quibus ingressum ejus in Religionem maximam pateretur inopiam, nisi in sæculo manens versaretur in notabili periculo salutis spiritualis.

*Resp. 3.* Probabilius, & tutius est non solum esse illicitum optare minus diligi a Deo, ut alius magis diligatur, sed & esse illicitum, optare perpetuo carere beatitudine, & gratia Dei, ut aliæ amobineant, etsi beatitudinis carentia optetur salva Dei amicitia; & gratiæ privatio, ut non proveniens ex peccato.

*Ratio* 1. p. Quæ est S. Th. citandi pro 3. parte contra aliquos RR. Quamvis nullo præcepto teneamur ad perfectiorem Charitatem, ac excellentiores adus ejus, & nullum sit peccatum, minus diligere Deum, hoc tamen optare est aliquid desiderare contra ipsam Charitatis naturam, cujus prima inclinatio est, hominem, in quo est unire Deo, quæ unio fit, tam quando homo diligit Deum, quam cum a Deo diligitur. *Subjuncto:* Sed illicitum est optare aliquid contra naturam Charitatis. Ergo.

Confirm. Nunquam licitum est a Deo petere, ut denegetur auxilium ad ipsum magis diligendum: Sed optare minus Deum diligere, est idem, ac optare talem denegationem. Ergo.

Ex data ratione sequitur, etiam esse illicitum hunc adum: Utinam Deus ab æterno statuisset me minus diligere, quam alium. Non tamen negatur, licitum esse gaudere, quod multi in gratia,

& gloria nobis præferantur, quia hoc nihil aliud est, quàm sibi complacere de, vel in ordine divinæ prædestinationis, ut ille impetatur: secus est de primo actu. Ex quo patet alia ratio pro 1. p.

*Secunda pars* est contra D. Bern. Serm. 12. in Cant. & nonnullos alios, docetur tamen cum prima parte a S. Th. q. 26. ar. 4. cit. ubi ait: Secundum naturam spiritualem debet homo magis se diligere post Deum, quàm quemcumque alium, & hoc patet ex ipsa ratione diligendi. Nam Deus diligitur ut principium boni, homo autem seipsum diligit ex Charitate secundum rationem societatis in isto bono, confociatio autem est ratio dilectionis secundum quandam unionem in ordine ad Deum. Unde sicut unitas potior est, quàm unio, ita quod homo ipse participet bonum divinum, est potior ratio diligendi, quàm quod alius associetur sibi in hac participatione. Et ideo homo ex Charitate debet magis se ipsum diligere, quàm proximum. Hæc S. D.

*Ratio* patet ex verbis S. Th. quia non licet desiderare bonum divinum contra inclinationem Charitatis, quia hoc esset inordinatum: Sed optare carere beatitudine, etiam salva amicitia, & privari gratia etiam privatione non proveniente ex peccato, ut alii eam habeant, est contra inclinationem Charitatis, hæc enim primò, & directè est ad unionem cum Deo, quæ fit per gratiam, & beatitudinem, qua unione talis homo optaret carere. Ergo.

LXXXII. *Oppositi* hanc 2. partem: Moyses Exod. 32. pro populo ad Deum sic oravit. *Dimitte eis hanc noxam, aut si non facis, dele me de libro tuo, quem scripsisti*, qui est liber vitæ, seu prædestinationis. Et Apostol. Rom. 9. *Operam ego ipse anathema esse a Christo pro fratribus meis*: anathema autem est idem, ac excommunicatio, seu separatio a Christo. Ergo.

2. Licet optare maius bonum neglecto minori: Sed salutis æternæ totius populi est majus bonum, quàm unius hominis, & plus facit ad Dei gloriam. Ergo.

3. Licet optare majus bonum neglecto minori: Sed salutis æternæ totius populi est majus bonum, quàm unius hominis, & plus facit ad Dei gloriam. Ergo.

4. Homo debet eligere potiùs æternum pati in inferno poenam damni, & senis, salva Dei amicitia, quàm Deum offendere. Ergo idem potest eligere, ne totus populus Deum offendant, & pereat.

5. Licet esse hic actus: Servire Deo, licet scirem mihi non esse dandum præmium. Ergo & hic: Opto, ut totus mundus sit in gratia Dei, & salvetur, & ego loco omnium salva Dei amicitia in æternum caream beatitudine.

*Ad 1.* S. Hieron. & Greg. intelligunt de libro viventium, non in Cælo, sed in præsentia vitæ, q. d. Aut dimitte populo, aut occide,

& tolle me de hac vita. Sed probabilius cum S. August. dicitur, quod intelligatur de libro vitæ in Cælo, seu prædestinationis, & sit ibi locutio per hyperbolem, qua solum significatur in Moysse vehementer desiderium salutis populi, non quod verè optet deleri hoc enim est impossibile) aut salutem suam, de qua per revelationem erat certus, cum salute populi commutari, sed ut hac phrasi aliquantulum patetefaciat ingens desiderium salutis eorum. Unde ex securitate familiaritatis cum Deo sic viriliter fuit argumentatus: Aut dimitte eis, aut dele me, sed menon delebis. Ergo eis dimitte. Ita colligitur ex S. August. q. 147. in Exodum.

Verba Apostoli, Abulenſis, & alii censent, esse hyperbolem, qua Paulus voluit significare eximium suum erga Judæos amorem, quo quævis pro eis pati optabat. S. Hieron. per anathema intelligit occisionem, seu mortem corporis, ac martyrium pro Judæis. S. Thom. hic q. 27. ar. 8. ad 1. ait: *Apostolus volebat ad semper privari, id est, privatus manere fruitione divina ad hoc, quod honor Dei procuraretur proximis*: unde solum patebat prolongationem hujus vitæ, & dilationem beatitudinis ad tempus, ut majorem Dei gloriam, & proximi saltem procurare posset.

*Ad 2.* Oppos. diff. maj. Licetum est, & c. salva inclinatione Charitatis, C. maj. contra eam, N. maj. Transeat min. diff. similiter conf. Solutio patet ex dictis.

*Ad 3.* datur eadem distinctio.

*Ad 4.* N. conf. Disparitas est; Quia pro proprio peccatum homo bono divino derogat, & contrariatur, non verò per peccatum alienum totius populi, proinde ad primum actum Charitatis inclinatur, non ad secundum.

*Ad 5.* N. conf. Disparitas est: Quia in primo actu volito est conformitas cum voluntate Dei, nimirum si Deus statuisset non dare præmium, tamen si servire; hoc enim actu homo probaret, amorem suum non esse concupiscentiæ, sed amicitie: in secundo verò actu optatur carentia beatitudinis absolute, quod est inordinatum. Aliud est, si Deus ab æterno decrevisset huic homini perpetuam carentiam beatitudinis pro salute totius populi, nam in hoc complacere, in quantum est conforme voluntati divinæ, licitum est.

QUÆRO IX. Teneturne homo, & quando, exponere vitam corporalem pro vita: sive animæ, sive corporis proximi?

LXXXIII. Ante R. Not. 1. Quod triplex sit necessitas, in qua vita spiritualis proximi potest versari. 1. Necessitas extrema, in qua versatur v. gr. vita animæ simplicis alicujus hominis jamjam seducendi ab hæreticis: vel alicujus filie ob

ino-

inopiam, aliamve causam proximè a patre constituendæ. 2. Gravis, in qua versatur salus fidelium tempore pestis, vel persecutionis infidelium. 3. Communis, in qua versatur salus hominis constituti in periculo peccati, quod facile potest evitare.

Not. 2. Quòd vita corporalis proximi possit dupliciter considerari. 1. Præcisè secundum se, ut est vita, & bonum proximi. 2. Ut est occasio virtutis, & materia, circa quam actus honestus, & virtuosus exercetur, ut si eam servem amicitia causa, etiam cum vitæ meæ dispendio. Pro vita proximi primo modo sumpta nemo potest exponere suam, quia sic plus diligeret alterum, quàm se ipsum: bene tamen 2. modo, quia sic exponit vitam propter se ipsum (occasione servandæ alterius vitæ) virtute perficiendum, adeoque adhuc se magis diligit, quàm proximum. Quia distinctione solvuntur argumenta, quæ contra dandum Resp. possunt obijci ex SS. PP. & ex illis proloquiis, *Charitas bene ordinata incipit a se ipsa; Proximus sum egomet mihi*. His notatis

Resp. 1. Probabilius & tutius est, quòd in extrema necessitate quilibet teneatur vitam corporalem exponere certo periculo pro vita animæ proximi.

Ratio: Aliquis saltem casus est, in quo quilibet pro spirituali vita proximi tenetur profundere vitam: ut patet ex illo Jo. 3. *Et nos debemus pro fratribus animas ponere*. Et ex S. Th. hic q. 26. ar. 5. ad 1. Et ad 3. *Subsumo*: Sed non est urgentior casus, quàm extremæ necessitatis vitæ spiritualis. Ergo.

Dic mihi: Cur a pari non licet vitam spirituales profundere (nimirum per peccatum) pro vita spirituali alterius?

Disparitas est: Quia nulla bona intentio potest excusare, aut honestare pravam electionem, v. gr. furtum eligere pro medio ad dandam elemosynam, ut suprà docuimus; nec mala culpa possunt eligi, ut media ad quincunque suum bonum, hoc enim esset contra inclinationem Charitatis, ut ante dictum est.

Resp. 2. In necessitate gravi non tenentur nisi ii, quibus ex officio incumbit providere salutem animarum, ut sunt Episcopi, Parochi, & qui a subditis accipiunt stipendia, ratione cuius magis obligantur, adeoque illi non possunt tempore pestis, vel persecutionis oves suas deserere, sed tenentur Sacramenta necessaria ministrare, doctrina fidei gregem pascere; nisi forte substituant alios ad hæc munia æquè aptos, ac ipsi sunt.

Ratio: Illi, quibus animarum cura incumbit, ex officio magis tenentur, quàm alii: Sed alii, immò omnes, tenentur in casu necessitatis extremæ. Ergo, qui tenentur ex officio, tenentur etiam in necessitate gravi.

*Tribunal Confessionarium.*

Resp. 3. In casu necessitatis communis nemo tenetur vitam corporalem pro spirituali vita proximi exponere: potest tamen in necessitate communi, & gravi.

Ratio 1. p. Quando is, qui est in necessitate, ipsemet se ab ea potest liberare, nemo tenetur ei succurrere cum tanto dispendio, uti est vitæ: Sed qui est in necessitate communi, potest pluribus modis eam evadere, ut patet. Ergo.

Ratio 2. p. Licetum est facere actum pertinentem ad perfectionem Charitatis: Sed cum periculo vitæ corporalis succurrere spirituali vitæ proximi in necessitate communi, & gravi, est talis actus, & eum faciunt Religiosi tempore pestis se exponentes ad servitia infidelium. Ergo.

Quomodo pestis tempore teneantur Parochi, & Religiosi se exponere, vide in frâ de Extrema Unctione Tr. 14. Exam. 4. n. 115. & 116. & 117.

Resp. 4. Nemo tenetur pro corporali vita proximi certo periculo exponere propriam vitam corporalem, hoc tamen licitè potest, non quidem pro vita proximi, præcisè secundum se sumpta, sed pro ea, ut est materia, & occasio virtutis.

Ratio 1. p. Nemo tenetur ad opera supererogationis, præsertim cum certo periculo vitæ, quia solum sunt de consilio: Sed cum tanto periculo amicitiam, & Charitatem offendere in conservatione corporalis vitæ proximi est bonum supererogationis. Ergo.

Ratio 2. p. Ex S. Th. loc. cit. Ordo Charitatis exigit, ut diligamus proximum sicut nos ipsos, adeoque nos ipsos prius: Sed qui pro corporali vita proximi præcisè secundum se sumpta vitam exponeret, prius diligeret proximum, quàm seipsum. Ergo malè.

Ratio 3. p. Licet facere perfectissimum actum virtutis: Sed propter vitam amici, ut est materia, & occasio virtutis, seipsum morti tradere est perfectissimus actus virtutis juxta illud Joan. 15. *Majorem hac dilectionem nemo habet, ut animam suam ponat quis pro amicis suis*. Ergo.

Verum in eo casu prudentia est necessaria, nec licet cuivis in quovis casu pro quovis proximo exponere vitam, ut si quis sit valde utilis Reipublicæ, alter in periculo existens non item. Vel si quis habet familiam, & filios, qui sine eo educari non possunt. Vel si esset vir illustris, proximus verò plebejus.

QUÆRO X. Es Sacerdos, Ruri mulier prægnans, jamjam parturiens, sola tibi soli obviat, rogatque te, ut agas vices obstetricis, asserens se aliàs, & prolem secum morituram in utero. Quid agas?

LXXXIV. Probabilis est, quòd teneor, præsertim ratione prolis aliàs anima, & corpusculo morituræ.

Ratio: Quia cum juxta Apostolum sint omnia munda mundis, molestia hæc casto ani-

mo, & sine lapsu in peccatum saltem mortale subiri potest.

**QUÆRO XI.** Es Sacerdos, vocaris simul, ut baptizes infantem, & ut absolvas adultum, quorum alteruter, si alteri proponatur, certe morietur sine Sacramento. Quid ages?

**LXXXV.** Responsio videatur infra Tract. 11. num. 54.

## EXAMEN VI.

*De effectibus Charitatis externis quoad Eleemosynam, de qua S.D. agit 2. 2. qu. 32. per 10. articulos, & Correctionem fraternam, de qua tractat quæst. 33. per 8. articulos.*

### Eleemosyna.

**QUÆRO I.** Quid, & quotplex est?

**LXXXVI.** Resp. 1. Eleemosyna est actus elicitus misericordiae, quæ juxta S. Thom. hic qu. 30. ar. 3. Est virtus moralis inclinans ad sublevandam miseriam proximi, seu pauperis ex compassione propter Deum. Est etiam actus imperatus à Charitate, ut si fiat ex motivo amoris; vel à poenitentia; ut si fiat ad satisfaciendum pro peccatis. Unde eleemosyna sic potest definiri: Est opus misericordiae, quo aliquid datur indigenti ex compassione propter Deum, seu ordinatum ad sublevandam miseriam proximi.

Resp. 2. Eleemosyna est duplex: Una corporalis, altera spiritualis, ut patet ex S. Thom. hic quæst. 32. ar. 2. Opera Misericordiae corporalia sunt septem, ab eodem S.D. insinuata hoc versu:

*Visitò, potò, cibo, redimò, tego, colligò, condo.* Id est, palcare esurientem, potare sitientem, vestire nudum, captivos redimere, ægrotos visitare, hospitio peregrinos colligere, seu recipere, mortuos sepelire.

Opera Misericordiae spiritualia etiam sunt septem, ab eodem insinuata hoc versu:

*Consule, castiga, solare, remitte, fer, ora.* Id est, peccantes castigare, seu corrigere, ignorantes docere, tristes consolari, offensam remittere, ferrepatienter injurias, orare Deum pro salute proximi. Hic agitur de prioribus.

**QUÆRO II.** Eleemosyna estne in præcepto, & quando?

**LXXXVII.** Ante R. Not. quoad præsens triplicem esse corporalem necessitatem. Prima est extrema, in qua censetur esse, qui in tali est periculo, ut probabiliter cadat in gravem morbum vel vitæ, aut membrorum di-

scrimen, nisi ei subveniatur. Nec ad eam necessitatem requiritur, ut pauper jam agat animam mox expiraturus, tunc enim eleemosyna amplius non eget. Secunda est necessitas gravis, seu notabilis, sive arcta, quæ est citrà extremam, seu est, quæ reducit hominem ad eum statum, in quo oportet eum multa pati, licet sine periculo mortis, aut infirmitatis. Et in hac necessitate versantur non solum valde pauperes mendici, sed & illi, cuiuscumque sint conditionis, quicum non sufficiant familiæ suæ sustentationi, graviter affliguntur, carendo multis, aliàs pro suo statu necessariis, & officia ab eo aliena exercendo. Tertia est necessitas communis, & est, quando pauper est egens, potest tamen vivere sine urgenti necessitate, licet ita non commodè: quæ est ordinaria pauperum mendicantium necessitas. Hoc notato

Resp. 1. De Fide certum est, Eleemosynam esse in præcepto; ut patet Lucæ 11. *Quod superest, date eleemosynam.*

Ratio 1. Occisio voluntaria proximi, etiam indirecta, est peccatum mortale: Sed omnis eleemosynæ est indirecta occisio proximi juxta illud S. Ambrosii. *Pascite fame morientem, si non parvisi, occidisti.*

Porro præceptum Eleemosynæ est affirmativum, obligans quidem semper, sed non pro semper, nec pro omni casu. Unde difficultas est, in quibus casibus obliget. Pro quo

Not. Quod, cum eleemosyna fiat ex superfluo, superfluum dicitur duobus modis. 1. Superfluum naturæ, seu quod superest mediis ad vitam, & sibi commissorum vitam necessariis. 2. Superfluum status est, quod superest mediis necessariis ad vitam, & status sui decentiam, considerando simul casus, qui probabiliter occurrere possunt, in quibus sumptus faciendi sunt, prout recta ratio judicaverit: quæ status decentia comprehendit etiam ea, quæ spectant ad sustentationem filiorum, famulorum, decedentes donationes, hospitum tractationes, &c. Pariter dicitur aliquid necessarium dupliciter, nimirum vitæ, & statui, ut statim magis explicabitur ex S. Th. Hoc notato

Resp. 2. cum S. Thom. hic qu. 32. ar. 6. dicente: *Necessarium dupliciter dicitur: Uno modo, sine quo aliquid esse non potest, & de tali necessario omnino eleemosyna dari non potest, puta, si aliquis in articulo necessitatis constitutus haberet solum, unde posset sustentari, & filii sui, vel alii ad eum pertinentes.*

Ratio: De hoc enim necessario eleemosynam dare, est sibi, & suis vitam subtrahere.

Sed hoc dico, ait S.D. nisi forte talis casus immineret, ubi subtrahendo sibi daret alicui magna persona, per quam Ecclesie, vel Republica sustentaretur, quia pro talis Personæ liberatione seipsum, & suos laudabiliter periculo mortis exponeret; cum

cum bonum commune fit proprio preferendum.

Resp. 3. Pergit S. D. Alio modo dicitur aliquid necessarium, sine quo non potest convenienter vita transigi secundum conditionem, & statum propria persona, & aliarum personarum, quarum cura incumbit. Huiusmodi necessarii terminus non est in indivisibili constitutus, sed multis additis, non potest dijudicari esse ultra tale necessarium, & multis subtractis, adhuc remanet, unde possit convenienter aliquis vitam transigere secundum proprium statum. De huiusmodi ergo eleemofynam dare est bonum, & non cadit sub praecepto, sed sub consilio.

Ratio: Inordinatum enim esset, si aliquis tantum sibi de bonis propriis subtraheret, ut aliis largiretur, quod de residuo non posset vitam transigere convenienter secundum proprium statum, & negotia occurrentia. Nullus enim inconvenienter vivere debet.

Sed ad hoc tria sunt excipienda, ait S. Th. quorum primum est, quando aliquis statum mutat, puta, per Religionis ingressum, tunc enim omnia sua propter Christum largiens, opus perfectionis facit, se in aliquo statu ponendo. 2. Quando ea, qua sibi subtrahit, etsi sint necessaria ad convenientiam vitam, tamen de facili rescirari possunt, ut non sequatur maximum inconveniens. 3. Quando occurreret extrema necessitas alicuius privatae personae, vel etiam aliqua magna necessitas Reipubl. in his enim casibus laudabiliter praefermitteret aliquis id, quod ad decentiam sui status pertinere videretur, ut majori necessitati subveniret.

Resp. 4. Duo sunt casus, in quibus praeceptum eleemofynae obligat sub peccato mortali. Primus, qui a nemine negatur: Siquis habeat superflua naturae, & petens eleemofynam sit in extrema necessitate. Secundus, qui ab aliquibus negatur, est: Si quis habeat superflua naturae, & status, licet pauperes non sint in necessitate extrema, sed alia notabili, seu gravi. Ut patet ex citatis verbis S. Thom. cujus sententia probabilior est.

Constat ex Luc. 16. ubi avarus damnatur, quia non dedit eleemofynam Lazaro, qui tamen non patiebatur extremam necessitatem, quia erat mendicus.

Resp. 5. Probabilius, & tutius est, quod homo ex bonis statui superfluis juxta divitiarum proportionem teneatur etiam succurrere pauperibus communem necessitatem patientibus, saltem interdum eis eleemofynam dando, adeoque mortaliter peccaret, qui formaret propositum nunquam iis dandi.

Ita Colligitur ex S. Thom. hic ar. 5. & infra qu. 118. ar. 4. ad 2. & hic qu. 66. ar. 7. ait: Res, quas aliqui superabundanter habent, ex naturali jure debentur pauperum susten-

tationi. Unde Ambros. Serm. 81. dicit: Esurientium panis est, quem tu detines, nudorum indumentum est, quod tu recludis, miserorum redemptio, & absolutio est pecunia, quam tu in terram defodis. Haec S. D. Similia ex S. Basilio refert hic ar. 5. Abutimur! sapienter, & intelligenter haec avari, & divites hujus temporis: sed nolunt intelligere, ut bene agant.

Ratio 1. Quilibet ex lege Charitatis obligatur subvenire proximo in quavis miseria exsistente, si facile eam sublevare possit; nam unicuique Deus mandavit de proximo suo. Eccl. 17. ut eum diligat sicut seipsum. Subsumo: Sed divites, & superflua habentes, facile, & sine notabili suo incommodo communium pauperum miseriam possunt sublevare. Ergo tenentur.

4. Deus divitibus non dedit divitias, ut eas in terram defodiant, cistis inclusas retineant, sed ut per opera misericordiae (uti pauperes per patientiam) aeternae vitae mercedem sibi comparent. Ergo.

Fateor tamen, quod nemo teneatur etiam sub veniali cuivis communi pauperi petenti eleemofynam dare, unde satis est, si pro excellu bonorum interdum det quosdam eleemofynas, prout prudens Charitas dicaverit.

LXXXVIII. Quid sentis, si quis communem pauperem inhumaniter, & asperis verbis a se repellat?

Dico, nisi asperitas verborum sit nimis excessiva, peccat solum venialiter, & interdum nec venialiter, si mendicis esset nimis importunus. Quod peccet, Ratio est, quia afflictio addit afflictionem.

Resp. 6. Quando sunt multae necessitates graves; divites tenentur minuere sumptus, aliis ad decentiam status non pertinentes, in cibis, vestibus, famulatio, &c.

Ratio: Tunc enim censetur periclitari bonum commune, cui quilibet ei iustitia legali tenetur succurrere.

Resp. 7. Pauperibus ex amore otii laborem, quod se facile possent sustentare, fugientibus, iuste eleemofyna denegatur. Patet in Examine hoc, num. 96.

Resp. 8. Magistratus, qui peregrinos mendicos à locis suis expellunt, non peccant, si id faciant ideo, quia tales solent invehere morbos, dissidia, proditores, &c. vel quia aliis pauperibus domesticis non posset sufficenter subveniri. Patet ex se.

Respon. 9. Tenentur etiam fideles animabus in Purgatorio luentibus subvenire per eleemofynas, Missas, Orationes, & alia bona opera. Ita deducitur ex praecepto Charitatis.

QUAERO III. Episcopi, & proportionabiliter Parochi, Canonici, alique Clerici, nonne

strictius quam alii ex Charitate tenentur dare eleemosynas ex beneficio, patrimonio, &c.

**LXXXIX. Resp. affirm. Ratio:** Quia ratione status debent, ut Magistri alios docere non solum verbo, sed & exemplo, seu opere, iuxta illud Matt. 5. *Sic luceat lux vestra coram hominibus, ut videant, &c.*

**Quid ergo ageres**, si ad Confessionale tuum veniret unus talis, qui hanc doctrinam opere non servat?

**Dico** cum nostro de la Cruz, Non absolverem illum, nisi saltem quartam partem reddituum erogaret pauperibus etiam in communibus necessitatibus. Nam in gravibus, quæ solent esse tempore pellis, famis, aut plurimarum ægritudinum, ad amplius tenetur, juxta proportionem necessitatis ovium. Et aliquando ex suppellectili, & valis suis argenteis eleemosynas facere tenetur.

**Teneturne** Episcopus inquirere pauperes suæ Diocesis, vel Parochus suæ Parochiæ?

**Affirmo** cum nostro Bannes, adeoque non satisfacit dando occurrentibus pauperibus.

**Ratio:** Quia vocantur Patres pauperum, præsertim ovium suarum.

**Oppono:** Episcopus, vel Canonicus est Dominus tuorum reddituum. Ergo non tenetur tanta cura alere pauperes.

**Admissio** ant. dist. conf. Ergo non tenetur ex justitia, conc. conf. ex misericordia, & Charitate N. conseq.

**Qui ergo in casu præcepti omittit dare eleemosynam, teneturne ad restitutionem?**

**Resp. Negativè.** Quia onus restitutionis non inducitur per violationem charitatis, sed justitiæ, peccat tamen talis mortaliter.

**QUÆRO III.** Potestne fieri eleemosyna ex iniuste acquisitis?

**XC. Resp.** sub dist. cum S. Th. ar. 7. dicente: Tripliciter potest aliquid esse illicite acquisitum 1. Id, quod illicite ab aliquo acquiritur, debetur ei, a quo est acquisitum, nec potest ab eo retineri, qui acquisivit, sicut contingit in rapina, & furto, & usuris. Et de talibus, cum homo teneatur ad restitutionem, eleemosyna fieri non potest.

2. Est aliquid illicite acquisitum, quia quidem ille, qui acquisivit, retinere non potest, nec tamen debetur ei, a quo acquisivit, quia scilicet contra justitiam accepit, & alter contra justitiam dedit. Sicut contingit in Simonia, in qua dans, & accipiens contra justitiam legis divinæ agit. Unde non debet fieri restitutio ei, qui dedit, sed debet in eleemosynas erogari.

3. Est aliquid illicite acquisitum, non quidem quia ipsa acquisitio sit illicita, sed quia id, ex quo acquiritur, est illicitum: sicut patet de eo, quod mulier acquirit per meretricium. Et hoc propriè vocatur turpe lucrum, quod

enim mulier meretricium exerceat, turpiter agit, & contra legem Dei, sed in eo, quod accipit, non iniuste agit, nec contra legem. Unde, quod sic illicite acquisitum est, retineri potest, & de eo eleemosyna fieri. Hæc S. D.

**Addo** ex S. Tho. in R. ad 2. curex tali turpi lucro non fiat Sacrificium, vel oblatio ad altare, juxta illud Deut. 23. *Non offeres mercedem prostituti in domo Dei tui.* Nam disparitas est, tum propter scandalum, tum propter Sacrorum reverentiam.

**Oppono** contraprium modum illud Luc. 16. *Facite vobis amicos de mammona iniquitatis.* Ergo.

**Ad hoc** S. Thom. ar. cit. ad 1. Sicut Augustin. dicit: Illud verbum Domini quidam male intelligendo rapiunt res alienas, & aliquid inde pauperibus largiuntur, & putant se facere, quod præceptum est. Intellectus iste corrigendus est: Sed omnes divitiarum iniquitatis dicuntur, quia non sunt divitiarum inique nisi iniquis, qui in eis spem conlidunt. Vel secundum Ambr. iniquum Mammona dixit, quia variis divitiarum illecebris nostros tentat affectus. Ita S. D.

**Quid sentis de lucro per aleas?**

**Dico** ex S. Thom. ad 2. In hoc lusu videtur esse aliquid illicitum jure divino, scilicet quod aliquis lucretur ab his, qui rem suam alienare non possunt, sicut sunt minores, & furiosi, & hujusmodi. Et quod aliquis trahat alium ex cupiditate lucrandi ad ludum; & quod fraudulenter ab eo lucretur. Et in his casibus tenetur ad restitutionem, & sic de eo non potest eleemosynam facere, ait S. D. Idem sentit, si alibi in vigore sit jus civile prohibens lulum. Cæterum quidquid ex licito lusu licite acquiritur, est materia, ex qua potest fieri eleemosyna.

**QUÆRO IV.** Fidus pauper peccatne mortaliter, teneturque ad restitutionem, si petat, & accipiat eleemosynam?

**XCI. Resp. affirm.** Quando eleemosynæ ei dantur sub conditione saltem tacita, quod sit pauper, ut sit in amplis, & extraordinariis eleemosynis, ut si petatur eleemosyna ad redimendum captivum, qui non est.

**Ratio:** Quia est furtum, secus si donatio sit absoluta, ut præsumitur in eleemosynis ordinariis, licet fiat ex motivo falso.

**QUÆRO V.** Qui est sub alterius potestate, potestne facere eleemosynam?

**XCH. Resp.** cum S. Th. ar. 8. in c. dicente: Qui est sub potestate alterius constitutus, in quantum hujusmodi, secundum Superiorem potestatem regulari debet. Sic ergo ille, qui est sub potestate constitutus de re secundum quam Superiorem subiicitur, eleemosynam facere non debet, nisi quatenus eia Superiore fuerit commissum. Si quis verò habeat aliquid, secundum quod



quod potestati Superioris non subfit, quantum ad hoc proprii Juris exiltens, de hoc potest eleemofynam facere. Hæc ibi.

*Refp. 2.* Ex R. ad 1. Monachus si habet dispensationem a Prælato commissam, potest eleemofynas facere de rebus Monasterii, secundum quod sibi est commissum. Si vero non habet dispensationem, quia nihil proprium habet, tunc non potest sine licentia Abbatis, vel expressè habita, vel probabiliter præsumpta, nisi forte in articulo extremæ necessitatis, in quo licitum est eleri furari, ut eleemofynam daret. Hæc ibi.

*Refp. 3.* Ex R. ad 2. Si uxor habet alias res præter dotem, quæ ordinatur ad sustentanda opera Matrimonii, vel ex proprio lucro, vel quocunque alio licito modo, potest dare eleemofynas, etiam irrequisito assensu viri, moderatas tamen, ne ex earum superfuitate vir depauperetur: aliis autem non debet dare eleemofynas sine consensu viri, vel expresse, vel præsumpto, nisi in articulo necessitatis, sicut de Monacho dictum est. Quamvis enim mulier sit æqualis viro in actu Matrimonii, tamen in his, quæ ad dispositionem domus pertinent, vir Caput est mulieris, secundum Apost. 1. Corinth. 11. Hæc S. D.

**QUÆRO VI.** Estne eleemofyna magis danda propinquieribus?

**XCIII.** Cæteris paribus, illis, qui sunt nobis magis conjuncti, magis debemus providere.

*Ita S. D. ar. 9. id probans ex illo 1. Timot. 5. Si quis suorum, & maxime domesticorum curam non habet, fidem negavit, & est infideli deterior.*

Et in R. ad 2. id probat ex ordine Charitatis, & ex S. Ambrosii in 1. de officiis, dicente: Est illa probanda liberalitas, ut proximis sanguinis tui non despicias, si egere cognoscas; melius est enim, ut ipse subvenias tuis, quibus pudor est ab aliis sumptum deposcere.

Monet tamen S. D. in c. Est circa hoc discretio ratio adhibenda secundum differentiam conjunctionis, & sanctitatis, & utilitatis. Nam multò sanctiori indigentiam patienti, & magis utilia commune bonum, est magis eleemofyna danda, quam personæ propinquiori: maxime si non sit multum conjuncta, cujus cura specialis nobis non imminet, & si magnam necessitatem non patiat. Hæc ibi.

**QUÆRO VII.** Subsidium, ad quod homo obligatur in extrema, vel gravi necessitate, estne dandum donatione absoluta, aut licetne sub conditione, ut restituat, si venerit ad pinguiorem fortunam, vel solum commodare?

**XCIV.** *Refp.* Probabilius, & tutius est, quòd teneatur ad donationem absolutam rei, quæ factum est usu consumptibilis.

*Ratio:* Tum quia opposita sententia videtur valde inhumana, & repugnans veræ misericordie, quæ debet esse gratuita. Tum etiam, quia

proximus taliter indigens habet jus, ea, quibus extremè indiget, si potendo obtinere nequiverit, palam accipiendi absque restitutionis onere. Ergo & alter sine eodem onere tenebatur dare.

Not. tamen sermonem hic esse de pauperibus absolute, & non talibus secundum quid solum, quorum necessitas tantum aliquo tempore durabit, eò quòd bona habeant in spe. His enim conditionatam restitutionem imponere rationi congruit.

Plura de hoc vide Tract. 8. Exam. 5. numer. 126.

### Mendicis Religiosa.

*De qua S. Thom. 2. 2. q. 118. ar. 3. & 4. & 5.*

**QUÆRO VIII.** Tenentur Religiosi manibus operari?

**XCV.** Ante R. Not. ex S. Thom. q. cit. ar. 3. in c. quòd sub opere manuali intelliguntur omnia humana officia, ex quibus homines licite victum lucrantur, sive manibus, sive pedibus, sive lingua fiant: Vigiles enim, & Curiores, & alii hujusmodi de suo labore viventes intelliguntur de operibus manuum vivere. Quia enim manus est organum organorum, per opus manuum omnis operatio intelligitur, de qua alius quis victum licite potest lucrari. Hæc ibi. Hoc notato.

*Refp.* Cum S. D. ar. cit. negativè. *Ratio est:* Labor manualis ad quatuor ordinatur. Primò, & principaliter ad victum querendum. *In sudore vultus tui vesceris pane tuo.* Gen. 3. 2. Ad tollendum otium, ex quo multa mala oriuntur. *Multam malitiam docuit otiositas.* Eccl. 33. 3. Ad concupiscentiæ refrenationem, in quantum per eum maceratur corpus. Ad faciendas eleemofynas. *Labores operando manibus suis, ut habeat unde tribuat necessitatem patienti.* Ephel. 4.

*Subsumo 1.* Sed Religiosi in primis non tenentur ad opera manualia ad querendum victum. Ergo. Prob. min. ille, cuiuscunque sit conditionis, tenetur manibus operari ad querendum victum, qui aliunde non habet licite, unde vivere possit. Et hoc significant verba Apostoli dicentis. *Qui non vult operari, non manducet:* Sed Religiosi aliunde habent licite, unde vivant, nimirum ex eleemofynis, ut patet ad Q. 9. & 10. Ergo.

*Subsumo 2.* Sed Religiosi ad opera manualia etiam non tenentur, ad vitandum otium, aut ob corporis mortificationem, quia multis aliis modis potest caro macerari, nimirum per jejunia, & vigiliis. Ergo nec ad ea tenentur ad dandas eleemofynas, ut patet, nisi in casu necessitatis, in quo (si nullo alio modo pauperibus posset subveniri) obligarentur similiter Religiosi, & Sæculares ad opera manualia. Ergo.

Con-

Confirm. Licet sit præceptum juris naturæ, quod Apostolus i. Thessal. 4. proponit, *Operamini manibus vestris, sicut præcipimus vobis*. Hoc tamen præceptum obligat quidem totam communitatem, non tamen singulos in particulari, sed sufficit, quod unus vacet uni officio, alius alii putat, quod quidam sint opifices, quidam agricolæ, quidam Iudices, quidam Doctores, & sic de aliis, ut ait S.D. ad 1. Sicut est præceptum naturæ, ut agri colantur, matrimonia contrahantur, & tamen non omnes in particulari tenentur Matrimonium contrahere, nec agros colere. Ergo nec Religiosi manibus operari.

Notat tamen S.D. in c. nisi forte ad hoc per Statuta sui Ordinis obligentur, sicut Hyeron. in Epistol. ad Rusticum Monachum dicit: Ægyptiorum monasteria hunc morem tenent, ut nullum absque operis labore suscipiant, non tam propter victus necessitatem, quam propter animarum salutem, ne vagetur perniciosis cogitationibus mens.

*Oppono* Religiosi, cum profiteantur statum perfectionis, debent imitari vitam Apostolorum: Sed Apostoli manibus laborabant i. Cor. 4. Laboramus operantes manibus nostris. Ergo.

*Resp.* cum S.Thom. ad 5. dicente: Quod Apostoli manibus laboraverunt, quandoque quidem fuit necessitas, nimirum, quando victum ab aliis invenire non poterant: quandoque verò supererogationis, in quo supererogationis opere non tenentur Religiosi Apostolum imitari. Vide S.Thom. qui hoc ibidem explicat.

**QUÆRO IX.** Licetne Religiosis vivere ex eleemosynis?

Sermo est de eleemosynis sponte oblatis.

*Resp.* cum S.Thom. ar. 4. affirm. *Ratio ejus, est*: Unicuique licet vivere de eo, quod suum, vel sibi debitum est; Sed si aliquid alicujus ex liberalitate donantis. Ergo Religiosi, & Clerici, quorum monasteriis, vel Ecclesiis ex munificentia Principum, vel quorumcumque fidelium sunt facultates collatæ, possunt licet de eis vivere, absque hoc, quod manibus laborant, & tamen certum est, eos de eleemosyna vivere. Adducit etiam S.Thom. illud i. Cor. 9. *Qui altari deserviunt, de altari vivant*; Sed Religiosi, & Clerici altari deserviunt. Ergo.

Notat in d. ar. Si aliqui sint Religiosi, qui absque necessitate, & utilitate, quam afferant, velint otiosi de eleemosynis vivere, hoc est eis illicitum. Utilitatem S.D. assignat, si nimirum prædicent auctoritate Prælatorum, si sint ministri altaris. Si insistant studio S. Scripturæ ad communem utilitatem totius Ecclesiæ. Nam laborantem agricolam oportet primum de fructibus percipere. 2. Tim. 2. Si qui ex hoc scandalizentur, maliotum sunt, more Phariseorum,

quorum scandalum contemnendum Dominus docet Matth. 15. ait S.D. ad 5.

*Oppono* 1. S. Hyeron. ad Damasum Papam dicit: Quibonis parentum, & opibus sustentari possunt, si, quod pauperum est, accipiunt, sacrilegium profecto committunt, & per abusionem talium iudicium sibi manducant, & bibunt: Sed Religiosi possunt de labore manuum sustentari, si sint validi. Ergo peccant eleemosynas pauperum comedendo. Idem argumentum potest obijci de Clericis, & Canonicis.

2. Religiosi sunt in statu perfectionis: Sed beatius est dare, quam accipere. Act. 20. Ergo.

*Ad* 1. S.D. dicit: Auctoritates illæ sunt intelligendæ tempore necessitatis, quando scilicet non possit aliter pauperibus subveniri, tunc enim tenerentur non solum ab eleemosynis accipiendis desistere, sed etiam sua, si quæ haberent, largiri ad pauperum sustentationem. Hæc ibi.

*Ad* 2. ait; Cæteris paribus dare est perfectius, quam accipere, & tamen dare, vel relinquere omnia sua pro Christo, & modica accipere ad sustentationem vitæ, melius est, quam dare aliqua particulariter pauperibus. Ita S.Thom.

**QUÆRO X.** Licetne Religiosis mendicare?

*XCVI. Resp.* cum S.Thom. ar. 5. affirm. *Ratio ejus est*: Religiosis competit vivere ad imitationem Christi: Sed Christus mendicavit. Ergo. Prob. min. Ipse Christus per Plal. 39. ait: *Ego autem mendicus sum, & pauper*. Et S. Hyeron. in quadam Epistola ait: Cave, ne Domino tuo mendicante, scilicet Christo, alienas divitias congeras. Ergo.

Notat S.D. in c. Ad mendicandum potest homo ex duobus induci. Uno modo ex cupiditate habendi divitias, vel victum otiose, & talis mendicitas est illicita. Alio modo ex necessitate, ut si aliunde habere non potest unde vivat, vel ex utilitate, qualis est assignata ad Q. 9. & hoc modo mendicitas est licita.

*Oppono* 1. Quod Lege est prohibitum, non competit Religiosis: Sed mendicare est Lege prohibitum Deut. 15. Mendicus non erit inter vos. Ergo.

2. Plal. 36. ait David: *Non vidi justum derelictum, nec semen ejus querens panem*. Ergo.

3. Secundum jura civilia punitur validus mendicans, ut habetur Cod. de validis mendic. tit. 25. Sed dantur Religiosi validi robusti, obesi. Ergo.

*Resp.* S.D. in cit. art. Quod ibi non prohibetur indigentibus mendicare, sed prohibetur divitibus, ne tam tenaces sint, ut propter hoc aliquid egestate mendicare cogantur; avaritia divitum damnatur.

*Ad* 1. R. quod David non viderit quærentes panem ex cupiditate, & avaritia, sicut nunc subinde dantur, bene tamen ex necessitate.

*Ad* 3. Jura civilia puniunt robustos ex sola

cu-

cupiditate habendi mendicantes, otiosos, laborem fugientes.

*Correptio fraterna.*

*De qua S.D. agit q. 33. per 8. art.*

**QUÆRO XI.** Quid est, quis ejus finis, estne in præcepto, & quando?

**XCVII.** Ante R. Not: quod Correptio fraterna (ad quam etiam reducitur paternalis) sit unum ex septem operibus misericordie spiritualibus supra assignatis. Aliqui DD. distinguunt inter corrumpere, & corrigere, quod corrumpere sit reprehendere, & increpare, corrigere verò sit ipsa emendatio vite; solet tamen hic sumi, & sumitur promiscue. Hoc notato

**Resp. 1.** juxta S. Tho. ar. 1. Duplex est correptio delinquentis, una, quæ adhibet remedium peccato, in quantum est malum ipsius peccanti, & ad ejus, non punitionem, sed emendationem, & animæ lucrum, velut ad finem ordinatur, & est actus Charitatis, & ista est proprie fraterna Correptio, de qua hic agitur, ac definitur, quod sit actus Charitatis, vel misericordie spiritualis, quo per convenientem sermonem conamur fratrem, idest, proximum a malo peccati convertere ad bonum virtutis. Alia correptio est, ait S.D. quæ adhibet remedium peccatis delinquentis, secundum quod est in malum aliorum, & præcipue boni communis. Et hæc est actus iustitiæ, cuius est conservare rectitudinem unius ad alterum, & vocatur judicialis, estque superiorum erga inferiores puniendos. De ea hic non agitur.

**Resp. 2.** Finis Correptionis fraternæ patet ex dictis.

**Resp. 3.** Correptio fraterna est in præcepto, & quidem naturali, ac Decalogi de dilectione proximi. Ita S. Th. ar. 2. Et patet ex illo Matth. 18. v. 15. Si peccaverit in te, idest, sciente te, frater tuus, vade, & corripe eum inter te, & ipsum solum, idest, secreto; Si te audierit, lucratus eris fratrem tuum; si autem te non audierit, adhibe tecum adhuc unum, vel duos, ut in ore duorum, vel trium stet omne verbum. Quod si non audierit eos, dic Ecclesie, si autem Ecclesiam non audierit, sit tibi sicut Ethnicus, & Publicanus. Et Eccles. 17. Unicusquisque mandaverit de proximo suo.

**Ratio:** Quia ex præcepto naturæ tenetur quilibet fratri, idest, proximo graviter egenti succurrere, dum potest sine gravi damno.

**Resp. 4.** Præceptum fraternæ Correptionis non est negativum, sed affirmativum. Ita S. Tho. ar. 2. dicens; Præcepta negativa obligant semper, & ad semper; Correptio autem fraterna ordinatur ad fratris emendationem, & ideo cadit sub præcepto, secundum quod est necessaria ad istum finem, non autem ita, quod quolibet loco, & tempore frater delinquens corrigatur.

**Resp. 5.** Correptio fraterna de peccato mortali per se loquendo obligat sub mortali.

**Ratio:** Quilibet, dum potest, tenetur avertere grave malum præsertim animæ proximi: Sed omne peccatum mortale utpotè mors animæ, est grave malum proximi. Ergo.

**Resp. 6.** Probabilis est, ut præceptum Correptionis fraternæ hic, & nunc sub mortali liget, requiri quinque conditiones, quarum vel una deficiente (uti sæpe deficit) non obligat sub mortali.

**Prima conditio est:** Ut peccatum sit secretum, seu occultum, & moraliter constet, proximum peccasse mortaliter, vel esse in periculo peccati mortalis, aut recidivæ, vel commississe veniale periculosum, seu ordinatum ad mortale.

**Secunda.** Ut speretur fructus, seu sit probabilis spes emendationis, ne reddatur deterior. Unde S. Th. 2. 6. in c. ait: Una est correptio delinquentis pertinens ad Prælatos, quæ habet vim coactivam, & talis correptio non est dimittenda propter turbationem ejus, qui corrumpitur, sed est cogendus per pœnas, ut peccata desinatur. Alia verò est Correptio fraterna, cuius finis est emendatio delinquentis, non habens coactionem, sed simplicem admonitionem. Et ideo ubi probabiliter æstimatur, quod peccator admonitionem non recipiat, sed ad pejora labatur, est ab hujusmodi correptione desistendum. Hæc ibi.

**Tertia.** Opportunitas personæ, & temporis. Personæ, ut non sit alius, qui melius possit facere. Temporis, ut fiat tunc, quando penitus circumstantiis discretio dicat cum majori fructu fieri posse.

**Quarta.** Ut correptio judicetur necessaria, censetur autem necessaria, quando peccator per eam, & non aliter, creditur convertendus, ait Cajet.

**Quinta.** Ut correptio possit commode fieri, nimirum sine notabili damno corrigentis, damno, inquam, salutis, honoris, famæ, fortunarum, &c. nisi frater esset in extrema necessitate.

**QUÆRO XII.** Præceptum fraternæ Correptionis obligatne omnes homines, etiam subditos? vel solos Prælatos? Peccatores?

**XCVIII. Resp. 1.** Obligat omnes homines ad corrigendum idoneos, concurrentibus adductis quinque circumstantiis.

Constat ex citatis verbis Eccl. 17. & ratione adducta pro R. 3. ad Q. 1. Est autem hic fermo de correptione, quæ fit per solam admonitionem.

**Resp. 2.** In Correptione fraterna gravior est cura, & obligatio Prælatorum, quam aliorum. Ita S. Th. 2. 3. ad 1. Idem est de Parentibus, Dominis, Marito, Tutoribus, respectu filiorum, servorum, uxoris, &c.

**Resp. 3.** Prælati, seu Superior sæpe non tantum sub veniali, sed etiam sub mortali tenentur subditos corrumpere de venialiibus, quando nimirum vergunt in notabile detrimentum Regularis

gularis disciplinæ. Idem est de transgressionibus Regularum subprena solum obligantium, vergentibus in simile detrimentum.

*Ratio*; Superior ex vi officii in conscientia tenetur Regularem observantiam promovere, rationem strictam desuæ, & subditorum, animæ redditurus. Ergo.

Ex quo sequitur, quod Superior teneatur interdum inquirere in vitam subditorum, attamen prudenter, (ne alios turbet) impartialiter, impassionate, & non nisi prævia infamia, vel alio probabili indicio.

Concionatoribus quoque cautè agendum, dum à Cathedris vitia corripiunt, ne videantur particulares personas tangere, aut scientia confessionalium. Vel maxime cavendum, ne Prælatum à suggestu corripiant, nisi forte esset publicum scandalum, v. gr. hæresis, quod secreta monitione non posset emendari.

*Resp. 4.* Præceptum Correctionis fraternæ etiam obligat subditos erga Prælatos, sic tamen ut congruum modum adhibeant, & non cum protervia, & duritia, sed cum mansuetudine, & reverentia fiat. Ita S. D. ar. 4.

Probat hoc ex Apostolo 1. Timoth. 5. dicente: *Seniorem ne increpaveris, sed obsecra ut Patrem.* Et ex Regula S. Aug. non solum vestri sed etiam ipsius, scilicet Prælati, miseremini, qui inter vos, quando in loco superiori, tam in periculo majori versatur.

*Resp. 5.* Etiam peccator, per se loquendo, & concurrentibus prædictis circumstantiis, tenetur humiliter fratrem corripere delinquentem. Ita S. D. ar. 5.

*5. Rationem dat*: Correctio fraterna per se pertinet ad aliquem, in quantum in eo viget iudicium rationis: Sed peccatum non tollit totum bonum naturæ, quin in peccante remaneat aliquid de recto iudicio rationis. Ergo.

Notat tamen S. D. quod peccatum præcedens, præsertim si sit manifestum, Correctioni, seu ejus effectui possit ponere impedimentum. Non ergo ille corrigens debet oburgare, sed ad pariter cavendum invitare. Nec sibi novam condemnationem corrigendo acquirit, licet per hoc, vel in conscientia fratris, vel saltem sua pro peccato præterito condemnabilem se esse ostendat.

*Oppono*: Matth. 7. dicitur: *Quid vides festucam in oculo fratris tui?*

Ad hoc dico, ibi solum reprehendi peccatores, qui alios corripunt ex iactantia, & hypocrisis, vel qui, ut se iustificent, alios temerariè judicant. Unde subditur: Hypocrita eijce primum trabem de oculo tuo, &c.

**QUÆRO XIII.** In Correctione fraterna estne servandus ordo, ante ex Matth. 18. traditus, ut nimirum delinquens, si peccatum sit secretum, prius moneatur secretò, dein ad-

hibeantur testes, tandem dicatur Ecclesiæ?

*XCIX. Resp.* affirm. cum S. Th. ar. 7. & 8. ita quidem ut peccatum secretum prius semel, vel pluries (quandiu probabiliter est ipse emendationis) secreta admonitione sit corrigendum, quæ si non proficiat, adhibeantur testes, coram quibus vercundetur, & respiciat, & a quibus simul admoneatur; si nondum emendetur, dicatur Ecclesiæ, id est, Superiori.

Excipit a secreta admonitione S. D. ar. 7. peccata publica, & hæc dicit publicè esse arguenda juxta Apost. 1. Timoth. 5. *Peccantes coram omnibus argue, ut & ceteri timorem habeant.* De occultis distinguit: Quædam enim vergunt in nocuum proximorum, seu boni communis, vel corporale, vel spirituale, puta, si aliquis occultè trahat, quomodo civitas tradatur hostibus: vel si hæreticus privatis homines a Fide avetat: & in his oportet statim procedere ad denunciationem, ut hujusmodi nocuum impediatur, nisi forte quis firmiter existimaret, quod statim per secretam admonitionem posset hujusmodi mala impedire. Quædam verò sunt, quæ solum vergunt in malum peccantis, & ejus, in quem peccatur. Et in his servandus est prædictus ordo.

*C. Oppono* 1. Apost. Ephes. 5. nos monet: *Estote imitatores Dei.* Sed Deus interdum publicè punit hominem pro peccato, nulla secreta admonitione præmissa. Ergo.

2. Christus non legitur secretò admonuisse Judam, antequam eum denuntiaret. Item Act. 5. Petrus Ananiam, & Sapphiram occultè defraudantes de pretio agri publicè denunciavit, nulla secreta admonitione præmissa. Et Gen. 37. Joseph accusavit fratres suos apud Patrem crimine pessimo, nec tamen eos prius monuit. Ergo.

3. In Capitulis Religiosis formalique proclamantur nulla secreta admonitione præmissa. Ergo.

4. Religiosi tenentur obedire suis Prælati: Sed Prælati quandoque, vel communiter omnibus, vel alicui specialiter præcipiunt, ut eis dicatur, si quid sit corrigendum. Ergo secreta monitio non est de necessitate præcepti.

*Ad hæc omnia Respondet* S. D. ar. 7. *Ad 1. quidem*: Omnia occulta, sunt Deo nota, & ideo peccata occulta eodem modo se habent ad iudicium divinum, sicut publica ad humanum. Et tamen plerumque Deus peccatores quasi secreta admonitione arguit interius inspirando, vel vigilantibus, vel dormientibus.

*Ad 2.* Dominus peccatum Judæ tamquam Deus sicut publicum habebat, unde statim poterat ad publicandum procedere, tamen ipse non publicavit, sed obscuris verbis eum de peccato suo admonuit. Petrus autem publicavit peccatum occultum Ananiæ, & Sapphiræ, tamquam

executor Dei, cuius revelatione peccatum cognovit. De Joseph autem credendum est, quod fratres suos quandoque admonuerit, licet non sit scriptum. Vel potest dici, quod peccatum publicum erat inter fratres. Unde dicit pluraliter, accusavit fratres suos. Hæc ibi.

Ad 3. dicit: Huiusmodi proclamationes, quæ in Capitulis Religiosorum fiunt, sunt de aliquibus levibus, quæ famæ non derogant. Unde sunt potius quasi quædam commemorationes oblitum culpæ, quàm accusationes, vel denuntiationes. Si tamen essent talia, de quibus frater infamaretur, contra præceptum Domini ageret, qui per hunc modum peccatum fratris publicaret. Hæc ibi.

Ad 4. ait: Prælati non est obediendum contra præceptum divinum, secundum illud Ad. 5. Obedire oportet Deo magis quàm hominibus. Et ideo quando Prælati præcipiunt, ut sibi dicatur, quod quis sciverit corrigendum, intelligendum est præceptum sanè, salvo ordine fraternæ Correctionis, sive præceptum fiat communiter ad omnes, sive ad aliquem specialiter. Sed si Prælati expressè præciperet contra hunc ordinem a Domino institutum, peccaret præcipiens, & obediens ei quasi contra præceptum Domini agens. Unde non esset ei obediendum, quia Prælati non est Iudex occultorum, sed solus Deus nisi in quantum per aliqua indicia manifestantur, puta, per infamiam, vel per aliquas suspiciones. Ita S. D.

Ex quo sequitur, errare Religiosos, qui Visitatoribus denuntiant Fratres de crimine correctos, vel ordine Charitatis non servato. Optime proinde faciunt Visitatores, qui ante inquisitionem admonent Fratres, ne denuntient eos, qui de secretis peccatis correcti sunt.

Quid si ex timore, tepiditate, verecundia, &c. fraternam Correctionem quis omittat?

Resp. Juxta S. Th. ar. 2. ad 3. peccat solum venialiter, si tamen ita paratus sit, quod omnia Charitati fraternæ postponeret, si probabiliter crederet fratrem a se emendandum, & nisi ex omissione correctionis proximo sequeretur notabile damnum animæ, ut si homo peccaret ex ignorantia culpabili, qua difficulter liberabitur nisi doceatur. Excipio, si sit Prælati, hic enim mortaliter peccat, si ex timiditate omittat correctionem.

Quid si peccatum esset præteritum, nullo relicto complacentiæ vestigio, nec damni, aut recidivæ periculo?

Cum Soto, & Bannes dico non esse obligationem corrigendi.

QUÆRO XIV. Tenerisne corrigere eum, qui peccat ex ignorantia invincibili?

Cl. Ante R. vide supra de ignorantia, & de lege naturali.

Resp. 1. Teneor, & tenetur omnis bono (juxta probabiliorem sententiam) a proximo tollere ignorantiam culpabilem, seu vincibilem cujuscunque juris naturalis, divini, & humani, dum est in periculo peccandi mortaliter; uti & ignorantiam facti contra tale jus, si sit spes emendationis, v. gr. Si Petrus accedat ad Mariam, vincibiliter putans esse suam uxorem, cum tamen non sit. Vel si Sacerdos ignoranter veller consecrare in aqua.

Ratio eadem, quæ data est pro R. 3. & 5. ad 5. ad Q. 11. & Eccl. 17. citato.

Nota, hanc, & sequentem R. de omni quidem homine, sed in majori rigore veram esse de iis, qui gerunt aliorum curam, ut sunt Pastor, Maritus, Dominus, Princeps, Episcopus, Prælati, &c.

Resp. 2. Idem teneo de ignorantia invincibili (quæ an respectu juris naturæ dari possit, hic non deciditur, sed explicatum est supra de Legibus) si tamen sit spes emendationis, saltem in futurum.

Constat ex citato Eccl. 17. *Unicuique mandavit Deus de proximo suo.* Hac in re maxime attendere, & prænitentes instruere tenentur Confessarii, utpote fungentes non tantum officio Judicis, sed & Doctoris, ne Sacramentum conferant indigno, uti fieret saltem in priorica. Et cogitandum est, quod licet admonitio, & instructio non videatur prodesse hic, & nunc, proderit tamen ad hoc. 1. Ut proximus liberetur a sua ignorantia. 2. Ut malum statum in quo est, cognoscat, & forte aliquando resipiscat: & sic in futurum proderit, patietur enim remorsus conscientiæ. 3. Ne possit conqueri de denegata sibi absolutione in casu Resp.

Consideranda etiam hic sunt documenta, & Axiomata illa Juris: *Utilius scandalum permittitur, quàm veritas vici relinquatur.* Potens alios ab errore revocare, & tacens, seipsum errare demonstrat. *Error cui minimè resistitur, approbatur.* Item illud: *Nulla lex obligat ad actus inutiles, & otiosos.* Magna ergo prudentia est necessaria, nec potest una certa regula statui pro omni casu.

Casus, qui de nullitate matrimonii invincibiliter, vel vincibiliter ignorata possent proponi, resolvuntur in proprio loco, nimirum Tr. ult. Exam. 5. Q. 8. ubi multa dicuntur, quæ hic serviant.

QUÆRO XV. Licetne, aut expedit interduci, hominem perditum non statim corrigere, sed permittere labi in pejora, ut eò magis confusus facilius emendetur, & resipiscat?

CII. Ante R. Not. Quod Deus duplici ratione permittat mala. *Primo.* In poenam priorum peccatorum tradens peccatores in reprobum sensum, ut Scriptura loquitur.

2. Ut homo ferventiùs refurgat, & poſtea cautiùs vivat; ſicut fortè permittit peccatum Petri. Hoc notato

*Reſp.* Licet tutior ſit ſententia negans, probabilior tamen videtur affirmans, quòd liceat permittere talem hominem labi, ea intentione, ut ferventiùs refurgat, ut ſenſus ſit, quòd correctio differatur ad tempus, & permittatur poſtius non ſtatim reſurgere, ut eliciatur ex malo bonum, quàm quòd permittatur peccatum.

Hæc R. ſupponit, quòd homini non liceat peccatum, quòd evitare poſſumus, permittere in poenam prioris peccati, hoc enim modo peccatores punire ſolius Dei eſt.

Item a data R. excipitur caſus, quo timetur, ne proximus cadat in graviſſimum peccatum, v. g. ne fiat Hæreticus, Apoſtata, ne communicet in mortali, &c. Hoc ſuppoſito

*Ratio eſt* 1. Correptio fraterna pro fine habet emendationem fratris. Ergo facienda eſt eo modo, quo melius ad huc finem conducit. 2. Licet non debeat permitti malum ſub ratione mali, bene tamen ex intentione alicuius boni, ratione cuius poſſet etiam ipſi peccati evenire utilitas, uti & aliis. Unde ſuprà oſtenſum fuit, rationabiliter permitti Lupanaria.

Not. quòd licet non ſint facienda mala, ut eveniant bona, bene tamen permittenda. De quo vide ſuprà, an ex duobus malis culpæ poſſimus conſulere minus.

Quæri hic poſſet, an homo teneatur proximum corrigere cum periculo vitæ? Sed de hoc patet ex diſiſis in hoc Tract. Exam. 7. n. 83.

## EXAMEN VII.

*De vitiis Charitatis oppoſitis, nimirum Odio, Diſcordia, Contentione, Seditione, Scandalo, Schiſmate, Bello, Duello, Rixa.*

*Odium 2. 2. q. 34. per 6. articulos.*

**R** Evidenda priùs diſta ſunt, quæ in Exam. 5. num. 7. & ſeqq. dicta ſunt de dilectione Dei, proximi, & inimici.

**QUÆRO** I. Quid, & quotuplex eſt odium?

**CIII. Reſp.** 1. Odium in genere eſt averſio voluntatis ab eo, quòd repræſentatur ut malum; nihil enim voluntas poteſt odiſſe, niſi ſub ſpecie mali; & nihil amare, niſi ſub ſpecie boni, licet in re non ſit tale. Hinc patet, quid in ſpecie ſit Odium Dei, & proximi, nimirum *averſio voluntatis a Deo, vel proximo ſub ſpecie mali, ſeu nocivi repræſentate.*

*Oppono* 1. Si ſolùm malum poteſt odio haberi,

quomodo poteſt quis odiſſe Deum, cùm ille ſit ſummè bonus?

*Explicat* hoc S. D. ar. 1. dicens: quòd Deus, ut eſt in ſe, non poſſit odio haberi, bene tamen ſecundum quòdam effectus, qui repugnant inordinatæ, & per peccatum depravatæ voluntati, ut ſunt inſidiæ poenæ, prohibiti peccatorum per Legem divinam, quos effectus vitia voluntas attingit, ut ſibi malos, moleſtos, &c.

*Reſp.* 2. Odium eſt duplex. Unum abominationis, alterum inimicitiae. Primum eſt averſio voluntatis ab aliquo, in quantum mihi, vel alteri, quem amo, malus apprehenditur. Secundum eſt, quo volo malum alteri perſonæ, ut illi malè ſit. Et per utrumque poteſt homo exardere in Deum, & in proximum. In Deum; ſi enim averſetur dictos effectus ut ſibi malos; eſt Odium abominationis in Deum; ſi Deo optet malum, v. g. ut delitueat ſua omnipotentia, ut deſinat eſſe, eſt Odium inimicitiae in Deum. Idem proportionabiliter dicitur de proximo, ut ſi voluntas eum attingat ut ſibi nocivum, vel ei optet malum.

*Sed* ſi proximus nequam eſt, nonne licet eum odio habere?

*Licet* quoad nequitiam, non quoad naturam, ſeu perſonam, ut explicatum eſt ſuprà.

**QUÆRO** II. Odium Dei eſtne peccatum, & quidem omnium graviſſimum?

**CIV. Reſp.** affirm. cum S. D. ar. 2. *Rationem* dat 1. Optimum opponitur peſſimum, ut patet per Philoſ. in 8. Ethic. Sed odium Dei opponitur dilectioni Dei, in qua conſiſtit optimum hominis. Ergo odium Dei eſt peſſimum peccatum hominis.

2. Deſectus peccati conſiſtit in averſione a Deo: Sed hæc averſio major eſt in odio Dei quàm in aliis peccatis. Ergo Min. prob. Quòd eſt per ſe, majus eſt eo, quòd eſt ſecundum aliud: Sed averſio a Deo in odio peccati importatur per ſe, in aliis autem peccatis, quaſi participativè, & ſecundum aliud. Ergo Min. prob. Per odium Dei homo averſitur a Deo, ſecundum ſe, & directè, in aliis autem peccatis, putà, cùm aliquis fornicatur, non averſitur a Deo ſecundum ſe, ſed ſecundum aliud, in quantum ſcilicet appetit inordinatam delectationem, quæ habet annexam averſionem a Deo. Ergo.

*Oppono* 1. Oninium graviſſima ſunt peccata in Spiritum Sanctum, utpote irremiſſibilia: Sed inter ea non eſt odium Dei. Ergo.

2. Peccatum conſiſtit in elongatione a Deo: Sed inſidelis, utpote non habens cognitionem Dei, magis eſt elongatus a Deo. Ergo inſidelitas eſt peccatum gravius odio Dei.

3. Odiſſe poenam non eſt maximum peccatorum: Sed Deus ſolùm odio habetur ratione effectuum, ſcilicet poenarum. Ergo.

Hæc omnia ſolvit S. D. ar. 2. cit. *Ad 1. ar. Si-*  
cut



cut Gregor. dicit: Aliud est bona non facere, & aliud est bonorum odisse datorem, sicut aliud est ex præcipitatione, aliud est deliberatione peccare. Ex quo datur intelligi, quod odire Deum omnium bonorum datorem, sit ex deliberatione peccare, quod est peccatum in Spiritum S. Unde odium Dei maximè est peccatum in Spiritum S. secundum quod peccatum in Spiritum S. nominat aliquod genus speciale peccati. Ideo tamen non computatur inter species peccati in Spiritum S. quia generaliter invenitur in omni specie peccati in Spiritum S. Hæc S.D. Ex quo patet dist. min.

*Ad 2.* Major est vera solum de elongatione voluntaria. Unde S.D. ait: Infidelitas non habet rationem culpæ, nisi in quantum est voluntaria. Et ideo tantò est gravior, quantò est magis voluntaria. Quod autem sit voluntaria, provenit ex hoc, quod aliquis odio habet veritatem, quæ proponitur. Unde patet, quod ratio peccati in infidelitate fit ex odio Dei, circa cujus veritatem est fides. Et ideo sicut causa est potior effectu, ita odium Dei est majus peccatum, quam infidelitas. Hoc ibi.

*Ad 3.* Maj. est vera de pœna secundum se, falsa de ea sumpta cum Auditore ejus. Unde S. Thom. ait: Non, quicumque odit pœnas, odit Deum pœnarum auditorem. Nam multi odium pœnas, qui tamen eas patienter ferunt ex reverentia divinæ justitiæ. Unde August. dicit 10. Confess. c. 18. Mala pœnalia Deus tolerari jubet, non amari. Sed prorumpere in odium Dei punientis, hoc est habere odio ipsam Dei justitiam, quod est gravissimum peccatum. Ita S.D.

**QUÆRO III.** Odium proximi estne gravius cæteris peccatis, non damna ex eo secuta?

*CV. Resp.* affirm. considerando de ordinatione nem peccati, non damna ex eo secuta.

*Declarat hoc S.D. ar 4.* Peccatum, quod in proximum committitur, habet rationem mali ex duobus. 1. Ex deordinatione peccantis. 2. Ex nocumento, quod infertur ei, contra quem peccatur, ut patet in homicidio, furto, adulterio, &c. Primo modo odium Dei est majus peccatum, quam exteriores actus, qui sunt in proximi nocumentum, quia per odium maximè, & ratione sui deordinatur voluntas, actus verò externi tantum sunt peccata, quia procedunt a quodam odio interiori, saltem virtuali, nec sunt peccata, si voluntas non sit deordinata, puta, cum quis ignoranter, vel Zele justitiæ hominem occidit. Sed quantum ad nocumentum, quod proximo infertur, peiora sunt exteriora peccata, quam interioris odium.

**QUÆRO IV.** Estne omne odium proximi peccatum?

*CVI. Resp. 1.* Odium abominationis proximi secundum ea quæ proximus a Deo, sive per

naturam, sive per gratiam habet, semper est peccatum.

*Ratio:* Bonum quia tale odio habere, est peccatum: Sed proximus sub dicta formalitate est bonus. Ergo.

*Quomodo ergo* explicas verba Christi Luc. 14. quibus vult, ad se venientes odisse Patrem, & Matrem?

*Explicat* intelligendo, vel ut odisse idem sit, ac postponere, relinquare, &c. vel ut sermo sit de affectibus inordinatis parentum, quibus nobis impedimento sunt in progressu virtutum, sub qua ratione sunt peccatores, & iniqui, qui ut tales odio haberi possunt, & debent, juxta illud Psal. 138. *Perfectio odio oderam illos.*

*Resp. 2.* Omne odium inimicitiae proximi est peccatum.

*Ratio:* Quia per hoc desideratur alteri malum ut malum est, quod semper rectæ rationi repugnat. Ergo.

*Resp. 3.* Odium etiam proximi per se, seu ex genere suo est peccatum mortale.

*Ratio:* Quia opponitur Charitati. Dixi *per se*, quia per accedens sit veniale. 1. Propter actus imperfectionem, ut, quia non est cum deliberatione perfecta. 2. Propter exiguitatem objecti, ut quia proximo optat malum, sed leve.

**QUÆRO V.** Licetne de alterius malo gaudere, de bono dolere?

*CVII. Resp.* sub dist. ex motivo aversionis, & displicentiae personæ illicitum est.

*Ratio:* Quia tale gaudium, & tristitia contrariantur Charitati, nec aliunde possunt oriri quam ex interno odio. Ex motivo honesto (quod omni aversione caret) non est illicitum, v.g. optare mortem prædoni, ut negotiatio fiat securus: ægritudinem peccatori, ut convertatur ad Dominum: dolere, quod homo iniquus adeptus sit officium, quia male tractatus est populus.

*Ratio:* Quia tale gaudium, & tristitia suam bonitatem, vel malitiam sumunt a motivo, ex quo eliciuntur, nec feruntur in malum proximi sub ratione mali, sed sub ratione boni: non enim desideratur mors prædonis, ut homicidium est, sed quatenus est causa quietis publicæ.

**QUÆRO VI.** Licetne proximo procurare malum iustis de causis, & modis?

*CVIII. Resp.* sub dist. Ex ira, aut motivo vindictæ est peccatum mortale, vel veniale juxta qualitatem odii, vel mali procurati.

*Ratio:* Quia licet causa sit justa, uti & modus, motivum tamen est malum; bonum autem confurgit ex integra causa, malum ex minimo defectu. Hinc Judex sententiam justam ferens ex ira, peccat mortaliter, licet non teneatur ad restitutionem.

*Resp. 2.* Procurare proximo malum ex motivo rationabili, non est peccatum, ut si procurando meam solutionem adducam proximum in debita,



ta, vel si sollicitem punitionem malefactoris, licet enim is inde patitur damnum, non tamen sumillius causa.

**Ratio** : Quia utor jure meo, & quamvis tam cito non exegissim, si me non offendisset, si tamen rationabile motivum habeo exigendi, v.g. incommodum, quod patior ex detentione pecunie mee, non dicor vindicare exigendo, sed potius denegare beneficium, quod præstare non teneor.

**QUÆRO VII.** Licetne sibi optare mortem?

**CIX. Resp.** sub dist. Si fiat ex motivo desperationis, est mortale; si fiat ex motivo bono, v. gr. ut quis ardentius Deum amet, ut Deum non amplius offendant, &c. peccatum non est.

**Ratio** : Quia in primo casu est contra Charitatem sui ipsius, non in secundo.

**Quid** si fecmina se sibi optet mortem, ut evadat sævitiæ mariti, a quodurissimè tractatur?

**Dico**, probabilius esse, quod mortaliter peccet, si fiat seriò, & cum plena deliberatione.

**Ratio** : Tum quia non est Domina suæ vitæ; tum quia delinquit contra Charitatem sibi debitam in materia gravi.

**QUÆRO VIII.** Licetne ob aliquod emolumentum temporale a terius mortem optare, saltem cum debita moderatione, ut si uxor marito, a quodurè tractatur, optet mortem ut a Deo ei infligendam?

**CX. Resp.** Probabilius negativè.

**Ratio** : Quia ratione præcepti Charitatis tenemur vitam proximi præferre commodo nostro temporali. Et certè opposita sententia asserens, quod hoc non tam sit velle malum proximi quàm bonum inde secuturum, in praxi periculosa est, quidquid de ea sit speculativè loquendo.

**Not.** Inter 65. Propositiones ab Innocentio XI. damnatas esse & has: N. 13. Si cum debita moderatione facias, potes absque peccato mortali de vita alicujus tristiari, & de illius morte naturali gaudere, illam inefficaci affectu petere, & desiderare, non quidem ex displicentia personæ, sed ob aliquod temporale emolumentum. Et n. 14. Licetum est absolute desiderio cupere mortem Patris, non quidem ut malum Patris, sed ut bonum cupientis: quia nimirum ei obventura est pinguis hæreditas. Et n. 15. Licetum est filio gaudere de parricidio parentis, a se in ebrietate perpetrato, propter ingentes divitias inde ex hæreditate consecutas.

**QUÆRO IX.** Quid sentis de infirmo, qui in doloribus clamat, conqueritur, tristatur, corpus agitat?

**CXI. Resp.** 1. sub dist. Si illæ externæ corporis commotiones leves sint, & moderatæ, & absque alia indecentia, nec demonstrent aliquam amaritudinem spiritus, resignationi, &

regulæ rationis oppositam, non sunt peccata.

**Ratio** : Quia sunt effectus naturæ sensibilis; quos animus, etsi pacatissimus, regere non semper potest, prout vellet, multi enim Sancti in doloribus clamaverunt.

**Resp. 2.** Si motus illi sint nimis violenti, & conjuncti cum indignatione, sunt peccata, sed non nisi venialia.

**Ratio 1. p.** Quia sic contrariatur virtuti patientiæ, cujus est confirmare animum ad moderandam tristitiam ex morbo proveniente.

**Ratio 2. p.** Quia omnia illa non sunt nisi quidam excessus doloris, & tristitiæ per talia externa corporis signa manifestatus, qui mortalis esse non potest, nisi ratione scandalii, aut alterius mali ex tali impotentia secuti.

**QUÆRO X.** Estne peccatum, desiderare, vel procurare malum animalibus proximi? De quo S. Thom. hic q. 76. ar. 2.

**CXII. Resp.** 1. sub dist. Si fiat ex odio proximi, malum optatum referendo in ipsum, est peccatum mortale. vel veniale secundum qualitatem mali desiderati, seu procurati.

**Ratio** : Quia hoc est odio habere proximum in suis animalibus.

**Resp. 2.** Si fiat ex causa rationabili, v.g. propter damnum, quod animalia inferunt, non est peccatum.

**Ratio** : Quia ad repellendum notabile damnum possunt etiam occidi. Ergo &c.

**Resp. 3.** Si fiat ex ira, & passione in ipsa animalia, absque odio, vel damno proximi, tantum est veniale, ratione iræ inordinatæ, non ratione animalium.

**Ratio** : Cum enim hæc homini sint subiecta, potest illa odio habere, percutere, occidere prohibito, secluso damno proximi. De his plura de imprecatione.

**QUÆRO XI.** Teneor ne in Confessione exprimere speciem mali, quod proximo optavi, vel de quo gavissus sum?

**CXIII. Resp.** Probabilius affirmo, loquendo consequenter ad sententiam nostram supra de circumstantiis intrà eandem speciem notabiliter aggravantibus. Et rationes ibi adductæ etiam hoc probant. Unde notabiliter gravius peccat, qui alteri optat mortem, pestem, gehennam, &c. quàm qui ei optat amissionem alicujus animalis, vel etiam pecunie, etsi in magna quantitate.

**Discordia q. 37. Contentio q. 38.**

Utrobique per 2. artic.

**QUÆRO XII.** Discordia quid, & quando peccatum est?

**CXIV. Resp.** 1. Cum S. Thom. q. 37. ar. 1. Discordia est vitium inclinans ad ordinatè ostendendum, nostram voluntatem voluntati

tati alterius præstare. Vel, Discordia est, quæ quis voluntati alterius de bono divino, aut humano, cui debet consentire, scienter, & ex intentione contrariatur.

*Resp. 2.* Discordia formalis, seu ex intentione talis, est peccatum mortale ex genere suo.

*Ratio:* Quia directè est contra concordiam Charitatis juxta S. Thom. Dixi ex genere suo, quia sit veniale propter imperfectionem actus, vel ex parte volentis, ut si sit motus primus discordiæ, vel ex parte materiæ, ut si sit in re levi; est autem res levis, quæ non est necessaria ad salutem, v.g. non velle fugere mendacia merè officiosa.

Notanter dicitur in 2. definitione (ait Cajetanus *cui debet consentire*, quia completum discordiæ peccatum tollit concordiam, non quamcumque, sed debitam, quia scilicet ex debito est, aut esse debet inter proximum, & se, aut alium, circa bonum divinum, vel proximi necessarium; quod si unus æstimet tale, alter contrarium opinetur, vel sentiat, est discordia. Si enim quis nolit concordare cum proximo ad bonum supererogationis (putà, ad ingrediendum simul Religionem) non spectat ad vitium discordiæ, quia ad hoc bonum non tenetur consentire.

**QUÆRO XIII.** Contentio quid, & quando peccatum est?

*CXV. Resp. 1.* Contentio est vitium inclinans ad inordinatè altercandum: Nam S. Thom. qu. 38. a. 1. ait: Contendere est contra aliquem tendere. Unde sicut discordia contrarietatem quandam importat in voluntate, ita contentio importat eam in locutione.

*Resp. 2.* Contrarietas locutionis potest attendi dupliciter, ait S. Thom. ibidem: Uno modo quantum ad intentionem contendentis; si enim contrarietur veritati, est vituperabile; si falsitati, est laudabile. Alio modo quantum ad modum, & sic considerandum est, an talis modus contrariandi conveniat & personis, & negotiis, quia hoc est laudabile: vel an excedat convenientiam personarum, & negotiorum, & sic contentio est vituperabilis.

*Resp. 3.* Si contentio pugnet contra veritatem cognitam, quoad gravitatem peccati judicanda est juxta naturam veritatis; hoc est, si veritas impugnata, est veritas Fidei, aut necessaria ad salutem alicujus, sive quantum ad animam, sive quantum ad corpus, sive quantum ad res, seu famam; & breviter, sive veritas est talis, ut ejus mendacium esset perniciosum, Contentio pugnans contra eam est perniciofa, ideoque peccatum mortale; si verò non sit mendacium perniciosum, erit veniale ut explicat Cajet.

Hoc intelligitur de Contentione formali, seu de eo, qui intentione pugnat contra veritatem, si enim fieret disputationis, vel exercitii

*Tribunal Confessoriorum.*

gratia, est laudabilis, nisi fortè esset excessus in modo, ac clamore, ratione cujus potest fieri peccatum veniale, immò mortale, si adesset scandalum trahens ad mortale.

*Schisma.*

*De hoc, occasione Hæresi, & Apostasie, ad quas Schisma propè accedit, actum est supra Tract. 7. Exam. 3. n. 58.*

*Bellum.*

*De quo S. Thom. quæst. 40. per 4. art.*

**QUÆRO XIV.** Bellum quid, & quotuplex, & quæ ratione licitum?

*CXVI. Resp. 1.* Bellum est congressio plurium, vi, & armis facta contra extraneos. Differt a duello, quod hoc sit paucorum contra paucos, sive concives sint, sive extranei. Item a seditione, hæc enim est plurium contra plures in eadem Republica.

*Resp. 2.* Bellum aliud est defensivum, quod assumitur ad injuriam (quæ moraliter est in fieri) repellendam: aliud offensivum, quod assumitur ad obtinendam satisfactionem pro injuria jam illata.

*Resp. 3.* Utrumque bellum per se est licitum. Ita S. D. art. 1.

*Ratio:* Iure naturæ omnibus concessum est vim vi repellere. Ergo licitum est bellum defensivum. Dein, si non esset quandoque licitum bellum inferre (quod est offensivum) posset Princeps absolutus, seu Respublica Superioriorem non agnoscens aliis impunè inferre quamcumque injuriam: Sed hoc nemo admittet. Ergo.

Dixi in R. 3. per se: Quia bellum per accidens potest fieri illicitum ex defectu conditionum requisitarum ad bellum justum. Pro quo.

*Resp. 4.* Tria requiruntur ad bellum justum, quæ assignat S. Tho. cit. art. 1. in c. *Primò* auctoritas Principis, cujus mandato bellum est gerendum. Non enim pertinet ad personam privatam bellum movere, quia potest jus suum in judicio Superioris prolequi. Similiter etiam convocare multitudinem, quod in bellis oportet fieri, non pertinet ad privatam personam. Cum autem cura Reipublicæ commissæ sit Principibus, ad eos pertinet Rempublicam tueri. Et sicut licitè eam defendunt materiali gladio contra interiores perturbatores, dum puniunt malefactores, Rom. 13. *Non sine causa gladium portat, minister enim Dei est, vindex in iram ei, qui male agit:* ita etiam ad eos pertinet gladio bellico Rempublicam tueri ab exterioribus hostibus. Tales Principes sunt Papa, Imperator, Rex Hispaniæ, Galliæ, Respublica, v.g. Veneta, Superioriorem non agnoscens.

*Secundò:* Requiritur causa justa, ut scilicet illi, qui impugnantur, propter aliquam cul-

R pam,

Probat hoc praxis piorum, ac prudentum. Supponitur autem, quod nunquam id liceat per se, & ex directa intentione; Res publica enim non habet dominium in vitam subditi, sicut habet in bona temporalia, sed solus Deus. De quo alibi.

*Quos intelligis per innocentes?*

*Intelligo Ecclesiasticos, qui nec sunt pars populi, nec trahunt arma, vel consilia belli. Item pueros, ac mulieres, simplices rusticos, & externos, calu versantes inter hostes, & armis eos non juvantes.*

*Quid si in urbe capta sint multi innocentes, & pauci nocentes?*

*Dico: Non licet expugnare eos cum periculo innocentum.*

*Ratio: Quia major pars trahit ad se minorem.*

Not. quod etiam obides dati, licet ex parte dantis fides sit violata, non possunt occidi, si in causa belli sint innocentes: possunt tamen captivari, immo & (si infideles sunt) in servitutem redigi; si autem sint nocentes, & addit culpa morte digna, possunt occidi.

*Resp. 5.* Stando in iure Gentium in bello iusto licet captivare hostes, immo & eorum infantes ratione carentes.

*Ratio: Quia infantes computantur inter bona nocentum, & Reipubl. contra quam iuste bellatur.*

*Resp. 6.* Infideles, id est, non baptizatos, uti & a Fide apostatas, contra Regem Christianum bellantes, licet redigere in servitutem.

*Ratio: Quia dispensatio in iure Gentium de non efficiendo mancipia inter Christianos in bello iusto captos (Christiani enim a Christianis capti, solum detinentur, usque dum pecunia redimantur) facta est in favorem Fidei: Sed hanc non habent infideles, & Apostatae eam reliquerunt. Ergo.*

*Quid si inter hos sint innocentes, cogniti ut tales?*

*Dico, non fieri mancipia, licet sint adulti, bene tamen innocentes ratione carentes, ob rationem ante datam. Et hoc præsertim, si Belli. Dux tulisset poenam, si ipsi rebellent, etiam ipsorum infantes mancipia futuros.*

*Quid sentis de reis, seu nocentibus iusto bello captis, possuntne occidi?*

*Dico, Possunt, speculato rigore iustitiæ; sed charitas exigit, ut salvo bono communi Belli-Dux sanguini parcat.*

*Dixi, salvo bono communi. Si enim contra hostes valde pertinaces securitas aliter obtineri non possit, vel damnari, aut convicti essent de magno crimine, v.g. perduellionis, aut lesæ Majestatis, occidi possunt.*

*Servi in bello etiam iusto capti possuntne fugere?*

*Affermo: sicut alibi docetur de iuste incarcerationato.*

**QUÆRO XVI.** Spolia a militibus capta cujus sunt?

**CXIX.** Ante R. *Suppono* t. quod Galicubi sit moris, ut omnia spolia deferantur ad Ducem, ut is ea pro meritis distribuat, illum morem servandum esse.

*Suppono 2.* Quæstionem esse de bonis mobilibus, & immobilibus pertinere ad Principem, cum hac tamen differentia, quod si inter ea sint aliqua ab hoste (cui auferuntur) iniuste possessa, restituenta sunt primis Dominis, si illi non sint hostes. His suppositis

*Resp.* verbis S. Thom. in 4. q. 66. artic. 8. ad 1. Circa prædam distinguendum est: Quia si illi, qui depravantur hostem, habeant bellum iustum, ea, quæ per violentiam in bello acquirunt, eorum efficiuntur, & hoc non habet rationem rapinæ: unde nec ad restitutionem tenentur, quamvis possint in acceptione prædæ, iustum bellum habentes peccare propter cupiditatem ex prava intentione, si scilicet, non propter iustitiam, sed propter quædam principaliter pugnent. Dicit enim August. in lib. de verb. Dom. quod propter prædam militare peccatum est. Si verò illi, qui prædam accipiunt, habeant bellum iniustum, rapinam committunt, & ad restitutionem tenentur. Hæc S. D.

Ex quo patet, quod bona mobilia in bello iusto in prædam capta non computentur in satisfactionem rei, pro qua bellatur, sed siane capientium, postquam ad locum tutum delata fuerunt. Ita enim iure Cæsareo statutum est, & videtur esse de re boni communis, tum ad lites vitandas, tum ad milites animandos.

Excipiuntur bona, quæ gaudent iure postliminii, v.g. bestię, boves, equi, naves, & currus onerarii, vehentes commeatum, si hostis, v. gr. Turca, talia rapiat, per nostros milites verò recuperentur, debent reddi illis, quorum ante erant. Pro quo ex Sylvestro

Not. Postliminium esse jus, quo restituitur alicui res usucapta, vel præscripta, quam propter captivitatem, vel servitutem amiserat, a qua reversus est. Item jus postliminii est jus amissæ rei recipiendæ ab extraneo in statum pristinum restituentæ, moribus, legibusque constitutum, ut, si quis aliquid perdidit in bello, illi restituantur, si postea recipiantur.

**QUÆRO XVII.** Potestne Princeps tuta conscientia circa indictionem belli, ejusque prosecutionem sequi sententiam probabilem, ac minus securam relicta probabiliore? & quid agendum militi in casu, quo est dubium de iustitia belli?

**CXX.** *Resp. 1.* ad 1. partem quæstionis probabilis negativè.

*Ratio* hujus patet in Tra& 1. Exam. 3. n. 33.

R. 2. *Resp. 2.*

*Resp. 2.* Miles quicumque, sive officialis, sive gregarius paratus bellare in bello iusto, & iniusto, est in malo statu.

*Ratio:* Qui amat periculum, peribit in illo: Sed talis exponit se periculo peccati mortalis. Ergo.

Intelligitur autem resolutio, si ex parte ejus contra quem movetur bellum, etiam sit sententia probabilis. Hinc inter Christianos iusta bellum indicendi causa debet, omnibus recte ponderatis, saltem moraliter loquendo esse certa, & evidens.

Si causa sit dubia, & agatur de re ab alio possessa, melior est conditio possidentis, nec potest per bellum possessione spoliari: Si res a neutro sit possessa, debet per Jurisperitorum sententias dubium decidi. Si uterque habet æque multos pro se sentientes, debet res dividi, si divisibilis sit: vel fors mitti, si dividi nequeat.

*Resp. 3.* Miles dubitans de iustitia belli, si sit subditi Principis bellantis, aut ab eo conductus, tenetur practicè dubium deponere, & bellare.

*Ratio:* Ad militem, si aliàs non sit Consiliarius, non pertinet examinare casus belli, sed habet se, ut Lictor, qui exequitur sententiam Judicis, ut ait noster de la Cruz, nec Princeps cuius militi tenetur reddere rationem belli. Vide de Conscientia dubia in Tract. 2. Exam. 1.

*Resp. 4.* Alii, qui non sunt subditi Principis bellantis, nec ab eo conducti, si de iustitia belli dubitent, non possunt in eo bellare.

*Ratio:* Quia non tenentur obedire, ut patet, cum stipendium non accipiant, nec subditi sint; Et aliàs bellando se exponunt periculo peccati mortalis in irrogatione damnorum.

**CXXI.** *Potestne dari bellum ex utraque parte iustum?*

*Dico,* impossibile esse per se loquendo. Quia juxta Dialecticos ex duabus propositionibus contradictoriis una necessario est falsa. Potest tamen esse per accidens, propter invincibilem ignorantiam juris alterius partis.

**QUÆRO XVIII.** Teneturne Princeps oblata iusta satisfactione, a bello (licet jam cæptum sit) desistere.

**CXXII.** *Resp.* Probabilius affirmat. *Ratio:* Quia sublata injuria, & actione, non restat belli causa: Sed juxta Juristas per dignam satisfactionem tollitur injuria, & actio. Ergo.

*Quid si illi,* qui bello impugnantur, Principi bellanti intulissent injuriam valde atrocem, v.g. Patrem, Fratrem, aut alium propinquum contra omnes jus occidendo?

Sentiunt nonnulli DD. quòd in hoc casu Princeps offensus non teneatur a bello cessare, nisi oblata satisfactio esset de summo rigore iustitiae, sic ut non tantum compenlaretur to-

tum interesse, sed & nocentes neci darentur. Verum aliis Canonistis, & Theologis sanior meritò videtur sententia, dicens & hoc punctum esse moderandum ex æquitate, & pio arbitrio boni Principis, considerando maxima damna, quæ ex bello pullulant, ne peccetur contra verba Sancti Aug. allata nu. 117. in tertia conditione iusti belli.

**QUÆRO XIX.** Licetne Principi Christiano in auxilium vocare infideles, v.g. Turcas, vel in bello eos juvare?

Hæc Q. resoluta est in Trac. 7. Exam. 3. n. 46.

**QUÆRO XX.** Estne Clericis, & Episcopis licitum bellare?

**CXXIII.** *Resp.* cum S. Thom. art. 2. negativè. *Ratio* S. D. est: Bellica exercitia hominem maxime a divinorum contemplatione avertunt, & ad humani sanguinis effusionem tendunt. Ergo non licet spiritualibus Personis, nisi in articulo necessitatis. Unde Apost. 2. Tim. 2. Nemo militans Deo implicat se negotiis secularibus. Et (ut arguit S. Thom. in Sed. Cont.) Matth. 26. Petro in persona Episcoporum, & Clericorum dicitur: Convertite gladium tuum in vaginam.

*Oppono* 1. Episcopi, & Clerici tenentur defendere suas oves. Sed id nequeunt sine armis. Ergo iis uti possunt.

2. Episcopi, & Clerici licet alios ad bellandum inducere. Ergo & bellare. Quod enim quis facit per alium, per se ipsum fecisse censetur.

3. Quod secundum se est honestum, Prælati, & Clerici non est illicitum: Sed, ut dictum est, bellare quandoque est honestum, immò meritorium. Ergo.

Hæc omnia solvit S. Tho. art. 2. *Ad* 1. Min. est vera de armis spiritualibus. Verba S. Thom. sunt: Prælati debent resistere non solum lupis, qui spiritualiter interficiunt gregem, sed etiam raptoribus, & Tyrannis, qui corporaliter vexant: non autem materialibus armis in propria persona utendo, sed spiritualibus, quæ sunt salubres admonitiones, devotæ orationes, contra pertinaces excommunicationis sententia.

*Ad* 2. dist. Conf. Ergo eis licet bellare physice, N. moraliter C. Conf. Verba S. D. sunt ad 2. Prælati, & Clerici ex auctoritate Superioris possunt interesse bellis, non quidem ut ipsi propria manu pugnent, sed ut iuste pugnantibus spiritualiter subveniant suis exhortationibus, absolutionibus, & aliis spiritualibus subventionibus: Sicut & in veteri Lege mandabatur Josue 6. quòd Sacerdotes sacris buccinis in bellis clangerent, quòd autem aliqui propria manu pugnent, abusivis est. Et ad 3. ait: Ad Clericos pertinet disponere, & inducere alios ad bellandum bella iusta. Non enim interdicitur eis

cis bellare, quia peccatum sit, sed quia tale exercitum eorum persone non congruit.

*Ad 3. N. maj.* Nam (ut ait S.D. ad 4.) actus matrimonialis secundum se est honestus, & meritorius, & tamen virginitatem voventibus redditur damnabilis propter obligationem ad majus bonum. Vel dist. maj. Hoc non est illicitum secundum se, Cratone conditionis personæ, N. Excipiuntur aliqui casus. 1. Si sint Clerici, v.g. Episcopi habentes dominium temporale cum auctoritate incendiendi bellum, hi enim bellum indicere, & pro eo ducem instituiere possunt, non tamen semper eo ipso propriis manibus pugnare. 2. Possunt pugnare ex dispensatione Papæ, quia prohibitio solum est juris humani. 3. Si Clerici non possint vitam tueri aliter quam pugnando. 4. Si per Clericorum pugnam Civitas possit conservari, vel ex ea pendeat victoria in bello iusto. 5. Si Clericus sine notabili suo periculo possit pugnando eripere innocentem.

**QUÆRO XXI.** Clerici spiritualibus mediis militibus assistentes, gaudent ne hostium spoliis?

*CXXIV. Resp. affirm. Ratio:* Juxta Reg. Juris, qui sentit onus, sentiat & commodum: Sed dicti Clerici sentiunt onus belli, ejus periculis se exponentes, suntque pars exercitus. Ergo etiam sentire debent commodum spoliis. Et quamvis hoc ita sit, sedulo tamen cavere debent scandala pusillorum, & ne notentur labearitatem.

*Possuntne ipsi Clerici ab hoste spoliari?*

*Dico,* non posse, si in bello per se ipsos non pugnent.

*Ratio.* Quia ipsi, eorumque bona gaudent privilegio immunitatis Ecclesiasticæ.

*Possuntne in bello iusto Ecclesiæ devastari, dirui, incendi?*

*Dico:* Per se, & ex intentione directa non possunt, ob rationem mox datam: bene tamen per accideos, si victoria aliter obtineri non possit. Et hoc solum verum est de Ecclesiis incastellatis, seu instar Fortalitii munitis, ut ex iis hosti vis inferatur, licet exinde etiam per accideos sequatur concrematio imaginum, & similia.

*Sed, quid si templa essent fortificata, seu incastellata præcisè pro defensione personarum Ecclesiasticarum, aut aliorum innocentium, aliter se defendere non valentium?*

*Dico,* Non posse dirui, vel incendi ob rationem ante datam: attamen arma, & tormenta bellica ibi collecta possunt abduci, ne hosti serviant. Hæc omnia supponunt iustitiam belli.

**QUÆRO XXII.** Licetne in bello iusto uti insidiis?

*CXXV. Resp.* sub dist. cum S. Thom. art. 3. sic discurrente: Insidiæ ordinantur ad fallendum hostes. Duplicitèr autem aliquis potest falli

*Tribunal Confessoriorum.*

ex facto, vel dicto alterius. Uno modo ex eo; quod ei dicitur falsum, vel non servatur promissum, & istud semper est illicitum. Et hoc modo nullus debet hostes fallere. Sunt enim quædam iura bellorum, & fœdera etiam inter ipsos hostes servanda, ut Ambr. dicit in lib. de Officiis. Alio modo aliquis potest falli ex dicto, vel facto nostro, quia ei propositum, aut intellectum non aperimus. Hoc autem facere non tenemur: Quia etiam in doctrina sacra multa sunt occulta, maxime infidelibus, ne irrideant, secundum illud Matth. 7. Nolite san-  
tum dare canibus. Unde multo magis ea, quæ ad impugnandum inimicos paramus, sunt eis occulta. Unde inter cætera documenta rei militaris hoc præcipue ponitur de occultandis consiliis, ne ad hostes perveniant; ut patet in libro Stratagematum Francorum. Et talis occultatio pertinet ad rationem insidiarum, quibus licitum est uti in bellis iustis. Nec propriè huiusmodi insidiæ vocantur fraudes, nec iustitiæ repugnant, nec ordinatæ voluntatis. Esset enim inordinata voluntas, si aliquis vellet nihil sibi ab aliis occultari. Hæc S.D.

Idem in Sed Contra probat ex S. Aug. dicente in lib. 83. qu. Cum iustum bellum suscipitur, ut aperte pugnet aliquis, an ex insidiis, nihil ad iustitiam interest. Et hoc probat auctoritate Domini, qui mandavit Josue, ut insidias poneret habitatoribus civitatis Hai, ut habetur Josue 8. **QUÆRO XXIII.** Licetne bellare in die festo?

*CXXVI. Resp.* Licet, si sit necessitas. Ita S. D. a. 4. sic discurrens: Observatio festorum non impedit ea, quæ ordinantur ad hominis salutem etiam corporalem. Unde Dominus arguit Judæos dicens Joann. 7. Mihi indignamini, quia totum hominem salvum feci in Sabbato? Et inde est; quod Medicis licet possint medicari homines in die festo. Multo autem magis est conservanda salus Reipublicæ, per quam impediuntur occisiones plurimorum, & innumera mala, & temporalia, & spiritualia, quam salus corporalis unius hominis. Et ideo pro tuitione Reipublicæ fidelium, licitum est iusta bella exercere in diebus festis, si tamen hoc necessitas exposcat. Hoc enim esset tentare Deum, si quis imminente tali necessitate vellet a bello abstinere. Sed necessitate cessante non est licitum bellare in diebus festis propter rationes inductas, quia festa per se sunt ordinata ad vacandum divinis. Hæc S.D.

**QUÆRO XXIV.** Potestne Princeps sine subditorum consensu damna per bella illis illata remittere in tractatu pacis? Et, quid in specie sentis de damnis Ecclesiarum?

*CXXVII. Ante R. Not.* per damna hic non intelligi impenas, sed devastaciones, & similia. Hoc notato

*Resp. r.* Si Princeps subditis invitis gesserit



bellum injustum, tenetur, etiam de suo, refarcire damna.

*Ratio* : Quia omnis, qui damnum dedit, compensare tenetur.

*Resp. 2.* Si bellum fuit iustum, tenetur omnem movere lapidem, ut subditis damna compensentur. Si vero damnis non remissis, non possit obtinere pacem, quæ tamen Reipubl. sit valde necessaria, potest etiam contra subditorum voluntatem damna remittere.

*Ratio* : Quia sic remittendo utiliter agit pro subditis, & bonum commune promovet, quod Principi ex officio incumbit.

*Resp. 3.* Princeps Laicus, seu Sæcularis sine consensu Ecclesiæ potest remittere damna illata Ecclesiis.

*Ratio* : Quia de bonis Ecclesiarum disponere est extra spheram ejus.

**QUÆRO XXV.** Estne sœdus, seu fides hosti etiam infideli, vel hæretico servanda?

**CXXXVIII.** Ante R. Suppono Iermonem esse de fœdere, quod ex objecto suo bonum est, si enim est malum, non est obligatorium. Item Quætionem esse de fide publica, id est, data a Principe, Republ. Communitate, &c. si enim sit sœdus a privato initum cum privato, vel aliena Republ. aut Principe, & cedat in præjudicium propriæ Reipubl. vel Principis (cui privatus præjudicare nequit, & cujus jus in privatorum pactis excipitur) potest dissolvi. Hoc supposito

*Resp. 1.* Fides publica hosti, etiam injuste vexanti, seu injustum bellum gerenti data, est servanda, licet danti sit perniciosa. Ita S. Th. hic art. 3. in c. ex S. Ambrol. dicente : *Sunt quedam jura bellorum, & fœdera etiam inter ipsos hostes servanda.*

*Ratio* : Tum quia hoc est de Jure Gentium, tum etiam, quia aliàs nulla pax, aut societas in humano genere subsistere posset.

*Resp. 2.* Fœdus a duobus Principibus Catholicis inter se initum non potest pontificia auctoritate per dispensationem, aut juramenti relaxationem dissolvi directè.

*Ratio* : Quia Pontifex directè non potest annullare ea, quæ sunt Juris Gentium.

*Resp. 3.* Si sœdus illud successu temporis cedat in magnum detrimentum Ecclesiæ, potest Papa ex plenitudine potestatis tunc illud rescindere indirectè, nimirum, vel alteram partem compellendo, ut obligationem Ecclesiæ nocivam remittat; vel, si nolit, propria auctoritate eam relaxando.

*Ratio* : Quia Reges, & Principes, qui se Ecclesiæ Catholicæ Filios prohtentur, fœdera inter se ineunte, censentur involvere hanc conditionem, si non cedat in Ecclesiæ perniciem.

*Resp. 4.* Si Princeps, seu Rex Christianus sœdus publicum ineat cum infidelibus, id est, cum

non baptizatis, v.g. Turcis, illud Papa, nec directè, nec indirectè relaxare potest.

*Ratio* : Papa nihil potest facere, quod cedit in damnum, & contemptum Ecclesiæ : Sed hoc cederet in damnum Ecclesiæ. Ergo. Min. prob. Religioni Catholicæ ejusque Principibus nihil magis damnosum, ac indecorum est contra omnium Gentium Jura, quàm violare fœdera, & fidem publicè datam, cum audior Fidei nostræ sit ipsa veritas, & veracitas per essentiam, nec fallere, nec falli valens, cujus nomen exinde apud omnes alias Nationes multum blasphemaretur. Ergo.

*Sed posset esse*, quod illud sœdus postea cedat in perniciem Ecclesiæ, a quo tunc sperandum, & petendum auxilium?

*Dico*, ab eo, qui dixit : Ego vobiscum sum usque ad consummationem Sæculi, qui est summus Ecclesiæ (quam ipse supra petram ædificavit) Rector, & Defensor, qui non vult fieri mala, ut veniant bona, quod tamen in eo casu fieret, quia peridia, seu violatio fidei datæ peccatum est.

*Resp. 5.* Idem dicendum est de fide publica a Catholicis data hæreticis, quamdiu ipsi fidem servare sunt parati.

*Ratio* est eadem, quæ ante. Et militat contra hæreticos blaterantes, docere Catholicos, hæreticis fidem servandam non esse, sed cum consensu Papæ eam posse violari, quæ de causa ipsi in omni fœdere cum Catholicis inito excludi volunt Pontificiam relaxandi facultatem.

*Oppono* : Hæretici de juratione baptismi sunt subjecti jurisdictioni Ecclesiæ. Ergo ab ea possunt compelli, ut remittant fidem datam, quæ cedit in Ecclesiæ damnum : vel si id nolit, potest per Ecclesiam relaxari.

*Diff. conf.* Si illud compelli non cedat in majus Ecclesiæ damnum, & contemptum, C. secus, N.

*Opponitur 2.* ipsimet hæretici : Joanni Hussio a Concilio Constantienfi datus fuit Salvus Conductus : Sed ille fuit ab ipsis violatus. Ergo.

*Ad hoc* N. maj. quæ probari non potest. Salvum Conductum Hussio dedit Sigismundus Imperator, sed eum non violavit.

*Ratio 1.* Hussio post Salvum Conductum arripuit fugam a Cæsare sub pœna capitis ei vitæ. 2. Salvus Conductus Hussio erat datus in forma Juris communis, id est, salva justitia, qualiter ipsa Synodus Sess. 6. Hieronymo Pragensi dedit omnem Salvum Conductum a violentia, justitia semper salva. 3. Potestas sæcularis, ut potest inferior, non potest dare Salvum Conductum, qui præjudicat Ecclesiasticæ, ut non possit inquirere de erroribus Personarum, & procedere contra pertinaces, ut declaratur in ipsa Synodo Sess. 19.

*Representa.*

**QUÆRO XXVI.** Sûntne licitæ? & quid sût?

CXXIX.

**CXXIX. Resp. 1.** Reprefaliæ dictæ sunt a re, & prehendo, quasi literatæ apprehensionis, ut explicat Sylvester, sicut, cum quis apprehendit res alienas illius, qui apprehendit suas. Et sumitur, vel pro quali apprehensione, vel pro auctoritate, quam Princeps, vel Respublica suis subditis iniustum damnum passis facit invadendi terram, & occupandi bona eorum, qui damnificaverunt, utque ad justam damni compensationem.

**Resp. 2.** Depotestate concedendi Reprefalias eodem modo discurrendum est, ac de potestate iudicandi, ac gerendi bellum, quam dictum est esse in solo Principe, vel Republica, Superiorem non agnoscente. Idem est de causis eas concedendi.

**Ratio :** Quia Reprefaliæ sunt quædam species belli.

**Resp. 3.** Reprefaliæ non sunt licitæ, nisi magna adsit necessitas, ut de bello dictum est, & ille, qui Communitati (quædamnum intulit), præsertim, fuerit monitus defacienda, vel impedienda satisfactio, & recuaserit.

**Resp. 4.** Reprefaliæ concedi, vel extendi nequeunt contra personas Ecclesiasticas, aut bonas eorum : & hoc sub pœna Excommunicationis latæ sententiæ in personas singulares, Interdicti verò in Communitatem, nisi talem præsumptam licentiam intrā mensem post diem concessionis, aut extensionis revocent. C. unic. de injuriis in 6. Idem sciendum est de aliis Privilegiatis, v.g. Ambasciatoribus, & aliis, quos nominat Sylvester V. Reprefaliæ. §. 8.

#### Duellum.

**QUÆRO XXVII.** Quid, & quotuplex, ac licitumne?

**CXXX. Resp. 1.** Duellum (ut Sylvester explicat) est quasi duorum bellum, quod etiam dicitur monomachia, id est, singularis, seu unius pugna, a monos, quod est unum; & machia, pugna. Est ergo *singularis certamen, seu deliberata duorum, vel paucorum pugna ex conditio inita cum periculo lationis, statuto tempore, & loco.*

**Resp. 2.** Diversi sunt fines, ob quos quis duellare posset. 1. Recreationis causa. 2. Ad ostendendas vires, vel artem. 3. Ut exploretur veritas rei dubiæ, de qua litigatur in Iudicio, vel extra. 3. Ad vindicandam injuriam.

**Resp. 3.** Duellum ex quacunque harum causarum susceptum, est illicitum, & peccatum mortale juxta tutiorem, & probabiliorem sententiam.

**Ratio pro 1. p.** Recreare se cum periculo mortis, vel gravis læsionis sui, aut proximi, est peccatum mortale, quod nemo negat. Ergo. **Pro 2. p.** est eadem ratio. **Pro 3. p.** Tum quia esset tentare Deum : Tum etiam, quia omnino superfluum

est, pro reo habere eum, qui ab altero superatur. Vel è contra. **Pro 4. p.** Tum quia omnis privata vindicta est illicita, etiam sub mortali, dum est in re gravi, uti est in presenti. Tum quia in duello æque posset succumbere ille, qui est injuriatus, quam qui injuriavit.

**Resp. 4.** Licitum est acceptare duellum pro defensione vitæ contra iniustum invasorem, etiam occidendo eum cum moderamine inculpate tutelæ, si nimirum aliter vita defendi nequeat. De quo infra Tract. 9. Exam. 2. n. 28.

**Ratio :** Quia in eo casu non est propriè duellum, sed iusta defensio sui.

**Resp. 5.** Si ex causa publica, nimirum ob commune bonum Reipubl. belli finem, & securitatem, Belli Duces Judicent magis expedire, ut bellum resolvatur in duellum, quale 1. Reg. 17. fuit inter David, & Goliath, tunc licitum est ex communiori sententia.

**Ratio :** Tum quia in eo casu cessat motivum, quo duellum redditur illicitum, quòd est conicere se in periculum mortis sine sufficiente causa; nam in hoc, uti & in casu R. 3. est causa sufficiens. Tum etiam, quia si ob fines in R. 4. dictos licitus sit, uti est confictus cum toto exercitu cum periculo plurimorum, a fortiori licet paucis contra paucos cum periculo paucorum.

Ex quibus patet, duos esse casus, in quibus duellum est licitum. Maxima verò difficultas est, an duellum sit licitum pro defensione honoris, famæ, respectus, seu ad vitandam ignominiam, quam Nobiles, vel belli Officiales subinde sibi configunt, eaque de causa ad duellum provocant, vel provocati comparent. Pro decisione

**Resp. 3.** Tutior, & practice probabilior, & in praxi omnino servanda est sententia docens, pro defensione honoris non posse indici, nec acceptari duellum, sive solemne, sive privatum. Ante probationem

Not. Duella alia esse solemnia, seu publica, alia privata : priora sunt ex conditio, & provocando ad certum locum, diem, cum char- tellis coram tellibus, Patris, ut vocant, fidejussoribus, cum periculo mortis, vel mutilationis. Privata verò sunt quidem, & sunt concertationes duorum ex conditio cum determinatione loci, & temporis, & cum dicto periculo; sed sine char- tellis, tellibus, fidejussoribus, &c. Hoc notato ad probandum R. 5.

Exclamo ex Matth. 18. v. 17. *Qui Ecclesiam non audierit, sit tibi sicut Ethnicus, & Publicanus.* Audite ergo Matrem vestram Ecclesiam : Concil. Trid. Sess. 25. de Reform. c. 19. sic statuit : Detestabilis duellorum usus, fabricante diabolo introductus, ut cruenta corporum morte animarum etiam perniciem luceretur, ex Christiano orbe penitus exterminetur. Imperator, Ro-



ges, Duces, Principes, Marchiones, Comites, & quocunque alio nomine Domini temporales, qui locum ad monomachiam in terris suis inter Christianos concesserint, eò ipso sint excommunicati, ac Jurisdictione, & dominio Civitatis, Castri, aut loci; in quo, vel apud quem duellum fieri permiserint, quod ab Ecclesia obtrinent, privati intelligantur: & si feudalia sint, directis Dominis statim acquirantur. Qui verò pugnam commiserint, & qui eorum Patrini vocantur, excommunicationis, ac omnium bonorum suorum proscriptio, ac perpetuæ infamiae poenam incurrant, & ut homicidiae juxta sacros Canones puniri debeant, & si in ipso confidit decesserint, perpetuò careant Ecclesiastica sepultura. Illi etiam, qui consilium in causâ duelli, tam in Jure, quàm facto dederint, aut alia quacunque ratione ad id quæquam suaserint, nec non speculatores, excommunicationis, ac perpetuo maledictionis vinculo teneantur, non obstante quocunque privilegio, seu prava consuetudine, etiam immemorabili. Hæc Conc. Trid.

D. Pius V. in Bulla, quæ incipit: *Ea, quæ a Prædecessoribus, &c.* plures alias addit poenas, ut penas criminis læsæ Majestatis, carceris, inhabilitatis ad testamentum faciendum, & similes, quas extendit ad eos, qui chartas provocatorias subscribunt, affigunt, vel publicant, cum privatione beneficiorum, & inhabilitate ad ea, si Ecclesiastici tale quid commiserint.

Gregorius XIII. in Bulla incipiente, *Ad tollendum, &c.* Decretum Tridentini extendit ad omnes illos, qui ex condito statuto tempore, & in loco convento duellum commiserint, licet nulli Patrini, aut socii ad id vocati fuerint, nec loci securitas habita, nec provocatoriae litteræ præcesserint. Quæ sunt duellum privata.

Clemens VIII. in Bulla, cujus initium, *Alius vices, &c.* confirmat, declarat, & extendit supra dictas Constitutiones Apostolicas, ut locum habeant etiam circa milites ex privata inimicitia inter se duellantes, eorumque Duces talia duella permittentes. Item in ea excommunicat etiam solum provocantem ad duellum, licet alter non acceptaverit, neque effectus pugnae secutus fuerit.

Alexander VII. per expressum decretum inter alias damnat hanc Propositionem: *Vir Equestrus ad duellum provocatus potest illud acceptare, non timiditatis notam apud alios incurrat.*

Ratio 1. Adducta est pro 4. parte R. 2.

Ratio 2. desumitur ex periculo animarum, prout Conc. Trid. cit. insinuat per illa verba: *Detestabilis duellorum usus, &c.* quæ sequuntur.

Ratio 3. Non est Christiani hominis, quantumcunque Nobilis, pro defensione honoris exponere se perpetuæ infamiae: Sed juxta Trident. duellantes incurrunt perpetuam infamiam, & alias gravissimas poenas. Ergo.

Ratio 4. Juri naturæ repugnat maximum hominis bonum exponere pro minori: Sed per duellum homo maximum bonum, quod in ordine naturali habet, scilicet vitam exponit pro minori, scilicet pro honore, & fama. Ergo peccat contra jus naturæ.

Nec verum est, quod acceptatio duelli (ut Pseudo-politici sibi imaginantur) habeat rationem defensionis, sub qua ratione aliàs licet vitam pro rebus temporalibus magni momenti exponere; non, inquam, verum est, quia restant aliæ viæ defensionis.

Ratio 5. Licet apud Atheistas, apud mundanos, apud exiles, Deum non timentes, Ecclesiam non reverentes (de quibus verus Christiicola curare non debet) ignominia tribuatur talis duelli recusatio, tamen apud timoratos, & sapientes id honoris adscribitur, & recusans merito laudatur tanquam timens Deum, & reverens Ecclesiam. Ergo.

Oppono 1. Vita, & fama pari passu ambulant, ut dici solet: Sed juxta dicta licitum est duellum, si aliter vita defendi non possit. Ergo pro defensione honoris, si aliter recuperari nequeat.

2. Provocatus ad duellum, vel provocans potest ante confiteri, & communicari. Ergo non exponit se periculo damnationis.

Ad 1. patebit R. infra de homicidio: pro nunc datur dilparitas, quia vix est casus, in quo honor aliter consuli non potest, quàm occidendo infamantem: potest enim ad iri ordinarius Juxta, vel adhiberi sequentes modi respondendi, quibus famæ consulitur. Supponitur autem, quod in casu posito vita aliter salvari non potest.

Ad 2. dist. ant. Potest sacrilegè, C. ant. validè, & cum fructu, N. ant. & cont. Itaque si ante duellum prius quis confiteatur, & communicet, plus obest, quàm prodest, & novum sacrilegium est. Nescit justitia Dei patrocinium dare criminibus. Nec fur signo crucis se munit, ut prosperetur in furto.

Quid ergo Provocatus respondebit provocanti, ut honori suo consulat?

Dico, respondere cum posse: Non recuso duellum ex timore, & desolatione animi, sed quia Deum offendere nolo, quia Dei, & Ecclesiae Leges respicio: Vel paratissimum duellum acceptare, si divinis, & Ecclesiae legibus non repugnaret. Vel Christiani hominis non est, cruenta morte se, aut proximum diabolo in sacrificium offerre; vel perpetuæ infamiae se exponere, quam incurrunt duellantes. Ubique armis invalsi fuero, armis me defendam, ut vitæ meæ consulam. Generaliter adhiberi potest quæcunque responsio, quæ non importat acceptationem formalis duelli.

Ex dictis varii resolvuntur Casus.

CXXXI. r. Si viri pugnis se excipiant, vel alio instru.

instrumento non periculoso, vel etiam mulieres capillos invicem sibi evellendo, non est duellum.

2. Sicut nec rixa, quæ concitatur ex subita ira. Hinc est grave peccatum sit, formaliter tamen duellum non est, si rixa in domo orta ex ira, etiam ex conventionem statim in viam, vel forum vicinum profluit, incohata rixa prosequentes, quia non est pugna perfectè deliberata. Ad duellum ergo requiritur, ut ineat deliberata, & ut loqui decet, frigido sanguine, ac temperato sine cholera. Indubiè autem impetus animi tollit deliberationem perfectam.

3. Si quis ab aliquo sibi occurrente, & ad pugnam provocante acceptet, & statim sine interposita mora pugnet, est graviter peccet, non tamen est formale duellum, quia non est ex conditio, vel conventio. Vide Not. post R. 5.

4. Si duo duellaturi ad pugnam jam parati strictis gladiis jam stent in præfixo loco, ex interventu autem amicorum pugna impeditur, uterque incurrit excommunicationem Clementis VIII. ut patet, licet non eam, quæ est in Bulla Gregorii XIII. ut pote dicentis, *monachiam commiserint*, hæc autem non committitur, ubi pugna non sequitur. Vide verba Con. Trid. cit. de luadentibus duellum.

5. Ad 4. capita possunt revocari actiones in Bullis prohibita, ob quas excommunicationes incurrantur. 1. Pugnantium in duello, provocantium, vel acceptantium. 2. Concedendum locum, aut non impediendum, si sint Domini, qui valent impedire, ne in suis terris committatur duellum. 3. Aliquo pacto cooperantium ad duellum, ut consilio, mandato, auxilio, favore, chartula, literis, intimatione, publicatione, licet provocatio, vel duellum actu secutum non sit. 4. Spectantium ex industria, seu studio se conferentium ad locum duelli, ex quorum præsentia duellantes fiunt audaciores. Hinc si quis casu transeat locum duelli, pedem non figens, vel tam latenter aspiciat, ut a duellantibus adverti non possit, non excommunicatur.

6. Quia iterum provocat non animo pugnandi, sed pro honoris sui defensione aliquot ictus inflegendum morali certitudine, quod nullum dampnum sit leturum, sed pax potius inde concilianda, is in foro conscientie potest excusari a pœnis, & censura duelli; licet enim accedat ad locum conventum, non tamen cum periculo læsionis: attamen in foro externo præsumetur duellum.

7. Privatio sepultura Ecclesiastica tantum infligitur decedentibus in ipso conflictu, ut sonant verb. Trid. cit. Hinc sententia id asserens etiam de iis, qui non statim, sed alio die moriuntur, est nimis rigida: nisi fortè supponat eos decedere imponentes, seu in peccato mortali: omnes enim sic morientes privantur sepultura Ecclesiastica.

8. Hoc etiam verum est, licet in loco duelli decedentes ante mortem dederint signa penitentia, & à Sacerdote casu interveniente fuerint absoluti. *Ratio*: Quia sepultura Ecclesiastica illis non denegatur præcisè idè, quia decedunt in peccato mortali, sed in pœnam, & detestellationem commissi duelli, ad deterrendos ab eo homines. Verum attendenda hic est consuetudo loci, juxta quam sepultura Ecclesiastica alicubi non denegatur illis, qui datus penitentia signis decedunt in duellis privatis. Plura dicuntur hac de re infra de homicidio, & restitutione pro eo.

Quæri hic potest, quis Confessarius absolvere possit duellantes? Sed hoc patebit, dum infra Tract. 1. 5. Exam. 2. n. 72. agetur de casibus reservatis de quorum numero est duellum.

*Exercitia ad res bellicas spectantia nimirum Torneamenta, Hasiludium, agitationes aurorum.*

**QUÆRO XXVIII.** Quid sunt, & licitane?

**CXXXII.** Ante R. audiantur verba S. Th. hic q. 40. a. 1. ad 4. dicentis: Exercitia ad res bellicas spectantia non sunt universaliter prohibita, sed inordinata exercitia, & periculosa, ex quibus occisiones, & deprædationes proveniunt. Apud antiquos exercitationes ad bella sine hujusmodi periculis erant, & idè vocabantur meditationes armorum, vel bella sine sanguine. Hæc ibi. Hoc præmissio

*Resp. 1.* Torneamentum, ut Sylvest. ait, secundum vulgare Italicum dictum est à circuitu, & regressione pugilum. Et est ludus, quo ad ostentationem virium, & audacia multi milites ex conditio conveniunt, & temerè congregiuntur, cum probabili periculo mortis, seu ut sæpè mortes hominum inde eveniant.

*Resp. 2.* Torneamentum est peccatum mortale, *Ratio*: Quia homo in illo exponit vitam, absque rationabili causa probabili periculo, & ut in pluribus in eo sequitur mors, vel mutilatio. Ergo.

*Resp. 3.* Moriens in torneamento incurrit pœnam privationis Ecclesiasticæ sepultura. Ita statuunt Jura Canonica.

*Resp. 4.* Hasiludium est ludus (ut ait Cajetan.) quo pro exercitatione bellica, aut pro solemnitate festivæ alicujus jucunditatis regie duo armati equites cõtra se invicè currunt cù lanceis.

*Resp. 5.* Hasiludium ex fuogeneris, seu per se peccatum mortale non est. Ita Cajet. *Ratio*: Ludi militares peccaminosi, & perniciosi sunt, ex nocumento personali, communiter seu per se, & ut in pluribus sequi solito; adus enim humani judicantur ex eo, quod ut in pluribus invenitur: Sed in hasiludio, ut in pluribus non sequitur tale nocumentum, nimirum mors, vel mutilatio, aut periculum ejus, ut supponit Cajetan. & in hoc differt a torneamento. Ergo.

Dixi, *ex genere suo*. Si enim hic, & nunc cum periculo mortis, vel mutilationis fiat, est mortale. Unde patet aliquando esse, aliquando non esse licitum.

*Resp. 6.* Ludus agitationis taurorum est, quo homines cum bestiis, seu tauris pugnant. Est peccatum mortale tam in eo, qui tauros agitat, quam qui agitari facit.

*Ratio* est eadem quæ de torneamento. Quia ex hac agitatione committitur sequuntur hominum dilaniationes, mortes, vulnera, osium rupturæ. Item ludus hic videtur hominem magis assuefacere ad hostem fugiendum, quam expectandum.

*Resp. 7.* Domini, qui ferarum agitationes permittunt, incurrunt excommunicationem latæ sententiæ. Et qui in hoc ludo moriuntur, privantur sepultura Ecclesiastica. Ita Bulla S. Pii V. quæ incipit: *De Salute*.

*Rixæ q. 1. per 2. a. Seditio q. 42. per 2. art.*

**QUÆRO XXIX.** Quid sunt, & quantum peccatum?

**CXXXIII.** *Resp. 1.* de Rixæ ex verbis S. Tho. 2. 1. inc. dicentis. Sicut Contentio importat quandam contradictionem verborum, ita etiam rixæ importat quandam contradictionem in factis. Unde super illud Gals. 5. rixæ, dicit Glossa, quod rixæ sunt, quando ex ira invicem se percutiunt. Et ideo Rixæ videtur esse quoddam privatum bellum, quod inter privatas personas agitur, non ex aliqua publica auctoritate, sed magis ex inordinata voluntate, & ideo rixæ semper importat peccatum. Et in eo quidem, qui alterum invadit injuste, est peccatum mortale. Inferre enim nocumtum proximo etiam opere manuali, non est absque peccato mortali. In eo autem, qui se defendit, potest esse sine peccato & quandoque cum peccato veniali, & quandoque cum peccato mortali secundum diversum motum animi ejus, & diversum modum se defendendi. Nam si solo animo propellendi injuriam illatam, & cum debita moderatione se defendat, non est peccatum, nec propriè potest dici rixæ ex parte ejus. Si verò cum animo vindictæ, vel odii, vel cum excessu debite moderationis se defendat, semper est peccatum. Sed veniale quidem, quando aliquis levis motus odii, vel vindictæ se immiscet, vel cum non multum excedit moderatam defensionem. Mortale autem, quando obfirmato animo in impugnantem insurgit ad eum occidendum, vel eum graviter lædendum. Hæc S. Thomas.

*Resp. 2.* De Seditioe ex verbis ejusdem S. D. q. 4. 2. 1. inc. ubi ait: Seditio est quoddam speciale peccatum, quod quantum ad aliquid convenit cum bello, & rixæ, quantum autem ad aliquid differt ab eis. Convenit quidem cum eis

in hoc, quod importat quandam contradictionem. Differt ab eis in duobus. Primò quidem, quia bellum, & rixæ important mutuam impugnationem in actu: sed seditio potest dici, si fiat hujusmodi impugnatione in actu, sine sit preparatio ad talem impugnationem. Unde Glossa 2. ad Corinth. 12. dicit: quod seditioes sunt tumultus ad pugnam, cum scilicet aliqui se præparant, & intendunt pugnare. Secundò differt, quia bellum propriè est contra extraneos hostes, quasi multitudinis ad multitudinem. Rixæ autem est unius ad unum, vel paucorum ad paucos. Seditio autem propriè est inter partes unius multitudinis inter se dissentientes, putà, cum una pars civitatis excitatur in tumultum contra aliam. Et ideo quia seditio habet speciale bonum, cui opponitur, scilicet unitatem, & pacem multitudinis, ideo est speciale peccatum. Hæc S. D.

*Resp. 3.* De peccato seditiois idem S. D. a. 2. in c. dicit: Manifestum est, quod seditio opponitur iustitiæ, & communi bono, & ideo ex suo genere est peccatum mortale, & tantò gravius, quanto bonum commune, quod impugnatur per seditioem, est majus quam privatum, quod, impugnatur per rixam. Peccatum autem seditiois primò quidem, & principaliter pertinet ad eos, qui seditioem procurant, qui gravissime peccant. Secundò autem ad eos, qui eos sequuntur, perturbantes bonum commune: Illi verò, qui bonum commune defendunt, eis resistentes, non sunt dicendi seditiosi, sicut nec illi, qui se defendunt dicuntur rixosi ut suprà dictum est. Hæc S. D.

*Scandalum. Q. 43. per 8. art.*

**QUÆRO XXX.** Quid est, quotuplex, & quale peccatum?

**CXXXIV.** *Resp. 1.* Scandalum bene definitur esse dictum, vel factum minus rectum, præbens proximo occasionem ruinæ. Ita S. Tho. a. 1. qui definitionem sic explicat.

Quod græcè dicitur scandalum, nos offensionem, vel ruinam, & impactionem pedis possumus dicere. Contingit enim, quod quandoque aliquis obex ponitur alicui in via corporali, cui impingens disponitur ad ruinam: & talis obex dicitur scandalum. Scimiliter in processu viæ spiritualis contingit aliquem disponi ad ruinam spiritualem per dictum, vel factum alterius, in quantum scilicet aliquis sua admonitione, aut exemplo alterum trahit ad peccandum, & hoc propriè dicitur scandalum. Nihil autem secundum propriam rationem disponit ad spirituale ruinam, nisi quod habet aliquem defectum rectitudinis. Hæc S. D. Ergo.

In data definitione sub dicto, vel facto intelligitur etiam omisso alicujus dicti, vel facti, quod

quod dici, aut fieri deberet: eo ferè modo quo supra Tract. 4. Exam. 2. n. 29. definitio peccati applicata fuit peccato omissionis. Hinc scandalum debet esse actus externus, vel ejus omiffio.

Dixi in definitione, *minus rectum*, cujus sensus non est, quòd sit rectum, seu minoris reſtitutidinis, quam aliud actus, sed ly *minus* est idem, ac *non*. Vel, quia est secundum se malum, sicut peccatum, vel quia habet speciem mali, sicut cum quis recumbit in idolo (ut ait S. Th. 2. 1. ad 2.) quamvis enim hoc secundum se non sit peccatum, si non fiat ex corrupta intentione, tamen quia habet quandam speciem mali, vel similitudinem venerationis idoli, potest alteri præbere occasionem ruinæ. Et ideo Apost. monet 1. ad Thessal. 5. Ab omni specie mala abstinete vos.

Ex his patet, sermonem hunc non esse de scandalum large sumpto, ut significat quodvis impedimentum, qua ratione Christus Matth. 16. Petro ex quodam erga Christum pietatis affectu passionem ejus impedire volenti dixit: *Scandalum mihi es*, id est, impedimentum.

Resp. 2. Scandalum est duplex, nimirum activum, & passivum. Quod S. D. 2. 1. ad 4. sic declarat. Dicitur, vel factum alterius potest dupliciter alteri esse causa peccandi. Uno modo per se, alio modo per accidens. Per se quidem, quando aliquis suo malo verbo, vel facto intendit alium ad peccandum inducere: vel etiam si ipse hoc non intendat, tamen ipsum factum est tale, quod de sui ratione habeat similitudinem peccati. Et qui hunc actum facit, propriè dat occasionem ruinæ. Unde vocatur scandalum *activum*. Per accidens autem aliquid verbum, vel factum unius est alteri causa peccandi, quòd non nimirum & præter intentionem operantis, & præter conditionem operis, aliquis malè dispositus ex hujusmodi opere inducitur ad peccandum, putà, cum aliquis invidet bonis aliorum, & tunc ille, qui facit hujusmodi actum rectum, non dat occasionem, quantum in se est, sed alius sumit occasionem, secundum illud ad Rom. 7. v. 8. Occasione autem accepta, &c. Et ideo hoc est scandalum passivum sine activo, quia ille, qui rectè agit, quantum est de se, non dat occasionem ruinæ, quam alter patitur.

Quandoq; ergo contingit, quòd simul sit scandalum activum in uno, & passivum in altero, puta cum ad inductionem unius alius peccat. Quòd; verò est scandalum activum sine passivo, putà, cum aliquis inducit verbo, vel facto alium ad peccandum, & ille non consentit. Hæc S. D.

Resp. 3. Juxta hæc S. Th. doctrinam aliud est scandalum *per se*, quod dicitur *datum*, supra definitum aliud *per accidens*, quod dicitur *acceptum* seu *merè passivum*. Ad scandalum datum juxta cit. verba S. Thom. sufficit exercere tale quid, quod ex sua natura, & circumstantiis aptum est proximo præbere occasionem ruinæ, v. g.

die prohibito coram aliis comedere carnes, licet ruina actu non sequatur, nec ab operante expresse intendatur, & carnes comedens forte ob causam occultam sit excusatus.

Scandalum per accidens, seu acceptum, siue merè passivum (quod in ipsis S. Thomæ verbis clarè explicatur) dividi potest in scandalum pusillorum, vel infirmorum, quod oritur ex ignorantia, vel infirmitate hominis: & in scandalum pharisaicum, quod ortum habet ex mera malitia hominis scandalizati, & nomen habet a Phariseis, qui scandalum accipiebant ex bonis operibus Christi. Dico, *ex mera malitia*, quia scandalum pusillorum sit quidem etiam ex malitia, quia aliis non esset peccatum; sed simul ex infirmitate, vel culpabili ignorantia.

Resp. 4. Scandalum semper est peccatum. Ita S. D. 2. 2.

Ratio: Ex hoc aliquid habet rationem peccati, quia deficit a rectitudine: Sed scandalum est dictum, vel factum minus rectum. Ergo.

Declarat hoc S. D. dicens in c. Duplex est scandalum, scilicet passivum in eo, qui scandalizatur; activum in eo, qui scandalizat, dans occasionem ruinæ. Scandalum ergo passivum semper est peccatum in eo, qui scandalizatur. Non enim scandalizatur, nisi in quantum aliquoter ruit spiritali ruina, quæ est peccatum. Potest tamen esse scandalum passivum sine peccato ejus ex cujus facto aliquis scandalizatur. Sicut cum aliquis scandalizatur de his, quæ alius bene facit. Similiter etiam scandalum activum semper est peccatum in eo, qui scandalizat; quia vel ipsum opus, quod facit, est peccatum; vel etiam si habeat speciem peccati, dimittendum est semper propter charitatem, de qua unusquisque tenetur salutem proximi providere. Et sic qui non dimittit, contra charitatem agit. Potest tamen esse scandalum activum sine peccato alterius, qui scandalizatur, sicut supra dictum est. Hæc S. D.

Oppono: Quod ex necessitate evenit, non est peccatum, cum debeat esse liberum: Sed Mat. 18. dicitur: Necesse est, ut veniant Scandalum. Ergo.

Hunc Scripturæ locum explicat S. D. 2. 2. ad 1. dicens: Non est intelligendum de necessitate absoluta, sed de conditionali, quia scilicet necesse est, præscripta, vel prænuntiata à Deo, evenire. Vel necesse est, evenire scandalum necessitate finis, quia utilia sunt ad hoc, ut qui probati sunt, manifesti fiant. Vel necesse est evenire scandalum secundum conditionem hominum, qui sibi a peccatis non cavent. Sicut si aliquis medicus videns aliquos indebita dixta utentes, dicat. Necesse est tales infirmari: quod intelligendum est sub hac conditione, si dixta non mutant. Et similiter necesse est evenire scandalum, si homines conversationem malam non mutant. Hæc S. D. Sicut 1. Corinth. 11. v. 19. dici-

dicitur : *Oportet & hereses esse .*

*Resp. 4.* Scandalum activum, quod per se est tale, seu expressa intentione datum, est speciale peccatum in Confessione exprimendum, ita ut sic scandalizans committat duplex peccatum, unum illius speciei, ad quod alterum trahit ; aliud scandalum . Ita S.D. a. 3.

*Ratio :* Speciali virtuti speciale peccatum opponitur : Sed scandalum opponitur speciali virtuti scilicet caritati, dicitur enim Rom. 14. *Si propter cibum frater tuus contristatur, jam non secundum charitatem ambulat .* Ergo.

*Dixi, scandalum expressa intentione datum .* Nam si ruina proximi non sit directè, seu expressè intenta, sed solum interpretativè, diversè sunt sententiæ, an tunc scandalum sit speciale peccatum . Verùm, ut Bannes ait : hoc parum refert ad praxim, quia sive sit, sive non sit speciale peccatum, tamen juxta probabiliorè sententiæ, in Confessione est exprimendum, cum saltem reduci spectet ad speciem peccati, ad quod pravo exemplo alterum inducit . Unde sic scandalizans est reus duplicis peccati, proprii nimirum, & alieni, & utriusque speciei est confitenda .

*Resp. 5.* Scandalum etiam per se activum, & datum aliquando est peccatum veniale, aliquando mortale . Ita S.D. a. 4.

*Ratio :* Gravitas scandalum mensuranda est ex gravitate peccati, ad quod inducit, Sed hoc aliquando est veniale, aliquando mortale . Ergo. Hinc etiam explicandus est numerus personarum ex tuo peccato scandalizatarum .

Notandum tamen hic seribit, quod actus secundum se venialiter malus ex circumstantiis, & respectu ad alterum (cui occasio mortalis ruinæ spiritualis præbetur, ) fiat peccatum mortale . Hinc fieri potest quod Religiosus (coram fratribus proferens mendacium jocosum in iis circumstantiis, in quibus illæ accipere possunt occasionem peccandi mortaliter) peccet mortaliter . Idem est de Adolescente verbum amatorum insinuante mulieri, marito valde Zelotypoidi audiente, ex quo probabiliter inter conjuges credatur secutura magna dissensio : sicut & leve mendacium in Prælo majus causat scandalum quàm in plebejo . Et magis scandalizat dissidium inter Ecclesiasticos, quàm inter mulieres, ut potè per felicitiosas .

**QUÆRO XXXI.** Caditne Scandalum five passivum, five activum in viros perfectos ?

*CXXXV. Resp.* Negativè, de scandalo passivo . Ita S.D. a. 5.

*Ratio ejus est :* Qui scandalizatur, parvulus est, ut dicit S. Hieronymus super illud Matth. 18. *Qui scandalizaverit unum de pusillis istis .* Ergo, majores, five viri perfecti scandalum non recipiunt .

*Declarat hoc S.D. dicens.* Scandalum passivum

importat quandam commotionem animi a bono in eo, qui scandalum patitur : nullus autem commoveretur, qui rei immobili firmiter inhaerent, majores autem five perfecti, soli Deo inhaerent, qui est immutabilis bonitas . Ergo .

Admittit tamen S.D. in R. ad 2. quod viri perfecti possunt impediri in actibus exterioribus, sed in interiori voluntate per dicta, vel facta aliorum non impediuntur, quod minus tendant in Deum, secundum illud Rom. 8. *Neque mors, neque vita poterit nos separare a charitate Dei .* Et in hoc sensu explicat illud 1. Thess. 2. *Voluminus venire ad vos, ego quidem Paulus, & semel, & iterum, sed impedivit nos Satan .*

*Resp. 2.* Etiam negativè de scandalo activo . Ita S.D. a. 6.

*Ratio ejus est :* plus repugnat perfectioni scandalum activum, quàm passivum ; Sed scandalum passivum non potest esse in viris perfectis . Ergo multò minus activum . Et in C. ait : *Ad perfectos pertinet, ea, quæ agunt, secundum regulam rationis ordinare .*

Subdit S.D. *Quod licet viri perfecti interdum ab ordinationis modicum, & leviter recedant hoc tamen non sit magnum, ut ex hoc rationaliter possit ab alio sumi peccandi occasio .*

**QUÆRO XXXII.** Suntne bona spiritualia dimittenda propter scandalum aliorum ?

*CXXXVI. Resp. 1.* Bona spiritualia, quæ sunt de necessitate salutis, ut est v.g. observatio præceptorum Legis naturæ, non sunt prætermittenda sub prætextu vitandi scandalum . Ita S.D. a. 7.

*Ratio ejus est :* Nullus debet mortaliter peccare, ut alterius peccatum impediatur, quia secundum ordinem charitatis plus debet homo suam salutem spirituale diligere, quàm alterius . *Subsumo :* Sed omittendo aliquid quod est de jure naturæ, peccatur mortaliter . Ergo .

*Resp. 2.* Bona spiritualia, quæ homo hic, & nunc ex Jure divino positivo tenetur facere tãquam necessaria salutis, non potest sine peccato mortali omittere, licet alii inde sint scandalizandi .

Explicat hoc Viggers : Pastor non potest omittere baptizare infantem jamjam moriturum, licet adfuit, qui inde capient occasionem blasphemandi Sacramentum, & Religionem Christianam . Item in articulo, pro quo obligat præceptum confessionis Fidei, non licet eam omittere propter scandalum Tyranni, & ministrorum ejus, qui inde accepturi sunt occasionem multorum peccatorum .

*Ratio :* Quia scandalum passivum in his casibus non censetur datum, sed acceptum .

Idem docet S.D. hic a. 7. ubi citat S. Gregor. super Ezechiel. dicentem : *Si de veritate scandalum sumitur, utilius nasci permittitur scandalum, quàm quod veritas relinquatur .* *Subsumit S. Thom.* Sed bona spiritualia maximè pertinent

tinent ad veritatem. Ergo bona spiritalia non sunt propter scandalum dimittenda.

*Resp. 3.* In bonis spiritalibus, quæ non sunt de necessitate salutis, videtur distinguendum, ait S. Tho. art. 7. in c. Quia scandalum, quod ex eis oritur, quandoque ex malitia procedit, cum scilicet aliqui volunt impedire huiusmodi spiritalia bona, scandalificando. Et hoc est scandalum Phariseorum, quod esse contemnendum Dominus docet Matth. 23. ubi discipulis dicentibus, *Scis, quia pharisæi audito verbo hoc scandalizati sunt?* Respondit: *Sinite illos, cæci sunt, & ducunt cæcorum.*

Quandoque verò scandalum procedit ex infirmitate, vel ignorantia, & huiusmodi scandalum est pusillorum, propter quod spiritalia bona vel occultanda, vel etiam interdum differenda, ubi periculum non imminet, quousque reddita ratione huiusmodi scandalum cesset. Si autem post redditam rationem huiusmodi scandalum duret, jam videtur ex malitia esse. Et sic propter ipsum non sunt huiusmodi spiritalia bona dimittenda. Hæc S. D.

*Sequitur ex his 1.* Si quis intendat ingredi Religionem (quod opus non est de necessitate salutis, sed solum est de consilio) prævidens, parentes suos ex infirmitate, vel ignorantia inde accepturos occasionem peccandi, v. gr. filium, aut Religionem persequendi, damnificandi, conviciandi, &c. deberet ingressum differre, usque dum parentibus reddat rationem, seu informationem, qua data, si parentes, non aliter se habeant, non tenetur amplius desistere ab ingressu, præsertim si desistentia, vel nimia dilatio cederet in notabile damnum profectus spiritalis.

*Ratio:* Quia tunc scandalum passivum parentum erit pharisaicum, acceptum, non a filio datum, ait Viggers.

*Sequitur 2.* A punitione peccatorum cessandum esse, si ex ea timeatur periculum schismatis, vel simile malum.

*Ratio:* Quia poenarum infliccio non est propter se expetenda, sed poenæ infliguntur, ut medicinæ quædam ad cohibenda peccata, & ideo in tantum habent rationem iustitiæ, in quantum per eas cohibentur peccata; si autem manifestum sit, ex eis plura, & maiora peccata sequi, tunc poenarum infliccio non continetur sub iustitia. Ita S. Thom. a. 7. ad 1.

**CXXXVII. Oppono 1.** Sacra doctrina est de necessitate salutis: Sed ab ea cessandum est propter scandalum iuxta illud Matth. 7. Noli Sanctum dare canibus, neque margaritas vestras spargatis ante porcos, ne disperis dirumpant vos. Ergo.

3. Correctio fraterna, cum sit actus charitatis, est quoddam spirituale bonum: Sed illa interdum dimittitur ad vitandum scanda-

lum aliorum, ut dicit S. Augustinus in 1. de Civ. Dei. Ergo.

3. Cujuslibet etiam venialis peccati vitatio est quoddam spirituale bonum: Sed peccati venialis vitatio potest homo omittere, seu potest illud committere pro scandalo proximi vitando, v. g. si venialiter peccando possit alterius peccatum mortale impedire. Ergo.

Hæc solvit S. D. cit. a. 7. Ad 1. dicit: Circa doctrinam duo sunt consideranda, scilicet veritas, quæ docetur; & ipse actus docendi. Primum est de necessitate salutis, ut scilicet contrarium veritati non doceat (cui incumbit docendi officium) propter ullum scandalum. Sed ipse actus docendi inter spirituales elemosinas computatur, quæ sicut interdum propter scandalum pusillorum occultandæ sunt, vel differendæ, ut S. D. ait ad 4. ita & actus docendi. Ex quo patet distinctio min.

Ad 2. dist. maj. Est spirituale bonum ordinatum ad emendationem fratris, ubi illa speratur, C. maj. secus, N. maj. Unde S. D. ad 3. ait: Correctio fraterna ordinatur ad emendationem fratris. Et ideo in tantum computanda est inter spiritalia bona, in quantum hoc consequi potest. Quod non contingit, si ex correctione frater scandalizatur. Et ideo si propter scandalum correctio dimittatur, non dimittitur spirituale bonum. Hæc ibi.

Ad 3. N. min. Si peccatum mortale faciendum est, jam non est malum, neque peccatum, nam peccatum non potest esse eligibile, ait S. D. ad 5. Et quavis per veniale gratia non tollatur, attamen fervor charitatis per illud diminuitur.

**CXXXVIII. Resp. 4.** Generaliter loquendo, juxta probabiliorem sententiam scandali vitandi causa nihil licet pretermittere, quod hic, & nunc cadit sub præcepto positivo, siue divino, siue humano obligante sub mortali. Est contra diversos DD. Sed

S. Tho. videtur stare pro hac sententia. Nam 1. sic ait cit. ar. 7. in c. Ea, quæ sunt de necessitate salutis, prætermitti non debent propter scandalum vitandum. Sublumo: Sed impletio præcepti, siue divini, siue humani obligantis sub mortali, est de necessitate salutis. Ergo. 2. Docet ibidem, in bonis spiritalibus, quæ non sunt de necessitate salutis, si sequatur scandalum pusillorum, esse vel occultanda, vel interdum differenda, non autem dicit esse prætermittenda. Et talia videntur esse sola, quæ sunt de consilio. Ergo a fortiori scandali causa omittenda non sunt, quia sunt de præcepto. Si tamen possint fieri occulte, vel ad tempus differri, occultanda, vel differenda.

*Ratio:* Impletio operis præcepti nec in se est mala, nec habet speciem mali. Ergo si quis inde scandalizatur, scandalum non erit datum,

tum, sed acceptum. Ergo, qui inde scandalizatur, ruinam sibi imputet, non alteri.

Nec obstat, quod sit acceptum ex infirmitate.

*Ratio:* Quia infirmitas illa non esset sine malitia, ut patet ex descriptione scandalii pusillorum supra in proprio loco.

*Oppone:* Quando concurrunt duo præcepta, quæ simul servari nequeunt, servandum est majus: Sed præceptum de non scandalizando proximo est majus (cum sit naturale) quàm positivum divinum, & humanum. Ergo.

*Ad hoc, dist. maj. Servandum est majus, si sit præceptum absolutum, C. maj. respectivum, vel conditionatum, N. maj. Et sic dist. min. N. Conf. Licet ergo præceptum de non scandalizando sit naturale, non tamen est absolutum, sed obligans solum in certis circumstantiis, quarum una est, ut opus, ex quo timetur scandalum, non sit de præcepto obligante sub mortali. Secundò clarius R. concessa maj. dist. min. Præceptum de non scandalizando formaliter, seu per se, & ex intentione, C. min. per accidens solum, ac præter intentionem, uti esset in hoc casu, N. min. Quia talis utitur jure suo.*

*Quid ergo dicis ad hos Casus?*

**CXXXIX.** 1. Persona quædam cognoscit, Confessarium suum graviter scandalizandum ex quodam peccato, si illud ei confiteatur, teneatne illud reticere?

2. Mulier honesta formosa cognoscit, si die festo aud Missam vadat, ex sui aspectu quandam in particulari (dicitur in particulari, si enim hoc timeat solum de quibusdam indeterminate, seu in communi, certum est, quod non teneatur manere domi) accepturum ex infirmitate periculum gravis ruinæ spiritualis, teneatne abstinere ab audiendo Sacro, saltem semel, aut iterum? *Dico semel, aut iterum*, quia semper, vel valde sæpe debere abstinere, nimis durum videtur.

3. Uxor prævidens, maritum ex jejuniis graviter offendendum, teneatne semel, aut iterum abstinere a jejuniis, ad quod sub mortali tenetur?

*Ad hoc affirmativè Respondent etiam quidam Thomistæ, qui nostræ Sententiæ contrariantur, fundantes se in fundamento in Oppone.*

Sed consequenter ad positam sententiam, ejusque fundamenta, probabilior mihi videtur resolutio negativa ad omnes illos tres Casus. Nam in Confessario, & illo, qui scandalizatur ex aspectu honestæ mulieris, uti & in dicto marito, verum est illud. *Perdicio tua ex te.* Et mulier in triplici hoc casu habet jus, & obligationem parendi Deo, & Ecclesiæ: Et qui in iis casibus scandalizatur, liberè peccat. Si tamen in primo casu Confessio potest differri, differenda est; si alius Confessarius haberi possit, querendum est. Et in secundo casu lasci-

vus ille juvenis prævidens ex aspectu suam ruinam, aliis mediis se juvare potest, & tenetur, nimirum Missam alibi audiendo, vel si id non possit, oculos suos avertendo. Vide supra de ornatu vestium, fucis, &c. Tract. 5. Exam. 1. n. 16. 17. & 18.

*Oppone:* Maxima illa communis est. Concurrentibus duobus præceptis, quorum utrumque non potest servari, servandum est majus. Unde tenet in Casibus, v.g. Die festo infirmus quis infirmo, qui solus non est relinquendus, non tenetur audire Missam, sed manere apud infirmum. 2. Miles die festo agit excubias, nec datur alius, qui pro eo excubet, non tenetur ad Missam. 3. Die festo domus mea, vel proximi est in periculo incendii ab inimico excitandi, quod possum evitare, si maneam domi, non teneo audire Missam, &c. Quorum omnium ratio est adducta Maxima.

*Dico:* In his, & similibus casibus tenet dicta Maxima. Disparitas autem est: Quia in iis malum, quod sequitur, non sequitur ex malitia, & libera voluntate ejus, cujus est malum, & præsertim in secundo casu periclitatur boni commune. In casibus autem prioribus malum, seu peccatum, sive scandalum passivum sequitur ex malitia, ac libera voluntate scandalizati, quod N. B. pro intelligentia R. 4.

**QUÆRO XXXIII.** Suntne temporalia bona propter scandala dimittenda?

**CXL. Resp.** cum S. Tho. a. 8. dicente: Circa temporalia bona distinguendum est; aut enim sunt nostra, aut sunt nobis ad conservandum pro aliis commissa, sicut bona Ecclesiæ committuntur Prælati, & bona communia quibuscunque Reipublicæ Rectoribus. Et talium conservatio, sicut & depositorum, imminet his, quibus sunt commissa ex necessitate. Et ideo non sunt propter scandalum dimittenda, sicut nec alia, quæ sunt de necessitate salutis. Temporalia verò bona, quorum nos sumus domini, dimittere, ea repetendo, si penes nos babeamus ea, vel non repetendo, si apud alios sint, propter scandalum quandoque; quidem debemus, quandoque; autem non. Si enim scandalum ex hoc oriatur propter ignorantiam vel infirmitatem aliorum, quod supra diximus esse scandalum pusillorum, tunc vel totaliter dimittenda sunt temporalia, vel aliter scandalum est sedandum scilicet per aliquam admonitionem.

Unde S. Aug. dicit in lib. de Serm. Domini in monte: Dandum est, quod nec tibi nec alteri noceat, quantum ab homine credi potest. Et cum negaverit, quod petit, indicanda est ei justitia: & melius ei aliquid dabis, cum petentem injustè correxeris. Aliquando verò scandalum nascitur ex malitia, quod est scandalum Phariseorum. Et propter eos, qui sic scandala concitant, non sunt temporalia dimittenda, quia hoc & noceret bono communi, daretur enim malis rapidi occasio,

fi,



fio, & noceret ipsis rapientibus, qui retinendo aliena, in peccato remanent. Unde Greg. dicit in Moral. Quidam dum temporalia à nobis rapiunt, solummodò sunt tolerandi: quidam verò æquitate servata, prohibendi; non sola cura, ne nostra subtrahantur, sed ne rapientes non sua semetipsum perdant. Hæc S.D.

**QUÆRO XXXIV.** Estne peccatum scandalum, materialiter cooperari peccato alterius?

**CXLI. Resp.** Practicè probabilius est, quòd materialiter tantum cooperari peccato alterius, exhibendo v.g. objectum, materiam, vel occasionem (ad peccatum tale habendo se merè permissivè, ) interdum sit licitum, si adsint hæc conditiones.

*Prima:* Si tua cooperatio ex se non sit mala, sed bona, vel saltem indifferens. 2. Ut fiat recta intentione, seu ex rationabili causa, seu ex motivo alicuius virtutis, v.g. obedientiæ, vel ex amore ordinato sui ipsius, &c. 3. Ut peccatum proximi ex vi officii impedire non tenearis, & moraliter, seu sine proprio damno nequeas. 4. Ut, te non cooperante, peccatum tamen committeretur, quia nimirum non deerunt alii, qui materiam, vel facultatem subministrabunt. Qui si non adessent gravior profectò causa, & necessitas requireretur, ut peccatum permitteret, seu ei materialiter cooperari possis: vel abstinendum est.

*Declaratur:* Casibus, & ex emplis. 1. Deus ipse per essentia bonus, ad formale peccati se habet permissivè, & ad materiale peccati in genere causæ efficientis, vel præveniendi, vel saltem concomitandi juxta Theologos cooperatur.

2. Coniux coniugi voto castitatis ligato, debitum exigenti ex iustitia tenetur reddere, si non possit eum a proposito avertere, licet coniux voto obstrictus petendo mortaliter peccet. Ergo.

3. Peccator etiam excommunicato, seu hæretico occulto publicè Eucharistiam petenti tenetur Parochus eam dare. Idem est de eo, cuius indignitatem scit ex sola Confessione sacramentali, & petit etiam privatim. Ergo.

4. Suprà Tract. 5. Exam 2. n. 42. & 43. probatum fuit, potestate publica posse permitti lupanaria, & a privatis domos eis elocari posse, ad peccatum meretricii permissivè se habendo.

5. Famulæ illarum meretricum licet eis inserviunt januam amatoribus aperiendo, eas ad peccandum euntes associando, lectum componendo, dum tamen hoc non intendant, nec in eo sibi complacent, ut ait noster de la Cruz quia est cooperatio remota. Quòd famuli de terant litteras ad ea mala invitantes, vel amatum, aut amatam vocent verbis à Domino, vel Domina prolati, expressè nihil mali significantibus, licet aliqui negent esse licitum, sed speciem lenocinii continere afferant, si tamen res bene consideretur, & differentes, vel vocantes minimè ad peccatum incitent, nec

in eo complacent, videtur juxta dictum de la Cruz esse eadem ratio, ac de prioribus. Nec video rationem disparitatis, cum adsint dictæ conditiones, ut suppono. Verùm domini pedem sustinere, scilicet ad movendum, ut possit per fenestram introire ad fornicandum, seu furandum, non est licitum, quia nimis propinquè cooperantur peccato.

Ante dicta omnia non justificantur per communem rationem famulitii, nec licent cuivis alteri, sed (præter 4. conditionem) requiritur ut aliàs famulo grave damnum imminet, v.g. quòd sit expellendus, debita mercede privandus, & inde penuriam passurus, ad mendicandum necessitatus. Etcertum est, quòd tales famuli, ac famulæ sub mortali propositibili teneantur inquirere alios dominos honestiores: quibus serviendose sustinent.

Not. inter 67. propositiones ab Innocentio XI. damnatas esse hanc num. 51. Famulus, qui submissis humeris scienter adjuvat herum suum ascendere per fenestras ad stuprandum virginem, & multoties eidem subservit, deferendo scalam, aperiendo januam, aut quid simile cooperando, non peccat mortaliter, si id faciat metu notabilis detrimenti, puta, ne a domino malè trahatur, ne torvis oculis aspiciatur, ne domo expellatur.

6. Item suprà ostensum fuit, licetè permitti Synagogas, & ritus Judæorum, vide in hoc Tract. Exam. 3. n. 42. quòd fideles licetè possint infidelibus vendere talia, quorum usus secundum se est bonus, licet sciant, quòd eis sint usuri ad suos ritus, & sacrificia, quæ sunt peccata. Vide ibid. n. 45.

6. In loco mixtæ Religionis, seu ubi Catholicici, & Hæretici vivunt mixti, hospes Catholicus non peccat Hæretico carnes in die prohibito petenti, eas dando. Videatur quarta conditio antè posita.

*Declaratur* 2. ulterius: Gravior necessitas, & causa, immò gravissima requiritur, ut liceat materialiter cooperari alterius peccato, si hoc sit contra iustitiam, seu perniciosum, v.g. hominibus iratus, vel furiosus certò te occidit, nisi des ei enssem, vel nisi ei ad furandum admoveas scalam, non peccas cooperando.

**CXLI.** Quid sentis de hoc casu? Catholicus quidam oppidum, vel pagum Catholicum vult vendere Hæretico, à quo subditi certò cogentur ad hæresim? Licetne? Est enim res sua.

*Dico,* Non licet, nec à peccato scandalii excusari potest, nisi fors urgeret gravissima notoria necessitas.

*Ratio:* Quia dominus, etiam temporalis, in conscientia tenetur habere maiorem curam salutis animæ proximorum, præsertim sibi subditorum, quàm bonorum temporalium.

*Declaratur* 3. Quò magis per se, seu quò propinquior est cooperatio, eò major (cæteris pari-

paribus) requiritur causa; Et minor sufficit, si cooperatio sit tantum per accidens, siue remota, v.g. fundere campanas, vel æneas characteres cuius licet esset, a quibusdam sint adhibendi ad hæresim per Conciones, vel libros propagandum. Verum, ut alicui pro hæreticorum Concione campanam pulsare, aut pro eorum libris imprimendis characteres liceat ordinare longè gravior causa, & necessitas requiritur, quia hoc opus propinquius, & magis per se ordinatur ad hæresim.

*Quomodo ex hoc resolvis hos Casus?*

**CXLIII.** 1. *Æditus Lutheranus sit Catholicus, potestne manere in servitio Ecclesiæ Lutheranae, eam aperiendo, & claudendo, panem, & vinum afferendo, campanam pro Concione pulsando, &c.*

2. *Est Typographus hæreticus, cuius filius sit Catholicus, potestne manere apud parentem, & pro librorum hæreticorum impressione typum ordinare?*

3. *Christiani apud Turcas, vel Hæreticos captivi possuntne contra Catholicos remigare, fortificationes facere, arma asportare, metu verberum, vel mortis ipsos cogente?*

4. *Idem quæro de casu, quo legitimus Princeps à Regno esset expulsus, an subditi Tyrannum possint sodiando, excubando, pecunias contribuendo, contra legitimum Principem iuvare, immò iuramento operas suas, aut subsidium promittere?*

5. *Pater familias potestne licitè filio, vel famulo relinquere occasionem furandi, ut eum deprehendat in furto, & postea corrigat, vel ut graviore malo occurrat?*

6. *Pharmacopola potestne licitè cuius postulant vendere venenum, quod præter hominis occasionem ad alium usum, v.g. ad medicinam, vel colorum confectiorem non servit?*

Plures Casus cum *Resp.* vide suprà de jejunio Tract. 5. Exam. 4. in R. ad casum 2. 3. & 4.

*Ad 1.* R. Non potest, nisi fortè prematur gravi necessitate, ratione cuius non potest statim deferere officium, ut si aliàs non habet, unde vivat: attamen animo ita debet esse præparatus, ut omni possibili modo quærat aliam conditionem, & cum primum poterit, servitium relinquat, ac si illos solum faciat materialiter, non verò, ut formaliter respiciunt cultum hæreticum. Et hoc solum verum est, si desit falsæ Religionis, etiam virtualis professio, & scandalum, quod tollere potest coram populo quacunque occasione protestando, quod actus illos solum faciat materialiter, & ex gravi necessitate, & quamprimum poterit, officium illud deferere velit.

*Ad 2.* eodem proportionabiliter modo R. si filius sine gravissimo suo detrimento patrem tam citò relinquere nequeat. Unde Lex Ecclesiæ prohibens hæreticorum scripta transcri-

here, vel imprimere, non obligat in casu tantæ necessitatis.

*Ad 3.* R. affirm. de operibus materialiter sumptis, & de sola quarta conditione supra posita. Si tamen status rei esset talis, ut captivi auxilium suum negando Christianis possent esse occasio victoriæ, vel eos magno eripere periculo, tenerentur vitam perdere pro bono Republicæ Christianæ.

*Ad 4.* R. eodem modo, si sit periculum, ne aliàs à Regno eiciantur, vel bonis omnibus spoliarentur. Censetur enim legitimus Princeps in talibus circumstantiis consentire ad interim.

*Ad 5.* Etiam affirmo juxta datas clausulas, & in sensu Explicato antè in Exam. 6. n. 103. Sed pecuniam opponendo furandi occasionem dare, teneo esse illicitum, quia esset cooperatio ad peccatum nimis propinqua.

*Ad 6.* R. Negativè, quia & hæc esset cooperatio nimis propinqua peccato, & in damnum proximi.

**QUÆRO XXXV.** Licetne ab altero petere, vel ei consulere, quod ipse sine peccato non est factururus?

**CXLIV.** Casus, de quibus potest esse questio, communiores sunt hi.

1. *An liceat petere Sacramenta a malo ministro?*

2. *An liceat ab usurario petere mutuum?*

3. *An liceat juramentum petere ab eo, qui nolitur juraturus per falsos Deos?*

4. *An liceat juramentum petere a Christiano, qui creditur pejaturus?*

5. *An liceat a maleficio petere, ut maleficium maleficio tollat?*

6. *An ei, qui absolute decrevit facere malum majus, v.g. homicidium, liceat suadere malum minus, nimirum delumbationem, mutilationem?*

*Resp.* 1. Simpliciter, & directè petere, vel consulere alteri id, quod ipso sine peccato non potest facere, semper est peccatum scandalum, v.g. invitare aliquem ad inhonestas Comædias.

*Ratio:* Quia hoc est directè alteri præbere occasionem ruinæ spiritualis. Nec obstat, quod alter forte jam sit paratus id facere, quia licet tunc non sis causa peccati, ut intenti, bene tamen, ut executi.

*Resp.* 2. Probabilis est, quod ex rationabili causa liceat ab alio petere id, quod sine peccato potest facere, si velit, licet sine peccato facturum non sit, ad peccatum habendo se permissivè.

*Ratio:* Tum quia petens utitur jure suo: Tum quia non consentit in malum, quia tale, sed solum offert materiam ex se licitam, & permissivè solum se habet ad hoc, quod alter ex malitia abutatur illa.

*Dixi, ex rationabili causa.* Quæ si non addit, ex charitate, quæ dicit alteri non esse danda in novi peccati occasionem, tenetur homo talia non petere a tali.

*Ad 1. casum affirm.* In sensu tamen mox dicto *Resp.* cum S. Th. 3. p. 64. ar. 6. ad 2. dicente: Ille, qui ad Sacramenta accedit, suscipit Sacramenta a ministro Ecclesiæ, non in quantum est talis persona, sed in quantum est minister Ecclesiæ. Et ideo quoad illud ab Ecclesia toleratur in ministerio, ille, qui ab eo suscipit Sacramentum, non communicat peccato ejus, sed communicat Ecclesiæ, quæ eum tanquam ministrum exhibet. Si verò ab Ecclesia non toleratur (puta, cum degradatur, vel excommunicatur, vel suspenditur) peccat, qui ab eo accipit Sacramentum, quia communicat peccato ipsius. Hæc ibi.

*Declaratur hoc magis:* Si homo Sacramentum petens a ministro malo; ab Ecclesia tamen tolerato, sit ejus Parochianus, non peccat petendo, ac recipiendo ab ipso, quia utitur jure suo, & petit rembonam, quam alter potest, & debet facere. Si tamen commodè possit habere ab alio, charitas dicitur, ut cedat dicto juri suo. Si autem illi ministro ex officio non incumbat Sacramenta ministrare, sit tamen ad id paratus, & sit rationabilis causa petendi, licet ab eo petere, ac recipere, quia tunc alterius peccato non cooperatur formaliter, sicut ad secundum casum dicitur de usurario. Secus si non sit paratus (ne detur occasio peccandi vel si non sit rationabilis causa petendi. Tandem in casu extremæ necessitatis, licet a quocunque malo ministro, etiam non tolerato, immò ab hæretico, degradato (si non possit alius haberi) recipere Sacramenta ex jure divino obligantia, uti sunt Baptismus, Pœnitentia, & Eucharistia in articulo mortis, quia sine his decedere periculosum est, & aliàs Ecclesia salutem hominum non sufficienter consulisset: respectu aliorum quatuor Sacramentorum non est tanta necessitas.

*Ad 2. & 3.* Etiam in sensu iam dicto R. affirm. cum eodem S. D. infrà q. 78. ar. 4. in c. dicente: Inducere hominem ad peccatum nullo modo licet, uti tamen peccato alterius ad bonum, licitum est, quia & Deus utitur omnibus peccatis ad aliquod bonum, ut dicitur in Eucherid. Et ideo S. Aug. Publicolæ quærenti, utrùmliceret uti juramento ejus, qui per falsos Deos jurat, in quo manifestè peccat, eis divinam reverentiam adhibens, respondet, quòd, qui utitur fide illius, qui per falsos Deos jurat, non ad malum, sed ad bonum, non peccato illius se sociat, quæ per dæmonia juravit, sed patet ejus bono, quo fidem servavit: si tamen induceret eum ad jurandum per falsos Deos, peccaret. Ita etiam in proposito dicendum est, quòd nullo modo licet inducere aliquem ad mutuandum sub usuris: licet tamen ab eo, qui hoc paratus est facere, & usuras exercet, mutuum accipere ab usuris propter aliquod bonum, quòd est subventio lux necessitatis, vel

*Tribunal Confessionarium.*

alterius. Sicut etiam licet ei, qui incidit in latrones, manifestare bona, quæ habet, quæ latrones peccant diripiendo, ad hoc, quòd non occidatur: exemplo decem virorum, qui dixerunt ad Ismael: Noli occidere nos, quia thesauros habemus in agro, ut dicitur Jerem. 41. Hæc S. D. Et.

*Ad 1. ibidem ait,* quòd ille, qui accipit pecuniam mutuò sub usuris, non dat occasionem usurario usuris accipiendis, sed mutuandi. Imple autem usurarius sumit occasionem peccandi ex malicia cordis sui: Unde scandalum passivum ex parte sua est, non autem activum ex parte peccantis mutui. Nec tamen propter hujusmodi scandalum passivum debet alius a mutuo petendo desistere, si indigeat: quia hujusmodi passivum scandalum non provenit ex infirmitate, vel ignorantia, sed ex malicia.

*Ad 4. patet R. infrà Tr. 10. Exam. 4. n. 54.*

*Ad 5. R. cum Cajet. negativè,* licet alter paratus sit maleficium maleficio tollere.

*Ratio:* Quia nulla ratione licet hominem quantumvis paratum inducere ad offendendum Deum.

Nec habet locum in proposito (ait Cajet.) distinctio inter inducere ad peccandum, & uti iniquitate alterius parati ad peccandum, ut distinguitur in usura, & juramento infidelium, quoniam illa distinctio non habet locum, nisi in illis, in quibus actio petita potest ab illo parato fieri sine peccato, si vult; & ex iniquitate sua eam facit in peccato, cui petens non communicat: v. g. usurarius, si vellet, posset mutuum dare sine peccato; & idololatra posset jurare sine peccato, Deum verum agnoscendo, & per eum jurando. In proposito autem a maleficio petitur, ut solvat maleficium eo modo, quo non potest sine peccato. Cæterum si sine peccato posset illud solvere, si nimirum consisteret solui in aliqua ligatura, quæ humana actione solvi potest, cujus homini liceret eam solvere. Item si maleficus posset illud tollere duplici via, una licita, altera illicita, liceret ab eo petere, quia petitio dese indifferens, & potest licite impleri, & in dubio potius debet præsumi in bonum, quam in malum.

*Ad 6. R. r.* Si illa duo mala respiciant diversas personas, quibus sunt inferenda, non potest quis, regulariter loquendo, licite consulere minus malum inferendum uni, ad cavendum majus inferendum alteri, v. gr. Titius absolute decrevit occidere Petrum, vel vulnerare Paulum ejus amicum, sic ut ab utroque simul non sit dissuasibilis; & consulens non potest utrumque simul impedire.

*Ratio:* Tum quia nulli privatæ personæ licitum est uni in remagni momenti benefacere, malefaciendo alteri innocenti. Tum etiam quia in eo casu Paulus, v. gr. ad vulnus sibi a Titio infligendum est rationabiliter invitus, utpote habeas jus ad conservationem vitæ, in-

S

regri-

tegritatis membrorum, salutis, bonorum. Ergo fieri ei injustitia. Ergo non licet.

Dixi, *regulariter loquendo*. Si enim esset casus, in quo rationabiliter posset præsumi voluntas, seu consensus illius, v.g. ex solo titulo consanguinitatis, affinitatis, vel arctæ amicitiae, quod libentius esset passurus illud damnum, præsertim si sit valde leve, quàm quod tam grave damnum inferatur amico; tunc liceret ita suadere.

*Rasp.* 2. ad 6. Si utrumque malum est contra eandem personam, probabilius est, quod liceat consulere minus malum, non quidem directè, absolutè, & per se, sed indirectè, & conditionatè, v.g. postquam rogatus, & seriò monitus fuit, ut neutrum faciat, dicendo, si firmiter statuisti voluntatem tuam explere, vel Petrum occidendo, vel cum vulnerando, suadeo, ut saltem ab homicidio desistas.

*Ratio:* Tum quia in eo casu objectum. & finis consulentis est bonus, nimirum proximum retrahere a majori malo, & offensâ Dei ad minus malum, quâ tale, habendo se per-

missivè. Tum etiam, quia eadem persona in hoc casu non esset rationabiliter invita, cùm res ejus utiliter agatur, & ipsa si sciret, & utrumque inevitabile esset, minus malum eligeret.

Contra hoc *Oppono* 1. Non sunt facienda mala, ut eveniant bona, ut monet Apostolus. Ergo nec suadendum minus malum, ut vitetur majus. Prob. Conf. Qui consulit aliquid, est causa (nimirum moralis) ejus. Ergo.

2. Non licet petere, vel consulere, quod alter sine peccato non potest præstare: Sed quod in hoc casu consulitur, non potest fieri sine peccato. Ergo.

Ad hæc patet R. ex dictis. *Ad* 1. N. conf. Ad prob. dist. ant. Est causa ejus, quod directè consulit, C. & hoc solum est evitatio majoris mali, & offensæ Dei. Ejus, ad quod solum se habet permissivè, N.

*Ad* 2. In primis N. maj. ut patet ex R. 2. ad Q. 35.

Deindè N. min. Quia directè nil aliud consulitur, quàm evitatio majoris mali.



## TRACTATUS VIII.

De Jure, &amp; Justitia.

Ex 2.2. a questione 57. usque ad questionem 63. exclusivè.

**J**ustitia pax populorum est, tutamen patriæ, gaudium hominum, solatium pauperum, hæreditas filiorum, spes futuræ beatitudinis, ait Cyprianus de 12. abusionib. Ergo nunc reddenda est disputatio de justitia, quæ ipsa est summa virtus, aut fons ipse virtutis: quam non modò philosophi quæsierunt, sed & Poætæ, qui multò fuere priores. Hi planè intellexerunt abesse hanc a rebus humanis, camque finxerunt offensam vitiis hominum, cessisse è terra, in Cœlumque migrasse, inquit Lact. Firm. div. Instit. l.5. c.5. In cœlum ergo conscendamus, Regnum Dei quæramus, & Justitiam ejus cum Angelico, & cœlitis instructo divinæ mentis Interprete D. Thoma de Aquino, qui inter omnes Scholasticos, ait Bannes, unus, quidquid ad Justitiam attinens cognoscendum erat, suis numeris absolutum dedit, tamque miro ordine, eleganter, & doctè, ut loquitur Arragon. ut se ipso in hac re superior esse videatur.

## EXAMEN I.

De Justitia, ejus obiecto, speciebus, uti & de Judicio, præsertim temerario, ac Suspicionè.

S. Thomas a quæst. 57. usque ad quæst. 63.

**Q**UÆRO I. Teneturne Confessarius habere notitiam hujus Tractatus?

I. Resp. affirm. Ratio est eadem, quæ supra Tr. 6. data est de notitia Legum, modò id, quod ibi dictum est de Lege, applicetur virtuti justitiæ.

**Q**UÆRO II. Jus estne obiectum Justitiæ, & in quo sensu, & quotuplex?

II. Ant. R. nota, Jus habere diversas significationes: significat enim 1. Auctoritatem, seu facultatem aliquid faciendi. 2. Libertatem, ut cum dicitur, Est homo sui juris. 3. Sententiam laicam secundum jura. 4. Locum, in quo est lata, unde dicitur quis comparere in jure. 5. Ipsam Jurisprudentiam, unde dicitur, Homo versatus in jure. 6. Ipsam Legem, nam Leges sunt jura. 7. Idem est, ac justum, quod per actionem justitiæ constituitur, & ad quod ipsa terminatur, seu est æqualitas facta inter eos, inter quos erat inæqualitas, v.g. inter creditorem, & debitorem.

Nota 2. Justum, & Justitiam posse sumi dupliciter. 1. Generaliter prout comprehendit omnes virtutes; unde dicitur homo justus, qui est in gratia Dei, ac virtuosus: Et in hoc sensu de eo hic non agitur. 2. Specialiter, in quantum est idem, ac æquale, & alteri debitum, & Justitia est

virtus quædam particularis, cujus est facere hæc æqualitatem, reddendo cuiusvis, quod suum est.

Not. 3. Aliud esse jus ad rem, putà, habendam, quæ nondum est in nostra facultate: aliud jus in re, quæ actu, ut propria possidetur. Vel, ut alii explicant, jus ad rem dicitur, quod non tribuit actionem in rem, sed tantum in personam, & tale jus acquiritur per stipulationem, donationem, emptionem, alioq; cōtractus, ante rei traditionem: Itē perelectionem, presentationem, posulationem ad beneficium, ac per beneficii collationem, per successionem hæreditatis ante acceptationem. Jus in re dicitur, quod tribuit actionem realem, seu quod rem obligatā habet, ita ut res nobis obstricta sit ad quemcūq; transeat, quia transit cum suo onere. Tale jus est, quod habetur per emptionem, & alios contractus, secuta rei traditione, ac per collationem beneficii, vel per testamentum, vel successionem ab intestato, secuta beneficii, aut hæreditatis acceptatione.

Nota 4. Quod obligatio, seu debitum sit duplex. Primum morale, seu simplicis honestatis, quod fundatur in honestate virtutis, qualiter quis ex Lege charitatis obligatur vitare scandalum, & ex titulo gratitudinis se exhibere gratū erga patronum. Alterum est legale, seu rigorosum, quod oritur ex jure activo alterius, estque correlativum ejus: ratione cujus etiam vocatur justum passivum. Quod autem vocetur debitum legale, est quia fundatur in legitima potestate alterius, seu in jure fundato in lege. His notatis

Resp. 1. Jus, seu Justum specialiter sumptum, seu æqualitas debita inter obligationem unius,

& jus activum alterius, est obiectum formale quod iustitiæ.

*Ratio ex S.D. q. 57. ar. 1.* Illud est obiectum formale, quod iustitiæ, quod ipsa per se primo per suos actus intendit: Sed hoc est æqualitas inter rem, vel actionem legaliter debitam, & jus alterius, ut patet ex definitione iustitiæ, utpote redditus cuius, quod suum est; unde nec est actus iustitiæ, nisi hæc adæquatio (altem proportionalis) implicite, vel explicite intendatur, ad solvendum se ab obligatione, & exhauriendum jus legale alterius, vel simul, vel successively, in totum, vel in partem. Ergo.

Dixi in *R. obiectum formale quod*, quia obiectum formale quo, seu motivum formale est honestas dictæ æqualitatis obiectum materiale remotum, est res legaliter debita: proximum, est operatio, per quam æqualitas ponitur, quia super illam remotè, super hanc proximè cadit dicta honestas. Tandem quia iustitia est ad alterum, habet etiam obiectum *Cui*, & hoc est persona, cui redditur æquale, non quidem nudè, & materialiter spectata, sed formaliter, ut informata jure activo, vi cuius in altero fundat obligationem, & debitum legale. Vide dicta suprâ Tract. 7. Exam. 1. in Suppon. 2. num. 3.

*Resp. 2.* Dividitur jus proportionaliter, sicut lex (unde vide suprâ Tract. 6. de Legibus) pro lege ponendo jus, ut hoc sit aliud naturale, aliud positivum, cuius subdivisiones ibidem vide. Item jus naturale aliud est merè permixtum, de quo ibidem. Item jus aliud ad rem, aliud in re, de quo ante in Not. 3. De jure Gentium dicetur postea.

**QUÆRO III.** Quæ sunt juris naturæ, possunt ne mutari, dispensari, per Epikējam interpretari? Item (suntne omnia Decalogi precepta juris naturæ, aut potestne dari ignorantia eorum?)

Hæc omnia resoluta sunt suprâ Tr. 6. Exam. 2. num. 13. & 14.

**QUÆRO IV.** Quid est jus naturæ, & Gentium, quæ utriusque differentia?

*III. Resp. 1.* Jus naturale est, quod ratione naturalis immediatè dicitur, vel ex ea immediatè sequitur. Et hoc est simpliciter naturale: vide de Legge naturali. Dicitur etiam jus naturale, quod oritur ex natura rei, unde etiam datur in ordine gratiæ, seu supernaturali, sicut supposita elevatione hominis ad ordinem gratiæ, & finem supernaturalem, tenetur homo ex jure naturæ gratiæ (seu quod gratiæ est connaturale) ad actus virtutum Theologicarum, & Penitentiarum.

*Resp. 2.* Jus Gentium est, quod communi Gentium consensu est introductum, seu quod omnes passim Gentes observant, uti sunt, servitus, divisio, & proprietates rerum, usus pecuniarum, immunitas Legatorum, mos contrahendi matrimonium coram testibus, &c. non quasi omnes Gentes ad condendum hoc jus in unum

locum convenerint, sed quia expresso, vel tacito omnium consensu est approbatum.

*Resp. 3.* Jus Gentium simpliciter non spectat ad jus naturale, sed ad positivum humanum, cuius est pars. Ita S. Th. q. 57. ar. 3.

*Ratio:* Soli illa spectant ad jus naturæ, quæ vel sunt prima principia practica, aut ex illis per bonam, & evidentem consequentiam deducuntur absolute, id est, nulla facta suppositione, qualia sunt, quæ simpliciter sunt necessaria ad comparandam rectitudinem naturalem, natura hominis absolute considerata, ita ut sint intrinsecè bona, etiam, antequam per leges positivas præcipiantur, & eorum opposita sint intrinsecè mala. *Subsumo 1.* Sed quæ sunt juris Gentium, ante nominata, non sunt prima principia practica, ut patet: nec ex iis deducuntur absolute, sed facta quadam suppositione, seu supposita tali, vel tali hominis conditione, v.g. natura hominis absolute considerata de jure naturæ est habere media pro sustentatione vitæ: Sed supposita corruptione naturæ humanæ per peccatum, ratione cuius magis inclinatur in bonum proprium, jure Gentium facta est divisio, & proprietates rerum, uti & jus pecuniarum, quia rebus sic divisio necesse est fieri commutationes. Item Matrimonium absolute est de jure naturæ: Sed supposita perfidia hominum necesse erat jure Gentium introduci, ut fiat coram testibus. Ergo. Ex hac distinctione solvantur multæ objectiones.

*Subsumo 2.* Sed quæ sunt juris Gentium, non sunt ita bona, ut eorum opposita sint intrinsecè mala, quia in primitiva Ecclesia, uti & in Religionibus approbatis non est divisio rerum, sed communitas, & capti in bello inter Christianos non sunt servi. Ergo.

*Resp. 4.* Jus Gentium, licet ob datam rationem propriè spectet ad jus positivum, attamen est quasi mixtum ex naturali, & civili, & cum utroque magnam habet affinitatem, & idè in institutis interdum vocatur naturale, interdum civile. Quæ ratione diversæ, quæ in institutis inveniuntur, locutiones possunt conciliari.

*Declaratio:* Sicut jus naturale omnibus hominibus est commune, ita & jus Gentium. Sicut jus naturale non habetur in scriptis, nec scitur tempus institutionis ejus, nec ad illud condendum requiritur convocatio hominum, sic idem est de jure Gentium. Differunt verò, quòd quæ sunt de jure naturæ, exprimis principiis naturæ sequuntur absolute, quæ verò de jure Gentium, solum ex suppositione. Cum jure civili convenit in eo, quòd utrumque per legem civilem abrogari possit, licet ad abrogationem juris Gentium non sufficiat voluntas solius Principis, sed totius populi.

**QUÆRO V.** Quid est iustitia, qualis virtus, & quæ species ejus?

*IV. Resp. 1.* Iustitia bene definitur, quòd sit constans, & perpetua voluntas jus suum cui-

cuique tribuendi. Ita S.Th.q.58. ar.1. ubi definitionem explicat dicens: Dicitur *voluntas*, ad ostendendum, quod actus iustitiæ debet esse voluntarius; additur autem de constantia, & perpetuitate, ad designandam actus firmitatem; & sensus est, quod requiratur propositum, & intentio semper, & perpetuo, sed in omni eventu tribuendi cuique ius suum. Et ideo est completa definitio iustitiæ, nisi quod actus ponitur pro habitu, qui per actum specificatur: Et si quis vellet eam in debitam formam definitionis reducere, posset sic dicere: Iustitia est habitus, secundum quem aliquis constanti, & perpetua voluntate ius suum unicuique tribuit. Ita S.D. Ex quibus patet, quod Iustitia, ut virtus, sit in appetitu rationali, seu voluntate, ut in subiecto. Item quod cuique reddat ius suum, absque omni respectu humano, & personarum acceptione, unde optimè dicit Cassian. in Pl. *Iustitia non novit patrem, non novit matrem, veritatem novit, personam non accipit, Deum imitatur.*

*Resp. 2.* Iustitia est virtus, & quidem specialis, seu a cæteris specie distincta, ac moralis, habens medium rei, non rationis, & versatur immediate circa actiones, non passionem.

*Prima pars* patet applicando definitiones virtutis datas suprà Tract.4. Exam.1.n.2. Et nu.3. de subiecto virtutis. Et n.7. de divisione virtutis. Item n.8. an in homine iusto præter Iustitiam insulam, seu specialem sit etiam acquisita, & naturalis.

*Ratio 2. p.* Habitus virtutum diversificatur secundum objecta formalia; Sed Iustitia habet speciale objectum formale ante assignatum, quod nulla alia virtus respicit. Ergo.

*Ratio 3. & 4. p.* Tum quia Iustitiæ convenit definitio virtutis moralis secundo loco data lococitato. Tum etiam quia (quod est proprium virtuti morali) consistit in medio, quod autem hoc non sit medium rationis, sed rei, ostensum fuit supra loco antecitato n. 10.

*Ratio 5. p.* Inter Iustitiam, & alias virtutes morales appetitus sensitivi est hæc differentia, quod Iustitia disponat hominem ad alterum, alix verò, v.g. Temperantia, Fortitudo, disponat eum in seipso. Ergo sola Iustitia immediate versatur circa operationes, & res, quibus homo ordinatur ad alterum, velut circa propriam materiam a se rectificandam.

Dixi, *immediatè*: Quia non negatur, quod circa passionem versetur indirectè, & mediatè, nimirum per virtutes annexas, comites, & auxiliares. Vide suprà loco citato n.5. & 6. Quid, & quotuplex sit passio.

*Oppono 1. contra 5. p.* Cujuslibet virtutis est destruere impedimenta ejus operationem impediencia: Sed passionem, v.g. cupiditas, ira, &c. sæpè impediunt operationem Iustitiæ, ne reddat æqualitatem. Ergo.

*Tribunal Confessoriarum.*

2. Contra Rationem: Dantur passionem, quibus homo ordinatur ad alterum, v.g. ira iniuriosæ, quæ intenditur homicidium, item cupiditas alienæ uxoris. Ergo ratio illa est nulla.

*Ad 1. dist. Maj.* Impedimenta vel intrinseca, vel extrinseca, C. maj. semper intrinseca, sub dist. Maj. Vel mediata, vel immediata, C. maj. semper immediata, N. maj. & concessa min. dist. similiter conseq. Obstat ergo, quæ directè impediunt operationem virtutis, seu quæ circa proprium objectum, v.g. difficultatem intrinsecam in reddendo alteri, quod suum est, ut voluntatem non reddendi æquale tollit Iustitia immediate per seipsam: difficultates verò, quæ respectu objecti Iustitiæ oriuntur ex ira, odio, amore, &c. sunt extrinsecæ, & has tollit mediata, seu per virtutes sibi annexas.

*Ad 2. dist. ant.* Quibus secundum se sumptis ordinatur ad alterum, N. ant. ut habentibus adjunctas externas operationes saltem intentas, C. ant. & N. conl. Tales ergo passionem possunt considerari dupliciter. 1. Secundum se, & sic nec prosunt, nec nocent proximo, sed soli operanti, earumque rectificatio sub hac ratione spectat ad illas virtutes, quarum est disponere operantem in ordine ad seipsum. 2. In quantum sunt principia operationum, quibus proximus læditur, & sub hac formalitate eas moderatur Iustitia. Unde verum manet, quod hæc immediate versatur circa actiones, non verò passionem ut tales.

*Resp. 3.* Tres sunt species Iustitiæ. 1. Iustitia generalis, seu legalis. 2. Commutativa. 3. distributiva. Ita S.Th.q.58.ar.6. & 7.

*Ratio:* Virtus Iustitiæ est ad alterum, & proprius ejus character est, operationes hominis rectificare in ordine ad alterum, tribuendo ei jus suum. Ergo totuplex est species iustitiæ, quotuplex in aliqua Republica, vel Communitate est habitudo ad alterum, tribuendo ei, quod suum est: Sed habitudo illa est Triplex. Ergo & iustitia. Min. subl. prob. In primis in Republica reperitur habitudo partis ad totum, & pro hac rectificanda ponitur Iustitia generalis, seu legalis, cujus est bonum partium debitè ordinare ad bonum totius. 2. Reperitur habitudo totius ad partem, & pro ea ponitur Iustitia distributiva, cujus est, partibus, seu civibus distribuere bona communia, dignitates, beneficia, &c. juxta proportionem in eis repertam. 3. Datur habitudo partis ad partem, seu civis ad civem, & pro ea ponitur Iustitia commutativa, cujus est servare æqualitatem in commutationibus, & mutuis contractibus, quos homines privati, aut quasi privati inter se ineunt.

**QUÆRO VI.** Hæ tres Iustitiæ sunt ne species perfectæ, & subjeclivæ, seu conceptuæ generis participantem univocè, & adæquatè;

S 3 vel



vel solum secundum quid, seu potenciales, id est, inadæquate naturam generis, seu iustitiæ, ut sic participantes, sicut participant pietas, religio, poenitentia?

V. *Resp.* affirmando esse species subjectivas, & perfectas.

*Ratio* pro iustitia commutativa, de qua id nemo negat: iustitia, quæ servat omnes conditiones ad rigorem iustitiæ requisitas, est species ejus subjunctiva, & perfecta: Sed sic est de iustitia commutativa. Ergo. Min. prob. Conditiones ad rigorem iustitiæ requisitæ sunt tres. 1. Debitum legale, fundatum in iure rigoroſo proprietatis, vel quasi proprietatis. 2. Alteritas. 3. Æqualitas. *Subsumo.* Sed hæc conditiones perfectæ servantur in iustitia commutativa. De prima clarum est ex dictis, & dicendis. Deinde adest perfecta alteritas, est enim inter privatas personas, inter quas nulla est identitas, vel subordinatio. Nomine privatarum personarum intelligo etiam Principes, integras Republicas, Communitates, si inane contradicuntur privatorum hominum, tunc enim non consideratur comparatio partis ad totum, vel e contra. Tandem in iustitia commutativa servatur æqualitas perfectissima (ut pote arithmetica) rei ad rem, quantitatis ad quantitatem. Ergo.

*Ratio* pro iustitia legali: Nam & in hac servantur dictæ conditiones perfectæ, licet non tam strictè, uti in commutativa. 1. Adest debitum legale, & rigorosum, quia pars rigorosè, & strictè obligatur Communitati, & Communitas habet strictum jus in bona partium, seu civium, & prævalet juri particulari illorum. 2. Adest æqualitas. Nam qui tribuit quantum debet, reddit æquale: Sed subditus vi iustitiæ legalis de suis bonis, vel actionibus Communitati tantum tribuit, quantum debet, seu quantum pro bono communi est necesse. Ergo. 3. Est ad alterum. Quod S. Th. q. 78. ar. 5. in corp. sic explicat: Ad alterum potest quis se habere dupliciter: Uno modo ad alterum singulariter consideratum; Alio modo ad alium in communi, secundum quod scilicet ille, qui servit alicui Communitati, servit omnibus hominibus, qui sub communitate illa continentur. Ad utrumque ergo se potest habere iustitia secundum propriam rationem. Manifestum est autem, quod omnes, qui sub communitate aliqua continentur, comparentur ad Communitatem, sicut partes ad totum, pars autem, id quod est, totius est. Unde & quodlibet bonum partis est ordinabile in bonum totius. Hæc S. D. Ergo iustitia legalis est ad alterum, saltem in communi, quod sufficit, licet non in singulari.

Hoc paulo alter alii explicant docentes: Licet inter partes, & totum, quod fisione juris non habetur pro distincta persona, non sit vera alteritas, bene tamen sita sit. *Subsumo:* Sed licet

Communitas coalescat ex partibus, seu civibus, fisione juris tamen habetur pro distincta persona, cum habeat distinctum jus, ut potest *jus alium* in bona civium, distinctum, inquam, a jure civium quod vocatur *jus bassum*. Ergo adest sufficiens alteritas suppositorum, seu agere potentium, requisita a S. Th. ar. 1. non quidem physica, sed moralis, seu juridica, quæ in præſenti sufficit.

*Ratio* pro iustitia distributiva est eadem: Quia salvantur in illa eadem conditiones. *Primo* Communitas, seu Superior non solum ex honestate virtutis, sed ex debito iustitiæ, seu legali tenetur subditis bona communia juxta singulorum dignitatem, & proportionem distribuere, & subditi habent jus activum ad illa, non quidem proprietatis, sed condignitatis, ex quo debitum illud legale, seu Superioris oritur. *Secundo* adest sufficiens alteritas, eo modo, quo dictum est de iustitia legali. *Tertio* adest æqualitas: Quia Princeps distribuendo civibus bona communia, dat cuius, quantum debet, juxta meritum dignitatem. Unde de cuius civi, quod suum est, non ut iam proprium, sed ut appropriandum, sed quod suum est, non titulo proprietatis, sed titulo condignitatis, seu meriti. Ergo.

VI. *Oppono* 1. Juxta S. Th. q. 57. ar. 4. inter patrem, & filium non emancipatum non est perfecta iustitia, uti nec inter dominum, & servum, qui est talis vera servitute legali. Ergo nec inter totum, & partes; consequenter iustitia legalis, & distributiva non sunt species perfectæ. Prob. conf. Ideo primum est verum, quia filius est aliquid patris, & servus est aliquid domini, ob quam causam inter eos non est perfecta alteritas: Sed etiam pars est aliquid totius. Ergo, si &c.

2. Ex violatione perfectæ iustitiæ oritur obligatio restituendi: Sed hæc non oritur ex violatione iustitiæ legalis, aut distributivæ. Ergo hæc non sunt perfectæ species iustitiæ. Min. ex eo patet, si homo privatus, cui ex officio non incumbit, non impedit incendium, vel simile damnum Reipub. cum possit, non tenetur rescire damnum, ut pat. ex S. Th. bic q. 62. ar. 7. ad 3. Idem est de Principe non distribuente bona communia juxta subditorum necessitatem, ac dignitatem. Maj. verò prob. Vera iustitia est sola illa, quæ alteri tribuit, quod suum est: Sed sola iustitia, ex cujus violatione oritur obligatio restituendi, alteri tribuit, quod suum est. Ergo. Min. pat. Quia restituere est aliquid iterum statuere in rem suam.

3. Patriæ reddere debitum non est perfecta iustitiæ; Tum quia patriæ, & paritibus non possumus reddere æquale: Tum etiam, quia idem pietas non est perfecta species iustitiæ, quia reddit debitum patriæ: Sed etiam iustitia legalis reddit debitum patriæ. Ergo non est vera iustitia.

Ad 1. Neg. conf. ad prob. dist. maj. Ideo, quia

quia necessariò est aliquid patris, vel domini, & non adsunt diversis jura, sed idem jus, quod facit patrem, & filium (idem est de servo, & domino) moraliter, & legaliter haberi pro eadem persona, conc. maj. quia est aliquid patris, vel domini liberè, & voluntariè, neg. maj. Et sic dist. min. neg. conf. Cives enim liberè dependent a Republica, & domicilium mutando, si ne Reipublicæ injuria possunt eam relinquere, adeoque ad eam sufficiens alteritas: filius verò non potest a se subicere jus paternum, nec servus jus hæreile.

Ad 2. dist. maj. ex violatione justitiæ in re, quæ jam est sub titulo proprietatis, seu quæ actu est appropriata, conc. maj. quæ est sub solo titulo condignitatis, & solum approprianda, sub dist. maj. ex ea oritur, vel formaliter seu immediatè, vel saltem concomitanter, conc. maj. semper formaliter, neg. maj. Et sic dist. neg. consequ. ille ergo tenetur ad restitutionem, qui alterum lædit in re actu ei appropriata, quia autem peccat contra Justitiam legalem, vel distributivam, lædit alterum in re solum approprianda Reipublicæ a cive, vel civi a Republica vel Principe: cum verò hæc appropriatio non fiat nisi ratione admixtæ justitiæ commutativæ, quæ non intervenit nisi ratione contractus impliciti, vel expliciti, aut promissi fidelitatis, quod habent Principes, & alii Ministri, quibus ex officio incumbit providere bono communi, ideo violatio justitiæ legalis, aut distributivæ formaliter, immediatè se non inducit obligationem restituendi, sed concomitanter ratione admixtæ justitiæ commutativæ. Hæc est mens S. Thomæ in frâ q. 62. ar. 1. ad 3. dicentis: *Recompensat o, quam facit distribuens ei, cui dedit minus quam debuit, sit per comparationem rei ad rem, ut quantum minus habuit quam debuit, tantò plus ei detur. Et ideo jam pertinet ad justitiam commutativam.* Vide de hoc in frâ de restitution. cit. q. 62. ubi plura de hoc.

Ad 3. dist. maj. patriæ, &c. in quantum est principium esse udi, ac nativitatis, conc. maj. sic enim respicitur a pietate, quæ deficit a ratione strictæ justitiæ ex defectu æqualitatis, & alteritatis. In quantum est quædam Respubl. vel locus habitationis, & in quantum bonum patriæ dicit habitudinem totius ad partes, seu ad cives, & hi ordinem partis ad totum, neg. maj. Et sub hac ratione patriæ respicitur a justitia legali, in qua offendimus, salvari omnes condiciones veræ justitiæ. De partibus potentialibus justitiæ vide in proœmio Tr. 10.

Sed cur a diâs speciebus justitiæ excludis Justitiam œconomicam, & vindicativam?

VII. *Dico primò:* Justitia œconomica est inter patrem, & filium, dominum, & servum: De quibus patet ex diâs in Respons. ad primum Oppon. quòd inter eos non sit perfectà justitia. Item est inter Maritum, & Uxorem, sed

nec inter eos est perfectà justitia, in quoad gubernationem familiæ, licet enim sint æquales quoad opus Matrimonii, non tamen quoad dictum gubernium domus: quia vir est caput mulieris, & mulier est sub potestate viri.

Est tamen inter Virum, & Uxorem perfectior justitia, quàm inter patrem, & filium, dominum, & servum; quia vir, uti & uxor verè manet domina rerum suarum, quod tamen dominium est modificatum, & limitatum in ordine ad consortium, ita ut neuter possit eo uti, nisi in ordine ad alterum. Vide in frâ Tr. 8. Exam. 4. n. 57. & seqq.

*Dico 2.* Certum est, quod vindictio possit esse actus strictæ justitiæ, nimirum commutativæ, in quantum fit a Judice, qui ex vi officii, & pacti ad malefactores puniendos cum communitate initii obligatur.

*Dico 3.* Licet Justitia vindicativa, quæ a Judice delinquenti infligitur pœna delicto æqualis, sit specialis virtus, cum habeat speciale obiectum, & ei conveniat definitio virtutis; non tamen est perfectà justitiæ species, sed solum potentialis, & secundum quid.

*Ratio:* Quia deficit conditio requisita, eò quòd illa æqualitas non fit ree debita ex jure adivo hominis rei, utpote cujus voluntas a tali pœna est averfa.

**QUÆRO VII.** Nonne dantur plures differentiæ inter Justitiam commutativam, & distributivam, & quæ illæ?

VIII. *Resp.* Dantur variz, quæ ex diâs omnes colliguntur. *Primò* ex parte materiæ, nam Justitia commutativa, & distributiva habent quidem eandem materiam remotam, non tamen proximam, ut patet ex S. Th. hic q. 61. ar. 3. Materia enim remota justitiæ sunt res, personæ, vel opera, in quibus reperiri possunt jus, & injuria, quæ eadem esse possunt respectu justitiæ commutativæ, & distributivæ: Materia verò proxima est usus materiæ remotæ, seu actiones ipsæ, per quas utimur rebus, personis, vel operibus cum jure, ut sit in contractibus legitimis, & commutationibus voluntariis, ut sunt emptio, venditio, mutuum, commodatum: vel contra jus, ut sit in commutationibus involuntariis, v. g. furto, rapina, detractione, &c. Et inter has Justitia commutativa solum versatur circà illas actiones, quæ sunt commutationes in rebus propriis seu privatis hujus, vel illius: Distributiva verò solum circà eas, quæ sunt distributiones, quibus res communes distribuuntur inter partes Reipubl. Hinc materia proxima utriusque est diversa.

2. Justitia commutativa est ad alteram personam quâ talem totaliter, & ad æquatè distinctionem: Distributiva verò ad partem totius, quod

quod in toto includitur, seu adæquatè physice ab eo non distinguitur.

3. Commutativa respicit strictius jus, seu debitum, nimirum proprietatis, vel quasi, quod est debitum legale, & jus partis rigorosè activum: Distributiva verò condignitatis, seu appropriandum.

4. Commutativa principaliter subiectatur in privatis, distributiva in Principe, vel Magistratu bonis communibus præsidente.

5. Ex violatione Justitiæ commutativæ oritur obligatio restituendi, non tamen ex violatione distributivæ formaliter quæ talis, ut ante dictum.

6. Essentiale distinctivum utriusque est Tertia differentia assignata, ex qua tanquam proprietates dimanant, quod Justitia commutativa constituat medium secundum æqualitatem arithmeticam, quod consistit in adæquatione rei ad rem, seu quantitatis ad quantitatem; v. gr. decem ad decem: Distributiva verò medium secundum æqualitatem Geometricam, quod consistit in adæquatione secundum proportionem inter conditionem personarum, & quantitatem bonorum communium: Hinc medium in commutativa est, quod nec plus nec minus detur, quam debeatur, ut, si furatus es imperialem, reddas imperialem: sed in distributiva aliquando potest distribui minus, quam quis mereatur, si consideretur cum respectu ad rem distribuendam, cum summa bonorum non semper sit tanta, ut cuius possit dari tantum, quantum alius merita ejus requirerent. Sit Calus: Mille imperiales sunt distribuendi inter viginti cives de Republ. benemeritis, tunc medium Justitiæ distributivæ non est, ut, si inter eos sint decem, quorum quisvis se solo meretur centum, cuilibet dentur centum, quia sic alii decem nihil acciperent, sed medium est, ut qui plus mereretur, plus accipiant; & qui minus mereretur, minus accipiant, secundum proportionem Summæ distribuendæ, & meritorum omnium illorum, quibus Summa illa distribuetur.

Quomodo definies hanc binam Justitiæ speciem?

Dico, applicando definitionem generis, scilicet Justitiæ, ut sit, v. gr. *Justitia commutativa est constans, & perpetua voluntas (sive virtus) in parte, vel quasi in parte communitatis, alteri compari tribuendi jus suum, constituendo æqualitatem inter rem, & rem, sive inter datum, & acceptum.*

Distributiva est constans, & perpetua voluntas, seu virtus in Magistratu, vel Communitate partibus communitatis tribuendi jus suum, ponendo æqualitatem inter proportionem partium, & res distribuendas.

Definitio Justitiæ legalis patebit ex di-

cendis sequente num. 9. in Not. 1.

QUÆRO VIII. Justitia legalis estne specialis, seu distincta virtus, vel generalis, & ejusdem speciei in Principe, ac subditis? Ante R.

IX. Nota primò, quod S. Th. hic q. 58. ar. 5. Justitiam dividat in generalem, & particularem. Si enim comparetur pars Reipubl. ad partem, v. g. civis ad civem, ita dicitur Justitia particularis: si pars comparetur ad totum, seu ad bonum commune, est Justitia generalis, seu legalis. Dicitur *generalis*, quia ejus est omnium virtutum actus ordinare ad bonum generale, seu commune. Dicitur *legalis*, quia hoc a lege, & legislatore principaliter est intentum, nam bonum totius est etiam bonum partium. Hinc Justitia legalis bene definitur, quod sit *constans, & perpetua voluntas, seu virtus communitati tribuendi jus suum, omnium virtutum actus tanquam Reipubl. debitos ad commune bonum ejus ordinando.*

Nota 2. ex S. Th. hic q. 58. ar. 6. dupliciter aliquid dici generale. Uno modo per prædicationem, sicut animal est generale ad hominem, & æquum, & ad alia hujusmodi: Et hoc modo generale oportet, quod sit idem essentialiter cum his, ad quæ est generale, quia genus pertinet ad essentialiam speciei, & cadit in definitione ejus. Alio modo dicitur aliquid generale secundum virtutem, sicut causa universalis est generalis ad omnes suos effectus, ut sol ad omnia corpora, quæ illuminantur, vel immutantur per virtutem ipsius. Et hoc modo generale oportet quod sit idem in essentiali cum his, ad quæ est generale; quia non est eadem essentiali causæ, & effectus. Hæc S. D.

Nota 3. Justitiam legalem dupliciter dividi posse: Primò in talem strictè dictam, quæ procedit secundum verba expressa Legis, & respicit finem, quem verba legis præferunt. Et in Epikeiam, quæ non procedit secundum verba Legis, sed respicit mentem legislatoris, & finem ab eo in lege principaliter intentum, etiam per verba legem non expressum. De hac divisione hic agere non est operæ pretium. Videntur dicta de Epikeia Tr. 6. Exam. 2. nu. 14. Secundò Justitia legalis dividitur in eam, quæ architectonicè est in Principe, & usualem, seu ministerialem, quæ est in subdito. Nam & principis, & subditi est, bonum commune promoveri. His notatis.

Resp. 1. Justitia legalis est quidem virtus generalis secundum virtutem, seu causalitatem, sed secundum essentialiam est virtus specialis, & ab aliis specie distincta.

Ita S. D. art. in 2. not. cit. ubi post illa verba subdit: Hoc autem secundo modo Justitia legalis dicitur esse virtus generalis, in quantum scilicet ordinat actus aliarum virtutum ad suum finem, scilicet ad bonum commune, quod est

est movere per imperium omnes alias virtutes, sicut caritas, quæ respicit bonum divinum ut proprium obiectum, est specialis virtus secundum essentiam, licet aliarum virtutum actus dirigat ad suum finem. Ita & Justitiæ legalis est specialis virtus secundum essentiam, secundum quod respicit commune bonum ut proprium obiectum. Et sic est in Principe principaliter, & quasi architectonicè, in subditis autem secundariò, & quasi administrativè, ait S.D.

*Ratio:* Habitus virtutum ponuntur ad superandas difficultates, & diversificantur secundum objecta formalia. *Subsumo* primò: Sed pro Justitia legalis est specialis difficultas; nam maxime laudabile, & non leviter difficile est, ut quis ita se, & suas actiones moderetur, ut per eas bono communi invigilet, quia contingit, interdum aliquem sibi bonum esse, cum tamen Reipubl. bonus non sit. Unde Philosophus 3. polit. c. 3. ait: Quod non sit eadem simpliciter virtus boni civis, & boni viri; potest enim quis in se esse malus, tamen valde utilis Reipubl. & e contra. Ergo Justitia legalis est virtus.

*Subsumo* 2. Sed Justitia legalis habet obiectum formale distinctum ab obiectis formalibus aliarum virtutum. Ergo est virtus specie distincta ab aliis. Prob. hæc min. Justitia legalis pro obiecto formali habet bonum commune, reddendo debitum Communitati, seu Reip. Sed hoc quod talenon respicitur ab aliis alia virtute. Non ab obedientia, hæc enim (præterquam quod principaliter sit in subditis, Justitia verò legalis principaliter sit in Principe) reddit immediatè debitum Superiori. Non a pietate, hæc enim solum se extendit ad patriam, quatenus est nobis quiddam essendi principium, seu quia hoc est ei debitum ob beneficium mortui: Justitia verò legalis respicit bonum commune Reipubl. quatenus sumus cives ejus, & membra, sive sit nobis principium essendi, sive non. Ergo.

*Resp. 2.* Justitia legalis architectonica, & ministerialis, seu quatenus est in principe, & subdito, est ejusdem speciei infimæ.

*Ratio:* Quia habent idem obiectum formale, nimirum bonum commune, ut ad æquabile per positionem actus legaliter debiti.

*Nota* 1. Virtutem aliquam dupliciter posse dici architectonicam: Primò obiectivè, quæ ab intrinseco respicit finem altiorem, sicut est ars equitris respectu scænitivæ, & hæc specie distinguitur. Secundò solum subjective, seu ratione materiæ, & subiecti potentias subditas per modum imperii in suum finem ordinantis, respicientis tamen idem obiectum formale cum virtute usuali. Et hæc sunt ejusdem speciei. Et hoc secundo modo Justitia legalis est architectonica.

*Nota* 2. Ex dictis, quod in Principe, seu Magistratu actus Justitiæ legalis sit conjunctus cum actus Justitiæ commutativæ, sicut, si sua negligentia Communitati pariat aliquid damnum, teneatur ad restitutionem ratione taciti pacti cum Republ. initi de procurando bono ejus.

*QUÆRO IX.* Judicare estne licitum, & actus Justitiæ? & si in peccato fiat, est ne peccatum, & quale?

*X. Resp. 1.* Judicium est actus elicitus Justitiæ. S.D. Q. 60. ar. 1.

*Ratio* patet ex ipso nomine; nam judicium idem est, quod dictio juris, & judicare est idem, quod iudicare, & iudex idem, quod ius licens: ex quo fit, quod judicare sit actus, qui versatur circa ius: Sed ius est obiectum Justitiæ, ut patet ex dictis. Ergo.

*Resp. 2.* Judicium in tantum est licitum, in quantum est actus Justitiæ, ad quod requiruntur tres conditiones juxta S. Th. ar. 2.

*Primò*, ut procedat ex inclinatione Justitiæ. Secundò, quod procedat ex auctoritate præfidentis, quia aliàs est usurpatum. Tertio, quod prosperetur secundum rectam rationem prudentiæ, id est, non ex levibus conjecturis: quia aliàs erit suspiciosum, vel temerarium.

*Oppono:* Matth. 7. dicitur: Nolite judicare, ut non judicemini. Et Rom. 14. Tu quis, qui iudicas alienum servum? Et Rom. 3. Inexcusabiles, o homo omnis, qui iudicas; in quo enim alterum iudicas, te ipsum condemnas; eadem enim agis, qua iudicas. Ergo iudicare non est licitum.

Hæc solvit S.D. in cit. ar. 2. Ad t. ait: Dominus prohibet iudicium temerarium, vel iudicium, quod non sit ex benevolentia, sed ex animi amaritudine.

Ad 2. ait: Iudex constituitur minister Dei, Unde dicitur Deut. 1. Quod iustum est, iudicate. Et postea subdit, Quia Dei est iudicium. Vult ergo S. Th. dicere, verba illa intelligi, non licere iudicium super alienum, id est, non subiectum.

Ad 3. dicit. Illi, qui sunt in gravibus peccatis, non debent iudicare eos, qui sunt in infirmis peccatis, vel minoribus, ut Chrysost. dicit super illud Matth. 7. Nolite iudicare. Et præcipue hoc est intelligendum: quando illa peccata sunt publica: quia ex hoc oriretur scandalum in cordibus aliorum. Si autem non sunt publica, sed occulta, & necessitas iudicandi imminet propter officium, potest cum humilitate, & timore vel arguere, vel iudicare. Unde Aug. dicit in lib. de Sermone Domini in monte: Si inveniremus nos in eodem vitio esse, congemiscamus, & ad pariter conandum invitemus. Nec tamen propter hoc homo sit seipsum condemnatus, ut novum condemnationis meritum sibi acquirat, sed quia condemnans alium, ostendit se similiter condemnabilem esse, propter idem peccatum, vel simile. Hæc S.D.

Ex quibus colligitur, quod Judex, five Ecclesiasticus, five Sæcularis existens in peccato mortali occulto, vel etiam publico, aut non scandaloso, non peccet mortaliter, si iudicet, uti aliàs docuerat S. Th. in 4. Sent. Sed hic retrahit.

**Ratio:** Quia talis Judex habet titulum, seu auctoritatem, suppono enim non adesse casum excommunicationis eam auferentis; item animus tribuendi cuique jus suum, ut suppono: si verò iudicet existens in peccato mortali scandaloso, peccat mortaliter ex genere suo.

**Ratio:** Quia quantum est de se, dat materiam scandali, & facit, iudicium, ac iustitiam vilipendia populo, vidente verificari illud: *Dat veniam corvis, vexat censura columbas.*

**Quid ergo faciet** Judex talis in casu, quo necessario esset ferenda sententia contra delinquentes, in simili peccato?

**Dico:** Publicè per pœnitentiam priùs ostendere debet, quòd abominetur pristina peccata, dein ad iudicium procedat.

Dixi ante, *mortaliter ex genere suo*, potest enim esse veniale propter levitatem materiæ, si nimirum peccatum iudicis scandalizet valde parùm, vel non scandalizet in ordine ad sententiam ferendam, nec reddat eam contemptibilem, ut si peccatum, in quo versatur, sit avaritia, iudicet autem adulteros; vel sit publicus concubinaris, iudicet verò latrones.

**QUÆR. X.** Quid sētis de iudicio temerario?

**XI.** Ante R. Nota primò, quòd intrā temporalia bona primum locum teneat fama, quæ nihil est aliud quàm bona de virtute proximi in nostris nientibus deposita opinio. Hinc sicut fidus pecuniæ depositarius graviter peccat sine consensu deponentis, aut legitima causa eam dispergendo, ita quilibet bonam de proximo opinionem a natura apud se depositam, jure naturæ tenetur servare illam, donec ipsius naturæ, seu rectæ rationis didamen insinuet, ob proximi demerita eam non esse retinendam. Unde sunt illa Juris Axiomata. *Quilibet est habendus bonus, donec probetur malus. Quod tibi non vis fieri, alteri ne feceris.* Honor est testimonium de virtute alterius, quod sit honorifica appellatione, corporis inclinatione, potioris loci cessione, &c.

Nota 2. Quòd hæc tria inter se differant, licet a quibusdam Juristis, & Theologis immerito confundantur. *Dubium, Suspicio, Iudicium temerarium.* Dubium est, quando animus manet omnino suspensus, nec affirmat nec negat, sed ex argumentis pro, & contra movetur in utramque partem, sed ad neutram se determinat. Suspicio est opinio, seu assensus debilis de malo proximi ad unam partem determinatus cum formidine oppositi. Dixi, *de malo proximi*: per quod differt ab opinione, quæ est tam circa bonum quàm circa malum. Dicuntur

levia indicia, quæ secundum æstimationem prudentiæ non sunt sufficientia ad causandam persuasionem. Iudicium est determinata, & firma sententia, carens omni dubitatione, & formidine. Ex quo patet, quomodo differat a suspicione.

Nota 3. Hæc tria dividi in dubium prudens, suspicionem prudentem, Iudicium prudens. Quæ nimirum inniuntur rationabilibus, & sufficientibus argumentis, iudiciis, vel coniecturis ad ingerendam alicui dubitationem, suspicionem, vel iudicium de alterius qualitate. Et in dubium temerarium, suspicionem temerariam, & iudicium temerarium; quæ sufficientibus iudiciis non inniuntur: si enim indicia sunt sufficientia ad persuadendum, non sunt adus temerarii, sed rationabiles. Porro majora requiruntur indicia ad suspicandum, quàm ad dubitandum, majora ad iudicandum, quàm ad suspicandum.

His notatis quæstio est de iudicio interno, seu purè mentali de fama proximi, an sit peccatum mortale per se, seu ex genere, & obiecto suo, si sit temerarium. Pro resolutione

**Resp.** Iudicium temerarium plenè deliberatum, etiam purè mentale, de malo proximi, ex genere suo est peccatum mortale: defecto tamen, & in individuo non semper est mortale, licet sit de peccato mortali, & è contra potest esse mortale, licet sit de peccato veniali, aut malo naturali. Ita communis sententia cum S. Th. hic ar. 3.

**Ratio 1. p.** Peccatum contra Iustitiam, seu violatio alieni juris ex genere suo est mortale, ut patebit ex prima dispositione sequentis Confirmationis: Sed iudicium temerarium etiam mentale, est peccatum contra iustitiam, & violatio alieni juris, quia sit proximo injuria, & damnum in bonis famæ, dum sine sufficiente causa habetur malus, antequam probetur talis, seu bona existimatio in animo iudicantis deposita (ad quam habetur jus) extinguitur, quæ tamen Prov. 22. melior est quàm divitiarum multæ. Ergo.

Confirm. illud est peccatum ex genere suo mortale, quod præcisè manendo intrā limites suæ naturæ, seu objecti, abq; eo quòd trahatur ad aliam speciem, potest esse mortale, licet aliquando ex inconsideratione, vel ex imperfectione actus, aut parvitate materiæ sit veniale: Sed iudicium temerarium etiam purè internum, manendo intrā limites suæ naturæ potest esse mortale. Ergo. Min. est S. Thomæ cit. ar. 3. ubi de iudicio temerario ait: *Et hoc si sit de aliquo gravi, est peccatum mortale.* Rationem subdit: *In quantum non est sine contemptu proximi.* Ergo.

Ex quo patet, quòd, iudicium temerarium in re levit trahatur ad aliam speciem, ut si fiat ex odii gravi, sit mortale.

**Ratio 2. & 3. partis.** Licet per se loquendo,

do, & ex genere suo omne peccatum mortale sit materia gravis, & veniale sit materia levis; in dividuo tamen sunt quædam peccata mortalia, quæ quorundam hominum judicio non habentur pro infamibus, nec committentes per ea famam suam lædi existimant, immò gloriatur in malitia, qui potentes sunt in iniquitate, v.g. ut de homine vilis conditionis, & ebriolo quis judicet, quòd se inebriavit: De procace juvene, quòd lascivè amet puellam: De milite, quòd aliquem occiderit in duello; è contra sunt quædam venialia, quæ quorundam judicio habentur pro infamibus, ut si quis de viro illustri judicet, quòd sit ex gente hebræa, vel ex ignobili genere: vel de viro honorato, quòd habeat consuetudinem mentientis, quid ægrius ferent, quàm si de iis temerè judicetur, quòd sint fornicarii. Ergo.

Ex quo sequitur 1. quòd in discernendo, an materia sit gravis respectu judicii temerarii, semper debeat haberi respectus ad conditionem personæ, quæ judicatur, & ad malum, quòd illa ægrius fert; sive de in malum, de quo judicatur, sit mortale, sive veniale.

Sequitur 2. Si inter Religiosos sint aliqua, quæ, licet secundum se non sint magni momenti, tamen respectivè ad conditionem ipsorum maximè ad eorum famam conducunt, mortale est eos de illis temerè judicare, v.g. de Religioso, quòd nullam gerat curam cæremoniarum; de Lectore vel Doctore, quòd parùm intelligat; de Carthusiano, quòd carnes comedit.

Est ne pro injuria judicii temerarii facienda restitutio? & quomodo?

Affirmo: Quia quicquid est causa damni, tenetur illud reparare, quatenus potest, reparat autem in præfenti, tale judicium retractando, & perversum voluntatis affectum mutando.

Hac doctrina estne extendenda ad defunctos?

Affirmo: Licet enim illi non ampliùs vivant vita corporali, bene tamen in honore, & fama post se relicta, quæ est quasi vita posthuma in posteror memoria. Hinc si quis de quodam defuncto temerè aliquid probofumo judicaret, mortaliter peccaret, & teneretur ad restitutionem modo mox dicto. De restitutione famæ, & honoris vide infrà Tracl. præf. Exam. §. n. 98. & 103. & 104.

QUÆRO XI. Quid censes de suspitione mentali temeraria?

XII. Ante R. Nota r. dupliciter posse aliquem suspicari malè de proximo. Primò tantum ex errore intellectus, quo quis apprehendit signa ad suspicandum esse sufficientia, cum tamen non sint: paratus suspitionem deponere deprehensa signorum sufficientia. Et de hac suspitione non queritur; certum enim est, eam (idem est de judicio temerario) non esse peccatum, quia non est plenè deliberata, idèoque

nec temeraria. Secundò non tantum ex errore intellectus, sed etiam ex pravo affectu, & malevolentia suspicantis, deprehensa etiam signorum insufficientia in suspitione persistentis, vel saltem de illa insufficientia dubitantis, ac signa examinare nolentis, aut voluntariè negligentis. Et in hoc sensu est suspicio deliberata, de qua hic est questio.

Nota 2. ex S. Thom. cit. ar. in c. sic discurrere: Suspicio importat opinionem mali ex levis indicii. Et contingit ex tribus. Uno quidem modo ex hoc, quo aliquis ex seipso malus est: & ex hoc ipso, quasi conscius suæ malitiæ, facilius de aliis malum opinatur, secundum illud Ecclesiastic. 10. In via stultus ambulans, cum ipse sit insipiens, omnes stultos æstimat. Alio modo provenit ex hoc, quòd aliquis malè afficiatur ad alterum, cum enim aliquis contemnit, vel odit aliquem, aut irascitur, vel invidet ei, ex levis signis opinatur mala de ipso; quia unusquisque facilius credit, quod appetit. Tertio modo provenit ex longa experientia, Unde Philosph. dicit in 2. Rhet. quòd senes sunt maximè suspiciosi, quia multoties experti sunt aliorum defectus. Primæ autem duæ suspitionis causæ manifestè pertinent ad perversitatem affectus. Tertia verò causa diminuit rationem suspitionis, in quantum experientia ad certitudinem proficit, quæ est contra rationem suspitionis. Ita S. D. His notatis

Resp. Juxta mentem S. August. & S. Th. probabilius videtur, quòd suspicio merè mentalis, plenè deliberata, ex genere suo præcisè intra limites suspitionis manens, non sit peccatum mortale, sed solum veniale, etiam in individuo, licet sit in re gravi, aut etiam gravissima. Est contra diversos DD. etià Thomistas nonnullos.

Dixi, juxta mentem S. Aug. & S. Thom. Nam prior Tracl. 90. in Joan. ait: Ignoscatur nobis, quòd de oculis hominum aliquando, immò assidue, non verè sentiamus, hoc enim ad humanam sensationem pertinere arbitror, sine qua ista non potest duci vita. Et post pauca subdit: in his rerum humanarum tenebris etsi suspiciones vitare non possumus, quia homines sumus, iudicia tamen, id est, definitiones, firmasque sententias continere debemus, neque autem tempus judicare. Item super c. 4. 1. ad Cor. ait: In suspitione, sicut & in aliis sensationibus, quæ oriuntur ex fragilitate humana, frequenter incidunt homines, etiam iusti, & timorati.

Subjuno: Sed peccata, sine quibus vita ista non potest duci, quæ vitare non possumus, & in quæ etiam homines iusti frequenter incidunt, nemo dicit esse mortalia ex genere suo, sed solum venialia. Ergo.

Deinde S. Th. hic q. 60. ar. 3. cit. in c. constituit tres gradus suspitionis, & ait: Primus gradus est, ut homo ex levis indicii de bonitate

nitare alicujus dubitare incipiat, & hoc est veniale, & leve peccatum; quod probat ex cit. Aug. & Glossa. Secundus gradus est, cum aliquis pro certo malitiam alterius æstimat ex levibus indicis, &c. Tertius gradus est, cum aliquis iudex ex suspitione procedit ad aliquem condemnandum.

*Subsumo:* Sed S.D. sub primo gradu præter dubitationem comprehendit suspicionem propriè dictam. Ergo. Prob. Min. subf. S.D. ibi expressè agit de suspitione, cujus ibi dicit esse triplicem gradum. Ergo suspicionem propriè dictam comprehendit sub aliquo horum graduum. Sed eam non comprehendit sub secundo, & tertio, quia uterque clarè procedit de iudicio. Ergo eam comprehendit sub primo. Sed de primo gradu dicit esse veniale, & leve peccatum. Ergo.

Item S.Th. quodlib. 12. ar. 35. nimis clarè pro nobis loquitur, dicens: Suspicio est quid imperfectum in genere iudicii, estque imperfectus motus, & ideo non est mortale ex genere suo. Ubi non loquitur de dubitatione, ut constat; nec de iudicio temerario, quia de eo est communis sententia, etiam S.D. quòd sit mortale ex genere. Ergo de suspitione propriè dicta.

Respondent Adversarii, S. Aug. & S. Th. loqui de suspitionibus subreptitiis, indeliberatis, & ordinariis, easque oriri ex humana fragilitate, ad humanam tentationem pertinere, sine iis vitam hanc non duci; non verò loqui de plenè deliberatis, & extraordinariis. Sed

Contra est: S. Aug. loquitur de suspitione quatenus distinguitur contra definitivas, firmasque sententias: Sed suspicio quantumvis deliberata, & extraordinaria non est firma, & certa sententia. Ergo de ea S. Aug. loquitur. Dein si S. Th. loqueretur de suspitione indeliberata, non distingueret eam a iudicio temerario, quia etiam hoc solum est veniale, si sit indeliberatum: imò inèptè diceret, suspicionem ex genere suo non esse peccatum mortale, quia id, quod propter imperfectionem, ac indeliberationem actus est veniale, bene potest esse mortale ex genere, ut constat in motibus indeliberatis luxuriz. 1. 2. q. 88. ar. 2. Ergo.

*Ratio:* Peccatum ex genere suo mortale debet ita contrariari dilectioni Dei, & proximi, ut cum ipsa consistere nequeat, ut patet ex S. Thoma loco proximè cit. Sed suspicio sic non contrariatur dilectioni. Ergo. Min. prob. Si contrariaretur, &c. esset propter contemptum, quem invehit: Sed non invehit contemptum completum, & perfectum, licet sit de regravissima (quia hoc S.D. attribuit soli iudicio temerario) licet ad eum disponat, sicut aliud veniale ad mortale. Ergo. 2. Est ratione damni, seu læsionis famæ: Sed nec hæc in suspitione est tanta, quæ sufficit ad mortale, quia ejus assensus est valde debilis, imperfectus, cum formidine oppositi, carens firmitate, &c. ideoque fa-

ma per eam solum leviter læditur, nec proximus, saltem naturam suspicionis intelligens, ob eam graviter invitatus rationabiliter dici potest. Ergo

Dixi, ex genere suo: si enim suspicio transeat in iudicium temerarium, vel fiat ex odio, vel ordinetur a suspicante ad aliud grave damnum proximi, ingreditur alienos limites, & fit mortale ab extrinseco.

XIII. Oppono 1. Injuria, & contemptus proximi est peccatum mortale ex genere suo, ut dictum est in prob. R. ad Q. 10. n. 11. sed suspicio est injuria, & contemptus proximi. Ergo est mortale ex genere suo. *Subsumo:* Sed peccatum ex genere suo mortale, est etiam mortale in individuo, quando est in materia gravi. Ergo & suspicio si sit in materia gravi. Prima Min. est S. Th. in cit. ar. 3. ad 2. dicentis: Hoc ipso quòd aliquis malam opinionem habet de alio sine causa sufficienti, indebitè contemnit ipsum, & ideo injuriatur ei. Ergo.

Ad hoc dist. maj. Si substat firmo iudicio, C. maj. si iudicio debili, & fluctuanti, N. maj. Et sic dist. min. N. conf. Solutio patet ex prob. S. Th. autem ibi loquitur de suspitione in 2. gradu, quatenus exit suos limites, & est iudicium certum, seu firmum, ut patet legenti argumentum, quod sibi objicit.

Oppono 2. Contra datam solutionem: Majori injuria afficit, & magis proximum contemnit, qui de eo gravissimum malum, v. gr. incestum suspicatur, quàm qui de eo minora peccata temerè iudicat. Ergo Prob. ant. Homines subinde mallent perdere magnam pecuniæ summam, aut de se haberi iudicium temerarium de minoribus peccatis mortalibus, v. gr. de simplici fornicatione, quàm suspicionem de delictis gravibus. Ergo.

*Confirmatur:* Suspicio de gravissimo delicto, v. gr. hæresi, est gravior injuria, & contemptus proximi, quàm iudicium temerarium de minori mortali. Ergo. Prob. ant. Si quis de Clerico bonæ æstimationis ex levibus causis exterius diceret, se dubitare, an sit Catholicus; vel suspicari, quòd sit concubinariis, gravius eum injuriaret, & contemneret, quàm si de eo mentaliter iudicaret, quòd voluntariè una die omiserit Breviarium, licet illud non assereret, & absque formidine. Ergo & gravius peccaret, etsi illam suspicionem sola mente contemneret. Prob. conf. Peccatum interius, & exterius sunt ejusdem speciei. Ergo per ea æqualis irrogatur injuria.

Ad Oppos. 2. N. ant. Ad prob. dist. ant. Homines mallent, & contemneret majorem contemptum, vel injurià sibi illatam, N. ant. mallent propter alia majora mala, quæ timent, ne ex tali suspitione pullulent, C. ant. & N. conf. Timent enim, ne vel ex suspitione fiat iudicium temerarium, vel ne suspicio coram aliis narretur, & exin-



& exinde diffamantur, aut persecutiones patiantur; Et hoc vel maxime, si naturam suspitionis non intelligant, sed eam cum judicio confundant. Quæ omnia si desint nemo prudens ejusmodi esse sit auctoritatis, gravissimè potest offendere ex sola suspitione mentali, manente præcisè intralimites suos; immodè potius eam ridebit, si innocens sit. Negari tamen non potest, quod in re gravi sit veniale ceteris gravior.

*Ad Confirm.* N. ant. ad prob. N. conf. Si quis ergo in casu posito suam suspicionem panderet coram viro timorata conscientia, de quo est certus, quod eam relationem sit accepturus, ut dubiam, nec ex musca elephantem facturus, nec eam hominibus malignis propalaturus, minorem inferret injuriam, quam si temerè judicaret eum de minore peccato, adeoque nec mortaliter peccaret.

*Ratio est:* quia fama non tollitur nisi ab assertore, non verò ab eo, qui rem proponit ut dubiam. Si verò ille suspicionem suam referret coram hominibus indiscretis, v.g. garrulis, sceminis, &c. de quibus est moraliter certus, quod relationem suam sint accepturi ut certam, aliique narraturi, scandalum, vel occasionem detrahendi sumptus, non nego eum peccare mortaliter, si sit in re gravi. Ad prob. conf. diss. aut. Sunt ejusdem speciei quoad ea, quæ sunt perse. C. ant. quoad aliquam circumstantiam adventitiam, N. ant. & conf. Si ergo actui externo superveniat specialis circumstantia vitians (uti sit in præsentia casu) potest actus externus esse mortalis, licet internus solum sit venialis.

Not. Quod dictum est de suspitione, a fortiori dicendum est de dubitatione temeraria, quia hæc nullum assensum dicit, adeoque minor ratio culpæ in ea reperitur.

QUÆRO XII. Suntne dubia in meliorem partem interpretanda, & quomodo?

XIV. Ante R. Not. 1. sermonem esse de dubio propriè dicto, n. 1. in Not. 2. descripto, & quidem rationabili, seu quod pro utraque parte præbet sufficientia indicia, & motiva ad dubitandum. Et quoad hoc petitur decisio tam de judicio interno, ac secreto hominis privati, quam de publico Judicis ejusmodi.

Not. 2. quod quis tripliciter possit se habere circa dubia: 1. Judicium suspendendo. 2. Ea interpretando in partem deteriore. 3. In partem meliorem. Et hoc adhuc dupliciter, nimirum negativè, & positivè. Negativè, est non interpretari in deteriore partem, & contingit, quando quis propter factum ambiguum, quod de proximo videt, persistit in eadem æliminatione, quam habebat ante, & non format pejorem, v.g. judicat quis Joannem esse virum sobrium, deo videt eum comedentem, & bibentem non judicat in pejor, sed manet in priori judicio. Positivè

interpretari in partem meliorem, est, formare novum judicium, judicando id, quod est melius, v.g. posito casu, quod Joannes comedat, & bibat ex necessitate, faciat bene, &c.

Not. 3. obligationem interpretandi dubia in meliorem partem positivè dupliciter intelligi. 1. Sic quod homo oblata occasione dubii absolute teneatur exire in actum positivum judicii de proximo. 2. Sic quod obligatio illa solum sit ex suppositione, ut supposito quod homo velit exire in actum positivum, teneatur exire in talem, quod dubium interpretatur in partem meliorem, cum tamen absolute actum suspendere possit. His notatis

*Resp.* 1. Indubium est, dubia in meliorem partem esse interpretanda, saltem negativè, in sensu ante explicato. *Ratio* patet ex dicendis pro 2. R.

*Resp.* 2. Ex suppositione, quod quis in re dubia velit exire in actum positivum judicandi, tenetur dubium interpretari in meliorem partem positivè, seu habere actum bonæ æliminationis de proximo. Ita S. D. hic q. 60. ar. 4. ubi id probat ex illo Rom. 14. *Qui non manducat, manducantem non judicat.* Ubi Glossa (ut ait S. D.) ait: *Dubia in meliorem partem sunt interpretanda.*

*Ratio* tum ex illo juris naturæ principio: *Quod tibi non vis fieri, alteri ne feceris.* Sublumo: Sed nullus rationabiliter vult, actiones suas dubias accipere in pejus, sed in melius. Ergo. Tum ex illis Regulis juris: *Cum jura sunt obscura, res fovendum est potius, quam auctori.* Item: *In pari delicto, & causa melior est conditio possidentis.* Quæ Regulæ etsi procedant de foro fori, possunt tamen accommodari judicio fori interni, in quo etiam quilibet est habendus bonus, donec probetur malus. Ergo.

*Resp.* 3. Per se loquendo non tenetur homo dubia in meliorem partem interpretari positivè, v.g. in casu posito de homine sobrio, quem videobibentem, non teneor de novo judicare, quod id faciat ex necessitate, sed sat est, actum suspendere.

*Ratio:* Quia per hoc satis consulitur famæ proximi in re ambigua.

Dixi, *per se loquendo:* cum enim in talibus dubiis actum suspendere sit difficile, & homini in sit magna ad malè de proximo judicandum proclivitas, potest ad vitandum malæ æliminationis periculum contingere, quod homo teneatur exire in actum boni judicii; sed hoc est per accidens.

Quomodo resolvitur hunc casum?

XV. Vir probatæ fidei refert de femina honestissima, quod marito non fervet fidem. Nam si credam viro referenti, & interpreter in partem deteriore, facio injuriam feminae, quæ apud me est in possessione bonæ famæ: si non creda referenti, & interpreter in partem meliorem, inju-

injuriā facio illi, judicando eum esse mendacem. Ad hoc

*Dico:* Sedulū in primis considerandum est, quibus ex causis ille referens moveatur ad hoc referendum: si constitit fieri ex passione, odio, inhonesto amore, interpretatio facienda est in favorem fœminæ: si autem ex bono animo, ut nimirum adhibeatur remedium, optimum erit, suspendere judicium: si autem in actum exire velim, dubium interpretandum est in favorem fœminæ, id est, in meliorem partem: Quia juxta Regulas Juris, *Quando partium jura sunt obscura, &c.* Ille autem, de quo dicitur malum, obtinet locum Rei; *Jura promptiora sunt ad absolvendum, quam ad damnandum*, ut ait Abulenſis super caput 5. de præſumptionibus.

*Oppono:* Ex hoc sequitur jactura in honore ipsius referentis.

*Resp.* Imputet sibi, quia absque sufficiente causa proximum diffamat.

**QUÆRO XIII.** Teneturne Princeps semper judicare secundum verba Legis?

*XVI. Resp.* Distinguendo inter legem naturæ, & scriptam. Patet resolutio ex dictis de Epikœja suprà Tract. 6. Exam. 2. num. 14. & ibid. Exam. 5. num. 88.

**QUÆRO XIV.** Judicium usurpatum estne semper invalidum?

*XVII.* Sensus quæstionis est, an sententiæ, aut judicia, quæ feruntur ab aliquo auctoritatem non habente, v. gr. a Tyranno, seu Principe injuste per vim Rempubl. occupante, sint invalida, sic ut non teneatur quiseis obedire. Ex quo patet, illud dici judicium usurpatum, quod exercetur ab eo, quod id non habet auctoritatem; vel quod sit in personam judicanti non subjectam; vel in tali causa, in qua ei subjecta non est. Pro quo

Not. dupliciter aliquem dici Tyrannum. 1. Usurpatione potestatis, puta, qui absque ullo jure Rempubl. invasit, & oppressam tenet, quam tamen de facto in pace gubernat, nec Rempubl. ei resistit, & de hoc est quæstio. 2. Ulu regiminis, ut sit quidem legitimus Princeps, attamen tyrannice gubernet, & omnia commoda Reipublicæ ad suam utilitatem referat. Et de hoc certum est, quod non peccet jus dicendo; modò secundum justas leges judicet. Hoc præmissis,

*Resp. 1.* Tyrannus, qui est talis usurpatione potestatis, non solum peccat Rempubl. invadendo, & oppressam tenendo (idem est de hærede) sed & judicando.

*Ratio 1. p.* Quia ille Tyrannus retinet, quod non est suum. Ergo continuò peccat, usque dum legitimo titulo (v. gr. præſcriptionis) legitimus Princeps evadat.

*Ratio 2. p.* Quia alienam potestatem usurpare peccatum est.

*Resp. 2.* Sententia talis Tyranni lata secundum justas leges, est valida, & subditi tenentur ei parere, usque dum irritetur.

*Ratio:* Licet illa sententia non habeat vim a tyrannica potestate, bene tamen a Republ. quæ ad majora mala vitanda, & publicæ quietis causa eam recipit, & tacite approbat. Quæ de causa, nec subditi peccant parendo, nec Judices inferiores a Tyranno constituti jus dicendo.

## EXAMEN II.

*De Dominio, ejusque Subjecto, & Objecto.*

*De quo S. D. agit in variis locis sue Summæ, uti videre est in ejus Indice, Verbo Dominium, maxime 2. 2. q. 66. art. 1. & 2.*

**QUÆRO I.** Quid, & quotuplex est Dominium?

*XVIII. Resp.* Dominium definitur, quòd sit *jus*, seu facultas propria utendi re ad quemlibet usum lege permixtum. Ita communiter Theologi, & Juristæ, licet quidam aliquas particulas addant, alii detrahant; attamen eodem modo explicant.

Dicitur; *jus*; Nam omne Dominium est jus, seu legitima facultas, licet non è contra, ut patet in jure utendi re commodata, vel conducta. Perly *propria* Dominium differt a possessione, quæ potest esse sine Domino, ut patet in exemplo dato. Perly *ad quemlibet usum* differt ab usufructu, qui est jus utendi re, salva ejus substantia, uti & a jure pignoris, & hypothecæ. Dominium verò est jus eam destruedi, alienandi, donandi. Dicitur tandem, *lege permixtum*, quia leges interdum Domino prohibent certum usum rei, licet Dominium relinquunt; sic ad Gal. 4. dicitur: *Parvulus nihil differt a servo*, quoad usum bonorum suorum, cum sit *Dominus omnium*, puta, quoad proprietatem.

*Resp. 2.* Dominium variè dividitur. Nam cum dicat auctoritatem vel in personam, vel in rem; *Primo* dividitur in Dominium, jurisdictionis, seu personarum, & proprietatis, seu rerum. *Primum* est facultas propria gubernandi proprios subditos, ejusque actus sunt præcipere, prohibere, judicare, præmiare, punire, permittere. *Secundum* est facultas propria disponendi de re aliqua tanquam sua in proprium commodum. Ubi nomine rei intelligitur quævis res, v. gr. inanimata, vel brutum, immò & persona, si sit mancipium; secus, non.

2. Dominium Jurisdictionis subdividitur in Sæculare, & Ecclesiasticum.

3. Dominium proprietatis dividitur in perfectum,

fectum, quod continet proprietatem rei, & commodorum ejus: & in imperfectum, quod tantum habet, vel proprietatem rei absque emolumentis, vel emolumenta absque proprietate.

4. Dominium imperfectum est duplex, nimirum directum, & utile. Primum habet solam rei proprietatem, & hinc dicitur Dominus proprietatis, quale Dominium habet Princeps in feudis. Utile est, quod habet solam rei utilitatem, vel fructum, quale est illud, quod habet usufructuarius, feudatarius, emphyteuta, &c. Ne autem Dominium directum Dominio sit omnino inutile, etiam utilitas in certis casibus redit ad Dominum directum.

5. Dominium tam jurisdictionis, quam proprietatis dividitur in *altum*, seu superius, quod habet Rex, vel Respublica in bona subditorum; & in *jus bassum*, seu inferius, quod io eadem bona habent Domini inferiores, vel ipsi cives. Primum etiam dicitur Dominium remotum, alterum propinquum.

QUÆRO II. Quid est titulus, usus, usufructus, emphyteusis, feudum, superficies, servitus, possessio?

XIX. Resp. 1. Titulus est causa moralis, seu radix & fundamentum Domini, seu ex qua quis se probet Dominum rei, v.g. emptio, donatio, legatum, successio hæreditaria, electio ad Regnum, &c.

Præter titulum ad domini acquisitionem ordinariæ quoque conditio requiritur traditio rei, ejusque apprehensio. Dixi, *ordinariæ*, quia io certis casibus traditio non est necessaria: Ut in beneficiis, in iis enim sufficit collatio, & receptio. 2. In hæreditate sola additio, & acceptatione ante apprehensionem hæres acquirit dominium bonorum defuncti. 3. In legato. 4. Quandoquid donatur, venditur, aut relinquatur civitatibus, Ecclesiis, aut aliis personis, vel in redemptionem captivorum: alii casus videantur in Auctoribus.

Titulus alius est verus, qui a parte rei sufficit ad iustificandam possessionem, vel dominium; ut si res ematur a vero domino, vel accipiat a tali, qui potest donare. Alius præsumptus, seu coloratus est, qui licet a parte rei non sit verus, tamen ex bona fide, & in vincibili ignorantia creditur esse verus; ut si ematur ab eo, qui non est verus dominus, probabiliter tamen præsumitur esse, v.g. a fure bona fide. Qui titulus licet non sufficiat ad dominium, habet tamen aliquos effectus; nam sufficit ad rem bona fide præscribendam, & ad verum titulum per eam efficiendum.

Resp. 2. Usus rectè definitur, quod sit *jus utendi re aliena, salvo rei substantia*. Usufructus eodem modo definitur, modo addatur particula, & *fruendi*. Per ly *utendi* differunt a jure, quod creditor habet in pignus, vel hypothecam, & depositarius in rem depositam, qui iis uti non possunt. Dicitur & *fruendi*; plus enim juris est in usufructu,

quàm in solo usu. Ille dicitur *frui*, vel usufructuarius, qui io fructus habet plenam potestatem, ut possit eos vendere, donare, & rem fructiferam elocare alteri, redditus, vel pensiones percipere. Ille verò solum dicitur *uti*, seu usufructuarius, qui fructibus suis potest uti pro se, & sua familia, v.g. hortum intrare, in eo deambulare, fructus percipere, iis velci, & suos, uti & hospites alere. Dicitur, *salvo rei substantia*. Nam usufructuarius debet rem integram conservare proprietario. Hinc proprie loquendo, juxta sensum datæ definitionis (que loquitur de usu rerum permanentium) non videtur posse constitui usufructus io rebus uno actu consumptibilibus, v.g. vino, oleo, frumento, pecunia, &c. in quibus tamen utilitatis causa constituitur quasi usufructus: & tunc dominium transfertur in usufructuarium (si sit domini capax) hic autem debet dare cautionem, quod finito præscripto tempore pecuniam, vel rei æstimationem restituere velit.

Resp. 3. Emphyteusis est concessio rei immobilis cum translatione domini utilis, retento directo sub onere certa pensionis proprietario solvenda, vel in perpetuum, aut ad certum tempus, aut ad vitam nostram, vel plurimum; quod decennio non sit minus. Differt ab usufructu, quod hic etiam constituitur in rebus mobilibus.

Feudum est concessio rei immobilis, nimirum agri, vel pagi, &c. cum translatione domini utilis, retenta proprietate, sub onere fidelitatis, & obsequii personalis præstandi. Hi contractus licet sæpe pro eodem sumantur, differunt tamen, quod emphyteuta io recogitatioem domini directi teneatur præstare pensionem realem, feudatarius verò personale obsequium, cujus tamen loco solet imponi realis pensio, & tunc parum differunt.

Not. quod Vassallus sine voluntate Domini feudum non possit alioare, donare, impignorare, nec alteri in feudum concedere, &c.

Resp. 4. Superficies est contractus, quo superficies alieni fundi, seu soli, alicui (qui inde dicitur superficiarius) conceditur ad edificandam domum, plantandam vineam, vel hortum, &c. Hic contractus finitur domo, vel vinea destructa, quia non conceditur solum, sed tantum superficies soli, nec potest sine novo contractu de novo inædificare. Item tempore contractus finito, domus, aut vinea, &c. pertinet ad dominum fundi, nec superficiarius potest eis uti, licet dominus debeat ei solvere æstimationem illarum rerum, quæ sunt melioramenta jussu facta in re aliena. Duraote hoc contractus superficiarius domum, vel vineam potest locare alteri, si domino suodi non tenetur solvere pensionem: secus, non potest; quia tunc sunt vera Emphyteusis.

Resp. 5. Servitus dupliciter sumi potest: 1. Inquantum est ipsa subiectio, & obligatio rei, ad hoc

hoc ut alteri serviat, qui ex ea fructum percipere, vel ea aliquo modo uti, vel circa eam aliquid impedire possit. 2. Pro jure huic obligationi correspondente, & sic est jus utendi, vel fruendi re aliena, aut aliquid circa eam impediendi.

*Oppono.* Ergo est idem, quod usus, & ususfructus.

*Neg. conf.* Licet enim omnis usus, & ususfructus sit servitus, non tamen e contra. Nam jus, & obligatio, ne quis altius edificet, est servitus; non tamen est usus, vel ususfructus.

Dividitur Servitus in *merè personalem*, quæ a persona debetur personæ, ut si quis usum sui servi concedit alteri. Et in *merè realem*, quæ a re immediate debetur rei, ut est jus agrorum, domorum, &c. v.g. jus, quod per tuum agrum vado, vel jumenta duco ad meum. Dixi, *immediatè*, quia mediatè etiam debetur personæ, nimirum domino agri. Et in *mixtam*, quæ a re immediate debetur personæ, quæ illa re immediatè potest uti, vel frui.

XX. Servitus realis alia est rusticana, quæ prædio rusticano, alia urbana, quæ prædio urbano debetur. Prædium urbanum vocatur quodvis habitaculum, licet sit in villa, aut hortus annexus amoenitatis gratia. Jus ergo, quod habes, ne vicinus tuus possit altius attollere domum, ne tibi impediatur lumen, vel quod in parietem vicini possis immittere tignum, seu trabem, est servitus urbana. Prædium rusticum est, quodvis aliud v.g. horreum, stabulum, ager, &c. unde jus, quod habes, ut per alterius agrum possis in tuum ire, aquam, aut jumenta ducere, est Servitus rusticana.

*Resp.* 6. Possessio nomen habet a pedum positione, & potest lumi vel pro actu, & sic vocatur possessio facti; vel pro jure, & vocatur possessio juris. Prima est *detentio rei, corporis, & animi*, & *juris adminiculo interveniente*, id est, jure non prohibente, sicut prohibet locum sacrum possideri a Laico. Altera est ipsum *jus*, quod quis habet *re utendi*, seu *rei insistendi tanquam sua, non prohibita possideri*.

In hac definitione *res* sumitur generaliter, ut comprehendat etiam res incorporeales, v.g. census, beneficium, servitutem, &c. quæ dicuntur quasi possideri. Dicitur, *corporis*, quia ad possessionis saltem inceptionem requiritur, ut res aliquo modo manibus, vel pedibus, id est, corporaliter apprehendatur. Dicitur *& animi*: si enim non sit animus possidendi, res non possidet, ut patet in deposito, sicut & solo animo possessio amitti potest. Item si in tuo agro, te nesciente, lateat thesaurus, eum non possides.

Possessio alia est naturalis, qua præfens rem ut meam detineo; alia civilis, qua secundum Juris Civilis æstimationem rem semel a me naturaliter possessam, etiam absens possidere censeor, si nemo alius a possessione me dejiciat, &

maneat in me animus possidendi.

Apprehensio, quæ est possessionis rei inceptio, alia est vera, ut cum rem manibus apprehendo, vel pedibus insisto: alia est ficta, ut si dominus rei talem facit actum, quo juris æstimatione censetur alteri tradere rei, vel domus possessionem, v.g. tradendo claves domus; Immodantur casus, in quibus ex juris dispositione acquiritur possessio absque ulla apprehensione etiam ficta.

Possessio iterum alia est bona, alia malæ fidei.

Possessio habet diversos effectus, & quasi privilegia, ut quod possessor bonæ fidei possit rem præscribere, possit eam armis tueri, lite mota non teneatur probare rem esse suam; quod sit melior conditio possidentis. De quibus plura vide apud Juristas, & Canonistas.

QUÆRO III. In rebus unico actu, seu usu consumptibilibus, v.g. esculentis, poculentis, &c. distinguitur ne usus, seu jus utendi realiter a dominio? Vide infra Tr. 9. nu. 67. in Notab. inter res usu consumptibiles computari etiam pecuniam.

XXI. *Resp.* cum communiori sententia assertivè. *Ratio*: quæ realiter separantur, realiter distinguuntur, quod nemo negat, quia idem a seipso realiter nequit separari: Sed usus, seu jus utendi defacto in quibusdam realiter separatur a Dominio, ut patet in Religiosis, quæ rerum, quibus vescuntur, habent legitimum usum, etiam in particulari, & tamen nemo in particulari est capax Domini, sed solum in communi: immò Franciscani, qui sunt de Observantia, & Capucini, nec in Communi, nec in particulari bonorum suorum, sive mobilium, sive immobilium, etiam comestibilium Dominium habent, sed tantum usum, & Dominium eorum est penes Sedem Apostolicam auctoritate diversorum Summorum Pontificum Clementis V. Innocentii IV. Alexandri IV. Gregorii IX. ac præsertim Nicolai III. (vel ut alii volunt IV.) qui hoc Dominium in se, & Ecclesiam Romanam receperunt. Ergo, &c.

*Oppono* 1. Joannes XXII. hoc Dominium a se abdicavit exceptis Ecclesiis, Officiis, habitationibus, libris, & vestimentis sacris in Extravag. *Ad Conditorum*. Ergo.

2. Idem Papa ibidem illud Dominium vocat partim nugatorium, partim juri repugnans. Quis enim sanæ mentis credere poterit (ait) quod intentio fuerit tanti Patris Nicolai Antecessoris unius ovi, seu casei, & frustuli panis, & aliorum usu consumptibilium Dominium Romanæ Ecclesiæ, & usum Fratribus retinere?

3. Qui rem potest permutare, vendere, donare, &c. habet dominium, & non solum usum: Sed hoc possunt, & faciunt Franciscani. Ergo.

4. Usus definitur esse facultatem utendi re, salva rei substantia, ut ante diximus: Sed in rebus unico actu consumptibilibus non potest

test esse usus, salva earum substantia, cum per usum pereat substantia. Ergo.

Hæc sunt fundamenta Joann. XXII.

5. Ergo verum est dicere; 1. Quod Papa quasi quotidie Franciscanos invitet ad prandium, & traheat. 2. Quod Franciscani, dum mendicant, mendicant pro Papa, quod si scirent hæretici, Papam esse Antichristum blaterantes, nihile eis darent. 3. Quod qui furatur Franciscanis, furetur Papæ. 4. Quod & Papæ teneatur restituere, non ipsi. Prob. seq. Quia restitutio debet fieri vero Domino: Sed hic est Papa. Ergo.

6. Non est intentio eorum, qui Franciscanis aliquid donant, ut transeat in Dominium Papæ.

7. Ergo si Papa modernus illud Dominium a se abdicaret, bona Franciscanorum fierent primi occupantis. Prob. ex Reg. Juris. *Quamnullius sunt primi occupantis.*

8. Sequitur ex hac sententia, quod usus rei, utpotè a Dominio separatus, possit seorsum appropriari, & vendi, si res vendatur: Sed hoc est contra S. Tho. hic q. 78. art. 1. in c. dicentem: In talibus non dicitur seorsum computari usus a re ipsa: Sed cuicunque conceditur usus, ex hoc ipso conceditur res. Ergo.

*Ad 1. Resp.* Quod quamvis ita sit, alii tamen Pontifices illud Dominium rursus admiserunt, ut constat ex Privilegiis dicti Ordinis, Verb. *Paupertas*. Hinc flante illa abdicatione Joannis XXII. Dominium illarum rerum mansit apud Donatores ob non acceptationem tum Papæ, tum Franciscanorum, acceptantium solum usum.

*Ad 2. Resp.* Joannem XXII. in ea Extravag. errasse, non ut erat Papa loquens ex cathedra in materia Fidei, vel morum, sed ut Doctorem privatum.

*Ad 3. dist. maj.* Qui potest independentem a placito alterius, conc. maj. dependenter, neg. maj. Et sic dist. min. neg. conf. Franciscani ergo totum hoc faciunt dependentem ab interpretativa voluntate Papæ.

*Ad 4. maj.* est vera de usu non generaliter sed specialiter sumpto, prout præcisè comprehendit res permanentes. In generali debet definiri sic: Est actus, vel jus, quo quis utitur realia aliena de alterius (ad quem ipsæ) consensu.

*Ad 5.* Admitto primam sequelam, & gratulor felicitati Convivarum. *Secunda* sequela vera est in sano sensu, hoc nimirum, quidquid Franciscani colligunt, & acquirunt, Domino Papæ accrescit, etsi res minima sit. Nec hoc Dominium est inutile, quia conducit ad salvandum perfectissimum modum Evangelicæ paupertatis. *Tertia* sequela non negatur, sic tamen ut Franciscanis furetur usum. *Quarta* sequela neg. Ad prob. dist. maj. nisi Dominus velit, ut restitutio fiat alteri, cui concessit usum rei, cõc. maj. si id velit, uti in præsentia vel Papa, neg.

*Tribunal Confessarium.*

maj. Sicque interpretatur intentionem eorum, qui elemosinas illis Patribus donant.

*Ad 6. dist. ant.* Non est intentio explicita conc. implicita neg.

*Ad 7. neg. conseq.* Ad prob. Regula est vera de iis, quæ nullius sunt tam quoad usum, quam quoad dominium.

Not. tamen, si quis Franciscanis aliquid donaret non absolute, & simpliciter, seu non independentem a sua voluntate, dominium rei maneret apud Donatorem, & solus usus apud Franciscanos: hic vero est sermo de donatione absolute facta non reservato ullo jure rei.

*Ad 8. dist. maj.* Usus posset seorsim æstimari tanti quanti res secundum se, & simpliciter, valet, neg. maj. esset enim usura, minoris tamen quam res ipsa secundum se, sic ut ex pretio usus, & ex pretio rei coalescat unum adæquatum pretium, quod justam restitutionem non excedat, conc. maj. de quo vide infra de usura Tr. 9. n. 67. R. 6. S. Tho. cit. loquitur de usu, seu jure utendi absolute tali, & quod est independentens ab alio.

Not. a quibusdam DD usum rei (sive sit usu consumptibilis, sive non) dupliciter accipi. 1. Per modum habitus, quem vocant usum juris, conferturque alicui irrevocabiler, & est habitualis facultas utendi re independentem a voluntate concedentis. Et hic non distinguitur a Dominio. 2. Per modum actus, quem vocant usum facti, conferturque revocabiler, & est potestas actualis utendi re, dependenter tamen a voluntate concedentis. Vocatur verò usus facti, non quasi nihil juris habeat (aliis enim ille usufructus esset injustus) sed quia jus, quod habet, non est absolutum, sed a placito alterius dependens. Et de hoc est sermo. Exemplum primi est in pane mutuo, quem comedere potes etiam nolente eo, qui dat eum mutuo. Exemplum secundi est in pane oblato in convivio, quem comedis dependentem a placito ejus, qui te invitat, cum sine injuria eum tibi auferre possit. Hac distinctione varia solvi possunt argumenta, & textus Juris explicari.

#### *Subiectum Domini.*

**QUÆRO IV.** Quinam sunt capaces Domini? num parvuli, filii familias, uxor, servi?

*XXII. Resp. 1.* Parvuli ante usum rationis (idem est de amentibus) habent Dominium habituale, fundatum in potentiis naturæ rationalis; non tamen actuale, defectu usus rationis, ut patet ex epist. ad Gal. 4. cit. suprà n. 18.

*Resp. 2.* Loquendo de filiis familias sub patria potestate constitutis, quadruplex peculium est distinguendum. 1. Castrense, quod in castris, seu in militia armata, vel occasione militiæ partum est, ut prædæ, stipendia, donativa, legata in bello accepta, & omne lucrum ex his proveniens,

T

nicus,

niens, &c. Et hujus peculii habent dominium directum, & utile, seu non solum proprietatem, sed & usufructum, ac administrationem modo habeant annos pubertatis, id est, decimum quartum ætatis. Nec parentes ex eis quidquam usurpare possunt, nisi alimenta filii.

*Secundum* est quasi Castrense, ita dictum, quia gaudet privilegio peculii castrensis, et quæ omne illud (juxta privilegium a Justiniano Imper. Clericis concessum) quod filius ex Beneficio, & post Clericatum acquirat ex militia togata, & ex Officio publico liberali, sive non mechanico, v.g. Advocati, Judicis, Professoris Academici, Tabellionis, seu Notarii. Et hujus peculii dominium tam proprietatis, quam utile est apud filium-familias, ut dictum est de Castrensi.

*Tertium* est Profectitium, quod primario a parente provenit, ut si parentes filio concedant aliquorum bonorum administrationem; vel quod principaliter, & proxime parentum causa, v.g. ob amicitiam, sive obsequium eorum datur. Secus, si detur ob respectum filiorum. Et hoc peculium tam quoad proprietatem, quam quoad utilitatem totum est parentum, sine quorum consensu si illud expendant, peccant contra septimum præceptum.

*Quartum* est adventitium, quod filius aliunde quam ex re patris, nimirum ex matris, vel aliorum hæreditate, donatione, officio, negotiatione, sibi quoad proprietatem, patri quoad usufructum acquirit.

*Resp. 3.* Uxor habet liberam dispositionem, & plenum dominium bonorum paraphernalium, nimirum eorum, quæ præter dotem a suis accepit. In aliquibus ita habet dominium, ut marito cedat usufructus, qualia sunt, quæ durante matrimonio inter se acquisierunt pro media parte, nisi obstat alia lex, aut aliter sint stipulatis, de quo vide infra in hoc Tract. Exam. 4. n. 57. ubi hoc magis explicatur.

*Resp. 4.* Servi propriè dicti non habent dominium bonorum fortunæ perfectum, & independentia potestate dominorum.

*Ratio:* Quia jura expressè dicunt, servos, quidquid quavis causa, vel occasione acquirunt, domino acquirere. Dixi *perfectum*, quia dominium imperfectum aliquorum rerum habere possunt, ut si servis aliquid donetur ob industriam, præstitum servitium, in compensationem illatæ injuriæ, &c. non intuitu domini.

#### *Dominium Religiosorum.*

QUÆRO V. Quid de eo sentis?

XXIII. Præmissis, quidquid dicitur de Monachis, sentiendum etiam esse de Monialibus.

*Resp. 1.* Religiosi professi in communi, seu Communitates Religiosæ, (exceptis FF. Minoribus de Observantia, & Capucinis, de quibus

ante dictum) sunt capaces veri, & strictè dicti dominii bonorum temporalium. Patet ex Trid. Sess. 25. c. 2. de Regularibus.

*Resp. 2.* Religiosi solemniter professi in particulari sunt incapaces omnis domini, seu proprietatis bonorum temporalium: Patet ex Trident. ibid. c. 2.

*Ratio:* Quia per votum solemne paupertatis se fecerunt incapaces.

*Dixi 1. solemniter professi.* Nam Religiosi Soc. Jesu, qui post Novitiatum emittunt vota simplicia, licet juxta Bullam Greg. XIII. sint verè, & propriè Religiosi, manent tamen (usque dum edant vota solemnia) capaces domini temporalis: quod tamen in eis est ligatum, & autui Superioris subiectum.

*Dixi 2. bonorum temporalium:* si enim sermo sit de juribus, & bonis spiritualibus, ut sunt honor, fama, beneficium, jus eligendi, manendi in tali cœnobio, eorum retinent dominium, vel quasi dominium, etiam in particulari: possuntque nomine proprio agere ad ea tuenda, illis enim renuntiare non convenit, ut colligitur ex S. Thom. infra q. 186. ar. 7. ad 4.

*Resp. 3.* Religiosus professus in particulari etiam est incapax usus, & usufructus, & administrationis temporalis a Superiore independentis.

*Ratio* est eadem, quæ pro Responsione 3.

*Resp. 4.* Religiosus, ne quidem per licentiam Papæ potest habere peculium independentem, ita ut nec per Papam possit revocari, & ad certos usus limitari.

*Ratio* est eadem.

*Resp. 5.* Licet est Religioso professio habere pecunias in communi Confratrum deposito asservandas (ad usus sibi a Prælati concessos, vel concedendos) in quantitate moderata.

*Ratio:* Totum enim hoc fit ad nutum, & placitum Superioris: Ergo non læditur paupertas.

*Resp. 6.* Juxta probabiliorē sententiam Religiosus (Idem est de Moniali) professus non peccat, etiam post Conc. Trid. si ex Prælati licentia, sublatō omni abusu, & simulatione, habeat annuos census, seu redditus in Registro proventuum Monasterii registrandos per Cœnobii Syndicum, seu Procuratorem annuatim exigendos, in communi deposito reponendos, & non (nisi servatis communis depositi legibus) extrahendos: si ve Religiosus hos redditus in testamento ante Professionem a se condito sibi reservaverit, si ve a consanguineis, vel aliis ei sint legati, si ve sint empti ex bonis a Religioso jam professio acquisitis, quorum dominium jam transferat in Communitatem.

*Ratio:* Quia Communitas potest censum annuum (nomine Communitatis fundatum) Religioso, vel in præmium laboris, vel pro decēte vestitu concedere. Et ita patet ex usu sapient.

fapientiffimorum, & timoratorum virorum.

Et hoc maxime verum est de Monasteriis (quorum prob. dolor ! sunt multa nimis) ex refrigerante proximi charitate, tanta media non habentibus, ut sicut in victu, ita & in amictu perfectam servant Communitatem.

**QUÆRO VI.** Scilicet assignare aliquam regulam, & licentiam prodignoscendo, an, & quando Religiosus peccet contra paupertatem?

**XXIV. Resp. 1.** Religiosus violans votum Paupertatis peccat mortaliter ex genere suo.

*Ratio:* Quia per illud omni rei temporalis dominio, immò & usu independenter se privavit. In individuo tamen non semper peccat mortaliter, sed tantum venialiter juxta quantitatem rei, uti contingit in furto. Hinc quæ ex objecto est materia gravis pro furto, erit etiâ pro peccato mortali contra votum paupertatis.

*Resp. 2.* Licentia est duplex: Una expressa, & formalis, & hæc licet sit optima, non tamen semper est necessaria, immò nec in quovis casu haberi potest, ut si Superior non addit. Altera est virtualis, seu interpretativa, vel rationaliter præsumpta. Quæ variè potest intelligi. 1. Sic, ut subditus fiat licentiam, si eam petat, sibi non esse denegandam; aut simul fiat voluntatem Prælati esse, ut nihil fiat sine licentia ejus expressa; Et hæc licentia virtualis, vel præsumpta non sufficit, ut potest nimirum laxans votum Paupertatis. Unde est regula Juris: *Expressè requisitum facit cessare præsumptum.* 2. Sic, ut si hoc, vel illud feceris, librum emero, aliquid donavero, &c. placebit Prælati, & is infallibiliter consentiret, si licentia peteretur. Addi potest 3. nimirum tacita, seu implicita, quæ colligitur, vel ex communi consuetudine a Superioribus tolerata; vel est tunc, quando alius adus est expressè concessus, & in eo alius continetur, ut si alicui expressè sit data licentia peregrinandi, implicitè ei datur licentia pecunias ad honestos usus accipiendi, & expendendi. Ex his

*Resp. 3.* Probabiliter est, quòd licentia tacita in sensu explicato excuset a peccato, ut & justè, seu rationaliter præsumpta ad aliquid recipiendum, vel dandum. Ita Donatus de la Cruz, &c.

*Ratio:* Tum quia eadem est vis taciti, & expressi, per *L. cum quid, ff. de rebus creditis.* Tum quia præsumptio de voluntate domini sufficit, ut alienæ rei usurpatio excusetur a furto, juxta *L. inter omnes. g. relict. ff. de furtis.* Ergo & sufficit ad excusandum a violatione Paupertatis. Tum tandem quia subditus in hoc casu re temporalis non utitur independentèr a placito Superioris, hic enim justè præsumitur esse non invitatus.

Adhuc pulchre S. Tho. 2. 2. q. 31. a. 8. ad 1. ubi docet, quòd Religiosus, etiam non habens dispensationem rerum temporalium, possit ex licentia

Superioris probabiliter præsumpta facere elemosinas. Ad idem facit, quòd NB. Superiores alicubi non soleant tam rigorosè petitionem licentiæ in casu, de quo est sermo, exigere ab emeritis, & gravioribus, quàm a junioribus.

Hanc doctrinam meritò limitat noster Donatus. 1. Non tenere, si in aliqua Religione esset statutum, vel præceptum, ut licentia petatur expressè, ut patet ex Reg. antè cit. 2. Non habere locum in rebus gravibus, ut sunt distractiones rerum Religionis, pertinentia ad cultum divinum, &c. in iis enim Superior magis præsumitur invitatus quàm voluntarius. 3. Licentiam præsumptam sufficere quidem pro foro poli, non tamen semper pro foro fori, quia ne fiat mala consequentia, tales subinde sunt calligandi.

Addi potest 4. Qui operatur ex licentia rationabiliter præsumpta, eò quòd antè Superiorem physicè, vel moraliter adire non potuerit, tenetur ei postea id dicere data occasione, nisi justa causa excuset. Hoc ad licentiam ante explicatam non requiritur.

*Resp. 4.* Ut licentia Superioris usum rei temporalis subdito faciat licitum, debet esse libera, seu perfectè voluntaria.

*Sensus est:* Licentia non debet esse obtenta per fraudem, aut metum: Unde si Superior subdito licentiam det ex metu, ne querelis, vel murmure turbet Communitatem, aut si obinetur falso prætextu, vel reticendo ea, quibus cognitis fuisset denegata, subditus non est liber a peccato.

*Ratio:* Quia fraus, & dolus nemini patrocinantur.

*Resp. 5.* Licentia ergo debet esse ex justa causa, quæ potest esse multiplex, nimirum pietas in egentibus parentibus, vel proximis consanguineis, remuneratio, seu gratitudo, utilitas communis, v. g. ad finem docendi, studendi, &c. utilitas privata, non solum intuitu infirmitatis, sed & sanitatis, aut necessariorum vitæ, vel vestimentorum, vel ad similes decentes usus non superfluos.

*Resp. 6.* Si Religiosus habeat a Superiore licentiam aliquas pecunias distrahendi, in quos voluerit usus; si eas expendat ad inhonestas, & turpia, non excusatur a mortali violatione voti Paupertatis. Ita probabiliter teneo cū Donato.

*Ratio:* Tum quia licentia est interpretanda juxta facultatem concedentis. Tum quia nemo potest plus jure in alium transferre quàm ipse habeat, c. nemo potest. de reg. juris in 6. Quia nemodati, quod non habet: Sed Prælati non habet auctoritatem disponendi de rebus monasterii ad turpia, & inhonestas, nec est dominus, sed solum administrator bonorum ejus. Ergo talem licentiam dare nequit.

*Resp. 7.* Religiosus facilius potest præsumere licentiam Prælati ad alteri commodandum



aliquid Communitatis, vel sibi applicandum, quàm ad vendendum, donandum, commutandum, &c.

*Ratio.* Quia commodare non est actus translatus domini, sicut est venditio, donatio, commutatio.

Eodem modo potest faciliùs præsumere voluntatem Prælati ad dandum aliquid Fratri de suo Conventu quàm Fratri alterius Conventus, vel Ordinis, aut Sæculari. Item ad rem levem faciliùs quàm ad pretiosam.

*Resp. 8.* Si Superior Religioso det licentiam ad usus, honestos quidem, sed superfluos, ad emendam rem pretiosam superfluum, vasa aurea, argentea, gemmas, &c. illa licentia est quidem valida (nisi cederet in grave detrimentum Communitatis,) & subditus ea utens non peccat peccato proprietatis; est tamen illicita, & subditus peccat contra statum Paupertatis, nec minùs Superior eam dando, cujus est zelare regemorem discipulorum.

*Ratio 1. p.* Tum quia aliàs venditor in eo casu peccaret mortaliter retinendo pretium, deberetque restituere: Sed hoc est contra communem praxim. Ergo. Tum etiam quia subditus nõ utitur re temporali auctoritate propria, & independentem ab alio. Ergo non fit proprietarius.

*Ratio 2. p.* Tum quia Prælati in eo casu graviter abutitur sua potestate, cum non sit bonorum Censuræ dominus, sed œconomus. Tum etiam, quia Religiosi ex vi voti Paupertatis obligantur ad non habendum nisi necessaria juxta decentiam status. Ergo si notabiliter excedant, peccant mortaliter contra statum paupertatis.

Et hæc sententia probabilior est, & tutior, tenetque non solum pro Religione reformata, sed & reformanda, exceptis militaribus, Melitensibus, Teutonicis, &c. Ex dictis colligitur, quod violatio voti paupertatis sit separabilis a vitio proprietatis.

Ad præsens optimè serviunt Responsa S. Congregationis ad quæstia sibi proposita.

*Ad 1.* An ex dispensatione Superiorum liceat possidere, vel tenere agros, annuos redditus, aliaque bona immobilia, & mobilia superflua, non obstante Tridentino? Censuit non licere.

*Ad 2.* An per talem dispensationem, seu licentiam exculentur a culpa, & pœna? Censuit negativè.

*Ad 3.* An credendum sit Superioribus dicentibus, se posse dare licentiam talem? Censuit negativè.

*Ad 4.* An Superioris arbitrio, & præfinitioni stare debeant Regulares quoad mobilia superfluitatem, vel convenientiam? Censuit, nisi de excessu arbitrii constiterit, utique standum habita ratione Personæ, Officii, & Regulæ, statumque paupertatis, quam professi sunt, & cæterarum itidem qualitatum. Hæc ibi.

QUÆRO VII. Quomodo resolvis hoc casum?

*XXV. Primus est:* Est quidam Religiosus, qui pecunias non imponit communi deposito, sed retinet in cella, cum firmo tamen animo non expendendi nisi delictis Prælati. Peccatne mortaliter?

1. Religioso a quodam amico sæculari offeruntur pecunie, sed ipse dominum illum rogat, ut eas apud tertium deponat, ut casu, quo indigerit, possit cum Superioris licentia aliquid inde pro sua necessitate accipere; peccatne?

2. Prælati Religioso dedit licentiam accipiendi e suo deposito unum aureum ad emendos libros, ipse verò illum expendit ad alios usus, sibi tamen necessarios.

3. Prælati videt, & scit, subditum aliquid distrahere, vel acquirere, & non contradicit. Hæc Prælati taciturnitas æquivalens licentiæ tacitæ, ita ut excuset a vitio proprietatis?

Ante resolutionem dico, certum esse, hæc omnia saltem esse contra perfectionem paupertatis. Quopremisso

*Ad 1.* R. Talem Religiosum non statim condemnarem peccati mortalis: quia *intentio judicat omnes*: Hoc autem solum verum est stando præcisè in natura voti paupertatis, id est, si non obstat speciale præceptum, & non fiat animo pecuniam occultandi Prælato. Cæterum si a Prælato fieret scrutinium circa ea, quæ quis Religiosus habet, & nihilominus in cella, vel alibi occultaret, peccat mortaliter ex genere suo. Dico *ex genere suo*, quia in individuo posset esse veniale ob levitatem materiæ. Si verò etiam in re levi adesset contemptus obedientiæ, vel animus ad majora occultanda, esset mortale.

*Ad 2.* Suppositis clausulis mox insinuat, R. quod talis Religiosus non peccaret mortaliter contra paupertatem, quia nec proprietatem sibi attribuit, nec jus, nec usum pecuniæ sibi appropriat. Hæc tamen praxis non est consulenda, quia potest esse scandalosa.

*Ad 3.* Si adsit necessitas, vel parvitas materiæ, vel licentia rationabiliter præsumpta, non peccat.

*Ad 4.* Difficultatem facit illa Juris Regula. *Qui tacet, consentire videtur*. Sed Donatus nos ter ex Navarro bene distinguit duplicem taciturnitatem: Una est permissiva, sicut Deus permittit peccata, & hæc non excusat; altera approbativa, & hæc excusat.

*Sed dic.* Quomodo potes scire esse taciturnitatem merè permissivam, vel approbativam?

*Dico.* Certam regulam pro hoc statui non posse. Præfatus Auditor ex aliis DD. id bene explicat. 1. Debere cognoscere ex circumstantiis personarum, rei, occasionum, ob quas rationabiliter potest præsumi voluntas Superioris. Item ex causa taciturnitatis, quæ sit iusta, indubie excu-

excusat a vitio proprietatis, secus si iniusta. 2. Si Prælati sciens, taceat ex verecundia, vel timore, aliove respectu, quia nimirum homo pacificus est, subditus verò est inquietus, agrestis, turbulentus, &c. est taciturnitas permissiva: approbativa verò est, si ex nullo simili motivo taceat, immò solitus etiam his occasionebus irasci, arguere, clamare, non clamet, non irascatur, non minetur. Et tunc tenet illa regula: *Qui tacet, consentire videtur.*

**QUÆRO VIII.** Scilicet assignare regulam pro directione ipsiusmet Prælati in danda licentia Religioso quoad usum rei temporalis?

**XXVI. Resp.** Prima Regula patet ad Q. 6. in R. 6. & 8. quòd nimirum Prælati non possit dare licentiam, ut subditus re temporali utatur turpia, & superflua, sed requiritur iusta causa licentiæ.

2. Idem debet observare etiam quoad suam Personam, & Communitatem.

3. Non potest subito concedere facultatem irrevocabilem utendi re temporali, quia hoc esset eum facere proprietarium.

4. Quomodo se habere possit, ac debeat in taciturnitate, patet ex antea dictis.

5. Prælati Regulares possunt sibi, & suis concedere licentiam de bonis sibi applicatis donandi usque ad decem aureos pro causa pia, & rationabili, v. gr. pro pauperibus, pro nuptiis cognatorum, pro gratificatione beneficiorum, pro cultu divino, & similibus. Non tamen possunt amplius influmere sine licentia Provincialis, aut alterius similis, vel superioris Prælati.

Ita noster de la Cruz citans Cordubam, & Ludov. Lop. addens: Et ita, ait iste, præceptum est FF. Ord. Præd. in Capitulo Pisano.

An verò Prælati eandem licentiam dare possit hospitibus sui Ordinis, concludit idem auctor negativè; quia in Constit. FF. Prædicatorum d. t. c. 14. prohibetur, ne Religiosus pecunias expendat sine licentia sui Prælati: Sed Prælati unius Conventus non est propriè Prælati hospitium in suo Conventu existentium, licet ex earumdem Constitutionum, & Ordinationum dispositione in aliquibus hospites ei subdantur. Ergo.

6. Potest Superior Religioso subito dare licentiam ludendi pro modica quantitate, ludo tamen honesto, & intrà limites honestatis manente, secluso scandalo, & lege prohibente.

**Ratio:** Quia ludus omni mala circumstantia carens est actus virtutis Eutrapeliæ juxta S. Th. 2. 2. qu. 168. a. 2. cujus doctrina fuisse resoluta est supra Tract. 3. Exam. 3. n. 49.

Dixi 1. in modica quantitate, pro qua tamen certa regula statui nequit, sed relinquitur arbitrio viri prudentis, considerata Religione, persona, & dignitate ludentis, uti & quantitate concessi peculii.

*Tribunal Confessorium.*

**Dixi 2. seclusa Lege prohibente.** Hinc Superior non potest indulgere, ut subditus Religiosus ludat principaliter propter lucrum, vel aleis, intelligendo per aleas omnem ludum, qui nitiur, forte, casu, fortuna magis, quàm arte, ac industria humana. Vide de hoc nostras Constitutiones dist. 1. de gravi culpa c. 18. tex. 1.

**Sed quid si Religiosus luderet abique omni licentia?**

**Dico,** Peccat contra votum paupertatis.

**Ratio:** Quia pecunias exponere ludo est actus domini. Hinc, qui ab eo lucratur, tenetur restituere, non ludenti, sed Monasterio.

7. Prælati, vel Prælati non potest moniallem licentiam, ut suo Confessario frequenter det multas pecunias, licet eas accipiat a suis Propinquis.

**Ratio:** Quia Superior abuteretur graviter sua potestate in rebus Monasterii, cui Monachus, vel Monacha acquirit quidquid acquirit, unde & Confessarius teneretur ad restitutionem.

**QUÆRO IX.** Sit casus: In Camera defuncti Religiosi reperitur bursa multorum florenorum, estne præcisè ob hoc privandus Ecclesiastica Sepultura tanquam proprietarius?

**XXVII. Resp. Negativè. Ratio:** Tum quia fundamentum privationis Ecclesiasticæ sepulturæ est notorium peccatum mortale (quoad præsens) proprietatis, in quo defunctus decelset, sed hoc non scitur de illo Religioso; dubia enim in meliorem partem sunt interpretanda, & quilibet est habendus bonus, donec probetur malus; hic autem non potest probari proprietarius, nam potest judicari, quòd habuerit licentiam ab alio Superiore, v. g. Generali, vel quòd habuerit suum peculium in Camera ad lustrandum, & ostendendum Superiori, fuerit autem morte præventus. Vel (qua ratione resolutio etiam tenet de Religioso strictioris Observantiæ, alioquin peculium non habente) quòd pecuniæ sint apud eum depositæ, aut ei commissæ loco restitutionis, elemosynæ, &c.

**Oppono:** Legitur, quòd B. Gregorius Monachum repertum proprietarium fecerit tumulari in sterquilinio, non obstante, quòd ante pæniterit.

Ad hoc R. factum esse in exemplum, & terrorem aliorum.

**QUÆRO X.** Quid sentis de bonis Religiosorum beneficiorum, vel ad alium Ordinem transeuntium, ejectorum, fugitivorum, apostatarum?

**XXVIII. Resp. 1.** Regulares ad quamcumque dignitatem, etiam Episcopalem, vel Cardinalitatem evekti, non sunt domini reddituum beneficii, sed tantum habent jus eos administrandi, vel dispensandi: tum ad congruam sui status sustentationem, tum ad alias piæ causas.

Ita S. Tho. in frâ q. 88. art. 1. r. ad 4. cujus verba vide in frâ in Tract. 10. Exam. 3. ad Q. 9.

*Ratio :* Quia votum paupertatis non est incompossibile cum statu Ecclesiastico, immò exornat eum, ut patet exemplo Apostolorum. Ergo non est ratio, cur non maneat.

*Resp. 2.* Bona, quæ Regulares beneficiati spirituali titulo Beneficii, vel Ecclesiæ acquirunt, acquiruntur ipsi Ecclesiæ, id est, cœtui Ecclesiastico talis Ecclesiæ in communi, nisi Beneficium sit Monasterio, vel mensæ Abbatis incorporatum, ut patet ex Clem. unica, de supplend. neglig. Prælat. ut proinde quando moriuntur, Ecclesia succedit ab intestato. Si verò bona sint comparata titulo profano, hæreditatis, donationis, industriæ, & beneficium sit manuale, id est, ad nutum Prælati, vel Patroni beneficii auferibile, acquiruntur Monasterio.

*Ratio :* Quia tunc persona Beneficiati adhuc subest Monasterio. Ergo talia bona nec retinere, nec usurpare potest absque Prælati licentia. Si verò Beneficium sit perpetuum, etiam hæc bona sunt Ecclesiæ.

*Ratio :* Quia tunc persona Beneficiati est a Monasterio separata, quod suo juri circa ipsam cessit.

*Resp. 3.* Bonorum Religiosi ad alium Ordinem transeuntis, actuale dominium Religioni, & qua transit, jam acquisitum, manet penes ipsam.

*Ratio :* Quia nulla est lex, quæ eam bonis illis privet; Nec Professio facta est cum conditione, si manserit in Religione, sed potius Lex solum concedit illum transitum, ut fiat sine præjudicio tertii. Ergo.

*Resp. 4.* Bonorum, quorum solum spem, & jus ad rem habebat prior Religio, vivente adhuc Priore domino, dominium acquirit facta Professione Religio, ad quam transit, si illa sit capax domini; si verò ejus sit incapax, durante Novitiatu manent suspensa sub dominio hæredum, & ipsi secuta Professione, succedunt ab intestato.

*Ratio* patebit immediatè ante R. 6.

*Resp. 5.* Si Religiosus justè sit ejus, & ratione beneficii certæ Ecclesiæ addictus, bona ejus acquiruntur Ecclesiæ ob rationem datam immediatè ante R. 3. Si autem vagus oberret, cum bona ejus non sint derelicta, aut vacantia, nec primò occupanti permissa, spectant ad Religionem, unde est egressus.

*Ratio :* Quia convenientior dominus non potest assignari.

*Resp. 6.* Si sit injustè ejus, manet membrum Religionis, ac proinde illi tanquam suo corpori acquiritur.

*Ratio :* Nam ejus factio injusta, vel contingit culpa solius Prælati, & tunc est personalis, quæ non debet nocere toti Communitati; Vel culpa totius, aut majoris partis Conventus, &

tunc meretur quidem horum bonorum privationem, sed ante Judicis sententiam non incurrit poenam.

*Resp. 7.* Si fugitivi, & apostatæ acquirant aliqua titulo beneficii Ecclesiastici, illa spectant ad Ecclesiam, cujus est beneficium, ut habetur c. cum in Novitiis, de Testam. Siverò aliqua acquirant titulo quodam personali, illa veteri quidem jure essent Religiosis, unde excelebunt, sicut bona servi fugitivi pertinent ad herum. l. prima, §. 1. de acquir. possess. Sed ex nova Extrav. Greg. XIII. si foris moriantur, quocunque titulo acquisita cedunt Cameræ Apostolicæ. Quod si aliam Religionem ingrediantur, & per ignorantiam bona fide recipiantur, eadem Religio acquirit dominium, sicut dominus bona fide emens servum profugum, sed si recipiantur mala fide, dum nimirum scitur, quòd transitus sit illegitimus, quæ acquirunt, spectant ad priorem Religionem.

**QUÆRO XI:** Teneturne Monasterium ex delicto, vel debito Religiosi?

**XXIX.** Ante R. Not. duplicem esse obligationem. Una est Civilis, ad quam nimirum datur actio in foro externo. Altera naturalis, cui licet reges non assistant, in foro externo actionem concedendo, non tamen ei resistunt, quin possit esse obligatio in conscientia. Hoc notato.

*Resp. 1.* Monasterium ad nihil tenetur ex delicto Religiosi, etiam ipsiusmet Prælati, nisi in quantum exinde aliquid ad Monasterium pervenit, vel conversum est in utilitatem ejus.

*Ratio :* Quia delictum personæ in damnum Ecclesiæ redundare non debet, c. cum olim r. 4. de Privileg.

*Resp. 2.* Monasterium non tenetur ex contractu, quem Religiosus post Professionem iniit, nisi in quantum ipsi tacite, vel expresse fuit commissæ administratio. Cæteròquin potest eum vel ratificare, vel rescindere.

*Ratio :* Quia Religiosus Professus tantum facultatis non habet.

Dixi, post Professionem. Certum enim est, quòd debita ante ingressum a Religioso contracta Monasterium teneatur solvere ex bonis per Religiosum acquisitis.

*Ratio :* Quia nemo debet, vel potest ex re aliena dītēscere: Sed in eo casu bona Religiosi jam erant debita, & obstricta aliis. Ergo.

*Resp. 3.* Si in quodam contractu ex parte Religiosi intervenit culpa theologica injustitiæ, imple naturaliter obligator restitueret, & damnum datum pro possibili, quantum status patitur, compensare etiam ex iis, quorum ex Prælati licentia habet liberam dispositionem.

*Ratio :* Quia status Religionis non impedit naturalem obligationem compensandi damnum iniuste illatum, licet illius obligationis, & restitutionis executionem ad tēpus excuset.

*Resp. 4.*

*Resp.* 4. Si nulla iniustitiæ culpa intercessit, nulla contrahitur obligatio.

*Ratio:* Quia contractus ex natura rei fuit nullus, & supponitur, quod non addit ullus alius titulus vel rei acceptæ, vel iniustæ acceptionis.

**QUÆRO XII.** Incapacitas domini annexa voto paupertatis oriturne ex natura voti, vel constitutione Ecclesiæ?

*XXX. Resp.* Juxta mentem Angelici Doct. probabilius est, quod oriatur ex natura voti, jure naturæ ei annexa.

*Ratio:* Si incapacitas domini voto solemnium paupertatis solum esset annexa ex constitutione Ecclesiæ, Ecclesia posset in ea dispensare: Sed non potest; nam in c. ad monasterium, Innocentius Papa ait: Abdicatio paupertatis sicut etiam custodia castitatis adeo est annexa Regulæ Monachali, ut contra eam nec Summus Pontifex possit licentiam indulgere.

Dixi, *juxta mentem Ang. Doct.* Ille enim infra q. 88. art. 11. citans præfatum caput, negat Papam dispensare posse cum Religioso professio, aut facere, quod Religionem professus non sit Religiosus. Verba S. Thomæ nimis clara referuntur infra in Tract. 10. de Relig. Exam. r. n. 47. & 48. de Indispensabilitate voti solemnium castitatis. Ubi, quæ dicuntur, omnia hic servantur. Vide verba S. Thomæ supra cit. nu. 28. post R. 1.

Ex dictis colligitur hæc definitio Religiosæ paupertatis: Est voluntaria Renunciatio omnium rerum possessorum, omnique juris possidendi per solemne votum facta in Religione approbata a sancta Sede.

An Religiosi possint testari, seu testamentum facere, vide infra n. 24. ante R. 4.

#### *Dominium Clericorum.*

**QUÆRO XIII.** Quid de eo censet?

*XXXI.* Ante R. Not. distinguendum esse inter bona Ecclesiastica, & Ecclesiasticorum, seu Clericorum. Prima sunt, quæ immediate, seu proxime spectant ad ipsam Ecclesiam, v.g. vineæ, domus, agri, hortus, &c. Secunda proxime spectant ad ipsos Clericos in particulari. Hæc subdividuntur in bona Sæcularia, & Clericalia; Clericalia rursum in verè, & quasi talia. *Bona Sæcularia* Clericorum (dicta communiter Patrimonialia) sunt, quæ eis obvenierunt ex quadam causa profana, seu titulo sæculari absque ullo respectu ad Ordinem, aut Beneficium Ecclesiasticum, sed v.g. ex donatione, hæreditate, usufructu, inventionione, propria industria, vel arte.

*Bona quasi Clericalia* (dicta communiter quasi patrimonialia) sunt, quæ Clerici acquirunt occasione status, seu ministerii Ecclesiastici, non proxime titulo beneficii veluti ejus fructus, sed ut præmium, & mercedem impensu

laboris, v.g. stipendia Missarum, Anniversariorum, vel audientiarum Confessionum, Concionum, inde dicta industrialia, redditus solæ, ex Sepulturis, Nuptiis, Baptismi collatione, &c.

Tandem bona verè Clericalia sunt, quæ Clerico proxime obveniunt titulo Beneficii, v.g. Preposituræ, Decanatus, Canoniciatus, Parochiæ, &c. uti sunt annua stipendia fixa, decimæ, fructus agrorum, &c. Et hæc rursum debemus parti in ea, quæ ad honestam Clerici sustentationem sunt necessaria; & in ea, quæ honestæ sustentationi sunt superflua; Et in illa, quæ Clericus parcius vivendo de congrua sustentatione sibi subtrahit, quæ vocatur *patrimonialia*.

Ex his certum est, quod dominium particulare bonorum, quæ Ecclesiastica diximus, sit penes ipsam Ecclesiam particularem, in specie sunt applicata, nomine Ecclesiæ intelligendo ipsam Communitatem Ecclesiasticam personarum cum suo Capite. Hoc præmissis

*Resp.* 1. Clerici sunt veri, & absoluti domini bonorum patrimonialium. Ita S. Doct. infra qu. 183. ar. 7. in c. dicens: Aliter est dicendum de bonis propriis, quæ Episcopi possidere possunt, & de bonis Ecclesiasticis. Nam proprium bonorum verum dominium habent. Unde ex ipsa rerum conditione non obligantur, ut ea aliis conferant, sed possunt ea vel sibi retinere, vel etiam aliis prohibito elargiri; possunt tamen in eorum dispensatione peccare propter inordinationem affectus, per quam contingit, quod vel sibi plura conferant quam oporteat, vel aliis etiam non subveniant, secundum quod requirit debitum charitatis; non tamen tenentur ad restitutionem, quia huiusmodi res sunt eorum dominio deputatæ; sed Ecclesiasticorum bonorum sunt Dispensatores, vel Procuratores; ad dispensatorem autem requiritur bona fides secundum illud 1. Cor. 4. Hic jam quæritur inter dispensatores, ut fidelis quis invenitur. Hæc ibi.

*Ratio:* Quia nec ex voto, neque ex dispositione juris sunt incapaces hujus domini.

*XXXII. Resp.* 2. Idem est de bonis quasi patrimonialibus, seu quasi clericalibus, uti & de bonis verè clericalibus, in quantum hæc sunt necessaria ad congruam sustentationem, sicut singuli Clerici in particulari habent absolutum dominium eorum, & non teneantur ea magis expendere in pios usus, quam patrimonialia.

*Ratio 1. p.* Quia bona quasi patrimonialia Clericis dantur, ut stipendium quoddam, & merces præstiti servitii personalis absque omni pacto expresso, aut tacito erogandi in pios usus. Ergo.

*Oppono 1.* Hæc stipendia quandoque excedunt operam.

3. Si ergo Clericus de illis bonis expendat in pias causas, potestne tantumdem redditibus

beneficii defalcare, ac de eo, uti de patrimonialibus disponere.

*Ad 1. dico, nihil referre; quia liberè dantur. Exemplum est in paupere, qui sit dominus pecuniæ etiam magnæ quantitatis, licet nullam præstet operam.*

*Ad 2. Affirmo.*

*Ratio 2. p. Quia bona verè clericalia congruè sustentationi necessaria debentur Clericis tanquam iusta merces ab Ecclesia, cui serviunt. Nam, qui altari deserviunt, cum altari participant. 1. Cor. 9. v. 13. Et dignus est operarius mercede sua. Luc. 10. v. 7. Et oemo cogitur militare propriis stipendiis. Ergo.*

*Hic sequitur, quòd si Clericus genium fraudando, vivat paucius, quàm statum ejus deceat, potest ea, quæ congruè sustentationi subtrahit (quæ ante vocabimus bona parimonialia) expendere in quoslibet honestos usus sive pios, sive profanos: potuisset enim ea liberè abluere.*

*Oppono: Si hoc ita est, cur Conc. Trid. Sess. 25. c. 1. interdicat, ne Ecclesiastici studeant ditare Confanguineos ex redditibus Ecclesiasticis?*

*Dico, Loqui de bonis congruè sustentationi redundantibus.*

*Quid intelligis nomine congruè sustentationis?*

*Dico, Communiter intelligi omne, quod Clerico moraliter necessarium est ad honestum sui, & familiæ sustentationem juxta conditionem status, ac dignitatis, v. g. debitam hospitalitatem non solum erga pauperes, & peregrinos, sed etiam urbanos, juxta beneficii moderationem. Item moderatas donationes, remunerationes, recreationes honestas. Liberalitas enim maxime decet Clericum. Nec enim tenetur nimis parcè vivere, ne arguatur sordidus avarus, sed admittere potest liberaliorem tractationem, modò maneat intra limites temperantiæ, & modestæ frugalitatis. Cum qua clausula etiam Nobilis, & Graduatus potest insumere plus, quàm minus literatus, & villioris conditionis. De hoc vide infra n. 36. Sed caveat, ne Nobilitas, vel Doctoratus sit petra scandalis, lapis offensionis, occasio damnationis.*

*Haec enim dicta apud omnes ferè sunt communia; Sed difficultas est de bonis congruè sustentationi redundantibus. De quibus.*

*XXXIII. Resp. 3. Post erecta beneficia, & certos proventus singulis titulis assignatos Beneficarii, sive Canonici, non tantùm suot administratores, sed & veri Domini suorum proventuum, etiam quoad illam partem, quæ honestæ sustentationi superfluit, hoc tamen dominium est illi limitatum, ut secundum tutiorem, & revera probabiliorē sententiam, non solum ex charitate, sed & ex iustitia teneantur partem illam expendere in pias causas, seu usum, id est, in Eleemosynas, fabricas Ecclesiæ, cul-*

*tum divinum, Cœnobiaz, eorum fundationes, conservationes, proanimabus in purgatorio, &c. Si secus fecerint, juxta eandem probabiliorē, & tutiorem sententiam tenentur ad restitutionem, non solum Beneficarii, sed & qui scienter talia bona acquirunt.*

*Dixi, post erecta beneficia, quia, antequam singulis sua portio fuit assignata, Clerici vivebant in Comuni, uti nunc Religiosi, & tunc dabatur ab Episcopo singulis quantum cuque opus erat, & quod supererat, dabatur pauperibus, aliisque piis causis: postea verò ob graves causas bona Ecclesiastica fuerunt divisa in 4. partes, quarum prima cessit Episcopo, 2. Clero, 3. Pauperibus, 4. Fabricæ Ecclesiæ: prout explicat S. D. infra q. 18. c. 7. in c.*

*Verba S. Tho. sunt hæc: Sunt autem bona Ecclesiastica non solum in usus pauperum, sed etiam in cultum divinum. & necessitates ministrorum expendenda. Unde dicitur 12. qu. 2. de redditibus Ecclesiæ, vel oblatione fidelium, sola Episcopo ex his una portio mittatur: duæ Ecclesiasticis fabricis, & erogationi pauperum profuturæ a Presbytero sub periculo sui ordinis ministrantur: ultima Clericis pro singulorum meritis dividatur. Si ergo distincta sint bona, quæ debent in usum Episcopi decedere, ab his, quæ sunt pauperibus, & ministris, & cultui Ecclesiæ eroganda, & si aliqui sibi retinuerit Episcopus de his, quæ sunt pauperibus eroganda, vel etiam in usum ministrorum, aut in cultum divinum expendenda, non est dubium, quin contra fidem dispensationis agit, & mortaliter peccat, & ad restitutionem tenetur. De his autem, quæ sunt specialiter usui deputata, videtur esse eadem ratio, quæ de propriis bonis, ut scilicet propter immoderatum affectum, & usum peccet quidem, si immoderata sibi retineat, & aliis non subveniat, sicut requirit debitum charitatis. Si verò non sint prædicta bona distincta, eorum distributio fidei ejus committitur, & si quidem in modico deficiat, vel superabundet, potest hoc fieri absque bonæ fidei detrimento, quia non potest homo in talibus punctualiter accipere illud, quod fieri oportet. Si verò sit multus excessus, non potest latere: unde videtur bonæ fidei repugnare, & ideo non est absque peccato mortali. Hæc ibi.*

*Et ibid. ad 1. loquens de necessitate, & obligatione Episcoporum, illa, quæ eis superfluit, pauperibus largiendi, ait: Non potest determinari, quando sit ista necessitas, quando peccatum mortale obliget, sicut nec cætera particularia, quæ in humanis actibus considerantur: horum autem determinatio relinquitur humanæ prudentiæ.*

*Ratio 1. p. est S. Thom. loco mox citato: Juxta Conc. Trid. Sess. 13. c. 1. de reformat. Clerici, qui non præstent, quæ juxta Ecclesiæ statum præstanda sunt, fructus non faciunt suos. Ergo argu-*

mento a contrario (quod in jure fortissimum est) si præsent, quæ debent fructus faciant suos, eoquo lucrantur: Sed hoc est idem, ac fieri dominum eorum, arg. cap. un. de Cler. non resid. in 6. Et in usu Juris Canonici ille phrasæ facere suum, & fieri dominum æquipollent. Ergo.

Dixi, hoc dominium esse limitatum, restrictum, & non omnino liberum. Cujus exemplum est tum in fideicommissis, legato, vel donato sub certa gravamine, v.g. Petrus Paulo Romam peregrinato dat titulo viatici 100. ducatos, et tamen pacto, ut, si quid superfluerit, det pauperibus.

2. Pars videtur clare colligi ex Trid. Sess. 5. de reform. c. 1. ubi legitur: Omnino eis (scilicet Episcopis) interdicit, ne ex redditibus Ecclesiæ con sanguineis, familiare vel suos augere studeant, cum & Apostolorum Canones prohibeant, ne res Ecclesiasticas, quæ Dei sunt, con sanguineis donent, sed si pauperes sint, iis ut pauperibus distribuunt, eas autem non dissipant, nec dissipare illorum causa: Immo quàm maxime potest, eos S. Synodus monet, ut omnem humanum hunc erga fratres nepotes, propinquosque carnis affectum, unde multorum malorum in Ecclesiâ seminum exillat, penitus deponant. Quæ verò de Episcopis dicta sunt, eadem non solum in quibuscumque beneficiis Ecclesiasticis tam secularia, quàm regularia obtinentibus pro gradu sui conditione observari, sed etiam ad S. Romanæ Ecclesiæ Cardinales pertinere decernit. Hæc ibi. Ergo si Clerici in notabili quantitate de parte superflua erigent in usus profanos (quales sunt ditare Con sanguineos, notabiliter excedere in supellestiles, convivii, usu, equis, canibus venaticis, largitionibus, &c.) saltem certum est, quod mortaliter peccent. Et hæc est etiam communis sententia.

Ratio: Quia bona ad Dei honorem, & cultum promovendum oblata vertere in luxum, Fundatorum intentioni est diametrum repugnans.

S. Th. in 4. q. 185. a. 7. ad 2. ad præsens sic inquit: Bona Ecclesiarum non sunt solum expendenda in usus pauperum, sed etiam in alios usus, ut dictum est. Et idem si de eo, quod usus Episcopii, vel alicujus Clerici est deperitum, velis aliquis sibi subtrahere, & con sanguineis, vel aliis dare, non peccat, dummodo illud moderate faciat, idest, ut non indignetur, non autem, ut ditiores inde fiat. Unde Ambrosius dicit in libro de Officiis. Hæc est approbata liberalitas, ut proximos seminis tui non despicias, si eger cognoscas, non tamen, ut illos ditiores fieri velis ex eo, quod tu potes conferre inopibus. Hæc ibi S. D.

Et ad 3. explicat S. Hieronymum dicentem: Clericos illos convenit stipendiis Ecclesiæ sustentari, quibus parentum, & propinquorum bona nulla suffragantur: qui autem bonis parentum, & opibus propriis sustentari possunt, si

quod pauperum est, accipiunt, sacrilegii committunt. Hæc verba explicat dicens: Non omnia bona Ecclesiarum sunt pauperibus largienda, nisi forte in articulo necessitatis, in quo etiam in redemptione captivorum, & aliis necessitatibus pauperum vasa cultui divino dicata dissipantur, ut Ambrosius dicit. Et in tali necessitate peccare Clericus, si vellet de rebus Ecclesiæ vivere, dummodo haberet patrimonialis bona, de quibus vivere possit. Hæc ibi S. D.

Ad 4. ibidem explicat, antequam bona Ecclesiæ expendere ad redditus earum ampliandos, dicens: Bona Ecclesiarum usus pauperum deservire debent. Et idem si quis necessitate non imminente providendi pauperibus, de his, quæ superflue, ex proventibus Ecclesiæ possessiones emat, vel in thesauro reponat in futurum utilitati Ecclesiæ, & necessitatibus pauperum, laudabiliter facit. Si vero necessitas imminet pauperibus erogandi, superflua cura est, & inordinata, ut aliquis in futurum conservet: quod Dominus prohibet Matth. 6. dicens: Nolite solliciti esse in crastinum. Hæc ibi S. D.

3. Partis (quæ est de restitutione) oppositum docent quidam aliqui Recentiores, attamen valde timide, qui licet sententiam oppositam ut probabilem defendant, nostram tamen, velut sacris Canonibus, & rationi conformiorem, dicunt in praxi Beneficiariis esse consulendam. Eam enim docent communiter antiquiores DD. (est autem in senibus consilium) quorum catalogum videre licet apud Abb. in c. cum esles, n. 21. Adrian. in 4. de re lit. §. pro clariore sentent. Nav. Covar. &c. Unde & S. Bern. Epist. 2. ad Canon. Lugdunensem ait: Quidquid præter necessarium vultum, & vestitum de altari retinet, tuum non est, rapina est, sacrilegium est, nimirum si in usus profanos expendatur. Ergo est obligatio restitutionis. Idem patet ex verbis Conc. Trid. cit.

Ratio: Sacri Canones ajunt, res Ecclesiasticas esse res Dei, patrimonium Christi, vota fidelium, pretia peccatorum, idest fideles ex Deo obtulerunt per manus Prelatorum Ecclesiæ, ut per eos ad Dei honorem, & offerentium salutem fideliter dispenseretur. Ergo eo ipso Ecclesiæ tacito pacto obligat ad hæc bona non in usus profanos, sed pins expēdenda. Ergo si id nō fiat, oritur obligatio restitutionis. Revera periculosissima est sententia opposita, uti in genere superius probatum fuit de usu cujuscunque sententiæ probabilis concurrente probabiliore: Quod etiam N. B. prosequi. Q. 14. & 15.

Quod dictum est de Beneficio, idem sentendum est de Commendatario, idest, cui Beneficium est datum in Commendam. Ille enim substituit muneris, & commodis Beneficiarii. Qui autem sentit commodum, sentire etiam debet onus. Item de Episcopis. Immo totum etiam de ipso Papa verificatur.

**XXXIV. Dixisti** ante ex Trid. quod Episcopi possint saltem de dictis redditibus aliquid dare suis consanguineis, si pauperes sint, estne ergo necesse, ut sint mendicantes?

**Dico:** intelligi non tantum si absolute pauperes, vel indigentes sint, sed etiam considerato statu juxta quem decenter vivere non possunt. Et Cajetanus num. 22. q. 43. art. 8. & alii bene docent, statum personarum non nihil etiam inde excrecere, quod habet consanguineum Papam, Cardinalem, Episcopum, &c.

**Sit Casus:** Beneficiatus habet filios, & filias, non tantum legitimos, sed & spurios, potestne illos alere ex redditibus Ecclesiasticis?

**Dico:** Non potest, si liberi habeant sufficientia propria bona, v.g. adventitia a Matre, vel si Pater habet bona propria patrimonialia. Hoc autem non obstat potest, si Beneficiatus eos haberet in suo servitio, seu familia, quam juxta status sui decentiam alit. Quomodo Episcopi, & alii Clerici teneantur ad elemosynas, vide supra Tract. 7. Exam. 6. n. 89.

**QUÆRO XIV.** Possuntne Clerici de redditibus congrue sustentationi superfluis pro placito testari ad causas profanas?

**XXV. Ratio** difficultatis est, cum ita passim videamus practicarum Clericis Germaniæ si excipias Episcopos, aliosq; Prælatos, qui solum habent administrationem reddituum. Supponitur autem, quod possint de iis testari ad causas pias in locis ubi ea viget consuetudo.

**Resp. 1.** Tutior, & probabilior est sententia negativa, adeoque dicta consuetudo est corruptela. Ita colligitur ex verbis Trid. ante cit. & doctrina ibidem subiecta.

**Ratio est:** Consuetudo repugnans Legi divinæ, ac naturali, est corruptela: Sed sic est de dicta consuetudine. Ergo. Min. prob. Lex naturalis, & Divina (contra quam nec Papa potest) dicat, defunctorum voluntates, seu dispositiones, quæ factæ sunt ad causas pias, non esse sine urgente, & justa causa convertendas in usus profanos. Ergo.

Dixi, *sine justa causa*, quæ si adfit, non est illicitum, v.g. in remunerationem meritorum, & beneficiorum Ecclesiæ collatorum a Beneficiato, vel consanguineis ejus. Et tunc licentia testandi petenda est a Papa, qui quidem habet potestatem bona Ecclesiæ dispensandi, sed non dissipandi. Vel saltem (ubi ea consuetudo est) ab Episcopis loci, qui dispensandi causam bene examinet, ne communionibus pauperum, & Ecclesiarum necessitatibus quicquam derogetur, respondurus de super coram Tribunali Christi.

**Oppono.** Papa dictam testandi consuetudinem in Clero Germaniæ passim vigere, & non contradicere. Ergo eam tacite approbat. Prob. conf. Nam, qui tacet, consentire videtur.

**Resp. 1.** Neg. Conf. Ad prob. patet R. n. 2. s. ad 4. Casum: Vel paulo aliter, dico esse verum, nisi repugnet Legi naturali, aut divinæ, uti repugnat in præsentia, ut ostensum est. Unde Papa dictam consuetudinem quidem permittit, ac tolerat ad majora mala cavenda, cum eam facile non possit abolere, non verò eam approbat ut honestam, cum sacris Canonibus, ac primæ beneficiorum Institutioni sit contraria. Unde & teste Navarro Clericis in Curia Romana decedentibus, licentia de bonis Ecclesiasticis ad causas profanas testandi concessa solum fuit permissivæ, & quoad forum externum. Vel si Papa specialiter quibusdam Clericis talem testandi facultatem concedat, non debet trahi in consequentiam; sæpe enim aliqua in uno, alterove casu rationabiliter conceduntur, quæ tamen rationabiliter non possunt concedi pro omni casu.

Multi etiã Clerici putantur testari ex superfluis, cum tamen testentur ex bonis patrimonialibus, industrialibus, patrimonialibus, quod possunt, ut ante dictum est. Multi verò volunt se, & animam salvare per usum sententiæ probabilis, qualem censent oppositam esse, sed infelicitate. De quo supra in Tract. 2. Exam. 3.

**Resp. 2.** Hæredes, & Legatarii ex dictis bonis superfluis scienter accipientes, peccant mortaliter, & tenentur ad restitutionem. Et hæc sententia tanquam tutior, & probabilior, sequitur ex iactis fundamentis.

**Ratio:** Nam si dicti redditus superflui ex naturali lege iustitiæ necessarij sint erogandi in pium aliquem usum, eod quod cum tali onere, ac tacito pacto fideles eos dederint, evidenter sequitur, quod, qui eos accipit titulo donationis, seu legati titulo merè profano, in conscientia tutus non sit, sed ad restitutionem teneatur.

**QUÆRO XV.** Edic tuam sententiam de illis Beneficiariis, Canonicis, &c. qui plura simul habent Beneficia?

**XXXVI. Resp.** Communis, tutior, & probabilior sententia docet, quod qui sine legitima dispensatione tenet simul duo beneficia, etiam solum simplicia incompatibilia, vel quorū quodlibet ad honestam Beneficiatū, sive Canonici sustentationem sufficit, peccet mortaliter, sitq; in continuo peccato mortali, & statu damnationis æternæ, nec possit in foro conscientie absolvi, nisi prius unum resignet, vel justam dispensationem impetret.

Ita Conc. Trid. Sess. 7. c. 3. statuens: Nemo quacunque etiam dignitate, gradu, aut præeminentia præfulgens, plures metropolitanas, seu Cathedralis Ecclesias in titulum, sive Commendam, aut alio quovis nomine contra sacrorum Canonum Institutionem recipere, & simul retinere, presumat. Cum valde felix sit ille censendus, cui unam Ecclesiam bene, & fructuosè, & cum animarum sibi commissarum saluti regere cōtingit.



rit. Hæc Concil. Vide, quæ sequuntur ibidem, & cap. 4. ubi ipso jure privantur aliis beneficiis, qui ultra unam tenent.

Et Sess. 24. de reform. c. 17. Cum Ecclesiasticus Ordo pervertatur, quando unus plurima Officia occupat Clericorum, sanctæ sacræ Canonibus cautum fuit, neminem oportere in duobus Ecclesiis scribi. Verum quoniam multi improbæ cupiditatis affectu, le ipsos, non Deum, decipientes, ea, quæ bene constituta sunt, variis artibus eludere, & plura simul beneficia obtinere non erubuerunt, sancta Synodus debitam regendis Ecclesiis disciplinam restituere cupiens præsentî decreto, quod in quibuscumque personis, quocumque titulo, etiam si Cardinalatus honore fulgeant, mādāt observari, statuit, ut in posterum unum tantum Beneficium Ecclesiasticum singulis conferatur. Quod quidem si ad vitam ejus, cui confertur, honestè sustentandam non sufficiat, liceat nihilominus aliud simplex sufficiens, dummodò utramque personalem residentiam non requirat, eidem conferri. Hæc Concil. extendens hoc ibid. ad omnes Ecclesias, & quæcunque Beneficia etiam Commendata.

Et S. Bernardus a S. Thoma mox citando citatus ait. *Qui non unus, sed plures est in beneficiis non unus, sed plures erit in suppliciis.*

Ang. Doct. quodl. 9. a. 15. ait: Quædam hominis actiones sunt, quæ habent deformitatem inseparabiliter annexam, ut fornicatio, adulterium, quæ nullo modo bene fieri possunt, & de numero talium non est habere plures præbendas, aliàs in nullo casu dispensationem recipere possent. Quædam verò sunt actiones de se indifferentes ad bonum, & malum, ut levare festucam de terra, inter quarum numerum quidam computant, habere plures Præbendas; sed non videtur esse verum, cum hoc plurimas in se inordinationes contineat, utpote quia non est possibile, aliquem in pluribus Ecclesiis deservire, in quibus est præbendatus, cum tamen Præbendæ videantur esse ordinate, quasi quædam stipendia a Deo ibidem ministrantur. Sequitur etiam diminutio cultus Divini, dum unus loco plurium insituitur. Sequitur etiam in aliquibus defraudatio voluntatum Testatorum, qui ad hoc bona Ecclesiis contulerunt, ut certus numerus Deo servientium ibi esset. Sequitur etiam inæqualitas, dum unus pluribus beneficiis abundat, & alius nec unum habere potest. Unde non potest contineri inter actiones indifferentes, & multò minus inter eas, quæ sunt secundum se bonæ.

Sunt verò quædam actiones, quæ absolute consideratæ deformitatem, vel inordinationem quandam important, quæ tamen aliquibus circumstantiis advenientibus bonæ efficiuntur, sicut hominem occidere. In numero harum actionum videtur esse, habere plures Præbendas:

quamvis enim aliquas inordinationes contineat, tamen aliæ circumstantiæ possunt supervenire, ita honestantes adum, ut inordinationes illæ totaliter evacuentur, putà, si sit opus in pluribus Ecclesiis alicujus obsequio, & possit is plus servire Ecclesiæ, vel tantumdem abiens, quam alius præsens. Hæc S. D.

Rationes patent ex verbis Trid. & S. Tho. præsertim, quod opposita sententia repugnet juri naturæ, quia sine iusta causa defraudat ultimas Testatorum voluntates.

Dixi 1. in R. *sine legitima dispensatione*, quæ a solo Papa cum cognitione, & relatione iustæ causæ impetrari potest. Et ni causa sit iusta, dispensatus in conscientia non est tutus, licet fortè in foro fori non molestetur. Unde S. Bernardus ad Robert. ait: *Quid tibi blandiris de dispensatione, cujus conscientia tenetur divina sententia ligata?* Iustitia verò causæ semper est metienda (ut sacri Canones docent) non ex privato commodo dispensati, sed ex utilitate Ecclesiæ, quod etiam spectat prærogativa meritorum in Ecclesiam.

Utilitas, vel necessitas Ecclesiæ v.g. est, si sit idoneorum ministrorum defectus, v.g. in locis, ubi Hæretici dominantur, vel Beneficiis se intrudere contendunt. Item si unus solus doctrina, potentia, auctoritate videatur plus Ecclesiæ profuturus esse defendendo, ac Hæreticis obstando, quam plures alii. Nec sequatur cultus divini diminutio.

Merita in Ecclesiam lumuntur ex laboribus, quos quis pro Ecclesia utiliter gessit doctrina, scriptione, consilio, legatione, prædicatione, &c. quæ de causa talis de redditibus ecclesiasticis plus inlumere potest, quam alius ejusdem status, sed Ecclesiæ minus utilis. Sicut etiam plus potest insumere Episcopus, quam Decanus, plus Episcopus Cardinalis, vel qui simul est Princeps Imperii, aut illustri, vel regio Stemmata ortus. Hinc Conc. Later. Sess. 7. de refor. c. 4. damnans pluralitatem Beneficiorum, maxime curatorum, & Dignitatum subdit: *Circa sublimes tamen, & liberas personas, quæ majoribus Beneficiis honoranda, cum ratio postulerit, per Sedem Apostolicam poterit dispensari.*

Nonne est iusta causa dispensandi in pluralitate beneficiorum, propositum, ac promissum superfluos redditus erogandi in pios usus?

Non est: Quia per hoc non evitantur absurda ex Trid. & S. Thom. adducta.

Dixi 2. *etiam solum simplicia*: Quia de curatis, seu curam animarum, sive in foro conscientiæ, uti est Parochia, sive etiam foro fori, uti est v.g. Decanatus, annexam habentibus, res est clara, quia singula eorum requirunt perpetuam residentiam: nemo autem potest in pluribus Ecclesiis residere continuò.

Dixi 3. *incompatibilia*, id est, quorum singula

gula per se, vel naturali iure, vel saltem Ecclesiastica Constitutione exigunt continuam residentiam, ut sunt duo Episcopatus, duæ Abbatia, duæ Parochia, duæ perpetua Vicaria; Item duo Beneficia uniformia sub eodem titulo, v.g. duo Canonici in eadem Ecclesia, sunt incompatibilia.

Dixi 4. *Quorum quodlibet sufficit ad honestam sustentationem*; potest enim quis tenere duo Beneficia simplicia residentiam non requirentia, quorum neutrum congruæ sustentationi sufficit. Immo alicubi adhuc in usu esse legitur, quoddam parvæ Parochia sibi vicinæ, quorum neutra sufficit congruæ sustentationi, iungantur, & uni conferantur. Item cum Beneficio perpetuo potest teneri Commenda temporanea, id est, ut eam administret, & ad tempus fructus percipiat, ac si esset Beneficiarius, quod communiter fieri solet, dum non adsint alii ad ejus Beneficii administrationem idonei. Tandem Parochia Beneficio simplici, v.g. Canonici unita reputatur prout uno Beneficio: In his omnibus casibus dispensatione opus non est.

Dixi 5. *Quod talis mortaliter peccet*. Quod etiam verum est de amicis, & aliis cooperantibus. Quia ad Rom. 1. *Digni sunt morte, non solum qui faciunt, sed etiam, qui consentiunt facientibus*.

XXXVII. *Sit Casus*: Petrus sine justa causa, & dispensatione tenet plura Beneficia, quorum unum congruæ sustentationi sufficit, nonne is eodem die tenetur pluries dicere horas?

Affirmo cum Ferrariensi dicente: *Usus hujus sacculi observat, ut, qui habet plura Beneficia, semel tantum horas dicat, nescio autem, an usus futuri idem servet*. Idem habet Reg. Juris, *Qui sentis commodum, sentire debet & onus*. Hinc talis semel tantum in die horas recitans ex duplici capite tenetur restituere fructus. 1. Ratione injuste possessionis Beneficii. 2. Quia non recitat horas pro multitudine Beneficiorum.

Quomodo resolvitis hos Casus?

1. Supposito, quod in quibusdam Ecclesiis Cathedralibus Germaniæ sit, uti est, immemoralis consuetudo, quod tantum requiratur residentia medii anni, vel trium mensium, nonne duarum v.g. Ecclesiarum Præbendæ dicendæ sunt Beneficia compatibilia?

2. In quibusdam locis Beneficia curata conferuntur Canonicis, Præpositis, & Decanis Ecclesiarum Cathedralium, administrantibus ea per Vicarios perpetuos, quibus datur competentis sustentatio; Estne hoc licitum?

Ad 1. Dico affirmative. Quia residentia in utroque loco, ut potest successiva, non est impossibilis. Hinc licite tenentur tales Præbendæ, si necessariæ sint ad congruam sustentationem.

Ad 2. Dico si fiat sine justa causa, aut cum dampno Ecclesiæ, nulla consuetudo id licitum

reddere potest. Licitum tamen est, si fiat ex justa causa, v.g. quia Canonici, Præpositura, vel Decanatus, exiguis habet redditus, & Ecclesia per Vicarium equè bene administrari potest. Vel Canonici ille, aut Decanus habet singularem prærogativam meritorum in Ecclesiâ, de qua ante.

*Obiectum Domini.*

QUÆRO XVI. Quænam res cadunt sub Dominio hominis?

XXXVIII. *Resp.* 1. Jure naturæ homo non habet Dominium in alterum hominem, seu neminem ex natura servus est.

*Ratio*: Quia conditione omnes sumus pares. Nec in statu naturæ integræ fuisset servitus. Quo jure (nimirum Gentium) sit introducta servitus, vide suprâ Exam. 1. n. 3. R. 2. & seqq.

*Resp.* 2. Homo non est dominus vitæ suæ, aut membrorum, sed solum usufructus, & cultus.

*Ratio*: Dominium est super illas res, quas industria nostra possumus acquirere: Sed vitæ, & membra non possumus acquirere nostra industria. Ergo.

Hinc tenemur vitam, & membra nostra conservare quantum possumus, nec licet sine magna necessitate, uti est conservatio totius, ea amputare. De quo S. Thom. infrâ q. 64. a. 5.

*Resp.* 3. Princeps, vel Republica non habet dominium vitæ subditorum.

*Ratio*: Veri domini proprietatem est, posse rem ad placitum destruere, etiam voluptatis causa (et si id non fiat interdum sine peccato) sed Republica non potest ad placitum destruere vitam hominis, præsertim innocentis. De quo cum S. Thom. infrâ q. 64. a. 6. Ergo.

*Oppono* 1: Republica occidit malefactores. Ergo.

*Dist. ant.* ut dominus neg. ut cultus causæ publicæ quietis; qua ratione etiam vitam subditorum in bello exponit periculo, concedo.

*Oppono* 2. contra R. 2. & R. 3. Potest homo (idque potest etiam a Principe mandari) pro amico, vel patria exponere vitam. Ergo non est res aliena, sed sub dominio hominis.

*Neg. Conf.* Quia hoc non est seipsum occidere, aut vitam uti, ac si homo esset illius dominus, sed est opus virtutis, v.g. fortitudinis, vel charitatis tanquam bonum majus præponere vitæ corporali velut bono minori, idque facit conformiter ad dictam rectam rationem tanquam potestatem consecutus a Domino vitæ, scilicet Deo; sicut Depositarius, vel alienæ rei custos ex consensu domini potest rem distrabere.

XXXIX. *Resp.* 4. Homo est dominus suæ vitæ. Ita S. Thom. infrâ qu. 73. articulo 4. ad 1. dicens: *Sui arbitrii est, detrimentum*

*sua*

*sua fama pati, nisi hoc vergat in periculum aliorum.*

*Ratio:* Quia homo famam suam industria acquirit, & si est ab alio læsa, potest condonare restitutionem. Ergo.

*Dixi ex S. Thom. nisi vergat in periculum aliorum.* Nam sunt certi casus, in quibus homo tenetur famam servare, & contra iustitiam peccat, si se infamet. 1. Si ex tua infamia sequatur infamia alterius, sicut ex infamia Religiosi sequitur infamia Cœnobii. 2. Si tua fama sit necessaria, ut alteri præstes officium stricto jure ei debitum, uti est fama Personæ publicæ. Episcopi, Abbatis, Prioris, Parochi, &c. ut subditos benè regat. 3. Si non quidem ex officio bene tamen ex charitate tenearis proximo subvenire, per infamiam verò reddaris ad hoc ineptus, tunc te ipsum infamando peccas contra charitatem: sicut si quis pecunias, quibus pauperes possent juvare, proiceret in flumen.

*Oppono contra R. 4. Res, quæ cadit sub dominio, potest possideri:* Sed fama non potest ab homine possideri. Ergo. Min. prob. Fama nihil est aliud, quàm bona opinio, quàm alii in suis mentibus habent de homine. Ergo est deposita in mentibus aliorum. Ergo.

*Dist. maj. Potest possideri eo modo, quo est capax, conced. maj. secus, neg. maj. Et dist. min. fama non potest possideri eo modo, quo bona fortunæ, conced. min. alio modo, neg. min. & conf. Non enim possessio bonorum, quorum homo est Dominus, est ejusdem rationis in omnibus. Unde supradictum est, quod aliquorum sit quasi possessio. Hinc pecuniæ, v.g. possidentur, quia sunt in nostra manu, seu potestate, honor verò, & fama (cùm alterius possessionis non sint capaces) possidentur in mente, vel ore aliorum, qui bene de homine opinantur acloquuntur.*

*An, & quando possit quis seipsum diffamare, vide in frà in hoc Tract. Exam. 5. n. 107.*

## EXAMEN III.

*De modo acquirendi Dominium rerum, quæ vel communes sunt, vel dominium amiserunt, vel nunquam dominium habuerunt.*

**QUÆRO I.** Quid sentis de Dominio animalium manufectorum, ac manufectorum, seu cicuratorum, sylvestrium?

*XI. Resp. 1. Animalia domestica, seu per naturam mansueta, uti sunt oves, boves, gallinæ, asines, porci domesticæ, &c. licet procul aberrant, & domini custodiam egrediantur, manent sub ejus dominio, eaque capiens, vel rapiens ex iustitia tenetur restituere, immò &*

*ovem ex faucibus lupi ereptam, et si mortuam. Ratio:* Talia animalia ex natura sunt mansueta, & domestica. Ergo per fugam non acquirunt libertatem.

*Resp. 2. Animalia per naturam fera, sed industria hominum mansueta, seu cicurata, v.g. cuniculi, falcones, cervi, columbæ, &c. quamdiù habent consuetudinem redeundi, aut faciliter reduci possunt, tamdiù manent sub dominio ejus, cujus sunt, & sine iustitia non possunt ab alio capi: si verò consuetudinem redeundi amiserint, sunt primò capientis.*

*Ratio:* Quia in 2. casu censentur recuperasse nativam libertatem, secus in primo.

*Resp. 3. Animalia merè sylvestria, seu in sylvis, & montibus (ut lepores, cervi, aves, &c.) & in lacubus, fluviis, piscinis, &c. oberrantia sunt primò capientis.*

*Ratio:* Quia, quod nullus est, naturali ratione adjudicatur primò occupanti, nisi loci consuetudine aliter observetur.

*Resp. 4. Si dicta animalia primi capientis custodiam evelerint, recuperant naturalem libertatem, & sunt postea capientis.*

*Ratio,* quæ ante, quia iterum erunt nullius.

*Resp. 5. Si animalia, v.g. cervi, &c. transcurso muro diffugiant, vel aves, perdices, phasiani, &c. volent; vel pisces ruptis septis ex inundatione emergent e vivariis, & non sit spes reditus, vel recuperationis, sunt primò capientis.*

*Ratio:* Quia sic redeunt ad naturalem libertatem.

*Resp. 6. Si animalia, seu feræ, &c. contineantur in sylvis, seu saltibus magnæ vastitatis, seu amplitudinis, sive arte, sive natura circumseptis, istæ feræ non sunt eò ipso sub dominio illius, qui est dominus sylvæ.*

*Ratio:* Quia adhuc censentur gaudere sua naturali libertate.

*Ex quo patet, oppositum esse dicendum, si ita inclusa sint, ut prohibito possint capi, vel illic reposita.*

*Resp. 7. Examen apum ex tuo alveario volans quamdiù ante tuos versatur oculos, sicut a te facile comprehendi possit, tamdiù subest tuo dominio, si verò dispareat, & difficulter rursum capi possit, erit primò capientis, licet in tuo capiat fundo.*

*Ratio:* Quia, quod alia animalia, v.g. aves, in tuo fundo confideant, vel nidificent, non eò ipso eorum dominus, ut constat, bene tamen si ea apprehendas, & capias. Ergo similiter.

*Sed nonne possum quemvis extraneum impedire, ne ad capiendum illud examen apum agrum meum ingrediat?*

*Affirmo, Potes.*

*Sed quid si contra prohibitionem meam capiat?*

*Dico:*

*Dico:* Erit capientis: sed tibi tenetur compensare damnum, si quod intulit.

*Resp. 8.* Si unus feram vulneravit, sed alius cepit, distinguendum est: Si vulnus est mortale, adeoque sufficiens ad eam capiendam, & vulnerans insitit persecutiōni feræ, cum morali certitudine illam capiendi, est vulnerantis; secus, est capientis.

*Ratio:* Quia in primo casu fera moraliter iam est apprehensa, seu occupata, non autem in secundo.

*Venatio.*

**QUÆRO II.** Quid de cacenes?

*XLi. Resp. 1.* Venatio secundum se est licita, ut patet ex S. Tho. 1. p. q. 96. a. 1 in c. hlcq. 64. art. 1. in c. dicente: *In ordine verum imperfectiora sunt propter perfectiora, planta propter animalia, animalia propter hominem.* Inter alios autem usus maxime necessarius esse videtur, ut animalia plantis utantur in cibum, & homines animalibus, quod sine mortificatione eorum fieri non potest, &c. Hinc jus naturæ nulli in particulari attribuitur venandi, sed omnibus relictum liberum, sicut jus occupandi alias res a nemine adhuc occupatas.

*Resp. 2.* Jure Canonico Venatio est prohibita personis Ecclesiasticis, nimirum clamorosa, & periculosa, seu quæ fit cum tumultu, & magno strepitu armorum, canum, Corniculi Venatorii. Item si nimis frequens sit, & solum gratia voluptatis fiat.

*Ratio prohibendi 5.* Quia inconditi clamores, qui in tali venatione sunt, Clericorum modestiam dedecent, & multum laxant. 2. Ex illa frequenti animalium cæde facile assumitur quædam truculentia, vulnerans clericalem mansuetudinem. 3. Ne bona, pauperum necessitatibus, aliisque piis usibus destinata, expendantur in Venatores, canes, accipitres. Talis ergo Venatio pro quantitate scandalii erit peccatum mortale; veniale verò si fiat raro, & absque scandalo.

*Resp. 3.* Quia Venatio cum retibus, laqueis, paucisque canibus, sive fiat causa necessitatis, sive honestæ recreationis, aut exercitii gratia, modò fiat raro, nullum est peccatum.

*Ratio.* Quia Trid. Sess. 24. c. 4. jubet Clericis, ut abstineant ab illicitis venationibus, & aucupis. Ergo supponit, aliquas (nimirum modestas) venationes esse licitas.

*Oppono:* Ergone condemnandi sunt Clerici illi, nimirum magni Prælati, qui simul sunt Principes, vel cum Jurisdictione seculari simul habent bonum sylvestre, ac jus foresti, si faciant clamorosas Venationes?

*Dico:* Si fiat rarius, & ex honesto fine, ac sine scandalo, debet modesti limites non excedendo, non idèd sunt condemnandi.

*Ratio:* Venatio secundum se est res indiffe-

rens. Ergo potest fieri licita, vel illicita, nimirum ex circumstantiis personæ, finis, temporis, ac modi.

Hoc certum est, quòd Monachis, ac Religiosis Venatio adhuc strictius sit prohibita, eorumque professione magis dedecet.

*Oppono 2.* Piscatio Clericis, ac Religiosis non est tam strictè interdicta, cur ergo Venatio?

*Disparitas est:* Tum quia ex piscatione non sequitur inconvenientia, uti dictum est sequi ex Venatione. Tum etiam quia pro piscatione stant exempla Apostolorum Luc. 5. v. 4. unde S. Hieron. c. 11. dist. 86. ait: *Penitus non invenimus, in Scripturis sanctum aliquem Venatorem, Piscatores invenimus aliquos.*

*Resp. 4.* Rectè prohibetur Venatio certis anni temporibus, quibus animalia vel sunt gravida, vel parturienti, vel tempore nivium, quò facilius est eorum captura, ne nimium deficiat. Item ne fiat certis instrumentis, quibus soboles extinguitur, vel abigitur. Item ne fiat in alieno fundo.

*Resp. 5.* Potuerunt Principes justè subditis prohibere Venationem.

*Rationes:* justæ sunt. 1. Ne ex permessa cuius venandi licentia omnino pereant animalium species. 2. Ob convenientem Principis sustentationem, & recreationem. 3. Ut subditis tollatur occasio tenendi arma periculosa, quibus ad bellum intestinum se armare possent.

*Si ergo lata est lex prohibens subditis Venationem, tenentur ne etiam exterius ea Lege?*

*Affirmo Ratio:* Ad populi gubernationem moraliter necesse est, ut qui ei vel ad tempus se admiscant, ejusdem populi institutis se conforment.

*Resp. 6.* Princeps tenetur refarcire damna, quæ ex reservata Venatione, vel ex Venationis exercitio, quos segetes, v.g. conculcantur, subditis inferuntur.

*Ratio.* Quia par non est, ut Princeps capiat delectationem cum damno aliorum. Excusat tamen, si populus liberè consentiat.

*Ratio:* Quilibet enim suo juri cedere potest. Dixi, liberè, id est, non coactè, nec ex metu reverentia erga Principem.

*Resp. 7.* Quando Principes, & Domini aliis prohibent Venationem, non debent imponere pœnas crudeles, & excessivas: sufficit enim pro prima vice transgressorem punire pœna pecuniaria; pro 2. dupla: pro 3. addatur aliquid aliud. Contra æquitatem verò est pœna mortis, mutilatio membri, & similia, ait noster Lublino citans Rodriquez.

*Ratio:* Quia hæc Pœna non esset proportionata delicto, sed excedens; vita enim hominis indubiè pluris æstimanda est, quàm bestia.

*Resp. 8.* Feram, quæ agrum tuum vastat, si damnum, feram abigendo, aut aliter avertere

nequeas, licet occidis, ita ut occisor præcisè ex hac causa puniri non possit, modò probare possit damnum aliter avertere se non potuisse.

*Ratio:* Homo cum moderamine inculpate tutelæ potest occidere hominem invadentem, de quo infra Tract. 9. Exam. 2. num. 28. cum non & feram?

*Piscatio, Aucupium.*

**QUÆRO III.** Quid de his judicas?

*XLII. Resp. 1.* Piscarii in aquis, aut fluminibus communibus, licet sit prohibitum, non tamen est peccatum mortale, nisi magnum fiat nocumentum: nec pisces capti sunt restituendi.

*Ratio:* patebit infra de lignatione in sylvis communibus.

*Resp. 2.* Piscarii in alieno vivario clauso, furtum est.

*Ratio:* Quia illi pisces pertinent ad dominum suum.

*Resp. 3.* Idem est de piscatione in loco alieno, etiam non circumsepto, si pisces non sunt ibi, nisi ex eo, quòd dominus eos ibi poluerit.

*Resp. 4.* Si pisces ruptis septis emigrent, & non sit ipse reditus, vel recuperationis, sunt primò occupantis.

*Ratio:* Quia redeunt ad naturalem libertatem.

*Resp. 5.* Idem de avibus, perdicibus, phasianis: &c.

*Resp. 6.* Si pisces contineantur in lacubus magnæ amplitudinis, sive arte, sive natura, circumseptis, ita ut nunquam fuerint capti, nec ibi repositi, & aqua ex lacubus non possit educi, nec pisces pro libitu extrahi, pisces non sunt eo ipso sub dominio ejus, qui est dominus lacus.

*Ratio:* patet n. 40. ad R. 6. ibid.

*Resp. 7.* Volucres sylvestres vagabundæ sunt primi occupantis, nisi certo loco claudantur juxta dicta.

*Resp. 8.* Reòd prohibetur piscatio, & aucupium illis instrumentis, quibus vel piscium, vel avium soboles penitus extinguitur, vel abigitur, ut sit immittendo aquis, vel sylvis eos cibos, quibus aves, vel pisces moriuntur, & aqua inficitur. Si quis non multum noceret, mortaliter non peccaret.

Nota, quòd jure communi cuivis quidem liceat piscari in mari, & publicis fluminibus de facto tamen Reges, Principes, Respublicæ, & Communitates sibi jus piscandi reservant, vel aliis elocant. Unde consuetudines locorum sunt observandæ.

**QUÆRO IV.** Quid de his sentis?

*XLIII Resp. 1.* Columbaria sunt licita, nisi alicubi sint specialiter prohibita.

*Ratio:* Tum quia jam præscripta consuetudo omnium ferè gentium. Tum etiam, quia est tempore messis, & seminis columbæ alantur

ex feminibus terræ mandatis, vel collectis, per hoc tamen non damnificant, quia spicas erectas non decernunt, sed tantum colligunt grana delapsa, uti & tempore feminis non detegunt grana, quæ terra obtegit, sed solum ea, quæ jacent in propatulo, aliàs peritura, ut patet ex eo, quod in agro (in quo columbarium est situm) non minus frumenti colligatur, quam in aliis vicinis.

*Resp. 2.* Quoad columbaria maxime attendenda est consuetudo loci, quæ si sit, ut columbæ alantur domi, vel in agris propriis, peccat dominus eorum, & tenetur ad restitutionem, si vicini ab eis damnificentur.

*Ratio:* Qui volens est causa damni proximi, peccat, & tenetur compensare.

*Resp. 3.* Si columbæ retineant consuetudinem redeundi ad suum columbarium, furtum committit, & ad restitutionem tenetur, qui eas capit, rapit, vel occidit in alieno columbario, vel extra illud. Si eam consuetudinem amisisse credantur, licet capiantur.

*Ratio:* Quia in 3. casu censentur sub nullius esse dominio, secus in primo.

*Resp. 4.* Licitum quidem est sine fraude apponere bonum pabulum ad nutriendas proprias columbas, licet ea occasione indirecè attrahantur alienæ: aut uti feminibus alienas columbas direcè attrahentibus, non est licitum, sed lege positiva prohibitum, nisi fortè effect alicubi consuetudo, ut cuivis promiscuè liceat alterius columbas quovis licito modo sibi attrahere. Patet.

*Resp. 5.* Qui capit columbas extra leucam a Lege taxatam, non peccat, nec tenetur ad restitutionem.

*Ratio:* Quia jam censentur esse communes.

*Lignatio. Passio.*

**QUÆRO V.** Quid de his?

*XLIV. Ante R. Nota,* quòd Respublica suis civibus lignationem, vel passionem in pascuis, vel sylvis communibus possit justè prohibere, sitem secundum certum modum, & mensuram v.g. ne tali tempore pascant, talem stirpem, ligna nascentia, arbores majores excident, cum hoc bono publico, valde expediat. Dixi, secundum certum modum, quia absolute, & totaliter id inhiberi non posse videtur, nisi aliundè sibi possint providere. Cum enim singuli habeant jus exinde sibi providendi, absque suo consensu eo jure spoliari nequeunt. Hoc notato.

*Resp. 1.* Qui est membrum Communitatis alicujus pagi, vel oppidi, si contra prohibitionem pro familiæ suæ necessitate in sylvis, communibus ligna cædat, non peccat mortaliter, nec tenetur ad restitutionem, modò non faciat magnam stragem.

*Ratio:* Quia non accipit alienum, sed quod sibi cum aliis commune est: Quia tamen contra

tra prohibitionem facit, ordinariè tenetur ad perfolvendam multam post sententiam Judicis.

*Resp. 2.* Si in casu posito fiat magna strages, & damnum, sylvam vastando, ligna prohibita, vel nascentia, vel majora nobiliora abscindendo, est grave peccatum, & incurritur onus restitutionis.

*Ratio:* Quia tunc non potest præsumi, quod Respublica solum prohibuerit sub pœna.

*Resp. 3.* Si tamen in hoc casu certum esset, Rempublicam sola pœna contentari, quod colligi potest ex eo, si deprehensis tantum exigat pœnam, aut multam, non verò damni compensationem, tunc a restitutione quidem excusatur, sed non a peccato. Patet.

*Resp. 4.* Si Sylva a Republica sit alteri vendita, vel elocata, alii sine peccato non possunt in ea ligna cædere. Idem est, si sylvam spectet ad privatas personas.

*Ratio:* Quia est acceptio rei alienæ invito domino. Ergo est furtum.

*Oppo:* Non est fur, qui in loco alieno non circumsepto venatur. Ergo nec in hoc casu.

*Neg. conf.* Quia arbores sunt proprii fructus sylvarum, non item animalia per sylvam vagantia. Quid tenes de iis, qui ligna sicca cædunt quidve de pauperibus?

*Dico:* Non condemno eos peccati mortalis, & hoc ob tacitum, vel præsumptum consensum dominorum talia ligna parum æstimantium.

*Resp. 5.* Qui cædunt ligna in sylva oppidi vicini, mortaliter peccant, & tenentur restituere.

*Ratio:* Quia accipiunt aliena.

*Resp. 6.* Excusari tamen possunt saltem a restitutione, si incolæ unius oppidi vicissim in sylvis alterius oppidi consueverunt ligna cædere.

*Ratio:* Quia tunc est mutua compensatio.

Idem est, si certò existimetur, vicinos sola multa a deprehensis exacta esse contentos.

*Hæc multa potestne esse corporalis?*

*Dico:* minimè, sed debet esse pecuniaria, & moderata; cum tales, licet reverà furtum committant, infamia tamen furium notari non soleant.

*XLV. Resp. 7.* Quod dictum est de lignatione, proportionabiliter dicendum est de pastione.

Addo tamen duos casus. 1. Excusatur viator necessitate compulsus pacens equum in vicinis pratis. *Ratio:* Quia necessitas legem non habet. 2. Si animal sine tua culpa amissum depascat alienum, & velis potius relinquere animal, quàm restituere damnum, es liber a restitutione. L. 1. ff. si Quadrupes pauperem fecit.

*Quid sentis de herba, quæ post fruges jam collectas in proprio alicujus agro restat, vel postea crescit, estne communis cunctis illius territorii incolis?*

*Dico:* Pensandum est ex locorum consue-

tudine, & legibus; plerumque non censetur esse communis.

*Gemma, & Vena Metallica.*

**QUÆRO VI.** Cujus sunt, si inveniantur?

*XLVI. Resp. 1.* Lapilli, gemmæ, corallia, &c. in littore maris, promontoriis, vel fluminibus inventa, sunt primi occupantis. Ita S. Tho. infra q. 66, art. 5. ad 2.

*Ratio:* Quia domino caret.

*Resp. 2.* Stando in jure naturæ, & Gentium mineralia, & venæ metallicæ auri, & argenti, etiam antequam inveniantur, non censentur inter bona domino carentia, sed spectant ad dominum fundi, si in eo sint.

*Ratio:* Quia tales venæ, vel sunt pars fundi naturaliter ei agnata, nimirum si non renascantur metalla; vel marmora ibi excisa; vel sunt fructus fundi, putà, si renascantur. Et tunc etiam cedunt usufructuario.

*Resp. 3.* Si inveniantur in loco publico, stando in eodem de jure naturæ, & gentium, sunt inventoris tanquam primò occupantis.

*Ratio:* Quia stando in hoc jure censentur inter bona, quæ nullius sunt.

*Resp. 4.* Defacto, seu jure humano positivo Civili, & particulari regnorum, talia mineralia applicantur ad Cameram Principis: Æquitas tamen reverà postulat, ut & domini fundi habeatur ratio (præsertim si ipse metiri venire potuisset) & ut inventor largiter remuneretur.

*Thesaurus inventus.*

**QUÆRO VII.** Cujus hic est?

*XLVII. Ante R. prodicis, & dicendis Nota,* varia esse bona, quæ dicuntur inventa. 1. Illa, quæ adhuc in nullius fuerunt dominio; de quibus mox in R. 1. ad Q. 6. dictum est. 2. Quæ dominum habuerunt, sed a longo tempore habere desierunt, uti sunt, quæ longo tempore in mari fuerunt submersa, & fortuito sunt ejecta, vel extracta. Et hæc etiam sunt primò occupantis, nisi obliet alia lex loci. 3. Bona derelicta, uti sunt, quæ dominus ipse a dominio suo abiecit. Et hæc sunt primi occupantis, cum sint nullius juxta S. Thom. infra q. 66, art. 5. ad 2. v. g. missilia, seu nummi in certis solemnitatibus in populum spargi soliti. Omnia illa bona habentur pro derelictis, quando, etsi de voluntate expressa domini non constet, attamen dominus, cum facile possit, ea recuperare negligit, nec putatur alius eius nomine repetiturus, nec ipse arbitrio prudentis videtur desiderare, ut restituantur. Hinc bona in tempestate in mare projecta, vel sub incendio posita ad plateam, non sunt derelicta. 4. Bona vacantia, quæ nimirum remaneant post domini mortem, nullo hærede relicto sal-



saltem cognito. Et hæc devolvuntur ad fiscum. Excipitur, si Peregrinus alicubi inoriatur intestatus, ejus enim bona ita vacantia juxta auctenticam, omnes peregrini, sunt eroganda in pias causas ab Episcopo loci ex præsumpta mente morientis. 5. Sunt bona, quæ nascuntur ex visceribus terræ; de quibus dictum est in R. 2. ad Q. 6. 6. Sunt Thesauri inventi. Est autē thesaurus nihil aliud, quam *vetus depositio pecunie, cujus non extat memoria, ut jam dominum non habeat.* Ubi per pecuniam intelligitur etiam alia res mobilis pretiosa, v. gr. annuli, gemmæ, scyphi, armillæ aureæ, vel argenteæ, &c. Dicitur *vetus*, id est, pecunia a vetustiori tempore abscondita. 7. Bona incerta, seu perita, id est, quæ quidem creduntur habere dominum, sed is ignoratur, ut si gemmam, vel armillam argenteam, vel auream, vel marlupium pecunia plenum invenias in via. Hic fermo est de sexta; & Q. 10. erit de septima significatione. Unde

*Resp. 1.* Stando in solo jure naturæ, & Gentium Thesaurus inventus transit in dominium inventoris. Ita S. Thom. in 2. q. 66. a. 5. ad 2.

*Ratio:* Quod nullius est, est primò occupantis stando in præfato jure: Sed Thesaurus consistit esse nullius, cum enim non sit pars agri (sicut mineralia, & venæ metallicæ) dominus agri non statim ejus dominium sibi attribuire potest. Ergo.

*Resp. 2.* Spectando jus positivum, ac particularia cujusvis Provincie statuta, quæ in similibus sunt fervanda. 1. Thesaurus in proprio fundo inventus totus est inventoris. 2. Si in fundo alieno, etiam Principis, fortuito repertus sit, medietas est inventoris, & medietas Domini fundi juxta S. Thom. loc. cit. 3. Si non requisito Domino fundi ex industria sit quæsitus, & inventus, inventor potest quidem expensas se factas deducere, ass. Thesaurus totus est Domini fundi. 4. Repertus arte magica, sive in proprio, sive alieno fundo, est fisci. 5. Si quis sciens in alterius agru latere Thesaurum, & Domino non manifestans, tantum ab eo petat licentiam quærendi, Thesaurus repertus est totus Domini fundi. *Ratio:* quia licentia per errorem concessa pro nulla habetur. 6. Si Dominus fundi consentiat, ut alius in ejus fundo Thesaurum quærat, standum est conventioni factæ: si verò nulla conventio facta sit, Thesaurus totus est inventoris: Quia tunc Dominus videtur cessisse juri suo.

*Resp. 3.* Ubi consuetudo tenet, & viget, thesauros esse Principis, illa est fervanda.

*Ratio:* Licet bona, quorum dominus non extat, jure Gentium concedantur primò occupanti, potest tamen Respublica ea sibi attribuire pro bono communi, qua applicatione facta non sunt communia. Ergo.

QUÆRO VIII. Si quis sciat in agro latere Thesaurum, & antequam eum eruat,

*Tribunal Confessoriorum.*

emat agrum, sitne dominus thesauri?

XLVIII. *Resp.* Probabilius affirm. prout indicat S. Thom. qu. 66. cit. art. 5. ad 2. dicens: *Propter quod in parabola Evangelii dicitur Matth. 13. de inventore Thesauri absconditi in agro, quod emit agrum, quasi ut haberet jus possidendi totum thesaurum.* Et Christus laudat prudentiam negotiatoris, ut ibidem videtur est.

*Ratio 1.* Talis eruit thesaurum ex loco proprio, nec priori domino tenebatur indicare, ibi latere thesaurum. Ergo.

2. Scientia emptoris circa ea, quæ non sunt de substantia rei, non augeat ejus valorem: Sed si ignoraret latere thesaurum, licet agrum eo pretio emeret. Ergo & sciat.

3. Jussum rei pretium non sumitur ab utilitate, quam emptor ex ea capit, sed ex communi hominum æstimatione. Ergo & dictus ager jussu emitur ex tali æstimatione.

4. Emptor non acquirit dominium thesauri ex alterius venditione, sed ex inventione, & apprehensione. Ergo.

*Oppono 1.* Qui vili pretio a rustico, valorem ignorante, emit pretiosum lapidem, tenetur venditorem admonere, aliàs tenetur ad restitutionem. Ergo similiter, &c.

2. Ager cum thesauro valet, v. g. decem millia. Ergo si ematur solùm trecentis, est magna inæqualitas. Ergo injustitia, &c.

3. Ante dictum est, quòd qui in alieno agro invenit Thesaurum, teneatur dimidium dare domino fundi. Ergo non potest emere, ut totum thesaurum sibi reservet. Prob. Conf. Dominus agri jam habet jus acquisitionis ad dimidiam partem thesauri: Sed per talem emptionem ea medietate fraudatur. Ergo.

*Ad 1. R. Neg. conf.* Disparitas est, quia rusticus ille deciperetur quoad substantiam rei, in nostro autem casu thesaurus non est de substantia fundi, nec dominus fundi est dominus thesauri, nisi eum inveniat, & apprehendat; & vendit agrum solùm ratione superficie. Sicut ergo, qui currenti pretio emit equum (quem vidit in flumine hausisse margaritam, quam postea eximit, & tacet) licet emit, & obtinet dominium margaritæ, cum illa non sit de substantia equi. Et pharmacopola agnoscens magnam utilitatem in herba, aliàs inutili, & quæ in fasce herbarum continetur, ut cum aliis in pabulum jumentorum vendatur, potest illum fascem emere communi pretio. Ergo similiter. Vide ad Q. 9.

*Ad 2. neg. ant. vel dicitur esse verum, si thesaurus non ignoratus æstimetur.*

*Ad 3. neg. conf.* Quia in casu nostro thesaurus non eruitur ex fundo alieno, sed proprio. Ad prob. neg. maj.

QUÆRO IX. Si thesaurus sit absconditus in re mobili, v. g. saccolana pleno, vel pecunia



cunia in pane, cujus thesauri venditor, vel donator nullam habet notitiam, emptor, vel donatarius sine dominus thesauri sicut lanx?

**XLIX. Resp.** consequenter ad prædicta, Affirm.

**Ratio:** Quia prior Dominus facci, vel panis, cum latentis illius thesauri nullam habuerit scientiam, non intendit illum occupare. Ergo non efficitur ejus dominus, immo nec possessor; qui enim nescit, non possidet thesaurum, licet habeat jus ante alios eum occupandi. Et supponitur, quod non sciatur de ullo alio vero domino talis thesauri.

*Bona incerta, seu peritura.*

**QUÆRO X.** Cujus sunt, dum inveniuntur?

**L. Resp. 1.** Certum esse, quod ante talium bonorum applicationem inventor teneatur (ex suppositione, quod ea acceperit, licet absolute potuisset relinquere in loco, ubi erant, diligenter inquirere eorum dominum per proclamationes, vel affixas schedulas, cui, si compareat, sunt restituenda. Si inquiri non possit, consilium saluberrimum est, ea in pauperes, aut publicos, & pios usus erogare, maxime si inventor non egeat. Si vero ipse indigens sit, potest sibi totum, vel partem pro sua necessitate applicare, optimè verò faciet, si adhibeat ad hoc consilium Prælati, vel Confessarii. Si inventor diuam diligentiam non adhibeat, peccat, & tenetur restituere, juxta illud S. Augustini: *Si quid invenisti, & non reddidisti, rapuisti.*

**Resp. 2.** Si dominus compareat, postquam res in pauperes, vel pios usus est erogata, si quid de re, vel pretio ejus restet, tenetur hoc pauperes domino restituere, nisi ipse remittat.

**Ratio:** Quia in distributione involuebatur hæc tacita conditio: Si dominus non compareat.

**Resp. 3.** Probabilius videtur, quod stando in solo jure naturæ, & etiam communi, Civili, & Canonico, bona inventa, quorum dominus diligenter inquisitus adhuc nescitur, inventor salva conscientia sibi retinere possit, licet non egeat; & non teneatur expendere in pios usus.

Ita indicat S. Tho. q. 66. cit. art. 5. ad 2. dicens: *Quadam verò res inventa fuerunt de propinquo in alienis bonis, quæ si pro derelictis habebantur, & hoc credat inventor, licet eas sibi retineat, non committit furtum.*

**Ratio 1.** Nullus textus juris potest adduci, qui contrarium asserat.

Nam l. ex authentica, *Omnes peregrini*, quam adversarii obiciunt, loquitur de bonis intestatis, ut antea dictum. Et *C. cum de Usuris*, tantum loquitur de bonis iniuste, & ex delicto, ut potest per usuram acquisitis, quæ retineri non

possunt. Et ideò in defectu domini eroganda sunt pauperibus, inventio autem est licita acquisitio, ait nosse Corradus. Similiter S. Tho. quem nobis obiciunt ex q. 62. art. 5. ad 3. expresse loquitur de bonis incertis iniuste acquisitis, quorum dominus diligenter inquisitus ignoratur, ut patet ex textu. Ergo.

**Ratio 2.** Bona inventa, quorum dominus facta sufficiente inquisitione non potest inveniri, habentur pro derelictis. Ergo nullius. Ergo primi occupantis. Ergo non sunt necessaria eroganda pauperibus.

**Ratio 3.** Naturalis ratio dicitur, ut bona expendantur juxta interpretativam voluntatem prioris possessoris: Sed hæc est, ut maneant penes inventorem. Ergo. Min. prob. Voluntas interpretativa prioris possessoris est, ut bona maneant in tali statu, quod facilius possit ea recuperare: Sed potest ea facilius recuperare si maneant apud inventorem, quia in interdum casu ab ipso domino, vel ejus hæredibus possunt agnosci, v. gr. si sint vestes, gemmæ, libri, &c. ulque dum, vel vetustate temporis res omnino pereat, vel possessor præscribat. Ergo.

Ex his ruit fundamentum adversariorum dicentium, interpretativam voluntatem prioris domini esse, ut expendantur pro salute animæ ejus: adeoque in pios usus. Nam contrarium mox probatum est.

**Resp. 4.** Bona inventa (etiam facta sedula domini inquisitione) non statim sunt inventoris, ut domini, sed ut possessoris. Proinde, si dominus compareat, antequam elabatur tempus præscriptionis, tenetur ei restituere: secus, postea.

**Ratio:** Usque ad terminum præscriptionis inventor ob veri domini ignorantiam solum se habet ut possessor bonæ fidei, quæ bona fides cessat domino comparente: Sed elapso termino præscriptionis, transfertur dominium. De quo postea. Ergo. Vide infra in hoc Tract. Exam. 7. num. 116.

*Accessio, Alluvio, Inadificatio.*

**QUÆRO XI.** Quid sunt, & quomodo transferunt Dominium?

**L. Resp. 1.** Accessio est, quæ resaccedit ad eam, quæ tua est, vel bona fide putatur esse tua, & ex hoc fit tua. Est duplex, una naturalis, altera industrialis. Naturalis fit, vel per naturam, ut patet in partu servæ, fœtu pecoris, in plantis, & arboribus in solo nostro natis. Vel fit per alluvionem, quæ est incrementum, quod ab alluente fluvio uni demitur, & alteri addicitur. Hoc incrementum, vel fit latenter, ut dum vi fluminis quasi insensibiliter uni ripæ quid demitur, & alteri addicitur; Vel fit patenter, ut si impetus fluminis manifeste ab una ripa parte avellat, & alteri addiciat, vel novas insulas faciat, vel alveum fluvii totaliter mutet. Accessio indu-

industrialis fit per industriam, qua quid implantatur, inseritur, inædificatur, intexitur, scribitur, pingitur, &c.

*Resp. 2.* Accessio per nativitatem tribuit dominium. Sic dominus feræ (licet pater sit liber) fit dominus proles.

*Ratio :* Quia partus sequitur ventrem. Idem fit de fœtu pecoris, de plantis, quæ crescunt in fundo.

*Ratio :* Quia accessorium sequitur suum principale, ut habet Reg. Juris.

*Resp. 3.* Per Alluvionem latentem acquiritur dominium soli accrescentis, non verò per patentem, nisi dominus partis avulsæ habeat eam proderelicta.

*Resp. 4.* Insula in medio fluminis nata, si ab utraque ripa æqualiter distet, est communis inter illos, qui in utroque litore habent prædia, si uni ripæ est propior, spectat ad eum, cujus est fundus illius ripæ. Ita Jurisæ.

*Resp. 5.* Si flumen antiquo, & naturali alveo relicto occupet alium cursum, alveus reliquus spectat ad eos, quorum sunt prædia propinquo: ra: è contra alveus de novo occupatus fit publicus, modo non transitoriè, sed longo tempore a fluvio occupetur.

*Resp. 6.* Accessionis industrialis regulam significant hi versus:

*Quicquid plantatur, feritur, vel inædificatur, Omne solo cedit, radices si tamen egit.*

*Resp. 7.* Qui in proprio solo ædificat ex materia aliena, fit dominus ædificii cum onere satisfaciendi domino materię.

*Ratio :* Quod solo inædificatur, solo cedit.

*Resp. 8.* Si quis ex sua materia ædificat in solo alieno, ædificium est illius, cujus est solum; & si ædificaverit sciens esse alienum, in foro externo pro sua materia nihil exposcere potest, licet domus diruatur.

*Ratio :* Quia censetur donasse, vel temerè ædificasse. Exeipe, nisi fortè hac ratione utiliter gesserit negotium absentis.

*Resp. 9.* Si bona fide ædificavit in alieno solo, credens esse suum, debent ei a domino fundi expensæ, & pretium materię refundi.

*Ratio :* Quia par non est, ut dominus soli locupletetur cum detrimento innocentis inædificantis.

*Resp. 10.* Sine consensu Principis non licet in publicis fluminibus ædificare molendinum.

*Ratio :* Ne impediatur publicus usus Navigationis.

*Resp. 11.* In flumine proprio, ac privato potest quis sine speciali licentia construere molendinum, si per illud priori, & antiquiori non auferatur commodum naturale, & necessarium molendi, quod est aqua.

*Ratio :* Novus molitor non potest detinere aquam in præjudicium prioris.

*Resp. 12.* Si ex constructione novi molendini

antiquiori decrescat frequentia eorum, qui alportant frumenta ad molendum, nulla fit injustitia.

*Ratio :* Prioris molendini dominus nullum acquisivit jus in homines frumenta afferentes, cum ea pro sua libertate possint portare, quò placuerit.

*Resp. 13.* Si sit consuetudo loci, ne cum damno aliorum erigatur novum molendinum, antiquiores molitores possunt illud impedire, si probent se damnificari. Non tamen possunt impedire, quin illud extruat præcisè pro proprio frumento, aqua non ex publico, sed ex proprio flumine derivata. Sed in his omnibus praxis, & consuetudo loci attendenda est.

Plura de prædictis modis acquirendi dominium dici possent, sed hæc propriè spectant ad Juristas, in quibus videantur.

## EXAMEN IV.

De modo acquirendi per Præsumptionem, Promissionem, Donationem, Testamentum, Ludum, & Sponsonem.

Præscriptio, & Usucapio.

**Q**UERO I. Quid sunt, & quomodo Dominium transferunt?

*LII. Ratio 1.* Præscriptio (prout in præsentis sumitur) est illa exceptio, quæ opponitur domino vindicanti rem suam ab alio, per tempus a Lege definitum, & conditionibus ad id requisitis possessam. Vel, Est acquisitio domini, vel alieni juris sive realis, sive personalis peremptio, per continuationem temporis lege definiti, aliasque conditiones requisitas.

Usucapio est acquisitio domini per continuationem temporis lege definiti. Vocatur verò usucapio, quia per usum aliquid capitur ut suum.

*Resp. 2.* Inter Præscriptionem, & Usucapionem aliqui sic distinguunt, quòd prima fit immobilium, ut sunt vineæ, agri, &c. altera mobilium, ut sunt pecora, libri, vestes, &c. Sed hæc doctrina communiter reiicitur. Quia ex Instit. de Usucap. in principiopatet, quòd usucapio etiam fit immobilium. Unde alii melius distinguunt, quòd usucapio propriè tantum conveniat rebus corporalibus, ut sunt, quæ mox notavimus: Præscriptio verò tam corporalibus, quam incorporalibus v.g. juribus, &c. Hinc omnis præscriptio est usucapio, non tamen è contra, quia prima latius patet. Sicut omnis homo est animal, sed non è contra. Hodie tamen communiter pro eodem sumuntur.

*Resp. 3.* Præscriptio legitima, seu quæ sit cum requisitis conditionibus assignandis, etiam in foro conscientie transfert dominium ab uno, etiam nesciente, & nullatenus rem suam negligente, in alium.

*Ratio:* Juxta communem DD. sententiam Leges humanæ, etiam civiles, non solum possunt mihi præcipere, ut pro salute boni communis bona mea alteri tradam, sed etiam bono communi sic requirente, me invito, eorum dominium possunt transferre in alios, & hoc etiam in foro conscientie; nam etiam in eo membra, uti sunt cives in Republica, tenentur succurrere suo corpori. *Subsumo:* Sed leges præscriptionis maxime stant pro bono communi. Ergo tenent etiam in foro conscientie. Min. prob. Ad bonum commune maxime conducit, ut sint certa rerum dominia, tranquilla possessio, ut tollatur longi temporis error, ne lites protrahantur, ne homines in suis juribus, & rebus conservandis sint negligentes: Sed hæc omnia respiciunt Leges præscriptionis, statuentes certi temporis spatium pro rebus inquirendis. Ergo.

Confirm. Sacri Canones dictis Legibus assunt. Nam ut patet ex Concilio Lateranensi relato in cap. fin. de præscript. tantum præscriptionem cum mala fide ratione peccati excludunt. Ergo supponunt præscriptionem cum bona fide a peccato, & a restitutione immunem esse, licet elapso præscriptionis termino superveniat cognitio fuisse alterius.

*Nota.* Quando damnatur præscriptio, sermo est de ea, quæ est cum mala fide.

*Oppono:* Locupletari quis non debet cum alterius detrimento, ut habet Reg. Juris. Item Respublica non potest invitum spoliare res sua, nisi ratione delicti, vel nisi ipsa indigeat: Sed hoc fit per Leges præscriptionis. Ergo sunt injustæ.

Ad hoc dico sub distinct. Id non posse quidem fieri privata, bene tamen publica auctoritate, & bono communi sic exigente, ut probatum est.

*Resp. 4.* Conditiones legitimæ Præscriptionis sunt quatuor:

*Primo:* Res aptæ præscribi. Præscribi autem non possunt, quæ jure divino alicui competunt, ut Jurisdiclio Papæ. Nec quæ jure naturæ sunt prohibita, v.g. fornicatio. Nec quæ jure Civili, vel Canonico sunt prohibita alienari, v.g. res, & loca sacra, religiosa, vel publicis usus deputata, ut pontes, via publica, &c. Nec jura spiritualia, v.g. jus decimandi, beneficia conferendi, &c. a Laicis præscribi possunt contra Ecclesiasticos. Nec obedientia, nec visitatio, sic ut nulli quis subdit, a nemine visitetur, &c.

*2. Condicio:* Bona fides, id est, credulitas, quæ prudenter sibi persuadet, rem, quam possidet, esse suam, vel saltem inculpabiliter nescit esse alienam. Unde crassa ignorantia non facit bonam fidem, uti nec dubium, quando hoc

manet. Licet ergo jure civili tantum ab initio requiratur bona fides, & mala fides superveniens, præscriptionem non impediatur, juxta tamen civile in hoc est correctum a jure Canonico. Unde est Regula 2. Juris in 6. *Posseffor mala fidei nullo tempore non præscribit.* Ergo nulla plane datur præscriptio sine bona fide.

*Tertia:* Iustus titulus. Quid sit titulus, & quotuplex, nimirum verus, & presumptus, vide Exam. 2. n. 19. Ad præscriptionem sufficit titulus præsumptus, & putativus loco citi explicatus. Quandoque etiam præscriptio bonæ fidei procedit sine titulo, ut si quis 30 vel 40. annis rem possideat, immemor tituli, ex quo eam possidere cepit. Idem est in Præscriptione 100 annorum contra Ecclesiam Romanam, & 40. contra alias, in quibus non requiritur probatio tituli, sed bona fides. Deficiente titulo ostendendum est tempus immemorabile possessionis, quod tempus est, cujus initii nulla extat memoria, etiam apud seniores.

*Quarta condicio est,* Possessio, & quidem tempore legitimo continuata. Nam ita habet Reg. 3. Juris in 6. *Sine possessione præscriptio legis non procedit.* Quid, & quotuplex sit possessio, vide in hoc Tract. Exam. 2. n. 20.

Tempus Præscriptionis est diversum pro diversitate rerum. Res mobiles, id est, quæ loco moveri possunt, v.g. pecuniæ, vestes, naves, animalia, &c. privati hominis, vel cujuscumque Ecclesiæ, etiam Romanæ, cum titulo præscribuntur triennio; sine titulo 30. annis. Res immobiles, seu quæ loco moveri non possunt, ut prædia, domus, census, & redditus annui, beneficium, officium, &c. si sint privati hominis, præscribuntur 10. annis inter præsentēs, & 20. annis inter absentes. Præsentēs censentur, qui domicilium habent in eadem civitate, vel Provincia; absentes, qui in diversa Provincia, vel remota parte ejusdem Provinciæ. Nullo titulo interveniente res immobiles privato præscribuntur 30. annis.

Ad præscribenda bona immobilia contra Ecclesias, aliaque pia loca requiruntur 40. anni Contra Ecclesiam Romanam 100. anni. Contra Ordinem S. Benedicti 60. Mendicantium, & eorum, qui cum illis participant, juxta Molinam, & Lessium, 100. anni.

*Resp. 5.* Contra Præscriptionem in quibusdam casibus datur restitutio in integrum. Quæ nihil est aliud, quam quoddam beneficium, seu remedium juris, quod facta præscriptione relinquatur priori domino, ut Judicis auctoritate possit restitui in statum pristinum, seu in dominium, & possessionem rei amissæ. Unde in tali casu, qui præscriptus, tenetur restituere post sententiam latam.

*Resp. 6.* Contra Præscriptionem, etiam longissimi temporis, restitutio in integrum conceditur Minoribus, uti & Ecclesiis, Hospita-

pitalibus, aliiq; piis locis, quæ in favorabilibus æquiparantur cum minoribus, & pupillis. Majoribus autem hoc beneficium non conceditur, nisi ex causa, quam Iudex legitimam æstimaverit, qualis v.g. si legitime constet, quod quis propter absentiam causa Reipublicæ, vel Studiorum causa, &c. præscriptionem litis contestatione interrompere non potuerit.

Hæc de Præscriptione Theologo sufficiant; plura videantur in Juristis.

#### Promissio.

**QUÆRO II.** Quid est, & quomodo per eam transfertur Dominium?

**LIII. Resp. 1.** Promissio est deliberata, & spontanea fidei obligatio, alteri facta, de re licita, possibili, ipsique grata.

Dicitur *deliberata*, id est, facta scienter, & volenter; & *spontanea*, id est, non extorta metu, vel fraude. Dicitur *2. fidei*, id est, fidelitatis obligatio; tum quia per hoc differt a proposito, etiam firmissimo, quod NB. ne confundantur promissio, & propositum, uti sæpe confundi solent a simplicioribus in materia voti. Tum etiam quia sine animo obligandi promissio est nulla, cum obligatio sit de intrinseca ratione ejus. De ficta promissione Matrimonii dicitur alibi. Proinde consideranda est intentio promittentis, quæ si solum tendat ad placendum promissario, vel ad solum ostendendam animi promptitudinem, non est promissio. Si vero intendat se obligare, sed promissum non implere, subsistit promissio, & obligatio.

Dicitur *3. de re licita*. Quia nulla potest contrahi obligatio ad peccandum. Unde est regula juris: *In male promissis fitemi servare non expedit*. De quo plura in R. 3.

Dicitur *4. de re possibili*. Quia ad impossibile nemo tenetur. Et hoc verum est, licet res fiat impossibilis post promissionem. Immo etsi maneat aliqua possibilitas, si tamen ex rerum, vel circumstantiarum mutatione tanta se ingerat arduitas, ut ea præmissa promissor non promississet, vel certe casum hunc excepisset, non obligat.

Dicitur *5. grata promissario*. Cum enim in ejus gratiam promissio fiat, si ei ingrata, vel nociva sit, cessat obligatio.

**Resp. 2.** Promissio simplex, seu merè gratuita, ac liberalis, homini exterius serio facta, & ab eo acceptata obligat in conscientia: & talem promissionem non servare, est peccatum mortale ex genere suo.

**Ratio:** Ratio naturalis dicat, fidem etiam hosti esse servandam.

**Dixi 1. exterius facta.** Quia ex merè interna non oritur obligatio, ut dicitur postea.

**Dixi 2. serio facta.** Quia promissio jocosa non ligat.

*Tribunal Confessionum.*

**Dixi 3. acceptata.** Nam quamdiu non est acceptata, potest a promittente revocari, & in nullo foro, etiam conscientia, obligat. Potest autem acceptatio fieri, non tantum per ipsum promissarium præsentem, sed & per alium ejus nomine: immò interdum silentium præsentis stat pro acceptance, cujus intentio acceptandi probabiliter colligitur ex signis, & circumstantiis, ut verum sit illud, *Qui tacet, consentire videtur*. Licet ergo obligatio promissionis simplicis pro causa directa respiciat solam voluntatem promittentis, attamen acceptatio promissarii est conditio sine qua non. Et licet hæc promissio gratuita non sit de genere contractuum mutuum in hoc sensu, quod sit alicujus datio, & receptio, uti sunt emptio, & venditio, bene tamen in hoc sensu, quod requirat utriusque consensum.

**Ratio:** patet ex jure naturæ. Nemo enim sola sua voluntate potest facere, quod res sua pertineat ad alium sine consensu ejus, quia aliàs alterum invitum posset facere suarum rerum dominum, quod est contra lumen naturæ, cum non possimus inviti, & nolentes acquirere dominium alicujus rei.

**Excipitur 1.** Pollicitatio, seu promissio (idem est de donatione) facta piæ causæ, quæ non requirit acceptance non promissarii, vel donatarii, sed acceptatur a Deo. **Excipitur 2.** Promissio facta civitati, circa quam jure Civili statutum est, ut non possit revocari, licet nondum sit acceptata; vel videtur acceptata ab ipsa Legge, seu jure.

**Dixi 4. ex genere suo.** Quia in individuo non implere promissum, potest esse veniale, si nimirum res sit levis.

**QUÆRO III.** Promissio facta sub conditione turpi, obligatne in conscientia?

**LIV. Ante R. Not.** Non quæri hic de promissione rei turpis, & illicitæ; certum enim est, hanc impleri non debere, licet juramento sit firmata. Quia fides, & juramentum non debet esse vinculum iniquitatis: sed quæritur de promissione rei aliàs licitæ, v.g. pecuniæ, sed sub conditione turpi, seu ob turpem causam, v.g. si mecum fornicatus fueris. Et hæc promissio adhuc est duplex: Una per legem prohibita, ut quando non solum opus malum, pro quo aliquod promittitur, est lege prohibitum, sed etiam est prohibitum pro eo aliquid dare, vel recipere, sicut est prohibitum, ne aliquid promittatur, vel detur judici, ut injuste judicet. Et de hac promissione etiam non quæritur, nam de ea res per se clara est. Alia est per legem non prohibita: ut quando opus quidem est lege prohibitum, v.g. meretricium, veneficium, &c. non tamen est prohibitum aliquid dare ratione talis operis secundum se sumpti, v.g. meretrici ratione lascivi usus corporis. Et de hoc est sermo. Hoc notato

**Resp.** Promissio sub conditione turpi, ante

V 3 quam

quam coeditio redigatur in actum, non obligat: postquam verò in actum redacta est, in conscientia ligat. Ita habet probabilior sententia.

*Ratio 1. p.* Ad peccandum non potest dari obligatio: Sed si promissio sub conditione turpi obligaret ante impletam conditionem, daretur obligatio ad peccandum. Ergo. Min. prob. Quia proximum inducere ad peccandum, est peccatum: Sed proximus sic induceretur ad peccandum, nimirum ad implendam turpem conditionem, v.g. fornicationem. Ergo.

*Ratio 2. p.* Promissio de relicita, salutis non nociva, nec majus bonum prohibente, est servanda: Sed in præsentia est talis promissio. Ergo. Min. prob. Meretrici post usum corporis dare pecuniam, non est res mala, nec salutis nocet: Quia tunc non datur (ut suppono) intuitu, aut ex complacencia peccati / de quo fortè jam penitet, / sed ad servandam fidem datam, vel datur merè gratuito, & ex liberalitate, & conditio turpis habetur pro non adjecta. Ergo. Hinc idem, si de contract. ob turpem causam dicitur: *Meretrix turpiter facit, quòd sit meretrix, sed non turpiter accipit, cum sit meretrix.*

*Oppono;* In iudicio non datur actio contra talem promissorem. Ergo non obligat solvere. Dist. Conf. obligatione civili, conc. Naturali, orta ex natura promissionis onerolæ, neg. conf.

**QUÆRO IV.** Promissio, vel donatio merè interna, homini facta, obligatne in conscientia, transferturque per eam Dominium?

*L.V. Resp.* Probabilior est sententia id negans, & ultra asserens, quòd talis promissio, vel donatio possit promittere, ac revocari ad libitum. Ita S. Tho. infrà q. 88. a. 1. in c. dicens: Promissio, quæ fit ab homine homini, non potest fieri nisi per verba, vel quæcunque exteriora signa, Deo autem potest fieri promissio per solam interiorum cognitionem, quia ut dicitur 1. Reg. 16. Homo videt ea, quæ parent, sed Deus innotet cor. Hæc ibi.

*Ratio:* Promissionem, ac donationem merè inteream celando, ac donatario, vel promissario non manifestando, aut eam revocando, nulla eis fit iniuria. Ergo potest celari, ac revocari. Prob. ant. ubi non est jus, ibi non potest esse iniuria: Sed quomodiū interna promissio, vel donatio exterioris non manifestatur, ille, cui est facta, nullum habet jus ad rem. Ergo. Min. prob. Ubi non est dominium, non est jus ad rem: Sed per actum merè internum non transfertur dominium rei in alium hominem. Ergo. Min. prob. Omnes jurisperiti ad translationem domini requirunt actualem exhibitionem, & acceptionem rei: Sed illa est actus exterior. Ergo.

Confirm. Homo ex sua natura constat corpore, & anima. Ergo sua opera non potest cum alio homine communicare, nisi modo con-

formi suæ naturæ, nimirum, mediante corpore, & actione externa, seu per voces, & signa sensibilia.

Ex quo fit, quòd in ordioe ad hominem (de Deo est dispar ratio, ut patet ex verbis S. Tho. citatis) interna promissio actu non plus liget, quam simplex propositum.

*LVI. Oppono 1.* Propter quod utrumquodque tale, & illud magis tale, ut habet axioma: Sed promissio, vel donatio externa obligat propter internam, quia voces sunt signa conceptuum. Ergo interna magis obligat.

2. Si non obligaret, ille promitteos revocando fieret mendax. Prob. Quia mentalis donatio, vel promissio est quædam locutio. Ergo.

3. Solum actu interno, quo quis non vult amplius rem habere in bonis suis, amittitur dominium, vel possessio rei. Ergo & transfertur.

*Ad 1. dist. min.* Si simul fuerit, conc. mio. secus, neg. min. Et dist. similiter conf. Non ergo solus conceptus obligat, nec solum externum signum, sed utrumque simul, & unum propter aliud, sic ut voluntas interna sit causa obligationis, & manifestatio externa sit conditio sine qua non: uti & acceptatio. Si ergo promissarius sit absens, si præsens, sit tamen absurdus, vel non audiat, adeoque nec perse, nec per alium acceptet, licet adsint testes, qui audierunt, nulla oritur obligatio in conscientia, sed potest revocari ante acceptionem.

*Ad 2. neg. seq.* Mendacium enim est falsa vocis significatio cum intentione fallendi, quod non est in præsentia, quia promittens utitur iure suo, quo (acceptatione nondum facta) actus suos revocare potest.

*Sed quid, si promittens, vel donans actum internum firmasset juramento?*

*Dico,* Tunc teneri in conscientia, ooo ratione promissionis, sed vi juramenti ob reverentiam divini Nominis in testem vocati. Ad hoc enim sufficit, quòd actus sit licitus, licet non obligatorius. Quod verum est, licet promissio sit per vim extorta, v.g. in casu, quo quis latroni mortem minanti promittit 100. florenos.

*Ad 3. primò cum Serra neg. ant.* estque paritas, & potest actus ille internus etiam ad libitum revocari. 2. Neg. conf. Disparitas est: Quia plus requiritur ad unum, quam ad alterum, facilius enim est aliquid desinere esse, quam incipere esse, vel produci in altero. Nam incipere esse est de genere bonorum, bonum autem est ex integra causa.

Plura vide infrà in materia de Voto, & Juramento.

*Donatio.*

**QUÆRO V.** Quid, & quotuplex est? Et quoam donare possunt?

LVII.

**LVII. Resp. 1.** Donatio definitur, quod sit *datio liberalis, irredibilis, compensationem non intendens.*

*Explicatur:* Ad Donationem puram, simplicem, & gratuitam (de qua hic est sermo) tria requiruntur. 1. Ut quis det ea mente, ut velit rem statim fieri accipientis. 2. Ut in nullo casu velit donum ad se reverti. 3. Ut ex nulla alia causa donet, nisi ut liberalitatem exerceat. Propter primum Donatio est liberalis: propter secundum est irredibilis: propter tertium, compensationem non intendit.

Ex quo patet differentia Donationis a promissione, hæc enim solum obligat ad dandum, donatio verò actu dat, suppositis omnibus requisitis.

**Resp. 2.** Donatio variè dividitur. 1. Alia est strictè sumpta, quæ est merè gratuita, & abque meritis donatarii, de quo ante. Alia est latè sumpta, quæ etiam vocatur remuneratoria, supponens debitum gratitudinis, ex quo inclinatur ad retribuendum benefactori juxta mensuram accepti beneficii. 2. Alia est donatio, quæ fit mortis causa; alia inter vivos. Prima involvit respectum ad mortem, & solum post eam vult rem esse alterius, ideòque pendet, seu suspensa est usque ad mortem Donatoris, & licet ante eam possit revocari, attamen per eam confirmatur. Altera, scilicet Donatio inter vivos, fit sine cogitatione, vel respectu ad mortem, seu cum quis ita donat, ut etiam se vivente velit rem absolutè esse alterius. Et est iterum duplex, una conditionata, quæ dominium non transfert, nisi conditione impleta. Alia absoluta, seu pura, quæ conditione, vel modificatione non afficitur, & hæc seriò exterius homini facta, & exterius acceptata (si res per traditionem apprehendatur) statim transfert dominium.

**Resp. 3.** Illi solum liberè donare possunt, qui habent dominium bonorum, & simul eorum administrationem cum facultate alienandi.

*Ratio:* Donatio spectat ad regimen, & dispositionem bonorum: Sed hanc habent solum illi, qui habent dominium simul cum administratione. Ergo.

Ex quo sequitur, quod ad restitutionem teneatur, qui aliquid accipit ab iis, qui non possunt donare: quales sunt:

1. Infantes, furiosi, & amentes.
2. Qui non habent administrationem bonorum, ut sunt masculi ante annum 14. & scemina ante 12. qui sunt anni pubertatis.
3. Prodigii, non solum, qui jam habent curatorem a Prætorè, vel Magistratu positum, sed & quibus (curatore eis nondum dato) rerum suarum administratio est interdicta.
4. Filii familias, etsi sint puberes, hi enim sine consensu expresso, vel tacito patris donare non possunt, nisi de bonis castrensibus.

5. Minores 25. annis, qui de suis bonis (quæ nec castrensia, nec quasi castrensia sunt) donare non possunt sine consensu, (saltem tacito Curatoris, qui tunc est, quando expendant juxta mensuram suæ conditionis, & facultatis, prout solet concedi aliis parvis conditionis, spectata quantitate Patrimonii, splendore natalium, causa donandi, more patriæ, &c. Vide infra Tr. 9. Exam. 3. n. 36. de furtis filiorum familias).

6. Religiosam Superiores, quàm subditi donare non possunt de illis bonis, quorum non sunt domini. De quo supra.

7. Uxorum donationes quod concernit, Nota: uxorum bona alia esse dotalia, quæ nimirum ab uxore, vel alio dantur ad sustinenda onera matrimonii: alia paraphernalia, quæ nimirum uxori præter dotem accepit a suis. Hæc bona Sylvester explicat dicens: Paraphernum, sive paraphernale dictum est, quasi juxta dotem a *para*, quod est juxta, & *pherna*, dos. Inde dicta sunt paraphernalia bona, ea quæ habet uxor præter dotem undecunque. In quibusdam tamen locis non habent locum, ubi ex consuetudine vir omnia bona immobilia mulieris recipit in dotem, & omnia mobilia sunt communia. Hæc ille.

Bona dotalia a Germanis in sua vernacula vocantur *das hebrath guet*; paraphernalia *das zugebrachte guet*, quia ex conventionione, & pactis conjugum dependet, quantum uxor in dotem dare, & maritus accipere velit, quicquid uxori promittit certa bona, vel certam pecuniæ quantitatem doti uxoris proportionatam, seu æqualem, quæ germanicè vocatur *das VViderlag*. Verùm æqualitas illa per consuetudinem est sublata.

Licet rei dotalis dominium naturale, & quidem sopitum, maneat apud uxorem, ut postea dicetur, ad eamque pleno jure redeat mortuo marito, dominium tamen ejus civile est penes maritum, qui etiam fructus ejus propter onera matrimonii pleno jure lucratur; potestque pro re dotali contra quemcumque possessorem suo nomine instituere rei vindicationem. Secus est de paraphernis, de quibus solum uxorio nomine, & tanquam procurator agere potest.

Nisi ergo conjuges aliter inter se covenierint, aut loci consuetudo aliter ferat, bonorum paraphernalium, & quæ ex eis comparavit, habet uxor plenum, & perfectum dominium, non solum directum, sed & utile, ut dictum est supra in hoc Tr. Exam. 2. n. 22. R. 3. Uti & plenum dominium, ac liberam dispositionem habet quoad ea, quæ supersunt ex certa pecuniæ Summa a Marito accepta ad certum ulum, vel familiam, aut partem ejus certo tempore sustentandam, nisi fortè maritus dederit ea intentione, ut sibi reddat, quod supererit. Cæterum quoad bona dotis, & patrimonii, uxor quidem retinet do-



minum directum, sed administrationem, & usufructum habet maritus. Idem est de iis, quæ durante matrimonio inter se acquirunt, saltem quoad dimidiam partem, nisi sit alia lex patriæ, vel aliter sit stipulatum.

Loquendo ergo de bonis uxoris, quorum administrationem Maritus habet, potest uxor sine expressa mariti licentia facere eleemosynas, & donationes moderate, seu in ea mensura, quæ eas facere solent aliiæ feminæ ejusdem conditionis, & status, attentâ simul necessitate, abundantia, & oneribus familiæ.

*Ratio* : Nam iniis maritus non censetur rationabiliter invitus; quia per Matrimonium se obligavit ad honestam uxoris sustentationem, quæ hoc videtur includere, & censetur ea computare, qui pro uxore honestam sustentationem taxaret.

LVIII. *Quid si vir, sciens, positivè uxori hoc prohiberet?*

*Disco* : Non potest uxor tales expensas facere, si vir ipse faciat tales donationes, & in casibus sufficienter provideat. v.g. Si vir dicat uxori: Ego, volo, ut ex nostris bonis fiant eleemosynæ juxta nostrum statum; Item volo, ut tuis amicis dones juxta tuam conditionem, ego autem scio, quantum statui nostro, & conditioni tuæ congruat, fiat ergo hoc modo, do tibi ut facias eleemosynas, & dones tali, vel tali, daboque tibi, quoties opus fuerit; si ego illis dem, & tu illis dem, duplicabuntur sumptus. Hoc enim maritus potest; sicut uxori potest emere vestes, & alia necessaria.

Verum cum uxor non sit serva, sed socia viri, potest adhuc aliqua modica infirio viro expendere, nec est cogenda ad petendam quoad hoc licentiam, cum idem videatur pertinere ad decentiam status.

Similiter potest uxor sine expressa mariti licentia ex diâis bonis expendere ad impediendum aliquod damnum temporale, vel spirituale familiæ, vel viri, v.g. ut Deus eum illuminet, dum videtur propriæ salutis immemor. Vide infra Tract. 9. Exam. 3. n. 36. de furis uxorum.

*Ratio* est, quæ suprà.

*Poterint* uxor (idem est de marito) suis parentibus, aut filiis ex primo thoronatis moderate subvenire, non solum si extremè, sed & si graviter egeant?

*Disco* : Sicut uxor potest juxta suum statum ex bonis communibus facere eleemosynas competentes, ita potest ea in unam congregare, ut det consanguineis, qui indubiè exteris sunt præferendi, ut didicimus suprà de eleemosyna. Si autem ultra hoc eis velit succurrere, facere id debet ex suis bonis paternalibus, aut aliis, quorum liberam administrationem habet.

QUÆRO VI. Quid censet de donationibus inter conjuges? Item inter parentes, & liberos?

LIX. *Nota*. Donationem esse validam idem esse, ac eam non posse revocari; tunc autem præcipuè revocari non potest, quando donatarius est sui juris, nec subest donatori, nec civiliter est aliquid ipsius. Hoc notato.

*Resp. 1.* Donationes merè liberales conjugum inter se (si ex iis una pars fiat ditior, & altera pauperior) jure communi sunt invalidæ, & ad libitum donantis revocabiles. Ita patet in jure. Exceptis quibusdam casibus.

*Ratio* sic statuendi fuit, ne nimius amor conjugum alterum redigeret ad pauperatatem, & ne difficultas donandi, ac denegatio rei ab altero desideratæ esset causa odii, & inimicitiae.

Dixi in *Resp.* Donationes merè liberales, quia alii contractus, v.g. venditio, mutuum, permutatio, &c. inter conjuges tubi dunt, modo id faciant de rebus sibi proprio jure applicatis.

*Causæ excepti sunt.* 1. Si intercesserit divortium, quia reconciliationis causa maritus validè donat mulieri. 2. Si, ut iniquatum est, una pars ex inde non fiat ditior, & altera pauperior, ut si maritus legatum sibi delatum, nondum acceptatum relinquat uxori, vel si donet aliquid ei ad fucos, & unguenta, aut ad dandas eleemosynas. 3. Donatio facta conjugum confirmatur morte donantis, sicut hæredes eam revocare non possunt. 4. Si uxor donet marito causa honoris, aut dignitatis obtinendæ. 5. Si donatio fiat causa remunerationis, vel compensationis, ut si Maritus lenex Uxor juveni, vel Ignobilis Nobili donet ratione juventutis, vel Nobilitatis. 6. Si Imperator donet Augustæ, Rex Reginæ, vel quivis inpremus Princeps Uxor, &c. contra. Nam donatio inter Conjuges jure naturæ valet, & solùm est prohibita lege positivæ, perquam Principes ad donandum inhabiles fieri non possunt, vel certè in ea dispensant. Plures casus vide in Juristis.

*Resp. 2.* Donatio a Patre simpliciter, seu merè liberaliter facta filio nondum emancipato est invalida, prohibitu patris revocabilis. Ita jura.

*Ratio* statuendi potuit fuisse, quæ suprà, nimirum ne nimius filiorum amor parentes depauperaret, aut hæc donatio foret causa trilitis odii inter ipsos; vel etiam inimicitiae inter ipsos filios, si sint plures, dum uni plus donaretur, quam alteri.

*Ratio 2.* Quamdiù filius non est emancipatus, sed adhuc sub potestate Patris constitutus, civiliter censetur una persona cum patre, adeoque donando filio censetur donare sibi ipsi. Ergo donatio non est valida, sed ad placitum revocabilis.

Dixi in *Resp. 2.* simpliciter, & merè liberaliter facta; si enim fiat ob legitimam causam, statim valet, v.g. 1. Si donatio sit facta in dotem ad nuptias, vel ad ingressum Religionis, vel ad redemptionem captivitatis. 2. Causa Stud-



diorum, vel liberalium artium, aut honesti officii. 3. Causa remunerationis ob singularia merita, & beneficia a filio patri collata: potius enim tunc sunt expensæ quàm donationes. 4. Ex causa militiæ armatæ, vel togatæ: ut si pater donet filio ad obtinendum gradum, vel honorem, quia talis donatio efficitur *castrensis, vel quasi*, in quo filius familias habetur pro Patre-familias, habetque liberam dispositionem, ut supra dictum. 5. Si Pater ulumfructum, quem habet in bonis adventitiis filii, ei condonet.

**QUÆRO VII.** Ea, quæ Pater donavit filio, suntne post mortem Patris conferenda in sortem, seu divisionem hæreditatis?

**LX. Resp. 1.** Affirmativè, si Donatio simplex facta sit filio emancipato, ut patet ex l. *si liberis*. Cod. de collat. Si ergo tali filio donati sunt centum imperiales, possunt alii filii ex hæreditate etiam sibi applicare centum imperiales, & postea æqualiter dividere.

**Resp. 2.** Negativè, si donatio simplex facta sit filio non emancipato, ut patet ex l. *penult.* Cod. de collat. Quod tamen intelligendum est, nisi pater voluerit, ut computaretur in sortem, vel nisi frater, aut soror id exigat, eod quod & ipsi donationem sive simplicem, sive ob causam, v. gr. propter nuptias, vel dotem, conferre teneantur ad divisionem.

**Resp. 3.** Si donatio facta fuit ob causam, etiam est conferenda in sortem hæreditatis, juxta cit. l. *ut liberis*, nisi fortè donans expresserit, velle se, ut filius, vel filia hanc partem præcipuam haberet: ita tamen, ut non diminuat Legitimam aliis liberis debitam.

**Resp. 4.** Idem est dicendum de aliis donationibus, quæ sunt filiis, vel nepotibus ad ingressum Religionis, vel in titulum patrimonii ad suscipiendos sacros Ordines: quia etiam per eas stabilem sibi statum comparant, non minùs, ac per dotem, vel donationem ad nuptias.

**QUÆRO VIII.** Estne certa quantitas, ultra quam donari non possit?

**LXI. Resp. 1.** Donatio mortis causa non est restricta ad certam quantitatem.

**Ratio:** Quia est species ultimiæ voluntatis, & ad placitum revocabilis.

**Resp. 2.** Donatio inter vivos, absq; insinuatione Judici facta a privato ad causam profanam, non debet excedere 500. solidos, si simul, & semel donentur. Ita jura; quod videre est in Jurisistis, qui per 500. solidos hodie communiter intelligunt 500. aureos, seu mille imperiales. Et **Ratio** statuendi fuit periculum præcipitantiæ, & jacturæ bonorum.

**Dixi 1. absq; insinuatione**, quia cum illa subsistit, licet excedat.

**Dixi 2. a privato.** Nam donatio a belli Duce facta militibus subsistit sine insinuatione.

Idem est de donatione facta ab Imperatore, & aliis dignitate quasi Regali fulgentibus. Quia indignum esset, eorum liberalitatem tam arctis stringere terminis.

**Dixi 3. ad causam profanam.** Subsistit enim donatio 500. solidos excedens, si facta sit ad piam causam, ut potè in ordine ad quam nemo censetur inconsultò agere.

**Dixi 4. si simul donentur.** Nam excipitur, si donationes fiant diversis temporibus, sicut simul sumptæ dictam summam quidem excedant, non tamen singulæ.

**Ratio** exceptionis est; Quia tunc non est tantum periculum præcipitantiæ, & jacturæ.

**Sed, dic mihi,** Donatio dictam summam excedens, vitiaturne in totum, vel solum secundum excessum illum?

**Dico.** vitiari solum quoad excessum.

**Ratio:** In illis, quæ sunt separatim, regulariter utile per inutile non vitiatur.

**QUÆRO IX.** Quid judicas de valore donationis omnium bonorum?

**LXII. Resp.** Donatio omnium bonorum tam præsentium, quàm futurorum inter vivos, non est valida, nisi sit juramento firmata, vel facta ad pias causas.

**Prima pars** patet ex l. *stipulatio hoc modo concepta*. Et **Ratio** est: Quia illa donatio est contra bonos mores, quia aufert facultatem testandi, quam tamen decet esse in Republica bene ordinata.

**Dixi 1. & futurorum;** si enim solum sit præsentium, est valida, quia manet facultas testandi de futuris. Idem est, si sibi aliquid de bonis vel saltem usumfructum relervet.

**Dixi 2. inter vivos.** Si namque sit donatio mortis causa, subsistit, quia potest ad libitum revocari.

**Dixi 3. nisi sit juramento firmata;** hoc enim servandum, supra diximus num. 56. nisi sit contra bonos mores, vel in alterius præjudicium.

**Dixi 4. nisi sit ad pias causas.** Tunc enim valida est, etiam absque insinuatione.

**Ratio:** Quia jus civile opera pietatis, & consilia Evangelica non potest impedire, nec causis piis præjudicare.

**QUÆRO X.** Donatio liberè facta potestne revocari?

**LXIII. Resp. 1.** Donatio, quæ est mortis causa, potest ad libitum revocari ob penitudinem, vel ob evasionem periculi, vel ob mortem donatarii.

**Ratio:** Quia in hoc differt a donatione inter vivos. Et sic intelligitur illud: *Voluntas hominis est ambulatoria*.

**Resp. 2.** Donatio inter vivos liberè facta, & inscriptione perfecta per se revocari non potest, bene tamen per accidens, & in certis casibus.

**Ratio 1. p.** Quia per eam actu transfertur domini-

dominium rei donatæ in donatarium, quem donans, ut talis, ea spoliare non potest.

*Secunda pars* declaratur assignando casus. Et hi emergunt vel ingratitudine donatarii, vel ex prolesulcepta; vel quia est donatio inofficiosa, ut Iuristæ vocant.

Casus ex ingratitudine donatarii sunt quinque.

1. est, Si donatarius donatori inferat impias manus, id est, non sine mortali culpa.

2. Si ei inferat atrocem injuriam, seu contumeliam.

3. Si bonis ejus inferat grave damnum.

4. Vel si ipsi periculum vitæ struat.

5. Si non impleverit conditionem donationis oppositam.

*Secundum* casum addit Sylvester, & alii, nimirum si donatarius donatorem magna paupertate pressum sublevare nolit. Quod observent simplices, qui omnia sua bona donant liberis, a quibus postea ipsi negliguntur.

In his casibus donator habet jus revocandi donationem, licet sit acceptata, & retradita. Si tamen, qui injuriam passus est, taceat, videtur condonare.

*Hoc jus* revocandi transiit ne ad hæredes?

*Dico*, quod non: quia est personale. Hinc contra ingratum donatarium ab hæredibus donatoris non potest institui querimonia, sicut nec ab ipso donatore contra hæredes donatarii potest moveri actio ingrati.

*Ratio*: Quia est una ex iis, quæ descendunt ex delicto, & non transeunt ad hæredes delinquentis, nisi sit fuerit contestata cum delinquente, tunc enim lis potest repeti, quatenus pervenit ad hæredes.

*Hoc jus* revocandi habetne locum in donatione facta Ecclesiæ?

*Dico*, non posse revocari ob Prælati, vel Capituli ingratitudinem.

*Ratio*: Tum quia regulariter delictum personæ non nocet Ecclesiæ. C. delictum, 76. de Reg. Juris in 6. Tum quia illa donatio censetur facta non intuitu personarum, sed ex pietate erga Deum, qui nunquam est ingratus, sed liberalissimus remunerator.

Casus emergens ex prole suscepta est: Si quis prolecarens, magnæ bonorum suorum partem donavit, & post rei traditionem contra omnem spem nascitur ei proles. Hic casus excipitur in l. si nunquam, de revocandis donationibus.

*Ratio* excipiendo est: Quia in eo casu est iusta juris præsumptio, donatorem liberis carentem magnam donationem fecisse, cum hac virtuali saltem, vel tacita conditione, nisi proles superveniant. Nemo enim præsumitur velle extraneum præferre propriæ soboli.

*Scd* quid si donatio sit facta Ecclesiæ, seu piis

causis, & superveniant proles, saltem non subsistit in foro conscientię?

*Dico*, de rigore iuris non revocari, nisi quoad supplementum Legitimæ.

*Ratio*, Quia Ecclesiæ censetur iure filiorum, Aut si qua mulier. C. de SS. Ecclesiis. Item licet donator non præsumatur propriæ soboli præferre extraneum, bene tamen Deum (cui primario) ac animum, pro cuius salute donavit ad pias causas. Ergo.

*Oppone*: S. Aug. in c. fin. causa iv. q. 4. relatus refert factum S. Aurelii Episcopi, qui ob supervenientes liberos donatori restituit, id quod Ecclesiæ donavit. Et subdit, quod potuisset quidem retinere iure fori, seu externo, sed non iure poli, seu interno. Ergo.

Ad hoc R. S. Aug. loqui de obligatione honorariorum, vel charitatis, non verò iustitiæ: de qua est hic sermo. Unde dixi, *Non revocari de rigore iuris*. Simile est de obligatione liberorum quoad depositionem a parentibus factam.

Tandem casus emergens ex donatione inofficiosa, ut Iuristæ vocant, est, si donatio sit tam excedens, & immoderata, ut præjudicet Legitimæ filiis, aut parentibus debita. Et hæc secundum iura potest revocari quoad supplementum Legitimæ. Vocatur *inofficiosa*, quia repugnat officio pietatis paternæ in filios; ut potè quos Legitima defraudat.

*Testamentum*.

**QUÆRO XI.** Quid, & quotuplex est? quas requirit solemnitates, & qui sunt ejus capaces? esse revocabile?

*LXIV. Resp.* 1. Testamentum est nominis eymologia est idem ac, *testatio mentis*, & definitur, quod sit voluntatis nostræ iusta sententia de eo, quod quis post mortem suam fieri vult cum directa hæredis institutione. Et hæc dispositio debet esse deliberata, non alieno, sed proprio arbitrio facta hæredem instituens, ac morte Testatoris intercedente confirmatur, ante eam ad libitum revocabilis.

Testamentum per hæc differt ab aliis ultimis voluntatibus, seu dispositionibus ad ultimam voluntatem pertinentibus. Ut sunt 1. *Codicillus*, qui definitur, quod sit ultima voluntatis dispositio, quæ circa testamentum aliquid explicatur, mutatur, additur, diminuitur, &c. ita ut in eo non instituantur hæres saltem directè. Ad Codicillum sufficiunt quinque testes.

2. *Fideicommissum*: quod est dispositio, qua gravatur hæres, ut vel totam hæreditatem, vel certam ejus partem cogatur restituere alteri cuidam, qui per hoc indirectè instituitur hæres.

3. *Legatum*: quod est ultima voluntas, qua jubetur hæres rem aliquam certam, & particularem alii cui tertio præstare.

4. *Donatio mortis causa*: quæ est ultima voluntas, qua aliquid præfenti, & acceptanti aliquid donatur intuitu mortis, ut explicatum est supra num. 57.

*Resp. 2.* Testamentum variè dividitur.

1. Aliud est solemne, quod nimirum habet omnes solemnitates, & requisita in jure præscripta. Aliud minus solemne, quod iis caret, vel non eget, uti est Codicillus, testamentum militis, vel ad pias causas; Testamentum patris inter liberos, ut dicitur postea.

2. Testamentum solemne est duplex. Unum scriptum, seu clausum, cujus solemnitates jure communi requisitæ sunt, quod Testator Testamentum suum, propria, vel alterius manu conscriptum, septem testibus masculis, puberibus, liberis, ad id rogatis, vel vocatis, omnibus simul præsentibus, ipsumque testatorem videntibus offerat, profitentem esse suum testamentum. Insuper si sciat, & possit sua manu coram testibus subscribat, vel alius pro eo octavus testis sive subscriptor adhibitus. Postea omnes septem testes uno, eodemque continuato tempore, vel proprio, vel alieno sigillo obfignare debent.

Alterum est *nuncupativum*, quando nimirum testator coram illis 7. testibus viva voce hæredem nuncupat, & voluntatem suam declarat: ut solet heri si tempus mortis non concedat solemnem scripturam erigi.

3. Ex fine dividitur in illud, quod est ad pias, & illud, quod est ad profanas causas. Ad primum sufficiunt duo testes, immò sola probatio.

4. Ex objecto dividitur in testamentum inter liberos, & extraneos. Primum valet cum duobus testibus, sive masculis, sive fœminis.

5. Ex causa efficiente dividitur in illud, quod fita milite, cive, rustico. Testamentum militis habet privilegium, quod nulla egeat solemnitate; quod extenditur ad non militantes, existentes in castris in terra hostili. Testamentum ruri degenitum, ubi pauci sunt literati, lex permittit fieri coram 5. testibus, licet non subscribant.

Testamentum coram Principe factum solum est a solemnitate testium.

Tempore petitis sufficiunt in aliquorum sententia quinque, juxta alios duo testes, inter quos potest esse confessarius.

Extra hos casus adhibendæ sunt solemnitates jure communi requisitæ, nisi in quibusdam terris sit (uti est) alia lex, vel consuetudo. Nam notant aliqui, quòd Venetiis, & Vienne in Austria sufficiunt duo testes.

*Resp. 3.* Testari, seu testamentum condere jure Civili prohibente (quòd sui juris non sint) non possunt 1. Servi, nisi ad pias causas. 2. Nec filii familias sub patris potestate constituti, nisi de bonis castrensibus, vel *quasi*, si sint puberes.

3. Qui commiserunt aliquod crimen, cui jure

annexa est pœna, quòd ipso facto sint intestabiles de quibus vide Juristas. 4. Ex defectu rationis, impuberes, furiosi, mente capti. 5. Nec prodigus, & cui bonorum administratio est interdicta, nequidem ad pias causas. 6. Ob defectum corporis, surdi simul, & muti, vel etiam multi tantum, si scribere nesciant.

Ex jure Canonico testari prohibentur Clerici, in sensu fusè explicato supra in hoc Tract. Exam. 2. n. 35. ad Q. 14. Item Religiosi testari nequeunt, nisi de licentia Papæ, si habeant beneficium. Et hoc ad pias causas tantum.

*Resp. 4.* Qui ob crimen aliquod est intestabilis activè, id est, ut non possit condere testamentum, est etiam intestabilis passivè, hoc est, ut non possit aliquid capere ex testamento: Quæ est regula generalis.

*Resp. 5.* Fratres Minores, nimirum de Observantia, & Capucini (de quibus actum est supra Exam. 2. n. 21.) non possunt institui hæredes, puta, absolute, ita ut ipsi acquirant dominium bonorum, & tanquam hæredes teneantur ad opera defuncti, potest tamen in eorum favorem hæreditas relinqui, ut per executores testamenti vendatur, eisq; pretium detur, vel eorum necessitatibus applicetur.

Possent hic multa dici de filiis illegitimis, naturalibus, spurciis, an, & quomodo hæredes institui possint, sed hæc magis ad Juristas spectant; in quibus videantur. Breviter aliquid de iis dicitur infra de matrimonio Tract. ult. Exam. ult. Q. ult.

*Resp. 6.* Testamentum per se, & ex natura sua semper est revocabile, seu mutabile usque ad mortem; juxta dicta antea n. 63. ad Q. 10. R. r.

*Quid si juramento firmatum est?*

*Dico.* Non posse revocari juxta dicta supra.

*Oppono:* Quod ex natura sua est revocabile, manet semper tale: Sed, &c. Ergo.

*Major est vera*, nisi ab alio vinculo fiat irrevocabile, uti testamentum fit ex juramento veluti ab extrinseco. Quando enim testamentum dicitur revocabile, sermo est de cōsecundum se, & nudè considerato.

*Quid si quis metu, vel fraude ad juramentum esset inductus?*

*Dico,* posse peti dispensationem in juramento.

**QUÆRO XII.** Testamentum ad causas profanas factum, sine solemnitate juris positivi, v. g. tot, vel tot testibus descriptum, esse irritum, & nullum in foro poli, seu conscientie, sicut in foro fori?

*LXV. Resp.* Probabilius est, tale testamentum in foro conscientie esse validum, & licite retineri, quod ex eo possidetur, sive titulo hæreditatis, sive legati.

*Ratio 1.* Jus positivum solemnitatem, v. g. certum numerum testium in testamento requirit, ideo ut fidem faciat in foro externo, cri-

evitetur; omnis fraus, ut dicitur expressè in l. *questionem*. Cod. de fideicommissis. Ergo illa solemnitas in foro conscientie non requiritur, sed sine ea testamentum est validum. Prob. conf. Quia casus supponit, quod in foro conscientie non committatur fraus, sed aperte constat de rationabili voluntate Testatoris, quam impleri, convenientissimum est æquitati naturali. Et hoc præsertim si solemnitas juris positivi omnia sit ex oblivione, ignorantia, impotentia, &c.

*Ratio 2.* Leges humanæ, quæ fundantur in falsa præsumptione, nec dant, nec tollunt jus in foro interno, quod patet hoc exemplo: Si Judex absolvat debitorem, idcirco, quia actor defectu testium non potest probare debitum, debitor ex hoc non inane immunis in conscientia, sed tenetur solvere. *Subsumo*: Sed leges testamenta solemnitate carentia irritantes fundantur in falsa præsumptione. Ergo in foro conscientie non tollunt jus. Prob. min. Leges hæc testamenta non irritant, quasi velint infringere, vel invalidare voluntatem testatoris, sed quia putant in eis esse fraudem, & dolum, ob quem ex illius voluntas testatoris colligi non possit: Sed hæc præsumptio in calumnia non est falsa. Ergo. Min. prob. Quia in dictis testamentis nulla est fraus, ut supponitur, cum constet de vera, & libera voluntate testatoris ex causa rationabili rei suæ dominium transferentis alium, licet prætereundo eum, qui succederet ab intestato. Ergo.

Dixi in R. *Testamentum secundum ad causas profanas*: Si enim factum sit ad causam piam, & solemnitatibus juris civilis careat, in utroque foro est validum, modò adint ea, quæ sunt juris Gentium, nimirum duo testes. Quia juxta C. relatum, de testamentis. *Causa pia non sunt tractanda secundum leges*, sed secundum Canones, præsentia verò testium est de jure Civili: Immo in foro conscientie subsistit testamentum, sive ad causam piam, sive ad profanam factum, licet careat etiam solemnitate juris Gentium, nimirum omni teste, modò habeat ea, quæ sunt juris naturæ, uti sunt potestas in disponente, libertas in dispositione, capacitas in hærede, & certò constet de voluntate testatoris, sive per privatum discursum, sive per scripturam, sive per signa: qualiter etiam in eodem foro poli revocari potest testamentum ante solemniter factum, etiam ad causam piam. Ergo.

LXVI. *Oppono 2. in l. hac consultissima*. Cod. de testamentis, & aliis legibus clare dicitur, tale testamentum esse nullum. Ergo.

*Confirm.* Leges civiles, si sint iustæ, obligant in conscientia, ut dictum est supra: Sed dictæ Leges sunt iustæ. Ergo testamentum annullant, non solum in foro fori, sed etiam conscientie.

2. Etsi judex sciret, & hæredes ab intestato faterentur, quod Joannes a testatore verè

intestatus sit hæres, sed sine juris solemnitate, tamen in conscientia tenetur hæredibus ab intestato adjudicare hereditatem, & hoc idcirco, quia leges sic statunt. Ergo leges volunt, quod in foro conscientie non possit retineri id, quod possidetur ex testamento minus solemniter, seu juxta leges nullo. Prob. conf. Si in conscientia licet illa hereditas posset retineri, Judex iniquè eam adjudicaret hæredibus ab intestato, eisquæ daret occasionem retinendi alienum: Sed hoc nequit dici. Ergo.

3. Si testamentum non solemniter in conscientia est validum, sequitur, tutorem non posse licet contra illud agere pro pupillo, qui esset hæres ab intestato: Sed hoc est durum. Ergo. Prob. min. Si tutor non agat pro pupillo, condemnabitur ad compensandum damnum, cum eum teneatur servare indemnum. Ergo.

4. Testamentum impuberis non valet, licet non subit defectus præsumptus in lege illud irritante. Ergo nec minus solemniter valet, licet non subit fraus, vel defectus verè voluntatis defectus, quæ lex videtur præsumere in tali testamento.

5. Nihil subsistit sine sua forma: Sed solemnitas nimirum numerus testium, sunt forma testamenti. Ergo.

6. Contractus ab æconomis factus contra formam domino præscriptam est nullus. Ergo & testamentum non solemniter.

*Ad 1. R.* intelligi de nullitate in foro externo, in quo lex civilis tali testamento non assensit, nec tamen ei resistit. Cum quo stat, quod in hærede ab intestato nascitur obligatio naturalis, si defuncti voluntatem sciat, ad hereditatem, & legata solvenda is, qui in testamento minus solemniter nominatus: si nolunt illi, possunt uti occulta compensatione: si de voluntate testatoris sit dubium, pro ratione dubii debet cum iis componere. Quia cum neutra pars exceperit adhuc bona fide possidere, in dubio par est eorum conditio.

*Ad Confirm.* conc. maj. & min. dist. conf. In hoc sensu, quod tale testamentum non debeat censi publice, & legitime probatum. conc. conf. Quia secundum conscientiam fateri debemus, illud in foro externo non esse sufficienter probatum. In eo sensu, quod licet teneri non possit id, quod ex eo possideretur, neg. conf. Et hoc clare constat ex eo quod lex civilis tali testamento non resistit, sed solum non assensit.

*Ad 2.* concessio ant. neg. conf. Quia Judex debet agere juxta præscriptum Legis: unde tunc non adjudicaret hereditatem hæredibus ab intestato, quasi verè ad illos pertineat, & absolute sit eorum, sed quod sit eorum, quantum apparet ex probationibus, quæ jure admittuntur, quoad forum poli relinquens eos suæ conscientie.

*Ad prob. neg. maj. pro 1. part. & dist. pro 2. part.*

part: daret occasionem per se, & ex intentione neg. maj. per accidens, conc. maj. Si ergo heres ab intestato retineret alienum, præcisè esset adscribendum ejus malitiæ, non legum dispositioni, ut potè quæ solum respicit forum externum.

Cur Leges ufucapionis, & præscriptionis tenent etiam in foro externo, & non illæ, de quibus hic est sermo?

*Dico.* Disparitas clarè patet ex rationibus pro nostra sententia ante adductis.

*Ad 3.* conc. sequela maj. neg. min. Condemnabitur, &c. ita tamen, ut pupillus teneatur in conscientia restituere, vel ipse possit uti occulta compensatione, conc. secus negatur.

*Ad 4.* neg. conf. Disparitas est, quia testamentum impuberis lex non solum non astringit, sed & restitit, secus est de testamento non solemn.

*Ad 5.* dist. maj. Sine forma substantiali, & intrinseca conc. maj. accidentaliter, & extrinseca: neg. maj. & sic dist. min. neg. conf. Ipsa ergo dispositio pro ultimam voluntatem facta est substantialis forma testamenti, sollemnitas verò, & numerus testium est forma accidentalis.

*Ad 6.* neg. conf. Disparitas est: quia æconomus bonorum, quæ alienat, non est dominus, sicut est testator, ut supponitur.

**QUÆRO XIII.** Ultima voluntas circa causas pias potestne interdum commutari? Et à quo? Etiam circa Monasteria?

*LXVII. Resp. 1.* Potest commutari, sed non nisi ex rationabili causa, & quidem jure communi à solo Papa, nunc verò etiam ab Episcopo, tanquam Sedis Apostolicæ delegato, ut patet ex Trid. Sess. 22. de reform. c. 6.

Justæ causæ sunt, v.g. si pecunia certo usui destinata, v.g. edificationi Ecclesiæ non sufficiat. Si voluntas fundatoris omnino impleri non possit, ut si pauper, cui aliquid est legatum, jam sit mortuus. Si usus non sit necessarius, & res possit alio modo utilius applicari, ut si quis legasset mille imperiales ad pingendam Ecclesiam, quæ ruinosæ est. Si Ecclesiæ, cui quid legatum est, in adimplenda legatoris voluntate sit negligens, ut si Missas non persolvat.

*Resp. 2.* Si in aliqua Ecclesiæ sit tantus Missarum numerus, ut illis pro singulis diebus præscriptis nequeat satisfieri, vel fundationis tenuitate non facile inveniatur, qui velit huic se muneri subicere, ait Trid. Sess. 25. de reform. c. 4. Sancta Synodus cupiens hæc, ad pios usus relicta, quò plenius, & utilius potest impleri, dat facultatem Episcopis, ut in Synodo Diocesana, itemque Abbatibus, & Generalibus Ordinum, ut in suis Capitulis Generalibus, diligenter perspecta, possint pro sua conscientia in prædictis Ecclesiis, quas hac provisione indigere cognoverint, statuere circa hæc, quid magis ad Dei honorem, & cultum, atque Ec-

clesiarum utilitatē viderint expedire, ita tamen, ut eorum semper defunctorum commemoratio fiat, qui pro suarum animarum salute legata ea ad pios usus reliquerunt. Hæc ibi. Quid postea sub Urbano VIII. a S. Congregatione circa reductiones Missarum sit statutum. Vide infra Tract. 12. Exam. 5. n. 80.

*Resp. 3.* Si Monasterii alicujus, quacunque ex causa Religiosi deficiant, non possunt eo ipso ejus redditus incorporari mensæ Episcopali, vel dari Clericis secularibus, aut Laicis, sed alii Religiosi ejusdem, vel si tales haberi nequeant, alterius Ordinis sunt substituendi. Si nullus Religiosus Ordo locum illum velit acceptare, potest dari Clericis secularibus, ut prima fundatio fervetur, quantum possibile est.

Ita enim statuit Clement. 2. de Relig. domibus: *Quæ largitione fidelium ad certum usum destinata sunt, ad eum debent, & non ad alium applicari, salva Sedis Apostolicæ auctoritate.* Immo nec Papa censetur velle transferre Monasterium ab uno Ordine ad alterum, altera parte inaudita, nisi ex causa gravissima, & ex prævia cognitione. Hinc nisi exprimatür Clausula ex certa scientia, & plenitudine potestatis, bene attendendum est, an Bulla non sit obrepticia.

*Ratio:* Quia æquitati naturali nihil magis consentaneum est, quam ut ultimæ defunctorum voluntates, modo, quo possunt, meliori impleantur.

**QUÆRO XIV.** Quotuplex est hæres, & quis ordo hæredum in succedendo? Quæ legitima portio cuiuslibet?

*LXVIII. Resp.* Hæres est alius ex testamento, id est, in eo institutus, alius ab intestato, id est, qui succedit sine testamento. Primus iterum alius est ex asse, id est, universalis: alius partialis, seu ex parte, nimirum ex triente, vel do-drante, aut quadrante. Iterum alius est hæres necessarius, seu qui non potest præteriri, sed necesse est debet institui in portione legitima: uti sunt omnes in linea recta descendentes, post hos autem ascendentes, nisi sit justa causa exheredandi. De quo postea. Alius non necessarius, quem non tenetur instituire, licet possit.

*Resp. 2.* Morienti ab intestato succedunt hæredes hoc ordine, prout describit noster de la Cruz.

1. Descendentes. 2. Pater, & Mater æqualiter, & uno istorum deficiente, succedit alter & non ascendentes aut descendentes deficientis. 3. Succedunt avi paterni in bonis a patre habitis, & avi materni in bonis a matre, & lucra istorum bonorum æqualiter inter eos dividi debent. 4. Deficientibus prædictis succedunt fratres, & loco istorum jam defunctorum filii eorum. His deficientibus succedunt privigni. 5. Deficientibus prædictis succedunt proximiores

res consanguinei collaterales. 6. Morienti sine consanguineis, etiam collateralibus, succedit Rex. Breviter dicendo: Parentes carentes filiis tenentur bona distribuere inter cognatos, & propinquos, si egentes sint, servato ordine charitatis, honestiores, propinquiore, pauperiores aliis præferendo. Si egentes non sint, licet bona sua convertant ad pios usus.

*Oppos. 3.* Legitima filiorum est diversa pro diversitate locorum. Unde lex, vel consuetudo loci est attendenda. Laymanus docet, jure non legitimum portionem descendendum (si sermo sit de bonis privatis, loquendo enim de principatibus communiter succedit primogenitus, & aliis datur sufficiens sustentatio) esse trientem hæreditatis, si non sint plures, quam 4. liberi: semissem verò si sint plures. Pariter ascendendum portionem, licet unus tantum sit, esse trientem hæreditatis, idque absque ullo gravamine, modo, & conditione, quæ, si apponantur, habentur pro non apposis.

*Quid* si cuicumque de ascendentibus, vel descendentibus non relinquatur Legitima?

*Dico:* Si iusta exheredationis causa testamentum non sit inserta, & probata, competit actio, qua petat legitimam compleri, vel testamentum, ut ipso jure nullum, rescindi.

*Sed quid*, si testamentum sit factum, & nascatur filius posthumus, cujus testamentum nulla sit mentio?

*Dico:* Rumpi testamentum.

**QUÆRO XV.** Possuntne parentes uni filio legitimum relinquere plus quam aliis?

*LXX. Resp.* Possunt, si alii in portione legitima non damnificentur, & iusta addit causa, v.g. si habet majora merita, si parentibus majora præstitit obsequia. Si verò non addit causa, mortaliter peccant contra charitatem, licet non contra iustitiam, ait nosse Corradus. Exceptio etiam est, nisi sit lex patris id prohibens, uti legitur esse Bruxellis, ubi non licet chariores, ut vocant, procreare filios.

*Ratio* est per se.

**QUÆRO XVI.** Potestne in testamento institui hæres extraneus, omisso fratre, vel consobрино?

*LXX.* Sermo est de collateralibus, ut patet; aliud enim est de ascendentibus, & descendentibus, immò etiam de his loquendo, non obstante, quod quis habeat filios, qui tamen non sunt egentes, potest Pater alicui charo amico aliquid relinquere, præsertim si egeat, uti & familiari, qui ei fideliter servivit: Affines etiam nullum ius successione prætertere possunt. Hoc præmissis

*Resp. 1.* Si in aliqua Provincia sit specialis lex uti scribitur esse in Flandria, ne taliter disponatur, nisi de tertia parte bonorum, certum

est, in illis saltem locis collaterales licet præteriri non posse.

*Ratio*, quia legi parendum.

*Resp. 2.* Si instituetur extraneum collaterales omittantur ex inordinato affectu, odio, &c. vel testator non satisfaciatur obligationi, qua tenetur eorum necessitatibus succurrere, ut si sint egentes: vel si ex tali dispositione oriatur, uti facile oriri potest, scandalum, tale testamentum est illicitum.

*Ratio* est per se.

*Resp. 3.* Seclusis omnibus vitiis circumstantiis, seu per se, non videtur illicitum institueri extraneum hæredem, & præterire consanguineos collaterales non egentes.

*Ratio:* Nullum jus naturale, nec positivum divinum, vel humanum assignari potest, per quod oppositum probetur. Ergo,

**QUÆRO XVII.** Quid sentis de successione conjugum?

*LXXI. Resp. 1.* Solent interdum conjuges, dum contrahunt, facere pacta quædam dotalia, vel nuptialia, ut si abque liberis unus eorum præmoriatur, omnia, vel certa bona fiant conjugis superstitis, sic ut consanguinei excludantur.

De his pactis Mynsinger cent. 2. observ. 33. n. 10. testatur, quod valeant ex notissima Germaniæ praxi, sintque sæpius confirmata in Camera Imperiali.

*Resp. 2.* Si Conjuges nullam talem dispositionem fecerint, & ex familia conjugis præmortui nulli extent consanguinei, conjux superstes post defuncto in omnibus bonis succedit ab intestato. Ita habetur l. unica Cod. unde vir, & uxor.

*Resp. 3.* Interdum, licet extent liberi, vel alii consanguinei, conjux superstes succedit, puta, si defunctus fuerit dives, superstes verò sit pauper, nec cogatur vivere non decenter juxta statum suum, vel planè mendicare: quod utrumque cederet in opprobrium conjugis divitis defuncti. Verum in hoc casu non succederet in omnibus bonis, sed posito, quod sint tres filii, vel pauciores, acciperet quartam partem bonorum defuncti; si essent plures filii, acciperet tantum, quantum unus filius, vel consanguineus.

Observandum hic est, an superstes pauper conjux succedat cum filiis, vel cum aliis consanguineis? Si primum, æquirat tantum usum fructuum, proprietates verò bonorum manent apud liberos. Si secundum, acquirit plenum dominium.

**QUÆRO XVIII.** Suntne causæ, ob quas Pater, Mater, avus, avia, licet possint exheredare filios, & nepotes?

*LXXII. Resp.* Sunt. Quas noster Lublino sic adducit ex Rosella:

Si filius manus violentas iniecit in parentem ei; gravem injuriam, vel contumeliam fecit:

Si

Si in causis criminalibus patrem accusavit preterquam de crimine læsæ Majestatis, hæresi, vel de offensa contra Communitatem suæ civitatis. Si filius maleficus cum maleficis conversatur. Si machinatur in necem Patris. Si calumniosè litem movet Patri, a qua si pater defecerit, oportet eum damno grandia sustinere. Si rogatus a patre, ob debitum incarcerationis, ut fide jubeat pro ipso, & tamen nollit quod taurum habet locum in masculis. Si filius prohibet Patrem testari. Si sit jocularior præter voluntatem Patris. Si filia non consentit Patrivolentiam honestè maritare, & dotare. Si filius misceatur cum sua Noverca, vel concubina Patris sui: Si parentibus furiosis debitam curam non impendit. Si Parentem de captivitate educere neglexit. Si Patre existente Catholico, filius est hæreticus.

Causæ, ob quas filii, & nepotes possunt exheredare suos Parentes, avum, aviam, istæ numerantur; Si Pater filium de crimine accusavit, excepto crimine læsæ Majestatis. Si Pater vitæ filii per venenum, vel aliter infidiatus fuit. Si Pater uxori, vel concubinæ filii se commiscuit. Si Pater prohibuit filium testari de his, de quibus poterat. Si Pater non redemit filium captum ab infidelibus, quia tunc si filius decedat in captivitate, bona ejus debent esse Ecclesiæ. Si Pater neglexit curam filii furiosi. Si Pater sit hæreticus filio existente Catholico. Si Pater uxori filii dederit venenum ad mortem, vel mentis alienationem, vel aliter fuerit infidiatus vitæ ejus. Omnes hæ causæ ingratitudinis tolluntur, seu purificantur per ingressum Religionis.

Postremò frater fratrem exheredare potest tribus de causis, videlicet si mortem voluit fratri inferre; si fratrem criminaliter accusavit. Si in substantia illius notabilem injuriam fuit molitus.

*Quid sentis* de illis Parentibus, qui exheredant suos filios, vel filias, eò quod ingrediantur, & profiteantur Religionem, successionis capacem?

*Dico* esse in statu æternæ damnationis, ac teneri ad restitutionem.

*Ratio:* Quia per hoc filii non sunt deterioris conditionis, immò statum nobiliorem, ac perfectiorem assument.

**QUÆRO XIX.** Quid censet de executoribus Testamenti, & de confessario Testatoris præsertim infirmi?

**LXXXIII.** Prænot. ex Sylvestro, executores testamenti aliquando vocari commissarios, aut fideicommissarios, interdum divisores, interdum distributores, interdum executores, non simpliciter, sed ultimarum voluntatum. Executores ergo propriè sunt, qui sententiam exequuntur. Hoc notato

*Resp. 1.* Testator potest nominare executores sui testamenti ex heredibus, vel non heredibus,

unum, vel plures, masculos, vel feminas, Laicos seu Sæculares, vel Clericos, immò & Religiosos. Ita commuiter Auctores.

Nota tamen, quod Religioso ad id muneris necessaria sit licentia sui Prælati, & quidem (si sit ex Societate Jesu) ipsiusmet Generalis. Fratribus Minoribus de Observantia, & Capucinis hæc commissio dari nequit.

*Resp. 2.* Si quis Religiosus esset executor contra decreta Canonum, & sine licentia Prælati, valeret actus ejus, licet Prælatum non consentiat, modò non contradicat.

*Ratio:* Quia sacri Canones executionem Religiosi tantum prohibent, non annullant.

*Resp. 3.* Religiosus executor pium legatum potest applicare suo Monasterio, licet sit solus executor. Idem est de paupere confanguineo, cessante fraude.

*Ratio:* Quia, ut probat Sylvester, distinctio personarum, quæ debet esse iuter dantem, & recipientem, est ibi evidens.

*Poterit ne applicare sibi?*

*Non potest*, nisi sit in summa necessitate, in qua etiam ei liceret capere aliena.

*Resp. 4.* Pro executione testamenti non admittitur servus, nec mutus, nec surdus, nec prodigus, nec furiosus, nec pupillus. Ita statuant jura.

*Resp. 5.* Executor nominatus non potest executionem committere alteri, nisi Testatore id concedente, vel nisi sit executio nudi facti jam declarati.

*Ratio:* Quia standum est voluntati Testatoris.

*Resp. 6.* Si Testator nullum insituerit executorem executio etiam quoad legata pia spectat ad hæredem.

*Ratio:* Quia hæc censetur esse mens Testatoris. Nota tamen, quòd in hoc casu Episcopus jure communi executionem possit trahere ad se.

*Resp. 7.* Nemo potest cogi ad Officium Executoris, qui tamen id detrectat, eo ipso perdit legatum (saltem illud quod in remunerationem hujus functionis ei reliquum fuit) quod aliis executoribus accrescit.

*Ratio* est, quæ pro respons. 6.

*Resp. 8.* Executors tenentur omnia exequi secundum mentem Testatoris, quantum possibile est, tenenturque reddere rationem executionis.

*Ratio* quæ ante. Vide supra n. 67. ubi ostensum est, au, & quomodo voluntas Testatoris circa pias causas possit mutari? & a quo?

**LXXXIV.** *Resp. 9.* Executoribus non debetur salarium.

*Ratio:* Quia est officium voluntarium amicitie. Nota tamen si ex sua functione paterentur aliquod damnum, debet eis refarciri. Vel si sint administratores bonorum, Juxta eis debet constituere salarium.



*Resp. 10.* Executores testamentorum graviter peccant, si executionem testamenti, præsertim quoad causas pias, longo tempore differant: anima tamen defuncti testatoris propter executorum negligentiam non punitur nova pœna.

*Ratio 1. p.* Quia fortè anima citius liberaretur ex gravissimi Purgatorii pœnis.

*Ratio 2. p.* Quia culpa hæredum, & executorum non debet nocere defuncto. Et quamvis interdum Deus in hac vita aliquos propter aliorum delicta punit, eos tamen, qui luunt in purgatorio, & inferno, non punit, nisi ob propria eorum delicta, juxta illud Scripturæ Ezechiel. 18. Filius non portabit iniquitatem patris, nec pater filii.

Not. non esse culpandos, sed laudandos illos executores, qui modico tempore differunt erogationem elemosynarum, ut eò largiores erogent rebus defuncti melius venditis. Quoad hoc ergo singularis prudentia requiritur in Executore, ut nimirum circumspecte agat, & tum temporis moram, tum perlonge (quæ creditur citius, vel tardius liberanda) conditionem, tum etiam augmenti elemosynarum quantitatem considerando, faciat, quod defuncto magis expedire judicaverit. Ita docet Angelicus Doct. quodl. 6. q. 8. a. 14.

LXXV. *Resp. 11. ad 1. part.* Quæsit, nimirum de Testatoris Confessario, cui varia sunt observanda:

1. Ut sine gravi causa, & necessitate Testamento non assistat.

2. Nihilominus Testatorem, cujus animam curat, de eaque coram divino tribunali rationem reddet, de quibusdam seriò, & prudenter moneat. 1. Ut testamentum faciat, & legata condat bona intentione, ac in statu gratiæ, in qua confidat se esse, post debitam contritionem, & Confessionem, quia in eò statu condita legata prosunt ei ad satisfactionem pro peccatis commissis, & ad majoris gloriæ consecutionem. 2. Ut si hoc neglexerit, suscepcis postea Sacramentis, saltem renovato consensu omnia prius ordinata ratificet, & ordinanda approbet. 3. Ut in condendo testamentum magis respiciat Dei honorem, & suam propriam salutem, quam suos consanguineos, & amicos. Hinc constituat, ut pro anima sua plurima sacrificia, preces, aliaque pia opera, v. g. elemosynæ fiant. Si tamen amicos, & consanguineos etiam egentes sint, eorum specialiter meminerit. 4. Utea, quæ vivens pro salute animæ suæ exequi posset, non committat hæredibus, melior enim est conditio possidentis: unde est illud: *Fac modò, quia moriens facta fuisset volens.*

3. Interroget testatorem (idem est de quocunque alio infirmo) an ei non incumbat restitutio alicujus damni, famæ, vel bonorum

animæ. Quis respondeat, se omnia velle restituere, Confessor verò probabiliter timeat, promissionem non esse implendam, loquatur ei efficaciter ad cor, nec absolvat, nisi judicet sinceram esse promissionem: ac simul moneat, eum de novo mortaliter peccaturum, si non restituat, vel restitutionem notabili tempore differat.

4. Si infirmus sit usurarius, non absolvatur nisi facta prius cautione de restituendis usuris: moneaturque, ut caveat, ne bona certò aliena hæredibus, vel iis causis relinquat, sed certa pro certis, incerta verò det pauperibus. Hos enim Deus vult talium bonorum esse hæredes.

5. Confessarius moneat Executores testamenti, ne ejus executionem protrahant, & ob hoc suis animabus, & animæ defuncti graviter noceant, juxta antea dicta.

6. Præter hæc Confessarius poterit proponere quæstiones omnibus infirmis communes, v. g. an velit mori in fide Romana Catholica, & credat, quidquid illa credit. An firmiter speret in Deo, & ab eo peccatorum remissionem. An habeat firmum propositum emendandi vitam, si morbum evalerit. An non laboret conscientia alicujus peccati mortalis in confessione aliquando omissi, vel pœnitentiæ sacramentalis non impletæ. An non receperit scienter aliquod Sacramentum in mortali, ac similia, &c.

*Ludus, Sponsio.*

QUÆRO XX. Quid censes de his contrahibus?

LXXVI. *Resp. 1.* Ludus (quoad præsens) est pactum, seu contractus, quoludentes animi oblectandi causa paciscuntur, ut victori cedat, quod uterque exposuit. Sponsio est contractus, in quo duo de veritate, vel eventu alicujus rei conteudent, sibi vicissim aliquid spondent, ut hoc sit ejus, qui veritatem assequitur:

*Resp. 2.* Uterq; contractus per se, & ex natura sua est licitus, si nimirum vestiatur debitis conditionibus.

Ita S. D. in frà q. 168. a. 2. in Sed contra de Ludo (quod etià de Sponsione potest intelligi) cujus verba ad longum vide supra Tract. 3. Exam. 3. n. 45. & 46. Immo legitur in vitis Patrum, B. Paphnutio esse revelatum, quòd quidam jocolator futurus erat sibi consors in vita futura.

Et S. Tho. ibidem a. 3. ad 3. de his trionibus ait: *Ludus est necessarius ad conversationem humanam vitam, ad omnia autem, quæ sunt utilia conversationi humana, deputari possunt aliqua officia licita: Et idèd etiam officium his trionum: quod ordinatur ad solatium hominibus exhibendum, non est secundum se illicitum, nec sunt in statu peccati, dummodo moderatè ludo utantur, id est, non utendo aliquibus illicitis verbis, vel*

vel factis ad ludum, & non adhibendo ludum negotiis, & temporibus indebitis. Et quamvis in rebus humanis non utantur alio officio per comparationem ad alios homines, tamen per comparationem ad seipsos, & ad Deum, alias habent seriosas, & virtuosas operationes, puta, dum orant, & suas passiones, & operationes componunt, & quandoque etiam pauperibus elemosinas largiuntur. Unde illi, qui moderatè eis subveniunt, non peccant, sed iuste faciunt, mercedem ministerii eorum eis tribuendo. Si qui autem superflue sua in tales consumunt, vel etiam sustentant illos hiñones, qui illicitis ludis utuntur, peccant; quasi eos in peccato forvientes. Unde August. dicit super sonnem, quod donare res suas hiñionibus, vitium est immane, non virtus; nisi forte aliquis hiñio esset in extrema necessitate, in qua esset ei subveniendum. Dicit enim Ambr. in lib. de officiis: Paterfamilias morientem, quisquis enim pascendo hominem servare poteris, si non paveris, occidisti. Hæc ibi S. Doctor.

Item qualiter in ludo peccari possit, pulchrè explicat S. Thom. in eodem art. 3. in corpore, dicens: Dicendum, quod in omni eo, quod est dirigibile secundum rationem, superfluum dicitur, quod regulam rationis excedit. Diminutum autem dicitur aliquid, secundum quod deficit a regula rationis. Dictum est autem, quod ludicra, seu jocosa verba, vel facta sunt dirigibilia secundum rationem; Et ideo superfluum in ludo accipitur, quod excedit regulam rationis: quod quidem potest esse dupliciter: Uno modo ex ipsa specie actionis, qua assumuntur in ludum, quod quidem jocandi genus secundum Tullium dicitur esse illiberale, petulans, flagitiosum, obsequium, quando scilicet utitur aliquis causa ludi turpibus verbis, vel factis, vel etiam his, qua videntur in proximi nocuentum, quæ de se sunt peccata moralia. Et sic patet, quod excessus in ludo est peccatum mortale. Alio autem modo potest esse excessus in ludo secundum defectum debitarum circumstantiarum, puta, cum aliqui utuntur ludo, vel temporibus, vel locis interdicitis, aut etiam præter convenientiam negotiis, seu persone. Et hoc quidem quandoque potest esse peccatum mortale propter vehementiam affectus ad ludum, cuius delectationem præponit aliquis dilectioni Dei, ita quod contra præceptum Dei, vel Ecclesiæ talibus ludis uti non reficiat. Quandoque autem est peccatum veniale, puta, si aliquis non tantum afficitur ad ludum, quod propter hoc velit aliquid contra Deum committere. Hæc S. Doctor.

LXXVII. Rep. 3. Conditiones ad iustitiam ludis luti tres.

1. Ut ludentes sint sui juris, seu possint libere disponere circa rem, quam ludo exponunt. De quo, quæ dici possent, colliguntur ex prædictis de dominio, quinam illud habeant,

Tribunal Confessoriarum.

& quorum bonorum; vel si dominium non habent, saltem licentiam expendendi, vel expressam, vel tacitam suorum Superiorum, ut Religiosi, Scholares, filii familias, pupilli, uxores, &c. ubi, & ipsemet Prælati Religiosi suam conscientiam considerare debent.

2. Condicio est, ut alter alterum per injuriā. v.g. per minas, fraudes, convicia, &c. ad ludum non pertraxerit. Hinc si quis simulet se parum peritum, ut sic alterum aliās ludare nolentem alliciat: vel si convitiis eum lacestat, ad quæ vitanda in ludum consentit, aliās non consensurus, tunc, si ille sic pertractus perdat, alter, qui lucratus est, juxta communiorem, & probabiliorē sententiam tenetur ad restitutionem. Idem est de eo, qui perdidit, & lucrantem cogit, ut ludum continuet.

Ratio: Quia est contractus per injuriā, & libertatis ablationem extortus. Quod sic magis explicatur: Licet talis simpliciter voluntarie, & secundum quid solum involuntarie ludat, & voluntarium mixtum absolute sufficiens sit ad valide transferendum dominium (ut patet in eo, qui iusto quidem pretio, invitatus tamen, vendit domum) si vi, vel fraude non sit extortus; secus tamen est, si adit vis, fraudes, aut dolus, quæ nemini patrocinantur. Sed in dicto casu est vis, vel fraudes. Ergo.

Oppono: Si ipse inductus lucratur, potest lucrum retinere. Ergo & inducens.

Negatur Conf. Inductor enim tenetur ratione injuriæ, quæ alteri damnum dedit, quam non facit inductus. Pro intelligentia vide verba S. Thomæ infra in hoc Exam. in Notæ n. 69.

Contra: Debet esse par conditio ludentium. Ergo si unus potest lucrum retinere, potest & alter.

Dico, ant. esse verum, si præcisè spectatur contractus ludi, non verò si intercedat injuria: sicut si unus ludentium sub ludo decipiat in numero punctorum, vel calulorum, non potest lucrari, bene tamen deceptus. Aliter dico, ant. esse verum, nisi alter tacitè juri suo cedat.

Tertia Condicio est: Ut non utantur fraudibus contra leges ludi, ut est v.g. certo signo notare chartas, aliās enim tenentur ad restitutionem lucri. Leges autem ludi sunt, quas ipsi ludentes communi consensu inter se statuunt, vel quæ in eo loco receptæ sunt, si inter se nullas faciunt.

Fraudes, vel astutiæ per communem consuetudinem receptæ, val in quas tacitè, aut ex præse consentiunt ludentes, sunt licitæ, v.g. videt unus se certo lucraturum, rogat æmulum, an velit ponere duplum. Vel videt æmulum in numerandis signis errantem, & non monet, licitè lucratur, ubi talia per consuetudinem sunt recepta. Verum tamen est, si affectus lucri esset nimis immoderatus, esset etiam peccaminosus.

*Resp. 4.* Sunt aliqui ludi jure Civili etiam laicis prohibiti, illi nimirum, qui magis fortuna quam arte reguntur, & in jure communiter significantur nomine alearum.

Hic ludus alearum Jure Canonico prohibitus est Clericis, & Religiosis, & sic ludendo peccant mortaliter, non quidem si luserint semel, bis, vel ter, sed si huic ludo vacaverint, id est, crebro, ac per longum tempus luserint: his enim solis poenae imponuntur. Hinc si, seculo scandalo, ad breve tempus (et si crebro, recreationis causa sic luserint, non sunt damnandi peccati mortalis, nisi propria Ordinis Statuta id prohibeant. Loquendo de Laicis, si in loco non vigeat Lex sub gravi poena prohibens, non peccant mortaliter.

**QUAERO XXI.** Qui ludo vetito fuit aliquis lucratus, teneturne ad restitutionem? & qui in eo perdidit, teneturne in foro conscientiae solvere?

**LXXXVIII. Resp. 1.** Communior Thomistarum, & verior est sententia, quod qui lucratus est per ludum a lege prohibitum, sine fraude, dolo, & vi ab aliis, qui de suis bonis liberè disponere possunt, possit lucrum retinere, usque dum Judex jubeat restituere.

*Ratio:* Contractus ludi jure naturae habet vim transferendi dominium, ex hoc autem, quod sit prohibitus, nec jure naturali, nec jure positivo impeditur translatio dominii. Ergo. Prob. ant. pro 2. p. *Primò:* Plures sunt contractus prohibiti, & jure naturae illiciti, & jure naturae non sunt irriti, v.g. matrimonium post votum simplex castitatis, vel post sponsalia inita cum alia, promissio meretricis facta pro usu corporis. Ergo similiter. 2. Leges illae prohibentes sunt solum poenales, & perdeti solum concedunt actionem ad repetendum coram Judice: Ergo non obligant ante sententiam Judicis condemnationem.

*Resp. 2.* Probabilius videtur, quòd qui ludo vetito perdidit, in conscientia teneatur solvere, et si luserit pecunia non praesente sed credita, id est, absente: licet possit solum repetere in judicio.

*Ratio:* Ex una parte promissio de relicta, uti hic est solutio facienda, est servanda, & Reipublicae interest, ut fides data servetur; Ex altera parte nulla est lex civilis irritans illum contractum promissionis, & datae fidei. Nam leges civiles faciunt dant jus repetendi in judicio, nec ullam faciunt distinctionem inter illum, qui ludit pecunia credita, & qui praesente. Ergo.

Accedit, quòd aliàs deterioris conditionis esset, qui pecunia praesente luderet, quia hic tenebatur ad solutionem, & non alter, quod non videtur dicendum.

Dixi, *posse repeti in judicio;* nam privata repetitio non sufficit, ut alter teneatur restituere.

Si autem fors verecundaretur repetere in judicio, non tamen ideo posset, uti occultata compensatione, quia dominium est translatum, quo alter non potest privari, nisi per Judicem.

Not. tamen, intelligendum hoc esse de jure communi, nam jure particulari in quibusdam locis haec promissio solvendi ex pecunia absente non obligat, & sic videtur esse intelligendus S. Thom. suprà q. 32. art. 7. ad 2. dicens: *Aliquid autem alterius videtur esse illicitum ex jure positivo civili, quod prohibet universaliter tale lucrum.* Quòd autem non loquatur de prohibitione universalis ex jure communi, sed specialium Provinciarum, patet, quia subdit: *Sed quia jus civile non obligat omnes, sed eos solos, qui sunt his legibus subiecti, & iterum per diversitatem abrogari potest: idè apud illos, qui sunt hujusmodi legibus obstricti, tenentur universaliter ad restitutionem, qui lucrantur, nisi forte contraria consuetudo praevaleat, aut nisi aliquis lucratus sit ab eo, qui traxit eum ad ludum, de quo in R. ad Oppol. n. 77. in quo casu non tenetur restituere, quia ille, qui amisit, non est dignus recipere, nec potest licet retinere tali jure positivo durare: unde debet de hoc elemosinam facere in hoc casu.* Hæc S.D.

**QUAERO XXII.** Licetne ludere, ludo nimirum honello, & absque sacrum rerum irreverentia, sub hoc pacto ut victus victore, aut pro animabus in Purgatorio Rosarium, vel Missam dicat?

**LXXXIX. Resp.** Probabilius affirmo juxta praxim devotorum in diversis Religionibus.

*Quid* si pactum fiat hoc modo, ut unus se obliget ad preces dicendas, alter ad dandam communitati honestam recreationem in cibo, & potu, si vincatur?

*Affirmo* pariter licere: Tum quia non committitur irreverentia. Tum quia nō est species simoniae, ut quis posset putare. Quia non intercedit ratio pretii, uti requiritur ad Simoniam.

**QUAERO XXIII.** Qui per ludum, & sponsonem non potest perdere, potestne lucrari, & lucrum in conscientia retinere?

**LXXX.** *Resp.* Tres præcipue casus sunt, de quibus dubitatur.

*Primus* est: Si alter sit ita peritior altero, ut moraliter certò sit lucraturus. Vel si de res. super quam fit sponso, tam certus sit, ut non possit perdere.

In hoc casu si vide ludi, si sponsonis probabilis est, talem non posse lucrari, vel lucrum retinere.

*Ratio:* Tum quia error, five doli dedit causam contractui. Tum quia contractus ludi, vel sponsonis ex natura sua videtur exigere, ut periculum perdeti sit æquale in ludentibus. Si enim victus victoris peritiam novisset, cum eo non lussisset, nec sponsonem dedit. *Subsumo:* Sed quando error dat causam contractui, hic vel

vel est irritus, vel irritari potest. Ergo.

*Quid si inæqualitatem novit, & tamen lussit?*

*Dico:* Tunc tacite, vel expressè consensit, ut alter lucratur, proinde lucratur. Idem est, si animo ita est paratus, ut licet defacto inæqualitatem non noverit, si tamen novisset, adhuc lussisset. Tunc enim virtualiter censetur inæqualitatem condonare.

*Secundus casus est:* Si is, qui ludit, habet animum non ludendi pro præmio, vel non obligandi se ad solvendum, vel solum repetendi, talis non potest lucrari.

*Ratio:* Quia æmulum suum decipit, & æmulus non lussisset, si fraudem cognovisset.

*Tertius casus est:* Si alter ludentium rem depositam alienare nequeat, v.gr. Religiosus, aut filius familias.

Religiosus sicut sine Superiorum licentia rem (ut pote, quæ est monasterii) non potest in ludum deponere, ita nec lucrari, potest tamen cum licentia. Filius familias pubertatem ingressus, id potest, si habeat bona propria castrensia, vel quasi, aut Pater aliqua pro recreatione dederit. Si autem nihil habet proprii, sed tantum alienum, & collusor id scit, neuter potest lucrari.

Si in aliqua Universitate, vel Aula sumptibus Parentum sustentetur, ex Summa centum imperialium sustentationi suæ destinata, potest quatuor, vel quinque per annum honestæ recreationi, seu ludum infumere: quia honesta recreatio inter alimenta est computanda.

Cui solum quatuor in ludum deponere licet, is ab uno, & eodem non potest nisi quatuor singulis commissionibus lucrari, nisi forte alter cedat juri suo. Potest tamen lucrari plures, si ludat cum pluribus, puta, a quovis illorum quatuor. Et ab uno potest lucrari plus pluribus commissionibus. Tandem obtacitam Parentis facultatem potest etiam in ludum deponere, quicquid lucratus fuit.

## EXAMEN V.

*De Restitutione in genere, & in specie de ea, quoad bona animæ, corporis, famæ, & honoris.*

*De qua S. D. agit 2.2. qu. 62. per 8. art.*

**QUÆRO I.** Quid est Restitutio, cujus speciei iustitiæ actus, quanta ejus necessitas, quæ, & quot ejus radices, seu capita?

**LXXXI.** *Resp. 1.* Restitutio definitur sic: Est actus iustitiæ (nimirum commutativæ, ut

dicetur) quo res ab alio accepta redditur, si non eadem numero, saltem in specie, vel damnum illatum compensatur. Unde S. D. hic a. 1. in c. ait: Restituere nihil aliud esse videtur, quam iterato aliquem statuere in possessionem, vel dominium rei suæ. Si propriè loquamur, differt a satisfactione, quod hæc fiat in compensatione honoris læsi, feus offensæ illatæ, restitutio verò fiat pro damno rebus illato.

*Resp. 2.* Restitutio formaliter est actus solius iustitiæ commutativæ. Pro quo vide in hoc Tr. Exam. 1. n. 6. in R. ad 2. Oppon.

*Resp. 3.* Restitutio ablati saltem in voto est necessaria ad salutem.

*Ratio:* Quia conservare iustitiam est necessarium ad salutem. Unde ad Rom. 13. *Neminis quidquam debeatis.* Et S. Aug. Epist. 54. hic a. 2. a S. Thom. citatus ait: Non dimittitur peccatum, nisi restituatur ablatum, puta, si restitui potest, & quatenus possibile est. Nam vita semel ablata in se restitui non potest.

*Dixi saltem in voto:* Quia impotentia excusat a restitutione in re, attamen homo animo semper paratus esse debet, quod restituere velit, cum ad eam fortunam pervenerit.

*Resp. 4.* Præceptum restituendi est formaliter affirmativum, implicitè tamen est negativum; & reducit ad præceptum non furandi. Ita S. D. art. 8. ad 1.

*Ratio 1. p.* Quia per actum positivum impletur, & omissione violatur.

*Ratio 2. p.* Quia involvit hanc negationem: Non retineas alienum. Hinc iuxta conditionem præcepti negativi obligat semper, & pro semper, saltem in voto, ut ante dictum.

**LXXXII.** Duplex est radix restitutionis, nimirum res accepta, & injusta acceptio rei; Id est, homo tenetur ad restitutionem ex duplici capite, nimirum, vel ratione rei acceptæ, vel ratione injustæ acceptionis.

Ita S. Th. hic ar. 6. in c. dicens: *Ratione reitetur eam restituere, quamdiu eam apud se habet, quia, quod habet ultra id, quod suum est, debet ei subtrahi, & dari ei, cui deest secundum formam commutativæ iustitiæ. Sed ipsa acceptio rei aliena potest tripliciter se habere: quandoque enim est injuriosa, scilicet contra voluntatem existentem ejus, qui est rei dominus, ut patet in furto, & rapina. Et tunc tenetur ad restitutionem, non solum ratione rei, sed etiam ratione injuriosæ actionis, etiamsi res apud ipsum non remaneat. Sicut enim qui percutit aliquem, tenetur recompenfare injuriam passio, quamvis apud ipsum nihil maneat, ita etiam qui furatur, vel rapit tenetur ad compensationem damni illati, etiamsi nihil inde habeat. Et ulterius pro injuria illata debet puniri. Alio modo accipit aliquis rem alterius in utilitatem suam absque injuria cum voluntate scilicet ejus, cujus est res, sicut patet in mutuis. Et tunc ille qui accepit, tenetur ad restitutionem ejus, quod*

accipit, non solum ratione rei, sed etiam ratione accceptionis, utiamsi rem amiserit, tenetur enim re compensare ei, qui gratiam fecit; quod non fiet, si per hoc damnum incurrat. Tertio modo accipit aliquis rem alterius absque injuria non pro sua utilitate, sicut patet in depositis. Et ideo ille, qui sic accipit, in nullo tenetur ratione accceptionis, quinimo accipiendo impendit obsequium. Tenetur autem ratione rei, & propter hoc, si ei subtrahatur res absque sua culpa, non tenetur ad restitutionem: secus autem esset, si cum magna sua culpa rem depositam amitteret.

Alii DD. claritatis gratia assignant tres radices restitutionis. 1. Ex injusta accceptione, quæ solet etiam appellari restitutio ex delicto, vel damno illato, & eo præstat omnis injusta damnificatio. 2. Ex recepta, quando nimirum res aliena detinetur, siue bona fide, ut quando res furtiva bona fide est emptæ, & sic est sine peccato; siue mala fide, & sic est cum peccato, ut patet in furto, vel si emens sciat rem esse furtivam. 3. Ex contractu, si nimirum viculicuius contractus aliquis debeat, & non solvat.

QUÆRO II. Quomodo restituet, qui alium damnificavit in bonis spiritualibus, siue naturalibus, uti sunt usus liberi arbitrii, & rationis, Scientiæ, Studium, &c. siue in supernaturalibus, uti sunt gratia Dei, Sacramenta, virtutes, &c. siue ad animæ salutem spectantibus, uti sunt Status Religiosus, vel Clericalis, aut Præbenda?

LXXXIII. Resp. 1. Qui veneno, philtro, maleficio, &c. talem abstulit usum rationis, tenetur, quantum in se est, maleficio tollere: remedia, quibus convalescat, procurare; & omnia damna inde secuta compensare.

Ratio: Qui est causa damni, tenetur illud reparare pro possibili.

Resp. 2. Qui vi, vel fraude alium impedivit studio literarum, tenetur ad restitutionem.

Ratio est eadem.

Resp. 3. Qui alium induxit in errorem, vel docuit falsas sententias in rebus Fidei, vel in genere morum, tenetur restituere, & conclusiones, ac falsas sententias revocare.

Ratio est eadem.

Resp. 4. Prælati, Parochi, & similes, quibus ex officio curæ animarum invigilandum est, tenentur reparare damna, quæ subditi ex eorum negligentia patiuntur.

Ratio est eadem: Cui addo, quod quisvis homo habet strictum jus ad usum rationis. Item ad hoc, ne vi, vel fraude impediatur a studio, ne inducatur in errorem. Item ut a suo Prælato accipiat ea, quæ sunt curæ animæ.

LXXXIV. Resp. 5. Qui fraude, vel vi aliquem induxit ad peccatum, tenetur ad ejus

damni reparationem pro possibili.

Ratio: Ubi intercedit fraus, vel vis, ibi est locus injuriæ.

Quo autem modo reparabit?

Dico: Si eum vi detineat in occasione peccandi, tenetur eum libertati; si eum metu oppressit, tenetur eum securitati restituere; si eum decepit, tenetur veritati docere. Item tenetur eum ad meliora hortari, preces pro eo ad Deum fundere, & meliori quo potest modo laborare, ut resipiscat. Immo si damno spiritali sit annexum damnum temporale, v.g. si talem insuper vulneravit corpore, dum eum vi tenuit in malo, vel si sine expensis non possit a malo revocari, tenetur etiam ad reparationem illius damni temporalis, & ad faciendas has expensas.

Quia si non posset eum a peccato revocare, nisi cum periculo vitæ?

Dico: Cum charitas interdum obliget pro fratribus animam ponere, a fortiori hæc obligatio habet locum, ubi simul ad est debitum iustitiæ.

Revidenda hæc sunt, quæ diximus supra de dilectione proximi. Item de correctione fraterna. Item de scandalo.

Dixi in R. 5. Qui fraude, vel vi, non qui aliquem induxit sine vi, vel fraude ad peccatum, ratione cuius non solum apud Deum gratiam, sed & apud homines omnem amisit ætimationem, licet graviter peccet, non tamen tenetur ei aliquid restituere.

Ratio: Quia scienti, & volenti non fit injuria.

LXXXV. Resp. 6. Qui per injuriam, id est vi, vel fraude a Religione retraxit aliquem, ex cuius præsentia Religioni accrevisset siue ex personæ industria, siue ex hæreditate temporalis utilitas, tenetur ad ejus restitutionem.

Ratio: Quia damnum illud temporale est illatum contra iustitiam.

Nota tamen, compensationem non esse faciendam æqualiter, si retrahatur Novitius, ac Professus, vel secundum quantitatem juris acquisiti Monasterio. Qui enim retrahit Professum, & sic Cœnobium privat aliqua hæreditate, vel alio emolumento, tenetur in totum. Qui retrahit Novitium, non tenetur in totum: quia hæreditas adhuc pendebat ex futuro eventu. Si retraxit Candidatum Religionis, seu qui in monasterio est jam receptus, sed nondum vestitus, adhuc minor erit obligatio.

Resp. 7. Talis etiam ipsi retracto tenetur in bonis spiritualibus restituere juxta suam facultatem, nimirum impedimenta in futurum revocando, pro ejus resipiscencia preces ad Deum fundendo, eum serio hortando, ut pristinum propositum exequatur.

Ratio: Quia hæc media tali fini sunt proportionata.

Dixi

Dixi in R.6. *Qui vi, vel fraude; si enim hæc desit, licet fiat ex malevolò animo, & Religionis odio, graviter quidem peccatur contra charitatem, non tamen contra iustitiam: adeoque non est onus restitutionis.*

*Resp. 8.* In eo casu retrahens non tenetur ingredi Religionem loco retracti, nec substituerè alium.

*Ratio:* Assumptio status religiosi debet esse omnino libera, nec ullo metu licet aliquem ad eum compellere.

*Resp. 9.* Si damnum temporale Religioni illatum non posset aliter refarciri, quàm tei tradendo in famulum, ad id teneretur; non tamen in Monachum.

*Ratio* patet ex didis.

*LXXXVI. Resp. 10.* Qui absque iusta causa Novitio negat votum ad professionem, non tantum peccat mortaliter contra charitatem, ut ex seclarum est, sed & contra iustitiam.

*Ratio:* Cœnobium, & Novitium tacite inter se ineunt contractum, Novitius omnibus temporalibus renuntiando, suam habitatem rigorose examini, & iudicio subicit discutendam; Monasterium verò Judices, & Examinatores constituit, qui de ea sententiam ferant. Ergo si quis Capitulum non ferat sententiam juxta merita Novitii, peccat contra contractum, & iustitiam.

Cautè Novitio negandi suffragium ad Professionem debent sciri ex propriis Statutis cujusvis Religionis, v.g. gravis infirmitas, mala indoles, defectus ingenii, &c.

*Dic mihi,* an Novitius ad sæculum rediens tenetur Monasterio solvere expensas?

*Dico,* Non teneri, nisi factum sit de hoc pactum, quod, cum iustum sit, servari debet. Vel nisi habitum susceperit fraudulentè, id est, cum animo redeundi ad sæculum.

*Ratio:* Fraus, & dolus nemini patrocinantur.

*LXXXVII. Resp. 10.* Quod hæcenus didicim est, proportionaliter intelligi debet de eo, qui aliquem injustè impedit a consecutione alicujus Officii, vel Præbendæ.

Sensus patet ex verbis S. Thom. hic ar. 1. ad 4. dicentis: *Aliquis potest impedire aliquem, ne habeat Præbendam multipliciter: Uno modo justè, puta, si intendens honorem Dei, vel utilitatem Ecclesiæ procurat, quod detur alicui personæ digniori, & tunc nullo modo tenetur ad restitutionem, vel ad aliquam recompensationem faciendam. Alio modo injustè, puta, si intendas ejus nocumentum, quem impedis propter odium, vel vindictam, aut aliquid hujusmodi, & tunc si impedis sine Præbenda detur digno, consulens, quod non detur, & antequam sit firmatum, quod ei detur, tenetur quidem ad aliquam recompensationem pensatis conditionibus personarum, & negotiis secundum arbitrium sapientis, non tamen Tribunal Confessoriorum.*

tenetur ad æquale, quia illam nondum fuerat adeptus, & poterat multipliciter impediri. Si verò jam firmatum sit, quod alicui detur Præbenda, & aliquis propter indebitam causam procurat, quod revocetur, idem est, ac si jam habitam ei auferret, & ideo tenetur ad restitutionem æqualis, tamen secundum suam facultatem. Hæc S. Doctor.

**QUERO III.** Quomodo restituet, qui alium damnificavit in bonis corporis, occidendo, vel mutilando?

*LXXXVIII.* Ante R. Nota in præsentia damna esse duplicia. 1. Naturalia, seu personalia, ut sunt ablatio vitæ, membri, virium, pulchritudinis, &c. 2. Realia, quæ nimirum, vel ipse læsus, vel ejus hæredes patiuntur in bonis externis, ut sunt expensæ in medicos, lucrum cessans, damnum emergens. Hoc notato

*Resp. 1.* Probabilius est, quod pro damno corporali, ut pro ablatione vitæ, membri, virium, &c. ex iustitia in alio genere bonorum faciendâ sit aliqua restitutio ipsi læso, & hæredibus ejus necessariis, etiam ante sententiam judicis, licet ex damno corporali nullum sequatur damnum in bonis temporalibus.

Ita colligitur ex S. Th. hic ar. 2. ad 1. dicente: *Quando id, quod est ablatum, non est restituibile per aliquid æquale, debet fieri recompensatio, qualis possibilis sit: puta, cum aliquis alicui abstulit membrum, debet ei recompensare vel in pecunia, vel in aliquo honore, considerata conditione utriusque personæ secundum arbitrium boni viri. Utriusque, inquam, personæ, occisoris quidem, an sit dives, vel pauper; diviti enim major restitutio imponenda est: occisi autem, an familiæ suæ fuerit utilis, vel inutilis, an senex, an sanus, vegetus, infirmus, an doctus, an ignarus; quia pro homine juvene, utili, sano, docto, &c. major imponenda est restitutio. Item attendendus est modus occisionis, an facta sit aperto Marte, vel per insidias, quia ubi insidiæ, ibi major injuria.*

Adversarii, inter quos etiam sunt aliqui Thomistæ, dicunt, vel S. Thom. loqui de damnis realibus ad naturale consecutus. Vel ly debet ab eo sumi sic, ut idem significet, ac ly decet, est conveniens, non verò, quod sit necessarium.

Verum prima solutio est nulla; tum quia S. D. expressè loquitur de compensatione membri ablati, quod est damnum naturale. Tum etiam, quia, ut patet, loquitur de eo, quod non est restituibile per æquale, sed debet restitui secundum arbitrium boni viri, damna autem realia sunt restituibilia per æquale.

*Ratio 1.* Qui alium injustè occidit, mutilavit, deformavit, ejusque sanitati nocuit, (seclusis omnibus damnis realibus) ipsi læso, occiso, mutilato, &c. & ejus hæredibus intulit



damnum contra iustitiam commutativam, quia est causa iniuste inaequalitatis. Ergo laeso, vel hæredibus tenetur ad restitutionem, prout fuerit possibilis. Sed non est possibilis nisi in alio genere bonorum. Ergo. Conf. prob. Quamvis iustitia commutativa per se non inclinet nisi ad restitutionem æqualis, per accidens tamen, quando æquale reddi non potest, inclinat ad reddendum, quod est possibile; sicut, qui debet mille, & non habet nisi 300. tenetur restituere 300. Et qui extremè indigenti abstulit panem, & panem; quem reddat, non habet, sed alium cibum, is tenetur illum dare, sive pane pretiosior sit, sive vilior. Ergo, qui intulit damnum contra iustitiam commutativam, tenetur ad restitutionem, prout in alio genere bonorum fuerit possibilis.

*Ratio 2.* Specialiter de restitutione hæredibus faciendâ pro damno personali. Qui alterum lædit in bonis propriis, tenetur ex iustitia ei compensare: Sed homicida hæredes necessarios læsit in bonis propriis. Ergo. Min. prob. Pater respectu filii est veluti totum, cuius filius est quædam pars. Vir, & uxor sunt veluti una caro, idèque jure naturæ, & ex iustitia pater filium, & vir uxorem tenetur alere. Ergo.

*Resp. 2.* Modus faciendâ dictam restitutionem relinquatur arbitrio boni viri, ut pater ex citatis verbis S. Thomæ, ut fiat, vel in bonis spiritualibus, vel temporalibus: in temporalibus, si hæredes indigeant, & occisus de spiritualibus jam bene sibi providerit. In spiritualibus verò, si hæredes non indigeant temporalibus, & occisus sibi de spiritualibus non providerit, & eorum iudicetur esse capax, v.g. Christianus, &c. In utrisque prout iudicabitur necessitas, vel opportunitas: ut explicat Sylvius.

*Resp. 3.* Licet ipse occisor a Iudice puniatur poena corporali, v.g. suspendatur, nihilominus faciendâ est ex iustitia dicta restitutio occiso, & hæredibus necessariis.

*Ratio:* Quia damnum occiso, & hæredibus illatum per poenam illam non compensatur, sed illa publica vindicta solum est compensatio injuriæ, quam patitur Respublica.

*Resp. 4.* Non solum, qui læsit in bonis corporis, sed & ejus hæredes tenentur per bona fortunæ ( si quæ sint relicta ) compensare dictum damnum corporale.

*Ratio:* Quia bona, in quibus hæredes succedunt, ex iustitia sunt obligata ad reparationem damnorum a lædente factorum.

Ex quo sequitur, quòd Pater, licet sit hæres necessarius filii, non teneatur restituere pro damnis a filio non emancipato illatis. Quia filius non emancipatus non habet bona, in quibus pater succedat, quasi de novo ea sibi acquirat, exceptis bonis castrensibus, & aliis, de quibus supra.

LXXXIX. *Oppono 1.* Leges dicunt: Liberum

corpus nullam recipit æstimationem. Ergo non est faciendâ restitutio pro eo.

*2.* Bona superioris ordinis non compensantur per bona alterius, & inferioris ordinis: Sed bonum vitæ, & membrorum est superioris ordinis. Ergo.

*3.* Homo non est dominus vitæ, & membrorum. Ergo ei non fit injuria.

*Ad 1. & 2.* dico, solum probari de æstimatione, restitutione, & compensatione condigna, & ad æqualitatem, non verò de arbitrarie. Nam pecunia secundum se etiam non potest æquiparari famæ, utpote, quæ est melior quàm divitiæ multæ, & tamen fama sæpè debet restitui per pecuniam, si non possit in proprio genere.

*Ad 3.* dico, etiam usufructuario posse fieri iniustitiam, homo autem saltem est usufructuarius vitæ, & membrorum.

*Resp. 5.* Certum est, quòd dictus iniustus occisor, vel mutilator tenetur ad restitutionem omnium damnorum realium, quæ patitur læsus, ac hæredes necessarii ejus.

*Ratio:* Qui est causa damni reparabilis, tenetur illud reparare.

*XC. Resp. 6.* Compensatio damnorum realium fit solvendo expensas curationis vulneris, cibos cariores, consilio medici, vel boni viri necessarios, lucrum cessans, id est, quòd opificio, v.g. fecisset, si læsus non fuisset, non quidem totum, sed quantum arbitrio viri prudentis spes lucri æstimatur: minus enim valet, quod est in spe, quàm quod est in re. Ad expensas funeris non tenetur, nisi essent extraordinariæ necessariæ, ut si majoribus sumptibus in alieno, seu peregrino loco esset sepeliendus.

*Ratio:* Quia expensæ ordinariæ fuissent etiam faciendæ, si naturali morte obisset.

*XCI. Resp. 7.* Restitutio primò faciendâ est læso, si supervivat; si obierit, hæredibus necessariis. Quinam hi sint, dictum est supra Exam. 4. num. 68. Unde non est necessariò faciendâ hæredibus non necessariis, v.g. fratribus, aliisve consanguineis, vel amicis, ad usufructuaria commoda, vel alimenta percipientibus, licet occisor illa damna præviderit, modo non intenderit. Idem est de creditoribus occisi.

*Ratio:* Quia omnes illi non consenserunt moraliter unum cum defuncto, & damnum eorum solum sequitur per accidens.

*XCI. Resp. 8.* Si ille, qui læsit, quamdù vixit, restitutionem non fecit, ad eam tenentur hæredes.

*Ratio:* Quia bona defuncti transeunt cum hoc onere. Et qui tenent commodum ( uti est hæres, sicut etiam monachus.

*Resp. 9.* Hæc tota doctrina est vera, licet ille, qui læsit, puniatur poena legali a Iudice, v.g.



v.g. suspendio, prout dictum, & Ratio data est R. 3.

*Oppono*: Non est æquum, quod quis puniatur bis in idipsum, seu duplici pœna pro eodem delicto. Ergo.

*Ad hoc neg. conf.* quia in hoc casu moraliter est duplex delictum, seu duplex injuria; una illata Reipublicæ, & hæc compensatur per pœnam legalem; altera illata læso, aut heredibus ejus, & hæc est compensanda prædicto modo.

Nota tamen, si læsus velit, ut læsor per illam pœnam corporalem non tantum Reipublicæ, sed & sibi satisfaciatur, ad nihil amplius tenetur, ut si significet, se nihil aliud desiderare, quam pœnam talionis, vitam pro vita, &c. & de alia restitutione omnino taceat.

**XCIII.** *Quid si unus, vel ambo se provocassent, ut in duello?*

*Dico*; Si occisus, vel læsus, vel ambo provocaverint, nullus tenetur heredibus restituere, nec nec qui occidit petentem, licet peccatum non effugiat. Vide R. ad l. sequenti num. 94.

*Ratio*: Tales censentur renuntiasse juri suo. Pro cupis majori intelligentia.

**QUÆRO IV.** Si occisus ante mortem occisori condonavit restitutionem, suntne hæredes ejus liberi ab onere restitutionis alimentorum necessariorum occisi?

**XCIV.** *Resp. 1.* Si præcisè in foro animæ condonet injuriam, certum est, non deobligari hæredes, si aliud nihil exprimatur.

*Ratio*: Quia illo loquendi modo nihil aliud videtur significari, quam quod læsus læso rem recipiat in pristinam amicitiam, & ostendat se non fover eodum.

*Resp. 2.* Probabilius videtur, quod occisus nec licitè, nec validè occisori possit condonare restitutionem alimentorum pro parentibus, uxore, liberis.

*Ratio*: Obligatio dictorum alimentorum, & sustentationis non pendet ex libera voluntate occisi sed fundatur in jure naturæ, quod occisus a se abicere non potest. Ergo.

*Oppono 1.* Paulatim a se assertum est, si provocans ad duellum, in eo occidatur, provocatus non teneatur ad restitutionem damnosam; Et hoc idè, quia provocans damna condonavit, & cessit juri. Ergo similiter.

*2.* Pater solum ex charitate, & pietate tenetur filiis dare alimenta. Ergo quamvis illicite, attamen validè remittit.

Ante R. vide Exam. 4. n. 59. in Not. quid sit, donationem esse validam.

*Ad 1.* Neg. ant. pro 2. p. Nam ly idè non dicit ibi veram causam, cur provocatus deobligetur; sed causa est, quia occisio provocantis in duello non est injuriosa, utpote qui sciens, & volens cessit juri in propriam vitam. Unde non occi-

sor, sed occisus hæredes suos injuriosè privat (spe emolumentorum).

*Ad 2.* N. conf. Nam cum illa obligatio pietatis involvat moralem unitatem inter occisum, parentes, liberos, & uxorem (ad doctrinam eorum de quibus in R. 7. ad Q. 3.) illi habent rigorosum jus quæsitum immèdiatè ex ipso jure naturæ, ne per se, seu ex intentione injuriosè, & violenter priventur emolumentis, quorum proximam spem habent, a fortiori, ne sic priventur alimentis sibi debitis titulo pietatis. Contra hoc ergo jus aperet Pater condonando talia emolumenta, & alimenta, qui proinde hoc debitum pietatisolvere nequit.

**QUÆRO V.** Quomodo restituet, qui alium damnificavit per injuriam stupri cum, vel sine fraude, cum vel sine promissione Matrimonii?

**XCv.** Ante R. vide suprà Tract. 5. Exam. 2. num. 31. de adulterio, & de stupro num. 33. quomodo per has duas luxuriæ species alteri infertur injuria.

*Resp. 1.* Probabilius est, quod qui in vitis parentibus violavit virginem volentem, vel solum leviter rogatam, adhuc sub patris potestate existentem, nec virginem, nec patri teneatur ad restitutionem in foro conscientie.

*Ratio 1. p.* Quia scienti, & volenti non fit injuria.

*Ratio 2. p.* Ipla virgo ob amissam sui claustrii violationem non tenetur aliquid restituere patri. Ergo non violator. Hinc dato, quod parentibus fiat injuria, filia est imputanda.

*Resp.* In foro fori in dicto casu patri, vel tutori puellæ contra defloreatorem competit actio, & stuprator a iudice condemnatus tenetur in conscientia præstare patri satisfactionem sibi per modum pœnæ injunctam. Ita patet ex Tract. de Legibus. Immo ante sententiam judicis uterque tenetur parentibus ad aliquam satisfactionem, nimirum eos singulariter honorando, vel veniam ab eis petendo, nisi jam remiserint.

*Ratio*: Quia parentes sunt custodes virginis tatis filia.

*Resp. 3.* Qui vi, fraude, vel in casso metu, sed absque matrimonii promissione virginem corripuit, juxta probabiliorem sententiam in foro conscientie tenetur ad alterutrum, nimirum vel eam ducere, vel damna puellæ, & parentibus illata compensare per bona fortunæ augendo dotem, prout stupratori placuerit.

*Ratio*: Quia illa damna sunt per injuriam illata, & per alterutrum horum compensantur. Ergo.

Notatamen, hoc solum verum esse ante sententiam Judicis, nam post eam tenetur obedire. Porro si puella quæ bene nupserit, ac si violata non esset, stuprator deobligatur a compensatione.

sanctis aliis damnis, excepta iniuria violationis, pro qua tenetur iuxta arbitrium viri prudentis.

*Resp. 4.* Probabilius, & tutius est, quod qui corripit virginem sub spe matrimonii, siue vero, siue ficto animo promissi, teneatur ordinariè in conscientia eam ducere, etiam ante sententiam iudicis.

Ita clarè colligitur ex S. Thom. in Supplem. q. 46. a. 2. ad 4. dicente: *In tali casu sponsus antequam aliam duxerit, tenetur eam ducere in uxorem, si sine aequalis conditionis, vel si sponsus sit melioris conditionis: sed si aliam duxerit, jam factus est impotens ad solvendum illud, ad quod tenebatur, & ideo sufficit, si ei de nuptiis provideat. Et ad hoc etiam non tenetur (ut quidam dicunt) si sponsus sit multo melioris conditionis, aut aliquid signum fraudis evitens fuerit: quia præsumi probabiliter potest, quod sponsa non fuerit decepta, sed decipi se sinxerit.* Hæc S. Thomas.

Quod S. Tho. hic loquatur de foro conscientie, & violatione mulieris sub spe matrimonii, constat; quia aliàs non responderet conformiter ad argumentum, quod dictis verbis solvit, & sic loquitur: Non dimittitur peccatum, nisi restituatur ablatum, sed aliquis non potest mulieri, quam defloravit sub specie matrimonii, restituere ablatum, nisi eam conjugio ducat. Ergo.

*Ratio:* In contractu innominato facio ut facias, qui est onerosus, seu sub conditione onerosa, si una pars, seu unus contrahens contrarium implevit, etiam altera pars ex iustitia commutativa eum implere tenetur, præstando id, quod in contrarium est deductum: Sed inter puellam, & supratorem in casu posito fuit talis contractus, & puella corporis sui usum præbendo contrarium implevit: Ergo suprador in conscientia implere tenetur. Sed non potest implere, quod promisit nisi præstando consensum in matrimonium. Ergo hunc in conscientia præstare tenetur. Maj. patet: Quia si promissarius sub conditione onerosa ligatus conditionem impleat, acquirit jus contra promittentem.

Ex quo patet, quod illa fictio non tollat obligationem in conscientia: quia hæc est natura contractus onerosi, ut utraque pars ex iustitia se obliget ad præstandum id, quod contractu significatur.

Dixi, ordinariè, seu per se; nam dari exceptiones, patet ex ipsis verbis S. Th. quibus addo, non teneri. 1. Si addit impedimentum dirimes. 2. Votum Religionis, aut Castitatis, cum obligatio voti, utpote erga Deum, sit fortior quam promissio homini facta, etiam jurata. 3. Si sequantur graviora mala, vel scandala. 4. Si puella fornicetur postea cum alio. 5. Si sinxerit se virginem, & a viro deprehensa sit non esse.

Quæ in R. 3. & 4. dicta sunt de corruptione

virginis, proportionabiliter, in ordine ad reparanda damna, dicenda sunt etiam de eo, qui per vim, vel fraudem seduxit viduam, aliamve jam corruptam, honestam tamen.

Nec in ullo horum casuum corruptor satisfacit ingrediendo Religionem, etiam post matrimonium contractum, ante ejus consummationem. Quia aliàs non tollitur infamia. Vide infra in hoc Exam. n. 1. 31. ad 7. Oppos.

QUÆRO VI. Quid, & quomodo restituendum ex injuria adulterii?

XCVI. Ante R. Nota, damna, quæ ex adulterio, & suppositione filii spurii ordinariè sequuntur, esse hæc. 1. Quod proles adultera educatur ex bonis patris putatitii, cum quilibet pater teneatur alere prolem suam a tertio ætatis anno. 2. Quod accipiat dotem, aut sponfalitium; 3. hæreditatem, ac si esset legitima proles. Hinc proles legitima, vel in eam defectu legitimi hæredes damnificantur. Hoc notato

*Resp. 1.* Si ex adulterio proles non nascatur, nec ullum aliud damnum, adulter nihil tenetur restituere marito adulteræ pro violatione thori. Si tamen maritus reclat de adulterio, tenetur uterque adulter ad satisfactionem per signa doloris, veniæ petitionem, &c. ille pro injuria, illa pro injuria, & infidelitate.

Ita probat praxis, & communis sensus fidelium, & confessoriorum.

*Resp. 2.* Communis sententia est, quod si adulter sit moraliter certus, prolem, ex adulterio natam, esse suam, teneatur tam ipse quam adultera restituere damna realia patri putativo, ejus legitimis prolibus, vel hæredibus inde illata: uterque quidem pro rata, alterutro autem deficiente quivis in solidum, si ve adulter mulieri suaserit, ut suum filium spurium pro legitimo supponat; siue non.

*Ratio:* Quando plures efficaciter concurrunt ad damnum injustè inferendum, singuli pro rata, & aliis deficientibus quilibet in solidum tenetur reparare damnum: Sed sic est in hoc casu. De adultera patet. De adultero suppositionem non suadente. Prob. 1. Eo ipso, quod is faciat ex suo semine, & aliena uxore nasci prolem, quam maritus adulteræ ex errore putat esse suam, supponit eam. 2. Dum adulter videt hanc suam prolem in aliena domo mediis alienis sustentari, quam ipse tenetur alere, eo ipso est causa per se, saltem indirecta deceptionis, & damni secuti. Ergo.

*Resp. 3.* Si adulter non sit moraliter certus, sed rationabiliter credat prolem non esse suam, sed quoddam mulier putet esse sui mariti, vel aliàs sit levis, vel soleat rem habere cum pluribus, &c. non tenetur ad dictam restitutionem.

*Ratio:* Tum quia in dubio melior est conditio possidentis, ut explicatum supra Tract. 2. Exam.

Exam. r. n. 13. & 14. Tum quia nemo tenetur luere, antequam conslet, eum esse debitorem.

*Resp. 4.* Si proles sit nata, & adultera teneat, eam non esse sui mariti, obligatur in conscientia (quantum sine vitæ, vel famæ dispendio potest) laborare, ne legitimis prolibus, vel hæredibus obveniat damnum: teneturq; ad justæ reparationem, juxta omnium sententiam.

*Ratio:* Quia injuste est causa efficax hujus damni. Sed difficultas est de modo restitutionis. Pro quo.

*Resp. 5.* Modus restitutionis esse potest nimirum, si mulier habet bona paraphernalia, seu liberæ ejus dispositioni relicta, debet ea filiis illegitimis dare; vel compensare extraordinario labore, & lucrum inde acceptum iisdem tribuere, ornatum muliebrem minuere, vel filio adulterino, si capax sit, statum Clericalem, vel Religiosum luadere, sic tamen, ne hæreditatem secum ferat. Vel agere, ut ab extraneo, vel suo vero patre adoptetur, si que honesto titulo familiam, & hæreditatem exeat. Vel agere, ut causa occultata ei detur minor hæreditas. &c.

*Resp. 6.* Si uno vel pluribus ex his modis, prolibus legitimis totum damnum refarciatur, vel nullum inferatur, potest mulier permittere, ut filius illegitimus cum legitimis succedat in bona patris putatiis.

*Ratio* est, ut conservet famam, quæ est altioris ordinis, quam bona fortunæ, ut patet ex citando Prover. 22.

Nec obstat, quod illegitimi per leges inhabilitentur ad successionem in hæreditate. Quia intelliguntur, quando res est notoria, nec adeest periculum infamiz, vel gravioris mali, vel nisi damnum aliter compensetur.

*Resp. 7.* Si adulter adulteram ad adulterium seduxit, ipse in solidum obligatur ad omnia damna compensanda: eo tamen deficiente, adultera adhuc tenetur in solidum.

*Ratio 1. p.* Quia adulter fœminam seducendo censetur hoc onus in se suscepisse.

*Ratio 2. p.* est eadem, quæ pro R. 2.

*Resp. 8.* Probabilius est, quod, licet adultera nullo dictorum modorum possit damnum compensare, non teneatur proli, vel marito suo crimen revelare.

*Ratio:* Quia in dubio melior conditio est possidentis: Sed mulier est in possessione suæ famæ, & semper, vel ferè semper habet rationem dubitandi, an sua revelatio sit profutura. Ergo. Prob. min. pro 2. p. Filius matri, dicente se esse prolium, non tenetur credere, licet hoc dicat existens in mortis articulo, & post sumptum Eucharistiam, ut fateatur Canonizari: Unde est Regula Juris: *Alleganti suam suspitionem cum alterius præjudicio* (ut hic, cum filius communi opinione sit legitimus) *nulla est habenda fides.*

*Resp. 9.* Quancunque sit hæreditas, muner, si sit honestæ conditionis, & passim bonæ famæ; per se loquendo non tenetur cum famæ publicæ, vel vitæ periculo revelare crimen, licet sit moraliter certa, sibi credendum, & damnum legitimis hæredibus avertendum.

Ita habetur ex rescripto Innocentii III. in c. *Officiis*, de pœnit. & remiss. ubi generaliter dicit, absolvendam esse mulierem, quæ ignorante marito de adulterio prolem suscepit, idque viro fateri timet, & competentem satisfactionem per discretum Sacerdotem esse injungendam.

*Ratio:* Tum quia bonum famæ per se loquendo prævalet bonis fortunæ, Quia *melius est nomen bonum, quam divitiarum mulra.* Prov. 22. Tum etiam, quia in casu extremæ necessitatis nemo tenetur restituere: Sed qui non potest restituere sine periculo famæ, vel vitæ, est in extrema necessitate. Ergo.

Dixi 1. *mulier bonæ famæ*, si enim prudentis judicio mulieris fama sit parvi momenti respectu hæreditatis, ut si jam sit suspectæ conversationis, tenetur cum periculo famæ (si desit periculum corporis, & animæ) impedire, ne illegitimus hæreditatem capiat.

Dixi 2. *per se loquendo non tenetur.* Quia per accidens tenetur. 1. Si hæreditas, v.g. Principatus, Comitatus, &c. prudentum judicio pluris æstimetur, quam fama fœminæ. Nam in certis circumstantiis bonum in inferioris ordinis in estimatione potest prævalere bono superioris ordinis. 2. Si periclitetur bonum commune, tenetur revelare etiam cum periculo vitæ, ut si spurius esset, hæres, vel pessimis moribus imbutus, & velut primogenitus in principatu successurus; ratione cujus bonum commune, præsertim spirituale fidei, periclitaretur, legitimus verò esset Catholicus, & optimæ spei.

XCVI. I. *Quomodo resolvitur hunc casum?* Filius ille adulterinus, putative legitimus, factus adulter vult nubere filiz sui parentis adulteri, quæ est sua foror ex patre, quod ipse nescit: quod matrimonium esset nullum: ad hoc malum præcavendum tenetur mater revelare, sive ante matrimonium, sive post matrimonium contractum, etiam contra parentum voluntatem?

*Dico:* Inprimis certum est, quod parentes id rescientes, nimirum uterq; adulter, tenentur, adulterio non revelato, omni possibili modo hoc matrimonium impedire. Deinde si aliter impedire non possint, tenentur saltem uni eorum scilicet filio, vel, si aliter fieri nequeat, utrique revelare.

*Ratio est:* Quia convenientior modus ad tantum malum impediendum non occurrit; & faciunt parentes, quod possunt.

*Quid si Mater prolem exposuit?*

*Dico:* Si adultera sine instinctu adulteri prolem

lem exposuerit, ipsa in solidum tenetur expensas solvere domui, vel hospitali prolem nutriendi. Si uterque mutuo consensu sine induzione, tenetur uterque juxta sensum R.2.

Ratio patet ibidem: si adulter adulteram ad id induxit, dicendum, quod si dūm est R.7.

QUÆRO VII. Quando, & quomodo restituet, qui alium exterius damnificavit in bonis famæ, & honoris?

XCVIII. Quid sit fama, quid honor, & quomodo quoad hoc mentaliter, seu interius injuriando peccetur per iudicium, & suspitionem temerariam, vide suprā in hoc Tract. Exam. x. n. 11. & seqq.

#### *Detraçtio.*

XCIX. Nota 1. Famam, & honorem alterius posse laedi factis, ut si janua ejus appendantur cornua; vel verbo, nimirum per detractionem: quæ a S. Thoma infrā q. 73. a. 1. definitur, *quid sit injusta denigratio aliena famæ per verba occulta*. Dicitur 1. *injusta*: unde non peccant, Judex legitime reum dampnans, testes juridicè deponentes, revelans alterius crimen ut vitet damnum proprium, vel proximi, servato ordine fraternæ charitatis.

Dicitur 2. *aliena fama*, hæc enim est obiectum detractionis, sicut alienus honor est obiectum contumeliæ, & detractor loquitur contra aliquem occultè, contumeliosus manifestè, ait S. Thom. loc. cit.

Dicitur 3. *per verba*, sive propriè dicta, sive æquipollentia, ut sunt nutus, gestus, scriptura, immò aliquando etiam silentium.

#### *Contumelia.*

C. Nota 2. Contumeliæ ex dictis definiri posse, quòd sit, *injuria dehonoriatio, seu læsio honoris alterius per verba manifesta*. Contumelia fieri potest factis, ex animo injuriandi procedente, v.g. fuisse percutiendum, alapam infligendo. Dividitur in contumeliā strictè dictam, v.g. quando alteri obiciunt crimina sua animo injuriandi, vocando eum adulterem, sodomitam, &c. & in conviciam, quòd sit alteri obiciendo injuriam, quæ in eo peccatum non est, v.g. cum vocando Judæum, cæcum, claudum, &c. & in improprium, quòd sit injuriōe alteri obiciendo beneficia ab eo recepta.

#### *Sufurratio.*

CI. Nota 3. juxta S. Tho. infrā qu. 74. art. 1. detraçtio differt a sufurratione. *Sufurro*, ait, & detractor in materia conveniunt, & etiam in forma, sive in modo loquendi: quia uterque malum occultè de proximo dicit. Differunt autem in fine, quia detractor intendit denigrare famam proximi. *Sufurro* autem intendit amicitiam separare, seminando jurgia, & discordias. Unde artic. 2. docet, quòd sufurratio sit gravius peccatum, quàm detraçtio, & contumelia, quia insert

maius nocumentum, tollendo majus bonum, scilicet amicitiam, quia *amico fideli nulla est comparatio*, Eccles. 6. & *amicus est melior, quàm honor, & amari quàm honorari*, ait ex Phil. h. o.

Not. 4. Detractionem per se, & ex genere suo esse peccatum mortale, juxta S. Tho. q. 73. art. 1. nam *auferre alicui famam valde grave est*, ait: quia *inter res temporales videtur fama esse pretiosior, in individuo tamen potest esse veniale*, ut ibidem explicat, & patet ex dicendis. Et art. 3. docet, & probat, quòd detraçtio sit gravius peccatum furto, minus tamen homicidio, & adulterio, ob majus, vel minus nocumentum. Similiter q. 72. art. 1. docet, contumeliā, & convitium ex genere suo esse peccatum mortale non minus ac furtum, & rapinam, quia (ait) homo non minus amat suum honorem, quàm rem possessam; in individuo verò posse veniale esse, immò nullum peccatum, ut si tantum materialiter profertur sine animo dehonoriandi, sed fortè propter correctionem, sicut Christus Apostolos vocavit stultos, & Apostolus Galatas Infantes: nisi modus excedatur.

#### *Derisio.*

CII. Nota 5. ex S. Tho. q. 75. a. 1. Speciale, & a prædictis distinctum peccatum esse derisionem. *Non convitiando intendit quis convitiari honorem deprimere, detrachendo diminuire famam, sufurrando tollere amicitiam: irridendo intendit quis, quòd ille, qui irridetur, erubescat*, ait S. D. Porro *irrisio* (art. 2.) non est nisi de aliquo malo, vel defectu, malum autem si sit magnum, non pro ludo accipitur, sed serio; si in ludum, vel risum vertatur, ex quo *irrisio*, vel *illusionis* nomen sumitur. Aliquando juxta S. D. est peccatum veniale, ut cum quis jocose parum, vel de parvo irridetur, cum sit parva erubescencia, nisi cresceret ex conditione personæ irrisæ. Quandoque est mortale, ut cum serio, seu formaliter, & ex intentione injuriandi in jocum quis deducitur, quasi non sit tanti, ut debeat æstimari, tunc enim fit maximus contemptus illius, & major quàm in contumeliis; & detractione, nam contumeliosus quidem deprimat honorem, detractor famam, irrisor tamen majorem insert contemptum, profatuo, aut nibilo habens, aut haberi volens eum, quem irridet, ut erubescat inter homines comparere. Tantò gravius peccatum est irrisio, quantò major reverentia debetur personæ, quæ illuditur, ait ibidem S. Thom. Unde gravissimum est irridere Deum, & Sanctos, & hoc non est sine blasphemia. 2. Locum tenet irrisio parentum, deinde juratorum, ac virtuosorum, quia honor est virtutis præmiū.

Addi potest, si hæc inhonoratio fiat factis, 70-

vocatur illufio, fi faflo rugato, fubfannatio, fi verbis, aut cachinnis, derifio, feu irrifio; Quæ fua fpes folum materialiter diftinguit, quia conveniunt in fine per fe refpecto. His prænotatis.

CIII. *Refp.* 1. ad Q. 7. Honor, & fama injufte ablata funt reftituenda cum omnibus damnis fecutis, uti v.g. funt privatio Officii, Beneficii, &c.

*Ratio* patet ex diâis.

*Refp.* 2. Detraâio famæ fieri poteft directè, vel indirectè. Directè fit 4. modis, fignificatis hoc verfu.

*Impotentia, augeat, manifefians, in mala verrens.*

Id eft, 1. Cùm proximo imponitur falſum crimen. 2. Cùm verum crimen plus juſto exaggeratur, & ampliatur. 3. Cùm crimen occultum manifefcitur. 4. Cùm quis facta proximi apud alios interpretatur in partem deteriorem. Ubi ſimul eſt peccatum judicii temerarii.

Indirectè etiam fit quatuor modis hoc verfu fignificatis.

*Qui negat, aut minus, potius, laudatq; remittit.*

Id eft, 1. Cùm quis alterius benefacta, dotes, vel merita negat. 2. Cùm ea extenuat. 3. Cùm ea tacet illo tempore, & loco, quo cacturnitas acceptatur pro vituperatione, pro relati defectus confirmatione, &c. 4. Cùm quis alium laudat frigide, & ſimulatò.

Ex his modis unus eſt altero notabiliter gravior, proinde in Confefſione exprimendus, & omnes obligant ad reſtitutionem famæ, & damnorum, ſi quæ ſequantur. Quod ſpecialiter notent, qui proclaves ſunt ad narrauda aliorum crimina, vera quidem, ſed occulta, quæ abſque rationabili cauſa, adeoque injuſte detegunt, propter quæ ſi forſan infamatus privetur aliquo Officio vel Beneficio, quod obtinebat, vel ſperabat, tenetur infamator reſtituere proportionate valoris Beneficii, vel Officii, aut ſpeiejus.

*Refp.* 3. Infamans in diverſis caſibus poteſt excuſari a mortali. *Primus* eſt, ſi malum fit veniale, vel ſiquidem in ſe grave fit, tamen reſpectu talis perſonæ prudentum iudicio eſt infamia levis, uſi de milite dicatur, quòd occiderit, vel duellaverit, vel ſit defectus naturalis, ſeu inculpabilis, ut tunc, eſſe cæcum, gibboſum, &c. niſi inde reſultaret gravis contemptus. Si perſona, de qua dicitur, in tali genere jam ſit infamatus, ut ſi quis de publica meretrice dicat, quòd ſe proſtituerit, licet non ſit verum. 3. Si non credatur detrahenti, vel quia eſt homo levis, fide indignus, vel putat dixiſſe ex joco. 4. Si fiat ex inadvertentia. 5. Si advertatur tales circumſtantias, quæ impediunt infamiam, ut ſi malum narretur de aliquo non noto, nec unquam cognofcendo. 6. Si narretur crimen, quod jam eſt, vel proximè eerte ſit notoriſſimum. 7. Si narretur malum

cum crimine principali notorio connexum, &c. Si defectus proximi manifefteſtur ex rationabili cauſa, v.g. ad avertendum grave damnum, vel publicum, vel proprium, vel alienum, quod aliter averti nequit, ut ſi quis ſe fingat peritum medicum, cùm non ſit, &c.

*Refp.* 4. Diverſe ſunt cauſe excuſantes a reſtitutione ſamp. 1. Condonatio ab infamato facta expreſſe, non enim ſufficit implicite, ut ſi patienter ſolâ toleretur. Hoc autè condonatio poteſt fieri a privato, cujus fama non eſt aliis alligata, ſeu ex cujus infamia non infamantur alii, ſicut ex infamia Religioſi ſequitur infamia Cœnobii. Vide in hoc Tr. Exam. 2. n. 29. R. 4.

2. Necellitas, ut ſi quis injuſte te infamet, & infamiam aliter non poſſis avertere, niſi prodeſſe occultum ejus crimen, non teneris pro hoc ad reſtitutionem, quia ſolum eſt ſpecies quædam defenſionis.

3. Impotentia moralis, ut ſi reſtituere nequeas ſine amiſſione propriæ famæ longè præſtantioris, nimirum ſi infamatus ſit perſona vilis, infamans verò celebriſ, & neceſſaria Republicæ, tunc enim ſufficit, vel laudare, aut reſtitutionem pecunie, aliove modo redimere. Item ſi nequeas ſine periculo vitæ, ordinariè non teneris, quia vita eſt altioris ordinis, quàm fama: Dixi, ordinariè. Si enim in caſu aliquo raro fama aliquis eſſet, vel ſimpliciter, vel ob circumſtantias majus bonum, quàm vita detrahoris, v.g. ſi ex hoc immineret bellum inteſtinum, & civile, vel publicum, & hujusmodi, &c. teneretur reſtituere cum periculo vitæ. Similiter ſi quem infamafſes de falſo crimine, ob quod ipſe eſt morte plectendus, ſi aliter non poſſis, teneris te pro ejus liberatione exponere periculo mortis ne ſis cauſa, ut innocens occidatur.

4. Ceſſatio damni, ut ſi fama alio modo, putà, per evidentiam rei, per teſtes, per ſententiam judicis per oblivionem, &c. ſit reparata.

5. Compensatio, ut ſi duo æqualiter ſe infamaverint, & conveniant inter ſe, ut uterq; maneat cum ſua infamia, niſi ex hac compensatione oriatur forte ſcandalum. Pro quo tamen

Nota, non licere compenſare ſibi infamiam, reciproce infamando alterum. Quia non licet malum pro malo reddere. Si tamen id factum ſit modo in fama ſi æqualis, non tenetur unus reſtituere, niſi & alter reſtituat.

*Refp.* 5. Infamans a reſtitutione non deobligatur, licet cum crimine narret infamati penitentiam, niſi penitentia relatio ſpectet ad Deignam, ut eſt relatio evangelica peccati, & penitentia Petri, Magdalene, Pauli, &c.

*Ratio:* Licet penitentia ſit eximium bonum, & ædificet proximum, tamen ex criminis infamatoris narratione animis audientium imprimatur ſiniſtra opinio.

*Refp.* 6.

*Resp. 6.* Non excusatur a restitutione, quia lulum diffamat, ideò, quia famam sibi comparavit per hypocrisin; quæ nihil nocet alteri.

*Ratio:* Talis habet jus bonæ famæ, & hypocrisis nocet ipsi soli.

*Resp. 7.* Infamans ordinariè non excusatur per hoc, quod famam infamati augeat in alio genere.

*Ratio:* Quia ordinariè per hoc non redditur æqualitas, v.g. quem dixisti esse fornicarium, adulterum, &c. & laudes eum a liberalitate. Dixi, ordinariè. Si enim famam ejus ita auxisses, ut iudicio virorum prudentum facta sit compensatio, deobligaris.

*Resp. 8.* Non excusatur a restitutione, qui injuriam sibi factam, v.g. thori sui violationem suo amico narrat cum animo detrahendi, & se vindicandi, immò mortaliter peccat. *Ratio* patet per se. Si verò illa relatio fiat doloris leniendi, auxilii, vel consilii capiendi gratia, sine nimia exaggeratione, & persona non nominata, nisi quantum pro suo solatio est necesse, non peccat.

*Ratio:* Quia utitur iure suo, solatium querendo. Hinc qui injuriâ narrat intulit, imputet tibi, quod infametur apud talem consolatorem.

*Resp. 9.* Non deobligatur infamans in uno genere, per hoc quod infamatus jam sit talis in alio genere.

*Ratio:* Quia per infamiam unius generis non perdidit jus ad famam in alio genere virtutis.

*Resp. 10.* Qui negat crimen verum, juridicè probatum, ex qua negatione accusans indirectè diffamatur, ut mendax, tenetur ad restitutionem famæ.

*Ratio:* Quia facit injuriam accusanti, ut potè crimen sufficienter probanti. Dixi, juridicè probatum: si enim tale non sit, non tenetur retractare, sed potest se defendere negando, ut quem dum sit probatum. De quo infra Tract. 9. Ex. am. 5. n. 50. & 51.

*Resp. 11.* Mortaliter peccat, & restituere tenetur, qui refert audita ut audita, id est, sine assertionem, si refert tali modo, & nominatis talibus auctoribus, ut audientibus detur sufficiens causa credendi malum de proximo. Secus si non sit probabile periculum credendi.

*Ratio:* Quia in primo casu est efficax causa lectionis famæ proximi, secus in secundo.

Dixi, ut detur sufficiens causa credendi, si enim sine hac, & solum simpliciter sine animo diffamandæ refert coram talibus, quos probabile est ex sua levitate credituros, in re gravi peccat mortaliter contra charitatem tantum, quæ dicitur, quod tibi non vis fieri, alteri ne feceris. Et infamia per se sequitur ex levitate audientium, ex relatione verò solum per accidens.

*Resp. 12.* Probabilius ordinariè graviter peccat, & restituere tenetur, qui occultum grave crimen aperit uni, vel duobus viris gra-

vibus, & prudentibus silentium servaturis.

*Ratio:* Tum quia vir prudens malet suum delictum sciri a 4. plebeis, quam ab uno viro gravi. Tum etiam quia bona fama apud unum potest esse magnum bonum. Ergo ejus ablatio est grave damnum. Ant. prob. iudicium temerarium ex genere suo est mortale, & in re gravi est iudicium mortale in individuo, licet maneat internum, & apud solum iudicantem tollat famam. Ergo.

*Oppono:* Fama est notitia publica. Ergo nemo est infamis ex hoc, quod ejus crimen sciat ab uno, vel duobus.

*Distig. Conf.* Non est infamia juridicè, & in toto, conc. in parte, neg. Licet ergo talis denigratio extensivè sit levis, quia non extenditur nisi ad unum, est tamen grave malum absolute, & intensivè.

Dixi in R. 12. ordinariè. Exceptio enim est, si revelationem petat utilitas Reipublicæ, vel peccantis, ut fiat ei correctio fraterna, vel alicujus tertii, ut antè dictum. Hinc ordinariè excusantur conjuges, & filii referentes patrifamilias peccata domesticorum. Cavendum tamen iis est, ne ea narrent pluribus, quam sit necesse.

*Resp. 13.* Crimen notorium seu iure, vel facto publicum, iure quidem per sententiam iudicis, vel per confessionem rei in iudicio, aut testimonium depositionem: facto autem, ut cum in multorum presentia est perpetratum, vel majori partem viciniæ notum, illud, inquam, narrare personæ, vel in loco, ubi non erat notum, non est contra iustitiam, immò nec contra charitatem, si desit mala intentio, odium, &c. sit verò periculum, ne homines cum ejusmodi facinorosis tractando passim decipiantur.

*Ratio 1. p.* Ille diffamatur sine injuria, qui jus in famam perdidit: Sed sic est in casu posito, ut constat. Ergo.

2. Pari patet ex dictis, quia sic requirit bonum commune, vel proximi.

Dixi, si sit periculum ne passim homines decipiantur; si enim hoc non sit, & ex narratione nulum commodum eveniat narranti, Reipublicæ, aut proximo, & infamia verisimiliter ad illum locum non esset perventura, vel nonnisi post longum tempus, potest mortaliter peccari, si forte non contra iustitiam, saltem contra charitatem.

*Ratio:* Licet talis non habeat ius ad famam, possidet tamen eam in alio loco sine fraude, & ullo damno alterius, & adhuc diu eam possideret. Ergo contra charitatem est ipsum ibidem famam spoliare sine causa. Quod enim tibi non vis fieri, alteri ne feceris, ut supra dictum est.

Ex dictis colligitur, quam graviter peccat Religiosus, qui delictum Confratris sui a Prelato suo juridicè puniit, ac penitentiam impostam



manifestant extra Clausrum. Qui meritò tanquam Monasterii diffamatores, & destructores Ordinis severissime sunt castigandi.

*Resp. 14.* Detractio æquè est peccatum, si fiat mortuo, ac si vivo.

*Ratio* patet suprà Exam. I. n. 11. in fine.

*Resp. 15.* Detrahentem inducere, animare, cum complacentia audire, aut tolerare, in re gravi est peccatum mortale respectivè cum onere restitutionis. Et eò gravius, quò magis quis ex officio tenetur detrahentem compescere.

Hoc explicat S. D. & probat hic q. 83. ar. 4. in corpore dicens: *Secundum Apostolum ad Rom. 1. digni sunt morte, non solum qui peccata faciunt, sed etiam qui facientibus peccata consentiunt. Quod quidem contingit dupliciter: Uno modo directè, quando scilicet quis inducit alium ad peccatum, vel ei placet peccatum. Alio modo indirectè, quando scilicet non resistit, cum resistere possit. Et hoc contingit quandoque, non quia peccatum placeat, sed propter aliquem humanum timorem. Dicendum est ergo, quòd si aliquis detractiones audiat absque resistantia, videtur detractori consentire: unde sit particeps peccati ejus. Et si quidem inducat eum ad detrahendum, vel saltem placeat ei detractio propter ejus odium, cui detrahatur, non minus peccat quàm detrahens, & quandoque magis. Unde Bernardus dicit: Detrahens, aut detrahentem audire, quid horum damabilius sit, non facile dixerim. Si verò non placeat ei peccatum, sed timore, vel negligentia, vel etiam verecundia quadam omittit repellere detrahentem, peccat quidem, sed multò minus quàm detrahens, & plerumque venialiter. Quandoque etiam hoc potest esse peccatum mortale, vel propter hoc, quòd alicui ex officio incumbit detrahentem corrigere, vel propter aliquod periculum consequens, vel propter radicem, quia timor humanus quandoque potest esse peccatum mortale. Hæc S. D.*

*CIV. Resp. 16.* Quod concernit modum restituendi famam, si quis alium infamaverit de crimine falso, facilis, & conveniens modus est, ut coram illis, qui detractionem ab eo audierunt, dicat sic: Quando hoc, vel illud de tali, vel tali dixi, deceptus id dixi, modo autem deceptum me invenio, & falsum esse, quòd dixi, eumque virum honestum agnosco, & quòd dixi, revoco. Quare ratione vitabit suam, & compensabit alterius infamiam. Quòd enim possit sine infamia sui dicere se fuisse deceptum, constat, quia ipsum peccatum deceptio quædam est. Si autem dixerimus, quoniam peccatum non habemus, ipsi nos seducimus. & veritas in nobis non est. I. Joann. 1. v. 8:

Si verò quis alteri famam abstulit dicendo verum, sed injustè, suavior præ cæteris, & convenientior modus est, si dicat: Quando tale delictum de tali dixi, putabam illud esse verum, sed

postquam diligenter inquisivi, deprehendi me dixisse falsum. Quo modo infamato restituit famam, nec infamat se ipsum: nulla enim infamia est dicere, se de alio dixisse aliquid falsum, inculpabiliter existimando esse verum. Nec mentitur sic dicendo. Nam verum erat, quòd, & quando dixit. Item verum est, quòd tunc dixerit falsum, quia invenit se id dicendo peccasse, & peccatum dixisse, peccata autem in Scripturis vocantur falsitates.

*Resp. 17.* Potissimus modus restituendi honorem per contumeliam ablatum est veniè petitionio.

*Ratio:* Contumeliæ, & convitia, quibus honor auferitur, sùt signa contemptus, in iisq; se homo gerit ut superiorem deprimens alterum, & ipse e contra perveniè petitionem se humilitat, & deprimat, & alterum honorat. Ergo.

Nota tamen, hunc modum non esse necessarium in Prelatis, de quibus S. Aug. in Regula ait: *Non a vobis exigitur, ut a vobis in subditis veniunt postuletis, ne, dum nimium servatur humilitas, regendi frangatur auctoritas. Petenda tamen est venia ab omnium Domino, qui novit, quos plus jussit forè corripitis, quanta benevolentia diligatis. Uti nec in Magistris, & Viris illustribus, in iis enim sufficiunt signa benevolentia, salutatio, benevola allocutio, &c. Interdum etiam contumelia potest esse tam gravis, ut necessaria sit alia compensatio, ut si quis alium injuriose fuisse, vel baculo percussit, &c.*

**QUÆRO VIII.** Cū quanto periculo, vel dāno suo tenetur detractor ad famæ restitutionem?

*CV. Resp. 1.* Ordinariè non est obligatio restituendi famam proximo cum periculo vitæ.

*Ratio:* Quia vitæ est bonum superioris ordinis quàm fama.

Dixi ordinariè. Nam si quis proximum injustè infamando vitæ periculo exposuit, tenetur ei famam cum pari periculo reddere, ut patet ad Q. 7. R. 4. circa tertiam causam excusantem.

*Resp. 2.* Qui alium de falso crimine infamavit, tenetur cum æquali suæ famæ dispendio restituere.

*Ratio:* Qui injustè damnificavit, tenetur ex lege justitiæ damna compensare, etiam cum jactura bonorum ejusdem ordinis.

Nota, hæc intelligenda esse de infamia formali, & mortali, si enim sit materialis solum, aut venialis ex inadvertentia, non est obligatio restituendi cum tanto damno.

**CVI. Quomodo restituere tenetur famam is, qui eam alicui abstulit per libellum famosum ad valvas Ecclesiæ, vel curiæ assuxit, vel in plateis sparsit, aut etiā per externū publicum signum ut cornua apponendo ad alterius januam, quod est gravissimum peccatū in genere detractionis propter quam in foro spiritali incurritur excommunicatio, in foro civili pena capitis?**

*Dico,* Tenetur ad publicam restitutionem, vel



vel scripto, vel voce præconis.

*Ratio:* Quia gravem illam infamiam (cujus et causa efficax) aliter tollere nequit.

*Oppono:* Per illam publicam (voce præconis) restitutionem ille diffamatus adhuc magis diffamabitur, quia, qui ante non sciebat, resciet.

*Ad hoc R.* si sint tales circumstantiæ, in quibus hoc prudenter judicetur, diffamator tenetur in conscientia infamatum interrogare, sive per se, sive per alium, quis modus restitutionis ipsi placeat: cui resolutioni (si possibile sit eam exequi) tenetur parere. Vide tamen causas a restitutione famæ excusantes, assignatas pro R.4.

*Obligatio* restituendi famam transire ad heredes, ut illi teneantur verbis revocare, quod detractor dixit, vel asserere eum fuisse mentitum?

*Negativè dico;* tenentur tamen compensare damna secuta.

*Ratio:* Quia prima obligatio est personalis, altera realis.

**QUÆRO IX.** Licetne tibi infamare te ipsum, etiam falsum crimen fatendo, vel alterum, nimirum tuum accusatorem, ejus occultum crimen extrajudicialiter detegendo, ut tu evadas gravia tormenta?

*CVII. Resp. 1.* Ex iusta causa, v.g. propter humilitatem, ob Christi exemplum ad fugiendos honores, & dignitates, &c. se ipsum infamare, v.g. suum crimen quod nulli homini est notum pandendo, ut poenam luat: vel etiam infamiam impositam tolerare, licitum, & meritum est.

*Ratio:* Homo est dominus famæ, ut probatum est supra in Exam. 2. n. 39. ubi citat. S. Thom. bene expendendus. Item bonum minus laudabiliter exponitur pro bono majori. Sed fama est minus bonum bono virtutis. Ergo.

*Resp.* Sine iusta causa se infamare in levibus est leve, in gravibus est grave peccatum prodigalitatis.

*Ratio:* Quia est irrationabilis profusio tanti boni, quod est melius quam divitiæ multæ.

*Resp. 3.* Infamare se de peccato atroci, & grâdi, v.g. hæresi, crimine pessimo, &c. vel complacendo in peccato, vel per suam infamiam aliis dando scandalum. Item in tribus casibus supra in hoc Tract. Exam. 2. cit. n. 39. exceptis est peccatum mortale, aliquando contra charitatem, aliquando contra iustitiam simul.

*Ratio* per se.

*Resp. 4.* Probabilius est, mortaliter peccare eum, qui metu tormentorum, etiam gravissimorum, fatetur crimen a se non commissum, ob quod mutilatione, vel morte punietur: teneturque retrahere, licet tormenta renovari præsumat. Notent hoc Confessarii eorum, qui ad torturas trahuntur.

*Ratio:* Homo ex nullo metu potest licite cooperari positivè ad destructionem vitæ, &

membrorum, quia non est eorum dominus, sicut est famæ: Sed per confessionem criminis non commissi homo positivè cooperaretur ad destructionem vitæ, & membrorum suorum. Ergo. Min. patet: Quia induceret iudicem ad infligendam poenam capitis, vel mutilationis.

Ex his ruit fundamentum Adversariorum dicentium. 1. Non esse gravem obligationem tueri vitam cum tanto dolore, ut potest, qui durior est morte ipsa. 2. Hominem illū non tam mortem sibi procurare, quam ex iusta causa se interficiendum exponere, ut nimirum celeri morte redimat tormenta ipsa morte graviora. Sicut (dicunt ipsi, sed ego nego) non censetur homicida, qui se hostium telis, vel gladiis interficiendum exponit, ne in miseriam servitutē abductus gravissima tormenta patiat. Nec ille, qui iudicem rogat, ut se potius interficiat, quam tantis tormentis crucietur.

Dixi in R.4. *crimen non commissum*, non enim peccat fatendo commissum, licet sit occultum, morte dignum, etsi nō sit probatum: licet enim remotè det ansam suæ morti, eam tamen non subibit, ut innocens, sed ut nocens.

*Resp. 5.* Si alicui injustè inferantur tormenta valde gravia, ut certò sint inferenda, nec sit aliud evadendi modus, nisi prodendo occultum verè commissum grave delictum telis, vel accusatoris, in probabiliori sententiâ potest illud detegere, licet iuridice de eo non interrogetur, & alter ob hoc famæ, aut vitæ periculo exponatur: quamvis ex ignorantia invincibili accusaverit, vel testem egerit.

*Ratio:* Tūm quia homo non tenetur cum tanto suo dispendio servare vitam, vel famam alterius. Tum quia alteri non aufert vitæ, nec infamat positivè, neque jus malum intendit, sed solum utitur jure suo ad sui defensionem, & quidē, ut supponitur, cū moderamine inculpatæ tutelæ.

*Exceptio est,* si revelatio esset contra bonum commune Reipublicæ: Eadem etiam revelandi obligatio curreret ad impediendū grave damnum proximi, sive corporale, sive spirituale, v.g. si homicidium imponeretur innocenti.

## EXAMEN VI.

*De Restitutione in specie quoad bona fortune, nimirum quid, cui, activè, & passivè: de ordine, quo: & de tempore, quo: de culpa, ex qua restituendum sit: ac de causis a restitutione excusantibus.*

*De quo S.D. 2.2. q.62. ab art. 3. usque ad 8. inclusivè.*

**QUÆRO I.** Sufficitne restituere simpliciter? Sensus est, an sit obligatio restituendi

tuendi plus, quàm alienum est?

**CVIII.** *Resp. 1.* cum S. Tho. hic art. 3: Antequam quis sit condemnatus per judicem, satisficit restituendo simplum, seu non tenetur restituere plus, quàm accepit, sed postquam condemnatus est, tenetur & pœnam solvere.

*Ratio 1. p.* Quia sic sufficienter reparatur æqualitas læsæ. Nota tamen si res sit fructifera, etiam fructus rei esse restituendos, deductis necessariis expensis. De quo postea.

*Ratio 2. p.* Iudex quandoquidem potest aliquid amplius imponere loco emendæ, & pœnæ: Sed reus iustitiam sententiæ tenetur parere. Ergo. Hinc Exod 22: pro Veteri Lege legitur: *Si quis furatus fuerit bovem, aut ovem, & occiderit, vel vendiderit, quinque boves pro uno bove restituat, & quatuor oves pro una ovis.*

*Oppono contra 1. p.* Luc. 19. Zachæus dixit ad dominum: Si quem defraudavi, reddo quadruplum. Ergo non sufficit simplum.

Ad hoc S. D. hic ad 2. ait: *Zachæus id dixit, quasi supererogare volens. Unde & præmiserat: Ecce dimittam bonorum meorum de pauperibus.*

*Resp. 2.* cum S. Th. ar. 4. in c. Qui alium damnificat, auferendo quod actu habebat, v.g. dirigens domum ejus, tenetur damnum compensare, reddendo æquale, v.g. quantum domus valet.

*Ratio patet ex natura justitiæ commutativæ.*

*Resp. 3.* cum S. D. ibidem: Qui damnificat alique impediendo, ne adipiscatur, quod erat in via habendi, non tenetur compensare ex æquo, sed arbitrio prudentis, juxta quantitatem tpe, ac conditiones personarum, & negotiorum.

*Ratio S. D.* Minus est habere aliquid in virtute, quàm in actu: Sed qui est in via adipiscendi aliquid, habet illud solum secundum virtutem, & potestatem. Ergo.

Nota tamen, quod interdum possit aliquid haberi in potentia tam propinqua, ut æquivalet ei, quod habetur actu, & tunc restitutio debet fieri ex æquo: interdum verò in potentia remotiori, & iterum remotiori, & tunc non est restituendum ex æquo, sed habita ratione periculi, vel spei.

*Ex quo resolvantur hi Casus.*

**CIX.** Qui iniuste, id est, non ob Dei honorem, & Ecclesiæ utilitatem, sed ex odio, vindicta, intentione nocendi proximo, &c. impedit, ne Præbenda detur digno, consilens, quod non detur, antequam sit firmatum, quod ei detur, tenetur quidem ad aliquam compensationem, pensatis conditionibus personarum, & negotii, secundum arbitrium prudentis viri, non tamen tenetur ad æquale, quia illam nondum fuerat adeptus, & poterat multipliciter impediri: si verò jam firmatum sit, quod alicui detur Præbenda, idem est, ac si jam habitam auferret: & ideo tenetur ad restitutionem æqualis, tamen secundum suam facultatem.

*tem. Hæc S. D. a. 2. ad 4.* Quod dixi de Præbenda, intellige etiam de alio officio.

*2.* Qui pedibus, curru, vel alio modo, destruit gramina, semina, vel segetes agrorum, hortorum, &c. tenetur restituere, non quanti valerent si jam essent demessa, & horreo investa, nec solum quanti secundum se valent eo tempore, quo conculantur, sed quanti æstimantur omnibus consideratis, & deductis expensis in eorum collectione faciendis. Ut patet ex S. Th. a. 4. ad 1.

*3.* Si debitor detineat pecuniam creditoris ultra præfixum terminum, ex quo creditor incurrit damnum, quo ei subtrahitur aliquid, quod actu habet, vel habere debet, v.g. si pecunia eget, & ex debitoris mora agrum, vel domum vendit minus quàm valeat, vel accipit pecuniam sub ulura, debitor tenetur damnum rescire ex æquo. Si verò damnificetur in lucro, quod habuisset ex elocatione rei ablata, v.g. equi, vel ex pecunia negotiationi, vel Censui exponenda præter pecuniam restituendum etiam est lucrum cessans, non ex æquo, quia solum est in potentia, sed spectatis circumstantiis juxta S. Thom. loco mox citato.

*Oppono,* probando aliquem teneri etiam restituere id, quod non accepit. Ipse Deus Match. 25. defecit. *Sciebas, &c. quod meto, ubi non semino, & congrego, ubi non sparsi.* Ergo idem est de homine, quia justitia humana derivatur a divina.

Ad hoc S. D. a. 4. ad 3. ait: *Verbum illud vel intelligitur secundum pravam existimationem servi pigri, qui existimat se ab alio non accepisse, utly sciebas significat idem, quod existimabas, tibi imaginabaris. Vel intelligitur quantum ad hoc, quod Deus requirit a nobis fructus donorum, qui sunt & ab eo, & a nobis, quamvis ipsa dona a Deo sint sine nobis. Requirit ergo a nobis non solum ea, quæ actu in nobis sunt, & quæ virtutis, seu quæ facere possumus, & tenemur, & non solum, quæ actu facimus.*

**QUÆRO II.** Quid censet de eo, qui possidet rem furtivā, sive bonā, sive malā fide acquisitā?

**CX.** *Resp. 1.* Communis est sententia, quod de re furtivā, quæ vel in se, vel in suo æquivalenti (putā in lucro, ex quo factus est ditior) extat possessor bonæ fidei teneatur totum, & non plus restituere vero domino, dum eum cognoscit.

*Ratio:* Quia possidet, quod non est suum, & scit cuius sit.

*Resp. 2.* Qui sic restituit, jure non potest a domino repetere pretium a se furi pro re furtivā solum.

*Ratio.* Quia aliis ille dominus emeret rē suā.

*Resp. 3.* Si possessor bonæ fidei rem furtivā iusto pretio emptam stante bonā fide æquali, vel minori pretio vēdidit, nihil tenetur restituere.

*Ratio:* Quia tunc apud eum res nec in se, nec in

in æquivalenti extat. Si verò vendidit majori pretio, tenetur restituere illi excessu, seu lucrū.

*Ratio:* Quia in eo res æquivalenter extat.

*Sed quid si ille excessus præcisè sit fructus industriæ?*

*Dico,* ad nihil teneri, quia res in eo non extat æquivalenter, cum non sit fructus rei, sed specialis laboris.

*Quid si rem furtivam dono acceperit, & bona fide vendiderit?*

*Dico,* teneri domino reddere totum pretium: quia in eo res æquivalenter extat. *Excipe* si dominus rem suam aliter recipere possit.

*Resp. 4.* Qui sciens, vel dubitans rem esse furtivam, modico eam comparat pretio, eo animo, ut illam restituat vero domino, potest pro sua industria ab eo hoc modicum pretium repetere. Si verò eodem animo eam comparat justo pretio, non potest totum pretium repetere, sed solum partem, quam arbitrio prudentum promeritus fuit.

*Ratio:* Quia emptor in primo casu utiliter gessit negotium domini, non verò in secundo.

*Resp. 5.* Qui emit rem furtivam bona fide, seu nesciens, postea verò cognoscens esse furtivam, ut se indemnem servet, potest recepto pretio licite eam furi reddere, si moraliter certus sit, furem esse restitutum, vel dominum eam facile a fure esse recuperaturum.

*Ratio:* Quia ille emptor hac ratione utitur jure suo ad consulendum suæ indemnitati, & consulit famæ furis.

**CXI.** *Resp. 6.* Major difficultas est, si in eo casu dominus periclitetur de re sua furi reddita. In quo tutor, & probabilior, contra aliquos Thomistas, est sententia Cajetani, Joann. Medinæ, Sylvest. &c. quod tunc emptori non liceat rescindere contractum cum fure, & rem illi reddere recepto pretio, sed teneatur reddere domino: uti colligitur ex S. Thom. hic art. 6. in c. dicente: *Aliquis ratione rei acceptæ tenetur eam restituere, quamdiu eam apud se habet, quia quod habet ultra id, quod suum est, debet ei subtrahi, & dari ei, cui deest, secundum formam justitiæ commutativæ.* Subsumo. Sed emptor ille habet ultra id, quod suum est, & hoc deest vero domino. Ergo huic debet dari, & emptori subtrahi.

*Ratio 1.* Equè illicitum est rem alienam invito domino distrahere, vel usurpare, quam occupare, vel retinere: Sed ad consulendum propriæ indemnitati non licet re alienā invito domino occupare, vel retinere. Ergo nec distrahere, vel usurpare, quod tamen fieret in eo casu. Quod autem dominus rei sit invitus, patet: quia non tenetur cum suo periculo consentire, ut ille emptor rem retineat, ut furi reddat.

*Ratio 2.* In causa accusationis iudex rem adjudicaret vero domino, & dominus posset secluso scandalo occultè rem emptori licite sub-

trahere. Ergo & emptor tenetur eam domino reddere, habet tamen actionem contra furem, ab eoque pretium repetere potest.

*Ratio 3.* Emptor rei furtivæ salva conscientia non potest eam è statu meliori redigere in deteriore, sicut qui rem alienam ex igne salvavit, peccat eam iterum iniiciendo igni: Sed rem furtivam a fure emendo, emens eam posuit in meliori statu, quia sic facilius potest redire in manus sui domini. Ergo non licet eam redigere in statum deteriore, quod fit eam furi reddendo.

*Ad hanc 3. Rationem* Adversarii distinguunt maj. Non potest redigere positivè, ut fit in exemplo de igne, conc. permisivè, ut in præfenti, neg. Unde dicunt quod nemo cum suo damno gravi teneatur conservare rem proximi, & a damno proximi (ad quod solum se habet permisivè) excusetur per hoc, quod consulat suæ indemnitati, quam alieno damno potest præferre. Sed

*Contra:* Emptor rem furi reddendo, positivè rem alienam usurpat, & distrahit domino rationabiliter invito. Ergo positivè cooperatur damno ejus.

Confirmatur hæc doctrina tum ex illa Juris Regula: Locupletari non debet aliquis cum alterius jactura: tum ex illo Juristarum axioma postea in R. 3. ad Q. 4. explicando: *Res aliena semper clamat ad dominum.*

**CXII.** *Oppono 1.* contra R. 6. Iniquum est quod possessor bonæ fidei eandem habeat obligationem restituendi rem furtivam, quam habet possessor malæ fidei: Sed hoc sequitur, ut patet. Ergo.

2. Nemo cum proprio gravi damno tenetur procurare alterius utilitatem, nisi obligetur ex officio, contractu, quasi contractu, vel delicto: Sed emptor in nostro casu patitur damnum, & ex officio, vel contractu, aut delicto non tenetur. Ergo.

3. Contractus cum fure initus est iniquus. Ergo emptor potest eum rescindere.

4. Si a fure auferam librum animo restituendi eum domino, fur verò vicissim alium a me auferat, nec restituere mihi velit, nisi recepto priori libro, possum licite furi reddere librum furtivum, ut me servem indemnem. Similiter ex eadem causa indemnitas rem alienam in platea inventam possum in eodem loco reponere, dum adverte ejus retentionem mihi esse damnosam. Ergo similiter.

*Ad 1. neg. min.* Quia emptor malæ fidei tenetur restituere non solum ratione rei acceptæ, sed & ratione iniustæ acceptionis, & graviter peccavit rem furtivam scienter emendo.

*Ad 2. dist. maj.* In his quæ sibi sunt propria, cõc. maj. quæ sunt aliena, neg. maj. & sic dist. min. neg. conf. Sicut cõmodatarius, lapsò termino cõmodati, & cum proprio damno si id sequatur, tenetur restituere, si dominus ex nō restitutione patia-

tiatur damnum. Nec major est universaliter vera, quia etiam Adversarii concedunt, quod dilus emptor cum suo damno teneatur rem reddere domino, si non possit furi.

Paulo aliter dici potest, quod emptor teneatur ex iustitia esse procurator boni alterius, non quidem per se, sed per accedens, ratione rei alienæ, quam apud se habet, sicut & damnum, quod patitur, est per accedens, & ipsi imputandum, quod cum incapaci contraxerit. Dein etiam ex charitate; quæ distat in tali casu alteri faciendum, quod mihi vellem fieri: Sed rem furto a me ablatam velle mihi ab emptore reddi, etiam cum iactura pretii ab eo dati. Ergo.

Ad 3. dist. conf. Si non cederet in damnum alterius, conc. secus, neg. Ex hoc ergo, quod contractus sit iniquus, solum sequitur, quod emptor bonæ fidei possit iure agere contra furem, & ab eo repetere pretium.

Ex quo sequitur, quod licet emptor bonæ fidei nullam domino rei fecerit injuriam emendo eam, facit tamen eam postea invito domino usurpando, ac distrahendo.

Ad 4. R. admitto utrumque casum, si illa reditio libri, & repositio rei in platea fiat statim, quasi in instanti, puta moraliter, quia tunc moraliter loquendo rem nondum habuisse censendum est, nec per brevem moram domino infertur gravis injuria. Et idem admittitur in nostro casu. Verum in his omnibus rei emptæ, & inventæ præstantia, & aliæ circumstantiæ sunt considerandæ, & secundum eas judicandum.

QUÆRO III. Quid sentis de restitutione fructuum rei furtivæ?

CXIII. Ante R. Nota, fructus alios vocari meræ industriæ, alios ipsius rei. Primi sunt, quos ipsa res ex se nullatenus progignit, sed specialis labor operantis, vel negotiantis, & res solum concurrunt, ut materia, vel instrumentum ejus sicut lucrum, quod negotiando acquiritur ex rebus usu consumptibilibus, v. gr. pecunia, frumento, vino, &c. non ipsarum rerum, sed industriæ fructus est. Fructus rei alii sunt purè naturales, quos natura nullo, vel vix ullo hominum labore concurrente producit, v. gr. animalium sætus, arborum poma, camporum gramina, herbæ, &c. Alii sunt mixti, qui proveniunt partim ex natura, partim ex labore, v. gr. segetes, alique fructus, qui serendogignuntur. Item caleus, vinum, oleum, lana, &c. Huc reducuntur pretia domorum, jumentorum, elocatorum, qui fructus civiles vocantur, non quod proprii fructus sint, sed constituti iure civili ad similitudinem fructuum. Hoc notato.

Resp. 1. Communis sententia est, quod fructus, vel potius lucra, quæ sunt meræ industriæ, non sint obnoxia restitutioni, sed pleno jure spectent ad possessorem sive bonæ, sive malæ fidei.

Ratio: Sicut fructus rei sequitur rem, & dominum ejus, ita fructus industriæ, seu lu-

*Tribunal Confessoriorum.*

crum sequitur industriarum operarium. Ergo.

Ex quo fit, quod qui alieno instrumento efficit artefactum, teneatur quidem domino restituere instrumentum, & æstimationem usus ejus, non tamen ipsum artefactum.

Resp. 2. Possessor bonæ fidei tenetur domino restituere omnes fructus sive merè naturales, sive mixtos adhuc extantes; potest tamen deducere expensas, & æstimationem laboris. Si diu fructus consumpsit, tenetur restituere in quantum ex iis dicitur factus est.

Ratio 1. p. Quævis res domino suo fructificat. Ratio 2. & 3. p. est: Quia ut habet ante adducta Regula Juris 46. in 6. Locupletari non debet aliquis cum alterius iactura.

Resp. 3. A fortiori ad idem tenetur possessor malæ fidei. Qui in super tenetur in conscientia restituere fructus, quos dominus rei ex ea percepisset, licet possessor defacto non perceperit; uti & illos, quos possessor percepit, licet dominus nunquam percepisset.

1. Pari patet ex dictis.

Ratio 2. p. Malæ fidei possessor tenetur compensare quodcumque damnum iniuste illatum. Ergo.

Ratio 3. p. est eadem, quæ pro 1. p. R. 2.

Quid si possessor bonæ fidei jam complexisset tempus usucapionis, seu præscriptionis?

Dico: Jam factus est dominus fructuum, potestque eos retinere. De quo supra actum est de præscript. Exam. 4. nu. 52.

Quid si per Præscriptionem fiat dominus fructuum, sitne episcopo & fundi?

Dico, Negative. Quia ad usucapionem fructuum, ut potè rerum mobilium, sufficit triennium, ad usucapionem verò fundi, velut rei immobilis, requiritur longius tempus, de quo supra ibid.

QUÆRO IV. Cooperantes damno tenentur restituere?

CXIV. Resp. 1. Directè, vel indirectè, efficaciter tamen, seu executive (id est sic, ut probabiliter æstimari possit, ex eorum cooperatione damnum esse secutum) cooperantes damno proximi, ad restitutionem tenentur; licet de re ablata nihil acceperint.

Ratio: Quia sunt causa efficax damni, seu iniustæ acceptionis. Et digni sunt morte non solum qui faciunt, sed etiam qui consentiunt facientibus, Rom. 1. Ex quo S. D. infert: Ergo pari ratione etiam consentientes debent restituere.

Resp. 2. Modi, quibus quis potest ad alterius damnificationem cooperari, indicantur his Verbis.

*Iussio, Consilium, Consensus, Palpo, Recursus: Participans, Nutus: Non obstant, Non manifestans.*

Primi sex modi sunt directi, & positivi, sunt enim præcipiendo, recipiendo, auxilium præbendo, &c. Reliqui tres sunt indirecti, & negativi, quia sunt dissimulando, tacendo, non revelando, non impediendo, &c.

Y

IX-

*Explicantur Versus.*

*Iusso*, seu Mandatum, vel expressum, vel tacitum, ut si coram subditis, vel aliis quis contestetur, gratum sibi fore. Qui modus est efficacissimus. Si tamen mandans ante factum revocaverit suum mandatum, ejusque revocatio mandatariorum, vel mandatariorum innoverit, non tenetur de damno dato.

*Quid si* quis nulla facta jussione factum solum ratihabeat?

*Dico*: Non teneri, nisi per illam ratihabitionem sit causa injustæ detentionis, vel non restitutionis.

*Consilium*: si nimirum quis efficaciter suadeat, ut alterum damnificet, seu hortetur, instruat, pronissis alluciat, rationes nocendi proponat. Hic serviunt ea, quæ dicta sunt supra de consilio Tract. 7. Exam. 7. n. 145. R. 1. & 2. & in R. ad 6. casum.

*Consensus*: id est, efficax approbatio, ut fiat v.g. suffragium in electione indigno datum, sine quo non fuisset electus.

*Palpo*: id est, qui laudando aliqueum, a generositate v.g. allicit ad damnum inferendum, vel etiam deridendo, timiditatem exprobrando, quasi non haberet tantum cordis; aut contumeliam illatam exaggerando, &c.

*Recurus*: id est, recipiens, occultans, protegens ipsum damnificantem, vel rem ablatam, ut eò securius damna inferre possit, aut illa non resarciantur. Huc etiam spectat Advocatus, malefactorum coram Judice scienter defendens, ut ulterius damnificare possit, vel ut justitia impediatur. *Exceptio off.*, si quis recipiat furem, non ut furem, sed materialiter, ut amicum, vel consanguineum. Licet is a Magistratu, vel Licetoribus queratur, modo non sit causa per se ulterioris damni, aut injustæ detentionis rei ablatæ.

*Participans*: nimirum vel in crimine, ut simul furando, vel in instrumenta v.g. clavem præbendo, scalas applicando, excubias in furto agendo, & tunc tenetur in solidum: quia est vera causa damni: vel participans in ipsa præda, seu furto, abique omni cooperatione etiam morali ex prædictis quinque modis ad furtum; & tunc tenetur ad restitutionem hujus partis.

*Natus*: Qui præcepto, prohibitione, minis, monitis, &c. damnum posset impedire, & non impedit, cum tamen ex officio teneatur.

*Non obstant*: Qui ex officio teneatur auxiliis per se, vel per alios adhibendis damno obstat, & non obstat.

*Non manifestans*, seu non revelans crimen, vel ejus auctorem, cum tamen possit, & ex officio ei incumbat, vel ex contractu, quasi contractu, pacto, juramento, &c. Quia alii tenentur solum ex charitate damnum proximi impedire, contra quam etiam peccant graviter, non impediendo grave damnum.

Ex his colligitur, quomodo peccent, & ad restitutionem teneantur custodes viarum, sylvarum, vinearum, vectigalium, &c. qui non denuntiant eos, qui merces exportant, in aliena sylva lignantur, vineas diripiunt, vectigalia defraudant, &c. qui custodes damna illata tenentur resarcire, non tamen illas multas, quas Respublica a transgressoribus accepisset, si fuissent denunciati.

*CXV. Resp. 3.* Inter obligatos ad restitutionem est ordo. *Primò*, & ante omnes tenetur, qui obligatur ratione rei acceptæ, licet eam consumpserit; mala tamen fide. Res enim aliena, quamdiu extat sive in se, sive in æquivalenti, puta, fructu, vel commodo, quo alter factus est ditior, per se debetur, & ut dici solet, semper clamat ad dominum, etiam apud bonæ fidei possessorem.

Post rei alienæ detentorem primò tenetur præcipiens, & omnis ille, qui cogendo, vel inducendo fuit causa damni. 2. Executor. 3. Consulens. 4. Palpo, seu adulator. 5. Consentiens. 6. Recipiens. 7. Non impediens, &c. Omnes hi tenentur in solidum, uno tamen restituyente, alii sunt liberi, a quibus tamen restituens repetere potest. Si omnes simul ad restituendum concurrunt, restitueant pro rata, seu servata proportionem partis.

Ex dictis sequitur, quod si fur alicui det pecuniam, ne clamando, vel alio modo eam prodatur, seu manifestet, is, qui pecuniam accepit, licet graviter peccet contra charitatem, non tenetur tamen ad ullam restitutionem, nisi ex officio teneatur impedire furtum; vel nisi pecunia, vel alia res accepta sit pars furti. Hæc tamen sententia merito dupliciter limitatur.

*Primò*, si accipiens per expressam, vel tacitam sui silentii promissionem furem non reddat animosorem, qui fuisset a furto deteritus, si pecuniam non acceptasset, tunc enim tenetur restituere tanquam participans in crimine: de quo antea.

*Secundò*, si fur pecuniam dederit, non animo donandi, sed accipientem ex justitia obligadi ad silentiū, cum tamen lege charitatis teneretur manifestare. Quo in casu accipiens, ut damnum impediatur, tenetur contractū rescindere, & furi restituere pretium (si tamen non sit pars furti), alias enim debet reddere domino rei) quia nemo potest subire obligationem ad peccandum.

Ex quo sequitur 2. Quod si sint duo famuli ejusdem familiæ, quorum unus ex vi officii habet curam granarii, aut cellarii, non alter, &c. primus solum tenetur ad restitutionem, si furta non impediatur, cum possit, eò quod teneatur ex justitia ratione officii, alter verò solus ex charitate, graviter tamen, seu sub mortali obligante. Hoc tamē denuò merito limitandum est, nimirum nisi fur sit extraneus, tunc enim censetur, quod quilibet famulus ex justitia teneatur im-

pedi-

pedire damnum clamando, revelando, vel alia ratione: ea enim intentione, & paucos saltem tacito suscepius est adomino.

**QUÆRO V.** Cui facienda est restitutio, si dominus rei est ignotus, mortuus, vel multum distans?

**CXVI.** Revidenda hic sunt dicta in hoc Tr. Exam. 3. n. 50. ad Q. 10. de restitutione bonorum incertorum, seu perditorum, quia illorum dominus est ignotus, ut & aliquando est respectu bonorum ablatorum, aliquando quidem in particulari, & determinatè, non tamen in communi, ut cum scitur rem deberi alicui, vel aliquibus ex tali communitate, sed non cui in particulari: aliquando verò etiam est ignotus in communi, ut cum nec scitur Communitas, cuius sit membrum. Quo notato de bonorum ablatorum restitutione,

**Resp. 1.** Si dominus rei ablatus sit tantum ignotus in particulari, restituenda est communitati, ut mediante Magistratu, vel Parochio distribuat, ut quos judicaverit habere majus jus ad eam. Si verò dominus etiam in communi sit ignotus, pro ejus salute eroganda est pauperibus. Si autem sit dubium, an hic, vel ille sit dominus, juxta dubii proportionem inter utrumque est dividenda, vel in sortem mittenda.

**Ratio 1. p. est:** Quia ex innato amore in patriam præsumitur hæc esse voluntas domini. Exemplum sit: si Exercitus injustè deprehdatus sit aliquos oppidanos, in individuo ignotos, restitutione facienda est oppido, nisi forte esset res exigui pretii, quæ non esset materia necessaria restitutionis, illa enim potest obvis pauperibus dari.

**Ratio 2. p.** Quia sic habet communis usus, & consuetudo Ecclesiæ, habens vim Legis. Et præsertim, quia æquum non est, ut quis ex iniquitate sua commodum reportet. Ex quo patet differentia inter ablata, & inventa, de quibus supra in Exam. 3. nu. 47.

**3. Pars patet;** quia in eo casu non apparet convenientior modus restitutionis, quamvis enim in re dubia melior sit conditio possidentis, si tamen nullus possideat, non videtur convenientior modus, quam divisio rei, vel missio ejus in sortem.

**Resp. 2.** Si dominus rei sit mortuus, restitutio facienda est ejus hæredibus. Pro quo vide supra de hæredibus.

**Ratio est:** Quia illi computantur quasi una persona cum domino.

**Resp. 3.** Obligatus ad restitutionem ratione rei acceptæ tantum, v. g. qui rem invenit, & conservavit, ne periret, vel possedit bona fide, putans esse suam, non tenetur propriis expensis eam mittere domino distanti, sed satis facit, si dominum moneat, quid de re sua fieri velit.

**Ratio:** Quia talis nullum damnum intulit. Ergo æquum non est, ut suis expensis re alienam mittat,

**Resp. 4.** Qui tenetur restituere ratione acceptionis sive justæ, ut sit in mutuo, deposito, commodato, locato; sive injustæ, debet restituere, seu mittere suis expensis.

**Ratio 1. p.** Quia talis accepit rem in proprium commodum.

**Ratio 2. p.** Equitas justitiæ postulat, ut, qui damnum injustè intulit, gravetur, & sibi imparet debet sumptus secutos.

**QUÆRO VI.** Potestne fieri Restitutio per Confessarium, & quomodo? Item teneturne Confessarius in certis casibus loco pœnitentis ad Restitutionem?

**CXVII. Resp. 1.** ad 1. partem Questio affirmativè si sit necesse ad servandam famam pœnitentis.

**Ratio:** Quia sic sufficienter reparatur damnum.

Nota tamen, Confessarium non debere communiter, & promiscuè id in se suscipere; casu quo tamen id faciat, ab eo, cui restituit, accipiat attestatum, quod a tali Sacerdote tali die tantam accepit pecuniam pro restitutione, in eo tamen non nominetur principalis restituens, nec restitutio fiat eo loco, & tempore, ut possit veniri in suspicionem pœnitentis.

**Resp. 2.** Si Confessarius ex oblivione, vel malitia sibi retineret, quod restituendum suscepit, principalis debitor id nesciens, non est liber a restitutione, habet tamen actionem contra Confessarium.

**Ratio:** Juxta S. Th. hic a 6. qui tenetur non solum ratione rei acceptæ, sed etiam ratione injuriarum acceptionis, obligatur restituere, etsi res apud eum non maneat. Sed. Ergo.

**Excipitur,** si creditor expressè consensisset in hunc modum restitutionis.

**Resp. 3.** Confessarius, qui ex crassa, & affectata ignorantia neglexit monere pœnitentem de restitutione, tenetur ipsemet restituere. Ita Sylvius citans Rosellam, Angelum, Navarrum, Petrum Navarra, Sayrum.

**Ratio est:** Quia, qui non impedit damnum, cum possit, & ex officio teneatur, est causa damni non impediti, adeoque ad ejus restitutionem tenetur, ut docetur in 2. 2. q. 62. ar. 7. Sed Confessarius, sive proprius, sive alius, ex officio tenetur pœnitentem restitutionis monere, & sic damno quod pœnitens rem alienam detinendo infert obolare. Ergo.

**Oppono:** Confessarius ex officio non tenetur procurare bonum tertii. Ergo.

**Ad hoc** bene dicit Sylvius, sufficere, quod teneatur providere, ne is, qui in confessione sibi est subiectus, ullius rem injustè detineat: quod exemplificat in Prætoro, qui, si videat, quod sui subditi noceant alteri sibi non subdito, & hoc non impedit, cum possit, tenetur ad restitutionem, etsi non teneatur procurare bonum illius tertii.

**Resp. 4.** Si Confessarius ex oblivione, vel in-



advertentia non moneat pœnitentem restitutionis, meritò excusatur, quia tunc propriè non est causa damni. Excusatur etiam Confessarius, si prudenter judicet, pœnitentem, ut potè litteratum, scire suam obligationem, nec indigere sua admonitione: ordinariè tamen, & apud plerosque consultus est monere, quòd tamen quandoque valde modeste, & quasi indirectè potest fieri, v. g. dicendo, Non dubito, quin dominus sciat suam obligationem, & sit paratus satisfacere, unde ab ulterius admonitione abstinere volens injungo, ut oret pro solutari pœnitentia, &c.

**QUÆRO VII.** Quo ordine restituendum est Creditoribus?

**CXVIII.** Ante R. Nota, quòd Creditores alii sunt *reales*, qui nimirum habent actionem seu jus in re, vel ad rem debitoris, & vocantur *hypothecarii*, quia res aliqua assignatur pro securitate, quæ quando est mobilis, & in seipsa traditur, v. gr. annulus, dicitur pignus. Si verò in seipsa non tradatur, dicitur hypotheca, quæ propriè solum est in re immobili. Alii verò sunt Creditores *personales*, qui directè habent jus in personam debitoris, in bona verò ejus solum indirectè, & vocantur *Chirographarii*, qui carent hypotheca: seu non habent rem aliquam in specie, vel in genere, nec expressè, nec tacitè sibi obligatam, sed solum personam, ut patet in deposito.

**Not. 2.** Debita alia esse certa, seu de quibus est liquidum, quòd debeantur; alia incerta, de quibus non est liquidum, quia de jure, vel facto non constat. Certa iterum sunt varia: Alia, quæ adhuc extant in propria specie, v. g. commodatum, depositum, furto, ac rapina acceptum. Quibus etiam annumeratur res empta, sed nondum soluta, v. g. vineæ; Vel soluta quidem, at ex pecunia mutuo accepta, cujus est quasi fructus, in eaque extare dicitur. Alia, quæ in propria specie non amplius extant. Iterum alia contracta ex delicto, v. g. furto, vel contractu usurario: Alia ex justo contractu, v. g. emptione.

**Nota 3.** Hypothecam aliam esse generalem, aliam specialem. Prima est, qua pro securitate obligantur omnia debitoris bona. Secunda est, qua solum obligatur quedam particularis res ejus, ut vineæ, domus, &c. Item alia est expressa, quæ ex partium conventionem verbo, vel scripto apponitur. Alia tacita, quæ non requiritur consensu domini, seu debitoris in certorum Creditorum favorem imponitur a Legge. Talem hypothecam pupillus habet in bonis sui Tutoris, & prodote uxor in bonis mariti. His notatis

**Resp. 1.** Indubium est, quòd si debitoris bona sufficiant ad solvendum omnibus creditoribus, nullus ordo sit necessarius.

**Ratio:** Quia tunc ex ordine prætermisso nullus Creditor damnificatur.

**Resp. 1.** Si bona debitoris non sufficiant ad solvendum omnibus creditoribus, de quo casu hic est sermo, servandus est ordo, sic, ut prius solvantur debita certa præ incertis, & dubiis.

**Ratio:** Quia creditores certi sunt melioris conditionis.

**Resp. 3.** Inter debita certa debent prius solvi ea, quæ adhuc extant in propria specie.

**Ratio:** Tum quia dominium non est translatum, ut patet in deposito, commodato, furato, immò & in empto sed non soluto, quia & hoc involvit conditionem, si fuerit solutum. Tum etiam quia valde durum, & ab æquitate naturali alienum est, ut res propria alicujus, quam alius ab eo emit non soluto pretio, adhuc extans, detur alii creditoribus, & ipse & re, & pretio rei privetur. Ergo.

Idem est, si quis pecunia mutuata, & non soluta emat bonum aliquid immobile; cum enim hoc sit quasi fructus pecuniæ, debetur domino pecuniæ.

**CXIX. Resp. 4.** Probabilis est, non esse obligationem conscientie, prius solvendi debita ex delicto v. gr. furto orta, quam ex contractu v. g. emptione. Et hæc, teste Sayro, est praxis tribunalium.

**Ratio:** Debitum ex delicto non est magis debitum, quam ex contractu, & creditores in utroque casu habent æquale jus. Immo potest esse, quòd debitum ex contractu sit antiquius. Ergo hoc non potest jure poni.

Nota tamen, quòd si debitor sit sufficiens ad satisfaciendum omnibus, meritò debeat prius restituere debita ex delicto, v. g. ex furto, rapina, usura, &c. quia quamdiu injustè rem detinet, & non restituit, dum potest, manet in affectu peccati injustitiæ, & continuo peccat, ac dominus rei est magis invitus. Sic S. Th. intelligitur, si obicitur.

**Oppono 1.** contra R. 4. Ubi reparanda est major injuria, injuriatus majus habet jus, ut sibi præ aliis satisfiat: Sed sic est in debito ex delicto, ut patet. Ergo.

2. Qui non potest recedere ab omnibus delictis, & debitis, debet prius saltem a maioribus recedere: Sed rapina est delictum gravius furto, & hoc est gravius, quam detentio rei ex licito contractu, & debitor non potest simul ab omnibus recedere. Ergo.

**Ad 1. neg. maj.** nisi fortè argumentum loquatur de satisfactione pro injuria honoris illata, & offensa Dei, Et illa est alterius rationis, & hic sermo est de restitutione rei ablata tantum.

**Ad 2. dist. maj.** Qui nec ad æquatè, nec in ad æquatè potest, transeat maj. qui potest saltem in ad æquatè, neg. maj. Et sic dist. min. pro 2. parte, neg. conf. In casu ergo nostro debitor ab omnibus debitis se expedire potest, ad quod non requiritur, ut omnibus simul ad æquatè satisficiat, sed



sed in ordine ad Deum debet dignam agere penitentiam pro peccato, & modis convenientibus proximo pro injuria, singulis pro rata, ac quota debitorum, & suæ substantiæ, reddendo tamen proportionabiliter, quantum vires suæ ferunt, v. gr. debet Petro ter mille; Paulo bis mille, Joanni mille, & tua bona solum se extendunt ad tria millia, ut serves proportionem in creditorum juribus repertam, primo solves 1500. secundo 1000. tertio 500.

Ex his sequitur, quod debitor ad gratificandum uni creditori non possit, aliis æquale jus habentibus exclusis, ei solvere, uti nec creditor potest recipere, sed uterque tenetur ad restitutionem pro rata.

*Quid si unus creditor valde egeat?*

**CXX. Dico:** Hic est sermo de re secundum se, an liceat? Hinc titulus paupertatis nec ex jure naturæ, nec ex jure positivo dat privilegium prælationis ad solutionem, & ideo aliis creditoribus æquale jus habentibus non licet præferre pauperem, nec gravi, nec extrema paupertate laborantem; Quia paupertas hominis non mutat ordinem justitiæ, sed solum provocat ad eleemosynam. Quod autem pauper fortè patiat plus damni, quam alii creditores, ad summum probat, quod possit ei paulo pluculius solvi, vel solutio accelerari, non autem cum aliorum creditorum damno possit solvi. Quia in re tamen debitor, præsertim si sit plebejus, per bonam fidem posset excusari gratificans magis egenti: qui tamen a Confessario est instruendus.

Ex quo fit, quod etiam creditores hunc ordinem scienter invertentes, & aliis prioritatem præipientes, mortaliter peccent, & ad restitutionem teneantur.

**Resp. 5.** Creditores, qui habent hypothecam sive tacitam, sive expressam in bonis creditoris, præferuntur in solutione omnibus creditoribus chirographariis, seu personalibus.

**Ratio:** Hypotheca datur creditori ad securitatem, ut quocunque eventu possit ex ea curare sibi satisfieri, ita ut habeat & rem, & personam sibi obligatam, cum tamen chirographarius habeat solum personam. Ergo hypothecarius habet plus juris. Ergo est præferendus.

**CXXI. Resp. 6.** Si concurrant plures hypothecarii, regulariter præferendi sunt, qui antiquiorem habent hypothecam.

**Ratio:** Quia posterior obligatio non potest tollere jus alteri in re quæsitum, unde est regula juris: *Qui prior est tempore, prior est jure.* Quæ quidem potest etiam obici contra id, quod dictum est de creditoribus personalibus, seu chirographariis, sed explicatur, & intelligitur de solis hypothecariis.

Dixi in R. 6. *Regulariter.* Quia in jure sunt variz exceptiones, ut videre est in Layman de re. lit. sect. 5. Tract. 2. c. 1. nu. 5. ubi videntur.

*Tribunal Confessariorum.*

**Resp. 7.** Post restitutionem eorum, quorum dominium non fuerat translatum in debitorem (de quibus ante R. 3.) primò solveadæ sunt expensæ funeris.

**Ratio:** Necessitas sepulturæ judicatur quasi extrema. Ergo aliis est præferenda.

Huc reducuntur expensæ, quæ fiunt ad conscribendum testamentum, custodiendum supellectilem, & similia debita, præcisè ratione defuncti facta, v. g. ratione infirmitatis.

**QUÆRO VIII.** Obligatus ad restituendum teneturne statim restituere?

**CXXII. Resp.** Quilibet tenetur statim restituere, si potest, vel petere dilationem ab eo, qui postulat usum rei concedere. Ita S. Th. hic a. 8. in c.

**Ratio S. Th. est:** Nec per modicum tempus licet in peccato morari, putà quoad affectum juxta illud Eccles. 21. *Quasi a facie colubri fuge peccatum:* Sed qui non statim, id est, prima opportunitate restituit, sed detinet rem alienam, manet in continuo affectu peccati, quia continuò damnificat, & sic aggravando damnum proximi, continuò aggravat peccatum. Ergo.

Pro cuius doctrinæ confirmatione serviant verba S. Th. ibidem ad 1. dicentis: *Præceptum de restitutione faciendæ, quantumvis secundum formam sit affirmativum, implicat tamen in se negativum præceptum, quo prohibemur rem alterius detinere.*

*Estne ergo hæc mora, seu dilatio necessariò exprimentia in confessione?*

**Affirmo** juxta probabiliorē supra traditam sententiam, vi cuius tenemur confiteri circumstantias notabiliter aggravantes. Ergo exprimentum, quoties propositum detinendi formaliter, vel virtualiter fuerit renovatum. Vel enim sunt nova peccata, vel unum notabiliter aggravatum. Quod specialiter etiam observet Confessarius circa moribundum. Nec admittat, ut restitutionem committat hæreditibus, nisi moraliter certus sit, eos certò adæquatè statim (quantum seculo scandalo, & infamia licet) restitutos. De quo vide supra de testamento.

*Quid ageres in Confessione cum eo, qui ter, quaterve promisit restituere, & non restituit?*

**CXXIII. Dico:** Non absolvere. **Ratio:** Quia non licet absolvere eum, qui prudenter timetur relapsurus in idem peccatum, sicut supra Tract. 5. Exam. 2. num. 45. dictum est de concubinario, & quidem in præsentem est ratio a fortiori, ob continuum damnum proximi. Et quamvis Confessarius teneatur credere penitentem pro se, & contra se loquentem cum hoc tamen caveri debet, ne mora temporis delictum, & damnum aggravet. De hoc plura in Tract. 13. de peccatis de recidivis, Exam. 5. num. 97.

**Oppono:** Peccator non statim tenetur satisfacere Deo. Ergo nec homini.

Neg. conf. Disparitas est: Quia Deo utpote bonorum nolitorum non egent, uti nostra iustitia non prodest, ita nec iniustitia esse dicitur obesse, secus est respectu hominis.

QUÆRO IX. Quæ culpa requiritur ad obligationem restituendi?

CXXXIV. Ante R. Nota, culpam (quantum ad præsens) dividi in Theologicam, & Juridicam. Prima est veri nominis peccatum in conscientia, & coram Deo imputabile, prout a Theologo consideratur vel mortale, vel veniale. Juridica est omisso diligentia ad impediendum proximidammum requisitæ: hæc coram Deo non semper est peccatum defectu voluntarii, ut patebit ex dicendis, tamen ita esse putatur ex præsumptione, vel interpretatione juris: quare vocatur juridica.

Nota 1. Culpæ juridica dividitur in latam, levem & levissimam. Lata est negligentia, qua omittit quis in re aliena diligentiam, vel circumspeditionem, ab hominibus ejusdem conditionis in re propria adhiberi solitam, v.g. negligentia ejus, qui pallium, vel librum sibi commodatum relinquit in publico loco. Levis culpa est omisso diligentia, quam solent adhibere homines ejusdem artis, seu professionis diligentiores, v. gr. si pallium, vel librum commodatum reliquit quidem in suo cubiculo, sed osium non clausit. Levissima est omisso ejus diligentia, quam diligentissimi adhibere solent, v.g. si librum in cubiculo suo reliquit, osium clausit, sed seram non tentavit, an esset clausum. Hæc tamen omnia in singulis sacris pensanda sunt arbitrio viri prudentis, aut judicis juxta qualitatem circumstantiarum. Nemo enim negabit, majorem diligentiam requiri in repretioli, quam vili, uti & in loco, ubi grassantur milites, quam ubi omnia sunt secunda. Notandum etiam est, quod multa fiant sine culpa vera, quæ tamen non sunt sine culpa præsumpta.

Alii admittentes hanc culpæ distinctionem, culpam latam bene distinguunt, rursus in latiorē, & latissimam. Culpæ latior est dolus præsumptus, vel apparens. Latissima dolus apertus. Dolus est quævis calliditas, fallacia, & machinatio ordinata ad decipiendum. Calliditas propriè fit tacendo. Fallacia fit mentiendo. Machinatio arte verborum. His notatis

Resp. 1. Probabilius est, quod, ut incurratur gravis obligatio restitutionis in foro conscientie ex delicto, ante judicis sententiam requiratur, & sufficiat culpa theologica mortalis, & non sufficiat tantum juridica commissa ex inculpabili inadvertentia.

Ita clarè colligitur ex S. Th. in 2.ª q. 64. a. 8. in c. dicente: Secundum jura si aliquis det operam rei licita, debet diligenter adhibere, & ex hoc homicidium sequatur, non incurrat homicidii rea-

tum. Unde est læsio solum materialis, & casualis defectu voluntarii, ac si fieret ab amente, vel dormiente.

Ratio: Talis non tenetur ratione rei acceptæ, cum nun habeat rem, nec lucrum, aut utilitatem rei, ut suppono; si enim ex damno dato factus esset locupletior, indubie teneretur. Deinde nec tenetur ratione injustæ acceptionis, quia in conscientia nullam actionem injuriosam commisit. Ergo ex nullo capite, quia aliud non datur.

Dixi 1. in foro conscientia, & ut alii addunt, secundum jus naturæ, & ante judicis sententiam. Quia juxta aliquos obligatur virtute legum civilium: Sed hæc quæ pœnales sunt, non obligant ante sententiam judicis. Ita R. ad Legem Aquilam, si obiciatur.

Dixi 2. ex delicto, id est, secluso contractu, ac officio; de quo postea.

Dixi 3. & sufficiat. Licet enim homines non obligantur adhibere summam diligentiam, immo nec communiter eam, quam diligentiores solent adhibere: tenentur tamen ad eam, quam alii ejusdem conditionis communiter adhibent, præsertim in re gravi. Et tunc est culpa lata simul theologica.

Casus, ad quos hæc doctrina applicari potest, sunt. Homicidium casuale, vel ex motu primo primum factum. 2. Si quis ex naturali, & ob insufficientem diligentiam adhibitam, inculpabili inadvertentia dedit occasionem incendio, furto, homicidio, &c. 3. Si quis occidat hominem, putans esse seram, &c. 3. Si pecus tuum depalcata alterius. De quo vide supra deignorantia Tr. 3. Exam. 1. n. 23. Item de aggravatione peccati ex damno proximi Tract. 4. Exam. 2. n. 37.

Canones, qui obiciuntur, explicantur, & procedunt de culpa lata, & theologica, ac ignorantia, vel inadvertentia vincibili, & culpabili: quæ facit damnum non esse casuale. Quod NB. de parentibus tenellos infantes secum in lecto collocantibus, eosque in somno suffocantibus, vel opprimentibus. Quia illi periculum infanticidii facile possunt, & debent prævidere.

Resp. 2. Probabilius est, quod qui ex culpa levi, ac theologica, seu veniali intulit damnum grave, nullatenus prævisum, non tenetur in conscientia restituere ante sententiam judicis, nisi fuerit obligatus illud impedire ex contractu, aut quasi contractu, vel ex alterius damno factus sit: dicitur.

Ratio: Tum quia restitutio est quid pœnale, pœna autem debet esse proportionata culpæ: Sed in casu posito pœna esset excessiva. Ergo. Tum etiam quia non tenetur ratione rei acceptæ, quia talis nihil accepit, ut patet, nec (saltem sub mortali) ratione injustæ acceptionis, quia ætius ejus defectu voluntarii, & ob inadvertentiam in ratione injuriæ est valde imperfectus. Ergo.

*Declaratur ulterius:* Etsi venialiter peccans sit voluntarius respectu operis, non tamen respectu damni secuti, quia aliàs non esset peccatum veniale, sed mortale, utpotè in re gravi. Ergo.

*Oppono 1. contra Rationem:* Pœna purgatorii est gravissima, uti & excommunicatio minor est pœna gravis, & tamen incurri potest pro culpa veniali. Ergo.

2. Jus Ecclesiasticum, & Civile interdum condemnant ob culpam etiam levissimam. Ergo.

*Ad 1. dist. ant. pro 1. p.* Pœna purgatorii est gravissima respectu fori humani, conc. ant. divini, neg. Ad id de excommunicatione minori dicitur, quòd infligatur pro peccato veniali, idèò, quia non solum ordinatur ad castigandum delictum, sed etiam ad revocandam ab errore animam.

*Ad 2. dico,* id fieri ob præsumptionem doli, vel fraudis, & ne injuriis, & negligentis deatur locus.

*Resp. 3. Ratione contractus,* si is sit in utilitatem solius accipientis, uti est in commodato, tenetur quis ad restitutionem etiam ex culpa levissima juridicè: non tamen in casu fortuito, nisi per contractum transferatur dominium rei, uti transfertur in mutuo.

*Ratio 1. p.* Æquitas postulat, ut, in custodia rei aliènæ, qua præcisè in tuam gratis uteris utilitatem, maximam impendas diligentiam, ne domino pereat. Ergo.

*Ratio 2. p.* Quævis res, dum perit, domino suo perit, si nulla adsit culpa, vel pactum: Sed commodans manet dominus rei commodatæ. Ergo.

*Dixi, si nulla adsit culpa.* Hinc tenetur restituere commodatarius, si sine consensu domini re commodata utatur aliter ac concessum est, v.g. equo ad certum locum concessio utitur ad alium locum, ubi a latronibus fuit apprehensus: vel si sit in mora reddendi, v.g. equo ad octiduum concessio, utitur diutius, & intereà fortuito surripitur: si autem res eodem modo fuisset peritura, vel deterioranda apud dominum, non tenetur; quia tunc mora, vel culpa non est causa damni.

*Dixi 2. si non adsit pactum,* nimirum de solvendo commodato, quocunque modo perierit.

*Ratio 3. p.* Res perit suo domino, dum subito perit: Sed in eo casu alter, v.g. mutuatarius, statim efficitur dominus rei. Ergo. Vide infra de commodato, ubi plura dicuntur, Tract. 9. Exam. 9. nu. 90.

*Resp. 4.* Si contractus sit in utilitatem solius dantis, uti fit in deposito, accipiens tantum tenetur de dolo, & culpa lata. Si verò sit in utilitatem utriusque, ut fit in locato, uterque tenetur ex culpa lata, & levi, non tamen de levissima, nec in casu fortuito.

*Ratio 1. p.* In eo casu accipienti nulla sit gratia, nec utilitas; ergo non debet gravari ad majorem

diligentiam, quam homines passim in propria rerum custodia adhibere solent.

*Excipitur,* si quis seipsum obtulerit, seu petierit sibi depositum committi, quia tunc est causa quòd non fuerit commissum diligentiori. Vel si mercedem accipiat, vel aliam utilitatem ex deposito. Quid sit locatum, depositum, pignus. Vide infra Tract. 9. Exam. 9. nu. 83. & 85. & 89.

*Ratio 2. p.* Æquum est, ut qui in custodia rei, præcisè in suam utilitatem concessit, diligentem impendat curam, non tamen tenetur ad diligentissimam, quia non ille solus, sed & dominus commodum reportat. Ergo.

Hæc resolutio etiam applicari potest ad pignus, hoc enim datur tum gratia debitoris, quòd facilius ei pecunia credatur, tum creditoris, ut eò tutius sit creditum.

*CXXXV. Resp. 5.* Ex quasi contractu obligatio restituendi sic nascitur: Si quis ex officio aliquid faciat in alterius commodum, & mercedem non accipiendo, tenetur ex dolo, & lata culpa, non tamen ex levi.

*Ratio:* Quia non pro suo, sed solo alterius commodum laborat.

*Sed quid,* si officium illud quævisisset?

*Dico* cum Sylvestro, tunc etiam teneri ex levi culpa.

*Ratio:* Quia tunc creditur promississe exactam diligentiam.

*Dic mihi:* Quinā censetur, quasi contractus?

*Dico:* Sunt alienorum negotiorum executio, cura, tutela, officium Judicis, Advocati, Procuratoris, Medici, Chirurgi, Magistratus, Confessarii, Concionatoris, Theologi, Jurisconsulti, Architecti, Artificis, & similibus, in quibus intercedit contractus saltem tacitus.

*Resp. 6.* Mercede conductus aliquid faciens ex officio, ut Tutor, Advocatus, Medicus, Artifex, &c. tenetur etiam ex causa levi.

*Ratio:* Quia illi ex eo opere capiunt commodum: ergo tenentur ad majorem diligentiam, quam si nullum commodum haberent. Vide, quid sit culpa levis in hoc Exam. nu. 124.

*Sed quid,* si talis officarius professus fuerit se diligentior, & peritior aliis, ea de causa non adhibitis?

*Dico:* Tunc tenetur ex culpa etiam levissima.

*Ratio:* Quia tunc implicitè promissit, se præstiturum plus aliis.

*Resp. 7.* Alienæ rei custos mercede conductus tenetur de damno ex culpa levi, immò & levissima.

*Ratio:* Quia vi conductionis videtur promississe maximam diligentiam. Et hoc maxime, si res custodienda sit valde pretiosa.

*Resp. 8.* Cujus est, vi officii, aut professionis consilium dare, vel pro idoneo Confessario se gerit, & consilio suo damnum intulit, tenetur de culpa lata: si verò sit mercede conductus, tenetur etiam de culpa levi.

*Ratio*: patet ex definitione utriusque culpæ.

*Resp.* 9. Extra hos casus solum tenetur de dolo.

Ita patet ex illa Regula Juris in 6. *Nullus ex consilio, modo fraudulentum non fuerit, obligatur.* Quæ regula intelligitur de consilio in contradiis, vel quasi contradiis: in consilio autem de delictis intelligitur etiam de culpa lata, quæ sæpè æquiparatur dolo.

An Consiliarius possit suadere usum sententiæ probabilis concurrente probabiliore. Vide supra in Tract. 2. de Conscientia, Exam. 3.

**QUÆRO X.** Quæ causæ excusant a restitutione?

**XXXVI.** *Resp.* Variæ sunt, quas assigno, & explico.

1. *Impotentia physica*, & simpliciter talis, ut cum quis planè nihil habet, in quo casu creditor non potest esse rationabiliter invitatus, quia ut habet Regula Juris in 6. *Nemo potest ad impossibile obligari.*

7. *Impotentia moralis*, & secundum quid talis, quæ restitutionem non omnino tollit, sed tamen valde difficilem reddit propter ipsius debitoris, eive conjunctorum necessitatem. Pro quo vide supra Tract. 7. Exam. 6. n. 87. quod triplex sit, & quid sit necessitas, nimirum extrema, gravis, communis. Vide etiam S. Thom. hic art. 8. ad 2.

3. *Necessitas extrema*, sive propria, sive suorum, nimirum parentum, filiorum, & conjugis, quamdiu durat, iuxta communem DD. sententiam excusat a restitutione facienda creditori in eadem necessitate existentibus.

Ita colligitur ex S. Th. hic q. 62. ar. 5. ad 4. dicente: *In casu extremae necessitatis possit, & debere aliquis etiam auferre aliena: ut patri subvenire.* Videatur in S. D. supra q. 31. ar. 3. inc.

*Ratio*, & *declaratio* 1. Tum quia in eo casu charitas incipit à se ipsa. Tum quia in extrema necessitate omnia sunt communia saltem quoad usum, & facit propria possidentis ea, quæ actu habet, licet alias sint alterius, cujus dominium, uti & præceptum affirmativum de facienda restitutione, per extremam debitoris, & predictorum ei conjunctorum necessitatem impeditur, & suspenditur. Quia divisio rerum ea equitate est facta, ut in extrema necessitate maneat earum communitas. Pro quo infra vide Tract. 9. Exam. 3. nu. 37.

*Declaratur* 2. In eo casu debitor habet majus jus ad rem, quam creditor. Ergo. Prob. ant. Creditor tantum habet titulum necessitatis, debitor verò præter hunc simul habet titulum possessionis, melior autem est titulus possidentis, putà, iustè: si enim sit res iustè accepta, non est propriè possessor. Ergo.

*Declaratur* 3. Debitor parentibus, & præfatis conjunctis tenetur succurrere ex præcepto pie-

tatis, quod præfertur præcepto de facienda restitutione, hoc enim reducitur ad iustitiam commutativam, quæ est inferior pietate. Ergo.

Ex his sequitur, quod si res sit usu consumptibilis, debitor fiat dominus illius; si verò usu extremæ necessitatis consumptibilis non sit, fiat dominus usus ipsius rei.

Dixi autem, *quamdiu durat necessitas*. Quia sunt certi casus, in quibus est obligatio restituendi transacta necessitate. 1. Si post eam res adhuc extet, secus si non extet. 2. Si debitor non absolute, sed solum per accidens, nimirum hic & nunc, & in hoc loco sit extremè egens, habeat verò media alibi, possitque habere, vel postea lucrari. 3. Si res aliena habeatur ex delicto, v. g. furto, tunc enim obligatio restituendi in tanta necessitate solum consopita (seu non extincta) reviviscit.

Notandum, quod data resolutio subsistat, siue creditor ante, siue post debitorem in extremam necessitatem incidit: si enim ante incidit, debitor quidem peccavit non restituendo tunc, si potuit, attamen postea potest prius subvenire sibi, quam alteri.

*Quid si jurasset se creditori restitutum tali die, & eadem die incidat in extremam necessitatem?*

*Dico.* Ratione Juramenti non tenetur tali die restituere.

*Ratio*: Quia jure naturali intelligitur exceptio pro extrema necessitate, si tamen juraret se restitutum in extrema necessitate, juramentum esset servandum ob reverentiam Divini Nominis.

4. *Necessitas gravis* propria, seu suorum, ut supra, debitorem excusat, ut ad eam sublevandam restitutionem differat, nisi creditor in pari necessitate existat.

*Ratio* 1. p. Quia tunc creditor non potest esse rationabiliter invitatus, cum ipse ex lege charitatis teneatur in gravi necessitate proximo succurrere. Ergo.

*Ratio* 2. p. Si creditor in pari necessitate est rationabiliter invitatus. Quia in pari causa melior est conditio creditoris, & præcipue si debitum ex delicto sit contractum. Sicut et contra in necessitate extrema, cum hæc omnia faciat communia, melior est conditio possidentis. Ergo.

**XXXVII.** *Quomodo* resolvitur hunc casum: Debitor non potest statimolvere absque gravi iactura status iustè acquisiti, potestne sibi retinere necessaria ad illum statum mediocriter conservandum, donec sine illo nocumento possit restituere integrè, hic, & nunc solvendo aliquid, & statum solum minuendo?

*Affirmo* cum communi sententia, modò creditor non patiatursimile detrimentum, & debitor se in hanc impossibilitatem non coniecerit, bona sua malè dilapidando. Exemplum sit primò in Nobili, qui hic, & nunc non potest integrè resti-

restituere, nisi statum suum hæreditarium, vel aliàs iustè acquiritum deferat, & labore manuum victum quærat. 2. In filio adulterino, qui honorificum statum iustè est consecutus, & postea cognoscit se esse illegitimum, & possidere aliena. 3. In eo, qui non potest statim solvere, nisi domum suam, vel prædium vendat multo minoris pretio, quam valeat.

*Ratio:* Tum quia excusat impossibilitas moralis, hoc enim in moralibus censetur impossibile, quod est valde difficile, aut honestè, ac decenter fieri nequit: sic autem est in præsentia, ut patet ex casibus, & exemplis positis. Ergo. Tum etiam, quia per se loquendo nemo cum iactura bonorum superioris ordinis tenetur restituere bona inferioris ordinis: Sed in eo casu fieret restitutio bonorum fortunæ cum iactura famæ, honoris, & status iustè acquisiti. Ergo.

*Dixi iustè acquisiti;* si enim statum acquisierit per furta, rapinas, usuras, &c. non excusatur. Quia tunc non amitteret statum, sed dimitteret alienum: non pateretur in bonis propriis, sed privaretur alienis. Nec pateretur infamiam deferendo statum, sed potius eam abstergeret. Posset tamen etiam tunc sibi reservare necessaria alimenta iuxta conditionem sui pristini status, si in eo bona propria habuit, secus non. Primum patet: Quia aliàs ex iniquitate sua commodum reportaret.

*Sed quid si homines putent statum iustè esse acquisitum?*

*Dico.* Tunc sequi quidem infamiam, sed tamen non tam gravem, quæ iufficiat, & excuset: si tamen valde gravis esset, posset paulatim restituere, nisi dominus pateretur simile status sui detrimentum.

*Excepi 1. modis creditor non patitur simile detrimentum:* quia, ut dictum est, in pari causa extra necessitatem extremam potior est conditio creditoris.

*Excepi 2. si debitor se non consercit in hanc impossibilitatem dilapidando sua lussibus, potationibus, &c.* Quia tunc non meretur dilationem, & iacturam sui status sibi soli debet imputare.

*Oppono:* Non minus peccatum est, alienum invito domino retinere, quam auferre: Sed ad vitandum proprium damnum non licet alienum auferre invito domino. Ergo nec retinere invito domino.

*Ad hoc concedo totum, sed nego, quod in casu posito dominus sit rationabiliter invitatus, ut pro vitando gravi damno debitoris restitutio differat.* Pro quo Nota, quod, licet præceptum restitutionis fundetur in negatione, non retinendi scilicet alienum invito domino, ut patet n. 122. in hoc Exam. formaliter tamen est assertivum, & ideo ex hac parte interdum potest pro restitutione expectari locus, & tempus, &c.

Ex quo sequitur, quod creditor in dicto casu

in foro externo habeat quidem jus repetendi rem suam, non tamen in foro conscientie, tu quo foro etiam debitor a iudice compulsus non tenetur obedire, bene tamen in foro fori, propter obligationem iustitiæ legalis.

3. *Causæ excusans* a restitutione, est creditoris spontanea remissio, id est, vi, metu, vel fraude non extorta, & facta ab eo, qui condonare potest.

6. *Cassio bonorum*, quæ a Legistis vocatur *stabile*, & *miserabile* remedium, a iure inventum, quo debitor, nimio ære alieno gravatus, bona sua cedit, seu relinquit creditoribus dividenda. Pro quo vide, quæ dixi de ordine restitutionis in hoc Exam. n. 118. & seqq. Effectus huius remedium est, ut debitor, qui non est solvendo, non possit ob debita incarcerationi. Qui tamen si postea ad pinguiorem fortunam veniat, manet in conscientia obligatus restituere, licet bona cesserit per actus more patriæ ignominiosos: illa enim ignominia non tollit jus creditorum, sed infligitur in poenam præsumptæ culpæ debitoris in contrahendis debitis ultra vires, & in terrorem aliorum.

CXXVIII. *Sed nonne* talis debitor salva conscientia posset occultare, sibi que reservare tantum saltem, quanto opus ei est ad vitam parcè legendam?

*Affirmo.* Ratio patet ex dictis de necessitate gravi, quæ, cum sit moraliter certum periculum mendicitatis, excusat, & sufficit ad restitutionis dilationem.

*Nonne* dantur aliqui, debitis vires excedentibus onerati homines, hoc miserabili beneficio non egent?

*Affirmo.* Et sunt, qui muniti sunt beneficio competentie, id est, privilegio, ne ultra id, quoad commodam sustentationem egent, possint conveniri, aut molestari. Quales sunt Clerici gaudentes privilegio fori. Personæ Nobiles, & Illustres, Doctores, Professores, Mulieres honestè viventes, Milites armatæ militiæ; item illi, qui sibi mutuo debent alimenta, gaudent hoc beneficio, ut liberi adversus patrem, & e contra; Maritus adversus uxorem, quæ dotem repetit; Patronus adversus liberum; Socius adversus socium. De quibus plura videri possunt in Juristis, qui in sepe tradunt, beneficium cessionis denegari iis, qui illa renunciaverunt per iuramentum; Qui bona sua dilapidando, quasi ex industria se impossibilitaverunt ad solvendum; Debitorum ex delicto. Hi enim merito incarcerationi utque dum reddant novissimum quadrantem, si ullatenus sit possibile.

CXXIX. 7. *Compensatio*, quæ dupliciter fieri potest: *Primò* ut si debitor, & creditor sibi invicem debeant, & debitum debito compensent, vocaturque a Juristis *debiti*; & *crediti inter se contributio*, ad cuius iustitiæ requiritur, quod debita sint æquè liquida, & ejusdem rationis, v. g. si Joannes

Phi-



Philippo debeat 100. florenos pro equo, & Philippus Joanni 100. florenos pro frumento empto. Non autem valet sine mutuo utriusque consensu, ut si Joannes Philippo debeat 100. florenos, & Philippus Joanni egregium equum in natura, potest enim esse, quod Joannes magis teget equo, quam pecunia.

Uterius ad hujus compensationis justitiam requiritur, ne inde datur bonum Reipublicæ, ne violeatur depositum, vel commodatum, & ne res sit aliena ex furto debita.

Secundo fieri potest compensatio occulta sic, ut creditor inficio debitore ex ejus bonis tantum surripiat, quantum ei debetur. Ad cuius justitiam requiritur. 1. Ut fiat sine scandalo. 2. Et sine ulteriori damno debitoris, temporali nimirum, ne adhuc semel solvat ipse, aut hæredes: & spirituali, ne paret se nondum solvisse: Unde caute monendus est, cum a debito esse immunem, ne maneat in conscientia erronea. 3. Ut fiat sine damno, vel periculo tertii, v.g. illius, qui habet jus prælationis in bonis debitoris; & ne habeatur aliqua suspicio furti. 4. Ut debitum sit liquidum, & certum (quia in dubio melior est conditio possidentis) & sit ex justitia, non verò solum ex gratitudine, vel debito antidotali. 5. Ut quod subripitur, non sit depositum, vel commodatum, sed sit proprium ipsi debitori. 6. Nec sit diversæ rationis, seu speciei a debito, in consensu, quo ante de compensatione prius dictum est.

8. *Solutio Creditori Creditoris facta*, modò sit certum, quod illi verè debebat, & sint debita ejusdem qualitatis, nec magis inde damnificetur creditor, nec anteriores creditores.

9. *Auctoritas juris, vel iudicis*, rem esse usucaptam, vel præscriptam, aut aliàs non solvendam, secundum allegata, & probata iudicantis.

10. Interitus rei debitor per casum fortuitum iuxta dicta in hoc Examen. 124. circa R. 3.

11. *Ingressus Religionis*. Pro cuius intelligentia,

CXXX. Dico 1. Probabilis est, quod stando in jure naturæ debitor, qui non nisi longo tempore in sæculo manendo, spem solvendi habet, bona sua creditoribus cedendo, possit licitè, & validè Religionem ingredi. Ita S. Th. infrà q. 189. a. 6. ad 3. dicens: *Ille, qui est obligatus ad aliquod certum, non potest illud licitè prætermittere facultate existente. Et ideo si aliquis sit obligatus, ut alicui rationem ponat, vel ut certum debitum reddat, non potest hoc licitè prætermittere, ut Religionem ingrediatur. Si tamen debeat aliquam pecuniam, & non habeat unde reddat, tenetur facere, quod potest, ut scilicet cedat bona sua creditori.* Hæc S. Thom.

Rationem S. D. dat, subdens: *Propter pecuniam persona liberi hominis secundum jura civilia non obligatur, sed solum res: quia persona liberi hominis superat omnem affirmationem pecu-*

*nia.* Ergo bonis cedendo de sua persona, quemcumque statum amplectendo, liberè disponere potest.

Alia ratio patebit ad Dico 2.

Ex quo patet differentia inter talem debitorem ex una, & mancipium (idem est de marito consummato matrimonio) ex altera parte. Quia persona mancipii est sub jure, & proprietate domini, persona verò debitoris non est sub dominio creditoris. Et maritus per matrimonium consummationem libertati, & privilegio transeundi ad perfectiorem statum renuntiavit:

Dixi, *Stando in jure naturæ*. Quid sit de jure positivo, patebit ex dicendis.

Dico 2. Si debitor brevi tempore, v.g. uno, vel duobus anni per labores consuetos possit satisfacere creditoribus, tenetur ingressum usque disserre, si tamen ante restitutionem ingressus profiteatur, professio est valida, eumque restitutionis onere liberat.

Ratio 1.ª. Tum quia tunc debitor est in potentia proxima ad solvendum, quilibet autem tenetur satisfacere quantum potest. Tum quia tunc creditores sunt rationabiliter invitati; secus est in priori casu. Ergo.

Ratio 2.ª. Patet ex verbis S. D. ante adductis ex ar. 6. Et Confirmatur: Quia ideo non valet Professio servi invito domino, & uxoris invito marito, quia non sunt personæ liberæ, seu non sunt sui juris, sed alterius. Ergo cum debitor sit, & maneat sui juris, &c.

Ratio 3.ª. cum S. Antonino, Sylvest. &c. contra alios extraneos. Illud moraliter est impossibile, quod est valde difficile, ac honestè, & decenter fieri non potest: Sed in Religione teneri cum licentia Prælati (si debitor artem quandam calleat) horis successivis laborare, ut acquirat, unde debitum solvat, est valde difficile, & honestè, ac decenter fieri non potest. Ergo est moraliter impotens. Ergo.

Nota tamen, quod Monasterium teneatur creditoribus satisfacere, si inuitu debitoris per hæreditatem, legationem, ac donationem aliquid acquisivit.

Dico 3. Sixtus V. quidem suis Constitutionibus ad Religionem inhabilitavit eos, qui ære alieno supravires erant gravati: Clemens tamen VIII. ad terminos juris reduxit quoad eam partem, qua Professio decernitur nulla, eamque valere voluit, sed valente professione jam debitor suis bonis cedit. Ergo ab onere restitutionis liberatur.

Fateor tamen, si contingeret talem a Religione quomodocumque dimitti, ut possit sibi lucrari, debita reviviscerent, quia erant solum sopita, non extincta.

Nota, quod nec Sixtus V. suo decreto comprehendit illos, qui habent grandia debita, quæ tamen non superant eorum substantiam, uti nec eos, qui (ut creditores solvantur) bonis suis

fuis cedunt, nec habent spem; ut manendo in sæculo tam citò possint integrè solvere: ea enim cessione quantum possibile est, consultitur creditoribus, & cavetur eorum præjudiciis; quod erat finis decreti.

**CXXXI. Oppono I. contra I.** Quilibet jure naturæ tenetur solvere omnia debita. Ergo ab hoc non eximitur per Religionem.

1. Qui facit alteri, quod sibi nolle fieri, peccat contra legem naturæ: Sed. Ergo.

2. Quod solum est de consilio, non debet præjudicare illi, quod est de præcepto: Sed ingredi Religionem solum est de consilio, solvere debita est de præcepto. Ergo.

3. Non licet facere malum, ut eveniat bonum: Sed non solvere debita est malum, nimirum damnum temporale creditoris. Ergo id non licet, ut eveniat lucrum spirituale. Quod idem patet ex illa regula juris: Nemini licet cum alterius injuria locupletari.

4. Non licet aliena rapere, ut pateat facilior ingressus Religionis. Ergo nec licet non solvere.

5. Filius, qui in sæculo manens pauperi parenti (qui alio modo sustentari nequit) potest succurrere, peccat contra jus naturæ, ingrediendo Religionem. Ergo similiter.

6. Juxta dicta in hoc Tract. n. 95. Qui sub spe promissi matrimonii defloravit virginem, tenetur eam ducere, adeoque non potest ingredi Religionem, quin ingressus cederet in ejus injuriam, & detrimentum: Sed idem est in nostro casu. Ergo.

**Ad 1. dist. ant.** Si moraliter sit potens, conc. secus, negatur.

**Ad 2. neg. min. vel dist. maj.** Qui facit positivè, conc. negativè solum, neg. maj. Et sic dist. min. neg. conf. Qui ergo alteri positivè, & directe aliquid aufert, peccat in legem naturæ, debitor verò in nostro casu infert damnum solum indirectè, & negativè, nimirum non restituendo dum moraliter, & absque magna difficultate non potest, nec sine majori suo damno, quod incurreret se privando data cuivis a Deo libertate ad perfectiorem statum transeundi, in eo Deo serviendi, laqueos sæculi evadendi, animam in tuto collocandi, &c.

**Ad 3. dist. maj. ex dictis, si, quod est de præcepto, moraliter possibile sit implere, conced. secus, negatur.**

**Ad 4. dist. maj. uti ad 1.**

**Ad 5. Neg. conf.** Disparitas est, quia aliena rapiendo (extra extremam necessitatem) directe, & positivè infertur damnum, & dominus ad id rationabiliter est invitatus; secus in nostro casu.

**Ad 6. neg. conf.** Disparitas est, quia præceptum subveniendi parentibus est pietatis, ex ipsa naturali origine ortum, & est strictius, quam justitiæ ad solveadum debitoribus.

**Ad 7. neg. conf.** Disparitas est. Tum quia corruptor virginis videns non superesse aliud medium obtinendi usum corporis ejus, promittendo matrimonium censetur cessisse juri, & libertati eligendi perfectiorem statum. Tum etiam quia non est moraliter impotens ad servandam fidem, sed potest implere sine difficultate, & honestè, ac decenter, ut supponitur, & loco citato explicatum est, secus in præfenti.





## TRACTATUS IX.

*De vitiiis Justitiæ oppositis ex 2. 2. Quæst. 63. usque ad quæst. 78. inclusive.*

**U**T contraria juxta se posita magis elucescant, postquam examinavimus Justitiam, species ejus, & actus, libetne necne vitia ei opposita discutere, ut pateat, quòd, sicut Justitia est virtus jus suum cuique tribuens, ita *injustitia sit vitium, jus suum cuique auferens*, quod diversimodè fit, ut patebit ex decursu hujus tractatus: in quo Confessarium debere esse versatum, probat eadem ratio, quæ pro Tractatu præcedenti.

## EXAMEN I.

*De acceptione Personarum, quæ opponitur Justitiæ distributiæ.*

*De qua S. D. quæst. 63. per quatuor articulos.*

**Q**UÆRO I. Quid, & quantum peccatum est acceptio Personarum?

*I. Resp. 1.* Acceptio Personarum (quatenus de ea hic agitur, & in malum sumitur) definitur, quòd sit vitium, quo id, quod ex debito justitiæ conferendum est uni personæ, confertur alteri, non propter meritum ejus ad rem, quæ confertur, sed ob conditionem ejus, quæ non congruit ad ipsam rem; ut si quis Beneficium, Officium, Parochiam, vel Episcopatum conferat Paulo, quia Paulus est, quia tuus amicus est, quia consanguineus, affinis, &c. quæ conditiones nihil faciunt ad esse dignum officio, beneficio, &c. Si verò ei confertur, idèò, quia aptus, & dignus, vel dignus, vel dignior est, hæc conditio facit, ut ei debeat ex justitia distributiva.

Notanda hic sunt verba S. Thomæ articulo primo ad tertium; dicentis. Duplex est datio: Una quidem pertinet ad justitiam, quæ scilicet alicui dat alicui, quod ei debetur. Et circa tales dationes attenditur personarum acceptio. Alia est datio ad liberalitatem pertinet, quæ scilicet gratis datur alicui, quod ei non debetur. Et talis est collatio munerum gratiæ, per quæ peccatores assumuntur a Deo. Et in hac donatione non habet locum personarum acceptio, quia quilibet absque injustitia potest de suo dare quantum vult, & cui vult, secundum illud Matth. 20. An non licet mihi, quod volo facere? tolle, quod tuum est, & vade. Hæc S. Doctor. ex quo patet, quòd Deus non sit acceptor personarum, licet gratiam det uni, & non alteri.

*Resp. 2.* Acceptio personarum ex genere suo,

id est, intrinsecam propriam lineam, & speciem, etsi nulla extrinseca species peccati, v. gr. scandalii accedat, potest esse peccatum mortale, & est, si sit in re gravi: in individuo tamen potest esse veniale ob levitatem materiæ.

*Ratio 1.* partis est: Tum quia graviter repugnat Justitiæ, Juri Reipublicæ, bono communi, & charitati proximi, &c.

*2. Pars* patet ex levitate materiæ.

**QUÆRO II.** Distributor, seu collator spiritualium dignitatum, aut Ecclesiasticorum Beneficiorum, ut hoc peccatum evitet, teneaturne in conscientia, & sub mortali ea conferre, aut votum suum dare digniori?

*II. Ante Resp.* Nota ex S. Th. a. 2. in c. dupliciter unum posse æstimari digniorem altero: *Primo* absolute simpliciter ac secundum se, & sic ille dicitur dignior, qui abundat majoribus donis gratiæ, & sanctitatis. *Secundo* comparative ad bonum commune, id est, qui plus habet de gratiis, donis, ac subsidiis, quæ ad talem statum, vel officium debite exequendum faciunt. Contingit enim quandoq; quòd ille, qui est minus sanctus, & minus sciens, possit magis conferre ad bonum commune, vel propter potentiam, vel indulgentiam sæcularem, vel propter aliquod humilissimi, v. g. praxim, & economiam in tali officio necessariam, &c. Hoc notato

*Resp.* Probabilius, & tutius est, quòd sub peccato ex genere suo mortali, quod est acceptio personarum, teneatur quis omisso digno eligere, vel promovere digniorem, & Ecclesiæ utiliore ad beneficium habens annexam curam animarum, vel Ecclesiasticam gubernationem. Ita Concilium Trid. Sess. 24. de reform. c. 1. de Creatione Episcoporum, & Cardinalium loquens, decernit, mortaliter peccare, nisi quos digniores, & Ecclesiæ magis utiles ipsi judicaverint, non quidem precibus, vel humano affectu, aut ambientium suggestionibus, sed eorum exigentibus meritis præfici diligenter curaverint.

Et S. Th. hic a. 2. ad 3. ait. Quantum ad hoc, quòd electio impugnari non possit in foro judiciali,

ciali, fufficit eligere bonum, nec oportet eligere meliorem: quia si omnis electio posset habere calumniam. Sed quantum ad conscientiam eligentis, necesse est eligere meliorem, vel simpliciter, vel in comparatione ad bonum commune. Hæc ibi.

*Ratio:* Collator, vel elector, vel patronus, pro causa accipiens conditionem personæ, quæ non facit ad negotium, peccat peccato acceptionis personarum; quod, cum sit in re gravi, est mortale; Sed qui ad Ecclesiasticam dignitatem, aut beneficium curatum promovet dignum relicto digniore, pro causa accipit conditionem personæ, quæ non facit ad negotium, ut patet: Ergo. Major probatur: Nullus Patronus, Elector, Collator, etiam ipse Papa, est Dominus Beneficiorum, sed solum dispensator, cum ea non det tanquam dona gratuita, & ex mera liberalitate (hæc enim solum respicit bona propria), Ergo tenetur ea distribuere tanquam bonæ communia Ecclesiæ secundum ordinem justitiæ distributiæ. Ergo. Major est vera.

Dixi 1. *Sub peccato*, id est, in foro poli, & conscientiæ, nam in foro fori subsistit electio digni, ut patet ex verbis S. Thomæ.

Dixi 2. *Ex genere suo mortali*: quia sunt casus, in quibus nullum, vel veniale est peccatum. 1. Si disparitas sit exigua. 2. Si non possit conferri quam illi, quia Patrono; id est, ab eo, qui habet jus Patronatus, seu jus præsentandi, præsentatur, tunc enim solus Patronus est in culpa. 3. Si necessariò debeat conferri licui de gremio Ecclesiæ, ex certa familia, aut civitate, licet absolutè ex aliis locis, vel familiis possent haberi digniores. 4. Si sint multi eligentes, & pauciora vota inclinent in digniorem, qui nec meo voto emerget, & est periculum, ne eligatur indignus, possum dare votum digno: quia eligere dignum, non est malum secundum se, sed tunc quando adest dignior, qui effectivè possit eligi. 5. Primus fundator beneficii, etiam parochialis, potest præferre dignum relicto digniori, quia bona sua potest dare, cui vult, & hoc ipsi ab Ecclesiâ indulgetur, ut fideles eodè facilius alliciantur ad fundanda Beneficia. Quandiù enim vivit, hæc bona nondum sunt simpliciter, & absolutè communia, sed solum salvo jure, quod de consensu Ecclesiæ sibi reservat: hoc verò jus non transit ad successores, sed peculiare est fundatori. 6. Aliqui excusant eum, qui Beneficium resignat digno: sed cum Soto probabilius dicendum, etiam eum non excusari, quia est causa cur beneficium detur minus idoneo, qui verò dat causam damni, damnum dedisse censetur. Quæ eadem ratio probat, quod omnes teneantur Ecclesiæ ad restitutionem, qui relicto digniore eligunt, vel promovunt dignum. Vide Tract. 8. Exam. 5. nu. 87.

Dixi 3. *Ecclesiâ utiliorem*: ad insinuandum, fufficere, ut talis eligatur, qui est dignior

comparativè, licet non simpliciter.

Dixi 4. *Ad beneficium curatum*, &c. quia in beneficiis purè simplicibus, non videtur esse mortale, relicto digniore promovere dignum, idque patet ex praxi omnium Prælatorum, etiam ipsius Papæ, qui parùm cogitantes de dignioribus beneficia simplicia conferunt dignis.

*Ratio:* Quia merita, quæ ad ea requiruntur notabiliter se non excedunt, immò in omnibus sunt æqualia: v. gr. posse recitare horas, officium legere, vel cantare missam. Excipiuntur hic meritò beneficia illa, simplicia quidem, attamen majoris momenti, ut sunt nonnulli Canonici, qui habent suffragium in electionibus ad dignitates Ecclesiæ, aut ad officia curam animarum habentia, vel in regimine bonorum Ecclesiasticorum, &c. quæ etiam necessariò conferenda sunt dignioribus.

Argumenta, quæ contra Responsum possumus opponi, solvuntur tum ex Notabili ante Responsum posito, tum etiam observando ex dictis, quod eligere dignum secundum se quidem sit opus bonum, & bene sonet, secus in concursu dignioris, quia fit contra ordinem justitiæ distributiæ, & contra intentionem Ecclesiæ, quæ licet non velit a beneficiariis officium præstari optimo modo, vult tamen præstari tali modo, qualiter necessitates Ecclesiæ requirunt, sive in docendo ignorantibus, sive in refutando hæreses, quod dignus non ita potest præstare ac dignior. Unde Apostolus enumerans qualitates Episcopi, ait, quod oporteat eum esse sobrium, prudentem, pudicum, Doctorem, &c. loquens quidem in gradu positivo, non in comparativo, ut insinuet, quod illæ qualitates divisivè sumptæ non significant digniorem, bene tamen collectivè, qualiter eas requirit. Dum verò Apostolus 1. Cor. 4. ait, *Quæritur inter dispensatores* (id est, Ministros Ecclesiæ) *ut fidelis quis inveniat*, non dicit, *fidelior*, quia ibi solum assignat primum, & præcipuum requisitum in Ministro Ecclesiæ, seu primam, & principalem virtutem, quam dicit esse fidem.

QUÆRO III. Sæcularis potentia, & Nobilitas conferre aliquid ad hoc, ut quis censatur dignus beneficio Ecclesiastico?

III. *Resp. Affirmativè. Ratio:* Quia ista (ut ait noster Sylvester) conferunt ad honorem Dei, quod nimirum in ejus ministerio etiam Nobiles occupantur: & interdum etiam ad utilitatem Ecclesiæ, quia sua potentia Ecclesiæ hostes, v. g. hæreticos, comprimere possunt: Non quod sola nobilitas, præsertim criminosa vitæ juncta, dignum faciat, sed confert aliquid præsuppositæ virtutis: pro quo servit illud Poetæ.

*Sint tibi Gallorum Rex, & Regina Parentes,*

*Et maneat virtus pectore nulla tuo:  
Non pluvius faciam te, quam tibi rustica mater  
Si sis, & ignavus rusticus ipse pater.*

IV. Dic

IV. *Dic mihi, si sola Nobilitas sanguinis non sufficit, quæ præter eam requiruntur conditiones, quæ hominem bonis spiritualibus dignum faciunt?*

*Dico:* Requiritur 1. capacitas juridica, seu iure requisita, id est, conditiones, quas jura ad valorem electionis exigunt, inter quas est legitimus thorus; in cujus defectu ad Ordines sacros, ad dignitates Ecclesiasticas, & beneficia curata dispensat solus Papa: ad Ordines minores, & beneficium simplex, Episcopus.

2. Legitima ætas. Nam ad Episcopatum requiruntur 30. anni completi, nisi Papa dispenset: ad beneficia, & dignitates, quibus animarum cura annexitur, annus 25. inchoatus; ut patet ex Trid. Sess. 14. de refor. c. 12. ubi subdit: *Ad ceteras autem dignitates, vel personatus* (loquitur de Ecclesiis Cathedralibus, quibus animarum cura nulla subest, Clerici aliqui idonei, & 22. annis non minores, adfiscantur: ubi

Nota, quod Dignitas, & Personatus significant specialem præcedentiam præ reliquis Canoniciis. Unde Barbosa de Offic. Episc. p. 3. alleg. 6. n. 70. censet, nisi Canonici in simplici Ecclesiæ Cathedralis annexus sit Ordo Subdiaconatus, non inveniri in Tridentino aliquid correctum, quominus 14. anni sufficiant. Quæ ætas a fortiori sufficit in Ecclesiâ Collegiata, puta annus 14. inchoatus.

Notanda hic etiam sunt verba Tridentini ibidem statuentis, ut nemo ad dignitatem, Canoniciatum, aut portionem recipiatur, nisi qui eo Ordine sacro, sit initiatus quem illa Dignitas, vel Præbenda requirit, aut saltem intra annum initiari valeat. Item ut in Ecclesiis omnibus Cathedralibus omnes Canoniciatus, ac Portiones habeant annexum Ordinem Presbyteratus, Diaconatus, vel Subdiaconatus; Item ibidem hortatur etiam sancta Synodus, ut in Provinciis, ubi id commodè fieri potest, dignitates omnes, & saltem dimidia pars Canoniciatum in Cathedralibus Ecclesiis, & Collegiatis insignibus conferantur tantum Magistris, vel Doctoribus, aut etiam Licentiatis in Theologia, vel Jure Canonico.

3. Requiritur a Concilio Tridentino honestas morum, seu probitas vitæ, ut non sit criminolus, id est, vitiosus per modum habitus, & consuetudinis, nec ob crimina infamis. Quamvis enim collatio teneret (seclusa saltem irregularitate) esset tamen scandalosa, & mortaliter peccaminosa propter gravem irreverentiam in Deum, & Ecclesiam, & obicem salutis animarum.

4. Competens scientia, seu quanta ad officium beneficium annexum est necessaria.

5. Prudentia, seu industria in rebus agendis juxta officii exigentiam.

V. *Pono Casum:* Dixisti antea ex Tridentino, Beneficium teneri intra annum suscipere sacrum Ordinem Beneficium annexum, &

quis reciperet Canoniciatum sine intentione recipiendi Ordinem annexum, & Ordine non suscepto resignaret beneficium, peccaretne mortaliter, cum onere restitutionis fructuum?

*Dico* 1. Tutius, & probabilius est, quod si quis ab initio positum, & fraudulentum habeat, vel intentionem habuerit, Ordines non suscipiendi, seu non Clericandi, sed beneficium (sive hoc sit simplex, sive curatum) fructibus ad se, suosque ditandos aliquo tempore perceptis resignandi, uxorem ducendi, sive in cœlibatu vivendi, peccet continuo mortaliter, & teneatur ad restitutionem fructuum.

*Ratio:* Tum quia talis continuo decipit Ecclesiam, *fraus autem, & dolus nemini patrocinauitur.* Tum etiam, quia directe agit contra intentionem fundatorum, & Ecclesiæ. Ergo.

*Dico* 2. Idem est de eo, qui beneficium curatum recipit, cum animo dubio, & accipit, nam intra annum Sacerdotium velit suscipere.

*Ratio:* Quia jura in Cap. commissa: in tali proviso tanquam necessariam conditionem requirunt intentionem intra annum a die provisionis suscipiendi Sacerdotium, nisi legitime impediatur: Sed, qui dubius, & anceps est, non habet talem intentionem, ut patet. Ergo, nisi statim animum mutet, tenetur restituere fructus, deductis tamen iis, quos Vicario Ecclesiæ administranti dedit, vel reliquit.

*Dico* 3. Qui ab initio, quantum est de se, habet firmum animum Clericandi, & Ordinis suscipiendi, nec Clericatum deferendi, nisi variatis circumstantiis, & ex justa causa, v.g. ad familiam conservandam, ad graves lites fopendas, vel quia status hic videtur esse non pro sua vocatione, ex illiusque causis postea Clericatum deferat, probabilis est, quod non peccet mortaliter, nec teneatur ad restitutionem.

*Ratio:* Tum quia non adest ulla fraus, dolus, vel fictio, sed sincerus animus, ut supponitur. Tum quia Ecclesia non damnat talem intentionem deferendi beneficium in dictis circumstantiis. Vide in Tract. 15. de Sacram. Ordinis, an ad recipiendos licite Ordines requiratur animus Clericandi. Sed pro majori intelligentia qu. 3.

QUÆRO IV. *Essetne ergo acceptio Personarum, si concurrerent duo pro Præbenda, quorum unus est Nobilis sed non ita literatus, alter non nobilis, sed literatus, & nobilis præponderetur?*

VI. *Resp.* cum Sylvestro Verbo, *Acceptio personarum:* Licet literata nobilitas simpliciter præferenda sit, ut patet ex Cap. *Venerabilis*, de præbend. Cujus *Ratio* est: Quia est necessaria in Regimine Ecclesiæ: potest tamen dari casus, in quo præferenda esset Nobilitas, si nimirum ita esset necesse ad arcendos ab Ovili Christi lupos per potentiam, & assistentiam nobilitatis. dummodo suffragetur nobilitati morum honestas.

QUÆ-

**QUÆRO V.** Estne acceptio personarum, adeoque peccatum, dare consanguineo beneficium?

**VII. Resp.** Sub distinctione cum S.Th. hic ar. 2. ad 1. dicente; Circa consanguineos Prælati distinguendum est: Quia quandoque sunt minus digni, & simpliciter, & per respectum ad bonum commune. Et sic illi dignioribus præferuntur, est peccatum personarum acceptionis in dispensatione spiritualium; Quorum Prælati Ecclesiasticus non est Dominus, ut possit ea dare pro libito, sed dispensator: secundum illud 1. ad Cor. 4. Sic nos existimet homo ut ministros Christi, & dispensatores mysteriorum Dei. Quandoque verò consanguinei Prælati Ecclesiastici sunt æque digni ut alii. Et sic licite potest absque personarum acceptione consanguineos suos præferre: quia saltem in hoc præminent, quòd de ipsis magis confidere potest, ut unanimiter secum negotia Ecclesiæ tractent. Esset tamen hoc propter scandalum dimittendum, si ex hoc aliqui exemplum sumerent, etiam præter dignitatem, bona Ecclesiæ consanguineis dandi. Hæc ibi.

**QUÆRO VI.** Estne acceptio personarum in gradibus prohibitis facilius ad contrahendum Matrimonium dispensare cum divitibus quàm cum pauperibus, vel inferioribus?

**VIII. Resp.** cum S.Th. ibid. ad 2. dicente, quod dispensatio Matrimonii contrahendi principaliter fieri consuevit propter sedus pacis firmandum. Quod quidem magis est necessarium communi utilitati circa personas excellentes. Et ideo cum eis facilius dispensatur absque peccato acceptionis personarum. Ita S.D.

**QUÆRO VII.** Acceptio Personarum habetne locum in exhibitione honoris, & reverentiae, præferendo virtuosum laicum virtuoso Prælato, pauperem diviti, juvenem seni?

**IX. Resp.** cum S.D. hic art. 3. in corp. dicente: Honor est quoddam testimonium de virtute ejus, qui honoratur. Et ideo sola virtus est debita causa honoris; sciendum tamen, quòd aliquis potest honorari non solum propter virtutem propriam, sed etiam propter virtutem alterius. Sicut Princeps, & Prælati honorantur, etiam si sint mali, in quantum gerunt personam Dei, & communitatis, cui præficiuntur. Et eadem ratione Parentes, & Domini sunt honorandi, propter participationem divinæ dignitatis, qui est omnium Pater, & Dominus. Senes autem sunt honorandi propter signum virtutis, quod est senectus, licet hoc signum quandoque deficiat. Unde, ut dicitur Sap. 3. Senectus Venerabilis est, non diuturna, neque annorum numero computata. Cani autem sunt sensus hominis, & ætas senectutis vita immaculata. Divites autem honorandi sunt propter hoc, quòd

majorem Locum in Communitatibus obtinent. Si autem solum intuitu divitiarum honorentur, erit peccatum acceptionis Personarum.

*Quid sentis de Medico pauperes deferente prædivitis ei majora munera, & plus pecuniæ, tributibus?*

*Affirmo peccare mortaliter, nisi ex causis honestis excusetur.*

*Ratio patet ex dictis.*

**QUÆRO VIII.** Peccatum acceptionis personarum potestne committi in Judiciis?

**X. Resp.** cum S.Thom. hic art. 1. in fine corp. dicente: *Manifestum est, quòd per Personarum acceptionem Judicium corrumpitur.*

*Ratio S. Doct. est:* Quia Juxta ad æqualitatem Justitiæ reducit ea, quæ possunt facere oppositam inæqualitatem, sed acceptio Personarum habet quandam Inæqualitatem: in quantum uni Personæ, præter suam proportionem, aliquid attribuitur. Ergo.

*Oppono 1.* Ex justitia gravius puniuntur, qui injuriam inferunt Personis Principum, quàm qui inferioribus. Ergo.

2. Ecclesiastici 4. dicitur. *Id judicando esto pupillis misericors.* Ergo.

*Ad 1.* Respondet S.D. 4. ad 2. dicens: Quòd cum puniuntur aliquis gravius propter injuriam in majorem personam commissam, non est personarum acceptio, quia ipsa diversitas Personæ facit, quantum ad hoc, diversitatem rei.

*Ad 2.* Respondet ibi S.D. 3. dicens: Quòd homo in judicio debet pauperi subvenire quantum fieri potest: tamen sine lectione justitiæ. Alioquin habet locum illud, quod dicitur Exodi 23. Pauperis quoque non misereberis in judicio.

**QUÆRO IX.** Quid sentis de acceptione Personarum in Collatione officiorum secularium, & de eorum venditione?

**XI. Resp.** 1. Qui eligunt, vel (uti Principes) in gravis momenti officio seculari constituunt, ineptum, vel digniori relicto omnibus consideratis minus dignum, mortaliter peccant, & tenentur Reipublicæ refarcire omnia damna inde secuta. Ita habet tutior, & probabilior sententia:

*Ratio:* Quia ex Justitia tenentur officia publica tanquam bona Communia subditis conferre juxta leges justitiæ distributivæ, & secundum eorum merita. Item Communis inde privatur magis emolumentis, seu patitur gravia damna, quorum ipsi sunt causa efficax. Ergo.

Not. tamen hic proportionabiliter applicari posse distinctionem, & exceptiones traditas antea nu. 3. circa Q. 3.

*Resp.* 2. Officia secularia vendere ex natura rei, seu secundum se, id est, seclusis malis circumstantiis, quidem illicitum non est, est tamen illicitum ratione scandalii, aliorumque damnorum Reipublicæ inde obvenientium.

*Ratio 2. p.* In officiis publicis reperitur dignitas, excessus pretii, nimirum salarii ad labores, & occasio lucrandi, sed hæc veresunt pretio æstimabilia. Ergo.

*Ratio 2. p.* Talis Venditio est Pestis, & ruina Reipublicæ; Digniores enim, quorum opera Reipublica potest firmari, conservari, stabiliri, &c. relinquuntur, & emptores, seu constituti pro pretio, subditos tremendè exsugunt, & emungunt, ut pretium a se solum recuperent. Ergo.

## EXAMEN II.

*De homicidio, quod opponitur Justitiæ commutativæ.*

*De quo S.D. agit Q. 64. per 8. art. Et de mutilatione Q. 65. per 4. art.*

**D**E Restitutione ex homicidio, & mutilatione, bello, & duello actum est in præcedentibus: uti videre est in propriis locis.

**QUÆRO I.** Occidere malefactores præsertim bannitos, est nec licitum, etiam privatæ Personæ?

*XII. Resp. 1.* Licet; non privatæ Personæ, sed habenti publicam auctoritatem. Ita S.D. art. 1. & 2. De bannitis, qui illi sint, vide R. ad 1. Oppon. nu. 13.

*Ratio enj. est.* Omnis pars naturaliter est propter totum, & ordinatur ad illud, ut imperfectum ad perfectum, & propter hoc videmus, quod si saluti totius corporis humani expediat præcisio alicujus membri, puta, cum est putridum, vel corruptivum aliorum membrorum, laudabiliter, & salubriter abscinditur; Sed singularis Persona comparatur ad totam Communitatem sicut pars ad totum: Ergo si aliquis homo sit Communitati periculosus, & corruptivus ipsis; propter aliquod peccatum, laudabiliter occiditur, ut bonum commune conservetur: in quantum per id conservatur. *Subsumo ex S.D. art. 2. in Corp.* Sed cura boni Communis commissa est Principibus habentibus publicam auctoritatem. Ergo solis illis licet, &c.

*XIII. Oppono 1. contra 2. partem.* Cuius licet occidere latrones, & alios malefactores publicè proscriptos, seu bannitos. Ergo.

1. Idem est de Principe, qui Reipublicam Tyrannicè invasit, & occupavit. Ergo.

3. Jus Civile permittit Patri adulterum, vel filiam in adulterio deprehensam occidere: & Marito, occidere adulterum (si Persona vilis sit) cum uxore deprehensum, non tamen ipsam uxorem. Ergo.

*Ad 1.* Præmitto, bannitum vocari, cujus occidendi potestas a Principe, seu Magistratu cuius publicè concessa est. De quo est questio, an

talis occisio cuius, non solum in foro externo, sed etiam in conscientia sit licita? Cum Magistratus facultatem occidendi malefactores publicè proscriptos committere, & justum mandatum secularis potestatis etiam in & pro foro poli teneat; ideo communis est sententia affirmans. Verum tamen inter Christianos non faciliè practicanda, nisi in casu raro, eo quod per talem occasionem ille bannitus, utpotè sacramentis carens, peccet corpore, & anima in æternum, quod indubiè a Christiana pietate alienum est.

*Dixi, nisi in casu raro.* Nimirum in quo Reipublica a tali proscripto quasi quotidianum pateretur damnum, tunc enim occidi potest, uti quivis hostis, ob salutem Reipublicæ: dummodo salvetur hæc conditiones. 1. Ut motivum occidendi non sit privata vindicta, sed Zelus Justitiæ. 2. Ut non fiat pendente appellatione, ut, si bannitus a lata contra se sententia banni appellaverit ad superiorem, & appellationem prosequatur. 3. Ut non occidatur extra territorium proferentis. 4. Ut bannitus non sit conjux, frater, Parens, Filius, a quorum occisione abhorret Natura, cuius jura lex Civilis nequit immutare: immò dicat, præfatis alimentis deberi. Porro dicta occisio non fiet a quovis ut a privata persona, sed ut a mandatario Reipublicæ.

*Ad 2.* Vide supra Tract. 8. Exam. 1. n. 17. alium esse Tyrannum usurpatione potestatis, alium usu Regiminis, pro ut ibi explicatum est. Unde dico, quod cuius Privatæ Personæ liceat occidere Tyrannum in prima significatione; non in 2. Nam vim vi repellere licet; sed in primo Casu non solum Reipublica, sed & quivis privatus a tali Tyranno patitur vim. Ergo. Verum in 2. casu Tyrannus habet legitimum jus ad Regnum. Ergo eo spoliari non potest, minus occidi, antequam causa publica auctoritate discernatur, & judicetur.

Not. tamen etiam ad Occisionem Tyranni in prima significatione requiri. 4. Conditiones. 1. Ut certò constet, quod Tyrannus nullū habeat jus. 2. Ut nullum aliud super sit remedium, aut a Superiore Auxilium. 3. Ut Reipub. in talem Tyrannum nondum consenserit. 4. Ut ex occisione non sequantur paria, vel majora mala.

*Ad 3.* R. Leges illas civiles non esse justas, quamvis etiam dici possit eas id permittere, non positive, seu factum approbando, sed solum negative, id est, ob omnium dolorem condonando. Sicut a pari, de jure Canonico non incurrit excommunicationem, qui violentas manus iniicit in Clericum cum matre, filia, uxore, vel sorore deprehensum.

*Ratio:* cur dictæ leges sint injustæ, & a jure Canonico reprobatæ, patet ex dictis de bannitis, quia non solum Corpus, sed & anima occisi periret.

**QUÆRO II.** Quid sentis de Assassinis, & pro-

& proditoriè occidentibus? qui illisunt? gaudente immunitate Ecclesiæ?

XIV. *Resp. 1.* Hic terminus *Assassinus* duas habet significationes. 1. Proprie significat quandam gentem in Syria, seu infideles, qui faciliè inducebantur ad occidendos Christianos, immò fas esse putabant, occidere quoscunq; inimicos sui Regis ipso jubente. Quia in re Innoc. IV. in Conc. Lugdun. promulgavit excommunicationem in Christianos mandantes per eos occidi Christianum, etiam morte non secuta. Quare censura non comprehendit ipsos Assassinos, aut eorum Regem, utpote infideles: nec defacto locum habet, cum illi populi non ampliùs grassentur. 2. Sumitur vulgaris, seu latius, & est, nomen vitii, quo Juristæ intelligunt quemcunq; qui ad alicujus instantiam mercede conductus, seu pro pecunia occidit hominem. Et hos etià gravissimè puniendi sunt, dicta censura non concernit, quia meminit de solis illis, eo tempore notis. Crimen illud, vocatur Assassinium, vel Assassinatus, malefactoris tales, Assassini.

*Resp. 2.* Homicidium *proditorium* committere dicitur, qui aliquem nulla prævia rixa, vel rancore, sed potius simulata amicitia occidit Veneno, vela tergo, vel aliis nihil tale metuens seu in iis circumstantiis: ubi præcavere non debuit. Ex quo patet, dici proditorium a *ly Pre-itor*, qui est simulatus amicus.

*Resp. 3.* Immunitas localis, de qua hic agitur, solet etiam vocari *jus Asyli*, competens malefactoribus confugientibus ad loca pia publica, nimirum ad Ecclesias, Cimiteria, monasteria, & Auctoritate Episcopi erecta hospitalia, ut exinde (licet graviora crimina commiserint) violenter extrahi, aut pœna corporali sanguinis affici non possint. Hæc tamen immunitas non eo tendit, ut malefactores nullatenus puniantur, sed ut pœna corporalis commutetur in pecuniariam, vel Ecclesiasticam, & damna illata civiliter compensentur.

*Resp. 4.* Præter delicta excepta, de quibus postea, omnes rei, quorumcunq; criminù, gaudent immunitate, v.g. fures, sacrilegi, perjuri, suspensè, interdicti, excommunicati, Monomachi, id est, occidendes in duello. Homicidæ, Clericorù occisores, Parricidæ, seculi proditores, vel assassini. Sodomitæ, Adulteri, Monialium defloreatores, raptores, blasphemæ, Simoniaci, Religiosi, Apostatæ, si confugiant ad Ecclesiam alterius Religionis. Clerici, si comiserint grandia, ob quæ torqueri, degradari, Curie seculari tradi, ad triremes, vel perpetuos Carceres deberent condemnari, secus est si agatur solum de pœna eorum merè Ecclesiastica, quæ potius Correctio, quam fori externi vindicta est. Item Judæi, & Gentiles, seu Pagani juxta Sylvestrum.

XV. *Resp. 5.* Crimina excepta, seu immunitatis *Confessionarium*.

nitate non gaudentia sunt.

1. Hæresis, id est, hæreticus formaliter sumptus, seu pro delicto hæresis tantum, non gaudet immunitate, bene tamen pro aliis delictis.

2. Homicidium, & *maritatus facta* physice in Ecclesia, vel propè Ecclesiam *cum ipse immunitatis*, id est, quo citius possit in Ecclesia se salvare, cum textus in cap. fin. tit. de immunit. Eccles. hæc duo copulet, & in penalibus non sit facienda extensio.

Alii quidem tenent hanc copulam non requiri, fundantes se in hoc, quod sicut frustra legis auxilium invocat, qui in legem delinquit, ita verisimile non sit, quod Ecclesia protegat illos, qui eam homicidio polluant. Sed quoad hoc discernere ex uberiori Canonistarum doctrina, quam vide. Ubi invenies, quod alia Crimina, v.g. furtum, Sacrilegium reale, &c. intrà, vel propè Ecclesiam commissa, non privent reum immunitate.

3. Homicidium *proditorium* effectu secuto ante explicatum.

4. Assassinium in secunda significatione ante tradita in Responsis.

5. Crimen *Læsæ Majestatis* commissum directe in Personam Principis, puta, Supremi, seu in temporalibus Superiorem non recognoscentis, ut scilicet Reges, & similes. Dixi *directè*, secus enim est de Crimine commisso in Legatos, Proceres, vel statum Regis, vel dignitatem Regis, v.g. cudendo falsam monetam, aut faciendo se Regem, cum non sit. Quia in his non offenditur persona Regis (de qua loquitur bulla) sed dignitas. Item juxta bullam offendens debet esse Vassallus Regis læsi, vel ratione Originis, vel domicili.

6. Publici *Latroes*, id est, qui interdiù, & palam publicas vias armati obident, transeuntes aggradiuntur, & spoliunt, resistentes vulnerant.

Item Pyratæ, & qui incolunt castra, & equibus erumpunt, ac Vicinos, aut peregrinantes damniificant.

7. *Nocturni depopulatores agrorum*, id est, qui nocturno tempore, & latenter vastant segetes, damniificant rusticos, aliove itinerantes in viis publicis. Utrumque hoc crimen requirit violentiam, & asiduitatem, id est, frequentiam.

XVI. Pono duos casus. 1. Malefactor confugit ad sacerdotem, quem videt per plateam portare Eucharistiam, vel associat se comitantibus, gaudente immunitate? Item quæro, si Eucharistia afferatur alicui ad carcerem, qua occasione reus arripit stolam sacerdotis, vel ciborium?

2. Homicida, allusve Malefactor vinculus ducitur per Ecclesiam, vel Cimiterium, in quo proclamatur ad immunitatem, gaudente ea? Quid ad hos casus respondes?

Ad 1. pro 1. parte cum communi, & præ  
Z  
Alcè



Quæc veriori sententia assero, pro 2. parte Nego.

*Ratio 1. p.* Tum quia Corpus Christi est longè dignius locis piis, immò est ratio, & fundamentum immuovetatis illis concessæ. Deio si de Jure Civili L. uoica Cod. *de his, qui ad statuas, &c.* immunitate gaudeant, qui confugiunt ad statuas Principum. Si juxta aliquos DD. a morte liberetur reus, cui Cardinalis obviam factus pileum suum imponit; cur oon a fortiori io casu posito?

*Ratio 2. p.* est, quia talis propriè non dicitur confugere ad asylum, quod concessum solum est confugientibus ad ipsum, qui io libertate sunt: quomodocunque ad eam redierit.

*Oppono contra 1. partem.* Privilegium ad oon expressa per consequentiam trahi oon debet.

*Dico* ultra casum expressum posse extendi ex rationabiliter præsumpta privilegiantis voluntate.

*Ad 3. Casum* Respondetur negativè.

*Ratio*, quia oon est liber, nec ad libertatem rediit, uti rediret, si è manibus iudicorum elaberetur, & tunc gauderet immuovetate.

**XVII. Dic mihi:** Unde reus ad Ecclesiam confugio alendus?

*Dico 1.* Subministratio alimentorum noo potest impediri.

*Ratio:* Quia aliàs reus indirectè saltem extraheretur ex Ecclesia, vel in ea fame occideretur.

*Dico 2.* Si reus habet booa propria, ex iis est alendus, si minus a Confanguineis: quos si non habeat, moneodi sunt fideles, quòd teneantur extremè indigentem succurrere, apud quos proinde faciendæ est collecta pro eo. Si hæc media non proficiant, Ecclesia, ejusque Clerus eum alere tenentur.

*Ratio hujus partis est*, quia eis incumbit iocoluminitatem præstare vitæ, & membris rei ad se confugientis.

**XVIII. Cujus auctoritate** reus ex Ecclesia extrahendus, si immuovetate non gaudeat?

*Dico* auctoritate Ecclesiastica, seu Ordinarii.

*Ratio:* Quia illius fori est immunitas, ejusque examen: Hinc si Judex sæcularis id attentaret, graviter peccaret, tenereturque reum Ecclesiæ restituere.

**QUÆRO III.** Occidere malefactores licetne Clericis, saltem Prælati, ac Jurisdictionem sæcularem habentibus?

**XIX. Resp.** Quamvis in causa sanguinis noo liceat eis judicare, nec quidquam facere, quo Judicem a se institutum moveant, ad mortis, vel mutilationis executionem, ut patet ex Jure. C. l. iteris. tit. de Excess. Prælat. possunt tamen ab absque ullo peccati, aut irregularitatis metu, ad tales causas examinandas, & judicandas deputare Judices, immò, si opus sit, illis præcipere, ut inquirant circa talem, vel talem causam, & faciant, quod est justum. Hoc enim eis a jure communi conceditur.

*Ratio:* Quia per ipsum exercitium io particulari circa necem malefactoris amittitur quidem manusuetudo Ecclesiastica, non tamen per dictam commissoem. Sicut ergo Concionator, vel Confessarius absque metu irregularitatis potest monere Judicem, ut faciat suum officium. Ita similiter, &c. Unde S. Thom. hic art. 4. ad 3. ait. *Prælati Ecclesiarum accipiunt officium Principum Terra, non ut ipsi iudicium sanguinis exercent per se ipsos: sed quòd eorum auctoritate per alios exercentur.*

*Oppono:* Nemo dat, quod noo habet, sed Prælati Ecclesiastici, licet habeant Jurisdictionem sæcularem, non tamen habeo facultatem iudicandi io causa sanguinis: ergo nec possuot eam aliis dare.

*Ad hoc distinguitur*, min. non tamen habeo facultatem iudicandi expeditam. Cooc. min. suspensam, & ligatam Neg. mio. & cooseq. Unde dant, quod habent. Dici etiam potest, quod & expeditam facultatem habeant, non quidem formaliter (speñdendo jus positivum) sed virtualiter, & emioenter in officio suo.

**XX.** Quantum est peccatum Clericorum causæ sanguinis se immiscitendum?

*Dico 1.* Præterquam quod incuratur irregularitas, Clerici sive majorum Ordinum, sive minorum, cum adjuncto beneficio, iudicio sanguinis, vel mutilationis se immiscentes peccant mortaliter. Alii privantur privilegiis Clericorum, & sunt inhabiles ad ultra procedendum in Clericatu: & (cùm exiguum super sæculares habeant eminentiam, & ad ministrationem altaris remotè solum accedant) peccao venialiter.

*Dico 2.* Clerici tam majorum, quàm minorum Ordinum si executioni sanguinis, vel mutilationis interficiot, ex sola curiositate, vel levitate, nullam auctoritatem, vel auxilium præstantes, non fiunt quidem irregulares, peccao tamen venialiter.

*Ratio:* Quia agunt contra deceotiam sui status, & prohibitoem Ecclesiæ.

**QUÆRO IV.** Seipsum occidere, mutilare castrare, vel castrari facere, estne semper peccatum?

**XXI. Ante R.** Nota, quòd noo sit idem, occidere, & noo conservare suam vitam. Ad primum requiritur, ut quis faciat actionem, qua directè vita destruitur, ut, si quis gladio se perfodiat, vel se suspendat, submergat, &c. quæ sunt positiva. Ad secundum exigitur proformali, & sufficit sola privatio, vel negatio conservatioois, ut, cùm quis non potest, vel oon tenetur (v. g. miles in sua periculosa statione, Confessarius, vel Medicus tempore Pestis, &c.) vitam conservare. Dixi *proformali*, quia pro fundamento talis negatioois dicit aliquid positivum, v. g. actionem, ex qua indirectè sequitur mors, ut patet in exemplis mox datis. Dixi 2. cùm



*cum non potest, vel non tenetur conservare.* Si enim possit, & teneatur conservare, & non conservet vitam, dicitur moraliter (licet non Physicè) se ipsum occidere. Hoc notato

*Resp. 1.* Suicidium, seu directæ sui ipsius occisio semper est peccatum mortale, contra charitatem sui ipsius, & contra Iustitiam comparativè ad Communitatem, & Deum. Ita docet, & probat S. Doctor hic art. 5. in c. his tribus rationibus. 1. Naturaliter quælibet res seipsam amat, & ad hoc pertinet, quod naturaliter conservet se in esse, & corruptentibus resistat. 2. Quælibet pars id, quod est, est totius; ergo in hoc, quod quis se interficit, injuriam facit communitati. 3. Vita est quoddam donum divinitus homini attributum, & subiectum potestati ejus, qui occidit, & vivere facit: Ergo qui seipsum vitam privat, in Deum peccat; scilicet, qui occidit alienum servum, &c.

Idem est de eo, qui seipsum directè mutilat. Pro quo vide Tract. 8. Exam. 2. n. 38. quis sit dominus vitæ, & membrorum, &c.

Dixi in Responsione, *directæ*. Quia indirectè se occidere, id est, facere, vel permittere ex justa causa (v.g. pro honore Dei, vel bono communi, aut proximi) aliquid, ex quo videt mortem sibi imminere, sæpè licitum est, ut patet, tum in exemplis ante datis, tum quod liceat quærere, vel acceptare occasionem Martyrii pro Deo: tum quia non tenetur quis conservare vitam per media difficillima, insolita, v.g. per medicinas pretiosissimas, per pedum, aliorumve membrorum amissionem, &c. Item, si quis aliter non possit evadere incendium, seu gravissimum tormentum ignis, quàm desilendo e tecto, vel fenestra in terram licet prævideat saltum hunc sibi esse lethalem.

*Resp. 2.* Non licet homini seipsum interficere, ut ad feliciorē transeat vitam, & præsentis vitæ miseria evadat. Ita S. Doctor hic art. 5. ad 3. dicens, & probans sic:

Homo constituitur dominus sui ipsius per liberum arbitrium. Et idè licet potest homo de seipso disponere quantum ad ea, quæ pertinent ad hanc vitam, quæ hominis arbitrio regitur; sed transitis de hac vita ad aliam feliciorē, non subiacet libero arbitrio hominis, sed potestati divinæ. Subdit S. Tho. Ultimum malorum hujus vitæ, & maxime terribile est mors. 3. Ethic. c. 6. Et idè inferre sibi mortem ad alias hujus vitæ miseria evadendas, est majus malum assumere ad minoris mali vitatioem.

*Resp. 3.* Non licet seipsum interficere propter aliquod peccatum commissum. S. D. ibidem ad 3.

*Ratio* S. Thom. est. Tum quia in hoc sibi maxime nocet, quod sibi adimat necessarium poenitentiae tempus. Tum etiam, quia malefactor occidere non licet, nisi per Judicium publicæ potestatis; nullus autem, licet super alios

habeat publicam potestatem, est Judex sui ipsius, licet talis possit se committere judicio aliorum, ut S. D. ait ad 1.

*Resp. 4.* Non licet mulieri seipsam occidere, ne ab alio corruptatur. ibidem ad 3.

*Ratio* S. D. est. Quia non debet in se committere crimen maximum, quod est sui ipsius occisio, ut evitet minus crimen alienum. Non enim est crimen mulieris per violentiam violatæ, si consensus non addit, quia non inquinatur corpus, nisi de consensu mentis, ut Lucia dixit: Constat autem, minus esse peccatum fornicationem, vel adulterium, quàm homicidium præcipuè sui ipsius, quo sibi ipsi nocet, cui maximam dilectionem debet.

*Resp. 5.* Nulli licet se ipsum occidere ob timorem, ne consentiat in peccatum. S. D. ibidem ad 3.

*Ratio* ejus est. Non sunt facienda mala, ut eveniant bona, vel ut vitentur mala, præsertim minora, & minus certa: Sed est incertum, an aliquis in futurum consentiat in peccatum, potens est enim Deus hominem, quacunque tentatione superveniente, liberare a peccato. Ergo Quomodo ergo excusas Samsonem, & alios Sanctos, qui seipsos interfecerunt, vel in ignem conjecerunt, ut fecit S. Apollonia?

Ad hoc Respondeo verbis S. Tho. a. 5. ad 4. dicentis ex S. Aug. Nec Samson aliter excusatur, quod seipsum cum hostibus ruina domus oppressit, nisi quod latenter Spiritus sanctus hoc jussit, qui per illam miracula faciebat. Et eandem rationem assignat (S. Aug.) de quibusdam sanctis foeminis, quæ tempore persecutionis seipsas occiderunt, quarum memoria in Ecclesia celebratur. Hæc ibi.

*Resp. 6.* Si membrum sit sanum, non licet ulli privatæ personæ, etiam ipsi (vel de consensu ejus) cujus est, præcindere, bene tamen per auctoritatem publicam propter delicta. Ita S. D. Q. 65. a. 1. in c.

*Ratio* patet ex dictis pro R. 1.

*Resp. 7.* Si membrum propter putredinem sit totius corporis corruptivum, de voluntate ejus, cujus est, licet illud præcindere propter salutem totius corporis. S. D. ibidem.

*Ratio*, quia unicuique commissæ est cura propriæ salutis. Et eadem ratio est, si fiat voluntate ejus, ad quem pertinet curare de salute ejus, qui habet membrum corruptivum, ait S. Thom. qui ad 1. id explicat docens, idque quidem esse contra naturam particularem, putà, ipsius membri, vel hominis: esse tamen secundum naturam, ac inclinationem universalem, in comparatione ad bonum commune.

*Resp. 8.* Ad vitandum majus malum, etiam solum ab extrinseco illatum, licet se mutilare, v.g. abscindere manum ligatam, ad evadendum ignem.

*Ratio*, quia tunc mutilatio est medium necessarium.

cessarium ad conservandam vitam, ad quam membra per se ordinantur.

XXII. *Resp.* 9. Non licet, sed mortale est se castrare propter castitatem servandam. Ita S.D.q.65.a.1.ad 3. dicens: Membrum non est præscindendum propter corporalem salutem totius, nisi quando aliter toti lubveriri non potest. Saluti autem spirituali semper potest aliter subveriri, quam per membri præcisionem: quia peccatum subjacet voluntati.

Et ideo in nullo casu licet membrum præscindere, propter quodcumque peccatum vitandum.

Unde Chrysost. exponens illud Matt. 19. Sunt Eunuchi, qui seiplos castraverunt propter regnum Cælorum; & dicit, non per membrorum abscissionem, sed malarum cogitationum interemptionem: Maledictioni enim est obnoxius, qui membrum abscindit. Etenim qui homicidæ sunt, talia præsumunt. Et postea subdit: Neque concupiscentia manfuetior ita fit, sed molestior. Aliunde enim habet fontes sperma, quod in nobis est, & præcipue a proposito incontinenti, & mente negligente. Nec ita abscissio membri compromittentationes, ut cogitationis frenum: Hæc S. Thomas:

Addo: Quod ex castratione solum impediatur generatio, manente immo magis inflammata concupiscentia, hinc sæpe magis luxuriantur castrati quam alii: quod expressit Ecclesiasticus c. 30. dicens: Sicut Spado complexens Virginem, & suspirans. Eadem Responsio 9. manifestè patet ex Concilio Nicæno. can. 1. c. si quis. dist. 55. Ex his etiam patet intelligentia verborum Christi Matth. 24. Si oculi vestri scandalizate, erue eum: non enim loquitur de parte, seu oculo corporali, sed de spirituali eruendo per remotionem occasionum peccandi.

XXIII. *Resp.* 10. Probabilius, & tutius est, quod non liceat, sed mortale sit se castrare, aut scierit castrari facere, vel permittere, ad retinendam teneram vocem pro musica, etiam divini cultus: unde & parentes id in filiis permittentes mortaliter peccant. Ita colligitur ex S. Tho. q. 65. a. 1. in c. Cujus Doctrina adducta est in R. 6. & 9. Est autem contra aliquos R. R.

*Ratio 1.* Cujuscunque membri amputatio est partialis sui ipsius homicidium, exponitque se homo per castrationem præsentis periculo vitæ. Ergo.

2. Nemo est dominus membrorum suorum, sed solum usufructarius: ergo non potest in eorum abscissionem licitè consentire, nisi pro conservatione totius corporis, vel membri principalis.

3. Castratio non est licita ob finem spirituale, v.g. castitatem, ut patet ex *Resp.* 9. ergo multò minus ob bonum temporale, cum hoc sit inferius illo.

4. Suavitas vocis muliebris non est perfectio

corporis virilis, immò eviratio probro dicitur, & facit non esse integrum hominem: Ergo propter eam castratio non excusatur.

5. Etsi hæc suavitas vocis applicetur ad divinum cultum, non est tamen ei necessaria: nihil dicendo de hoc, quod Spadones ea crebrius utantur extra Ecclesiam, quam intrà; ac intrà per eam sæpe ad lasciviam incitent. Ergo.

Ex his etiam solvuntur Oppositiones Adversariorum, & ex ratione 4. specialiter solvitur id, quod dicunt, usufructuarius posse rem usufructuariam facere meliorem: v.g. arbores inutilis tollendo, meliores inferendo: Sed homo (subsumunt) est usufructuarius sui corporis: Ergo potest illud meliorare: Sed melioratur per suavitatem vocis. Ergo.

Negatur enim secunda min. subsumpta. Vide in Tract. de Censuris, quod homicidium, castratio, aliaque mutilatio, & in quibus casibus, inducat irregularitatem. Et hic obiter solum

Nota, vulgi errorem esse, quod castratus, ad Ordines sive de jure, sive ex dispensatione admissus, partem præcisam pulverizatam debeat portare ad collum. Hæc enim portatio corporis integritatem, ac virilitatem ei non restituit.

QUÆRO V. Licetne in aliquo casu, ob bonum publicum v.g. quo civitas dura premitur obsidione, quam Tyrannus vult solvere, immò ipsi detur caput alicujus innocentis, quem Tyrannus maximè odit: licetne, inquam, in hoc casu directè per se, id est, ex intentione occidere innocentem in sua innocentia permanentem? Item licetne in bello justo saltem?

XXIV. *Resp.* Tutor, & probabilior est sententia negativa, quæ colligitur ex S. Tho. q. 64. art. 6. in fin. c. dicente: Nullo modo licet occidere innocentem. Ubi

Nota, nos hic non loqui de innocente, qui in foro fori est probatus nocens, de hoc enim agitur in Exam. 4. n. 40.

*Ratio 1.* Nemo directè, & per se potest auferre vitam, nisi qui habet dominium vitæ: Sed solus Deus habet dominium vitæ hominis, unde Abraham non peccasset occidendo filium suum Isaac, quia erat ei mandatum a Domino. Ergo.

*Ratio 2.* de bello justo est: Fundamentum belli, & necis est injuria illata: Sed innocentes (uti sunt mulieres, parvuli, Religiosi, Clerici, Peregrini, Hospites, Mercatores, euntes, & redeuntes) non inferunt injuriam, ut supponitur; si enim aliquam inferant, variatur Casus, & fiunt nocentes. Ergo.

Directum est in *Quæst. per se, & directè*, nam indirectè, & per accidens occidere innocentem, non est peccatum, sicut si bellum justum non possit aliter expediri, quam cum nocentibus occidendo innocentes. Eadem ratione Resp. publica

blica licite exposit pro sua defensione vitam civium. Pariter in casu in Q. 5. proposito innocens sponte sua tanquam pars (quæ est propter totum) tenetur se offerre pro bono communi; ut a tanto malo liberet communitatem, quod si non faciat, potest id Respublica ei præcipere; si præcepto non obediat, jam fit nocens, & tunc ut talis potest tradi Tyranno.

*Oppono 1.* Contra hanc indirectam occisionem innocens: in eo casu Respublica non posset Tyranno Codices sacros, aliaque res sacras tradere ad illudendum.

2. Nec Virginem ad violandum, si eam peteret: Ergo nec Innocentem.

*Nego* Consequentiam. Nam juxta omnes DD. honor Dei est præferendus etiam publicæ salutis, seu bono communi, illa autem traditio rerum sacrarum esset sacrilegium, dedecus, & injuria directæ redundans in Deum. Virgini autem magnum immineret periculum animæ, ne consentiat in peccatum.

**QUÆRO VI.** Licetne per medicinas, vel alia media procurare abortum, maxime pro conservatione vitæ humanæ?

*XXV. Resp. 1.* Qui ex malicia impedit, ne scitus humanus concipiatur, aut conceptus animetur, licet non sit propriè homicida, est tamen quasi talis, & mortaliter peccat.

*Ratio:* Homicidium propriè est occisio hominis, quando autem foetus non est animatus, non est homo: quia tamen semen ad generationem hominis ordinatur, est indirecta occisio hominis. Ergo. *Nota tamen, per hoc non incurri irregularitatem.*

*Resp. 2.* Qui voluntariè, sive ipsa sua opera, sive consilio, sive alio modo procurat abortum foetus animati, effectu secuto, gravissimè peccat, & incurrit irregularitatem.

*Ratio:* Quia verè est homicidium. Vide infra de irregularitate.

*Resp. 3.* Probabilius, & tutius est, nunquam licere, directè expellere foetum, etsi nondum animatum, etiam propter vitam conservandam, aut infamiam vitandam, aut scandalum.

*Ratio 1.* Directa procuratio abortus est intrinsecè mala, quia est contranaturam, & finem primarium generationis: Ergo nullo fine cohonestari potest. Et ex opposita sententia sequuntur infiniti abusus.

*Ratio 2.* Substantia feminis non tam proximè servit generationi hominis quam foetus inanimatus: Sed directæ expulsiō feminis est intrinsecè mala, nec ullo fine cohonestari potest v.gr. sanitatis gratia, aut ne parentes graventur prolibus, aut ad cavendam infamiam, seu tuendum honorem, ne adultera, vel puella deflorata concipiat, quibus ea de causa non licet statim post coitum eiicere semen, etiam si vi oppressæ essent, quia hæc violenta oppressio non derogat honori. Ergo.

*Triumphal Confessionarium.*

*Nota,* Inter propositiones ab Innocentio XI. damnatas esse & hanc Num. 34. Licet procurare abortum ante animationem foetus, ne puella deprehensa gravida occidatur, aut infametur.

*Oppono:* Inter duo mala minus potest eligi, quæ est communis regula juris: Sed perdere foetum imperfectum est minus malum, quam miseram mulierem exponere periculo vitæ, scandalis, infamiae, &c. si proles prodeat. Ergo.

*Ad hoc* Respondetur, maj. esse veram de duobus malis pœnæ, ut sunt v.gr. vulnus, vel mors, non verò de malis culpæ: nam nec minimum veniale peccatum licet committere, etiam pro salute totius mundi, juxta illud Christi: *Quid prodest homini, si universum lucretur, anima verò sua detrimentum patitur?*

Quomodo possit inter duo mala culpæ suaderi minus, vide supra Tract. 7. Exam. 7. n. 145. ad Calum sextum.

*Resp. 4.* Juxta communem sententiam licet sumere medicinam, quæ directè, & ex natura sua tendit ad sanitatem matris, & non ad expulsiōem foetus, si sanitas aliter obtineri non possit, saltem si foetus nondum sit animatus.

*Ratio:* Quia tunc abortus sequitur merè per accidens, & medicina sumitur præcisè ex motivo fanitatis.

*Resp. 4.* Idem licet, etsi foetus jam esset animatus, si de matris fanitate jam esset desperatum, & ea non sanata proles prodire nō posset.

*Ratio:* Quia in hoc medicina esset favorabilis matri & proli, quia matre moriente morietur & proles, matre sanata posset supervivere proles, licet fortè per accidens sequeretur abortus.

**XXVI.** *Quid sentis de tempore, quo foetus animatur?*

*Dico:* Communis DD. opinio est, masculum animari die quadagesimo, foemellam octogesimo. Ita docet Aristot. lib. 5. animalium, c. 3.

**XXVII.** *Sed quid, si dubitetur, sitne mas, vel foemina?*

*Dico:* Quoad forum conscientiae (in quo in dubio pars tutior est eligenda) præsumendum est esse animatum post diem 40. Quam sententiam, ut communiorē prædicari in Pœnitentia Romana. testatur Sylvius ex Navarro, multum in dicta Pœnitentia versato. E contra in foro contentioso, dum agitur de penitentia infligenda, pars mitior eligenda est. Et

*Nota,* inter propositiones ab Innocentio XI. damnatas esse, & hanc 35: Videtur probabile, omnem foetum, quamdiu in utero est, carere anima rationali, & tunc primum incipere eandem habere, cum paritur; ac consequenter dicendum erit, in nullo abortu homicidium committi.

**QUÆRO VII.** Estne licitum, privata auctoritate occidere in vasore pro defensione suæ

per-

personæ, seu vitæ, aut bonorum temporalium, divitiarum, pudicitie, honoris, famæ, &c.

**XXV. Resp. 1.** Probabilius est, quod quis regulariter ex motivo virtutis, pro vita corporali, vel spirituali invaloris sui (ut is habeat locum penitentiam) possit se permittere ab eo occidi, dum confidit se esse sine peccato mortali, vel si de eo prius eliciat contritionem: secus non licet.

**Ratio:** Tum quia præceptum de conservanda vita est affirmativum, ideoque non obligat pro semper, sed pro loco, & tempore. Tum etiam, quia licet vita propria secundum se sumpta ex charitate sui ipsius sit præferenda vitæ alienæ etiam secundum se sumptæ, si tamen huic adjungatur supernaturale motivum virtutis, illa præferri potest.

Idem patet exemplo Christi, & plurimorum Martyrum.

**Dixi regulariter.** Non enim licet, si invasor sit multum necessarius Reipublicæ.

**Resp. 2.** Cuius homini licitum est, injustum invalorem suum in ipso actu aggressionis occidere, cum moderamine inculpatæ tutelæ, & si ne omni livore vindictæ, sicut defensio sui, seu vitæ suæ sit finis per se intentus, occisio verò invaloris sit effectus per accidens. Ita expressè S. D. hic q. 64. a. 7. in c.

**Rationes.** S. D. lunt 1. Cuilibet naturale est, quod se conservet in esse, quantum potest, & hoc faciens utitur jure suo, a natura sibi indito. 2. Secundum jura vim vi repellere licet cum moderamine. 3. Actus morales recipiunt specie secundum id, quod intenditur, non autem ab eo, quod est præter intentionem, cum hoc sit per accidens: Sed in casu posito per se intenditur defensio sui, quæ est bona, & licita. Ergo.

**Dixi 1. in ipso actu aggressionis,** nam cessante violentia, & periculo, non licet.

**Dixi 2. cum moderamine inculpatæ tutelæ,** hoc est, ut non faciat plus in defensionem sui, quam sit opus ad evadendum malum intentatum, ut si hoc possit evadere, invalorem vulnerando, non licet eum occidere; Item, si invasor sit inermis, non debet eum aggredi armatus, nisi invasor ex se sit fortior, vel æque fortis.

**Dixi 3. sine omni livore vindictæ,** quia cum eo damnabile est, non minus, ac defendere se cum directa intentione occidendi, vel privata auctoritate se armare in sanguinem proximi. In quo sensu dixit Christus Matt. 26. *Omnis, qui acceperit gladium, gladio peribit.* Et Rom. 12. dicitur. *Non vos defendentes, sed date locum ira.*

**Oppono:** Per illam occisionem invasor æternum perit.

**Resp.** Distinguendo, ex intentione, & malitia defensoris, qui occidit, nego; ex propria malitia, concedo, unde imputet sibi, possit enim sibi consulere desistendo ab invasione.

**XXIX. Quid sentis,** si quis dederit causam

invasioni, seu ut ab alio invaderetur; v.g. maritus deprehendit adulterum apud suam conjugem eumque vult occidere, potestne adulter pro conservatione suæ vitæ occidere maritum?

**Affirmo.** Ratio: Etsi enim peccaverit adulterando, non tamen perdidit jus se contra invasorem, auctoritate publica carentem, defendendi.

An Clericus, si se defendendo interficiat aliquem, sit irregularis, vide infra de irregularitate.

**Resp. 3.** Probabilius est, quod cuivis, sive Laico, sive Clerico licitum sit sua bona fortunæ, quæ sunt magni momenti, contra invasorem defendere, etiam occidendo eum in aquali ablatione, si ea aliter servare, vel recuperare nequeat; sic ut defensio bonorum sit finis per se intentus, non verò occisio. Ita pat. Exod. 22. prout citat S. D. hic art. 7. *si effugeris furem domum, seu sufficiens inventus, & acceptor vulneris mortuus fuerit, percussor non erit reus sanguinis.*

**Ratio 1.** Quia licitum est pro defensione vitæ occidere invalorem. Ergo & pro defensione bonorum temporalium, magni saltem momenti. Prob. conf. Divitiæ sunt instrumenta ad virtutem, & necessariæ ad vitæ conservationem. Ergo.

**Ratio 2.** In eo casu ipse invasor se moraliter occidit, dum a violentia non desistit: ergo sibi imputet suam necem, quam ipse invalor non intendit, licet per accidens sequatur. Ergo.

Ex quo patet intelligi actum verborum S. Aug. L. 1. de lib. arbit. c. 5. dicentis: *Quomodo apud divinam providentiam liberi sunt a peccato, qui pro his rebus, quas contra se oportet, humana cade loquuntur de ea direde intentata polluti sunt.*

**Ratio 3.** Ordo charitatis, vi cuius ad vitam proximi conservandam tenemur velle pati iacturam bonorum fortunæ, non obligat, nisi dum proximus est in urgentissima necessitate perdendi vitam: Sed hoc non est in nostro casu, servat enim vitam, modò ab injuria cesset. Ergo.

**Nota,** inter propositiones ab Innocent. XI. damnatas esse & hanc Num. 31. *Regulariter occidere possum furem pro conservatione unius auri.*

**Item Numero 32.** hanc: Non solum licitum est defendere defensionem occisiva, quæ actu possumus, sed etiam ad quæ jus inchoatum habemus, & quæ nos possessuros speramus.

**Item Numero 33.** hanc: Licitum est tam hæredi quam legatario contra injustè impediendum, ne vel hæreditas adeatur, vel legata solvantur, se totaliter defendere, sicut & jushabenti in Cathedram, vel Præbendam contra eorum possessionem injustè impediendum.

**Dixi 1. magni momenti,** si enim sit res levis, ratio distat oppositum.

**Dixi 2. Si aliter nequeat recuperare;** si enim possit alio quovis modo honesto, vel via juridica, non licet: quia excederet modum.

deramen inculpatæ tutelæ.

XXX. *Sed quid, si invalor bona illa temporalia diriperet non immediate per se, sed per famulos, vel arte magica per demones?*

*Dico sub iisdem clausulis in R. 4. & ante in sinuatis liceret ipsum Principalem occidere.*

*Ratio patet ex dictis.*

*Resp. 4.* Idem sub iisdem clausulis sentiendum de invalor pudicitie, uti & honoris, & famæ, quando quis alicui in seipso modo quodam injurioso invaditur, & magnam honoris auctoritatem patitur, nec aliter honori consulere potest.

*Ratio:* Pudicitia pluris est æstimanda, quam opes, cum sit virtus multum laudata in S. Scriptura, pro qua si ex motivo supernaturali subeat mors, est martirium. Item Prov. 31. Melius est nomen bonum, quam divitiæ multæ. Immo Juristæ dicunt: *Vira, & fama pari passu ambulant*, uti quotidiana experientia docet, maxime apud Nobiles, & Perillustres, non quod sit omnimoda æqualitas (cum vita sit bonum superius) sed quod fama ad æstimationem vitæ plurimum accedat, & omnia alia ordinis naturalis bona excedat, & omnia alia ordinis artificialis, ut ajunt Philosophi, attingit infimum supremi. Subsumo: Sed, ut probatum est, reolutio sublevis pro defensione opum. Ergo, & pro defensione pudicitie, & famæ.

Intelliguntur hæc *salvo moderamine inculpatæ tutelæ*; Genim Virgo suam pudicitiam aliter possit salvare, ad id tenetur, v.g. clamore, fuga, generosa resistentia manibus, pedibusque, ac totis viribus facta, & tunc non potest invalor occidere.

Circa defensionem honoris.

Nota, inter propositiones ab Innocentio XI. damnata esse & hanc Num. 30. *Fas est viro honorato occidere invasorem, qui nititur calumniam inferre, si aliter hæc ignominia vitari nequit: Idem quoque dicendum, si quis impingat alapam, vel fustis percussus, & post impactam alapam, vel istum fustis fugiat.* Hæc enim sententia, merito damnata, aperiebatur viam injuriis, & cadibus. Hinc illicita est non solum occisio, sed & percussio, ac insectio calumniatoris ab injuria cessantis, vel fugientis.

*Ratio:* Quia ejus occisio, percussio, percussio, non est honoris læsi reparatio, sed potius vindictæ, & odii demonstratio; nec dubium, quin dentur alia media honorem recuperandi.

Similiter ab Alexandro VIII. damnata est hæc propositio, Num. 18. *Licet interficere falsum accusatorem, falsos testes, ac etiam Judicem, a quo iniqua cetero imminet sententia, si aliter non potest innocens damnum evitare.*

Merito damnata est hæc propositio.

Nam injuste apud Judicem delatus, vel suam innocentiam potest demonstrare, vel non? Si potest, habet, quomodo honori suo consulit.

Si non potest, & occidit, dat grave scandalum privata auctoritate occulte, seu per insidias occidendo hominem de calumnia non convictum. Plura de duello vide sup. Tract. 7. Exam. 7. u. 131. & seqq.

## E X A M E N III.

*De furto, & iustitiæ commutativæ opposito.*

*De quo S. D. Q. 66. per 9. art.*

QUÆRO I. Quid, & quantum peccatum est furtum, & quomodo differt a rapina?

XXXI. *Resp. 1.* Furtum sic definitur: *Est acceptio rei aliena occulte, & fraudulenta, seu invito Domino.* Ita patet ex S. Tho. hic art. 3. in fine c. & ad 1. & ad 5. in c.

*Explicio;* Nomine rei intelligitur etiam usus, & possessio rei invito domino. Unde fur est, qui sine consensu Domini saltem præsumptum utitur re deposita, commodata, &c. Per ly *occulte* furtum differt a rapina, ut dicitur. Dicitur *fraudulenta*, id est, ex malo animo, non ex ioco, nec ex præsumptio Domini consensu, & abque iudicis, vel Superioris, aut Dei auctoritate. Nam Deus potest rerum dominia transferre, sicut Exod. 11. & 12. Filiis Israel propter labores, & injurias, quas diu perpessi fuerant ab Ægyptiis, dedite eorum thesauros, ut docet S. D. art. 5. ad 1. Per ly *acceptio* intelligitur quævis iniusta detentio rei, & omnis damnificatio, quæ fit destruendo, comburendo, &c.

*Resp. 2.* Rapina definitur, quod sit *acceptio rei aliena per violentiam*, id est, domino videante, & rem suam servare volente.

Ad Rapinam spectat, si quis alterum cogat ad ineundum inæqualem contractum. Si quis faciat injustas exactiones tributorum. Si Latro quid extorqueat metu mortis intentato. Si Telesonarius titulo vespigalis exigit plus, quam debetur. Idem est de aliis ministris, si quid petant, quod ex metu negare non audent illi, a quibus petitur.

*Resp. 3.* Furtum (idem est de rapina) est peccatum ex genere suo mortale. Ita S. D. a. 6.

*Ratio:* Quia contrariatur charitati Dei, & Proximi, uti & iustitiæ, quæ dicitur ut cuius relinquitur, quod suum est.

Dixi *ex genere suo*, quia in individuo potest aliquando esse veniale ex imperfectione actus, parvitate materiæ, ac defectu libertatis.

*Resp. 4.* Furtum, & rapina specie differunt, rapina est peccatum gravius furto.

1. Pars est S. D. art. 4. p. 2. art. 9.

*Ratio S. Thomæ est:* Ubi est diversa ratio specifica involuntarii ex parte ejus, cui aliquid



aufertur, ibi est diversa species iustitiæ, & quo majus est involuntarium, eo major est injustitia: Sed in furto, & rapina est diversa ratio involuntarii, & hoc est major in rapina. Ergo. Maj. pat. quia injustum consistit in hoc, quod aliquid auferatur citra voluntatem domini, nemo enim patitur injustum volens, juxta illam Regulam juris: *Volenti, & consentienti non fit injuria, neque dolus*, nisi esset consensus per injuriam extortus. Min. verò prob. Involuntarium per ignorantiam specie differt ab involuntario per coactionem, & secundum est majus: Sed in furto dominus rei est involuntarius per ignorantiam, & solum negativè, in rapina per coactionem, quia hæc fit domino vidente, vim patiente, nolente, & est involuntaria positivè. Ergo.

Oppono contra dictam Regulam juris: Christus, & SS. Martyres formaliter patiebantur injuriam, nimirum mortem: Sed eam passi sunt scientes, & volentes, seu desiderabant eam. Ergo.

Confirm. 1. Christus voluit subire mortem innocentem, immò de hoc habuit præceptum: Sed non potuit subire mortem innocentem, nisi formaliter injustam. Ergo hanc voluit.

2. S. Chrysothomus homilia super c. 21. Matt. Christus cum tanta gloria est ingressus, ut amplius eorum adversus se excitaret invidiam. Ad. dit.

Ergo si Christus eos provocavit, fortè de morte sua eos fecit innoxios? Absit, excitavit eos, non ut facerent, quod ante noluerant, sed ut possent facere, quod prius volebant. Subsumo: Sed Judæi prius volebant mortem formaliter injustam. Ergo Christus ad hanc eos excitavit. Ergo eam ut talem voluit.

3. S. Laurentius in craticula positus ad Tyrannum dixit: Assatum est jam, versa, & manduca: Ergo voluit actionem, qua ei fieret injustitia.

Ad Oppos. dist. min. pro 2. parte: Desiderabant mortem, non supposita Judæorum, ac Tyrannorum malitia, neg. min. ea supposita, sub. dist. desiderabant mortem formaliter ut injustam, neg. min. ad rationem injustitiæ negativè, seu permissivè se habendo, conc. min. & nego. conseq. Vel 2. aliter: Fuerunt volentes, seu voluntarii, comparativè ad Deum, conc. min. cō. parativè ad iniquam actionem Tyrannorum, sub. dist. ut ante. Christus ergo, & Martyres, malitia Tyrannorum jam supposita, & ad eam se negativè habentes, erant parati pro Deo, & Ecclesia æquo, & patienti animo tolerare quævis supplicia a Tyrannis infligenda. Ut autem liber consensus patientis tollat rationem injusti, requiritur: ut omnino liberè consentiat, saltem implicite in actionem (qua injustitia insertur) formaliter sumptam.

Ad Confirm. 1. dist. min. intendendo per

seipsum formalem injustitiam, neg. min. ad eam permissivè se habendo, conc. min.

Ad 2. Confirm. applicanda est eadem distinctio.

Ad 3. Confirm. Respondetur, S. Laurentium hoc dixisse ex speciali instinctu Spiritus S. & quidem per modum objurgii, seu improperando Tyranno, ut demonstraret, se Dei virtute plus posse pati, quam Tyrannus possit de pœnis infligere. Dixisse, inquam, etiam jam præsupposita Tyranni malitia, qui tormenta eadem intulisset, et si sanctus Laurentius illa verba non dixisset.

QUÆRO II. Quæ materiæ quantitas sufficit, ut furtum sit peccatum mortale?

XXXII. Quot capita, tot sunt sententiæ in hac quæstione: sed cum probabiliori

Resp. cum Bannes, Serra, & aliis, duo, aut tres ad summum ducati, seu aurei sunt notabilis, seu ad mortale sufficiens materia furti, respectu cujusvisque, etiam potentissimi Principis, aut Regis. Respectu mediocriter divitum, ex propriis redditibus viventium, florenus, aut medius Imperialis. Respectu artificum ex proprio quotidiano labore viventium, viginti crucigeri. Respectu pauperum decem crucigeri.

Ratio 1. pro 1. p. Tum quia valor 2. vel 3. aureorum ex communi hominum persuasionem non est modicus, sed res gravis. Tum etiam, quia ipsi Principes ægrè ferunt, si in suis gabellis, vel unico aureo defraudentur. Tum tandem, quia opposita sententia majorem pro divitibus requirens quantitatem, exponit eos periculo multorum furtorum, seu damnum.

Ratio 2. pro tota Responsione: Quantitas sufficiens ad mortale furti taxatur ex respectu ad personam læsam, an sit rationabiliter invita, ejusque damnum: Sed ditissimus homo ex ablatione 2. vel 3. aureorum, & aliæ personæ in Responsione nominatæ ex ablatione summx specificatæ patiuntur grave damnum: Ergo. Min. prob. Gravis damni in furto, & ratio involuntarii in persona læsa, non est pensanda solum ex eo, quod dominus patitur damnum in sua persona, seu in usibus personalibus, nimirum victu, vestitu, &c. sed etiam ex eo, quod inter temporalia privetur aliquo notabili bono, scilicet facultate disponendi de re sua, vel menstruo stipendio alicujus ministri inferioris, vel militis: Sed privatur etiam ditissimus per ablationem duorum, vel trium aureorum, & sic de aliis in Responsione nominatis. Ergo.

Ratio: In rigidiori sententia ex natura rei, & objecto notabilis materia furti est quantitas sufficiens ordinario victui diurno illius, cui fit dānum. Sed ditissimus, v. g. Rex, si regē vivat, pro sua persona victui ordinario unius diei infumit non minus, quam duos, vel tres ducatos, & his suffiunt: Mediocriter divites infumunt non minus

minus medio imperiali, vel floreno, qui & sufficit: Artifices non minus viginti, & pauperes non minus decem crucigeris. Ergo.

*Dixi viciui diurno ordinario*, ad quem non sufficit unum ovum, licet possit contingere aliquem uno die eo esse contentum, nec proinde ejus ablatio esset mortalis. Item quia personæ illustres sæpe opiparè viventes plus infumunt uno die, quàm 3. aureos, ad mortale non requiritur, ut auferatur tantum, quanti constat tam lauta unus diei mensa.

*Quid si quis Regi auferret tres aureos in unum uno, vel duobus crucigeris?*

*Dico*, æquè mortaliter peccat. Quia, quod parum distat, nihil distare videtur. Nec in Responsione quantitas furti est determinanda mathematicè, sed moraliter, sicut pretia rerum quæ non consistunt in indivisibili termino.

**XXXIII. Oppono 1.** Rex aliquis parum curat nec est invitus, si centum aureos perdat, & debet esse liberalis. Ergo qui eos illi furatur, non peccat mortaliter.

*Oppono 2.* probando, quod respectu omnium debeat assignari eadem quantitas ad mortale sufficiens.

Furtum in tantum est peccatum, in quantum contrariatur Iustitiæ commutativæ: Sed, qui Regi furatur florenum, Iustitiæ commutativæ æquè graviter lædit, quàm qui illum furatur diviti. Ergo. Min. prob. Iustitiæ commutativa respicit æqualitatem rei ad rem, non attendendo merita personæ, uti distributiva respicit, propter quod Rex æquè caro pretio debet solvere, quod emit ar rusticus. Ergo.

*Ad 1. dist. ant.* Non est invitus rationabiliter neg. ant. fecus, conc. ant. & neg. conf. Nam in eo casu Rex rationabiliter debet esse invitus ob tres rationes pro Responsione datas, & inconvenientia in eis adducta.

Pariter liberalitas Principis debet esse rationabilis, alioquin erit prodigalitas.

*Ad secundum neg.* minorem ad prob. dist. ant. æqualitatem rei nudè sumptæ ad rem, neg. spectatis circumstantiis locorum, temporum, & personarum, conc. ant. & neg. conf. Eadem enim res plus valet uno tempore quàm alio, & plus apud unum quàm apud alium: sicut aurum pluris æstimatur apud Germanos quàm apud Indos, apud quos est copia auri: & florenus pluris æstimatur apud pauperem quàm apud divitem, licet valor intrinsecus non sit major. Ergo si auferatur mediocriter diviti, gravius læditur Iustitiæ commutativa, quàm si ditissimo auferantur.

Ceterum Iustitiæ distributiva respicit quidem etiam conditionem personæ, id est dignitatem meritorem, juxta eam distribuendo bona communia, sed hoc non asseritur de commutativa.

Ergone plus tenetur restituere, qui florenum auferit pauperi, quàm qui diviti.

*Dico.* Absolutè, & secundum se non teneri, bene tamen supposito majori damno pauperis, quæ de causa etiam peccatum est majus.

**XXXIV. Pono tres casus:** 1. Furatur quis futuro subulam, vel sartori acum, quam habet, unicâ & quæ sola se, suosque alit, nec aliam comparare potest, peccatne mortaliter peccato furti?

2. Itinerans intrat vineam, comeditque uvas, peccatne?

3. Auferit quis alicui rem quidem modicam, sed domino pergratam, & ab eo valdè æstimatam, cujus jactura negerrimè fert, & ex ea plurimum perturbatur.

*Ad 1. dico:* Talis peccat mortaliter, non o valorem rei, sed ratione gravis damni secuti. Patet.

*Ad 2. dico ex Deut. 23.* Ingressus vineam proximi tui comedere uvas, quantum tibi placuerit, foras autem ne afferas cecum.

*Ad 3. dico,* non esse formaliter peccatum mortale furti, sed contra charitatem, si damnicæ providet ex ea perturbatione, vel indignatione grave malum corporis, vel animi inde eventurum. Nam charitas dicitur, a tali actione abstinendum.

**QUÆRO III.** Peccaturne graviter per plura furti minuta, & quomodo ac quando?

**XXXV. Resp. 1.** cum S. Th. hic art. 6. ad 3. Qui committit furti minuta cum animo per ea discedendi, seu notabilem quantitatem auferendi, in quovis furti peccato peccat mortaliter, non quidem novo, & distincto, sed eodem mortaliter continuato peccato: in quantum omnia furti subsunt uni voluntati accipiendi notabilem quantitatem; ad restitutionem tamen sub mortali non tenetur, nec reservationem, aut censuram (si quæ pro gravi furto lata esset) incurrit, nisi dum rei plura notabilem quantitatem attingit,

*Ratio 1. part.* Actus externus imperatus malitiam suam habet ab interno imperante. Sed actus internus in eo casu est mortaliter peccaminosus ex objecto, nimirum gravi damno proximi: Ergo & externus.

Notent hoc Confessarii pro confessionibus mercatorum, qui habent minores mensuras: leviora pondera, vel aromatibus admiscunt quædam inutilia. Item cauponum, vino, vel cerevisiæ sæpe aquam infundentium. Et sartorum, qui multas panni particulas auferunt, sive ab uno, sive a diversis, de quibus postea.

*Ratio 2. p.* Grave onus restit. reservatio, & censura supponit grave damnum effectivè illatum.

*Resp. 2.* Probabilior est sententia Thomistica, quod, qui sine dicta intentione, sed solum occasione libenter plura furti minuta committit, successivè tamen notabilem quantitatem accipit, mortaliter peccet, non quocunque actu, sed illo, quo cum furtorum præteritorum adverte-

tentia



tentia complet materiam gravem. Quod verum est, sive furetur ab uno, sive a diversis. Et toties, quoties materiam pro mortali sufficientem de novo complet.

*Ratio 1. Part.* Est ultimum furtum secundum se sumptum non attingit notabilem quantitatem, sicque absolute, & practice acceptum non inferat proximograde damnum, bene tamen virtute præcedentium furtorum, & utcum illis combinatum; sicut a pari in die jejunii post plures minutas comestiones, ultima qua quis advertit, se complere materiam gravem, jejunii fractivam, illud frangit. Ergo.

Ex quo ruit fundamentum adversariorum opponentium, quod peccata venialia quantumvis multiplicata, non faciant unum mortale, v.g. plures detractioes veniales.

Nam hoc solum verum est, si non afferant materiam sive in se gravem, sive graviter damnosam proximo, uti tamen affert furtum, simile est in jejunio. Scüs in detractioe, quæ tamen si etiam afferret, esset paritas.

*Dixi cum advertentia furtorum prætoriorum*, quia inculpabilis inadvertentia ab omni peccato excusat.

*Ratio 3. Part.* quod nimirum peccet mortaliter; sive ab uno, sive a pluribus furetur, est. Tum quia valor talis materiæ combinatæ in se non est modicus, sed gravis. Tum etiam, quia licet singuli non graviter damnificentur, bene tamen communitas. Tum tandem quia opposita sententia dat patrocinium iis, qui diversos in parvis defraudant, & occasionem iterandi furta.

*Tertia pars* patet ex dictis.

*Resp. 3.* Fur in Responsione 2. depiçus, non solum mortaliter peccat ratione detentionis rei alienæ notabilis, ut distinguit Malderus, & alii, quæ tamen distinctio parum facit ad praxim; sed etiam ratione injustæ acceptionis.

*Ratio:* Quia non tantum detentio, v.g. trigessimæ, vel quadragessimæ crucigeri ratione advertentiæ mortaliter continuatur cum prioribus detentionibus, sed & acceptio cum acceptionibus. Nam in ultimo actu, advertens materiæ gravitatem, consentit in eam.

*Resp. 4.* Sidiçus fur ante ultimum, vel antepenultimum furtum materiæ notabilis completivum seriò proposuisset a furtis desistere, ac restituere, & tamen postea furetur, non peccat mortaliter.

*Ratio:* Quia non adest moralis continuatio ob retractationem voluntatis. Ergo.

*Resp. 5.* Ut dictus fur peccet mortaliter, nihil refert, quod inter furta minuta intercedant longa intervalla, v.g. aliquot septimanarum, vel mensium. Nec requiritur major quantitas si furetur a diversis, quam ab uno.

*Ratio 1. p.* Quia illa intervalla solum tollunt

continuationem physicam, manente morali per hoc, quod furciens, & advertens, per ultimum furtum compleri materiam gravem, consentiat in illam. Ergo.

*Ratio 2. p.* Licet tunc singuli non sint graviter inviti, nec graviter damnificentur, bene tamen communitas, ut dictum est.

*Resp. 6.* Qui modicum furatur illi, cui plures alii etiam modicum furantur, v.g. vas ex vinea, poma ex orto, licet id sciatur, non peccat mortaliter, nisi suo exemplo, hortatione, vel consilio aliis sit causa furandi.

*Ratio 1. p.* Quia est causa levis damni.

*Ratio 2. p.* patet ex supra dictis cooperantibus damno. Tract. 8. Exam. 6. n. 14.

Nota, in omnibus hisce prudentiam Confessarii esse necessariam.

**QUÆRO IV.** Quid sentis de furtis uxoris, filiorum, domesticorum, famulorum, sartorum, &c.?

**XXXVI.** Ante Responsionem revideantur dicta supra de dominio uxoris super bona paraphernalia, & de donationibus earum. Item de dominio filiorum super bona castrensia, vel quasi.

*Resp. 1.* Uxor invito rationabiliter marito, vel maritus contra voluntatem etiam præsumptæ uxoris, furtivè aliquid notabile ex bonis propriis ejus, vel ex bonis communibus, peccat peccato furti mortaliter.

*Ratio* patet ex definitione furti, quia est alienum, vel quoad usum, vel usum fructum.

*Resp. 2.* Regulariter loquendo ad furtum mortale maior quantitas requiritur in uxore, liberis, sanguine junctis, & famulis, maxime quoad esculenta, & poculenta, eorum curæ commissa: modò ipsæ esumant.

*Ratio:* Tum quia non furtivè pretiosa, ut suppono: tum etiam quia domini non sunt valde involuntarii, saltem circa rem ipsam, licet sint circa modum; nec exinde graviter damnificantur: quia minus postea edunt hora consueta. Ergo.

Exceptio est, si auferrent integros cibos, vel pro alia mensa Domini asservandos, vel pro stipendio alicujus officialis destinatos, quia ille esset rationabiliter invitatus.

*Resp. 3.* Filius mortaliter peccat, si quid notabile occulte, & parentibus rationabiliter invitatus accipiat de bonis, quorum dominium, vel usus fructus est penes parentes, teneturque restituere.

*Ratio.* Quia est verè furtum,

*Resp. 4.* Quantitas in filio ad mortale sufficiens non est eadem respectu omnium, sed prudenti judicio determinanda pro conditione status, loci, & circumstantiarum, sicut minor quantitas sufficit pro Filio Patris mechanici, quam prædixit. Patet.

Ex quo sequitur, graviter peccare, immò  
ad

ad restitutionem teneri filios (nisi rationabiliter possint præsumere condonationem parentum, vel fratrum) si pecunias pro studiis, vestibus, libris, &c. sibi missas in notabili quantitate impendant sibi, computationibus, fœminis, &c. Quæ restitutio si non possit fieri aliter, debet illa quantitas post mortem parentis adduci in divisionem cum fratribus.

Nota, inter propositiones ab Innocentio XI. damnatas esse & hanc Num. 38. *Non tenetur quis sub pœna peccati mortalis restituere, quod ablatum est per pauca furtiva, quantumcumque sit magna summa totalis.*

Item & hanc Numero 37. *Famuli, & famula domestica possunt occulte lãteris suis surripere ad compensandam operam suam, quam majorem judicant salario, quod recipiunt.*

Resp. 5. Fragmenta, quæ moraliter loquendo habentur, ut sponte derelicta a dominis, eod quod sint exigui valoris, vel eis omnino ului esse non possint, licite sartores retinent. Patet.

Resp. 6. Si valor fragmentorum attingat materiam gravem, & sartor accipiat justum laboris pretium, licite ea non retinet. Patet.

Si verò justum laboris stipendium juxta contractum, vel (secluso contractu) juxta aliorum morem non accipiat, licite retinet, pro quanto injustè subtrahitur.

Ex quo proportionabiliter patet, quid quoad hoc liceat, vel non liceat famulis sartorum, dũ Magister eis justum salarium dat, vel non dat.

QUÆRO V. Licetne furari propter necessitatem?

XXXVII. Ante Responsum vide supra Traç. 7. Exam. 6. num. 87. quod necessitas sit triplex, scilicet extrema, gravis, communis, quæ ibi explicantur.

Resp. 1. In extrema necessitate licite potest aliquis propria auctoritate ex rebus alienis lux necessitati subvenire, sive manifestè, sive occultè sublati, nec hoc propriè habet rationem furti, vel rapinæ. Ita S. D. art. 7. in c. in fine.

Ratio S. D. est. Tum quia in extrema necessitate omnia sunt communia in hoc sensu, quod necessaria vitæ, non verò amplius, sint occupantis. Tum etiam quod divisio, & appropriatio rerum facta est jure humano: Sed hoc nequit præjudicare Juri Naturæ, quod dicitur, per res inferiores esse subveniendum necessitati hominum. Ergo. Vide Traç. 8. Exam. 6. n. 126.

Resp. 2. Probabilius est, in gravi necessitate id non licere. Nam inter propositiones ab Innoc. XI. damnatas est hæc Num. 36.

*Permissum est furari non solum in extrema necessitate, sed etiam in gravi.*

Plura, quæ hic dici possent, dicta sunt supra de Eleemosyna Tr. 7. Exam. 6. n. 86. & seqq.

Tum de impotentia restituendi Traç. 8. E-

xam. 6. n. 126. & seqq. ubi etiam patet, an talis transacta necessitate teneatur restituere.

## EXAMEN VI.

*De Justitia Judicis. De qua suo ordine agi  
S. D. Q. 66. per 4. art.*

QUÆRO I. Potestne quis judicare aliquem sibi non subiectum?

XXXVIII. Respondeo negativè cum S. D. hic quæst. 67. art. 1. Cujus Ratio est: Sententia Judicis habet vim coactivam (cũ sit lex particularis) qua utraque pars collitigans compellatur ad parendum ei: Sed cogi non potest nisi subditus: Ergo.

Not. ex eodem art. variis modis posse aliquem esse subiectum. Ratione potestatis ordinariæ, uti omnes fideles subduntur Papæ, Diocessani Episcopo, Regnicolæ Regi. 2. Ratione commissionis, vel potestatis delegatæ, idque, vel divinæ, sicut Daniel judicavit Seniores c. 13. Et Moyses Exod. 2. interfecit Aegyptium: vel humanæ, qualis est in Nuntio Apostolico, ac Vice-Rege. 3. Ex consensu partium ut litigantes compromittant in certos arbitros, se eorum decisione parituros, adjuncta etiam pœna tergiversanti infingenda. 4. Sortitur quis forum ratione delicti, vel contractus: quare potest quis puniri a Judice loci, in quo delinquit.

Oppono: Christus est Rex Regum, & tamen fuit judicatus a Pilato, seque illi subiecit. Ergo.

Distinguo: Ipse Christus Joannis 19. dixit: *Non haberes potestatem adversum me ullam, nisi tibi datum esset desuper.* Ergo non iniquè.

Ad hoc Respondetur, intelligi de potestate non superiori, ac juris, sed facti, & permissionis. Undely datum non idem sonat ac permissum. Hinc

Nota, quod non dicat super me, sed adversum me.

Potestne Papa alterius judicio se submittere? De hoc vide supra Traç. 7. Exam. 1. n. 32.

XXXIX. Quid sentis de Clericis, an sint subiecti potestati sæculari?

Dico, nullus Judex sæcularis potest judicare Clericum.

Ratio: Quia sunt exempti Jure Imperatorio, & Civili.

Nonne saltem Judex sæcularis potest Clericos comprehendere jure defensionis innocentis, vel pacis Republicæ, eosque detinere, usque dum propriis Ecclesiasticis Prælati eos tradat?

Affir-

*Affirmo. Ratio:* Ut tranquillitati communi consulatur, & pauperum, vel innocentum oppressio vitetur.

Quomodo Clerici indirectè teneantur legibus civilibus, vide suprà Tra&. 6. Examin. 5. n. 85.

**QUÆRO II.** Licetne Judici sententiam ferre contra eum, quem scientia privata scit esse innocentem, sed per publica testimonia, seu secundum allegata, & probata est nocens, seu reus?

**XL. Resp.** Affirmativè cum S. Thoma art. 2. sive sermo sit de civilibus; sive de criminalibus, & servato juris ordine: immò ad id tenetur, si innocentem aliter salvare non possit. De quo ad Q. 3. R. 5. Est contra plurimos extraneos.

*Ratio I.* Tum quia omnia jura Canonica, & Civilia ajunt, quod ex instrumentis sit certus Judex de jure litigantium. Tum quia Judex licet facit, & facere tenetur id, quod ei incumbit ex vi officii, sed officium Judicis, ut Judex est, seu persona publica, est judicare secundum scientiam publicam, quæ habetur per allegata, & probata: unde lex divina mandat Deut. 17. In ore duorum, vel trium testium stabit omne verbum. Ergo.

*Ratio 2.* Ex vi officii Judici incumbit major cura conservandi tranquillitatem publicam: quam conservandi innocentem, cujus occisio a quoque judiciali distat tranquillitatis conservatio solum per accidens, & præter intentionem annectitur (lex enim, quæ stat pro bono communi, fortius ligat, quam quæ stat pro privato, ut est vita innocentis) Sed si Judex innocentem per testes convictum, parte, & populo instante non condemnaret, tranquillitas publica turbaretur, populus enim de innocentia, soli Judici privatim nota, nihil sciens, meritò clamaret, non servari Jura. Ergo.

Confirmo; per accidens, & præter intentionem occidere innocentem dando operam reicicere, & necessariæ, seu debito modo exercendo suum officium, non est contra ullum jus; sive naturale, sive divinum, ut supra diximus de occisione innocentum in bello justo. Sed sic est in præsentia. Ergo.

**XLI. Oppono I.** Non licet judicare contra veritatem, unde c. qui scandalizaverit, de Reg. Jur. dicitur: Utilius scandalum nasci permittitur, quam veritas deleatur.

2. Non licet mentiri. Sed talis Judex mentiretur. Ergo. Min. prob. Quia loqueretur contra mentem suam. Ergo.

3. Occidere innocentem est intrinsecè malum. Ergo.

4. Et talis probetur nocens, reverà tamen manet innocens. Unde in Jure prohibetur judici condemnare eum, quem æterni Judicis Tribunal reum non facit. C. Cum æterni. de

sent. & re judicata in 6.

5. Testes falsi non deserviunt veritati inquirendæ: Sed. Ergo.

6. Sequitur, Pilatum non peccasse condemnando, Christum. Prob. Quia processit secundum allegata, & probata. Ergo.

7. Si per legitima testimonia, id est, contra quæ nulla est exceptio, in judicio probaretur, quod Anna sit uxor Pauli, qui tamen pro certo scit non esse suam uxorem, etsi Judex præciperet, ut ea conjugaliter uteretur, debitum reddendo, id non posset licitè. Ergo similiter.

8. Papa nequit definire, aliquam propositionem esse de fide, quam ipse certò scit non esse de fide, licet multi Doctores asserant esse de fide. Ergo a pari, &c.

9. Confirmator privata scientia sciens eadem esse indignum, non potest eam confirmare. Ergo similiter.

10. Si Judex privata scientia sciret aliquam legem esse iniquam, non potest judicare secundum illam, etsi plures assererent esse justam. Ergo similiter.

11. Judex in eo casu legem, quæ distat esse procedendum secundum allegata, & probata, teneretur per EpiKejam interpretari, quod hic, & nunc non liget. Ergo Prob. ant. EpiKeja tunc locum habet, quando ex observatione verborum legis sequitur aliquid contra intentionem Legislatoris: Sed hoc sequitur, nimirum occisio innocentis. Ergo.

12. Judex repræsentat personam totius Reipublicæ. Sed si tota Respublica talem sciret innocentem, non posset eum damnare. Ergo nec Judex.

*Ad 1. dist. ant.* Judicare publicè contra veritatem publicam, C. ant. contra privatam, N. ant. Oppositum patet ex probatione.

*Ad 2. N. min. ad prob. dist. ant.* Loqueretur contra mentem, ut est mens personæ privatæ, C. ant. ut est mens personæ publicæ. N. ant.

*Ad 3. dist. ant. directè, C. indirectè, N. Patet ex ratione 2. & confirm.*

*Ad 4. dist. ant.* Manet innocens absolute. C. in judicio, N. Unde & manet innocens in foro poli, seu coram Deo: quia tamen est probatus nocens, ejus vita subditur potestati humanæ. Ubi

Not. ex S. Tho. ad 2. quòd Deo, idem est de Christo, competit judicare secundum propriam potestatem, & ideo in judicando informatur secundum veritatem, quam ipse cognoscit, non secundum hoc, quod ab aliis accipit. Secus est de aliis Judicibus.

Ad Caput *Cum æterni* dicitur, intelligi de eo, quem nec in foro interno, nec in externo tribunal æterni Judicis reum habet. Tribunal ergo humanum secundum allegata, & probata procedens,

dens, est quædam participatio tribunalis divini secundum ordinem legitimæ Juris, si is servetur. Quia aliàs Judex, qui ex ignorantia condemnaret innocentem, etiam condemnaret eum, quem æterni judicis tribunal non habet.

*Ad 5. dist. ant.* Testes falsi, nec præsumpti ut veri, C. præsumpti, subditi. Non deferunt veritati privatim cognoscendæ, C. ut est in judicio. N. ant.

*Ad 6. N. illatum, ad prob. dist. ant.* Legitimè, & conservato Juris ordine, N. secus. C. Nam facit textus expressè ait: *Sciebat, quod per invidiam tradidissent eum: Testimonia non erant convenientia. Adduxerunt falsos testes.* Item condemnavit Jesum ex timore Cæsaris, & plebis: *Tinebat verò plebem. Si hunc dimiseris, non es amicus Cæsaris.*

*Ad 7. N. conf.* Nam Judex quidem rectè tunc judicat, ut potest secundum allegata, & probata, quia ibi se gerit ut persona publica; Paulus tamen non potest parere illi sententiæ, quia se gerit ut persona privata, regulans sese secundum scientiam privatam.

*Ad 8. N. conf.* Quia defensio veritatis de fide non pendet ex scientia privata Papæ (posset enim privatim esse hæreticus) nec ex testimonio hominum, sed ex assistentia Spiritus Sancti.

*Ad 9. N. conf.* Quia Confirmator eo actu non tenetur procedere secundum allegata, & probata, sed prout judicat expedire bono communi, quod potest scire scientia privata, & uti illa.

*Ad 10. N. Conf.* Quia bonitas legum non pendet ex testimonio asserentium, sed ex eo, quod lata sit ab habente auctoritatem, & sit conformis legi naturæ, aut veritas facti in judicio pendet ex allegatis, & probatis, seu legitimo ordine juris.

*Ad 11. N. ant. ad prob. dist. ant.* Si sit simul contra bonum commune, C. secus. N. Intentio ergo Legislatoris est, ut judex non sequatur sententiam privatam, quod si non faceret, sed dictam legem interpretaretur per epikéram, sequeretur contra bonum commune turbatio Reipublicæ, & populi, ut patet ex ratione 2.

*Ad 12. dist. maj.* Repræsentat secundum notitiam publicam, C. privatam, N. Si ergo toti Reipublicæ innocentia hominis esset nota, esset innocens non solum secundum scientiam privatam, sed & publicam.

*Sed quid* si ipse Judex illos falsos testes, & accusatorem subornasset, eorumque impetitionem impedire amplius non posset?

*Disco:* Gravissimè peccasset, & cum pari periculo vitæ teneretur infamatum, ejusque vitam conservare.

**QUÆRO III.** Quid in casu posito Judex

tenetur facere, ut liberet innocentem?

*XLII. Resp. 1.* Officium propter hoc resignare non debet.

*Ratio:* Quia formaliter, & per se nulli facit injuriam, sed utitur jure suo.

*Resp. 2.* Si sit Judex inferior, saltem ex charitate tenetur causam remittere ad superiorem (si sine gravi damno suo possit) vel concedere appellacionem ad illum, & coram illo pro innocente testem agere, ac iniquorum testimonio pro possibili infringere.

*Resp. 3.* Remissa ad se causa tenetur testes stricte examinare, etiam cum exprobratione: & legis pœnas, quantum potest, mitigare: immò, si sine scandalo fieri potest, dare occasionem fugæ, v. g. carcerem relinquendo apertum.

*Resp. 4.* Si sit Judex supremus, & possit fieri sine scandalo, & damno Reipublicæ, tenetur in legibus dispensare, ut vitam salvet.

*Ratio* horum omnium est: Quia quilibet tenetur viis licitis defendere innocentem.

*Resp. 5.* Si hæc omnia non juvent, subsistit Responso ad Quæstionem 2.

**QUÆRO IV.** Potestne Judex judicare aliquid non accusatum?

*XLIII. Resp. 1.* Non potest. Ita S. D. art. 3. *Ratio* ejus est: Homines confugiunt ad iudicem sicut ad justitiam animatum, justitia autem non est ad seipsum, sed ad alterum: Ergo oportet, quod Judex judicet inter aliquos duos, quod fit cum unus est accusator, & alter reus.

*Not. 1. ex S. Th. art. 3. ad 1.* quod Deus in suo judicio utitur conscientia peccantis quasi accusatoris, vel etiam evidentiæ facti quantum ad ipsum, juxta illud Gen. 4. *Vox sanguinis fratris tui Abel clamat ad me de terra.* Et ad 3. ait: Deus in suo judicio procedit ex propria notitia veritatis, non autem homo, ut patet ex dictis ad Q. 2. Et ideo homo, non potest simul esse accusator, & testis, & judex, sicut Deus; ex cujus instinctu, (ut subdit S. D.) Daniel fuit simul accusator, & judex, quasi divini judicii executor.

*Not. ex solut. ad 2.* quod publica infamia etiam habet locum accusatoris. Unde super cit. Gen. 4. de Abel, ait Gloss. Evidentiæ patratu sceleris accusatore non eget: Ex quibus patet; Responzionem primam intelligi, vel de accusatore formali, vel de virtuali, id est, habente locum accusatoris. Quod etiam spectat denunciatio juridica, qua crimen deferretur ad iudicem, ut ipse inquirat, & pro bono Reipublicæ puniat. Vide, quæ dicuntur in seq. Exam. s. n. 48. & seqq.

*Resp. 2.* Præter accusationem requiritur, ut reus citetur, audiatur, & locum defensionis habeat.

*Ratio* patet ex ipso jure naturæ. Unde est tri-



tum illud. *Audiat & altera pars.*

Hæc tamen subinde expedit sine manifestò processu fieri, & clam, ut si timeatur, ne tumultus fiat in populo, v.g. si in flagrantissimo sit deprehensus, vel occultus proditor Patriæ, vel offensus Majestatis, &c. esset occidendus.

*Resp. 3.* Judex etiam supremus non potest condemnare eum, quem ipse scientia privata scit esse mortis reum, sed in publico probatur innocens.

*Ratio* patet ex dictis ad Q. 3. & 4. Quia non est confensus, nec iuridicè convicius; in se quidem nocens, sed in iudicio innocens.

**QUÆRO V.** Potestne Judex licitè remittere pœnam? & quam sententiam debet sequi in iudicando, præsertim in favorem amici?

*XLIV. Resp. 1.* cum S. Thom. 2. 4. Nullus Judex, etiam supremus, potest licitè remittere pœnam, quam iustè exigit injuriatus pro injuria.

*Ratio:* Judicis est, jus suum cuique tribuere, nec potest prohiberi alicuique eo privare.

Exceptio est, si reus esset persona Reipublicæ valde utilis, quia tunc reclamante etiam accusatore (quia alia satisfactio debet esse contentus) Judex supremus posset eidonare vitam.

Sed caveant Judices, nec in pœnis sine iusta causa relaxandis, vel commutandis nimium sint faciles, & ea ratione se ipsos multorum criminum reos faciant, multi enim pecuniæ dispendium non curantes inde facile capient anam persistendi in latrocinio, adulterio, concubinato, &c.

*Resp. 2.* Princeps, qui habet plenariam potestatem, seu supremus in Republica, si ille, qui passus est injuriam, velit eam remittere, poterit eum licitè absolvere, si viderit, hoc publicæ utilitati non esse nocivum. Ita S. D. in fine Corp.

*Ratio* patet ex ipsis terminis: Qui habet plenariam potestatem.

*Resp. 3.* Judex inferior id non potest.

*Ratio:* Quia debet procedere secundum Leges sibi a superiore impositas, & præscriptas.

*Ad 2. partem Quæstionis* patet ex dictis supra Tract. 2. Exam. 3. n. 28.

**QUÆRO VI.** Licetne Judici acceptare munera, vel sportulas?

*XLV. Ante Responsionem Nota,* discrimen esse inter sportulas, & munera.

Nam *primò* munera propriè, seu strictè, & in rigore sunt, quæ ex intentione dantur, non pro labore, ne ex debito, sed pro favorabili sententia obtinenda, vel obtenta, quam proinde quasi venale faciunt, unde & corruptiones vocantur. Sportulæ sunt certa pecuniæ quota per consuetudinem posita, ab utraque litigantum parte æqualiter solvenda ex debi-

to: Non intuitu sententiæ, nec ad corruptendum iudicem.

*Secundò:* Munera sumi possunt in largiori significatione, tanquam donaria, seu honoraria ex mera liberalitate, vel ex gratitudine data iudici, vel alteri Officiali, & hoc vel ante, vel post latam sententiam. Munera sive in proximo, sive in secundò sensu dari possunt in ære, vel in eluculentis, aut poculentis? Hoc notato

*Resp. 1.* Certissimum est, quòd nullus Judex, vel publicus Minister Justitiæ salva conscientia possit accipere munera propriè sumpta, etiam modica; nimirum in primo sensu, sive ante sive post sententiam, etiam ab eo, qui habet iustam causam, sive in genere, sive in aliogenere, sed peccat graviter dans, & recipiens. Ita communiter Jura Canonica, & Civilia.

*Ratio.* Tum quia iustitia non est venalis, seu vendibilis. Tum quia per munera tribunalia pervertuntur, iustitia eliminatur, & magna scandala generantur. Hinc illi Versus.

*Mutnegra cum murva faciunt reßissima curva.*

Retrogradè *mutnegra* argentum, *murva* aurum:

*Auro pulsa fides, auro venalia jura,*  
Et refertur, ab uno litigante fuisse aliquando iudici missus bos, ab altero ejus uxori præpinguis vacca.

In iudicio Judex loquebatur pro vacca; quòd inaudiens alter, clamavit: *Bos, Bos, tu loquere,* Respondit iniquus Judex: *Bos loqui non potest, quia vacca non permittit.*

*Resp. 2.* Accipiens talia munera tenetur ea restituere, & graviter esse puniendus. Ita Jura.

*Ratio* ex dictis: Quia opera justitiæ non sunt venalia. Not. Si hæc munera in specie sint data ad corruptendum iudicem (uti de his hic loquitur) hicsc datum vindicabit: Vel si sit causa Ecclesiastica jussu iudicis superioris applicabitur Ecclesiæ, vel pauperibus.

*Resp. 3.* Judex Ecclesiasticus sive ordinarius, sive delegatus sportulas exigere non potest.

*Ratio:* Quia habet sufficientem sustentationem ex beneficio. Ergo non debet reculare justitiæ gratis administrare.

Excipiuntur expensæ si delegatus, quas facere debuerit pro itinere, &c. modò partes non sint pauperes, quia tunc nec illas rectè exigit.

*Resp. 4.* Judex civilis ordinarius nequit exigere sportulas.

*Ratio:* Quia communiter a suo Principali, nimirum, Principe, Republica, Comite, &c. habet suum salarium.

*Dixi, ordinarius.* Nam si summa, pro qua litigatur, excedat centum aureos, potest delegatus moderatas sportulas accipere, prout fert laudabilis, loci consuetudo. Ita patet ex Novell. 82.

c9. Et hic recolligenda est ante data in Not. differentia inter munera, & sportulas.

*Resp. 5.* Acceptare munera in secundo sensu tamquam donaria, vel honoraria sponte, & liberaliter data ante sententiam, periculosum est, & scandalum, si sint notabilis quantitatatis.

*Ratio:* Quia subest periculum perversionis justitiæ, ne animus Judicis ad injustitiam flectatur.

*Resp. 6.* Elculenta, & poculenta, sine ulla ex actione a partibus oblata, præsertim modica, nimirum uno die consumptibilia, etiam ante sententiam acceptare, non videtur illicitum, si desit scandalum.

*Ratio:* Quia non præsumitur animus boni viri per hæc modica a justo desistendus.

*Dixi, si desit scandalum.* Quia, ut ait Apostolus, *multa licent, quæ non expediunt.* Unde quia Ilaías c. 33. monet, *justum debere excutere manus ab omni munere* ad cavendas cavillationes, & detractiones partium, etiã ab iis Judex abstineat.

*Resp. 7.* Minus illicitum est ea acceptare post litem seculo scandalo, & omni etiam virtuali, seu implicita eorum petitione, aut promissione semota.

*Ratio:* Quia cessat ratio, seu motivum, nimirum periculum perversionis.

*Not.* Quod si quis a publico justitiæ Ministro petat aliquem laborem extraordinarium pretio æstimabilem, ad quem ex vi officii non tenetur, v.g. majus studium, certum iter, &c. poterit pro eo exigere moderatum pretium, si fiat sine scandalo, & aliorum damno.

**XLVI.** Quomodo resolvitur hos Casus?

1. Minister justitiæ denegat, quæ justa sunt nisi fiat offertorium, v.g. recusat apponere sigillum.

2. Sunt plures, qui æquali jure gaudent, ut lites eorum expediantur, ut in Judicis arbitrio sit positum, quem cui præponat; unus autem eorum ei offert munus, licetne Judici ejus causam expedire præaliis ex pacto oblatis muneris?

3. Datur ei munus ad redimendam vexam, ut causam nimirum protrahat, ne parti adversæ injussit faveat, &c.

*Ad 1.* Si minister sit publicè stipendiatus, nec jure nec consuetudine talis exactio ei sit concessa, est injusta, & restitutioni obnoxia.

*Ad 2.* dico, esse scandalosum, & periculosum, qui verò amat periculum, peribit in illo.

*Ad 3.* sicut in primo Respondeo, quia non datur merè liberaliter, sed ex metu, qui admiscet involuntarium. Si autem interdum præsumi possit, quòd dans restitutionem condonet, saltem recipiens a peccato immunis non manet.

In similibus sæpè surdo canitur fabula.

*De injustitia accusatoris, De qua S. Thom. Q. 68. per 4. art. Et accusati, seu rei, Q. 69. per 4. art.*

**QUÆRO I.** Quid est accusatio, differtne a denuntiatione? & caditne sub obligatione?

*XLVII. Resp. 1.* Accusatio est delatio Rei de crimine ad vindictam publicam libello facta apud Judicem competentem.

*Dixi, libello,* id est, scriptis, uti fieri debere docet S. D. a. 2. pro majori certitudine, sicut in eo nominetur accusator, accusatus, Judex, species delicti, complex, locus, tempus, &c. Potest tamen etiam fieri verbaliter, modo Notarius omnia redigat in scriptum.

*Dixi, competentem,* quia non quilibet cuivis Judici subjectus est, sed suo.

*Resp. 2.* Accusatio, & denuntiation Evangelica differunt, ut ait S. Th. ar. 1. in c. quòd in denuntiatione attenditur emendatio fratris, in accusatione punitio criminis.

*Differunt 2.* quòd accusator teneatur crimen probare, & si in probatione deficiat, luat pœnam talionis, quæ tamen non amplius videtur: esse in usu, sed solet imponi arbitraria, nec etiam potest infligi iis, quibus bona fide accusant, sed solum qui mala, id est, cum voluntate nocendi. *Denuntiator* verò non tenetur crimen probare, sed tantum Judici manifestare indicia, quibus possit moveri ad ultra inquirendum ex officio.

*Differunt 3.* In denuntiatione desertur crimen ad Superiorem ut Patrem, ut patet ex prima differentia, adeòque eam debet præcedere una, alterave monitio, seu correctio fraterna, ut postea dicetur. In accusatione, verò crimen desertur ad Superiorem ut ad Judicem, ut per criminum punitionem obtineatur quies Reipublicæ, & exemplum aliorum, aut damni illati reparatio; & illi non est necessariò præmittenda correctio fraterna, nisi forte ex accusatione sequereur majus malum Reipublicæ, quod per secretam monitionem posset impediri. Si ergo puniatur ante non monitus, ubi monendus non erat, sibi imputet, quia bonum commune prævalet privato.

*Resp. 3.* ex corp. a. 1. Si crimen, ut, v.g. est proditio civitatis, machinatæ insidiæ in personam Principis, Hæresis, &c. vergat in detrimentum Reipublicæ, seu ad ejus corruptionem corporalem, vel spiritualement, quilibet homo tenetur ad accusationem dummodò sufficienter possit probare, quod si non possit, non tenetur accusare, bene tamen denuntiare.

*Ratio 1. & 3. p. est:* Quia quilibet tenetur, a corpore, cujus est membrum, avertere

tere malum corporale, vel spirituale, quantum potest. Ergo.

*Ratio 2. p.* Nullus tenetur ad hoc, quod non potest debito modo perficere, ut ait S. Th. citatus.

**XLVIII. Resp. 4.** Denuntiatio alia est secreta, aut charitativa, quæ etiam dicitur Evangelica, ut pote in Evangelio Matth. 18. c. inculcata. Alia publica, seu judicialis. Prima intendit emendam fratris, & crimen fratris denuntiat Superiori, ut privatæ personæ ad paternè corrigendum idoneæ, seu ut Patri, non ut Judici. Altera intendit bonum commune, vel alterius innocentis, & crimen fratris denuntiat Superiori, ut est persona publica, & Judex, ut per publicam vindictam satisfiat Communitati læsæ.

*Resp. 3.* Denuntians judicialiter, etsi ei non incumbat onus probandi, debet tamen aperire indicia, quibus Judex ex officio moveatur ad ulteriorem inquisitionem, in quod differt ab eo, qui denuntiat charitative, is enim crimen, quod vidit, Prælati denuntiare potest, licet indicia talia aperire non possit, quibus suo modo ostendatur: dummodo putet sibi fore habendam aliquam fidem.

Differt ab eo 2. quod nomen suum inscribere debeat, & vocatus coram iudice comparere ad publicam testimonii depositionem.

3. Differt, quod denuntiatio judicialis habeat locum, licet crimen sit mere præteritum, secus est de charitativa, nisi timeatur periculum in malo persistendi, aut crimen iterum patrandi.

*Resp. 6.* An, & quando denuntiatio sit præmittenda correctio fraterna, colligitur ex doctrina S. Th. tradita supra Tract. 7. Exam. 6. n. 99. ubi revideantur quæcunque de correctione ibi dicta sunt n. 97. & seqq.

*Resp. 7.* Si quis aliquem accuset, vel denuntiet, non præmissa correctione fraterna in casu, quo præmittenda est, tenetur ei restituere omnia amnia secuta.

*Ratio:* Quia injustè talis infamatur, & habet jus ad suam famam, nisi bonum commune criminis publicationem requirat.

Et sic intellige (sit noster de la Cruz) præceptum Visitatorum, sub excommunicatione mandantium sibi denuntiare idelicta. Nam si proximus jam sit emendatus, aut per secretam correctionem probabiliter speretur emenda ejus, non potest accusari, nec denuntiari, nisi adsit periculum boni communis.

*Resp. 8.* Si sit dubium de emenda Rei, vel Fratris per secretam correctionem, est obligatio accusandi, vel (si testes pro accusatione non adsint) juridicè denuntiandi.

*Ratio:* In dubio standum est pro bono communi.

*Resp. 9.* Accusans aliquem de occulto crimine, quod in iudicio probare nequit, peccat

mortaliter, & tenetur ad restitutionem omnium damnorum exinde secutorum.

*Ratio* patet ex dictis suprâ de detractione, & restitutione famæ.

Exceptio est, si ex ignorantia invincibili putaverit se posse probare.

**QUÆRO II.** Admittiturne quilibet homo ad accusandum, & per quid accusatio redditur injusta?

**XLIX. Resp. 1.** Aliqui prohibentur in penam delicti, ut infames, excommunicati, concubinari, proditores, &c. nisi probaverint se innocentem. Alii ob decentiam, ut subditi prohibentur accusare suos Prælatos, servi dominos, filii parentes, nisi in casu valde gravi ex affectu boni communis, cui cedit particulare. Aliqui ob reverentiam status, ut Clerici, &c. maxime in causa sanguinis.

*Resp. 2.* cum Cajetano, omnes, qui jure sunt prohibiti accusare, tenentur denuntiare crimina in manifestum Reipublicæ, suum, vel proximi detrimentum vergentia, sic tamen, ut si denuntians sit Clericus, protestetur se non querere, nec petere vindictam sanguinis.

*Ratio:* Jus humanum quo præfati prohibentur accusare non potest, nec debet præjudicare juri naturæ de consulendo bono communi.

*Resp. 3.* Omnis accusatio redditur injusta per calumniam, prævaricationem, & tergiversationem. Ita S. Thom. a. 3.

*Explicatur:* Calumnia est, quando quis scienter, & ex malitia alteri imponit falsum crimen, vel etiam verum quidem, sed occultum, & non probabile in iudicio, vel probatum per falsos testes. Dixi, scienter, si enim quidem ab alio audit, sed rem non diligenter examinavit, non est propriè calumniator, sed temerarius accusator. Uterque tamen pro gravitate materiæ graviter peccat, & ad restitutionem tenetur.

Prævaricatio est, quando accusatione inchoata accusator colludit cum reo, fraudulenter crimen occultando, legitimas probationes non adducendo, falsas exceptiones acceptando, quod peccatum etiam cadere potest in Judicem, Testes, & maxime Advocatos. Tergiversatio est, quando cepta accusatione accusator terga vertit seu præter juris, & rationis ordinem ab ea desistit, cum tamen prosequi posset. Secus est si non possit, v.g. si melius esset informatus de veritate, vel de innocentia rei, vel si delectura testibus, aut ad Advocato, &c.

**QUÆRO III.** Acculatus teneturne fateri crimen?

*I. Resp. 1.* Probabilius est, quod reus juridicè a legitimo iudice, etiam sine juramento, interrogatus sub mortali teneatur fateri veritatem, licet sciat se ad mortem, triremes, perpetuum carcerem, bonorum omnium confiscationem, aut aliam gravissimam penam esse condemnandum.

Ita



Ita S. D. Oppositum tenent aliqui R.R. nimirum licitum esse negare, quamdiu est spes evadendi, & delictum solum semiplenè est probatum.

Verba S. Thom. art. 1. in c. sunt: *Ex debito tenetur accusatus Judici veritatem exponere, quam ab eo secum hunc formam juris exigit. Si noluerit, vel eam mendaciter negaverit, mortaliter peccat.*

Et art. 2. in corp. Aliud est veritatem tacere, aliud est falsitatem proponere. Quorum primum in aliquo casu licet; non enim aliquis tenetur omnem veritatem confiteri, sed illam solum, quam ab eo potest, & debet requirere Judex secundum ordinem juris; puta, cum præcessit infamia super aliquo crimine, vel aliqua expressa indicia apparuerunt: vel etiam cum præcessit probatio semiplena. Falsitatem tamen proponere in nullo casu licet alicui. Hæc S. D. Quæ semiplena probatio est testimonium unius testis omni exceptione majoris, qui ultra accusatorem vel id, quod ejus loco est, testetur, non quomodocunque sed directè, de visu commissi criminis ab isto, tali loco, & tempore. Tunc ergo Judex juridicè interrogat, cum offensa reo copia semiplenæ probationis criminis, aut talium expressorum indiciorum interrogat, an crimen commiserit. Quo præmissis

*Ratio S. D. est: 1. Quicumque facit contra debitum justitiæ, mortaliter peccat: Sed ad debitum justitiæ pertinet, quod aliquis obediatur suo Superiori in his, ad quæ jus Prælationis se extendit, Judex autem est Superior respectu ejus, qui judicatur. Ergo.*

*Ratio 2. Obligatio ad culpam est de intrinseca ratione justitiæ præcepti, ita ut ejus transgressio sit peccatum inobedientiæ, nec solum datur ad terrendum, ut malè putant adversarii: Sed præceptum Judicis est justum, & legitimum. Ergo obligat, &c.*

*Ratio 3. Judex justè potest reum, qui legitime interrogatus veritatem non fatetur, tradere torturæ: Sed hoc non possit, si reus haberet summum jus tuendæ vitæ; quia idè solum traditur torturæ, quia non fatetur veritatem, quam fateri teneretur. Ergo reus non habet illud summum jus, &c.*

Confirmatur: Natura non tribuit alicui jus, seu facultatem agendi (etiam vitæ propriæ privatæ tuendæ causa) contra jus Superioris debitè suum officium pro bono communi exequentis. Ergo.

*Resp. 1. Si Judex reum interroget non servato dicto ordine juris, non tenetur ei accusatus respondere, sed potest vel per appellationem, vel aliter licitè subterfugere, mendacium tamen dicere non licet, ait S. D. cit.*

*Ratio 1. p. Quia tunc Judex non agit ut Judex, quia non potest interrogare nisi de crimine Tribunal Confessoriorum.*

publico, & probato saltem semiplenè. Ergo.

*Ratio 2. p. Quia mendacium est intrinsecè malum, nec in ullo casu est licitum, etiam veniale. Ergo.*

Considerentur hic verba S. Thomæ adducta pro R. 1.

*Ratio 3. Reus in casu R. 2. potest licitè dicere, se non fecisse, vel se non teneri respondere; Et hoc potest sine mendacio.*

*Ratio: Quia sic loquendo dicit veritatem, & respondet conformiter ad mentem rationabilem (licet non irrationabilem) interrogantis, qui in judicio tenetur, & potest solum interrogare de crimine publico. Unde & sensus respondentis est: Non feci crimen publicum, seu de quo me juridicè interrogare possis.*

Nec obstat, quod Judex decipiatur, quia talis deceptio non est activa, seu per se a reo, quia is justè se tueretur, sed solum passiva, & per accidens, adscribenda culpæ Judicis, non intelligentis (quem tamen scire potest) sensum verborum.

Hujus intelligentia magis patebit infra, dum agetur de mendacio, aculicito, vel illicito restrictionis mentalis, & amphibologiæ. Tract. 10. Exam. 4. n. 57. & 60.

*Resp. 4. Si sit dubium, an Judex juridicè interroget, & crimen jam sit præteritum, seu commissum, nec vergat in damnum Reipublicæ, vel Tertiæ, reus non tenetur fateri.*

*Ratio 1. Quia jura tam naturalia quam divina, & humana dicunt, in dubiis meliorem esse conditionem possidentis, & favendum esse reo: Sed in eo casu reus est adhuc in possessione honoris, famæ, & vitæ. Ergo.*

*Ratio 2. Licet in dubio plerumque pro Superiore præsumi debeat, non tamen in hoc speciali casu, dum præceptum gravissimum est, quod proinde, in dubio an justum sit, lubidus suscipere non tenetur, sed se fundare potest in possessione.*

*Resp. 5. Si crimen in casu illo dubii sit in damnum publicum, vel privatum adhuc imminens Judex tenetur dubium deponere, & inclinare in favorem Reipublicæ, teneturque reus, vel respondere, vel ab inferendo malo desistere.*

*Ratio 1. p. Judex ex vi officii tenetur impedire malum Reipublicæ, vel innocentis, quantum potest, & pro ejus favore habet jus examinandi reum.*

*Ratio 2. p. Quia cessante periculo, cessat jus interrogandi.*

*Ll. Oppono 1. contra 1. Responsum: Nullus reus tenetur seipsum prodere. Ergo.*

*2. Consanguineus non potest cogi, ut agat*

telles contra consanguineum : Sed nemo magisquam ipse sibi consanguineus est. Ergo.

3. Reus habet summum jus tuendi vitam, & ex hoc capite potest in valorem occidere, & reus in periculo vitæ existens potest ex carcere fugere, uti & potest fugere servus in bello captus ; Item citatus potest non comparere, &c. Ergo similiter.

Ad 1. ait S. D. art. v. ad 1. *Quando aliquis secundum ordinem juris interrogatur, non ipse se prodat, sed ab alto proditur, dum ei necessitas respondendi imponitur per eum, cui obedire tenetur.*

Ad 2. est disparitas, quia primum leges veant, non secundum. Adde, quod in gravibus criminibus, ut hæresis, læsæ Majestatis, falsificationis monetæ, proditionis patriæ, Maj. non est vera.

Ad 3. Antecedens solum est verum salva justitia, seu ordine juris. Exempla allata non sunt ad rem. Quia nec Leges, nec Judices precipiunt reis ut fugiant, sed ministris justitiæ ut eos custodiant, Juxta autem habet obligationem juridicæ examinandi reum. & reus facienti veritatem. Item citato non præcipitur absolute, ut compareat, sed si habeat, quo se defendat, ne possit alleget, seu non auditum esse condemnatum. Idem est de servo.

LII. *Dic mihi*, quid in eo casu faciet Confessarius cum reo, qui juridicè interrogatus negat veritatem?

*Dico* ; Tutius est, & probabilius, quod non possit eum absolvere durante processu (ut docet de la Cruz, & alii) nisi sincerè promittat, se velle fateri, quamprimum denuò juridicè fuerit interrogatus.

*Ratio* : Quia manet in affectu peccati mortalis.

*Quid si reus sive per fugam, sive per tormenta superando, se salvaverit, poteritne tunc Confessarius eum absolvere, eum non obligando, ut se prodatur ?*

*Affirmo*. Tunc enim suæ libertati jam est restitutus. Verum tamen est, si aliis per hoc damnum intulerit, quod tenetur compensare.

QUÆRO IV. Licetne reo se defendere calumniosè, id est, fraude, vel dolo interrogationem eludendo, accusatori, vel Judici falsum crimen imponendo ? Vel potestne saltem Judici, & ministris justitiæ resistere, si sit innocens, attamen per allegata, & probata morti adjudicatus ?

LIII. *Resp. x.* ad 1. partem quæsitæ negativè.

*Ratio* : Quia fraus, & dolus (idem est de calumniis) habent vim mendacii, ait S. D. quod nunquam licitum est.

*Resp. 7.* justè condemnatus ministris justitiæ resistere non potest, bene tamen condemnatus injustè. Ita S. D. art. 4. in c.

*Declinat hoc, & probat, dicens* : Aliquis dam-

natur ad mortem dupliciter ; *Uno modo injustè, & sic non licet condemnato se defendere.* Licitum enim est Judici eum resistentem impugnare. Unde relinquitur, quod ex parte ejus sit bellum injustum. Unde indubitanter peccat. *Alio modo* condemnatur a iustis iuste, & tale iudicium simile est violentiæ latronum, secundum illud Ezech. 22. Principes ejus in medio illius, quasi lupi rapientes prædæ, ad effundendum sanguinem. Et ideò, sicut licet resistere latronibus, ita licet resistere in casu talis principibus, nisi fortè propter scandalum vitandum, cum ex hoc aliqua gravis turbatio timeretur.

Ex quo sequitur, quod innocens per allegata, & probata ad mortem damnatus, possit secluso scandalo, & damno communi se defendere, etiam occidendo Judicem, & ministros justitiæ, si aliter se salvare non possit, sicut non peccat innocens in vas occidendo cum moderamine in valorem etiam innocentem, v. g. amentem.

QUÆRO V. Licetne reo fugere, carceres rumpere, vel si non fugiat, potionem mortiferam sumere, vel panem oblatum recusare, si ad mortem veneni, vel famis sit condemnatus ?

LIV. *Resp. 1.* Reus ad mortem justè condemnatus, non tenetur fugere & carceres, etiam data occasione ; quod etiam verum est, licet injustè sit condemnatus, v. g. in odium fidei, vel ob similem causam.

*Ratio 1. p.* Quilibet licitè subit pœnam, quam meruit.

*Ratio 2. p.* patet in multis SS. Martyribus, *Resp. 2.* Licitum est reo etiam justè ad mortem condemnato & carceres fugere rumpendo vincula, & parietes ; nec tenetur refarcire damna custodibus inde illata.

*Ratio 3.* Quia, licet teneatur publicè pœnam, dum ipsa infligitur, subire, non tamen tenetur expectare, ut infligatur, sed potest uti jure suo ad tuendam vitam, nec id ullo jure vetatur, ut ante dictum ad 3. Oppos. num. 51. & damna non sequuntur per se, seu ex intentione Rei, sed adscribenda sunt negligentæ Custodum. Sicut & fuga aliorum, si qui comitentur præter ejus intentionem.

*Resp. 3.* Non peccat persona privata reo ad mortem damnato consulens fugam, vel dans instrumenta, quibus carcerem rumpat, peccat tamen minister justitiæ ad faciendam. Idem est si sit damnatus ad tiremes, carcerem perpetuum, secus si ad temporalem.

*Ratio 1. p.* Licet consulere alteri, quod is licitè potest facere.

*Ratio 2. p.* Dans illa instrumenta cooperatur rei licitè.

*Ratio 3. p.* Ministris justitiæ incumbit ex officio tueri publicam potestatem.

*Ratio 4. p.* Tiremes, & carcer perpetuum (secus

(secus temporalis) æquiparantur morti.  
Ergo.

*Resp. 4.* Reum juvare physice, ut vincula, vel carcerem frangat, non est licitum.

*Ratio :* Quia illa ruptio a juvantibus intenditur per se, adeoque illicitè, sed a reo solum per accidens sequitur ad actionem, ad quam habet jus. Sicut cuivis licet occidere eum moderamine suum iniustum in valorem etiam innocentem, v.g. amentem, ut ante dictum, ad quod etiam alius licitè ei dat consilium, & arma; at tamen non licet eum in hoc juvare.

*Resp. 5.* Reo iussu ad mortem damnato non licet impugnare, vel corrumperere, donis decipere, aut inducere Custodes, ut ex convivecia sinant eum fugere. Non tamen peccat eis offerendo pecunias, aut dona, ut per ea sibi conciliet eorum benevolentiam, qua reus deinde utitur ad fugam.

*Ratio 1. p.* Quia reus coöperaretur peccato Custodum.

*Ratio 2. p.* Quia tunc reus nihil mali petit, sed utitur iure suo; Custodum verò est, invigilare, ne a reo decipiantur.

An, & quomodo reus possit apud Custodes uti signis, vel verbis æquivocis, quibus ipsi decipiuntur, patebit infra de mendacio, & restrictionibus mentalibus.

*Resp. 6.* Nec iudex licitè potest præcipere, ut reus morti adjudicatus potionem mortiferam sumat, nec reus potest scienter eam sumere, nisi cogatur, vel per violentiam physicam, ut si violenter ei os aperiat, vel per moralem, ut si stricto gladio, aut gravissimi tormenti comminatione ei mandetur.

*Ratio :* Quia nullus homo potest præcipere alteri, ut directè se occidat; bene tamen indirectè, aut per accidens.

*Resp. 7.* Iussu ad mortem famis damnatus potest licitè cibos oblatus sumere, ut riim autem possit oblatus etiam respuere, & fame perire, videtur etiam hoc licitè posse.

*Ratio 1. p.* Sumere potest, quia sumendo utitur iure suo, sicut fugiens; Refutare potest, quia vitam positivè conservare non tenetur, & potest eam non conservare pro Zelo justitiæ, quod non est se occidere directè.

Ex quo intelligitur mens S. Thomæ hic ar. 4. ad 2. docentis, quod in eo casu non sumere panem est occidere se. Loquitur enim de occisione sui indirecta, quæ non semper est prohibita, nec etiam in eo casu præcepta.

Vide supra Tract. 6. Exam. 5. u. 66. quas actiones reus possit, vel non possit in seipsum exercere ad mortem subeundam.

## EXAMEN VI.

*De iniustitia Testis. S. Thom. Q. 70. per 4. art. & de iniustitia Advocati Q. 70. per 4. art.*

**QUÆRO I.** Quid sentis de Teste?

*LV. Resp. 1. ex art. 1.* Si requiratur testimonium alicuius subditi auctoritate Superioris secundum ordinem juris, puta, in manifestis, & in his, de quibus infamia præcessit, tenetur obedire; secus non.

*Ratio* est eadem, quæ in examine præcedenti u. 30. data est pro R. 1. ad Q. 3.

*Resp. 2.* Excipiuntur aliqui casus, in quibus etiam juridicè interrogatus testari non potest.

1. Si sciatur ex Confessione, quia tunc non scit ut homo, sed tanquam Dei Minister, & majus est vinculum Sacramenti quolibet hominis præcepto, ait S. D. ad 1.

2. Si homo acceperit sub fide secreti naturalis, nisi sint talia, quæ pertinent ad corruptionem multitudinis spirituales, vel corporalem, vel grave damnum alicujus personæ, tunc enim propalare tenetur vel testificando, vel denuntiando, ait S. D. ibid. Quia nullum secretum obligat contra bonos mores, aut contra bonum commune.

3. Si quis crimen intellexit per injuriam, v. gr. aperiendo litteras, aliumque revelationem cogendo.

4. Si testificatio tua tibi, aut tuis graviter sit damnosa, nisi crimen sit perniciolum Reipublicæ, & non possit aliter impediri.

5. Si alter probabiliter non peccavit ob ignorantiam, aliamve causam, ut si reus pro fera occidit hominem.

*Resp. 3.* In rebus gravius requiritur, & regulariter sufficit duorum, vel trium testimonium: S. D. ar. 2. ubi id probat ex Deut. 17. *In ore duorum, vel trium testium peribit, qui interficitur.* Vel, ut infra, *Abbat omni: verbum.*

*Ratio :* Quia ex illis cum accusatore habetur sufficiens moralis certitudo.

Dixi, regulariter, quia de testamentis aliter statutum est in iure. Sicut etiam ad condemnationem Cardinalis Episcopi requiruntur 72. testes. Cardinalis Presbyteri 62. Cardinalis Diaconi 27. Ad condemnationem aliorum, ut Subdiaconorum, & inferiorum, septem.

Item in levioribus sufficit quandoque unus testis, sicut surripientes ex hortis fructus, & credentes ligas in sylvis vetitis puniuntur ex testimonio custodis.

*Resp. 4.* Ut duo testes faciant plenam probationem, requiritur ut sint omni exceptione majores, seu ut propter defectum aliquem non possint excludi, seu non possit contra eos

excipt. De hoc S. Tho. hic a. 3. in c. sic ait : Testimonium alicujus repellitur quandoque propter culpam, sicut infideles, & iustas, item illi, qui publico crimine rei sunt, qui nec accusare possunt. Quandoque autem absque culpa; & hoc est vel ex defectu rationis, sicut patet in pueris, amentibus, & mulieribus; Vel ex affectu, sicut patet de inimicis, & personis conjunctis, & domesticis: Vel etiam ex exteriori conditione, sicut sunt pauperes, servi, de quibus probabile est, quod de facili possunt induci ad testimonium ferendum contra veritatem. Hæc ibi.

Item debent esse contestes, id est, testari de eodem facto; & jurati; & quidem de visu, v. g. si sit de homicidio: Vel de auditu, si v. g. sit de blasphemia, de quibus plura vide in auctoribus.

Resp. 5. Fallum testimonium formale, seu intentione datum, est peccatum mortale.

Ratio : Quia est grande mendacium. Idem patet ex præcepto Decalogi. Et si juramento firmetur, est simul injurium.

Nota ex S. Tha. 4. ad 1. dicente: In testimonio ferendo non debet homo pro certo asserere, quasi sciens id, de quo certus non est, sed dubium debet sub dubio proferre, & id, de quo certus est, pro certo asserere. Sic cum debita sollicitudine recogitans, æstimet se certum esse de eo; quod falsum est, non peccat mortaliter hoc asserens, quia non dicit falsum testimonium per se, & ex intentione, sed per accidens contra id, quod intendit. Hæc ibi.

Si tamen sit causa alicujus damni, pro possibili illud reparare tenetur.

Quæri etiam hic potest, an reus ad infirmandum testimonium falsi testis possit ejus occultum crimen prodere. Sed de hoc vide supra Tract. 8. Examen 3. n. 107.

QUÆRO II. Innocens morti adjudicatus, si testem, Judicem, vel accusatorem vocet ad tribunal Dei, peccatne?

LVI. Resp. Si res secundum se spectetur, non peccat, si præcisè faciat id, ut sua innocentia pateat, aut familia sit immunis ab infamia.

Est tamen hoc genus defensionis periculosum, nec unquam ferè practicandum.

Ratio 1. p. Reus valde gravatus licet appellat ad superiorem Judicem: Sed talis respectu omnium est Deus. Ergo. Idem patet exemplo diversorum Sanctorum.

Ratio 2. p. Tali fervori facile se admiscet aliqua vanæ gloriæ, viuidiæ, aut perturbati animi nebula, impediens veritatis, aut justitiæ irradiationem. Ergo.

Quid si quis injustè scienter aliquem ita citet? Dico: Peccat mortaliter. Ratio: Quia alterius famæ nocet.

QUÆRO III. De Advocato quid resolvitur?

LVII. Resp. 1. Advocatus sub peccato mor-

tali tenetur esse præditus sufficiente scientia. Quia etiam habita si ex ejus negligentia cliens succumbat, vel vincat quidem, sed ob superfluas ab eo causatas dilationes patiaturs aliquam jaçuram, peccat mortaliter, & tenetur ad restitutionem.

1. Pari patet ex dictis supra Tract. 1. n. 12.

Ratio 2. p. est, quia verè est officio damni.

Resp. 2. Si sit advocatus ex officio, absque mercede, tenetur ob negligentiam ex culpa lata non ex levi (de qua supra Tr. 8. Exa. 6. n. 124. & seqq.) nisi officium illud quæsitiverit, cum aliis diligentior fuisset adhibendus. Si verò sit mercede conductus, tenetur etiam ex culpa levi.

Ratio patet loco citato, maxime pro primo casu. In 2. autem Advocacia non solum cedit in utilitatem litigantis, sed & Advocati.

Resp. 3. Advocatus (idem est de aliiis justitiæ ministris, Procuratore, Solicitatore, Referendario, &c.) in causis miserabilium personarum, pauperum, viduarum, pupillorum, necessitate pressorum, &c. tenetur gratis præstare patrocinium, non quidem semper, sed quando in promptu non est modus eis aliter subveniendi.

Declarat hoc S. D. hic ar. 1. in c. dicens: Cum præstare patrocinium causæ pauperum ad opus misericordiæ pertineat, idem est hic dicendum, quod supra de operibus misericordiæ dictum est. Nullus autem sufficit, omnibus indigentibus misericordiæ opus impendere. Et idcirco, sicut Augustinus dicit, cum omnibus prodesse non possit, his potissimum consulendum est, qui pro locorum, & temporum, vel quarumlibet rerum opportunitatibus constitutis tibi quasi quadam sorte junguntur. Dicit: Pro locorum opportunitatibus; quia non tenetur homo per mundum quærere indigentes, quibus subveniat, sed sufficit, si eis, qui sibi occurrunt, misericordiæ opus impendat. Addit: Et temporum; quia non tenetur homo futuræ necessitati alterius providere, sed sufficit, si præsentis necessitati succurrat. Subdit: Vel quarumlibet rerum. Quia homo sibi conjunctis quacunque necessitudine maxime debet curam impendere. Hæc S. D. subdens, quod his conditionibus concurrentibus tenetur Advocatus causæ pauperum patrocinium præstare. Et idem, ait, dicendum est de Medico quantum ad curationem pauperum.

Resp. 4. Convenienter certæ personæ secundum juramentum ab officio advocandi.

Declarat hoc S. D. ar. 2. in c. dicens. Ab officio advocandi quosdam prohiberi propter impotentiam, eò quod deficiunt sensu, vel interiori, sicut furiosi & impuberes, vel exteriori sicut surdi, & muti: Alios propter inconscientiam, & tales dicit esse Monachos, & Clericos respectu judicii sæcularis; alios propter defectum personæ, vel corporalem, ut patet de cæ-

cis,

cis, vel spirituales, ut infideles, & damnati de gravibus criminibus, nec pro se, nec pro sibi conjunctis possunt uti officio advocati, necessitas tamen præfertur hujusmodi indecentiæ.

**QUÆRO IV.** Quam causam Advocatus potest tueri?

**LVIII.** Ante Responsum vide dicta supra Tract. 2. Exam. 3. Q. 13. quam sententiam advocatus salva conscientia possit tueri.

**Resp. 1.** cum S. Thom. 2. 3. in c. Advocatus scienter causam injustam defendens graviter peccat, & tenetur ad restitutionem damni, quod altera pars incurrit, a fortiori hoc verum est si serviat utrique parti, univiciis contra alteram, quæ est iniquitas maxima.

**Ratio** S. Thomæ est: Illicitum est cooperari ad malum sive consulendo, sive adjuvando, sive qualitercunque consentiendo.

**Resp. 2.** Siignoranter in iustam causam defendit, putans esse justam, excusatur secundum modum quo ignorantia excusari potest, ait S. D. ibidem.

**Ratio** : Quia ignorantia excusat, nam ignoti nulla cupido. Sed de hoc vide supra Tract. 3. Exam. 1. n. 23. & 24. quæ ignorantia, & quando excuset. Item supra de culpa Tract. 8. Exam. 6. num. 124.

**Oppositio** contra 1. R. Medicus non peccat curando infirmatum desperatam, immo potius laudatur ejus peritia: Ergo idem est de Advocato.

Sed N. conseq. Quia, ut ait S. D. ad 1. medicus suscipiens in cura infirmitatem desperatam, nulli facit injuriam, Advocatus autem suscipiens causam injustam, injustè lædit eum, contra quem patrocinium præstat.

Quamvis enim laudabilis videatur quantum ad peritiam artis, tamen peccat quantum ad injustitiam voluntatis, qua abutitur arte ad malum.

**Resp. 3.** Advocatus si in principio credit causam justam esse, & postea in processu appareat, eam esse injustam, non debet eam promovere, ut scilicet aliam partem juvet, vel secreta suæ causæ alteri parti revelet; Potest tamen, & debet causam deferere, vel eum, cujus causam agit, ad cedendum inducere, sive ad componendum sine adversarii damno.

Hæc S. Thom. 2. 3. ad 2. id est, sine præjudicio partis justè litigantis. Patet per se.

**Resp. 4.** Advocato defendenti causam justam licet prudenter occultare ea, quibus processus ejus posset impediri, non autem licet ei aliqua falsitate uti, ait S. Thom. ad 3. exemplificans hoc in milite, vel duce exercitus, cui in bello iusto licet ex insidiis agere ea, quæ facere debet, prudenter occultando, non autem falsitate fraudulenter faciendo: quia etiam hosti fidem servare oportet.

Sed quid si Advocatus pro innocente scienter alleget falsas leges?

*Tribunal Confessoriorum.*

**Dico:** peccare eum solum venialiter: id est reo, & teste.

**Ratio**, quia nulli facit injuriam.

**Resp. 5.** Si utraque pars sit æquè dubia, potest advocatus pro libitu tueri, quam voluerit; uti & probabilem, si altera sit probabilior; monito tamen prius cliente de dubietate, vel minori probabilitate suæ causæ.

**Ratio** hujus patet supra loco citato, ubi plura dicta sunt, nimirum in sententia Advocati: quæ hic serviunt.

**Peccatne** graviter Advocatus paciscendo de aliquota parte causæ, si obtinuerit victoriam?

**Affirmo.** Hoc enim graviter cavetur. L. Si qui Cod. de postulatione.

Quodnam est justum pretium, seu stipendium Advocati?

**Dico:** Est illud, quod fert laudabilis, & tolerata locorum consuetudo.

Quæri hic potest, an liceat Advocato accipere munera? dico *munera*; de stipendio enim iusto laboris sui non est difficultas. Sed proportionabiliter ad hoc responderetur ex dictis de Jure in hoc Tract. Exam. 4. num. 45. & 46.

Juxta ordinem Quæstionum S. Th. posset hic agi de injuriis verborum, quæ fiunt per contumeliam, de tractionem, susurrationem, derisionem, &c. sed de his sufficienter actum est supra Tract. 8. Exam. 5. n. 99. & seqq.

## E X A M E N VII.

De fraude, quæ fit in Contractu Emptionis, & venditionis, de qua S. D. hic Q. 77. per 4. articulos.

**QUÆRO I.** Quid, & quotuplex est Contractus? quid emptio, quodnam justum in ea pretium?

**Resp. 1.** Contractus strictè sumptus essentialiter definitur, quod sit *actio quarundam personarum inter se utrinque obligationem pariens*.

Ulpianus ab effectu eum definit dicens: *Contractus est ultro, citroque obligatio*, causat enim illam. Ex quo patet, quod simplex promissio, & donatio strictè non sint contractus, sed solum latè, inquantum contractus sumitur pro conventionem personarum obligationem parientem, saltem in una parte.

**Resp. 2.** Contractus variè dividitur.

1. In Nominatum, & Innominatum. *Nominatus* est, qui in jure speciali nomine gaudet, ut emptio, venditio, locatio, depositum, cambium, commodatum, &c. Et hic vel est circa personas, ut fit in Matrimonio, & sic de eo hic non agi-

A a 3 mus;

mus; Vel circa res, ut sunt, mox nominati. *Innominatus* est, qui solum habet generale nomen conventionis, vel pacti, & est quadruplex, nimirum: *Do, ut des; Facio, ut facias; Do, ut facias; & facio, ut des.*

2. Dividitur contractus in gratuitum, & onerosum. *Primus est*, qui obligationem parit solum in uno paciente, ut promissio etiam stipulata, vel nudè acceptata, dandi, vel faciendi aliquid in alterius gratiam sine reciproca obligatione. *Onerosus est*, qui parit obligationem in utroque paciente. Et hic est contractus strictus, ut antedictum est.

Plures sunt divisiones contractus, quæ videantur in Auctoribus. Vide etiam supra Tr. 2. Exam. 1. nu. 16. & 18 an., & qui contractus sint invalidi ratione metus. Quod autem concernit errorem, qui in contractu potest committi, ut explicetur.

*Resp. 3.* Error circa substantiam rei ab altero commissus, v.gr. vitrum emendo pro gemma, reddit contractum jure naturæ irritum. Secus, si solum sit circa qualitatem, ut si emere volens equum Neapolitanum, emat Ungaricum pro suo usu æquè bonum, quem non emisset, si scivisset.

*Ratio 1. p.* Contractus non subsistit sine consensu: Sed errant non est consensus, cum non consentiat in hanc rem, sed in aliam. Ergo.

*Ratio 2. p.* Error circa qualitatem non aufert consensum substantialem.

Non tamen, quoddammodo secundo casu decepto competat actio, ut reducatur contractus ad æqualitatem ipsius pretij.

Exceptio etiam est, si qualitas, circa quam error versatur, sit principale motivum contrahendi, ut si dones alicui equum, quia omnino putas esse tuum fratrem, qui si non sit, donatio est nulla.

Si verò des alicui elemosinam, quia tuo iudicio est pius, & sanctus, si dein cognoscas, non esse talem, subsistit donatio, quia sanctitas est solum finis secundarius donantis.

*Resp. 4.* Emptio est contractus, quo pacifcor dare pretium, nimirum pecuniam pro re.

Venditio est contractus, quo pacifcor dare rem pro pretio. Iustitia hujus contractus consistit in hoc, ut sit æqualitas pretij ad rem. Pro quo

Nota ex S. Tho. hic a. 2. ad 3. Valorem rei esse duplicem; unum naturalem, alterum usualem, seu forentem. *Primus* consistit in natura, seu essentiali gradu rei, sicut res animata est pretiosior inanimata, homo bruto, &c. de hoc valore hic non est sermo. *Alter* mensuratur ex utilitate, & usu hominum, quorum necessitati, quod utilior est res, eo est pretiosior. Hinc pretium rei nihil est aliud, quam valor, vel potius mensura valoris rei. Et pretium iustum dicitur, quod commensuratur.

*Resp. 5.* Pretium usuale rei dividi potest in legitimum, & in vulgare. *Primum est lege vel publica auctoritate taxatum, & hoc consistit in indivisibili, nec licet transgredi, v.gr. si pro modio tritici sit taxatus imperialis, vel aureus. Vulgare est*, quod communi hominum æstimatione introducitur; & hoc habet suam latitudinem. Unde

*Resp. 6.* Pretium vulgare aliud est infimum, seu pium, v.gr. novemdecim floreni; Aliud medium, seu moderatum, v.gr. viginti; Aliud summum, seu rigorosum, v.gr. viginti, & unus. Et hæc omnia sunt iusta pretia, & intra eorum latitudinem licet emere, vel vendere, live infimo, sive medio, sive summo, ultra summum autem non licet quid accipere.

Sit aliud exemplum: Iustum modii tritici pretium sit aureus, plus vel minus quadrante, tunc pretium pium est aureus dimidiis, & quadrans; moderatum aureus; rigidum aureus, & quadrans.

*Resp. 7.* Potest etiam admitti pretium arbitrium, & hoc, vel arbitrio eorum, qui rerum venalium peritiam habent, ut si sint res pretio per legem, & communem hominum æstimationem posito carentes, v.gr. raræ gemmæ, antiquæ picturæ, præclari canes, &c. Vel arbitrio prudenti ipsorum vendentium, & ementium, si sint viri timorati, intelligentes, dolo carentes, & vel aliorum æstimatio non facile possit haberi, vel certis de causis consultius iudicetur non adhibenda.

*Resp. 8.* Ex variis causis crescunt, & decrescunt pretia rerum.

Explico 1. Ex mercium raritate, vel emptorū copia, seu mercium abundantia, vel inopia.

2. Ex laboribus, & expensis factis in compositione rei.

3. Ratione lucris cessantis, vel damni emergentis, & periculi sortis, prout etiam fieri potest in dilatione solutionis, de quo postea.

4. Si merces sit subbaltata, vel vendatur sub baltâ plus offerenti.

Faciunt huc verba S. Tho. hic a. 1. in c. dicentis: *Carius vendere, vel vilis emere rem quam valent, est secundum se injustum, & illicitum.*

Alio modo possumus loqui de emptione, & venditione, secundum quod per accidens cedit in utilitatem unius, & detrimentum alterius, puta cum aliquis multum indiget habere rem aliquam, & alius lædatur, si ea careat. Et in tali casu iustum pretij erit, ut non solum respiciatur ad rem, quæ venditur, sed ad damnum, quod venditor ex venditione incurrit. Et sic licet poterit aliquid vendi plus, quam valeat secundum se, quamvis non vendatur plus, quam valeat habenti. Si verò aliquis multum juvetur ex re alterius, quam accipit, ille verò, qui vendit, non damnificatur carendo re illa, non debet eam supervendere; Quia utilitas, quæ alteri accrescit



accrescit, non est ex venditione, sed ex conditione ementis. Nullus autem debet vendere alteri, quod non est suum, licet ei possit vendere damnum, quod patitur: ille tamen, qui ex re alterius accepta multum juvatur, potest propria sponte aliquid vendenti supererogare, quod pertinet ad ejus honestatem.

Ex dictis colligi potest, quomodo excusentur, vel non excusentur pisiores, dum vel faciunt panes taxa minores, vel eos vendunt supra taxam. Ubi tamen

Nota, quod non sufficiat, ut casus tangat unum pisiolem in particulari, sed ut communiter omnes.

**QUÆRO II.** Quid sentis de casu, in quo quis lædit, vel lædatur ultra dimidium? nihil enim communis, quam quod ementes, & vendentes fe invicem decipiant.

**LX. Resp.** Verbis Angelici Doctoris hic art. 1. ad 1. dicentis: Lex humana populo datur, in quo sunt multa a virtute deficientes, non autem datur solum virtuosus. Et ideo lex humana non potuit prohibere quidquid est contra virtutem, sed ei sufficit, ut prohibeat ea, quæ destruunt hominum convictum, alia verò habeat quasi licita, non quia ea approbet, sed quia ea non punit. Sic ergo habet quasi licitum, penam non inducens, si absque fraude venditor rem suam supervendat, aut emptor vilis emat, nisi sit nimis excessus, quia tunc etiam lex humana cogit ad restituendum: puta si aliquis sit deceptor ultra dimidium iusti pretii quantitate. Sed lex divina nihil impunitum relinquit, quod sit virtuti contrarium: unde secundum divinam legem illicitum reputatur, si in emptione, & venditione non sit æqualitas iustitiæ observata. Et tenetur ille, qui plus habet, recompenfare ei, qui damnicatus est, si sit notabile damnum. Quod ideo dico, quia iustum pretium rerum non est punctualiter determinatum, sed magis in quadam estimatione consistit; ita quod modica additio, vel minutio non videtur tollere æqualitatem iustitiæ.

**Oppono** contra hæc sensus dicta: Quod est omnibus commune, videtur esse naturale, adeoque nec esse peccatum: Sed, sicut S. Augustinus refert lib. 13. de Trin. c. 3. dictum cuiusdam Mimi fuit ab omnibus acceptum: *Vili vultis emere, & carè vendere.* Cui consonat, quod dicitur Prov. 20. *Malum est, malum est, dicit omnis emptor, &, cum recesserit, gloriatur.* Ergo non est peccatum carius vendere.

Hoc solvit S. D. hic art. 1. ad 2. dicens, quod, sicut S. Augustinus ibidem dicit, Mimus ille vel seipsum intendo, vel alios experiendo, vili velle emere, & carè vendere, omnibus id credit esse commune. Sed quoniam reverà vitium est, potest quisque ad ipsius huiusmodi iustitiam, qua huius resistat, & vincat. Et ponit exemplum de quodam, qui modicum pretium de quodam

libro propter ignorantiam postulanti iustum pretium dedit. Unde patet, quod illud commune desiderium non est naturæ, sed vitii. Et ideo commune est multis, qui per latam viam vitiorum incedunt.

**QUÆRO III.** Quomodo resolvis hos casus?

**LXI. 1.** An liceat vendere carius ob dilatam solutionem, & emere vilius ob solutionem anticipatam?

2. An, qui scit pretium mercium mox esse minuendum, possit eas vendere statim pretio corrente?

3. Quid in secundo casu sentiendum de Consiliariis Principis, quorum consilio Princeps editurus est decretum de minuendo pretio, v.g. tritici, vel vini, an ipsi ante publicationem decreti possint suum triticum vendere pretio corrente? Vel amicis promulgationem revelare, ut sibi provideant?

**Ad 1.** R. probabilis esse, quod liceat intra limites iusti Pretii, sed non extra.

**Ratio 1. p.** Quia solvitur iusto pretio; v. gr. præsentī pecunia res venditur pretio infimo, vel mediocri, si credito ob solutionem dilatam vendam pretio summo, est iustum pretium. Vel si solutione non anticipata res emitur pretio summo, vel mediocri, potest ob solutionem anticipatam solvi pretio infimo.

**Ratio 2. p.** Tum quia expectatio, & anticipatio habent rationem mutui: Ergo pro expectatione solutionis non licet accipere plus pecuniæ; nec pro ejus anticipatione plus mercis. Consequentia patet: quia aliā seriet usura palliata emptione, & venditione: Tum etiam, quia res præsens, & futura solum differunt tempore, si nihil mutetur in substantia, tempus autem non est vendibile.

Exceptio est, nisi interveniat damnum emergens, lucrum cessans, periculum amittendæ pecuniæ, expensæ, molestiæ, &c.

Ex dictis resolvuntur hi casus: 1. Pecunia ad tempus credita licet posse aliquem vendere merces pretio summo (cū hoc sit iustum) quas statim vendidisset pretio mediocri, vel pio.

2. Concurrentibus (& non aliter, his duabus conditionibus. 1. Si sit dubium, an res tempore solutionis sit plus, vel minus valitura. 2. Si venditor ante tempus solutionis non erat rem venditurus, sed servaturus, posse eam ob solutionis dilationem vendi carius iusto pretio, quod currit tempore contractus.

**Quæ conditiones si desint, est usura.**

**Ratio 1. p.** Quia propter dubium eventum inter emptorem, & venditorem est æqualitas, cū uterque commodum, & commodum possit expectare, ed quod decursus temporis soleat augere, vel minuererum pretia.

2. *Pars* patet ex ante dictis.



3. Qui merces, v.g. vinum, vel frumentum, creditò vendit pretio indeterminato, & ob dilatatam solutionem vendit pretio summo, quo valebit toto tempore usque ad terminum solutionis, vel pretio nunc indeterminato, & tempore solutionis intolerabile determinat, & extorquet, committit usuram, & restituere tenetur excessum.

*Ratio:* Quia proximo infert damnum contra iustitiam.

4. Si quis moraliter certò præsumat, tempore solutionis pretium mercium fore majus, quàm sit tempore contractus, & merces suas, quas servaturus non erat ad tempus solutionis, vendit pecunia credita, & quidem nunc pretio indeterminato, currente tamè tempore solutionis, in iustitiam committit, & restituere tenetur.

*Ratio:* Quia vendens constituit se in tuto cum damno alterius.

Dixi, si certò præsumat. Si enim sit dubium, patet ex ratione ad Casum 2. data, quid sentiendum.

5. Mortaliter peccare, & ad restitutionem teneri eum, qui vinum, frumentum, & similia tempore messis sibi danda nunc ob anticipatam solutionem emit pretio, quod sit minus infimo iusto, quàm valeant collecta, nisi excusetur ratione periculi, cui fortè merces subsunt.

*Ratio:* Quia in similibus mutuum tegitur pallio venditionis, seu committitur usura palliata.

6. Eternæ damnationis periculo obnoxios esse, & propriè pauperum sanguifugos vocari eos, qui præcisè ob dilatatam solutionem carius iusto pretio currente pauperibus vendunt frumenta tempore, quo est defectus, v.g. Paschæ, vel Pentecostes, quo Maldrum constat v.g. 10. Imperialibus, ut circa festum S. Martini solvant 12. vel 14. Imperialibus.

*Ratio:* Quia est usura.

Ad 2. Casum in Quæst. 3. propositum. *Resp.* Probabilius est, quòd venditor sciens futuram esse magnam mercium copiam, & exinde pretium mercium, quas habet, minuendum; eas tamen pretio currente vendens non peccet contra iustitiam, nec teneatur ad restitutionem. Ita S. D. hic a. 3. ad 5. dicens: *Qui vendit rem secundum pretium, quod invenit, non videtur contra iustitiam facere, si, quod futurum est, non exponat; si tamen exponeret, vel de pretio subtraheret, abundantior esset virtus, quamvis ad hoc non videretur teneri ex iustitia debito.*

*Ratio:* Quia vendit iusto pretio, a Principe, vel communi hominum estimatione taxato.

Dixi, quòd non peccet contra iustitiam, potest enim esse casus, quo peccet contra charitatem, v.g. si venditor tempore deficientiæ tritici sciret mox adventuram ingentem ejus copiam, & unus emptor (quem de hoc non monet) magnam tritici quantitatem ab eo emeret, ob quod is in paupertatem incideret, peccaret

contra charitatem, præsertim si triticum posset vendere pluribus.

Exceptio est, nisi venditor ipse triticum non vendendo in similem paupertatem incideret; Charitas enim bene ordinata incipit a seipsa, nec tenetur quis cum tanto suo damno consuleri bono alterius.

Ad 3. Casum R. Probabilius non posse, eos ex hac scientia plus tritici vendere, quàm aliàs erant venditori, multò minùs possunt amicis revelare.

*Ratio 1. p.* Consiliarii Principis ex vi officii, & ex iustitia tenentur aliorum utilitati consuleri, nec possunt officio suo uti in damnum cæterorù.

*Ratio 2. p.* Consiliarii non possunt prospicere utilitati amicorum, revelando eis id, quod ex officio tenentur tacere; præsertim si alii inde damnificentur.

Nota, hoc ipsum esse dicendum de permutatione pecuniæ, in calu, quo Princeps in consilio decrevit edere decretum de minuendo valore monetæ.

QUÆRO IV. Venditio redditurne illicita ob vitium rei venditæ, & in specielicetne in contractu utiauro Alchymico? Item vitium rei licetne manifestandum emptori?

LXII. *Resp. 1.* Ex S. Th. 2. in c. dicente: *Circa rem, quæ venditur, triplex defectus considerari potest: Unus quidem secundum speciem rei. Et hunc quidem defectum si venditor cognoscat in re, quam vendit, fraudem committit in venditione, unde venditio illicita redditur. Et hoc est, quod dicitur contra quoddam Isaiæ 1. Argentum tuum verum est in scoriam, vinum tuum mixtum est aqua. Quod enim permixtum est, patitur defectum, quantum ad speciem. Alius autem defectus est secundum quantitatem, quæ per mensuram cognoscitur. Et ideo si quis scienter uratur deficienti mensura in vendendo, fraudem committit, & est illicita venditio. Unde dicitur Deuteronomii 25. Non habebis in sacculo diversa pondera, majus, & minus, nec erit in domo tua modius major, & minor. Et postea subditur: Abominatur enim Dominus eum, qui facit hæc, & averfatur omnem injustitiam. Tertius defectus est ex parte qualitatis, puta si aliquid animal infirmum vendat quasi sanum. Quod si quis scienter fecerit, fraudem committit in venditione; unde est illicita venditio. Et in omnibus talibus non solum aliquis peccat, injustam venditionem faciendo, sed etiam ad restitutionem tenetur. Si verò eo ignorante aliquis prædictorum defectuum in re vendita fuerit, venditor quidem non peccat, quia facit injustum materialiter, nec ejus operatio est injusta, ut ex suprà dictis patet; tenetur tamen, cum ad ejus notitiam pervenerit, damnum recompenfere emptori.*

Et, quod dictum est de venditore, etiam intelligendum est ex parte emptoris. Contingit

tingit enim quandoque, venditorem credere rem suam esse minus pretiosam quantum ad speciem, sicut si aliquis vendat aurum loco auri-chalci, emptor, si id cognoscat, injuste emit, & ad restitutionem tenetur; & eadem est ratio de defectu qualitatis, & quantitatis.

De auro alchymico est dubitandum, quia servit ad ulum humanos, uti aurum naturale, v.g. ad fabricanda vasa, &c. Sed

*Resp. 2.* ex S. D. ad t. dicente: Aurum, & argentum non solum cara sunt propter utilitatem vasorum, quæ ex eis fabricantur, aut aliorum hujusmodi, sed etiam propter dignitatem, & puritatem substantiæ ipsorum. Et ideo si aurum, vel argentum ab alchymicis factum veram speciem non habeat auri, & argenti veri, fraudulenta, & injusta venditio præsertim cum sint aliquæ utilitates auri, & argenti veri, secundum naturalem operationem ipsorum, quæ non conveniunt auro per alchymiam sophisticato. Sicut quod habet proprietatem lætificandi, & contra qualdam infirmitates medicinaliter juvat. Frequentius etiam potest poni in operatione, & diutius in sua puritate permanet aurum verum, quam aurum sophisticatum. Si autem per alchymiam fieret aurum verum, non esset illicitum, ipsum pro vero vendere, quia nihil prohibet artem uti aliquibus naturalibus causis ad producendum naturales, & veros effectus: sicut August. dixit in 3. de Trinit. de his, quæ arte dæmopum fiunt.

Not. ex solutione ad 2. ubi Angelicus Doctor ait: Mensuras rerum venalium necesse est in diversis locis esse diversas, propter diversitatem copię, & inopiæ rerum: quia ubi res magis abundant, consueverunt esse majores mensuræ. In unoquoque tamen loco ad Rectores Civitatis pertinet determinare, quæ sint justæ mensuræ rerum venalium, penitis conditionibus locorum, & rerum. Et ideo has mensuras publica auctoritate, vel consuetudine institutas præterire non licet.

LXIII. *Resp. 3.* Vitium, seu defectum occultum tenetur venditor emptori detegere: scelus, est illicita, & dolosa venditio, & tenetur ad damni compensationem. S. D. art. 3. in c.

*Ratio:* Quia in gravi proximum decipit.

*Resp. 4.* Si vitium sit manifestum, & facile possit deprehendi, putā, cum equus est monocus, vel cum ulus rei, etsi non competat venditori, potest tamen esse conveniens aliis, & si ipse propter hoc vitium subtrahat quantum oportet de pretio, non tenetur venditor manifestare. Ita S. D. in c.

*Ratio:* Tum quia emptor sibi debet imputare, si manifestum defectum non observet. Tum quia si venditor revelaret, forte emptor de pretio subtraheret plus (ut ait S. D.) quam oporteat: vel (ut ait ad 2.) exterrerentur emptores ab emendo, dum ignorarent alias condiciones

rei, secundum quas est bona, & utilis. Ergo venditor tacendo potest consulere suę indemnitati. LXIV. Ex dictis resolvuntur Casus seq.

1. Ratione defectus licet rem emere vilius, quam ex taxatione Legis, vel communi hominum æstimatione valeat.

*Ratio:* Quia lex, & consuetudo taxant in bona, & laud dispositione.

2. Vendens vinum vel triticum, quod scit, ex dispositione, quam habet ad corruptionem, non diu in sua bonitate permanfurum, tenetur de hoc emptorem informare, si probabiliter putet, vel saltem dubitet, quod emat illud ad conservandum. Quia sic est causa damni: Si vero sciat, statim esse consumendum, potest tacere, cum ad alios usus habeat valorem (ut suppono) æque, ac si haberet dispositiones conservantes, adeoque iusto currente pretio vendi potest.

3. Qui iusto pretio vendit vinum Mosellanum pro Rhevano, quod alius non emeret, si sciret, non quidem tenetur ad restitutionem, quia non damificat, peccat tamen, quia mentitur verbo, & facto.

4. In casu, quo hospes peregrinantibus vendit vinum aqua mixtum, pretio puri vini, committit injulitiam, & tenetur restituere, ut patet: scelus, si servet æquitatem pretii, nimirum minuendo pretium.

5. Idem est, si vino (idem est de alia materia) nobiliori fuisset admixtum vinum longævius. Vel si quis vinum vile arte, seu industria perduxisset ad generositatem vini hispanici, & hujus pretii venderet. Vel si mustum ex pyris expressum pro vero vino vendat. Et certe opposita sententia multis fraudibus pandit viam.

6. Qui triticum ponit loco humido, ut sic turgescens plures impleat modios, peccat, & tenetur relaxare damnum.

7. Qui triticum jam purgatum iterum miscet paleis, illudque vendit eo pretio iusto, quo triticum ex area collectum cum mixture palearum non peccat: Purgatum manens tale carius vendere potest, attamen intra limites iusti pretii.

8. Si occulte scias, tuum debitorem non esse solvendo, injuste agis, si aliis id nescientibus debitum illud vendas ordinario pretio, quia non revelas vitium intrinsecum credidi. Idem est, si aliis luadeas, ut ei mutant pecunias, ut tu inde solvaris: Quia est dolus.

QUÆRO V. Is, cui commissum est, ut hoc, vel illud vendat determinato pretio, v.g. infimo, vel moderato, vendit autem summo, seu rigoroso, potestne excessum sibi retinere?

LXV. *Resp. 1.* Si dominus, qui commissit, consentiat, ut retineat, potest.

*Ratio* patet ex se.

Exceptio est, si excessus esset notabilis, & dominus non intellexisset pretium rei.

*Resp. 2.*

*Resp. 2.* Si vendens sit famulus committentis, vel mercedem habeat pro labore tenetur dominum tradere excessum cum pretio taxato.

*Ratio:* Nam istaxando pretium, valuit quidem, ne infra delectandatur, non tamen prohibuit, ut supra ascendatur. Item mercede conducto, & famulo datur res vendenda in utilitatem domini meliori modo, quo potest, iusto tamen.

*Resp. 3.* Si Commissarius non sit famulus, nec mercede conductus, potest excessum illum retinere, modo sit intra sphaeram iusti pretii.

*Ratio:* Tum quia est fructus proprietatis industriae, quae est pecunia estimabilis.

Tum etiam, quia committens laborem non solvens, & sciens, quod gratis facere non teneatur, censetur in hoc consentire.

*Resp. 4.* Quando Sartores pro iis, quibus vestes conficiunt, emunt materiam, quam mercatores dicunt, se iis minoris vendere, quam alii, vel quia sunt eorum Parochiani (ut folle dici) frequenter ab eis ementes, vel quia hac ratione volunt ens ad officinas suas allicere, communiter non possunt partem pretii sibi remissam retinere.

*Ratio:* Quia Mercatores communiter non serio, sed vel jocosè, vel falsè dicunt se minoris vendere, vel partem remittere, ut eos ad se alliciant, & opposita sententia est periculis plena, & palliat Sartorum furta.

*Resp. 5.* Si certò constaret, illos Mercatores verum dicere, possent sortem illam, dummodò aliis fideliter agant, retinere, uti & si eam computent ratione perditis temporis, aut lucris cessantis.

*Ratio:* Quia tunc nemini fit injuria.

**QUÆRO VI.** Res empti cui perit?

*Resp. 1.* Si post traditionem pereat, perit emptori.

*Ratio:* Res perit suo domino: Sed tunc emptor est dominus rei. Ergo.

*Resp. 2.* Si pereat ante traditionem, & sit res deteriorata, v.g. dolium vini, hæc domus, vel ager, &c. etiam perit emptori.

*Ratio:* Quia sentit commodum, sentire debet & onus. Sed tunc commodum, seu fructus rei accrescit Emptori. Ergo & perit illi.

Exceptio est, si aliter sit conventum, vel pereat culpa venditoris, vel venditor ob nondum solutum pretium fructus sibi reservaverit.

*Resp. 3.* Si res sit indeterminata, v.g. ex cumulo triticiduo maldræ, ex grege bouum tres boves, &c. perit venditori ante traditionem.

*Ratio:* Quia similia venduntur solum sub conditione, si tradantur.

**QUÆRO VII.** Negotiatio, seu mercatura, ac monopoliæ suntne licitæ, etiam Clericis?

*LXVI. Resp. 1.* Juxta S. Thom. ar. 4. in c. Negotiatio proprie est commutatio rerum ad cernarios, vel e contra, non ob necessaria vitæ, sed

præcisè ob lucrum querendum, & hoc turpitudinem quandam habet.

*Ratio* S. D. est: Quia deservit cupiditati lucrare, quæ terminum a seipso, sed in infinitum tendit. Immo in lucra (ait ad 2.) ultimum finem constituit, quod est peccatum. Ergo.

*Resp. 7.* Ex S. D. ibid. Nihil prohibet lucrum ordinari ad finem necessarium, vel honestum, & sic negotiatio licita reddetur.

*Declarat* hoc S. Th. dicens: Sicut cum aliquis lucrum moderatum, quod negotiando querit, ordinat ad domus suæ sustentationem, vel etiam ad subveniendum indigentibus, vel cum aliquis negotiationi intendit propter publicam utilitatem, ne scilicet res necessariae ad vitam patriæ desint, & lucrum expetit, non quasi finem, sed quasi stipendium laboris. Hæc ibi.

Et in Sed Contra S. D. ex Aug. ait: Negotiator avidus acquirendi pro damno blasphematur, pro pretiis rerum mentitur, & pejerat: Sed hæc vitia hominibus sunt, non, artis, quæ sine his vitiis agi potest: Ergo negotiari non est illicitum.

*Resp. 3.* Per varios Canones, & per Trident. Sess. 2. cap. 1. Negotiatio Religiosis, & Clericis est prohibita.

*Ratio* patet ex S. D. art. 4. ad 3. dicente: Clerici non solum debent abstinere ab his, quæ sunt secundum se mala, sed etiam ab his, quæ habent speciem mali. Quod quidem in negotiatione contingit, tum propter hoc, quod est ordinata ad lucrum terrenum, cujus Clerici debent esse contemptores: tum etiam propter frequentiam negotiatorum vitia, qui a difficilius exiit negotiator a peccatis laborum, ut dicitur Eccles. 26.

Est & alia causa, quia negotiatio nimis implicat sæcularibus curis, & per consequens a spiritualibus retrahit. Unde Apostolus dicit 2. ad Timoth. 2. Nemo militans Deo, implicat se negotiis sæcularibus.

Subdit S. D. *Quid tamen Clericis liceat uti illa communicationis specie, qua ordinatur ad necessitatem vitæ, emendo, vel vendendo, v.g. emendo pecora, ut suis pascuis impinguata revendant, vel alendum gregem, ut fœtus, lac, lanam vendant, vel fructibus maturis agrum emendo, quos fructus postea revendant; quia non est propriè negotiator, qui tantum vendit sui gregis, aut agri fructus. Cæterum agros, vel aliena prædia conducere, ut eorum fructus vendant, specialiter Clericis, & Religiosis est inhibuit, Causa 21. Q. 5. Cap. 1. & 3.*

Not. Ut Clericus, vel Religiosus dicatur negotiator, & mortaliter peccet, non sufficit unus, aut alter negotiationis adus, sed requiritur, ut assidue, & ex professione negotiationem exerceat.

*Resp. 4.* Clericos negotiari per alios scdalo quidem inagno potest esse obnoxium, si tamen eo careat (quod vix fieri potest) non est illicitum.

Re-

*Ratio:* Quia non est interdictum, cessantque in eo motiva prohibitionis.

De Monopolio Nota tunc illud propriè esse, cum unus, vel pauci conspirant, & faciunt, ut ipsi soli certum genus mercium vendant eo pretio, quo liberit. Et sic tribus modis:

1. Ex Principis, vel Reipublice auctoritate, aut privilegio, ex rationabili causa pro bono communi, v.g. in Casu, quo ob nimias expensas nemo vellet tales merces in copia adducere; Vel si qui propriis sumptibus, & industria rem comparavit, qua de causa Typographo Principedat privilegium, ut ipse solus suis sumptibus libros impressos deinceps imprimat, & vendat.

2. Dum plures negotiatores inter se conveniunt de coemendis omnibus mercibus alicujus generis, ut omnes ab eis emergere teneantur. Vel quando impediunt, ne similes aliunde ab aliis adferantur.

3. Quando conspirant in pretium, ut nullus minoris vendat. Hoc notato

*Resp. 5.* Probabilius est, Monopolia per Principis auctoritatem pro bono communi regulata esse licita, quando nimirum venditores conspirant in pretium, quod non est supra legale, nec supra vulgare summum: si autem est supra illud, peccant contra justitiam, & tenentur ad restitutionem.

*Ratio:* Pretia rerum non pendent ex libidine mercatorum, sed vel ex Superioris taxatione, vel ex communi æstimatione, facta absque dolo, & conspiratione (spectata copia, & raritate mercium) ementium, vendentium, &c. Ergo.

*Quid si ipsi emptores conspirent, aut alios rogent, ne quidquam justo pretio emant, sed minoris?*

*Reo:* Faciunt injuriam venditoribus.

*Ratio:* Quia illi habent jus ad pretium majus, nimirum justum, saltem infimum; tenenturque restituere.

Plura hic dici possent, sed patebunt in sequenti Examine.

## EXAMEN VIII.

De peccato Usuræ in mutuis.

De qua S.D. hic *Quæst. 78. per 4. art.*

**Q**UÆRO I. Quid est mutuum? quid, & quod duplex est usura, ac quantum peccatum?

**LXVII. Resp. 1.** Mutuum est contractus, in quo alteri traditur res ipso usu consumptibilis cum translatione domini, ut eandem reddat, non numero, sed specie, vel valore.

*Explico:* Per ly cum translatione domini mutuum differt a locato, commodato, & deposito. Per ly restituendi differt a donatione, emptione, & venditione.

*Dixi, usu consumptibilis,* per quod differt a commodato. Pro quo

Nota, res alias esse uno actu non consumptibiles, sed permanentes, ut pratum, domus, gladius, equus, &c. alias vero usu consumptibiles, seu pereuntes, v.g. vinum, panis, oleum, frumentum, immò pecunia, licet enim pecunia in mutuo non pereat in se, & quoad entitatem, perit tamen exponenti, cum is amittat dominium ejus.

*Resp. 2.* Mutuum est duplex, nimirum verum, & palliatum.

*Explico:* Mutuum verum est, quando res verè gratis mutuatur, prout hujus contractus exigit, nec aliud intenditur.

Palliatum est, quando verba significant alium contractum, sed mens contrahentium five vera five presumpta intendit contractum mutui: qui alio contractu palliatur, seu regitur, ut si quis emat minoris justo pretio boni solutionem anticipatam, aut vendat ad terminum, quo ob solutionem dilatatam res venditur carius justo pretio, est mutuum palliatum, & usura.

*Resp. 3.* Usura definitur, quod sit contractus mutui, in quo ex stricta obligatione, seu ex justitia aliquid temporale, & pretio estimabile præcise, seu principaliter ex vi, & causa mutui capitur ultra sortem, id est, ultra Summam Capitalem.

Nota, quod usura interdum accipitur pro ipso quæstu, seu lucro usurario, principaliter, & immediatè ex mutuo proveniente, ultra sortem recepto.

*Resp. 4.* Usura est duplex. Una realis altera mentalis. Prima est, in qua dicta obligatio explicitè, vel implicitè deducitur in pactum, si explicitè vocatur usura realis explicita; si implicitè, vocatur palliata, ut dictum est ante Resolutionem 3. Usura mentalis est, dum quis mutuat alteri ea mente, ut aliquid ultra sortem ex justitia reddendum expectet vi mutui.

*Resp. 5.* De hâc est, quod usura propriè dicta sit peccatum. Patet ex illo Luc. 6. *Mutuum date, nihil inde sperantes*, putè ex vi mutui. Quomodo ex alio capite possit aliquid accipi, patebit ex dicendis.

*Dixi, usura propriè dicta:* quia interdum accipitur metaphoricè pro superexcrecentia bonorum spiritualium, quam etiam Deus a nobis exigit, volens ut in iis semper proficiamus, ut ait S.D. hic art. 1. ad 1. explicans illud Luc. 19. Ego veniens cum uluris exegissem illam, nimirum pecuniam mutuatam, id est, dona gratiæ. Item in S. Scriptura usuri interdum accipitur pro mutuo, unde dum Deuter. 28. Judæis in præmium ser-

servatq; legis promittitur, *facere abis gentibus multis, & ipse a nullo senus accipies*, idem est, ac mutuabis, nam promittitur ibi Judæis abundantia divitiarum, ut aliis mutuari possint, ut explicat Angelicus Doct. hic ad 2.

Item interdum accipitur pro proliis, vel utilitate. Sicut dum S. Ambrosius dicit: *Ab illo usuram accipe, cui merito nocere desideras*, loquens de bonis, quæ auferuntur a subjugatis per bellum iustum.

*Resp. 6.* Usura est etiam jure naturæ prohibita, & restituenda.

*Ratio 1.* Quia juri naturæ repugnat, periculi lucrum ex re non sua, res enim fructificat suo domino: Sed res mutata non manet mutantis, sed transit in dominium mutatarii. Ergo.

*Ratio 2.* Quæ est S. Doctoris hic art. 1. in c. & quodl. 3. a. 19. Contra jus naturale est, petere duplex pretiū pro una, & eadem re, aut petere pretium pro re, quæ non est: Sed hoc fit per usuram. Ergo. Maj. patet: quia sic tollitur inæqualitas, quam natura rei postulat: plus enim recipitur, quam fuit datum. Min. verò probatur: Recipiens usuras, vel eas recipit pro pecunia, quam mutuavit, vel pro usu ejus. Si pro pecunia, Ergo recipit duplex pretium pro una re; unum recipiendo fortem, seu Summam Capitale, quæ ei ex quo refunditur alterum per usuram, quam accipit ultra fortem. Si verò usuras accipit pro usu pecuniæ, accipit pretium pro re, quæ non est. Quod probatur: In rebus usu consumptibilibus usus earum non potest æstimari seorsim a re ipsa, ut etiam docuimus supra Tract. 8. Exam. 2. n. 21. in R. ad Oppos. 3. ubi videtur, uti & omnia, quæ ibi dicta sunt de distinctione dominii, & usus in talibus, nam ridiculū, & injustum esset, criticum, & usum tritici, vel panis diverso æstimare pretio. *Subsumo*: Sed pecunia computatur inter res usu consumptibiles in sensu ante explicato. Ergo.

Confirmo: Nummus ex natura sua est sterilis, nam, ut ait Arist. 1. Polit. c. 7. *non est infertus, ut pariat nummum, sed ut commutetur cum mercibus naturalibus*. Ergo.

*Resp. 7.* Usura est peccatum mortale ex genere suo, in individuo tamen potest esse veniale ex parvitate materiæ, vel defectu libertatis.

1. *Pari* patet ex dictis pro R. 6.

2. *Pari* patet ex paritate de furto supra Tr. 9. Exam. 3. n. 31. R. 3. Quia usura est furtum, & prohibetur illo Decalogi, Non furtum facies.

Ex quo sequitur, quod etiam minima usura (sicut furtum) sit peccatum saltem veniale.

*Oppono 1.* contra Resp. 6. Deut. 23. Judæis fuit quidem prohibitum accipere usuras a suis fratribus, id est Judæis, fuit tamen illis concessum eas accipere ab alienis, seu extraneis, nimirum Gentilibus. Ergo.

2. *Leges Civiles* (ut in Jure videre est)

concedunt usuras. Ergo.

3. Illud Lucæ 6. *Munus date, nihil inde sperantes*, solum continet consilium, non præceptum. Ergo.

4. Pro eo, quod quis non tenetur facere, potest accipere pretium: Sed homo non tenetur dare mutuum, saltem in quovis casu.

5. Pro vasis argenteis alteri commodatis licet accipere pretiū. Ergo & pro argento monetato. Prob. conf. quia sunt ejusdē rationis, & speciei.

6. Quivis licitè potest accipere, quod alter voluntariè ei dat, quia scienti, & volenti non fit iniuria: Sed mutuarius voluntariè dat ultra fortem. Ergo.

7. Obligatio carendi re mutuata, seu ea non repetendi in trā certum tempus, est pretio æstimabilis: Idem est de usu rei mutuata. Ergo pro iis potest accipi pretium. Prob. ant. Obligatio mutuandi ex officio est pretio æstimabilis, & pretium pro ea licitè accipitur. Ergo etiam obligatio carendi re ad certum tempus.

8. Qui retento sibi dominio, alteri concedit usum pecuniæ solum ad ostentationem, potest aliquid exigere ultra fortem. Ergo & a fortiori, si cum usu dominium transferat, ut fit in mutuo.

*Ad 1. R.* Fœnerari ab extraneis non fuisse Judæis concessum tanquam licitum, sed permisum ad majus malum vitandum, ne scilicet a Judæis Deum colentibus usuras acciperent propter avaritiam, cui dediti erant, ut habetur Isaia 56. Ita S. D. ar. 1. ad 2. Uti supra diximus de Lupanariis.

*Ad 2.* eodem modo R. Unde S. D. ibidem ad 3. ait: *Leges humanæ dimittunt aliqua peccata impunita propter conditiones hominum imperfectorum, in quibus multæ utilitates impedirentur, si omnia peccata districte prohiberentur pœnis adhibitis*. Et idē usuras lex humana concessit, non quasi æstimans eas esse secundum justiciā, sed ne impedirentur utilitates multorum. Hæc ibi.

*Ad 3.* ait S. D. ibidem ad 4. *Dare mutuum non semper tenetur homo, & ideo quantum ad hoc ponitur inter consilia: sed quod homo lucrum de mutuo non querat, hoc cadit sub ratione præcepti*: id est, licet homo non tenetur mutuare, supposito tamen quod mutuet, tenetur gratis mutuare, sicut et si non teneat modò orare, supposito tamen quod orem, teneor devotè orare.

*Ad 4.* dist. maj. Potest, &c. recipiendo æqualē fortem, C. mai. ultra fortem, N. maj. Explicatio patet in S. D. ibid. ad 5. dicente: *Quod ille, qui mutuare non tenetur, recompensationem potest accipere ejus, quod fecit, sed non amplius debet exigere*. Recompensatur autem sibi secundum qualitatem justitiæ, si tantum ei reddatur, quantum mutuavit. Unde si amplius exigit pro usu fructu rei, quæ alium usum non habet, nisi consumptionem substantiæ, exigit præ-

pretium ejus, quod non est, & ita est injusta exactio.

*Ad 5. neg. conf.* Quia res commodata ipso usu non consumitur, & manet in dominio commodantis, secus est in mutuo; res autem fructificat suo domino. Ad prob. neg. conf. Quia accipitur pro causa, quod non est causa. Vide S. D. ad 6.

*Ad 6. dist. maj.* Si det pure voluntarie, C. maj. mixto involuntario propter necessitatem, sine qua non daret, N. maj. Et sic dist. min. N. conf. Est S. Thom. ibid. ad 7.

*Ad 7. neg. ant.* Quia obligatio carendi res sua, seu ad certum tempus eam non rependi, non habet distinctam æstimationem are mutuata, eò quod illa obligatio sit intrinseca contractui mutui, qui ex natura sua est gratuitus. Ad illud de usu, patet: Quia res fructificat suo domino, & ad mutuatarium spectat usus sicut ipsa res. Ad prob. neg. conf. Quia in obligatione mutuandi mutans cum sua incommoditate gravatur ad habendas semper paratas pecunias, adeoque ad carendum lucro, quod posset habere, si applicaret eas ad negotiationem: hoc verò non est in puro mutuo.

*Ad 8. R. sicut ad 5.*

**QUÆRO II.** Nihil ergo licet accipere ultra sortem? nec ullotitulo pro pecunia, seu re mutuata?

**LXVIII.** Ante Responsum Nota ex S. Thom. art. 2. in c. omne illud pro pecunia haberi, cujus pretium potest pecunia mensurari. Quicunque ergo tale quid ex pacto tacito, vel expresso pro re mutuata ex vi mutui acceperit, peccat contra iustitiam, ut ante dictum. Hoc notato

*Resp. 1.* Recompenationem, quæ pecunia non mensuratur, licet pro mutuo exigere, puta, benevolentiam, & amorem ejus, qui mutuavit, vel aliquid hujusmodi. Ita S. D. loco citato.

*Ratio patebit ad Resp. 4.*

*Resp. 2.* Si quis aliquid pretio, seu pecunia mensurabile pro mutuo accipiat, non quasi ex illens, nec quasi ex obligatione aliqui tacita, vel expressa, sed sicut gratuitum donum, non peccat. Ita S. D. ibid.

*Ratio S. D. est:* Quia antequam pecuniam mutuasset, licite poterat aliquid donum gratis accipere: Sed non efficitur pejoris conditionis per hoc, quod mutuavit. Ergo.

*Resp. 3.* Si quis ex pecunia mutuata expectat, vel exigit, quasi per obligationem pacti taciti, vel expressi, recompenationem muneris ab obsequio, vel a lingua perinde est, ac si expectaret, vel exigeret munus a manu. Ita S. Thom. art. 2. ad 3.

*Ratio S. D. est:* Quia utrumque pecunia æstimari potest, ut patet in his, qui locant ope-

ras suas, quas manu, vel lingua exercent.

*Resp. 4.* Si manu, ab obsequio, vel a lingua, non quasi ex obligatione exhibetur, sed ex benevolentia, licet hoc accipere, & expectare: S. Thom. ibid.

*Ratio S. D. est:* Quia benevolentia, seu amicitia sub æstimatione pecunie non cadit. Ergo nihil accipitur ultra sortem.

Nota, hanc propositionem ab Innocentio XI. Num. 42. esse damnatam: *Usura non est, dum ultra sortem aliquid exigitur, tanquam ex benevolentia, & gratitudine debitum, sed solum si exigitur tanquam ex iustitia debitum.* Cum qua sententia non coincidit nostra, ut patet consideranti iustam causam damnationis dictæ propositionis. Nam nunquid foret ridiculus modus palliandi usuram, pro centum florenis mutuatis petere quinque tanquam debitos ex gratitudine? quia obligatio gratitudinis, seu antidotalis nullam determinat quantitatem, nec determinat obligat ad donum aliquid materiale, vel temporale, sed ut segratum exhibeat quocumque modo, prout sibi libuerit, per verba, vel facta per signa specialis honoris, per preces, per reciproca in casu occurrente patrocinia, &c. Ergo si mutuator aliquid determinat exigit tanquam debitum indubit obligationi antidotali novum onus superaddit, & ridiculam facit gratitudinem, palliatque usuram.

Patet in exemplo: Vir Nobilis habet generosum equum mille florenis æstimatum, accedit alius, volens equum emere. Respondet Nobilis, non decere nobiles mercari, nec vel se vendere, sed se ipsi equum donare, eo tamen pacto, ut sibi vicissim det mille florenos ex mera gratitudine; Nonne ridiculus hic esset contractus?

*Resp. 5.* Si mutans mutuatarium titulo mutui obliget ex iustitia ad conferendum, vel procurandum sibi officium, aut beneficium, vel privilegium, v. g. immunitatem a tributis, aut eum obliget ad remutuandum, ad emendum ex officina mutuantis, ad remittendam restitutionem famæ, &c. est usura.

*Ratio* Quia hæc onera sunt pretio æstimabilia. Ergo mutans accipit ultra sortem.

*Dixi, vi mutui,* petere enim ea ex mera gratitudine non est peccatum, v. g. si nolis petenti dare mutuam pecuniam, nisi tibi mutuo det frumentum, officium seculare procuret; aut alium contractum iusto pretio celebret, modo mutuatarius ad similia reciproca non obligetur ex iustitia, seu pacto, sed nolle aliàs mutare sit mera conditio.

*Resp. 6.* Probabilius est, quod, qui mutuum dat, possit abiq; peccato in pactum deducere cum eo, qui mutuum accipit, recompenationem damni emergentis. S. Thom. ad 1.

*Ratio 1. S. D. est:* Hoc non est vendere usum pe-

pecuniæ, sed damnum vitare. Et potest esse, quod accipiens mutuum majus damnum evitet quam dans incurrat. Ergo potest compensatio peti.

*Ratio 2.* Licet iste excessus pecuniæ sit ultra fortem nudè consideratam, non tamen est ultra eam, in quantum hoc est causa mali justè vitandi. Ergo.

Nota, *Damnum emergens* vocari, quod quis patitur in suis bonis, si ea det alteri, v.g. habet quis ruinofam domum, nunc modico ære reparabilem, si verò nunc mutuet alteri, ejus reparatio suo tempore ruina crescentem majores expensas faciet. *Lucrum cessans* est carentia lucri, quod, si alteri non mutuasses, probabiliter ex tuis bonis accepisses, v.g. pro pecuniis emendo censum, vel frugiferum prædium, aut applicando eam ad negotiationem, &c. *Lucrum cessans* est jactura bonorum, quæ quis solum habet in spe, damnum verò emergens, eorum, quæ quis habet in re.

*Resp. 7.* Si pecunia tantum est in potentia remota ad faciendum lucrum, non potest mutuari (sive liberè putà, rogatus, seu ultroneè, sive coactè mutuet, id est, vi, vel fraude inductus) aliquid ultra fortè accipere ratione lucri cessantis.

*Ratio* patet ex S. Tho. ar. 1. ad 1. dicente: *Recompensatio damni, quod consideratur in hoc, quod de pecunia non lucratur, non potest in patrum deducere. Quia non debet vendere id, quod nondum habet, & potest impediri multipliciter ad habendo.*

*Declaratur* ulterius: Ad faciendum lucrum in pecunia duplex est potentia: Una remota, quod convenit omni pecuniæ, in quantum ex natura sua est instrumentum ad lucrum. Altera est proxima, quæ pecuniæ non convenit ex sua natura, sed ex industria negotiatoris, vel quando jam est exposita negotiationi, vel parata ad illam. Cujus simile Cajetanus dat in frumeto existente in horreo, & in alio ad seminandum parato.

*Resp. 8.* Probabilius est, quod si pecunia sit in potentia proxima ad lucrum, & a lucro impediatur contra voluntatem domini, possit mutuator licitè exigere lucrum cessans.

Ita S. Thomas in hac 2.2. q. 62. art. 4. in c. ubi docet, quod qui damnificat alicum impediendo, ne adipiscatur, quod erat in via habendi, tale damnum non debeat compensare ex æquo, teneatur tamen aliquam compensationem facere secundum conditionem personarum, & negotiorum. Vide supra Tract. 8. Exam. 6. nu. 103. R. 3.

*Ratio 1.* Talis pecunia plus valet huic suo domino, quam absolutè secundum se sumpta. Ergo hæc major utilitas potest a Domino exigì, & in pactum deduci.

*Ratio 2.* Damnum emergens, & lucrum cessans est verè pretio æstimabile: Sed non est æquum, ut quis teneatur subire onera a pretio æsti-

mabili ratione beneficii gratis impenfi in favorem alterius. Ergo.

Not. ut subsistat doctrina R. 6. & 8. requiritur, ut damnum emergens a mutuantē deducatur in pactum, deduci autem in pactum non potest, si mutuatarius aliunde se offerat ad damni compensationem. 2. Ut damnum emergens, & carentia lucri non oriatur ex alio capite, sed solum ex mutuo. 3. Ut æstimetur judicio prudentum quantum valet. 4. Ut in lucro cessante solum æstimetur spes lucri, non lucrum in se, quia lucrum in se minus valet, quam lucrum in re. 5. Ut compensatio lucri cessantis non fiat statim ac datur mutuum: quia si ob lucrum cessans a 100. aureis statim, quis acciperet decem imperiales, pretium lucri cessantis acciperet a 90. aureis, ac si esset a 100.

*Resp. 9.* Probabilius est, quod ratione periculi, molestiæ, difficultatis, vel expensarum (quæ in recuperanda sorte timeantur) mutans possit pacisci, & aliquid ultra fortem recipere.

*Ratio:* Quia hoc periculum amittendæ, vel difficultatis recuperandæ sortis, non est mutuo intrinsicum: nam potest mutuum esse sine illo, ut patet, si detur pignus, hypoteca, fidejussio, vel mutuatarius sit integræ fidei, & notus per experientiam, unde sequitur non ex natura mutui, sed mutuatarii, v.g. ignoti, remoti, debitissimi, aut qui difficultat potest conveniri. Ergo hoc periculum est pretio æstimabile, nec tenetur quis illud subire ratione beneficii alteri gratis impenfi.

*Resp. 10.* Probabilius est, quod, qui sponte sua, & ob propriam utilitatem pecuniam a negotiatione transfert ad mutuum, non possit a mutuatario exigere lucrum cessans, bene tamen si hoc faciat rogatus a mutuatario.

*Ratio 1. p.* In eo casu pecunia potentiam proximam, & artificialem lucrandi amittit, retinetque solum remotam, & naturalem, & hoc ex libera voluntate domini. Et simile est in frumeto ad seminandum parato, quod si quis sua sponte ob suam utilitatem velit vendere, non potest exigere majus pretium, quam valeat secundum se. Ergo a pari, &c.

*Ratio 2. p.* Mercator non minus æstimat lucrum, quod ex pecunia ad negotiandum parata sperat, quam timeat (cum eadem probabilitate) damnum emergens: Sed hoc est pretio æstimabile, & potest de eo pacisci. Ergo idem de lucro in casu posito.

*Oppono contra 1. partem:* Qui non rogatus mutuatur, tenetur sequi naturam mutationis: Sed natura eius est, ut fiat gratis. Ergo.

*Ad hoc Resp.* solum probari, quod mutans gratis teneatur subire pericula, & onera in trinitate mutationi, uti est obligatio carenti, seu non repetendi ad certum tempus, &c. non verò ea, quæ sequuntur per accidens, ut sunt damnum emergens, & lucrum cessans.



QUÆRO III. Quomodo resolvīs hos casus?

LXIX. 1. Estne usura, adeoque peccatum injustitiae, mutare alicui ad alliciendum, ut antiqua debita solvat. Vel Regi, ut jam constitutam gratuitam recompensationem accipiat?

2. Ut debitum remittat, liti cedat?

3. Mulieri, ut sui corporis usum concedat?

4. Mutare alicui mille Imperiales, ut eos extorqueat a debitoribus mutuatoris?

5. Mutare alicui frumentum, ut ex loco distante illud advehat?

6. Mutare alicui, ut pro pecunia computentur vestes, animalia, equi, &c. reddenda in pecuniis?

7. Mutare alicui partim in pecunia, partim in mercibus, ut totū reddat in parata pecunia?

8. Mutare alicui cum pacto, ne mutuatori noceat?

9. Estne usura, monasterio dare centum Imperiales hoc pacto, ut mutuator non possit eos repetere quamdiū vivit, & monasterium annuē illi solvat sedecim imperiales, & post mortem mutuatoris Summa Capitalis maneat penes monasterium, & hoc habeat facultatem contractum rescindendi ad libitum?

10. Si maritus dote non soluta recipit aliquid, quod non reputat in fortem?

11. Mutare frumentum in mense Septembris (quo tempore vilis venditur) ut solvatur in Maio, quo venditur carius?

12. Mutare frumentum vetus, ut reddatur novum?

13. Apponere mutuatorio poenam, ut si tempore statuto non solvat, eam subeat solvendo aliquid ultra fortem?

14. Accipere pignus a mutuatorio, ea conditione, ut si tempore statuto non solvat, pignus sit mutuantis?

15. Vendere cum Pacto de retrovendendo ipsi vendenti, & non alteri?

16. Pro fidejussione recipere pretium estne usura?

Ad 1. R. non esse usuram, quia talis nihil exigit ex vi mutui, sed petit, quod suum est, vel sibi jam deputatum est.

Ad 2. & 3. R. esse usuram, si deducatur in pactum, & obligationem, secus si fiat ex mera gratitudine, vel amicitia.

Ad 4. & 5. Est usura, nisi mutuarius sponte id in se suscipiat, quia est pretio æstimabile, non minus acilla, de qua ad 2. & 3.

Ad 6. & 7. Est usura, si obligetur mutuarius, ut potē qui in istis semper afficitur aliquo damno. Aliud esset si mutans diceret, se non posse totum mutare in pecunia, & mutuatorio relinquitur liberum, velitne medietatem in mercibus pro iusto pretio, necne.

Ad 8. Non est usura, si intendatur amicitia ut supra. Unde noster Corradus ait, esse licitum pro benevolentia captanda mutare, seu etiam in pactum deducere: ut ejus signa demonstrantur, putā, ut mutuarius mihi non noceat injuste, ut aliunde tenetur non nocere.

Ad 9. Contractus ille nunquam est consensendus, quia præferret turpis loci speciem ex parte utriusque contrahentis, ut scribit Corradus noster, nam Monasterio spelucridatur occasio optandi mortem mutuantis: mutans verō est cupidus diutius vivendi, ut eod. pl. s. lucreretur cum damno monasterii. De iustitia hujus contractus loquendo, bene resolvit noster Sylvester dicens: Ego dico tibi non posse mutuum esse, quia dāns pecuniam non potest eam quovis tempore repetere, & consequenter nec usuram: sed tamen est ibi injustitia, & est emptio juris exigendi singulis annis 16. celebrata pretio injusto.

Ad 10. Si maritus pactum fecerit de uxore gratis alenda, & exigit ultra fortem, usuram committit. Si pactum hoc non fecerit, & dos non solvatur, alimenta petere potest propter onera matrimonii. Vir dotem solutam tenetur servare salvam, ut ex ejus fructibus uxorem alere possit, ideoque præsumitur dos semper manere in re fructifera: hinc iuste, & sine usura fructus exigi posse, bene docet Sotus, quia non petuntur ex vi mutui, sed titulo alimentis, & cessantis lucris.

Eadem ratio est de vidua, cui dos non est soluta, quæ cum sua familia debet ali, licet de facto onera matrimonii non ferat.

Ad 11. & 12. Si ex vi mutui in iis casibus intendatur lucrum, aut mutuarius obligetur, ut non possit reddere ante Majum, aut reddere teneatur melius, ut si suum erat in via ad corruptionem, est usura. Si verō relinquatur ei facultas solvendi, & mutanti repetendi, quando placuerit, & non exigatur frumentum melioris qualitatis, sed ejusdem in specie, & bonitate, non est usura, licet mutuator illud repetat eo tempore, quo carius venditur, si ipse illud frumentum erat aliis servaturus ipsum; poterat usque eod. durare. Quia enim frumentum erat suum, pretium ei crescebat, vel decrefcebat.

Adde, quæ ante dicta sunt Exam. 7. num. 61. Casu 2. & 4. & 5.

Ad 13. Si pœna conventionalis sit excessiva, vel tempus solvendi nimis breve, seu mora solvendi inculpabilis: vel si fiat in fraudem, nimirum ad usuram palliandam, ut si sub prætextu, seu titulo hujus pœne lucrum speretur, est usura. His seclusis contractus est licitus, quia Reipublicæ interest, ut pacta iusta servantur, & debitoris negligentia puniatur.

Dixi, si mora sit inculpabilis, cujus exemplum esse potest, si mutuatar ius se obligasset pœnam solvere in frumento tempore maturitatis

tatis frugum, eoautem temporegrando, vel inundatio eas vassasset.

*Ad 14.* quæstio tangit, an licitum sit pactum legis commissoriae, seu ut pignus cadat in commissum ipsi mutuanti, tanquam vendibile, vel venditum, in poenam moræ, & negligentie mutuatarii in solvendo? Item tangit quæstionem, an pactum antichreseos sit usurarium, quo nimirum creditor datur facultas, usque ad mutui restitutionem lucrandi fructus pignoris? Ut hic contractus sit licitus, proportionabiliter dicendum est, ut dictum est ad 13. Ut ergo usura non sit pignus, debet cedere pro justo pretio, & fructus pignoris (si sit fructiferum) debent computari in capitale, seu sortem, sive exonerationem sortis, usque ad tempus præfixum. Secus, est usura, ut patet ex definitione usuræ.

*Ad 15.* Si nulla intercedat fraus, nec sub titulo emptionis usura palliatur, ac lervetur iustitia pretii ad arbitrium boni viri, contractus est licitus: secus, est usurarius.

*Quia si addatur pactum, ut res pereat periculo solius vendentis, & non ementis?*

*Dico esse usuram palliatam. Ratio:* Jure naturæ res perit suo domino: Sed eo ipso est dominus rei. Ergo.

*Ad 16.* Fidejussor potest absque usura recipere pretium ratione periculi, & maximi detrimenti, quod fidejussoribus sæpe evenire solet, qui ut plurimum (ut Corradus dicitur) coacti cum maximo damno debent vendere proprias domos, & prædia, ut aliena solvant debita, immò sæpe ad mendicitatem propter hoc rediguntur. Ergo.

**QUÆRO IV.** Quid censetur de Censibus, eorumque pretio, & in specie de Censu germanico quinque pro 100.

**LXX.** Ante R. Nota 1. ex veteri jure Romano ly Censum derivari à censendo, seu æstimando, & olim etiam tributum Cæsari datum, fuisse vocatum Censum. Apud Canonistas verò, & Theologos in præsentem sumitur sic, ut sit *jus exigendi annuatim pensionem ex re, vel persona alterius nulli, seu fructifera.*

*Dixi 1. jus,* dum enim ipsa pensio vocatur census, vel è contra, accipitur effectus pro causa, vel è contra, juri huic correspondet ex parte alterius obligatio solvendi pensionem.

*Dixi 2. annuatim;* quia annuatim solvitur.

*Dixi 3. super re vel persona alterius;* cuius intelligentia patebit ex divisione census.

*Dixi 4. nulli, seu fructifera;* quia census non potest constitui super re sterili, aut persona per suas operas nihil fructificante, nec ulla bona in re, vel in specie habente.

*Nota 2.* Censum esse multiplicem. 1. Alius est resignativus, ut si quis legando, donando, permittendo, vendendo, bonorum suorum dominium directum, & utile transferat in alte-

rum reservata sibi ex iis annua pensione. Alius est consignativus, ut si quis alteri consignet jus annuæ pensionis ex industria suæ personæ, vel ex suis bonis retento eorum tamen dominio, utili, & directo.

2. Ex parte fundamente dividitur in realem, & personalem, ac mixtum. Realis est, qui immediate fundatur super aliqua re fructifera, v. g. prædio, agro, &c. in eoq; immediate obligatur sola res, eamque comitatur, etsi vendatur, vel aliter donetur, & persona tantum mediantere, & quamdiu eam habet. Hinc pereunte re, aut reddita infructifera, perit & Censum. Personalis est, qui fundatur super aliqua persona, & (si bona aliqua relinquat, secus non) super posteris ejus, sic ut persona obligetur immediate, res vero mediate. Hic census non potest constitui super personam, quæ est inutile pondus terræ, sed super laboriosam. Mixtus est, qui immediate fundatur super personam, & rem ejus fructiferam simul, qui manet, quamdiu persona manet, licet res pereat.

3. Ex parte materie dividitur in fructuarium seu ex quo debentur fructus, v. g. frumentum, vinum, &c. & in pecuniarium, ex quo debetur pecunia. Et hic iterum alius est certus, cuius quantitas est determinata, v. g. quinque modii, decem floreni, &c. alius incertus, cuius quantitas non est determinata, v. g. tertia, vel quinta pars fructuum, qui eo anno crescant.

4. Ex parte temporis dividitur in temporalem, & perpetuam. *Perpetua* est, cui nullum redimendi tempus, aut pactum opponitur. *Temporalis*, cui id adicitur, v. g. ad vitam unius, vel duorum, *qui vitalitè* indicitur.

5. Ex eadem ratione dividitur in redimibilem refuso pretio, vel irredimibilem. Primus iterum duplex est: 1. Ut sit redimibilis ex parte solius venditoris, ut hic refuso pretio ab onere census se possit liberare, & in hoc sensu minor est difficultas de licetitate census. 2. Ut sit utrimque redimibilis, seu simul ex parte emptoris, ut is resignato censu possit repetere pretium, & in hoc sensu major est difficultas. His notatis

*Rasp. 1.* Licita est emptio, & venditio censuum tam realium quam personalium, tam perpetuorum, ac irredimibilium, quam temporalium, etiam utrimque redimibilium.

*Ratio 1.* de censibus realibus: Censum est jus exigendi pensionem annuam: sed hoc jus potest licite vendi, & emi. Ergo. Min. patet: Tum quia jus est temporale, & pretio æstimabile. Tum etiam, quia potest quis titulo donationis in suis bonis constituere jus percipiendæ pensionis, ut non negant Contrarii. Ergo & titulo emptionis. Conf. patet: quia res non est minoris pretii, si ve ematur, si ve donetur.

*Ratio 2.* de censu personali: Tum quia juxta

ta notata in censu reali involvitur obligatio personalis. Ergo hæc venditur cum illo. Tum etiam, quia quilibet potest se obligare ad solvendam annuatim pecuniam mercenarius pro suis laboribus. Ergo & mercenarius potest illi suas operas vendere, & sic supra seipsum constituere censum. Idem patet ex Bulla Nicolai V. *Sollicitudo personarum*, renovata per Gregor. XIII. in qua concedit, ut venditores censuum non solum sua bona, sed & personas suas obligare possint.

*Ratio 3.* de censibus tam perpetuis, quam temporalibus. In omni Republica licitum est emere, & vendere jus exigendi debita: Sed emptio, & venditio census, sive perpetui, sive temporalis, est jus exigendi censum, qui est debitus. Ergo.

*Ratio 4.* de censu irredimibili. Licitæ est irredimibilis, & perpetua emptio totius prædii alicujus, & omnium jurium ejus. Ergo & partis prædii. Consequenter patet: Quod enim juris est de toto quoad totum, id quoque juris est de parte quoad partem L. quæ de toto, ff. de rei vindicatione. *Subsumo*: Sed emptio census nihil aliud est, quam emptio partis rei, nam jura rei, v.g. prædii sunt partes virtuales, & potestativæ ejus. Ergo.

*Ratio 5.* specialiter de censu utrimque redimibili est: Tum quia contractus ex conventionione legem accipiunt, *Contractus*, 85. de re iudicata, in 6. Tum etiam, quia contractus, accipiunt interpretationem ex consuetudine. Sed census utrimque redimibilis est in consuetudine totius Germaniæ, Galliæ, &c. & prædicatur a viris prudentibus, doctis, probis, & timoratis, Ecclesiasticis, & Religiosis. Ergo.

Eodem modo id probatur de censu personali. Hæc ratio etiam probat Responsionem secundam ponendam.

*Ratio 6.* ad idem: *Æqua* utriusque contractantis debet esse conditio, nec debet prohiberi emptori, quod permittitur venditori. Nam æqualitas iustitiæ in commutationibus voluntariis non consistit in conditione personarum, sed in æstimatione, & æqualitate rerum, in qua debet esse æqua utriusque conditio. *Subsumo*: Sed censui in favorem venditoris licite apponitur pactum redimendi. Ergo etiam in favorem emptoris licite apponitur pactum revocandi jus suum.

Not. tamen, ratione hujus pacti emptorem census minore pensione debere esse contentum, seu pretium census esse augendum. Ceteroquin certum est, quod census utrimque redimibilis non careat periculo usurariæ intentionis: adeoque cautè in eo augendum est, nobisque hic solum sermo est de eo secundum se, & naturam suam sumpto, ut est emptio, & venditio.

*LXXI. Dic ergo*: Ex quo titulo emptor census redimibilis (præsertim utrimque) potest recipere Sortem, seu Summam Capita-

*Tribunal Confessorium.*

sibi postea integrè restitutam, quia jam tantumdem, vel plus recipit in pensionibus?

*Ad hoc patet ex Ratione 6. pro R. r. Vide etiam* supra, quibus titulis in contractu mutui possit aliquid peti supra sortem.

*Resp. 2.* Probabilius est, annuos census, seu contractus censuales in Germania, aliisq; locis prædicatos, ut dentur s. pro 100. ex natura sua non esse usurarios, aut peccaminosos, sed licitos, licet sint utrinque redimibiles.

*Explicatur* per casum status Questionis: Vir dives, ne pecunia sua maneat otiosa, sed lucrum pariat, emit ab alio, sive privato, sive Principe, sive Communitate aliqua sub secura hypotheca pensionem mille aureorum, sic ut pro singulis centum accipiat quinque, & census non solum a venditore, sed etiam ab emptore, seu utriusq; ut ante explicatum est, fit redimibilis.

Dixi in R. 2. *ex natura sua*; possunt enim ex malitia contrahentium tales apponi conditiones, quæ contractum reddant usurarium, ut si contrahant eo pacto, ut venditori quidem liceat ab onere census se liberare post certum tempus, non verò postea.

*Ratio 1. sit*, quæ est s. pro R. r.

*Ratio 1.* Usura solum habet locum in mutuo vero, vel palliato: Sed in hoc contractu nullum intercedit mutuum. Ergo non est usurarius. Min. pro. Contractus emptio, & venditionis (licet includat utrinque redimibilitatem) verè differt a mutuo: Sed in casu posito est contractus emptio, & venditionis, in quo non quidem pecunia, sed jus percipiendi in pecunia annuum censum ex bonis, negotiatione, vel persona alterius est res emptæ, pecunia verò pro tali re data, est pretium ejus; quod jus distinguitur a pecunia, sicut jus percipiendi tributum distinguitur a tributo. Ergo. Maj. patet: quia in mutuo manet periculum penes debitorem, & mutuatarium, in contractu verò censuali manet penes emptorem. Nam si pereat res, ex qua census emptus est, non potest repeti census, quia emptione perfecta periculum contingens in re emptæ portare debet emptor. Item si ex aliqua causa, infortunio, vel sterilitate res censualis non ferat fructus integre pensioni sufficientes, debitor, seu venditor census non tenetur totum censum realem solvere, nisi antecedentium, aut subsequentium annorum fertilitas illam sterilitatem compenset; si etiam persona censualis lucrum amplius facere non possit, pensiones etiam annuæ non amplius solvuntur. At perente re, vel pecunia mutuata, illa adhuc repetitur a mutuatario, seu debitore etiam invito, immò & ab hæredibus ejus. Ergo.

*Resp. 3.* Emptio annui redditus non fit illicita r. per hoc, quod emptori obligentur in hypothecam certa bona, quæ Summam capitalem debent excedere in valore, quæque

Bb uxta

juxta pacta conventa, aut loci consuetudinem possint distrahi, si debitor, seu venditor statuto tempore non solvat pensionem, aut creditor ob talem moram patiatur damnum. Nec per pactum, quod bona hypothecata, sine consensu censuallistæ seu emptoris sive creditoris non possint alienari. 3. Nec per pactum, quod ante reuisionem medio anno, aut quadrante, vel bi-messuri ante, teneatur eam denuntiare.

*Ratio 1. p.* Quia ex multis textibus Juris patet, tale pactum pro securitate, ac indemnitate creditoris posse apponi aliis contractibus, v.g. commodato, deposito, mutuo. Ergo similiter. Quod autem hypotheca in valore debeat excedere capitale, non vitiatur, quia hypotheca non solum datur ad securandum Capitale, sed & ad salvandum verum, ac justum interesse, præsertim si debitor sit in mora solvendi pensiones.

Not. quod hypotheca non possit distrahi, nisi iusto pretio, nec emptor de ea plus sibi attribueret, quam sit debitum.

*Ratio 2. p.* Hoc servit, & solum sit ad indemnitate creditoris.

*Ratio 3. p.* est eadem, quæ ante; consulitur enim indemnitati creditoris per renuntiationem, ut pecuniam ad alium honestum finem destinare possit.

*Resp. 4.* Iustum pretium census non est idem in omnibus Provinciis, sed statuitur particulari jure, aut consuetudine cuiusvis Regni. Hinc in quibusdam locis emuntur novem, in aliis octo, in aliis septem pro centum, in Germania quinque pro centum. Si quis accipiat plus, peccat peccato usuræ, & tenetur restituere. Ita patet ex Constitutionibus Imperii.

*Resp. 5.* Redditi frumenti, vini, aliarumque specierum iusto pretio emuntur, si non plus in frumento, vino, & aliis rebus accipiat, quam quod (solutis speciebus in pretium pecuniæ) non nisi viginti florenis unus ematur: ut taxatio sit facienda habito respectu celebrati contractus ad tempus, vel ad pretium, quo frumentum, & vinum currenti anno venduntur, spatio 14. dierum post tempus messis, aut Autumni.

Ita legitur in Constitutione Imperii 1577. facta Francofordiæ tit. 19.

Ex quo sequitur, gravissimè peccare, & ad restitutionem teneri eos, qui dum frumenta, & vina in vilis pretio sunt, in hujusmodi speciebus emunt census, qui durant etiam tempore caritatisannonæ: ita ut quandoque in pretio recipiant pro 100. decem, aut etiam viginti.

LXXII. *Oppono 1. contra 1. & 2. R.* Pecuniam pecunia emere, est usurarium: Sed hoc fit in emptione census tam realis, quam personalis, etiam germanici, quinque pro centum. Ergo.

2. Accipere, immò solum sperare ex mutuo

aliquid suprà fortem est usurarium: Sed in emptione cuiuscunque census speratur aliquid ultra fortem, & insuper læpèdatur hypotheca. Ergo. Min. Prob. Si census numeret 1000. aureos, ut annuè recipiat 50. post viginti annos accipiet jam totam fortem, & aliquid amplius recipiet, immò iterum æqualem Summam, si census sit redimibilis. Ergo.

3. In emptione, & venditione census utrinque redimibilis, & mutuo sub vera usura dato videtur esse idem commodum dantis, & idem incommodum recipientis, nec apparet differentia. Ergo si contractus mutui sub usura est illicitus, etiam census.

4. Contractus censualis est causa multorum malorum. 1. Avocat homines a laboribus ad otium. 2. Exhaustit multorum substantiam, & egenos bonis exuit. 3. Usurariis otiosam pecuniam habentibus optatam dat occasionem amplius corradendi pecunias, & evadendi poenas usurariis taxatas, & palliandi generaliter omnes usuras. Ergo.

5. Martinus V. & Calixtus III. in suis extravagantibus tit. de emptione, & venditione declarant, solos census reales esse licitos. Ergo personales sunt illiciti.

6. Census utrinque redimibile apertè damnat S. Pius V. in Bulla, quæ incipit. *Cum onus*. Item Constitutio Carolina, sub tit. *de usurariis contractibus*, ad census licitum requirit, ut ejus redemptioni non sit in arbitrio emptoris, sed solius venditoris. Ergo census ab emptore redimibilis est illicitus.

*Ad 1. N. min.* Emitur enim principaliter jus percipiendi pecuniam, non verò pecunia, ut patet ex Ratione R. 2. ubi N.B. quod quamvis pecunia numeretur inter bona mobilia, illud jus tamen computatur inter immobilia. Et illud jus actu datur emptori.

Contra hanc R. Propter quod unumquodque tale, & illud magis tale: Sed illud jus emitur propter pecuniam. Ergo pecunia magis emitur.

*Ad hoc patet ex Philosophia, Axioma solum esse verum, quando potest fieri reflexio effectus suprà causam, ut Luna est lucida propter Solem; & Sol est lucidus: Ergo est magis lucidus. Unde sicut non tenet: Medicina emitur propter sanitatem: Ergo sanitas magis emitur. Ita nec in præsentem, quia non potest reflexio dicendo: Et pecunia emitur.*

*Ad 2. dist. mai.* Vi mutui, C. maj. ex alio titulo, N. maj. Et dist. min. Speratur aliquid ex titulo emptionis, C. min. mutui, N. min. Cujus explicatio patebit ex mox dicendis.

*Ad 3. dist. ant.* Per accidens, & ex malitia hominum, transeat, per se, & ex natura contractus censualis, N. Unde per ea solum probatur, multos homines censu abuti, eumque merito solum esse permittendum hominibus prudentibus, honestis.

honestè negotiari scientibus ad spiritualia, vel ad studia, aut gubernationem Reipublicæ vocatis.

*Ad 4.* Nant Differentia autem census a mutuo patet ex Ratione R.2. Unde in censu bene intellecto, nec virtuale quidem mutuum involvitur. Porro, quod emptor census post multos annos accipiat plus quam dederat, non probat esse usuram; quia accipit titulo emptionis, non mutui; aliàs enim emptio agri, vel prædiorum etiam esset usuraria, quia eorum emptor successu temporis etiam accipit plures fructus, quam sit valor pecuniæ, quæ emit illa. Cur detur hypothea, patet ex dictis.

*Ad 5.* R. quod illi Pontifices approbarint quidem solos census reales, quia de illis solis fuerant interrogati, per hoc tamen non damnarunt personales.

*Ad 6.* R. Cõstitutionem S. Pii V. & Caroli V. quoad hoc in multis locis non esse receptam. Et quotidiana praxis prudentum, & timoratorum speciem mali tollit juxta Rationem 5. pro R.1. datam.

**QUÆRO V.** Estne licita, vel usuraria Olla fortunæ, in qua sæpè quis pro paucis crucigeris extrahit schedam notatam pretio 100. florenorum, quos Præses Ollæ tenetur ei solvere; Vel pro 20. florenis extrahit schedas vacuas?

*LXXIII. Resp. 1.* Certum est, quod Olla fortunæ merito parè, vel nunquam sit a Magistratibus concedenda.

*Ratio:* Tum quia in ea fraudes committi possunt in signatione, impositione, extractione schedarum. Tum etiam, quia multi in ea pecuniæ prodigunt cum suo, suorumque damno, & pecunia ex patria alienatur. Tum etiam, quia non multum abest a lusu alearum, qui in jure prohibetur.

*Resp. 2.* Olla fortunæ secundum se, id est, seclusis fraudibus, & pravis circumstantiis sumpta, non est usuraria, nec iniqua.

*Ratio 1. p.* Usura non committitur nisi in mutuo: Sed in Olla fortunæ non est contractus mutui, sed reducit ad contractum emptionis, & venditionis, in quo pretium est pecunia data, merces empta est spes rei accipiendæ. Sicut, si quis a piscatore, vel aucupae pro aureo emat, quod uno die capiet, si nihil, vel parum capiatur, tenetur solvere; si capiens capiat plus pretio aurei, tenetur tradere. Ergo non est usura in Olla fortunæ secundum se sumpta.

Ex quo patet 2. pars: Quia contractus emptionis, & venditionis secundum se non est iniquus.

Not. quod in hoc contractu pretium rei non mensuretur juxta valorem rei traditæ, sed juxta spem, & incertitudinem lucri, vel damni.

**QUÆRO VI.** Emptio Chirographorum

estne usuraria, vel iniqua, si fiat minori pretio, quam sit debitum Chirographo, seu Syngraphæ insertum, v.g. si emens facilius possit obtinere Capitale, quam creditor?

*LXXIV. Resp. 1.* Certum est, quod ob lucrum cessans, damnum emergens, solutionis incertitudinem, vel periculum liceat Chirographa emere minori pretio.

*Ratio:* Cum enim hæc sint pretio æstimabilia, juxta eorum proportionem decrescit valor Chirographi, sicut & aliarum mercium.

*Resp. 2.* Actionem, seu titulum alterius, siue debitum illiquidum, & litigiosum emere, severè est jure prohibitum, & irritum. Ita patet in jure, & interpretibus ejus. Sermo ergo hic est de debitis liquidis.

*Resp. 3.* Tutius, & probabilius est, chirographa non posse emi minori pretio, si communi hominum arbitrio nulla sit difficultas, nec ex parte ementis, nec venditis. Nec ullus titulus damni, difficultatis, &c.

*Ratio:* Quia nullus adest titulus minuendi pretium.

*Oppono:* Titulus est, quia pecunia præsens, & habere rem ipsam pluris æstimatur, quam pecunia futura, & habere solum actionem ad rem. Ergo.

*Ad hoc dist. ant.* Si pecunia sit futura, & absens non solum physice, sed & moraliter, concedo ant. si moraliter seu communi æstimatione sit præsens. Nant. Pecunia ergo, quæ sine omni difficultate haberi potest, moraliter censetur esse præsens. Ideo ergo pecunia actu numerata communiter pluris æstimatur, quia communiter adest unus saltem ex titulis R. 1. adductis, & communiter attenditur ad id, quod communiter accidit.

*Resp. 4.* Tutius, & probabilius est, Officiales Principis præfectos solvendis debitis, non posse minori pretio chirographa emere.

*Ratio:* Quia ex officio tenetur solvere totum. Et si sibi possint solvere totum, cur non & creditoribus? Et dato, quod hi aliquid sponte remittant, remittunt Principi, cujus proinde ærario accrescit.

Not. si quis a creditore tali Officiali detur per modum doni omnino gratuiti, & sine omni exactione, possit id acceptare, modo scandalum desit.

*Resp. 5.* Si alicujus debiti solutio per se ægrè a Principe haberi possit, emptor autem ex speciali, quæ apud eum pollet, gratia, eam facile possit habere, potest chirographum minori pretio emere, si communis prudentum opinio illud minoris æstimet.

*Ratio:* Tum quia pretium rei pensatur ex morali prudentum æstimatione. Tum etiam, quia specialis favor Principis non debet aliquem facere deterioris conditionis, quam sit alius eo favore carens: Sed alius potest tale chi-

rographum emere minoris. Ergo & ille.

**QUÆRO VII.** Contractus, hispanicè *Mohatra* dictus, seu pactum venditionis, & statim reciproce emptionis esse usurarium?

**LXXV.** Sensus *Quæsti* est: Petrus indiget præsentè pecunia, nec ullum invenit, qui mutuet. Ut necessitati consulat, a mercatore emit creditò merces summo pretio v.g. 20. Imperialibus, quibus tamen non eget, eaq; statim eidem mercatori revendit infimo pretio, quod accipit in parata pecunia.

*Resp.* Est usura palliata, & virtualis.

*Ratio:* Mutuo virtuali, & lucro ex viejus secuto correspondet usura virtualis, & palliata: Sed sic est in eocasu. Ergo.

Hinc inter Propositiones ab Innocentio XI. damnatas est hæc nu. 40. Contractus *Mohatra* licitus est, etiam respectu ejusdem personæ, & cum contractu retrovenditionis præviè inito cum intentione lucri.

**QUÆRO VIII.** Usurarii, etiam mentales, eisque cooperantes, tenenturne ad restitutionem?

**LXXVI.** *Resp.* 1. Usurarius non acquirit dominium lucri usurarii, si hoc consistat in rebus usu consumptibilibus, siue in aliis. Ita S. Thom. hic art. 3. in c. ad 3. Consequenter tenetur restituere.

*Ratio:* Dominium acquiritur vel auctoritate Legis, vel privata domini voluntate, vel ex vi contractus: Sed usurarius nullo horum modorum acquirit dominium lucri superexcedentis. Non primò: Quia usura est contra legem, ut patet in hoc Exam. n. 67. R. 5. & 6. Non secundo modo, quia mutuatarius usurario lucrum non dat voluntariè, sed involuntariè, & ad redimendam vexam; sicut dum viator metu mortis sua bona dat latroni, qui tamen non fit eorum dominus. Nec vi contractus, quia dominium non transfertur per contractum lege nullum: Sed talis est contractus usurarius. Ergo.

*Resp.* 2. Si bona per usuram extorta sint usu consumptibilia, puta denarii, triticum, vinum, &c. non tenetur usurarius ad restituendum, ulvisi, quod accepit, non verò id, quod per ea lucratus est. S. D. a. 3. in c.

*Ratio* S. D. Quòd id, quod detali re est acquisitum, non est fructus hujusmodi rei, sed humane industriæ.

Excipit S. Thom. nisi forte per detentionem talis rei alter sit damificatus amittendo aliquid de bonis suis, sic enim tenetur ad compensationem nocuenti.

*Resp.* 3. Si dicta bona non sunt usu consumptibilia, sed habent usum fructum, ut domus, ager, &c. tenetur usurarius cum iis restituere etiam fructus inde perceptos. S. Tho. ibidem.

*Ratio:* Quia sunt fructus rerum, quarum alius est dominus. Ergo illi debentur.

*Resp.* 4. Irriti sunt, nec rei dominium transferunt illi contractus, quibus usurarius vendit, vel donat rem usura acquisitam usu non consumptibilem, v.g. domum, agrum, &c.

*Ratio:* Quia talis res est obnoxia restitutioni obligatione reali, quæ facit eam esse restituendam eandem numero, transsitque cum ipsa re, ad quemcunque devenierit.

*Resp.* 5. Validi sunt contractus, per eosque dominium transfertur, & acquiritur, quibus usurarius ex re usu consumptibili, v.g. pecunia, emit aliquid, v.g. vineam, ex quo sufficienter possit fieri restitutio. Ita S. D. ar. 3. ad 2. & ad 3.

*Ratio:* Tum quia talis res est restitutioni obligata obligatione solum personali, quæ non transit cum re, sed solum ad illos, qui loco personæ, vel usurarii succedunt. Tum etiam, quia lucrum, seu id, quod pecunia usuraria emitur, non est fructus pecuniæ (cùm ipsa sit sterilis) sed industriæ. Seu, pecunia secundum se non est radix talis lucri, sed, ut subest labori, ac industriæ, & uti exposita negotiationi, ad quam pecunia solum se habet ut materia. Ergo. Vide Tract. 8. Exam. 6. nu. 113.

*Oppos.* Nemo ex iniquitate sua debet reportare commodum: Sed hoc fit in calu R. 5. Ergo.

*N. min.* Nam usurarius tenetur restituere rem, quam per usuram accepit, saltem eandem specie, usu consumptibilem; lucrum verò ex ea factum non reportat ex iniquitate, sed ex industria.

Notanda est exceptio post R. 2. facta.

*Resp.* 6. Hæredes usurarii tenentur ad omnia ejus debita persolvenda, non tamen (nisi fuerint cooperati) ultra facultates hæreditarias, nec alter pro altero, seu in solidum, sed singuli tantum pro rata.

*Ratio* 1. p. Quia verè possident alienum.

*Ratio* 2. p. Qui restituere tenetur solum ratione rei acceptæ, tantum tenetur, quantum res illa valet: Sed sic est de hæredibus usurarii, si nullatenus sint cooperati. Ergo.

*Ratio* 3. p. Quia singuli seorsim solum succedunt in parte hæreditatis. Ergo.

*Resp.* 7. Ad restitutionem damni mutuatario illati tenentur etiam cooperantes usuris, ut sunt 1. famuli, nomine suorum Principum facientes contractus usurarios, vel cum auctoritate cogendi judicialiter missi ad exigenda debita usuraria, secus si solum simpliciter instar nuntii mittantur ad ea petenda. 2. famuli, qui pignora recipiunt, vel afferunt, aut pecuniam numerant. 3. Qui inquirunt mutuatarios sub usura, & inter eos, ac mutuatorem formant pacta. 4. Judices, Consilarii, alique Officiales, qui compellunt solvere usuras, vel solutas non repetere. Qui etiam ipso facto sunt excommunicati. Secus est de iis, qui ad majora mala vitanda, solum

solum permittunt usurarios, nisi forte eis tanta imponant onera, ut cogantur augere usuras, tunc enim sunt causa hujus augmenti.

*Ratio* patet (supra Tract. 8. Exam. 6. n. 115).

*Resp. 8.* Usurarius mentalis (de quo n. 67. R. 4. in hoc Exam.) etiam tenetur ad restitutionem.

*Ratio* : Quia possidet alienum.

*Resp. 9.* Si mutuarius det ex gratitudine, vel amicitia, mutuator vero accipiat ut debitum ex vi mutui, tenetur restituere ratione conscientie erroris, quamdiu illa durat. Si vero mutuarius det ut debitum, mutuator vero accipiat ut donum, tenetur restituere non ratione acceptionis, sed rei acceptae, si rescierit.

1. *Pari* patet ex Tract. de conscientia. Secunda ex dictis.

**QUÆRO IX.** Licetne petere mutuum sub usura?

*LXXVII. Resp.* Probabilius est, non licere petere mutuum sub usura sine ulla necessitate, licere tamen ex necessitate, & rationabili causa petere ab usurario ad id parato. Ita S. Tho. hic 2. 4. Cujus Ratio, & verba videantur supra Tr. 7. Exam. 7. n. 145. in R. ad 2. Casum.

*Sed licetne* saltem pecunias apud usurarium deponere?

*Dico* : Si non habes alium, apud quem deponas, non peccas, quia nec directè, nec indirectè vis damnum tertii, quod cum tanto tuo damnovitate non teneris. Secus si alium habes, ob rationem oppositam.

**QUÆRO X.** Quæ sunt poenæ usurarium?

*LXXVIII. Resp.* Sunt variae. 1. Sunt infames. 2. Non admittuntur ad sacramenta Confessionis, aut Communionis, nec ad oblationes altaris. 3. Privantur sepultura Ecclesiastica. 4. Eorum testamenta sunt nulla.

Nota tamen his poenis solum subiacere usurarios manifestos, qui sunt tales facto, vel jure : facto quidem, si nimirum ita palam usuras exerceant, ut nulla tergiversatione id negare possint ; jure vero, si iudicis sententia tales sint declarati, vel per idoneos testes probati, vel sponte coram iudice confessi.

## EXAMEN IX.

*De Monte Pietatis, Cambio, Contractu Societatis, Locatione, Conductione, Pignore, Hypotheca, Fideiussione, Transactione, Mandato, Deposito, Commodato, Precario.*

**QUÆRO** : Quodd est tuum de his iudicium ?  
*Tribunal Confessoriorum.*

*LXXIX. Resp.* juxta ordinem, quid mihi videatur probabilius.

*Monte Pietatis* est Summa pecuniæ, vel cumulus frumenti, aliarumve rerum usu consumptibilium, seu mutuabilium ex publico ærario, vel pietate alicujus divitis fundatus ad subveniendum, vel mutuandum (erga pignus, & modicam retributionem) pauperibus, & indigentibus, ne usurarum voragine deglantur.

Hic Mons est honestus, & licitus, si habeat has condiciones. 1. Ut qui montiscuram gerunt, pauperibus mutuum petentibus teneantur certam quantitatem dare, ut v. g. tres aureos, vel tres modos tritici. 2. Ut detur solum ad certum tempus, v. g. annum, vel paulò diutius ; & hoc ideo, ne mons evacuetur, ut aliis non possit subveniri. 3. Ut pro montis securitate mutuarius det sufficiens pignus, ne sit periculum non recipiendi mutuum. 4. Ut mutuarius quovis mense ultra fortem aliquid parùm solvat, non propter mutuum (uti fit in usura) sed pro montis conservatione, ministrorum sustentatione, stipendio, domus reparatione, cistiarum, granariorum, lerarum, & c. confessione, & c. quæ cedunt principaliter in utilitatem ipsorummet indigentium mutuum accipientium, nec non ministrorum Montis, qui libros rationum conficiunt, pignora, ne corrumpantur, aservant, pecunias numerant pro commodo mutuatariorum. 5. Si tempore statuto mutuarii non solvant, ut pignora vendantur iusto pretio (quod fit auctoritate publica) & detrahatur solum id, quod debetur Monti, & Ministris ejus, reliquum reddatur mutuuario, cujus erat pignus. 6. Ut a mutuatorio non accipiat plus, nisi quod est necesse pro expensis ad conservationem Montis, sine ullo lucro montis, seu augmento ; quia ille excessus daretur vi mutui, essetque usurarius, quia non apparet alius titulus, cum indemnitati montis, & ministris aliunde consultum sit, ut supponitur, & consequenter fieret mons impietatis.

*LXXX. Cambium* est permutatio pecuniæ pro pecunia inter Campforem, & Campfariū. Differt a mutuo, quia in eo per se debet aliquantisper expectari solutio, in cambio vero potest permutari pecunia præiens pro præfenti, & dilatio temporis in eo le habet per accidens. Item cambium potest fieri in sola pecunia, mutuum vero etiam in oleo, tritico, & c.

Dividitur in fictum, seu fictum, & in reale. Fictum est fictum, seu apparenter Cambium, revelat autem est mutuum palliatum, adeoque usurarium, ut si accipiat lucrum præcisè ratione temporis dilati, & non ratione loci, aliæve tituli. Reale est legitima pecuniarū permutatio. Et hoc est duplex : Unum manuale, seu minutum, quo pecunia unius formæ permutatur cū pecunia alterius formæ, v. g. aurei cum argen-

B b 3 teis,



teis grandiores cum minoribus, veteres cum novis. Alterum est locale, quo permutatur pecunia præfens pro absente secundum locum. Quod fit dupliciter: 1. Si Campsor pecuniam præsentem det hic, ut Campsarius per se, vel per suum Correspondentem accipiat eam alibi. 2. Ut pecuniam accipiat hic, & alibi restituat.

Ad iustitiam Cambii requiruntur hæc conditiones. Ut careat fraude, & simulatione. 2. Ut nihil accipiat pro sola dilatione. 3. Ut servetur iustum pretium, & hoc est, quod taxatum est Lege, vel communi consuetudine, aut prudentium iudicio, consideratis laboribus, industriis, periculis, expensis, &c. pecunia enim in cambio se habet ut quædam merx, cujus pretium quoad ulum primarium quidem est taxatum a Principe, dum est cusa, quoad ulum verò secundarium taxatur dicto modo: in quo differt a frumento, in cuius taxatione consideratur omnis ejus usus, & ideo ejus taxalicitè non potest excedi.

Licetum est, & omni usura etiam virtuali caret Cambium manuale, uti est locale per litteras. *Ratio*: Quia quidquid datur in eoutra sortem, datur ob titulum pretio æstimabilem, uti est 1. puritas, vel raritas monetæ. 2. Labor Campsioris in congerenda, asserenda, numeranda omnis generis pecunia, præsertim si officium cambiendi a Republica eis sit impositum, & quidem absque stipendio. 3. Asseratio Campsarii de pecunia alibi recipienda. 4. Onus transferendi pecuniam alio. 5. Liberatio a solutione tabellarii, & periculo amittendi pecunias in itinere. 6. Lucrum cessans, & damnum emergens. 7. Expensæ in famulos, & scribas, &c.

Pretium Cambii variatis circumstantiis potest variari, crescere, & decrescere, uti fit in aliis mercibus.

LXXXI. & LXXXII. *Contrahus societatis* est duorum, vel plurium conventio ad conferendum aliquid in commune lucrum, & damnum juxta proportionem rerum contributarum. Fit duobus modis. 1. Ut sit societas omnium bonorum, quacunque via, & honesto modo, vel titulo obvenerint, sive pro præfenti, sive in futurum. 3. Quod magis est in usu, ut sit Societas certæ rei, ut si plures in certo negotii genere conveniant ad commune lucrum.

Dictus contrahus est licitus, si vestiatur debitis conditionibus, quarum prima est, ut negotiatio, in qua fit societas, sit licita. 2. Ut, qui ponit pecuniam, subeat etiam commune periculum juxta illam Regulam juris: *Qui sentit commodum, sentire debet & onus, &c. contra*. 3. Ut juxta arbitrium prudentium undequaque servetur æquitas, & proportio, tam quoad lucra, quam quoad damni partitionem. 4. Ut pecunia sub pacto lucri non detur homini negotiationem non exercenti, quia esset usura ex

contrahus mutui, & non esset contrahus Societatis.

Plura de his spectant ad Juristas.

LXXXIII. *Locatio*, & *Conductio* habent se correlativè, sicut emptio, & venditio, vel sunt unus contrahus, quo alteri conceditur res utenda, vel fruenda constituto certo pretio, vocaturque ex parte concedentis Locatio, ex parte accipientis Conductio, sive res sit mobilis, sive immobilis, modò non sit usu, seu uno actu consumptibilis, ut ager, domus, equus, opera hominis, v.g. fabri, pictoris, sartoris, &c. Locare non potest, nisi qui habet plenum dominium rei. Si abique culpa conductoris rei conductæ superveniat aliquod vitium, ratione cujus meritò eam deseras, v.g. quia domus ruinam minatur, spectris nocturnis infestatur, non tenetur conductorolvere pensionem, nisi pro eo tempore, quo re conducta fuit usus, vel fructus. Vide supra Tract. 8. Exam. 6. num. 124. in R. 4. An idem dicendum sit, si pestis superveniat, spectanda est consuetudo loci.

Sterilitas orta non ex culpa conductoris, sed ex temporum injuria, si est tanta, ut communi hominum illius Regionis opinione judicetur sufficiens, deobligat a solvenda pensione, vel in totum, vel in partem, nisi antecedentis, vel subsequentis anni fertilitate possit sterilitas compensari. Sterilitati comparari potest superveniens bellum, quo agri vastantur, vel impediuntur itinerantes, nec hospitium conductum frequentetur, ut aliàs.

Major fertilitas pensionem regulariter non auget, sed standum est contrahui facto. Dixi *regulariter*, nam potest augeri in casu aliquo fortuito extraordinario, non proviso, v.g. si per inundationes omnia alia vicina molendina essent destructa, & tuum ab alio conductum, ideo multò majores facit proventus.

Expensæ faciendæ pro re locata, vel conservanda, vel reparanda spectant ad locatorem, nisi aliter sit conventum, vel aliter observetur ex consuetudine loci. Et in hoc differt conductor ab usufructuario, & emphyteuta, qui ipsimet expensas facere debent.

Si non constet, an res conducta perierit casu, vel culpa conductoris, tenetur conductor probare suam innocentiam, nisi gravia indicia eam testentur, vel nisi frequenter tales res soleant casu perire.

Si constet, incendium casu fortuito, & sine conductoris culpa esse ortum, v.g. per hominum malitiam, fulmen, milites, &c. conductor nec tenetur ad damni compensationem, nec ad pensionem. Tenetur tamen si ortum sit ex ejus culpa saltem levi. Vide supra de culpa Tr. 8. Exam. 6. nu. 124.

Durante tempore locationis non potest locator, uti nec hæres ejus universalis (cum ille censetur eadem persona cum defuncto) pro

libitu expellere conduttore. Dixi, *hæres universalis*; quia secus est de successore particulari, idest, emptore, donatario, legatario, oisiali-ter conventum sit.

Exciipiuntur aliqui casus. 1. Si inquilinus, seu colonus, sive conductor per biennium non solvit canonem, si locatio fuit facta ad longum tempus, v.g. saltem ad quinque annos. 2. Si ipse locator ob supervenientem necessitatem indigeat domo, & non possit aliter sibi provide- re. 3. Si domus locata egeat reparacione, qua non egebat tempore locationis. 4. Si conductor se conducta, v.g. domo abutatur in damnum loca- toris, v.g. alendo porcos domum suffodien- tes, vel etiam siue damno conductoris, attamen perversè, & cum scandalo aliorum, v.g. reci- piendo meretrices, aleatores, &c.

LXXXIV. *Dixi mihi*, quid sentias de famu- lis, & famulabus ante terminum locationis operam discendentibus, an eis debeatur inte- gra merces istius temporis?

*Distinguo*: Vel habent justam discendi cau- sam, vel non? si habent, debetur eis integra merces: quia penes ipsos non stat, quò minus conditiones impleant, & operas suas præstent. Si non habent, non debetur, si dominus ex dis- celsu famuli patiatur damnum, quod æquiva- let restanti debito. Et hoc ob rationem op- positam.

*Sed debeturne* merces famulis ægrotantibus, aut alia iusta causa impeditis?

*Dico*: Debetur, tum ob eandem rationem mox datam: Tum etiam, quia obiectum elo- cationis operarum in famulis non est tam opus ipsum (specificum, ac determinatum, quàm ipsa obligatio serviendi ad certum tempus; hoc ta- meo solum verum est, si infirmitas non diù du- ret. Ubi attendenda est consuetudo loci. Certe de alimèntis interea præstandis, ac modicis expensis non dubitatur, sed ad expensas majores pro curacione factas secluso contractu non videtur esse obligatio iustitiæ, aliquando tamen charitatis.

LXXXV. *Pignus, & hypotheca* potest sumi vel pro contractu, & sic est alius legitimus, quo creditor in rem debitoris acquirit jus, ut ex ea (etiam vendita) solutionem habere possit, si illa non fiat statuto tempore. Vel pro obiecto, seu re oppignorata, quæ si est mobilis, est pi- gnus, requiritque traditionem: si est immobilis, est hypotheca, sitque sola conventionie partium sine traditione. Hypotheca alia est generalis, alia specialis; alia expressa, alia tacita: de quibus vide Tract. 8. Exam. 6. n. 118. Not. 3. Et ibi- dem n. 110. & 121. R. 5. & 6.

LXXXVI. *Fideiussio* est alienæ obligationis in se susceptio, ut deficiente in solvendo de- bitore principali, ipse teneatur solvere. Con- ditiones ad eam requisitæ sunt: 1. Ut supponat alium debitorem principalem. 2. Ut non te-

neatur ad plusquàm ille. 3. Ut si illius obli- gatio inveniat in valida, etiam fideiussor non teneatur. 4. Ut non cogatur solvere, ois facta prius discussione bonorum debitoris principa- lis, constet, illa non sufficere.

Fideiussor in quibusdam casibus potest petere liberationem ab hoc onere. 1. Si tantum pro certo tempore se obligaverit. 2. Si debitor inci- piat bona sua dilapidare. 3. Si petat Regio- nes longinquas. 4. Si fideiussor jam longo tem- pore peribit in ea obligatione, &c.

LXXXVII. *Transactio est de re dubia, & litigiosa, lite jam mota, non gratuita pactio*. Dicitur 1. *dubia*, quæ cum certò scit, sibi nullum jus competere, nequit salva conscientia transigere, teneaturque relictuere, quod accepit. Dicitur 2. *lite jam mota*, non finita, quia post litem sententiam non valet transactio, nisi ab eo fuerit appellatum. Dicitur 3. *non gratuita*, quia non potest fieri, nisi aliquo dano, & retento. Unde differt ab amicabili compositione, per quam pars debiti gratis remittitur, & sic ami- cabiliter a lite disceditur.

De Jure Civili non potest transigi super re testamento relicta, nisi inspectis, & cognitis testamento tabulis. Tum quia publicè, & pri- vatim interest, ut ultimæ voluntates serventur quoad fieri potest. Tum etiam, ne quis modico prætere alledus, faciliè majora repudiet.

Judex absolute ad transactionem cogere non potest, ois fortè esset lis valde intricata, & diù durans. *Ratio*: Quia regulariter oemo invitus contrahere, aut jure suo privari potest. Est tamen Judicis agere, ut ad parcendum magnis & damnosis expensis partes transigant, vel ami- cabiliter componant. Si Judex videat unius partis jura esse omnino clara, non potest ei transactionem suadere; Quia tenetur cuilibet dare, quod suum est; nisi fortè timerentur no- væ lites, & valde sumptuosa partis adversæ ni- mis potentis appellatio, etsi frivola. Tunc enim posset suadere ad redimendum vexam.

Disputant Legistæ, an, si quis inveniat se ul- tra dimidium fuisse læsum in transactione, ea possit rescindi sicut venditio, de qua suprà Tract. 9 Exam. 7. o. 60. idem casus fuit motus. Si quis consideret æquitatem naturalem, quam maxi- mè in foro interno attendunt sacri Canones, & quæ dicat, neminem debere locupletari cum damno alterius, affirmativa sententia videtur tenenda. Sed hujus decisio videatur apud Juri- stas, & Canonistas.

LXXXVIII. *Mandatum* est gratis facta sus- ceptio aliquid faciendi, quod alius mandat, seu committit. Dixi, *gratis*; si enim fiat propter mercedem, non est propriè mandatum, sed loc- catio. Mandans tenetur mandatarium præsti- to officio remunerare saltem ex gratitudine, licet non ex stricta iustitia. Debet inter eos in- tercedere conventio saltem tacita, ut si videat

in gratiam sui aliquid ab alio fieri, idque non prohibeat, censetur tacite inandare. Mandans tenetur mandatarius servare indemnem, omnes expensas ei restituendo, immò & relaxare damnum fortuito ex occasione mandati acceptum, ut si ab hoste spoliatur, &c.

**LXXXIX. Depositum** aliquando accipitur pro ipsa re, aliquando pro contractu, quo res alterius custodiæ committitur, ut integra reddatur, adeoque in eo dominium non transferatur. Perficitur utriusque consensu, non nudo sed cum traditione rei. Nec sufficit rem coram alio, vel in domo ejus collocasse, nisi saltem tacite, vel implicite rem acceperit ad suam custodiam, v.gr. si quis exerceat tale officium, cui annexa est rerum custodia, ut sunt Aurigæ, Nautæ, Caupones, Stabularii, &c.

Deponi ordinariè solent res mobiles, immobiles verò dicuntur sequestrari, ut si vertente lite circa eas committantur Sequestro, earumque fructus afferventur, donec constet, cui per sententiam adjudicentur.

Depositarius obligatur ad tria. 1. Fideliter rem custodire. 2. Ut deponenti eam repetenti statim reddat, si tamen non petat in suum, vel alterius damnum, vel bona ejus non sint addicta fisco, tunc enim illa tradenda sunt fisco, vel nisi sciatur, quòd sit furtiva. 3. Depositarius sine expressa, vel rationabili præsumpta licentia domini non potest (sine peccato furti) re deposita uti.

Potest ea uti in his casibus. 1. Cum expresso consensu deponentis: tunc autem ex deposito fit mutuum, si sit res usu consumptibilis: vel commodatum, si non sit usu consumptibilis. 2. Si depositarius bona fide existimet, domino id non displicere, cui tamen si postea displiceat, tenetur compensare volenti. 3. Si depositum sit res, usu consumptibilis, & depositarius sit certus, se, dum fuerit repetitum, habiturum tantundem paratum ejusdem mensuræ, & bonitatis, non peccat saltem mortaliter, si re utatur, vel eam alienet, quia deponens nullum patitur damnum.

*Quid si depositarius negotiando re deposita aliquid lucretur?*

*Dico*: Lucrum esse depositarii. *Ratio*: Quia cum res non sit in se fructifera, est lucrum solius industriae. Si tamen damnum aliquod deponenti eveniret, tenetur compensare.

Ex qua culpa teneatur depositarius restituere, vide Tract. 8. Exam. 6. n. 124 R. 4.

**XC. Commodatum** est gratuita concessio usus rei, quæ usu, seu uno actu non est consumptibilis, ut equi, libri, vestes, &c. dominio non translatò, adeoque eadem numero res est restituenda; in quo differt a mutuo. Dixi, *gratuita*, si enim fiat pro mercede, est locatio. Si res non nihil atteratur, v.gr. vestis, id fit damnum commodantis.

Ex qua culpa teneatur commodatarius, vide loco mox citato, R. 3.

*Quid sentis de hoc casu?* Orto infortunio, commodatarius, & depositarius conductor non possunt simul salvare res alienas, & proprias, possuntne res suas præferre, relictis alienis?

*Distingo*: Si res propria sit pretiosior, potest eam præferre; si res aliena sit pretiosior, teneris præferre illam.

*Ratio 1. p.* Nemo pro alterius minori damno vitando tenetur subire majus damnum.

*Ratio 2. p.* Deposito, commodato, pignori, locato, ea debetur custodia, quam quisque prudens impenderet rebus propriis: Sed quisvis relictis suis vilioribus salvaret res suas pretiosiores. Ergo.

*Quid si res tua & aliena sint æquales in pretio?*

*Dico*: Potes præferre rem tuam, si res aliena apud te sit in commodum alterius. Si verò sit in commodum tui solius, teneris præferre rem alienam. Patet ex dictis.

**XCI. Precarium** est gratuita concessio usus rei ad nutum revocabilis. Per ultimas particulas differt a commodato, cujus concessio non est revocabilis ad nutum, sed commodans tenetur expectare elabi tempus, pro quo concessit, teneturque aliàs commodatario compensare damnum, si quod patiatur, nisi ipse patiatur necessitatem non minoris incommodi.

## T R A C T A T U S X.

De Religione, & vitiis ei oppositis. Ex 2. 2. a Quæst. 81. ad Quæst. 100. inclusivè.

**E**xplicatis speciebus Justitiæ, quas partes ejus subjectivas vocamus, eò quòd perfectæ justitiæ rationem habeant (de quibus Tract. 8. Exam. 1. n. 5.) uti & partibus ejus integralibus, quæ nimirum, etsi eam entitativè non componant, tamen velut conditiones ad perfectionem ejus concurrunt, uti juxta S. Thom. q. 79. a. 1. sunt, Facere bonum, & declinare a malo: His, inquam, explanatis, S. D. exponit partes justitiæ potentiales, quæ nimirum in aliquo cum ea conveniunt, & in aliquo a perfectâ illius ratione deficiunt. Nam cum justitia sit ad alterum, rigorosum reddat debitum, rigorosamq; ponat æqualitatem, vel non possunt reddere æquale, licet alteri reddant debitum, ut pietas erga parentes, observantia erga Superiores (de qua Vide Tract. 8. Exam. 1. n. 6. ad 3. oppos.) Vel rigorosum debitum non habent, licet æquale reddere possint, ut liberalitas, & affabilitas erga proximum, quæ perfectum justitiæ debitum non respiciunt, sed tantum honestatem virtutis. Inter has potentiales justitiæ partes, ut postea patebit, primatum tenet, omnibusq; præminet Religio, ut virtus, cultum Deo exhibens quem debet, sed non potens cohibere quantum debet. De qua Lactantius l. 3. div. Instit. c. 10. *Summum hominis bonum in sola Religione est. Si Religio tollitur, nulla nobis ratio cum celo est. Quam qui non suscipit vitæ pecudum secutus, humanitate se abdicat.* Et Eugubinus l. 1. contra Vallam: *Ubi plus est pietatis, & Religionis, ubi plus est felicitatis, & beatitudinis.* De hac ergo omnium virtutum moralium præstantissima virtute sit

## E X A M E N I.

De essentia Religionis, & Objecto.  
S. Thom. quæst. 81. per 8. art.

**Q**UÆRO I. Teneturne Confessarius scire, quæ in hoc Tractatu traduntur?

**I. Resp.** Hoc indubitatum esse. *Ratio:* Nam Confessarius, ut ex sæpè memoratis tribus ejus officiis patet, est Doctor, & Presbyter est idem ac *præbens* iter ad Deum, & Cælum. Ergo virtute Religionis insignitus sit, oportet; Homo enim per creationem, & dein per peccatum a Deo sejunctus, per debitum cultum ei religatur. Unde Ang. Doct. hic a. 1. in c. ex Isidoro dicit: *Religiosus a Religione appellatur est; qui retrahat, & tamquam relegit ea: quæ ad divinum cultum pertinent.* Et idem Religio videtur dicta a relegendo ea, quæ sunt divini cultus, quia hæc sunt frequenter in corde revolvenda. *Quamvis etiam possit intelligi Religio ex hoc dicta juxta S. Aug. quid Deum religere debemus, quem amiseramus negligentes. Vel potest intelligi Religio a*

*relegando dicta. Unde Aug. Religet nos Religio uni omni potens Deo.*

**QUÆRO II.** Quid est Religio? Estne vera virtus? & quod ejus objectum?

**II. Resp. 1.** Religio bene definitur, quòd sit *virtus debitum cultum tribuens Deo tamquam primo omnium principio, seu supremo omnium Domino.* Quod predicatum ei convenit ob singularem, & innitam excellentiam in omni genere perfectionis. Pater ex S. Thom. a. 1.

Dixi 1. *Virtus*, ut patebit ex dicendis.

Dixi 2. *debitum cultum*, id est, honestum, & congruentem, ut excludatur cultus falsus, & superstitiosus, a Christo, vel ab Ecclesia damnatus, qualis videtur in Idololatriis, Magis, Judæis Hæreticis, Turcis, Ethnicis, &c.

Dixi 3. *ut primo omnium principio*, ad differentiam a pietate, quæ exhibet cultum, & honorem Deo, ut Patri, & principio originis nostræ, & a gratitudine, quæ colit Deum formaliter ut Benefactorem. Religio sic explicata est idem quòd latria, seu virtus latriæ S. Tho. a. 2.

*Ratio ejus est: Virtus est habitus, qui bonum facit habentem, & opus ejus bonum reddit, ut*

ex

explicatum est suprà Tract. 4. Exam. 1. n. 2. ad qu. 2. ubi etiam plures virtutis definitiones adducuntur. *Subsimo*: Sed hoc præstat Religio, ut patet ex data definitione. Ergo.

*Resp. 3.* Obiectum formale quod Religionis est æqualitas illa imperfecta, quam homo inter se, & Deum ponit per debitum cultum Dei, seu per actiones, quibus Deum colit, Deo subicit, ut supremo Domino, ei reverentiam exhibet, ut primo principio, seu ratione beneficii creationis.

Alii sic resolvunt: Obiectum formale quod Religionis est cultus, & honor Deo debitus: Sed explicat in sensu jam posito, distinguentes cultum ut est actio, & ut effectus: ut effectum dicunt esse dictam imperfectam æqualitatem.

*Ratio*: Iustitia imperfecta, & perfecta in hoc essentialiter differunt, quod prima ponat æqualitatem imperfectam, altera perfectam: Sed ut probatum est. Tract. 8. Exam. 1. n. 2. obiectum formale iustitiæ perfectæ est æqualitas perfecta. Ergo imperfecta respectu iustitiæ imperfectæ: Sed Religio est iustitia imperfecta, ut patet ex Procemio hujus Tract. Ergo. Concl. prob. Quia idem est constitutum, & distinctivum.

Dixi in R. obiectum formale quod, quia obiectum formale quo est honestas dictæ æqualitatis, seu ejus convenientia cum recta ratione. Obiectum materiale sunt actiones internæ, & externæ, quibus Deus colitur, & dicta æqualitas imperfecta ponitur. Obiectum cui est Deus, prout proportionabiliter de iustitia explicatum est loco mox citato.

QUÆRO III. Religio estne una specie infima virtus? vel continetne tamquam genus alias species sub se?

III. Ante R. Not. non esse hanc quæstionem de Religione, prout abstrahit ab infusa, & acquisita, nam has species differre, certum est; licet enim habeant idem obiectum cui scilicet Deum, habent tamen distincta obiecta formalia, formaliter sumpta: quia Religio infusa respicit Dei excellentiam, ac pro obiecto habet cultum ei exhibendum ex motivo supernaturali, ut nimirum est primum principium, & supremus Dominus in ordine gratiæ: acquisita verò id præstat ex motivo naturali, ut nimirum est primum principium, & supremus Dominus in ordine naturæ. Hic ergo sermo est de Religione disjunctivè, nimirum, vel de infusa, vel de acquisita. Vide Tract. 4. Exam. 1. nu. 8. Hoc notato.

*Resp.* Religio est una virtus specie infima.

*Ratio* S. Thom. 2. 2. in c. Virtutes specificantur, & diversificantur penes obiecta formalia: Sed Religio habet obiectum formale, quod nulla alia virtus respicit, nimirum exhibere reverentiam, & cultum Deo sub unica specialitate ratione nimirum ut est primum principium

creationis, & gubernationis rerum, & inquantum ejus excellentia in infinitum transcendit omnia. Ergo.

Ex quo sequitur, quod actus Religionis, ut sunt, vivere, jurare, sacrificare, orare, Deo se subicere, Deum colere, licet materialiter inter se differant, nec connexionem habeant, vel subordinationem, conveniunt tamè in unica ratione formali, quæ est, solvere Deo debitum, quod creatura incurrit vi creationis, & gubernationis, eumque revereri ob ejus excellentiam. Quam rationem formalem magis primariò, & principaliter respicit unus actus quàm alius, v. g. magis devotio quàm oratio, &c. Et licet dicta ratio debiti videatur variari in actibus Religionis, aliter enim Deo debetur aliquid ex promisso, vel voto, aliter ex accepto beneficio: est tamen solum variatio materialis, manente eadem ratione formali.

IV. *Oppos. 1.* Si dicti actus spectarent ad unum specie habitum, deberent omnes eundem habitum intendere, seu perficere: Sed hoc non fit, quia actus frequentati jurandi non dant facilitatem vivendi Ergo.

2. Diversa ratio debiti erga proximum constituit diversas virtutes circa ipsum, nam debitum ex pacto solvit iustitia, ex promissione fidelitas, ex beneficii gratitudo, ex dignitate personæ observantia. Ergo etiam circa Deum.

3. In Deo sunt diversa attributa, ut Sapientia, Bonitas, Misericordia, &c. Item tres Personæ realiter distinctæ. Ergo iis correspondet diversus cultus.

*Ad 1.* dist. maj. Deberet perficere habitum secundum quamlibet virtualitatem ejus, N. maj. secundum virtualitatem sibi correspondentem C. maj. Et sic dist. min. N. conf. Idem ergo habitus Religionis habet diversas virtualitates, utraque quas plures actus respicit, quorum quivis perficit suam virtualitatem, v. g. votum suum, & non eam, quæ est juramentum.

*Ad 2.* N. conf. Tum quia quæ in inferioribus sunt dispersa, in superioribus sunt unita. Tum etiam, quia respectu Dei est eadem ratio formalis, nimirum excellentia Dei nullum commodum a nobis poscentis, aut debitum, quod creaturæ solvitur, non respicit necessariò excellentiam personæ, cui solvitur, sed ultimatè commodum hominis, vel aliud motivum; hinc constituantur diversæ virtutes.

*Ad 3.* dist. ant. ita tamen ut in omnibus illis sit eadem ratio formalis sub qua primi principii creatis, C. secus, N. ant. & conf. Nam opera ad extra sunt communia omnibus tribus Personis. Et si Deus cujus Scientia est causa rerum non esset sapiens, non posset dici Creator: si non esset justus, & misericors non posset congruè gubernare. Nullum ergo attributum solitarie lumpens, & ut ratione ab alio distinctum, sed ut reliqua in se includens

dens, potest esse adæquata ratio divini cultus.

Non obest distinctio rationis, quia aliàs deberet etiam poni alia Charitas, quadiligetur Sapientia, & alia, quæ Misericordia. Aliud est de distinctione Charitatis, & Spei, cum habeant distinctam rationem formalem.

Not. ex S. Thom. infrà q. 103. a. 3. ad t. quòd sicut Religio per excellentiam dicitur pietas, in quantum Deus per excellentiam est Pater, ita & latría per excellentiam dicitur dulcia in quantum Deus excellenter est Dominus: Unde illi non sunt cultus specie diversis respectu Dei, Sed unus cultus æquivalet utrique. Ad latríam ergo spectat, non tantum colere Deum sic, sed colere ut Creatorem, Salvatorem, Dominum, Benefactorem: quia, in omnibus his formalitatibus ratio formalis colendi, est ejus perfectio, & excellentia increata, perfectiones autem, & beneficia hominibus collata solum sunt motiva extrinseca ad cultum inducentia.

**QUÆRO IV.** Religio estne virtus specialis, seu distincta specie ab aliis? Estne theologia, vel moralis, & moralium præstantissima potens imperare actibus aliarum virtutum?

V. Hæc Questio non est eadem cum priori; illa enim quaerivit, an Religio ut genus non contineat sub se alias virtutes ut species; hæc verò, an cum nulla alia coincidat.

*Resp. a.* affirm. ad 1. partem.

*Ratio* est eadem cum priori ad Q. 3.

*Resp. a.* Religio non est virtus theologica, sed moralis.

*Ratio 1.* & 1. partis est: Virtus theologica non solum pro objecto cui, sed etiam pro objecto formali debet habere Deum, seu quid purè divinum: Sed hoc non habet Religio, ut patet ex R. 1. ad Q. 2. Ergo non est virtus theologica sed purè moralis.

Hic serviunt dicta Traç. 4. Exam. 1. n. 2. de definitione virtutis moralis. Et ibid. n. 3. & 9. de subiecto virtutis moralis. Et n. 10. 11. & 12. quomodo virtutes morales, & an theologice consistant in medio. Ubi quoque id de Religione explicatum est.

*Resp. 3.* Religio est nobilior cæteris virtutibus moralibus, immò omnium moralium nobilissima.

*Ratio* S. D. a. 6. Inter virtutes morales illa est perfectior, quæ propinquius accedit ad Deum: Sed sic est de Religione, ut patet ex ejus objecto. Ergo.

Ex quo sequitur, quòd, dum S. Tho. suprà q. 58. a. 12. in c. docet, Justitiam legalem esse nobiliorem cæteris, comparat eam solum cum illis virtutibus moralibus, quæ versantur circa bonum humanum, non verò cum ea, quæ versatur (uti Religio) circa bonum divinum. Similiter dum infrà q. 61. a. 5. in c. cæteris præfert humilitatem, comparat eam cum illis virtuti-

bus quæ versantur circa moderandas passionem.

*Resp. 4.* Religio potest imperare actibus aliarum virtutum, etiam theologiarum. Patet ex dicendis ad Oppositiones contra 3. R.

VI. *Oppos. 1.* contra 1. SS. PP. dicunt, Sanctos coli per Religionem: Sed sancti coluntur per virtutem Dulciæ. Ergo virtus Dulciæ, & Religionis sunt eadem.

Confirm. Prototypon, & imago coluntur eodem cultu: Sed Sancti sunt verè imagines Dei. Ergo. Idem patet de Charitate, quæ est unica respectu Dei, & proximi, cur non & eadem virtus ad colendum Deum, & Sanctos?

*Oppos. 2.* contra 3. R. Virtus imperans actibus aliarum virtutum, & eos ordinans in suum finem est nobilior, quia imperare est superioris: Sed Justitia legalis actus Religionis sic ordinat ad suum finem, scilicet ad bonum commune. Ergo.

Confirm. Torum est nobilior parte: Sed Justitia legalis comparatur ad Religionem sicut totum ad partem. Ergo.

*Oppos. 3.* contra idem: Pœnitentia est ultimè dispositio ad gratiam, & reconciliationem cum Deo: Sed hic effectus est nobilior quàm colere Deum. Ergo. Min. prob. Plus est restituere ablatum quàm colere honorem conservatum. Ergo.

Confirm. Pœnitentia pro objecto cui habet etiam Deum. Ergo est saltem equalis Religioni.

*Ad 1.* Sanctos PP. non loqui de Religione, ut est specialis virtus, sed in ampla significatione, nimirum de Religione Christiana, seu Ecclesia, Sanctorum cultum præcipiente. In quo sensu omnes actus pii dicuntur religiosi.

Ad Confirm. dist. maj. Loquendo de cultu, qui exhibetur imagini præcise ob excellentiam extrinsecam Prototypi in ea relucentem, v.g. Dei in Sanctis, C. maj. ob excellentiam extrinsecam propriam imaginis, quamvis participatam a Prototypo, N. maj. Hoc secundo modo Sancti coluntur dulcia, primo modo possunt coli latría, adorando Deum, ejusque excellentiam, ut rationem formalem in Sanctis, non ipsos Sanctos; quorum propria excellentia tunc solum se habet merè materialiter: Verum hic cultus non est in Ecclesia usitatus, ad vitandum periculum erroris, ne videamur creaturis tribuere honorem divinum: Vide S. Th. infrà q. 103. a. 3. ad 3.

Ex hoc colligitur differentia Sanctorum ab imagine picta Christi, quæ potest adorari latría ideo, quia secundum se nullius cultus est capax; ideoque cessat dictum periculum: Sancti verò specialis cultus capaces sunt.

Ad id, quod additur de Charitate, dispensitas est, quia in dilectione proximi ratio formalis diligendi est solus Deus, seu bonitas divina, in cultu verò Sanctorum excellentia propria.

pria. Nam honor intrinsecè est testimonium propriæ virtutis in aliquo, excellentia enim importat rationem causæ formalis, nimirum perfectionem, quæ unum excedit alterum, nihil autem excedit alterum, nisi per id, quod formaliter habet in seipso: bonum verò, quod est objectum amoris, importat rationem causæ finalis: de cuius ratione est, ut propter eam appetantur alia.

Ad 2. R. 1. retorquendo, quòd Religio etiam imperet actibus aliarum virtutum, etiam theologicarum (ut si quis voveat actum Fidei, vel spei) & ordinet ad cultum Dei.

Ex quo potest secundò negari maj. Tertiò dist. maj. cum nostro Magistro Torre: Si sit imperium propriè, & in rigore, C. maj. Si minus propriè, prout idem est, ac quomodocumque moveat actum unius virtutis ad finem alterius, vel implorare auxilium virtutis superioris, prout etiam inferior implorare potest, N. maj. Et hoc secundò modo fit in præsentia. Sicut ergo subditi possunt movere, excitare, implorare Principem, ut sibi succurrat, ita inferior virtus superiorem etiam theologicam.

2. Aliter cum Joan. a S. Thom. dist. maj. Imperare est superioris sub ea ratione, sub qua superior est, C. Sub qua inferior est, N. maj. & distincta min. N. conf. Licet ergo virtus aliqua v.g. theologia simpliciter sit superior Religionæ, & secundum finem suum primarium, qui est Deus, non possit ordinari ad finem Religionis, alteriusve virtutis immediatè veritatis circa deum: potest tamen secundum quid esse inferior illa, quatenus ei addit aliquam circumstantiam, vel formalitatem, ac obligationem, ut si juxta dicta quis voveat actum Fidei, qui actus ordinatur ad finem Religionis: hinc virtus superior ex fine secundario potest ordinari ad finem virtutis inferioris.

Ex prima distinctione etiam solvitur hæc instantia. Imperium est actus intellectus, seu rationis prædictæ: Ergo non voluntatis, vel virtutis in voluntate residentis. Ant. enim est verum de imperio propriè sumptum.

Ad Confir. dist. maj. Si sit pars propriè dicta, C. maj. Impropiè, & similitudinariè, uti in præsentia. N. maj. Virtus ergo aliqua dicitur præpotentialis in sensu explicato in Progmiali hujus Tractatus.

Ad 3. dist. maj. Est dispositio ratione sui, N. Ratione Charitatis adjunctæ, seu ut formata Charitate, C. maj. Ad prob. dist. ant. Si honorem læsum Deo restituit simpliciter, uti facit Charitas, & satisfactio Christi, C. Si solum inchoatè, & dispositive, uti facit poenitentia, ut præcendit a charitate, N.

Ad Confir. N. conf. Quia formaliter exhibere Deo cultum est quid nobilius quàm solum dispositive ei restituere honorem ablatum.

## EXAMEN II.

De Actibus Religionis. S. Doct. Quæst. 82. & sequentibus.

QUÆRO: Virtus Religionis quos actus habet?

V. l. Resp. Habet internos duos, qui sunt, Devotio, & Oratio. Habet & plures externos, ut sunt, Adoratio, Sacrificium, Oblatio, Decima, Votum Juramentum. Adjuratio divini nominis, ejusque in laudem assumptio. Ita S. D. postea citandus. Qui insuper q. 81. a. 7. in c. docet, Actus internos esse principales, & per se spectare ad Religionem, externos verò esse secundarios, & ordinari ad internos.

Explicantur alius.

VIII. Devotio juxta S. Thom. hic ubi de ea agit q. 82. a. 1. est voluntaria quædam promptitudo ad Dei cultum, & famulatum. Vel, actus voluntatis promptè se tradens ad Dei cultum; quæ promptitudo, & fervor si deest, non est devotio. Causa principalis, & extrinseca devotionis est Deus, qui, quos dignatur, vocat, & quem vult, religionum facit, ut ex S. Ambrosio ait S. Thom. a. 3. Causa verò intrinseca ex parte nostræ est meditatio; seu contemplatio. Quod probat ex illo Psalm. 38. *In meditatione mea exardebat ignis.* Devotio per se, & principaliter causat spirituales lætitiæ, per accidenti tristitiam, ar. 4. in c.

IX. Oratio est ascensus, seu elevatio mentis in Deum, & definitur a S. Th. q. 83. ubi de ea agit ar. 1. in c. *Petitio decemum à Deo.* Est elicitive ab & subjective in intellectu. Orare enim est conceptum internum ad Deum ordinare, seu Deo manifestare, loqui, exprimere, & quasi intimare; hoc autem est officium intellectus. Quæ in & attentio requiratur, patebit infra in hoc Tract. Exam. s. q. 82. & 83. Quod Oratio fit Actus Religionis, probat S. D. q. 83. a. 3. in c. dicens: *Ad Religionem propriè pertinet, reverentiam, & honorem Deo exhibere; per orationem autem homo Deo reverentiam exhibet, in quantum ei se subicit, & orando propter se eo indigere, sicut auctore suorum bonorum.* Ergo.

Hic se offert difficultas, quomodo Oratio, quæ est actus intellectus, Possit esse actus elicitus Religionis, quæ est in voluntate? Hoc Gonet benè explicat dicens: Observandum est cum Cajetano a. 3. q. 81. art. 4. D. Tho. in assignando virtutibus proprios actus, potius respexisse ad identitatem ipsarum virtutum, quàm ad identitatem potentiarum, & ideo omnem actum, qui non respicit nisi unicam virtutem, appellat proprium talis vir-



virtutis, in quacunque potentia sit. Quod si plures virtutes respiciat, illius vocat proprium a qua habet primam speciem boni, & virtuosus actus, ac proinde cuius finem primario respicit. Hac ratione idem S. D. 1. q. 3. art. 1. confessionem externam dicit esse actum proprium Fidei quamvis illa sit in potentia externa, & hæc in intellectu; quia prima bonitas talis confessionis ex Fide est, & ejus finem respicit, non verò ex alia virtute. Et generaliter omnes actus externos, sive virtutes, sive vicia, attribuiamus, ut proprios illis habitibus, & quibus sumunt primam speciem deformationis, vel rectitudinis, ut comestionem temperantiæ, externum luxum luxuriæ, &c. non curando, an sint in eadem potentia, vel in diversis. Quia ergo prima, & essentialis bonitas orationis tota est a Religione, quia est bonitas reverentiæ. & cultus, Oratio dicitur propriæ actus Religionis, quamvis sit in distincta potentia. Et ex hoc dicitur etiam actus Religionis elicitive; quia, ut bene observat Bannez 2. 2. q. 3. citata, & Alvarez 1. 1. disp. 92. dupliciter potest aliquis actus dici elicitus ab aliqua virtute: vel propriè, & strictè, quia est immediata ejus operatio, ac proinde manet in eadem potentia: vel largè, ex còsolum, quod non sit media alia virtute, quamvis mediet alia potentia; dicitur enim talis actus elicitus, quia non est propriè imperatus: nam actus propriè imperatus ab aliqua virtute dicitur ille, qui fit media alia virtute elicitive; sicut actus, qui elicitor ab humilitate propter Deum, dicitur imperari a Charitate; & idè ubi tantè est virtus, qualitercunq; influat in actum dicitur hic procedere ab ea elicitive. Hoc secundo modo Oratio dicitur elici a Religione, primo verò Devotio, quæ in voluntate existit. Hæc Gonet in Manuali Tract. 9. c. 3. de Relig. § 2.

X. *Adoratio*, de qua S. Thom. agit. q. 81. sumi potest dupliciter. 1. Generaliter pro quacunque veneratione alicui in testimonium suæ excellentiæ debita, qualiter Abraham adoravit Angelos Gen. 18. & Nathan Propheta 3. Reg. 1. Davidem 2. Sumitur specialiter, & propriè pro reverentia, seu cultu exhibitio Deo ob inñitatem, & increatam ejus excellentiam. Et hæc est actus Latriæ, seu Religionis; estq; hæc Adoratio duplex: Una interna, qua per actum mentis, & voluntatis; altera externa (a priori imperata, sine qua potius est hæc, & irrisio) qua Deum veneramur actu externo, v.g. genuflexione, corporis inclinatione, pectoris unctione, capitis discoopertione, &c. qui actus præcisè secundum se sunt quidem indifferentes, attamen sunt actus Latriæ, prout respiciunt internam devotionem.

Adorationis generaliter sup̄te tres sūt species. 1. *Latria*, quæ fit, & debetur soli Deo, ut primo nostro principio, & ultimo fini. 2. *Dulia*

quæ exhibetur regnantibus cum Deo Sanctis ob excellentem eorum perfectionem; prout patet ex S. Th. hic q. 84. a. 1. & q. 103. a. 3. 3. *Hyperdulia*, quæ sit suprema *Dulia*, qua super omnes alios Sanctos colitur Beata Virgo ob specialem affectionem, quam habet cum Deo, in quantum est Mater Dei, ut docet S. D. cit. q. 103. a. 4. ad 2.

Adoratur cultu verè Latriæ Christus, quia est Deus, ejusq; Humanitas, ut ei conjuncta, 3. p. q. 15. a. 1. & 2. Humanitati præcisè secundum se sumptæ, seu per intellectum a Verbo præcitiæ, supremis tamen gratiæ creatæ donis decoratæ, debetur suprema *Dulia*, seu Hyperdulia.

Eodem adorationis cultu veneramur imaginem ut talem, ejusq; Prototypum, nimirum vel Latriæ, vel *Dulix*, vel Hyperdulia, prout nimirum debetur Prototypo. Quia idem est motus in imaginem, & in rem imaginatam. De imagine Christi id docet S. Thom. 3. p. q. 25. a. 1.

XI. *Crux*, in qua Christus pependit, adoratur Latria ex duplici titulo juxta S. D. loco mox ex 3. p. cit. a. 4. Et quidem 1. in quantum est imago Christi in ea extensis. 2. Ratione contactus membrorum ejus, ex quo est sanctificatio, & sanguine ejus perfusa. Ex hoc secundo, licet non ex primo titulo, lignum, in quo pependit, adoratur Latria, etiam non amplius habeat figuram Crucis, per quod differt ab alia cruce, quæ est effigies dicitur Crucis, talis enim effigies, quamdiu retinet formam crucis, potest adorari Latria ex primo titulo; ex nullo autem, si formam crucis amisit.

Ratione contactus membrorum Christi adoramus non solum Crucem, sed etiam omnia, quæ sunt Christi. Unde Damasc. l. 4. c. 12. pretiosum lignum, ut sanctificatum tactu sancti Corporis, & Sanguinis, decenter adorandum, clavos, indumenta, lancea, & sacra ejus tabernacula, quæ sunt, præsepe, spelunca, & hujusmodi. Ista tamen non repræsentant imaginem Christi, sicut Crux. Ideoq; mulieribus dixit Angelus: Jesum queritis Nazarenum crucifixum, non dixit lanceatum. Et inde est, quod Crucem Christi veneramus in quacunque materia, non autem imaginem clavorum, vel quorumcumq; hujusmodi. Ita S. Th. cit. a. 4. ad 3. Nam differentia est, quia Crux in quacunque materia statim, & prima fronte repræsentat ipsum Christum, clavi verò ex alia materia facti, non statim Christum, sed primos clavos repræsentant. Si tamen acciperentur eū ipsa cruce etiam facta ex alia materia, simul constituerent unam Christi crucifixi imaginem, possentq; adorari.

Not. ea, quæ Christus tetigerunt, esse in triplici differentia. 1. Aliqua tetigerunt eum indigne, ut os Judæ, sacrilega manus ei alapam impingens: hæc ratione contactus nullam sanctitatem participarunt, proinde nulla eis debetur veneratio. 2. Alia post Christi contactum manserunt pervia communibus usibus, v.g. tersa, quæ calcavit;

cavit, aer, quo respiravit; aſina, cui inſedit, &c. & hæc non debent adorari Latria. Si quis tamen veſtigium Chriſti adoraret, quia & ut formaliter eſt Chriſti, nihil mali faceret, ait Gabrera in 3. part. Tertiò ſunt alia, quæ ex eo contactu Chriſti manſerunt dignificata, etiam in æſtimatione fidelium, ac ſanctificata, ut crux, clavi, ſpinæ, lancea, &c. & hæc adorantur Latria.

XII. *Si hæc ratione contactus adorentur Latria, cur non & Beata Virgo, quæ Chriſtum intiùs tetigit, immò eum in utero portavit?*

In R. ad hanc Quæſt. variant inter ſe Doctores. Noſter Barthol. Medina in 3. p. docet, quòdam non imperitè dicere, quòd ſi quis ex divina revelatione cognoviſſet in Utero Mariæ portare Chriſtum, & adoraſſet divinam Prolem, eodem Latriæ cultu ratione conjunctionis adoraſſet Matrem, cujus pro tunc Chriſtus erat quaſi pars. Quæ conjunctionis ratio ceſſat poſt partum. Sed S. Thom. 3. p. qu. 25. a. 5. abſolutè docet: Matrem Domini non eſſe adorandam Latria ratione contactus. Et dat diſparitatem inter eam, & res inſenſibiles, quæ Chriſtum tetigerunt; hæc enim ſecundum ſe nullius venerationis ſunt capaces, & idèò in earum adoratione nullum eſt periculum exiſtimandi, quòd adorentur ratione ſui: B. Virgo autem ſecundum ſe eſt capax cultus (& quidem, ut diximus, Hyperdulæ) cùm ſit rationalis creatura, & ſic facile poſſet putari, quòd adoretur ratione ſui: quod erroris periculum omnino vitandum eſt.

Subdit S. D. ad 1. Matri Regis non debetur æqualis honor honoris, qui debetur Regi, ſed honor conſimilis ratione cujuſdam excellentiæ, qui reſpectu B. Virg. eſt Hyperdulia. Vel paulò aliter dici poſſet, quod licet Rex, & Mater, ſi ſint ejuſdem ordinis, debeant coli eodem cultu: ſecus tamen, ſi ſint diverſi ordinis, Rex autem Chriſtus eſt ordinis divini, Mater verò creati.

Gajetanus hanc S. Th. ſententiam intelligit non abſolutè, & ſimpliciter, ſed ratione ſcandalii, aut periculi, quo ceſſante concedit, poſſe B. V. coli adoratione Latriæ ratione contactus.

XIII. *Quid ſentis de Sanguine Chriſti adhuc apparente in Spinis, Lancea, Sindone, Sudario?*

Suppoſita Thomiſtica diſtinctione ſanguinis in perfectum, purum, ſeu naturalem, & in nutrimentale, ſeu imperfectum: Probabilius mihi videtur, quòd Sanguis Chriſti adhuc apparens in ſpinis, lancea, ſindone, ſudario, &c. non ſit ſanguis naturalis, ut pote, qui totus, tanquam ad humanæ integritatem peſſans, juxta S. Tho. 3. p. q. 54. a. 2. ad 3. in Reſurrectione fuit reſumptus. Eſt ergo ſanguis nutrimentalis, qui tamen poſteſt adorari Latria, licet non fuerit hypoſtaticè unitus Verbo; ſufficit enim contactus cum Chri-

ſto ut dictum eſt de Cruce, & aliis.

*Sed quid de majoribus particulis Sanguinis, quæ in quibuſdam Eccleſiis in vitreis ampullis aſſervantur?*

Dico cum S. Th. loco mox ex 3. p. cit. dicente: *Sanguis ille, qui in quibuſdam Eccleſiis pro Reliquiis conſervatur, non fluxit de latere Chriſti, ſed miraculoſè dicitur effluxiſſe de quadam imagine percuffa, uti diverſæ hiſtoriæ referunt miraculoſè fluxiſſe ex Euchariſtia injurioſè tractata.*

*Quid ſentis de illa celebri vitrea ampulla in Eccleſia S. Mariæ Magdalene apud S. Maximinum aſſervata, in qua in die Paraſceves circa horam exitus Salvatoris ſapè viſus eſt ebullire facer cruor, qui tempore paſſionis Chriſti dicitur a S. Magdalena exceptus, & in Gallias portatus?*

Dico cum Contenſon in 3. p. contineri in illa ampulla terram Sanguine Chriſti tempore paſſionis aſperſam, a S. Magdalena exceptam, & in Gallias portatam.

XIV. *Quid judicas de cultu Virorum illuſtrum in fama ſanctitatis defunctorum, non dum canonizatorum?*

Dico: Certum eſt, quòd cultu publico non liceat eos venerari, donec a Papa in Beatorum numerum referantur, ſed ſolum privato. Hinc eorum imagines licet domi tenere, ſed non in templo, nec in altari reponere, niſi fortè ornatus cauſa: Similiter privato cultu licet eorum oſſa oſculari, veſtium particulas ſervare, in die natali devotioni vacare, jejunia, vel vota offerre ſed feſtum, vel jejunium publicum nec Episcopus poteſt in eorum honorem inſtituere.

*Ratio: Quia ille eſt cultus publicus, quem ſolus Papa concedere poteſt.*

*Eſtne peccatum venerari corpora Beatorum, de quibus alii aſſerunt eſſe in hoc, alii in illo loco?*

Dico, poſſe coli, maxime ſi accedat approbatio Papæ, vel Episcoporum.

*Ratio: Quia ille colens non errat in ſubſtantia, eò quòd illud corpus deſecto ſit alicujus Sanguis; ſed ſolum in conditione, in quantum credit eſſe corpus huius, cùm tamen ſit alterius.*

XV. *Sacrificium*, de quo S. Thom. q. 85. H. c. nomē derivatur a ſacro faciendo, per illud quod intelligitur adio ſacra verſans circa rem ſacram; res autem ſacra eſt, quæ eſt ordinata ad cultum Dei. Definitur Sacrificium ut ſic, ſeu in genere, propriè dictum, quòd ſit externa, & ſenſibilis oblatio rei alicujus exterioris, ſeu ſenſibilis permanentis, legitima auctoritate inſtituta, a legitimo Miniſtro facta immediate ſoli Deo, cum reali ejuſdem rei immutatione in proteſtationem Domini Dei in vitam, & mortem ſuæ creature. Hæc definitio colligitur ex S. Thom. 2. 2. quæſt. 85. in eaque ly oblatio ponitur loco generis, quia omne ſacrificium eſt oblatio,

non tamen è contra. Dicitur *externa*, quia sacrificium propriè dictum versatur circa res externas, & sensibiles, easin Dei cultum per oblationem ordinando, per quod differt ab adoratione simplici, cæterisq; actibus Religionis, quos homo solum perficit motu aliquo corporis, v.g. genuflexione, prostratione. Ob eandem ferè causam additur *ly sensibilis*, quia et si actum per actum internum, quo, ut dicitur Joann. 4. Veri adoratores adorabunt Patrem in spiritu, & veritate, Deo ab homine cultus exhibeatur, tenetur nihilominus homo etiam Deum per exteriores oblationes venerari; hoc enim exigit ab homine ut potè constante corpore, & anima, & politicè cum aliis hominibus conversante. Dicitur *rei alienius exterioris*, quæ particula patet ex mox dictis. Dicitur *rei permanentis*, ad excludendas a ratione Sacrificii propriè dicti actiones quasdam transientes, v.g. genuflexiones a Sacerdote fieri solitas. Dicitur *legitima auctoritate, & legitimo ministro*, nam non est cuiuslibet sacrificium instituere, sed vel Dei immediate, ut patet in lege nova, & scripta: Vel Reipublicæ, ut in materia de Sacramentis in communidiximus de statu legis naturæ. Nec est cuiuslibet sacrificium offerre, sed fuerunt omni tempore idonei Ministri legitima auctoritate ad sacrificandum instituti. Dicitur, *facta soli Deo*, huic enim soli sacrificium est offerendum ratione omnipotentis, & supremi domini super omnia. Hinc et si genuflexiones, & similia, & Angelis, & hominibus in aliqua dignitate constitutis exhibeantur, templa, & altaria eis dedicentur, sacrificia tamen eis non offeruntur. Dicitur, *immediate soli Deo*, per quod sacrificium differt ab aliis oblationibus, & quæ quidem sunt Deo non tamen immediate, ut constat in decimis. Dicitur *cum reali immutatione in profectionem*, &c. quia ad testandam Dei omnipotentiam, & supremum dominiui ejus in vitam, & in mortem, res oblata debet realiter immutari: dum enim hostia ab esse ad non esse transit; in solius Dei potestate reddit, cum solus ille eam reproducere possit. Hinc & in sacrificiis Veteris Legis aliqua semper fiebat mutatio: si nemines oblata erat vivens, v.g. bos, aut vitulus, &c. interficiebatur, si inanimis, & solida, comburebatur, si liquida, effundebatur.

In nova lege non est sacrificium propriè dictum externum, nisi sacrificium Missæ, seu Eucharisticum, essentialiter consistens in sola consecratione, per quam Christus incruentè immutatur, in quantum ex vi verborum Corpus ponitur sine Sanguine, & è contra, licet per concomitantiam sint simul, & in hoc sacrificio principalis offerens, & res oblata, seu hostia est ipse Christus. Sed de hoc alibi.

XVI. *Oblatio* (de qua S.D. q. 86.) a sacrificio distincta, est actus Religionis, quo Deo offerimus rei externas absque earum mutatione. Sicut Levit. 13. præcipitur oblatio primitiarum, seu de manipulis novarum spicarum, sive primorum fructuum: Uti & Deut. 26. quæ inconsumptæ, & integræ Deo offerebantur, tum ad ulum Templi, tum ad Sacerdotum sustentationem, utiq; pauperum. Hæ oblationes juxta S. Thom. art. 1. in c. deservatione habent, quòd voluntariè offerantur, potest tamen contingere, quòd quis ad eas teneatur ex quadruplici ratione. 1. Ex præcedenti conventionione, sicut cum aliqui conceditur fundus Ecclesiæ, ut certis temporibus certas oblationes faciat, quod tamen habet rationem census. 2. Propter præcedentem deputationem, sive promissionem, v.g. ex donatione inter vivos, Ecclesiæ facta, vel ex testamento. 3. Propter Ecclesiæ necessitatem, puta, si ministri non haberent, unde sustentarentur. 4. Propter consuetudinem; tenentur enim fideles in aliquibus Solemnitatibus ad aliquas oblationes consuetas. Hæc S.D. qui art. 4. in fine c. docet, in nova lege, quid, vel quantum sit offerendum, definiri per determinationem Ecclesiæ, ex qua homines obligantur, ut primitias solvant secundum consuetudinem patris, & indigentiam ministrorum Ecclesiæ.

XVII. *Quid sentis* de oblationibus, quæ fiunt in Ecclesiis Religiosorum, non habentibus jura parochialia? potestne Parochus loci aliquid prætere de illis?

*Dico:* Nec Locorum Ordinarii, nec Parochi possunt Religiosis præjudicare in istis oblationibus. Ita enim habetur in c. 1. de Stat. Mon. & cap. nimis iniqua, de excess. Prælat. Debeat tamen cavere Regulares; ne in Ecclesiis elemosynas a fidelibus extorqueant.

*Sed quid tenes* de oblationibus, quæ fiunt, dum Parochianus aliquis, qui sepulturam apud Regulares elegit, sepelitur?

*Dico:* De jure communi debetur Parochæ portio canonica, seu a Canonibus statuta ex iis, quæ Ecclesiæ Regulari occasione talis funeris obveniunt.

*Ratio* : Ut, qui Sacramenta ministrando cum vivente habuit onus, a defuncto habeat emolumentum.

*In quo consistit illa portio?*

*Dico:* De jure communi hæc portio interdum est dimidia, interdum tertia, vel quarta pars juxta consuetudinem cuiusvis loci, non tantum de oblationibus, candelis, panno tumbæ, sed etiam de legato tali Ecclesiæ factò pro animæ salute. Exceptiis, quæ legata sunt pro fabrica Ecclesiæ, pro ornamentis, luminaribus, Anniversario, Septimo, Vigesimo, Trigesimo, &c. vel etiam

tiam ad perpetuum cultum divinum .

*Dixi de jure communi.* Nam de facto virtute specialium privilegiorum, & juxta multorum locorum consuetudinem Regulares nullam Parochodant portionem canonicam; vel non nisi de funeralibus propriè dictis, nimirum eodem die cum funere delatis, ut sunt, panis, candelæ, oblationes, &c. Quoad hoc loci consuetudo servanda est.

*XVIII. Decima, de quibus S. Thom. q. 87. sunt decima pars fructuum, sive terre, sive aliarum rerum Deo in recognitionem universalis dominii debita, & ipsius ministris per solvenda, & quidem singulis annis de omnibus fructibus: in quo differunt a Primitiis, quæ tantum de primis fructibus novialium agrorum, id est, noviter cultorum, qui antè non colebantur, & animalium, dantur in signum gratitudinis erga Deum: Uti & ab oblationibus, quæ dantur ex devotione sine determinatione temporis, qualitatis, vel quantitatis.*

Præceptum de solutione Decimarum (ut explicat S. D. art. 1. inc.) in Veteri Lege partim erat morale, inditum naturali ratione, partim autem erat judiciale, ex divina institutione robur habens. Quod enim eis, qui divino cultui ministrabant ad salutem populi totius, populus necessaria victus ministraret, ratio naturalis dicitur; sicut & his, qui communitati inserviant, scilicet Principibus, & militibus, & hujusmodi. Unde Apostolus 1. Cor. 9. *Quis militat suis stipendiis unquam, aut quis plantat vineam, & de fructibus ejus non edit?* Sed determinatio certæ partis exhibendæ non est de jure naturali, sed ex institutione divina. Unde quantum ad determinationem decimæ partis erat judiciale. Et quidem cæremonialia Veteri Legis præcepta illicitum est observare tempore Legis Novæ, judicialia verò, etsi non obligent tempore gratiæ, tamen possunt observari absque peccato: & ad eorum observantiam aliqui obligantur, si statuatur auctoritate eorum, quorum est condere Legem. Sicut præceptum judiciale Veteris Legis est Exod. 12. quodd, qui furatus fuit ovem, reddat quatuor oves. Quod si ab aliquo Rege statuatur, tenentur subditi observare. Ita etiam determinatio decimæ partis instituta est auctoritate Ecclesiæ, cum ministri Novi Testamenti majoris dignitatis sint quàm Veteris. Hæc S. D. quibuldam omisiss.

*Tenentur homo dare Decimas, de omnibus rebus?*

*Affirmo cum Sancto Thoma art. 2. Ratio: Radix solutionis decimarum est debitum, quo seminantes spiritualia, debentur pro sustentatione carnalia, ut patet 1. Corinth. 9. Sed sub carnalibus continentur omnia,*

*quæ homo possidet. Ergo.*

Not. tamen, hanc S. Thomæ doctrinam intelligi de jure communi, si neminè spectetur consuetudo locorum (cui dum legitime est præscripta, standum esse, Jura volunt) solutio decimæ personalis vix est in usu, immò nec prædiales in pluribus locis solvuntur nisi de rebus majoribus. Sunt autem decimæ prædiales, quæ solvuntur ex fructibus prædiorum, sive agrorum, fundorum, bonorum immobilium, vinearum, hortorum, sylvarum, piscinarum, molendinorum, ædium locatione. Personales sunt, quæ penduntur ex lucro propriæ personalis industriæ, putà ex negotiatione, artificio, veneratione, militia, artium professione, aliove simili exercitio. Aliæ sunt mixtæ ex utrisque quæ nimirum proveniunt partim ex industria, & labore, partim ex prædiis, ut sunt sæctus, & pulli animalium, eorumque fructus, ut lac, caseus, butyrum, &c.

*XIX. Quæritur in quibusdam locis Decimæ spectant ad Laicos?*

*Dico cum S. Thom. ar. 3 in c. circa Decimas duo sunt consideranda, scilicet ipsum jus accipiendi decimas, & ipsæ res, quæ nomine decimæ dantur. Jus est spirituale; consequitur enim illud debitum, quo ministris altaris debentur sumptus de ministerio, & quo seminantibus spiritualia, debentur temporalia; quod ad solos Clericos pertinet, habentes curam animarum. Ergo illis solis competit habere hoc jus. Res autem, quæ nomine decimarum dantur, corporales sunt; unde possunt in usum quorumlibet cedere, & sic possunt etiam ad Laicos pervenire.*

*Sed quo titulo Laici res decimales capiunt, si non habent jus?*

*Dico: Titulo venditionis, vel donationis permutationis, elocationis, privilegii, concessionis Papæ, qui Principibus sæcularibus de Ecclesiâ bene meritis subinde decimas concessit in feudum perpetuum. Ex quo noli inferre: Ergo ruit data distinctio S. Thomæ inter jus, & rem. Nam duplex est jus accipiendi Decimas. Unum primum, fundatum in spirituali ministerio fidelibus debito, solis Ecclesiæ ministris competere potens. Alterum secundarium, fundatum in titulis allegatis; & hoc Laicis competere potest.*

*Tenentur etiam ipsi Clerici dare Decimas?*

*XX. Dico cum S. Thom. art. 4. in c. dicente: Idem non potest esse causa dandi, & recipiendi, sicut nec causa agendi, & patiendi. Contingit autem ex diversis causis, & respectu diversorum, eundem esse dantem, & recipientem sicut agentem, & patientem. Clericis autem (in quantum sunt ministri altaris,) spiritualia populo seminantibus, decimæ a fidelibus*  
de-

debeant. Unde tales Clerici in quantum habent Ecclesiasticas possessiones, decimas solvere non tenentur. Ex alia vero causa, scilicet propter hoc, quod possident proprio jure, vel ex succellione parentum, vel emptione, vel quocunque hujusmodi modo, sunt ad decimas solvendas obligati. Hæc S. Doct.

XXI. *Tenentur Religiosi dare decimas?*

*Dico 1.* cum S. Tho. ad 3. dicente: Religiosi, qui sunt Clerici, si habeant curam animarum, spiritualia populo dispensantes non tenentur decimas dare, sed possunt eas recipere. De aliis vero Religiosis, etiam si sint Clerici, qui non dispensant populo spiritualia, est alia ratio. Ipsi enim tenentur de jure communi decimas dare: habent tamen aliquam immunitatem secundum diversas concessiones eis a Sede Apostolica factas. Hæc S. Thom.

Manet ergo defectio in vigore privilegii ab Hadriano IV. & Alexandro III. concessum omnibus Religiosis in communibus viventibus in e. ex parte. Ut de novaliis suis, quæ propriis manibus, vel sumptibus excolunt: & denutrimenis animalium suorum, & hortis suis decimas non persolvant.

*Dico 2.* Omnes, cujusunque sint Ordinis, Religionis, Status, ac Dignitatis, etiam Episcopalis (nisi eximantur privilegio, papali dispensatione, vel consuetudine) tenentur dare decimas ex debito reali, id est, orto ex re decimis obligata, antequam ad alterius possessionem veniret. Ita videtur colligi ex citatis verbis S. Thom.

*Ratio:* Facta Diocesium divisione in Parochias, Parochianorum prædia, intra quamvis Parochiam sita, fuerunt subiecta obligationi decimarum partis fructuum, præstandæ parochiali Ecclesiæ: Sed res transit cum suo onere. Ergo.

XXII. *Ex qua virtute debentur decimæ, easque defraudans cuius speciei peccato peccat?*

*Dico:* Debentur non solum ex virtute Religionis, sed & iustitiæ, adeoque defraudans eas tenetur Ecclesiæ restituere iusto jure. Patet ex dictis. Defraudantibus etiam merito annumeratur ille, qui studiosè assignat partem deteriore, unde tenetur bonæ hinc procedere, & partes assignare, prout se offerunt. Nec potest deducere expensas factas in cultura agri, nec seminis æstimationem, nec tributum, aut similia.

In solvendis Decimis præ jure scripto magis spectanda est legitima loci consuetudo, ex qua etiam colligi debet, an fideles suis sumptibus teneantur decimas deferre in horrea Clericorum, vel non. Plura de his vide apud Canonistas.

*Votum, & Juramentum.* De his postea specialiter.

XXIII. *Adjuratio divini nominis, de qua S. Thom. q. 90. fit, cum ad aliquid faciendum, vel Tribunal Confessionarium.*

omittendum, aliquem obtestamur per reverentiam altissimi rei sacræ, vel etiam per Deum ipsum, ut patet ex S. Tho. art. 1. Est duplex: Una imperativa, qua Superior potest uti erga solos subditos præcipiendo, vel timorem incutendo, ut si adjuret subditum per Deum vivum, per Dei misericordiam, per quiaque Vulnera Christi. Et hæc ratione imperii differt ab Oratione: a juramento vero differt, quia per illud obligatur solum ipse jurans. Altera est deprecativa, qua precamur, vel rogamus non solum subditos sed & Superiores, immo & Deum, quem adjuramus per Filium, per aliquid sacrum, sicut Ecclesiæ orat per mysterium Incarnationis, & orationem claudit dicendo: Per Christum Dominum nostrum, &c.

Nota, quod adjuratione aliter utamur ad Deum, aliter ad hominem. Nam, ut ait S. Thom. art. 1. ad 3. adjurando hominem, ejus voluntatem per reverentiam rei sacræ immutare intendimus, quod non intendimus circa Deum, cujus voluntas est immutabilis; sed quod a Deo per æternam ejus voluntatem aliquid obtineamus, non est ex meritis nostris, sed ex ejus bonitate.

*Licetne adjurare dæmones?*

*Dico 1.* cum S. Tho. art. 2. in c. Licet eos per virtutem divini nominis adjurare, ad illos tanquam inimicos (ne nobis spiritualiter, vel corporaliter noceant) repellendos per potestatem a Christo Lucæ 10. datam: *Ecco dedi vobis potestatem calcandi supra serpentes, & super omnem virtutem inimici, & nihil vobis nocebit.* Non tamen licitum est eos adjurare ad aliquid ab eis addiscendum, vel per eos obtinendum, v. g. pluviam, vel grandines, quia hoc pertinet ad societatem habendam cum ipsis: nisi forte ex speciali instinctu, vel revelatione divina alicui Sancti ad aliquos effectus dæmonum operatione utantur. Sicut legitur de B. Jacobo, quod per dæmones fecit Hermogenem ad se adduci, ait S. Doct.

*Dico 2.* Licitum est, a dæmone hominem obidente peccare ea, quæ spectant ad obsequii utilitatem, & dæmonis expulsionem, v. g. quomodo vocetur, cur ingressus sit, quantam Legionem habeat secum. Hinc Exorcistæ a curiosis questionibus desistant, v. g. ubi sit anima hujus, vel illius defuncti? quid senserit Arist. de animæ immortalitate? Ut loquatur diversis linguis, vel determinatè Latina: in quibus tamen a mortali excusari quis potest. Licet tamen dæmoni egressuro mandare, ut det signum egressus, v. g. extinguendo lumen, frangendo vitrum, pulsando campanam, &c. sed sine damno, & irreverentia rei sacræ.

*Possne sola creatura intellectualis adjurari?*

Cc

Affr.

*Affirmo. Ratio.* Quia sola illa potest intelligere divina, & ad aliquid agendum, eorum reverentia impelli. Ergo.

Ex quo sequitur, quod, dum adjuratur res inanimata, ut, dum exorcizantur aqua, nubes, grandines, locustæ, domus, &c. adjuratio dirigitur ad creaturam intellectualem, illis rebus præsentem, sic Exorcista præcipit dæmoni, ut per tempestates non noceat, sed procul abscedat.

*Quid dicis ad factum S. Bricii*, qui pro sua innocentia adjuravit infantem 30. dierum, ut ediceret, an ipse sit pater ejus, ut quidam sparserat. Cui infans: Non pater meus es tu.

*Dico.* Hæc adjuratio fuit tacita oratio, qua Deus rogabatur, ut vocem daret infanti.

*Assumptio divini nominis in laudem* (de qua qu. 91.) quæ fit per psalmos, hymnos, cantica, horas Canonicas, festivitates. De quibus specialiter in sequentibus agetur.

## EXAMEN III.

### De voto.

De quo S. Doctor agit Quæst. 88. per 12. articulos.

**QUÆRO I.** Quid, ac quotuplex est Votum, & quæ requisita ad ejus obligationem?

*Resp. 1.* Votum est *promissio deliberata Deo facta de meliori bono, & possibili.* Ex quo sequitur, quod debeat esse de re licita, & Deo grata. Tota hæc definitio patet ex explicata definitione Promissionis supra Tract. 3. Exam. 4. n. 53.

Explicatur tamen ulterius. Dicitur 1. *Promissio*: Quia ad votum, licet requiratur, non tamen sufficit propositum aliquid faciendi in laudem Dei, quod bene Not. propter homines simplices, propositum, & votum sæpe pro eodem fumentes. Unde qui non implet propositum, etiam firmiter, & efficaciter conceptum, non peccat; quia nulla obligatione se obstringit. Votum ergo debet esse promissio formalis, & expressa, saltem mente. Potest tamen interdu esse implicita, ut si alicuius explicite voluit sit, & sciatur annexum votum, v. gr. castitatis Ordini sacro.

Dicitur 2. *deliberata*: de quo in Respons. tertia.

Dicitur 3. *Deo facta*. Quia votum est actus Latræ, seu Religionis soli Deo debitus, adeoque ipsi soli fit principaliter; Sanctis vero fit minus principaliter, seu ut Mediatoribus nos inter, & Deum, sicut eis ædificamus templa, & altaria. Prælati non fit votum, sed promissio, quæ est materia voti, inquantum homo vovet, se

impleturum, quod Prælati promissit: ut patet art. 5. ad 3.

Dicitur 4. *de meliori bono*. Pro quo Not. dupliciter aliquid posse dici melius, vel majus bonum. Primo comparative ad aliud bonum, uti melius, & majus bonum est, omnia posse propter Deum relinquere, quam ex bonis relictis eleemosynam facere: melius est edificare Ecclesiam, quam dare calicem. Secundo comparative ad suum oppositum, uti melius est dare eleemosynam, quam non dare; vel majus bonum est servare castitatem, quam inire coniugium. Ad votum sufficit, si sit de meliori bono in secundo sensu.

*Resp. 2.* Votum dividitur. 1. in absolutum, seu cui nulla apponitur conditio, v. g. Voveo eleemosynam, voveo ingressum Religionis; Et in conditionatum, seu cui conditio adiicitur, v. g. Voveo me daturum eleemosynam, si convalesco ex hac infirmitate. Et hoc juxta communem sententiam obligat conditione impleta. Si quis tua culpa impediatur, ne conditio impleatur, manet obligatus voto, ut solvat.

Dividitur 2. in reale, & personale; & mixtum ex utroque. *Votum reale* est, quod concernit rem familiarem, seu bona voventis, ut si quis vovit ex suis bonis extruere altare, eleemosynam dare, &c. & hoc votum si a vovente non sit impletum, tenetur hæres sub mortali implere, & ad id potest compelli per hereditatis privationem. *Votum personale* est, quod solum concernit personam voventis, & per eam tantum impleri potest, & non per alium, ut votum jejunii, continentie. Et hoc non obligat heredem, nisi sponte ad id se obliget. *Mixtum* concernit bona, & personam simul: v. g. Vovit quis peregrinari ad talem locum sacrum, & offerre decem pondo ceræ, hoc obligat heredem sub ea ratione, sub qua reale est, v. g. ad oblationem ceræ, non verò ad peregrinationem, immò ut reale etiam potest impleri per alium, ut si alius pro me det eleemosynam quam ego vovi, tunc enim censetur si mihi dedisse pecuniam: & ego per eum eleemosynam.

Oppono contra illud de voto pure personali. Est Regula Juris: *Quod quis per alium facit, per seipsum fecisse censetur.* Ergo potest illud per alium implere.

Ad hoc Resp. illam Regulam non intelligi de iis in quibus quis ad se specialiter mortificandum (uti in voto personali) obligat ad proprium factum, & personæ industriam. Unde etiam non tenetur per alium implere, nisi & id intenderit. Quia actus non operantur ultra intentionem agentis.

XXV. *Quid si vovens in voto personali non ita intenderit propriam mortificationem, sed magis alterius utilitatem, v. gr. jejunare, vel Missam legere pro animabus in Purgatorio?*

*Dico*: Sententia affirmans, teneri implere per alium, si quem facile habere possit, & non



non possit per seipsum, est consulenda ut practice probabilior.

*Ratio* : Quia in eocasu finis voti potest obtineri per alium, & censetur hæc fuisse mens vovens.

XXVI. *Quid sentis* de eo, qui fecit votum (militando in propria persona) succurrendi Terræ sanctæ recuperandæ, sed impeditur impedimento perpetuo, tenetur mittere expensas, quas erat facturus, & sic votum explere per alium?

*Probabilius affirmo* : Ita enim decidit Pontifex c. quod super 8. de voto, & voti redempt.

*Ratio* : Quia hoc votum annumeratur votis, realibus, vel mixtis : Sed hæc sunt explenda per alium. Ergo. Prob. mai. Votum, in quo principaliter consideratur utilitas piæ causæ, devotio autem, vel labor personæ se solum habet accessorie, est reale, vel mixtum : Sed sic est de isto voto, ut patet. Ergo.

XXVII. *Quomodo* vota ieiunandi, peregrinandi, &c. facta a quibusdam Communitatibus, Oppidis, &c. obligant Successores?

*Dico*, teneri ex pacto saltem tacito, statuto, vel consuetudine, vim legis habente : præsertim cum adsit expressa, vel tacita approbatio Ordinarii, seu Episcopi loci.

XXVIII. *Dividitur* 3. Votum in simplex, & solemne. Simplex est, quod emittitur privatim, remotis arbitris, & testibus, ac sine omni extrinseca solemnitate : vel, si qui ad sint, nemo tamen illam obligationem nomine Ecclesiæ recipit. Solemne est, quod fit in facie Ecclesiæ, cum omni solemnitate, in manus Superioris loco Dei illud recipientis. Votum solemne iterum aliud est monachale, quod nimirum in approbata Religione post Novitiatum emittitur. Alterum Clericale, quod obligant Clerici ex vi Ordinis sacri. De hac divisione plura vide Tr. ult. Exam. 6. Q. 2. n. 66. & 67.

*Quaræ dividitur* Votum simplex in temporale, v.g. castitatis, & perpetuum.

*Quinæ dividitur* in poenale, & non poenale, v.g. Voveo disciplinam mihi dare, seu cilicium portare, si talem domum suspectam iterum intravero, est votum poenale.

XXIX. *Resp.* 3. Ad voti obligationem tria requiruntur, ut patet ex S. Tho. hic art. 1. in c. nimirum deliberatio, propositum voluntatis, & promissio. Deliberatio triplex in præfenti distingui potest, nimirum semiplena, plena, plenissima. *Prima* est, quæ ob valde imperfectam advertentiam ad objectum, quodammodo prævenit usum, seu iudicium rationis, saltem perfectum ; & ideo actus ex ea procedentes non sunt perfecte humani, virtuosus, vel vitiosus ; vel ad summum venialiter culpabiles, ut sunt actus secundæ primæ, ad differentiam motus primæ primæ : de quo supra Tract. 4. Exam. 3. num. 46. & 47.

*Deliberatio plena* est, dum ratio deliberat circa

objectum, intenditque operari sciens, & prudens, iudicio per passionem nullatenus turbato, sufficitque ad rationem meriti, & demeriti, immo ad omnem contractum humanum, ad Baptisimum, ad Matrimonium : licet non ponderentur, nec attendantur omnes circumstantiæ possibiles circa objectum, vel eventum. *Plenissima* tandem, seu perfectissima deliberatio est, dum maturo consilio conferuntur media in ordine ad finem, & attenduntur omnes circumstantiæ rei deliberatæ.

Certum ergo est *primò*, quod ad votum non requiratur deliberatio plenissima, ut patet in multis Religiosis, qui non sciverunt de omnibus circumstantiis Religiosi Status, & tamen tenentur votis. *Secundò* probabilius est, non sufficere semiplenam, sed requiri plenam deliberationem, seu talem, quæ sufficit ad peccatum mortale. Nam deliberatio, quæ sufficit ad nos obligandos Diabolo per peccatum mortale, sufficit ad nos obligandos Deo per votum : Sed ad primum requiritur deliberatio plena, & non sufficit semiplena, ut probatum est supra. Ergo.

De secundo requisito, quod est propositum voluntatis ; & de tertio, quod est promissio, in qua perficitur ratio voti, patet ex dictis in explicatione *Resp.* 1.

Not. ad votum simplex non requiri pronuntiationem oris, nec aliorum testimoniariorum, sed posse fieri sola mente, ut patet ex S. Thom. hic art. 1. in c. & dictum fuit supra.

QUÆRO II. Vota ex ignorantia, errore, vi, seu metu facta, suntne valida, seu obligantia?

XXX. Ante R. videantur, quæ dicta sunt supra Tract. 3. Exam. 1. n. 9. & 11. de voluntario, & causis involuntarii, ut sunt vis, metus, ignorantia, &c. votum enim debet esse voluntarium.

*Resp.* 1. Votum factum ex metu levi, aut etiam gravi, iuste incusso, tenet.

*Ratio* primæ partis : Quia metus levis debet despicì, & ex eo agens adhuc agit voluntariè, & liberè.

*Secunda pars declaratur in casu*, quo quis mortis reus, ut mortem evadat, jubetur a Principe facere votum Religionis, hic metus est gravis, cum sit violentiæ mortis : & est iuste, immò misericorditer incussus ad extorquendum votum salutare, in quod mors violenta commutatur. Hoc votum tenet, Cujus

*Ratio* est : Quia hic metus non tam provenit ab extrinseco, quam ab intrinseco, nimirum a delicto propria voluntate commissio. Item qui proponit votum, non tam infert metum, quam aufert, dum parat viam ad majus malum vitandum per votum. Nec tollit libertatem, nec invalidat Matrimonium, si cum eo contraheretur, ut dicitur suo loco.

*Resp.* 2. Vota, etiam solemnia, facta ex gravi



metu a causa libera injuste incusso directè ad ea extorquenda, licet jure naturæ non sint irrita, bene tamen jure positivo; potestque reclamari contra illa.

Constat ex dictis Tr. 3. Exam. 1. n. 16. R. 2. Ubi etiam n. 17. explicatur est, quod in causa coactæ Professionis Professus possit reclamare.

*Resp. 3.* Vota facta ex ignorantia, dolo, aut errore circa substantiam voti, vel circa conditiones, & circumstantias rei votivæ, adeo graves, ut moraliter existimentur pertinere, & redundare in substantiam rei votivæ, non obligant, seu sunt nulla: ut si quis voveat, sed per ignorantiam existimet se ad nihil teneri, seu obligationem non esse voto intrinsecam. Vel si Rutilicus voveat peregrinationem in Hierusalem, putans disflare solum 6. vel 7. leucis, in quo casu ignoratur gravissima circumstantia. Vel si quis ex errore putet, quod in monasterio non sint crebra jejunia, frequens a carnibus abstinencia, non multæ austeritates, quas si scivisset, non vovisset, talia vota sunt nulla.

*Ratio:* Quia consensus erroneus est nullus, maxime si sit circa substantiam. Et quavis prædictæ graves circumstantiæ sint accidentia in ordine ad honestatem rei votivæ, censentur tamen moraliter pertinere ad substantiam voti, cum vovens non intendat illud objectum nudum promittere, sed ut suis circumstantiis vellet. Ergo.

*Resp. 4.* S. Antoninus, Sylvester, & alij tradunt hanc generalem Regulam, quod nimirum vovens non obligetur in eo evento (puta, gravis circumstantiæ mutata) quem excepisset, si tempore emissionis voti de eo cogitasset.

*Ratio:* Tum quia virtualiter censetur noluisse obligare pro tali casu. Tum quia, ut loquuntur Canonistæ in generali promissione non veniunt ea, quæ quis verisimiliter in specie non promississet, si prævidisset; nisi sit circumstantia valde modica, vel mere accidentalis, & solum impulsiva. De qua statim.

*Resp. 5.* Si ignorantia, & error sint tantum circa quædam accidentia, quæ non sunt magnæ considerationis, nec notabiliter excedunt exemptionem vovens, vota sunt valida.

*Ratio:* Tum quia ignorantia circa hæc minuta relinquit voluntarium simpliciter. Tum etiam, quia parum pro nihilo reputatur. Tum tandem, quia, si ignorantia circa extrinsecam, & accidentaliam invalidaret vota, sequeretur, multorum Religiosorum Professiones esse nullas, cum vix ullum votum emittatur, in quo prævideretur, aut prævideri possint omnes difficultates futuræ in ejus observatione.

**QUÆRO III.** Quæ est materia, seu res capax voti?

**XXXI.** *Resp. 1.* cum S. Thom. art. 2. propria voti materia sunt opera consilij, seu quæ aliunde non sunt præcepta.

*Ratio:* Quia illa sunt Deo grata, & absolute voluntaria.

*Resp. 2.* Vota consilij Evangelicis contradi-centia, aut cum eis impossibilia, ut non ingrediendi Religionem, nubendi, non mutandi, &c. sunt nulla; immo peccata mortalia.

*Ratio:* Quia sunt Deo ingrata, eo quod ponant obicem Spiritui sancto, moventi semper ad meliora. Ergo.

*Excipitur* quoad matrimonium casus, in quo si filius Regis unicus non nuberet, periclitaretur bonum commune Regni, utpotè quod deveniret in potestatem hæreticorum, adeoque teneretur tunc nubere: & in eo casu votum de Matrimonio omnino esset validum.

*Resp. 3.* Juxta S. Thom. art. 2. de re præcepta potest heri votum.

*Ratio* patet ex usu eorum, qui castitatem voveant, & tamen alias tenebantur castè vivere, & tunc contrahitur duplex obligatio, nimirum temperantiæ, & Religionis, eique circumstantia voti explicanda in confessione, si fiat transgressio.

*Resp. 4.* Juxta S. Th. a. 5. ad 5. Votum de re præcepta, spectante jam ad Religionem, v.g. de audienda missa in die festo, est validum, & circumstantia Confessario in casu transgressionis explicanda, saltem ut notabiliter aggravans.

*Ratio:* De ejusdem virtutis actu potest dari duplex præceptum, & obligatio, vel novus obligationis gradus in eadem specie, exprimentur tamen in confessione. Unde S. D. citatus ait: *Votum quandoque pertinet ad Religiosam rationem solius promissionis Deo facta, quæ est essentia voti, quandoque etiam ratione rei promissa, quæ est voti materia.* Et ita esset in hoc casu. Ergo.

*Oppos.* Fur peccat contra præceptum naturale, & positivum, & tamen non committit duplex peccatum, nec circumstantiam notabiliter aggravantem. Ergo similiter.

*Disparitas est:* Quia in furto præceptum positivum solum est explicatio præcepti naturalis, nec addit novum gradum in eadem specie. De quo vide Tract. 4. Exam. 2. n. 31. ubi explicatur, an peccata specie, vel numero multiplicentur ex præceptis specie, vel numero diversis. In nostro autem casu additur novus gradus obligationis ex novo motivo, non quidem specie diverso, sed numero. Si quis tamen renovaret votum ante validè factum, non induceretur novus gradus obligationis, sed esset paritas de furto.

*Resp. 5.* ex S. Thom. ex eodem art. 2. Votum de re mortaliter mala est nullum, & est in eo duplex peccatum mortale.

*Ratio:* Quia animus peccandi mortaliter est mortale peccatum, nec minus peccatum est colere Deum peccato; quia est idem ac asserere, Deo peccatum placere.

*Resp.*

*Resp. 6.* Probabilius est cum S. Anton. Cajet. Torre, &c. dicere, quod vovens peccatum, etiam veniale, peccet mortaliter.

*Ratio:* Licet peccatum veniale in se leve quid sit, fit tamen materia gravis in specie irreligiositatis, si offeratur Deo in cultum ob rationem datam ad *Resp. 5.* Uti & fit respectu iuramenti, quo Deus vocaretur in testimonium peccati venialis, v.g. mendacii iocosi. Ergo.

*Quid sentis* de eo, qui vovet rem bonam ob malum finem, v.g. elemosynam ob vanam gloriam, ob prosperum successum habendum in furto, in lite iniusta, vel ob gratiarum actionem pro tali successu in re iniusta habito?

*Distinguo* cum nostro de la Cruz: Si malus finis intret obiectum promissum, quod sit, dum intenditur principaliter, votum est nullum, & peccatum: si vero malus finis solum sit motum vovendi extrinsecum, ut si quis voveat Religionem militarem, ut habeat occasionem luxuriandi, votum valet. Idem est de eo, qui vovet Rosarium si habuerit filium ex adulterio. Est enim votum rei bonæ, cui malum jungitur extrinsecè.

*Resp. 7.* ex S. Tho. ibidem: Votum de re vana, ac differentis, manente in sua indifferentia, est nullum, immò peccatum saltem veniale, v.g. votum de non peccando crines, aut non lavando caput, vel de non filando in Sabbato, de non abscindendo unguis die Veneris, de non comedendo caput animalis in honorem S. Joannis Baptistæ, non ire per talem plateam, non intrare talem domum.

*Ratio:* Votum debet esse de re accepta Deo: Sed nullum opus Deo est acceptum, nisi sit virtuosum, seu adus virtutis, uti non sunt illa vana, & futilia. Ergo.

Dixi, manente in sua indifferentia: Si enim addatur aliqua conditio, quæ rem trahat ad speciem virtutis, tenet votum, ut si quis voveat non ludere, ut vitet occasionem peccati; vel non ire per talem plateam, quia in ea obviat persona, quæ est causa peccandi; cessare in Sabbato ab opere servili, ut possis melius vacare divino cultui, &c.

*Resp. 8.* Votum nunquam peccandi mortaliter, aut vitandi certum veniale, v.g. leve mendacium, vel etiam omnia venalia divisivè, est validum. S. Thom. ibidem.

*Ratio:* Quia est de re Deo grata, & possibili.

*Resp. 9.* Votum vitandi omnia venalia collectivè, vel tale veniale, quod non nisi a perfectis finis vitatur, ut evagatio mentis sub oratione, committere non tenet. S. Tho. ibid.

*Ratio:* Quia est de re moraliter impossibili.

**QUÆR. IV.** Quanta est obligatio voti, & quid sentiendum in casu, quo quis dubitat, an voveris? Vel non habuit animum se obligandi, vel saltem non implendi? vel obligandi solum leviter, in materia tamen gravi?

*Tribunal Confessoriorum.*

**XXXII. Resp. r.** Obligatio voti ex genere suo est sub peccato mortali, in particulari tamen, & in individuo potest esse sub veniali juxta materiam voti quantitatem. Colligitur ex S. Tho. art. 3. & 10. ad 2.

*Ratio:* Probatur est suprà Tract. 8. Exam. 4. n. 53. quod promissio homini facta, ab eoque acceptata, obliget sub mortali ex genere suo, eo quod ratio naturalis dicat, fidem etiam hosti esse servandam. Ergo idem est respectu Dei.

*Resp. 2.* Dubitans de voto ejusve obligatione, tenetur voto: nec ei favet possessio libertatis in dubio. Patet, ac probatur est suprà Tract. 2. Exam. 1. n. 15. Si dubium sit utrinque æquè probabile, adhuc tenetur. Ita probatur est ibid. Exam. 3. num. 10.

Pro sequenti *Resp.* Nota, in quadruplici sensu posse aliquid dici materiam levem voti. 1. Ut sit pars modica materiam voti, v.g. unus Versiculus respectu Plalterii; unum Ave Maria respectu Rosarii, si Rosarium vovit. 2. Ut sit obiectum totale. Et hoc (3.) vel non ordinatur ad utilitatem proximi, ut, unum Ave Maria, quotidie in honorem Beatæ Virginis persolvendum. Vel (4.) cedit saltem secundariò in proximi, v.g. pauperis commodum, ut unus denarius quotidie pauperibus dandus. Hoc notato.

*Resp. 3.* Probabilius est, transgressionem voti in materia levi in primo, secundo, & tertio sensu esse semper venialem; in quarto vero sensu, si fiat semel, aut iterum, etiam quidem venialem esse; si autem ita multiplicetur, ut perveniatur ad materiam gravem, esse mortalem.

*Ratio 1.* partis, quam nemo negat, est: Quia tam modicum omittendo ex totali materia voti, modica, seu levis irreverentia Deo irrogatur.

*Ratio 2.* partis juxta tertium sensum, quam etiam omnes ferè Doctores tenent contra Cajet. est: Quia in aliis præceptis etiam divinis, & naturalibus, ut patet in præcepto de non mentiendi, levitas materiam excusat a mortali. Ergo similiter.

*Oppono:* Si Juramentum promissorum etiam in relevissima, non impleatur, mortaliter peccatur. Ergo similiter.

Confirmatur: S. Tho. dicit, majus esse vinculum voti, quam iuramenti. Ergo.

*Disparitas est:* Quod enim illo casu iuramenti peccatur mortaliter, non solum propter excellentiam virtutis Religionis, sed quia committitur perjurium, Deum vocando in testimonium falsitatis, quod in omni materia, etiam levi, est mortale, ob injuriam primæ Veritati illatam.

Ad Confirm. *Resp. S. Th.* loqui de voto, quod habet perfectam rationem voti.

*Ratio tertie partis* in quarto sensu est: Quando in eo casu devenitur ad materiam gravem, graviter læditur proximus, sicut suprà Tract.

Cc 3 9. Exam.

9. Exam. 3. nu 35. dictum est de furtis minutis, licet hæc fiant Communitati, & non lædatur graviter aliquis in particulari. Ergo etiam graviter offenditur Deus in nostro casu. Prob. conf. Quia ille vovens ex vi voti tenetur colere Deum beneficiendo proximo.

Resp. 4. Probabilius est (cum Torre, & Soto, &c. contra extraneos) quod non sit in potestate voventis, in materia gravi se obligare sub peccato veniali, aut in materia levi sub mortali.

Ratio 1. Licet sit in potestate hominis vovere, vel non vovere; nam, ut ait S. Doctor. hic art. 3. ad 3. Obligatio voti ex propria voluntate, & intentione causatur. Unde dicitur Deut. 23. *Quod semel egressum est de labiis tuis, observabis, & facies, sicut promissisti Domino Deo tuo, & propria voluntate, & ore tuo locutus es*: attamen supposito, quod homo voveat, quantitas obligationis dependet ex quantitate objecti secundum se, quod ab intentione hominis non dependet. Ergo si materia sit gravis, vovens non potest ejus obligationem limitare ad levem, vel e contra; sicut a pari patet de indissolubilitate Matrimonii.

Confirmatur: Licet de essentia voti in communi non sit obligatio sub mortali, est tamen effectus inseparabilis a voto, si sit in tali materia, nimirum gravi. Ergo sicut votum absolute non potest reperiri sine obligatione, sic votum in materia gravi nequit esse sine obligatione gravi.

Ratio 2. Ex opposita Sanchezii, & Suarezii sententia sequitur, esse in potestate hominis, vovere castitatem, & vota solemnia emittere, & se solum obligare sub veniali; quod est absurdum, & contra Ecclesiae usum. Ergo.

XXXIII. Oppono 1. contra Resp. 4. Suprà Tr. 6. Exam. 5. n. 67. admissum fuit, quod Lex humana in materia gravi ex intentione Legislatoris possit obligare solum sub veniali: Sed Votum est quædam Lex propria voluntate posita. Ergo.

1. Obligatio sub mortali non est de essentia voti, quia alias conveniret omni voto. Ergo per intentionem potest ab eoleparari.

3. Adus agentium moralium non agunt ultra intentionem illorum: sed vovens est agens quoddam morale. Ergo.

4. In facultate voventis est, sua intentione determinare tempus impletionis voti, ut patet ex S. Thom. a. 3. ad 3. Ergo & gravitate obligationis.

5. Vovens sua intentione potest se solum obligare ad pœnam. Ergo etiam ad culpam solum venialem in materia gravi. Consequenter: quia facilius videtur esse, minuire culpam, quam eam commutare in pœnam.

6. Vota Tertiariorum in communi non videntur Ordinis nostri, & Fratrum Minorum, ne quidem sub veniali obligant, ut constat ex eorum Statutis a Papa approbatis. Ergo.

Ad 1. patet Resp. ibidem num. 68. ad 6.

Ad 2. patet ex Confirm. Rationis primæ.

Ad 3. diff. maj. Ubipossunt agere, conc. Ubi non possunt, nego. Dictum est autem, quod quantitas obligationis pensetur in voto ex quantitate, & natura objecti, & voluntas voventis solum se habeat præsuppositivè.

Ad 4. N. conf. Quia tempus impletionis merè extrinsecè se habet ad votum; secus est de obligatione, ut patet ex Ratione 1. & Confirmatione.

Ad 5. diff. ant. Ad pœnam in conscientia tamen subeundam, conc. secus, N. ant. & conf. Si quis ergo faciat votum pœnale, v. gr. Voveo jejunare, & si non jejunavero, subibo talem pœnam, v. g. disciplinam, seu flagellationem corporis, vel cilicium, aut elemosynam, ibi est duplex votum, & duplex obligatio: Una absoluta ad aum, altera conditionata (si nimirum prior violetur) ad pœnam, etiam in conscientia, & sub mortali, si res gravis sit, solvendam: præsertim quia non solvendo, utramque obligationem violat. Vide de lege pœnali Tract. 6. Exam. 5. n. 66.

Ad 6. Resp. 1. cum de la Cruz in præfenti, illa non esse vota perfectè, & simpliciter, de quibus hic loquimur, nec eam, qui illa violat, formaliter facere contra virtutem Religionis. Unde & Donatus noster Tom. 4. Tract. 2. qu. 2. num. r. ait, quod Status Tertiariorum S. Dominici, & S. Francisci, ac similia, non sit verè Religiosus.

Resp. 2. Quod, ut ex Statutis eorum patet, obligant se solum sub pœna, quam, dum infligitur, tenetur in conscientia subire juxta antedicta.

XXXIV. Quomodo cognoscis, materiam voti esse gravem, vel levem?

Dico, cognosci 1. ex prudentum arbitrio. 2. Considerando, an honor Dei inde proveniens sit exiguus, vel notabilis. 3. Si sit talis, ut reputaretur levis, si Ecclesia eam præciperet, censenda est levis; vel e contra. Vide Tr. 6. Exam. 5. n. 67. ex quibus Regulis cognoscatur gravitas, vel levitas materiæ respectu Legis humanæ.

QUÆRO V. Ad quid tenetur, qui vovit ingredi Religionem? In qua ætate puer potest eam vovere? & quo tempore quodvis votum implendum est?

XXXV. Resp. 1. Qui vovit ingredi Religionem cum expressa intentione omnes Religionem etiam in partibus remotissimis adeundi, usque dum recipere, tenetur per se loquendo ita facere.

Ratio 1. Intentio judicat omnes.

Dixi, per se loquendo; quia per accidens potest ab hoc debelligari, ut si impedimentum, ob quod non admittitur in vicinioribus Religionibus, vel Convētiis, militet pro omnibus aliis; Tunc enim cēsetur esse moralis impossibilitas.

Resp. 2.

*Resp. 2.* Qui Religionis ingressum vovet secundum communem modum vivendi, non tenetur adire omnes Religiones ubique terrarum repe-ribiles, sed arbitrio prudentis relinquendum est, quæ Monasteria, & in qua distantia debeat adire, & tunc conditione personæ, quæ tamen debet sic obligari, ut in voti impletiōe sentiat aliquam difficultatem.

*Ratio:* Impletiō Voti semper explicanda est juxta prudentem intentionem voventis.

*Resp. 3.* Qui vovet hanc Religionem, tenetur adire aliquot ejus monasteria, prout prudens de eorum numero, vel distantia judicaverit; si non recipiatur, est liber. Idem est de eo, qui vovet ingredi hoc monasterium, si in eo non recipiatur.

*Ratio:* Quia in eo voto intelligitur hæc conditio. Si me receperint. Vide S. Thomas hic q. 189. art. 3. ubi hanc materiam explicat.

*Resp. 4.* Talis vovens, non receptus, vel juxta ab ingressu impeditus non tenetur postea ex vi hujus voti ad castitatem.

*Ratio:* Deficiente primario deficit secundarium: Sed primarium obiectum talis voti est ingressus, quem consequuntur deinde statuta (statu ejusmodi). Ergo. Simile est in eo, qui vovet Sacerdotium, & postea ex quodam impedimento non fit Sacerdos, ille non tenetur orare horas, excludo omni alio sacro Ordine.

*Resp. 5.* Etatem, in qua puer potest Religionem vovere, explicat S. Doct. a. 9. in c. dicens: Si puer, vel puella ante pubertatem a nos nondum habeat usum rationis, nullo modo potest ad aliquid se voto obligare. Si vero ante pubertatis annos attingit usum rationis, potest quidem, quantum in ipso est, se obligare, sed votum ejus potest irritari per parentes, ut dicitur postea. Hæc S. D. loquens de voto simplici. De solemnibus alius Statutum Ecclesiæ de anno 16. ætatis completo. Sunt autem anni pubertatis pro femina 12. pro viro 14.

*Resp. 6.* Votum absolutum (id est, non dependens ab aliqua conditione prius implenda, de quo supra dictum) debet impleri, quamprimum commodè potest, attenta qualitate personæ, aliisque circumstantiis. S. Thom. art. 3. ad 3.

*Ratio:* Quia aliis vovens incurrit notam morosi debitoris, & peccat contra fidelitatem.

*Resp. 7.* Qui voto præfixit certum tempus, tenetur tali tempore implere, non implendo peccat. S. Thom. cit.

*Ratio:* Quia sic se obligavit. Pro cujus intelligentia

Nota, Impletiōi voti dupliciter posse præfigi tempus. 1. Ut principaliter respiciatur tempus, & ob speciale temporis sanctitatem actio, seu votum alligetur huic temporis, seu sit onus diet, v. gr. votum jejunandi in honorem B. Virg. die Sabbati. 2. Ut principaliter intendatur actio, tempus verò minus principaliter,

ut votum jejunandi, vel Religionem intrandi intra mensem. Quo notato

*Resp. 8.* Si votum sit factum primo modo, licet non implendo illud peccetur, elapso tamen tempore cessat obligatio voti: in secundo verò sensu manet obligatio ejus.

*Ratio:* In primo casu, tempore transacto votum factum est impossibile, quia ejus impletiō fuit onus solius illius diei. Sicut ob eandem causam, qui omisit jejunium, vel Missam in die præcepto, licet mortaliter peccaverit, ad nihil amplius tenetur. In secundo verò casu voti impletiō manet possibilis, & intentio voventis non fuit limitata ad hoc præcisè tempus, seu mensem. Ergo debet implere altero mense.

Fateor tamen, quod si quis impletiōi voti præfixisset mensem, & prævideret in fine mensis se impediendum, teneatur prævenire; sicut prævenire tenetur, qui die festo prævideret se impediendum ab audienda ultima Missa.

**QUÆRO VI.** Quid faciendum illi, cui votum ex toto, vel ex parte est factum impossibile?

**XXXVI.** Ante *Resp. Not.* materiam voti aliquando esse indivisibilem, ut votum de ædificando Templo in eo loco, ubi templum est necessarium, & non sufficit Cappella; votum de jejunando in pane, & aqua die Veneris: aliquando verò divisibilem, ut votum de jejunando per totam septimanam, votum dandi Ecclesiæ 100 imperiales. Hoc notato

*Resp. 1.* Si materia voti sit indivisibilis, si una ejus pars facta sit impossibilis, non tenetur vovens implere alteram (licet sit de consilio) nisi ejus intentio fuerit ad singulas partes divisim se obligandi. Unde qui vovit præcisè Templum, quod ædificare est ei factum impossibile, non tenetur ædificare Cappellam, nisi prudenter judicetur, quod intentio se ad illam extenderit. Qui vovit jejunare die Veneris, & infirmatur, deobligatur, &c. Si verò materia sit divisibilis, tenetur quod potest, v. g. jejunare per unum, alterumve diem in septimana, dare 50. si non possit 100. salva congrua sua sustentatione, & familiæ.

*Ratio 1. p.* Intentio enim voventis non fuit aliter se obligandi. Ergo.

2. Pars patet ex illa Regula Juris: *Utile per inutile non vitiatur.*

*Resp. 2.* Si pars impossibilis esset principalis intenti, v. gr. peregrinatio pedestris, & pars possibilis esset accessoria solum, ut oblatio, ad nihil tenetur, qui v. gr. vovit peregrinationem, & oblationem. Si verò oblatio esset principalis intenti, ut si esset in magna quantitate, teneretur eam mittere: si etiam posset peregrinari equo, teneretur ad id, dum non potest pedester, uti vovit.

& ratio: Accessoriū sequitur suum principale.

*Resp. 3.* Qui post votum simplex castitatis contrahit, & consummat (in quogruaver peccat) matrimonium, tenetur illud servare quantum est in se, id est, debuit non petere nisi obtemperat dispensatione; tenetur tamen uxori petenti reddere.

*Ratio:* Quia talis per votum se privavit iure petendi; uxorem verò innocentem iure suo privare non potest.

Ex his sequitur talem mortua uxore teneri integrè ad castitatem.

Sequitur secundo, eam, quæ vovit virginitatem, & postea fuit corrupta, teneri deinde servare continentiam.

*Quid si votum non sit quidem factum impossibile, attamen difficile?*

*Dico:* Non tolli obligationem, sed dari solum animum facilitatis dispensandi.

**QUÆRO VII.** Licetne alicui vacare suis negotiis temporalibus occasione voti peregrinationis? Et quæ sunt causæ illud differendi?

*XXXVII. Resp. 1.* Ei, qui vovit peregrinationem piam, & meritoriam (uti ordinariè homines vovere solent) non licet negotiis temporalibus vacare nisi voto expleto, tunc enim licet; nisi etiam voverit pium redditum.

*Ratio:* Tum quia principalis intentio erat instituere iter religiosum, quod salvatur sine pio reddito.

*Resp. 2.* Inter cæteras sunt duæ speciales causæ differendi votum. 1. Notabilis incommoditas in implendo. Cum enim votum sit voluntaria promissio, explicandum est secundum rationabilem intentionem voventis: Sed is non censetur se obligasse ad statim implendum cum gravi sua incommoditate. Ergo.

*Secundo,* est spes votum alio tempore implendi promptius, devotius, & cum minori distractione. Sic enim cedit ad ampliorem Dei honorem, quem vovens intendit.

*Quid si voveris, tecum peregrinatum ducere aliquem, qui renuit comitari?*

Teneat adhibere diligentiam ad illum ad id animandum, & per hoc satisfacere, si renuat; quia executio non est in mea potestate?

**QUÆRO VIII.** Quot modis votum tollitur?

*XXXVIII. Resp.* varii sunt modi: 1. per simplicem cessationem. 2. per irrationem. 3. per dispensationem. 4. per interpretationem. 5. per redemptionem. 6. per commutationem.

*Explicantur singuli modi.*

*Primus modus:* patet ex dictis antea num. 36. de casu, si votum fiat impossibile. Item ex casu, quo quis vovit, non ire per certam plateam, aut non intrare talem domum ob occasionem, quæ ibi datur, quæ si omnino sit sublata, cessat

votum. Huic modo addi potest modus cessandi per condonationem promissarii, uti postea num. 56. dicitur de iuramento.

**XXXIX. 2.** *Irritatio est rescissio voti, quæ Superiori votum sui subditi annullat, siue causam habeat, siue non, quia subditus suo voto non potest Superiorem ligare. Hinc nequit fieri nisi per potestatem dominativam; Qualis est in parentibus respectu filiorum, in domino respectu servorum, seu mancipiorum, in marito respectu uxoris, in Prælati respectu subditorum. Tamen certum est, posse Superiorem peccare interdum, irritando sine causa subditi votum, ut id saluti eius spirituali esset valde utile. Ex quo*

*Sequitur 1.* Quod parentes possint irritare omnia vota tam personalia, quam realia suorum filiorum emissia ante annos pubertatis, quia usque ad eos iure naturæ in omnibus suis actibus subduntur parentibus, eorumque loco tutoribus; & deest eis perfectus usus rationis, ut patet ex S. Thom. art. 9. Quod parentes possunt, licet ante illos annos in filiis malitia suppleat ceteram, seu jam habeant perfectum ulum rationis, hoc enim est per accidens: Lex autem attendit ea, quæ sunt per se, ait S. D. Cæterum vota filiorum purè personalia post pubertatis annos facta, parentes, vel tutores non possunt irritare, bene tamen realia ante annum 21. facta, juxta S. Thom. art. 8. ad 2. quia usque eo filii non sunt lux potestatis, quantum ad dispensationem domesticam. Quoad vota mixta aliqui dubitant. Saltem certum est, quod parentes possint ea suspendere pro tempore, si ex eorum impletionem sentiunt aliquod damnum in re domestica ob defectum servitii filii. Matri viduæ non Tutricidicta potestas non competit. Uti nec vivente patre ei competit, bene tamen eo defuncto, si sit Tutrix, vel Curatrix impuberis.

*Sequitur 2.* Quod domini possint irritare vota realia suorum mancipiorum, immò & personalia, ex quibus damnificantur, ut votum orandi, peregrinandi, jejunandi, Religionem assumendi. Dixi, ex quibus damnificantur; unde id non tenet de voto castitatis, aut non blasphemandi, &c.

*Sequitur 3.* Maritum posse irritare vota uxoris, v. gr. jejunandi, peregrinandi, eleemosinam dandi, &c. etiam facta ante matrimonium. Quia Uxor subditur Viro ut Capiti: Secus est de voto non petendi debitum. Quia in pertinentibus ad Matrimonium sunt pares, per verò in parem non habet imperium. E contra uxor nullum viri votum potest irritare, quia in nullo est Superiore ius.

*Sequitur 4.* Quod Prælati (idem est de Abbatibus, Prioribus, &c.) possint irritare omnia vota (præter Regulam facta) suorum subditorum, nec illa ullatenus sunt firma, nisi Præla-

tus

tus annuat, quæ conditio in iis subintelligitur. Ratio patet ex totali traditione Religiosi in voluntate Superioris ut Capituli. Excipitur votum transiendi ad archiorem Religionem, aut superiorem statum.

XL. 3. *Dispensatio* suprâ Tract. 6. Exam. 5. n. 90. explicata, & definita fuit, quod sit Juris relaxatio facta ab eo, qui habet potestatem relaxandi, seu auctoritatem publicam, qua deobligat subditum. Differt ab irritatione, quod hæc requirit potestatem dominativam, hæc vero jurisdictionis, illa sit valida, etsi fiat sine justa causa: Dispensatio verò ad sui valorem probabilius requirit justam causam.

*Ratio*: Tum quia potestas dispensandi Prælati data est in ædificationem, non in destructionem, uti tamen esset, si absque ulla ratione posset ea prohibitu uti. Tum quia Prælati non sunt Domini, sed Oeconomi in Ecclesia Dei, si autem Oeconomi debita Domini remitteret sine causa, illa remissio esset nulla, & simul peccatum. Ergo similiter.

*Quæ sunt iustæ dispensandi causæ?*

*Sunt* 1. Si obmutatas, vel repente occurrentes circumstantias ex solutio esset mala inutilis, aut majoris boni impeditiva. Si vovens sit in morali periculo transgrediendi votum, sive periculum oriatur ex vovens statu, ut patet in Conjugate voto castitatis obitridio, sive ex animi, corporalis fragilitate, modo non sit ex malicia. 3. Si dubium sit de emissionem voti. 4. Si sit emissum ex levitate, perturbatione, ira, mœrore, metu. 5. Si ejus impletio haberet extraordinariam quandam difficultatem.

*Quinam habent auctoritatem dispensandi in votis?*

*Habet* Papa in tota Ecclesia, Episcopus in sua Diocesi, & omnes habentes Jurisdictionem episcopalem, vel quasi-episcopalem, ut sunt Superiores Religionum respectu suorum subditorum (excipiuntur Curati, seu Parochi, ad omnia vota simplicia, Papæ non reservata, licet cedant in commodum alterius, modo hic nondum acceptaverit: alias non possunt sine ejus consensu, ut patet in voto elemosinæ a paupere acceptato).

*Quanam sunt vota Papæ reservata?*

XXI. *Sunt* 5. in quibus nec Episcopi, nec Religiosi possunt dispensare, sed solus Papa, nimirum Votum Religionis: Castitatis perpetuæ: Peregrinationis in Jerusalem; & ad S. Jacobum in Compostellam; Et ad Limina Apostolorum. In aliis votis possunt Episcopi, & Prælati exemptioni ordinariè dispensare cum suis subditis.

*Oppono*: Nemo potest dispensare in jure naturæ: Sed votum etiam simplex semel factum obligat jure naturæ. Ergo.

Ad hoc patet Resp. Tract. 6. Exam. 2. nu. 13.

Major enim est vera solum de dispensatione propriè dicta.

XLII. 4. *Interpretatio* voti est prudens iudicium, quo judicatur, votum aliquod particulare in hac persona, vel in hoc casu non habere, vel non necessariò retinere vim obligandi; quod potest esse sine dispensatione. Nam si aliquis voti observatio foret contra rectam rationem, sufficeret declaratio viri prudentis, etiam jurisdictione carens, asserentis votum, vel absolute, vel saltem in hoc casu non obligare.

5. *Redemptio* voti est, quando votum commutatur in aliquid, quod pauperibus, loco sacro, vel in usum belli sacri contra infideles est contribuendum. Sed hæc spectant ad commutationem, adeoque est idem cumea.

XLIII. 6. *Commutatio* voti est, quando pro eo, quod aliquis vovit, aliquid aliud faciendum, vel a Superiore injungitur, vel propria auctoritate legitime suscipitur, dum evidenter constat, illud, in quod votum a vovente commutatur, non solum ex genere suo, sed etiam omnibus circumstantiis pensatis esse voventi melius, & Deo gratius, ut si ipse vovens calicem argenteum, quem vovit, commutet in aureum. Verum, si quis vovisset jejunare, vel cilicium portare, non potest hoc propria auctoritate mutare in orationes, licet oratio sit adus præstantioris virtutis, nimirum Latræ: non enim semper Deo gratius, & nobis utilius facere id, quod est excellentius, sed quod pro loco, tempore, & dispositione nostra magis congruit saluti nostræ. Unde non potest ipsemet mutare in æquale.

Ad Commutationem requiritur 1. iusta causa, quales sunt adductæ pro dispensatione, quia mutare est minus quam dispensare. 2. Requiritur in commutante auctoritas Prælati, ut patet ex S. Thom. art. 12. nisi quando ipse vovens commutat in evidenter melius.

*Quinam possunt commutare vota?*

*Possunt* id omnes, de quibus antedixi, quod possint dispensare: sic ut is, qui etià ex commissione potest dispensare, possit & commutare.

*Ratio*: Quia hoc est minus illo, commutatio enim non tollit vinculum voti, uti dispensatio, sed mutat solum in aliam materiam. Vide dicta suprâ de dispensatione in Lege humana. Tract. 6. Exam. 5. n. 90. & seqq.

Not. quod, qui simul habet potestatem dispensandi, & commutandi, optimè faciat, si simul utatur utraque, ut dispensatio suppleat defectum, si quis forsan committatur in assignando novam voti materiam.

Dixi, qui simul habet; quia possunt separari illæ potestates: sunt enim, qui possunt commutare, & non dispensare, etiam in articulo mortis, licet possint absolvere a fractione voti etiam reservati. Qui tamen possunt vota commutare

mutare ratione auctoritatis ordinariæ, & non ex privilegio, possunt etiam in illis dispensare.

*Quid observandum in commutatione voti?*

**LXIV. Dico:** In illa omnia sunt accuratè taxanda, & notandæ hæc Regulæ.

*Prima*, ut Votum perpetuum regulariter mutetur in aliam obligationem perpetuam, ut ait Torre.

*Ratio:* Quia commutatio sonat æqualitatem rei ad rem.

*Secunda Regula:* Quantum possibile est, commutatio debet fieri in æquale, non quidem mathematicè, sed moraliter ad arbitrium boni viri, seclusa fraude, & ignorantia. Hinc in commutatione voti peregrinatione attendendi etiam sunt sumptus itineris, ait noster de La Cruz, demptis expensis, & sumptibus domi faciendis. Attendenda maxime est intentio votantis, an voverit ire sumptuosè, vel simpliciter, cum, vel sine famulatu.

*Tertia:* Securius est commutare, quàm dispensare. Quia pro dispensatione raro adeit sufficiens causa.

*Quarta:* Omnia vota tam realia, quàm personalia commutari possunt, & commutantur in vota, per quæ homo efficitur verus Religiosus. Unde S.D. h. c. 12. ad 1. ait. *Omnia alia vota sunt quorundam particularium operum, sed per Religionem hominum vitam suam Dei obsequio deputat, particulare autem in universali includitur. Et ideo decretalis dicit, quod reus voti fracti non habetur, qui temporale obsequium in perpetuam Religionis observantiam commutat. Nec tamen Religionem ingrediens tenetur implere vota, vel jejuniorum, vel orationum, vel aliorum huiusmodi, quæ existens in saeculo fecit, quia Religionem ingrediens moritur priori vita. Et etiam singulares observantia Religionis non competunt, & Religionis onus satis homines onerat, ut alia superaddere non oportet. Hæcibi.*

Exiçe cum Laymano vota simplicia in Societate Jesu edita, quia per hæc non extinguuntur, sed solum suspenduntur vota ante in sæculo facta; quorum obligatio redit in casu dimissionis Societate. Idem est de votis Novitiorum, saltem illis, quæ in eo statu implere non possunt.

*Quinta:* Consultius est, non tamen necessarium, vota realia commutare in realia, & personalia in personalia.

*Sexta:* Non debet attendi (ut ante infinuatum) valor, & præstantia operis secundum se, quia alias votum perpetuæ castitatis, & similia possent commutari in unicum Missæ Sacrificium, quia hoc est infiniti valoris, & infinite gratum Deo, sed debet commenfurari obligationi, & debito penitentis. Potest tamen interdum etiam spectari valor operis ad causandam gratiam: hinc merito credi potest, quod una hebdomadalis Confessio,

aut Communio æquivalet quotidiano Rosario.

*Septima:* Commutatio, aut dispensatio voti facta virtute Jubilæi, petentis iejunia, Confessionem, &c. non valet, si non impleantur requisita pro Jubilæo.

*Octava:* Commutatione voti in aliam materiam semel facta, non reviviscit prioris materiæ obligatio, licet vovens (nisi ex malitia) impotens fiat.

*Nona:* Facta commutatione in æquale potest vovens prohibito resumere primum votum. Quia hæc videtur esse intentio commutantis. Si verò est facta in melius, probabilis est, ait Lublino, non posse. Quia illa commutatio habet vim novi voti.

**XLV. Quidnam possunt Religiosi in commutatione votorum?**

In Tract. 14. de Cens. & Cas. reserv. Exam. 2. n. 74. patet, Confessarios Ordinis Prædicatorum posse in Pascha Resurrectionis, & quibusdam festivitatibus B. V. juramenta quæcunque sine alicujus præjudicio relaxare, ac vota quæcunque (exceptis quinque Papæ reservatis supra Exam. 3. num. 41. dictis) in alia pietatis opera commutare illis, qui albo Rosarii sunt inscripti. Vide infra Tract. 14. Exam. 2. num. 74.

Noster de la Cruz, l. 3. c. 6. dub. 8. absolute docet, Religiosos posse in quodvis opus pium commutare omnia vota, exceptis dictis quinque, & ita concessum esse Benedictionis ab Eugenio IV. & Societati a Paulo III. & Gregorio XIII. hanc concessionem extendisse ad vota jurata ejusdem materiæ, modò commutatio non fiat in præjudicium tertii.

Not. quòd, quamvis conveniens sit, ut dispensatio, & commutatio voti fiat in Sacramento Penitentiae, possint tamen Regulares hoc privilegio extra valide uti; licet enim hoc privilegium sit datum Confessario, hæc tamen vox, *Confessarius* non præcisè importat actuale exercitium audientiae confessionis, sed officium, & approbationem pro eo acceptam.

*Quem penitet vovisse, peccatne?*

**XLVI. Dico:** Quem penitet voti cum intentione illud frangendi, peccat mortaliter, vel venialiter juxta quantitatem materiæ voti. Quia intentio illum judicat. Quem penitet, cum intentione tamen implendi, si nullam justam penitendi causam habet, peccat venialiter; si habet, potest nullum esse peccatum. Quem penitet votorum essentialium suæ Religionis, semper peccat saltem peccato veniali, quod sit de majoribus venialibus.

*Ratio:* Nulla datur causa, ob quam melius sit non emississe illa vota.

Not. posse in hoc casu tales accedere circumstantias, quæ faciunt mortale; ut si ex contemptu



tempu, inobedientia, nimia acedia pœniteat.  
**QUÆRO IX.** Quid Papa potest circa vota solemnia?

**XLVII.** Resp. cum S. Thom. hic q. 88. a. 11. in c. Papa potest quidem ex rationabili causa dispensare in voto solemnizato per susceptionem Ordinis sacri, nontamen potest in ullo casu, etiam communis utilitatis, & necessitatis alicujus Regni dispensare in voto solemnizato per professionem Religionis. Hujus 2. partis oppositum. S. D. aliquando docuit in 4. d. 38. q. 1. a. 4. q. 1. ad 3. antequam Summam Theologicam componeret, in qua clarè docet, non posse dispensare, licet a multis extraneis, & quibusdam Thomistis explicetur, non posse dispensare, Monacho manente Monacho, ut Uxorem ducat; posse autem facere ex Monacho non Monachum. Audiantur verba S. Th. cit. a. 11.

In Sed Contrà adducit Decretalem Innocentii in c. Cum ad monasterium, dicentis : *Abdicatio proprietatis, sicut etiam custodia castitatis, adeo annexa est Regula monachali, ut contra eam nec Summus Pontifex possit indulgere.*

In c. art. ait sic: *Sicut habetur Levit. ultim. quod semel sanctificatum est Domino, non potest in alios usus commutari; non potest facere aliquis Ecclesiæ Prelatus, ut id, quod est sanctificatum, sanctificationem amittat, etiam in rebus inanimatis, puta, quod calix consecratus destinatus esse consecratus, si maneat integer. Unde minus potest facere hoc aliquis Prelatus, ut homo Deo consecratus, quamdiu vivit, consecratus esse desinat. Solemnitas autem voti consistit in quadam consecratione, seu benedictione. Et post pauca: Papa non potest facere, quod ille, qui professus est Religionem, non sit Religiosus, licet quidam Jurista ignoranter contrarium dicant. Ecce quàm clarè dicat S. Thomas, quod Papa non possit ex Monacho facere non Monachum. Quod autem non possit facere, ut manens Monachus nubat, patet, quia subdit:*

*Est ergo considerandum, utrum continentia sit essentialiter annexa ei, ad quod votum solemnizatur: si non est, potest manere solemnitas consecrationis sine debito continentia. Non est autem essentialiter annexum debitum continentia Ordini sacro, sed ex statu Ecclesiæ: est autem essentialiter status Religionis. Ex quo patet Ratio, cur Papa possit dispensare in voto continentie Ordinis sacri.*

In R. ad 1. dicit: *Periculis rerum humanarum obviandum est per res humanas, non autem per hoc, quod res divina convertantur in usum humanum. Professus autem Religionem mortui sunt mundo, & vivunt Deo. Unde non sunt revocandi ad vitam humanam occasione cuiuscunque eveniens. Unde bono communi peri-*

*clitanti succurrendum est per alia media licita, & proportionata, ut per orationes, exhortationes, consultationes, &c.*

In R. ad 4. inquit: *Religiosus, qui suscipitur, sicut non absolvitur a voto continentie, ita nec a voto paupertatis, quia nihil debet habere tanquam proprium, sed sicut dispensator communium bonorum Ecclesiæ. Similiter non absolvitur a voto obedientie, sed per accidens obedire non tenetur, quia Superiorem non habet.*

Ex dictis sequitur, quod, quamvis solemniter vovens posset voto adicere hanc conditionem, *nisi Papa dispensaverit*, de facto tamen in eo non subintelligatur, immò potius oppositum, quia promittit castitatem usque ad mortem. Aliud est de voto simplici, in quo diximus, Papam posse dispensare, improprie saltem: nam in eo tantum est promissio sine traditione: in voto autem solemniter est absoluta, & totalis traditio, & acceptatio, quæ de causa hoc dirimit Matrimonium, non ex statuto Ecclesiæ, sed jure naturæ, & divino absoluto, ut probatur infra Tract. ult. Exam. 6. Q. 2. n. 66. 67. 68. in quo Papa dispensare acquirit.

Ex quo patet Ratio fundamentalis nostre sententiæ.

Nota, in voto solemniter duplicem esse solemnizatem. Una est accidentalis, & cœremonialis, consistens in illo ritu, modo, & benedictione, cum quibus exterius fit, & hæc ex sola constitutione Ecclesiæ est inventa, estque conditio, sine qua non, ut teneat altera, quæ est essentialis, consistens in totali, & absoluta Religiosi traditione, in manu Superioris, loco Dei acceptantis, facta ad servanda ea, quæ promittuntur. Et hæc obligat absoluto jure divino; & a Papa est indispensabilis.

Quomodo ergo salvabis, quorundam Pontificum dispensationem cum quibusdam Monachis factam, in specie cum Calimiro hujus nominis primo, Rege Poloniæ, in Monasterio Cluniacensi professore, ac Diacono? Quam ob causam omnes Poloni a Sede Apostolica fuerunt obligati, prout etiam acceptarunt, portare rotundam instar Monachorum in capillis coronam, infra aurículas non descendentem. Item, ut in festivitibus, dum sunt Sacra, omnes Equites portent candidam fasciam & collo fufusculum in modum Stolz, quæ autunt Diaconi.

Dico, Fuisse secutos sententiam ob multorum DD. auctoritatem eis viam probabilem, vel etiam probabiliorem. De quo vide in Tract. 2. de conscientia, ubi explicatur Q. 3. ante R. 1. Ex quibus dispensationibus saltem hoc eruitur, quod illi Pontifices fenserint, quod non possint facere ex Monacho non Monachum, quia quorundam dispensationes fuerunt ita limitatæ, ut dispensati postea debuerint redire ad monasterium, & tamen nullibi legitur,

gitur, quod de novo fecerint professionem premissio novo anno probationis; quod tamen fuisset necessarium. Immo interdum fuerunt tantum declarationes nullitatis Professionis, utpotè ex gravi metu factæ, &c.

**XLVIII. Oppono 1. Bullæ Gregor. XIII. Quamvis fructuosus. Et, Ascendente Domino;** declarant, Jesuitas per sua vota simplicia ante Professionem facta heri verè, ac propriè Religiosos, non minus ac hunc alii Religiosi per sua vota: Sed hoc non obstante Papa potest dispensare in votis simplicibus Jesuitarum. Ergo etiam in solemnibus, &c.

2. Calix consecratus manens consecratus potest ex dispensatione ratione necessitatis adhiberi ad usum profanum. Ergo & Religiosus ad usum Matrimonii.

3. Accidens commune, seu quinti Prædicationis potest realiter tolli a subiecto: Sed Monachus respectu hominis est tale accidens. Ergo.

**Ad 1. dist. maj.** Fiunt verè Religiosi, conditionati tamen, id est, obligati se quandiu manent in Societate, seu si non dimittantur, conc. maj. Absolutè tales, seu cū perfecta, & absoluta traditione, & acceptatione, nego maj. & concessa min. nego conseq. Unde Valquez statuit hanc differentiam, quod nimirum traditio in votis simplicibus Jesuitarum sit temporanea, & ad nutum Præpositi Generalis iuxta causas in Constitutionibus Societatis expressas, quia obligant se per eam Societati, sed non è contra: in solemnibus verò est perpetua ex natura sua. An vota S. J. dirimant matrimonium contractum, vel contrahendum, vide infra Tract. ult. Exam. 4. Q. 3. n. 49. Et Exam. 5. q. 2. n. 54. & 55.

**Ad 2. Negatur conf. Disparitas est:** Quia Religiosus totaliter tradit seipsū secundum quamcunque rationem ex ejus libertate pendente, nec ullam conditionem etiam implicite apponit, ut anto dictum est; calix verò consecratus est res inanimata, & in consecratione merè passivè se habet, adeoque magis dependet ex voluntate supremi consecrantis, qui in terris est Papa Christi Vicarius. Accedit, quod sit consecratio quasi simplex, non sollemnis.

**Ad 3. dist. maj.** Potest tolli semper per quemcunque, nego; nam etiam albedo in nive est accidens commune, & tamen non potest per quemcunque tolli, & tamen manet nix. Potest tolli per eum, qui habet potestatem, quæ respectu voti sollemnis monachalis est in Deo solo, conc. min. & concessa min. dist. similiter conseq.

Not. quod votum simplex, & sollemne, in quantum subsunt eidem rationi formali Religionis, sint quidem ejusdem speciei, differant tamen specie saltem materiali, quoad actus imperatos (qui sunt sola promissio in simplici, absoluta traditio, & acceptatio in solenni) ex quibus habent, vel non habent indispensabilitatem. Vide Tract. ult. Exam. 6. Q. 2. n. 66. & seqq.

## E X A M E N I V.

*De Juramento 2. 2. q. 89. per 10. artic. De Perjurio q. 98. per 4. art. De Mendacio q. 110. per 4. art. De Sacrilegio q. 99. per 4. art. De Maledictione q. 76. per 4. art.*

**H**æc omnia contraho in unum Examen propter connexionem, quam inter se habent, & explicabuntur suo ordine.

### Juramentum, Perjurium.

**QUÆRO I.** Quid, cujus virtutis actus, & quotuplex, ac quantæ obligationis est juramentum, & perjurium?

**XLIX. Resp. 1.** Jurare, est Deum in testem assumere ad confirmandum aliquid dictum, vel factum; cum enim in rebus humanis non possumus semper habere certitudinem ab homine, quasi pro jure introducendum est, ait S. Doct. art. 1. in c. ut, quod sub invocatione divini testimoniū dicitur (cū illud infallibile sit) pro vero habeatur. Ex his ab opposito patet, quid sit perjurium, nimirum violatio juramenti, qui violans vocatur perjurus. Vel invocatio divini Numinis in testimonium falsitatis.

**Resp. 2.** Formulæ jurandi omnino certæ sunt: Deum testor; Testem advoco Deum; Per Deum juro; Testis sit mihi Deus; Quam verè Deus vivit; Quam verè vivit anima mea: Per Evangelium, per Crucem, per Sanctos, per Cælum, per animam, vitam, salutem; Per caput S. Petri Apostoli. Pro quo

Nota, quod, dum per creaturas juratur, ipsis non tribuitur infallibilis veritas, hoc enim esset blasphemum, cū illa soli Deo conveniatis; sed juratur per eas, in quantum in eis Deus representatur, aliàs non est juramentum. Hinc Deus in testem potest adduci dupliciter, nimirum explicitè, ut in prioribus exemplis; vel implicite, ut si in dicto sensu juretur per creaturas.

**Resp. 3.** Formulæ jurandi dubiæ (de quibus Theologi inter se certant, an sint verè tales) sunt: Deus videt, vel audit, me verum dicere; Dico hoc coram Deo; In animo meo; In conscientia mea; In fide honesti viri; Vel Christiani. Verum in his distinguendum est. 1. Vim juramenti habent in illis locis, ubi moris est sic jurare, non apud alios. 2. Vim juramenti habent, si proferantur cum intentione jurandi. 3. Si proferantur per modum invocationis; secus si tantum per modum enuntiationis.

**Resp. 4.** De essentia juramenti non est, ut fiat verbis propriè dictis, cū mutus jurare possit.

possit per nutus, & in quibusdam locismoris sit, ut mares jurent, etiam coram Judice, per tactum sui pectoris, vel erectis duobus superioribus digitis, & scemine, manum dextram imponendo sinistræ mamillæ: immò potest fieri juramentum absque ullo sensibili signo, mentaliter Deum testem invocando.

*Resp. 5.* Juramentum, debitis conditionibus R. 6. assignandis vestitum, non solum est licitum, sed est actus virtutis Latritæ, seu Religionis.

*Ratio 1.* partis datur a S. Thom. art. 2. in dicente: *Juramentum secundum se est licitum, & honestum, quod patet ex origine, & fine.* Ex origine quidem quia est introductum ex fide, quia homines credunt Deum habere infallibilem veritatem, & universalem omnium cognitionem, & provisionem. Ex fine autem, quia juramentum inducitur ad justificandum homines, & ad finiendum controversias, ut dicitur ad Hebr. 6. Hæc ibi.

*Oppono:* Tentare Deum est illicitum: Sed Deum invocare testem, est tentare Deum. Ergo Min. prob. Exquirere signum divinæ providentiæ, est tentare Deum: Sed jurans querit tale signum, quia petit divinum testimonium, quod sit per aliquem evidentem effectum. Ergo.

Ad hoc S. D. a. 2. ad 3. sic ait: *Ille jurat, qui non tentat Deum, quia non implorat Divinum auxilium absque utilitate, & necessitate. Et præterea non exponit se alicui periculo, si Deus testimonium adhibere noluerit in præsentia: adhibere autem pro certo testimonium infuturo, quando illuminabit abscondita renebrarum, & manifestabit consilia cordium.* 1. Cor. 4. Et illud testimonium nulli juranti deficit, vel pro eo, vel contra eum.

*Ratio 2.* partis datur a S. Thom. art. 4. in c. dicente: *Qui jurat, invocatur divinum testimonium ad confirmandum ea, quæ dicit. Nihil autem confirmatur, nisi per aliquid, quod certius est, & potius.* Et ideo in hoc ipso, quod homo per Deum jurat, proficitur Deum potiorum, utpote ejus veritas est indefectibilis, & cognitio universalis. Et sic Deo aliquo modo reverentiam exhibet. Unde & Apostolus dicit ad Hebr. 6. quod homines per majorem sui jurant. Exhibere autem reverentiam Deo, pertinet ad Religionem, seu Latritiam. Ergo.

*Resp. 6.* Ut juramentum sit licitum, & actus virtutis, petit tres comites, ut sunt iudicium, veritas, & iustitia. S. D. art. 3.

*Declarat* hoc S. Thom. dicens: *Ad bonum usum juramenti duo requiruntur: Primum quidem, quod aliquis non leviatur, sed ex necessitate casus, & discedere juret. Et quantum ad hoc requiritur iudicium, scilicet discretionis, ex parte jurantis. 2. Quantum ad id, quod per juramentum confirmatur, ut scilicet, neque sit falsum, neque sit aliquid illicitum. Et quantum ad hoc requiritur*

*veritas, per quam aliquis juramento confirmat, quod verum est. Et iustitia, per quam confirmat, quod licitum est. Iudicium autem caret juramentum incautum, veritate autem juramentum mendax: Iustitia autem juramentum iniquum, si-  
vus illicitum. Hæc ibi.* Pro quorum intelligentia.

*Nor.* Per iudicium hic intelligi discretionem. seu prudentiam: non enim sufficit, esse vera, quæ jurantur, nisi jurentur prudenter: id est, adhibita debita cautione, & consilio, ad quod requiruntur tria. 1. Ut, quæ possunt probabiliter juramento, per illud non confirmantur. 2. Ut non iuretur ex quavis levi causa, sed ex gravi. 3. Ut præcedat matura consultatio, ne falsum juretur pro vero. Hinc pauci ante annos discretionis validum juramentum præstare nequeant. Per veritatem non intelligitur (uti a Metaphysicis) adequatio rei ad intellectum, quin ut res a parte rei ita se habeat; sed intelligitur quædam conditio externi sermonis, ut nimirum concorder cum animo, existimante certò ita esse, ut dicitur, licet invincibiliter erraret: cset enim perjurium solum materiale. Per iustitiam in præsentia intelligitur honestas ex parte materiæ, ut scilicet res sit iusta, & honesta: non quod honestas necessariò se debeat tenere ex parte objecti, nisi sit juramentum promissorium, sed ex parte causæ moventis ad jurandum, nam in juramento a selectorio objectu potest esse iniquum, v.g. furtum, homicidium, &c. fed causa movens semper debet esse honesta, v.g. honor Dei, bonum commune.

*Resp. 7.* Juramentum dividitur t. in simplex, seu invocatorium, quo Deus solum simplici contestatione in testem assumitur, v.g. Deus sit mihi testis: & in execratorium, seu imprecatorium, quo Deus non solum invocatur, ut testis, sed etiam ut vindex falsitatis, quod est gravissimum jurisjurandi genus, ut si jurans Deum invocet, ut sibi, vel alicui sibi dilecto hoc, vel aliud malum immittat, si verum non dicat, v.g. puniat, damnet me Deus, faciat, ut sanus hinc non discedam, faciat, ut meos filios vivos non videam, permittat, ut diabolus me rapiat, fulmen me percutiat, &c. in quibus casibus si falsò juretur, indubiè graviter simul contra Charitatem proximi peccatur, quod in Confessione explicandum est. Plura de hoc vide in fine hujus Exam. 4. n. 65. de maledictione.

*Dividitur 2.* in a selectorium, & promissorium. Per primu a selectorium, seu affirmatur veritas præterita, vel præsens. Per secundum promittitur aliquid futurum. Aliqui addunt comminatorium, v.g. Per Deum, de lumbis te. Sed hoc potest reduci ad promissorium.

*Dividitur 3.* Vel potius subdividitur Juramentum in iudiciale, & extrajudiciale. Primum est, quod a Lege, vel Superiore deferretur ad litem terminandam, fidem profitendam, ad

criminis purgationem, &c. Alterum est, quod deferretur, vel suscipitur extra iudicium. Primum subdividitur in necessarium, nimirum a iudice delatum; & voluntarium, ac conventionale, a parte delatum parti. Addi potest *iuramentum calumniae*, quod in principio, vel progressu litis Iudex alterutra parte exigente, tenetur deferre, alicui quidem, ut juret, quod non litiget animo calumniandi, sed existimet, quod bonam habeat causam: reo vero ut juret, quod existimet se habere jus ad resistendum alicui. Hoc iuramentum potest deponi per Advocatum, speciali tamen mandato ei facto: qui debet jurare non tantum in animam sui principalis, sed & propriam: quia, & ipse posset calumniari, injustam causam defendendo.

*Resp. 8.* Iuramentum obligat in conscientia S. Tho. 2. 7. minus tamen quam votum art. 8.

*Ratio 1. partis:* Quia agens contra iuramentum magnam irreverentiam facit Deo, faciens eum tellem falsitatis.

*Secunda Pars cum prima.* Declaratur a S. Tho. art. 8. in c. Obligatio voti causatur ex fidelitate, quam debemus Deo, ut scilicet promissum solvamus: obligatio autem iuramenti causatur ex reverentia quam debemus ei, ex qua tenemur, quod verificemus id, quod per nomen eius promittimus: Sed majus peccatum est Deo esse infidelem, quam irreverentem; omnis enim infidelitas irreverentiam continet, sed non e contra: Unde infidelitas (subditi ad dominum est maxima irreverentia. Ergo votum ex ratione sua magis est obligatorium, quam iuramentum.

Addit R. ad 1. Votum est promissio non quoniam sed Deo facta, cui infidelem esse, gravissimum est. Et ad 2. Iuramentum non adhibetur voto quasi aliquid firmitus, sed ut per duas res immobiles major firmitas habeatur. Hæc S. Thom. Vide Oppon. ad Q. 3.

**QUÆRO II.** Scilicet assignare casus, in quibus iuramentum non obligat?

*Resp. S. Thom. art. 7. ad 1. ait:* Obligatur homo, ut faciat esse verum, quod iuravit, secundum suam possibilitatem; nisi in deteriore exitum vergat; quod (ut ait ad 2.) potest fieri dupliciter:

*Uno modo,* quia ab ipso principio habet peiorem exitum, vel quia est secundum se malum: sicut cum aliquis jurat, se perpetraturum adulterium: five quia est majoris boni impeditivum, puta, cum aliquis jurat se non intraturum Religionem, vel quod non fiet Clericus, aut quod non accipiet prælationem in casu, in quo expedit eum accipere; vel si quid aliud est huiusmodi. Huiusmodi enim iuramentum a principio est illicitum, differenter tamen: quia si quis juret se facturum aliquid peccatum, & peccavit iurando, & peccat iuramentum servando. Si quis autem jurat se non fa-

cturum aliquid melius bonum, quod tamen facere non tenetur, peccat quidem iurando, in quantum ponit obicem Spiritui sancto, qui est boni propositi inspirator; non tamen peccat iuramentum servando; sed multo melius facit, si non servet. Alio modo vergit in deteriore exitum propter aliquid, quod de novo emergeret, quod fuit impræmeditatum: sicut patet in iuramento Herodis, quia iuravit puellæ saltanti se daturum, quod petisset. Hoc enim iuramentum poterat esse a principio licitum, intellecta debita conditione, scilicet si peteret, quod dare deceret. Sed impletio iuramenti fuit illicita. Unde Ambrosius dicit in 1. de Officiis. Est contra officium nonnumquam promissum solvere Sacramentum: sicut Herodes, qui necem Joannis præstavit, ne promissum negaret. Hæc S. Thom.

*Quid sentis de iuramento coactio? obligatio?*

*Ll. Dico cum S. Tho. 2. 7. ad 3. dicente:* In iuramento, quod quis coactus facit, duplex est obligatio. Una quidem, qua obligatur homini, cui aliquid promittit. Et talis obligatio tollitur per coactionem: quia ille, qui vim intulit, hoc meretur ut ei promissum non servetur. Alia autem est obligatio, qua quis Deo obligatur, ut impleat, quod per nomen eius promissit. Et talis obligatio non tollitur in foro conscientie: quia magis debet damnum temporale sustinere, quam iuramentum violare. Potest tamen repetere in iudicio, quod solvit, vel Prælato denuntiare, non obstante, quod contrarium iuravit: quia tale iuramentum vergit in deteriore exitu, et est enim contra iustitiam publicam. Romani autem Pontifices ab huiusmodi iuramentis homines absolverunt, non quasi decernentes huiusmodi iuramenta non esse obligatoria, sed quasi huiusmodi obligationes ex iusta causa relaxantes. Hæc ibi.

*Quid si non sit eadem intentio iurantis, & ejus, cui iurat?*

*Dico cum S. Tho. ad 4. dicente:* Si hoc proveniat ex dolo iurantis, debet iuramentum servari secundum sanum intellectum ejus, cui iuramentum præstat. Unde lūdorus dicit: Quæque arte verborum quis juret, Deus tamen qui conscientie testis est, ita hoc accipit, sicut ille, cui iuratur, intelligit. Et quod hoc intelligatur de dolo iuramento, patet per id, quod subditur: Dupliciter reus sit, qui & nomen Dei in vanum assumit, & proximum dolo capit. Si autem iurans dolum non adhibeat, obligatur secundum intentionem iurantis. Unde Greg. dicit 27. Mor. Humanæ aures talia verba nostra iudicant qualia foris sonant: Divina verò iudicia talia foris audiunt, qualia ex intemis proferruntur. Hæc ibi.

*Quæri hoc potest, an in iuramento liceat uti amphibologia?*

Sed ad hoc patebit postea, dum agetur de mediatio.

dacio. Si enim possit quis ea uti sine mendacio, potest etiam sine perjurio. Si verò non possit in uno, nec potest in altero. Excipitur tamen casus de adultera, de qua vide infra n. 62. in hoc Exam.

**QUÆRO III.** Obligatne sub mortali juramentū in re parva, sic ut in perjurio non detur parvitas materiæ? Item obligatne juramentum aliquando, maxime in re gravi, cum periculo vitæ?

**LII. Resp.** Juramentum etiam in re levi obligat sub mortali. Unde in perjurio formali, seu deliberato non datur parvitas materiæ faciens veniale. Potest etiam dari casus, in quo juramentum obliget cum periculo vitæ.

**Ratio 1. & 2. partis.** Quia Deum facere testem mendacii in omni casu est gravissima injuria Deo irrogata, nec unquam, si deliberatè fiat, veniale esse potest.

Addo ex S. Tho. q. 98. a. 3. ad 2. dicente: Ille, qui iocose perjurat, non evitat divinam irreverentiam, sed quantum ad aliquid magis augeat. Et ideo non excusatur a peccato mortali.

**3. Pars.** Declaratur cum nostro Corrado ex Cajet. Juramentum factum a captivo apud infideles per verum Deum, obstringit ad perfolvendum, nec scandalum oriatur. Non enim solum christiana familia, sed & Deus nosse contemptui apud illos tum maxime haberetur. Immo verò, si quis jurasset illuc redire, licet esset injustè captivus, nec redire posset sine periculo mortis, redeundum illi esset potius, quam si cum ingenui scandalo, periculoque contemptus Religionis nostræ, juramentum illi esset relaxandum.

Nota, inter 65. propositiones ab Innoc. XI. damnatas esse has duas num. 24. Vocare Deum in testem mendacii levis, non est tanta irreverentia, propter quam vult, ut possit damnare hominem. Et num. 25. Cum causa licitum est jurare sine animo jurandi: five res sit levis, five gravis.

**Oppono contra 1. partem:** Ante didū est, quod obligatio voti sit major, quam juramenti: Sed obligatio voti in re levi est levis. Ergo similiter.

Ad hoc R. docetram ante datam, & nunc objectionem, intelligi de juramento promissorio, quo quis se obstringit ad aliquid faciendum, vel non faciendum, idque solum quantum est ex genere suo, & obiecto: in individuo enim quandoque vinculum juramenti ratione materiæ est majus, v.g. frangens juramentum de dandis alicui centum ducatis gravius peccat ratione materiæ, quam is, qui frangit votum de danda elemosyna duorum grossorum. Similiter; qui violat juramentum promissorium Deo factum, gravius peccat, quam si sit factum homini, quia primum simul est votum, ideoque fractio habet duplicem malitiam, nimirum irreverentiam contra Deum, & infidelitatis. Ve-

tum obligatio juramenti assertorii est major, quam voti, in ejusque violatione Deus a jurante diceretur quasi ignorans, mendax, vel testis mendacii; nihil autem horum apparet in violatione voti, sed in ea solum non præstatur ei fidelitas.

**LIII. Pono casum:** Inter Christianos reus mortis dimittitur ex carcere, qui jurat se rediturum, teneturne redire?

**Dico:** Si detinetur iuste, & nullum habet periculum contemptus Dei, Fidei, & Religionis, tenetur redire, vel petere relaxationem juramenti. Si verò carcer sit injustus, & prævideat, se injustè vita privandum, non tenetur. Quia daret occasionem proximam gravissimo peccato, nimirum injusto homicidio, ad quod nullus juramento costringi potest. Vide supra Tracl. 6. Exam. 5. num. 66. quas actiones reus mortis ad sui occisionem teneatur ipse obire.

**QUÆRO IV.** Licetne Juramentum exigere ab eo, qui creditur pejeraturus? Vel per falsum Deum a Pagano?

**LIV. Resp. 1. ad 1. partem.** Ex justa causa ad instantiam partis id potest Minister Justitiæ, seu Judex, intendendo præcisè veritatem ad perjurium merè negativè se habendo; sed personæ privatæ non licet. Ita S. Tho. q. 98. a. 4.

**Ratio S. Thomæ, est:** Quia tunc non videtur exigere Judex, sed ille ad cujus instantiam ille exigit, qui exigendo inducit alterum sine utilitate ad peccandum.

**Resp. 2. ad 2. partem** quæsti patet supra Tracl. 7. Exam. 7. num. 145. ad 2. & 3. ex verbis S. Thom. ibi relatis.

**Oppono contra 1. partem:** Juxta dida supra licet petere usuras a parato dare, immò petere Juramentum ab eo, qui jurabit per falsos Deos: Ergo similiter.

Ad hoc N. conf. Quia in nostro casu scienter petitur perjurium, & peccatum, ac nulla intendi potest utilitas: alii in mutuo illo intenditur bonum utile petenti, & in juramento Pagani intenditur id veritatis confirmatio. Quod verò non fiat sine peccato, per accidens est respectu petentis, & provenit ex sola malitia usurarii, aut jurantis.

**QUÆRO V.** Etne juramentum, & licitum, dicere: Quod dico tam verum est, quam Evangelium, aut, quam quod Deus sit unus?

**LV. Resp.** Si ita loquens intendat veritatem humanam, seu creatam in robore comparare, vel equiparare veritati divinæ, aut evangelicæ: esset blasphemia, ut patet ex didis supra de illo vitio. Si verò solum intendat asserere talē rem proportionabiliter esse veram, uti verum est Evangelium, & quā verum est, Deum esse unum, suo modo esse juramentum. Sed hac in re vulgus non tam subtiliter philosophatur, nec ad talem verborum illorum sensum advertit, nec Deum in testem vocandi animus habet.

Hinc



Hinc defectu talis reflexionis talis locutio non exedit communiter culpam venialem verbi otiosi, si tamen scandalum desit.

**QUÆRO VI.** Quomodo tollitur juramentum?

**LVI. Resp.** Tollitur, ut de voto dictum est, i. per simplicem cessationem, ut si res jurata fiat impossibilis, unde S.D. art. 7. in c. ait, *Si, quod erat possibile, quando juravit, reddatur ei impossibile per aliquem eventum, puta, cum aliquis jurat se pecuniam solviturum, & qua ei postmodum vi, vel furto subtrahitur, tunc videtur excusatus esse a faciendo, quod juravit, licet teneatur facere, quod in se est.*

Secundo tollitur per irritationem, de qua S. Thom. art. 9. ad 3. in fine ait: *Ad unumquemque pertinet irritare juramentum, quod a sibi subdici factum est, circa ea, quæ ejus potestati subdantur; Sicut pater potest irritare juramentum puella, & vir uxoris, ut dicitur Num. 30. Sicut supra de voto dictum est.*

Tertio tollitur per condonationem juratarii. Pro quo

Notanda sunt verba S. Thom. ibidem ad 2. dicentis: *Quando quis alteri sub juramento promittit aliquid pertinens ad utilitatem ipsius, puta, se ei servitutum, vel pecuniam daturum, a tali promissione potest absolvi ille, cui promissio facta est. Intelligitur enim iam illi solvisse promissum, quando facit de eo secundum voluntatem.* Hoc idem intelligi potest de condonatione voti, prout explicatur infra de Sponsal. Tr. ult. Exam. 2. num. 24.

Quarto tollitur dispensatione, vel commutatione, proportionabiliter uti de voto dictum est. Ad hoc propositum S. Thom. art. cit. ad 3. sic ait: *Quandoque aliquid sub juramento promittitur, de quo dubium est, utrum sit licitum, vel illicitum, proficuum, vel nocivum, aut simpliciter, aut in aliquo casu: & in hoc potest quilibet Episcopus dispensare. Quandoque vero sub juramento promittitur aliquid, quod est manifeste illicitum, & inutile. Et in tali juramento non videtur habere locum dispensatio, vel commutatio, nisi aliquid melius occurrat ad communem utilitatem faciendum: quod maxime videtur pertinere ad potestatem Papæ, qui habet curam universalis Ecclesiæ. Vel etiam absoluta relaxatio, quod etiam ad Papam pertinet. Hæc S.D. Vide dicta de voto, & hic applica, sed feruata proportionem.*

Mendacium Quæst. 110. per quatuor art.

**QUÆRO VII.** Quid, & quotuplex est quantum, & in omni casu, peccatum?

**LVII. Resp. 1.** Mendacium ( ut patet ex S. Thom. art. 1. ) est locutio falsa cum intentione fallendi, seu decipiendi proximum, qui judicat eam esse veram. Unde mendacium nominatur ex eo, quod contra mentem dicitur. Et mentiri est contra mentem ire. Hinc dicere

falsum, quod judicaret esse verum, non est mentiri nisi materialiter, quia non est contra mentem. Formale ergo mendacii consistit in hoc, quod locutio non sit conformis menti loquentis.

Not. quod loqui aliquid, falsum quidem quoad verbum significationem, sed tali modo, v. gr. jocosè, & ironicè, ut facilè adverti possit, loquentem nolle, adhiberi fidem suis verbis ut veridicis, non sit mentiri: quia non adest intentio fallendi. Hoc modo mendacio excusantur matres, ac nutrices, dum ad pueros dicunt hæc, vel similia: *Eccle lupus in porta, si flevitis, tradam te illi, &c.* Dum ergo audiens hæc verba fallitur, deceptio tribuitur imbecillitati ingenii audientis, non verborum falsitati.

Vide supra Tract. 5. num. 14. Verbo, *Hy pocrisis*, quod possit committi mendacium non solum verbis, sed, & factis, ac signis, ac nutibus.

**Resp. 2.** Juxta S. Thom. art. 2. mendacium dividitur in jocosum, officiosum, & perniciosum. Jocosum procedit ex motivo delectationis, ut mentiri joci, & recreationis gratia ob parvitatem est peccatum veniale; quia talis falsitas est parvi momenti. Officiosum est, quod procedit ex motivo utilitatis, sive ad evitandum aliquod leve bonum, sive ad evitandum aliquod leve malum, quod vocant mentiri ad habendam pacem. Et etiam est peccatum veniale ob parvitatem. Perniciosum est, quod pro motu habet damnum proximi, sive temporale, sive spirituale. Quod damnum si sit graue, vel in materia graui, ut in casu Religionis, ut Fidei, est peccatum mortale; si est leve, peccatum est veniale. Ut patet ex Tract. de peccatis.

**Resp. 3.** Omne mendacium formale est peccatum, nec in ullo casu est licitum, etiam pro toto mundo conferuando.

**Ratio:** Ut patet ex S. Thom. art. 1. mendacium opponitur virtuti veritatis, & est per se prauum, ut ait art. 3. id est, in se est malum, quod nulla circumstantia cohonestari potest. Ergo.

Opponi hic possunt argumenta ex quibusdam Prophetis Scripturæ proposita supra Tract. 7. Exam. 1. nu. 8. in R. ad Oppos. Quæ cum suis solutionibus ibi videantur. Quibus addo verba S. August. lib. de mendacio adducta a S. Th. art. 3. ad 3. *In Scriptura inducuntur aliquorum gesta quasi exempla perfecta virtutis, de quibus non est altimandum eos fuisse mentirosos. Si quæ tamen in eorum dictis apparent, quæ mendacia videantur, intelligendum est, ea figuratè, & prophetice dicta esse.*

**LVIII. Oppono ulterius 1.** Verba Christi, & etiam aliorum Sanctorum frequenter unus aliter, & alius retulit aliter, quorum unus necessario dicit falsum, & tamè non peccat. Ergo.

2. Nul-

2. Nullus a Deo remuneratur pro peccato: Sed obſtrictæ Ægypti ſunt remuneratæ propter mendacium; dicitur enim Exod. 1. *Adificavit illis Deus domos.* Ergo.

3. In Scriptura de S. Viris legitur, quod fuerint mentiti, de quibus tamen non debet dici, quod peccaverint. Nam Gen. 12. & 20. Abraham de ſua Uxore dixit, quod eſſet ſua Soror. Et Gen. 27. Jacob dixit ſe eſſe Eſau. Et Judith commendatur, quæ tamen Holoferni eſt mentita. Ergo.

4. Non implere promiſſum eſt mendacium: Sed non omnia promiſſa ſunt implenda, juxta illud: *In malis promiſſis reſcindit fides.* Ergo.

5. Mendacium jocosum non eſt cauſa deceptionis, quia non dicitur, ut credatur, ſed ſolum delectationis gratia. Ergo.

Ad 1. Nant. pro 2. p. Nam S. Aug. a S. Th. ar. 3. ad 1. relatus, ait: *Apparet, non debere nos arbitrari, mentiri quæquam, ſi pluribus remiſcentibus rem, quam audierunt, viderunt, non eodem modo, atque eiſdem verbis eadem rei fuerit indicata: quia non loquuntur contra mentem ſuam.*

Ad 2. ait S. D. ibid. ad 2. Obſtrictæ non ſunt remuneratæ pro mendacio, ſed pro timore Dei, & benevolentia, ex qua proceſſit mendacium. Unde ſignanter dicitur Exod. 1. *Et quia timuerunt obſtrictes Deum, adificavit illis domos.* Mendacium verò poſtea ſequens non fuit meritum. Hoc S. D. magis explicat art. 4. ad 4.

Ad 3. dicit S. Th. ibidem ad 3. ex S. Auguſt. Abraham dicens, Saram eſſe ſuam Uxorem, veritatem voluit celari, & non mendacium dici. Soror enim, quia filia patris erat. Unde & ipſe Abraham dicit Gen. 20. *Verè ſoror mea eſt filia patris mei, & non matris meæ filia, quia ſcilicet ex parte patris ei attinebat.*

Jacob verò myſticè dixit, ſe eſſe Eſau primogenitum Iſaac, quia ſcilicet primogenita illius de jure ei debebantur. Uſus eſt autem hoc modo loquendi per Spiritum prophetiæ, ad deſignandum myſterium, quia videlicet minor populus ſcilicet Gentium, ſubſtituendus erat in locum primogeniti; ſcilicet in locum Judæorum.

Judith laudatur, non quia mentita eſt Holoferni, ſed propter affectum, quem habuit ad ſalutem populi: pro qua periculis ſe expoſuit. Hæc S. Thom.

Ad 4. diſt. mai. Si, dum promiſit, non habuit animum implendi, vel ſi habuit, mutavit ſine rationabili cauſa, C. maj. Si habuit, vel mutavit ex cauſa rationabili, nimirum variatis debitis circumſtantis, quas ſolumus ſemper ſubintelligere, N. maj. Et ſic diſt. min. N. conſ. Hoc explicat S. D. art. 3. cit. ad 1.

Ad 5. ait S. D. ibid. ad 6. Operatio aliqua poteſt conſiderari dupliciter: Uno modo ſecundum ſeipſam, alio modo ex parte operantis: mendacium ergo jocosum ex ipſo genere operis ha-

111 Tribunal Confeſſarium.

bet rationem fallendi, quamvis ex intentione dicentis non dicatur ad fallendum, nec fallat ex modo dicendi: Ex quo patet diſt. mai.

LIX. *Nonne ſaltem licet mentiri ad ſe, vel alium præſervandum a morte, ſeu homicidio?* Ratio dubitandi eſt: Minus malum eſt eligendum, ut vitetur majus, ſicut medicus præſcindit membrum, ne corruptatur totum corpus: Sed generare falſam opinionem in animo alicujus, eſt minus malum, quàm mors. Ergo. Sed

*Dico*, non licere. Ita S. D. art. 3. ad 4. dicens, & rationem dubitandi ſolvens: Mendacium non ſolum habet rationem peccati ex damno, quod inferitur proximo, ſed etiam ex ſua inordinatione, ut dictum eſt. Non licet autem aliqua illicita inordinatione uti ad impediendum nocumenta, & deſectus aliorum: Sicut non licet furari ad hoc, quod homo eleemoſynam faciat, niſi forte in calu neceſſitati, in quo omnia ſunt communia. Et idè non eſt licitum mendacium dicere ad hoc, quod aliquis alium a quocunque periculo liberet. Licet tamen veritatem occultare prudenter ſub aliqua diſſimulatione, ut Auguſt. dicit in lib. contra mendacium. Hæc S. D. Addo, inter duo mala mines eſſe eligendum, ſi ſint mala naturæ, vel poenæ: ſi verò ſint culpæ, nec minimum licitè eligi poteſt.

QUÆRO VII. Tenemur ne ſemper dicere veritatem? Item licetne uti reſtriſtione mentali, vel æquivocatione?

LX. *Reſp. 1.* Tenemur ſemper dicere veritatem, ſed termini, quibus dicitur, interdum ſunt clari, & intelligibiles, interdum ambigui, & æquivoci, habentes duplicem ſignificationem, ſecundum quod exigit neceſſitas, & obligatio loquendi.

*Reſp. 2.* Probabilius, & tutius eſt, nunquam licere uti reſtriſtione purè mentali, id eſt, quæ nulla circumſtantia, vel exteriori ſigno manifeſtatur.

*Ratio:* Tum quia eſt verè mendacium, quod nunquam licet: Tum etiam, quia quod tibi non viſiſſi, alteri non ſeceriſſi, quod eſt principium lumine naturæ notum; Sed ille ipſe, qui in loquendo utitur reſtriſtione purè mentali, non velleſt ſibi per eam ab aliis illudi. Ergo. Tum tandem, quia uſus reſtriſtitionum purè mentalium aperit viam continuis fraudibus, & deceptionibus, tollitque omnem humanum convictum, & ſocietatem. Sanè ſi ægrè convivimus illis, quorum linguam ignoramus, juxta illud Auguſtini lib. 19. de civit. *Libentius viſis homo cū cane ſuo, quàm cum homine alieno.* ut arguit Conſonon tom. 4. Diſſert. 2. c. 1. Egrius certè conſerſamur cum illis, qui fraudes artificioſas in ſermonibus adhibent. Unde Chriſtus Matth. 5. v. 37. nos monet: *Sit ſermo veſter, Eſt, Eſt, Non, Non.* Pro intelligentia dicendorum

Not. 1. Duplex eſt reſtriſtio: Una mentis, altera diſtinctionis. Prima eſt, quæ præciſè fit mente,

De

te,



te, & non ex circumstantiis extrinsecis, & sensibilibus, nec ex eo, quod vobis plures habeat significaciones, v.g. in privato discursu aliquis te interrogat, *Fecistine hoc?* & respondens, *Non feci*, mentefubintelligendo, *heri*, cum tamen feceris ante os idum. Et hæc est restrictio purè mentalis, & formalis. Altera, nimirum dictionis, fit 1. quando quis profert vocem, que habet plures significaciones, ut si quis a te aliquid petit, quod potes facere, sed non vis facere, & respondes, *Non possum*, quod significat germanicè, *ich Kan oder ich mag nicht*, Nequeo, &, *Non placet*. Tales dictiones sunt nomina æquivoca, ut si quis te interroget, an non videris, vel furatus sis canem, respondens, *Nō sum furatus canem*, intelligendo, cœlestem, vel marinum, cum tamen furatus sis terrestrem, & sic de cæteris vocibus æquivocis, v.g. *ly Gallus* significat hominem, & brutum. Hinc interrogatus occidistine *Gallum*? si dicas, *Non occidi*, intelligens brutum, non mentiris. Fit secundo, quando vox, etsi sit univoca, seu unam tantum habeat significacionem, attamen ad plura significanda determinatur a circumstantiis, v.g. fornicatio propriè est vox univoca, si tamen Sacerdos (Confessario ex habitu, vel confessione, quod sit Sacerdos, cognitus) confiteatur se esse fornicatum, significat sacrilegium: Si uxoratus, significat adulterium, absque ulla restrictione mentis: sicut etiam vox aliàs æquivoca, per verba adjuncta determinatur, ut significet unum determinatè, ut si dicam, *Canis lastrabili*.

Not. 2. Quando reus legitime non interrogatus Respondet, *Non scio, non feci*, cum tamen fecerit, non est restrictio mentis, sed dictionis, nō ex pluralitate significacionis, sed ex circumstantiis extrinsecis. Nam respondet in eo sensu, in quo Judex interrogat de crimine publico, seu quod potest in judicio probari. Ergo dicendo, *Non feci*, id est tale peccatum, de quo publice constet, non mentitur.

Resp. 3. Probabilius est licere dissimulare veritatem usu restrictionis non purè mentalis, sed a viro prudente cognoscibilis, inque talibus circumstantiis, ut prudenter existimetur, non esse expediens alium scire veritatem. Tunc enim (ait Gonet in Man. Tom. 5. Tract. 8. cap. 2. §. 3.) si de dido, vel factio interrogemur, possumus respondere: *Non dixi, Non feci*. Tunc enim prædictæ circumstantiæ faciunt subaudire: *Scio quidem me dixisse, aut fecisse, sed non scio tibi*. Idem est de restrictione dictionis.

Ratio Gonet est: Si in hoc casu non liceret tali restrictione uti, nullus esset modus, secretum (quod sine gravi damno, vel incommodo aperiri non potest) licitè celandi, dum importunè urgetur ejus revelatio: Sed hoc humano consilio non minus esset perniciosum, quam ipsum mendacium. Ergo.

Addit, Christum Marci 13. tali restrictione utum fuisse, cum dixit: *De die autem illo, vel hora nemo scit, neque Angeli in Cælo, neque Filius; putà, Filius; non scit ad nobis dicendum*. Unde Hilarius a D. Thom. in Cat. aurea relatus ait: *In omnibus, quæ Designare se loquuntur, ignorantia non detinetur, sed, aut tempus est non loquendi, aut dispensatio non agendi*.

Favet S. Tho. 2. 2. q. 69. art. 2. cujus verba vide Tract. 9. Exam. 5. n. 50. Item q. 110. art. 3. ad 4. dicens: *Nō est licitum mendacium dicere ad hoc, quodd aliquis alium a quocunque periculo liberet, licet tamen veritatem occultare prudenter sub aliqua dissimulatione, ut August. dicit in lib. contra mendacium: Simile est in Abraham Gen. 20. qui ut conservaret Saram Uxorem suā, dixit eam esse suam Sororem, erat enim verè ejus Soror, nimirum ex parte Patris, licet non ex parte Matris, ut patet ibidem v. 22. Unde S. August. in quæstionibus super Gen. ait: Abraham veritatem voluit celari (scilicet quodd esset sua uxor,) & non mendacium dici.*

Nota tamen, hac restrictione, uti & amphibologia (de qua dicitur) non esse utendum nisi sicut medicina, nimirum in justa necessitate, sicut erat Abraham; quia indifferenter utendo hac duplicitate turbaret societas civilis, ut dictum pro R. 2. justa verò necessitas esse censetur, quando quis interrogatur de re, quam non tenetur, nec potest dicere sine alterius præjudicio. Adhibetur ergo amphibologia, non ad decipiendum, sed ad occultandam veritatem.

Noster Confessor tom. 4. Dissert. 2. Cap. 1. in Corollario, fortiter impugnât restrictiones mentales, sed, ut ex ejus verbis constat, ad mentiendum, & decipiendum ordinatas, attamen paulò ante in R. ad Instabis, explicans illud Joann. 7. de ascensu Christi in montem, de quo postea, ait, Christum verba subobscura adhibuisse, in quibus poterat vir prudens verborum sensum facili interpretatione aperire, uti autem hoc pado verbi figuratis, & metaphoricis ob graves rationes, putà, occultandam veritatem, nec indignis expandendam, mendacium perperam appellaretur, sed utiliter, & honestè fit, ut demonstrat S. D. 1. p. qu. 1. ar. 9. Nec obest, quodd Christus utens hujusmodi metaphoris, volebat, ut audientes non perciperent, subindeque adesse mediocre deceptionis periculum; non, inquam, obest, quia non deceptionem inducere, sed veritatem occultare quærebat Christus. Hæc ille. Ergo juxta illius Auditoris mentem licet nobis ad exemplum Christi, saltem ex rationabili causa, aut necessitate ad magnum malum evitandum, vel bonum promovendum, uti verbis obscuris, & metaphoricis, non ut quis decipiat, sed ut veritas occultetur.

Resp. 4. Probabilius est, non licere quidem uti

usu amphibologiæ, seu æquivocationis formalis, bene tamen materialis, veritatem celare in casu necessitatis.

*Ratio* est eadem, quæ ante.

Not. Amphibologiam, seu æquivocationem formalem esse (ut Gonet explicat) quando non adiunt circumstantiæ, per quas audiens vir prudens possit venire in cognitionem significationis, vel sensus verborum a loquente intenti; materiale verò, quando tales circumstantiæ adiunt, licet audiens etiam prudens ob negligentiam considerationis talium circumstantiarum non intelligat mentem loquentis. Hac æquivocatione usus est Christus, cum sanguineis rogantibus, ut ascenderet in templum, respondit: *Ego non ascendam*; Joann. 7. cum tamen postea ascenderit. Nam ex circumstantia petitionis eorum (consistentis in hoc, ut palam ascenderet in templum, ut in eo manifestaret se mundo) poterat, si attendissent, sufficenter intelligere, Christum respondisse in eodem sensu, nimirum, non alensurum se publice, sed tantum in occulto.

Simili amphibologia dicitur fuisse usus S. Francisci, quando interrogatus, an non viderit transeuntem aliquem homicidam, inmissis intra manicas manibus respondit, Hæc non transivit, subintelligens, non transivisse per illas manicas: Quod factum approbatur.

*Loqui per restrictionem*, vel æquivocationem materiale, est ne mentiri?

*Non est. Ratio*: Quia non est loqui contra mentem, vox enim æquivoca habet duos sensus, quorum unus est conformis menti loquentis, & alius intentioni audientis: Sed non teneor, nisi sit rationabilis causa, aut necessitas, me conformare intentioni audientis. Ergo. Pro majori dictorum intelligentia

QUÆRO IX. Quomodo doctrinam hactenus datam poteris salvare, supposita damnatione harum duarum propositionum?

LXI. *Prima est*: Si quis vel solus, vel coram aliis, sive interrogatus, sive propria sponte, sive recreationis causa, sive quocunque alio sine juret se non fecisse aliquid, quod reverà fecit, intelligendo intra se aliquid aliud, quod non fecit, vel aliam viam ab ea, in qua fecit, vel quodvis aliud verum; reverà non mentitur, nec est perjurus.

*Secunda*: Causa iusta utendi his amphibologiis est, quoties id necessarium, aut utile est ad salutem corporis, honorem, res familiares tuendas, vel ad quemlibet alium virtutis actum, ita ut veritatis occultatio censeatur tunc expediens, & studiosa.

Has duas propositiones Anno 1679. II. Martii inter 65. n. 6. & 27. damnavit Innocent. XI. qua damnatione usus restrictionum mentalium, æquivocationum, ac amphibologiarum dam-

natur, qui tamen in ante data doctrina fuit admixtus. Pro resolutione

*Resp.* Papa damnando duas illas propositiones, non damnavit usum restrictionum dictionis, vel restrictionum, æquivocationum, amphibologiarum materialium, sed tantum formalium, seu purè mentalium. Quarum exempla ex dictis patent.

Hoc manifestè probant auctoritates, & Rationes pro R. 2. 3. & 4. ad Q. 8. adductæ. Quæ convincunt, omnes universim restrictiones, & amphibologias damnari non posse. Ergo damnatæ sunt solæ formales, & purè mentales.

Ex his sequitur 1. damnatum non esse modum amphibologiæ per verba æquivoca ex iusta causa occultandi veritatem. Exemplum patet ex dictis in voce *Canis*, & *Gallus*. Sicut & *ly scio* significat interdum cognitionem evidentem, ut in scientificis; aliquando talem, quæ habetur ex fide humana. Et *ly nescio* potest significare carentiam omnis notitiæ, & carentiam solius notitiæ claræ, & evidentis. Itè humana consuetudine *ly non scio* facit etiam hunc sensum, *non scio*, nisi occultè; *non scio*, ut communicabile: *non scio*, notitia utilis ad revelandum. In quibus nulla est restrictio purè mentalis. Similiter hæc vox *Est* significat V. g. *esse domi*, & significat etiam manducationem. Unde duas significationes habet hæc propositio: *Mens dominus non est domi*; & quidem absque mendacio, & restrictione mentis, cum sola restrictione dictionis.

Idem est de his casibus: Quidam homo mortificationi carnis intentus, multum rogatus ad hos, vel illos delicatos cibos in convivio comedendos, respondet, tales cibos nocere sibi, vel suæ valetudini, intelligens hoc de valetudine, seu perfectione spiritali. Vel, infirmus interrogatus quomodo valeat, respondet, *Bene*; intelligens de spiritu, non de corpore. Item aliquis in convivio obligatur laudare aliquod ferculum, licet sibi inispidum, potest dicere: *Est bonum*. Quia omne ens est bonum, nam bonitas est passio entis.

Idem est de hac voce, *Possum. Non possum*. Apud Germanos enim significant, *ich Kan oder ich mag nicht*, ut ante dictum. Sic in quavis lingua speciales inveniuntur amphibologiæ.

Sequitur 2. Non esse damnatum, sed licitum modum ex iusta causa occultandi veritatem per metaphoras, & allegorias. Exemplum est in historia de Jacob, & Esau.

Sequitur 3. Non esse damnatum, sed ex iusta causa licitum modum utendi verbis ex sua significatione quidem non ambiguis, quæ tamen attentis circumstantiis, loci, temporis, & personæ ad aliud significatum trahuntur. Exemplum est ex ante adducta locutione S. Francisci, uti de Sara, & Abraham. Idem, est si quis rogetur, alteri mutare pecunias, & dicat, *Non*

*habeo*, subintelligendo, ultra necessarias; vel etiam, quas in his circumstantiis tibi mutuare possim, licet ceteroquin habeat. Item quidam Consiliarius secreto servando obligatus, de quodam occulto negotio ei notorio interrogatus ab amico, respondet, *Non scio*; Ut sensus sit: Non scio ut homo privatus; etsi sciat ut Consiliarius. Ubi non est restrictio mentis, sed ex ipsa circumstantia officii Consilarii ad secretum obligati.

*Sequitur* 4. Non esse damnatum modum respondendi per circumlocutionem, interroganti nihil affirmando, nec negando, licet interrogans existimet, respondentem nescire, vel non habere id, quod petitur, v.g. Gratularer mihi, vel, Pergratum mihi foret, si tibi possem servare, hoc dicere, hoc concedere. Ex his

**LXII.** *Quid sentis* de Confessario, qui sub penis urgetur, ut revelet etiam sub iuramento, an hoc, vel illud audiverit in confessione? Vide infra Tr. 13. Exam. 7. n. 121. in R. ad 2. & 3. Oppos. de Sigillo confessionis.

*Quid censet* de reo, contra, vel juxta Juris ordinem examinato, an possit uti restrictione? Vide supra Tract. 9. Exam. 5. n. 30 & 31.

*Quid de eo*, qui occultissimè novit infame adulterium nobilis feminae, quod jure naturæ tenetur occultare?

*Dico*: Potest respondere ex ante dictis de verbo *non scio*, quid significet ex humana consuetudine, etiam sine restrictione.

*Quid judicas* de ipsa adultera a marito stricto gladio examinata de adulterio?

*Dico*: In primis si jam sit sacramentaliter confessa, potest sine mendacio dicere: Sum innocens, sum immunis ab hoc delicto. Verum tamen id jurare non licet.

*Ratio* est: Quia ad simplicem affirmationem sufficit credulitas, confidentia, & probabilitas; ad juramentum verò requiritur certitudo, quam tamen nemo, sine revelatione Dei, habet de remissione peccati.

Sunt & alii modi, quibus in tanta necessitate uti potest femina. *Primò* nimirum per locutionem æquivocam dicendo: *Non violari fidem*; fides enim plura significat, nimirum fidem conjugalem, fidem Catholicam, fiduciam, & credulitatem. *Secundò* loquendo per metaphoram in significatione usitata in sacris Scripturis, in quibus adulterium sæpè accipitur pro idololatria. Jerem. 13. v. 27. Ezech. 13. v. 37. Osee 2.

**LXIII.** *Quæstio tua* sententia de quotidianis illis complimentis: Servus tuus obedientissimus; Mandet mihi servo tuo; Omnia mea tua sunt, &c.

*Dico*: Sunt verba honoris, quæ per humanam consuetudinem jam quilibet intelligit dici per metaphoram, vel hyperbolem, adeoque sine mendacio, & restrictione mentis.

*Quid de veniente* ex quodam oppido laborante rumore pestis, & examinato an ex eo veniat?

*Dico*: Si adjuretur, an veniat ex eo loco, de quo est fama pestis, sed falsa, licet respondet se non venire ex eo, subintelligendo, ut peste infecto, nec intrasse illum locum, puta, ut peste infecto. Et sic satisfacit interrogationi coram Deo, ait Corradus; nec decipit interrogatorem, ille enim solum curam habet, ne quis ingrediatur. Et idem est, ait Sylvesterus cit. si quis fuit quidem in tali loco infecto, sed non sic, ut potuerit infici, ut quia non erat aer corruptus, & transivit celeriter in equo, & generaliter idem est, quod tales Officiales concederent, aut concedere deberent ingressum, si scirent veritatem.

*Quæstio agendum*, seu dicendum illi, qui injuste urgetur ad respondendum, & non scit æquivocare, v.g. puer a latrone quærentem patrem ad necem interrogetur, an sit domi?

*Dico*. Tenetur respondere licet cum dictamen conscientie. Unde si puerille ex invincibili ignorantia crederet in eo casualitatem esse mentiri, vel esse licitum eligere hoc tantum minus malum, non peccaret formaliter.

*Sacrilegium. Quæstio. 99. per 4. art.*

**QUÆRO X.** Quid, quotuplex, & quantum peccatum est?

**LXIV.** *Resp. 1.* Sacrilegium, dictum quasi sacrilegium, seu læsio, juxta S. Thomam, est violatio rei sacræ. Est et speciale peccatum, si nimirum propriè sumatur.

*Ratio*: Quia habet specialem deformitatem, nimirum indignam translationem rei sacræ, ut patet ex S. Th. art. 1. & 2. Dixi, si propriè sumatur. Nam in largiore acceptione, quæ lædit commune bonum, quod est quoddam divinum, & sacrum: aut qui lædit populum christianum, aut Principem christianum, qui similitudinariè dicitur res sacra; populus quidem, in quantum per sacramenta est sanctificatus; Princeps, in quantum est minister, & defensor rerum sacrarum; ille, inquam, lædens largè dicitur sacrilegus.

*Resp. 2.* Sacrilegium est triplex, nimirum commissum in personam, uti est Clericus, vel Religiosus, vel Monialis, aut habens votum simplex castitatis, *In rem*, ut est res Deo, vel cultui divino dicata, ut Calices, Vestes, Imagines, Reliquie, Sacramenta, &c. *In locum*, uti est Ecclesia, Cœmeterium. Nam est violatio personæ sacræ, rei sacræ, vel loci sacri, quibus injuria inferitur.

*Declaratur alterius*: Ad primam sacrilegii speciem spectant, percussio Clerici, vel Religiosi; Fornicatio Clerici, vel Religiosi; Violatio Monialis, aut alterius puellæ vinculo spirituali per Baptismum, vel Confirmationem conjunctæ. De quibus adum est supra Tract. 5. Exam. 2. n. 17. Item pertradio Ecclesiasticorum ad tribum sæculare, & exatio vestigalium

ab iisdem facta per potestatem sæcularem.

Ad secundam speciem spectantia 5. gradus habent. In primo gradu sunt Sacramenta, quorum præcipuum est Eucharistia, in quacumque Christus sit, non in forma propria visibili, sed in forma cibi, & potus, irreverentia ejus non ad primam, sed ad secundam speciem pertinet, uti est, indigna ejus administratio, vel sumptio; ejus irrisio, conculcatio, projectio, &c. In 2. gradu est irreverentia tractatio sacrorum vasorum, etiam corporalium, v.g. potare ex calice consecrato. Huc etiam reducitur indigna tractatio verborum S. Scripturæ, ea enim sunt sacra, & repræsentant suum Auctorem, &c. si fiat impugando, siue sensum eorum pervertendo, siue eis abutendo ad discursus profanos, maxime ad turpia, & obscœna. Est enim sacrilegium.

Ad Tertiã speciem spectant, quæcumque committuntur contra sanctitatem, aut reverentiam loci sacri, ut effusio, vel incendium ejus, vel altaris, effusio sanguinis, vel seminis in ea, sepultura infidelis, vel excommunicati nominatum, & publicè denunciati; Violenta extractio personæ gaudens immunitate. Huc etiam spectat furtum in loco sacro, siue rei sacræ, siue profanæ, saltem intuitu asyli in eo positæ. Unde in c. *Quisquis* 17. qu. 4. summarie sic habetur, esse sacrilegium, auferre *sacrum de sacro*; Non *sacrum de sacro*; *sacrum de non sacro*. Item huc pertinent mercaturæ, deambulationes, rixæ, confabulationes, quæ si in templo fiant cum gravi excessu, ut officium divinum inde notabiliter perturbetur, mortalia esse possunt. De Nundinis in cimiterio, attendenda est loci consuetudo.

Not. Si crimen sit tale, quo Ecclesia polluitur, si nimirum sit publicum, Ecclesia indigeret nova benedictione simplicis Sacerdotis, si Ecclesia non sit consecrata, ut notat Corradus; si verò sit consecrata, ad Episcopum spectat.

Ex quo sequitur, fornicationem, ac pollutionem occulte in Ecclesia, aut Cœmeterio factam, uti & tactus impudicos in Ecclesia cum pollutionis periculo habitos esse sacrilegia, & circumstantiam loci necessariam in confessione explicandam. Verba tamen, & aspectus impudici in Ecclesia non inducunt rationem sacrilegii, licet mortalia sint.

Resp. 3. Sacrilegium ex genere suo est peccatum mortale; in individuo potest esse veniale, si nimirum irreverentia, quæ inferitur, levis sit. Patet ex dictis.

Ex dictis Colligitur 1. nomine Loci sacri intelligi Ecclesiam consecratam, vel benedictam, Cœmeteria, & Oratoria auctoritate Episcopali constituta; & ad divinum cultum deputata, & ad libitum ad usus profanos non convertibilia. Secus est de Monasteriis, dormitoriis, cubiculis, Sacerdotum, vel Religiosorum; hæc enim loca, licet sint sacra, eo quod immunitate gau-

*Tribunal Confessionarium.*

deant, non tamen sunt tam sacra, ut copula, vel pollutio in iis habitæ, specialem contrahant malitiam sacrilegii.

Ex quo Colligitur 2. Copulam carnalem habitam in Ecclesia per auctoritatem Episcopi destructa, non esse sacrilegium, uti nec est, copula, vel pollutio fiat supra ad testum Ecclesiæ, vel ad cancellos parietis extra eam; vel in loco subterraneo, modo talia loca non sint sepulture deputata; nec in turri, vel campanili Ecclesiæ. Plura de Sacrilegio vide supra Tract. 5. Exam. 3. num. 37.

*Maledictio, seu Imprecatio. Quæst. 76. per 4. artic.*

QUÆRO XI. Quid, & quale peccatum est?

LXV. Resp. 1. Maledictio juxta S. Tho. art. 1. prout hic invenitur, est desiderium alicujus mali proximo expressum per verba optativi modi; seu, est imprecatio mali, v.g. Utinam collum frangeres; Diabolus te auferat.

Resp. 2. ex S. Tho. a. 3. in c. dicente: Maledictio secundum genus suum est peccatum mortale; & tantò gravius, quanto personam, cui maledicimus, magis amare, & revereri tenemur. Unde dicitur Levit. 24. Qui maledixerit patri suo, & matri, morte moriatur. Contingit tamen, verbum maledictionis prolatum, esse peccatum veniale, vel propter parvitatem mali, quod quis alteri maledicendo imprecatur; vel etiam propter affectum ejus, qui profert maledictionis verba, dum ex levi motu, vel ex ludo, aut ex subreptione aliqua talia verba profert. Quia peccata verborum maxime ex affectu penantur. Hæc S. Doct.

Resp. 3. Maledictioni, seu imprecationi solet interdum admisceri juramentum, dictum execratorium, de quo supra. Si ergo jurans sibi ipsi imprecans utatur terminis propriis, & convenientibus ad divinam justitiam in suis creaturis (si per eas juret) relucens invocandam, & adhiat conditiones debitas juramenti, non est peccatum, sed adus Latriæ. Si verò utatur terminis impiis, scandalosis, ineptis, ut, diabolus me rapiat, peream æternum, damner, &c. peccatum mortale est, si serium sit; secus, veniale: immò si serium non sit, potest esse mortale ratione scandalii.

Resp. 4. Si quis aliis imprecetur demonem, fulgur, grandinem, patet ex R. 2. distinguendum esse. Si imprecetur illis, quos amat, & hoc ex subita ira, abique serio desiderio, ut sequatur effectus, est veniale, defectu voluntarii, ut farentur se reflectentes, deluper interrogati; & spectat ad verba otiosa. Licet autem proferantur sine intentione effectus, est tamen res christiano homine inansuetissimi Salvatoris Sanguine redempto indigna, propter scdalem, horrorem, & impietatem verborum. Aggravatur etiam valde ex hoc, quod subditus maledicat Su-

Dd 3 perio-

periori, &c. Vide suprà Tract. 5. Exam. 2. nu. 52. de consuetudine jurandi, blasphemandi, &c. Item vide Tr. 7. Exam. 7. n. 108. & 110. quantum sit peccatum, sibi, vel alteri optare mortem. Et num. 114. an in Confessione exprimenda sit species mali proximo optati.

An, & quomodo liceat maledicere brutis, vide ibidem num. 113.

## EXAMEN V.

*De Laude Dei, seu assumptione divini nominis per Orationem, & Laudem. Quæst. 91. per 2. art.*

*Ubi agendum de horis Canonicis, & celebratione festorum.*

**Q**UÆRO 1. Horæ Canonicæ quid, & quot sunt, quo jure institutæ, quo tempore, loco, ordine, ac situ corporis persolvendæ?

**LXVI. Resp. 1.** Horæ Canonicæ sunt quædam laudes, & preces ab Ecclesia institutæ, ad Deum singulis diebus, certis, & statutis horis, laudandum. Ex quo patet, cur dicantur *horæ*, nimirum quia certis diei horis correspondent: quas etiam (ut dicitur R. 2.) mysteriosè circa Passionem Domini repræsentant. Dicuntur autem *Canonicæ*, tum quia per sacros Canones sunt institutæ; tum etiam, quia certam, & determinatam ab Ecclesia habent Regulam; Canon enim græcè, latine idem est ac Regula.

**Resp. 2.** Septem sunt horæ Canonicæ, nec plures, nec pauciores. *Pretiosa* non est hora, sed Commemoratio Sanctorum. Est contra quosdam Canonistas, ponentes octo, eò quòd Matutinum distinguant a Laudibus. Sed communis Ecclesiæ usus statuit septem. Et sunt 1. Matutinum, & Laudes. 2. Prima. 3. Tertia. 4. Sexta. 5. Nona. 6. Vesperæ. 7. Completorium. Et hoc ad repræsentandam 7. præcipua Passionis Christi mysteria his versibus contenta.

Hæc sunt, septemque propter quæ passim us horis.

*Matutina* ligat Christum, qui crimina solvit.

*Prima* replet sputis, dat causam Tertia mortis.

*Sexta* cruci figit, latus ejus Nona bipartit.

*Vespera* deponit, tumulo Completa reponit.

Hic septenarius numerus conformis est Psal.

118. *Septies in die laudem dixi tibi.*

Matutinum ergo, & Laudes, cum terminentur eadem Oratione, seu Collecta, sunt una hora. Quidquid sit de antiqua consuetudine separandi, quæ non probat esse distinctas horas, ut patet ex allegato communi Ecclesiæ sensu.

**Resp. 3.** Horæ Canonicæ non sunt de jure divino, sed ecclesiastico.

*Ratio* : Quia jure divino nullum tale præceptum invenitur.

Nec obstat, quòd horæ Canonicæ vocentur Officium divinum. Hoc enim nomen habent, non a causa instituenti, sed a causa materiali, & finali, quia nimirum divinas laudes continent, & ad Deum laudandum diriguntur.

**Resp. 4.** Quod concernit tempus, Horæ Canonicæ a principio sunt institutæ, ut *Matutini*, & *Laudes* recitarentur media nocte. *Prima*, orto Sole. *Tertia*, nona dici. *Sexta*, circa duodecimam. *Nona*, circa horam tertiam pomeridianam. *Vesperæ*, inclinante die. *Completorium* sub initium noctis. Nunc autem diversarum Ecclesiarum diversæ sunt consuetudines, quæ sunt servandæ. Et quidem multò distinctius quoad Chorum, seu publicam Officii divini recitationem servanda sunt statuta tempora, quia ex eorum mutatione facilis oritur scandalum, & impeditur populi devotio.

Dixi, quoad *Chorum*; Quia communis est sententia, quòd ille, qui privatim horas recitat, quacunque diei hora live ante, siue post prandium horas recitet, non peccet mortaliter, dummodo eas absolvat spatio unius diei artificialis, id est, a vespere unius diei usque ad mediam noctem sequentis diei, ita tamen, ut in vespere diei præcedentis non plus dicat quàm Matutinum, & Laudes. Peccatum tamen veniale sat grave committit, qui sine causa Matutinum, vel Primam diceret post meridiem, vel manè Vesperas, aut Completorium.

**LXVII. Quid judicas** de eo, qui Vespere præcedente orat Matutinum, & sequenti manè Laudes?

*Dico*, Probabilius mihi videri, si habeat rationabilem causam præveniendi, v.g. studii gratia, quòd nec venialiter peccet.

*Ratio* : Tum quia horæ dicuntur etiam tunc intra unum diem Ecclesiasticum, seu artificialem. Tum etiam, quia hæc separatio fuit olim frequentissima, & de factonon datur ulla nova lex, aut contraria consuetudo id prohibens sub peccato, præsertim si adsit causa. Tum tandem, quia licet eadem Oratione terminentur, habent tamen distinctum modum iniciandi. In eo tamen casu ante Laudes debet præmitti *Pater noster*, &c. & Matutinum pridie terminari cum Oratione.

*Opposito* : Ergo idem dici posset de dimidia parte Matutini.

Ad hoc dico, posse quidem hoc speculativè defendi, & probari a paritate confessionis longè per noctem interruptæ, sed in praxi non ita probatur, cum talis separatio (quod tamen aliqui negant) non fuerit unquam in usu, sicut est de confessionibus; nec habent diversum modum iniciandi sicut Laudes a Matutinis diversum habent. Aliud est si intra eundem diem natu-

naturalem separentur partes Matutini, quæ separatio culpam venialem non excedit.

*Resp. 5.* Locus prohoris in communi, ac solemniter dicendis, proprius est Ecclesia, quæ ad hoc est constructa, ut si sit Cathedralis, Collegiaria, Regularis. Privatim horæ Canonicæ possunt dici in quovis honesto loco; modò in eodē debita attentio non impediatur, uti impeditur in frequenti hominum concursu, clamoribus, jociis, &c. ubi quis periculo non satisfaciendi se exponit. Vitandus ergo est locus indecens, in quo non esset decens loqui honorato viro; quia non videtur adhiberi debita reverentia reissacræ.

*Resp. 6.* Ordo servandus est in lectione horarum, ut posterior priori non præmittatur, v.g. Prima Matutino. Quod tamen si in lectione privata sine scandalo, & contemptu fiat, solum est veniale, quia non est contra substantiam horarum, & deformitas, ac irreverentia, quæ fit, est levis. Immo fit sine omni culpa, si fiat ex rationabili causa.

Ex quo sequitur, eum, qui ad Chorum serò venit, posse cum aliis prosequi ceptam horam, & postea repetere partem neglectam, licet melius faciat repetendo totum. Idem est de eo, qui sub hora ex Choro vocatur ad confessionale, vel ad infirmum, & postea redit ad aliam horam, priore nondum persoluta.

*Resp. 7.* Hora cepta non est interruptenda. Si tamen interruptio non sit nimis longa, probabilis est, non esset nisi peccatum veniale, licet fiat sine rationabili causa.

*Ratio 1. partis:* Indecorum est, quòd quis, cum Regem terre frilologi incipiens, in medio sermonem abruptat, & homini plebejo loquatur, etiam cum animo redeundi ad prius negotium cum Rege ceptum. Ergo a fortiori, ita est respectu Regis Regum.

*Ratio 2. partis:* Si interpolatio sit modica, irreverentia non est gravis, & consistit moralis unitas diuini officii. Ergo.

*Resp. 8.* In publica horarum canonicarum persolusione servandæ sub peccato sunt ceremoniæ statutz. Quia per earum negligentiam Deo denegatur debita reuerentia. Ad priuatam verò persolutionem sufficit eam fieri stando, sedendo, ambulando, genuflectendo, prout occasio fert, & deuotio dicat. Potest tamen in ea facillè committi peccatum irreuerentiæ, vel scandaliper immodestum, ac indecentem corporis situm.

**QUÆRO II.** Estne mortale omittere unicam horam etiam parvam, aut notabilem partem? & quæ illa?

*LXVIII. Resp. 1.* Certum est, quòd voluntarie, & sine iusta causa omittere unicam horam, etsi parvam, v.g. Primam, vel Completorium, vel primas Vesperas Paschales in Sabbato sancto, peccat mortaliter.

*Ratio:* Quævis hora etiam parua iudicio prudentum est gravis, & notabilis pars totius Officii. Item numerus horarum est in præcepto. Et ita de minima etiam hora doctissimos, ac prudentissimos Viros censuisse docet noster Donatus.

*Resp. 2.* Probabilis, & tutius est idem asserere de parte notabili unius horæ; licet non sit tam graue peccatum.

*Ratio:* Licet enim illa non sit notabilis pars totius Officii, bene tamen unius horæ, quæ proinde grauius mutilatur. Quia licet præceptum Ecclesiæ de horis sit unum, nequit tamen negari, quin cadat super singulas horas integrè dicendas.

Hæc intelliguntur etiam de priuata horarum recitatione, si enim de publica loquamur, nimirum de Choro, adhuc grauius peccatum foret, quod vel maximè imputandum illis, quibus Chori cura incumbit.

*Resp. 3.* Tertia pars ut plurimum quidem est notabilis pars obligans ad mortale, si verò totum sit valde magnum, etiam pars minor tertia, est notabilis. Ut qui debet 300 Imperiales, non solum grauius peccat, si non soluat 100. sed etiam si neget 30. Dies festus habet 24. horas, ut quis in eo laborando feruenter peccet mortaliter, non est opus, quòd laboret octo horis, quæ est tertia pars, sed sufficit longè minus tempus, ut patet infrà nu. 105. R. 3. Hinc tutius, & probabilis docet Donatus, grauitatem materiæ desumendam esse ex eo, quòd sit magna in se, considerata dignitate ejus, & deformitate respectu totius, secundum prudentiam humanam. Unde in Matutino cum Laudibus unus Nocturnus est tantum quarta pars, & tamen ejus omissio censetur materia gravis: è contra in hora Tertia, vel Sexta, hymnus cum primo psalmo est tertia pars, & tamen non censetur materia gravis comparatiuè ad finem, ait ille, citans Paludan. & Sylvestrum.

*Ratio:* Quia ita videtur censere debere prudentis iudicium.

**LXIX.** Quid sentis de obligatione persoluedi ea, quæ Episcopus ordinans injungit Ordinandis?

*Dico:* Siue ad majores, siue ad minores Ordines promoti, non obligantur sub mortali ea persolvere, nisi forte consuetudo Dioceseos grauem obligationem induxisset. Hinc injungi videntur non ex rigido præcepto, sed ex sola decentia, & honestate; cui tamen meritò parendum est.

*Ratio:* Quia non apparet, quòd Episcopus ordinans habeat jus, vel intentionem imponendi tam graue onus conscientiz.

*Not.* Quando in Pontificali statuitur, ut Episcopus ordinans Subdiaconis, &c. injungat Nocturnum talis diei, debet Episcopus diem determinare, & exprimere; si non de-

terminet, intelligendum est de Nocturno, vel uno ex tribus Nocturnis currentis diei.

**QUÆRO III.** Dominicani tenenturne sub mortali orare Officium B.V. dum dicitur juxta ipsi. nam Statuta certis diebus in Choro, dū ipsi privatim extra Chorum horas orant? Idem quæro de Officio defunctorum, quod quavis hebdomada recitant in Choro, excepta hebdomada Paschatis, & Pentec. Item de Psalmis Gradualibus in Sabbato, dum agitur de B.V.?

**LXX. Resp. 1.** De Officio B.V. etsi ante hic nostri DD. ipsimet inter se fuerint divisi, defuncto tamen ego non amplius dubito de obligatione sub mortali, sed ut certam assero propter Auctoritatem Capituli nostri Generalis Romæ die 4. Junii 1656. celebrati, in quo Declaratione 34. sic dicitur: *Declaramus ex communiori, ac priori Religiosis sensu (quidquid fortasse paucis hætenus ea in re libuerit addubitare), omnes Ordinis nostri Clericos professos teneri simpliciter ad recitandum Officium B.V. virginis illis diebus, in quibus in Choro recitatur. Ubi NB. ly simpliciter; Quæ vocula indubie plus significat quam penam, & quam culpam venialem, de qua DD. inter se non disputant; Quia Statuta nostra obligant sub pœna, & de culpa saltem veniali ipsi Adversarii se accusant. Ergo significat culpam mortalem, & obligationem ad hoc officium quæ ac ad alias horas. Unde Sylvester docet, quod communis consuetudo (quæ cum Ordine nostro cœpit) Officium B.V. computet inter horas. Huic sententiæ varia Argumenta opponi possent, sed Auctoritativa Probabilioritas, & praxis ea annullat.*

**Resp. 2.** Probabilius est idem sentire de Officio defunctorum, consentientibus etiam illis, qui oppositum tenuerunt de Officio B.V.

**Ratio:** Quia de illo in nostris Statutis dist. 1. de Officio Ecclesiæ cap. 1. habetur præceptum non solum de Choro, sed & de obligatione extra Chorum.

Not. Officium defunctorum ab illis, qui ad illud per septimanam tenentur, posse per dies ejus dividi, sic ut uno die dicant unum, vel duos Nocturnos, altero alterum Nocturnum, vel Laudes, &c. quia obligatio illud recitandi stat pro tota hebdomada, & in tutiori, ac probabiliori sententia tempus obligationis completur media nocte Sabbati. Nam dies Dominica non ad præteritam, sed tota ad sequentem septimanam spectat. Quod clarè probatur ex numero feriarum: Dies enim Lunæ vocatur feria secunda: Sed feria secunda præsupponit primam. Ergo.

Hinc illud, *medium participat aliquid de utroque extremo*, in quo aliqui Adversarii se fundant, nihil probat; tum quia Dominica non est propriè media, sed initium sequentis septimane: tum etiam, quia, quidcunque participet, non participat vim transferendi obligationes ab uno die in alium, quia alias etiam satisfaceret, qui horas hujus diei differret usque post

mediam noctem, & tunc oraret: quia nox potest dici media inter utrumque diem.

**Resp. 3.** De Psalmis Gradualibus probabilius videtur, non esse obligationem sub mortali.

**Ratio:** Tum quia integrè apud nos semper dicuntur extra Chorum, nimirum in dormitorio. Tum quia Statuta nullum de hoc ponunt præceptum. Tum tandem quia de hoc nulla in Statutis, nec in aliquo Capitulo est declaratio.

*Quid sentis de Litanis omnium Sanctorum, & Psalmis Penitentialibus, qui a Dominicani certis diebus in Choro dicuntur?*

**Dico:** Ipsæ Rubricæ clarè exprimunt, quòd Fratres extra Chorum ad hæc non teneantur.

**QUÆRO IV.** Quinam, & quo, ac quotuplici titulo tenentur dicere Horas Canonicas?

**LXXI. Resp. 1.** Ex triplici titulo, etiam seorsim sumpto, oritur obligatio recitandi horas Canonicas. 1. Ex titulo Beneficii. 2. Ordinis sacri. 3. Professionis religiosæ. Prout magis explicabitur in sequentibus.

**Resp. 2.** In tutiori, ac probabiliori sententia Beneficiatus, licet sit in Minoribus, tenetur dicere horas Canonicas, etiam privatim, seu extra Chorum, sive Ecclesiam, & quidem sub mortali, & ex justitia, ita ut scienter omittens teneatur in conscientia restituere fructus pro rata, etiam ante Judicis sententiam, etiam tantum semel illas omittit voluntariè.

**Ratio:** Stipendium propter actionem aliquam cuidam, ut ministro datum, obligat ad eam ex pacto justitiæ: Sed Ecclesia Clerico dat Beneficium propter Officium, ut dici solet, & ut stipendium. Ergo ad Officium tenetur ex justitia: Sed Officium Clerici præter alias actiones comprehendit recitationem horarum, & Ecclesia intendit determinatè obligare ad illam. Ergo. Min. prob. Ex antiqua consuetudine, quæ sic semper fuit intellecta, & declarata ab Ecclesia in Conc. Lateran. sub Leone X. Sess. 9. cap. 9. ubi dicitur, quòd habens beneficium, si non recitaverit horas post sex menses ab obtento beneficio, privetur illo, quia beneficium datur propter officium; ubi per ly officium clarè intelliguntur horæ, ut patet. Unde dici solet: *Datum ob causam, causa non secuta, jure reperitur.* Et notent hoc Confessarii.

**Oppono:** Confessarius cum Clerico horas omittere non debet se gerere velut cum latrone, qui omne, quod absulit, tenetur restituere, sed sicut cum ministro alicujus Principis, qui, licet interdum ab officio suo deficiat, non ideo cogendus est partem stipendii restituere.

Ad hoc R. esse differentiam inter ministrum Principis, & Beneficiatū, quòd ab illo nõ exigitur quotidianū servitiū, sicut ab hoc quotidianum officium ad lucrandos fructus, & stipendiū.

Con-



Confessarius ergo cum tali Clerico non debet agere, ut cum ministro Principis, sed ut cū conducto ad laborandum in vinea, qui si uno, vel medio die non laboret; stipendium, vel ejus partem amittit, ac restituere tenetur. Unde S. Pius V. statuit, quod tales pro rata omissionis fructus non faciat suos. Estque verum, licet sit beneficium simplex.

**LXXII. Quid hoc est, pro rata?**

**Explicio:** Qui omisit Matutinum, tenetur restituere mediam partem fructuum illius diei. Qui solum Primam, sextam partem fructuum. Qui omnes unius diei horas omisit, nihil lucratur, sed omnes diei fructus restituere tenetur. Idem proportionabiliter dicendum, si omittat notabilem partem horæ.

*Quibus debet restituere?*

**Dico,** Fabricis Ecclesiarum, ubi beneficia sunt sita, vel pauperibus.

Notandum hic est, hanc sententiam ab Alexandro VII. damnatam: *Restitutio fructuum ob omissionem horarum suppleri potest per quasunque Elemosynas, quas antea Beneficiarius de fructibus sui Beneficii fecerit.*

**Quid si Beneficium sit valde tenue?**

**Dico:** In probabiliori, & tutiori sententia non excusatur a dicendis horis.

**Ratio:** Quia Jura distindit omni beneficio onus horarum imponunt & Beneficiatus sciens beneficio esse annexum tale onus, sponte illi se subjecit.

**Excepit,** si in tali Ecclesia non sit consuetudo orandi horas pro tam tenuibus beneficiis, nisi forte in festis, nec Prælati in Beneficii collatione id præcipiat. Vel si tales Beneficiati in ea Ecclesia præstent aliam servitiam, in quorum compensationem per modum stipendii eos redditus fundatos esse, præsumi possit. Si verò consuetudo orandi vigeat, tenentur. Si enim Lex, & consuetudo ecclesiastica potuit Clericos in sacris constitutos, nullum Beneficium, vel fructus habentes, sub mortali obligare ad horas, cur non idem in hoc casu?

**Quid de restitutione in eo casu, si omittat horas?**

**Dico,** Ex datis fundamentis clare patere, quod fructus non faciat suos, adeoque eum pro rata teneri restituere. Nisi forte sibi ipsi, ut verè pauperi (si talis sit) applicet cum consilio Confessarii.

**LXXIII. Quid si Beneficiatus nihil percipiat?**

**Dico:** Si absque sua culpa nihil percipiat, nec percepturus sit per modum compensationis, non tenetur interim ad horas titulo Beneficii: Quia non habet Beneficium secundum omnem effectum. Nisi sit talis casus, circa quem aliter ferat Ecclesiæ consuetudo. Si verò fructus hujusmodi percepturus sit alio anno cum aliis, tenetur, ut constat.

**Quid si Beneficium est quidem collatum, sed nondum in possessione?**

**Dico:** Prædictè probabilius videtur, solum Beneficii titulum sine possessione non sufficere, ut quis obligetur ad horas, nisi ipse Beneficiatus sit causa dilatae possessionis, aut fructus postea sint compensandi, vel aliter habeat consuetudo Ecclesiæ illius.

**Ratio:** Ante pacificam possessionem non censetur quis plene, & perfectè Beneficium consecutus.

*Quomodo intelligis, quod ante dixisti de primis sex mensibus?*

**Dico:** Sensus est: Beneficiatus possidens Beneficium, & in primis sex mensibus omittens horas graviter quidem peccat, sed non tenetur restituere. Obligatio ergo restituendi incipit post sex menses numerandos a die adepti Beneficii. Ita patet ex Bulla Leonis X. & S. Pii V. Excepit, si fundationi inserta sit obligatio orandi etiam primis sex mensibus.

**Quid sentis de novis Canonicis, quibus juxta Germanicæ consuetudinem (non obstante Bulla S. Pii V. eam reprobante, sed non recepta, mandante ut saltem detur eis dimidia fructuum pars) primo, aut altero anno redditus subtrahuntur, ut Senioribus ad honestiorem sustentationem accrescant?**

**Dico:** Si sit immemorialis, & cum approbatione Summi Pontificis legitime introducta consuetudo, ut primis annis horas non recitent, non tenetur. Si verò non sit, tutius, & probabilius est, eos teneri.

**Ratio:** Et si nunc careant fructibus, postea tamen accipient uberioris: quod autem differtur, non aufertur. Et hoc maxime in iis locis, ubi post mortem habent annum *gratia*, ut vocant, quo adhuc percipiunt, vel pro funeralibus, vel pro debitis solvendis, vel percipiunt consanguinei: Si autem nil accipiant ex eo, quod resignent, vel moriantur, priusquam accipiant, per accidens est.

**LXXIV. Hæcenus de Beneficiato simplici in sacris non confusio.**

**Resp. 3.** Habens sacrum Ordinē sine Beneficio sub mortali tenetur dicere horas Canonicas. Ita distat consuetudo Ecclesiæ obtinens vim Legis.

**Ratio** est, quia utitur S. Th. quodl. 6. art. 8. Nam sacris initiati ex vi suæ consecrationis specialiter sunt dicati divino cultui, cujus principalis pars est Officium divinum, seu Horæ Canonicæ.

**Resp. 4.** Habens Beneficium curatum, omitendo horas non solum mortaliter peccat, sed etiam tenetur ad restitutionem fructuum pro rata. Verum Cappellani, seu Parochorum Cooperatorum licet peccent, restituere tamen non tenentur.

**Ratio** primæ partis est eadem, quæ pro R. 3. Ubietiam patet de Beneficiato simplici.

*Ratio*

*Ratio* secundæ partis: Quia dicti Cappellani (communiter saltem) suum Salarium non accipiunt ex Beneficio ecclesiastico, sed ob personale servitium, & parochiales functiones.

LXXV. *Esne* eodem modo rata omissionis horarum accipienda de Parocho, ac de Beneficiato simplici?

*Dico*: Non est. Nam cum in pœnalibus, & odiosis benignior interpretatio sit facienda, & æquitas rigori juris præferenda, sit Lex ex æquo, & bono (salva ratione recti sermonis) interpretationem recipere possit; idèd prædicè probabilius videtur, quod ly omnes fructus, dum in Bullis dicitur esse ab omittente horas restituendos, intelligatur in Parochis (immò & aliis Beneficiatis, quibus incumbit onus Missas dicendi, vel similia agendi) cum restrictione ad fructus Breviario correspondentes, non verò correspondentes aliis oneribus parochialibus, ut sunt, concionari, Sacramenta administrare, &c. Ratio ergo pro Parocho facienda est arbitrio boni Viri, dividendo v.g. redditus in tres partes, quarum duæ correspondeant laboribus parochialibus; tertia horis: ut, si quotidie habeat 3. florenos, pro toto Breviario, semel omisso restituendus sit unus florenus.

LXXVI. *Qui ex dispensatione* Papæ habet duo Beneficia compatibilia, teneturne bis orare horas?

*Dico*: Prædicè probabilius est, satisfieri unica recitatione.

*Ratio*: Tum quia unico actu possunt impleri duo præcepta, ut patet ex præcedentibus in eo, qui orat horas sub Missa præcepta; Vel ex voto jejunit in die, quo etiam ex præcepto tenetur, & in Religioso orante horas ex obligatione Professionis, & sacri Ordinis. Tum quia non censetur esse alia mens Papæ dispensantis.

*Oppono*: Per unicam Missam non potest quis satisfacere pro duplici stipendio, etiam inadæquato. Ergo similiter.

N. conseq. Nam stipendium pro Sacerdote celebrante est Lege, vel consuetudine taxatum, quo majus ex justitia exigere Sacerdos non potest. Si sit parvum, vel minus justum, & sponte acceptavit, imputet sibi, quia faciens, & volens contractum iniri. De quo alibi.

LXXVII. *Resp.* 5. Religiosi professi habentes Chorum tenentur sub mortali recitare horas Canonicas, etiam privatim. Est certum:

*Resp.* 6. Radix hujus obligationis non est, quia Religiosi vivunt ex fundationibus, & elemosynis, & eo pacto, ut horas orent, a fidelibus aluntur.

*Ratio*: Quia hæc ratio tangit omnes Religiones, adeoque omnes tenerentur ad horas, quod tamen non est. Nec illa radix est Professio, & institutio, quia, ut profe, & tota Ec-

clesia orent, ad Chori sequelam sunt vocati.

*Ratio*: Quia ex hoc sequeretur, quod privatim non tenerentur ad horas, quia illi obligationi satisfaceret per Communitatem in Choro congregatam, et si aliqui essent absentes. Sicut dum aliqua Religio instituitur ad prædicandum, & militandum, non tenetur quilibet in particulari prædicare, aut militare.

Probabilius ergo est, quod radix illius obligationis sit immemorabilis consuetudo ex ipsa profitentium praxi vim legis obtinens, & a Summis Pontificibus ut obligatoria declarata. Nam S. Pius V. in reformatione Breviarii Romani jubet, ut iuxta ejus ritum omnes etiam Religiosi teneantur orare, nisi quia ducentis annis ex approbata institutione alium ritum habuerint. Et pro ordine nostro Clemens VIII. jussit, ut omnes juxta Breviarii nostri reformationem tam in Choro, quam extra teneantur orare.

QUÆRO V. Religiosi ad sæculum ejei. 2. Ad tirremes damnati. 3. Extra Claustrum degentes. 4. Ad Matrimonium dispensati. 5. Novitii. 6. Conversi, seu Laici. 7. Moniales, tenenturne ad horas?

LXXVIII. *Resp.* ad omnia, quod mihi probabilius videtur. 1. ad 1. affirmativè.

*Ratio*: Quia Religiosi ejei manent substantialiter Religiosi, nec eorum Professio extinguitur. Ergo sicut tenentur servare vota essentialia, ita & horas recitare: aliàs enim ex sua iniquitate reportarent commodum, & alleviationem.

*Exceptio est*, si Professio omnino extinguatur, uti fit in aliquibus ejeiis è Societate.

*Resp.* 2. Damnati ad tirremes, licet ob labores plerumque excusentur, si tamen habeant tempus, & Breviarium, recitare tenentur id, quod possunt, ob rationem datam.

*Resp.* 3. Idem est de degentibus ex dispensatione extra Claustrum.

*Resp.* 4. Loquendo de Religioso dispensato ad Matrimonium (dato, & non concessio, id fieri posse) vel manet simul Religiosus, & sic manet obligatus ad horas, si non manet, deobligatur. Quia sub lato principali, tolluntur & accessoria. Quod si talis haberet Ordinem sacrum, maneret ex vi illius obligatus, nisi præter priorem adhuc specialem quoad hoc haberet dispensationem; Quæ ob curas domesticas forsan facile impetraretur?

*Resp.* 5. Novitii non tenentur sub peccato ad horas Canonicas, nisi sint in sacris, vel Beneficiati, sed obligatio incipit cum Professione. Nihilominus nostræ Constitutiones de nostris dicunt Dist. 1. Cap. 1. lit. D. quod Novitius pro Eleemosynis loco officii debeat dicere aliquas Orationes pro satisfactione.

*Resp.* 6. Conversi nostri non tenentur ad horas Canonicas.

*Ratio:* Quia Ordinem non profitentur, ut vacant Choro, sed operibus manualibus, ut in sudore vultus sui vescantur pane suo, & sint servitores Clericorum Monasterii. Si tamen Religiosus Conversus fieret Clericus, teneretur. E contra si Religiosus Clericus fieret Conversus, deobligaretur, nisi esset in sacris

*Oppono:* Nostra Statuta Conversis prescribunt pro horis Canonicis certas orationes, *Pater*, & *Ave*. Quid de his censet?

Ad hoc R. Non prescribi sub precepto, sed ex Statuto Regulæ, unde tenentur ad eas, non ut ad horas Canonicas, sed sicut ad alia nostra Statuta, quæ ex vi Regulæ non obligant sub culpa. Quod in Ordine meo indubitatum est, ait noster Donatus. De quo vide Constit. loc. cit. Idem est de Monialibus Conversis.

LXXXIX. *Resp. 7.* Moniales solemniter Professæ Choro deputatæ in tutiore, & probabiliores sententia, sub mortali tenentur ad horas Canonicas etiam extra Chorum. Opposita sententia nostro Donato videtur carere probabilitate; Non dicam, ait, temeraria contra communem, scandalosa; & salutem animarum odiosa.

*Ratio* est eadem, quæ de viris Professis ad Chorum deputatis, nimirum radix hujus obligationis est immemorialis universalis consuetudo, obtinens vim Legis ex ipsa praxi Monialium professarum, si horas omittant, sub mortali in Confessione se accusant; & auctoritate Sedis Apostolice firmata. Ergo. Unde Clement. *Gravi*. de celebrat. Miss. supponens obligationem divini Officii sub mortali, absolute loquitur de Regularibus, sub quorum nomine etiam veniunt Moniales.

*Oppono:* Consuetudo accessoria ad Regulam non potest obligare plus, quam Regula ipsa; Sed consuetudo recitandi horas Canonicas est accessoria ad Regulam. Ergo non obligat plus, quam Regula; Sed Regula aliquorum Ordinum non obligat sub culpa. Ergo nec, &c.

Ad hoc N. prima Minor. Nam dicta consuetudo, non est accessoria, sed potius prævia, præambula, seu antecedens omnem particularem Regulam per modum Sacrificii laudis introducta ad Dei Gloriam, & commune bonum, ac ornamentum totius Ecclesiæ.

QUÆRO VI. Equites, Commendatores dicti, v.g. Melitenses, & Teutonicis, obligantur ne ad horas, aliasve preces in Regula præscriptas sub mortali? Idem quæro de Canonissis secularibus?

LXXX. *Resp. 1.* Licet dicti Equites, utpotè vota solemnia Religionis emittentes sint verè Religiosi, non tamen tenentur ad horas canonicas, etiam privatim recitandas.

*Ratio:* Quia ex vi Professionis non deputantur ad Chorum, sed tantum ad militiam; Nec Regula eis hanc obligationem imponit.

*Resp. 2.* Ad preces in Regula præscriptas non tenentur sub mortali, omni tamen modo eis consulendum, ne illas negligant.

*Ratio:* Quia Regula id non exprimit, nec utitur verbis sub mortali obligantibus, sed potius consultivis. Nec ille preces possunt dici Officiū divinum præceptum Canonicum, sed Religiosum consultivum, ut loquuntur DD.

LXXXI. *Resp. 3.* Quod concernit Canonissas Sæculares considerandum 1. an inhabitant Collegium, quod antehac fuerit verum Monasterium Monialium, gaudeantque earum redditibus. Si sic, eo strictior eas tenet obligatio. Qui enim succedit in locum, succedit in jus, & obligationem. Considerandum, 2. vel potius examinanda est Canonissa pœnitens, an non sit Communis Conforum sui Collegii sensus, quod horas privatim etiam omittendo peccent mortaliter. Legi namque, quod in quodam simili Collegio Illustrissima Antistita solita fuerit admonere suas subditas, quod mortaliter peccent Breuiarium omittendo. Si ergo communis ille sensus sit, judicandum est, eas sub mortali teneri.

*Resp. 4.* Communitas dictarum Canonissarum ad Chorum publicum, ubi est in usu, tenetur sub mortali.

*Ratio:* Licet enim non sint Religiosæ, nec, excepta Antistita (habeat vota) uti nec propriæ Beneficia; vel Præbendas, habent tamen fundatos redditus Præbendis quodammodo affines. Item videntur obligari ex consuetudine. Accedit, quod si Chorum publicum vel semel omittent, esset magnum scandalum.

Dixi, ubi est in usu; legi namque alicubi ab iis nec Sacrum, nec Horas per hebdomadam cantari, sed tantum diebus Dominicis Missam, Vesperas, ac minores horas. Sed tunc maturè pendendum, an non sit abusus.

*Resp. 5.* De mortali obligatione Canonissarum seculariū recitandi Breuiarium, privatim, valde timide loquuntur Doctores. Neusser in sua Polyanthea morali dicit esse probabile, quod non obligentur, ob rationem dandam. Citat pro se Lessium, & Gobat. Hic posterior in Theol. Experim. Traç. 5. n. 633. sic discurrit: Peccant mortaliter illæ, quarum culpa evenit, ut aliquo die omittatur publicum Cfficium Canonicum, non tamen delinquit mortaliter, quæ biduo, aut triduo negligit Chorum, non necessaria ad illum, aut etiam, quæ uno, alterove die, nec domi, nec in Choro recitat.

*Rationem dat:* Non enim fuit primaria intentio Fundatorū, aut Fundatricum, vel Ecclesiæ, obligare has ad orandum pro Ecclesiâ tanquam ministras hujus, sed ut Chorum haberent, & honestè pièque educarentur. Nihilominus tamen credibile est, eas delinquere mortaliter, si una integra hebdomada omittant; nā tunc videntur repugnare graviter menti Fundatricis, at non id-

idcirco tenentur ad restitutionem. Nec enim sunt propriè Beneficiales, etsi possit fieri statutum, ut si per multos dies absint, nequeant accipere fructus, aut certè is non datur. Hæc ille.

Ego sanè non tam multum debeminitate Fundatorum præsumo, ne occasione præbeam negligentiae, sed iudico, eam, quæ unico etiam die integrum, vel medium penum ex negligentia omitteret, mortaliter peccasse: attamen juxta sensum R. tertiæ, restitutionis obligationem ex Fundatorum pietate condonari præsumerem.

Ex dictis Colligitur, quid sit Canonia, & Canonissa sæcularis? Est enim Canonia hæc jus quoddam, quo alicui Virgini, vel fæminæ, ex co quod assumatur in Sororem, competunt certi proventus, ac locus in Choro, & Capitulo. Canonissa dicitur, quæ facta hac assumptione vivit juxta aliquot Canones, speciali velle utitur, & cuidam Abbatissæ, vel propositæ subicitur. Dicitur Sæcularis, quia tria Religionis vota non facit, sed Canoniæ resignare, & nubere potest pro libitu.

QUÆRO VII. Quæ intentio, & attentio requiritur ad Horas?

LXXXII. Ante R. Not. quod licet intentio, & attentio interdum pro eodem sumantur propriè tamè differunt. Quia intentio est actus voluntatis, nimirum affectus, volitio, seu propositum aliquod faciendi, v.g. Sacramentum conficiendi, vel orandi, a Deo aliquid petendi; attentio verò est actus intellectus, nimirum consideratio, & advertentia mentis ad Orationem exterius prolatam, vel ad objectum ejus.

Not. 2. ex S. D. suprà q. 83. a. 13. in c. quod attentio ad Orationem vocalem sit triplex. Una, qua attenditur ad verba, ne quis in eis erret. Secunda, qua attenditur ad sensum verborum. Tertia, qua attenditur ad finem Orationis, scilicet ad Deum, & ad rem, pro qua oratur. Quæ quidem est maximè necessaria. Et hæc etiam possunt habere idiotæ, ait S. Thom.

Not. 3. Intentionem, & attentionem, quocunque ex tribus his modis sumatur, adhuc esse triplicem. 1. Formalem, seu actualem. 2. Virtuale. 3. Habitualement. Prima est ipsa actus intentionis, & attentionis physicè existens, & est duplex. Una explicita, seu in actu signato, qua quis ad ipsam intentionem, & attentionem se reflectit expressè advertens se intendere, aut attendere. Altera implicita, sive in actu exercito, quando nimirum advertens quid agat, volens illud agit, v.g. pro Missa Missale aperit, Collectas quærit, Calicem instruit, Formam profert; Vel pro horis Breviarium inspicit, oranda inquirunt, licet super intentionem explicitè se non reflectat. Virtualis juxta Thomam est virtus a priorè relicta seu qualitas, aut motio ex vi intentionis actualis impressa potentiæ externis, qua hæc mo-

ventur, v.g. ad faciendas adiones sacramentales, vel recitandum Breviarium, ad opus continuandum, & hæc manet, quamdiu quis virtute primi propositi, vel actus, nulla (sive directè, v.g. per voluntariam retractionem, vel indirectè, v.g. exercendo adionem incompatibilem) contraria intentione revocati, in actione cæpta, v.g. horarum recitatione, persistit: licet ex innata fragilitate mens ad alia distrahat, modo distractionis, dum advertitur, non consentiatur, sed ea pro possibili excludatur. Habitualis est quædam propensio, seu proclivitas ad aliquid faciendum ex præcedentibus actibus relicta, sic ut intentio actualis quidem aliquando præceperit, sed defectu, nec in se, nec in aliquo effectu, nec in memoria, vel cogitatione hominis existat, unde & esse potest in dormientibus, qui ex assuetudine certas actiones, quæ non sunt humanæ, faciunt, v.g. orant, loquuntur, disputant, &c. Est & alia intentio, nimirum interpretativa, seu de iure Tract. 117. Exam. 4. n. 32. in R. 3. His notatis

Resp. 1. Ut oratio etiam horarum Canoniarum non solum legitime, & in ratione actus meritorii, & ad satisfaciendum præcepto, sed etiam quoad substantiam fiat, necessaria est intentio, & attentio.

Ratio 1. partis: Oratio debet esse actus humanus, seu liber: Sed sine intentione non est talis, quia de causa actus dormientium, amentium, infantium, &c. non sunt humani, &c.

Ratio 2. partis: Oratio est mentis in Deum elevatio: Sed mens ad Deum non elevatur, nisi attendat ad eam, quæ lingua loquitur. Ergo.

Ratio 2. Intentio, & attentio actualis, licet sit omnium optima, non tamen est simpliciter necessaria sub tota Oratione. Habitualis non sufficit, Virtualis sufficit, & illa saltem est simpliciter necessaria in probabiliori sententia.

Ratio 1. partis: Ad impossibile non est obligatio: Sed continuata intentio, & attentio actualis est homini moraliter impossibilis. Unde S. D. 3. p. q. 64. a. 8. ad 3. ait: *Habere intentionem actualem non est totaliter positum in hominis potestate, quia præter intentionem, cum homo vult multum intendere, incipit alia cogitare, secundum illud Psal. 34. Cor meum dereliquit me.* Ergo.

Ratio 2. & 3. partis: Oratio debet esse actus humanus, & deliberatus: Sed ad illam non sufficit intentio, vel attentio habitualis, ut patet ex ejus descriptione, sufficit autem virtualis, cum illa sit ipsa actualis in virtute relicta existens. Unde S. Thom. q. 63. a. 13. ait: *Vis prima intentionis, qua quis ad orandum accedit, reddit totam orationem meritoriam.* Ergo.

Resp. 3. Loquendo de triplici attentione in Not. 2. explicata, ad Orationem, ejusque fructum sufficit prima, nimirum attentio ad verba, simul cum

cum animo devotè colendi Deū, licet desit attentio ad sensum, & meditatio, ut patet in Monialibus, latine orantibus, & sensum non intelligentibus, nec sub receptione plerumque in meditatione, se exercentibus: si tamen simul divina meditentur, optimè faciunt, uti & illi, qui simul attendunt ad sensum verborum, & Orationis finem. Sic enim omnes illæ attentiones concurrunt. Ubi

Not. quòd dum S. D. dicit, tertiam attentionem, nimirum ad Deum ipsum, esse maximè necessariam, & communem, quam etiam possunt habere idiotæ, non loquitur de necessitate absoluta, sed solum ad melius esse, & solum vult significare præstantiam tertie attentionis super reliquis duabus; quæ ordinantur ad illam, sicut ad finem.

LXXXIII. *Oppono 1.* Interdum quis orat sine omni obligatione. Ergo nō tenetur efficæctus.

2. Potest aliquis orare etiam cum fructu, & sub Oratione manus lavare, & se vestire; Sed tunc non potest efficæctus. Ergo.

3. Ecclesia non potest præcipere actum internum: Sed intentio, & attentio est actus internus. Ergo.

4. Ergo sequitur, quòd Clericus, & Religiosus mortaliter peccent, immò Clericus etiam teneatur ad restitutionem fructuum si sub horis, vel notabili earum parte nullam attentionem habeat, sed voluntarie se distrabat; quod tamen durum videtur.

*Resp. ad 1. dist. conf.* Absolutè non tenetur, cum possit non orare. C. conf. Ex suppositione quòd oret, N. cum ergo homo per orationem etiam non obligatoriam loquatur Deo, tenetur eam facere cum reverentia Deo debita.

*Ad 2. N. min.* Nam aliæ sunt actiones cum interna in- & attentione compatibles, uti sunt insinuatæ, unde Sacerdoti celebraturo prescribuntur preces dicendæ inter induendum; aliæ verò sunt incompatibiles, v.g. scribere, calculare, ludere. Hinc obligationi suæ non satisfecit ille Canonicus, qui una manu Breviarium tenens, & orans, altera manu canes suos pabulare solebat sub continuata oratione.

*Ad 3. satisfactum est suprà Tract. 6. Exam. 5. n. 59. & 60.*

*Ad 4. R. admittendo sequelam;* nam Ecclesia (dum c. dolentes. De celebrat. Miss. sub virtute obedientie præcipit, horas dici studiosè, & devotè) & Beneficiorum Fundatores non requirunt nudum sonum vocis, sed orationem propriam, quæ non est sine attentione.

Ex quo sequitur, quòd & illi mortaliter peccent, & (si Clerici beneficiati sint) fructus pro rata restituere teneantur, qui syllabas, aut voces deglutendo, aut syncopando tantam verbum partem corrumpunt, vel deglutunt, ut inde fiat notabilis pars. Idem est de his, qui alternatim legendo, vel cantando, alterum versum

inchoant, antequam alius priorem finaverit.

QUÆRO VIII. Quam gravis est obligatio comparandi in Choro, live pro Religioso, live pro Canonico? Quot Religiosi Chorum faciunt? Canonici sub Officio divino Missam legentes lucrantur distributiones?

LXXXIV. *Resp. 1.* Communitas Religiosorum tenetur sub mortali quotidie in Ecclesia publice horas Canonicas persolvere. Quæ obligatio non solum afficit Prælatos, ut attendant, subditosque compellant. 3. Sed & singulos Religiosos Choro deputatos.

1. Pars tum ex immemorabili consuetudine, tum ex variis Pontificum Decretis constat.

2. Pars constat ex iisdem, & specialiter ex Decreto Clementis VIII. patet, quòd nec Generales a servitio Chori sunt immunes, nisi dum actu occupantur in proprii Officii munere.

Ex quo nosse Donatus infort, quòd quamvis subditi mortaliter peccent, si sine iusta causa omittant sequi Chorum per unum diem, adhuc tamen majus peccatum committant Superiores omittentes sequi Chorum per idem tempus, sine tamen legitimo impedimento, ut constat ex Clem. 1. de celebrat. Miss. Tum quia Superioribus maxime incumbit cura boni communis: Tum etiam, quia alii serunt Canes latrare non va-aut non volentes, eorumque est, non solum verbo, sed opere docere. Similiter indubiè mortaliter peccant Superiores permittentes, ut etiam uno die, quo in Choro deberet dici, omittatur Officium B. V. Officium Defunct. Litaniz majores in Festo S. Marci, vel tribus diebus Rogationum, &c.

*Ratio 3. p.* Quia quisvis in particulari tenetur sub peccato, & quidem (si sit in re gravi) mortali, succurrere Bono communi, si sit in periculo. Ergo.

*Resp. 2.* Probabilius est, quòd duo, vel tres non faciunt Chorum.

*Ratio:* Chorus hic sumitur, non pro loco illo materiali, sed pro congregatione Choralium ad orandum, vel psallendum publice: Sed publica hæc oratio, & psalmodia cum deformitate fit a duobus, vel tribus. Ergo duo, vel tres non faciunt Chorum; consequenter, si non major numerus compareat, alii sine iusta causa emanantes, in conscientia non excusantur.

Idem patet ex Innoc. X. qui in sua Constitutione super suppressione parvorum Conventuum vult, ut ad minus ibi sint quatuor Sacerdotes ad obeunda munia Religionis, inter quæ præcipuum est, horas recitare in Choro. Ergo.

Ex his sequitur, quòd si sint aliqui Conventus habentes tam paucas personas, teneantur tamen sub mortali ad Chorum. Quia tenentur facere, quod possunt.

Non obstat 1. quòd tres faciunt Capitulum, sic enim in multis locis, & casibus praticatur, quia

quia fit absque deformitate: Non obstat 2. illud Chrilii Matth. 18. v. 10. *Ubi sunt duo, vel tres congregati in nomine meo, ibi sum in medio eorum.* Verum enim est, quòd duobus, vel tribus in nomine Chrilii congregatis, ipse non desit, ex hoc tamen non fit, quòd alii sine causa se abstantes excusentur.

Notanda pro Superiorum Religiosorum stimulo hęc est Historia de S. Aichardo Abbate, qui cum sub decantata Nona capillos ex capite, & mento sibi præcindi fecit, vitus fuit dæmon singulos præcisos capillos industriose querens, numerans, & in ordinem redigens, stricto Judici offerendos, & flamma purgante comburendos. Sed sanctus vir re divinitus intellectus ex instinctu S. Spiritus cum semitonio capite ad Fratres occurrit, culpam confitens, & de ea poenitens, ac Fratrum preces exposcens, quarum efficacia impetravit, ut ab eo qui suis fidelibus dixit. Capillus de capite vestro non peribit, capilli omnes, & singuli fuerint miraculose restituti in caput, & mentum, uterant antè.

*Resp. 3.* Soli novitii non possunt constituere Chorum, nisi ex iusta, & necessaria causa.

*Ratio 1. p.* Chorus est onus personale Professorum, & eorum, qui Monasterio sunt incorporati, quales non sunt Novitii.

*Ratio 2. p.* Novitii in favorabilibus reputantur pars Communitatis, & gaudent privilegiis Professorum. Ergo saltem ex iusta causa possunt eorum vices supplere in Choro.

*LXXXV. Resp. 4.* Certum est, quòd inspiciendo primam Canonicorum institutionem, & Concilii Tridentini verba, tutor, & probabilior sit sententia docens, Canonicos in conscientia sub mortali teneri immediate per seipsos Choro assistere, & psallere, ac cantare; secus, teneri restituere fructus, & præsentias.

*Ratio:* Quia ad hoc Canonici sunt instituti, & ob hoc dantur eis stipendia. Unde & Concilii Trid. sess. 24. cap. 12. statuit: *Omnes divini per se, & non per substitutos, compellantur obire officia, &c. atque in Choro ad psallendum institui, hymnis, & canticis Dei nomē reverenter, distinctè, devotèque laudare.* Sed

*Resp. 5.* Non ausim peccati mortalis damnare defecto illos Canonicos, qui habent suos Cappellanos, & Cantores Vicarios, qui in Choro psallunt, & cantant, cum hac tamen clausula, dummodò ipsi (nisi iusta excuset causa) Choro, non solum physicè, seu corpore, sed & moraliter, seu animo devoto, & attento assistant, ineptias non traçant, diù non confabulentur: secus, mortaliter peccant, & ad restitutionem tenentur. Et licet ipsi motu proprio ante indecant restitutionem, tamen mortaliter peccant.

*Ratio:* Quia ita docet usus multis retrò an-

nis introductus, Prælati Ecclesiæ, nimirum Episcopis, & ipsis Illustrissimis Nuntiis Apostolicis videntibus, & non contradicentibus. Ubi non immeritò considerandum, quòd psalmodia Choralis melius peragatur per Vicarios, quàm per Canonicos, quorum pauci hoc tempore in Cantu sunt versati.

*LXXXVI. Sed quid sentis de illis Canonicis, qui rarissimè per annum, cum tamen possent, in Choro compareant, horas tamen domi semper perolvunt?*

Non desunt DD. qui ob eandem mox datam rationem illos, si scandalum, & contemptus desit, a mortali excusant, excepto casu, quo propter eorum absentiam Chorus negligetur. Sed quoad hoc dico: Multa dissimulantur etiam a Prælati Ecclesiæ, quæ tamen non approbantur, nec ex dissimulatione licita sunt. Nec video legitimum, ac solidum eos excusandi modum, nisi senium, infirmitas, vel similis causa excuset. Est profectò res hæc periculosa.

*LXXXVII. Resp. 6.* Ad ultimam Quæstionem octavi partem, teste Garcia, negativè fuisse declaratum a Cardinalibus, nisi Missam tunc celebrent ex iussu Superioris. Quia autem hæc Declaratio videtur fundari in allegato decreto Trident. vicijus Canonici per se ipsos deberent in Choro psallere, hic autem rigor in sensu explicato sit per consuetudinem mitigatus; nec tales Canonici videntur ob id damnandi: consultius tamen foret stare Declarationi Card.

**QUÆRO IX.** Quomodo resolvis hos casus?

1. Quo Breviario utendum? Dominicanus potestne uti Romano?

2. Infirmus, qui non potest perolvere totum, benè tamen partem, teneturne?

3. Qui potest per se, teneturne horas orare per alium?

4. Quid censet de cæco, & surdo? Vel de eo, qui habet solum Diurnum, non verò Breviarium, ita ut desint solæ Lectiones?

5. Licetne orare de Sancto? Vel etiam breve Officium de Resurrectione, dum est de feria?

6. Quid de Pulsante Organum?

7. Quid de inquirentibus palmos sub horis?

8. Excommunicatus teneturne dicere horas?

9. Quinam potest cum aliquo dispensare in horis dicendis?

10. Estne necessariò a Sacerdote dicendum Matutinum ante Missam? Item, Licetne privatim dicere horas sub Missa præcepta?

11. Quæ sunt causæ excusantes a Breviario?

*LXXXVIII. Resp. ad i.* Clerici sub peccato mortali tenentur uti Breviario Romano juxta ritum suæ Diocesis, saltem dum sunt in ea illam.

Dum



Dum verò sunt in alia, in qua celebratur festum illi Diocesi proprium, possunt se accommodare. Item in casu, quo Romanum habere non possent benè tamen alterius Religionis, illo ad interim uti deberent. Similiter Religiosi ex privilegio proprium Breviarium habentes, ut Dominicani, & alii tenentur sub mortali illo uti juxta suum ritum, nisi fortè aliud habere non possent, quàm Romanum, vel simile. Sed adhibitum, & sine necessitate ab eo, etiam extra Chorum, recedere, peccatum est. Quia suum, & non aliud pro sua Religionè approbatum est. Et dato, probabile esse, quòd quis privatim prohibitu possit uti Romano, motus hac ratione, quod se conformet Ecclesiæ Romanæ Ecclesiarum omnium Matri: Ex hoc tamen non sequitur, Religiosum licitè ad placitum posse uti etiam Breviario proprio alterius Religionis, v.g. Dominicanæ; ob rationem oppositam.

LXXXIX. Ad 2. Si possit saltem recitare Matutinum, vel aliam integram horam, tenetur. Si verò solum hymnum, vel unum, alterumve psalmum, ad nihil tenetur.

*Ratio:* Quia aliàs vix ullus infirmus excusaretur ab horis, quia vix ullus est, qui non possit saltem aliquid orare, immò infirmus fieret perplexus: difficile enim est discernere quantum possit orare.

Gravis ergo infirmitas excusat, si judicio prudentis medici horarum recitatio magis nocet: Tum quia Ecclesia non censetur obligare cum tanto periculo. Tum quia, ut lex obliget, debet esse moraliter possibilis, adeoque humano usui accommodata. Si medicus dubitet, putatur pro securitate dispensatio. Si infirmitas accedat statutis horis, ut Quartana, recitatio præveniatur, vel fiat post paroxysmum; Qui non potest sine, bene tamen cum socio, eumque commode potest habere, tenetur; Ita enim dicitur obligatio implendi præceptum, quia debitum tenetur solvere eo modo, quo possumus commode. Et hoc maxime prædicare deberet infirmus habens pingue Beneficium.

Not. hanc Propositionem ab Innoc. XI. n. 54. esse damnatam: *Qui non potest recitare Matutinum, & Laudes, potest autem reliquas horas, ad nihil tenetur quia major pars trahit ad se minorem.*

XC. Ad 5. Talis quidem bene faceret, sed non tenetur. Quia onus dicendi horas est personale, estque ad dicendum, non ad audiendum.

Ad 4. Si cæcus possit horas memoriter recitare, vel si possit cum socio, eumque commode habere possit tenetur ob rationem antea de infirmo innotatam. Secus, ad nihil tenetur de horis, quia ad impossibile non datur obligatio. Debet tamen supplere per alias preces, v.g. Officium B. V. Rosaria, &c. arbitrio Superioris, a quo si tunc simul petatur dispensatio, securissimè agitur.

Surdus; loquipotens, tenetur ad horas; enim tenetur le audire, cum non possit, sed sufficit, quòd ore pronunciet, & mente attendat. Satisfacit etiam in Choro cum aliis cantando, licet alios non audiat. Immo homo non surdaster, licet bene faciat, horas orando sic ut ipse faudiat, ad hoc tamen non est sub peccato obligatus. Quia obligatio hæc, putà, in privata recitatione, non est ad audiendum, ut dixi, sed ad dicendum, potest autem fieri vocalis oratio, licet orans se non audiat; quia fit semper cum aliquo sono. Et oppositum est durum graviter audienti, vel oranti in strepitu, aut vento vehemente.

*Ad illud* de habente solum Diurnum, R. teneri dicere id, quòd potest. Immo ex rationabili causa possent horæ orari exceptis Lectiõibus, & hæc dici possent.

XCI. Ad 5. Non desunt DD. dicentes esse solum veniale, eò quòd putent esse solum mutationem accidentalem, & de necessitate præcepti solum esse septem horas. Verum tutius, & probabilius est, esse mortale, licet tantum semel fiat.

*Ratio:* Quia S. Pius V. præcipit recitari Officium quia formam ab ipso præscriptam: Sed ad hanc formam pertinet distributio Officii in tempora, festa, & dies. Ergo. Unde Alexander VII. 1666. in terminis damnat, ad minus, ut scandalosam, hanc Propositionem. *In die Palmarum recitans Officium Paschale satisfacit præcepto: Uti & hanc: Unico Officio potest quis satisfacere dupli præcepto pro die præfati, & crastino.*

XCII. Ad 6. & 7. Organista tenetur sub mortali Officium privatim dicere. Qui psalmos inquirunt, libros transferunt, campanas pulsant, aut thurificatione occupantur, si retenta interna attentione cum aliis simul orent, vel totum in silentio dicant, satisfaciunt, ut patet ex iis, quæ antedixi de actionibus cū Breviario compatibilibus. Quæ si etiam de Organista (quod ipse met sciens) verificentur, etiam satisfaciunt. Secus omnes illi tenentur repetere, si quid notabile omittant: non vespè, si modicè, pro hoc enim satisfacit Chorus. Dū unus Versus in Organo pulsatur, ille debet ab uno in Choro alta voce dici, ut ab omnibus intelligatur, aliàs alii non satisfaciunt, nisi submissè dicant, si ab alio non intelligat. Sicut dum alternatim psallitur, chorus tacens debet alterum bene intelligere.

XCIII. Ad 8. Excommunicatus etiam excommunicatione majori tenetur dicere horas privatim.

*Ratio:* Quia aliàs ex sua iniquitate reportaret commodum, nimis alleviationem; sed non debet dicere Dominus vobiscum ante Collectas, licet sit Sacerdos, quia hoc dicitur nomine Ecclesiæ, a qua ille est præcisus: unde debet dicere: Dominus exaudi orat. &c.

XCIV. Ad 9. Potest Papa cum omnibus. Licet



Licet enim Beneficium detur propter Officium, hoc tamen est per sacros Canones. Ex iure tamen naturæ talis absolutè dispensatus teneretur ad quid aliud ad regriendum. Episcopus potest, si non propriè dispensare, saltem ex iusta, v.g. infirmitatis causa, suis subditis licentiam omnittendi horas dare, interpretando ius Canonicum qualiter dispensat, ut illud interpretatur in materia jejunii, vel diei festi. Quid Prælati Regulares circa ius ex privilegio possint a Choro eos dispensando, patet ex decreto Clem. VIII. in quod dicitur: *Cum Leitoribus autem, & Prædicatoribus Superiores iis tantum diebus, quibus eos legere, aut prædicare consueverint, dispensare possint. Idem quoque præstare valeant cum ægrotis, & studiorum causa legitime impeditis.* Hinc absolutè, & simpliciter eos a Choro dispensare non possunt.

*Ratio est:* Quia nemo, Papa inferior, potest dispensare in iure Papali, & universalis consuetudine Ecclesiæ, nisi ex commissione, & legitima causa.

Circa recitationem privatam possunt id, quod ante dictum est de Episcopo.

Abbatissa, utpote in capax Jurisdictionis spiritalis, cum infirmis suis Monialibus quoad horas dispensare non potest, potest tamen ex commissione sui Prælati declarare causam ab horis etiam privatis excusantem.

XCV. *Ad 10.* Certum est, loquendo de publica horarum perfolutione in Choro, debere consuetas horas præmitti ante Missam Conventionalem. Probabilius est, nullum, vel saltem non esse mortale peccatum (maximè si fiat ex rationabili causa. celebrare Missam, non recitari privatim Matutinis cum Laudibus, licet sit de consilio, & decencia aliqua. Mera negligentia est venialis.

*Ratio:* Quia nulla de hoc extat lex, vel præceptum, & est materia levis, nec notabiliter facit ad majorem Dei cultum, aut sacri mysterii reverentiam. Nec est necessarium ex natura rei, nec ex connexion inter utrumque, nec ex consuetudine. Licet enim prius Sacerdotes juxta Rubricas Capituli Breviarii ita prædicent, hoc solum probat fieri decentiæ, devotionis, ac dispositionis gratia; non ex necessitate præcepti.

Ad id, quod additur, *Dico*, etiam probabilius videri, quod qui orat horas sub Missa præcepta, eodem actu satisfaciatur utrique præcepto.

*Ratio:* Quia illi duo actus Religionis, nimirum audire Missam, & recitare horas, in omni integritate sunt composibiles, quia talis adest Missæ præsentia corporali, & morali, per neutrum enim ab altero distrahitur, retinet namque unam saltem ex triplici attentione supra explicata: quia non tenetur attendere ad verba Sacerdotis, sed reverenter interesse Ministerio Sacerdotis apud aram, illud videndo, vel audiendo,

quod sit recitando horas. Nihilominus melius facit, si sub Missa præcepta oret preces non præceptas, & horas Canonicas alio tempore.

XCVI. *Ad 11.* patet ex dictis. Causæ enim a Breviario excusantes sunt 4. *Prima* est cecitas, vel infirmitas, in sensu ad 4. casum explicato. *Secunda*, Inculpabilis carentia Breviarii, v.g. in itinere deperditi: quomodo autem tunc supplendum, patet ex dictis. Qui liberè Breviarii projecti in flumen, tamdiu peccant non orando, quamdiu eum non pœnitet projecisse. Dum verò sincerè pœnitet; omisso ei non amplius imputatur ad culpam, quia carentia Breviarii non est ei amplius voluntaria. *Tertia*, Repentina, & gravis occupatio, quæ cum horarum recitatione non potest perfici. & sine scandalo, vel peccato, aut gravi, siue sui, siue aliorum incommodo, nequit differri, v.g. cura infirmorum, concio, confessionum auditio, publica lectio, &c. Sed rarissimum est talis casus, ut horæ non possint anticipari, vel dici post negotium. *Quarta*, Dispenlatio, prout explicatum est ad casum 9.

*Celebratio festorum. S. D. q. 122. art. 4.*

QUÆRO X. Quid est festum, cur, & a quo institutum, quando incipit, quodnam de eo præceptum tum ad agendum, tum ad omitendum?

XCVII. *Resp. 1.* Festum significat diem institutum ad vacandum Deo per operas Religionis, & abstinentium ab opere servili. Talia festa sunt, Christi, Beatæ Virginis, Apostolorum, &c. inter hæc numeratur dies Dominica, dicta a Domino Salvatore; sicut alia festa, ita & dies Dominica quoad determinationem temporis est instituta ab Ecclesia, ac successit Sabbato, quod sanctificabatur a Judæis, tanquam dies septimus. Unde Exod. 20. præmissis præcepto de sanctificatione Sabbati assignatur ratio: Quia sex diebus fecit Deus Cælum, & terram, & septimo dierequievit.

*Resp. 2.* Ecclesia potuit mutare diem Sabbati in Dominicam. *Declaratur* ex S. Thom. cit. art. 4. ad 5. docente, quod præceptum de sanctificatione Sabbati est partim morale, partim cærimoniale. Morale quidem quantum ad hoc, quod homo deputet aliquod tempus vitæ suæ ad vacandum divinis; inest enim homini naturalis inclinatio ad hoc, quod cuiuslibet rei necessariæ deputetur aliquod tempus, sicut corporali refectioni, somno, & aliis huiusmodi. Unde etiam spirituali refectioni, qua mens hominis in Deo reficitur secundum disam naturalis rationis aliquod tempus deputat homo, & juxta hoc S. D. ait: Præceptum de sanctificatione Sabbati esse morale, & poni inter præcepta Decalogi,

logi, nec sic poteſt mutari; ſed inquantum in hoc præcepto determinatur ſpeciale tempus in ſignum creationis mundi, eſt cæremoniale, & figurativum, & ſic potuit mutari quoad diem taxatum. Pro quo

*Reſp. 3.* Eccleſia juſtè inſtituit diem Dominicæ loco Sabbati.

*Ratio:* Quia in die Dominica multa præclara fuerunt geſta, nimirum mundus creatus, Chriſtus deſcendi morte in eo reſurrexit, Apoſtoli prædicandi, & baptizandi poteſtatem acceperunt, Spiritus S. datus, &c.

*Reſp. 4.* Feſtum diverſimodè incipit reſpectu diverſorum aduum humanorum. Quoad jejunium incipit à media nocte præcedentis Vigiliæ. Quoad Officium Eccleſiæ incipit à primis Veſperis. Quoad ceſſationem ab opere ſervili incipit ab occaſu Solis (ubi tamen cõſuetudo loci eſt attendenda) & terminatur in veſpera ſequenti. Communiter tamen dicitur, quòd ab una ad alteram mediam noctem. Tandem, quoad obligationē auditionis Miſſæ ab ortu Solis.

*Reſp. 5.* Præceptum de celebratione feſti eſt affirmativum, quo præſcribuntur opera in eo faciendæ, ut Miſſa, Concio audiendæ, Veſperæ frequentandæ: & eſt negativum, quo præſcribuntur opera omittendæ, nimirum ſervilia.

**QUÆRO XI.** Quænam opera in Feſto ex præcepto ſunt faciendæ?

*XCVIII. Reſp. 1.* In die Feſto audire Concionem, & Veſperas, eſt quidem de conſilio, & valde proſicuum, ac Deo gratum, non tamen eſt de præcepto, ſed ad auditionem Miſſæ eſt obligatio ſub mortali. Nam ut habet præceptum Eccleſiæ, *Sacerd. Miſſa officiis diebus feſti reverenter*, id eſt, cum debita attentione, & devotione audire, intereſſendo nõ ſolum corpore, etiam exterius modè cõpoſito, ſed & devoto animo, aliàs nõ ſatiſfit præcepto, ut habet probabilior Sententia.

Hoc tamen præceptum impletur, etſi Miſſa audiatur extra Eccleſiam Parochialem, modò deſit contemptus ejus. Incipit obligare pueros dum perveniunt ad annos diſcretionis, quia autem hoc tempus non poteſt generaliter determinari, tutius eſt, pueros ad Miſſam audiendam mittere exadò ſeptennio, tunc enim præſumuntur capaces doli, & peccati, niſi invincibilis ignorantia eos excuſet.

*Reſp. 2.* Ut ſatiſfat præcepto de audiendâ Miſſa, non eſt neceſſe, ut quis celebrantem videat, vel audiat, ſed ſufficit, ſi ita moraliter præſens ſit, ut ex quibuſdam ſignis colligat, quid Sacerdos celebrans agat; Ut patet tum in magno confluxu populi, tum in cæcis, ac ludis, vel dñi Sacerdos valde ſubmiſſè legit. Hinc Donatus noſter Tom. 3. Tr. 7. q. 107. n. 3 bene ſenſit, quod etiam ſi, quæ eſt fenestra vicina domus ſuæ videt, & audit vocem Sacerdotis altè Miſſantis, abſque ullo dubio debeat dici præſens, vicinus, & unus de circumſtantibus ad Miſſam. Hoc tamen

*Tribunal Confeſſionarium.*

communiter non debet prædicari.

Not. quòd Innoc. XI. damnaverit has duas Propositiones n. 51. *Præceptum ſervandi Feſta non obligat ſub mortali ſuppoſito ſcandalò, ſi abſit contemptus.* Et n. 53. *Satisfaciæ præcepto Eccleſiæ de audiendo Sacro, qui duas ejus partes, immò quatuor ſimul à diverſis celebrantibus ſumit.*

*XCIX. Reſp. 3.* Integra Miſſa debet audiri, ſaltem uſq; ad Sacerdotis benedictionem. Qui ſine juſta cauſa omittit partem exiguam, peccat venialiter, qui notabilem, mortaliter. Quæ ſit notabilis pars, facile deſiniri non poteſt. Sunt, qui excuſant à mortali eum, qui circa Offertorium ad Miſſam accedit, & manet uſque ad benedictionem ſacerdotis, eò quòd attentè ſaltem principalia, quæ in Miſſa ſunt, audiat: cui ſententiæ non ſubſcribo. Communior, & verior ſententia eſt, non eſſe notabilem partem, adeòque mortaliter non peccari, ſi quis à principio Miſſæ adit uſque ad Communionem ſacerdotis incluſivè: vel à principio Epistolæ uſque ad benedictionem. Alii dicunt, tertiam partem Miſſæ, vel circiter, eſſe partem notabilem. Quæ verò tertia pars ſit, non deſinitur, proinde in hoc prudenti judicio opus eſt.

*C. Reſp. 4.* Qui à duobus Sacerdotibus non ſimul, ſed ſucceſſivè audit medietatem Miſſæ, v. gr. veniens ad unam partem immediatè poſt Conſecrationem, & ea finita eò uſque audit ſtatim alteram, non peccat mortaliter; venialiter tamen delinquit, ſi ex negligentia fiat.

*Ratio:* Quia audit integram Miſſam, licet inverſo ordine. Ergo præceptum implet, etſi in modo, & perfectione deſiciat.

*CI.* Sub Miſſa ſubſarali, peccatum eſt, veniale, ſi per modicam; mortale, ſi per notabilem (nimirum tertiam, vel circiter) Miſſæ partem fiat; cui ſæpe annueſcit grave ſcandalum aliorum præſentium. Idem eſt de diſtractione voluntaria mentis, proportionabiliter ut ſuprà dictum eſt de attentione ad horas Canonicas requiſita, quæ vide. Cæterùm pauca verba ex neceſſitate, vel civilitate (nequis moroſus videatur) proferre, & non plura, ac neceſſitas, vel civilitas requirit, cum motivum honeſtum ſit, culpa vacare poteſt.

*Reſp. 6.* Sub Sacro obligatorio ſe occupare in lectione alicujus libri, ſi fiat per modum orationis, & devotæ occupationis, peccatum non eſt; ſi per modum ſtudii; aut profanæ recreationis animi, eſt peccatum mortale.

*Ratio:* Quia attentio requiſita conſiſtit in devota mentis occupatione, precum recitatione, Sacramenti adoratione, rerum divinarum ſub Sacro conſideratione, ſpirituali Communione, & ſimili adu, quo Deus honoratur.

*Reſp. 7.* Dum alia Miſſa commodè haberi poteſt, ſeu ſine neceſſitate faciendo Confeſſionem ſacramentalem, præſertim longam, ſub Miſſa obligatoria, hoc præceptum non impletur.

E c

*Ratio:*

*Ratio:* Tum quia videtur esse negligentia gravis in tali contentione; tum etiam, quia peccatorum accusationem non est opus per modum orationis, aut meditationis, nec cum ea fiat, ut homo attendat ad actiones celebrantis, vel certe minus attendat ad sui accusationem.

*Dixi. sine necessitate:* Quia interdum in pagis, ubi unica solum est Missa, dum alius Sacerdos celebrat in Filiali, & alius in principali Ecclesia, sub cuius Missa prior confessiones audit, aliter esse vix potest. Observari etiam hic potest, an Sacrum sit musicum, ita ut Sacerdos epaulante, musica protrahatur.

*ClI. Resp. 8.* Degarrientibus sub alio Officio divino, v.g. Matutinarum, Vesperarum, Processionis, &c. non obligante sub peccato, distinguendum est: Si fiat longo tempore, praesertim alios turbando, peccat mortaliter; quia committit notabilem irreverentiam, & scandalum. Si fiat modico tempore, & sine scandalo, est veniale ob parvitatem.

*Not.* Extra tempus divini Officii in Ecclesia garrire, duendo discursus honestos, nullum est peccatum; duendo discursus inutiles, vanos, otiosos, &c. non est, nisi veniale, quia irreverentia est levis.

*ClII. Resp. 9.* Excusat ab auditione Missae impotentia spiritualis, ut si quis subiaceat interdicio, vel excommunicationi, & per ipsum non slet, quominus absolvatur. Vel si ipse celebrans sit notorius Clerici percussor, vel de crimine denunciatus tanquam vitandus. Item excusat impotentia corporalis. Et haec est duplex, una simpliciter talis, ac physica, quae est in incarceratis, lecto affixis, mari navigantibus; altera moralis, ut si Missam adire non possit, nisi cum magna difficultate, vel iadura bonorum animi, corporis, fortunae. Pro quo

*Resp. 10.* Impotentia moralis excusat *Primo* eos, qui sine periculo spiritualis ruinae suae, vel qui sine pudore, & infamia non possunt domo exire, ut honesta mulier carens honesto habitu; vel praegnas ex occulta fornicatione. Quia Ecclesia non videtur obligare cum tanta confusione. 2. Infirmos, quibus medicus suavit, ut domi maneat; & servientes infirmis, qui soli non sunt relinquendi; Et eos qui se continent domi ob probabile periculum pestis. 3. Matres, & famulas, quae debent assistere infantibus. 4. Eos, qui procul distant ab Ecclesia, praesertim quando aura non faveat, ubi tamen bene pendenda sunt conditiones personarum, viae, temporis, consuetudinis loci. 5. Ad cavenda damna custodientes pecora, aedes, &c. qui tamen sunt monendi, ut alternent, seu vadant per vias. 6. Itinerantes, Missam audiendo itinerandi (v.g. navigandi) occasione, vel locum sibi valde utilem amissuri; qui tamen, si possint, tenentur praevire, nisi bona fide supponant se in via habituros Missam. 7. Eos, qui

a Missa impediuntur, officii, vel gravis negotii causa, ut Milites Stationarii, Excubitores, gregu custodes. 8. Mulieres, pueros, famulos, quos mariti, parentes, domini, nolunt permittere se ad Ecclesiam, dummodo non fiat consuetudo, nec in contemptum Religionis. Quod si famulus frequenter a domino impediatur, tenetur cum relinquere prima opportunitate. 9. Id est de Opificibus, quos Magistri, v.g. Sartores, Sutores, &c. in vigiliis, & Sabbatis, aut festis frequenter laborare cogunt sine iusta causa. 10. Viduas maritum lugentes ad aliquod tempus, ubi est consuetudo, ut domo non exeant. 11. Puerperas tempore purificationis.

*QUERO XII.* A quibus operibus ex precepto abstinendum in Festo?

*CIV. Resp. 1.* Ab operibus servilibus, ut patet ex illo Levit. 23. *Omne opus servile non facietis in eo, nimirum in Sabbato.* Opus autem servile dicitur a servitute. Est autem triplex servitus, quod S.D. cit. art. 4. ad 3. fuse explicat dicens: Una est, qua homo servit peccato, secundum illud: Qui facit peccatum, servus est peccati. Et secundum hoc omne opus peccati dicitur servile. Alia vero servitus est, qua homo servit homini. Est autem homo alterius servus, non secundum mentem, sed secundum corpus. Et ideo opera servilia secundum hoc dicuntur opera corporalia, in quibus unus homo alteri servit. Tertia autem est servitus Dei, & secundum hoc opus servile posset dici opus laetiae, quod pertinet ad Deum servitium. Si autem sic intelligatur opus servile, non prohibetur in die Sabbati, quia hoc esset contrarium fini observationis Sabbati. Haec S.D.

Quibusdam omisiss subdit r. Similiter nullius spiritualis actus exercitium est contra observantiam Sabbati, puta, si quis doceat verbo, vel scripto. Unde Num. 25. dicit Glossa quod fabri, & huiusmodi artifices otiantur in die Sabbati, lector autem divinae Legis, vel doctor ab opere suo non desinit. Nec tamen contaminatur Sabbatum, sed alia opera servilia, quae dicuntur servilia primo, vel secundo modo, contrariantur observantiae Sabbati, inquantum impediunt applicationem hominis ad divina. Haec ibi.

Subdit 2. quibusdam omisiss: Opera corporalia ad spirituales Dei cultum non pertinentia, intantum servilia dicuntur, inquantum proprie pertinent ad servientes: inquantum vero sunt communia & servis, & liberis, servilia non dicuntur. Quilibet autem tam servus quam liber tenetur in necessariis providere tam sibi quam proximo, praecipue quidem in his, quae ad salutem corporis pertinent, secundum illud Prov. 24. Erue eos, qui ducuntur ad mortem. Secundario autem etiam in damno rerum vitando, secundum illud Deut. 22. Non videbis bovem fratris tui aut ovem errantem, & praeteribis, sed reduces fratri tuo. Et

ided

ideo opus corporale pertinet ad conservandam salutem proprii corporis non violat Sabbatum. Ita S. Thom. exemplificans hoc in Machabæis (c. 2.) Sabbato pugnantibus, & in Discipulis Matth. 22. propter necessitatem in Sabbato spicas colligentibus.

Subdit 3. Similiter etiam opus corporale, quod ordinatur ad salutem corporalem alterius, non est contra observantiam Sabbati. Unde dicitur Joann. 7. Mihi indignamini, quia totum hominem salvum feci in Sabbato. Similiter etiam opus corporale, quod ordinatur ad imminuendum damnum rei exterioris vitandum, non violat Sabbatum. Unde dicit Dominus Matth. 12. Quis ex vobis homo, qui habet unam ovem, & si ceciderit Sabbato in foveam, nonne tenebit, & levabit eam? Hæc S.D. Ex quibus solvuntur multi Casus.

Notat idem S.D. in R. ad 4. quod non sit ita stricta prohibitio operandi in die Dominica, sicut fuit in die Sabbati, sed quædam opera conceduntur in die Dominica, quæ in die Sabbati prohibebantur, sicut decoctio ciborum, & alia hujusmodi.

CV. Opus servile est, quod exercetur mediante corpore, & propriè spectat ad servientes. Itapate clarè ex adductis verbis Angelici Doctoris. Unde servilia non sunt, adeoque licita in Festo, libros describere, etiam lucra gratia, modicum pingendo delineare, vel efformare acu linteum, discendi causa; itinerari, contractus facere, ad scopum jaculari, modeste sine strepitu, & clamore circa vespæram, seu tempore divini Officii elapsi per aucupium venari, modellè v.g. hamo piscari. Quia hæc omnia cum his clausulis non sunt potius per servos quàm per dominos. Et supponunt deesse scandalum, & Missam non negligi: Si verò in actione pingendi, venatione, piscatione quis dictos limites transgrediatur, servilia, seu servis propria, & consequenter in die festo graviter prohibita censentur. Ne debet pictio quoad hoc descriptioni comparari, licet enim physicè quodammodo conveniat, cum prior in ducendis lineis, altera in ducendis figuris consistat, & utraque quandam animi voluptatem afferat, quod videtur spectare ad artes liberales: alitèr moraliter, & prudenti judicio plurimùm differunt, si pictio multùm protrahatur.

Resp. 3. In die festo laborare minori tempore quàm una hora, est peccatum veniale propter parvitatem materiæ. Laborare per duas horas, certò est mortale. Laborare una longa hora eodem die festo, vel diversis interruptis vicibus notabile tempus ob moralem continuationem constituentibus (proportionabiliter ut supra de furtis minutis dictum) esse mortale probabilius est. Secùs si fiat in diversis Festis, tum quia

non adest moralis continuatio, tum quia obligatio abstinendi ab opere servili (uti & audiendi Missam) est annexa diei festo, & cum eo expirat, consequenter & transgressio inde orta expirat cum illo.

QUÆRO XIII. Quæ sunt legitimæ causæ excusantes a celebratione Festorum, seu ob quas laborare licet in illis?

CVI. Resp. Variæ sunt, sed semper omnes reducuntur ad necessitatem laborandi, sive publicam, sive privatam, ad evitandum notabile damnum, sive in proprio sive in proximi corpore, aut bonis, juxta receptam Theologorum maximam, præcepta Ecclesiæ, utpote leges humanas, non obligare cum gravi damno, adeoque præsumi posse, non esse Ecclesiæ intentionem obligandi cum tanto rigore: quia jugum Domini luave est. Hinc

*Primò* excusantur a feriatiōe Chirurgi pro necessaria apertione venæ, apothecarii, pillores, molitores, præsertim a ventis, & a fluxu aquæ pendentes, fabri ferrarii ad ferrandos equos itinerantium, laniones propter publicam necessitatem, inquantum labor ille requirit, & non ultra: tenenturque audire Missam, si possunt, & occasionem habeant: Barbitiones, si unam, alteramve barbam radant, mortaliter non peccant, secus si multas, nisi excuset loci consuetudo scientibus, & non contra dicentibus Ecclesiæ Prælati, seu locorum Episcopis introducta, ac certis regulis prudenter limitata, ut nimirum ille labor non fiat cum scandalo, nec in publicis, aut apertis officinis, nec sub officio divino, sed quasi clam, &c.

*Secundò*: Qui vacant operibus vitæ necessariis, ut qui cibos coquunt, ligna findunt, aquam, vel ligna pro culina asportant, sed præcisè quantum pro illo die opus est. Qui deficiente pane, vespere præparant farinam ad pinsendum sequenti die non festo. Cavendum tamen, ne Missa negligatur, & ne tales labores studiosè referantur in diem festum, quia hoc cederet in fraudem Legis.

*Tertiò*: Pauperes operarii, qui ob necessitatem corporalem non possunt cessare a labore, sine quo familiam sustentare nequeant; modò desit scandalum, & audiant Sacrum.

*Quartò*: Qui feriando paterentur notabile damnum in suis bonis. Sic Rustici in die festo propter probabile periculum tempestatis post divinum officium colligunt scænum, & fruges, saltem cum licentia Parochi. Item extenduntur linteamina loca, ne destruantur. Pauperes ancillæ reficiunt sua vestimenta, dum aliis diebus id eis a dominis non permittitur.

*Quintò*: Sartores laborantes pro exequiis, vel nuptiis celebrandis, quæ non possunt differri, Mulieres, pueri, famuli, artifices, quando

a suis maritis, parentibus, dominis, aliisve auctoritate præditis (quorum *disgratia* eis esset graviter nociva) severè ad laborandum urgentur; sed Missa non est negligenda.

*Sexto* : Vendentes (Sacro non neglecto) in die festo necessaria vitæ, v.g. carnem, pullos, ova, butyrum, fructus, & familia ad urbes portantes, v.g. rustici, in aliis diebus suum laborem prætermittant.

**QUÆRO XIV.** Festum ligatne extra territorium, & itinerantes?

*CVII. Resp. 1.* De itinerantibus, & vagis habes suprâ Tract. 6. Exam. 5. n. 84. & seqq.

*Resp. 2.* Non peccat, qui secluso scandalopridie Festi laborandi causa è sua Parochia, in qua festum est, vadit ad alium locum in quo non est festum.

*Ratio* : Præceptum Ecclesiæ vetat quidem laborare die festo, ubi est festum, sed non vetat exire à Parochia, & laborare extra illam. Alia ratio videatur Tr. 6. Exam. 5. n. 84. pro 1. p. R. 5.

*Resp. 3.* Talis exiens è Parochia non agit in fraudem festi, sed utitur jure suo, quia non est prohibitum exire. Aliud est si expresse fraudem intenderet.

Nota tamen, non oportere hoc consulere, nisi forsitan pauper operario se, vel familiam aliter sustentare non valenti, qui etiam simili ex causa, secluso scandalo, in ipso festo posset exire.

*Resp. 4.* Ille pauper operarius ipso Festo egresurus teneretur prius audire Sacrum, si commode posset.

*Ratio* : Præceptum audiendi Sacrum est affirmativum obligans prima commoditate, quando probabiliter prævidetur non fore aliam opportunitatem, hac transacta.

## EXAMEN VI.

*De Vitiis oppositis Religioni, nimirum Superstitione, & Speciebus ejus, ac Tentatione Dei. a Quæst. 92. usque ad Q. 97. inclusive.*

**P**Ræmissis, quoddè de quibusdam vitiis Religioni oppositis, nimirum Sacrilegio, Perjurio, Blasphemia, &c. actum sit in præcedentibus, & de Simonia agendum Examine sequenti.

**QUÆRO I.** Quid est Superstitio, & quæ species ejus.

*CVIII. Resp. 1.* ex S. Thom. qu. 92. art. 1. inc. dicente : Superstitio est vitium Religioni oppositum secundum excessum, non quia plus exhibet in cultum divinum, quam vera Religio, sed quia exhibet cultum divinum, vel cui non debet, vel eo modo, quo non debet.

*Ratio S.D. est* : Quia omnis virtus moralis consistit in medio ( de quo vide dicta Tract. 4. Exam. 1. num. 10. )

Sed Religio est Virtus moralis, ut patet in hoc Tract. num. 5. Ergo.

Not. ex S. Th. ibid. ad 3. quoddè Religio non potest habere excessum secundum quantitatem absolutam, potest tamen eum habere secundum quantitatem proportionis, prout scilicet in cultu divino fit aliquid, quod fieri non debet.

*Resp. 2.* Superstitio est falsa Religio, vel vitiosus cultus veris, vel falsi Dei. Et primò dividitur in eam, quæ est superstitio cultus indubiti, & eam, quæ est superstitio ratione rei cultæ, seu una ratione modi, altera ratione objecti, ut explicat S. D. a. 2. *Prima est*, quæ exceditur cultum in modo colendi verum Deum, ut si quis tempore Legis gratiæ vellet colere Deum secundum veteris Legis ritum. Quod etiam spectat, exhibere falsas reliquias pro veris, fingere miracula, & revelationes, &c. quæ omnia ex suo genere mortalia sunt, ed quod Deo tribuant fallum, & vanum cultum. Hac etiam spectat cultus superfluous Dei, ut si quis nolit audire Missam nisi post ortum Solis, vel nisi a sacerdote, cui nomen Joannes, vel nisi sub ea luceant tres candelæ, vel sacerdos utatur violacea casula, aut addat hoc, vel illud contra Rubricas, in quibus tamen plerumque peccatur solum venialiter, si simplicitas excuset. Item ed spectat, & mortaliter peccaret oblectrix, si ad facilitandum partum, cum firma fide infallibiliter ita futurum, proferat illa verba : *Et verbum caro factum est*. Effect enim gravis superstitio. Si verò fieret simpliciter, & ex mera pietate, sine illa firma fide infallibilis effectus, nullum esset peccatum, sed solum devota invocatio Verbi incarnati.

Altera species, nimirum ex parte objecti, seu superstitio ratione rei cultæ, est, quæ cultus divinus exhibetur illi, cui exhibendus non est, nimirum creaturæ. Et hoc est aliud superstitiosis genus, ait S. D. quod in multas species dividitur, quæ sunt Idololatria, divinatio, vana observantia. Quæ species iterum subdividuntur. Pro quo

**QUÆRO II.** Quid sunt hæc mox nominatæ species, & quomodo subdividuntur?

*CIX. Resp. 1.* Idololatria propriè dicta (quæ est maximum peccatum) est cultus, quo colitur creatura loco Dei. Hoc diversimodè olim fiebat : Quidam enim per quandam nefariam artem imagines quasdam construebant, quæ virtute demonum quoddam certos effectus habebant, unde putabant in ipsis imaginibus esse aliquid Divinitatis, & quod per consequens eis deberetur divinus cultus. Alii verò non exhibebant cultum Divinitatis ipsis imaginibus, sed creaturis, quarum erant imagines, existimabant enim quoddam homi-



homines Deos fuisse, ut Jovem, Mercurium, &c. quos per eorum imagines colebant, ut explicat S. Th. q. 94. a. 1. in c. Dixi, *proprie dicta*; quia in largo sensu omne peccatum mortale vocatur Idololatria, quia per illud adheretur creaturæ. Ergo. Vide etiam suprâ Tract. 7. Exam. 3. n. 38. ut quæ ad num. 46. inclusivè, de communicatione cum Infidelibus.

CX. *Resp. 2. Divinatio* est prædictio rerum naturaliter incognoscibilium, vel per expressam demonis ad aliqua manifestanda invocationem; vel per tacitam, quæ demones præter expressam hominis intentionem se ingerunt vanis inquisitionibus futurorum, ut mentes hominum implicent vanitate, ut loquitur S. D. q. 95. art. 2. in c. & patebit ex dicendis. Nec excusatur, quod quis similibus utendo abrenuntiat pacto diabolico; esset enim inutilis abrenuntiatio, fieret enim solo ore, non opere, sed opere firmaret pactum.

Species divinationis, in quibus demones expressè invocati futura pronuntiant, sunt (ex S. Thoma ibidem) ut sequitur.

CXI. *Præstigiū* ex eo quod oculi hominum perstringuntur, in quantum demones præstigiis quibusdam apparitionibus se aspectui, & auditui hominum ingerunt ad futura prænuntianda.

*Divinatio Somniorum*, in quantum Dæmones per somnia homini futura significant. Pro intelligentia audiatur explicatio Angelici Doctoris q. 95. a. 6. in c. dicentis: Considerandum, quæ sit causa somniorum, & an possit esse causa futurorum eventuum, vel ea possit cognoscere. Sciendum est ergo, quod somniorum causa quandoque quidem est interioris, quandoque autem exterioris. Interior autem somniorum causa est duplex: Una quidem animalis, in quantum scilicet ea occurrunt hominis phantasie in dormiendo, circa quæ ejus cogitatio, & affectio fuit immorata in vigilando. Et talis causa somniorum non est causa futurorum eventuum: unde hujusmodi somnia per accedens se habent ad futuros eventus; & si quandoque simul concurrant, erit casuale. Quandoque verò causa intrinseca somniorum est corporalis. Nam ex interiori dispositione corporis formatur aliquis motus in phantasia, conveniens tali dispositioni: sicut homini, in quo abundant frigidi humores, occurrit in somniis, quod sit, vel in aqua, vel in nive. Et propter hoc medici dicunt esse intendendum somniis, ad cognoscendum interiores dispositiones. Causa autem somniorum exterior similiter etiam est duplex, scilicet corporalis, & spiritualis. Corporalis quidem, in quantum imaginatio dormientis immutatur vel ab ære continenti, vel ex impressione cælestis corporis, ut sic dormienti aliquæ phantasie appareant conformes cælestis dispositioni. Spi-

*Tribunal Confessoriorum.*

ritualis autem causa est quandoque quidem a Deo, qui ministerio Angelorum aliqua hominibus revelat in somniis, secundum illud N. 12. Si quis fuerit inter vos Propheta Domini, in visione apparebo ei, vel per somnium loquar ad illum. Quandoque verò operatione Dæmonum aliquæ phantasie dormientibus apparent, ex quibus quandoque aliqua futura revelantur his, qui cum eis habent pacta illicita. Sic ergo dicendum, quod si quis utatur somniis ad præcognoscenda futura, secundum quod somnia procedunt ex revelatione divina, vel ex causa naturali intrinseca, sive extrinseca, quantum potest est virtus talis causæ extendere, non erit illicita divinatio. Si autem hujusmodi divinatio causetur ex revelatione dæmonum, cum quibus pacta habentur expressa, quia ad hoc invocantur; vel tacita, quia hujusmodi divinatio extenditur ad quod se non potest extendere, erit divinatio illicita, & superstitiosa. Hæc S. Thomas.

CXII. *Necromantia*, quando demones se ingerunt per aliquorum mortuorum apparitionem, vel locutionem. Nam *necron* græcè mortuum, *mantia* verò divinationi nuncupatur, quia quibusdam præcantationibus, adhibito sanguine, videntur resuscitati mortui divinare, & ad interrogata respondere. Quæ tamen est mera deceptio diaboli, nā mortuos suscitare solius Dei est.

*Divinatio per Pythones*, quando nimirum futura prænuntiant per homines vivos, sicut in aræpticiis patet. Dicitur sunt Pythones a Pythonæ Apolline, qui dicebatur esse auctor divinandum.

Not. quod quandoque futura prænuntiant per aliquas figuras, vel signa, quæ in rebus inanimatis apparent. Unde sunt hæc species.

*Geomantia*, si hæc signa appareant in aliquo corpore terrestri, putà, in ligno, ferro, vel lapide polito.

*Hydromantia*, si in aqua. *Aeromantia*, si in aere. *Pyromantia*, si in igne. *Haruspiciū*, si in visceribus animalium immolatorum in aris dæmonum.

Divinatio, quæ fit absque expressa dæmonum invocatione, est, quando utitur aliquibus mediis ad cognitionem rerum, ad quam nullam habent virtutem, & diducitur in hæc species, ut sunt:

CXIII. *Æstromantia*, seu Astrologia judiciaria Planetariorum, seu Genethliacorum, qui ex motu, situ, aspectu astrorum judicant, & prædicunt futura contingentia, etiam libera, seu actiones ex libera voluntate pendentes de ineundo vitæ statu sive Matrimoniali, sive Religioso, de paupertate, divitiis, prosperitate, suspendio, &c. quæ est divinatio illicita, & superstitiosa, eique dæmonis operatio se immiscet, ut docet S. D. q. 95. ar. 5. in c. Ubi

*Rationem* dat dicens: Subtrahuntur causalitati coelestium corporum actus liberi arbitrii, quod est facultas voluntatis, & rationis; intellectus enim, sive ratio non est corpus, nec actus organi corporei, & per consequens nec voluntas, quæ est in ratione, nullum autem corpus potest imprimere in rem incorpoream: unde impossibile est, quod corpora coelestia directè imprimant in intellectum, & voluntatem. Unde corpora coelestia non possunt esse per se causa operationum liberi arbitrii, possunt tamen ad hoc dispositivè inclinare, in quantum imprimunt in corpus humanum, & per consequens in vires sensitivas, quæ sunt actus corporalium organorum, quæ inclinant ad humanos actus, quia tamen vires sensitivæ obediunt rationi, nulla necessitas per hoc libero arbitrio imponitur, sed contra inclinationem coelestium corporum homo potest per rationem operari. Hæc S. D. Unde est illud tritum: *Astra inclinant, sed non necessitant*. Et illud: *Sapientia dominabitur astris*, id est, non sequetur carnalem inclinationem astrorum influxui subjectâ. Sicut etiam diabolus per continuum objecti propositionem potest movere phantasiam, ac sensus externos, concitare potentias corporales, & sic ex consequenti ac indirectè inclinare intellectum, & voluntatem pro hoc statu dependentem a sensibus operantem, sed quantumcumque velit, cogere non potest. Sic & alia qualitates corporeas imprimunt carni, per quas voluntas inclinatur (salva libertate) ad actum: v.g. homo corpore frigefactus liberè eligit calefieri apud fornacem.

Not. quod Sixtus V. expressè in Bulla prohibuerit omnia judicia ex constellatione natalitia, affirmantia aliquid de futuris contingentibus, successibus, fortuitisque casibus, aut actionibus ex humana voluntate pendentibus, et si id affirmet etiam formidolosè, seu protestentur se id non affirmare certò, v.g. fore fortunatum, effœminatum, rapacem, &c.

*Oppono*: Innumeri sunt casus liberi, qui ita eveniunt, uti Astrologi eos prædixerunt. Ergo.

Ad hoc *Resp.* 1. retorquendo: Innumeri sunt casus, qui aliter eveniunt, ac Astrologi eos prædixerunt, uti videre est in Historiis. 2. Prædixerunt vera aliqui ex suggestione dæmonis, qui illa futura scivit, vel firmam de eis conjecturam habuit. 3. Calu id factum est: *Quis enim roga die jaculatus, non aliquando collimet?* ait Ciceron. 2. de divin. 4. Quia usi sunt verbis ambigui sensus, quæ cuiusque; sensui potuerant accommodari. 5. Contingit id eò, quia noverunt inclinationes hominum illorum, v.g. in cultorum, passionatorum, qui plerumque sequuntur suas passionem, ut ait S. Th. ad 2. Sic facile est (quævis dubium maneat ante eventum) juveni rapinis, & homicidiis dedito prælagire patibulum, honesto autem, & virtuoso magnos honores.

Admittit tamen S. D. cit. art. 5. quòd ea, quæ ex necessitate eveniunt, v.g. Eclipses Astrologi certò prædicere possunt, & probabiliter siccitates, pluvias, morbos, &c. quæ tamen ex aliquo impedimento non semper ita eveniunt, uti prædicuntur. Et hæc vocatur Astrologia naturalis, & licita.

*Chiromantia*, & *Physiognomia* naturalis secundum se etiam non est prohibita, per quam ex membrorum inspectione, & lineamentis corporum, v.g. manus (quia *Chir* græcè, dicitur manus, ait S. D. a 3 in c.) de complexionem, temperamento, ingenio, passione, ac propensione hominis quædam morbos, & mores potest fieri aliqua conjectura, quæ tamen circa mores valde est fallibilis. Cum enim Scriptura Gen. 4. dicat, *Subens te erit appetitus tuus, & tu dominaberis illius*, hominis educatio, conversatio, regimen rationis, contra hanc inclinationem multa solent mutare: non est, inquam, prohibita, dummodò non prædicantur, aut exinde credantur eventus fortunati, vel infortunati, ut potest, qui pendet ex sola Dei providentia. Fateor tamè, quòd sæpè peccent mortaliter, qui dum Cingaros, vel similes consulunt, Physiognomiæ majorem, quàm par est, fidem adhibent. Item ex conditione personæ, v.g. Sacerdotis, potest intercurrere peccatum scandalum. Cæteroquin, si fiat ex mera curiositate. & ridendi gratia, sine animo credendi, est veniale.

CXIV. *Augurium*, de hoc S. D. q. 95. ar. 3. in c. ait: Si per motus, vel voces avium, seu quorumcumque animalium, sive per sternutationes hominum, vel membrorum saltus, futura prædicantur, hoc pertinet generaliter ad augurium, quod dicitur a garritu avium, sicut auspiciu ab inspectione avium.

*Omen* est, si hujusmodi consideratio facta circa verba hominum abique intentione dicta, quæ quis retorquet ad futurum, quod vult prænotificare.

De Augurio, & Omine S. Thom. qu. 95. ar. 7. in c. ita scribit: *Nihil prohibet, aliquas eorum (scilicet brutorum) operationes esse futurorum signa, in quantum conformantur dispositionibus corporum coelestium.* & aeris continentis, ex quibus proveniunt aliqui futuri eventus. In hoc tamen duo considerari oportet. Primum quidem, ut operationes hujusmodi non extendantur nisi ad præcognoscenda futura, quæ causantur per motus coelestium corporum, ut supra dictum est. Secundò, ut non extendantur nisi ad ea, quæ aliquoter possunt ad hujusmodi animalia pertinere. Consequuntur enim per coelestia corpora cognitionem quandam naturalem, & instinctum ad ea, quæ eorum vitæ sunt necessaria; sicut sunt immutationes, quæ sunt per pluvias, & ventos, & alia hujusmodi. Alio modo, instinctus hujusmodi causantur ex causa spiritali, scilicet



scilicet, vel ex Deo, ut patet in columba super Christum descendente, & in corvo, qui pavit Heliam, & in ceteris, qui absorbuit, & ejecit Jonam. Vel etiam ex Dæmonibus, qui utuntur hujusmodi operationibus brutorum animalium ad implicandos animos hominum vanis opinionibus. Et eadem ratio videtur esse de omnibus aliis hujusmodi, præterquam de omnibus: quia verba humana, quæ accipiuntur pro omine, non subduntur dispositioni stellarum; disponuntur tamen secundum divinam providentiam, & quandoque secundum Dæmonum operationem. Sic ergo dicendum, quod omnis hujusmodi divinitas, si extendatur ultra illud, ad quod potest pertinere secundum ordinem naturæ, vel divinæ providentiæ, est superstitiola, & illicita. Hæc S. Thom.

**CXV. Sortilegium**, a legendis sortibus dictum, sive Sors, est, dum ab homine aliquid fit, ut ejus eventu considerato innotescat aliquid occultum. Sors est triplex, ut patet ex S. Th. q. 95. art. 8. *Primo*, Divisoria, qua per sortem quaeritur, quid cuique de bonis, honoris, præmio, vel pœna tribuendum sit. 2. Consultoria, qua inquiritur, quid agere oporteat. 3. Divinatoria, qua quaeritur, quid sit futurum; quæ implicitè, vel explicitè innititur societati dæmonum.

Quando in sorte divinatoria, vel consultoria eventus expectatur a Deo, juxta illud Proverb. 16. *Sortes mittuntur in sinum, sed a Domino temperantur*, secundum se non est malum. Potest tamen in hoc quadrupliciter peccari, ut explicat S. D. *Primo*, si absque ulla necessitate ad sortes recurratur, hoc enim videtur pertinere ad reprobationem Dei. 2. Si quis etiam in necessitate sortibus utatur absque reverentia Dei. Unde super Actus Apostolorum Beda dicit: Sed, si qui necessitate compulsi Deum putent sortibus exemplo Apostolorum esse consulendum, videant, hoc ipsos Apostolos, non nisi colloquio Fratrum cœtu, & precibus ad Deum sussegesse. 3. Si divina oracula ad terrena negotia convertantur. 4. Si in electionibus Ecclesiasticis, quæ ex Spiritu S. inspiratione fieri debent, aliqui sortibus utantur. Unde, sicut Beda dicit ubi (suprà) Mathias ante Pentecosten ordinatus fore quaeritur, quia scilicet nondum erat plenitudo Spiritus S. in Ecclesia effusa. Secus est in temporalibus dignitatibus, in quibus sortes non prohibentur, ut si plures æquales idonei sint competentes, non tamen licet, si inter eos sit aliquis indignus, ne bonum commune periclitetur.

Si necessitas imminet, ait S. Th. licitum est cum debita reverentia divinum judicium implorare. Unde S. Aug. dicit: Si inter Dei ministros sit disceptatio, qui eorum persecutiovis tempore maneant, ne fuga fiat ovium, & qui

eorum fugiant, ne morte omnium deferatur Ecclesia; si hæc disceptatio aliter non poterit terminari, qui maneant, & qui fugiant, forte legendi sunt. Idem subdit de re ad judicanda uni ex duobus altercantibus, si dari non possit utrique. Eadem ratione sæpè dividuntur portiones hereditariæ, terminantur controversiæ, & lites judiciales.

In eodem articulo ad 3. S. D. docet, quod judicium ferri candentis, vel aquæ ferventis, quod olim adhibebatur ad probandum innocentiam, ordinatur quidem ad alicujus occultæ inquisitionem per aliquid, quod ab homine fit, & in hoc convenit cum sortibus: in quantum tamen expectatur aliquis miraculosus effectus a Deo, excedit omnem sortium rationem. Unde hujusmodi judicium illicitum redditur, tum quia ordinatur ad judicanda occulta, quæ divino judicio reservantur; tum etiam, quia hujusmodi judicium non est auctoritate divina sancitum, nec SS. Patrum documento. Quod ulterius ibi probat ex Decreto Stephani Papæ.

**QUÆRO III.** Quid censet de vana observantia?

**CXVI. Resp.** Vana observantia est, qua aliqua sunt ad obtinendum id, ad quod nec a natura, nec a Deo sunt ordinata. Dividitur in quatuor species suo ordine explicandas. Quarum prima est.

*Ars notoria*, quæ ad acquirendam scientiam, vel sibi infundendam, utitur mediis, nec a natura, nec a Deo ad id institutis, nimirum inspectione quarundam figurarum, prolatione incognitorum verborum, cum adjunctione certarum precum, & jejuniorum certis diebus, & ritibus explendorum. Ubi est pactum ex-vel implicitum cum Dæmone, adeoque ars hæc est mortaliter superstitiosa juxta S. Thom. qu. 96. art. 1. Media, quæ natura instituit pro scientiarum acquisitione, sunt, Labor, industria, disciplina, adinventio, &c.

*Ratio S. D.* est: Cum per artem notariam acquisitio scientiæ non intendatur per modum homini connaturalem, sed per dicta media naturalia, sequitur, quod iste effectus expectetur vel a Deo, vel a dæmone: non a Deo, licet enim is scientias infundere possit, uti insinuat Salomoni, & promissum est Discipulis Luc. 11. hoc tamen donum non datur quibuscumque aut cum certis observationibus, sed ad arbitrium Spiritus S. dividentis singulis prout vult: non etiam a dæmone, tum quia solius Dei est scientias infundere; tum etiam, quia infusus scientiarum fit per illuminationem intellectus, quæ ad dæmones non pertinet, ut docet S. Th. 1. p. q. 109. a. 3. Ergo.

*Oppos.* Experientia compertum est, quod dæmon in momento scientias infuderit.

Ec 4 Resp.

*Resp.* hoc contigisse, vel quia dæmon extrinsecè tradidit fundamenta scientiæ, quæ societas est peccatum mortale; vel quia celerrimè suggessit, quæ pro ratione negotii erant opportuna: eo fere modo, quo Anabaptistæ sumptu detestabili bolosuz Coenæ, afferunt Scripturas, legunt, & disputant, cum tamen ante suam hæresin nihil tale sciverint. Per eorum enim oraliquitur diabolus, sicut solet loqui per obfessos, immò interdum per bellias. Cujus signum est, quòd si qui illorum fiant Catholici, spiritu malo recedente, mancant ignari, ut erant antea.

**CXVII. Observatio Sanitatum;** qua aliquid inane, & inutile adhibetur ad obtinendam sanitatem. Et hæc est mortale, nisi fortè simplices excusentur a mortali propter ignorantiam. Explicat hoc S. D. q. 96. a. 2. in c. & ad r. In his, quæ ad aliquos effectus particulares inducendos fiunt, considerandum est, utrùm naturaliter videantur posse tales effectus causare, sic enim non erit illicitum: si non possint, sequitur quòd solum adhibeantur ut signa, pertinent ad pacta cum dæmonibus inita, & sic est superstitiosum, & hoc est, quando adiunguntur vel Characteres aliqui, vel aliqua nomina, vel alia quæcunque variaz observationes, aut ligaturæ, de quibus constat, quòd naturaliter efficaciam non habent.

Exemplum est in illa superstitione, qua gladius, infistit per eum vulneri, adhuc sanguinolentus, medicamine, nimirum pulvere, ut vocant, sympathico inungitur, ut læsus subito curetur. Qui effectus, si sequatur, non potest imputari Deo, quia ad hoc nullum datur fundamentum. Ergo provenit a malo spiritu læsum sanante, quia illud medicamentum non potest agere in distans, præsertim extra adivitatis suæ sphaeram, aut interjecto pariete, &c.

**CXVIII. Observatio eventuum,** nimirum fortuæ, vel infortunii, de qua S. Thom. art. 3. q. cit. in Sed Contra citat S. Aug. dicentem: Ad pacta cum dæmonibus inita pertinent in illa inanum observationum; putà, si membrum aliquod salierit, si junctim ambulantes amici, lapis, aut canis, aut puer intervenit: limen calceare, cum ante domum suam aliquis transiret: redire ad lectum, si quis, cum se calceat, sternerit: redire domum, si procedens offenderit: si vestis a foricibus roditur, plus timere superstitionis mali futuri, quàm præsens damnum dolere. Hæc ille.

Explicat hoc ulterius S. D. in corp. dicens. Homines hujusmodi observationes attendunt, non ut quædam causas, sed ut signa quædam futurorum eventuum, vel bonorum, vel malorum. Non observantur autem sicut signa a Deo tradita, cum non sint introducta ex auctoritate divina, sed magis ex vanitate humana, cooperante dæmonum malitia, qui nituntur

animos hominum hujusmodi vanitatibus implicare. Et idè manifestum est, omnes hujusmodi observationes superstitiosas esse, & illicitas. Et videntur esse quædam reliquiæ idololatriz, secundum quam observabantur auguria, & quidam dies fausti, vel infauti, quod quodammodo pertinet ad divinationem, quæ sit per altra, secundum quæ diversificantur dies. Videtur ergo, quòd hujusmodi observationes fiat sine ratione, & arte; unde sunt magis vanæ, & superstitiosæ. Hæc S. Thomas.

**CXIX. Incantationes, vel figura collo appensa.** De his S. D. qu. cit. art. 4. in c. ait: In omnibus incantationibus, vel scripturis suspensis duo cavenda videntur. Primum quidem, quid sit, quod profertur, vel scribitur: quia si est aliquid ad invocationes dæmonum pertinens, manifestè est superstitiosum, & illicitum. Similiter etiam videtur esse cavendum, si contineat ignota nomina, ne sub illis aliquid illicitum lateat. Unde Chrysost. dicit super Matth. quòd Phariseorum magnificentium fimbrias suas exemplo, nunc multi aliqua nomina hebraica angelorum confingunt, & scribunt, & alligant, quæ non intelligentibus metuenda videntur. Est etiam cavendum, ne aliquid falsitatis contineat: quia si ejus effectus non possit expectari a Deo, qui non est tellis falsitatis. Deinde cavendum est secundò, ne cum verbis sacris contineantur aliqua vana: putà, aliqui characteres inscripti præter signum crucis. Aut si spes habeatur in modo scribendi, aut ligandi, aut in quacunque hujusmodi vanitate, quæ ad divinam reverentiam non pertineat; quia hoc judicaretur superstitiosum: aliàs autem est licitum. Unde in Decretis dicitur 26. qu. 5. cap. Non licet Christianis, &c. Nec in collectionibus herbarum, quæ medicinales sunt, aliquas observationes, aut incantationes liceat attendere, nisi tantum cum Symbolo divino, aut Dominica oratione, ut tantum Creator, & Deus omnium adoretur; & honoretur. Hæc S. Thomas.

In R. ad 1. dicit S. Thom. Proferre divina verba, aut invocare divinum nomen, si respectus habeatur solum ad Dei reverentiam, a qua expectatur effectus, licitum erit. Si verò habeatur respectus ad aliquid aliud vanè observatum, illicitum erit.

In R. ad 3. ait, quòd eadem sit ratio de portatione Reliquiarum, quia, si portentur ex fiducia Dei, & Sanctorum, quorum sunt reliquiæ, non erit illicitum. Si autem circa hoc attenderetur aliquid aliud vanum, putà, quòd vas esset tirangulare, aut aliquid aliud hujusmodi, quod non pertineret ad reverentiam Dei, & Sanctorum, esset superstitiosum, & illicitum. Hæc ibi.

Huc spectat grandis superstitio hæc, quibus Sacerdos haberet viventem inimicum, & canaret

taret pro eo Missam defunctorum, posito in Ecclesia feretro, eo tantum fine, ut citius ille moriatur. Quod esset peccatum mortale, & talis Sacerdos esset deponendus, & cum omnibus, qui cum ad id incitarunt, perpetuo exilio relegendus.

CXX. *Magia* huc reduci potest, quam aliqui a vana observantia distinguunt, estq; arsi immutandi corpora, aliaq; mira perpetrandi ope dæmonis, v.g. verbo referere januas. Hæc ars si tendat ad nocendum alteri, vocatur maleficium. Et hoc est duplex: Unum dicitur veneficium, quo nimirum homini, aut ejus animalibus infertur corporale nocumentum. Alterum appellatur amatorium, seu philtrum, quod, dæmone phantasia hominis commovente excitat amorem carnalem, vel odium.

CXXI. *Quæri hic potest* 1. An liceat maleficiū maleficio tollere? De quo vide Tract. 7. Exam. 7. nu. 145. ad 5. Causa 2. Quid dicendum de illis militibus, & similibus farinæ viris, qui ut se invulnerabiles faciant, seu periculum eximant, vel armamento ritu incantant, vel amuleta, camisas, interulas, variis litteris, lituris, & nominibus etiam sanctissimis inaratas portant.

Ad quod patet ex dictis, esse moralem superstitionem, & res illas non esse causas physicas talis effectus, sed signa, quibus se dæmon ingerit ex tacito pacto: qui etiam idum gladii, vel sclopeti avertere potest, vel totaliter, vel scopum tangant; vel ejus impetum, seu vim frangendo ne noceant.

CXXII. 3. Quid sentiendum de sagis, dicentibus, vel credentibus se cum copiosa sociarum phalange nocte super quasdam bestias equitare, plurima spatia pertransire, aliquas creaturas a se transformari?

Ad quod *Dico*, quod illis interdum a dæmone irrogentur talia phantasmata, seu imaginationes, quibus decipiuntur, putantes, se ludis interesse, cum non sint; interdum verò etiam realiter, seu corporaliter transportari, quod non excedit virtutem angelicam, quia corpora obediunt Angelis quoad motum localem. Sic enim bonus Angelus Prophetam Habacuc, corruptum per capillos, transtulit. Et idem posunt Angeli mali, in quibus naturalia manserunt integra. Et habet quilibet Angelus determinatam sibi notam sphaeram, intra quam corpus etiam celerrimè potest movere, etiam sine fatigatione hominis transportati, sicut is quasi quiescat in hac transportatione. Dum autem Sagæ interdum sunt fatigatæ, & debilitatæ, id provenit, vel ex nimia operatione phantasie, vel quia subinde etiam a dæmone suscitantur, aut etiam ex nimio saltu in loco conventus, vel tandem si corporaliter transportentur.

CXXIII. *Quid iudicet de tentatione Dei?*

Resp. 1. ex S. D. q. 97. a. 1. & 2. Tentatio Dei est peccatum contra virtutem Religionis, quo-

quis contra reverentiam Deo debitam absque iusta causa nititur explorare perfectiones, seu attributa Dei, v.g. an sit omnipotens, sapiens, iustus, misericors, &c. vel aggredi aliquod opus absque mediis a divina Providentia ad illud efficiendum ordinatis.

Resp. 2. Tentatio Dei est duplex: Una expressa, ut si quis cum formali intentione faciat actionem, divinam attributum experiendi, v.g. si ad imitationem S. Raymundi de Pennafort strato super flumen pallio præsumat illud traicere, sperans Deum ad id opem laturum. Altera est interpretativa, ut si quis sine expressa tali intentione aliquid faceret, suapte natura ordinatum ad lumendum experimentum de Deo; v.g. ex indifferetio zelo attentat quis ad imitationem Christi totam Quadragesimam transigere sine cibo. Hoc enim interpretativè est petere miracula sine necessitate.

Resp. 3. Tentatio Dei regulariter loquendo est mortale peccatum. Quia est manifestus Dei contemptus.

Dixi, *regulariter*: Quia parvitas materiae, & indeliberatio interdum a mortali excusat. Similiter nullum peccatum est, si quis talia ardua attentet ex speciali inspiratione Dei, uti fecerunt plures Sancti; tunc enim non est tentatio Dei.

## EXAMEN VII.

De Simonia. Quæst. 100. per 6. art.

QUÆRO I. Quid, quotuplex, & quantum peccatum est Simonia? quæ ejus materia, quodnam pretium in ea?

CXXIV. Resp. 1. Simonia nomen habet a Simone mago, qui Act. 8. Apostolis obtulit pecuniam ad emendam spiritualem potestatem, ut scilicet, quibuscumque manus imponeret, reciperet Spiritum Sanctum, sed Petrus (ut explicat S. Thom. a. 1. in c.) in ipsa sui radice Simonis pravitate condemnans, dicit: *Pecunia tua tecum sit in perditionem, quoniam donum Dei existimasti pecuniam possideri.*

Resp. 2. Simonia definitur a S. Thom. ibidem quod sit *studiosa voluntas emendi, vel vendendi aliquid spirituale, vel spirituali annexum pro temporali.*

*Explicatur definitio.* Dicitur 1. *Voluntas*, id est, actus, seu virtus voluntatis; nam iustitia, & omnes ejus partes, seu species, adeoq; & vitia opposita sunt in voluntate, ut in subiecto. Eadem particula indicat, Simoniam posse consistere in solo actu interno voluntatis. Unde frustra a Canonistis additur *per opus consummatum*. Dicitur 2. *studiosa*, ad designandam electionem, seu de liberationem, vel formalem, vel virtutalem, &

ad excludendam Simoniam materialem, quæ procedit ex inculpabili ignorantia. Hanc particulam, *studioſa*, aliqui impugnant, dicendo, ex ea ſequi, Simoniam eſſe peccatum in Spiritu Sanctum, ſed male. Quia non omnis, qui peccat electione, peccat peccato in Spiritum Sanctum, ſed ſolum, qui peccatum eligit per contemptum eorum, per quæ homines ſolent retrahi a peccando. De quo vide Tract. 5. Exam. 5. num. 109. Dicitur 3. *emendi, vel vendendi* in lata ſignificatione, ſic ut comprehendatur omnis contractus utrinque obligatorius, ſeu oneroſus, ſeu non gratuitus, v.g. locatio, permutatio, & ſimiles, inter quos contractus quia emptio, & venditio primum quodammodo habent locum, idcirco ſolum illius fit mentio. Dicitur 4. *aliquid ſpirituale*, per quod intelligitur aliquid ſupernaturale, ſeu pertinens ad ſalutem ſupernaturalem, a Deo proveniens, vel ordinatum ad Deum, ut Auſtorem gratiæ. Hoc ſpirituale eſt triplex: Primum quod eſt ſpirituale in ſe, & eſſentia ſua v.g. Gratia, & Jurisdicſio Eccleſiaſtica. Secundum eſt tale ratione effectus ſpirituales a ſe cauſati, ut Sacramenta Nov. Leg. Tertium ratione cauſæ, quia nimirum producatur a cauſa ſupernaturali ſpirituale, v.g. ſanitas collata per gratiam miraculorum formaliter, ut ſic conſiderata, aliiq; effectus gratiæ gratis datæ, ut Prophetiæ, vel Locorum, vel rerum conſecrationes, benedictiones, &c. Dicitur 5. *ſpirituale annexum*, id eſt, quod in ſe non eſt ſpirituale, ſed ſpirituale annexum ab eoque dependens, v.g. labor in miniſterio Sacramentorum, jus Patronatus, Sepulturæ, Calix conſecratus, Præbendæ, Canonicatus, Beneficia, &c.

Additum eſt definitioni ly *Protemporalis*, id eſt, pro pecunia, intelligendo per pecuniam quidquid pecunia æſtimari poteſt. De quo poſtea in R. 5.

*Reſp. 3.* Simonia varie dividitur, nimirum in mentalem, conventionalem, realem, confidentialem, prohibitam jure naturæ, prohibitam jure poſitivo Eccleſiaſtico.

*Mentalis* eſt duplex. Unapure talis, conſiſtens in nudo poſito, ſeu voluntate pro tempore emendi, vel vendendi ſpirituale, v.g. Canonicatum, ſed ſine actu externo, ſeu executione: altera non pure mentalis, in qua, licet ex natura actionis, vel circumſtantiarum voluntas ſpirituale emendi, aut vendendi non declaratur, proceditur tamen ad opus externum, nimirum ſpirituale pro temporali, vel è contra mente, & intentione ſimoniaci recipiendo, v.g. pecuniam pro ipſa Miſſa, non pro ſuſtentione Miniſtri, nullo dato ſigno hujus intentionis.

*Conventionalis* eſt, quæ expreſſe, vel tacite initur contractus ſuper reſpirituale emenda, vel vendenda, ſed contractus nondum eſt executioni mandatus.

*Realis* completa, & ſimpliciter talis eſt, quæ expreſſe, vel tacite, ut verbo, nutu, vel alio ſigno, pactum eſt de re ſpirituale pro temporali; ſic ut pactum ab utraq; parte ſit executioni mandatum, vel in totum, ut ſi totum pretium ſit ſolutum; vel in parte ejus. Si verò traditio rei ſpirituales quidem ſit facta poſt factum, ſed temporale non receptum etiam pro parte, vocatur a quibuſdam ſemi-realis.

*Confidentialis* a Pio IV. in Bulla, *Romanum Pontificem*: Et a S. Pio V. in bulla, *intolerabilis*, damnata eſt, quia Beneficium Eccleſiaſticum, ſimplex, aut curatum, regulare, vel ſæculare, alicui procuratur, eligendo, præſentando, confirmando, inſtituendo, reſignando, cum certa confidentia, id eſt, expreſſo, vel tacito pacto ut iſ, cui procuratur, poſt aliquod tempus procuranti, vel alteri reſignet, vel ex eo præſtet penſionem, aut fruſtus.

*Simonia jure natura, vel Eccleſia prohibita declaratur.* Prima (de qua poſtea plura) eſt prohibita quia mala, altera mala, quia prohibita; Eccleſia enim ſua Lege poteſt facere, ut id, quod ſecundum ſe, & quoad partem temporalem non erat invendibile, fiat tale ob connectionem cum reſpirituale, & reverentiam ejus. Hæc Simonia committitur in permutatione Beneficiorum facta ſine ſuperioris auctoritate, ubi non datur ſpirituale pro temporali, ſed ſpirituale pro ſpirituale, quod ex ſe non eſt malum cum poſſit fieri cum ſuperioris licentia; ſed eſt malum quia prohibitum ab Eccleſia inhibente tales permutationes, & pacta, quia videntur fieri, vel eſt periculum, ne ſiant intuitu commodi temporalis.

Talis pariter Simonia eſt, ſi Beneficiorum præſentationes, aut collationes ſiant cum pacto, vel conditione, alioquin fortè licita, ſed deſaſto prohibita ab Eccleſia. Item ſi vendatur aliqua, quæ revera nihil ſpirituale continet, nec propriè ad aliquid ſpirituale ordinantur, v.g. officia pro adminiſtrandis temporalibus inſtituta, & ſic cum eis aliquo modo conjuncta, ut, &conomia, Vicedominatus, quæ Eccleſia vendi prohibet ob periculum, & præſumptionem Simoniz, quæ in iſ ſaltem eſt imperfecta, habens ſimilitudinem cum perfectâ.

*Reſp. 3.* Simonia ex genere ſuo ita eſt peccatum mortale, ut nunquam propter parvitatem materiæ ſit veniale.

*Ratio*: Tum quia nulla res in tam parvo gradu poteſt eſſe ſpirituale, quin ſit magna Dei iniuria, eam velle pretio æſtimare. Tum etiâ, quia quò minus pretium pro re ſpirituale datur, tanto magis videtur vilipendi. Niſi fortè de rei temporalis pro ſpirituale datæ exilitate judicari poſſit, eam non eſſe datam ut pretium: ſed tunc nec Simonia, nec peccatum erit.

Not. 1. inter 65. Propositiones ab Innoc. XI. dam-

damnatas esse hanc n.45. Dare temporale pro spirituali non est Simonia, quando temporale non datur tanquam pretium, sed dumtaxat tanquam motivum conferendi, vel efficiendi spirituale, vel etiam quando temporale sit solum gratuita compensatio pro spirituali, aut e contra. Et hanc n.46. Et id quoque locum habet, etiam si temporale sit principale motivum dandi spirituale, immo etiam si sit finis ipsius rei spiritualis, sicut illud pluris aestimetur, quam res spiritualis.

Not. 2. Simoniam nunquam committi, nisi ad sit pactum. Unde qui sine ullo pacto, vel obligatione post acceptum beneficium, aliam rem spirituales, illi, a quo accepit, animi gratia causa aliquid dat, non peccat, sicut solet aliquid dari etiam Episcopis post consecrata altaria, vel Ecclesias: Sed dare ante collationem beneficii, ut ex quadam gratitudine antiodoralis collator, sine pacto tamen, obligetur ad conferendum, dato, quod excusetur a Simonia formali, saltem in foro externo est Simonia præsumpta, & grave scandalum ob malam consequentiam, vel species scandalii, qua abstinendum monet Apollolus. Nam munera excecant etiam sapientes, & inclinant, ut Beneficium indigno magis conferatur, quam digno. Idem est si quis Episcopus aliquem famulum prateretur, vel pro modico pretio, vel omnino gratis servire, spe obtinendi beneficii tanquam mercedis, quia, vel esset scandalum, aut species Simonie, vel impliciter pactum ejus, vel etiam vera Simonia. Si tamen famulus nulli alio intendere, quam suam idoneitatem Episcopo manifestare, & Episcopuseam probaret, & deesset omne scandalum, non esset peccatum.

CXXV. *Resp.* 4. Materia Simonie est res spiritualis, vel spirituali annexa, ut dictum est: Sed hec late patet, & complexitur Sacramenta, Missas, preces, sepulturas, res benedictas, usum earum, jurisdictionem spirituales, ingressum Religionis, jus decimandi, jus Patronatus, Beneficia Ecclesiastica, transactiones super ea, & similia, de quibus omnibus agetur.

*Resp.* 5. Pretium in Simonia solet vocari munus, non in quantum hæc vox significat liberale donum, sed onus, ac debitum justitiæ commutativæ. Dividitur a S. Thom. art. 5. In *munus a manu*, *munus a lingua*, *munus ab obsequio*. Primum est pecunia, live quævis res pecunia æstimabilis. *Munus a lingua* consistit in sermone, laude, vel vituperio, ut si quis aliquem laudet apud Principem, vel inimicum ejus apud eundem vituperet. *Munus ab obsequio* consistit in servitio, vel temporali ministerio, quod quis alteri exhibet. Triplex hoc munus, cum sit pretio æstimabile, & possit dari per modum mercedis, & ad temporalem utilitatem ordinari, potest facere Simoniam, dummodo ad sit pactum vel expressum, vel impliciter, seu

tacitum, immo etiam si laus, vel obsequium solum intendatur tanquam merces pro beneficio collato, vel conferendo.

QUÆRO II. Qua ratione licite accipitur pretium pro administratione Sacramentorum, pro Missa, Precibus, Benedictionibus, actu Jurisdictionis spiritualis, Sepulturis, ingressu Religionis, &c.

CXXVI. *Resp.* 1. Quando in Sacramentorum administratione, v.g. Baptismi, Penitentis, Extremæ Unctionis, vel Missæ, aut pro precibus, sive gratis, sive ex antiqua consuetudine, aut Superiorum statuto aliquid datur, non est Simonia. Est communis Sententia.

*Ratio* S. D. a. 3. est: Quia non datur pro re ipsa, aut actione spirituali, sed pro sustentatione ministrorum, vel pauperum preces perfolventium, juxta illud 1. Cor. 9. *Quis militat suis stipendiis unquam? quis pascit gregem, & de lacte gregis non manducat?*

Notat 1. ibi S. Thom. quod, ne ibi Simonia committatur, debeat ab ille intentio emptionis, & venditionis, & quod ab invitis non exigatur per subtractionem spirituales, quæ exhibenda sunt, v.g. puerum non baptizando, cadavera non sepeliendo, &c. quia hoc esset scandalosum, & species Simonie. Gratis tamen spiritualibus prius exhibitis licite possunt statui, & consuevi oblationes, & quicunque alii proventus, auctoritate Superioris interveniente exigi a nolentibus, & solvere valentibus.

Notat 2. S. Thom. ibidem ad 2. quod illicita esset ordinatio, si in aliqua Ecclesia statueretur, quod non fieret processio in funere aliqujus, nisi solveret certam pecuniæ quantitatem, quia per tale statutum precluderetur via gratis officium pietatis aliquibus impendendi: magis autem licita esset ordinatio, si statueretur, quod omnibus certam elemosinam tantibus talis honor exhiberetur, quia per hoc non precluderetur via aliis exhibendi. Et præterea prima ordinatio habet speciem exactionis, secunda autem gratuita recompensationis.

*Resp.* 2. Clericus, qui magis principaliter Chorum frequentat, horas Canonicas recitat, propter temporale, ac quotidianas distributiones, committit Simoniam saltem mentalem. Si verò temporale sit solum motivum secundarium respiciens congruam sustentationem, principale autem sit honor Dei, non peccat. Sed cautè attendendum, ne mentiatur iniquitas sibi. Idem est de Sacerdote, qui nollet celebrare, vel concionari, nisi sibi suppeditaretur victus. Cavendum tamen, ne detur scandalum per hoc. Est hæc clara mens S. Thom. Quodl. 8. art. 11.

*Ratio* patet ex dictis.

*Resp.* 3. Pro actibus, qui consecratione, aut benedictione perficiuntur, ut consecratio Episcoporum, benedictio Abbatum, velatum Vir-



ginum, non potest aliquid accipi, vel exigi per modum pretii. Ita S.D. a. 3. ad 3. ubi addit: Licet tamen eis (nimirum spirituale potestatem exercentibus) accipere procuraciones, quando subditos visitant, non quasi pretium correctionis, sed quasi debitum stipendium.

Resp. 4. De collatione Ordinum Conc. Trid. Sess. 21. de reform. c. 1. sic statuit. Quoniam ab Ecclesiastico ordine omnis avaritii suspicio abesse debet, nihil pro collatione quorumcumque Ordinum, etiam clericalis tonsuræ, nec pro litteris dimissoriis, aut testimonialibus, nec pro sigillo, nec alia quacunque de causa, etiam sponte oblatum, Episcopo, & alii ordinum collatores, aut eorum ministri quovis prætextu accipiant. Et subdit:

Notarii verò in iis tantum locis, in quibus non viget laudabilis consuetudo nihil accipiendi, pro singulis litteris dimissoriis, aut testimonialibus decimam tantum unius aurei partem accipere possint dummodo eis nullum salarium sit constitutum pro officio exercendo, nec Episcopo ex Notarii commisso aliquid emolumentum ex ejusdem Ordinum collationibus directè, vel indirectè provenire possit: tunc enim gratis operam suam eos præstare omnino teneri decernit, contrarias taxat, ac statuta, & consuetudines etiam immemorabiles quorumcumque locorum, quæ potius abusus, & corruptelæ simoniacæ pravitati faventes nuncupari possunt, penitus cassando, & interdicens. Et qui secus tecerit, tam dantes, quam accipientes, ultra divinam ultionem, poenæ a Jure inflictas ipso facto incurrant. Hæc Concil.

Adde, quod si Notarius ascendendo pro dignitate, & gradu Ordinum plus accipiat, & exigit, v.g. plus pro testimonialibus de Diaconatu, quam pro Subdiaconatu, est Simoniacus, quia taxat, ac vendit dignitatem Ordinum, quæ taxabilis non est. Idem est, si plus exigit, quam Concil. statuit. Et graviter peccat Episcopus, si directè, vel indirectè in his participet.

Oppono: In ipsa Romana, & Legatorum Papalium Curia non datur dispensatio sine pecunia, immò Papa vendit Officia, quibus annectitur Jurisdictio spiritualis. Ergo.

Ad hoc R. non dari ut pretium dispensationis, sed ob varias causas exigi. 1. Interdum est poena delicti, v.g. in irregularitatibus ex homicidio, vel alio delicto ortis, aut in affinitate contracta ex copula illicita. Unde & quod gravius delictum, eò major pecuniaria imponitur, præsertim si & petens sit ditor: quantitas enim, quæ respectu pauperis est magna, respectu divitis censetur parva. 2. Dari pro sustentatione ministrorum, vel etiam Legatorum, aut ipsiusmet Papæ, eo ferè modo, quo Parochis aliquid datur. Porro Papa non vendit officia ra-

tione annexæ Jurisdictionis spiritualis, sed ratione emolumentorum ex iis consequentium quorum partem sibi pro bono Ecclesiæ reservat, vel vendit jus ad illa.

CXXVII. Resp. 5. Simoniacum est (saltem ex jure Ecclesiastico) exigere aliquid, ut pretium pro jure Sepulturæ, ut quis in certo Ecclesiæ, vel Cæmeterii loco sepeliatur; Licet ipse fundus ad usum Sepulturæ sacræ emi possit exemplo Abraham Gen. 23. ut notat S. Tho. a. 4. ad 3. Sicut & sacra vasa, & vestimenta possunt vendi, modò nullatenus æstimetur ipsa consecratio. Patet ex dictis.

Resp. 6. Si occasione Sepulturæ spontè quid offeratur potest accipi. Si sit consuetudo loci, ut aliquid detur pro conservatione Cæmeterii, aut sustentatione ministrorum Ecclesiæ, illa servetur: modò desit turpis exactio, & species avaritiæ. Item pro loco sublimiori, seu eminentiori, præsertim reservato, ut nullus alius in eo possit sepeliri, potest plus exigi. Et ita est praxis.

CXXVIII. Resp. 7. De ingressu Religionis S. Thom. a. 3. ad 4. sic discurret: Pro ingressu Monasterii non licet aliquid exigere, vel accipere quasi pretium. Licet tamen, si Monasterium sit tenue, quod non sufficit ad tot personas nutriendas, gratis quidem ingressum Monasterii exhibere, sed accipere aliquid pro victu personæ, quæ in Monasterio fuerit recipienda, si ad hoc non sufficiat Monasterii opes. Similiter etiam licitum est, si propter devotionem, quam aliquis ad Monasterium ostendit, largas elemosynas faciendo, facilius in Monasterio recipiatur. Sicut etiam licitum est, aliquem è converso provocare ad devotionem Monasterii per temporalia beneficia, ut ex hoc inclinetur ad Monasterii ingressum: licet non sit licitum, ex pacto aliquid dare, vel recipere pro ingressu Monasterii, ut habetur 1. quæst. 2. cap. Quàm pio. Hæc S.D.

CXXIX. Quid sentis de Novitio egrediente, an teneatur solvere expensas pro ipso in victu, vestitu, medicinis factas?

Dico: Concil. Trid. Sess. 25. de Regular. c. 16. sic statuit: Neque ante Professionem, excepto victu, & vestitu, Novitii, vel Novitiæ illius temporis, quo in probatione est, quocumque prætextu a Parentibus, vel Propinquis, aut Curatoribus ejus, Monasterio aliquid ex bonis ejusdem tribuatur, ne hac occasione discedere nequeat, quod totam, vel majorem partem substantiæ suæ Monasterium possideat, nec faciliè, si discesserit, id recuperare possit: quia potius præcipit sancta Synodus sub anathematis poena dantibus, & recipientibus, ne hoc ullo modo fiat, & ut abeuntibus ante Professionem omnia restituantur, quæ sua erant: quod ut rectè fiat, Episcopus etiam per censuras Ecclesiasticas, si opus fuerit, compellat. Hæc ibi.

**CXXX. Quid dicendum de Renuntiatione bonorum facta a Novitio?**

*Dico:* Concil. in eodem c. sic decernit: Nulla renuntiatio, aut obligatio antea facta, etiam cum juramento, vel in favorem cuiuscumque causæ piæ valeat, nisi cum licentia Episcopi, five ejus Vicarii, fiat intra duos menses proximos ante Professionem, ac non aliis intelligatur effectum suum sortiri, nisi secuta Professione aliter verò facta, etiam si cum hujus favoris expressa renuntiatione, etiam jurata, sit irrita, & nullius effectus. Hæc Conc. Quod intelligitur de secuta Professione valida, vel, si fuerit nulla, saltem ratificata.

*Sed quid, si renuntiatio esset facta ante ingressum?*

*Dico:* Si quis bene consideret mentem Concilii, in hoc sitam, præcaveatur, ne ingressi ob præproperam bonorum distributionem a libero regressu impediuntur, vel saltem post regressum cogantur vivere in paupertate; si quis, inquam, hanc intentionem bene ponderet, etsi varii DD. oppositum sentiant, eadem est ratio de renuntiatione ante ingressum. Immo à fortiori licet arguere sic: Quia existens adhuc in sæculo minus prævidere potest Religionis eventum, & supervenientes causas regressus.

**CXXXI. Teneturne Novitius in sua dispositione, seu ultima Voluntate ante Professionem facta, adhibere solemnitates Juris Civilis?**

*Dico:* Non tenetur, sed sufficit, si reservet Jus Canonicum: quia de hujus foro jam esse censetur. Tenetur verò ante ingressum Novitius, excipiendo tamen dispositionem ad pias causas. De quo vide Tract. 8. Exam. 4. num. 64. de testamento solemn. & num. 65.

*Quid si Professus nullam fecerit dispositionem?*

*Dico:* Succedit Monasterium (si sit capax successionis) in omnibus bonis. Nam Professum sequuntur res sue. An autem hoc etiam intelligatur de bonis feudalibus, emphyteuticis, fideicommissis, &c. consule Canonistas. Egregii DD. sentiunt, posse ea a Monasterio retineri, saltem ad dies vitæ talis Religiosi, utpote, qui per Religionis ingressum non sit deterioris conditionis. Ergo, si non ipse, saltem Monasterium retinere ea potest si nimirum sint feuda, personale servitium non requiritur. Excipiuntur etiam ab hac successione Ducatus, Regna, &c. exigentia personalem administrationem, & præsentiam in bello, Comitibus, &c.

*Quid si Novitius anno probationis non expleto faciat professionem existens in lethali morbo, utaliquæ Religionis habent privilegium, v.g. Dominicana?*

*Dico:* Monasterium in bonis non succedit, quia illud privilegium solum eo respicit, ut

Professus gaudeat indulgentiis, & suffragiis Ordinis sui.

**QUÆRO III. Quomodo committitur Simonia in Beneficiis?**

**CXXXII. Resp. 1.** Conferens, vel accipiens Beneficium pro munere a lingua, vel ab obsequio, est Simoniacus. Ita S. Thom. art. 5.

*Ratio* patet in R. 5. ad Quæst. 1. circa finem.

*Resp. 2.* Si quis aliquid spirituale alicui conferat gratis propter consanguinitatem, vel quamcumque carnalem affectionem, est quidem illicita, & carnalis collatio, non tamen simoniaca; quia nihil ibi accipitur. Unde hoc non pertinet ad contractum emptionis, & venditionis, in quo fundatur Simonia. Si tamen aliquis det Beneficium ecclesiasticum alicui, hoc pacto, vel intentione, ut exinde suis consanguineis provideat, est manifesta Simonia. Hæc sunt Verba Angel. Doct. art. 5. ad 2. loquens de provisione temporalibus. Vide de acceptione Personarum Tract. 9. Exam. 1. n. 7.

Similiter mortaliter peccat, licet non sit simoniacus, qui ex metu Beneficium confert indigno.

*Resp. 3.* Qui per pecuniam facit, ut electio ad dignitatem ecclesiasticam, vel Beneficium cedat in sui, vel alterius favorem, est simoniacus, & electio nulla.

*Ratio* patet ex definitione Simoniaci.

Idem est si det Mediatori per modum pretii. Excipitur recognitio gratitudinis pro laboribus.

*Resp. 4.* Licet dare pecuniam, ne eligatur indignus. Ita cum De La Cruz dicente esse communem Sententiam.

*Rationem dat:* Quia sic non paratur via ad spirituale per temporale proximè, sed solum intenditur, ne eligatur indignus, & servetur iustitia distributiva in bonum Ecclesiæ.

In eodem casu licet dare pecuniam, ut eligatur dignus in communi.

*Ratio:* Quia idem est dare pecuniam, ut eligatur dignus, & negligatur indignus. Pro hoc citat Ledef. & Cajet.

Non licet tamen dare pecuniam, ut eligatur dignissimus etiam in communi, quando sunt alii digni, etiam in sententia tenente Ecclesiam habere jus ad digniorem præ digno.

*Rationem dat:* Quia Ecclesia tunc obtinendo dignum non patitur gravissimam necessitatem, ob quam redimendam illud liceat, sed tunc paratur via illi dignissimo ad spirituale per temporale.

**CXXXIII. Quid sequi faciant hoc pactum: Ego te eligam in Provinciale, sic tamen, ut me eligas in Priorem?**

*Dico:* Posito, quod non sit Simonia, cum non detur temporale pro spirituali, sed spirituale



tuale pro spirituali, est tamen mortale peccatum, vel acceptionis, vel personarum, vel ambitionis, vel scandalii.

*Resp. 5.* Casu, quo quis pateretur injustam vexam ab aliquo, ut Canonisatum, vel Episcopatum obtineat, resolvit S. Thom. art. 2. ad 5. dicens: Antequam alicui acquiratur jus in Episcopatu, vel quacunque dignitate, vel prae-benda, per electionem, vel provisionem, seu collationem, simoniacum esset, adversantium ob-staculum pecunia redimere. Sic enim per pecuniam pararet sibi viam ad rem spiritualem obtinen-dam. Sed postquam jus alicui jam acquisitum est, licet per pecuniam injusta impedimenta re-movere. Hæc ille. Quia in secundo casu præci-se tollitur impedimentum ob-stans, nequis pos-sit frui jure suo, & non emitur Beneficium.

*Resp. 6.* De permutatione Beneficiorum S. D. art. 1. ad 5. explicans definitionem Simoniz sic ait: Nomine emptionis, & venditionis intel-ligitur omnis contractus non gratuitus. Unde nec permutatio Præbendarum, vel Ecclesia-sticorum Beneficiorum fieri potest auctoritate partium absque periculo Simoniz, sicut nec transactio, ut jura determinant: Potest tamen Prælatus ex officio suo permutationes hujus-modi facere pro causa utili, vel necessaria. Hæc ibi.

Ex quo sequitur, quod Simonia sit, vel saltem vehementis suspicio ejus, si quis privata auctori-tate Beneficium pingue permutet, vel per pecuniam permutari procuret cum tenui alte-rius, obvehementem inclinationem naturæ in melius. Nec evadit Simoniam per hoc, quod pecuniam det propiis temporalibus red-ditibus utpotè excedentibus. Quia illi red-ditus percipiuntur titulo Beneficii, qui est spi-ritualis.

*Resp. 7.* Pecunia procurare, ut quis in suum, vel alterius favorem resignet Beneficium, juxta omnes DD. est Simonia.

*Ratio:* Quia procuratur spirituale pro tem-porali.

Not. 1. Optimum resignandi modum esse, si-quis liberè resignet ad manus Collatoris sine ul-la conditione, ut pro sua conscientia conferat, cui vult. Si tamen quis ad manus Collatoris re-signet in favorem alterius (excluso pacto, liber-tatem conferendi tollente,) & Collator illi be-neficium conferat, non peccat, immò ex qua-dam honestate debet illi conferre, nisi sit indi-gnus Conc. Trid. Sess. 21. de reform. c. 1. de Cle-ricis resignante decernit: *Neque resignatio admit-tatur, nisi confecto, quod aliunde vivere commode possit, & aliter facta resignatio nulla sit.*

Not. 2. quod Episcopus, a fortiori Papa, Clerico ob infirmitatem, alicuius inhabili-tatem Beneficium resignaturus, vel in lite be-neficiali, pacis gratia cessuro, possit pro ejus sus-ten-tatione ex redditibus Beneficii resignati

constituere aliquam pensionem.

*Resp. 8.* Resignationem Beneficii facere eo pacto, ut renunciarius renunciandi restituat expensas, quas in acquisitione Beneficii pro ex-peditione, aut litigationum solutione fecit, ex parte utriusque (in tutiori, & probabiliori sen-tentia) est Simonia, & quidem realis, & com-pleta, si solutio, & receptio facta sit.

*Ratio:* Tum quia in acquisitione spiritualium omnis pactio, & conventio, quæ jure non in-est, cessare debet, ut arguit Binsfeldius: Sed in nostro casu conditio jure non inest, sed ex-trinsecus apponitur. Ergo Simonia committitur. Tum etiam, quia juxta clarum textum in Cap. cum pridem de pact. incurritur Simo-nia, si quis solùm renuntiet liti super Be-neficio, ut alio spirituali, dato aliquo tempo-rali, etiam nomine expensarum. Ergo a for-tiori est Simonia, resignare beneficium cum onere solutionis expensarum.

CXXXIV. *Quomodo resolvitur hunc casum:* Con-sanguineus Petri Consiliario Episcopi dat pecuniam eo pacto, ut Episcopum inducat ad dandum Petro (de Simonia, seu pecunia illa planè nihil scienti) Beneficium?

*Dico:* Consanguineus ille, & Consiliarius sunt Simoniaci, non verò Episcopus, nec pro-motus, cum nihil de Simonia scient.

Nec promotus tenetur Beneficium renun-tiare.

*Ratio.* Quia, ut arguit Corradus, esset val-de durum, & penè contra jus naturæ, ut, qui culpam Simoniz non commisit, puniatur per obligationem renunciandi. Idem est, si Simo-nia fuisset facta in fraudem electi, seu pro-moti.

Cæterum si pecunia detur Prælato, vel eo scien-te minitris, nesciente promotus, tunc licet pro-motus non sit Simoniacus, promotio tamen est Simoniacæ ex scientia promotoris: si ergo pro-motus id reiciat, tenetur renunciare.

QUÆRO IV. Quid censet de Jure Patro-natus?

CXXXV. Ante R. Nota. Hoc jus honorifi-cum quidè, sed & onerosum, alicui ad aliquem pro beneficio præsentandum competere ex hoc, quod vel ipse, vel alius, a quo illud habet, Eccle-siam fundavit, aut dotavit.

*Resp.* Jus Patronatus non potest pecunia taxa-ri, nec separari a Villa, cui annectitur, vendi, nec Villa ratione ejus potest vendi carius, abiq; labe Simoniz. Patet ex S. Thom. art. 4. ad 3.

*Ratio:* Quia hoc jus est res spiritualis.

*Oppono:* S. Thom. cit. a. 4. in c. dicit, quod jus Patronatus aliquo modo vendi possit.

Ad hoc R. patere mentem S. Tho. ex ipso tex-tu, comparat enim hoc jus vasis sacris, quæ etiã aliquo modo, putà, ratione materiz vendi pos-sunt. Sic etiam potest vendi materia hujus ju-ris, nimirum fundus. Unde, addit S. Doct.

ali-

*aliquo modo vendi possunt, non autem inquantum sunt spiritualibus annexa.*

**QUÆRO V.** Papa potestne incurrere Simoniam, cum sit supremus in Ecclesia?

**CXXXVI. Resp.** Affirmative cum S. Thom. art. 1. ad 7. dicente: Papa potest incurrere vitium Simonie, sicut & quilibet alius homo: peccatum enim tantum in aliqua persona est gravius, quantum maiorem obtinet locum. Quamvis enim res Ecclesie sint ejus, ut principalis dispensatoris, non tamen sunt ejus, ut domini, & possessoris. Et ideo si reciperet pro aliqua re spirituali pecuniam de redditibus Ecclesie alicujus, non careret vitio Simonie. Et similiter etiam posset Simoniam committere recipiendo pecuniam ab aliquo Laico non de bonis Ecclesie. Hæc ibi.

Nota tamen, Papam Simoniacum non subiacere poenæ, & censuris contra simoniacos latis, cum hæc sint juris positivi, cui Papa saltem quoad vim coactivam non est subiectus.

Immo & emptor ab iis esset liber, si emeret a Papa sciente, & volente, non autem, vi vel fraude circumvento.

*Ratio:* Quia expressus Papæ consensus in venditione, etsi malus, est tacita dispensatio, vel relaxatio juris Pontificii, poenarumque ejus. Nam credibile non est, quod ad Beneficium a se liberè venditum velit emptorem inhabilitare, aut punire propter actionem, cujus ipse est causa, vel saltem concausa.

**QUÆRO VI.** Estne Simonia, dare pecuniam pro Matrimonio, vel pro Decimis?

**CXXXVII. Resp.** 1. de Matrimonio sub dist. cum Angeli. Doct. art. 2. ad 6. dicente: Matrimonium non solum est Ecclesie Sacramentum, sed etiam naturæ officium. Et ideo dare pecuniam pro Matrimonio, inquantum est naturæ officium, licitum est; inquantum verò est Ecclesie Sacramentum, est illicitum: Et ideo secundum jura prohibetur, ne pro benedictione nuptiarum aliquid exigatur. Hæc ibi.

*Resp.* 2. de Decimis cum S. Tho. a. 4. ad 3. dicente: Jus spirituale accipiendi Decimas non conceditur Laicis, sed tantum res temporales, quæ nomine decimarum dantur. De quo vide in hoc Tract. Exam. 2. n. 19.

**QUÆRO VII.** Estne Simonia accipere pecuniam pro dictione Theologiæ, pro functione Ludimagistri, Aeditui, Organistæ, Cantoris laici, vel talia officia vendere?

**CXXXVIII. Resp.** 1. Probabilis est pro docenda Theologia, id est, pro actione doctioris, quæ nostro labore, industria, voce, scriptura, & ingenio fit, posse accipi pecuniam, seu iustum pretium, ut mercedem, seu non esse simoniacum hanc actionem alteri vendere, seu pro mercede locare. Et a fortiori hoc sentiendum de functione alicujus Ludimagistri. Ita S. D.

hic art. 3. ad 3. dicens: Qui habet scientiam, & non suscepit cum hoc officium, ex quo obligetur aliis usum scientiæ impendere, licet potest pretium suæ doctrinæ, vel consilii accipere, non quasi veritatem, aut scientiam vendens, sed quasi operas suas locans. Si autem ex officio ad hoc teneretur, intelligeretur ipsam vendere veritatem. Unde graviter peccaret. Sicut patet in illis, qui instituuntur in aliquibus Ecclesiis ad docendum Clericos Ecclesie, & alios pauperes, pro quo ab Ecclesia beneficium recipiunt: a quibus non licet eis aliquid recipere ad hoc, quod doceant. Hæc ibi. Et supra q. 71. art. 4. ad 2. de Juridica ait: *Et si scientia Juris sit quoddam spirituale, tamen usus ejus sit opere corporali, & ideo pro ejus re-compensatione licet pecuniam accipere; alioquin nulli artifices liceret de arte sua lucrari.*

*Ratio* patet ex ipsis verbis S. Thom. Quia æterna, & corporalis actio est labor pretio æstimabilis. Immo juxta oppositam sententiam deberemus damnare morem omnium ferè Universitatum, & Ecclesiarum bene institutarum, quæ pro functione docendi Theologiam professoribus certa assignant stipendia, non solum sustentationis causa, sed etiam pro dignitate docentium majora, & minora.

Dixi in R. pro actione doctioris. Nam vendere ipsas veritates, utpotè supernaturalis, vel etiam vendere actionem docendi Theologiam, quæ fieret sine omni labore, & ex solo afflatu Spiritus S. lingua moventis, indubiè simoniacum est. Secus, si habitus scientiæ per accidens esset insulzus, ipsa tamen doctio fieret per laborem, ut benenotat noster Torre. Similiter simoniacus esset, si doctio fieret per modum Catechesis, vel Concionis, quia hæc ordinatur tum ad imprimenda rudimenta fidei, tum ad voluntates hominum in amore, & timore Dei inflammandas, ad poenitentiam de peccatis agendam, &c. quod præcipue est opus Dei. Ergo eam vendere, est Simonia: atfunctio Professoris Theologiæ de se est merè doctrinalis, merè speculativa, & solum ordinata ad perfectionem intellectus. Item Theologus simoniacus fit, si vendat consilia, quæ tendunt ad excolendam virtutem, vel ad pacandam conscientiam in foro conscientie, quia sunt de materia supernaturali. Secus si respiciunt tantum forum externum. Tum quia est actio merè naturalis. Tum etiam, quia in iis magis agit Jurisperitum, vel Philosophum morealem, quam Theologum, & conditio personæ concurrat per accidens.

Ex his Collige, de quibus intelligatur illud Matth. *Gratis accepistis, gratis date*, nimirum de supernaturalibus.

*Resp.* 2. Officium Professoris Theologiæ vendere, licet in sensu explicato non esset simoniacum,

niacum, esset tamen mortale scandalum.

*Ratio:* Quia inter sexcentos vix unus scit prælatam distinctionem.

*Resp. 3.* Cantor, & Organista suas operas, seu actiones pro mercede locare possunt.

*Ratio:* Quia secundum se sunt merè naturales.

*Resp. 4.* Si Cantor, Organista, Aedituus, habeant Redditus in Ecclesia fundatos, hæc officia vendere simoniacum censetur eo modo, & sensu, quod illud est num. 124. de Simonia iure naturæ, vel Ecclesiæ prohibita. Unde Busembaum in præsentia inter Simonias, quæ sunt iuris humani, bene numerat venditionem officiorum extrinsecè tantum ordinatorum ad res sacras, v.g. Sacristæ, Œconomi, Advocati Ecclesiæ, Thesaurarii, &c.

**QUÆRO VIII.** Quænam est Simoniacorum obligatio ad restituendum, & quæ pœnæ?

*CXXXIX. Resp. 1.* Qui interventus muneri, id est, pecuniæ, seu pretii spiritualia quacunque assequitur, ea licet retinere non possit, sed tenetur restituere. S.D. a. 6.

*Ratio* ejus est: Nullus potest licetè retinere id, quod contra voluntatem domini acquisivit, puta, si aliquis dispensator de rebus domini sui daret alicui contra voluntatem, & ordinationem domini sui, qui acciperet, licetè retinere non posset: Sed domini (cujus ministri, & dispensatores sunt Prælati Ecclesiarum) ordinavit, ut spiritualia gratis darentur, secundum illud Matth. 10. *Gratis accepistis, gratis date.* Ergo.

*Resp. 2.* Probabilius est, quod stando in iure divino naturalis simoniacus, teneatur ad resignationem Beneficii, & cujuscunque alterius rei spiritualis, acquisitæ per Simoniam etiam solum mentale, modò effectus sit subsecutus saltem ex una parte. Ita patet ex verbis S. Tho. in ipsa R. 1. adductis.

*Ratio:* Ex natura rei restitui debet, quod acquiritur per contractum injustum. Sed contractus simoniacus est injustus, quia in eo venditur, quod est invendibile. Ergo.

*Resp. 3.* Probabilius etiam est, pretium pro rei spirituali acceptum, iure naturæ esse obnoxium restitutioni.

*Ratio* est, quæ ante.

*Resp. 4.* Beneficium simoniacè acceptum (nisi dispensatio, vel potius nova ejus collatio obtineatur) relinquendum est in manibus Collatoris.

*Ratio:* Nemo potest Beneficium obtinere nisi per legitimam collationem, factam ab eo, ad quem spectat.

Ex quo sequitur, quod ille Simoniacus teneatur etiam restituere omnes Beneficii fructus, quos percepit, vel percipere potuit, siue extent, siue non extent: deducis solum expensis, quas fecit, vel causa fructuum, vel in utilitatem Ecclesiæ: Si verò contigerit Si-

monia ipso nesciente, tenetur solum restituere fructus extantes, non verò bona fide consumptos. De hoc S. Thom. hic a. 6. ad 4. sic loquitur: Pecunia, vel possessio, vel fructus simoniacè accepti, debent restitui Ecclesiæ, in cuius injuriam data fuerunt, non obstante, quòd Prælati, vel aliquis de Collegio illius Ecclesiæ, fuit in culpa: quia eorum peccatum non debet aliis nocere, ita tamen, quòd quantum fieri potest, ipsi, qui peccaverant, inde commodum non consequantur. Si verò Prælati, & totum Collegium sunt in culpa, tunc debet cum auctoritate Superioris, vel pauperibus, vel alteri Ecclesiæ erogari. Hæc ibi.

*Resp. 5.* Pretium simoniacè acceptum pro rei spirituali nondum tradita, v.g. pro Beneficio nondum collato, restituendum est ei, quod dedit. Si verò beneficium sit collatum, & pretium acceptum, dandum est Ecclesiæ, vel pauperibus idque probabilius ante sententiam Judicis.

*Ratio 1. p.* Quia simonia non fuit completa.

*Ratio 2. p.* Qui pecuniam illam dedit, contra divinæ Legis Jultitiam peccavit cum magna Dei irreverentia, volens appetiari eam, quod appetibile non est. Ergo privatione ejus puniri meretur.

*Ratio 3. p.* Cap. de hoc tit. de Simonia: ipsa Ecclesia statuit, Reges, & Principes debere induci, ut, quæ pro electione Episcopi acceperunt, restituant Ecclesiæ absque diminutione: Sed non est verisimile. Ecclesiam intendere, ut hoc fiat post sententiam Judicis: quia ordinari in talibus locis non est aliquis Jdex, qui Reges, & Principes de similibus condemnent. Ergo.

**CXL. Resp. 6.** Insuper Simoniaci, tam vendentes, quàm ementes spiritualia, aut etiam mediatores, aliis penis puniuntur, scilicet infamia, & depositione, si sint Clerici, & excommunicatione, si sint Laici, ut habetur 1. q. 1. can. si quis Episcopus. Ita loquitur S. Tho. a. 6. in c.

*Resp. 7.* Simonia pœnas Juris ipso facto inducens est triplex. Nimirum 1. commissa in susceptione Ordinum majorum; vel minorum, 2. in Beneficio Ecclesiastico, 3. in ingressu, seu Professione Religiosis.

*Ratio:* Tales, utpote frequentiores, & perniciosiores, merentur ab Ecclesia, & hæc vult, eos puniri ipso facto.

*Resp. 8.* Aliæ Simonia, v.g. in ministrante, vel receptione Sacramentorum, etsi sint grandia peccata, pœnas tamen juris non inducunt ipso facto, sed debent infligi per sententias Judicis. C. cum nuper, tit. de confessis.

*Resp. 9.* Sola Simonia realis completa, licet pretium solum pro parte sit solum, pœnas juris inducit, non verò mentalis, vel conventionalis, ab aliis dicta realis incompleta, vel semirealis, etiam facta traditione rei spiritualis, modò temporale non sit receptum.

*Ratio*

*Ratio* : Tum quia Leges pœnales , præsertim tam graves, intelliguntur decerni pro opere completo. Tum etiam, quia legitur, hunc esse stylum Romanæ Curia: sciente Papa; qui non solum jus declarat, sed & facit, & oppositum revocat.

Ex his *Sequitur* 1. eum, qui simoniacè confert Ordinem sive majorem, sive minorem, immò, & primam Tonsuram, esse excommunicatum. De quo vide Trid. Sess. 21. cap. 1. de reform. Insuper esse suspensum ipso facto ab omnium Ordinum, etiam primæ Tonsuræ collatione, & ab omnium munerum pontificalium executione, & interdictum ab ingressu Ecclesiæ, immò ( hac suspensione non observata ) simul suspensionem incurrere a Regimine Ecclesiæ. Quod totum patet ex Constitutione Sixti V. 1588. edita. Quarum pœnarum relaxatio soli Papæ reservatur. Per eandem Bullam ab executione omnium Ordinum suspenduntur ordinati simoniacè.

Nota tamen, ad harum pœnarum incurrentiam requirit, ut intercesserit formale, vel virtuale pactum. Quo deficiente licet non sit Simonia, est tamen grande peccatum mortale, si quid contra Trident. accipiat prætextu consuetudinis, vel sustentationis.

*Sequitur* 2. juxta Extravag. *Detestabile*, de Simonia, excommunicatum esse conferentem,

procurantem, uti & recipientem simoniacè Beneficium : si tamen sit verum Beneficium. Et ille simoniacè ad Beneficium promotus est inhabilis ad illud habendum absque nova dispensatione Pontificis, c. *nobis fiat*, tit. de Simonia.

CXLI. *Resp.* 10. Simonia propter ingressum Religionis tam intrantes, quam recipientes ipso facto subiicit excommunicationi, & ipsum Conventum, si crimini consentiat, etiam suspensioni.

Not. tamen, ob Monasteriorum tenuitatem, & contrariam consuetudinem hanc censuram raro incurri.

CXLII. *Resp.* 11. Simonia confidentialis completa, nimirum dato, & accepto Beneficio, licet accipiens nondum impleverit suam promissionem, utramque partem contrahentem ipso facto subiicit Excommunicationi Papali, & annullat resignationem, & collationem Beneficii, in quo est commissa, & ad idem postea obtinendum inhabilitat, omnibus beneficiis, & pensionibus ante obtentis privat. Tandem beneficia sic collata reservantur soli Summo Pontifici, cui etiam soli ordinariè reservatur dispensatio in præfatis pœnis, etsi in quibusdam casibus ( de quibus alii Auctores videantur ) competere possit Episcopo.



## TRACTATUS XI.

*De Sacramentis tum in communi Ex tertia Parte Angelici Doctoris a Qu. 60. usque ad 65. inclusive: tum in specie de Baptismo, & Confirmatione.*

**De quibus ubi S. D. agat, dicetur in proprio loco.**

**C**onsentaneum visum est (ait Tridentina Synodus Sess. 7. in Procmio, seu Decreto de Sacramentis) *de sanctissimis Ecclesie Sacramentis agere, per quæ omnis vera iustitia vel incipit, vel cæpta augetur, vel amissa reparatur.* Sunt enim velut septem fontes Salvatoris, fontes, inquam, aquæ salientis in vitam æternam, qua mens impletur gratia, & futuræ gloriæ nobis pignus datur. De quibus proinde fit

## EXAMEN I.

*De Essentia Sacramentorum. De qua S. Thom. agit Quæst. 60. per 8. art. Et de necessitate Sacramentorum, de qua Quæst. 60. per 4. art.*

**QUÆRO I.** Obligaturne Confessarius scire doctrinam Theologorum de Sacramentis?

**I. Respondeo,** hoc a nemine (cui christianifimus cordi est) in dubium verti posse.

**Ratio:** Quia quisvis sincerus Christianus corde, & ore asserit, Confessarium ex vi Officii sui non tantum Judicem, sed & Doctorem, & Medicum esse; Quæ autem salubrior Doctrina, quam quæ efficacissima remedia præbet, per quæ iustitia cæpta augetur, vel amissa reparatur? Quæ efficacior medicina, quam vulnerum animæ Emplastrum, pretioso Christi Sanguine valorata, uti sunt septem Sacramenta, quæ sacrant mentem, seu sanctificant, immodè deificant animam, ut filii Dei nominemur, & simus. Ergo.

**QUÆRO II.** Quid est Sacramentum? quod, & quotuplex significatum eius?

**II. Resp. I.** Sacramentum in communi bene definitur a S. Tho. q. 60. a. 2. in c. *Signum rei sacre sanctificantis homines.*

**Explicatur:** Dicitur *1. Signum*, nimirum sensibile, de quo postea plura. Item *signum*, non naturale, seu ex natura sua significans, sed ad placitum, non hominis sed Dei, seu a Deo institutum: cum enim solus Deus sit causa principalis gratiæ, ipsius etiam est instituire signa gratiæ. Item *signum prædicatum*, seu causans signatum, non merè speculativum: de quo postea. Item intelligi debet de signo permanenti in Ecclesia instituto; per Sacramenta enim homines coadunantur in unam Reli-

gionem. Ergo debent manere, quamdiu manet ipsa Religio. Defectu hujus conditionis insufflatio, qua Christus in Pentecoste Discipulis dedit Spiritum sanctum, non est Sacramentum, uti nec illa verba Christi ad Magdalenam: Remittuntur tibi peccata multa, quoniam dilexisti multum.

**Dicitur 2. rei sacre sanctificantis homines.** Quod intelligitur de sanctificatione formali, quæ est ipsa gratia habitualis, quæ proinde intelligitur ibi per rem sacram. Unde Crux Christi est quidem signum rei sacre, nimirum Christi nos sanctificantis, non tamen est Sacramentum; quia significat rem sanctificantem nos effective. Idem est de serpente æneo, qui erat figura Christi.

**Definitio sic explicata coincidet cum illa Canisii: Est signum visibile invisibilis gratia ad hominum sanctificationem divinitus institutum.**

**Resp. 2.** De ratione Sacramenti, ut scilicet significare sanctitatem simpliciter, seu perfectam, & intrinsecam: & non sufficit, quod significet legalem, seu imperfectam. Ita S. Th. art. 2. ad 3.

**Ante Probationem nota,** quodd, sicut est duplex status Legis, nimirum Veteris, & Novæ, ita est duplex sanctitas, utrique statui correspondens. Una legalis, & imperfecta, potius talis quoad homines, quam quoad Deum, non sanctificans intrinsecè, sed solum extrinsecè, utpotè hominem ponens in tali statu, ut aliis liceat cum eo conversari. Sic in Lege Veteri mulier alienigena, id est, non progenita ex semine Israelitico, licet coram Deo sancta, erat tamen immundè legaliter, seu ex Lege, per quam Viro Israelitico non licebat eam ducere. E contra Judæa licet coram Deo (nimirum per peccatum) immunda, erat tamen legaliter sancta. Sicut etiam in Lege Veteri tangens mortuum,

tuum, vel leprosum dicebatur immundus, non immunditia culpæ, sed cuiusdam irregularitatis legalis. Altera est sanctitas perfecta, seu quoad Deum, quæ fit per gratiam habitua-lem, seu sanctificantem. Prima quidem attribuitur Sacramentis Veteris Legis, quibus tamen altera non est totaliter deneganda, ut patet ex dicendis tum in Ratione; Tum in frâ de causalitate. Hoc notato

*Ratio* est: Sacramentum ex sua essentia petit significare talem sanctitatem, cujus significatione distinguitur ab omni eo, quod non est Sacramentum: Sed hanc distinctionem non habet per significationem sanctitatis legalis. Ergo. Min. prob. In Lege Veteri multæ erant Cæremoniæ significantes sanctitatem imperfectam, & legalem, ut patet ex Hebr. 9. nimirum omnes illæ abluiones, quibus mundabatur corpus, & conferebatur iustitia carnis, ac sanctitas legalis, quæ tamen non erant Sacramenta. Idem in Nova Lege est de absolutione ab Excommunicatione majori, quæ facit, quod non liceat cum excommunicato non tolerato conversari. Ergo.

*Resp.* 3. Sacramentum significat tria, nimirum Passionem Christi, quæ præcessit tanquam signum rememorativum: gratiam; quæ per passionem Christi in nobis efficitur tanquam signum demonstrativum: & gloriam, tanquam signum prognosticativum. Ita art. 3. in c.

*Ratio* S. D. est: Sacramentum propriè dicitur, quod ordinatur ad significandam nostram sanctificationem, in qua tria possunt considerari, nimirum ipsa sanctificationis causa, quæ est Passio Christi; & forma sanctificationis, quæ consistit in gratia, & virtutibus; & ultimus finis sanctificationis nostræ, quæ est vita æterna. Ergo.

*Oppos.* Quod significat multa, est signum ambiguum, seu æquivocum, & dat occasionem fallendi: Sed hoc non debet dici de Sacramento. Ergo.

*Ad hoc dist. mai.* Quod significat multa absque ordine, conced. cum ordine inter illa, neg. Unde S. Th. ad 1. docet: Tunc esse signum ambiguum præbens occasionem fallendi, quando significat multa, quorum unum non ordinatur ad aliud; esse autem signum certum, si ex eis ordine quodam efficitur unum. Sicut hoc nomen homo significat animam, & corpus, prout ex eis constituitur humana natura. Et hoc modo Sacramentum significat tria prædicta, secundum quod ordine quodam unum sunt, ut patet ex Ratione data.

**QUÆRO III.** Constantne Sacramenta ex determinatis rebus sensibilibus ut materia, & verbis ut forma: & quotuplex est eorum materia?

*III. Resp.* 1. Sacramenta Novæ Legis constant ex re sensibili ut materia, & verbis sensibilibus

ut forma, tanquam partibus intrinsicis, & essentialibus.

*Ratio* 1. p. est ex art. 4. in c. Divina Sapientia unicuique rei providet secundum suum modum, & propter hoc dicitur Sap. 8. quod si aviter disponit omnia: Sed homini est connaturale, ut per sensibilia perveniat in cognitionem intelligibilem; signum autem est, per quod aliquis devenit in cognitionem alterius, & res sacræ in Sacramentis significantur sunt bona intelligibilia, seu spiritualia. Ergo.

*Nota* 1. quod per rem sensibilem non intelligamus, debere necessariò esse aliquod elementum sensibile, ut in Baptismo est aqua: de quo S. Aug. *Accedit verbum ad elementum, & fit Sacramentum.* Sed sufficit esse aliquod sensu percipibile, per formam determinabile, quod improprie potest dici elementum, licet sit aliquis actus, immò verba, ut patet in Sacramento Pœnitentiæ, & Matrimonii. Et ex S. Thom. ar. 6. ad 2. Idem est de verbis, quæ non semper necessariò debent esse propriè dicta, sed sufficit esse æquivalenter talia, v. gr. nucus, signa, &c. in Matrimonio.

*Nota* 2. ex S. Thom. ad 2. & 3. quod licet res sensibiles secundum se, & naturam suam efficiant effectum naturalem, & non spectent ad Dei cultum, & sanctificationem nostram, aut spiritualem significationem, bene tamen inquantum a Deo ad id sunt assumptæ, & elevatæ.

*Ratio* 2. p. est ex S. Thom. art. 6. in c. Res sensibiles, earumque significatio secundum se sunt indifferentes; aqua enim significare potest & abluionem propter suam humiditatem, & refrigerium propter suam frigiditatem: Ergo per verba debet determinari ad effectum spirituales. Unde S. Augustinus 2. de doctr. christiana ait: *Verba inter homines obviaverunt principatum significandi.* Et hoc patet in Baptismo. Nam, cum dicitur. Ego te baptizo, manifestatur, quod aqua utitur in Baptismo ad significandam emundationem spiritualem.

*Ratio* 3. p. In omni composito materia, & forma sunt partes intrinsecæ, & essentialis: Sed Sacramentum est quodam compositum, & res in eo sunt materia, verba sunt forma. Ergo. Min. prob. 1. Quia Concil. Flor. asserit, Sacramenta Novæ Legis perfici rebus tanquam materia, & verbis tanquam forma. 2. Quod determinatur per aliud, est materia; quod determinat, est forma: ut docet S. Th. 2. 7. & patet in naturalibus, v. g. in materia hominis, & in artefactis: Sed in Sacramentis res sensibiles per verba determinantur ad significationem rei spiritualis. Ergo.

*Declarat* hoc ulterius ex S. Thom. ad 6. ad 2. dicente: Quamvis verba, & alie res sensibiles sint in diversis generibus, quantum pertinet



ad naturam rei, conveniunt tamen in ratione significandi, quæ perfectius est in verbis, quam in aliis rebus. Et ideo ex rebus, & verbis fit quoddammodum unum in Sacramentis, sicut, ex materia, & forma, in quantum scilicet per verba perficitur significatio rerum. Hæcibi.

*Oppono:* Materia, & forma, ac partes intrinsecæ debent esse simul: Sed res, vel actus sensibiles, & verba non sunt simul, ut patet in Sacramento Penitentiae, quia Absolutio sequitur Confessionem: & in Matrimonio unus consensus ut traditio, præcedit alium, ut est acceptatio. Ergo.

*Diff.* Similitudo physica, vel morali, conc. maj. Semper physica, seu mathematica, ut sunt simul in eodem instanti temporis, neg. maj. Et sic diff. min. neg. conf. Sufficit ergo, & in omni Sacramento, ut validum sit, adesse debet similitudo partium moralis, seu, secundum prudentem æliminationem. Quomodo hæc verificatur in Eucharistia, vide infra Tract. 12. Exam. 1. num. 2. in R. ad 2. Conf. quomodo verba maneant virtualiter post consecrationem.

*Resp. 2.* Materia in quovis Sacramento Novæ Legis est duplex, nimirum remota, & proxima. Prima est illa res sensibilis, quæ suscipienti per actionem Ministrum applicatur. Proxima est ipsa actio applicans.

*Declaratur:* In Baptismo materia remota est aqua, proxima est ablutio. In Confirmatione materia remota est chrisma, proxima est unctio in fronte. In Eucharistia materia remota est panis, & vinum, proxima sunt species consecratae Christi continentibus. In Penitentia materia remota sunt peccata, proxima sunt actus poenitentis. In Extrema Unctione materia remota est oleum infirmorum, proxima est ipsa unctio. In Ordine materia remota sunt instrumenta, quæ dantur ordinando, proxima eorum traditio. In Matrimonio materia remota sunt corpora, proxima traditio eorum sensibilibus expressa.

**QUÆRO IV.** Nonne saltem per Deipotentiam absolutam possibilia sunt Sacramenta insensibilia, seu spiritualia respectu hominis?

*IV. Resp.* Affirmative. *Ratio:* Essentia Sacramenti consistit in hoc, quod sit signum ad placitum, pradicum gratiæ: Sed non apparet repugnantia, cur Deus non possit elevare actum aliquem internum v. gr. adorationis, ut significet, & causet gratiam. Ergo. Min. prob. 1. ex S. D. 2. 2. q. 178. a. 1. docent: quod Deus per interiorem motum hominis, ut per instrumentum, possit patrare miracula. Ergo & gratiam. 2. Sicut Sacramentorum Auctor Deus virtutem suam non alligavit Sacramentis, ita nec rebus sensibilibus. Ergo. 3. Res spiritualis potest esse

esse signum, ut patet in verbo mentis. Nam signum, ut abstractum a spirituali, & sensibili, definitur esse id, quod mediante, seu supposita cognitione, sive notitia sui, sive sensus, sive intellectus, deducit in cognitionem alterius. Hinc dum S. Augustinus definit signum esse id, quod præter speciem, quam ingerit sensibus, facit aliquid aliud in cognitionem venire, non loquitur de signo in tota sua latitudine, ut etiam comprehenditur possibilia, sed de eo, quo ordinariæ utimur. Ergo.

*Resp. 2.* Illa Sacramenta insensibilia non essent homini ita proportionata, uti sensibilia.

*Ratio:* Quia homini, ut potest ex spiritu, seu anima, & corpore concreto, connaturale est in cognitionem spiritualium devenire per sensibilia. Ergo.

*Oppono contra 1. p.* Homines per Sacramenta coadunantur in unam Religionem: Sed hæc coadunatio non potest fieri per signa spiritualia, cum homo sensibilibus petat regi. Ergo.

*Ad hoc diff. min.* Non potest fieri tam suaviter, tamque proportionate, conc. min. absolute, neg. min. Unde & de necessitate absoluta Sacramenta, non petunt esse visibilia signa visibilibus Ecclesiæ, sed solum ad melius esse, sicut & illa definitio Sacramenti, quod sit *indivisibilis gratia visibilis forma*, intelligitur solum de Sacramentis defacto institutis.

Ex quo sequitur, minus essentiale Sacramento esse, quod sit sensibile, quam quod sit signum ad placitum: unde implicat absolute, quod Sacramentum sit signum naturale gratiæ; Sacramentum enim debet esse ex institutione, adeoque ad placitum.

**QUÆRO V.** Suntne omnes Sacramentorum Novæ Legis materiæ, & formæ a Christo determinatæ?

*V. Resp.* Affirmative quoad determinationem saltem in genere, seu specie subalterna, non tamen semper in specie infima, vel in individuo, quam in quibusdam Ecclesiæ reliquit. Et ideo dixi, *saltem in genere*. In aliquibus enim etiam est in specie atoma.

*Declaratur:* In Baptismo Christus promateria determinavit aquam elementarem in specie infima; & non aliam, sive sit calida, sive sit frigida, turbida, sive clara: hæc enim sunt accidentia, quæ non variant substantiam.

In Confirmatione materia remota determinatæ est Chrismi confectum ex oleo & balsamo. Quod autem Apostoli interdum hoc Sacramentum contulerint sine chrismate per solam manuum impositionem, non obstat: quia hoc habuerunt ex speciali privilegio sibi dato a Christo. Aliquando tamen etiam fuerunt usi chrismate. Similiter Græci in Confirmatione utuntur hac forma: *Signaculum domini Spiritus sancti*; nos verò alia, ut patebit infra: quæ est diversitas solum materialis.



In Eucharistia determinatè est vinum de vite, & panis triticeus ulualis, sive azymus, sive fermentatus.

In Extrema Unctione determinatè est oleū a Christo pro materia institutum, non a S. Jacobo, qui illud solum promulgavit. De quibus omnibus alibi in propriis locis plura. In his ergo Sacramentis determinatio materiæ est magis in particulari, quam in sequentibus duobus, quorum materia essentialiter includit aliquid morale, uti & in Ordine, in quibus materia est magis confusa, nimirum secundum genus, seu speciem subalternam tantum a Christo determinatam. Nam

In Sacramento Penitentiae materia proxima est confessio dolorosa, sive sit talis per attritionem, sive per contritionem, quæ specie differunt: sive sit de peccato veniali, sive de mortali; sive exprimitur nutibus, sive verbis. De quibus infra.

In Matrimonio, quod non solum est Sacramentum, sed & contractus civilis, ac naturalis, materia proxima est consensus contrahentium, non qualiscunque, sed legitimus, & validus ad transferendum mutuo dominium supra corpora, adeoque conformis legibus Ecclesiæ, quæ ejus legitimitati pro temporum necessitatibus certas potest præscribere condiciones, quibus non servatis contractus est nullus, uti fecit in matrimonio Claudefino. Cujus materiam proinde Ecclesia mutavit solum materialiter, non formaliter, semper enim manet verum, quod materia Matrimonii sit contractus legitimus.

VI. De Sacramento Ordinis major est difficultas. Nam Græci in sacris Ordinibus pro materia utuntur sola manuum impositione: & forma apud eos est hæc: *Divina gratia, qua infirma sanat, promoves hunc Subdiaconum in Diaconum; Hunc Diaconum in Presbyterum.* E contra apud Latinos traditur calix, &c. liber Epistolæ, Evangeliorum, uti citur. Quæ est materia diversa. Cum verò Ecclesia latina didum Ecclesiæ græcæ modum ordinandi approbet, & in materiis, ac formis substantiabilibus Sacramentorum errare non possit, tenendum est, quod pro hoc Sacramento Christus nullam materiam, vel formam in specie determinaverit, sed solum in genere, nimirum tale sensibile signum, quod sit sufficienter expressivum potestatis per Ordinem traditæ, determinationem in specie relinquendo Ecclesiæ, quæ cum pro Ecclesiâ græcâ unam, pro Latina aliam Ordinis materiam, & formam determinaverit, per quamlibet in sua, seu a suæ Ecclesiæ Episcopo valida sit ordinatio: est enim illa diversitas, seu variatio solum materialis, non formalis, quia conveniunt in ratione signi expressivæ potestatis. In Ecclesiâ tamen Latina materia est expressior, quia præ-

*Tribunal Confessionarium.*

ter impositionem manuum in Sacerdotio v.gr. traditur calix cum vino, & patena superposita hostia, & tunc solum profertur forma, quæ dein cadit super totam materiam præcedentem, quæ constat ex impositione manuum, & traditione calicis, & non intendit ante perficere ordinationem.

*Ratio.* Cum Deus, etsi absolute loquendo potuisset per alium, attamen defacto immediate per seipsum cujusvis Sacramenti materiam in sensu explicato determinaverit, hæc, inquam, ratio est, quia Sacramenta Novæ Legis, utpotè causantia gratiam ex opere operato, sunt Sacramenta excellentissima: sed non fuit conveniens, ut res tam excellens immediate determinaretur ab alio, quam a Deo. Ergo. Plura de hoc infra de causa, & institutione Sacramentorum in hoc Tract. Exam. 4.

QUÆRO VI. Quæ mutatio materiæ, & formæ invalidat Sacramentum?

VII. *Resp.* 1. Essentialis, seu substantialis mutatio materiæ, vel formæ invalidat Sacramentum, non tamen accidentalis; licet hæc ordinariè sit illicita, & peccatum. Ita S. Th. 8. in c.

*Ratio 1. p.* Nullum compositum, uti etiam est Sacramentum, potest subsistere sine partibus suis intrinsicis, & essentialibus. Ergo.

*Ratio 2. p.* Quia accidentia, cum sint extra substantiam rei, eam non variant, ut patet in accidentibus hominis. Ergo.

*Ratio 3. p.* Quia mutatio accidentalis ordinariè est, vel contra præceptum naturale, quo jubemur sancta sanctè, & reverenter tractare, v.gr. si quis sine necessitate baptizaret in aqua fordida, vel contra grave præceptum Ecclesiæ, ut patet de consecratione fermentati apud Latinos. Ergo.

Ex quo patet, mutationem substantialem materiæ esse, si quis adhibeat pro materia aliquid substantialem diversum, v.g. in Baptismo aquâ rosaceam, in Eucharistia panem hordeaceum: accidentalem, si salva substantia parumper alteretur, ut si aqua in Baptismo sit calefacta; vel panis triticeus in Eucharistia sit fermentatus. Substantialis mutatio forme est, si mutetur sensus verborum, ut si in Baptismo omittatur *In nomine*, vel *ly Patris*, &c. vel addat, quod mutet: Accidentalis mutatio est, si quid addatur, omittatur, vel verba mutantur, sic tamen, ut sensus verborum non tollatur. Et ita Zacharias Papa definivit in Cap. *Retulereunt*, de consecr. dist. 4. fuisse verum baptismum collatum a quodam rudi Sacerdote *in nomine Patris, & Filii, & Spiritus sancti.*

*Resp. 2.* Mutatio verborum in Sacramentis potest fieri octo modis 1. Proferendo ea in alia lingua contra morem Ecclesiæ. Quod si fiat sine necessitate, est peccatum, sed Sacramentum valet. 2. Adhibendo alia verba idem expressè significantia, v.gr. pro *ly Patris* dicendo *ly Genitoris*,

Ff 3 quod

quod etiam est peccatum, Sacramentum tamen subsistit; si tamen solum implicite idem significat, est nullum, v.g. dicendo: Ego te baptizo in nomine SS. Trinitatis. 3. Transponendo verba, quæ transpositio tollat sensum verborum, v.g. baptizo Patris in te ego Filii, & nomine Spiritus S. Sacramentum est nullum, ut patet ex S. Thoma q. 60. a. 8. ad 3. 4. Interpolando, seu interrompendo verba, quæ interruptio sit tanta, ut interruptur intentio pronuntiantis, tollitur sensus, & veritas Sacramenti, ait S. Th. ibidem. Hec interruptio maior est, si fiat inter syllabas ejusdem termini, quàm si inter duos terminos. 5. Aliquod verbum addendo, quod si sit corruptivum debiti sensus, tollit veritatem Sacramenti, ait S. Thom. in c. v.g. Ego te baptizo in nomine Patris majoris, & Filii minoris, sicut Arianib. baptizabant. Si verò sensum non tollat, subsistit, v.g. Ego te baptizo in nomine Patris omnipotentis, &c. Vel si post ly Spiritus sancti addat. Et in nomine B. Virginis, ut ejus intercessio proficit baptizato ad conservandam gratiam baptismalem. Si verò intelligatur baptizari in nomine B. Virginis sicut in nomine Trinitatis, quo Baptismus consecratur, talis sensus esset contrarius veræ fidei, & tolleret veritatem Sacramenti, ut docet S. D. ibidem.

6. Aliquid omittendo, v.g. in Baptismo ly Ego; In Eucharistia ly enim. Ubi notandum, quòd qui habens intentionem faciendi, quod facit vera Ecclesia, privata intentione falsò putaret illas voces esse de essentia formæ, verum conficeret Sacramentum; Quia adhibet omnia essentialia.

7. Partialem aliquem terminum corrumpendo. Pro quo S. D. a. 2. ad 3. pulchram tradit Regulam dicens: Ille, qui corruptè præfert verba sacramentalia, si hoc ex industria facit, non videtur intendere facere, quod facit Ecclesia, & ita non videtur perfici Sacramentum. Si autem hoc faciat ex errore, vel lapsu linguæ, si sit tanta corruptio, qua omnino auferat sensum locutionis, non videtur perfici Sacramentum. Et hoc præcipuè contingit, quando sit corruptio ex parte principii dictionis: puta, si loco ejus, quòd est in nomine Patris, dicat, in nomine matris. Si verò non totaliter auferatur sensus locutionis per hujusmodi corruptelam, nihilominus perficietur Sacramentum. Et hoc præcipuè contingit, quando sit corruptio ex parte finis: puta, si aliquis dicat, in nomine Patris, & Filii. Quamvis enim hujusmodi verba corruptè prela, nihil significant ex virtute impositionis, accipiuntur tamen, ut significantia ex accommodatione usus. Hæc ibidem S. D.

8. Verba mutando in signa, vel putus. Quæ mutatio in Matrimonio, & Pœnitentia est accidentalis; in aliis verò essentialis.

Resp. 3. Quando forma Sacramenti est ambi-

gua, seu æquivoca, habens plures sensus, si id proveniat ex vi verborum, siue ex usus accommodatione, ambiguitas tollitur, & propositio vera, vel falsa redditur ex intentione proferentis: qui si intendat sensum verum, Sacramentum valet; si falsum, annullatur. Exemplum est ex didis de Baptismo: In nomine Patris, & Filii, &c. Item de baptizante in nomine B. Virginis.

Ratio: Quia juxta Dialecticos propositio æquivoca secundum se nec est vera, nec falsa, sed fit talis ex intentione loquentis, verum, vel falsum sensum intendentis.

Ex quo fit, si dictus rudis Sacerdos intendisset, in divinis dari filiam, Baptismus fuisset nullus. Inquantum verò ly filia ex usus accommodatione potest significare Filium, Baptismus potest esse, & in dicto casu est validus. De Baptismo in nomine B. Virginis jam explicatum est paulò supra in Resp. 2.

De invalidatione Sacramenti ex parte intentionis dicitur infra in hoc Tract. Exam. 4. num. 3. & seqq.

QUÆRO VII. Fueruntne in omni statu Sacramenta homini necessaria?

VIII. Ante R. Nota quoad præsens quaduplicem esse statum naturæ humanæ. Primus est status Innocentiz in Adamo, & Eva probe vi illo tempore ante lapsum. 2. Est Legis naturæ, sic dictus, non quasi excludat gratiam, & præcepta supernaturalia, sed quia, sicut naturalia sunt ab intrinseco, ita Lex supernaturalis intrinsecè hominibus inspirabatur, & non publice exterius ponebatur. Et hic status cepit post lapsum Adami, & apud alias Nationes duravit usque ad Christum, apud Judæos verò usque ad Moysen. 3. Est status Legis scriptæ, seu Moysæ, computaturque a Moysè usque ad Christum. 4. Est status Legis gratiæ, seu Evangelicæ duraturus a Christo usque ad finem mundi. Hoc notato

Resp. 1. In statu Innocentiz ante peccatum Sacramenta necessaria non fuerunt. Ita S. D. q. 61. art. 2. in c.

Ratio: Medicina non est necessaria nisi egroto, ait S. D. in Sed. Contra. Sed Sacramenta sunt quædam medicinæ, & in statu Innocentiz non erat ægritudo, quia mens luberat Deo, & menti luberant inferiores animæ vires, & ipsi animæ corpus. Ergo. Accedit, quòd Deus prævideret lapsum Adami, adeoque illum statum non diù duraturum, consequenter non erant necessaria Sacramenta.

Nota ex solutionibus argumentorum S. Thomæ, quòd homo in statu Innocentiz indigebat quidem gratia, sed ut consequenda spiritaliter, & indivisibiliter, non verò per visibilia signa, quia fuisset contra perfectionem illius status, & contra subordinationem in Ratione descriptam, si anima vel quantum ad scientiam (putà,

(putā, supernaturalem, de naturali non negatur, quod Adam eam accepit: rit de rebus, ut patet 1. p. q. 101.) vel quantum ad gratiam perficeretur per aliquod corporale. Et si enim ante, & post peccatum sit eadem hominis natura, non tamen idem status, Sacramenta autem, & cognitio, ac adeptio spiritualium per sensibilia conveniunt quidem homini secundum conditionem suae naturae, alio non absolute, nec ut proprium per se, ac quarto modo, sed ex suppositione certi status, nimirum naturae lapsum; postquam enim homo per peccatum sensibilibus se subiecit, non est inconveniens, quod per sensibilia denuo perfectionem accipiat.

De Matrimonio Adami, & Evae docet S.D. ad 3. quod in statu Innocentiae non fuerit, ut Sacramentum, sed ut est in officium naturae. Vide in Tract. de Praedest. & in Tract. de Incarn. specialiter de gratia capitali Christi, an, & quomodo gratia Adami in statu Innocentiae fuerit ex meritis Christi largientis gratiam per Sacramenta. Ubi dicitur, quod, ut reparata fuerit ex praevius meritis Christi, non verò ut primò producta, qualiter fuit ex mera liberalitate Dei. Item vide S.Th. 2. 2. q. 85. a. 1. Ubi docet, quod sacrificium non solum internum, sed & externum de bonis temporalibus sit de jure naturae in recognitionem debitae subjectionis ad Deum rerum omnium Dominum, adeoque illud fuisse in statu Innocentiae, si durasset; a quo non est consequentia ad Sacramenta, ut potest, quae sunt juris positivi, & repugnassent perfectioni illius status; ut ex dictis patet.

IX. Resp. 2. In Lege naturae fuit verum quoddam Sacramentum, non solum pro justificatione parvulorum ad delendam peccatum originale, sed & adultorum.

Ratio 1. Ad humanam salutem necessarium homines adunari in unum verum Religionis nomen, ut arguit S.D. a. 1. in Sed Contra. Sed, ut ait S. Aug. in nullum nomen Religionis, si verum si falsum coadunari homines possunt, nisi aliquo signaculorum, seu Sacramentorum visibilibus consortio colligentur. Quod verum est, supposita corruptione naturae humanae; In statu enim Innocentiae potuissent adunari per alia signa visibilia, v.g. Sacrificia. Ergo.

Ratio 2. Cum Deus velit omnes homines salvos fieri, in statu Legis naturae pro parvulis, & adultis instituit aliquod remedium ad delenda peccata, tum Originale, tum actualia: Sed hoc remedium fuit verum Sacramentum, cum fuerit externum, quia debebat applicari modo humano (quod non potest dici de actu merè interno). Item fuit collativum gratiae, peccatum enim non tollitur, nisi per gratiam. Ergo.

Ex quo sequitur, quod, quando dicitur, parvulos in Lege naturae fuisse mundatos a pecca-

to originali in fide Parentum, intelligitur de fide non interna, sed manifestata signo sensibili, v.g. precibus, oblatione, vel benedictione, &c. Et hoc signum sensibile erat Sacramentum, quod tamen a Deo non fuit omnimodè in particulari, & in individuo determinatum, sed solum in genere, quod determinationem in specie, vel in individuo, relidit arbitrio ipsius applicantis. In hoc ergo signo formale fuit a Deo, materiale ab homine, eo ferè modo, quante diximus de Ordine, ejusque materia.

Nota tamen, quod remedium pro peccatis actualibus non fuerit ejusdem rationis cum eo, quod nos adhibemus pro eorum remissione, ut est verbalis, & auricularis confessio, sed aliud longè diversum, attamen in re si appliciter non necessarium, sed supplebile per votum in necessitate. Remedium verò peccati Originalis fuit simpliciter necessarium in re ipsi parvulis, sicut apud nos Baptismus.

X. Resp. 3. In Lege Moysaica, seu scripta fuerunt vera, & diversa Sacramenta. Hoc probant Rationes pro R. 2. datae.

Reducit S.D. 1. 2. qu. 103. art. 5. Sacramenta Legis Moysaicae ad quatuor, nimirum ad Circumcisionem, cui successit Baptismus: ad Agnum Paschalem, qui erat figura Eucharistiae, ad Purificationes, quibus respondet Pœnitentia: ad consecrationem Pontificis, & Sacerdotum, quibus respondet Ordo. Alia tria Novae Legis Sacramenta, nimirum Matrimonium, Confirmatio, & Extrema Unctio, non habent Sacramenta ex parte Legis Veteris sibi correspondentia.

Nota, quod apud Judaeos pro feminis ad tollendum peccatum originale manserit remedium Legis naturae, & Circumcisio (quae solum secundariò ordinabatur ad populum Israeliticum discernendum ab aliis, primariò verò ad emundandum ab Originali) fuerit adhibita folis masculis. Et hoc propter convenientiam, quam S.D. assignat 3. p. qu. 70. art. 2. ad 2. dicens: Circumcisio instituta est, ut signum fidei Abraham, qui credidit se Patrem futurum Christi, sibi repromissi, & idèò convenienter solis maribus competeat, peccatum enim originale, contra quod specialiter Circumcisio ordinabatur, a Patre trahitur, non a Matre; sed Baptismus continet virtutem Christi, qui est universalis causa salutis omnium, & remissionis omnium peccatorum. Hæc ibi.

Resp. 4. In Lege Nova sunt vera Sacramenta, ut probant rationes ante adductae, & eorum numerus patebit, ac probabitur in sequentibus.

## E X A M E N II.

De Sacramentorum Veteris, & Novæ Legis causalitate, & effectu principali, qui est Gratia, S. D. Quæst. 62. per 6. artic.

**Q**UÆRO I. Quomodo Sacramenta Veteris Legis causaliter gratiam?

**XI.** Ante R. Nota 1. aliam esse causam per se aliam per accidens; aliam principalem, quæ agit virtute propria; aliam instrumentalem, quæ agit virtute aliena: aliam physicam, quæ propria actione effectum immediatè, & realiter attingit: aliam moralem, quæ effectum suum attingit mediatè, quia nimirum aliam causam per modum consilii, imperii, meriti, vel prelii, movet, & inducit ad producendum effectum, ut patet in chirographo.

Nota 2. Quod gratia dupliciter conferri possit; 1. Ex opere operantis, id est, independentè a Sacramento, per commensurationem ad subiecti devotionem, seu dispositionem, quæ dicitur opus operantis, eò quod ei secundum se sumptò, ratione proprii valoris, v. g. *ut quatuor*, debeatur tanta gratia in eadem intensiōe, nimirum, *ut quatuor*. 2. Ex opere operato, id est, præcisè ex operatione Sacramenti, per virtutem ex Passione Christi jam operata ei communicatam, ita ut vel nulla requiratur dispositio, ut sit in parvulis baptizatis; vel si requiritur, ut in adultis, saltem non sufficiat tantam gratiam, & non est ratio principalis, vel effectiva habendi excessum gratiæ. Nam accedenti ad Sacramentum cum dispositione *ut tria* confertur gratia *ut sex*, tres gradus ad propriam dispositionem ut causam, alii tres ob virtutem Sacramenti, respectu quorum dispositio solum se habet ut conditio *sine qua non*.

Nota 3. Ex opere operato gratiam adhuc posse conferri dupliciter: 1. Activè, id est, per virtutem gratiæ productivam, saltem instrumentalem, ipsi Sacramento inexistenti, ut postea dicitur de Sacramentis Novæ Legis. 2. Passivè, ita ut Deus ad præsentiam Sacramenti activè conferat gratiam ultra dispositionem suscipientis.

Nota 4. Opus illud operatum, quod est Passio Christi, a qua omnia Sacramenta etiam vetera habuerunt virtutem causaliter gratiam, posse dupliciter considerari. *Primo*, ut actum exhibens, & sic se habet respectu Sacramentorum Novæ Legis. 2. Ut prævilum, seu ut exhibendum, & operandum, & sic se habet respectu Sacramentorum Veteris Legis. His notatis

*Resp. 1.* Sacramenta Legis naturæ, & scriptæ non causabant gratiam ex opere operato activè, sed solus Deus ad præsentiam illorum. Ita

patet ex S. Th. hic q. 62. a. 6. in c. dicente: *Sacramenta Veteris Legis erant quædam fidei protectiones, in quantum significabant passionem Christi, & effectum ejus, sic ergo non habebant in se aliquam virtutem, qua operarentur ad conferendam gratiam justificantem.*

*Ratio*: Quia dicta causalitas est singularis prærogativa Sacramentorum Novæ Legis.

In hoc sensu intelligitur, dum in S. Script. & SS. PP. legitur, quod Lex antiqua non justificaverit, gratiam non dederit, ejus Sacramenta fuerint infirma, & egena elementa, nonnulli figuræ, & umbræ, vel signa gratiæ. *Quia scilicet ex Lege iustitia, Ergo Christus gratis mortuus est*, ut dicitur ad Gal. 2. non enim eis denegatur omnis virtus gratiæ causalitativa, sed solum in sensu explicando in R. 2. & 3.

*Resp. 1.* Non solum parvulis, sed etiam adultis in remdio Legis naturæ pro peccati originalis deletionè instituto, ac in Circumcisione conferebatur gratia ex opere operato passivè, sed ultra dispositionem suscipientis, habebatq; adulti ex attritis contriti.

*Ratio 1. p.* De fide est, infantes per Circumcisionem, & remedium Legis naturæ fuisse justificatos, & salvatos: Sed de fide etiam est, nullum posse justificari, aut salvari sine gratia; & luce clarius est, quod infantes non possint per propriam aëum disponere. Ergo.

In hoc sensu intelligitur, dum in SS. PP. legitur, quod Circumcisio fuerit signum prædictum gratiæ, & pro his, qui ex stirpe Abrahamæ prodierunt, egerit (nimirum moraliter) id, quod apud nos valet aqua Baptismatis, sit enim comparatio quoad substantiam effectus, non quoad modum causandi.

*Ratio 2. p.* cum Gabrera contra aliquos Thomistas: Remissio peccati Originalis, & aëum mortaliū ei conjunctū, nequit conferri, nisi per infusionem gratiæ, ut probatur in Tract. de justificatione in 1.2. q. 1. 1. 3. a. 2. Sed in Circumcisione, & remedio Legis naturæ adultis cum debita attritione dispositis conferebatur remissio prædictorum peccatorum. Ergo habebat ex attritis contriti, & justificabantur. Min. prob. Si in adultis, ut dispositio fuisset omnino necessaria contritio, cum ad eam velut ad ultimam dispositionem in eodem instanti sequatur gratia, Circumcisio, & Remedium Legis naturæ nunquam extinguerent peccatum Originale in illis, immò nec in ejus remedium fuissent pro eis instituta, quia illud nunquam delevisset, sed semper suppositoisset delectum per præviam contritionem, hoc autem est absurdum dicere. Ergo.

Nota, Sacramentorum Novæ Legis privilegium esse ex attritis contritis facere, & gratiam ex opere operato causaliter activè physicè, non merè passivè, & moraliter. Et ex his explicatur S. Paulus ad Galat. 4. dicens: Abrahamum

num non fuisse iustificatum in Circumcisione, sed ex fide. Quia si quæ gratia in Veteri Legedabatur, non dabatur ex sola vi illius, sed simul per fidem Legis gratiæ, & in Christum ut prævisum. Unde ex nostra sententia non sequitur, Legem Veterem debere dici Legem Gratia.

*Resp. 3.* Alia Legis naturæ, & scriptæ Sacramenta tantum conferebant gratiam ex opere operantis, seu iuxta mensuram dispositionis subiecti, nec faciebant ex attritis contritos.

*Ratio disparitatis* est, non ex quadam Circumcisionis in Lege scripta, & remedii contra Originale in statu Legis naturæ excellentia super alia eorumdem statuum Sacramenta, tum etiam ex speciali eorum necessitate; tum tandem (ut discit Gabrera) cum peccatum Originale non sit propria, sed aliena voluntate contractum, non erat necessaria tanta dispositio ad illa Sacramenta, quæ in remedium talis peccati per se ordinabantur, quanta requirebatur ad illa, quæ per se respiciebant iustificationem ab aqualibus (Originali remisso) commissis, ad hauc enim in adultis requirebatur vera, & perfecta contritio.

*Ratio 2.* Si enim in aliis prædictorum statuum Sacramentis gratia fuisset collata ex opere operato, seu ultra dispositionem recipientis, etiam solum moraliter, inconvenienter ita extenuarentur in S. Scriptura, ut quod sint egenae elementa, quod Lex sit inutilis, operans iram Dei, quæ subintravit, ut abundaret delictum, Rom. 5. id est, ut esset occasio delinquendi. Nec bene diceretur, quod accepta occasione mandatum occiderit homines, Roman. 7. quod qui talia exequabantur, fuerint sub maledicto, quod Lex Vetus fuerit iugum importabile. Non primum, quia potius occasione accepta daretur hominibus gratia vivificans, & salvans. Non secundum, quia potius essent sub benedictione, & gratia Dei. Nec tertium, quia in Legis Veteris impositione, & executione daretur gratia, & adiutorium ad iugum ejus ferendum. Ergo.

**QUÆRO II.** Quomodo Sacramenta Novæ Legis causant gratiam recedente fide?

**XII. Revisis Notatis pro Q. 1. num. 11. in hoc Exam.**

*Resp. 1.* Concil. Trid. Sess. 7. Can. 8. sic definit: Siquis dixerit, per ipsa Novæ Legis Sacramenta ex opere operato non conferri gratiam, sed solum fidem divinæ promissionis ad gratiam consequendam sufficere, anathema sit.

*Ratio de parvulis* respectu Baptismi patet ex dictis. Cuiusmodi, quod, Sacramenta causare gratiam ex opere operato, est eam causare non ex merito recipientis, sed virtute passionis Christi iam operata: Sed sic est de Sacramentis Novæ Legis. Ergo.

Nota tamen id, quod diximus, Sacramenta Novæ Legis causare gratiam ex opere operato,

non convenire ipsis solum in voto habitis, sed in re susceptis, ut docet Sylvius hic q. 61. a. 1. Quia alioquin lequeretur, Sacramentum bis conferre solum effectum, semel in voto habitum, semel in re susceptum. Negari tamen nequit, quin habens votum Sacramenti accipiat remissionem peccatorum, & gratiam, sed non eam accipit ex opere operato Sacramenti, etsi ejus effectui valde sit similis, & ob hanc similitudinem subinde a Theologis vocetur effectus Sacramenti, non quod hic, & nunc a Sacramento causetur, sed quia natus est ab eo causari, & nunc ad votum ejus, & in ordine ad illud datur. Qualiter intelligendus est S. Th. quodl. 4. a. 10. & 4. cōtra Gentes, c. 72. & infra q. 71. a. 6. ad 1. & ad 3. ubi in oppositum propendere videtur.

*Resp. 2.* Sacramenta Novæ Legis non solum moraliter, sed & physice instrumentaliter causant gratiam.

*Ratio* desumitur ex dignitate, & præmi-nentia Sacramentorum Novæ Legis præ antiquis. Et docetur clare a S. Thom. cujus verba vide in Auctoribus. Et quamvis non sit de fide, colligitur tamen fundatè ex Trid. Sess. cit. Can. 6. ubi decernit: Si quis dixerit, Sacramenta Novæ Legis non continere gratiam, quam significant, aut gratiam ipsam non ponentibus obicem non conferre quasi signa tantum externa sint acceptæ per fidem gratiæ, vel iustitiæ, & notæ quædam Christianæ professionis, quibus apud homines discernuntur fideles ab infidelibus, anathema sit. Quibus verbis Sacramentis nostris attribuitur major virtus causativa gratiæ, quam moralis, quia hæc verba debent intelligi in sensu proprio; & clare patet, quod in sensu proprio intellecta excedant rationem signi, causa verò moralis rationem signi non excedit, & effectum proprium non continet, nec confert, sed aliam causam inducit, & eam causat. Ergo.

Dixi in R. a. *Instrumentaliter*. Quia certum est, quod solus Deus sit causa principalis gratiæ. Et humanitas Christi non solum sit causa moralis, & meritoria, sed simul instrumentum physicum non separatum, uti Sacramenta, sed Divinitati personali conjunctum, quod est notabilis. Potest etiam dici, quod Passio Christi adhuc physice operetur gratiam, non in abstracto sumpta, ut est motus quidam, sed in concreto, ut involvit subiectum passum, scilicet Christum, præsertim cum Passio Christi reliquerit in Corpore Christi effectum, nimirum sacra Stigmata.

Pro Objectionum solutione Nota 1. quod quidem Sacramenta nostra tanquam res sensibiles nobiliori modo causant gratiam, quam actus præstantissimarum virtutum, ut potè solum moraliter, seu meritorie eam causantium: id verò Sacramenta non habent ex se, sed ex elevatione Dei, 2. Quod licet res corporea non possit,

possit, ut causa principalis attingere rem spiritalem, sicut visus corporeus absolute non potest esse videre Deum, quia in actu visionis tanquam actionis vitalis semper agit ut causa principalis, bene tamen, ut instrumentum, ut patet in igne infernali respectu spiritus damnati, quem torquet. 3. Quod influxui physico non officiat distantia (supposita, & sufficit similitas, & contactus virtutis. 4. Quod licet ad omne instrumentum, etiam divinæ virtutis, necessarium requiratur actio quædam prævia (quia aliis non esset in genere causæ efficientis, sed medium pure deferens actionem principalis agentis) si tamen instrumentum virtutis divinæ, utpote infinitæ, non requiritur necessarium, quod sit ita proportionata, vel quod sit dispositiva ad effectum principaliter intentum. Nam Christus volens illuminare cæcum, posuit super ejus oculos lutum, ubi nulla erat proportio, vel dispositio. 5. Quod licet agens principale, & effectus debeant esse ejusdem ordinis, non tamen agens instrumentale. 6. Quod licet agens instrumentale, & corporeum, secundum se sumptum, non sit ejusdem ordinis cum effectu spirituali, ut est gratia, bene tamen, ut elevatum virtute spirituali, quam etiam fluentem, & transeuntem Sacramentum recipit ex motione causæ principalis, scilicet Dei. 7. Etsi res spiritualis non possit in subiecto corporeo recipi permanentem, & stabiliter quod enim hoc modo recipitur, ad modum recipientis recipitur, & existentiam, si sit accidens a subiecto emendat (bene tamen vitaliter, & fluenter, seu transiente). 8. Quamvis illa virtus, seu accidens spirituale, ac indivisibile non possit recipi in toto Sacramento, nec in ejus parte, quia & motus sacramentalis, & quævis ejus pars est quid successivum, & divisibile; potest tamen recipi in termino, seu facto esse illius, quod est indivisibile terminativum, & completivum totius entis sacramentalis successivum existit; in ultimo instanti extrinseco terminativo. Et in hoc ultimo termino virtualiter existit totum Sacramentum, quod sufficit, ut per illam virtutem spiritualement fluentem in ultimo termino receptam dicatur elevari totum Sacramentum. De actibus penitentis in ordine ad justificationem vide infra in proprio loco.

Hæc, uti & quæ dicuntur ad Q. 3. non servant quidem ad praxim, bene tamen ad alios fines huius operis, seu Tribunalis in ejusdem frontispicio insinuat. Qui potest ea capere, capiat, compendiosè relata sunt, explicantur magis in Philosophia, ubi agitur de causa instrumentali.

XIII. Resp. 3. Omnia Sacramenta Novæ Legis, valide quidem, sed fide, id est, indigne, sacrilegè, seu in statu peccati mortalis suscepta, recedente fictione, id est, peccato per penitentiam sublato, causant ex opere operato gratiam,

tantam, quantum causassent, si digne recepta fuissent, si etiam tanta adit dispositio: sic tamen, ut Sacramenta characterem imprimant gratiam illam causant physicè, reliqua verò solum moraliter. Ita probabilius est ad mentem S. Thom. cujus verba vide in Auctoribus.

*Ratio:* Connaturale est omnibus causis, solum impeditis, & per contrariam causam non exclusis impedimento remoto producere suum effectum, quomodo, & qualem habuissent, si impedire non fuissent. Item ut causent juxta suum modum existendi: causant physicè, si physicè existant, moraliter verò, si solum moraliter existant. Ita docet sana Philosophia. *Subsumo* 1. Sed Sacramenta Novæ Legis sunt causæ physicæ juxta dicta, & per fictionem a suo effectu solum impediuntur, non verò excluduntur velut per contrariam causam, etsi enim indigna susceptio Sacramenti ex parte suscipientis sit opus mortuum, ipsa tamen Sacramenta, cum Passio Christi sit eis applicata, manent semper viva, existentia moraliter in divina acceptione, nec sunt mortua per peccatum. sed solum inortificata, in quo differunt ab operibus bonis in peccato mortali factis, omni principio vitæ carentibus. Ergo. *Subsumo* 2. Sed Sacramenta characterem non imprimantia non existunt physicè, nec in se, nec virtualiter in alio effectu a se relicto, sed solum moraliter, ut dictum est: è contra, quæ characterem, ut effectum relinquunt, existunt virtualiter physicè in illo. Ergo illa solum moraliter, hæc verò physicè causant gratiam recedente fictione.

Ex hac ratione bene intellecta solvuntur variae objectiones. Ulterius tamen

XIV. *Oppono contra* 1. p. R. 3. Si Baptismus habeat suum effectum recedente fictione, deberet ante Baptismi operationem tolli fictionem. Sed antea non potest tolli. Ergo conclusio ruit. Maj. patet. Quia causa impedita non operatur, nisi ablato impedimento. Min. prob. Fictio debet tolli a Sacramento Penitentiae per gratiam sanantem: sed nequit alicui prius dari gratia sanans, quæ requiritur per Baptismum. Ergo.

R. Neg. min. Ad prob. dist. min. 1. Non potest dari prius prioritate simpliciter tali, & in genere causæ efficientis, conc. min. Prius secundum quid, & in genere causæ dispositivæ, neg. min. & consequentiam. 2. aliter: Nequit prius dari gratia sanans, ut formaliter sanans esset, concedo min. Ut est removens prohibens, neg. min. & consequ. Quæ distinctio etiam applicatur ad majorem. Est ergo mutua dependentia, ac prioritas inter Sacramentum Penitentiae, & Baptismi, eorumque effectus: Penitentiae effectus est prior effectu Baptismi in genere causæ materialis, & dispositivæ, quatenus tollit fictionem, quæ effectum ejus impedit: Baptismus verò est prior

prior in genere causæ efficientis, nam proprium est illi, quod causat gratiam primam, & regenerativam. Datur etiam in illo priori naturæ effectus penitentiz, non ut formaliter est gratia sanans, sed ut est removens prohibens. Quæ formalitates sunt bene distinguendæ.

Sed *Contra*: Juxta datam solutionem ante operationem Baptismi datur per Penitentiam gratia saltem, ut removens prohibens. Ergo Baptismus nihil operatur delendo peccatum originale, aut actualia ante Baptismum commissa. Prob. conseq. Gratia, etiam ut removens prohibens, nequit stare cum ullo peccato mortali etiam Originali. Ergo removendo obicem, tollit etiam originale. Ergo Baptismus nihil habet amplius, quod operetur.

R. neg. conseq. Ad prob. concessio ant. dist. conseq. Ergo tollit etiam Originale indirectè, & per accidens, conc. conseq. Directè, & per se, neg. conseq. Itaque Originale (idem est de mortalibus actualibus ante Baptismum commissis) per gratiam in casu, de quo loquimur, per Sacramentum Penitentiz collatam deletur solum indirectè, & per accidens: proinde necesse est, ut per gratiam baptismalem tollatur directè, & per se.

Sed *Contra*: Peccatum semel ab uno Sacramento deletum non exigit deleri adhuc per aliud. Ergo si juxta datam solutionem peccatum originale tollitur per gratiam a Sacramento Penitentiz productam, Baptismus nihil operatur.

R. dist. ant. Non exigit deleri per aliud absolute, & quomodoque, conc. ant. Cum certo modo, scilicet per se, & directè, neg. ant. & conseq. Etiam si ergo peccatum Originale absolute sit remissum in nostro casu, ut tamen tollatur connaturaliter, requiritur operatio Baptismi, cujus effectum tollatur per se, & directè. Hinc etsi nihil reale relinquatur tollendum per effectum Baptismi, hic tamen effectus talis est, ut per se, & in quantum dimanat a tali Sacramento, polleat vi, & efficacia peccatum Originale tollendi, si aliunde remissum non fuisset. Quæ solutio fundatur in doctrina ab omnibus admisa, puta, quod, si alicui mortalia sint remissa per contritionem, tamen denuo sint subiicienda clavibus Ecclesiæ; sicut, si alicui Originale sit remissum per Baptismum fluminis, denuo baptizatur.

*Contra est*: Quæcunque gratia, etiam minima, æquè directè, & formaliter repugnat uni peccato, ac alteri, propter essentialem impossibilitatem gratiæ habitualis, & peccati mortalis inter se. Ergo nec requiritur in presenti casu, ut peccatum tollatur per Baptismum directè, cum jam sit data gratia per Sacramentum Penitentiz.

R. dist. ant. Quæcunque gratia repugnat, ut præcisè gratia est, conc. ant. ut est effectus ta-

lis, vel talis Sacramenti, neg. ant. & conseq. Ita docet solvit nolter Labat in 3. p. Traç. 2. dist. 2. dub. 2. docens. Gratiam quidem repugnare sumpsit natura omni peccato, illudque deleere, non tamen prout consideratur sub illa ratione, quatenus a tali, vel tali Sacramento dimanat, quosensu dicitur gratia sacramentalis; sic enim debet conformari naturæ illius Sacramenti: a quo tanquam effectus hic, & nunc dimanat. Unde hoc pacto gratia baptismalis habet per se, & directè remittere peccatum originale, & actualia ante, & in Baptismo commissa, gratia verò Sacramenti Penitentiz actualia post eum commissa.

Sequitur ex dictis, quod, etsi gratia regenerans, & sanans, ac removens prohibens, entitative in presenti sit eadem gratia, habet tamen diversas formalitates, secundum quas non repugnat, quod in eodem instanti temporis cum prioritate, & posterioritate naturæ a diversis Sacramentis attingatur, & sub una ratione præsupponatur ad seipsum sub alia ratione, ut a simili patet in ultima dispositione respectu formæ. Itaque gratia removens prohibens quodcunque peccatum tollit; nimirum obicem per se, & directè, alia indirectè, & per accidens: gratia regenerans per se, & directè tollit Originale, & actualia ante, & in Baptismo commissa, reliqua indirectè: gratia sanans ut talis peccata post Baptismum commissa directè, ante commissa indirectè. Vide infra Traç. 13. Exam 6. n. 101. de Confessione informi, valida tamen, an illa recedente fisione causet gratiam.

QUÆRO III. Quando Sacramenta causant gratiam?

XV. *Resp.* 1. Sacramenta in usu consuetudinis (uti sunt omnia præter Eucharistiam) causant gratiam in instanti terminativo extrinseco, in quo est verum dicere: Nunc non est Sacramentum, & immediatè ante fuit.

*Ratio*: Sacramenta non causant gratiam, nisi quando sunt perfecta, seu completa. Sed non sunt completa, vel perfecta in instanti intrinseco, sed extrinseco, quando verum est dicere, Nunc Sacramenta non sunt, & immediatè antè erant. Ergo. Maj. etsi constet, docetur tamen a S. Thom. in 4. ad Annibald. dist. 8. a 5. ubi de virtute productiva gratiæ loquens ait: Virtus communicatur Sacramento, quando est in suo termino, & complemento, non quando est simpliciter in successione. Min. verò prob. Entia successiva non habent ultimum instanti intrinseco, in quo desinant, sed solum extrinseco juxta doctrinam Philosophorum in Physica docentium, ea non desinere per ultimum sui esse, seu in tali instanti, in quo sit verum dicere, Nunc est motus, v.g. & immediatè ante non erit, quia unico nunc, seu in instanti non potest dari suc-



successio motus, utpote, quæ petit partem priorem, & posteriorem, sed dekinere per primum sui non esse, seu in instanti, in quo est verum dicere: Nunc non est motus, & immediate ante rat; Sed Sacramenta in usu consentia sunt quadam entia successiva, ut patet in ablutione, unctione, absolutione, &c. Ergo non habent instantia intrinsecum, in quo desinant, vel perficiantur, sed tantum extrinsecum, & hoc instantia extrinsecum Sacramento, dicitur tamen intrinsecum inceptionis gratiæ, in eoque Sacramentum habet suum ultimum mutatum esse velut indivisibile terminativum, quo in prædicto instanti intrinsecè completur, & perficitur, quod indivisibile quodammodo coexistit gratiæ, ad quam causandam elevatur, & ab illo instanti extrinsecè mensuratur.

XVI. *Res.* 2. Sacramentum Eucharistiæ (quod non consistit in usu, sed in re permanente, & supponitur ante usum) non causat gratiam ex opere operato quando conficitur. 1. Nec dum ore sumitur, nec successivè toto tempore, quo durat sumptio. 3. Nec toto tempore, quo species incorruptæ manent in stomacho cum præsentia Christi, licet tunc homo serventiores actus charitatis eliciat. 4. Sed in instanti extrinsecò terminativo perfectæ manducationis, in quo est verum dicere: Nunc non est manducatio, & immediate ante fuit. 5. Potest tamen ex opere operantis causare gratiam, dum sumitur, vel dum in stomacho manet.

*Ratio* 1. & 2. p. Ut causetur gratia Eucharistica, cum habeat rationem cibi, requiritur vera manducatio. Joan. 6. *Nisi manducaveritis*, &c. Sed confectio cibi, aut potus, vel sumptio ejus ad os, non est vera manducatio, vel bibitio, hæc enim includit perfectam deglutionem, seu trajectionem in stomachum. Ergo.

Ex hoc sequitur, quod si quis post dignam Eucharistiæ sumptionem, antequam eam deglutiatur, moriatur, vel ex infirmitate deglutiare non valens, ex ore eliciat, vel species tamdiu ore teneat, ut in ore liquefendo corrumpantur, defectu sufficientis applicationis non recipiat gratiam Eucharisticam ex opere operato, et si faciendo, quod in se est, & quantum potest, satisfaciatur præcepto sumendi. Recipit tamen gratiam ex opere operato ille, qui species in stomachum trajectas vomit; vomitus enim supponit manducationem, licet impediat digestionem, quæ non est de ratione causalitatis hujus Sacramenti, ne quidem, ut conditio, et si requiratur ad hoc, ut nutriat cibum corporalis, & hoc ideo, quia ut ille nutriat, debet converti in substantiam aliti; secus est de nutrimento spiritali. De quo vide in hoc Examen. n. 20. ante Q. 5. in Not.

*Ratio* 3. p. Tum quia gratia Eucharistica pro-

missa est manducanti; Sed manducatio non durat, quamdiu species manent in stomacho. Ergo. Tum etiam, quia aliàs recipiens Eucharistiæ in mortali, adhuc posset recipere ejus fructus ex opere operato, si nimirum durantibus in stomacho speciebus eliciat contritionem: Sed hoc est contra Apostolum dicentem, quod talis iudicium sibi manducat. Ergo. Tum tandem, quia aliàs habens debiliorem; & tardius digerentem stomachum, acciperet plus gratiæ, & sic augmentum gratiæ reduceretur in causam merè naturalem.

*Ratio* 4. p. Gratia Eucharistiæ est promissa manducanti: Sed manducatio non est perfecta, nisi in ultimo, seu terminativo instanti, cum enim illa sit ens successivum, non habet instantia terminativum intrinsecum, ut probatur in Physica. Ergo.

*Ratio* 5. p. Quia toto illo tempore Eucharistia potest esse motivum eliciendi ferventiores actus supernaturales devotionis, charitatis, aliarumque virtutum, quibus aliquid mere-mur apud Deum. Ergo.

Ex hac ratione patet sensus verborum Christi Joann. 9. *Quamdiu sum in mundo, lux sum mundi*, seu gratiam largior, nimirum saltem ex opere operantis; nam & illa datur per Christum.

*Oppos.* 1. contra utrumque: Quod non est, non causat, præsertim physicè: Sed in illo instanti terminativo extrinsecò non est amplius Sacramentum, nec manducatio Eucharistiæ. Ergo.

2. Unum physicè pendere ab alio est, existentiam unius inniti existentie alterius. Ergo idem quod prius.

3. Ut Sacramentum causet physicè, debet recipere virtutem supernaturalem. Sed hanc non potest recipere, si non existat. Ergo.

4. Effectus, & causa dicunt ad invicem realem relationem. Ergo.

*Ad* 1. dist. maj. 1. Quod non est, nec immediate ante fuit, conc. maj. Si tamen immediate ante fuit, neg. maj. 2. aliter: Quod non est, nec in fieri, nec in facto esse, conc. maj. Si saltem sit in facto esse, neg. maj. 3. Quod nec est formaliter in se ipso, nec virtualiter, conc. maj. Quod non est formaliter, bene tamen virtualiter in ultimo sui complemento, uti fit in presenti, neg. maj. Et sic dist. min. neg. conf. Licet ergo Sacramentum formaliter (quia ens successivum est) transierit, manet tamen virtualiter, & in ratione causæ: quia tota totius motus sacramentalis virtus manet in ultimo termino, quod est ultimum mutatum esse, in quo etiam recipitur virtus elevans ad causandam gratiam. De quo vide dicta ad Q. 2. ante R. 3. in hoc Examen.

Hæc triplex distinctio proportionabiliter debet applicari manducationi, quæ licet non sit causa, est tamen conditio, sine qua non causatur

fatur gratia Eucharistica, manetque etiam virtualiter in ultimo termino, quod est ultimum mutatum, seu manducatum esse.

*Ad 2.* ant. est verum, & *ad 3. min.* est vera, de existentia alterius vel formali, vel virtuali.

*Ad 4.* ant. est verum, si utrumque externum realiter existat, defectu cuius utriusque realis existentiae deficit etiam realis relationis, ut patet ex Logica.

XVIII. *Quid sentis*, si recipiens moriatur immediate ante illud inflans ultimum terminativum, sive Sacramenti consistentis in usu, sive manducationis Eucharisticae?

*Dico*: Dato, quod hoc contingeret, non caulari gratiam ex opere operato.

*Ratio*: Quia Sacramentum non esset omnino perfectum, nec perfecta manducatio, quæ tamen requiritur: immò nec subiectum capax receptionis Sacramenti, hoc enim est homo, non sola anima.

*Sed si* a principio sumptionis Eucharisticae fuit indispositus, elicit verò actum contritionis ante illud ultimum inflans terminativum?

*Dico*: Talis reciperet gratiam.

*Ratio*: Est talis posuerit obicem immò sacrilegium, retractavit tamen per poenitentiam.

*Quid si* quis sumat in Eucharistia plures particulas?

*Dico*: Per se loquendo gratia causatur, dum prima particula sumitur, aliæ verò sumptiones non causant novam, & distinctam gratiam, licet sint physice plures, moraliter tamen est unica sumptio, & unum convivium. Cæterum si contingat aliquem in sumptione primæ particulae non esse dispositum, benetamen dum sumit secundam, gratia causabitur in sumptione secundæ particulae, non per se, sed per accidens. Si autem ante remissionem, postea verò melius sit dispositus, accipiet in secunda sumptione maiorem gratiam ex opere operato, & quidem juxta proportionem dispositionis, in sensu supra explicato num. 11. in Not. 2. & infra magis explicando.

QUÆRO IV. Quam gratiam per se causant Sacramenta Novæ Legis?

XIX. Ante R. Nota 1. Gratiam habituales, quæ vocatur Sanctificans, seu gratia gratum faciens, definiri a Theologis. 1. Quod sit qualitas supernaturalis animæ insula, per quam reddimur grati, & amabiles Deo. 2. Quod sit qualitas supernaturalis dans nobis esse, & vitam supernaturalem. 3. Per quam efficiamur divinæ confortes nature.

Dixi 1. *habituales* ad differentiam gratiæ actualis, per quam intelliguntur auxilia supernaturalia transcurrentia, in intellectu, vel voluntate recepta, quæ dantur etiam pecca-

toribus, v.g. dum piis, seu supernaturales cogitationes eliciunt.

Dixi 2. *gratum faciens*, seu sanctificans ipsum habentem, ad differentiam gratiæ gratiæ datæ, quæ primò, & per se respicit salutem aliorum, ut sunt gratia sanitatum, miraculorum, linguarum, &c.

Nota 2. Gratiam habituales esse duplicem nimirum primam, & secundam. Prima infunditur subiecto, actu nullum gratiæ sanctificantis gradum habenti. Secunda datur subiecto jam grato, seu est augmentum gratiæ præexistentis. Utraque si detur extra Sacramentum, vocatur gratia non sacramentalis, seu communiter dicta: si detur per Sacramentum, vocatur gratia sacramentalis, quæ juxta probabiliorum Thomistarum sententiam gratiæ communiter dictæ non addit novum habitum, nec tamen etiam meram denominationem extrinsecam, sed aliquid intrinsecum, & permanens, quod sit vis, ac vigor specialis, quo gratia sacramentalis viget; ac valet ad proprium Sacramenti effectum, cum ordine habituali ad divinum auxilium per modum transeuntis collatum. Qui ordo, ac vigor est realis, ac intrinseca perfectio ab habitu gratiæ formaliter, vel modaliter solum distincta, constituens eum in ratione specifica, per eamque juxta specificam Sacramentorum differentiam, ac pluralitatem multiplicantur etiam species gratiæ sacramentalis.

*Declaratur hoc*: Gratia sacramentalis per Baptismum data, est gratia gratum faciens, habens specialem vim, perfectionem, ac vigorem ad regenerandum hominem, cum ordine ad auxilia divina, tum ad alia Sacramenta ritè suscipienda, tum ad vitam, in quam reuocatur est, conservandam, & exercendam. In Confirmatione ad fortē, & firmam fidei confessionem datur augmentum gratiæ cum prædicto vigore, & ordine ad auxilia necessaria. In Eucharistia ad animam nutriendam, & specialiter Deo utiendam per ferventiores virtutum actus, cum pari vigore, & ordine ad auxilia. In Poenitentia ad peccata delenda, plangenda, cavenda cum simili vigore, &c. In extrema Unctione ad tollendas, peccatorum reliquias, ad morbum patienter ferendum ad animam preparandam pro felici mortecum eodem vigore. In ordine ad rectè exercendum cultum divinum, & Sacramenta administranda. In Matrimonio ad conjugaliter castè vivendum, ad fidem mutuò servandam, ad onera Matrimonii ferenda, &c.

Nota 3. Sacramenta Novæ Legis alia esse videtur, quæ nimirum pro illis, qui jam vivunt vita spiritali animæ per gratiam, quæ est vita animæ, sunt instituta, ut sunt omnia præter

præter Baptismum, & Pœnitentiam; alia mortuorum, quæ sunt inlicita (nimirum dicta duo) pro illis, qui in anima spiritualiter sunt mortui per peccatum mortale, quod est mors animæ.

Nota 4. Dupliciter posse intelligi, quod Sacramentum causet gratiam primam, vel secundam. 1. Per se, quando nimirum est primario inlicitum, ut causet talem gratiam. 2. Per accidens, ut si ex natura sua petat causare gratiam primam, in aliquo autem particulari casu causet secundam; quod est per accidens. His notatis

XX. Resp. 1. Sacramenta mortuorum per se conferunt gratiam primam; vivorum per se secundam.

Ratio patet ex Not. 3. Quia ad hoc primario sunt instituta. Adde, quod per se solum causant Sacramenta id, quod significant, quia causalitas per se talis est ad æquata significationi: Sed, &c. Ergo. Item Eucharistia, & Confirmatio per se habent se, sicut potentia nutritiva, & augmentativa in naturalibus, quæ vitâ supponunt.

Resp. 2. Sacramenta mortuorum per accidens possunt causare gratiam secundam.

Patet in casu, quo quis per contritionem jam iustificatus recipit Baptismum, vel Pœnitentiam.

Resp. 3. Sacramenta vivorum etiam per accidens possunt causare gratiam primam, & facere ex attrito contritum.

Ratio: Juxta Trid. Sess. 7. Can. 7. Sacramenta conferunt gratiam non ponenti obicem: Sed peccator mortalis bona fide suscipiens aliquod Sacramentum vivorum, v.g. Eucharistiam, nullam habens conscientiam peccati mortalis sed invincibiliter se putans esse in gratia, eod quod post adhibitam humanam in examinanda conscientia diligentiam nullum mortale peccatum in mentem venerit, & cum tali inculpabili ignorantia eliciens attritionem, non ponit obicem gratiæ. Ergo vi talis Sacramenti ex attrito contritus, & recipit gratiam, non secundam ut patet, ergo primam: sicut tamen, ut non sit duplex sed unus gradus gratiæ cum duobus formalitatibus, nimirum nutritivis, quæ esset per se, & vivificantis, quæ esset per accidens. Hæc doctrina est S. Thom. infra de Confirmatione q. 72. a. 7. ad 3. & de Eucharistia q. 79. a. 3.

Ex quo sequitur, hoc, quod est, Sacramenta vivorum in aliquo casu conferre primam gratiam esse ex voluntate Christi, qui vult, ut per se, & ex intentione non sumantur ad obtinendam primam gratiam: bene tamen, ut loco sui proprii effectus eam causent per accidens, & in casu quo non adest dispositio sufficiens ad proprium effectum, sufficiens tamen ad gratiam primam, eique non repugnans. Et ita est in dicto casu.

Nota: Quod cibis corporalis mortuo applicatus non nutrit, est, quia non nutrit, nisi convertatur in substantiam aliti per varias operationes vitales, quibus cadaver caret; sed cibis spiritualis potius alitum spiritualiter convertit in se, nec suscipienti desunt operationes vitales spirituales, fidei, spei, doloris, &c. quos elicit per auxilia gratiæ.

QUÆRO V. Quantum gratiam causant Sacramenta Novæ Legis, & quæ dispositio requiritur ex parte recipientis?

XXI. Resp. 1. Sacramentum Novæ Legis, inter se comparata (abstrahendo a dispositione subjecti) non causant æqualem gratiam, sed majorem, vel minorem, secundum excessum perfectionis eorum inter se.

Ratio: Quia de Fide est juxta Trident. Sacramenta Novæ Legis non esse inter se paria, sed unum esse altero dignius. Unde juxta Theologos Eucharistia excedit omnia, quia realiter in se continet ipsum omnis gratiæ fontem, & Audorem. Ergo quantum est ex parte ipsorum, & cæteris paribus, non causant æqualem gratiam.

Resp. 2. Idem Sacramentum in specie in subjectis æqualiter dispositis æqualem, in magis dispositis majorem causat gratiam, etiam ex opere operato.

Ratio patet ex natura causæ naturalis uniformis, seu unum specie effectum per se respicientis, uti est quodvis Sacramentum; nam alia ex opere operato, seu virtute sibi intrinseca operatur, prout applicatur magis, vel minus. Unde S. Thom. hic q. 69. a. 8. id explicat dicens. Sicut ab eodem igne accipit plus caloris, qui plus ei appropinquat, licet ignis, quantum est de se, æqualiter ad omnes suum calorem effundat. Ergo.

Resp. 3. Ut homo adultus per Sacramentum recipiat gratiam primam, requiritur, quod in eo præcesserit aliqua actualis dispositio, & peccati detestatio. Est de Fide; & ex multis S. Scripturæ locis, & ex Trident. Sess. 6. & 14. patet. Et docetur a S. Thoma 1. 2. q. 113. a. 3. Estque contra Lutherum, quia omnia peccatoris opera, ante Sacramenti susceptionem facta, asserens esse peccata, in Sermone de Petri Piscatione, sceleris ore ait: Quāto scelerior es, tantō celerius Dei tibi gratiam infundet.

Ratio: Quia forma non recipitur nisi in materia disposita, & deputata a forma opposita, præsertim in moralibus, dum forma opposita est voluntaria, adeoque voluntariè retractanda. Ergo.

Nota, hic esse sermonem de Lege ordinaria, non enim potest negari, quod Deus homini dormienti per absolutam potentiam suam possit gratiam infundere, eumque iustificare.

Dixi autem in R. 3. *adultus*; quia in pueris, & perpetuamentibus nulla actualis dispositio requiritur, quia non sunt ejus capaces, uti nec peccati actualis.

*Oppos. 1.* Homo non justificat seipsum, sed solus Deus est causa justificationis. Ergo.

2. Homo in sua justificatione se habet uti lutum in manu figuli, ut patet Rom. 9. Sed lutum se habet merè passivè. Ergo.

*Ad 1. dist. ant.* Ut causa principalis, conc. dispositiva, neg. Et hanc dispositionem non facit ex viribus naturæ, sed ex auxiliis gratiæ.

*Ad 2. dist. maj.* Ut sit paritas adæquata, neg. aliquis, conc. nimirum in hoc, quod sicut lutum sibi reliquum, seu propriis viribus formam artefacti in se inducere nequit, ita nec peccator formam gratiæ.

*Resp. 4.* Non est necesse, quod dicta dispositio sit contritio, sed sufficit attritio. Nec necessariò requiritur, quod ea actu sit, dum Sacramentum recipitur, sed sufficit, quod præcesserit, & maneat virtualiter.

*Ratio 1. p.* Tum quia juxta Trid. Sacramenta conferunt gratiam non ponentibus obicem: Sed qui est attritus (præsertim existimata contritione) non ponit obicem, in modum possum retractat. Ergo. Tum etiam, quia si semper requiritur contritio, Sacramentum mortuorum nunquam causabit gratiam primam, & sic definit esse mortuorum, & fit vivorum, contritio enim nunquam est sine gratia, quia est ultima dispositio ad illam; Ergo.

*Ratio 2. p.* Quia dispositio, attentio, intentio, devotio, &c. virtualis est effectus ex a. Quali relictus, eique æquivalet, ut patet ex dictis suprà de intentione requisita ad horas, & dicitur infrà de intentione ministri coöficiantis Sacramentum. Ergo.

*XXII. Resp. 5.* ad percipiendum effectum primarium, & per se cujusunque Sacramenti vivorum non necessariò requiritur aliqua dispositio actualis, neque virtualis, sed sufficit, & requiritur habitualis per statum gratiæ. Unde si quis accedat cum distractione venialiter culpabili, id est, ex negligentia sive iuculpabili, seu naturali, recipit illum effectum. Ita clarè S. Thom. infrà q. 79. a. 8. retractans id, quod docuerat in 4. dist. 2. q. 2. a. 1. q. 3.

*Ratio patet ex dictis:* Quia Sacramenta conferunt illum effectum non ponenti obicem: Sed peccatum veniale, seu distractio venialiter culpabilis non est obex oppositus habitui gratiæ, & charitatis, sed solum fervori ejus, in quantum retardat actum ejus, nimis inhaerendo bono creato: ut ait S. D. primo loco in *Oppos. 1.* infrà citando. Ergo non tollit omne ejus augmentum. Negari tamen non potest, quod quandam intentionem impediatur; quia Sacramenta ex o-

pere operato causant majorem gratiam, si adsit major dispositio; quæ si sit actualis, est major habitualis.

*Dixi 1. ad effectum primarium:* Quia Eucharistia, quæ est Sacramentum vivorum, duplicem habet effectum: unus est primarius nimirum augmentum gratiæ habitualis; Et de hoc fuit sermo: Alter est minùs principalis, consistens in spiritali quadam resolutione, ac dulcedine, animam exhilarante, & quasi inebriante: & ad hanc recipientem juxta S. Thom. a. 8. cit. necessaria est actualis devotio, sive circa Sacramentum, sive circa Deum.

*Ratio:* Talis dulcedo est actus voluntatis, consecutus ad actum intellectus, actu rem considerantis; nec enim actu quis letatur de re, quam actu non considerat. Ergo.

*Dixi 2. Non necessariò requiritur;* Nemo enim inficiabitur, aequalem devotionem esse valde utilem, & decentem, præsertim in Eucharistia ob realem præsentiam majestatis Christi. Ex quo inferri potest debitum morale decentiæ specialis, ac singularis devotionis, dispositionis, amoris, reverentiæ, &c. immò & legale saltem sub veniali obligans. Hinc si quis sæpè ad Eucharistiam accedat tepide, meritò graviorem lapsum timere potest. Ex hoc explicantur SS. PP. si qui opposoantur.

*XXIII. Oppos. 1. contra 2. p. R. 4. & contra R. 5. S. Thom. hæc 3. p. q. 36. a. 2. in c. ait: In habentibus usum liberi arbitrii non contingit esse infusionem gratiæ sine actuali motu liberi arbitrii in Deum, & in peccatum. Et q. 80. a. 8. ad 6. de Eucharistia (agens de effectu ejus primario) ait: Maxima devotio requiritur in sumptione hujus Sacramenti, quia tunc percipitur Sacramenti effectus. Si maxima, ergo actualis.*

2. Necessarium requisitum ad omnem actionem, adeoque etiam ad gratiæ infusionem est mutus contactus agentis, & passi: Sed mutus contactus inter Deum, & inter hominem adultum non fit nisi per aequalem devotionem. Ergo.

3. Gratia, quæ infunditur, mensuratur per proprium actum, & dispositionem recipientis. Ergo.

4. Qui est indignus gratia, non crescit in gratia: Sed voluntariè distractus est indignus gratia. Ergo.

5. Per actum, etiam solum venialiter malum, non potest quis fieri sanctus, & sanctior. Ergo.

*Ad 1. R. S. Thomam* io primo loco loqui de infusione gratiæ extra Sacramentum, & quidem de lege Dei ordinaria. De quo plura in Tract. de Pœnit. in 2. loco, vel loquitur de debito morali ante explicato, vel de effectu adæquato, nimirum principali, & minùs

minus principali simul.

*Ad 2. dist. maj.* Ad infusionem gratiæ ex opere operantis, conc. maj. ex opere operato, neg. maj. Tunc enim sufficit contactus habitualis per statum gratiæ respectu Sacramenti vivorum, respectu autem Sacramenti mortuorum sufficit contactus virtualis dum nimirum actualis attritio præcessit.

*Ad 3. dist. ant.* sicut ad 2. uti & hæc propositio, Contritio est ultima dispositio ad gratiam. Admittitur tamen ultro, quod si quis ad aliquod Sacramentum vivorum sine devotione etiam virtuali, & cum sola habituali accederet, minimam gratiam Sacramento correspondentem acciperet.

*Ad 4. dist. maj.* Qui est indignus indignitate mortali, conc. maj. veniali, subdist. Non crescit ex opere operato, conc. ex opere operantis, negatur.

*Ad 5. dist. ant.* sub iisdem terminis, ex opere operato, & operantis. Hinc inde actus potest esse venialiter malus v. g. factus propter vanam gloriam, & tamen per eum conferri gratia ex opere operato, hoc autem ei convenit sub diversis rationibus. Nam quoad substantiam, seu ut libera voluntas est, sic est conditio requisita ad recipiendam gratiam; ut verò caret debita reverentia, est actus venialiter malus.

## EXAMEN III.

*De effectu Sacramentorum, qui est Character. De quo S. Thom. q. 63. per 6. art.*

**S**upponitur, quod Character sit effectus secundarius illorum Sacramentorum, a quibus imprimitur.

Sicut est contra gratia est effectus primarius.

**QUÆRO I.** Quæ, & cur non omnia Novæ Legis Sacramenta impriment characterem?

**XXIV. Resp. 1.** Per quædam Sacramenta Novæ Legis imprimitur a Deo Character recipienti illa.

*Ratio S. D. a. 1. est:* Sacramenta Novæ Legis ad duo ordinantur, nimirum ad remedium contra peccata, & ad perficiendum animum in his, quæ pertinent ad cultum Dei secundum ritum Christianæ vitæ: Sed quicunque ad aliquid certum deputatur conluevit ad illum consignari, sicut antiquitus milites, qui adscribebantur militiæ, solebant insigniri quibusdam characteribus corporalibus, quia deputabantur ad aliquid corporale. Ergo cum homines per sacramenta deputentur ad aliquid spirituale, pertinens ad cultum Dei, conveniens est, ut per ea insigniantur characteribus spiritualibus.

In R. ad 3. S. D. dat disparitatem, cur Sacramenta Veteris Legis non impresserint characterem, nimirum quia non habebant in se spirituales virtutes, operantem ad aliquem spirituales effectum. Sufficiebat ergo ibi corporalis circumcisio, quam Apostolus signaculum nominat ad Rom. 4.

*Resp. 2.* Per tria tantum Novæ Legis Sacramenta imprimitur Character, nimirum per Baptismum, Confirmationem, & Ordinem.

*Ratio 1.* S. D. a. 6. Sacramenta, in quibus imprimitur Character, non reiterantur, eo quod Character sit indelebilis: Sed reliqua Sacramenta reiterantur, ut constat. Ergo.

*Ratio 2. ibid. inc. & ad 1. ad 2.* Licet per omnia Sacramenta homo sanctificetur, ac fiat particeps Sacerdotii Christi ut percipiens aliquem effectum ejus, non tamen per omnia, sed per sola illa tria homo specialiter consecratur, seu deputatur ad divinum cultum: per Ordinem quidem ad Sacramenta aliis tradenda: per Baptismum, cum is sit omnium Sacramentorum janua, ad ea recipienda; per Confirmationem, ad fidem fortiter, ac constanter profitendam. Ergo.

**QUÆRO II.** Quid est Character?

**XXV. Resp. 1.** Character est potentia physica. Et bene definitur a Thomistis; Quod sit potestas spiritualis ordinata ad ea, quæ sunt divini cultus. Ita S. Thom. a. 2. in c.

*Ratio S. Thom. est:* Character per Sacramenta imprimitur, in quantum per ea homodeputatur ad ea, quæ sunt cultus Christiani, qui consistit in recipiendo, aut tradendo divina: Sed ad utrumque horum requiritur quædam potentia, ad tradendum quidem potentia activa, & talis est Character Ordinis, ad recipiendum verò potentia passiva, & talis est Character Baptismi; licet enim is alia Sacramenta non recipiat ut quod, bene tamen ut quo, faciens hominem eorum capacem. Tandem Character Confirmationis licet passivè se habeat in recipiendo divina auxilia, est tamen potentia activa ad fidem cum robore profitendam. Ergo.

*Resp. 2.* Hæc spiritualis potestas non est principalis, sed instrumentalis supernaturalis. Ita S. D. in c.

*Ratio:* Habere Characterem Sacramenti competit ministris Dei ad actus supernaturales: Sed Minister habet se per modum instrumenti. Ergo.

*Resp. 3.* Character propriè, seu directè non est in genere, vel in specie, seu in predicamento, sed reducitur ad 2. speciem qualitatis, scilicet ad potentiam. Ita S. D. ibidem.

*Declaratur* cum S. Thom. in Sed Contra, in corp. & solutionibus argumentorum. Character est quid incompletum. Ergo non ponitur directè. Deinde in prima specie qualitatibus

tatis sunt dispositiones (ex natura sua citò trāseuntes, Character verò est indelebilis, ut dicitur) & habitus, qui disponunt, non solum ad substantiam operationis, sed etiam determinatè ad modum, scilicet ad bene, vel malè: quia habitu virtutis nullus utitur malè, & habitu malitiæ nullus bene, Character autem non datur ad bene, aut malè operandum, sed ab hoc abstrahit, & datur ad simpliciter operandum. Nam Sacerdos in peccato mortali verè consecrat, qui characterem sacerdotalem caret, non cōsecrat. Hinc licet Character habeat obiectum bonum, subiectum tamen indeterminatum relinquit, ut eo possit uti bene, vel malè. Ergo. In 3. specie qualitates non sunt nisi passionēs, ac qualitates sensibiles, talis autem non est Character. In 4. specie est figura, quæ est quædam terminatio quantitatis, & propriè loquendo non est nisi in rebus corporeis, in spiritualibus autem solum metaphoricè.

*Opposito 1.* Character videtur esse merum ens, seu relatio rationis, nimirum relatio signi: quia est signaculum, vel saltem solum denominatio extrinseca: sicut dum inter homines quis instituitur Iudex cum potestate solum morali.

2. Potentia dat simpliciter posse, ut sine ea nullatenus possit elici actus, ut patet in intellectu, & voluntate: Sed potest quis fortiter confiteri fidem, etsi non sit confirmatus, nimirum ope virtutum fidei, Religionis, fortitudinis, &c. Ergo.

*Ad 1. neg. ant.* Quia character juxta Concilia, & SS. PP. est signum spirituale impressum animæ, quod de ente, vel relatione rationis, aut denominatione extrinseca non verificatur. Est autem disparitas inter Institutionem Judicis ab homine factam, quia homo instituens Iudicem supponit in eo idoneitatem, nec dat eam, adeoque intrinsecè eum non immutat, ministri autem Dei respectu Sacramentorum, & actuum supernaturalium tam excellentium idoneitatem non habent, sed a Deo accipiunt, & sic amor ejus non est merè affectivus sed effectivus, rebus bonitatē infundens, ita & institutio. Quomodo autem Character vocetur signum, explicat S.D. ad 4. dicens: *Character habet rationem per comparationem ad Sacramentum sensibile, a quo imprimitur, sed secundum se consideratus habet rationem signi principii.* Quod tandem non sit realis relatio signi, probat ad 3. inquires. Relatio, quæ importatur in nomine signi, oportet quod super aliquid fundetur, relatio autem hujus signi, quod est character, non potest fundari immediate super essentiam animæ, quia sic conveniret omni animæ naturaliter, & ideo oportet aliquid poni in anima, super quod fundetur talis relatio: & hoc est essentia Characteris. Hæc ibi. Ergo character non est in genere relationis.

*Tribunal Confessionarium.*

*Ad 2. diss. min.* Eo modo, quo id præstatur ex vi Sacramenti Confirmationis, & ex Characterē ejus neg. alio modo, conc. ant. & neg. conseq. Virtutes ergo illæ, ut Gonet explicat, actus ad propugnandam fidem necessarios respiciunt, ut habent bonitatem moralem intrā proprium obiectum, atque adeo determinatè sub ratione boni. Ergo præter illas requiritur character Confirmationis ad propugnandam fidem sub ratione indifferentis, & abstrahendo a bene, vel malè moraliter.

**QUÆRO III.** Character imprimitur indelebiter? & cui subiecto? ac quæ sunt ejus muneræ?

**XXVI. Resp. r.** Character est perpetuus, & indelebilis: Ita S.D. a. s.

*Ratio ejus est:* Character Sacramentalis est quædam participatio Sacerdotii Christi in fidelibus ejus, ut scilicet, sicut Christus habet plenam spiritualis Sacerdotii potestatem, ita fideles ejus ei configurentur in hoc, quod participant aliquam spirituale potestatem respectu Sacramentorum, & eorum, quæ pertinent ad divinum cultum. Et propter hoc etiam Christo non competit habere characterem, sed potestas sacerdotii ejus comparatur ad characterem, sicut id, quod est plenum, & perfectum ad aliquam sui participationem. *Subjunctum:* Sed Sacerdotium Christi est æternum, ut patet ex Plal. rog. v. s. Ergo omnis sanctificatio, quæ fit per Sacerdotium ejus, est perpetua, re consecrata manente. Quod patet etiam in rebus inanimatis, nam Ecclesiæ, vel altaris consecratio manet semper, nisi destruat. *Subjunctum:* Sed res consecrata per characterem, seu ejus subiectum, nimirum anima rationalis, & potentia intellectiva, est perpetua, & incorruptibilis. Ergo & Character.

*Resp. 2.* Character manet in cœlo, & in inferno. *Declarat* hoc S. D. ibidem ad 3. dicens: Quamvis post hanc vitam non maneat exterior cultus, remanet tamen finis illius cultus. Et ideo post hanc vitam remanet character, & in bonis ad eorum gloriam, & in malis ad eorum ignominiam. Sicut etiam militaris character remanet in militibus post adeptam victoriam, & in his, qui vicerunt, ad gloriam, & in his, qui sunt victi, ad poenam.

Ex quo solvitur hoc argumentum: Cessante fine, cessat id, quod est ad finem: Sed post hanc vitam cessat finis characteris, scilicet cultus divinus. Ergo. Vide S. Tho. ad r. ubi explicat, cur gratia homini in hac vita detur delebiter, & non character.

Ex quo sequitur, quod si Sacerdos mortuus resuscitaretur, non esset rebaptizandus, nec reconfirmandus, nec reordinandus. Conjuges tamen resuscitati essent denuò copulandi, quia

Gg

vin-

vinculum Conjugii morte solvitur, ut patet 1. Cor. 7.

*Resp. 3.* Licet essentia animæ sit subiectum remotum characteris, non tamen immediatum, & proximum, sed hoc est aliqua potentia animæ. Ita S. D. ad 4.

*Ratio ejus est:* Character est quoddam signaculum, quo anima insignitur ad suscipiendum, vel alii tradendum ea, quæ sunt divini cultus: Sed divinus cultus consistit in quibusdam actibus, ad actus autem propriè ordinatur potentia animæ, sicut essentia ordinatur ad esse. Unde Thomistæ in Philosophia probant, nullam substantiam creatam esse immediatè operativam. Ergo character non est sicut in subiecto immediato in essentia animæ, sed in potentia.

Et ad 3. ibidem S. Thom. ait: Essentia animæ est subiectum potentia naturalis, quæ ex principiis essentie procedit, talis tamen potentia non est character, sed est quædam spiritualis potentia ab extrinseco adveniens. Unde sicut essentia animæ, per quam est naturalis vita hominis, perficitur per gratiam, qua anima spiritualiter vivit; ita potentia naturalis animæ perficitur per (spiritualem potentiam, quæ est character. Hæc ibi

*Resp. 4.* Immediatum subiectum characteris non est voluntas, sed intellectus, non speculativus, sed practicus. Ita S. D. ibid. ad 3.

*Ratio 1. S. D. est:* Character ordinatur ad ea, quæ sunt divini cultus, cultus autem divinus est quædam protestatio fidei per exteriora signa. Ergo character immediatè est in ea potentia, in qua est fides, sed hæc est in intellectu practico (speculativus enim abstrahit ab operatione) Ergo & character.

*Ratio 2.* Voluntas est principium bonæ, aut malæ operationis. Ergo & qualitates ei inherentes (quia disponunt subiectum juxta suam naturam) per se recipiunt bonum, aut malum. *Subsumo:* Sed character, ut ex dictis patet, abstrahit a bono, & malo. Ergo non est in voluntate.

*Oppono:* Deo exhibere cultum est actus virtutis Religionis, existens in voluntate: Sed character respicit cultum Dei. Ergo est in voluntate.

*Diff. maj.* Sub aliqua ratione formali, ea nimirum, quæ ad Religionem spectat, conc. maj. sub omni formalitate in eo actu reperibili, neg. maj. Potest ergo idem actus sub diversâ ratione spectare ad diversas virtutes. Hinc confessio fidei per opera externa, ut formaliter est confessio fidei, elicitur a fide, & tamen etiam elicitur a Religionē, in quantum est cultus Dei religiosè factus. Item elicitur a characterē Confirmationis (ut patet ex S. Th. infra q. 72. a. 5. ad 2.) in quantum procedit ab homine deputato ad cultum Dei, id est, ad exercenda opera externa

secundum se divino cultui proportionata, quæ tamen possunt fieri bene, vel malè.

*Resp. 5.* Munera characteris æqualis proprietatis sunt: 1. Hominem facere aptum ad divinum cultum. 2. Influerē in actus sibi proportionatos. 3. Homines Christo configurare, quia est participatio Sacerdotii Christi. 4. Eum, qui characterē est insignitus, distinguere ab aliis. 5. Indelebilis est etiam proprietas ejus.

**QUÆRO IV.** Estne in Christo Character? Vel potestne Character sacramentalis dici Character Christi.

*XXVII. Resp. 1.* in Christo non est Character.

*Ratio patet ex verbis S. Thom. paulò supra adductis in Ratione pro 1. ad Quæst. 3. ubi vide.*

*Resp. 2.* Character sacramentalis est Character Christi, id est, participatus ab eo. *Declarat hoc eleganter S. Thom. hic art. 3. in c. dicens:* Character propriè est signaculum quoddam, quo aliquid insignitur ut ordinatum in aliquem finem, sicut characterē insignitur denarius ad usus commutationum, & milites characterē insigniuntur, quasi ad militiam deputati. Homo autem fidelis ad duo deputatur: Primò quidem, & principaliter ad fruendum gloria. Et ad hoc insignitur signaculo gratia secundum illud Exachieli 9. Signa Tau super frontes virorum gementium, & dolentium. Et Apoc. 7. Nolite nocere terræ, & mari, neque arboribus, quoadusque signemus servos Dei nostri in frontibus eorum. Secundo autem deputatur quisque fidelis ad recipiendum, vel tradendum aliis ea, quæ pertinent ad cultum Dei: & ad hoc propriè deputatur Character sacramentalis. Totus autem ritus Christiana Religionis derivatur a Sacerdotio Christi. Et idè manifestum est, quod Character sacramentalis specialiter est Character Christi, cujus Sacerdotio configurantur fideles secundum sacramentales characteres, qui nihil aliud sunt, quàm quædam participationes Sacerdotii Christi, ab ipso Christo derivata. Hæc ibi S. Thomas.

## E X A M E N IV.

*De causa principali, ac minùs principali Sacramentorum, ejusque, ac recipientis intentione. De quo S. D. qu. 64. per 10. art. Et de Sacramentorum numero, eorumque ordine quæst. 65. per 4. art.*

**QUÆRO I.** Sacramenta Novæ Legis suntne omnino a solo Deo Christo instituta, eorumque interiorē effectum operaturus Chri-



Christus ut homo? Item potuitne Christus potestatem, quam habuit in Sacramentis, communicare Ministris?

XXXVIII. *Resp. 1.* Solus Deus est omnium Sacramentorum Novæ Legis institutor. Ita S. Thom. q. 64. a. 3. inc.

*Ratio 1.* Ille solus est Sacramentorum institutor, quibus dat virtutem, & efficaciam: Sed hanc dedit totus Christus Deus Homo. Ergo. Min. probatur. Virtus Sacramenti non est ab eo, qui utitur Sacramento, quia ille operatur solum per modum ministerii: Sed homo solum utitur Sacramento, & est minister ejus. Ergo.

*Ratio 2. est,* quam dat S. Thom. art. 4. ad 1. dicens: Christus non ex invidia prætermisit potestatem excellentiæ ministris Ecclesiæ communicare, sed propter fidelium utilitatem, ne in homine spem ponerent, & ne essent diversa Sacramenta, ex quibus divisio in Ecclesia oriretur: sicut apud illos, qui dicebant: Ego sum Pauli, ego autem Apollo, ego verò Cephæ. 1. Cor. 1. Ergo.

*Declarat hoc S. D.* ulterius artic. 3. ad 1. inquitur: illa, quæ aguntur in Sacramentis per homines instituta, non sunt de necessitate Sacramenti, sed ad quandam solemnitatem, quæ adhibetur Sacramentis ad excitandam devotionem, & reverentiam in his, qui sacramenta suscipiunt. Ea verò, quæ sunt de necessitate Sacramenti, ab ipso Christo instituta sunt: qui est Deus, & homo. Et licet non sint omnia tradita in Scripturis, habet tamen ea Ecclesia ex familiari Apostolorum Traditione. Sicut Apostolus dicit 1. Cor. 11. Cætera, cum venero, disponam. Hæc ibi.

*Declarat id 2. ad 3. dicens:* Apostoli, & eorum Successores sunt vicarii Dei, quantum ad regimen Ecclesiæ, constitutæ per fidem, & fidei Sacramenta. Unde sicut non licet eis constituere aliam Ecclesiam, ita non licet eis tradere aliam fidem, neque instituire alia Sacramenta, sed per Sacramenta, quæ de latere Christi pendentes in Cruce fluxerunt, dicitur esse fabricata Ecclesia Christi. Hæc ibi.

Notandum hic, quod aliud sit determinare materiale pro Sacramento, aliud verò instituire Sacramentum. Primum supra in hoc Tracl. Exam. 1. num. 5. & 6. concessimus Ecclesiæ, sed secundum fecit solus Deus in omni statu, quia hoc idem est ac dare Sacramento virtutem, & efficaciam significandi, & causandi gratiam.

*Resp. 2.* Interiorum Sacramentorum effectum operatur Christus, & secundum quod est Deus, & secundum quod est homo; aliter tamen, & aliter. Ita S. Thom. art. 3. in corp.

*Declarat hoc ibid. his verbis:* Christus secundum quod Deus, operatur in Sacramentis per auctoritatem, secundum autem quod est homo, ad interiores effectus Sacramentorum operatur meritorie, & efficienter sed instrumentaliter; Passio enim Christi, quæ competit ei secundum suam naturam, causa est nostræ justificationis, & meritorie, & effectivæ, ut instrumentum Divinitatis ejus, sed tamen, quia est instrumentum conjunctum Divinitati in persona, habet quandam principalitatem, & causalitatem respectu instrumentorum extrinsecorum, qui sunt ministri Ecclesiæ. Et idem sicut Christus in quantum Deus habet potestatem auctoritatis in sacramentis, ita in quantum homo habet potestatem ministerii principalis, sive potestatem Excellentie. Ita S. D.

*Subdit,* quod hæc potestas excellentiæ Christi in Sacramentis consistit in quatuor prerogativis. *Prima* est, quod meritum, & virtus Passionis, quis operatur in Sacramentis. *Secunda*, quod in nomine Christi Sacramenta sanctificantur. Et quia ex eius institutione Sacramenta virtutem obtinent, inde est, quod *Tertio* ipse, qui dedit virtutem Sacramentis, possit instituire Sacramenta. Et quia causa non dependet ab effectu, sed potius e converso, idem *Quarto* ad potestatem Excellentiam Christi pertinet, quod ipse potuit effectum Sacramentorum sine exteriori Sacramento conferre. Hæc ibi.

*Resp. 3.* Potestas ministerialis instituendi Sacramenta defacto nullo puro homini fuit communicata. Unde omnia Novæ Legis Sacramenta fuerunt immediatè a Christo instituta, & ab Apostolis promulgata. Sicut ab Apostolo Jacobo in sua Epist. c. 5. fuit promulgata Extrema Unctio.

*Ratio a priori* est voluntas Christi, & patet ex Trident. Sess. 7. Can. 1. ita definiente: *Ratio congruentia* sumitur tum ex dignitate Sacramentum Novæ Legis, quæ in ea derivatur ex dignitate instituentis. Tum ex motivo Rationis secundæ datæ pro R. 1.

Hinc quando Christus Joan. 20. Apostolis dixit, *Sicut misit me vivens Pater, & ego mitto vos, ly sicut* non significat omnimodam æqualitatem potestatis Christi, & Apostolorum: uti nec in illis verbis Christi Joan. 18. *Rogo, pater, ut nomen sint, sicut, & nos unum sumus, ly sicut* non significat tantam unitatem inter fideles, quanta est inter Personas divinas.

XXIX. *Resp. 4.* Potestas Excellentie, quæ fuit in Christo, per absolutam Dei potentiam potuit quoad substantiam puro homini communicari ad instituenda Sacramenta, sed non

cum tanta perfectione, cum quanta fuit in Christo. Ita S.D.hic a.4. Ubi hoc ita

*Declarat* : Christus in Sacramentis habuit duplicem potestatem; Unam auctoritatis, quæ competit ei secundum quod Deus, & talis potestas nulli creaturæ potuit communicari, sicut nec divina essentia. Aliam potestatem habuit Excellentie, quæ competit ei secundum quod homo, & talem potestatem potuit ministris communicare, dando scilicet illis tantam gratiæ plenitudinem, ut eorum meritum operaretur ad Sacramentorum effectus, ut ad invocationem nominum ipsorum sanctificarentur sacramenta, & ut ipsi possent sacramenta instituire, & sine ritu Sacramentorum, effectum Sacramentorum conferre solo imperio. Potest enim instrumentum conjunctum, quantum fuerit fortius, tanto magis virtutem suam instrumento separato tribuere, sicut manus baculo. Hæc S.D. Humanitas autem Christi est instrumentum conjunctum Divinitati. Ergo.

*Ratio ergo* 1. p. est, quod nulla sit implicancia, quod potestas Excellentie Christi quoad substantiam cum prædictis 4. dotibus communicetur puræ creaturæ.

2. Pars patet etiam ex S.Tho. ibid. ad 3. dicente : Ad evitandum hoc inconveniens, ne scilicet multa capita in Ecclesia essent, Christus noluit potestatem suæ excellentie Ministris communicare. Si tamen communicasset, ipse esset Caput principaliter, alii verò secundario. Ergo.

*Ratio est* 1. Quia dicta potestas Christo competit naturaliter ex vi unionis hypostaticæ, & ex debito, puro homini autem, id est, qui non simul est Deus, accidentaliter, & ex gratia. 2. Christus non solum condignè sed etiam de toto rigore iustitiæ satisfecit pro peccatis nostris, etiam in quantum illa sunt injuriæ, & offensæ Dei, sub qua ratione vel habent infinitatem intrinsicam, & simpliciter, vel saltem sunt superioris Ordinis respectu satisfactionis puri hominis. 3. Christus nobis de condigno meruit gratiam remissionis peccati sub dicta formalitate, si verò per absolutam Dei potentiam purus homo constitueretur Caput aliorum, ad summum posset aliis de condigno mereri primam gratiam, solum ut est formaliter sanctificativa, forma filiationis adoptivæ, & formaliter ut expulsa peccati in ratione maculæ, seu malitiæ, sub qua ratione non habet infinitatem simpliciter, nec est superioris ordinis, non est malum Dei sed malum hominis, privans donogratia, quæ est finita, & remissio peccati ut offensæ passivæ Dei fuisse adjuncta solum ex divina ordinatione; plenam satisfactionem gratuito remittente. 4. Meritum Christi est valoris simpliciter in-

finiti, & inexhaustibilis, secus est de merito puri hominis, cujus etiam satisfactio, & meritum in Sacramentis operarentur cum subordinatione, & dependentia ad Deum, & ad Christum, totius virtutis, & efficacis, tum homini Sacramenta instituenti, tum Sacramentis institutis collatæ, fundamentum, & principium, maneretque homo ille instrumentum separatum, Humanitas Christi verò est instrumentum conjunctum. Ergo.

*Oppono contra* 1. p. R. 4. Juxta S. August. tract. 2. in Joan. Justificatio impii est quid majus quam creatio cæli, & terræ : Sed hæc non potest committi creaturæ tamquam instrumento physico. Ergo nec illa.

*Ad hoc* R. sub dist. dicendo quod Justificatio impii ex parte termini, seu effectus, quæ est gratia, & quid supernaturalis, sit quid majus creatione, non verò ex parte modi producendi, quia sic dicit eductionem gratiæ è subiecto : è contra creatio est quid majus ex parte modi producendi, cum sit ex nihilo; est autem quid minus ex parte termini producti, cum ille sit quid naturale. Potest ergo Deus, solus, & unicus manens causa principalis, & auctoritativa gratiæ, mediante homine, ut instrumento causare gratiam, sed nihil creare, ut patet ex S. Thom. 1. p. qu. 45. art. 7. Potest etiam potestas excellentiæ Christi nominari auctoritas per comparationem ad alios Ministros, ut ait S.D. hic art. 4. ad 2. non tamen absolute.

Vide in Tract. de Justificatione, quomodo unus homo possit alteri mereri gratiam, quomodo constitui caput aliorum. Et in tractatu de Incarn. quomodo purus homo possit pro suis, vel alienis peccatis satisfacere.

**QUÆRO II** Quinam sunt Sacramentorum Ministri, suntne soli Viatores, vel etiam Beati, & Angeli?

**XXX. Resp. 1.** Solus homo Viator est Sacramentorum Minister de Lege Dei ordinaria seu ex vi moderatæ institutionis, & ordinarius.

*Ratio* : Quia Christus instituens Sacramenta, & eorum ministerium committens, fuit allocutus solos viatores. Ergo.

Hoc etiam intelligitur de homine defuncto, miraculose resuscitato, & parum iterum viatorem agente.

*Resp. 2.* Homo beatus, etsi nulla nova ei fieret commissio, etiam de Lege ordinaria, seu ex vi institutionis Christi, esset idoneus Sacramentorum Minister in reasumpto corpore, extraordinarius tamen; loquendo de Sacramentis jurisdictionem non requirentibus.

*Ratio* : Quia licet Christus ministros instituens solos Viatores fuerit allocutus, utpote quia

quia eos solos habuit presentes : attamen nullam fecit restrictionem ad statum vite. Ergo.

Dixi t. *in resumpto corpore* : quia anima, utpote solum pars hominis, non potest esse minister Sacramenti, licet characterem habeat, nam præter eum requiritur organum corporum, quo vox, aut alia actio vitalis exerceatur.

Dixi t. *extraordinarius tamen* : non quoddam hoc sit opus potentia extraordinaria Dei, aut sit necessaria immutatio in usus Sacramentorum, sicut dicitur de Angelis ; sed licet sit de Lege ordinaria, id est, ex vi modernæ institutionis, quia tamen soli Viatores ordinaria Sacramenta conficiunt, effectus extraordinarius.

Dixi 3. *de Sacramentis jurisdictionem non requiruntibus* ; Sermo enim hic est de sola potestate physica, non de morali, uti est iurisdictio, quæ per mortem expirat. Hinc si Papa mortuus resurgeret, non competeret ei suprema iurisdictio simul cum alio Viatore.

*Ratio* : Quia repugnat, quoddam iurisdictio suprema stet penes duos in solidum, scilicet dominium penes duos in solidum stare nequit.

*Resp. 3.* Angeli possunt de potentia, & Lege extraordinaria Dei conficere, & administrare Sacramenta.

*Ratio* patet ex S. Thom. hic a. 7. in c. dicente : Sicut Deus virtutem suam non alligavit Sacramentis, quin possit sine Sacramentis effectum Sacramentorum conferre, ita etiam virtutem suam non alligavit Ecclesiæ Ministris, quin etiam Angelis possit virtutem tribuere ministrandi in Sacramentis. Ergo.

Nec obest, quod in Angelis non sit character, ille enim non est necessarius respectu potentie Dei absolutæ, per quam Angeli essent ministri.

*Resp. 4.* Sacramenta nostra ab Angelis confecta, essent ejusdem rationis, ac speciei cum Sacramentis ab homine confectis.

*Ratio* : Licet Sacramenta nostra essentialiter consentiant rebus, & verbis, non tamen est de essentia, ut sint vera verba veritate vitalitatis, seu vitaliter prolata, quæ non possunt dari in Angelo corpus assumente, sed sufficit, quoddam sint vera verba veritate significationis, seu sint signa sensibilia gratiæ sanctificantis : Sed per absolutam Dei potentiam possunt talia verba dari in Angelis corpora assumentibus. Ergo.

XXXI. *Quid sentis de receptione Sacramentorum respectu Beati ?*

*Dico* : Si quis defunctus resurgeret, & viveret vita mortali ut ante, indubium est, quin posset recipere Sacramenta, ut alius homo ; sed si maneret simul Comprehenso uti Christus posset recipere Sacramenta statui suo non repugnantis, sicut Christus in ultima Cæna recipit Eucharistiam. In quo casu et si non reciperet ( si

*Tribunal Confessionarium.*

cut nec Christus recepit ) effectum principalem Eucharistiæ, scilicet gratiæ augmentum, quia jam esset in termino : reciperet tamen effectum minus principalem, scilicet dulcedinem quandam spiritali, de qua mentio facta fuit superius Exam. 2. nu. 22. Ex quo patet, quoddam aliud sit recipere Sacramentum, & aliud sit recipere fructum Sacramenti. Sicut & aliud est posse, & aliud actu Sacramentum conficere, potest, qui characterem habet, sive beatus sit, sive damnatus ; sed ut actu conficiat, requiritur Dei permisso, & concursus. De quo quis cognovit sensum Domini ?

Quod Angeli sancti quibudam Sanctis, ut nostræ S. Catharinæ Senensis, & B. Agneti de Monte Policiano administraverint sacram Eucharistiam, fundatas habemus historias. Ut & rarum, & extraordinarium est, quod Thomas Stapletonus in Colledaneo de S. Thoma Apostolo ex aliis Auditoribus refert, quod Anno 1120. quidam Indorum Patriarcha nomine Joannes, Romam venerit, ibique Calisto II. & Cardinalibus in Consistorio testatus sit, S. Thomam Apostolum, omni anno solitum communicare populum. Propria manu dignis porrecta, ab indignis verò retracta.

QUÆRO III. Quid, & quotuplex est intentio requisita ad Sacramenti confessionem ?

XXXII. *Resp. 1.* Quid, & quotuplex sit intentio, nimirum actualis, virtualis, habitualis, & quid sint, explicatum est suprâ de horis Canon. Traët. 10. Exam. 1. n. 82. Nor. 3. Quibus addi potest interpretativa. De qua postea R. 3. Vide etiam suprâ Traët. 3. Exam. 1. nu. 9. & 10. de voluntario, & quotuplex sit.

*Nota*, Quoddam intentio in Ministro Sacramenti adhuc possit esse duplex. Una communis, qua scilicet intendit facere id, quod vera Ecclesia facit, & quod Christus instituit. Altera privata, & particularis proprio, & particulari ipsius ministri iudicio regulata. Prima est principalis, & substantialis, totamque actionem ministri, quoad Sacramentorum substantiam regulat, & alteram, scilicet intentionem privatam, corrigit, limitat, & sibi subiecit. Hoc notabile maxime servit pro Quæst. sequentibus.

*Resp. 2.* In ministro Sacramenti ad valorem ejus necessariò requiritur aliqua intentio, quæ tamen non est pars intrinsecæ Sacramenti, sed conditio applicans sine qua non.

Prima pars patet ex Conc. Florent. decernente sic : *Omnia Sacramenta tribus perficiuntur, videlicet rebus tanquam materia, verbis tanquam forma ; & persona ministri conficientis Sacramentum, cum intentione faciendi, quod facit Ecclesia.* Ergo.

*Ratio est* ex S. Thom. hic a. 8. Tum quia, quæ sunt præter intentionem, sunt causalia, quod non est dicendum de operatione Sacramen-

Gg 3 - torum.

torum. Tum etiam, quia quandoaliquid se habet ad multa, oportet, quod per aliquid determinetur ad unum, si illud effici debeat: Sed quæ in Sacramentis aguntur, possunt diversimodè regi, sicut ablutio aquæ, quæ fit in Baptismo, potest ordinari, & ad munditiam, vel sanitatem corporalem, & ad ludum, & ad multa alia. Ergo oportet, quod per abluentis intentionem determinetur ad unum, scilicet ad sacramentale effectum.

2. *Pars* colligitur ex verbis citatis Conc. Florent. quod eodem modo loquitur de persona Ministri, & intentione ejus. *Subsumo*: Sed persona ministri non est pars intrinseca Sacramenti, sed causa efficiens. Ergo nec intentio. Pro quo

Nota, quod Concilium consultatur illo termino *perficiuntur*, & non *componuntur*, ad insinuandum, quod diversimodè loquatur de illis tribus ad Sacramentum requisitis, sic ut aliqua, scilicet materia, & forma, requirantur, ut partes intrinsecæ, alia ut connotata necessaria extrinseca. Nam prior terminus, scilicet *ly perficiuntur*, est universalis, & abstrahit a perfectivo intrinseco, & extrinseco, de quo utroque Concilium ibi egit: alter verò terminus, scilicet *componuntur*, tantum comprehendit partes intrinsecas.

*Oppono*: Quo posito ponitur res, & quo ablato tollitur, hoc est de essentia rei: Sed sic est de intentione ministri respectu Sacramenti. Ergo.

*Diss. maj.* vel explico, eam esse veram, si eo posito, vel ablato res ponatur, vel tollatur a priori, & per locum intrinsecum, ut ajunt; secus si per locum extrinsecum, vel a posteriori, vel solum, ut per conditionem necessariam requisitam; & hoc 2. modo est de intentione.

*Resp. 3.* In ministro Sacramenti intentio habitualis, vel interpretativa non sufficit; actualis est optima, sed non necessaria; virtualis saltem necessaria requiritur, & sufficit. Ita probabilius Thomistæ.

*Ratio 1. p.* Christus Dominus instituit, ut actio sacramentalis fiat modo humano, id est, ex deliberatione: Sed actio procedens ex intentione habituali non fit modo humano, seu ex deliberatione, cum nullus deliberatus actus voluntatis in eam influat, ut patet suprâ. Tract. 10. Exam. §. num. 82. de horis Canon. ex descriptioe ejusdem intentionis. Ergo.

Nota, quod a quibusdam Autoribus intentio virtualis, vel etiam generalis interdum vocatur habitualis, uti & ab ipso S. Thoma vocatur hic art. 8. ad 3. si ergo sic accipiat, valet Sacramentum.

Pro 2. parte Not. Intentionem interpretativam variè accipi. *Primo*. Quidam eam vocant indirectam, ut si quis aliquid velit in alio dire-

ctè volito, ut in causa, & qui scit se in ebrietate habere consuetudinem blasphemandi, & indirectè intendit ebrietatem, is indirectè, & interpretativè censetur intendere blasphemiam.

2. Alii hanc, ut explicata est, vocant intentionem in causa; interpretativam verò dicunt esse, quam quis nec actualiter, nec virtualiter, nec habitualiter habet, sed duntaxat haberet sub hac conditione, si in ejus obiecti cognitionem veniret, sicque est conditionata: qualis intentio censetur esse in Catholico, qui tota vita nunquam habuit intentionem actualem suscipiendi Extremam-Unionem, repente autem sensibus privatur, morti proximus, qui si calum suum ante præsciret, Sacramentum hoc antepeteret. 3. Sumitur prout includitur in generali intentione faciendi, quod Christianum, vel Sacerdotem, seu Ecclesiæ ministrum docet. Hoc notato

*Ratio 2. p. ff.* Quocunque ex tribus modis sumatur intentio interpretativa, non sufficit. Non primo: Quia etsi actio, vel prolatio verborum Sacerdotis ebrii, vel dormientis possit esse libera, vel voluntaria in causa, eamque Christus ad rationem Sacramenti elevare potuisset, defecto tamen eam non elevavit; tum ob reverentiam Sacramenti, tum ut Sacramenta a ministro conficerentur cum mortali certitudine, quæ nequit esse in somno, & ebrietate, cum loco materiæ debita; a ministro determinata; potuisset ab alio sublitari indebita. Hanc autem esse voluntatem Christi, colligimus ex consensu, & quotidiana Ecclesiæ praxi.

*Nec 2. modo*: Cum enim illa intentio conditionata non existat, nec unquam extiterit actu, sed solum existeret, nequit influere in actionem deliberatam, & humanam, uti est actio sacramentalis.

*Nec 3. modo*: Quia intentio confusa manens talis, non potest influere in actionem humanam particularem: Sed illa intentio generalis est confusa. Ergo. Dixi, *manens talis*; ad insinuandum, quod sufficiat intentio generalis per particularem determinatam, v.g. intendo in hoc actu facere, quod facit vera Ecclesia. Porro an intentio interpretativa sufficiat in recipiente Sacramentum, patebit infrâ num. 36. R. 4.

3. & 4. *Pars* patet ex dictis de horis Canonici loco paulò luprà citato.

**QUÆRO IV.** Requiritur ne ad valorem Sacramenti, ut minister intendat facere actum formaliter ut sacramentalem, vel sufficienter exterius tantum verba proferre, si ve seriò, si ve jocosè, ac materiam, & formam conjungere, seu materialiter illum actum facere, mentaliter eum annullandus

XXXIII. *Resp.* Propter decretum Alexand. VIII.

VIII. primum necessariò requiritur, & secundum non sufficit ad valorem Sacramenti.

*Ratio* : Concil. Florent. in decreto Eugenii, & Trid. Sess. 7. Can. 11. decrevit: *Si quis dixerit in ministris, dum Sacramenta conficiunt, non requiri intentionem saltem faciendi, quod facit Ecclesia, anathema sit.* Subsumo : Sed intentio faciendi, quod facit Ecclesia, est intentio faciendi Sacramentum, seu actiones externas ut formaliter sacramentales, & non merè materialiter. Ergo Sacramentum formaliter ut tale debet esse objectum intentionis ministri. Prob. min. Nomine intentionis faciendi, quod facit Ecclesia, vel quod Christus instituit, Concilia requirunt illam intentionem, quam negabant Hæretici, quos Concilia ibi impugnant : Sed Hæretici non negabant intentionem faciendi actum sacramentalem materialiter, quem Ecclesia facit, sed faciendi formaliter ut talem. Ergo.

Nota, inter Propositiones ab Alexandro VIII. damnatas nu. 28. esse hanc : Valet Baptismus collatus a ministro, qui omnem ritum externum, formamque baptizandi observat, intus verò in corde suo apud se resolvit : Non intendit, quod facit Ecclesia.

Eadem est mens S. Thom. hic art. 8. ad 1. dicentis : Instrumentum inanimatum non habet aliquam intentionem respectu effectus, sed loco intentionis est motus, quo movetur a principali agente, sed instrumentum animatum (sicut ei minister) non solum movetur, sed etiam quodammodo movet seipsum, in quantum sua voluntate movet membra ad operandum. Et ideo requiritur eius intentio, quae se subiciat principali agenti, ut scilicet intendat facere, quod facit Christus, & Ecclesia. Hæc S. D. Item hic ar. 10. clarè ait : Intentio Ministri potest perverti dupliciter : Uno modo respectu ipsius Sacramenti, puta, cum aliquis non intendit Sacramentum conferre, sed derisorie aliquid agere, & talis perversitas tollit veritatem Sacramenti, præcipue quando suam intentionem exterius manifestat. Hæc ibi. Quæ verba sat clara sunt. Quando ergo S. Thom. hic ar. 8. ad 2. & in 4. dist. 6. q. 1. a. 2. qu. 1. ad 2. dicit, non requiri intentionem mentalem, sed sufficere expressionem intentionis per verba ab Ecclesia instituta : ibi S. D. vult contrarios DD. non esse necessariam intentionem mentalem expressam, seu in actu signato, explicatam supra loco citato de horis Canonicis, sed sufficere mentalem implicitam, seu in actu exercito ; de qua suscipiens potest esse moraliter certus, & sic de veritate Sacramenti anxietatem deponere, nisi contrarium exterius per verba formæ exprimitur.

XXXIV. Oppos. 1. Innocentius IV. ait, ad Baptismi valorem non requiri, quod baptizans gerat in mente facere, quod facit Ecclesia. Et

Nicolaus I. a Bulgaris consultus de iis, qui baptizati fuerant a quodam Judæo, de quo dubitabatur, an esset Christianus, vel Paganus, Respondit, si debita forma baptizati erant, non esse rebaptizandos. Ubi nulla sit mentio internæ intentionis. Et S. Chrysost. hom. 85. in Joann. ait : *Nunc est iustum propter alterius malitiam ad salutis nostre Sacramenta cum fide accedere, & offendi, id est, damnum pati, exposita autem ignorantia id sequitur, nimirum multos pueros propter internæ intentionis retentionem a malo Ministro in baptizando factam (ut in Galliis accidisse scribitur) Deo æternum privari.*

2. Vulgaris est historia de Athanasio, qui, cum esset puer, quoddam alios pueros baptizavit per jocum, consequenter cum intentione faciendi solum actum externum, quem tamen Baptismus ratum habuit Alexander Patriarcha Alexandrinus. Item de S. Genesio Martyre, qui cum esset mimus, & in Scena (ut Imperatori placeret) se baptizari faciebat, & ex baptismo iustificatus est.

3. Sacramenta valent ex opere operato. Ergo ad eorum valorem non requiritur intentio ministri, sed sufficit opus externum, & applicatio formæ ad materiam.

4. Sacramentum subsistit, dum est signum, & causa gratiæ : Sed hoc non habet a Ministro, sed ex institutione Christi. Ergo.

5. Instrumentum nihil agit præter actum externum : Sed minister est instrumentum. Ergo.

6. Hæretici, ac Pagani validè baptizare possunt : Sed illi non habent intentionem veræ Ecclesiæ. Ergo.

7. Sponsi baptizati contrahentes Matrimonium, si intendant solum facere sacramentum, & non Sacramentum, faciunt tamen Sacramentum, cum illud a contractu separare non possint. Ergo non requiritur intentio.

8. Episcopus valide ordinat excommunicatum : Sed non habet intentionem eum ordinandi. Ergo. Min. prob. Quia, antequam ordinet, protestatur, quod non velit talem ordinare.

9. Sacerdos nesciens quibus verbis fiat consecratio, verè consecrat, si verba proferat super panem : Sed ille non habet intentionem. Ergo.

10. Minister potest causare effectum, quem ipse non intendit, ut patet in hæretico baptizante, qui characterem negat, & tamen producit. Ergo.

11. Intentio causæ secundæ non potest impedire actionem causæ primæ, quando materia, & forma, & actus est legitimè exercitus : Sed minister in Sacramento se habet ut causam secundam, & Deus est causa prima. Ergo.

12. Quod quis non potest dare, non potest

aufferre : Sed sola interna intentio non potest dare seu conficere Sacramentum, ergo nec aufferre.

*Ad 1.* Innocentius loquitur de Sacramenti valore prout valet ad effectum, non verò de eo, ut est in se. Nicolaus per debitam formam intelligit debitum ritum, qui comprehendit etiā intentionem mentalem, ut patet ex probatione nostra. S. Chrysoſt. per malitiam intelligit improbam vitam miniſtri, quæ ſuſcipienti non nocet. Hinc ſi nobis obiciatur, debere non ſemper eſſe anxios, an miniſter habuerit intentionem, retorquemus dicendo, tali modo debere nos ſemper etiam angī, an protulerit omnia verba eſſentialia formæ. Sufficit ergo certitudo moralis, nec requiritur phyſica ad quietandos animos, ut dictum eſt ante Oppon. 1. Docet enim ſanctus Doctōr qu. 14. de fide, & in ſupplemento q. 35. a. 3. ad 2. In his, & ſimilibus caſibus piē credendum eſt, ſummum ſacerdotem ſupplere deſectum ultimum, ſcilicet gratiam. Providentia enim divina unicuique aſſiſtit in illo ſtatu, in quo reperitur, dummodo non ponat obicem. Ita diſcurrit D. Thom. ibidem de puero in ſilvis enutriſto, de quo P. Magiſter Ferre tom. 2. in 1. 2. quæſt. 11. §. 24. ad 4.

*Ad 2.* R. Athanaſium quidem ludum ſer iſſo, ſed ſub, & cum ſpecie ludi habuiſſe intentionem faciendi, quod facit vera Eccleſia; nam de ſuo ſacto interrogatus reſpondit, ſe voluiſſe facere, quod viderat ſeciſſe Episcopum Alexandrinum. Ad illud de S. Geneſio dicitur, eum in ſua Scena ab Angelo fuiſſe monitum de efficacia illius aquæ, adeoque eum eliciſſe deſiderium Baptiſmi, ſeu intentionem recipiendi. Cæterum quoad intentionem baptizantis dici poteſt, quòd, quia Calus miraculoſus eſt, Deus, qui virtutem ſuam intentioni miniſtri (uti nec Sacramentis) non alligavit, eam ſuppleverit. Veleriam dici poteſt, quòd ille in Scena Geneſium baptizans habuerit intentionem faciendi, quod facit Eccleſia. Quòd enim Chriſtianus (prout obici poteſt) talem in Scena perſonam agens, intentionem Eccleſiæ non habeat, eſt, ne rebaptizet baptizatum, & ne irrideat Sacramenta : ut verò Pagani, ad majorem Eccleſiæ, & Sacramentorum deſpectum, intendebant facere, quod Chriſtiani facere ſolent.

*Ad 3.* diſt. conf. Ergo non requiritur intentio, ut cauſa valoris, ſeu inſtitutivè, conc. ut conditio *ſine qua non*, vel executivè, negatur. Patet ex dictis ad Q. 1. R. 2. Item ſufficit applicatio formæ ad materiam, ſacta formaliter juxta Chriſti inſtitutionem, & ut eſt ſacta cæremonia, conc. materialiter, & in eſſe entis, negatur.

*Ad 4.* datur prima diſtinctio mox data. Aliud eſt de Sacramento jam conſecto, v.g. Eucharistiæ, nam poſt conſecrationem a mi-

niſtro nullatenus ampliùs pendet.

*Ad 5.* diſt. maj. Inſtrumentum inanimatum, conc. maj. animatum, & liberum, neg. maj. Et ciſt diſt. min. neg. conf. Eodem modo diſtinguitur hæc propoſitio : Adio non perſicitur ſecundum intentionem inſtrumenti, ſed agētis principalis. Item hæc : Inſtrumentum nihil agit præter adum externum. Vide verba S. Thom. adducta ad probandam ſententiam noſtram, ubi patet differentia inter inſtrumentum animatum, ac liberum, & inter inanimatum, quòd ſcilicet primum etiam moveat ſeipſum, id eſt, aliquam ſui partem, nimirum cætera membra per voluntatem, quos adus voluntas poteſt elicere, ut cauſa principalis; attamen ejus intentionem reſpectu Sacramenti Deus vult ut conditionem *ſine qua non*, ſed reſpectu Sacramenti ut talis, homoper ſe eſt inſtrumentum.

Hic Reſponſionis duo opponi poſſunt : 1. Servus eſt inſtrumentum animatum ſui domini : Sed licet ſervus interius non conſentiat contraſui, ex domini mandato per eum ſacto, tamen ſubſiſtit. Ergo. 2. Si quis conſectetur per interpretem, aut Matrimonium contrahat per Procuratorem, ſubſiſtit Sacramentum, & contraſus, licet illi nihil intendat, niſi exterius proferre verba, & tamen ſunt inſtrumenta animata. Ergo.

Pro ſolutione. Nota, quòd ſervus poſſit ſe dupliciter habere. 1. Ut præciſe referens voluntatem domini, & io hoc ſenſu min. eſt vera, & ſervus habet, ac ſi eſſet inſtrumentum inanimatum. 2. Ut operis ſubſiſtentia ejus arbitrio ſit a Domino commiſſa, & hoc modo ſe habet, ut inſtrumentum animatum, & ſic ſe habet miniſter in Sacramento. Unde Trid. ait : Abſolutio non eſt nudum miniſterium, ſed ad inſtar adus judicialis. Porro interpres reſpectu Sacramenti Pœnitentiæ, & Procurator reſpectu Matrimonii, ſunt inſtrumenta animata prioris generis, nec ſunt miniſtri illorum Sacramentorum.

*Ad 6.* neg. min. Poſſunt enim habere, & cenſentur eam habere ; ſi verò ex malicia eam non habent, nihil facerent. Cæterum ſi Hæreticus haberet hanc intentionem, intendendo facere, quod facit Eccleſia Chriſti, ſed non quod Eccleſia Romana, valeret Sacramentum, quia poſterior intentio priorem non deſtruit, nec ſibi contrariatur formaliter, ſed ſolùm materialiter : quia falſo exiſtimat ex privato errore, Eccleſiam Romanam errare.

*Ad 7.* neg. conſeq. Quia illi contrahentes habent generalem intentionem faciendi, quod Chriſtus inſtituit, quam ſi non habeant, nec Sacramentum, nec contraſtum faciunt.

*Ad 8.* neg. min. Vel enim illa Episcopii profeſſatio fit ad terrorem tantum, vel ea ſacta, ſi nullum indiguum inveniat, elicit abſolutam inten-

intentionem Ordines conforendi.

*Ad 9. neg. min.* Quia habet intentionem generalem faciendi, quod facit Ecclesia.

*Ad 10. dist. ant.* Quem, nec implicitè, nec explicitè intendit, neg. non explicitè, bene tamen implicitè, conc. aut. Qui enim explicitè vult causam, implicitè vult effectum.

*Ad 11. Concedo totum;* sed dico, quod deficiente interna intentione ministri materia, & forma debitè non applicetur, nec actus ritè exerceatur, consequenter causa prima ad Sacramenti valorem non concurrir, nec Sacramentum subsistit.

*Ad 12. dist. maj. ex R. ad Oppono n 32. ante R. 3.* Vel neg. maj. Quia bonum ex integra causa, malum verò ex quocunque defectu. Sicut ergo non valet, Minister per solam formam siue materia non potest Baptismum conferre. Ergo o-mittendo solam formam non potest eum annullare; Ita similiter, quia facere Sacramentum est de genere bonorum, illud auferre est de genere malorum.

**QUÆRO V.** Intentio introducendi novum ritum in Ecclesiam invalidatne Sacramentum?

**XXXV.** Ante R. Vide Nöt. positum nu. 32. immediatè ante R. 2.

*Resp.* Minister adhibens materiam, & formam legitimam, cum intentione faciendi, quod facit Ecclesia, etsi privata sua intentione intendat in Ecclesiam inducere novum ritum ab Ecclesia non toleratum, sed odio habitum, verum conficit Sacramentum, si illum ritum in forma non explicet: si verò eum in forma exprimat, ut infalsitas formæ sequatur, & genuinus sensus a Christo intentus destruat, tunc Sacramentum non conficit, non ex defectu intentionis, ac si nimirum non possit habere intentionem Ecclesiæ, sed ex defectu formæ.

*Ratio 1.* De Fide est, tunc verum confici Sacramentum, quando adest debita materia, forma, & minister Sacramenti cum intentione faciendi, quod Christus fecit: Sed hæc omnia concurrunt in casu primæ partis, nimirum dum falsus ritus in forma non exprimitur, ut patet: nam intentio particularis, & privata cedit communi, & corrigitur ab illa. Ergo.

Aliud esset, si Hæreticus expressè intendere facere, solum, quod facit Ecclesia, v.g. Londinensis, excludendo Romanam, tunc enim Sacramentum esset nullum defectu debiti intentionis.

**2. & 3. Pars** patet in exemplo Baptismi Arrianorum baptizantium in nomine Patris majoris, Filii minoris, &c. Et Donatistarum baptizantium sub hac forma: Si ego, & tu sumus hæretici, non te baptizo. Tunc enim Sacramentum nullum est, quia forma non est vera, sed ex illa additione falsificatur.

Quod autem non sit nullum defectus intentionis, constat; Quia talis potest adhuc habere intentionem faciendi, quod Christus instituit, & quod Ecclesia facit. Ergo est defectus formæ, non intentionis, ut etiam docet S. Tho. hic q. 60. a. 6.

**QUÆRO VI.** Qualis intentio requiritur in suscipiente Sacramentum?

**XXXVI. Resp. 1.** Certum est, quod in adulto, rationis usum habente, in receptione cujuscunque Sacramenti de necessitate mediæ requiratur intentio, & liber consensus recipiendi id, quod in Ecclesia sit, seu quod Christus instituit, ita ut, si non consentiat, vel dissentiat, Sacramentum invalidè, & sine fructu recipiat.

*Ratio:* Quia Christus voluit, ut receptio Sacramenti in adultis, quibus integrum est consentire sit libera, & fiat humano modo. Quæ Christi voluntas colligitur ex communi Theologorum Sententia.

Idem hic q. 68. a. 7. S. D. expressè de Baptismo docet in c. Et ad 1. & ad 2. ait: *Si in adulto deesset intentio suscipiendi Sacramentum, esset rebaptizandus, si tamen hoc non constaret, esset dicendum: Si non es baptizatus, ego te baptizo.*

*Resp. 2.* Non est necesse, ut dicta intentio sit actualis, sed sufficit virtualis; non verò habitualis.

*Ratio* est, quæ suprà de ministro conficietur.

*Resp. 3.* In ministro Sacramentum conficiente requiritur perfectior intentio, quàm in recipiente.

*Ratio:* Quia plus requiritur ad agendum, quàm ad patiendum, & Nobilior est agere, quàm pati, ut habet axioma: Sed minister est agens, recipiens verò, quæ talis, solum est patiens. Ergo licet in ministro semper requiratur intentio, quæ sit principium actus humani, non tamen in recipiente. Excipitur Sacramentum Pœnitentiæ, & Matrimonii, ut patet ex dicendis.

*Resp. 4.* In adultis, quibus non est integrum hic, & nunc liberè consentire, sufficit cæteris paribus, seu si aliundè nullus sit obex) intentio habitualis, vel interpretativa. Excepto Sacramento Pœnitentiæ, & Matrimonii. Dixi, in adultis: Quia de infantibus patet ex praxi Ecclesiæ respectu Baptismi.

*Declaratur 1. Pars:* In casu, quo quis voluit baptizari, & hac voluntate non retractata incidit in phrenesim, habet adhuc intentionem habitualem, vi cujus potest baptizari. Item Cathæcumenus habuit voluntatem servandi omnia Christi Domini præcepta, omniaque salutis remedia suscipere, & hac voluntate pariter incidit in phrenesim, vel dormit, talis validè baptizatur, quia habet intentionem interpretativam, vel etiam primam moraliter perseverantem:

Simi-



Similiter est communis praxis, quod infirmis, qui sensibus delinuntur (nisi clare constet, eos esse in peccato mortali) detur Extrema-unctio, immo, & Eucharistia, si nullum sit periculum vomitus, vel aliterius irreverentiae. Quia in Professione vitae Christianae interpretati habent sufficientem consensum ad suscipiendam illam extrema, etsi forte de aliquo illorum (uti de Extrema-unctione facile fieri potest) nihil unquam audierint.

2. *Paripatet*: Quia Sacramentum Penitentiae pro materia proxima habet ipsos actus penitentis, & Matrimonium actus contrahentium.

*Resp. 3.* Sufficit, quod intentio in R. 1. requisita sit voluntaria simpliciter, nec obest, quod sit secundum quid involuntaria.

*Declaratur*: Si quis per vim, vel violentiam simpliciter talem cogere ad recipiendum Sacramentum consensit in usu, invalidè recipiet, & ex Eucharistia nullum recipiet fructum. Si tamen quis per metum gravem illud recipiet, valor Sacramenti subsisteret: Quia metus gravis non tollit voluntarium simpliciter (uti violentia) sed solum secundum, quid ut patet supra Tr. 3. Exam. 1. n. 13. Excipitur Matrimonium, quod metu gravi initum est nullum, ut patet in suo loco. Item Ordo ex gravi metu susceptus, validus quidem est, & Characterem imprimit, sic tamen ordinatus non obligabitur ad servandam continentiam, nisi postea ratificet. De quo plura alibi.

*Resp. 6.* Si alicui ad ultimum usus rationis capaci merè negativè se habenti, id est, neque volenti, neque nolenti impenderetur Sacramentum, v.g. Baptismi, is nec Sacramentum, nec vi illius gratiam recipiet.

*Ratio est*, quam dant Nugno nosser, & Gabrera. Quia si nunquam voluit Sacramentum suscipere, ita ut, nec virtutalem habeat intentionem, simpliciter loquendo est nolens; omnis enim adultus rationis capax rationabiliter, & interpretativè hanc habet voluntatem, ut de sua persona sine proprio consensu in re gravi non disponatur.

Quomodo non habentibus usum rationis potest dari, vel denegari Eucharistia, tractat S. D. 3. p. q. 80. a. 9. De quo vide infra Tract. 12. Exam. 4. n. 36.

**QUÆRO VII.** Mali Ministri conficiuntne vera Sacramenta, & licetne ea ab illis petere? Ipsi verò peccantne ea conficiendo?

**XXXVII.** *Resp. 1.* Mali, seu in peccato mortali existentes Ministri, v.g. infideles, hæretici, excommunicati, degradati, suspensi, &c. vera conficiunt Sacramenta, dummodo adhibeant omnia, quæ sunt de necessitate Sacramenti. Ita S. Thom. hic a. 9.

*Ratio*: Tum quia imprimis de Baptismo ita Christus voluit, quia est Sacramentum summa-

neccessitatis. Tum etiam quia Character semel receptus manet in maximis peccatoribus etiam Hæreticis, qui etiam possunt intendere facere id, quod facit Ecclesia, ejusque formam servare, quam si non fervent, nihil faciunt. Tum tandem quia Minister in Sacramento operatur instrumentaliter, ut ait S. D. seu non in virtute propria, sed Christi, pro probitate vitae verò non constituitur in ratione instrumenti, sed per motionem Dei. Ergo.

Ex quo sequitur, ab impio neminem quidem posse mundari ex opere operantis, bene tamen ex opere operato, non principaliter, bene tamen instrumentaliter, & Baptismata Hæreticorum non esse quidem vera veritate fructus, putà, si extra calum necessitate recipiantur ab iis quia sicut contra prohibitionem Ecclesiae in re gravi, & peccatum committitur, etsi sit verum Sacramentum veritate valoris. Quamvis enim Hæretici non sint instrumenta conjuncta, bene tamen separata; & quamvis homo a communione quadam expulsi non possit ejus officia exercere, si per expulsionem tollatur potestas, potest tamen, si hæc maneat: sicut manet Character.

*Resp. 2.* Sacramentum Penitentiae ab excommunicato validè conferri non potest extra causam extremæ necessitatis.

*Ratio*: Quia hoc Sacramentum ad sui valorem requirit jurisdictionem: Sed hæc per excommunicationem amittitur. Ergo.

*Resp. 3.* An, & quomodo liceat Sacramenta petere a malis ministris, patet ex S. Thom. hic a. 6. ad 2. cujus verba relata sunt Tract. 7. Exam. 7. n. 145. ad 1. casum.

*Resp. 4.* Qui ministrat Sacramenta in peccato mortali, peccat mortaliter ex genere suo. Ita S. D. hic a. 6. in c.

*Ratio ejus est*: Tum quia Ministri debent conformari suo Domino, seu agenti principali juxta illud Levit. 19. & 1. Pet. 1. *Sancti eritis, quoniam ego sanctus sum.* Item sancta sanctè sunt tractanda. Tum etiam, quia hoc peccatum pertinet ad irreverentiam Dei, & contaminationem Sacramentorum, quantum est ex parte ipsius peccatoris, licet Sacramenta secundum seipsa incontaminabilia sint. Ergo.

*Dixi, ex genere suo*; Tum quia ex parvitate materiz potest esse veniale, v.g. Eucharistiam de loco ad locum transferre, vel tollere ad dandam benedictionem; quia tangitur solum mediati. Item exercere functiones quatuor minorum Ordinum, benedicere templum, vasa, vestes sacras, Virgines sacras. Tum etiam quia Minister Sacramenti est duplex, unus solemnitatis, seu ex officio, seu specialiter ad id consecratus, & deputatus, & de eo intelligitur data resolutio. Alius est necessitatis, seu non ex officio, nec specialiter consecratus, & hic ex-

excusatur, v.g. Eucharistiam levans ex loco irreverenti, baptizans, sive Sacerdos, sive Laicus sine solemnitate in necessitate, Conjuges in mortali contrahentes, qui tamen mortaliter peccant Sacramentum recipiendo, aut non conficiendo; quia non sunt ad id specialiter consecrati. Nec peccat Sacerdos in mortali assistens matrimonio, quia non est minister ejus.

*Resp. 5.* Quod excellentius Sacramentum in mortali administratur, eo gravior peccatur; unde probabilius est, esse exprimendum, quale fuerit Sacramentum.

*Ratio:* Quia est irreverentia notabiliter gravior.

*Resp. 6.* Gravius est ministrare Sacramentum in gravioribus, & pluribus peccatis; sufficit tamen dicere, se tale Sacramentum ministrare in mortali; nisi sit in peccato, vel peccatis gravissimis, & valde extraordinariis.

*Ratio* patet ex dictis, nimirum ratione majoris, vel minoris irreverentiae, ac conformitatis cum agente principali.

*Resp. 7.* Probabilius est, quod, ut Minister ex officio talis, seu consecratus, mortaliter peccet, sufficiat, ejus actionem vel esse immediate Sacramenti consecrati, vel Sacramenti facti applicativam, seu distributivam; vel sacramentalem, seu ad Sacramenti confessionem proximam, aut prope ordinatam.

*Ratio:* Quia est gravis irreverentia, & diffamatio ad agens principale.

*Ex quo sequitur 1.* Quod reliqua quinque Sacramenta praeter Baptismum, & Matrimonium scienter in mortali ministrare, semper sit mortale, ut patet ex S. Thom. 2. 6. ad 3. quia respectu eorum non occurrit tanta necessitas sicut respectu Baptismi, & requirunt ministrum specialiter consecratum. 2. Mortaliter peccare eum, qui in mortali confessiones audit cum intentione contritionem eliciendi ante absolutionem, ut docet Ganet. Quia licet audire confessiones non sit Sacramentum, est tamen actio sacramentalis proximè ordinata ad Sacramenti confessionem. 3. Mortaliter peccare Episcopos in mortali Chrifti, aut Oleum infirmorum consecrantes, ob eandem rationem. 4. Et illum, qui, & quoties, Eucharistiam jam consecratam in mortali dispensat: nam etiam distribuens Eucharistiam (quae & ideo vocatur tremendum mysterium) specialiter repraesentat personam Christi, cui proinde debet conformari. Unde S. Thom. in 4. dist. 24. q. 1. a. 3. qu. 5. ad 5. ait: Quicunque exhibet se in aliquo actu, ut ministrum Ecclesiae, mortaliter peccat, si nimirum in mortali eum perficiat. Vide verba S. Dionysii relata a S. Thom. hic 2. 6. in sed contra. 5. Idem probabilius dicitur de Subdiacono, & Diacono in mortali sua officia peragentibus. Quia illa concernunt materiam gravem, suntque sacramentalia, sed

ad Sacramenti Eucharistiae confessionem procedunt, & vel maxime Diaconatus, qui est ultima dispositio ad Sacerdotium. Unde Gregor. X. c. ult. de temporibus ordinandorum dist. 33. sub interminatione divini iudicii prohibet huiusmodi in susceptis Ordinibus ministrare. Vide plura de hoc infra in proprio loco Tract. 5. Exam. 4. n. 35.

*Oppos.* Nullus debet reddi perplexus: Sed si mali ministri in Sacramentis peccent, sunt perplexi; nam si sunt tales ex officio, tenentur ea ministrare, & non possunt statim a peccato se liberare. Ergo.

*Ad hoc S. D. ar. 6. ad 3. ait:* Ille, qui est in peccato mortali, non est perplexus simpliciter, si ex officio ei incumbat Sacramenta dispensare, quia potest poenitere de peccato, & licite ministrare, non est autem inconveniens, quod sit perplexus supposito quodam, scilicet, quod velit remanere in peccato. Hæc ibi. Sed hoc oritur ex propria malitia. Pro cuius majori explicatione,

**QUÆRO VIII.** Ut Minister Sacramenti non peccet, qualis in eo requiritur, & sufficit dispositio?

**XXXVIII. Resp. 1.** Ante Sacramenti confessionem (si Eucharistiam excipias) non est necessario præmittenda confessio, licet id sit de consilio.

*Ratio:* Quia nullum de hoc extat præceptum, sive divinum, sive humanum. Quod tamen de Eucharistia extat (puta, si sit copia Confessarii) in Trid. sess. 13. cap. 7. de Eucharistia, verba illa S. Pauli, *Probat autem seipsum homo, & sic de pane illo edat, &c.* exponente de probatione per confessionem sacramentalem, & absolutionem, quantumvis quis sibi videatur contritus.

Ex quo sequitur, quod Sacerdos in mortali celebrans duplex peccatum committit, unum, conficiendo; alterum, sumendo; forte & tertium, sibi ipsi Eucharistiam dispensando. Quæ tamen tria non est opus exprimere in Confessione, sed sufficit dicere, se in mortali celebrasse. Si verò elicit contritionem post consecrationem, ante summptionem, id explicandum, quia tunc solum peccavit conficiendo.

Dixi, si sit copia Confessarii. Hinc excusatur (si tamen contritionem eliciat) Parochus, qui hodie (vel quia festum est, vel pro præfente defuncto) tenetur celebrare, proximus autem Confessarius est ita distans, ut, si eum accedat, debeat cum ita nudo Sacrum plus solito diffundere, vel sanitate suam periculo læsionis exponere, vel sit infirmus, vel si sit itineris difficultas, temporis brevis, vel ad alia gravæ molestia, iudicio prudentum excusantes. Quæ tanquam generalis Regula potest notari circa distantiam Confessarii; certa enim statui

non

non potest pro omni casu, sed pender a prudenti arbitrio. Si Parochus habeat Sacellum, teneat illi confiteri, si alium non habeat, & hoc, etsi cum eorixas habuerit eumque suum hostem existimet, nisi inimicitia esset tam gravis, ut ex ea fractionem sigilli Confessionis prudenter timere possit. Quod est rarum. Si Sacerdos apud altare ante consecrationem recordetur peccati mortalis non confessi, & sine scandalo dilcedere non possit sufficit elicere contritionem. Plures casus ad propositum vide Tract. 12. Exam. 4. n. 32.

XXXIX. *Resp. 2.* Sacerdos, si defectu Confessarii, in mortali (de quo tamen contritus fuit) necessitate urgente absque pravia confessione celebraverit, quamprimum confiteatur. Ita statuit, & loquitur Trid. loc. paulò supra citato.

In his verbis difficultas est circa *quamprimum*; Quod alii intelligunt, ut sit idem, ac suo tempore, alii intra triduum, alii antequam iterum celebret, alii esse solum consilium non præceptum, sed dicendum est obligari ex præcepto ad Confessionem, quamprimum possit habere copiam Confessoriorum. Hinc ab eodem Alexandro VII. damnatæ sunt hæ Propositiones n. 38. Mandatum Tridentini, factum Sacerdoti sacrificanti ex necessitate cum peccato mortali, consistendi quamprimum, est consilium, non præceptum. Et n. 39. Illa particula *quamprimum* intelligitur, cum Sacerdos suo tempore confitebitur. An dictum Tridentini præceptum etiam obliget Laicos, vel Sacerdotes more Laicorum communicantes, vel Missam ab alio ceptam complentes, vide R. 5. loco citato ex Tract. 12.

XL. *Resp. 3.* Ad alia Sacramenta (præter Eucharistiam sine novo peccato conficienda) non sufficit attritio cognita, nec tamen necessario, & sub præcepto requiritur contritio in se verè talis, sed sufficit contritio existimata, Confessio verò, si sit copia Confessarii, solum est de consilio.

*Ratio 1. p.* Juxta dicta minister in sanctitate debet conformari agenti principali, scilicet Deo: Sed homo non sanctificatur per attritionem, præsertim cognitam ut talem. Ergo.

*Ratio 2. p.* Aliquem obligare ad contritionem in se talem, est intolerabile, & infinitos causat scrupulos, cum contritio non possit naturaliter cognosci, vel certè homini data occasionem naturaliter judicandi se esse in gratia.

3. & 4. *Pars* sequuntur ex dictis.

*Oppono casum*, in quo subito quis vocatur ad ministrandum Sacramentum Pœnitentiæ moribundo, ut vix habeat tempus eliciendi contritionem.

*Resp.* Etia in eo casu teneri ad contritionem. Quia contritio cum sit actus spiritualis a po-

tentia spirituali nimirum a voluntate elicitus, potest haberi in instanti, aut saltem brevissima temporis mora, ob quam brevitatem temporis non tollitur potentia ad contritionem, licet eam faciat difficilem, difficultas autem absolute impleri possit, cæteris paribus.

QUÆRO IX. Scilicet dare aliquam rationem congruentiæ, cur in Nova Lege nec plura, nec pauciora sint Sacramenta quam septem? Et quis inter illa ordo, ac præminencia? quæ necessitas eorum? quæ differentie?

XLI. Dixi in titulo, *aliquam rationem congruentiæ*; nolo enim hic cum Hæreticis inire controversiam de septenario Sacramentorum numero, ut potè quæ ad intentum hujus operis non spectat. Unde ad 1. p. Quæstio.

*Resp.* Ratio a priori est voluntas Christi, sed Ratio congruentiæ est, quam dat. S. Thom. hic q. 65. a. 1. in c. Christus Sacramenta instituit, ut causas instrumentales vitæ spiritualis ad perficiendum hominem, tum in se, tum in ordine ad alios, juxta ritum Religionis Christianæ: Sed ad hoc sunt septem necessaria. Ergo Min. declaratur ex analogia vitæ spiritualis ad corporalem. Nam in vita corporali homo prius generatur, seu incipit esse, & vivere: cui in vita supernaturali correspondet Baptismus, per quem homo spiritualiter regeneratur, & accipit primum esse, ac primam vitam spiritualementem. 2. In vita corporali homo augetur, & ad perfectam quantitatem perducitur, cui in vita spirituali correspondet Confirmatio, per quam homini datur virtus, & robur spirituale. 3. In vita corporali homo nutritur, & huic correspondet Eucharistia. 4. In vita corporali homo per medicinas liberatur ab infirmitatibus corporis, & huic respondet Pœnitentia liberans hominem ab infirmitatibus animæ, nimirum a peccatis. 5. In vita corporali homo per alia remedia liberatur a reliquiis morbis, & restituitur integræ sanitati, & huic in vita spirituali correspondet Extrema Unctio, quia sublati peccatorum reliquiis homo restituitur pristinae sanitati spirituali. Et huic perficitur homo in seipso. In ordine ad alios perficitur, vel accipiendo potestatem regendi multitudinem, 6. & huic in vita spirituali correspondet Ordo, quo confectus potestas spiritualis super populum Christianum. Vel perficitur in ordine ad alios, populum propagando, 7. cui in vita spirituali correspondet Sacramentum Matrimonii, quo populus fidelis augetur. Ergo.

XLI. *Resp. 2.* Ordine generationis, & per se Sacramenta Novæ Legis se ita præcedunt, ut mox explicatum fuit. Et Colligitur ex Analogia vitæ spiritualis ad corporalem. Dixi, *per se*: Quia per accidens bene sumitur Eucharistia, uti & Pœnitentia, ante Confirmationem, non tamen ante Baptismum, qui est omnium

Sacramentorum Janua: Item aliquando denuo Pœnitentia, & Eucharistia post Extremam Unctionem, morbo diutius durante. Quod Ordo, & Matrimonium sint postrema, est, quia, ut ait S. Tho. 2. sicut unum est prius quàm multitudo, ita Sacramenta, quæ ordinantur ad perfectionem unius personæ, præcedunt ea, quæ ordinantur ad perfectionem multitudinis. Matrimonium autem ponitur post Ordinem, eo quod minus participat de ratione vitæ spiritualis, ad quam ordinantur Sacramenta.

XLII. *Resp. 3.* Loquendo de dignitate Sacramentum Eucharistiæ simpliciter est potissimum inter alia Sacramenta. Ita S.D. 2. 3.

*Ratio ejus est:* Tum quia in eo substantialiter continetur ipse Christus, in aliis autem Sacramentis continetur solum quædam virtus instrumentalis participata Christo. Tum etiam, quia alia Sacramenta ordinantur ad Eucharistiam, ut ad finem: Ordo ad eam consecrandam; Baptismus ad recipiendam; In quo etiam perficitur aliquis per Confirmationem, ut non vereatur se subtrahere a tali Sacramento. Per pœnitentiam autem, & Extremam Unctionem, præparatur homo ad dignè sumendum Corpus Christi. Matrimonium saltem sua significatione attingit Eucharistiam, inquantum significat conjunctionem Christi, & Ecclesiæ.

Hic oritur difficultas circa hoc, quod dicit S. Thom. hominem per Extremam Unctionem disponi ad Eucharistiam, cum tamen hæc deur infirmis ante illam. Sed sensus est: Quia virtute Sacramenti Pœnitentiæ remittuntur peccata, Extrema Unctio autem tollit earum reliquias, idè præviè recipiendo hæc Sacramenta, anima infirmi disponitur ad recipiendum fructum Eucharistiæ. Hinc & antiquitus Extrema Unctio conferebatur ante Communionem, quod & defecto licitum est: quod autem defecto non semper id fiat, est, quia non superest tempus, aut occasio, nam multis potest dari Extrema Unctio, quibus non potest dari Eucharistia, ut experientia testatur.

Nota, quod si Eucharistia non conferat primam gratiam, sicut Baptismus, non est propter ejus imperfectionem, sed ob perfectionem: quia ratione excellentiæ suæ in subiecto prærequirit majorem dispositionem, adeoque & statum gratiæ.

XLIV. *Resp. 4.* Necessitatem Sacramentorum S.D. art. 4. in c. explicat; dicens: *Necessarium respectu finis (de quo nunc loquimur) dicitur aliquid dupliciter: uno modo, sine quo non potest haberi finis, sicut cibus est necessarius vitæ humana. Et hoc est simpliciter necessarium ad finem. Alio modo dicitur necessarium id, sine quo non habetur finis ita convenienter, sicut equus necessarius est ad iter. Hoc autem non*

*est simpliciter necessarium ad finem. Primo igitur modo necessitatis sunt tria Sacramenta necessaria: duo quidem personæ singulari; Baptismus quidem simpliciter, & absolute, Pœnitentia autem supposito peccato mortali post Baptismum. Sacramentum autem Ordinis est necessarium Ecclesiæ, quia ubi non est Gubernator, populus corruet, ut dicitur Proverb. 11. Sed secundo sunt necessaria alia Sacramenta: nam Confirmatio quodammodo o perficit Baptismum, Extrema Unctio Pœnitentiam; Matrimonium verò Ecclesiæ multitudinem per propagationem conservat. Hæc S. Thomas.*

*Oppono:* Sicut de Baptismo dicitur. Nisi quis renatus fuerit, &c. ita de Eucharistia Jo: 6. Nili manducaveritis, &c. non habebitis vitam in vobis. Ergo sunt pariter necessitatis.

*Ad hoc S.D. ibidem ad 2. ait:* Illud verbum Domini intelligendum est de spiritali manducatione, & non de sola sacramentali, ut exponit S. August. super Joan. tract. 26. & 27. tom. 9. De quo infra plura Tract. 12. Exam. 1. num. 4.

XLV. *Resp. 5.* Sacramenta speciè differunt penes effectus suos primarios, nimirum gratias Sacramentales, quas per se causant.

*Declaratur:* Baptismus causat gratiam regenerantem, Confirmatio roborantem, Eucharistia nutriendam, seu cibantem, Pœnitentia sanantem; Extrema Unctio reliquias peccatorum abstergentem; Ordo causat gratiam, quæ ministrum idoneum facit ad peragendam Sacra Officiâ Ecclesiæ. Matrimonium causat gratiam, qua Conjugum animi uniuntur per amorem, & qua juvantur ad onera Matrimonii portanda, & ad Ecclesiæ fidelium multiplicandam corporaliter, & spiritaliter.

XLVI. *Resp. 6.* Variæ adhuc sunt differentię inter Novæ Legis Sacramenta. 1. Aliqua consistunt in usu, seu in actione transeunte, ut sunt omnia præter Eucharistiam, quæ sola consistit in re permanente, postquam consecratio transit, nimirum in speciebus consecratis. 2. Aliqua sunt initerabilia, nimirum tria, quæ characterem imprimunt; alia iterantur, sed Matrimonium non nisi defuncto uno conjugè. 3. Aliqua sunt Sacramenta mortuorum, alia vivorum, ut explicatum est in Exam. 2. n. 19. Not. 3. 4. Aliæ necessaria, alia non necessaria, ut declaratum est in R. 4. 5. Alia formata, alia informia, ubi nomine formæ non intelligitur essentialis forma Sacramenti, sed effectus, nimirum gratia, quæ per antonomasiam vocatur forma, decor, & pulchritudo animæ, quæ deficiente, illa coram Deo manet informis, vel deformis. Sacramentum ergo formatum est, quod non solum suscipitur validè, sed etiam licitè, & cum fructu, seu effectu. Informè est, quod est quidem validum, sed propter obicem pec-

peccati non causat gratiam. Hoc de aliis Sacramentis præter Penitentiam facile capitur, quia in Sacramento Penitentiae ipsi actus Penitentis sunt dispositio ad gratiam, & partes essentialles ejus. Cujus explicatio patebit infra in proprio loco.

**XLVII. Resp. 7.** In quovis Sacramento tria sunt consideranda. 1. Id, quod est *Sacramentum tantum*, nimirum, quod significat (scilicet gratiam) & non significatur, v.g. ablutio cum verbis in Baptismo. 2. *Res tantum* nimirum id, quod significatur, & non significat, & est gratia. 3. *Res, & Sacramentum simul*, quod significat, & significatur, & est v.g. Character (in illis Sacramentis, quæ eum imprimunt) qui significatur per ablationem, & significat gratiam.

*Declaratur* de quovis Sacramento. De Baptismo jam dictum est, & clare docet S. Thom. hic q. 66. ar. 1. in c. Eodem modo dicendum est de aliis duobus Sacramentis Characterem imprimantibus, ut actio, in qua consistunt, sit Sacramentum tantum; Character res, & Sacramentum simul; Gratia res tantum. In Eucharistia Species consecratae sunt Sacramentum tantum, quia significant gratiam; Corpus, & Sanguis Christi res, & Sacramentum simul, quia significant gratiam, & significantur a Speciebus. In Penitentia Sacramentum tantum sunt actus externi penitentis, quia significant gratiam; res, & Sacramentum simul est dolor internus, qui ab actu externo significatur, & significat gratiam. In Extrema-Untione Sacramentum tantum est Unctio sub præscripta verborum forma: res, & Sacramentum simul est quædam animi hilaritas, seu interna devotio, quæ est spiritualis unctio, ut patet ex S. Th. in suppl. q. 30. a. 3. ad 3. quæ significatur ab unctio externa, & significat gratiam. Et licet omne Sacramentum causet internam animi devotionem, non tamen sub ratione spiritualis unionis. In Matrimonio mutuus consensus externus, & contractus, est Sacramentum tantum. Vinculum, quod per eum causatur, ut a Christo elevatum, est res, & Sacramentum simul. Et in omni Sacramento res tantum est gratia. Ita S. Thom. in Suppl. q. 42. a. 1. ad 5.

## EXAMEN V.

*De Baptismo, ejus Ministro, necessitate, subiecto, & effectu. De quo S. Thom. q. 66. usque ad 69. inclusive.*

**QUÆRO I.** quid est Baptismus? quando instituitur?

**XLVIII. Resp. 1.** Baptismus physice sumptus, seu in quantum est compositum ex materia, &

forma, ut partibus physicis, sive quasi physicis, definitur a S. Tho. hic q. 66. ar. 1. in c. ex Mag. Sent. quod sit ablutio corporis exterior facta sub præscripta verborum forma. Sumptus verò metaphysice, seu ut constat ex genere, & differentia, definitur, quod sit Sacramentum regenerationis, seu Sacramentum Novæ Legis, ad spirituales hominum regenerationem a Christo institutum.

*Ratio* patet ex Legibus bonæ definitionis.

**Resp. 2.** Christus Baptismus instituit ante suam Passionem, nimirum quando in Jordane baptizatus est. Ita S. Thom. q. 66. a. 2.

*Ratio* S. D. est: Tunc videtur aliquod Sacramentum institui, quando accipit virtutem producendi suum effectum, scilicet gratiam: Sed hanc virtutem Baptismus accipit, quando Christus fuit baptizatus, teste S. Augusti. dicente: *Ex quo Christus aquis immergitur, ex eo omnium peccata abluit aqua.* Et hoc factum est ante passionem. Ergo.

**Resp. 3.** Christus hanc institutionem non fecit, aliquem in exercitio baptizando, sed in actu signato, ejus materiam designando, & ad gratiæ productionem consecrando, formam Baptismi Discipulis tradendo, non quidem eam publicè exprimendo, sed vel privatim dicendo, vel tradendo in figura SS. Trinitatis Patris, & Filii, & Spiritus S. qui erant præsentis in signo visibili, nimirum Pater in voce, quæ dicebatur: Hic est Filius meus dilectus. Filius in carne. Spiritus S. in specie Columbæ.

*Oppono:* Communiter dicitur, quod omnia Novæ Legis Sacramenta fluxerint ex Latere Christi pendentes in Cruce, & habeant efficaciam ex Passione Christi. Ergo.

*Ad hoc* dist. ant. Vel quoad substantiam, vel quoad ultimam suam perfectionem, virtutem, & efficaciam, conc. Omnia quoad substantiam, neg. Hic verò sermo est de Baptismo, quoad substantiam. Unde S. Tho. q. 66. a. 2. ad 1. ait: Baptismus etiam ante Passionem habebat efficaciam a Christi Passione, in quantum eam præfigurabat, aliter tamen, quam Sacramenta Veteris Legis. Nam illa erant figuræ tantum, Baptismus autem ab ipso Christo virtutem habebat justificandi, per cuius virtutem ipsa etiam Passio salutifera fuit. Hæc ibi. Baptismus ergo tunc significabat Passionem Christi in fieri, & exhibendam, sic tamen, ut actualia Christi merita jam operarentur in illo. Et ad 3. ibidē ait: Quod illa Christi verba ante Passionem ad Nicodemum dicta: Nisi quis renatus fuerit ex aqua, & Spiritu S. &c. magis videantur ad futurum respicere, quam ad præsens tempus. Quia solum fuit privatum cum Nicodemus colloquium, præceptum autem generale debet poni publicè. Vnde potest dici, quod fuerit Lex prolata, sed nondum promulgata.

**XLIX. Resp. 4.** Præceptum de Baptismo, seu obli-



obligatio, & necessitas utendi baptismo, fuit, hominibus indiffusa non ante, sed post Passionem, & Resurrectionem. Ita S. Thom. 2.2. cit. in c.

*Ratio*: Præceptum Baptismi non incepit prius, quam præceptum Moisaicum, & Circumcisionis cessavit: Sed hoc non cessavit ante Passionem, & Resurrectionem Christi. Ergo Min. prob. Christus Matth. 5. dixit: *Non veni solvere Legem, sed adimplere*: Sed Lex non fuit adæquatè impleta, nisi quando Christus in Cruce expiraturus dixit: *Consummatum est*. Tunc enim incepit Sacerdotium Christi, ut potè se ipsum in ara Crucis Patri offerentis consequenter & Sacerdotium vetus cum Lege transferentis. Ergo.

Nota, quòd *ly consummatum est*, comprehendat Passionem simul, & Resurrectionem, quia ambæ integrant unum totalem Redemptionis nostræ motum, qui duos habet terminos scilicet *agno*, qui est mors Christi, qua destructum fuit peccatum, & *ad quem*, qui est Resurrectio, vitam spirituale in æternum consummans, hinc Christus *ly consummatum est* retulit quidem ad mortem, non tamen præcindendo a Resurrectione. Et hoc volunt SS. PP. dicentes, baptismum fuisse institutum post Resurrectionem, loquentes de institutione completa, quoad obligationem. Nam aliud est instituire quoad substantiam, aliud quoad obligationem. secundum est actus Legislatoris, non primus quatenus tale.

*Oppono 1.* Si Baptismus ante Christi Passionem non fuit de præcepto; Ergo Circumcisio manet in præcepto, & Baptismus solum de consilio.

2. Baptismus est principii totius fidei Christi: Sed ante Passionem tenebantur Judæi in Christum credere, Ergo & baptizari.

3. Adveniente veritate, cessat figura. Sed Christus est veritas. Ergo figura, seu Lex vetus statim cessavit Christo nato.

4. Quid si in die mortis Christi, vel Sabbato sequenti aliquis infans complexisset diem octavum, fuissetne circumcidendus?

5. Christus Eucharistiam completè, & cum obligatione instituit ante Passionem. Ergo & Baptismus: quia per hunc homo ad illam ordinatur.

*Ad 1.* dico cum Gabrera, quòd Circumcisio in Veteri Lege duplicem habuerit finè. Primus est remissio peccati Originalis; secundum professio Legis Moisaicæ. Ad primum Circumcisio non fuit de præcepto, bene tamen ad secundum. Unde ad primum tam Circumcisio, quam Baptismus erant solum de consilio, & per utrumlibet horum mediourum poterat deleri Originale.

*Ad 2.* dist. maj. Fidei Christi jam susceptæ, seu protestatæ, sive obligantis, conc. secus, neg. Tenebantur ergo Judæi, & alii credere. Christi esse verum Messiam, sed fidem Christi suscipere, & profiteri nondum tenebantur, quia Christus id nondum præceperat. Immo Gentiles

tunc fuissent salvati confitendo Legem naturæ, vel Legem scriptam, seu Circumcisionem.

*Ad 3.* maj. est vera, si veritas sit in suo termino, & complemento, uti erat in Passione, & Resurrectione.

*Ad 4.* dicitur cum Nugno, quòd Pater, etsi potuisset, obligatus tamen non fuisset illum infantem circumcidere, sed potuisset baptizare statim, aut expedare usque post Resurrectionem.

*Ad 5.* ait S. D. infrà q. 73. a. 5. ad 4. Intentio respondet ordini intentionis, Sacramentum autem Eucharistiæ, quamvis sit posterius Baptismo in perceptione, est tamen prius in intentione, & ideo debuit prius institui. Subdit S. D. Vel potest dici, quòd Baptismus jam erat aliquantulum institutus in ipso Christi Baptismo. Unde & jam aliqui ipso Christi Baptismo erant baptizati, ut sequitur Joan. 3.

L. Lex Vetus fuit mortua, ejusque obligatio cessavit, & Lex Evangelicæ, ac præceptum Baptismi incepit, non in die Pentecostes, sed statim post Resurrectionem, quando Christus Matt. ult. Discipulis apparens, Legem Baptismi publicè promulgavit dicens. Data est mihi omnis potestas in cælo, & in terra. Euntes ergo docete omnes Gentes, baptizantes eos in nomine Patris, & Filii, & Spiritus sancti.

*Ratio* patet ex ipsis Christi verbis, ut potè præceptum continentibus. Dein per illud Christi *Consummatum est*, omnes antiquæ Legis figuræ sunt impletæ.

*Oppono 1.* Apostoli Legem Christi non proposuerunt populo usque ad Pentecosten. Ergo nec Lex Baptismi ante fuit promulgata.

2. Ipsi Apostoli post Resurrectionem servaverunt Circumcisionem, & quosdam alios ritus Veteris Legis: qua de causa Paulus reprehendit Petrum, circa Legalia nimis sollicitum, qui tamen ipse (nimirum Paulus) circumcidit Timotheum Act. 16. Ergo.

*Ad 1.* patet R. suprà Tract. 6. Exam. 5. n. 57. Not.

*Ad 2.* neg. maj. Nam licet post Resurrectionem Christi Lex Vetus fuerit mortua, non tamen erat statim mortifera, seu per sui vium inducens peccatum mortale; nec omnino inutilis, sed hominibus bona fide, & ex ignorantia eam observantibus, (nec essent destituti omni salutis remedio) proderat ad salutem, Deo (qui neminem vult perire) sic acceptante. Unde Legalia non inceperunt esse mortifera, nisi quadragesimo circiter post Christi mortem anno, & templo Ierosolymitano cum Republica Judaica a Romanis Imperatoribus everso. Vel paulò aliter dici potest, quòd ante Lex Vetus fuerit mortua apud scientes Legem Christi, non apud invincibiliter ignorantes.

S. August. & Angel. Doctor optimam observant-

vanitiæ Legalium pro tunc dant congruentiam. Quia sicut homines mortui aliquantulum servantur, ut honorificentius sepeliantur, ita Legalia ab antiquis præ observata, Apostoli (omnibus omnia facti, ut omnes salvos facerent) aliquando retinuerunt, tum ut mortua mater Synagoga sepeliretur cum honore, tum etiam, ne Judæi, qui paternas traditiones cum quadam æmulatione colebant, exasperarentur: tum tandem, ne Lex scripta, tam subito rejecta, putaretur fuisse ex se abominabilis, sicut est Idolorum cultus. S. Paulus autem S. Petrum reprehendit. Ideo quia in Legalibus præferebat Zelum quodammodo excessivum.

QUÆRO II. Quæ materia? quæ forma? quis Minister Baptismi?

LI. Resp. 1. Materia proxima, seu quæ immediate a forma, seu verbis informatur, est ablutio. Ita sentiunt omnes Christiani, potest tamen valide conferri Baptismus vel per immersionem, vel per asperersionem, vel per effusionem, vel per ablationem, ablutio autem nunc est in consuetudine Ecclesiæ, quæ servanda est, ubi fieri potest: trina ablutio, vel immersio non est de necessitate.

Resp. 2. Si quis intendat alterum occidere submergendo eum in aqua, & simul baptizare, eaque intentione eum proiciat in flumen, vel puteum, verè baptizat.

Ratio: Quia adest debita materia, forma, & intentio ministri, quæ non annullantur per intentionem occidendi. Nec de necessitate Baptismi per immersionem collati est emerisio. Si verò puer è manibus tuis casu decideret in fontem, & proferes formam, non esset baptizatus defectu intentionis.

Resp. 3. Materia remota Baptismi est sola aqua elementaris, unde Baptismus potest fieri valide in qualibet tali aqua, qualitercunque transmutata, modo non solvatur species aquæ, secus si species aquæ solvatur. Ita docet S. Th. a. 3. & 4.

Ratio: Quia Christus sic instituit. Notatamen, quod extra necessitatem huius peccato mortali adhibenda est aqua de fonte sacro, & benedicto.

Resp. 4. Forma baptismi est hæc: Ego te baptizo in nomine Patris, & Filii, & Spiritus S. In quocunque idiomate proferatur. Servanda tamen est consuetudo Ecclesiæ propolabili.

Nota hic, inter Propositiones ab Alexandro VIII. damnatas n. 27. etiam esse istam. Valuit aliquando baptismus sub hac forma collatus. In nomine Patris, &c. prætermisiss illis, Ego te baptizo.

Not. quòd de essentia huius formæ sit, ut exprimitur actus baptizandi, persona baptizanda per ly Te, Vos, vel Dominationem vestram, & directè res personæ divinæ, ut pa-

tet ex verbis Christi Matth. ult. Non tamen est de necessitate, ut exprimat personam Ministri. Nam Græci validè baptizant sub hac forma: Baptizetur servus Christi in nomine, &c.

Hic revidendum est ex præcedentibus, qualis requiratur intentio in ministro, quæ in eodem dispositio animæ. Quæ mutatio eorum annullat Sacramentum. De Baptismi initerabilitate. Quæ requiratur similitudo materiæ, & formæ. De qua sciendum, quòd tutior modus baptizandi sit, ut baptizans prius incipiat abluere, & sic formam proferendo prosequatur ablationem, aqua non desiliat, nisi forma finita. Breviter dico, Ablutio debet esse ante, & post formam.

LII. Resp. 5. Baptizare est proprium officium Presbyterorum, & quidem eorum, qui sint proprii Parochi, & habent potestatem jurisdictionis in baptizandum, eorumque Vicarii. Ita statuitur in Jure, & docetur a S. Thom. q. 67. a. 2. Diaconus (ut ex formula Ordinationis ejus patet) ex proprio suo officio, & vi consecrationis suæ habet potestatem baptizandi ex commissione Episcopi, vel Presbyteri.

Resp. 6. Hæc doctrina intelligitur de ministro solemnitate, & baptismi solemnitate. Nam minister necessitatis est quilibet homo, non solum Clericus, sed & Laicus, immò Paganus, & mulier, ut patet ex S. Thom. a. 3. 4. & 5. modo adhibeant debitam materiam, formam, & intentionem faciendi, quòd facit vera Ecclesia, vel quòd Christus in Sacramentis instituit.

Ratio: Cum hoc Sacramentum sit maximæ necessitatis, conveniens erat, ut haberet Ministrum valde communem, & obvium, maxime in articulo necessitatis.

Resp. 7. Occurrente necessitate inter Ministros servandus est ordo.

Declarat hoc S. D. a. 4. in c. dicens: Quia caput mulieris est vir, & caput viri est Christus. 1. Cor. 11. non debet mulier baptizare, si ad sit copia viri, sicut nec Laicus præsentem Clerico, nec Clericus præsentem Sacerdote, qui tamen potest baptizare præsentem Episcopo, eo quòd hoc pertinet ad Officium Sacerdotis. Ergo.

Nota, Posse interdum esse expediens, ut mulier de modo baptizandi instructa v.g. obstetrix baptizet præsentem viro sæculari ignaro, immò interdum etiam præsentem Parochio propter decentiam, ut si factus non possit integer ex utero matris educi. Cum proinde frequenter contingat, pueros in necessitate exilientes ab obstetricibus baptizari, probabilius, & tutius est, eas sub mortali teneri discere, & bene callere formam, & materiam baptizandi cum debita intentione. Cui rei ipsi etiam Parochi, eorumque Cooperatores invigilare tenentur.

Resp. 8. An, & quomodo plures possint simul



mul unum baptizare, explicat S.Th.a.6.in c. dicens : Casu, quo contentiosè uterque aliquem baptizare conaretur, manifestum est, quòd ille, qui priùs verba proferret, daret Baptismi Sacramentum, alius verò nihil faceret, & si verba pronuciare præsumeret, esset puniendus tanquam rebaptizator. Si autem omnino simul ambo verba proferrent, & hominem immergerent, aut aspergerent, essent puniendi de inordinato modo baptizandi, & non de iteratione Baptismi; Quia uterque intenderet non baptizatum baptizare, & uterque, quantum est de se, baptizaret; Nec traderent aliud, & aliud Sacramentum, sed Christus, qui est unus interius baptizans, unum Sacramentum per utrumque conferret. Hæc ibi. Agenter enim tanquam materialiter plura instrumenta in virtute unius causæ principalis, scilicet Dei.

LIII. *Quid sentis de Christo, an ipse per se aliquos baptizaverit?*

*Ad hoc dico* cum S.Thom.infrà q.84.art.7.ad 4.ubi ait: Christus non est usus Baptismo, quem ipse instituit, sed est baptizatus baptismo Joannis. Sed nec etiam adivè usus est suo ministerio, quia ipse non baptizabat communiter, sed discipuli ejus, ut dicitur Joan.4. Quamvis credendum sit, quòd Discipulos suos baptizaverit, ut S.August. dicit ad Celeucianum. Hæc ibi. Ut i suam charissimam Matrem.

LIV. *Quid faciet Sacerdos simul vocatus ad baptizandum infantem, & absolvendum adultum, quorum alteruter (qui alteri præponitur) certò morietur sine Sacramento?*

*Dico*: Curet, ut infans baptizetur per sæcularem, ipse verò succurrat moribundo adulto.

*Sed si nemo est, qui videatur posse rectè baptizare?*

*Dico*, quòd Sacerdos in eo casu debeat infantem præferre.

*Ratio*: Quia iuxta S.Thom.infrà q.83.art.6. occurrente difficultate semper arripiendum est illud, quod habet minus de periculo: Sed adultus (cum per contritionem, & Sacramenti votum salvari possit) est in minori periculo, quam parvulus, quia hic certò peribit, nisi baptizetur. Ergo.

QUÆRO III. Quanta est necessitas Baptismi?

Lv. *Resp.* 1. Omnes homines sub periculo dispendii æternæ Salutis tenentur suscipere Baptismum, licet sint in utero sanctificati.

1. *Pars* ex illo Christi, Nisi quis renatus fuerit ex aqua, &c.

2. *Pars* docetur, & probatur a S.Thoma hic q.68.a.1.ad 3. dicente: Illi, qui sunt sanctificati in utero, consequuntur quidem gratiam emundantem a peccato Originali, non tamen ex hoc ipso consequuntur charactèrem, quo Christo configurantur. Et propter hoc necesse est, eos baptizari, ut per susceptionem Cha-

*Tribunal Consecrationum.*

acteris aliis membris Christi conformentur.

*Oppono*: Parentes baptizati non habent peccatum Originale, cum sint ab eo mundati. Ergo saltem filii parentum baptizatorum non sunt necessariò baptizandi; quia illud a parentibus, eo carentibus, contrahere non poterunt.

Hoc S.D. solvit hic q.68.a.1.ad 2. remittens se ad 1.2 q.81.a.3.ad 2.ubi ait: Peccatum Originale per Baptismum aufertur reatu, inquantum anima recuperat gratiam quantum ad mentem, remanet tamen peccatum Originale actu quantum ad fomitem, qui est inordinatio partium inferiorum animæ, & ipsius corporis, secundum quod homo generat, & non secundum mentem. Et ideo baptizati traducunt peccatum Originale. Non enim Parentes generant inquantum sunt renovati per Baptismum, sed inquantum retinent adhuc aliquid de vetustate primi peccati. Hæc ibi.

*Resp.* 2. De facto, & secundum ordinariam Dei Legem extra casum Martyrii Baptismus in re susceptus est parvulis simpliciter ad salutem necessarius, ita ut non sufficiat votum Baptismi a Parentibus, vel aliis conceptum, cum aliqua benedictione prolis, aut oblatione ejus ad Deum cum invocatione SS. Trinitatis velut cum signo protestativo Fidei in Christum.

Ita patet ex generali voluntate Christi Joan. 3. Nisi quis renatus fuerit, &c. super quæ verba S.Ambros. ait: Utique nullum excipit, non infantem, non aliqua præventum necessitate. Idem clarè docet S.August. l.3. de orig. animæ c.3. qui etiam in Epist. 105. & 57. Baptismum in voto parentum excludit dicens, referendum esse ad occulta Dei judicia, quòd parvulorum alius ad Baptismum perveniat, & salvetur; alius verò non perveniat, & damnetur: quamvis Parentes Baptismum exoptent, & hunc, quantum est ex se, procurent.

*Ratio*: Dictum signum externum protestativum Fidei fuit remedium Legis naturæ, & scriptæ. Ergo Lex gratiæ illud abrogavit.

LVI. *Oppono* 1. Pueri de factò dicuntur baptizari in fide parentum. Ergo.

2. Communiter dicitur, quòd propter jus paternum voluntas parentum sit voluntas filiorum.

3. Aliàs non salvatur illud Apostoli: Deus vult omnes homines salvos fieri, quia non daret omnibus media sufficientia ad salutem.

*Ad* 1. R. sensum esse, non quòd pueri verè credant, sed quia per aliorum fidem ad Baptismum offeruntur, & per Baptismum eis cum gratia infunditur habitus Fidei.

*Ad* 2. R. intelligi in foro fori de iis, quæ pater facit pro filio nondum emancipato, non verò de iis, quæ concernunt salutem animæ.

*Ad* 3. R. cum Thomisii ex Tract. de Prædestinatione, ly *dare* dupliciter posse sumi. 1.

H h

Prout

Prout est correlativum ad recipere, designatq; intrinsecam divinorum auxiliorum receptionem, & applicationem. 2. Prout idem est, ac præparare, & in communi offerre, seu paratum esse, quantum est ex parte sua, eadem conferre. Primo modo Deus non dat omnibus reprobis media, seu auxilia ad salutem sufficientia, sed in poenam peccati mortales, vel actualis, vel Originalis, ea multis denegantur, ut probatur in tract. de prædestinatione, & docet S. August. Epist. 107. ad Vitalem contra Pelag. dicens: Scimus, gratiam Dei non omnibus hominibus dari, scimus, eis, quibus datur, misericordia Dei gratuita dari: scimus, eis, quibus non datur, iusto Dei iudicio non dari. Hæc ille. Si verò ly dare 2. modo sumatur, Deus omnibus reprobis tam parvulis, quam adultis dat media, & auxilia ad salutem sufficientia, alias enim Deus non haberet sinceram voluntatem salvandi omnes homines. Vide Tr. 7. de fide, Exam. 1. Q. 2. n. 31. ad Oppono 1.

Multa contra hæc obijci possent, quæ tamen habent propriam sedem in tract. de prædest. & tractatur a Gonet disp. 1. a. 5. & 6. Videatur specialiter art. 6. §. 2. object. 2.

Plura argumenta, quæ possunt opponi, solum probant de absoluta Dei potentia, seu Deum potuisse ita instituire.

LVII. Quid ut Minister ageres, si infans periclitaretur in pelle secundina? qua non potest exui.

Dico: Baptizare, & baptizaretur validè.

Ratio est: Quia illa pellis protuuc pertinet ad infansem, ut pars ejus.

Quid si sine periculo non possit expectari perfecta natiuitas pueri?

Dico: Debet baptizari in quacunque, etiam minima parte corporis, quæ prominet, ut sunt manus, pes, digitus, &c. modò sit moraliter sensibilis.

Ratio: Quia perejus ablutionem homo dicitur ablutus, tinctus, aspersus, sicut ex minimo vulnere homo dicitur vulneratus, ex minima macula maculatus, quæ sunt denominationes extrinsecæ. Nec obstat, quòd ex minimo colore, vel albedine subiectum non dicatur calidum, vel album. Quia hæc sunt formæ accidentales inherentes.

Porrò extra casum necessitatis semper abluenda est corporis pars magis principalis, nimirum caput, in quo vigent omnes sensus, & a cuius ablutione indubitatè dicitur homo ablutus. Ita colligitur ex S. Th. q. 68. a. 11. ad 4.

LVIII. Quid si puer adhuc sit in utero, & periclitetur, obstetrix verò possit manu ad intus eum attingere, & abluere?

Dico cum S. Th. q. 68. a. 11. ad 1. Non posse baptizari, probabilius est. Quia ut quis baptizetur, requiritur, ut sit natus, debet enim per Baptismum renasci. Sed talis puer nō est natus. Ergo

Non tamen coudemnarem illam obstetricem, si sub conditione illum puerum in ea necessitate baptizaret. Oppositum nostræ resolutionis tenent aliqui DD. qui natiuitatem sufficere dicunt illam, qua quis de non homine sit homo; sed malè.

Quid si mater non possit prolem edere?

Dico: Non debet scindi, ut puer extrahatur, & baptizetur. Si prægnans moriatur, & puer vivat, non debet sepeliri, donec extrahatur puer per sectionem matris. Si mater sit damnata ad mortem, executio sententiæ est differenda usque ad partum.

Quid faciet Minister, si ei pro Baptismo offeratur monstrum?

Dico: Si iudicet esse duas animas rationales, eo quòd habeat duo capita, & pectora, debet speciatim baptizare unum post aliud. Si id non possit discerni (ait noster Lublin) prius baptizetur unus determinatè, postea alius sub conditione, nimirum, Si non es baptizatus, Ego te baptizo in nomine, &c.

QUÆRO IV. Quis est effectus Baptismi?

LIX. Resp. Constat ex sæpè dictis, quòd effectus ejus primarius sit gratia prima sanctificans, regenerativa, seu delens peccatum Originale, cui effectui per se adjungitur remissio omnis poenæ peccatis debitæ, quæ remissio etiam datur, nisi ex parte subiecti sit obex, v.g. affectus peccati, etiam solum venialis v. gr. in adulto. Effectus verò secundarius est Character, & facere hominem Christianum. Vide supra hic Exam. 2. & 3. Vide etiam Tr. 5. Exam. §. nom. 11.

LX. Quid est esse Christianum? & quod signum Christiani?

Dico 1. Est esse hominem baptizatum, & propterea fidem Christi. De hoc S. Th. 2. 2. q. 124. a. 5. ad 1. sic ait: Christianus dicitur, qui est Christi; dicitur autem aliquis esse Christi, non solum ex eo, quòd habet fidem Christi, sed etiam ex eo, quòd spiritu Christi ad opera virtuosus procedit, secundum illud ad Rom. 8. Si quis spiritum Christi non habet, hic non est ejus.

Nota tamen, non esse idem, esse Christianum, & esse Catholicum. Quia Catholicus est, qui Sacramento Baptismi initiatus in Ecclesia Dei proficitur veram doctrinam Christi; si verò sit baptizatus, & teneat sectam, vel opiniones ab Ecclesia universali, seu Catholica, nimirum Romana alienas, est quidem Christianus, non tamen est Catholicus. Hinc Hæretici sunt quidem Christiani, sed non sunt Catholici. Omnis ergo Catholicus est Christianus, non verò è contra.

Dico 2. Signum Christiani est signum sanctæ Crucis. Ita tenet totus Christianismus.

LXI. Quare ad formandam Crucem adhibetur dextra? cur interdum tres, interdum 5. digiti?

Dico

*Dico 1.* Dextra adhibetur idè, quia dignum est, ut ad Dei servitium adhibeantur digniora membra : Sed dextera est dignior, quàm sinistra. Ergo.

*Dico 2.* Tres digiti significant confessionem Trinitatis, personarum in unitate naturæ, quinque digiti cultum Vulnerum Christi.

*Cur in cruce majori tangendo frontem nominamus Patrem; & Filium, tangendo pectus; Spiritum sanctum, tangendo utrumque humerum?*

*Dico,* idè, ut significetur, Patrem dici rerum omnium principium, sicut a capite procedit vita in alia corporis membra : & Filium ab æterno procedere ex corde, seu intellectu Patris, ac in tempore in utero Virginis esse conceptum : tandem Spiritum sanctum veluti amorem divinum ab utroque procedere velut ab uno principio.

Similiter formando pollice crucem parvam, signamus primò frontem, tanquam verecundiæ sedem, ut verecundemur pro Christo ignominiam pati : Deinde os, & cor, ut utrumque cruce velut signaculo muniatur, ne ex eo quid procedat contra Deum, aut proximum. Porro tangendo frontem, nominamus *Patrem* ob rationem ante datam. Tangendo os, nominamus *Filium*, ad significandum, quòd is ex ore Patris procedat. Tangendo, seu crucem formando super pectus, seu cor, nominamus *Spiritum sanctum*, quia cor est sedes amoris, & Spiritus sanctus est amor divinus.

*Quare in Cruce dicitur in nomine, non in nominibus, cum sint tres personæ?*

*Dico:* Ut significetur trium Personarum unitas in eadem natura.

**QUÆRO V.** Licetne infidelium pueros baptizare invitis parentibus? Et quid sentis de Baptismo furiosorum, & amentium, aut dormientium?

*LXII. Resp. 1.* ad 1. partem negativè, etiam de publica auctoritate, si sermo sit de infanti- bus infidelium parentum, qui Principi Christiano subiecti sunt solum civiliter, & politice, & non sunt vera eorum mancipia.

*Declarat hoc S. D. hic qu. 68. a. 10. in c. dicens: Pueri infidelium filii, aut habent usum rationis, aut non habent. Si habent, jam quantum ad ea, quæ sunt juris divini, vel naturalis, incipiunt sua potestatis esse. Et idè propria voluntate invitis parentibus possunt Baptismum suscipere, sicut & Matrimonium contrahere. Et idè tales licet dormi possunt, & induci ad suscipiendum Baptismum. Si verò nondum habent usum liberi arbitrii, secundum jus naturale sunt sub cura parentum, quamdiu ipsi sibi providere non possunt, unde etiam de pueris antiquorum dicitur, quòd salvabantur in fide parentum. Et idè contra iustitiam naturalem esset, si tales pueri invitis parentibus baptizarentur; sicut etiam si aliquis habens usum*

*rationis baptizaretur invitus. Effet etiam periculosum, salter filios infidelium baptizare: quia de facili ad infidelitatem redirent propter naturalem effectum ad parentes. Et idè non habet hoc Ecclesia consuetudo, quòd filii infidelium invitis parentibus baptizentur. Hæc ibi S. D. Et ad 3. ait: Homo ordinatur ad Deum per rationem, per quam Deum cognoscere potest. Unde puer, antequam usum rationis habeat, naturali ordine ordinatur in Deum per rationem parentum, quorum cura naturaliter subjacet, & secundum eorum dispositionem sunt circa ipsum divina agenda. Hæc S. Thomas.*

*Dixi, qui sunt Principi Christiano solum civiliter subiecti.* Si enim parentes ei subiiciantur propriè serviliter, de potestate, & ut mancipia, nimirum jure belli, vel emptiois, &c. tunc Baptismus illorum infantum non solum est validus (quod & prima pars supponit) sed & licitus. Quia tunc Parentibus nulla fit injuria; sicut enim Domini eorum filios licitè possunt vendere aliis, vel donare, ita & Ecclesiæ jurisdictioni subiicere. Ex quo fit, quòd etsi jus domini in servum, & mancipium directè, & per se non importet facultatem disponendi circa supernaturalia, bene tamen indirectè.

*LXIII. Resp. 2.* De furiosis, & amentibus pulchrè rem totam explicat S. D. qu. 68. a. 12. in c. dicens: Circa amentes, & furiosos est distinguendum; quidam enim sunt a nativitate tales, nulla habentes lucida intervalla; in quibus etiam nullus usus rationis apparet; Et de talibus, quantum ad baptismi misconceptionem, videtur esse idem judicium, & de pueris, qui baptizantur in fide Ecclesiæ, ut suprà dictum est: alii verò sunt amentes, qui ex sana mente, quam habuerunt priùs, in amentiam inciderunt. Et tales sunt judicandi secundum voluntatem, quam habuerunt, dum sanæ mentis existerent. Et idè si tunc apparuit in eis voluntas suscipiendi Baptismum, debet eis exhiberi in furore, & amentia constituti, etiam si tunc actu contradicant: alioquin si nulla voluntas suscipiendi baptismum in eis apparuit, dum sanæ mentis essent, non sunt baptizandi. Quidam verò sunt, qui etsi a nativitate fuerint furiosi, vel amentes, habent tamen aliquæ lucida intervalla, in quibus recta ratione uti possunt. Unde si tunc baptizari voluerint, baptizari possunt etiam in amentia constituti. Et debet eis tunc Sacramentum conferri, si periculum timeatur: alioquin melius est, ut tempus expectetur, in quo sint sanæ mentis, ad hoc, quòd devotius suscipiant Sacramentum. Si autem tempore lucidi intervalli non appareat in eis voluntas suscipiendi Baptismum, baptizari non debent in amentia constituti. Quidam verò sunt, qui etsi non omninò sanæ mentis exsistant, intantum tamen ratione utuntur, quod possint de sua salute cogitare, & intelli-

gere Sacramenti virtutem. Et de talibus idem est iudicium, sicut de his, qui sanæ mentis existunt, qui baptizantur volentes, non autem inviti. Hæc S. Thom.

In R. ad 2. S. D. dat differentiam respectu Baptismi inter bruta, & fariosos, ac amentes dicens: Quod hic careant ulu rationis per accidens, scilicet propter aliquod impedimentum organi corporalis, non autem propter defectum animæ rationalis, sicut bruta. Unde non est de his similis ratio.

LXIV. Resp. 3. De dormientibus S. Tho. ibidem in R. ad 3. sic inquit: Dormientes non sunt baptizandi, nisi periculum mortis imminet, in quo casu baptizari debent, si prius in eis voluntas apparuit suscipiendi Baptismum, sicut & de amentibus dictum est. Sicut August. narrat in 4. lib. Confess. de amico suo, qui baptizatus erat nesciens, propter periculum mortis.

Quæri hic posset, quæ intentio requiratur in suscipiente, sed de hoc constat ex dictis supra in hoc Tract. Exam. 4. n. 36. Uti & quæ dispositio, an attritio, vel contritio requiratur in adulto baptizari volente, patet ex dictis ibid. Exam. 3. n. 21. & seqq. Quibus adde, certum esse, quod talis non teneatur confiteri peccata actualia ante Baptismum commissa, nec possit ab iis absolvi ante Baptismum: Tum quia Baptismus est janua omnium Sacramentorum, adeoque & Pœnitentiæ. Tum etiam, quia sunt commissa ab homine jurisdictioni Ecclesiæ nondum subiecto. Verumtamen adulti ante Baptismum diligenter sunt catechizandi.

QUÆRO VI. Quid sentis de loco, & tempore Baptismi, de nomine imponendo, & de Patrinis?

LXV. Resp. 1. De loco Baptismi Clementina de Baptismo sic statuit: Præsentem prohibemus edicto, ne quis de cætero in aulis, vel cameris, vel aliis privatis domibus, sed duntaxat in Ecclesiis, in quibus sunt fontes ad hoc specialiter deputati, aliquos, nisi Regum, vel Principum, quibus valeat hoc in casu deferri, liberi extiterint, aut talis necessitas emerferit, propter quam nequeat ad Ecclesiam absque periculo propter hoc accessus haberi, audeat baptizare. Qui autem secus præsumperit, aut suam in hoc præsentiam exhibuerit, taliter per suum Episcopum castigetur, quod alii similia attentare non præsumant. Hæc ibi.

Ex quibus patet, quod Baptismus per se loquendo debeat administrari in Ecclesia, in qua est Baptisterium, & absque necessitate, & privilegio extra eam baptizare sit peccatum mortale. In quibusdam locis idem privilegium prætendunt alii passim Nobiles, ac Domicelli, qui mos merito ab Episcopis est reformandus, cum enim Clementina, nec ipsi Episcopis permittat, ut extra Ecclesiam baptizent, nec ipsi facultatem habent id pro libitu concedendi,

Excusat tamen ad privatum Baptismum necessitas (ut patet ex Clementina) quæ non necessarii debet esse extrema, sed sufficit probabile periculum, dubium, vel prudens timor, ne infans moriatur ante Baptismum, nisi privatim baptizetur; vel negraverit infirmetur. Quia præcepta Ecclesiæ non obligant cum tanto damno.

Necessitati æquiparatur casus, quo infans non posset ad Ecclesiam portari sine periculo infamiæ, vel vitæ parentum, v. g. si nobilis puella deflorata peperisset occultè.

Dixi, prudens timor, id est, non levis, immò in quibusdam Diocesisibus in hyeme, dum est frigus valde intensum, Parochi sine scrupulo domi baptizant.

Resp. 2. Si puer domi baptizetur, baptizandus simul est cum conluctis cæremoniis, quas separare, vel in aliud tempus differre est grave peccatum.

Ratio: Quia dispensatio solum datur quoad locum, non quoad separationem rituum a Baptismo, nisi forte in casu quodam raro fuerit petita, & data propter adventantes illustres Patrimonos, in quo tamen casu melius esset, etiam ipsum Baptismum ad aliquot dies differre, si nimirum infans non periclitetur.

Nota, quod si ob causam necessitatis cæremoniæ in privato Baptismo fuerint omisæ, sint postea in Ecclesia, etiam cum exorcismis supplendæ, maxime quia compertum est, pueros sine iis baptizatos magis infestari a demonibus.

LXVI. Resp. 3. In primitiva Ecclesia Baptismus solum conferebatur in festis Paschæ, & Pentecostes. Nunc autem generalis consuetudo obtinet, ut puerorum Baptisma non differatur, & hoc propter periculum, quia non potest eis alio remedio subveniri. Adulti verò prius instruendi sunt, & probandi utrum eorum spiritus sit a Deo, & ne fictè accedendo Ecclesiam decipiant, præsertim cum salvari possint per Baptismi desiderium, seu per Baptismum flaminis, si ante decedant. Hoc fuscè explicat S. D. hic q. 68. a. 3. in c.

LXVII. Resp. 4. Inconveniens est, ut baptizando imponatur nomen ab aliquo Gentili desumptum. Hinc Parochio, Parentibus, & Patrinis incumbit curare, ut ei imponatur nomen alicuius Sancti, vel Veteris Testamenti, v. g. Abraham, Eliæ, Danielis, &c. vel novi. Non tamen est peccatum imponere nomen hominis, quem Ecclesia nondum canonizavit.

LXVIII. Resp. 5. In Baptismo debet adhiberi aliqua, vel aliquis, qui baptizando moveat de sacro Fonte, exinde dictus Patrinus, vel Matrina.

Ratio est, quam dat S. D. hic q. 67. art. 7. in c. & ad 2. Spirituali regeneratione, quæ fit per Baptismum, assimilatur quodammodo generationi carnali. Unde r. Petri 2. dicitur: Sicut modo geniti infantes rationabile sine dolo laque-

*concupiscite*: Sed in generatione carnali, licet ex necessitate non requiratur, nisi Pater, & Mater, attamen ad facilem partum, & convenientem pueri educationem, requiritur obstertrix, auxilium, & Pædagogus. Ergo etiam in generatione spiritali requiritur aliquis, qui fungatur vice nutricis, & Pædagogi, inltruendo baptizatum, quasi novitum, in his, quæ pertinent ad finem, & vitam Christianam: Sed talis est Patrinus, vel Matrinx: Ergo talis debet adhiberi. Et quidem non solum in Baptismo infantis, sed etiam adulti, non enim adhibetur propter imbecillitatem corporalem, sed spiritualement, ut ait S. Tho. ibidem ad 3.

Nota, quod hæc obligatio inltruendi cessat in illis locis, ubi pueri sufficienter inltruuntur a Parentibus, Parochis, aliisque Magistris spiritualibus, Prædicatoribus, &c. sed si hi deficiunt, currit obligatio Patrini.

*Resp. 6.* Si in periculo mortis pueri, Baptismus administretur sine Patrino, nullum est peccatum. Porro Trid. Sess. 24. c. 3. circa patrinos statuit, ut unus tantum, siue vir, siue mulier, vel ad summum unus, & unus baptizatum de Baptismo suscipiant, mandat deinde Parocho, ut eorum nomina in libro describat, doceatque eos, quam contraxerint cognitionem. De qua infra in tract. de Matrim. de Cognatione. Ne ignorantia excusari valeant. Subdit: Si alii ultra designatos baptizatum tetigerint, cognitionem spiritualement nullo modo contrahant.

Ex quibus patet, quod non possint esse duo Patrini unus flexus. Et si plures, quam unus, & una, adhibeantur, ut in quibusdam locis pauperes faciunt, ut si ipse lucretur) reliqui solum debent assistere, sed infantem non levare, nec eorum nomina libro inscribi.

*Resp. 7.* Excluditur a munere Patrini. 1. Qui non est baptizatus: 2. Criminosus, ac publicè infamis. 3. Monachi, & Abbates. Circa Abbates tamen in quibusdam locis contrarium prædicatur. 4. Tutius, & probabilius est, quod Catholicis non liceat ullatenus adhibere Patrinos hereticos, tum ratione scâdali, tum etiam, quia esset quasi protestatio falsæ Religionis: quia indubiè non nisi de sua fide sponsuri sunt. Si se offerat casus aliquis extraordinarius, in quo id videatur conveniens, consultum inlstituto sententiæ Laymanni, viderint illi, & iudicent (quorum interest causæ rationabilitatem. In locis mixtæ Religionis, v.g. in Germania, facilius excusatur Catholicus, si agat Patrinum prolis parentum A Catholicorum baptizante Prædicatio, protestans quod infantem suscipiat juxta morem Ecclesiæ Romanæ. Quia in hoc casu minus malum timeatur, immò sperari potest majus bonum circa prolem, casu, quo illa Parentibus destitueretur. In his omnibus pro circumspectantiis loci, temporis, & Personarum requiritur prudens iudicium, & im-

*Tribunal Confessoriorum.*

possibile est, unam certam pro omni casu statuere Regulam.

**QUÆRO VII.** Debetne rebaptizari proles in necessitate baptizata ab obstertrice? 2. Vel extra necessitatem ab hæretico ministro? 3. Vel exposita ad portam Ecclesiæ, aut Hospitalis? 4. Vel etiam adultus Hæreticus ad fidem Catholicam conversus in nomine solius Christi baptizatus?

*LXIX. Resp. Ad 1.* Si per testes constat, obstertricem omnia externa rectè adhibuisse, proles non est rebaptizanda; si hoc non constat, rebaptizanda est sub conditione.

*Ratio:* Quia non habetur moralis certitudo de valore Baptismi: facile enim mulier in tali casu ex ignorantia, vel muliebri turbatione defectum committere potest. Secus est, si id per testes constat.

*Ad 2. & 3.* Patet R. de consecratione dist. 3. cap. *provera*, ubi dicitur: *Quid de Hæreticis consentitur se baptizatos solummodo in nomine Domini, sine dubitatione ad Catholicam fidem venientes in nomine Trinitatis baptizabis; si vero in nomine Trinitatis fuerint baptizati, sola reconciliatio onis gratia impensa, a Catholica fidei sociabis. Subsumo:* Sed Hæretici defuncti baptizant in nomine SS. Trinitatis. Ergo ab iis baptizati non sunt etiam sub conditione rebaptizandi, nisi occurrant aliunde motiva dubitandi. Recolligantur hic dicta supra Exam. 4. n. 33. & 35.

*Ad 3.* Si tales tenelli pueri non habeant appensam sibi schedulam collati Baptismi testè, certum est debere baptizari sub conditione.

*Ratio est:* Quia non adest moralis certitudo de Baptismo. Et in dubio semper inclinandum est in favorem baptizandi, ne salus ejus periclitetur, ob quam eandem rationem sub conditione sunt rebaptizandi, si præter illam schedulam nullo alio modo possit haberi certitudo, quia illa scheda non facit certitudinem etiam moralem, cum non sciatur, a quo sit appensa, vel quo modo baptismus collatus, vel a quo, an obstertrice, de qua antè.

*Dixi, sub conditione;* quia eam apponendo occurrente necessitate, & casu dubio, videtur non irrogari irreverentia Sacramento. Unde S. Th. hic q. 66. a. 9. ad 4. ait: *De quibus dubium est, an baptizati fuerint, baptizentur his verbis præmissis: Si baptizatus es, ego non te baptizo, sed si nondum baptizatus es, ego te baptizo in nomine, &c. Non enim videtur iterari, quod nescitur esse factum.*

**QUÆRO VIII.** Quid sentis de matris ex illicito concubitu parentis obligatione ad nominandum patrem, a Parocho baptizatur interrogata?

*LXX. Ante R. Nota.* Quod Parochus ob graviam incommoda, quæ aliàs oriri possunt, teneatur sub gravi obligatione in speciali libro annotare omnium baptizatorum, eorum Paren-

Hh 3 tum,

tum, ac Patrinorum nomina, & cognomina, annum, mensem, ac diem Baptismi, adeoque Parochus habet jus interrogandi Puerperam de Patre. Hoc notato

*Resp. 1.* Si supinator sit occultus, cui ex nominatione sui immineret grande damnum in fama, & honore, non potest Puerpera eum nominare, sed debet ejus famam parcere, eumque reticere, quantum sine peccato potest: nec Parochus propter hoc potest propria auctoritate puero denegare Baptismum, nec puerperam ad nominandum angariare.

*Ratio:* Quia nemo audeat occultum alterius crimen, proximo, aut bono communi non nocivum proderere, nec ad proendum inducere: præsertim, quia possit esse concubitus adulterinus, sacrilegus, incestuosus, ratione cujus possit infligi poena capitalis, vel relegationis.

*Resp. 2.* An illa puerpera in eo casu possit uti æquivocatione, & restrictione mentali, colligi potest ex dictis suprà Tract. 10. Exam. 4. ou. 60. & seqq.

*Resp. 3.* Si Parochus jussu Magistratus Ecclesiastici denegat Baptismum puero (aliunde de vita non periclitanti) nisi edat nomen Patris, non peccat.

*Ratio:* Quia Episcopus loci propter nimiam copiam prolium fornicariarum, & difficilem earum sustentationem potest habere causam rationabilem ita statuendi.

*Resp. 4.* Si mulier alium innocentem nominet esse Patrem proli, cui ex illa nominatione immineret grave malum in honore, vel fama, peccat mortaliter, & tenetur ad restitutionem.

*Ratio:* Quia esset vera causadamni. Excipitur tamen, nisi ille rogatus consentiat, ut alterius dignioris fama illæsa permaneat.

*Resp. 5.* Non bene facit Parochi, qui ex sola matris nominatione, marem (sepatrem esse negantem) libro baptismali inscribunt absolute. Unde in eo casu debent inscribere cum clausula, v.gr. Natus est patre NN. ut mater ait.

*Resp. 6.* Sola nominatio puerperæ non facit plenam, immò nec semiplenam fidem in Judicio, quod hic sit pater proli; hinc plura adminicula sunt necessaria.

*Ratio:* Quia experientia testatur, quod mulierculæ fingant alios Patres.

*Resp. 7.* An pater a muliercula nominatus Judici interroganti teneatur fateri se esse Patrem, colligi potest ex dictis suprà Tr. 9. Exam. 5. n. 50. & 51.

**QUÆRO IX.** Quotplex est Baptismus?

**LXXI.** *Resp. 1.* Triplex est Baptismus, scilicet Fluminis, seu aquæ, Flaminis, & Sanguinis.

*Declarat hoc S.D. hic qu. 66. art. 11. dicens: Baptismus aqua efficaciam habet a Passione Christi, cui aliquis configuratur per Baptismum, & ul-*

*terius, ut a prima causa a Spiritu S. Licet autem effectus dependeat a prima causa, causa tamen superexcedit effectum, nec dependet ab effectu. Et ideo præter Baptismum aqua potest aliquis consequi Sacramenti effectum ex Passione Christi, inquantum quis ei conformatur pro Christo patiendo. Unde Apoc. 7. Hi sunt, qui, &c. & laverunt stolas suas in sanguine agni. Et hic est Baptismus Sanguinis, seu martyrium. Eadem ratione aliquis per virtutem Spiritus sancti consequitur effectum Baptismi, non solum sine Baptismo aqua, sed etiam sine Baptismo Sanguinis, inquantum alienius cor per Spiritum S. movetur ad credendum, & diligendum Deum, & penitendum de peccatis; Unde etiam dicitur Baptismus penitentia. Et hic est Baptismus fluminis, seu desiderium, vel votum Baptismi cum vera contritione, & dilectione Dei super omnia.*

*Resp. 2.* Duo illa Baptismata Flaminis, & Sanguinis, non sunt Sacramenta, nec imprimunt characterem.

*Ratio:* Quia, ut arguit S. Th. cit. art. 11. ad 2. Sacramentum habet rationem signi: Sed illa duo cum Baptismo aquæ non conveniunt quantum ad rationem signi (quia non habent institutionem a Christo (sed solum quantum ad effectum Baptismi. Ergo non sunt Sacramenta.

*Resp. 3.* Baptismus flaminis supplet Baptismum fluminis ex opere operantis tollendo peccata, dando gratiam sanctificantem, & remittendo poenam æternam, sed non semper totam poenam temporalem.

*Prima pars docetur a S. Th. hic qu. 68. ar. 2. in c. dicente: Quibus Sacramentum Baptismi deest re, & voto, salutem consequi non possunt, cui autem deest re, sed non voto, sicut cum aliquis baptizari desiderat, sed prævenitur morte, talis salutem consequi potest propter desiderium Baptismi, quod procedit ex fide per dilectionem operante, per quam Deus interius hominem sanctificat.*

*Ratio hujus partis est, ut patet ex verbis S. Th. Baptismus flaminis est votum Baptismi, procedens ex fide per dilectionem Dei super omnia operante, & cum perfecta contritione: Sed juxta Trid. Sess. 14. c. 4. per illum remittitur peccatum, & poena æterna, daturque gratia. Ergo.*

Ex quibus patet, illud Christi, Nisi quis se renatus fuerit, esse verum, nimirum re, vel voto.

*2. Pars est S. Th. in eod. art. 2. ad 1. dicens: Si quis catechomenus sit, habens desiderium Baptismi, talis decedens non statim pervenit ad vitam æternam, sed patitur poenam pro peccatis præteritis, ipse tamen salvus erit, sic tamen quasi per ignem. 1. Cor. 3.*

*Ratio est: Quia contritio non semper attingit illum intentionis gradum, ut adæquet totam poenam*



pœnam temporalem, peccatis præteritis debitâ.  
LXXII. *Resp. 4.* Inter illa tria Baptismata Baptismus Sanguinis, quantum ad effectum, habet præminentiâ.

*Ratio S.D. q. 66. a. 1. in c. est:* Baptismus Flaminis, & Martyrii dicuntur Baptismata in quantum efficiunt effectum Baptismi aquæ, cuius vicem supplent, & qui suam efficaciam habent Passione Christi, & Spiritu S. quæ duæ causæ in quolibet horum trium Baptismatum operantur. *Subsumo:* Sed excellentissimè operantur in Baptismo Sanguinis. Ergo. Min. prob. In Baptismo aquæ Passio Christi operatur quidem per quandam figuralem repræsentationem: in Baptismo autem Flaminis, vel Pœnitentiæ per quandam affectionem: Sed in Baptismo Sanguinis per operis imitationem. Similiter virtus Spiritus S. operatur in Baptismo Pœnitentiæ per cordis commotionem: Sed in Baptismo Sanguinis per potissimum dilectionis fervorem, secundum illud Joan. 15. Majorem hæc dilectionem nemo habet, ut animam suam ponat pro amicis suis. Ergo.

Dixi in R. 4. quantum ad effectum; Quia in ratione signi; & Sacramenti Baptismus aquæ præcellit: immò & in modo cauſandi ex opere operato physicè gratiam, quæ physica causalitas est privilegium Sacramentorum Novæ Legis, & non convenit Martyrio, licet virtus cauſandi gratiam, nimirum Passio Christi, & Spiritus sanctus, perfectius in eo operentur modo explicato. Ex quo solvitur illa obiectio contra sequentem R. Causare enim gratiam ex opere operato est prærogativa Sacramentorum Novæ Legis.

LXXIII. *Resp. 5.* Baptismus Sanguinis, seu Martyrium moraliter, seu passivè confert gratiam ex opere operato, tam parvulis, quam adultis, facitque hos ex attritis contritos, si sint in peccato mortali, & confert gratiam primam: si verd jam sint in gratia, vel contriti, causat gratiam secundam.

1. *Pars de parvulis est S. Th. 2. 2. q. 124. ar. 1. ad 1. Et in 4. dist. 4. q. 3. a. 3. q. 3. ad 1.* Et patet in parvulis ab Herode pro Christo occisis, inter quos verisimile est fuisse aliquos ex Gentilibus, vel etiam nondum circumcisos a Judæis, ut potest occisos ante diem octavam ætatis. In his ergo parvulis martyrium non potuit causare gratiam ex opere operantis, defectu usus rationis. Dicere autem, quod Innocentibus miraculosè fuerit acceleratus usus liberi arbitrii, ita ut voluntariè Martyrium passi sint, hoc per auctoritatem Scripturæ non comprobatur, ait S.D. loc. ex 2. 2. citato, subdens: Ideo melius dicendum est, quod Martyrii gloriam, quam in aliis propria voluntas meretur, illi parvuli occisi per Dei gratiam sunt affecti. Nam effusio sanguinis propter Christum vicem gerit Baptismatis. Unde sicut in pueris baptizatis per gratiam

baptismalem meritum Christi operatur ad gloriam obtinendam, ita & in occisis propter Christum meritum Martyrii Christi operatur ad palmam Martyrii consequendam. Hæc S. D. Ergo Martyrium in parvulis causat gratiam ex opere operato: Sed non causat eam physicè, & activè orationem ante R. 5. datam. Ergo moraliter solum, & passivè.

Vide suprâ in hoc Tract. Exam. 2. nu. 11. Not. 2. quid sit gratiam causat ex opere operato, vel ex opere operantis, activè, vel passivè.

*Ratio 1. pro 2. p. Scriptura, & SS. PP. justificationem, & salvationem Martyris non attribunt contritioni, vel charitati, sed ipsi morti.* Nam ille, qui generaliter dixit Joan. 3. *Nisquis renatus fuerit, &c. exceptis Martyrium Matt. 10.* eique attribuit dictum privilegium, dicens: *Qui me confessus fuerit coram hominibus, confitebor & ego eum coram Patre meo.* Ergo causat in adultis gratiam ex opere operato.

*Ratio 2. Si Baptismus Sanguinis causaret gratiam solum ex opere operantis, non differret a Baptismo Flaminis, quia etiam ille causat ratione contritionis, & dilectionis.*

*Ratio 3. Baptismus Sanguinis ex opere operato causat remissionem totius pœnæ, etiam temporalis, & quidem infallibiliter. Probant, Martyr statim cælum ingreditur juxta illud Innocentii III. c. cum Marth. de celebrat. Missar. Injuriam facit Martyri, qui orat pro Martyre. Subsumo:* Sed incertum est, quod omnis Martyr eliciat actum contritionis, & dilectionis tam perfectum, ut adæquet omnem pœnam peccatis commissis fortè gravissimis debitam. Ergo ex opere operato, nimirum moraliter, quatenus Christus voluit, ut ad positionem Martyrii, tanquam realis imitationis suæ Passionis, remittatur tota culpa, & pœna, non præcisè propter contritionem, sed etiam ab ipsius opus Martyris. Ergo.

3. & 4. *Pars de gratia prima, & secunda, inferretur ex dictis. Qui enim in Martyrio est contritus, non debet esse peioris conditionis, quam qui in eo est attritus: Sed attritus accipit gratiam primam. Ergo contritus secundam.*

Ex quibus sequitur, quod quicum voluntate pro Christo lubeundi Martyrium iret dormitum, licet solum attritus, verè esset Martyr, & salvaretur: fecus, si nullum habuerit Martyrii desiderium.

Quomodo intelligatur fieri ex attritu contritum, patebit infra in Tract. de Pœnitentiâ. *Oppono 1. contra R. 5. Parvuli non sunt capaces adus virtutis: Sed martyrium est adus virtutis, scilicet fortitudinis. Ergo.*

2. *Adus virtutis causant gratiam solum ex opere operantis: Sed martyrium est adus virtutis. Ergo.*

3. *S. Thom. hic qu. 66. ar. 12. ad 2. ait: Effusio sanguinis non habet rationem Baptismi, si sit*



sine charitate. Ex quo patet, quòd Baptismus Sanguinis includit Baptismum Flaminis, & non è converso. Unde ex hoc ipso probatur perfectior. Ergo causat ratione charitatis gratiam. Ergo solum ex opere operantis.

4. Internum desiderium martyrii non causat gratiam ex opere operato. Ergo nec externum martyrium. Prob. conseq. Juxta Thomistas actus exterior non addit speciale bonitatem, vel malitiam super internum. Ergo si &c.

5. Quilibet homo sub mortali tenetur in articulo mortis elicere actum charitatis. Ergo & Martyr. Ergo non sufficit, quòd sit attritus.

6. Quando causatur gratia a martyrio?

Ad 1. & 2. dist. maj. Ut formaliter actus virtutis est liberè elicited, conc. maj. sub alia ratione, nimirum in quantum est realis imitatio Passionis Christi, & opus singulariter a Christo privilegiatum (prout antedictum) qualiter etiam est in parvulis, neg. maj. Et sic dist. min. neg. conseq. Ex quo patet, martyrium dupliciter posse considerari.

Ad 3. R. Sensum esse, quòd ad martyrium necessarii requiratur charitas, non per modum actus, sed saltem per modum operis, seu interpretativa, & ipso opere exhibita; Et hæc etiam fuit in parvulis pro Christo occisus. De quibus Ecclesia dicit, quòd Dei præconium non loquendo, sed moriendo consensu sint. Eodem modo explicatur Scriptura 1. Cor. 13. *Si charitatem habuerit, &c.* Paulo aliter dici potest, quòd martyrium semper habeat charitatem, si non in principio actus, saltem in termino, quia per illud causatur gratia, quæ non est sine charitate. Idem est sensus illorum verborum S. Thom. *Baptismus sanguinis includit Baptismum flaminis.*

Dum autem S. Th. in 2.2. q. 124 art. 2. ad 2. ait: *Ad actum martyrii inclinatur charitas per modum virtutis imperantis, fortitudo autem per modum virtutis elicientis.* Sensus est, martyrium de se esse actum a charitate imperabilem, & hoc imperium ejus naturæ esse valde conforme, sed id non est simpliciter necessarium. Unde quodl. 4. art. 19. admittit, posse reperiri martyrium sine imperio charitatis. Qua de causa S. D. consulto dicit: *Inclinatur Charitas, id est, propèdet.*

Ad 4. neg. conseq. Ad prob. patet suprà Tract. 3. Exam. 3. n. 53 R. 2.

Ad 5. dist. ant. Per se, & regulariter, conc. ant. per accideos, & in hoc particulari casu, in quo sicut martyrium supplet Baptismum aquæ, ita & perfectæ contritionis, & directionis Dei, juxta illud: *Majorem charitatem nemo habet, &c.* neg. ant. & conseq. Sufficit ergo, si Martyr super peccata per memoriam recollecta eliciat actum attritionis. In praxi tamen consulenda est attritio, quæ sit saltem existimata contritio. Si Martyr baptizatus habeat copiam Confessarii, tenetur prius confiteri: si baptizatus non sit, & Baptismi copiam habeat, tenetur eum prius su-

scipere, & hac ratione ad tam difficile certamen se præparare.

Ad 6. Gratia a martyrio causatur in illo agonis instanti, in quo accepto lethali vulnere, etsi mors physice nondum adit, attamen ob inevitabilem mortis jamjam impendentis necessitatem cursus vite moraliter consummatur: quod instant licet non a nobis, saltem a Deo designari potest.

LXXV. *Quid si accepto lethali vulnere Martyr a Deo in vita miraculosè coaservetur, uti servavit S. Joannem Evang. in ferventis olei dolio?*

Dico, talem accipere gratiam in præfato instanti, & sine novo martyrio verè dici Martyrem, ut patet ex S. Th. cit. q. 124. ex 2.2.4. ad 4. Necessè tamen est, ut talis non maculet se novo peccato mortali.

*Nonne debetur excellentiæ martyrii, ut Deus talem Martyrem speciali privilegio confirmet in gratia, & reddat impotentem ad peccandum in sensu composito, ut vult Gonet?*

Dico: Hoc solo pietatis titulo asserendum non est, nec colligitur ex Scriptura, aut Traditione: adeoque incertum est. Unde S. Th. infrà qu. 96. art. 6. ad 7. docet: Quòd in illis, qui pro Christo gravia vulnera acceperunt, talis negligentia possit contingere, quæ culpam mortalem inducat, quæ & lauream auferat, & aureolam.

LXXVI. *Quæ mors, vel mortis causa Martyrem facit?*

Dico: U: mors Martyrem faciat (loquendo de adultis) debet primò esse acceptata; Quia adultus non datur gratia, nisi aliquo modo, nimirum virtualiter saltem, vel interpretativè sit voluntarius, ut patet ex dictis suprà in hoc Tract. Exam. 2. num. 21. & seqq. de receptione Sacramentorum.

Secundò. Debet inferri non repugnanti, quia aliàs non moritur, ut testis fidei Christi, sed ut miles viduus, qua de causa milites nostri occumbentes in bello sancto contra Turcas non sunt Martyres. Hinc quando SS. PP. aliquos sanctos Confessores, & B. Virginem vocant Martyres, illa auctoritates loquuntur de Martyrio per quandam similitudinem, ait S. Th. art. 4. ad 1.

Tertiò. Debet esse mors, etsi sponte electa, attamen violenta, & injusta a Tyranno veritatem, aut justitiam persequente illata. Hinc, qui se exponunt pro servitio Pelliferorum, & in eo moriuntur, non sunt propriè Martyres, sed solum per quandam similitudinem.

Quarò. Causa mortis debet esse honesta honestate supernaturali, quia si non sit causa honesta, erit Martyr Diaboli, non Christi: si non sit supernaturalis, moritur non ut Christianus, sed ut Philosophus. An esset verè Martyr, quia pro Christo subiret mortem ex vana gloria,

gloria, videtur præ Traſſ. 5. Exam. 1. n. 11.

*Declaratur* ulterius motivum Martyrii ex S. Th. cit. ex 3. 2. a. 5. in c. ubi ait: Martyres dicuntur quasi testes, quia corporalibus sui passionibus usque ad mortem testimonium perhibent veritati, non cuicumque, sed veritati, quæ secundum pietatem est: quæ per Christum nobis innotuit. Huiusmodi autem est veritas fidei, & ideo cuiuslibet Martyrii causa est fidei veritas: sed ad fidei veritatem non solum pertinet ipsa credulitas cordis, sed etiam exterior propositio, quæ quidem fit, non solum per verba, quibus aliquis fidem, sed etiam per facta, quibus aliquis fidem se habere ostendit. Et ideo omnino virtutum opera, secundum quod referuntur in Deum, sunt quædam protestationes fidei; Unde & Joannis Baptiste Martyrium in Ecclesia celebratur, qui non pro neganda fide, sed pro reprehensione adulterii mortem sustinuit. Hæc ibi.

LXXVII. *Oppono* contra 3. conditionem. Nam illa loquitur contradictoria. Quia mors sponte quaerita (uti fuit a Christo, & aliis Sanctis) non est violenta, & mors violenta, & iniusta non est voluntaria. Primum patet ex illa Regula juris; Scienti, & volenti non fit iniuria. Alterum patet ex definitione violenti in Philosophia.

*Ad hoc R.* Quod Christus voluntarie quaesivit mortem, in quantum erat a Patre præcepta, & ut erat redemptiva generis humani non verò in quantum erat mala, & iniusta, permissivè scilicet habendo ad malitiam peccati, & ad invidiam Judæorum. Similiter Viri Sancti quaesierunt pro Christo pati mortem: in quantum illa est actus virtutis, imitatio Passionis Christi, & meritoria æternæ vitæ, non verò ut formaliter est mala.

Ex qua R. explicantur verba S. Chrys. in c. 21. Matth. dicentis: *Christus cum tanta gloriâ est ingressus, ut amplius eorum adversus se excitaret invidiam.* Item, *Adversus se compellebat mortem.* Item, *Excitavit eos, non ut facerent, quod ante noluerant, sed ut possent facere, quod prius volebant.* Quibus verbis pollet quis opponens subsumere. Sed Judæi prius volebant formaliter, ut injuriosam; Ergo Christus eos ad hanc ut talem excitavit, adeoque eam voluit. Sed explicatio patet ex dictis.

## EXAMEN VI.

*De Sacramento Confirmationis, eius Materia, Forma, Necessitate, Ministro, Subiecto, Effectu, &c. S. Thom. q. 72. per 12. art.*

**Q**UÆRO I. Quid est Confirmatio, a quo & ubi instituta? quæ ejus materia,

quæ forma? quæ necessitas?

LXXVIII. *Resp. 1.* Confirmatio est unctio Chrismatis ab Episcopo in fronte facta homini baptizato, sub certa verborum forma. Vel, Est Sacramentum Novæ Legis a Christo institutum ad spirituales hominum in fide protestanda corroborationem. Prima definitio est physica, altera metaphysica, sicut Exam. 5. n. 48. in R. ad Q. dictum est de baptismi definitione.

*Resp. 2.* Hoc Sacramentum est immediatè a Christo institutum, & quidem probabilius in Cœna: non verò quando Christo fuerunt oblatis parvuli, ut eis imponeret manus, uti & impoluit: nec quando post Resurrectionem Apostolis insufflando dedit Spiritum sanctum.

1. *Patet* ex dictis suprà Exam. 4. num. 28. R. 3.

2. *Partem* ex Traditione Apostolorum docet Fabianus Papa Epist. 2. c. 1. & patet ex usu Ecclesiæ, consecratis tunc ejus materiam.

*Ratio 3. p.* Hoc Sacramentum non confertur, nisi baptizatis: Sed illi pueri tunc nondum erant baptizati. Ergo.

*Ratio 4. p.* Non erat conveniens, ut Christus una, eademque actione simul institueret duo Sacramenta: Sed Christus tunc instituit Sacramentum Penitentiar. Ergo non Confirmationis.

Nota hic quod, quando S. Tho. hic a. 1. ad 1. ait, quod Christus instituerit hoc Sacramentum promittendo, promissio non respexit Sacramentum, sed effectum ejus. Unde in Cœna Sacramentum instituit, sed effectum tunc promissit, qui est plenitudo Spiritus S. quæ non erat danda ante Christi Resurrectionem, & Ascensionem. Explicatio patet ex textu, qui videatur.

*Resp. 3.* Materia remota hujus Sacramenti est Chisma, seu unguentum ex oleo olivarum, per Episcopum consecrato, & ex balsamo confectum.

Dixi, *remota*; Quia materia proxima est unctio.

*Ratio congruentiæ* datur ex S. Thom. 2. 2. in c. Quia in hoc Sacramento datur plenitudo Spiritus S. ad robur spirituale: Sed gratia Spiritus S. designatur in oleo; Unde Christus dicitur esse unctus oleo lætitiæ propter plenitudinem Spiritus S. quam habuit: admiscetur autem balsamum propter fragrantiam odoris, quæ redûdat ad alios, quæ significat fragrantiam bonæ famæ, quæ perfecti in Christo in alios edificationem transfundere debent, ut sint bonus odor Christi. Ergo.

Dixi autem *oleo olivarum*; Quia hoc propriè dicitur oleum, & usuale est.

*Nec obstat*, quod Apostoli in primitiva Ecclesia confirmaverint per solam manuum impositionem, quia hoc factum est ex speciali dispensatione Christi, facitque diversitatem solum materialem, non verò formalem in hoc Sacramento. De quâ suprà jam dictum est.

*Ratio autem*, cur Chisma debeat esse benedictum, est, quam dat S. Thom. a. 3. in c. Quia ideo

ideò materia, v.g. Baptismi, non indiget prævia consecratione, quæ sit de essentia, quia est sanctificata per usum, & contactum Christi. Si quæ verò benedictio adhibeatur, est solum de solemnitate, & accidentalis: Sed Christus suo contactu materiam hujus Sacramenti non sanctificavit, cum confirmatus non fuerit, nec Chrisma consecraverit. Ergo.

Cur hujus Sacramenti non verò Extremæ Unionis materia necessariò debeat esse benedicta ab Episcopo, vide infra Tract. 14. Exam. 4. n. 104. In Notabili.

*Resp. 4.* Forma hujus Sacramenti est: Signo signo crucis, confirmato Chrismate salutis in nomine Patris, & Filii, & Spiritus sancti. S. Tho. a. 4.

*Declaratur:* Senlus est, quòd de essentia Unionis sit. 1. Ut unctio fiat per modum signi crucis. 2. Ut fiat in fronte, quia ibi est sedes veritatis, ne confirmandus, ut insinuat S. Thom. a. 9. in c. vereturndetur confiteri Christi nomen, & maxime Crucem, quæ Judæis est scandalum, & Gentibus salutis, nobis autem Dei Virtus, & Sapientia. 3. Expressio SS. Trinitatis, ut docemur ex Apostolica Traditione, & Conciliis, quæ cum Evangelio (in quo hoc non est expressum) parissunt auctoritatis.

*LXXXIX. Resp. 5.* Hoc Sacramentum debet omnibus exhiberi, non ut simpliciter necessarium, sed tanquam valde utile. S. Thom. a. 8.

*Declaratur hoc in c. & ad 1.* Per hoc Sacramentum promovetur homo spiritualiter in ætatem perfectam. Hoc autem est de intentione naturæ, ut omnis, qui corporaliter nascitur, ad perfectam ætatem perveniat, sed hoc quandoq; impeditur propter corruptibilitatem corporis, quòd morte pervenitur: multo magis autem de intentione Dei est, omnia ad perfectionem perducere. Unde Deut. 32. Dei perfecta sunt opera. Anima autè ad quæ pertinet & spiritualis natiuitas, & spiritualis ætatis perfectio, immortalis est, & potest sicut tempore senectutis spirituales natiuitatem consequi perfectam ætatem: quia huiusmodi corporales ætates non præjudicant animæ. Et inde est, quòd multi in puerili ætate propter perceptum Spiritus Sancti robur usque ad sanguinem fortiter pro Christo certaverint. Hæc ibi. Ergo.

Et in Solut. ad 4. ex Hugone de S. Viç. ait: Omnino periculosum esset, si ab hac vita sine Confirmatione migrare contingeret, non quia damnaretur (nisi fortè propter contemptum) sed quia detrimentum perfectionis pateretur. Unde etiam pueri confirmati decedentes majorem gloriam consequuntur, sicut & hic majorem obtinent gratiam. Ita S. Thom.

*Est* ergo hoc Sacramentum dandum morituris, nondum confirmatis?

*Affermat* S. D. ibidem dicens: Anima, ad quam pertinet spiritualis ætas, immortalis est: &

idede etiam morituris hoc Sacramentum dandum est, ut in Resurrectione perfecti appareant, secundum illud ad Ephes. 4. Donec occurramus omnibus in virum perfectum, in mensuram ætatis plenitudinis Christi. Hæc ibidem.

Ex his Colligitur, quòd nemo mortaliter peccet, qui hoc Sacramentum non suscipit, modò non omitat ex contemptu, vel cum scandalo.

*QUÆRO II.* Quodnam est subiectum, quis Minister, vel effectus hujus Sacramenti?

*LXXX. Resp. 1.* Subiectum Confirmationis est quilibet homo baptizatus, si tamen baptizatus non sit, incapax est. Ita S. D. a. 6.

*Declaratur hoc in c. Character* Confirmationis ex necessitate præsupponit Characterem baptismalem, ita ut si non baptizatus confirmaretur, nihil reciperet, sed oporteret iteratò ipsum confirmari post baptismum.

*Ratio:* Quia confirmatio lo habet ad Baptismum sicut augmentum ad generationem: Sed nullus potest augmentari, nisi sit natus. Ergo similiter, &c.

*Nota:* De quo dubitatur, an sit confirmatus, debet confirmari sub conditione, v.g. *Si non es confirmatus, Ego te, &c.*

*Resp. 2.* Solus Episcopus est Minister ordinarius hujus Sacramenti.

*Ratio* a priori est voluntas Christi: Rationem congruentiæ dat S. Thom. a. 11. In quolibet opere ultima consummatio supremæ arti, aut virtuti reservatur, sicut præparatio materiæ pertinet ad inferiores artifices, superior autem dat formam: Sed per hoc Sacramentum consummatur, & perficitur Baptismus, & Episcopi obtinent summam potestatem in Ecclesia. Ergo.

*Resp. 3.* Simplex Sacerdos potest hoc Sacramentum validè, & licitè conferre ex commissione Papæ, non tamen Episcopi.

*Ratio* S. D. ibid. ad 1. Papa in Ecclesia habet plenitudinem potestatis (non solum Ordinis, sed & Jurisdictionis) ex qua potest quædam, quæ sunt superiorum Ordinum, committere quibusdam inferioribus, sicut quibusdam Presbyteris concedit conferre Ordines Minores, quod pertinet ad potestatem Episcopalem. *Subsumo:* Sed illa plenitudo potestatis Jurisdictionis in tota Ecclesia non est in Episcopo, sed in solo Papa. Ergo.

Ex quo Colligitur, quòd committere administrationem hujus Sacramenti sit actus potestatis Ordinis, habentis ad junctionam supremam Jurisdictionem super totam Ecclesiam. Item quòd omnis Episcopus possit dici Episcopus universalis Ecclesiæ, ly *universalis* sumendo in obliquo, ut construat cum ly *Ecclesia*, non cum ly Episcopus, prout Papa est universalis Episcopus.

Colligitur. intelligentia illius dicti: Episcopus

pus potest in sua Diœcesi, quod Papa potest in tota Ecclesia. Nam verum solum est de iis, quæ Papa potest ex vi Ordinis, & consecrationis Episcopalis, non verò de iis, quæ potest ratione jurisdictionis, aliâ enim Episcopus in sua Diœcesi posset cum infallibilitate codere Decreta fidei, & morum, uti potest Papa pro tota Ecclesia. Quod nemo concedit. De quo plura infra Tract. 15. in proprio loco de Episcopatu.

*Resp. 4.* Primarius hujus Sacramenti effectus, est gratia secunda, seu augmentum gratiæ cum speciali robore ad fidem, non quomodoquoque, sed constanter profitendam, De quo vide dicta de gratia sacramenti. Exam. 2. n. 19. Effectus secundarius est character, de quo supra Exam. 3.

**QUÆRO III.** Quid sentis de intentione, ac dispositione ad hoc Sacramentum, de loco, in quo conf. rendum, de aetate confirmandi, de Patris, de alapa, quæ ei infligitur, de fascia, qua frons ligatur?

*LXXXI. Resp. 1.* De intentione recipiendi Sacramentum dictum est supra Exam. 4. n. 36.

*Resp. 2.* De dispositione patet Exam. 2. n. 21. & seqq. Est enim Confirmatio Sacramentum Vivorum, adeoque recipiens debet esse in gratia. Hinc si est in mortali, & habet copiam Confessarii, tenetur prius confiteri: si non habet, prærequiritur necessariò contritio saltem existimata. Quomobrem Parochi tenentur suos Parochianos de hoc instruere, & seriò admonere.

*Resp. 3.* Ex causa rationabili hoc Sacramentum potest conferri extra Ecclesiam loco honesto. Dum verò multitudo confluit, & nulla rationabilis causa exculat, conferendum est in Ecclesia.

*Ratio;* Propter reverentiam Sacramenti.

*Resp. 4.* Rationabilis inos est Ecclesiæ, ut confirmandus habeat usum rationis.

*Ratio;* Ut caveatur periculum iterationis, & ut suscipiat illud cum majore reverentia.

*Nota;* Ubi Episcopi rarò comparent, possunt etiam pueri vel infantes licitè confirmari, & in quibuscumque locis expediri fieri.

*Resp. 5.* Perpetuamente baptizati sunt capaces hujus Sacramenti.

*Ratio;* Quia sunt capaces effectus ejus primarii, scilicet augmenti gratiæ.

*LXXXII. Resp. 6.* In hoc Sacramento requiritur Patrius, qui confirmandum teneat.

*Declarat hoc S. D. a. 10.* Sicut aliquis de novonatus indiget instructore in his, quæ pertinent ad conservationem vitæ (secundum illud Hebr. 12. Patres quidem carnis nostræ habuimus eruditores, & reverebamur eos) ita illi, qui assumuntur ad pugnam, indigent eruditoribus ad modum certami-

nis. Et ideo in bellis materialibus constituantur Duces, & Centuriones: Sed homo per hoc Sacramentum paratur ad pugnam spiritualem. Ergo.

*In Solut. ad 1. ait:* Licet ille, qui confirmatur, sit adultus corporaliter, non tamen spiritualiter. Et in Solut. ad 2. Licet baptizatus sit membrum Ecclesiæ effectus, oñdum tamen est adscriptus militiæ Christiæ.

*Resp. 7.* Patris debet esse confirmatus. Ita S. D. ibid. ad 2. dicens: Non debet alium ad Confirmationem tenere, qui nondum est confirmatus.

*Resp. 8.* Non differt, utrùm masculus, vel femina teneat aliquem in Confirmatione, ait S. Thom. ibid. ad 3. Quia sicut dicitur Coloss. 3. *In Christo Jesu non est masculus, & femina.* Upsæ admittit uos, vel una, nisi obstat consuetudo loci, non tamen (uti in Baptismo) unus, & una. Patrius Confirmationis nō debet esse idem qui Baptismi, saltem extra necessitatem. Possunt hoc officio fungi Monachi, & Moniales, nisi Statuta propriæ Religionis prohibeant. Legitur etiam prædicatum esse, quod Episcopi eos, qui Patris non habere non poterant, confirmaverint sine Patris, præsertim in magno coöfluxu.

*De Cognitione, quæ per hoc Sacramentum coötrahitur, dicitur infra de Matrimonio Tract. 16. Exam. 6. n. 75.*

*LXXXIII. Resp. 9.* Confirmato infligitur alapa. Tum ut intelligat, se debere esse paratum ad crucem, ignominiam, aliaque adversa pro suo Salvatore sustinenda. Tum etiam in memoriam collati Sacramenti.

*Resp. 10.* De portanda in reverentiam Sacri Chrismati circa frontem fascia cum rubra cruce, spectanda est consuetudo loci, & voluntas Episcopi confirmantis. Ubi portatur debet post aliquos dies Chrismate exscicato per Sacerdotem deponi, & ad profanum usum non amplius adhiberi. In quibuscumque locis facta Unctione quidam Sacerdotes ad id constituti spongia, vel alio linteo absterguunt frontem confirmati. In aliis locis est confirmati fascia in fronte cingantur, atque cincti vadunt ad locum vicinum, ubi Sacerdotes fascias deponunt, frontem absterguunt, & fascia pro aliorum confirmandorum, iis, carentium usui aservant. Ubi reverenter aservari non possunt, comburantur, & cineres immittantur in locum in Ecclesia ad id deputatum.

*Nota,* quod Episcopo, & Parocho incumbat notare in libro nomina confirmatorum, tum propter Ordines fortè suo tempore suscipiendos; Tum propter cognitionem spiritualem, ut hæc fiat. Nomen in Confirmatione mutare non est peccatum.

# TRACTATUS XII. DE EUCHARISTIA.

*S. Thom. 3. p. a. q. 73. usque ad q. 83. inclusivè.*

**S**acramentum hoc tantum est, ut magnus Pater Augustinus tract. 84. in Joan. de eo dicere audeat: Deus, cum sit omnipotens, plus dare non potuit: cum sit sapientissimus, plus dare nescivit: cum sit ditissimus, plus dare non habuit. Officii, quo Ecclesia in honorem hujus Venerabilis Sacramenti utitur, auctor est Angelicus noster Thomas, dictus ex eo, Doctor Eucharisticus. Merito proinde cum eo de illo agendum est. Unde sit

## EXAMEN I.

*De essentia, Unitate, Necessitate, ac Institutione Eucharistiæ.*

*S. Thom. Quæst. 73. per 6. art.*

**QUÆRO I.** Quod est Eucharistia?

*1. Resp.* Sacramentum Eucharistiæ, si physice consideretur, nihil aliud est, quàm species consecrata sub præscripta verborum forma, ut realiter continens Christum ad causandam gratiam cibativam. Metaphysicè sumptum dehnitur esse Sacramentum Novæ Legis, significans Christum, ut realiter sub speciebus contentum, & gratiam nutrientem. Vel, ad spirituales hominum nutritionem institutum.

Dixi, *Sacramentum*; Quia de Eucharistia, ut Sacrificium est, agitur infra in Exam. 5. ubi etiam dabitur definitio ejus ut Sacrificii. Hic agitur de ea, ut Sacramentum est. Quid in ea sit res tantum, Sacramentum tantum, & utrumque simul, vide supra in Tract. 11. Exam. 4. n. 47.

*Resp. 2.* Sacramentum Eucharistiæ Essentialiter non consistit in sumptione. 2. Nec in consecratione. 3. Nec in Corpore, & Sanguine Christi secundum se. 4. Nec in Speciebus Sacramentalibus secundum se. 5. Sed in Speciebus consecratis præfata omnia connotantibus, nimirum Corpus, & Sanguinem Christi in eis contentum, ut causam gratiæ cibativæ: consecrationem, ut actionem sui consecrati: sumptionem, ut finem.

*1. Pars* est de hinc contra Hæreticos definita in Trident. Sess. 13. can. 4. *Et Ratio* est: Quia Eucharistia est instituta per modum cibi, & potus spiritualis: Sed cibus, & potus præsupponitur ante sumptionem, ut patet, et quæ illa solum conditio applicans. Ergo.

Pro Solutionibus Oppositionum Nota, quod etsi sumptioni Eucharistiæ sit promissa gratia, non tamen ut signifiçanti, & causanti, sed ut

applicationi causæ, & signi. Item quod licet Eucharistia non possit consecrari licitè nisi in ordine ad sumptionem, bene tamen validè, novem enim Christus instituit usum Eucharistiæ tamquam partem essentialem, vel integram ejus: nec sumptio complet significatum hujus Sacramenti complemento intrinseco, sed tantum extrinseco, & accidentaliter. Nec denique est de ratione Sacramenti, præsertim non consistentis in usu, quod se per in actu 2. causet gratiam, sed sufficit, quod sit aptum causare illam, positis tamen requisitis. Nec tandem de ratione Sacramenti universaliter est, quod sit aliqua sacra cæremopía quoad suum esse, sed sufficit, quod sit talis, vel quoad sui usum, vel quoad sui consecutionem: uti etiam est Eucharistia. Ex his multæ solvuntur objectiones.

*Ratio 2. p.* Tum quia Eucharistia est permanens, Consecratio verò transiit. Tum etiam quia res formaliter, & essentialiter non consistit in actione, per quam fit; Sed Sacramentum Eucharistiæ efficitur per consecrationem activam, & passivam est heri illius, & via ad illud, via verò non est idem formaliter cum termino. Ergo.

Ex quo fit, quod, quando a DD. consecratio vocatur Eucharistia, sit locutio in sensu causali, seu per Synecdochen, sumendo causam, pro effectu, vel e contra.

*Ratio 3. p.* Sacramentum Novæ Legis est signum sensibile ratione sui: Sed Corpus, & Sanguis in Eucharistia non sunt ratione sui sensibilia. Ergo. Dum ergo SS. PP. hoc Sacramentum vocant Corpus, & Sanguinem Christi, loquuntur per Metonymiam, accipiendo continens pro contento, signum pro signato; sicut imago Cæsaris sæpè vocatur Cæsar.

*Ratio 4. p.* Eucharistia est cibus spiritualis animæ: Sed species secundum se, & secluso Corpore, & Sanguine Christi, non sunt cibus spiritualis animæ, quia a Corpore, & Sanguine Christi in se contento habeat vim signi-

gnificandi gratiam. Ergo.

*Quinta pars* ex his inferitur. Quia Sacramentum in recto debet consistere in aliquo de se sensibili: Sed Species de se sunt sensibiles, & ratione contenti Corporis, & Sanguinis Christi habent vim cibandi, & sanctificandi animam. Ergo.

Ex quo sequitur, quod prædicata huic Sacramento a SS. PP. attribui solita, etiam conveniant speciebus, non quidem secundum se, & materialiter sumptis, sub qua ratione præexistunt consecrationi, sed formaliter ut consecratis, qualiter causantur per consecrationem. Talia prædicata sunt, Esse Panem Virum, Panem Angelorum, cibum spiritualem animæ, adorari latria, esse omnium Sacramentorum excellentissimum, esse simul (sub diversa tamen ratione) Sacramentum, & Sacrificium, &c. Hæc omnia conveniunt speciebus consecratis ratione contenti, scilicet ratione Corporis, & Sanguinis Christi, nec hoc requiritur, quod illa sint pars intrinseca Sacramenti; Sicut imago Christi adoratur latria præcisè ratione significationis, & Humanitas ejus ratione Unionis ad Verbum. Ex hoc solvuntur variae objectiones. Pro quarum ulteriori solutione

II. Nota, Sacramentum, & in specie Eucharistiam, posse dupliciter considerari. 1. Formaliter, & metaphysicè, & sub hac ratione præcisè est in genere signi, & non causæ. 2. physicè, & secundum omnia, quæ includit, & sic dicitur unumque, esse quædam prælucum, & sic virtus causativa gratiæ (nimirum Corpus, & Sanguis Christi) ei est intrinseca. Hic est sermo de Eucharistia in primo casu. Hinc Thomistæ docent, quod de essentia metaphysica Sacramenti sit sola ratio signi gratiæ, non verò ratio causæ, quam tamen nolunt habere semper per accidens ad rationem Sacramenti, sed esse intrinsecum quandam modum, & complementum ejus. Etcertè, quod in Sacramento principaliter se habeat ratio signi quàm ratio causæ, facile patet; Quia nobilitas Medii desumitur ex perfectione finis: Sed Sacramenta sunt quædam media ad duplicem finem, nimirum. Primò ad honorem, & cultum Dei, quem respiciunt, inquantum sunt signa gratiæ, ac divinæ bonitatis. 2. ad nostram utilitatem, quam respiciunt sub conceptu causæ. Primus autem finis est nobilior altero, ut clarè constat. Ergo.

*Opposito* contra ultimam partem R. 2. Sacramenta Novæ Legis constant non solum ex rebus, ut materia: Sed etiam ex verbis, ut forma, tamquam ex partibus essentialibus, ut dictum est supra Tract. 11. Exam. 1. num. 3. Sed. verba Consecrationis non sunt pars essentialis Eucharistiæ, non est Sacramentum, vel essentialiter non consistit in Speciebus. Min. prob. Causa efficiens non est pars essen-

tialis, seu intrinseca sui effectus: Sed verba Consecrationis sunt causa efficiens Sacramenti Eucharistiæ, ut patet ex S. Thom. intra qu. 78. art. 4. Ergo.

*Confirm. 1.* Pars intrinseca Eucharistiæ debet se habere ut cibus, & potus, & causare gratiam: Sed verba non sunt cibus, & potus, nec possunt comedi. Ergo.

*Confirm. 2.* Eucharistia est Sacramentum permanens: Sed verba non permanent, quia transeunt. Ergo.

*Ad Oppos. neg. min. Ad prob. dist. min.* Sunt causa efficiens Sacramenti inadæquatè sumpti, conceditur, adæquatè, neg. Eucharistia ergo potest sumi primò inadæquatè, nimirum pro solis Speciebus, & sic verba sunt causa ejus efficiens, quia effectivè eas consecrant. 2. Pro adæquato signo sensibili gratiæ a Christo instituto, importante unum ut determinabile, alterum ut determinans, & sub hac ratione verba sunt forma, & pars intrinseca.

*Ad 1. Confirm. dist. maj.* Ut cibus spiritualis, conc. materialis, neg. Verba ergo, seu realis virtus ab eis rebus (latini magis explicanda) sunt cibus spiritualis, & causa saltem partialis gratiæ nutritivæ, & dicuntur manducari, non instar cibi corporalis, sed spiritualiter sacramentaliter.

*Ad 2. Confirm. dist. min.* Verba non permanent formaliter, conc. virtualiter, neg. min. Potest ergo res propriè dici composita ex aliquo, quod solum virtualiter manet in illo, sicut juxta Physicam elementa solum virtualiter sunt in mixtis, quæ tamen propriè dicuntur composita ex illis. Verba ergo Speciebus impresserunt determinationem passivam, ac modificationem, seu modos reales, quibus determinantur ad sensibilibus significandum cibum spiritualem animæ, nimirum gratiam, sive Corpus, & Sanguinem Christi per modum cibi, & potus. Qui modi sunt reales virtutes verborum, & multiplicantur juxta diversitatem hostiarum, si plures simul consecrantur; Licet enim forma Consecrationis sit formaliter una, est tamen virtualiter multiplex. Item modi illi sunt sensibiles, non quidem ratione sui, sed ratione verborum, ad quæ ut ad causam dicunt respectum effectuale. Nam & contritio est essentialis pars Sacramenti Penitentiae, & tamen solum est sensibilis ratione alterius.

Nec licet inferre: Ergo Eucharistia componitur solum ex rebus, & modis. Quia ille modus non est verba. Non, inquam, licet. Distinguitur tamen altera propositio: Modus non est verba formaliter, conced. Virtualiter, negatur. Illi ergo modi sunt reales verborum virtutes; Unde Sacramentum hoc adhuc absolute dicitur componi ex illis, uti à pari dictum est de

est de elementis, seu cum Speciebus faciunt compositionem, eleuanturque cum illis ad causandam gratiam, ut sic salvetur, materiam, & formam simul causare illam.

**QUÆRO II.** Eucharistia estne unum Sacramentum, vel plura?

**III. Resp.** Sacramentum Eucharistiæ materialiter quidem est plura Sacramenta, formaliter tamen simpliciter, & perfectivè est unum. S. Thom. a. 2.

*Declaratur* ex eodem: Unum dicitur non solum quod est indivisibile, vel quid continuum, sed etiam quod est perfectum; est autem aliquid unum unitate perfectionis, ad cuius integritatem concurrunt omnia, quæ requiruntur ad ejus finem, sicut homo integratur ex omnibus membris ad operationem vitæ necessarias, & domus ex omnibus partibus necessariis ad inhabitandum. *Subsumo:* Sed Eucharistia, licet plura in se contineat, nimirum Speciem panis, & vini uti & habet duplicem formam, & materiam, hæc tamen sunt necessaria ad ejus finem. Ergo. Min. prob. Hoc Sacramentum est institutum per modum convivii spiritualis, quod conformatur corporali: Sed ad hoc requiruntur duo, nimirum cibus, qui est alimentum siccum, & potus, qui est alimentum humidum. Ergo & ad illud, &c.

In Solut. ad 1. declarat hoc ipsam ex Collecta Ecclesiæ, in qua primò dicitur pluraliter: Purificent nos Sacramenta, quæ sumimus. Et postea singulariter subditur: Hoc tuum Sacramentum non sit nobis reatus ad penam, &c. ad ostendendum, quòd hoc Sacramentum quodammodo est multa, simpliciter amen unum.

**QUÆRO III.** Eucharistia estne de necessitate Salutis, etiam respectu parvulorum?

**IV. Resp.** Eucharistia est omnibus hominibus ad salutem necessaria, diversimodè tamen, adultis in re, vel (si realiter eam sumere non possunt) in voto proprio, parvulis in voto Ecclesiæ: magis tamen est necessarius Baptismus.

*Declarat hoc* pulchrè, & fusè S. D. a. 3. in c. dicens: In hoc Sacramento est duo considerare, scilicet ipsum Sacramentum, & rem Sacramenti: dictum est autem, quòd res hujus Sacramenti est unitas corporis mystici, sine qua non potest esse salus: nulli enim patet aditus salutis extra Ecclesiam, sicut nec in diluvio absque Arca Noe, quæ significat Ecclesiam, ut habetur 1. Pet. 3. Dictum est autem suprâ, quòd res alicujus Sacramenti haberi potest ante perceptionem Sacramenti ex ipso voto Sacramenti percipiendi; Unde ante perceptionem hujus Sacramenti potest homo habere salutem ex voto percipiendi hoc Sacramentum: sicut & ante Baptismum ex voto Baptismi, ut suprâ dictum est. Est tamen differentia quantum ad

duo. Primò quidem, quia Baptismus est principium spiritualis vitæ, & janua Sacramentorum: Eucharistia verò est quasi consummatio spiritualis vitæ, & omnium Sacramentorum finis (ut suprâ dictum est) per sanctificationem enim omnium Sacramentorum fit præparatio ad suscipiendam, vel consecrandam Eucharistiam. Et idè perceptio Baptismi est necessaria ad inchoandam spirituales vitam, perceptio autem Eucharistiæ est necessaria ad consummandam ipsam, non ad hoc quòd simpliciter habeatur, sed sufficit eam habere in voto, sicut & finis habetur in desiderio, & intentione. Alia differentia est, quia per Baptismum ordinatur homo ad Eucharistiam, & idè ex hoc ipso quòd pueri baptizantur, ordinantur per Ecclesiam ad Eucharistiam, & sic sicut ex fide Ecclesiæ credunt, si ex intentione Ecclesiæ desiderant Eucharistiam, & per consequens recipiunt rem ipsius: sed ad Baptismum non ordinantur per aliud præcedens Sacramentum. Et idè ante susceptionem Baptismi non habent pueri aliquo modo Baptismum in voto, sed soli adulti. Unde rem Sacramenti non possunt recipere sine perceptione Sacramenti. Et idè hoc Sacramentum non hoc modo est de necessitate salutis sicut Baptismus. Hæc S. D.

In Solutione ad 2. S. D. ponit differentiam inter alimentum corporale, & spirituale, quòd corporale convertitur in substantiam ejus, qui nutritur; & idè non potest homini valere ad vitæ conservationem alimentum corporale, nisi realiter sumatur: sed alimentum spirituale convertit hominem in seipsum, secundum illud quod August. dicit in lib. Confess. quòd quasi audit vocem Christi dicentis sibi: Nec tu me mutabis in te, sicut cibum carnis tuæ, sed tu mutaberis in me. Potest autem aliquis in Christum mutari, & ei incorporari voto mentis, etiam sine hujus Sacramenti perceptione. Et idè non est simile. Hæc ibi S. D.

De præcepto sumendi certis temporibus, & casibus Eucharistiam, vide infrâ in hoc Tractat. Exam. 4. n. 45. & 46.

**QUÆRO IV.** Institutio hujus Sacramenti fuitne conveniens?

**V. Resp.** Christus instituit convenienter hoc Sacramentum in ultima Cœna.

1. *Part.* quòd scilicet Christus Eucharistiam instituerit, est de fide, ut patet ex scriptis.

2. *Part.* quòd illud instituerit convenienter, patet ex convenientia S. Thom. Nam sicut ad vitam corporalem requiritur generatio, qua homo vitam accipit; & augmentum, quo acquirit perfectionem vitæ, & robur corporis; & alimentum, quo vita conservatur: Ita etiam vita spirituali renascimur per Baptismum, spiritualiter augemur per



per Confirmationem. Ergo conveniens fuit, etiam instituire Eucharistiam, ut per eam spiritualiter alimentemur.

3. *Pars*, quod nimirum institutio facta in ultima Cena, patet Matth. 26. & Luc. 22. &c. quod autem tunc convenienter facta sit, patet ex variis congruentiis S. Tho. hic a. 5. in cubi videantur.

In Solut. ad 4. ostendit S. D. Quare Eucharistia institutio præcesserit institutionem Baptismi. Quæ doctrina adducta est suprà Tract. 11. Exam. 5. n. 49 in R. ad 5

## EXAMEN II.

*De materia remota Eucharistiæ. S. Thom. q. 74. per 8. art.*

**Q**UÆRO I. Quæ est materia Consecrationis Eucharistiæ? quanta potest, vel debet esse, & qualiter prælens?

VI. *Resp. 1.* Panis, & Vinum sunt materia conveniens hujus Sacramenti.

*Ratio:* Quia Christus Matth. 26. sic instituit. Cujus divinitas S. D. a. 1. dat congruentias. Una est desumpta ex usu Eucharistiæ: sicut enim in Baptismo aqua assumitur ad usum ablutionis spiritualis, quia ablutio corporalis communiter fit in aqua: ita in hoc Sacramento ad usum manducationis spiritualis assumitur Panis, & Vinum, quia illis homines communiter reficiuntur corporaliter. Ergo.

Est contra Artotyritas, qui in hoc Sacramento offerebant panem, & caseum, dicentes a primis hominibus oblationes de fructibus terræ, & ovium fuisse celebratas, ut refert S. Thom. a. 1. Item contra Cataphrygas, & Pezuzianos infantis sanguinem de toto ejus corpore minutis punctuonum vulneribus extorquentes, eum farinæ miscentes, & inde panem facientes, & quasi Eucharistiam suam conficientes. Item contra Aqvarios sub specie fobrietatis solum aquam in hoc Sacramento offerentes. Hos omnes errores S. Thom. refutat ex cit. Matth. 26.

*Resp. 2.* Materia valida Consecrationis est solus panis triticeus, & vinum de vite. Ita S. Thom. 23. & 5.

*Rationem dat:* Juxta dicta ad usum Sacramentorum assumitur talis materia, quæ communiter apud homines in talem usum venit: Sed inter alios panes homines communiter utuntur triticeo, nam alii panes videntur esse introducti in hujus panis defectum, sicut & propriè vinum dicitur, quod de vite sumitur, alii verò liquores dicuntur vinum secundum quandam similitudinem ad vinum vitis. Ergo.

Nota ex S. Thom. a. 3. ad 2. Quia generans generat sibi simile, licet vel propter materiam,

vel propter debilitatem virtutis generativæ fiat aliqua dissimilitudo quantum ad accidentia. Ideo si quæ frumenta sunt, quæ ex semine tritici generari possunt (sicut ex grano tritici in malis terris seminato nascitur filigo) ex tali frumento panis confectus, potest esse materia hujus Sacramenti. Quod tamen non videtur habere locum in hordeo, neque in spelta, neque etiam in farre, quod inter omnia est grano tritici similis: similitudo autem figuræ in talibus magis videtur significare propinquitatem, quam identitatem speciei. Sicut ex similitudine figuræ manifestatur, quod canis, & lupus sunt propinquæ speciei, non autem ejusdem. Unde ex talibus frumentis, quæ nullo modo possunt ex semine tritici generari, non potest confici panis, qui sit debita materia hujus Sacramenti. Ita S. Thom. Verùm in quibusdam locis far, spelta, & filigo (a feligendo dicta) significant se lectum triticum, ejusque speciem in quo sensu non est dubium de valore.

*Resp. 3.* Si ad multò majorem quantitatem tritici fiat modica admixtio alterius frumenti, potest exinde confici panis, qui sit vera materia consecrationis: secus si admixtio sit magna, puta ex æquo, vel quasi. Ita a. 3. ad 3.

*Ratio ibidem:* Quia in secundo casu permixtio speciem mutat, non in primo, quia id, quod est modicum, quodammodo absimitur a plurimo.

*Resp. 4.* Quando est tanta corruptio panis, ut solvatur species, sicut cum perditur, vel mutatur sapor, color, & alia accidentia, non potest exinde confici Corpus Christi: aliquando verò non est tanta corruptio: quæ species solvat, sed est aliqua dispositio ad corruptionem, quod declarat aliqualis immutatio saporis. Et ex tal pane potest confici Corpus Christi, sed conficiens peccat propter irreverentiam Sacramenti: Ibid. ad 4. Subdit S. D. Et quia amidum (*amylum*) est ex tritico corrupto, non videtur, quod panis exinde confectus possit fieri Corpus Christi: quamvis quidam contrarium dicant.

VII. *Resp. 5.* Non est de necessitate Sacramenti, quod sit panis azymus, vel fermentatus, quia in unoquoque confici potest; conveniens autem est, ut unusquisque servet ritum suæ Ecclesiæ. Ita S. D. a. 4. in c.

*Declarat* hoc dicens: Super hoc sunt diversæ Ecclesiarum consuetudines. Dicit enim B. Gregorius in Registro: Romana Ecclesia offert azymos panes, propterea quod Dominus sine ulla commixtione suscepit carnem: sed græcæ Ecclesiæ offerunt fermentatum pro eo, quod Verbum Patris indutum est carne, sicut fermentum miscetur farinæ. Unde confici peccat Presbyter in Ecclesia Latinorum celebrans de pane fermentato, ita peccaret Presbyter Græcus in Ecclesia Græcorum celebrans  
de

depaneazymo, quasi pervertens Ecclesiæ suum ritum. Et tamen consuetudo de paneazymo celebrandi rationabilior est. Primo quidem propter institutionem Christi, qui hoc Sacramentum instituit prima die azymorum (ut habetur Matth. 26. & Marc. 14. & Luc. 22.) quæ de nihil fermentatum in domibus Judæorum esse debebat, ut habetur Exod. 12. Secundum quia panis est propriè Sacramentum Corporis (quod sine corruptione conceptum est) magis, quam divinitatis ipsius, ut infra patebit. Tertiò quia hoc magis competit sinceritati fidelium, quæ requiritur ad ulum hujus Sacramenti secundum illud primæ Cor. 5. Pascha nostrum immolatus est Christus, itaque epulemur in azymis sinceritatis, & veritatis. Habet tamen hæc consuetudo Græcorum aliquam rationem, & propter significationem, quam tangit Gregor. & in detestationem hæresis Nazæorum, qui Legalia Evangelio miscebant. Hæc S. Thom. in Solut. ad 2. ait S. D. Conscientes ex azymo non intendunt cæremonias Legis servare, sed conformare se institutioni Christi, & idè non judaizant, alioquin & celebrantes in pane fermentato judaizarent. Quia Judæi panes primitiarum fermentatos offerebant. Hæc ibidem.

VIII. *Resp. 6.* Acetum non potest consecrari, bene tamen vinum acescens. S. Thom. a. 5. ad 2.

*Ratio:* Acetum est vinum corruptum, vinum verò acescens est in via solum ad corruptionem, sicut in R. 4. de pane dictum est.

*Resp. 7.* Agresta non est materia consecrabilis, bene tamen mustum. S. Thom. a. 5. ad 3.

*Ratio:* Agresta solum est in via generationis, & nondum habet speciem vini, quam tamen habet mustum. Ergo.

Nota ex S. Thom. ibid. quod uvæ integræ non debeant huic Sacramento misceri, quia jam esset ibi aliquid præter vinum. Prohibetur etiam, ne mustum statim expressum de uva in calice offeratur: quia hoc est indecens propter impuritatem musti: potest tamen in necessitate fieri. Dicitur enim a Julio Papa: Si necesse fuerit, botrus in calice prematur.

*Resp. 8.* Vinum miraculosè factum, v. g. ex aqua, uti in Cana Galilææ, est materia consecrabilis, etiam licitè.

*Ratio:* Quia est vinum de vite, non quòd creverit in vite, sed habens naturam veri vini de vite, quod sufficit.

IX. *Resp. 9.* de necessitate præcepti debet vino, quod in hoc Sacramento offertur, misceri modica naturalis aqua, non tamen de necessitate Sacramenti.

*Ratio 1. p.* ex a. 6. fundatur ex institutione Christi: creditur enim, quod Christus hoc Sacramentum instituerit in vino aqua permixto secundum morem illius patriæ. Ude & Prover. 9. dicitur: *Bibis vinum, quod miscui vobis.*

Congruentiam dat S. D. qui illa mixtio est conveniens ad significandum effectum hujus Sacramenti, qui est unio populi Christiani ad Christum; quia ut Julius Papa dicit, videmus in aqua populum intelligi, in vino verò ostendi Sanguinem Christi.

*Ratio 2. p.* Quòd scilicet aqua debeat esse modica, nimirum una, & altera gutta sensibilibiter admixta. Quia aliis non posset converti in vinum, uti converti debere posset probabitur.

Nota ex S. Thom. a. 8. ad 3. Si aqua antea apponeretur dolio, non sufficeret ad significationem hujus Sacramenti, sed oportet aquam vino apponci circa ipsam Sacramenti celebrationem.

*Ratio 3. p.* ex a. 7. Appositio aquæ ad vinum refertur ad significandam participationem hujus Sacramenti a fidelibus quoad adunationem populi cum Christo: Sed usus fidelium non est de necessitate hujus Sacramenti, sed quid consequens ad illud, ut sæpe dictis patet. Ergo.

Ex quo sequitur, quòd, qui in Sacrificio aquam non apponeret, validè quidem consecraret, sed non licitè, graviterque peccaret.

*Resp. 10.* Nulla Eucharistiæ materia est tam magna, vel parva, quæ validè consecrari non possit, modò sit Sacerdoti saltem moraliter præsens: quæ præsentia est de necessitate, & moralis sufficit. Patet ex a. 2. S. Thomæ.

*Ratio:* Tum quia Christus Apostolis dedit potestatem absolutè, nulla facta limitatione. Tum etiam quia particula demonstrativæ, *Hoc, & Hic*, in forma consecrationis significant consecrari, quod est præsens, ac materia debita, & nisi moraliter præsens, seu aliquo sensu perceptibilis sit, per dicta pronomina demonstrari non potest. Ergo.

Nota tamen, graviter peccaturum Sacerdotem, qui sua potestate quoad hoc irrationabiliter uteretur, hostias nimis multas, aut materiam nimis magnam, vel nimis parvam, et si sat sensibilem, consecrando.

QUÆRO II. Aqua Calici admixta convertiturne immediatè in Sanguinem Christi, vel prius in vinum?

XI. *Resp.* Probabilius est, quòd aqua prius convertatur in vinum, & mediante vino in Sanguinem.

Ita Angelicus Doctor expressè hic a. 8. in c. sic, discurrens: Circa aquam adjunctam vino, sicut Innoc. III. dicit in quadam Decretali, triplex est opinio. Quidam enim dicunt, quòd aqua adjuncta vino per se manet, vino converso in Sanguinem. Sed hæc opinio stare non potest, quia in Sacramento altaris post consecrationem nihil est nisi Corpus, & Sanguis Christi: alioquin non totum adoraretur veneratione Latræ. Et idè alii dixerunt, quòd, sicut vinum convertitur in Sanguinem.

guinem, ita aqua convertitur in aquam, quæ de latere Christi fluxit. Sed ne hoc rationabiliter dici potest, quia secundum hoc aqua seorsum consecraretur a vino, sicut vinum a pane. Et ideo, sicut ipse dicit, aliorum opinio probabilior est, qui dicunt, aquam converti in vinum, & vinum in Sanguinem. Hoc autem fieri non posset, nisi ad eodè modicum apponeretur de aqua, quod converteretur in vinum. Hæc S. Thom.

*Ratio:* Nihil convertitur immediatè in Sanguinem Christi, nisi quod ex Christi institutione est idonea materia consecrationis: Sed juxta perpetuam Ecclesiæ Traditionem, & Conciliorum, Florent. & Trid. definitionem, talis materia est solum vinum de vite, seu habens naturam veri vini de vite, tale autem non est aqua manens in sua natura, etiam vino juxta posita. Ergo.

*Confirm. 1.* Ratio consecrabilis non solum debet reperiri in toto consecrabili, sed etiam in quavis ejus parte sensibili: Sed in aqua ut vino solum juncta, tanquam parte, non reperitur ratio consecrabilis. Ergo, ut consecratur, debet prius verti in vinum.

*Confirm. 2.* Sub aqua immediatè non potest Sanguis Christi conservari. Ergo illa non potest immediatè in eum converti. Conf. patet: Quia Sanguis Christi debet posse conservari in materia immediatè consecrabili.

**XII.** Ex quibus colligitur sensus SS. PP. dicentium, quod aqua offeratur, & consecratione mutetur in Sanguinem Christi, & quod consecratur Calix aqua mixtus: loquuntur enim de oblatione, & consecratione non immediata, sed mediata, nimirum mediante vino, in quod aqua prius convertitur. Exemplum sit de elementis; hæc enim in mixto non manent formaliter, sed solum virtualiter, & tamen vera est hæc locutio: Corpus humanum est mixtum ex elementis, seu elementa sunt in homine. Item hoc mixtum cum elementis convertitur in cadaver, si non immediatè, saltem mediatè: Ita etiam licet aqua non maneat formaliter in vino, quoad suam substantiam, est tamen verum dicere, A qua est vino, vinum est aquæ mixtum, sed, quod NB. non illa mixtione, de qua agitur in Physica in r. de Generat. in qua ex miscibilibus in se invicem agentibus, & reagentibus, ac a se invicem corruptis generatur unum tertium, sed qua unum ab altero prædominante in ipsum convertitur. Sic ut non diffitear in Eucharistia dari duas transubstantiationes, unam supernaturalem, & miraculosam, nimirum panis, & vini in Corpus, & Sanguinem Christi, quæ sola sit vi verborum; & alteram naturalem, nimirum aquæ in vinum.

**XIII.** *Oppos. 1.* Christus apponit aquam in magna quantitate. Ergo non poterat prius in vinum converti. Probant. Christus aquam apponit juxta morem Patriæ: Sed juxta morem

Patriæ (qui respiciebat temperantiam) apponebatur in magna quantitate. Ergo.

**2.** Si aqua prius sit vinum; Ergo materia Consecrationis non est solum vinum de vite, sed etiam de aqua.

**3.** Non est assignabilis qualitas dissimulata, per quam vinum in se convertat aquam.

**4.** Saltem illa conversio non potest fieri in casu, quo aqua, ex oblivione non apposita, esset adhuc apponenda immediatè ante Consecrationem.

*Ad 1.* neg. ant. admittitur tamen, quod Christus aquam apposuerit in majori quantitate, quam nos, & hoc ideo, quia tanquam perfectissimus naturarum omnium comprehensor sciebat, quantum aquæ posset converti in tantum vini. *Ad prob. diss. maj.* Juxta morem, & etiam ex eadem causa, ob quam erat de more Patriæ, scilicet ob temperantiam, neg. maj. ob aliam causam, nimirum mysticam significationem unionis populi cum Christo, conced. maj. Quæ unio licet solum sit moralis, per hoc non tollitur, quod conversio aquæ in vinum sit in se physica. Quia bene stat, aliquid in se esse quid physicum, sub ratione tamen signi ad placitum, sed ut institutum, esse quid morale, ut patet in signis a Deo, vel homine institutis.

*Ad 2.* patet ex R. 8. ad Q. in hoc Examine, num. 8.

*Ad 3.* neg. ant. quia illa qualitas est calor vini, qui non est quidem formalis, sed virtualis calor, estque ipsa naturalis acrimonia vini, formaliter in eo existens, sua actione aquam alterans, corrumpens, & quasi absorbens. Exemplum calor is virtualis patet in Sole, & pipere.

*Ad 4.* neg. ant. Sufficit enim brevis mora. Si tamen in eo casu aqua ob vini debilitatem non converteretur in illud, sed maneret in sua substantia, esset per accidens: Uti & tunc per accidens totum, quod est in Calice non posset adorari latría.

**XIV.** *Quomodo* in hoc casu evitaretur periculum Idololatricæ?

*Dico, hoc modo:* Quia adoratio dirigitur fide, quæ docet, in Calice nihil esse adorandum, nisi Sanguinem Christi. Idem patet in casu, quo mulca cecidisset in Calicem.

*Quomodo* subsistit in eo casu forma Consecrationis, & specialiter particula *Hic*?

*Dico,* subsistit; quia *ly Hic* in forma Consecrationis tantum designat contentum sub Speciebus vini, & intentio tum Christi, tum Sacerdotis solum est, ut consecraretur materia idonea, quæ est solum vinum de vite.

*Quid si* ille casus contingeret in Nativitate Domini, potestne Sacerdos legere secundam Missam? *Ratio* dubitandi est, quia videtur solvisse jejunium, sumendo illam aquam è Calice.

*Dico,* potest. Tum quia non licet, quod non sit conversio. Tum etiam quia talis aqua sumi-

tur per viam Sacramenti ob conjunctionem cum Speciebus, in quo differt ab ablutione, quæ idem jejunium solvit, quia fumiatur solum a Speciebus, & sine conjunctione ad illas.

*Cur vos Dominicani in Missis privatis aquam apponitis a principio Missæ?*

*Dico.* Idem, ut simus, eod magis certi de consecratione aquæ in vinum.

**QUÆRO III.** Potestne in aliquo casu saltem Papa dispensante, una Species licite consecrari sine altera?

*XV. Resp.* Licet una Species possit sine altera consecrari valide; 2. Nunquam tamen licite, quæcunque sit necessitas; 3. Nec in hoc potest Papa dispensare, vel Legem interpretari. Unde utriusque Speciei consecratio est de jure divino, & non tantum Ecclesiastico.

*Ratio 1. p.* Forma Consecrationis unius Speciei non dependet ab altera, quia independentem ab illa significat Corpus Christi. Ergo & ponit: Quia verba sunt practica.

*Ratio 2. & 4. p.* De jure divino est, quod Consecratio Eucharistiæ sit simul Sacrificium, puta, incruentum, de quo infra, ut patet ex institutione Christi: Sed non potest esse Sacrificium nisi consecratur utraque Species. Ergo. Minus Sacrificium incruentum ex sua institutione est representatio Sacrificii cruenti in Cruce oblati: Sed hoc non fuisset perfectum, sed mutilum sine effusione Sanguinis. Ergo.

*Ratio 3. p.* Papa etiam vi universalis potestatis Clavium sibi datæ non potest dispensare in jure divino absolvo, vel in eo, quod spectat ad substantiam, aut integritatem Sacramentorum, aut Sacrificii Missæ: Sed, ut patet ex Trid. Sess. 13. c. 2. quæ circa hæc potest, solum potest salva eorum substantia, nec potest, ut potest inferior, dictum jus Dei, ut potest superioris, auctoritative interpretari. *Subsumo:* Sed, ut probatum est, utriusque Speciei Consecratio est de substantia, & integritate Sacramenti, & Sacrificii Eucharistici. Ergo.

Confirm. de interpretatione. Nam hæc solum habet locum tunc, quando jus est obscurum, vel est dubium, an ad talem casum se extendat: Sed nos sub præcepto divino obligari ad consecrationem huius Sacramenti, ut substantialiter integri, non est obscurum, sed luce clarius, ut patet ex dictis. Ergo.

Quomodo Papa possit (nimirum improprie) dispensare in juramento, voto simplici, & juxta aliquos, etiam in matrimonio rato, quæ non sunt de jure divino absolvo, sed solum ex suppositione actus humani liberi: Vide supra Trad. 6. de Legem naturali. Exam. 2. nu. 13. Et ibid. Exam. 5. num. 90.

*Oppono 1.* Jus divinum præcipit, ut celebrentur summa utraque Speciem, & tamen licite sit appositum, ut patet in Neomythicum Episcopo celebrantibus. Ergo.

2. Una Species licite conservatur sine altera. Ergo & consecratur, &c.

*Ad 1. dist. ant.* Ut celebrans principalis, qui est Episcopus ordinans, conc. minus principalis, uti est Sacerdos ordinatus, neg.

*Ad 2. neg. conseq.* Quin unum jure divino prohibetur, alterum non. Et vi hujus præcepti una Species ab altera magis dependet in fieri, quam in facto esse.

**XVI.** Quando ergo resolvitis hos casus?

1. Sacerdos consecrat aquam loco vini, quod deprehendens, vinum absolute non potest habere, vel saltem non sine evidenti periculo vitæ?

2. Si quis ex metu mortis certò imminenti consecret unam Speciem sine altera?

3. Si quis Sacerdoti minetur mortem nisi pro Communionem infirmi consecret Speciem panis sine Specie vini. Nam ibi concurrunt tria præcepta, nimirum de Communionem sumenda in articulo mortis, de servanda vita, & de integritate Sacramenti: Sed duo prima præcepta sunt majora tertio. Ergo illa sunt servanda.

4. Potest esse casus, quod ad quandam Provinciam non posset asportari vinum, & nisi Species panis consecraretur, esset periculum, ne tota deficeret a fide?

*Ad 1.* Tunc non esse obligationem consecrandi Speciem vini propter impotentiam physicam, vel moralem. Eadem de causa excusaretur quis a sumptione Calicis ob Venenum in eo deprehensum.

*Ad 2.* Duplex est metus, v.g. mortis, unus ab intrinseco, alter ab extrinseco. Primus inferitur a causa naturali, seu non libera, v.g. venenum respectu sumptionis (etsi hoc fortè a causa libera fuerit appositum) alii hoc se habet materialiter, & remotè, vel jamjam impendens ruina templi, specie panis consecrata. Et talis metus excusat in præsentis casu. Metus mortis ab extrinseco excutitur a causa libera; Et hic non excusat. Sicut si Machabæi comedisent carnes fuillas ob metum mortis (quia erat ab extrinseco) inculsum ab Antiocho, peccassent, non tamen si eas comedisent, ne fame perirent, quia hic esset metus ab intrinseco. Sic etiam, si quis secundæ speciei consecrationem omitteret ex metu ruine templi, non peccaret, peccaret tamen, si eam omitteret ex metu mortis sibi inculso ab homine in contemptum Fidei, vel Sacramenti. Idem est, si fieret ad communicandum infirmum, licet enim tunc ille manens explicitè velit utilitatem proximi, quia tamen licet consecrationem unius Speciei sine altera esse Legem Divinam prohibitam, implicitè, & interpretative vult contemptum Legis Divinæ, & Dei, a qua implicita intentione non potest ejus voluntas in tali casu denudari. Ex quibus

bus patet, aliud esse, a principio habere intentionem consecrandi utramque Speciem, & postea per accidens ob metum ab intrinseco talem impediri a secundæ Speciei Consecratione : & aliud, a principio habere intentionem consecrandi unam Speciem tantum; quod posterius nunquam licet.

Ad 3. R. nec tunc licere. Negatur enim, quodd præceptum de communicando in articulo mortis, & de servanda vita sit majus, quam præceptum de integritate Sacramenti. Quia ritum pro Eucharistia consecranda a Christo insinatum servare integrum, & substantialiter immutatum, majus bonum est, quam vita corporalis, & quam Communio infirmi in re, cum hic Eucharistiam possit habere in vota, & sic salvari. Sicut obdandum Viaticum, ne quidem licet celebrare, utramque Speciem consecrando sine sacris vestibus.

Ex quo sequitur, quodd præceptum Communionis in agone obligat sub hac conditione. Si debite fieri potest, seu si sit copia Sacramenti: quando verò utraque Species non potest consecrari moraliter loquendo, non est copia hujus Sacramenti.

Nec refert instare: Præceptum, quodd cedit simul ad Deigloriam, & animarum utilitatem, majus est eo, quodd cedit in gloriam Dei tantum: Sed præceptum Communionis habet se primo modo, præceptum verò de integritate Sacramenti se habet secundo modo. Ergo. Nam major est vera, si primum præceptum sit absolutum, non verò si solum conditionatum, uti in presenti.

Ad 4. Est casus metaphysicus. Quo tamen dato, populus adhuc posset salvari per votum hujus Sacramenti, quod per animarum Curatores populo sedulo esset prædicandum; cui prædicationi, & divinæ voluntati homines timoratae conscientiae facile acquiescerent. Omni ergo necessitati succurrendum est per mediā ordinatā, non verò per talia, quæ juri divino præjudicant; uti præjudicat Consecratio unius Speciei.

Ex quibus Colligitur, præceptum divinum de utraque Specie consecranda esse negativum, seu obligans semper, & pro semper, licet appareat explicari ad modum præcepti affirmativi per illa verba Christi: *Hæc facite in meam commemorationem*, &c. sicut è contra tantum est præceptum affirmativum, quo Sacerdos tenetur Sacramentum, quodd factum fuerat imperfectum, facere perfectum. Quodd proinde obligat quidem semper, sed non pro semper, ut patet ex dictis de metu mortis ab intrinseco, Tract. 3. Exam. I. nu. 12.

De presentia, & modo, quo Christus est in Eucharistia, & de accidentibus Panis, & Vini remanentibus.

S. Thom. Quæst. 75. 76. & 77.

QUÆRO I. Estne in hoc Sacramento Corpus Christi secundum veritatem?

XVII. Hæc Quæstio ad Controversitas spectat, ideo breviter expedienda.

Resp. Christus est in Eucharistia, non solum ut in signo, & figura, sed verè; nec solum objective, sed realiter; nec solum secundum virtutem, sed substantialiter.

Est de fide contra Hæreticos, & docetur a S. Tho. qu. 75. art. 1. Patetque Joann. 6. Nam ibi Christus ait: *Panis, quem ego dabo, caro mea est, &c. Nisi manducaveritis Carnem filii hominis, & biberitis ejus Sanguinem*. Sed ibi Christus non loquitur de manducatione spirituali per fidem, ut putat Calvinus. Ergo de reali, & substantiali. Prob. min. 1. Quia aliàs Christus frustra diceret, *dabo*, sed deberet dicere, *dedi*, qui per fidem jam pridem dederat. 2. Christus frustra distingueret inter comestionem, & bibitionem; si enim hæcant per fidem, sunt idem, nimirum credere in Christum. 3. Frustrà Christus cibum Eucharisticum prætulisset mannae, dicens; *Non sicut manducavunt Patres vestra manna*. Joan. 6. v. 59. Quia etiam illud erat signum Corporis Christi veri, & per illud Christus spiritualiter manducabatur per fidem; & sic quantum ad hoc Sacramentum fideles N. L. non essent melioris conditionis, quam Veteris Legis. Ergo. Nota, Dum Scriptura, & SS. PP. Eucharistiam vocant figuram, signum, commemorationem, loquuntur de Speciebus exterioribus, non verò de contenta sub illis. Et dum asserunt, quodd Cælum continet Christum usque ad tempus Resurrectionis mortuorum, quodd Christus mundum reliquerit, quodd ejus Corpus manducari a nobis non possit, sermo est de aspectabili ejus presentia, & visibili, ac humana cum hominibus conversatione, & manducatione sub propria Specie; quodd autem invisibiliter (substantialiter tamen) velit nobiscum esse, utque ad consumptionem sæculi, ipse promissit. Quando Eucharistia vocatur Panis, & Vinum, nihil obstat; Quia Scriptura sæpe aliquid appellat nomine illius, ex quo factum est. Sicut homo vocatur terra, aut pulvis (quia ex terra est factus.) Hinc S. Augustinus citatus a Gratiano can. utrum sub figura, de cons. dist. 2. ait: *Corpus Christi & veritas est, & figura est. Est veritas, dum Corpus Christi, & Sanguis ex Panis, & Vini substantia efficitur: figura verò est id, quodd exterius sensum.*

XVIII. *Oppono* 1. Apost. 1. Cor. 11. ait: Patres nostri eandem escam spiritalem manducauerunt, & eundem potum spiritalem biberunt: Sed illi manducauerunt sola fide, & in figura. Ergo & nos. Et Joann. 6. Spiritus est, qui vivificat, caro non prodest quicquam. Verba, quæ locutus sum, Spiritus, & vita sunt, id est, spiritualiter intelligenda. Ergo.

2. Sequitur, accidentia Panis, & Vini esse sine subiecto, quod fieri nequit.

3. Corpus Christi in Eucharistia esse, & non esse in loco, seu esse in extensum localiter, cum tamen extensio ad locum sit effectus formalis quantitatis.

4. Idem Corpus ( indivisum manens ) esse simul in pluribus locis, immò in innumeris holiis, & altaribus.

5. Corpus Christi quandoque in terram cadere, a muribus derodi, devorari, dentibus teri, in substantiam aliti verti, ad motum Specierum simul sursum, & deorsum moveri, putrefcere, Sanguinem Christi accescere, in ventrem, & secessum ire, &c.

*Ad* 1. Apostolus vult, esse eandem escam ex parte rei manducata, non autem ex parte modi manducandi. Nos Christi carnem manducamus per fidem, & simul realiter: Patres verò nostri per fidem tantum. Ad alterum, patet ex S. Tho. hic q. 7. ar. 1. ad 1. ubi S. Augustinum explicans ait: Per hoc autem, quod subdit, Sacramentum, quod vobis commendavi, spiritualiter intellectum vivificabit vos, non intendit, quod Corpus Christi sit in hoc Sacramento solum secundum mysticam significationem, sed spiritualiter dici, id est, invisibiliter, & per virtutem Spiritus sancti. Unde super Joann. 11. tom 9. exponens id, quod dicitur, Caro non prodest quicquam, dicit: Sed quomodo illi intellexerunt, carnem quippe sic intellexerunt manducandam, quomodo in cadavere dilaniatur, aut in macello venditur, non quomodo spiritu vegetatur: accedat spiritus ad carnem, & prodest plurimum. Nam si caro nihil prodesset, Verbum caro non feret, ut habitaret in nobis. Hæc ibi.

*Ad* 2. R. Id naturaliter quidem fieri non posse, bene tamen miraculosè.

*Ad* 3. ita est. Nam extensio ad locum solum est effectus secundarius quantitatis, ab ea realiter distinctus, & miraculosè separabilis, licet effectus primarius, qui respectu ejus est extensio partium in ordine ad se, sit ipsa forma, seu quantitas communicata subiecto. Unde S. D. 2. 1. cit. ad 3. ait: Corpus Christi non est eo modo in hoc Sacramento sicut corpus in loco, quod suis dimensionibus loco commensuratur, sed quodam speciali modo, qui est proprius huic Sacramento. Unde dicimus, quod Corpus Christi est in diversis altaribus, non sicut in diversis locis, sed sicut in Sacramento: per quod

non intelligimus, quod Christus sit ibi solum sicut in sigoo, licet Sacramentum sit in genere signi, sed intelligimus Corpus Christi hic esse secundum modum proprium huic Sacramento. Hæc ibi: nimirum modo indivisibili, ad locum inextenso, seu ad modum substantiæ, non quantitatis.

*Ad* 4. dist. Localiter, & circumscriptivè, neg. sacramentaliter, & per conversionem, seu transubstantiationem, conced. Itaque Corpus Christi in Cælo est circumscriptivè, & a loco ibidem ita concluditur, seu circumscribitur, ut secundum eundem essendi modum, nimirum circumscriptivè, nec sit, nec esse possit alibi, juxta Thomistas in physica: bene tamen secundum diversum essendi modum, nimirum sacramentaliter, immò plures simul habet in diversis holiis præsentia sacramentalia.

Nec est eadem ratio de præsentia sacramentali, & circumscriptiva. Quod enim prior in eodem corpore possit multiplicari, & non altera, est idè, quia ratio formalis essendi in loco sacramentaliter, est conversio unius substantiæ in aliam in Sacramento: ratio autem essendi in loco quantitativè, seu circumscriptivè est quantitas. *Subsumo*: Sed possunt multiplicari, & secundum fidem defacto multiplicantur conversiones substantiæ panis, & vini in substantiam Corporis Christi, non tamen potest in eodem corpore multiplicari quantitas molis, neque enim plura accidentia solo numero distincta simul esse in eodem subiecto. Ergo.

*Ad* 5. exclamocum S. Aug. lib 22. de civ. c. 11. *Eccè quibus argumentis omnipotentia Dei humana contradicit infirmitas, quam possidet vanitas*. Omnia ergo illa sunt in Speciebus externis, non in Corpore Christi, quod non est Eucharistia modo passibili, sed impassibili, unde, nec lædi, nec pati ibi potest. Sicut ergo domus corpus cuiusvis hominis cadit in terram, striditur, læditur, fordescit, putrefcit, non tamen anima dicitur cadere, lædi, fordescere. Ita similiter. Item potest res per accidens, seu ratione alterius simul moveri sursum, & deorsum, uti anima in diversis membris.

Vide infra de forma Eucharistiæ, ubi dicitur, quod formæ verba sunt practica, & non solum significant, sed efficiant præsentiam sacramentalem.

QUÆRO II. Manetne in Eucharistia aliud de pane, & vino? & quid illud?

XIX. Hæc quæstio etiam spectat ad Contraversistas.

*Resp.* In Consecratione Eucharistiæ fit transubstantiatio, seu vera substantialis conversio totius substantiæ panis, & vini in substantiam Corporis, & Sanguinis Christi, ita ut nec materia, nec forma, nec aliud quid substantian-



stantiale de pane, & vino maneat, sed sola eorum accidentia, seu Species. Est contra Lutheros, tenentes contra veram fidem, quod maneat substantia vini, & panis, & Corpus Christi sit simul cum pane, seu, in pane, qui inde dicti sunt Impanatores.

*Ratio est*, quam insinuat S.D.q.75.a.2.in c.Si maneat panis, falsa sunt verba Christi, *Hoc est Corpus meum*. Sed hoc nequit dici. Ergo. Maj. prob. Pro nomen demonstrativum *Hoc* significat, quod substantia sub accidentibus panis contenta sit Corpus Christi: Sed si sub eis manet panis, id non significat. Ergo. Maj. patet: Hæc enim propositio, *Hoc est Corpus meum*, est affirmativa, vera, & formalis propositio: Sed ad veritatem propositionis affirmativæ requiritur identitas prædicati, & subjecti, ut docetur in Dialectica. Ergo. Min. verò probatur: Si panis maneat, lenius verborum est hic; Substantia panis (ut potè sub illis accidentibus contenta) est Corpus meum, qui sensus est falsissimus. Ergo.

Confirm. Si in aliquo sacco simul esset triticum, & lapides, falsa esset hæc propositio: Hoc est triticum. Ergo etiam falsa est hæc propositio: *Hoc est Corpus meum*, si simul maneat panis. Prob. conseq. Ideò prior propositio esset falsa, quia deficeret identitas prædicati, & subjecti (ex eo enim, quod res est, vel non est, oratio dicitur vera, vel falsa,) & quia triticum, & lapides omnino disparatè se habent: Sed idem est in præsentia, si maneat panis, & vinum in Eucharistia, ut patet. Ergo.

Ex quibus sequitur, quod substantia panis, & vini non annihilatur, ut docet S.D.q.75.a.3. ubi specialiter ad r. ait: Substantia panis, & vini facta consecratione, neque sub Speciebus Sacramenti manet, neque alibi. Non tamen sequitur, quod annihilatur: convertitur enim in Corpus Christi. Et ad 3. ait: Licet post Consecrationem hæc sit falsa, substantia panis est aliquid, id tamen, in quod substantia panis est conversa, est aliquid. Et ideò substantia panis non est annihilata. Hæc ibi.

Quod autem nihil substantiale de pane, & vino maneat, etiam sequitur; quia alias non esset perfecta transubstantiatio.

Quod maneat accidentia, congruenter ostendit S.D.q.75.a.5.in c. dicens: Sensu apparet, facta consecratione omnia accidentia panis, & vini remanere. Quod quidem rationaliter per divinam providentiam fit. Primò quidem, quia non est consuetum hominibus, sed horribile, carnem hominis comedere, & sanguinem bibere. Et ideò proponitur nobis Caro, & Sanguis Christi sumenda sub speciebus illorum, quæ frequentius in usum hominis veniunt, scilicet panis, & vini. Secundò, ne hoc Sacramentum ab infidelibus irridere- tur, si sub specie propria Dominum nostrum manducaremus. Tertiò, ut dum invisibiliter

*Tribunal Consecratorum.*

Corpus, & Sanguinem Domini nostri sumimus, hoc proficiat ad meritum fidei. Hæc S.D.

Vide nu. 18. ad 2. oppos. quomodo accidentia possint esse sine subjecto. Adde, quod quamvis accidentia etiam per absolutam Dei potentiam non possint exillere per se perfecte intrinseca, quæ debetur soli substantiæ, bene tamen perfecte extrinseca, id est, per extrinsecam Dei mantenentiam accidentium sine subjecto, seu causa materiali. Quamvis enim Deus se solo non possit supplere causalitatem causæ materialis intrinsecæ, seu materiæ primæ, per modum partis, cum forma totum compositum constituentis, potest tamen supplere causalitatem materiale extrinsecam (qualem habet subiectum respectu accidentium) non quidem in eodem genere causæ, sed in genere causæ efficientis accidentia sine subjecto conservantis.

XX. *Oppono*: Forma panis est accidens: Sed illa non manet. Ergo. Prob. maj. Panis est quoddam artificiale. Ergo forma panis est accidens.

Ad hoc neg. maj. Ad prob. neg. conseq. Rationem negationis dat S. Thom. qu. 75. art. 6. ad 1. dicens: Nihil prohibet arte fieri aliquid, cujus forma non est accidens, sed forma substantialis. Sicut arte possunt produci ranæ, serpentes, &c. talem enim formam non producit ars virtute propria, sed virtute naturalium principiorum. Et hoc modo producit formam substantialem panis, & virtute ignis deoquentis materiam ex farina, & aqua confectam. Hæc ibi.

QUÆRO III. Quid virtute verborum Consecrationis ponitur, seu continetur sub quavis Specie, nimirum panis, & vini? de quo S.D.q.76.art.1.&2.&3.

XXI. Ante R. nota ex art. r. sub Speciebus sacramentalibus posse aliquid contineri duobus modis. 1. Ex vi verborum, quod nimirum per verba Consecrationis formaliter, & expresse significatur, adeoque est terminus primarius conversionis. Quod alii paulò aliter explicant, dicendo: Esse id, quo posito ponitur veritas formæ, & quo ablato tollitur. 2. Concomitanter, uti est illud, quod est per verba non significetur, vel exprimitur, est tamen quid realiter unitum termino primario per verba formæ significato. Quo notato

Resp. 1. Ex vi verborum sub Speciebus panis ponitur solum Corpus Christi, sub Speciebus vini solus Sanguis Christi.

*Ratio*: Quia hoc solum expresse, & formaliter per verba formæ significatur.

Resp. 2. De facto sub Speciebus panis per concomitantiam continetur Sanguis, & sub speciebus vini Corpus. Ita S. Thom. 2.2.

*Ratio*: Quæ sunt conjuncta conjunctione naturali, & adæquata, ubi est unum, ibi est



& alterum, saltem per concomitantiam; Sed talis conjunctio de facto est inter Corpus, & Sanguinem Christi. Ergo.

*Dixi, de facto;* Quia cum in triduo mortis Christi non fuerit talis conjunctio inter Corpus, & Sanguinem ejus (fuerunt enim separata) si tunc fuisset facta Consecratio, sub Speciebus vini fuisset Sanguis sine corpore, & sub Speciebus panis Corpus sine Sanguine. Quia totus Sanguis dicitur, & creditur esse effusus.

XXII. *Resp. 3.* Etiam anima Christi, quæ anima, est per concomitantiam sub utraque Specie, sicut & Divinitas, & Verbum divinum, S. Thom. art. 1. ad 1.

*Ratio* patet ex dicta reali conjunctione. Vide infra in Exam. 4. seq. nu. 59. usque ad finem. Et Exam. 5. num. 74.

Nota, hanc Propositionem, Quando duo sunt conjuncta, ubi est unum, ibi etiam est alterum, esse veram *primò* de conjunctione adæquata, ita ut unum æquale late pateat, seu se non magis extendat, quam alterum. Hinc quia humanitas Christi, & Verbum divinum non ununtur adæquate, etsi bene sequatur, Ubi est Humanitas ibi est Verbum: non tamen sequitur, Ubi est verbum, ibi est Humanitas. Quia aliàs Humanitas esset ubique, sicut Verbum divinum est ubique.

*Secundò* intelligitur de conjunctione naturali, seu tali, ut illa, quæ sunt conjuncta, spectent ad integritatem, seu constitutionem ejusdem, uti in homine sunt brachia, manus, caput, sanguis naturalis, & alii humores in sua puritate considerati. Hinc quia excrementa, saliva, sudor, lacrymæ (idem est de vestibus, & cibo) non habent talem conjunctionem cum Corpore Christi, non sunt per concomitantiam in Eucharistia. Idem est de accidentibus, & attributis relativis ad locum, seu dependentibus ab extensione locali, uti stare, sedere, jacere, &c.

XXIII. *Resp. 4.* Pater, & Spiritus sanctus propriè sacramentaliter non sunt in Eucharistia, etiam per concomitantiam mediatam.

*Ratio* fundatur in S. Thom. infra q. 79. art. 7. ad 1. dicente: *Sub Hostia non est nisi totus Christus.* Nihil enim modo sacramentali per concomitantiam continetur in hoc Sacramento, nisi spectet ad totalitatem, & constitutionem Christi, & dicatur cum eo concomitanter immolari, offerri, manducari, &c. Sed Pater, & Spiritus sanctus licet unisuntur Deitati, & Verbo divino, non tamen spectant ad totalitatem, & constitutionem Christi, nec dicuntur immolari, &c. Ergo.

*Resp. 5.* Totus Christus est in tota Hostia, & totus in qualibet parte Hostiæ, etiam minima sive conjuncta, sive separata, sensibili tamen: S. Thom. art. 3.

*Ratio* S. D. est: Christus succedit loco panis:

Sed natura panis non solum est in toto pane, nec solum in parte conjuncta, sed etiam in parte separata, etiam minima, modò sit sensibilis. Ergo & Christus.

Quæri hic posset, an quando in hoc Sacramento miraculosè apparet puer, vel caro, sit ibi verè Corpus Christi. Hoc videatur clare explicatum in S. Thom. hic q. 76. art. 8.

## E X A M E N I V.

*De formæ, Effectu, Usu, & Ministro, Eucharistiæ.*

S. Thom. a Qu. 78. usque ad 82. inclusivè.

QUÆRO I. Quænam verba sunt de essentia formæ Consecrationis?

XXIV. *Resp. 1.* Probabilius est, quòd de essentia formæ Consecrationis sint hæc sola verba: *Hoc est Corpus meum. Hic est Calix Sanguinis mei.* Vel, *Hic est Sanguis meus.* Patet ex S. Th. a. 1. 2. & 3.

Supponitur autem, quòd ly *enim* sine gravi peccato non possit omitti, & quòd ad valorem sufficiant (ut patet ex suprà dictis) alia verba æquivalentia, servandus tamen in idiomate sit mos Ecclesiæ.

*Ratio:* Non alia verba sunt de essentia formæ Consecrationis utriusque Speciei, quam quæ adæquate significant præsentiam Corporis Christi sub Speciebus panis, & Sanguinis sub Speciebus vini, quam proinde, & causant, cum sint practica: Sed illam præsentiam adæquate significant præfata verba. Ergo. Min. declaratur: Particula *enim* non significat, nec efficit præsentiam sacramentalem, sed verba formæ solum connectit cum illis verbis antecedentibus, scilicet *accipite, & comedite*, ac reddit sensum causalem usus hujus Sacramenti, usus autem non est de essentia hujus Sacramenti, sed solum conditio applicata quoad effectum, vel illud complet complementum solum extrinsecum. Ergo. Deinde ad dicendum, verba illa prævia, *Qui pridie, quam pateretur*, esse de essentia formæ, solum movere potest hæc ratio, ut intelligatur, quòd verba significant Corpus Christi, & proferantur nomine ejus, non Sacerdotis: Sed hæc ratio non probat, quia ad id sufficit formalis, vel virtualis intentio Sacerdotis, etsi eam exterius in verbis non exprimat, ut patebit ex dicendis ex S. Th. a. 1. ad 4. Ergo.

Circa essentialia verba formæ Consecrationis vini controversia est inter ipsos eam Thomistas. Nam Gonet, & alii volunt, etiam alia sequentia verba, nimirum *novi Testamenti, qui pro multis offeruntur*, esse de essentia, fundantes se in

se in verbis S. Thomæ hic ait. 3. in c. dicentis: Circa hanc formam est duplex opinio: Quidam enim dixerunt; quòd de substantia formæ huius est solum hoc, quòd dicitur, Hic est Calix Sanguinis mei, non autem ea, quæ sequuntur; Sed hoc, videtur inconveniens, quia ea, quæ loquuntur, sunt quædam determinationes prædicatæ, id est, Sanguinis Christi. Unde pertinent ad integritatem ejusdem locutionis. Et propter hoc sunt alii, qui melius dicunt, quòd omnia sequentia sunt de substantia formæ usque; ad hoc, quòd postea sequitur, Hoc quotiescunque feceritis, quòd pertinet ad usum huius Sacramenti. Unde non est de substantia formæ. Et inde est, quòd Sacerdos eodem ritu, & modo, scilicet tenendo Calicem in manibus, omnia hæc verba profert. Luc. etiam 22. interponunt verba sequentia verbis præmissis, cum dicitur, Hic Calix novum Testamentum est in meo Sanguine. Dicendum est ergo, quòd omnia prædicta verba sunt de substantia formæ: sed per prima verba, cum dicitur, Hic est Calix Sanguinis mei, significatur ipsa conversio vini in Sanguinem, eo modo, quòd dictum est in forma Consecrationis panis. Per verba autem sequentia designatur virtus Sanguinis effusi in Passionem, quæ operatur in hoc Sacramento. Hæc S. Thom.

Confirmant hoc 1. Ly substantia apud sanctum Thom. idem significat, quòd essentia, nam supra q. 60. ar. 8. agens de substantia formæ Sacramentorum pro eodem accipit, esse de substantia, ac esse de essentia, ait enim ibidem: Si diminuat aliquid illorum, quæ sunt de substantia forma sacramentalis, tollitur debitus sensus verborum. Immo (ait Aravio) nunquam invenitur apud ipsum, substantiam non accipi pro essentia. Ergo.

Confirmant 2. S. Thom. ait: Quidam dixerunt, quòd de substantia formæ huius est hoc solum, quòd dicitur, Hic est Calix Sanguinis mei, non autem ea, quæ sequuntur. Et subdit: Sed hoc videtur inconveniens. Item alii melius dicunt, quòd omnia sequentia sunt de substantia formæ. Subsumo: Sed in his ultimis verbis S. D. per substantiam intelligit essentiam. Ergo. Prob. min. S. Tho. in eodem sensu accipit nomen substantiæ, in quo Auctores, quos impugnatur, illud accipiebant, quia aliàs æquivocaret, & nihil diceret ad propositum, nec bene eos refutaret. Sed illi Auctores nomen substantiæ accipiebant pro essentia. Ergo.

Confirmant 3. S. Th. in 4. d. 8. q. 2. a. 2. q. 1. ad 3. argumentum (quod sic habebat) Proprietates naturaliter consequuntur substantiam rei: Sed illud, quòd consequitur substantiam, non potest esse factivum transubstantiationis. Ergo, cum illa verba, quæ consequuntur, designent aliquas proprietates Sanguinis, in quem fit transubstantiatio, videtur, quòd non sint de

forma: ad hoc, inquam, respondet sic S. Thom. Quamvis illa verba, quæ sequuntur, designent aliquas proprietates Sanguinis, inquantum huiusmodi, sunt tamen essentielles Sanguini, inquantum est per Passionem effusus. Subsumunt: Sed Eucharistia est instituta non solum per modum cibi, & potus spiritalis, sed etiam, ut expresse tanquam Sacrificium significet Passionem Christi, quæ completa, & consummata fuit in effusione Sanguinis. Ergo.

Confirmant 4. S. Pius V. oppositâ Sententiam ex Commentariis Cajetani, qui hac in parte a S. Tho. recesserat, iussit expungi. Ergo.

Confirmant 5. Ecclesia Latina tam necessaria iudicat illa verba sequentia, ut in Rubricis Missalis præcipiat, formam ex integro esse repetendam, si contingeret aliqui illorum verborum omitti. Ergo sunt de essentia. Prob. consequ. Quia aliàs non esset opus omnia repetere.

His non obstantibus probabilis manet, quòd Sententia nostra attingat mentem S. Thomæ. Prob. 1. Quia S. Tho. clare ait: Sed per prima verba cum dicitur, Hic est Calix Sanguinis mei, significatur ipsa conversio vini in Sanguinem eo modo, quòd dictum est in Consecratione panis: Sed verba Consecrationis, cum sint prædicta, efficiunt, quòd significant, & in forma Consecrationis panis alia verba non sunt de essentia. Ergo.

2. S. D. expresse ait, alia verba pertinent ad integritatem ejusdem locutionis: Sed partes integrales non sunt essentielles. Ergo.

3. S. Thom. in a. 1. quærens an hæc sit forma huius Sacramenti, Hoc est Corpus meum, & Hic est Calix Sanguinis mei, sibi obiicit argumentum, quòd vult probare, etiam illa prævia verba, Qui pridie, quàm pateretur, &c. esse de essentia, ut intelligatur forma præferri nomine Christi, & non Sacerdotis. Et Respondet: Ad 4. dicendum, quòd quidam dixerunt, hoc Sacramentum perfici non posse prædictis verbis prolatis, & aliis prætermisissis, præcipue, quæ sunt in Canone Missæ. Sed hoc patet esse falsum, quia Canon Missæ non est idem apud omnes, nec secundum omnia tempora, sed diversa sunt a diversis aposita. Unde dicendum est, quòd si Sacerdos sola verba prædicta proferret cum intentione conficiendi Sacramentum, perficeretur hoc Sacramentum. Quia intentio faceret, ut hæc verba intelligerentur, quasi ex persona Christi prolata, etiam si verbis præcedentibus hoc non exprimeretur. Hæc S. Thom.

Quibus verbis S. D. non solum ab essentia formæ excludit illa verba antecedentia, Qui pridie, &c. sed etiam sequentia, novi, & æterni Testamenti, &c. Tum quia ait, Si Sacerdos sola illa verba prædicta proferret cum intentione, &c. perficeretur Sacramentum, verba nimirum in titulo articuli posita: Sed verba illa sunt sola. Hic est Calix Sanguinis mei. Ergo. Tum quia S. D. addit.

addit. *Quia Canon Missæ non est idem apud omnes, &c. diversa sunt a diversis appositæ, &c. Subsumo*: Sed etiam verba sequentiæ, nimirum, novi, & æterni Testamenti a diversis sunt omiffa, ut patet ex Lectione Liturgiarum, tam modernarum, quam antiquarum; illa verò, Hic est Calix Sanguinis mei, sunt eadem apud omnes. Ergo.

XXV. Hinc ad fundamentum Gonetii, & aliorum Resp. quod S. Thom. ibi per substantiam non intelligat essentiam, sed integritatem; ait enim, *pertinent ad integritatem locutionis* tanquam declaratio, expressio, & explicatio formæ essentialis, prolata eodem ritu, & modo. Exemplificat hoc noster Contenson in forma Sacramenti Pœnitentiæ, quæ licet essentialiter consistat in *ly absolvo te*, tamen illa verba, *a peccatis tuis*, ex usu Ecclesiæ addita, possunt dici esse de substantia formæ, quia eandem propositionem integrant, eodemque ritu, & modo proferuntur. Idem est in Ecclesiæ Græcæ de illis verbis, *Quod pro verbis traditur*.

Ad 1. *Confirm.* dist. ant. Aliquando, conc. semper, neg. Unde ly substantia, sicut in Philosophia, ita & in Theologia aliquando accipitur pro essentia, aliquando pro integritate. Primo modo accipitur a S. Th. q. 60. ut patet ex textu, insinuat enim, quod per diminutionem substantiæ intelligat mutationem, *qua tollitur debitus sensus verborum*. Secundo modo sumitur a S. Thoma in præsentii, quod etiam clarè patet: dicit enim *proficere ad integritatem*. Unde negatur, quod dicit Aravio.

Ad 2. *Confirm.* neg. min. subsumptam. Ad prob. iterum neg. min. Quia Auctores a S. Thoma impugnati volebant, quod verba sequentiæ *novi, & æterni*, &c. in nullo sensu spectent ad substantiam formæ, sed habeant se sicut illa verba, *Hæc quotiescumque feceritis*, &c.

Ad 3. *Confirm.* mens S. Thom. patet ex ipsis verbis; loquitur enim de Sanguine *in quantum* id est, reduplicativè, *ut effusus*, & revera separatus fuit; Sanguinis autem ut talis essentiam explicat illa verba, quam verba essentialia solum significant implicitè. Unde ad min. dicitur, quod illa expressa significatio Sanguinis, ut revera separati, non fit de essentia, sed de substantia; & verba essentialia significant Sanguinem mysticè separatum, & mysticè separant. Proinde ratio Sacrificii non tollitur. Dum verò S. D. dicit, quod etiam sequentiæ verba pertineant ad vim effectivam, loquitur de virtute substantiali, seu integrali, non essentiali.

Ad 4. *Confirm.* R. cum Contensonio factum esse, idèd, quia Cajetanus germanam D. Th. mentem non attigerat, vir alioquin ingeniosissimus, & eruditissimus ad Purpuram jam assumptus, subindeque sui juris factus, & propriis opinionationibus plus æquo indulgens. Etenim

arbitratus est, S. Thomam existimare omnia verba illa esse formæ Calicis essentialia, quibuldam articuli tertii verbis ab aliorum contextu divulsis deceptus. Hæc ille.

Ad 5. *Confirm.* Respondet bene idem Auctor, quod Ecclesiæ per hoc ostendat suam cautelam, & sollicitudinem sectans securiora in Sacramentis; cum enim omnia illa verba ad essentiam desiderari multi Doctores teneant, illa præsertim, quæ effusionem Sanguinis significant, & aliunde in possessione illius formæ Ecclesiæ sit, eam retinere, & omiffum instaurare prudentissimè studet: ut in re omnium maxima, centro nimirum Religionis, & pietatis, Eucharistia, nullum prorsus dubium superfit. Cum verò verba ex integro repetuntur, postquam semel prolata sunt illa, *Hic est Calix Sanguinis mei*, tunc non sunt consecratoria, cum Consecrationem supponant, sed sunt explicativa, & declarativa proprietatum Sanguinis Christi fusi, & veluti sacer formæ commentarius a Traditione consecratus. Hæc ille. Ex quibus dist. ant. Judicat necessaria necessitate essentia, neg. explanationis, conc. Unde est necessitas præcepti, non Sacramenti.

QUÆRO II. Verba formæ proferunturne recitativè, scilicet historicè solum, vel etiam formaliter significativè? Quævis, & efficacia eis inest? & pro quo supponit ly *Hoc*, & *Hic*?

XXVI. Ante R. nota, quod verba proferri recitativè, & materialiter est, ea proferri per modum narrationis, in quantum referuntur verba in ultima Cœna a Christo prolata, ac si Sacerdos diceret: Hæc erant verba Christi, *Hoc est Corpus meum*, &c. Ali significativè proferri est, exerceri ipsius formæ, seu verborum significationem, quæ ab ipso indubiè non historicè, sed formaliter, & significativè sunt prolata. Hoc notato

Resp. 1. Forma Consecrationis proferenda est non solum materialiter, recitativè, seu historicè, sed etiam formaliter, & significativè. Ita S. Thom. q. 78. art. 5.

Ratio: Verba Sacramentorum sunt signa prædica, & efficiunt, quod significant: Sed si non proferantur significativè, & formaliter, sed tantum recitativè, & materialiter, tunc non significant, ex hoc pane, quem Sacerdos habet in manibus, confici Corpus Christi. Ergo. Min. Pro. Si proferantur tantum recitativè, per ea solum refertur factum Christi: Ergo.

Resp. 2. In verbis formalibus hujus Sacramenti est quædam virtus creata ad conversionem faciendam, instrumentalitatem. Ita loquitur S. Th. q. 78. a. 4. in c. Ubi admittit virtutem hanc esse physicam, non præcisè moralem. Nam ad 1. ait: Cum dicitur, sola virtute Spiritus S. panem in Corpus Christi converti, non excluditur virtus instrumentalis, quæ est in forma hujus Sa-

cræ-

eramenti; Sicut cum dicitur, Solus faber facit cultellum, non excluditur virtus martelli. Hinc ibi. Virtus autem Martelli est physica. Ergo.

*Ratio* patet ex dictis supra de causalitate Sacramentorum Novæ Legis, Tract. 11. Exam. 2. n. 12. R. 2.

*Resp. 3.* Verba formæ ponunt Corpus, & Sanguinem Christi sub speciebus statim ac sunt prolata, seu ante Sumptionem. Est contra Lutheranos.

*Ratio* patet ex dictis: Tum quia verba sunt practica, adeoque statim causant quod significant, nec manent suspensa ad Sumptionem usque: hoc enim est deessentia Eucharistiæ, nec dat ei virtutem, ut supra probatum est. Tum etiam, quia alias tolleretur veritas verborum Christi, *Hoc est Corpus meum*, sed esset dicendum, *Hoc erit*, &c. Vel, *Hic erit*.

*Resp. 4.* Forma Consecrationis panis habet suum effectum ante alteram formam.

*Ratio* patet supra Exam. 2. n. 15. ad Q. 3. in prob. 1. partis.

*Resp. 5.* Pronomen *Hoc*, & *Hic* in forma Eucharistiæ non supponunt pro Speciebus, nec pro substantia panis. 2. Nec etiam *Hoc* junctum particulæ *Est* facit hunc sensum: Hæc substantia panis transit, seu convertitur in Corpus Christi. 3. Significant ergo, seu demonstrant aliquid commune pani & Corpori, vino & Sanguini Christi, non quidem sub ratione communi sive generica, sive specifica, sub ratione particulari, quasi singulari vagæ, ut hujus propositionis, *Hoc est Corpus meum*, *Hic est Sanguis meus*, sensus sit: Substantia sub illis Speciebus contenta est Corpus meum, Sanguis meus. Ita S. Thom. hic q. 78. art. 5. in corp.

*Ratio 1. p.* Quia alias Corpus Christi prædicaretur de panis, & Sanguis de vino, vel accidentibus ejus, v.g. Panis est Corpus Christi: Sed hoc est falsum. Ergo.

*Ratio 2. partis.* Quia *ly est* in forma non significat transitum, sed permanentiam.

*Ratio 3. p.* ex S. Thom. art. 5. id: Verba formæ sacramentalis significant id, quod efficiunt: Sed efficiuntur, ut contentum sub Speciebus, quod prius erat panis, seu Corpus Christi. Ergo etiam significant tale contentum, seu quid commune utrique sub ratione singulari vagæ. Mai. etsi pateat ex dictis, declaratur; Licet propositio speculativa præsupponat suum objectum, cum de ea verificetur illud axioma, Ex eo quod res est, vel non est, propositio dicitur vera, vel falsa, illud tamen non præsupponit propositio practica, uti est forma Sacramenti, hæc enim etsi aliquid affirmet in re, non tamen ita affirmat, ut illud præsupponat, sed ut efficiat. Exemplificari hoc potest sic: Quando Christus in Gana Galilee aquam mira-

culosè convertit in vinum, appositis illis Hydriis, verum fuit dicere: Hoc est vinum, id est, substantia in istis Hydriis contenta est vinum, quæ antefuit aqua. Ita similiter.

Ex quo sequitur, quod significatio pronominis *Hoc*, aut *Hic* non fit totaliter suspensa usque ad finem prolationis verborum, sed statim a principio significet, & demonstret contentum sub Speciebus, non tamen determinando, quod illud sit, an nimirum sit panis, vel Corpus Christi, quousque ejus significatio determinetur ad Corpus Christi per verba sequentia in fine prolationis omnium verborum. Hæc autem conversio non fit successivè, sed in instanti, ut docet S. Thom. cit. a. 5. inc. Et a. 2. Et q. 75. a. 7.

XXVII. *Licetne repetere verba formæ in eadem Missa?*

*Dico* esse grave Sacriligium.

*Ratio*: Quia verba falsificantur, cum proferantur super materiam jam consecratam.

*Effus* peccatum repetere partem formæ? v. g. *ly Hoc*, vel *Hic*.

*Dico*: si fiat ex minima anxietate, uti fieri solet, vix erit veniale, vel saltè illud non excedit.

*Ratio*: Quia Sacramentum non exponitur periculo, nec finis verborum variatur.

*Quid si celebrans probabiliter dubitet, an verba Consecrationis protulerit?*

*Dico*: Tenetur formam repetere sub conditione.

*Ratio*: Quia aliàs Sacramentum exponit periculo nullitatis, & se periculo peccati mortalis.

*Nonne* super aliam saltem materiam, seu hostiam potest in eadem Missa forma proferri?

*Dico*: Non potest sine sacrilegio.

*Ratio*: Quia unum numero Sacrificium petit unam numero formam.

*Effectus Eucharistiæ. S. Thom. q. 79. per 8. art.*

QUÆRO III. Quis est? Potestne applicari aliis non sumentibus?

XXVIII. Ante R. Nota, multa hic dici posse, quæ jam tractata sunt in præcedentibus, nimirum. Quando Eucharistia causet gratiam. De quo vide Tract. 11. Exam. 2. num. 16. R. 2. An aliquo casu possit causare gratiam primam, & remittere peccatum mortale. Vide ibidem, n. 10. R. 3. An causet gratiam recedente fisione, ibid. n. 13. R. 3. An peccatum veniale impediat hujus Sacramenti effectum, vel an ad eum percipiendum requiratur devotio actualis, vel sufficiat habitualis per statum gratiæ, ibid. n. 22. R. 5. Hoc notato.

*Resp. 1.* Effectus primarius Sacramenti Eucharistiæ est gratia secundæ cibativa: secundarius est spiritualis quædam dulcedo. Patet ex sæpe dictis supra de Sacram. in communicato n. 22. R. 5. usque ad finem.

*Resp. 2.*

*Resp. 2.* Etiam adeptio gloriæ est effectus huius Sacramenti juxta S. Thom. a. 2. Patet ex illo Joan. 6. *Si quis manducaverit ex hoc pane, vivet in æternum.*

Nota, adeptioem gloriæ esse effectū Eucharistiæ, non tantum ex ratione omnibus Sacramentis communi, quia nimirum ejus effectus est gratia, quæ est semper gloriæ, sed etiam ex ratione speciali, quia nimirum vitam spirituales prius in Baptismo acceptam spirituales nutriendum auget, & conservat, ut possit continuari usque ad tempus, quo gloria recipiatur.

*Resp. 3.* Virtute huius Sacramenti remittuntur peccata venialia. S. Thom. a. 4.

*Ratio est:* Omne Sacramentum causat gratiam, & charitatem ex opere operato: Sed quoties infunditur gratia, remittuntur venialia, ut docet S. D. infra q. 87. a. 2. Ergo Eucharistia tollit venialia, & quidem ex hac ratione (omnibus Sacramentis communi immediate. Deinde ex ratione sibi peculiari, mediata. Quia ex opere operato specialiter excitat fervorem charitatis: Sed hic fervor opponitur peccato veniali. Ergo tollit illud.

Nota tamen, quod, etsi Eucharistia habeat virtutem tollendi simul omnia venialia, non tamen semper omnia delet, non defectu sui, sed ob indispotionem suscipientis, ait S. D. a. 4. ad 3.

*Resp. 4.* Per Eucharistiam etiam remittitur pena peccati, non tota, sed secundum quantitatem devotionis fumentium. S. Thom. a. 5.

*Declaratur* Eucharistia ut Sacramentum (de ea, ut est Sacrificium, agitur infra cum S. Tho. q. 87.) penam non remittit quidem directe, cum non sit instituta ad satisfaciendum, sed ad spiritualiter nutriendum viunionis ad Christum, & ad membra ejus, adeoque proprius, & directus effectus ejus est gratia nutritiva; sed indirecte, causando enim gratiam, & fervorem charitatis, etiam indirecte causat remissionem poenæ, juxta majorem, vel minorem fervoris charitatis intentionem.

*Resp. 5.* Per Eucharistiam homo præservatur a peccatis futuris. Ita S. Thom. a. 6.

*Ratio* S. D. est: Quia homines intus in anima roborantur tanquam cibis spiritualis, & exterius demonum incursum depellit. Unde Chrysost. super Joan. ait; Ut Leonis flammam spirantes, sic ab illa mensa discedimus, terribiles effecti Diabolo.

XXIX. *Resp. 6.* Eucharistia fumentibus ex opere operato prodest non solum ut Sacrificium, sed etiam ut Sacramentum: non fumentibus verò ex opere operato prodest solum ut Sacrificium, ut Sacramentum autem ex opere operantis. Ita a. 7.

*Prima pars.* quod nimirum Eucharistia fumentibus prodest, probat S. D. ex illis verbis Canonis: Quotquot ex hac altaris partici-

patione sacrosanctum Filii tui Corpus, & sanguinem sumplerimus, omni benedictione cælesti, & gratia repleamur.

2. *Partem* ex illis, Memento, Domine, famulorum, famularumque tuarum, pro quibus offerimus, vel qui tibi offerunt hoc Sacrificium pro se, suisque omnibus, &c.

3. *Partem* probat ex forma Consecrationis Calicis Matth. 26. & Luc. 22. *Hic est sanguis, &c. qui pro vobis scilicet fumentibus, & pro multis scilicet aliis, effundetur in remissionem peccatorum.*

4. *Partem* patet: Quia actus communicandi, seu sacra Communio est actus Religionis, & opus Deo gratissimum. Ergo ex opere operantis potest pro aliis offerri, si live vivis, live defunctis prodesse per modum meriti de congruo vel per modum satisfactionis, aut impetrationis, in quo hoc Sacramentum consistit habere specialem efficaciam, non minus ac habent alia bona opera, nimirum jejunium, oratio, elemosyna, &c.: Tum propter realem Christi præsentiam, & quasi familiariorem conjunctionem. Tum etiam, quia specialiter excitat fervorem charitatis.

*Ufus, seu Sumptus Eucharistiæ, & dispositio animæ ad eam.*

S. Thom. q. 80. per 12. art.

QUÆRO IV. Quot sunt modi manducandi Christum? quæ dispositio requiritur in sumente? quantum peccatū est indigna sumptio?

XXX. *Resp. 1.* Triplex est manducatio Eucharistiæ, ut patet ex Trid. Sess. 13. c. 8. Prima sacramentalis tantum, quæ est in malis Christianis, qui quidem sumunt verum Sacramentum, sed sine fructu. Unde Ecclesia canit; *Sumunt boni, sumunt mali, forte tamen inaequali, vix, vel interitus.* Secunda est spiritualis tantum, qualiter manducatur ab hominibus justis, quando fide viva hoc Sacramentum recipiunt in voto, & desiderio explicito manducandi illud realiter, qui etiam recipiunt ejus fructum, scilicet gratiam. Quæ tamen non est propriè sacramentalis, cum non sit ex opere operato, nec a Sacramento in recepto causata, uti requiritur ad gratiam sacramentalem: Vocatur tamen effectus Sacramenti, quia datur per ordinem ad illud, ex opere tamen operantis; estque similis effectui sacramentali. Tertia est sacramentalis, & spiritualis simul, quia ab homine justo recipitur hoc Sacramentum, & fructus ejus. Adiposset querens modus manducandi Christum, qui tamen ad unum ex prædictis reduci potest, nimirum realis, & purè materialis, qualiter posset sumi a bruto, vel ab eo, qui nescit, quod sumit, esse Sacramentum, sed sumit ut naturalis alimentum.

XXXI. *Resp. 2.* Licet Angeli spiritualiter man-

manducant Christum, non tamen convenit eis spiritualiter manducare hoc Sacramentum. Ita S.D. a. 2.

*Declarat hoc:* Dupliciter contingit spiritualiter manducare Christum. Uno modo prout in sua specie consistit. Et hoc modo Angeli manducant spiritualiter ipsum Christum, inquantum ei uniuntur fructione charitatis perfectæ, & visionis manifestæ (quem Panem expectamus in Patria) non per fidem, sicut nos ei hic unimur. Alio modo contingit spiritualiter manducare Christum, prout est sub Speciebus huius Sacramenti, inquantum aliquis credit in Christum cum desiderio sumendi hoc Sacramentum. Et hoc non solum est spiritualiter manducare Christum, sed etiam spiritualiter manducare hoc Sacramentum, quod non competit Angelis. Hæc S. Thom.

Ex quibus patet quomodo Christus dicatur cibis, vel panis Angelorum, merito a nobis angelica cum puritate in Eucharistia sumendus.

XXXII. *Resp.* 3. Habens conscientiam peccati mortalis, per se, & regulariter loquendo tenetur, & quidem ex præcepto divino, non naturali, sed positivo, præmittere confessionem ante Communionem.

Ante probationem Nota, hic non esse sermonem de Sacerdotibus celebrantibus, de iis enim idem jam dictum est Tract. 11. Exam. 4. n. 38. R. 1. & 2. Item, quæ dispositio sufficiat, ad recipiendum fructum Eucharistiæ, vide ibid. Exam. 2. n. 22. R. 5. Hoc notato

1. *Part* de obligatione absolute statuitur a Trident. Sess. 13. can. 11.

2. *Part*, quod sit præceptum divinum, colligitur ex eodem Trident. ibidem, ait enim: Statuit, atque declarat ipsa S. Synodus, illis, quos conscientia peccati mortalis gravat, quantumcunque etiam se contritos existiment, habita copia Confessoris, necessariò præmittendam esse Confessionem Sacramentalem: *Subiungo:* Sed declaratio præcepti supponit præceptum. Ergo est divinum.

*Ratio* 3. p. Constituta natura huius Sacramenti, potuit Deus ordinare, ut quis sine confessione licite illud reciperet, & quod contritio esset sufficiens dispositio, & reverentia. Ergo prævia confessio non oritur ex natura huius Sacramenti, consequenter nec est præceptum naturale de ea, etiam in ordine gratiæ, sed tantum supposito Dei statuto per Apostolum loco citato nobis tradito.

Dixi in R. 3. *per se, & regulariter*; quia in quibusdam casibus licet communicare cum sola contritione. Pro quo

*Resp.* 4. In casu, quo peccator non habet copiam Confessoris, & urget gravis necessitas communicandi, potest licite communicare e licita contritione, vel etiam attritione super-

naturali, quam prudenter existimat esse contritionem: sed omnino requiritur utramque hanc conditionem adesse, scilicet Confessarii carentiam, & communicandi necessitatem, alterutra deficiente, non licet.

*Declaratur 1.* Quando censetur non esse copia Confessarii. *Primò.* Quando nullus adest Sacerdos. 2. Si quidem adsit, sed non possit ei confiteri sine interprete. De quo vide infra de confessione Tract. 13. Exam. 4. n. 60. 3. Si Confessarii præsentis non possit confiteri sine gravi periculo pertractionis ad peccatum, vel tractionis sigilli, & secuturi inde damni, vel infamiae. Ubi si periculum censetur esse solum respectu unius, alteriusve peccati, his omisiss, tenetur confiteri alia. Porro quanta ad omittendum confessionem sufficit distantia Confessarii, vide supra Tract. 11. Exam. 4. num. 38.

*Declaratur 2.* quæ sit illa gravis necessitas. *Primò* est in periculo mortis, ut si aliis quis esset moriturus sine Viatico. 2. Dum Sacerdos ex officio tenetur celebrare, & per alium non potest supplere. 3. Si necesse sit celebrare, ut consecratur hostia pro Communionem moribundi, sive Sacerdos teneatur ex officio, sive non. 4. Quando sine scandalo celebratio, vel Communio nequit omitti. Et qui similes casus se offerant, quorum necessitas maxime pendet ab arbitrio prudentum, & habent locum etiam in Laico, ut sufficiat ei contritio.

*Resp.* 5. Probabilius est, quod præceptum Trident. (de quo supra Tract. 11. Exam. 2. R. 2.) positum Sacerdoti sine prævia confessione celebranti, dum est in mortali, ut quamprimum confiteatur, non obliget Laicos.

*Ratio:* Quia potuit occurrere specialis causa, cur celebrantibus id præciperetur, & non aliis, quia Sacramentum non solum sumunt, sed etiam conficiunt, & offerunt. Ergo in eis requiritur maior præparatio, & reverentia. Hinc S. Thom. hic q. 83. a. 6. ad 2. asserit, in eo, cui deest copia Confessarii, & Communionis necessitas urget, requiri propositum confitendi, & satisfaciendi, nisi addens de statim postea confitendo.

Ex quo sequitur, quod si etiam Sacerdos in necessitate communicaret more Laicorum sine prævia confessione, non teneatur statim post Communionem confiteri. Quia Concilium solum loquitur de celebrantibus. Si tamen Sacerdos deberet complere sacrificium ab alio inchoatum, vel qui in Parascève ex necessitate faceret officium sine confessione, obligatur postea quamprimum confiteri, quia facit actionem Sacerdoti propriam, proindeque nomine celebrantis comprehendam.

*Resp.* 6. Dictum præceptum obligat, ut prævi fiat confessio integrè de omnibus peccatis, quorum habetur memoria.

*Ratio* patebit infra de obligatione ad integritatem confessionis.

Ex quo sequitur, quod si quis post confessionem recordetur alicuius peccati mortalis oblitus, & Confessarium commodè habere possit, tenetur illud adhuc ante Communionem confiteri; Qui verò ad mensam Communionis jam sedet, seu fessit, & recordatur alicuius peccati mortalis, & sine nota infamiae recedere, Confessariumque adire nequit, potest elicitam contritionem licite communicare.

XXXIII. *Resp. 7.* Qui Eucharistiam sumit cum conscientia peccati mortalis, peccat mortaliter peccato sacrilegii. Quod quamvis secundum suam speciem sit gravius plerisque aliis, non tamen est omnium gravissimum. Ita S.D. a. 4. & 5.

1. *Pars* patet ex illo 1. ad Cor. 11. Qui manducat, & bibit indigne, iudicium sibi manducat, & bibit, id est, condemnationem, idque propter gravem irreverentiam.

*Nota* ex solutione ad 2. quod alia sit medicina, quæ datur sanandis, & hæc supponit infirmitatem; alia quæ datur jam sanatis ad confortationem, & talis est Eucharistia.

2. *Pars* declaratur ex S. Thom. a. 5. Cum essentialis, & primaria peccati gravitas, & per se talis desumatur ab objecto, eiusque dignitate, tantò peccatum est gravius, quantò majus est objectum, contra quod peccatur, ut patet suprà in Tract. de peccatis. Ergo illa peccata per se sunt gravissima, quæ committuntur immediate in ipsam divinitatem, & directe repugnant Virtutibus Theologicis, ut sunt, infidelitas, blasphemia, desperatio, odium Dei. Secundo loco ponuntur illa peccata, etiam sat gravia, quæ committuntur in humanitatem Christi in propria specie: uti fuerunt peccata Judæorum crucifigentium Christum. Tertio locosunt, quæ committuntur contra Sacramenta, præsertim contra augustissimum Eucharistiae Sacramentum, ad quæ spectat peccatum sacrilegæ Communionis. Postremo locosunt, quæ committuntur contra puras creaturas, ut furtum, homicidium, &c.

Dixi, *per se*: Quia per accidens unum peccatum est gravius altero ex parte peccantis, ut, si unus peccet ex contemptu, vel certa scientia, alter ex quadam ignorantia, vel infirmitate. Item ratione majoris damni, vel scandalii, prout explicatum est suprà de peccatis, Tract. 4. Exam. a. n. 34. & seqq. Et secundum hoc peccatum indignæ communionis gravius est in illis, qui accedunt ex actuali contemptu cum conscientia peccati mortalis, quam in iis, qui accedunt indignè ex quadam timore, ne deprehendantur in peccato. Item est eò gravius, quòd pluribus & gravioribus peccatis sumens est obnoxius.

Tandem longè gravius peccatum esset, im-

mò maximum horrorem præferret, si quis hoc Sacramentum canibus devorandum, vel in lutum conculcandum, vel in sterquilinum proiceret. Rationem dat S.D. hic ad 3. Quia hoc faceret ex intentione injuriam faciendi huic Sacramento, quod non intendit peccator indignè communicans.

Ex quibus patet, sacrilegam Communionem secundum speciem esse gravius homicidio (scilicet de Deicidio) homicidium verò sit gravius ratione damni, ut potest quod est irreparabile.

QUÆRO V. Eucharistia estne deneganda peccatoribus?

XXXIV. *Resp. 1.* ex S. Thom. a. 6. Publicis, seu manifestis peccatoribus non est danda Eucharistia, nisi post penitentiam, & reconciliationem.

*Ratio*: Tum quia sic exigit divina Majestas, & disciplina Evangelica. Tum etiam quia tales per publicum crimen non expiatum amiserunt jus ad Eucharistiam.

*Nota*, manifestos peccatores dici, quorum peccata noluntur ante Judicis sententiam, aut per propriam confessionem in iudicio factam, vel per facti evidentiam, nulla tergiversatione, celabilem: quæ evidentia debet pensari non ex solo testimonio numero, sed attendita qualitate delicti, loci, personarum, quibus de crimine constat. Tales sunt publici usurarii, raptores, &c.

*Resp. 2.* Peccatori publico post penitentiam occultè petenti potest dari Eucharistia, modò illis, coram quibus sumit, consilet de penitentia. Unde & ejus Communio non est publicanda, antequam innotescat ejus emendatio.

*Ratio*: Quia per publicum crimen solum est amissum jus sumendi publicè, ne detur aliis scandalum.

*Resp. 3.* Peccatori publico occultè petenti neganda est Eucharistia.

*Ratio*: Quia nulla subest causa scandalii, vel infamiae in hac denegatione.

*Resp. 4.* Peccatori occulto publicè petenti Eucharistiam non est neganda.

*Ratio*: Tum quia publicè est in possessione suæ famæ, adeoque non est diffamandus publicè. Tum etiam, quia ita fecit Christus in Cæna, Corpus suum dando Judæ. De quo vide in hoc Exam. n. 57. R. 3.

*Resp. 5.* Si Sacerdos peccatum sciit per solam confessionem, & non possit ex alia causa honestè se excusare, debet dare etiam occultè petenti. Secus si sciit simul alia via.

*Ratio 1. p.* Quia Sacerdos obligatur sigillo Confessionis etiam respectu penitentis, ita ut sine ejus consensu de peccatis in confessione auditis extra confessionem, etiam cum ipso licitè loqui non possit. Ergo.

*Ratio 2. p.* Quia tunc potest alio modo se excusare.

*Resp. 6.*



*Resp. 6.* Ad evitandum peccatum indignè sume-  
mentis non licet in ullo casu ei dare hostiam  
non consecratam. Ita S.D. a. 6. ad 3.

*Ratio:* Tum quia ad esset fidiu, qua verbis, sac-  
do, vel gestu affirmaret, id esse Christum, quod  
non est. Tum etiam, quia populum, vel ipsum  
sumentem exponeret peccato idololatriæ.

*Resp. 7.* Nullo modo Corpus Christi debet dari  
alicui suspecto de crimine, quasi ad examina-  
tionem. Ita S.D. ibid. ad 3. Unde & graviter  
peccant viri, quia ad S. Communionem cogunt  
uxores, quas de adulterio habent suspectas.

*Ratio:* Quia est tentatio Dei, ut extraordina-  
rio signo patefaciat veritatem.

**XXXV.** *Quid si Sacerdos Communionem di-*  
stribuens inter communicantes videat femi-  
nam, quæ sacra hostiam extrahit, ex ore in thro-  
pholum, eam, ut suspicatur in bonorandam?

*Dico,* hic cautè agendum esse. *Primo,* si Sa-  
cerdos feminam non cat, vel ex aliquo signo no-  
tare, & postea cum ea seorsim loqui possit, &  
malum impedire, id faciendum est. 2. Si aliis  
non advertentibus hostiam ei eripi possit,  
eripiat: si neutrum horum possit fieri, res  
Deo commendetur. 3. Femina illa publice con-  
fundenda non est, ne hostia ei eripiunda.

*Ratio:* Tum quia iuxta suprà dicta, Eucha-  
ristia potest, immò debet ministrari occulto  
peccatori publice potenti. Ergo etiam potest  
relinqui illi, qui putatur ea abusus. Tum  
etiam, quia sola præsumption non sufficit, ut  
quis cum certò secutura infamia extrudatur ea  
possessione suæ famæ: Sed talis femina est in  
possessione suæ famæ, & contra eam stat sola  
præsumptio criminis. Ergo. Min. prob. For-  
tan enim solùm phlegma traxit ex ore, vel ex-  
traxit hostiam, non abutèdum ea, sed ne per su-  
bitu vomitum, quem timet, in honorem. Ergo.

**QUÆRO VI.** Eucharistia esse danda, non  
habentibus usum rationis?

**XXXVI.** *Resp. 1.* cum S. Thom. a. 9. Eucha-  
ristia non est deneganda iis, qui habent debilem  
usum rationis, modò detur rarò, ut Pascha-  
te, aut Jubilæo, & præviè instruantur, &  
desit periculum irreverentiæ.

*Ratio:* Quia tales possunt aliquam de otio-  
nem huius Sacramenti concipere. Porro quid  
sit habere debilem usum rationis, S.D. exem-  
plificat hoc exemplo, Sicut dicitur, non videns,  
qui malè videt.

*Resp. 2.* Illis, qui nūquam habuerunt usum ra-  
tionis, sed sic a nativitate permanserunt, non est  
dandum hoc Sacramentum: si tamen illis dare-  
tur, probabilius est, quòd reciperent gratiam.

*Ratio 1. p.* Quia in eis nullo modo præcessit  
huius Sacramenti devotio.

*Ratio 2. p.* Tum quia iuxta probata ad fructum  
Eucharistie sufficit status gratiæ, & non necessa-  
riò requiritur devotio actualis, vel virtualis:  
sed in talibus adhuc est gratia, ac innocentia

baptismalis. Ergo. Tum quia Sacramenta con-  
ferunt gratiam non ponentibus obicem. Ergo.

*Resp. 3.* Qui non semper caruerunt usu ratio-  
nis, si prius, quando erant compotes suæ  
mentis, apparuit in eis devotio huius Sacra-  
menti, debet eis in articulo mortis exhiberi,  
nisi forte timeatur periculum vomitus, vel ex-  
pulsionis. Et talibus, ait S.D. infundendam  
ori esse Eucharistiam.

*Ratio* patet ex ipsis verbis S. Thomæ.

**XXXVII.** *Resp. 4.* Loquendo de arreptitiis,  
seu energumenis, seu a Diabolo obsessis, di-  
stinguendum est. Alii enim sunt, quos Deus  
tradidit propter scelera in potestatem Diaboli,  
nec conantur, ut a peccato munderentur, & Deo  
reconciliarentur, & tales a mysteriis divinis sunt  
arceudi, ut quodum sincerè poeniteant. Alii  
sunt, qui quantum in ipsis est, conantur, ut  
a potestate Diaboli liberentur, & talibus sa-  
cra Communio non est deneganda, ut patet ex  
S. Thom. ad 3.

An ebriolethaler infirmato possit dari Via-  
ticum Eucharistiæ, Vide suprà Tract. 5. Exam.  
3. n. 81.

**XXXVIII.** *Resp. 5.* Homini rationis compo-  
siti sed a nativitate surdo, & mutus, signis, &  
nutibus, quantum fieri potest, præviè con-  
fesso, sicut potest dari absolutio, ita & alia Sa-  
cramenta. Immo & saltem tempore paschali,  
& in articulo mortis, Eucharistia, si aliis non  
videatur indispotus.

*Ratio* ait tum dicta necessitas sacri huius Via-  
tici. Tum quia ope visus per nutus, & signa  
potest disponi, & instrui.

*Oppono:* Homosurdus, & mutus non habet  
actualem fidem huius Sacramenti, aut absen-  
tiæ panis, seu transubstantiationis, fides enim  
est ex auditu, quo ille caret. Ergo.

*Ad hoc R.* nihil hoc obstat: Cum enim Deus  
in necessariis non desit, supponitur quod talis  
homo interius specialiter illuminetur ad elici-  
endum actum fidei, sicut id omnino asseren-  
dum est de mysterio SS. Trinitatis, & Incar-  
nationis, sine cuius explicita fide adultus sal-  
vari non potest: cæteroquin verò non apparet,  
quomodo tales possint salvari.

Adde, quòd tales videantur sub Missa ad  
Elevationem, & sub Communionem pectus  
tundere, varique devotionis signa edere,  
adeoque censetur Eucharistiam adorare, &  
saltem in confuso agnoscere, quòd, dum illa  
dispensatur, non detur ut cibis profanus, sed  
ut spiritualis.

Vide infrà de confessione hominis surdi, &  
muti, Tract. 13. Exam. 4. n. 60.

*Quid si esset simul cæcus a nativitate?*

*Dico:* Ordinariè non potest tali homini dari  
Eucharistiam.

*Ratio:* Quia difficillimè potest qualificari, &  
institui.

*Dispo-*

*Dispositio corporis ad Eucharistiam.*

**QUÆRO VII.** Pollutio, vel actio conjugalis, & cibus præsumptus impediuntne a sumptione?

**XXXIX.** De peccato pollutionis actum est supra Tract. 5. Exam. 2. n. 28.

*Resp. 1.* Si pollutio sit sine peccato, vel cum peccato solum veniali, non ex necessitate impedit sumptionem hujus Sacramenti, bene tamen ex congruentia; si verò sit cum peccato mortali, impedit ex necessitate, nisi præmittatur Confessio sacramentalis, qua præmissa adhuc peccabit venialiter, nisi excuset iusta causa, v.g. scandalum, infamia, festum, &c.

1. *Partem* declarat S.D. ex collationibus Patrum, in quibus legitur, quòd cum quidam frater pateretur pollutionem semper in festis, in quibus erat communicandum, Seniores, comperto quòd nulla causa in ipso præcesserat, decreverunt, quòd propter hoc a Communionem non cessaret: & ita cessavit illius Demonium.

2. *Partem* declarat dicens: Ex quadam verò congruentia impedit quantum ad duo, quorum unum semper accidit; scilicet quædam seditas corporalis, cum qua propter reverentiam Sacramenti non decet ad altare accedere (unde & volentes tangere aliquid sacrum, manus lavant) nisi fortè talis immunditia sit perpetua, vel diuturna sicut est lepra, vel fluxus sanguinis, vel aliquid hujusmodi. Aliud autem est evagatio mentis, quæ sequitur pollutionem nocturnam, præcipue quando cum turpi imaginatione contingit. Hoc tandem impedimentum, quod ex congruitate provenit, poni debet propter aliquam necessitatem, puta, ut Gregorius dicit, cum fortasse, aut festus exigit, aut exhibere ministerium, pro eo quòd sacerdos alius deest, ipsa necessitas compellit. Hæc ibi.

3. *Partem* patet: Quia peccatum mortale facit hominem indignum, quò etiam per confessionem expiato adhuc temerarium videtur (nisi iusta, ut dictum est, causa excuset) quòd peccator admissio primùm enormi scelere mox Corpus Christi sumat: sicut nec a veniali exculatur, qui statim post commissum homicidium cruentis adhuc manibus, aut post quodvis aliud grave delictum illius ad hoc Sacramentum, etiam præmissa confessione, accederet.

**XI. Resp. 2.** De actu conjugali S. Thom. sic loquitur: Coitus conjugalis, si sit sine peccato (puta, si fiat causa prolis generandæ, vel causa reddendi debitum) non alia ratione impedit sumptionem hujus Sacramenti, nisi sicut dictum est de pollutione nocturna, quæ accidit sine peccato, scilicet propter immunditiam corporalem, & mentis distractionem. Ratione cuius Hieron. dicit super Matth. Si panes Propositionis ab his, qui uxores tetigerant, comedi

non poterant, quantò magis ille panis, qui de cælo descendit, non potest ab his, quæ conjugalibus paulò ante complexibus hætere, violari, atque contingi: non quòd nuptias condemnemus, sed quòd eo tempore, quo carnes Agni manducaturi sumus, vacare a carnalibus operibus debeamus: sed quia hoc secundum congruitatem, & non secundum necessitatem est intelligendum, Gregor. dicit, quòd talis est tuo iudicio relinquendus; Si verò non amor procreandæ sobolis, sed voluptas dominatur in opere (ut ibidem Gregor. subdit) tunc prohiberi debet, ne accedat ad hoc Sacramentum. Hæc S.D.

**XLI. Resp. 3.** Cibus, vel potus præsumptus ex rationabili Ecclesiæ Statuto impedit sumptionem Eucharistiæ. S. D. a. 8.

*Ratio* tum ob sacramenti honorem, & reverentiam, tum ob vomitus, qui ex præsumpto cibo non raro contingit periculum.

*Resp. 4.* Ab hac generali Regula excipiuntur infirmi (ait S.D.) qui statim communicandi sunt, etiam post cibum, si de eorum periculo dubitatur, ne sine Communionem decedant, id est, si sint in periculo mortis.

*Rationem dat.* Quia necessitas non habet Legem.

*Notandum:* Manente eadem periculosa infirmitate posse eidem sæpius saltem de ostiduo in ostiduum conferri Eucharistiam. Nam quia tunc insurgunt vehementes tentationes, & simul est extrema necessitas persistendi in gratia, pia Mater Ecclesia videtur hoc indulgere.

**XLII. Resp. 5.** Plures sunt casus, in quibus non jejuno licet Eucharistiam sumere.

*Primus est:* Si Sacerdos non jejunare debeat Sacrificium integrare, v.g. dum per errorem loco vini (quod jam sumptum est) fuit infusa aqua, aut Sacerdos post Consecrationem recordatur se non esse jejunum; Quia præceptum divinum de integritate Sacrificii præponderat præcepto Ecclesiastico de hoc jejuniis. Idem est, si ante Consecrationem recordetur non esse jejunum, & non possit recedere sine infamia, vel scandalo. Item si Eucharistia ab infidelibus esset conculcanda, vel incendio dehonestanda, posset sumi a non jejuno, etiam Laico.

*Secundus Casus:* Si Sacerdos sumpta ablutione aliquas hostiarum consecratarum reliquias, seu particulas in calice, patena, vel corporali deprehendat: Quia earum sumptio moraliter censetur esse eadem cum illo Sacrificio.

*Tertius Casus:* Si Papa in hoc jejuniis dispenset, uti ex iusta causa potest, cum sit solum præceptum Ecclesiasticum. Sed sicut talis iustitia causa non facile occurrit, ita nec dispositio facile dabitur.

**XLIII. Resp. 6.** Probabilius est, quòd Sacerdos non

non jejunus licet non possit consecrare ob dandam Eucharistiam infirmo, aliàs morituro sine Viatico; Nec Parochus, ut populus in die festo audiat Missam, aliàs non auditurus.

*Ratio:* Quia præceptum de sumendo Viatico, & audienda Missa non obligat, nisi quando decenter haberi potest: Nec Ecclesia dispensat.

*Opposito:* Olim saltem in anniversario die Cene Domini Eucharistia sumebatur a non jejunis in representationem Cene dominicæ.

*Ad hoc S.D. hic a. 8. ad 3. ait:* esse abrogatum.

**XLIV.** Sed quale jejunium prærequiritur ad Eucharistiam, naturæ, vel Ecclesiasticum? Cujus duplicis jejunii explicatio patet supra Tract. 5. Exam. 4. n. 85.

*Dico cum S. Thom. in solutione ad 4. præquiri jejunium naturæ, quod importat privationem ejusculumque præsumpti per modum cibi, vel potus: computat autem Ecclesia Romana diem a media nocte, ut supra dictum Tract. 5. ibid.*

Ex quo S.D. inferit, quod nec post assumptionemque, vel alterius cibi, aut potus, vel etiam medicinæ, in quantumcumque parva quantitate liceat hoc Sacramentum sumere. Nec refert, utrum aliquid hujusmodi nutriat, vel non nutriat, aut sumatur per se, aut cum aliis, dummodo sumatur per modum cibi, vel potus. Reliquæ tamen cibi remanentes in ore si casualiter transglutiantur, non impediunt sumptionem hujus Sacramenti, quia non traiciuntur per modum cibi, sed per modum salivæ. Et eadem ratio est de reliquiis aquæ, vel vini, quibus os abluitur, dummodo non traiciantur in magna quantitate, sed permixtæ saliva, quod vitari non potest. Ita S. Thom. Idem est, si quis ad capiendum experimentum de sapore cibi, vel potus parum salivæ admixtum, in quantitate vix perceptibili, deglutiret.

*Quid sentis de mulieribus comedentibus terram, vel simile quid?*

*Dico,* post illius sumptionem non posse communicare, sive sumant ob delectationem, quod est comedere per modum cibi, sive ut colorem minuunt, quod est comedere per modum medicinæ?

*Quid de eo, qui comedit modicum papyri, etiam inadverteat?*

*Dico* esse abstinendum extra necessitatem. Quia S. Tho. dicit, Nec refert, utrum nutriat, vel non nutriat.

*Præquiritur ante Communionem somnus, vel digestio cibi?*

**XLV.** *Dico cum S. Thom. ibidem ad 5. ubi ait:* Nec refert, utrum post cibum, vel potum assumptum dormierit, aut digestus sit, quantum ad rationem præcepti: refert autem quantum ad perturbationem mentis, quam patiuntur homines propter infirmitatem, vel indigestionem. Ex quibus mens multum

perturbetur, homo redditur ineptus ad sumptionem hujus Sacramenti. Hæc ibi.

*Debetne esse aliqua mora inter sumptionem hujus Sacramenti, & reliquos cibos postea sumendos?*

*Affirmo cum S. Thom. ibidem ad 6. Mora autem illa antiquitus fuit longior, nunc autem ad minus per horæ quadrantem (nisi vesicaliter quis peccare velit) expectandum est, & prius gratiæ Deo agendæ. Exceptio est, si necessitas urgeat.*

*Licetne statim expuere salivam post Communionem?*

*Dico,* licere quidem, seu non esse peccatum, si nulla hostiæ particula in ore retet, quia juxta Medicos saliva non provenit ex stomacho, sed descendit ex capite in os; decessu tamen est, non statim expuere.

*Communicans debetne esse honeste vestitus?*

*Affirmo,* quantum communicantis status, & media permittunt.

*Gladius communicaturus tenetne gladium deponere?*

*Affirmo,* esse de congruentia ad ostendendam coram humili Salvatore humilitatem. Ita habet consuetudo Nulla tamen est Lex, quæ ad hoc graviter obliget

#### *Necessitas Eucharistia, & obligatio sumendi.*

Aliqua de hoc jam dicta sunt de sumptione Eucharistia quoad necessitatem mediæ in re, vel in voto de parvulis, & adultis, Exam. 1. n. 4. ad Q. 3. ubi vide. Hic potissimum agitur de necessitate præcepti.

**QUÆRO VIII.** Quo ætatis anno, quo tempore anni, in quo casu obligat præceptum Communionis?

**XLVI. Resp. 1.** Pueri non obligantur ad sumptionem Eucharistia, antequam perveniant ad annos discretionis, id est, quando non tantum sunt dolicipaces, & peccare possunt, sed etiam quando talem habent discretionem, & rationis usum: ut hoc mysterium suo modo capere, illudque tanquam cibum spirituales a corporali distinguere possint, siquæ cum debita reverentia accedere.

Hoc insinuat S. Th. hic a. 9. ad 3. in fine dicens: Quando jam pueri incipiunt aliqualem usum rationis habere, ut possint devotionem concipere hujus Sacramenti, tunc potest eis hoc Sacramentum conferri.

Certa ætas, in qua pueri, & puella dicantur annos discretionis attingisse in particulari pro omnibus definiri nequit, cum alii circa annum novum, alii circa decimum, alii serius, nimirum 12. vel 14. dent sufficientia signa discretionis. Hoc ergo relinquitur iudicio Confessarii, qui judicare debet non solum ex ætate, sed etiam ex qualitate morum, & ingenii.

*Resp. 2.* Pueri non tam citò obligantur ad Eucharistiam, quàm ad Confessionem.

*Ratio:* Quia Eucharistia est majoris dignitatis, & minoris necessitatis, quàm Sacramentum Pœnitentiæ. Ergo requirit majorem præparationem. Hinc ad Confessionem sufficit usus rationis sufficiens ad peccatùm mortaliter, ad Eucharistiam verò requiritur major discretio, ob rationem mox datam.

*Resp. 3.* Pueris doli capacibus præviè confessi debet in articulo mortis dari Eucharistia, licet antea nunquam communicaverint. Et hoc probabilius est, & colligitur ex verbis S. Tho. ante adductis.

*Ratio:* Tum quia Eucharistia pueris multùm potest prodesse; Tum etiam, quia non fit injuria Sacramento, cum ad illud reverenter sumendū possint disponi. Hinc & facilis admittuntur tempore Jubilæi, si sufficienter sint instructi.

Notanda est hic ex Cajet. generalis Regula; nimirum quodcumque, & quibuscunque potest dari Sacramentum pœnitentiæ, potest in articulo mortis etiam dari Viaticum Eucharistiæ, ita tamen ut priùs provideatur scandalo, si quod timeatur, nimirum publicando petram scandali esse sublatam, v.g. concubinam esse dimissam, si concubinarius publicus esset communicandus, &c.

*XLVII. Resp. 4.* Juxta Canonem *Omnis utriusque sexus*, omnes fideles tenentur communicare in Paschate, seu tempore Paschali. Non communicans peccat mortaliter, & in pœnam debet excommunicari, & sepultura Ecclesiastica privari. Quæ proinde pœnæ sunt solum sententiæ ferendæ, non latæ, nec infligendæ a Parocho sine jussu, vel præcitu Ordinariorum.

Per tempus Paschale secundum jus commune intelliguntur illi 15. dies a Dominica Palmarum usque ad Dominicam in Albis inclusivè, juxta declarationem Eugenii IV. Hic tamen observanda est consuetudo Diocesis, quia alicubi quatuor, alicubi (ob fidelium copiam) plures septimanæ conceduntur.

*Resp. 5.* Qui Communionem Paschalem sive culpabiliter, sive inculpabiliter intermisit, tenetur prima commoditate postea communicare, ita ut eò gravius peccet, quo diutius differat. Item quod, qui prævidet se tempore Paschali negotiis, bellogerendo, peregrinatione, aut navigatione, a Communionem impedendum, tenetur prævenire.

*Ratio 1. p.* Tum quia, qui statuto tempore non solvit, quod debet, per hoc non deobligatur, sed potius termino solutionis præterlapso arctius tenetur, & compellitur, ut patet non solum in solutione debiti pecuniarii, sed etiam in satisfactione Sacramenti Pœnitentiæ, si nempe Confessarius alicui injunxit, ut jejunet feria 6. & non jejunat, tenetur alia die,

qua commodè potest. Tum etiam quia Communio Paschalis non est onus præcisè alligatum illi tempori, sicut jejunium Vigiliæ, vel horæ Canonice alligatum certæ diei, sed solum est determinatio temporis, quo debet impleri jus divinum, ad Communionem obligans, ut patebit tum ex dicendis, tum ex eo, quod illi, qui eam neglexerunt, postea adhuc ad eam compellantur, etiam censuris, si necesse est. Ergo.

*Ratio 2. p.* Trid. Sess. 13. can. 9. confirmans Statutum Concilii Lateran. c. *Omnes utriusque sexus*, sic decrevit: *Si quis negaverit omnes, & singulos Christianos fideles utriusque sexus, cum ad annos discretionis pervenerint, teneri singulis annis, saltem in Paschate, ad communicandum juxta præceptum sanctæ Matris Ecclesiæ, anathema sit.* Quibus verbis per ly *ad minus in Paschate*, Concilium exprimit, Ecclesiæ intentionem esse, ut Communio non differatur extra tempus Paschale, & hoc specialiter in memoriam Passionis, & Resurrectionis Christi: Sed prævidens impedimenta, & non præveniens, sciens, & volens differt ultra. Ergo peccat mortaliter, nisi anticipet.

*XLVIII. Resp. 6.* Communio Paschalis peragenda est in propria Ecclesia parochiali, & non extra, nisi de consensu Pastoris. Ita patet ex cit. c. Conc. Later. & declaravit Congregatio Cardinalium innixa Decretis pontificiis, & praxi Ecclesiarum.

*Ratio:* Quia justum est (ait Contenson.) ut Christianus ibi suscipiat alimenta vitæ, ubi in Christo primum vivere cepit: nec Pastorem videretur agnoscere, qui ab eo pane vitæ pasci abnuere.

Dixi, *Communio Paschalis*, Quia ex devotione tempore paschali, immò etiam in ipso die paschatis apud Religiosos communicare, moderna praxis non improbat.

Dixi 2. *nisi de Pastoris consensu*; qui licet non sit expressus, sed interpretativus solum, & præsumptus, interdum potest sufficere, ut si quis cum tali consensu, & cum intentione Pastoris id significandi, & testimonium Communionis presentandi, apud Religiosos ob causas, quas bona fide judicat sufficientes, communice.

Nota, quòd simplex sacerdos sæcularis satisfaciatur celebrando extra propriam Parochiā. Quia cap. *omnis utriusque sexus*, loquitur de iis, qui communicant de manu aliena. Et ita habet consuetudo. Si tamen nec alibi, nec in propria Parochia velit celebrare, tenetur in ea communicare.

De Confessione annua apud Religiosos vide infra in Tract. de Pœnitentia. Exam. 5. n. 88.

*Resp. 7.* Religiosis licitum est ministrare, etiam in Paschate, & in articulo mortis, omnia Sacramenta familiaribus, & servitoribus, qui ad qua-

adualiter Religiosis servium, & intra Monasteria, seu Loca Religiosorum commorantur, & sub eorum obedientia vivunt. Ita habetur ex Privilegio diversorum Pontificum.

*Resp. 8.* Præceptum Communionis paschalis non impletur per Communionem sacrilegam.

*Ratio:* Quia Concil. Later. c. cit. decernit, Eucharistiam ad minus in Paschate debere sumi, & quidem reverenter. Hinc inter Propositiones ab Innocentio XI. damnatas n. 55. est hæc: *Præcepto Communionis annua satisfaci per sacrilegam Domini manducationem.* Vide supra, an, & quomodo Ecclesia possit percipere adus internos. Tr. 6. Exam. 5. n. 59.

*XLIX. Resp. 9.* Adulti in articulo mortis existentes tenentur jure divino recipere Eucharistiam.

*Ratio* juxta Trid. sess. 13. c. 8. Christus Eucharistiam instituit in Viaticum salutis, cujus vigore confortati ex hujus miseræ peregrinationis itinere ad cœlestem Patriam mortales valeant pervenire. Ergo.

*Quid si* paucis diebus ante repentinum lethalem morbum quis sumpserit Eucharistiam, teneatur denuo?

*Affirmo:* Tum quia in agone indiget novo robore. Tum quia non sumpsit per modum Viatici.

*Quid si* sit reus morte puniendus, debentne ipsi dari?

*Affirmo,* licet non ampliùs sit jejunus; Quia est Viaticum. Et idem consuetudo Hispanorum reis morte puniendis Eucharistiam negantium a S. Pio V. r. 569. est sublata. Hinc apud Deum non excusantur Belli Duces, qui milites in fragrantia deprehenso absque Communione in proxima arbore suspendi jubent.

*Nota,* quod si esset casus, quo reus Eucharistiam in resuscipere non posset, vel Ecclesia, seu Parochus prudenter judicaret dandam non esse, teneretur eam habere in voto: quod Parochus ei debet explicare.

*Quid intelligis* per articulum mortis?

*L. intelligo* non solum, quando mors hic, & nunc inevitabiliter imminet, sed etiam probabile periculum mortis est, non in quo uni, aut alteri, sed in quo plerisque solet mors evenire, undeque illud oriatur, sive ex morbo, peste, sive ex violentia, prælio, longa, & periculosa peregrinatione, navigatione, puerperio præsertim primo.

*Ratio:* Quia in habenda cura salutis probabile periculum mortis æquiparatur morti inevitabiliter instanti: Sed in casibus illis est probabile periculum mortis. Ergo.

*Nota,* laudabile esse praxim illorum, qui ex fervore implendi præceptum Dei de sumendo Viatico, quoties celebrant, vel communicant, Eucharistiam sumunt ut Via-

ticum, casu quo improvisa morte præveniuntur.

*LI. Resp. 10.* Licet Ecclesia per suum præceptum nullum Communionis Eucharistiæ tempus determinasset, nihilominus adulti ratione prædicti tenerentur ad eam jure divino extra mortis articulum.

*Ratio:* Tum quia ipse Christus hoc præceptum posuit Joan. 9. *Caro mea verè est cibus; Nisi manducaveritis carnem filii hominis, non habebitis vitam in vobis.* Tum etiam, quia omnibus non solum in articulo mortis, sed etiam sæpe in vita sumendus est cibus spiritualis: Sed Christus Eucharistiam instituit per modum cibi spiritualis. Ergo.

*QUÆRO IX.* Licetne quotidie, non tantum semel, sed sæpiùs Eucharistiam sumere, vel etiam omnino ad Communionem cessare?

*LI. Ante R. nota* ex S. Th. hic q. 80. ar. 10. ad 5. quod secundum diversum statum Ecclesiæ diversa circa Communionem statuta emanaverint. Nam in primitiva Ecclesia, quando magnavegebat devotio fidei Christianæ, statutum fuit, ut quotidie fideles communicarent. Postmodum verò, diminuto fidei fervore, Fabianus Papa indulxit, ut, si non frequentius, saltem ter in anno omnes communicent, scilicet in Paschate, Pentecoste, & Natali Domini. Postmodum propter iniquitatis abundantiam refrigerante charitate multorum, statuit Innoc. III. ut saltem semel in anno, scilicet in Pascha, fideles communicent. Hæc S. D. Hoc notato

*Resp. 1.* De quotidiana Communionem S. Th. in c. ar. cit. sic loquitur: Circa usum hujus Sacramenti duo possent considerari: Unum quidem ex parte ipsius Sacramenti, cujus virtus est hominibus salutaria, & idè utile est quotidie ipsum sumere, ut homo quotidie ejus fructum percipiat. Alio modo potest considerari ex parte sumentis, in quo requiritur, ut cum magna devotione, & reverentia ad hoc Sacramentum accedat. Et idè si aliquis se quotidie ad hoc paratum inveniat, laudabile est, quod quotidie sumat. Unde S. August. in lib. de verbis Domini, cum dixisset, Accipe quotidie, ut quotidie tibi proffit, subiungit: Si vive, ut quotidie merearis accipere. Sed quia multoties in pluribus hominum multa impedimenta huius devotionis occurrunt propter corporis indisciplinam, vel animæ, non est utile omnibus hominibus quotidie ad hoc Sacramentum accedere, sed quotiescunque se ad illud homo inveniat præparatum. Unde in lib. de Eccl. dogm. dicitur: Quotidie Eucharistiæ Communionem accipere, ne claud, nec vitupero. Hæc ibi.

In R. ad 3. ait S. D. Utrumque pertinet ad reverentiam huius Sacramenti, & quod quotidie sumatur, & quod aliquando abstinatur. Unde Aug. Epist. 118. c. 3. tom. 2. dicit: Si dixe-

rit quispiam, non quotidie accipiendum Eucharistiam, alius contra; faciat unusquisque, quod secundum fidem suam pie credit esse faciendum. Neque enim litigaverunt inter se Zachæus, & ille Centurio, cum alter eorum gaudens suscepit Dominum, alter dixit: Non sum dignus, ut intres sub tectum meum, ambo Salvatorem honorificantes, quamvis non uno modo. Hæc ibi.

Nota, inter Propositiones ab Innocentio XI. damnatas esse etiam hanc: Frequens Confessio, & Communio etiam in his, qui gentiliter vivunt, est nota prædestinationis. Vide ibi num. 56.

*Re p. 2. Consultur in lib. de Eccles. dogmatibus, omnibus diebus Dominicis esse communicandum, ait S. Doct. ad 5. in fine. Qui ergo mortalia vivunt, semel in hebdomada, & interdum bis (nimirum occurrente singulari festo) communicare possunt.*

*Re p. 3. In R. ad 4. S. D. ait, Quod quia Dominus dicit, Panem nostrum quotidianum da nobis hodie, non est pluries in die communicandum, ut saltem per hoc, quod aliquis semel in die communicat, repræsentetur unitas passionis Christi.*

Aliud est de Sacerdote ex Ecclesiæ statuto ter celebrante in Natali Domini ad repræsentandam triplicem Christi Nativitatem, nimirum æternam a Patre, temporalem a Matre, spirituales in Anima. Item de Sacerdote ex dispensatione, vel necessitate (quæ legem non habet) eodem die sæpius celebrante in administratione plurium Parochiarum.

LIII. Nota, quod sacra Congregatio 1679. die 12. Februarii saluberrimum ediderit decretum, quod frequentiam sacræ Communionis commisit prudenti iudicio, ac discretioni Episcoporum, Parochorum, Confessariorum, &c. considerando conditiones personarum, summentium, ut, negotiatorum, conjugatorum. Moniales vult admoneri, ut communicent diebus ex Ordinis instituto constitutis. Si quæ verò ruperit mentis inteneant, & fervore spiritus ita incaluerint, ut dignæ frequentiori, aut quotidiana sanctissimi Sacramenti perceptione videri possint, id illis a Superioribus permittatur. Item mandat, ut Episcopi, & Parochi, seu Confessarii redarguant eos, qui assuerunt, Communionem quotidianam esse de jure divino, & ut docent, Eucharistiam a sanis esse sumendam in Ecclesiis, vel ex dispensatione, seu Privilegio Pontificis in Oratoriis privatis de manu Sacerdotis. Item damnat illos abusus, videlicet quod aliqui non in Ecclesiis, sed in privatis Oratoriis, & domi, immò cubantes in lecto, & non laborantes ulla gravis infirmitate nota tumant SS. Eucharistiam, quam argentea theca inclusam in crumena, aut secreto illis deferunt Sacerdotes Sæculares, aut Re-

gulares: alique in Communionem accipiant formas, ac particulas, vel grandiores solito. Circa infirmos ad Ecclesias, aut ad privata Oratoria accedere non valentes, statuit, ut ab Ecclesiâ deferatur Sanctissimum publicè, & cum pompa juxta formam Ritualis Romani; si verò deferatur ex privato Oratorio, fiat cum forma decenti. Circa Communionem in Feria sexta Parasceves vult servari Rubricas Missalis, & usum Ecclesiæ Romanæ. Hæc ex illo Decreto.

LIV. & LV. *Resp. 4.* Non licet omnino cessare a Communione in re, dum in re haberi potest, ut docet S. D. a. 11. Et patet ex dictis; sunt enim certa tempora, & calus, in quibus jure divino, & Ecclesiastico tenemur Eucharistiam sumere in re, & non tantum in voto.

In Solut. ad 1. ait S. D. ex Gregorio: Illa est vera humilitas, cum ad respondendum, quod utiliter præcipitur, pertinax non est. Et ideo non potest esse laudabilis humilitas, si contra præceptum Christi, & Ecclesiæ aliquis omnino a Communionem abstineat. Hæc ibi.

QUÆRO X. Sumptitne Christus in Cœna suum Corpus, & quidem passibile, deditque Discipulis, etiam Judæ? Et quid si Eucharistia fuisset servata tempore mortis Christi? De quo S. D. q. 81.

LVI. *Resp. 1.* Christus in Cœna manducavit spiritualiter, & sacramentaliter, in quantum Corpus suum sub Sacramento sumpsit. Ita S. Th. ar. 1. ad 3. probat ex illo Luc. 22. *Desiderio desideravi hoc Pascha manducare vobiscum* quod Eusebius exponit de novo mysterio novi Testamenti, quod tradebat Discipulis.

*Resp. 2.* De effectu sumptionis sic loquitur S. D. ibidem: Effectus huius Sacramenti est non solum augmentum habitualis gratiæ, sed etiam quædam actualis delectatio spiritualis dulcedinis. Quamvis autem Christus gratia non fuerit augmentata ex susceptione hujus Sacramenti, habuit tamen quandam spirituales delectationem in nova institutione hujus Sacramenti. Hæc ibi.

LVII. *Resp. 3.* Judas cum aliis Discipulis Corpus Domini, & Sanguinem suscepit. Ita S. D. ar. 2. in c. ex S. Dionyl.

*Ratio ibidem:* Quia Christus nobis debuit esse exemplum justitiæ, non conveniebat eius Magisterio, ut Judam occultum peccatorem sine accusatore, & evidenti probatione ab aliorum Communionem separaret, ne per hoc daretur exemplum Prælati Ecclesiæ similia faciendi, & ipse Judas exasperatus inde sumeret occasionem peccandi.

*Oppono 1.* Dominus implevit, quod præcepit, iuxta illud: *Capit Jhesus facere: & docere:* Sed ipse Matth. 7. præcepit, *Nolite sanctum dare canibus,* & ipse scivit Judam esse peccatorem. Ergo.

*Ad hoc* S.D. ibidem ad a. ait: Christo nota erat Judæ iniquitas, sicut Deo, non autem erat sibi nota per modum, quo hominibus innotescit. Et ideo Christus Judam non repulsa Communionem, ut daret exemplum, tales peccatores occultos non esse ab aliis Sacerdotibus expellendos. Hæc ibi.

**LVIII. Resp. 4.** Christus sumpsit, & Discipulis suis dedit Corpus suum passibile, existens impassibiliter in Eucharistia. Ita S.D. a. 3.

*Ratio*: Christus tale Corpus sumpsit, & Discipulis dedit, quale habuit; Sed habebat tunc Corpus passibile, & mortale. Ergo. Sed impassibili modo erat sub Specie Sacramenti, in se verò, seu in propria Specie erat passibile, sicut in se est visibile, & tamen invisibiliter est in Sacramento. Ergo.

**LIX. Resp. 5.** Si Eucharistia tempore mortis Christi fuisset servata, Christus in ea fuisset mortuus. S.D. art. 4.

*Ratio ibidem*: Idem Christus, qui erat in Cruce, fuisset in Sacramento: Sed in Cruce moriebatur. Ergo & in Sacramento conservato moreretur.

*Declarat hoc* S.D. in c. art. dicens: Quicquid pertinet ad Christum secundum quod est in se, potest attribui ei, & in propria Specie, & in Sacramento existenti, sicut vivere, mori, dolere, animatum, vel inanimatum esse, &c. Quicunque verò conveniunt ei per comparationem ad corpora extrinseca, possunt ei attribui in propria Specie existenti, non autem prout est in Sacramento, sicut irrideri, conspui, crucifigi, flagellari, pati, &c.

In solut. ad 2. docet S. Tho. quòd si tempore Passionis Christi (quando realiter Sanguis fuit separatus a Corpore Christi) hoc Sacramentum fuisset consecratum, sub Specie panis fuisset solum Corpus, & sub Specie vini solus Sanguis, licet de facto ob unionem sint simul per concomitantiam. Et in solut. ad 3. docet, quòd tunc Anima Christi non fuisset in hoc Sacramento, non propter defectum virtutis verborum, sed quia anima erat realiter a corpore separata, verba enim ponunt Corpus Christi, ut est in se. Vide supra Exam. 3. num. 22. Et infra in hoc Tracl. Exam. 5. nu. 74. ad 3. Oppos.

*Minister Eucharistia. De quo S. D. qu. 82.  
per 10. art.*

**QUÆRO XI.** Cujus est, Eucharistiam consecrare, & dispensare?

**LX. Resp. 1.** Solus Sacerdos potest Eucharistiam consecrare, seu consecrare. Ita S.D. a. 1.

*Ratio*: Quia illi soli in sua Ordinatione datur hæc potestas. De Baptismo (qui a quovis homine valide conferri potest) est dispensatio, quia est Sacramentum summe necessitatis.

**Resp. 2.** Dispensatio Eucharistia spectat ad Sacerdotem. Ita art. 3.

*Ratio*: Quia Sacerdos constituitur medius inter Deum, & populum. Ergo ejus est, dona divinitus sanctificata populo tradere.

**Resp. 3.** De Diacono ait S.D. art. 3. ad 1. quòd quia est quasi propinquus Ordini sacerdotali, aliquid participat de ejus officio, ut scilicet dispense Sanguinem, quia non est necesse, eum immediate tangere sicut corpus, cum contineatur in vase, Corpus autem Christi non dispense nisi in necessitate jubente Episcopo, vel Presbytero.

Hinc in articulo necessitatis in defectu Sacerdotis Diaconus (non tamen Laicus infirmo Eucharistiam dare potest. Immo Sacerdos morti proximus, non habens copiam Confessarii, nec etiam Diaconi, potest contritus seipsum communicare ob calum tantæ necessitatis.

**Resp. 4.** Necesse est, quòd Sacerdos, quoties consecrat, sumat integrè hoc Sacramentum. Ita S.D. art. 4. in fine corp.

*Ratio*: Quicunque Sacrificium offert, debet Sacrificii fieri particeps.

Ex quo insert S.D. quòd Sacerdos debeat sumere, antequam populo Eucharistiam dispense. Hinc

**LXI. Not. 1.** Sacerdos celebrans grave peccatum committeret, si formulam, seu hostiam unicam in sua Missa consecratam servaret pro Processione, imponendam Monstrantiæ, & ejus loco sumeret veterem, quia non participaret de utraque Specie tunc consecrata, & consequenter integrè non compleret hoc Sacrificium.

**Not. 2.** Sacerdos, si cum sua Hostia majori velit pro Fidelium usu etiam consecrare parvas, habeat eas in altari ad Offertorium, ut, cum ad idem Sacrificium deputentur, omnes simul offerantur: si tamen contingeret casus, in quo aliqui necessarii essent communicandi, & hostiæ parvæ afferrentur ante, vel immediate post Præstationem, possunt adhuc consecrari cum hostia majori facta prius oblatione. Quia illa prævia oblatio non est de essentia Sacrificii.

**Not. 3.** Quòd etsi communiter non debeat praticari, ut celebrans Hostiam majorem a se consecratam dividat, & partem det volenti communicare, si tamen esset casus necessitatis nimirum in articulo mortis (de quo supra) vel Communionis Paschalis, cujus terminus hic, & nunc expirat, nec alia hostia consecrata haberi potest, non esset illicitum partem hostiæ majoris dare volenti communicare.

**LXII. Quid si ante sumpcionem Corpus Christi miraculose appareret sub specie Carnis, & Sanguis sub specie Sanguinis?**

Respondet S. Th. a. 4. ad 3. non esse sumendum. Dicit enim Hieronymus super Levit. De hac

Kk 2 qui-



quidem hostia, quæ in Christi commemoratione mirabiliter fit, edere licet; de illa verò, quam Christus in ara crucis obtulit, secundum te nulli edere licet. Nec propter hoc Sacerdos transgressor efficitur, quia ea, quæ miraculose fiunt, legibus non subduntur. Consulendum tamen esset Sacerdoti, quod iteratò Corpus, & Sanguinem Domini consecraret, & sumeret. Hæc ibi.

**QUÆRO XII.** Licetne Sacerdoti omnino cessare a celebratione quoties, & est celebrandum per annum?

**LXIII. Resp. i.** Irrationabiliter dicitur, quod Sacerdos saltem non curatus licet possit omnino abstinere a celebratione. S. Thom. q. 82. art. 10. in c.

*Ratio ibidem:* Unusquisque tenetur uti gratia sibi data, cum fuerit opportunum, secundum illud 2. Corinth. 6. Exhortamur, ne in vacuum gratiam Dei recipiatis: Sed opportunitas offerendi Sacrificium non solum attenditur per comparationem ad fideles Christi, quibus oportet sacramenta ministrari, sed principaliter per comparationem ad Deum, cui per Consecrationem Sacrificium offertur. Ergo.

Ex quo S. D. infert, quod Sacerdos non curatus teneatur saltem celebrare in præcipuis festis, & maxime in illis diebus, in quibus fideles communicare consueverunt, in Paschate, Pentecoste, Natali Domini, in festis B. V. & quibusdam Apostolorum, ita ut saltem duodecies in anno celebret. Certum iudico, mortaliter peccare eum, qui non celebrat in anno ter, vel quater in principalibus festis, vel saltem extra illa. Ita enim præcipit Innoc. III. in c. *dolentes. de celebr. Missæ.* Ratio patet tum ex dictis, tum quia potest per hoc dari scandalum grave.

**LXIV.** Dixi, non *Curatus*; Nam probabilius est, quod Parochus teneatur frequentius celebrare etiam extra festa, serviendo suis ovibus. Immo quod saltem diebus Dominicis, & festivis pro iis teneatur ex iustitia Missam applicare, adeoque non possit pro illis Missis speciale stipendium recipere: censetur enim tacite subesse hic contractus. Vide R. 3. seq.

**LXV. Resp. 2.** S. Tho. cit. art. 10 ad 3. de morbo, lepra, epilepsia Sacerdotio superveniente sic decidit: *Debilitas, vel agrotatio superveniens Ordini sacerdotali Ordinem non tollit: executionem tamen Ordinis tollit quantum ad Consecrationem Eucharistiæ: quandoque quidem propter impossibilitatem executionis, sicut si prius oculis, aut digitis, aut usu linguae. Quandoque autem propter periculum, sicut patet de eo, qui patitur morbum caducum, vel etiam quamcunque alienationem mentis. Quandoque propter abominationem, sicut patet de leproso, qui non debet publice celebrare. Potest tamen Missam dicere occultè, nisi lepra adeo invaluerit, quod per*

*corrosionem membrorum cum ad hoc reddiderit impotentem.* Hæc S. D. Hinc Epileptici, seu morbum caducum patientes (idem de Energumenis, seu obfessis) tamdiu censentur ab officio suspensi, usque dum unius anni spatio iudicio Episcopi censeantur a suo malo liberati.

**LXVI. Resp. 3.** Est præceptum divinum de quotidie celebrando in Ecclesia, præterquam in die Parasceves. Item est præceptum Ecclesiæ, ut Eucharistia quotidie conficiatur in Ecclesiis Cathedralibus, Collegiatis, & Conventualibus, ut probat totius Ecclesiæ consuetudo. Similiter Parochi tenentur celebrare, vel per alium celebrari facere, saltem quoties populus tenetur audire Missam. Nam inter Parochianos, & Parochum (ob id redditus percipientem) videtur initus hic tacitus contractus. Vide dicta ante R. 2.

**QUÆRO XIII.** Missa mali, & boni Sacerdotis suntne eisdem valoris?

**LXVII. Resp.** Sunt, quantum est ex opere operato, non verò quantum est ex opere operantis.

*Declarat hoc S. D. art. 6. in c. dicens:* In Missa duo est considerare, scilicet ipsum Sacramentum, quod est principale: & orationes, quæ in Missa fiunt pro vivis, & mortuis. Quantum ergo ad Sacramentum non minus valet Missa Sacerdotis mali, quam boni, quia utroque idem conficitur Sacramentum. Oratio etiam quæ fit in Missa, potest considerari dupliciter: Uno modo inquantum habet efficaciam ex devotione Sacerdotis orantis: Et sic non est dubium, quod Missa melioris Sacerdotis magis est fructuosa. Alio modo inquantum oratio in Missa profertur a Sacerdote in persona totius Ecclesiæ, cuius Sacerdos est minister. Quod quidem ministerium etiam in peccatoribus manet, sicut supra dictum est de ministerio Christi. Unde etiam quantum ad hoc est fructuosa non solum oratio Sacerdotis peccatoris in Missa, sed etiam omnes ejus orationes, quas facit in Ecclesiasticis officiis, in quibus gerit personam Ecclesiæ; licet orationes ejus privatæ non sint fructuosæ secundum illud Proverb. 28. Qui declinat aures suas, ne audiat Legem, oratio ejus erit execrabilis. Hæc S. D.

Possit hic quæri, an mali Sacerdotes, etiam hæretici, schismatici, excommunicati, degradati possint valide consecrare, & an ab eis liceat sacramenta, vel Communionem petere. Sed hæc patent ex dictis supra Tract. 1. i. Exam. 4. ad Q. 7. Et supra de commercio cum hæreticis, Tract. 7. Exam. 3. ad Q. 12.

**QUÆRO IV.** Eucharistia quomodo in Ecclesiis, etiam Monialium est aservanda? Et quid sentis de lampade, quæ ante eam ardere debet?

**LXVIII. Resp. 1.** Parochus (idem est de Su-

Superiore Cœnobii) ex officio tenetur curare, ut Eucharistia in loco decenti, & honorifico asservetur, & frequenter (novam Hostiam imponendo, & antiquam fumendo, renovetur, ne Species corrumpantur. Et hoc meritò deberet fieri hebdomadatim, vel saltem omni quindena, vel mense ad summum.

*Ratio* patet ex reverentia Augustissimo Sacramento debita.

*Resp. 2.* Ex generali consuetudine continuò diu, noctuque ante Venerabile debet ardere lampas; cujus curam Parochus (& cum eo ædituus) uti & Superior Monasterii gerere debet. Qui faciliè culpam mortalem committere possunt, si nulla causa, v. gr. inopia, excusante uno, alterove die præsertim cum scandalo) Eucharistiam scienter relinquunt sine lumine. Idem est de ædituo, si relinquat lampadem extinctam per tres dies, aut quatuor noctes.

*Ratio est:* quæ ante.

*Resp. 3.* Quod concernit conservationem lampadis, primò pensanda est consuetudo Ecclesiæ talis loci, quæ si ferat, ut Parochiani ad eum finem certas oblationes faciant, vel ut conservatio fiat ex proventibus Ecclesiæ, vel ut pro conservatione lampadis contribuant Patroni, & omnes, qui intuitu illius Ecclesiæ fructus aliquos percipiunt, tali consuetudini standum est; si non vigeat, introducenda est.

*Resp. 4.* In Monasteriis Monialium Eucharistia debet asservari in publica Ecclesia, non verò intra Chorum, aut septa Monasterii, non obstante quocunque indulto. Ita Trid. Sess. 25. de Regular. c. 10.

## EXAMEN V.

*De Eucharistia ut Sacrificium est. S. Thom. quæst. 83. per 6. art.*

**QUÆRO I.** Missa, seu Eucharistia, pro ut in Missa celebratur, estne verum, & propriè dictum Sacrificium? Idem quæro de morte Christi, & quomodo hæc sacrificia differant, quis sit offerens?

**LXIX.** Ante R. Nota 1. definitionem Sacrificii, ut sic, explicatam esse suprâ Tract. 10. Exam. 2. num. 15. dum actum fuit de actibus Religionis. Item Sacramentum, & Sacrificium differre in hoc, quòd Sacramentum per se primò sit institutum, ut significet, nimirum gratiam; Secundariò verò, ut agat, seu gratiam producat; unde ponitur in genere signi. Sacrificium verò per se primò ordinatur ut agat, nimirum Deo aliquid offerat; secundariò au-

*Triennial Confessionarium.*

tem, & consequenter, ut aliquid significet, unde ponitur in genere, seu prædicamento actionis, supponitque pro actione externa. Proquo

*Nota 2.* Sacrificium suomodo duplex in Nova Lege distingui. Unum Redemptionis, alterum Religionis; Primum est, quòd Christus semel in ara Crucis obtulit, eoque unico, utpote infinito, omnes homines a servitute peccati redemit. Secundum spectat ad Dei cultum, & est repræsentatio prioris, ejusque applicatio, nimirum Missa. Sacrificium enim alicuius Religionis debet eam semper comitari. Et hoc sæpe iteratur, & toties, quoties Missa celebratur. His notatis

*Resp. 1.* Missa in Nova Lege habet veram rationem Sacrificii. Est de fide, & est S. Thom. hic art. 1. in c.

*Ratio:* quia Missæ convenit definitio suprâ data Sacrificii. In primis est oblatio rei sensibilis, saltem ratione alterius, scilicet Corporis, & Sanguinis Christi ratione Specierum. 2. Est oblatio rei permanentis, quia Christus præcepit eam fieri usque ad consummationem Sæculi, & Hostia oblata (scilicet Corpus Christi gloriosum) est etiam permanens. 3. Est instituta legitima auctoritate, scilicet Dei hominis. 4. Est a legitimo Ministro facta, scilicet a Sacerdote, per Dei potestatem ordinato. 5. Est facta immediate soli Deo, ut patet ex Canone Missæ, & ex prævio Offertorio. 6. Fit cum reali immutatione hostiæ oblatæ, scilicet Christi, non quidem cruenta, sed incruenta, seu mystica, sive inquantum Consecratio per se loquendo, & ex verborum Corpus, & Sanguinem Christi ab invicem separat, & per gladium verborum (ut Cyrillus loquitur) Sanguis Christi effunditur, & realiter separantur, nisi Christi Corpus defacto esset gloriosum, & impassibile; nam post Consecrationem per accidens est, & solum per concomitantiam, quòd Corpus, & Sanguis sit sub eadem Specie. 7. Fit in recognitionem supremi Domini Dei in vitam, & in mortem, quia ad hoc est a Christo etiam instituta.

**LXX. Resp. 2.** Ultima Domini Cœna, & mors Christi in Cruce fuit etiam verum Sacrificium. Patet hoc applicanti prædictam definitionem.

*Oppos:* Si Christus in Cœna verè sacrificasset, tunc aliquam actionem exercuisset erga seipsum, nimirum seipsum effectivè ponendo sub Sacramento: Sed hoc non potest dici. Ergo. Min. patet: Quia juxta Physicos idem non potest movere, seu producere seipsum, vel dependere a seipso.

*Ad hoc dist. maj.* Exercuisset erga seipsum secundum se sumptum, neg. maj. Sumptum cum novo modo ellendi, nimirum sacramen-

Kk 3 tali-

taliter, conc.maj. Et sic dist. min. neg.conseq. Hæc distinctio salvat distinctionem realem inter causam efficientem, & effectum, uti & prioritatem causæ. Hinc etsi idem non possit etiam divinitus producere seipsum productione primitiva, absolute, & simpliciter, bene tamen sub novo essendi modo. Habet ergo in utraq; productione Corpus Christi idem esse substantiale, sed diversum essendi modum: attingiturque per plures actiones totales, diversæ rationis tamen, seu sub diversa formali ratione terminandi. Nam sub ratione entis ex nihilo (saltem anima) terminat creationem: sub ratione hominis terminat generationem: in quantum habet esse sacramentale, terminat conversionem Eucharisticam.

**LXXI. Resp. 3.** Sacrificium Crucis, Cœnæ, & Missæ ex parte rei oblatæ non differunt numero: ex parte verò modi offerendi primum ab aliis differt quasi specie, seu specie modalis. S.Tho.art.1.ad 1.

**Ratio 1.** Quia res oblata est eadem numero, scilicet Christus: Sed modus offerendi in ara Crucis erat cruentus, & in propria specie, in aliis incruentus, & in specie aliena.

**Resp. 4.** Licet tres illæ sacrificaciones, nimirum in Cruce, in Cœnâ, & factio in Missa materialiter numero differant, seu in esse entis, & actionis multiplicentur: formaliter tamen in ratione sacrificacionis, seu Sacrificii non differunt numero, seu sunt idem.

**Ratio 1. p.** Quia sunt diverso tempore, & in diversis aliis circumstantiis.

**Ratio 2. p.** Quia Sacrificium Missæ est continuatio Sacrificii Crucis, & Cœnæ, continuatio autem inducit aliquam identitatem, etiam simpliciter talem, non quidem omnibus modis, sed in suo genere, & absolute. Quod declaratur exemplo Comœdiæ, quæ eadem in diversis locis, & temporibus exhibetur, quæ revera est, & dicitur esse eadem Comœdia, licet actiones materialiter numero multiplicentur. Vide in hoc Exam.nu. 81. in fine R. ad Oppono post R. 5.

Ex quo Sequitur, quodd etiam omnia Missæ Sacrificia præterita, præsentia, & futura non solum ex parte rei oblatæ, sed etiam ex parte actionis formaliter sint idem Sacrificium: quia omnia sunt præsentatio, & continuatio ejusdem Sacrificii Christi, & Passionis, quæ est eadem: Sicut dictum est de eadem Comœdia sæpius exhibitâ: appellantur verò diversa numero Sacrificia propter distinctionem materialem. Nec obstat, quod dicantur numero formaliter plura Sacramenta Eucharistiæ, quia illa ordinantur ad sanctificandos homines per effectus gratiæ, quos causant, qui sunt diversi.

**LXXII. Resp. 5.** Christus ut homo est principalis offerens in Missa, Sacerdos verò cele-

brans est offerens minus principalis, & instrumentalis.

**1. Pars** patet ex illo Psal. *Tu es Sacerdos in æternum.*

**2. Pars** patet: Quia Sacerdos agit in virtute Christi.

**Resp. 6.** Licet Christus propriè non habeat Successores in Sacerdotio, habet tamen Vicarios, & Ministros, & hi sunt Sacerdotes.

**Declaratur:** Differentia est in hoc, quia Successor est æqualis potestatis cum Prædecessore, quod quidem erat in Lege Veteri, Aaroni enim Eleazarus, & huic Phinees successit in æquali potestate, quod non est in Vicario: Sed nullus Sacerdos est Christo æqualis in potestate, nec Christus est mortalis. Ergo non indiget Successore, sed solum habet Ministros, & Vicarios.

**Oppono:** Sacrificium Crucis est infiniti valoris. Ergo non indigemus alio Sacrificio.

Ad hoc dist. conseq. ex Not. 2. ante R. 1. patebit magis infra ex dicendis ad Q. 3. n. 75.

**QUÆRO II.** In qua actione consistit essentia Sacrificii Missæ?

**LXXIII. Resp. 1.** Oblatio illa, quæ ante Consecrationem fit illis verbis, *Suscipe, S. Trinitas, hanc oblationem*, &c. seu Offertorium, non est de essentia, nec de integritate hujus Sacrificii. 2. Sicut nec oblatio, quæ fit post Consecrationem illis verbis, *Unde & memores, Domine, &c. offerimus præclara Majestati tuae*. 3. Nec fractio hostiæ in tres partes, quarum una mittitur in Calicem. 4. Nec Sumptio Eucharistiæ, nec consumptio Specierum in stomacho.

**Ratio 1. & 2. Partis:** Tum quia tunc res offerenda, scilicet Corpus, & Sanguis Christi, nondum est. Tum etiam (quod probat simul 2. partem) quia tunc nulla fit immutatio victimæ, sed solum simplex quædam deprecatio, ut Sacrificium Deo sit acceptum. Ergo.

**Nota:** Etsi Sacrificium essentialiter sit oblatio, non tamen est qualicumque, seu simplex oblatio, nec requiritur in actu signati talis, ut v.g. necessarii debeat dici, *offerre*, vel *offerimus*, sed debet esse oblatio immutativa rei, saltem quoad modum, & sufficit, ut fiat in actu exercito, seu ut fiat non expresse verbo, sed potius re, & facto, ipsam hostiam Deo sistendo præsentem: sicut Christus potius opere quàm verbo se obtulit in Cruce.

**Ratio 3. p.** Quia illa fractio solum est ex institutione Ecclesiæ tamquam dispositio ad Sumptionem, & sine ea subsisteret Sacrificium.

**Ratio 4. p. Actio**, in qua Sacrificium hoc essentialiter consistit, fit in Persona Christi ut principaliter offerentis, & sine grandi peccato non potest fieri extra altare, & proxime, & mortem sui debet significare Passionem, & Mortem Christi. *Subsume:* Sed Sumptio non fit in persona

sona Christi sed sumentis, & consumptio Specierum in stomacho fit postea extra altare, dum species vi caloris naturalis alteratæ corrumpuntur. Item Sumptio proximè per se, & ratione sui solum significat Sepulturam Christi, Mortem verò significat ratione alterius, scilicet Consecrationis; hoc ipso enim quod Christus manducatur, supponitur vi verborum Consecrationis mysticè factus. Ergo.

Ex hac ratione solvuntur auctoritates sacre Scripturæ, & SS. Patrum, quibus dicitur, Quotiescunque manducabitis Panem hunc, & Calicem bibetis, mortem Domini annuntiabitis.

*Resp. 2.* Tota Sacrificii Missæ essentia consistit in Consecratione. 2. Quæ essentialiter debet esse utriusque Speciei. 3. Cum habitudine transcendentali ad Sumptionem velut ad finem, & terminum extrinsecum, spectantem ad Sacrificii integritatem. Ita S. Thom. hic q. 82. ar. 4. ad 1. Et art. 10. in c.

*Ratio 1. p.* Actio, in qua consistit essentia huius Sacrificii, debet fieri in persona Christi, ut principalis offerentis, & repræsentare Sacrificium Crucis: Sed sola Consecratio specialiter fit in persona Christi, quia Sacerdos in ea loquitur, ac si esset ipse Christus. Item illa est maximè repræsentativa Sacrificii Crucis, ob rationem pro 4. p. in probatione R. 1. adductam. Ergo.

*Ratio 2. p.* patet in Exam. 2. n. 1. §. ad Q. 3. pro 2. & 4. parte.

Ex quo Sequitur, quod inter utramque Speciem sit maior dependentia, loquendo de Sacrificio, quam loquendo de Sacramento, una enim Species (ut supra dictum est) potest dici, & est Sacramentum, saltem parziale, non tamen est parziale Sacrificium. Hinc etsi una species non sit de essentia alterius, ambæ tamen sunt de essentia Sacrificii.

*Ratio 3. p.* Corpus, & Sanguis ponuntur in hoc Sacrificio per modum cibi, & potus: Sed Sumptio est finis, & terminus extrinsecus alimentis, integrans, & complens convivium. Ergo. Pro quo vide supra de essentia Sacramenti Eucharistiæ.

Ex his Sequitur, quod in die Pasceves defectu Consecrationis non conficiatur verum Sacrificium, sed solum consummatio Sacrificii præcedentis diei, nec populus eo die tenetur audire Missam, si quod festum de præcepto in eum diem caderet, non translatur ab Ecclesia: non tenetur sub peccato interesse Cærimoniarum, quæ tunc fit. Quando ergo SS. PP. dicunt, quotidie in Ecclesia celebrari, intelligitur salva exceptione illius diei. Ratio omissionis Missæ eo die est, ne Passio mystica, & expressa, seu realis eadem die repræsentetur.

LXXIV. *Oppono 1. contra Resp. 2.* Actio sacrificativa debet hostiam præsupponere: Consecratio hostiam, nimirum Corpus Christi, non præsupponit Eucharistia, sed producit. Ergo.

1. Sit casus, quo Sacerdos aliquis ex malicia intendat consecrare, & non sacrificare.

3. Si, quantum est ex vi verborum, Christus in Missa immoletur, & mædatur, sequitur, quod ex vi verborum in Eucharistia ponatur Corpus Christi mortuum determinatè: Sed hoc est falsum. Ergo. Min. prob. Ex vi verborum ponitur Corpus Christi, ut abstrahens a vita, & a morte, potest enim in Eucharistia esse vivum, uti est defacto, & potest esse mortuum, ut si in triduo mortis fuisset facta Consecratio. Ergo.

*Ad 1. dist. maj.* Prioritate temporis semper, negatur; naturæ, subdist. Sub ea formalitate, sub qua actio sacrificans est, conc. sub alia, sub qua non est, negatur. Hinc in Consecratione (ut tradunt Gonet, & Labar) tres distinguendæ sunt formalitates, quarum una alteram præsupponat prioritate rationis. Est autem hic inter eas ordo: Primò, in quantum panem, & vinum convertit in Corpus, & Sanguinem Christi, sic est præparativa, & productiva victimæ. 2. Quatenus eadem Victimam in honorem, & cultum Dei ipsi Deo in actu exercitio presentatur, eadem Consecratio est oblatio. 3. Quatenus ex modo producendo victimam, seu quantum est de se, & ex vi verborum habet ponere Sanguinem Christi a Corpore separatum, seu modo quodam mortuo, nimirum Corpus per modum cibi, Sanguinem per modum potus: sic consecratio est immutativa, & mactativa victimæ. Et sub hac ultima formalitate habet ultimam differentiam Sacrificii propriè dicti: Oblatio enim, etsi de essentia sit, est tamen potius prædicator genericum, ratione distinctum a specifico.

*Ad 2. optimè distinguit Sylvius:* Talis, vel habet intentionem faciendi, quod facit Ecclesia, aut quod Christus instituit, vel non habet? Si habet, tunc simul consecrat, & sacrificat, intentionem enim communis, & generalis prævalet particulari, ut patet supra Tract. 1. Exam. 4. n. 32. Si non habet, nec consecrat, nec sacrificat defectu intentionis.

*Ad 3. dist. maj.* Sequitur, &c. quod in Eucharistia, ut est Sacrificium, qualiter de ea hic agimus, conc. maj. ut est Sacramentum, de quo ut tali convincit probatio Minoris, neg. Maj.

QUÆRO III. Sacrificium Missæ estne infiniti valoris?

LXXV. *Resp.* Certum est, quod Sacrificium Missæ quoad se, seu in actu primo, sive quoad sufficientiam, & efficaciam intrinsecam, sit infiniti valoris intrinsecè, & extrinsecè, non solum ex parte rei oblatæ, sed etiam ex parte oblationis, licet defacto, & in exercitio causet solum effectum finitum, oblimitationem ab extrinseco advenientem. Patet ex S. Thom. supra qu. 79. art. 5.

*Ratio 1.<sup>a</sup>* Valor Sacrificii non solum defumitur a re oblata (quia aliàs oblatio, quæ B. V. in templo obtulit suum Filium, esset infiniti valoris) sed etiam a dignitate offerentis principalis: Sed in hoc Sacrificio non solum res oblata, nimirum Corpus Christi, & Sanguis hypostaticè Verbo unitus, sed etiam ipse offerens principalis, scilicet Christus, est infiniti valoris, & dignitatis. Ergo.

*Declaratur ex differentia Eucharistiæ, ut Sacramenti, & ut Sacrificii.* Nam ut Sacramentum sit per consecrationem; ut est actio physica alicuius productiva, sic est a Christo ut a causa, & quidem solum instrumentali physica, actiones autem Christi humanæ physice sumptæ non sunt infiniti valoris: ad Eucharistia in ratione Sacrificii, & Oblationis præcipue spectat ad genus moris, estque a Christo, ut a causa principali morali, offerente se Deo Patri, & per modum inferioris submittentis se illi ut Superiori. Ergo propter reflexionem super suppositum Christi trahit ab eo valorem in genere moris infinitum, ad merendum, & satisfaciendum, non minus ac traherent actiones Christi Theandricæ, per quas pro vobis satisfecit in via, cum virtute causandi effectum syncategorematicè perfectiorem in infinitum.

*Ratio 2.<sup>a</sup>* Causa universalis in exercitio non agit ultra mensuram dispositionis subjecti: Sed Sacrificium Crucis, & Missæ in ordine supernaturali est causa universalis ad merendum, & satisfaciendum. Ergo in exercitio producit effectum limitatum iuxta limitatam dispositionem subjecti, cui applicatur.

*Declaratur ulterius, effectum Sacrificii Missæ non posse limitari ex finita dignitate Sacerdotis particularis.* Cum enim causa principalis operetur per propriam formam, per eam effectum sibi assimilat. Ergo tantum per illam debet limitari; unde in naturalibus mediaute instrumento, v. gr. semine, homo ut causa principalis producit effectum a se intentum ejusdem secum speciei, licet in individuo possit limitari ab instrumento; In moralibus verò neque in individuo limitatur effectus ratione instrumenti, quia sequitur valorem, & dignitatem agentis principalis: quantum enim dignior est Persona satisfaciens, tanto dignior est ipsa satisfactio, licet instrumentum, quo facit eam, sit inferioris conditionis, sive in esse physico, ut si fiat mediante lingua; sive in esse moris, ut si fiat mediante alio homine, ut explicat Nugno.

Dixi, non limitari ex finita dignitate Sacerdotis; quod enim possit limitari effectus Sacrificii ab intentione Sacerdotis Missam alicui applicantis, patebit infra n. 78. R. 2.

LXXXVI. *Oppono 1.* Ergo sequitur: Sacrificium a simplici Sacerdote oblatum, esse ejus-

dem perfectionis cum Sacrificio Crucis, immediate oblatum a solo Christo, quia utrumque est infinitum, unum verò infinitum non est majus altero.

2. Unico Missæ Sacrificio posse evacuari totum Purgatorium.

3. Frustrà offerri plura Sacrificia pro una persona, quia unum est infiniti valoris.

4. Eandem Missam (pro quodatum est stipendium) posse applicari pro aliis innumeris, immò infinitis hominibus, si darentur.

Ad 1. dist. Ejusdem perfectionis esse essentialis, delumptæ a principali offerente, & ex opere operato, conc. accidentalis, & ex opere operantis, negatur.

Nota, non esse dubium, quin etiam valor Missæ proveniens ab Ecclesia, & ex merito Sacerdotis, ac ministrantium, sit simpliciter finitus, cum fundetur in eorum dignitate finita.

Ad 2. Est verum quoad virtutem, & sufficientiam Sacrificii, seu in actu primo: in actu autem secundo non fiet, non defectu Sacrificii, sed quia non omnes animæ, pro quibus offertur, ad remissionem totius poenæ sunt depositæ. Similiter per unicum Sacrificium, quantum est de se, posset satisfieri pro poenâ infinite intentæ.

Ad 3. neg. Nam effectus Missæ limitatur juxta devotionem ejus, pro quo offertur: Sed ille non semper est, vel saltem non totus, quod sit tam excellenter dispositus. Ergo.

Ad 4. R. posse applicari ex charitate, non acceptis pluribus stipendiis; modò in particulari applicetur, cui stipendium dedit: stipendium verò non datur pro Missa, aut valore, aut fructu ejus (quia esset Simonia) sed vel pro labore corporali, vel pro sustentatione ministri; & taxatur ejus quantitas ex consuetudine Patriæ, vel statuto Ordinarii.

Dixi, pro sustentatione Ministri, solius nimirum, honesti, & frugali, in unum diem, nec potest plus exigi titulo famulitii domestici, cognatorum, aut debitorum contrahentium.

LXXXVII. Ex his colligitur quorundam casuum resolutio, nimirum *Primo*: Non licet pro una Missa (licet sit infiniti valoris) accipere plura stipendia, etiam applicando alteri fructum specialissimum Sacerdoti debitum, quia incertum est, an ille fructus (cum videatur esse beneficium personale) possit alteri dari. Et hoc verum est, sive sint plura stipendia adæquata, sive parva unum totale integran-  
tia, ut patet ex declaratione S. Congregationis Concilii, edita jussu Alexand. VII. & oppositum faciens tenetur ad restitutionem. Cæterum dato, quod fructus ille specialissimus sit alteri communicabilis, probabilius est, quod possit aliis saltem gratis applicari, modò fiat raro, & pruden-  
ter, ait Nugno, habebit enim Sacerdos alium fructum ex opere operantis, cum

cum faciat auctum excellentissimæ virtutis. Nec tenetur eum Sacerdos applicare illi, qui stipendium dedit.

**Secundo:** Juxta declarationem Sac. Congreg. Concilii §. 4. sub Urbano VIII. 1625. Sacerdos, qui Missam suscipit celebrandam cum certa elemosyna, non potest eandem Missam alteri committere legendam, parte elemosynæ sibi retenta; Et oppositum faciens tenetur ad restitutionem. Quia nullum habet titulum retinendi: non gratuitum, quia pecuniam non accipit per modum donationis, ut supponitur, nec onerosum, quia ipleonus non subit.

**Excipitur** Beneficiatus, qui (nisi in fundatione aliter caveatur) suas Missas potest committere alteri, data elemosyna juxta morem Patriæ, licet redditus Beneficii plus importent. Disparitas est, quia habet titulum Beneficii, cui alia onera annexantur, v. gr. recitandi horas Canonicas, &c.

**Tertio:** Non licet anticipatè dicere Missas pro his, qui in futurum Missas petent, iisque posita petentibus lectiones Missas applicare. Et opposita sententia est damnata a Clem. VIII. 1605.

**QUÆRO IV.** Missa pro pluribus oblata prodestne æquè singulis, quam si offerretur pro uno tantum?

**LXXVIII. Resp. 1.** Probabilius est, quod Sacrificium Missæ quoad essentiam, & substantiam suam, etsi pro pluribus nominatim, & æquè specialiter offeratur, singulis, seu cuiusvis in particulari æquè, & tantum prodest (juxta: cujuslibet tamen dispositionem) ac si pro uno offerretur tantum. Sicut si ex Mari sive plures, sive pauciores simul hauriant, nulli aliquid deperit.

**Ratio:** Quia Missa est infiniti valoris. Ergo ejus fructus per applicationem etiam specialem, æqualiter pluribus factam, non minuitur.

**Dixi 1. quoad offerendum suum;** Non enim est sermo de fructu orationum, quas Sacerdos persolvit nomine Ecclesiæ, vel suo.

**Dixi 2. æquè specialiter;** Si enim pro aliquibus tantum in communi, & in consuetu offeratur, pro aliis verò nominatim, & specialiter, his magis prodest. Quia applicatio Missæ fit per intentionem celebrantis.

**Resp. 2.** Mensura effectus hujus Sacrificii est duplex, nimirum intentio Sacerdotis, ut causa efficiens, & applicans, & devotio ejus, pro quo offeratur, ut causa dispositiva.

**Declaratur** cum Nugno: Sacerdos tripliciter potest suum Sacrificium alicui applicare. 1. Generalissima quadam ratione offerendo pro tota Ecclesia, & peccator Sacerdos si a fructu Sacrificii aliquem exciperet, licet exceptio esset valida. 2. Quodammodo in particulari, ut si applicet pro illa civitate, pro suis, vel familiaribus suis benefactoribus, pro omnibus petentibus in communi. 3. Omnino in particulari, no-

minando, v. g. Petrum, Paulum, &c. Quanto particularius ergo Missa applicatur, tanto magis prodest, cæteris paribus; si nimirum is, pro quo offertur, magis sit dispositus, sicut quævis causa, quanto melius applicatur, tanto melius operatur. Pro eo, qui elemosynam contulit, tenetur Sacerdos tertio modo seu in particulari Missam applicare, & pro possibili conari, ut in Memento expressam ejus memoriam habeat. Potest tamen sufficere memoria virtualis, ut si Sacerdos ante celebrationem composuit *Memento*, & postea obliviscatur, vel in ipso *Memento* dicat Deo: Offero pro omnibus illis, quorum antea memoriam feci.

**LXXIX. Quisnam ergo ex Sacrificio Missæ majorem recipit utilitatem?**

**Dico:** Cæteris paribus, id est, si addit etiam major dispositio subiecti, Sacerdos; & post eum is, qui contulit elemosynam, cujus collatio est specialissima devotio erga Missam; & conferentis sit specialis memoria in Missa. Post hunc illi, qui Missæ assistunt. Unde in Canone sit eorum expressa memoria per ly, *Et omnium circumstantium*.

**Si Missa** pro pluribus æquè specialiter oblata æquè prodest, cur probi Sacerdotes pro Missis, quas specialiter pro se, aut suis offerunt, non acceptant stipendium?

**Dico,** Optimum esse consilium ita facere, & secundum prudentiam, ait Nugno, ut quando quis maxime vult benefacere fratri, aut amico, pro tali Missa non recipiat stipendium, quia sic confert illi satisfactionem, quæ correspondet stipendio, adeoque cæteris paribus recipit tunc frater, vel amicus majorem fructum.

**Dixi, cæteris paribus;** si enim qui stipendium non dedit, majori fervore, ac devotione fatur erga Sacrificium, ei etiam specialiter applicatum, majorem reportat fructum, quam qui dedit.

**LXXX. Cujus auctoritate sunt reductiones** Missarum, ut per certam, vel certas Missas, vel Anniversaria la tisiat pluribus?

**Dico:** Sacra Congregatio sub Urbano VIII. 1626. statuit, quod possint fieri a sola Sede Apostolica, & nullatenus ab Episcopis, nec a Generalibus Ordinum in Capitulis Generalibus, revocatis contrariis privilegiis.

**Dum Ecclesia** prohibuit, ne hæc redutio fiat ab Episcopis, vel Ordinum Superioribus, sentitne, efficaciam Missæ diminui respectu unius, si simul offeratur pro aliis?

**Dico:** Neutiquam, sed ideo, ut impleatur voluntas fundatorum, & eorum, qui dederunt stipendium.

**Quas ob causas,** vel in quibus casibus potest fieri hæc redutio?

**Dico:** Sedes Apostolica non concedit illam Missarum reductionem, nisi in Collegiis, vel Con-

Conventibus eam petentibus sit magna necessitas, & paupertas, quando numerus Missarum fundatarum excedit numerum Sacerdotum, aut non fuit datum iustum stipendium. Hinc non debet concedi illis Collegiis, quæ faciunt sumptus non necessarios, vel magnifica exstruunt ædificia.

**QUÆRO V.** & Ultimò: Missa quos habet effectus ex opere operato? Item ratio Sacrificii estne nobilior ratione Sacramenti?

**LXXXI. Resp. 1.** Sacrificium Missæ non tantum est laudis, & gratiarum actionis, aut nuda commemoratio Sacrificii Crucis, sed habet tres effectus. 1. Est *propitiatorium*, seu habet vim placandi Deum, peccatis nostris offensum. 2. Est *impetratorium*, seu valet ad impetrandam quævis bona spiritalia, immò & temporalia, si salutini non obstat. 3. Est *satisfactorium* pro peccatis temporalibus, quæ restant remissa culpa. Est *de fide*, ut patet ex Trid. Sess. 22. cap. 1. & Can. 3.

**Resp. 2.** Missa dicto effectus causat ex opere operato, non tamen physicè, sed moraliter.

**Ratio 1. p.** Quia causantur ex sola dignitate huius Sacrificii, nimirum rei in eo oblatæ, ac principalis offerentis, independentè a dignitate Sacerdotis particularis, ut patet in Missa mali Sacerdotis, quæ tantum valet quantum boni, non ex opere operantis, cum illud nihil valeat; Ergo ex opere operato. Item: independentè a dignitate eius, pro quo offertur, ex parte cuius tamen requiritur dispositio, non ut ratio formalis causandi, sed ut *conditio sine qua non*. Vide suprâ, quid sit causare ex opere operato. Tr. 11. Exam. 2. n. 11. Not. 2.

**Ratio 2. p.** Quia Sacrificium ut tale præcipuè consideratur in genere moris, & habet effectus immediatos solum morales, per quod differt a Sacramento. Ergo.

Nota, non esse contra naturam effectus ex opere operato, quod non semper statim, & ex certa lege, ac infallibiliter fiat, sed quomodo & quando Deo placuerit, & subiectione est dispositum. Habet tamen aliquos effectus, quos in subiectis ritè dispositis infallibiliter causat, nimirum remissionem peccæ, vel totalis, vel partialis in iustis, siue vivis siue mortuis iuxta dispositionem subiecti.

**Resp. 3.** Sacrificium Missæ gratiam siue secundam, siue primam, & peccatorum mortalium remissionem non causat directè, & immediatè, sed solum indirectè, & mediatè, in quantum a Deo, ejus oblatione placato, impetrat auxilium gratiæ excitantis, & donum poenitentiae, contritionem, vel attritionem cum Sacramento, per quæ immediatè confertur gratia sanctificans, & peccati remissio. Ita colligitur ex Trid. loc. cit.

**Ratio:** Quia ad gratiam habitualement directè causandam ordinantur Sacramenta, ut potè per

se primò instituta ad nostram sanctificationem, Sacrificium verò primariò, & immediatè respicit cultum Dei, sanctificationem autem hominis solum secundariò, & quasi per redundantiam; nimirum impetrando prius dicta auxilia gratiæ, & donum Poenitentiae. Ergo.

**Resp. 4.** Remissionem peccatorum temporalium causat Missa immediatè.

**Ratio:** Quia est immediatè satisfactoria.

**Resp. 5.** Ecclæ Eucharistia, ut Sacramentum ex parte, seu secundum quid nobilior sit seipsa ut Sacrificio, attamen omnibus pensatis, & simpliciter loquendo sub ratione Sacrificii est excellentior.

**Ratio 1. p.** Quia Sacramentum ut tale respectu sui effectus immediati, scilicet gratiæ, exercet causalitatem physicam, Sacrificium verò suos effectus causat solum moraliter, quod est ignobilius. Ergo.

**Ratio 2. p.** Tum quia Sacrificium Eucharistiæ est idem cum Sacrificio Crucis, quod est nobilissimum omnium Sacramentis, ut potè ab ejus dignitate valoratis. Tum quia nobilitas mediis sumitur a fine: Sed licet Sacramenta habeant effectus, qui sunt nobiliores in ordine ad nostram utilitatem, Sacrificium tamen immediatè, & primariò habet effectus nobiliores in ordine ad cultum divinum, qui est finis simpliciter nobilior. Ergo.

**Oppono contra rationem 2. p.** Si Sacrificium Crucis, & Eucharistiæ sunt idem; ergo primum non potest nobis applicari per secundum; uti tamen applicatur. Prob. conseq. Quia idem non applicatur per seipsum. Ergo.

**Dist.** ultimum antec. Si sint idem omnibus modis, conc. secus, neg. Sufficit ergo quod secundum quid, & materialiter distinguantur. Vide supra in hoc Exam. n. 71. R. 4.

**LXXXII. Est ne utilius, Missas in vita sibi celebrari facere, quam post mortem?**

**Affirmo:** Quia exinde homo sibi comparat majora beneficia. Nam Missæ pro aliquo dictæ post mortem sunt solum satisfactoriæ pro poenis Purgatorii: si verò pro eo legantur in vita sunt simul propitiatoriæ, & impetratoriæ, sique juvant in vita, & post. Immo per eas multiplicatas potest in vita tota Purgatorii poena deleri, ut moriens statim cælum intret. Quod tamen forsitan rarò contingit.

An liceat curare legi pro se in vivis Missam de Requiem? Vide Tr. 15. Exam. 6. n. 51.

Hæc de Sacramento, & Sacrificio Eucharistiæ dicta sufficiant. Plura quidem hic dici possent de tempore celebrationis Missæ, de loco, vasis, vestibus, cæremoniis, defectibus in Missa occurrentibus, sed ea remitto ad Tractatum de Ordinibus, & in specie de Sacerdotio. Vide Tract. 15. Exam. 6.



# TRACTATUS XIII.

## DE SACRAMENTO POENITENTIÆ, ET PARTIBUS EJUS.

*De quibus S.D. agit 3.<sup>a</sup> p. a q. 84. usque ad q. 90. quæ est ultima inclusivè. Et in Supplemento Tertie Partis a q. 1. usque ad 17. inclusivè.*

**S**alvator hominum Homo-Deus Jesus Christus, sciens, quòd omnis caro corruerat viam suam, quòd caro concupiscat adversùs spiritum ad malum prona ab adolescentia sua, quòd totus mundus sit in maligno positus: nolens tamen mortem peccatoris, sed magis ut convertatur, & vivat, non solum Patrem egit, vitam dando; sed & Medicum, animæ morbos curando, & per peccata amissam animæ vitam restituendo virtute efficacissimi medicamenti, nimirum Poenitentiae Sacramenti, a se ad id misericordissimè instituti. De quo proinde cum Angelico Doctore tractandum.

### EXAMEN I.

*De Essentia, & institutione Sacramenti Poenitentiae, ejusque Partibus in generali. Et de Poenitentia, ut est virtus.*

*De quibus S.Thom. q. 84. & 85.*

**Q**UÆRO I. Teneturne Confessarius calere doctrinam Theologorum de Sacramento Poenitentiae?

**I. Resp. Affirm.** Ratio patet suprà Tract. 1. n. 12. Quia lex naturalis dicitur, quemlibet in conscientia teneri scire, quæ spectant ad suum officium, ut docet S. Thom. 1.2. q. 76. a. 2. in c. Sed ea, quæ tractantur in hoc tractatu, spectant ad officium Confessarii, inquantum est Judex, Doctor, & Medicus. Ergo. Min. declaratur: Ad officium Confessarii spectat scire, an, & quando possit ligare, & solvere, ut patet ex Trident. Sess. 24. de Pœnit. c. 6. sic statuentem: *Quamvis absolutio Sacerdotis alieni beneficii sit dispensatio, tamen non est solum nudum ministerium, vel annunciandi Evangelium, vel declarandi remissa esse peccata, sed ad instar actus judicialis, quo ab ipso velut a Judice, sententia pronuntiatur: Judex autem & solvendi, & ligandi facultatem habet: Sed in hoc tractatu maxime instruitur Confessarius, quando & quem possit ligare, vel a peccatorum vinculis solvere, ut patebit ex ejus decursu. Ergo.*

**Q**UÆRO II. Quid est Sacramentum Poenitentiae, quando & a quo institutum, quæ ejus partes, quæ materia? De quo S.D. q. 84. per 10. art. II. Ante R. suppono. Poenitentiam posse dupliciter considerari. Primò ut est Sacramentum

Novæ Legis, qualiter de eo hic agimus. Secundò ut est virtus, qualiter etiam fuit in Veteri Legge. De qua postea Q. 6. Hoc supposito

**Resp. 1.** Hoc Sacramentum physice sumptum (ut suprà de Baptismo Tract. 1. r. Exam. 5. R. 1. ad Q. 1.) seu inquantum est compositum ex materia, & forma ut partibus physicis, seu quasi physicis, definitur, quòd sit exterior peccatorum confessio dolorosa (seu dolor) sub impensis præscripta absolutionis forma. Sumptum metaphysice, seu ut constet ex genere, & differentia, definitur, quòd sit *Sacramentum Novæ Legis institutum ad remissionem peccatorum post Baptismum commissorum, seu ad causandam gratiam sanantem, sive resuscitantem, aut remissionem delictorum peccatorum, ut patet ex S. Thom. q. 84. a. 1. in c.* Hæc secunda definitio detur examinanti. Ex qua etiam patet, quis sit effectus hujus Sacramenti.

**Resp. 2.** Solet hoc Sacramentum etiam vocari *reconciliationis*, nimirum ab effectu, qui est reconciliationis cum Deo: Item *Confessionis*, a notiore parte, quæ est confessio, & *Absolutionis*, a forma: Poenitentia a contritione, quæ etiam est pars essentialis ejus: non tamen vocatur Satisfactionis, quia illa solum est pars ejus integralis, & non essentialis. Item vocatur metaphoricè secunda post naufragium tabula. Nam (ut ait S. Thom. a. 6. in c.) *Sicut primum remedium mare transiensibus est, ut conserventur in navi integra, secundum autem remedium est post navem fractam, ut quis tabule adhareat: ita etiam primum remedium in mari hujus vite est, quòd homo integritatem in Baptismo acceptam servet, secundum autem remedium est, si per peccatum integritatem perdidierit, quod per poenitentiam redeat.* Porro Poenitentia est dicta a *pœna*, & *teneo*, quali pœna

*pars remedia*, vel punientia, juxta Isidorum.

*Resp. 3.* Penitentia est verum Sacramentum, 2. a Christo immediate institutum, 3. cum a mortuis excitatus insufflavisset in discipulos suos, dicens: Accipite Spiritum S. quorum remisistis peccata, remittuntur eis: quorum retinueritis, retenta sunt. Joan. 20. Ita patet in Trid. Sess. 6. c. 14. & Sess. 14. c. 1. & can. 1.

*Prima & 2. Pars* patent ex applicatione definitionis Sacramenti datæ suprà Tract. 11. Exam. 1. n. 2. Et ulterius declaratur: Christus Apostolis, eorumque Successoribus verè dedit potestatem remittendi peccata cum auriculari confessione, & omnium peccatorum quoad numerum, & quoad speciem explicatione: Sed hæc potestas in nullo alio, sed in hoc solo Sacramento exercetur, ut patet. Ergo. Maior prob. Christus prædixit verbis Apostolis, eorumque Successores instituit Iudices, cum potestate solvendi, vel retinendi, qui revera actus iudiciarius est; Sed hic actus nequit fieri, nec sententia a Iudice ferri, nisi cognoscat numerum speciem, ac circumstantias peccatorum. Ergo. Et consequenter Christus instituit confessionem Sacramentalem.

Nota, quod hanc potestatem, quam Christus Joan. 20. Apostolis dedit, promiserit, dum Petro dixit Matth. 16. Tibi dabo Claves Regni Cælorum. Et quodcumque ligaveris super terram, erit ligatum & in cælis: & quodcumque solveris super terram, erit solutum & in cælis, ut patet ex S. Thom. a. 7. in c.

III. *Resp. 4.* Partes Sacramenti Penitentiae essentialia sunt contritio, confessio, & forma, seu absolutio. Satisfactio est pars integralis. Patet ex S. Thom. a. 2.

*Ratio:* Ea sine quibus aliquod compositum ab intrinseco non potest subsistere, sunt de essentia, sine quibus autem subsistere potest, non sunt de essentia. Sed Penitentia Sacramentum ab intrinseco non potest subsistere sine contritione, confessione, & absolutione, bene tamen sine aequali Satisfactione. Ergo. Sed de his plura in sequentibus. Vide suprà Tract. 11. Exam. 1. n. 3. Not. 1. Quomodo in Penitentia salvetur illud, Accedit verbum ad elementum, & fit Sacramentum. Et ibidem ante R. 3. Qualis partium similitudo requiratur in Sacramentis. Item ibidem Exam. 4. n. 47. R. 7. Vide, quid in hoc Sacramento sit res tantum, quid Sacramentum tantum, quid utrumque simul.

Ex his sequitur, quod etsi non possit admitti hæc propositio, Penitens absolvit seipsum, vel est minister huius Sacramenti, quia non proferat nec super se proferre potest formam absolutionis, hæc tamen est vera: Homo in Sacramento iustificat seipsum per suos actus, non principaliter, sed instrumentaliter, non formaliter, sed dispositivè, non per actus præcisè secundum se sumptos, sed ut ad esse Sacramen-

ti elevatos, & clavibus Ecclesiae subiectos, sub qua ratione etiam physice causant gratiam (juxta dicta suprà Tract. 11. Exam. 2. n. 12. de causalitate physica Sacramentorum Novæ Legis, etsi alias, ut præcisè actus virtutum sunt, solum causent eam moraliter. Hinc potestas clavium, licet formaliter sit in Sacerdote, quæ de causa sit nobiliori modo, instrumentaliter tamen ad penitentis iustificationem concurrat; participativè tamen est in actibus penitentis, ut elevatis. Hæc proportionabiliter possunt applicari ad actus hominis in Sacram. Matrimonii.

IV. *Resp. 5.* Materia huius Sacramenti est duplex: Una proxima, nimirum actus penitentis; altera remota, nimirum peccata, non ut acceptanda, sed ut detestanda; & destruenda. Ita S. D. a. 2. in c.

*Ratio:* Quia Penitentia circa peccata ut destruenda veritatur in mediis actibus penitentis.

Nota, per peccata in R. 5. intelligi personalia seu actualia, & quidem post Baptismum commissa. Nam Originale tollitur per Baptismum; actualia verò ante Baptismum commissa non sunt clavibus Ecclesiae, cum sint commissa ab eo, qui Ecclesiae Jurisdictioni tunc non suberat. De hoc plura postea circa objectum Penit. n. 13.

Nota tamen ulterius, quod materia remota Penitentis adhuc sit duplex, nimirum necessaria, ut sunt peccata mortalia, & libera, seu sufficiens, ut venialia.

QUÆRO III. Quæ est forma huius Sacramenti?

V. *Resp. 1.* Forma Sacramenti Penitentiae subsistit in verbis: *Absolve te*, vel alius æquivalentibus.

*Ratio 1. p.* Quia sola illa verba aperte significant effectum huius Sacramenti, scilicet gratiam remissivam peccatorum, seu solutivam vinculorum animæ, quæ sunt peccata, ut explicat S. D. a. 3. in c. Ergo.

*Ratio 2. p.* Quia æquivalentia verborum solum inducit mutationem materiale, quæ Sacramentum non annullat, ut patet suprà de Sacram. in communi. Hinc valida esset (attamen illicita) absolutio data his verbis, *Remitto, Condemno tibi peccata tua*.

*Resp. 2.* Valida, sed illicita est hæc forma: *Absolve a peccatis tuis*.

*Ratio:* Quia æquivaleret priori; nam ly *Tu* includitur in ly *Tuis*.

Nota, quod licet illa verba *absolve te* secundum se sint indifferentia ad absolutionem & censuram, & a peccatis, attamen ad absolutionem a peccatis sufficienter determinantur ex circumstantiis, quales sunt, intentio absolvantis, præsentia contentis, ejusque confessio peccatorum.

*Resp. 3.* Christus voluit, ut persona recipiens in forma exprimat per ly *Tu*, vel per æquivalentes; unde ad ejus determinatio-

tionem non sufficiunt dictæ circumstantiæ.  
*Ratio:* Tum ut sic expressè appareat, abolutionem dirigi ad præsentem, & non ad absentem. Tum etiam, ut significetur diversitas inter recipientem, & ministrantem Sacramentum.

*Resp. 4.* Valida esset (attamen illicita, nisi in casu magnæ necessitatis) absolutio, si Sacerdos illi dem præfatis verbis absolveret a censuris, & a peccatis simul, supposito tamen quod penitens censuras, & peccata ritè expoliisset, & Confessarius possit, ac intendat ab utriusque absolvere.

*Ratio:* Quia Christus potestatem Clavium promittens promissit eam absolutè per ly *Quamvis*, &c. Matth. 18. ut patet ex dictis, & non restringit ad sola peccata. Ergo nec restringit, quando eam dedicit.

Ex quo sequitur, quòd eadem absolutio sub diversa ratione esset tunc sacramentalis, in quantum nimirum esset a peccatis; & non esset sacramentalis, nimirum in quantum esset a censuris: & sub hac secunda ratione prioritate saltem naturæ (et si non temporis) esset prior seipsa, in quantum est a peccatis.

*VI. Resp. 5.* Invocatio SS. Trinit. non est de essentia hujus Sacramenti uti nec impositio manuum, nec signatio crucis. Ita S. D. a. 3. & 4.

*Ratio 1. p.* Tum quia ante invocationem SS. Trinit. & sine ea perfectè significatur hujus Sacramenti effectus. Tum etiam, quia nec est professio fidei, in quo differt a Baptismo, nec ordinatur ad fidem fortiter. & publicè profitendum, in quo differt a Confirmatione, in quibus duobus Sacramentis dicta invocatio necessaria est exprimenda. Ergo.

*Ratio 2. p.* Quia Christus potestatem clavium promittendo, ac dando non fecit mentionem illius Cæremoniæ.

Nota tamen, illam impositionem, seu extensionem manuum esse valde congruam, quia per eam denotatur quædam jurisdictio, & prælatio super Penitentem, ut potè cuius salus ostenditur, quasi esse in vel sub manu Sacerdotis.

*VII. Resp. 6.* Forma abolutionis, ut valeat, proferenda est voce humana, & verbo propriè dicto. 2. Non est solum precatoria sed revera judicialis, sic ut Sacerdos Penitentem verè a culpa, & pœnæ æternæ reatu absolvat, non verò solum declarat esse absolutum. 3. Per modum mære præcationis expressa Sacramentum annullat. 4. De facto proferenda est per modum indicativum. 5. Quod tamen non est de essentia.

*Ratio 1. p.* Cum nostro Aravio est communis regula juris: *Singularis exceptio firmat regulam in contrarium.* Sed Concil. Flor. in decreto Unionis tradens doctrinam universalem de Sacramentis Novæ Legis, ait, illa perfici robis, & verbis simpliciter, & absolutè, exceptis solum Matrimonium, de quo ait, quòd

regulariter perficiatur verbis, subindicans, illud posse etiam perfici signis consensum exprimentibus. Ergo de omnibus aliis Sacramentis tenet, quòd debeant perfici verbis propriè dictis.

2. *Paripatet* ex Trid. eit. in R. ad Q. 1. nu. 1. in hoc Tract. Et *Ratio est:* Juxta commune S. Thom. & Theologorum doctrinam Sacramenta Novæ Legis (adeoque etiam eorum partes, quarum una est forma) id efficiunt, quòd significant: Sed prædicta verba significant abolutionem a vinculis. Ergo & efficiunt, puta, efficienter instrumentaliter, Deo justificante per modum causæ principalis.

*Ratio 3. p.* Juxta Trid. Abolutio est actus judicialis: Sed deprecativus, cum fiat supplicando, non est actus judicialis. Ergo.

Ad stipulat S. Thom. a. 3. ad 1. dicens: In sacramentali abolutione non sufficeret dicere, *Misereatur tui omnipotens Deus*, &c. Vel, *Abolutionem*, & remissionem tribuat tibi Deus, &c. Quia per hæc verba Sacerdos abolutionem non significat fieri, sed petit, ut fiat. Præmittitur tamen in sacramentali abolutione talis oratio, ne impediatur effectus Sacramenti ex parte penitentis, cujus actus materialiter se habent in hoc Sacramento. Et ad 3. ait. Solus Deus per auctoritatem & a peccato absolvit, & peccatum remittit, Sacerdotes tamen utrumque faciunt per ministerium, in quantum verba instrumentaliter operantur in virtute divina.

Tandem ad 5. ait: Illa expositio, *Ego te absolvo*; id est, abolutionem ostendo, quantum ad aliquid quidem vera est, non tamen est perfecta: Sacramenta enim Novæ Legis non solum significant, sed etiam faciunt, quòd significant. Unde sicut Sacerdos baptizando ostendit hominem interius ablutum per verba, & facta, & non solum significativè, sed etiam effectivè, ita etiam cum dicit, *Ego te absolvo*; ostendit hominem a blotum non solum significativè, sed etiam effectivè. Hæc S. D.

*Ratio 4. p.* Quia ita habet totius Ecclesiæ praxis.

*Ratio 5. p.* Nam et si illicita, valida tamen esset absolutio data per formam imperativam, v. g. *Absolvatur Joannes a peccatis*; quia per modum imperativum adhuc salvatur ratio actus judicialis, & est solum mutatio materialis. Ergo.

**QUÆRO V.** Quisnam est genuinus sensus verborum Abolutionis?

*VIII. Resp.* Est hic: *Ego tibi hac judiciali sententia, quantum est ex me, confesso gratiam remissionis peccatorum.* Vel, *Impertio Sacramentum, quantum est de se, absolutivum a peccatis*; Licet per accidens ex parte subiecti, vel ob indispotionem ejus, actu non conferat. Et hic sensus etiam salvatur, quando hoc Sacramentum est validum, & in forme, de quo infra. Vel quando pœni-

pœnitens confitetur tantum peccata jam semel rite confessâ.

*Ratio:* Quia, ut solet dici, Verba definitionis non dicunt actum, sed potentiam.

*Oppos:* Ergo hoc Sacramentum subsistit, licet pœnitens studio tantum confiteatur peccatum dubium, aut existimatum, vel aliquod mortale scienter, & sine rationabili causa omittat. Prob. Quia tunc adhuc verificatur sensus formæ, quantum est de se, absolutivè.

*Ad hoc negatur illatum cum probatione.*

*Ratio est:* Quia deest materia essentialis, hæc enim est confessio, & dolor de peccatis, non tantum dubiis, & existimatis, sed revera commissis: & quidem de omnibus integrè, integritate saltem formali. Nec tunc verificatur forma, hæc enim absolutè data, quantum est de se, solum est collativa gratiæ remissivæ peccati commissi, non autem peccati commissi sub conditione si commissum sit, dum scitur certò commissum. Nec est remissiva unius lethalis peccati sine alio, nec peccati rite clavibus Ecclesiæ non subiecti, ut fieret in posito casu omissionis peccati mortalis.

**QUÆRO V.** Hoc Sacramentum estne de necessitate salutis?

*IX. Resp. 1.* Hoc Sacramentum non est absolute necessarium omni homini, sed solum ex suppositione, si peccaverit. S. Thar. 5.

*Ratio:* Quia est institutum in remedium peccati.

*Resp. 2.* Supposito etiam peccato hoc Sacramentum non est simpliciter necessarium in re, sed si in re haberi non possit, sufficit ejus votum, seu desiderium. Ita declaratur in Trid. sess. 6. c. 14. & sess. 14. c. 4.

*Resp. 3.* Non est simpliciter in eo casu necessarium votum explicitum hujus Sacramenti, quod (um ejus memoria occurrit) præter dolorem de peccatis expressè proponas data occasione confiteri, sed si non recordetur quis peccatorum, sufficit desiderium, seu votum implicitum inclusum in actu dilectionis Dei super omnia. Veli quis de hoc Sacramento nihil sciens, recordetur tamen peccatorum, & de iis feridoleat, seu conetur, & firmiter proponat emendationem.

*Ratio:* In tali proposito, & dolore implicitè continetur propositum confitendi.

De præcepto Confessionis in certis temporibus, & casibus specialiter agetur infra in proprio loco Exam. 4. n. 55. & seqq.

**QUÆRO VI.** Pœnitentia estne virtus? an specialis, & qualis? quod ejus objectum, & subiectum? De quo S. D. q. 85. per 6. art.

**X.** Ante R. vide suprâ de virtutibus in communi, definitiones virtutis Tr. 4. Exam. 1. n. 2. Item n. 7. quod alia sit virtus infusa, alia acquisita. Et ibidem, alia sit virtus per se, alia per accedens infusa. Et n. 10. quomodo virtu-

tes morales consistant in medio, quotuplex sit hoc medium.

*Resp. 1.* Pœnitentia est vera virtus, vel actus virtutis.

*Ratio* patet applicando definitiones virtutis suprâ locis citatis traditas.

*Declaratur* ulterius ex S. D. hic ar. r. dicente: Pœnitere, est, de aliquo a se prius factò dolere, dolor autem, vel tristitia dupliciter dicitur: Uno modo secundum quod est passio quædam appetitus sensitivi, & quantum ad hoc pœnitentia non est virtus, sed passio. Alio modo secundum quod consistit in voluntate, & hoc modo est cum quodam electione, quæ quidem si sit recta, necesse est, quòd sit actus virtutis: dicitur enim in 2. Ethic. quòd virtus est habitus electivus secundum rationem rectam. Pertinet autem ad rationem rectam, ut aliquis doleat, de quo dolendum est, & eo modo, & sine, quo dolendum est. Quod quidem observatur in pœnitentia, de qua nunc loquitur: nam pœnitens assumit moderatum dolorem de peccatis præteritis cum intentione removendi ea. Unde manifestum est, quòd Pœnitentia, de qua nunc loquimur, vel est virtus, vel est actus virtutis. Hæc S. D.

In R. ad 3. ibid. ait S. D. Dolere de eo, quod prius factum est cum intentione conandi ad hoc, quòd factum non fuerit, esset stultum: Hoc autem non intendit pœnitens, sed dolor ejus est displicentia, seu reprobatio facti præteriti cum intentione removendi sequelam ipsius, scilicet offensam Dei, reatum pœnæ. Et hoc non est stultum. Hæc S. D. Quid sit passio, vide suprâ Tr. 4. Exam. 1. n. 5.

*Resp. 2.* Pœnitentia est virtus specialis ab omnibus aliis specie essentiali distincta.

*Declaratur* ex S. Thar. 2. in c. dicente: Species habituum distinguuntur secundum species actuum; Et ideo ubi occurrit specialis actus laudabilis, ibi necesse est ponere specialem habitum virtutis. Manifestum est autem, quòd in Pœnitentia invenitur specialis ratio actus laudabilis, scilicet operari ad destructionem peccati præteriti, in quantum est Dei offensâ; quod non pertinet ad rationem alterius virtutis. Unde necesse est ponere, quòd pœnitentia est specialis virtus. Hæc S. Doctor.

In R. ad 1. S. D. ait: A Charitate derivatur aliquis actus dupliciter: Uno modo sicut ab eacitatus; Et talis actus virtuosus non requirit aliam virtutem præter charitatem: sicut diligere bonum, gaudere de eo, & tristari de opposito. Alio modo aliquis actus a charitate procedit, quasi a charitate imperatus. Et sic quia ipsa imperat omnibus virtutibus (utpotè ordinans eas ad finem suum) actus a charitate procedens potest etiam ad aliam specialem virtutem pertinere. Si ergo in actu Pœnitentis consideretur sola displicentia peccati præteriti, hoc immediate

diatè ad charitatem pertinet: sicut & gaudere de bonis præteritis. Sed intentio operandi ad deletionem peccati præteriti requirit specialem virtutem sub charitate.

In R. ad 2. ait: Pœnitentia habet quidē realiter generale materiam, in quantum respicit omnia peccata: sed tamen sub ratione specialis, in quantum scilicet sunt emendabilia per actum hominis cooperantis Deo ad suam justificationem.

In R. ad 3. ait: Quælibet virtus specialis formaliter expellit habitum vitii oppositi: sicut albedo expellit nigredinem ab eodem subiecto. Sed Pœnitentia expellit omne peccatum effectivè, in quantum operatur ad destructionem peccati, prout est remissibile ex divina gratia homine cooperante. Unde non sequitur, quod sit virtus generalis. Hæc S. D.

XI. Resp. 3. Virtus Pœnitentiæ est species, seu pars iustitiæ, impletque tamen, si ve potentialis.

Declaratur 1. p. ex S. Th. 3. in c. dicente: Pœnitentia non habet, quod sit virtus specialis ex hoc solo, quod dolet de malo perpetrato (ad hoc enim sufficeret charitas) sed ex eo, quod Pœnitens dolet de peccato commisso, in quantum est offensæ Dei cum emendationis proposito. Emendatio autem offensæ contra aliquem commissæ non fit per solam cessationem offensæ, sed exigit ulterius quædam recompensationem, quæ habet locum in offensis in alterum commissis, sicut & retributio: nisi quod recompensatio est ex parte ejus, qui offendit (ut potè cum satisfact) retributio autem est ex parte ejus, in quem est offensæ commissæ. Utrumque autem ad materiam iustitiæ pertinet, quia utrumque est commutatio quædam. Unde manifestum est, quod Pœnitentia secundum quod est virtus, est pars iustitiæ.

Declaratur 2. p. ibid. Sciendum, quod secundum Philosophum in 5. Ethic. dupliciter dicitur iustum, scilicet simpliciter, & secundum quid; simpliciter quidem iustum est inter æquales, eo quod iustitia est æqualitas quædam, quod ipse vocat iustum politicum, vel civile, eo quod omnes cives æquales sunt, quantum ad hoc, quod immediate sunt sub Principe, sicut liberi existentes. Iustum autem secundum quid dicitur, quod est inter illos, quorum unus est sub potestate alterius, sicut servus sub domino, filius sub patre, uxor sub viro. Et tale iustum consideratur in Pœnitentia. Unde pœnitens recurrit ad Deum cum emendationis proposito sicut servus ad dominum, secundum illud Psal. 122. Sicut oculi servorum in manibus dominorum suorum, ita oculi nostri ad Dominum Deum nostrum, donec misereatur nostri. Et sicut filius ad patrem secundum illud Lucæ 15. Pater, peccavi in cælum, & coram te. Et sicut uxor ad virum secundum illud Hierem. 3. Fornicata es, cum amatoribus multis; tamen revertere ad me dicit Dominus. Hæc S. D.

Quid sit iustitia, & species ejus, vide supra

Tr. 8. Exam. 1. n. 4. Et quid sit esse partem subiectivam, vel potentialem iustitiæ, vide ibid. n. 5.

XII. Resp. 4. Pœnitentia est virtus moralis per se infusa, seu supernaturalis.

1. Pars patet applicanti definitionem virtutis moralis supra traditam Tract. 4. Exam. 1. n. 2. Porro quomodo Pœnitentia consistat in medio, explicatum est ibidem n. 11.

Ratio 2. p. Virtus, quæ ex sua natura ordinat hominem ad Deum, ut ad finem supernaturalem, & auctorem gratiæ, ac remittentem peccata, & cuius actus sunt legitima dispositio ad gratiam, est supernaturalis, seu per se infusa. Sed talis est Pœnitentia, ut patet ex dictis, & dicendis. Ergo

XIII. Resp. 5. Obiectum materiale primum, & principale virtutis Pœnitentiæ est peccatum mortale, præteritum, personale, & proprium, ut est offensæ Dei, aliquo modo, nimirum imperfectè saltem, expiabilis per satisfactionem pœnitentis; seu ut detestandum, & puniendum in pœnitente.

Declaratur: Dicitur 1. Obiectum materiale; quia de formaliter dicitur postea. 2. Primum, quia peccatum veniale, cum sit offensæ imperfecta, est ejus obiectum minus principale. 3. Præteritum, quia offensæ non potest expiari, nisi sit commissæ, quia tamen sincera Pœnitentia non est sine proposito cavendi futura, circa hæc versatur secundario. 4. Personale, quia originale, cum non sit peccatum personæ, sed naturæ, non potest satisfactione personæ puri hominis expiari. 5. Proprium, ut excludatur ab obiecto Pœnitentiæ peccata aliena nobis nullatenus voluntaria: quia nullus purus homo potest satisfacere pro peccato alieno, ut probatur in Tract. de Incarnat. licet possit pro pœna. Disparitas est, quia (ut discurrit Labat) satisfactio pro pœna temporali fit veluti per externam quandam solutionem debiti, quam unus potest præstare pro alio; At vero satisfactio pro culpa fit per ipsam internam offensentis erga offensum subjectionem, quam unus homo pro alio facere nequit per Pœnitentiam, aliquo enim pœnitentia potuisset esse in Christo. De Peccatis dubiis vide Exam. 4. n. 53.

XIV. Resp. 6. Obiectum formale virtutis Pœnitentiæ est ius divinum, læsum per offensam, ut imperfectè saltem reparabile per compensationem, seu satisfactionem, quæ fit ab eo, qui peccavit. Sive, est illa imperfecta æqualitas, quam pœnitens per actum contritionis (quatenus ordine naturæ gratiam iustificantiem subsequitur, ab eaque informatur) erga Deum reducit, uti eum posse probatur in Tract. de Incar. Hoc proportionabiliter intelligitur sicut id, quod Tract. 8. Exam. 1. n. 2. dictum est de obiecto iustitiæ.

Ratio: Quia hoc obiectum, quæ tale, a nulla alia virtute respicitur, per illudque Pœnitentia ab omnibus aliis virtutibus distinguitur, charitas enim directè, & immediatè solum opponitur



spe veniæ, sed cū desperatione. Ita S.D. ibi. in c.

*Quomodo intelligis*, quando dicitur, peccata parentum imputari filiis. Exod. 20. Ego sum Dominus visitans iniquitatem Patrum in filios?

*Dico*, vel intelligi de pœna temporalis, quæ interduz (etiam in humanis) infligitur filiis ex culpa parentum. Vel intelligi sic, non quod ad sui veritatem necessario exigat rei eventum, sed quod significetur voluntas Auditoris Dei de exequenda comminatione juxta præsentem iustitiam, & præsentem causam secundarum ad talem effectum dispositam statum, ut explicat Aravio. Quæ tamen comminatio secum patitur voluntatem consequentem de opposito. Simile est de comminatione subversionis urbis Ninive, & mortis Ezechiz.

*Quomodo explicas* id, quod de peccato blasphemiz in Spiritum Sanctum dicitur Matth. 12. Non remittetur neque in hoc sæculo, neque in futuro?

*Ad hoc* patet suprà Tract. 5. Exam. 5. n. 110.

XVIII. *Nihil ergo* de peccato post veram pœnitentiam in homine manet, nulla pœna? nullæ reliquæ?

*Dico*: Reatus pœnæ æternæ tollitur cū culpa.

*Ratio*: Implicat enim, hominem per gratiam esse filium Dei, hæredem æternæ gloriæ, & simul dignum æterna morte, & pœna: sed loquendo de pœna temporalis, inquam æterna fuit commutata, certum est, quod, cū sit finita, possit a contritione valde excellenter, qualis fuit in S. Paulo, & S. M. Magdalena, adæquari, & per eam totaliter tolli: id tamen non semper fit, unde restat luenda, vel in hac vita, vel in altera, nimirum in Purgatorio: ut patet ex S. Tho. 2. 4.

Quod concernit reliquias peccati, ait S. Tho. art. 5. nihil prohibet remissa culpa mortali remanere in anima ex parte conversionis inordinatæ ad bonum commutabile, dispositiones aliquas ex præcedentibus acribus cautatas, quas peccati reliquias vocamus.

*Dixi, ex parte conversionis*: quia aversio a Deo tollitur per gratiam.

Explicat hoc S. D. in c. dicens. Quod tales dispositiones maneant quidem, attamen debilitatæ, & diminutæ, ita ut homini non dominantur. Et hoc magis per modum dispositionum, quam per modum habituum: sicut etiam remanet fomes post Baptismum.

*Opponit*: Dominus nunquam aliquem sanavit, quem non omnino, & totaliter liberavit. Ergo non manent diæ reliquæ.

*Ad hoc* S. D. 2. 5. ad 1. Quod Deus totum hominem perfectè curet, quandoque succedim subito, sicut socrum Petri, quandoque successive, sicut cæcum illuminavit. Ita etiam spiritualiter quandoque tanta commotione convertit cor hominis, ut subito perfectam consequatur sani-

*Tribunal Confessionarium.*

tatem, non solum remissa culpa, sed etiam sublati reliquii, id tamen non semper facit.

**QUÆRO II.** Potestne peccatum mortale remitti sine omni Pœnitentia?

**XIX. Resp. 1.** Regulariter, & per se loquendo ad remissionem culpæ mortalis extra Sacramentum in adultis necessaria est pœnitentia formalis, seu actus explicitus detestationis peccati nimirum contritio. Ita patet ex S. Tho. 2. 2.

*Rat. 1.* Rationi conforme est, ut, qui peccando recessit a Deo, in ejus amicitiam non recipiatur, nisi culpa, & offensa ei displiceat; quem enim non pœnitet peccasse, venia, vel gratia dignus non est, quia moraliter censetur persistere in prava sua voluntate. Ergo.

*Dixi in R. 1. extra Sacramentum*; supponitur enim, quod in Sacramento Pœnitentiæ semper requiratur pœnitentia, & dolor formalis, sine qua Sacramentum esset nullum, ut potè parte essentiali destitutum.

Ex quo sequitur, quod dum salus nostra attribuitur fidei, intelligi debet de fide formata, & per dilectionem operante, quæ non est sine gratia, charitate, & pœnitentia, ut patet suprà de connexionæ virtutum. Dum dicitur, quod charitas operit multitudinem peccatorum, intelligitur vel dispositive, si sermo sit de actu charitatis, sicut & elemosyna redimit peccata: vel in sensu formali attribuitur habitali charitatis, non præcisè ratione sui, sed ob connexionem cum gratia, ratione cujus effectus unius sæpè tribuitur alteri, ut docetur in Tr. de gratia, per quod tamen non excluditur Pœnitentia. Dum tandem dicitur in Scriptura, quod sine Pœnitentia sint dona Dei, sensus est: Deum non pœnitet dedisse dona gratiæ.

*Resp. 2.* Per accidens, & in particulari casu sufficit pœnitentia virtualis inclusa in actu dilectionis Dei super omnia.

*Declaratur*: Calus ille est duplex. Primus est invincibilis ignorantiz, vel naturalis oblivionis peccati commissi. In quo casu sufficit virtualis detestatio peccati, inclusa in actu dilectionis Dei super omnia: quia perfectus actus charitatis est ultima dispositio ad gratiam. Secundus est casus Martyrii, ad quod si quis ita subito raperetur, ut non suppetere tempus recogitandi peccata, ad justificationem pariter sufficeret prædictus actus charitatis. De quo vide suprà Tract. 1. Exam. 5. n. 73 & 74. ubi dictum est, an, & quomodo ad Martyrium requiratur actus charitatis.

**XX. Resp. 3.** Potest Deus per absolutam suam potentiam sine ullo Pœnitentiæ tam formalis, quam virtualis actu homini remittere peccata.

*Ratio*: Remissio peccati mortalis est effectus formalis gratiæ sacrificiis, ut patet ex Tri. Sed potest Deus per absolutam potentiam infundere gratiam homini absque omni ejus dispositione,

v.g. dormienti, cum gratiæ infusio non dependet essentialiter ab actu libero recipientis ut dispositione, ut patet in justificatione parvulorum. Ergo.

Confirm. Juxta S. Th. 1. 2. q. 5. ar. 8. ad 1. potest Deus per absolutam potentiam peccatori antecederet ad omnem ipsius actum retractativum infundere lumen gloriæ, & sic elevare ad Beatitudinem; Ergo & infundere gratiam sanctificantem.

Oppono contra R. 3. S. Th. hic. 2. in cait: *impossibile est, quod peccatum alicui remittatur sine pœnitentia, secundum quod est virtus.* Sed S. D. per ly *impossibile* ibi intelligit potentiam Dei absolutam. Ergo. Prob. min. 1. S. Tho. ibi statuit differentiam inter Pœnitentiam virtutem, & Sacramentum, dicens, possibile esse, quod peccatum remittatur sine Pœnitentia, ut Sacramentum est, non tamen sine ea, ut virtus est: Sed sine Pœnitentia, ut Sacramentum est, seu sine ordine ad illud nequit Peccatum remitti secundum potentiam Dei ordinariam. Ergo de virtute loquitur secundum potentiam absolutam. Consequentia patet: Quia S. D. majorem necessitatem attribuit virtuti Pœnitentiæ, quam Sacramento. Prob. 2. eadem min. S. Tho. ibi ad remissionem offensæ divinæ requirit aliquam mutationem ejus, qui offendit: Sed hæc mutatio requiritur per absolutam Dei potentiam, cum implicet heri transitum a termino a quo ad terminum ad quem sine mutatione utriusque extremi. Ergo. Prob. 3. eadem min. Implicat privationem tolli, nisi per formam oppositam: Sed forma opposita liberæ aversioni est libera conversio. Ergo.

Ad hoc R. neg. min. Nam sicut in sacra Scriptura ly *impossibile* non semper procedit de potentia Dei absoluta, sed sumitur aliquando pro difficili, ut patet ex illo Hebr. 6. *impossibile est, eos, qui semel illuminati sunt, &c. & prolapsi sunt, rursus renovari ad pœnitentiam*: ita etiam apud S. Tho. interdum sumitur pro difficili, ut patet hic qu. 86. ar. 1. ad 3. ubi loquitur de irremissibilitate peccati in Spiritum Sanctum, & interdum pro impossibili naturaliter, ut patet 1. p. q. 47. a. 3. ad 3. *Nec est possibile esse aliam terram, quam istam.* Similiter ergo in loco objecto S. Thomas loquitur de cursu, & Lege ordinaria.

Ad 1. prob. R. differentiam a S. D. statutam consistere in hoc, quod sine pœnitentia, ut virtus est, in nullo statu peccatum mortale secundum legem ordinariam remitti possit, potuerit tamen in aliquo statu remitti sine pœnitentia, ut Sacramentum est, sicut ante Legem Evangelicam (ut ipse S. D. in c. cit. art. explicat) Christus remisit mulieri adulteræ Joann. 8. & peccatrici Luc. 7. quæ tamen remissio non fuit facta sine pœnitentia ut virtus est.

Ad 2. prob. diff. mai. Requirit mutationem, vel æqualem, vel habitualem, conc. maj. necessitarius æqualem, neg. maj. Et sic diff. min. neg.

conseq. Mutatur ergo in nostro casu subiectum per infusionem habitus gratiæ, expellentis suum contrarium, scilicet peccatum, siue qua mutatione habituali, etiam per absolutam Dei potentiam, non posse peccatum per meram condonationem extrinsecam remitti, docent Thomistæ in Tract. de iustificatione.

Ad 3. prob. diff. min. Opposita liberæ aversioni actuali, conc. min. habituali, quæ solum est in nostro casu, neg. min. huius enim opponitur gratia habitualis. Vel secundum sic: Est conversio, quæ sit libera, vel actus, vel virtute, seu eminenter, conc. min. temper actus, neg. min. Habitus ergo gratiæ importat virtualiter, & radicaliter voluntariam peccati retractationem, facitque hominem habitualiter, & perfectius ad Deum esse conversum, & modo quodam eminentiori, magisque fixo, & permanente, quam facit actus liberi arbitrii.

Ex quo sequitur, quod in eo casu peccatum non solum tolleretur ut quid physicum, sed etiam ut quid morale, & voluntarium est: quia receptio gratiæ illi homini esset virtualiter, seu interpretativè voluntaria, dum enim sit aliquid in utilitatem alicujus, etiam nescientis, is virtualiter, & interpretativè censetur consentire.

Cui non obstat, quod macula peccati mortalis consistat in privatione gratiæ, ut connotante actum liberæ aversionis præteritum. Quia actus ille non est de essentia maculæ, sed solum connotatur, ut *conditio sine qua non*, & sola gratia in facto esse, & formaliter maculæ opponitur. Ergo per eam solum tolli potest, & actus liberi solum connaturaliter requiruntur, ut dispositiones, quibus Deus non est alligatus, ut patet ex S. Thom. 1. 2. qu. 113. a. 3. in c. & ad 2.

QUÆRO III. Potestne per Pœnitentiam, aut alio modo unum peccatum mortale remitti sine alio?

XXI. Resp. negativè, etiam loquendo de absoluta Dei potentia. Ita S. Tho. hic q. 86. a. 3.

Ratio ibid. Nullum peccatum mortale potest remitti sine gratia, ut docetur in tract. de iustif. Sed omne peccatum mortale contrariatur gratiæ, & excludit eam. Ergo impossibile est, quod unum remittatur sine alio.

Ex quo patet, sermonem hic esse de remissione peccati quoad culpam; si enim loquamur de cessatione quoad actum, non negatur esse aliquos, quorum quædam vitia reserant, in aliis graviter perdurant, ut loquitur S. Greg. super illud Amos 4. *Plui super vineam civitatem, & super alteram non plui, pars una complens est, & pars, super quam non plui, aruit.*

Oppono 1. Peccata sunt quædam debita, ut patet ex Oratione Dominica: Sed unum debitum potest dimitti sine alio, ut patet ex praxi hominum. Ergo.



2. Quæ non sunt necessariò connexa, eorum unum potest tolli sine alio: Sed peccata non sunt necessariò connexa. Ergo.

3. Potest Deus eundem hominem simul diligere, & odio habere. Ergo. Prob. ant. Deus peccatorem diligit quoad naturam, & odio habet quoad culpam. Ergo.

4. Sæpè fit, quòd Superior audiatur reservata & absolvat ab illis, & cum reservatis pœnitentem mittat ad Sacerdotem inferiorem. Ergo.

Ad 1. dist. maj. Sunt debita rei cuiusdam exterioris, v.g. pecuniæ, neg. maj. sunt debita culpæ, conc. maj. Et sic dist. min. neg. conseq. Ita S.D. ad 4. dicens: *Debitum culpa contrariatur amicitia, & ideo una culpa, vel offensio non remittitur sine altera: ridiculum enim videtur, quòd etiam ab homine aliquis veniam peteret de una offensio, & non de altera.*

Ad 2. dist. maj. Quæ sub nulla ratione sunt connexa, conc. maj. sub aliqua, etsi non sub omni, neg. maj. Et sic dist. min. neg. conseq. Quamvis ergo peccata non sint connexa quoad conversionem ad bonum commutabile, seu ut omnia simul committantur, potest enim quis esse homicida absque hoc, quòd sit adulter, supposito tamen, quòd sint commissa, necessariò sunt connexa quoad averisionem a bono incommutabili, seu a Deo, in qua omnia mortalia conveniunt, & ex hac parte habent rationem offensæ, quam oportet per pœnitentiam tolli, ut loquitur, S.D. cit. a. 3. ad 3. Quamdiù ergo manet, etiam unicum mortale, manet averisio a Deo. Hinc implicat dari veram, & perfectam contritionem de uno mortali, & non de altero ei conjuncto, cum contritio tanquam ultima ad gratiam dispositio tollat omnem averisionem; aliud est de attritione, ob rationem oppositam.

In hoc sensu S.D. 1.2. q. 73. a. 1. explicat illud Jacobi 2. *Quicumque totam legem servaverit, offendat autem in uno, factus est omnium reus*; nam per unicum peccatum dicitur omnium reus quantum ad averisionem, & reatum pœnæ æternæ, in quibus omnia mortalia conveniunt, quia omnibus aliis mandatis servatis, uno violato, homo verè a Deo avertitur, & incurrit pœnam æternam, damni quidem, quæ consistit in privatione visionis beatificæ, ac si mille, vel omnia commisisset; pœnam sensus autem, saltem secundum substantiam, licet non secundum intensiorem. Vide infra in hoc Exam. nu. 30.

Ad 3. dist. maj. Dilectione naturali, conc. gratiæ, neg. Unde S.D. ad 5. ait: Dilectio, qua Deus diligit hominis naturam, non ordinatur ad bonum gloriæ, a quo impeditur homo per quodlibet peccatum mortale, sed dilectio gratiæ, per quam fit remissio peccati mortalis; ordinat hominem ad vitam æternam, ad Rom. 6. Gratia Dei vita æterna. Unde non est similis ratio. Hæc ibi.

Ad 4. R. Si hoc fiat, censendum est, Superiorem nihil aliud facere, quam quòd absoluta censuris, & tollat reservationem, adeoque omnia peccata adhuc sunt confitenda alteri. Nec potest Superior dare absolutionem sacramentalem, nisi omnia mortalia audierit. Vide infra Tract. 14. Exam. 2. n. 63. ubi de hoc agitur.

Pro dictorum intelligentia revideri potest ex Theologia speculativa ex 1.2. qu. 1.3. in Tract. de justis. an gratia, & peccatum mortale possint simul stare in eodem subiecto. Item supra Tract. 3. Exam. 1. num. 5. an eadem voluntas possit simul ferri in plures fines ultimos totales. Item Tract. 3. Exam. 3. n. 47. an idem adus possit esse simul bonus, & malus. Item ibid. n. 50. de Politico.

QUÆRO IV. Quomodo remittuntur peccata venialia per Pœnitentiam, aliaque Sacramenta, aut Sacramentalia? De hoc S.D. agit q. 87 per 4. art.

XXII. Resp. 1. Sacramentum Pœnitentiæ venialia legitimè clavibus Ecclesiæ subiecta tollit ex opere operato. Patet ex S. Th. a. 1.

Ratio; Quia venialia sunt etiam propria materia Sacramenti Pœnitentiæ, saltem sufficiens, licet non necessaria, ut supra dictum fuit.

Resp. 2. Sicut peccatum mortale remitti non potest, quamdiù voluntas ei adhæret, ita nec veniale. S.D. ibidem.

Ratio; Manente causa manet effectus; Sed adhærio voluntatis ad peccatum est causa peccati. Ergo.

Resp. 3. Ad remissionem venialium non sufficit displicentia habitualis, quæ habetur per habitum charitatis, vel pœnitentiæ virtutis. S.D. ibidem.

Ratio; Quia sic charitas non compateretur peccatum veniale, quod est falsum.

Ex quo S.D. infert, quòd ad remissionem venialium requiratur saltem displicentia quædam virtutis, putà, cum aliquis hoc modo fertur secundum affectum in Deum, & res divinas, ut quidquid sibi occurreret, quòd eum ab hoc motu retardaret, displiceret ei, & doleret se hæc commisisse, etiam si actu de illo non cogitaret. Quod tamen non sufficit ad remissionem peccati mortalis, nisi quantum ad peccata oblata post diligentem inquisitionem. Hæc S.D. Et ad 3. ait: Fervor charitatis virtualiter implicat displicentiam venialium peccatorum.

Resp. 4. Ad remissionem venialium extra Sacramentum non sufficit attritio, nec opus alterius virtutis a charitate, & pœnitentia distinctæ, licet sit informatum charitate, & meritum Vitæ æternæ.

Ratio; Quia S. Th. 1. ad remissionem venialium requirit motum pœnitentiæ formalis, vel virtualis, id est, actum contritionis, vel charita-

tis : Sed de sola contritione orta ex dilectione Dei verificatur, quod sit actus formalis penitentiae, de solo vero actu charitatis, quod sit penitentia virtualis. Ergo.

XXIII. *Resp. 5.* Alia Sacramenta, praeter Penitentiam, etiam habent viam remittendi venialia ex opere operato. Ita S. D. art. 3.

*Ratio:* Venialia facilius remittuntur, quam mortalia : Sed omnia Novae Legis Sacramenta tollunt mortalia ex opere operato, aliqua quidem per se, ut, Sacramenta mortuorum : aliqua vero per accidens, ut, vivorum : sicut superius Tr. 11. Exam. 2. n. 23. explicatum fuit. Ergo.

Nota tamen, quod remissio venialium per alia Sacramenta non fiat immediate, sed mediate, eodem modo, quo postea R. 11. dicitur de Sacramentalibus.

*Resp. 6.* Ut tollatur peccatum veniale, non requiritur, quod infundatur aliqua nova gratia habitualis, sed sufficit aliquis motus gratiae, vel charitatis. S. D. art. 2. in c.

*Ratio* ibidem : Unumquodque tollitur per suum oppositum : Peccatum autem veniale non contrariatur habituali gratiae, vel charitati, sed retardat actum ejus, in quantum hominibus inhaeret bono creato, licet non contra Deum. Ergo.

*Resp. 7.* Quandoque de facili de novo gratia infunditur, peccata venialia remittuntur. S. D. ibidem.

*Ratio:* Quia in habentibus usum liberi arbitrii, in quibus solis possunt esse peccata, etiam venialia tantum, non contingit esse infusionem gratiae sine actuali motu liberi arbitrii in Deum & in peccatum.

XXIV. *Resp. 8.* Dilectio Dei potest esse tanta, ut omnia venialia tollat, si omnia explicitè, vel virtualiter detestetur, adeoque homo sit sine omni peccato veniali, licet id affirmare non possit.

*Ratio 1. p.* Tum quia unumquodque tollitur per suum oppositum : Sed dilectio Dei potest esse tam servilis, ut explicitè, vel virtualiter opponatur omni peccato, etiam veniali. Ergo. Tum etiam, quia licet mendacio, v.g. jocosus, non opponatur charitas, secundum rationem ejus specificam, sed sola veritas, bene tamen secundum rationem genericam peccati venialis. Ergo.

*Ratio 2. p.* Quia homo non est certus de sufficientia suae dispositionis.

*Resp. 9.* Vera dilectio Dei potest stare cum complacentia alicujus peccati venialis.

*Ratio:* Quia veniale est offensio levis, quae non solvit amicitiam.

*Resp. 10.* Licet contritio perfecta, eo ipso, quod sit de uno mortali, sit de omnibus, ideoque unum sine alio remitti nequeat : secus tamen est de venialibus.

*Ratio* patet ex dictis : quia omnia mortalia conveniunt in eadem impossibilitate

cum gratia, & amicitia Dei, non vero venialia. Ergo.

XXV. *Resp. 1.* Venialia etiam remittuntur per Sacramentalia : 2. non immediate, sed mediate, in quantum excitant pium motum voluntatis, 3. non ex opere operato probabilius loquendo, sed ex opere operantis : siue consecrationem quandam Ecclesiae habeant, siue non.

Ante probationem nota, actiones, vel res sacras, quae vocantur sacramentales, vel sacramentalia, indicari hoc Versu :

*Orans, tinctus, edens, confessus, dans, benedicens.*

*Orans*, id est, Oratio Dominica, vel oratio in Ecclesia consecrata. *Tinctus*, aqua benedicta. *Edens*, Panis benedictus, qui olim loco Eucharistiae dabatur Catechumenis, vel etiam fidelibus non communicantibus. *Confessus*, id est, Confessio generalis, quae fit in principio Missae, vel in Completorio, & in Prima. Huc reducitur tuncio pectoris, quia manifestatur interior animi dolor. *Dans*, id est, elemosyna, quae peccata redimit. Huc reducitur jejunium religiosè susceptum. *Benedicens*, id est, Pontificis, seu Episcopi, aut Abbatis benedictio, solemni ritu, ac signo crucis populo dato.

Ex his aliqua habent specialem consecrationem, seu benedictionem Ecclesiae ad nostram sanctificationem, v.g. aqua benedicta, benedictio Episcopalis : alia non habent, ut, tuncio pectoris, &c. Vocantur autem Sacramentalia, vel quia ad Sacramentum consecrationem adhibentur, vel quia verorum Sacramentorum genium quodammodo æmulantur. Hoc notato

*Prima*, & 2. *Part* est S. Tho. 2. 3. in c. & ad 1. specialiter ait : Omnia illa causant remissionem peccatorum venialium, in quantum inclinant animam ad motum penitentiae, qui est detestatio peccatorum, vel implicitè, vel explicitè. Et ad 2. ait : Omnia ista, quantum est de se, operantur ad remissionem omnium peccatorum venialium, quibus mensuraliter inhaeret. Et ad 3. Non per quodlibet praedictorum semper tollitur totus reatus poenae, quia sic, qui esset omnino immuvis a peccato mortali, aspersus aqua benedicta statim evolveret. Sed reatus poenae remittitur per praedicta secundum modum fervoris in Deum, qui per praedicta excitatur, quandoque magis, quandoque autem minus. Haec ibi.

*Ratio:* Nihil immediate tollitur nisi per suum oppositum : Sed venialia pro opposito habent fervorem charitatis (quem diminuat) & formalem eorum detestationem. Ergo per illum, & illam solum immediate tolluntur. Sed cum excitant Sacramenta, & Sacramentalia. Ergo.

Nec obstat, quod Sacramenta immediate, & ex opere operato tollant peccata mortalia. Disparitas enim est, quia immediate causant gratiam

quæ est forma immediatè opposita mortalibus.

*Ratio 3. p.* Tum quia nullibi legitur, quòd Sacramentalibus a Christo facta sit promissio remittendis peccata. Tum etiam, quia non videtur in Ecclesia esse potestas instituendi. signa externa, quæ ex opere operato, seu ex vi institutionis habeant virtutem remittendis venialia. Nam Christus per illa verba, Quorum remiseritis peccata, &c. solum dedit potestatem remittendis peccata ex opere operato per Sacramenta, non verò extra illa. Ergo.

Idem est de Exorcismis ab Ecclesia institutis, qui inter Sacramentalia censentur a S. Thom. suprà q. 71. a. 3. ad 2. qui effectus quosdam supernaturalis contra Dæmones habent ex opere operantis tantum, & per modum impetrationis, quæ impetratio non fundatur in privata sanctitate Ministris, sed in oratione totius Ecclesiæ, quæ eos instituit, & dæmonibus imperat.

Fatcor tamen, quòd illa Sacramentalia, quæ consecrationem quandam habent, majorem habeant vim, sed & hæc non nisi ex opere operantis. Sicut actus unius virtutis, nimirum excellentioris, v.g. charitatis, majorem ex opere operantis habet vim merendi, & impetrandi, quam actus virtutis minus perfectæ.

*XXVI. Oppono contra 2. p. R. 11.* Si Sacramentalia solum tollunt venialia mediante actu contritionis, aut charitatis. Ergo valde improprie ea tollunt. Prob. conseq. Quia si tota inest illi actui. Ergo.

2. Contra 3. p. Si Sacramentalia tollunt venialia solum ex opere operantis, excitando pium motum voluntatis. Ergo nihil differunt ab aliis rebus sacris, v.g. Imaginibus, Concionibus, Lectione spirituali. Prob. conseq. Quia etiam illa possunt excitare pios motus voluntatis. Ergo possunt conducere ad venialium remissionem.

*Ad 1. neg. conf. Ad prob. diff. ant.* Totæ vis immediata, conc. mediata, neg. Nam & causalitas mediata non est improprie, sed in suo genere propriè talis.

*Ad 2. neg. conseq. Ad prob. diff. ant.* Possunt conducere occasionaliter, & quasi per accedens, conc. ant. quodammodo per se, neg. ant. & conseq. Imagines ergo sacre, Concio, Lectio, &c. pios motus excitant solum præbendo occasionem, ut veniendo in cognitionem prototypi, circa illud pium motus excitetur: alii Sacramentalia conducunt ad dictum effectum per se, non per se ipse physica, vel logica, sed morali, quæ tamen non est omnino infallibilis. Quæ tum imperandi, tum dictum motum pium excitandi perfectas ei convenit, vel ex efficacia orationum Ecclesiæ, consecratione, seu benedictione. (Velut ait Sylvius) quatenus aliqua Sacramentalia ex genere suo, & modo, quo fiunt, habent adjunctum aliquem dolorem peccatorum, vel ejus si-

*Tribunal Confessionarium.*

gnificationem, ut confessio generalis, vel tuncio peccatoris, oratio Dominica, in qua petimus nobis dimitti quotidianas culpas, ut debita: vel habent vim ex Verbo Dei, ut elemosyna, quæ peccata redimit, teste S. Scriptura. Item, ut, oratio in Ecclesia consecrata. Unde, Domus mea domus orationis vocabitur, dicit Dominus, in ea omnis, qui petit, accipit. Non est hinc aliud nisi Domus Dei, & porta Cæli.

*XXVII. Potesne alicui, in mortali peccato existenti, & manenti remitti veniale?*

*Dico, non posse: Rationem dat S. D. art. 4. in c. & ad 1. Licet ad remissionem peccati venialis non requiratur nova infusio gratiæ habitualis, requiritur tamen aliquis gratiæ actus, nimirum vel formalis Pœnitentia, seu Contritio, vel actus charitatis perfectæ. Sed tales actus non possunt esse in eo, qui subiacet peccato mortali, & vult in eo manere. Ergo.*

*QUÆRO V. Sit casus. Homo iustus moritur in peccatis venialibus, Quando hæc ei remittuntur? Item reprobis cum mortalibus moritur simul in venialibus, remittuntur hæc venialia in inferno?*

*XXVIII. Resp. 1. ad 1. p.* Remitti in altera vita, nimirum in Purgatorio quoad culpam, & quoad pœnam. Ita sentit ipse Christus Matth. 12. de peccato in Spiritum S. dicens: Non remittetur neque in hoc sæculo, neque in futuro. Quæ verba expendens S. August. lib. 27. de Civit. c. 24. ait: Neque quibusdam veraciter dicunt, quod eis non remittatur neque in hoc sæculo, neque in futuro, nisi essent, quibus etsi non isto, tamen remittatur in futuro. Et Greg. Mag. lib. 4. Dial. c. 39. ait: In qua sententia datur intelligi quasdam culpas in hoc sæculo, quasdam vero in futuro posse laxari, quod enim de uno negatur, consequens intellectus patet, quia de quibusdam conceditur.

*Ratio:* Iustus cum affectu peccati venialis moriens, cum eo non ingreditur Regnum Cælorum, quia Apoc. 21. nihil coinquinatum intrat in illud. Ergo ab illa macula purgatur in Purgatorio, quod ad hoc est institutum, ut in eo purgentur sordes, & non solum ut laxetur pœna.

*Resp. 2.* Sordes illæ venialium culparum in Purgatorio absterguntur per servidos charitatis, humilitatis, patientiæ, aliarumque virtutum actus ab animabus patientibus elicitos. Juxta S. Thom. q. 7. de malo, art. 11.

*Ratio.* Licet post statum vitæ non sit meritum, aut satisfactio, potest tamen esse remotio peccatorum, quibus sublati anima in igne sicut aurum probata, & examinata, sicut examinatur argentum, nitescit, ut loquitur Confesson.

*XXIX. Resp. 3. ad 3. p.* In inferno nullum peccatum veniale remittitur, adeoque in eo casu per accedens æternum punitur. Ita patet ex S. Th. citato suprà Tr. 4. Exam. 2. n. 81. ubi ratio

L 1 3 data

data est, & plura sunt dicta, quæ hinc servantur. *Oppono* contra hoc: Ergo talibus damnatis fit injuria. 2. Ergo Deus punit ultra condignum.

*Ad 1.* Negatur. Quia perditio damnatorum ex ipso est, eo quod sponte se conecerint in statum talem, in quonulla redemptione, vel venia est.

*Ad 2.* pariter negatur: Quia licet pena æterna peccato veniali non debeatur per se, bene tamen per accidens ex conditione subiecti, cui culpa continuò placet, proinde continua pena debetur. Unde (ut loquitur dictus Contenson) æternum punitur culpa in tempore perpetrata, quia quod breve fuit tempore, vel opere, longum esse constat in pertioaci inflexibilis, & obliuiscens voluntate: quæ si ad nihilum redigi vellet, non pateretur, vivere semper vellet: tamen, ut semper peccare posset. Ad magnam igitur iudicantis iustitiam pertinet, ut nunquam careant supplicio, qui nunquam volunt carere peccato.

**QUÆRO VI.** Extinguuntur per Poenitentiam peccata scilicet, ut per subsequens peccatum, etiam ingratitudinis, non redeant? de quo S. D. agit q. 88. per 4. art.

**XXX.** Ante R. nota, dupliciter posse intelligi peccatum redire. 1. simpliciter, & absolute, ita ut peccatum subsequens non tantum inducat maculam, & reatum sibi proprium, sed etiam reducat antiquum, ac si peccata semper mansissent, & homo non tantum propter nova, sed etiam propter antiqua peccata damnetur. 2. Secundum quid inquit peccatum sequens fit quodammodo gravius propter præcedentia, quorum maculam virtualiter continet, quatenus hominem reducit ad priorem privationis gratiæ statum. In quo sensu etiam intelligi potest illud Jacobi 2. de quo supra in hoc Exam. n. 21. *Qui offendit in uno, factus est omnium reus, omni scilicet gratia, ac bonorum operum mercede privandus.* Hoc notato

*Resp. 1.* Nullo modo potest esse, quod macula, & reatus præcedentium peccatorum redeant, secundum quod ex talibus adibus caulabatur, ait S. Tho. 1. in c. id est, simpliciter in primo sensu explicato in Notabili.

*Ratio:* Quia forma absolutionis, ejusque effectus datur absolute, & absque hac conditione, nisi iterum peccaveris, quæ nec tacite inest. Nota, hoc intelligi de reductu quoad eandem numerum culpam (idem est de pena æterna, quia illa pendet ex culpa) de specie enim non est dubium, quin redire possit, ut si peccata remissa eadem placeant voluntati.

Ex his Sequitur, quod quando in Scriptura dicitur, quod Deus recordetur peccatorum remissorum, id intelligi de pena, quia adhuc temporaliter punit ea. Nec est eadem ratio de omnibus bonis per subsequens peccatum mor-

tificatis, quæ juxta dicenda per poenitentiam reviviscunt. Disparitas enim est, quia hæc opera non omnino extinguuntur, sed solum a suo effectu impediuntur, & manent in divina acceptatione, è contra verò de peccatis Scriptura dicit ea exinaniri, aboleri, proici in profundum maris, &c. Accedit, quod Deus prior sit ad miserendum, quam ad puniendum.

*Opponi* posset illa parabola Matth. 18. de servo, cui Dominus dimisit debitum, & tamen tradidit eum tortoribus, ulquedum redderet totum, eo quod noluerit misereri conservi sui: quam Parabolam Christus conclusit, dicens: Sic & Pater meus cælestis faciet vobis, nisi remiseritis unumquisque fratri suo de cordibus vestris. Sed

Sensus Parabolæ hujus est: Sicut Rex servum suum, qui post maximum debitum clementissimè remisit, conservo suo exiguum debitum remittere noluit, iussit gravissimè puniri: ita & Pater cælestis graviter, & quidem in æternum punit illos, qui obtenta toties enormium scelerum venia, proximo ne leviores quidem offensas remittere volunt. De reductu autem peccati simpliciter ex hac Parabola nihil probatur, de reductu secundum quid statim additur in R. 3.

**XXXI. Resp. 2.** Nec per absolutam potentiam Dei potest idem numero peccatum redire, nec Deus peccatum remittere sub conditione, nisi iterum peccaveris.

*Ratio 1. p.* Quia aliis Deus esset vera causa illius peccati redeuntis, naturaliter enim a privatione ad habitum non datur regressus.

*Ratio 2. p.* Remissio peccati mortalis absolute non potest fieri nisi per infusionem gratiæ habitualis, ut dictum est, & talibi a Theologis probatur: Sed infusio gratiæ essentialiter est absoluta, & non potest esse conditionata, quia gratia actu infusa essentialiter habet, quod actu destruat peccatum, non verò quod destrueret, si hæc, vel illa conditio adesset. Ergo.

**XXXII. Resp. 3.** Per peccatum sequens poenitentiam, peccata dimissa redeunt secundum quid juxta secundum se ipsum in Not. ante R. 1. explicatum, & inquantum peccatum sequens ex prioribus dimissis aggravatur, præsertim ratione ingratitudinis. Ita S. Thomas in eodem art. 3. c.

*Declarat hoc ex illo ad Rom. 2. Secundum duntaxat tuam, & imponis eis thesaurizans tibi iram in die ira,* ex hoc scilicet solo, quod contemnitur Dei bonitas, quæ ad poenitentiam expectat: multo autem magis contemnitur Dei bonitas, si post remissionem prioris peccati secundò peccatum iteretur. Ergo.

*Resp. 4.* Quoties reatus peccati post priorum peccatorum remissionem commissi, potest quidem

dem esse tanta, quanta erat omnium præcedentium, hoc tamen non semper fit. Ita S. D. art. 3.

*Ratio*: Quantitas reatus adveniens est secundum gravitatem subsequenter: Sed hoc potest esse aliquando magis, aliquando minus grave, ut si sit ebrietas, vel simplex fornicatio, & sequatur homicidium, vel adulterium, aut è contra; Vel si in sequentibus peccet ex ignorantia, vel infirmitate, antecedentes verò ex certa malitia, aut è contra. Ergo.

XXXIII. *Ingratitudo* peccantis estne speciale peccatum, vel saltem circumstantia notabilior aggravans?

*Dico 1.* cum S. Th. hic art. 1. Ingratitudo peccantis aliquando est speciale peccatum, si nimirum peccator in contemptum Dei, & suscepti beneficii peccet.

*Ratio* S. D. Peccatum speciem recipit ex intentione peccantis. Unde, ut Philoſophus dicit 5. Ethic. Ille, qui mœchatur, ut furetur, magis est fur, quàm mœchus. Ergo.

*Dico 2.* Si dicta intentio contemptus desit, ingratitude peccantis solum est circumstantia generaliter consequens omne peccatum mortale.

*Declarat hoc* S. D. ibidem: Si quis intendens aliquod peccatum committere (putà, homicidium, aut adulterium) non retrahatur ab hoc propter hoc, quod pertinet ad Dei contemptum ingratitude non erit speciale peccatum, sed trahetur ad speciem alterius peccati sicut circumstantia quædam. Nam, ut S. August. dicit in lib. de nat. & gratia, non omne peccatum est ex contemptu, & tamen in omni peccato Deus contemnitur in suis præceptis.

*Dico 3.* Juxta S. Thom. in 4. dist. 22. a. 4. Peccator recidivus per se, & directè non tenetur ad confessionem peccatorum non prius commissorum, nec in generali, nec in speciali, cuicunque confiteatur.

*Ratio*: Quia jam sunt legitime confessa, & ingratitude si specialem contemptum non asserat, solum est circumstantia generalis, ut dictum est.

Dixi, per se & directè; quia per accidens, & indirectè potest esse necessarium, saltem in generali aperire præcedentia peccata, ut nimirum cognosci possit status pœnitentis, & conveniens medicina adhiberi.

QUÆRO VII. Merita hominis iusti per sublequens peccatum mortificata reviviscuntne per veram Pœnitentiam? De hoc S. D. agit q. 89. per 6. art.

XXXIV. *Resp.* Affirmativè cum S. Th. a. 5.

Ante prob. nota, quid hoc sit, opera in charitate facta per sublequens peccatum mortificari. bene explicaria S. Th. a. 4. in c. his verbis: Res viva per mortem perdit operationem vitæ, unde per quandam similitudinem dicuntur res mortificari, quando impediuntur a suo proprio

effectu, vel operatione, effectus autem operum virtuosorum, quæ in charitate sunt, est, perducere ad vitam æternam. Quod quidem impeditur per peccatum mortale sequens, quod gratiam tollit. Et secundum hoc opera in charitate facta dicuntur mortificari per sequens peccatum. Hoc notato

*Ratio* S. D. ex a. 5. est: Opera virtuosa mortificari, est, ea per peccatum sequens impediri ab effectu producendi ad vitam æternam: Sed hoc impedimentum tollitur per veram Pœnitentiam peccata remittentem. Ergo Min. prob. 1. ex illo Joel. 2. *Reddam rubiannos, quos comedit locusta, & bruchus.* Et ex illo: *Capillus de capite vestro non peribit.* Quæ verba explicant SS. Patres de reviviscencia meritorum. Et ad Hebr. 6. *Non enim injustus est Deus, ut obliviscatur operis vestri, &c.* Prob. 2. Opera meritoria non solum habent vim perducendi ad vitam æternam, (quod pertinet ad eorum vitam) secundum quod actu existunt in se, sed etiam postquam actu desinunt esse, secundum quod remanent in acceptione divina; Sed in acceptione divina manent etiam, postquam per peccatum mortificantur, quia Deus illa opera, prout facta fuerunt, semper acceptabit, & Sancti de eis gaudebunt, secundum illud Apoc. 2. *Tene, quod habes, ne alius accipiat coronam tuam.* Ergo.

XXXV. *Resurgitne* homo per pœnitentiam in æquali virtute, ac erat antea?

*Ad hoc* S. D. art. 2. in c. respondet; Secundum quod motus liberi arbitrii in Pœnitentia est intensior, vel remissior, secundum hoc pœnitens consequitur majorem, vel minorem gratiam; contingit autem intensiorem motum pœnitentis quandoque proportionatum esse majori gratiæ, quàm illa, a qua ceciderat per peccatum, quandoque autem æquali, quandoque verò minori. Et ideo Pœnitens quandoque resurgit in majori gratia quàm prius habuerat, quandoque autem in æquali, quandoque etiam in minori. Et eadem ratio est de virtutibus, quæ ex gratia consequuntur.

De Virginitate obiter sciendum, quod quoad formale per Pœnitentiam reviviscat, licet non quoad materiale. De quo vide supra Tr. 5. Exa. 2. n. 26. in Notab. Idem est de Innocentia.

XXXVI. *Resusciturne* ergo homo per pœnitentiam in pristinam dignitatem?

*Dico* cum S. Th. a. 3. restitui quoad Deum, cuius denuò fit filius per gratiam, redditurque in stola prima, & annulus aureus; non tamen semper restitui quoad hominem, ut patet, si ratio ne peccati, vel censure, aut irregularitatis dignitatem Ecclesiasticam perdididerit.

XXXVII. *Reviviscuntne* etiam per Pœnitentiam opera bona mortua, id est, in peccato mortali facta?

*Dico* cum S. Thom. art. 6. quod non.

**Ratio:** Quod non habuit vitam, nec principium vitæ, non potest reviviscere; Sed opera secundum se bona, sed facta extra gratiam, & charitatem (quæ est principium vitæ) ita se habent, nec de iis dici potest, quod maneant in divina acceptatione ad præmium supernaturale. Ergo.

Admittit tamen S. D. in eod. ar. ad 3. quod Deustalia opera remuneret temporali remuneratione, sicut Gregorius dicit in homil. de Divite, & Lazaro, quod nisi dives ille aliquid bonum egisset, & in præsentis sæculi remunerationem accepisset, nequaquam ei Abraham diceret, Recepisti bona in vita tua. Vel etiam hoc potest referri ad hoc, quod patietur tolerabilius iudicium. De hoc vide in hoc Tract. Exam. 8. n. 130.

### EXAMEN III.

*De Contritione. De qua agit S. Thom. in Supplemento a quæst. 1. usque ad 5. inclusivè.*

**QUÆRO I.** Quid, & quotuplex est Contritio, & ejus virtutis actus?

**XXXVIII.** Ante R. nota ex Sancto Thoma hic q. 1. art. 1. in c. hoc nomen *Contritio* derivari a verbo *contrere*, quod in rebus materialibus significat rem duram conterere, & comminuisse in minutissimas partes. Unde metaphora translata ad spiritualia, actus penitentiae vocatur *contritio*, quia voluntatis duritiem, seu cor peccatis induratum emollit, scindit, atterit, & comminuit. Hoc notato

**Resp. 1.** Contritio generatim sumpta est dolor de peccato sub quocumque motivo supernaturali, & definitur a Tridentino Sess. 14. cap. 4. quod sit *animi dolor, ac desectatio de peccato commissio, cum proposito non peccandi de cætero*. Ly animi idem est, ac voluntatis, intelligiturque dolor (spiritualis); unde dolor, quem interdum experimur in parte sensitiva, cum sit passio corporalis, non est de essentia contritionis, seu proprietatis ejus, ut patet ex Sancto Thoma quæst. 1. art. 2. Hic Sanctus Doctor plures adducit definitiones in citato art. 1. inter quas est illa Sancti Augustini. Contritio est dolor de peccatis assumptis cum proposito consistendi, & satisfaciendi.

**Resp. 2.** Contritio ita generatim sumpta dividitur in perfectam, & in imperfectam. Perfecta absolute vocatur contritio, definiturque, quod sit *dolor de peccato commissio, ut est offensio Dei super omnia dilecti*, seu summè boni, cum proposito (vel actuali, vel virtuali, seu implicito) semendandi; & confitendi, quia contritio in Nova Legè non delet peccatum, nisi in

ordine ad Sacramentum Pœnitentiæ, cujus est pars. Ly *offensio* est idem, quod injuria, non quidem realiter illata, seu effectiva (cum Deus in se laedi non possit) sed moralis, affectiva, seu intenta.

Contritio imperfecta, quæ ad alterius deferentiam vocatur *attritio*, dicitur, quod sit *dolor de peccato commissio ex motivo supernaturali inferiori, quam sit dilectio Dei super omnia, v. g. ex metu gehennæ, amissionis Beati tudinis, seu ob Deum ut Vindicem, vel ex speciali deformitate talis peccati*.

**XXXIX. Resp. 3.** Contritio essentialiter, & per se primò consistit in dolore, & odio, seu detestatio peccati se solum habet præsuppositivè.

**Ratio:** Contritio essentialiter consistit in actu (saltem imperfectè) compensatio injuriæ; Sed per solum dolorem fit compensatio. Ergo. Min. prob. Recompensans debet æqualiter, & dare injuriæ: Sed hoc fit per solum dolorem. Ergo. Min. prob. Odio habens peccatum nullum patitur malum, sed recipit inagnum bonum honestum, qui verò de peccato dolet, etsi bonum honestum recipiat, afficitur tamen simul malo peccati, scilicet tristitia. Ergo.

Ex quo sequitur, quod in eodem instanti temporis cum prioritate, & posterioritate naturæ peccatum tollatur per odium, & per dolorem, seu contritionem formalem: per odium, in quantum est summum malum, seu est contra Deum ut summum Bonum: per dolorem, ut est offensio, seu injuria Dei per satisfactionem compensabilis. De quo vide supra Exam. 1. n. 13. & 14. ubi etiam patet, quænam peccata sint obiectum contritionis.

**XL. Resp. 4.** Contritio est actus virtutis penitentiae. Ita S. D. q. 1. art. 2. ad 1. Et patet ex dictis supra de eadem virtute in Exam. 1. nu. 10. & 14. Attritio verò non oritur ex aliqua virtute, sed ex quodam auxilio divino supernaturali transeunter dato.

**Ratio:** Quia attritio elicitur ab homine in gratia sanctificante non dum constituto, adeoque non habente adhuc habitum virtutis infuse.

**QUÆRO II.** In quo conveniunt, & in quo differunt contritio, & attritio? Item attritio potestne fieri contritio?

**XLI. Resp. 1.** Conveniunt 1. quod utraque versetur circa peccatum illud detestando. 2. Quod utraque in substantia sit supernaturalis, & habeat obiectum, ac motivum supernaturale. Unde nec esset con-nec attritio, si quis doleret de peccato, quia propter illud debet suspensè, amittit bonam famam, offendit patrem, &c.

**Resp. 2.** Differunt 1. quod contritio sit actus virtutis, non verò attritio, ut dictum est R. 4. ad Q. 1. 2. Quod contritio sit dolor perfectus, & procedat ex sua natura ex motivo dilectio-

lectionis Dei super omnia, attritio verò sit dolor imperfectus, procedatque ex motivo inferiori. Quæ motiva sunt assignata ante R. 3. ad Q. 1. Quæ imperfectio etiam patet ex metaphora ex materialibus desumpta, in quibus dicuntur attrita (ut ait S. D. q. 1. a. 2. ad 2.) quæ aliquo modo diminuta sunt, sed non adhuc perfectè comminuta: contrita verò dicuntur, quando omnes partes tritæ sunt simul per divisionem ad minima. 3. Quòd attritio per se solum sine Sacramento non iustificet, etiam cum voto, & desiderio Sacramenti: quia stat cum peccato, licet tollat affectum peccati. Contritio verò etiam extra Sacramentum, & extra articulum mortis, aut necessitatis, in quo non est copia Confessarii, habet annexam iustificationem, seu peccati remissionem, five gratiam sanctificantem, ut patet ex Trid. Sess. 14. c. 4. Et Ratio est: Tum quia (ut potè procedens ex motivo dilectionis Dei super omnia) hominem plenè convertit ad Deum, eique ut ultimo fini unit, in qua dilectione virtualiter continetur propositum servandi omnia mandata. Tum etiam, quia est ultima dispositio ad gratiam. Ergo hanc habet sibi annexam etiam extra Sacramentum. 4. Attritio solum est dispositio remota ad gratiam. 5. Attritio respicit peccatum ut est malum peccantis, contritio verò ut formaliter est offensæ, & injuriæ Dei.

XLII. Resp. 3. Contritio, & Attritio supernaturalis (specie essentiali differunt, nec potest attritio fieri contritio.

1. Pars sequitur ex dictis; Quia habent specie diversa principia, & motiva formalia.

2. Pars sequitur ex prima. Tum quia, quæ specie essentiali differunt, illorum unum nequit fieri alterum. Tum etiam, quia docetur a S. Thom. a. 3. in c. hac ratione: Quamvis habitus fidei informis fiat formatus, nunquam tamen actus fidei informis fit actus fidei formatæ, quia actus ille informis transit, & non manet veniente charitate, attritio autem, & contritio non dicuntur habitum, sed actum. Ergo.

Oppos. 1. contra R. 3. Perfectum, & imperfectum non differunt specie essentiali, & unum potest fieri alterum: Sed sic se habent attritio, & contritio. Ergo.

2. Communiter dicitur, quòd per Sacramentum Pœnitentiæ homo fiat ex attrito contritus. Ergo attritio fit contritio.

Ad 1. diss. maj. Si sit imperfectum defectu gradus, sicut calor, ut tria respectu caloris, ut sex, vel sicut puer respectu viri, conc. maj. si sit imperfectum defectu essentia, sicut Embrio dicitur homo imperfectus, neg. maj. Hoc 2. modo le habet contritio imperfecta. Vel aliter: Si habeant eadem motiva, & objecta, conc. secus, negatur.

Ad 2. neg. conseq. Nam prima propositio significat transitum subiecti ab una forma ad

aliam, v. g. ab attritione ad contritionem, ut si dicam a pari, Petrus ex Physico fit Metaphysicus. Secunda verò significat, quòd una forma fiat alia, ut si dicam, Physica fit Metaphysica, calor fit frigus, quòd repugnat.

Aliter R. 2. Quòd per Sacramentum Pœnitentiæ fiat quis ex attrito contritus, vel habitualiter, in quantum cum gratia per Sacram. Pœnitentiæ infusa inter cæteras virtutes etiam accipit habitum virtutis Pœnitentiæ. Vel virtualiter, seu æquivalenter, quia attritio iuncta huic Sacramento obit quodammodo munus contritionis, eiq; æquivalet, cum hominem etiam disponat (licet non tam proximè) ad iustificationem, quæ est effectus Sacramenti.

QUÆRO III. Attritio ex metu gehennæ concepta estne ad usum honestus? Item quas conditiones debet habere attritio, ut cum hoc Sacramento sufficiat ad iustificationem? Sufficitne sine actu charitatis, etiam imperfecto?

XLIII. Resp. 1. De fide est attritio ex metu gehennæ vel ut ex occasione a peccatore elicitam, esse actum bonum, & laudabilem ad Sacramentum Pœnitentiæ sufficientem. Ita Trident. Sess. 14. c. 4. definit. Illam contritionem imperfectam, quæ attritio dicitur, quoniam vel exturpitudinis peccati consideratione, vel ex gehennæ, & pœnarum metu communiter concipitur, si voluntatem peccandi excludat cum ipse veniat, declarat sancta Synodus, non solum non facere hominem hypocritam, verum etiam donum Dei esse, & Spiritus S. impulsus, non adhuc quidem inhabitantis, sed tantum moventis: quo penitens ad iustitiam viam sibi ad iustitiam parat. Et quamvis sine Sacramento Pœnitentiæ per se perducere ad iustificationem peccatorem nequeat, tamen eum ad Dei gratiam in Sacramento Pœnitentiæ impetrandam disponit. Hæc ibi.

Vide supra Traç. 3. Exam. r. n. 6. quòd talis attritus non feratur efficaciter in duos ultimos fines, sed ratione peccati efficaciter, habitualiter saltem, habet pro fine ultimo creaturam, ratione attritionis inefficaciter Deum. Item quiesceret in amore sui, seu bonum creatum, & proprium plus amaret quàm Deum solum negativè nullam faciendo comparationem inter Deum, & creaturam, non verò contrariè, seu cum tali comparatione. Vel, si feret in bono creato, non tamen excludendo relationem in Deum, sed ab ea solum præciendendo.

Item vide supra Traç. 3. Exam. r. n. 13. an, & quando actus ex metu impendens mali factus sit involuntarius, ut salvetur diçam attritionem ex metu pœnarum inferni non esse invitam, quia aliàs non sufficeret ad iustificationem cum Sacramento. Vide ibid.

Item vide in Philosophia explicationem illius axiomatis: Propter quod unumquodque tale,



cale, & illud magis tale. Ex quo probare quis posset, quod talis attritus dolens de peccato, & de pena immò de peccato propter penam, magis doleat de pena, quod esset honestum. Sed in Philosophia dici solet, quod ad veritatem hujus axiomatis ly *propter* debeat denotare causam principalem talis effectus, & per se, ac sine qua effectus poni non possit: quod non est in presenti.

*Resp. 2.* Est etiam licitum dolere de peccatis propter penas inferni, ut ly *propter* significet finem proximum, & minus principalem: secus si designet finem ultimum, hoc enim esset mortale.

*Ratio 1. p.* Licite quis ordinat suos actus ad magnum luum bonum creatum, ut ad finem proximum, modò Deus sit finis ultimus: Sed evadere penas inferni est magnū bonum. Ergo.

*Ratio 2. p.* Quia talis homo formaliter, & expressè haberet hunc affectum: Non dolerem de peccato, nisi essent pene inferni: Sed ille affectus est mortaliter malus, ut patet, quia excludit Deum ut ultimum finem. Ergo.

Nota, non esse inordinatum, ordinare bonum majus ad bonum minus, velut ad finem proximum, & minus principalem, si utrumque bonum ulterius ordinetur ad aliū finem principalem, qui sit utroque melior. Sic ergo dolor de peccatis respicit dolorem de penis inferni, ut finem proximum: sed uterque ordinatur ad Deum ut ad finem ultimum.

**XLIV.** *Resp. 3.* Attritio ut sufficiat ad justificationem vi huius Sacramenti obtinendam, debet habere has condiciones. *Primò* debet esse vera, id est, non apparens, vel exilimata, quia est materia Sacramenti, ad quam non sufficit, quod sit putative talis; nec sit talis per exilimationem, ut patet in materia Baptismi. *Secundo* debet esse supernaturalis; Quia Trid. cit. eam vocat donum Dei, & impulsium Spiritus sancti, ac dispositionem ad gratiam. *Tertiò* debet esse universalis, seu extendere se ad omnia mortalia nondum confessa, cum unum peccatum non possit remitti sine alio, ut supra probatum est, adeoque vel debet elici tot attritiones, quot sunt peccata specie diversa, vel debet homo de omnibus dolere sub uno generali motivo ad omnia se extendente. *Quartò* debet esse efficax, id est, excludens voluntatem peccandi, ut patet ex eodem Tridentino.

**XLV.** *Resp. 4.* Probabilius est contra Janfenium, quod ut attritio ex metu gehennæ concepta, cum Sacramento ad justificationem sufficiat, non requiratur ad eam actus charitatis, seu dilectionis Dei super omnia, etiam imperfectus, & remissus. Ita clarè Angel. Doct. in 4. dist. 6. q. 1. a. 3. ad 5. dicens: *Ad hoc ut homo se praparet ad gratiam in Baptismo percipiendam (idem est de Sacramento Penitentiae) praexigitur fides, sed non charitas: quia sufficit attritio praecedens, etsi non sit contritio.*

*Ratio:* Quia aliàs Sacramentum Penitentiae definieret esse Sacramentum mortuorum, quia nunquam, & in nullo casu causaret primā gratiam delendo peccatum mortale, semper enim supponeret illud remissum per illum actum dilectionis Dei. Quod prob. 1. ex S. Th. 3. p. q. 70. a. 4. in c. dicente: *Minima gratia potest resistere cuilibet concupiscentia, & vitare omne peccatum mortale, minima etiam charitas plus diligit Deum, quam cupiditas milia auri, & argenti.* 2. Minima charitas sive habitualis, sive actualis modò verè sit in specie charitatis, quantumvis remissa, est incompossibilis cum peccato mortali, cum ex sua essentia solū Deū pro ultimo fine efficaciter respiciat, ut patet suprà Trid. 7. Exam. 3. n. 74. Et ibid. n. 75. ante R. 1. Ergo.

Ex his ruit fundamentum Adversariorum, putantium, quod sine dicto amore non excludatur omnis affectus peccandi; ruit, inquam; Nam, ut bene arguit Gonet, efficax merus gehennæ, id est, vi cuius homo malum gehennæ ita refugit, ut efficaciter velit omnia media ad illud vitandum absolute necessaria includit necessariò voluntatem efficacem cavendi omne id quod est inducivum gehennæ: Sed tale omne est peccatum mortale. Ergo vide dicta pro R. 1. & locis ibi citatis. Ruit & illud fundamentum, quod dicunt: Timor servilis non excludit affectum peccandi. Nam solū est verum, si ille timor penas sibi proponat ut finem ultimum, secus si ut proximum juxta R. 2.

*Resp. 5.* Ad dictam attritionem requiritur aliquis actus dilectionis Dei, non qui sit verè amor amicitie, vel charitatis, tendens in Deum summè diligendum ratione secundum bonitatis secundum se sumptæ, seu ut in se bonus est, sed qui sit actus, seu amor spei, sive concupiscentiæ, quo attritus amat, vel amare incipit Deum, ut sibi (nimirum attrito, seu amanti) bonum, & utilem: sic ut motivum talis amoris sit inferius motivum dilectionis Dei super omnia, nimirum vel spes salutis, vel consideratio turpitudinis peccati, vel metus gehennæ, &c.

Hoc videtur velle Trid. Sess. 6. c. 6. ubi inter dispositiones, quibus peccatores Justitiæ divinæ timore utiliter concessi ad justificationem per Sacramentum recipiendam se disponunt, recenset actum, quo Deum tanquam omnis justitiæ fontem diligere incipiunt.

*Ratio:* Voluntas non fertur in finem nisi amando, ut patet ex physica: Sed voluntas hominis attriti saltem imperfecte fertur in Deū ut ultimum finem, juxta dicta, quia penas solum sunt finis proximas. Ergo.

Ex dictis colligitur, quod ad Contritionem perfectā requiratur verus amor amicitie, amās Deum super omnia, seu ut in se bonus est, non verò ut est bonus, seu utilis amanti. Unde hæc  
non

non esset vera Contritio: Doleo de peccatis meis propter Deum ut meum summum Bonum.

**QUÆRO IV.** Sufficiente una Contritio super omnia peccata, & quantæ illa debet esse intensio?

**XLVI.** De quo S.D. agit q. 2. & 3. utrobique per 4. art.

**Ant. R.** suppono ex S. Th. q. 2. ar. 1. in c. quod ad Contritionem etiam extra Sacramentum Pœnitentiæ requiratur perfecte loquendo, & regulariter aliqua peccatorum recogitatio, seu examen conscientiæ, licet non tam rigorosum sicut in Sacramento, quia hoc est iudicium quoddam exterius, in quo homo homini debet reddere rationem propriæ conscientiæ suæ, quod non fit sine distincta examinatione: contra extra Sacramentum redditur ratio ipsi Deo, qui ut potest scrutans renes, & corda, facilius intelligit omnia.

**Dixi, per se, & regulariter.** Quia interdum sufficit recogitatio peccatorum in generali, non descendendo ad singula. *Primo* in casu, quo adultus sua peccata recogitat ante baptismum, & de iis dolet saltem per attritionem. *Secundo* si non suppetat tempus, tunc enim sufficit recogitatio, & dolor de peccatis in communi, cum voluntate saltem implicita discussionis in particulari, si esset commoditas. Hoc supposito,

**Resp. 1.** Non est de necessitate veræ contritionis singulis peccatis singulas adhibere contritionis, est tamen de consilio.

**1. Pars** est S. Th. ar. 1. cit. dicentis, quod post recogitata peccata sufficit una contritio communis omnibus, quia ille motus agit in vi omnium dispositionum, qui dolor potest dici esse de singulis, & specialis, licet non sit singularis de singulis.

**Ratio:** Quia aliis, qui haberet mille mortalia, deberet elicere mille contritiones, quod nemo defendet.

**Ratio 2. p.** De consilio est multiplicare actus virtutum.

**XLVII. Resp. 2.** Ut dolor voluntatis sit vera contritio, debet esse summus appetitativè, & non requiritur, ut sit talis intensivè.

**Ante Resp.** Vide Tract. 7 Exam. 5. num. 75. in Not. 1. explicationem majoritatis intensivæ, & extensivæ in amore, quæ applicari potest dolori de peccato; dicitur enim dolor appetitativè summus, quando quis ita dolet, ut malum culpæ iudicet, seu æstimet majus quovis alio malo, sitque paratus omnia alia mala potius subire, quam illud: dicitur summus intensivè, quando est in gradu tam intenso, ut amplius intendi, vel augeri non possit. Hoc præmissis

**Ratio 1. p.** est: Prosecutio alicuius boni est mensura duplicentiæ mali oppositi, seu inquantum aliquid placet, tantum contrarium displicet: Sed Deus debet appetitativè magis

amari, quam omne bonum creatum, ut patet loco ante citato ex Tract. 7. Ergo de peccato dolendum est dolore appetitativè summo.

Ex quo sequitur, quod in omni contritione saltem implicitè, & confusè includatur comparatio ad omnia mala pœnæ, & naturæ, quæ tamen comparatio a Confessariis non est ita exaggeranda, præsertim infirmis propter periculum, nec suadenda, ver. gr. dicendo, an parati sint potius se, & omnia sua perdere, quam esse, vel tale peccatum committere, non enim omnes tam perfecti sunt uti S. Paulus ad Rom. 8. dicens: Certus sum, quod neque mors, &c. me separabit a charitate Christi.

**Ratio 2. p.** Minima contritio in intensione est ejusdem speciei cum ea, quæ est maxime intensa, quia sola intensio, vel remissio speciem non variat. Ergo procedit a gratia, sicut contritio intensior. Ergo sufficit ad justificationem a quibuscunque peccatis.

Cum his fiat, quod Confessarii debeant hortari penitentes ad vehementem dolorem, uti & ad Dei amorem.

**XLVIII. Debetne** major esse dolor de uno peccato, quam de alio?

**Affirmo** cum S. Thom. q. 3. ar. 3.

**Ratio:** Contritio est dolor de peccato, quatenus est offensæ Dei: Sed in uno peccato est gravior offensæ Dei, quam in altero. Ergo.

**XLIX. Sufficiens** dolor, qui quis dolet se non dolere de peccatis?

**Dico:** non sufficit. **Ratio:** Quia talis dolor non est de peccatis, sed solum est displicentia de ipso doloris defectu.

An, & quomodo dolor contritionis possit esse nimius, vide suprâ Tr. 4. Exam. 1. n. 11.

**QUÆRO V.** Quando quis obligatur ad Confessionem?

**L. Resp. 1.** Præceptum contritionis non est merè positivum, sed etiam naturale. Ita S. Th. 3. p. q. 84. ar. 7. ad 1. Dicitur naturale, non prout distinguitur a supernaturali, seu prout distinguitur a positivo, seu est naturale in ordine supernaturali gratiæ, eique connaturale. Sicut enim res naturales habent suam essentiam, & naturam, ita & supernaturalis.

**Ratio:** Natura dicitur, juxta hominis, a fortiori juxta Dei, servandum esse illæsum. Ergo & dicitur, juxta Deum, esse per pœnitentiam reparandum, quantum possumus.

**Resp.** Præceptum Contritionis spectat ad 1. præceptum Decalogi, in cuius præambulo dicitur: Ego sum Dominus Deus tuus.

**Ratio:** Si est Dominus, adeoque honorandus, natura dicitur, quod ejus reconciliatio sit querenda, dum est offensus.

**Resp. 3.** Probabilius est, quod præceptum contritionis non obliget ad eam eliciendam statim post commissum peccatum. 2. Nec omnibus diebus

bus festis, & Dominicis. 3. Nec quoties peccatum commissum memoriam occurrat. 4. Nec semper per totum vitam decursum. 5. Sed certo tempore.

*Ratio 1. 2. & 3. p.* Est ex praxi. Quia nec poenitentes de eo se accusant, nec Confessarii examinant. Fateor tamen, oppositam lententiam esse valde piam, & consulendam, & nec per modicum tempus licere in peccato morari quoad affectum.

*Ratio 4. & 5. p.* Præceptum contritionis est affirmativum, scilicet, *Pœnitentiam agere*: Sed natura præcepti affirmativi est, quod obliget quidem semper, non tamen prolemper, ut patet in aliis præceptis affirmativis, v.g. elemosynæ, &c. Ergo.

*L.I. Resp. 4.* Præceptum Contritionis in quibuldam casibus obligat per se, in quibuldam per accidens. Qui casus in probabiliori lententia sunt.

*Primo* per se obligat in articulo mortis, vero, aut præsumpto, etiam in casu, quo homo habet copiam Sacramenti Pœnitentiæ, non quidem ex vi præcepti hujus Sacramenti, quia illi satisbit per attritionem cum Sacramento, sed ex vi præcepti charitatis Dei, & sui ipsius. Quia in illa extrema luctu, a qua salus æterna pendet, tenenda sunt certiora, non autem contriat, an Sacerdos verè habeat intentionem absolvendi, an sit verè baptizatus, &c.

*Secundo* in morali periculo vitæ eo sensu, quo id de Eucharistia explicatum est suprà Tract. 12. Exam. 4. n. 10.

Casus, in quibus per accidens obligat præceptum Contritionis sunt

*Primo*, Advertenter exurgente tam gravi tentatione, ut moraliter homo eam vincere nequeat, nisi per Contritionem. 2. Quoties quis etiam erroneè existimat, se ad eam teneri. 3. In valde gravi communi necessitate Reipublicæ, quæ prælumitur immitti a Deo ob peccata hominum. 4. Dum currit præceptum annuæ confessionis, & non est copia Confessarii, quia tunc homo tenetur supplere per contritionem, cujus præcepto in Lege Nova præceptum confessionis est subrogatum. 5. Dum quis in peccato mortali existens debet administrare aliquod Sacramentum, vel unum è quique vivorum recipere, prout probatum est suprà de Sacramentis in Communi Tr. 11. Exam. 3. n. 21. & seqq.

## EXAMEN IV.

*De Confessione, ejus Quidditate, & Necessitate. S. Thom. q. 6. Supplem. & q. 7.*

**Q**UÆRO I. Quid est Confessio, putà auricularis, coram Sacerdote, sive sacramen-

talis? Cujus virtutis actus?

*L.I. Resp. 1.* Bene definitur in Catech. Romano, quòd sit legitima, & sacramentalis accusatio de propriis peccatis ad eorum veniam virtute clavium obtinendam, coram Sacerdote facta.

*Resp. 2. S. Th. q. 7. a. 1. explicat, & approbat illam definitionem a S. Aug. traditam: Confessio est, per quam maribus latens (nimirum animæ, seu peccatum) spe veniæ aperitur.*

In R. ad 1. ibidem docet, quòd quamvis Sacerdos peccatum poenitentis antea aliquando sciat, ut homo, non tamen scit, ut Vicarius Christi. Sicut etiam Judex aliquando scit aliquid ut homo, quòd nescit ut Judex, & quantum ad hoc per Confessionem aperitur Sacerdoti: alit (ut ait ad 2.) clauditur aliis Confessionis sigillo.

*Resp. 3.* Confessio peccatorum, quatenus sit ad consequendam eorum remissionem elicitive est actus virtutis Pœnitentiæ, juxta S. Th. q. 7. a. 3. & patet ex dictis suprà de virtute Pœnit. Imperative autem ad multas virtutes, v.g. spem, fidem, &c. pertinere potest, secundum quod in finem multarum virtutum a Quis confessionis trahi potest, ut ait S. D. ibidem.

*Dixi, quatenus sit ad remissionem, &c.* quia sub aliis rationibus confessio spectat ad alias virtutes, v.g. confessio veritatis in judicio, ad justitiam: confessio beneficiorum in laudem Dei, ad virtutem Latriæ. ibidem in c.

**QUÆRO II.** Quæ est materia Confessionis? nonne peccata? Et quid de peccatis dubiis? vel non commissis, & tamen confessis?

*L.III. Resp. 1.* Quæ, & quotuplex sit Confessionis materia, patet suprà Exam. 1. num. 4. & num. 13.

*Resp. 2.* Peccatum mortale dubium, consistendum est ut dubium: quòd si post confessionem deprehendatur fuisse certum, probabilius, & tutius est, quòd homo teneatur illud confiteri ut certum.

*Ratio:* Homo tenetur confiteri mortalia, prout illa habet in conscientia: Sed peccatum antè dubium, comperta certitudine non est amplius dubium, sed certum. Ergo confitendum de nudè est, ut certum.

*Resp. 3.* Qui confitetur mera peccata dubia (loquendo de dubio prudente, & rationabili, quòd addo ad excusandos communiter scrupulosos) debet absolvi sub conditione. Ut autem absolute, seu sine conditione absolvetur, probabilius est, quòd teneatur addere, saltem unum peccatum certum, etiam veniale tantum.

*Ratio:* Tum ne Sacramentum Pœnitentiæ exponatur periculo nullitatis. Tum etiam, quia qualis est confessio, talis est absolutio. Tum tandem, ut posset imponi certa poenitentia. Ex quo fit, quòd talis a peccato mortali confesso

fessio ut dubio absolvatur quidem, sed cum onere illud ut certum confitendi postea, si ut certum occurrat: necesse tamen non est, ut omnia alia peccata cum peccato dubio ritè explicata denuò confiteatur.

*Resp. 4.* Qui non scit certum numerum peccatorum mortalium, & dicit, v.g. fornicatus sum decies circiter, vel plùs minùs, & postea deprehendit certum numerum, v.g. fuisse duodecies, probabilius, & tutius tenetur postea numerum ut certum confiteri.

*Ratio* est eadem: Quia dicendo *circiter*, vel *plùs minùs* idem est, ac si diceret, Dubito an non sepiùs, vel minùs. Ergo est eadem ratio. Hinc mirum, quòd multi DD. primum teneant, & hoc postremum negent, cum tamen ipsi fateantur, quòd nullam solidam videant disparitatem.

*Resp. 5.* Qui scienter dubia peccata mortalia narrat pro certis, & certa pro dubiis, peccat mortaliter teneturque non solum illam Confessionem de peccatis ut certis repetere, sed & hoc speciale peccatum exprimere.

*Ratio:* Circa materiam necessariam Confessionis mentiri, & conscientie suæ Judicem decipere, semper est mortale: Sed hoc fit in eo casu. Ergo.

*Dixi, scienter:* Quia ignorantia, & scrupulositas interdum exculant.

*Resp. 6.* Peccata per contritionem jam remissa confiteri non est peccatum, sed est necessarium.

*Ratio:* Remissio per contritionem fit per ordinem ad Confessionem.

*Resp. 7.* Qui confitetur peccatum mortale, quod scit a se non commissum, peccat mortaliter.

*Ratio* est data ad R. 5. Et id docet S. Thom. qu. 6. art. 4.

*Resp. 8.* Qui cum peccatis a se certò commissis confitetur scienter venialia non commissis, probabilius non peccat mortaliter, bene tamen venialiter.

*Ratio:* Tum quia talis simul præbet materiam sufficientem per absolutionem. Tum etiam quia per tale mendacium levis solum injuria fit Sacramento. Sicut etiam patet in aliis Sacramentis, v.g. si aquæ Baptismi esset admixta minima pars terræ, hostiæ consecrandæ parva palea. Aliud est, si quis inter 30. vel 100. hostias consecrandas sciret unam esse ex materia non consecrabili, quia hæc jam esset materia indubitata non levis, sed notabilis, adeoque faciens peccatum mortale.

*LIV. Oppos.* S. Gregor. ait: Bonarum mentium est, ibi culpam agnoscere, ubi culpa non est. Ergo.

*Resp.* S. D. hic ad 1. dicit: Agnoscere culpam, ubi culpa non est, potest esse dupliciter: Uno modo, ut intelligatur quantum ad substantiam actus, & sic non est verum; Non enim ad bonam mentem pertinet, sed ad errantem, ut se actum aliquem commississe agnoscat, quem non

commissit. Alio modo quantum ad conditionem actus, & sic verum est, quod Greg. dicit. Quia jussus in actu, qui de se bonus est, formidat, ne aliquis defectus ex parte sua fuerit. Et sic dicitur Job. 9. Verebar omnia opera mea. Et ideò ad bonam mentem etiam pertinet, ut hanc formidinem, quam corde tenet, lingua accuset. Hæc S. D. Eodem modo dicendum est de humili, qui se deteriorem reputat.

**QUÆRO III.** Quid cenies de præcepto Confessionis? Quando? & quos obliget? Estne dispensabile?

*LIV. Resp. 1.* In Nova Lege Confessio Sacramentalis omnium peccatorum mortalium post Baptismum commissorum, est ad salutem necessaria, non quidem jure humano, seu Ecclesiastico, sed jure divino positivo Christi, unde & hoc est Tribunal divinum, non Ecclesiæ.

*Ratio* patet suprâ Exam. 1. n. 2. circa R. 3.

Hinc ruunt illa argumenta Hæreticorum. 1. David Psal. 31. confitebatur soli Domino. 2. Ejus tempore sufficiebat contritio: ruunt, inquam, quia erat in Veteri Lege. 3. Ruit illud: Ecclesia non cognoscit occulta, & interna. Ergo nec judicat illa: ruit, inquam, quia non est Tribunal Ecclesiæ, sed Dei. Cum quibus tamen stat, quod Auctor Sacramentorum, ut potè qui virtutem suam Sacramentis non assignavit, sine iis, si velit, secundum potentiam extraordinariam possit peccata, etiam in Nova Lege, remittere contritis, non confessis, ut remisit Magdalenæ, & Larroni.

*Resp. 2.* Præceptum Confessionis obligat proportionabiliter in casibus, in quibus Exam. 3. n. 51. diximus obligare præceptum contritionis, nimirum in articulo, & probabili periculo mortis, ut ibidem explicatum. Unde & tenetur reus ante executionem sententiæ; Quia tunc est maxima necessitas hujus Sacramenti. 2. Si quis sit in mortali, & debeat, vel velit celebrare Missam, vel communicare. 3. Semel in anno, seu intrâ annum. De quo postea. 4. Per accidens in tribus primis casibus loco citato de contritione adductis.

*Resp. 3.* Determinatio temporis pro Confessione, quod nimirum sit faciendi proprio Sacerdoti saltem semel in anno, facta est ab Ecclesiâ, ut patet ex c. omnis utriusque sexus ex Concil. Later. sub Innoc. III.

*Ratio* statuendi, ut ait S. D. a. 3. erat: Tum ut quilibet peccatorem se recognosceret, quia omnes peccaverunt, & egeret gloria Dei. Tum, ut cum majore reverentia ad Eucharistiam accederetur. Tum etiam, ut Ecclesiarum Rectoribus sui subditi innotescant, ne lapsus intra gregem lateat.

*EVI. Resp. 4.* Præceptum Confessionis comprehendit omnes peccatores, etiam in hoc mundo hominè ut Superiorem non agnoscetes.

*Ratio*

*Ratio S.D.* ad 2. Quia nullus est, qui non habeat Judicem Christum, cui per suum Vicarium confiteri debet, qui quamvis sit eo inferior, in quantum Prælatuſ est, est tamen superior eo, in quantum peccator est ipse, & ille Christi Minister. Sicut unus Medicus ab alio curatur, non in quantum Medicus, sed in quantum infirmus, ait S.D. q.8. a.4. ad 4.

*Resp. 5.* Præcepto annuæ Confessionis, & Communionis Paschalis tenentur etiam Hæretici, & Apostatæ.

*Ratio:* Quia per Baptismum subiecti sunt Ecclesiæ Legibus. De quo supra de Legibus Tract. 6. Exam. 5. n.87.

*Resp. 6.* Confirmati in gratia non tenentur confiteri.

*Ratio:* Quia non habent materiam necessariam, & licet habeant sufficientem, propter eam tamen Sacramentum non est primario institutum. De quo vide in hoc Exam. n. 57. R. 5. an habens sola venialia teneatur ad Confessionem annuam.

Ex quo sequitur, quod Deipara (non solum confirmata in gratia, sed etiam immunis ab omni peccato) præcepto Confessionis non fuerit obligata, nec capax huius Sacramenti. Hinc falsa, vel saltem magis pia, quam vera sententia illorum, qui docent, quod B.V. quotidie fuerit confessa S. Joanni Evangelistæ.

*Resp. 7.* Papa non potest aliquem dispensare a præcepto Confessionis sub ea ratione, sub qua juris divini est, ita ut sic dispensatus nunquam confiteatur, & sine Confessione salvetur: bene tamen quatenus est juris humani, nimirum quoad tempus. Ita S. Thom. a.6.

*Ratio 1. p.* Quia ministri Ecclesiæ non habent potestatem irritandi jus divinum, vel dispensandi in illo, præsertim dum est absolutum, & ex sola divina voluntate derivatum.

Quomodo Papa dispenset in votis, vide Tract. 6. Exam. 2. n. 13. ibid. Exam. 5. n. 90. Item Tract. 10. Exam. 3. n. 40. & 41.

*Ratio 2. p.* Quia determinatio temporis pro Confessione est facta ab Ecclesiâ.

**QUÆRO IV.** Quomodo computatur annus annuæ Confessionis? Si sacrilega sit, impleturne per eam præceptum? Hoc præcepto tenenturne pueri? tenenturne Papa? vel habens sola venialia?

*L.VII. Resp. 1.* Annus annuæ Confessionis secundum se computandus est a primo die Januarii usque ad ultimum Decembris, attamen secundum modernam salutarem praxim totius Ecclesiæ, qua fideles hoc præceptum simul implent circa Pascha cum præcepto Communionis, computatur a Pasche in Pascha. Quid, & quando sit hoc tempus Paschale, vide supra Tract. 11. Exam. 4. n. 47.

*Resp. 2.* Hoc præceptum non impletur per Confessionem fictam, sacrilegam, seu scienter,

invalidam.

*Ratio:* Quia Confessio invalida non est præcepta, sed prohibita. Hinc inter Propositiones ab Alexandro VII. 1665. damnatas est hæc n. 14. *Qui facit Confessionem nullam voluntarie, satisfacit præcepto Ecclesiæ.*

Nota tamen satisfieri per Confessionem validam, & informem. De qua infra Exam. 6. n. 101. Quia in ea ad sunt omnia essentialia requisita, & solum effectus, scilicet gratia impeditur.

*Resp. 3.* Pueri, dum ad usum rationis perveniunt, & peccant mortaliter, statim obligantur præcepto Ecclesiastico Confessionis.

*Ratio:* Hoc præceptum Ecclesiæ est determinatio præcepti divini. Sed statim ac homo rationis usum attingit, ac mortaliter peccat, obligatur absolute præcepto divino Confessionis, cum nullius peccati mortalis post Baptismum commissi remissio habeatur sine ordine ad Confessionem. Ergo & Ecclesiastico, &c.

In qua ætate pueri teneantur ad Confessionem, & quod prius teneantur ad hanc, quam ad Ecclesiasticam, vide supra Tract. 12. Exam. 4. n. 46. R. 1. & 2.

*Resp. 4.* Quod Papa teneatur hoc præcepto, in quantum est divinum, est indubitatum: quomodo verò illo teneatur in quantum est Ecclesiasticum, nimirum saltem quoad vim directivam, non coercitivam, vide supra Tract. 6. Exam. 5. n. 81. R. 2. A quo Confessarius Papæ accipiat jurisdictionem, cunctetur infra, Exam. 5. num. 65.

*Resp. 5.* Probabilius est, quod ex vi dicti præcepti ad Confessionem annuam non teneatur is, qui tantum habet veniale. Ita S.D. q.6. a.3. ad 3. ubi utramque Sententiam ut probabilem adducit, in hanc tamen magis inclinat, & probat, quod ex Decretali *omnis utrinque sexus* non obligantur nisi illi, qui habent peccata mortalia, quod patet ex hoc, quod dicit, quod debent omnia peccata confiteri; quod de venialibus intelligi non potest, quia nullus illa omnia confiteri potest. Et secundum hoc etiam ille, qui non habet mortalia, non tenetur ad Confessionem venialium, sed sufficit ad præceptum Ecclesiæ implendum, ut se Sacerdoti repræsentet, & se ostendat absque conscientia mortalis esse. Et hoc ei pro Confessione reputatur. Hæc S.D. Teneretur tamen in Paschate communicare.

Dixi, *Ex vi dicti præcepti*, Quia fieri potest, quod teneatur ratione scandalii vitandi, vel etiam, si dubitet, se esse in mortali.

**QUÆRO V.** Præceptum Confessionis estne distinctum, & indepēdens a præcepto Communionis? Estne aliquando prævenitendum? vel, dum neglectum est, supplendum? aut potestne una confessione impleri pro duobus annis, v.g. in casu, quo quis toto anno non esset confessus, & con-

& confiteretur in principio Januarii ?

*LVIII. Resp. 1.* Duo illa præcepta a se invicem in obligando non dependent.

*Ratio:* Quia sunt posita ob diversos fines, & motiva. Unde idum est loco ante citat. quod pueri citius obligentur ad Confessionem, quam ad communionem.

Ex quo fit, quod per se non obligent pro eodē tempore, sed unum per se pro Paschate, alterum per se semel in anno. Hinc si quis legitime esset confessus in Epiphania, ut precepto Ecclesiastico Confessionis, satisfaciatur, non tenetur denuo confiteri in Paschate, nisi habeat conscientiam peccati mortalis: tunc enim teneretur ex alio precepto Divino prohibente sumptionem indignam. Item, si quis toto anno non posset communicare, posset tamen confiteri, ad id teneretur.

*Resp. 2.* Probabilius est, quod, qui scit, aut probabiliter timet, se non posse confiteri ante finem anni, nisi confiteatur modò, uti fieri potest in casu longi itineris, teneatur Confessionem anticipare.

*Ratio* patet suprà Tr. 12. Ex. 4. n. 47. pro R. 5. de casu præveniendæ Communionis. Ubi etiam insinuat, alia esse præcepta, quorum onus alligatur certo tempori, seu diei, ut jejunii, Missæ, Horarum, quæ non sunt necessariò præveniendæ, vel supplendæ: alia verò, quæ obligant pro indeterminato tempore, quæ sunt anticipanda, aut supplenda; & tale est in præsentia.

*Resp. 3.* Qui toto anno non est confessus, siue culpabiliter, siue inculpabiliter, anno elapso, tenetur prima vice confiteri, & eo gravius peccat quò diutius differt.

*Ratio* patet de Communionem loco suprà cit. Traç. 12. Exam. 4. n. 47.

*Resp. 4.* negativè ad ultimam partem Quæstii.

*Ratio:* Quia ista Confessio est debita pro anno præcedenti. Ergo per eam non satisfit pro novo anno sequenti.

*Oppono:* Uno actu possunt impleri duo præcepta simul concurrentia, v.g. possunt horæ Canonice dici sub Missa. Ergo similiter.

*Ad hoc* est disparitas. Nam hæc præcepta obligant pro diverso tempore, & illud in præsentia quoad substantiam est divinum, & magnæ necessitatis, ac utilitatis; ob quam in eo rigore est explicandum.

**QUÆRO VI.** Teneturne quis, ut didum præceptum impleat, confiteri per internum Sacramentum absenti, vel etiam præsentia, si non posset aliter, quam per scriptum, vel per interpretem?

*LIX. Resp. 1.* Confessio per internum, vel scripturam facta Sacerdoti absenti, & absolutio ab eodem absente data, non est sacramentalis, nec in ullo casu valida. Opposita Suarezii sententia est damnata a Clemente VIII. 1605.

*Ratio:* Tum quod hæc fuerit mens Christi in-

stituentis; Et patet ex perpetua praxi Ecclesiæ, quæ nunquam talem confitendi modum (qui tamen in primordio Ecclesiæ ob fidelium copiam, & Sacerdotum inopiam fuisset necessarius) permittit. Tum etiam ob periculum sacrilegii, quod esset in casu, quo penitens fortè interea mutasset voluntatem. Tum tandem ob periculum scandali, revelationis, &c.

Hanc personalem præsentiam, per ly *Tu* in forma absolutionis significatam, Christus in sua institutione explicitè non præscripsit, bene tamen implicitè ob rationes modò datas. Proinde sicut in hoc iudicio penitentiali generalem rationem iudicii (quod alioquin inter absentes fieri potest) limitavit, & singulares circumstantias (iudicio forensi extrinsecas) adiecit, v.g. quod idem sit reus, testis, & occultissimorum etiam criminum suorum accusator, quod non est in iudicio externo: ita & voluit, ut fiat præcisè inter præsentes, quamvis enim, si inter absentes fiat, videantur adesse omnia essentialia, ut minister, materia, forma, &c. non tamen fuit debite applicata. Sicut, si quis vellet consecrare panem nimis distantem, nihil facit, defectu debitæ applicationis.

Aliud est de Matrimonio. Quia ratio contrahus (in qua ratio Sacramenti fundatur) quoad substantiam non est ex institutione Christi, sed fuit ab initio mundi, nec Christus eum mutavit, sed solum ad esse Sacramenti elevavit, proinde sicut ante, ita nunc potest fieri inter absentes; Iudicium autem pœnitentiale etiam quoad substantiam non fuit ante Christi institutionem, idè non est mirum, quod Christus in eo fecerit limitationem.

*Resp. 2.* cum Nugno: Valida esset Confessio, si pœnitens per literas sua peccata Confessori mittat, & postea in ejus præsentia dicat, quod se de omnibus illis accuset, & doleat (qui tamen confitendi modus est inconveniens.) *Ratio:* Quia adest personalis præsentia, & accusatio.

Nota, quod, si detur casus, in quo quis ex causa gravi, & iusta non possit voce confiteri, ut potest contingere in gravi infirmitate, debet Confessori Confessionem scriptam facere, uti etiam interdum faciunt (teste Lubino) puellæ valde verecundæ, quæ tamen chartula cum ciphris ita scribenda esset, ut perditam nemo legere posset. Idem fieri potest in casu, quo Confessor lubitò obfusceret.

*LX. Resp. 3.* Ad præceptum annuæ Confessionis implendum tenetur quis confiteri per scriptum, vel per nuntius, si aliter non possit: non tamen per interpretem, nisi in mortis articulo.

*Ratio 1. p.* Præceptum revera obligat, dum in ejus observatione non est magna difficultas, nec periculum damni: Sed sic se habet casus præsens. Ergo.

*Ratio 2. p.* Quia nullum extat jus, vi cuius sic publicanda sint delicta.

*Ratio 3. p.* Quia non oportet dubiam reddere salutem suam, & vitam æternam præponderat famæ, quæ in eo casu apud interpretem lædetur, quamvis autem homo non possit salvari per contritionem, illa tamen est difficilis. Ergo. Et dato, quoddam id homo non teneretur ex vi dicti præcepti, teneretur tamen ex præcepto charitatis erga seipsum.

**QUÆRO VII.** Ex vi dicti præcepti tene-  
turne quis, quamprimum potest, confiteri pec-  
cata in Confessione omissa, sive ex oblivione,  
sive ex iusta causa? aut aliquando bis confiteri  
eadem peccata?

*LXI. Resp. 1. ad 1. p.* Esse de consilio, non tamen  
de præcepto; unde talis non peccat ea differen-  
do usque ad Confessionem sequentis anni.

*Ratio:* Quia talis præceptum simpliciter jam  
implevit, in quo differt ab eo, qui Confessionem  
omnino omisit, & ab eo, qui fecit sacrilegam.  
De quo in præcedentibus Q. 4. & 5.

*Resp. 2.* In 4. præcipue casibus tenetur quis ead-  
em peccata bis confiteri. *Primus* est, si quis ex-  
communicatus ante absolutionem a peccatis,  
non fuisset absolutus a censuris. *Secundus*. Si pec-  
nitens fecit votum de faciendâ Confessione ge-  
nerali, quam si non facit, peccat contra votum.  
*Tertius*. Si prioribus peccatis non manifestatis  
præsens status non possit sufficienter manifestari.  
*Quartus*. Quando quis urgente necessitate, vel  
præcepto a Sacerdote inferiore solum per acci-  
dens, & indirectè fuit absolutus a reservatis,  
cum onere se suo tempore sistendi Superiori.

Generaliter dici potest, peccata jam confessa  
necessariò esse iterum manifestanda, quando eo-  
rum confessio fuit invalida: potest autem esse  
invalida 1. ex culpabili defectu doloris, vel inte-  
gritatis. 2. Defectu formæ quoad essentialia non  
prolate. 3. Defectu Ministri, ut si sit sit surdus,  
vel sub confessione dormiat, vel careat iurisdic-  
tione. 4. Defectu intentionis Ministri.

## EXAMEN V.

*De Ministro Confessionis. S. Thom. quæst. 8.  
Supplm. per 7. art.*

**QUÆRO I.** Quis, & quotuplex est Mini-  
ster Sacramenti Pœnitentiæ? quæ, &  
quotuplex est eius potestas?

**LXII.** Quid sit Confessarius: quid potestas  
clavium, vide supra Tract. 1. n. 8. & 9.

*Resp. 1.* Solus Sacerdos est Minister huius  
Sacramenti, est de fide ex Triden. Sess. 14.  
Can. 10.

*Ratio:* Soli Sacerdoti post collatam potesta-

tem in corpus Christi verum in sua Ordinatione  
datur potestas in corpus Christi mysticum,  
seu in Fideles, per illa verba Joan. 20. *Accipite  
Spiritus sanctum, quorum remiseritis peccata, &c.*  
Ergo.

*Nota*, aliud esse, Confessionem audire, aliud  
absolvere: hoc secundum potest solus Sacerdos;  
primum potest etiam Laicus in defectu Sacer-  
dotis, ut docet, & nihil aliud vult S. Tho. hic  
ar. 2. in c. Et ad 2. Nam ad 3. ait: quod *quamvis  
ille Laico confessus in articulo necessitatis consecutus  
sit veniam a Deo, puta ex opere operantis, eo quod  
mandatum Dei implevit, sicut potuit, oportet tam-  
men, quod iterum confiteatur, Sacerdoti, cum co-  
piam habere poterit.* Unde confessio facta Laico  
solum juvat vel ad capiendum consilium, aut  
solatium, vel ad excitandum contritionem,  
majoremque sui confusionem, & humiliationem.  
Nec est in præcepto, sed ad summum de  
consilio, si tamen spectatis circumstantiis sa-  
lubriter fieri possit, sitque Laicus vir prudens,  
probus, taciturnus, &c.

*Resp. 2.* Ut Sacerdos non solum validè, sed  
etiam licitè absolvat, est ei necessaria potestas  
iurisdictionis. Ita S. D. ar. 4. in c. Estque hæc  
idem ac potestas clavium.

*Ratio:* ut Triden. Sess. 14. cap. 4. ait, Natu-  
ra, & ratio iudicii exposcit, ut sententia in  
subditos tantum feratur: Sed nemo est sub-  
ditus, nisi habeatur in eum iurisdicção. Ergo.

*Declaratur* ulterius: Duplex in præsentem est  
potestas, nimirum iurisdictionis, & Ordinis.  
Iurisdicção nihil aliud est, quàm moralis quæ-  
dam potestas, seu auctoritas ferendi senten-  
tiam in foro conscientie in subditum, quæ rea-  
liter distinguitur, & in multis differt a pote-  
state Ordinis, nimirum quòd hæc secunda sit  
quid physicum, scilicet character sacerdotalis  
ad consecrandum Corpus Christi verum, pri-  
ma verò quid morale, & detur super Corpus  
mysticum. Secunda completè datur Sacerdoti  
in Ordinatione, prima verò, quando deputa-  
tatur legitime in Confessarium, eique assignan-  
tur subditi. In secunda omnes Sacerdotes sunt  
æquales, & est invariabilis, & indelebilis: pri-  
ma verò est variabilis, restringibilis, ampli-  
abilis, austeribilis. Tandem, quòd potestas iur-  
isdictionis sit idem, quòd potestas clavium, vi-  
de supra Tract. 1. proœmiali, n. 9.

*Resp. 3.* Sacerdos in sua Ordinatione per illa  
verba Episcopi. *Accipite Spiritum sanctum, quo-  
rum remiseritis peccata, remittuntur eis, &c.* non  
accipit potestatem validè absolvendi.

*Declaratur:* Sacerdos in sua Ordinatione in  
primis per illa verba Episcopi, *Accipe potestatem  
offerendi Sacrificium Deo, &c.* in contactu ca-  
llicis accipit præcisè potestatem physicam, ni-  
mirum characterem. Et postea per illa verba,  
*Accipite Spiritum S. quorum remiseritis, &c.* accipit



potestatem physicam super Corpus Christi mortale, quæ non consistit in charactere sacerdotali secundum se (sic enim est potestas physica tantum super Corpus Christi verum) sed ut sumptum cum modo quodam reali, & intrinseco majoris perfectionis, & extensionis, ut sit potestas physica non solum super Corpus Christi verum, sed & super mysticum, ut explicat Gonet. Tandem jurisdictio, seu potestas moralis (sine qua nemo absolvet potest) datur tunc, quando exponitur pro Confessario, & assignantur ei subditi. Et tunc fit Judex actus, qui ante solum erat Judex aptitudine, proxima tamen.

Ex his hæc propositio, si obijciatur, Cuivis Sacerdoti in Ordinatione datur potestas absolvendi, distinguatur: Physica, conc. moralis, neg.

**LXIII. Resp. 4.** Duplex est Minister Confessionis, scilicet ordinarius, & delegatus, & eodem sensu duplex potestas Jurisdictionis, ordinaria nimirum, & delegata.

*Declaratur:* Potestas ordinaria Jurisdictionis est, quæ alicui competit ex officio, seu vi proprii muneris, & ille vocatur Minister ordinarius, talis est Papa super omnes Fideles, Episcopus super suam Diocesim, Parochus super suos Parochianos, Prælati Religionum in suos subditos; Hi enim omnes ex suo officio sunt Pastores animarum. Et omnes vocantur Ministri ordinarii Confessionis, licet cæteroquin solus Episcopus, ut postea dicitur, absolute vocetur ordinarius. Potestas Jurisdictionis delegata est, quæ non ex officio, sed ex alterius, ordinariam habentis, commissione alicui competit, & talis est in Religiosis respectu Fidelium. Qui proinde eam alteri subdelegare non possunt.

Nomine Episcopi intelligitur etiam ejus Vicarius Generalis, hic enim cum Episcopo in eodem Tribunali reputatur una persona, nec Episcopus ei potest hanc potestatem auferre, nisi eum deponendo: quia a jure habet illam. Item Sede vacante capitulum suo Episcopo succedit in Jurisdictione æquali. Similiter nomine Superiorum Ordinis intelliguntur etiam eorum Vicarii, qui mortuis, vel amotis Generalibus, Provincialibus, Prioribus, Guardianis, &c. habent in foro Pœnitentiæ Jurisdictionem ordinariam. Secus est de Vicariis, quos Superiores adhuc in officio constituti assument in adiutorium sui Regimini, qui Jurisdictionem solum habent tantam, quantam eis dat principalis.

Dixi, quod solus Episcopus absolute vocatur Ordinarius; Quia Ordinarius absolute talis non solum dicitur ex eo, quod ex officio legat Missam, absolvat Pœnitentes, det eis Eucharistiam, &c. sed etiam ex eo, quod conferat Sacramentum Ordinis, & Confirmationis, & exerceat alia officia spiritualia in foro externo, Confessarios approbet, Paucos constituat, corrigat,

*Tribunal Confessariorum.*

puniat, &c. qua de causa alii, quorum memini, potius vocari possunt Sacerdotes proprii, quia ex proprio officio Sacramenta ministrant. Cum quo tamen stat, quod omnis minister ordinarius sit etiam proprius, licet non è contra in hac strictiore acceptione.

De Jurisdictione præsertim præsumpta, probabilis, dubia, &c. plura dicuntur infra in hoc Exam. nu. 90. & seqq.

**QUÆRO II.** Quid est approbatio? debetne omnis Confessarius, ut valide absolvat, esse approbatus ab Episcopo? Et quid de Confessario Papæ?

**LXIV. Resp. 1.** Approbatio est authenticum judicium de idoneitate, & sufficientia Sacerdotis ad audiendas Confessiones, factum ab habente potestatem Episcopalem, vel quasi Episcopalem.

*Rat. 0:* Sicut soli Episcopi, vel quasi Episcopi possunt Jurisdictionem conferre, ita & soli pro Jurisdictione approbare, seu idoneum judicare.

Dixi, vel quasi Episcopalem; Nam Prælati exempti Regularium, cum habeant potestatem quasi Episcopalem, ex suis Sacerdotibus possunt aliquos examinare, approbare, & exponere Confessarios pro suis subditis.

Ex quo patet, quod approbatio non sit ipsa Jurisdictio, nec collatio ejus, sed requisitum ad eam præsuppositum, immo possunt separari, & approbatio sine altera esse.

Quomodo Religiosi Mendicantes tanquam exempti (quamvis juxta sua privilegia Jurisdictionem accipiant a Sede Apostolica, utpote cui immediate subijciuntur) teneantur approbationem accipere ab Episcopo loci, patet ex Trid. cujus verba relata sunt supra Tr. 1. nu. 1. Ubi etiam patet, quomodo approbentur, vel examinentur Parochi. Et ibidem n. 1. an Religiosus exemptus etiam Superior, vel Doctor teneatur sustinere Examen Episcopi. Quæ approbatio est *conditio sine qua non*, & Religiosis datur Jurisdictio a Papa per Ordinum Privilegia. Cæterum Clerici sæculares, quia immediate Episcopo subijciuntur, ab eo etiam Jurisdictionem accipiunt.

**Resp. 2.** Approbatio est duplex, nimirum expressa, & tacita. Prima, antè definita, sit verbo, vel scripto. Tacita datur facto, vel facti conventia, ut si Episcopus alicui conferat Beneficium parochiale, vel si dicat Sacerdoti, Audi istius confessionem, vel, Audi quos visticbi confiteri volentes. Vel si Episcopus sciat hoc, vel illud genus Sacerdotum in sua Diocesi absque expressa licentia Confessiones excipere, & non contradicit, cum possit; Tunc enim tacite consentit. De quibus plura in sequentibus, nimirum n. 80.

Paulò aliter ab aliis solet explicari differentia inter delegationem, five licentiam tacitam, &

Mm

præ-

præsumptam, sicut licentia tacita in rigore, & proprietate verbi sit, quæ in aliquo actu expresso juxta legalem, vel rationabilem interpretationem virtute continetur: præsumpta verò propriè sit, quæ per conjecturas, vel probabiles rationes creditur futura fuisse, si Superior conveniretur: de præsentì verò nullo modo existit, nec per specialem, nec per generalem voluntatem: operans tamen supponit ratihabitionem Superioris. De quo plura Tr. 8. Exam. 2. n. 24. & 25.

**LXV. Resp. 2.** Loquendo de Confessario Papæ sentiunt aliqui, eum habere jurisdictionem immediatè a Christo, & ejus electionem, a Papa factam, solum esse conditionem, *sine qua non.* Alii probabilius tenent, quod eam immediatè accipiat a Papa, quem dicunt dupliciter posse considerari: Primò, ut formaliter est totius Ecclesiæ Caput, & sic est superior omni alio Sacerdote in terris. 2. Ut est peccator, hoc autem modo est inferior Confessario, & seipso, ut Pontifici. Sicut Christus, in quo est unica Persona, ut homo est inferior seipso, ut Deo, & se Deo subjecit. Propter hanc ergo superioritatem licet Papa non habeat jurisdictionem ad seipsum judicandum, aut absolvendum, habet tamen a Christo potestatem, ut alios Fideles, ita & seipsum in foro Pœnitentiali subiiciendi, cui voluerit Sacerdoti.

An, & quomodo Papa in foro externo se possit alteri subiicere, vide suprà Tract. 7. Exam. 1. num. 22.

**QUÆRO III.** Regulares, ut validè approbentur, debentne a Superioribus præsentari Episcopo? Et hic potestne eorum approbationem limitare, vel revocare?

**LXVI. Resp. 1.** Quòd Religiosi cum sola suorum Superiorum licentia suis familiaribus, seu qui sunt de familia, & famulis in eorù servitiis, & Monasteriis habitantibus, hoc Sacramentum, & alia omnia in Pœnate, & articulo mortis, vi suorum privilegiorum possint ministrare, patet suprà Tract. 12. Exam. 4. n. 48. R. 7.

**Resp. 2.** Dominicani, idem est de aliis Regularibus, nisi a Superioribus suis sint Episcopo præsentati, non absolvent validè alios extraneos, etsi ab Episcopo licentiam habeant. Ita patet in nostris Constit. dist. 2. c. 12. Et ex Clement. *audum da Sepult.* in 6. in qua expressè dicitur, quòd Regulares ad finem audiendi Confessiones Sacularium debent præsentari per Superiores, & non aliter. Ergo sine præsentatione nulliter audiunt Confessiones.

Idem clarè constat ex Constitutione Julii III. 1553. expedita ad instantiam Generalis Ord. Præd. quæ habetur in nostro Bullario Stephani Ususmaris, in qua dicitur: *Immunitates a præceptis, & aliis exemptionibus personales, & absque suorum Superiorum licentia Confessores eligendi, tam Sacularium, quàm Regularium Confessiones au-*

*diendi, & alias similes gratias, &c. absque tua, aut Superiorum suorum consensu concessas, &c. dicta Auctoritate Apostolica revocamus, & cassamus.* Porro hæc præsentatio juxta proxima, vel sit personaliter, vel (ex rationabili causa) scripto. Quod idem videri potest in nostro Pontana, Verbo, *Confessor secularium.* Est ergo illa præsentatio *conditio sine qua non.* Potest tamen sufficere tacitus consensus Superioris, ut si Religiosus in uno loco approbatus, mittatur alio, & transeat per locum, ubi Episcopus residet, & se præsentet.

**Resp. 3.** De nostrorum Examine Constitutiones nostræ loco citato ante Lit. B. severè disponunt: prout videre est suprà Tract. 1. num. 6.

**Resp. 4.** Dicta præsentatio Dominicanis ita est necessaria, ut, si semel sint Episcopo a Superioribus præsentati, & ab eo expressi; postea verò a suis Superioribus legitime, & per sententiam judicialiter latam ab audientia Confessionum suspendantur, non absolvent valide, si quid attentent. Ita de la Cruz probat ex Privilegio Leonis X. 1515. nostro Ordini concessio.

Dixi, *judicialiter*, si enim alicui prohibeatur solum extrajudicialiter, seu simpliciter prohibitione, peccat quidem audiendo, tamquam inobediens, absolutio tamen est valida. Quia privare aliquem officio (uti etiam est Confessoris) est inter pœnas graviores, quæ non infliguntur nisi convicto, & per sententiam judicalem.

**LXVII. Resp. 5.** Episcopus Religioso legitime præsentato, & per examen idoneo reperto sine justa causa approbationem denegans, peccat graviter, & quidem contra justitiam in probabiliore, & communi DD. Sententia.

*Ratio:* Talis approbatio non est mera gratia, sed est auctoritativa declaratio, ac testificatio sufficientiæ, seu idoneitatis ad obeundum munus Confessarii: Sed tale testimonium viro idoneo reperto, qui supposita approbatione, ex Apostolicæ Sedis Privilegio quorumcumque Fidelium Confessiones audire potest, debetur ex justitia, hoc enim videtur esse tacitum mandatum Papæ privilegiantis. Ergo.

**Resp. 6.** Religiosus Episcopo præsentatus, & injustè reprobatus non absolvit validè. Constat: Quia inter Propositiones ab Alexandro VII. damnatas est etiam hæc num. 14. Satisfacit præcepto annuæ confessionis, qui confitetur Regulari, Episcopo præsentato, sed ab eo injustè reprobato.

**Resp. 7.** Probabilior, & communior DD. Sententia est, quòd Episcopus approbationem semel Religioso justè concessam non possit revocare, nec semel legitime approbatum ad examen sine justa causa revocare.

*Ratio:* Nemo sine justa causa est deturbandus ex possessione sui juris: Sed talis Regularis per

per testimonium authenticum idoneitatis ei datum est in possessione sui Juris. Ergo.

Idem patet ex Bulla S. Pii V. quæ incipit, *Romani Pontificis*, in qua dicitur: *Voluimus tamen eos, qui semel ab Episcopo in Civitate, & Diœcesi prævio examine approbati fuerunt, ab eodem Episcopo iterum non examinari. Ab Episcopo autem successore præ majori conscientia sua quiete examinari de novo poterunt.*

Si tamen prodeat nova iusta causa dubitandi de alicuius Confessoris fufficientia, ut siactus aliquos indignè fecerit, vel si viri fide digni ita noverint per experientiam; vel si in primo Examine non adeo bene subfleret, sed ex necessitate, & ad certum tempus fuerit admissus, etiam ab eodem Episcopo, a quo fuit primò approbatus, de novo examinari potest.

**LXVIII. Resp. 8.** Nullo pacto possunt Locorum Ordinarii omnibus simul unius Conventus Regularibus Confessariis facultatem Confessiones audiendi adimere. Ita statuit sacra Congregatio 1615. 20. Novemb.

**Resp. 9.** Episcopus non potest alicuius Regularis (qui generaliter idoneus repertus est) approbationem restringere ad certum tempus, vel personas.

Ita statuit Sacra Congregatio 1587. his verbis: *Regulariter, qui ad Confessiones audiendas idonei generaliter ab Ordinariis, eorumque Examinatoribus reperti, & probati fuerint, generaliterque, & indistinctè abique limitatione temporis, certorumque locorum, aut generis personarum admittantur in Diœcesi propria, &c.*

**Resp. 10.** Si Episcopus ex iusta causa v.g. ob defectum scientiæ pro Mercatoribus, &c. Regularium approbationem restringat, valet restrictio, nec Regularis ultra illam validè absolvere potest. Similiter si ex iusta causa solum sit approbatus pro parte Diœcesis, non potest validè absolvere in alia ejus parte.

**Ratio:** Episcopus ex iusta causa potest Regulari sibi præsentatum absolūtè non approbare. Ergo a fortiori potest ex rationabili causa ejus approbationem restringere.

**Resp. 11.** Regulares semel absolūtè, seu sine limitatione expositi, si ab illa Diœcesi amoveantur, & postea redeant, non tenentur se iterum præsentare eidem Episcopo. Ut concessit Eugenius IV. immò nec Successori licentias eorum non revocant. Idem est de quovis alio Confessore sæculari, ait la Cruz.

**Resp. 12.** Licet Parochus, seu Sacerdos habens beneficium parochiale in aliqua Diœcesi (quamdiu illud tenet) censetur approbatus pro omnibus aliis Diœcesibus, in iisque Confessiones audire, & absolvere possit, modò jurisdictionem accipiat; secus tamen est de Regulari, aut eo, qui Beneficium parochiale non habet, huic enim in alia Diœcesi nova il-

lius Episcopi approbatio est necessaria.

**Ratio 1. p.** Quia in Trid. is, qui habet Beneficium parochiale, approbatur, seu judicatur idoneus. Ergo.

**Ratio 2. p.** Quia Trid. loquens de Sacerdote non Parocho etiam Regulari, dicit, quod debeat idoneus judicari ab Episcopis (loquendo in plurali) id est, a quovis Episcopo in cujus Diœcesi Confessiones vult excipere. Ergo.

Nota tamen, certum esse, quòd Regulares vi suorum Privilegiorum in Diœcesi, pro qua sunt approbati, possint absolvere quoscunque extraneos ex aliis Diœcesibus adventantes.

De his plura in sequentibus.

**QUÆRO IV.** Quid causes de Confessario Monialium?

**LXIX.** Ante R. nota, quòd præter virtutes suprà Tr. 1. n. 10. in quovis Confessario requisitas, in eo, qui Monialibus datur, maxime relucere debeat discretio, gravitas, ac maturitas tum morum, tum & ætatis: ut spiritali eorum profectui in via Dei consulere possit, ad quod omninò necessarium est, ut in Monialium Statutis apprime versatus sit, alioquin enim respeduearum Doctores, Medici, & Judicis officio fungi minimè poterit, cum tamen teneatur. Præterea in statu, habitu, & omnibus motibus suis, conversatione cum ipsis, in discursibus &c. valde sit circumspexus, ne quas docere debet verbo, & exemplo, scandalizet inordinato discursu, interdum in devoto sermone lexu Confessionis agili fractionis suspensionem excitante. Spiritum pacis eis prædicet, schismata impediat, ac tollat, qua de re ipse Confessarius omni partialitate, & singulari erga hanc, vel illam familiaritatem (quæ contemptum parit) eliminat, omnibus eamabilem præbeat. Cæterò quoniam inter Virgines, & Sorores erit Martyr, qui meritò optaret inter suos Fratres esse Confessor. Scire pariter debet casus Claustrum concernentes, in quibus violari soleat, & in quibus, ac quo comitatu ipse eam salva conscientia ingredi possit. De Clausura vide suprà Tr. 6. Exam. 3. nu. 73. & seq. Similes respedive qualitates in Confessarii socio necessariæ sunt. Hoc notato

**LXX. Resp. 1.** Licet jure antiquo ante Bullam *Inscrutabili* a Gregor. XV. 1522. Nonis Februarii editam approbatio Confessariorum Ordinariorum, & Extraordinariorum Monialium spectaverit ad proprios earum Prælatos, quibus subfuit, attamen ubi hæc Bulla est recepta, approbari debent ab Episcopo. Verba Bullæ sunt hæc.

Confessores verò five Regulares, five Sæculares, quomodocunque exempti, tam Ordinarii quam Extraordinarii ad Confessiones Monialium, etiam Regularibus subiectarum, audiendas nullatenus deputari valeant, nisi prius ab Episcopo Diœcesano idonei judicentur.

& approbationem, quæ gratis concedatur, obineant. Hæcibi.

Ubi verò hæc Bulla non est in usu (sicut reverà in variis Germaniæ Locis non est, & fortè ob Dioecesum amplitudinem, Ordinariorum distantiam, Monialium copiam, casuum frequentiam, commodè esse non potest: de quo Ordinum Superiores Confessarium posituri, & ipse Confessarius se informare debent) suum vigorem adhuc videtur habere usque antiquum. Nam a jure, Constitutione, & consuetudine antiqua non est recedendum, nisi quatenus per novam reperitur contrarium usu receptum. Cap. de Constit. in 6. usus enim optimus Legum interpres est.

Ex quibus patet, quòd Episcopus Monialibus Religionis exemptæ non possit assignare Confessarium prout sibi libet, sed tantum aliquem ab Ordine præsentatum; licet contra hunc, aut illum excipere possit, si justam causam habeat.

*Resp. 2.* Confessario Ordinario tenentur omnes Moniales confiteri, non tamen Extraordinario.

*Ratio 1. p.* Confessarius ordinarius Monialium censetur deputatus loco Parochi: Sed de jure (cap. *Omnia utriusque*) omnes Parochiani tenentur confiteri Parocho. Ergo.

*Ratio 2. p.* cum Donato nostro: Quòd Monialibus detur Confessor extraordinarius, est beneficium, favor, & gratia: Sed nemo cogitur beneficio uti, quia non confertur in invitum. L. *in viro*. 70. de Reg. Juris, & quilibet potest cedere suo favori. Ergo.

*Opposito* contra 2. p. Concil. Trident. citandum ait: *Qui omnium Confessiones audire debeat.* Ergo.

Hoc dictus Auctor bene explicat, quòd ly *audire debeat* se tenere ex parte Confessoris, si nimirum omnes ei velint confiteri, non ex parte Monialium.

**LXXI.** *Resp. 3.* De Extraordinario Trid. Sess. 15. c. 9. sic statuit: *Præter ordinarium autem Confessorem alius extraordinarius ab Episcopo, & aliis Superioribus his, aut ter in anno offeratur, qui omnium Confessiones audire debeat.* Debet autem offerri in Communi, non autem in particulari, ut declaravit S. Congregatio 1593. 10. Martii.

*Resp. 4.* Confessarii etiam Regulares generaliter ab Episcopo pro Confessionum audientia approbati, non eo ipso sunt approbati pro Monialibus. Et approbatus pro uno Monasterio, non eo ipso est approbatus pro altero: & approbatus pro semel, non eo ipso est approbatus ad pluries audiendas Confessiones Monialium, etiam ejusdem Monasterii. Ita declaravit S. Congreg. super dictam Bullam Greg. XV.

*Resp. 5.* Juxta illam Bullam nec ipse Generalis sine licentia Episcopi potest absolvere sacramentaliter Moniales sui Ordinis.

*Ratio:* Quia Bulla loquitur indistinctè neminem excipiens. Ex ita, ut refert Gavantus, declaravit S. Congr. 1627. 13. Novemb.

Nota, quòd Superiores non debeant poni, ut Confessarii Monialium, etiam sui Ordinis, nec sint eligibiles ad id, prout juxta Barbofam etiam declaravit S. Congregat. 1615. eò quòd hæc officia videantur esse incompatibilia, Moniales enim suum Confessorem nimis frequenter occupant. Sed hoc non videtur ubique usu receptum. Videmus enim in quibusdam locis Superiores agere Monialium Confessarios, uti & Parochos, ac Religiosos alterius Ordinis eodem officio fungi, cum tamen Parochi sufficienter etiam occupentur in Parochialibus.

*Resp. 6.* Moniali in mortis articulo exilenti, & petenti, potest ab illis, quorum est Confessarius deputare concedi specialis Confessarius, qui Clausuram intret, & eam audiat. Immo & extra illum articulum, si gravis, & justa causa suadeat; attamen extra Clausuram, v. g. in parlatorio, vel simili loco.

*Ratio:* Quia tanta necessitas Legem non habet, & gravis causa a Superioribus judicata excusat.

**LXXII.** *Quomodo tempore Jubilæi Monialibus datur Confessarius?*

*Ad hæc* noiter Donatus tom. 4. tract. 17. qu. 31. dicit, quòd tempore Jubilæi Moniales soleant congregari ab Abbatissa, & interrogari, quos Confessarios libenter acceptent? sicque nominant duos, tres, aut quatuor, qui deinde proponunt Ordinario, & in specie approbantur ab illo: qui, si eos idoneos inveniat, facilis sit ad concedendum, ne ardeat viam salutis.

Dentur autem in Communi, & non in particulari.

Attendant consuetudo loci, seu Monasterii.

**LXXIII.** *Moniales Episcopo subjecta tenentur casibus generaliter ab eo pro Dicoecesi reservatis?*

*Dico:* Probabilius est, teneri.

*Ratio:* Lex generaliter loquens generaliter debet intelligi de omnibus subditis. Et patet a pari: Quia Ordinationes, & acta in Capitulis Generalibus, vel Provincialibus facta, etiam Moniales ejusdem Ordinis comprehendunt, quantum ipsas afficere possunt.

**LXXIV.** *Potestne Episcopus etiam respectu exemplarum aliquos casus sibi reservare?*

Probabilius *Affirmo*, sic ut Regulares virtute privilegiorum non possint ab iis absolvere.

*Ratio:* Tum quia in Trid. Sess. 25. de Regul. c. 5. Episcopis locorum datur facultas censuris, aliisque poenis compescendi inobedientes, & contradiatores circa Clausuram Monialium, Tum etiam, quia id possunt Episcopi tanquam dele-

delegati Apostolici, etiam quoad quosdam casus expressos in dicta Bulla *Inscrutabili*.

**LXXX.** *Quis Moniales a reservatis potest absolvere?*

**Dico 1.** Si non sint exemptæ, absolvuntur ab Episcopo; si exemptæ sint, absolvuntur a Superiori Ordinis sui.

In quibus casibus, etiam Papalibus, id possit Prælati Regularis, a pari patet de absolute Religiosorum subditorum supra Tract. 7. Exam. 3. nu. 52. Hinc Monialium Confessor in omnem eventum de generali licentia sui Superioris sibi providere deberet.

**QUÆRO V.** Debetne Confessio fieri proprio Sacerdoti?

**LXXVI.** Ante R. nota, eos dici subditos alicuius Diœcesis, vel Parochiæ, qui in ea domicilium habent perpetuo, vel ad tempus saltem, ut Studiosi, Milites præsidarii, Mercatores, & similes ex industria per notabile tempus manentes, sicut enim sunt quasi incolæ, & acquirunt domicilium: si enim quies maneat diu præterintentionem, vel adit recreationis gratia, vel ad exercenda ruralia, simpliciter manet pertinens ad Parochiam loci, a quo recessit. Ceterum si quis pro diverso anni tempore habitet in duabus Diœcesibus, vel Parochiis, non habet tot Episcopos, vel Parochos quot domicilia, sed pro uno tempore habet unum Parochum, nimirum illum in cuius Parochia actualiter habitat. Quia iurisdicção fori Pœnitentiæ sequitur solum ad domicilium, ut habet adjunctam actualement habitationem. Hoc notato

**Resp. 1.** Ex iure divino tenemur confiteri proprio Sacerdoti, aut alteri de licentia proprii Sacerdotis. Ita patet clarè in Concil. Lateran. c. *omnis utriusque sexus*. Ubijuxta Concil. Trident. nihil additur supra jus divinum, nisi sola determinatio temporis, Confessionis nimirum ad minus semel in anno.

Quis sit proprius Sacerdos, aut Minister Ordinarius Confessionis, vide num. 63. in hoc Exam.

**Resp. 2.** Satisfaciunt præcepto annuæ Confessionis, quæ communiter fit in Paschate, qui confitentur Mendicantibus. Ita probat consensus totius orbis.

**Ratio:** Quia habent licentiam a summo Sacerdote, seu Pontifice.

**LXXVII.** **Resp. 3.** Vagabundi, v.g. mendici, & Peregrini, ut Mercatores, possunt confiteri Paracho loci, ubi sunt, vel cuius Sacerdoti pro eo loco legitime exposito.

**Ratio:** Tum ne diu priventur tam salutari animæ remedio. Tum etiam, quia non est major ratio, quare huic potius, quam alteri Paracho sint subditi.

**LXXVIII.** **Resp. 4.** Proprius Parochus potest suos Parochianos audire, & absolvere etiam ex

*Tribunal Confessoriorum.*

tra suam Parochiam, & Diœcesim, non tamen Religiosi incolas suæ Diœcesis extra eam.

**Ratio 1. p.** Iudex Ordinarius iurisdictionem, quæ sine externo strepitu iudicii exercetur, potest in suum subditum exercere extra proprium territorium: Sed talis est iurisdicção fori interni. Ergo.

**2. Pars** de facto est certa. Nam Bulla Clementis X. edita 1670. 11. Calend. Julii, quæ incipit, *Superna*, expressè statuit, *Regulares ab Episcopo ad Confessiones Sacularium in sua Diœcesi audiendas approbato, non posse in alia Diœcesi eas absque Episcopi Diœcesani approbatione audire, quamvis pœnitentes subditi sint ejus Episcopi, a quo ipsi Religiosi jam fuerunt approbati.*

**LXXIX.** **Resp. 5.** Quinam possint sibi eligere Confessorem, statuitur c. ult. *de penis. & absol.* Permittunt Episcopis, & aliis Superioribus, nec non minoribus Prælati exemptis, ut etiam præter sui Superioris licentiam providum, & discretum possint sibi eligere Confessarium. Isti autem sunt Abbates exempti, Ordinum Generales, Provinciales, & Superiores locales. Secus est de Abbatissis, Priorissis, &c. nisi specialiter eis sit concessum ab illis, qui id concedere possunt.

Parochis, aliisque Sacerdotibus Sæcularibus idem licet, non quidem iure aliquo in Canonibus expresso, sed Ecclesiarum consuetudine est introductum, ut confiteri possint cuius semel legitime approbato, & exposito, saltem dum non est copia alterius Confessarii pro ea Diœcesi expositi, eò quod, utpotè in variis locis sacrificantes, hæc facultas eis necessaria esse videatur, & concessa ex tacito consensu Episcoporum, ac Superiorum scientium eos promiscuè sibi eligere Confessarios, & non contradicentium.

**Dixi, legitimè approbato, &c.** Quia inter Propositiones ab Alexandro VII. damnatas est etiam hæc num. 16. *Qui beneficium curatum habent, possunt sibi eligere in Confessarium simplicem Sacerdotem, non approbatum ab Ordinario.*

**LXXX.** **Resp. 6.** Post Concil. Trid. Parochus non potest simplicem Sacerdotem ab Episcopo non approbatum assumere ad audiendas ovium suarum Confessiones: bene tamen alium Parochum ejusdem Diœcesis.

**Ratio:** Quia Trid. expressè vult, quod Sacerdos ab Episcopo debeat judicari idoneus, vel habere Beneficium parochiale. Et de Paracho id patet ex praxi varium Diœcesum.

**Resp. 7.** Menti Concilii Trid. conformior, adeoque verior est sententia asserens, Confessario, ut valide absolvat, necessariam esse approbationem illius Episcopi, in cuius Diœcesi vult audire Confessiones.

Ex quo Sequitur, quod Parochus pro suarum ovium Confessionibus excipiendis non

possit assumere Sacerdotem in aliena Diœcesi expositum, etiam Regularem.

*Ratio:* Quia Trid. expressè requirit examen ab Episcopis factum, loquens in plurali.

Recolligendum tamen hic ex dictis suprà in hoc Exam. nu. 63. *Resp.* 2. ad Q. 2. approbationem esse duplicem, nimirum tacitam, & expressam, & tacitam sufficere. Hinc Gobat Casuilla celeberrimus in sua Theolog. experiment. Tr. 7. num. 58. scribit, non videri improbandum usum in variis Diœcesibus receptum, ut nimirum Religiosi mendicantes approbati ab uno Episcopo censeantur tacitè approbati ab aliis Episcopis, ad quorum Diœceses mittuntur, quamvis illi non contradicunt, dum contradicere possunt. Possem ego (ait) plurimos præsertim Germaniæ Episcopatus nominare, in quibus ea viget notoria consuetudo, sive ob Diœcesium amplitudinem, Cœnobiorumque a Sede Episcopali distantiam, sive aliis de causis istorum locorum propriis.

Similiter dantur loca miraculis clara a Regularibus inhabitata, ad quæ diversarum Diœcesium Parochi cum suis Parochianis processionallyter conveniunt: soli autem Religiosi illius loci pro totæ pœnitentibus non sufficiunt. Hinc & Parochi non solum suarum, sed & alienarum omnium Confessiones promiscuè excipiunt. De quo casu idem Gobat bene resolvit, non esse movendum scrupulum inter Sacerdotes, utpote pœnitentibus longa, continua, notoria consuetudine utiq; non ignorata omnibus Ordinariis, ac proinde saltem tacitè approbata, seu necessitate quadam morali extorquente, vel impetrante consensum expressum, vel tacitum Ordinariarum, manifestum tam diuturna dissimulatione. Subdit, fore tutissimum, & consultum, si præfules talium locorum peterent expressè a Reverendissimis DD. Ordinariis approbationem.

Noster Corradus in calce primæ partis adducit privilegium Eugenii IV. qui concessit, Confessarios Ordinis nostri (per communicationem etiam alios Regulares) in itinere existentes, vel alibi, non potentes commodè petere casus Episcopales, tunc posse plenariè uti auctoritate Episcopali. Item Greg. XIII. concessit Religiosis Societ. Jesu (aliis per communicationem) ut semel approbati, & expositi, quando itinerantur per alias Diœceses, possint ibi audire Confessiones Fidelium. Sed quia plures sunt DD. qui sentiunt hæc privilegia esse revocata, nollem in eis opinionem meam fundare, præsertim post decretum Urbani VIII. editum 1628. quo revocavit omnia privilegia, & facultates, si quæ fuerunt data ad audiendas Confessiones sine examine, & approbatione Episcoporum Diœcesanorum. Unde communiter docent Auctores, ne quidem virtute Bullæ Cruciate posse eligi Confessarium non approbatum in Diœcesi, in qua Confessiones debet

audire, licet sit approbatus alibi.

Neque contrarium fuitur ex Clementina *Dudum. de sepel.* Nam in ea Religiosis non datur facultas audiendi Confessiones ubique, id est, in omnibus Diœcesibus, sed ubique in illa Diœcesi, ad quam præstantur, aut in locis valde vicinis illi Diœcesi, in quibus indulgetur, quod possint audire Confessiones subditorum ejus Episcopi, a quo fuerunt approbati.

LXXXI. *Quid significat illa clausula (de consensu Parochorum)* quæ solet inferi testimonio approbationis data Regularibus?

*Dico:* Non credo, quod Ordinarii eam Clausulam tam strictè sumant, ut velint Confessiones absque Parochi consensu a Regulari exceptas esse nullas, sed tantum velle moneri Confessarium, ut Parochi loci deferat debitum respectum, petendo ejus consensum, ne pax turbetur vel eum postea informet. De quo vide Bullam Clementis X. §. 4. in fine, infra n. 87.

LXXXII. *Potesne* quilibet Sacerdos etiam non approbatus absolvere a venialibus?

*Dico:* Supposito decreto Innocentii XI. certa est negativa sententia.

*Ratio:* Tum quia licet venialia sint materia libera Confessionis, nec teneamur ea confiteri, dum tamen quis ea confitetur, sunt materia apta hujus Sacramenti, seu absolutionis: Sed absolutio requirit Ministrum ab Episcopo idoneum judicatum. Ergo. Tum etiam, quia sæpè ignorat homo, quæ peccata certò sint venialia, & quæ dubiè.

Hinc sacra Congregatio 1679. die 12. Febr. in decreto, cujus suprà de Communionem quotidiana mentio facta fuit, ita statuit: Episcopi non permittant, ut venialium confessio fiat simplici Sacerdoti, non approbato ab Episcopo, aut Ordinario. Si Parochi, & Confessarii etiam Regulares, aut quicunque alii Sacerdotes secus egerint, sciant Deo Optimo Maximo rationem reddituros esse: neque defuturam Episcoporum, & Ordinariarum justam, ac rigorolam animadversionem in contravenientes, etiam Regulares, etiam Societatis Jesu, facultate ipsius Episcopis, & Ordinariis per hoc decretum per Sedem Apostolicam specialiter attributa. Hæc ibi.

QUÆRO VI. Quid judicas de Confessariis Regularium?

LXXXIII. *Resp.* 1. Confessarius Regularium (exceptis Monialibus, de quibus suprà) non indiget approbatione Episcopi, sed insinuitur a suis Prælati Jurisdictionem quasi Episcopalem in suos subditos in utroque foro habentibus, v. g. a Generali pro toto Ordine: a Provinciali pro Provincia: a Priore Conventuali pro suo Conventu: nisi tamen alicujus Ordinis Statuta aliter ferant.

*Ratio:* Quia Prælati Regulares id poterant ante Trid. & hoc Concil. jus illud commune anti-

antiquum in hoc puncto non mutavit: statuit enim Sess. 23. de Reformatione. c. 15. nullum etiam Regularem posse Confessiones Sæcularium, etiam Sacerdotum, audire, &c. nisi, &c.

*Resp. 2.* Prælati Regularis potest taxare pœnitentiam a Confessario imponendam pœnitenti Religioso sibi subdito pro certis peccatis, si ve reservata sint, si ve non.

*Ratio:* Quia in tali causa est Iudex ordinarius. Et patet ex Constitutione Clement. VIII. super calum reservatione, prout habetur in fine Prologi Constitutionum nostrarum.

*Resp. 3.* Religiosi itinerantes, aut quomodolibet ex Prælati obedientia extra Conventum missi (nisi propria Regula, seu Statuta id vellent) possunt cuivis extraneo Sacerdoti si ve seculari si ve regulari, aliàs legitimè exposito, de licentia suorum Superiorum confiteri, si Confessarium Ordinis sui habere non possint, & fiat sine fraude, & Prælato significetur; si verò Confessarium Ordinis sui habere possint, confessio est nulla. Ita de Dominicani clarè patet ex nostris Constit. dist. 1. c. 14. Lit. C.

Quo in casu licentia expressa est quidem optima, sufficit tamen tacita, præsumpta, ac interpretativa.

*Ratio;* Qui concedit facultatem peregrinandi, censetur concedere omnia, sine quibus peregrinatio commode fieri nequit: Sed Religioso extra Conventum cum licentia existentis, & Ordinis Confessarium habere non valenti, valde incommodum esset, tamdiu manere privatus tam salubri salutis remedio. Ergo.

In dicto casu facultas Religiosorum absolvendi datur ex Pontificio Privilegio eligendi Confessarium, ut patet ex nostris Constit. loc. cit.

LXXXIV. *Resp. 4.* Illi extranei Confessarii non possunt Religiosos absolvere a casibus reservatis.

*Ratio;* Tum quia casus speciales, uti sunt, qui reservantur, non veniunt in confessione generali nisi exprimantur: Tum etiam, quia Confessarii extranei non possunt plusquam intranei, seu Ordinis: Sed hi non possunt. Ergo nec illi.

*Resp. 5.* Si Confessarius Ordinis Mendicantium, etiam ab Episcopo approbatus, veniat ad Monasterium alterius Ordinis, cuius Fratraliquis petit dicto Confessario confiteri, si ne expresso consensu Prælati non potest ex consensu præsumpto eum absolvere, nisi sciente, & non contradicente Prælato ibi passim ita prædicatur.

*Ratio:* Etsi enim possum præsumere, quòd Prælati libenter videat profectum spiritualem suorum subditorum, possum tamen etiam potius præsumere, eum non consentire, eò quòd ea ratione vel Religio possit infamari, vel disciplina, ac Religiosa pax turbari.

*Resp. 6.* Religiosus unius Ordinis, v. g. Prædicatorum, cum licentia degens, nempe Lequæ gratia, in Conventu alterius Ordinis, in defectu Confessoris Ordinis sui, cum licentia præsertim sui Superioris, potest absolvi a Confessario alterius Ordinis, cui convivit, qui non ab Episcopo sed a Prælato illius Conventus pro suis Religiosis est expositus.

*Ratio:* Nam ex una parte Trident. in citat. Decreto requirens approbationem Episcoporum, non comprehendit Confessarios Regularium sed clarè *Saculares etiam Sacerdotes* tantum: Ex alia verò parte Religiosi a Superioribus non restringuntur ad Confessarios ab Episcopo approbatos (alioquin indubiè non possent) ergo nec a nobis restringi debent.

*Resp. 7.* Si duo Sacerdotes simplices Regulares ejusdem Ordinis simul cum licentia itinerentur, habita copia Confessoris extranei legitimè expositi, non possunt sibi invicem confiteri (excepto casu necessitatis) nisi licentia extra Conventum manendi eum tacitum Superioris consensum imbibe videatur. Patet ex dictis. Consideranda tamen sunt cujuslibet Ordinis specialia Statuta.

Nota, tacitum illum consensum posse præsumi, si ita prædicetur scientibus Superioribus, & uterque de se sit habilis: secus præsumi non posse: in nostro Ordine id non prædicatur.

LXXXV. *Resp. 8.* Probabilius, & tutius est, quòd Prælati Professi Clerici (id est, non Sacerdotes) Ord. Prædicat. in Conventu morantes, non possint validè absolvi nisi ab illo Confessario, qui eis a Superiore ex gremio assignatur.

*Ratio:* Quia in Constit. nostris dist. 1. c. 14. lit. C. sic dicitur; *Fratres nostri non possunt sua peccata confiteri ulli Sacerdoti, etiam Fratri Ordinis nostri, absque suorum Prælatorum licentia:* Cùm ergo in Ordine nostro iam in oris sit, ut Sacerdotes nostri libere possint confiteri cuivis Patri legitimè exposito, Fratribus Clericis verò (idem est de Laicis) detur specialis Confessarius, nimirum Magister Novitiorum, & in quibusdam festis per annum alius Extraordinarius, qui post Generalem, & Provincialem a solo Priore deputari potest; Certum videtur, quòd aliorum Confessoriorum potestas, quoad Fratres, sit limitata.

Hæc Sententia in praxi est sequenda, ut potè perquam multa inconvenientia, & mala, peccandi occasiones, ac periculum, & Regiminis turbatio evitantur; & conscientiaè molius consulitur.

Dixi in R. 8. *Fratres Professi.* Quia puri Novitii possunt a quovis exposito validè absolvi, cum enim nondum sint veri Religiosi, nondum tenentur lege coactiva Religionis,



sed tantum pena ejectionis ex Ordine, quia Religione dignus non est, qui ejus Statuta (vi quorum ei ponitur specialis Confessarius) servare recusat. Ubi

Nota, quod Novitii non possunt excommunicari a Prelato Religionis ob rationem datam; nec ab Episcopo, utpote a cujus jurisdictione sunt exempti. Item gaudet Privilegio fori, & Canonis, possuntque per Praelatos suae Religionis absolvi a casibus reservatis etiam Papa libus, illis nimirum, a quibus Praelatus alios suos absolvere potest.

Cum plura haecenus dicta sint de Confessariis Regularibus praesertim Monialium, pro eorum confirmatione necesse fuit hic adungere Summam Decreti Clementis X. de privilegiis Regularium, editi 1670. quod incipit *Superna*, in quo ita statuitur.

LXXXVI. §. 3. Regulares, qui in Ecclesiis sui Ordinis praedicare voluerint, teneri ab Episcopo Diocesano benedictionem petere; praedicare tamen posse, quamvis illam non obtinuerint. Quod si Episcopus benedictionem nedum non concesserit, sed etiam contraxerit, nec in praedictis quidem Ecclesiis licere Regularibus praedicare, eo quod contravenientes ab illo tamquam Sedis Apostolicae delegato censuris, aliique penis Ecclesiasticis in vim Constitutionis felicitis record. Gregorii XV. Praedecessoris nostri, incipientis: *Inscrutabili Dei providentia*, coerceri, & puniri posse. Episcopum tamen absque iusta, & rationabili causa contradicere non debere, & huiusmodi benedictionem teneri etiam Regulares petere, si in quibuscumque Oratoriis sui Ordinis sermonem coram populo, vel in Ecclesiis, aut ad Crates Monasteriorum Sanctimonialium, eorum Jurisdictioni subiectarum, licet clausis januis, & nullus secularis ibi inter sit, habere voluerint. Posse autem Episcopum licentiam concessurum Regularibus in Ecclesiis, quae suorum Ordinum non sunt, praedicare volentibus illos, quamvis ab Universalitatibus, aut Magistratibus Laicis nominatos, etiam si Episcopi Antecessores per tempus immemorabile hanc licentiam absque examine cedere consueverint, quoad doctrinam examinare, si ita ipsius arbitrio, quod moderatum, & discretum esse debet, visum fuerit, & licentiam praedicandi semel iisdem concessam ob rationabiles causas, licet occultas, praedicationem tamen concernentes, suspendere, non tamen posse Episcopum generatim prohibere Regularibus, quin in Ecclesiis suorum Ordinum praedicent.

LXXXVII. §. 4. Ad haec Religiosos, ab Episcopo ad Confessiones Secularium in sua Diocesi audiendos approbatos, non posse in alia Diocesi eas absque Episcopi Diocesani approbatione audire, quamvis Penitentes subditi sunt ejus Episcopi, a quo ipsi Religiosi jam fuerant ap-

probati, & generaliter approbatos ab Episcopo ad personarum Secularium confessiones audiendas, nequaquam censeri approbatos ad audiendas Confessiones Monialium sibi subiectarum, sed egere quoad hoc speciali Episcopi approbatione, atque approbato pro audiendis Confessionibus Monialium unius Monasterii, minime posse audire Confessiones Monialium alterius Monasterii. Idemque Confessores extraordinarios semel deputatos, atque approbatos ab Episcopo ad Monialium Confessiones pro una vice audiendas, haud posse expleta deputatione in vim approbationis huiusmodi illarum Confessiones audire, sed toties ab Episcopo esse approbandos, quoties casus deputationis contigerit. Ceterum in Monasteriis, ac etiam Collegiis, ubi juxta Regularia Instituta vivitur, posse tam Praelatos Regulares, quam Confessores Regularium eorumdem Monasteriorum, seu Collegiorum, audire Confessiones illorum Secularium, qui inibi sunt verè de familia, & continui Commensales, non autem illorum, qui tantum ipsis deserviunt; Illos autem Religiosos, qui ad confessiones audiendas idonei generaliter reperti fuerint, ab Episcopo generaliter quoque & distinctè absque aliqua limitatione temporis, certorumque locorum, aut generis personarum in Diocesi propria admittendos: quoad ceteros verò, qui non adeo idonei repertiuntur, si petierint se admitti, arbitrio Ordinariorum relinqui, ipsos cum limitata facultate; prout eidem Ordinariis magis expedire videbitur, probare, & admittere, semel autem simpliciter approbatos posse in Diocesi Episcopi approbantis, quovis anni tempore, etiam Paschali, & quorumcumque etiam infirmorum Confessiones audire absque ulla Parochorum, vel ipsius Episcopi licentia: de qua tamen Confessione teneri dictos Religiosos eorumdem infirmorum Parochum illico certiorum reddere. Et hoc posse illi ab Episcopo sub pena suspensionis a facultate audiendi Confessiones, praecipui: sufficere tamen, ut certioratio huiusmodi fiat saltem per scripturam apud ipsum infirmum relinquendam.

LXXXVIII. §. 5. Et eos, qui dictis Religiosis simpliciter approbatis Paschali tempore confessi fuerint, constitutioni, *qua incipit*, Omnis utriusque sexus, quoad Confessionem dumtaxat satis fecisse censendos: Regulares verò ad ejusmodi Confessiones audiendas praevis examine simpliciter, & absque ulla temporis praefinitione ab ipsomet Episcopo: secus autem ab ejus Vicario, aut ab Antecessoribus Episcopis approbatos non posse ab eodem, qui sic approbavit, iterum examinari, aut ab eisdem Confessionibus audiendis suspendi, seu licentias illi concessas revocari, nisi nova superveniente causa, quae ipsas Confessiones concernat: de qua tamen haud necessarium esse, ut in actis constet, nec eam teneri Episcopo-

scopum, ipsis Regularibus significare, sed Sedi Apostolicæ dumtaxat: ubi eam sibi aperiri postulerit.

§.6. Porro si Regulares cum scandalo, aut aliâs inhonestè vivant, vel aliquod didum committant, per quod rationabili Episcopi iudicio videantur a Confessionibus suspendi, in quo ipsius Episcopi conscientiam oneratam esse volumus, cum præcipua Ministri Sacramenti Pœnitentiæ qualitas sit vitæ integritas, ac morum bonetas, utique eam causam ad Confessionis ministerium pertinere, ac proinde nihil obflare, quò minus ob eam possit Episcopus Regulares a semetipso approbatos suspendere, aut repellere a Confessionibus audiendis, at tamen Confessiones audiendi facultatem omnibus simul unius Conventus Regularibus adimi ab Episcopo inconfluta Sede Apostolica nullatenus posse. Ex facultatibus *per Mare magnum*, aliæ privilegia, Regularibus cujuscunque Ordinis, Instituti; aut Societatis etiam Jesu, concessis, factam eis non esse potestatem absolvendi in casibus ab Episcopo sibi reservatis, & per confirmationes dictorum privilegiorum, quas Regulares a Sede Apostolica post sacrum Concilium Tridentinum obtinuerunt, nequaquam revixisse privilegia prius ab eodem Concilio, ac deinde Apostolicis etiam Decretis sublata, atque extincta, si quæ habebant, absolvendi a casibus Episcopo reservatis.

LXXXIX. §.7. Et habentes facultatem absolvendi ab omnibus casibus Sedi Apostolicæ reservatis non ideò a casibus Episcopo reservatis posse absolvere: posse autem regularem Confessorem in ea Diœcesi, in qua est approbatus, confluentes ex alia Diœcesi, a peccatis in ipsa reservatis, non autem in illa, ubi idem Confessor est approbatus, absolvere, nisi eosdem pœnitentes noverit in fraudem reservationis ad alienam Diœcesim pro absolutione obtinenda migrasse: Vigore supra dictorum privilegiorum nequaquam licere Regularibus, etiam satisfacta parte, absolvere pœnitentes a censuris quoad externum, & judiciale forum, & absolutos ab eis in foro pœnitentia, utique non censi absolutos in exteriori iudicio, & contentioso. Quinimò Censuris Ecclesiasticis irretritos, & denunciatos ab Episcopis cogi posse, gerere se pro talibus, etiam si a Regularibus fuerint absoluti. Quoties exhibitis aliquibus Regularium Apostolicis Privilegiis coram Episcopo, ab eo iudicetur ipsa non suffragari casui, de quo agitur, si dictorum privilegiorum verba obscura sunt, & ambigua, non esse ad Metropolitanum provocandum, sed cum ejus sit interpretari, cujus est condere, dictorum Privilegiorum interpretatione Sedi Apostolicæ iudicio, prout aliâs Constitutione prædecessoris nostri sel. record. Clem. IV. statutu

fuit, esse requirendum. Hæc ex illo Decreto. QUÆRO VII. Ad valorem Absolutionis sufficitne præsumpta rati habitio ejus, qui Jurisdictionem delegare potest?

XC. Ante R. Nota primò, delegationem jurisdictionis dupliciter posse fieri; Primò directè, & immediatè, quando nimirum delegans, sciens quid agat, verbo, vel scripto, aut alio quovis signo externo consensum suum ita exprimit, ut confessorius sufficienter cognoscat, se habere delegatam Jurisdictionem. 2. Mediatè, & indirectè, quando nimirum Pœnitenti conceditur facultas eligendi sibi Confessarium quemcunque idoneum, in quo tamen casu Confessarius non accipit suam jurisdictionem a pœnitente, sed Pœnitens tantum designat personam, cui hoc ipso, quòd eligitur, confertur jurisdictionis propriæ Sacerdotis. Prior delegatio, scilicet immediata, & directà, potest adhuc dupliciter fieri, scilicet expressè, seu formaliter, & tacitè, seu implicite, ac virtualiter, vel interpretativè: uti notatum est paulò supra n.64. R.2. ad Q.2. de approbatione: quòd applicandum est delegationis Jurisdictionis.

Nota 2. Rati habitioem esse duplicem: Una est de præsentì, quando nimirum aliquis rationabiliter putat, quòd in præsentì, & de factò suum factum Superiori placeat, & ille Jurisdictionem deleget, licet non deleget eam formaliter, & expressè. Altera est de futuro, ut quando quis rationabiliter putat, quòd Superior, seu delegans usurpatam Jurisdictionem, & factam absolutionem sit approbaturus, quando eam cognoverit. His notatis

Resp. 1. Rati habitio de futuro nullam confert Jurisdictionem. Hiuc nihil facit, qui absolvit, putans, Ordinarium esse ratificatorem absolutionem, & usurpatam jurisdictionem.

Ratio: Res actù præsens quoad vi existentiam non pendet ab eventu futuro: Sed Sacramentum est res actù præsens, dum conficitur, & dictus consensus est futurus. Ergo.

Resp. 2. Ad validam absolutionem etiam non sufficit rati habitio Superioris præsumpta de præsentì.

Ratio: Juxta communem sententiam voluntas interna exterius non manifestata nõ sufficit ad collationem jurisdictionis: in omni enim contractu humano procedendum est modo humano, id est, sensibili. Ergo in casu nostro deberet adesse signum sensibile voluntatis interne, approbantis audientiam Confessionum; tale signum est, vel silentium Superioris scientis, & non contradicentis, cum contradicere possit, vel nutus capitis, aut quodvis aliud signum, ex quo consensus colligi potest. Ergo.

Nota tamen, si Superior tacens revera interne dissentiat, & actù non impediatur Confessionum audientiam, quia nimirum vel timeris, vel putat, illum aliundè habere potestatem:

tem, vel uni, alterive mandavit, ut Confessarium monerent, ut desistat, monitio tamen ab illis facta non est, absolutio est nulla.

*Ratio:* Quia præsumptio qualicumque debet cedere veritati c. nuper. de bigam. Ergo.

*Resp. 2.* Ad Jurisdictionis collationem, & absolutionis valorem non sufficit, quod Ordinarius, vel Parochus erga alterum ita sit affectus, ut libenter jurisdictionem daret, si in mentem veniret, vel si aliter peteret.

*Ratio patet ex dictis:* Quia Jurisdictio non delegatur, nisi per actum positivum interuæ voluntatis signo externo manifestatam.

*Oppos.* Ad validè conferendam Extremam Unionem, vel Eucharistiam sufficit præsumpta futura rati habitio proprii Parochi.

*Disparitas est;* Quia in his Sacramentis licentia non requiritur, etiam ut conditio, ad substantiam actus, sed solum ut servetur debitus ordo in Ecclesia.

**QUÆRO VIII.** Quid tenes de Jurisdictione dubia, probabilis, aut ex titulo colorato, ac errore communi?

*XCi. Resp. 1.* Cum Jurisdictione dubia licet absolvere in extrema necessitate.

*Ratio:* Quia in illa melius est conferre Sacramentum dubium, quàm nullum, ut communiter dicitur.

*Resp. 2.* Probabilius est, quod in casu necessitatis etiam non extremæ, sed gravis, validè absolvat Sacerdos cum Jurisdictione tantum probabilis, id est, quam probabiliter putat se habere, licet revera non habeat.

*Ratio est cum Gonet, & aliis:* Etsi non liceat sequi Sententiam probabilem in materia, & forma Sacramentorum (cujus oppositum ab Innoc. XI. inter 65. Propositiones damnatas damnatum est n. 1.) bene tamen in Jurisdictione. Disparitas est. Quia in primo casu minister se expouit periculo faciendi Sacramentum nullum, non autem in 2. Quia materia, & forma (cum sint ex institutione Christi) non depeccant ab Ecclesia, vel consensu ejus, adeoque ab ea suppleri nequeunt, è contra, quia jurisdictionis ab Ecclesia dependet, pro animarum salute censetur Ecclesia eam, in casu tamen necessitatis tantum, supplere, dum quis, probabiliter putans eam habere, absolvit. Quod magis patebit ex casu mox ponendo.

*Resp. 3.* Sacerdos habens titulum coloratum, seu putativum, v.g. beneficii curati a legitimo Superiore collatum, & qui ex communi errore populi habetur pro Confessario, vel Paracho, validè absolvit in sententia probabiliori.

*Dixi 1. a legitimo Superiore:* Nam nulla esset absolutio. 1. Si titulus esset datus ab aliquo dare non potente. 2. Si titulus esset datus alicui non Sacerdoti, quia Ecclesia non potest supplere defectum ejus, quod requiritur jure divino.

3. Si simplex Sacerdos, dicens se esse Confessorem cum non sit, absolveret; quia non adesset titulus coloratus.

*Dixi 2. Ex communi errore;* Quia privatus error non sufficit, sed debet esse omnium, vel plerorumque putantium (erroneè tamen) titulum esse verò talem, cum tamen non sit, ut quia invalidè est collatus, v.g. Beneficium parochiale est datum alicui excommunicato, vel non præsentato a Patrono. Vel si Ordinarius absq. intentione interna, seu sicè dederit alicui Jurisdictionem: Vel si quis ante quidem fuerit legitime approbatus, sed approbatio fuit revocata. Quam revocationem, executionem, præsentationis illegitimitatem, fictionem, &c. omnes, vel plerique ignorant.

*Ratio pro R. 3.* Communis error, & titulus coloratus a legitimo Superiore collatus auctoritate Ecclesiæ, puta, Papæ, vel, Sede vacante, Collegii Cardinalium, dat Jurisdictionem non quidem habitualement, sed actualem ad singulos actus necessariam, ut consulat salutem animarum, laborantium invincibili ignorantia, quæ nemini nocere debet. Ergo.

Idem communiter admittitur de Judicibus secularibus: de quibus apud Jurisconsultos viget hoc axioma: *Communis error facit jus.* Ergo.

Nota tamen, quod Sacerdos cum titulo colorato absolvens (si nullitas ejus sit conficius) graviter peccet usurpando alienam Jurisdictionem. Vide dicta Traç. 2. Exam. 3. nu. 27. circa finem.

**QUÆRO IX.** Potestne quilibet Sacerdos a quibuscvis peccatis absolvere in articulo mortis? Item potestne Confessarius absolvere moribundum, qui in sua præsentia nulla dedit signa contritionis.

*XCII. Resp. 1.* Trid. Sess. 14. c. 7. sic statuit. In Ecclesia Dei custoditum semper fuit, ut nulla sit reservatio in articulo mortis, atque ideò omnes Sacerdotes quoslibet poenitentes a quibuscvis peccatis, & censuris absolvere possunt. Idem docet S. Thom. a. 6. rationem dans: Quia necessitas legem non habet. Per articulum mortis simul intelligitur periculum mortis moraliter inevitabile. De quo supra de Communione Paschali.

*Resp. 2.* Probabilis est, quod præsentè Sacerdote approbato simplex Sacerdos in dicto casu non possit absolvere validè.

*Ratio:* Tum quia simplex Sacerdos non nisi ratione necessitatis habet potestatem absolvendi in articulo mortis; Sed præsentè approbato non est ea necessitas. Ergo. Tum etiam: quia Trident. solum confirmat id, quod in Ecclesia Dei Custoditum semper fuit; Sed Ecclesiæ praxis nunquam fuit, ut præsentè approbato absolveret simplex Sacerdos. Ergo.

An sic absolutus a reservatis, & censuris, si

periculum evadat, teneatur ea denuò confiteri, decidetur infra Traçt. 14. Exam. 2. n. 76.

**XCIII. Resp. 3.** Certum est apud omnes DD. quòd absolvi possit moribundus, qui, dum plura non potest, saltem confitetur unum peccatum, sive in specie infima, v.g. dicendo, Sum fornicatus; Sive in specie subalterna, dicendo, v.g. Peccavi contra castitatem. Sive in genere, dicendo: Peccavi mortaliter.

**Ratio:** Quia adiunt essentialia Sacramenti, & talis facit, quod potest.

**Resp. 4.** Certa, & indubitata est sententia, quæ docet, absolvi posse moribundum, nullum peccatum in individuo, specie, vel genere exprimere potentem, sed tantum per signa generalia in præsentia Sacerdotis demonstrentem, se peccasse, & de peccatis dolere.

**Ratio** est, quæ ante: Quia Deus non exigit a nobis aliam confessionem, quam quæ hic, & nunc est nobis possibilis: Sed in eo casu fit Confessio, qualis hic, & nunc per signa est possibilis. Ergo.

**Resp. 5.** Probabilius est, posse absolvi (sub conditione tamen) illum moribundum, qui in absentia Confessarii petit confiteri, & coram adstantibus signa doloris, sive voce, sive alio modo dedit, privatur autem sensibus ante adventum Confessarii, cui deinde testes de datis signis testantur, sive testimonium datur Sacerdoti in præsentia infirmi, sive aliter.

Ita patet ex Rituali Romano Pauli V. in quo de infirmo dicitur: *Si confitendi desiderium, sive per se, sive per alios, ostenderit absolvendus est.* Ubi non excipitur, quòd testimonium debeat deponi in præsentia Sacerdotis coram infirmo. Idem docetur a S. Tho. opusc. 65. §. de Extrema-Unionione, in fine.

**Ratio:** Si quid obstatet valori talis Confessionis, & absolutionis, est, quia fieret absenti, & per internuntium contra Decretum Clem. VIII. Sed hoc est falsum. Ergo. Min. prob. 1. Clemens solum loquitur de particulari peccatorum Confessione, & accusatione peccatorum facta absenti per literas, vel per internuntium, in nostro autem casu solum est Confessio confusa, & imperfecta confensus in offensione doloris, & desiderii confitendi. Item Clemens interrogatus respondit, quòd sua intentio non fuerit eo decreto comprehendere eum moribundum Confessarium advocantis, ut ostendit Sylvius hic q. 9. in dub. super ar. 3. in R. ad 1. Prob. eadem Min. 2. Imperfecta illa, & pro casu necessitatis sufficiens Confessio non est illud testimonium testium, quo testantur, quòd moribundus Confessarium petierit, vel signa doloris dederit, sed est signum aliquod sensibile pœnitentis, in ipso moriente virtualiter manens in aliquo sui effectu, testes autem habent se per modum interpretis: Sed licitum, & validum est in necessitate confiteri per interpretem. Ergo.

**Declaramus** ulterius: Licet per se, & regulariter ad confessionem requiratur distincta cognitio causæ, & peccatorum in particulari, per accidens tamen, & in necessitate sufficit talis, qualis homini est possibilis: Sed in casu posito fit confessio, qualis homini per interpretem est possibilis, & Confessarius pœnitentis præsentis dispositionem, & confessionem examinat, ac cognovit ex testibus, quantum possibile est. Ergo.

**Nota**, in eo casu sufficere testimonium unius prudentis hominis, etiam non jurati, & hoc tum ratione necessitatis, tum etiam, quia non agitur de præiudicio alterius, nec est periculum irreverentiæ, eò quòd absolutio datur sub conditione, v.g. Si capax es; absolvo te.

**Resp. 6.** Nequit moribundus sub conditione absolvi, etiamsi aliàs fuerit probus catholicus, qui nulla dedit signa doloris, vel desiderii Confessionis.

**Ratio:** Quia desunt essentialia Sacramenti Pœnitentiæ. Quod prob. Nam etsi in primis admittatur, quòd non fiat irreverentia Sacramento, eò quòd infirmus absolvatur sub conditione; Item etsi datur, quòd habeat dolorem internum, attamen essentialiter requiritur aliqua peccatorum (si non in specie, saltem in genere) accusatio, seu confessio externa, si non voce, saltem signis facta, vel per interpretem, qua dolor internus fiat sensibilis, & impleretur officium Iudicis: Sed talis accusatio non datur, ut supponit casus. Ergo.

**XCIV. Oppono** contra hoc 1. Legitur, quòd Clemens VIII. aliquem ex fabrica S. Petri cadentem sic absolverit in ipso lapsu. Ergo.

2. Talis homo per actus Christianæ vitæ, & Sacramentorum ante hac frequentationem factis indicat, se etiam in mortis articulo Pœnitentiæ Sacramentum postulare: Sed hæc postulatio est quædam externa confessio. Ergo.

3. Ex eo, quòd talis homo Christianè vixerit, præsumitur, habere implicitam voluntatem suscipiendi Eucharistiam, & Extremam-Unionem. Ergo & Pœnitentiam.

**Ad 1. R.** Primò cum Lugo esse fabulosum. 2. Dato, quòd Clemens VIII. id fecerit, fecit ut privatus Doctor, cuius, ut talis, auctoritas non convincit.

**Ad 2.** Transeat mai. de interpretativa voluntate, & neg. min. oppositum enim patet ex nostra probatione.

**Ad 3.** Neg. conseq. Quia Sacramentum Pœnitentiæ pro materia, & parte essentiali habet ipsos actus sensibiles pœnitentis, qui in casu posito non dantur, secus est de Eucharistia, & Extrema-Unionione.

**Quid** ergo beneficii præstandi tali agonizanti? **Dico:** Precibus Deo, & Sandis est recommendandus.

**QUÆRO X.** Quomodo confitebitur homo a natiuitate, & mutus? vel ignarus alienæ linguæ, vel infirmus, qui non potest relinqui solus?

**XCv. Resp. 1.** Quia a natiuitate est mutus, & scribere nescit, confiteri debet signis, ac nutibus, & ad id tenetur, quando præceptum confessionis obligat.

**Ratio:** Quia præcepti impletio non est tali mutodifficilis, cum alia enim animi sui sentia signis, & nutibus possit exprimere, potest & peccata.

Notandum Confessario, quòd ad eò facilius cum tali poenitente agendum, ejusque nutus facilius intelligendos, omnino consultum sit, ab iis, quibus poenitens convivit, prius petere informationem, nec debet Confessarius (excepto mortis articulo) eum absolvere, nisi unum saltem peccatum in specie, & particulatim confueto aliquo nutu exprimat, licet pectus tundendo, sede peccatis dolere significet.

**Resp. 2.** Si ille mutus esset simul a natiuitate cæcus, vix poterit in eo sufficiens dispositio deprehendi, nisi primum post infantiam, ut aliqualem rationis usum habens, visum amisisset, tunc enim posset absolvi, si per signa se dispositum ostendat, & Eucharistia refici. Cæterum si extraordinarie contingeret, ut homo a natiuitate furdus, cæcus, & mutus talia usus rationis specimina daret, ex quibus colligeretur detestari peccata, esset saltem sub conditione absolvendus in articulo mortis.

**Resp. 3.** Si non inveniatur Confessarius ejusdem linguæ, cujus est poenitens, nec alius qui possit esse interpres (de quo vide Exam. 4. n. 60. quando quis teneatur confiteri per interpretem) agat, ut siue per verba, siue per signa, aut nutus, aliove modo accipiat aliquod peccatum pro materia: qua habita eum ab omnibus absolvat, etsi confitens non sit in articulo, vel gravi periculo mortis, sed aliàs præceptum urgeat.

**Ratio:** Surdus, & mutus per signa, & nutus faciunt confessionem formaliter integram. Ergo idem est in præsentia.

**Nota,** quòd talis poenitens, cujus linguam non capit Confessarius, habita copia Confessarii suæ linguæ, teneatur omnia, & non bene intellecta confiteri.

**XCvi. Resp. 4.** Si Sacerdos veniat ad infirmum, vel moribundum, qui non potest relinqui solus, sed ab aliis continuo est adjuvandus, uti sunt recentior vulnerati, & mulieres parturientes, &c. dimissis aliis personas præcisè necessarias relinquat, & ubi possibile est, potius viros, quam mulieres: eosque moneat, ut aures occludant, & oculis a facie poenitentis avertant, & quòd sub mortali teneantur ad servandum secretum, si forte obiter quid audiant; sique meliori quo potest modo poenitentem interro-

get, audiat peccata, etiam per signa si possit, ac querat; ac doleat de omnibus peccatis suis, quo annuente absolvat: ita tamen, ut, si postea post discessum adstantium detur occasio, & facultas, & poenitens habeat vires, ex instituto ejus Confessio audiatur; quam a fortiori teneatur poenitens repetere, si forte convalescat.

**Nota,** inter Propositiones ab Alexan. VII. damnatas esse etiam hanc nu. 11. *Peccata in Confessione omissa, seu oblita ob instantis periculum vicia, aut ob aliam causam non tenemur in sequenti Confessione exprimere.*

**QUÆRO XI.** Quid censet de recidivis, possuntne, vel quicumque alii absolvi sub conditione, si non relabantur? vel sine absolutectione dimitti?

**XCvii. Resp. 1.** Absolutio nunquam danda est sub conditione, nisi ex rationabili causa: ob quam prudenter interdum adhibetur conditio de præsentia, aut de præterito.

**Ratio 1. p.** Quia fieret irreverentia Sacramento, & injuria Poenitenti.

**2. Pars** patet in casu, quo Confessarius dubitat de dispositione, vel capacitate poenitentis.

**Resp. 2.** Gravier peccat Confessarius, & Sacramentum invalidat, qui dat absolutectionem sub conditione de futuro, v.g. Si non relabatur, Si ablatum restitueris, vel si jam verum est, quòd ablatum restitues.

**Ratio.** Tum quia non est in beneplacito ministri suspendere Sacramentum, vel effectum ejus: non Sacramentum: quia forma erit falsa; erit quæsentus, *Absolutum te*, & potius absentem, quam præsentem. Non effectum, quia is necessarius lequitur ex Sacramento valide exhibitio subiecto capaci. Ergo. Tum etiam, quia fit injuria poenitenti, habet enim jus ad absolutectionem absolutam: cum illius hic, & nunc sit capax, ut, si hic, & nunc verè habet animum restituendi, etsi forte executio non sit futura. Ergo.

**Resp. 3.** Peccatoribus nullum emendationis specimen præferentibus, sed in eadem mortalitatem continuo relabentibus, licet dicant se habere verum emendationis propositum, absolutectione non est impartienda, sed differenda, usque dum emendationem non solum verbo, sed & opere probent: si velle relapsus, seu recidiva proveniat ex retenta occasione proxima peccandi, siue ex inveterata peccandi consuetudine.

Differt hæc sententia a doctrina Novatianorum, hi enim absolutectionem, & Eucharistiam negabant etiam iis, qui poenitentiam, & emendationem etiam opere comprobabant.

**Ratio:** Sacerdos licet potest, ac tenetur facere id, quod ei competit jure clavium divinitus concesso, & quod salutis animarum expedit: Sed in casu posito ita est, cum dilatione absolutectionis. Ergo. Prob. pro 1. p. Christus Jo. 20. Apostolis, eorumque Successoribus dedit potestatem

non solum dimittendi, sed & retinendi; seu alligandi peccata. Ergo. Prob. min. pro 2. parte: Quia cõducit magis ad apprehendendã morbi acerbicatem, seu peccati gravitatem, ad concipiendum firmus emendationis propositum, ad humiliandum se per pœnitentię opera coram pedibus Salvatoris. Ergo.

Confirmat hoc experientia, quia compertum est, plurimos inveteratos peccatores, quibus peccandi consuetudo, & facillimę absolutionis fiducia jam quasi callum obduxerat, hoc unico medio fuisse emendatos.

XCVIII. *Oppono* 1. Deus statim absolvit, in quacunque hora ingemuerit peccator. Ergo idem incumbit Chrilli Vicario.

1. In hoc tribunali pœnitens est simul reus, actor, seu accusator, & testis. Ergo sicut contra se dicenti Cõfessarius credit, ita & pro se diceute habere serium emendationis propositum.

3. Iudex debet procedere secundum allegata, & probata: Sed Cõfessarius est Iudex. Ergo.

4. Peccatum, quod per pœnitentiam non deletur, suo pondere ad aliud trahit: Ergo talis pœnitens exponitur majori periculo.

*Ad 1. neg. conf.* Quia Deus tanquam scrutator cordium ipsam internam animę dispositionem clarę videt, non autem homo.

*Ad 2. neg. conf. seq.* Quia quantum ad commissã peccata nemo majorem noticiam habet, quam peccator, aut de sufficienti dispositione judicare non speat ad reum, sed ad iudicem, non ad ægrum, sed ad Medicum: & reus eam debet probare non verbis tantum, sed & opere. Et quamvis Iudex perle, & regulariter omnem noticiam accipiat ex ore pœnitentis, aliquando tamen eam etiam debet habere ex operibus, & non solum ex hac confessione, sed etiam ex prioribus, quarum notitia, licet non extra, bene tamen intra confessionem, uti potest, cautę tamen, & prudentę.

*Ad 3. conceditur* totus Syllogismus, sed negatur, quod talis peccator sufficienter probet suam dispositionem, probanda enim est opere, non verbis tantum, quę sæpe fefellerunt, ut tam crebra recidiva probat.

*Ad 4. antec. est verum* de peccato cujus manet affectus, & complacentia. Hinc aliud est de Medico corporis, ille enim medicinam negando, patientem in majus periculum coniicere potest.

Nota tamen, quod quia nulla Regula est sine exceptione, immo exceptio Regulam in contrarium firmat, ita in presenti excipitur. 1. Articulus, & periculum mortis, seu gravis infirmitas, tunc enim pœnitenti se sincerę dolere asserenti credendum. 2. Si rarius sit lapsus, & media a Cõfessario præscripta sedulõ adhibuerit. 3. Si det valde extraordinaria signa doloris, & emendationis, & petat sibi media præscribi ad peccata vitanda.

Observandum etiam, an pœnitens brevi possit habere aliam, vel eandem confitendi occasionem, an hoc tribuatur ex absolutionis denegatione, vel dilatione non sit ei futurum onerosum, &c.

*Quid si urgeat præceptum annuę Communionis, cui præmittenda Confessio?*

*Dico*, per accidens posse abstineri sine novo peccato ex rationabili causa, ita enim ait Concil. Later. in quo illud præceptum est conditum. *Nisi forte de consilio proprii Sacerdotis ob aliquam rationabilem causam ad tempus ab ejus perceptione duxerit abstinendum.*

*Quid si talis homo sine absolutione dimissus postea moreretur subitanea morte?*

*Respondeo*: Quid si id contingeret, antequam absolutionem petiit? Deinde dico, quod habeat remedium contritionis.

Hinc meminerint Cõfessarii, ut peccatorum lapsu, faucio, & semivivo relicto, oleum infundant, & vinum, oleum benignitatis, ne desperet: vinum severitatis, ne prepropera absolutione pœnitenti relabendi facilitatem præbeant, & se alicui peccati participes faciant. Meliora sunt vulnera diligentis, quam fraudulenta oscula odientis. Prov. 27. Vulnera noli operire, quę debent secari, & uri.

**QUÆRO XII.** Quid faciat Cõfessarius, qui in excipiendo Confessionem commisit errorem?

*XCIX. Resp. 1.* Qui pœnitentem absolvit invalidę, si ex ejus monitione timeat oritura scandala, vel grave damnum tertii, aut ipsius Cõfessarii, relinquat pœnitentem in bona fide, & commendat Summo Sacerdoti Christo, & doleat de commissio defectu.

*Ratio*: Quia tunc nimis difficile, & moraliter impossibile censetur supplere defectum absolutionis.

*Resp. 2.* Si Cõfessor ille talia mala non timeat, non debet defectum absolutionis pœnitenti extra Confessionem simpliciter manifestare, sed si præsens sit suaveri dicat ei: Libens viderem, ut adhuc semel mihi confitereris, habeo enim, quę dicam pro salute animę tuę. *Ratio 1. p. est*, ne Cõfessarius arguatur reus fracti sigilli.

2. *Pars patet*, quia suavior agendi modus in eo casu non datur.

*Resp. 3.* Si hoc pœnitenti non placeat, vel eum non noceat, vel convenire non possit, cum absolvo re absentem non possit, agat, ut dictum in R. 1.

Nota tamen, quod cum licentia expressa pœnitentis, & seculo omni incommodo extra Confessionem pœnitenti hunc defectum possit pandere.

Ad quid teneatur Cõfess. in causa restitutionis, si eam non monuit, vel si eam in se suscepit, & non fecit, vide Tr. 8. Exam. 6. n. 117.

## EXAMEN VI.

De qualitate Confessionis. S. Thom. in Supplement. q. 9. per 4. art.

**QUÆRO I.** Quæ sunt qualitates ad legitimam Confessionem requisitæ?

C. Resp. 1. Angel. Doct. ar. 4. assignat sedecim contentas his versibus:

*Sit simplex, humilis confessio, pura, fidelis, Atque frequens, nuda, & discreta, libens, & recunda.*

*Integra, secreta, & lacrymabilis, accelerata.*

*Fortis, & accusans, & sit parere parata.*

*Explicatur singula cum S. D.*

1. *Simplex.* Ut poenitens cum peccato nihil dicat, nisi quod ad ejus quantitate spectat, omittatque omnes inutiles discursus, & impertinentes circumstantias.

2. *Humilis.* Ut poenitens omnino se abiciat, & se miserum, & infirmum confiteatur. Item ut confiteatur cum reverentia, capite nudato, genibus flexis, &c.

3. *Pura.* Ut fiat debito fine, nimirum ex pura intentione Deum placandi, & veniam obtinendi.

4. *Fidelis;* Seu ut sit vera, nec dicantur peccata, quæ non sunt commissæ, siue mortalia, tunc enim esset mendacium mortale, & simul sacrilegium, quæ annullaret Sacramentum, siue venialia. De quo vide Ex. 4. n. 53. R. 7. & 8.

5. *Frequens.* Propter eximios fructus, quos Confessio parit: qua in re standum est consilii directoris conscientiæ.

6. *Nuda.* Ut omnia obcuritate fiat verbis claris, non ambiguis, nec affectatis.

7. *Discreta,* seu prudens. Est autem hæc discretio, non solum, ut peccata præsertim carnalia dicantur terminis honestis, & modestis, sed etiam, ut S. D. ait, ut homo majora peccata cum majori pondere confiteatur.

8. *Libens,* id est, voluntaria, libera, non coacta, nec facta ex metu, v. g. excommunicationis, aut multæ; qui tamen confessionem non invalidat, modo aliis recte fiat.

9. *Verecunda.* Ut poenitens ex horrore turpitudinis peccati erubescat, tum coram Confessario, tum in sua conscientia, nec jactet se de peccato. Quæ verecundia plurimum confert ad satisfactionem.

10. *Integra.* Ut nihil taceatur, quod ad Confessionem spectat. Sed de hoc plura postea.

11. *Secreta,* ob conditionem fori, in quo de occultis agitur, ne quis seipsum diffamet publice.

12. *Lacrymabilis,* putà, lacrymis mentis, qui est dolor, ac displicentia peccati.

13. *Accelerata;* Ut confiteatur statim, nec diu torpescat in statu damnationis.

14. *Fortis:* Ut poenitens operetur immobiliter, & propter verecundiam veritas non dimittatur; nec timor, ac pudor a confessione deterreat.

15. *Accusans,* nimirum ex parte confitentis, ut se non exculet, nec alium accuset.

16. *Parere parata,* nimirum Sacerdoti, tanquam Christi Vicario, ejus consiliis obediendo.

Resp. 2. Ex his qualitatibus aliquæ sunt de necessitate confessionis, nimirum ut sit fidelis, non confitendo scienter mortale, quod commissum non est. Ut sit integra integritate formali, de qua postea. Ut sit lacrymabilis, quia sine dolore non subsistit. Aliæ sunt de consilio; seu ad melius esse, nisi tamen aliquæ earum sumantur nimis rigorosè, ut patebit consideranti.

**QUÆRO II.** Potestne dari Confessio sacramentalis valida, & informis, sicut potest dari Sacramentum Baptismi, Confirmationis, &c. validum, & informe, non quod sit sine forma, sed sine effectu, subsistat tamen in valore?

Cl. Quoad hanc questionem non est tanta difficultas de aliis Sacramentis, ac de hoc, utpotè ejus materia proxima sunt actus ipsiusmet poenitentis.

Resp. cum S. Thom. ar. 2. affirm. in uno casu, quando nimirum attritio non est generalis, nec se extendit ad peccata ex inculpabili oblivione in confessione omissa, v. g. habet quis quatuor peccata mortalia, & ex his tantum confitetur tria, cum attritione de iis, supernaturali quidem, attamen ex motivo particularis deformitatis trium peccatorum, quantum verò ex naturali oblivione omittit; proinde de eo nullatenus, nec virtualiter, vel implicite dolet, quia omnino putat se illud non commisisse.

*Ratio 1.* Sacramentum validum, & informe dicitur, quod habet omnia sua essentialia, & tamen gratiam non causat: Sed sic est in casu posito. Ergo. Min. pro 1. parte prob. Essentialia hujus Sacramenti sunt, Dolor, Confessio formaliter integra, & Absolutio: Sed in illo casu datur dolor, seu attritio supernaturalis (licet hæc per accidens, nimirum ex naturali oblivione, se non extendat ad peccatum omisum.) Item quia oblitio est inculpabilis, datur confessio formaliter integra: & accedit absolutio. Ergo. Min. pro 2. parte supponitur. Ergo.

*Ratio 2.* Effectus causæ efficientis est illa posterior, & potest causa esse sine illo, cum nec sit de essentia, nec proprietas ejus, & essentia causæ, & signi prædici sufficit causalitas in actu primo: Sed gratia est effectus Sacramenti in suo valore constituti, tanquam causæ efficientis.



cientis . Ergo . *Subsumo* : Sed juxta dicta Sacramentum esse informe nihil est aliud , quàm illud esse sine effectu , seu gratia . Ergo .

Nota , ex eo , quòd Trident. Sess. 14. cap. 4. in attritione non separet , vel distinguat rationem partis Sacramenti a ratione dispositionis ad gratiam , solum colligi , quòd eadem attritio per se , & regulariter sit simul pars Sacramenti , & actu disponat ad gratiam ; cum quo stat , quòd per accidens primum possit esse sine secundo propter obicem ex parte subjecti , qui quamvis in casuposito non sit positivus , id est , voluntarius , est tamen negativus , seu involuntarius , essentiam quidem Sacramenti non tollens , bene tamen effectum , & eo ipso , quòd involuntarius est , excusans a novo peccato , & sacrilegio , cum enim ignoti nulla cupido , obicem non cognitum tollere non possum . Nec verum est , quòd talis homo faciat totum , quòd est in se , quia simpliciter , & in se ex auxilio gratiæ ( quod non deerat ) poterat , & debebat elicere dolorem generalem se virtualiter extendentem ad oblita : qua extensione posita ( & non aliter ) per hoc Sacramentum homo fit ex attrito contritus .

Vide suprâ Tract. 11. Exam. 2. numer. 13. & 14. an , & quomodo Sacramenta Novæ Legis fidē suscepta recedente fictione causent gratiam , quod etiam de hoc Sacramento , ut informi , clarè docet , S. Thom. hic ar. 2. in c. dicens : *Quamvis tunc non percipiat absolutionis fructum , tamen recedente fictione percipere incipiet , sicut etiam in aliis Sacramentis . Unde non tenetur iterare confessionem , qui fictus accedit , sed tenetur postmodum fictionem suam confiteri* . Item suprâ in Exam. 1. num. 8. vide , quis sit sensus verborum formæ . Item suprâ Exam. 4. n. 57. ante R. 3. quòd per confessionem informem impleatur præceptum confessionis annuæ .

Varia argumenta , quæ obijci possunt , solvantur ex Notabili posito , & locis citatis : alia vide in Auditoribus .

QUÆRO III. Potestne Confessio aliquando dimidiari? qualis ad eam requiritur integritas? Quid sentiendum de circumstantiis aggravantibus?

CII. Ante R. Nota , quòd integritas Confessionis sit duplex : Una materialis , quæ etiam vocatur mathematica , vel metaphysica . & est , quando pœnitens nullum plane peccatum ab ultima confessione commissum , sive scienter , sive ignoranter omittit . Altera est formalis , seu moralis , quando quidem aliquod peccatum omittit , sed vel ex inculpabili oblivione , aut ignorantia , vel ex rationabili causa , nimirum quia fundatè putat , vel timet , Confessarium non servatu-

rum sigillum , vel ex hac scientia illaturum grave damnum Pœnitenti , vel alteri . Hoc notato .

*Resp. 1.* Est de fide , & de jure divino , quòd Confessio sacramentalis per se debeat esse integra materialiter .

*Ratio* patet ex officio Judicis , qui non potest legitimè ferre sententiam , nisi causa probè cognita ; & ex officio Medici , qui non potest bene mederi , nisi totam infirmi habitudinem cognoscat ; quia , ut ait S. D. ar. 2. in c. Medicina , quæ uni morbo compereret , alteri nocumentum præstaret .

*Resp. 2.* Ad essentiam , & effectum hujus Sacramenti , in quibusdam casibus ob impotentiam physicam , vel moralem pœnitentis sufficit integritas formalis .

*Ratio* : Lex Christi obligat ad integritatem confessionis rationi consentaneam : Sed integritas materialis non semper est rationi consentanea , potest enim vergere contra charitatem proximi , & in damnum ejus , ut patet ex casibus . Ergo .

*Respondet 3.* Casus , in quibus integritas formalis , & dimidiata Confessio sufficit sunt

*Primò* : Si homo mutus , surdus , balbutientis linguæ , vel ignoti idiomatis non possit omnia sua peccata explicare . De quo vide suprâ Exam. 5. num. 95 .

2. Si Pœnitens sit in articulo mortis , vel amiserit loquelam inter confitendum , vide suprâ de moribundis ibid. n. 93. & 94 .

3. Si tempore pestis , naufragii , vel instantis periculosi prælii rationabiliter timetur , quòd Confessarius integras aliquorum confessiones excipiendo , alios negligat , poterit plures aliquod peccatum confitentes simul absolvere , in forma , loco & ponendo *Vos* .

4. Si Pœnitens fundatè timeat fractionem sigilli .

5. Si peccatum omittatur ex invincibili ignorantia ; vel oblivione , de qua vide suprâ Tract. 3. Exam. 1. nu. 23. An scrupulosus aliquando excusetur ab integritate confessionis , vide Tract. 2. Exam. 2. num. 4 .

6. Si Confessarius timeat , ne audiendo integram confessionem incipiat morbo lethali pœnitentis . v.g. tempore pestis , quo casu alii privarentur suo Pastore .

7. Si peccatum non possit manifestari nisi manifestando complicem , cui ex manifestatione imminet grave damnum . De quo postea .

CIII. *Resp. 4.* De obligatione confitendi circumstantias , sive speciem mutantes , sive solum aggravantes , vide suprâ Tr. 3. Exam. 2. num. 26. & 27 .

An Confessio possit dimidiari ex eo , quòd pœ-

pœnitens, v.g. fœmina timeat confessarium a se scandalizandum, vide suprà Tract.7. Ex.7. num.140.

De casu, in quo audiuntur sola reservata, vide suprà Exam.2. num.21. in R. ad 4. vide etiam unde sumatur multiplicatio numerica peccatorum, suprà Tract.4. Exam.2. numer.32. & 33.

Nota, inter Propositiones damnatas ab Innoc. XI. esse etiam hanc num.59. *Licet sacramentaliter absolvere dimidiatè tantum confessos ratione magni concursus Pœnitentium, qualis, v.gr. potest contingere in die magna alicujus Festivitatís, aut indulgentia.*

CIV. Resp. 5. Sola verecundia non excusat ab integritate confessionis.

Ratio: Qui, vel quæ non verecundatur summum Bonum graviter offendere, non debet verecundari coram pedibus Salvatoris se humiliare plenè, & integrè confitendo delicta.

CV. Quid dicendum de illis, qui duos habent Confessarios, quorum uni, tanquam extraordinario, confitentur mortalia, alteri ut ordinario, venialia?

Dico 1. S.Th. opusc. 64. eos non laudat, ait enim: Hoc faciunt illi, qui timent despici a Confessario, vel reputari minùs boni, plus timentes humanam verecundiam, quàm divinam offensam, & plus amantes laudem extrinsecam, quàm intrinsecam mentis pacem. Hinc communiter non debet praticari.

Dico 2. Ille modus confitendi non lædit integritatem formalem Confessionis.

Ratio: Quia adfunt omnia essentialia, nimirum forma, & sufficiens contritio de omnibus mortalibus, & in una confessione exhibetur materia necessaria, in altera sufficiens, seu libera. Ergo.

Dico 3. Si quis valdè abhorreat talia mortalia tali Confessario confiteri, nulla erit culpa, dicto modo Confessionem dimidiare.

Ratio est: Quia tunc iusta adest causa.

Dico 4. Per accidens fieri potest, ut talis peccet etiam mortaliter, si nimirum per hunc confitendi modum se exponat periculo labendi, vel relabendi in mortalia, & ea nunquam efficaciter evitandi. Hoc accidere solet illis, qui de industria adeunt Confessarios imperitos, vel quibus sunt ignoti.

CVI. Quis aliquod mortale omisit in Confessione, ad quem Confessarium debet recurrere?

Dico cum S.Th. opusc. cit. Si ex oblivione, inculpabiliter etiam, omisit, optimè facit, dum potest, si redeat ad eundem Confessarium. Si ex malitia, & verecundia omisit, tenetur ad eundem redire. Si verò vult recurrere ad alium, ait S. Doct. tenetur confiteri omnia peccata priùs confessa, & illud, quod priùs omiserit, & omnia, quæ postea commisit, uti & mendacium,

& simulationem in confessione commissam.

QUÆRO IV. Teneturne pœnitens propter Confessionis integritatem revelare Confessario personam complicitis, v.g. si peccavit cum matre, vel sorore sua consentiente?

CVII. Ante R. supponitur ut certum, quòd si talis pœnitens possit habere Confessarium, cui persona complicitis non est nota, vel si possit coram eo, cui est nota, vestem, aut vocem mutando ita se occultare, ut non noscatur, ad id teneatur. Hoc supposito

Resp. Probabilius est, quòd propter Confessionis integritatem possit, immò teneatur pœnitens indirectè manifestare personam complicitis verè talis, quando speciem sui peccati nequit aliter explicare, nec ex complicitis manifestatione ullum aliud damnum ei imminet, quàm infamia apud Confessarium. Ita clarè S.Th. in 4. dist. 16. q.3. ar.2. q.5.

Ratio: Tum quia Iudex (uti est Confessarius) debet integrè cognoscere delictum. Tum quia pœnitens habet jus pro salute sua se integrè accusandi in hoc sacro tribunali, quod interdum non potest, nisi nominando complicem. Tum tandem quia alter voluntariè faciendo se complicem, scit, vel scire debuit, illum aliquando acturum pœnitentiam, & habere jus ad Confessionem integrè faciendam, cessit juri suo quoad famam respectu Confessarii. Ergo.

Ex quo sequitur 1. Quòd diffamatio proximi, quæ sequitur apud Confessarium, solum sit materialis, non verò formalis, seu ex intentione, quia formaliter nihil intendit, nisi uti jure suo integrè confitendi, ex quo illa diffamatio sequitur per accidens. Vide infra Ex.7. numer.121. q.8. an pœnitens possit Confessori manifestare complicem ob correctionem fraternam.

Sequitur 2. Quòd ius naturale de conservanda fama proximi in eo casu cesset, nec in suo vigore maneat. Cæteroquin præponderaret Juri positivo divino de Confessionis integritate, putà, nisi alter cederet juri suo, aut si esset infamia formalis.

Dixi 1. in R. *Complicitis verè talis*; id est, qui voluntariè se fecit participem criminis. Si enim totum peccatum fiat sine culpa alterius, ut si quis suum Superiorem diffamavit de peccato, revera quidem commissio, sed occulto, & iuste occultando; vel si quis suæ matri dedit pharmacum ad extinguendam prolem ex adulterio conceptam. In hoc conveniunt omnes, quòd pœnitens non debeat nominare complicem. Similiter si frater commisit incestum cum matre, vel sorore non consentiente, sed eam vi opprimendo, satisfacit (ut Gonet docet) si dicat se peccasse cum consanguinea eam opprimendo, etsi circumstantiam personæ non exprimat. Quia in eo casu non est verè complex, secus si sit volens.

**Dixi 2.** Si nullum aliud imminet damnum, quàm, &c. si enim simul sit morale periculum, quoddam Confessor sit fracturus sigillum, & complice extra Confessionem diffamaturus, aut aliud grave malum illaturus in bonis corporis, aut fortunarum, &c. pœnitens non debet eum nominare: Confessio tamen erit formaliter integra, & valida, & cum effectu.

**CVIII.** *Quomodo resolvitur hunc casum:* Carnaliter peccarunt Sponsus, & Sponsa, accedunt ad eundem Confessarium, nullo alio præsente, Sponsa, uti juxta dicta jure potest, confitetur delictum, & complice, addens, ante 3. septimanas esse commissum, eumque qui immediate post subintrabit, esse suum Sponsum, hic autem de illo peccato nullam facit mentionem, absolvetne eum Confessarius?

**Dico:** Probabilis videretur non posse Sponsus constanter neganti absolutionem negari, licet fateatur se intra 3. septimanas non esse confessum.

**Rat o:** Tum quia aliàs Confessor frangeret sigillum Confessionis revelando peccatum Sponsæ: Tum etiam quia, est non revelasset, non tamen tenebitur magis credere Sponsæ, quàm Sponso. Ergo.

**Quid si** Confessarius aliunde extra Sponsæ Confessionem certò sciat Sponsum in Confessione mentiri?

**Dico,** non potest eum absolvere.

**Ratio est:** Quia grave peccatum est Sacramentum dare indigno.

Solet hic inquiri super art. 3. S. Doctoris, an Confessio Sacerdoti absenti facta, & absolutio absente data subsistant? Sed de hoc auctum est in Exam. 4. n. 59. Q. 6. ubi vide.

## EXAMEN - VII.

*De Sigillo Confessionis. S. Doctor quæst. 11. per 5. art.*

**QUÆRO I.** Quid est Sigillum Confessionis, & quo jure obligat?

**CIX. Resp. 1.** Sigillum Confessionis est obligatio, qua Confessarius tenetur reticere ea, quæ per Confessionem sacramentalem ei fuerint manifestata. Vocatur autem sigillum, ad eum modum, quo ea, quæ in literis sigillo munitis continentur, non sunt manifestabilia, sed secreta.

**Resp. 2.** Hoc Sigillum Confessarium obligat jure Ecclesiastico, divino positivo, & naturali.

**1. Pars** patet ex c. *omnis viri* quæ sexus, ubi Confessario strictissime id præcipitur sub pena comminatoria depositionis, & perpetuæ pœnitentiæ, ac reclusionis in Monasterio.

**2. Pars** patet ex institutione Confessionis. Nam qui præcipit finem, etiam præcipit media

*Tribunal Confessariorum.*

ad eum necessaria: Sed Christus præcipit Confessionem, a qua homines retraherentur, fieretque eis odiosa, nisi Sigillum strictissime obligaret Confessarium. Ergo.

**Ratio 3. p.** Quia secretum naturale, seu extra confessionem commissum in re gravi sub mortali obligat jure naturæ, in re levi sub veniali. Secretum autem sacramentale semper est in re gravi, ob rationem pro 2. parte adductam. Ergo.

**Confirm.** Revelando secretum naturale violatur fidelitas; quæ jure humano, divino, & naturali obligat ad servandum secretum tanquam depositum quoddam. Ergo a fortiori Sigillum Confessionis.

**CX. Dum de secreto naturali agimus,** dic mihi, unde cognoscis aliquid dici sub secreto?

**Dico:** Cognosco id primò, si expressè secretum recommendetur dicendo: Hoc tibi dico sub sigillo confessionis. Ubi tamen propriè non est sigillum confessionis, ut patet ex S. Tho. a. 2. in Sed Contra, cum non sit in ordine ad illam, sed probabilis solum est obligatio secreti naturalis, major, vel minor pro rei exigentia. Monet ibidem S. D. Aliquis non debet de facili aliquid recipere hoc modo; si tamen recipiat, tenetur ex promissione hoc modo celare, ac si in confessione haberet, quamvis sub sigillo confessionis non habeat, id est, proportionabiliter eadem tenacitate celandum est. 2. Quando, etsi non fiat expressè, saltem commendatur secretò, ut si dicatur talibus terminis, qui de se sufficienter demonstrant, dicentis intentionem esse, ut secretetur, v. gr. si dicat: Hoc non dicere alteri; Hoc tibi dico tanquam amico: nam rei gravitas, & modus dicendi satis indicant rem commendari secretò.

**Ergone** nunquam licet revelare secretum?

**Distinguo.** Licet ad evitandum damnum publicum, licet secretum esset sub juramento receptum.

**Ratio est:** Nemo potest se obligare ad celandum aliquid cum præjudicio boni communis, cuius privata utilitati præponderantis, quia aliàs tale secretum, aut juramentum esset vinculum iniquitatis. Ergo.

**2.** Non licet ad impediendum leve damnum privatum, aut leve delictum.

**Ratio:** Custodia secreti necessaria est ad conservationem Reipublicæ. Ergo debet preferri levi damno hominis privati.

**3.** Licet revelare, si damnum sit notabile, & delictum grave sit committendum, quod non potest impedi nisi revelatione secreti.

**Ratio:** Quia secretum non debet obicem ponere charitati.

**Nota** tamen, in hoc casu monendum prius esse (si fieri possit) eum, qui secretum commisit, ut damnum, vel delictum impediatur; quòd si nolit, conquiri non poterit de facta revelatione, sed sibi imputet.

4. Si damnum jam sit illatum, & delictum commissum, non licet revelare.

*Ratio* : Observantia secreti, instar depositi amico commissi, majoris est momenti pro bono publico, & observatione securitatis civilis, quā privatum damnum, aut delictū actū commissum.

*Peccarene mortaliter*, qui secretum naturale sibi commissum revelaret uni, vel alteri amico prudenti?

*Distinguo* : Si fiat cum periculo gravis damni, est mortale : si cum periculo levis damni, vel nullius, est leve, vel nullum, nisi tamen forte is, cui revelatur, esset de numero illorum, quibus is, qui secretum commissit, absolute nollet illud innotescere, sic enim graviter contristeretur, & ad revelationem esset omnino invitus.

**QUÆRO II.** Teneturne Sacerdos in quovis casu celare ea, quæ habet sub sigillo Confessionis, seu ex Confessione sacramentali?

*CXI. Resp.* Cum S. Thom. art. 1. affirm.

*Ratio* : Tum, quia sigillum Confessionis obligat jure naturæ, Divino, & Ecclesiastico. Tum etiam, quia hoc exigit bonum commune totius Religionis Christianæ, quod magna ex parte consistit in Sacramento Pœnitentiæ, hoc autem per revelationem sigilli redderetur odiosum, & intolerabile. Ergo.

*Opposito* 1. Quod est institutum pro charitate, non militat contra charitatem : Sed celatio confessionis in aliquo casu militat contra charitatem. Ergo. Min. prob. 1. Ex casu quo quis ex Confessione scit aliquem esse hæreticum, quem non potest inducere, ut ad corruptionem plebis desistat. 2. Ex casu quo quis per confessionem scit, inter aliquos, matrimonium contrahere volentes, esse affinitatem. Ergo.

2. Si Papa alicui Confessario sub pœna excommunicationis præcipiat, ut confessionem revelet, tenetur parere. Ergo.

3. Sit casus, quod Confessor adducatur in testimonium pro illo peccato, quod scit ex Confessione, & cogatur ad jurandum veritatem. Vel quod Abbas ex Confessione sciat, Priorem sibi subiectum esse Prioratu indignū.

4. Sit casus, quod quis ex confessione sciat, aliquem ad Prælationem promovendum, esse ea indignum.

*Hæc suo ordine solvit Angel. Doct. art. 1.*

*Ad 1. ait* : Nec sigillum Confessionis contra charitatem militat, quia charitas non requirit, quod apponatur remedium peccato, quod homo nescit : illud autem quod sub confessione scitur, est quasi nescitum, cum illud non sciat aliquis ut homo, sed ut Deus. Tamen aliquod remedium adhibere debet in prædictis casibus, quantum potest, sine revelatione confessionis, sicut, monendo eos, qui consentiunt, & aliis diligentiam apponendo, ne corrumpantur per heresim. Potest etiam dicere Prælato, quod diligentius vigilet super gregem suum, ita tamen

ut non dicat aliquid, per quod verbo, vel nutu consentientem prodatur. Hæc S.D.

*Ad 2. ait* : Nullus ad revelationem Confessionis potest ab homine cogi, vel licentiarī. Unde si præcipiatur sub pœna excommunicationis jam latæ, quod dicat, si aliquid scit de tali peccato, non debet dicere : quia debet existimare, quod intentio præipientis est, si sciat ut homo, hoc autem non scit ut homo. Et si etiam exprimeret, de confessione interrogatus, non deberet dicere : nec excommunicationem incurreret, quia non est subiectus Superiori suo nisi ut homo : hoc autem non scit ut homo, sed ut Deus. Hæc S.D.

*Ad 3.* Homo non adducitur in testimonium nisi ut homo, & ideo sine latione conscientie potest jurare se nescire, quod scit tantum ut Deus. Similiter etiam potest Prælatus sine latione conscientie dimittere peccatum impunitum, quod scit tantum ut Deus, vel sine aliquo remedio : quia non tenetur adhibere remedium nisi eo modo, quo ad ipsum deferuntur. Unde in his, quæ ad ipsum deferuntur in foro pœnitentiæ, debet in eodem foro, quantum potest, adhibere remedium : ut, Abbas in casu prædicto debet eum admonere, ut Prioratum resignet, vel si noluerit, potest ex aliqua alia occasione absolvere eum a cura Prioratus, ita tamen, quod omnis suspicio vitetur de Confessionis revelatione. Hæc S.D.

*Ad 4.* Ex multis aliis causis redditur quis indignus ad Prælationis officium, quàm ex peccato, sicut ex defectu scientiæ, vel ætatis, vel alicujus hujusmodi. Et ideo, qui contradicit, nec suspicionem de crimine inducit, nec confessionem revelat. Hæc S.D.

Vide supra de usu amphibologiz, & restrictionis mentalis Tr. 10. Exam. 4. n. 60. 61. & 62.

**CXII.** Quid si Confessor in Confessione dividisset tale peccatum, cujus revelatio esset proficua conservationi totius Ecclesiæ, ut, si quidam Tyrannus eam vellet evertere.

*Ratio dubitandi est* : Quia bonum commune præferendum est privato.

*Dico* : Nec in eo casu licet revelare?

*Ratio* : Bonum commune est quidem præferendum bono privato, attamen per media ordinata ; immo hic non attenditur ad bonum particulare pœnitentis, quàm ad commune totius Ecclesiæ, quod periclitaretur, ut patet ex dictis. Sicut ergo si Tyrannus præciperet, ut aliquis fornicetur, vel blasphemet, sin minus, quod vellet omnes fideles occidere, non liceret ei obedire. Ita similiter. Ex quibus patet ad rationem dubitandi. Vide in hoc Exam. Q. 9. n. 122. ad Casum 2.

**CXIII.** Quid si pœnitens Confessario dicat, quod intendat eum occidere, potestne fugere?

*Ratio dubitandi est* : Quia fugiendo prodit peccati pœnitentis. Nihilominus Dico, quod possit.

*Ratio,*

*Ratio*, & solutio rationis dubii est: Quia criminem pœnitentis tunc non manifestatur ex fuga Confessarii; potest enim quis cogitare, quod fugiat ob aliam causam, v. g. ob dolores ex improvisoadvenientes, vel ob temporis inopiam, aut ratione cuiusdam negotii, &c. si verò pœnitens Confessarium inlequitur, seipsum manifestat. Vide infra in hoc Exam. nu. 122. ad 4. Casum.

**CXIV.** *Daturne* parvitas materiæ respectu hujus sigilli, ita ut revelare solum veniale, sit veniale?

*Dico*: Non datur, sicut non datur in perjurio.

*Ratio*; Licet peccatum veniale secundum se sit materia levis, tamen in ordine ad sigillum Confessionis est materia gravissima; possent enim homines merito timere, ne etiam peccata gravia manifestentur.

An id possit fieri cum licentia pœnitentis, dicitur statim. Unde

**QUÆRO III.** Potestne Sacerdos de licentia confitentis ejus peccatum in Confessione auditum revelare?

**CXV.** *Resp. affirm.* cum S. Thom. art. 4. nimirum si sit licentia expressa; interpretativa enim, vel præsumpta per modum ratihabitionis non sufficit.

*Ratio*: Tum quia confitens potest facere, ut illud, quod Sacerdos sciebat tantum ut Deus, sciat ut homo, quod fit per licentiā. Quæ quod debeat esse expressa, est, quia est in re gravissima. Tum etiam, quia secretum ex natura sua dependet a voluntate committentis, sicut depositum a voluntate deponentis. Tum tandem, quia totum jus sigilli primariè est in favorem pœnitentis, ne confessio ipsi fiat onerosa, & odiosa, & in favorem aliorum solum consecutivè: Sed quilibet potest cedere favori primariè sibi concessio. Ergo.

Dixi, *primariè*, ad insinuandam differentiam a privilegio fori Clericis concessio; nam lex, quæ eos eximit a foro civili, primariè est condita in favorem status Clericalis, attendendo ad illius dignitatem, & decentiam, & non in favorem cuiusvis particularis personæ. Et idè nullus Clericus potest cedere iuri suo, ut a Iudice sæculari iudicetur.

**CXVI.** *Oppono* 1. Quod non potest superior, nec potest inferior: Sed, ut antea dictum, Papa non potest aliquem licentiaré, ut revelet, quod in Confessione auditur. Ergo nec pœnitens Confessario ad id licentiam dare.

2. Quod est institutum propter bonum commune, non potest ex arbitrio unius irritari: Sed relatio Confessionis est instituta propter bonum commune totius Ecclesiæ. Ergo.

3. Si Pœnitens Confessario suo potest dare hanc licentiam, pallium malitiæ datur malis Sacerdotibus: Sed hoc est inconveniens. Ergo. Prob. maj. Quia revelando audita in confessione

possunt prætereendere esse sibi a pœnitentibus datam licentiam. Ergo.

4. Si cum licentia pœnitentis possit Confessor peccatum revelare. Ergo is, cui ille licentius revelat, potest iterum aliis revelare.

Hæc suo ordine solvit S. D. art. 4.

*Ad* 1. dist. maj. Si cætera sunt paria, conc. secus, negatur. Disparitatem dat S. D. dicens: *Papa non potest licentiaré Sacerdotem ad dicendum, quia non potest facere, quod illud sciat ut homo, quod tamen facere potest ille, qui confitetur.*

*Ad* 2. conceditur totum, sed negatur, quod irritetur in eo casu id, quod propter bonum commune est institutum. *Quia sigillum Confessionis non frangitur*, ait S. D. *cum dicitur, quod alio modo scitur.*

*Ad* 3. negatur maj. Ad prob. dist. ant. Quam tamen licentiam debent probare, conc. secus, negatur. Unde ex hoc non datur impunitas malis Sacerdotibus, ait S. Thom. quia imminet eis probatio (si acculantur) quod delicta confitentis revelaverint.

*Ad* 4. negatur Illatum: Quia ille, ad quem notitia peccati devenit mediata Sacerdote de voluntate confitentis, participat in aliquo actu Sacerdotis. Et idè simile est de eo, & de interprete, nisi fortè peccator velit, quod ille absolute, & libere sciat, ait S. D.

**QUÆRO IV.** Qualiquid scit per Confessionem, & etiam alio modo, potestne illud alteri revelare?

**CXVII.** *Resp.* cum S. Tho. a. 5. in c. dicente: *Opinio communior est, quod illud, quod homo aliàs scit, sive ante confessionem, sive post, non tenetur celare quantum ad id, quod scit ut homo. Potest enim dicere: Scio illud, quia vidi, tenetur tamen celare illud, in quantum scit ut Deus. Non enim potest dicere: Ego hoc audiui in confessione. Tamen propter scandalum vitandum debet abstinere, ne de hoc loquatur, nisi immineat necessitas. Ita S. D.*

*Ratio* ibidem in Sed Contra. Tum quia nullus potest alium obligare, ad quod non erat obligatus, nisi sit ius Prælati, qui obliget cum præcepto: Sed ille, qui sciebat alicujus peccatum per visum, non erat obligatus ad celandum. Ergo. Tum etiam, quia aliàs posset impediri iustitia Ecclesiæ, si quis, ut evaderet sententiam excommunicationis servandæ in ipsum propter peccatum, de quo convensus est, confiteretur ei, qui sententiam ferre debet: Sed iustitiæ executio est in præcepto. Ergo.

*Oppono*: Duorum, quod est altero potentius, trahit ad se reliquum: Sed scientia, quia quis scit peccatum ut Deus, est potentior, & dignior licentia, quia scit peccatum ut homo. Ergo trahit ad se eam, ut nec per eam possit revelari.

*Ad hoc* S. Thom. ibid. ad 3. dicit, Majorem

esse intelligendam de duobus, quæ habent oppositionem; sed scientia, quæ scit aliquis peccatum ut Deus; & illa, quæ scit ut homo, non sunt opposita. Et ideo ratio non procedit.

**QUÆRO V.** Per quam Confessionem quis tenetur ad observantiam sigilli. Item caditne sub sigillo, quicquid in Confessione auditur?

**CXVIII. Resp. 1.** ad 1. p. Tenetur per omnem, & solam Confessionem sacramentalem, quæ est, dum fit animo se accusandi, & peccata clavibus Ecclesiæ subjiciendi, ad obtinendam absolutionem, licet hæc forte non detur vel ex defectu requisitæ dispositionis in penitente, vel defectu potestatis in Sacerdote.

**Ratio:** Nisi hoc dicatur, confessio redditur valde odiosa, & onerosa.

**Resp. 2.** Laicus se Sacerdotem simulans, & alterius, bona fide accedentis, peccata audiens, tenetur sigillo.

**Ratio:** Quia juxta dicta est confessio sacramentalis, non quidem in resedæ penitente in prudenti æstimatione sic judicata.

Dixi, *bona fide*; si enim Penitens sciat fictionem, non confurgit sigillum, sicut nec quando quis accedit ad verum Sacerdotem animo illudendi, aut Confessarium ad crimen pertrahendi; quia non est ullatenus Confessio sacramentalis.

**Resp. 3.** Directè sub sigillo cadit quicquid est materia confessionis, nimirum mortalia in genere, & specie, venialia verò in specie; idirectè peccatum complicit eodem sigillo tegitur. Item defectus, & imperfectiones penitentis, ut quod sit scrupulosus, morosus, inodorus, tempus impunitatis, &c. Item omnia, per quæ potest deveniri in notitiam peccatoris, aut peccati. Item circumstantiæ, & similia, ex quorum revelatione penitenti evenire potest infamia, verecundia, confusio, mala suspicio, aliudve incommodum, ut si quis sit confessus, se illegitimè natum sacros Ordines suscepisse, se infamibus parentibus natum, jactasse generis nobilitatem, &c.

**Ratio:** Quia DD. communiter dicunt, sub sigillo cadere, quicquid confessionem reddit odiosam, vel onerosam; nec distinguunt inter audita, vel visa.

Nota tamen, quod si tales defectus jam passim essent noti, non caderent sub sigillo.

Dixi, *venialia in specie*, id est, hoc, vel illud; quia non est contra sigillum, si Confessor dicat in genere: Petrus confessus est mihi venialia, nullum specificando: si enim est confessus, ad minus venialia confiteri debuit. Item post duorum, vel trium confessionem auditam non licet dicere, Hic mihi est confessus sola venialia; nec licet unum laudare ob conscientie puritatem, non laudatis aliis. Quia potest oriri suspicio, quod alii sint confessi mortalia, iniciturque eis verecundia.

**Resp. 4.** Penitentia imposta cadit sub Sigillo.

**Declaratur:** Si Penitentia sit signum culpæ mortalis certæ, vel dubiæ, aut peccatorum venialium quoad numerum, vel speciem; frangitur sigillum eam revelando, secus si sit ita levis, ut ex eo colligi nequeat, nisi quod commune, & notum est, scilicet, penitentem fuisse venialia confessum.

**Ratio** patet ex dictis ad **Resp. 3.**

**QUÆRO VI.** Quinam tenentur ad sigillum Confessionis? an & ipse penitens?

**CXIX. Resp. 1.** Per se primò, & directè tenetur solus Confessarius, secundariò, & indirectè obligantur etiam alii, sive Clerici, sive Laici, qui sive licitè, sive illicitè, sive casu, sive studio peccata ex sola confessione sacramentali audierunt, ut contingit subinde iis, qui proximè adstant confessionali. Idem est de interprete. Item de Laico, cujus mentio facta in R. 2. ad q. 5. n. 113.

**Ratio 1. p.** Quia solus Sacerdos est minister huius Sacramenti.

**Ratio 2. & 3. p.** Quia res transit cum suo onere, ut solet dici: Sed notitia ex Confessione comparata habet hoc onus, quod sigillo silentii debeat manere obligata. Ergo.

**Resp. 2.** Tenetur Sigillo Superior, a quo petitur facultas absolvendi a casu reservato. Ubi breviter Not. Quod aliqui DD. reprehendant illum Superiorem localem, qui Visitatori dicit, in suo Conventu sèpe peti licentiā absolvendia reservatis. Item tenetur ille, a quo in casu fuit petitiū consilium. Tenetur qui reperit chartam, in qua alterius peccata sunt scripta jam confessa, vel saltem Sacerdoti pro confessione jam porrecta.

**Ratio** est adducta pro R. 3. ad Q. 5. & pro 2. p. R. 1. Q. 6.

Dixi, *jam confessi*; Si enim quis inveniat illam chartam ante confessionem inchoatam, non tenetur Sigillo, bene tamen ad Secretum naturale vi illius præcepti naturalis, *Quod tibi non vis fieri, alteri ne feceris*. Hinc si ea charta cõtineretur aliquod crimen vergens in damnum innocentis, vel Reipublicæ, tenetur illud revelare. Cujus ratio patet in hoc Ex. n. 110. circa medium.

**Resp. 3.** Licet aliqui DD. teneant, etiam ipsi penitentem teneri obligatione sigilli circa ea, quæ in Confessione Confessarius audit, & circa quæ interest Confessarii: probabilius tamen est, quod solum teneatur obligatione secreti naturalis.

**Ratio:** Tum quia obligatio Sigilli est in favorem solius penitentis, & non Confessarii. Tum etiam, quia, ut ex dictis patet, obligatio Sigilli solum cadit super illa, quæ clavibus Ecclesiæ subjiciuntur, & Sacerdoti manifestantur.

**QUÆRO VII.** Licetne Confessario notitia confessionis uti ad regimen externum penitentis? ad negandum votum per electionem, vel beneficium, aut officio? vel ad loquendum de peccatis cum penitente?

**CXX. Resp. 1. negative. Ratio:** Tum quia est



est indirecta saltem fractio sigilli, Confessionem reddens odiosam. Tum etiam, quia sigillum non solum obligat Confessarium erga alios, sed etiam erga ipsum pœnitentem.

Hinc discant cautè agere Concionatores in Cathedris: in vitia invehentes, & Magistri Novitiorum in Claustis, ac Monialium Confessarii iis concionantes, defensusque reprehendentes: facili enim contingit, pœnitentes, seu confessos pudore confundi.

*Resp. 2.* De auditis in Confessione loqui absq; ulla manifestatione pœnitentis, & sine periculo cognitionis, aut suspicionis ejus, non est peccatum: magna tamen cautela hac in re est necessaria.

*Ratio:* Quia nulli fit injuria, nec confessio redditur odiosa.

*Resp. 3.* Sine expressa licentia pœnitentis non licet Confessario de auditis in Confessione cum eo, etiam solo, loqui extra Confessionem.

*Ratio:* Tum quia per Sigillum Confessario clauditur os. Tum etiam, quia pœnitenti Confessio redderetur odiosa. Vide in hoc Exam. nu. 122. ad 5. quod nec duo Confessarii ejusdem pœnitentis possint inter se loqui de peccatis ejus.

*Resp. 4.* Practicè probabilior est, quod non petita etiam licentia, possit Confessarius intra Confessionem pœnitenti loqui de auditis in priori Confessione, si prudenter judicetur necessarium.

*Ratio:* Tum quia id fit in eodem foro pœnitentia, in quo Confessor, ut pœnitentem curet (sicut tenetur) interdum eget reflexione super peccata prætèrita, quæ proinde aliquo modo spectant ad præsens confessionem. Tum etiam, quia ita confirmat praxim Confessariorum ex præcedentibus confessionibus sæpè colligentium consuetudinem, & recidivam peccati, ac pœnitentis dispositionem, vel indispositionem ad abolitionem.

**QUÆRO VIII.** Licetne Confessario notitia confessionis uti ad corrigendum Complicem ad petitionem pœnitentis?

**CXXI.** *Resp. 1.* Pœnitenti nunquam licet in confessione Confessario manifestare personam complicis ob solum finem correctionis fraternæ, vel denunciationis, vel ad bonam gubernationem Communitatis.

*Ratio:* Tum quia Confessio per se non ordinatur ad correctionem fraternam. Tum etiam quia licet pœnitens possit Confessario dare licentiam loquendi de peccatis propriis, non tamen de alienis. Vide suprâ Exam. 6. nu. 107. **Q. 4.** de integritate confessionis quoad revelationem Complicis.

*Resp. 2.* Etiam regulariter loquendo Sacerdoti non licet a pœnitente exigere, ut ob finem correctionis complicem sibi extra confessionem manifestet.

*Ratio:* Tum quia exinde facili sequuntur *Tribunal Confessariorum.*

multa pusillorum scandala, putantium violari sigillum Sacramenti. Tum quia regulariter sunt multi alii, qui talem correctionem melius facere possunt quàm Confessor, cui complex non est confessus.

*Quid si præter Confessarium nulla alia persona ad talem correptionem apta inveniretur?*

*Dico,* dato hoc casu, qui rarissimus est, posset Confessarius obligare pœnitentem, ut extra confessionem sibi manifestet complicem, modò nullum possit subsequi scandalum, irreverentia, vel odium Sacramenti, fractio Sigilli, essetque casus extremæ necessitatis, maximi boni, vel ad defendendum proximum, ut docet noster Nugno.

**QUÆRO IX.** Quomodo resolvitis hos casus?

**CXXII.** *Primò:* Confessor pœnitenti ob indispositionem non absolutò renuit dare schedulam, seu testimonium Confessionis, frangitne ob hoc sigillum?

*2.* Sacerdos in Confessione audit talis nocte grave incendium, vel homicidium esse patrandum, quod Judicibus aperit sic; *Vigilate, quia accidere possunt aliqua detrimenta, attendite; vel cavete vobis; Iudex vigilando malefactores deprehendit, & punit, frangiturne sigillum?*

*3.* Potestne Confessarius pro explicatione proprii peccati in Confessione peccatum alterius in confessione auditum revelare?

*4.* Potestne Confessarius scientia confessionis uti ad evitandum grave periculum proprium, vel aliorum, spirituale, vel temporale?

*5.* Sunt duo Confessarii, qui ejusdem pœnitentis peccata in Confessione audiverunt, possuntne illi (absq; expressa pœnitentis licentia) saltè pro salute ejus de peccatis illius inter se loqui.

*Ad 1. R.* Si alii sciant, quod pœnitens hunc Confessarium accesserit, & ipse schedam absolute petat, tenetur eam dare, ne denegando eum prodatur, & sigillum frangat. Nec Confessarius eam dando mentitur, quia solum testatur esse confessum. Si pœnitens ex hoc capiet occasionem perleverandi in malo, perditio ejus ex ipso est. Cæterum si nullus alius sciat, quod Pœnitens hunc Confessarium accesserit, schedam negando non frangit sigillum: Quia nec verbo, nec facto pœnitentis peccata prodit, ut suppono, sed solum Confessionem factam positivo testimonio non approbat, ad quod non tenetur.

*Ad 2.* Non frangit sigillum, quia delictum fit publicum sine deordinatione sigilli: non tamen licet delictum specificare, ait noster Candidus. Hoc statim magis patebit in R. ad 4.

*Ad 3.* R. negative. Quia sigillum strictius, utpotè sub periculo mortis, obligat, quàm præceptum de integritate Confessionis, a qua minora mala excusant, ut patet suprâ in Exam. 6. n. 102. R. 3.



*Ad 4. R.* posse, dummodo Sacerdos ita ante, & prudenter agat, ut ad minus alii non advertant, eum tali scientia uti, & nullus pudor, vel confusio poenitenti oriatur.

Ex quo sequitur, quod Confessarius ex confessione cognoscens sibi in via parari insidias, vel venenum in Calicem pro Missa, possit manere domi, vel viam declinare, aut Missam committere, aliam causam sine mendacio allegando. Si ex confessione cognoscat suum Confessarium iurisdictione carere, aut res suas sibi furto esse ablatas, potest alium Confessarium eligere, & res suas melius custodire. Alium casum vide supra in hoc Exam. n. 113.

*Ad 5. R.* non posse: Quia quod intra iudicium Sacramenti est sigillatum, non licet extrahere illud alio sermone aperire, licet utrique cognitum sit. Alia ratio patet in hoc Examine num. 220. pro R. 3.

## EXAMEN VIII.

*De Satisfactione, ejus quiditate, ac qualitate. S. Thom. in Suppl. qu. 12. usque ad 15. inclusive.*

**QUÆRO I.** Quid est satisfactio in presenti? Quotuplex? Potestne homo pro peccata temporalia, suo, vel alieno peccato debita, condigne satisfacere? quæ satisfactio, ut effectum habeat, quas conditiones requirit?

**CCCIII. Resp. 1.** Satisfactio in genere significat compensationem offensæ, seu injuriæ alteri illatæ, ut patet ex S. Th. hic q. 12. a. 3. in c. Differt a restitutione, quæ versatur circa res alienas invito domino ablatas, reddendo eas, vel æquivalentes: Item a satisfactione poenæ a principio extrinseco v.g. Judice inflictæ, ut sit etiam in Purgatorio.

*Resp. 2.* Satisfactio pro peccatis est duplex: Una sacramentalis, altera non sacramentalis. Prima (de qua Q. 2. sequenti) ex Trid. Sess. 14. c. 3. definitur potest, quod sit actio, per quam in Sacramento Poenitentiae, aliquam juxta sententiam Sacerdotis, Deo pro peccatis retribuimus compensationem. Licet enim peccata per Sacramentum jam sint remissa, ut supponitur, adeoque pro eis non fiat amplius satisfactio, restat tamen eorum effectus, scilicet poena temporalis, in quam æterna commutatur, ut patet supra Exam. 2. nu. 18. Altera est per opera a Sacerdote non injuncta, sed sua sponte assumpta, punitio sui ad compensandam injuriam Deo per peccata illatam, ad eumque sic placandum, ut poenam temporalem remittat.

Ex quo sequitur, quod Satisfactio licet imperativè sit a caritate, elicitivè tamen sit actus virtutis penitentiae. De qua supra in hoc Tract. Exam. 1. num. 10. & seqq. ut etiam docet

S. Thom. hic quæst. 12. art. 1.

**CCCIV. Resp. 3.** Homo justus verè, & quidem de condigno satisfacit pro poena temporalis, peccato suo debita, juxta S. Thom. q. 13. art. 1. non tamen de rigore justitiæ.

*Ratio 1. p.* Satisfactio hominis justis potest habere æqualitatem, si non physicam, saltem moralem, ac proportionalem ex dignitate formæ satisfaciendi, scilicet gratiæ, cum poena temporalis, peccato suo etiam mortali debita, quia poena illa est finita in intensione, & duratione. Ergo.

Nec hoc derogat Satisfactioni Christi; licet enim illa in se, seu in actu primo, vel quoad sufficientiam sit infinita simpliciter, & plenissime pro nobis satisfecerit, debet tamen nobis applicari, nosque debemus ejus participes fieri, quod fit per Sacramenta, per bona opera, per nostram devotionem, quæ tamen cum sit finita, etiam finito modo nobis applicatur, sicut supra Tr. 12. Exam. 5. n. 75. dictum est de valore Sacrificii Missæ. Ex quo clarè patet, quàm malè inferant hæretici, ex eo sequi, quod homo sit suus redemptor, & quod poena nobis non remittatur gratis, seu ex gratia Christi, sed ex operibus nostris: malè, inquam, quia corde, & ore profitemur, operibus nostris nullam inesse vim, nisi ex gratia Redemptoris.

*Ratio 2. p.* Ut aliqua satisfactio sit ex rigore justitiæ, non sufficit eam esse ad æqualitatem, & tantum solvi a debitore, quantum debetur creditori, sed ultra hoc requiritur, quod non fundetur in gratia creditoris, & fiat ex bonis propriis nullo alio titulo creditori debitis: Sed, ut patet, hoc nequit dici de satisfactione hominis. Ergo.

**CCCXV. Resp. 4.** Ad Satisfactionem requiruntur triplicis generis conditiones. 1. Aliquæ ex parte satisfaciendi. 2. Aliæ ex parte operis. 3. Ex parte Dei.

*Declaratur:* Ex parte satisfaciendi requiritur 1. quod sit in via; Quia post hanc vitam, uti non datur locus meriti, ita nec satisfaciendi, sed solum satisfaciendi in Purgatorio. 2. Ut sit in gratia; hæc enim operibus nostris (ut potest secundum se poenis Purgatorii improporionatis) debet dare valorem, & condignitatem.

Ex parte operis requiritur 1. ut sit liberum; Quia sicut in naturalibus, seu non voluntariis, vel non liberis, non meremur, nec demeremur, ita nec satisfacimus. Hinc per flagella, seu calamitates hujus vitæ non satisfacimus quidem, in quantum præcisè insiguntur ab extrinseco, nimirum a Deo, cum taliter non sint nobis libera; bene tamen in quantum voluntariè ea acceptamus, & patienter toleramus: ut patet ex S. Th. hic q. 15. a. 2. Hoc notent podagrici, aut similibus morbis afflicti, qui si ex impatentia execrentur, jurent, sibi, aliisve mala imprecantur, merentur majores poenas in Purgatorio, vel in Inferno luendas. Si verò patienter ferant,

ferant, Purgatorium in hac vita solvunt. 2. Ut sit opus bonum, mala enim potius mererentur puniri. 3. Ut sit supernaturale, quia debet esse ex meritis Christi, & ex gratia. 4. Ut sit pœnale, quia Satisfactio fit ad peccata commissa vindicanda, ea in seipso puniendo, & ad futura cavenda: non enim facileredit ad culpam, qui expertus est pœnam. Vide infra in hoc Exam. n. 136. R. 5.

Tandem ex parte Dei requiritur acceptatio, seu voluntas remittendi pœnam intuitu talis operis; Quia opera nostra Deo jam sunt debita aliis titulis, nimirum Creationis, Redemptionis, Vocationis, &c.

**CXXVI. Resp. 5.** Potest unus homo pro alio satisfacere satisfactione non sacramentali, quantum hæc est compensatio pœnæ. 2. Non tamen in quantum est medicinalis, seu in remedium peccati. Nec satisfactione sacramentali. Ita S. Th. hic q. 13. ar. 2.

1. *Partem S. D.* probat tum ex illo ad Gal. 6. Alter alterius onera portare. Subdens autem ibid. Apostolus, Unusquisque onus suum portabit, loquitur tantum de ratione reddenda. Tum hac ratione: Pœna maxime habet vim satisfaciendi ratione charitatis, & charitas magis potest apud Deum, quam apud homines: Sed unus homo apud homines potest ex alterius amore debitum ejus solvere. Ergo a fortiori apud Deum.

*Declaratur* ulterius hæc 1. *Pars*: Debitum pœnæ temporalis non est purè personale, nec purè reale, sed mixtum, quod potest solvi, vel ab ipso debitore, vel ab alio. In quo differt *primò* a culpa, quæ est debitum purè personale, & ideo unus homo non potest pro altero conteri, vel confiteri, sicut per hos actus ulterius peccatum aboleatur, etiam dispositivè, quia dispositio debet esse in disponibili. Differt. 2. a pœnæ æternæ, quæ quia est pœna primaria delicti personalis, etiam est debitum purè personale, nec ullus nisi Christus, pro eo potest condignum exhibere pretium; in quo sensu intelligitur illud S. Aug. Tract. 84. in Joan. In fratrum peccatorum remissionem nullius Martyris sanguis funditur. Verum pœna temporalis solum est pœna secundaria delicti, ideo quæ est debitum mixtum.

Nec hæc sententia derogat Christo, cui pro alio satisfacere est proprium, ut causæ principalis, & universalis, a qua vim, & efficaciam participat satisfactio particularis; cum quo stat, quod homo possit satisfacere pro alio tanquam gerens vices ejus. Ut enim quis pro alio satisfaciat, ut causa principalis, ac universalis, debet habere satisfactionem superabundantem; ut vices gerens autem pro alio satisfacere potest, etsi ipsemet satisfactione indigeat. Sicut in humanis unus pro altero potest solvere debitum, licet ipsemet debeat. Ubi

Nota ex S. Thom. hic quæst. 13. ar. 2. ad 3.

quod qui ex charitate pro alio meretur, saltem merito congrui etiam sibi magis meretur, non autem ille, qui pro alio satisfacit, etiam pro se satisfacit, quia illa quantitas pœnæ non sufficit ad utramque peccatum, tamen satisfaciendo pro alio, sibi meretur aliquid majus, quam sit dimissio pœnæ, scilicet vitam æternam. Disparitatem ibidem dat: Quia in solutione debiti attenditur quantitas pœnæ, sed in merito attenditur radix charitatis.

2. *Partem S. D.* ibid. in c. probat ex eo; Quia medicina recipi debet in eo subiecto, in quo est morbus, & cui applicatur, ex jejuniis enim unus non domatur caro alterius, nec ex actibus unus alius beneagere consuevit, nisi secundum accedens, in quantum scilicet aliquid per bona opera potest alicui mereri augmentum gratiæ, quæ est medium efficacissimum ad vitandum peccatum, quod magis est per modum meriti, quam satisfactio. Ergo.

Nota, quod non omnis satisfactio, præsertim extra Sacramentum, de qua hic est sermo, est medicinalis, nisi latè, improprie, & remote: licet enim satisfactio fiat ad futurorum peccatorum cautelam, in eam tamen influxus satisfactionis solum remote concurrat: proximè verò conducit ad remissionem pœnæ temporalis solutionem.

3. *Pars* patet: Quia juxta Concil. Trid. & S. Tho. materia hujus Sacramenti sunt ipsi actus Pœnitentis, qui virtute clavium ad esse Sacramenti elevantur. Ergo.

*Opponi* potest contra hanc 3. partem, quod Confessor possit imponere pœnitentiam per alium implendam, sed de hoc infra in hoc Exam. n. 139. R. 2. ad Q. 6.

**CXXVII. Resp. 5.** Ut satisfactio uni alteri prodest, requiruntur quædam conditiones tum ex parte satisfaciens, tum ex parte ejus, pro quo satisfacit.

*Declaratur*: Ex parte satisfaciens requiritur, quod sit in gratia, cum hæc sit forma dignificans opera. Quod intelligit de satisfactione; quæ sit nomine proprio. Nam si quis opera faciat nomine Ecclesiæ, v.g. dicendo orationes in Missa, vel in Choro, sunt satisfactoria (juxta S. Th. in 4. d. 45. ar. 1. q. 3.) licet ministri sint in statu peccati mortalis: quia tunc non attenditur minister, sed is, cujus nomine orat, quæ est Ecclesiæ, Sponsa sine macula. 2. Ut ponat opus sufficiens ad satisfaciendum. 3. Ut habeat intentionem applicandi; seu opus sibi proficuum transferendi in alium.

Ex parte ejus cui satisfactio applicatur, requiritur 1. quod sit in gratia, qui enim est in mortali, est indignus remissionem pœnæ. 2. Requiritur saltem virtualis acceptatio, quæ censetur esse in omnibus in gratia existentibus, & satisfactione indigentibus.

**QUÆRO II.** Satisfactio estne vera pars Sacramenti Pœnitentiæ, causans effectum ex opere

operato? Quid si impletur in peccato mortali?

CXXXVIII. *Resp. 1.* Satisfactio sacramentalis est vera pars Sacramenti Pœnitentiæ. 2. non essentialis. 3. sed integralis.

*Ratio 1. & 2. p. Partis est:* Hoc Sacramentum est primario sit Judicium reconciliatorium Rei cum Deo, secundario tamen, & integraliter est vindicativum injuriæ Deo intentatæ: Sed vindicta non est sine pœna. Ergo.

2. *Pars* patet ex dictis suprà in hoc Tr. Exam. 1. n. 3. pro R. 4.

*Resp. 2.* Satisfactio sacramentalis triplicem habet effectum ex opere operato, scilicet remissionem temporalis pœnæ ex peccatis jam condonatis relicta. 2. Auxilia quædam supernaturalia ad peccata in futurum facilius cavenda. 3. Augmentum gratiæ habitualis.

*Ratio 1. & 2. p. Juxta Trid. sess. 7. Can. 6. Sacramenta Novæ Legis ex opere operato, id efficiunt quod significant, cum sint signa prædica:* Sed Satisfactio sacramentalis significat duos primos effectus, ut patet ex dictis in hoc Exam. n. 123. pro R. 3. & n. 25. pro R. 4. Ergo.

*Ratio 3. p. Pars* debet sapere naturam totius, cujus est pars, eo modo quo est capax: Sed Satisfactio est pars Sacramenti Pœnitentiæ, & de hujus natura est conferre gratiam ex opere operato. Ergo confert gratiam. Sed non potest causare gratiam primam. Ergo secundam, & quasi integram.

Eandem partem clarè docet S. D. 3. par. q. 90. ar. 2. ad 2.

Ex hac ratione solvitur illa Objeccio. Quod causat, & significat gratiam in Sacramentis, est pars essentialis. Item Sacramentum, quod causat gratiam secundam, est Sacramentum vivorum. Est enim verum, si sit gratia essentialis, & primaria; secus si integralis, & secundaria.

CXXXIX. *Resp. 3.* Probabilis est, quod Pœnitentia sacramentalis in peccato mortali impleta valeat quidem, seu subsistat, ita ut non sit necessarium iteranda, per eamque satisficit præcepto Confessarii. 2. Effectum verò non causat. 3. Immo pœnitens peccat sic implendo. 4. Non mortaliter, sed venialiter. 5. Sortitur tamen suum effectum ex opere operato fitione sublata per contritionem, vel attritionem cum Sacramento. Patet ex S. Th. q. 14. ar. 2. & 3.

*Ratio 1. p. Quia* pœnitentia non injungitur cum hoc onere, ut impletur in statu gratiæ, quamvis consultissimum sit, ut fiat. Ergo.

*Ratio 2. p. Quia* effectui ponitur obex, nimirum tam gratiæ, ut patet, quam remissioni pœnæ, qua mortale eum facit indignum. Ergo.

*Ratio 3. p. Qui* ponit voluntariè obicem gratiæ, peccat.

*Ratio 4. p. Quia* ponitur obex solum gratiæ secundariæ, & minus principali, ac effectui partiali, adeoque non est materia gravis, nec

solent homines de hoc se accusare.

*Ratio 5. & 6. Partis:* Pars Sacramenti debet imitari naturam Sacramenti: Sed Satisfactio est pars Sacramenti Pœnitentiæ, & hoc si sit validum informe, recedente fitione obtinet ex opere operato suum effectum. Ergo & Satisfactio. Min. est probata suprà de omnibus Sacramentis Tract. 11. Exam. 2. n. 13. Ubi etiam patet, quod illa Sacramenta, quæ aliquem effectum relinquunt, recedente fitione suum effectum causant physicè, alia verò moraliter. Vide etiam de Confessione informi suprà in hoc Tract. Exam. 6. n. 101.

*Dixi, ex opere operato:* Quod enim non habet effectum ex opere operantis, patet ex dictis suprà in hoc Tract. Exam. 2. nu. 37. Et hoc vult S. Th. hic q. 14. ar. 3. in c. docens: Quod caritas adveniens non possit opera extra charitatem facta facere grata, sive quoad esse meritum præmii supernaturalis, sive quoad esse satisfactorium.

*Dixi, præmii supernaturalis:* Nam de remuneratione temporalis (quam merentur ex congruo, solum, quia sic decet divinam Bonitatem, ut loquitur S. Th. hic q. 14. ar. 4. in c.) jam admissum est suprà in hoc Tract. num. 37. immediate ante Exam. 3.

CXXX. *Sed nonne* opera bona extra charitatem, seu in statu peccati mortalis facta, quæ dicuntur mortua, saltem alleviant pœnam inferni, vel purgatorii?

*Dico* q. S. Th. hic q. 14. ar. 5. Licet hæc opera neminem a pœna æterna liberare possint. 2. Nec etiam propriè diminuant pœnas inferni, fortificando subiectum, seu ei conferendo majorem virtutem in resistendo, ut habeat minus de passibilitate. 3. Dicit tamen possunt eam diminuire in hoc sensu, quatenus scilicet per ea meritum majoris pœnæ inferni impeditur.

*Ratio 1. & 2. p. Nullus* liberatur a pœna, nisi sit liberatus a culpa, & effectus culpæ non diminuitur, vel tollitur, nisi & ipsa diminuta sit, vel sublata, quia effectus culpæ juxta eam mensuratur: Sed dicta opera non tollunt, nec diminuant culpam, & pœna inferni est effectus ejus, uti & passibilitas major, vel minor juxta quantitatem ejus. Ergo.

*Ratio 3. p. Tum* quia homo per talia opera secundum se bona evadit reatum omissionis. Tum etiam, quia aliquo modo disponunt ad bonum, ac ad gratiam saltem negativè, inquantum homo non ponit novum gratiæ impedimentum, sed a pluribus aliis peccatis (quæ fortè commisisset, eaque committendo majorem inferni pœnam promerisset) retrahitur, & non peccat ex tam gravi contemptu. Ergo 3. pars est vera.

In hoc sensu intelligitur S. Aug. in Enchirid. dicens, Quod opera bona ad hoc prosint, ut plena sit remissio, vel tolerabilior sit damnatio. Item in eodem sensu merentur diminutionem, vel

vel dilationem pœnæ temporalis, ut patet ex S. Tho. 2. cit. in c.

**QUÆRO III.** Teneturne Confessor pœnitenti satisfacionem, seu Pœnitentiam injungere, & hic eam acceptare, statimque implere? Vel licet ne eam remittere ad Purgatorium?

**CCCCI. Resp. 1.** Confessarius per se loquendo sub mortali tenetur confitenti injungere pœnitentiam. Patet ex Trid. Sess. 14. c. 18.

**Ratio:** Tum quia non injungendo Sacerdos in re gravi agit contra Sacramentum, quod relinquit imperfectum, & mutilum, nimirum parte integrali delitutum: Tum etiam contra suum officium, ut Judicis, cujus est lata sententia infligere pœnam: & ut Medici, cujus est præscribere medicinam. Ergo.

**Dixi, per se loquendo;** Excipitur enim casus moribundi post data doloris signa absoluti, sensibus destituti, cui pœnitentia injungi nequit.

Nota hic, quodd si infirmus utatur ratione, injungenda est brevis, & discretæ, viribus infirmi proportionata pœnitentia, v.g. ut peccatus tundat, Crucem osculetur, dicat, *Jesus, & Maria.* Vel, *Deus propitiuss esto mihi peccatori.* Vel injungat pœnitentiam sub conditione, si convalescat, aut ut morbi molestias in satisfacionem de manu Domini patienter suscipiat.

**Resp. 2.** Probabilius est, quodd pœnitens ante acceptam absolutionem (dummodo non sit error ex parte Sacerdotis pœnitentiam injungentis) sub mortali teneatur eam acceptare, & velle implere; 2. Licet solum sit de venialibus, aut mortalibus jam confessis; 3. Nec possit eam remittere ad Purgatorium.

**Ratio 1. p.** Reus justam pœnam tenetur subire, & in ea Judici parere.

**Ratio 2. p.** Etsi talis pœnitentia secundum se sit res levis, attamen in quantum est pars integralis Sacramenti, sine qua est totaliter mancum, & mutilum, est res gravis. Ergo.

**Dixi, totaliter mancum;** si enim majorem pœnitentiam partem persolvat, omittat verò levem partem ejus, peccat solum venialiter.

**Oppono:** Pars illa potest esse major, quam aliqua pœnitentia totalis. Ergo si hanc omittere, sit semper mortale, etiam ibi erit.

**Ad hoc dist. ant.** Potest esse major materialiter, conc. formaliter: neg. Quia in præfenti gravitas materiæ non penatur ex quantitate rei, sed formaliter desumitur ex majori necessitate nimirum propter integritatē Sacramenti.

**Ratio 3. p.** Qui Pœnitentiam remittit ad alteram vitam, peccat tum contra Sacramentum, quodd mutilat: tum contra Judicem, cui non parat; tum contra charitatem propriam relicto faciliiori medio satisfaciendi, ut sunt pœnæ hujus vitæ, assumendo difficillimum. Ergo.

Fateor tamen, quodd absolute loquendo, & spectata præcisè natura rei id quidem posset, de facto tamen, & supposita institutione hujus Sacramenti id non posset.

**CCCCII. Resp. 3.** Pœnitentia debet impleri prima commoditate, aut tempore, quodd Confessor designavit, paulò ulterius eam differre, non est mortale, sed veniale.

**Ratio 1. p.** Quia hæc cenetur justa Confessarii præceptum intentio, cui res parere tenetur. Ergo.

**Ratio 2. p.** Preceptum Confessarii communiter magis cadit super rem præceptam, quam super tempus. Ergo.

Ex quo sequitur, quodd si Confessor pœnitentiam limitavit per hebdomadam, vel mensem; v.g. ut semel in hebdomada, vel mense communice, potest eam per aliquot dies differre, v.g. quia instat festum, vel indulgentia lucranda. Quia Confessarius non censetur tam immobiliter præfixisse terminos.

**Resp. 4.** Licet Pœnitens non teneatur, etiam dum potest, pœnitentiam implere ante sacram Communionem, tenetur tamen antequam de novo confiteatur.

**Ratio:** Ante novam Sacramenti Pœnitentiæ receptionē tenetur præcedentem perficere, in quo pœnitentes a Confessariis sunt instruendi.

**CCCCIII. Resp. 5.** Quando Confessarius determinat diem, seu opus obligat diei, peccat pœnitens graviter differendo, & tempore elapso adhuc obligatur, & peccatum omissionis nova Confessione est expiandum.

**Ratio:** Quia satisfactio in casu præfenti est pars Sacramenti, qua necit carere nec etiam ad arbitrium Confessarii.

**Resp. 6.** Differre impletionem pœnitentiæ per annum, sicut potest differri confessio, est peccatum mortale.

**Ratio** patet ex dictis: Quia Sacramentum tanto tempore relinquere mutilum, est res, & irreverentia gravis.

**Resp. 7.** Quantum dilationis tempus in præfenti requiratur ad mortale, standum est arbitrio viri docti, & prudentis.

**Ratio:** Quia possunt occurrere circumstantiæ rem immutantes.

**QUÆRO IV.** Quantum, & qualem Pœnitentiam tenetur Confessor pœnitenti injungere? & qualia opera?

**CCCCIV. Responsio 1.** ex Concil. Trid. cujus verba, Cedro digna, cujusvis Confessarii animo altissimè imprimenda; Sessione 14. cap. 8. *Debent Sacerdotes Domini, quantum Spiritus, & Prudentia suggererit, pro qualitate criminum, & pœnitentium facultate saluantes, & convenientes Satisfactiones injungere, ne si forte peccatis convalescant, & indulgentiis eum pœnitentibus agant, levissima quadam opera pro gravissimis delictis injungendo, alienum pecca-*

peccatorum participes efficiantur. Habeant autem pra oculis, ut satisfactio, quam imponunt, non sit tantum ad bona vita custodiam, & infirmitatis medicamentum, sed etiam ad praevariorum peccatorum vindictam, & castigationem. Nam claves Sacerdotum non ad solvendum duntaxat, sed & ad ligandum concessas, antiqui patres & credunt, & docent.

Notent hoc Confessarii, qui pro gravissimis flagitiis, non nisi pauca *Water*, & *Ave* imponunt. Qui reddent rationem villicationis lux in illa die. Vide in Exam. 5. n. 98. ante Q. 12.

Resp. 3. Dux illar benigniorum Confessariorum Maximae, *Tutus est animam cum parva poenitentia impleta mittere ad purgatorium, quam cum magna non impleta mittere ad infernum. Facilius effredere Deo rationem de nimia misericordia, quam de nimia iustitia*, non sunt totaliter abiciendae, sed in aeno sensu intelligendae, & amplectendae, etiam in praxi. Pro quo vide R. 3. num. 135.

Hic sanus sensus indicatur ab ipso Conc. Trid. cit. quod statuit, ut poenitentia iniungatur non solum pro qualitate criminum, sed & pro facultate poenitentium, ut pauperi non iniungatur eleemosyna sed diviti; Operario non iniungatur jejunia, sed orationes, cum suo labore compatibles; Superbo imponat actus humilitatis, attamen conditioni proportionatos; diviti avaro eleemosynas; ebrioso, luxurioso, jejunia, &c. singulis enim morbis convenientia sunt adhibenda remedia. Juxta dicenda R. 3. Pro quo etiam vide in Tract. primo Procemiali ad Q. 5. n. 11.

Quia in re Confessaria magna opus est prudentia. Potest namque minorem poenitentiam iniungere intuitu indulgentiarum hic, & nunc lucrandarum, ac intuitu impedimentorum, & laborum, quibus poenitens, quasi quotidie distrahatur, aut si poenitens det extraordinaria signa excellentis Contritionis. Hinc optime facit Confessarius interrogando poenitentem (praefertim, si sit timorata conscientia) an fidat sibi poenitentiam hanc persolvere, illumque, hortando, ut agnoscat, hanc poenitentiam respectu peccatorum esse parvam, & ut id, quod deest, suppleat per sua bona opera ad eum scopum applicanda. Item ei in memoriam revocet, olim pro uno majore peccato mortali 7. annorum poenitentiam fuisse injunctam, immo decem annorum pro apostasia a fide, etiam metu persecutionis facta. Qui tamen Canones poenitentiales non sunt amplius in usu. Hinc bene facit Confessor addendo post absolutionem illa verba: *Quicquid boni fueris, aut intendis facere*, &c. quae non esse merè deprecatoria, sed sacramentalia, varii AA. colligunt ex S. Tho. quod lib. 3. a. 28.

Item S. D. in eodem quodl. 2. 29. docet, quod si quis poenitens ad horas obligatus omisisset uno

die totum Officium divinum, pro poenitentia ei esse iniungendum, utoret. 7. Plal. Poenitentiales aut plus secundum qualitatem Officii Divini.

CXXXV. Resp. 3. Quanta, & qualis sit poenitentia imponenda Satisfactio, sciet Confessor, si curet, ut sit commensurata huiusmodi, nimirum peccatori, & peccato, & fini; Sicut medicina debet esse proportionata infirmo, infirmitati, & intentae sanitati.

Declaratur ex Cajetano: Oportet videre, an poenitens sit animo debilis, vel fortis, ac promptus ad satisfaciendum. Sicut enim homini corporaliter infirmo, si fortis sit, & vires habeat, potest dari fortis medicina, non tamen debili, ita poenitenti robusti animi imponenda est satisfactio, quam meretur: ille vero, qui est debilis animi, parva, juxta animi debilitatem, ut parvulus ignis foveatur opposita palea; nec suffocetur magnis lignis deluper appositis. Pro quo vide R. 2. ante posita.

Considerandum ulterius, quo morbo poenitens laboret: luxuria enim jejunio, avaritia curatur elemosyna, blasphemia divinis laudibus. Ut plurimum etiam observet Confessor, ut poenitenti praescribat remedia, quibus obtentam animae sanitatem conservet, quae remedia sunt praecidere peccatorum causas, seu occasiones, talem conversationem, cohabitationem, huius, vel illius domus ingressum, &c. Caveandum etiam est, ne imponatur poenitentia, cujus impletio poenitentem possit manifestare, aut scandalum parere, v.g. imponere jejunia puellis, diebus extraordinariis servanda, per quae veniant in suspitionem.

Resp. 4. Potest ex praefatis causis Sacerdos interdum uni poenitenti pro culpa minori, vel pari majorem poenitentiam imponere, quam alteri, v.g. Juveni pro fornicatione majorem, quam Seni, quamvis Juvenis minus peccet.

Ratio: Quia hoc peccatum in juvene habet majus iacentivum, quam in senae, ait Lublino. De quo vide supra de causa involuntarii Tract. 3. Exam. 1. n. 21.

CXXXVI. Resp. 5. Satisfactio sacramentalis non solum debet esse medicinalis, sed & penalis. Opera satisfactoria penalia sunt potissimum tria, scilicet elemosyna, jejunium, & oratio. Ita patet ex S. Thom. hic q. 15. a. 1. & 3.

Prima & 2. Pars patet ex Trid. cit. & aliis jam dictis, ac probantur a S. Tho. a. 1. in Sed Contra, hoc Syllogismo: Per satisfactionem oportet peccati valua sanari perfectè: Sed peccatorum medicinae sunt poenae: ut Philosophus dicit in 2. Ethic. Ergo.

Ratio alia a S. D. datur in c. Satisfactio resplicet offensae praeteritis, ut compendat; & futuram, ut ab eo praeservet: Sed ad utrumque requiritur penalis. Ergo. Min. prob. Compensatio offensae illatae fit per hoc, quod compensanti aliquid subtrahatur, & detur alteri: Sed per opus bonum

bonum præcisè ut tale, operanti nihil subtrahitur, sed is per illud magis perficitur, subtrahitur autem per illud, ut est pœnale, ut patet ex dicendis pro 3. p. Deinde pœna etiam præservat a culpa futura, ut patet tum ex Philosopho antecitato, tum ex dictis suprà in hoc Exam. n. 12. s. Ergo.

In R. ad 1. ibid. S. Doct. docet, quòd quamvis Deus non deleatur in pœnis, ut sunt pœnæ, deleatur tamen in eis, ut sunt iustæ, & sic satisfactoriæ esse possunt.

3. Pars Declaratur a S. Th. a. 3. in c. Satisfactio, ut dictum est, debet esse talis, per quam aliquid nobis subtrahamus ad honorem Dei, nos autem non habemus nisi tria bona, scilicet bona anime, bona corporis, & bona fortune, scilicet exteriora. Ex bonis quidem fortune subtrahimus nobis aliquid per elemosynam, sed ex bonis corporis per jejunium: ex bonis autem anime non oportet, quòd aliquid subtrahamus nobis quantum ad essentiam, vel quantum ad diminutionem ipsorum, quia per ea efficitur Deo accepti, sed per hoc, quòd ea submittimus Deo totaliter, & hoc fit per orationem. Ergo.

Nota ex S. Th. ibid. ad 3. ad jejunium referri quicquid corpus affligit, ut sunt vigilie, peregrinationes, cilicia, flagellationes, &c. Deinde quicquid expenditur in utilitatem proximi, habet rationem elemosynæ, ut sunt opera Misericordie: sive corporalia, sive spiritualia. Similiter quæcumque latia Deo exhibetur, ut votum, Sacrificium, genus flexio, &c. reducitur ad orationem. Et ideo etiam unum opus potest habere plures rationes satisfaciendi.

An flagella bujus vitæ sint satisfactoria, vide supra in hoc Exam. n. 12. s.

Declaratur ulterius cum S. Tho. ibid. latet in his tribus operibus medicina peccatorum: Nam extirpant in nobis tres peccatorum radices; Oratio, quæ nos, & omnia nostra Deo submittimus, comprimit superbiam; Jejunium concupiscentiam carnis; Elemosyna concupiscentiam oculorum, seu avaritiam. Ergo.

CXXXVIII. Oppono: Homini aliunde temperato, & valde modicum comedenti potest injungi actus temperantie: Sed hic actus non erit illi pœnalis, nec medicinalis, ut patet. Ergo.

Ad hoc dist. min. per accidens, conc. per se, neg. Vel sic: Non erit ex parte subiecti, conc. ex parte objecti, & quantum est ex natura actus, neg. Hoc secundo modo aliqua pœnalitas reperitur in omni actu virtutis, etiam in comestione ciborum delicatiorum: hæc enim non est actus virtutis, nisi sit moderata, quæ moderatio & a pluribus cibis abstinentia jam est aliqua pœnalitas, & medicina. Nefas autem foret; immò mortale peccatum, pro mortalibus peccatis inungere expressè comestione ciborum delicatiorum, etiam moderatam, attamen ad saturitatem, Veniale verò si fieret pro ve-

nialibus. Quia est opus simpliciter delectabile, & solum secundum quid pœnale.

Dixi, ad saturitatem; si enim Confessor, sciens pœnitentem delicate comedere, de eo tamen nihil exprimens, ei injungat, ut comedat infra saturitatem, aliquam, vel aliquas portiones sibi subtrahendo, hoc non est improbandum; Cæteris tamen paribus, quæ de qualitate pœnitentiæ dicta sunt.

QUÆRO V. Opera injungenda debentne esse externa, ac supererogatoria, seu consilii, five aliunde non debita? Item possuntne impleri eodem tempore, quo alius actus cadit sub præcepto, v. gr. Rosarium injunctum orando sub Missa præcepta? aut injungi Defunctis applicanda?

CXXXVIII. Resp. 1. Satisfactio sacramentalis regulariter, & per se debet esse opus externum, 1. & consilii, seu supererogationis, five aliunde non debitum, sed solum obligans ex præcepto Confessarii, 3. potest tamen aliquando ex speciali ratione injungi opus jam debitum, 4. ac internum.

Ratio 1. & 2. p. Quia communiter ita habet praxis Ecclesie, & Confessarii iurisdictionem opera aliis non præcepta, & sensibilia, seu externa: ed quòd illis maxime competit pœnalitas. Et hoc in praxi servandum est.

Ratio 3. Partis est. Tum quia potest quis eodem actu satisfacere duobus præceptis, v. gr. voto, quòd quis fecit de jejunando omni die Veneris toto anno, ac præcepto Ecclesie de jejunio Quadragesimæ eodem die. Tum etiam, quia tale opus potest adhuc habere omnes condiciones suprà in hoc Exam. n. 12. s. R. 4. ad satisfactionem requisitas, ad quas accedit nova obedientia, tanquam pœna ex præcepto Confessarii, quæ non potuisset ab homine exigi, nisi peccasset. Ergo.

Notanda hic est disparitas, cur non possimus satisfacere homini eodè actu pro duobus debitis, ut si Petrus debeat Paulo 100. Imperiales ratione agri ab eo empti, & 100. ratione mutui, non satisfacit utriq; debito, numerando centum priores. Disparitas est: Quia Deus bonorum nostrorum non eget, nec ullum ex eis habet interesse, eorumq; valor provenit ex gratia, & acceptatione Dei, opera nostra infinitis aliis de iustis ei debita sic acceptanda; secus est de homine.

Ratio 4. p. Quia actus ille internus, v. g. meditatio pro pœnitentia injuncta fit sufficienter sensibilis per Sacerdotis impositionem, ac penitentis acceptationem, voce, vel signo sensibili facta, sicut contritio fit sensibilis per Confessionem: & tamen est pars essentialis Sacramenti. Ergo.

Resp. 2. Probabilius est, quòd si opus aliunde præceptum, & pœnitentia se non excludant, possint eodem tempore persolvi, ut Rosarium pro pœnitentia injunctum sub Missa præcepta; De consilio tamen est, persolvere alio tempore.

Ratio patet suprà Tr. 10. Exam. 5. n. 95. si proportionatè applicetur.

Resp.

*Resp. 3.* Probabilius est posse injungi pœnitentiam defunctis applicandam.

*Ratio:* Tum quia tale opus habet omnes conditiones suprà ad Satisfactionem requisitas, & est elemosyna spiritalis. Tum quia Satisfactio sacramentalis habet suum effectum ex opere operato, & hic manet proprius pœnitenti, sique Sacramentum non frustratur sua parte, vel effectui integrali: & etiam ex opere operantis, & hic potest applicari defunctis. Ergo.

**QUÆRO VI.** Potestne Confessarius imponere pœnitentiam per alium peragendam? Vel liberam, seu arbitriam, seu indeterminatam pœnitentiam determinandam, dicendo, Facias hoc, si potes? Vel si non potes, fac illud?

*CXXXIX. Resp. 1.* Pœnitens non potest pœnitentiam sibi injungi cum sine Confessarii consensu implere per alium.

*Ratio:* Quia intentio Confessarii censetur esse (nisi eam aliter explicet) ut pœnitens injunctam pœnitentiam peragat per seipsum.

Nota, huic non obstat, si elemosynam det per famulum, quia sic pœnitens tamen manet causa principalis, cum famulus solum sit instrumentum: vel si alius det elemosynam loco ipsius, dum ipse non potest, quia hoc idem est, ac si alter ei daret pecunias, ut ex eis elemosynam faciat, & quidat, etiam si solum habet ut minister: si verò alius pro pœnitente sine Confessoris licentia pœnitentiam peragat, orando, jejunando, &c. id faceret, ut causa principalis, & ut dominus actionum suarum.

*Resp. 2.* Probabilius est quod Confessor possit pœnitenti injungere Pœnitentiam per alium exequendam ad ipsius pœnitentis petitionem.

*Ratio:* declaratur ex Gonet: In eo casu illud opus satisfactorium, si consideretur præcisè, ut sit ab alio, non est pars Sacramenti, sed solum, ut sit ex petitione ipsius pœnitentis: Quare talis petitio esset formale in tali satisfactione, opus autem satisfactorium alterius esset materiale illius, ordinatum ab ipso pœnitente. Unde formale illius satisfactionis sacramentalis adhuc est actus pœnitentis.

*Resp. 3.* Probabilius est, quod Confessor possit pœnitenti injungere talem pœnitentiam indeterminatam, quæ in Quæsto describitur. Ita Ang. Doct. quodl. 3. ar. 28.

*Ratio:* Confessor talem Pœnitentem adhuc sufficienter ligat, & solvit; ligat, inquantum imponit necessitatem, seu obligationem alicujus pœnitentiæ, non quidem determinatè, sed indeterminatè hujus, vel illius: solvit verò, inquantum pœnam Purgatorii (quæ per se, & non adhibita virtute clavium esset subeunda) commutat in faciliorem. Ergo.

**QUÆRO VII.** Quomodo Pœnitens tenetur ad circumstantias Pœnitentiæ, ut si Sacerdos injungat Rosarium coram tali imagine,

vel flexis genibus persolvendum? Et quid agendum pœnitenti, cui pœnitentia est facta impossibilis? vel qui pœnitentiæ est oblitus?

*CXL. Resp. 1.* Probabilior est Sententia, quæ distinguit, dicendo, circumstantia interdum transire in substantiam, interdum verò manere veram circumstantiam. In primo casu, circumstantia omissa, non satisficit præcepto Confessarii, & Sacramentum manet mutilum, & est peccatum mortale, in secundo veniale.

*Quomodo* potest sciri, quod circumstantia transeat in substantiam operis?

*Dico,* id colligi posse ex eo, quia Confessor eam apposuit, idcirco quia advertit eam huic pœnitenti non minùs esse pœnalem, quàm ipsum opus. Nonnulli enim libentius multa Rosaria ambulando, vel sedendo dicunt, quàm unum flexendo: Manet verò mera circumstantia, si parùm sit pœnalis.

*Resp. 2.* Distinguit etiam bene alii, sicut solet distingui de voto: Si res injuncta sit gravis, & circumstantia levis, v.g. in casu Rosarii dicendi ante talem imaginem, obligatio ad circumstantiam solum est venialis: Si verò circumstantia sit gravis, ut si in tali imagine esset aliquod particulare obsequium propter concursu, aut aliquid simile (quod idem posset occurrere de genuflexione sub Rosario) obligatio ad circumstantiam esset sub mortali.

*Resp. 3.* Si circumstantia fiat pœnitenti impossibilis, tenetur ad substantiam.

*Ratio:* Quia rationabiliter censetur hæc esse intentio Confessarii.

*CXLI. Resp. 4.* Pœnitens, qui siue culpabiliter, siue inculpabiliter per oblivionem, aut aliam causam factus est impotens implere pœnitentiam, non tenetur loco illius pœnitentiæ per seipsum facere alia opera satisfactoria, quæ etsi faceret, & postea heret potens ad priorem pœnitentiam, tenetur ad illam.

*Ratio:* Quia illa satisfactio spontè assumpta non esset sacramentalis, nec causaret remissionem pœnæ ex opere operato, sed operantis.

*Resp. 5.* Si dicta impotentia, seu oblivio est omnino inculpabilis: non tenetur pœnitens priorem confessionem repetere. Si verò sit culpabilis, tenetur hoc peccatum confiteri, & si possit, & credat priorem Confessarium adhuc esse memorem peccatorum, eum accedere; secus, apud alium iterare confessionem: uti, & apud priorem, si peccatorum memor non sit.

*Ratio 1. p.* Quia Pœnitens ab illis peccatis est absolutus, & pœnæ remissionem alia via tum in hac vita, tum in Purgatorio obtinere potest, & ratio involuntarii excusat ipsum.

*Ratio 2. p.* Quia ille pœnitens sua culpa fecit Sacramentum mutilum. Ergo tenetur ad illud integrandum, non verò potest integrare,

nisi



nisi præfato modo. Nemo enim potest injungere pœnitentiam, nisi cognita causa.

Ex quo patet, quod non teneatur confessionem iterare, ut peccata ritè confessa dimittantur, sed ut Sacramentum fiat perfectum.

**QUÆRO VIII.** & ultimò: Quis Pœnitentiam potest commutare? An ratione commutationis sit repetenda confessio?

**CXIII. Resp. 1.** Probabilius est, quod ipse pœnitens pœnitentiam suam non possit commutare in melius.

**Ratio;** Commutatio pœnitentiæ est actus sacramentalis, & Confessarii tanquam Superioris, & Judicis Jurisdictioni proprius: Sed pœnitens non est Jux, vel Superior in seipsum, nec erga seipsum potest exercere actionem sacramentalem. Ergo.

Ex quo patet differentia a voto, quod vovens propria auctoritate potest commutare in melius, & hoc ideo, quia voti obligatio oritur ex propria voluntate voventis in alterius gratiam, pœnitentia verò sacramentalis includit exercitium obedientiæ. Nec verum est, quod ille pœnitens abundantius impleat Legem, ac abundantiore afferat solutionem: Tum quia habet effectum solum ex opere operantis: tum etiam, quia præcipiens vult rem præceptam, & non aliam, etiam meliorem, præsertim in Sacramento, nisi id exprimat.

**Resp. 2.** Probabilius est, quod unus Confessarius ex justa causa intra confessionem, & recensitis de novo peccatis, possit commutare pœnitentiam sacramentalem ab alio Confessario impositam.

**Ratio 1. p.** Quia ille Confessarius exercet tunc jurisdictionem in pœnitentem, hic, &

nunc ei subiectum, non verò in alium Confessarium ei æqualem, vel superiore. Ergo.

**Ratio 2. p.** Illa commutatio debet fieri per actum judiciale in tribunali pœnitentiali. Ergo necesse est de novo recensere peccata.

**Resp. 3.** Si pœnitens accedat eundem Confessarium, ut pœnitentiam mutet, tenetur iterum confiteri, nisi accedat eodem die, vel sequenti.

**Ratio 1. p.** Quia non potest imponi nova Pœnitentia sacramentalis, nisi peccata de novo clavibus Ecclesiæ subiciantur.

**Ratio 2. p.** Si commutatur eodem die, vel sequenti: tunc juxta S. Th. in 4. dist. 17. q. 3. a. 3. q. 5. primum judicium moraliter censetur adhuc durare.

Nota tamen, hæc omnia intra Confessionem, quibusdam saltem peccatis denuò confessis (si Confessarius aliorum adhuc memor sit) esse facienda, quia aliàs non erit pœnitentia sacramentalis. Et idem est, si pœnitentia fuit imprudenter imposita, ut moraliter sit impossibilis, v. g. si pauperi sit injuncta eleemosyna, infirmo jejuniū, Nobili longa peregrinatio pedestris, &c. Vel si ab initio fuit possibilis, sed postea mutatis circumstantiis impossibilis, aut non exequibilis sine gravi incommodo.

In q. 17. S. D. agit per 3. art. de potestate Clavium: De qua actum est supra in Tract. 1. processuali. In q. 18. per 4. a. de effectu clavium nimirum remissione culpæ, & pœnæ. In q. 19. per 6. a. de Ministro clavium, seu Confessionis. In q. 20. per 3. art. de usu clavium, nimirum in quos potestas Confessarii exerceri possit. De quibus omnibus actum est in præcedentibus.

Hæc de Sacramento Pœnitentiæ sufficiunt: nunc agendum est de his, quæ ei annectuntur.



## TRACTATUS XIV.

*De Censuris, Casibus reservatis, Indulgentiis, & Extrema Unctione.*

*De quibus Ang. Doct. agit in Supplem. a q. 21. usque ad 34. inclusivè.*

## EXAMEN I.

*De Censuris in genere, & in specie, Sancti. Doct. quest. 21. usque ad 25. exclusivè.*

**Q**UÆRO I. Quis potest ferre Censuras? quid, & quæduplex est censura? Et quæ materiae ejus? quæ forma servanda, aut modus?

I. Ante R. Nota, quòd etymologia hujus nominis *Censura* derivetur a verbo censuo, aut a nomine *Censor*; erat enim apud Priscos specialis *dignitas Censoris*. Cujus officium erat inquirere, ac censere, seu judicare de fortunis, vita, & moribus civium, ac indignos officiis, & dignitatibus privare. Ex inde hæc vox est translata ad significandam severitatem, correctionem, ac potestatis Ecclesiasticæ coercitivæ, sive punitivæ aqum, immò & ipsam poenam; nam hæc vocatur *Censura*. Hoc notato

*Resp. 1.* In Ecclesia est potestas ferendi Censuras. Probatur in frâ de Excommunicatione. Viden. 8. in hoc Exam.

*Resp. 2.* Mulier Jure divino est incapax ad ferendas Censuras. Ita S. Tho. hic q. 19. a. 3. ad 4. dicens; Mulier secundum Apostolum est in statu subjectionis, & idè non potest habere aliquam spiritualem Jurisdictionem; unde neque habet clavem Ordinis, neque Jurisdictionis. Sed committitur mulieri aliis usus clavium, sicut habere correctionem in subditas mulieres, propter periculum, quod imminere posset, si viri mulieribus cohabitarent. Hæc ibi. Vide etiam Tract. 6. Exam. 5. n. 55. Ex quibus patet.

*Ratio:* Quia mulier est incapax Jurisdictionis spiritualis (etiam ex commissione) nimis proprie dictæ.

*Resp. 3.* Soli sive ex jure, sive privilegio, sive consuetudine, habentes jurisdictionem Ecclesiasticam ordinariam in foro externo, possunt propria auctoritate, & ex officio Censuras ferre, v.g. Episcopi, eorum Vicarii Generales, & alii habentes jurisdictionem, quasi Episcopalem, vel Prælati Regulares. Hi suam censuras ferendi auctoritatem

possunt delegare aliis, de jure capacibus, puta, prima Tonsura initiatis, non uxoratis. De hoc plura de Excom. &c.

*Resp. 4.* Censura ut sic definitur, quòd sit poena Ecclesiastica medicinalis, ac temporalis, qua Judex Ecclesiasticus hominem baptizatum inobedientem punit, privando eum bonis Ecclesiæ communibus. Quamobrem Censura in jure vocatur nervus Ecclesiæ discipline. Sicut enim vires hominis consistunt in nervis, ita vires Ecclesiæ in Censuris.

*Declaratur:* Dicitur, *medicinalis*; quia hæc poena est instituta ad peccatoris emendationem. Dicitur, *temporalis*; quia peccatore emendato censura debet tolli. Dicitur *baptizatum*, quia poena non potest infligi, nisi subdito, subditur autem homo Ecclesiæ per Baptismum. Dicitur tandem, *bonis Ecclesiæ communibus*, nimirum usu Sacramentorum, participatione suffragiorum Fidelium, functione Officiorum Ecclesiasticorum, &c.

II. *Resp. 5.* Tres propriè sunt species censuræ, scilicet Excommunicatio, Suspensio, & Interdictum. Quibus addi solent quatuor species improprie ad priores reducuntur, scilicet Degradatio, Depositio, & Irregularitas saltem ex delicto proveniens, ac Cessatio a divinis. De quibus omnibus agetur in sequentibus. Tres priores reducuntur ad Suspensionem, quia per illas homo est quasi suspensus a receptione, & ulu Ordinum; ultima verò ad Interdictum.

*Ratio* numeri ternarii censurarum propriè dictarum est; Tum quia illis solis propriè competit definitio Censuræ, ut patet. Tum quia Innocet. III. c. *querenti. de verb. signif.* interrogatus, quid intelligatur nomine Censuræ, Respondit, eo nomine intelligi debere Interdictum, Suspensionem, & Excommunicationem nullam faciens mentionem alterius Censuræ.

*Resp. 6.* Censura est duplex: Alia a jure, alia ab homine. Prima est, quæ per stabilem, & permanentem legem, ipso facto obligantem, est lata, & tamdiu, ac non diutius durat quàm ipsa Lex, etiam mortuo Legislatore. Et ut incurrat, sufficit sola declaratio criminis facta ab habente potestatem. Quod idem est sentiendum de aliis poenis, quæ ipso jure incurrun-

tur

tur. Censura ab homine est, quæ ab habente potestatem, seu a Iudice in singulari quodam casu infligitur, & extinguitur cum morte eam ferentis.

*Resp. 7.* Censura alia est lata, seu latæ sententiæ, alia ferenda, seu comminatoria; prima incurritur ipso facto, non secunda. Pro quo

Nota, quodd hæc clausulæ, *ipso jure, ipso facto, ex ipso, ex tunc excommunicatus sit*, significant censuram ipso jure latam. Uti & hæc formulæ: *Excommunicationis sententia duximus innodandum; Sententiam Excommunicationis incurrat; Ecclesiastico subiaceat interdico; Sententiæ excommunicationis se noverit subiacere; Excommunicatum se esse cognoscat; Anathema sit.* Cæterum hæc formulæ: *Excommunicationem te noveris incursum; Excommunicetur; Volumus excommunicari; sub pena talis censura; Sub interminatione anathematis*, significant solum censuram ferendam nisi aliunde colligatur.

III. *Resp. 8.* Ecclesia non potest censuris punire peccata venialia, nec purè interna.

*Ratio 1. Partis*, quæ est S. Tho. hic q. 21. ar. 3. Pena debet esse proportionata culpæ: Sed censura est gravissima pena. Ergo requirit culpam mortalem. Sermo autem hic est de censura majori. Vide n. 13.

Ex quo sequitur, quod si quis propter ignorantiam, aliamve rationem excusetur a culpa mortali, non innotetur censura ei annexa.

*Ratio 2. p.* Quia peccata purè interna non cadunt sub cognitione hominis, nec spectant ad forum externum, ad quod tamen censuræ pertinent.

Plura, quæ hic dici possent, vide Traç. 6. Exam. 5. n. 59. an Ecclesia possit percipere actus purè internos?

*Resp. 9.* Peccatum non potest puniri censura, nisi reus sit contumax.

*Ratio:* Quia censura tamquam pena gravissima non fertur nisi contra rebelles: Sed rebellio non est sine contumacia. Ergo.

Dicitur *contumax*, qui perdurat in peccato mortali præterito, vel citatus renuit comparere in iudicio, aut sine licentia recedit, vel iusto iudicis, ac Superioris præcepto non vult parere, ut explicat S. Thom. q. 21. ar. 3. in c.

Ex quo sequitur, quodd, quando sub Excommunicatione prohibetur aliquid futurum, prohibetur etiam sub peccato mortali, licet fortè illa materia secundum se non sit gravis, seu mortalis, sed fiat talis ex mente præcipientis, ob iustas, & graves causas, ut patet in censura annexa ingressui Clausuræ Monialium. In quo casu eodem transgressionis actu incurritur peccatum mortale, & excommunicatio.

*Resp. 10.* Materia censuræ, seu peccata per eam punibilia sunt sola externa, & licet sint secreta, possunt tamen puniri censuris latis per modum Legis.

*Ratio:* Quia hæc per se subsunt Jurisdictioni Ecclesiæ, licet de facto defectu tellium eam effugiant, ut dictum est loco mox cit. Idem patet in Excommunicatione percussoris Clerici, uti & hæretici occulti. De quo supra de hæresi. Traç. 7. Exam. 3. num. 47. R. 2. & 3. ad Q. 10.

Dixi, *latis per modum Legis;* Quia Ecclesia, utpotè, quæ non iudicat de occultis, nominatim non potest censura punire peccatorem occultum, licet sit externus, nec censuris potest eum obligare, ut seipsum prodatur, hoc enim juri naturæ repugnat.

*Resp. 11.* Ad valorem censuræ de jure ordinario sufficienter verba talia, quæ sufficienter expriment peciem censuræ, immò absolute sufficienter notus, vel signa talia, ex quibus sufficienter possit colligi, quam censuram Iudex infligere intendat.

*Ratio:* Quia hæc æquivalent verbis ordinariè adhiberi solitis.

IV. *Resp. 12.* Ante inflectionem censuræ debet præmitti admonitio.

*Ratio:* Quia nemo inauditus est condemnandus.

Nota, hoc intelligi de Censuris ab homine latis, in iis enim, quæ feruntur a jure, id vix fieri potest: quia aliunde ipsa lex (si non ignoretur) ex se sufficienter admonet. Exceptio est, nisi ipsum jus expresse mandet, ut admonitio fiat. Porro admonitio debet esse trina, juxta formam a Christo præscriptam in præcepto correctionis fraternæ, & inter quamlibet monitionem est expectandum per duos saltem dies. Potest etiam Iudex ex rationabili causa uti una monitione pro trina.

*Resp. 13.* Censura sine admonitione est quidem valida, sed iniquè lata.

*Ratio:* Quia ille modus a Legem præscribitur tamquam essentialis, nisi in quibuldam casibus, ut de Excommunicatione majori lata a Iudice contra participantes cum Excommunicatis ab eodem Iudice, c. *flaminius de sent. Excomm.* in Sexto. Idem est de interdico, & suspensione ibidem, ubi dicitur, quodd prædicti participantes debeant nominatim exprimi.

Nota, quodd hæc admonitio (si censura feratur in bonum publicum) debeat fieri auctoritate iudicis; Si verò feratur in favorem personæ privatæ, debet præterea fieri ad instantiam eius, & quidem ipsi reo personaliter, y. gr. in ejus domicilio, vel taliter (si non possit herialiter) ut certo deveniat in notitiam ejus: vel in Ecclesiæ Matrice, ne reus dolo, aut fraude se possit tueri, aut conqueri de non facta

Et monitione. Potest etiam hæc monitio plerumque fieri sub interminatione censuræ.

*Resp. 14.* Ad lationem censuræ requiritur quædam solemnitas, cujus tamen defectus eam non invalidat. 1. Ut feratur in scripto a Judice subscripto. 2. Ut ab eo ex illo legatur. 3. Ut scriptura contineat causam censuræ. 4. Ut Judex (sintira mensem fuerit requisitus) transumptum authenticè de verbo ad verbum reo communicet: de qua requisitione conscientium est publicum instrumentum. Judex in censuris ferendis modum non servans incurrit suspensionem per mensem, & Censura a Superiore relaxatur.

#### *Excommunicatio.*

**QUÆRO II.** Quid, & quotuplex est? quis effectus ejus? ob quam causam potest ferri? quis eam potest ferre?

*V. Resp. 1.* Excommunicatio, ut sic definitur, quod sit Censura Ecclesiastica privans hominem communione fidelium. Hæc definitio, cum sit generica, convenit excommunicationi majori, & minori de qua postea. Vocatur Excommunicatio, quia ponit hominem extra communionem.

*Resp. 2.* Excommunicatio dividitur in majorem, & minorem.

*Declaratur* ex Angel. Doct. hic q. 21. ar. 1. in c. dicente: Ille, qui per Baptismum in Ecclesia ponitur, ad duo adscribitur, scilicet ad cœtum fidelium, & ad participationem Sacramentorum, & hoc secundum præsupponit primum; quia in Sacramentis participandis etiam Fideles communicant. Et ideo potest aliquis extra Ecclesiam fieri per Excommunicationem dupliciter: Uno modo, ita quod separetur tantum a participatione Sacramentorum; & hæc est Excommunicatio minor: Alio modo, ita quod excludatur ab utroque & sic erit excommunicatio major. Hæc ibi.

*Resp. 3.* Effectus binæ hujus excommunicationis sunt, quod minor sub mortali privet participatione passiva Sacramentorum, & nominatione, seu electione passiva ab beneficiis, vel dignitatibus Ecclesiasticis. Ex quo patet definitio ejus, nimirum est *Censura Ecclesiastica privans*, &c. Verum administratione activa solum privatur sub veniali. Si ergo talis celebret, licet non fiat irregularis, peccat mortaliter, quia Sacramentum recipit, uti & si scienter acceptet talem electionem, præsentationem, vel collationem, potest tamen Missam audire, a peccatis, & Excommunicatione abolvere, pacem sumere, &c. Idem est de scienter eligentibus illum, quod nimirum & illi mortaliter peccant. Excommunicatio major (inde dicta major, quia majores, & graviores habet effectus) privat hominem receptione, & simul administratione Sacramento-

rum, & pluribus bonis mox nominandis: ita ut Laicus percipiendi aliquid Sacramentum, & Sacerdos recipiendo, vel administrando peccet mortaliter, juxta S. Tho. 1. 2. q. 59. ar. 1. Ex quo patet ejus definitio, nimirum, Est Censura Ecclesiastica privans receptione, & simul, &c. Assignantur omnes effectus Excommunicationis majoris.

*Primus* mox est assignatus.

2. Privat omnibus Ecclesiæ orationibus, ita ut excommunicato, quamvis occulto, non liceat assistere Missæ, nec officio divino, nec pro illo potest offerri Sacrificium, bene tamen orari in Memento, & privatim pro illius conversione, ut patet ex S. Th. hic q. 21. ar. 2. ad 2. Si est denunciatus, non potest ipso præsentem Missa, nec Officium divinum celebrari, quia tunc vitandus est.

3. Privat exercitio Ordinum, v. gr. Celebratione Missæ, solemnilectione Evangelii, &c. sub pena irregularitatis.

4. Facultate præsentandi ad beneficia, ut nec præsentari, nec præsentare possit: & facta in eo ilata præsentatio, & collatio est nulla.

5. Sepultura in loco sacro, ut tam in vitam quam in morte nulla sit conversatio cum excommunicatis.

6. Conversatio civili, puta, si sint nominati excommunicati, & publicè denunciati, ut declaravit Concilium Constantense.

7. Privat communicatione forensi, v. g. Officio Judicis, Advocati, Procuratoris, Tabellionis, seu Notarii, Tellis, Tutoris, Curatoris, Testamenti Executoris, ita ut contra excommunicatum etiam toleratum semper possit res excipere. Quod si non faciat, & Judex eum non repellat, acta ejus valent, si sit toleratus, secus tamen est de Judice non tolerato, is enim jurisdictione privatus est. Sed attendatur praxis.

*VI. Resp. 4.* Excommunicatio minor incurritur solum ob unicam causam, nimirum propter communicationem indebitam cum excommunicato excommunicatione majori, non tolerato, seu vitando. De quo postea n. 1. 2. R. 6. Ubi etiam in R. 7. patebit ex S. Tho. quod Excommunicatio minor possit incurri propter peccatum veniale.

*Resp. 5.* Excommunicatio major non potest alicui infligi nisi ob peccatum mortale, non qualecunque, sed ut habens adjunctam contumaciam.

Patet ex R. 9. ad Q. 1. Ex quo fit, quod si quis excommunicetur propter damnum alicui illatum, hoc solum sit causa Censuræ mediata, immediata verò est inobedientia contra Ecclesiam, quæ sub censura præcipit restitutionem; ut patet ex S. Th. cit. q. 21. ar. 3. in c.

*VII. Resp. 5.* Excommunicatio major variè dividitur.

*Primò* in eam, quæ est a jure, & eam, quæ est ab homine, ut patet ex dictis n. 2. Q. 6.

2. In latæ, & ferendæ sententiæ, ut patet ibidem R. 7.

3. In generalem, & speciale. Prima fertur generaliter contra aliquos malefactores indeterminatos: altera contra determinatas personas nominatim.

4. Alia est iusta, alia iniusta. Iusta est, quæ fertur ab habente potestatem, & ob causam rationabilem cum debitis circumstantiis, seu servato Juris ordine. Iniusta dicitur dupliciter juxta S. Thom. quæst. 27. artic. 4. dicentem: *Uno modo ex parte excommunicantis, sicut cum ex odio, vel ex ira aliquis excommunicat, & tunc excommunicatio nihilominus habet effectum suum, quamvis ille, qui excommunicat, peccet. Alio modo ex parte ipsius excommunicacionis, vel quia causa excommunicacionis est inaddebita, vel quia fertur sententia juris ordine prætermisso, & tunc si sit talis error ex parte sententia, qui sententiam nullam esse faciat, non habet effectum, quia non est excommunicatio. Si autem talis error non annulet sententiam, habet effectum, & debet excommunicatus humiliter obedire. Erret ei ad meritum.* Et post pauca ait:

*Consequitur autem quandoque, quid sit debita causa ex parte excommunicantis, qua non est debita ex parte excommunicati, sicut cum aliquis pro falso crimine in iudicio probato excommunicatur, & tunc, si humiliter sustinet, humilitatis meritum recompensat excommunicacionis dampnum.*

5. Excommunicatio iniusta alia est valida, alia invalida. Prima regulariter valet quoad forum externum. Unde S. Thom. art. cit. in Sed Contra ex S. Gregorio ait: *Præcepta Pastoris sive iusta, sive iniusta rimenda sunt, non autem essent rimenda, nisi aliquando nocerent.* Secunda est nulla, & irrita.

Ex hac S. Thomæ doctrina colligitur, quod excommunicatio valida sed iniusta, sit talis, vel defectu rectæ intentionis Iudicis, aut formæ non essentialis, vel ex defectu iustæ causæ excommunicandi, licet aliunde sufficientis pro foro externo. Verum si iniusta, simulque invalida sit, est nulla in utroque foro, obligat tamen excommunicatum ad eiparendum, vitandi scandali causa, usquedum populo sufficienter innotescant causæ nullitatis censuræ.

6. Alia est excommunicatio reservata, alia non reservata. De quibus infra de Casibus reservatis.

Anathema ab Excommunicatione non differt natura, sed forma: quæ in hoc consistit, ut proferatur ab Episcopo coram 12. Sacerdotibus Episcopum circumstantibus, & manibus lucernas ardentes tenentibus, quas dum anathema concluditur, in terram proiciunt, ac pedibus conculcant, ut candelæ humi projectæ ad nul-

*Gravissimam Confessam rictum.*

lum sint amplius usum sicut sal infatuatum, ut loquitur noster Lublino.

VIII. Resp. In Ecclesia est potestas Excommunicandi. Quæ potestas cui Iudici, vel Superiori competat, vide n. 1. R. 2. & 3.

Colligitur ex Script. Matth. 16. & 18. *Quicumque ligaveritis, ubi est sermo etiam de externo Ecclesiæ gubernio.* Unde additur ibidem: *Qui Ecclesiam non audierit, sit tibi sicut Ethnicus, & publicanus.* Quibus verbis subsumit S. D. art. 2. Sed Ethnici sunt extra Ecclesiam. Ergo & illi, qui Ecclesiam audire contemnunt, per excommunicationem extra Ecclesiam sunt ponendi. Et 1. ad Cor. 5. Apostolus mandat quendam excommunicari (ut Sanct. Thom. ibidem ait) & Diabolo tradi.

Ratio: Quia hic spiritualis gladius est omnino necessarius ad Ecclesiæ regimen, & coercedam contumaciam, ac rebellionem, &c.

Ex quo Sequitur, quod licet ipse usus censurarum sit ex institutione humana, & Ecclesiastica, potestas tamen eas ferendi sit de jure divino.

Oppono: Excommunicatio est quedam maledictio: Sed Rom. 12. prohibemur maledicere. Ergo & excommunicare.

2. Nullus est tradendus in manus hostium, nisi omnino desperatus: Sed per Excommunicationem homo traditur in manus hostis, nimirum Diaboli, & in hac vita de nemine est desperandum. Ergo.

Utrumque solvit Angel. D. q. 21. art. 2.

Ad 1. ait: Maledictio potest esse dupliciter: Uno modo, ita quod in malo, quod irrogat, vel dicit per intentionem, sistat, & sic maledictio omnibus modis est prohibita. Alio modo, ita quod malum, quod quis maledicendo imprecatur, ad bonum illius ordinet, qui maledicatur: & sic maledictio quandoque est licita, & salutifera. Sicut etiam Medicus aliquod nocumentum infert infirmo, ut sectionem, per quam ab infirmitate liberetur. Hæc ibi.

Ad 2. ait in fine art. *Nec est inconveniens, si ille, qui non est desperatus, hosti datur, quia non datur quasi damnandus, sed quasi corrigendus, cum in potestate Ecclesiæ sit, ex ejus manu ipsum, cum voluerit, eripere.*

Resp. 7. Excommunicatus non potest alium excommunicare.

Ratio S. D. q. 22. a. 3. in c. Excommunicatio est actus jurisdictionis: Sed omnis excommunicatus est privatus usu jurisdictionis, utpotè a communione Fidelium separatus.

Subdit S. D. Eadē ratio est de suspensio a jurisdictione; si enim sit suspensus ab Ordine tantum, tunc non potest ea, quæ sunt Ordinis, sed potest ea, quæ sunt jurisdictionis; & contra si sit suspensus a jurisdictione & non ab Ordine:

Oo

8au.

fi autem ab utroque, tunc neutrum potest.

In solut. ad 1. S. D. ibidem ait, Quod quamvis talis non amittat Jurisdictionem, amittit tamen Jurisdictionis usum. In R. ad 2. dat disparitatem, cur talis adhuc possit valide (et si illi- citem) consecrare Eucharistiam, quia hoc con- sequitur potestatem characteris, qui indelebilis est; excommunicatio autem sequitur juris- dictionem, quæ potest auferri, & ligari.

**QUÆRO III.** Quis potest excommunicari? & qua forma facienda est excommunicatio?

*Resp. 1.* Excommunicari non potest nisi sub- ditus, unde non potest quis seipsum, vel su- perioiorem, aut æqualem excommunicare. qu. 22. art. 4.

*Ratio S. D.* est: Excommunicatio est actus jurisdictionis: Sed nemo habet jurisdictionem in seipsum (quia in eadem causa non potest quis esse Jux, & reus) nec in superiorem, nec in æqualem: quia par in parem non habet impe- rium (ut ait ad 2. ibidem) Ergo.

Aliud est de foro Confessionis sacramentalis, in eo enim aliquis, cæteroquin alio superior, v.g. Episcopus, redditur inferior per peccatum, ait S. D. ibidem ad 3. & Confessor agit ut Vicarius Dei: Excommunicatio verò est de foro exteriori.

*Resp. 2.* Universitas, seu Communitas ex- communicari non potest. art. 1.

*Declarat, & probat hoc S. D.* dicens: Excom- municari non debet aliquis, nisi pro peccato mortali; peccatum autem in actu consistit; actus autem non est Communitatis, sed singularium personarum, ut frequenter: & ideo singuli de Communitate excommunicari possunt, non autem ipsa Communitas. Et si etiam quandoq; actus sit alicujus totius multitudinis, ut quan- do multi navem trahunt, quam nullus per se trahere posset; tamen non est probabile, quod aliqua Communitas ita tota ad malum consen- tiat, quin aliqui sint dissentientes. Et quia non est Deus, qui judicat omnem terram, ut condem- net justum cum impio, ut dicitur Gen. 18 Ideo Ecclesia, quæ Dei judicium imitatur, satis pro- videt statuit, ut Communitas non excommuni- cetur, nec cum loliis, & zizaniis simul eradice- tur & triticum. Hæc ibi.

Ad idem probandum in Sed Contra adducit Glossam S. Aug. super cap. 13. Matth. quæ dicit, quod Princeps, & multitudo non sit excommu- nicanda. In solut. ad 2. dat disparitatem de suspensione, & interdictio, dicens: Suspendio non tanta poenæ est, quanta Excommunicatio, quia suspensi non fraudantur Ecclesiæ suffra- giis sicut excommunicati. Unde etiam ali- quis sine peccato proprio suspenditur, & to- tum Regnum ponitur sub Interdictio pro pec- cato Regis.

*Resp. 3.* Qui excommunicatus est una Ex- communicatione, potest iterum excommuni-

cari, vel per ejusdem excommunicationis ite- rationem, ad majorem sui confusionem, ut sic peccato resiliat: vel propter alias causas. Et tunc tot sunt principales excommunicatio- nes, quot sunt causæ, pro quibus aliquis ex- communicatur. Ita S. Thom. qu. 32. art. 6.

*Ratio* ibidem in Sed Contra: Excommuni- catio quædam poenæ est, & medicinale reme- dium: Sed poenæ omnes, & medicinæ iterantur, cum causa exigit. Ergo & excommunica- tio iterari potest.

*Oppos.* Qui semel privatus est aliquo bono, v.g. communionem Fidelium, & non restitutus, non potest eo iterum privari.

*Ad hoc S. D.* ibidem ad 2. ait: Privatio quam- vis non recipiat magis, & minus secundum se, recipit tamen magis, & minus secundum cau- sam suam. Et secundum hoc excommunicatio potest iterari & magis est elongatus a suffragiis Ecclesiæ, qui pluries est excommunicatus, quam qui semel tantum. Hæc ibi.

*Resp. 4.* Mortui proprie non excommuni- cantur, sed aliquando solum declarantur tales, eo quod ante mortem fuerint in occulta ex- communicatione; ac privantur suffragiis Fide- lium, & sepultura Ecclesiastica, &c.

*Resp. 5.* Ad ferendam excommunicationem non est præscripta certa forma, quamvis ordi- nariè fiat his terminis: *Excommunicamus. Sit excommunicatus ipso facto, &c.*

**QUÆRO IV.** Quæ causæ excusant ab in- cursu Excommunicationis, sic ut is, super quem censura est lata, a quovis Confessore pos- sit absolvi?

X. Undecim præcipuè numerantur.

*Prima* est bona fides, quæ quis omnino, & ra- tionabiliter credit, se non nisi veniale commi- sisse. De quo vide dicta n. 3. R. 8.

2. Depositiō contumaciæ, & emendatio an- te excommunicationem facta cum proposito satisfaciendi, si quod damnum illatum sit. Nam excommunicatio est poenæ medicinalis. Ergo si peccator sit correctus, Ecclesia est contenta.

3. Ignorantia invincibilis sive Juris, sive facti. De qua vide Tr. 3. Exam. 1. n. 23. Quia ut incur- rat excommunicatio, requiritur contuma- cia, id est, inobedientia contra Legem, quæ contumacia non datur, ubi est ignorantia invin- cibilis. Ita docet S. Thom. 2. 2. q. 75. a. 3. & alii communiter.

Præterea Censura fertur propter culpam, estque poenæ ejus. Ergo quidquid excusat a cul- pa, excusat etiam a censura: Sed ignorantia invincibilis excusat a culpa, cum tollat ratio- nem voluntarii; nihil enim volitum, quia præcognitum. Ergo & censura.

Quare dicta ignorantia non excuset a serva- tione peccati, dicitur infra Exam. 2. num. 58. & 59. ante R. 2.

Dixi, *ignorantia invincibilis*; quia vincibilis (quam aliqui crassam vocant) sive sit iuris, sive sit facti, sicut non excusat a peccato, ita nec ab Excommunicatione. Est enim in illis, qui nolunt intelligere, ut bene agant, cum tamen possint, & teneantur.

4. *Ætas*, v.g. in pueris, si sit talis, in qua eos ignorantia excusare potest.

5. *Impotentia*, quæ impedit impletionem præcepti Ecclesiæ, quia tunc non adest contumacia; Ecclesiæ enim non obligat ad graves difficultates, quæ faciunt moralem impossibilitatem, nam iugum Christi suave est. Hinc qui sub Censura jubetur restituere, & hic, & nunc absque gravi incommoditate non potest, excusatur.

6. *Occulta compensatio*. Hinc qui Circumstantiis ad occultam compensationem supra Tr. 8. Exam. 6. nu. 129. requisitis adhibitis, tantum dumtaxat de alieno abstulit, quantum alter de suo iniuste detinebat, si Ecclesiæ præcipiat restituere, excusatur; Quia non est detentor alieni, sed sui, quod recuperavit.

7. *Intentio imperantis*, certas personas, etiã culpabiles, censura comprehendit nolentis.

8. Si non possit quis parere absque fractione figilli confessionis. De quo supra in proprio loco.

9. Si Superior præcipiat aliquid revelare, quod cedit in grave damnum ipsiusmet revelantis (quia jure naturæ nemo tenetur dicere contra se, vel parentem, aut consanguineorum, quia horum infamia, & damnum redundat in ipsum testem: nisi simul cedat in damnum boni communis. De quo supra: ibid. Tr. 13. Exam. 7. nu. 110. & 111.

10. *Metus rationalis*, seu gravis, dictusque, cadens in virum constantem (explicatus supra Tr. 3. Exam. 1. nu. 12.) incurrendi in bonis corporis, famæ, honoris, &c. notabile damnum per observantiam mandati Ecclesiæ, cujus benignitas non vult suos filios cum tanto rigore regere.

11. *Violentia simpliciter talis*, seu coactio ad committendum, vel omittendum opus Excommunicationis subjectum (explicata supra loco mox citato n. 11.) quæ excusat, non quidem a Lege naturali, vel divina (cum voluntas cogi non possit ad peccandum, & oporteat male millies mori) sed a Lege hominis, vel Ecclesiæ, non intendentis obligare cum tanto rigore.

**QUÆRO V.** Quomodo, vel quando licet communicare, seu participare cum excommunicato?

**XL.** Ante R. nota, quòd excommunicati alii sunt tolerati, alii non tolerati ab Ecclesiâ, sic ut priores non necessariò sint vitandi, bene tamen posteriores, nisi in casibus exceptis. Hoc notato

*Resp. 1.* Sunt certi casus, in quibus licet communicare, seu agere cum excommunicato ex-

communicatione majori, etiã non tolerato, indicati hoc versu, quem ponit S. Th. q. 23. a. 1. in c.

*Utile, Lex, humile, res ignorata, necesse.*

*Declaratur* ex S. D. ibidem, ubi, postquam præmissit, quòd excommunicatio minor sepatet tantum a participatione Sacramentorum, & non a Communionem Fidelium, major verò ab utroque subdit: Et idè tali excommunicatione (nimirum excommunicatione majori) communicare non licet. Sed quia Ecclesiæ excommunicationem ad medelam, & non ad interitum induxit, idè excipiuntur ab hac generalitate quædam, in quibus communicare licet, scilicet in his, quæ pertinent ad salutem, quia de talibus homo licitè potest cum excommunicato loqui: potest etiam alia verba interferrere, ut facilius salutis verba ex familiaritate recipiantur. Excipiuntur etiam quædam personæ, ad quas specialiter pertinet provisio excommunicati, scilicet Uxor, filius, servus, rusticus, & serviens, sed hoc intelligendum est de filiis non emancipatis, aliàs teneretur vitare Patrem. De aliis autem intelligitur, quòd liceat excommunicato communicare, si ante Excommunicationem se ei subdiderint; non autem si post. Quidam autem intelligunt è converso, scilicet, quòd Superiores possunt licitè communicare inferioribus, alii verò contrarium dicunt. Sed ad minus in his communicare eis debent, in quibus sunt eis obligati, quia sicut inferiores obligantur ad obsequium Superiorum, ita Superiores ad providentiam inferiorum. Sunt etiam quidam casus excepti, sicut quando ignoratur Excommunicatio. Et quando aliqui sunt peregrini, & viatores in terra excommunicatorum, qui licitè possunt ab eis emere, vel etiam accipere elemosynam. Et similiter si aliquis videat excommunicatum in necessitate, & tunc ex præcepto charitatis tenetur ei providere. Et hæc continentur Versu: sic ut *Utile* referatur ad verba salutis; *Lex* ad matrimonium; *Humile* ad subjectionem. Cætera patent. Hæc S. Thom.

*Resp. 2.* Casus, in quibus non licet communicare, seu agere cum excommunicato majori, indicantur hoc versu:

*Os, Orare, Vale, Communio, Mensa negatur.*

Per ly *Os* intelliguntur oscula, colloquia, amicitia, munera, litteræ, &c. per ly *Orare* communia Ecclesiæ Sacramenta, ac orationes tam intra quàm extra Ecclesiâ, & omnia spiritalia, juxta sensum supra explicatum. Per ly *Vale* prohibentur mutue salutationes scripto, signo, verbo. Per ly *Communio* interdicitur habitatio in eadem domo, conversatio, mutuum exercitium, &c. Per ly *Mensa*, ne quis cum excommunicato in eadem mensa comedat, vel bibat, vel in eodem lecto dormiat.



**XII. Resp. 3.** Licetum est audire Missam Sacerdotis excommunicati, dummodò non sit denunciatus, ut patebit ex dicendis: ipse tamen Sacerdos peccat mortaliter, & fit irregularis.

**Resp. 4.** Excommunicatus majori excommunicatione, dum orat horas Canonicas, non debet dicere *Dominus vobiscum*, sed *Dominus exaudi orationem meam*.

**Ratio:** Quia primum dicitur nomine Ecclesie: Sed talis ab Ecclesia est præcisi. Ergo.

**Resp. 5.** Excommunicati tolerati non sunt necessariò vitandi, bene tamen non tolerati, qui post Conc. Constantiense non sunt nisi duo, nimirum notorius Clerici percussor: & ille, qui specialiter nominatim, & expressè fuit excommunicatus, seu talis denunciatus. Ita clarè patet ex dicto Concilio.

Nec obstat, quòd in Concilio Basileensi quicunque notorii Excommunicati dicantur vitandi. Nam illud Concilium quoad hoc non est approbatum, & oppositum consuetudine Ecclesie receptum.

**Sed quid si tale crimen solum sit notorium in hac Provincia, teneor ne cum vitare in alia, ubi est occultum?**

**Dico,** teneri in occulto, non tamen in publico.

**Oppono** contra r. partem R. 5. Ex ea sequitur, quòd excommunicatis toleratis, si non sint vitandi, præstetur favor.

**Sed negatur sequela;** Quia ipsi excommunicati tenentur, quantum est de se, ab aliorum communione abstinere, nisi ab aliis ad id rogentur.

**Resp. 6.** Qui participat excommunicato, est excommunicatus. q. 23. art. 2.

**Ratio S. D. est:** Excommunicatus est positus extra Communionem. Ergo, qui ei communicat, a Communione Ecclesie recedit. Ergo est excommunicatus.

**Declarat hoc ulterius S. Thom.** Excommunicatio potest in aliquem ferri dupliciter: Aut ita quòd ipse sit excommunicatus cum omnibus ei participantibus, & tunc non est dubium, quòd quicunque participat ei, est excommunicatus majori excommunicatione; Aut est excommunicatus simpliciter, & tunc aut participat aliquis ei in crimine, præbendo ei consiliù, auxilium, aut favorem: & sic iterùm est excommunicatus majori excommunicatione; Aut participat in aliis sicut in verbo, vel in osculo, vel in mensa: & sic est excommunicatus minori excommunicatione. Hæc ibi.

In solut. ad 2. ait S. D. quòd excommunicato minore excommunicatione liceat communicare, & sic excommunicatio non transit in tertiam personam.

**XIII. Resp. 7.** Probabilius videtur, quòd qui excommunicato participat verbo, vel osculo, vel in mensa, non semper peccet mortaliter, sed solum quando in crimine illi participat, vel in Divinis, vel in contemptum

Ecclesie. Ita S. Thom. quæst. 23. art. 3.

**Ratio ibidem:** Quia hoc videtur valde grave, quòd homo pro uno verbo levi, quò excommunicatum alloquitur, mortaliter peccet, & certe alias excommunicantes multis iniicerent laqueum damnationis. Ergo.

**Nota,** quòd licet pœnitens peccatum veniale per se possit omittere in Confessione, non tamen si hæc censura sit annexa, ne in ea recipiat Sacramentum. Et idè Confessor semper præmittit absolutionem a censuris, antequam absolvat a peccatis.

**XIV. Quid ergo faciat Sacerdos actu celebrans, si videat intrare aliquem excommunicatum?**

**Dico** cum communi Sententia. Si intret, non ex professo, ut Sacrum audiat, sed ut solum obiter pertranseat, aut in templo obambulet, potest Sacerdos Sacrum prolequi; Quia hoc non est verè interesse Divinis. Si verò propriè vult Missam audire ad instar aliorum, debet Sacerdos curare, ut exeat (modò sine scandalo fieri possit) vel cessare a Sacro. Si vero probabiliter subit scandalum, & Canon inceptus non sit, recedat ab altari, si Canon jam sit cœptus, prolequatur Missam usque ad Communionem inclusivè, qua sumpta recedat, & Missam finiat in Sacrilia.

**QUÆRO VI.** Quis absolvere potest ab Excommunicatione? Et quomodo?

**XV. Resp. 1.** Ab Excommunicatione minori quilibet Sacerdos potest absolvere, qui a peccato participationis (*hæc excommunicationis*) absolvere potest, ait S. Th. hic q. 24. art. 1. in c.

**Ratio** patet tum ex levitate Censuræ; tum etiam, quia non est reservata.

**Resp. 2.** Si sit Excommunicatio major, & lata ab homine, absolvere ab ea potest, qui eam tulit (ut habet S. Thom. ibidem) aut ejus Superior, aut Successor in officio, vel dignitate, vel delegatus. Si verò sit Excommunicatio juris, aut Canonis, & non sit reservata, absolvit ab ea, qui a peccato mortali absolvere potest: si sit reservata absolvit ab ea is, qui eam sibi reservavit, nisi alteri det potestatem. Hinc Confessarii scire debent casus Papæ, vel Episcopo, vel nulli reservatos. De quibus infra Exam. 2. nu. 54. & seqq.

**Resp. 3.** Sacerdos non potest absolvere excommunicatum a culpa, nisi priùs sit absolutus ab excommunicatione. S. Th. ibid. ad 2.

**Rationem dat:** Quia excommunicati non sunt participes, seu capaces Sacramentorum Ecclesie, cum sint ab ea præcisi.

**Notanda** hic est differentia, cur non omnis, qui potest absolvere a vinculo peccati (quod tamen est majus) etiam possit a vinculo censuræ: quam differentiam dat S. Th. ibid. ad 1. dicens: Quamvis vinculum peccati sit majus simpliciter, quàm excommunicationis, tamen quoad aliquid.

aliquid, vineculum excommunicationis est majus, inquantum non solum obligat quoad Deum, sed etiam in facie Ecclesiæ. Et in absolvendo ab excommunicatione requiritur jurisdictionis in exteriori foro, non autem in absolutione a peccato. Hæc ibi.

XVI. *Resp. 4.* Excommunicatio etiam jussu lata, potest tolli ab invito, etiam manente contumacia, si videatur expedire salutis illius, in cuius medicinam est lata. Ita S.D. q. 24. art. 2. in Sed Contra, & ad 2.

*Declaratur hoc in c. Malum culpæ, & pœne in hoc differant, quod culpæ principium est in nobis, quia omne peccatum voluntarium est, pœnæ autem principium quandoque extra nos est, non enim requiritur ad pœnam, quod sit voluntarium, immò magis est de ratione pœnæ, quod sit contra voluntatem. Et idè sicut peccata non committuntur nisi in voluntate, ita non remittuntur alicui invito: sed excommunicatio sicut in aliquem invitum potest ferri, ita etiam invitatus ea absolvi poterit. Hæc ibi.*

*Resp. 5.* Absolutio a censuris potest ex rationabili causa dari absenti, ignorant, immò existenti in mortali.

*Ratio:* Quia non est sacramentalis. Vide infra de reservatis Exam. 2. nu. 78.

*Resp. 6.* Potest quis absolvi ab una excommunicatione remanente alia. Ita S.Th. ibid. a. 3.

*Rationem hæc:* Quia excommunicatio est quedam pœna: Sed potest quis absolvi ab una pœna remanente alia, cum non habeant necessariam connexionem. Ergo.

XVII. *Resp. 7.* Verba absolutionis censuræ non sunt determinata, sed sufficiunt quæcunque verba, immò signa (cum non sit Absolutio sacramentalis) absolutionem significantia: dummodo adsit intentio absolvendi. Potest tamen, & solet absolutio dari his verbis: *Auctoritate, qua fungor, ego te absolvo a vinculo excommunicationis, quam incurristi propter tale factum, vel talem causam (eam exprimendo) & restitu te Sacramento Ecclesiæ, & Communioni Fidelium, &c.* si causæ, & excommunicationes sint plures, omnes debent exprimi, aliàs tantum erit absolutus ab expressis.

Quatuor adhuc servanda sunt in absolutione tali. 1. Excommunicatus debet jurare de parendo mandatis Ecclesiæ, præsertim si propter graviora peccata excommunicatus sit. 2. Ante absolutionem debet absolvendus participare satisfactionem, quod si non possit, dare debet cautionem, vel fideiussionem, aut pignus. Et hoc requiritur ex iustitia. 3. Sub absolutione debet dici Psal. Miserere, vel alius poenitentialis cum Orationibus, & sub eo absolvendus nudatus humeris cædi, quæ tamen flagellatio honestatis causa omittitur, non solum in feminis, sed etiam (quando absolutio datur secretè in confessionali) in viris. 4. Absolvendus debet

*Tribunal Confessionarium.*

salutaribus verbis seriò moneri, & ad meliora, ac saniora stimulari.

XVIII. *Resp. 8.* Mortui (de quibus constat, quod penituerint) sunt absolvendi ab excommunicatione, ut pro eis fiat suffragia: ad quod hæredes sunt cogendi. Vide supra nu. 9. R. 4.

*Resp. 9.* Excommunicatus non potest absolvi ad reincidentiam de consensu solius partis, nisi adsit consensus saltem tacitus excommunicantis.

*Ratio:* Quia absolutio ad reincidentiam requirit jurisdictionem, ut arguit La Cruz.

An Excommunicatio liget extra territorii excommunicantis. Item qui sint casus Papales, Episcopales, &c. & similia plura dicuntur infra de Casibus reservatis in Exam. 2.

QUÆRO VII. Potestne Superior majori excommunicatione ligatus absolvi a suo subdito, & quidem etiam excommunicato, v.g. in casu mutæ percussiois?

XIX. *Resp. 10.* Cum nostro Donato to. 3. tr. 5. Q. 17. sic dilcurrente: Dico, quod sic, quia Confessarius huiusmodi sumit auctoritatem non ab eligente, sed a Canone committente, quando quidem Priores in suis Conventibus, & in eorum absentia Superiores, & eorum Vicarii, omnes Fratres nostri Ordinis ad eorum Conventus declinantes ab omnibus peccatis, & censuris tam a iure quam ab homine generaliter prolati, & Sedi Apostolicæ specialiter non reservatis, possunt absolvere, ac etiam eis Sacramentum Eucharistiæ, & Unionis ministrare, ut constat ex *Mari magno Clem. IV.* nobis indulto, & habetur expressè in Prologo nostrarum Constitutionum. Sed totum id, quod hi Priores possunt in suos subditos, valent, & hi in illos, si in ipsorum Confessorio eligantur. Ergo si Superior aliquis percussit suum subditum, potest ipse percutiens absolvi ab alio subdito suo electo ab ipso in Confessorem. Rodriq. to. 1. q. 20. art. 12. in fin. verb. *Adverte.*

Amplia, ut ob casum necessitatis extremæ, si subditus, & Prælati ad invicem se percussissent, & in Conventu non sit aliquis, qui eos possit absolvere, possint ad invicem se absolvere, prout docent plures DD. quos allegant, & sequuntur Rodriq. loc. cit. & Passarell. Quia licet excommunicatus per c. *Andrimum*, 24. qu. 1. non possit alium excommunicatum a majori excommunicatione absolvere, in casu tamen necessitatis potest, nam necessitas legem non habet, ut dicitur in c. *discipulus* 26. de consecrat. dist. 5. Hæc Donatus. Qui tamen in eodem Tom. tract. 12. Q. 84. resolutionem de hoc casu mutæ percussiois Superioris, & Subditi vult solum tenere, si percussio sit occulta, seu non notoria, & quod tunc Prælati debent prius absolvere subditum, & subditus absolutus postea Prælatum.

Si autem casus sit notorius, & clarus, Prælatum ex privilegio eligendi sibi Confessarium (quo per percussione non privatur) eligat Confessarium etiam extraneum secularem (dum alium non habet) qui electus habet facultatem absolvendi, non a Prælato eligente, sed a Papa committente. Si vero nullius alterius Confessarii copia esset, nec etiam subditus percussus esset Confessarius, Prælatum gerat se, ac si solus esset, & ad vitandum scandalum, infamiam, &c. potest celebrare, nec celebrando sit irregularis.

### Suspensio.

**QUÆRO VIII.** Quid, & quotuplex est? quis eam potest ferre, vel ab ea absolvere?

**XX. Resp. 1.** Hæc censura propriè tantum afficit Clericos, & Ecclesiasticos, privans eos, non quidem communione fidelium, nec Sacramentorum receptione, sed tantum functionibus, & iuribus Ecclesiasticis. Unde definitur sic: Est *Censura*, qua alicui Ecclesiastico ob suam culpam a Iudice, vel a Lege prohibetur exercitium sui officii, vel beneficii in totum, vel in partem, incertum tempus, vel in perpetuum quoad partem. Brevius sic: *Suspensio est Censura Ecclesiastica privans Clericum exercitio sui Officii, vel Beneficii.*

Explicatur prima definitio: ly *Censura* ponitur loco generis; quomodo ab aliis censuris differat, constat ex propriis earum descriptionibus. Dicitur *Ecclesiastica*, ad differentiam aliarum prohibitionum, quæ sunt a Iudice seculari, vel sunt subdito seculari, uti est, v.g. suspensio Advocati ab officio. Dicitur *ob culpam*; Quia censura strictè talis non potest infligi sine culpa, saltem veniali; propter quam etiam potest quis suspendi, sicut supra dictum est de excommunicatione minori. Item si suspensio fiat ob lepra, senectutem, aut similem causam, non est propriè suspensio. Dicitur, *vel in perpetuum quoad partem*. Nam perpetua prohibitio totius exercitii, officii, vel beneficii potius est privatio, ac depositio, & non suspensio.

Ex his Colligitur, quod depositio verbalis, ac degradatio realis, postea magis explicanda, uti & irregularitas, non fit propriè dicta suspensio, quia non sunt strictè Censuræ, sed potius privationes, vel inhabilitates ad Ordinem exercendum, vel suscipiendum: suspensio vero solum importat impedimentum exercitii.

**Resp. 2.** Suspensio dividitur 1. in eam, quæ est ab officio, & eam, quæ est a beneficio. Prima Clerico prohibet Ordinem, vel aliarum functionum ratione Ordinis, aut muneris Ecclesiastici el competentium executionem. Secunda perceptionem fructuum beneficii. Utraque subdividitur in *totalem*, & *partialem*. Prima est, qua quis suspenditur ad tempus ab omni officio, & perceptione omnium fructuum. Partialis est, qua

alicui vel ad tempus, vel in perpetuum subtrahitur solum pars fructuum, vel suspenditur tantum ab uno spirituali actu sui Officii, v. g. Episcopus a collatione Ordinum, & beneficiorum, Sacerdos ab audientia confessionum.

Dividitur 2. suspensio in eam, quæ est a jure, & eam, quæ est ab homine. 3. In perpetuam, & temporalem. 4. In reservatam, & non reservatam. Quorum intelligentia patet ex dictis.

Nota, quod esse suspensionem ab officiis divinis idem sit, ac esse privatum facultate, v.g. celebrandi Missam, aut Missæ, aliisque divinis officiis assistendi, aut in Choro cantandi, nimirum ex officio, ac more Clericorum; Unde id agere more Laicorum licet.

**Resp. 3.** Suspendere communiter potest omnis, & solus ille, qui potest excommunicare. Suspensio gravis solum potest infligi ob culpam mortalem, levis ob levem.

**Ratio est:** Ut sit proportio inter poenam, & culpam.

**Resp. 4.** Ad suspensionem ab homine requiritur prævia monitio, nisi sit infligenda ad puniendum delictum, non tamen requiritur ad suspensionem a jure.

**Ratio patet** supra in hoc Exam. nu. 4.

**XXI. Resp. 5.** Si suspensio est a jure, & reservata, ille solus ab ea absolvere potest, cui jus eam reservavit. Si non est reservata, absolvit quisvis legitimus Confessarius; si est ab homine, absolvit is, qui eam tulit, aut Successor, aut Superior.

**Ratio:** Quia ejusdem est ligare, & solvere.

**Resp. 6.** Pro abolutione a suspensionem nulla est forma certis verbis præscripta, mos tamen Ecclesiæ (cui se conformare oportet) est, ut dicatur: *Ego te absolvo a vinculo suspensionis, quam incurristi propter, &c. & restituo te ad executionem tui muneris, vel Ordinis, vel ad tuum beneficium, &c.*

**Resp. 7.** Suspensio lata ad tempus determinatum, eo elapso, aufertur ipso jure, nec est necessaria nova declaratio, vel restitutio ad officium, vel beneficium.

**Ratio 1.** Suspensio non agit ultra intentionem suspendentis, ab ea enim accipit totam suam vim. Eadem pars patet ex Glossa in cap. *Sacro. De sent. Excommunic.*

**Ratio 2.** p. Sublata causa impediens, redit effectus, quem impedit.

**Resp. 8.** Suspendus fungens Ordinibus sibi prohibitis, seu exercens aliquem actum proprium sui Ordinis, siue sacri, siue non sacri, peccat mortaliter, & pro pœna incurrit irregularitatem Papæ reservatam: in qua tamen, si sit occulta, potest dispensare Episcopus virtute Conc. Trid. Sess. 24. c. 26. Ubi super omnes occultas irregularitates dispensandi facultas ei est data, excepta ea, quæ provenit ex homicidio voluntario, & illis, quæ jam sunt deductæ ad forum contentiosum.

Dixi, *actum proprium sui Ordinis*; secus enim est de aliis actibus, et si Ecclesiasticis, ut sunt, in Choro cum aliis psallere, canere Responsoria defunctorum, aut Litanias, baptizare morte Laici sine solemnitate, & similia; quæ non sunt specialiter Ordini annexa.

*Resp. 9.* Suspendi non carent immunitate Ecclesiæ.

*Ratio est:* Quia nullo jure eo beneficio, seu asylo sunt privati.

*Resp. 10.* Sicut excommunicatum non toleratum tenemur vitare in cunctis; de quibus supra dictum; ita & suspendum in eo, in quo est suspensus. Hinc qui in officiis divinis, & actibus Ordini suo propriis eum non vitat, mortaliter peccat, si est denunciatus; secus, non. Patet ex se juxta supra dicta.

**QUÆRO IX.** Quenam sunt communiores Suspensiones a Jure?

*XXII. Resp.* Sunt sequentes. 1. Suspendus est, ordinatus extra tempora, quæ Ecclesia præscripsit, vel sine legitimæ auctoritate, aut sine titulo, vel sine dimissoriis, vel interdictis, abque dispensatione non servatis, vel per saltum, vel in censura, vel post Matrimonium ratum. Item qui Ordinem sacrum suscepit ab Episcopo alieno, vel a proprio in aliena Diocesi. Hi omnes ab executione Ordinum sunt suspendi, nisi id fecissent abque dolo; & si Ordine suscepti tantum, sunt irregulares. 2. Ordinatus scienter a Simoniaci, excommunicato, suspensus, aut interdicti, denunciatis. 3. Ordinatus in irregularitate, cum quo solus Papa dispensat. 4. Suscipiens duos Ordines sacros eodem die. 5. Ordinans aliquem invitum est suspensus per annum a celebratione Missæ. 6. Ordinans aliquem sine beneficio, aut Patrimonio sufficiente, vel titulo, per annum est suspensus a talium Ordinum collatione, teneturque talem alere, si scienter ordinavit eum. 7. Ordinans non subditum (etiam solum ad 1. Tonsuram) sine licentia proprii Episcopi per annum est suspensus a Pontificalibus: ordinatus verò est suspensus ab Ordine, quando ius Prælati placuerit. 8. Excommunicans, suspendens, vel interdicens sine scriptura, & causæ expressione, per mensem est suspensus ab ingressu Ecclesiæ. Excipitur Prælati Regularis quoad suos. 9. Sacerdos sine licentia jungens, aut benedicens Sponsos alterius Parochiæ. 10. Religiosi admittentes feminas ad sua Monasteria sunt suspendi a Divinis, & inhabiles ad officia. 11. Religiosi apostatæ recipientes Ordines in apostasia. 12. Religiosi admittentes ad Professionem ante completum annum probationis. 13. Religiosi non utentes habitu, & vestitu modo sibi prescripto. 14. Qui in Concione populari, vel cœtu virorum, ac mulierum disputant in alterutram partem de Conceptione B. V. suam sententiam argumentis firmando, opposi-

tam refellendo. 15. Clerici in sacris constitutionibus notorii fornicarii sunt suspensi, donec poeniteant. Qui si ante actum poenitentiam in Officio suo ministrant, sunt irregulares, per solum Papam dispensandi.

Hæ sunt communiores suspensiones; plures partim usitatæ, partim jam abrogatæ videantur in aliis Auctoribus, præsertim in Binsfeldio.

**QUÆRO X.** Quid, & quotuplex est, & quomodo fit depositio, vel degradatio, quam ante dixisti reduci ad suspensionem?

*XXIII. Resp. 1.* Depositio est *privatio Ordinum Clericalium* in sensu explicando. Et est duplex: Una *verbalis*, altera *realis*. Prima est, qua per Episcopi, vel ejus Vicarii, speciale ad mandatum habentis, sententiam, Clerico in perpetuum prohibetur Ordinum suorum executio, & ad aliores promotiones, quod idem est, ac esse perpetuam suspensionem, nisi ab Episcopo dispensetur post actam poenitentiam; ante quam tamen adhuc gaudet privilegiis Clericalibus. *Realis* depositio est idem, quod degradatio, ac privat non solum executione Ordinum, sed & Clericatu, ac privilegiis ejus, ut degradatus impossibiliter habeatur velut Laicus; et si character maneat.

*Resp. 2.* Degradatio fit cum certa solemnitate. Imprimis fit degradatio verbalis, id est, fertur *sententia degradationis* coram certo Episcoporum numero, nimirum coram sex, si degradandus sit Presbyter: coram tribus, si sit Diaconus, vel Subdiaconus. Sic habent iura antiqua, sed nunc juxta Trid. Sess. 14. de reform. c. 4. sufficit, ut intersint totidem Abbates, vel (si illi haberi non possint) alii Clerici in dignitate constituti. Si degradandus sit Clericus minorum Ordinum, solus Episcopus, aliis non assistentibus, eum degradare potest.

Post latam sententiam, degradandus vestibus suis indutus, manibus tenens librum, vas, seu instrumentum, vel ornamentum ad Ordinem suum spectans, quasi deberet publicè suum Officiū peragere, aut celebrare, adducitur ad Episcopum, qui singulatim ei auferit omnia ornamenta, & vestimenta incipiendo ab illo, quod ei in ultima Ordinatione fuit traditum, & gradatim descendendo usque ad primam vestem in prima tonsura eisdem. Deinde raditur caput ejus, ne appareat signum Clericatus ejus. Quæ sunt verba, quibus Episcopus utitur, dum insignia Clericalia detrahit, videri potest in Rituali. Tandem Episcopus ita loquitur: *Auctoritate Dei omnipotentis, ac nostra, tibi auferimus habitum Clericalem, deponimus, degradamus, & eximus omni Ordinis, beneficio, & privilegio Clericali, &c.*

Facta degradatione degradatus traditur iudici sæculari, qui debet esse præsens in actu degradationis. Ecclesia tamen pro eo intercedit, ne pleatur morte.

Didus Judex secularis non potest reo facere novum processum, si crimen sit merè fori Ecclesiasticum, ut simonia, hæresis, &c. sed præcisè potest exequi sententiam declaratoriam iudicii Ecclesiæ. Si verò sit crimen fori mixti, ut homicidium, magia, &c. potest a Iudice Ecclesiastico petere processum, vel etiam novum facere, ac statuere pœnam secundum jura.

*Interdictum, seu Cessatio a Divinis.*

#### QUÆRO XI. Quid de his sentis?

XXIV. *Resp. 1.* Interdictum ab *interdicendo*, seu prohibendo dictum definitur quod sit *Censura Ecclesiastica, prohibens aliquorum Sacramentorum ministracionem, & receptionem, ac divina Officia etiam audienda: & sepulturam Ecclesiasticam, ac ingressum Ecclesiæ.* Differt ab Excommunicatione, quæ privat communicatione: & a suspensione, quæ directè privat usum potestatis Ecclesiasticæ: Interdictum verò directè privat Sacramentis, & divinis Officiis, licet etiam indirectè privet illis, quæ consequuntur ad directè prohibita. Excommunicatio, & suspensio tantum feruntur ob culpam propriam, Interdictum verò etiam ob alienam. Excommunicatio nequit ferri in Universalitatem, seu Communitatem, ut dictum est suprâ, bene tamen interdictum.

Nota tamen, quod interdictum non semper privet omnibus illis, quæ definitio data exprimit, sed aliquando uno solum, interdum pluribus; prout in jure exprimitur.

*Resp. 2.* Interdictum dividitur *Primo* in *Locale*, quod prohibet in certo loco divinis Officiis assistere; Et in *Personale*, quod hanc interessentiam prohibet certæ personæ in quocunque loco. *Secundo* dividitur in *generale*, & in *speciale*. Primum est, quod generalis, seu totus locus aliquis, v.g. totum Regnum, Provincia, vel Diocesis, Civitas, seu tota Communitas interdicitur. Alterum est, quo aliquis particularis locus, aut certæ particulares personæ alicujus Communitatis, v.g. Parochia, vel Cœnobium alicujus civitatis interdicitur. Est & aliud *Locale*, & *Personale* simul, quando nimirum interdicitur locus cum personis. Item aliud reservatum, aliud non reservatum.

*Resp. 3.* Interdicere potest Papa, Episcopus, & Capitulum Sede vacante: immò regulariter omnes illi, qui possunt excommunicare, & suspendere, ut constat ex jure.

*Resp. 4.* Ad ferendum grave interdictum, v.g. totius Provinciæ, vel Civitatis, requiritur peccatum mortale: ad leve, v.g. ad modicum tempus, vel quod privat aliquæ re exigui momenti, sufficit veniale.

*Ratio:* Quia debet esse proportio inter pœnam, & culpam.

*Resp. 5.* Effectus Interdicti sunt 1. *privare activè, & passivè* (id est, quoad administrationem, & receptionem) aliquibus Sacramentis, v.g. Eucharistia, nisi detur per modum Viatici, Sacramento pœnitentiæ, sed solos culpabiles, personaliter interdictos, nisi satisfaciunt, vel cautionem præstent: aut Extrema-Unionem, quæ non potest conferri in loco interdicto, aut specialiter interdictis.

2. *Privat activè, & passivè officii divinis*, v.g. celebratione Missæ, audientia ejus, facultate cantandi, aut assistendi divino Officio, Horis, Matutinis, Vesperis, Processionibus, aqua benedicta, &c. Vel etiam solum privat ingressu Ecclesiæ, id est, functione Ordinis Sacri in Ecclesia non tamen privat facultate ingrediendi Ecclesiam, & recipiendi Sacramenta tunc, quando Officium divinum non celebratur.

3. *Privat sepulturam Ecclesiasticam*, attamen illi, qui interdicti non sunt, possunt sepeiri in loco, qui non subiacet interdicto.

*Resp. 6.* In interdicto locali generali, illi, qui sunt innocentes, id est, qui auxilio, consilio, favore, &c. Interdicto causam non dederunt, possunt divina audire extra locum interdictum.

*Ratio:* Quia Interdictum locale continet in se personale solum circa eos, qui directè, vel indirectè sunt causa, ut positum sit interdictum.

Ex quo sequitur; quod qui subiacent interdicto personali, quamvis generali, cui causam dederunt, non possunt etiam extra locum interdictum licitè Divinis interesse.

XXV. *Resp. 7.* Interdicto populo, non est eò ipso interdictus Clerus, vel e contra: & Clero interdicti, non eò ipso censentur interdicti Religiosi.

*Ratio:* Tum quia Clerus non venit intelligendus nomine populi, nec Religiosi (etsi per sacros Ordines verè fiant Clerici) commaniter intelliguntur nomine Clericorum, & maxime in materia odiola, & pœnali, in qua communiter termini sunt accipiendi secundum communem significationem. Tum etiam, quia non facile oportet recurrere ad talem interpretationem, ex qua totus locus, v.g. civitas, destituatur Officio divino tam apud Clericos Saculares, quam apud Regulares. Ergo.

*Resp. 8.* Innocentes non comprehenduntur, nec puniuntur interdicto generali per se, & directè, sed solum pec accidens, & quando sunt in eo loco, sentiuntque damnum quidem sine culpa, sed non sine causa: quod damno se possunt liberare exeundo ex loco interdicto.

Patet hoc exemplo belli iusti, in quo pereunt multi Innocentes, qui nullam bello dederunt causam; pereunt, inquam, per accidens, & sine culpa quidem, sed non sine causa, quia nimirum sine eorum damno non potest obtineri fœlis iusti belli.

*Resp. 9.*

*Resp. 9.* Tempore interdicti localis standum est de facto determinationi c. *alma mater* : Ubi Bonifacius VIII. rem hanc ita limitavit, nimirum, ut tempore interdicti localis generalis (secus est de speciali alicuius Ecclesie, hoc enim aliàs esset abque omni effectu, & frustraneum) quotidie in Ecclesiis, & Monasteriis Missæ, aliaque Officia celebrari possint sicut prius, aut submissa voce, januis clausis, exclusis excommunicatis, & interdictis, ac non pulsatis campanis, in festis vero Natalis Domini, Resurrectionis, Pentecostes, Corporis Christi, Assumptionis, Omnium Sanctorum, etiam pulsatis campanis, januis apertis, ac alta voce, modo excommunicati excludantur, & illi, propter quos interdictum est positum, non appropinquent altari, id est, non faciant Offertorium.

Potest etiam tempore interdicti ministrari Baptismus tam adultis, quam parvulis, potest fieri confectio Chrismatis in die Jovis sancto, dari Sacramentum Pœnitentiæ tam sanis, quam infirmis, exceptis excommunicatis, & illis, quorum culpa interdictum est positum, nisi prius sint absoluti a censura, & satisfecerint, vel saltem cautionem dederint. Item potest contrahi Matrimonium absque tamen solemnī copulatione, & benedictione in Ecclesia. De quopluia videantur in Canonistis.

*Resp. 10.* Qui violat interdictum, mortaliter peccat.

*Ratio:* Quia in re gravi agit contra prohibitionem Ecclesiæ.

*Resp. 11.* Clericus personaliter interdictus in sacris constitutus, aut in loco interdicto exercens adum Ordinis incurrit irregularitatem, in qua solus Papa dispensat. Patet cap. *is*, qui de *sentent. Excommunic. in 6.*

*XXVI. Resp. 12.* Absolvere ab interdicto potest is, qui illud tulit, aut ejus Superior, si sit ab homine; si sit a Canone, seu a jure ad certum terminum, eo elapso finitur; si est positum absolute, & conditori Juris non reservatum, relaxari potest ab Episcopo, si sit interdictum personale, & non reservatum; absolvi ab eo, sicut, & ab aliis censuris non reservatis legitimis Confessarius.

*Resp. 13.* Interdicta a jure sunt varia, vix usitata, quæ videri possunt in Summis, vel Canonistis. Plura adducit Binsfeldius, ex quibus frequentiora sunt hæc. Quod interdicti sunt Clerici, ac Religiosi inducentes aliquem ad vovendum, vel promittendum de sepultura, si in Ecclesia eum sepeliant; si non resiliant omnia intra decem dies. Item locus specialiter a jure est interdictus, nimirum Ecclesia aliqua, si sit polluta per homicidium, vel injustam sanguinis effusionem, aut humani seminis, studiosè procuratam. Item Ecclesia consecrata per Simoniam, vel principaliter pro quaestu, vel sine licentia Diœcesani, vel

sine Reliquiis, &c.

*Resp. 14.* Ad interdictum reducitur, eique similis est Cessatio a Divinis, quæ tamen non est propriè Censura, sed est ipsa desistentia a Divinis, seu ipsum factum, quo, propter aliquam gravem injuriam Ecclesiæ illatam, divina suspenduntur, sive ab eis cessatur, ut injuriantes resipiscant. Differt ab Interdicto per hoc, quod Cessatio non afficiat personas, sed solum locum, adeoque extra locum (in quo est cessatum a Divinis) quilibet licitè potest audire Divina; & licet Clericus in tali loco celebrando peccet mortaliter, non tamè sit irregularis.

*Irregularitas.*

QUÆRO XII. Quid de ea?

*XXVII. Resp. 1.* Irregularitas definitur, quod sit *Impedimentum canonicum directè impediens a susceptione Ordinum, & usu susceptorum, ut Ordines sunt*; ob reverentiam, quæ requiritur ad Divina, quibus repugnat causa, nimirum defectus, vel delictum, ex quo oritur.

*Explicatur:* Dicitur *Irregularitas*, quasi privatio regulæ; & irregularis, quasi regula privatus. Dicitur *impedimentum*, ex quo patet, quod non sit propriè Censura, cum non sit propriè pœna: sed inhabilitas quædam moralis, & potest esse abique peccato, ut patet ex S. Tho. 2.2. q. 64. a. 6. ad 3. in iudice justè aliquem condemnante ad mortem. Dicitur *Canonicum*, id est, Jure Canonico introductum, cum nulla detur Irregularitas, quæ in sacris Canonibus non sit expressa. Cæteræ particulæ volunt, quod irregularitas, Ordinum susceptionem præcedens, faciat inhabilem ad suscipiendum, & sub hac ratione etiam cadit in Laicos: sublequens verò facit ineptum ad exequendum. Dicitur autem, *directè*, & *ut Ordines sunt*: ad differentiam excommunicationis, suspensionis, & interdicti, aliorumque impedimentorum Canonicorum, quæ licet impediunt Ordines, & usum eorum, in quantum sunt communicatio, Sacramenta, Officia, aut Beneficia Ecclesiastica: non tamen in quantum sunt Ordines saltem directè, ut advertit noster Labat. Differt ulterius Irregularitas a præfatis censuris, quod hæc ferantur tum a jure, tum ab homine. Illa verò a solo Jure, & quidem Ecclesiastico: quia nulla datur de Jure divino, quo tamen jure. Ordinis incapax est femina, & mas non baptizatus, qui tamen non sunt irregulares.

Præterea irregularis, eo ipso, quod est talis, non privatur Jurisdictione ad absolvendum a peccatis sicut excommunicatus, nisi sit denunciatus: peccat tamen mortaliter absolvendo: ipse etiam potest absolvi a peccatis, ac Eucharistiam suscipere ad instar Laici. Quia Irregularitas non est censura, ut dictum est. Item si Missam celebret, peccat mortaliter, non tamen incurrit novam irregularitatem.

*Resp. 2.*



*Resp. 2.* Irregularitas facit hominem incapacem collationis beneficii, sic ut collatio ei in illo statu facta non solum sit illicita, seu contra Canones, ac infirmam, sed etiam ipso jure nulla, ita ut provisorius in conscientia teneatur resignare beneficium, ac obtemperare dispensatione de novo ad illud habitari. Hanc sententiam esse tutiorem, & practice probabiliorem testantur ipsi Adversarii, fatentes suam solum esse probabilem.

*Ratio:* Tum quia hæc sententia est valde conformis naturæ irregularitatis, ut potest, quæ videtur hominem omnino inhabilem reddere ad jura Clericalia. Tum quia secundum jura beneficium datur propter Officium. Ergo inhabilis ad officium, est etiam talis ad beneficium.

Nota tamen ignorantiam irregularitatis posse excusare; Qui dubitat se esse irregularem, tenetur in foro animæ se, ut talem gerere, ut dictum est supra Tract. 1. Exam. 1. n. 15.

XXVIII. *Resp. 3.* Irregularitas dividitur in totalem, & partialem. *Prima* eaq; propriè dicta est, quæ privat omni Ordine suscipiendo, & suscepto exercitio, ut est, quæ oritur ex homicidio, bigamia, &c. Altera est, quæ solum privat aliquo Ordinis ministerio, vel solum ascensu ad Ordinem superiorem, v.g. Sacerdos, cui abscissus est pollex, vel medietas palmæ, non audit sacrificare, bene tamen Confessiones audire; & Diaconus, qui perdidit sinistram oculum, nequit fieri Sacerdos, potest tamen fungi officio Diaconi. Pro quo fit hæc Regula: Deformitas, vel debilitas superveniens Clerico, facit eum inhabilem respectu illius officii, quod propter eam ritè exercere non potest. Possent etiam partialis irregularitas, improprie tamen, dici ea, quæ solum est temporalis, v.g. quæ esset durante infantia, morbo, infamia facti, &c.

*Resp. 4.* Irregularitas magis propriè, & communiter dividitur in eam, quæ est ex delicto, quod debet esse mortale, & in eam, quæ est ex defectu: ad denotandas duas causas materiales irregularitatis, quarum una est actio peccaminosa, nimirum delictum, de quo postea: Altera ordinariè sine peccato, & est defectus. Irregularitas ex defectu iterum variè dividitur. Nimirum in eam, quæ est ex defectu corporis, & in eam, quæ est ex defectu animæ, & in eam quæ est ex defectu lenitatis, & in eam, quæ est ex defectu Sacramenti nimirum Matrimonii, seu significationis.

*Explicantur singula Species.*

*Irregularitates ex delicto sunt:* 1. quæ contrahitur ex infamia, a sacris canonibus, vel a jure Civili, vel ab hominum æstimatione certis criminibus notoriis, & publicis, v.g. Apostasiæ, Simoniacæ, Sodomiacæ, perjurio in judicio, hæresi, &c. imposita. Unde omnes Hæretici, (nimirum externi Apostatae, eorum fautores, defensores, credentes, sunt irregulares. Item Irre-

gulares sunt, qui officium infame exercuerunt, ut, histriones, satellites, carnifices, & similes farinæ homines. 2. Ex iteratione Baptismi serio, & scilicet, vel ex ignorantia culpabili facta, ac suscepta, comprehenditque rebaptizantem, & rebaptizatum. 3. Ex violatione censuræ, v.g. excommunicationis, aut suspensionis, ut si in ea adum aliquem Ordinis solemniter exerceat, nisi invincibilis ignorantia excuset. 4. Ob peccatum, quo Clericus serio, & scilicet exercet adum Ordinis sacri, quem non habet, ut si Diaconus consecret Eucharistiam, vel conferat Extremam-Unionem. 5. Aliqui inter Irregularitates numerant illas suspensiones: quæ supra num. 22. de malè ordinatis relatæ sunt. 6. Ex homicidio, & mutilatione, quæ sexta irregularitas est non solum ex delicto, sed etiam ex defectu lenitatis, seu mansuetudinis. Et *Ratio* ejus est: quia plane indecens videtur, ut, qui alienum sanguinem fudit, mitissimi Christi (proprium sanguinem pro nobis effundentis) personam in Altari repræsentet, immaculatam, & incruentam Deo Patri Hostiam offerens. Sed de hoc plura postea num. 45.

XXIX. Irregularitas ex defectu Sacramenti, seu significationis contrahitur ex bigamia, in qua deficit repræsentatio, seu significatio unitatis Sponsæ, seu Christi spiritualiter Matrimonio juncti cum unica Sponsa Virgine, nimirum Ecclesia, bigamus verò corpus suum dividit duabus, ut pulchrè explicat Angel. Doctor in Supplem. q. 66. a. 1. in c. quamvis enim transire ad secundas nuptias non fit peccatum, deest tamen dicta significatio, ad quam requiritur, ait S. Thom. ibid. ut Vir tantum sit unus Vir, & Uxor sit tantum unus Uxor. Unde bigamia, quæ aliàs nihil aliud est, quàm reiteratio Matrimonii, quoad præsens definitur, quod sit defectus proveniens ex secundis nuptiis. Vel sic: Est irregularitas proveniens ex defectu Sacramenti, nimirum Matrimonii.

Quatuor sunt modi bigamiæ, subdit S. D. ibidem. *Primus* est, cum quis plures habet Uxores de jure successive. *Secundus* cum simul habet plures, unam de jure, aliam de facto. *Tertius* cum plures habet successive, unam de jure, aliam de facto. *Quartus* quando viduam ducit in Uxorem. Et omnibus his est irregularitas adjuncta. Hæc ibi. Et impedit omnem Ordinem, ut docet 2. 2. q. 108. a. 4. ad 2. Si quis in Uxorem ducat eam, quam ipsemet defloravit, docet S. D. in Supplem. q. 66. cit. a. 3. ad 2. probabilius esse, quod non sit irregularis, quia carnem suam non dividit in plures. Si mulier fornicetur post matrimonium contractum, non efficitur ex hoc vir irregularis, ut docet S. D. ibid. ad 4. nisi post corruptionem adultæritatis eam iteratò cognoscat, etiam per jus compellatur



latur ei reddere debitum: & hoc dicit esse probabilius: quia hic non requiritur, quod sit peccatum, sed significatio tantum. Et ibid. a. 3. in c. docet, & probat, quod vir fiat irregularis, si ducat non virginem, seu ab alio corruptam, puta, nunquam maritatum: si autem imple corruptus contrahat, ex hoc non fiat irregularis. Ex quibus omnibus colligitur, quod per matrimonium ratum non consummatum, non incurritur bigamia, quia caro non dividitur in plures, nisi per actuale copulam. Ex his

*Triplex est Bigamia*, nimirum vera, interpretativa, similitudinaria. Vera, est in eo, qui successively habuit, & cognovit duas legitimas Uxores. Interpretativa, est in triplici casu. 1. Si in uxorem quis ducat, & cognoscat eam, quæ jam est corrupta, sive sit vidua, sive fornicaria. 2. Quando Maritus reddit debitum Uxori adulteræ, quia in utroque casu non est unica unicus, & jus interpretatur, talem esse bigamum, quia duxit, & cognovit eam, quæ bis contraxit, vel carnem suam divisit, licet ipse vir duas nuptias non fecerit. 3. Dum quis in figura, & specie Matrimonii viduam, vel plures mulieres cognovit tanquam Uxores; sed Matrimonium ob impedimentum quoddam dirimens fuit nullum. Ubi fuit saltem species Matrimonii, & quantum est ex parte affectus, seu interpretativè matrimonialiter contraxit. Tandem bigamia similitudinaria est, dum Religiosus professus, vel Clericus Sacris initiatus, adeoque post contractum spirituale Matrimonium cum Deo, & Ecclesia, in uxorem ducit, & cognoscit viduam, vel aliàs corruptam, vel etiam virginem. Hæc irregularitas non oritur quidem ex defectu significationis Matrimonii (cum hoc sit nullum) sed ex delicto. Vocatur verò *similitudinaria* a similitudine, quam inter se habent conjugium spirituale, & carnale.

Bigamia ante Baptismum contracta, per eum non tollitur, sicut enim per illum non recuperatur virginitas, ita nec carnis indivisio, ut docet S. Th. dist. q. 66. ar. 4. in c. & ad 3. Pariter per Baptismum non tollitur irregularitas, quæ est ex defectu natalium.

XXX. *Irregularitas ex defectu corporis* contrahitur a corpore vitiatis, quorum alii sunt *debilitati*, ut qui vel laborant gravi continuo morbo, vel in aliquo membro, aut parte eius talem habent defectum, qui ministerium Ordinis impedit: Alii *mutati*, qui membro aliquo carent; alii *notabiliter deformes*, qui in membris exterioribus tali sunt affecti vitio, defectu, vel macula, ut sine scandalo, irrisione, vel gravi horrore non possint conspici. Cuius in habilitatis, deformitatis, & scandalii irregularitatem inducens iudicium, spectat ad Episcopum.

XXXI. *Quid sentis de gibbo*, aut clauda?

Dico: Licet videatur esse deformitas, si ta-

men Missam sine baculo celebrare possit, non est irregularis. c. si quis. 10. dist. 35.

*Quid de defectu oculi?*

Dico: Qui ob erutum oculum, sive dextrum, sive sinistram, non solum caret visu, sed simul præfert deformitatem, est irregularis, licet invito erutus sit. c. si. dist. 35. si tamen oculus sinister (qui dicitur *Canonis*, quia illo legitur Canon Missæ) mansit salvus, & integer, Papa facilius cum tali dispensat. Qui habet oculum Canonis bene valentem, dextrum verò integrum quidem, sed virtute visiva carentem, non est irregularis. Idem est, si habeat oculum dextrum bene valentem, canonicum verò integrum quidem, sed nihil videntem, si absque indecora, ac deformi faciei conversione possit Canonem legere: cui rei ipsa libri accomodatō servire potest. Ita docet La Cruz citans Navarrum, & Ludov. Lopez. Pro eadem sententia citantur Barbosa, Layman, Suarez, & alii.

Habens oculum fictitium, seu artificialem, ut vitreum, est irregularis, cum oculus naturalis verè sit erutus, & deformitas facile apparere possit. Luscus, id est, habens oculos obliquos, si defectus sit tantus, ut ad legendum se valde inclinando populo risum, seu illusionem pariat, est irregularis, quia tamen in re stet iudicio Episcopi. Idem est de eo, qui habet lippos, seu continuò lacrymantes oculos. Cæcitas absque culpa superveniens facit irregularem, seu inhabilem ad ea, ad quæ peragenda requiritur visus; unde etsi talis non possit celebrare Missam, potest tamen audire Confessiones, psallere in Choro, beneficiū (si coadjutorem habeat) retinere, &c.

XXXII. *Quid de habente impedimentum linguæ?*

Dico: Si sit tantum, ut verba, quæ profert, non possit explicare, est irregularis, adeoque non potest ordinari; est enim incapax ad baptizandum, absolvendum, consecrandum, &c.

XXXIII. *Quid de Hermaphrodito*, seu in quo sunt membra genitalia utriusque sexus?

Dico: Si uterque sexus in eo est æqualis, est irregularis, quia est monstrum. Immo etiam est irregularis, etsi sexus virilis prævaleat, quia adhuc est magna moralis indecentia, & monstruositas: licet enim sit vir, non tamen simpliciter, sed habet simul naturam foemineæ.

*Quid si quis habeat alia membra superflua?*

Dico: Si ex eis proveniat inhabilitas, vel nimia deformitas, est irregularis; Cæteroquin non est, licet superflua abscindat, deformitate non remanente.

XXXIV. *Quid de Castrato?*

Dico: Probabilius est, quod qui sciens, & volens a se, vel ab alio, sive ob servandam castitatem, sive ob servandam pro musica vocem est castratus (de qua re actum est suprà Tracl. 9. Ex. a. n. 22. & 23. ubi etiam dictum est, an debeat talem par-

partem abscissam pulverizatam portare ad col-  
lum) sit irregularis.

*Ratio* : Quia est voluntaria mutilatio sui, & quidem, ut lococitato probatum est, probabilius illicita.

*Dixi, sciens, & volens* : Quia Eunuchus natus, vel in cunis ante septennium, & usum rationis, vel per violentiam invitus (etiam potu somnifero adhibito) aut a Medicis ob ægritudinem castratus, non est irregularis.

### XXXV. Quid de mutilato?

*Dico 1.* Qui seipsum absque causa mutilat, etiam in parvo membro, v.g. in parte cujuslibet digiti, est irregularis non ita propter defectum, quam propter sævitiam, qua sibi ipsi audent ferum injicere, c. *qui partem* in 6. dist. 35.

*Dico 2.* Qui ex iusta causa, vel non volens ab alio est mutilatus in membro ad Ordinis exercitium necessarium requisito, vel secuta notabili deformitate, ut si amputetur manus, vel natus, &c. est irregularis, & non est ordinandus. c. *exposuisti*, tit. de corp. vitiatis, si vero illi exercitio non obstat, non est irregularis.

XXXVI. Quid de epileptico, seu laborante morbo caduco, seu, ut alii vocant, comitiali?

*Dico* : Non potest ordinari, et si sanetur, ut La Cruz probat ex argumento cap. fin. 1. 5. q. 1. & dicitur ita communiter doceri. Si iam est ordinatus, & non sanatus, non permittitur ministrare propter periculum. Si omnino est sanatus, & ab ultimo malo per annum probatus, potest permitti.

XXXVII. Quid de Dæmoniaco, seu arreptitio, seu enervamento, id est, qui Dæmone obsidetur, seu corporaliter arripitur, &c.

*Dico* : Si non est ordinatus, nunquam potest ordinari, tamquam irregularis: si iam est ordinatus, est ab officio suspensus, usque dum unius anni spatium probatus iudicio Episcopi censeatur esse liberatus. c. *communiter*. 3. dist. 33. c. 1. Can. 7. q. 2. Hi posteriores defectus etiam ad defectum animæ spectant, ut patebit postea.

*Quid de eo, qui se Dæmoniaco simulat?*

*Dico* : Tractandus est in causa irregularitatis, ac si revera Dæmoniaco esset, ut ex 6. Synodo Generali Constantinopolitana, in Trullo. c. 60. probat noster Lublin. Verbo, *irregularitas*, n. 35.

### XXXVIII. & XXXIX. Quid de abstemio?

*Dico* : Est irregularis respectu Sacerdotii, ut ad illud admitti non possit, potest tamen admitti ad Subdiaconatum, vel Diaconatum. Nec novum quid est, aliquem Diaconum non fieri Sacerdotem, ut patet in variis Titulis Cardinalium, ac Præbendis Canoniarum Cathedralium.

XL. *Ad irregularitatem ex defectu corporis* reducitur illegitimitas, & servitus, ac defectus ætatis, & casus prolixæ expolitæ, ac in platea, vel ante januam Ecclesiæ, aut hospitalis inventæ, cujus parentes ignorantur.

*Quid de his censetur?*

*Dico 1.* Illegitimitas est defectus natalium inducens irregularitatem. Unde omnes illegitimè nati ex fornicatione, stupro, adulterio, sacrilegio, aliove illicito concubitu, sive notorii, sive occulti, sunt irregulares, tum ob dignitatem Ordinis, tum ob scandalum, tum ob periculum incontinentiæ, exemplo parentum.

Notanda sunt hic verba S. Tho. in Supplem. q. 39. ar. 5. in c. ubi explicat, cur illegitimi repellantur ab Ordinibus dicens: Ordinati in quacunque dignitate præ aliis constituuntur, ideo ex quadam honestate requiritur in eis claritas quædam non de necessitate Sacramenti, sed de necessitate præcepti, ut scilicet sint bonæ famæ, bonis moribus ornati, non publicè poenitentes. Et quia obscuratur hominis claritas ex vitio à origine, ideo etiam ex illegitimo throno nati a susceptione Ordinum repelluntur, nisi cum eis dispensetur, & tantò est difficilior eorum dispensatio, quantò eorum origo est turpior. Hæc ibi.

De filiis illegitimis, eorum speciebus, ac legitimatione dicitur infra n. 107. Exam. 7. in fine Tract. de Matrimonio.

XL1. *Dico 2.* Mancipium, seu servus est irregularis, sic ut absque licentia Domini ordinari non debeat, nec licite possit. Si cum licentia ejus ordinetur, manet liber, & ingenuus; Si sine, etsi characterem accipiat, & se redimere possit, si tamen se non redimat, satisfaciit Domino, exhibendo ei servitium, quæ non dedecet personam Ecclesiasticam.

XLII. *Dico 3.* Irregularitas ex defectu ætatis contrahitur, quando Ordines suscipiuntur ante ætatem a jure, & in Triden. Sess. 23. c. 12. statutam, nimirum prima Tonsura ante septennium, Subdiaconatus ante 21. annum, Diaconatus ante 23. Sacerdotium ante 25. inchoatum. Episcopus ante trigimum completum.

Pœna ordinati ante legitimam ætatem, est suspensio usque ad illam, ut supra dicitur de suspensionibus. Dum legitima ætas adest, non statim ideo ipso cessat suspensio scienter incurra, sed necessaria est absolutio, ac dispensatio: quam dispensationem, si delictum sit occultum, Episcopus dare potest.

XLIII. *Dico 4.* Probabilius est, quòd dicatæ proles inventæ, quarum parentes ignorantur, sint habendæ pro illegitimis, nec sine dispensatione admittendæ ad Ordines.

*Ratio* : Quia in dubio debet præsumptio defumi ex iis, quæ communiter, & quasi certò accidunt. Sed communiter, & ordinariè (teste experientia) exponuntur proles illegitimæ. Ergo.

Nec obstat opponere: In dubio præsumendum est pro legitimitate prolis tanquam parte favorabili; non, inquam, obstat: Quia una præsum-

sumptio eliditur per aliam fortiozem: Sed nostra est fortior. Ergo: Aliud est, si sint expositi a parentibus propter inopiam, & postea ab eis agnoscatur; tunc enim ad Ordines possunt admitti.

**XLIV.** *Irregularitas ex defectu animæ* proveniens incurritur ab amentibus, phreneticis, Dæmoniis, seu arreptitiis, de quibus antea dictum. Item ab insans, & furiosis, qui flava, vel atra bile ita abundant, ut ea adulla, & caput petente, eos faciat insanire, hominum confortia fugere, ac in locis desertis morari. Item a Lunaticis, id est, in interlunio natis, & cum Luna, ac instar Lunæ mutabilibus, ac inconsistentibus, insanientibus, mente alienatis. Item a Neophytis, id est, recent baptizatis, vel ad fidem conversis, usque dum Judicio Episcopi sufficienter sint instructi. Et hoc ideo, ne quis fiat Magister, antequam fuerit discipulus, & ne exinde, ut S. Paulus loquitur *in superbiam elatus in judicium*, ac laqueum incidat *Diaboli*. Tandem ab illiteratis, seu ignaris, id est, carentibus scientia proficiendi Ordines necessaria. De qua Trid. Sess. 23. c. 4. 11. & 14.

**XLV.** *Irregularitas ex defectu lenitatis* incurritur ex licita, ac illicita mutilatione, homicidio, in bello, in judicio: Ratio hujus statuti Ecclesie est: Quia vult Sacerdos ut potest gerens personam Christi, qui nullum unquam læsit, ei conformetur in lenitate. Ut autem incurritur, necesse est, ut deciso, vel mutilatio actu sequatur, nec sufficit propositum, nec sola vulneratio etiam gravis. Porro tripliciter potest contingere homicidium, vel mutilatio. Voluntarie, & iuste ut dum minister iustitiæ reum morti adjudicatum occidit, 2. Voluntarie, & iniuste ut si privatus homo suum proximum occidat deliberatè, vel ex ira, odio, &c. 3. Casualiter, & præter intentionem, ut si Venator in sylvis volēs scopeto interficere feram, occidat hominem casu prætereuntem, a se non visum.

**XLVI.** *Quid sentis de homicidio voluntario, & iusto?*

*Dico 1.* Quantum ad irregularitatem ex homicidio contrahendam, non est in Jure, vel communi Doctrina Canonis illarum invenire differentiam inter Laicum, & Clericum, sed ubicumque irregularis est Clericus, etiam est & Laicus, & e contra, ut ait noster Sylvester excipiens homicidium casuale, ubi est aliquando irregularis Clericus, & non Laicus, & e contra; quia aliquid est illicitum Laico, & non Laico, ut mercari, & ludere ludo Clericis interdico, vel mederi, & e contra, ut celebrare Divina. Unde si ex mercedione Clerici sequatur occisio, adhibita diligentia, est irregularis, non autem Laicus.

*Dico 2.* Qui sive Clericus, sive Laicus ob necessariam vitæ suæ, seu corporis defensionem cum moderamine inculpatae tutelæ factam, alium occidit, vel mutilat, non est irregularis.

Ita clarè habetur in Clem. un. de hom. Si furio-

*sus, aut insans, seu dormiens, hominem mutilet, vel occidat, nullam ex hoc irregularitatem incurrit. Et idem de illo censum, qui mortem aliter vitare non valens, suum occidit, vel mutilet innoxium.*

Hujus oppositum de Clerico tenebatur tempore S. Tho. etiam ab ipso S. D. claris verbis. 2. q. 64. a. 7. ad 3. & in Supplem. q. 39. a. 4. ad 3. Et hoc ideo quia, ut ait Sylvester, tunc ista Clementina nondum emanaverat.

Notanda hic sunt verba S. Tho. in Supplem. q. 39. a. 4. in c. ubi explicat, cur homicidæ repellantur ab Ordinibus, dicens: Omnes Ordines referuntur ad Eucharistiæ Sacramentum, quod est Sacramentum pacis nobis factæ per effusionem Sanguinis Christi, & quia homicidium maxime contrariatur paci, & homicidæ magis conformantur occidentibus Christum, quam ipsi Christo occiso, cui omnes ministri prædicti Sacramenti debent conformari: ideo de necessitate præcepti est, quod non sit homicida, qui ad Ordines promovetur, quamvis non sit de necessitate Sacramenti. Hæc ibi. Et ibidem ad 2. ait: Irregularitas non incurritur propter peccatum tantum, sed principaliter propter ineptitudinem personæ ad Sacramentum Eucharistiæ ministrandum. Et ideo Judex, & omnes, qui in causa sanguinis ei participant, sunt irregulares propter hoc, quod effusio sanguinis non decet ministros dicti Sacramenti. Hæc S. D.

**XLVII.** *Dico 3.* Qui iniustum Reipublicæ, vel hominis innocentis innoxium mutilat, vel occidit, cum ad hanc defensionem naturali, & divina Leget tenetur, sive Laicus, sive Clericus, non ideo fit irregularis.

*Ratio:* Tum quia non est credibile, quod mens Ecclesiæ sit, aliquem afficere macula Irregularitatis propter hoc, quod servet Legem naturæ in succurrendo bono communi, & Innocentis. Tum etiam, quia irregularitas ex homicidio illicito incurritur ob defectum perfectæ lenitatis, seu mansuetudinis: Sed ubi simpliciter, & per se obligant iustitia, pietas, & charitas, nequit dici esse defectus mansuetudinis, ne datur una virtus alteri repugnare. Ergo.

*Dixi, simpliciter, & per se:* Quia ministros iustitiæ Lex iustitiæ ad occidendos malefactores solum obligat ex suppositione officii voluntariè assumpti, & ideo illi sunt irregulares.

Ex adducta probatione facile reicitur scrupulus aliquorum, qui remuunt subvenire alicui ægro, vel vulnerato, cum levando, cibum ei porrigendo, timentes, ut ejus mortem accelerent, & inde irregularitatem incurrant; Si enim bona fide, & sine dolo procedant, licet forte in aliquo errarent ob rationem datam, omnem scrupulum deponant, præsertim ad consilium boni viri.

**XLVIII.** *Dico 4.* Probabilius Irregularitatem incurrit, quicumque occidit, vel mutilat ali-

aliquem pro defensione famæ, vel honoris, quia iudicat fugam sibi esse indecoram. Idem est, si fiat pro defensione bonorum fortunæ. Et hoc etiam in casibus suprà Tra. 9. Exam. 2. n. 28. 29. 30. tractatis, in quibus occidens non peccat.

1. Pars clarè patet ex dicta Clem. illis verbis, *qui mortem aliter vitare non valens*: Sed in hoc casu non est periculum mortis, ut constat. Ergo

2. Pars patet ex cap. *suscipimus* de homicidio, ibid. *Quoniam expediebat potius post unicam relinquere pallium, & rerum sustinere iacturam, quam pro conservandis vilibus, & transitoriis rebus tam acriter in alios exardescere*. Et Glossa in c. 2. eodem tit. ait: *Irregularis factus est, quia potius debuit dimittere sua, quam interficere*.

Ratio utriusque patet: Ad irregularitatem requiritur necessariò culpa, sed consequitur ad actum homicidii, etsi sit absque peccato, ut patebit ex statim dicendis. Excipiuntur soli casus ante in Dico 2. & 3. descripti.

XLIX. Dico 5. Exceptis dictis duobus casibus, omnis, qui iussit hominem occidit, vel mutilat, vel etiam licito modo dat causam propinquam mortis, vel accelerationis ejus, sit irregularis, effectu secuto. Ita patet ex multis Canonibus, quos auctores adducunt.

Ratio hujus statuti Ecclesiæ antè data est.

Ex his sequitur; quòd qui in bello offensivo sive iusto, sive iniusto propria manu mutilat, vel occidit, fiat irregularis ob rationem statuti Ecclesiæ, cujus ante mentio facta fuit. Qui in bello iusto merè defensivo, certò tali, pro defensione Patriæ, vel Ecclesiæ contra violentos aggressores ex obligatione charitatis, aut pietatis pugnant, mutilant, aut occidunt, ab irregularitate manent immunes, juxta sensum in Dico 3. datum, & probationem ejus. si sint Laici.

Dixi, *si sint Laici*; Nam in c. *petitio de homicid.* Clericus judicatur irregularis, si in bello contra hostes fidei Catholicæ aliquem interfecit. Communiter enim non decet Clericos, maxime sacris initiatos, propria manu pugnare, cum per Laicos violentia depelli potest. Si tamen esset tanta necessitas, ut sine Clericorum pugna Patria, vel Ecclesia liberari non posset ab iniquorum hostium invasione, etiam ipsi ab irregularitate manerent liberi, ob rationem pro Dico 3. Datam.

Cæterum si bellum sit iniustum, modò unus homo occidatur, vel mutiletur, omnes, qui auxilium, vel consilium dederunt, sunt irregulares. Quia omnes per auxilium, vel consilium concurrent ad dampnum, vel crimen, censentur esse una causa moralis. Vide suprà Tract. 9. Exam. 2. n. 19. & 20. quomodo Clericis præsertim jurisdictionem sæcularem habentibus liceat se immiscere causæ sanguinis, an possint iudices pro ea deputare, eos hortari, executioni interesse. Item vide

Tract. 7. Exam. 7. n. 124. an Clericis, & Episcopis licitum sit bellare?

L. Sequitur 2. Quòd in iudicio etiam iusto omnes tantum irregulares, qui *activo, & officioso*, ac *proxime* per actionem ad id ex natura sua ordinatum sunt causa mortis, vel mutilationis: uti sunt Judex, qui sententiam fert; Notarius, qui eam scribit; Ministri, qui eam exequentur, & testes, &c. per ly *activo* excipitur is, qui se habet solum passivè, v.g. Confessarius, qui reum monet, ut veritatem fateatur, ut sententiæ iustæ acquiescat, &c. Per ly *officioso* excipiuntur, qui executioni sunt quidem præstes, sed quorum præsentia in executionem non influit, vel qui, quando reus jam est suffocatus, portant ligna pro ejus combustionem. Per ly *proxime* excipiuntur, qui tantum remotè cooperantur, ut qui faciunt, aut vendunt funes, vel gladios. Idem est de Legislatore ferente leges capitales; de Concionatore in genere dicente, malefactores esse plectendos; De Confessario interrogato, an reus sit dignus morte, aut respondente iudicem posse facere, quod est sui officii. Verùm ab Irregularitate immunis non esset is, qui in particulari quid faceret, aut diceret, ex quo mors sequeretur, vel acceleraretur, v.g. reum efficaciter urgendo, ut scalam ascendat, vel ad hoc eum juvet, vel si iudici dicat: Hic est plectendus capite.

Excusat etiam in hoc casu indeliberatio, v.g. si quis, etiam Confessarius dicat, Properemus, Vel si jumentum, quo reus vehitur, stimulet. Item, quia parum pro nibilo reputatur, excusat etiam parvitas materiæ, v.g. dicendo ad reum, Consende adhuc unum gradum.

Tandem per illas particulas *per actionem ex sua natura ad id ordinatam*, intelligitur actio, quæ sit causa per se mortis, quia effectus per accidens secutus non imputatur agenti præsertim danti operam rei licitæ. Hinc supra dictum est, quòd Judex Ecclesiasticus non fiat irregularis degradatum tradendo brachio sæculari. Idem est de Clerico, quialiquem in causa criminali accusat, præcisè petens reparationem damni sibi illati, modò expressè protestetur, quòd non intendat poenam sanguinis.

De eo, qui seipsum castrat vel mutilat, vide suprà Tract. 9. Exam. 2. n. 21. & seqq.

LI. *Quid iudicis de homicidio voluntario iniusto, & de casuali?*

Dico 1. Omnis baptizatus, usu rationis præditus voluntariè, ac iniuste occidens vel mutilans alium vel seipsum, est irregularis. Ita patet ex variis Canonibus.

Declaratur. Dixi 1. *baptizatus*, quia ante baptismum homo non est capax irregularitatis propriè dictæ, hæc enim est ab Ecclesia, cui homo ante baptismum non est subiectus.

Dixi 2. *usu rationis præditus*; quòsi caret, pa-

patet ex cit. Clem. quid dicendum sit. Dixi voluntariis, quia de casuali statim dicitur.

De occisione embrionis, ac fœtus humani animati, ac irregularitate per eam contracta, vide supra loco mox cit. n. 25. 26. & 27.

Dico 2. Dum est sermo in præsentem de mutilatione, seu amputatione membri, probabilis est, quod sacri Canones intelligant abscissionem alicujus partis organicæ, ob quam corpus humanum notabiliter sua integritate privetur, & imperfectum, seu mancum fiat, uti sunt auris, nasus, digitus, &c. secus est de dente.

Ratio: Quia odiosa, uti sunt pœnæ juris, non sunt amplianda, sed restringenda.

Dico 3. Circa homicidium casuale (seu quod est præter intentionem) tres generales regulæ sunt notandæ ex S. Th. 2. 2. q. 64. ar. 8. in c. *Prima est*: Dans operam rei licitæ, & adhibens diligentiam, quam debet, & non habens voluntatem occidendi, vel mutilandi, non incurrit homicidii reatum, nec irregularitatem. Exemplum patet supra: *Secunda est*: Dans operam rei licitæ, & non adhibens diligentiam, quam debet, vel existens in culpa etiam levi, non autem levisima, per mutilationem, vel homicidium sequens fit irregularis. Pro quo vide supra Tr. 8. Ex. 6. n. 124. quid, & quotuplex sit culpa. *Tertia est*: Dans operam rei illicitæ, quantumcumque adhibeat diligentiam, per mutilationem, vel sequens homicidium fit irregularis.

Exemplum primæ Regulæ est, si Venator in sylva volens occidere feram occidat hominem casu prætereuntem, a se non visum, & adhibita prius omni diligentia. Exemplum secundæ Regulæ est, si dictus Venator non adhibeat debitam diligentiam. Exemplum tertiæ Regulæ patet ex dictis, si ex mercedatione Clerici sequatur occisio alterius. Idem est de calu, quo Monachus; vel quicumque Clericus in Sacris constitutus exercendo artem chirurgicam per incisionem, vel aduersionem (adhibita etiam omni diligentia) hominem occidat, vel mutilet. Talemque exercitum illis est prohibitum in Jure. Quod facit illa Regula juris 19. in 6. *Non est sine culpa, qui rei, qua ad eum non pertinet, se misceat*. Excipitur casus necessitatis, in quo ipsum jus naturale id exigat, ut si nullus Chirurgus præter Clericum adesset, qui homini periclitanti subveniret.

Hæc doctrina patet ex S. Th. in Supplement. q. 39. ar. 4. ad 3. dicente: Nullus facit nisi illud, cujus causa est, quod est voluntarium in homine. Et ideo ille, qui ignorans hominem occidit homicidium casuale, non dicitur homicida, nec irregularitatem incurrit, nisi operam dederit illicitæ rei, vel nisi omiserit debitam diligentiam, quia jam quodammodo efficitur voluntarium; non autem hoc est propter hoc, quod culpa careat, quia etiam sine culpa incurritur irregularitas. Hæc ibi.

*Dispensatio in Irregularitatibus.*

### QUÆRO XIII. Quis eam dare potest?

*LII. Resp. 1.* Solus Papa proprio, & ordinario jure potest dispensare in Irregularitatibus.

Ratio: Quia nemo Papa inferior potest dispensare in universalibus jure Canonico, seu Ecclesiastico: Sed tali jure Irregularitates sunt statutz. Ergo.

*Resp. 2.* In quibusdam Irregularitatibus Papa raro dispensat. *Primo* in bigamia, præsertim vera, in qua, etiam ad tonsuram, & beneficium simplex, solus Papa dispensat, ut declaravit Congregatio Cardinal. 30. Januarii 1587. In bigamia occulta, & simul ex delicto contracta, uti est illa, quæ oritur ex duplici Matrimonio, utroque vel saltem alterutro invalido, potest dispensare Episcopus juxta Trid. ut patet ex dicendis. *Secundo*, Papa raro dispensat in Irregularitate homicidii voluntarii notorii illiciti. *Tertio*, in Irregularitate, quæ est ex corporis defectu, causante magnam, & populo Christiano scandalosam deformitatem.

*Resp. 3.* Episcopi, & similes Prælati ex commissione ipsius jure Trid. eorum dignitati facta possunt in quibusdam irregularitatibus dispensare.

Verba Trid. sess. 24. de reformatione c. 6. sunt: Liceat Episcopis in Irregularitatibus omnibus, & Suspensionibus ex delicto occulto provenientes, excepta ea, quæ oritur ex homicidio voluntario, & exceptis aliis deductis ad forum contentiosum, dispensare; Et in quibuscumque casibus occultis, etiam Sedi Apostolicæ reservatis delinquentes quoscumque sibi subditos in Diocesi sua per se ipsos, aut Vicarium, ad id specialiter deputandum, in foro conscientie gratis absolvere, imposita penitentia salutari. Item & in hereticis crimine in eodẽ foro conscientie eis tantum, non eorum Vicariis sit premissum. Hæc Concil.

*Resp. 4.* Ex vi hujus facultatis Episcopus non potest dispensare super irregularitatem militis, Judicis, accusatoris, & similibus sine delicto contractis ob defectum lenitatis.

Ratio: Quia non provenit ex delicto.

*Resp. 5.* Superiores Religionum habentes jurisdictionem quasi Episcopalem, possunt cum suis subditis dispensare in iis casibus, in quibus possunt Episcopi cum suis. Quod illegitimi Religionem professi ipsi jure dispensentur ad sacros Ordines, non verò ad dignitates, dicitur infra in fine Tract. de Matrim. de filiis illegitimis, ad Qult. quid ultra Superiores Religionum circa similes casus possint, scire debent ex propriis suis statutis.

*Resp. 6.* Forma dispensandi in Irregularitate est hæc, vel similis: Ego dispenso tecum super irregularitatem, vel irregularitatibus, quam, vel quas contraxisti, propter talem causam. Ex quo patet, quod non tollatur per absolutionem, sed per dispensationem. Tollit autem Juxta tot,



tot, & illas irregularitates, quas, & quot tollere intendit, ac potest.

Ex dictis sequitur, quod Confessarius (nisi habeat speciale privilegium a Papa) non possit in ulla irregularitate dispensare.

**QUÆRO XIV.** Nonne Episcopus saltem in aliquo occulto casu (in quo nimirum nisi Sacerdos irregularis celebrare incurrit vitæ periculum, vel grave dispendium famæ, v.g. ob occultum homicidium) potest in Irregularitate dispensare, vel licentiam dare, ut talis celebret, usque dum impetretur dispensatio a Papa?

**III.** Ante R. Supponitur, quod talis irregularis teneatur, quamprimum potest, a Sede Apostolica petere dispensationem super Irregularitate. Hoc supposito

*Resp. 1.* Talis peracta penitentia, quoties absoluta necessitas, seu grave periculum mortis, vel infamiae exiget, poterit celebrare, modo homicidium sit occultum.

*Ratio:* Jus naturale, ac divinum de defendenda propria vita, ac fama præponderat Legi humanæ de non celebrando in Irregularitate. Ergo.

*Resp. 2.* Si in eo casu non sit facilis recursus ad Papam, potest licentiam celebrandi in necessitate dare Episcopus, non quidem simpliciter tollendo ipsam irregularitatem, sed tantum effectum eius, suspensioni similem, usque dum adveniat dispensatio Papalis. Dummodò casus maneat occultus.

*Ratio:* Quia pro conservando dicto jure naturæ defendendi vitam, & famam censetur Ecclesia id indulgere, seu non velle sua lege tam stricte obligare.

## EXAMEN II.

### De Casibus Reservatis.

**QUÆRO I.** Quid, & quotuplex est Casus? quid reservatio? quis potest reservare? & quos Casus?

**LIV. Resp. 1.** Casus derivatur a cadendo, ac significat calum, seu ruina, vel lapsum animæ è statu gratiæ, vel generaliter significat aliquam questionem de materia concernente conscientiam. Casus est duplex: Unus communis, seu non reservatus, a quo quisvis Confessor absolvere potest. Alius reservatus, a quo non quilibet absolvere potest. Et is iterum Papalis, vel Episcopalis. Et si enim nullum peccatum, quantumvis grave, sit irreversibile (ut supra de effectu Pœnitentiæ ostensum fuit) attamen Ecclesia per Traditionem ab Apostolis accepit, conducere, quod interdum graviora crimina referentur Superioribus, ut potè magis intelligentibus. De quo plura R. 3. & seq.

*Resp. 2.* Reservatio est negatio, vel restrictio jurisdictionis ad absolvenda certa peccata, facta illi, qui aliàs habet ordinariam, vel delegatam jurisdictionem. Unde eorum absolutio reservatur ipsi reservanti, nimirum Papæ, sicut casus Papalis, vel Episcopo, sicut Episcopalis: sine quorum proinde licentia nemo ab iis valide absolvere potest extra mortis articulum.

*Resp. 3.* Causa reservationis est, tum quia graves morbi peritiores requirunt Medicos; tum etiam, ut Superior vel per seipsum efficacius corrigat subditum, vel ut lubricitas vercundia, timore, ac difficultate impetrandi absolutionem, peccati gravitatem agnoscat, & a peccandi licentia deterreatur.

**LV. Resp. 4.** Reservare potest Papa in tota Ecclesia, Episcopus in sua Diœcesi. Et Prælati Religionum habentes jurisdictionem quasi Episcopalem. In Parochis consuetudo hanc potestatem abrogavit. In articulo mortis nulla est reservatio.

Audiat Trid. Sess. 14. cap. 7. Magnopere ad Christiani populi disciplinam pertinere sanctissimis Patribus nostris visum est, ut atrociora quædam, & graviora crimina, non a quibusvis, sed a Summis dumtaxat Sacerdotibus absolverentur. Unde merito Pontifices Maximi pro suprema potestate sibi in Ecclesia universa tradita, causas aliquas criminum graves (si potuerunt peculiari judicio reservare. Neque dubitandum est, quando omnia, quæ a Deo sunt, ordinata sunt, quin hoc idem Episcopis omnibus in sua cuique Diœcesi, in ædificationem tamen, non in destructionem, liceat. Hæc Concil.

Et post pauca subdit: Verum tamen pœ admodum, ne hac ipsa occasione aliquis pereat, in eadem Ecclesia Dei custoditum semper fuit, ut nulla sit reservatio in articulo mortis; atque ideo omnes Sacerdotes quoslibet pœnitentes a quibusvis peccatis, & censuris absolvere possunt.

Et eadem Sess. de pœnit. Can. 11. Si quis dixerit, Episcopos non habere jus reservandi casus, nisi quoad externam poenitentiam, atque ideo casum reservationem non prohibere, quod minus Sacerdos a reservatis verè absolvat, anathema sit.

**LVI. Resp. 5.** Ut aliquod peccatum reservetur, requiruntur hæc conditiones. 1. Ut sit peccatum externum, nam interiorum, seu mentalium reservatio aperiret viam continuis scrupulis. 2. Ut sit mortale, quia reservatio venialium (in quæ etiam iussiores cadunt) esset nimis grave iugum. Verum tamen potest reservandi venialia, ac peccata cordis Papæ non videtur deneganda. Porro debet esse mortale, non solum ex sua specie, & obiecto, sed etiam in exercitio, & cum tanta advertentia ad malitiam mortalem, quanta requiritur ad merendum sine ulla excusatione infernum. 3. Ut sit mortale grave, ut patet ex verbis Triden-  
Nam

Nam reservare ea mortalia, quibus ex humana fragilitate sæpè homines succumbunt, ut sunt juramenta, fornicationes simplices, esset contra charitatem; reservatio autem, ut Trid. ait, debet cedere in ædificationem, non in destructionem. Non solum debet esse peccatum inchoatum, sed omnino perfectum, & consummatum juxta tenorem Constitutionis illud reservantis. 1. Probabilius est, quod peccata semel ritè confessi, sive mortalia, sive venialia reservari non possint, cum non possint fieri materia necessaria confessionis, quia iam sunt remissa.

**LVII. Quid si sit dubium, an peccatum sit reservatum?**

*Dico:* Probabilius, & tutius est, quod debeat censi reservatum, ut patet in Tract. 2. Exam. 1. n. 1. 5. ubi id probatum est:

*Ratio alterius est:* Tum quia favores sunt ampliandi: Sed reservatio peccati enormis est favor, & speciale bonum Reipublicæ Christianæ, & animarum, ac medicina magis, quam poena. Ergo. Tum etiam, quia ut supra ostensum est Tract. 1. 3. Exam. 4. n. 53. peccatum mortale dubium cadit sub præcepto confessionis mortaliū simpliciter. Ergo etiam sub reservatione. Consequenter patet: Quia non est major ratio de uno, quam de altero.

*Quid si Superior non habuerit legitimam causam reservandici casum?*

*Dico:* Probabilius est, reservationem esse validam, etsi illicitam.

*Ratio patet ex dictis supra Tr. 6. Exam. 5. nu. 91. de dispensatione Legis ex causa illegitima, quæ est valida, sed non licita.*

Addo, etiam ipsos Adversarios concedere, quod si dubitetur, an Superior habuerit rationabilem causam reservandi casum, concedendum sit habuisse.

**QUÆRO II.** Ad incurrendam reservationem peccati requiritur scientia reservationis? Et quid de peregrinis, & vagis?

**LVIII. Ante R. Not. Casum reservatum latius se extendere, quam peccatum reservatum;** Casum enim suble continet peccatum, & censuram, unde omne peccatum reservatum est casus reservatus, sed non omnis casus reservatus est peccatum reservatum, cum possit esse censura reservata, ut patet in Casibus Papalibus. Quia nunquam, vel vix unquam a Papa (aliud est de Episcopis) reservatur peccatum, nisi ratione annexæ censuræ, v.g. excommunicationis, vel suspensionis. Hinc causæ, quæ excusant ab incurru censuræ, etiam excusant ab incurru reservationis. Casus Papæ reservati, seu per se Papales, dicuntur per accidens Episcopales, eo quod in casu necessitatis Episcopus ab eis absolvere possit. Hinc studiosè in titulo dixi, *ad reservationem peccati*; quia an, & quæ ignorantia excuset ab incurru censuræ, dictum

*Tribunal Confessariorum.*

est supra Exam. 1. n. 10. Item specialiter Exam. 2. ante num. 60. ubi etiam patet quoad præsentem differentiam inter peccatum, & censuram reservatam. Hoc notato

*Resp. 1.* Probabilius, & tutius est, quod ad incurrendam reservationem peccati, cui censura annexa non est, non requiratur, ut peccans habeat scientiam reservationis.

*Ratio:* Quia hæc videtur esse mens Superiorum peccata reservantium, & ita fert praxis Confessariorum non absolventium tales sive rudes, sive literatos, etiam si non habuerint notitiam reservationis peccati. Ergo.

*Resp. 2.* Peregrini, & vagi judicandi sunt juxta reservationem casuum illius Diocesis, in qua versantur.

*Ratio:* Æquitas, & Reipublicæ bonum postulat, quod peregrini, & vagi, ubi inveniuntur, quoad morum directionem, & correctionem subint alicui Capiti, quia aliis essent ex leges, ac darentur in aliqua Republica membra nulli Capiti subiecta: Sed tale Caput pro peregrinis, & vagis convenientius assignari non potest, quam Caput illius loci, ubi morantur. Ergo.

Nota tamen, quod ad reservationem a peregrinis, & vagis incurrendam requiratur, ut tanto saltem tempore morentur in eoloco, quantum requiritur ad observantiam illorum præceptorum, quorum transgressio est casus reservatus. Vide supra Tr. 6. Exam. 5. n. 84. R. 6. usque ad 7. Item in seq. n. 59. ubi dicitur, an, & quæ reservatio sit poena poenitentis, vel non.

**QUÆRO III.** Quid si quis habens casum reservatum in sua Diocesi, studio iret ad aliam, ubi non sunt reservati? quid si sit Religiosus migrans de uno conventu ad alium?

**LIX. Resp. 1.** Probabilius est, quod si Casus reservatus non habeat annexam censuram, possit in alia Diocesi absolvi; secus si habeat, v. g. si sit excommunicatione reservatus.

*Ratio 1. p.* Tum quia Confessor non teneatur scire casus reservatos Episcopo alieno, sed tantum, suo. Tum etiam, quia poenitentis judicandus, & absolvendus est juxta consuetudinem illius Diocesis, in qua judicio poenitentiali se subicit. Tum tandem, quia hæc est praxis, quæ est optima Legum interpres, quam Episcopi sciunt, & tolerant.

*Ratio 2. p.* Excommunicatio habet rationem poenæ efficientis ipsum poenitentem: Sed poena non potest tolli nisi ab eo, qui eam infligit, vel ex commissione ejus: quam censetur cuius Confessario dare Episcopus excommunicationem non reservans. Min. pro 1. patet, quia aliàs fieret magna perturbatio in Jurisdictionibus. Ergo.

Hinc jure communi prohibetur, excommunicationem ab uno Episcopo latam, nimirum si sit reservata, ab alio posse absolvi, ut constat ex cap. *Pastoralis*, §. *præterea*. Et ex Can. 47. Conc. Nicæni Atabici, ubi dicitur: *Nullus Episcopus*

Pp

solvat,



*solvat, quem alius Episcopus ligavit. Et ex c. verbum, dist. 1. de penis. ubi legitur, Par est jus solvendi, & ligandi; Et fieret Episcopo censuram reservanti præjudicium.*

Ex his patet differentia de casuum non censuratum reservatione, hæc enim non est pena, nisi improprie, seu indirecte, sive occasionaliter tantum sumpta, ex parte scilicet penitentium, ob difficultatem inveniendi Confessarium, qui habeat facultatem absolvendi a reservatis, immò est solum quædam prohibitio facta tantum Confessarii Episcopo reservanti subiectis, ne ab illis absolvant; non verò penitentibus, ne alibi absolutionem recipiant. Nec fit præjudicium Episcopo reservanti. Nec adest prohibitio in jure, sicut adest de censuris, paulo ante relata. Dum ergo Clemens VIII. per Decretum 1601. 9. Januarii prohibuit, ne Confessarii absolvant a casibus reservatis Papæ, vel Ordinarii, debet intelligi de Ordinariis respectivè, nimirum illorum locorum, ubi illi Confessarii inveniuntur.

*LX. Resp. 2.* Idem est de Religioso ob negotia migrante ad alium Convantum, vel Provinciam, etiam eo fine, ut ibi a casibus non censuratis absolvat a Confessario aliàs ritè exposito.

*Ratio* ex dictis est; quia Confessarius debet judicare, & abolvere penitentes juxta Leges, & consuetudines suæ Provincie, & Convventus.

*Oppono:* Fraus, & dolus nemini patrocinantur: Sed in casu posito committitur fraus, & dolus: Ergo.

*Ad hoc neg. min.* quia nullus videtur dolo facere, quia nititur juro suo: ut habet regula juris, 55. talis autem utitur jure suo, & indultio Apostolico, vi cuius potest confiteri cuilibet Sacerdoti sui Ordinis legitime approbato (Exceptio de Fratibus nostris Clericis professis patet supra Tr. 13. Exam. 5. n. 85.) si tamen talis veniret ad Convantum, ubi iidem casus essent reservati, vel afferret peccata reservata ibi, ubi confiteretur, & non in sua Diocesi, non posset absolvi, nisi ab habente auctoritatem.

Ex dictis Sequitur, quod si in certo loco, die quadam sit jejuniū, & jejunii transgressio, sit casus ibidem reservatus; si quis ejusdem loci incolà studio inde discedat ad alium locum, ubi illo die non est jejuniū, vel ubi jejunii transgressio non est casus reservatus, non incurrit reservationem.

*Ratio:* Tum quia illa obligatio jejunandi est affixa loco. Tum etiam, quia illud præceptum non prohibet exire a territorio suo ad aliud. Tum tandem, quia talis utitur jure suo.

**QUÆRO IV.** Excommunicatio in territorio lata contra eos, qui sunt extra, ligatne?

*LXI. Explicatur Quæsitum* per duos casus, *Primus est,* si Episcopus per illatum ferat excommunicationem reservatam contra Canonicos, & Parochos in suis Canonicatibus, seu

Parochiis non residentes, sed extra se detinentes? *Secundus est,* si Excommunicatio reservata de restitutione intra certos dies facienda; lata sit ab Episcopo contra fures in sua quidem Diocesi furatos, sed externos, & tunc, quando Excommunicatio fertur, extra Diocesi existentes, an, si præfixo tempore non restituant; & habeant censuræ, ac reservationis notitiam, incurrant illam?

*Resp. ad 1.* Casum affirm. *Ratio:* Quia juxta Legem, *qui non facit*, ibi talis delinquere censetur, ubi actus præceptus exercendus erat: Sed Canonici, & Parochi tenentur residere in suis Ecclesiis, & Parochiis. Ergo si ibi non resideant, moraliter censentur ibi delinquere, consequenter incurrant dictam censuram.

*Oppono:* Licet excommunicatio lata per modum sententiæ liget extra territorium, cum respiciat personas præcipienti, seu prohibenti subiectas, at tamen excommunicatio lata per modum statuti id non habet, & hoc ideo, quia respicit territorium, extra quod (juxta Regulam Juris) jus dicenti, impunè non paretur. Ergo.

*Ad hoc R. eam* legem inter cæteras expositiones intelligi, ac verificari, si actus præceptus non sit exequendus intra territorium delinquentis.

*Ad 2. Casum* etiam Respondetur affirm. *Ratio est:* Quia illi fures propter delictum intra territorium talis Episcopi patrati, statim facti sunt ei subditi in omnibus tale delictum concernentibus. Ergo, nisi præfixo tempore restituant, censuram, & reservationem incurrun.

Confirmatur ex eo, quod si causa in aliquo tribunali jam inchoata reus mutet domicilium, possit tamen in eodem tribunali conveniri, immò &, nisi compareat, excommunicari, *c. propositi, de foro competenti, & l. si quis, ff. de judiciis.* Et hoc ideo, quia talis jam fuit factus subditus tali tribunali: Sed etiam in casu posito reus ratione delicti fuit factus subditus Episcopi. Ergo.

**QUÆRO V.** Reservatio casuum, aut data ab iis absolvendi licentia, cessatne per mortem Episcopi reservantis, vel eo excommunicato?

*LXII. Resp. 1.* Reservatio Casuum Episcopaliū extinguitur per mortem, vel amotionem Episcopi, nisi sint reservati per Synodum.

*Ratio 1. p.* Quia ultra se non extendit intentio, vel potestas Episcopi.

*Ratio 2. p.* Quia in eo casu reservatio habet rationem Legis, quæ durat etiam mortuo Legislatore. De censura vide supra in hoc Tract. Exam. 1. n. 8. 6. an expiret expirante eo, qui eam tulit.

*Resp. 2.* Facultas absolvendi a reservatis (idem est de licentia eligendi Confessarium) per mortem Episcopi, vel amotionem ejus ab officio, non expirat, re adhuc integra, id est, illa facultate a Confessario nondum in actum redacta.

*Ratio*

**Ratio:** Gratia facta non expirat per mortem concedentis, aut per amotionem ejus ab officio. re adhuc integra, c. si nulla, de prebendis, in 6. Sed in utroque casu illa concessio est gratia jam facta, non facienda. Ergo. Vide suprà Tr. 6. Exam. 5. n. 92. ubi hoc fufius explicatum est.

**Resp. 3.** Facultas absolvendi a reservatis data ab Episcopo non expirat per excommunicationem, vel suspensionem Episcopi.

**Ratio:** Licet talis Episcopus in eo statu actus suos validè exercere nequeat, quos tamen semel cum omnibus suis requisitis antea exercuit, illi subsistunt. Ergo.

Ex quo Sequitur, quòd etiam Episcopus in illo statu non possit revocare facultatem absolvendi alteri concessam, quia per hanc revocationem exerceret adum suæ potestatis.

**QUÆRO VI.** Debe ne Superior esse facilis in danda licentia absolvendi a reservatis? Vel potestne audire dimidiatam Confessionem, & absolvere? Et quid, si post obtentam licentiam ante absolutionem pœnitens labatur in nova reservata, potestne ex vi istius licentiae etiam ab illis absolvi?

**LXIII.** Ante R. Nota, quòd licentiam illam pœnitens possit petere vel per se, vel per alium, & maxime per Confessarium, qui debet eam petere non nominato pœnitente, nec indicato casu, ne persona extra Confessionem prodatur. Hoc notato.

**Resp. 1.** Licentia petatur per Confessarium, communiter expedit, ut Superior annuat petitioni, & fidat prudentiæ Confessarii.

**Ratio:** Quia Confessor statum animæ pœnitentis melius novit, quam Superior.

**Resp. 2.** Certum est, quòd Superior non teneat semper dare licentiam. Hinc si habeat graves rationes, ob quas meritò præsumere potest, facilitatem dandi dictam licentiam cedere in malum pœnitentis, ut si fors inde caperet occasionem liberius peccandi, aut in peccato persistendi, v.g. si fidem Confessor pro eodem casu valde frequenter licentiam petat; vel si sit tale peccatum, quod vergat in damnum Communitatis.

**Ratio** patet tum ex dictis suprà de recidivis Tr. 13. Exam. 5. n. 97 & 98. tum ex eo, quia reservatio debet cedere in ædificationem, non in destructionem. Tum tandem, quia aliàs reservatio nullius esset momenti, vel effectus.

**Resp. 3.** Si Superior ex denegatione licentiæ timeat majus malum subditi, ut potest, qui ex eo timet odium Superiorum, vel fortè faciat dimidiatam confessionem, & vix adduci potest, ut ei confiteatur, debet esse facilis.

Ita docet, & probat Angel. Doctor. in Supplement. qu. 8. art. 4. ad 6. dicens: *Peccaret Sacerdos (puta, proprius de quo agit) si non esset facilis ad præbendum licentiam alteri confitendi, quia multi sunt adeo infirmi, quòd potius sine*

*Confessione morentur, quam tali Sacerdoti confiterentur. Unde illi, qui sunt nimis solliciti, ut conscientias subditorum per confessionem sciunt, multis laqueum damnationis iniiciunt, & per consequens sibi ipsi.*

**Resp. 4.** Superior non potest ob reservationem audire dimidiatam Confessionem, & absolvere sacramentaliter a solis reservatis, ac pœnitentem, cum non reservatis remittere ad inferiorem Confessarium.

**Ratio:** Quia integritas confessionis est de jure divino, nec potest mutilari sine gravi necessitate. De hac confessionis dimidiatione vide suprà Tract. 13. Exam. 2. n. 31. R. ad 4.

**LXIV. Resp. 5.** Superior concedens facultatem in sibi reservata, potest eam interdum limitare, ut petens non generaliter quemcumque; Confessorem eligat, sed potest ei certum, vel aliquos deputare juxta praxim variarum Religionum. Immo potest Superior, si casum extra Confessionem sciat, certam, & gravem, gravitatis criminis proportionatam pœnitentiam injungere, quam pœnitens acceptare tenetur.

**Ratio:** Tum quia ita fert officium Superioris; tum etiam, quia hoc totum cedit in bonum, & correctionem subditi hoc remedio indigentis, ac disciplinæ religiosæ conservationem, qui finis in reservatione intenditur.

**LXV. Resp. 6. ad 3.** Quæsti partem sub distinctione, quam dat Jacobus Mancinus. Facultas concessa pro absolutione a reservatis, vel conceditur per modum privilegii, vel per modum casus necessitatis? Si primum, facultas censetur esse concessa pro reservatis commissis, & committendis. Si secundum, de quo in præsentia inquiritur, sicut & in quibuscumque aliis casibus contingentibus, dicta facultas censetur tantum concessa pro illis reservatis, quibus pœnitens est obnoxius, dum licentiam petit.

**Ratio 1. p.** Quia privilegium respicit tempus præsens, & futurum.

**Ratio 2. p.** Quia hæc censetur esse mens Superiorum, & ita responderent, si desuper interrogarentur; Verba autem non operantur ultra intentionem concedentis, ut jura dicunt. Ergo.

Potestne Superior dictam facultatem concedere sub onere comparandi nihilominus coram se cum expressione casus?

**Affirmo:** Ratio est ante data ad R. 5. Et ita, ut DD. scribunt, habet praxis Societatis Jesu, cujus Religiosi iter agentes, si contingat eos labi in peccatum reservatum, possunt absolvi, sed cum onere idem peccatum postea Superiori manifestandi. Qui animus si desit, absolutio est nulla. Hinc obligatio illa est sub mortali, ob rationem datam.

**QUÆRO VII.** Quænam defecto in specie sunt reservata?

**LXVI. Resp. 1.** Casus, vel peccata reservata respectu Sæcularium, & Clericorum, ac Religiosorum sunt diversa. Quæ reservantur respectu Sæcularium, uti & quæ respectu Clericorum, plerûq; continentur in Rituali cujusvis Diœcesis.

*Casus respectu Religiosorum ex Decreto Clement. VIII.*

**Resp. 2.** Clemens VIII. 1593. permisit posse a Superioribus reservari undecim Casus, qui tamen non omnes in quavis Religione sunt reservati, sed in hac, vel illa plures, aut pauciores, prout constat ex propriis Religionum Statutis.

Casus illi sunt: 1. Veneficia, incantationes, & sortilegia. 2. Apostasia a Religione, sive habitu dimisso, sive retento; modò extra septa Monasterii, vel Conventus egressio fiat. 3. Nocturna, ac furtiva egressio è Monasterio. 4. Proprietas contra votum paupertatis, & quæ sit peccatum mortale. 5. Juramentum falsum in Judicio Regulari. 6. Procuratio, auxilium, seu consilium ad abortum faciendum post animatum septum, etiam effectum non secuto. 7. Falsificatio manus, vel sigilli Officialium Monasterii, aut Conventus. 8. Furtum de rebus Conventus in quantitate, quæ sufficiat ad peccatum mortale. 9. Lapsus carnis voluntarius opere consummatus. 10. Occisio, ut vulneratio, seu gravis percussio cujusvisque personæ. 11. Malitiosum impedimentum, aut retardatio, aut apertio litterarum a Superioribus ad inferiores, vel ab his ad Superiores.

**Resp. 3.** Possunt Superiores Regulares dictis undecim Casibus addere excommunicationem reservatam, si bono Religionis expedire judicaverint.

*Ratio:* Quia hoc non est facere plures casuum reservationes suprà prælatum numerum, quod solum Pontifex in illo decreto præcavere intendebat.

*Oppono:* Jura docent, quòd in penalibus verba extra proprium verborum significatum extendi non debent. Sed juxta non extenduntur, quia nomine casuum reservatorum non statim veniunt etiam excommunicationes reservatæ. Ergo.

*Ad hoc:* Major est vera, si extensione non facta non eludatur mens Legislatoris, extendenda tamen esse, si illa eluderetur, ut patet c. *quam*. & *Regula*, *Cerrum*, in fine. de *Reg. Juris* in 6. *Subsumo:* Sed in nostro casu, si nomine casuum non intelligerentur etiam excommunicationes reservatæ, eluderetur mens Summi Pontificis. Ergo. Min. prob. Ut ex præmio Decreti patet, mens Pontificis erat, præcavere, ne ex reservationum multiplicitate subditi ob verecundiam ad eundem Superiorem pro impetranda absolutionis facultate inducantur in æternæ damnationis periculum, & spiritualis remedii desperationem: Sed hoc absurdum æquè sequitur ex multiplicitate casuum reservatorum, quàm excommunicationum reservatarum, & è contra. Ergo.

**Resp. 4.** Superiores Regulares præter dictos undecim casus possunt sibi alios reservare, non solum absolute, sed etiam cum annexa excommunicatione, si id bono Religionis expediat, modò id fiat cum consensu Capituli Generalis, si fiat reservatio pro tota Religione; Vel Provincialis, si pro Provincia; aliàs reservaverit nulla, ut patet ex ipso Decreto Clementis. Et ita in Societate Jesu præter præfatos undecim casus alii sunt reservati.

*Casus Papales reservati.*

**QUÆRO VIII.** Quinam sunt?

**LXVII. Resp. 1.** Aliqui casus, nimirum excommunicationes sunt reservatæ intra Bullam Cœnæ Domini, sic dictam ex eo, quòd quotannis in die Cœnæ Domini promulgetur: alii extra illam Bullam in corpore Juris Canonici, & variis Pontificum Constitutionibus.

**Resp. 2.** Excommunicationes Papæ reservatæ intra Bullam Cœnæ sunt 21. quas in suo promptuario adducit noster Salazar c. 17. ubi in fine bene addit, omnes illas censuras unà cum culpis, ratione quarum incurruntur. Papæ reservatas esse, & Confessarios, qui ab eis absolvere attentaverint, præterquam quòd nihil faciant, esse ipso facto excommunicatos, a qua tamen excommunicatione illi Confessarii poterunt absolvi per Ordinarium.

**Resp. 3.** Communiores excommunicationes intra Bullam Cœnæ sunt hæc sequentes.

*Prima.* Hæresis, quæ comprehendit Hæreticos, eorumque ut talium fautores, receptores, & defensores, uti & eos, qui scienter legunt, retinent, imprimunt, aut descendunt libros Hæreticorum. Cum eadem censura coincidit excommunicatio Schismaticorum. De hæresi, & hæreticis vide Tr. 7. Exam. 3. n. 47. & seqq. de Schismaticis vide ibidem num. 58. ubi de illis multa dicta sunt.

*Secunda* est Excommunicatio lata in eos, qui personas Ecclesiasticas ad suum tribunal trahunt, faciuntque Decreta libertatem Ecclesiasticam violentia.

*Tertia* est Quæ lata est in eos, qui Jurisdictiones, fructus, & redditus personarum Ecclesiasticarum invadunt, & alia onera ipsis, aut eorum bonis imponunt.

*Quarta*, ea, quæ lata est in eos, qui conferunt, vel transmittunt quodcumque genus armorum, vel metallorum, aut vicualium, &c. Mauris, vel Turcis, vel aliis quibuscumque Nominiis Christi inimicis, comprehendendo eos, qui tales Christi inimicos certiores reddunt de statu Reipublicæ Christianæ in damnum ejusdem, vel ad hoc dantes consilium, & favorem.

*Quinta*, ea, quæ lata est in occupantes, vel detinentes quascumque Romanæ Ecclesiæ terras, seu Regna. Cæteræ rariores sunt.

**LXVIII. Resp. 4.** Excommunicationes Papæ reservatas extra Bullam Cœnæ in Jure, aliis-  
que

que Constitutionibus (exceptis pluribus aliis non reservatis : adducit loco citato noster Salazar tanquam communiores 83. ex quibus in præfenti fufficit adducere eas, quæ in his partibus sunt ubi citantur.

*Prima* est contra percussores Clericorum, si enormis sit percussio juxta Cau. Si quis suadente Diabolo infererit manus violentas in Clericum, vel Monachum, subjaceat Excommunicationi, & a nullo praterquam a Papa, nisi in mortis articulo absolvantur.

*Explico* singulas hujus Canonis particulas: Si quis, sive vir, sive femina, habens tamen sufficiens judicium ad peccandum mortaliter suadente Diabolo; Excipitur enim si percussio fiat ex charitate, vel correctionis causa, vel ex ludio, joco, modo non fiat dolo, aut irato animo, vel in derisionem. Item si fiat in delibetate, vel percussio sit ita levis, ut sæculari facta esset solum venialis. Item si quis percutiat Clericum invadentem pro necessaria moderata sui defensione. Si semina pro defensione castitatis percutiat Clericum invadentem, si molestatio fiat vi, & adu corporali. Si quis percutiat Clericum in honeste agentem cum propria uxore, matre, sorore, filia. Si Clericus amiserit privilegium Clericale. Si ignoretur esse Clericus. *Manus violentas*, per quas intelligit omne membrum, quo quis injurius potest nocere, ut pes, brachium, &c. nec requiritur necessarius percussio, sed fufficit injectio sputi, aquæ, luti, pulveris, vel similis injuria.

Eandem Censuram incurrunt subequentes, consulentes, auxiliantes, favorem præstantes.

*In Clericum*, quo nomine non solum intelligitur, qui habet majores, sed & qui solum habet minores Ordines, immò tantum primam Tonsuram: modo gestet habitum, & tonsuram, ut cognosci possit esse Clericus. *Vel Monachum*, quo nomine intelligitur quisvis Religiosus cujusvis approbatæ Religionis, etiam Converterus, Novitius, Monialis, Converter. Item utriusque sexus Tertiarii S. Dominici, & Francisci habitum gestantes, & in Communitate viventes, uti & Eremitæ subiecti alicui Regulæ, vel Superiori.

*Secunda* Excommunicatio est contra duellantes, & cooperantes, de qua fat fusc adum est suprâ Tr. 7. Exam. 7. n. 31. & seqq. ubi vide.

*Tertia* est contra Clericos cum excommunicatis a Papa voluntariè communicantes, & admittentes eos ad officia divina. Et generaliter in omnes, quicumque in crimine criminoso (ratione cujus excommunicatio posita est) communicant; si enim talis excommunicatio Papæ est reservata, communicantes eandem censuram incurrunt.

*Quarta* est contra obtinentes absolutionem ab Excommunicatione Papæ reservata sub conditione de satisfaciendo parti læzæ solum perfunctoriè sine conditionis adimplentione; tales

*Tribunal Confessoriorum.*

enim de novo incurrunt excommunicationem Papæ reservatam, c. eos *in sent. Excom.* in 6.

*Quinta* est contra Clericos, sive Sæculares, sive Religiosos, inducentes quamcumque personam ad faciendum votum, juramentum, ac promissionem, quatenus talis persona sibi in sua Ecclesia sepulturam eligat, vel jam electam aliò translerat. *Clement. cipientes. g. sanè. de penis.*

*Sexta* est contra recipientes, vel dantes cum pacto quamcumque rem, ad hoc, ut religionem quis ingrediatur. Excusatur, qui aliquid dant, vel recipiunt ratione sustentationis, non autem ratione ingressus.

*Septima* est contra Mendicantes transeuntes ad Ordinem non Mendicantium (exceptis Carthusianis) sine speciali Papæ licentia. *Extra. 1. de Regularibus.* Transeuntes autem ex uno Mendicantium ad alium, non incurrunt excommunicationem, vel ad minus non est reservata, Societate Jesu excepta, quæ in hoc particulari excommunicatione etiam respectu alterius Religionis Mendicantium gaudet.

*Oitava* est contra eos, qui temerariè præsumunt asserere, esse hæresim, vel peccatum mortale, sentire B. V. Mariam esse conceptam in peccato Originali, vel sentire oppositum.

*Nona* est contra dantes, vel permittentes in Curia Romana aliqua donativa, ut ea, quæ prætendunt, faciliùs obtineant. *Extra. 1. de Sent. Excomm.* sicut & contra Curiam Romanam Officiales recipientes quodcumque genus munusculorum ab iis, quorum officium exercent, excepto aliquorum comestibilium, vel potabilium talis quantitatis, ut duobus diebus consumi possent.

*Decima* est contra intrantes (cujuscunque sint Religionis) quarumcumque Monialium Conventus sine Superiorum, licentiam dare valentium, consensu: de qua re fusc tractant Auctores. Item juxta Bullam S. Pii V. Regularium contra mulieres quascunque intrantes Monasteria virorum, non solum sub prætextu privilegiorum, sed & sine eo. *Quia* Navarrus de Regular. Comment. 4. n. 62. refert. S. Pium V. suam Bullam declarasse universim procedere de mulieribus, virorum Monasteria ingredientibus: qui verò dicunt, hanc declarationem in Germania authenticè non esse promulgatam, vel non cum tanto rigore receptam, viderint ipsi. Idem est de eo Religioso, qui mulieres intra Conventum introduxerit, vel admiserit.

*Undecima* est contra præsumptos & compoñentes, retinentes, aut imprimentes libros infames detractores contra Ordines SS. Dominici, & Francisci.

*Duodecima* contra mulieres intrantes Monasteria Carthusianorum, aut aliorum Religiosorum.

13. Cõtra furantes libros, aut Quaternos ex Bibliothecis Minorum, aut FF. Prædicatorum.

14. Contra Religiosos cuiusque Ordinis, administrantes Sacramentum Extremæ Unionis, vel Eucharistiæ, vel assistentes, aut solemnizantes Matrimonium sine speciali Parochi licentia.

15. Est contra Simoniacos reales circa Ordinem, vel beneficium.

16. Est in committentes Simoniam confidentialem.

17. Est in incendiarios publicè pro excommunicationis denuntiatis.

18. Est in eos, qui sepiunt Hæreticos in ioco sacro.

19. Est in sacrilegos, qui non solum infringunt Ecclesias, Monasteria, Hospitalia, sed etiam bonis suis spoliant.

20. In impediētes, aut vexantes eos, qui volunt ingredi Religionem.

21. In Moniales professas sine gravicausa Monasteria exeuntes.

22. In habentes literas Apostolicas falsas, & non destruētes. Item in falsarios literarum Apostolicarum.

23. In impediētes executionem literarum sacræ Pœnitentiariæ.

24. Contra legētes, aut retinētes libros prohibitos, ubi non est sermo de libris hæreticis, de iis enim patet ex dictis de Excommunicationibus Bullæ Cœnæ Domini, sed de libris, qui sunt prohibiti ex alia causa, v.g. qui sunt contra bonos mores. Hæc tamen excommunicatione non incurritur ipso facto, sed est obligatio sub peccato mortali illos non retinendi, uti Salazar probat ex determinatione Pii IV. in Brevis 564. Unde talis delinquens est puniendus secundum arbitrium Ordinarii. Adde ex Salazar, quod in Hispaniis, uti videtur in novo Indice Anno 1640. edito, et si a principio contra tales videatur poni excommunicatio latæ sententiæ, postea tamen explicatur, quod incurritur ipso facto ab omnibus libris hæreticis de hæresi suspectos retinentibus, cæteri vero solum incurritur excommunicationem ferendam, aut reservata manet inquisitori Generali per Paulum V. & Urbanum VIII. Anno 1627. Hæc sunt usitatores excommunicationes Papæ reservatæ, cæteræ videri possunt in citato Salazar, aliisque Auditoribus.

*Excommunicationes Papæ non reservatæ.*

**LXIX. Resp. 5.** Usitatores non reservatæ sunt hæc: Prima est lata in Religiosos habitum suum tempore longo, & temere dimittētes. 2. In eos, qui contrahunt matrimonium in gradibus prohibitis, vel cum Monialibus. 3. In eos, qui cogit ad Matrimonium, aut scēminas ad Monasteriū. 4. In Dominos Seculares, qui prohibēt suis subditis, ne Ecclesiasticis sua bona vendant, vel ab eis emant, aut alia Officia præstent. 5. In eos,

qui procurant abortum foetus animati. 6. In directores Monialium, si foveant discordias in electione. Item in impediētes Visitatores Monialium. 7. In Doctores, & Professores non facientes Professionem Fidei, ubi recepta est Bulla Pii IV. 8. In negligētes administrare iustitiam Ecclesiasticis. 9. In Religiosos instituentes novum Ordinem, audientes Leges, vel Medicinam extra claustra, tenentes arma sine licentia intra claustra. 10. Ubi Trid. est receptum, in imprimētes, imprimi mandantes, vendentes, apud se retinētes, vulgantes libros de sacris rebus, sine nomine Auctoris, & approbatione Ordinarii. 11. In raptores mulierum, iuvantes, faventes. 12. In Dominos temporales in terris suis concedentes locum pro duello. 13. In præsumētes absolvere a casibus Bullæ Cœnæ. Plures vide in Busenbaum.

Catalogum Excommunicationum, quæ nostros Fratres ex Constitutionibus nostris afficere possunt, vide in iisdem dist. 1. c. 18. text. 5. post lit. R. ubi subnectitur Catalogus excommunicationum, quæ ex iure communi possunt afficere Regulares.

*Casus Episcopales.*

**QUÆRO IX.** Quinam sunt?

**LXX. Resp.** Reliqui casus dicuntur Episcopis de iure reservari, & solent assignari quinque. 1. Peccatum de iure habens annexam publicam pœnitentiam. 2. Cui annexitur Excommunicatione maior. 3. Quod habet annexam irregularitatem. 4. Peccatum incendiarii. 5. Publica blasphemia. Verum prædictè verius videtur, quod Lezana cum variis docet, nimirum ex solo iure communi nullum casum Episcopis reservari.

Casus ergo Episcopales sunt soli illi, qui ex consuetudine, vel potiùs per Decretum, seu expressè ab ipsius Episcopis reservantur.

*Confessarius Reservatorum.*

**QUÆRO X.** Quis potest absolvere a reservatis?

**LXXI. Antè R.** Nota, quod Sacerdos a reservatis possit absolvere duobus modis. 1. Per se, & directè, ad quod necesse est, ut habeat iurisdictionem super penitentem, etiam quoad reservata. 2. Per accidens, & indirectè, ad quod sufficit, ut Sacerdos absolvens habeat iurisdictionem super penitentem quoad peccata non reservata, a quibus dum absolvitur directè, a r. reservatis absolvitur per accidens, seu indirectè, & cōcomitanter, eo quod impossibile sit unum mortale remitti sine alio. Quando autè hæc indirecta absolutio fieri possit, patebit inf. n. 75. Hoc notato

**Resp. 1.** Directè potest a reservatis absolvere non solum ille, qui ea sibi reservavit, sed & illius

illius in officio absolutè Superior, aut Successor: uti patet ex subordinatione Superiorum, v.g. Prioris ad Provinciale, huius ad Generalem, sicut & ille, cui reservans, vel ejus Superior suam potestatem delegavit.

*Ratio:* Quia inferior non potest limitare potestatem Superioris.

*Resp.* 2. A Casibus etiam in Bulla Cœnæ Papæ reservatis non tantum potest absolvere Papa, sed etiam si casus sint occulti, & nondum ad forum contentiosum deducti, Episcopus juxta Trid. cuius verba vide supra in Exa. præced. n. 52. R. 3.

*Resp.* 3. Etiam ab istis publicis potest Episcopus absolvere, si adsint impedimenta, ob quæ poenitens personaliter Sedem Apostolicam accedere non possit.

*Ratio:* Quia Ecclesia, ut pia Mater, censetur licet concedere.

Nota, quod impedimenta illa sint. 1. Periculum mortis in itinere. 2. Longa infirmitas, etiam non periculosa. 3. Paupertas, ut si cogatur mendicare, quia alias non solebat. 4. Ætas senilis, vel puerilis. 5. Sexus fragilitas, ut si poenitens sit femina. 6. Si Poenitens non sit sui juris, sed alteri adstrictus, cuius absentia præjudicat, sicut est filius respectu patris, servus respectu domini. 7. Cura animarum, vel dominium temporale, ut si timeatur, ne per absentiam ovibus, aut vassallis obveniat detrimentum. 8. Debilitas in viris teneris, labores itineris fuisse non valentibus. 9. Debilitas membrorum, ut si sit cæcus, vel claudus. 10. Quodvis impedimentum, quod arbitrio prudentis judicatur legitimum. Porro solent defacto Episcopi a Papa pro certis annis petere, si suseclipsis repetere, ac impetrare facultatem delegatam super varios casus Papales: adeoque subditi ad eos confugere possunt.

*Resp.* 4. Regulares etiam Mendicantes non possunt, etiam ex privilegio illo, quod dicitur *Mare Magnum*, absolvere a casibus Bullæ Cœnæ, nec defacto possunt a casibus, quos Ordinarii Locorum, seu Episcopi sibi reservant, sine specialium licentia. Unde ab Alex. VII. 1665. 24 Septembris damnata est hæc Propositio *Mendicantes possunt absolvere a casibus Episcopis reservatis, non obtenta ad id Episcoporum licentia*. Quid Superiores Regularium circa suos possint in casu hæresis, vide supra Tr. 7. Exam. 3. n. 52.

LXXII. *Resp.* 5. Regulares defacto extra Italiam (secus intra) degentes possunt absolvere a casibus Papæ extra Bullam Cœnæ reservatis, quinque exceptis. Ita eis concessum est a variis Pontificibus Sixto IV. Urbano IV. Eugenio IV. Julio II. Nec hoc privilegium est revocatum per declarationes Cardinalium sub Urbano VIII. utpotè, quæ tantum meminerunt casuum Bullæ Cœnæ, & Ordinarii.

Quinque casus in Decreto Clementis VIII. excepti sunt. 1. Violatio Immunitatis Eccle-

siasticæ in terminis Constitutionis Gregorii XIV. quæ incipit, *Quia alias nonnulli*. 2. Violatio Clausuræ Monialium ad malum finem. 3. Provocatio, & pugna in duello. 4. Injunctio manuum violentarum in Clericos. 5. Simonia realis scienter contracta, atque etiam confidentia beneficialis.

Nota circa R. 5. Quando Regulares vi suorum Privilegiorum absolvent a casibus Papalibus, id semper fieri debere satisfacta par telæ, vel saltem præstata de hoc sufficienti cautione, non quæ sufficiat ad libitum læsi, sed ad iudicium prudentis Confessarii.

LXXIII. *Resp.* 6. Ipsimet Religiosi vi duorum Privilegiorum non possunt absolvere a casibus suis Superioribus reservatis, absque speciali eorum licentia, ut docet noster de La Cruz; si tamen Superior licentiam petitam denegaverit, potest Confessarius auctoritate Apostolica eum absolvere pro illa vice, ut habetur in fine Decreti Clementis VIII.

*Resp.* 7. Confessarius habens facultatem absolvendi a casu Papæ reservato, qui idem casus alia via est reservatus Episcopo, non indiget speciali licentia Episcopi.

*Ratio:* Quia ablato majore ligamine non remanet aliud minus, in eodem scilicet casu.

*Dixi, in eodem Casu;* nam in diversis non tenet consequentia: Hic potest absolvere a Casibus Papalibus. Ergo eo ipso etiam ab Episcopopossibus. Nec aliquid hic probat illud, Qui potest majus, potest etiam minus: Hoc enim non semper valet in moralibus, & ex libera alterius concessione pendentibus.

LXXIV. *Resp.* 8. Confessarius Ordinis nostri a Leone X. amplissimum datum est privilegium, quo omnes NB. Confratres Rosarii, in Pascha Resurrectionis, & festis B. V. nimirum Annuntiationis, Visitationis, Assumptionis, Nativitatis, & Purificationis, ac tribus diebus ea festa præcedentibus, ab omnibus censuris quavis occasione latis, & promulgatis, & criminibus quantumcunque enormibus in singulis, etiam Sedi Apostolicæ reservatis casibus, contentis in Bulla Cœnæ dumtaxat exceptis, possint absolvere, ac juramenta quæcunque sine alicuius præjudicio relaxare, & vota quæcunque (exceptis quinque votis Papæ reservatis, supra Tract. 10. Exam. 3. n. 41. adductis) in alia pietatis opera commutare, non requisita Ordinarii licentia.

Nota tamen, Religiosos, & Moniales, licet sint de hac Confraternitate, non posse sine Superiorum suorum licentia vi hujus privilegii a reservatis absolvi, ut post alios Pontifices declaravit Clemens VIII. 1599. in Bulla, quæ incipit, *Romani Pontificis*, idque merito; Quia illa libertas eligendi Confessarium cederet in destructionem vitæ Regularis.

Simile Privilegium Confratribus Rosarii est concessum pro seculo circumcissionis. Utrumque videri potest in libellis, quæ de Indulgentiis Rosarii passim circumferuntur, præsertim in libello, quem edidit noster F. Magister Thomas Leonardi.

Quid post hoc Privilegium circa casus ab Ordinariis reservatos decreverit Alexander VII. patet ex R. 4.

De Commutatione votorum vide suprâ Tr. 10 Exam. 3. n. 43. & seqq.

**QUÆRO XI.** Potestne quis a reservatis absolvi per accidens, seu indirectè, & in quibus casibus?

**LXXV. Ante R. vide Not. ad Q. 10. ante R. 1.**

*Resp.* Affirmativè, licet præter reservata peccata habeat sola venialia, modò Sacerdos sit ritè expositus, cum onere tamen postè confitendi alteri facultatem habenti. Et hoc in duplici casu.

*Primus est:* Si quis bona fide putans, Confessarium habere jurisdictionem, quam tamen non habet in reservata, ea cum non reservatis confiteatur.

*Ratio:* Tum quia adest debita materia, etiam proxima, nimirum sincerus dolor, & Confessor, & forma. Tum etiam, quia bona fides excusat. Ergo a reservatis indirectè absolvitur cum onere denuò confitendi habenti facultatem, ut ab eis absolvatur directè, nimirum habita notitia, quòd Confessarius caret facultate.

*Dixi, bona fide;* si enim sciat, Confessarium carere illa facultate, committit sacrilegium, & Sacramentum est nullum.

*Secundus Casus est:* Si subit aliqua gravis causa, vel necessitas, cujusmodi est, si Sacerdos necessariò debeat sacrificare, vel Laicus communicare, ita ut sine gravi scandalo, vel infamia id omitti, ac Superior adiri non possit.

*Ratio:* Cum jure divino requiratur, ut conscius peccati mortalis ante Communionem confiteatur, melius est, ut confiteatur prædicto modo, quàm quòd omninò omittat.

**QUÆRO XII.** Qui in articulo, vel periculo mortis fuit absolutus a reservatis, tunc cessante periculo adhuc recurrere ad Superiorem? Quale periculum imminet, v. gr. illi, qui vadit ad prælium, domum pestiferam, periculosam navigationem, vel qui patitur continuam febrem.

**LXXVI. Resp.** Si casus reservatus sit, sine censura, nec sit facienda satisfactio parti læsæ, non tenetur in veriori sententia, bene tamen si habeat censuram, & requiratur satisfactio.

*Ratio 1. p.* Quia tunc non est reservatio peccatorum, & si quælibet reservata sint, sunt, ac si non essent talia.

*2. Pars* de censuris, & satisfatione patet ex multis textibus juris.

*Nota* tamen, quòd obligatio præsentandi se

Superiori non sit ad accipiendam novam absolutionem, sed ut Superiori innotescat, quòd sit absolutus, & ut is videat de satisfatione, quid sit factu opus.

*Quid si talis data opportunitate se non præsentet?*

*Dico:* Ille recidet in Excommunicationem, non quidem eandem numero, a qua absolutus fuit, sed in alteram similem per inobedientiam, cap. *eos qui de sent. Excom.* Recidet autem non statim neglecta prima commoditate, nisi negligentiam comitetur malitia, & contemptus. Nam Canon, quo decreta est hæc Censura, habet *Qui contempserint.*

**QUÆRO XIII.** Tolliturne reservatio per Confessionem invalidam? Item potestne tolli elapsodie, quo expiravit facultas absolvendi, si reservata eodie fuerint oblita?

**LXXVII. Resp. 1.** Reservatio tollitur per Confessionem etiam invalidam, si sit invalida defectu contritionis, aut proposito emendationis, siue culpabilis integritatis, modò non sit defectus culpabilis circa ipsa reservata, v. gr. ea non plenè explicando, vel studio aliqua eorum omittendo, &c. & Confessio fiat Confessori jurisdictionem in Reservata habenti.

*Ratio:* Quia adhuc salvatur finis reservationis, nimirum, ut peccata reservata Superiori, vel jurisdictionem habenti manifestentur, ut ille ea judicet, poenitentiam pro iis imponat, &c. Sed hoc totum fit. Ergo.

*Nota,* quòd, cum talis Confessio, & Absolutio sit nulla, & nihil operetur, nisi quòd tollat reservationem, est integrè repetenda coram quocunque alio Sacerdote exposito, qui ab omnibus absolvere poterit. Cæterum, si quis Superiori confiteretur, habens reservata, sed ex oblivione etiam inculpabili nullam de eis mentionem faceret, per hoc non tollitur reservatio, ut nec obligatio denuò ea confitendi, ut ab iis absolvatur directè.

*Resp. 2.* Quidie quodam virtute Jubilæi, vel licentia Superioris absolvi possint a reservatis, etiam censuram habentibus, sed eorum inculpabiliter fuit oblitus, confessio autem fuit valida, potest adhuc absolvi die elapso. Ita probabilius cum Sylvestro, Cano, La Cruz, &c.

*Ratio:* Tum quia illud peccatum pæstat ad præcedentem Confessionem. Tum etiam, quia censura (si quæ fuit) die præcedente jam fuit sublata per illa generalia absolutionis censurarum verba, *Si teneris aliquo vinculo Excommunicationis*, &c. vi quorum peccatum mansit sine censura, ac reservatione. Ergo.

*Resp. 3.* Qui intra tempus Jubilæi, v. g. ultimo die cœpit confiteri, confessionem autem (quia fuit nimis longa) non perfecit, sed ex consilio Confessarii partem distulit in proximum diem post Jubilæum, poterit post illud adhuc absolvi



a reservatis ante finem Jubilæi commissis.  
*Ratio:* Quia censetur moraliter eadem Confessio.

Dixi, *a reservatis ante finem Jubilæi commissis*. Si enim sint commissi post finem Jubilæi, ab illis absolvi non potest virtute Jubilæi, cujus facultas solum est data pro contradiis ante Jubilæum, vel eodurante.

Nota, post tempore Jubilæi fieri commutationem votorum in eam materiam, quam Jubilæo elapso Confessarius, aut alius vir doctus judicaverit expedire.

QUÆRO XIV. Potestne Confessarius absolvere a reservatis, si comperiat, quod eum malè ab eis absolverit?

LXXVIII. *Resp.* 1. Probabilis non potest, si sint peccata non censurata.

*Ratio:* Quia, ut supra traditum est, absolutio sacramentalis non potest conferri absenti.

Quod absolutio a censuris possit dari absenti, vide supra in Exam. 1. n. 16. R. 5. Quomodo ille confessorius malè absolvens in eo casu se habere debeat, vide supra Tract. 13. Exam. 5. n. 99.

Nonne saltem Superior, qui reservationem fecit, potest eam extra Confessionem tollere?

*Afirmo*, si peccatis Censura sit annexa, si non; immò & una reservatio sine altera sic tolli potest.

*Ratio:* Quia, qui legem facit, eam abrogare potest, & res per easdem causas dissolvitur, per quas nascitur, ut habet Regula juris: Reservatio autem nihil est aliud; quàm prohibitio a Superiore facta Confessariis. Hac ergo reservationis ablatione facta potest quilibet Confessorius legitime expositus a peccatis reservatis commissis, & committendis, uti & a censuris contractis absolvere.

Hæc de Censuris dicta sunt.

## EXAMEN III.

De Indulgentiis. De quibus Angel. D. agit in Supplem. Q. 25, 26. & 27.

QUÆRO I. Quid est indulgentia, & Thesaurus Ecclesiæ?

LXXIX. *Resp.* 1. Indulgentia, juxta S. Tho. & alios Theologos, est relaxatio poenæ temporalis, debitæ peccato actuali jam remisso, homini in gratia esistenti concessa extra Sacramentum a Prælato Ecclesiæ illi applicante thesaurum Ecclesiæ.

*Explicatur definitio:* Dicitur 1. *Relaxatio*, id est, remissio poenæ, qua per Indulgentiam non remittitur culpa, seu peccatum, hoc enim remittitur per Sacramentum Pœnitentiæ. Di-

citur 2. *Pœna temporalis*; quia poenæ æternæ remittitur cum peccato mortali, & commutatur in temporalem in hac vita, vel in flamma purgante luendum. Dicitur 3. *Debita peccato actuali*; quia poenæ peccato Originali debitæ, v.g., mors, morbus, fames, fatigatio, &c. per Indulgentiam non remittuntur. Dicitur 4. *Homini in gratia esistenti*; Si enim homo sit in mortali, est inimicus Dei, ac indignus remissione poenæ. Dicitur 5. *Extra Sacramentum*; ad differentiam remissionis sacramentalis, quæ fit merè ex Dei liberalitate, quæ verò fit per indulgentiam, fit simul cum aliqua compensatione, quæ ex thesauro Ecclesiæ tantum solvitur, quantum homini indulgentiam lucranti, remittitur. Sicut si pro aliquo debitore mille Imperialium tantumdem solvatur ex ærario publico. Ubi est misericordia, quia non solvit de suo, & justitia, quia a debito non liberatur, nili sit plenè solutum. Dicitur 6. *a Prælato applicante thesaurum Ecclesiæ*. Pro quo

*Resp.* 2. Thesaurus Ecclesiæ sunt bona opera, ac satisfactiones Christi, Deiparæ, Apostolorum, Prophetarum, Martyrum, & omnium Justorum a primo justo Abel usque ad ultimum qui in fine mundi nasciturus est, quæ semper manent in divina acceptatione, seu memoria, ac data sunt Ecclesiæ (cujus Christus est caput) ut ex iis simul junctis, velut ex quodam spirituali publico ærario membris indigentibus communicetur. Pro quo

Nota, quod in omni bono opere, quoad præsens, duplex sit valor. Primus est meritorius, puta, vitæ æternæ, quæ est præmium ejus. Et hic est personalis, nec ab operante alteri applicabilis, si nimirum loquamur de merito finito puri hominis ad excipiendum meritum infinitum Christi. Et de hoc primo valore intelligitur illud 1. Cor. 3. *Unusquisque propriam mercedem accipiet secundum proprium laborem*. Secundus est valor satisfactorius pro poenâ peccatis debitâ, provenitque a pœnalitate, & difficultate operis boni, ejusque præmium est remissio poenæ temporalis debitæ peccatis remissis. Et is ex vi unionis charitatis (quæ inter membra viva Ecclesiæ, seu inter Fideles alter alterius onera portat) est alteri applicabilis. Et de illo intelligitur illud Eccles. 3. *Eleemosyna extinguat peccatum*, id est poenam peccati.

Quod dicitur Thesaurus sit in Ecclesiâ, est de Fide, & patet Extravag. Clem. VI. quæ incipit, *Unigenitus*; & decernit, *Christum per effusionem Sanguinis sui infinitum Ecclesiæ militanti thesaurum acquisivisse*, & qui eo usi sunt, *Dei amici facti sunt*, & dispensandus est nunc pro sorali, nunc pro partiali remissione poenæ temporalis pro peccatis debitâ. Ad cuius quidem thesauri cumulum B. Dei Genitricis, &

omnium electorum a primo iusto usque ad ultimum merita administratum præstare noscuntur. Ex quibus verbis patet, ex quorum bonis operibus, ac satisfactionibus ille thesaurus constituitur.

**Ratio:** Eundem thesaurum in Ecclesia dari conveniens est. Nam uti Deus nullum meritum relinquit sine premio, nec peccatum sine pena, ita nec ullas Sanctorum satisfactiones permittit perire sine fructu: Sed multi Sancti multa passi, quibus non egebant ad solvendas suorum peccatorum penas, ut in primis de Christo perse patet, qui fuit absolute impeccabilis, & B. V. in passione filii gravissimos tuit passus dolores, & tamen peccatum nullum commisit: Multifandi Martyres, Eremitæ, Confessores, &c. vigiliis, jejuniis, ac immensis tormentis afflixerunt, cum tamen non nisi venialia commiserint, talis autem valor non est perditus. Ergo relevatur in Ecclesia.

**QUÆRO II.** Ene in Ecclesia, & penes quem, potestas dictum thesaurum dispensandi Fidelibus extra Sacramentum per Indulgentias?

**LXXX. Resp. 1.** Christus Ecclesie, & ejus Capiti dedit illam facultatem.

Ita patet Matth. 16. ubi Christus Petro dixit: *Quidcumque solveris super terram, erit solvum & in caelis.* Quibus verbis Christus Petro promittit supremam potestatem ad regendam, & iudicandam Ecclesiam, quam postea actu tradidit post Resurrectionem Joann. 21. dicens: *Pasce oves meas.* Quæ verbaliter omnino generalia, nec restringuntur ad sola peccata, sicut illa Jo. 20. *Quorum remiseris peccata;* sed extendunt se ad censuras, penas, Leges, vota, juramenta. Ergo. Idem patet ex illis generalibus verbis Christi Matth. 18. *Quaecumque alligaveris super terram, erunt ligata & in caelis; Et quaecumque solveris super terram, erunt soluta & in caelis,* id est, in iudicio Dei.

Christus ipse plenissimam Indulgentiam dedit Latroni iis verbis: *Hodie mecum eris in Paradiso.* Et Magdalene: *uti & Samaritanæ abique,* ulla satisfactione, quæ aliis fuisse necessaria.

**Resp. 2.** De eo qui potest Indulgentias largiri, S. Thom. hic q. 26. a. 3. Inc. sic ait; Papa habet plenitudinem Pontificalis potestatis, quasi Rex in Regno, sed Episcopi assumuntur in partem sollicitudinis, quasi Iudices singulis civitatibus præpositi: propter quod eos solos in suis literis Papa Fratres vocat, reliquos autem omnes vocat Filios. Et ideo potestas faciendi Indulgentias plenè residet in Papa, quin potest facere prout vult, causa tamen existente legitima, sed in Episcopis est taxata secundum ordinationem Papæ; Et ideo possunt facere secundum quod eis est taxatum, & non amplius. Hæc ibi. Porro est Episcopo taxatum, ut possit solum dare Indulgentiam 40. dierum auctoritate summi Pontificis; Item in Dedicat

tione Ecclesie Indulgentiam unius anni. Solet etiam Papa suis Legatis dare facultatem concedendi Indulgentias; Et summo Pœnitentiario.

Hinc Clemens VI. in Extrav. cit. ait: *Hunc thesaurum Christus non in Sudario reposuit, non agro ascendendum, sed per D. Petrum Cæli Clavigerum, ejusque successores commisit Fidelibus salubriter dispensandum.* Hinc & Indulgentiarum usus in Ecclesia est antiquissimus. Nam S. Gregorius Magnus Papa, creatus anno 1619. instituit Romæ Indulgentiarum Stationum, ut scribit S. Thom. hic q. 25. a. 2. in c. & testantur alii ante illum. S. Leo III. circa annum 803. concessit Indulgentias tunc S. Ludgero in Epist. de S. Suiberto: Sergius II. qui sedit circa annum 844. dedit Indulgentias trium annorum, & trium quadragesimarum, visitantibus Ecclesiam S. Martini in Montibus, in festo ejusdem Ecclesie: ut patet ex marmore in eadem Ecclesia antiquissimis literis inciso. Plura similia videri possunt in Controversiis. Hinc patet quàm splendide mentitus sit Kemnitius asserendo, utum Indulgentiarum esse novum in Ecclesia, & coepisse circa annum Domini 1300. Eandem Indulgentiarum antiquitatem, & Divinam Traditionem statuit Trid. Sess. 25. de reformatione in decreto de Indulgentiis.

**Ratio:** In omni Republica bene ordinata debet penes Principem, vel Magistratum esse potestas membris indigentibus distribuendi thesaurum ejus, & bona communia: Sed Ecclesia est a Christo bene ordinata, & per Indulgentias aliud non intelligitur, quàm talis thesaurus, & commune spirituale aerarium. Ergo.

**LXXXI. Potestne Papa lucrari Indulgentias aliis concessas?**

**Affirmo,** sicut & gaudere potest dispensationibus aliis, v.g. in jejuniis datis.

**Ratio** S. Thom. q. 27. a. 4. in Sed Contra: Quia tunc esset ipse peioris conditionis quàm alii, si ipse non posset uti thesauro Ecclesie, quàm aliis dispensat. Et ibidem ad 1. ait: Ad iurisdictionis non potest aliquis in seipsum exercere; sed eis, quæ auctoritate iurisdictionis dantur, potest etiam Prælatum uti, tam in temporalibus, quàm in spiritualibus. Sicut etiam Sacerdos sibi Eucharistiam accipit, quàm aliis dat. Et ita etiam Episcopus potest accipere sibi suffragia Ecclesie, quæ aliis dispensat, quorum effectus immediatus est remissio pœnæ per Indulgentias, & non ad iurisdictionis. Hæc ibi.

**QUÆRO III.** Quotuplex est Indulgentia?

**LXXXII. Resp.** Indulgentia variè dividitur: Primò in totalem, & partialem. Totalis est plenaria, remittens lucranti totam pœnæ reatum; & Partialis, quæ tantum partem.

**Dividitur 1.** in realem, personalem, & localem,

calem. *Realis* est, quæ conceditur alicui rei, Rosario, v.g. vel Imagini, seu potius illi, qui rem talem gestat. *Personalis* conceditur personæ, ut eam lucretur, vel in articulo mortis, & quoties hoc, vel illud opus pium injunctum fecerit. *Localis* conceditur alicui loco, nimirum Ecclesiæ, vel altari, seu illis, qui locum devotè visitant.

*Dividitur* 3. vel potius subdividitur Indulgentia totalis in plenam, pleniorē, & plenissimam. *Plena*, ut solet explicari a quibusdam, vocatur, quæ remittit totam poenitentiam injunctam. *Plenior*, quæ remittit totam poenitentiam meritò injungendam secundum Canones antiquos, de quibus postea. *Plenissima*, quæ remittit totam poenitentiam peccatis in iudicio Dei debitam. Quidquid de hoc sit,

*Indulgentia plenaria*, & plenissima quoad substantiam, seu quoad effectum remissionis totius poenæ sunt idem cum Jubilæo, differunt verò solum ab illo, quantum ad jurisdictionem, & majorem facultatem, v.g. absolvendi a casibus reservatis, dispensandi in votis, eligendi Confessarium, absolvendi a censuris, quæ amplè solet concedi in Jubilæo. De quo postea plura.

*Indulgentia partialis* sub variis formulis conceditur. Nam 1. aliquando datur remissio tertie, vel quartæ partis peccatorum. 2. Interdum dantur aliquot anni Indulgentiarum, vel aliquot dies, ut quadragenæ dierum. Indulgentia tertie, vel quartæ partis peccatorum significat remitti poenitentiam pro tanta parte poenæ peccatis debite, juxta taxationem sacrorum Canonum. Idem est de Indulgentia tot dierum, vel annorum; unde malè hoc intelligunt illi, qui dicunt, intelligi tot dies, vel annos Purgatorii. Pro quo.

LXXXIII. Nota, quod antiqui sacri Canones severas assignaverint poenitentias sacramentales, seu a Confessariis injungendas, nimirum peccato alicui gravi septem annos poenitentię, cap. *Hoc ipsum*. 33. q. 2. Et huic poenitentię correspondebat Indulgentia 7. annorum dicta *septena*. Pro aliis peccatis determinabant 40. dies jejunii in pane, & aqua, & aliis laboriosis exercitiis. Et huic correspondebat *Quadragesima*, id est, Indulgentia remittens poenitentiam 40. dierum juxta illos Canones. Hæc poenitentia jejunii in solo pane, & aqua vocabatur etiam *Carena*, qui terminus significat carentiam omnis alterius cibi, & confortii hominum. Pro crimine valde atroci, & extraordinario, ut cui deberetur poena capitis (de quo c. *accusasti*. 8. de accusationibus) injungebatur Quadragesima jejunii, & septena poenitentię.

Qui pejeraverat, vel alium ad id induxerat, debebat 40. dies in pane, & aqua transigere, & per 7. annos sequentes poenitere. Qui rapuerat, vel furatus fuerat Ecclesię, præter redditionem quadrupli, debebat tres annos poenitere, & quidem in pane, & aqua. Per has poenitentias puta-

bant illorum Canonum Conditores frequentius integrè expiari totam poenam peccatis debitam. Erat tamen in potestate Confessarii poenitentias illas sic injungere, ut aliquæ ex septennibus obirentur, v.g. semel in hebdomada.

Ex his infertur, pessimè sibi consulere illos, qui indulgentias certorum dierum, aut annorum negligunt, & solas plenarias querunt.

LXXXIV. *Quomodo cum hac* explicatione salvas indulgentiam mille, immò 20. mille annorum, cum tamen sacri Canones non determinaverint tantam poenitentiam, & ad summum pro gravissimis delictis poenitentiam totius vitæ, quæ rarè excedit centum annos.

*Ad hoc dico* imprimis, eam indulgentiam etiam non posse intelligi de poenis Purgatorii, quia nec hoc tamdiu durabit. Deinde dato, & non concessio (quia aliqui id negant, dicentes tales Indulgentias fuisse olim a Quæstuariis confectas) dato, inquam, tales indulgentias fuisse datas, potest contingere, quod tam atrocia peccata committantur, v.g. in consuetudine blasphemandi, per singula ferè momenta pejerandi, item furæ, rapinæ, adulterii, maxime peccata cordis in concupiscentia, vel Uxoris, vel rei alienæ, &c. ut meritò tales peccatores tenerentur ad millium annorum poenitentiam; Si enim sacri Canones singulis eorum peccatis injungerint tres, vel septem annos, factò calculo quantus erit numerus annorum poenitentię pro innumeris illis, & tam enormibus delictis!

LXXXV. *Quomodo hoc intelligitur*, quando Indulgentiæ plenariæ superadditur Indulgentia aliquot annorum, vel dierum, vel remissio tertie partis peccatorum? si enim est plenaria, non indiget illa additione.

*Dico*: Dato, & non concessio (quia aliqui Auctores id negant) dari authenticam talis Indulgentiæ concessionem, inspiciendus est tenor litterarum. Vel enim illa additio erit lucranda alio tempore, loco, & actione, vel additio erit applicanda per modum suffragii animabus in Purgatorio.

LXXXVI. *Quid intelligis per Indulgentias Stationum Romæ?*

*Dico*: Etsi eas, quæ conceduntur visitantibus certas quasdam Romanas Stationes, id est, Ecclesias Romæ, quæ sint instar Stationum, seu præsidiorum, & excubiarum spiritualium. Tales Stationum Indulgentiæ Romanæ sunt quotidie, in quibusdam Ecclesiis plenariæ, in aliis non plenariæ.

QUÆRO IV. Quid sentis de Jubilæo, seu Anno Sancto?

LXXXVII. *Respon.* Sicut apud Hæbræos annus quinquagesimus remissionis erat Sanctus, & Jubilæus (Num. ult. & Levit. 25. & 27.) in quo dimittebantur omnes labores agriculturæ,

turæ, nec arabatur, nec ferebatur, nec metebatur, sed commodè sustentabantur ex frugibus anni superioris, quas Deus triplo plures dabat. Item servidonabantur libertate, relaxabantur delicta, agri dividuntur, vertebantur ad antiquos possessores, &c. Ita & Jubilæum Romanum est *Annus sanctorum plenaria remissionis, seu plenaria indulgentia omnium peccatorum temporalium peccatis debitum cum variis privilegiis, & facultatibus ante nominatis, nimirum absolventi a reservatis, vota commutandi, juramenta relaxandi, &c. Ex quo patet definitio Jubilæi.*

Porrò hæc vox *Jubilæum* derivatur ab Hebræo *Jobel* quod significat cornu, buccinam, vel tubam, qua in Veteri Lege in septimo mense annum Jubilæum præcedente annus quinquagesimus nuntiabatur clangore buccinæ. Levit. 25.

*Resp. 2.* Bonifacius VIII. Jubilæum Romanum concessit quovis centesimo anno. Clemens VI. reduxit ad Quinquagesimum. Urbanus VI. ad trigésimum tertium. Paulus II. ad vigésimum quintum, uti nunc servatur. Causa reductionis fuit brevitatis vitæ humanæ, & ut homines plures, & pluries tanto thesauro gaudere possint.

*LXXXV III. Resp. 3.* Romæ adveniente Anno Sancto celebrantur certi ritus, & cæremoniæ, quas sic refert noster Lublino. In Vigilia Nativitatis Domini hora Vesperarum Papa cum Cardinalibus, Prælati, & Officialibus decenter ornatis processionaliter. Cruce præcedente, vadit ad Cappellam Palatii Apostolici, quam ingressi, Papa genuflexus ante Sacramentum, & reliqui omnes orant. Postea thurificata hostia, præcinit Summus Pontifex hymnum, *Veni Creator Spiritus*; Et sic recedunt ad Ecclesiam S. Petri, cujus Porta sancta cum aliis Ecclesiæ portis adhuc eousque est clausa. Ibi Papa è sella gestatoria descendit, & ad Portam sanctam accedit præferens manibus maleum, quo ter percutit murum portæ aperientis, terque præcinit hos versus, *Aperite mihi portas justitiæ. Interim Fabri murarii, & ministri demoluntur murum Pontifice orante; Lapides autem, & crementum muri disjecti devotè a Peregrinis, & a Romanis rapiuntur. Tandem Pœnitentiarii induti Presbyteralibus ornamentis lumpta aqua benedicta lavant postes Portæ sanctæ, qua aperta, & lota datur Crux in manum Pontificis, qui genu flexo ante Portam sanctam præcinit *Te Deum Laudamus*. Et sic intrat comitante Clero, & frequentia populi. Mox exiit tres Cardinales Legatos ad apriendas alias Portas sanctas Ecclesiarum S. Pauli, & S. Joannis Lateranensis, & S. Mariæ Majoris, qui singulis eisdem ferè cæremoniis, & preces adhibent in eorum refectione. Quæ Portæ per totum annum Jubilæi manent apertæ, ut in huiusmodi Ecclesiis omnes Christi Fideles assidue consequi valeant plenariam peccatorum remissionem. Hæc ille.*

Ritus, & Cæremoniæ, quæ in decursu, & fine Anni sancti adhibentur, videantur AA. Quia eadem solemnitate, qua murus fuit apertus, iterum clauditur in redeunte Vigilia Natalis Domini, ipso Papa prius, deinde summo Pœnitentiario in limine Portæ Sanctæ jacentem calcem trulla, seu cochleari argenteo, & ternos lapides ponente: quo peracto Murarii murum perficiunt, qui manet integer usque dum alius Annus sanctus redeat.

Nota, Portam vocari sanctam ideò, quia illi, qui per eam, ut decet, intrant, obtinent sanctitatem, & gratiam, & dum illa clauditur, lapides, calx, &c. benedicuntur.

*LXXXIX. Resp. 4.* Romæ durante Anno Jubilæo, omnes Indulgentiæ plenariæ concessæ vivis, etiam in earceribus detentis, suspenduntur, ne Jubilæo Romano sint impedimento, ut patet ex Extravag. *Quemadmodum*. Et ex Bulla Greg. XIII. quæ incipit: *Quoniam sancti Jubilæi*. Item suspenduntur aliæ facultates, v. gr. commutandi vota, dispensandi, a casibus Bullæ Cœnæ absolventi, &c. quæ fuerunt concessæ ad lucrandas plenarias Indulgentias. Indulgentiæ tamen concessæ per modum suffragii defunctis non suspenduntur, cum Jubilæo Romano non obstant. Uti nec concessæ vivis pro articulo mortis, ut Bonacina docet ex Declaratione Urbani VIII. facta Anno 1625. Ex qua eadem Declaratione constat non suspendi facultates vi Privilegiorum Religionis datas, v. gr. absolventi a reservatis; Quia, ut dictum est, solum suspenduntur facultates concessæ ad lucrandas Indulgentias plenarias.

*Resp. 5.* Solet etiam Papa post Jubilæum Romanum, uti & post suam Coronationem, item in gravi necessitate, vel persecutione Ecclesiæ, omnibus Fidelibus concedere extraordinarium Jubilæum, ad illud lucrandum exigendo certa opera: quæ videnda sunt in ipsa Bulla, ac sedulo, & accurate implenda.

**QUÆRO V.** Circa Jubilæum quomodo relolvitur hos casus?

*XC. Primo:* Peccat quis peccato reservato, & quidem ex confidentia Jubilæi obtinendi, potestne virtute illius absolvi, cum videatur agere in fraudem, & videri aliàs posset, Papam velle fovere iniquitatem?

1. Titius in prima hebdomada Jubilæum lucratus est, in secunda verò committit reservatam, potestne absolvi, aut votum commutari?

3. Quid si ab iis petat absolvi statim elapsio Jubilæo?

4. Titius cum animo implendi omnia opera Jubilæi, accipit absolutionem a reservatis, & votorum commutationem, sed postea opera non implet, adeoque nec Indulgentias lucratur, reviviscuntne vota, & censuræ?

s. Ope-

5. Opera Jubilæi debentne omnia fieri in una hebdomada?

*Ad 1. Probabilius R. Affirm. Ratio:* Quia ubi Bulla non distinguit, vel restringit, aut excipit, neque nos distinguere, aut restringere debemus: Sed Bulla Jubilæi non excipit illos, qui peccant spe veniæ. Ergo. Porro, quod tales fraudem committant, ex eo conscientiam suam magis gravant. Nec tamen Papæ eorum malitiæ patrocinium præbet; quia aliàs idem esset dicendum de Christo, qui instituit Sacramenta in peccatorum remedia, quibus multi abutuntur.

*Ad 2. Probabilius affirmatur. Ratio:* Tum quia homo habet jus ad tales gratias stante Jubilæo obtinendas. Tum etiam, quia etsi in probabiliori sententia non possit de novo lucrari Jubilæum, qui in prima hebdomada illud verè est lucratus, cum tamen nemo sine Dei revelatione omnino certus sit de ejus consecutione, ad majorem securitatem potest rursus perficere opera præscripta. Ergo & obtinere dictas gratias, nimirum abolendi a reservatis, & commutandi in votis, in quæ incidit durante Jubilæo.

*Ad 3. patet supra in Exam. 2. n. 77. R. 2. & 3.*

*Ad 4. R. probabilius negativè. Ratio:* Quia vota absolutè, & sine conditione, vel restrictione sunt commutata, & censura ablata sine conditione reincidentie. Ergo.

*Ad 5. Affirmo:* Pro quo inspicitur tenor Bull. QUÆRO VI. Requiriturne justa, & rationabilis causa ad concessionem Indulgentiarum, ut sint validæ?

**XCI.** Ante R. supponitur, concessionem Indulgentiarum sine rationabili causa factam, esse illicitam, proinde peccare eum, qui illas concedit, quia non agit, ut fidelis servus, & prudens cum bonis Domini sui. Item esse saltem validam quoad aliqua privilegia, & facultates versantes circa ea, quæ a solo Jure Ecclesiastico pendunt, ut facultas dispensandi in Irregularitate, abolendi a reservatis, &c. Cum enim jus Ecclesiasticum a solo arbitrio papæ pendeat, potest in eo validè dispensare, etiam sine justa causa. Hoc notato

*Resp. 1.* Ad valorem Indulgentiæ, ejusque effectum, quies remissio pœnæ in Purgatorio solvendæ, requiritur pia, & rationabilis causa eam concedendi, quæ nimirum causa concernat publicam Ecclesiæ utilitatem, aut animarum salutem, vel Dei gloriam. Ita patet ex S. Thom. hic q. 25. a. 2. in fine c. & a. 3.

*Ratio:* Tum quia dispensator in bonis Domini sui debet disponere ex justa causa, aliàs enim non erit fidelis servus: Sed Papa solum est Dispensator Thesauri Ecclesiæ, non Dominus. Ergo. Tum etiam, quia Papa non potest sine justa causa aliquid deobligare ab illis, quæ sunt debita in foro Dei, ut de jure divino. Sed pœnæ

peccatis sunt debite jure divino, & in foro Dei. Ergo.

Ex quo sequitur, quod sola Thesauri abundantia non sit sufficiens causa ad eum cuique; distribuendum.

*Resp. 2.* Ang. Doctor hic q. 24. art. 3. in Sed Contra, docet, quod pro Peregrinationibus, & Eleemosynis possint fieri Indulgentiæ. Et id probat ex communi Ecclesiæ consuetudine.

*Resp. 3.* Quomodo pro temporalibus possint dari Indulgentiæ, explicat ibidem in c. dicens: Temporalia ad spiritualia ordinantur, quia propter spiritualia debemus uti temporalibus. Et ideo pro temporalibus simpliciter non potest fieri indulgentia, sed pro temporalibus ordinatis ad spiritualia, sicut est repressio inimicorum Ecclesiæ, qui pacem Ecclesiæ perturbant: sicut & constructio Ecclesiarum, & pontium, & aliarum Eleemosynarum. Subdit ibid. ad 1. S. D. Et per hoc patet, quod non sit ibi Simonia, quia non datur spirituale pro temporali, sed pro spirituali. In solut. ad 2. ait: Etiam pro purè spiritualibus potest fieri Indulgentia, & sit quandoque: sicut qui orat pro Rege Franciæ, habet decem dies de Indulgentia a Papa Innocentio IV. Hæc ibi.

*Resp. 4.* Probabilius est, quod ad concedendas Indulgentias, præsertim magnas, non sufficiat quæcunque levissima causa pia, sed debeat juxta prudentis arbitrium esse aliquo modo proportionata. Hinc si causa nimis sit levis, & Indulgentia excedens, hæc erit invalida, saltem quoad excessum.

*Ratio* patet ex dictis pro R. 1.

Dixi, juxta prudentis arbitrium; Nam si eo stante, causa adhuc re ipsa foret insufficientis, valida erit Indulgentia. Quia Dominus Thesauri non est rationabiliter invitatus, quamdiu a servo dispensatur juxta Regulas prudentiæ.

*Quomodo* ergo salvas valorem plenariæ indulgentiæ, quam Papa dat omnibus ante fores Basilicæ D. Petri stantibus, dum in die Paschæ populo solempniter benedicit, ubi causa est omnino levis?

*Dico,* ibi causa quidem esse levem secundumle, ad sufficientem juxta finem intentum per indulgentiam. Illa enim assistentia præforibus, & assistentia populi sub benedictione Papali est medium aptum, & utile ad protestationem Fidei de Capite Ecclesiæ, & ad honorem Sedis Apostolicæ, quæ est finis illius indulgentiæ, ut explicat Bellarminus. Similiter pro eadem causa, diverso tamen tempore, potest concedi major, vel minor indulgentia, quia causa uno tempore levis, alio tempore potest esse major, sicut eadem Eleemosyna miseriam pauperum magis levebat, dum est annonæ caritas, quàm dum non est.

QUÆRO VII. Quæ Conditiones requiruntur in lucrante indulgentias?

**XCII. Resp.** Esse quinque. *Prima est*, ut sit baptizatus. Quia nemo potest esse particeps thesauri Ecclesie, nisi sit membrum Ecclesie: Sed sit membrum per Baptismum. Ergo.

2. Ut non sit excommunicatus excommunicatione majori iuxta dicta superius.

3. Ut Indulgentia indigeat, non enim potest eam suspendere, vel in futurum reservare utque dum indigerit.

4. Ut non sit in peccato mortali. Quia remissio pene temporalis supponit remissionem culpae, & pene aeternae, quia inimicus Dei est, indignus, immò incapax talis gratiae. Debet ergo lucrari esse in gratia, saltem quando implet ultimum opus, etsi optimum sit, si omnia impleat in gratia. Verum probabilius

*Distingendum hic est cum Bellarm. & nostro Nugno;* Si indulgentiarum finis est pro peccatis satisfacere, vel Deum Christiano populo placare, & ad huius finis consecutionem inunguntur preces, Eleemosynae, jejunia, templorum visitationes, verius esse videtur, omnia haec opera debere fieri in statu gratiae.

*Ratio:* Quia sine gratia ad illum finem non conducunt; Nam cum dona iniquorum non probet Altissimus, & odio sint Deo impius, & impietas ejus, ut ait Scriptura, per alia operantur placatur, nec per ea Deo satisfit. Ergo si quis sit in mortali, debet operibus promittere saltem contritionem, si non Confessionem. Si vero finis sit talis, v.g. aedificatio Templi, vel Hospitalis, sublevatio pauperum, subsidium belli sacri, &c. sufficit esse in gratia, quando ultimum opus perficitur, seu quando Indulgentia est percipienda, quia ille finis potest obtineri per opera etiam a peccatore facta.

5. Conditio est executio operis inuncti modo praescripto.

*Quid si Peccator* defacto omnibus operibus in mortali factis, adeoque propter fictionem, seu obicem indulgentiam non lucratur, lucraturne postea fictione sublata per penitentiam?

*Dico.* Non lucratur. *Ratio:* Indulgentia tantum valet, quantum sonat, & non operatur ultra intentionem concedentis, sed indubitatè, si concedens de hoc interrogaretur, diceret, hanc non esse mentem suam. Ergo.

**XCIII. Quid si opera praescripta impleantur in peccato veniali?**

*Dico x.* Remissionem pene alii peccatis, five mortalibus, five venialibus jam remissis debita, non impediri.

*Ratio:* Tum quia veniale non tollit statum gratiae, adeoque nec remissionem pene. Tum etiam, quia licet tunc opus operantis non sit Deo gratum, cum sit malum, bene tamen opus operatum scilicet satisfactiones Christi, & Sanctorum, quae sunt infiniti valoris, eorumque in tamen poena per Indulgentias remittitur. Hoc tamen solum verum est sub distin-

ctione ante data ex Bellarmino.

*Quid si quis ex operibus praescriptis minimum quid omittat, v.g. ex Rosario unum, & alterum Ave Maria?*

*Dico.* Etsi variis DD. teneant hic parum pro nihilo reputari, attamen iudico hic non laxè, sed scrupulosè procedendum esse, quia juxta alios DD. est res valde dubia. Immo, ut scribit Gobat, Eugenius IV. in Bulla, qua Monachis Vallisoletanis pro articulo mortis dedit plenariam Indulgentiam dependenter a jejuniis singulis festis feriis per totum annum obeundo, in illa, inquam, Bulla omissionem quantumvis involuntariam unici jejunii voluit suppleri alio anno proximo, alioquin nolens eos gaudere indulgentia.

**XCIV. Teneturne quis opera praescripta implere per semetipsum?**

*Affirmo:* Quia communiter haec est mens Pontificis.

*Potesne uno actu quis lucrari duplicem Indulgentiam?*

*Affirmo,* si ea sit mens concedentis, quia ab eo haec res dependet.

*Quid si utraque Indulgentia sit plenaria?*

*Dico.* Non posse unico actu lucrari: Quia prima plenaria, si reverè obtineatur, remittit totam penam. Ergo nihil restat, quod tollatur per alteram. Vel certè utraq; concurrat, ut duplex causa partialis ad eundem effectum.

*Quid si sint duo opera, pro eodem die tamen?*

*Dico.* Posse quem eodem die diversis horis per diversa opera plenariè obtinere indulgentiam, si tempore intermedio novè contraxerit penam temporalem per peccatū, de quo penitentia egit.

*Ratio:* Quia ad sunt omnia ad lucranda Indulgentiam requisita.

*Qui omni mortali, & veniali culpa immunis in eo instanti, quo Indulgentiam est lucratus, moritur, nonne continuò in coelum evolat?*

*Affirmo. Ratio est:* Quia nulla obstat remora; nimirum nec culpa, nec poena, ut casus supponit.

**XCv. Requisiturne intentio per haec opera lucrandi Indulgentiam?**

*Dico.* Actualis intentio non est absolutè necessaria, sed sufficit habitualis, aut interpretativa.

*Ratio:* Tum quia Papa concedens Indulgentiam non censetur aliam intentionem requirere, cum Bulla aliam non exprimat, sed solum dicat; Indulgentiam concedit pievifitantibus, v.g. Ecclesiis. Tum etiam, quia nec Indulgentiae natura exigit aliam intentionem; Si enim unus justus alteri etiam ignorantibus suis satisfactiones applicare possit, etiam summus Ecclesiae Pastor poterit homini ignorantia a sensibus alieno, jamjam morituro thesaurum Ecclesiae applicare.

**QUAERO VIII.** Possuntne Indulgentiae a lucrante aliis communicari, etiam defunctis a Papa concedi pro Purgatorio?

**XCVI. Resp. 1.** S. Th. hic q. 27. ar. 3. ad 2. ait: *Indulgentia non potest applicari ad aliquem nisi ex intentione ejus, qui dat Indulgentiam.*

**Resp. 2.** Si Pontifex non concessit facultatem Indulgentias alteri sive vivo, sive defunctis applicandi, frustra eis applicantur.

**Ratio:** Quia Indulgentie non operantur ultra intentionem concedentis, ut patet ex mox adductis verbis S. Thomæ.

**Resp. 3.** Ut Indulgentie applicentur alteri profici, debet uterque, nimirum applicans, & recipiens, esse in gratia, in Sententia probabiliori.

**Ratio:** Nemo potest alteri lucrari, vel applicare Indulgentiam, nisi prius eam fecerit suam: Sed non potest eam facere suam, nisi sit in statu gratiæ, ut ante dictum. Ergo.

**Resp. 4.** Indulgentiam vivis, & defunctis concedi posse, definitum est a Leone X. contra Lutherum, & id probat Ecclesiæ praxis. Verum diversimodè utrisque conceditur, nimirum vivis per modum sententiæ, seu judicialis potestatis, eos a pœna absolvendo; defunctis verò solum deprecative per modum suffragii, auxilii, vel solutionis Deo factæ per oblationem satisfactionum Christi, & Sanctorum ex Thesaurò Ecclesiæ, quam Deus acceptat.

**Ratio istius Differentiæ est:** Quia absolutio judicialis est actus jurisdictionis in Subditos, & de illa intelligitur illud Christi, *Quodcumque solveris super terram, non dicitur sub terra: Sed defuncti, cum sint extra forum Ecclesiæ, non sunt amplius Subditi ejus, bene tamen vivi* Ergo. Ubi

Nota, quòd animæ Purgatorii vivis sint unitæ vinculo Fidei, & Charitatis, tamquam membra ejusdem corporis mystici. Unde S. Aug. l. 10. de Civitate. c. 9. ait: Neque etiam piorum animæ defunctorum ab Ecclesia separantur, quæ est Regnum Christi. Qua de causa nostris bonis operibus juvari possunt. Et quamvis (utpotè per fidem ambulantes) sint adhuc quodammodo Viatores, ultra ad Patriam tendentes, non tamen omnes viatores sunt subditi Papæ, sed soli illi, qui sunt membra visibilia ovis Christi, quod Papæ pascendum est commissum: dicta autem unio per charitatem est invisibilis. Porro ut Papa eis possit concedere Indulgentiam per modum suffragii, Deo ex Thesaurò Ecclesiæ offerendo sufficientem solutionem, pretium, seu satisfactionem, non requiritur quòd habeat jurisdictionem in defunctos, sed su ficit quòd habeat a Deo potestatem in dictum thesaurum, uti habet ob rationem in hoc Exam. ante num. 87. datam. Debet tamen concedi, quòd concessio Indulgentiarum pro defunctis, licet non spectet ad potestatem jurisdictionis, spectet tamen ad potestatem quandam clavium, qua Papa membris Ecclesiæ Cœlum aperit.

**XCVII. Resp. 5.** Licet positus omnibus requisitis Indulgentia in vivis infallibiliter habeat effectum, non tamen ita in defunctis.

**Ratio:** Quia Deo liberum, dictum suffragium, vel solutionem admittere, vel non, cum ad hoc, ex iustitia, seu virtute alicujus promissionis non sit obligatus. Pro quo

**Resp. 6.** Probabilius est, quòd Indulgentiæ pro defunctis datæ, suum effectum solum habeant ex misericordia Dei, & juxta beneplacitum ejus; attentis tamen meritis eorum (quibus applicantur) dum erant in via.

Ita S. August. in lib. de cura pro mortuis: dicens: Quòd Indulgentiæ, & suffragia illis solis defunctis profunt, qui in hac vita meruerunt, ut in Purgatorio hæc illis prodesse.

**Ratio** est eadem, quæ pro R. 5. Quam confirmat communis estimatio Fidelium, qui ecclesiæ alicui defuncto applicaverint indulgentiam, v. gr. in Altari privilegiato, non tamen idè cessant ab aliis Missis, & suffragiis eidem applicandis. Nam potest Deus ob certas causas, infinitæ suæ Sapientiæ notas, pretium pro liberatione animæ oblatum recusare, licet sic adæquatum, cum ex iustitia non teneatur acceptare. Ergo sicut magis probabile est, quòd effectus Indulgentiæ pro defunctis non sit infallibilis, ita magis pium est, pro iis suffragia continuare.

**Confirm.** Quia ex opposita sententia sequitur, quòd Papa Indulgentias multiplicando brevi tempore Purgatorio possit evacuare.

**Oppos. 1.** Indulgentiæ tantum donant, quantum sonant: Sed sonant liberationem animæ. Ergo.

2. Quia aliàs Papa Fideles deciperet promittens dare, quod non datur.

**Ad utrumque R.** cum Corrado, quòd Indulgentiæ pro vivis tantum donant, quantum sonant, quia super eos Papa habet auctoritatem, cum sint ejus fori: pro defunctis verò facit Indulgentias solum deprecativas. Nec Papa idè decipit Fideles, quia concedit quantum potest. Sed forte multæ animæ erunt de numero eorum, qui ita decesserunt, ut non meruerint illis relevari, eò quòd in hac vita ex cordis sui duritia suffragiorum vix fuerint memores, & pro peccatis suis satisfacere neglexerint, ut proinde divina ulciscente iustitia, nec Deus acceptet suffragia pro eis oblata. Quod NR.

**XCVIII. Quid si talis anima,** pro qua sunt Indulgentiæ, & suffragia, non esset in Purgatorio?

**Dico:** Quòd Deus ea applicet alteri, nisi tamen is, qui suffragia applicavit, intenderit ea alteri indeterminatæ animæ applicare, si prior non indigeat, vel non sit capax.

Ex quo sequitur, quòd Indulgentiæ, & suffragia particularia pro determinatis anima-

bis



bus suscepta, accedente Dei acceptantis misericordia non proficiat, nisi illis, quibus in particulari applicatur. Ideo enim a summis Pontificibus constituntur Altaria privilegiata: sic ut communia Ecclesie suffragia proficiat Fidelibus defunctis in communi quoad refrigerium, & liberationem a pena.

**QUÆRO IX.** Translato festo transferunturne Indulgentiæ?

*XCIX. Resp. 1.* Certum est, quod, si festa aliqua per auctoritatem Ecclesie fixè translata sint, ut plurimum, de uno die in alium, sint simul translatae Indulgentiæ.

*Ratio:* Quia hæc censetur esse mens Summi Pontificis.

*Resp. 2.* Festo fori non quoad forum, sed quoad solum Sacrum, & horas Canonicas translato, communiter non transfertur Indulgentia ei annexa, sed hæc est lucranda die ordinaria.

*Ratio:* Hæc censetur esse mens Pontificis, quam probat praxis Fidelium de tali translatione nihil scientium. Et ita patet in festo Annuntiationis B. V. dum celebratur in Hebdomada Sancta, Sacro, & officio Canonico translato post Pascha.

*Resp. 3.* Festo etiam quoad forum translato in diem, quo totus populus a servilibus cessat, & in quem Rubricæ transferri volunt, transfertur etiam Indulgentia.

*Ratio:* & exemplum est idem quod ante pro R. 2. & tunc translatio est populo publicanda.

*Resp. 4.* Si festa primariorum Sanctorum alicujus Religionis juxta tenorem Rubricarum a Sede Apostolica approbatarum transferantur in diem, qui non a populo sed a solis Religiosis, eorumque familiaribus cessando a servilibus colitur, credo etiam transferri Indulgentias.

*Ratio:* Quia pie credendum est, hanc esse mentem Pontificis. Quod etiam colligitur ex Bulla Gregorii XIII. concessa Minimis, in qua sic legitur: Cum Festum S. Francisci de Paula post Octavam Paschæ transferri soleat, & ideo in dubium verti posset, an Indulgentia die, quod festum transferri contigerit, a Fidelibus adipisci possit; Volumus, & declaramus, ut translata esse censeatur, &c. Declaratio autem non facit novum jus, sed antiquum explicat. Ergo.

**QUÆRO X.** Quid est Bulla Cruciatæ, sive, ut alii vocant, sanctæ Cruciatæ, cujus sæpe mentionem faciunt Doctores?

*C. Resp. 1.* Vocari Cruciatam, quia continet Indulgentias similes iis, quas Urbanus II. concessit Cruce rubea, proficiscentibus ad recuperandam Terram Sanctam: quorum explicatio nuncupabatur Cruciatæ.

*Resp. 2.* Est Bulla, quam Papa concessit Regi Catholico Hispaniarum in subsidium belli contra Infideles continens varia, & utilia privilegia. Dicitur, concessa dicto Regi, Quia, ut quis

illius Bullæ privilegium gaudere possit, debet Regi dare stipem, seu certam pecuniam applicandam, non regio fallui, sed Bello contra Infideles. Hæc Eleemosyna (italii vocant) valet duos Argenteos, seu duos Regales, quos dicitur æquivalere 20. cruciferis monetæ nostræ.

*Resp. 3.* Hanc Bullam non solum possunt impetrare Incolæ Hispaniæ, sed & Peregrini, ejusque Privilegium frui per annum tantum, nisi denterit duos argenteos pro anno sequenti.

Quas gratias, ac privilegia hæc Bulla concedat, videre est in Auditoribus, maxime Hispanis, apud quos solos hæc Bulla viget. Inter alia habent omnes, & singulas Indulgentias Stationum.

Quomodo hæc Bulla vindicetur a Simonia, videri potest ex dictis supra in proprio loco de hoc vitio. Non enim datur temporale pro spirituali, nec illis duobus argenteis emuntur Indulgentiæ, sed sicut pro aliis Indulgentiis injunguntur certa opera, etiam eleemosynæ in pecuniis dandæ, & hoc absque Simonia: Ita est & in præfenti.

## EXAMEN IV.

*De Sacramento Extreme Unctionis. De quo S. D. agit in Supplem. a q. 29. usque ad 33. inclusivè.*

**QUÆRO I.** Extrema Unctio estne verum Novæ Legis Sacramentum, 3. immediatè a Christo institutum, 3. & unum specie infirmæ?

*CI. Respondetur Affirmativè ad omnes Quæstiones partes C. S. Thom. hic q. 39. ar. 1. 2. & 3.*

*1. Pars* patet tum supra Tr. 11. Exam. 4. n. 41. ad Q. 9. Tum ex Epistola S. Jacobi ab ipsis hæreticis recepta ut Canonica c. 5. ubi ait: *Infirmus quis ex vobis? inducat Presbyteros Ecclesiæ, & orent super eum, & ungentes cum oleo in nomine Domini, & oratio fidei salvabit infirmum, & alleviabit eum Dominus, & si in peccatis sit, remittentur ei.*

Quibus verbis exprimuntur omnia ad Sacramentum Novæ Legis ab ipsis etiam hæreticis requisita. 1. Ut sit signum externum, quod est Unctio, & Oratio. 2. Ritus non ad veterem sed ad novam Legem spectans, & stabilis, ac perpetuus; non enim fuit in Veteri Lege, nec est restrictus ab Apostolo ad certum tempus. 3. Promissio gratiæ, quæ est alleviatio infirmi, & peccatorum remissio. 4. Christi institutio. De qua statim dicitur.

*2. Pars* de immediata institutione Christi, & quod S. Jacobus hoc Sacramentum solum promulgaverit, sufficienter constat ex dictis in citato Exam. 4. n. 28. ad Q. I. R. 1. & R. 3.

3. *Pars* probatur : Illud Sacramentum est unum specie infima , quod solum habet unicam perfectam significationem : Sed sic est de hoc Sacramento , licet enim habeat plures significationes partiales propter plures Untiones , hæc tamen constituunt unicam significationem totalem , ob quam rationem in Eucharistia duæ formæ partiales , & duæ Species consecratæ solum sunt unum specie infima Sacramentum. Ergo.

Plura de his tractare spectat ad Controversistas.

CII. *Quando* autem Christus hoc Sacramentum instituit ?

*Ad hoc* DD. variè respondent . Sentiunt aliqui , esse institutum Marci 6. quando Apostoli sunt missi a Christo cum potestate sanandi infirmos per sacram olei untionem ; sed hæc sententia non subsistit , quia illa unctio non ordinabatur immediatè ad salutem animæ , sed ad curationem corporis per gratiam miraculorū , adeoque non erat Sacramentum . Alii tenent esse institutum in nocte Cœnæ , ut indicat Pontificale Romanum , docens , Christum Dominum ea nocte benedixisse Christum , & Oleum infirmorum . Verum probabilius est , quod sit a Christo institutum post Resurrectionem unà cum Sacramento Pœnitentiæ .

*Ratio* : Quia hoc Sacramentum est institutum contra reliquias peccatorum : Ergo est completivum , & consummativum Sacramenti Pœnitentiæ , supponitque ejus effectum , uti & potestatem remittendi peccata post Resurrectionem Joa. 20. Apostolis datam. Ergo conveniens fuit , ut non institueretur ante illud , sed cum illo .

CIII. *Quomodo* definitur hoc Sacramentum ?

*Dico* , Definiri metaphysicè sic : Est signum sacram , & efficax gratiæ in Untione infirmorum sub præscripta verborum forma ad sanitatem mentis , & corporis a Christo institutum . Vel , Est Sacramentum a Christo institutum ad absolvendas peccatorum reliquias . Physicè verò : Est Unctio sacri Olei in quinque sensibus infirmi facta sub præscripta verborum forma .

QUÆRO II. Quæ est materia hujus Sacramenti ?

CIV. *Resp.* 1. Materia remota hujus Sacramenti , simpliciter ad illud necessaria , est oleum olivarum , 2. Quod necessariò debet esse consecratum , seu aliquo modo benedictum ; 3. Cujus benedictionis minister ordinarius quidem est Episcopus , 4. Potest tamen simplex Sacerdos ex commissione Papæ esse ejus minister extraordinarius . Ita S.D. q. 29. a. 4. s. & 6.

1. *Pars* patet ex cit. verbis S. Jacobi . *Ungentes cum oleo* ; hoc enim est maxime lenitivum , idè quod significat effectum hujus Sacramenti , vinum verò lenit mordendo . Ergo .

Dixi autem , *oleum olivarum* ; liquor olivæ principaliter nominatur oleū , alii verò liquo-

*Tribunal Confessoriorum .*

res nomen olei accipiunt ex similitudine ad ipsum , sicut a pari patet de pane triticeo , & vino vitis respectu Eucharistiæ . Et sicut vinum est ubique ; non crescat , potest tamen facile deportari , ita etiam est dicendum de oleo olivarum .

*Ratio* 2. *Partis* est ex S. Th. a. 5. cit. Quia materia hujus Sacramenti non fuit sanctificata per contactum Christi , sicut aqua in Baptismo , quæ non est necessariò benedicenda . Ergo .

Dixi , *aliquo modo benedictum* ; Quia de valore hujus Sacramenti non requiritur benedictio facta sub certa verborum forma , ait Gonet , sed sufficit quomodocumque fiat a debito ministro ; servanda tamen est praxis , seu benedictio Ecclesiæ .

*Ratio* 3. *Partis* : Quia convenienter est institutum a Christo , ut materia Sacramentorum , quibus Christus non fuit usus , præparetur a summis Sacerdotibus , nimirum Episcopis . Ergo .

4. *Pars* patet ex antiquissima consuetudine Ecclesiæ Orientalis , juxta quam ipsi Presbyteri oleum infirmorū benedicunt , quod non faciunt ex commissione suorum Episcoporum , cum illi reclamant , & velint eos uti oleo ab Episcopis benedicto . Ergo ex tacita delegatione Papæ .

Notanda hic est differentia hujus Sacramenti a Confirmatione , cum enim hæc majorem gratiæ plenitudinem tribuat , non confertur validè nisi in Chrismate per Episcopum benedicto : alii Extrema-Untio ( cum non tribuat tantam gratiæ abundantiam ) essentialiter non petit , materiam ab Episcopo benedictam immediate , sed sufficit mediata , seu esse benedictam per Sacerdotem ex commissione Episcopi saltem supremi .

*Resp.* 2. Materia proxima hujus Sacramenti est unctio ex dicto oleo facta in 5. sensibus .

*Ratio* : Materia proxima Sacramenti est , per quam applicatur materia remota , ut patet in ablutione respectu Baptismi : Sed per Untionem infirmo applicatur oleum . Ergo .

CV. *Quid* si Parochus solum habeat parum olei benedicti , estne validum Sacramentum si admisceat de non benedicto ?

*Affirmo* , valere , & licere , si admixtio fiat in parva quantitate .

*Ratio* : Quia modicum admixtum trahit ad se benedictionem majoris , ut patet in aqua benedicta .

*Quid* si Sacerdos non habeat oleum novū seu hoc anno benedictum , sed solum antiquum ?

*Dico* : Licetè , & validè illo utitur in necessitate ; extra quam eo utendo peccat ; Quia agit contra ritum Ecclesiæ .

*Quæ corporis partes* sunt inungendæ ?

*Dico* , Organa 5. sensuum , nimirum oculi , aures , nares , os , & manus .

*Ratio* est S. Thom. hic qu. 32. art. 6. in c. Quia quinque sensus sunt prima principia , & instrumenta

menta peccandi, cum enim nihil sit in intellectu, quin prius fuerit in sensu, omnia nostra peccata actualia a sensibus externis originantur. Ergo inungi debent oculi propter visum; aures propter auditum; nares propter odorem; os propter gustum; manus, propter tactum; qui in pulpis digitorum maxime viget.

Nota ex S.D. ibid. quod renes, & pedes non sint prima radix, & prima principia peccati, sed tantum secundaria, ideo eorum unctio non est de necessitate; possunt tamen inungi, ubi est consuetudo, qualiter intelligitur Concil. Florent. Sunt & alia membra peccati principia, maxime quoad exercitium, ut, genitalia, sed his unctio non debet adhiberi, ait S.D. ibid. ad 4. propter irreverentiam illarum partium, & honestatem Sacramenti.

Quid si homo, v.g. mutilatus, vel etiam a nativitate careat aliquo tali membro, v.g. oculo, aure, potest, ac debetne ibidem ungi?

Affirmo cum S.D. q. 32. a. 7. Ratio: Fortè enim peccavit per voluntatem in ordine ad illud membrum, & saltem in radice habet potentias, quæ illis membris debentur. Est ergo inungendus, quanto propinquius fieri potest, ad partes illas, in quibus unctio fieri debuisset.

Estne inungendus uterque oculus, utraq; auris?

Affirmo, leclusa necessitate. Tum propter Ecclesiæ consuetudinem sub mortali obligationem; Tum etiam, quia in utraque parte viget virtus potentia: Non tamen est de essentia Sacramenti.

Ratio: Quia ex unius partis unctione sensus dicitur optimè undus. Hinc licitum est ita ungere in gravi necessitate.

CVI. Suntne etiam Episcopis, & Sacerdotibus infirmis inungendæ manus, cum jam sint unctæ in Ordinatione?

Affirmo. Ratio: Quia sunt unctiones, & olea diversæ rationis; Nam in Ordinatione Sacerdotali, unctio fit oleo Cathecumenorum; in Episcopali verò fit Chrismate.

Sed quid iudicæ de praxi, juxta quam in quibusdam Dicecesibus manus Sacerdotis, aut Episcopi infirmi ob reverentiam sacri Ordinis solum unguuntur exterius, seu in parte superiori?

Dico, Servandum esse ritum cujusvis Dicecesis, quamdiu Papa illam diversitatem non improbet. Juxta Sylvium in Rituali jussu Pauli V. edito, præcribitur, ut Sacerdotibus manus non inungantur interius, sed exterius.

CVII. Debetne Unctio fieri sub forma Crucis?

Dico, non esse de necessitate Sacramenti, cum id nullibi sit statutum, bene tamen de necessitate præcepti graviter (saltem extra necessitatem) obligantis ex Ecclesiæ consuetudine.

Ordo Unctionum ab Ecclesiâ præscriptus estne de necessitate Sacramenti?

Dico: Non est. Ratio: Quia illius ordinis

inversio non tollit perfectam hujus Sacramenti significationem.

Nonne saltem esset grave peccatum?

Affirmo, esse; quia esset contra Ecclesiæ consuetudinem in re gravi.

Quid censet de quantitate olei infundendi?

Dico, Una gutta non sufficit, sed debet perfundi saltem pars sensus.

Ratio: Quælibet unctio debet esse tanta, ut juxta communem modum loquendi sensus verè dicatur unctus: Sed ad hoc non sufficit unica gutta. Ergo.

Estne de necessitate Sacramenti, ut unctio fiat immediato contactu ministri?

Dico, non esse, sed ad fugiendam contagionem posse fieri virga oblonga verè oleo tincta, sic ut verè possit fieri unctio.

Ratio: Quia in hoc Sacramento attenditur Unctio, non instrumentum, quo fit.

Quid post unctionem agendum cum illa virga?

Dico: Si sit aurea, vel argentea, est purganda propter reverentiam Sacramenti, & in similem aliam servanda. Si sit lignea, est comburenda, & cineres in sacrarium mittendi.

QUÆRO III. Quæ est forma hujus Sacramenti?

CVIII. Resp. 1. Est hæc: Per istam sanctam Unctionem, & suam piissimam misericordiam, indulgeat tibi Deus, quidquid deliquisti per visum, auditum, olfactum, gustum, & tactum. Ita habet Ecclesiâ ex Traditione Apostolorum.

Nota, non esse de essentia, ut addatur ly in nomine Patris, & Filii, &c. Quia in hoc Sacramento non fit professio fidei ut in Baptismo: nec confertur spirituale robur ad pugnam fortiter contra hostes SS. Trinitatis, & Fidei.

Resp. 2. Forma hujus Sacramenti essentialiter est deprecativa.

Ratio ex S. Th. qu. 29. a. 8. in Sed Contra. Quia S. Jacobus efficaciam hujus Sacramenti attribuit orationi: Oratio, inquit, fidei salvabit infirmum: Sed oratio est deprecatio. Ergo.

Oppono 1. contra R. 2. Sacramenta novæ Legis physicè efficiunt id, quod significant: Sed deprecation non efficit, saltem physicè, quod significat. Ergo.

2. Formæ Sacramentorum Novæ Legis produciunt effectum ex opere operato: Sed hoc non convenit deprecationi, seu orationi. Ergo.

Ad utrumque disting. min. Deprecatio secundum se sumpta, conc. ut subest institutioni Christi, neg. Vide in Tract. de Sacram. in communi de causalitate eorum. Tract. 1. Exam. 2. num. 12.

Nota, quòd efficacia hujus, vel alterius Sacramenti non sit mensuranda ex parte operis operantis, seu Ministri, sed ex parte operis operati, & secundum valorem, & efficaciam ex

meritis Christi, cuius Personam Sacerdos gerit, Sacramenti formam proferendo. Hinc licet de essentia orationis secundum se sit aliqua attentio ad Deum, non tamen est de essentia formæ huius Sacramenti, ut formaliter forma est.

**QUÆRO IV.** Quis est effectus huius Sacramenti, & quando confertur?

**CIX.** Ante R. vide supra Tr. 1. Exam. 4. n. 47. quid in hoc Sacramento sit res tantum, Sacramentum tantum, & utrumque simul.

*Resp. 1.* Primarius, ac proprius huius Sacramenti effectus est, tollere reliquias peccatorum, id est, causare gratiam eas tollentem. Patet ex Trid. sess. 14. c. 2. Et S. Th. hic q. 30. ar. 1. in fine corp. ait: *Principalis effectus huius Sacramenti est remissio peccatorum quoad reliquias peccati, & ex consequenti etiam quoad culpam, si eam inveniat.*

*Declarat hoc ibidem:* Sicut Baptismus est quædam spiritualis regeneratio, & Pœnitentia quædam spiritualis fuscitatio, ita Extrema-Uñctio quædam spiritualis sanatio, vel medicatio. Sicut autem corporalis medicatio præsupponit corporalem vitam in medicato, ita spiritualis spiritualium. Et ideo hoc Sacramentum non datur contra defectus, quibus spiritualis vita tollitur, scilicet contra peccatum mortale, sed contra illos defectus, quibus homo spiritualiter infirmatur, ut non habeat perfectum vigorem ad usus vitæ, gratiæ, vel gloriæ. Et hic defectus nihil aliud est, quam quædam debilitas, & ineptitudo, quæ in nobis relinquitur ex peccato actuali, vel originali: & contra hanc debilitatem homo roboratur per hoc Sacramentum. Sed quia hoc robur gratia facit, quæ secum non comparitur peccatum, ideo ex consequenti, si invenit peccatum aliquod, vel mortale, vel veniale, quoad culpam tollit ipsum, dummodo non ponatur obex ex parte recipientis; sicut etiam de Eucharistia, & Confirmatione supra dictum est. Et ideo etiam Jacobus de remissione peccati conditionaliter loquitur dicens, Si in peccatis sis, dimittentur ei, scilicet quoad culpam; non enim semper delet peccatum, quia non semper invenit, sed semper remittit quoad debilitatem prædictam. Hæc S. D.

Ex his Colligitur, quid intelligatur per reliquias peccatorum. Non enim per eas intelliguntur peccata mortalia, inadvertenter in confessione omissa, vel postea, aut Viatici suspensionem commissa. Quia aliis hoc Sacramentum per se causaret gratiam primam, essetque Sacramentum mortuorum. Nec intelliguntur peccata venialia, quia & hæc, licet non primaria, sunt tamen propria materia Pœnitentiæ. Nec obligatio ad pœnitentiam temporalem dimissa culpa resistentem, quia etiam hæc spectat ad pœnitentiam ratione partis integralis ejus, quæ est satisfactio. Nec habitus vitiosi, quia hi non tolluntur nisi per actus oppositos

sæpè repetitos. Nec fomes peccati, quia ille manet in homine etiam post convalescentiam. Intelligitur ergo torpor quidam, languor, seu debilitas ad operandum bonum, causata partim ex præcedentibus peccatis, mediantibus pravis habitibus, ac dispositionibus inde relictis, partim ex ipsa infirmitate corporis, partim ex recordatione peccatorum antecessorum, & tentationibus Demonis.

Hinc effectus huius Sacramenti est augmentum gratiæ habitualis habentis speciale jus ad specialia Dei auxilia, quæ infirmum confortant, tum contra dictum languorem, tum contra Diaboli tentationes, tum ad actum supernaturalium elicentiam: & hoc est tollere reliquias peccatorum. Quæ auxilia exprimuntur per illud Jacobi: *Et alleviabit eum Dominus.*

*Resp. 2.* Effectus secundarius, & minus principalis huius Sacramenti est alleviatio quædam ægritudinis corporalis, immò interdum perfecta sanitas corporalis recuperatio, si secundum Dei providentiam (ut loquitur Trid. citatum) *saluti animæ expeditur.*

Ita Colligitur ex illis verbis D. Jacobi cit. & *alleviabit eum Dominus*, non solum in sensu ante explicato, sed & ab infirmitate corporali.

*Resp. 3.* Effectus huius Sacramenti non producit nisi post ultimam Uñctionem. Ita S. Tho. hic q. 30. ar. 1. ad 3. dicens: *Quando sunt multe actiones ordinatæ ad unum effectum, ultima est formalis respectu omnium præcedentium, & agit in virtute earum.* Et ideo in ultima Uñctione gratia infunditur.

*Ratio:* Quia hoc Sacramentum ante ultimam Uñctionem non est completum, cum omnes Uñctiones sint de essentia ejus. Ergo.

**QUÆRO V.** Quodnam est subiectum capax Extremæ Uñctionis?

**CX.** *Resp. 1.* Est solus homo baptizatus, adultus, & infirmus.

*Ratio 1. p.* Quia Baptismus est janua aliorum Sacramentorum.

*Ratio 2. p.* quam docet S. Th. q. 32. ar. 4. Quia cum in infantibus usu rationis carentibus non sint reliquæ peccatorum, non enim peccarunt per visum, auditum, &c. non sunt capaces huius Sacramenti. Effectus autem secundarius, nimirum sanitas corporalis, cessat cessante primario. Ergo.

*3. Pars patet ex verbis Apostoli: Infirmus quis in vobis?* Hinc licet sanitas spiritualis sit principalis effectus huius Sacramenti, illa tamen non datur, nisi supposita infirmitate corporali, ut patet ex S. Th. q. 32. ar. 1. ad 2.

*Resp. 2.* Probabilius est, quod hoc Sacramentum sit dandum pueris graviter infirmis, quam primum sunt dolui, ac peccati adeoque; & Pœnitentiæ capaces, licet nondum habeant sufficientem

discretionem pro susceptione Eucharistiæ.

*Ratio* : Quia hoc Sacramentum est consummativum Sacramenti Pœnitentiæ.

*Resp. 3.* Furiosis, & amentibus perpetuis non potest validè hoc Sacramentum administrari, minus licitè. S. Thom. q. 32. art. 3.

*Ratio* : Tum quia sunt sicut pueri, non quidem ætate, sed iudicio. Tum etiam quia hoc Sacramentum non datur nisi illis, qui illud aliquando agnoverunt, ut aliqualem reverentiam exhibeant. Et hoc ad differentiam Baptismi, qui est Sacramentum extremæ necessitatis, & datur contra peccatum Originale, quod non curatur in nobis ex nostro libero arbitrio, ut ait S. D. ibid. ad 2. Extrema-Unctio verò datur principaliter contra actualia peccata, & non contra reliquias peccati originalis, nisi secundum quod sunt per actualia quodammodo confortata, inquit ibid. a. 4. ad 2.

*Dixi, amentibus perpetuis*; Si enim haberent lucida intervalla, in quibus hoc Sacramentum recognoscerent, posset eis in illo statu conferri juxta S. Thom. cit. art. 3. in c.

*Oppono* : Sufficit, hominem fuisse in peccato Originali; quod probatur: Nam si daretur homo adultus, ut B. Virgo, qui tota vite, sive ante, sive post Baptismum nullum peccatum actuale commississet, illi hoc Sacramentum posset validè ministrari. Ergo.

Ad hoc negatur totum. *Ratio* est adducta pro 2. p. R. 1. & pro R. 2.

*Resp. 4.* Hoc Sacramentum non est conferendum in quavis infirmitate, sed gravi, sic ut iudicium peritorum ægritudo nata sit inducere mortem, & de periculo timeatur. Ita S. Tho. qu. 32. art. 2.

*Ratio* : Quia hoc Sacramentum est ultimum remedium, quod Ecclesia potest conferre, quasi immediatè disponens ad gloriam. Ergo debet solum dari illis infirmis, qui sunt in statu exeuntium.

Nota, hoc esse verum de periculo mortis non qualicunque, ut dum quis est ducendus ad patibulum, sed de eo, quod est ex infirmitate naturali, vel ex accepto vulnere, non tamen est expectandum, ulquedum infirmus jamjam velit exhalare animam, sed dum quando adhuc est integris sensibus, ut cum majori reverentia, & fructu recipiatur. Si tamen neglectum sit, vel infirmus repentinè sensibus destitutus, non sit sui compos, non ideo omittendum, sed dandum est, si nimirum sit talis, de quo constat, quod bene vixerit, & peteret, si usum rationis haberet. Hinc graviter peccant Parochi (ait Catechismus Romanus) qui huius Sacramenti exhibitionem differunt, usque dum infirmus sensu, & ratione privetur.

*CXI. Resp. 5.* Probabilius est, quod si quis verè sanus hoc Sacramentum susciperet, nihil susciperet, & graviter peccaret ipse, & conferens.

*Ratio* : Quia juxta dicta solus infirmus est subiectum capax huius Sacramenti, ut patet ex verbis S. Jacobi.

*Resp. 6.* In eodem morbo, & morbi statu hoc Sacramentum non est iterandum. Si verò status morbi mutetur, & mortis periculum esse desit, potest iterari, quoties redit periculum mortis, modo inter utramque Unctionem notabile tempus intercedat.

*Ratio* : Quia hoc Sacramentum, in eodem morbi statu semel susceptum, sufficit ad effectus suprà insinuos infirmo necessarios: statu verò morbi mutato, & periculo redeunte, nova medicina est necessaria. Ergo.

*Resp. 7.* Qui hoc Sacramentum ministraret infirmo laboranti communi, & ordinario, & minimè periculoso morbo, mortaliter peccaret, Sacramentum tamen esset validum.

*Ratio* : Quia Apostolus per illa verba, *Infirmatur quis in vobis?* pro subiecto capaci agnoscit eum, qui est verè infirmus. Ergo Sacramentum esset validum. Verum quia esset contra communem sensum Ecclesiæ, esset illicita administratio.

*Resp. 8.* De dispositione susipientis loquendo, debet esse in gratia.

*Ratio* : Quia Extrema-Unctio est Sacramentum vivorum.

Vide suprà, quod extet præceptum de suscipiendo in articulo mortis Sacramento Pœnitentiæ, & Eucharistiæ. Quæ duo Sacramenta possunt etiam iteratò suscipi, si infirmus post Extremam-Unctionem aliquamdiu supervivat. Vide suprà Tract. 11. Exam. 4. n. 43. an, & quomodo Eucharistia possit dari post hoc Sacramentum.

**QUÆRO VI.** Quis est Minister huius Sacramenti?

*CXII. Resp. 1.* Hoc Sacramentum a solo Sacerdote validè administrari potest, ita patet ex verbis cit. S. Jacobi, *Inducant Presbyteros*. Vide suprà in Exam. 1. n. 28. quod Diaconus, v. g. hoc Sacramentum administrans, præterquam quod nihil faciat, insuper fiat irregularis utpote exercens actum Ordinis non sui. Item in Exam. 2. nu. 68. quod Excommunicationem incurrant Religiosi, sine privilegio, aut speciali licentia Parochi Clericis, vel Laicis Sacramentum Eucharistiæ, vel Unctionis ministrare, aut Matrimonium solemnizare præsumentes.

Excipiuntur ab hac Censura meritò Religiosi pietatis zelo ducti, ex interpretativa Parochi licentia, infirmo in extrema necessitate constituto, per Sacramenti exhibitionem subvenientes.

*Resp. 2.* Si Sacerdos ante omnes Unctiones peractas moreretur, potest alius pergere, ubi prior desit, & perficere.

*Ratio* : Tum a pari de Eucharistia, si Sacerdos moreretur post Consecrationem Panis; Tum



Tum etiam quia, ut ait S. Th. q. 29. n. 2. ad 3. Ministrorum pluralitas non tollit unitatem hujus Sacramenti, quia instrumentaliter tantum operantur: mutatio autem malleorum non tollit unitatem operationis fabri.

Nota tamen hic verba, quæ S. Thom. ibidem præmittit: Quamvis in Eucharistia, si post consecrationem panis moriatur Sacerdos, alius possit procedere ad consecrationem vini, incipiens, ubi illè dimisit, vel etiam incipere a capite super aliam materiam; tamen in Extrema-Uncione non potest a capite incipere, sed debet semper procedere: quia unctio in eadem parte facta tantum valet, ac si consecraretur bis eadem hostia; quod nullo modo faciendum est. Hæc ibi.

*Resp. 3.* Hoc Sacramentum non confertur valide a pluribus Sacerdotibus, quorum unus profert formam, & alter applicat materiam. Esset tamen validum, si unus Sacerdos inungeret unum sensum, proferendo etiam formam partialem, & alter alterum, sive simul, sive successive. Quod tamen non est licitum nisi in extrema necessitate, in qua timeretur infirmus sine hoc Sacramento discessurus, nisi plures simul inungant diversos sensus.

1. *Pars* patet ex illis verbis S. Jacobi: Orent super eum ungentes, id est, qui ungit debet orare, seu verba formæ proferre.

*Ratio 2. p.* est a pari de Eucharistia, quæ substituit, si una Species consecratur ab uno, altera ab alio Sacerdote.

*Ratio 3. p.* Quia esset contra ritum totius Ecclesiæ, quæ tamen censetur descendere extrinsecè necessitati.

**QUÆRO VII.** Quanta est necessitas hujus Sacramenti, & quanta obligatio ad illud (aliaque Sacramenta) ministrandum, præsertim tempore pestis?

**CXIII.** *Resp. 1.* Hoc Sacramentum non est necessarium necessitate mediæ ad salutem. 2. Nec necessitate præcepti a Christo, vel Ecclesiæ positi. 3. Est tamen valde utile.

*Ratio 1. p.* Quia hoc Sacramentum non facit ex inimico Dei amicum; supponit enim gratiam Dei, cum sit Sacramentum vivorum. Ergo.

*Ratio 2. p.* Quia tale præceptum nullibi extat. 3. *Pars* patet ex effectibus hujus Sacramenti supra assignatis.

Ex quo sequitur, nullum sub mortali teneri ad hujus Sacramenti susceptionem seculo contemptum; sed contemptus est mortalis. Hinc S. Th. 3. p. q. 65. a. 4. ad 3. ait: Licet omnium Sacramentorum contemptus sit salutis contrarius, non tamen est contemptus Sacramenti ex hoc, quod aliquis non curat accipere Sacramentum, quod non est de necessitate salutis: alioquin omnes, qui non accipiunt Ordinem, & qui non contrahunt Matrimonium, contemnerent hujusmodi Sacramenta. Hæc ibi.

*Tribunal Confessoriorum.*

De necessitate Sacramentorum vide supra Tr. 11. Exam. 4. num. 44.

**CXIV.** *Resp. 2.* Probabilius est, quod quicumque animarum curam gerens sub mortali teneatur Extremam-Uncionem suis subditis eam petentibus dare; peccet etiam graviter, si eam differat ulquedum infirmus moriatur, vel (ut antea n. 110. R. 4. in Notabili dictum) sensibus destituitur.

*Ratio:* Quia Fideles habent jus ad hoc Sacramentum, & curam gerentes vi officii sui ad ejus ministratorem se obligarunt. Ergo.

*Resp. 3.* Ad Sacramenta ministranda strictius tenentur Parochi, quam Episcopi.

*Ratio:* Quia Episcopi sunt sicut causæ universales, quæ operantur per causas particulares sibi subjectas, uti Parochi Episcopis subiaciuntur. Ergo Episcopi non tenentur, nisi in casu valde raro, & magnæ necessitatis, ac in defectu Parochorum.

**CXV.** Certum est, quod Parochus teneatur suis Parochianis peste infectis, perse, vel per alium, etiam cum evidentissimo vitæ periculo exhibere Sacramentum Pœnitentiæ. Ita Christus Joann. 10. *Bonus pastor animam suam ponit pro ovibus suis.*

*Ratio:* Quia Parochus, ut animarum Pastor, ex officio incumbit curare, etiam cum periculo vitæ, ne ullus Parochianus defectu mediocum ad Salutem necessariorum (inter quæ est Pœnitentia) pereat. Et ad hoc quasi per contrarium (officium acceptando) censetur se obligasse. Ergo.

Ex quo sequitur, Parochum gravissimè peccare, si tempore pestis gregem suum deserat, aut aufugiat, nisi fortè cum expressa Episcopi licentia alium idoneum substituat. Immo hoc substituto, debet tamen animo esse præsens, & attendere, ut substitutus ritè faciat officium: Si idoneum Vicarium habere non possit, nequit etiam gaudere privilegio bimestris absentiae concessa a Trid. Sess. 23. c. 1. de reform. Nec potest resignare, si nequeat haberi idoneus successor. Quia sicut miles pro prælio, sic ille est conductus pro tali necessitate.

*Resp. 4.* Idem tutius, & probabilius assero de administratione Eucharistiæ per se, vel per alium, nisi tales sint circumstantiæ, quæ merito excusent.

*Ratio:* Parochus ex iustitia tenetur curare, ut Parochiani sui impleant præcepta divina, illisque non tantum in extrema, sed etiam in gravi necessitate succurrere: sed juxta dicta supra Tract. 12. Exam. 3. nu. 49. est præceptum divinum de Eucharistia, non solum aliquoties in vita, sed etiam in articulo mortis per modum Viatici sumenda. Ergo.

Nota ex Sylvio, de aliqua (licet non omnia) ex iustitia solvenda, etiam cum evidenti vitæ corporalis periculo. Tale debuit habet

miles de pugnando, vel excubias agendum cum periculo vitæ. Ita similiter in præfenti.

Dixi in R. *si periculum circumstantia excusent*; Ut 1. in calu, quo, si Parochus aliquibus daret Viaticum, esset periculum, ne alii morerentur sine confessione, utpotè, quæ magis necessaria est, quam Eucharistia. 2. Si periculum vitæ in Parocho sit valde magnum, necessitas verò communicandi in ægrotis nulla, vel modica, eod quod paulò ante communicaverit, & Parochus sic moraliter certus de puritate conscientiæ ejus, de qua scit cum esse valde sollicitum. 3. Si periculum Parochi sit grave, & perejus mortem populus destitueretur omni Pastore, qui subveniat pestiferis, & tam citò, ac faciliè non possit haberi alius.

CXVI. *Resp. 6.* Non obstante parvo quodam periculo, si illud non sit moraliter magnum, Parochus tenetur, vel per se, vel per alium suis subditis peste infectis, conferre Extremam Unionem, licet alia Sacramenta receperint.

*Ratio*: Quia hujus Sacramenti ministratio per se spectat ad officium Parochi, & licet non sit Sacramentum necessitatis, est tamen magnæ utilitatis, ut dictum est. Proinde Parochus ex consilio Medicorū sibi providet de præservativis.

*Resp. 7.* Si omnibus mediis adhibitis Parochus sine notabili vitæ suæ periculo hoc Sacramentum ministrare nequeat, communiter ad id non tenetur.

*Ratio*: Quia juxta dicta, hujus Sacramenti susceptio non cadit sub præcepto.

Dixi, *communiter non tenetur*; si enim contingat, quòd infirmus nec Sacramentum Penitentia, nec Eucharistiam suscipere potuerit, tenetur Parochus cum certo vitæ periculo ei Extremam Unionem impendere.

QUÆRO VIII. Dixisti antea, gerentem curam animarū debere tempore pestis sibi providere de mediis præservativis: quæ sunt illa?

CXVII. *Resp.* Talia media sunt scilicet. 1. Sacerdos pestiferis inserviens non utatur longa veste, ne illa eos tangat; nam & hoc tactu aliquis infici potest. 2. Non faciliè jejunos accedat eos. 3. Non nimium eis appropriet, sed odorem, nares occludendo, & maxime halitum pro possibili fugiat. 4. Sub confessione tanta distantia esse potest, quæ non impedit audientiam. 5. Antequam cubiculum intret, fenestras aperiri, aut ad purificandum aerem, & pellendos noxios odores fortem suffitum hieri curet. 6. Si possibile sit, faciat (ob rationem modò datam) poni ardentem faculam inter se, & infirmum. 7. In porrectione sacræ Communionis, caveat ne, infirmum manu, vel digitis tangat: ob, quod ei jubeat, ut os sufficeret aperiat, labia distendendo. 8. In administratione Extremæ Unionis potest uti virga oblonga oleo tincta, quæ peste cessante est combu-

renda, si sit lignea: Vel ad similem usum pro alia necessitate aservanda, si sit argentea, bene tamen semper est mundanda ex quacunque sit materia. 9. Consulat Medicos de medicinis præservativis, quas sedulo adhibeat, sic ut medicamenta spiritualia non negligat, sed prius seipsum per Penitentiam curet. 10. Sacramentis administrari non diù se detineat.

CXVIII. *Tenetur* etiam Magistratus Civilis ad illa remedia concurrere?

*Dico*; Tenetur Parochis providere de medicinis, seu antidotis, saltem pretiosioribus, ac difficilioribus. Item juxta peritorum Medicorum consilium procurare remedia pro purgando pestilente aere, ut ex plateis auferantur sordes, pestiferi accommodentur in hospitalibus, eum in finem extructi, ut constituantur Medici, Chirurgi, Pharmacopolæ, &c. Item ne pestiferorum mortuorum corpora jaceant diù inhumata, &c.

QUÆRO IX. Si pestis tempore Parochi, aliique Prælati, sive justè, sive injustè absint, aut peste laborent, vel sint quidem præsentēs, sed nolint servire, tenentur ne quicunque alii Sacerdotes?

CXIX. *Resp.* Affirmativè, nimirum teneri Lege Charitatis, & Justitiæ Legalis ministrare Sacramenta, etsi nulla animarum cura eis sit commissæ.

*Ratio*: Quia ad casum tantæ necessitatis ceassentur omnes Sacerdotes in sua Ordinatione se obligasse, & pro eo obedientiam promississe Episcopo tam Regulares, quam Sæculares, nimirum, vel expressè, vel (eo ipso, quòd sint, aut fiant incolæ, seu Diocesani) tacitè. Ergo Episcopus omnibus in eo casu potest mandare.

Nota tamen, quòd Religiosis maxime exemptis non debeat id mandare in individuo, huic, vel illi, sed Superiori, & is exponat eos, quos sciverit magis aptos.

*Quid si Prælati* alicujus Ordinis exempti nollet permittere, ut ullus suorum pareat Episcopo in eo casu mandanti, nec ipse velit quemquam exponere?

*Dico*, In tanta necessitate eos potiùs debere parere Episcopo mandanti, quàm Superiori suo.

*Ratio*: Quia in casu posito (in Q. 9.) Superior injustè contradicit.

Nota tamen, in eo casu Sacerdotes sæculares magis esse obligatos ad parendum, quàm Religiosos, & ex his non exemptos magis, quàm exemptos, ut patet, si consideretur, quid sit exemptio.

Vide luprà Tract. 7. Exam. 5. num. 83. an, & quando quis teneatur exponere vitam pro salute animæ proximi.





# TRACTATUS XV.

*De Sacramento Ordinis.*

*Seu*

## TRIBUNAL ORDINANDORUM.

### P R O L O G U S.

**D**Eus sua opera in sui similitudinem producere voluit, quantum possibile fuit, ut perfecta essent, & per ea cognosci posset. Et ideo, ut in suis operibus repræsentaretur, non solum secundum quod in se est, sed etiam secundum quod aliis influit, hanc legem naturalem imposuit omnibus, ut ultima per media reducerentur, & perficerentur, & media per prima, ut Dionysius dicit c.5. Eccles. Hier. Et ideo, ut ista pulchritudo Ecclesiæ non deesset, posuit Ordinem in ea, ut quidam aliis Sacramenta traderent, suo modo Deo in hoc assimilati; quasi Deo cooperantes, sicut & in corpore naturali quædam membra aliis influunt. Hæc sunt verba Angelici Doctoris hic qu.34. art.1. in c. Qui de Sacramento hoc agit a *Quæst. 34. Supplem. usque ad 40. inclusivè.*

### E X A M E N I.

*De Examine Tonsurandorum, & Ordinandorum, ac de prima Tonsura, ejus materia, forma, subiecto, ministro, officio, effectu, fine, obligatione, ac tempore collationis ejus.*

**Q**UÆRO I. Examinatori quærenti, quid petis? quid respondendum?  
*1. Resp. Peto examinari pro prima Tonsura, vel quatuor Minoribus, pro Subdiaconatu, &c.*

*Tenerisne te prius siliere Examini? Affirmo de omnibus tam Religiosis, quam Clericis. Nam Trid. Sess. 23. de reform. cap.7. mandat: Episcopus Sacerdotibus, & aliis prudentibus viris, petitis Divina Legis, ac in Ecclesiasticis Sanctionibus exercitatis sibi adscriptis, ordinandorum genus, personam, ætatem, institutionem, mores, doctrinam, & fidem diligenter investiget, & exa-*

*minat, id est, stridè. Unde Episcopus non satisfacit suæ conscientie, faciendo solum Examen perfunctorium, &, ut solet dici, pro forma. Hinc Episcopus, & Examinatores graviter peccant approbando ad Ordines, præsertim sacros, ignorantem.*

*Nonne cum quibusdam potest mitius agi?*

*Affirmo de Religiosis præcisè Choro deputatis, modò sciant legere, & cantare, ac intelligant, quæ legunt, & similia, quorum scientia eos facit sufficientes Ecclesiæ, & suæ Religionis Ministros. Immo potest Episcopus illis, de quorum doctrina satis constat, examen omnino remittere; quia cessat ejus finis.*

*Qualia Statuta Religio nostra quoad hoc circa nostros Prætres fecerit, videatur in nostris Constitutionibus Dist. 2. c. 14. lit. X. usque ad finem. Vide etiam dicta supra Tr. 1. Q. 1.*

*Tenerisne ipse Episcopus interesse Examini, & quis ille?*

*Dico, Teneri per se, vel (uti fit in Germania)*

Qq 4 per

per suum Vicarium. Debet autem Examen hoc institui reproprie Episcopus Ordinandi, ut statim dicitur. *Infusius*.

*Quis Episcopus debet examinare Ordinandum ex sua ad aliam Diocesim dimissum?*

*Dico:* Juxta Trid. incumbit Episcopo dimittenti, hic enim scire debet, quid, & quis pro Ecclesie sue utilitate serviat. Potest tamen illud Examen committere, vel suo Vicario, vel Superioribus dimittendi, vel aliis se judicatis idoneis, immo & Episcopo, ad quem dimittitur. Quod postremum non raro fit in Germania, præsertim dum ordinandus multum distat v. gr. studiorum causa, a proprio Ordinario.

Nota tamen, quod Episcopus ordinans dimissum, & jam examinatum, si velit, possit denuo examinare, non tamen tenere.

**QUÆRO II.** Quæ scientia est necessaria ordinando Tonsurando, & Minoribus, & ex quibus materiis est examinandus?

**II.** De Tonsurando Conc. Trid. Sess. 13. de reform. c. 4. sic statuit: *Prima Tonsura non initientur, qui Sacramentum Confirmationis non suscepunt; & Fidei rudimenta edocti non fuerint, quique legere, & scribere nesciant, & de quibus probabilis conjectura non sit, eos, non secularis Judicii fugiendi fraude, sed ut Deo fidelem cultum præstent, hoc vice genus elegisse.*

*Resp. 2.* Ad Minores Ordines non sunt recipiendi, nisi qui intelligunt saltem linguam latinam juxta Trid. ibidem c. 11. simul tamen debent scire ea, quæ ad suum cuiusvis Ordinis officium spectant; quia alii eo fungi non possunt, cum tamen teneantur. Vide de Scientia seq. Exam. 2. n. 15.

*Resp. 3.* Tonsurandi, & Minoribus initiandis solent examinari ex Rudimentis Fidei, quæ videri possunt ex Canisio, Quis sit dicendus Christianus? quod signum Christiani, nimirum Crux? quomodo hæc formanda? quæ in ea latent mysteria? explicata suprà de Baptismo Tract. 11. Exam. 5. n. 60. & 61. Item de Symbolo Apostolorum. Quotuplex sit Symbolum. De quo vide de fide Tract. 7. Exam. 1. n. 14. De Oratione Dominica ejusque partibus, & Autore. De Salutatione Angelica, & Auctoribus ejus. De præceptis Decalogi, & Ecclesiæ, & quomodo contra ea peccetur; de quo vide de Legibus in Tract. 6. Exam. 3. Item de Sacramentis in genere, & in specie quoad communia scitu necessaria; De eorum effectu primario, & secundario scilicet gratia prima, vel secunda, & Character; de quibus suprà in propriis locis actum est. De divisione Sacramenti in vivorum, & mortuorum, iterabile, & non iterabile. De quibus vide Tract. 11. Exam. 2. num. 19. & 20. Item eodem Tract. Exam. 3.

Tandem examinandi sunt de iis, quæ ad cuiusvis statum, & officium pertinent, quæ sug-

geret decursus hujus operis.

**QUÆRO III.** Quid est prima Tonsura? quæ ejus materia, & forma? quod subiectum? quis Minister? quod officium? quis effectus? quis finis, & obligatio? quod tempus collationis ejus?

**III. Resp. 1.** Prima Tonsura non est Ordo, nec Sacramentum, sed solum dispositio ad Ordines, seu præambulum quoddam; habetque se Tonsuratus respectu ordinatorum eo fere modo, quo in aliqua Religione Novitius respectu Professorum.

*Declaratur ex S. Thom. hic q. 40. ar. 3. in c. Quia prima Tonsura non est Sacramentum, nec gratiam causat, nec characterem imprimit, nec spirituales aliquam potestatem agendi aliquid circa Eucharistiam tribuit, sed solum a populo, seu seculari statu separat, Ordinum propriè dictorum, Ecclesiasticæ Jurisdictionis, Privilegiorum, ac Beneficiorum capacem facit, ad Ecclesiæ servitium, & ad psallendum in ea deputat. Vocatur autem prima Tonsura, quia est prima habitatio ad Tonsuram Clericalem deferendam: quæ postea augebitur proportionabiliter juxta majoritatem Ordinum.*

*Resp. 2.* Prima Tonsura non habet veram materiam, & formam, sed qualem.

*Ratio 1. p.* Quia non est Ordo, nec Sacramentum.

*Ratio 2. p.* Quia loco formæ habet illa verba, quæ profert Episcopus, *Dominus pars hereditatis meæ, & Calicis mei: tu es, qui restitues hereditatem meam mihi.* Et is, qui tondetur, loco materiæ habet abscissionem capillorum.

*Quid si Tonsurandus sit calvus?*

*Dico,* eam cæremoniam debere taliter, qualiter potest fieri, & hoc sufficit.

Ex his prima Tonsura sic potest definiri: *Est levis detonsio capillorum ab Episcopo Cæremonis Ecclesiasticis facta, qua masculus tyracinio mysteriorum Dei initiatur.*

*Cur Tonsura hæc fit ad modum coronæ?*

*Dico cum S. D. q. 40. ar. 1. in c. Ideo:* Quia corona est signum Regni, & perfectionis, cum sit circularis, qui autem sacris mysteriis deputantur, specialiter debent tendere ad perfectionem, & accipiunt dignitatem Regiam. Ergo. Ethinc est, quod prima Tonsura etiam vocatur Corona.

*Resp. 3.* Subiectum capax primæ Tonsuræ est Mas Christianus, seu baptizatus, & confirmatus.

*Ratio:* Quia forma sicut non est capax Ordinis, ut patet in frâ in Exam. 2. n. 13. ita nec primæ Tonsuræ, quæ est dispositio ad Ordines. Et Baptismus facit Christianum, etque janua Sacramentorum, ideoque & dispositionis ad Ordines. Ergo. Porro Confirmatio est de necessitate præcepti, graviter obligantis.

Nota, requiri certam ætatem, nimirum septennium saltem, quia requiritur usus rationis, sine eo enim non potest scire rudimenta Fidei, ille autem solet adesse in septennio.

*Qui Coronam, seu primam Tonfuram vult recipere, tenetur esse in gratia, & in eo die communicare?*

*Dico:* Est de consilio, non de præcepto.

*Ratio:* Quia juxta dicta non est Ordo, nec Sacramentum, nec gratiam caulat, potest etiam post prandium conferri.

*Qui vult tonsurari licite, tenetur esse immunis ab irregularitate?*

*Ratio* dubitandi est; Quia juxta sacros Canones Irregularitas solum impedit susceptionem Ordinum: Sed Corona non est Ordo. Ergo.

*Affirmo. Ratio est:* Licet Corona non sit Ordo, facit tamen hominem habilem, & idoneum ad Ordines, & ad alia in declaratione R. i. assignata, & quidem juxta Ecclesiæ statutum. Ergo talis peccat. Ex quo patet ad Rationem dubitandi, dist. min. Ita tamen ut sit dispositio, & janua ad Ordines, conc. secus, negatur.

*Qui vult tonsurari, quam vestem debet secum portare, ut ea induatur?*

*Dico:* Debet super brachium sinistrum portare superpelliceum, & manu dextra candelam. Quare vocetur superpelliceum, vide n. 5. in R. 2.

*Resp. 4.* Minister ordinarius, & per se primæ Tonfuræ est solus Episcopus, & quidem proprius ipsius Ordinandi, seu initiandi.

*Ratio 1. p.* Quia deputatio ad cultum divinum per sedebat fieri per summum Ministrum, ut arguit S. Thom. qu. 40. a. 2. ad 2. Dixi, ordinarius: Quia ex commissione Papæ potest esse simplex Sacerdos.

*Ratio 2. p.* Actus Jurisdictionis per se, & ordinariè non fit nisi a Ministro ordinario, & proprio: Sed conferre primam Tonfuram est actus Jurisdictionis. Ergo.

*IV. Resp. 5.* Officium Tonfurati est servare Ecclesiæ, & canere in Ecclesia. Quam ob rem vocatur etiam a quibusdam Psalmista. De Psalmistatu vide plura infra in Exam. 2. ante n. 9.

*Resp. 6.* Effectus primæ Tonfuræ est, facere Clericum, ac capacem jurisdictionis Ecclesiasticæ, privilegiorum, & beneficiorum, prout in Declaratione R. i. n. 3.

*Resp. 7.* Finis Coronæ, seu primæ Tonfuræ juxta ante dicta ex Tridentino est, *Fidelem Deo cultum præstare.*

Ex quo sequitur, graviter peccare eum, qui suscipit Coronam præcisè idèò, ut fugiat forum seculare, ut patet ex Trid. cit. Quia agit contra mentem Ecclesiæ, & non præstat Deo fidelem cultum. Et gravius peccatum est, si simul alatur ex proventibus Ecclesiæ: sicut si quis ingrederetur Religionem animo non ma-

nendi, mortaliter peccaret, quia contra Religionis voluntatem alitur expensis ejus.

*Quid si quis prima Tonfura insigniatur sine intentione ascendendi ultra?*

*Dico:* Non peccat cæteris paribus.

*Ratio:* Tum quia id nullo jure divino, aut humano prohibetur. Tum quia illegitimus ex dispensatione Episcopi potest promoveri ad Minores, & ad simplex Beneficium, qui tamen non potest ascendere ultra, nisi altior dispensatio detur.

*Quid si Tonfuratus absque ulla speciali causa nubat?*

*Dico,* peccare venialiter. *Ratio:* Quia deserit statum, quem aliquo saltem modo implicitè promisit Ecclesiæ. Vide supra Tract. 7. Exam. 3. n. 66. de eo, quia ab Ordinibus Minoribus retrocedit ad Laicum.

*Resp. 8.* Pro Clerico præcisè tonsurato non est alia specialis obligatio, quàm deferendi habitum, & tonfuram.

*Ratio:* Quia nullibi in jure invenitur alia.

Dixi, præcisè tonsurato; Si enim habeat Beneficium, vel sit Religiosus Choro addictus, tenetur ad horas. Ad castitatem tenetur ea ratione communi, qua quisvis etiam Laicus.

An, & quomodo Clericus habens, vel non habens Beneficium, in Minoribus, vel in sacris constitutus, teneatur portare Tonfuram, vel Clericam vide supra Tract. 7. Exam. 3. num. 55. 56. & 57.

*Resp. 9.* Pro conferenda Corona non est statutum certum tempus, sed potest conferri quotidie, sive dies festus sit, sive non: potest etiam conferri simul cum Minoribus.

*Qui Coronam suscipit in aliqua censura, fitne ex hoc Irregularis?*

*Dico:* Non fit. *Ratio:* Quia nullibi in Jure statutum est.

**QUÆRO IV.** Dixisti ante, quod effectus Coronæ sit esse Clericum, die mihi, quid est Clericus, vel Clericatus? quæ ejus vestis, quæ privilegia? quæ eis prohibita?

*V. Resp. 1.* Beatus Isidorus relatus in cap. i. dist. 21. ait: Clericos hinc appellatos credimus, quia Mathias sorte electus est, quem primum per Apostolos legimus ordinatum. Clericos enim græcè, *Sors* latinè, vel hæreditas dicitur. Propterea ergo dicti Clerici, quia de sorte Domini sunt, vel quia Domini partem habent. Generaliter autem Clerici nuncupantur: qui in Ecclesia Dei deserviunt: Hæc ille. Hinc Clericatus est status, vel dignitas eorum, qui ad cultum Dei sunt deputati.

*Resp. 2.* Vestis Clerici præcisè tonsurati est superpelliceum, quo ab Episcopo tondente induitur. Vocatur superpelliceum idèò, quia olim solebat deferri super tunicas pelliceas de pellibus animalium factas. Amplitudo ejus significat innocentiam

vitz, quæ relucere debet in Clericis.

\**Resp. 3.* Duo specialia sunt privilegia Clericorum. Unum dicitur *fori*, alterum *Canonis*. Primum est extractio a foro, seu iudicio sæculari, ac civili ad Ecclesiasticum, ad quod reducitur immunitas, seu exemptio a tributis, sive gabellis, exactionibus, &c. auctoritate laici impositis, etiam quoad bona patrimonialia, nisi sint res negotiationi expozitæ, & quidem non probo Ecclesiæ. De quo vide Tract. 6. Exam. 5. n. 80. in Suppono 2. Alterum, scilicet Canonis, est, *Quo si quis suadente Diabolo* Clericum percutiens sit excommunicatus: De quo vide Tract. 14. Exam. 2. nu. 68. ubi explicatur hæc excommunicatio, & quis intelligatur nomine Clerici.

Nota, quod iuxta Trid. Sess. 23. c. 6. nullus prima Tonsuræ initiatus; aut in Minoribus existens privilegio fori gaudeat, nisi beneficium Ecclesiasticum habeat, aut Clericalem habitum, & Tonsuram defersit alicui Ecclesiæ ex mandato Episcopi inserviat, vel in Seminario Clericorum, aut in aliqua Schola, vel Universitate de licentia Episcopi, quasi in via ad majores Ordines suscipiendos versetur.

VI. *Resp. 4.* Clerici in specie varia sunt prohibita.

*Primò* crapula, & ebrietas, excessiva convivia, publicæ tabernæ, ut nimirum has non frequent, nisi ex causa itineris. Vide Tract. 5. Exam. 3. n. 83. & seq. de Clerico beneficiato, qui ex crapula infirmatus, est impotens ad horas dicendas.

*Secundo* Clericis prohibetur agere histrionibus, incedere larvatos, induere habitum personarum, immò & intendere nimium histrionibus, choreis, obsecratis comediis, & similibus.

*Tertiò* Clericis prohibetur, ne ludant ad aleas vel taxillos, quo nomine intelligitur talis ludus, qui fortuna magis, quam arte regitur. Immo & prohibetur eis generaliter ludus chartarum, si non sit recreationis, sed lucris causa, & frequenter, ac cum periculo scandalis, vel amissione temporis divini cultui, aut studiis impendendi, vel pro pecunia respectu Ecclesiæ acceptæ, & pauperibus eroganda. De ludo vide supra Tract. 8. Exam. 4. n. 77. & seqq.

*Quartò* Gestatio armorum, puta, proditorum, & offensivorum, ac incessus instar laici, aut militis armati. Si tamen Clerici transeant in itinere, per loca periculosa, non est eis illicitum pro sua defensione, & ad hostium, vel latronum terrorem arma portare. Vide supra Tract. 7. Exam. 7. num. 124. de Clericis bellantibus. Et ibid. num. 125. de assistentibus in bello.

*Quintò* Prohibetur Clericis sordida avaritia, ne nimium intendant corradaendis divitiis. Vide supra Tract. 7. Exam. 6. n. 89. quomodo Clerici teneantur ad elemosynas. Item de dominio Clericorum, quæ teneantur erogare in paupe-

res. Ad extirpandam avaritiam Joannes XII. in Extravag. *Spondes. De crimine falsi*, generaliter quidem omnibus in specie verò Clericis sub pena privationis beneficiorum, & inhabilitationis ad ea imposterum obtinenda prohibuit Alchymiam, & aurum, vel argentum per eam factum, cum sit sophisticum, & falsum.

*Sextò* Sordida mercatura, prout explicatum est supra Tract. 9. Exam. 9. n. 81.

*Septimò* Venatio, prout explicatum est Tr. 8. Exam. 3. n. 41.

*Octavò* Pronunciare sententiam sanguinis, aut illis interesse. De quo actum est supra Tract. 9. Exam. 3. n. 19. & 20.

Plura alia Clericis prohibita, videantur in DD.

## EXAMEN II.

*De Ordine in Genere. De eius existentia, essentia, institutione, divisione, materia, & forma, effectu, subiecto, requisitis, Ministro tempore, & loco Ordinationis.*

**Q**UÆRO I. Daturne in Ecclesia Ordo? Estne Sacramentum? Quid est? quando institutus? & quotuplex?

VII. *Resp. 1.* Datur Ordo in Ecclesia. Est de fide; Et S. Thom. q. 34. a. 1.

*Ratio* S. D. est adducta in prologo hujus Tractat. Et in Sed Contra sic arguit: Quæ sunt, a Deo, ordinata sunt, Rom. 13. Sed Ecclesia a Deo est, quia ipse eam edificavit Sanguine suo. Ergo Ordo in Ecclesia esse debet.

*Resp. 2.* Ordo est Sacramentum. Est de fide contra hæreticos; & est S. Thomæ a. 3. q. cit.

*Ratio*: Sacramentum in communi supra Tractat. 1. Exam. 1. n. 1. definitum fuit, quod sit signum sensibile rei sacræ sanctificantis homines, seu cæremonia sensibilis permanentiter instituta, habens infallibilem promissionem gratiæ ejus usu infallibiliter conferendæ: Quæ definitio ibidem explicata fuit. *Subjuncto*: Sed Ordo, seu Ordinatio habet hæc tria. Ergo. Min. prob. Imprimis est cæremonia, seu signum sensibile, ut patet, nimirum vel impositio manus, vel externa traditio materiæ, seu instrumenti cuiusdam, v.g. Candelabri, vel Calicis, &c. 2. Est signum permanentiter institutum: Quia ritus ille institutus ministris Ecclesiæ continua Ecclesiæ praxi ad nos est derivatus ab Apostolis: sicut enim Christus Ecclesiam suam voluit esse perpetuam, ita & ordinum dignitates noluit in Apostolis finire, sed in successores transferri. 3. Quod adde infallibilis promissio, & collatio gratiæ, patet ex illo 1. ad Tim. 4. Noli negligere gratiam, quæ in te est, quæ data est tibi cum prophetia, cum impositione manuum Presbyteri.

rii, id est cœtus Presbyterorum cum Episcopo Ordinate super caput Ordinandi in Presbyterum manus imponentium. Ergo, &c. Sed de hoc plura dicere spectat ad Controversistas.

Nota, quodd, sicut in quovis Sacramento tria distinguuntur, nimirum Sacramentum tantum. 1. Res tantum. 2. Res, & Sacramentum simul; Ita & in hoc primum est externus ritus, seu Ordinatio. 2. gratia. 3. Character. De quovide Tr. 11. Exam. 4. n. 47.

Resp. 3. Ordo, ut est Sacramentum, physice definitur sic: Est externa sacra Cæremonia sub præscripta verborum forma, qua traditur potestas spirituale aliquod ministerium exercendi, simulque gratia sanctificans ad illud ritè obeundum. Metaphysice verò cum S. Th. q. cit. ar. 2. & Mag. Sent. definitur sic: Ordo est signaculum quoddam, seu Sacramentum a Christo institutum, quo spiritualis potestas traditur ordinato exercendi ministerium Ecclesiasticum, simulque gratia, &c.

Resp. 4. Ordo, de quo hic agitur, potest dupliciter sumi. Primò pro ipsa externa ordinatione, quam Episcopus facit, seu pro actione, siue portione alicujus rei, seu materie sub certa verborum forma. Secundo pro ipsa potestate Ordinis, seu caractere impresso animo. Hoc secundo modo non est ipsum Sacramentum, quia non est signum sensibile; bene tamen primo modo, quia sic habet omnia ad rationem Sacramenti requisita, eique convenit data Sacramenti definitio.

Hinc cum S. D. q. cit. ar. 2. ad 1. ait: Quid Character interior sit essentialior, & principalior ipsum Sacramentum Ordinis. Loquitur de Sacramento Ordinis in facto esse, sumendo effectum pro causa: nobis verò hic sermo est de eo in fieri, est enim Sacramentum consistens in usu, non verò formaliter in reparente.

Resp. 5. Sacramentum Ordinis est a Christo institutum in ultima Cœna. Luc. 22. Hoc facite in meam commemorationem.

Ratio ibidem. Primò propter Dei Sapientiam commendandam, quæ in distinctione rerum ordinata maxime relucet, tam in naturalibus, quam in spiritualibus; quod significatur in hoc, quod Regina Saba videns ordinem ministrantium Salomoni, non habebat ultra spiritum, deficiens in admiratione sapientiæ illius: 3. Reg. 10. Secundo ad subveniendum humanæ infirmitati, quia per unum non poterant omnia, quæ ad divina mysteria pertinebant, expleri sine magnogravamine: Tercio ut via proficiens hominibus amplior detur, dum plures in diversis Officiis distribuuntur, ut omnes sint Dei Cooperatores, quo nihil divinius, ut Dionysius dicit. Hæc S. D.

VIII. Resp. 7. Septem sunt Ordines in Ecclesia, scilicet Sacerdotium, Diaconatus, Subdiaconatus, Acolytatus, Osiariatus, Lecturatus, Exorcistatus. Ita S. D. q. cit. ar. 2.

Declaratur ibidem: Sacramentum Ordinis or-

dinatur ad Sacramentum Eucharistiæ, quod est Sacramentum Sacramentorum. Sicut enim templum, & altare, & vestes, ita & ministri, qui ad Eucharistiæ ordinantur, consecratione indigent; & hæc consecratio est Sacramentum Ordinis. Ergo distinctio Ordinum est accipienda secundum relationem ad Eucharistiæ. Subsumo: Sed hæc relatio sit 7. modis. Ergo. Min. prob. Potestas Ordinis, aut est ad consecrationem Eucharistiæ, aut ad aliquod ministerium ordinatum ad eam: Si primo modo, est Ordo Sacerdotum. Et ideò, cum illi ordinantur, accipiunt Calicem cum vino, & panem cum pane, accipientes potestatem confectionis Corpus, & Sanguinem Christi; Si verò est ad aliquod ministerium, hoc est vel in ordine ad ipsum Sacramentum, vel in ordine ad suscipientes. Si primum, hoc fit tripliciter; Primò enim est ministerium, quo minister cooperatur Sacerdoti in ipso Sacramentum, quantum ad dispensationem, & hoc pertinet ad Diaconum, cujus est ministrare Sacerdoti, in omnibus, quæ aguntur in Sacramentis Christi. Unde & ipse Christi Sanguinem dispensat. Secundo est ministerium ordinatum ad materiam Sacramenti ordinandam in sacris vasculis ipsius Sacramenti, & hoc pertinet ad Subdiaconum. Et ideò accipiunt Calicem de manu Episcopi, sed vacuum, cum ordinantur. Tercio est ministerium ordinatum ad præsentandam materiam Sacramenti, & hoc competit Acolyto; ipse enim urceolum cum vino, & aqua præparat. Unde & in ordinatione accipit urceolum vacuum.

Ministerium ad preparationem recipientium ordinatum non potest esse nisi super immunos, quia qui mundi sunt, jam sunt ad Sacramenta idonei. Triplex autem est genus immunorum: Quidam sunt omnino inideles, credere nolentes, & hi totaliter, etiam a visione divinum, & a cœtu Fidelium arcendi sunt; & hi pertinent ad Osiarios. Quidam autem sunt volentes credere, sed nondum instructi, scilicet Cathecumeni; & ad horum instructionem ordinatur Ordo Lectorum, qui debent tradere rudimenta fidei, & legere Prophetias Veteris Testamenti. Quidam verò sunt Fideles, & instructi, sed impedimentum habentes ex dæmonis potestate, scilicet energumeni. Et ad hoc ministerium est Ordo Exorcistarum. Ergo.

Nota ex S. Thom. ibidem ad 5. quod Psalmistatus non sit Ordo, sed officium Ordini annexum. Quia enim Psalmi cum cantu pronunciantur, ideò Psalmista dicitur Cantor. Cantor autem non est nomen Ordinis specialis; tum quia cantare pertinet ad totum Chorum, tum quia non habet aliquam specialem relationem ad Eucharistiæ Sacramentum: quia tamen officium quoddam est, inter Ordines largo modo acceptos quandoque computatur.



*IX. Resp. 8.* Ordines bene distinguuntur per sacros, & non sacros. Ita S.D. q. cit. a. 3.

*Declarat hoc* dicens: Ordo dupliciter dicitur facer, uno modo secundum se, & sic quilibet Ordo est facer, cum sit Sacramentum quoddam. Alio modo ratione materiæ, circa quam habet aliquem actum circa remalem consecrationem, & sic sunt tantum tres Ordines sacri, scilicet Sacerdotium, & Diaconatus, qui habent actum circa Corpus Christi, & Sanguinem consecratum: & Subdiaconatus, qui habet actum circa vasa consecrata. Et ideo etiam eis continentia indicitur, ut sancti, & mundi sint, qui sancta tractant. Hæc ibi.

Et in Sed Contra scilicet arguit S. Th. Ordines sacri impediunt Matrimonium contrahendum, & dirimunt jam contractum (prout infra in loco proprio explicabitur in Tr. 16. Exam. 6. n. 69.) Sed hoc non habent quatuor Ordines inferiores. Ergo non sunt Ordines sacri. Vide infra in hoc Tr. Ex. 8. n. 128. de cælibatu Clericorum.

His adde, paulo aliter dici posse, quod majores Ordines sint sacri ex duplici titulo. 1. Quia propinquius accedunt ad Eucharistiam, ad quam omnes Ordines sunt instituti. 2. Quia habent annexum votum solenne castitatis, quo specialius, & firmitus Deo consecrantur, qui iis insiguntur. Subdiaconatus in primitiva Ecclesia non erat facer secundo titulo, quia non erat ei annexa obligatio castitatis, uti nunc ex statuto Ecclesiæ: erat tamen facer primo titulo, quia ad Eucharistiam accedit proximius quam 4. Minores. Vide infra Ex. 8. ante n. 131.

*Suntne omnes Ordines propriè Sacramenta?*

*Ratio dubitandi est:* Quia aliàs essent plura Sacramenta, quam septem.

*Dico:* Quilibet Ordo est Sacramentum.

*Dico:* Quia convenit eis definitio Sacramenti superius data, causant omnes gratiam, & imprimunt characterem.

Nec tamè ex hoc sequitur, quod sint plura Sacramenta quam 7. Quia Ordines Sacerdotii inferiores non sunt Sacramenta totalia, sed solum partialia, constituenta unum totale, scilicet Sacerdotium, ad quod omnes alii Ordines referuntur vel ut ad finem, ut ante explicatum est. Unde sunt unum Sacramentum unitate finis.

**QUÆRO II.** Quæ, & quod duplex est materia, ac forma Ordinis? qualis requiritur contactus? quis est effectus? Estne iterabilis?

*X. Resp. 1.* Materia cuiusvis Ordinis est duplex; una remota, altera proxima. Prima est illud instrumentum, quod ordinando ab Ordine traditur, per quod actus Ordinis designatur, & in ejus traditione character imprimitur. Secunda ejus traditio. De quo vide supra Tr. 11. Exam. 1. nu. 3. R. 2. ubi cuius Sacramento in particulari assignatur utraque materia. Forma sunt verba Episcopi, significantia potestatem, quæ ordinato datur.

*Resp. 2.* Probabilior, & tutior sententia docet, quod non sufficit moralis contactus materiæ, sed requiratur physicus. Ita S. Th. hic q. 34. ar. 5. ad 3. dicens: *Porrectio materiæ magis est de essentia Sacramenti, quam tactus, tamen ipsa verba forma videntur ostendere, quod tactus materiæ sit de essentia Sacramenti; quia dicitur, Accipe hoc, vel illud.*

*Ratio est:* Quia aliàs (ut ait Gonet) materia non videtur sufficienter applicari ordinando, est enim res physica. Ergo videtur exigere contactum physicum. Et hoc confirmat sollicitudo, quam omnes prudentes Ministri hujus Sacramenti adhibent, ut ordinandus physicè materiam tangat. Ergo.

*XI. Resp. 3.* Non est necessarius contactus physicus immediatus cuiusvis materiæ.

*Ratio:* Vinum in calice contentum spectat ad materiam Sacerdotii necessariam, & tamen non tangitur physicè immediate ab ordinando, sed sufficit tangere calicem. Quia juxta communem hominum usum, qui tangit continens, censetur etiam tangere contentum. Communitur tamen observatur, quod panis patenæ superpositus immediatè tangatur.

Ex quo sequitur, quod valori non obstat, licet sit contra reverentiam, si manus tangentis sit cooperta strophio, vel chirotheca. Quia verè est contactus. Nec est de essentia tactus utraque manu factus, immò sufficit tactus unius digiti obeandem rationem. De hoc vide plura infra de materia Presbyteratus, & Diaconatus.

*Resp. 4.* Effectus cuiusvis Ordinis est duplex, unus primarius, seu principalis, scilicet gratia sanctificans secunda. Alter secundarius, scilicet character, qui imprimitur in quovis Ordine, ita ut nullus Ordo sit iterabilis. Posset addi tertius effectus, scilicet collocatio in certo statu, vel gradu, sed de eo patet ex dictis de prima Tonsura.

*1. Pars* de gratia constat ex dictis, quia omne Sacramentum in subiecto ritè disposito causat gratiam sanctificantem, & quidem secundam, si sit Sacramentum vivorum: Sed, ut probatum est, quilibet Ordo est Sacramentum, & quidem vivorum. Ergo.

Aliam pulchram rationem dat S.D. hic q. 35. ar. 1. in c. & ad 2. & ad 3. Ubi eam inveniet, qui sciendi cupidus est.

*2. & 3. Pars* ab eodem S.D. ibid. ad 2. docetur, & probatur sic: Omne Sacramentum, in quo non imprimitur character, est iterabile: Sed nullus Ordo est iterabilis. Ergo quilibet Ordo imprimit characterem.

Multa hic dicenda essent de Characterem, nimirum per quæ Sacramenta imprimatur, quid sit, in quo subiecto sit, an sit indelebilis, an maneat in Cælo, & in Inferno? an fuerit in Christo? quæ omnia habes supra Tr. 11. Exam. 3.

**QUÆRO III.** Quodnam est subiectum capax Ordinis? seu quæ sunt requisita ad validam,

lidam, & licitam receptionem ejus?

**XII. Resp. 1.** De necessitate est, ut sit mas, & baptizatus. De præcepto est, ut sit confirmatus. Vel, ut S. D. hic q. 3. s. a. 4. loquitur, Character baptismalis præsupponit susceptioni Ordinis de necessitate Sacramenti, Confirmatio de congruitate.

*Ratio 1. p.* est ex S. Thom. hic q. 39. a. 1. in c. Clericatus est quædam dignitas, & præminencia præ cæteris Fidelibus: Sed ea non convenit mulieribus. Ergo. Min. prob. 1. Juxta Apost. 1. Cor. 14. mulieres debent esse subditæ viris, & tacere in Ecclesia. Ergo multo minus possunt viris ministrare Divina. 2. Jura variis in locis mulieribus, etiam Sanctorum alibus, prohibent intra cancellos altaris consistere, aut Sacerdoti ministrare ad Missam, aut sacra vasa tangere. Ergo a fortiori divina ministeria peragere.

Hinc etsi Deipara quoad sanctitatem fuerit excelsior Apostolis: non tamen illi, sed istis claves Ecclesiæ a Christo commissæ sunt. Nec Christus eam, aut ullam mulierem admisit, quando in ultima Cæna discipulos ordinavit, nec quando post Resurrectionem Joan. 20. potestatem absolvendi a peccatis dedit.

In primitiva quidem Ecclesia quædam semine fuerunt dicte Diaconissæ, & Presbyterissæ, Episcopissæ, &c. non quod fuerint ordinate, sed denominatione sumpta a viris, seu quia erant uxores Episcoporum, Presbyterorum, Diaconorum ductæ ante Ordinationem, quæ postea quoad thorum a viris separatæ cælibem cum iis vitam agebant. Item juxta S. Tho. q. 39. cit. a. 1. in c. fuerunt aliquæ cum quadam benedictione (sine tamen Ordinatione) deputatæ ad recitandas homilias in officio Monialium, hinc dicte Diaconissæ ab actu Diaconi, cujus est legere homilias. Abbatisa defacto ita vocatur a Prælatione, seu Præfectura. Virgines dicuntur sacræ a voto.

Quod Hæretici obijciunt de Joanna Papissa, fabula est, merum signum, ut clarè demonstrant Auctores. Vide suprâ Tract. 6. Exam. 5. n. 55. & seq. an femina sit capax Jurisdictionis spiritualis.

*Ratio 2. p.* Quia Baptismus est janua omnium Sacramentorum.

3. Pars de Confirmatione patet ex Trid. Sess. 23. de reform. c. 4.

**XIII. Resp. 2.** Hermaphroditus, in quo prævalet sexus femineus, invalidè ordinatur. Si prævalet sexus virilis, ordinatur quidem validè, sed illicitè, & est irregularis.

1. Pars constat, quia tunc simpliciter est femina.

2. & 3. Pars patet suprâ Tract. 14. Exam. 1. n. 33.

*Resp. 3.* Quid in adulto Ordinem recipiente, & qualis requiratur intentio, patet suprâ Tract. 11. Exam. 4. nu. 36. Quod autem in infante

sufficiat intentio Ecclesiæ, sicut in Baptismo, & Confirmatione, statim dicitur.

**XIV. Resp. 4.** Parvulante usum rationis illicite quidem, validè tamen suscipiunt quoscunque Ordines, non tamen Episcopatum formaliter lumpsunt.

*Declarat hoc Ang. Doct. hic q. 39. a. 2. in c. dicens:* Per pueritiam, & alios defectus, quibus tollitur usus rationis, præstatur impedimentum actui: & ideo omnia illa Sacramenta, quæ actum requirunt suscipientis Sacramentum, talibus non competunt, sicut Pœnitentia, Matrimonium, & hujusmodi. Sed quia potestates infusæ sunt priores actibus, sicut & naturales, quamvis acquisitæ sint posteriores, remoto autem posteriori non tollitur prius; ideo omnia Sacramenta, in quibus non requiritur actus suscipientis de necessitate Sacramenti, sed potestas aliqua spiritualis divinitus datur, possunt pueri suscipere, & alii, qui usum rationis carent: hac tamen distinctione habita, quod in minoribus Ordinibus requiritur discretio tempore de honestate propter dignitatem Sacramenti, sed non de necessitate præcepti, neque de necessitate Sacramenti. Unde aliqui, si necessitas adsit, & spes profectus, ad minores Ordines possunt ante annos discretionis promoveri sine peccato, & suscipiunt Ordinem: quia quamvis tunc non sint idonei ad Officia, quæ eis committuntur, tamen per assuefactionem idonei redduntur. Sed ad majores Ordines requiritur usus rationis, & de honestate, & de necessitate præcepti propter votum continentie, quod habent annexum, & quia etiam eis Sacramenta tractanda committuntur. Sed ad Episcopatum, ubi etiam in corpus in multis accipitur potestas, requiritur actus suscipientis curam animarum pastorem, & ideo est etiam de necessitate consecrationis Episcopalis, quod usum rationis habeat. Quidam autem dicunt, quod ad omnes Ordines requiritur usus rationis de necessitate Sacramenti; sed eorum dictum ratione, vel Auctoritate non confirmatur. Hæc ibi.

*Ratio ex his patet,* quia materia hujus Sacramenti, ut & Baptismi, Confirmationis, & Eucharistiæ non pendet ex actibus suscipientium, uti pendet in Pœnitentia, & Matrimonio. Ergo sufficit intentio Ecclesiæ, & quod ordinandus non repugnet.

Non tamen, quod infans sic ordinatus, factus adultus non teneatur persistere in statu Clericali, aut continentiam servare, sed possit nubere, quia nemo independenter a propria voluntate potest obligari ad votum continentie.

*Oppono:* Ordinandus debet potestatem sibi datam liberè acceptare, Episcopus enim dicit, *Accipe potestatem*, &c. Sed infans nequit sic accipere, cum careat libertate. Ergo.

*Ad hoc dist. maj.* Si sit potestas data per modum



dum contractus, pacti, vel donationis, conc. maj. si detur solum per modum efficacis operationis, & per modum impressionis, uti in presenti, neg. maj. Sic enim sufficit merè passivè se habere, ut patet in Baptismo, & Confirmatione, in quibus tamen imprimitur character, ut potestas ad alia Sacramenta recipienda, & Fidem profitendam.

*Resp. 5.* De amente, qui nunquam fuit compos rationis, idem est ac de infante. Quia verò aliquando ulum rationis habuit, & in eo Ordinem petiit, ordinari validè potest; secus, si non petiit. Vide similia suprà Tract. 11. Exam. 5. n. 63.

*Ratio 1. p.* Quia talis ratio est perpetuò infans.

*Ratio 2. & 3. p.* Sacramenta, quæ non sunt necessitatis, sed tantum voluntatis, censentur repelli, si non fuerint petita tempore, quo poterant liberè peti, secus, si petita fuerint. Ergo.

*XV. Resp. 6.* Ad Ordines debite, ac licite suscipiendos adhuc varia ex parte ipsius Ordinandi requiruntur.

*Declaratur:* Requiritur primò status gratiæ. Quia quilibet Ordo est Sacramentum vivorum, causans gratiam secundam. Ergo si suscipiatur in peccato mortali, committitur novum mortale.

*Secundo* Prærequiritur prima Tonsura, hæc enim est dispositio ad Ordines, ut patet ex dictis in Examine præcedenti.

*Tertiò.* Requiritur certa ætas, quæ pro Minoribus ad minus debet esse septennium, ob rationem de prima Tonsura datam in Exam. 1. n. 3. in Not. post R. 3. *Ætas* ad majores Ordines requisita statuitur a Trid. Sess. 23. de reform. c. 12. his verbis: *Nullus in posterum nisi Subdiaconatus Ordinem ante vigesimum secundum, ad Diaconatus ante vigesimum tertium, ad Presbyteratus ante vigesimum quintum ætatis annum promoveretur.* Sufficit tamen, quòd annus prædictus sit inchoatus. Ad Episcopatum requiruntur triginta anni completi.

Computatur hæc ætas non a die conceptionis (is enim rardè citari potest) sed a die natiuitatis iuxta communem usum. Sufficit autem compleri etiam unica hora ante Ordinationem, quia ætas est verè completa: sed non sufficit compleri hora post Ordinationem. Quando enim in jure pro forma, & de præfenti requiritur aliqua qualitas, seu attingentia, non valet illud axioma: *Parum pro nihilo reputatur.* Quod parum distat, nihil distare videtur. Si de ætate dubites, ordinari licitè non potes, ut patet ex dictis in Tract. 2. de conscientia. Ex. 1. n. 15. in hac ætate dispensat solus Papa, vel alius ex commissione ejus.

*Quarto* Requiritur probitas vitæ, & sufficientis scientia. Unde Trid. loc. cit.: *Sciatis Episcopi, non singulos in ea ætate constitutos debere*

*ad hos Ordines assumi, sed dignos duntaxat, & quorum probata senectus sit.*

De Bonitate vitæ sic ait S. Thom. q. 63. a. 1. in c. Cum in quolibet Ordine aliquis constituitur, dux alii in rebus divinis, quasi præsumptuosus mortaliter peccat, qui cum conscientia peccati mortalis ad Ordines accedit. Et ideo sanctitas vitæ requiritur ad Ordinem de necessitate præcepti, sed non de necessitate Sacramenti. Unde si malus ordinatur, Ordinem habet, sed cum peccato. Hæc ibi.

De scientia, & ejus qualitate sic loquitur a. 2. in c. In quolibet actu hominis, si debet esse ordinatus, oportet, quòd ad sit directio rationis. Unde ad hoc, quòd homo Ordinis officium exequatur, oportet, quòd habeat tantum de scientia, quòd sufficiat ad hoc, quòd dirigatur in actu Ordinis illius. Et ideo etiam talis scientia requiritur in eo, qui debet ad Ordines promoveri, & non quòd universaliter in tota Scriptura sit instructus; sed plus, vel minus, secundum quoad plura, vel pauciora se ejus officium extendit, ut scilicet illi, qui aliis præponuntur, curam animarum suscipientes, scientia, quæ ad doctrinam Fidei, & morum pertinet, & alii scientia ea, quæ ad executionem suis Ordinis spectant. Hæc ibi. Vide in Exam. 2. n. 2. R. 2.

*Quinto* Requiritur, ut Ordinandus sit ingenuus, seu liber, seu non sit servus, seu mancipium. De hoc S. Tho. ibid. a. 3. sic dicitur: In susceptione Ordinis mancipiatur homo divinis officiis, & quia nullus potest alteri dare, quòd suum non est, ideo servus, qui non habet potestatem sui, non potest ad Ordines promoveri; Quia libertas non est de necessitate Sacramenti, licet sit de necessitate præcepti, cum non impediatur potestatem, sed actum tantum. Et similis ratio est de hominibus, qui sunt aliis obligati, ut rationis detenti, & hujusmodi personæ. Hæc ibi.

Nota ex S. Tho. ibid. ad 5. Si servus est promotus scientie domino suo, & non reclamante, ex hoc ipso efficitur ingenuus: Si autem eo nesciente, tunc Episcopus, & ille, qui præsentavit, tenentur domino in duplum, quàm sit pretium servi, si sciverant ipsum esse servum alius si servus habeat peculium, debet se ipsum redimere, alioquin reduceretur in servitutem domini sui, non obstante quòd Ordinem suum exequi non potest. Hæc S. D.

Accedit quòd servus sit irregularis. De quo statim plura.

*Sextò.* Requiritur, ut ordinandus non habeat ullum impedimentum canonicum, uti est v. g. Irregularitas, ut patet ex definitione ejus data suprà Tract. 14. Exam. 1. n. 27.

Hic revivenda sunt omnia, quæ ibidem de irregularitate sunt dicta, & quoniam sunt irregulares. 1. infames. 2. bigami. 3. ex opere vitiiati, ut

gibbosi, claudi, cæci, balbi, monstrosi, castrati, mutilati, epileptici, dæmomiaci, phrenetici, amentes. 4. illegitimè nati. 5. servi, seu mancipia. 6. homicidæ, aut ad homicidium etiam iustum cooperatores. Quæ omnia ibidem sunt explicata. Et hi omnes arcentur a susceptioe Ordinum, priusquam cum eis dispensetur.

*Septimò.* Requiritur, ut non sit ligatus eo sacra excommunicatiois; si enim in ea quis Ordinem (etiam minorem) suscipiat, manet ab eo suspensus. Hanc suspensionem aliqui vocant irregularitatem.

*Octavò.* Nemo potest licitè suscipere Ordinem superiorem, nisi prius acceperit inferiorem, quia non licet; sed peccatum mortale est, ordinarì per saltum, id est, prætermisso Ordine priore. Nam etsi non de necessitate Sacramenti (cùm Ordo superior inferiorem virtualiter, vel eminenter contineat, & ob id ordinatio sit valida bene tamen de necessitate præcepti Character unius Ordinis præsupponit Characterem alterius.

*Nonò.* Non potest quis (absque dispensatione) licitè ordinari, nisi temporibus ab Ecclesia statutis. De quibus postea n. 34. & 35.

*Decimò.* Ut servet certa temporum interstitia. De quibus dicitur postea ibidem.

*Undecimò.* Ad Ordines licitè suscipiendos requiritur animus clericandi, id est, a Minoribus non recedendi sine justa causa; quia aliàs peccabit saltem venialiter ob rationem supra in Exam. 1. n. 4. de prima Tonsura datam, non mortaliter; quia in statu perfecto non est, nisi initiativè tantum. Si verò justam causam habeat, nec venialiter peccat, quia utitur iure suo. Tandem de Majoribus loquendo, debet habere animum ab iis non recedendi sine justa dispensatione, quia aliàs peccat mortaliter, Ut patet. Quia eum statum solemniter vovit. Qui Minores accipit cum animo retrocedendi, & hac tantum intentione, ut gaudeat privilegiis Clericorum, peccat mortaliter. Quia decipit Ecclesiam in gravi. Vide de prima Tonsura cit. n. 4. Item vide in Tract. de Fide, de Apostasia a Clericatu, ubi multa dicuntur, quæ hic servantur. Tract. 7. Exam. 3. n. 53.

*Duodecimò.* Ut sit subditus Episcopi ordinantis. De quo postea ut Q. 4. n. 19. & 20.

*XVI. Duodecimò.* Requiritur pro majoribus Ordinibus sufficiens titulus honestæ sustentationis, ne Clerici, cum sacri Ordinis dedecore, mendicare, aut sordidum questum exercere cogantur. Et ita statuit Conc. Trid. Sess. 2. de reformatione. c. 1. ne quis deinceps Clericus secularis, quamvis aliàs sit idoneus moribus, scientia, & ætate, ad sacros Ordines promoveatur, nisi prius legitimè conset, eum Beneficium Ecclesiasticum (quod sibi ad vitam honestè sufficiat) pacifice possidere. Id verò Beneficium resignare non possit, nisi facta mentione, quod ad illius Be-

neficii titulum sit promotus, neque ea resignatio admittatur, nisi consilio, quod aliunde vivere commodè possit, & aliter facta resignatio nulla sit. Patrimonium verò, vel pensionem obtinentes, ordinari posthac non possunt, nisi illi, quos Episcopus judicaverit assuere eos pro necessitate, vel commoditate Ecclesiarum suarum: eo quoque prius perfecto, Patrimonium illud, vel pensionem verè ab eis obtineri, taliaque esse, quæ eis ad vitam sustentandam satis sint, atque illa deinceps sine licentia Episcopi alienari, aut extingui, vel remitti nullatenus possint, donec Beneficium Ecclesiasticum sufficiens sint adepti: vel aliunde habeant, unde vivere possint. Hæc Concil. Porro Religiosi professi ordinantur titulo paupertatis, eò quod hanc vi vocationis suæ profiteantur.

Ex his Colligitur, triplicem esse titulum, ad quem quis ordinari potest, scilicet beneficium, patrimonium, aut pensionem, ac paupertatis. Patrimonium iuxta consuetudinem debet ad minus esse Capitale mille imperialium; ejusque nomine non solum intelligitur hereditas paterna, sed quidquid ordinatus ex quocunque legitimo titulo, ut proprium possidet, vel ad dies vitæ in usum fructum habet.

*XVII.* Addi potest quartus titulus, dictus *Titulus mensæ*, ut si ob defectum Beneficii, & Patrimonii, potens quidam Dominus, v. gr. Episcopus, vel Nobilis, aut alius curet, quem ordinari titulo luxuriæ, seu suorum bonorum, ut ex eis Clericus (cui alia media desunt) alimentetur, præsertim tempore infirmitatis, aut senectutis. Debet autem hic titulus fundari super obligatione reali, & hypotheca certorum bonorum ab Episcopo (ne sit titulus sine vitulo) bene examinandum, an non sint aliàs jam ere alieno gravata: & hoc ideo ne (ut dictum) Clericorum status clericalis dedecore mendicare cogatur. Hic titulus est unus realium bonorum, & jure ordinario hypothecæ, ad quemcumque possessorem transit.

*Quid sit titulus pereuntibus beneficereat, v. g. in bello?*

*Dico:* Tunc Clericus aleodus est ab Episcopo, seu ex bonis Ecclesiæ, quæ cùm in necessitate debeat alere pauperes seculares, a fortiori Clericos.

*Quid si Ecclesia aliqua Collegiata, vel Monasterium det alicui Titulum mensæ?*

*Dico:* Etsi tunc non requiritur assignatio certorum bonorum, cùm bona Ecclesiarum regulariter non totaliter pereant, nec possint alienari: requiritur tamen consensus Capituli, quia sine eo Superior in re tam gravi obligationem inducere non potest.

*Quid censet de Civitatibus, & Oppidis?*

*Dico:* Si in eo loco sit praxis, & consuetudo, ut Magistratus sine consensu Domini loci, aut majoris partis civium titulum dare possint.

possit, subsistit, secus non, ob rationem datam

*Quid iudicet de Religiosis Societatis Jesu, cum illi possint obertas causas ex Societate dimitti, licet sint in Sacris?*

XVI II. Dico: Quamdiu sunt in Societate, non indigent alio titulo, licet solum habeant vota simplicia. Si verò dimittantur in Sacris existentes, ex Declaratione Sixti V. tradit Barbosa in Collect. ad sess. 21. cap. Trid. quod Societas teneatur ministerio providere de honesto victu, usque dum ei provideatur de Beneficio sufficiente.

QUÆRO IV. Quis est minister Ordinum?  
XIX. Resp. 1. Solus Episcopus est ordinarius minister Sacramenti Ordinis. Ita patet ex Trid. Sess. 23. Can. 7.

*Ratio:* Conferre officia, & ministeria spectat ad solum Principem, vel Prefectum: Sed solus Episcopus est Princeps, & Præfectus Christianæ Reipublicæ. Ergo.

Resp. 2. Probabilius est: quod Papa possit simplici Sacerdoti dare facultatem conferendi Subdiaconatum, & reliquos Minores, non tamen Diaconatum, multò minus Sacerdotium.

Ita Ang. Doct. hic q. 38. ar. 5. ad 3. dicens: Papa qui habet plenitudinem potestatis Pontificalis, potest committere non Episcopo ea, quæ ad Episcopalem dignitatem pertinent, dummodò illa non habeant immediatam relationem ad verum Corpus Christi; & idè ex ejus commissione aliquis Sacerdos simplex potest conferre minores Ordines, & Confirmare, non autem aliquis non Sacerdos; nec iterum Sacerdos majores Ordines, qui habent immediatam relationem ad Corpus Christi, suprà quod consecrandum Papa non habet maiorem potestatem, quam simplex Sacerdos. Hæc S. D.

*Ratio* patet ex his verbis S. Tho. Papa non potest simplici Sacerdoti dare potestatem conferendi Ordines, qui dicunt immediatam relationem ad Corpus Christi verum, quia super illud Papa non habet maiorem potestatem quam simplex Sacerdos, quæ præcisè est potestas consecrandi. *Subsumo:* Sed solum duo Ordines Minores, nimirum Sacerdotalis, & Diaconatus dicunt immediatam relationem ad Corpus Christi verum, Sacerdotalis quidem, ut ad consecrandum; Diaconatus verò, ad distribuendum, uti fiebat in primitiva Ecclesia, non verò Subdiaconatus, nec Minores Ordines, ut patet ex eorum officiis. Ergo.

Confirmatur: Idèd Papa potest simplici Sacerdoti dare facultatem conferendi Sacramentum Confirmationis, quia potestas illud conferendi est præstandi aliquid, quod habet immediatam relationem ad Corpus Christi mysticum, seu ad Fideles Confirmationis capaces, super quos Papa maiorem habet potestatem, quam simplex Sacerdos. Ergo è contra cum super Corpus Christi verum non

habeat maiorem potestatem, non potest simplici Sacerdoti dare facultatem conferendi Ordines, qui illud ut tale immediatè respiciunt.

*Oppono:* Papa quibusdam Abbatibus Cisterciensibus dedit Privilegium conferendi suis Religiosis Diaconatum, & Subdiaconatum. Ergo.

*Ad hoc* dico 1. de Diaconatu non certò constare, sed solum de Subdiaconatu fuit datum, si tamen datum fuit. Secundo dico, Papam in eo passu fuisse usum sententia, quæ tunc ei videbatur probabilior; Eo modo quo suprà Tr. 10. Exam. 3. n. 47. & 48. dictum fuit de dispensatione voti solemnisi monachalis.

Resp. 3. Episcopus nominatus, electus, aut etiam confirmatus, si non sit Sacerdos, non potest ordinare Sacerdotes, potest tamen suis subditis dare licentiam, ut ab alio Episcopo ordinentur.

*Ratio 1. p.* Quia nemo dat, quod non habet.

*Ratio 2. p.* Quia dare illam licentiam spectat ad potestatem jurisdictionis exterioris; illam autem habet. Ergo.

Resp. 4. Episcopus excommunicatus, degradatus, hæreticus, aut in alio mortali peccato existens, potest validè conferre Ordines, non tamen licitè.

Hoc probatum est suprà Tract. 11. Exam. 4. n. 37. ad Q. 7. ubi vide. Et n. 38. ad Q. 8. Quæ dispositio requiritur in ministro Sacramenti, ut non peccet.

XX. Resp. Episcopus, qui renuntiavit Episcopatu, validè ordinat, quia retinet Characterem, sed non semper licitè.

*Declaratur:* Episcopus potest renuntiare, vel loco, & dignitati simul, vel loco tantum. Loco tantum renuntiat, si titulo, & auctoritate Episcopali retenta ex metu hostium, aut ob aeris intemperiem, locum, seu Diocesim deserat, eique renuntiet. In quo casu, si ab alio Episcopo rogetur, potest validè, & licitè ordinare subditos Episcopi rogantis, & intrà ejus territorium, non verò proprios, quia nullos amplius habet: si verò propter aeris intemperiem, vel metum hostium tantum extra suam Diocesim moretur, jurisdictionem in suos non amittit, sed eos potest licitè ordinare in aliena Diocesi cum licentia Episcopi Diocesani. Dignitati verò simul renuntiat, si etiam a se deponat officium, nomen, & dignitatem Episcopalem, v. g. ingrediendo Religionem, vel deveniendo promeritam depositionem, & in hoc casu licet quoscunque validè ordinet ratione indelebili characteris Episcopalis, sacros tamen Ordines nemini licitè conferre potest, nisi ex dispensatione Papæ; Minores tamen conferre potest cum licentia propriorum Prælatorum. Vide suprà Tract. 14. Exam. 1. num. 22. quod ordinati ab Episcopo non suo, sine dimissio-

riis, extra tempora, sine interstitiis, sine titulo, sine legitima ætate, per saltum, in censura, &c. sint suspensi ab executione Ordinum.

*Resp. 6.* Non potest quis licite ordinari, nisi ab Episcopo proprio, aut alieno de licentia proprii. Ita Trid. Sess. 23. de reform. c. 8.

*Ratio:* Ut evitetur confusio in Ecclesia, quæ vult omnia ordinatæ fieri.

*XXI. Resp. 7.* Quatuor modis potest quis dici ad conferendos Ordines proprius Episcopus, & alter ejus Subditus ad eos recipiendos. 1. Ratione originis. 2. Ratione domicilii. 3. Ratione Beneficii. 4. Ratione triennalis familiaritatis.

*Declaratur:* Ratione *Originis*, seu nativitatis potest quis (etiam alibi habens domicilium, vel beneficium) ordinari ibi, ubi est natus, si parentes ibi habeant fixum domicilium. Si verò in alio loco sit natus, quasi per transennam, v. g. in transitu, vel peregrinatione parentum, non est ordinandus ibi, sed in loco domicilii: vel beneficii, vel in loco originis paternæ: vel (si sit filius tantum naturalis, aut illegitimus, ad Ordines tamen legitimatus) in loco originis maternæ; si enim naturalis non sequitur originem paternam, sed maternam.

Ratione *Domicilii*: quod differt a simplici habitatione, hoc enim esse potest sine animo stabiliter, & perpetuò manendi, ut patet in studiosis Academicum. Unde domicilium propriè dicitur, ubi quis constanter, & perpetuò (perpetuitate saltem propositi, licet postea per accedens mutetur) habitationem fixit. Et potest quis tale domicilium habere in duplici loco, sicut quidam Officiales in dignitate constituti censentur fixisse domicilium, & in sua propria arce, & in civitate, ubi sunt Officiales: dummodo æqualiter in utroque loco degant: non quidem mathematicè, sed proportionatè, & moraliter.

Ratione *Beneficii*: quia ratione ejus aliquis fit Diocesanus illius Episcopi, in cujus Diocesi jà actu, & re ipsa habet titulum, & possessionem Beneficii: unde non sufficit nuda præsentatio. Et hoc Beneficium debet esse perpetuum, adeoque non sufficit pensio temporalis: immò alioquin non est Beneficium Ecclesiasticum; hoc enim definitur, quod sit *jus perpetuum recipiendi redditus ex bonis Ecclesiæ ratione spiritalis Officii Ecclesiasticæ auctoritate constitutum*.

Tandem ratione triennalis familiaritatis, de qua Trid. Sess. 23. c. 9. sic statuit: *Episcopus familiarum suum non subditum ordinare non possit, nisi per triennium secum fuerit commoratus, & beneficium, quancunque fraude cessante, statim re ipsa illi conferat*. Dicitur familiaris, qui in familia, seu servitio Episcopi ejus sumptibus vixit. Porro cum Tridentinum dicat, Episcopum debere quamprimum tali ordinato conferre beneficium, clarè patet, quod Episcopus *regularis*, seu actu nullam Diocese habens, non possit ullum prætextu triennalis familiaritatis ordinare.

*Tribunal Ordinandum.*

Ex dictis colligi potest, a quo sit ordinandus, qui est vagus, aut nullius Diocesis.

*XXII. Resp. 8.* Solus Episcopus proprius uno ex quatuor prædictis titulis potest dare licentiam, seu litteras dimissorias, quas Reverendas vocant, ut quis ordinetur ab alieno Episcopo; potest, inquam, nisi sit excommunicatus; tunc enim subditi sine dimissoriis ab alio Episcopo possunt ordinari, ut patet in Jure. Vicarius Generalis non potest dare dimissorias sine expresso mandato Episcopi, nisi in remotis agat, seu extra Provinciam, vel ultra duas dioceses a loco residentie. Capitulum Sede vacante non potest, nisi in duobus casibus. 1. Si annus sit elapsus ab obitu Episcopi. 2. Si quis sit arctatus ratione Beneficii, id est, si habeat Beneficium, quod spatio illius temporis, quo Sedes vacat, certum requirit Ordinem. De quo vide Trid. Sess. 7. cap. 10.

Nota, quod dimissoriæ semel datæ non expiunt morte concedentis, re adhuc integra, nisi expresse revocentur per Successorem. Quia sunt gratia facta, & privilegium, quod morte concedentis non expirat. De quo vide de Leg. supra Tr. 6. Exam. 5. n. 92. Porro, quod dimittendus, a dimittente prius examinandus, & approbandus (nisi sit distans, quia aliàs potest committi Episcopo ordinanti) patet ex dictis supra in princip. hujus Tract.

*Resp. 9.* Regulares exempti (uti sunt Mendicantes) possunt accipere dimissorias a suis duntaxat Prælati, & non ab Episcopis. Quia cum sint exempti, non sunt illis subditi. Ita habetur ex privilegio Sixti V. & Clem. VIII. Hinc Religiosus sine licentia sui Superioris ordinatus, mortaliter peccaret, & incurreret suspensionem latam a Pio II. incidereque in plures poenas a Sixto V. taxatas. Vide in nostris Constitutionibus dist. 2. c. 14. text. 21. lit. X. cujus Superioris licentia pro nostris Fratribus requiritur, ut quis ad sacros Ordines mittatur.

Nota 1. Esse aliquorum sententiam, quod Prælati Regulares ex Mandato Clement. VIII. debeant litteras dimissorias dirigere ad Episcopum Diocesanum illius Monasterii, eo verò absente, vel impedito, causam impedimenti denunciare alteri Episcopo sub poena privationis a dignitate, & voce activa, ac passiva. Verum hoc decretum non videtur esse universaliter usu receptum, quia passim Prælati Regulares suo Diocetano Ordines non celebrant, te dant dimissorias suis subditis, ut a quocunque Episcopo cum Ecclesiæ Romana communione habente ordinari possint, absque eo quod ullam mentionem faciant, an Episcopum proprius sit abens, impeditus, aut Ordines celebrare noluert. Porro hæc præcisè intelliguntur de Regularibus exemptis: alii enim sunt subditi suo Ordinatio.

R r

No-

Nota 2. Speciale quid esse de eo, qui a Papa est ordinatus, nam si sine Papæ licentia non potest ordinari ab alio c. *in diffribendis*. 12. tit. de *quibus ordinandis*. & hoc ob singularem reverentiam Papæ Ordinantis. Major hac de causa debetur honor tali Ordinato c. *per nos*. 7. de Majorit. & obedientia: non tamen est exemptus a jurisdictione Episcopi.

Quæri hic posset, quod duplex sit, & quæ intentio requiratur in Ministro Ordinis. Sed hoc patet ex dictis de Sacramento in Comuni, Tr. 11. Exam. 4. n. 32. n. 33. & n. 35. Item, quæ dispositio requiratur in eo, nimirum, an status gratæ. Sed hoc vide ibidem num. 38.

XXIII. His adde, quod Episcopus coiliaturus, & Clericus recepturus Ordines sacros dicolacros, quia Minores conferuntur etiam aliquando post prandium, debeat esse jejunus, tum propter reverentiam Sacramenti, tum propter sacram Communionem sumendam. Quod autem ordinaturus, & ordinandus, si aliunde non sit jejunium, pridie jejunent, optime faciunt, & est de consilio, sed videtur bene dicere Gobat, quod de hoc nullum textum in jure inveniat; adeoque durum videtur aliquem sub mortali ad id obligare.

Quæri item potest, an Angeli, & Beati possint conferre Ordines? Hujus decisio colligitur ex dictis suprà Tr. 1. c. Exam. 4. n. 30.

QUÆRO V. Quæ sunt tempora, interstitia, ac locus Ordinationum?

XXIV. Resp. 1. Potest Episcopus Ordines Minores conferre feria 6. proxima Sabbatis, quibus Majores conferuntur, vel in ipsis Sabbatis, vel in quavis Dominica, vel festo de præcepto totius anni, quo populus a laboribus cessat, si non fiat Ordinatio generalis pro omnibus, sed tantum pro quibusdam paucis. Ordines Majores solum licite conferri possunt sex Sabbatis, nimirum 4. Temporum, & ante Dominicam Passionis, & in Sabbato Sancto. Ita habet præxis Ecclesiæ.

Cui Ordinationes sunt præcipuè institutæ pro temporibus jejuniorum?

Idem, Ut per solemniam illa jejunia, & Fidelium devotionem Ecclesiæ eo aptiores, & sanctiores accipiat Ministros. Et hoc ad exemplum Apostolorum, qui cum Spiritus S. præcepto ad prædicandum Gentibus mitterent Paulum, & Barnabam, prius jejunantes, & orantes impoluerunt ei manus.

XXV. Resp. 2. Juxta Statutum Trid. Sess. 23. de reform. c. 11. servanda sunt interstitia, seu temporum intervalla nimirum unius anni inter inferioris, & superioris ordinis susceptionem, nisi aliud Episcopo expedire magis videatur, & nisi necessitas, aut Ecclesiæ utilitas iudicio Episcopi aliud exposcat. Usus defuncto obtinuit, ut Minores eodem die conferantur, & in quibusdam locis ex rationabili causa cum iisdem

eodem die Subdiaconatus. Quia hoc non repugnat Tridentino, hoc enim solum loquitur de duobus Ordinibus sacris.

Ratio interstitiorum est, Ut ordinati in quovis munere se prius exercent, & cum ætate vitæ meritum, & doctrina major accrescat, ne vitæ spiritualis Magistrum agere præsumat, qui vix discipulus esse cepit. Hanc ob causam Prælati Ecclesiæ non deberent esse tam faciles ad dispensandum, præsertim sine personarum delectu.

Nostræ Constitutiones dist. 2. c. 14. text. 11. Lit. X. ita habent: In Capitulo Bononien. l. 564. præceptum fuit, omnia decreta communia C6c. Trid. de ætate, vitæ, & moribus ordinandorum firmiter observari; & fuit additum, ut nemo post susceptionem Minorum Ordinum ante elapsum annum ad Majores promoveatur. Nec Subdiaconum intra spatium alterius anni ad Diaconatum ascendat, nisi sit Ministrorum necessitas, quæ Patrum consilio judicetur sufficiens causa, ut aliter fiat, & ordinatus Episcopo etiam referatur, & renuntiatur. Hæc ibi.

Nota, interstitia temporum non esse accipienda mathematicè, ut sit spatium 12. Menses completum, quasi de puncto ad punctum, sed potest, qui hoc anno in Sabbato Paschatis suscepit Subdiaconatum, anno sequenti in eodem Sabbato, licet citius veniat, recipere Diaconatum.

Resp. 3. Quando Clericus Sæcularis cum dimissoriis vadit ad alienum Episcopum, non hic, sed proprius ipsius Ordinandi Episcopus potest dispensare in interstitiis.

Ratio: Tum quia dispensatio est adus jurisdictionis, qui non rectè exercetur in Subditos alienos. Tum etiam, quia ad proprium Episcopum spectat judicare, an dispensatio conducatur suæ Ecclesiæ, vel saluti Ordinandi.

Resp. 4. De dispensatione interstitiorum pro Regularibus sacra Congregatio declaravit, quod & illa pertinet ad Episcopum ordinantem, qui quoad causas in Concilio expressas prodispensando in hoc deferre debet iudicio, & attestationi Superioris Religiosi Ordinandi: Verum, ut docet noster de La Cruz iuxta Bullam Greg. XIII. pro Societate in Bullario Manuelis Rodríguez relatæ, Generales Ordinum, & ab istis delegati, possunt cum suis Subditis dispensare in interstitiis.

Resp. 5. Gregor XIII. Societati Jesu in Bulla *Pium, & utile*, &c. dedit privilegium, ut ejusdæ Religiosi extra tempora, immo tribus diebus festis continuis sacros Ordines suscipere queat. Circa hoc privilegium disceptant DD. an alii Religiosi in eo communicent, necne? Negant Jesuitæ, dicentes, dictum Greg. XIII. prohibuisse communicationem; affirmant contra alii. Quæ controversia ex ipso Bullæ, vel prohibitionis textu dirimenda est. Quidquid de hoc sit, probant alii AA. ut videre est in Gobat, &

nostro de la Cruz, Gregorium XIV. apud Rodriguez expressè fecisse illam extensionem ad alios quoque Ordines. Item Alexandrum VI. & Eugenium IV. diù ante Gregor. XIII. fecisse aliis Regularibus diplomatus, quod Societati specialiter dedit Greg. XIII.

Accedit, quòd hoc privilegium non revocatur per Trid. Sess. 23. de reform. c. 1. ubi statuit, Ordines debere celebrari temporibus a jure statutis. Quia (ut arguit La Cruz) Lex generalis non revocat privilegium paucorum, quando de illo saltem in generali non sit expressa revocatio. His non obstantibus pauci Episcopi possunt induci, ut haec sententiam in praxi amplectantur.

XXVI. *Resp. 6.* Episcopo non licet suos etiam subditos in aliena Diocesi ordinare, aut alia Pontificalia exercere sine licentia expressa Ordinarii loci. Ita statuitur in Trid. Sess. 6. de reform. c. 5. Si fecus fiat, Episcopus ab exercitio Pontificalium, & sic ordinati ab executione Ordinum sint ipso jure suspensi.

*Ratio:* Ut conveniret Discessum limites, & cujusvis Episcopi auctoritas, mutua pax, & tranquillitas.

*Resp. 7.* De loco Ordinationis intra Diocesis Conc. Trid. Sess. 23. de reform. c. 8. ita statuit: Ordinationes in Cathedrali Ecclesia vocatis, praesentibusque ad id Ecclesia Canonice publice celebrantur. Si autem in alio Diocesis loco praesente Clero loci, dignior, quantum fieri potest, Ecclesia semper adeatur.

Nota tamen, hoc Statutum non esse usu receptum, vel contraria consuetudine abrogatum; quia notum est, quòd nonnulli Episcopi Ordines conferant, vel in Sacello Curiae, sive Episcopalis, vel in alio Sacello, sive Templo quocumque.

## EXAMEN III.

*De Ordinibus Minoribus in genere, & in specie.*

**QUAERO I.** Suscepturi quatuor Minores ex quibus materiis solent examinari, & quam scientiam debent habere?

XXVII. *Resp.* De eorum scientia, seu literatura vide Exam. 1. n. 2. R. 1. Materiae, ex quibus solent examinari, sunt, quae hic sequuntur, & quae specificatae sunt ibidem R. 3. usque ad Q. 3. immò praeter Catechismum debent scire omnia, quae haecenus in 1. & 2. Examine dicta sunt de essentia, effectu, subiecto, aetate, ministro, tempore, interdictis Ordinationum.

**QUAERO II.** Quot sunt Ordines Minores? cur dicantur Minores? cur non facri? quae requirunt ad susceptionem? quae obligationes?

XXVIII. *Resp. 1.* Quatuor sunt minores Ordines scilicet Otiariatus, Lecturatus, Exorcistatus, Acolythatus. Dicuntur *Minores*, quia Clericum ponunt in gradu minori, & ab Eucharistia remotiori, quàm Majores. Dicuntur *non facri*; quia non versantur circa rem sacram, nec habent adiunctam obligationem continentiae, ut explicatum est in Exam. 2. nu. 9. R. 8. ubi etiam patet, an omnes sint Sacramenta. Et in eodem Exam. 2. n. 16. patet, quòd ad eos non requiratur titulus Ordinationis, cum ordinati possint redire ad saeculum motu proprio.

*Resp. 2.* Quoddam sit subiectum capax Ordinum minorum, patet ex Examine praecedenti. Ultra hoc Ordinandus, dum comparat, debet esse confutatus, veste laicali indutus, & superpelliceo, & habere candelam offereendam, & sufficienter dispositus ad sacram Communionem recipiendam. Ad quam tamen non est obligatio sub mortali; Quia non constat de praecocepto. Item praevie debet exhibere testimonium de vita, & moribus, quod potest dari a Parocho, & Magistro Scholae, in qua educatur juxta Trid. Sess. 23. de reform. c. 5. Et deinde examinari juxta dicta ex Trid. in Exa. 1. n. 1. Et debet esse ab Examinatoribus approbatus.

*Resp. 3.* Ordines minores ex se non habent specialem obligationem, nisi 1. ad recitandos illos Psalmos, quos Episcopus ordinans injungit. De quibus vide supra de horis Canonice Tract. 10. Exam. 5. nu. 69. 2. Ad portandam Clericam, seu habitum, & tonsuram. De quo vide loco citato ex Tract. 7. Exam. 3. num. 55. 3. Ad horas Canonicas, si sit Regularis choro addictus, vel habeat Beneficium. 4. Juxta Trid. Sess. 23. cap. 11. tenentur Minoristae in unoquoque munere juxta praescriptum Episcopi se exercere, idque in ea, cui adscripti erunt, Ecclesia.

Quæri hic posset, an Minoristae suum Officium exercentes in mortali, peccent mortaliter, sed ad hoc negativè patet supra Tract. 1. Exam. 4. n. 37. ante R. 5.

Vide etiam in Exam. 1. n. 5. R. 3. quæ sint Clericorum privilegia, & n. 6. quæ sint eis prohibita? Nunc ad Minores Ordines in particulari suo ordine, quorum primus est.

### Otiariatus.

**QUAERO III.** Quid censes de eo? ejus Officio? materia, & forma? institutione, &c.

XXIX. *Resp. 1.* Otiariatus definitur sic: Est Ordinatio, vel Ordo Ecclesiasticus, per quem datur potestas aperendi, claudendi, & custodiendi Ecclesiam, nimirum dignos recipiendo, indignos, Apostatas, Hæreticos, excommunicatos, &c.

Nota, quòd quamvis hoc etiam possint facere Laici, non tamen ex officio, sed solùm



ex commissione. Item canes expellere (puta veros, & phisicos) non est officium Ostiarii, sed Sacristæ, vel alterius ad id deputati.

*Resp. 2.* Officium Ostiarii patet ex data definitione.

*Resp. 3.* Materia remota Ostiariatus sunt Claves Ecclesiæ, proxima est traditio earum: & in hoc imprimitur character.

*Resp. 4.* Forma sunt verba Episcopi ordinantis, quæ ad traditionem materiæ profert, nimirum hæc: Sic age, quasi Deo rationem redditurus pro his rebus, quæ his clavibus clauduntur.

*Resp. 5.* Hic Ordo est a Christo institutus, vel in ultima Cæna; Vel quando dixit: *Ego sum ostium*. Vel quando vendentes, & ementes eiecit ex Templo. Primus Ordo Minor est

#### *Lectoratus.*

**QUÆRO IV.** Quid de illo, &c.?

*XXX.* *Resp. 1.* Definitur sic: Est Ordo Ecclesiasticus, vel Ordinatio, qua confertur potestas spiritualis, Prophetias, & sacras Scripturas, etiam (extra Missam tamen) Evangelium legendi.

*Resp. 2.* Officium Lectoris patet ex hac definitione; ad quod etiam spectat, Cathecumenis, seu adultis baptizandis tradere rudimenta Fidei.

*Resp. 3.* Materia remota Lectoratus est liber continens sacras Scripturas, nimirum Epistolas, & Prophetias. Prima est traditio libri, & in ea imprimitur character. Si pro materia porrigeretur Breviarium, esset valida Ordinatio, quia continet dictas Scripturas.

*Resp. 4.* Forma sunt illa verba Episcopi sub traditione prolata: *Accipe, & esto Verbi Dei relator, habiturus, si fideliter, & viriliter Officium tuum impleveris, partem cum iis, qui verbum Dei ab initio bene ministraverunt.*

*Resp. 5.* Certum tempus institutionis huius Ordinis non scitur. Potest dici, quod sit a Christo institutus, quando in templo a petro libro legit Lectionem Isaie, & postea tradidit ministro Secundus Ordo Minor est.

#### *Exorcistatus.*

**QUÆRO V.** Quid de isto?

*XXXI.* *Resp. 1.* Definitur sic: Est Ordo Ecclesiasticus, vel ordinatio, qua confertur potestas manus imponendi super energumenos, id est, obfessos a Dæmonibus, & super eos legendi exorcismos ad Dæmones compescendos, & expellendos. Unde hæc vox *Exorcista* significat idem, quod *incantans*.

*Resp. 2.* Officium Exorcistæ patet ex hac definitione.

*Resp. 3.* Materia remota huius Ordinis est liber Exorcismorum; Proxima, traditio ejus: & in hac imprimitur character.

*Resp. 4.* Forma sunt illa verba Episcopi: *Acci-*

*pe, & commenda memoria, & habe potestatem imponendi manus super energumenos, siue baptizatos, siue Catechumenos.*

*Resp. 5.* Christus hunc Ordinem instituit, quando obfessum a Dæmone liberavit, ponens digitos in auriculam ejus.

Nota, dici in definitionibus, *Est Ordo*, Vel *Ordinatio*. De quo vide in Exam. 2. nu. 7. R. 3. & 4. Sumitur enim interdum effectus pro causa; Ordo est effectus Ordinationis, quia Ordo est gradus, vel potestas per Ordinationem, seu externam cærimoniam, aut sensibile signum collatus. Tertius Ordo minor est

#### *Acolythatus.*

**QUÆRO VI.** Quid de eo?

*XXXII.* *Resp. 1.* Sic definitur: Est Ordo Ecclesiasticus, vel Ordinatio, qua datur potestas cereos accendi, eos ad altare transferendi, & urceolos Subdiacono pro sacro ministerio porrigendi.

*Resp. 2.* Officium Acolythi patet ex definitione; ad quod spectat, quod debeat Diacono, & Subdiacono inservire, urceolos aqua, & vino plenos Subdiacono porrigendo: a quo servitio dicitur *Acolythus*, quæ vox idem significat, quod *pedisequus*.

*Resp. 3.* Materia remota huius Ordinis est duplex; una Candelabrum, altera Urceoli vacui: proxima pariter duplex, nimirum utriusque traditio. Character imprimitur in traditione Urceolorum, quia hæc est materia principalis, & circa eam Acolythus habet primarium actum. Cujus Ratio est: Quia Urceoli continent vinum, quod est materia, ex qua conficitur Eucharistia, ad eam actus circa eos proximius accedit ad Eucharistiam, quam actus circa Candelabrum, utpote actus secundarius circa materiam secundariam, & accessoriam, quæ tamen (nimirum Candelabrum) de congruitate in tali ministerio adhibetur.

Ex quo Colligitur Ratio, cur in Ordinatione Acolythi Urceoli tradantur ab Episcopo, Candelabrum ab Archidiacono, nimirum, quia Urceoli sunt materia primaria, a proprio Ordinis Ministro tradenda.

*Estne de essentia*, ut tangatur uterque Urceolus?

*Dico:* Valor salvatur, si tangatur unus.

*Estne necessarium tangere etiam pelliculam, cui Urceoli insunt?*

*Non est:* Quia nullo modo est materia, nec semper adhibetur in Missa.

*Resp. 4.* Duplici Ordinis huius materiæ duplex correspondet forma. Una est: *Accipe, Ceroferarium cum cereo, & scias te ad accendendam Ecclesiam luminaria mancipari in nomine Domini*: Altera: *Accipe Urceolum ad suggerendum vinum, & aquam in Eucharistiam sanguinis Christi in nomine Domini.*

*Resp.*



*Resp. 5.* Christus hunc Ordinem instituit, vel in ultima Cœna : Vel quando dixit : Ego sum lux mundi.

*Quæ est velis Acolythi ?*

*Est Amictus*, seu humerale tegens humeros, & alba, & cingulum.

Quid hæc, & aliz aliorum ministrorum vestes significant, dicitur postea ad Q. 7. n. 33.

*Potesne Acolythus agere vices Subdiaconi in ejus defectu cantando, vel legendo Epistolam ?*

*Potesne quidem*, sed non solemniter, & ex officio, id est, non cum manipulo, sed sine eo, & ex commissione, necessitate urgente.

*Potesne Acolythus tangere sacra vasa ?*

*Dico*, Probabilius est, quod nemo, nisi saltem sit Subdiaconus, audeat contingere sacra vasa, v.g. Calices, & Corporalia, &c. nisi forte esset justa causa tangendi, qualis esse potest, ut, si in defectu Subdiaconi, Acolythus Sacerdoti privatim præparet Calicem, quod consideratis circumstantiis interdum licite fieri potest ; Ceteroquin non, & ita obtinuit consuetudo, & Ecclesiæ praxis. Idem patet ex stylo Curiz Romanæ, quæ quibusdam Tonsuratis, & Minoribus interdum dat privilegium tangendi vasa sacra.

Nota, quod Ordines Mendicantium habeant a Sede Apostolica privilegium, ut omnes eorum Religiosi, etiam Laici, dum in propriis Ecclesiis ex Superiorum suorum mandato Sacristanos agunt, omnia paramenta, sacra vasa (puta, in quibus non est Eucharistia) ac Corporalia, &c. reverenter possunt tangere, & lavare.

**QUÆRO VII.** Quæ sunt, & quid significant vestes ministrorum Ecclesiæ, tam inferiorum, quam superiorum, etiam ipsius Episcopi ?

**XXXIII.** Hæc questio ideo hic ponitur, quia constituitur in medio inter Ordines Minores, & Majores.

*Resp.* Huc questioni satisfacit Ang. Doctor hic q. 40. art. 7. in c. dicens: Vestes ministrorum designant idoneitatem, quæ in eis requiritur ad tractandum divinam : & quia quedam sunt, quæ in omnibus requiruntur, & quedam in superioribus, quæ non ita exiguntur in inferioribus : ideo sunt quedam vestes omnibus ministris communes, quedam autem superioribus tantum. Et ideo omnibus ministris competit amictus humeros tegens, quo significatur fortitudo ad Divina Officia exequenda, quibus mancipantur : & similiter Alba, quæ significat puritatem vitæ, & Cingulum, quod significat repressionem carnis : sed Subdiaconus ulterius habet manipulum in sinistra, quo significetur exterior minorum macularum : quia manipulus est quasi sudarium ad extendendum vultum : ipsi enim primò ad sacra

tractanda admittuntur. Habent etiam tunicam strictam, per quam Doctrina Christi significatur : Unde & in Veteri Lege in ipsa tintinnabula pendebant : Subdiaconi enim primò admittuntur ad doctrinam Novæ Legis annuntiandam. Sed Diaconus habet amplius stolam in sinistro humero in signum, quod applicatur ad ministerium in ipsis Sacramentis. Et Dalmaticam (quæ est vestis larga, sic dicta, quia in Dalmaticis partibus primò usus ejus fuit) ad designandum, quod ipse primò dispensator Sacramentorum ponitur, ipse enim Sanguinem dispensat, in dispensatione autem largitas requiritur. Sed Sacerdoti in utroque humero ponitur Stola, ut ostendatur, quod ei plena potestas dispensandi Sacramenta datur, non ut ministro alterius : & ideo Stola descendit usque ad inferiora. Habet etiam Casulam, quæ significat charitatem : quia ipse charitatis conficit Sacramentum, scilicet Eucharistiam, Sed Episcopus adduntur novem ornamenta supra Sacerdotes, quæ sunt caligæ, sandalia, succindorium, tunica, dalmatica, mitra, chirothecæ, annulus, & baculus : Quia novem sunt, quæ ipsi supra Sacerdotes possunt, scilicet Clericus ordinare, Virgines benedicere, Basilicas dedicare, Clericos deponere, Synodos celebrare, chrisma conficere, vestes, & vasa consecrare, Vel per caligas significatur rectitudo gressuum ; Per sandalia, quæ pedes tegunt, contemptus terrenorum ; Per succindorium, quo Stola ligatur cum Alba, amor honestatis ; Per tunicam perseverantia, quia Joseph tunicam talarem habuisse legitur, quasi descendente usque ad talos, per quos significatur extremas vitæ ; Per Dalmaticam largitas in operibus misericordiz ; Per chirothecas cautela in opere ; per Mitram scientia utriusque Testamenti : unde & duo cornua habet ; Per baculum cura Pastoralis : qua debent colligere vagos, quod significat curvitas in capite baculi : sustentare infirmos, quod ipse stipes signat baculi, & pungere lentos, quod significat stimulus in pede baculi : unde Versus :

*Collige, sustenta, stimula, vaga, morbida, lenta.*

Per annulum Sacramenta Fidei, quia Ecclesia desponsatur Christo : Episcopi enim sunt in Ecclesia loco Christi : Sed ulterius, Archiepiscopi pallium habent in signum privilegiæ potestatis : significant enim torquem aureum, quem solebant legitime certantes accipere. Hæc S. Thom. Vide plura infra in hoc Tract. Exam. 5. num. 46.

## E X A M E N IV.

*De Ordinibus Maioribus in genere, & in specie de Subdiaconatu, & Diaconatu.*

**Q**UÆRO I. Majoribus Ordinibus, in specie Subdiaconatu, & Diaconatu, inquirendi, quæ debent scire, & ex quibus solent examinari?

**XXXIV. Resp. 1.** Trid. Sess. 23. de reform. c. 13. ita statuit: Subdiaconi, & Diaconi ordinentur habentes bonum testimonium, & in minoribus Ordinibus probati, ac literis, & iis, quæ ad Ordinem exercendum pertinent, instructi. Qui sperent Deo auctore se continere posse: Ecclesiis, quibus adscribuntur, inserviant, scientes, quæ maxime decere, si saltem diebus Dominicis, & solemnibus, cum altari ministraverint, sacram Communionem perceperint. Hæc ibi. Debet etiam scire orare horas Canonicas, ut patebit ex dicendis.

**Resp. 2.** Materiarum, ex quibus solent examinari, sunt, quæ hic sequuntur, & omnia quæ antè dicta sunt de prima Tonsura, & de 4. Minoribus. Cum enim Ordines hi (de quibus nunc agitur sint, & dicantur Majores, ac sacri, & Minores in se eminenter contineant, sicut Diaconatus Subdiaconatum, ac Clericum in superiori dignitatis gradu constituent, non solum Minoristarum scientia, sed & ampliore circa suum officium pollere debent.

Solent insuper nonnulli Examinatores Subdiaconando proponere quæstiones saltem communes ex doctrina Fidei, v.g. de Ecclesia. Vide Tr. 7. Exam. 1. nu. 17. & seqq. De Fide divina vide ibidem nu. 2. & seqq. De Sacramentis, vide Tr. 11. Exam. 1. & seqq. De Sacramentalibus Tr. 13. Exam. 2. nu. 25. De Censuris in genere, & in specie Tr. 14. Exam. 1. De Irregularitate; De qua habes in eodem Exam. nu. 27. & seqq.

Præterea Subdiaconando solent ultra præfatas etiam proponi communes quæstiones de ultimo fine hominis. De quo agitur suprà Tr. 3. Exam. 1. nu. 2. & seqq. De adibus humanis, vide ibidem num. 8. De peccatis Tr. 4. Exam. 2. De Indulgentiis Tr. 14. Exam. 3. De Legibus Tr. 6. De Præceptis ibid. in Exam. 2. nu. 5. De Virtutibus in communi Tr. 4. Exam. 1. De Virtutibus Theologicis Tr. 7.

De Baptismo, ejus essentia, divisione, institutione, materia, forma, ministro, subiecto, initerabilitate. De quibus habes in Tract. 17. Exam. 5. De cognitione spiritali ex Baptismo vide in Tract. 16. de matr. Et ex Confirmatione vide ibidem de impedimentis matrimonii Exam. 6. nu. 75.

**Resp. 3.** Solent etiam Subdiaconando proponi quæstiones in specie ex præcedentibus in hoc Tr. quarum solutiones omnes ibidem in spe-

cie habes, ut, Cur dicantur Majores, & sacri in Exam. 2. nu. 9. de requisitis juxta mox dicenda n. 35. De temporibus Ordinationum, suprà in Exam. 1. nu. 24. De interstitiis ibidem nu. 25. De Titulo mensæ, in Exam. 2. nu. 16. & 17. De obligatione ad castitatem, & ad horas Canonicas patebit magis in sequentibus. De horis Canonicis habes suprà in Tr. 10. Exam. 5. ex quo variaz quæstiones proponi, & solvi possunt. De obligatione deferendi habitum, & tonsuram Tract. 7. Exam. 3. nu. 55.

*Subdiaconatus.*

**Q**UÆRO II. Quid est? quod ejus Officium? quæ materia, & forma? quæ obligatio? quod subiectum? quæ vestis?

**XXXV. Resp. 1.** Subdiaconatus sic definitur: Est Ordo sacer Ecclesiasticus, vel Ordinatio, qua Ordinatus datur potestas in altari assistendi Presbytero sacrificanti, ministrando ei Calicem cum vino, & patenam cum hostia, & solemniter legendi Epistolam in Missa. Vel sic: Est sacer Ordo, vel Ordinatio, per quam traditione Calicis vacui cum patena vacua sub præscripta verborum formæ datur potestas ad præfata officia peragenda.

**Resp. 2.** Officium Subdiaconi patet ex data definitione. Sensus autem est, quod Calicem cum vino, & patenam cum hostia Sacerdoti ministrat saltem mediât, nimirum mediante Diacono, cui prius ea porrigit. Hinc illa vox *Subdiaconus* idem significat, quod *Subminister*; proximus enim, & immediatus minister Sacerdotis est Diaconus, post quem est Subdiaconus. Spectat etiam ad Subdiaconi officium, pallas altaris, & corporalia abluere, panem pro populo consecrandum in altari ponere.

**Resp. 3.** Materia remota Ordinationis Subdiaconi est duplex. Una primaria, & principalis, nimirum calix vacuus cum patena vacua superposita; altera minus principalis, scilicet liber Epistolarius. Proxima, est utraque utriusque materiarum traditio. Character imprimitur in traditione primæ materiarum. *Conjunctio Ratio est:* Quia circa eam habet actum primarium, cum proximius accedat ad consecrationem Eucharistiæ. Ex quo fit, quod ob rationem oppositam, legere, vel cantare Epistolam sit actus minus principalis Subdiaconi. Vide in Exam. 2. nu. 9. cur in primitiva Ecclesia Subdiaconatus non fuerit numeratus inter Ordines sacros.

Colligitur ex his differentia materia Sacerdotis Ordinaudi; Quia illi dantur calix, & patena cum pane, & vino: Subdiacono verò calix vacuus.

*Debetne calix cum patena esse consecratus? Non est de necessitate.* Tum quia id nullo jure præcipitur. Tum etiam, quia in calice non consecrato valide (etiam non licite) fit consecratio Eucharistia.

charistiae. Ergo etiam per ejus traditionem valide ordinari Subdiaconus.

*Debetne Ordinandus necessarium tangere calicem, & patenam?*

*Affirmo*, esse de præcepto graviter obligante juxta Pontificalis Romani Rubricam, quæ mandat, ut ordinandi inferioribus digitis Calicem tangant, superioribus verò Patenam. Si tamen immediate tangeretur solus calix, & non patena, Ordinatio esset valida, quia Patena tangeretur physice mediate.

*Resp. 4.* Duplici materię hujus Ordinis correspondet duplex forma, nimirum verba Episcopi ordinantis. Primaria, & essentialis est hæc: *Videte, cujusmodi ministerium vobis tradatur. Ideo vos admoneto, ut ita vos exhibeatis, ut Deo placere possitis.* Forma secundaria ad librum Epistolarum est hæc: *Accipite librum Epistolarum, & habete potestatem legendi in Ecclesia sancta Dei tam pro vivis, quam pro defunctis, in nomine Patris, &c.*

*Resp. 5.* Christus Subdiaconatum instituit in ultima Cæna, quando panem, & vinum consecrandum præparavit.

*Resp. 6.* Obligationes, quas Subdiaconatus addit super 4. Minores, sunt duæ ex institutione Ecclesiæ. Una est ad perpetuam calitatem, altera ad dicendas horas Canonicas.

*Quid si Subdiaconus Religiosus professus, aliunde jam ad horas obligatus, eas omittat, committitne duplex peccatum?*

*Resp. Negativè.* Est tamen peccatum gravius, & circumstantia in confessione necessario exprimenda.

*Quid si Subdiaconus in mortali ministret, peccatne de novo mortaliter?*

*Affirmo* probabilius juxta dicta supra Tr. 11. Exam. 4. n. 37. R. 7. nisi prius eliciat contritionem; confiteri tamen prius, licet sit de consilio, non tenetur, ut ibidem patet n. 38. Unde S. Thom. hic q. 36. ar. 5. in c. ait. Lex præcipit, ut homo iustè ea, quæ iusta sunt, exequatur. Et ideo quicumque hoc, quod sibi competit ex Ordine, facit indignè, quod iustum est, iniustè exequitur, & contra præceptum Legis facit, ac per hoc mortaliter peccat. Quicumque autem cum peccato mortali aliquod sacrum Officium pertractat, non est dubium, quin indignè illud faciat, unde patet, quod mortaliter peccat. Hęc ibi. Ubi S. D. loquitur de Ordinibus sacris, ut patet ex illis, *sacrum officium*. Et ibidem ad 2. ait: *Est de jure naturalis, ut homo sancta sanctè pertractet*. Idem habet ibid. ad 4.

*Teneturne Subdiaconus suum officium exercere jejunos?*

*Tenetur* ex congruentia propter reverentiam Sacramenti Eucharistiæ, hinc non peccat mortaliter, si non jejunos ministret.

**XXXVI. Resp. 7.** Subiectum hujus Ordinis capax, est masculus, baptizatus, confirmatus, non excommunicatus, legitime natus, non

mancipium, prima tonsura & 4. Minoribus initiatus, annorum viginti, & unius completè. Ex quibus aliqua sunt de necessitate mediæ, aliqua de necessitate præcepti, ut patet ex præcedentibus.

*Resp. 8.* Præter vestes aliis ministris Subdiacono inferioribus communes, dantur ei aliæ duæ, scilicet Dalmatica, in qua venit cum Diacono, & Manipulus in sinistra manu, qui est ejus vestis propria, & essentialis. Ubi

Nota, quod significatio manipuli pateat supra ex S. Tho. in Exam. 3. n. 33. ad Q. 7. Ultra hoc dici potest, quod significet patientiam, vel fructum bonorum operum juxta illud Psal. 125. *Euntes iuvate, & sicut portantem manipulos suos*. Portatur autem in sinistra, quia hæc significat vitam præsentem, in qua debemus patientiam exercere, ut bonorum operum fructus possimus percipere.

*Quid si Subdiaconus suo officio fungatur sine vestibus?*

*Peccat mortaliter*, si id faciat ex contemptu, vel negligentia.

*Subdiaconandus cum qua dispositione, ac veste debet comparere apud Ordinationem?*

*Resp.* Debet comparere, ut ante examinatus, & approbatus, & ut dispositus ad sacram Communionem, patulam habens tonsuram, indutus vestibus Acolythi supra nominatis. Ultra eas debet secum ferre manipulum, eumque tenere sinistra manu; & Dalmaticam super sinistra brachium gestans, & dextra cereum offerendum.

*Diaconatus.*

**XXXVII.** Quanta scientia requiritur in Diaconandis, & ex quibus scientiæ examinari, sufficienter dictum est in hoc Examine ad Q. 1. Tenentur etiam scire omnia, quæ Subdiaconi ob rationem ibidem in R. 2. datam.

**QUÆRO III.** Quid est Diaconatus? quod ejus Officium? quæ materia, & forma? quæ obligatio, quod subiectum? quæ vestis?

**XXXVIII. Resp. 1.** Diaconatus definitur sic: Est Ordo sacer Ecclesiasticus, vel Ordinatio, qua confertur potestas proximè assistendi Presbytero in ministerio altaris, & legendi Evangelium in Missa.

*Resp. 2.* Officium Diaconi patet ex data definitione, nimirum Presbytero immediate ministrare (unde & hæc vox, *Diaconus*, idem significat, quod minister) hostiam in patena, & vinum in calice ei tradere, Evangelium in Missa legere solemniter, id est, in vestibus Diacono ex vi officii competentibus. Præter hæc duo Diaconi officia sunt adhuc alia, nimirum rudimenta Fidei summarie populo proponere, pro quo tamen Catechismus Concilii Tridentini monet, ut id non faciat ex loco superiori, seu ex suggestu, nisi id ei Episcopus permiserit, quia munus prædicandi non cõpetit ei ex officio, sed solum per dispensationem: qua obtenta potest

R r 4 licitè

licité publicè prædicare. Item, quia in Ordinatione Diaconi dicitur, *Diaconum oportet baptizare, & prædicare*, Diaconus potest solemniter baptizare ex commissione Episcopi, vel Sacerdotis ei facta ex necessitate urgente, sic ut fiat minister solemniter, non ordinarius, sed extraordinarius. Quod si faceret solemniter abque commissione, graviter peccaret. Porro solemniter prædicare est id facere cum stola, & ex cathedra. Dum Diaconus solemniter ex commissione baptizat, debet esse superpelliceo indutus, & stola per transversum posita ad differentiam Sacerdotis. Iterum ex Ecclesiæ statuto ad Diaconum spectat baptizandos instruere, disponere, vestibus expoliare, bona Ecclesiæ dispensare, elemosynas distribuere, ubi adhuc est in usu.

In Primitiva Ecclesia, quando sub utraque specie communicabatur, Diaconi officium erat Sanguinem Christi dispensare, immò & in defectu Sacerdotis, & necessitate cogente, Corpus Christi ministrare. Quod etiam de facto adhuc posset in defectu Episcopi, aut Sacerdotis, aut iussu ejus in extrema necessitate, ut periculosè infirmis communicet, dato etiam, quod non esset absolutus, nec confessus, dummodo exhibeat specialia contritionis signa, & desiderium sumendi Eucharistiam pro Viatico, & mors urget. Quo tamen in casu cavendum est scandalum, debetque Diaconus ille adhibere testes hujus ministerii fide dignos. Si verò esset casus, quo communicandus esset infirmus Sacerdos, quid agendum patet suprà Tract. 12. Exam. 4. n. 60. ante R. 4.

*Potestne* Diaconus licitè Eucharistiam, seu pixidem, in qua Eucharistia continetur, transferre de loco in locum?

*Affirmo*: Quia habet potestatem super Christi Corpus in sacris vasis contentum. Idem probat quotidiana praxis, dum Diaconi pro Communione, vel solemnè Processione, aut Venerabilis Sacramenti expositione Ciborium, Monstrantiam, vel lunulam educunt, & Sacerdoti tradunt.

*Potestne* Diaconus in necessitate, vel iussu Episcopi administrare Sacramentum Pœnitentiæ?

*Non potest*: Quia ad id de necessitate requiritur character Sacerdotis. Quod autem possum ministrare Eucharistiam, est disparitas, quia eam non conficit, sed ab alio consecram dispensat: Sacramentum autem Pœnitentiæ deberet ipse conficere.

*Potestne* assistere Matrimonio ex commissione Parochi?

*Non potest*: Quia Trid. Sess. 24. de reform. cap. 7. committit hoc munus soli Parocho, vel alteri Sacerdoti de ejus licentia. Unde si Diaconus esset Parochus, posset.

*Potestne* ministrare Extremam unctionem?

*Non potest*, de quo vide Tract. 14. Exam. 4. num. 112.

*Resp. 3.* Materia remota Ordinationis Diaconi est liber Evangeliorum: proxima, traditio ejus. Vel dici potest, Materiam ejus remotam esse duplicem: unam essentialiam, & de necessitate Sacramenti, nimirum librum Evangeliorum, alteram accidentalem, & integralem, ac de necessitate præcepti, nimirum impositionem manuum.

*Debetne* necessariò esse liber Evangeliorum?

*Sufficit*, si sit alius liber, aliqua tamen Evangelia continens, vel tota Biblia, secus si solum Vetus Testamentum sit, quia in eo non sunt Evangelia; si verò traderetur liber omninò profanus, Ordinatio esset nulla defectu materiæ.

*Quid est*, quòd Act. 6. Diaconi fuerint ordinati per solam impositionem manuum?

*Et contrigit* fortè ex speciali dispensatione Christi, quia enim in exordio nascentis Ecclesiæ nondum erat editus liber Evangeliorum, adhibebatur impositio manuum. Vel fuit tradita aliqua charta continens doctrinam Evangelicam.

*Resp. 4.* Duplici materiæ correspondet duplex forma, nimirum verba Episcopi. Prima, & essentialis est: *Accipe potestatem legendi Evangelium in Ecclesia, tam pro vivis, quam pro defunctis in nomine Domini*. Altera integralis: *Accipe Spiritum sanctum ad robur, & ad resistendum Diabolo, & tentationibus ejus in nomine Domini*.

Vide suprà Tract. 11. Exam. 1. n. 6. de diversitate Ordinationis Diaconi in Ecclesia Latina, & Græca.

Item vide infrà in Exam. 5. n. 43. R. 3. de duplici materia presbyterii, & duplici gratia per illud causata, quod dictum etiam hic servit.

XXXIX. *Resp. 5.* Character Diacono imprimatur in traditione libri Evangeliorum, non verò in contactu alicujus rei sacræ, pertinentis ad principalem ejus actum.

*Rationem* dat S. Th. hic q. 37. ar. 5. dicens: Potestas Diaconi est media inter potestatem Subdiaconi, & Sacerdotis, Sacerdos enim directè habet potestatem super Corpus Christi, Subdiaconus autem super vasa tantum: sed Diaconus super Corpus Christi in vase contentum. Unde ejus non est tangere Corpus Christi, sed portare Corpus in patena, & dispensare Sanguinem cum Calice. Et ideo ejus potestas ad actum principalem non potuit exprimi, nec per dationem vasis tantum, nec per dationem materiæ: sed exprimitur potestas ejus ad actum secundarium tantum in hoc, quod datur ei liber Evangeliorum; & in hac potestate intelligitur alia. Et ideo in ipsa libri datione imprimatur character. Hæc ibi.

*Resp. 6.* Christus Diaconatum instituit in ultima Cœna.

*Ratio*: Quia tunc instituit Sacerdotium ad

ad quod Diaconatus est ultima dispositio, seu proximus gradus.

*Resp. 7.* Obligationes Diaconus non habet ultra eas, quæ assignatæ sunt pro Subdiacono: & quæ ex vi officii ejus colliguntur.

*Resp. 8.* Subiectum hujus Ordinis describitur, uti de Subdiacono dictum est supra ad Q. 1. R. 7. n. 36. dummodo addatur, *Et Subdiaconatus initiatus*. Item, *annorum 22. completæ*.

*XL.* *Resp. 9.* Quamvis Diaconus portet omnes vestes Subdiacono communes, cum sit Subdiaconus: essentialis tamen, & propria ejus vestis est Stola a sinistro humero per pectus, & dorsum ad latus dextrum sub brachio dextro ducta.

*Quid si* Diaconus sine sua velle fungatur suo officio?

*Dicendum* uti ante de Subdiacono, n. 36.

*Diaconandus* cum qua dispositione, & veste debet comparere apud Ordinationem?

*Resp.* sicut de Subdiacono dictum est, hoc solo variato, quod debeat comparere indutus vestibus Subdiaconi, portans Dalmaticam super brachium sinistrum, & Stola tenens manu sinistra: dextra verò cereum offerendum Episcopo.

*Quid significet Stola*, vide supra in Exam. 3. n. 33. ad Q. 7.

*XLII.* *Quid si* Diaconus actum sui Ordinis exerceat in mortali, peccatne de novo mortaliter?

*Affirmo* probabilius juxta dicta, & probata de Subdiacono in hoc Exam. num. 35. post R. 6. & loco ibidem cit. Accedit specialis ratio: Quia si Sacerdos facta jam consecratione Missam non possit perficere, ut si infirmaretur, vel moreretur, Diaconus (si alius Sacerdos non adesset) sumendo propria manu Sanctissimum, deberet absolvere Missam. Vide similia infra Exam. 7. n. 93.

*Teneturne* Diaconus suum Officium exercere?

*Tenetur* indubie si alicui Ecclesie adscribatur, ut intersit, aqua frustrâ est potentia, quæ non reducit ad quidam: sed a mortali communiter quis excusatur; si contemptus, & scandalum desit.

*Teneturne* officio suo fungi jejunus?

*Dicendum* sicut de Subdiacono dictum est. Si tamen Diaconus juxta calum ante positum quasi prævideret, vel dubitaret, Missam a se perficiendam esse (quod tamen rarum est) peccaret mortaliter frangendo jejunium, consentiendo in peccatum mortale, vel saltem in peccatum proximum ejus.

*Potestne* Diaconus in recitatione Breviarii ante Collectas dicere *Dominus vobiscum*?

*Potest*, modo non sit præsens Sacerdos, quo præsentem non potest, nisi de ejus licentia, ut habent Rubricæ.

*De Ordine Presbyteratus, sive Sacerdotii.*

**Q**UÆRO I. Presbyterandus quæ debet scire, & ex quibus materiis solet examinari?

*XLIII.* *Resp. 1.* Conc. Trid. Sess. 23. de reform. cap. 14. ita statuit: Qui piæ, & fideliter in ministeriis antea disce gesserint, & ad Presbyteratus Ordinem assumuntur, bonum habeant testimonium, & hi sint, qui non modo in Diaconatu ad minus annum integrum, nisi ob Ecclesiæ utilitatem, ac necessitatem aliud Episcopo videretur, ministraverint, sed etiam ad populum docendum ea, quæ scire omnibus necessaria sunt ad salutem, ac ad ministranda Sacramenta, diligenti examine præcedente, idonei comprobentur: atque ita pietate, ac castis moribus conspicui, ut præclarum bonorum operum exemplum, & vitæ monita ab eis possint expectari. Hæc ibi.

*Resp. 2.* Circa Scientiam Sacerdotis distinguendum est; Habet enim duas functiones. Prima, & præcipua est super Corpus Christi verum, nimirum consecrandi Eucharistiam, seu legendi Missam, sine cura animarum, unde dicitur *Simplex Sacerdos*: id est, non curatus, quales non pauci dantur in Clero tam Sæculari quàm Regulari, nec ad prædicandum, nec ad confessionum audientiam applicati, & his sufficit scire ea, quæ spectant ad Sacramentum ritè peragendum, nimirum materiam, formam, intentionem, ac dispositionem requisitam, & defectus, qui occurrere possunt, quæ necessaria sint altari, & similia.

Altera est functio super Corpus Christi mysticum, seu super Fideles, quæ incumbit animarum Curatoribus, Pastoribus, Parochis, Confessariis, Concionatoribus, qui divina Mystéria, & ea, quæ sunt Fidei, populum docere debent: unde & (quia nemo dat, quod non habet) ipsimet eas scire tenentur: pro diversitate tamen regis commissi, tenentur habere scientiam majorem, vel minorem. Si enim quis simpliciter populo præsit, sufficit, si possit, uti tenetur, eum in articulis Fidei informare, Decalogum exponere, peccatorum gravitatem explicare, salutaria remedia præscribere, & similia, quæ suum Officium concernunt. Pro quo vide in Tract. primo proœmiali. Q. 5. nu. 11. ubi plura de hoc dicta sunt.

*Requiruntne* major scientia in sacerdote Regulari quàm Sæculari?

*Affirmo*, ceteris paribus; tum quia communiter populus magis, & cum majori fiducia recurrit ad Religiosos quam ad suos Parochos, unde videtur plus de scientia in eis supponere: tum etiam, quia sæpè a Superioribus deputantur non tantum ad plebeorum, sed & altioris conditionis hominum confessiones audiendas.

*Resp.*

*Resp. 3.* Materiarum, ex quibus Presbyterandi solent examinari, sunt, quæ hic sequuntur, & omnia, quæ in præcedentibus dicta sunt de Clericatu, & Ordinibus in communi, & in specie de 4. Minoribus, de Sub- & Diaconatu. Cum enim Presbyteratus omnes inferiores Ordines eminenter in se contineat, & eis supereminere dignitate, præminere etiam debet scientia. Hinc presbyterandus debet se parare ad Examen ex omnibus materiis in Exam. 4. R. 2. & 3. ad Q. 1. nominatis.

*Resp. 4.* Presbyterandus solet specialiter examinari ex Tract. 12. de Eucharistia, ut Sacramentum est, & ut Sacrificium est. Tales questiones sunt

1. Quid sit Eucharistia, ut Sacramentum? in quo essentialiter consistat, quod vide in eodem Tract. 12. Exam. 1. n. 1. & seqq.

2. An sit unum Sacramentum, vel plura, vide ibidem n. 3.

3. Quantum, & quibus sit necessaria ejus sumptio, ibidem n. 4.

4. Ubi, & a quo instituta? ibidem n. 5.

5. Quæ sit Materia consecrationis in Missa, qualis panis? an solus triticeus? an ex hordeo, siligine, spelta, farre, an solus azymus? in Exam. 2. n. 6. & seqq. quale vinum? n. 8.

6. Quanta præsentia, & quantitas materiarum requiratur, & sufficiat ad consecrationem, vide n. 10.

7. Quare vino misceatur parum aquæ? n. 9.

8. An illa Aqua immediate convertatur in Sanguinem Christi. n. 11.

9. An una Species possit consecrari sine altera. n. 15.

10. An in Eucharistia nihil maneat de pane, & vino, in Exam. 3. n. 19.

11. An, & quando Christus sit præsens in Eucharistia. Exam. 3. n. 17.

12. Quem illa sint in Eucharistia ex verborum? quæ per concomitantiam. ibidem n. 21.

13. Quid de casu, quo in Eucharistia miraculose apparet puer, vel caro. Exam. 4. n. 62.

14. Quæ essentialis forma utriusque Speciei Consecrationis. Exam. 4. n. 24.

15. An verba formæ proferantur solum historicè, & pro quosupponant? ibidem n. 26.

16. An prima forma habeat suum effectum ante alteram, ibidem R. 4.

17. Quis sit effectus Eucharistiæ Sacramenti, ibidem n. 28.

18. Quomodo profit non fumentibus. n. 29.

19. Quotuplex sit mauducatio, vel modus manducandi Eucharistiam. ibidem n. 30.

20. An Angeli manducant Eucharistiam. ibidem n. 31.

21. Quæ dispositio requiratur ex parte animæ? an necessariò præmittenda confessio, si quis sit in mortali, præsertim Sacerdoti celebraturo. ibidem n. 32.

22. Quid si non sit copia Confessarii. ibid.

23. Quantum peccatum sit indigna sumptio. ibidem n. 33.

24. Eucharistia estne peccatori publico, vel occulto deneganda. n. 34.

25. Estne danda non habentibus usum rationis. n. 36.

26. Quæ requiritur dispositio ex parte corporis? an cibis aut pollutio prævia impediatur. ibidem n. 39. & seqq.

27. An sint casus, in quibus non jejuno licet sumere Eucharistiam. n. 42.

28. In quæ ætate obligentur pueri ad Eucharistiam. n. 46.

29. Quid de Communionem Paschali? n. 47. & seqq.

30. Quid de Communionem in articulo, vel periculo mortis. n. 49. & seqq.

31. An liceat quotidie communicare, vel omnino a Communionem cessare. n. 52. & seqq.

32. An Christus sumperit suum corpus? an dederit Judæ. n. 56. & 57.

33. Quid si Eucharistia fuisset servata tempore mortis Christi. n. 59.

34. Quis sit minister Eucharistiæ? an solus Sacerdos? an non & Diaconus. n. 60.

35. Quoties teneatur Sacerdos celebrare, vide n. 63.

36. An Missa mali, & boni Sacerdotis sit ejusdem valoris. n. 67.

37. Quomodo Eucharistia servanda sit in Ecclesiis, etiam Monialium? & quid de lampade. n. 68.

#### *De Eucharistia ut Sacrificio.*

38. Estne Missa verum Sacrificium? Exam. 5. n. 69.

39. An mors Christi in Cruce, &c. n. 70.

40. Quomodo differant Sacrificium Crucis, Coenæ, & Missæ. n. 71.

41. Quis sit principalis offerens in Missa. n. 72.

42. In qua actione essentialiter consistat Sacrificium Missæ. n. 73. & 74.

43. Estne infiniti valoris. n. 75. & 76.

44. An liceat pro una Missa accipere plura stipendia. n. 77.

45. An quis possit partem stipendii dare alteri, ut Missa legat, altera parte sibi retenta. ib.

46. An liceat anticipatè dicere Missas pro stipendio futuro. ibid.

47. An Missa pro pluribus oblata eque profit singulis, quàm si offerretur pro uno tantum. 78.

48. Quomodo, & pro quibus Sacerdos debeat applicare Missam. ibid.

49. Quisnam ex Missa accipiat majorem utilitatem. n. 79.

50. Cujus auctoritate fiant reductiones Missarum. n. 80.

51. Quos effectus habeat Missa ex opere operato. n. 87.

52. An sit utilis facere legi pro se Missas ante, vel post mortem. n. 82.

QUÆRO II Quid est Presbyteratus? quod ejus Officium? quæ materia, & forma? quæ obligatio? quod subiectum? quæ vellis?

XLIII. *Resp. 1.* Presbyteratus sic definitur: *Est Ordo sacer Ecclesiasticus, vel Ordinatio, qua ordinatus confertur potestas super Corpus Christi verum (illud nimirum consecrandi, seu consecrandi) & super Corpus Christi mysticum, seu super Fideles remittendi illis peccata.* Vide supra in hoc Tr. Exam. a. n. 7. R. 3. definitionem Ordinis in communi, quæ hic faciliè, addendo differentiam, potest applicari. Vide ibidem R. 4. quod Ordo possit dupliciter sumi. Adde quod quamvis Sacerdotium, & Presbyteratus passim pro eodem sumantur, in rigore tamen Sacerdotium significat gradum, ac potestatem, Presbyteratus vero illam actionem, & externam sacram Cæremoniam, qua alicui potestas datur super Corpus Christi verum, & mysticum.

*Resp. 2.* Duplex potestas Presbyteri, & officium patet ex data definitione. Una super Corpus Christi verum, altera super mysticum. Primum ergo, & principale ejus officium est consecrare Corpus, & Sanguinem Domini. 2. Ministrare Sacramenta, exceptis Ordine, & Confirmatione, &c. 3. Ministrare Sacramentum Pœnitentiæ, solis enim Sacerdotibus data est potestas clavium. Quæ potestas quid sit, & quodplex, vide supra in Tr. 1. procemiali a. Q. 3. usque ad Q. 4. n. 9. Item vide supra Tr. 13. Exam. j. n. 62. quod Sacerdos, eo ipso quod est ordinatus, non possit validè absolvere a peccatis. Item vide Tract. 11. Exam. j. n. 32. quomodo officium Presbyteri sit baptizare. 4. Officium Sacerdotis est benedicere dona Dei. 5. Prædicare, putà, ex commissione, & non ex officio, nisi habeat curam animarum.

*Resp. 3.* Materia remota Ordinationis Presbyteri, est calix cum vino, & patena cum superposita hostia; proxima, est traditio ejus. Vel dici potest, & debet, materiam remotam Presbyteri esse duplicem; unam essentialiam, quæ modò est assignata; alteram integram, & hæc est impositio manuum, non quidem illa, quæ statim a principio Ordinationis fit ab Episcopo, & aliis duobus Sacerdotibus; tum quia tunc nulla profertur forma, tum quia aliteriam alii duo Sacerdotes cum Episcopo manuum imponentes essent ministri hujus ordinis, sed illa Ordinatio, quæ fit in fine Missæ, quando Episcopus super caput Sacerdotis manus imponit, & proferat verba, seu formam postea assignandam.

Quod prima sola sit essentialis, est ideò, quia in ea juxta S. Thom. hic q. 37. ar. j. in c. imprimi tur character, & causatur gratia primaria: quia

datur ordinatio aliquid, quod ad proprium, & principale alicui Sacerdotis spectat, qui est consecrare Corpus, & Sanguinem Christi. Quod altera saltem sit integralis, patet: quia per eam datur potestas remittendi peccata quæ pertinent ad integritatem Sacerdotii, & character ante impressus (in entitate unus, & idem manens) ampliatur, & extenditur ad novum effectum, scilicet ad remissionem peccatorum, causaturque novum augmentum gratiæ, seu gratia integralis ad tale munus ritè obeundum. Hoc enim denotant verba illa Episcopi: *Accipe Spiritum sanctum, &c.* Hinc Trid. sess. 3. Can. 4. ait: *Si quis dixerit, per sacram Ordinationem non dari Spiritum sanctum, ac proinde frustra Episcopos dicere, Accipe Spiritum sanctum, anathema sit.* Idem docet loco ante citato.

Ex quo sequitur, quod licet id, quod causat gratiam essentialiam, sit Sacramentum, non tamè quod causat integram. Item licet unum Sacramentum causet unicam gratiam essentialiam, bene tamen simul aliam integram.

Nota, quod Apostoli Ordinem sacerdotalem contulerint per solam manuum impositionem, factum est ex Christi dispensatione, qui materiam, & formam hujus Sacramenti in specie infima non determinavit. Vide supra Tr. 11. Ex. 1. n. 6. Cur græci Episcopi adhuc validè ordinent suos Presbyteros per solam manuum impositionem absque eo, quod hæc sit materia essentialiter diversa. Quod ibidem explicatur.

*Resp. 4.* Duplici materiæ Presbyteratus correspondet duplex forma. Una est essentialis, nimirum illa verba Episcopi sub traditione Calicis, *Accipe potestatem offerendi Sacrificium Dei, Missæque celebrandi tam pro vivis, quam pro defunctis in nomine Domini.* Altera integralis, nimirum illa verba Episcopi sub impositione manuum, *Accipe Spiritum sanctum, quorum remisisti peccata, remittuntur eis; & quorum retinueris, retenta sunt.*

Ex his sequitur, quod si Presbytero ordinato non imponeretur manus, esset quidem verus Sacerdos, quia haberet potestatem consecrandi; non tamen esset perfectus Sacerdos, quia ei deesset complementum ad integritatem Sacerdotii requisitum, scilicet potestas remittendi peccata. E contra si ei manus imponeretur, omissa prima materia non posset validè absolvere peccatis: quia potestas in Corpus Christi mysticum essentialiter presupponit potestatem in Corpus Christi verum, quia per hanc propriè fit Sacerdos.

*Estne ipsa hostia necessariò immediatè tangenda?*

*Sufficit, immediatè tangere patenam, in qua jacet hostia.*

*Quid si hostia immediatè daretur in manus Ordinandi sine contactu patenæ?*



*Effect quidem valida Ordinatio (quia patena solum adhibetur ob congruitatem, & traderetur id, quod per se, & essentialiter requiritur) esset tamen illicita, ut potest contra præceptum Ecclesiæ in re gravi. Idem est de casu, in quo hostia, & vinum alicui traderentur, ut commixta in calice ob eandem rationem.*

*Quid si immediatè tangeretur solus calix, & non patena?*

*Ad hoc patet R. sicut de Subdiacono supra Exam. 4. n. 3. ante R. 4.*

*Quid si vino non esset admixta aqua?*

*Effect valida Ordinatio. Quia aqua solum est de necessitate præcepti, non medii.*

*Quid si in calice esset quidem vinum, sed non hostia, vel è contra?*

*Effect Ordinatio dubia, & sub conditione iteranda.*

*Debetne calix necessariò esse consecratus? Idem est de patena.*

*Ad hoc patet R. sicut de Subdiacono supra dictum est.*

*Quid si unus Episcopus traderet materiam, & alter pronuntiaret formam?*

*Effect invalida Ordinatio, utramque enim idem Minister præstare debet.*

*XLIV. Resp. 5. Christus Dominus Sacerdotium instituit in ultima Cœna.*

*Ratio: Quia tunc Apostolos fecit Sacerdotes.*

*Resp. 6. Obligationes ultra eas, quas diximus habere Minoristas, & Subdiaconum, ac præter obligationem ad castitatem, & ad horas Canonicas, colliguntur ex assignatis officiis Sacerdotis. Et plures habet Sacerdos curatus ratione officii curæ animarum, quàm Sacerdos simplex. Uti ex se patet.*

*Resp. 7. Subiectum hujus Ordinis describitur uti de Subdiacono dictum est Exam. 4. num. 36. dummodò addatur, & Diaconatu insignitus. Item annorum 24. completè.*

*XLV. Resp. 8. Vestes sex Sacerdoti assignantur, nimirum 4. inferioribus Ministris communes. 1. Amictus, seu humerale. 2. Alba. 3. Cingulum. 4. Manipulus. 5. Stola per crucem antepectus accomodata, vel (pro diversitate Ministerii) utrinque æqualiter deorsum pendens. 6. Casula, seu planeta. Quæ duæ posteriores sunt propriæ vestes Sacerdotis, nulli aliter ministro convenientes.*

*Nota: Sacerdos celebraturus aptans Stolam in modum Crucis, debet prius eam ducere a sinistro ad dextrum latus; prius enim fuit Diaconus quàm Sacerdos. Albam induens debet primò vestire brachium dextrum, tum quia videtur id esse connaturalius; tum quia non sinistra sed dextra manus Christi creditur prius fuisse cruci affixa.*

*Presbyterandus cum qua dispositione, & veste debet comparere apud Ordinationem?*

*Eo modo quo de Subdiacono dictum est, hoc variato, quod debeat esse indutus ut Diaconus, nimirum amictu, alba, cingulo, manipulo, & stola per transversum, insuper super sinistram brachium portans casulam, seu planetam complicatam, gestans etiam candelam, & conferens albam mappulam pro ligandis manibus.*

*Præfatas sex vestes habentne aliquam mysticam significationem?*

*XLVI. Habent moralem, seu quæ ad vitæ, ac morum reformationem refertur, ut explicatum est ex S. Thom. in Ex. 3. n. 33. ad Q. 7. Habent insuper mysticam ex passione Christi: Nam 1. amictus, seu humerale significat illud velamen, quo Judæi velabant faciem Christi, dicentes: *Prophesiza nobis, quis est, qui te percussit?* Alba, 2. quæ est vestis lineæ, & candida, significat illam vestem, qua Christum indutum illustit Herodes. 3. Cingulum, seu Zona significat vincula, quibus Christus in horto fuit ligatus. 4. Manipulus a lævo brachio dependens significat illud ligamen, quo Christus columna fuit alligatus. Porro ponitur a parte sinistra, idè, quia sponderetur in dextra, esset Sacerdoti impedimento, dum format cruces. 5. Stola, quam Sacerdos circa collum conjungit, & illud ligat, significat illud ligamen, quo Christus in baulatione Crucis erat collo adstrictus. 6. Casula significat vestem purpuream, qua Christus in domo Pilati fuit indutus. Vel, ut alii volunt, Tunicam Christi inconfutilem.*

*XLVII. Licetne Sacerdoti in aliquo casu celebrare sine sacris vestibus?*

*In nullo casu licet, immò nequidem ex metu mortis, ita ut Sacerdos celebret solum indutus suis communibus, & usualibus vestibus, sed esset grave peccatum propter gravem irreverentiam divino Sacrificio irrogatam. In casu necessitatis omittere unam, vel alteram ex minoribus vestibus, ut cingulum, vel manipulum, non esset mortale. Si fieret ex inadvertentia; esset mortale, vel veniale pro quantitate materiæ.*

*Vide supra Tract. 12. Exam. 2. n. 16. ubi ad 3. dictum fuit, quòd nequidem liceat ad dandum Viaticum moribundo.*

*XLVIII. Licetne Sacerdoti celebrare cum capitego, seu pileolo, vel cum berruca; seu fisco capillitio?*

*Non licet. Nam dist. 1. de Consecr. sic habetur: Nullus Episcopus, Presbyter, aut Diaconus ad solemnia Missarum celebranda presumat cum baculo introire, aut velato capite altari assistere. Et qui temerè presumpserit, Communionem privetur.*

*Item Sacra Congregatio sub Urbano VIII. ita statuit: Nemo audeat uti pileolo in celebratione Missarum sine expressa licentia Sedis Apostolicæ, non obstante quacunque contraria consuetudine.*

Hinc

Hinc, & ulus berrucæ, seu ficti capillitii sub Missa illicitus est, quia berruca substituta est loco pileoli. Excipitur, nisi adfit specialis licentia, quam de facto dat solus Papa, vel manifesta necessitas ( si ad Papam non sit accessus ) iudicio viri prudentis, & Episcopi sufficiens iudicata, ut, calvities, senectus, capitis debilitas, aut deformitas, &c. Vel tandem consuetudo legitimè præscripta, quæ etiam alias Leges humanas abrogare potest. Hinc legitur, quod in Regno Chinesi ubi iuxta morem gentis caput detegere, est signum irreverentiæ ) tota Missa a Sacerdote celebratur velato capite. Verùm tamen S. Pius V. omnem tollere volens trespululum dedit ad id facultatem. Extra hos tres casus ulus berrucæ sub Missa potest ratione contempus, vel scandali esse peccatum mortale, etsi secundum se præcisè solum veniale esset.

Nota, quod Clerici, præsertim Sacerdotes, utentes berruca ( quæ debet esse moderata, & modesta ) debeant in ea portare tonsuram, seu coronulam, tanquam signum Status Clericalis: eo ferè modo, quo eam tenentur portare in capillitio naturali, de quo supra.

Quæri hic posset 1. An, & qualis in Sacerdote requiratur intentio ad celebrandam Missam, vel alia Sacramenta conficienda. Sed de hoc vide supra in Tract. 11. de Sacr. in Comuni.

Item an ante Missam teneatur præs dicere Matutinum. De quo vide supra Tract. 10. Exam. 5. n. 95. de horis Canonis.

## EXAMEN VI.

*De Missa, ejus definitione, pro quibus possit legi, quo tempore, quo loco, cum quibus sacris vasis. Quæ, & qualis legenda, quod stipendium pro ea?*

**QUÆRO I.** Quid est Missa, vel Eucharistia ut Sacrificium? Missa unde sic dicta? quid Missa sicca?

**XLIX. Resp. 1.** Missa, seu Sacrificium Missæ, vel Eucharistia, ut Sacrificium sic definitur. Est *Sacrificium Novæ Legis, in quo incarnatus immolatur Christus.* Hæc definitio explicata est supra Tract. 12. Exam. 5. n. 69. Definitionem Sacrificii ut sic vide in Tract. 10. de Religione Exam. 2. n. 15.

**Resp. 2.** Hæc vox *Missa* derivatur vel ab hebræo *Missac*, quod significat idem ac spontanea oblatio, vel a latino, *mitto*, sicque sensus est, quod Deus summum donum, & reconciliationis hostiam, scilicet Filium suum nobis mittat, & nos ei vicissim remittamus. De quo vide infra in Exam. 7. n. 91. &c. *Ubi Missa est*, quid significet.

**Resp. 3.** Missa instituta est a Christo in ultima Cœna, cum dixit Discipulis, *Hoc facite in meam commemorationem.* Tunc enim Christus posuit totam Missæ essentiam, in consecratione consistentem, licet alia ad solemnitatem, & ceremonias spectantia a Summis Pontificibus sint addita.

Nota, tres esse principales Missæ partes. Prima est præparatio, quæ se extendit usque ad Offertorium exclusivè; 2. Est Oblatio, quæ est ab Offertorio usque ad Communionem inclusivè. 3. Est gratiarum actio a Communionem usque ad finem.

**Resp. 4.** Missa sicca (quæ deficiente privilegio quondam consuevit fieri in longa navigatione) sic dicitur, quia fiebat sine Consecratione, at tamen a Sacerdote sacris vestibus induto in Altari legebantur reliqua totius Missæ: sed non est propriè Missa, nec Sacrificium, nec ullus, etsi commodè posset, tenebatur ei interesse. Solent etiam pueruli facere Missas siccas, quam pietatem si faciant sine lacris vasis, & vestibus, & absque pronuntiatione formæ Consecrationis, & sine irreverentia, ac irrisione sacri cultus Eucharistici, potest eis permitti.

*Subiectum capax fructus Missæ.*

**QUÆRO II.** Pro quibus potest offerri Sacrificium Missæ?

**L. Resp. 1.** Trid. Sess. 22. de Sacrif. Missæ c. 2. definit, quod non solum pro Fidelium vivorum peccatis, poenis, satisfactionibus, & aliis necessitatibus, sed & pro defunctis in Christo nondum ad plenum purgatis, ritè juxta Apostolorum traditionem offertur.

Hinc offerri potest pro omnibus Fidelibus, etiam peccatoribus, quibus tamen aliter prodest quam iustis: his enim prodest per modum satisfactorii, illis verò per modum expiatiivi a culpa, impetrando gratiam contritionis. Vide supra de effectibus Sacrificii Eucharistici Tract. 12. Exam. 5. n. 81.

**Resp. 2.** Sacrificium non potest propriè offerri pro Sanctis quasi pro eorum salute, sed in honorem eorum. Unde Trid. Sess. 22. c. 3. ita dicit: *Quamvis in honorem, & memoriam Sanctorum nonnullas interdem Missas Ecclesia celebrare consueverit, non tamen illis Sacrificium offerri docet, sed Deo soli, qui illos coronavit. Unde nec Sacerdos dicere solet, Offero tibi Sacrificium, Petre, vel Paule, sed Deo de illorum victoriis gratias agens eorum patrocinia implorat: ut ipsi pro nobis intercedere dignentur in Celis, quorum memoriam facimus in terris.* Hæc ibi. Hinc hoc Sacrificium Beatis prodest ad gloriam accidentalem.

**Resp. 3.** Sacrificium Missæ non potest offerri pro damnatis.

**Ratio:** Quia in Inferno nulla est redemptio,

tio, nec pœnæ, vel culpæ remissio, nec pœnitentiæ impetratio, cum damnati in malo sint obstinati, & inflexibiles. Ergo.

Hinc, si vera est historia, quod Trajanus precibus S. Gregorii fuerit ex Inferno redemptus, dicendum est, quod non fuerit simpliciter ad infernum damnatus, sed ad tempus ibi punitus, & detentus, damnationis sententia ob prævilas S. Gregorii preces suspensa, quarum intuitu fuit resuscitatus, baptizatus, & egit pœnitentiam. Ita S. Thom. in 4. dist. 47. q. 2. art. 2.

*Resp. 4.* Non licet hoc Sacrificium directè offerre pro excommunicatis majori excommunicatione, præsertim nomine Ecclesiæ, & Christi, si sint nominatim denunciati, aut publici perculsores Clericorum.

*Ratio:* Tum quia Ecclesia ita statuit in cap. a nobis. 38. de sentent. Excom. Tum etiam, quia de ratione excommunicationis majoris est, quod prius communibus Ecclesiæ suffragiis, inter quæ hujus Sacrificii oblatio præcipuum tenet locum.

*Dixi 1. directè.* Cum enim Ecclesia Missam directè offert pro Fidei propagatione, & Ecclesiæ augmento, indirectè eam offert pro illis excommunicatis, uti & pro Paganis, & Hæreticis, ut convertantur, quorum Conversio Ecclesiam auget.

*Dixi 2. nomine Ecclesiæ, & Christi;* Quia validè, & licitè potest Sacerdos pro illis in Missa orare nomine proprio, mentaliter tamen, & non per orationes communes, quas dicit nomine Ecclesiæ. Quia Excommunicatio major non privat precibus privatis, sed orationibus, & suffragiis communibus, ac indulgentiis; quæ offeruntur nomine totius Ecclesiæ.

Nota, quod Ecclesia in die Parasceves pro omnibus etiam infidelibus, & excommunicatis hoc Sacrificium offerat, sed Sacerdoti, ut personæ particulari, aliàs id non licet, nisi in sensu explicato.

*Resp. 5.* si sint excommunicati, non nominatim denunciati, & cum quibus ex Concilii Constantiensis indulto licitè possumus communicare, potest Sacerdos licite pro eis orare, ac sacrificare nomine Christi, & Ecclesiæ.

*Ratio:* Tum quia Concilium Constantiense generaliter permisit cum illis communicare in quibuscumque Divinis. Tum etiam quia cum aliis admittuntur ad audiendum Sacram, in quo Sacerdos in Memento orat pro omnibus circumstantibus dicens: *Et omnium circumstantium, pro quibus tibi offerimus hoc Sacrificium, &c.*

Ex quo sequitur, quod etiam directè liceat offerre hoc Sacrificium pro conversione hæreticorum nostrorum, quia non sunt Excommunicati nominatim denunciati. Ex quavis non sint capaces fructus Sacrificii quoad satisfactionem pœnæ debite, bene tamen quoad impetrationem auxiliorum, quibus ad

conversionem se disponant; suntque membra Christi per Baptismum, & Characterem, licet non per fidem, & charitatem. Nec adeo respectu eorum prohibitio Ecclesiæ, immò permissio, ut dictum est.

*Resp. 6.* Pro infidelibus, seu pro non baptizatis licitum est hoc Sacrificium offerre saltem indirectè, in sensu ante explicato.

*Ratio:* Quia Sacrificium Crucis se non extendit latius, quam Sacrificium Missæ, præsertim si nulla ad sit prohibitio Ecclesiæ, quia ex parte rei oblatæ sunt idem, & hoc est commemorativum illius; Sed Sacrificium Crucis fuit oblatum etiam pro infidelibus, & non adeo sit prohibitio Ecclesiæ, quod Missa pro eis non debeat offerri. Ergo saltem indirectè, &c.

Confirmatur: Licet infideles non sint membra Christi actu per Baptismum saltem, & characterem (in quo differunt ab Hæreticis, de quibus ante) sunt tamen membra in potentia, in quodifferunt a parvulis sine baptismo mortuis, & aliis damnatis: S. Thomas autem illa verba S. Augustini lib. 1. de anima & ejus origin. *Quis offerat Sacrificium, nisi pro iis, qui sunt membra Christi*, explicat de membris actu, vel potentia. Ergo.

*Resp. 7.* Pro Cathecumenis tam vivis, quam defunctis Sacrificium offerri potest, iisque prodest quoad fructum impetrationis.

*Ratio:* Licet non sint perfectè membra Christi, & Ecclesiæ per Baptismum in resuscitum, pertinent tamen ad Ecclesiam, per fidem, & in voto saltem, ac desiderio sicut Novitii ad Religionem, & possunt per Baptismum flammis in gratia decedere. Ergo.

**QUÆRO II.** Quid censes de more celebrandi *Requiem*, seu Officium funebre, vel Exequias pro vivis, valetne?

*Ll. Ratio dubitandi est:* Quia legitur de Vixis sanctis, ut B. Alberto Mag. &c. quod talia in vivis pro se fieri curaverint; diciturque mos ille vigere in Lotharingia, sic tamen, ut Collecta; v.g. *Absolve*, vel *Dulcia*, mortuum significans, vivo non applicetur.

*Resp.* Probabilis non licere, quidquid sit de illa consuetudine Lotharingiæ, abolenda merito, ac de aliis sanctis, qui indubiè aliam habuerunt intentionem, vel sententiam sibi visam probabiliter secuti sunt.

*Ratio 1.* Non est in facultate Sacerdotis, privata sua intentione mutare intentionem Ecclesiæ: Sed intentio Ecclesiæ est, ut Officium funebre, ac Missa de *Requiem* dicatur pro mortuis: ad hunc enim finem illas Collectas, & preces facit. Ergo inutiliter applicatur vivis.

*Ratio 2.* Ex opposita sententia sequitur, effectum, seu fructum talis Sacrificii debere suspendi usque post mortem illius, pro quo offertur: quia ille effectus est liberatio a Purgatorio, quæ non potest fieri nisi post mortem,

tem. *Subsumo*: Sed non potest suspendi. Ergo. Min. prob. Sermo hic esse debet de fructu Sacramenti ex opere operato: Sed is, si subiectum sit capax, cautatur infallibiliter, si incapax, nullatenus cautatur. Ergo non suspenditur. Vel si sermo sit de effectibus ex opere operantis causatis ex precibus, & suffragiis Ecclesiae, clare patet, quod illae preces significant solos mortuos, adeoque ad eos solos debeant referri.

Hinc qui ubi in vita vult benefacere per Missas, faciat eas, prout occurrunt, legi pro sua beata morte, & pro remissione peccatorum temporalis sibi luendae; ea enim remissa in hac vita citius liberabitur à Purgatorio. Quod etiam melius sit, facere sibi legi Missas in vitam, quam post mortem, videtur à Tr. 12. Exam. §. n. 82.

*Tempus Celebrationis.*

**QUAERO III.** Quid de illo tenes?

*LII. Resp. 1.* Regulariter Missa debet celebrari de die, & non in nocte. Ita S. Thom. 3. p. q. 83. ar. 2. ad 4.

*Ratio ibidem*: Quia ipse Christus est praesens in hoc Sacramento, qui dicit Joan. 9. *Me oportet operari opera ejus, qui misit me, donec dies est.*

*Resp. 2.* Principium diei non debet hic accipi à media nocte, nec etiam ab ortu Solis, id est, quando substantia Solis apparet super terram, sed quando incipit apparere aurora. S. Th. ibidem.

*Rationem dat*: Tunc enim quodammodo dicitur Sol ortus, in quantum claritas radiorum ejus apparet. Unde & Marc. 16. dicitur, quod Mulieres venerunt ad monumentum orto jam Sole; cum tamen venerint, cum adhuc tenebrae essent, ad monumentum, ut dicitur Joan. 20. sic enim hanc contrarietatem solvit S. Augustinus in lib. de consensu Evang. Ergo.

*Resp. 3.* Ordinariè non licet incipere Missam ante initium aurorae, quod etiam vocatur diluculum, vel diei crepusculum, vel prima irradiatio.

*Ratio*: Quia ordinariè, seu regulariter ante hoc tempus in hominibus non est dispositio ad Missae consecrationem, vel auditionem requisita.

Nota, initium diei non esse taxandum physice, vel mathematicè, sed moraliter, non enim consistit in indivisibili, nec omni tempore anni est aequale, salvaturque in praesenti illud: *Quod parum distat, nihil distare videtur.* Unde non est illicitum media hora, immò amplius praevénire, etiam sine licentia Episcopi, praefertim ex causa, aut necessitate, v. gr. ratione itineris, aut ob communicandum infirmum morti proximum, vel, ut laboraturi audiant Missam, ubi attendenda est consuetudo loci. Quorundam etiam Ordinum Religiosi ex speciali Privilegio, adhuc vigente, possunt tempus illud ad duas horas anticipare.

*Resp. 4.* Interstitium temporis, intra quod Missa debet legi, taxatur à diluculo usque ad

meridiem: ita ut mortaliter peccaret Sacerdos ordinariè, seu communiter, & secluso privilegio celebrans post meridiem.

*Ratio*: Tum quia homines scandalizarentur; Tum etiam, quia Episcopi graviter animadvertunt in eos, qui contrarium praesumunt.

Nota: Si Missa ante meridiem esset incepta, posset post eam terminari.

Dixi in R. 3. *communiter, seu ordinariè celebrans*, ad excipiendum casum rationabilis causae, v. gr. si in festo solemniori Missa solemnis, & Concio duraret post duas horas meridiem, potest finito Officio solemniori adhuc dici Missa privata, ne aliqui Missam omittant. Item in festo ratione itineris, dummodo non excedatur tempus unius horae. Item in aliquo particulari casu ex licentia Episcopi.

Dixi *secluso privilegio*; Religiosi enim habent privilegium, ut possint ex rationabili causa celebrare usque ad nonam inclusive, id est, usque ad 3. horas post meridiem. Hæc Privilegia adducit noster de la Cruz 2. c. 5. dub. 6.

Ex his colligitur, quod non amplius valeat consuetudo celebrandi Missam regulariter post meridiem, quæ vigeat tempore S. Thomae, ut patet ex cit. ar. 2. in fine corp.

*LIII. Resp. 3.* Regulariter, seu ordinariè in Ecclesia quotidie offertur hoc Sacramentum. Ita S. D. ibid. in corp.

*Rationem dat*: Quia fructu Dominicæ Passionis quotidie indigemus propter quotidianos defectus. Unde & Dominus nos petere docet Luc. 11. Panem nostrum quotidianum da nobis hodie. Quod exponens August. de Verbis Domini, dicit: Si quotidianus est panis, cur post annum illum sumis, quemadmodum Graeci in Oriente liberè consueverunt? Accipe quotidie, ut quotidie tibi prosit. Hæc ibi. Pro horum intelligentia videantur, quæ dicta sunt supra Tr. 12. Exam. 4. num. 52. de Communionem quotidiana. Quoties quilibet Sacerdos teneatur saltem in anno sacrificare, ut peccatum mortale evadat, vide ibid. n. 63.

Dixi in R. 3. *Regulariter, propter Parasceven, quæ excipitur, ut mox dicitur.*

**QUAERO IV.** Quid sentis de celebratione in Coena Domini, Parasceve, & Sabbato sancto?

*LIV. Resp. 1.* In feria quinta Coenæ Domini præter solemnem possunt licite celebrari Missæ privatae, secluso scandalo, quod forte in aliquo casu possit oriri, ubi non scitur id licere.

*Ratio*: Quia nullibi extat Lex vetans, aut consuetudo vim Legis habens. Hinc multi prudentes, & timorati viri illo die sine scrupulo privatim celebrant: attendenda quoad hoc est consuetudo loci.

*Resp. 2.* De facto ob speciale Ecclesiae prohibitionem ab Innoc. I. in Cao. *Sabbato. de*

*Consecrat. dist. 3. factam, mortaliter peccaret Sacerdos in die Paraceves celebrando Missam, sive privatam, sive solemnem.*

*Ratio congruentia*, cur eo die non celebretur Missa, est, quam dat S. Tho. ar. 2. cit. ad 2. dicens: Veniente veritate cessat figura, hoc autem Sacramentum est figura quædam, & exemplum Dominicæ Passionis: & ideo in die, qua ipsa Passio Domini recolitur, prout realiter gesta est, non celebratur consecratio hujus Sacramenti.

Subdit: Ne tamen Ecclesia ea etiam dies sine fructu Passionis per hoc Sacramentum nobis exhibito, Corpus Christi consecratum in die præcedenti, reservatur sumendum in illo die, non autem Sanguis propter periculum, & quia Sanguis specialius est imago Dominicæ Passionis. Hæc S. D.

*Quid si aliquod festum de precepto caderet in Paraceven, nonne tunc est celebranda Missa, ut audiatur a populo? Vel esse obligatio loco Missæ interessendi consuetæ Ceremoniæ?*

*Ad hoc patet R. supra Tr. 12. Ex. 5. ante nu. 74. Licetne scilicet Fidelibus eo die communicare?*

*Affirmo*: Non enim est lex Ecclesiæ id prohibens, quia in cit. Can. solum prohibetur, ne eo die Sacramenta celebrentur. Et quidem de sacra Communione infirmis danda, non est difficultas; Cum bene valentibus autem non debet practitari sine iusta causa: quæ esse potest interdum in quibusdam Plebeis, & Rusticis, qui non habent occasionem quovis die sumendi eo tempore Communionem Paschalem.

*Resp. 3.* Olim ad expressionem mortis, & sepulturæ Christi representationem, nec in Sabbato sancto dicebatur Missa, sed differebatur usque ad mediam noctem, & initium Dominicæ diei Resurrectionis: nunc verò Ecclesiæ consuetudo est, ut in illo Sabbato celebretur una Missa solemnis, Resurrectionis Dominicæ solemnitatem, antemeridiano Sabbati sancti tempore, inchoando. Missa privata eo die non debet legi, nisi forte in casu aliquo particulari exurgente, & rationabili causa, & scilicet ofuscando.

*Qualis autem Missa in eo particulari casu esset legenda?*

*Dico*, ne utique esse legendam Missam festi Resurrectionis, sed vel Votivam de B. V. aut alio Sancto, vel Missam ejusdem Sabbati, (quæ aliàs est solemnis) præmittendo Introitum Missæ festi Resurrectionis, quia proprium Introitum non habet, nec alius in Missali est præscriptus, sicut cæteroquin præscribitur in Sabbato Pentecostes pro Missis privatis.

**QUÆRO V.** Licetne eidem Sacerdoti sæpius celebrare in uno die?

*LV. Resp.* Secundum jus commune, & ordinarium citrà peccatum mortale non licet alicui in uno die celebrare pluries, quàm se-

mel. Ita c. *sufficit. de Consecras. dist. 1. & Sac. Thom. citat. artic. 2. ad 5.*

*Ratio congruentia* S. D. est: Quia Christus semel passus est, & totum mundum redemit; & valde felix est, qui unam Missam dignè celebrare potest.

*Dixi, secundum jus commune*; Quia ex singulari indulto Innocentii III. in Natali Domini tres Missæ celebrantur ad significandam triplicem Christi Nativitatem. Quarum una (ut explicat S. D. ubi supra 3. p. a. 2. ad 2.) est æterna, quæ quantum ad nos est occulta: Et ideo una Missa cantatur in Nocte, in cuius Introitu dicitur, Dominus dixit ad me, Filius meus es tu, ego hodie genui te. Alia autem est temporalis, sed spiritalis, quæ scilicet Christus oritur tanquam Lucifer in cordibus nostris, ut dicitur 2. Petri 1. Et propter hoc cantatur Missa in Aurora; In cuius Introitu dicitur: Lux fulgebit hodie super nos. Tertia est Nativitas Christi temporalis, & corporalis, secundum quam visibilis nobis processit ex utero Virginali carne indutus, & ob hoc cantatur Missa tertia in clara luce, in cuius Introitu dicitur: Puer natus est nobis: Hoc S. Thom. fusiùs ibidem explicat.

*Licetne in Nocte Nativitatis Christi continuatim statim legere omnes tres Missas?*

*Probabilis R.* non licere, & contrarium ab usum omnino abrogandum esse.

*Ratio* patet tum ex praxi Ecclesiæ obtinente vim Legis; Tum quia in sola prima Missa præscribitur esse legendum *Communicantes*, & *Noctem sacratissimam celebrantes*, in duabus reliquis verò, & *diei sacratissimum celebrantes*. Nec obstat, quòd summus Pontifex in c. *Noctis sanctæ*, inquit, Sacerdotes in nocte Nativitatis Christi posse Missas celebrare, loquens in plurali: loquitur enim de pluribus Sacerdotibus, quorum quilibet primam Missam de nocte celebrare possit.

Nota tamen, quòd prima Missa licetè possit inchoari statim a medio noctis, ut etiam patet ex praxi. Item quòd circa initium auroræ ejusdem festi omnes tres Missæ licetè possint continuò, seu mox consequenter ab aliquo legi.

**LVI. Nonne plures sunt casus**, in quibus quis potest sæpius celebrare in uno die?

Ante R. supponuntur duo. 1. Quòd Sacerdos pluries celebraturus debeat manere jejunos, & abluitionem non sumere nisi in ultima Missa. 2. Quòd, ut liceat, debeat esse casus, in quo non possit alius Sacerdos haberi, qui velit celebrare. His suppositis

*Affirmo*. Primus casus est, qui ab omnibus admittitur, & de facto ex Sacerdotum defectu adhuc in usu est, maxime in Missionibus, ac Missionariis Angliæ, Sveciæ, &c. si nimirum unus Sacerdos præsit pluribus Ecclesiis, seu Parochiis, potest in diebus festis celebrare tot Missas, quot habet Ecclesias; Quia necessitas



Legem non habet. In diebus autem ferialibus debet in Parochiis alternare. Si tamen jam esset introducta consuetudo, etiam in illis diebus sæpius celebrandi, potest servari: secus, introduci non debet absque concessione Prælati.

Nota hic de die Cens Domini, & Paralceves, quod in dicto casu hostia sit consecranda in Ecclesia principali, & ibi solemniter perficienda, debeantque Fideles alterius Ecclesiæ ad istam accedere. Si verò ambe Ecclesiæ sint æquales, Officium in iis annuatim alternetur.

Secundus adduci potest casus, quando nimirum in aliquo festo solemniter est tantus populi confluentus, ut Ecclesia eum non capiat: sed in eo casu probabilius videtur licere extra Ecclesiam celebrare in altari portatili, ut totus populus Missam audiat. Si verò non sit commoditas celebrandi extra Ecclesiam, idem Sacerdos potest bis celebrare, ne populus tanto spirituali solatio privetur.

Solent adhuc plures adduci casus, ut 1. casus sepulturæ. 2. adventus personarum potentis, v.g. Episcopi, quem, ut dicitur c. *quoniam de privileg.* in 6. decet quotidie audire Missam. 3. ob peregrinos in festo. 4. si in eodem die sint duæ Missæ, una festi, altera Vigiliæ, Rogationum, vel Desunctorum, ut insinuat S. Thom. cit. a. 2. Item 5. si nuptiæ sint benedicendæ. 6. si infirmus sit communicandus, & non adsit hostia consecrata.

Verum in his casibus non est urgens sufficiens necessitas. Non enim inconvens est, ut Episcopus defectu celebrantis omittat audire Missam, inamò si dies festus sit, ipsemet in eo casu celebrare tenetur, si possit: Nec est inconvens, quod defunctus sepeliatur sine Missa: Et sic de cæteris. In ultimo tamen casu si Sacerdos celebrans post consecrationem moneatur, potest particulam suæ hostiæ in eum usum servare. Nullatenus autem sit tam simplex, vel malitiosus, ut solum panem in continenti pro infirmo consecret, sufficit enim illi Eucharistiam sumere in voto, si aliter non possit.

*Locus Celebrationis.*

QUÆRO VI. Quid de illo?

LVII. Resp. i. Concil. Trid. postquam Sess. 22. in Decreto de Sacrificio Missæ sic statuerat: *Ut irreverentia vitetur, singuli (Episcopi) in suis Diocesisbus interdiciant, ne cui vago, & ignoto Sacerdoti Missa celebrare liceat. Nemini præterea, qui publicè, & notoriè criminofus sit, aut sancto Altari ministrare, aut sacris interesse permittant.* Subdit: *Neve patiuntur privatis in domibus, atque omnino extra Ecclesiam, & ad divinum tantum autem dedicata Oratoria ab eisdem Ordinariis designanda, & visitanda, sanctum hoc Sacrificium a Sacerdotibus, aut Regularibus quibuscunque peragi. Hæc ibi.*

Resp. ii. Angel. Doct. 3. p. q. 83. art. 3. ad 1. sic ait: Regulariter hoc Sacramentum celebrari Tribus locis Ordinandum.

debet in domo, per quam significatur Ecclesia, secundum illud 1. Timoth. 3. ut scias, quomodo oporteat te in domo Dei conversari; quæ est Ecclesia Dei vivi.

Ratio huius est major reverentia huius Sacramenti, & devotio Fidelium. Vide infra in hoc Exam. n. 62. in Notab. ante R. ad Q. 9. cur Ecclesia soleat consecrari?

Dixi, *regulariter*, seu ordinariè; Quia excipitur 1. casus licentiæ datæ ab Episcopo, qui est olim ante Trid. liberè, & absque necessitate potuerit, nunc verò solum in casu necessitatis potest concedere, ut celebretur in loco extra Ecclesiam, honesto tamen, & decenti, est aliàs profano.

Excipitur 2. casus necessitatis, ut potè Legem non habentis, ac tantæ, ut licentia ab Episcopo comode peti nō possit. Talis est casus 1. Si Catholicis ex hæreticorum persecutione non permittatur in domo aliqua Divina celebrare, sed sub dio. 2. Si Ecclesia populum non capiat. 3. In bello celebrare in tentorio, vel sub dio in defectu Ecclesiæ. 4. Pro dando Viatico defectu Ecclesiæ licet celebrare in domo privata. Concurrent enim hic duo præcepta, unum de non celebrando in tali loco, alterum de Viatico, quod secundum videtur esse altioris Ordinis. Ergo primum debet ei cedere. 5. In longo itinere, ubi templa non occurrunt, ut itinerrantes audiant Missam. 6. Tempore pestilentiae ad evadendum periculum pestis, quæ facilius contrahitur, dum populus in templo congregatur, Extra similes casus extra Ecclesiam celebrare, est peccatum mortale.

Nota, quod licet jure communi antiquo non licuerit (excepto casu necessitatis) celebrare, nisi in Ecclesiis ab Episcopo consecratis, nunc tamen ordinariè licet in Ecclesiis, aut Oratoriis tantum benedictis, aut etiam non benedictis, deputatis tamen tantum cultui divino, ut patet ex Trid. cit.

LVIII. *Licet non celebrare in flumine, vel mari?* Dico: Non licet propter periculum effusionis Sanguinis ex agitatione navis, præterquam quod in flumine non sit tanta necessitas, quia non est tam amplum, ut non possit declinari ad ripam, in quo differt a mari. Legitur tamen quod Luliani in proxim deduxerint, quod celebrent in mari cessante periculo, seu mari tranquillo, quod navigationis periti judicare debent. Et ita concessisse refertur Clemens VIII. uti & Paulus V.

Quid sentis de Privilegio Prædicatoribus, & Minoribus concessio, vi cuius eis licebat celebrare in altari portatili in loco decenti, & honesto extra Ecclesiam, & Monasterium in cameris Sæcularium?

Dico 1. Certum esse, quod non sit revocatum quoad loca, infirmarias, graegias, (puta, granaria, seu prædia) & Oratoria ipsorum

Monasteriorum, sed in iis adhuc possunt sine licentia Episcopi ex rationabili causa erigere aram cum suis requisitis, & celebrare.

*Ratio:* Quia Concilium prohibet, ne Missæ etiam a Regularibus celebrentur omnino extra Ecclesiam, & in domibus privatis, sed Oratoria, & altaria portabilia in grangiis, & infirmariis Religiosorum erecta non censentur esse omnino extra Ecclesiam, quia juxta DD. communiter nomine Ecclesiæ intelliguntur etiam monasteria. Ergo. Idem privilegium habent Religiosi a variis Pontificibus.

*Dico 2.* Probabilius videtur, quod Trident. derogaverit dicto privilegio quoad privatas domus sæcularium, & extra Monasteria, ita ut sine Episcopali licentia eis non liceat ibi celebrare.

*Ratio:* Quia Concil. (cujus verba in R. 1. ad Q. 6. sunt relata) expresse mandat Episcopis, ut non patiantur a Religiosis ibi celebrari. Ergo Religiosis id prohibet. Ergo eorum Privilegio derogat. Et hæc sententia servit ad conservandam pacem inter Episcopos, & Regulares, estque tutior, & practice probabilior. Hinc magis subtilis, quam vera est illa quorundam DD. explicatio, quod nimirum Religiosis id adhuc liceat, utque domo Episcopi id prohibeant, cum Concilium dicat, *Non patiantur Episcopi*. Sed quid opus est expectare prohibitionem Episcopi, cum ad sit prohibitio Tridentini? indubie enim prohibet, quod pati non vult. ut fiat.

**QUÆRO VII.** Licet ne celebrare in Ecclesia violata, seu polluta, & in quibus casibus illa violatur?

**LIX.** Ante R. nota, Ecclesiam pollui, vel violari nihil aliud esse, quam in ea exerceri certas quasdam actiones turpes, indecentes, ac locosa cro injurias postea nominandas: Et si enim sacra a profanis, & turpibus physicè, & re ipsa maculari nequeant, bene tamen in morali hominum æstimatione. Quo notato

*Resp. 1.* Per se loquendo mortaliter peccat, qui in Ecclesia violata celebrat: non tamen incurrit aliquam censuram, vel irregularitatem.

*Ratio 1. p.* Morali Fidelium æstimatione valde indecens judicatur, immaculatam Hostiam, & divinum Officium offerre in loco sceleribus contaminato, antequam fiat aliqua expurgatio, quia domum Dei decet Sanctitudo. Ergo.

*2. Pars ex eo constat, quia nihil tale in jure invenitur.*

*Dixi, per se loquendo:* Quia licitum est 1. ex privilegio, si quod habeatur. 2. Cum licentia Episcopi. 3. Ex necessitate, ut patet ex S. Th. cit. q. 83. ar. 3. in c. ubi tamen requiritur consensus Episcopi: quod intelligitur, si necessitas non sit evidens; si vero evidens sit, toties a fortiori licet, quoties licet celebrare extra locum

lacrum, quia primum adhuc est decentius.

**LX. Resp. 2.** Sex in jure casus sunt, in quibus Ecclesia polluitur: uti sequuntur.

*Primus* est homicidium voluntarium, & injuriosum intra Ecclesiam perpetratum quocunque modo, sive per occisionem, sive per suffocationem, etiam sui ipsius, quod sit publicum, & notorium. Hinc 1. Ecclesia non violatur, si homicidium sit casuale, vel factum ab amante, ebrio, vel puero. 2. Nec si quis pro defensione sui occidat aggressorem, quia non est homicidium injuriosum. 3. Nec si quis extra Ecclesiam vulneratus, aut percussus in ea moriatur. 4. Ad Ecclesiæ violationem non necessariò requiritur effusio sanguinis, sed sufficit, quod ex percussione intra Ecclesiam facta sequatur mors in eadem. 5. Si quis existens in Ecclesia occidat, vel vulneret existentem extra, non violatur, bene tamen si extra existens occidat eum, qui est in Ecclesia. 6. Si iudex reum suspendat in Ecclesia, violatur, quia est occisio injuriosa loco sacro. 7. Si quis pro Fide in Ecclesia occidatur, seu martyrizetur, verior opinio est, quod polluitur; quamvis enim (ut discit notiter Corradus) ipsa Ecclesia sanctificetur ex passiva effusione talis sanguinis, polluitur tamen ex effusione activa. Nam sceleratius est occidere virum sanctum, quam pravam.

*Dixi 1. in Ecclesia, vel intra eam.* Si enim occisus existebat in tecto, vel turri, vel in specula terræ, Ecclesia non violatur.

*Dixi 2. publicum, & notorium,* sive juris, sive facti notitia, ut habet communis sententia.

*Secundus casus* est effusio humani sanguinis publica, seu notoria (ut dictum ante de homicidio) & mortaliter peccaminosa, ac in magna quantitate. Explicat hoc bene Ledesma, & La Cruz sic: Non violatur Ecclesia per effusionem sanguinis in propriam defensionem, aut pure casualem, aut naturalem, ut cum è naribus effluit; aut medicinalem, ut cum quis in Ecclesia minuitur. Et idem est de effusione proprii sanguinis, nam si culpabiliter, & mortaliter effunditur tum sanguinem in Ecclesia, violatur: secus si te flagellando pro peccatis, aut casualiter, aut aliter licite. Et, ut Ecclesia, violetur, non est necesse, ut sanguis cadat in solo Ecclesiæ. Nam etsi recipiatur in vase, aut accepto vulnere statim exeat ab Ecclesia, violatur. Nec est necesse, quod percussor sit in Ecclesia: nã si extra Ecclesiam existens percussus existens in Ecclesia, violatur: secus si existens in Ecclesia percussus existens extra Ecclesia.

*Tertius casus* est voluntaria, ac notoria pollutio, seu effusio humani feminis, sive cù, sive sine complice. Idem est de coitu. Si verò conjuges ex causa diutius in Ecclesia morentur, & cōjugio, debite utantur. Ecclesia nō polluitur, uti nec, si sit parva diffusio feminis, licet sit mortalis, vel si ejus effusio sit involuntaria, vel fiat in tecto, cam.



campanili, crypta, &c. Ut Ecclesia violetur non est opus, quod a semine effuso contingatur, quia violatio sequitur ex Injuria loco sacro facta.

Nota hic ex Eugel in Collegio Juris Canonici, quæ fuerit ratio Ecclesiæ latusiens, quod Ecclesia potius violetur per humani sanguinis, & seminis effusionem, quam per alia delicta, v. gr. blasphemiam, sortum, sacrilegium, perjurium, &c. Est ergo hæc ratio, quia hæc duo crimina, scilicet sanguinis, & seminis effusionem, præ cæteris vitiis semper sacra pagina a ministerio divino excluderunt: effusionem quidem sanguinis, quod contrarietur mansuetudini Christi, qui nullius sanguinem, sed suum innocentissimum pro nobis effudit: effusionem autem seminis, quia contrarietur immaculatæ Hostiæ, & Virgineæ Proli.

Quartus casus est sepultura alicujus excommunicati, putæ (post Concil. Constantiense) non tolerati, seu vitandi, ut si publicè, ac nominatim sit denunciatus, vel notorius Clerici percussor, per eam violatur Ecclesia, sive sit consecrata, sive solum benedicta.

Quintus est sepultura hominis infidelis, seu non baptizati, etiam infantis, si tamen sit extra matris uterum; si enim adhuc sit in illo, tanquam pars matris reputatur, & cum ea licitè sepeliri potest in Ecclesia. absque eo, quod illa violetur. Porro si quis infidelis, seu non baptizatus in Ecclesia sepeliretur, antequam sacra in ea fiant, & antequam Catholicus in ea sepeliatur, debet cadaver (si ab aliis discerui possit) prius exhumari, & Ecclesia, vel Cæmeterium reconciliari.

Sextus casus est, si Ecclesiæ partes comburantur, aut ita destruantur, ut necesse sit eam de novo reedificare, saltem quoad majorem partem. In quo tamen casu non est propriè violatio Ecclesiæ, sed consecrationis deperditio, quæ proinde Ecclesia reedificata non est reconcilianda, sed de novo consecranda. Si ruat solum tectum, & parietes mancant integri, consecratio non amittitur, quia illa propriè sit, & versatur circa parietes. Si Ecclesia non sit consecrata, sed solum benedicta, non perditur benedictio per hoc, quod ruant parietes: quia benedictio versatur circa solum, seu terram, quæ durante, durat & illa.

Nota, quod si cæmeterium sit Ecclesiæ contiguum, polluta illa, polluitur & illud: quia accessorium sequitur suum principale, non autem è converso. Si ei contiguum non sit, tunc Ecclesia polluta, cæmeterium non polluitur.

QUÆRO VIII. Quis Ecclesiam pollutam potest reconciliare?

LXI. Resp. Ex discursu nostri Corradi, qui sic habet: Loquendo de Ecclesia consecrata, potest eam reconciliare Episcopus, non tamen simplex Sacerdos, nisi ex commissione Papæ, aqua prius per Episcopum benedicta, ut ait S. Anto-

nin. 3. p. tit. 11. c. 6. §. 5. ac Sylvest. Verb. *Consecratio Ecclesiæ* §. 8. Si verò Ecclesia non erat consecrata, poterit reconciliari per simplicem Sacerdotem cum simplici aqua benedicta, non autem cum aqua benedicta vino, & cinere mixta, cum qua Episcopus reconciliat Ecclesiam consecratam, ut præstat DD. inquit ibidem.

Verum ex Privilegio Julii II. possunt Generales, & Provinciales, eorumque vices gerentes Ordinis Minorum liberè Ecclesias, Cæmeteria; Oratoria, & Capitula eorum solemniter benedictione benedicere, ac illas, seu illa, quomodo-cunque polluta, seu polluta, quoties oportuerit, aqua tamen prius per aliquem Catholicum Episcopum, ut moris est, benedicta, reconciliare, &c. Et idem concedit Leo X. quod quidem privilegium est etiam in nostro Privilegio eorum libro: & quod possunt Fratres Minores, possunt etiam, qui sunt Ordinis nostri Predicatorum.

Quid si reconciliatio Ecclesiæ tam citò commode non possit fieri, possetne Episcopus dispensare, ut in ea liceat divina peragere?

Dico. Si Divina ad interim possent peragi in aliquo Oratorio cum altari portatili, non potest: sin minus, posset in casu necessitatis, sicut in aliis necessitatibus pro spiritali, vel temporali damno evitendo in Jure positivo dispensare potest: Dicta necessitas dispensandi facilius urgere potest in casu sepulture.

Quid faciat Sacerdos, si Ecclesia violetur inter celebrandum?

Dico: Si Canon jam sit inceptus, prolequeatur Missam; sed, omittat reliqua: Quia Canone incepto Sacrificium censetur aliquo modo inchoatum, quia hostia jam est parata ad consecrationem. Ergo non debet relinqui imperfectum.

Quid si Sacerdos bona fide celebraret in Ecclesia violata, nonne per hanc celebrationem censureretur reconciliata?

Dico: Tutius, & probabilius est, quod non, sed debet adhuc specialiter reconciliari.

Ratio: Tum quia id ex nullo jure constat; nam cap. *de fabrica de consecr.* dist. 1. quod solet oblici, in quo dicitur, aliquando totius consecrationis sanctificationem per Missam sollemnitate impleri: illud, inquam, non loquitur de hoc casu, sed de illo, quando parietes per partes reficiuntur, & innovantur. Tum etiam, quia alias etiam sufficeret Missa mala fide lecta: Sed hæc non sufficit. Ergo, nec illa. Prob. maj. Quia falsum est, quod ignorantis Sacerdotis, in Ecclesia violata celebrantis, vim aliquam tribuat reconciliationi ejus. Ergo.

Confirm. Si ex dispensatione Episcopi (de qua ante) Sacerdos celebraret in Ecclesia violata, per hoc non reconciliaretur. Ergo nec, &c.

Quid si Catholici ejusdem Hæreticis, recipiant aliquam Ecclesiam olim ritè consecratam,

tam, sed Hæretici hæcenus in ea peregerunt sua exercitia, in ea sepulti sunt, vel ea ubi sunt ad usus profanos, vel ad reponenda ibi stramina, animalia: &c. inslar diversorii, stetitque abluque tecto, janois, &c. debetne solemniter ab Episcopo reconciliari?

*Dico*, non esse necessarium, quia ex nullo jure conlat, Ecclesiam, vel altare violari per exercitium hæreticum, immò non violari colligitur ex c. *Ecclesiæ*, de consecrat. dist. 1. Hinc sufficit, quod Episcopus visitet, & inspiciat altaria an sint fracta; & ipsam Ecclesiam, & altaria aqua benedicta aspergendo simplici benedictione reconciliet, vel Sacerdoti committat reconciliandam. Si verò esset necessitas in tali Ecclesia celebrandi ante hanc Episcopi visitationem, debet adhiberi Altare portatile securitatis causa.

*Quid verò si* Catholici recipiant aliquam Ecclesiam ab Infidelibus, v.g. Turcis?

*Dico* debere fieri prout antedictum est ad quintum casum num. 60.

*Quid si* Ecclesia fuisset ab ipsis Infidelibus ædificata, v.g. Moschæa a Turcis, Synagoga a Judæis.

*Dico*, debere corpora Infidelium eiici, radi parietes, & ligna, & cum consecrata nunquam fuerit, consecrari.

*Vestes, sacra vasa, & alia ad Missam requisita.*

**QUÆRO IX.** Qui de his ceses?

**LXII.** Ante R. nota, quod, cur in rebus quæ in usum hujus Sacramenti veniunt? adhibeantur consecrationes, hæc sit ratio (ut ait S. Th. 3. p. q. 83. cit. art. 3.) Ecclesia, & alia hujusmodi inanimata consecrantur, non quia sint gratiæ susceptiva, sed quia ex consecratione ad ipsam virtutem quandam spiritualem virtutem, per quam apta redduntur divino cultui, ut scilicet homines devotionem quandam exinde percipiant, ut sint paratiores ad divina, &c. Et inde est, quod hujusmodi anteconsecrationem emundantur, & exorcizantur, ut exinde virtus iomici pellatur. Hæc S. Doctor. Hoc notato.

*Resp.* 1. Vestes, quibus Sacerdos celebraturus debet esse indutus, patent ex præcedentibus. Sunt namque amictus, alba, cingulum, manipulus, stola, & planeta, seu calula. Omnes hæc vestes (idem est de Pluviali, & Dalmaticis) sunt benediceodæ, eò quod specialiter pro tam sacro ministerio sint deputatæ. Unde & dicuntur vestes sacræ.

*Quomodo* sacræ vestes suam benedictionem amittunt?

*Amittunt eam*, si ita rumpantur, aut laceantur, ut prior forma artificialis in eis non amplius appareat, nec servire amplius possint illi functioni, ad quam factæ sunt.

*Licetne stola* uti pro manipulo, vel è contra?

*Licet* in casu necessitatis, si commodè possit adaptari.

*Effectus* peccatum celebrare in vestibus non benedictis?

*Effectus* de mortale ex c. *Vestimentis* de consecrat. dist. 1. putà, si fieret absque gravi necessitate. Hæc enim excusat in præfenti, quia Leges humanæ etiam Ecclesiasticæ censentur in ea non obligare. Posset etiam celebrans extra casum necessitatis excusari a mortali ob parvitatem materiæ, ut si celebraret cum cingulo, aut manipulo non benedicto.

*Peccaturno* Sacerdos utendo in Missa vestibus sordidis, seu immundis, ac laceris?

*Affirmo*, si essent notabiliter tales: ut patet ex cit. cap. *Vestimentis*.

*Effectus* peccatum ex genere suo mortale, sacris vestibus uti ad profanos usus?

*Affirmo*, propter irreverentiam, quæ fit consecrationi. Hinc in cit. c. dicitur, quod aliis vestibus servire non debeant, quàm Ecclesiasticis. Hinc nec licet eis uti in comædiis, etiam sacris, & in loco sacro. Verum tamen ex vestibus profanis licere sacras, praxi quotidiana docet.

*Peccaturno* qui nudis pedibus celebrat?

*Effectus* aliqua indecentia, sed non mortalis.

*Nota*, non licere Sacerdoti vestes, dum se induit, fumere de altari pro celebratione Missarum, cum id competat tantum Episcopis, live solemniter, live privatim celebrent: inferioribus verò habentibus usum Pontificalium, non nisi quando in Pontificalibus celebrant. Ita decrevit Sacra Congregatio, & hoc decretum roboravit Urbanus VIII.

**LXIII.** *Resp.* 2. Plura sunt requisita ad apparatus Ecclesiasticum profacienda Missa. Et sunt, ut sequuntur.

*Requiruntur* 1. Altare consecratum ab Episcopo, vel Abbate, aut privilegiato: altare, id est, quædam, vel firmum, seu stabile, vel portatile, seu viaticum. De hoc S. Thom. 2. 3. sæpius citato dicit ad 2. Per altare significatur ipse Christus. Unde & consecratio altaris significat sanctitatem Christi. Et ad 3. ibidem docet, quod mortaliter peccaret Sacerdos consecrando absque altari, calice, & corporali consecratis, & cæteris hujusmodi per Ecclesiam institutis.

*Nota*, Altare censi frangitur 1. Quando mensa enormiter frangitur. 2. Quando lapis superior separatur ab inferiori. 3. Quando frangitur ipsum sigillum sepulchri, id est, loculus, in quo sunt sacræ reliquæ. 4. Quando ex quocunque capite altare amittit suam formam.

*Requiruntur* 2. Ornatus altaris: hoc enim debet habere tres mappas lineas, quas etiam docet esse benedictas. Si una sit duplicata, sufficit pro duabus. Item debet habere pallium, id est, antependium pro decentia: quod tamen si ob paupertatem Ecclesie non adhiberetur, non esset peccatum. Debet adesse Crux, etiam probabilius

loquendo in tali altari, cujus imago repræsentat Crucem, vel Crucifixum. Quia Rubrica præscribit, quod Crux debeat collocari inter candelabra. Crux ergo non debet esse nimis alta, sed observari oculis Sacerdotis celebrantis. Debent adesse candelabra, & candelæ accensæ, quæ debent esse cereæ. In necessitate celebrare cum lucerna olei, aut cum uno lumine, non est mortale.

*Quanta est obligatio adhibere lumen in Missa?*

*Est sub mortali, ut patet ex universali consuetudine Ecclesiæ.*

*Quid iudicet de casu, quo quis non vult audire Missam nisi orto Sole, vel cum certo cereorum numero, ordine, & situ, vel a tali Sacerdote, qui vocatur Joannes, vel habet staturam Christi?*

*Est superstitio, quia ex se est cultus inanis, & ad elevandam in Deum mentem inutilis. Hac in simplicitas, & ignorantia petentis potest a mortali excusare.*

**LXIV. Requiritur 3.** Minister saltem unus in Missis privatis (in solemnibus duo) qui vini, & aquam celebraturo porrigat, eique nomine totius populi respondeat. Debet autem esse mas, non femina, ut patet ex c. *inhibendum*. Et præstat, in calu necessitatis Missam dicere sine ministro, quàm femina ministrante. Legitur, quod in quibusdam locis Moniales claustrum non habentibus Sacerdotibus in earum Ecclesiis celebrantibus ministrant, & in Belgio scientibus Episcopis apud Moniales puellæ 10. vel 12. annorum ad id instruantur. Transeat hoc. Permitti saltem potest, ut femina, vel Monialis in defectu alterius Ministri a longè respondeat, non tamen, ut immediate, & proximè Sacerdoti ministret.

**Requiritur 4.** sub mortali Calix cum patena ab Episcopo, vel a simplici Sacerdote ex commissione Papæ consecratus. De hoc S. Th. 3. p. q. 83. cit. art. 3. ad 6. sic discitur: Quondam Sacerdotes non aureis, sed ligneis calicibus utebantur, Zepherinus autem Papa patenis vitreis Missam celebrari constituit: deinde Urbanus omnia fecit argentea. Postmodum autem statutum est, ut Calix Domini cum patena sive ex auro omnino, sive ex argento fiat, vel saltem stanneus calix habeatur. De ære autem, aut ex aurichaleo non fiat, quia hoc vini virtute æruginem parit, pariterque vomitum provocat: nullus autem in ligneo, seu vitreo calice præsumat Missam cantare: quia scilicet lignum porosum est, & Sanguis consecratus in eorum maneret: vitrum autem fragile est, & posset fractionis periculum imminere, & eadem ratio est de lapide. Et ideo propter reverentiam Sacramenti statutum est, ut ex prædictis materiis calix fiat. Hæc ibi.

**Requiritur 5.** Corporale, de quo S. Th. ibidem ad 7. sic ait: Corporale sit de panno lineo, quo Corpus Christi fuit involutum. Unde in Epistola Tribus Ordinandum.

Nota Sylvestri Papæ in eadem distinctione legitur: Consulto omnium statuimus, ut Sacrificium altaris, non in serico panno, aut intindio quisquam celebrare Missam præsumat, sed in panno lineo ab Episcopo consecrato, sicut Corpus Christi in sindone lineæ, & munda sepultum fuit. Competit etiam pannus lineus propter sui munditiam ad significandam conscientie puritatem, & propter multiplicem laborem, quo talis pannus præparatur ad significandam Christi Passionem. Hæc ibi.

**Requiritur 6.** Palla etiam ex lino, & purificatorium lineum, in cuius defectu posset adhiberi strophium, quod tamen posseâ ex decencia non esset amplius adhibendum ad tergendas nares. Tandem requiritur Missale, &c.

*Qualitas Missæ legenda.*

**QUÆRO X.** Quid de ea sentis?

**LXV.** Ante R. nota, Missam, seu Sacram aliud esse votivum, aliud de tempore, vel de festo. Missa votiva est, quæcunque ex voto, vel desiderio petentis, vel arbitrio Sacerdotis legitur alio die, quàm Rubricæ præscribant. Missa de tempore, vel festo est, quæ legitur eo die, quo Rubricæ Missalis præscribunt. Et hæc iterum vel est privata, vel solemnis cum cantu, vel etiam cum ministris: & est aliquando conventualis, eo quod maior pars Conventus, vel Cleri, vel populi ad eam conveniat.

**Resp. 1.** Quæ, & qualis Missa, quovis die sit legenda, debet quilibet Sacerdos scire ex Missali quoutitur. Certum enim est, quod *per se loquendo*, seu ordinariè legenda sit Missa, quæ eo die in Missali præscribitur. Unde nostrum Missale ita statuit: *Missæ quorundam celebrari debet secundum ordinem officii, de quosvis illis die.*

**Ratio:** Quia Rubricæ frustrà non sunt factæ, sed ut servantur.

**Resp. 2.** Potest interdum graviter peccari, ordinem dierum, & Missarum in Missali præscriptarum non servando, præsertim si Missæ Conventuales a Missali discrepent, ut si quis in Paschate celebraret de *Requiem*, vel ex proprio capricio quotidie Missam votivam.

**Ratio:** Tum quia potest oriri grave scandalum. Tum quia saltem consuetudo introduxit maiorem obligationem circa Missas Conventuales, quàm circa privatas. Immo in c. *quidam de celebr. Missæ*, præcipitur, ut in Ecclesiis Cathedralibus, & Conventualibus in Communitate dicatur Missa diei, quæ proinde cadit sub gravi obligatione ex fine perfectæ observationis ritus Ecclesiæ.

Nota, maximè incumbere Superioribus Ecclesiarum, Capitulorum, Conventuum, eorumque vices gerentibus, & Cantoribus, &c. curare, ut omnia ritè observentur.

**LXVI. Resp. 3.** De Missis Votivis, & R. s. 3. quæ

quoniam nostrum! Missale sic statuit: Pro Missis privatis non solum Missæ pro defunctis, sed etiam quæcunque Missæ Votivæ approbatae possunt indifferenter dici (præterquam in festo duplici, & supra, & Dominica, vel Octava solemnissima, vel die octavae solemnissimæ, & infra totam octavam Epiphaniæ, & in feria 4. Cinerum cum memoria tamen ejus, de quo factum est officium, & alia memoria, vel memoriis, si quæ occurrerint: id autem passim non fiat, ut quoad heri potest, Missa cum Officio cõcordet. Si Missa solemnissimis Votiva pro re gravi, vel publica Ecclesiæ causa in supra dictis diebus exceptis petatur, poterit etiam dici cum una oratione tantum, modò altera etiam (nimirum solemnissimæ Missa) dicatur de illis festis, vel diebus. Præterquam tamen in Dominica prima Adventus, Feria 4. Cinerum, Dominica prima Quadragesimæ, Dominica Palmarum cum tota Hebdomada majori, Dominicis Resurrectionis, & Pentecostes cum duobus diebus sequentibus, die Nativitatis Domini, Epiphaniæ, & Ascensionis, & festo Corporis Christi, in quibus diebus sola propria Missa dici potest. Hæc ex Missali.

Dicitur in hac Rubrica, quòd possint dici Missæ Votivæ approbatae, & hæc sunt, quæ habentur in fine Missalis, quibus in nostro Missali præmittitur hæc Rubrica: *Missæ sequentes votivæ dici poterunt infra hebdomadam juxta populi devotionem, quando festum duplex, aut supra non occurrat, secundum ritum tamen diei, de quo fit Officium. Qui ritus describitur in prima Missa votiva, quæ est de SS. Trinitate, nimirum quando in ea debeat dici Gloria, Credo, Alleluja, ita Missa est, vel Benedicamus Domino. Quod ibi videatur. Plures Missæ votivæ in nostro Missali sunt approbatae, ut patet inspicienti; quia diversæ sunt Missæ, post quas notatur hæc Rubrica: Quando per annum ex voto, vel devotione de hoc Sancto celebratur Officium, fiat sic, &c. Ubi videre est in festo SS. Angelorum Custodum. Item Sanctorum canonizatorum Ordinis nostri, nimirum S. Raymundi de Pennafort, S. Thomæ Aquin. S. Vincentii, B. Agnetis de monte Policiano, S. Petri Mart. S. Catharinæ Senensis, S. Antonini, S. Hyacinthi, & S. Ludovici Bertrandi.*

Quid si petatur Missa votiva de aliquo Sancto, de quo in Missali non est nisi Missa festi, nec alia Rubrica, v. gr. de S. Josepho, S. Antonio Paduano, & aliis, &c.

Potest dici Missa Festi, sic tamen, ut si in ea occurrant hæc, vel similia verba, *Cujus Natalitia, aut Nativitas, &c. loco eorum dicatur, Cujus commemoratio, memoria, veneratio, &c. Veli infertum sit ly hodie, omittatur.*

Nota, si petatur Missa ex Festis B. V. extra illa ejus festa, vel si petatur de Pentecoste, de Festo Corporis Christi, de Passione Domini, legantur

Votivæ suis locis notatae, non verò Missæ festi. Potest dici Missa votiva de quovis Sancto Canonizato?

Affirmo: Quia Ecclesia de eo concessit publicum cultum.

Nota, si sit Beatus, seu non Canonizatus, ejus Missa non potest dici extra Natalem ejus.

LXVII. Valerne Statutum, ut quotidie fiat Sacrum de B. V. præsertim per unicum Sacerdotem, ut quotidie eam Missam celebret?

Ad 1. quæsti partem affirmo, posse Statuto consuetudine, vel Fundatoris voluntate constitui, ut præter Missam principalem de festo occurrente celebretur altera Votiva in festo quantumvis solemniori de B. V. etiam in certo altari ad cultum Deiparæ amplificandum, vel conservandum. Et ita prædicatur in Cathedrali Ecclesia Constantiensis quotidie dictis Matutinis, ita ut nec in Paschate omittatur. Nec hanc praxim improbat S. Pius V. in Missali dicens: *Si fiat Officium duplex, vel semiduplex, Missam principalem oportere esse de die, quia illis verbis satis indicat, quòd altera minus principalis, etiam in festo duplici possit esse Votiva.*

Ad 2. Quæsti partem R. quòd statuto, vel consuetudine non possit induci obligatio, ut unus, idemque Sacerdos quotidie celebret etiam de B. V. Quia saltem unus dies ob humanas infirmitates debet Sacerdoti relinquere vacuus. Et ita patet ex Cap. *Significatum, de præbendis.*

Tenetur Sacerdos in die Animarum Missam offerre pro omnibus defunctis in genere?

Dico, consultum esse, ut fiat ita, & prædicetur: unde & Ecclesia in ea Missa fecit Collectam pro omnibus defunctis in communi; Præceptum tamen non est, ad eòque ad libitum applicari potest.

Ratio: Quia hoc præceptum nullibi extat.

Quid si Sacerdos in Missa de Requiem omittat Sequentiam Dies ira &c. peccatne?

Peccat solum venialiter, quia eam omittendo Missa propriè non mutilatur, quia simpliciter non est pars integralis Missæ. Immo nec venialiter peccat, dum Rubrica dicit, quòd possit dici pro arbitrio Sacerdotis: præcipue si eam omittat ex causa.

LXVIII. Qui ex fundatione tenetur certo die, vel quotidie legere de Requiem, tenetur in conscientia etiam in festis solemnibus?

Non tenetur, sed melius facit in festis solemnibus, v. gr. Duplicibus, ac Dominicis, uti & in Feriis privilegiatis, id est, quibus festa duplicia cedunt, ut sunt feriae Hebdomadae sanctæ, Paschatis, Pentecostes, &c. legere Missam de die.

Ratio: Tum quia prudenter presumere potest, quòd Fundator noluerit tales dies includere. Tum etiam, quia Sacerdos melius facit conformando se universali Ritui Ecclesiæ, quæ in Rubrica

brica statuit, tunc potius non debere legi Missam de *Requiem*, quam non sat rationabili voluntati fundatoris, vel alterius petentis Missam votivam obsecundari, quia satisfit intentioni petentis rationabili, seu juxta regulas prudentiæ.

Hota tamen, quod, ut refert Gavantus, Sacra Congregatio bis declaraverit, posse tolerari Missas de *Requiem* in duplici, ut satisfiat voluntati Fundatorum. Hæc tamen consuetudo quantum ad festa solemnia, non est facile introducenda, ubi introducta non est. Qua in re minor difficultas est de festo, quod est Chori tantum, in quo etiam potest legi ad instantiam petentis, ut satisfiat eius devotioni erga defunctos, si ex denegatione valde turbaretur.

Dixi, in duplici; Quia de Semiduplici, vel Simplicis non est tanta difficultas, cum enim ex rationabili causa in eis possint dici Missæ votivæ, potest etiam fundator (cujus dispositio est habenda pro lege) facere fundationem, ut in illis legatur de *Requiem*.

LXIX. *Possuntne* in festo Duplici Chori, in quo potest celebrari solemnæ *Requiem*, v.g. in die Depositionis, Tertio, Septimo, Trigesimo, etiam legi Missæ privatæ de *Requiem*?

*Possunt*: Quia Ecclesia videtur hos dies specialiter instituisse pro suffragio, & solatio defunctorum, adeoque Rubrica huic institutioni cedit. Et ita fert praxis.

*Quid si* alicubi sit consuetudo, ut etiam in festis de præcepto, vel in Dominica celebretur Missa solemnæ de *Requiem* in Exequiis, possunt etiam Missæ privatæ de *Requiem* dici?

*Possunt* saltem sub ipsis Exequiis, non post, vel ante. Cur enim non concederetur Missa privata, si sit concessa solemnæ de *Requiem* in, & sub Exequiis, cum reputentur pro uno actu, cui proinde cedit solemnitas festi?

Dixi, in Exequiis; Si enim sit dies Anniversarius, vel Tertius, Septimus, Trigesimus, debet (uti & facilius potest quam dies Depositionis) transferri, vel anticipari, nec eis cedit festivitas diei, ad quam populus ex præcepto confluit.

Nota, quod quoad Missam de *Requiem* celebrandam in die obitus in festis, debeat attendi consuetudo loci, juxta quam potest in eo loco, in quo viget, celebrari *Requiem* in die obitus in festo primæ classis, nisi sit unum ex majoribus, ut primus dies Paschæ, Pentecostes, &c. Juxta eandem consuetudinem potest celebrari *Requiem* in die Cœnæ Domini, & in Sabbato Sancto, ita tamen, ut in Cœna Domini fiat ante Missam solemnem diei, quia per eam tempus celebrandi pro hoc, & sequente die quasi clauditur: in Sabbato sancto autem potest dici ante, vel post Missam solemnem. Nam si diebus Missæ privatæ non sunt absolute prohibita, ut patet in hoc Exam. n. 54. Sed N.B. standum esse consuetudini loci.

LXX. *Nonne* Missa de *Requiem* plus prodest defunctis, quam alia?

*Dico*: Omnes Missæ ex opere operato sunt ejusdem valoris, attamen *per se* loquendo Missa de *Requiem* plus defunctis prodest ex opere operantis, quia specialis fructus confurgit ex precibus Ecclesiæ specialiter ab ea institutis pro defunctorum suffragiis. Dixi, *per se loquendo*, quia exceptio est, si Sacerdos majore cum devotione sit celebraturus de Sancto (cujus est festum) quam de *Requiem*, & singulari fervore pro anima defuncti Sanctum roget.

Ex hoc Colligitur, quod in festis Sanctorum Cappellanus habens Missam fundatam de *Requiem* possit legere de festo, supposita præfata devotione majore, qua supplere potest fructum ex dictis Ecclesiæ precibus confurgentem. Supposito etiam, quod hæres fundatoris, aliive de fundatione scientes non offendantur.

Ex his etiam resolvitur quæstio, an qui stipendium accepit, ut legat Missam funebrem, eamque promissit, satisficiat legendo eam de festo? Idem quæri potest de Missa votiva. Pro horum intelligentia vide Rationem num. 68. datam. Hinc noster de La Cruz ait: Optime satisfaciis dicendo Missam diei, quia sic conformaris Regulæ Missalis, & saluberrimum consilium est ita facere. Immo non excusatur a Peccato, qui in festis solemnibus omittit Missam diei, nisi juxta exceptiones jam insinuat.

*Quid si* Sacerdos promissit Missam votivam certam pro die, quocumque juxta Rubricas legere licet, & legit aliam?

*Peccat* contra fidelitatem, sed non nisi venialiter, cum petens non patitur damnum grave saltem. Immo nec venialiter, si ex alio capite habeat rationabilem causam, vel si faceret, idem ut Missam conformet officio diei, quæ conformitas valde commendatur in Rubricis.

LXXI. *Missæ specialiter concessæ* uni Religioni, v.g. Missa Rosarii concessa nostro Ordini, potestne legi ab aliis?

*Negative* declaravit Sacra Congregatio anno 1612. die 15. Junii. Unde alii Sacerdotes legant Missam votivam de B. V.

*Nonne* saltem extranei licite eam legant in ipso festo in eorumdem Religiosorum Ecclesiis?

*Resp. Negative*, nisi per consuetudinem facta sit interpretatio Legis. Quia prohibitio Congregationis facta est absolute. Ergo pro quo, cunque loco.

Hinc sub Urano VIII. qui Decretum confirmavit, Sacra Rituum Congregatio prohibens omnino Missas a S. Congregatione non approbatas, & signanter Missas nuncupatas S. Gregorii pro vivis, & defunctis; Missam 1.5. Auxiliatoris; Missam de Patre æterno, & quascunque alias, ut supra, non approbatas, subdit: exceptis tamen

Missis Rosarii, & de Monte Carmelo, quæ sunt permissæ Regularibus quibusdam, & iis dumtaxat, nec possunt ab aliis celebrari, etiam in ipsorum Regularium Ecclesiis.

*Servandus est Ritus Missalis Romani juxta Bullam S. Pii V. ei præfixam.* Excipiuntur illæ Religiones, & loca, quæ jam a 200. annis utitur Missali proprio. Cappellani Monialium debent celebrare Missam, ipsarum Breviario, & Missali conformem, vel saltem (si alia non habeatur) ei valde affine.

*Stipendium pro Missa.*

De hoc sufficienter actum est suprâ Tract. 12. Exam. 5. num. 75. in R. ad 4. Oppos. & num. 77. usque ad 78.

## EXAMEN VII.

*De Missæ abruptione, interpolatione, partium omissione. De Cæremoniis Missæ, & defectibus, qui in ea occurrere possunt.*

**QUÆRO I.** Licetne Missam inceptam abruptum, residuum omitendo, vel semel inceptum resumere?

**LXXIII. Resp. 1.** Mortaliter peccat, qui absque urgentissima causa Missam inceptam abruptit, etiam ante Canonem.

*Ratio:* Quia est maxima irreverentia, & sacrilegium.

*Resp. 2.* Talis abruptio incurrat pœnam suspensionis, positam in c. nullus, 3. de cons. d. 1. non tamen excommunicationem latam, sed solum ferendam. Quia in c. nihil. 7. q. 1. de hoc casu dicitur: *Si quis hac temerè præsumpserit excommunicationis sententiam sustinebit.* Ergo est ferenda, non lata.

*Resp. 3.* Ex legitima causa licitum est, Missam inceptam abruptum, & omittere.

*Declarantur causa:* Prima est, si Sacerdoti celebranti superveniat infirmitas, propter quam commode, & reverenter eam complere nequit.

*Secunda causa,* si Sacerdoti ante consecrationem immineret periculum vitæ, non solum licite potest, sed & debet Missam abruptum, & omittere, ne, se & Sacramentum temerè exponat periculo. Si vero una species esset jam consecrata, deberet Sacerdos, si ullo modo esset possibile, illam consecrare etiam alteram, & mixtum utramque & abire, omittis aliis Cæremoniis, ad quas in tanto periculo non obligatur. Si ex periculo, & metu mortis non possit alteram Speciem consecrare, dictum est suprâ Tr. 12. Exam. 2. m. 16. ad 2. Et ad 3. distin-

guendo inter metum ortum a causa naturali, vel a causa libera, ab intrinseco, vel ab extrinseco. Ubi vide.

*Tertia causa est,* si celebrans ante Consecrationem recordetur se non esse jejunum, vel se esse suspensum, interdictum, irregularem, quæ sunt impedimenta juris, & ex omissione Missæ non sequatur scandalum.

*Quarta,* si excommunicatus non toleratus non sit recedere a Missa, & Canon inceptus non sit. De quo vide Tr. 14. Exam. 1. n. 14.

*Quinta,* si ante Canonem ponatur cessatio a Divinis, vel Ecclesiæ consecrata violetur, & consecrans non gaudeat privilegio celebrandi in Ecclesiâ violatâ. Porro si inter celebrandum poneretur interdictum, Missa esset perficienda clausis januis.

*Resp. 4.* Missam semel inceptam, Canone jam incepto resumere, seu repetere a principio, vel Evangelio, &c. peccatum mortale est, quancunque ex causa fiat, etiam ob adventum Principis, vel Episcopi, vel aliorum ad Missam audiendam obligatorum: aut repetere tantum Epistolam, vel Evangelium est solum veniale, si scandalum desit.

*Ratio.* Quia in primo casu est gravis, in secundo levis irreverentia.

**QUÆRO II.** Licetne Missam interpolare, seu interrumpere?

**LXXIV. Resp. 1.** Non licet absque justa causa, bene tamen ex illa.

*Ratio 1. p.* Quia esset gravis irreverentia.

*2. Pars* patet ex praxi, quæ interponitur Concio, sunt Ordinationes, &c. Talis iusta causa etiam est infirmitas superveniens, quæ Missam sine interpolatione facit moraliter impossibile.

*Resp. 2.* Iusta quoque causa interpolandi Missam etiam post Consecrationem est spiritualis necessitas proximi, ut ei provideatur etiam extra Ecclesiam de remedio salutis necessariò necessitate mediis, si præter celebrantem nullus alius adsit, qui provideat, v. gr. de Baptismo, vel Pœnitentia.

*Ratio:* Quia est calus extremæ necessitatis proximi existentis in periculo damni animæ irreparabilis, cui indubiè subveniri vult Deus, qui neminem vult perire. Ergo.

*Nota 1.* quod, si in tali casu Missa post Consecrationem interpolatur, debeat interea aliquis constitui, qui Species consecratas custodiat, vel in defectu ejus reponi debent in Sacramentum.

*Nota 2.* quod in eodem casu, si moribundo ministrandum sit Sacramentum Pœnitentiæ, ministrari etiam possit Extreme Unctio. Quia utilitas proximi excusat moram paulò longiorem, si Missa semel rationabiliter sit interpolata.

Dixi in R. 2. etiam extra Ecclesiam; Si enim

moribundus sit intrā eam, minor difficultas est, potestque celebrans, Missa etiam post Consecrationem interpolata, Viaticum, & Extremam Unionem dare, quia tunc non est notabilis interruptio Sacrificii, nec opus est vestes sacras exuere. Dixi 2. post consecrationem, ad infinuandum, quod a fortiori liceat ante eam, etiam Viatici dandi gratia.

**QUÆRO III.** Licetne in Missa aliquid omittere, vel addere?

**LXXV. Resp. 1.** Celebrans in conscientia tenetur servare ritum Missæ præscriptum in Missali, nihil omittendo, nec addendo. Nam Trid. Sess. 22. in decret. de observandis, & evitandis in Missa statuit: *Neque ritus alios, aut alias ceremonias, & preces in Missarum celebratione adhibeant, præter eas, quæ ab Ecclesia probatæ, ac frequentæ, & laudabiles sunt receptæ fuerunt.* Quarundam verò Missarum, & candelarum certum numerum, qui magis a supersticioso cultu, quam a vera Religione inventus est, omnino ab Ecclesia removeant, &c. Et S. Pius V. in sua Bulla: *Neque in Missa celebratione alias ceremonias, vel preces, quam quæ hoc Missali continentur, adlere, vel recitare præsumat.*

**Resp. 2.** Peccatum ex genere suo mortale est, omittere aliquam gravem, seu majoris momenti ceremoniam, quales sunt v.g. mixtio aquæ cum vino, utriusque Speciei, elevatio, fractio Hostiæ, mixtio ejus cum sanguine, &c. Peccatum verò ex genere suo veniale est, omittere ceremoniam minoris momenti, quales sunt inclinationes, genuflexiones, cruces, benedictiones, deosculationes, oratio post Communionem, Evangelium S. Joannis, &c.

**Ratio:** Quia in primo casu graviter, in secundo leviter violatur preceptum Trident. & S. Pii V.

**Resp. 3.** Peccatum ex genere suo mortale est, omittere etiam ante Canonem partem notabilem, seu principalem, quales sunt 1. Psalm. *Judica*, vel *Confitemini*, Confessio, & preces, quæ ante gradus altaris dicuntur. 2. Epistola. 3. Evangelium. 4. Offertorium, id est, Oblatio utriusque Speciei. 5. Præfatio. Peccatum verò ex genere suo est veniale, omittere partem minus principalem, ut v.g. sunt Tractus, Kyrie eleison, Orationes, & similia: vel etiam partem mobilem, id est, quæ aliquando adhibetur, aliquando non; v.g. *Gloria*, &c. *Credo*, plures Collectæ, plures Lectiones, certa verba in Communicantes.

**Ratio est,** quæ ante ad R. 2.

**Nota,** quod Sacerdos celebrans cum Subdiacono, & Diacono non teneatur sub peccato ipsemet legere Epistolam, & Evangelium, sed satisfacit, si ea audiat a Ministris.

**Nota 2.** Si Sacerdos omisit aliquam partem, quæ non est de substantia Sacrificii, v.g. *Credo*, vel *Gloria*, non debet eam postea repetere. Quia communiter non fit sine nota.

**Resp. 4.** Peccatum mortale est, omittere in Missa plures partes minus principales ex iis, quæ ordinariè adhibentur.

**Ratio:** Quia simul sumptæ faciunt notabilem deformitatem in Missa.

**Resp. 5.** Peccatum mortale est omittere notabilem partem Canonis, qualis pars est quælibet oratio Canonis, vel etiam paucula ejusdem orationis verba, quorum omisio tollit, et notabiliter mutat, aut minuit significationem, aut representationem Mysterii. Item *Oratio Dominica*, *Libera nos*, *Hæc commixtio*, *Agnus Dei*, *Domine*, non sum dignus.

**Ratio:** Tum quia supra ad R. 3. est data: Tum etiam, quia Canon est sacrificii Missæ pars: qui ubi incipiat, ac desinat, dicitur infra in hoc Exam. n. 87.

**Nota** tamen, probabilius esse, quod in ommissione partium etiam Canonis detur parvitas materiæ excusans a mortali, non minus, ac in materia Religionis, Voti, &c. quæ parvitas in præsentem est, si solum omittantur aliqua verba pauca, v.g. quatuor, aut quinque ad summum, quorum omisio non mutat sensum Orationis.

**De mutatione materiæ, & formæ in Sacramenti, quod sit illicita, vide supra Tract. 17. Exam. 1. n. 7. Quod in forma Consecrationis omittitèr enim sit mortale, vide supra Tract. 12. Exam. 4. n. 24.**

**Resp. 6.** Missæ novas addere preces, vel ceremonias, etiam sine intentione inducendi novum ritum in Ecclesiam, est mortale, vel veniale juxta materiæ gravitatem, vel levitatem. Ita patet ex Trid. & Bulla S. Pii V. citat. pro R. 1.

**Ratio:** Quia causat gravem, vel levem deformitatem Sacrificii.

**Nota,** quod in hoc casu gravitas non possit aliunde delumi, quam ex quantitate novarum precum, vel Cæremoniæ concurrente prudente judicio. Nec tamen hinc sequitur, peccare eum, qui ex causa, ut judicat, rationabili, in Missa dicit plures Collectas ex Missali desumptas, quàm illud præscribit: quia saltem sunt juxta ritum Missalis, licet non sint præscriptæ pro hac Missa.

**Nota 2.** Nec veniale peccatum esse sumptioni præmittere aliquam brevem orationem mentalem ad excitandam devotionem, quia actum hunc internum non prohibent Rubricæ; uti prohibent orationem vocalem.

**LXXXVI. Resp. 7.** Ea, quæ in Missa debent dici secretè, dicere alta voce est peccatum ex genere suo mortale. Ea, quæ sunt dicenda alta voce, dicere depresso voce, ita tamen, ut audiat saltem a ministro, peccatum non est.

**Ratio 1. p.** Quia inter alios etiam hic est ritus principalis ab Ecclesia institutus ob reverentiam sacrosanctorum verborum.



*Ratio 2. p.* Quia quæ sic dicuntur, ut a ministro audiatur, censetur dici vocem non secretam, sed alta.

*Resp. 8.* Si celebrans legeret tam submisso, ut implet (cum tamen surdaster non sit) ea non possit audire, licet sint alia, quæ juxta Rubricas secretè sunt dicenda, peccat mortaliter ex genere suo.

*Ratio.* Quia est notabilis deformitas Missæ.

*Resp. 9.* Loquendo de mora, quæ debet Missa durare, iudico non debere esse ultra dimidium horæ. Si celebrans ita properet, ut notabilem partem omittat, vel gravem indecentiam causet, peccat mortaliter.

*Ratio 1. p.* est, ne nimia morositas tædium pariat altantibus.

2. & 3. Pars patet ex dictis. Vide suprâ Tract. 12. Exam. 4. n. 27. an forma Consecrationis in eadem Missa possit repeti. Quæ repetitio esset quædam additio.

**QUÆRO IV.** Ordinantur ne convenienter ea, quæ circa hoc Sacramentum dicuntur? & quid significant Cæremoniæ ejus?

**LXXVII.** De hoc Quæsito agit S.D. 3. p. 4. 83. a. 4. & 5.

*Resp.* Quæ in Missa fiunt, omnia convenienter fiunt.

Hoc S.D. a. 4. in Sed Contra probat sic: Dicitur de Consecr. dist. 1. Jacobus Frater Domini secundum carnem, cui primum credita est Hierosolymitana Ecclesia, & Basilii Cæsariensis Episcopus ediderunt nobis Missæ celebrationem: Ex quorum auctoritate patet, convenienter singula hæc dici. Et in e. ait: Quia in hoc Sacramento totum Mysterium nostræ Salutis comprehenditur, ideo præ cæteris Sacramentis cum majori solemnitate agitur. Nunc explicabuntur Cæremoniæ, quæ in Missa fiunt.

*Preparatio, & Introitus.*

Quia scriptum est Ecclesiast. 4. Custodi pedem tuum ingrediens domum Domini. Et Ecclesiast. 18. Ante orationem prepara animam tuam, ut adducit S.D. a. 4. Ideo ante celebrationem hujus mysterii, ut Sacerdos illud dignè conficiat, primò se preparat invocando divinam gratiam per illam orationem. Actiones nostras, &c. 2. Per Confessionem, juxta illud Proverb. 18. *Justus in principio accusator est sui*, cuius usus nimirum premittendæ confessionis, antiquitas constat ex Liturgia S. Jacobi, quæ a confessione incipit. 3. Preparat se per Laudem divinam, quæ fit in Introitu secundum illud Psalm. 49. Sacrificium laudis honorificabit me, & illic iter, quo ostendam illi salutem Dei. Et sumitur hoc (ait S. Thom. ibidem) ut pluries de psalmis, vel saltem cum psalmis cantatur, quia, ut Dionysius dicit cap. 3. Ecclesiast. Hierarch. psalmi comprehendunt per modum laudis, quidquid in sacra Scriptura continet.

tur. Additur Gloria Patri, &c. qui versiculus est compositus a Concilio Nicæno.

*Kyrie eleison.*

Idem significat quod, *Domine, miserere, & ut loquitur S. Thom. ibid.* continet commemorationem præsentis miseriæ, dum misericordia petitur, dicendo *Kyrie eleison*, ter quidem pro persona Patris, ter pro persona Filii, cum dicitur *Christe eleison*: & ter pro persona Spiritus sancti, cum subditur: *Kyrie eleison*, contra triplicem miseriæ, ignorantie, culpæ, & pænæ: Vel ad significandum, quod omnes Personæ sunt in se invicem.

*Gloria in excelsis.*

**LXXVIII.** Commemorat cælestem gloriam ad quam tendimus post præsentem vitam, & miseriæ, dicendo, Gloria in excelsis Deo, quod cantatur in festis, in quibus commemoratur cælestis gloria, intermittitur autem in officiis luduosis, quæ ad commemorationem miseriæ pertinent. Ita Angel. Doct. art. 4. cit. Paulò aliter cum aliis dici potest, quod Gloria, &c. cantetur ad imitationem Angelorum, qui nato Salvatore illud cecinerunt Pastoribus. Innotatur autem a Sacerdote in Altari, quia ille repræsentat Angelum magni Consilii, & quidem astante in medio, quia dum medium silentium tenerent omnia, Verbum Dei a Regilibus Sedibus venit. Prosequitur illud Chorus, quia subito facta est cum Angelo multitudo cælestis Militiæ.

*Dominus vobiscum.*

**LXXIX.** Est salutatio, & religiosa excitatio populi ad attendendum, vel orandum, desumpta ex more Hebræorum Jud. 6. Ruth. 2. Luc. 1. invicem se salutantium, *Dominus vobiscum*, vel vobiscum. Sensus Responsi, quod dat populus dicens, *Et cum spiritu tuo*, est: Precamur vicissim, ut etiam Dominus sit cum tuo spiritu, tibi que in tanto mysterio assistat. Fit autem allocutio in plurali, quia vel Missa solemnitas est, & tunc jam adsunt plures: Vel est Missa privata, & tunc licet nullus adsit, nisi unus Minister, hic tamen repræsentat personam totius populi Catholicæ, ex cujus persona Sacerdos pluraliter respondet, ut explicat S.D. a. 5. ad 12.

Nota ex S. Thom. art. 5. cit. ad 6. dicente: Quinquies se Sacerdos vertit ad populum, ad significandum, quod Dominus die Resurrectionis quinquies se manifestavit, ut dicitur in tract. de Resurrectione Christi. Salutatur autem septies populum, scilicet 5. vicibus, quibus se convertit ad populum; & bis, quando se non convertit (scilicet cum ante Præfationem dicit, *Dominus vobiscum*; & cum dicit, *Pax Domini sit semper vobiscum*) ad designandam septiformem gratiam Spiritus sancti. Episcopus autem celebrans in festis in prima salutatione dicit, *Pax vobis*, quod post

post Resurrectionem discipulis dixit Dominus: ejus personam representat præcipue Episcopus. Hæc ibi S.D.

### Collecta.

Est oratio, quam Sacerdos pro populo facit, ut digni habeantur tantis mysteriis, ait S.D. a. 4. in c. Vocatur autem *Collecta*, quia Sacerdos fungens legatione ad Deum pro populo, totius fidelis populi in unum collecti vota in ea colligit. Concludit ut plurimum dicens *per Dominum nostrum Jesum, &c.* quia Salvator dixit: Quidquid petieritis Patrem in nomine meo, dabit vobis. Manus elevat, & extendit; Nam & Moyses Exod. 17. cum levaret manus ad Dominum, vincebat Israel, cum autem easdem paululum remittere, superabat Amalec. Per Israel intelligi potest Ecclesia, quæ vincit orando. Populus respondet *Amen*, id est, fiat, prout petis.

### Epistola.

LXXX. Est instructio fidelis populi, quia hoc Sacramentum est mysterium Fidei, quæ instructio dispositivè fit per doctrinam Prophetarum, & Apostolorum: quæ in Ecclesia legitur per Lectores, & Subdiaconos, ait S.D. a. 4. cit. Noster Lublino ita dicitur: Epistola apud Græcos, supermissio, vel supererogatio nuncupatur apud Latinos. Præmittitur Evangelio, designans officium D. Joannis Baptiste, qui etiam prævenit ante faciem Domini sicut vox in deserto clamantis, & fuit quasi Subdiaconus, id est, Subminister illius, qui de se ait: Non veni ministrari, sed ministrare. Subdiaconum legentem unus comitatur Acolythus, Diaconum verò tam Subdiaconus, quam Acolythus, quia prædicationem Joannis pauci secuti sunt, sed veritatem Evangelii plurimi susceperunt. Et quia Joannes fuit limes præcedentium Prophetarum, & sequentium Apostolorum, medius inter utroque, ideo Epistola neque semper legitur de Prophetis, nec semper de Apostolis, sed interdum sumitur de Veteri Testamento, interdum de Novo. Nam Joannes cum antiquis Patribus Christum prædixit venturum, & cum modernis ostendit præsentem. Quod autem Subdiaconus cum Acolytho ad Sacerdotem post lectam Epistolam accedit, illud insinuat, quod Joannes in vinculis audiens opera Christi misit discipulos, & ait: Tunc, qui venturus es? Querenti autem, cur Subdiaconus post finem suæ Lectionis, & Diaconus ante principium ad Sacerdotem accedit, eique reverentiam exhibet, dicit: Quia lex accepit finem in Christo, sed Evangelium sumpsit originem ab eo. Lex ergo, & Prophetae ad Joannem, sed Evangelium, & Apostoli post ipsum. Hæc ille.

### Graduale, Alleluja, Tractus.

LXXXI. Post lectionem cantatur a Choro *Graduale*, quod significat profectum vitæ: & *Alleluja*, quod significat spirituales exultationem: vel *Tractus* in Officiis luduosis, qui significat spirituales gemitum; hæc enim consequi debent in populo ex prædicta doctrina. Ita S.D. art. cit. Graduale vocatur etiam Responsorium, quia unus incipit, alter respondet. Vocatur autem Graduale, quia olim cantabatur Diacono ascendente gradus ad cantandum Evangelium. *Alleluja* est vox gaudii, & significat idem, quod *Laudate Dominum*. Hoc non cantatur a Septuagesima usque ad Pascha, quia illud est tempus tristitiæ, & Babylonice servitutis: de quo intelligi optimè potest illud: Quomodo cantabimus canticum Domini in terra aliena? in salicibus suspendimus Organa nostra. Tractus cantatur in diebus jejuniorum. Vocatur autem *Tractus*, quia in signum militiæ tractum, seu graviter cantari solet.

Nota, quod in Missa concurrant tres diversæ lingue, nimirum *Hebraica*, per ly Alleluja: *Græca*, per ly Kyrie eleison: & *Latina*. Et hoc ideo, ut omnis lingua constet, quia Christus est in Gloria Patris.

### Evangelium.

LXXXII. Sicut S.D. dixit, quod populus dispositivè instruitur per doctrinam Prophetarum, & Apostolorum, quæ legitur per Lectores, & Subdiaconos, ita, ait, perfectè populus instruitur per doctrinam Christi in Evangelio contentam, quæ a summis legitur ministris, scilicet a Diaconibus. Curiosum de hoc denuo format discursum diſus Lublino paucis omisſis hic ponendum: Diaconus pronuntiat Evangelium accepta prius benedictione, *Inbo Domne*, non verò, *Domine*, ut quidam imperiti faciunt; nam loquitur ad hominem, cujus quia imperfecta sunt opera, appellatio quoque truncata. Origo illius vocis antiquissima est, teste Baronio ad annum 416. Acolythi antecedunt accensis luminaribus, in signum spiritualis lætitiæ, quia ipſius Evangelii auctor erat lux vera, quæ illuminat omnem hominem. Postulat autem benedictionem, ad denotandum, quod in Ecclesia Fidelium nullus debet predicare, nisi mittatur: Lector namque Evangelii prædicationem significat. Et ideo olim in loco eminentiori, quam Epistola, caneatur, juxta illud: Supra montem excelsum ascende tu, qui evangelizas Sion. Dum Evangelium legitur, stare debent, qui audiunt, in signum obedientie nudatis capitibus præ reverentia. Quod etiam ad *Magnificat*, *Nunc dimittis*, & *Benedictus* in matutinis Laudibus, Vespere, & Completorio est faciendum.

Cantatur Evangelium ad Aquilonem, relicta parte dextra Altaris, ad denotandum, quod a

Judaïs propter eorum duritiam doctrina veritatis debuit auferri, & Gentilibus tradi. Vel quia ordinatur ad expellendum Dæmonem juxta illud: Ab Aquilone pandetur omne malum.

Signat se Diaconus in pectore, quia corde creditur ad justitiam: in ore, quia ore confessio fit ad salutem: in fronte, quia nullo timore, aut verecundia (quarum affectionum signa potissimum in fronte solent apparere) debent Fideles a libera Christi, & ipsius Evangelii professione deterri.

Nec sine causa Diaconus suæ Lectioni præmittit thuris incensum, quia Prædicator debet ex le odorem bonæ opinionis emittere juxta illud Apostoli: *Christi bonus odor sumus*. Unde dicitur: Cujus vita depiscitur, refat, ut ejus prædicatio contemnatur.

Lectione Evangelio liber fertur ad Sacerdotem, quia omnia bona sunt referenda ad eum, a quo bona cuncta procedunt, qui est Christus, *Alpha*, & *Omega*: cujus personam in Missa gerit Sacerdos.

*Symbolum, seu Credo.*

LXXXIII. De hoc S. Th. in eod. ar. 4. sic ait: Et quia Christo credimus tanquam divine Veritati (secundum illud Joan. 8. Si veritatem dico vobis, quare non creditis mihi?) Lectione Evangelio Symbolum Fidei cantatur, in quo populus offendit, se per Fidem Christi doctrinæ assentire. Cantatur autem hoc Symbolum in festis, de quibus fit aliqua mentio in Symbolo, sicut in festis Christi, & B. Virginis, & Apostolorum (qui hanc Fidem fundaverunt) & aliis hujusmodi. Hæc ibi. Cantatur ergo *Credo* statim post Evangelium, ut populus ostendat, quod corde verbum Evangelii receperit, quia corde creditur ad justitiam, ore autem confessio fit ad salutem. Sacerdoti *Credo* intonanti Chorus solemniter tripudio respondet, ne Musicus ille cælestis obiciat: Cantavimus vobis, & non saltastis.

Hæc omnia, usque huc olim vocabatur Missa Cathæcumenorum, qui usque huc permittebantur esse præsentibus Sacro: iis autem prædis dimittebantur a Diacono illis verbis: *Ite Missa est*; quasi dicens, Ite, abite, nunc incipit propriæ Missæ. Nimirum Oblatio, seu Sacrificium, cui interesse vobis non licet, usque dum sacro Fonte renati sitis.

*Offertorium.*

LXXXIV. De hoc S. Th. ait: Sic igitur populo preparato, & instructo consequenter acceditur ad celebrationem Mysterii, quod quidem & offertur ut Sacrificium, & consecratur, & sumitur ut Sacramentum. Unde primo peragitur oblatio. Secundo consecratio materiæ. Tertiò ejusdem perceptio. Circa oblationem verò duo aguntur, scilicet laus populi in cantu Offertorii (per quod significatur lætitia offerentium) & oratio Sacerdotis, qui petit, ut oblatio populi

fit Deo accepta. Unde & 1. Paralip. 29. dixit David: Ego in simplicitate cordis mei lætus obtuli universa hæc, & populum tuum, qui hic repositus est, vidi cum ingenti gaudio tibi offerre donaria. Et postea orans dicit: Domine Deus, custodi hanc voluntatem. Hæc ibi: Offertorium ergo est oblatio Sacrificii mox futuri. Porro Sacerdos ait: Calicem Salutaris accipiam, id est, Christi Salvatoris, qui eum instituit, non verò ait, salutarem, quia in eonondum est nisi purum vinum, possemus eum tamen vocare salutarem, putâ futurum.

Dum hæc sunt, solent Fideles in quibusdam festis, præsertim in Ecclesiis Parochialibus offerre munera temporalia, quia hilarem datorem diligit Deus. Unde Dominus per Moysen mandavit. Exod. 23. Non apparebis in conspectu meo vacuus.

*Thurificatio.*

LXXXV. Circa hanc posset dubitari, an sit adhibenda in Sacrificio Novæ Legis; videmur enim per eam judaizare, cum spectaverit ad Cæremonias Veteris Legis: sed dubium hoc solvit Angelicus Doctor hinc. 5. ad 2. sic dicens: Thurificatione non utimur quasi cæremoniali præcepto Legis, sed sicut Ecclesiæ Statuto: unde non eodem modo utimur, sicut in Veteri Lege erat statutum; Pertinet autem ad duo; primo quidem ad reverentiam hujus Sacramenti, ut scilicet per bonum odorem depellatur, si quid corporaliter pravi odoris in loco fuerit, quod posset provocare horrorem. Secundò pertinet ad repræsentandum effectum gratiæ, quia sicut bono odore Christus plenus fuit (secundum illud Genes. 27. Ecce odor filii mei, sicut odor agri pleni,) & a Christo derivatur ad Fideles officio ministrorum secundum illud 2. Cor. 2. Odorem notiæ suæ spargit per nos in omni loco. Et ideò undique thurificato altari, per quod Christus designatur, thurificantur omnes per ordinem. Hæc ibi.

Fit hæc incensatio odoriferi Thuris ad exemplum Magdalene, de qua Evangelista dicit: Maria ergo accepit libram unguenti pretiosi, & effudit. Celebrans incensum ter circumducit, quia etiam Magdalena Christo ter unguentum exhibuit. Incensat totum altare, quia & factum Magdalene exivit in omnem terram, ubicunque prædicatur Evangelium. Incensato altari, incensantur & alii, quia domus impleta est ex odore unguenti mulieris, & plenitudine Christi omnes gratiam accipiunt currentes in odorem unguentorum ipsius.

*Ablutio digitorum.*

LXXXVI. Circa hanc etiam dubitari potest, uti ante, quia etiam in Veteri Lege Aaron, & filii ejus Sacrificio præmittebant ablutio-nem manuum, ac pedum. Dubium hoc resolvit,

vit, & cæremoniam explicat S.Tho. hic a. 5. ad 1. dicens: Ablutio manuum fit in Celebratione Missæ propter reverentiam hujus Sacramenti. Et hoc dupliciter: Primò quidem, quia aliqua pretiosa tractatio non conuevimus, nisi manibus ablutis: unde indecens videtur, quod ad tantum Sacramentum aliquis accedat manibus etiam corporaliter inquinatis. Secundò propter significationem, quia, ut Dionysius dicit 3. Eccles. Hierarch. extremitatum ablutio significat emundationem etiam à minimis peccatis secundum illud Joann. 13. Qui lotus est, non indiget, nisi ut pedes lavet. Et talis emundatio requiritur ab eo, qui accedit ad hoc Sacramentum. Quod etiam significatur per Confessionem quæ fit ante Introitum Missæ. Et hoc idem significabat ablutio Sacerdotum in Veteri Lege, ut ibidem Dionys. dicit. Nec tamen Ecclesia hoc servat tanquam cæremoniæ Vet. Leg. præceptum, sed quasi ab Ecclesia institutum, sicut quiddam secundum se conveniens. Et idè non eodem modo observatur sicut tunc: prætermittitur enim pedum ablutio, & servatur ablutio manuum, quæ potest fieri magis in promptu, & quæ sufficit ad significandam perfectam mundationem. Cùm enim manus sit organum organorum (ut dicitur 3. de anima) omnia opera attribuantur manibus. Unde in Psal. 135. dicitur: Lavabo inter innocentes manus meas. Hæc ibi S.D.

## Oratio Fratres.

Ablutis digitis Sacerdos inclinans primùm pro se orat in spiritu humilitatis; &c. quia Christus exinanivit semetipsum factus obediens Patri usque ad mortem. Deinde monet populum, ut pro celebrante oret dicens, *Orate, Fratres, ut meum, &c.* juxta illud: Oremus pro invicem, ut salvemur. Quia & ipse populus est circumdatus infirmitate.

## Præfatio

Excitatur populus ad devotionem in Præfatione, unde & monemus, corda nostra laudum habere ad Dominum, ait S.Thom. a. 4. cit. ut ibi sit cor, ubi est thesaurus, nimirum in Cælo, populusque attendat ad actionem, in qua proprie Sacrificium consistit. Hinc Sacerdos altiori voce dicit, *Per omnia sæcula, &c.* ut populus possit respondere Amen. Hinc Præfatio propriè incipit a sequente *Dominus vobis scum.* Quia illa verba *Per omnia sæcula sæculorum, &c.* adhuc spectant ad Oraciones præcedentes secretè dictas. Coniungit celebrans altiori voce finem prioris Orationis cum initio sequentis, quia Christus est lapis angularis, qui scilicet utraque unum, coniungens Judæos, & Gentiles, ut sit eorum unum ovile, & unus Pastor.

## Sanctus.

Finita Præfatione populus devotè laudat Di-

vinatatem Christi cum Angelis dicens: Sanctus, Sanctus, Sanctus. Et Humanitatem cum Pueris dicens: Benedictus, qui venit, &c. Olanna. Ita S.D. cit.

## Canon.

LXXXVII. Licet aliqui sentiant, quòd Canon incipiat ab illis verbis, *Qui pridie, quam pateretur*, uti & olim desit ad *Pater noster* exclusive, probabilius tamen est, quòd incipiat ab illis verbis, *Te igitur, Clementissime, &c.* Quia his verbis in omnibus Missalibus prægitur titulus Canonis. Desinit autem nunc ad consumptionem Sacramenti. Porro Canon in præfenti idem est, ac significat, quòd Liturgia, estque sacratio Missæ pars, & quamvis pro varietate temporum variæ fuerint Liturgiæ, scilicet alia Basilii, alia Chrysostomi, alia Ambrosii, Gelasii, Gregorii, hi tamen DD. non composuerunt integræ de novo Liturgiam, sed substantiales Liturgiæ ab Apostolis institutæ permanferunt integræ.

## Crucesignationes.

LXXXVIII. Circa harum congruentiam dubitari potest primò, quòd toties iterentur. Secundò ex eo, quòd fiant post Consecrationem super Hostiam, adeoque super ipsum Christum, qui non potest benedici a minore, quia minor a majore benedicitur, ut patet ad Hebr. 7. non è contra.

Hæc dubia, & utramque cæremoniam explicat S.Tho. cit. art. 5. Nam ibidem ad 3. ait: Sacerdos in celebratione Missæ utitur crucesignatione ad exprimendam Passionem Christi, quæ ad Crucem est terminata. Est autem Passio Christi quibuldam quasi gradibus peracta. Nam Primò sicut Christi traditio, quæ facta est a Deo, Juda, & Judæis, quam significat trina crucis signatio super illa verba; Hæc dona, hæc munera; hæc sancta Sacrificia illibata. Secundò fuit Christi venditio: est autem venditus Sacerdotibus, Scribis, & Phariseis, ad quòd significandum fit iterum trina crucis signatio super illa verba, Benedicam, adscriptam, ratam. Vel ad ostendendum pretium venditionis, scilicet triginta denarios. Additur autem & duplex crux super illa verba. Ut nobis Corpus, & Sanguis, &c. ad designandam personam Judæ venditoris, & Christi venditi. Tertiò autem fuit præsignatio Passionis Christi facta in Cæna ad quòd designandum sunt tertio duæ cruces, una in consecratione Corporis, alia in consecratione Sanguinis: ubi utrobique dicitur, Benedixit, &c. Quartò autem fuit ipsa Passio Christi. Unde ad representandum 5. plagas Christi fit quartò quintuplex Crucis signatio super illa verba, Hostiam puram, hostiam sanctam, hostiam immaculatam, panem sanctum vitæ æternæ, & Calicem salutis perpetuæ. Quintò representatur extensio Corporis, & effusio Sanguinis, & fructus Passionis per trinitatem crucesignationem,

nem, quæ sit super illis verbis, Corpus, & Sanguinem sumperimus, omni benedictione, &c. *Secundò*, repræsentatur triplex oratio, quam fecit in Cruce; unam pro persecutoribus, cum dixit: Pater, ignosce illis, &c. Secundam pro liberatione a morte cum dixit, Deus meus, Deus meus, ut quid dereliquisti me? Tertia pertinet ad adoptionem gloriæ, cum dixit, Pater in manus tuas commendo spiritum meum. Et ad hoc significandum fit trina crucis signatio super illa verba, Sanctificas, vivificas, benedixis, &c. *Suprà* repræsentantur tres horæ, quibus pependit in Cruce, scilicet a sexta usque ad horam nonam. Et ad hoc significandum fit iterum trina crucis signatio ad illa verba, Per ipsum, & cum ipso, & in ipso. *Octavò* autem repræsentatur preparatio animæ a corpore per duas crucis subsequenter extra Calicem factas. *Nonò* autem repræsentatur Resurrectio tertia die facta per tres crucis, quæ sunt ad illa verba, Pax Domini sit semper vobiscum. Potest autem brevius dici, quod consecratio huius Sacramenti, & acceptatio huius Sacrificii, & fructus ipsius procedit ex virtute Crucis Christi. Et idèò ubicumque fit mentio de aliquo horum, Sacerdos crucis signatione utitur. Hæc ibi.

Et ad 4. ibidem S.D. ait: Sacerdos post Consecrationem non utitur crucis signatione ad benedicendum, & consecrandum, sed solum ad commemorandam virtutem Crucis, & modum Passionis Christi, ut ex dictis patet. Hæc ibi.

*Extensio brachiorum, & iunctio manuum, ac digitorum.*

**LXXXIX.** De harum Cæremoniærum convenientia dubitari potest ex eo, quod videantur esse ridiculose gestulationes, quæ dedecent tanti Sacrificii maiestatem. Sed dubium, & Cæremonias illas explicat Angelicus Doctor ibid. ad 5. dicens: Ea, quæ Sacerdos in Missa facit, non sunt ridiculose gestulationes, sunt enim ad aliquam repræsentandam. Quod enim Sacerdos brachia extendit post Consecrationem, significat extensionem brachiorum Christi in Cruce. Levat etiam manus orando, ad designandum, quod oratio ejus dirigatur pro populo ad Deum, secundum illud Thren. 3. Levemus corda nostra cum manibus ad Dominum in cælos. Exod. 17. dicitur, quod, cum levaret Moyses manus, vincebat Israel. Quod autem manus interdum jungit, & inclinât, est suppliciter, & humiliter orantis, & designat humilitatem, & obedientiam Christi, ex qua passus est. Digitos autem jungit post Consecrationem, scilicet pollicem cum indice, quibus Corpus Christi consecratum eetigerat, ut si qua particula digitis adhaerit, non dispergatur, quod pertinet ad reverentiam Sacramenti. Hæc ibi.

*Memento, Communicantes, &c.*

**XC.** Hæc, & alia, quæ sequuntur, explicat Ang. Doctor 2. 4. inc. dicens: Deinde Sacerdos secretò commemorat, primò quidem pro quibus hoc sacrificium offertur, scilicet pro universali Ecclesia, & pro his, qui in sublimitate sunt constituti 1. Timoth. 2. & specialiter quosdam, qui offerunt, vel pro quibus offertur. 2. Commemoratur Sanctos, quorum patrocinia implorat pro peccatis, cum dicit: Communicantes, & memoriam venerantes, &c. 3. Petitionem concludit, cum dicit: Ut hæc oblatio sit illis, pro quibus offertur salutaris. Deinde accedit ad ipsam consecrationem, in qua primò petit Consecrationis effectum, cum dicit: Quam oblationem tu, Deus, &c. Secundò Consecrationem peragat per verba Salvatoris, cum dicit: Qui pridie, &c. Tertiò exculat præsumptionem per obedientiam ad mandatum Christi, cum dicit: Unde & memores, &c. Quartò petit hoc Sacrificium peractum esse Deo acceptum, cum dicit: Supra quæ propitio, &c. Quintò petit huius Sacrificii, & Sacramenti effectum: Primò quidem quantum ad ipsos fumentes, cum dicit: Supplices te rogamus, &c. Secundò quantum ad mortuos, qui jam sumere non possunt, cum dicit: Memento etiam, Domine, &c. Tertiò specialiter quantum ad ipsos Sacerdotes offerentes, cum dicit id, quod sequitur, nimirum

*Nobis quoque peccatoribus.*

In qua oratione Sacerdos se implorat, deque sui meritis diffusus, sibi ex divina misericordia precatur partem, & societatem cum SS. Apostolis, & Martyribus, ait Bellarm.

Circa hanc Orationem dubitari potest primò, quid sit, quod in ea repetatur Joannes, cum is jam fuerit nominatus ante Consecrationem. Secundò Stephanus, qui solum fuit Diaconus præponatur Mathiæ, qui tamen fuit Apostolus. Tertiò Mathias non fuerit nominatus ante Consecrationem.

Ad hæc R. cum Bellarm. *Ad 1.* non nominari hic Joannem Evang. sed Baptistam, qui fuit etiam Martyr Domini, & aliquo modo Apostolus juxta illud Joann. 1. Fuit homo Missus a Deo. *Ad 2.* R. quod Stephanum præponendo Mathiæ Ecclesia servet ordinem Passionis, non dignitatis: Joannes autem est passus ante Stephanum, & Stephanus ante Mathiam. *Ad 3.* Ratio est, tum ut etiam aliquis Apostolus ex ra. nominaretur, possetque verè dici, cum *his Apostolis, & Martyribus.* Tum etiam (quia Mathias non fuit Apostolus ante Passionem Domini, nec in Evangelii legitur in ordine Apostolorum. Nec obstat, quod etiam Paulus non fuerit Apostolus ante Passionem Domini, & tamen in priori ordine recenseatur. Nam est hoc Pauli Privilegiū, ut semper iugatur cum Petro.

*Pater*

*Pater noster. Fractio Hostiæ. Pax. Agnus Dei.  
Commixtio utriusque Speciei.*

**XCL.** S. Thom. cit. ar. 4. sic ait: Deinde agitur de perceptione Sacramenti, & præparatur populus ad percipiendum. *Primo* quidem per Orationem communem totius populi (quæ est Oratione Dominica, in qua petimus panem quotidianum nobis dari, & etiam per privatam, quam specialiter Sacerdos pro populo offert, cum dicit: Libera nos, quæsumus, Domine, &c. *Secundo* præparatur populus per pacem, quæ datur dicendo, *Agnus Dei*, &c. Est enim hoc Sacramentum unitatis, & pacis. In Missis tamen Defunctorum (in quibus Sacrificium offertur, non pro pace præsentis, sed pro requie mortuorum) pax intermittitur. Hæc ibi.

De Fractiōe Hostiæ S. Thom. ar. 5. ad 7. sic ait: Fractio Hostiæ tria significat. Primo quidem ipsam divisionem Corporis Christi, quæ facta est in Passione. Secundo distinctionem corporis mystici secundum diversos status. Tertiò distributionem gratiarum procedentium ex Passione Christi, ut Dionysius dicit 3. cap. Eccles. Hier. Unde talis fractio non inducit divisionem Christi. Hæc ibi. Et ad 8. ait: Triforme est Corpus Domini; Pars oblata in Calicem missa Corpus Christi, quod jam resurrexit, monstrat, scilicet ipsum Christum, & B. Virgineum, vel si qui alii Sancti cum corporibus jam sunt in gloria. Pars comesta, ambulans adhuc super terram, quia scilicet viventes in terra Sacramentum utuntur, & passionibus conteruntur, sicut & panis comestus conteritur dentibus. Pars in altari, usque ad finem Missæ remansens est Corpus in sepulchro: quia usque in finem sæculi corpora Sanctorum in sepulchris stant, quorum tamen animæ sunt, vel in Purgatorio, vel in Cælo. Hic tamen ritus non servatur modò, ut scilicet una pars servetur, ulque in finem Missæ propter periculum: manet tamen eadem significatio Partium. Quam quidam meretricè expresserunt, dicentes:

Hostia divisa in partes tres, tincta Beatos Plenè, sicca notat vivos, servata sepultos.

Quidam autem dicunt, quòd in Calicem missa significat eos, qui vivunt in hoc mundo: pars autem extra Calicem servata significat plenè beatos, scilicet quantum ad animam, & corpus: pars autem comesta significat cæteros. Hæc ibi.

Commixtio Corporis, & Sanguinis Christi non fit in propria specie, hæc enim fieri non posset sine nova vulneratione; sed fit in Specie panis, & vini, sicut etiam ratione Specierum dicitur videri, tangi, manducari, &c. Dum autem in Missa dicitur, quòd illa commixtio (quæ tamen est opus nostrum) habeat vim conferendæ Salutis æternæ, hoc intelligitur de commixtione passiva, seu de ipsi speciebus commixtis,

*Communio, & Collecta.*

S. Thom. ar. 4. in fine corp. inquit: Deinde sequitur perceptio Sacramenti, primò percipiente Sacerdote, & postmodum aliis dante. Quia, ut Dionysius dicit c. 3. Eccl. Hierarch. Ille, qui aliis divina tradit, primò debet ipse participare esse. Ultimò autem tota Missæ celebratio in gratiarum actione terminatur, populo exultante pro sumptione mysterii (quod significat cantus post Communionem,) & Sacerdote per Orationem gratias offerente, sicut & Christus celebrata Cæna cum discipulis hymnum dixit Matth. 26. Hæc ibi.

*Ite, Missa est. Benedictio.*

Ex supra dictis constat, quòd significat idem. ac *ite*, *abite*, vel discedere licet, hostia ad Deum jam est missa. Cur autem aliquando loco ejus dicatur *Benedicamus Domino*, ratione in dat Bellarminus, quia in Missis festis copiosior populus ad Missam confluere solet, & idèd in fine publicè denuntiatur dimissio: aut in diebus ferialibus, ut plurimum solum conveniunt Clerici, & Monachi, & ut hipotius excitentur ad perseverandum in Dei laudibus dicitur *Benedicamus Domino*, non vero *Ite, Missa est*. Et hoc fit ad significandam mæsticiam illius temporis; videtur enim nescio quid lugubre præferre, quando non denuntiatur publica dimissio, sed unusquisque per se discedit, ait Bellarm. Quia etiam de causa dici potest in officiis luduosis defunctorum omitti in fine Missæ benedictionem, quæ in aliis datur: in quibus significat illam benedictionem, quam Salvator asceusurus in Cælum legitur dedisse Discipulis, Lucæ ultimo.

*Contra aliqua Canonis inserta.*

**XCII.** Oppos. 1. Verba, & facta Christi nobis per Evangelium innotescunt: Sed non legitur in Evangeliiis, quòd Christus in Consecratione hujus Sacramenti oculos ad Cælum levaverit. Similiter in Evangelio illis verbis, *Accipite, & comedite*, non additur *omnes*, & tamen familia inserta sunt Canonis. Ergo inconvenienter hæc aguntur.

2. Sacrificium Novæ Legis multò excellentius est Sacrificio Vet. Leg. Ergo inconvenienter Sacerdos petit, ut hoc Sacrificium habeatur sicut Sacrificium Abel, Abrahæ, & Melchisedech.

3. Absurdum est, quòd Sacerdos patat deferri per Angelum in Cælum, ubi nullum est altare, quod ipse paulò post consumpturus est: hoc autem petit post consecrationem illis verbis, *Iube hæc perferri per manus S. Angeli tui in sublime Altare tuum*, quæ verba vellicat Lutherus. Ergo.

4. Illa Canonis verba, *Quoties offerimus, vel qui tibi offerunt pro redemptione animarum suarum*, sunt inconvenientia, quia si sunt fideles, jam sunt redempti Christo. Ita Lutherus.

J. Con-

5. Contra illa verba, *Memento, Domine, famulorum*, &c. calumniatur Zwinglius, arguens nos, quod videamus metueret, ne Deus sit obliuioſus.

6. Contra illa verba, *Benedictam, adſcripſam, ratam, rationabilem, acceptabilemque ſacra dignis*, ſic calumniatur Lutherus: Portenta illa verborum, neque ego intelligo, neque ſtolidus ille, qui ſcripſit.

7. Fruſtra oratur pro iſis, qui jam dormiunt in ſomnolentia: Sed pro iſis Sacerdos orat in *Memento defunctorum*. Ergo.

8. Ex Inferno nulla eſt redemptio. Sed Sacerdos in Canone orat pro iſis, qui ſunt in Inferno dicens: *Liberas eas de penis Inferni, ne abſorbeat eas Tartarus, ne eandem in obſcurum, libera a profundolach.* Ergo.

Ad 1. Reſpondet S. Th. art. 4. clt. ad 2. dicens: Sicut dicitur Joann. ult. Multa ſunt a Domino facta, vel dicta, quæ Evangeliste non ſcripſerunt. Inter quæ ſunt hoc, quod Dominus in Cæna oculos levavit in Cælum, quod tamen Eccleſia ex Traditione Apoſtolorum habuit. Rationabile enim videtur, ut qui in ſuſcitatione Lazari (ut habetur Joann. 11.) & in Oratione, quam pro Diſcipulis fecit Joann. 17. oculos levavit ad Patrem, in hujus Sacramenti inſtitutione multo magis hoc fecerit, tanquam in re potiori. Quod autem dicitur, Manducate, & comedite, non differt quantum ad ſenſum; nec multum reſert quid dicatur, præſertim cum verba illa non ſint de forma, ſed ſuprà dictum eſt. Quod autem additur, *omnes*, intelligitur in verbis Evāgelii, licet non exprimitur, quia ipſe dixerat Joann. 6. Nisi manducaveritis carnem Filii hominis, non habebitis vitam in vobis. Hæc ibi.

Ad 2. Ibidem ad 8. ait: Licet hoc Sacriſcium ex ſeipſo præſtetur omnibus antiquis Sacriſciis, tamen Sacriſcia antiquorum fuerunt Deo acceptiſſima ex eorum devotione. Petit ergo Sacerdos, ut ſic hoc Sacriſcium acceptetur a Deo ex devotione offerentium, ſicut illa accepta fuerunt Deo. Hæc ibi.

Ad 3. ibidem ad 9. S. Th. inquit: Sacerdos non petit, neque quod Species ſacramentales deſcendant in Cælum, neque Corpus Chriſti verum, quod ibi eſſe non deſinit, ſed petit hoc pro corpore myſtico (quod ſcilicet in hoc Sacramento ſignificatur), ut ſcilicet orationes Sacerdotis, & populi Angelus aſſiſtens divinis myſteriis Deo repræſentet ſecundum illud Apoc. 8. Aſcendit ſumus incenſorum de oblationibus Sanctorum de manu Angeli. Sublime autem Altare Dei dicitur vel ipſa Eccleſia triumphans, in quam transferri petimus, vel ipſe Deus, cuius participationem petimus: De hoc enim Altari dicitur Exod. 20. Non aſcendes ad altare meum per gradus, id eſt, in Trinitate gradus non facies. Vel per Angelum intelligitur ipſe Chriſtus, qui eſt magni Conſilii Angelus, qui Corpus ſuum my-

ſticum Deo Patri conjungit, & Eccleſiæ triumphanti: Et propter hoc etiam Miſſa nominatur, quia per Angelum Sacerdos preces ad Deum mittit, ſicut populus per Sacerdotem: vel quia Chriſtus eſt Hoſtia nobis miſſa a Deo. Unde & in fine Miſſæ Diaconus in ſiſtivis diebus populum licentiat, dicens: Ite, miſſa eſt, ſcilicet Hoſtia, ad Deum per Angelum, ut ſcilicet ſit Deo accepta. Hæc ibi.

Ad 4. patet Reſponſio ſuprà in Tr. 12. Exam. 5. n. 69. in Notab. 2. ante R. 1.

Ad 5. R. Quod ipſe Zwinglius probet ſe eſſe valde obliuioſum ſacræ ſcripturæ, in qua tam frequenter dicitur, *Memento, Domine, &c. Recordare, Domine, &c.* Porro Deus dicitur obliuioſus per metaphoram, quando in neceſſitate non ſuccurrit; dicitur verò recordari, quando ſuccurrit.

Ad 6. Verba illa explicat Bellam. dicens: Petimus a Deo, ut ipſe oblationem noſtram conſecrando efficiat benediſtam ex proſana; eandem approbando faciat adſcriptam, id eſt, adſcribat, & numeret inter dona, quæ ipſi probantur; confirmando ratam efficiat, id eſt, ſtabilem, & firmam, ut fructum certum, & perpetuum ad nos referat: rationabilem quoque faciat, ut non ſolum bona, ſed etiam bene, & rationabiliter, & prudenter offerimus, ac ſi fiat rationabile obſequium noſtrum. Tandem acceptabilem, id eſt, undique bene ſe habentem, non ſolum ex parte doni, ſed etiam ex parte miniſtri offerentis, ut digna ſit, quæ a Deo acceptetur.

Ad 7. diſt. maj. Si pax illa ſit quies non ſolum a bello tentationum, ſed etiam a tormentis, conc. maj. ſi ſolum a primo, neg. maj. Et ſic diſt. min. negatur conſequentia. Bene ergo ſic orat Sacerdos pro animabus in Purgatorio, et ſi enim hæc de felicitate æterna jam ſint certæ, & habeant quietem a belli tentationum, & concupiſcentiæ, non tamen a tormentis, & Viſionis divinæ deſiderio.

Ad 8. R. cum noſtro Gonet explicante, id dici de animabus illis conſideratis, ut mox è corpore egreſſuris, & coram tremendo Dei Judicio ſiſtendis, ſimilique propoſito, quæ etiam Eccleſia Chriſtum interdum conſiderat, ut ante Adventum, v.g. dicendo, *Veni, Domine, & noli tardare, Rorate Cæli, &c.* Uſurpatur autem ſimilis Propoſito ab Eccleſia, ut Fiſcales magis excitentur ad commiſerationem. Vel, ut explicat Gobat, nomine Inferni, Tartari, & Laci intelligitur Purgatorium, cuius pœnæ dicuntur ſimiles pœnis Inferni propter atrocitatem: ſicut etiam, dum Chriſtus dicitur deſcendiſſe ad Inferos, intelligitur Purgatorium, & Limbus Patrum. Ne abſorbeat eas, Necandant, ſenſus eſt, ne oblatio hoc Sacriſcio permittas eas diutius in illis profundis (ut potè ſub terra) & obſcuris carceribus, cru-



cruciari. Vocantur autem pœnæ hæc æternæ; id est, duraturæ usque ad finem mundi, qualiter ly *æternum* sæpe accipitur etiam in Scriptura.

**QUÆRO V.** Possitne sufficienter occurrere defectibus, qui in Sacrificio Missæ occurrere possunt?

**XCIII.** Hac de re agit S.D. 3. p. q. 83. ar. 6.

*Resp. Affirmative. Ratio est,* quam dat S. D. in Sed Contra, dicens: Sicut Deus, ita Ecclesia, non præcipit aliquid impossibile.

In corp. art. notat S. D. quod periculis, seu defectibus circa hoc Sacramentum contingentibus dupliciter potest occurrere. Uno modo præveniendū, ne scilicet periculum accidat; alio modo sublequendo, ut scilicet id, quod accidit, emendetur, vel addibendo remedium, vel saltem per pœnitentiam ejus, qui negligenter agit circa hoc Sacramentum.

Varii, & præcipue septem sunt defectus, qui contingere possunt.

*Primus est naturalis, & sine culpa, ut si Sacerdos ante, vel post Consecrationem moriatur, vel a sensibus alienetur, vel gravi infirmitate impediatur, ne Sacramentum possit perficere, vel sumere.*

In hoc casu, & defectu procedendum est, ut tradit S. Thom. ar. 6. cit. dicens ad 1. Si Sacerdos morte, aut infirmitate gravi occupetur ad Consecrationem Corporis, & Sanguinis Domini, non oportet, ut per alium suppleatur. Si verò incepta consecratione hoc acciderit (puta, consecrato Corpore ante Consecrationem Sanguinis, vel etiam consecrato utroque) debet Missæ celebritas per alium expleri. Ita S. D. probans hoc ibidem ex Concilio Toletano. Porro ille substitutus debet incipere ab eo puncto, ubi alter cessavit, & ille si fieri potest, debet jejunus: Quod si jejunus haberi non possit, perficiatur per non jejunum: quia præceptum de complendo Sacrificio majus est, quam præceptum de accedendo jejunæ. Vide supra Ex. 4. num. 41.

*Quid si non possit haberi Sacerdos; sed tantum Laicus?*

*Dico:* Species cum reverentia esse servandas, ut Sacerdos sequente die Sacramentum perficiat. Si sequente, vel tertio die non possit haberi Sacerdos, & sit periculum, ne species vini acefiant, licet aliqui sentiant, nefas esse, eas sumi a Laico, eo quod illius non sit perficere Sacramentum, adeoque potius subeundum sit periculum corruptionis specierum, & species corruptas mittendas esse in Sacrarium. Verum probabilior videtur Sententia Ledesmæ, & La Cruz, species illas consecratas etiam vini posse devotè sumi a Laico, non ut perficiat Sacrificium, cum hoc sit solius Sacerdotis, ut potè habentis characterem ad consecrandum, & sacrificandum, sed ob reverentiam Sacramenti, cui per corruptio-

*Tribunal Ordinandum.*

nem major sit irreverentia.

*Quid si non constet, ubi Sacerdos mortuus, vel senibus destitutus deserit, sed solum scitur, eum obiisse in Celebratione?*

*Dico:* Tunc alius Sacerdos (si haberi possit) debet a principio inchoare Missam, & aliam accipere hostiam cum Calice, & utramque hostiam consecrare simul, unam absolventem, alteram (quæ nimirum jam erat in altari) sub conditione. Idem faciendum est circa Calicem.

*Oppono:* Hoc non erit perficere Sacrificium jam inceptum, sed instituire novum.

*Nego hoc,* sed erit utrumque simul, saltem moraliter: præsens enim novum Sacrificium ad hoc ordinatur, ut præcedens imperfectum compleatur.

**XCIV.** *Secundus defectus est, si Sacerdos ante, vel post consecrationem recordetur, se aliquid comedisse, vel bibisse, vel etiam alicui peccato mortali subiacere, vel etiam excommunicationi.*

*Quid in hoc casu agendum, declarat Ang. Doct. ibid. ad 2. dicens:* Ubi difficultas occurrit, semper est accipiendum illud, quod habet minus de periculo. Maxime autem periculosum circa hoc Sacramentum est, quod est contra perfectionem hujus Sacramenti, quia hoc est immane sacrilegium. Minus autem est illud, quod pertinet ad qualitatē lumentis. Et ideo si Sacerdos post consecrationem inceptam recordetur se aliquid comedisse, vel bibisse, nihilominus debet perficere Sacrificium, & sumere Sacramentum. Similiter si recordetur se peccatum aliquid commississe, debet pœnitere cum proposito confitendi, & satisfaciendi: & sic non indignè, sed fructuosè sumet Sacramentum. Et eadem Ratio est, si meminerit, se excommunicationi cuicumque subiacere, debet enim assumere propositum humiliter absolutionem petendi, & sic per invisibilem Pontificem Jesum Christum absolutionem consequetur quantum ad hunc actum, quod peragat divina mysteria. Si verò ante consecrationem alicujus prædictorum sit memor, tutius reputarem, maxime in casu manducationis, & excommunicationis, quod Missam inceptam deferret, nisi grave scandalum timeretur. Hæc ibi.

*Tertius defectus.* Si contingat, quod in Calicem musca, vel aranea, vel aliquid animal venenosum cadat post consecrationem: vel etiam cognoscat Sacerdos Calicem venenū esse immissum ab aliquo malevolo, causa occidendi ipsum.

Ad hunc casum Respondet S. D. ibid. ad 3. dicens: Si musca, vel aranea in Calicem ante consecrationem ceciderit, ut etiam venenum prehenderit esse immisum, debet effundi, & ablato Calice denud aliquid vinum poni consecrandum. Si verò aliquid horum post consecrationem acciderit debet animal cautè capi, & diligenter lavari, & comburi, & ablutio cum cin-

T t ribus

ribus in Sacramentum mitti. Si verò venenum ibi esse deprehenderit immixtum, nullo modo debet sumere, nec alii dare, ne Calix viæ vertatur in mortem; sed debet diligenter in aliquo vasculo ad hoc apto cum reliquiis conservari. Et ne Sacramentum remaneat imperfectum, debet aliud vinum apponere in Calicem, & de novo resumere a Consecratione Sanguinis, & Sacrificium perficere. Hæcibi.

**XCv. Quidam:** Si contingat, quòd per negligentiam ministri, aut aqua non ponatur in Calice, aut etiam, nec vinum, & hoc Sacerdos advertat.

In hoc casu quomodo procedendum, declarat S. D. ibidem ad 4. dicens: Quòd si Sacerdos ante Consecrationem Sanguinis, & post Consecrationem Corporis percipiat, aut vinum, aut aquam non esse in Calice, debet statim apponere, & consecrare. Si verò post Consecrationis verba perciperit, quòd aqua deficit, debet nihilominus procedere, quia impositio aquæ (ut supra dictum est) non est de necessitate Sacramenti. Debet tamen puniri ille, ex cuius negligentia hoc contingit. Nullo autem modo debet aqua vino jam consecrato misceri: quia sequeretur corruptio Sacramenti pro aliqua parte, ut supra dictum est. Si verò percipiat post verba Consecrationis, quòd vinum non fuerit possum in Calicem, siquidem hoc percipiat ante sumptionem Corporis, debet deposita aqua, si ibi fuerit, imponere vinum cum aqua, & resumere a verbis Consecrationis Sanguinis. Si verò hoc perciperit post sumptionem Corporis, aliam hostiam apponere debet iterum consecrandam simul cum Sanguine. Quòd idè dico, quia si diceret sola verba Consecrationis Sanguinis, non servaretur debitus ordo consecrandi, & sicut dicitur in prædicto cap. Toletani Concilii, perfecta videri non possunt Sacrificia, nisi perfectò ordine compleantur: si verò inciperet a Consecratione Sanguinis, & repeteret omnia verba consequentia, non competeret, nisi ad effectum Hostiæ consecratæ, cum in illis verbis occurrant quædam dicenda, & fienda non solum circa Sanguinem, sed etiam circa Corpus. Et debet in hinc iterum sumere Hostiam consecratam, & Sanguinem, non obstante etiam si prius sumplerit aquam, quæ erat in Calice: quia præceptum de perfectione, vel de perceptione huius Sacramenti majoris est ponderis, quàm præceptum, quòd hoc Sacramentum a jejunis sumatur, ut supra dictum est. Hæcibi.

**Nota** ex Soto, Navarro, La Cruz, quòd dicta S. Thom. doctrina de consecrandis etiam nova hostia debeat intelligi, si Sacerdos consecret in secreto, id est, solum coram uno, vel altero, ita ut non possit adverti, nec inde scandalum sumi: si enim timeatur scandalum, seu turbatio populi, accipiat Sacerdos vitium, offerat, conse-

cret, sumat (prout etiam in Missali dicitur) faciendo hoc omni cautiore modo, ut non notetur a populo. Quòd autem Sacerdos jam sumplerit aquam, adeoque non sit jejunis, non obstat, ut patet ex dictis. Si in eo casu Sacerdos velit consecrare novam hostiam cum vino, debet resumere totum Canonem: si defectum advertat ante sumptionem hostiæ, accepto vino, & admixta aqua, debet reincipere ab illis verbis, *Simili modo*, &c. quia ambæ Species tunc sunt simul.

**XCvi. Quidam:** Si Sacerdos non recolat, se dixisse verba Consecrationis, vel etiam alia, quæ in celebratione huius Sacramenti dicuntur.

In hoc casu quid agendum, exponit S. Thom. ibidem ad 5. dicens: Licet Sacerdos non recolat se dixisse aliqua eorum, quæ diceret debuit, non tamen debet ex hoc mente perturbari; non enim, qui multa dicit, recolat omnium, quæ dixit, nisi forte aliquid in dicendo apprehenderit sub ratione jam dicti: sic enim aliquid efficitur memorabile. Unde si aliquis attentè cogitet illud, quòd dicit, non tamen cogitet se dicere illud, non multum postea recolit se dixisse. Sic enim fit aliquid objectum memoriæ, in quantum accipitur (sub ratione præteriti): sicut dicitur in lib. de memoria. Si tamen Sacerdoti probabiliter constet, se aliqua omisisse, siquidem non sunt de necessitate Sacramenti, non existimo, quòd propter hoc debeat resumere immutando ordinem Sacrificii, sed debet ulterius procedere. Si verò certificetur, se omisisse aliquid eorum, quæ sunt de necessitate Sacramenti, scilicet formas Consecrationis, cum forma Consecrationis sit de necessitate Sacramenti, sicut & materia, idem videtur faciendum, quòd dictum est in defectu materiæ: ut scilicet resumatur a forma Consecrationis, & cætera per ordinem reiterentur, ne mutetur ordo Sacrificii. Hæcibi.

**Nota**, quòd ex his verbis S. Th. pateat, ad resumendum in Missa non sufficere quolibet scrupulum, sed, ne scrupulis locus detur, requiri certitudinem: multi enim Sacerdotes vexantur talibus retrogradis cogitationibus, dubitantes, velle angelentes, an dixerint, quæ erant dicenda. Quæ cogitationes, & anxietates sunt spernendæ. Vide supra de forma Eucharistiæ Tr. 12. Exam. 4. n. 37.

**Sextus** defectus est, si contingat propter frigus, quòd Sacerdoti dilabatur hostia in Calicem, sive ante fractionem, sive post eam.

**Respondet** S. Th. ibidem ad 6. dicens: Fractio Hostiæ consecratæ, & quòd una sola pars mittatur in Calicem, respicit corpus mysticum, sicut admixtio aquæ significat populum. Et idè horum prætermisio non facit imperfectionem Sacrificii, ut propter hoc sit necesse aliquid reiterare circa celebrationem huius Sacramenti.

**XCVII. Septimus:** Si contingat, quod per negligentiam Sacerdotis Sanguis Christi effundatur, vel quoddam Sacerdos Sacramentum sumptum evomat, aut etiam, quoddam hostiæ consecratæ tamdiu conserventur, ut putrescant, vel etiam a muribus corrodantur, vel etiam qualitercunque perdantur.

Quomodo in his casibus procedendum, & quæ propter negligentiam poenitentia merito sit infligenda, fuscè ex jure eliciat Angelicus Doctor ibid. ad 7. dicens: Sicut legitur, *de consecratione*, dist. 2. ex Decreto S. Pii Papæ, si per negligentiam aliquid de Sanguine stillaverit in tabulam, quæ terræ adhæret, lingua lambetur, & tabula radetur; si verò non fuerit tabula, terra radetur, & igni consumetur, & cinis intra altare condetur, & Sacerdos 40. diebus poeniteat. Si autem super altare stillaverit Calix, sorbeat minister stillam, & tribus diebus poeniteat. Si super linteam altaris, & ad aliud stilla pervenerit, 4. diebus poeniteat. Si usque ad tertium, 9. diebus poeniteat. Si usque ad 4. 20. diebus poeniteat: & lintamina, quæ stilla tetigerit, tribus vicibus lavet minister, Calice subtus posito, & aqua ablutionis sumatur, & juxta altare recondatur; possit etiam sumi in potum a ministro, nisi propter abominationem dimitteretur. Quidam autem ulterius partem illam linteaminum incidunt, & comburunt, & cinerem in Altari, vel Sacrario reponunt. Subditur autem ibidem ex poenitentiali Bedæ Presbyteri: Si quis per ebrietatem, vel voracitatem Eucharistiam evomerit, 40. diebus poeniteat si Laicus est; Clerici, vel Monachi, seu Diaconi, & Presbyteri 70. diebus poeniteant; Episcopus 90. Si autem infirmitatis causa evomerint, 7. diebus poeniteant. Et in eadem dist. legitur ex Conc. Arelateni: Qui non bene custodierit Sacramentum, & mus, vel aliquid aliud animal illud comederit, 40. diebus poeniteat; Qui autem perdiderit illud in Ecclesia, aut pars ejus ceciderit, & non inventa fuerit, 30. diebus poeniteat. Et eadem poenitentia videtur dignus Sacerdos, per cujus negligentiam hostiæ consecratæ putrescant. Prædictis autem diebus debet poenitens jejunare, & a Communionem cessare. Penfatis tamen conditionibus negotii, & personæ potest minui, vel addi ad poenitentiam prædictam. Hoc tamen observandum est, quoddam ubique Species integræ inveniuntur, sunt reverenter conservandæ, vel etiam sumendæ; Quia manentibus Speciebus manet ibi Corpus Christi, ut supra dictum est. Ea verò, in quibus inveniuntur, si commodè fieri potest, sunt comburenda, cinere in Sacrario recondito, sicut de rasura tabulæ dictum est. Hæc ibi.

Plura de defectibus ad longum traduntur in Missali a principio, ubi videantur, nimirum de defectibus materiæ, putæ, panis, & vini: de de-

fectibus formæ, ipsius ministri, intentionis, dispositionis animæ, vel corporis. De defectibus circumstantiarum loci, & temporis, vel requisitorum, v.g. Vestium, Altaris, Calicis, Missalis, &c. de defectu servitoris: De defectu infirmitatis Sacerdotis; De defectu admixtionis alicujus nocivi in Calice, vel Hostia; De defectibus fractionis Hostiæ, aut congelationis Sanguinis; De defectu effusionis Sanguinis, aut calus Hostiæ. Quæ omnia videantur in Missali.

Videantur in eodem ritus, & modus dicendi Missam. Item quæ, & quot debeant dici Collectæ, quo utendum colore in Paramentis. Quando dicendum Gloria, & Credo. Quæ sint omittenda in Missis Defunctorum.

## EXAMEN VIII.

*De Hierarchia Ecclesiastica. De Episcopatu. De quo Ang. Doct. agit in Supplem. 3. p. q. 40. uti de Statu Episcoporum agit 2. 2. q. 158. Item de calibatu Clericorum.*

**QUÆRO I.** Estne in Ecclesia Christi vera Hierarchia, ad quam spectent etiam Episcopi?

**XCVIII. Resp. Affirmativè.** Est de Fide. *Et Ratio* est: Hierarchia juxta S. Th. 1. p. q. 108. a. 1. in c. nihil est aliud, quam sacer principatus, vel multitudo ordinata sub uno Principe. Et Ordo Hierarchiæ, juxta S. Tho. ibidem in fine corp. est, alios quidem purgari, & illuminari, & perfici: alios autem purgare, & illuminare, & perficere, qui sunt actus Hierarchici. *Subsumo:* Sed Ecclesia Christi est sacer principatus. & multitudo ordinata sub uno Principe, visibili in terris, scilicet Papa; invisibili in Cælis; estque in ea optimus ordo, & subordinatio, juxta quam alii purgant illuminant, perficiunt, nimirum Episcopi: alii purgantur, illuminantur, perficiuntur, ut etiam patet ex Prologo hujus Tractatus, ante Examen primum. Ergo.

Dixi, esse de fide. Ita clarè patet ex Trid. Sess. 23. c. 4. de *Eccles. Hierarch. & ordinatione* sic decernente: Quoniam in Sacramento Ordinis, sicut & in Baptismo & Confirmatione character imprimitur, qui nec deleri, nec auferri potest, meritò Sancta Synodus damnat eorum Sententiam, qui asserunt, Novi Testamenti Sacerdotes temporariam tantummodò potestatem habere, & semel ritè ordinatos, iterum Laicos effici posse, si verbi Dei ministerium non exercent. Quod si quis omnes Christianos promiscuè Novi Testamenti sacerdotes esse, aut omnes pari inter se potestate spirituali prædicos affirmet, nihil aliud facere videatur, quam Ecclesiasticam Hierarchiam, quæ est ut Ca-

florum acies ordinata, confundere : perinde ac si contra Beati Pauli doctrinam omnes Apostoli, omnes Prophetæ, omnes Evangelistæ, omnes Pastores, omnes sint Doctores. Proinde sacrosancta Synodus declarat, præter cæteros Ecclesiasticos gradus, Episcopos, qui in Apostolorum locum successerunt, ad hunc hierarchicum ordinem præcipue pertinere, & positos, sicut idem Apostolus ait, a Spiritu sancto, regere Ecclesiam Dei, eosque Presbyteris superiores esse, ac Sacramentum Confirmationis conferre, ministros Ecclesiæ ordinare, atque alia pleraque peragere ipsos posse: quarum functionum potestatem reliqui inferioris ordinis nullam habent. Docet insuper sacrosancta Synodus, in Ordinatione Episcoporum, Sacerdotum, & cæterorum Ordinum, nec populi, nec cuiusvis sæcularis potestatis, & magistratus consensum, sive vocationem, sive auctoritatem, ita requiri, ut sine ea irrita sit Ordinatio, quin potius decernit, eos, quantum modò a populo, aut sæculari potestate, ac magistratu vocati, & instituti ad hæc ministeria exercenda ascendunt, & quæ ea propria temeritate sibi sumunt, omnes non Ecclesiæ ministros, sed fures, & latrones, per osium non ingressos, habendos esse. Hæc ibi.

QUÆRO II. Promovendus ad Episcopatum, quas debet habere qualitates? quantum scientiam?

XCIX. *Resp.* Conc. Trid. Sess. 14. *de reform. c.* 1. sic statuit : Omnes, & singulos, qui ad promotionem præficiendorum quocunque jus, quacunque ratione a Sede Apostolica habent, aut alioquin operam suam præstant, hortatur, & monet ( nimirum sancta Synodus ) ut imprimis meminerint, nihil se ad Dei Gloriam, & populorum salutem utilius posse facere, quam si bonos Pastores, & Ecclesiæ gubernandæ idoneos promoveri studeant, eosque alienis peccatis communicantes, mortaliter peccare, nisi quos digniores, & Ecclesiæ magis utiles ipsi judicaverint, non quidem precibus, vel humano respectu, aut ambientium suggestionibus, sed eorum exigentibus meritis, præfici diligenter curaverint : & quos ex legitimo Matrimonio natos, & ætate, doctrina, atque aliis omnibus qualitatibus præditos scient, quæ juxta sacros Canones, & Tridentinæ hujus Synodi Decreta requiruntur. Hæc ibi. Ubi plura statuuntur, quæ sunt servanda in creatione Episcoporum, & Cardinalium, quæ videantur : uti & Sess. 7. *de reform. cap. 1.*

Idem Concilium Sess. 22. *de reform. cap. 3.* decernit : *Quicunque posthac in Ecclesiis Cathedralibus erit assumendus, aut in Universitate Studiorum Magister, sive Doctor, aut Licentiat, vel in sacra Theologia, vel in jure Canonico merito sit promovendus, aut publico alicujus*

*Academis testimonio idoneus ad alios docendos ostendatur. Quid si Regularis fuerit, a Superioribus sua Religione similem fidem habeat.*

Item in cap. Omnes. 6. dist. 38. quod est desumptum ex Synodo septima, statuitur, ut Metropolitanus diligenter inquirat, an is, qui ad Episcopatum provehendus est gradum, in promptu habeat legere scrutabiliter tam sacros Canones, & S. Evangelium, quam omnem divinam Scripturam. Et mox subditur : Substantia enim summi Sacerdotii nostri sunt eloquia divinitus tradita, id est, vera divinarum Scripturarum disciplina.

Ex his Sequitur, quòd Episcopus non solum scire debeat, quæ in præcedentibus sunt assignata pro aliis Sacerdotibus, sed major est scientia sit necessaria ex Theologia, & sacris Canonibus, ut meritò saltem dignus sit Laureæ doctorali Theologiæ, & Juris Canonici. Porro cum defuncto Episcopo eligantur de gremio Canonicorum talis Ecclesiæ, & defuncto etiam multæ causæ forenses ad Episcoporum Tribunalia devolvantur, ad quas Juris utriusque scientia requiritur : hinc si contingat eligi aliquem, qui ex se his omnibus non sufficiat, is exemplo Moysis Exod. 18. sacratoria, seu quæ sunt ad Deum, & propriis concernunt salutem animarum, tractet ipsemet : reliqua verò per Ministros, & Consiliarios, sed idoneos, eruditos, timoratos, incorruptos.

C. Nec mirum, quòd singularis scientia requiratur in Episcopis, quia Trid. Sess. 6. *de reform. cap. 1.* ex Ad. 10. eos monitos esse vult, ut attendentes sibi, & universo Gregi, in quo Spiritus sanctus posuit eos regere Ecclesiam Dei, quam acquisivit Sanguine suo : vigilent sicut Apostolus præcipit, in omnibus laborent, & ministerium suum impleant. Item debetur eis in Choro, Capitulo, Processionibus, & aliis publicis actibus prima Sedes, & locus : est in eis præcipua omnium rerum agendarum auctoritas, ut loquitur Trident. Sess. 25. *de reform. cap. 6.* Sunt Patres, & Pastores a Principibus, & cæteris honorandi, ut patet ex Trid. cit. Sess. 25. c. 17. Successerunt in locum Apostolorum, & præcipue spediunt ad ordinem hierarchicum Ecclesiæ, ut patet ex Trid. Sess. 13. cap. 4. Episcoporum Officium est angelicis humeris formidandum ex Trid. Sess. 6. cit. cap. 1. statuente, ut ad illud non nisi, qui magis digni fuerint, quorumque prior vita, ac omnis ætas, a puerilibus exordiis usque ad perfectiores annos per disciplinæ Ecclesiasticæ stipendia laudabiliter acta testimonium præbeat, secundum venerabiles beatorum Patrum Sanctiones assumantur. Item Episcopi in jure vocantur summi Sacerdotes, Sacerdotum Principes, Legati Christi, a S. Gregorio Altra Coeli ;

a S. Clemente terrestres Dii. Ergo necesse est, ut singularis sanctitas, prudentia, & scientia in iis effulgeat.

**QUÆRO III.** Quid est Episcopatus? esse Ordo distinctus a Presbyteratu?

**Cl. Resp.** 1. Considerando ipsam hujus nominis etymologiam, ly *Episcopus* est nomen Græcū (ut explicat S. Th. loco citando infrā q. 7. in fine n. 112. dictum ab *Epi*, quod est *supra*, & *scopus*, vel *sepi*, quod est intendere, quasi *superintendens*, quia superintendit Laicis, & Clericis sibi commissis. Vel est idem, quod speculator, quia speculatur subditorum mores, & vitam, & si in hoc fit negligens, est in peccato mortali. Desiniri potest Episcopos sic: est Sacerdos habens potestatem administrandi Sacramentum Ordinis, & Confirmationis, consecrandi Basilicas, seu Ecclesias, altaria, sacra vasa, Christma, Virgines, approbandi ad Confessiones, & Concoiones, delegandi Jurisdictionem ad Sacramenta ministranda, &c. Ex quo patet, quid sit Episcopatus, nimirum Sacerdotium cum dicta potestate, &c. Hæc definitio patebit ex mox dicendis, nimirum quod Episcopatus non sit Ordo distinctus a Sacerdotio, sed sit ipse Ordo Sacerdotis cum majori extensione, & potestate ad præfata Officia. Unde data definitio habet genus, & differentiam: per ly *Sacerdos* Episcopos convenit cum omnibus Sacerdotibus: per potestatem ad nominatos, actus ab eis differt.

**CII. Resp. 2.** Episcopatus est quidem gradus aliquis, & dignitas, ac potestas in Ecclesiastica Hierarchia Sacerdotio sublimior, & quidem jure divino: probabilis tamen est, quod non sit Ordo, vel Sacramentum a Sacerdotio distinctū, nec imprimat novum characterem, sed tantum sit extensio, & excellentissimum complementum Sacerdotii, & characteris ejus; Unde est ipsum Sacerdotium, ut extensum, seu ampliātū, vel auctum majore potestate ad plura munera.

1. *Paræst* de Fide, definita in Trid. Sess. 23. Can. 7. his verbis: Si quis dixerit, Episcopos non esse Presbyteris superiores, vel non habere potestatem Confirmandi, & Ordinandi, vel eam, quam habent, illis esse cum Presbyteris communem, &c. anathema sit. Et cap. 4. ibid. docet, Quod Episcopi in Apostolorum locum successerint, & a Spiritu S. positi sint regere Ecclesiam Dei: è contra, ut habet Concilium Neocæsarient. Can. 13. Presbyteri successerunt 72. Discipulis, qui fuerunt inferiores Apostolis. Ergo Episcopatus est jure Divino institutus, & eodem jure superior Presbyteratu.

Quod Episcopatus a Christo sit institutus, patet ex eo, quia Christus ipse Petrum ordinavit Episcopum, Petrus ordinavit Jacobum, & Joannem, hi tres consecraverunt cæteros Apostolos in Presbyteros. Et dato, quod Christus per se nullum ordinasset Episcopum, non pro-

*Tribunal Ordinandum.*

bat, quod non instituerit Episcopatum, sicut non legitur, quod aliquem confirmaverit, ex quo non sequitur, quod non instituerit Confirmationem.

*Ratio* 1. p. est, quam dat S. Th. 3. p. q. 40. a. 4. in Sed Contra, dicens: Divina ministeria debent esse magis ordinata, quam humana; Sed humanorum officiorum ordo exigit, ut in quolibet officio præponatur unus, qui sit Princeps illius officii, sicut præponitur militibus Dux. Ergo & Sacerdotibus debet aliquis præponi, qui sit Sacerdotum Princeps; Et hic est Episcopus. Ergo Episcopalis potestas debet esse supra Sacerdotalem. Hæc ibi. Alia ratio dabitur in R. ad mox sequentem Oppositionem.

Huic doctrinæ opponitur difficilis locus ex S. Hieron. in Comment. primi cap. Ep. ad Titum dicente: *Idem est Presbyter, qui Episcopus.* Et infrā. *Sicut ergo Presbyteri seipsum se ex Ecclesia consuetudine ei, qui sibi propostus fuerit, esse subiectos: ita Episcopi novimus, se magis consuetudine quadam dispositionis dominica veritate Presbyteris esse majores, & in communis debere Ecclesiam regere.* Ergo non jure divino, &c.

Omissis variis Solutionibus R. cum Gibbon dicendo, immediatè jure divini institutum esse, quod Episcopi sint superiores Presbyteris, imprimis quoad potestatem Ordinis, quia solis illis competit potestas Ordinandi Sacerdotes, & sic generandi Patres Ecclesiæ. Item per modum Ministri ordinarii conferendi Sacramentum Confirmationis, consecrandi templa, altaria, &c. aut Presbyteris non convenit potestas ordinandi, sed tantum baptizandi, a peccatis absolvendi, & ita generandi filios Ecclesiæ: Deinde etiam quoad potestatem Jurisdictionis, quia, ut dictum est, Spiritus S. eos posuit regere Ecclesiam Dei, potestas autem regendi est Jurisdictio.

Hæc autem potestas Jurisdictionis competens Episcopis de jure divino supra simplices Sacerdotes est universalis, & quasi in actu signato; ut autem redigatur ad actum exercitum, dependet a Summo Pontifice, cujus est illis assignare determinatas Ecclesias, & tales subditos Sacerdotes. Et ideo superioritas Jurisdictionis Episcoporum supra Presbyteros quoad hanc partem, est de jure Ecclesiastico; utpotè proveniens, & dependens a Summo Pontifice, & de hac ultima superioritate Jurisdictionis intelligi debent verba S. Hieronymi. Simile est in Episcopis titularibus, habent enim & illi de jure divino Jurisdictionem quasi activam, impediunt tamen, ob defectum materię, & subditorum; & si autem admitterentur ad civitatem, vel Diocesim pro qua ordinati sunt, absque nova concessione possunt exercere suam Jurisdictionem, subditos puniendo, excommunicando, &c.

Nota hic, quod tempore Apostolorum, ut

Tt 3 patet

patet ex S. Paulo Philipp. 1. Hoc vocabulum *Presbyter* fuerit commune *Presbyteris*, & *Episcopis*, & *Episcopi* fuerint vocati *Presbyteri*: ex quo non sequitur, quod jure divino fuerint ejusdem gradus, & dignitatis.

2. *Pars Resp.* 2. est contra varios DD. colligitur tamen ex *Trid. Sess. 23. c. 1.* & 2. ubi non recensentur nisi 7. Ordines, incipiendo a Sacerdotio veluti a supremo, nulla facta mentione *Episcopatus*. Est etiam S. Thom. cit. q. 40. art. 5.

*Ratio* 1. ex S. Thom. ibidem: Distinctio Ordinum sumitur penes habitudinem, quam dicunt ad Eucharistiam, ad quam velut ad finem ordinantur, ut dictum est supra in hoc Tract. Exam. 2. n. 8. R. 7. Sed *Episcopatus* non dicitur aliam habitudinem ad Eucharistiam, quam Sacerdotium, quia *Episcopus* non potest magis consecrare Corpus, & Sanguinem Christi, quam simplex Sacerdos. Ergo *Episcopatus* non est Ordo distinctus a Sacerdotio.

*Ratio* 2. Si *Episcopatus* esset Ordo realiter distinctus a Sacerdotio, virtualiter eminenter contineret illud, utpotè Ordo superior, sicut ob eandem rationem Sacerdotium continet Ordines inferiores: Sed *Episcopatus* non continet virtualiter eminenter Sacerdotium. Ergo. Min. patet: si contineret, &c. *Episcopatus* valide suscipiatur non suscepto Sacerdotio, sicut Sacerdotium valide suscipitur non susceptis Ordinibus inferioribus, ut supra dictum est de Ordinatione per saltum: Sed *Episcopatus* non est validus non suscepto præviè Sacerdotio. Ergo.

*Oppono* huic *Rationi*: Dantur *Episcopi*, qui nō sunt Sacerdotes, nec sunt consecrati, ut patet in quibusdam Principibus Germaniæ. Ergo.

CIII. Ad hoc fateor dari tales, eosque absolute etiam ab ipso summo Pontifice sic vocari, ac titulum talem eis deberi, immò & in re esse tales, non tamen ob potestatem adæquatam *Episcopalem* scilicet Ordinis, & Jurisdictionis simul, sed inadæquatam tantum, scilicet Jurisdictionis. Quod etiam patet ex derivatione hujus nominis *Episcopos* ex Græco ante explicata. Et ob dictam potestatem Jurisdictionis tales *Episcopi* electi, confirmati, sed non consecrati, nec Sacerdotio insigniti, et si quæ sunt Ordinis, per se ipsos exercere nequeant, possunt tamen alteri *Episcopo* delegare, & licentiam dare, ut loco sui faciat, quæ sunt *Episcopi*, v.g. ut Ordinet, Ecclesias consecret, &c. Quia delegatio est actus Jurisdictionis: Sed *Episcopus* vi Canonice electionis, institutionis, & confirmationis (etiam nondum secuta consecratione) obtinet Jurisdictionem. Ergo.

Huic solutioni *Oppono* illa Juristarum axiomata: Quod quis per se non potest, id etiam non potest per alium. Nemo potest plus juris in alium transferre, quam ipse habeat.

Horum Juris axiomatum sensum dico esse,

quod sint vera, si delegatus de cætero omni Jurisdictione careat, in præsentia autem *Episcopus* alienus iam est præditus propria Jurisdictione, eique tantum deest licentia respectu loci, quæ ipsi datur.

*Ratio* 3. Frustrâ sit per plura, quod potest fieri per pauciora. Entia non sunt multiplicanda sine necessitate. Et Deus, & natura abhorrent a superfluo, quæ sunt communia Philosophorum axiomata, quæ vera sunt etiam in supernaturalibus, quia a fortiori gratia a superfluo abhorret. *Subsumo*: Sed unus character sacerdotalis idem manens sufficit ad peragendam munia *episcopalia*, & sacerdotalia, in modum accedat consecratio *Episcopi* velut connotatum de lege ordinaria necessarium, quo character sacerdotalis extendatur ad confirmandum, ordinandum, &c. Ergo Min. prob. 1. Sacerdos licet per impositionem manuum *Episcopi* accipiat potestatem absolviendi a peccatis, non tamen accipit novum Ordinem, & characterem, sed quandam perfectionem, & extensionem characteris præsuppositi. Ergo similiter. *Secundo*. Quia aliis tot essent admittendi characteres in *Episcopo*, vel Sacerdote, quot ab ipso exerceri possunt actiones supernaturales, & hierarchicæ, putà, unus character ad consecrandum Corpus Christi, alius ad baptizandum, alius ad ordinandum, alius ad confirmandum, alius ad absolvendum, &c. Sed hoc est falsum. Ergo, &c.

CIV. *Oppono* 1. contra 2. p. R. 2. Sancti Patres consecrationem *Episcopi* vocant Sacramentum. Ergo, &c.

1. Quod confert gratiam, & imprimit characterem est Sacramentum: Sed consecratio *Episcopi* confert gratiam, & imprimit characterem. Ergo.

3. Quod in anima causat spirituale indelebile signum, causat characterem: Sed tale signum causat consecratio *Episcopi*. Ergo.

4. Quod ordinatur ad physicè in aliis causandum characterem, debet esse entitas, & non modus tantum extensionis: Sed potestas data *Episcopo* in consecratione, ordinatur ad causandum physicè characterem, nimirum Ordinis, & Confirmationis in aliis. Ergo.

Ad 1. R. Vocari Sacramentum non formaliter, sed completivè, seu esse complementum Sacramenti, scilicet Sacerdotii.

Ad 2. In primis neg. min. pro 2. p. Quia consecratio *Episcopi* non imprimit characterem, sed sacerdotalement complet, extendit, & reddit potentem ad conficienda duo Sacramenta, scilicet Ordinis, & Confirmationis, quæ simplex Sacerdos vi Ordinationis conficere nequit. Deinde neg. maj. pro 1. p. Ad hoc enim, ut aliquod causet gratiam, non requiritur, quod in se formaliter sit Sacramentum, sed sufficit esse complementum ejus: sicut patet de illa Cereemonia, qua

Sacer-

Sacerdoti iam ordinato datur potestas absolvendi peccatis, quæ causat gratiam secundam, & tamen non est Sacramentum distinctum ab illo, quod sit in contactu Calicis.

Ad 3. dist. maj. Si signum illud causetur de novo quoad entitatem, conc. maj. si solum quoad modum realis extensionis, uti in præsentia, neg. maj. Et sic dist. min. neg. conf. Et quæ per Consecrationem Episcopi characteri sacerdotali additur novus modus extensionis, indelebilis tamen, & initerabilis, quia non est sola deputatio moralis, & extrinseca, sed realis, & intrinseca habitudo ad effectus Episcopatus specialiter correspondentes.

Ex quo solum sequitur, quod differant realiter non intensive, ita ut dicam, seu secundum entitatem, sed extensive, & secundum modum, statum, vel extensionem, seu perfectionem realem modalem. Vel, ut alii loquuntur, differunt per modum includentis, & inclusi, non per modum excludentis. Vel differunt realiter inadæquatè tantum, & non adæquatè.

Ad 4. neg. maj. Quia sufficit ille novus realis modus, ut a Deo assumatur tanquam instrumentum ad producendos characteres in aliis. Quia in instrumentis virtutis divinæ, utpotè infinitæ, non requiritur proportio inter ea, & effectum, sed sufficit, quod fiat in genere causæ efficientis (ut Thomistæ docent in Physica) uti etiam est in præsentia, quia character Ordinis est potentia activa, ejusque naturam induit modus intrinsecus ejus.

QUÆRO IV. Quod est officium Episcopi, & quæ specialiter ei sunt observanda virtute Concilii Tridentini?

CV. Resp. 1. Officium Episcopi patet ex definitione ejus data in R. 1. ad Q. 3. in hoc Examine.

Resp. 2. Virtute Concil. Trid. Episcopis multa competunt, & observanda sunt, quæ ad longum hic referre superfluum videtur, videri enim possunt in ipso sacri Concilii textu. Ut

1. De Prædicatione Episcopi, si non per ipsum, saltem per viros idoneos facienda. Vide Sess. 5. cap. 3. & Sess. 4. cap. 4.

2. De Episcopi devotione, ac Missæ celebratione, ac obligatione promovendi pietatem. Sess. 2. de Decreto de modo bene vivendi.

3. De exercitio pietatis in Ecclesia Cathedrali promovendo, ibidem. De jejuniis Episcopi ibid. De sobrietate ejus, de lectione ad mensam, de institutione familiarium ejus, ibidem.

4. De residentia Episcoporum Sess. 6. de reform. cap. 1. Verba Concilii vide infra in hoc Exam. n. 116.

5. De exemplari Episcoporum vita vide Sess. 24. de reform. c. 1. De suppellestili Episcopi ibid. De Nepotismo non fovendo ibid. Episcopi non servant in Curia Principum, cum sint Principum Patres, Sess. 25. cap. 17.

6. Episcoporum cura circa Studia in sua Diocesi Sess. 5. de reform. cap. 1. Circa Seminaria Sess. 23. cap. 18.

CVI. 7. Circa Beneficia, ac Parochias statuta Concilii fusiùs referenda sunt. Nam Sess. 7. de reform. cap. 2. qui tenent plures Cathedrales Ecclesias, jubentur omnes, excepta una, certo modo, & tempore dimittere; Cum valde felix sit ille censendus, cui una Ecclesia bene, ac fructuose, & cum animarum sibi commissarum salute regere contigerit. Hæc, & alia verba Trid. adducta sunt Tract. 8. Exam. 2. n. 36. ubi plura sunt dicta de pluralitate Beneficiorum.

Eadem Sess. 7. cap. 3. mandat, ut beneficia inferiora, præsertim curam animarum habentia, conferantur personis dignis, & habilibus, & quæ in loco residere, & per se ipsas curam ipsam exercere valeant: aliter autem facta collatio, sive provisio omnino irritetur.

Ibidem cap. 4. Plurium Beneficiorum retentor contra Canones iis privatur. Et cap. 5. statuit, quod illi, qui plura beneficia curata, vel incompatibilia obtinent, teneantur suas dispensationes exhibere Ordinariis, qui (ne cura animarum negligatur, & beneficia debitis obsequiis minimè defraudentur) provideant Ecclesiæ de Vicario, congrua fructuum portione ei assignata, etiam super re certa. Et quod talia Beneficia Ecclesiastica unita debeant ab Ordinariis locorum singulis annis visitari, decernitur ibidem cap. 7. Quæ verò beneficiorum uniones censeantur validæ, declaratur ibidem cap. 7. Videatur textus citatus, uti & Sess. 21. cap. 5. ubi decernitur, quomodo Episcopi possint facere perpetuas uniones Ecclesiarum, aut Beneficiorum curatorum, vel etiam non curatorum cum curatis propter eorum paupertatem, & in cæteris casibus a jure permissis.

Sess. 21. de reform. cap. 3. traditur, cur Beneficia sint constituta, nimirum ad divinum cultum, & Ecclesiastica munia obeunda, & explicatur ratio, ex sequestata tertia parte proventuum omnium Canoniciatum, Dignitatum, Officiorum Ecclesiæ augendi distributiones quotidianas. Laudatur consuetudo quæ non residentes, seu non servientes, nihil percipiunt, vel minus tertia parte fructuum: & abentium contumacia punitur. De hoc etiam Concilium agit Sess. 22. cap. 3. ubi decernitur, quod si qui suum servitium non præstent, eorum distributiones fabricæ Ecclesiæ (quatenus indiget) aut alteri pio loco, arbitrio Ordinarii, applicentur. Excipit, etiam, quoddam si cui, qui dignitatem obtinet extra civitatem in Diocesi, cura animarum imminet, cui incumbere voluerit, tunc pro tempore, quo in curata Ecclesia resederit, ac ministraverit, tanquam præsens sit, ac divinis intersit, in Ecclesiis



Cathedralibus, ac Collegiatis habeatur. Videatur textus.

Sess. 25. cap. 5. Quando ex Beneficiorum quorumcunque erectione, seu fundatione, aut aliis constitutionibus qualitates aliquae requiruntur, seu certa illis onera sunt injuncta, in Beneficiorum collatione, seu in quacunque alia dispositione eis non derogetur.

CVII. ibidem cap. 7. Sacris Constitutionibus odiosa, & Patrum Decretis contraria sunt, quae in Beneficiis Ecclesiasticis, & Coadiutorii hereditariae successionis imaginem referunt. Coadjutor Praelato Ecclesiae Cathedralis, vel Monasterii cum futura successione non datur, nisi urgens necessitas, aut evidens utilitas postulet, causa per Romanum Pontificem diligenter cognita, & concurrant qualitates in Episcopo, vel Praelato de jure requisitae.

CVIII. 8. Circa Jus Patronatus Sess. 14. cap. 12. Nemo obtineat Jus Patronatus, nisi Ecclesiam, aut Cappellam de novo fundaverit, & construxerit, seu jam erectam, quae tamen si sine sufficiente dote fuerit de suis propriis, & patrimonialibus bonis competenter dotaverit. In casu autem fundationis, aut dotationis, institutio reservetur Episcopo. Cui (ut statuitur ibidem cap. 13.) debet fieri praesentatio, aliis praesentatio, & institutio forsan secutae nullae sint.

De Jure Patronatus agit etiam Concilium Sess. 25. c. 9. & statuit, quod, & quomodo ex autentico documento, & aliis jure requisitis sit probandum, siue etiam ex multiplicatis praesentationibus per antiquissimum temporis cursum, qui hominum memoriam excedat, aliisve secundum juris dispositionem. Ad haec liceat Episcopo (decernit Concilium) praesentatos a Patronis, si idonei non fuerint, repellere. Quod si ad inferiores institutio pertineat, ab Episcopo tamen examinentur: alioquin institutio ab inferioribus facta irrita sit, & inanis. Patroni Beneficiorum perceptioni proventuum nullatenus se ingerant, sed hos Reclori, seu Beneficiato, non obstante etiam quacunque consuetudine, distribuendo dimittant.

Nec dictum Jus Patronatus venditionis, aut alio quocunque titulo in alios contra Canonicas Sanctiones transferre praesumant; si fecerint, excommunicationis, & interdicti poenis subiciantur, & dicto jure Patronatus ipso jure privati exsistant.

9. Circa Penitentiarium in Cathedrali instituendum Sess. 24. de reform. c. 8.

10. Circa Hospitalia, & alia pia loca Sess. 7. cap. 15. Et Sess. 12. de reform. cap. 8. & 9. Et Sess. 25. cap. 8.

11. Circa Missarum celebrationes, & Cere-  
monias Sess. 12. in Decreto de observandis, &

evitandis in celebratione Missae.

12. Circa Monialium Clausuram Sess. 25. cap. 5. Circa earum Confessarium extraordinarium, eadem Sess. cap. 10.

13. Circa Praedicatores etiam Regulares. Sess. 5. cap. 11.

14. Circa in Praecedentiis controversias etiam inter Regulares exemptos. Sess. 25. ca. 13

15. Circa Nuptias Sess. 24. de reform. Matrimon. cap. 10.

16. Circa Collationem Ordinum sufficienter patet ex dictis supra de Ordinibus.

17. Circa Sanctorum Reliquias, sacras imagines, & nova miracula Sess. 25. a principio in decreto de eadem materia, &c. Plura alia videri possunt in Concilio, quae etiam in pluribus locis hujus operis sunt insinuada.

QUAERO V. Quae est materia, & forma Ordinationis, seu Consecrationis Episcopi? intra quod tempus ab electione, & quo die est consecrandus? Quae vestis? quae obligatio? quod subiectum?

CIX. Resp. 1. Ut sciatur materia, & forma, referenda est ex ipso Pontificali caeremonia Ordinationis Episcopalis. Dum ergo Episcopus consecratur, adfunt tres Episcopi, quorum unus vocatur *Consecrator*, alii duo vocantur *Assistentes*, quia Consecrator petunt, ut electum ad onus Episcopale sublevent. Unde 1. Consecrator accepto libro Evangeliorum, eum apertum, Episcopis Assistentibus adjuvantibus, nihil dicens, imponit super eum cervicem, & scapulas electi. 2. Consecrator, & assistentes Episcopi ambabus manibus caput cosecranditangunt, dicens: *Accipe Spiritum S.* 3. Consecrator pollicem dextrum intingit in sacrum Christma, & caput electi inungit, formans signum crucis, & dicens: Ungatur, & consecratur caput tuum caelesti benedictione in ordine Pontificali. 4. Consecrator Christmae inungit, ambas manus simul junctas electi, dicens: Ungantur manus istae, &c. 5. Consecrator benedicit Baculum pastoralem, & benedictum tradit electo in manus, dicens: *Accipe Baculum Pastoralis Officii, ut sis in corrigendis viris pie sapiens*, &c. 6. Idem Consecrator benedicit Annulum, & aqua lustrali aspersum imponit digito annulari manus dextrae, dicens: Accipe annulum, Fidei scilicet signaculum, quatenus Sponsam Dei, sanctam videlicet Ecclesiam, intemerata Fide ornatus, illibate custodias. 7. Consecrator accipit librulam Evangeliorum de scapulis consecrati, & adjuvantibus assistentibus Episcopis eum clausum tradit consecrato tangendo illum sine apertione manuum, dicens: *Accipe Evangelium, & vade: praedica Evangelium populo tibi commissum*, &c. Tandem 8. Consecrator consecratum recipit ad osculum pacis, similiter & Episcopi Assistentes, dicentes ipsi con-

consecrato : Pax tibi ; Qui singulis respondet :

*Et cum spiritu tuo.* Ex his

*Resp. 2.* Materia proxima Ordinationis Episcopalis est dicta unctio, uti & manuum impositio, in eo proportionabiliter sentu, quo suprà in Ex. 5. n. 43. R. 3. Ordinationi Sacerdotis assignata est duplex materia. Et loco ibi ex *Tract. de Sacram. in Com. cit. patet*, cur Græci adhuc valide ordinent suos Presbyteros (similiter & Episcopos) per solum manuum impositionem, absque hoc, quod sit materia essentialiter diversa. Forma dictæ Ordinationis sunt verba suprà adducta.

*Resp. 3.* De tempore Consecrationis ita statuit Conc. Trid. Sess. 7. de reform. cap. 9. Ad majores Ecclesias promoti munus Consecrationis intrā tempus a jure statutum suscipiant : & prorogationes ultra sex menses concessæ nulli suffragentur. Et sess. 23. de reform. cap. 2. Ecclesiis Cathedralibus, seu superioribus quocunque nomine, ac titulo præfecti, etiam si sanctæ Rom. Ecclesiæ Cardinales sint, si minus Consecrationis intrā tres menses non susceperint, ad fructuum perceptorum restitutionem teneantur : si intrā totidem menses postea id facere neglexerint, Ecclesiis ipso jure sint privati. Consecratio verò si extra Curiam Romanam fiat, in Ecclesia, ad quam promoti fuerint, aut in Provincia, si commodè fieri poterit, celebretur. Hæc ibi. Dies Consecrationis Episcopalis debet esse dies Dominica, vel Natalitium Apostolorum, vel etiam festiva, si Papa indulgeat. Ita patet ex Pontificali Romano. Si quis ex legitima causa, vel dispensatione die Dominica ordinaretur in Sacerdotem, posset eodem die ungi in Episcopum, quia, ut ante probatum est, Episcopatus non est Ordo distinctus a Sacerdotio.

*CX. Resp. 4.* Ætas ad Episcopatum requisita est annus ætatis trigessimus completus, ut patet in lib. 1. Decret. tit. de electione, & electi potestate. Et hoc ideo, quia etiam Christus post exactum trigessimum annum predicare coepit. Quæ sint vestes Episcopi ; & quid moraliter significant, vide ex S. Thom. suprà Exam. 3. num. 33. ad Q. 7. Quæ sit obligatio Episcopi, patet ex Officiis ejus suprà adductis.

Vide dicenda ad Q. 13. R. 4. num. 24. quomodo Episcopi ante hac fuerint electi.

*Resp. 5.* Subjectum Ordinationis Episcopalis debet habere omnes illas conditiones partim necessitate mediæ, partim necessitate præcepti requisitas, assignatas suprà pro Subdiaconatu, Diaconatu, Presbyteratu, addendo tamen, ut sit Sacerdotio insignitus, & ætatis annorum triginta, habeatque qualitates ex Concil. Trid. traditas suprà in hoc Exam. n. 99.

Quæri hic potest 1. an ad Episcopatum oporteat semper assumere meliorem, de quo agit S. D. 2. 2. qu. 185. a. 3. Sed de hoc adsum est suprà Tr. 9. Ex. 1. n. 2. & seqq. Secundò. An in assumptione ad Episcopatum Theologus sit præferendus Jurisperito, seu Canonistæ, vel e contra. Quæ in re trahitur quæque affectus. Videri potest decisio pro Theologis apud Gobat in *Tract. Quinario*, seu in *Vindiciis Theologicis* sect. 16.

**QUÆRO VI.** Quis est Minister, vel qui sunt Ministri Ordinationis Episcopalis de jure divino ? suntne necessarii, & essentialiter tres Episcopi ?

*CXI. Resp. 1.* Probabilius est, quòd ad veram Episcopalem Consecrationem de jure divino sint necessarii tres Episcopi, tanquam Ministri Ordinarii.

Patet ex Epistola Aniceti Papæ ad Episcopos Galliæ c. 1. ubi refertur verba Anacleti de Ordinatione Apostoli Jacobi facta a tribus Apostolis, subdit dicens : *Si autem non minus, quam a tribus Apostolis tantus fuit ordinatus Episcopus, patet profecto, eos formam instituentem Domino tradidisse, non minus quam a tribus Episcopis Episcopum ordinari debere.* Ubi ex illis instituentibus Domino clarè patet, quòd non sit institutio Ecclesiastica, sed Divina, seu Christi, ut Episcopus ordinetur a tribus Episcopis.

*Resp. 2.* Probabilius est, quòd ex commissione supremi Ecclesiæ Capituli unus Episcopus alium possit consecrare, ita ut ex institutione Christi Episcopi sint quidem Ministri ordinarii Episcopatus : unus tamen ex eadem Christi institutione sufficiat, ut Minister extraordinarius.

*Ratio a pari :* Ex institutione Christi solus Episcopus est Minister ordinarius Sacramenti Confirmationis, & tamen ex eadem Christi institutione potest simplex Sacerdos per commissionem Papæ, ut supremi Pastoris Ecclesiæ esse ejus Minister extraordinarius ; & ita factum est in Sardinia ex commissione S. Gregorii. Ergo similiter.

Confirmat hoc praxis Ecclesiæ. Nam Innocent. X. Fabio Chisio Nuncio Colonienfisi simul, & Episcopo (qui postea fuit Alexander VII. Papa) Anno 1647. 8. Febr. concessit, ut Jacobum de la Torre posset ordinare in Archiepiscopum Ephefinum assistentibus duabus Personis in Ecclesiastica dignitate constitutis : quod & fecit. Item Innoc. XI. concessit Duci Franciæ Orientalis, ac Principi Heribolenfi Domino, Domino Joanni Godefrido ex familia Baronum de Guttenberg, ut per unicum Episcopum assistentibus duobus insulatis Abbatibus consecrari posset in Episcopum, prout & consecratus est 1686. 29. Decemb. Idem moderno Celsissimo Principi, ac Duci, & Episcopo Joanni Philippo ex Familia Baronum de Greiffenklau Anno

1699. indulgit Innocentius XII.

**QUÆRO VII.** Licetne Episcopatum desiderare, recusare, abdicare, & eo abdicatione Religione transire?

**CXII. Resp. 1.** Secundum se est laudabile, & virtuosum desiderare Episcopatum, per accidens verò illicitum, & vituperabile. Ita S. Th. 2. 2. q. 185. art. 1. in c.

*Declarat hoc S. D.icens:* In Episcopatu tria possunt considerari. Quorum unum est principale, & finale, scilicet Episcopalis operatio, per quam utilitati proximorum intenditur secundum illud Joann. ult. Pascite oves meas. Aliud autem est altitudo gradus: Quia Episcopus super alios constituitur secundum illud Matth. 23. Fidelis servus, & prudens, quem constituit Dominus super familiam suam. Tertium autem est, quod consequenter se habet ad ista, scilicet reverentia, & honor, & sufficientia temporalium, secundum illud 1. ad Timoth. 5. Qui bene præstant Presbyteri, duplici honore digni habeantur. Appetere ergo Episcopatum ratione huiusmodi circumstantiarum bonorum, manifestum est. quod est illicitum, & pertinet ad cupiditatem, vel ambitionem. Unde contra Phariseos Dominus dicit Matth. 23. Amant primos recubitus in cœnis, & primas cathedras in Synagogis, & salutationem in foro, & vocari ab hominibus Rabbi. Quantum autem ad secundum, scilicet ad celsitudinem gradus, appetere Episcopatum est præsumptuosum. Unde Dominus Matth. 20. arguit Discipulos primatum querentes dicens: Scitis: quia principes Gentium dominantur eorum; Ubi Chrysostomus dicit, quod per hoc ostendit, quod gentile est, primatus cupere, & sic Gentium comparatione eorum animam æstuantem convertit: sed appetere proximis prodesse, est secundum se laudabile, & virtuosum. Verum quia prout est Episcopalis actus, habens annexam gradus celsitudinem, præsumptuosum videtur, quod aliquis præesse appetat ad hoc, quod subditis prodest, nisi manifesta necessitate imminente: sicut Gregorius dicit in Pastoralis, quod tunc laudabile erat Episcopatum querere, quando per hunc quemquam dubium non erat ad supplicia graviora pervenire. Unde non de facili inveniebatur, qui hoc onus assumeret, præsertim cum aliquis charitatis zelo divinitus hoc incitatur: sicut Gregorius dicit in Pastoralis, quod Isaias prodesse proximis cupiens, laudabiliter officium prædicationis appetit. Potest tamen absque præsumptione quilibet appetere talia opera facere, si eum contingeret in tali officio esse, vel etiam se esse dignum ad talia opera exequenda, ita quod opus bonum cadat sub desiderio; non autem primatus dignitatis: Unde Chrysost. dicit super Matth. Opus quidem desiderare bonum, bonum est, primatum autem honoris concupiscere

re vanitas est. Primatus enim fugientem se desiderat, desiderantem se odit. Hæc S. D.

*Oppono:* Apostolus 1. ad Timoth. 3. ait; Qui Episcopatum desiderat, bonum opus desiderat: Sed licet desiderare bonum opus. Ergo.

*Ad hoc R. S. Doct. ibidem ad 1. dicens:* Sicut Gregor. dicit in Pastoralis, illo tempore hoc dixit Apostolus, quo ille, qui plebibus præerat, primus ad Martyrii tormenta ducebatur: & sic nihil aliud erat, quod in Episcopatu appeti posset, nisi bonum opus. Unde August. dicit 19. de Civit. Dei, quod Apostolus dicens, Qui Episcopatum desiderat, bonum opus desiderat, exponere voluit, quid sit Episcopatum, quia nomen operis est, non honoris. Græcum est enim: *Epi* quippe *super*, *scopus* verò, *intentio* est. Ergo *Episcopum* græcè, si velimus latinè *superintendere* possumus dicere: ut intelligat non se esse Episcopum, qui præesse dilexerit, non prodesse. Hæc ibi. Ubi S. Thom. plura argumenta solvit, quæ videantur.

**CXIII. Resp. 2.** Licetum est modeste recusare Episcopatum, Superiori tamen absolute injungenti parendum est. S. Th. ibid. art. 2.

*Probat hoc S. Doct. in Sed Contra ex S. August. dicente:* Si quam operam vestram mater Ecclesia desideraverit, nec elatione avida suscipiatis, nec blandiente desidia respuatis. Postea subdit: Neque otium vestrum necessitatibus Ecclesiarum præponatis: cui parturienti, si nulli boni ministrare vellent, quomodo nascere remini, non inveniretis.

*Declarat in c. dicens.* In assumptione Episcopatus duo sunt consideranda. Primum quidem, quid deceat hominem appetere secundum propriam voluntatem. Secundum, quid hominem deceat facere ad voluntatem alterius. Quantum ergo ad propriam voluntatem convenit homini principaliter insistere propriæ salutis: sed quod aliorum salutis intendat, hoc convenit homini ex dispositione alterius potestatem habentis, ut ex supra dictis patet. Unde sicut ad inordinationem voluntatis pertinet, quod aliquis proprio motu feratur in hoc, quod aliorum gubernationi præficiatur; ita etiam ad inordinationem voluntatis pertinet, quod aliquis omnino contra Superioris injunctionem prædictum Gubernationis officium finaliter recuset propter duo. Primum quidem, quia hoc repugnat charitati proximorum, quorum utilitati se aliquis debet exponere pro loco, & tempore. Unde Aug. 19. de Civit. Dei dicit, quod negotium justum suscipit necessitas charitatis. Quia hoc repugnat humilitati, per quam aliquis Superiorum mandatis se subicit. Unde Gregor. dicit in Pastoralis: Tunc ante Dei oculos vera est humilitas, cum ad respondendum hoc, quod utiliter subire præcipitur, pertinax non est. Hæc ibi.

*Oppone:* De B. Marco Hieronymus dicit in prologo super Marcum, quod amputasse sibi post Fidem pollicem dicitur, ut Sacerdotio reprobos haberetur. Similiter aliqui votum emittunt, ut nunquam Episcopatum accipiant. *Subiungo:* Sed ejusdem rationis est, ponere impedimentum ad aliquid, & omnino recusare illud. Ergo videtur, quod absque peccato possit aliquis absolute recusare Episcopatum.

Utrumque solvit S. Th. ibid. ad 3. dicens: Accipere Episcopatum non est de se necessarium ad salutem, sed sit necessarium ex Superioris præcepto. His autem, quæ sic sunt necessaria ad salutem, potest aliquis impedimentum licite apponere, antequam fiat præceptum: alioquin non liceret alicui transire ad secundas nuptias, nec per hoc impediretur a susceptione Episcopatus, vel sacri Ordinis: non autem hoc liceret in his, quæ per se sunt de necessitate salutis. Unde B. Marcus non contra præceptum egit sibi digitum amputando, quamvis eum credibile sit hoc ex instinctu Spiritus sancti fecisse, sine quo non licet alicui sibi manum injicere. Qui autem votum emittit de non suscipiendo Episcopatum, si per hoc intendat se obligare ad hoc, quod nec per obedientiam Superioris Prælati accipiat, illicitè vovet. Si autem intendit ad hoc se obligare, ut, quantum est de se, Episcopatum non querat, nec suscipiat, nisi imminente necessitate, licitum est votum: quia vovet se facturum id, quod hominem facere decet. Hæc ibi. Videantur & alia argumenta S. Thomæ.

**CXIV. Resp. 3.** Episcopus tamdiu tenetur Episcopatum retinere, & curæ pastoralis insistere, quamdiu potest subditis sibi commissis proficere ad salutem. 2. Nec potest curam pastoralem deponere, eligendo quietem divinæ contemplationis. 3. Neque propter quæcunque adversa vitanda, vel lucra acquirenda. Ita S. D. ibid. ar. 4. inc. Ubi

*Primum partem* probat ex eo, quod perfectio Status Episcopalis consistat in hoc, quod aliquis ex divina dilectione se obligat ad hoc, quod saluti proximorum insulat. Ergo vera est prima pars.

2. *Partem* probat exemplo Apostoli, qui propter necessitatem subditorum etiam a contemplatione futuræ vitæ se differri patienter toleraret secundum illud ad Philipp. 1. Ecce quid eligam, ignoro: coarctor autem es duobus, desiderium habens dissolvi, & esse cum Christo, multo magis melius: permanere autem in carne necessarium est propter vos: & hoc confidens scio, quia manebo.

3. *Partem* probat ex illo Joan. 10. Bonus Pastor ponit animam suam pro ovibus suis.

*Resp. 4.* Contingit quandoque, quod Episcopus impediatur multipliciter procurare salutem subditorum, quandoque quidem propter defectum proprium, vel conscientiam, sicut si sit

homicida, vel simoniacus: vel etiam corporis, puta, si sit senex, vel infirmus: vel etiam scientiæ, quæ sufficiat ad curam Regiminis: vel etiam irregularitatis, puta, si sit bigamus. Quandoque autem propter defectum subditorum, in quibus non potest proficere, ut omnino desit fructus de bonis, & labor sit super-vacuus de malis. In his casibus potest Episcopus ad Religionem transire. Ita S. Th. ibidem in c. & ad 2.

*Ratio:* Quia desit finis muneris Episcopalis, ut patet ex i. p. R. 3. ejusque probatione.

Notanda hic sunt verba S. Th. in fine c. Oportet, quod sicut curam Regiminis assumit aliquis per providentiam superioris Prælati, ita etiam per ejus auctoritatem ex causis prædictis deservat susceptionem. Unde *extra, de renuntiatione* dicit Innocentius III. Si penas habes, quibus sagittas in solitudinem avolare, ita tamen stricte sunt nexibus præceptorum, ut liberum non habeas absque nostra permissione volatum: soli enim Pape licet dispensare in voto perpetuo, quo quis se ad curam subditorum adstrinxit, Episcopatum suscipiens. Hæc ibi.

*Oppone 1.* Nulli licet de statu perfectiori transire ad imperfectiorem, hoc enim esset retrospicere, quod est damnable, juxta illud Luc. 9. Nemo mittens manum ad aratrum, & respiciens retrorsus est Regno Dei: Sed Status Episcopi est perfectior Religio. Ergo.

2. In operibus gratiæ nihil debet esse otiosum, seu sine actu: Sed in eo, qui ab Episcopatu transiret ad Religionem, potestas conferendi Ordines, confirmandi, & similia Episcopalia faciendi, esset otiosa. Ergo.

*Ad 1.* negat S. Thom. quod talis retrocedat, Quod explicat ad 1. dicens: Perfectio Religionum, & Episcoporum secundum diversa attenditur. Nam ad perfectionem Religionis pertinet studium, quod quis adhibet ad propriam salutem. Ad perfectionem autem Episcopalis Status pertinet adhibere studium ad proximorum salutem. Et idem, quamdiu potest esse aliquis utilis proximorum salutis, retrocederet, si ad statum Religionis vellet transire, ut solum suæ salutis insisteret, qui se obligavit ad hoc, quod non solum suam salutem, sed etiam aliorum procuraret. Unde Innoc. III. dicit in Decretali prædicta, quod facilius indulgetur, ut Monachus ad Prælatum ascendant, quam Prælati ad Monachatum descendat. Sed, si salutem aliorum procurare non possit, conveniens est, ut suæ salutis intendat. Hæc ibi.

*Ad 2. dist. maj.* Non debet esse sine actu per se, conc. per accidens, neg. Unde S. Th. ibidem ad 3. ait: Etiam in rebus naturalibus propter impedimentum superveniens potentia remanet absque actu, sicut propter infirmitatem oculi, cessat actus visionis, & ita etiam non est inconveniens, si



propter exterius impedimentum superveniens potestas Episcopalis remaneat absque actu. Hæc ibi.

**CXV. Resp. 5.** Impedimento cessante potest Episcopus iteratò ad Episcopatum assumi, putà, per correctionem subditorum, vel per sedationem scandali, vel per curationem infirmitatis, aut depulsa ignorantia per instructionem sufficientem, vel etiam si simoniace sit promotus eo ignorante, si se ad regularem vitam Episcopatu dimisso transtulerit, poterit iteratò ad alium Episcopatum promoveri. Ita S. D. ibid. ad 2.

**Resp. 6.** Si aliquis propter culpam sit ab Episcopatu depositus, & in Monasterium detrusus ad penitentiam peragendam, non potest iteratò ad Episcopatum revocari. Unde 7. q. 1. cap. *Hoc nequaquam*, dicitur: Præcipit S. Synodus, ut, quicumque Pontificali dignitate ad Monachorum vitam, & penitentiam descendit locum, nequaquam ad Pontificatum resurgat. Ita S. D. ibidem.

**QUÆRO VIII.** Tenentur ne Episcopi ad Relinquentiam?

**CXVI. Resp. 1.** Concilium Trid. Sess. 6. de reformatione cap. 1. sic statuit: Præcipitur Episcopis, ut in Ecclesiis suis resideant, ne greges sibi commissos Mercenariorum more deserant, sed ovium suarum, quarum sanguis de eorum est manibus a supremo iudice requirendus, custodiæ incumbant: cum certissimum sit, non admitti Pastoris excusationem, si lupus oves comedit, & Pastor nescit. In eodem cap. statuitur poena contra Patriarchas, Prælatos, Episcopos, & c. absque iusta causa extra Diocesim morantes. Quæ sit poena, & ejus quantitas, ibi videatur. Idem Statutum renovat Sess. 23. de reformatione cap. 1. & declarat, intelligi etiam de Episcopis, qui sunt Cardinales. Decernit etiam legitimas absentie causas a Papa, aut a Metropolitano, vel eo absente, Suffraganeo Episcopo antiquiore residere (qui idem Metropolitano absentiam probare debet) in scriptis esse approbandas, nisi cum absentia inciderit propter aliquod munus, & Republicæ Officiū, Episcopatibus adjunc tum, cujus causæ sunt notoriæ, & interdum repentine, quo tamen in calu ovibus providendum, ne damnum patiantur.

Ibidem sacrosancta Synodus vult illud absentie spatium singulis annis, sive continuum, sive interruptum extra prædictas causas nullo pacto debere duos, aut ad summum tres menses excedere, & haberi rationem, ut idæqua ex causa fiat, & absque ullo gregis detrimento. Sed hortatur, ne per illius temporis spatium Domini Adventus, Quadragesimæ, Nativitatis, Resurrectionis Domini, Pentecostes. Item Corporis Christi diebus, quibus relictæ maxime, & in Domino gaudere Pastoris presentia oves debeant, ipsi ab Ecclesiæ suæ Cathedrali nullo pacto absint, nisi Episcopalia munia in sua Diocesi eos aliò vocent.

Eum, qui oppositum facit, declarat ibidem peccati mortalis reum, ac pro rata temporis absentia fructus non facere suos, nec tuta conscientia eos sibi detinere posse, alia etiam declaratione non secuta, renovatque simul alias poenas. Vide ibidem. Ubi etiam decernit, Curatos inferiores non posse abesse a sua Ecclesia, nisi causa per Episcopum probata, & relicto idoneo Vicario approbato, ab ipso Ordinario, cum debita mercedis assignatione.

**CXVII. Resp. 2.** Angelicus Doctor 2. 2. q. 185. ar. 5. quærens, an Episcopo liceat propter aliquam persecutionem corporalem deferere gregem suum? Resolvit, quod non, nisi ei sufficienter per alium providere possit. Ubi subditorum salus (ait) exigit Personæ Pastoris presentiam, non debet Pastor personaliter suum gregem deferere, neque propter aliquod commodum temporale, neque tamen propter aliquod personale periculum imminens, cum bonus Pastor animam suam ponere teneatur pro ovibus suis. Si verò subditorum salutis possit sufficienter in absentia Pastoris per alium provideri, tunc licet Pastori, vel propter aliquod Ecclesiæ commodum, vel propter personale periculum corporale iterum gregem deferere. Ita S. D. ex quo in Sed Contra id probatur sic: Episcopi sunt Successores Apostolorum: Sed Apostolus mandavit Dominus Matth. 10. Si vos persecuti fuerint in una civitate, fugite in aliam. Ergo.

**Oppono:** Talis Episcopus fugiens dicitur Mercenarius, & non verè Pastor (Joann. 10.) quia videt lupum venientem, & dimittit oves, & fugit.

**Ad hoc S. Th. ibid. ad 1. ait:** Ille tanquam Mercenarius fugit, qui commodum temporale, vel etiam salutem corporalem spiritali salutis proximorum præponit. Unde Greg. hom. 14. in Evangel. dicit: Stare in periculo ovium non potest, qui in eo, quod ovibus præest, non oves diligit, sed lucrum terrenum quærit; Et ideo opponere se contra periculum trepidat, ne hoc, quod diligit, amittat. Ille autem, qui ad evitandum periculum recedit absque detrimento gregis, non tanquam Mercenarius fugit. Hæc ibi. Unde negatur ant.

Idem Angelicus Doctor ibid. q. 184. ar. 7. ad 1. inquit: Apostolus dicit: Scio & abundare, & penuriam pati, ad hoc autem maxime tenentur Episcopi, quod omnia sua pro honore Dei, & salute sui gregis contemnunt, cum opus fuerit, vel pauperibus sui gregis largiendo, vel rapinam bonorum suorum cum gaudio sustinendo. Hæc ibi.

**QUÆRO IX.** Licet ne Episcopo possidere proprium? tenentur ne sub mortali bona Ecclesiastica erogare pauperibus?

**CXVIII. Resp. 1.** Episcopi non tenentur vivere sine proprio. Ita S. Th. 2. 2. q. 185. ar. 6.

*Ratio* ejus in c. Adea, quæ sunt supererogationis, nullus tenetur, nisi se specialiter voto adstringat. Unde Aug. in Epist. ad Paulinam, & Armentarium dicit: Quia jam vovisti, jam te obstrinxisti, aliud tibi facere non licet. *Subsumo*: Sed vivere absque proprio est supererogationis, non enim cadit sub præcepto, sed sub consilio: Unde Matth. 19. cum Dominus dixisset Adolescenti, Si vis ad vitam ingredi, serva mandata, postea superaddendo subdidit: Si vis perfectus esse, vade, & vende omnia, quæ habes, & da pauperibus: Episcopi autem in sua ordinatione se non obligant ad hoc, ut absque proprio vivant, nec ex necessitate ad pastorale officium requiritur sine proprio vivere. Ergo.

*Oppono* 1. Episcopi assumuntur ad statum perfectionis: Sed ad perfectionem requiritur voluntaria paupertas, ut patet ex adductis Christi verbis. Ergo.

2. Episcopi tenent locum Apostolorum: Sed his Dominus Matth. 10. præcepit. Nolite possidere aurum, neque argentum, neque pecuniam in Zonis vestris. Unde & Petrus pro se, & pro aliis Apostolis dixit: Ecce nos reliquimus omnia, &c. Ergo.

*Ad* 1. dist. min. Requiritur essentialiter, neg. Instrumentaliter, conc. Unde S. Tho. cit. art. 6. ad 1. alt: Perfectio Christianæ vitæ non consistit essentialiter in voluntaria paupertate, sed voluntaria paupertas instrumentaliter operatur ad perfectionem vitæ. Unde non oportet, quod ubi major paupertas est, ibi sit major perfectio: quinimò potest esse summa perfectio cum magna opulentia. Nam Abraham, cui dictum est Gen. 17. Ambula coram me, & esto perfectus, legitur fuisse dives. Hæc ibi.

*Ad* 2. S.D. ibid. dat tres explanationes. 1. Ex S. Hieron. verba Christi intelligi mysticè, ut non possideamus, &c. id est, ut Prædicatores non innitantur principaliter sapientiæ, & eloquentiæ temporali. 2. Ex S. Aug. hoc Dominum non præcipiendo, sed magis permittendo dixisse Discipulis, accepturus sumptus vitæ ab his, quibus prædicabunt. Unde subdit: Dignus est enim operarius cibo suo. 3. Ex S. Chrysost. ut intelligatur, illa Dominum præcepisse Discipulis quantum ad illam missionem, qua mittebantur ad prædicandum Judæis, ut per hoc excitarentur ad consuetudinem de virtute ipsius, qui eis absque sumptibus provideret. Ex quo tamen non obligabantur ipsi, vel Successores eorum, ut absque propriis sumptibus Evangelium prædicarent. Nam & de Paulo legitur 2. Cor. 11. quod ab aliis Ecclesiis stipendium accipiebat ad prædicandum Corinthiis: & sic patet, quod aliquid possidebat ab aliis sibi missum. Hæc ibi ad 2.

*Resp.* ad secundam Quæstionem fat fuisse data est resolutio suprà de dominio Cleri-

corum Tract. 8. Exam. 1. n. 33. Vide etiam suprà de Elemosyna Tract. 7. Exam. 6. num. 89.

**QUÆRO X.** Religiosi ad Episcopatus assumpti tenentur ne ad observantias Regulares? *CXIX. Resp.* Ille, qui de Monacho fit Episcopus, absolvitur a iugo monasticæ professionis, non quantum ad omnia, sed quantum ad illa, quæ Officio Pontificali repugnant. Ita S.D. 2. 2. q. 185. a. 8. ad 1. non verò quoad illa, quæ non impediunt, sed magis valent ad perfectionis custodiam, sicut est continentia, paupertas, & alia hujusmodi, unde etiam manet obligatus ad portandum habitum suæ Religionis, qui est hujus obligationis signum, ut explicat S.D. in c. subdens, quod quæ Officio Pontificali repugnant, sint solitudo, silentium, & aliquæ abstinentiæ, vel graves vigiliæ, ex quibus impotens corpore redderetur ad exequendum Pontificale Officium.

*Ratio* S. Thom. ibidem: Status Religionis ad perfectionem pertinet, quasi quædam via ad perfectionem tendendi: Status autem Episcopalis ad perfectionem pertinet, tanquam quoddam perfectionis magisterium. Unde Status Religionis, comparatur ad Statum Episcopalem, sicut disciplina ad Magisterium, & dispositio ad perfectionem: *Subsumo*: Sed dispositio non tollitur perfectione adveniente, nisi forte quantum ad id, in quo perfectioni repugnat: quantum autem ad id, quod perfectioni congruit, magis confirmatur. Sicut discipulo, cum ad magisterium pervenerit, non congruit, quod sit auditor, congruit tamen sibi, quod legat, & meditetur, etiam magis quam ante. Ergo.

*CXX. Quid sentis de voto Obedientiæ Episcopi Monachi?* 2. Quid de Paupertate? Quia jura dicunt, quem sacra ordinatio de Monacho Episcopum facit, velut legitimus hæres paternam sibi hæreditatem vindicandi potestatem habet. 3. Quid de testamento?

*Ad hoc* S. Th. ibidem ait: *Ad* 1. quidem, per accidens est, quod Episcopi Religiosi obedire Prælati suorum Religionum non tenentur, quia scilicet subditi esse desierunt, sicut & ipsi Prælati Religionum: manet adhuc obligatio voti virtualiter, ita scilicet, quod si eis legitime aliquis præficeretur, obedire tenerentur, in quantum tenentur obedire Statutis Regulæ per modum prædictum, & suis Superioribus, si quos habent. De quo vide suprà de voto solemn. Tract. 10. Exam. 3. n. 47. ex S. Thom.

*Ad* 2. ait: Proprium autem nullo modo habere possunt, non enim paternam hæreditatem vindicant quasi propriam, sed quasi Ecclesiæ debitam.

*Ad* 3. inquit: Testamentum autem nullo modo facere potest, quia sola ei dispensatio committitur rerum Ecclesiasticarum, quæ morte finitur, ex qua incipit Testamentum valere: ut Apostolus

stolus dicit ad Hebr. 9. Si tamen ex concessione Papæ Testamentum faciat, non intelligitur ex proprio facere Testamentum, sed Apostolica auctoritate intelligitur esse ampliata potestas suæ dispensationis, ut ejus dispensatio possit valere post mortem: Hæc ibi.

**QUÆRO XI.** Peccantne Episcopi, & quàm graviter, si ordinent, confirmant, consecrent Chirima, aut Oleum infirmorum in mortali? quæ dispositio requiritur, ut sine mortali minifrent?

**CXXI.** Ad hæc omnia R. suprà in tract. de Sacramento in Comuni, nimirum Tract. 11. Exam. 4. n. 37. R. 4. de Chirimate, & oleo ibid. post R. 7. De dispositione vide ibid. num. 38. ad Q. 8.

**QUÆRO XII.** Quomodo intelligitur illud axioma Canonistarum, Quod potest Papa in tota Ecclesia, id etiam potest Episcopus in sua Diocesi?

**CXXII.** Resp. Habet varias explanationes. 1. Intelligitur de potestate Ordinis, non jurisdictionis. Unde S. Thom. in Supplem. qu. 40. Q. 6. ad 3. ait: Omne actum hierarchicum, quem potest facere Papa in ministrante Sacramento, potest facere Episcopus. 2. Cum dependentia, & subordinatione ad Papam velut ad Superiorem. 3. de Ordinaria, & communi gubernatione, exclusis illis causis majoribus, quæ in signum specialis Privilegii, ac supremæ potestatis sunt reservatæ Papæ, & Ecclesiæ Romanæ. Hæc enim prima est, & Dioceses, ac Episcopatus inferiores divisit, illique vices suas largita est, eorumque Prælatos vocavit in partem sue sollicitudinis, non in plenitudinē potestatis.

Causæ majores reservatæ soli Papæ sunt, v.g. dispensatio in impedimentis Matrimonii, depositio, vel translatio Episcopi. Diocesium divisio, vel mutatio: Statutum contra universales Leges, aut consuetudines Ecclesiæ, vel etiam in præjudicium juris Ecclesiarum inferiorum causa maxima non argente. Quia, ut ait Glossa in c. *consueturas*, verb. *a quocunque de Relig. domibus*. *Solius supremi Principis est per plenitudinem potestatis, potulante causa publica non auferre, & alteri dare.*

**QUÆRO XIII.** Potestne, & debetne in Ecclesia esse aliquis Superior suprà Episcopos, nimirum Papa? & quomodo Episcopi, & Papa eliguntur?

**CXXIII.** Resp. 1. affirm. ad 1. part. cum Ang. Doctore in Supplem. q. 40. a. 6.

**Ratio** S. Tho. ibidem. Ubique sunt multa Regimina particularia ordinata ad unum, oportet esse unum universale super illa, quia aliis non posset esse colligatio ad unum: Sed Ecclesia est unum corpus, suntque in ea plura particularia Regimina particularium Ecclesiarum Episcopopalium. Ergo, ut illa unitas conservetur, debet esse aliqua potestas universalis super

potestatem Episcopalem, & illa est potestas Papæ. Et qui hanc potestatem negat, dicuntur Schismatici, quasi divisores unitatis Ecclesiæ.

**Resp. 2.** Quamvis omnibus Apostolis data sit communiter potestas ligandi, & solvendi, tamen, ut in hac potestate ordo aliquis significaretur, primò soli Petro data est, ut ostendatur, quòd ab eo in alios ista potestas debeat descendere: propter quod etiam ei dixit singulariter: *Confirma Fratres tuos.* Et, *Pasce oves meas,* id est, loco mei (ut dicit Chrys.) Præpositus, & Caput esto Fratrum, ut ipsi te in loco meo assumentes, ubique terrarum te in Trono suo sedentem prædicent, & confirmet. Ita S. D. a. 6. cit. ad 1.

**Resp. 3.** Papatus, seu Primatus totius Ecclesiæ jure Divino nimirum a Christo fuit translatus in Petrum, & Successores ejus. Unde Papa dicitur Pater Patrum a Græco *Papoi*, Ordinarius Ordinarium, Caput omnium Dignitatum, & Ordinum Hierarchiæ Ecclesiasticæ.

Ita de Petro patet ex Christi verbis ad ipsum, adductis ex S. Thom. in R. 2. quibus addenda sunt illa Matth. 16. *Super hanc petram edificabo Ecclesiam meam, & portæ inferi non prævalent, &c.* Quæ idem probant de Successoribus Petri, cum enim Ecclesia sit visibilis (ut probatum est suprà de fide Tract. 7. Exam. 1. n. 18.) debet habere visibile Caput, a quo visibiliter regatur, ac custodiatur, ut portæ inferi non prævaleant adversus eam, a quo oves errantes doceantur, & ad Ovile reducantur. Hoc visibile caput Ecclesiæ ante suam Ascensionem erat ipse Christus, post eam Petrus, & Successores. Immo Synagoga habuit visibile Caput nimirum Summum Sacerdotem, cur ergo non etiam Ecclesia, ut potest per Synagogam præfigurata?

De Papa variè dicta sunt suprà de Fide cit. Exam. 1. nu. 19. & seqq. quòd nimirum sit Regula Fidei, quòd, ut talis non possit errare; quòd sit suprà Concilium; quòd ejus sit Concilia convocare. Quæ ibi videantur. Item quòd a nemine possit judicari, nisi a solo Deo; ibidem.

Quòd sit soluta Legibus humanis, quoad vim coercitivam Tract. 6. Exa. 5. n. 82. De ejus potestate condendi sive Ecclesiasticas, sive civiles Leges. Ibidem n. 54. An possit civiliter disponere circa Regna, & Provincias aliorum Principum, etiam sæcularium. ibidem. R. 3.

**CXXIV.** Resp. 4. Pro diversitate temporum Episcopi, & Papæ diversimodè fuerunt electi.

**Declaratur** 1. de Episcopis; Singuli Apostoli habuerunt jus constituendi Episcopos: Apostolis defunctis hoc jus mansit in Successoribus S. Petri, quorum partim tacito, partim expresso consensu contingit, ut postea pro locorum, & temporum diversitate fuerint a Plebe nominati, a clero electi, vel è contra a Clero nominati, a Plebe electi: interdum a Plebe, & Clero simul, ut patet



patet in electione S. Ambrosii. Tempore Caroli Magi (qui vixit Anno 800.) ius Cleri, & Populi fuit translatum in Imperatorem, ab Imperatoribus de novo in Plebem, & Clerum; Tandem sub Clemente V. qui sedit Anno 1305. & seqq. translatum est in Collegium solius Cleri: Post Clementem aliqui Reges a Sede Apostolica iterum impetrarunt privilegium Episcopos nominandi, eligendi, Papæ instituendos offerendi, vel dato annulo, & porrecto baculo investendi. Hoc privilegio adhuc utuntur Reges Hispaniæ, Galliæ, Poloniæ, &c. sine tamen di-  
cta investitura. Verum Cæsares Romani post Concordata Germaniæ liberam electionem relinquunt Collegiis Canonicorum.

*Declaratur 2. de Papa:* Similiter ad electionem Papæ olim concurrere solus Clerus, populusque Romanus. Sed postea Carolo Magno ob magna ejus in Ecclesiam merita datum fuit Privilegium eligendi Papam, ut patet in c. *Adrianus*. 22. dist. 63. Quod autem Persona secularis per privilegium sit capax juris spiritualis, patet in jure Patronatus secularibus concessio. Verum quia experientia teste imprimis eligentium multitudo, postea verò nimia Imperatorum potentia electionem Papæ læpè turbabat, revocato privilegio (uti propter abusum, & ob publicam utilitatem revocari potest, ut constat ex Tit. *de Privilegiis*) Papa, & Concilia Generalia hoc jus dederunt solis Cardinalibus tempore Alexandri III. qui sedit Anno 1160. & seqq.

Nota, quod quamvis in aliis electionibus sufficiat (ut quis legitime electus sit) major, & sanior eligentium pars, electio tamen Papæ, ut subsistat, debet habere duas tertias, seu duas partes, Collegio in tres partes diviso.

Quomodo ante electionem Cardinales includantur Conclavi, singuli per Cubicula, & Cellas, quæ solemnitas Romæ fiat cum Papa noviter electo, videatur in aliis AA.

QUÆRO XIV. Quid censet de aliis Ecclesiasticis Dignitatibus, vel Officiis, v.g. Cardinalatu, Patriarchatu, Primatu, Archiepiscopatu?

XXXV. Ante R. Nota, differentiam esse inter Dignitatem, Personatum, & Officium. *Dignitas* est rerum Ecclesiasticarum administratio habens adjunctam jurisdictionem, ut Præpositura, Decanatus, Prioratus, apud Dominicanos, & Augustinianos, Guardianatus apud Franciscanos, Rectoratus, apud Jesuitas. *Personatus* est prerogativa quædam in Ecclesia sine jurisdictione, ut dum quis præ aliis habet digniorem locum, vel sedem in Choro, Confectu, Collegio, in præcedentia, in ferendo suffragia, &c. *Officium* est administratio rerum Ecclesiasticarum sine jurisdictione: sic in Ecclesiis Cathedralibus Sacrificæ, Custodes, seu Thesaurarii, ut vocant; si in Sub-Custodes, aut alios eis subordinatos non habeant veram juris-

isdictionem, Officium habeant, sed non Dignitatem. Verum tamen est, quod hæc duo vulgariter pro eodem sumantur. Hoc prænotato

#### Cardinalatus.

*Resp.* Ad singula: Cardinales (considerando etymologiam nominis) sunt quasi *Cardines* Ecclesiæ Romanæ, in quibus illa voluitur, & regitur. De quibus Conc. Trid. Sess. 23. de refor. c. r. in fine ait: *Quorum consilio apud Sanctissimum Romanum Pontificem cum uni versalis Ecclesiæ administratio nitatur, nefas videri potest non iis etiam virtutum insignibus, ac vivendi disciplina eos fulgere, quæ meritis omnium in se oculos convertant.* Et Sess. 24. c. r. decernit: ut Romanus Pontifex ex omnibus Christianitatis nationibus lectissimos sibi Cardinales adsciscat.

Cardinalatus non est Ordo, sed secundum se est tantum nomen Officii, sunt enim Consiliarii Papæ. Et licet non omnes Cardinales sint Episcopi, sed in suis Titulis tantum Cardinales Presbyteri, vel Diaconi, vel Subdiaconi, attamen ratione Officii, vicibus sunt præfati utilitati totius populi Christiani, præcedunt omnes Episcopos, Archiepiscopos, & Patriarchas, cum hi solum unius privatæ Patriæ curam gerant. Creantur Cardinales a solo Papa, qui eorum numerum potest augere, vel minuire. Habent tamen Imperator, & alii Reges jus nominandi Papæ quædam qualificata subiecta pro Cardinalatu. Utuntur rubeo colore ad contestandum se pro Romana Ecclesia languinem (ubi necesse fuerit) profundere paratos esse. Inter cætera eorum privilegia (quæ in aliis AA. videantur) dicitur esse & hoc consuetudine introductum, ut si quem ad supplicia adductum, pileo, vel veste tegant, is liberetur.

#### Patriarchatus.

CXXVI. Patriarcha est nomen græcum, latine significat idem, quod summus, seu *Princeps Patrum*. In Jure Canonico quidem non differt a Primate, ulus tamen obtinuit, ut quatuor nominentur Patriarchæ principales, nimirum Alexandrinus, Antiochenus, Hierosolymitanus, Constantinopolitanus. Et per Papæ indulgentiam, vel inveteratam consuetudinem adhuc quatuor minus principales, nimirum Aquilejensis, Venetus, Æthiopiz, & Indiarum. Patriarcha est major Archiepiscopo, hic enim præfuit solum uni Urbi. Vel, quia hæc Urbs est Caput aliarum Episcopos habentium, dicitur præfere uni Provinciæ, putà, ex pluribus Diocesisbus constitutæ. Patriarcha verò præfuit pluribus Provinciis, & Archiepiscopi ejus potestati sunt subiecti.

#### Primatus.

Primates, a quibusdam Patriarchæ dicti, sunt aliqui Archiepiscopi potentiores, qui Metropoles regunt, ut in Hispania Toletanus, in Ungaria Strigoniensis, in Germania nunc Salibur-

burgensis, olim Magdenburgensis. Primas, & Patriarcha minus principalis in effectu nihil differunt, sed solo differunt titulo.

*Archiepiscopus.*

¶ CXXVII. *Archepiscopus* est nomen græcum, latine significat idem, ac *Primus*, vel *Princeps*. Unde *Archiepiscopus* est Princeps Episcoporum, qui communiter habet sub se alios Episcopos, qui dicuntur ejus Suffraganei, attamen valde differunt ab illis Suffraganeis, quos nonnulli Germaniæ Episcopi habent in Pontificalibus Vicarios, qui sunt titulares solum Episcopi, titulo desumpto ab aliquo Episcopatu suo in terris Infidelium, seu quas Infideles, v.g. Turcæ, occuparunt. Vocatur etiam Metropolitanus, denominatione desumpta a sua Residentia, seu Metropoli, quæ est Principalis Civitas totius Provinciæ, fumendo partem pro toto. *Archiepiscopus* est ordinarius, & immediatus Judex suorum Suffraganeorum: attamen populi Suffraganeis subjecti Judex communiter non est, nisi per appellationem.

*Archiepiscopi* (uti & Patriarchis, immò ex specialigratia, & privilegio etiam quibusdam Episcopis, uti Bambergensi, &c.) conveniunt etiam usus Pallii a Papa dati, quod significat plenitudinem Pastoralis, & *Archiepiscopalis* Officii, quo *Archiepiscopus* certis solum diebus, & intra Ecclesiam (id est, intra suam Provinciam) uti potest. Extra Provinciam eo uti potest per Privilegium Apostolicum accedente licentia Episcopi, cuius est Diocesis aliena, ad exercenda Pontificalia; & consensu *Archiepiscopi* (cujus est Provincia) ad usum Pallii.

Plura hic dici possent de Archidiacono, Archiepiscopo, Diacono, Plebano, Parocho, sed hæc vide in Canonistis.

QUÆRO XV. & ultimum: Cœlibatus estne jure divino, vel Ecclesiastico sacris Ordinibus annexus?

CXXVIII. *Resp.* Cœlibatus sacris Ordinibus non est annexus jure Divino. 2. Sed tantum Ecclesiastico. 3. Et valde convenienter.

1. & 2. *Pars* docetur clare a S. Thom. 2.2. q. 88. ar. 1. in c. dicente: *Non est essentialiter annexum debitum continentia Ordini sacro, sed ex statuto Ecclesia: est autem essentialiter Religiosis*. Ex quo S. D. probat ibi, Papam posse dispensare in voto continentia Ordinis sacri, non autem Religiosis, ut dictum est suprâ Tract. 10. Ex. 3. num. 47.

*Ratio* 1. p. Matrimonium non potest in Sacramentorum Ministris habere causam suæ prohibitionis, nisi propter usum ejus, quia nimirum ille Sacramentorum ministris repugnat: Sed Matrimonii usus illis, qui sunt in sacris, non est prohibitus jure Divino. Ergo nec ipsum Matrimonium. Major est clara. Min. prob. Ecclesia Sacerdotibus græcis ante

suam Ordinationem conjugatis permittit usum Matrimonii ut licitum, ut nemo neget. Sed si ille usus esset jure divino prohibitus, Ecclesia non posset eum permittere, ut licitum, quia nihil potest contra jus divinum. Ergo.

Notanda hic est differentia inter Sacerdotes, ac Levitas Veteris, & Novæ Legis; Nam de primis habemus plura Scripturæ loca, quibus Deus jubet eos ab usu Matrimonii abstinere tempore suæ vicis: de Sacerdotibus autem, & Levitis Novi Testamenti, nullum legitur in Scriptura testimonium, quod eis præcipiatur: immò plures in oppositum sunt Conciliorum, & Patrum auctoritates, quas adducit Gonet, cujus est hæc doctrina. Nec refert, quod Dei præceptum respectu Sacerdotum, & Levitarum Vet. Testam. sit morale, & fundatum in ipsa Virtute Religionis, & puritate, quam in Ministris sacrosancta mysteria requirunt. Nam hæc solum congruentiam, non necessitatem indicant, cum nullam ex natura sua indecentiam, cultui divino repugnantem usus Matrimonii habeat, quamvis aliquam haberet, ex hoc solum posset colligi, teneri jure divino sacros homines ab usu conjugii abstinere eo tempore, quo sunt Altari ministraturi: quot etiam, tempore Græci exemplo Sacerdotum, & Levitarum Veteris Testamenti ab Uxoribus abstinent. Ita dictus Auditor. Et sic quoad hoc est paritas.

2. *Pars* patet ex Trid. Sess. 24. Can. 8. sic definiente: Si quis dixerit, Clericos in sacris Ordinibus constitutos, vel Regulares castitatem solemniter professos posse Matrimonium contrahere, non obstante lege Ecclesiastica, vel voto, anathema sit.

*Ratio*: Quia Ecclesia non potest dispensare in jure divino: Sed pluries dispensat in voto continentia Ordinis sacri ad nubendum. Ergo.

3. *Pars* probatur ex eo, Quia, cum Sacrificium Altaris augustissimum sit, & sanctissimum, simulque purissimum, & ejus Hostia sit purissime Virginis, & Dei Filii, omnis puritatis fons, decess est, ut, qui illud tractant, eique inserviunt, insigni mentis, & corporis puritate accendant: eam autem minuit carnalitas, quam secum fert usus Matrimonii. Ergo.

CXXIX. *Oppono* 1. S. Paulus 1. Cor. 9. ait: Nunquid non habemus potestatem (sororem mulierem) heretici interpretantur uxorem) circumducendi, sicut & cæteri Apostoli, & Fratres Domini, & Cephas? Ergo similiter Clerici Uxores habere possunt exemplo Apostolorum.

1. 2. ad Timoth. 3. ait: Oportet Episcopum esse unius Uxoris Virum.

3. Præceptum naturale est Gen. 1. traditum: Crescite, & multiplicamini, & replete terram. Ad 1. R. intelligi de piis mulieribus, quæ erant in comitatu Apostolorum, ministrante

tes illis, sicut legitur de illis, quæ Christum sequebantur, eique de suis facultatibus ministrabant. Certum enim est, quod Apostoli (si plures præter Petrum, de quo solo id constat, uxorati fuerint) dereliquerint uxores saltem quoad thorum, & commercium conjugale, quod patet tum ex illis verbis Petri, *Ecce nos reliquimus omnia, quomodo omnia si non uxores?* Tum ex illo dicto Christi: Si quis non reliquerit Patrem, Matrem, aut Uxorem, non potest meus esse Discipulus.

*Ad 2.* Sensus est, non quasi Episcopus debeat habere uxorem, sed ut nemo fiat Episcopus, qui habuit plures uxores, seu ut non sit bigamus (de quo supra Tr. 14. Exam. 1. n. 29.) quia bigamia est impedimentum susceptionis Ordinis.

*Ad 3.* Esse præceptum naturæ obligans totam Communitatem, non verò quemlibet in particulari. Simile est in præcepto naturali agriculturæ, de quo infra Tr. 16. Exam. 1. num. 4. R. 2.

Colligitur ex dictis, quod Ecclesia nullibi absolute prohibeat nubere, nec præcipiat absolute servare continentiam, sed solum ex suppositione, quod si quis velit, vel Religionem ingredi, vel sacros Ordines suscipere. Quod utrumque cum homini sit liberum, nemo habet justam causam murmurandi, vel querulandi contra Ecclesiam: quia non Ecclesia, sed ipse seipsum voluntariè obligavit.

*Esine nova*, vel antiqua lex, ut continentia servetur ab Ecclesiæ Ministris?

*CXXX.* Dico esse antiquissimam, & ab Apostolis introductam. Nam Apostolus ad Titum 1. ait: *Oportet Episcopum continentem esse.* Ubi NB. quod non dicat *castum esse*, quia datur etiam, & servanda est castitas conjugalis, conjugio legitime, & in bonum finem utendo: sed dicit *continentem*, id est, continentem se ab amplexu uxoris, ut explicat S. Hieron., qui testatur, quod suo tempore Orientalis Ecclesia, aut Virgines Clericos accipiebat, aut continentes: Veli uxores habuissent, desisterent esse mariti, putà, quoad actum conjugalem. Et ita in

universalis Ecclesia observatum fuisse patet ex Conc. Carthag. 2. ubi Can. 2. legitur: *Omnibus placet, ut Episcopi, Presbyteri, & Diaconi, vel qui Sacramenta contrectant, pudicitia custodes, etiam ab Uxoribus se abstineant, ut, quod Apostoli docuerunt, & ipsa servavit antiquitas, nos quoque custodiamus.*

Quod autem ibi non fiat mentio Subdiaconatus, non obstat, quia ille in primitiva Ecclesia non numerabatur inter Ordines sacros, in sensu nimirum supra in Exam. 2. num. 9. post R. 8. explicato, quia non habebat annexum votum continentia, sed universaliter, hoc enim fuit ei annexum tempore Gregorii Magni, ut patet ex Can. *Ante triennium*. dist. 31. Lex ergo illa in Ecclesia Latina semper fuit servata.

*CXXXI.* Cur non etiam in Ecclesia Græcæ?

*Dico:* Ob melius bonum illius gentis, seu ad majora ejus mala cavenda, Græcis ab Ecclesia permittitur vivere in Matrimonio ante susceptos Ordines contra: hinc a complexu uxorum non tenentur abstinere, nisi quando sacris altaribus sunt assensuri. Episcopis tamen non licet cohabitare uxoribus ante Ordinationem ductis: immò defausto Græci ordinariè non eligunt in Episcopum, nisi vel Religionem professum, vel qui perpetuam castitatem servet, & uxorem non habeat, uti noster Gonet testatur se audivisse a Patribus nostri Ordinis, qui diù in Græcia Commorati fuerant, & Ecclesiæ græcæ ritus, & consuetudines apprime noverant. Quando autem lex illa in Ecclesia græca fuerit abrogata, pro certo non constat, aliis sic, aliis scientibus. Certum tamen est, quod usus Matrimonii ante susceptos Ordines contra dicti ministris altaris in Ecclesia græca jam fuerit licitus Anno 683. ut clarè patet ex Can. 13. sextæ Synodi, eo anno absolutæ.

De Ordine sacro, in quantum est impedimentum dirimens matrimonium, agetur infra Tract. ult. Exam. 6. num. 69. ad Q. 3. ubi videatur.

# TRACTATUS XVI.

## & Ultimus.

### De Sacramento Matrimonii.

**S**acramentum hoc magnum est, ut testatur Apostolus Ephes. 5. quo complectitur facer septenarius Sacramentorum Novæ Legis numerus a Salvatore institutus: ultimo autem statuitur loco, quia, ut Angelicus Doctor 3. p. q. 65. art. 2. ad 1. ait: Matrimonium, secundum quod ordinatur ad animalem vitam, est naturæ officium, sed secundum quod habet aliquid spiritualitatis, est Sacramentum. Et quia nimirum habet de spiritualitate, ultimo ponitur inter Sacramenta. Cujus aliam rationem ibid. in c. dat S. D. quam vide supra Tract. 1. i. Exam. 4. num. 42. De hoc ergo ultimo Sacramento, pro hujus Operis complemento in ultimo ejusdem Tractatu agendum est cum Angelico Præceptore, qui de eo tractat in Supplem. 3. Partis. a Quæst. 4. i. usque ad 68. *inclusivè*

### EXAMEN I.

*De Matrimonio, inquantum est in officium naturæ, de quo S. D. qu. 41. per 4. art. Et inquantum est Sacramentum, de quo q. 42. per 4. art.*

**QUÆRO I.** Teneturne Confessarius scire doctrinam Theologorū de Matrimonio?  
*I. Respondeo: Affirm.* Ratio patet ex sēpè dictis. Quia Jure naturæ, & propriæ conscientiæ instinctu, ac remorsu quilibet in Officio constitutus obligatur scire, quæ sunt sui muneris, ne se, ac subditos periculo erroris, & peccati exponat: Sed Confessor ex vi Officii est Judex, Doctor, & Medicus penitentium, hi verò dum Matrimonio jungendi, vel jam tum juncti sunt, non raro se Tribunali penitentis sustinent, cum causis, casibus, seu dubiis matrimonialibus. Ergo Confessarii est, de iis saltem in foro Poli judicare, dubia resolvere, penitentem ignorantem docere, consulentem consilio solari. & ita sæpe contingit circa Matrimonii impedimenta sive dirimentia, sive impedientia, antecedentia contractum, vel supervenientia, uti & circa debiti petitionem, aut redditionem, & similia innumera. Ergo horum notitia Confessori est necessaria ex vi officii, & ex conscientia.

**QUÆRO II.** Quid est Matrimonium secundum se, seu seculæ ratione Sacramenti sumptum? seu in quo essentia ejus consistit?

*II.* Ante R. Not. Matrimonium posse tripliciter considerari. 1. Ut est Sacramentum Nov. Leg. & sub hac ratione definitur nu. 9. 2. Sub

ratione contractus civilis, ac naturalis, & sic definitur, quod sit *passio legitima inter virum, & mulierem ad mutuum commercium, & individuum vitæ societatem.* Et hic contractus mutuam obligationem habet ut proprietatem. 3. Sumitur ut vinculum, & definitur, quod sit *conjunctio maritalis inter legitimas personas, virum & mulierem, individuum vitæ consuetudinem retinens.* Sub hac ratione ejus proprietas est indissolubilitas, seu perpetuitas. Hæc definitio danda est, quoties absolute de Matrimonio quæritur, quod sub hac, & secunda consideratione est præcisè in officium naturæ, qualiter ab initio fuit inter Adamum, & Evam, & est de facto apud Gentes etiam barbaras, sine ratione Sacramenti. In hac definitione per *ly conjunctio* intelligitur unio animorum, non corporum. Per *ly maritalis* excluditur conjunctio concubinaria, fornicaria, sodomitica, bestialis, &c. Per *ly inter legitimas personas* intelliguntur personæ diversi sexus omni impedimento, præsertim dirimente, carentes. Hoc notato

*Resp.* Matrimonii seculæ ratione Sacramenti, seu secundum rationem propriam sumptum, nimirum in tertio sensu ante in Not. explicato, essentialiter, seu formaliter, & quidditative nõ consistit in consensu interno. 2. Nec in externo contractu interiorē consensum manifestante. 3. Nec in mutua corporum traditione. 4. Nec in jure super corpus alterius, seu mutua proxima obligatione reddendi debitū. 5. Nec in usu hujus juris, qui fit per matrimonii consummationem, seu copulam carnalem. 6. Sed in mutuo illo ex mutuo contractu, ac corporum traditione orto vinculo, quo conjuges formaliter uniti sent.

*Katio*

*Ratio 1. & 2. & 3. p.* Causa efficiens non potest esse constitutum formale, & intrinsecum rei, quia est causa extrinseca, & realiter distinguitur ab effectu, causa autem formalis est idem cum suo effectu formali, immediato, & primo. *Subsumo:* Sed consensus internus, & externus (idem est de contractu, & traditione) est causa efficiens Matrimonii secundum se sumpti, seu sub ratione vinculi: Dico, *sub ratione vinculi*; Quia certum est, quod sub ratione contractus, & Sacramenti includit consensum ut formam, seu causam formalem. Ergo. Minorem S. D. infra q. 4. s. a. 1. probat tum ex S. Chrysostomo dicente: *Matrimonium non facit coitus, sed voluntas*: Tum ex hoc, quia unus non accipit potestatem in eo, quod est liberè alterius nisi per ejus consensum: Sed per Matrimonium accipit uterque conjugum potestatem in corpus alterius, ut patet 1. Cor. 7. Ergo.

*Ratio 4. Partis:* Nulla res potest subsistere sine suo constitutivo essentiali: Sed Matrimonium ut vinculum subsistit sine jure, seu obligatione proxima reddendi debitum, ut patet tum in Matrimonio inter B. V. & S. Iosephum, tum in casu adulterii alterius conjugis, aut ingressus in Religionem ex mutuo consensu. Ergo.

5. Pars probabitur infra n. 7. R. 3.

6. Pars patet tum illative, tum ex eo, quia Matrimonium ut vinculum, cum ex natura sua sit indissolubile, & perpetuum, essentialiter consistit in aliquo permanente, quod ab eo tolli non potest: Sed solum vinculum est tale, quia, ut ostensum est, jus proximum exigendi, vel reddendi debitum potest tolli manente conjugio, & consensus (æperet retractatur ab iis, quos contraxisse penitet, ab iisq; dependet non solum in fieri, sed & in conservari, ut nec moraliter maneat: è contra vinculum etsi in fieri dependeat a conjugibus, attamen causa ejus conservativa est solum jus naturale, & institutio Dei, per quod differt ab obligationibus aliorum contractuum civilium; prout magis patebit infra, de indissolubilitate Matrimonii. Ergo.

Ex his sequitur, quod Matrimonium secundum suam naturam sumptum non consistat formaliter in eo, quod habet rationem Sacramenti, nec fit propriè Sacramentum, nec physice causat gratiam; hoc enim convenit solum vinculo causaliter sumpto, seu causæ ejus, quæ est consensus, qui tamen potest, & debet dici virtualiter perpetuo manere in vinculo: velut causa in effectu, sic ut quoad virtuale retractari non possit. Hoc vinculum etiam non malè dicitur esse ipsum jus radicale ad usum conjugii: unde ante ab essentia tantum est exclusum jus proximum. Solvitur ex his illud Adversario- rum: Quo posito ponitur res, & quo ablato tollitur, est de essentia ejus: Sed matrimonium ponitur posito consensu. Ergo. Hic enim Syllogismus imprimis retorquetur, minorem ap-

plicando ad vinculum. Secundò dicitur, Maj. esse veram de eo, quo ut causa formali posito ponitur res, non ut causa efficiens, quæ in præsentem est consensus.

III. *Oppono 1.* S. Tho. illud vinculum vocat Sacramentum Matrimonii, quia hic q. 42. a. 2. ad 2. ait: *Actus exteriores, & verba exprimentia consensum directè faciunt nexum quandam, qui est Sacramentum Matrimonii, & hic nexus ex virtute divina institutionis dispositivè operatur ad gratiam*. Ergo habent idem constitutum formale.

2. Illud vinculum vel est quid physicum, vel quid morale absolute, vel relativum quid spirituale, vel corporale, residens in anima, vel in corpore; Unum, vel plura. Si quid physicum, & spirituale. Ergo est sicut character: Si quid morale, Ergo potest a conjugibus tolli retractando. Si quid corporale. Ergo non est vinculum animorum. Si est unum. Ergo idem accidens numero, est in duobus subjectis entitative distinctis, saltem partialibus, nimirum in utroque conjugum. Si verò sint duo vincula, quomodo erit unum Matrimonium?

*Ad 1.* R. quod S. Th. intendit, non tangendo ipsam essentiam metaphysicam, promiscuè pro eodem sumat Matrimonium, & Sacramentum Matrimonii, ut patet ex titulo hujus Questionis, qui est hic, ut ex textu patet, *De Sacramento Matrimonii in quantum est in officium nature*. Et hoc ideo, quia defacto connectuntur, & unum in altero fundatur. Nos verò hic inquirimus de ipso conceptu metaphysico.

*Ad 2.* R. Imprimis cum nostro Capreolo, vinculum hoc, sive sit quid absolute, sive relativum, convenientius dici esse in anima, quàm in corpore subjektivè: licet enim ordinetur ad reprimendum morbum concupiscentiæ, qui subjektivè est in corpore, non sequitur, quod subjektivè sit in corpore, sed quod disponat ad gratiam, a qua fluit aliquis effectus in corpus, vel in potentias appetitivas corpori affixas, uti est vis concupiscibilis, & irascibilis: in qua a gratia (subjektivè existente in essentia animæ) fluit virtus temperantiæ, & fortitudinis. Addit idem Capreolus: Fortè sunt duo nexi, quorum unus sit materialis in corpore, vel toto composito subjektivè; alius (spiritualis in anima).

Deinde dicitur, quod non sit quid physicum, nec character, hic enim præcisè ordinatur ad actus spirituales, & est in specie potentiæ, ut patet Tr. 11. Exam. 3. n. 25. Matrimonium verò ad actus corporales, est quæ relatio, juxta S. Tho. hic q. 44. a. 1. in c. dicentem: Relatio est, secundum quam aliqua ad invicem referuntur: Sed per Matrimonium aliqua ad invicem referuntur, dicitur enim maritus vir uxoris, & uxor mariti uxor. Ergo est relatio. Et licet juxta S. Th. q. 62. a. 3. possit vocari relatio æquiparan-



tia, cum sit conjuncti ad conjunctum, potest tamen dici disjuncti paritque; quod est inarcti ad uxorem: & e contra. Et hæc relatio est una inter conjuges, & multiplex; una, tum ex parte finis, cum ordinentur ad eandem numero generationem, tum quia conjuges ad invicem unit, & conjungit, puta, conjunctione formali, non essentiali, hanc enim facit consensus: multiplex verò ex parte subiecti, quia est relatio, & correlatio, adeoque & duo vincula partialia, quæ moraliter sunt unum, & faciunt unum Matrimonium. Est ergo hoc vinculum (cum sit in anima) quid spirituale, uti, & morale, & relatio moralis, nec tamen hinc inferitur, quod a Conjugibus retractando possit tolli. Cujus ratio patet ex probatione sextæ Partis.

*Quomodo illud vinculum potest esse relatio, si ut patet ex adductis verbis S. Thomæ, sit dispositio? hæc enim est in prima specie qualitatis.*

*Dico.* S. Thomam, & nos hic loqui de eo quod quomodo cumque disponit ad aliquam formam, non verò de dispositione in toto rigore logico: ita ut necessariò semper debeat esse qualitas facilè mobilis a subiecto. Nam & aliqua pura privatio potest esse dispositio ad formam, ut patet de remotione obstaculi inter Solem, & ærem. Et relatio propinquitatis potest esse dispositio ad lucem, & calorem. Et figura, quæ est de quarta specie qualitatis, potest esse dispositio ad agendum, vel patiendum. Ergo a fortiori id potest dici de eo, quod est dispositio, non ex natura rei, sed ex divina institutione.

**QUÆRO III.** Habetne homo naturalem inclinationem ad Matrimonium? Estne illud de præcepto? Quæstio autem est de Matrimonio secundum se, prout est in officium naturæ, quia ut Sacramentum est supernaturale.

*IV. Resp. 1.* Homo habet naturalem inclinationem in Matrimonium, seu hoc est homini naturale, prout naturale est idem ac ad quod natura inclinatur, sed mediante libero arbitrio complectitur. 2. Non verò prout naturale distinguitur contra liberum. Ita S. Th. hic ar. 1. dicens ex Philosopho: Homo naturaliter magis est animal conjugale quàm politicum: Sed homo est naturaliter animal politicum, & gregale, ut Philosophus dicit. Ergo & naturaliter est animal conjugale. Simile est in naturali inclinatione hominis ad scientias, & virtutes. Quæ non sunt naturales prout naturale differt a libero, nec sunt proprietates: sed sunt terminus naturalis inclinationis, liberè tamen obtinendus.

*Ratio data est suprà Tract. 5. Exam. 2. n. 29. ubi probavimus, quòd fornicatio, & vagus concubitus sit contra naturam, & intrinsecè malus. Hinc jus naturæ, seu Lex naturalis de Matrimonio, licet non sit unum ex primis principiis prædictis naturæ, tamen ex iis efficaciter, & evidenter consequentia inferitur, ex fine proli non solum generandæ, sed & modo rationali natu-*

*ræ conformi educandæ, & usque ad perfectum statum nutriendæ. Quod etsi interdum, seu per accidens fiat a parentibus fornicariis, natura tamen vult de hoc habere medium per se. Sicut etiam per accidens est, vel certè ex natura solum individuali, quòd aliqui homines non propendeant ad matrimonium, hic autem est sermo de inclinatione homini conveniente secundum naturam specificam.*

*Resp. 2.* Matrimonium est de præcepto naturali, obligante totam Communitatem, non tamen quemlibet in particulari, nisi in casu, quo paucitas hominum id, exigit. Ita S. Th. artic. 2. exemplificans hoc in præcepto, quod natura fecit de agricultura, arte ædificatoria, &c.

*Ratio:* Quia est præceptum naturale de specie humanæ conservanda modo consono naturæ rationali.

Ex quo sequitur, quòd Deus per illa verba Gen. 1. *Crescite, & multiplicamini* non posuerit hoc præceptum, sed vel juris naturæ obligationem declaraverit, vel dederit benedictionem, ac fecerit donationem fecunditatis.

*Oppono:* Si matrimonium est ex inclinatione, & jure naturæ, sequitur, quòd Virginitas, cœlibatus, ac Consilium Evangelicum sint contra naturam, adeoque mala. Sed. Ergo.

*Ad hoc dist. maj.* Si illa inclinatio, & præceptum obligaret quemlibet in particulari quoad executionem, conc. fecus, neg.

Not. quòd quidem Virginitas secundum se considerata semper sit melior Matrimonio, ut docet S. D. 2. 2. q. 1. 5. ar. 4. possit tamen ratione alicujus circumstantiæ fieri, quòd Matrimonium sit melius, v.g. ut filius unicus Regis obibat propter necessitatem hæredis, ne Regnum devolvatur ad hæreticos, ne ob successionem oriantur bella, seditiones, &c. hæc autem obligatio magis oriretur ex præcepto Charitatis Proximi, ac vitandi scandali, quàm ex præcepto Matrimonii, immò in eo casu posse fieri votum de Matrimonio, didum est suprà Tract. 10. Exam. 3. n. 31. ante R. 3.

*Ad quod Decalogi præceptum reducitur illud de Matrimonio?*

*Dico:* Vel ad quintum, *Non occides*, quia qui speciem humanam non conservat, occidit eam. Vel ad præceptum de dilectione. Proximi, ad hanc enim spectat conservatio speciei.

*Nonne hoc præceptum saltem a principio mundi obligabat singulos in particulari, etiam in statu innocentie? si mansisset in quo tamen homines erant immortales?*

*Affirmo*, usque ad sufficientem generis humani propagationem.

*Ratio:* Quia hoc præceptum est affirmativum, obligans quidem semper, sed non pro semper, nec singulos, sed solum tunc quando est

est necessitas. Ceterum in statu innocentiae homines quidem fuissent incorruptibiles, non tamen per se, & natura sua sicut Angeli, sed ratione status, & per gratiam, ac specialem Dei providentiam: adeoque etiam essent generabiles, & per generationem multiplicarentur. Quia licet non essent morituri, erant tamen transferendi ad Beatitudinem:

*Quid si daretur casus, quo omnes masculi morerentur, exceptis solis Monachis, tenerenturne illi nubere?*

*Affirmo* cum Soto, nisi adesset specialis revelatio, quod ad sit finis mundi.

*Ratio*: Ubi concurrunt duo praecepta, implendum est majus, si utrumque impleri nequeat: Sed praeceptum Matrimonii de conservanda specie humana est fortius, cum sit pure naturale, votum verò sit ex libera hominis voluntate, ac involvat hanc conditionem, nisi obset jus naturae de conservanda specie humana.

**QUAERO IV.** Polygamia, seu simultanea pluralitas Uxorum sub uno Viro estne contra Legem naturae?

*V. Ante R. vide ex Tr. 6. de Leg. Exam. 2. nu. 12. Quid sit Lex naturae. Et Q. 6. nu. 17. quod praecepta naturae ad tres classes reducuntur. Et Q. 5. n. 3. an & quae praecepta Legis naturae, & quomodo sint mutabilia, vel dispensabilia, quod specialiter ibidem n. 16. explicatum est de Polygamia. His revisis*

*Not. ex S. Th. infra q. 67. a. 1. in c. quod homini juxta rectam rationem Matrimonium contrahenti praerogatur triplex finis, & triplici fini correspondeat triplex bonum Matrimonii. Verba S. Th. ex quibus haec patent, adducuntur statim pro Resp. in quibus etiam explicat, quid sit, actionem aliquam esse contra Legem naturae. Supponitur autem ut de fide certum, quod in Lege Evangelica Uxorum pluralitas, seu Polygamia sit jure divino prohibita, ut definit Trid. Sess. 24. Can. 2. & patet Matth. 5. & 19. Marci 10. & Luc. 16. ubi Christus declarat, quod qui dimissa Uxore etiam adultera, ducit aliam, mæchatur, id est, committit adulterium: sicut & ille, qui ducit relictam. Immo & ante Christi adventum, Uxorum pluralitas per Legem aliquam divinam positivam fuit prohibita. Quae lex implicitè continetur in illis verbis Gen. 2. Masculum, & feminam creavit eos, propter hanc velinquet homo patrem, & matrem, & adhærebit Uxori suae, & erunt duo in carne una, Quibus verbis statui a Deo Monogamiam, seu Uxoris unitatem, docent S. Hieron. in cap. 19. Matth. & Chrysost. hom. 63. in Matth. & alii, eo quod facer textus non in plurali, sed in singulari loquatur, *feminam, uxori, propter hanc*, non has, &c. His praemissis.*

*Resp.* Polygamia non est contra jus naturae quoad primarium Matrimonii finem; nec prohibita per primariam Legem naturae praecepta.

*Tribunus Ordinandorum.*

Est tamen contra jus naturae quoad secundarios fines a natura in Matrimonio intentos, qui sunt, v.g. pacifica cohabitatio, remedium sedandi concupiscentiam, &c. & idèd prohibita per secundaria Legis naturae praecepta. Ita S. D. cit. q. 65. a. 1.

*Declarat, & probat* hoc ibid. in c. dicens: Lex naturalis nihil aliud est, quam conceptio homini naturaliter indita, qua dirigatur ad convenienter agendum in actionibus propriis, siue competant ei ex natura generis, ut generare, comedere, & similia: siue ex natura speciei, ut ratiocinari, & hujusmodi. Omne autem illud, quod actionem inconvenientem reddit fini, quem natura ex operatione aliquam intendit, contra Legem naturae efficitur: potest autem actio non conveniens esse fini, vel principali, vel secundario, & siue sic, siue sic; hoc contingit dupliciter. Uno modo ex aliquo, quod omnino impedit finem, ut nimia superfluitas, aut defectus comestitionis, impedit salutem corporis, quasi principalem finem comestitionis; & bonam habitudinem in negotiis exercendis, qui est finis secundarius comestitionis. Alio modo ex aliquo, quod facit difficilem, aut minus decentem perventionem ad finem principalem, vel secundarium, sicut inordinata comestio quantum ad tempus indebitum. Si ergo actio sit inconvenientis fini, quasi omnino prohibens finem principalem directè, per legem naturae prohibetur primis praeceptis legis naturae, quae sunt in operabilibus, sicut communes animi conceptiones in speculativis. Si autem sit incompetens fini secundario quocunque modo, aut etiam principali, ut faciens difficilem, vel minus congruam perventionem ad ipsum, prohibetur non quidem primis praeceptis Legis naturae, sed secundis, quae ex primis derivantur, sicut conclusiones in speculativis ex principiis per se notis fidem habent: & sic dicta actio contra Legem naturae esse dicitur.

Matrimonium ergo habet pro fine principali proles procreationem, & educationem, qui quidem finis competit homini secundum naturam sui generis, unde & aliis animalibus est communis, & sic bonum Matrimonii assignatur proles: sed pro fine secundario habet in hominibus solis communicationem operum, quae sunt necessaria in vita, & secundum hoc fidem sibi invicem debent: quae est unum de bonis Matrimonii. Habet ulterius alium finem, in quantum est inter fideles, scilicet significationem Christi, & Ecclesiae, & sic bonum Matrimonii dicitur Sacramentum. Unde primus finis respondet Matrimonio hominis, in quantum est animal; secundus, in quantum est homo; tertius, in quantum est fidelis. Pluralitas ergo Uxorum neque totaliter tollit, neque aliquammodo impedit Matrimonii primum finem, cum unus vir sufficiat pluribus Uxo-



ribus fecundandis, & educandis filiis ex eis natis. Sed secundarium finem, etsi non totaliter tollat, tamen multum impedit, eod quod non facile potest esse pax in familia, ubi uni viro plures Uxores junguntur, cum non possit unus vir sufficere ad satisfaciendum pluribus Uxoribus ad votum, & etiam, quia communicatio plurium in uno officio causat litem, sicut figuli corrixantur ad invicem, & similiter plures Uxores unus viri. Tertium autem finem totaliter tollit, eod quod sicut Christus est unus, ita & Ecclesia una. Et ideo patet ex dictis, quod pluralitas Uxorum quodammodo est contra legem naturæ, & quodammodo non. Hæc ibi. Vide infra de Matrim. coactio. Q.3. ad 2. Oppos.

VI. *Oppos. 1.* Consuetudo Legi naturali non præjudicat: Sed habere plures Uxores olim erat in consuetudine: quia, ut S. August. ait, habere plures Uxores peccatum non erat, quando unus erat. Ergo non est contra Legem naturæ.

2. Jus naturale est, quod natura omnia animalia docuit: Sed natura non docuit omnia animalia, quod sit una unus. Ergo.

3. Specialiter contra 1. p. Contra prima Legis naturæ præcepta est, quod homo se obliget ad impossibile, & ut, quod uni datum est, detur alteri: Sed vir contrahens cum pluribus obligat se ad impossibile, quia non potest pluribus simul petentibus reddere debitum, cum tamen teneatur toties; item suum corpus, quod jam dedit uni, dat alteri. Ergo.

4. Contra idem: Una ex primis naturæ Legibus est, Quod tibi non vis fieri, alteri ne feceris: Sed vir nullo modo vellet, quod Uxor haberet alium Virum. Ergo & vir agit contra prima Legis naturæ præcepta superducendo aliam Uxorem.

Ad 1. ait S. Th. loco citato ad 1. dicens: Consuetudo non præjudicat Legi naturæ quantum ad prima præcepta ipsius, sed ea, quæ ex illis trahuntur ut conclusiones, consuetudo augeat, & similiter etiam minuit. Et huiusmodi est præceptum Legis naturæ de unitate Uxoris. Hæc ibi. Ex quibus patet distinctio in forma. *Secundo* aliter dist. maj. Non supposita divina dispositione, & conc. ea supposita, neg. maj. Et sic dist. min. neg. conf. Non ergo consuetudo, sed Dei dispensatio licitam fecit polygamiam antiquis Patribus propter humani generis necessitatem, seu fidelium paucitatem. Pro quo audiat S. Thomas ibid. art. 2. in c. dicens: Lex de unitate Uxoris non est humanitus, sed divinitus instituta, nec unquam verbo, aut literis tradita, sed cordi impressa, sicut & alia, quæ ad legem naturæ qualitercunque pertinent. Et ideo in hoc a solo Deo dispensatio fieri potuit per inspirationem internam, quæ quidem principaliter Patribus sanctis facta est,

& per eorum exemplum ad alios derivata eo tempore, quo oportebat prædictum naturæ præceptum intermitteri, ut majores esset multiplicatio prolis ad cultum Dei educandæ. Semper enim principalior finis magis observandus est, quam secundarius. Unde cum bonum prolis sit principalis matrimonii finis, ubi prolis multiplicatio necessaria erat, debebat negligi ad tempus impedimentum, quod posset in secundariis finibus evenire: ad quod removendum præceptum prohibens pluralitatem Uxorum ordinatur. Hæc ibi. Vide supra Tract. 5. Exam. 2. nu. 48. quomodo intelligatur Scriptura dicens, quod antiqui PP. habuerint concubinas.

Ad 2. dist. maj. ex verbis S. Th. adducis pro R. Quod docuit, vel ratione generis, vel ratione speciei, conc. maj. præcisè ratione generis. neg. maj. Et concessa min. dist. conf. Unde homo Polygamiam averfatur ratione speciei, species enim excedit genus, & ei superaddit.

Ad 3. ait S. Th. citato a. 1. ad 7. dicens: Vir per Matrimonium non dat sui corporis potestatem Uxori quantum ad omnia, sed solum quantum ad illa, quæ Matrimonium requirit: non autem requirit Matrimonium, ut quolibet tempore Uxori petenti Vir debitum reddat, nisi quantum ad id, ad quod Matrimonium principaliter est institutum, scilicet ad bonum prolis: & hoc est, quantum sufficit ad imprægnationem. Requirit autem hoc Matrimonium, in quantum est ad remedium institutum (quod est secundarius ipsius finis): ut quolibet tempore petenti debitum reddatur: & sic patet, quod accipiens plures Uxores non se obligat ad impossibile, considerato principali fine Matrimonii. Et ideo pluralitas Uxorum non est contra præcepta prima Legis naturæ. Hæc ibi. Ex quibus patet solutio in forma.

Ad 4. S. D. ibidem ad 8. Inquit: Illud præceptum Legis naturæ, Quod tibi non vis fieri, alteri ne feceris, debet intelligi, eadem proportionem servata. Non enim si Prælati non vult sibi resisti a subdito, ipse subdito resistere non debet. Et ideo non oportet ex vi illius præcepti, quod sicut Vir non vult, quod Uxor sua habeat alium virum, quod ipse non habeat aliam Uxorem: quia unus Virum habere plures Uxores non est contra prima præcepta Legis naturæ, ut dictum est: sed unam Uxorem habere plures Viros est contra præcepta prima Legis naturæ, eod quod per hoc quantum ad aliquid totaliter tollitur, & quantum ad aliquid impeditur bonum prolis, quod est principalis Matrimonii finis: in bonum enim Prolis intelligitur non solum procreatio, sed etiam educatio, ipsa enim procreatio prolis, etsi non totaliter tollatur, quia contingit post imprægnationem primum iterum mulierem imprægnari, ut dicitur in 9. de animalibus, tamen mul-

multum impeditur, quia vix potest accidere, quin corruptio accidat quantum ad utrumque foetum, vel quantum ad alterum: sed educatio totaliter tollitur, quia ex hoc quod una mulier plures maritos habet, sequeretur incertitudo Proles respectu Patris: cuius cura necessaria est educando. Et ideo nulla lege, vel consuetudine est permittitur, unam mulierem habere plures viros, sicut e converso Hic ibi. Quod factus corrumpatur, vel proles (uti fit in meretricibus) omnino impediatur, fecit heterogenea mixtio seminum diversorum viro- rum. Quae hic dici possent de libello repudii, dicuntur infra Exam. 4. n. 47.

**QUAERO V.** Usus Matrimonii per copulam carnalem est illicitus, meritorius, vel de essentia, aut perfectione Matrimonii?

**VII. Resp. 1.** Usus Matrimonii, seu complexus maritalis, qui fit per copulam carnalem, seu corporum commixtionem, non solum est actus bonus, & licitus, sed & meritorius, si ad ipsum homines ex amore virtutis, seu ex virtute Religionis (nimirum ad propagandum Dei cultum per Fidelium multiplicationem) & iustitiae inducantur, & fiat ab iis in statu gratiae, & charitatis. Ita S. D. art. 3. & 4.

*Ratio ejus est:* Omnis actus, quo impletur praeceptum, est bonus, ac licitus immo & meritorius, si liberè fiat ab homine in gratia, & charitate constituto: Sed actus Matrimonii est actus virtutis, nimirum iustitiae commutativae, quo impletur praeceptum illud 1. Cor. 7. *Uxori vir debet ut se reddat.* Ergo.

Nota, quod quamvis Rom. 8. *Deo placere non possit, qui in carne sunt,* si etiam secundum carnem vivant, & contra rationis ordinem, bene tamen si carnalia faciant ex amore virtutis, & juxta rationis ordinem, & hoc secundo modo debet fieri actus Matrimonii, ut sit honestus, & meritorius, & si fiat, est supernaturalis (non quidem quoad sui elicentiam, sicut enim fit per vires naturae) sed quoad relationem ad Deum, seu honorem Dei, quam facit charitas, nec fit sine speciali dono gratiae, praefata autem relatio ad minus debet esse virtualis, & merito a conjugibus esse iteranda. Item hic actus sub praefatis conditionibus caret omni turpitudine culpae, licet maneatur turpitudine peccati, quae provenit ex peccato primo Parentum, ex eo (ut ait S. D. art. 3. ad 3.) quia vires inferiores, sensualitas, & membra corporis non obediunt perfectae rationi, ejusque jussui, sicut obediunt in statu naturae integre, in quo etiam fuisset generatio (si permanisset) sed sine omni sensualitatis rebellionem contra rationem. Vel paulo aliter dici potest, quod actus Matrimonii sit turpis turpitudine culpae, non in se, sed solum quoad apparentiam, & similitudinem: quia de causa indiget excusari, & non potest etiam

in publico fieri. Verum quidem est, quod ob magnam dedecorationem, qua rationem absorbet, & quasi eclipsat, dividat a Deo; haec tamen divisio non est quoad habitum, sed solum quoad actum, quae etiam malignando fit per medicinam, vel esum deliciarum ciborum sine peccato. Vide infra Exam. 4. Q. 5. n. 45.

**Resp. 2.** Copula carnalis actualis, seu commixtio corporum non est de essentia, sive integritate, aut perfectione essentiali, vel primaria Matrimonii, sive ut est in officium naturae, sive ut Sacramentum est, bene tamen de perfectione accidentali, & secundaria. Ita S. D. hic q. 42. art. 4.

*Declarat hoc dicens in c. Duplex est integritas:* Una, quae attenditur secundum perfectionem primam, quae consistit in ipso esse reialia, quae attenditur secundum perfectionem secundam, quae consistit in operatione. Quia ergo carnalis commixtio est quaedam operatio, sive usus Matrimonii, per quod facultas hoc datur: ideo carnalis commixtio erit de secunda integritate ejus, non de prima.

*Ratio patet ex his:* Nam juxta commune axiomam, *operari sequitur ad esse*, id est, supponit causam essentialiter constitutam, necesse est tale praedicatum ejus, id est tamen ejus perfectio accidentalis, & secundaria. Quae significatur per illa verba Gen. 1. *Erunt duos in carne una.*

**Oppone 1.** contra R. 2. Sine copula carnali non habetur proprietas Matrimonii. Ergo nec essentia. Probat: Indissolubilitas est proprietas Matrimonii: Sed haec non habetur ante consummationem. Ergo. Prob. min. Matrimonium non consummatur dissolvitur per votum solemne Religionis juxta Trid. Sess. 24. Can. 6. ut docetur infra. Ergo.

2. Matrimonium ut Sacramentum, est in remedium concupiscentiae: Sed hoc remedium fit per commixtionem carnis. Ergo.

*Ad 1.* dist. ult. ant. Dissolvitur per se, & natura sua, neg. per acciden. & ex dispensatione, ac speciali privilegio Christi, dato in favorem status Religiosi, cont. De quo plura infra; immo in sequentibus dicitur, quod Matrimonium inter Infideles etiam consummatur ex simili privilegio dissolvatur, uno eorum ad fidem converso, & altero nolente cohabitare sine coartumelia Salvatoris.

*Ad 2.* ait S. Doct. citato artic. 4. ad 4. *An consummatio in carnalem Matrimonium est in remedium ex gratia, quae in eo datur: quomodo non ex actu, qui pertinet ad integritatem secundam.* Vide plura infra, dum agetur de matrimonio contracto sub conditione copulae carnali repugnante. Item de consensu in Matrimonium, an, & quomodo is debeatur fieri in copulam carnalem. Item in hoc Exam. num. 22. ad 5. Ubi explicabitur, quomodo autem

Trid. Sponsalia de futuro transferint in Matrimonium per copulam carnalem animo maritali factam. Nunc ad

*Matrimonium ut Sacramentum.*

**QUÆRO VI.** Estne Matrimonium verum Nov. Leg. Sacramentum, a Christo institutum, conferens gratiam ex opere operato? quomodo definitur? Quæ ejus materia, forma, minister?

**VIII.** Ante Resp. Supponitur, quod Matrimonium saltem improprie sit Sacramentum, id est, magnum mysterium, vel signum alicujus rei sacræ significativum. Ita enim clare patet ex illo celebri testimonio Apostoli Ephes. 5. *Sacramentum hoc magnum est*, eo quod sit representativum conjunctionis Christi cum Ecclesia. Hoc supposito

**Resp. 1.** Matrimonium Fidelium in Nova Legge est verum, & proprie dictum, ac cum aliis univocè Sacramentum, a Christo institutum, conferens gratiam ex opere operato, etiam physice.

1. Pars est de Fide definita contra hæreticos Trid. Sess. 24. Can. 1. & constat ex adducto Ephes. 5.

**Ratio:** Quia Matrimonium est signum sensibile practicum gratiæ sanctificantis, qua animi conjugum uniuntur Deo, sicut Christo unitur Ecclesia. Hæc enim gratia coniuges ad mutuum amorem, & ad portanda Matrimonii opera indigent: Deus autem non desit in necessariis. Ergo eam per hoc Sacramentum confert. Plura de his spectant ad Controversistas.

Hæc prima, & reliquæ partes constant ex Tract. de Sacram. in communi. Videatur definitio Sacramenti Tract. 11. Exam. 1. n. 2. Item de numero Sacramentorum ibid. Exam. 4. nu. 41. De causalitate physica ibid. Exam. 2. nu. 12. & ex opere operato ibid. nu. 11. De ministerio, ac suscipientis intentione, ac dispositione ibid. Exam. 4. n. 32. & 38.

**Resp. 2.** Quamvis indubitatum sit, quod Matrimonium in officium naturæ sit institutum ante peccatum, quando Eva fuiteducta ex costa Adæ, illicque tradita, postquam esse somno fuit excitatus (in somno enim non poterat facere contrarium, nec corpus tradere Evæ), & divini Spiritus insinuantis indissolubilem Matrimonii nexum pronuntians, dixit: Hoc nunc os ossibus meis, & caro de carne mea, quam obrem relinquet homo Patrem, & Matrem, & adhærebit Uxori suæ, & erunt duo in carne una. Verum tamen de tempore, quo Christus Matrimonium, ut est contrahus, & in officium naturæ, ad esse Sacramenti elevavit, sunt variae DD. Sententiæ. Dum alii tenent, esse elevatum in primo Incarnationis instanti, *Tunc enim*, ait S. Gregor. hom. 36. in Evang. *Deus Pater Fictio suo nuptias fecit, quando hunc in utero Virginis humanæ naturæ conjunxit.* Alii sentiunt esse factum,

quando Christus sua præsentia, & primo miraculo cohonestavit nuptias in Cana Galilee. Alii contigisse post Resurrectionem spatio 40. dierum, quibus Christus disposuit de statu militantis Ecclesie, & deo Discipulos instruxit. Sed Probabilius est, institutum, seu elevatum esse a Christo, quando Matth. 19. dixit: *Quod Deus conjunxit, homo non separet.*

**Ratio:** Christus ibi a Phariseis interrogatus, an liceat Uxorem ex quacunque causa dimittere, respondit: Non legitis, quia, quia hominem fecit ab initio, masculum, & sæminam creavit eos? & dixit, id est, Adamum instigavit, ut diceret: Propter hoc dimittet homo patrem, & matrem, & adhærebit uxori suæ, & erunt duo in carne una. Quæ Christi institutio non fuit præcisè Juris naturalis declaratio, sed in super confirmatio: unde Christus subdidit. *Quod ergo Deus conjunxit, homo non separet.* Quasi dicat: Conjunctionem, quam Deus sanxit, ego novus Legislator, & Orbis Redemptor præcepto meo confirmo. Ergo Christus Sacramentum feci: esse id, quod antea solum erat in officium naturæ, & remedium concupiscentiæ.

Ex his Sequitur, quod Matrimonium, ut formaliter est Sacramentum, sit nobilissimum virginitate, qua tamen ignobilis est sub ratione status, nimirum conjugalis, qui dicitur esse imperfectiorum, & ratione hujus status melius est tenere vitam cælibem, quam suscipere hoc Sacramentum, non obstante, quod ex opere operato causet gratiam. Vide supra Tract. 10. Exam. 7. n. 137. an, & quomodo sit Simonia pro Matrimonio dare pecuniam.

**IX. Resp. 3.** Matrimonium physice, vel quasi physice sumptum, in quantum est compositum ex materia, & forma definitur, quod sit mutus viri, & mulieris consensus externus ad perpetuam vitæ societatem. Sumptum metaphysice, seu, ut constat genere, & differentia, definitur quod sit signum sensibile gratiæ collatae Viro, & Mulieri legitimo consensu copulatis ad perpetuam vitæ societatem. Seu, Est Sacramentum Nov. Leg. collativum gratiæ, &c. ut ante. De definitione physica, & metaphysica vide de aliis Sacramentis in proprio loco, ut de Baptismo, Pœnitentia, &c.

Nota, quod sicut in quovis Sacramento, ita & in hoc distinguuntur hæc tria, *Sacramentum tantum*; quod sunt actus externi: *res tantum*, nimirum gratia: *res & Sacramentum simul*, nimirum vinculum, ut explicatum est supra Tract. 11. Exam. 4. Q. 9. in fine nu. 47. Quamvis autem hoc vinculum non sit sensibile ratione sui, bene tamen ratione alterius, scilicet consensus externi, eo modo, quo in Pœnitentia dolor internus manifestatur per externam confessionem.

Circa hoc difficultas se offert de casu, quo

con-

conjuges Infideles fiunt Fideles, ſuumque Matrimonium approbant ſecundum Legem Eccleſiæ, ita ut incipiat eſſe Sacramentum, quomodo tunc vinculum poſſit eſſe res, & Sacramentum ſimul? Nam id, quod eſt res, & Sacramentum ſimul, ſub eâ ratione, ſub qua eſt res, debet cauſari ab eo, quod eſt Sacramentum tantum, quod in hoc caſu de vinculo non verificatur: quia jam eſt antea cauſatum per contractum in Inſolitate factum.

Ad quod dicendum, verificari de vinculo etiam in hoc caſu, eſſi enim vinculum præcedat, ut eſt quid naturale, cauſatum per contractum naturalem, cauſatur tamen de novo poſtea quoad modum ſupernaturalitatis per contractum approbatum, ut ad eſſe Sacramenti eleuatum, ut explicat Gonet: & ſub hac ratione eſt res, & Sacramentum ſimul.

*Reſp. 4.* Materia proxima Sacramenti Matrimonii eſt mutus conſenſus utriuſque conjugis, ſenſibiliter, nimirum verbis, nutu, aut ſcripto, expreſſus, prout habet rationem traditionis: forma verò eſt idem mutus conſenſus ſenſibiliter manifeſtatus, ut habet rationem acceptationis, v. g. dicendo: Accipio te in meam, accipio te in meum. Ita S. Tho. qu. 43. a. 1. ad 1. & ad 2. ubi addit, quod benedictio Sacerdotis non fit forma huius Sacramenti, ſed ſit quoddam Sacramentale.

Dixi, *materia proxima*: quia materia remota ſunt corpora conjugum, quæ ipſi ſibi tradunt. Vide Tract. 11. Q. 5. quomodo materiæ, & formæ Sacramentorum ſint a Chriſto determinatæ.

*Ratio*: Eadem eſt materia, & forma huius Sacramenti, quæ eſt contractus matrimonialis, hunc enim Chriſtus ſubſtantialiter non mutauit, ſed eleuauit: ſed materia, & forma huius contractus ſunt conſenſus conjugum ſub dicta formalitate. Ergo. Prob. min. Illud in aliquo contractu habet rationem materiæ, quod per formam determinatur: & illud eſt forma quod determinat; ſed conſenſus ſenſibilis, ut eſt traditio, determinatur per acceptationem, & ante eam non eſt completus, nec perfectus in actu ſecundo, ſed incompletus, & adhuc in actu primo. Ergo. Declaratur min. Mulier poſſet reſpuere, ſeu non acceptare conſenſum viri, vel e contra, in quo caſu non eſſet conſenſus conjugalis completus, ſed ſolum in potentia, ac inchoatiue. Ergo. Vide ſuprà Tract. 13. de Pœnit. Exam. 1. n. 3. quomodo verba, & actus hominis, licet ſecundum ſe ſint naturales: at tamen, ut a Chriſto eleuati, ſint ſupernaturales, ſignificent rem ſacram, & cauſent gratiam.

Ex his ſequitur, quod idem utriuſque contrahentis conſenſus ſit virtualiter duplex, & ſub una virtualitate habeat rationem traditionis, ac materiæ: ſub altera verò rationem acceptationis, & formæ, ſintque contrahentium conſen-

ſus ſibi inuicem cauſæ, ſeu cauſæ, & effectus in diuerſo genere cauſæ, nimirum materialis, & formalis. Immo ſuprà ad Q. 2. dictum eſt, quod conſenſus etiâ ſit cauſa efficiens Matrimonii, ſed ut vinculum, non ut Sacramentum eſt: ad quæ omnia ſufficit diſtinctionio rationis, ac virtualis.

*Opponi poſſet* ex caſu illo, quo ante Trid. & de facto, ubi illud non eſt receptum, Sponſalia tranſeunt in Matrimonium per copulâ carnalẽ animo maritali factam, quæ ſuper conſenſu, quomodo illa poſſit eſſe materia, & forma huius Sacramenti, cū ſit peccatum mortale. Sed ad hoc patebit Reſponſio hoc Exam. n. 1. ad 5. Oppof.

*X. Reſp. 5.* Miniſter Matrimonii, etiam ut Sacramenti, ſunt ipſi contrahentes baptizati, non verò Sacerdos aſſiſtens, & benedicens; cuius proinde benedictio non eſt de eſſentia, ſed accidentalis cæremonia. Ita S. Thom. loco pro R. 4. citato.

*Ratio*: Idem eſt miniſter huius Sacramenti, qui eſt contractus matrimonialis, ob rationem pro R. 4. datam: ſed ſoli contrahentes efficiunt contractum, quia illi ſoli ſe obligant. Ergo.

Dixi, *contrahentes baptizati*: Qui enim non eſt baptizatus, non poteſt aliud Sacramentum recipere; nec conficere, cū Baptiſmus ſit janua Sacramentorum: qui tamen cū ſit extremæ neceſſitatis, a quovis validè conferri poteſt.

*Quis ergo eſt ſenſus* illorum verborum Sacerdotis. *Ego vos coniungo in nomine Patris, &c.?*

*Dico*: Senſus eſt. Ego vos coniungo eſſe declaro. Vel, Conjunctionem veſtram approbo: Unde non ſunt de eſſentia, & Matrimonium eſſet validum iis omiſſis, modò ad eſſent mutui expreſſi conſenſus, Parochus, & Teſtes. Hinc quando a quibuſdam PP. dicitur, Matrimonium accedente ſacerdotali benedictione ſanctificari, Sacerdotes eſſe miniſtros ejus, &c. non volunt, quod Sacerdos ſit cauſa gratiæ ab hoc Sacramento ex opere operato cauſatæ, ſed ſit conditio ſine qua non confertur. Quia Matrimonia clandestina, ſeu ſine Parocho celebrata, eſſant Trident. fuerint valida, erant tamen illicita, nec gratiam cauſabant, non quidem defectu alicuius eſſentialis requiſiti, ſed defectu cæremoniæ ab Eccleſia ſtatutæ. Vocatur ergo Sacerdos miniſter huius Sacramenti, non quoad ſubſtantiam, ſed quoad rem accidentalem: qui tamen poſt Trident. eſt conditio, ſine qua non ſubſiſtit ſubſtantia huius Sacramenti.

Ex his explicatur S. Paulus 1. Cor. 4. ſolos Sacerdotes vocans diſpenſatores diuinorum myſteriorum. Non enim omne Sacramentum præſertim ſi non ſit a Chriſto primitus quoad ſubſtantiam inſtitutum, ſed ſolum eleuatum, petit pro Miniſtro, ex officio tali, perſonam ſacram: nam & Laicus in neceſſitate poteſt Baptiſmum adminiſtrare.

Vide ſuprà Tract. 11. Exam. 4. Q. 2. 37. R. 4. an,

an, & quoradopocecent conjuges in mortali contrahentes; vel Parochus assistens.

**QUÆRO VII.** Possuntne Fideles, seu baptizati contrahere verum Matrimonium præcisè in ratione contractus, separando rationem Sacramenti?

**XI.** Ante R. Supponitur, prout etiam ex dictis patet, quod Matrimonium in facto esse (nimirum vinculum ejus) non sit propriè Sacramentum, sed solum in fieri. Quia solum Eucharistiæ Sacramentum consistit in re permanente. Hoc supposito.

*Resp.* Probabilius negativè, si uterque contrahens sit baptizatus: siue intentio separandi procedat ex errore, siue ex certa scientia. Est contra Gonet, & plures alios.

*Ratio:* In potestate Fidelium non est separare ea, quæ Christus sua institutione conjunxit. Sed Christus contractum matrimoniale elevando ad esse Sacramenti, utrumque firmiter conjunxit; sic ut ratio Sacramenti, licet non sit essentialis contractui secundum se, sit tamen necessariò non anoxa contractui, quatenus hic subsistat institutio Christi. Ergo.

Dixi in R. *Si interque sit baptizatus.* Nam si solum unus sit baptizatus, v.g. si ex Pontificia dispensatione Vir fidelis contrahat cum Uxore infideli, etiam catechumena, aut è converso, probabilius non est verum, seu propriè Sacramentum Novæ Legis nec ex parte utriusque nec ex parte solius fidelis: nec gratiam confert.

*Ratio:* Quia Christus ad esse Sacramenti non elevavit dimidium, sed integrum contractum, qui proadequata materia, & forma includit mutuum utriusque consensum. Ergo cum una pars non sit capax Sacramenti defectu Baptismi, etiam in altera non est Sacramentum; sed solum legitimus contractus.

Dixi 2. *Si in procedat ex errore:* quia error non excludit saltem illam, virtutem, & generalem intentionem faciendi, quod facit vera Ecclesia, vel alii Fideles, aut quod Christus instituit, ut docet S.D. hic q. 51. a. 2. ad 1. & explicatum est suprà Tract. 11. Ex. 4. n. 33. Vide ibi. Q. 4. n. 33. quod ad valorem Sacramenti non sufficiat actus morè externus sine interna intentione. Ex his deservit, quod valida Matrimonia Lutheranorum, & cæterorum hæreticorum, utpotè baptizatorum, etiam sint Sacramenta, licet non credant dari Sacramentum Matrimonii, habent enim generalem intentionem faciendi, quod Christus instituit; quæ sufficit nec est necessaria intentio particularis.

**XII. Oppositio 1.** Christus elevans Matrimonium ad esse Sacramenti non mutavit naturam contractus: Sed juxta dicta mutasset. Ergo.

2. Non extat ullum jus, quo Christus hæc inseparabilem connexionem contractus, & Sacramenti constituit. Simile est in ablutione; cui

etiam alligavit rationè Sacramenti Baptismi, & tamen possunt separari per intentionem. Ergo.

3. Ad validitatem Matrimonii in ratione contractus civilis nihil aliud requiritur, quàm sensibilibiter expressa inter personas habiles mutua corporum traditio, & acceptatio coram Parocho, & Testibus. Ergo non requiritur ratio Sacramenti.

4. Incap. finali *De condit. opposit.* habetur, quod conditiones impossibiles, & turpes non videntur contractum, sed habeantur pro non adjectis, id est, ac si non adicerentur: Sed intentio non faciendi Sacramentum est conditio turpis. Ergo habetur pro non adjecta. Ergo cum ea intentione subsistit contractus.

5. Ante Concil. Trid. Sponsalia de futuro transibant in Matrimonium per copulam carnalem animo maritali factam: Sed videtur absurdum, quod fiat Sacramentum ratione coitus carnalis illiciti, & peccaminosi. Ergo erat contractus sine Sacramento.

*Ad 1. dist. maj.* Non mutavit in substantialibus, vel essentialibus, conc. in conditionibus, vel solemnitate sine qua non subsistit defecto, neg. maj. Et sic dist. min. neg. conf. Simile est in Statuto Tridentini de præsentia Parochi, & Testium.

*Ad 2. R. subdist.* quod licet Christus de intentione celebrandi Matrimonium simul in ratione Sacramenti nullum tradiderit jus in Scriptura expressum, posuerit tamen hoc jus factum, & opere; eo ipso enim, quod cõtractum Matrimonii ad esse Sacramenti elevavit, solemnitatem hanc ut omninò necessariam adjunxit. Quod maxime expediebat fini Matrimonii, & intentioni Christi, volentis sanctificare conjugia Fidelium. Hæc Resp. fundatur in S. Gregor. hom. 17. in Luc. docente, quod Christus alligando verbis, aliquando facto ipso, & opere constituerit jus, seu præceptum. Ad id, quod additur de ablutione Baptismi Resp. imprimis in hoc esse pariter, quod nec Sacramentum Matrimonii, nec Baptismi subsistat, si fiat ablutio sine omni prædicta intentione, nimirum tam particulari, quàm generali. Deinde, quod illa ablutio excludat utraq; hæc intentione, tamen habeat effectum aliquem naturalem, & non cõtractus matrimonialis, est, quia ablutio secundum se versatur tantum circa corpus, quod, quomodo cõvenit; realiter abluatur, est ablutum: contractus verò matrimonialis, etiam secundum se sumptus, habet effectum circa animos (nimirum vinculum) qui de Lege saltem ordinaria debet esse liber: eique Christus rationem Sacramenti adjunxit per inseparabilem concomitantiam.

*Ad 3. dist. ant.* Nihil aliud requiritur tanquàm materia, & forma contractus, conc. tanquam conditio, & solemnitas sine qua non, neg.

*Ad 4. concessio* Syllogisma dist. secundum illa.

illatum: Si excludatur intentio generalis faciendi, quod Christus instituit, neg. secus, conc. Ea enim exclusa, nec contractus, nec Sacramentum erit; dum verò illa adest, dicta particularis intentio non faciendi Sacramentum, tanquam conditio impossibilis, & turpis habetur pro non adiecta, tam respectu contractus, quam Sacramenti: & subsistit utrumque.

*Ad 5. dist. maj.* Per copulam secundum se sumptam, neg. maj. ut erat sensibile signum consensus, & effectus conjugalis, conc. maj. Et sic dist. min. neg. conf. Nec obstat, ait Cornejo, quòd talis copula esset tunc peccaminosa, immò intrinsecè mala. Cuius rationem dat Si vir, & femina faciant hoc pactum, quòd blasphemia, vel mendacium ab utroque prolatum, sit signum mutui consensus, eò ipso, quòd mendacium, vel blasphemiam proferrent (si cætera requisita adfuerint) fieret verum Matrimonium. Porro in eo casu ratione obicis mortalis esset Sacramentum informe, validum tamen. Si obex solum esset peccatum veniale, gratiam ex opere operato non impediret.

**QUÆRO VIII.** Quid censet de Matrimonio inter absentes contracto?

*XIII. Resp.* Matrimonium inter absentes baptizatos per Procuratorem, vel per litteras contractum coram Parocho, & testibus, est validum, non solum in ratione contractus, sed & Sacramenti.

*Ratio est,* tum quæ data est pro R. ad Q. 7. tum etiam quia Christus omnem legitimum contractum matrimonialem inter baptizatos elevari ad esse Sacramenti: tum tandem quia in præsentia adest debita materia, forma, minister, ac intentio, & conditiones per Jura requisitæ. Et quod agit Procurator, censetur agere ipse mandans per ipsum, cum agat per potestatem ab ipso acceptam. Ergo.

*Nota,* requiritur aliquas condiciones. 1. Ut, si contrahatur per litteras, vir scribat formam, seu non modò sui corporis dominium de præsentia ei tradere (ut Gonet explicat) sed ex tunc simul corporis ejus traditionem, cum primò coram Parocho, & testibus facta fuerit, acceptare: & mulier vicissim viro rescribat, se vicissim velle illum in maritum, & corporis ejus traditionem acceptare, quo rescripto, vel potiùs utriusque contrahentis scripto coram Parocho, & testibus lecto, perficitur matrimonium etiam in ratione Sacramenti. 2. Si fiat per Procuratorem, potest, immò debet in contrahendo uti hac, vel simili verborum forma: Titius te Titio in uxorem. Sponsa respondeat, Ego mediantem Titio accipio in Maritum. 3. Ut Procurator non agat ex mandato generali pro quibuscumque casibus dato, sed ex speciali pro hoc casu, & quidem ad contrahendum cum hac determinata persona: agat, inquam, per

seipsum, & non per substitutum, nisi id expressè contineatur in mandato. 4. Ut consensus principalium contrahentium non sit revocatus.

*XIV. Oppono 1.* Sacramentum Penitentiae non potest administrari inter absolescentes. Ergo nec Matrimonii. Ant. patet Tract. 13. Exam. 4. num. 59.

2. Matrimonium solet postea, dum conjuges conveniunt, coram Parocho, & Testibus rati haberi. Ergo antea non erat validum.

3. Saltem non videtur causare gratiam, præsertim physicè, vel maximè si principalis contrahens tempore contractus dormiret, vel esset in mortali.

*Ad 1.* patet disparitas loco in Opposit. citato.

*Ad 2.* neg. conf. Quia per hoc Matrimonium non dicitur iterari, vel de novo celebrari, sed solum ratificatur id, quòd antea per alios factum est. Vel certe tantum suppleantur omnes solemnitates.

*Ad 3.* R. quòd causetur gratia, unde principalis contrahens, pro eo tempore, quo probabiliter credit Matrimonium esse contrahendum, tenetur esse sine conscientia peccati mortalis, saltem per contritionem. Quam gratiam etiam in somno recipere potest, si antea habuerit intentionem recipiendi Sacramentum. Si sit in mortali, gratia non causatur, per accidens, ob indispositionem subjecti. Porro illa gratia non causatur physicè, si consensus principalium contrahentium (vel utriusque partes Sacramenti) physicè non existant: Quia Sacramenta causant gratiam physicè, vel moraliter juxta suum modum existentis, ut explicatum est sup. Tract. 12. Exam. 3. n. 12.

## EXAMEN II.

*De Matrimonio quantum ad Sponsalia. De quo S. Thom. q. 43. per tres artic.*

**QUÆRO I.** Quid sunt Sponsalia? obligant, si sint purè mentalia, seu interna, vel sicut externa?

*XV. Secunda. Partem* satisfactum est supra Tract. 8. Exam. 4. n. 55. ubi probatum est, quòd promissio, & donatio merè interna homini facta non obliget in conscientia.

*Ad 3. Partem.* Quæ sit sufficiens patet ibid. Exam. 5. n. 95. ubi ostensum est, quòd qui sub spe Matrimonii, sive verè, sive fidè promissi, virginem corrupt, ordinariè in conscientia tenetur eam ducere. Unde ad primam Quæstionem

*Resp. 1.* Sponsalia a spondendo dicta, bene defini-

definiuntur a S.Th.a.1. quod sint *futurarum nuptiarum*, seu Matrimonii *promissio*. Ex quo patet, quod hic definiuntur Sponsalia de futuro, si enim fiant de presenti, sunt idem quod Matrimonium ratum, non consummatum: quale fuit inter B. Virginem, & S. Iosephum, unde illa hujus Sponsa, & hic illius Sponsus vocatur.

*Explicatur definitio*: Dicitur 1. *Promissio*, non enim sufficit voluntas, vel propositum promittendi, vel nubendi, quia Sponsalia inducunt obligationem ex iustitia ad contrahendum, secundum de proposito. Debet autem esse promissio *mutua*, seu debet ei correspondere alterius com-seu repromissio.

*Ratio*: Quia Sponsalia non sunt promissio gratuita, seu simplex, siue gratis, ac mereliberaliter facta, sed sunt verum pactum, & contractus onerosus, qui parem utrumque obligationem importat, juxta contractus definitionem ab Ulpiano traditam, quod sit *mutua*, *cirque*, seu reciproca obligatio. Unde communiter dicitur: *Sponsalia claudicare non possunt*, puta, in contrahendo, seu dum fiunt; nam postquam contracta sunt, ea posse esse obligatoria ex parte unius, & non alterius, ratione cuiusdam accidentis, vel circumstantiæ, patebit infra n. 26 R. 3. usque ad 4. Dicitur 2. *futurarum nuptiarum*, quæ sunt hujus promissionis obiectum specificativum, per quod Sponsalia essentialiter constituuntur, & distinguuntur ab omni alia mutua promissione, vel contractu.

*Quare* Sponsalia præmittuntur ante Matrimonium?

*Dico*: Quamvis non sint de essentia Matrimonii, præmittuntur tamen convenienter idco. 1. Ut constet, quod Matrimonium libere contrahatur, & quod eo contracto conjuges sint jam obligati quasi vivere sub iugo: cujus probam, vel quasi Novitiatum ingrediuntur per Sponsalia. 2. Ut homines Matrimonium contrahant cum matura deliberatione, & sine præcipitancia. 3. Ut constet, quod nulla adsint impedimenta.

**QUÆRO II.** In qua ætate possunt contrahi Sponsalia, & quanta ad illa requiritur deliberatio? Idem quæro de ætate requisita ad Matrimonium, ac Religionem?

**XVI. Resp. 1.** cum Angelico Doctore art. 2. Potest homo in fine primi septennii contrahere Sponsalia, sicut in fine secundi Matrimonium, aut Religionem ingredi; & in fine tertii, ci viliter se obligare.

*Declarat hoc S.D. ibid. dicens*: Cum Sponsalia sint quædam promissiones futurorum, oportet, quod illorum sint, qui aliquo modo promittere possunt, quod non est nisi illorum, qui habent aliquam prudentiam de futuris, quæ usum rationis requirit: respectu cuius triplex gradus notatur in 1. Ethic. *Primus est*, cum quis neque

ipse intelligit per se, neque ab alio capere potest. *Secundus* status est, quo homo ab alio capere potest, sed ipse per se non sufficit ad considerandum, & intelligendum. *Tertius est*, cum homo & ab alio jam capere potest, & per se ipsum considerare. Et quia Ratio paulatim in homine conualecit, secundum quod quietatur motus, ac fluxibilitas humorum, idco primum statum Rationis obtinet homo ante primum septennium: & idco illo tempore nulli contractui aptus est, & ita nec Sponsalibus. Sed ad secundum statum incipit pervenire in fine primi septennii: unde etiam tunc temporis pueri ad Scholas ponuntur. Sed ad tertium statum incipit homo pervenire in fine secundi septennii, quantum ad ea, quæ ad personam ipsius pertinent; in quo Ratio naturalis ejus conualecit: sed quantum ad ea, quæ extra ipsum sunt, in fine tertii septennii. Et idco ante primum septennium nulli contractui homo aptus est. Sed in fine primi septennii incipit esse aptus ad aliqua promittenda in futurum, præcipue de his, ad quæ Ratio naturalis inclinatur magis: non autem ad obligandum se perpetuo vinculo, quia adhuc non firmam habet voluntatem: & idco tali tempore possunt contrahi Sponsalia. Sed in fine secundi septennii jam potest obligare se de his, quæ ad personam ipsius pertinent, vel ad Religionem, vel ad Coniugium. Sed post tertium septennium etiam potest de aliis se obligare, & secundum Leges constituitur ei potestas de rebus suis disponendi post vigesimum secundum annum. Hæc S. D. Ubi tamen N.B. quod de facto post Trid. non possit quis per Professionem se obligare Religioni, nisi post completum 16. ætatis annum.

*Resp. 2.* Non est de necessitate, vel præcepto gravi, ut dictum septennium sit mathematicè completum: unde non obstat, an 10. decem, vel 15. dies desint, quod esse moraliter completum.

*Ratio datur a S.Th. ar. 2. ad 7. dicente*: In Sponsalibus si appropinquant contrahentes ad tempus septennii, contractus Sponsalium habet robur: quia secundum Philosophum in 2. phys. Quod parum deest, quasi nihil deesse videtur. Hæc autem propinquitas a quibusdam determinatur tempus sex mensium: sed melius est, quod determinetur secundum conditionem contrahentium: quia in quibusdam magis acceleratur usus rationis, quam in aliis. Hæc S. Th. loquens de septennio complendo, non inchoando.

*Resp. 3.* Sponsalia ante septennium inchoatum contracta sunt nulla, & mortalia ex genere suo: licet malitia suppleat ætatem. Ita S. D. a. 2. ad 3. dicens quod hoc disparitatem de Matrimonio, & Sponsalibus, dicendo: Tempore contractus Matrimonii non solum requirit dispositio ex parte usus Rationis, sed etiam ex parte corporis, ut sit generationi aptum; & quia puella in



11. anno ad hoc venit, ut possit esse ætui generationis apta, puer autem in fine secundi septennii, ut Philos. ait in 9. animal. simul autem utrumque discretionis accipiunt, qui tantum in Sponsalibus requiritur: ideo in Sponsalibus determinatur unum tempus, utrique non autem in Matrimonio. Hæc ibi. Quia in usu Matrimonii mas se habet ut agens, femina ut patiens; nobilior autem est, & majores vires requirit agere, quàm pati.

*Ratio:* Lex in materia gravi graviter obligat, & quidem secundum id, quod regulariter, & communiter fit, ac via ordinaria. Sed ordinariè usus Rationis non solet adesse nisi septennio completo, vel in fine ejus, si verò citius adsit, sive miraculose, sive naturaliter, est per accidens. Ergo.

Nota, quòd malitia supplet ætatem, nihil sit aliud, quàm quòd citius adsit discretio, seu usus Rationis: malitia ergo in præseni sumitur pro usu Rationis. Supplet proinde respectu Matrimonii, nimirum cum præsentia potentia generativæ, non verò respectu Sponsalium ante inchoatum septennium. Et hoc ideo, quia Jura, dum statuunt ætatem pro Matrimonio, excipiunt casum malitiæ ætatem suppletis, non autem respectu Sponsalium. Disparitas patet ex adductis verbis S. Thom. & subjuncta probatione.

XVII. *Resp. 4.* Ad Sponsalia requiritur illa plena deliberatio, quæ requiritur, & sufficit ad peccandum mortaliter: nec tamen hæc sufficit, sed maior requiritur.

*Ratio 1. p.* Quia Sponsalia obligat sub mortali.

*Ratio 2. p.* Ad Sponsalia non tantum requiritur, quòd sint actus humanus, & voluntarius quomodoocunque, & cum consensu in præseni, sed etiam cum consensu in futurum: ad peccatum autem mortale sufficit consensus in præseni. Ergo.

Hanc Rationem tradit S. D. cit. a. 2. ubi sibi obijci hoc argumentum: Sicut ad contractum Sponsalium requiritur aliquis Rationis usus, ita ad consentiendum in peccatum mortale: sed sicut Gregorius narrat in 4. Dialog. quidā puer quinque annorum propter blasphemiam peccatū a Diabolo extinctus est. Ergo & anteseptennium possunt contrahi Sponsalia. Ad quod Respondet: Ad 1. dicendum, quòd quidam dicunt, quòd ille puer, de quo Gregorius narrat, non fuit damnatus, nec mortaliter peccavit, sed visio illa fuit ad Patrem contristandum, qui in puero illo peccaverat, non corrigens eum. Sed hoc est expressè contra intentionem Gregorii dicentis, quòd Pater pueri, animam parvuli sui negligens, non parvum peccatorem Gehennæ ignibus nutritiv. Et ideo dicendum, quòd ad peccatum mortale sufficit etiam consensus in præseni, sed in Sponsalibus est consensus in futurum; maior autem discretio Rationis requi-

ritur ad providendum in futurum, quàm ad consentiendum in unum actum præsentem. Et ideo potest homo peccare mortaliter, quàm possit se obligare ad aliquid in futurum. Hæc ibi.

XVIII. *Quid sentis de Sponsalibus,* quæ Parentes, vel Tutores contrahunt pro filiis ante septennium?

*Ad hoc S. Thom. ibid. ad 1. ait:* Si ante annos pubertatis fiat contractus Sponsalium per alium, ambo, vel alter reclamare possunt. Unde nihil tunc actum est, ideo quòd nec aliqua affinitas ex hoc contrahatur; & ideo Sponsalia, quæ inter aliquos per personas alias contrahuntur robur habent, inquantum illi, inter quos contrahuntur, ad ætatem debitam venientes, non reclamant: ex quo intelliguntur consentire de his, quæ per alios facta sunt. Hæc ibi. Unde ibidem ad 4. docet, quòd placencia, quæ circa Sponsalia est in pueris ante septennium, non procedat ex perfecto usu Rationis, cum mundum susceptibiles sint plenæ disciplinæ: Sed magis ex motu naturæ, & ideo non sufficiat ad Sponsalia.

*Tenenturne filii in similibus obedire Parentibus, & ratificare postea talia Sponsalia?*

*Affirmo* de debito honestatis, quia valdè honestum est, ut filii parentibus obediant: nego autè de debito necessitatis, & præcepti, quia filii in eligendo statu sunt sui Juris. Hinc obrationabiles causas possunt non ratificare. Vide de Matrimonio infra Exam. 3. n. 30. R. 3.

QUÆRO III. Quam obligationem, vel quos effectus pariunt Sponsalia?

XIX. *Resp. 1.* Sponsalia de se, & ex genere suo obligant sub mortali, seu pariunt gravem obligationem Matrimonii re ipsa contrahendi. Ita S. D. a. 1. ad 4. dicens: Ex tali promissione obligatur unus alteri ad Matrimonium contrahendum, & peccat mortaliter non solvens promissum, nisi legitimum impedimentum interveniat: & secundum hoc Ecclesia cogit injungendo penitentiam pro peccato: tamen in foro contentioso non compellitur, quia Matrimonia coacta consueverunt malos exitus habere, nisi fortè juramentum intervenerit, quia tunc cogendus est, qui promissit, ut quidam dicunt: quamvis aliis non videatur propter causam prædictam, præcipuè si de uxoricidio timeretur. Hæc ibi. Quæ intelliguntur de Sponsalibus puberum. Ex quibus etiam patet, cur in R. 1. dicatur, *ex genere suo*, ad excipiendum, si adsit justa causa dissolvendi: quæ si non adsit, Sponsus, vel Sponsa resiliens nequit a Confessario absolvi, quia sciens perussit in peccato mortali.

*Ratio:* Quia Sponsalia obligant ex iustitia, ut potè ex contractu: & sunt in materia gravi ratione Matrimonii ad quod stringunt. Vide supra Tr. 10. Ex. 3. n. 32. R. 4. & n. 33. quòd in potestatem votantis non sit, in materia gravi se obligare.

gare sub peccato levi. Quod idem de Sponsalibus verum est.

*Resp. 2.* Sponsi utriusque sexus ex vi Sponsalium tenentur se servare aprosod generationem, & abstinere a fornicatione. Si cum alia persona carnaliter peccaverint, committunt speciale, seu alterius speciei peccatum, reductivè spectans ad adulterium, ut tenet probabilior, & tuior sententia.

*Ratio 1.* Sponsi saltem mediâtè obligantur ad abstinendum ab omnibus istis, quæ a conjugio in Matrimonio facta essent contra fidem Matrimonii, & excipiuntur tantùm illa, quæ iure conceduntur, ut est ingressus Religionis, &c. Ergo. Prob. ant. Sicut in Matrimonio corpora mutuo traduntur, ita in Sponsalibus promittuntur, & traditur jus remorum in ea. Ergo. Dixi, *saltem mediâtè*; Quia immediata Sponsalium obligatio est solum ad Matrimonium ineundum.

*Ratio 2.* Licet per Sponsalia Sponsus non habeat jus in re ad corpus sponsæ (hoc enim traditur per Matrimonium) habet tamen jus ad rem, uti in quavis promissione acceptata datur ad rem promissam: est enim in Sponsalibus promissio faciendi suum corpus alteri proprium, & non tradendi uni tertio. Ergo fornicando non solum peccat peccato fornicationis, sed & adulterii reductivè. Dixi, *reductivè*; quia adulterium propriè definitur, quod sit violatio thori alieni, quæ in præsentem non est, cum nundum habeant eundem thorum. Hanc ob causam S. Th. 2. 2. q. 154. enumerans omnes species Luxuriæ, nullam facit mentionem peccati commissi a Sponso fornicante.

*XX. Resp. 3.* Ex Sponsalibus validis, & certis oritur iure Ecclesiastico impedimentum publicè honestatis dirimens Matrimonium cū consanguineis alterius Sponsi: idque in primo gradu tantum, ut cum matre, filia, vel sorore Sponsi, vel Sponsæ. Ita patet ex Concilio Trid. Sess. 24. c. 3. ubi etiam hoc impedimentum fustulit a Sponsalibus invalidis.

*Ratio congruentia*: Quia Sponsalia sunt initium, seu inchoatio Matrimonii. Ergo convenienter fuit, quod sicut per Matrimonium inducitur affinitas, ut impedimentum dirimens, sic per Sponsalia inducatur aliud vinculum conjunctionis, minus tamen perfectum.

*Nonne* hoc impedimentum tollitur morte alterius, nimirum Sponsæ, vel Sponsi?

*Dico*, quod non, uti videtur definitum a variis Pontificibus.

*Ratio a pari*: Quia solum per alterius conjugis mortem Matrimonium non tollitur affinitas ex eo orta. Ergo nec in præsentem casu publicæ honestas.

*Quid si* Sponsalia valida mutuo Sponsorum consensu sint soluta?

*Dico* contra quosdam, non per hoc tolli

illud impedimentum.

*Ratio*: Quia non apparet, cur potius uno quam altero dissolutionis modo tollatur.

*QUÆRO IV.* In quibus casibus Sponsalia sunt nulla, vel saltem solubilia?

*XXI.* De nullitate Sponsalium ex defectu ætatis patet ex di. 115.

*Resp. 1.* Sponsalia contracta cum impedimento perpetuo, Matrimonium verè sub culpa impediende, v.g. cum voto simplici perpetuæ castitatis, sunt nulla. Ut & Sponsalia clandestina de Matrimonio clandestinè contrahendo.

*Ratio*: Quia promissio rei illicitæ, seu cuius impletio est illicita, non obligat, sed jure naturæ invalida est.

*Dixi t. in R. cum impedimento perpetuo.* Si enim in sit temporale, ut votum castitatis triennaliis, vel defectu pubertatis, possunt contrahi Sponsalia, etiam absoluta, obligantia pro tempore, quo impedimentum erit ablatum. Vel si hoc sit tale, quod per Papam sit dispensabile, licet sit dirimens, possunt contrahi Sponsalia sub conditione, si Papa dispensaverit: quæ verè obligant. De Sponsalibus conditionatis S. T. 2. 2. ad 4. sic ait: Condicio, quæ apponitur, non tollit Matrimonii libertatem, quia si est inhonesta, debet abiici: si autem honesta, aut est de bonis simpliciter, ut si dicatur. Accipias te, si placet parentibus; & hæc condicio non tollit libertatem Sponsalium, sed auget ei honestatem: aut est de utilibus, ut si dicatur. Contraham tecum, si dabis mihi centum, & tunc hoc non ponitur quasi ad vendendum consensum Matrimonii, sed intelligitur ut promissio dotis, unde Matrimonii libertatem non perdit. Hæc ibi. De conditione pœnali dicitur postea num. 29.

*Dixi 2. De Matrimonio clandestinè contrahendo*: Quia Sponsalia clandestina de Matrimonio in facie Ecclesiæ contrahendo, non solum sunt valida, cū non extet Lex Ecclesiastica irritans illa, sicut irritat Matrimonium clandestinum: sed etiam ex causa rationali possunt esse licita: communiter tamen præbenda non sunt, eo quod in eis accidere possit imprudentia, & incircumspectio.

*Resp. 2.* Notabilis disparitas inter contrahentes hujus disparitatis conscios non irritat Sponsalia, nisi magnum inde oriatur scandalum: licet possit ea facere illicita.

*Ratio 1. p.* Cū contrahens sit sui Juris, ac sciens, seu notabilem disparitatem, & excessum videans nihilominus Matrimonium promittat, non decipitur, sed consensu liberè cedere juri suo, & liberaliter donare excessum, ut arguit Perez. Ergo. Ex hoc solvitur, quod potest obiici, nimirum notabilis inæqualitas pretii rescindit contractum, ut si quis 100. florenos promitteret pro uno ovo, vel meretrici pro usu corporis: Solvitur,

vitur, inquam, quia in nostro casu nihil datur per modum pretii, & excessus liberaliter donatur, ut supponitur: quod non est in casu objecto, vel sit, est paritas, & substitit promissio.

*Resp. 3.* Quoties Sponsalibus jam contractis supervenit notabilis defectus, vel deformitas corporis, possunt licet sint jurata, ab altera parte dissolvi. Ita S. D. ar. 3. ad 3. dicens: Si ante contractum Matrimonium aliquam gravem infirmitatem incurrit alter eorum, inter quos sunt contracta Sponsalia, quæ ipsum debilitet nimis, ut epilepsia, vel paralytis; aut eum deformet, ut abscisso nasi, vel orbitis oculorum, vel aliquid hujusmodi, aut quæ sit contra bonum proles, ut potest lepra, quæ solet prolem inficere, possunt Sponsalia dirimi, ne sibi invicem displiceant, & Matrimonium sic contractum malum exitum fortiaur. Nec poena puniatur aliquis, sed ex poena damnum reportat, quod non est inconvenientis. Ita S. D. per ultima verba solvens hanc objectionem: Pro poena nullus debet puniri: Sed infirmitas, vel deformitas est poena, & poena inflingeretur dissolutio sponsalium. Ergo.

*Ratio:* Promittentes, & jurantes censentur promittere, & jurare juxta communem aliorum intentionem, & rebus in eodem statu moraliter permanentibus.

Ex quo patet, idem esse dicendum, si Sponsus incidat in notabilem paupertatem: est enim notabilis mutatio. Si vero uterque notabiliter depauperetur, paupertas unius compensatur paupertate alterius. Si vero unus repente fiat ditior, ob hoc non potest justè resilire, quia alter per hoc non est factus deterioris conditionis.

*XXII. Resp. 4.* Si Sponsus inficia, seu non consentiente Sponsa discedat in Patriam longinquam, Sponsa potest resilire, licet Sponsalia sint juramento firmata. Ita S. Th. ar. 3. ad 2. dicens: Si ex parte ejus non defuit, quin Matrimonium compleret, potest licet alteri nubere sine aliquo peccato. Si autem per eam sterit, quod Matrimonium non est completum, debet agere poenitentiam de peccato fractæ promissionis, aut juramenti, si juramentum intervenit: & contrahere potest cum alia, si vult, judicio Ecclesiæ. Hæc S. D. movens ibi propositum casum. Et est vera hæc doctrina, non solum quando sponsus vult in alia terra figere domicilium, sed & si diu sit emansurus ex causa non necessaria: si vero causa sit necessaria, debet expectare, usque dum causa cesset, saltem judicio Ecclesiæ.

*Ratio:* Quia Sponsus ita discedens censetur renunciare Sponsalibus.

*Resp. 5.* Si Sponsalibus contractis superveniat astitio, ut si Sponsus fornicetur cum sorore Sponsæ, Sponsalia dissolvuntur ex parte ejus, qui non fuit causa impediendi; non tamen ex parte ejus, qui illud causavit. Ita S. Th. art. cit.

ad 4. dicens: Si Sponsus cognovit conjugineam Sponsæ, vel e contra, tunc dirimi debent Sponsalia, & ad hoc probandum sola fama sufficit propter scandalum vitandum; causæ enim, quæ in futurum expectant effectus suos, impediantur a suis effectibus, non solum ex eo quod est, sed ex eo quod futurum est. Unde sicut astitio si esset tempore contractus Sponsalium, impedivisset contractum illum: ita si interveniat ante Matrimonium, quod est effectus quidam Sponsalium, prior contractus ab effectu suo impeditur. Nec in hoc aliquid detrahitur alteri, immò ei confertur, quia absolvitur ab eo, qui per fornicationem se Deo odiosum reddidit. Hæc ibi.

*Ratio 1. p.* Innocens ex peccato nocentis accepit sufficientem causam, & jus resiliendi, ita quidem ut dispensationem oblatam non teneatur acceptare. Ergo.

*Nota:* Si innocens velit, ut nocens dispensationem procuret, & hanc eam sine gravi incommodo, & magnis lumpitibus eam procurare possit, tenetur eam petere.

*Ratio 2. p.* Quia æquum non est, ut nocens ex suo delicto commodum, nimirum immunitatem a præstata fide reportet. Vide infra n. 26. ante R. 4. quomodo Sponsalia possint claudicare.

*XXIII. Resp. 6.* Sponsalia etiam possunt dissolvi propter simplicem fornicationem alterius Sponsi, licet sint jurata; sic ut innocens possit resilire, si velit, non vero nocens. Ita S. Th. ibid. ad 6. dicens: Quamvis non dederint sibi in mutuo potestatem corporis Sponsalia contrahentes, tamen ex hoc efficiuntur sibi invicem suspecti de non servanda fide in futurum: & ideo potest sibi præcavere unus contra alium, Sponsalia dirimendo. Hæc ibi.

*Ratio* patet ex his verbis S. Th. & est adducta pro R. 5. Quibus additur, quia & Sponsalia, & juramentum adjectam habent hanc tacitam conditionem, nisi alter peccaverit contra Leges Sponsalium.

*Nota,* si uterque fornicetur, non convenire Doctores de jure resiliendi, dum aliqui tenent solum sponsum, & non sponsam posse resilire, eò quod Sponsa per fornicationem (ut putant) notabiliter fiat vilior Sponso, non e contra. Alii vero tenent, utrumque licet posse resilire, cum sibi mutuo dent sufficientem resiliendi causam. Pro decisione.

*Resp. 7.* Probabilius est, quod si uterque Sponsus fornicetur, nullus licet resilire possit.

*Ratio:* Tum quia paria delicta mutua compensatione tolluntur; tum etiam, quia etsi fornicatio Sponsi sit ignominiosior Sponsæ, quam e contra: tamen propter violatam fidem Sponsus fit Sponsæ rationabiliter suspectus de ea non servanda etiam impolterum. Ergo saltem est paritas, quoad sufficientiam causæ dissolvendi Sponsalia.

salia. Ergo adhuc est *mutua compensatio*.

*Sed quid si Sponsa ab alio per vim sit deflorata?*

Pro hoc

*Resp.* 8. Probabilius est, quod possit resiliere Sponsus.

*Ratio:* Tum quia exponitur periculo alendi alienam prolem; tum etiam, quia Sponsa in hoc casu, etsi sit sine culpa, fit tamen notabiliter vilior, quia vulgo satis infame est, ducere corruptam.

*Quid si Sponsus, vel Sponsa faciat solum oscula, vel impudicos tactus cum aliis? Pro hoc*

*Resp.* 9. Probabilius est, quod siue hic, siue hæc faciat, innocens habeat sufficientem causam resiliendi. Licet hoc aliqui negent de Sponsa, si id faciat Sponsus.

*Ratio:* Quia etiam Sponsus violat fidem, & vehementer ingerit suspicionem, quod Sponsam non sit sincerè amaturus, nec fidem servaturus in posterum.

Nota, hoc etiam verificari de hæresi spirituali, præsertim in locis ubi hæresis causat infamiam, vel si innocenti sint periculosa.

XXIV. *Resp.* 10. Sponsalia puberum validè, & licitè possunt dissolvi mutuo Sponsorum consensu: licitè, inquam, ex rationabili causa. Ita S.Th. cit. art. 3. ad 5. dicens: Quidam non recipiunt solum calum: Sed contra eos est Decretalis, quæ expressè dicit: Ad instar eorum, qui societatem interpositione fidei contrahunt, & postea eandem sibi remittunt, potest in patientia tolerari, si mutuo se absolvent, qui sponsalia contraxerunt. Sed ad hoc dicunt, quod Ecclesia magis hoc sustinet, ne pejus eveniat, quàm hoc sit de jure. Sed hoc non videtur exemplo convenire, quod Decretalis adducit. Et idèd dicendum, quod non semper est levitas, retractata, quæ prius firmata sunt, quia incertæ sunt providentiæ nostræ, ut dicitur in lib. Sap. Hæc ibi.

*Ratio 1. p.* Est illa Regula Juris: *Res omnis, per quasunque causas nascitur, per easdem dissolvitur*, si nimirum ex sua natura dissolubilis sit, uti sunt sponsalia; secus est de Matrimonio. Ergo.

*Ratio 2. p.* Si fiat in rationabili causa, datur causa obloquiorum, incurritur nota inconstantiæ, & agitur contra rationem. Ergo.

*Sed quid si sponsalia sint jurata? Pro decisione*

*Ratio 1. p.* Nihilominus posse mutuo consensu dissolvi.

*Declaratur, & Ratio datur:* Quamvis, dum res promissa non cedit in alterius utilitatem, licet ad eum dirigatur iuramentum, aut non res promissa, ut si quis ita iuret, Juro tibi, me Missam auditurum tali die; quamvis, inquam, tunc non possit a particulari illo homine relaxari, bene tamen, si tota res promissa, licet concernat causam piam, cedat in utilitatem

promissarii, vel juratarii, v.g. Juro tibi, me pro te auditurum esse Missam; juro, vel voveo, quod huic pauperi velim dare vestem, quod huic Ecclesiæ velim dare calicem, tunc enim ille pauper, vel Ecclesia hoc votum, aut iuramentum potest relaxare, prout suprà Tract. 10. Exam. 4. n. 56. docuimus de iuramento ex S.Th. cujus verba, & Ratio ibi videantur. Et tunc parte condonante etiam Deus ipse condonare censetur. *Subsumo:* Sed in casu, quo quis juravit pauperi puellæ, se eam ducendum in Uxorem, licet iuramentum sit factum in favorem causæ piæ, tota tamen ejus materia cedit in favorem illius puellæ, & non aliter a Deo acceptatur. Ergo ab ea potest relaxari. Aliud esset, si ita juraret: Juro, quod in honorem Dei velim ducere pauperem puellam.

*Resp.* 12. Sponsalia impuberum non possunt mutuo eorum consensu dissolvi, quamdiu tales sunt, seu ante annos Matrimonio aptos, unde quoad reclamationem, & sponsalium dissolutionem debent expectare usque ad pubertatem, quæ est anno 12. ætatis in fœmina, anno 14. in masculo. Ita expressè statuitur c. de illis, de sponsat. impuberum. Et hoc verum est, licet unus contrahentium jam sit puer.

*Ratio:* Quia privilegium reclamationis est concessum in favorem impuberum pro tempore pubertatis.

XXV. *Resp.* 13. Sponsalia priora non solvuntur per posteriora, etiam jurata.

*Ratio 1. p.* Quod solvit, debet esse fortius eo, quod solvitur, ut patet. Sed hoc non est in præsentis, ut constat. Ergo.

*Ratio 2. p.* Iuramentum non est vinculum iniquitatis: Sed secunda sponsalia sunt iniqua, & illicita. Ergo.

*Sed quid si priora sponsalia ex aliqua causa fuerint legitime soluta, nonne obligant posteriora? Pro hoc*

*Resp.* 14. Negativè. *Ratio:* Ut habet Regula Juris, *Quod ab initio validum non fuit, tractu temporis non convalescit*, seu non firmatur, nisi ab eo, qui illud firmare potest, v.g. in præsentis per novum consensum. Excipitur tamen, si promittens promiserit absolute pro quovis tempore absque ulla limitatione, vel promiserit pro tempore, quo ad contrahendum cum alia erit habilis.

*Resp.* 15. Matrimonium cum secunda initum dissolvit sponsalia cum priora: si tamen sit validum.

*Ratio 1. p.* Vinculum minus forte solvitur per fortius: Sed Matrimonium est vinculum fortius sponsalibus. Ergo.

*Ratio 2. p.* Juxta Regulam Juris, *Non præstat impedimentum, quod de jure non fortitur effectum*.

*Respond.* 16. Dictum Matrimonium priora sponsalia non tantum suspendit, sed & extinguit.

guit, ita ut mortua Uxore non reviviscant, seu obligare non incipiant.

*Ratio:* Vinculum minus forte per fortius non solum suspenditur, sed extinguitur, & obligatio semel extincta non reviviscit: Sed Matrimonium est vinculum fortius Sponfalibus. Ergo. Unde & S. Thom. cit. a. 3. ad 7. ait, quod contractus Matrimonii solvat priorem contractum Sponfalium. *Excipitur* si intentio Sponsi promittentis ad hunc casum se extendat, seu extenderit.

*Resp. 17.* Dantur plures causæ dissolventes Sponfalia, ut ingressus, vel professio Religionis, votum castitatis, votum suscipiendi Ordinem sacrum. Sed de his ad Q. 5.

*Dic mihi,* an Sponsus habens jus dissolvendi Sponfalia, possit ea solvere propria, vel tantum Judicis auctoritate?

*Dico:* Potest auctoritate propria attentæ rei naturæ, sed ne detur occasio scandalii, requirendus est Jux.

*Ratio 1. p.* Tum quia id nullo jure cavetur; Tum quia Sponfalibus inest hæc tacita conditio, seu facultas resiliendi ex justa causa.

2. *Pars declaratur:* Occasio scandalii esse potest, adeoque Jux. est requirendus, quando Sponfalia sunt publica, & causa occulta, secus quando tam causa, quam Sponfalia sunt publica, vel quando utraque sunt occulta.

*Quæ si* Pars vitiosa nolit consentire in dissolutionem Sponfalium, potestne innocens iustam occultam resiliendi causam, v.g. occultum alterius crimen Judici manifestare?

*Dico:* Potest, si servato ordine fraternæ correctionis nolit acquiescere, id est, si partem vitiosam prius de causa admonuerit per se ipsum, vel hoc non proficiente, per Parentes, vel alios viros honestos consensum perausulerit.

*Ratio:* Si tunc infametur, sibi imputare debet. **QUÆRO V.** Quid censet de causis antea in R. 7. adductis?

**XXVI. Resp. 1.** Professio emissæ in Religionem approbata dissolvit Sponfalia.

*Ratio* est eadem, quæ est data pro 1. p. R. 1. §. ad Q. 4. quæ hic applicetur.

*Resp. 2.* Solus Religiosis ingressus ante Professionem non dissolvit Sponfalia utrinque.

*Ratio:* Tum quia id nullo jure statuitur; Tum etiam quia nulla per ingressum affertur impossibilitas, ut dicitur.

*Resp. 3.* Dum ex Sponsi unus altero nesciente, vel invito ingreditur Religionem, Sponfalia ex natura rei solvuntur ex parte ejus, qui manet in Sæculo, non verò ex parte ejus, qui Religionem ingreditur, sed hic si iterum egrediatur, tenetur implere Sponfalia, si alter velit.

*Ratio 1. p.* patet ex dictis pro R. 3. ad Q. 4. Est enim notabilis mutatio, item grave onus per integrum annum expectare alterius nuptias.

*Tribunal Ordinandorum.*

immò communiter vulgò dedecorolum, deducere talem, qui, vel quæ fuit monachus, vel monacha, etiam novitia. Ergo.

*Confirm.* Ingressiendi Religionem sive sincerely, sive ficto animo, eò ipso ostendit animum a nuptiis alienum. Ergo cedit juri, quod habet in alterum.

*Ratio 2. p.* Sponsus in Sæculo manens, non est spoliandus jure suo abique sufficiente causa: Sed hæc in præsentem non datur, non enim de hoc extat ullum jus positivum, nec Religionis ingressus ex natura est impossibilis cum Sponfalibus, tum quia talis potest egredi, tum etiam quia potest uxoratus Religionem ingredi manente Matrimonio, puta, tantum rato, immò, & consummato manente post Professionem, ut dicitur infra. Ergo.

*Declaratur hoc ulterius:* Jura quidem habent, quòd Professioni in favorem status Religiosi sic concessum privilegium dirimendi Matrimonium ratum, id tamen de ingressu respectu Sponfalium nec ex Jure, nec ex natura rei, ut probatum est, colligitur. Nec æquum erat, id concedere soli ingressui, quia æquum non est, ut favore Religionis gaudeat is, qui a Religione recedit, sed meritò suas antiquas obligationes ad Sæculum reportat. Quamobrem vota quæcumque ante ingressum facta in Novitiatu solum manent suspensa, & reviviscunt, si ad Sæculum regrediatur.

Ex his Sequitur, quòd licet in Sponfalibus utrinque tacite subintelligatur hæc conditio: *Nisi perfectionem statum elegero*, non tamen hæc, nisi transiero ad Religionem per Novitiatum, quia hic status non est: Status enim, a stando dictus, dicit permanetiam.

*Oppono:* Juxta Sponfalium definitionem Sponfalia claudicare non possunt, dicunt enim mutuum promissionem, & exinde mutuum ultro, citroque obligationem. Ergo.

*Ad hoc* dist. ant. Non possunt in fieri, seu in contrahendo. & hoc ob rationem datam, conc. ant. In facto esse, seu postquam contracta sunt, & hoc ob certas causas ante adductas, & in certis casibus, in quibus deobligatur unus, & non alter, neg.

*Resp. 4.* Si ambo Sponsi Religionem ingrediantur, & ambo egrediuntur, manet ambo deobligati, nisi sponte velint Matrimonium contrahere.

*Ratio* est dicta notabilis mutatio, quæ se tenet ex parte utriusque.

**XXVII. Resp. 5.** Qui Sponfalia juramento firmavit, ex vi juramenti non tenetur prius contrahere Matrimonium, sed potest non contracto prius Matrimonio licite ingredi Religionem, etiam invita Sponsa, nisi urgens causa oppositum suadeat.

*Ratio:* Sicut ipso jure in Sponfalibus subin-

X x

telli-

teligitur exceptio, nisi ad Religionem transire maluerit, ita & in illo iuramento, tum quia iuramentum est accessorium ad promissionem, adeoque sequitur naturam sui principalis, tum etiam, quia jurare nemo debet id, nec praesumitur, quod est contra consilium Evangelicum. Ergo.

*Dixi, nisi urgens causa oppositum suadeat*, qualis esse potest, ut praevie contrahendo consulatur famæ, & honori Sponsæ, si sit in periculo infamiae. 2. Ut legitime proles suscepta ex Sponsa. 3. Si praevie contrahendo possit evitari alterius occisio, &c.

*Declaratur ulterius, & tacite solvitur quædam obiectio.* Juramentum etiam in alterius utilitatem præstitum, potest favore Religionis commutari in melius. Quod ex eo patet, quia alioquin ille, qui post contractum Matrimonium juravit, se illud consummatum, non posset ad Religionem transire. Si ergo ante Matrimonii consummationem liceat convolare ad Religionem, a fortiori id licet post Sponsalia.

*XXVIII. Resp. 6.* Votum ingrediendi Religionem non solvit quidem Sponsalia ex parte voventis, quæ ante illud sunt contracta, bene tamen votum proficendi, saltem per se loquendo.

*Ratio 1. p.* Votum ingrediendi non habet majorem vim dissolvendi Sponsalia, quam ipse ingressus: Sed hic non solvit illa ex parte ingredienditis. Ergo nec votum ex parte voventis.

*Ratio 2. p.* Per votum inducens statum cum Matrimonio plane impossibile solvuntur Sponsalia ex parte utriusque; Sed per votum proficendi per se inducitur talis status. Ergo.

*Dixi in R. 5. Saltem per se loquendo*; quia forte per accidens ex parte alterius posset occurrere rationabilis causa contrahendi Matrimonium ante Religionis ingressum; juxta exceptionem pro R. 5. factam.

*XXIX. Resp. 7.* Votum simplex cum animo manendi in Sæculo factum, ex parte utriusque dissolvit Sponsalia prius contracta, licet sint jurata. Ita S. D. hic q. 53. art. 1. ad 1.

*Ratio patet ex dictis*: Nam vovens hoc ipso ostendit animum a nuptiis alienum; ceditque juri, quod habet in alterum, cui etiam per hoc votum datur iusta causa resiliendi ob notabile mutationem Sponsalibus supervenientem, in eam sitam, quod onera Matrimonii, quæ quoad debitum conjugale debent esse paria, essent imparia, uterque enim conjux debet reddere, & petere, ille autem vovens solum posset reddere. Ergo. Idem, etiam de Sponsalibus juratis probat Ratio data pro R. 3. ad Q. 4.

*Resp. 8.* Licet minorum Ordinum susceptio non dissolvat Sponsalia contracta, bene tamen susceptio alicujus Ordinis sacri, uti & votum

suscipiendi Ordinem sacrum.

*Ratio 1. p.* Ordines minores cum conjugio non sunt incompatibiles, sive ex sua natura, sive ex statuto Ecclesiæ.

*Ratio 2. p.* Ordo sacer facit hominem inhabilem ad Matrimonium, ut patebit infra. Ergo a fortiori Sponsalia dirimit.

*Ratio 3. p.* patet ex dictis pro R. 7. de voto simplici castitatis, quia votum in sacro Ordine per se, & ex natura sua est simplex, & dicitur solemne solum per accidens, nimirum ex statuto Ecclesiæ. Ergo.

*QUÆRO VI.* Contrahentes Sponsalia possuntne apponere poenam frangenti fidem? & frangentes injussu fidem possuntne a Judice compelli ad eam servandam?

*XXX. Resp. 1.* Non possunt Sponsi Sponsalibus apponere poenam, etiam modicam, quæ liget iuste resilientem; quam proinde in nullo foro tenetur solvere. Ita S. Tho. hic ar. 1. ad 4. dicens: *Quandoque apponitur conditio pecunie per modum pœnae, & tunc, quia Matrimonia debent esse libera, talis conditio non stat, nec potest exigi pœna illa ab eo, qui non vult Matrimonium contrahere.* Et in c. gemma, de Sponsalibus, ubi dicitur: *Cum itaque libera Matrimonia esse debeant, & ideo talis stipulatio propter pœnam interpositionem sit merito improbanda, mandamus, quatenus, si ita est, eundem, ut ab ex-torsione prædicta pœna desistat, Ecclesiastica censura compellat.* Ex his,

*Ratio patet, ne lædatur libertas Matrimonii.* Quæ etsi, ut dum pœna est modica, aliquando non lædatur, v.g. in divitiis modicam pecuniam non æstimantibus, id per accidens est, & casus particularis, qui non cadit sub consideratione Legis, Lex enim attendit ad ea, quæ per se, seu ordinariè sunt. Nec obligatio Legis cessat, ex eo, quod in aliquo particulari casu cesset ejus finis: ut patet in Lege jejunii, cujus finis est refrenatio passionum, & quia tamen non est liber, qui passionibus caret.

*Resp. 2.* Pœna prudenter moderata, apposta injussu resiliendi, probabilius tenet, & obligat eum.

*Ratio*: Tum quia non est prohibita ullo jure; non naturali, ut omnes admittunt, quia solum invitat ad id, quod est honestum, & ex iustitia debitum: non canonico, quia omnia jura, quæ ab Adversariis obiciuntur, nimirum ex cit. c. gemma. Ex Lege, Titia. Ex Lege, mulier, loquuntur de pena imposita iuste resiliendi. Tum etiam, quia per eam poenam non minuitur libertas injussu resiliendi, sed conservatur, quia sub mortali tenetur liberè contrahere, nec ullus habet libertatem ad resiliendum injussu, quia id non licet: in Jure autem illud dicitur impossibile, quod licitè fieri nequit. Ergo.

*Resp. 3.* Judex a parte læsæ requisitus, Ecclesiasticus apud Christianos, Sæcularis apud Infide-



fideles, regulariter, & per se loquendo tenetur in foro externo compellere in iure resiliens, ut servet fidem praelitam in Sponsalibus, sive hæc jurata, sive non.

*Ratio* : Iudex ex officio tenetur suis subditis petentibus administrare iustitiam, & injuriam eis inferentes cogere, ut ab ea desistant, & jus, seu debitum tribuant.

Dixi, *regulariter, & per se*; quia per accidens, ob gravia incommoda, damna, scandala, perpetuas dissensiones, Uxoris desertionem, &c. quæ prudenter prævidentur, vel timentur, non debet cogi resiliens, sed permitti debent mala minora, ut caveantur majora.

*Oppono* : Qui contrahit ex metu in virum constantem cadente, non consentit, seu non agit liberè. Sed, cui imponitur gravis poena, v.g. excommunicationis, agit ex metu cadente in virum constantem. Ergo.

*Ad hoc dist. maj.* 1. Si sit metus injustè incusus, conc. maj. si iustè, ut suppono fieri in præsentia, neg. Vide infra de Matrimonio coactio. Et supra Tr. 3. Exam. 1. nu. 13. de metu. 2. Aliter dist. Non consentit liberè formaliter, & explicitè, conc. virtualiter & in causa, neg. Quia liberè consentiens in Sponsalia, liberè etiam consentit in Matrimonium, velut in effectum, & obiectum eorum. 3. Dicitur, quod Sponsus injustè resiliens compellatur, ut liberè consentiat, vel consensum in Sponsalibus, sortè retractatum, renovet. Quem nisi renovet, & interius potius dissentiat, Matrimonium secutum in conscientia est nullum. Hinc, si publicè constet, quod eum renovare nolit, cogendus non est.

## EXAMEN III.

*De consensu secundum se. Q. 45. per quinque art. De consensu coactio, & conditionato. Q. 47. per sex art.*

**QUÆRO I.** Consensus, & quidem verbis expressus, esse causa efficiens Matrimonii, sic ut sine eo illud nullatenus possit fieri per quamcunque superiorem potestatem, etiam divinam?

*XXX. Resp. 1.* Consensus est causa efficiens Matrimonii. Ita S. Th. qu. 45. art. 1. loquens de Matrimonio, ut vinculum, non ut contractus, vel Sacramentum est; quia sic habet consensum pro causa materiali, & formali; ut in præcedentibus dictum est.

*Ratio* data est in hoc Traç. Exam. 1. Q. 2. pro 1. p. ubi quæcunque dicta sunt de vinculo, hic revidentur.

*Resp. 2.* Consensus debet esse sensibiliter expressus, sive verbis propriè dictis, sive nuti-

bus. Ita S. Th. ibid. art. 2. in c. & ad 2.

*Ratio* : Matrimonium est contractus humanus, & obligans : Sed homines non possunt contrahere, nec se obligare nisi suam voluntatem sibi invicem manifestando. Ergo.

In R. ad 3. S. Doctor solvit casum de puella tacente præ verecundia, Parentibus eam Virò tradentibus : & ait : Eos, qui conjunguntur, sic oportet consentire, ut invicem se spontaneè recipiant, quod iudicatur fieri, si in desponsatione non contradicant : unde verba Parentum computantur in casu illo, ac si essent puellæ, est enim sufficiens signum; quod sunt ejus, ex quo non contradicit. Hæc ibi.

*Resp. 3.* Ad valorem Matrimonii non sufficit solus consensus Parentum, immò sine eo validè contrahitur; nec possunt Parentes filium cogere ad Matrimonium : bene tamen ex quadam rationabili causa inducere. Juxta S. Th. q. 47. art. 6.

*Ratio* S. Th. in Matrimonio est quasi quædam servitus perpetua. Ergo debet eligi sponte sua. Item filii in eligendo statu sunt sui juris. Unde in c. cum virum, de Regularibus, dicitur, filium in electione propositi Parentum non cogi sequi voluntatem. Hinc & S. Th. cit. a. 6. ad 1. explicans illud Apostoli Coloss. 3. Filii, obedite Parentibus per omnia, ait : Non intelligitur in illis, in quibus est liber sui, sicut Pater : & huiusmodi est Matrimonium, per quod etiam filius fit Pater. Hæc ibi.

Nota tamen, quod filii absque rationabili causa inconsultis Parentibus contrahentes Matrimonium ordinariè peccent mortaliter. Quia Parentum munus est, non solum proles educare, sed & ad perfectum statum deducere. Non tamen propter hoc possunt exheredari, nec dos (conditioni saltem mariti, si non filiarum, proportionata, quia Uxor sequitur conditionem mariti) multo minus alimenta denegari. Quia in Novell. 115. recensentur causæ exheredationis, nec inter eas refertur Matrimonium invititis Parentibus contractum, & in penalibus, ac odiosis extensio facienda non est, ideoque non debet fieri exheredatio nisi ob causas ibi expressas. Causæ propter quas filii, vel filiarum Parentibus certum Matrimonium suadentibus parere tenentur, sunt v.g. si ex tali conjugio sequatur inimicitiarum compositio, Parentum in extrema necessitate existentium sustentatio, &c. Et hoc si proles præ alio statu ad matrimoniale se jam resolverit.

*XXXI. Resp. 4.* Nulla potestas humana, civilis, vel ecclesiastica potest sine conjugum consensu in iis efficere vinculum Matrimonii.

*Ratio* : Quia est vinculum animorum : Sed nulla potestas humana habet dominium super animos subditorum, immò nec super corpora, ut patet ex dictis supra Tract. 8. de Jur



& Just. Exam. 2. num. 38. Ergo.

Hinc dum Aristot. dicit. quoddam sit plus Reipublicæ, quàm sui ipsius, intelligitur quantum ad rem familiarem, & bona fortunæ pro commodo Reipubl. exponenda, immò & vitam ipsam profundendam, si necesse fuerit, captivitate, servitutem subeundam, varios contractus ex natura tamen non indissolubiles faciendos: non verò loquitur de iis, quæ ex natura sua libertatem petunt, & essentialiter, vel per se indissolubilia sunt, & perpetua: uti est Matrimonium. Quod proinde dependet a libero contrahentium consensu, putà, in fieri, non in conservari. De quo vide in Tract. hoc, Exam. t. Q. 2. n. 1. pro 6. p. Unde non Sequitur, quoddam mutuo dissensu possit dissolvi. Ex quo solvitur illud: Omnis res, per quascunque causas nascitur, per easdem dissolvitur: Sed Matrimonium nascitur per consensum. Ergo. Pro quo videatur Ratio t. p. R. 10. ad qu. 4. Exam. 2. num. 24.

XXXII. Resp. 5. Vinculum Matrimonii potest per absolutam Dei potentiam fieri inter Virum, & Mulierem absque proprio eorum consensu, seu inter infimos, & reluctantes. Dixi, Vinculum; quia non est hic sermo de contractu, vel Sacramento.

Ratio: Deus habet absolutum, independens, & supremum dominium in hominum corpora, & animos, & ut S. Augustinus loquitur, magis habet in sua potestate voluntates hominum, quàm ipsi suas. Ergo potest prohibere suo dominium corporis vtri ad finem Matrimonii dare mulieri, & contra, immò ab uno viro transferre in alium, quod est causare vinculum. Et, ne quid desit de statu, & perfectione, potest suaviter, & fortiter eorum animos, salva libertate, ad mutuum amorem conjugalem excitare. Sicut a pari, ratione dicti supremi domini, potest in hominem inducere vinculum, seu obligationem Religionis, licet in eam non consenserit, ut sit obligatus sicut alius eam professus.

Confirm. Sicut alicui infimo, & invito potest jus aliquod auferri, ita & acquiri nam Lege 32. ff. de acquir. rer. dom. dicitur, Etiam in invitis nobis per servos nostros acquiruntur dominium. Si ergo Jura humana, & Principes hujus sæculi in invitum possint transferre dominium, a fortiori id potest Deus.

Notanda ergo bene est differentia inter dominium morale, quale est in presenti, & physicum; quod primum acquiritur non solum voluntate propria, sed & superioris, præsertim supremi: alterum verò solum per physicam unionem cum forma.

Declaratur ulterius, & excluditur fundamentum Adversariorum. Vinculum conjugale formaliter non est quid vitale, sicut est consensus, vel actus meritorius, qui per absolutam Dei

potentiam sine actuali influxu proprii principii vitalis poni non potest, nec potest esse sine libertate: sed est quid morale, secundum legem ordinariam consecutum ad actum vitalem humanæ voluntatis velut ad fundamentum, adeoque liberum quidem, si proveniat ex propria contrahentium voluntate; secus, si ex voluntate aliena. Hinc etiam formaliter, seu essentialiter non est quid liberum, quia aliàs a conjugibus liberè posset dissolvi. Nec essentialiter consistit in unionem animorum per amorem, quia manet in dissentientibus, & divortiatibus. Ergo.

Resp. 6. Matrimonium sic factum esset ejusdem rationis cum moderno.

Ratio t. De essentiali, & ratione formali vinculi conjugalitatis nihil aliud est, quàm dominium radicale super corpora. Sed hoc conjugibus conferri potest tam voluntate propria, quàm Dei; ut probatum est pro R. 5. Ergo.

Ratio 2. Sola varietas causæ ab effectu non tollit identitatem, seu convenientiam in natura specifica, nam homo productus per creationem, & homo productus per generationem, sunt ejusdem speciei; idem est de calore causato a Sole, & causato ab igne. Subsumo: Sed in presenti solum est diversitas causæ efficientis. Ergo.

Opponi potest 1. contra R. 5. Licet voluntas humana possit a Deo necessitari, ut patet in amore beatifico, non tamen potest ei a Deo inferri violentia: Sed in casu posito inferretur violentia, violentum enim est, quod est a principio extrinseco passio non conferente vim, seu resistente, sed conjugis inviti resistunt. Ergo.

2. Per absolutam Dei potentiam non potest dari relatio sine suo fundamento proximo, seu ratione fundandi: Sed hæc est consensus conjugum, & non potest esse voluntas Dei: Tum quia voluntas Dei est extrinseca, ratio verò fundandi extremis relatis debet esse intrinseca. Tum etiam, cum sit relatio, & correlatio, ratio fundandi debet esse multiplicata, seu duplex, voluntas autem Dei est unica. Ergo. Utraque hæc Oppositio pluribus instantiis, limites morales excedentibus, roborari posset. Sed solutio videatur tum in Philosophia in Tract. de violento; & de Prædicamento Relationis; tum in Theologia de relatione æqualitatis inter divinas Personas, & de relatione inter Humanitatem Christi, & Personam Verbi unitam; Quò meremur, ne in speculativis excedam, & Moralistas offendam.

QUÆRO II. Matrimonia coacta, seu ex metu contracta suntne valida?

XXXIII. Dicitur in titulo, seu ex metu; quia per coactionem, seu violentiam in presenti intelligimus metum, qui, ut ait S. Tho. q. 47. art. 1. in fine corp. secundum jurisperitos

*est infans, vel futuri periculi causa mentis trepidatio.* Alia metus definitio data est supra Tr. 3. Exam. 1. n. 12. Ubi etiam metus fuit divinus levem, & in gravem, seu cadentem in virum constantem, & explicatur, quid requiratur ad hoc, ut metus sit gravis, quæ ibi videantur. Sicut & illa, quæ ibidem n. 12. de violentia sunt dicta. His addit, quod metus gravis, seu cadens in virum constantem possit inferri a duplici causa, scilicet vel a causa naturali, id est, necessaria, seu rationis experte, v.g. a naufragio, gravi morbo, peste, & tunc dicitur metus ab intrinseco. Vela a causa libera, & extrinseca, v.g. ab alio homine, & tunc dicitur metus ab extrinseco. Qui posterior metus adhuc dupliciter incuti potest. 1. Iuste, ut, si Juxd homicidæ comminetur, mortem, nisi in Uxorem ducat filiam occisi. 2. Injuste, ut si talis metus ad eum ducendam incutitur a persona privata, seu a non Judice. Iterum hic metus potest incuti, vel ad directè extorquendum consensum in Matrimonium, vel ad eum directè, & per se, seu ex intentione extorquendum in aliquid aliud: & tunc solum per accidens ordinatur ad Matrimonium, ut si quis ex metu latronis in Uxorem ducat filiam viri fortissimi, ut ab eo contra invasorem defendatur. Hoc præmissis,

*Resp. 1.* Matrimonium ex metu quantumvis gravi, ex causa naturali orto, contractum, est sat liberum, adeoque & validum. Idem est de Matrimonio contracto ex gravi metu iuste incusso a causa libera, v.g. a Judice ad extorquendum Matrimonium.

*Ratio 1. p.* Quia tunc nulla vis, seu violentia infertur, ut si quis ex metu gehennæ, vel metu mortis naturalis imminens in Uxorem ducat suam concubinam. Simile est in voto ex metu naufragii facto. Ergo.

2. *Pars declaratur per casus: Primus est,* si sit posita Lex, quod violator Virginis metu mortis compellatur eam ducere, vel dotare. *Secundus:* Si Pater deprehendat aliquem cum sua filia peccantem, qui minatur accusationem, nisi eam ducat: quam & ducit ex hoc metu. *Tertius:* Si Juxd juveni iuste ad mortem damnato promittat perdonationem vitæ, si ducat Judicis filiam, vel aliam, etiam meretricem. In omnibus his casibus Matrimonium subsistit, quia est sat liberum. *In primo* quidem, quia ibi metum patienti nulla irrogatur injuria, eo quod is sponte sua peccando se poenæ statutz subjecerit. *In secundo,* tum quia Pater iuste minatur ei accusationem. Dico, *accusationem;* si enim minaretur mortem, & ex hujus metu Matrimonium contraheretur, esset nullum: quia esset metus mortis iniuste incussus, ut potè a persona privata. Tum etiam quia ille metus non est tam incussus, quam potius assumptus ab ipso patiente: qui liberè dedit occasionem, hujus metus. *In*

*Tribunal Ordinandorum.*

*tertio,* quia malefactor non fuit ad mortem damnatus eo fine, ut contrahat Matrimonium, sed ut luat delicti poenam: quam ut evadat, liberè eligit hoc medium.

*Resp. 2.* Non irritatur Matrimonium gravi metu injustè incusso a causa libera, si non ad consensum in Matrimonium, sed ad aliquid aliud, v.g. ad pecuniam extorquendam sit incussus, v.g. si Princeps ab alio Principe obsidione cinctus ad redimendam obsidionem contrahat Matrimonium cum ejus filia, vel sorore. Vel si Latro metum incutiat Viatori ad extorquendam pecuniam, qui, ut hanc vexam redimat, promittit se ducturum ejus filiam in Uxorem.

*Ratio:* Ille metus per accidens se habet respectu Matrimonii, nec involuntarium, quod adest, ex metu illo orto per se. Simile est in voto in tali occasione facto.

*Resp. 3.* Matrimonium ex metu gravi, seu in virum constantem cadente, ad Matrimonii consensum extorquendum injustè incusso contractum, est ipso jure invalidum, non solum in foro externo, seu quoad præsumptionem, sed etiam in foro conscientiz, & re ipsa. Ita S. Th. q. 47. art. 3.

*Declarat hoc ibidem:* Vinculum Matrimonii est perpetuum, unde in illud, quod perpetuitati repugnat, Matrimonium tollit: metus autem, qui cadit in constantem virum, perpetuitatem contractus tollit, quia potest peti restitutio in integrum; & idè talis coactio metus, quæ cadit in constantem virum, tollit Matrimonium, & non alia: constants autem viri judicatur virtuosus, qui est mensura in omnibus operibus humanis, ut Philos. dicit in 3. Et hic. Quidam autem dicunt, quod si adsit consensus, quamvis coactus interior, est Matrimonium quantum ad Deum, sed non quantum ad statum Ecclesiæ, quia præsumit, ibi non fuisse consensum interiorem propter metum. Sed hoc nihil est, quia Ecclesia non debet præsumere de aliquo peccatum, quousque probetur: peccavit autem, si dixit se consentire, & non consensit. Unde Ecclesia præsumit, eum consensisse, sed judicat consensum illum extortum non esse sufficientem ad faciendum Matrimonium. Ita S. D. Quilibet. ad 2. art. 1. Ad Matrimonium non sufficit quodcumque voluntarium, sed voluntarium completè, quia debet esse perpetuum; & idè per violentum mixtum impeditur. Quibus verbis solvit hanc Obiect. Violentum mixtum juxta Philos. plus habet de voluntario, quam de involuntario: Sed non potest aliter consensus esse coactus, nisi per violentum mixtum. Ergo non omnino excluditur involuntarium, & ita adhuc est Matrimonium.

Ex quibus patet, quod in illo violento mixto, sit quidem voluntarium, & consensus liber simpliciter, sed libertas non est in ea per se ratio.

*Xx 3 ne.*

sciat Matrimonii nullitatem.

*Ratio*: Quia sciens accedit ad non suam.

*Dico 2.* Si contrahens tantum exterius scilicet consentiat sine consensu interno, peccat peccato mendacii venialis.

*Ratio*: Quia os eordi non concordat, mendacium tamen perniciosum non est, nec infert injuriam parti. Ergo.

*Dico 3.* Qui ex praefato metu profert verba in sensu formali, & ut significativa, ideoque praebet verum, & sincerum consensum, sciens Matrimonium tam in ratione contractus, quam Sacramenti esse nullum, volens tamen ex parte sua facere, quod potest, non peccat peccato mendacii. 2. Nec Sacrilegii, vel alterius speciei.

*Ratio 1. p.* Quia sensus verborum est verissimus, nimirum: Ego, quantum est ex parte mea, accipio te in Uxorem. Nullitas enim Sacramenti non oritur ex defectu contrahentium, Sed ex Statuto Ecclesiae irritantis.

*Ratio 2. p.* Si esset sacrilegium, esset ideoque, quia talis verba profert super indebitam materiam: sed hoc non. Quod prob. Verba contrahentium solum sunt materia, & forma hujus Sacramenti, quando sunt materia, & forma contractus matrimonialis: Sed in hoc casu non sunt materia, & forma contractus, quia hic ab Ecclesia est irritatus, non a contrahentibus. Ergo. Maj. constat. Quia Christus in Matrimonio non mutavit naturam contractus, sed solum elevavit. Ergo.

Ex quibus patet differentia hujus ab aliis Sacramentis, in quibus quando, etiam ex metu mortis, v.g. in Eucharistia, vel Penitentia, forma profertur super indebitam materiam, committitur sacrilegium, quia illa praecise habent rationem Sacramenti, & quidem a Christo etiam quoad substantiam instituti: at Matrimonium est simul contractus, & quia naturam Christus non mutavit, ut dictum est.

**QUAER. III.** Quo jure dictum Matrimonium metu est invalidum?

*XXXVI. Resp. 1.* Non Jure naturae, sed Ecclesiastico, & Gentium.

*Ratio 1. p.* Quia vel esset ob injuriam, vel ob involuntarium, sumendo ea seorsim, vel simul. Non primum, quia in casu, quo alicui incurritur metus ex alterius injuriola actione, indirecte non ordinata ad extorquendum consensum, intercedit gravis injuria, quae tamen non annullat Matrimonium hac occasione contractum, ut antea dictum est. Deinde adest libertas jure naturae sufficiens, quia illud Matrimonium est simpliciter, & absolute voluntarium, & involuntarium solum secundum quid, ut patet ex dictis. Tandem haec duo per accidens conjunguntur, & voluntarium illud de se, & in suo ordine sufficit ad Matrimonium non existente injuria, & haec impertinens est ad valorem, aut invaliditatem Matrimonii ex

natura rei. Ergo quod illa duo concurrant simul, omnino impertinens est.

2. *Parti de Jure Ecclesiastico* patet ex c. *significavit*, 2. de eo, qui duxit in Marrim. & c. cum locum. 14. & c. veniens. 15. & c. consultationi tua. 28. de Sponsal. Ubi expresse dicitur, quod Matrimonia ex dicto metu contracta sunt omnino nulla, & irrita. Et quamvis citati textus non habeant formam Statuti prout habet Tridentinum de Matrimonio clandestino cum agant de Matrimonio jam contracto, declarando, si metu inita sint, esse invalida ex vi alterius juris, indubie (ut obijci potest) naturalis: idem pro certo supponendum est, aliud jus antiquius Ecclesiae aliquando fuisse, scripto, vel viva vocis oraculo, aut usu, vel consuetudine introductum, vi cuius primò illa irritatio fuit facta, declaratio enim juris supponit jus.

3. *Parti de jure gentium* declaratur, cujus sensus non est, quasi omnes gentes propter hoc in unum locum, legis condendae gratia, convenerint, sed quod omnes gentes illud jus lege scripta, vel consuetudine servent, vel tacito, aut expresse consensu approbent. Et ex vi hujus Juris dicta Matrimonia sunt irrita apud Infideles Ecclesiam non audientes. Immo & apud Fideles. Sicut enim, quod jam est praecceptum lege divina positiva, vel naturali, potest adhuc praecipere lego Ecclesiastica. Ita & in praesenti.

*Ratio hujus Partis.* Licet dictam nullitatem dicti Matrimonii non sitipsum Rationis naturalis, ob rationem antedatam, proximè tamen ex Lege naturali deducitur, quia Ratio dicit aequitati, & juri materiali expedire, ut Matrimonia coacta irritentur. Ergo.

*XXXVII. Oppos. 1.* contra 1. p. verba S. Th. antea pro R. 3. ad Q. 2. adducta ex c. art. 3. & ex R. ad 2. ubi videtur velle, quod coactio repugnet naturae Matrimonii, utpote perpetuitate ejus, quae est proprietas, quod autem est contra proprietatem, est etiam contra naturam. Ergo.

*Confirm. 1.* Nullum violentum est perpetuum, ut habet axioma. 2. Illud non est perpetuum, ratione cuius potest peti restitutio in integrum: Sed S. Th. in verbis allatis dicit, quod ratio metus in virum constantem cadentis possit peti restitutio in integrum. Ergo.

*Oppos. 2.* Coactio, ut ante diximus, est contra fines Matrimonii, & contra animorum unionem, & amorem conjugalem. Ergo irritat illud jure naturae. Simile est in Polygamia.

3. Non minus Matrimonio repugnat coactio, quam conditio opposita fini, & bonis ejus: Sed haec illud irritat jure naturae, ut dicitur postea. Ergo & illa.

4. Juri naturae repugnat acquirere jus in alterum per injuriam: Sed hoc fieret. Ergo.

5. Liberalis datio exigit specialem libertatem:

tem: Sed in contractu Matrimonii est liberalis datio, nimirum proprii corporis. Ergo.

*Ad 1. Resp.* S. Th. velle, quod coactio repugnet solum connaturalitati Matrimonii, & perpetuitati eius, non verò essentiae, seu facit, quod eius natura, & perpetuitas non habeatur tam connaturaliter, seu modo tam connaturali, ut petit nimirum cum plena libertate, ratione cuius solet inter coniuges esse maior amor, & pax: ideoque ratione coactionis possit peti restitutio in integrum.

*Ad 1. Confirm.* axioma est verum de violento simpliciter tali, in quo passum nullo modo activè concurrat, non verò de eo, quod est secundum quid tale, in quo passum activè, etsi secundum quid involuntariè, concurrat. Simile est in servitute perpetua.

*Ad 2. Confirm.* maj. est vera, si restitutio in integrum possit peti iure naturæ: uti non potest in præsentia.

*Ad 2. Oppos. diff. ant.* illos fines omnino tollendo, neg. difficultando, seu notabiliter impediendo, eorumque connaturalitati præjudicando, conc. Quod autem Polygamia iure naturæ sit nulla, & invalida, non est præcisè ex hoc capite, sed ideo, quia Ratio naturalis dicat, quod res uni tradita, nimirum corpus traditum conjugi, non possit tradi alteri, nisi iuxta premo humani corporis Domino, scilicet Auctore naturæ, in iure naturali dispensante: non verò dicat, quod ad Matrimonii valorem requiratur plenissima libertas.

*Ad 3. neg. maj.* Quia illa conditio naturam, & bona Matrimonii omnino tollit, coactio verò, seu metus ea compatitur, licet non tam connaturaliter.

*Ad 4. neg. maj. stando præcisè in iure naturæ, non attendendo ad invaliditatem, quam jus positivum induxit.*

*Ad 5. diff. maj. libertatem simpliciter saltem, & absolutè talem (nimirum stando in iure naturæ) quæ etiam in præsentia casu adest, conc. maj. cum omni gradu perfectionis, neg.* Simile est in Voto, sive simplici, sive solemnī, factio ex gravi metu, quod non est irritum iure naturæ, sed Ecclesiastico. Ex quo fit, quod, sicut Deus offenditur per peccatum ex metu factum, ita de se acceptet promissionem iniuriōse extortam: ad injuriam, seu iniquitatem habendo permissivè, non approbando eam.

**QUÆRO IV.** Potestne fieri Matrimonium per consensum conditionatum, præsertim adjecta conditione impossibili?

**XXXVIII.** Ante *Resp.* Not. quod conditio solita explicari per particulam, *si*, definiatur a Sylvestro, & aliis, quod sit *Oratio, in qua id omne, quod agitur, in futurum eventum suspenditur.* Natura ergo conditionis est suspendere consensum, vel effectum. Hoc notato

*Resp. 1.* Verbis S. Th. q. 47. ar. 5. dicentis: Con-

ditio apposita, aut est de præsentia, aut de futuro? Sive præsentia, & non est contraria Matrimonio, sive sit honesta, sive inhonesta, stat Matrimonium, si ante conditionem, & ea non si ante non stat. Sed si sit contraria bonis Matrimonii, non efficitur Matrimonium: Si autem sit conditio de futuro, aut est necessaria, sicut Solem oriri cras, & tunc est Matrimonium: quia talia futura sunt præsentia in causis suis; aut est contingens, ut datio pecuniæ, vel acceptatio parentum, & tunc idem est iudicium de tali consensu, sicut de consensu, qui fit per verba de futuro, unde non facit Matrimonium. Hæc S. D.

*Resp. 2.* Certum est 1. quod conditio impossibilis seriò adjecta iure naturæ invadat Matrimonium in foro conscientiae, v.g. Duco te, si digito Caelum tetigeris. 2. Etiam esse nullum in foro externo, si contrahens expressè declarat, se nolle contrahere, nisi conditio verificetur. 3. In utroque foro esse validum, si aliunde constet, contrahentes habuisse absolutum consensum. 4. Esse in utroque foro nullum, si verè absolutè internè consentiant, sed consensum non manifestent.

*Ratio:* In primo casu nullus datur consensus. In secundo Ecclesia non potest verum internum consensum presumere, quia expressè constat de suspensione consensus, ulquedum conditio impleatur. In tertio nihil deest de requisitis. In quarto deest sensibilis expressio consensus.

Maior immò potissima in præsentia difficultas est, si præter illam conditionem, non adint alia signa dissensus. Pro quo

*Resp. 3.* Matrimonium sub conditione impossibili, substantiè, ac bonis Matrimonii non contraria, initum, in foro externo, seu iudicio Ecclesiæ præsumitur tale, ac si conditio adjecta non esset, adeoque validum, si contrahentes habeant notitiam Statuti Ecclesiæ cum conditionem rejicientis, seu habentis pro non adjecta. Ita patet ex Gregorio IX. c. final. de condit. appositis statuente: *Si conditiones, appositæ Matrimonio, turpes, aut impossibiles fuerint, debent propter favorem eius pro non adjectis haberi putari*, in foro externo, sicut iure civili similes conditiones in testamentorum legatis habentur pro non adjectis. Dixi, in foro externo: quia in foro conscientiae esse nullum, si consensus desit, patet ex dictis.

*Ratio 1.* Nemo præsumitur velle peccare, aut in re tam sancta, ac gravi velle nugari, summèque a quomodo facere irritum.

*Ratio 2.* Qui scit conditionem impossibilem ab Ecclesia rejici, & Matrimonium sic contractum ab Ecclesia validum iudicari, & tamen eam opponit, præsumitur velle contrahere eo modo, quo Ecclesia intendit, & præsumit: nisi aliter mentem suam explicet. Ergo conditio impossibilis, quæ relicta iure naturæ est quidem signum dissensus, supposita notitia Statuti Ecclesiæ eam

contractu relicentis, in foro externo saltem, consensum supponit.

Ex his sequitur, quod, cum Matrimonium ex utriusque contrahentis consensu constet, in utroque requiritur notitia, non solum impossibilitatis conditionis, sed & dicti Statuti Ecclesiastici cuius ignorantia excusat, licet enim non excuset ignorantia juris omnino clari, & omnibus noti, bene tamen incogniti, vel obscuri, circa quod ipsi DD. in varias abeunt Sententias.

*Oppono;* Ecclesia non potest supplere consensum in Matrimonio. Ergo.

*Negatur cons.* Non enim Ecclesia supplet consensum, nec facit, quod Matrimonium ante illam Ecclesie constitutionem sub dicta conditione contractum fiat nullum; sed facit, quod imposterum post illam constitutionem consensus sub tali conditione praeiudicium debeat haberi ut purus, ac absolutus, & Matrimonium validum. Potest enim Ecclesia (ut patet de clandestinitate) ponere quasdam conditiones, quibus servatis contractus matrimonialis sit, vel non sit validus. Et hoc in favorem Matrimonii.

*In quo, quoad praesens, consistit ille favor Matrimonii?*

*Disco;* Consistit in hoc, quod Ecclesia, etsi possit, non tamen ita disposuit circa ceteros contractus, ut conditio impossibilis in eis haberetur pro non adiecta, disposuerit autem circa Matrimonium, pro conservatione ejus. Dum enim est dubia contrahentium intentio, an animo verè contrahendi, vel potius illudendi eam conditionem apponant, in favorem Matrimonii praefertur pars conservatrix illius, praesumitque verba proferri in sensu absoluto, in dubio enim pro Matrimonio iudicandum est c. fin. de sent. & re jud. ut explicat Sanchez. Cum enim vertatur periculum animae, si forte separarentur, qui legitime conjuncti, & nubant aliis, Ecclesia in dubio eligit, quod animae est tutius.

*Estne Resp. 3. vera de conditionibus impossibilibus, siue sint de praesenti, siue de praeterito, siue de futuro?*

**XXXIX. Affirmit. Ratio;** Conditiones impossibiles non praecise idcirco à Matrimonio reiciuntur, quia obligat ad faciendum impossibile (quod respicit futurum) sed tantum quia impossibiles sunt: Sed impossibilitas reperitur in eis, licet sit de praeterito, vel praesenti. Ergo.

Notanda hic est differentia inter conditiones turpes, & impossibiles, de quibus utriusque licet in decreto Gregorii sit eadem decisio, est tamen diversa ratio, ut exponit Cornejo. Nam conditio turpis non reicitur praecise, quia turpis est, sed quia obligat, & incitat ad peccandum, & cum hoc solum conveniat conditioni de futuro, idcirco illa duntaxat censetur reici, putà quae non est contraria bonis Matrimonii;

quia, ut ante dictum, nemo praesumitur velle peccare, vel nugari in re tam gravi, & sancta. Verum conditio impossibilis est: quae impossibilitas reperitur pro quavis differentia temporis.

*Estne eadem Resp. 3. vera non solum de conditionibus per naturam impossibilibus, verbi gratia, si digito Coelum tetigisti, vel ranges, led etiam de impossibilibus iure, v. g. si liceat contrahere cum consanguinea intra quartum gradum, vel si Pater potest siue causa exheredare filium?*

*Disco;* esse distinguendum cum praefato Auctore. Si conditio appositae sit contra jus naturae, debet reici, in quacunque differentia temporis apponatur.

*Ratio;* Quia semper est impossibilis, & jus naturae semper idem, & invariabile. Si autem esset contra jus humanum, reicitur solum illa, quae apponitur pro tempore, quo jus illud viget, v. g. contrahendo sic: Nubo tibi, si de facto liceat ducere consanguineam, est consensus purus, & Matrimonium absolutum.

*Ratio est,* quae supra. Si autem adiiciatur de praeterito, vel futuro, v. g. Contraho tecum, si aliquando licitum fuit, aut erit conditio non est reicienda, sed sortitur suum effectum.

*Ratio;* Quia tollitur a conditione impossibilitas.

**QUAERO V.** Estne validum Matrimonium contractum sub conditione turpi repugnantem substantiae, ac tribus bonis Matrimonii, v. g. Duco te, si procuraveris tibi sterilitatem per venena, si te obligaveris ad effundendum semen extra vas, ut non possit sequi generatio, vel ad te exponendam quæstui adulterino, vel, ut non maneam tibi obligatus, nisi ad 10. annos, vel, ut quodum inveniam pulchriorem. Vel, Contraho tecum, sic tamen, ut dominium corporis mei non transferatur in te, ut non sim obligatus tibi servare fidem, ut non sim obligatus ad petendum, & reddendum debitum?

**LIX. Resp.** Esse iure naturae irritum, licet conditio apponatur ab uno tantum contrahentium.

Ante prob. Nota, ut supra dum agebatur de Polygamia Exam. 1. num. 5. & 6. in quatuor fuit, tria esse bona Matrimonii. 1. Bonum prolis, ut scilicet hæc non vitetur positive per media illicita, & non solum generetur, sed & secundum legem Christi educetur. 2. Bonum fidei, non prout hæc est virtus theologica, sed fidelitas ad non adulterandum. 3. Bonum Sacramenti, id est perpetuitas, seu indissolubilitas, quia hæc ei convenit ex natura, & maior est post consummationem, quam ante. Hæc tria bona sunt de essentia Matrimonii, non quidem executio eorum, sed radicalis obligatio servandi illa. Unde omnis venditio illis repugnans, repugnat substantiae Matrimonii.

trimonii, illudque irritat. Exempla patent ex ipso titulo Quæstio. Hoc notato

*Ratio est:* Qui non consentit in substantiam Matrimonii, non consentit in illud, adeoque nihil facit: Sed qui contrahit cum conditione turpi contraria substantiæ Matrimonii juxta exemplante data, non consentit in substantiam ejus. Ergo.

*Declaratur a simili:* Non est votum, si quis habeat animum non se obligandi, valet tamen votum, si adit animum se obligandi, aut non implendi. Ergo etiam nullum est Matrimonium, si contrahentes habeant animum non se obligandi ad tria bona Matrimonii, vel si ex pacto obligent ad oppositum eorum, subsistit tamen, si habeant animum ad illa se obligandi, cum intentione in executione non servandi.

Ex hoc solvitur, quod solet opponi de B.V. quod nimirum illa, cum ante emisit votum Virginitatis, contraxerit cum conditione nunquam consentiendi in copulam. De quo redibit sermo n. 43. & 44. in Exam. 4.

*Declaratur ulterius ostendendo cur ista conditio irritet Matrimonium, dum sit, non verò si superveniat ei jam contracto.* Nam si addatur in ipso contractu Matrimonii, apponitur tanquam pars ipsius contractus, quo solo modo substantiæ Matrimonii est contraria: at si addiciatur post contractum Matrimonium, cum hoc sit indissolubile, non apponitur, ut pars ipsius contractus: & ideo non repugnat substantiæ ejus. Hinc est illud commune proloquium DD. quod aliquod possit nocere Matrimonio in initio, cum contrahitur, quod verè non nocet, si fiat postea, & ita sit in præsentia, uti & in calu conditionis honestæ bonis Matrimonii contrariæ: de qua postea. Sicut & videmus, quod impedimentum dirimens Matrimonium antecedens, illud annullat: non autem si Matrimonio contracto superveniat. Hinc illud, *Quod tollit rem in fieri, tollit & in facto esse*, non verificatur de eo, quod in facto esse ex natura sua indissolubile est, uti est Matrimonium per hoc differens ab aliis contractibus, hinc in a contrahentium consensu non solum in fieri, sed & in conservari dependet.

*XLl. Quid judicas de conditione impossibili substantiæ Matrimonii contraria, v.g. Contraho tecum, si me sepeliveris.* Vel si non defeceris a Religione, in qua contrahimus, si toto vitæ tempore non exieris e domo?

*Dico,* tales conditiones non haberi pro non adjectis, sed per eas annullari Matrimonium.

*Ratio est eadem ante pro Resp. adducta, quæ hic applicetur.* Quia est consensus erga personas inhabiles, utpote mortuas. Sensus enim illarum conditionum est, Contraho tecum post mortem; sepeliri enim non potest nisi mortuus sit, & alterius binæ conditionis, oppositum tota

vita fieri potest, adeoque facit eundem sensum. *Oppono:* Ideo, ut dictum est antea n. 38. reicitur conditio impossibilis non contraria bonis Matrimonii, quia nemo præsumitur velle peccare, vel iugari in re tam gravi; & sancta: Sed idem probat in præsentia. Ergo.

*Ad hoc dicit maj.* Ideo præcisè, neg. maj. ideo & propter aliam rationem ibidem secundo loco adductam, conc. maj. Cum ex natura rei hic nihil vincatur, standum est decreto Ecclesiæ, quæ nihil statuit circa hunc casum, bene tamen circumspiciendum. Unde aliqui DD. nimirum Abbas, Præpositus, Lancelotus, & alii citatum c. finale. *de condit. appo.* ita sumunt: *Conditiones turpes, & impossibiles, quæ non sunt NB. contra substantiam Matrimonii, reiiciuntur.*

*XLII. Quid sentis de conditione honesta, bonis Matrimonii contraria, v.g. Contraho tecum sed hac conditione, ut vivamus in perpetua castitate. Vel ut non consummato Matrimonio profiteamur Religionem?*

*R.* quod irritet Matrimonium.

*Ratio:* Cum hac conditione non fiat consensus in substantiam Matrimonii. Ergo hoc est nullum. Prob. ant. Jus radicale, & potestas ad copulam est substantialis, & intrinseca Matrimonio: Sed apposta in ipso contractu hac conditione, ut uterque conjux maneat in perpetua castitate, non solum tollitur ipsa actualis copula carnalis, nec solum jus proximum, sed etiam jus radicale, & potestas ad illam. Ergo. Prob. min. Obligatio nunquam petendi, & petendum debitum adjecta in ipso contractu, tollit dictum jus, etiam radicale: Sed tales contrahentes se obligant ad nunquam reddendum, & petendum debitum. Ergo. Maj. prob. Quodlibet tollitur per suum oppositum: Sed jus, seu obligatio nunquam petendi, & reddendi opponitur juri, & potestati ad copulam, etiam radicali, si apponatur in ipso contractu. Ergo.

*Dixi, si apponatur in ipso contractu, pro quo vide num. 40. circa finem.* Si enim superveniat Matrimonio contracto, non dissolvit illud, immò contractui matrimoniali tacite inest hæc conditio, ut postea possint, si velint, vovere castitatem, quia sic non impeditur translatio domini corporum: non tamen inest, nec inesse potest hæc, ut teneantur abstinere ab usu conjugii, quia sic impeditur illa translatio, adeoque & Matrimonium. Impossibile enim est, simul, & semel suum corpus tradere conjugii ad usum conjugii, & Deo promittere perpetuam castitatem. Dixi, *et altero;* aliud enim est de promissione, qualis est in voto simplici castitatis, quod, si factum sit ante Matrimonium, non tollit ejus valorem, sed facit solum illicitum.

*Oppono:* In Matrimonio dominium distinguitur ab usu, & a jure ad usum, sicut in pluribus

ribus aliis rebus dominium directum potest separari a dominio utili. Ergo.

*Ad hoc dist. ant. a jure proximo, conc. a radicali, neg.* Quia utrumque in præsentem impeditur, ut probatum est; quod enim uni traditur, alteri non potest promitti: vel si promittitur, non fit verus consensus in traditionem. Vide, quæ mox dicentur.

## EXAMEN IV.

*De Objecto consensus q. 48. per duos art.  
& de Bonis Matrimonii q. 49. per sex articulos.*

**Q**UÆRO I. Quodnam est objectum essentialis consensus matrimonialis? estne ipsa copula carnalis? & quid quoad hoc sentis de Matrimonio B. Virginis?

*XLIII. Resp.* Objectum essentialis consensus matrimonialis non est copula carnalis, sed dominium, seu jus in corpus alterius ad procreationem Proles. 2. Unde de essentiali, & valore Matrimonii non est consensus explicitus in copulam carnalem, quo scilicet contrahentes formaliter intendant eam exercere. 3. Nec implicitus ex parte contrahentium. 4. Bene tamen implicitus ex parte contrahentis. 5. Qui etiam fuit in B. Virgine contrahente cum S. Josepho. 6. Cum quo proinde contraxit verum Matrimonium.

*Ratio 1. p.* Illud non est objectum essentialis consensus matrimonialis, quod non est de essentiali Matrimonii: Sed copula carnalis non est de essentiali Matrimonii, ut probatum est supra n. 7. R. a. ubi vide. Ergo. Idem est de obligatione formali, & proxima ad copulam, cum & illa possit separari, ut patet tum in divortio, tum in illis conjugibus, qui ex voto, vel pacto servavit castitatem.

*Secunda, tertia, & reliqua Partes* patent ex S. Thom. hic q. 48. ar. 1. dicente: Bene dixerunt illi, qui dixerunt, quod consentire in Matrimonium, est consentire in carnalem copulam implicitè, non explicitè, non enim debet intelligi, nisi sicut implicitè continetur effectus in sua causa. Quia potestas carnalis copulæ, in quam contentitur, est causa carnalis copulæ, sicut potestas utendi re sua est causa usus. Hæc ibi. Et 3. p. q. 29. ar. 2. in c. ait: Matrimonium, sive conjugium dicitur verum ex hoc, quod suam perfectionem attingit. Duplex autem est rei perfectio prima, & secunda. Prima quidem rei perfectio consistit in ipsa forma, ex qua speciem fortitur; secunda verò perfectio consistit in operatione rei, per quam res aliqua suum finem attingit. For-

ma autem Matrimonii consistit in quadam indivisibili conjunctione animorum, per quam unus conjugum indivisibiliter alteri idem servare tenetur. Finis autem Matrimonii est proles generanda, & educanda. Ad quorum primum pervenitur per concubitum conjugalem, ad secundum per alia opera Viri, & Uxoris, quibus ibi invicem obsequantur ad prolem nutriendam. Sic igitur dicendum est, quod quantum ad primam perfectionem omnino verum fuit Matrimonium Virginis Matris Dei, & Joseph, quia uterque consentit in copulam conjugalem, non autem expressè in copulam carnalem, nisi sub conditione, Si Deo placeat. Unde & Angelus vocat Mariam conjugem Joseph, diceas ad Joseph Matth. 1. Noli timere accipere Mariam conjugem tuam. Quod exponens Aug. in lib. de nuptiis, & concupisc. dicit: Conjug vocatur ex prima dispositionis fide, quam concubitu nec cognoverat, nec fuerat cogniturus. Quantum verò ad secundam perfectionem, quæ est per actum Matrimonii, si hoc referatur ad carnalem concubitum, per quem proles generatur, non fuit illud Matrimonium consummatum. Unde dicit Ambrosius super Lucam. Non te moveat, quod frequenter Mariam Scriptura vocat conjugem, non enim Virginitatis ereptio, sed conjugii testificatio, & nuptiarum celebratio declaratur. Habuit tamen illud Matrimonium etiam secundam perfectionem, quantum ad proles educationem. Unde Aug. dicit in lib. de nupt. & concupisc. Omne nuptiarum bonum impletum est in illis Parentibus Christi, Proles, fides, & Sacramentum. Prolem, cognoscimus ipsum Dominum Jesum; Fidem, quia nullum adulterium; Sacramentum, quia nullum divortium: solus ibi nuptialis concubitus non fuit, Hæc ibi. Ibidem ad r. Sanctum Hieron. dicentem, Joseph Maria Custos fuit potius, quam maritus ejus, explicat, quod accipiat ibi maritus ab actu Matrimonii consummari. Et ad a. eundem S. Patrem, dicentem, Cum virum audieris, suspicio tibi non subeat nuptiarum, exponit, quod nuptias vocat nuptialem concubitum. Videatur ibidem ad 3.

Tandem idem Angelicus Doctor in 4. dist. 30. q. 1. ar. 1. q. 1. ad 3. ait, copulam carnalem coevisse sub consensu B. Mariæ: Et post pauca subiungit: Quia quidem copula nunquam fuit in proposito ejus, sed erat jam corripiscata, quod actus nunquam sequi deberet. Quæ duo dicta ne invicem sibi repugnent, opus est dicere (ait Cornejo) D. Thomam posuisse in B. Virgine consensum implicitum in copulam ex parte contrahentis, non verò ex parte contrahentis, sed potius oppositam intentionem. Ergo.

*Ratio 2. p.* Ad actus humanos, & negotia humana valide tractanda sufficit consensus virtualis;



lis. & implicitus, ut patet tum in Ministro Ecclesie habente solum intentionem faciendi, quod facit Ecclesia, tum in eo, qui intendit contractum facere juxta Leges Patrie, quas ignorat. Ergo.

*Ratio 3. p.* Contrahens cum vero animo se obligandi, sed animo interno, non manifestato, ante Matrimonium consummationem, profitendi Religionem, valide contrahit Matrimonium, hæc enim duæ intentiones non pugnant inter se, quamvis una sit affirmans, & altera negans, non enim sunt de eodem secundum idem: sicut valide suscipitur Ordo cum animo eum nunquam exercendi. *Subsumo:* Sed talis in copulam carnalem non habet consensum implicitum ex parte contrahentis, hic enim habet intentionem oppositam. Ergo solum ex parte contractus. Simile est in eo, qui proficitur Religionem cum animo ejus statuta non servandi, vel emit equum cum intentione eo nunquam utendi: quæ Professio, & emptio est valida, & obligatoria, & tamen non fuit intentio implicita, ex parte contrahentis: sed contractus est talis naturæ, ut ex parte Professionis includatur obligatio ad servanda statuta, & ex parte emptionis jus utendi equo, adeoque; & intentio implicita ex parte actus.

Nec hæc distinctio, nimirum ex parte actus, & ex parte agentis est noviter inventa, similes enim distinctiones inveniuntur in Theologia, & Philosophia, v. gr. ex parte operis, & ex parte operantis: ex parte scientiæ, ex parte scientis: ex fine intrinseco, vel extrinseco. Sicut si quis det eleemosynam cum intentione satisfaciendi pro peccatis, nihil ex parte sua cogitans de sublevatione miseræ pauperum, tamen ex parte operis habet intentionem sublevandi illam.

*Ratio quarta, & aliarum partium simul:* ut ex adductis verbis S. Thomæ, aliique Patribus, & Doctoribus constat, B. Virgo verum contraxit Matrimonium: Sed illa ex parte sui, seu ex parte contrahentis, ne quidem implicitè consentit in copulam carnalem. Ergo solum ex parte contractus, & quasi indirecè. Constat: Quia ad Matrimonium valorem aliquis saltem consensus in copulam est necessarius: Qui enim consentit in causam per se talem, aliquo modo consentit in effectum in ea contentum: Sed mutua corporum potestas est per se causa juris utendi corpore. Ergo. Prima min. prob. Tum quia juxta S. Th. postea adducendum, alioque DD. B. Virgo prius emisit votum Virginitatis; Tum etiam, dato quod hoc non emisit, videtur tamen talis (nimirum implicitus ex parte contrahentis) consensus præjudicare ejus Virginitati saltem mentali, seu perfectæ Virginitatis proposito, quod habuit, cui tamen non nocet consensus implicitus præcisè ex parte contractus. Ergo.

*Nota,* totum hoc intelligi de copula carnali

solum potentiali, seu possibili, hæc enim sola est essentia Matrimonii, in cujus tantum essentialia B. V. consensit, non de futura, quæ est accidens ejus.

*XLIV. Oppono 1. contra Matrimonium B. Virginis:* Qui, vel quæ corpus suum promissit Deo per votum ad perpetuam castitatem, non potest illud tradere alteri per contractum ad proles procreationem, Sed juxta S. Thomam 3. par. q. 28. art. 4. B. Virgo ante desponsationem cum S. Josepho suum corpus Deo per votum promissit ad perpetuam castitatem. Ergo.

2. Hoc Matrimonium ratione consensus impliciti in copulam carnalem nocere Virginitati mentali. Ergo. Prob. ant. cum Gonet. Nequit fieri, ut intentio, seu tendentia essentialiter necessaria ex parte actus non sit necessaria etiam ex parte agentis, prout illum exercentis: Sed juxta dicta ad matrimonium valorem requiritur consensus in copulam carnalem implicitus ex parte contractus. Ergo & ex parte contrahentis. Sed hic nocet Virginitati mentali. Ergo. Prob. maj. Tendentia actus vitalis non est alia, quam tendentia ipsiusmet agentis sese exercentis circa tale obiectum. Ergo.

Confirm. Qui præscindit a consensu implicito in copulam carnalem, non contrahit validè: & qui non præscindit, patitur jacturam, Virginitatis mentalis. Unde 1. Timoth. 5. *Viventibus castitatem non solum nubere, sed & velle nubere damnable est*, in B. V. autem nihil fuit damnable. Ergo.

3. Si mulier dicat Viro, *Consentio in te, sed sub hac conditione, ut non cognoscas me*, non est consensus matrimonialis, quia est contra substantiam Matrimonii: Sed talis erat consensus B. Virginis. Ergo.

4. Sequitur, B. Virginem fuisse ad copulam carnalem simul obligatam, nimirum Matrimonii, & deobligatam, scilicet ratione voti: Sed hæc videtur esse contradictio. Ergo.

*Ad 1. præmissa*, ex dictis patere, quod cum voto simplici stet verum Matrimonium, dist. maj. Si votum sit absolutum, conc. si conditionatum, uti B. V. nego. Unde S. Th. in loco obiecto sic ait: Perfectio operis ultra magis laudabilia, si ex voto celebrentur: Virginitas autem in Matre Dei præcipue debuit polle- re, & ideo conveniens fuit, ut Virginitas ejus ex voto esset Deo consecrata. Verum, quia tempore Legis oportebat generationi insistere tam mulieres, quam viros (quia secundum carnis originem cultus Dei propagabatur, antequam ex illo populo Christus nasceretur) Mater Dei non creditur, antequam desponsaretur Joseph, absolute virginitatem novisse: sed licet eam in desiderio haberit, super hoc tamen voluntatem suam divino commi-

sit arbitrio. Postmodum verò accepto responso, secundum quod mores illius temporis exigebant, simul cum eo votum Virginitatis emittit. Hæc ibi. Et ad 1. ait: Quia videbatur esse Lege prohibuit, non dare operam ad relinquendum semen super terram, idè non simpliciter Virginitatem vovit Dei Genitrix, sed sub hac conditione, Si Deo placeret. Postquam autem innotuit, hoc esse Deo acceptum, absolute vovit, autem ab Angelo annunciaretur. Ita S. D. Ergo B. V. nubendo nihil fecit contra suum votum, quia Deus B. V. revelavit, ut nuberet.

Ex hac doctrina S. Thom. bene penetrata facile solvuntur hæc duæ instantiæ. 1. B. Virgo omnes Virtutum actus elicit in gradu heroico, seu excellentissimo: Sed votum est actus Virtutis Religionis, & votum absolutum est perfectius conditionato. Ergo statim fecit absolutum. 2. Votum B. V. erat perfectius voto cuiuscunque Professi Religiosi: Sed hoc est absolutum. Ergo & illud.

Ad 2. neg. aot. ad prob. neg. maj. Ad bujus prob. dist. ant. in hoc sensu, quòd tendentia actus non possit esse, nisi simul aliqua sit tendentia agentis, conc. sic, ut pari modo secundum omnem rationem se habeant, neg. Oppositum enim patet ex Ratione 3. Partis.

Ad Confr. detur distinctio illa, ex parte contrahæntis, ex parte contrahentis. Verbum Apostoli (ut ait S. Thom. 3. p. q. 8. a. 4. ad 3.) est intelligendum de illis, qui absolute castitatem voverunt: Quod quidem Mater Dei non fecit, antequam Joseph desponsaretur; sed post desponsationem ex communi voluntate simul cum Sponso suo votum virginis emisit. Eadem data, & bene applicata distinctione solvuntur hæc duæ instantiæ. 1. Omnes contrahæntes totam suam vim habent ab intentione contrahentis. 2. Actus agentium moralium non operantur ultra intentionem illorum. Ergo eodem modo se habent intentiones ex parte contrahæntis, & ex parte contrahentis.

Ad 3. ait S. Thom. hic q. 48. a. 1. ad 3. Illa conditio explicata non solum actus, sed etiam potestatis contrariatur copula carnali: Quod id est contraria Matrimonio: Immo nec ibi ex parte contrahæntis datur consensus in copulam carnalem, cum exprimitur in ipso contractu, juxta superius dicta, & fiat per se, adeoque totaliter tollat potestatem in ordine ad finem intrinsecum Matrimonii, quia potestas coarctatur juxta conditionem appositam, quæ facit hunc esse verborum contrahentium sensum: Primo quidem contrahæntes tecum, secundo non contrahæntes tecum, ut explicat noster Labat. Verum intentio interior debitum non reddendi non coarctat potestatem, sed eam dat absolute, licet cum animo non exequendi juxta dicta in Ratione 3. Partis.

Nota, quòd salvo valore Matrimonii non

possit (solum intendendo secundarios Matrimonii fines) bonum prolis excludi positivè; (uti fieret in casibus prædictis) licet possit negativè, uti fit in senibus, & sterilibus nubentibus.

Ad 4. dist. sequelam maj. Fuisse obligatam obligatione radicali, conc. proxima, neg. Bene ergo stat, quòd quis habeat obligationem radicalem ad copulam carnalem, ratione voti autem habeat obligationem formalem, & proximam abstinendi ab illa, ubi nulla est oppositio, vel contradictio, habent enim se sicut potentia, & vinculum, quo ligatur, ne exeat in actum. Sicut cui pedes sunt ligati, habet potentiam ambulandi, sed ligatam. Addi potest, quòd aliud sit, duo vincula obligare ad actus inter se repugantes, aliud verò, vincula ipsa inter se repugnare, sæpe enim principia contrariorum actuum possunt esse simul, licet ipsi actus simul esse non possint; sicut qui sedet, habet potentiam ambulandi, & tamen non potest simul federe, & ambulare.

QUÆRO II. Danturne quædam bona Matrimonii, quibus ejus actus excusatur, & vi quorum illud etiam ut est in officium naturæ, jure naturali sit indissolubile quoad vinculum?

XLV. Resp. 1. Dantur bona Matrimonii, quæ illud, ejusque usum excusant, & honestum, ac sanctum reddunt. Sunt quætria, scilicet, Proles, fides, & Sacramentum, explicata supra Exam. 3. ad Q. 5. n. 40.

Declaratur 1. Pars ex S. Thom. q. 49. a. 1. in c. Nullus sapiens debet iacturam sustinere, nisi pro recompensatione alicujus boni æqualis, vel melioris: unde electio alicujus, quod aliquam iacturam habet annexam, indiget adjunctione alicujus boni, per cuius recompensationem ordinetur, & honestetur: in conjunctione autem viri, & mulieris, rationis iactura accidit; Tum quia propter vehementiam delectationis absorbetur ratio, ut non possit aliquid intelligere in ipsa, ut Philosophus dicit; Tum etiam propter tribulationem carnis, quam oportet tales sustinere ex solitudine temporalium, ut patet 1. Cor. 7. Et idè talis conjunctionis electio non potest esse ordinata, nisi per recompensationem alicujus boni, ex quibus ista conjunctio honestetur: & hæc sunt bona, quæ Matrimonium excusant, & sanctum reddunt. Ita S. Thom.

Declaratur 2. Pars ex a. 2. in c. ibid. Matrimonium est in officium naturæ, & est Sacramentum Ecclesiæ: Primo modo sumptum duobus ordinatur, sicut & quilibet alius virtutis actus, quorum unum exigitur ex parte ipsius agentis, & hoc est intentio finis debiti, & sic bonum Matrimonii ponitur proles, non solum ut procreanda, sed etiam ut educanda, ad quam (ut S. D. explicat ad 1.) sicut ad finem ordinatur tota communicatio operum, quæ est inter Virum, & Uxorem, quia

quia Patres naturaliter thesaurizant filiis, ut patet 1. Cor. 12. Aliud exigitur ex parte ipsius actus, qui est bonus in genere, ex hoc quod cadit suprâ debitam materiam, & sic est fides, per quam homo ad suam accedit, & non ad aliam. Ubi fides non accipitur prout est virtus theologica, (ait S. Thom. ad 2.) sed ut est pars iustitiæ: quia in Matrimonio, cum sit quidam contractus, est quædam promissio, per quam talis vir tali mulieri determinatur, ut (juxta Resp. ad 3.) neuter ad alium thorum accedat: & sibi invicem debitum reddat. Sed ulterius habet aliquam bonitatem, in quantum est Sacramentum, non solum ut est signum rei sacræ sanctificantis conjuges, sed etiam (ut patet ex Resp. S. Thom. ad 4.) ut est signum conjunctionis Christi, & Ecclesiæ, quæ dicit unitatem, & indivisionem: est enim unus ad unam inseparabiliter. Vide circa hæc, quæ dicta sunt suprâ de actu Matrimonii Exam. 1. Q. 5. n. 7.

Resp. 2. Certum est, quod Matrimonium ex ratione Sacramenti (quam Christus ei superinduxit) majorem habeat indissolubilitatem.

*Ratio:* Quia in ratione Sacramenti Christus illud simul exivit ad significandam duplicem insolubilem conjunctionem, nimirum unam, Verbi cum Humanitate; alteram, Christi cum Ecclesiâ. Pro quo

Nota, quod quia hæc duplex conjunctio significatur per Matrimonium consummatum (in quo solo Conjuges sunt una caro) ideo illud inter baptizatos, ad differentiam a rato, in nullo casu, vivente consorte, dissolubile est, ut patebit ex dicendis, ubi & constabit de Matrimonio Infidelium, propter quod dixi, inter baptizatos.

Resp. 3. Matrimonium ratum, etiam secundum se sumptum, seu ut est in officium naturæ, est ex sua natura, ac jure naturali, & non solo præcepto positivo divino indissolubile quoad vinculum: juxta veriorum sententiam. Quæ indissolubilitas bene probatur ex bono prolis.

*Explicatur:* Dixi 1. *ratum*, id est celebratum servatis omnibus debitis conditionibus, ita ut nullo labore defectu substantiali, sed tantum careat perfectione integrali, seu accidentali, quæ est copula carnalis, quæ facit Matrimonium consummatum, quod juxta ante dicta in Not. majorem habet indissolubilitatem, etiam ex jure naturæ, quia per ejus dissolutionem (in quo differt a rato) duplex inferretur injuria, una Uxori, quæ deflorata dimittitur: altera Proli, quæ vel ratione copulæ carnalis in ipso semine accipit jus ad sui procreationem; vel si foris jam est in utero efformatus, aut ex eo natus, ad sui educationem. Si fors conjuges sint steriles, id per accidens est.

Dixi 2. *ut est in officium naturæ*, id est, seclusa ratione Sacramenti; de qua ante.

Dixi 3. *non solo præcepto positivo* Christi, per

Paulum promulgato 1. Cor. 7. *Præcipio, non ego, sed Dominus, Uxorem a Viri non discedere, quod si discesserit, manere innoctam, aut Viri suo reconciliari.* Ubi Christus sublati libello repudii Matrimonium reduxit ad primævum suæ institutionis vigorem.

Dixi 4. *quoad vinculum*, quia posse fieri separationem quoad cohabitationem, probat quotidiana experientia. Hoc præmissis.

*Ratio 1.* est: Matrimonium ex essentia, & natura sua pro fine primario respicit hoc, ut genus humanum modo rationi rectæ, & rationali naturæ consentaneo propagetur, & educetur, corpore, & animo. Ergo ex sua natura petit medium per se, huic fini proportionatum. Sed hoc medium per se est indissolubilitas, conjugibus enim separatis proles facile negliguntur, & quod proles interdum in calu separationis bene educerentur, esset per accidens, ut etiam suprâ diximus de proliis fornicariis: sicut & per accidens est, quod Matrimonium non consummatur. Ergo ex bono prolis bene probatur indissolubilitas Matrimonii. Vide suprâ de fornicatione Tractat. 5. Exam. 2. n. 29.

*Ratio 2.* Propria rei definitio explicat eam secundum se, & naturam suam, & non secundum ea, quæ illi conveniunt ex institutione extrinseca: Sed definitio Matrimonii etiam secundum se sumpti, ac rati, suprâ Exam. 1. ad Q. 2. tradita explicat indissolubilitatem. Ergo.

Confirm. Condicio repugnans perpetuitati Matrimonii, ut suprâ probatum est ex Greg. IX. in c. finali. de *conjug. appos.* annullat illud. Ergo perpetuitas de substantia Matrimonii.

*Ratio 3.* Juxta communem DD. sententiam Deus in Paradiso terrestri Adam nullum dedit præceptum merè positivum excepto, de esu pomi: Sed proposuit ei præceptum de indissolubilitate Matrimonii, dicens: *Propter hoc relinquet homo Patrem, & Matrem, & adhaerebit Uxori suæ, ubi N.B. quod Adam tunc Matrimonium nondum consummaverat.* Ergo explicavit Deus Adam præceptum naturale.

XLVI. *Oppono 1. contra R. 3.* Deus non potest mutare ea nec dispensare in illis, quæ sunt de jure naturæ, multo minus id potest Papa: Sed auctoritate Dei Matrimonium ratum dissolvitur per Professionem, & consummatum inter infideles per conversionem alterius ad Fidem, juxta dicenda in sequentibus. Item diversi Papæ dissolverunt Matrimonia rata. Ergo.

Confirm. 1. Exemplo libelli repudii, quo apud Judæos ex Dei dispensatione Matrimonium dissolvebatur ob graves causas, nimirum, vel ob sterilitatem, quæ in Veteris Lege erat valde ignominiosa: vel ob lepram, aliumvè morbum contagiosum perpetuò copulæ conjugali obstantem, ob venen-

cium, ebriositatem, morositatem, perpetuas rivas, &c.

Confirm. 2. Ad Ecclesiæ Regimen videtur esse valde necessaria potestas in certis casibus dissolvendi Matrimonia rata: Sed Christus Ecclesiæ non deest in necessariis. Ergo Ecclesiæ dedit hanc facultatem. Ergo indissolubilitas Matrimonii non est ex jure naturæ.

Oppos. 2. Sacramenta non sunt de jure naturæ, & inter illa, quæ habent effectum perpetuum, imprimunt Characterem: Sed Matrimonium est Sacramentum, & Characterem non imprimit. Ergo ex jure naturæ non habet perpetuitatem.

3. Omnis res, per quascunque causas nascitur, per easdem dissolvitur: Sed Matrimonium nascitur per consensum. Ergo.

4. Quod quis potest donare in perpetuum, potest etiam donare ad tempus: Sed.

Confirm. Sicut se habet simpliciter ad simpliciter, & magis ad magis, ita minus ad minus, & secundum quid ad secundum quid: Sed consensus in Matrimonio simpliciter, causat vinculum simpliciter: perpetuum. Ergo consensus ad tempus facit Matrimonium ad tempus. Sicut servitus simpliciter talis est obligatio perpetua, servitus vero secundum quid, est obligatio ad tempus.

Ad 1. de dispensatione Dei in jure naturæ patet supra in Tract. 6. de Leg. Exam. 2. n. 13. quod Deus possit in eo dispensare improprie; nimirum mutando materiam, quod & fieret in præsentia, quia Deus subtraheret materiam dominii, nimirum corpus conjugis. Ibid. n. 15. & 16. patet, quod Deus possit in quibusdam nimirum secundariis Decalogi, seu Legis naturæ præceptis improprie dispensare, non in primariis. Ex his solvitur illud argumentum Adversariorum: Si insolubilitas ita esset intrinseca Matrimonio, ejus dissolutio esset per se, & intrinsece mala, non secus ac odium Dei, & mendacium: Sed hoc non est dicendum, quia aliàs clare sequitur, quod sicut odium Dei in nullo casu potest esse licitum, ita nec dissolutio Matrimonii. Ergo. Solvitur, inquam; Major enim est vera, si dissolutio fieret non mutata materia præcepti, secus si fiat ea mutata: de quo vide loco ex Tract. de Legibus citato. Ad illud de Papa dispensante in Matrimonio rato patet Responsio ex dictis supra Tract. 10. Exam. 3. n. 47. de dispensatione Pontificia in voto solemnii Castitatis, dummodo bene applicentur ad præsentia, & videantur dicta loco ibidem citato ex Tract. de Conscient.

Addendum est, quod illi Pontifices non in quovis casu se offerente dispensaverint, sed interdum solum declaraverint, tale Matrimonium propter aliquas circumstantias fuisse invalide contractum. Ex quo colligitur intelligentia cap. odavi. lib. 4. Decretal. tit. 17. ubi legitur: Perlatum est ad audientiam nostram,

quod cum N. ad partes Constantinop. transisset, & ibi moram per decennium, & amplius faciens, ad primam Uxorem suam non rediens ipsa apud bonæ memoriæ Vincentinum Episcopum adversus eum querelam deposuit, & quod cum non posset diutius expectare, nihilominus allegavit. Episcopum verò, sicut vir providus, & discretus, Parentibus Viri mandavit, ut pro eo mitterent, & ipsum ad propria revocarent. Cumque elapso longi temporis spatio vir non remearet ad propria, Episcopus in conspectu Ecclesiæ, auditis rationibus mulieris, inter eos sententiam divortii promulgavit, & mulieri, ut alium duceret, facultatem indulgit. Ideoque mandamus, quatenus, si consulerit, quod Episcopus inter eos sententiam divortii tulerit, filios, quos sustulit de alio, ad cuius copulam auctoritate prædicti Episcopi migravit, legitimos judicet, eos hac occasione ab hereditate non patientes excludi. Hæc ibi; et hæc hoc totum antecitatum Capitulum.

Ex priore solutione circa dispensationem Papæ in Matrimonio rato datam, colligitur solutio hujus Instantiæ: Illa Matrimonia fuerunt verè dissoluta, vel non? Si sic? habetur intentum. Si non? Ergo secundò subentes vixerunt semper in adulterio. Colligitur, inquam, si fuerint valida, in re non fuisse dissoluta, sed solum secundum invincibilem existimationem. Unde semper vixerunt in adulterio tantum materialiter, non formaliter, defectu scientiæ ejus.

XLVII. Ad 1. Confirm. an per libellum repudii vinculum Matrimonii fuerit verè dissolutum, mens Angelici Doctoris est valde controversia. Nam hic in supplem. (quod est desumptum ex l. 4. Sent. 1. q. 67. art. 7. utramque opinionem ut probabilem defendit, & utriusque argumenta solvit: quia tamen sententia negans eo tempore, quo S. Thom. libros Sent. scripsit, erat communior; magis inclinavit in illam. Unde citatum articulum sic concludit.

*Dicunt alii, quod quovis repudiare Uxorem per se sit malum, tamen ex permissioe divina licitum fuerit, &c. & quovis hoc probabiliter dicatur, tamen primus communius sustinetur: idem ad utraque rationes respondendum est.* Hæc ibi. Idem probabiliter judicat in summa contra Gent. Verum in c. 19. Matthæi magis inclinavit in sententiam affirmativam, dicens: quod licet repudium inordinatum quid sit, noluit tamen Deus, quod Judæi impetarentur ad culpam; idque probat ex Chryostomo, dicente: quod si peccare absque peccati culpam, putat, dispensando in lege naturæ. Item 1. 2. q. 102. ar. 5. ad 3. expresse docet, quod idem in Veteri Lege Matrimonium non erat Sacramentum conjunctionis Christi cum Ecclesia, quia dabatur in ea libellus repudii; quod est contra rationem Sacramenti. Quæ ratio non valeret (ut bene arguit Gonet) nisi per libellum repudii Matrimonium tunc fuisset dissolutum,

lutum, non solum quoad cohabitationem, & thorum, sed etiam quoad vinculum. Solae enim dissolutio quoad vinculum adversatur rationi Sacramenti, cum in Lege Evangelica Matrimonia dissolvantur quoad thorum, & cohabitationem, & tamen hoc non fit contra rationem Sacramenti, alias enim fieri non posset. Ergo per Dei dispensationem solvebatur vinculum, & licite repudiabantur Uxores. Quae sententia cum sit conformis Ultimae Angelici Doctoris voluntati, est probabilior.

Contra hanc Solut. instari potest 1. Dispensatio debet fieri propter honestum finem: Sed facultas dimittendi Uxores in Vet. Leg. non fuit concessa propter honestum finem. Ergo. Prob. min. ex illo Christi Matth. 19. *Moses ad duritiam cordis vestri permisit vobis dimittere Uxores.* Ergo. 2. Mulier repudiata, & alteri nupta, Deut. 24. v. 4. dicitur, *polluta, & abominabilis facta coram Domino*, & ideo prohibetur ibidem ne prior maritum eam recipiat in Uxorem, si secundus moriatur, vel eam pariter dimiserit. Sed non posset dici polluta, si vinculum conjugii fuisset solutum. Ergo. Verum ad 1. neg. min. ad prob. R. quod duritia Judaeorum solum fuerit occasio hujus dispensationis, causa autem motiva fuit indulgentia Dei imperfecti, ac fragilitati Judaeorum condescendentis. Ergo adeest causa honesta. Ad 2. mulier illa dicebatur polluta non pollutione culpae, sed legaliter, seu per legem, undely *coram Domino* idem est, ac per legem Domini. De hoc vide Tr. 11. Exam. 1. Q. 3. n. 2. R. 2.

Ad 2. *Confirm.* neg. maj. quia nimium probat, idem enim probat de Matrimonio consummato, quia ejus dissolutio etiam saepe multum conducere ad bonum Ecclesiae, v. gr. in casu, quo Rex duxisset Uxorem sterilem, ei quo sine haereditibus defuncto succederet Princeps haereticus, vel infidelis, vel certe probat, quod Papa in eodem casu possit concedere polygamiam; haec enim naturae Matrimonii minus repugnat, quam dissolutio ejus, quia relinquit vinculum. Quod ergo tunc Matrimonii indissolubilitas cedat in damnum boni communis, v. gr. totius Regni, esset per accidens, & in casu particulari: Lex autem considerat ea, quae sunt per se, seu quae regulariter, & ordinariè fiunt. Periculis ergo rerum humanarum obviandum est per res humanas, de quo vide supra Tr. 10. de Relig. Exam. 3. devot. n. 47.

Ad 1. *Oppos.* dist. maj. pro 1. p. Subratione Sacramenti, conc. maj. subalial, neg. Matrimonium autem preter rationem Sacramenti habet, quod sit in officium naturae. Distinguitur etiam pro 2. p. Si ille effectus perpetuus sit in ordine ad actus spirituales, conc. ad corporales, neg. Hec solutio est S. Thomae hic q. 49 ar. 3. ad 5.

Ad 3. patet *Resp.* supra in Exam. 1. n. 2. in prob. 6. partis.

Ad 4. dist. maj. Ita ut sint donationes ejusdem rationis, neg. maj. diversae rationis, conc. maj. Qui ergo mulieri tradit corpus in perpetuum cum ceteris requisitis, facit verum Matrimonium; qui dat ad tempus, facit concubinatum.

Ad *Confirm.* cum Cornejo *Resp.* maj. esse veram in his, quae habent magis, & minus, simpliciter, & secundum quid; Matrimonium autem ex parte temporis non habet magis, & minus, sed ex natura sua propter finem, quem respicit, seu propter bonum Proles petit durationem per totam Conjugum vitam, in quam nisi consensus feratur, Matrimonium esse nulum. De servitute disparitas est, haec enim ex parte finis perpetrata non petit.

QUAERO III. Solviturne Matrimonium per Professionem in Religione? & quomodo?

XLVIII. *Resp.* 1. De Fide est, Matrimonium ratum ante consummationem etiam quoad vinculum solvi per Professionem solemnem in Religione approbata sine alterius consensu factam: ita ut alter licet possit transire ad secunda vota, seu ad aliud Matrimonium. Ita clare patet ex Trid. Sess. 23. de Matrim. Can. 6. & docetur a S. Th. in 4. dist. 27. q. 1. ar. 3. q. 2. in c.

Ratio a priori nequit assignari, nisi voluntas Dei, seu Christi, nobis per Sanctorum gesta; & communem Ecclesiae Traditionem manifestata, juxta illam S. Augustini Regulam 1. 4. contra Donatistas c. 24. *Quod universa tenet Ecclesia, nec a Conciliis institutum, sed semper retentum est, non nisi Apostolica auctoritate traditum censi debet.* Sed quod Matrimonium ratum, non consummatum, dissolvatur per Professionem solemnem, semper est in Ecclesia Dei observatum, ejusque non scitur initium, nec potest assignari ullus Pontifex, aut jus, sive Decretum Ecclesiasticum, quo id primo statuatur. Ergo Apostolica auctoritate traditum censi debet. Si ab Apostolis solum traditum. Ergo a Christo prius statutum. Dixi, *traditum*; quia non est in Scripturis expressum. Declaratur minor pro 3. par. in qua est difficultas. Si quis Pontifex potest assignari, esset Eusebius, qui primus inter Pontifices hujus privilegii meminit, Can. *desponsatam*. 27. q. 2. ad Cathedrali Petri evectus anno 309. ut ex ejus vita tom. 1. Concil. p. 1. constat: Sed hic Pontifex hanc legem propria auctoritate non tulit, sed antea latam supposuit, aitenim: *Desponsatam puellam non licet Parentibus alii viro tradere, licet tamen illi monasterium sibi eligere.* Ubi cum non dicat, non liceat, sed, non licet, clarum est, quod non loquatur ut legem condens, sed ut supponens. Ergo.

Ex his Colligitur, quod quamvis non possit quis rem donatam uni, donare alteri, non accepta ad hoc a Deo facultate, possit tamen recepta, sicut probatum est, eam esse a Deo datam,



tam, respectu Matrimonii rati. Quod autem eam non dederit respectu Matrimonii consummati, est, tum quia hujus dissolutio esset injuriola Proli, & Uxori, ut supra ostensum est: tum etiam, quia Matrimonium consummatum significat conjunctionem Verbi cum Humanitate, quæ omnino indissolubilis est: ratum verò solum significat conjunctionem Christi cum anima ut Sponsa, mediantegratia, & charitate: quæ solubilis est.

*Resp. 2.* Matrimonium ratum non dissolvitur per Professionem solemnem jure naturæ, seu ex natura rei, sive ex efficacia voti solemnitis.

*Ratio:* Tum quia, quod ex natura sua est indissolubile, non potest ex natura rei alterius dissolvi, licet altera res sit perfectior: Sed Matrimonium, ut probatum est, ex sua natura est indissolubile, & major perfectio voti solemnitis non obstat, quia aliàs deberet etiam dissolvere Matrimonium consummatum, quia etiam est perfectius illo. Ergo. Tum etiam, quia quæ ex natura sua sunt compossibilia, ex natura sua se invicem non destruant: Sed vincula voti solemnitis, & Matrimonii ex natura sua sunt compossibilia, ut constat in casu, quo mutuo consensu ambo coniuges, vel eorum unus de consensu alterius, Religionem proficitur: in quibus manet vinculum conjugale. Ergo. Vide dicta in hoc Exam. immediate ante Q. 2.

*Nota 1.* hoc intelligi de Matrimonio ante votum contracto, non de contrahendo: de eo etiam dicitur infra. 2. Jure naturæ licere quidem transitum a statu imperfectiori ad perfectiorem, aut non semper cum dissolutione prioris vinculi: et si enim Ratio naturalis dicit, vinculum debilius solvi per fortius, si non sint in eodem subiecto compossibilia, secus tamen est, si compossibilia sint: quæ compossibilitas in præsentia antea fuit probata. 3. Per Matrimonium præcisè ratum non fieri quidem traditionem dominii actualis super corpus consortis (hoc enim datur per actuale Matrimonii usum, in quo quasi accipitur possessio) bene tamen dominii habitualis.

*Resp. 3.* Matrimonium ratum per Professionem Religionis non dissolvitur jure Ecclesiæ, seu Pontificis, sed jure divino, seu auctoritate Christi in favorem Religionis dispensantis in Lege naturæ, & Lege Evangelica de Matrimonii indissolubilitate.

*Ratio est* data pro R. 1. & patet ex præcedentibus, quod Matrimonium jure naturali, & positivo divino sit indissolubile, in quo Ecclesia non potest dispensare, licet in certis casibus possit declarare, quod ob circumstantiarum, & materiarum mutationem non obliget. Ergo.

*XLIX. Oppono 1.* contra R. 3. Quod votum solemne dirimat Matrimonium, habet, quia est solemne: Sed juxta Bonifacium VIII. solemnitas voti est inducta per solam institutionem

nem Ecclesiæ: Ergo.

2. Non scitur ubi, vel quando hoc jus divinum, vel privilegium inceperit, vel conditum sit. Ergo non datur.

3. Jus divinum a tempore Christi mansit omnino immutatum: Sed hoc novo privilegio fuisset mutatum. Ergo.

4. Non est credibile, quod Christus illam virtutem dederit solemnitati votorum Religionis nondum existentis: Sed modernæ Religionis tempore Christi nondum existerant. Ergo.

5. Hæc potestas videtur Ecclesiæ collata Matth. 16. illis verbis: *Quodcumque solveris super terram, erit solutum & in Cælis.* Ergo.

*Ad 1.* dist. maj. Quod dirimat Matrimonium contrahendum, de quo infra, conc. maj. contractum, subdist. Habet ut solemne solemnitate accidentali, neg. maj. essentiali, subdist. Adjuncto tamen speciali privilegio Christi, conc. maj. eo clauso, neg. maj. Minor est vera de solemnitate tantum accidentali, explicata supra de voto, Tr. 10. Exam. 3. n. 47. in Not.

*Ad 2.* dist. conf. Ergo non datur, ut in SS. Scripturis expressum, conc. ut traditum, neg. conf.

*Ad 3.* neg. min. quæ non probatur.

*Ad 4.* neg. maj. Nam Christus Auctor, & institutor status Religiosi, ejusque Apostoli fuerunt veri Religiosi, adeoque quicquid dedit votis solemnibus Religionis pro tunc, etiam dedit iis, quæ sunt pronunc. Nam & antiquitas fiebat status Religiosus votis solemnibus. Unde est in Ecclesiâ noviter introductus status Religiosus per vota simplicia, ut ex Vasquezio ait Perez, qui est ex S. J. & pulchrè probat, quod licet vota simplicia Societatis dirimat Matrimonium contrahendum, non tamen contractum.

*Rationem dat 1.* Absurdum esset, ut quis liberaretur a vinculo Matrimonii per transitum ad Religionem, a qua Superioris auctoritate propter frequentes, & ordinarias causas potest liber dimitti. Ergo dictus effectus dissolutionis Matrimonii præcisè competit votis solemnibus. 2. Quod vota simplicia Societatis verè, ac propriè, non minùs ac vota solemnia, constituent hominem in statu perfectionis, nihil convincit. Quia status perfectionis ut sic non dissolvit Matrimonium; status enim Episcopi perfectior est, & tamen non dissolvit illud: nullo enim jure id cautum est. 3. Quod S. Pius V. Bulla 3. 1571. concedat omnibus Religiosis Soc. Jesu, etiam Scholaribus, ut omnes dispositiones, in aliorum Religiosorum favorem factæ, etiam in eis locum habeant, pariter nihil probat. Nā S. Pius V. non loquitur de conditionibus, quæ connectuntur votis sed de privilegiis, & gratiis, quæ concessæ sunt ipsi personis, & singula in Instituto Societatis non repugnant. 4. Quod vota simplicia Societatis dirimat Matrimonium contrahendum, non probat, quod etiam

dissolvant contractum. Quia ab his, quæ non solum dissimilia sunt, sed etiam separabilia, non rectè fit illatio: & potest intercedere ratio longè diversa, sicut in voto continentie Ordinis sacri videre est, ait ille.

*Ad 5. neg. ant.* Quia ibi solum est promissa potestas clavium. De quo vide Tr. 13. Exam. 1. R. 3. ad Q. 2. Et dato, quod Christus Apostolis dederit potestatem in certis casibus, v.g. voto simplici, juramento, &c. dispensandi improprie in jure naturali, & divino, non tamen in illis, quæ de hoc jure sunt absolute, & simpliciter, aliâ senim Ecclesia haberet facultatem mutandi formas Sacramentorum, concedendi consecrationem unius Speciei sine altera, &c.

*L. Quantum tempus* conceditur neo-conjugibus, ut Matrimonio contracto sed nondum consummato possint deliberare de ingressu Religionis?

*Dico:* Jura concedunt bimestre, seu spatium duorum mensium, quo neuter alteri debitum reddere tenetur. Unde licet in contractu fiat translatio domini, puta, habitualis (ut supra dictum) super corpus: tacite tamen inest hæc conditio: Nisi alter velit ingredi Religionem, quam dum proficitur, Matrimonium dissolvitur.

*Quid si bimestre jam effluxerit?*

*Dico:* Neutri licet Religionem ingredi sine alterius consensu, & ingrediendo, vel profitendo peccat.

*Ratio:* Quia Terminus a Jure concessus est præter lapsum.

*Sed quid si de facto ingrediaitur, & profiteatur post bimestre, dissolviturne Matrimonium?*

*Affirmo. Ratio:* Quia Christus illam temporis restrictionem non fecit, sed illud privilegium Professioni simpliciter, & absolute concessit.

*Quid si Sponsa, seu neo-Uxor ante elapsum bimestre a Sponso, seu Marito suo fuerit vi oppressa, potestne adhuc ingredi, & profiteri?*

*Affirmo. Ratio:* Quia dolus nemini debet patrocinari, & nemo privandus est proprio jure sine propria culpa.

Nota tamen in hoc casu, Matrimonium non dissolvi, quia est verè consummatum, cum fuerit copula conjugalitatis, unde oppressor non potest aliam ducere.

*Quid si ambo neo-conjuges Religionem profiteantur?*

*Dico* cum S. Th. in 4. d. 27. q. 1. art. 3. qu. 3. ad 1. non dissolvitur quoad vinculum: hinc si unus eorum postea fornicaretur, non solum esset sacrilegus, sed & adulter.

*Ratio:* Omnes textus Juris, qui hac in re solent adduci, expressè loquuntur de casu, quo solum alter Sponsorum Religionem ingreditur.

Ex quibus sequitur, multò minùs dissolvi Matrimonium, si sit consummatum, & unus,

vel ambo mutuo consensu Religionem profiteantur. Cujus Ratio patet ex dictis ad Q. 2. R. 2. & R. 3. n. 45. in hoc Exam.

**QUÆRO IV.** Solviturne Matrimonium Infidelium, seu non baptizatorum, etiam quoad vinculum, uno eorum ad fidem converso? & quo Jure? & quid de Matrimonio conjugum hæreticorum, utpote baptizatorum, si unus convertatur ad fidem Catholicam?

*Ll. Resp. 1.* verbis S. Tho. hic 59. a. 5. in corp. Quando alter conjugum ad fidem convertitur, altero in infidelitate manente, distinguendum est: quia si Infidelis vult cohabitare sine contumelia Creatoris, id est, sine hoc, quod ad Infidelitatem inducat, potest Fidelis liberè discedere, sed discedens non potest alteri nubere. Si autem Infidelis non velit cohabitare sine contumelia Creatoris, in verba blasphemie prorumpens, & nomen Christi audire nolens, tunc si ad infidelitatem pertrahere nitatur, vir fidelis discedens potest alteri per Matrimonium copulari. Hæc ibi; quæ procedunt de Matrimonio etiam consummato. Unde in c. finalis 28. q. 2. dicitur, quod contumelia Salvatoris solvat jus Matrimonii, non quidem ipso facto, sed tunc quando fidelis, sive vir, sive mulier re ipsa contrahit aliud Matrimonium. Dixi, quando fidelis; non enim solvitur per hoc, quod infidelis nubat alteri; Quia privilegium (de quo statim) est datum in favorem fidei. Debet etiam fidelis prius infidelem monere, an velit converti, vel pacificè cohabitare, & quomodo, &c. De quo plura videantur in S. Thom. qu. citata, art. 3. & 4.

*Resp. 2.* Dicta dissolutio fit Jure divino, ex speciali privilegio Christi, concessio in favorem Fidei: eo ferè modo, quo antea de privilegio Professionis solemniter dictum est.

Hoc privilegium videtur colligi ex illo 1. Cor. 7. *Si infidelis discedit, discedas, non enim servituti subiectus es Frater, aut Soror in hujusmodi.*

*Ratio* concessionis hujus privilegii est: Quia bonum Fidei est majus, quam bonum Matrimonii. Ergo ubi per contumeliam Salvatoris Fides periclitatur, & ne conjux fidelis adstringatur ad perpetuam vitam cælibem, & exinde Infideles deterreantur a conversione, conveniens fuit dare hoc privilegium.

Quid in eo casu agendum cum prolibus in Infidelitate natis, explicat S. D. q. cit. a. 4. ad 4. dicens: Proles, aut pervenit ad perfectam ætatem, & tunc poterit liberè sequi Patrem fidelem, vel matrem infidelem: vel in minore ætate constituta, & tunc debet dari fidei, non obstantè, quod indiget matris obsequio ad educationem. Hæc ibi.

*Resp. 3.* Nullum crimen, etiam hæreses, vel adulterii, Matrimonio superveniens potest



potest illud dissolvere, quoad vinculum, sed solum quoad cohabitationem, & thorum. Ita S. Thom. cit. q. 59. a. 6.

*Ratio* S. D. in Sed. Con. Si hoc esset, omni die fierent divortia, cum raro inveniatur Matrimonium, in quo alter conjugum in peccatum non labatur. Et in c. Quia alias vir liberè posset dare libellum repudiij Uxori adulteræ, & ea dimissa, aliam ducere, quod falsum est. Et ad 3. ait: Quando mulier præstat magnam occasionem peccati viro suo, ut vir probabiliter sibi de periculo timeat, tunc vir potest se subtrahere ab ejus conversatione, ad ejus calligationem subtrahendo ei præsentiam suam solatium, ut subdit in fine corp. Idem patet ex Marci 10. & Luc. 16. ubi clarè legitur: *Qui dimiserit Uxorem, & aliam duxerit, moechatur.* Si moechatur, ergo manet vinculum conjugale inter eos.

*Oppono* Matth. 19. dicit Christus: *Quicumque dimiserit Uxorem, nisi ob fornicationem, & aliam duxerit, moechatur.* Ergo ob alterius Conjugis adulterium potest solvi vinculum conjugale.

*Ad hoc* Christi verba R. ea esse distinguenda sic, ut in se contineant duas sententias; Quare prima est: Quicumque dimiserit Uxorem suam excepta causa fornicationis, dimiserit, inquam, quoad thorum, *moechatur*, id est, facit eam moechari, seu dat ei occasionem moechandi, & sit particeps peccati alieni, scilicet adulterii. Secunda est: Et quia aliam duxerit, moechatur, id est, adulterium committit.

*Resp. 4.* In casu, quo unus conjugum hæreticorum, v. g. Lutheranorum, &c. convertitur ad Fidem Catholicam, per hoc inter eos non solvitur Matrimonium: dummodo hoc antea reverà fuerit validum, seu nullo affectum impedimento dirimente, etiam quod sit tantum Juris Ecclesiastici.

*Ratio* : Quia Matrimonium Hæretici cum Catholica nulla Lege sive naturali, sive divina positiva dissolvitur.

Ex quo sequitur, quod si ex duobus conjugibus catholicis baptizatis unus convertatur ad Fidem catholicam Romanam, altero nolente converti, nec ei cohabitare, immò de licentia Confessorii a catholici alium ducente, non potest hoc vivente, is, qui veram Fidem suscepit ( nisi Matrimonium ex alio capite invenitur esse nullum ) idem facere, non enim in materia Matrimonii verificatur illud, *Frangenti fidem, fidem frangitur eadem*. Videatur Gobat in Theolog. experiment. Tracl. 10. casu 19. nu. 708. ubi refert anno 1662. per Consilium aulicum Principis, & Episcopi Frisingensis in similem, qui ex Zwinglianismo ad Orthodoxam Fidem convertus, repudiata Uxore ducta in ea Secta, duxit aliam, nimirum Catholicam, fuisse lata m Sententiam capitis. Vide etiam supra uu. 11.

& 12. ubi offensum est, quod baptizati non possint contrahere Matrimonium in ratione contrahus, nisi simul contrahant in ratione Sacramenti, adeoque etiam Matrimonia hæreticorum sint vera Sacramenta. An Matrimonium Catholicum cum hæretico sit licitum, patebit de disparitate cultus infra Exam. 5. n. 77. Videatur etiam Trid. Sess. 24. de Matrim. Can. 5. Ubi sic legitur: Si quis dixerit, propter hæresim, aut molestam cohabitationem, &c. dissolvi posse Matrimonii vinculum anathema sit. Idem de adulterio sub anathemate decernit Can. 7. Et de separatione quoad thorum, & cohabitationem Can. 8.

*QUÆRO V.* Solviturne vinculum Matrimonii per mortem naturalem unius Conjugis, ita ut, licet miraculose resuscitaretur a mortuis, non amplius sit obligatus Uxori? Exemplum sit in Lazaro mortuo quadriduo jam fœtente per Christum suscitato, respectu Uxoris superstitis.

*III. Resp.* Ita solvi, ut nulla sit amplius obligatio conjugalis, sed suscitatus possit, si velit, ducere aliam.

*Ratio* : Quia per mortem vinculum Matrimonii simpliciter solvitur, & extinguitur: obligatio autem semel simpliciter extincta non reviviscit, nisi accedat causa eam resuscitans, quæ in præsentia est novus consensus. Hinc 1. Cor. 7. Apostolus ait: *Mortuo viro, liberata est a Lege Viri, Uxor.*

*Oppono* 1. Hebr. 11. dicitur, *Acceperunt mulieres de resurrectione mortuos suos.*

2. Religiosus professus mortuus, & resuscitatus obligatur ad Professionem, & Vota sicut ante mortem. Ergo similiter

*Ad 1.* R. factum esse ex honestate, non ex necessitate, & debuisse intervenire novum consensus: adeoque fuisse novum Matrimonium.

*Ad 2.* neg. conf. Disparitas est: Quia vinculum Matrimonii est ad homines, Professionis verò est ad Deum, cum sit spiritus creati ad incrementum; quia ergo hæc extrema sunt indissolubilia, idè & Professionis vinculum est tale: & nemo illud tollere potest nisi solus Deus.

*Sed quid* si Conjugum contrahentium intentio feratur in vinculum etiam post mortem juxta propositum resuscitationis casum?

*Dico*, tunc reviviscere vinculum: Quia in eo casu non esset simpliciter, & absolute extinctum.

## E X A M E N V.

*De impedimentis Matrimonii in generali.  
De quibus S. Doct. Qu. 50. per unicum Articulum.*

**Q**UÆRO I. Quotplex est impedimentum Matrimonii in genere? & quis habet potestatem ponendi illud? Vel dispensandi?

*LIII. Resp. 1.* ex S. Tho. in præsentii art. unico est duplex: Unum impediens tantum, sic ut in eo contrahens, mortaliter quidem peccet, Matrimonium tamen sit validum. Alterum impediens, & simul dirimens, seu valorem contractus annullans. Est autem hic sermo de impedimento Matrimonium præcedente, quia superveniens non solvit, nisi in duobus casibus ante explicatis de voto solemnium, & conversione alterius conjugis infidelis ad fidem.

*Resp. 2.* De Fide est, in Ecclesia esse potestatem ponendi impedimenta Matrimonii, & impediencia, & dirimentia. Ita patet in Trid. Sess. 24 de Matrimon. Can. 3. & 4.

*Ratio:* Quia in Ecclesia est vera spiritualis Monarchia, & Principatus, habetque potestatem super subditos, quos impedimenta per Ecclesiam posita ligant, etsi ab Ecclesia per apostasiam deficiant.

Opponi hic potest illud Matt. 19. Quod Deus conjunxit, homo non separet. Sed negatur suppositum, quod Deus conjungat eos, qui conjunguntur cum impedimento statuto per Ecclesiam, quæ quicquid agit, per Dei auctoritatem agit.

*Resp. 3.* Princeps infidelis habet potestatem ex iusta causa statuendi suis subditis infidelibus impedimenta Matrimonii dirimentia. Ita S. Th. in 4. d. 39. q. unic. a. 1. ad 4.

*Ratio:* Matrimonium Infidelium non est Sacramentum, sed solum contractus civilis, & naturalis. Ergo quoad præfens est eadem ratio de illo, ac de alio contractu. Quæ Ratio probat, idem posse Principem fidelem respectu suorum subditorum infidelium.

*Resp. 4.* Princeps Sæcularis infidelis, seu baptizatus, attendit naturam rei, seu de se, & quantum est vi suæ potestatis sibi, ut Principi Sæculari competentis potestati suis subditis fidelibus ponere impedimenta Matrimonii. Ita S. Tho. in 4. d. 34. q. unic. a. 1. ad 4. dicens: Matrimonium, in quantum est in officii naturæ, statuitur lege naturæ: in quantum est Sacramentum, lege divina: in quantum est in officium Communitatis, statuitur lege civili. Et concludit S. D. Et ideo ex qualibet dictarum Legum potest aliqua persona effici ad Matrimonium illegitima. Idem docet 4. cont. Gent. c. 78.

*Ratio:* Tum quia superinducta ratio Sacramenti a Matrimonio non tollit rationem con-

tractus, ejus quoque naturam Christus non mutavit. Ergo, ut talis per se, seu attenda natura rei manet potestati politicæ subiectus. Tum etiam, quia licet potestas politica directè circa hoc Sacramentum nihil possit statuere, bene tamen indirectè, scilicet impediendo valorem contractus in Matrimonio essentialiter inclusi, apponendo certas condiciones sine quibus non. Quod etiam solum, & non plus potest Ecclesia.

*Dixi, per se, & ex natura rei;* Quia de facto Ecclesia hanc potestatem sibi reservavit, propter dignitatem Sacramenti. Quæ enim sunt conjuncta spiritualibus, & ad finem supernaturalem ordinantur, per potestatem sæcularem convenienter gubernari non possunt. Quam etiam ob causam si contingeret casus, quo Rex, & Papa circa Matrimonium præciperent contraria, standum esset Legi Ecclesiasticæ, velut superiori.

Contra R. 4. varia opponi possunt, quæ soluta sunt suprâ Tr. 6. Exam. 5. n. 63. Ubi probatum est, quod Princeps sæcularis possit ponere Leges sub peccato, seu in conscientia obligantes.

*Resp. 5.* Episcopus, quantum est ex vi suæ potestatis potest suis subditis ponere impedimenta Matrimonii. Ejus tamen usus est illi a Papa interdictus.

*Ratio:* Episcopus potest in sua Diocesi, quod Papa potest in tota Ecclesia, ut habet commune axioma, cum sit Pastor ordinarius, nisi potestas a Papa limitetur.

*Resp. 6.* Rationabilis, & legitime introducta consuetudo potest inducere novum impedimentum dirimens, & abrogare antiquum, quod est sola lege humana, sive Ecclesiastica, sive civili positum.

*Ratio:* Quia potest juxta S. Thom. 1. 2. q. 97. art. 3. inducere Legem in conscientia obligantem, uti & abrogare Legem purè humanam. Uti probatum, & fusè explicatum est suprâ Tract. 6. Exam. 5. n. 89. ubi vide, quæcunque ibi dicta sunt.

*Resp. 7.* In impedimentis jure naturali, aut positivo divino dirimentibus Papa dispensare nequit. 1. Bene tamen in iis, quæ solo jure Ecclesiastico dirimunt. 3. In quibus præter Papam nullus alius potestatem ordinariam dispensare potest, sed tantum ex commissione Papæ.

*Ratio 1. & 3.* Quia inferior per se non potest dispensare in Legge superioris. Ergo.

*Ratio 2.* Summa potestas, quæ est in terris, residet in Papa.

*Resp. 8.* Potest Episcopus, vel ordinaria, vel in Tr. sess. 24. c. 6. pro casibus occultis expressè concessa, vel saltem ex tacita Pontificis commissione, pro foro conscientie tantum dispensare in omnibus impedimentis jure Ecclesiastico dirimentibus: dummodò adsint omnes hæc 4. conditiones:

nes:

nes: 1. Quod impedimentum sit occultum. 2. Quod fuerit bona fide contractum iuxta formam decreti Trid. Sess. 24. c. 1. 3. Quod separatio fieri non possit sine magno scandalo. 4. Conditio est disiunctiva, quod scilicet non sit aditus ad Pontificem ex inopia, aut alia causa; vel si sit talis aditus, esset tamen periculum in mora, puta, periculum incontinentiæ, infamiæ, aut alterius damni, si publicaretur: ut si impedimentum teneret ex parte femine, & esset affinitas ex copula illicita cum consanguineo maritante Matrimonium.

*Ratio est nobilis Epikeja*, nec credi debet, Papam sibi reservare dispensationem in tanto animarum periculo: Ergo in casu potest dispensare Episcopus, non tamen ejus Vicarius Generalis, nisi ex commissione speciali. Plura, quæ hic dici possent, vide supra de dispensatione Tr. 6. Exam. 5. n. 90. & seqq. ubi etiam patet, quid statuerit Trid. cujus antè memini de casibus occultis. Vide infra Exam. 6. n. 71. & 74. an. & quando Papa dispense in impedimento consanguinitatis, & affinitatis.

**QUÆRO II.** Quæ in specie sunt impedimenta Matrimonium impediencia, seu non dirimentia, quæ, ut versùs a S. Thom. relatus habet, *impediunt fieri, permittunt facere, meri?*

*Resp.* Continentur sequentibus Versibus. Quibus tamen adde omissionem proclamationum, de qua Exam. 6. Q. 3. n. 96.

*Ecclesiæ vetitum, nec non tempus feriatum, Atque Catechismus, Crimen, Sponsalia, Votum.*

Explicantur suo ordine.

*Ecclesiæ vetitum*, id est, interdictum, seu prohibitio Ecclesiæ, sive generalis, sive particularis, ad tempus, vel in perpetuum. Huc etiam reducitur status peccati mortalis, & excommunicationis.

*Tempus feriatum*, nimirum juxta Trid. ab Adventu Domini usque ad Epiphaniam, & a feria quarta Cinerum usque ad Octavam Paschæ inclusivè. Quibus temporibus non prohibetur ipse contractus Matrimonii, aut consummatio ejus, sed sub peccato mortali (cùm in re gravi sit contra præceptum Ecclesiæ) prohibetur nuptiarum solemnitas, id est, 1. solemnitis Nuptiarum celebratio. 2. Tractatio Sponsæ in domum Sponsi. 3. Celebratio solemnitis convivii, ac tripudii. Observanda est consuetudo, & praxis loci etiam circa ipsum præcisè contractum.

*Catechismus*, id est, cognitio spiritalis consecuta ex Catechismo, seu instructione Fidei, quæ antè Januas Ecclesiæ, sit super eum, qui dertur ad Baptismum. Vel, ut alii explicant, contrahitur ab eo, qui respondet pro infante, quando post Baptismum in necessitate collatum suppletur cæremoniæ. Hoc impedimentum post Trid. nõ censetur amplius esse in usu.

*Tribunal Ordinandum.*

*Crimen.* Solent assignari septem impedimenta ex crimine, impediencia Matrimonium cum quacunque. 1. Incestus cum consanguinea Uxor in primo, vel secundo gradu, scienter admixtus, vel cum propria matre, aut filia. 2. Raptus alienæ sponsæ. 3. Uxoridicium. 4. Presbyteridicium. 5. Sulceptio propriæ Proles ex Baptismo ad impediendam redditionem debiti. 6. Publica penitentia, quamdiu durat. 7. Matrimonium cum moniali. Hæc septem impedimenta juxta communioem Sententiam non amplius sunt in usu.

*Sponsalia.* Qui enim Matrimonium promissit uni, non potest licitè contrahere cum alia. Vid. sup. de Sponsal.

*Votum*, nimirum simplex servandi castitatem, ingrediendi Religionem, non nubendi, suscipiendi Ordinem sacrum. Excipiuntur vota simplicia Soc. Jesu, quæ ex speciali Ecclesiæ Statuto, vel privilegio non solum impediunt, sed etiam dirimunt Matrimonium contrahendum.

*Nota.* differentiam inter eos, qui contrahunt cum voto simplicis castitatis, & eos, qui cum voto Religionis. Priores enim non solum mortaliter peccant contrahendo, sed & debitum petere non possunt, licet petenti debeant reddere. Posteriores verò, quamvis contrahendo peccant mortaliter, possunt tamen petere, ac reddere, cùm castitatem non promiserint absolute, sed solum sub conditione, si Religionem ingrediuntur.

*Nota 2.* quod cum illo, qui Matrimonium contrahit cum voto simplicis castitatis, possit Episcopus dispensare, ut possit petere debitum: qui tamen soluto per alterius conjugis mortem Matrimonii vinculo, tenetur ad castitatem, vel ad intrandam Religionem: ut patet ex S. Tho. qu. 93. art. 1. ad 4.

**QUÆRO III.** Quænam in specie sunt impedimenta Matrimonium dirimentia indicata hoc Versu S. Thomæ, *Quæ socianda verant, connubia, scilicet retrahant?*

*L.V. Resp.* De Jure antiquo sunt duodecim, indicata tribus sequentibus versibus a S. Thom. relatis, quibus jure novo Concilii Trid. addita sunt duo, nimirum Clandestinitas, & Raptus, quæ indicantur per duos Versus subjunctos. Versus sunt hi:

*Error, Condicio, Votum, Cognatio, Crimen.*

*Cultus disparitas, Vis, Ordo, Ligamen, Honestas.*

*Si sis affinis, si forsè coire nequibis.*

*Si Parochi, & duplicitè desit presentia testis,*

*Raptus est mulier, nec pariter deditur.*

Numerum duodenarium impedimentorum dirimentium, nimirum usque ad duo ultima, pulchrè explicat Angelicus Doctor in præsentia art. un. ubi videtur. De omnibus istis impedimentis in particulari agetur in sequenti Exam.

mine, prius tamen nonnulli scitu valde necessarii casus sunt resolvendi.

**QUÆRO IV.** Ut Matrimonium, quod defectu consensus, utpote qui, vel fuit factus, vel coactus, seu metu extortus (licet personæ fuerint habiles) fuit invalidum, fiat validum, requiriturne novus consensus utriusque?

**LVII. Resp.** Probabilius est, quod ille, qui illegitimè consensit, de novo consensus sensibilibiter exprimere debeat, si alter consensus non revocavit. Ita S. Th. hic q. 47. ar. 4. ad 2. dicens: *Ex consensu libero illius, qui primò coactus est, non fit Matrimonium, nisi in quantum consensus procedens in altero adhuc manet in suo vigore: unde si dissentiret, non fieret Matrimonium.*

**Ratio.** Cum consensus unius fuerit legitimus, & revocatus non sit, adeoque moraliter, vel virtualiter duret, nihil deest, nisi consensus alterius. Ergo si hic accedat, Matrimonium est validum: Quomodo autem ille consensus possit, vel debeat sensibilibiter exprimi, patebit ex dicendis. n. 57.

**Oppos. 1.** In casu, quo Matrimonium esset nullum ratione impedimenti dirimentis, personas ad contrahendum inhabiles facientis, ut validetur, requiritur novus externus consensus utriusque. Ergo similiter in presenti.

2. Matrimonium non potest claudicare: Sed juxta vos claudicat, quia tenet ex parte unius, & non alterius. Ergo.

**Ad 1. neg. conf.** Quia in illo casu consensus utriusque est nullus, in nostro autem consensus unus est validus, & virtualiter manet. Si ergo in casu obiecto detur dispensatio, licet non requirantur novæ proclamationes, nec præsentia Parochi, & Testium, ut postea dicetur, debent tamen ambo de novo sensibilibiter consentire; Tum quia dispensatio non dat valorem priori Matrimonio, cum fuerit nullum, sed solum facit personas habiles: Tum etiam, quia neutrius consensus virtualiter manet, permanentia enim supponit existentiam, consensus autem, qui non est verus, sed nullus, non habuit existentiam. Ergo.

**Ad 2. neg. min.** non enim dicimus, quod propter consensus legitimum unius Matrimonium sit validum ex parte unius, sed quod Matrimonium antea ex illo defectu nullum, fiat validum accedente legitimo consensu illius, qui antea consenserat illegitimè, cum alterius consensus adhuc duret. Referunt aliqui, quod Clemens VIII. fuerit in contraria Sententia, sed eam tenuit ut Doctor privatus.

**QUÆRO V.** Ut convalescat Matrimonium ratione impedimenti dirimentis, personas inhabiles facientis, debetne conjux impedimenti hujus nescius, ab altero ejus conficso de Matrimonio nullitate moneri, vel sufficere renovare consensus, tacendo nullitatem?

**LVII. Resp. 1.** Debet moneri, licet causa nullitatis non explicetur. 2. Non tamè sufficit in eo casu dicere: Suspicio tenon esse meum Virum, vel Uxorem. 3. Sufficit tamen, si ille consensus procedat ex cognitione æquivalenti scientiæ nullitatis, v. gr. si conjux nullitatem sciens petat ab alio sic: Diligis me ita, ut, si non esset inter nos Matrimonium, denuò contraheres, ac ex nunc vis me in conjugem, ac si antea non fuissetis conjuges, & ille respondeat, ita, volo, ita, accepto te in conjugem: & interrogans eodem modo dicat, & consensus suum exprimat. 4. Sufficit etiam, si conjuges impedimentum cessasse scientes, affectu conjugali se carnaliter cognoscant, non prælito alio consensu.

**Ratio 1. p.** Quod nullum est, non potest ratificari: Sed illud Matrimonium est nullum, & consensus nullus. Ergo non ratificatur: Sed conjuges tunc solum intendunt ratificare, non verò de novo contrahere, cum putent Matrimonium esse validum, adus autem non operantur ultra intentionem agentium. Ergo nihil faciunt, nisi nullitatem sciant. Simile est in voto etiam solemniter ratificato, cum ante fuerit nullum, sed nullitas non erat nota.

**Ratio 2. p.** Talis est, sicut titubans, qui autem titubet, habetur pro ignorante, ignorans autem non consentit, quia ignori nulla cupido. Ergo.

**Ratio 3. p.** cum Sanchez: Vir, vel mulier tunc non tantum intendit in Matrimonio perseverare, sed etiam denuò contrahere, sub ea conditione, si prius Matrimonium sit irritum: Sed conditio illa tunc existit. Ergo verè contrahitur Matrimonium.

**Nota 1.** Quod, licet hic ad sit aliquis error, vel ignorantia, hæc tamen solum est ignorantia concomitans; quæ non tollit voluntarium.

**Nota 2.** Hoc etiam posse fieri per Confessarium, ut, si inter conjuges sit discordia, hortetur eos, ut se ita diligant, ac si denuò Matrimonium contraherent, & ut ex nunc in conjuges se recipiant, etsi Matrimonium non fuerit inter eos. Sed (ut bene monet dictus Auctor) hoc magna circumspectione fieri debet: posset enim vir suspicari, Confessorem aliquid nosse de Matrimonio nullitate, & idè velle denuò consensus præstari: quare hic modus per Confessorem rarissimè adhibendus est.

**Ratio 4. p.** Matrimonium potest non solum verbis contrahi, sed & signis: Sed nullum signum tam expresse denotat voluntatem contrahendi, quam congressus animo conjugali factus. Ergo. Dixi, *animo conjugali*; licet in hac animo fornicario, coram Deo Matrimonium non validatur.

**LVIII. Resp.** Matrimonium, ratione impedimenti nullum, antea coram Parocho, & Testibus

siibus celebratum, ablato impedimento denuo coram iis celebrandum?

*Dico:* Sufficit, quod conjuges inter se solummodo insinuat renovent consensus, si impedimentum (sit illud qualecunque) occultum sit. 2. Si verò tempore primi contractus Parocho, aut uni ex testibus fuit notum, renovatio debet fieri coram eodem Parocho, & teste. 3. Si rescierunt post primum contractum, fed taliter, ut in foro externo probari non possit, non est necesse, ut iterum adhibeantur.

*Ratio 1. p.* Quia jam est satisfactum intentioni Concilii Trid. circa clandestinitatem, finis enim ejus Statuti fuit, cavere incommoda, & peccata, quæ ex matrimonio clandestino pullulabant, eo quod non poterant probari esse contracta, ut sunt desertio Uxoris, adulterii, &c. Sed hic finis in præsentiam salvatur. Ergo.

*Ratio 2. p.* Si testes in contractu sciverunt impedimentum, non fuerunt testes valoris, sed nullitatis. Ergo.

*Ratio 3. p.* Quia in eocasu Parochus, & testes tunc, quando Matrimonio assistebant, & Ecclesiam representabant, erant testes valoris, & Ecclesia validum Matrimonium judicabat: cuius nullitas ignorabatur. Ergo.

**QUÆRO VI.** Si conjuges ratione alicujus impedimenti dirimentis de valore Matrimonii dubitent, vel si eorum unus nullitatem sciat, potestne peti, vel reddi debitum?

*LIX. Resp. 1.* Si conjuges temerariè, & sine ratione dubitent, debent ad iudicium sui Pastoris, vel Confessoris dubium deponere, debitumque petere, ac reddere. 2. Si facta diligenti inquisitione de Matrimonii valore adhuc maneant dubii, sine mortali petere non possunt. 3. Si ambo dubitent de valore Matrimonii, præsertim mala fide contracti, postea verò inveniant rationes, ex quibus probabile quidem apparet, Matrimonium valere, probabilius tamen ipsis videtur non valere, nec reddere, nec petere possunt debitum, ut tenet verior opinio.

*Ratio 1. p.* Licium est agere contra scrupulum cognitum, ut patet Tr. 2. de Conscient. Exam. 2. n. 2. Sed in eocasu non est dubium, sed tantum scrupulus cognitus. Ergo.

*Ratio 2. p.* patet ex dicto Traç. Exam. 1. n. 10. ubi probatum est, quod non liceat operari cum conscientia prædictæ dubia propter periculum peccati: sicut in præsentem conjuges se exponunt periculo adulterii, vel fornicationis, si congediantur. Ergo.

*Ratio 3. p.* constat in eodem Traç. Exam. 3. n. 11. ubi probatur, non licere in moralibus sequi Sententiam probabilem reliquam, concurrente probabiliore, cognita ut tali.

*Resp. 2.* Probabilior est, quod conjugum, qui cum dubio de impedimento dirimente, v.g. de morte

alterius conjugis contraxit, non possint petere debitum, teneatur tamen alteri non dubitanti, sed bona fide possidenti reddere Ita expressè deciditur in c. Dominus, de secundis nuptiis, per hæc verba: Nullus amodo ad secundas nuptias migrare præsumat, donec ei constet, quod ab hac vita migraverit conjux: si verò aliquis hoc non servavit, & de morte prioris conjugis adhuc existimar sibi dubitandum, ei, quæ sibi nupsit, debitum non denegat pollulant: quod a te tamen noverit nullatenus exigendum. Hæc ibi.

*Ratio:* Possessor bonæ fidei non est spoliandus jure suo propter malam fidem alterius, ut patet in præscriptione, in qua mala fides possessoris prioris non nocet bona fide possidenti nunc. Ergo.

*Oppos:* juxta dicta non licet operari cum conscientia prædictæ dubia: Sed talis reddendo operaretur cum conscientia prædictæ dubia. Ergo peccaret mortaliter.

*Ad hoc neg. min.* Talis enim deberet se determinare, quod teneatur ad hic, & nunc reddendum, tum ex adducta Ratione, tum ex illo axioma in dicto Traç. 2. Ex. 1. q. 6. n. 13. explicato, *In dubiis rursus pars est eligenda*, ille autem reddendo eligeret partem tutiorem, ne innocentem suo spoliaret jure. In quo actu si forte erret, est peccatum materiale, non formale. Sicut si quis dubitet, an Petro debeat 50. imperiales, non peccat, sed bene facit solvendo, licet forte hæc pecunia deberetur hæreditibus cum reliqua hæreditate, qui tamen privantur ea.

*Resp. 3.* In casu *Resp. 2.* alter, qui non dubitat, potest quidem, dubitanti petenti reddere, non tamen teneatur.

*Ratio 1. p.* Est possessor pacificus, & bonæ fidei, Ergo potest plenè matrimonio uti.

*Ratio 2. p.* Obligatio reddendi oritur vel ex possessione petentis, vel ex Jure Justitiæ, quod habet ad exigendum: Sed utrumque hic deest, non enim suffragatur possessio, quæ dubia fide cæpta est, & dubia manet. Ergo. Ex quo patet disparitas de conjugum, qui habet votum simplex castitatis, cui petenti tenetur iter reddere, quia habet possessionem, & jus justitiæ ad exigendum, & petendum solum peccat frangendo votum, & abutendo rebus, scilicet corpore consortis.

*Resp. 4.* Si uterque mala fide contraxit, dubitando nimirum de impedimento dirimentis, neuter potest reddere, vel petere. 2. Si uterque bona fide contraxit, & postea ambo de valore Matrimonii dubitent, & adhibita circa inquirendam veritatem sufficiente diligentia adhuc dubii maneant ex titulo possessionis, possunt dubium prædictæ deponere, & salva conscientia petere, ac reddere, licet speculativè maneant dubii.

*Ratio 1. p.* Tuac nulli suffragatur possessio, cæpta enim est mala fide.

*Ratio 2. p.* patet ex illa Regula Juris: *In pari delicto, vel causa potior, seu melior est conditio possidentis*: Sed hic est par causa nullitatis, & valoris Matrimonii, cum non sint fortiora argumenta de uno, ac de altero, & possessio Matrimonii bona fide est cepta. Ergo. Vide explanationem istius Regulæ in Tract. de Consec. Exam. 1. Q. 6. n. 12. Et specialiter q. 7. & 8. ubi ostenditur, quod solum teneat in materia iustitiæ, qualis est in presenti.

*Resp. 5.* Si unus tantum conjux sciat nullitatem Matrimonii, certum est, quod saltem non possit petere. 2. Immo defacto probabilius est, quod nec possit petenti nullitatem nescienti reddere, etiam ad vitanda gravia damna, ac pericula infamiae, incontinentiae. Hujus secundæ partis oppositum olim graves DD. tenuerunt.

*Ratio 1. p.* Tum quia ex Matrimonio nullo nullum jus petendi nascitur; Tum etiam, quia accedere ad non suam, est peccatum luxuriæ. Ergo.

2. *Pars*, quæ hoc tempore est communior, clarè colligitur ex c. *litteras de resist. spol. & c. inquisitioni. 44. de sent. excom.* ubi Summus Pontifex rescribit, quod mulier conscia nullitatis, & impedimenti Matrimonii, ne quidem ad præceptum Judicis, sub censuris emanatum, possit absque peccato mortali reddere debitum. Tales enim censuræ non ligant animam, & conscientiam foemine, quia sunt latæ ex falsa præsumptione (quæ locum non habent in conscientia) cum Juxta fori externi, qui de occultis non judicat, præsumperit, foeminam frivole allegare impedimentum, cujus nullam probationem adferre potest.

*Ratio*: In nullo casu, & ex nullo metu licet committere peccatum, præsertim mortale, ut adulterium, fornicationem: Sed si in casu polito liceret ad vitanda gravia damna reddere debitum, licitum esset dictum peccatum, immò contra communem Sententiam fornicatio, & adulterium non essent intrinsecè mala, quia possent bono quodam sine cohonestari. Ergo.

Ex his ruit fundamentum Adversarij quo tenent, non fore fornicationem, aut adulterium formale, sed solum materiale, eò quod tanta necessitas excuset.

*Oppono*: Quod alter jussè potest petere, hoc possum, immò aliquando teneor ei reddere (licet iustitia petitionis sit tantum putativa ex errore, & persuasione hominum causata) immò interdum iniquè petenti: sicut si quis a Parocho petat Eucharistiam sibi dari, quem Parochus privatim scit ea indignum, tenetur publicè petenti dare, ut dictum est in Tract. de Euchar. *Subsumo*: Sed alter conjux, in bona fide existens, jussè potest, quod nemo negat, Ergo & alter reddere.

*Ad hoc* major non est universaliter vera; nam existens in magna necessitate iusta, seu sine

peccato potest ab usurario, aliter dare nolente, petere mutuum sub ulura, quod tamen usurarius sine peccato non potest dare. Et ita nec est vera in presenti. Vel dici potest, majore veram, si is, a quo petitur: possit reddere sine peccato, uti in presenti non posse probatum est.

*Quid ergo consilij?* quod medium pro tali muliere, ut evitet redditionem debiti, & evadat illa mala?

*Dico*: Omisiss diversis mediis, quæ hic suggeri solent, optimum est, vel statim clam, si haberi possit, procurare dispensationem in impedimento, ut si sit juris Ecclesiastici: vel omni possibili modo se abeantare, ac se conferre ad locum, ubi scandalum cessat.

**QUÆRO VII.** Qualiter debet constare de morte conjugis, si superstes velit secundò nubere?

*LXI. Resp. 1.* Ut conjux superstes, sive propria auctoritate, sive judicio Ecclesiæ possit transire ad secundas nuptias, non sufficit probabilitas moralis, idest, causa judicio obprobrium probabilis ad credendum, quod obierit, sed requiritur certitudo vel per nuntium, vel per testes, ita ut judicio prudentium non tantum probabile, sed & certum sit, quod obierit: Ita pater in c. *in presentia, de Sponsal.* ubi sic statuitur: *Non possunt tales ad aliorum consensum convolare, nec permittunt eas quoritate Ecclesiæ contrahere, donec certum nuntium accipiant de morte virorem.* Quo Juris Canonici Statuto correctum est jus civile, quo statuebatur, quod superstes deberet expedare per quinquennium, postea restrictum ad quadriennium, & similia, &c.

*Ratio*: In contrahendo Matrimonio debet evitari omne periculum peccati: Sed nisi in dicto casu addit dicta certitudo, imminet periculum nullitatis Matrimonii, consequenter & adulterij. Ergo.

*Oppono*: Adulterium non est sine dolo l. penult. ff. de adul. Sed Mulier, quæ nubit cum probabili credulitate de morte viri, non agit ex dolo. Ergo non exponit se periculo adulterij.

Sed neg. min. Ex dolo enim illa mulier agit idèd, quia non adhibet diligentiam jure requisitam ad se certificandam de morte viri.

*Resp. 2.* In casu posito non sufficit unus testis referens mortem. 2. Nec sola fama, nisi aliis adminiculis, certam probationem facientibus, adjuvetur.

*Ratio*: Vi allati textus Juris Canonici requiritur certum nuntium, ubi ly *nuntium* sumitur in genere neutro. *Subsumo 1.* Sed nuntium, quod habetur voce unius, non potest dici certum, quia, ut jura inquirunt, *Vox unius vox nullius.* Et estò, numeretur masculinè *nuntius certus*, subsistit tamen hæc Ratio: Quia nuntius certus est, qui nuntium certum assert: Sed unicuique



cus solus testis non potest nisi per se loquendo afferre nuntium certum. Ergo. *Summo* 2. Sed sola fama etiam non facit certum nuntium, cum oriatur ab incerto Auctore, & plerumque fallaci, siquæ vana vulgi vox, ideoque non probat, nisi oriatur a fide dignis. Ergo.

Dixi, nisi adjuvetur *adminiculis*, quæ varia a variis assignantur, v.g. longitudo abſentia: universalis fama de morte ibi, ubi commorabatur: distantia loci, ob quam difficulter alia probationes haberi possunt, mors, quæ dum contigit; senectus, vel ægritudo illius, de cuius morte agitur; prælium cui interfuit, & non est reversus, fortè per annum expectatus; literæ eorum, cum quibus militavit, obisse referentes; captivitas, in quam incidit, &c. Similiter fama non probat, nisi plenè sit probata, nimirum ad minus duobus testibus, omni exceptione maioribus, qui deponant, se audivisse publicè, non tantùm ab uno, sed a majori parte populi. Item debet fama esse orta ex rationabili motivo, quale potest esse i. Prelium, cui interfuit, & postea, diligenter etiam quæsitus, non fuit inventus. 2. Navigatio maris, & suborta tempestas, postquam nec navis comparuit, nec iple, etiam per loca verisimilia quæsitus. Plura de hoc vide in aliis AA.

QUÆRO VIII. Teneturne Confessarius admonere eos, quos scit contraxisse invalidum Matrimonium?

LXII. *Resp.* i. Probabilis est, quod Confessarius de impedimento dirimente tenetur admonere conjuges, laborantes ejus ignorantia vincibili, & mortaliter culpabili, siue facti, siue juris, humani, vel divini.

*Ratio:* Quia aliàs Confessarius scienter confert Sacramentum indigno, & non satisfacit suo officio, cum sedeat in Confessionalis, ut Doctor, & ut Vicarius Dei, est enim vel proprius Pastor, vel gerens vices illius. Ergo. De quo vide Tract. 2. n. 32. in Exam. 3. Alia Ratio videatur supra de Correctione fraterna Tract. 7. Exam. 6. Q. 14. n. 102. pro R. 1. & 2. præsertim axiomata ibi adducta.

*Resp.* 2. Idem est, si illa ignorantia, siue facti, siue juris, humani, vel divini, sit invincibilis, & sit probabilis spes monitionem protuturam, sine graviscandalo, & detrimento, v.g. in casu, quo confessarius scit Matrimonium esse nullum, & penitens facile potest impetrare dispensationem, quem etiam Confessor credit pro ea impetranda diligentiam adhibiturum, nec est periculum, ut interim Uxore (quam scit non esse suam) fruatur.

*Ratio est, quæ ante;* Cui addenda, quæ loco de Correctione fraterna citato dicta sunt pro R. 2.

*Resp.* 3. Si penitens laboret ignorantia invincibili facti, aut juris humani, divini, aut naturalis, sine præjudicio tertii, ac Boni communis, siue ignorantia adscit post Matrimonium

jam contrahum, si videretur contrahendum: & ex monitione nulla, etiam in futurum speretur utilitas (quod rarum videtur, & difficile est judicare) non tenetur, nec debet confessarius, aut alius admonere de impedimento dirimente, v.g. in casu, quo sequeretur perplexitas, vel scandalum ex separatione, vel difficultas, nimirum si conjux impedimenti conscius voluit cum scandalo alterius conjugis, impedimentum ignorantis, recedere: vel si obtenta dispensatione voluit quidem in Matrimonio persistere, alter autem nolet deinde consentire: vel certè manebunt simul in diuturno concubinato.

Hæc doctrina imprimis patet a paride correctione fraterna, quam supra Tract. 7. Exam. 6. n. 97. R. 6. ex verbis S. Thom. probavimus non obligare, ubi nulla speratur utilitas.

*Ratio:* Tum quia Doctor (uti est Confessarius) non tenetur docere, ubi ex doctrina nulla speratur utilitas, cum ordinetur ad utilitatem ejus, qui doceri debet. Tum etiam, quia nulla Lex obligat ad actus inutiles, & otiosos. Tum tandem, quia; ut ait Salustius, Frustrà niti, & nihil aliud, quàm laborando odium querere, extremæ demeritæ est. Et c. de viduis. 27. q. 1. *Nulli laqueum debemus inticere*, putà, sine ullo fructu sperato, quod tamen fieret, qui propter bonam fidem, & invincibilem ignorantiam erant in bono statu, eorumque peccatum erat solum materiale, ponerentur in periculo peccandi formaliter: Hæc sanè argumenta sententiam istam reddunt probabiliorē. Quæ etiam est ad mentem S. August. relati de penit. dist. 7. Can. Si quis: *Si sciveram, tibi non prodesse, non te admonerem, nō te tererem*.

Dixi in R. 3. *Sine præjudicio tertii, aut Boni communis;* Quia bonum commune præferendum est bono privato, v. grat. Si Confessarius sciat esse scandalum, vel publicam infamiam, de nullitate talis Matrimonii tenetur Confessarius conjuges admonere. Dixi 2. *nec in futurum;* Si enim scandalum penitenti ex admonitione imminens solum sit momentaneum, monendus est; quia proderit in futurum, licet non hic, & nunc.

*Oppono 1:* contra 3. R. Utilis scandalum permittitur, quàm veritas videri relinquatur, ut dicitur in jure. Ergo.

2. Ignorantia Juris divini nunquam est invincibilis, nisi quando nemo est, qui veritatem docere possit: Sed in eo casu Sacerdos eam potest penitentem docere. Ergo.

*Ad 1. Resp.* Esse verum, si ex manifestatione veritatis speretur aliqua utilitas saltem in futurum.

*Ad 2. dist. maj.* Si adscit obligatio inquirere de veritate, conc. secus, neg. maj. Non enim tenetur veritatem, aut juris divini notitiam querere, qui ejus invincibilem habet ignorantiam.



*Quid* spœnitens dubitet, vel incipiat dubitare, vel de hoc scrupulum in confessione proponat?

*Dico:* Tunc tenetur Doctorem quærere, & Confessor id advertens tenetur eum instruere.

*Ratio:* Tum quia tunc conscientia ejus jam videtur esselæsa. Tum etiam, quia aliàs pœnitens posset Sacerdotis taciturnitatem interpretari in suum favorem: essetque ejus taciturnitas approbatio erroris.

Ex quo, uti & ex Resp. ad 1. Oppon. colligitur intelligentia illorum duorum axiomatum suprà de Correc. fratern. adductorum, *Potens alios ab errore revocare, & tacens, seipsum errare demonstrat. Error cui minimè resistitur, approbatur.*

Quid sit ignorantia juris, & facti vincibilis, invincibilis. Vide suprà Tract. 3. Exam. 1. n. 13. An possit dari ignorantia Juris naturalis, & divini. Vide Tract. 6. Exam. 2. n. 7.

## EXAMEN VI.

*De impedimentis Matrimonii in speciali.*  
*De quibus agit S. Doct. a Quæst. 51. usque ad 61. inclusive.*

**QUÆRO I.** Quid sentis de impedimento erroris, & servitutis? De quibus S. D. agit q. 51. & 52.

**LXIII.** Error personæ antecedens dirimit Matrimonium, non solo Jure positivo, sed & naturali, etiam apud Infideles.

*Ratio S. Thom. q. 51. art. 1.* Quicquid impedit causam de sui natura, impedit similiter effectum: Sed error personæ antecedens impedit, ac tollit causam Matrimonii. Ergo & Matrimonium. Prob. min. Causa Matrimonii est consensus: Sed error impedit, ac tollit consensum. Ergo. Prob. min. Consensus in Matrimonium debet esse voluntarius: Sed error tollit voluntarium, quia tollit cognitionem, nihil autem volitum quin præcognitum. Ergo.

Ex quo sequitur, quod licet Matrimonium Jacob cum Lia loco Rachelis substituta a principio fuerit nullum, fuerit tamen postea validatum, & perfectum, non quidem ex ipso concubitu, qui ex errore contigit, sed, ut ait S. D. cit. ad 4. ex consensu, qui postmodum accessit: tamen uterque a peccato excusatur ratione erroris invincibilis, & quia affectu maritali coeherunt.

Dixi in R. *error personæ*, putà, in individuo a Sponto electæ, & determinatæ, v.g. primogenitæ, seu hujus Annæ, cui alia substituitur, Matrimonium est nullum. Est autem alius er-

ror circa qualitatem, & conditionem, uti sunt divitiæ, nobilitas, pulchritudo, &c. quæ non sunt de substantia Matrimonii. Et hic error (excepta conditione servitutis, de quo postea) si præcisè sit circa qualitatem, non annullat Matrimonium. Nam S. D. art. 2. in c. ait: *Oportet, quoddam error, qui Matrimonium impedit, sit aliquis eorum, quæ sunt de essentia Matrimonii*, uti est persona non qualitas. Potest tamen contingere, quod hic error redundet in personam, vel quod hæc qualitas juxta intentionem contrahentis, eam per se (& non alter) cum persona intendit, transeat in conditionem personæ: & tunc æquè annullat. Idem est, si contrahens illam qualitatem mente, vel verbo sibi reservaverit velut conditionem *sine qua non*, v.g. Contrahe tecum, si es Virgo, si es primogenita, &c. ut patet ex dictis suprà de consensu conditionato, si enim hæc conditio non verificetur, Matrimonium est nullum.

Dixi 2. *error antecedens*, id est, qui dat causam contrahi, ut sine illo non fieret. Est autem alius error *concomitans*, quando nimirum errans est in tali dispositione animi, ut æquè libenter, vel libentius contraheret cum tali, si sciret, seu si non erraret circa hanc personam. Et hic error etiam invalidat Matrimonium.

*Ratio:* Quia ad ejus valorem requiritur, quod sit positivè voluntarius: ad hocque, ut contrahens de facto consentiat in hanc, nec sufficit, quod consentiret, debet enim esse consensus, de præsentis, Ducote, Accipio te in meam, si Anna sit, si non.

Dixi 3. *etiam apud infideles*: nam & hos obligat jus naturæ.

**LXIV. Resp. 2.** Condicio Servitutis ignorata dirimit Matrimonium, non quidem jure naturæ, sed positivo humano. Ita S. D. qu. 52. a. 1. in c. & ad 3.

*Ratio:* Tum quia stando in jure naturæ tales personæ ad contrahendum sunt habiles. Tum etiam, quia Servitus non est absolute essentialia Matrimonii. Sed, ut ait S. D. art. 1. ad 1. *contrahitur Matrimonio quantum ad actum, ad quem quis per Matrimonium alteri obligatur, quem non potest liberè exequi, dum nimirum occupatur servitiis Domini sui, & quantum ad bonum Proles, quæ pejoris conditionis efficitur ex Servitute Parentis.* Ergo dirimit jure positivo. De quo S. D. a. 1. ad 3. docet: Jus naturale dicitur, quod pœna sit pro culpa infligenda, & quod nullus sine culpa puniri debeat, sed determiore pœnam secundum conditionem personæ, & culpæ, est Juris positivi, & ideo servitutis, quæ est quedam pœna (habere enim Virum. servum est pœna Uxoris, & e converso) si sit ignorata, eodem jure positivo impedit Matrimonium.

Dixi: *ignorata*, nimirum a contrahente libere; qui si eius notitiam habet, non dirimit, quia scienti, & volenti non fit injuria, sicut nec dirimit, si uterque conjux sit servus; quod utrumque explicatura S. Thom. ibidem in c.

*Resp. 3.* Servus absque consensu Domini valide contrahit Matrimonium. Ita S. Doct. art. 2.

*Ratio* ibid. Jus positivum non præjudicat Juri naturali, & divino: Sed servitus est de jure positivo, Matrimonium verò de jure naturali, & divino: Ergo. Hinc S. D. ibid. ad 1. ait: Servus est res Domini quantum ad ea, quæ naturalibus superadduntur, sed quantum ad naturalia omnes sunt pares.

LXV. Sequuntur Proles conditionem Patris, vel Matris?

*Dico* cum S. Th. ar. 4. Secundum Leges civiles *partus sequitur ventrem*, id est, si mater sit serva, filii sunt servi, licet Pater sit liber, & è contra, si Pater sit servus, Mater verò libera, filii sunt liberi.

*Ratio* S. D. Si quis seminat in terra aliena, fructus sunt ejus, cujus est terra: Sed venter Mulieris respectu seminis Viri est sicut terra respectu sementis. Ergo. 2. Etiam in naturalibus videmus, quod receptum est in recipiente ad modum recipientis, & non per modum dantis. Ergo & semen Viri recipitur in muliere juxta conditionem ejus. 3. Servitus est quedam conditio corporalis, cum servus sit instrumentum Domini in operando: Sed Proles substantiam corporis habet a Matre, a Patre autem complementum formale, Ergo in libertate, & servitute sequitur matrem. Dixi, *in libertate, & servitute*; quia, ut ait S. D. in his, quæ pertinent ad dignitatem, secundum quod est ex forma rei, sequitur Patrem, sicut in honoribus, municipiis, & hæreditate, & aliis hujusmodi. In quibusdam tamen terris, quæ jure civili non reguntur, partus sequitur deteriorem conditionem, ut si Pater sit servus, quamvis Mater sit libera, filii erunt servi.

*Opponi potest*: Denominatio fit a digniori: Sed in generatione Proles Pater est dignior Matre. Ergo Proles sequitur conditionem Patris. Sed solvitur ex mox dictis.

*Impedimentum Voti. De quo S. D. Q. 53.*

QUÆRO II. Quid de eo resolvit ad positum?

LXVI. *Resp. 1.* Per hoc impedimentum intelligo votum solennæ castitatis, emissum juxta formam a Concilio Trid. præscriptam, elapso integro Probationis anno, & post completum decimum sextum ætatis annum, in Religione approbata.

*Resp. 2.* Hoc votum jure naturæ dirimit Ma-

trimonium postea contractum in probabiliori sententia Angelici Doctoris, hicq. 53. ar. 2. in c. dicentis: Alii dicunt, quod hoc sit propter Statutum Ecclesiæ, sed hoc non sufficit, quia secundum hoc Ecclesia posset etiam contrarium statuere: quod non videtur verum. Et idè dicendum est cum aliis, quod votum solennæ ex sui natura habet, quod dirimat Matrimonium contractum, inquantum scilicet per ipsum homo sui corporis amissionem potestatem, Deo illud ad perpetuam continentiam tradens. Et idè non potest illud tradere in potestatem Uxoris Matrimonium contrahendo. Hæc ibi.

*Ratio duplex* patet ex his verbis S. Thomæ *Prima* est: Si votum solennæ castitatis religionis Matrimonium subsequens dirimeret ex solo Statuto Ecclesiæ, posset Ecclesia (si nimirum hoc Statutum tolleretur, uti tollere posset) facere, ut Religiosus manens Religiosus contrahat validum Matrimonium, & sit uxoratus: Sed hoc est expressè contra decretum Innocentii III. c. cum ad monasterium, quod habes supra Tracl. 10. Exam. 3. nu. 47. ubi ostensum est, quod Ecclesia, seu Papa non possit dispensare in Voto Religiosi professi, ut uxorem ducat. Ergo. Dixi in maj. *Matrimonium subsequens*; quod enim Matrimonium præcedens per votum solennæ subsequens non dissolvatur jure naturæ, nec Ecclesiastico, sed divino, seu ex privilegio Christi, probatum est supra.

*Secunda Ratio* est: Jus naturæ dicat, quod qui rem suam alteri totaliter, & absolute donavit, a quo donatio est acceptata, non possit eam donare alteri, præsertim in usum oppositum, & impossibilem: Sed homo per votum solennæ castitatis potestatem sui corporis a se totaliter abdicavit, illudque absolute ad perpetuam continentiam donavit, ac tradidit Deo, a quo donatio per Prælatum est acceptata. Ergo jus naturæ dicat, quod illud non possit donare alteri in usum oppositum. Sed usus Matrimonii absolute est impossibilis cum castitate religiosa, uti est luce clarius: in quo differt a traditione in servum, seu mancipium; servitus enim, & conjugium simpliciter se non excludunt, ut patet ex dictis antè. Ergo.

Confirm. Ob rationem in maj. adductam nullum est matrimonium contractum cum altera, vivente prima Uxore.

Quid sit votum? quid simplex? quid solenne? sive monachale, sive clericale? vide Traclatu. 10. Exam. 3.

LXVII. *Oppono 1.* contra 2. R. Matrimonium potest ex natura rei stare cum voto solennis Professionis, uti si post consummationem Maritus, vel Uxor, aut ambo ingrediantur, & profiteantur Religionem. Ergo non dirimitur

per illud jure naturæ.

2. Matrimonium dirimitur per votum castitatis, inquantum est solemne: sed, ut loquitur Bonifacius VIII. de voto, & voti redemptione in 6. *Solemnitas Voti ex sola constitutione Ecclesiæ est inventa.* Ergo.

Confirm. Acceptatio traditionis factæ per votum solemne spectat ad essentiam ejus, cum sit distinctivum illius a voto simplici: Sed hæc acceptatio fit ab Ecclesiâ. Ergo solemnitas voti etiam essentialis est ab Ecclesiâ.

3. Vota Jesuitarum simplicia faciunt æquæ veros Religiosos, ac vota aliorum Religiosorum, ut patet ex Bulla Gregor. XIII. *Ascendente Domino.* Sed illa Matrimonium sublequens dirimit tantum ex Statuto Ecclesiæ, ut dictum. Tr. 9. Q. 3. n. 54. Ergo & alia.

4. Votum solemne, & simplex castitatis sunt ejusdem speciei, cum utrumque sit promissio Deo facta, & adus virtutis Religionis, quæ est virtus una specie infima: Sed simplex non dirimit Matrimonium jure naturæ. Ergo nec solemne.

5. Quomodo aliâs Summi Pontifices potuissent dispensare, uti dispensarunt cum quibusdam Monachis, & Monachabus, ut nuberent? Item non ita jure naturæ dirimit votum solemne clericale, cur ergo monachale?

Ad 1. R. dist. ant. Matrimonium antecedens stat cum voto subsequente, conc. Matrimonium subsequens cum voto præcedente, neg. Votum ergo solemne stat cum Matrimonio non opposito, uti non opponitur, si præcedat, quia vel unus conjux ex culpa potest privari jure utendi corpore alterius, vel sponte potest unus, aut ambo illi cedere: & tunc potest fieri translatio domini corporis ad perpetuam innocentiam.

Ad 2. dist. maj. inquantum est solemne solemnitate essentiali, conc. accidentali, de qua loquitur Bonifacius, neg. maj. Et sic dist. min. neg. conf. Solutio patet suprà Tract. 10. Exam. 3. Q. 9. n. 47. in Not.

Ad Confirm. dist. maj. Acceptatio formaliter prout fit a Deo, status religiosi Auctore, cujus Ecclesiæ vices gerit, conc. maj. formaliter, ut est a sola Ecclesiâ, neg. maj. Et sic dist. min. neg. conf. Deus ergo votum solemne acceptat per Ecclesiam, ut suam Vicariam, & hæc acceptat illud nomine Dei.

Contra R. ad 3. insitari potest: Ex eo, quod solemnitas, de qua Bonifacius loquitur, sit inventa ex sola Constitutione Ecclesiæ, infert, solum dari duplex votum solemne, Matrimonium dirimens, scilicet monachale, & clericale: Sed ex eo, quod votum solemne solum est accidentale, non potest Papa definire, quodnam votum debeat dici solemne ad dirimendum Matrimonium. Ergo.

Dist. maj. Infert ex eo, præcisè ut ex signo, conc. tanquam in quo substantia voti consistat,

neg. maj. Et sic dist. min. neg. conf. Sensus ergo, ut Gonet loquitur, Pontificiæ definitionis est hic: Nos igitur attendentes, quod signa extrinseca declarativa voti solemnitis sunt ex Constitutione Ecclesiæ; cumque ex tali Constitutione signa illa in duobus solum votis reperiantur, scilicet in eo quod Ordines sacri habent annexum, & in illo, quod emittitur in Professione Religionis: Statuimus, illa duo vota dumtaxat esse solemnia, & dirimens Matrimonium subsecutum.

Ad 3. patet R. in Tract. 10. Exam. 3. Q. 9. n. 48. ad 1. Oppos.

Ad 4. dist. maj. Sunt ejusdem speciei inquantum præcisè vota sunt, & adus Virtutis Religionis, conc. maj. Ut unum formaliter solemne est, quod habet ex adibus importatis, nimirum ex totali, & absoluta traditione, & acceptance, neg. maj. Et concessa min. dist. similiter conf. Quod ergo votum solemne dirimat Matrimonium, non habet ex specie virtutis Religionis, sed ex specie solemnitis prædictæ essentialis. Ubi

Nota, quod in voto solemnitis sit promissio, & traditio; sed diversimodè promittuntur adus ad voti observantiam necessarii, & traditur persona vovens.

Ad 5. Vide Tract. 10. Exam. 3. Q. 9. n. 47. Ad 2. p. statim patebit Responsio ex dicendis ad Q. 3. pro R. 1.

LXVIII. *Quid si quis solemniter profiteretur in Religione, quam falsò putat esse approbatam, vel, si approbata sit, Superior tamen Professionem recipiens non est legitimus? Vel si Ecclesiâ statueret vota in tali Religione, v.g. Prædicatoria, aut Franciscana, non debere amplius esse solemnia?*

Dico: In his casibus non ferret votum solemne, non defectu alicujus substantialis requisiti, sed defectu conditionis *sine qua non*.

Ratio: Sicut Ecclesiâ ad valorem Matrimonii tanquam conditionem *sine qua non* statuit præsentiam Parochi, ita ad valorem Professionis, ut conditiones *sine quibus non*, statuere potuit, quod Religio debeat esse approbata, Superior legitimus, vovens certæ ætatis, &c.

*Quid si in voto simplici quis haberet animum æquè se Deo tradendi, ac solemnitis?*

Dico: Æquè se traderet affectivè, non effectivè. Deus ergo in voto simplici acceptat promissionem, & hæc sola effectivè in eo datur.

Ratio: Quod præcisè promittitur, non traditur, nec ejus dominium transfertur: Sed votum simplex ex sua specie solum est promissio. Ergo.

Nec obstat dicere: Juxta Thomistas eadem est

est bonitas, vel malitia essentialis in affectu, & in executione, seu in actu externo. Non, inquam, obstat; hoc enim intelligitur de ratione meriti, ac demeriti. De quo vide supra Tract. 3. Exam. 3. num. 53. & 54. Videatur etiam S. Thom. hic quest. 53. art. 1. ubi explicat, quomodo votum simplex sit fortius vinculum quam Matrimonium, & tamen illud non solvat. Et art. 2. ad 1. ubi declarat, quod & quomodo votum simplex, quantum ad eum, cui fit, æquè obliget, ac solemne, non tamen quoad modum obligandi. Quod idem ibid. ad 2. exponit de juramento.

*Impedimentum Ordinis. De quo S.D. eadem  
Quæst. 53. a. 3. & 4.*

### QUÆRO III. Quid de illo?

*LXIX. Resp. 1.* Per hoc impedimentum intelligo Ordinem sacrum, id est, Subdiaconatum, Diaconatum, Presbyteratum, qui impediunt Matrimonium, aliter tamen apud Græcos, aliter apud Latinos. Et quidem jure tantum Ecclesiastico: Ita S. Thom. hic quest. 53. art. 3. in cap. 3. dicens: Ordo sacer de sui ratione habet ex quadam congruentia, quod Matrimonium impedire debeat, quia in Sacris Ordinibus constituti sacra vasa, & Sacramenta tractant: & idèdè decens est, ut munditiam corporalem per continentiam servant. Sed, quod impediatur Matrimonium, ex constitutione Ecclesiæ habet, tamen aliter apud Latinos, quam apud Græcos, quia apud Græcos impedit Matrimonium contrahendum solum ex vi Ordinis sed apud Latinos impedit ex vi Ordinis, & ulterius ex voto continentiae, quod est Ordinibus sacris annexum, quod etsi quis verbotenus non emitat, ex hoc ipso tamen, quod Ordinem suscipit secundum ritum occidentalis Ecclesiæ, intelligitur emisisse. Et idèdè apud Græcos, & alios Occidentales sacer Ordo impedit Matrimonium contrahendum, non tamen Matrimonii prius, contracti usum, possunt enim Matrimonio prius contracto uti, quamvis non possint Matrimonium denudè contrahere: sed apud Occidentalem Ecclesiam impedit Matrimonium, & Matrimonii usum, nisi fortè ignorante, aut contradicente Uxore Vir Ordinem sacrum susceperit: quia ex hoc non potest ei aliquid præjudicium generari. Hæc ibi.

Idem S.D. 2.2. quæst. 88. a. 1. docet, quod ad differentiam voti solemnitis monachalis debitum continentiae non sit essentialiter annexum Ordini sacro, sed ex Statuto Ecclesiæ, & idèdè Papa in eo dispensare possit: non autem in monachali.

Ex his Colligitur, quod sacer Ordo semper quidem Matrimonium impediverit, non tamen semper irritaverit, nisi apud Latinos. Hinc

& illi, qui ante alicujus sacri Ordinis susceptionem apud Græcos erant uxorati, non poterant post ordinationem Matrimonio uti, ut patet ex multis Canonibus a Sylvio adductis, a quorum tamen observantia posteriores Græci defecerunt, in nupte qui Clericis ante uxoris non tantum usum conjugii ante contractum permittunt, sed etiam mandant, ut ducant Uxores ante sacrorum Ordinum susceptionem: quod illi sine schismatis specie non fecerunt; defacto tamen in eo non peccant, cum Romani Pontifices ad vitandum majus malum id tolerant.

*Resp. 2.* cum S.D. art. 4. in corp. Matrimonium non impedit sacri Ordinis susceptionem, quia si Matrimonio junctus ad sacros Ordines accedat, etiam reclamante Uxore, nihilominus characterem Ordinis suscipit, sed executione Ordinis caret; Si autem volente Uxore, vel ipsa defuncta, recipit Ordinem, & executionem.

*Ratio ibid.* in Sed Cont. Religiosi tenentur ad continentiam, sicut illi, qui sunt in sacris Ordinibus: Sed post Matrimonium potest aliquis Religionem intrare, defuncta, vel consentiente Uxore. Ergo & Ordinem suscipere.

In R. ad 2. ait S.D. Si Uxor sciat, & de ejus consensu Vir Ordinem sacrum susceperit, tenetur perpetuo continentiam vovere, non tamen tenetur Religionem intrare, si sibi non timeat de periculo castitatis, propter hoc quod Vir ejus solemne votum emisit. Secus autem esset, si emisisset votum simplex. Si autem sine ejus consensu susceperit, non tenetur: quia ex hoc nullum ei præjudicium generatur. Et ad 3. Sicut probabilius videtur (quamvis quidam contrarium dixerint) etiam Græci non debent accedere ad sacros Ordines sine consensu Uxorum: quia ad minus tempore ministerii sui fraudarentur debiti redditione, quo fraudari non possunt secundum Ordinem juris, si eis contradicentibus, aut ignorantibus Viri Ordines susceperint. Vide R. ad 4. specialiter de mulieribus Græcis in tali casu. Plura de hac materia dicta supra de Cælibatu Clericorum Tract. 15. Exam. 8. Quæst. 15. n. 128. ubi etiam adducta sunt verba Concilii Tridentini, ex quibus patet, de fide esse, quod Religiosi solemniter Professi, & Clerici in sacris constituti non possint validum contrahere Matrimonium. Item ibidem patet, quo Jure Cælibatus sacris Ordinibus sit annexus.

*Impedimentum Consanguinitatis. De quo S. D.  
q. 54. per 4. art.*

#### QUÆRO IV. Quid de eo sentis?

*LXX. Resp. 1.* Consanguinitas, dicta Sanguinis unitas, bene definitur a S. Thom. art. 1. quod sit *vinculum personarum ab eodem Stipite descendendum, carnali propagatione contractum*. Explicatur definitio: Dixi 1. *Vinculum*, id est, colligatio, seu conjunctio eorum, qui ab eodem Sanguine oriuntur, dicti inde Consanguinei; ob quod majori amoris nexu constringuntur. Dixi 2. *ab eodem stipite*, stipites autem vocatur illa persona, a qua reliquæ oriuntur, nimirum nepotes, pronepotes, abnepotes, &c. Hinc cum Vir, & Uxor sint una caro, constituunt stipitem. Intelligitur autem stipites proximus, non remotus, qui respectu omnium est Adam, & Eva, quia aliâs omnes homines essent consanguinei. Eleganter hujus explanationem vide in S. Tho. a. 1. ad 1. Dixi 3. *Carnali propagatione contractum*; quia per eam solum communicatio sanguinis consanguinitatem parit.

*Resp. 2. ex S. Tho. a. 2.* Consanguinitas in diversas partitur lineas, nimirum in rectam, & transversalem: recta subdividitur in lineam descendentium, & ascendendum; transversalis, seu collateralis est eorum, quorum unus quidem non genuit alterum, sunt tamen geniti ab eodem. Linea dividitur in gradus. Est autem linea nihil aliud, quam ordinata collectio personarum consanguinitate junctarum, seu in eodem sanguine communicantium. In qua, si est ascendendum progredimur agentis ad progenitores, quærendo eorum stipitem, ut a filio ad Patrem, Avum, Proavum, &c. & est principiati ad principium. Si est descendendum, progredimur a progenitoribus ad genitos, & est principiati ad principium, ut Patris ad filium, nepotem, pronepotem. In linea transversa ponuntur, frater, & soror, duo fratres, duæ sorores. Patruales, & Consobrini, & horum filii, ac nepotes. Hæc linea etiam est duplex, nimirum æqualis, & inæqualis, prima est, in qua collocatæ personæ æqualiter distant a stipite, ut patet in exemplis mox datis: altera, quando inæqualiter distant, ut Patruus, & filius fratris. In quavis linea diversi inveniuntur gradus. Est autem gradus nihil aliud, quam distantia unius personæ ab alia in eadem Linea. Hæc omnia pulchrè explicat S. D. in eodem art. 2.

*Resp. 3.* Tres sunt Regulæ pro cognoscenda consanguinitate, communiter receptæ a Theologis ex eodem a. 2.

*Primæ est pro linea recta tam descenden-*

*tium, quam ascendendum; nimirum, Tot sunt gradus in linea descendente, & ascendente quot sunt persona, una dempta, nimirum persona Stipitis. Quia Pater (qui unâ cum Matre est stipex) secundum se non constituit gradum, sed simul cum persona descendente, ut filius cum Patre: Una ergo persona per se gradum non constituit, sed comparata ad alteram. Hinc ait S. D. Persona, quæ primò in progressu propagationis occurrit, vel ascendendo, vel descendendo, distat ab aliquo in primo gradu, ut Pater, & filius: quæ autem secundo utrimque occurrit, distat in secundo gradu, ut avus, & nepos, & sic deinceps.*

*Secunda Regula est pro linea transversali equali, nimirum, In linea transversa equali, quot gradibus persona distat a communi stipite, eorundem gradibus distat inter se. Duo ergo fratres, vel duæ sorores distant inter se uno gradu in linea transversa, quia a communi stipite, scilicet Patre, & Matre, distant uno gradu in linea recta, ut exemplificat S. D. Patruales verò, & consobrini sunt in secundo gradu lineæ transversæ, quia a communi eorum stipite, scilicet avo, & avia distant duobus gradibus in linea recta, & sic de cæteris.*

*Tertia Regula est pro linea transversali inæquali, nimirum in illa. Quot gradibus Persona remotior a communi stipite distat, eorundem gradibus ipsa Persona distat inter se, vel, ut ait S. Thom. in hinc corp. Secundum remotiorem distantiam oportet consanguinitatem computari. Sicut filius unius duorum fratrum distat ab altero fratre in secundo gradu, quia causam distat a communi radice. Filius Pauli, & nepose ejusdem sunt etiam in secundo gradu ob eandem rationem. Hæc Regulæ sunt conformes Juri Canonico, quibus proinde standum est, licet Jus civile propter successionem in hæreditatibus gradus in linea transversa duplicet, ponendo duos, ubi Canonistæ ponunt unum; octo, ubi ponunt quatuor. Data de lineis, & gradibus doctrina, magis elucescet ex Tabula, seu Schemate postea ponendo.*

*Quid ergo, si quis a communi stipite in quinto gradu distans vellet contrahere cum aliqua, quæ ab eodem stipite distat quarto, tertio, secundo, immò solum primo gradu, valetne Matrimonium?*

*Affirmo: Id enim clarè sequitur ex Regula tertia.*

*Resp. 3.* Antiquitus quidem nemini licebat contrahere, immò invalide contrabatur intrâ septimum consanguinitatis gradum: attamen postea Innocentius III. in Concilio Lateran. restrinxit usque ad quartum gradum inclusivè, tam consanguinitatis quam affinitatis: ita ut inter has gradus nec valide, nec licitè contrahatur.

QUÆ-





QUÆRO V. Quo jure consanguinitas dirimit Matrimonium, ita ut possit, vel non possit in ea dispensari?

LXXI. *Resp.* 1. Ex S. Thom. hic ar. 3. in fine corp. dicente: Consanguinitas quantum ad aliquas personas impedit Matrimonium de Jure naturali; quantum ad aliquas, de Jure divino; & quantum ad aliquas, de jure per homines statuto.

*Declarat hoc ibidem dicens:* In Matrimonio aliquid contra legem naturæ esse dicitur, per quod Matrimonium redditur incompetens respectu finis, ad quem est ordinatum; finis autem Matrimonii per se, & primò est bonum prolis, quod quidem per aliquam consanguinitatem, scilicet inter Patrem, & filiam, vel filium, & matrem impeditur; non quidem ut totaliter tollatur, quia filia ex semine Patris potest prolem suscipere, & simul cum Patre nutrire, & instruere, in quibus bonum prolis consistit; sed ut non convenienter modifietur. Inordinatum enim est, quòd filia Patri per Matrimonium jungatur in sociam, causa generandæ prolis, & educandæ, quam oportet per omnia Patri esse subjectam, velut ex eo procedentem: & ideò de lege naturali est, ut Pater, & Mater a Matrimonio repellantur, & magis etiam mater, quàm pater; quia magis reverentia, quæ debetur parentibus, derogatur, si filius matrem, quàm si pater filiam ducat in Uxorem, cum Uxor Viro aequaliter debeat esse subjecta. Sed finis secundarius Matrimonii per se est concupiscentiæ refrænetio, qui aliàs deperiret, si quælibet consanguinea posset in Matrimonium duci, quia magnus concupiscentiæ aditus præboretur, nisi inter illas personas, quas oportet in eadem domo conversari, esset carnalis copula interdicta: & ideò Lex divina non solum Patrem, & Matrem excludit a matrimonio, sed etiam alias conjunctas personas, quas oportet simul conversari, & quæ debent invicem altera alterius pudicitiam custodire, & hanc causam assignat divina Lex dicens: Ne reveles turpitudinem talis, vel talis, quia turpitudinis tua est. Sed per accidens finis Matrimonii est confederatio hominum, & amicitia multiplicatio, dum homo ad consanguineos, sicut ad suos se habet: & ideò huic multiplicationi amicitie præjudicium fieret, si aliquis sanguine conjunctum Uxorem duceret, quia per hoc nova amicitia nulla cresceret. Et ideò secundum Leges humanas, & Statuta Ecclesiæ plures consanguinitatis gradus sunt a Matrimonio separati. Hæc ibi.

Ex quibus patet, juxta S. Thom. Matrimonium a consanguineis in primo gradu lineæ rectæ contractum, v.g. inter Patrem, & filiam, filium, & matrem esse jure naturæ nullum, nec in eo posse dispensari. Quod magis patebit ex

verbis S. Thom. adducendis ex 2. 2. pro R. 2.

*Oppono:* Nulla mulier potest esse propinqua viro, quàm Eva Adamo, utpotè Os ex ossibus ejus Gen. 2. & tamen Lex naturæ non prohibuit eam accipere in Uxorem. Ergo.

*Ad hoc S. Thom. hic ar. 3. ad 1. ait:* Eva quamvis ex Adam prodiit, non tamen fuit filia Adæ, quia non prodiit ex eo per modum illum, quo vir natus est generare sibi simile in specie, sed operatione divina, quæ ita potuisset ex colla Adæ fieri unus equus, sicut facta est Eva. Et ideò non est tanta naturalis convenientia Evæ ad Adam, sicut filia ad Patrem, nec Adam est naturale principium Evæ, sicut Pater filia. Hæc ibi.

*Resp.* 2. Probabilius est, quòd attento solo jure naturæ, seu nisi obflaret alia Lex positiva divina, validum esset Matrimonium in secundo, vel tertio gradu consanguinitatis lineæ rectæ, v.g. inter avum, & neptem. Ita colligitur ex S. Th. 2. 2. q. 154. art. 9. ad 3. dicente: In commixtione personarum conjunctarum aliquid est, quod est secundum se indecens, & repugnans naturali Rationi, sicut quòd commixtio fiat inter Parentes, & filios, quorum est per se, & immediata cognatio. Nam filii naturaliter honorem debent Parentibus; unde Philosoph. dicit in 9. de animal. quòd quidam equus, quia deceptus fuit, ut matri committeretur, seipsum præcipitavit, quasi præ horrore, eò quòd etiam animalibus aliquibus inest naturalis reverentia ad Parentes. Aliæ verò personæ, quæ non conjunguntur secundum seipsos, sed per ordinem ad parentes, non habent ita ex seipsis indecentiam, sed variatur circa hoc decentia, vel indecentia secundum consuetudinem, & legem humanam, vel divinam: quia usus venerorum, qui ordinatur ad bonum commune, subjacet Legi. Et ideò sicut Augustinus dicit, commissio sororum, & fratrum, quantò fuit antiquior compellente necessitate, tantò postea facta est damabilius Religione prohibente. Hæc S. Thomas.

*Ratio:* Causa præcipua, propter quam natura annullat Matrimonia in primo gradu, est naturalis reverentia a filiis debita Parentibus fundata in origine: Sed hæc ratio cessat in secundo gradu, v.g. in neptem respectu avi, quia principium filii, vel filia per se, & omnino necessarium est solus Pater, quòd autem hic sit genitus ab alio, est per accidens, ut patet in Cain, & Abel, qui erant verè filii, & tamen non habebant Avum. Ergo.

Ex quo sequitur, quòd dictum Matrimonium sit irritum Jure divino positivo expresso Lev. 18. ut constat ex verbis S. Thom. adductis pro R. 1. ubi etiam Ratio data est, uti ex ejusdem verbis adductis ex 2. 2. pro hac R. 2. Porro, quòd præcepta circa Matrimonia in Levitico expressa, licet sint judicialia, non tamen sint abrogata



gata cum Veteri lege, constat ex eo, quod ipsum Concil. Trid. ad ea se remittat Sess. 24. Can. 3. decernens: *Si quis dixerit, eos tantum consanguinitatis, & affinitatis gradus, qui in Levitico exprimuntur, posse impedire Matrimonium contrahendum, & dirimere contractum, nec posse Ecclesiam in nonnullis illorum dispensare, aut consistere, ut plures impediant, & dirimant, anathema sit.* Ratio, cur aliqua non sint totaliter abrogata, esse potest, quia includunt aliquid morale: est enim saltem naturalis indecentia (ut ex S. Tho. patet) in talibus gradibus contrahere Matrimonium, quod ea de causa saltem Jure naturæ est prohibitum; ut illicitum. Hinc nec Papa in eo dispensare potest.

*Resp. 3.* Probabilis est, quod Matrimonium inter consanguineos primi gradus lineæ transversæ, v.g. inter fratrem, & sororem contractum, sit jure naturæ nullum; excepto casu necessitatis. Ita S. D. clarè videtur docere verbis ex 2.2. pro R. 2. ex S. Augustino relatis. Ubi hic S. Pater per Religionem non intelligit Legem Religionis, seu Ecclesiæ, ut putant Adversarii, sed naturale Rationem, ut patet ex verbis, quæ S. August. subdit: *Fieri ergo debuit, quando posuit, ut existente copia inducerentur Uxores, qua non erant jam sorores, & non solum, istud ut fieret, nulla necessitas esset, verum etiam si fieret, nefas esset, cum talem licentiam ira exhorreat, & aversetur humana consuetudo, quasi nunquam licere posuerit.*

*Ratio:* Tum quia ob sanguinis conjunctionem inter fratres, & sorores est naturalis pudor, ac reverentia, cui actus conjugalis, alterius turpitudinem revelans, valde adversatur. Tum etiam, quia cum ab incunabulis cohabitent, & aliunde naturaliter se valde diligant, nisi conjugum inter eos ex natura esset irritum, daretur eis magna occasio inflammandæ concupiscentiæ, adeoque & incestuosi concubitus. Tum tandem, quia nec Ecclesia legitur unquam in hoc gradu dispensasse, etsi enim Comes Armeniacus ex dispensatione sororem duxerit in Uxorem, est tamen dispensatio conficta, nec eam unquam imitari potuit, & Protonotarius, qui eas literas falsò subscripsit, extremo supplicio fuit affectus, teste Emilio. Similiter falsum est, quod refertur de Martino V. hic enim solum dispensavit in primo gradu affinitatis.

*Dixi in R. 3. Dempto casu necessitatis,* qualis erat in primordio mundi, ob quam Deus tunc dispensavit. Si vero defacto aliquæ gentes barbaræ ut licita admittunt Matrimonia fratrum cum sororibus, in hoc crasse errant contra jus naturæ, sicut & errant in polygamia, & Uxorum communitate, ac pluribus aliis.

*Resp. 4.* In secundo, & ulterioribus gradibus consanguinitatis lineæ transversæ Matrimo-

nium non est irritum jure naturæ, sed tantum Ecclesiastico, c. non debet. de consang. Unde in c. gaudemus. de divor. Innoc. III. decernit, quod in aliis gradibus ultra primum, Infideles Matrimonio juncti, ad fidem conversi, non sint separandi. Ergo. Prob. conf. Quia infideles, licet non teneantur Legibus Ecclesiæ, bene tamen jure naturæ. Ex quo Sequitur, quod Papa possit dispensare cum aliquo, ut ducat filium sororis suæ, sicut ex gravi causa solet dispensare cum Regibus, aliisque Magnatibus. Vide Conc. Trid. Sess. 24. c. 5. de reform. matrim.

*Quid censet de fratribus, ac sororibus sex altero tantum parente, quos medios, seu semifrates vocant?*

*Dico* cum communi sententia, Est de iis eadem, quoad præsens; Ratio, quæ de fratribus germanis. Sunt enim verè fratres, & sorores, licet aliquo modo a vinculo fraternitatis recedant. Hinc & de illis intelligitur R. 3.

*Impedimentum Affinitatis: De quo S. D. Q. 55. per II. Articulos.*

**QUÆRO VI.** Quæ tua de hoc Impedimento Sententia?

*LXXII. Resp. 1.* Affinitas ex S. Tho. 2.1. & 3. bene definitur, quod sit conjunctio, seu propinquitas personarum proveniens ex copula carnali licita, vel illicita, cum commixtione seminum, vel ex potestate ad illam.

*Explicatur definitio.* Dixi 1. *Propinquitas*, quia per affinitatem duæ familiæ, sanguine distantes, sibi appropinquant, seu conjunguntur. Dixi 2. *proveniens ex copula carnali*, quia affinitas completa, & perfecta pro causa requirit Matrimonii consummationem. Dixi 3. *Licita, vel illicita.* Si provenit ex copula licita, dirimit defacto Matrimonium usque ad quartum gradum inclusivè, olim usque ad septimum. Si ex illicita, nimirum extra Matrimonium, seu fornicaria, dirimit usque ad secundum gradum inclusivè, ut patet ex Trid. Sess. 24. cap. 2. de reform. olim. usque ad quartum. Dixi 4. *cum commixtione seminum:* quia ad contrahendam affinitatem perfectam, & consummatam requiritur copula perfecta, seu generationi apta, quæ fit cum effusione, & receptione seminis virilis intra vas naturale mulieris, quomodo cumq; introponatur, sive per attractionem, sive per inductionem etiam diabolicam: quia tunc sufficit ad generationem; hincque vir, & mulier una caro: Hinc ex congressu spadonum, saltem utroque testiculo creantur, & ob id semen generationi aptum non emittentium, non contrahitur affinitas, bene tamen ex commixtione cum femina invita, insana, dormiente, ebria, quia cum ea potest fieri actus generationi aptus. Dixi 5. *vel ex potestate ad illam*, putà,

Zz ad

ad copulam licitam, quæ potestas habetur ex Matrimonio rato, non consummato, ex quo etiam oritur affinitas dirimens Matrimonium usque ad quartum gradum. c. *porro*. 35. qu. 3. Est autem affinitas incompleta, seu non perfecta, ac initiata, quam aliqui DD. magis volunt appellare impedimentum publicæ honestatis (attamen cum prædicta videndi, ad differentiâ illius impedimenti, quod oritur ex sponsalibus, de quo supra) quàm affinitatem, sed malè. Ita enim ad propositum ait S. Th. hic a. 4. ad 1. Vir, & mulier: sibi in carnali copula una caro per commixtionem seminum. Unde quantumcunque aliquis claustrum pudoris invadat, vel frangat, nisi commixtio seminum sequatur, non contrahitur ex hoc affinitas. Sed Matrimonium affinitatem causat, nō solum ratione carnalis copulæ, sed etiam ratione societatis conjugalis: secundum quam etiam Matrimonium naturale est. Unde & affinitas oritur ex ipso contractu Matrimonii per verba de præsentia ante carnalem copulam. Et similiter etiam ex sponsalibus, in quibus fit quædam pactio conjugalis societatis, contrahitur aliquid affinitati simile, scilicet publicæ honestatis iustitia. Hæc ibi. Quæ verba sunt satis clara.

*Resp. 2.* Affinitas est duplex: Una lineæ rectæ, & æqualis; Altera lineæ transversalis. In lineæ rectæ affinitatis collocantur ascendentes, & descendentes illius personæ, cum qua copula fuit habita. In transversali autem sunt ejusdem consanguinei lineæ transversæ, v. gr. Paulus cognovit Annam conjugem suam, quæ habet Patrem, & Matrem, fratres, & sorores: Pater, & Mater Annæ sunt affines Pauli in lineæ rectæ, frater verò, & soror in lineæ transversali. Porro Stipes in affinitate sunt duæ illæ personæ, quæ se invicem carnaliter cognoverunt: & illæ non dicuntur sibi affines, sed sunt principium affinitatis, ex eorum copula carnali confluentis.

*LXXIII. Resp. 3.* Pro cognoscenda affinitate, ejusque gradu servitur hæc quatuor Regulæ; *Prima est*: Per Matrimonium omnes consanguinei Viri sunt affines Uxori, & e contra consanguinei Uxoris sunt affines Viro, ita ut Uxor post mortem mariti non possit nubere alicui ejus consanguineo, nec e contra usque ad quartum gradum: non tamen propter hoc consanguinei utriusque conjugis sunt affines inter se: sed hi possunt inter se nubere, sive mortui, sive adhuc viventibus illis conjugibus. Hinc duæ germanæ sorores unius familiæ possunt contrahere Matrimonium cum duobus germanis fratribus alterius familiæ: solet quidem hæc vocari affinitas, sed est per accidentalis.

*Ratio*: Quia est inter personas, quarum neutra per copulam carnalem est per se causam dedit, cum etiam possit esse inter Virgines, & Personas omnis copulæ carnalis expertes.

Ex his Sequitur 1. quoddam filius Mariti ex alia Uxore possit contrahere cum filia Uxoris ex alio Marito, seu privigna potest nubere filio vitrici, & e contra privignus filiz novercæ. 2. Potest quis ducere matrem sui vitrici, vel novercæ. 3. Potest quis successivè nubere duabus foeminis, quarum viri fuerunt germani fratres, v. gr. Petrus, & Paulus fratres ducunt, unus Annam, alter Mariam: moriuntur Petrus, & Paulus, potest Joannes ex tertia quadam familia ortus ducere Annam, & ea defuncta Mariam. 4. Pater Sponsi potest nubere filiz, vel matri Sponsæ.

*Secunda Regula*: Inter Virum, & affines Uxoris non oritur impedimentum affinitatis, nec e contra inter Uxorem, & affines Viri.

*Ratio*: Quia affinitas non parit affinitatem, ut docet S. Th. hic art. 5. Hinc Vir mortua sua Uxore potest contrahere cum quavis affine suæ Uxoris, idem est e converso de Muliere.

*Tertia Regula* ex iam dictis colligitur, ad discernendam affinitatem, tam per se, quàm per acciden-tem: nimirum. Si nec vir carnaliter cognoverit consanguineam illius mulieris, cui nubere vult, nec mulier ullum consanguineum ejusdem viri, si quæ inter eos sit affinitas, ea solum est per acciden-tem: nec impedit Matrimonium. *Ratio* est ante data.

*Quarta Regula* ad comprehendendos gradus affinitatis per se talis, est: In quo consanguinitatis gradu aliqua persona est juncta Viro, in eodem etiam gradu affinitatis jungitur mulieri. Idem est de consanguineis mulieris in ordine ad Virum. Si quis ergo vult cognoscere suos affines, inspicat arborem consanguinitatis mulieris, cui & quæ persona sit in secundo, vel tertio gradu consanguinea, in eodem gradu erit affinis marito, & e converso. Hæc omnia patent ex Schemate Consanguinitatis, & Affinitatis.

*QUÆRO VII.* Quo jure affinitas dirimit Matrimonium, ut possit, vel non possit in ea dispensari?

*LXXIV. Resp. 1.* Probabilius est, quoddam Matrimonium in primo gradu affinitatis lineæ rectæ (v. g. inter uovercam & privignum, vitricum & privignam, locerum & nurum, locerum & generum) sit jure naturæ invalidum; adeoque nec Papa in hoc impedimento dispensare possit. Colligitur ex Apostolo 1. ad Cor. 5. dicente: *Audietur inter vos fornicatio, & talis, qualis neque inter Gentes: ita ut Uxorem Patris sui aliquis habeat.* Ubi Apostolus non tantum (ut Adversarii putant) exaggerat injuriam Patri illatam, si is forte adhuc vivebat, sed ipsam sceleris immanitatem. Cui, indubiè quia ipsi Juri naturæ adversatur, Levit. 20. statuitur hæc gravissima pœna: *Qui supra Uxorem filiam duxerit maledictum ejus, scelus operatus est: & virum arde-*

cum eis : nec permanebis tantum nefas in medio vestri. Ubi etiam, ut ex textu patet, mixtum connumeratur cum Sodomia, & bestialitate, & plūs his exaggeratur.

*Ratio* : Non solum civiles, & cultæ, sed & barbaræ gentes ex didamine, & pudore naturali averlatæ sunt congressum conjugalem privigni cum noverca. Est enim contra naturalem reverentiam Patri debitam, committeri cum ejus, etiam mortui, Uxore : ut potest cum quæ ipse factus est una caro.

Nota, quod hæc Ratio etiam probet idem affectus impedimentum dirimens jure naturæ nasci ex copula fornicaria, sic, ut quis non possit validè ducere concubinam Patris sui, aut filiam ejus.

*Resp. 2.* Probabilior est, quod Matrimonium in primo gradu affinitatis lineæ transversæ, licet naturali jure, & gentium sit valde indecens, non tamen sit invalidum, ita ut ex gravi causa, præsertim accedente publica Superioris, nimirum Summi Pontificis auctoritate, licite contrahi possit, v.g. inter Uxorem, & fratrem defuncti mariti.

*Ratio 1. p.* Quia sic videtur dicere naturalis reverentia erga fratrem, etiam defunctum, qui fuit una caro cum Uxore relicta.

*Ratio 2. p.* Et si sit dicta naturalis reverentia erga fratrem, non tamen est tanta, quanta erga Patrem ut Matrimonium annullet : de quo antea in R. 1. Hinc & Deut. 25. universum præceptum fuit Israelitis, si fratrum unus sine liberis decessisset, ut alter relictam ejus Uxorem accipiat, ex eaque suscitetur semen fratris sui. Item Innocent. III. in c. ult. de divortiiis illis, qui in infidelitate secundum gentis suæ consuetudinem contraxerant cum Uxore fratris sine liberis defuncti, permittit, ut ad fidem conversi Matrimonio uti possint. Quod permittere non potuisset, si tale Matrimonium esset jure naturæ nullum : quod jus etiam Infideles obligat. Tandem non femel Sedes Apostolica, ut in hoc affinitatis lineæ transversæ gradu Matrimonium contraheretur, dispensavit cum Principibus.

*Quid dicendum*, si affinitas Matrimonio superveniat, ut si vir committat adulterium, ac incestum cum consanguinea Uxoris, vel e contra Uxor cum consanguineo viro?

*Dico* : Impedit, ne nocens, si dispensationem obtineat, possit petere debitum : non tamen privatur facultate reddendi, ne innocens lædatur ob delictum alterius. Dispensationem illam possedat ab Episcopo, perique docent. De hac re plura vide infra Exam. 7. n. 100.

*Cognatio Spiritualis, & Legis, S. Thom.*

*Quæst. 56. & 57.*

QUÆRO VIII. Quid de hoc bino impedimento?

LXXV. Ante R. Not. quod Cognatio habeat

seu genus, sub se continens tres species, scilicet Cognationem carnalem, spirituales, & legalem. Prima subdividitur in Consanguinitatem, & affinitatem, de quibus jam actum est. Hic ergo inquiritur de secunda, & tertia. Hoc notato

*Resp. 1.* Cognatio spiritualis est propinquitas quædam personarum, orta ex eo, quod quis Sacramentum Baptismi, vel Confirmationis alteri conferat : aut ex eo, quod quis illum, cui tale Sacramentum confertur, teneat, seu suscipiat, uti est Patrinus, vel Matrina. Hoc impedimentum jure tantum Ecclesiastico oritur, & dirimit tantum inter baptizantem, seu confirmantem, & inter baptizatum, seu confirmatum ; Item inter Patrinum baptizati, seu confirmati, & inter ipsum baptizatum, seu confirmatum, & parentes ejus : non vero inter Patrinum, & Matrinam, nec inter filiatrum (id est, baptizatum, vel confirmatum) & filios aut filias Patrini. Nam jus antiquum (conformiter ad quod loquitur S. Tho. hic a. 4.) vi cujus illa cognatio ad prædictos transibat, sublatum est per Trid. Sess. 24. c. 4. Videatur S. Thom. a. 1. & 2. Item de Patrinis vide suprâ de Baptismo, & Confirm.

*Resp. 2.* Hoc impedimentum, vel cognatio nascitur tantum ex duobus Sacramentis, scilicet Baptismo, & Confirmatione, ut patet ex S. Th. a. 2. & non ex solis ceremoniis Baptismi, quæ interdum supplentur. Hinc etiam non oritur ex Sacramento Confessionis inter Confessarium, vel spiritualem Patrem, & filias confessionis : quamvis verum sit, quod si Confessor cum illis carnaliter peccet, teneatur hanc circumstantiam confiteri, ut dictum est suprâ Tract. 3. Exam. 2. Q. 2.

*Resp. 3.* Quomodo cognatio spiritualis possit Matrimonio supervenire, & saltem ejus actui præjudicare, explicat S. D. ar. 1. in c. dicens : Distinguendum est de spirituali cognatione, quia aut præcessit Matrimonium, aut sequitur. Si præcessit, impedit contrahendū, & dirimit contrahū : si sequitur, tunc non dirimit vinculum Matrimonii. Sed quantum ad actum Matrimonii est distinguendum, quia aut spiritualis cognatio inducitur causa necessitatis, sicut cum Pater baptizat filium in articulo mortis ; & tunc non impedit actum Matrimonii, ex neutra parte : aut inducitur extra causam necessitatis ex ignorantia, & tunc, si ille, ex cuius actu inducitur, diligentiam adhibuit, est eadem ratio, sicut de primo : aut ex industria extra causam necessitatis, & tunc ille, ex cuius actu inducitur, amittit jus petendi debitum, sed tamen debet reddere, si petatur : quia ex culpa ejus non debet aliquid incommodum alius reportare. Et ibi.

*Resp. 4.* Ad contrahendam hanc cognationem spirituales sufficit, quod Patrinus bapti-

zandum tangat, & teneat per Legatum, seu Procuratorem; unde Legatus non contrahit illam, nec Patrinus efficitur.

*Ratio* : Tum quia ita habet communis Fidei-  
lium persuasio, quod non Legatus, sed ipse man-  
dans sit Patrinus, & quod a solis Patrinis con-  
trahatur hæc cognatio. Tum etiam quia Le-  
gatus non tenet suos, sed alieno nomine, & alius  
tenet per illum; ut autem habet Regula Juris:  
*Qui facit per alium, perinde est, ac si faciat per  
se ipsum*. Ergo.

*Resp. 5.* Cognatio legalis est propinquitas  
personarum proveniens ex adoptione. Adoptio  
a S.Tho. q. 57. a. 1. bene definitur, quod sit  
*extranea persona in filium, seu filiam, vel nepotem  
legitima assumptio*. Explicat hanc definitionem  
S.Th. dicens: Ars imitatur naturam, & sup-  
plet defectum naturæ in illis, in quibus natura  
deficit: unde scilicet per naturalem generatio-  
nem aliquis filium producit, ita per jus politi-  
vum, quod est ars boni, & æqui, potest aliquis  
alium sibi assumere in filium ad similitudinem  
filii naturalis, & ad supplendum filiorum de-  
perditorum defectum, propter quod præcipue  
adoptio est introducta: & quia assumptio im-  
portat terminum æquo, oportet, quod ille, qui  
assumitur in filium, sit persona extranea.  
Hæc ibi.

*Resp. 6.* Adoptio est duplex, ut S.Tho. ibid. ad  
1. explicat dicens: Filiatio adoptionis est quæ-  
dam imitatio filiationis naturalis, & ideo du-  
plex est adoptionis species. Una, quæ perfecte  
naturalem filiationem imitatur, & hæc voca-  
tur arrogatio, per quam traducitur adoptatus  
in potestatem adoptantis, & sic adoptatus suc-  
cedit Patri adoptanti ex intestato: nec potest  
cum Pater sine culpa privare quarta parte hæ-  
reditatis, sic autem adoptari non potest nisi il-  
le, qui est sui juris, qui scilicet non habet pa-  
trem, aut si habet, est emancipatus: & hæc ado-  
ption non fit nisi auctoritate Principis. Alia est  
adoptio, quæ imitatur naturalem filiationem  
imperfecte, quæ vocatur simplex adoptatio:  
per quam adoptatus non transit in potestatem  
adoptantis. Unde magis est dispositio quædam  
ad perfectam adoptionem, quam adoptio per-  
fecta: & secundum hanc potest adoptari etiam  
ille, qui non est sui juris, & sine auctoritate  
Principis, ex auctoritate magistratus: & sic  
adoptatus non succedit in bonis adoptantis,  
nec tenetur ei adoptans aliquid de bonis suis in  
testamento dimittere, nisi velit. Hæc ibi.

*Resp. 7.* Legibus humanis ab Ecclesia appro-  
batus statutum est, quod cognatio legalis per-  
fecta dirimat Matrimonium. S.Th. a. 2.

*Ratio* ibid. Lex divina illas præcipue perso-  
nas a matrimonio excludit, quas necesse erat  
cohabitare, ne, ut Rabbi Moyses dicit, si ad eas  
liceret uti carnali copula, facilis pateret con-  
cupiscentiæ locus, ad quam reprimendam

Matrimonium est ordinatum: Sed filius ado-  
ptatus conversatur in domo patris adoptantis,  
sicut filius naturalis. Ergo.

*Resp. 8.* Cognatio legalis perfecta contrahit-  
tur 1. inter adoptantem, & adoptatum, & filios  
adoptati, usque ad quartum gradum. 2. Inter ado-  
ptantem, & uxorem adoptati, & inter adopta-  
tum, & uxorem adoptantis. 3. Inter adopta-  
tum, & filios legitimos adoptantis; prout tra-  
dit, & explicat S.D. a 3. Verum tertia species  
non est perpetua, sicut alie duæ, sed solum du-  
rat, dum alter eorum non emancipatur.

*Resp. 9.* Fœmina non potest adoptare nisi ex  
privilegio. Unde adoptans debet esse masculus,  
& quidem sui juris, & ad minis ætatis  
annorum 25. naturaliter non impotens ad pro-  
creandos filios, licet impotens factus sit ex ac-  
cidente, ut fuit Spadones, & per modum Eu-  
nuchi facti. Item debet ad minis 18. annis ex-  
cedere adoptatum, ita ut speculata ætate posset  
esse pater ejus, cum filiorum adoptio sit intro-  
ducta ad similitudinem filiorum carnalium.  
Tandem persona extranea, cum adoptatur, de-  
bet esse præsens adoptanti, & consentire in  
adoptionem.

*Gr. men, Cultus disparitas, Vis, Ligamen, Hon. las.*  
*De quibus S. Thomas agit locis citandis.*

QUÆRO IX. Quid de his impedimentis?

LXXVI. *Resp. 1.* Impedimentum criminis  
(de quo S.D. agit qu. 60. per duos art.) compre-  
hendit duplex crimen, quo Matrimonium pos-  
set contrañum dirimitur. *Primum est* homi-  
cidium conjugis ab altero conjugis, & alio ter-  
tio factum eo fine, ut postea inter se Matrimo-  
nium contrahant. Et perinde est, siue factum  
sit phisice, vel gladio, vel veneno; siue moraliter,  
v.g. imperio. Ut autem dirimat, debet esse  
occisio non solum tentata, sed in effectu se-  
cuta ex animo contrahendi. Unde non diri-  
mit, si occisio sit quidem actu secuta, sed sine  
illo animo, vel si hic animus adfuerit quidam,  
non tamen fuit externè manifestatus, nec com-  
muni utriusque consilio approbatus, sed ab uno  
tantum, nisi adulterium præcesserit: si enim  
hoc præcesserit, licet tantum unus altero ne-  
sciente cum intentione Matrimonii eadem  
perfecerit, Matrimonium dirimitur. *Secundum*  
crimen est adulterium, quo duo adinvicem car-  
naliter committuntur vivente alterius con-  
juge, & vel de presenti contrahunt, vel mutuo  
sibi compromittunt, post mortem conjugis  
contrañros Matrimonium, hoc autem postea  
jure Ecclesiastico est nullum: dummodo adint  
hæc conditiones, scilicet ut promissio sit acce-  
ptata, & uterque sciat alterum esse conjugem  
tum: si enim vel alteruter ignoret, Matrimo-  
nium non dirimitur. Hoc impedimentum  
statutum est in poenam utriusque hujus crimi-  
nis, & ut tollatur ea occasio machinandi mor-  
tem conjugis.

**LXXVII.** *Resp. 2.* Cultus disparitas, seu diversitas Religionis, seu Fidei inter contrahentes, est impedimentum ab Ecclesia statutum, vi cuius Matrimonium est nullum inter baptizatum, & infidelem, seu non baptizatum, v.g. Judæam, Paganam, &c. etiam Cathumenam. Cæterum loquendo de hæreticis, tanquam baptizatis, v.g. Lutheranis, Calvinistis, &c. licet Matrimonia a Catholicis cum illis contracta sint valida, sunt tamen perfecte scandalosa, & mortaliter illicita. Dixi, *per se*; excipitur enim 1. si sit spes certa conversionis. 2. In Germania, & aliis locis finitimis, ubi Catholici mixti vivunt cum Hæreticis, si desit scandalum, & omne periculum perversæ conjugis Catholici; ac prolium suscipiendarum, de quibus proinde prius debet constitui, ut catholicè educentur. Hinc impium, scandalosum, & irritum est illud pactum in tali Matrimonio, ut masculi Fidem Patris, puellæ sequantur Fidem Matris. Quia Catholicus in hoc pactum consentiens est solo nomine, non re, Catholicus, quia credit (nisi proles fortè statim diabolo consecret pro tempore adolescentiæ) extra Fidem Catholicam esse viam salutis. Si dubitetur, an talia mala ex tali Matrimonio sequi possint, recurrendum est ad Papam, vel ad Ordinarium loci, ut re bene examinata licentiam det, vel deneger. Vide suprâ Exam. 4. n. 51. R. 3. & 4.

**LXXVIII.** *Resp. 3.* Vis, est violentia, seu coactio, sive metus gravis. De quo impedimento agit S. D. qu. 47. a. 1. 2. & 3. 4. Nos de eo egimus suprâ Exam. 3. n. 33. & seqq.

**LXXIX.** *Resp. 4.* Ligamen nihil aliud est, quam vinculum Viri cum Uxore post contractum Matrimonium, sive consummatum, sive ratum tantum; ea enim vivente, nec valide, nec licite cum alia contrahere potest. Idem prohibet Lex divina, positiva, & naturalis. Ut patet ex dictis suprâ de polygamia. Quomodo possit constare, ac debeat de morte conjugis, ut liceat secundo nubere, vide in Exam. 5. num. 61.

**LXXX.** *Resp. 5.* Honestas, seu impedimentum publicæ honestatis est, vi cuius Sponsus (& e converso) nec valide, nec licite potest (Ecclesia sic statuente) contrahere cum sanguinea suæ Sponsæ, v.g. cum matre, filia, vel sorore: non tamen extenditur ultra primum gradum. De hoc plura dicta sunt in Exam. 2. de Sponsal. Q. 3. num. 10.

Si fortè coire nequibus, id est, impedimentum impotentia. De quo S. D. agit *Quæst. 58. per quinque art.*

**QUÆRO X.** Quid de hoc?

**LXXXI.** *Resp. 1.* Impotentia in præsentem nihil aliud est, quam incapacitas exercendi actum conjugalem, seu feminandi intrâ vas. Et potest provenire 1. Vel ex natura, & tunc vel ex nimia frigidityte virgæ, ut potest nec potest erigi,

*Tribunal Ordinandorum.*

nec in vulvam intrinmitti: Vel ex nimia caliditate. 2. Potest provenire ex arte, vel maleficio. 3. Ex defectu ætatis, sive juvenilis, sive senilis. 4. Ex eo, quod quis sit Hermaphroditus. Iterum hæc impotentia vel est perpetua, vel temporalis. De quibus v. ordine.

*Resp. 2.* Frigiditas, seu impotentia coeundi, talis ex defectu naturæ simpliciter incurabilis, seu perpetua, impedit Matrimonium contrahendum, & dirimit contractum, ad minus post triennium, ex Statuto Ecclesiæ. Ita S. D. art. 1. in c.

*Declarat hoc ibidem dicens:* Sicut in aliis contractibus non est conveniens obligatio, si aliquis se obliget ad hoc, quod non potest dare, vel facere, ita non est conveniens Matrimonio contractus, si fiat ab aliquo, qui debitum carnale solvere non possit: & hoc impedimentum vocatur impotentia coeundi nomine generali, quæ quidem potest esse vel ex causa intrinseca, & naturali, vel ex causa extrinseca, & accidentali, sicut per maleficium. De qua post dicitur. Si autem sit ex causa naturali, hoc potest esse dupliciter: Quia vel est temporalis, qui potest subvenirî remedio medicinæ, vel processu ætatis; & tunc non solvit Matrimonium. Vel est perpetua, & tunc solvit Matrimonium, ita quod si ille, ex parte cuius allegatur impedimentum, perpetuo maneat absque spe conjugii, alius nubat, qui vult, in Domino. Ad hoc autem cognoscendum, utrum sit impedimentum perpetuum, vel non perpetuum, Ecclesia tempus determinatum adhibuit: in quo huius rei posset esse experimentum, scilicet triennium: ita quod, si post triennium, in quo fideliter ex utraque parte dederunt operam carnali copule implendæ, non inveniatur Matrimonium non esse consummatum, iudicio Ecclesiæ dissolvitur. Et tamen in hoc quandoque Ecclesia errat, quia per triennium quandoque non sufficienter experiri potest perpetuitas impotentia: unde Ecclesia si se deceptam inveniatur per hoc, quod ille, in quo erat impedimentum, invenitur, carnalem copulam cum alia, vel cum eadem perfecisse, reintegrat Matrimonium præcedens, & dirimit secundum, quamvis de ejus licentia sit factum. Hæc ibi. In R. ad 1. ait S. D. quod, *quamvis actus carnalis copula non sit de essentia Matrimonii, tamen potentia ad actum est de essentia ejus, inposito autem casu, nec potentia ad hunc actum dari potest.*

Notanda hic sunt verba S. Tho. ibid. ad 5. dicentis: Si vir non possit implere carnalem actum cum virgine, & tamen possit cum corrupta, tunc medicinaliter aliquo instrumento possunt claustra pudoris frangi, & ei conjungi: nec esset hoc contra naturam, quia non fieret ad delectationem, sed ad medicamentum. Hæc ibi. Vid. n. 83.

*Resp. 2.* Dictum Matrimonium est nullum, licet



licet contrahentes sciverint illam impotētiā.

*Ratio:* Quia conjuges in hoc non possunt cedere juri suo, quia Matrimonium non solum ordinatur in bonum contrahentium, sed & in bonum naturæ. Ergo.

*Resp. 3.* Dicitur impotentia perpetua Matrimonium annullans debet esse, non solum respectiva, seu respectu hujus, vel illius scēminæ, sed absoluta, seu respectu cuiuscunque; nimirum iudicio medicorum, & peritorum talis iudicata per ocularem inspectionem. Itaque et adductis verbis S. Thom. ex c. art. circa finem. Idem videtur colligi ex c. *laudabilem*, & c. *fraternitatis*, de frig. & malef. ubi dicitur. *Si quis separato priori Matrimonio invenitur habilis ad aliam scēminam, rediens ad priora connubia.* Ergo.

*Resp. 4.* De nimia caliditate, quæ sæpētiā copulam impedit, ut, quia semen spargit ante ingressum, sic ut in vase mulieris seminari nequeat, ita loquitur S. Th. ar. 1. ad 2. Caliditas superflua vix potest esse impedimentum perpetuum, si tamen inveniretur, quod per triennium impediret carnalem copulam, iudicaretur perpetuum: tamen quia frigiditas magis, & frequentius impedit (tollit enim non solum commixtionem seminum, sed etiam vigorem membrorum, quo fit conjunctio corporum) ideo frigiditas magis hæc ponitur impedimentum, quàm caliditas, cum omnis defectus naturalis ad frigiditatem reducat. Hæc ibi. Et ad 6. dat disparitatem inter frigiditatem viri, & mulieris dicens: *Mas est agens in generatione, & scēmina est patiens, & ideo major caliditas requiritur in mare, quàm in scēmina ad opus generationis.* Unde frigiditas, quæ facit virum impotentem, non faceret mulierem impotentem: sed in muliere potest esse impedimentum naturale ex alia causa, scilicet arctatione. Et tunc ideo est iudicium de arctatione mulieris, & de frigiditate viri. Ita S. D. Pro cuius explanatione

LXXXII. *Resp. 5.* Si scēmina sit tam arcta, ut sine miraculo, aut magia, aut fine mortis periculo non possit aperiri, vel dilatari, est inhabilis ad Matrimonium, juxta c. *existens*, de frig. & malef. Secus est, si (ut dicitur in c. *fraternitatis*) per artem medicam aperiri potest, ad quod ipsa tenetur, etiam cum gravi dolore, quamvis non cum gravissimo.

*Resp. 6.* Si scēmina possit semen debite recipere, sed non retinere, quia nimirum ex quodam accidentalium impedimento effunditur, ut generatio sequi nequeat, est habilis ad Matrimonium, nec hoc ideo dirimitur.

*Ratio:* Quia Matrimonium non dirimitur per impotentiam, nisi talem, quæ impedit seminationem in vase debito; si enim adsit seminatio, per accidens est, quod non sequatur generatio.

*Resp. 7.* Sterilitas, id est, impotentia generandi,

supponens veram potentiam coeundi, & seminandi, non dirimit Matrimonium.

*Ratio est eadem, quæ ante, mittitur enim verum semen, quod per accidens non est prolificum, & licet hic non salvetur finis ultimus Matrimonii, ac primarius, qui est generatio prolis, bene tamen finis proximus, & secundarius, qui est concupiscentie satisfactio. Vide de Senibus num. 85. ex S. Thoma.*

*Resp. 8.* Loquēdo de impotentia per artem inducā, quæ est in Eunuchis, seu castratis, ac spadonibus, si illi utroque testiculo careant, sunt inhabiles ad matrimonium, quod proinde jure naturæ est invalidum: Ut declaravit Sixtus V.

*Ratio:* Illi non habent potentiam seminandi intrā vas, cum non emittant verum semen, sed solum humorem semini similem. Et satisfactio concupiscentiæ per coitum spadonis non est naturalis, sed violenta, juxta illud Eccl. 20. *Concupiscens in spadonis de virgine viri juveniculum, sic qui facit per vim iudicium iniquum.* In quo spadones differunt a sterilibus, & senibus, qui cum emittant verum semen, & faciant veram copulam (per quam conjuges sunt una caro) naturaliter obtinent finem secundarium Matrimonii.

LXXXIII. *Resp. 9.* De impotentia ex maleficio S. D. ar. 2. in c. art. Impotentia coeundi ex maleficio aut est perpetua, & tunc Matrimonium dirimit; aut non est perpetua, & tunc non dirimit, & ad hoc experiendum eodem modo Ecclesia tempus triennii præfixit, sicut & de frigiditate dictum est. Tamen hæc differentia est inter maleficum, & frigiditatem, quia qui ex frigiditate est impotens, sicut est impotens ad unam, ita ad aliam, & ideo quando Matrimonium dirimitur, non datur licentia ei, ut conjungatur alteri: sed ex maleficio homo potest esse impotens ad unam, & non ad aliam, & ideo, quando iudicio Ecclesiæ Matrimonium dirimitur, utrique datur licentia, ut alteram copulam querat. Hæc ibi.

In R. ad 2. ait S. D. Opus Dei potest opere diaboli impediri divina permissione, non quod diabolus sit Deo fortior, ut per violentiam operacijs destruat. Et ad 4. dicit: Maleficum potest quandoque præstare impedimentum ad omnes, quandoque ad unam tantum; quia diabolus voluntaria causa est, non ex necessitate naturæ agens. Et præterea impedimentum maleficii potest esse ex impressione demonis in imaginatione hominis, ex qua tollitur viro concupiscentia movens ad talem mulierem, & non ad aliam. Ita S. D.

LXXXIV. *Resp. 10.* De impotentia ex ætate juvenili S. Th. ar. 5. sic concludit. Matrimonium, cum sit per modum cuiusdā contractus, ordinationi Legis positive subiacet, sicut alii contractus. Unde secundum iura determinatum est, quod ante illud ætus discretionis, quo uterque possit de Matrimonio sufficienter deliberare, & debitum

tum sibi invicem reddere, Matrimonium non contrahatur, & si non ita facta fuerint, dirimuntur; hoc autem tempus, ut in pluribus, est in aeternis in quarto decimo anno, in foemina autem in duodecimo: quia tamen præcepta Juris positivi sequuntur id, quod in pluribus est, si aliquis ad perfectionem debitam ante tempus prædictum perveniat, ita quod vigoret naturæ, & rationis, defectum ætatis suppleat, Matrimonium non dissolvitur. Et ideo si contrahentes ante annos pubertatis ante tempus prædictum carnaliter fuerint copulati, nihilominus Matrimonium perpetuum stat indissolubile. Hæc ibi. Plura de hoc vide de Sponsal. Exam. 2. Q. 3. pro R. 1. & 3. n. 16.

LXXXV. *Resp.* 11. De Senibus S. D. ar. 1. ad 3. ait: Senes quamvis quandoque non habeant caliditatem sufficientem ad generandum, habent tamen caliditatem sufficientem ad carnalem copulam: & ideo conceditur eis Matrimonium, secundum quod est in remedium, quamvis non competat eis secundum quod est in officium naturæ. Hæc ibi. Si ergo in aliquo, sive per senium, sive per morbum potentia generandi esset ita destructa, ut copulam carnalem facere, seu seminare non posset, nec ulla humana arte ad hoc restaurari, cum nec finem secundarium scilicet concupiscentiæ remedium in hoc Matrimonio assequi posset, esset jure naturæ nullum. Substitutum autem, si intrā vas seminare possint.

*Ratio* est data pro R. 6. & 7.

Nota tamen, quod mulier contrahere possit in quacunque ætate, complexione, ac dispositione (ut loquitur Sylvester) modo possit pati ingressum viri ad claustra pudoris, quia solum habet se ut patiens: secus est de mare, quia is habet se ut agens, nobilior autem est, & majores vires requirit agere, quam pati, ut jam supra dictum est.

LXXXVI. *Resp.* 12. Hermaphroditus, id est, utriusque, sexus genitalibus membris instructus, si in eo unus sexus prævaleat (cum ob prævalentiam censetur illius sexus esse) potest secundum illum inire Matrimonium. Unde si contrahat secundum sexum interiorem, Matrimonium jure naturæ est nullum.

*Ratio:* Quia propter genitalium deficientiam non adest potentia generativa illi sexui proportionata. Si vero neuter prævaleat, sed uterque sit æqualis, contrahere potest secundum quem sexum voluerit.

*Ratio:* Quia adest potentia generativa utriusque sexus. Porro Medicorum, vel peritivarum Matronarum est, ex partium secretarum inspectione ferre judicium, quis nam sexus prævaleat. In dubio autem Medicus stare potest assertioni ipsius Hermaphroditici: cum is omnium optimè statum suum discernere possit. Electione sexus ad Hermaphroditum (in quo sexus est æqualis) semel fa-

cta, & Matrimonio secundum illum sexum contraçto, non potest is absque gravi peccato electionem mutare, & mortuo conjugē secundum alium sexum contrahere: esset enim valde indecens, modò hoc, modò illo sexu nti. Si tamen contraheret, Matrimonium teneret.

*Ratio:* Quia per illam electionem, etiam juramento firmatam non auferitur potentia naturalis generativa.

Ex hoc sequitur, quod Parochus non possit assistere Matrimonio talis Hermaphroditici, in quo sexus est æqualis, donec is coram Judice Ecclesiastico cum juramento sit contestatus, quem sexum sequi velit.

LXXXVII. *Quid si* Coniuges, quorum uterque, vel unus laborat absoluta perpetua impotentia, petant non separari, sed cohabitare, saltem uti frater, & soror?

*Dico:* Hoc Judex de facili non debet permittere, præsertim si juvenes sint.

*Ratio:* Ne exponantur continuè occasione peccandi, seminando extra vas, dum actum tentarent fortè ad sedandam concupiscentiam. Posset tamen id cum maturo consilio permittere, si non sint juvenes, & de eorum pietate constaret, ac uterque votum castitatis faciat.

Nota, aliquos Doctores præter impedimenta dirimentia superius per verba assignata, speciatim ponere impedimentum amentię, & aliud ætatis. Unde tertium Verbum alii incipiunt sic, *Amentis, affinis, si fortè*, &c. alii sic, *ætas, affinis, si*, &c. sed impedimentum ætatis S. D. reducit ad impotentiam. Impedimentum amentię reduci potest ad impedimentum erroris, de quo supra. Quia amentis, dum hoc morbo adu laborat, continuè errat, & sic nulli contractui aptus est, adeoque nec Matrimonio. Si lucida intervalla habet, dum ratione utitur, sicut alios contractus, ita & matrimoniale inire potest.

*Clandestinitas*, nimirum: *Si Parochi, & dupli-  
cis desit presentia Testi.*

QUÆRO XI. Quid de hoc sentiendum?

LXXXVIII. *Resp.* 1. Hoc impedimentum statutum est iure novo Concilii Trid. Sess. 24. de reformat. matrim. cap. 1. et si enim ante hoc Concilium Matrimonia clandestina fuerint semper sub mortali prohibita, & illicita, fuerunt tamen valida, & uti etiam adhuc sunt in illis locis, ubi hoc decretum non est receptum: ubi verò promulgatum non est receptum, sunt irrita, & nulla.

*Resp.* 2. Hoc Statutum Ecclesia potuit facere, & est rationabile. Potuit, inquam, præsentiam Parochi, & Testium requirendo, velut conditionem sine qua non.

*Declaratur:* Matrimonium, ut ex sæpe di-



his constat, est contractus quidam, non solum a jure naturali, sed etiam a civili, & Ecclesiastico dependens. Ergo pro temporum necessitate, & circumstantiis a quovis tali jure possunt ipsi apponi quædam conditiones quibus servatis sit legitimus, iis verò omisissis, sit nullus. Nec per hoc hujus Sacramenti materia mutatur formaliter, sed solum materialiter. Sicut enim semper fuit verum, ita & nunc est, quod materia hujus Sacramenti sit contractus legitimus; ut autem legitimus sit, requiritur, ut serventur Leges per Jura statutæ. Porro rationabile est dictum Ecclesiæ Statutum, quia factum est ex gravissima causa. Nam Ecclesia videbat, quod Matrimonia passim contraherentur clam sine testibus, & quod sic contrahentes sæpè Uxore relicta, eaque vivente, ad secundas transibant nuptias, quæ postea in foro conscientie tenebatur manere innupta, quia viro negante Matrimonium fuisse contractum, non poterat in judicio probari: ex quo sequebantur prolium desertio, homicidia, continua adulteria, &c. His ergo malis Ecclesia mederi volens illud decretum edidit.

*Quis intelligitur nomine Parochi?*

*Dico 1.* Papa in tota Ecclesia, Episcopus in sua Diocesi, ejusque Vicarius Generalis, & Capitulum Sede vacante; Item illi, qui habent jurisdictionem quasi Episcopalem, uti habent quædam Capitula, & Abbates exempti, respectu suorum subditorum. Tandem quivis Sacerdos a Parocho delegatus, seu ab eo licentiam habens, ut patet ex Trident.

*Dico 2.* Non est de necessitate, quod Parochus sit Sacerdos, sed sufficit, quod habeat titulum, & officium Parochi, juxta declar. Cardui. Si tamen velit alium delegare, ille delegatus debet esse Sacerdos, ut patet ex Trid. cit. aliàs Matrimonium erit nullum. Debet etiam de necessitate esse proprius Parochus.

*Ratio hujus est:* Quia, ut ex Trid. constat, ille Parochus debet adesse, qui potest alteri Sacerdoti dare licentiam: Sed hanc dare potest solus proprius Parochus, quia aliàs certè plurima sequerentur inconvenientia. Ergo.

**LXXXIX.** *Qua Parochi præsentia requiritur, & sufficit?*

*Dico,* Humana, non verò naturalis, quæ etiam in brutis est. Idem est de testibus.

*Ratio:* Quia Parochus nomine Ecclesiæ, quæ representat, debet advertere, & scire, quid agatur, & testes, ut de re gesta possint testari.

*Potestne* Parochus Parochianorum suorum Matrimonio assistere extra suam Parochiam sine licentia alterius?

*Affirmo,* sed non potest solempniter benedicere.

*Ratio:* Quia contractus potest fieri privatim, benedictio autem solemnis fit cum quodam æreptu; nimirum inter Missarum solemnias.

*Debetne* adesse Parochus Sponsi, vel Sponsæ?

*Dico:* Communiter solet adesse Parochus semine, sufficit tamen quisque ex illis duobus etiam in Parochia alterius contrahentis.

*Ratio 1. p.* Quia communiter in domo semine celebrantur nuptiæ.

*Ratio 2. p.* Quia assistere Matrimonio, vel non est actus jurisdictionis, quia hæc assistentia valide etiam potest fieri ab invito, ut patebit ex dicendis, nullus autem actus jurisdictionis valide potest fieri ab invito, & contrariam intentionem habente, quia adus agentium non operantur ultra intentionem ipsorum. Vel saltem non est actus jurisdictionis contentiosæ, contradicteorem habentis, & in qua actor agit contra reum, ac etiam in invitos exercetur, sed tantum jurisdictionis voluntariæ. Ergo. Observanda hic est praxis. Si enim contrahentes sint ex diversis Parochiis, & Matrimonium contrahitur in Parochia Sponsi, adest Parochus Sponsi; si in Parochia Sponsæ, adest Parochus ejusdem.

*Quid si unus contrahentium ratione duplicis domicilii habeat duos Parochos?*

*Dico:* Sufficit, quod adsit is, in cujus Parochia Matrimonium celebratur.

*Quid de vagabundis sedem cerram nullibi habentibus?*

*XC. Dico:* Sicut Sacramentum Communionis, & Confessionis solent participare ibi, ubi se detinent, ita & in præsentia illius Parochi contrahunt Matrimonium. Parochus autem tenetur de eorum conditione sollicitè indagare, ut monet Trid. an scilicet alibi sint conjuncti, &c. & postea petere ab Episcopo licentiam assistendi, sine qua etsi assistat valide, graviter tamen peccat.

*Estne* idem de peregrinis?

*Dico:* Si ex causa modico tempore domo absint, non possunt contrahere coram Parocho loci: possunt, si habitationem figant pro majori parte anni, aut eo venerint animo manendi majori parte anni, quamvis postea casu contingat subitaneus discessus; tales sunt, Studiosi, famuli, ancillæ, &c.

*Ratio:* Quia in primo casu ille non est verus illorum Parochus, bene tamen in secundo, quia contrahunt ibi domicilium parochiale.

**XCI.** *Estne* validum Matrimonium, si Parochus, & testes adsint vi, vel dolo adducti?

*Affirmo Ratio:* Quia tunc adhuc salvatur finis decreti Tridentini, scilicet ut de tali matrimonio constet Ecclesiæ, possitque de eo testimonium dari, ne conjuges eo ipso alius contrahant. Unde auctoritativa præsentia Parochi, ut Ecclesiam representantis, est quidem jussu Tridentini necessaria necessitate præcepti, sed non necessitate medii. In hoc ergo casu Parochus adest tanquam testis principalis, & qualificatus, & polles digni-

dignitate Parochi, sub qua ratione ejus præsentia est necessaria necessitate mediæ.

Nota tamen, mortaliter peccare eos, qui contrahunt coram Parocho videtor, vel per dolum vocato, aut casu transeunte; & hoc tum propter injuriam, quæ ei fit dum videtur, tum propter contemptum Ecclesiæ, quia tunc non contrahitur auctoritate Ecclesiæ: agitur enim contra præsentiam ejus. Cæterum ratione testium, si adductorum, vel detentorum, videtur solum esse veniale; cum non adiut nomine Ecclesiæ sicut Parochus, sed tantum, ut possint ritè testificari. Potest tamen etiam intervenire mortale ratione injuriæ forsan per violentiam illatæ: quod ex injuriæ qualitate pensandum est.

**XCII. Sufficiens:** ad Matrimonii valorem quicunque testes, licet non sint omni exceptione majores, sed potius vitiosi, id est, qui in judicio aliis non admittuntur, ut infames, excommunicati, parentes, consanguinei, servi, familiares, feminae, immo & infideles?

**Affirmo. Ratio:** Tum quia in causa favorabili admittuntur testes, aliqui in inhabiles, sicut ob fidei favorem decernitur c. *In fidei favorem*, de hæret. in 6. causa autem Matrimonii est favorabilis c. *fin. de sent. & rejud.* Tum etiam, quia admittuntur testes inhabiles concurrentes cum alio inhabili, & fide digno per cujus habilitatem alterius inhabilitas suppletur: & ita fit in præsentia per præsentiam Parochi. Ergo.

**QUÆRO XII.** Suntne aliqui casus, in quibus valide contrahitur Matrimonium sine præsentia Parochi?

**XCIII. Resp. affirm. Primus** est supra adductus in Ex. 5. Q. 5. nu. 58. **Secundus:** Si omnino nullus Parochus, aut Episcopus, vel eorum vice gerens possit haberi, nimirum, vel quia Ecclesia est, & diu manet vidua, vel non scitur, ubi Parochus sit inveniendus, cum lateat metu persecutionis: vel saltem non est securus ad eum accessus. In quo casu sufficit decretum Tridentinum servare pro possibili, nimirum adhibendo testes. **Tertius:** Si contrahentes ex loco, ubi Tridentinum servatur, migrent ad locum ubi non servatur: ubi tamen sciendum, quod si qui de industria, & ex fine contrahendi sine Parocho, & testibus ex suo territorio, in quo Tridentinum servatur, vadant ad locum, ubi non servatur, Matrimonium etiam ibi contrahendum sit nullum. Nam & Congregatio Cardinalium, interpretationi Concilii Trid. præfecta, & Urbanus VIII. in speciali rescripto, & Brevis Apostolicus ad Archiepiscopum Colon. dato 14. Aug. 1657. talia Matrimonia, ut fraudè contra, invalida esse, declararunt, ut refert Lugo in Respons. lib. 1. dub. 37. **Quartus:** Christiani apud infideles captivi, uti & Mercatores in certis infidelium habitantes, valide contrahunt sine Parocho, & testibus. Quia de-

cretum illud velut conditionem patet, ut obligare incipiat post publicationem in Parochia, in illis autem locis non est publicatum: *Quintus* Matrimonia a Catholicis contra in Hollandia, Zelandia, & similibus locis, ubi Parochi non sunt, sunt valida, uti Cardinalis Rupertus Bellarminus respondit Episcopo Tricariensi, scilicet decretum Concilii de præsentia Parochi, non extendere se ad loca, ubi nulli sunt Parochi. Si autem Parochus ab hæreticis tolleretur, seu gravi pœna, mortis, vel exilii, illi sit prohibitum, ne Sacramenta administret, si tunc Matrimonia celebrantur coram Magistratu sunt valida, uti Episcopo Antuerpiensi respondit, allegando rescritum Cardinalium, in quod ceterum, tunc non obligari, ut fiat Matrimonium coram Parocho quando ad eum non est tutus accessus, uti non est, quando subest periculum mortis, vel exilii: si vero in illis locis inveniatur occultus quidam Sacerdos, a Papa, vel Episcopo facultatem habentes, si hi assistere velint, & possint, coram illis contrahendum est.

**XCIV. Quid sentis de Matrimonii hæreticorum, vel celebratis coram ministro hæretico, Lutheranorum, Calvinistarum?**

**Dicto:** Si celebrantur in locis, ubi decretum Tridentinum non fuit promulgatum, nec receptum, est eadem ratio ac de terris Principum catholicorum: in quibus non fuit facta ejus promulgatio, vel receptio. Si quis de industria, vel ex fraude ad ea loca, Matrimonii contrahendicauſa, se conferat, ex ante dictis circa casum tertium patet esse nullum. Si quæ sint loca hæretica, in quibus nec Catholicis licet sub gravi pœna aliter contrahere, quam coram ministro hæretico, constat ex dictis valere. Si vero ante hæresim in ea loca inveniatur Concil. Trident. in illis fuit promulgatum, & receptum, fateor quod secundum rigorem decreti debent Matrimonia judicari esse nulla, ob defectum veri, & proprii Parochi: Sed de benignitate Ecclesiæ, Germaniæ, aliisque terris hæresi infectis condescendentis, prædictè probabilius videtur, ea esse valida. Et hoc vel maxime ex eo colligitur, quod si ambo conjuges hæretici fiant Catholici, non de novo contrahant coram vero, & proprio Catholico Parocho: quod tamen planè esset necessarium; quia sicut ante vixissent, sic & postea semper viverent in fornicatione, ac concubinato: nam illud Matrimonium (ad differentiam Matrimonii infidelium, seu non baptizatorum) nec in ratione contrahus (a quo, ut probatum est supra Exam. 1. Q. 7. num. 11. rationem Sacramentile separare non possunt) fuisset validum. Ergo. Idem ob eandem Rationem sentiendum est de Matrimonio ab hæreticis clam, seu sine Parocho catholico, contracto in loco, ubi hæresis publicè non grassatur, nec toleratur, sed tamen quidam hæretici

retici negotiorum, vel mercaturæ causa ibi se detinent, ubi & Tridentinum est receptum.

**XCIV. Potestne Sacerdos Catholicus licite assistere Matrimonii hæreticorum in sua Parochia habitantium?**

**Affirmo probabiliter. Ratio:** Si non posset, vel esset, ut incurrat excommunicationem hæresi annexam, vel propter reverentiam Sacramenti, quod hæretici suscipiunt indignè: Sed ob neutrum prohibetur: nam post Concilium Constantiense nec in sacris, nec in politicis hæretici sub censura sunt vitandi, nisi sint denunciati. Deinde Sacerdos non est minister hujus Sacramenti, sed tantum primarius testis, ut dictum est supra.

**QUÆRO XIII. Matrimonia contracta sine proclamationibus suntne dicenda clandestina?**

**XCVI. Resp. negativè; dummodò Parochus, & testes adsint.**

**Ratio:** Illud Matrimonium jure censetur clandestinum, & subiacet pœnis, quod fit clam, & non coram Ecclesia, cui propterea de eo juridicè constare non potest: Sed tale non est Matrimonium omnis proclamationibus coram Parocho, & testibus celebratum, ut patet. Ergo.

Nota tamen, quod graviter peccent, qui sine dispensatione, vel legitima causa omisiss denunciationibus contrahunt, cum sit res gravis, & Concilium Trid. strictissime eas præcipiat. Hinc proclamationum omisio merito potest annumerari impedimentis solum impedientibus, de quibus supra.

**Quis dispensat in proclamationibus? vel quæ est rationabilis causa eas omittendi?**

**Dico:** Dispensat Episcopus, vel ejus Vicarius Generalis. Cause rationabiles omittendi sunt 1. Si Matrimonium fit inter Magnates, quod non nisi cum magna deliberatione contrahi solet. 2. Si non sit metus alicujus impedimenti, & gravis causa, ac necessitas urgeat accelerationem Matrimonii ad consulendum famæ contrahentium. 3. Ob magnam verocundiam eorum, ut si egregie nobilis ducat ignobilem. 4. Si non vanè, sed fundatè timeatur periculum impedimenti ex aliorum malitia, dummodò nullum aliud impedimentum dirimens adsit. Quæ res a Parocho prius exactè est examinanda.

**Quid observandum in proclamationibus?**

**Dico:** Juxta Trident. hæc sunt observanda.

1. Ut fiant in Ecclesia inter Missarum solennia, si tamen ex causa fierent propè Ecclesiam, vel in loco publico, modo sit magnus confluxus populi, non esset peccatum.
2. Ut fiant a proprio Parocho, vel alio Sacerdote de ejus licentia.
3. In propria Parochia, & quidem utriusque contrahentis, uti declaravit Congregatio.
4. Tribus diebus

festivis, non immediatis, continuis tamen; id est, per nulla festa interpolatis, licet dies feriales intercedant.

**Licetne post proclamationes statim contrahere?**

**Affirmo,** licere etiam eadem die, si desit metus cujusvis impedimenti, & adsit rationabilis causa.

**Ratio:** Quia non extat Lex prohibens.

**Quid si Matrimonium diu differatur?**

**Dico:** Si non contrahatur intra quatuor menses, declaravit sacra Congregatio denunciations esse repetendas. Immo juxta Rituale Romanum sunt repetendæ (nisi Episcopo aliter videatur) si differatur solum per duos menses.

**Quare sunt proclamationes Matrimonii?**

**Dico:** Ut sic manifestentur impedimenta, si quæ sint inter contrahentes; hinc quæ aliquod eorum scit, tenetur post proclamationes illud illicè denunciare, etsi esset secretum, ut impediatur gravia mala, v.g. adulterium, incestum, sacrilegium, &c. Si tamen ex hoc unus contrahentium exponeretur magno periculo infamiae, esset ex Charitate prius admonendus, ut a tali Matrimonio desisteret, si admonitio profutura esse credatur.

#### *Impedimentum Raptus.*

De Raptu, in quantum est species Luxuriæ, agit S. D. 2. q. 154. artic. 7. & nos de eo egimus Tract. 5. Exam. 2. Q. 4. n. 35. In præsentia autem Raptus discutitur, in quantum dirimit Matrimonium. Unde de illo

**QUÆRO XIV. Quid est, & quando dirimit?**

**XCVII. Resp.** Raptus in præsentia est violenta abductio alicujus foeminae, invita illa, atque etiam ejus parentibus, aut in quorum tutela est, repugnantibus: ad explendam libidinem, aut ad contrahendum Matrimonium. Hinc ad raptum, prout est impedimentum dirimens, requiruntur hæc quatuor conditiones. 1. Ut adsit violentia. 2. Ut fiat libidinis, vel Matrimonii causa. 3. Ut fiat traditio de loco ad locum. 4. Ut persona abducta sit honestæ famæ. Quæ conditiones si adsint, Matrimonium inter raptorem, & raptum est nullum, nisi scemina prius fuerit *pari reddita*, seu in loco tuto collocata, libertati restituta. Ita enim expressè statuit Concil. Trid. Sess. 24. de reform. Matrim. c. 6. Ubi etiam in raptores, & omnes eis consilium, vel favorem præbentes, statuuntur pœnæ, nimirum excommunicatio, & infamia, ac in Clericos depositio.

**Ratio** id statuendi fuit, ut salvetur plena libertas in Matrimonio, & illud non sit contractum.

*Quid*

*Quid si puella volens sit abducta, parentes verò sint invitì?*

*Dico:* Licet sit grave peccatum, nimirum illa iniuria parentibus illata, Matrimonium tamen tenet.

*Ratio:* Quia puella est plenè libera, & consensus Parentum non est de valore Matrimonii, ut dictum est suprà.

## EXAMEN VII. & Ultimum.

*De quibusdam Matrimonio supervenientibus, vel ei annexis, uti sunt, superveniens fornicatio, de qua S. D. q. 62. per sex artic. Redditio debiti q. 64. per 7. artic. Bigamis, q. 66. per quinque articulos. Illegitimitas filiorum, q. 86. per tres artic.*

**QUÆRO I.** Licetne viro, vel teneturne propter fornicationem dimittere Uxorem, & quidem proprio iudicio?

*XCVIII. Resp. 1.* Ex S. Thom. q. 62. art. 1. Vir conceditur juxta Domini verba uxorem fornicationis causa repudiare, seu dimittere. 2. Non quòd dissolvatur vinculum. 3. Sed quòd thorum, & cohabitationem, seu ut non sit adstrictus ad reddendum ei debitum.

*Ratio 1. p.* Tum quia in tali casu non est obstrictus fidem servare ei, qui illam violavit. Tum quia hoc Dominus Matth. 5. concessit in poenam illius, qui fidem fregit: & in favorem illius, qui fidem servavit, ait Sancti. Doct. Vide in Exam. 4. num. 51. R. 3. ubi explicatur ille textus: *Quicumque dimiserit, nisi ob fornicationem, & aliam duxerit, nocet aeternè.*

*Ratio 2. p.* Quia vinculum conjugii est ex sua natura insolubile, ut probatum est suprà. Ex his sequitur *tertia Pars.*

*Resp. 3.* Ex ar. 2. Si uxorem adulteram poeniteat adulterium commisisse, non tenetur vir ex præcepto illam dimittere, sin minus, tenetur.

*Ratio 1. p.* Distra repudiatio est quædam poena ad corrigendum crimen Uxoris: Sed poena corrigens non requiritur, ubi emendatio jam præcessit. Ergo.

*Ratio 2. p.* Est, ne vir videatur consentire peccato Uxoris.

*Resp. 3.* Ex ar. 2. Quantum ad thorum potest Vir proprio iudicio Uxorem fornicantem dimittere, quoad thorum verò, & cohabitationem simul, non nisi iudicio Ecclesiæ.

*Ratio:* Quia prima dimissio est poena poenitæ,

ideoque privatim fieri potest, altera verò est publica, & cum strepitu. Ergo debet infligi a iudice.

In R. ad 2. docet S. D. quòd quando dicitur de S. Joseph, quòd voluit occulte dimittere Mariam, id non fecerit, quasi fuisset suspecta de crimine, sed ob reverentiam sanctitatis ejus timens cohabitare ei.

Exipit S. D. in art. 1. septem casus, in quibus Vir non potest Uxorem fornicantem dimittere, cum in iis vel mulier sit inculpabilis, vel ambo sint æqualiter culpabiles. *Primus casus.* Si ipse vir similiter fornicatus fuerit. 2. Si ipse Uxorem prostituerit. 3. Si Uxor virum suum probabiliter mortuum credens propter longam ejus absentiam alteri nupserit. 4. Si latenter cognita est ab aliquo, sub specie viri lectum subintrante. 5. Si fuerit vi oppressa. 6. Si reconciliaverit eam sibi post adulterium perpetratum carnaliter eam cognoscens. 7. Si Matrimonio in infidelitate utriusque contracto Vir dederit Uxori libellum repudii, & Uxor alteri nupserit, tunc enim, si uterque convertatur, tenetur eam vir recipere. Hæc ibi.

**XCIX.** *Quibus ex causis potest fieri divorcium?*

*Dico:* Varie sunt causæ. 1. Ex dictis, adulterium culpabile, quòd etiam bestialitas, Sodomitia, incestus, seu quævis species luxuriae, in qua caro dividitur cum alia. Pollutio, oscula, impudici tactus dant causam separandi saltem ad tempus, ut mulier corrigatur. 2. Servitio Mariti, vel uxoris ad iudicium Ecclesiæ, immò etiam ante potest dimittere, si adsit periculum mortis. 3. Sollicitatio ad peccatum, v. gr. ad hæresim, veneficium, &c. immò tunc vir tenetur ad separationem, si periculum sit grave. 4. Morbus contagiosus: v. gr. Lepra, si sit periculum infectionis. 5. Hæresis, vel Apostasia. 6. Mutuus consensus.

*Possuntne Vir, & Uxor post divorcium reconciliari?*

*Dico* cum S. Thom. ar. 6 in e. Si Uxor post divorcium de peccato poenitentiam agens emendata fuerit, potest eam sibi vir reconciliare: si autem in peccato incorrigibilis maneat, non debet eam reassumere, eadem ratione: quia non licebat eam, nolentem a peccato desistere, recipere, ait S. D.

*Possuntne Vir, & Uxor in causa divorcii ad paria judicari?*

*Dico* cum S. D. 4. in e. In causa divorcii Vir, & Uxor ad paria judicantur, ut idem sit licitum, & illicitum uni, quòd alteri; non tamen pariter judicantur ad illa, quia causa divorcii est major in uno, quàm in alio, eòdè tamen in utroque sit sufficiens causa ad divorcium. Divortium enim poena est adulterii, inquantum est contra

**Matrimonii bona.** Quantum autem ad bonum fidei, ad quam conjuges æqualiter sibi invicem tenentur, tantum peccat contra matrimonium adulterium unius, sicut adulterium alterius: & hæc causa in utroque sufficit ad divortium. Sed quantum ad bonum prolis plus peccat adulterium Uxoris, quam Viri, & ideo major est causa divortii in Uxore quam in Viro: & sic ad æqualia, sed non ex æquali causa obligantur, non tamen iniuste, quia in utroque est causa sufficiens ad hanc pœnam: sicut est etiam de duobus, qui damnantur ad ejusdem mortis pœnam: quamvis alius altero gravius peccaverit. Hæcibi.

**QUERO II.** Adulter, & incestuosus ratione sui sceleris perduntne jus petendi debitum? & quando? & quis in hoc cum ipsis dispensare potest?

*C. Resp. 1.* Si adulterium unius conjugis sit alteri notum, & hic sit innocens, potest quidem reus alterum simpliciter, seu amicè rogare, non tamen potest exigere, id est, tanquam ex iustitia debitum. 2. Nisi fortè Uxor in eodem genere peccasset. 3. Si autem Uxori notum non sit, potest exigere.

*Ratio 1. p.* Quia adulterium privat jure exigendi.

*Ratio 2. p.* Duo adulteria, mutua compensatione tolluntur.

*Ratio 3. p.* Conjux nocens jure exigendi non privatur, nisi per voluntatem, & quasi sententiam innocentis: qui hic tenet quasi locum Judicis. Ergo.

*Resp. 2.* Omnes quidem, qui cum propriis cognatis, & affinibus usque ad quantum gradum inclusive perfectam copulam carnalem exercuerunt, vocantur, & sunt incestuosi: Jure tamen petendi debitum solus ille incestuosus privatur, qui cum consanguinea suæ uxoris dictam copulam habuit. 3. Et quidem intrinsecus gradum. 4. Hinc non privatur, qui rem habuit cum propria cognata. 5. Nec qui cum affine uxoris suæ. 6. Nec qui cum uxoris consanguinea fecit copulam imperfectam. 7. Nec, qui cum consanguinea in tertio, vel quarto gradu.

*Ratio 3. p.* patet ex definitione incestus Tr. 5. Exam. 2. Q. 4. n. 32. *Secunda Pars* patet ex explicatione definitionis affinitatis suprâ Exam. 6. n. 72. *Tertia Pars* patebit ex septima.

*Ratio 4. p.* Quia per talem copulam non contrahitur affinitas, ut patet ex affinitatis definitione.

*Ratio 5. p.* Quia est incestus improprie talis, uti & improprie est affinitas respectu adulteri.

*Sexta Pars* de copula imperfecta, cum per eam non contrahatur affinitas, patet etiam ex dictis suprâ circa definitionem affinitatis.

*Septima Pars* juxta hodiernam praxim est omnino certa, quia ita declaravit Congregatio Cardinalium.

Nota tamen, quòd incestuosus hanc pœnam (scilicet privationem juris petendi debitum) incurrit, licet incestus sit occultus, & alteri conjugum non notus: in quo ob majorem suam gravitatem differt ab adulterio. Non tamen eam incurrit ille, qui hoc delictum commisit cum ignoratia juris, & facti: facti quidem, ut si nescivit suam complice suæ uxori esse consanguineam in gradu tam propinquo: juris autem, ut si nescivit, quòd huic delicto ex Ecclesiæ Statuto tam gravis pœna sit annexa, tam gravem enim pœnam non incurrit ignorans.

*Resp. 3.* Cum iis, qui propter incestum, vel adulterium jure petendi debitum sunt privati, dispensare potest Episcopus. Præter cum Religiosi mendicantes expositi, sed ex commissione suorum Provincialium, & tantum in foro conscientiarum, ut docet noster de la Cruz citans Bullam S. Pii V. & ex eadem docens, quòd iidem Religiosi ex eorundem Provincialium commissione id pro eodem foro possunt cum iis, qui ante Matrimonium voverunt castitatem, qui tamen, ut suprâ dictum, mortuo altero conjugum non possunt denuò contrahere Matrimonium: si contrahant, non possunt a novo conjugum petere debitum sine nova dispensatione. Quæ quoque nunquam danda est nisi ex rationabili causa, quæ sufficiens esse potest periculum incontinentiæ: seu si non possunt continere.

Not. ex Gobat. in Theol. experim. Tract. 10. calu. 1. §. n. 604. quòd cum Regulares hac facultate polleant, possunt etiam extra Sacramentum Pœnitentiæ dispensare etiam cum absentibus. Hinc si Parochus per litteras pro quodam id petat (tacito etiam nomine ejus, pro quo petit) & Religiosus rescribat, *dispensato*, res erit salva: dummodò subest rationalis causa, quæ vix deesse potest.

**QUERO III.** Quid sentis de obligatione reddendi debitum conjugale?

*CI. Resp. 1.* Obligatio hæc est sub peccato ex genere suo mortali.

*Ratio:* Quia est obligatio iustitiæ commutativæ, ut potè ex contractu, & per se in re gravi: cujus iustitiæ violatio ex genere suo mortalis est. De quo vide suprâ in hoc Tract. Exam. 1. Q. 5. n. quòd usus Matrimonii per se sit actuslicitus, honestus, & meritorius. Dixi, *ex genere suo*; quia in individuo potest esse veniale, nimirum ex parvitate materiæ, vel ex alia causa. Unde

*Resp. 2.* Negare debitum conjugale potest esse veniale in quatuor præcipue casibus. 1. Ob parvitatē materiæ, putà, si redditio parum differatur, vel si negetur rarò, dum petitur frequenter. Exceptio est, si ex parte petentis adsit periculum incontinentiæ, pollutionis, &c. 2. Si solum simpliciter, seu amicè, ac benevolè, seu ut amoris, ac benevolentiae signum

petat, si verò exigeret strictè, seu velut debitum ex iustitia, mortale esset negare: nisi ex alio capite esset excusatio. Ubi, ut patet, distinguitur inter petere, & exigere. 3. Si aliter sit nimius in petendo, seu petat nimis importunè, ac nimis frequenter, & sine necessitate, & absque periculo incontinentiæ: tunc enim non semper est obligatio reddendi. 4. Si non petat ardentè; & instantè, sed remisè; ita ut vel leviter ab altero rogatus peterè desinat. Pro quo

*Resp. 3.* Vel semel negare debitum est mortale, si simul concurrant hæ tres circumstantiæ. nimirum si petat *serio*, *instantè*, & *rationabiliter*. Porro irrationabiliter petitur, & rationabiliter negatur præcipuè in his sex casibus. *Primus est*: Si petatur in phrenesi, ebrietate, amentia, &c. quia tunc petit ut bestia, non ut homo. Exceptio est, si in petente esset periculum pollutionis. Quia valdè egenti reddendum est debitum.

*Secundus casus est*: Si conjux reddendo exponatur periculo contagionis, quia nimirum petens laborat morbo contagioso, v.g. peste, lepra, cum quo periculo non tenetur vitare peccatum alterius (si quod fortè timeatur) cum non sit in necessitate simpliciter, eò quod per alia media spiritualia se juvare possit.

*Tertius*: Si scæmina sit tam debilis complexio, ut ex copula sibi timeatur periculum mortis, vel aliud grave incommodum.

*Quartus*: Si ex redditione debiti timeatur futura mors proli in uterojam conceptæ.

*Quintus*: Si absque iusta causa petatur tempore menstrui. Immo tunc petere per se non caret culpa; docet enim S. Bonaventura, ex coitu tali proles concipi miserrimas. Dixi, *si absq; iusta causa*; uti si ex negatione non timeatur majus malum, v.g. odium Uxoris, pollutio, &c.

*Sextus*: Si petatur ex mera lascivia, & hoc nimis frequenter, utpotè diu, nocturne. Item si petens in ipso actu nimiam petulantiam faciat; Si affurcat oris scortorem ex pridiana, vel ferè quotidiana crapula ortum, &c. in quibus circumstantiis Uxor non peccat mortaliter, immò interdum nec venialiter: seculo semper periculo majoris mali.

**CII** *Quid si Uxor sciat, quòd solet edere proles mortuas, teneturne ob hoc abstinere ab usu conjugii?*

*Dico*, quòd non. *Ratio*: Tum quia conjuges utuntur jure suo, & defectus sequitur per accidens: Tum etiam quia melius videitur esse puer, quòd habeat esse, etiam privatus Visione Dei ob culpam originalem, quam quòd omnino non existat: ut colligitur ex S. Augusti lib. 5. *contra Julian.* c. 8.

*Esne licitum negare debitum ex metu nimis multiplicationis prolium? & ob difficultatem sustentationis*

*Dico*: Ordinariè non est licitum seculo multo conjugum juri suo utrique cedentium consensu.

*Ratio*: Tum quia multiplicatio proli est primarius finis Matrimonii. Tum quia proli melius est, ut vivat inops, quam ut omnino non habeat esse. Tum tandem, quia non oportet esse tam modicæ fidei, sed confidere in eum, qui etiam volatilia cæli pascit. Dixi, *Ordinariè*; si enim esset casus, in quo ob novæ proli generationem extrema paupertas immineret parentibus, aut aliis filiis, liceret: sed hic casus inter Christianos est rarissimus, & inauditus.

**QUÆRO IV.** Quæ peccata in usu conjugii possunt committi a conjugibus?

**CIII.** *Resp.* Potissima colliguntur ex his duobus Verbis.

*Sit modus, & finis, sine damno, solve, co-hare,*

*Sit locus, & tempus, tactus, nec spernito vorum.*

*Explicantur suo ordine.* *Sit modus*: Per hanc particulam insinuat, servandum in conjugii usu esse debitum situm, seu naturalem congrediendi modum, nimirum ut vir in - & mulier succumbat. Qui situs, si non servetur, est peccatum. Congressus ille indebito modo fit. 1. Si masculus succumbat scæminæ. 2. Si masculus accedat præpostèrè, seu retrò, in vase tamen naturali. 3. Si fiat sedendo. 4. Si stando. Inordinatus ergo congressus semper est peccatum mortale; quoties inordinatio est tanta, ut sequi nequeat generatio. Quæ etsi sequi possit, at tamen si sine iusta fiat causa, graviter reprehendendi sunt conjuges, committunt enim saltem gravissimum veniale. Immo ratione prævisionis, vel cujusdam gravis circumstantiæ potest esse mortale. Necessitas, vel iusta causa excusans est, si vir propter pinguedinem non possit aliter cum scæmina congressi in vase naturali, quam a retrò. Vel si scæmina sit gravida, & ob id non possit aliter, quam eo modo præpostèrè.

*Finis*: Circa hunc sciendum, quòd inter Propositiones ab Innocentio XI. damnatas sit hæc numero 9. *Opus conjugii ob solam voluptatem exercitum, omni penitus caret culpa, ac defectu veniali.* Debent ergo Conjuges se cognoscere ex motivo iustitiæ, & Religionis, ut dictum est suprâ Exam. 1. Q. 5. n. 7. intendendo hoc saltem virtualiter: quæ intentio, meritò sæpius renovanda, debet ferri in prolem procreandam, & honestè educandam ad Dei gloriam, qui est finis primarius: vel saltem debet intendi remedium concupiscentiæ, qui est finis secundarius. Si proinde finis sit sola delectatio sensualis, licet sitat intrâ limites Ma-



trimonii, seu non feratur ad aliam scēminam, et tunc non sit peccatum mortale, est tamen veniale. Coniux alteri se solum delectanti reddens, non peccat; quia reddit, ad quod tenetur. Quomodo Coniuges sub actu sibi imaginantes aliam personam, sive solutam, sive ligatam, consanguineam, sacram, seu monialem, &c. peccent peccato ejus speciei, cujus est qualitas personæ, aut si se delectent erga se absentes, patet ex dictis suprà Tract. 4. Exam. 2. Q. 19. n. 60.

*Sine damno:* Si enim ex copula carnali, vel inordinato ejus modo, timeatur damnum mulieris, vel proli jam conceptæ, est peccatum, ut patet ex dictis ad Q. 3. R. 3. ad 2. 3. 4. & 5. casum propositum n. 101.

*Solve,* putā, debitum, de cujus reddendi obligatione jam ante dictum est. Quibus addē, Quod saltem ad melius esse debeant coniuges conari, ut simul seminent. Quam ob causam Uxor ad seminandum tardior potest se tactibus ad copulam præparare, ut simul cum viro possit seminare: vel post viri retractionem se tactibus excitare usque dum seminet: quia hi tactus ordinantur ad complendum actum conjugalem. Hoc tamen non licet viro, post retractionem scēminæ se polluenti; & hoc ob rationem oppositam. Immo hæc, & quæcunque inter coniuges pollutio extra vas debitum habet speciem, & malitiam adulterii.

*Ratio:* Quia coniux non servat fidem alteri datam de ejus corpore castè custodiendo.

*CLV. Cohære,* intelligitur de cohærentia, quoad copulam carnalem perfectam, seu usque ad seminationem inclusivè, & sic ejus sensus patet ex mox dictis. Intelligi etiam potest de cohærentia, quoad cohabitationem, & thorum, & in hoc sensu aliqua de hoc dicta sunt in hoc Exam. ad Q. 1. de dimissione Uxoris. His addē 1. quod Vir non teneatur ubique cohære Uxori, hinc si aliò proficiatur statim rediturus, vel nullibi notabilem moram factururus, sed variorum negotiorum causa ad diversa pergat loca, non tenetur secum ducere Uxorem: esset enim hæc magna molestia, & impedimentum in itinere. Votum tamen longæ peregrinationis in præjudicium Uxoris facere non potest. Excipitur votum itinerandi in subdium Terræ Sanctæ, qui casus de facto cessat. Adde 2. quod coniuges teneantur sibi invicem alimenta præstare, id est, Vir tenetur alere Uxorem, idē enim dotem accipit, ut onera Matrimonii sustineat: tenetur, inquam, si Uxor Viro cohabitabit. Si enim discedat ex propria temeritate, seu absque culpa viri, vir non tenetur eam alere: tenetur tamen si discedat ob excessivam castigationem; secus, si sit moderata.

*Sic locus,* nimirum huic actui proportionatus, ut nimirum impris non sit publicus, vel talis, in quo hoc opus ab aliis videri possit, & hoc ad

cavendum scandalum. Item non sit locus sacer, nisi fortè coniuges ex necessitate simul habitent, seu se detineant in Ecclesia. De quo plura vide suprà de Sacrilegio Tract. 10. Exam. 4. Q. 10. R. 3. n. 64.

*Tempus.* Circa hoc est communis sententia, quod conjugibus, qui nocte antedecē se carnaliter cognoverunt, die sequenti sit abstinendum ab Eucharistia sumenda; saltem ex consilio, devotione, ac reverentia: præsertim si relictus sit aliquis affectus ad res venereas, & aliqua mentis divagatio. Limitandum tamen hoc est, nisi iusta causa suadeat eo die Communionem sumere, ut si sit festum valdè solemne, dies Jubilæi, &c. aut si Communio commodè differri nequeat. De hoc plura vide suprà Tract. 12. Exam. 4. Q. 7. n. 40. in die festo, vel in Quadragesima actum conjugii exercere, nullo jure prohibetur.

*CV. Tactus.* Hæc vox insinuat, quod tactus inter coniuges sint mortales, si fiant cum periculo pollutionis extra vas: seculo autem hoc periculo tactus, & oscula a mortali excusantur, non tamen a veniali, si solum fiant ob delectationem, & sine intentione copulæ. Idem est de verbis obscenis, & aspectibus. Si fiant ad præparandum se ad copulam, vel ad fovendum amorem conjugalem, nec venialia sunt; quia tunc adest debitum finis.

*Nec spernit votum;* intelligitur de casu, quo unus coniugum est obstrictus voto simplicis castitatis, qui propter hoc non potest adquatē uti Matrimonio: quia potest quidem reddere, non tamen petere. Jure enim petendi se privavit per votum, quod quia alteri non debet nocere, nec jus ab eo tollere, reddere tenetur.

*CVI. Quomodo se habere debet Confessarius* erga puellam in omni pudicitia educatam, & noviter nuptam, quæ ( ne contra castitatem conjugalem peccet ) consulit Confessarium, quomodo se debeat habere in actu conjugii?

*Dico* cum Gobat præclare hoc explicante: Si puella habeat matrem superflitam, bonis verbis jubeatur potius interrogare illam, quam Confessarium, hoc enim decentius est. Si matre careat, dicatur ei, ut marito obediat, etiam in istis. Qui si fortè petat aliquid, de quo ipsa dubitat, an sit licitum, verecundè deprecetur: si deprecando nihil efficiat, idcirco, quod maritus asserat, se jam nosse quid permittant leges connubiales, tunc obediat, certa se non offensuram Deum, dum in dubio paret marito, tanquam Superiori: proxima deinde occasione quærat ipsa ex Confessario, utrum illud, in quo obdedit conjugii, licitum sit necne; Ad particularia Confessarius non descendat, nisi singulariter interrogetur de illis: interrogatus prudenter respondeat. Poterit prore nata ( ait idem Auctor ) suggeri ta-



li, ut sequatur exemplum nonnullarum, quæ præsertim quando nubunt viduis, his prima vice debitum petentibus dicunt sic: Meum corpus est in tua potestate, quis usus sit licitus, vel illicitus, planè ignoro. rogo te, si utaris, ut possis in die Judicii reddere Deo rationem.

Titulus hujus Examinis comprehendit Quæstionem de *Bigamia*, de qua S.Th. hic q.66. agit. Sed de ea sufficienter actum est suprà Tracl. 14. Exam. 1. Q. 12. n. 29.

**QUÆRO V. & ultimum:** Quid resolvitur de filiis illegitimè natis?

**CVII. Resp. 1.** Illegitimus est, quicumque extra legitimum Matrimonium procreatur. Unde S. D. hic q. 68. ar. 1. in c. ait: Quadruplex status est filiorum; Quidam enim sunt naturales, & legitimi, sicut illi, qui nascuntur ex vero, & legitimo Matrimonio. Quidam naturales, & non legitimi, ut filii, qui nascuntur ex simplici fornicatione. Quidam legitimi, & non naturales, sicut filii adoptivi. Quidam nec legitimi, nec naturales, sicut spurii nati de adulterio, vel de stupro: tales enim nascuntur & contra Legem positivam, & contra Legem naturæ expressè. Hæc ibi. Et ad 2. ait: Illi, qui conveniunt bona fide in facie Ecclesiæ, quamvis sit impedimentum, dum tamen ignorent, non peccant; nec filii sui illegitimi.

Nota, circa hæc, quòd Jure Canonico filii naturales vocentur omnes illi, qui nati sunt ex talibus parentibus, qui tempore conceptionis, vel nativitatibus eorum, nullum habebant impedimentum, quod inter eos irritum potuisset reddere Matrimonium, seu qui sunt nati ex soluto, & soluta ab omni impedimento Matrimonii dirimente. Illi verò, qui sunt nati ex viro conjugato, & femina soluta dicuntur *nobis*, a nota, scilicet ab infamia, quia esse natum ex adulterio hominem valde infamat. Qui sunt nati ex coitu aliqua lege specialiter damnato, v. gr. ex stupro, raptu, sacrilegio, incestu, vel femina conjugata, vocantur *spurii*, quasi spurci, a source incontinentie. Qui sunt nati ex viro soluto, & scorto, seu meretrice, aliæ femina fornicaria, vocantur *manceres*. Quod omnes hi sunt irregulares, & arcantur a suscipiendis ordinibus, dictum est suprà Tracl. 14. Exam. 1. Q. 12. n. 40.

**CVIII. Resp. 2.** Deablatione illegitimitatis S. Thom. art. 3. in c. sic ait: Filius illegitimus potest legitimari, non ut fiat de legitimo coitu natus. quia coitus ille transivit, & nunquam potest fieri legitimus, ex quo semel fuit illegitimus: sed dicitur legitimari, in quantum damna, quæ illegitimus filius incurrit, subtrahuntur per Legis auctoritatem. Ita S. Thomas, qui postea assignat sex modos legitimandi, quatuor secundum jus civile, qui videantur in fonte: duos ex Jure Canonico. *Primus est*,

cum quis in Uxorem ducit illam, ex qua filium illegitimum generavit, si non fuit adulterium, &c. quia sublequens Matrimonium purgat omnes defectus præcedentes, omnem irregularitatem, hereditatis incapacitatem, &c. *Secundus est* per specialem indulgentiam, & dispensationem Domini Papæ, hic enim solus potest legitimare ad jura Ecclesiastica, Ordines, & Beneficia, ad quæ proinde illi, qui dicuntur Comites Palatini, legitimare non possunt, saltem ordinariè, sed solum legitimare ad quædam civilia jura, officia, dignitates, vel hæreditatum successiones, &c. ad quæ Papa non solet legitimare eos, qui subsunt temporali jurisdictioni alterius Principis, sed solum eos, qui subsunt suo temporali imperio. Potest ergo ad ea legitimare pro suo arbitrio quivis Princeps, aut Republica libera suos subditos, etiam in ordine ad successionem hæreditariam Parentum, & Consanguineorum, ac si essent legitimè nati. Verum

Observanda hic bene est illa Regula Juris: *In generali concessione non veniunt ea, quæ quis non esset verisimiliter in specie concessurus*. Unde legitimatus ad prædicta civilia, non eo ipso censetur etiam legitimatus in paterna nobilitate, secundo, primogenitura, &c. nisi id speciatim expressum fuerit. Hinc & Papa, dum quem legitimat ad sacros Ordines, & Beneficia, etiam curata, non eo ipso legitimat ad Episcopatum. Est ergo accurate inspicendus tenor diplomatis, an privilegium legitimandi sit datum non solum ad legitimandos alienos, sed etiam proprios filios, non solum ad naturales, sed etiam ad progenitos ex concubitu damnato, & ad quæ Jura? Habent Religiosi privilegium, quòd, si qui Religionem profiteantur, ipso Jure sint dispensati ad sacros Ordines, non tamen ad dignitates, vel Prælaturas. Quid Juris sit in nostro Ordine Prædicatorio, videre est in nostris Constitutionibus Dist. 1. Cap. 13. Textu 4.

**CIX Tenentur** Parentes dare alimenta suis prolibus illegitimis?

**Dico:** Tenentur ea dare saltem moderata, & congrua ad honestam vitæ sustentationem, quibuscumque suis illegitimè natis, etiam spuris; Ita vult Jus Canonicum, c. cum haberet de eo, qui duxit in matrimonium, quam possit per adulterium. Unde sub hoc intelliguntur viduus, vestitus, habitatio, &c.

**Ratio:** Quia Jus naturæ dicit, ut qui dedit vitam, det etiam vitæ necessaria. Idem docet S. D. ar. 2. in c.

**Succedunt** etiam illegitimi in hæreditate?

**Dico:** Angelicus Doct. hic ar. 2. in c. ait: Filius illegitimus damnum incurrit duplex. Unum, quia non admittitur ad actus legitimos, sicut

ad officia, vel dignitates, quæ requirunt aliquam honestatem in illis, qui hæc exercent. Aliud, quia non succedit in hæreditate paterna, sed tamen naturales filii succedere possunt in sexta parte tantum, spurii autem in nulla parte: quamvis ex iure naturali parentes eis in necessariis providere teneantur. Unde pertinet ad sollicitudinem Episcopi, ut utrumque Parentum cogat ad hoc, quod eis provideant. Hæc ibi. Plura pro horum intelligentia colligi possunt ex dictis supra in propriis locis de donationibus, de hæreditibus, ac successioneibus, &c.

Coronidem ultimo huic Tractatui, & toti huic Operi, seu Tribunali impono ex S. Augustinolib. 1. de adult. conjug. dicente: *Quæstionem*

*de conjugis obscurissimam, & implicatissimam esse, non nescio: nec audeo profiteri, omnes sinus ejus, vel in hoc opere, vel in alio me adhuc explicasse, vel jam posse, si urgear, explicare.* Absit ergo gloriari, me in hoc Confessariis ac Ordinandorum Tribunali omnes Theologiæ moralis sinus penetrasse, vel explicasse: vel id posse, si urgear. Nihilominus, quidquid pro modulo meo dixi, ad majorem Dei gloriam dictum sit. Si forsitan quid præter Ecclesiæ Sanctorum, & Angelici Doctoris genuinum sensum irrepsit, uti illud revocavi in Prologo, ita revoco in Epilogo. Faxit Deus, ut, quando manifestari nos oportuerit ante Tribunal Jesu Christi, finalis Sententia Judicis nos inter & ipsum faciat spirituale Matrimonium sine fine.



## I N D E X I I.

Alphabeticè monstrans res, &amp; verba hujus Tribunalis.

## A

**A** Bbas. Vide Prælati.  
 Abbatisa unde dicta pag. 621.  
 An possit ferre Leges. 168. & seq.  
 An Censuras. 574.  
 An ordinari. 567. & seq.  
 Abbreviatio vitæ. V. Suicidium.  
 Abortus. 357. & seq.  
 Absolutio sub conditione. 557. & seq. V. Re-  
 cidivi. Moribundi. 556. a Reservatis. V.  
 Casus a Censuris. V. Censura.  
 Abstemius. 588.  
 Acceptio Personarum. 347. ac seq. 350.  
 Accessio. 306.  
 Accusatio quid. 367. Quotuplex. 365.  
 Accusator. ibid. Eius peccata. 162.  
 Accusatus. 368. & seq. Eius peccata. 162.  
 Acedia. 144. Eius gravitas. ibid. Eius filiz.  
 144. & seq.  
 Acolythatus. 364.  
 Actus humani. 36.  
 Actus indifferens. 50. & seq.  
 Adjuratio Dei. 401. Dæmonis. ibid. & seq.  
 Adoptio quid, & quotuplex. 460.  
 Adoratio, quid, quotuplex, quibus debeat. 397. & seq.  
 Adventus. V. Jejunium.  
 Advertentia. V. Deliberatio.  
 Adulter quoad debitum. 470. Restitutionem.  
 326. & seq.  
 Adulterium quid. 113. Dirimit Matrimo-  
 nium. 108. Poena ejus. 113.  
 Advocati Scientia, obligatio, Officium. 372. ac  
 seq. Stipendium. 273. Usus Probabilis mi. 31.  
 Eius peccata. 161. Quid si ebrius. 133.  
 Æromantia. 437.  
 Ægyptios consulere. 438.  
 Æquivocatio. 410. V. Restrictio.  
 Ætas ad Beneficia. 350. Jejunium. 135. &  
 seq. Ordines. 622. & seq. Matrimonium. 623.  
 775. Sponsalia. 683. & seq. Votum. 406. &  
 seq.  
 Ætatis defectus quoad irregularitatem. 588.  
 Affinitas. 721. & seq.  
 Alea rum lusus. 248. & 145. V. Lusus.  
 Alleluja. 651.  
 Altare, & ejus apparatus. 644.  
 Alluvio. 307.  
 Ambitio. 105.  
 Amens respectu Legum. 187. Ordinum. 612.  
 Irregularis. 569.  
 Amor ut passio. 60.  
*Tribunal Ordinandorum.*

Amicitiz, & Concupiscentiz. 237. V. Charitas.  
 Et, Dilectio. Intensivè, vel appetitivè  
 major. 237. Amphibologia. 419. V. Re-  
 strictio.  
 Amplexus. 121.  
 Anathema. 577.  
 Angeli Sacramentorum ministri. 469.  
 Annus gratiz in Canonicis. 425.  
 Annus Sanctus. 603. & seq.  
 Anni Pubertatis. 688.  
 Antichristianismus. 216.  
 Antropophagi. 127.  
 Apparitoris peccata. 162.  
 Appellantis peccata. 162.  
 Appellatio ad tribunal Dei. 372. & seq.  
 Appetitus rationalis, & sensitivus. 60.  
 Apostasia quid, & quotuplex. 223. & seq.  
 Absolutio ab illa. 225. & seq. Si a Clericatu.  
 226. & seq.  
 Apostatarum receptio. 225.  
 Approbatio Confessarii, quid, & quotuplex.  
 545. & seq.  
 Aquariorum error. 495.  
 Archiepiscopatus. 672.  
 Ardatus ad Beneficium. 625.  
 Arreptitius. 526. Irregularis. 588.  
 Aristocrata. 62. & 186.  
 Ars notoria. 439.  
 Articulus mortis. 513.  
 Artificum peccata. 165.  
 Artotyritæ.  
 Assassinus, Assassinium. 353.  
 Aspectus obsceni. 197. Conjuges. 735.  
 Astrologia, seu Astromantia. 437. ac seqq.  
 Asylum. V. Jus Asyli.  
 Atheismus. 216.  
 Attentio quid, & quotuplex. 428. & seqq.  
 Attritio. V. Contritio.  
 Avaritia. 198.  
 Audacia ut Passio. 60.  
 Aucupium. 303. ac seqq.  
 Augurium. 438.  
 Auspicium. ibid.  
 Aurum alchymicum. 377.  
 Auxilia sufficientia. 209. & 212.

## B

**B** Albus. 640.  
 Baptismus quid, quando institutus. 477.  
 ac seq. Quotuplex. 486. ac seq. Eius mate-  
 ria, forma, minister. 480. & seqq. Ne-  
 cessitas. 481. & seqq. Subjectum. 482. &  
 seq.

Aaa

feqq. Effectus. 483. Locus, tempus. 484.  
 Patrinus. 486.  
 Banniti. 362.  
 Barbitor in festo. 435.  
 Beati Sacramentorum ministrari. 468. Ea recipientes. 469.  
 Beatitude quid, quæ, quotuplex. 33. ac feqq.  
 Inamissibilis. 101. & feqq.  
 Bellum quid, quotuplex, ejus iustitia. 357. & feqq.  
 Belli Ducis peccata. 163.  
 Benedictio S. Joannis interepulas. 132.  
 Beneficiatorum obligatio ad horas. 425. ac feqq. Eorum Simonia. 445. ac feqq. Alia eorum peccata. 167. & feqq. V. Canonicus.  
 Parochus. Episcopus. Ob Beneficium aratus. 625.  
 Beneficium quid. 625. Manuale. 193. Curatum. 349. V. Cura. Ejus permutatio, resignatio. 446. ac feqq. Eorum pluralitas. 397. & feqq.  
425. incompatibilis. 299.  
 Beneficium competentie. 345.  
 Berruca, seu Capitegium incelebrante. 636.  
 V. Capilli fidei.  
 Bestialitas, quid, quæ ejus poena. 116. Decoitus cum dormone. ibid.  
 Bigamia quid, quotuplex. 386. & feqq.  
 Blasphemia quid, quotuplex. 228. & feqq.  
 Bona castrensis, & similia. 389. & feqq.  
 Bona Clericorum quotuplicia. ibid.  
 Bona inventa cuidanda. 304. & 305. & feqq.  
 Bona dotalia. V. Parapherna.  
 Bona necessaria. V. Superfluum.  
Breviarium. 430. Excusatio ab eo. 431. V. Horæ  
 Canonice.  
 Bullarum Pontif. obligatio. 171. & feqq.  
 Bulla Cœnæ. 336.  
 Bulla Cruciatæ. 607.

## C

**C**alix. 645. & feqq.  
 Cælibatus Clerici. 672. ac feqq.  
 Calumnia. 368.  
 Calliditas. 343.  
 Cambium. 390.  
 Canon Missæ. 653.  
 Canones antiqui circa Pœnit. 603.  
 Canonici sæcularis. 428.  
 Canonissa. ibid. Obligatio ad horas. 427.  
 Canonicorum bona, & dominium. 202. & feqq.  
 Obligatio ad eleemosynam. 147. & feqq. Ad horas. 424. ac feqq. Ad Chorum. 430. & feqq.  
 Si omittant exebrietate. 133. ac feqq. Belantes. 260. Eorum peccata. 167. & feqq. V. Beneficiarius. Et. Clericus.  
 Capilli fidei. 108. V. Berruca.  
 Capitalia vitia. 109.  
 arceris effraçtio. s. Reus,

Cardinalatus. 665. & feqq.  
 Carena. 601.  
 Carnis humanæ efus. 126.  
 Carthusianus quoad carnes. 108.  
 Casus, quid, & quotuplex, quid casuum reservatio. 597. ac feqq.  
 Casus Papales. 596. & feqq. Episcopales. 599.  
 Regulares. 597. Absolutio ab iis. 595. & feqq.  
 Cessatio reservationis, ac potestatis absolventi. 594. & feqq.  
 Castratio ob castit. vel musicam. 357. & feqq.  
 Castratus ad Matrimon. 716. Irregularis. 587.  
 Cataphrygarum error. 495.  
 Caupodetinienses meretrices. 117. Jam tum ebriis dans haurium. 131.  
 Carnes dans jejuniis. 372. Vinum, vel biram, sive cerevisiam adulterans. 323.  
 Cauponum peccata. 165.  
 Causa criminalis, civilis. 14. Pia. 55. 373.  
 Causa per se, per accidens: physica, moralis. 372.  
 Cautio de non offendendo. 40.  
 Celebratio. V. Missa.  
 Censura quid, quotuplex, ejus species. 574. ac feqq. Ejus materia. 575. Absolutio. 579. ac feqq.  
 Censurus quid, & quotuplex. 384. Quinque pro creatum. 385. & feqq.  
 Cessatio a divinis. 585. Interdictum.  
 Cessio bonorum. 345.  
 Character quid, & quotuplex. 464. ac feqq.  
 Charitas, ejus objectum, præceptum. 235. & feqq. Ordo in diligendo. 238. & feqq. V. Amor. Dilectio.  
 Chirographorum emptio. 361. feqq.  
 Chiromantia. 338.  
 Chirurgorum peccata. 165. Obligatio ibid.  
 Et V. Medici obligatio. Usus sententiæ in praxi. 28.  
 Chocolata. 138.  
 Choreæ. 120. ac feqq.  
 Chori obligatio. 429. ac feqq.  
 Christianus quis. 482.  
 Cingaros consulere. 439.  
 Circumstantia quid, quotuplex. 41. & feqq.  
 Quando confutenda. 43. & feqq.  
 Clamor. 143.  
 Clandestinitas. 709. & feqq.  
 Claudus. 587.  
 Claves Ecclesiæ. 4. & feqq.  
 Clausura Monialium quoad egressum. 179.  
 Quoad ingressum. 179. & feqq. 197. Ejus visitatio, & promotio. 182. 183. & feqq.  
 Clericus, & Clericatus quid. Ejus vestitus, & privilegia. 618. ac feqq. Obligatio ad tonsuram, & habitum. 226. & feqq. Ad eleemosynam. 247. Dominium, & Bona  
 295.

295. & seqq. Testamentum. 298. & seqq.  
 Carens animo clericandi. 350. & seqq. Apostata. V. Apostata.  
 Clericus in causa sanguinis. 354. & seqq.  
 Clericis, quæ prohibita. 618. & seqq. Forum peccata. 167. & seqq. V. Beneficiatus. Canonici. Parochus.  
 Codicillus. 314.  
 Cœmeterii violatio. 643.  
 Cœna Domini quoad Missam. 639.  
 Cognatio triplex. 723. & seqq.  
 Collatiuncula. V. Jejunium.  
 Collecta in Missa. 630.  
 Columbaria. 303.  
 Commodatum. 67. & seqq.  
 Communio Paschalis. 511. & seqq. Quotidiana. 513. ac seqq.  
 Commutatio votorum. 409.  
 Comœdix turpes. V. Aspectus.  
 Compensatio. 345. Occulta. ibid.  
 Complicis Confessarius ipse. 46. Ejus nominatio in confessione. 560. ac seqq. 565.  
 Concilium Ecclesiæ. 205. ac seqq.  
 Concionari sole miter. 632.  
 Concionatorum peccata. 167. & seqq.  
 Concubinatus, ejus gravitas, & pœna. 119. 120.  
 Concubinarij absolutio. 119. & seqq. Quid si sit Sacerdos. 120. ac seqq.  
 Concupiscentia quid, quotuplex. 40.  
 Conditio. 696.  
 Conductio. Conductor. 390. & seqq.  
 Confessarius quis. 4. Ejus potestas. ibid. Et 544. Virtutes ejus. 5. Scientia. 6. & seqq. 7. Munus triplex. 8.  
 Confessarius stupidus. 8. Dormitans. 9. Obligatio ad sequalificandum. 7. Ad examen: Quid si sit Zelotypus. 8.  
 Confessarius Probabiliorista. 28. 29. ac seqq.  
 Confessarii Regulares. 545. & seqq. 551. Regularium. 553. ac seqq.  
 Confessarii Monialium virtutes, & approbatio. 547. ac seqq. 552.  
 Confessarium peccata. 167. & seqq.  
 Confessio quid. 540. Ejus materia ibid. & seqq. Præceptum. 541. ac seqq. Minister. 544. ac seqq. Qualitas. 558. Integritas. 559. & seqq. Quoad circumstantias. V. Circumstantia.  
 Confessionale, præsertim respectu mulierum. 9.  
 Confirmatio quid, ejus materia, forma, necessitas. 489. & seqq. Et plura. ibid.  
 Conjugium. V. Matrimonium. Conjuges resuscitati. 465. 707.  
 Conjugum peccata. 166. & 734. & seqq.  
 Conlanguinis. 718. & seqq.  
 Conscientia quid. 10. Quotuplex. 11. & seqq. Dubia, & erronea reformanda. 13. & seqq. 14. & seqq. Scrupulosa. 16. & 17. Probabilis.

19. & seqq. Ejus sequela. 21. 22. & seqq.  
 Confilium ad minus malum. 374. Ad peccatum. 372.  
 Confiliarium silentium. 376.  
 Eorum peccata. 163.  
 Consuetudo, Lex. 188. & seqq.  
 Consuetudo peccandi. 124. & seqq.  
 Consulm peccata. 162.  
 Contemptus formalis. 176. ac seqq.  
 Contentio. 216. ac seqq.  
 Contractus quid, quotuplex. 373. ac seqq. Societatis. 190.  
 Contractus mohatra. 387.  
 Contritio quid, quotuplex. 536. Ejus intensio. 538. Præceptum. 539. & seqq.  
 Contumelia, & Convicium. 429. & seqq.  
 Cooperatio ad damnum. 337. Ad peccatum. 271. ac seqq.  
 Corporale in Missa. 645.  
 Correctio fraterna quid, ejus præceptum, & ordo. 251. ac seqq.  
 Crapula. V. Ebrietas.  
 Credere. V. Fides.  
 Creditores, quotuplices, quo ordine solvendi. 375.  
 Crimen Læsæ Majestatis. 313.  
 Cruces in Missa. 654.  
 Crucis formatio. 482.  
 Crux Christi. 397.  
 Culpa quotuplex. 342. & seqq. Quid Theologica, & civilis. 174.  
 Cultus Sanctorum. V. Dulia.  
 Cura animarum quid. 4.  
 Curator, & ejus peccata. V. tutor.  
 Curiositas. 11.  
 Custodis vinearum, camporum, &c. peccata. 162. Onus restitutionis. 339.

## D

Damna duplicia. 325.  
 Damnificantes varii. 338. ac seqq.  
 Damnum emergens. 391.  
 Dæmon in, vel succubus. V. Bestialitas, ejus invocatio. 436. & seqq.  
 Dæmoniacus. V. Emergenus.  
 Debitum morale, legale. 276.  
 Debitum conjugale. V. Matrimonium.  
 Debita diversa in restitut. 340.  
 Decalogi præcepta. 155. & seqq. Modi contra ea peccandi. ibid.  
 Decimæ. 400. & seqq.  
 Degradatio, ejusque ritus. 583. & seqq.  
 Delectatio ut pallio. 60. Morola. 87. ac seqq.  
 Quæ media ejus. 91. & seqq. Causæ. 93. & seqq.  
 Quid in viduis, sponis, conjugatis. 97. ac seqq.  
 Deliberatio ad peccatum. 89. & 92. Ad votum. 403.

Democratia. 61. 186.  
 Denuntiatio quid, quotuplex. 267. ac seq.  
 Denuntiantis peccata. 162.  
 Depositio. V. Degradatio.  
 Depositum. 392.  
 Derisio. 330. & seq.  
 Desiderium ut passio. 60.  
 Desperatio ut passio. 60. Ut peccatum. 230. & seq.  
 Detractio quid. 329. & seq.  
 Detractio restituens. 330. & seq. 333.  
 Detractorem audiens. 332. & seq.  
 Devotio. 396.  
 Diabolus peccati causa. 97. & seq.  
 Diaconatus. 631. & seq.  
 Diaconus in mortali. 474. & 632.  
 Dignitas in Ecclesia. 670.  
 Dignior ad officia quis. 348. & 350. & seq.  
 Dilectio. V. Amor. Charitas.  
 Dilectio inimicorum. V. Inimicus.  
 Dilectionis signa. 240.  
 Dimissoria, seu Reverendæ. 625. & seq.  
 Discipulorum peccata. 164.  
 Discordia. 113.  
 Dispensatio quid, cui competat. 198. & seq.  
 Causæ dispensandi. 191. In Voto. V. Votum.  
 Disputatio cum hæreticis. 222. Cum Infidelibus. 218.  
 Distributiones quotidianæ Canonicorum. V. Præsentia.  
 Divinatio, ejusque species. 436. & seq.  
 Divortium. 733. ac seq.  
 Doctorum Peccata. 163.  
 Dolus. 342.  
 Dominica dies. 432.  
 Domicilium. 625.  
 Dominium quid, quotuplex. 286. ac seq.  
 Ejus Subjectum. 290. & seq. Objectum. 300. & seq.  
 Dominorum peccata. 166.  
 Dominus vobiscum. 650.  
 Donatio quid, quotuplex. 311. Quis eam possit facere. ibid. Revocabilis. 313. & seq.  
 Ejus quantitas. 312. & seq.  
 Dos, dotalia. 311.  
 Dubium quid 11. 28. & seq. Quotuplex. 13. In melius interpretandum. 284. ac seq.  
 Positivum, negativum, speculativum, practicum. 13. Juris, & facti. Vincibile, invincibile. ibid. Cum dubio operari. 14. & seq. In dubiis tutior pars eligenda. 15. & seq.  
 Dubius in fide. 222.  
 Duellum quid, quotuplex, ejus pœnæ. 263. & seq.  
 Dulia. 397. & 398.

## E

**E** Brietas quid, quando, quantum peccatum. 127. & seq.  
 Ebrius moribundus respectu Eucharistiæ, & sepulturæ. 332.  
 Ecclesia, quid, quotuplex, ejus infallibilitas. 201. & seq.  
 Ecclesiæ violatio. 641. ac seq.  
 Electio dignioris. V. Dignior.  
 Eleemosyna, quid, quotuplex, præceptum ejus. 246. ac seq.  
 Emphyteusis. 287.  
 Emptio, ejusque pretium. 374. & seq.  
 Energumenus quis. 508. Irregularis. 588.  
 Epikœia. 152. 153.  
 Epilepticus. 516. Irregularis, 588.  
 Episcopus. Episcopatus quid. 661. & seq. Officium Episcopi. 663. & seq. Qualitates, & Scientia. 660. & seq. Quæ ex servanda ex Trid. 663. ac seq. Ejus residentia. 668. & seq. Materia, & forma consecrationis ejus. 664. ac seq. Minister. 664. Ætas requisita. 665. Abdicatio. 625. 665. & seq. Bona, & Dominium. 296. & seq. 669. & seq. Obligatio ad eleemosynam. 147. & seq. Electio. 669. & seq. Peccata. 117. Exercens actus in mortali. 670. Bellans. 243. Potestas ferendi Leges. 170.  
 Episcopus Religiosus. 192. 669. V. Clericus.  
 Epistola in Missa. 650.  
 Erronea propositio. 221.  
 Error vincibilis, invincibilis. 11. & seq. Juris, & facti. V. Ignorantia.  
 Error in contractibus. 374. In Confessione. 557. In matrimonio. 714. & seq.  
 Evangelium in Missa. 651.  
 Eucharistiæ quidditas. 492. Unitas. 494. Necessitas. ibid. Institutio. 494. Materia. ibid. & seq. 502. ac seq.  
 Effectus. 505. & seq. Usus. 506. Minister. 515.  
 Eucharistiæ Sacrificium. V. Sacrificium.  
 Evidentia credibilitatis. 198. In attestatæ. 199.  
 Eunuchus. V. Castratus.  
 Eutrapelia. Eutrapelus. 53.  
 Examen Confessoriorum quos obliget, & seq. Ordinandorum. 615. & seq.  
 Examinatoris obligatio. 3.  
 Excommunicatio quid, quotuplex. 576. & seq. Ejus effectus. ibid. Causa. 577. & seq. Subjectum. 578.  
 Excommunicati tolerati. 403.  
 Executores testamenti. 318. ac seq. Eorum peccata. 164.  
 Exhereditatio. 310. & seq.  
 Ex lex. 185. & seq.  
 Exorcismus. V. Adjuratio.  
 Exorcismus. 628.

Extrema-Unctio quid, ejus institutio, Unitas. 696. ac seqq. Materia, forma, Effectus, necessitas, &c. 609. & seqq.

## F

**F** Allacia. 345.

Fama quid sit. 282.

Famulus ægrotus, vel servitium deferens. 390.

Famulorum peccata. V. Servorum.

Forminx incapacitas ad Jurisdictionem spirituales. V. Abbatissa.

Familiaritas ejus perniciofa. 122. & seqq.

Festum quid. 422. & seqq. Celebratio ejus. 433. & seqq. Excusatio ab eo. 434. & seqq. 435.

Fideicommissum. 314.

Fidei iustus. 392.

Fides quid, quodplex. 194. & seqq. Obiectum ejus. 195. ac seqq.

Fides Theologica, & Catholica quid sint. 196.

Fidei necessitas. 207. & seqq. Explicite credenda. 212. & seqq. Externa fidei confessio. 214. Fides publica. V. Fœdus.

Filiorum peccata. 166.

Finis ultimus. 33. & seqq.

Fœdus publicum etiam hosti servandum. 261.

Fœdus animatio. 261.

Feudum. 287.

Fornicatio simplex quid. 111. Jure naturæ prohibita. 112. Ejus poena. ibid.

Fortitudo quid. 116.

Frigiditas. V. Impotentia.

Fructus industriales, & naturales. 336. & seqq.

Fucus, ejusque ulus. 108.

Furiosi, & infani irregulares. 589.

Furtivæ rei restitutio. 331. ac seqq.

Fructuum ejus. 336. & seqq.

Furtum quid. 339. quantitas ejus ad mortale. 360. & seqq.

Furta minuta. 361. & seqq.

Furta Uxorum, filiorum, famulorum; sartorum. 362. & seqq.

Furtum necessitatis. 362.

## G

**G** Abella. V. Tributum.

Gaudere de malo, si liceret. V. Delectatio. Vel de alterius malo. 255.

Gemmæ inventæ ejus sint. 304.

Geomantia. 437.

Gibbosus. 587.

Graduale in Missa. 657.

Gratia facta, vel facienda. 193.

Gratia divina quid, quodplex. Quid habitus, aQualis, gratis data, sacramentalis. 621.

Gratia sufficiens. V. Auxilium.

Gubernatoris peccata. 162.

*Tribunal Ordinandum.*

Gula quid, quale peccatum. 125. Ejus species, & filiz. ibid. & 126.

## H

**H** Abitus clericalis portandus. 226. & seqq. Haruspicium. 438.

Hastiludium. 265.

Hæres quodplex. 316. Ordo hæredum. ibid. Legitima filiorum. 318.

Hæredis peccata. 164.

Hæresis quid, quodplex. 120. & seqq.

Hæretica propositio. 566. Communicatio cum hæreticis. 569. & seqq. Earum Conciones, aut funera adire. 574. Librorum lectio. 219. & seqq. V. Disputatio. Eorum obligatio ad Leges Ecclesiæ. 187. Absolutio ab hæresi. 227. & 225. & seqq. 598.

Hermaphroditus. 587. & 621. Respectu Matrimonii. 227.

Hierarchia Ecclesiæ. 659. ac seqq.

Homicida irregularis. 589. ac seqq. Ejus obligatio ad restitutionem. 335. ac seqq.

Homicidium. 332. & seqq. Proditorium. 353.

Honor quid. 333.

Horæ Canonizæ quid, quot. 422. ac seqq. Eorum locus, & ordo. 423. Omisio. 422. ac seqq. V. Breviarium.

Hospitalarii peccata. 164.

Hydromantia. 437.

Hyperdulia. 397.

Hypocritus, Hypocrita. 106.

Hypotheca quodplex. 340.

## I

**I** Astantia. 106. De alterius inebriatione. 131. seqq. V. Vana gloria.

Idololatria. 436.

Jejunium quid, quodplex. 135. Obligati ad illud, & excusati. 135. & seqq. Causæ excusantes. 136. Quid de pueris. 135. Amen-

tibus. Itinerantibus. ibid. Et 136. Pauperibus. 137. Senibus. ibid. Requisita ad je-

junium. 137. & seqq. Collatio serotina. 139. & seqq. Jejunium feræ. 6. Sabbati, Rogationum. Quatuor Temp. Adventus, Quadagesimæ. 140.

S. Ignatius Confessor Monialium. 10.

Ignorantia quid, quodplex. 40. ac seqq.

Illegitimi qui, quodplex. 734. & seqq. Eorum irregularitas. 588. Legitimitio. 715.

Insistentio. ibid.

Illusio. 330.

Immunitas Ecclesiæ. V. Jus asyli.

Impedimenta Matrim. V. Matrimonium. Imperator, ut Legislator. 169. V. Rex. Princeps.

Impotentia ad Matrimonium. 715. & seqq.

Imprecatio. 421.



Improperium. 330.  
 Inædificatio. 306.  
 Incantatio. 439.  
 Incestus quid, ejus poena. 114.  
 Inceituosus quoad debitum. 734. ac seqq.  
 Indifferentia actus duplex. 50. & seqq.  
 Indignatio. 143.  
 Indulgencia quid. 601. & seqq. Quotuplex. 603. & seqq. Ejus translatio. 608.  
 Indulgent. 1090. vel 10000. annorum quid. 603.  
 Infamare seipsum ex virtute, vel ob tormenta. 334.  
 Infamia. V. Detractio.  
 Infamia accusatrix. 365.  
 Infantes. V. Pueri.  
 Inferni alleviatio. 168.  
 Infidelitas quid, & quotuplex. 215. & seqq.  
 Ejus species. 216. philosphica. 217.  
 Infideles respectu Legum Ecclesie. 187. Communicatio cum illis. 218. & seqq. V. Dilput.  
 Ingenuus quis. 622.  
 Ingratitudo. 516.  
 Inimicorum dilectio. 240. & seqq. Eorum reconciliatio. 241. & seqq. V. Dilectio.  
 Innocentis æterna damnatio. 101. & seqq. Occisio. 356. Probati innocentis. 363. & seqq.  
 Inobedientia. 104.  
 Infidie in bello. 261.  
 Intellectus speculativus, & pract. 59.  
 Intentio quid, quotuplex. 427. & seqq.  
 Interpretativa. 470. Communis, & privata. 469.  
 Interdictum quid, quotuplex, ejus effectus. 584.  
 Interpretatio. 188. V. Epikieja.  
 Interiticia Ordinum. V. Ordo.  
 Introitus Missæ. 650.  
 Invasor. V. Occisio.  
 Invidia quid, quale peccatum. 225.  
 Invulnerabilitas. 440.  
 Ira quid, quantum peccatum, quæ ejus filie. 143. & seqq. Quid ut passio. 60.  
 Irascibilis potentia. 60.  
 Irregularitas quid. 585. Quotuplex. ibid. & seqq. Ejus dispensatio. 591. ac seqq.  
 Irrisio. V. Derisio.  
 Irritatio. Voti. V. Votum.  
 Jubilæum, ejusque Cæremoniæ in Urbe. 604.  
 Judaismus. 216. Communicatio cum Judæis. V. Infideles.  
 Judæi Icarotis Communio. 114.  
 Judex Probabiliorista. 27. Officium ejus. 363.  
 Judicis peccata. 162.  
 Judicium. 287. Ufurpatum. 285. & seqq. Temerarium. 282. & seqq.  
 Juramentum quid. 413. & seqq. Quotuplex. 413. Coactum. 414.  
 Juramentum calumnie. 413. Pagani. 414.  
 Jurisdictio Confessarii. 544. ac seqq. Ejus delegatio. 553.  
 Jus quid, quotuplex. 275. ac seqq.

Jus Gentium, ac naturæ. 276.  
 Jus altum, & bassum. 276.  
 Jus asyli quid sit, ubi, & quibus competat. 351. & seqq. Anapud Eucharistiam in placea. 354.  
 Jus Patronatus. 446. & seqq.  
 Justitia quid, ejus species. 276. ac seqq. 279. 280.  
 Justitia Legalis. 280. ac seqq.

K

K Yrieleyson. 650.

L

L Adicinia. 171.  
 Lampas ante Venerabile. 517.  
 Latria, & Obiectum ejus. 397. & seqq.  
 Læthoultia dimidium. 375. 391.  
 Lectoratus Ordo. 628.  
 Legatarii peccata. 164.  
 Legatum quid. 164. & 314.  
 Legitima filiorum. 327.  
 Legitimatio. 341.  
 Lethargus aliquando peccatum. 118.  
 Lex quid, quotuplex. 146. & 147.  
 Lex pœnalis. 174. & 176. & seqq.  
 Lex æterna. 149. & seqq. Naturalis. 150. & seqq.  
 Legis obligatio quanta. 174. & seqq. 176.  
 Legis Vex. cessatio. 479. & seqq.  
 Libellus famosus. 333.  
 Libertas quid. 81. 82.  
 Libertas conscientie. 217. & seqq.  
 Libri prohibiti. 598.  
 Libri Hæretici, & Infidelium. V. Infideles.  
 Hæresis.  
 Licentia quotuplex. 291.  
 Lignatio. 303. & seqq.  
 Lippus. 587.  
 Litteræ amatorie. 121. & seqq.  
 Locare domos meretricibus. 117. & seqq.  
 Locatio. 289. & seqq.  
 Ludus, & ejus leges. 310. & seqq.  
 Ludere pro precibus. 322. V. Eutrapelia.  
 Alea. Recreatio.  
 Lunaticus quis, an Irregularis. 689. An ligent eum Leges. 187.  
 Lupanaria. V. Meretricium.  
 Luscus. 587.  
 Luxuria quid, quale peccatum. 109. & seqq.  
 Ejus species. 112. & seqq.

M

M Achinatio. 341.  
 Magia. 439.  
 Magi. ibid.  
 Mahumeticismus. 221.  
 Magistrorum peccata. 163.  
 Maledictio. 421.

Ma-

- Malefactores occidere. 332. ac seq.  
Malchicum. 440. Illud tollere. 377. & seq. Malchicum respectu Matrimonii. 726. & seq.  
 Malefonsans propositio. 221.  
 Malicia supplens etatem. 684.  
 Malum minus eligendum. 14.  
 Mammona iniquitatis. 248.  
 Mancipium. V. Servus.  
 Mandatum, & Mandatarius. 39r.  
 Martyrium, etiam infantum, ejus causalitas gratiæ, motivum, & causa martyrii. 485.  
 Matrimonium quoad essentiam. 674. & seq. Inclinationem, & Præceptum. 675. & seq. Polygamiam. 677. ac seq. Usum. 678. Debitum conjugale. 731. ac seq. Ut Sacramentum. 679. & seq. Ejus materia, & forma. 671. Minister. ibid. In Locis acatholicis. 721. & seq. Quoad sponsalia. 683. & seq. Aetas ad illa. 684. Obligatio eorum, 685. Solubilitas. 686.  
 Matrimonium ratum, consummatum. 702. Catholicum cum heretica. 725. Coactum. 671. ac seq. Conditionatum. 696. & seq. Objectionem consensus. 698. & seq. Matrimonium B. V. ibid. Bona Matrimonii. 696. 697. Ejus indissolubilitas. 702. ac seq. Impedimenta in genere. 708. & seq. In specie. 709. & seq. Proclamationes. 721.  
 Medici obligatio. 373.  
 Medicus ebrius. 134. Ejus sententia in praxi. 28.  
 Medicorum peccata. 158.  
 Medium virtutis. 61.  
 Melitenses quoad Horas. V. Ordines militares.  
 Mendacium quid, quotuplex. 416.  
 Mendicitas Religiosa. 242.  
 Mercator pondere fallens. 376.  
 Mercatorum peccata. 164.  
 Mercatura. 378. ac seq.  
 Merces vitioſa. 377. ac seq.  
 Meretrix, meretricium. 117. Quæstusejus. 118. 248. & 309.  
 Meritorum reviviscencia. 535. & seq.  
 Metus quid, quotuplex. 38. & seq. Reverentialis. 39. ab in vel extrinſeco incuſſus. 410. 692.  
 Militis peccata. 162.  
 Mineralia. 304.  
 Mifericordia quid, quot ejus opera. 246.  
 Miſſa ſicca. 641.  
 Miſſa ut Sacrificium. 517. 637. & seq. In die quoties. 682. Binatio Miſſæ. 514. 619. Quando Miſſa dicenda. 639. & seq. Ubi 640. & seq. Requiſita ad celebrationem. 644. Miniſtrans. 645. Qualitas Miſſæ. 645. Votiva. 646. ac seq. Ejus abruptio, vel repetitio. 648. & seq. Rituum explicatio. 650. & seq.  
 Miſſa Cathecumenorum. 652.  
 Miſſa Roſarii in ſeſto. 647.  
 Miſſa mali Sacerdotis. 516. & seq.  
 Miſſa Requiem. 646. & seq. Quid ſi hæc legatur pro amico vivente. 639. Si pro inimico 439. & seq.  
 Miſſæ ſtipendium. 520. ac seq. Plura. V. Sacrificium.  
 Miſſa triplex in Natali Domini. 513. 640.  
 Miſſa quando, ubi audienda. 433. & seq. Excusati. 434. & seq.  
 Miſſarum reductio. 521.  
 Miſſale. 648.  
 Molendinum. Molitor. 307.  
 Mollities. V. Pollutio.  
 Monachus. V. Religioſus.  
 Monarchia. 65. 186.  
 Moniales quoad horas. 427. Quoad Venerabile. 516. Earum liberalitas erga Confeſſarium. 193. Earum Sacellanus. 647. Earum peccata. 168. Clauiſura. V. Clauiſura.  
 Monopolium quid. 379.  
 Mons pietatis. 389. ac seq.  
 Moralitas quid. 48. Quotuplex. 49. & seq. Ejus regulæ, & principia. 48.  
 Morbus caducus, comitialis. V. Epilepticus.  
 Morbundi abſolutio. V. Abſolutio.  
 Motus primò primi, ſecundò primi. 87.  
 Munera amatoria. 120.  
 Munera in judiciis. 380. & seq.  
 Munus a manu, a lingua, ab obſequio. 443.  
 Mutilatio. 355.  
 Mutilatus irregularis. 389.  
 Mutuum, & ejus leges. 379. ac seq. V. Causus. Uſura.

## N

- Necessitas ſpiritualis triplex. 245. Uti & corporalis. 246.  
 Necelsitas mediæ, & præcepti. 207.  
 Necromantia. 437.  
 Negotiatio. V. Mercatura. Merces.  
 Neophytus irregularis. 185.  
 Neutralitas. 55.  
 Nobiles Canonici. 350.  
 Nobilitas vera. ibid.  
 Notarius Episcopii quoad dimiſſorias, & ſimilia. 443. & seq.  
 Notariorum peccata. 161.  
 Novitiatum inventio. 107.  
 Novitius. 555. egrediens. 552. Renuntians, vel ultimò, circa bona diſponens. ibid. ac seq.  
 Nuptiæ. 709. & seq. V. Matrimonium, Sponsalia.

## O

- Oblatio. 398.  
 Obligatio civilis, & naturalis. 192.  
 Obſervatio fanitatum, vel eventuum. 48r.  
 Obſetrix. 744. V. Sacerdos.  
 Occaſio peccandi. 121. & seq.

Occi-

Occisio invaloris. 558. & seq. V. Innocens.  
 Oculscanonicus. 587. fictitius. 567. Lippus,  
 Lufcus. ibid.  
 Odium Dei, & Proximi. 253. ac seq.  
 Oeconomica Prudentia. 61.  
 Offertorium in Missa. 652.  
 Officiorum venditio. 352.  
 Olla fortunæ. 387.  
 Omen. 438.  
 Omisionis peccatum. 79. & seq. 95.  
 Opera servilia. 434. Manualia, quæ. 249.  
 Opera alligata diei. 569.  
 Opificum peccata. 165.  
 Opinio quid. 19. Probabilis. V. Sententia.  
 Optare sibi, vel alteri mortem, vel aliud ma-  
 lum. 255. & seq.  
 Oratio. 397.  
 Ordinaris quis. 544.  
 Ordines militares quoad horas. 425.  
 Ordo in Ecclesia, quid, quotuplex. 618. &  
 seq. Materia, forma, effectus, subjectum.  
 620. & seq. Minister. 624. ac seq. Minores.  
 627. & seq.  
 Ordinationum tempora, interstitia, locus.  
 625. ac seq.  
 Ordinatus a Papa. 626.  
 Organista quoad horas. 431.  
 Ornatus vestium. 107.  
 Oscula. 120. ac seq.  
 Ostiarius Ordo. 627.

## P

**P**actum cum Dæmone. V. Dæmonis invo-  
 catio. Invulnerabilitas. Maleficium.  
 Pactum Legis commissoriæ. 384.  
 Paganismus. 216.  
 Paganus jurans. V. Juramentum.  
 Palla. 645.  
 Papa Legislator. 169. & seq. Ejus infallibili-  
 tas. 202. ac seqq. Superioritas super Concil.  
 ib. Quid possit in voto solemn. 411. & seq.  
 Papa loquens ex Cathedra. 200. Simoniacus.  
 447. Quid si hæreticus. 204. & seq. a mor-  
 tuis resuscitatus. 468.  
 Papæ electio. 670. & seq. Confessarius. 545.  
 Papatus cuius Juris. 669. & seqq.  
 Parapherna. 311.  
 Parentum peccata. 166. & seq.  
 Paraceve quoad Communionem. 514. Quoad  
 Missam, an audienda. 519. 639.  
 Parochus quoad horas. 425. Sacellanus ejus.  
 ibid.  
 Parochus quoad Missam. 427. Quoad matrimo-  
 nium. 727. & seq. V. Clericus. Canonicus.  
 Parochus tempore Pestis. V. Pestis.  
 Parochorum peccata. 167. & seq.  
 Passio quid. 60. Variæ Passiones. ibid. & in

seq.  
 Passio animalium. 303. & seq.  
 Patriarchatus quid. 671.  
 Patrimi. 484.  
 Paupertas religiosa. 290. & seq. 294. Ejus vio-  
 latio. 290. & seq.  
 Paupertas Franciscana. 288. & seq.  
 Peccatum. 68. Varia ejus divisio. 68. & seqq.  
 Constitutum formale. 69. & seq. Species;  
 & specificæ distinctio. 96. & seqq.  
 Pluralitas ejus numerica. 80. & sequentibus.  
 Essentialis, & primaria gravitas. 81. & seq.  
 Agravatio ex quo. 81. & seq. Subjectum.  
 86. & seq. Regularæ distinguendi mortale,  
 & veniale. 98. Effectus peccati. 100. & se-  
 quentibus.  
 Peccatorum reductus. 533. & seq.  
 Peccatum in Spiritum Sanctum. 145. & se-  
 quentibus.  
 Peccata contra Decalogum. 155. & seq. Va-  
 riorum flatuum. 159. & seq.  
 Peculium quotuplex. 289. & seq.  
 Pensio ex Beneficio. 446.  
 Peputianorum error. 495.  
 Percussio Clerici. 597. & seq.  
 Peregrini quoad leges. 186. & seq. Quoad fe-  
 stum. 436. Matrim. 728. Reservationem ca-  
 suum. 593. & seq.  
 Peregrinus intellectus. 305.  
 Periculum peccandi. 121 & seq.  
 Perjurium. 412. Nunquam veniale. 410.  
 Personatus in Ecclesia quid. 671.  
 Pertinacia. 107.  
 Pestis tempore Sacramentorum ministri. 613.  
 & seq. Religiosi. 614.  
 Pestis remedia. 613. & seq.  
 Pharmacopolarum peccata. 165.  
 Philtrum. 447.  
 Phreneticus irregularis. 589.  
 Physiognomia. 438.  
 Pignus. 340. & 390.  
 Pingere an opus servile. 434.  
 Piscatio. 302. ac seq. In die festo. 435.  
 Plebiscita. 106.  
 Podagrici. 133.  
 Polemia Prudentia. 61.  
 Polonorum confura. 412.  
 Pœnæ benignius Interpretandæ. 14. & 425.  
 Pœnitentia, ut Sacramentum, ejus institutio,  
 partes, materia. 495. & seq. Forma 524. &  
 seq. Necessitas. 525. & seq.  
 Pœnitentia, ut virtus, ejus objectum, definitio,  
 subjectum. 526. & seqq. Effectus. 528.  
 ac seqq.  
 Polygamia. V. Matrimonium.  
 Politica. Politicus. 55.  
 Politica Prudentia. 262.  
 Pollutio. 115. & seq.  
 Porta sancta Romæ. 604. & seqq.

Portio canonica funeralis. 400.  
 Possessio. 288. & seq. Ejus apprehensio. 288. Melior ejus conditio. 14. & seqq.  
 Possibilitas speculativa, & practica. 242.  
 Postliminium. 259.  
 Potestas clavium. V. Claves.  
 Præceptum quid, quotuplex. 147. & seqq.  
 Prædium urbanum. 288.  
 Præfectorum peccata. 162.  
 Prælati Regularis quoad correctionem. 251. & seqq. Quoad paupertatem. 292. & sequent.  
 Prælatorum peccata. 168. & seq. V. Episcopus Clericus.  
 Presbyteratus, ejus potestas, materia, forma, &c. 635. ac seqq.  
 Præscriptio. 307. ac seqq.  
 Præligium. 437.  
 Præsentia Canonorum. 134. 430.  
 Præsumptio filia superbiæ. 104.  
 Peccatum in Spiritum Sanctum. 234. & seq.  
 Prævaricatio. 369.  
 Precarium. 392.  
 Pretium quotuplex. 374. & seqq.  
 Primas, Primatus. 671.  
 Primitiæ. 672.  
 Princeps Probabiliorista. 259. & seqq.  
 Principium peccata. 159.  
 Privilegium quid, quotuplex, ejus requisita. 192. ac seqq.  
 Privilegiorum communicatio. 193. & seq. Interpretatio. 201.  
 Privilegia Clericatus. V. Clericus.  
 Probatio ferri candentis. 439.  
 Probabile quid, quotupliciter.  
 Probabilitatis usus. V. Sententia.  
 Probatio semiplena. 368.  
 Plena. 371.  
 Proclamationes Matrimonii. 732.  
 Procurator, ejusque peccata. V. Advocatus.  
 Professio. V. Votum solemne.  
 Professoris peccata. 163.  
 Proles expositæ. 329. & 388. & seq.  
 Promissio. 309. & seqq. Interna 310. & seq.  
 Promulgatio Legis. 171.  
 Propositum. 402.  
 Proprietarius Religiosus. 293.  
 Proximus quis. 237.  
 Prudentia quid, quotuplex. 61. & 62.  
 Psalmistatus. 619.  
 Pueri quoad Missam. 433. Communionem. 511. Confessionem. ibid. & 542. Ordines. 567.  
 Leges. 187. Conversionem in primo rationis instanti. 209. & seqq.  
 Puerorum peccata. 166. Eorum pœna in Limbo. 101.  
 Pulvis sympathicus. 439.  
 Pyromantia. 437.  
 Pythones. Ibid.

Q

Quadragesima. 603.  
 Quadragesima. 147.  
 Quantitas in furto. 350. ac seqq.  
 Quod vult Deus, qualis Sanctus. 36.

R

Rapina. 159.  
 Raptus quid, & ejus pœna. 174.  
 Respectu matrimonii. 719.  
 Raubabitio. 553.  
 Recidivi, seu relapsi. 557. & seqq.  
 Reclamatio contra Professionem. 39.  
 Recreatio necessaria. 48. ac seq.  
 Regimen politicum, delpoticum. 61. Monarchicum. 62.  
 Regula fidei. 210.  
 Regulae morum. V. Moralitas.  
 Religio ut virtus, ejusque objectum. 393. & seqq. Actus. 197. ac seqq.  
 Religiosis ingressus simoniacus. 444. & sequent.  
 Religiosorum dominium. 290. & seqq. Approbatio ad confessiones. 545. & seqq. Quoad horas. 425. ac seqq. Quoad Chorum. 428. ac seqq.  
 Religiosus Beneficiatus. 293. ac seqq.  
 Religiosus redivivus a morte. 707. & seqq.  
 Apostata. V. Apostasia.  
 Religiosi novitii. 319. Quoad horas. 426. V. Novitius.  
 Religiosi conversi, seu Laici quoad horas. 427.  
 Religiosorum peccata. 168. & seq.  
 Renegatus quis. 217.  
 Reprehensio. 262.  
 Reservatio casuum. V. Casus.  
 Residentia Episcoporum. 668. & seqq.  
 Resignatio beneficiorum. V. Beneficium.  
 Restitutio quid. Ejus necessitas, & radix. 323.  
 Ejus modus in damno naturali, supernaturali, spirituali. 324. ac seqq. In honore, & fama. 330. ac seqq. 333. ac seqq. In bonis fortunæ. 334. & seqq. In re futura. 377. & seqq. Ordo inter obligatos restituere. 338.  
 Cui restituendum. 389. Ordo Creditorum quibus. 334.  
 Restitutio per Confessarium. 338. Causæ excusantes a restitutione. 343. ac seqq.  
 Restitutio in integrum. 308.  
 Restrictio mentalis quid, quotuplex, ejus usus. 505. ac seqq.  
 Revelatio privata, publica, formalis, virtualis. 196. ac seqq.  
 Reverendæ. V. Dimissoriæ. 370.  
 Reus ad torturam. 369. Ejus fuga. 370. & seqq.

seqq. Obligatio ad satendum . 368. & seqq.  
 Reo favendum magis, quam actori . 14.  
 Reus confugiens ad immunitatem . V. Jusasyl-  
 li. Peccata Rei . 162.  
 Rex . V. Imperator, Princeps, Regum pec-  
 cata . 159.  
 Rixa . 266.  
 Rogationes, quoad jejunium . 141.  
 Rudis homo quoad probabiliorem . 19.  
 & seq.  
 Rusticus amans nobilitatis . 104.

## S

**S** Abbati arrogatio . 378.  
 Sabbatum Sanctum quoad Missam . 639.  
 Sacellanus . V. Parochus.  
 Sacerdos, obliatrix . 245. Epilepticus, lepro-  
 sus, obessus . 516. & 588. Communicans  
 seipsum . 515. Quoties teneatur celebra-  
 re . 516. & seq.  
 Sacerdotis mali Missa . 516. & seq.  
 Sacerdotum peccata . 167. & seq.  
 Sacerdotium . V. Presbyteratus.  
 Sacramentum quid . 450. ac seqq. Partes ejus  
 essentielles, & duplex materia . 451. & 452.  
 Mutatio invalidans . 453. & seqq. Causa-  
 litas eorum respectu gratiæ . 456. Ex ope-  
 re operato . Ibid. Et 455. Dispositio re-  
 cipientis . 462. & seqq. Intentio ejus . 120.  
 & seqq.  
 Sacramentorum Auditor, & effectus . 466. ac  
 seqq. Minister . 468. & seqq. Ejus intentio .  
 469. & seqq. Dispositio . 476. & seqq. Mi-  
 nister malus . 474. & seqq.  
 Sacramentorum numerus, Ordo, dignitas .  
 476. & seqq. Necessitas . 477. Differentiæ .  
 478. Res Sacramenti . Ibid.  
 Sacramentum vivorum, mortuorum . 465.  
 Consistens in usu . 477. Informæ . Ibid. Et  
 558. & seqq.  
 Sacramentalia, & eorum causalitas . 531. &  
 seqq.  
 Sacrificium in genere quid . 182. In Missa .  
 517. Ejus essentia . 518. & seqq. Valor .  
 519. & seqq. Stipendium . 520. Applica-  
 tio . Ibid. & seqq. Effectus . 521. & seqq.  
 Plura . V. Missa.  
 Sacrilegium quid, quotuplex . 421. & seqq.  
 Ut species Luxuriæ . 114.  
 Sagarum transportatio . 441.  
 Sanctitas legalis . 451.  
 Sanctorum cultus . V. Dulia.  
 Sanguis Christi . 398. & seq.  
 Sanguinis humani potus . 479.  
 Sartorum furta . V. Furtum.  
 Satisfactio quid, quotuplex . 566. & seqq.

Ejus causalitas, obligatio, qualitas, obli-  
 vio, &c. Ibid. Suo ordine.  
 Satisfactiones antiquorum Canonum . 603.  
 Scandalum quid, quotuplex . 266. ac seqq.  
 Scandalosa propositio . 221.  
 Schisma . Schismaticus . 227. & seqq.  
 Scholasticorum peccata . 164.  
 Scribarum peccata . V. Notarius.  
 Scrupulus quid, quotuplex . 16. Ejus causæ,  
 effectus, signa . 18. Remedia.  
 Secretum naturale . 562.  
 Seditio . 265. & seq.  
 Senatorum peccata . 162.  
 Senatus . Consulta . 188.  
 Senes respectu jejunii . 191. Respectu matri-  
 monii . 726.  
 Sententia probabilis, ejusque usus . 19. 21. &  
 22. 23. & seqq. Minus tuta, tutior, proba-  
 bilior quid . 21.  
 Septena . 556.  
 Sepultura an vendibilis . 444.  
 Sequester . 391.  
 Servitus . 286. Triplex . 434. Respectu ma-  
 trimonii . 715. & seq.  
 Servitus irregularis . 612.  
 Servilia opera . 588.  
 Servorum peccata . 166.  
 Sigillum confessionis . 561. Ejus materia . 564.  
 & seqq. Quos liget . 564. & seqq.  
 Simonia quid, quotuplex . 441. ac seq. Ejus  
 materia, & pretium . 444.  
 Simonia in actibus supernaturalibus, in colla-  
 tione Ordinum in ingressu Religionis, in  
 Beneficiis, in permutandis, resignandis .  
 In electionibus . In jure Patronatus . In Ma-  
 trimonio, Decimis, Professura, aliisque  
 officiis . Ibid. suo ordine.  
 Simoniacorum onus restituendi, & pœnæ .  
 447. & seqq.  
 Sodomia quid, ejusque pœna . 116. &  
 seqq.  
 Sollicitatio in confessione . 45. & 46.  
 Somniorum divinatio . 437.  
 Sors . Sortilegium . 438.  
 Spes, ut passio . 60.  
 Spes Theologica . 229. Ejus objectum . Ibid.  
 & seqq.  
 Subiectum . 230. Præceptum . 237.  
 Spolia in bello . 259. & 261.  
 Sponsalia . V. Matrimonium.  
 Sponsorum turpitudines . 122. Varia eorum  
 peccata . 166.  
 Sponsio . 320. & seqq. 322. & seq.  
 Sportulæ . 380. & seqq.  
 Spurius . 735.  
 Stationes Romæ . 604.  
 Status diversi naturæ humanæ . 454.  
 Stuprum quid . 114. Ejus pœna . Ibid.  
 Stuprator restituens . 327. ac seq.

Sub-

Subdiaconatus. 630. ac seqq.  
 Subdiaconus in mortali. 474.  
 Subditus Probabiliorista. 30.  
 Subditus Episcopi 4. modis. 625. Judicis totidem modis. 363.  
 Sublannatio. 330.  
 Suicidium. 354. & seqq.  
 Superbia quid. 103. Quantum peccatum. 104.  
 Ejus species, gradus, filiae. 105. & seqq.  
 Superficies. 297.  
 Superior. V. Prælati.  
 Superfluum quid, quotuplex. 246.  
 Superpelliceum. 618.  
 Superstitio quid, quotuplex. 437. ac seqq.  
 Sulpensio; ejus causa, & absolutio. 582. & seqq.  
 Suspensiones a Jure quæ. 583. & seqq.  
 Suspecta propositio quæ. 221.  
 Suspicio temeraria. 282. & 283. & seqq.  
 Sufurratio. Sufurro. 330.  
 Symbolum quid, quotuplex. 200.  
 Symbolum in Missa. 652.  
 Synderesis. 11.

## T

**T**Abellionum peccata. V. Notarius.  
 Taciturnitas duplex. 292.  
 Tactus. 120. ac seqq.  
 Taurorum agitatio. 166.  
 Taxilli. V. Alex.  
 Telonearii peccata. 162.  
 Temeraria propositio. 210.  
 Temperantia. 61.  
 Tentatio Dei. 440. & seqq.  
 Tergiversatio. 368.  
 Tertiarii. 406. & seqq.  
 Testamentum quid, & quotuplex. 314. ac seqq.  
 Eius executores. 319. ac seqq.  
 Testatorum, & Testamentariorum peccata. 155. & seqq.  
 Testis. 371. & seqq. Omni exceptione major. 472.  
 Testis peccata. 162.  
 Teutonicus. V. Ordines Militares.  
 Theologus hæreticus. 215. Simoniacus. 447.  
 Thesaurus quid. 339. Inventus. ibid.  
 Thurificatio. 652.  
 Timor ut passio. 60.  
 Timor quotuplex, & objectum ejus. 230.  
 Titulus. 285. Coloratus. 287. In Confessario. 554.  
 Titulus Ordinum. 623. ac seqq.  
 Tonfura prima, & requisita ad eam. 616. ac seqq.  
 Torneamenta. 265.  
 Tractus in Missa. 657.

Traditiones, earum auctoritas. 105. & sequentibus.  
 Transactio. 390.  
 Transubstantiatio. 500.  
 Tributi justitia. 184. & seqq.  
 Tributum ex meretricio. 117.  
 Tristitia ut passio. 60.  
 Tumor mentis. 143.  
 Turpe lucrum. V. Meretrix.  
 Tutela inculcata. 358.  
 Tutoris peccata. 164.  
 Tyrannus. 286. Ejus occisio. 352.

## V

**V**Agiqui, quæ eorum obligatio. V. Pergrini.  
 Valor. V. Pretium.  
 Vanagloria. 105. Ejus filiae. 106. V. Jactantia, Martyrium ex vanagloria. 106.  
 Vana observantia, & species ejus. 440. & seqq.  
 Vassallus. 287.  
 Vestigalia. V. Tributum.  
 Velum Monialium quid, quotuplex, quibus possit dari. 119. & seqq.  
 Venatio quid, quorum animalium, quibus, quando liceat. 302. & seqq.  
 Venæ metallicæ. 304.  
 Venditio, & ejus pretium. 374. & sequentibus.  
 Veneficium. 440. V. Maleficium.  
 Verecundia in confessione. 560. & sequentibus.  
 Vestes. V. Ornatus.  
 Vidua. V. Delectatio morosa.  
 Viduarum peccata. 166.  
 Vini usus. 125.  
 Violentia. 38.  
 Virginitas proformali. 110.  
 Virgo sacra unde. 611.  
 Virginum consecratio. 211. & seqq.  
 Virgo oppressa. Ibid.  
 Virtus quid. 58. & 59. Ejus subiectum. 65. & seqq. Divisio. 61. & seqq. Proprietates. 62. & seqq.  
 Virtus in medio. Ibid.  
 Virtus Cardinalis. 60. Heroica. 61. Architectonica. 281.  
 Visitatio amatorum Rusticorum. 120.  
 Vitium quid. 67. Contra naturam, ejusque species. 115. & seqq. 117.  
 Vitium in mercibus. 377.  
 Voluntarium quid, quotuplex. 36. & sequentibus.  
 Votum quid, quotuplex. 402. ac sequentibus. Obligatio ejus. 455. & seqq. Materia. 404. & seqq. Irritatio. Dispenlatio. Inter-

interpretatio. Commutatio. Ibid.

Vota reservata. 409.

Voti solemnitis indispensabilitas. 411. & sequentibus.

Vota communitatum. 403.

Usura quid; quotuplex. 379. & seq.

Usurarium poenæ. 389. V. Censuræ. Mutuum.

Usucapio. 307. ac seqq.

Usuconsumptibilia. 379.

Usus, & Ususfructus. 287.

Usuratio quid, quando. 208.

Uxor quoad dominium. 290. Quoad electiones. 248. Quoad alias donationes. 311. ac seqq.

Uxorcidium. 724.

F I N I S.



